



☆ EX LIBRIS REV. E. GIBOU. ☆

COLLEGIUM

SALMANTICENSIS

CARMELITARUM

DISCALCEATORUM

CURSUS THEOLOGICUS


~~~~~  
ANICH. — EX TYPIS MARCHESSOU FILIORUM  
~~~~~  
•

COLLEGIUM
SALMANTICENSIS

FR. DISCALCEATORUM

B. MARIE DE MONTE CARMELI

Primitivæ Observantiæ

CURSUS THEOLOGICUS

Juxta miram Divi Thomæ præceptoris Angelici doctrinam.

TOMUS VIGESIMUS

CONTINENS PARTEM POSTERIOREM TRACTATUS XXIV
DE PŒNITENTIA.

ILLUSTRIS, ac REVERENDISS. IN CHRISTO PATRI D. D.

CAROLO AMABILI DE LA TOUR - d'AUVERGNE - LAURAGUAIS

ARCHIEPISCOPO BITURICENSI

DICATUS

EDITIO NOVA, CORRECTA



EX SOCIETATE GENERALI LIBRARIÆ CATHOLICÆ
PARISIIS

VICTOR PALMÉ, RECTOR GENERALIS

76, via Sanctorum Patrum, 76

BRUXELLIS
APUD J. ALBANEL

SUCCURSALIS RECTOREM

12, via Parochianorum, 12

GENEVÆ
APUD HENRICUM TREMBLEY

SUCCURSALIS RECTOREM

4, via vulgo dicta *Corraterie*, 4

1883

NOV 6 - 1931

THE INSTITUTE OF MEDICAL STUDIES
15 ELMDALE PLACE
TORONTO 5, CANADA.

NOV 6 - 1931

1098

INDEX TRACTATUS

QUÆSTIONUM, DISPUTATIONUM ET DUBIORUM

QUE IN HOC TOMO VIGESIMO
CURSUS THEOLOGICI SALMANTICENSIS CONTINENTUR.

TRACTATUS XXIV

PARS POSTERIOR

DE PŒNITENTIA UT SACRAMENTO.

Proœmium. 1

QUÆSTIO XC.

De partibus Pœnitentiæ in generali, in
quatuor Articulos divisa. 2

Art. 1. Utrum Pœnitentiæ debeant
partes assignari. ib.

Art. 2. Utrum convenienter assignen-
tur partes Pœnitentiæ, contritio, confes-
sio, et satisfactio. 5

Art. 3. Utrum prædicta tria sint par-
tes integrales Pœnitentiæ. 9

Art. 4. Utrum convenienter dividatur
Pœnitentia in Pœnitentiam ante baptis-
mum, Pœnitentiam mortalium, et Pœni-
tentiam venialium. 11

Disputatio VII.

De Contritione. 15

Dub. 1. Quas condiciones debeat habere
peccatorum dolor, ut sit pars sacramenti
pœnitentiæ, et dispositio ad ejus effec-
tum. ib.

§ 1. Præmittuntur aliqua notabilia, et
proprius dubii status assignatur. ib.

§ 2. Proponitur prima conclusio dubio
ex parte respondens. 23

Salmant. Curs. Theolog. tom. XX

§ 3. Alia assertio resolvens aliam du-
bii difficultatem. 35

§ 4. Ultima conclusio pro perfecta du-
bii decisione. 44

§ 5. Refertur hæresis contra primam
conclusionem. 48

§ 6. Aliquorum Catholicorum sententia
contra eandem assertionem. 57

§ 7. Aliæ referuntur sententiæ contra
conclusionem secundam. 77

§ 8. Corollaria præcedentis doctrinæ. 83

Dub. 2. Quam intensionem, et exten-
sionem debeat habere dolor pro sacra-
mento pœnitentiæ requisitus. 92

§ 1. Expeditur difficultas quantum ad
intensionem doloris. ib.

§ 2. Resolvitur alia dubii pars ad do-
loris extensionem spectans. 100

§ 3. Unicum contra præcedentem as-
sertionem argumentum, et ejus occasione
incidentis dubii decisio. 105

Dub. 3. Quæ sit materia doloris per-
tinentis ad sacramentum pœnitentiæ. 111

§ 1. Proponitur communis sententia, et
ab aliquibus objectionibus vindicatur. ib.

§ 2. Alia contra eandem assertionem
objiciuntur, et dissolvuntur. 120

Dub. 4. Utrum dolor, ut sit pars sacra-
menti pœnitentiæ, debeat præcedere con-
fessionem. 126

§ 1. Præfertur pars affirmativa. ib.

Dub. 5. Utrum idem doloris actus possit
distinctis confessionibus deservire. 135

§ 1. Aliqua prælibantur, et supponuntur. ib.

§ 2. Duabus assertionibus expeditur difficultas. 138

§ 3. Satisfit motivis adversantium opinionum. 144

Dub. 6. Appendix. De specialibus difficultatibus circa dolorem, et propositum in confessione venialium. 147

§ 1. ib.

§ 2. Quæstiunculæ circa dolorem pro confessione venialium, et earum decisio. 153

§ 3. Alia dubiola circa propositum requisitum pro confessione venialium. 162

Disputatio VIII.

De Confessione sacramentali. 171

Dub. 1. Utrum confessio sacramentalis cadat sub præcepto divino? 172

§ 1. Assertio, et propugnatio catholicæ veritatis. 173

§ 2. Refertur hæresis contraria, et evertuntur ejus motiva. 183

Dub. 2. An, et qua ratione confessio sacramentalis cadat sub præcepto ecclesiastico. 195

§ 1. Resolutio dubii tribus assertionibus explicatur. ib.

§ 2. Recensentur sententiæ præmissis assertionibus oppositæ. 205

§ 3. Ad quas personas extendatur Ecclesiasticum confessionis præceptum. 213

§ 4. Qua anni parte urgeat hoc præceptum, et qualiter annus pro illo computari debeat. 223

§ 5. Conditiones annuæ confessionis, ut per eam satisfiat Ecclesiæ præcepto. 231

§ 6. De causis excusantibus a præcepto annuæ confessionis. 244

Dub. 3. Utrum in confessione explicari debeant omnia peccata quantum ad species, numerum, et circumstantias mutantes speciem? 249

§ 1. Veritas catholica in genere asserta. ib.

§ 2. Quomodo explicanda peccata distincta quoad speciem? 253

§ 3. Qualiter recensendus numerus peccatorum in singulis speciebus? 256

§ 4. Ratio distinguendi circumstantias mutantes speciem, et illas confitendi. 262

Dub. 4. An circumstantiæ notabiliter aggravantes intra eadem speciem sint necessario explicandæ in confessione? 266

§ 1. Præfertur sententia negans. 267

§ 2. Respondetur motivis contrariæ opinionis. 275

Dub. 5. Quæ circumstantiæ in particulari in confessione explicari debeant. 290

§ 1. De circumstantia Quis. 291

§ 2. De circumstantia Quid. 312

§ 3. De circumstantia Ubi. 327

§ 4. De circumstantia Quibus auxiliis. 336

§ 5. De circumstantia Cur. 340

§ 6. De circumstantia Quomodo. 343

§ 7. De circumstantia Quando. 348

Dub. 6. An peccata mortalia dubia necessario in confessione explicanda? 352

§ 1. Aperitur proprius hujus quæstionis status. ib.

§ 2. Communis sententia diversis motivis suadetur. 359

§ 3. Convelluntur fundamenta sententiæ oppositæ. 370

§ 4. Quæstiunculæ appendices, et earum resolutio. 376

Dub. 7. Quæ integritas in confessione sacramentali servari debeat? 385

§ 1. Proponitur communis resolutio, et obvii ex ea casus deciduntur. ib.

§ 2. Specialis difficultas circa manifestationem complicitis in peccato. 395

§ 3. Alia dubia pro integritate servanda in confessione moribundorum. 402

§ 4. Continuatur eadem materia. 414

Dub. 8. An pœnitens debeat explicare, quod peccata, quæ confitetur fuerit, aut non aliquando confessus? 424

§ 1. Propositæ difficultatis decisio aliquibus assertionibus explicatur. id.

§ 2. Refertur sententia contraria. 429

Dub. 9. Utrum confessio facta ex fine venialiter malo sit invalida? 433

§ Unicus. Resolvitur difficultas duabus assertionibus, et refertur opinio contraria. 434

Dub. 10. An, et quale conscientie circa peccata examen debeat confessioni præmitti. 437

§ Unicus. Communis doctrina proponitur, et declaratur. ib.

Dub. 11. An possit dari confessio informis, et valida, et in quibus casibus. 441

§ 1. Statuitur prima conclusio. ib.

§ 2. Referuntur, et refelluntur diversi modi dicendi. 449

§ 3. Statuitur secunda conclusio, in qua primus casus informis, et validæ confessionis proponitur, et firmatur. 464

§ 4. Sententia primæ assertioni adversa. 467

§ 5. Adversariorum argumenta proponuntur et enervantur. 470

§ 6. Digressio vindicativa doctrinæ traditæ tract. 18, disput. 4, dub. 3, ab impugnatione Mag. Ponce. 476

Dub. 12. An possit dari confessio valida, et informis ex negligentia graviter culpabili circa examen conscientiae. 481

§ 1. Titulus dubii exponitur, et aliqua pro illius intelligentia prænotantur. 482

§ 2. Duplex assertio statuitur. 484

§ 3. Tertia assertio proponitur, et firmatur. 487

§ 4. Adversariorum argumenta proponuntur, et enodantur. 493

Dub. 13. An sexdecim tantum assignentur confessionis condiciones? 501

§ 1. Resolvitur difficultas. ib.

§ 2. Sexdecim confessionis condiciones exponuntur. 502

Disputatio IX.

De sigillo Confessionis sacramentalis. 507

Dub. 1. Quo jure obliget sacramentale sigillum? 509

§ 1. Triplici assertionem absolvitur difficultas. ib.

§ 2. Evasiones ad rationem D. Thomæ præcluduntur. 515

§ 3. Argumentis contra primam assertionem satisfit. 519

Dub. 2. Utrum sigillum sacramentale in omni eventu sit observandum? 521

§ 1. Communis et vera sententia statuitur. ib.

§ 2. Argumenta assertioni adversa convelluntur. 523

Dub. 3. Qualiter sigillum sacramentale observari debeat? 533

§ 1. Communis sententia proponitur, et plures casus et consecutaria deciduntur. ib.

§ 2. Specialis difficultas circa usum notitiæ confessionis ad externam gubernationem. 542

Dub. 4. Utrum sacerdos possit prodere peccatum sibi confessum de licentia pœnitentis? 549

§ 1. Dubii resolutio. 550

§ 2. Oppositæ sententiæ fundamenta convelluntur. 553

Dub. 5. Ex qua confessione oriatur sigillum sacramentale, et quas personas constringat? 557

§ 1. Prior dubii pars resolvitur. ib.

§ 2. Expeditur dubium quoad alteram partem. 561

Dub. 6. Quæ cadant sub sacramentali sigillo. 566

§ 1. Resolvitur difficultas aliquibus assertionibus. ib.

§ 2. Consecutaria præcedentis doctrinæ. 569

Dub. 7. Quæ peccata committat violator sigilli confessionis? 573

§ 1. Triplici conclusionem resolvitur difficultas. ib.

§ 2. Referuntur, et refelluntur oppositæ sententiæ. 575

§ 3. Quid sentiendum de parvitate materiæ in fractione sigilli formaliter ut sacri? 577

§ 4. Quas poenas incurrat violator sigilli confessionis? 580

Disputatio X.

De satisfactione prout est actus virtutis Pœnitentiæ. 581

Dub. 1. Utrum homo de condigno satisfacere valeat pro pœna temporali proprio peccato mortali debita? 583

§ 1. Suppositiones aliquæ præmittuntur. ib.

§ 2. Vera sententia eligitur, et firmatur. 587

§ 3. Argumentis adversariorum fit satis. 589

Dub. 2. Utrum possit aliquis satisfacere de condigno pro pœna temporali peccati alterius? 594

§ 1. Communis sententia statuitur. ib.

§ 2. Motiva opposita convelluntur. 598

§ 3. Corollaria præcedentis doctrinæ, in quibus incidentes quæstiunculæ deciduntur. 603

Dub. 3. Quibus conditionibus satisfactio indigeat? 606

§ 1. Actum liberum requiri ad satisfaciendum stabilitur. 607

§ 2. Honestatem, ac bonitatem moralem requiri ad satisfactionem decernitur. 609

§ 3. Satisfactio viæ, et gratiæ statum exposcit. 610

§ 4. Quid sentiendum de intentione ad satisfactionem? 614

§ 5. Corollaria, in quibus nonnullæ expediuntur difficultates. 616

Dub. 4. Utrum ad satisfactionem requiratur pactum, vel Dei promissio eam acceptandi? 626

§ 1. Sententia affirmans statuitur. ib.

§ 2. Motiva contraria eliduntur. 627

Disputatio XI.

De satisfactione sacramentali. 629

Dub. 1. Utrum confessarius possit, ac debeat pœnitenti satisfactionem imponere? 630

§ 1. Duplex assertio proponitur. ib.

§ 2. Duplex alia assertio statuitur, et qualiter teneatur satisfactionem injungere sacerdos, declaratur. 635

§ 3. Sententia ultimæ assertioni contraria refertur. 636

Dub. 2. Utrum sacerdos valeat cogere pœnitentem ad acceptandam, et exequendam pœnitentiam. 638

§ 1. Vera sententia ac primum ejus fundamentum. 639

§ 2. Alia ejusdem sententiæ fundamenta expenduntur. 642

§ 3. Recensentur oppositæ sententiæ, et eorum motiva evertuntur. 644

§ 4. Quæstiunculæ huc spectantes expediuntur. 652

Dub. 3. In quo statu, ac tempore, et a qua persona debeat pœnitentia adimpleri? 662

§ 1. Quid de statu, in quo pœnitentia adimplenda sit? ib.

§ 2. Quid de tempore adimplendi pœnitentiam? 663

§ 3. Quid de persona, a qua adimplenda est? 662

Dub. 4. A quo, et an extra confessio-nem possit fieri pœnitentis commutatio? 670

§ 1. Duplex assertio statuitur. ib.

§ 2. Aliis assertionibus absolvitur difficultas. 673

§ 3. Sententiæ prioribus assertionibus oppositæ referuntur. 674

§ 4. Sententiæ reliquis assertionibus adversæ proponuntur. 679

Dub. 5. Quenam causæ pœnitentem excusent a pœnitentiæ juste impositæ adimplentione? 684

§ 1. Duplex assertio quæstioni ex parte respondens. ib.

§ 2. Aliæ assertiones pro perfecta dubii resolutione. 687

§ 3. Sententiæ oppositæ referuntur, et enervantur eorum motiva. 690

Dub. 6. Quem effectum inducat ex opere operato satisfactio sacramentalis? 696

§ 1. Triplici conclusione dubium resolvitur. ib.

§ 2. Oppositæ sententiæ referuntur et earum motiva enervantur. 699

§ 3. Duplex quæstiunculæ incidentis decisio. 703

Disputatio XII.

De potestate Clavium, ac ministrorum Sacramenti Pœnitentiæ. 707

Dub. 1. Quid sint claves Ecclesiæ vel an recte diffiniantur. 708

§ 1. Deciditur dubium, et communis sententia defenditur. ib.

§ 2. Argumentis satisfit. 709

Dub. 2. Utrum clavium potestas sit in Ecclesia. 713

§ 1. Deciditur difficultas, et veritas catholica propugnatur. ib.

§ 2. Duæ hæreticorum responsiones confutantur. 716

§ 4. Hæreticorum fundamentis satisfit. 718

Dub. 3. Quot sint claves Ecclesiæ? 722

§ 1. Triplici conclusione dubium resolvitur. ib.

§ 2. Argumenta adversariorum enodantur. 724

Dub. 4. Qui sacerdotes habuerint, aut habeant clavium potestatem? 729

§ 1. Quid de sacerdotibus legis scriptæ, et naturalis? ib.

§ 2. Quid de sacerdotibus legis Evangelicæ? 732

Dub. 5. An alter præter sacerdotem habeat claves, sitve minister potestatis in pœnitentiæ sacramento? 731

§ 1. Veritas catholica duplici assertionem propugnatur. ib.

§ 2. Argumenta assertionibus opposita convelluntur. 738

Dub. 6. Utrum omnis sacerdos sit minister jurisdictionis hujus sacramenti? 743

§ 1. Duplex statuitur assertio. 744

§ 2. Alia assertio explicans ministrum jurisdictionis circa venialia, et mortalia jam confessa. 749

§ Quinam sit sensus propositionis damnatæ ab Innocentio XI circa venialium confessionem cum simplici sacerdote? 752

§ 4. Sententiæ oppositæ referuntur, et argumenta enervantur. 755

Dub. 7. Utrum licitum sit ministrare pœnitentiæ sacramentum cum jurisdictione probabili? 761

Communior, veriorque sententia eligitur. 762

Dub 8. An, et pro quibus confessionibus egeat minister approbatione Ordinarii. 770

§ 1. Ordinarii approbationem esse omnino necessariam in ministro pro sæcularium confessionibus declaratur. ib.

§ 2. Quid de approbatione Ordinarii pro excipiendis Regularium confessionibus? 777

Dub. 9. Cujus Ordinarii approbatio sit necessaria in ministro? 785

§ Unic. Duplici assertionem expeditur difficultas. ib:



INDEX LOCORUM SACRÆ SCRIPTURÆ

QUÆ IN HOC TOMO CONTINENTUR

*In quo Q. quæstionem : A. articulum :
C. commentarium : D. disputationem, N. numerum marginalem designat.*

EX VETERI TESTAMENTO.

— EX GENESI.

14. *Erat enim Sacerdos Dei Altissimi, d. 12, n. 32.*

EX EXODO.

31. *Applica ad te Aaron fratrem tuum cum filiis tuis, ut Sacerdotio fungantur mihi, d. 12, n. 32.*

EX DEUTERONOMIO.

4. *Cum quæsieris Dominum Deum tuum, inuenies eum, si tamen toto corde quæsieris. d. 7, n. 73.*
17. *Si difficile, et ambiguum apud te iudicium esse perspexeris inter sanguinem, et sanguinem, causam, et causam, lepram et lepram... Surge, et ascende ad locum, quem elegerit Dominus Deus tuus, veniesque ad Sacerdotes Levitici generis, et ad iudicem, qui fuerit illo tempore ; quæresque ab eis, qui indicabunt tibi iudicii veritatem. d. 12, n. 34.*

EX SECUNDO REGUM.

21. *Ego sum, qui peccavi ; ego inique egi : isti, qui oves sunt, quid fecerunt ? Veritatur, obsecro, manus tua contra me d. 10, n. 32.*

EX 4 REGUM.

25. *Tandiu obsessa est, donec venundaretur caput asini octoginta argenteis, et quarta pars cabi stercoreis columbarum quinque argenteis. d. 10, n. 15.*
7. *Duo modii hordei statere uno... et modius simile statere uno, ibidem, n. 19.*

EX PARALIPOMENON 2.

33. *Postquam coangustatus est, oravit Dominum Deum suum, et egit pœnitentiam valde coram Deo Patrum suorum. d. 7 n. 47.*

EX LEVITICO.

10. *Cum audisset Moyses, recepit satisfactionem. d. 10, n. 2.*

EX NUMERO.

5. *Vir, sive mulier, cum fecerint ex omni-*

bus peccatis, quæ solent hominibus accidere, et per negligentiam transgressi fuerint mandatum Domini, atque deliquerint, confitebuntur peccatum suum. d. 8, n. 8.

EX LIBRO TOBIÆ.

12. *Eleemosyna a morte liberat, et ipsa est, quæ purgat peccata,* d. 10, n. 34.

EX JOB.

6. *Utinam appenderentur peccata mea, quibus iram merui, et calamitas, quam patior in statera, quasi arena maris, hæc gravior appareret,* d. 10, n. 15.
9. *Si simplex fuero, hoc ipsum ignoravit anima mea,* d. 8, n. 269.
21. *Recede a nobis, scientiam viarum tuarum nolumus,* d. 8, n. 301.

EX PSALMIS.

68. *Delicta quis intelligit?* d. 8, n. 19 et 269.
31. *Beati, quorum remissæ sunt iniquitates, et quorum tecta sunt peccata,* d. 9, n. 13.
37. *Noluit intelligere, ut bene ageret,* d. 8, n. 301.
76. *Et meditatus sum nocte cum corde meo, et excitabar, et scopebam spiritum meum,* d. 7, n. 85.
84. *Remisisti iniquitatem plebis tuæ, et operuisti omnia peccata eorum,* d. 9, n. 13.
113. *Particeps ego sum omnium timentium te,* d. 10, n. 33.

EX PROVERBIIS.

8. *Ego diligentes me diligo,* d. 7, n. 13.
10. *Universa delicta operit charitas,* d. 7, n. 13.
11. *Qui ambulat fraudulenter, revelat arcana, qui autem fidelis, celat amici commissum.* d. 9, n. 4.
25. *Quæ viderunt oculi tui, ne proferas in iurgium cito, ne postea emendare non possis, cum de honestaveris amicum tuum.* d. 9, n. 4.
22. *Melius est bonum nomen, quam divitiarum multarum,* d. 9, n. 94.

15. *Victimæ impiorum abominabiles Domino,* d. 10, n. 50.

EX ECCLESIASTÆ.

6. *Sunt justi, ac sapientes, et opera eorum in manu Dei; et tamen nescit homo, utrum amore, an odio dignus sit?* d. 8, n. 269.

EX ECCLESIASTICO.

34. *Dona iniquorum non probat Altissimus,* d. 10, n. 50.
19. *Qui spernit moerica, paulatim decidet.* d. 12, n. 30.

EX ISAIA.

38. *Recogitabo tibi omnes annos meos in amaritudine animæ meæ,* d. 7, n. 85.
22. *Et dabo claves domus David super humerum ejus, et aperiet, et non erit qui claudat, et claudet, et non erit, qui aperiat,* d. 12, n. 24.

EX EZECHIELE.

13. *Si autem impius egerit pœnitentiam ab omnibus peccatis suis, quæ operatus est, et custodierit præcepta mea, et fecerit iudicium, et justitiam, vita vivet, et non morietur, et omnium iniquitatum ejus non recordabor,* d. 8, n. 202.
18. *Anima, quæ peccaverit, ipsa punietur,* d. 10, n. 13.

EX DANIELE.

4. *Peccata tua eleemosynis redime,* d. 10, n. 34.

EX JOELE.

2. *Convertimini ad me in toto corde vestro,* d. 7, n. 72.

EX MICHÆA.

4. *Dole, et satage filia Sion, sicut parturiens* d. 7, n. 74.

EX NOVO TESTAMENTO.

EX MATTHÆO.

16. *Tibi dabo claves Regni Cælorum, et quodcumque ligaveris super terram, erit ligatum et in Cælis*, d. 8, n. 2 et d. 12, n. 11 et 21.
 28. *Data est mihi omnis potestas in Cælo, et in terra*, d. 9, n. 20.
 28. *Euntes ergo docete omnes gentes baptizantes eos, etc.*, d. 12, n. 14.

EX MARCO.

12. *Diliges Dominum Deum tuum ex toto corde tuo*, d. 7, n. 73.
 Ult. *Prædicate Evangelium omni creaturæ*, d. 12, n. 13.
 Ult. *Qui crediderit, et baptizatus fuerit, salvus erit*, d. 12, n. 17.

EX LUCA.

3. *Nisi pœnitentiam egeritis, omnes simul peribitis*, d. 12, n. 5.
 5. *Quis potest peccata dimittere, nisi solus Deus*, d. 2, n. 3 et 14.
 7. *Remittuntur tibi peccata*, d. 7, n. 65.
 11. *Væ vobis legisperitis, qui tulistis clavem scientiæ, ipsi non introistis, et eos, qui introibant, prohibuistis*, d. 12, n. 24.
 13. *Nisi pœnitentiam habueritis, omnes similiter peribitis*, d. 8, n. 2.

EX JOANNE.

14. *Qui diligit me, diligetur a Patre meo, et ad eum veniemus*, d. 7, n. 13.
 20. *Accipite Spiritum Sanctum : quorum remiseritis peccata, remittuntur eis ; et quorum retinueritis, retenta sunt*, d. 8, n. 2 et n. 5 et d. 11, n. 19 et d. 12, n. 10 et 43.
 21. *Pasce oves meas*, d. 12, n. 11.

EX ACTIBUS APOSTOLORUM.

1. *Multitudinis autem credentium erat cor unum, et anima una*, d. 10, n. 29.
 17. *Et accepta satisfactione a Sosone, et ceteris, dimiserunt eos*, d. 10, n. 2.

EX PAULO AD ROMANOS.

5. *Tribulatio patientiam operatur, patientia autem probationem*, d. 10, n. 43.
 8. *Accepistis Spiritum adoptionis, in quo clamamus Abba, Pater... Si filii, et hæredes*, d. 7, n. 14.
 8. *Nihil damnationis est iis, qui sunt in Christo Jesu*, d. 10, n. 10.

EX I AD CORINTHIOS.

4. *Sic nos existimet homo ut ministros Christi, et dispensatores mysteriorum Dei*, d. 9, n. 12.
 4. *Illuminavit abscondita tenebrarum*, d. 9, n. 13.
 5. *Quid enim mihi de his, qui foris sunt, judicare ?* d. 12, n. 17.
 11. *Quod si nosmetipsos dijudicavimus, non utique judicemur*, d. 10, n. 33.
 13. *Si distribuero in cibos pauperum omnes facultates meas, charitatem autem non habuero, nihil mihi prodest*, d. 10, n. 50.
 10. *Sive manducatis, sive bibitis, sive aliud quid faciatis, omnia in Dei gloriam facite*, d. 7, n. 40.
 13. *Si tradidero corpus meum, ita ut ardeam, charitatem non habuero, nihil mihi prodest*, d. 7, n. 40.

EX 2 AD CORINTHIOS.

4. *Exhibeamus nosmetipsos sicut Dei ministros*, d. 9, n. 12.

EX EPIST. AD GALATAS.

6. *Fratres, et si præoccupatus fuerit homo in aliquo delicto, vos, qui spirituales estis, hujusmodi instruite in spiritu lenitatis, considerans te ipsum, ne et tu tenteris. Alter alterius onera portate, et sic adimplebitis legem Christi*, d. 10, n. 27.
 6. *Unusquisque onus suum portabit*, d. 10, n. 31.
 6. *Quæ seminaverit homo, hæc et metet*, d. 10, n. 31.

AD COLOSSENSIS.

1. *Adimpleo ea, quæ desunt Passionum Christi in carne mea pro corpore ejus, quod est Ecclesia*, d. 10, n. 11.

EX I AD TIMOTHEUM.

4. *Exerce te ipsum ad pietatem, nam corporalis exercitatio ad modicum utilis est; pietas autem ad omnia, d. 10, n. 59.*

AD HEBRÆOS.

10. *Solam umbram habens lex futurorum bonorum, d. 12, n. 33.*

EX EPIST. JACOBI.

5. *Confitemini alterutrum peccata vestra, d. 12, n. 49.*
 5. *Inducat Presbyteros Ecclesiæ ungentes oleo sancto, d. 12, n. 95.*

EX I PETRI.

4. *Charitas operis multitudinem peccatorum, d. 7, n. 13.*
 3. *Parati semper ad satisfactionem omni poscenti vos, rationem de ea, quæ in vobis est, spe, etc., d. 10, n. 2.*

2. *Christus passus est pro nobis, vobis relinquens exemplum, ut sequamini vestigia ejus. d. 10, n. 11.*


EX I JOANNIS.

4. *Charitas pœnam non habet, d. 10, n. 59.*
 2. *Omne, quod est in mundo, concupiscentia carnis est, et concupiscentia oculorum, et superbia vitæ, d. 11, n. 9.*

EX APOCALYPSI.

3. *Hæc dicit Sanctus, et verus, qui habet clavem David, qui aperit, et nemo claudit; claudit, et nemo aperit, d. 12, n. 21 et d. 8, n. 4.*
 4. *Vidi, et ecce in Cælo ostium apertum, d. 12, n. 18.*
 18. *Quantum glorificavit se, et in deliciis fuit, tantum date illi tormentum, et lucrum, d. 10, n. 31.*

LAUS DEO



TRACTATUS XXIV

DE PŒNITENTIA TAM UT SACRAMENTO

QUAM UT VIRTUTE POSTERIOR PARS

COMPLECTENS A QUÆSTIONE XC TERT. PARTIS D. THOM. USQUE AD QUÆSTION. XXIX
SUPPLEMENTI.

PROCEMIUM.

Ordinem, quem in hoc de Pœnitentia tractatu intenderat observare D. Thomas, præmisit quæst. 84, in principio illis verbis : « Considerandum est de sacramento « Pœnitentiæ. Circa quod primo considerandum est de ipsa pœnitentia : secundo « de effectu ipsius : tertio de partibus ejus : « quarto de suscipientibus hoc sacramentum : quinto de potestate ministrorum, « quæ ad claves pertinet : sexto de solemnitate hujus sacramenti. » Et quidem de primo, atque secundo luculenter egit S. Doctor ab illa quæstione usque ad 90 exclusive, nihil non sapientissime exponens eorum, quæ ad notitiam tam essentiæ pœnitentiæ in ratione virtutis, et sacramenti, quam effectuum ejus possunt desiderari. Quibus pro nostro captu exponendis, dilucidandis, et propugnandis late incubuimus par varias disputationes, ea versantes, quæ circa hanc materiam magis scholastica sunt, et difficiliora censentur, præsertim attinentia ad pœnitentiam virtutem, et primarium ejus actum, scilicet contritionem. Supersunt tamen alia plura, quæ D. Thomas e tertîa consideratione recenset, et quibus declarandis sequentes aperiebat quæstiones : sed ad cœlestia vocatus solam nonagesimam absolvit; desiderium (heu dolor!) nobis ceterarum, et complementi

totius operis relinquens. In eis autem quæstionibus, quas juxta præmissum methodum discussurum statuerat, plurima occurrunt ad Theologiam moralem præsertim circa sacramentum pœnitentiæ majori ex parte spectantia : sed nec occurrunt pauciora, et ut plurimum magis difficilia, quæ pertinent ad Scholasticam, et accuratam satis discussionem exoptant. In utrisque porro versandis modum hactenus observatum, Cursuique nostro, qui plane scholasticus est, familiarem tenere curabimus, nempe ut moralia leviori manu, styloque concisiori, sed sufficienti attingamus : difficultatibus vero scholasticis (ex quibus congruæ in practicis resolutiones sæpius dependunt) impensiolem, et luculentiolem navemus operam. Et quia si id studium alteri jam præmisso in hoc tractatu adjungeretur, et in unum volumen coiret plus æquo illud augeret, et minus versatile faceret; sectionem ejus eligimus in duas principales partes, eamque in hoc loco S. Doctoris congrue adhibuisse putamus. Nam prior jam producta agit quasi in communi de pœnitentia tam virtute, quam sacramento; hæc autem posterior, quam paramus, descendit ad magis articulatam considerationem omnium, quæ ad pœnitentiam, ut sacramentum spectant, ut constat ex ordine a D. Thoma in verbis relatis promisso. Unde consequenter præmissis jam quæstionibus subjicitur.

QUÆSTIO XC

De partibus Pœnitentiæ in generali, in quatuor Articulos divisa.

Deinde considerandum est de partibus pœnitentiæ : et primo in generali, secundo in speciali de singulis. Circa primum quærentur quatuor.

ARTICULUS I.

Utrum Pœnitentiæ debeant partes assignari?

Ad primum sic proceditur. Videtur, quod Pœnitentiæ non debeant partes assignari. Sacramenta enim sunt, in quibus divina virtus secretius operatur salutem. Sed virtus divina est una, et simplex. Non ergo Pœnitentiæ cum sit Sacramentum, debent partes assignari.

Præterea : Pœnitentiæ, et est virtus, et est sacramentum; sed ei, in quantum est virtus, non assignantur partes; cum virtus sit habitus quidam, qui est simplex qualitas mentis; similiter etiam et Pœnitentiæ, in quantum est Sacramentum, non videtur, quod sint partes assignandæ : quia baptismo, et aliis Sacramentis non assignantur partes. Ergo Pœnitentiæ nullo modo debent partes assignari.

Præterea : Pœnitentiæ materia est peccatum : ut supra dictum est : sed peccato non assignantur partes : ergo etiam nec Pœnitentiæ sunt partes assignandæ.

Sed contra est, quod partes sunt, ex quibus perfectio alicujus integratur : sed Pœnitentiæ perfectio integratur ex pluribus, scilicet, ex contritione, confessione, et satisfactione : ergo Pœnitentiæ habet partes.

Respondeo dicendum, quod partes rei sunt, in quas materialiter totum dividitur. Habent enim se partes ad totum, sicut materia ad formam. Unde in secundo Physic. partes ponuntur in genere causæ materialis, totum autem in genere causæ formalis. Ubicumque igitur ex parte materiæ invenitur aliqua pluralitas, ibi est invenire partium rationem. Dictum est autem supra, quæst. 84, art. 1 et 3, quod in Sacramento Pœnitentiæ, actus humani se habent per modum materiæ. Et ideo cum plures actus humani requirantur ad Pœnitentiæ perfectionem, scilicet contritio, confessio, et satisfactio (ut infra patebit) consequens est, quod Sacramentum Pœnitentiæ habeat partes.

Ad primum ergo dicendum, quod quodlibet Sacramentum habet simplicitatem ratione virtutis divinæ, quæ in eo operatur. Sed virtus divina propter sui magnitudinem operari potest, et per unum, et per multa, ratione quorum alicui Sacramento possunt partes assignari.

Ad secundum dicendum, quod Pœnitentiæ, secundum quod est virtus, non assignantur partes : actus enim humani, qui multiplicantur in Pœnitentiæ, non comparantur ad habitum virtutis, sicut partes, sed sicut effectus. Unde relinquitur, quod partes assignentur Pœnitentiæ, in quantum est sacramentum, ad quod actus humani comparantur, ut materia. In aliis autem Sacramentis materia non sunt actus humani, sed aliqua res exterior una, sive simplex, ut aqua, vel oleum : sive composita, ut chrisma; et ideo aliis sacramentis non assignantur partes.

Ad tertium dicendum, quod peccata sunt materia remota Pœnitentiæ : in quantum scilicet sunt materia, vel obiectum humanorum actuum, qui sunt propria materia Pœnitentiæ, prout est sacramentum.

Prima conclusio in corp. articuli. *Sacramentum pœnitentiæ habet partes.*

Secunda conclusio in resp. ad 2. *Virtuti pœnitentiæ non assignantur partes.*

1. Commune est sacramentis legis gratiæ constare partibus essentialibus, nempe materia, et forma, id est, rebus, ut materia, et verbis ministri, ut forma. Quod diserte statuit Concilium Florentinum in decreto unionis ducens : « Hæc omnia sacramenta tribus perficiuntur, rebus tanquam materia, verbis tanquam forma, et persona ministri, etc. » Et Concilium Trident. agens specialiter de hoc pœnitentiæ sacramento, sess. 14, cap. 3, asserit : « sacramenti pœnitentiæ formam, in qua præcipue ipsius vis sita est, in illis ministri verbis positam esse, ego te absolvo, etc. Sunt autem, quasi materia hujus sacramenti, ipsius pœnitentis actus, nempe contritio, etc. » Quod agentes de sacramentis in genere late ex professo statuimus tract. 22, disp. 1, dub. 2, conclus. 1, et agentes specialiter de pœnitentiæ ostendimus supra disp. 1, dub. 2, per totum. Est vero difficultas, utrum in hoc sacramento debeant ulterius assignari partes? Ad quod affirmative respondet D. Thomas in hoc art. et probat : quia materia hujus sacramenti consistit in actibus pœnitentis; et talis materia constat ex multis, nempe contritione, confessione, et satisfactione : ergo hoc Sacramentum habet partes. Eo vel maxime, quod ii actus se tenent ex parte materiæ, eamque adæquate, constituunt, ut docet Trident. loco cit. quocirca nequeunt non esse etiam partes materiales totius sacramenti. Et quia hoc ex professo ostendimus supra disp. 1, dub. 2, non oportet in eo amplius immorari. Recolantur tamen specialiter, quæ diximus a num. 116.

Opponit suæ resolutioni S. Doctor virtutem divinam operari in sacramentis : quare

Objectione.

Responsio ad Th.

Dubitatio.

Responsio affirmativa Sugni.

Ententia obabitur.

Actus obiecti curritur.

quare cum illa sit una, et simplex, non oportet in hoc sacramento multiplicare partes. Sed plus æquo concludit obiectio : excluderet namque a sacramentis, si probaret, partes essentielles, nempe materiam, et formam ; siquidem virtus divina in eis operans est una, et simplex : consequens autem adversatur Conciliis relatis, et communi doctrinæ. Sed D. Thomas facile illam diluit ad 1, dicendo sacramenta habere unitatem, et simplicitatem ex parte virtutis Dei, cui in agendo subduntur : porro hanc virtutem posse influere, et per unum, et per multa, atque ideo inconveniens non esse, quod alicui sacramento plures assignentur partes. Cujus doctrinæ occasione dubitari valet, an virtus divina, seu elevans multiplicetur saltem materialiter in diversis partibus sacramenti ? Ad quod Nugnus in præsentī affirmative respondet, non reputans absurdum materialem illam virtutis elevantis multiplicationem juxta materialem etiam partium sacramenti diversitatem : quia semper ea virtus est formaliter una ob subordinationem ad unum Deum principaliter agentem. Sed Prado hoc loco tenet partem negativam, quam censemus magis conformem D. Thomæ, veritati, ac doctrinæ ex professo assertis tractat. 22, disp. 4, dub. 5, ubi statuimus, sacramenta non in tempore, aut successive causare gratiam, sed in instanti terminativo, et ultimo, quo sacramenta perficiuntur : quamobrem ista, et illorum partes non indigent virtute elevante, nisi pro illomet ultimo instanti, in quo suam causalitatem exercent. Et quia omnes eorum materiales partes simul concurrunt, vel formaliter, vel virtualiter in eo momento, ut loco citato explicuimus ; ideo omnes sic sumptæ unica virtute complentur, et elevantur ad agendum. Et in hoc sensu asseruit D. Thomas hoc sacramentum, non obstante materiali partium multiplicitate, habere simplicitatem ex parte virtutis divinæ : quod falsum foret, si ipsa divina virtus multiplicaretur etiam materialiter, sicut ipsæ partes : par enim deberet esse de utrisque judicium.

2. Hæc autem (ut tacitæ objectioni ita occurramus) intelligenda sunt loquendo de partibus hujus sacramenti in ordine ad immediatam productionem sui effectus, nempe gratiæ in pœnitente : secus autem

præsuppositive. Pro quo observandum est duplicem elevationem distinguendam esse in hoc sacramento præ ceteris : aliam, quæ elevatur pœnitens ad eliciendum actum doloris, cum ordine, et subjectione ad claves, sive ad confessionem coram legitimo ministro ; et hæc præcedit instans terminativum prolotionis verborum absolutionis, in quo perficitur sacramentum, et si non occurrat obex, proprius ejus effectus producitur. Ceterum hæc elevatio non afficit sacramentum, nec ejus partes : sed elevat pœnitentem, ut ponat in rerum natura quandam partem sacramenti, nempe dolorem cum ordine ad claves, qui debet esse supernaturalis, atque ideo exposcens elevationem ex parte principii, ut dicemus disput. sequ. numer. 19. Alia est posterior totius sacramenti elevatio, quæ sacerdotis verba, ut cadentia supra actus humanos pœnitentis, eosque per modum formæ complementia elevantur ad causandum effectum sacramenti. Et hæc est indivisibilis, tam formaliter, quam materialiter : quia solum afficit ultimum terminativum verborum, cum ordine tamen ad præcedentia, nempe actus pœnitentis, et prolotionem verborum absolutionis, ut explicuimus tract. 22, disp. 4, dub. 5, per totum. Et in hoc sensu D. Thom. in 4, dist. 16, quæst. 1, art. 1 ad 1, dixit, « quod sacramentum « est simplex ratione effectus principalis, « et virtutis simplicis, quæ operatur ; sed « materiale in sacramento potest esse compositum. » Et agendo in propriis terminis de sacramento pœnitentiæ ait : « Partes non assignantur pœnitentiæ ex parte « virtutis sacramentalis, sed ex parte ejus, « quod est materiale in ipsa. »

Opponit sibi Div. Thomas secundo loco argumentum desumptum ex duplici instantia, aut exemplo. Nam in primis Pœnitentiæ virtuti non assignantur partes, cum sit unus habitus, aut simplex qualitas ; deinde, nec baptismo, nec aliis sacramentis assignantur partes hujusmodi ex parte materiæ. Ergo assignari non debent sacramento pœnitentiæ.

Negat S. Doctor consequentiam. Et ad primum exemplum in contrarium respondet, quod actus humani, qui multiplicantur in pœnitentia, non comparantur ad habitum virtutis sicut partes, ex quibus coalescat, sed sicut effectus, qui virtutem præ-

Argumentum ex duplici instantia.

Responsio ad 1.

supponunt : manifestum namque est absque actibus ejusmodi salvari virtutis habitum. Oppositum autem contingit in pœnitentiæ sacramento, quod componitur ex materia, et forma, ut docent Concilia supra relata, et materia componitur ex actibus pœnitentis, per quos clavibus, et absolutioni se subdit : unde oportet concedere, quod pœnitentiæ sacramentum habet partes ex parte materiæ. Ad secundum respondet, materiam aliorum sacramentorum non esse actus humanos, sed aliquam rem externam, vel simplicem, ut aquam ; vel compositam, ut chrisma : quocirca eis non assignantur partes. Sed sacramentum pœnitentiæ importat ex parte materiæ actus humanos satis differentes.

Respon-
sio
ad 2.

Effugien-
Suarii.

Hæc cum sint clarissima, minime effugerunt notas Suarii in hoc articulo. Nam responsioni ad primum opponit, quod licet actus virtutis pœnitentiæ non sint partes ejusdem pœnitentiæ habitualis, sunt tamen partes ejusdem pœnitentiæ actualis : quia pœnitere per eos actus exercetur, in ipsisque consistit. Contra secundam observat, quod quamvis materia remota ceterorum sacramentorum non sit actus humanus, sed res exterior ; tamen proxima illorum materia consistit in actione humana, utputa in ablutione, in unctione, etc. Qua regula præcise excipitur sacramentum Eucharistiæ, quod quia non consistit in usu, sed est permanens ; ita exposcit rem externam tanquam materiam, ut nullus actus humanus, v. g. sumptio, ex parte materiæ necessarius sit. Porro actus humani, qui in aliis sacramentis sunt materia proxima, profecto multiplicantur, ut patet in pluribus unctionibus diversorum membrorum, quæ sunt partes materiales sacramenti Extremæ unctionis. Et in sacramento Matrimonii occurrunt duæ traditiones partiales, et sic de aliis, excepto Baptismo, qui habet simpliciore materiam tam remotam, quam proximam. Unde disparitas, aut resolutio D. Thomæ non est universaliter vera : et ideo permissive (addit Suarez) intelligendum puto, non distributive.

Rejici-
ur.

3. Sed hi præfati Authoris scrupuli leves sunt. Nam quod ad primum attinet argumentum, cui obviavit S. Doctor, expresse procedebat de habitu, sive habituali virtute pœnitentiæ, ut ex eo liquet. Cui

directe satisfecit dicendo : « quod actus « humani, qui multiplicantur in pœniten-
« tia, non comparantur ad habitum vir-
« tutis, sicut partes, sed sicut effectus. » Nec adversus hoc aliquid opponit Suarez, quippe continens responsionem evidentem. Divertit autem ad pœnitentiam actualem, sive exercitium virtutis, cujus mentionem non fecerat S. Doctor ; sed inutili conatu ; tum quia de hac pœnitentia non agebatur ; tum quia nec in isto sensu concedendum est actus humanos esse partes virtutis pœnitentiæ : non enim constituunt, aut componunt unicum talis virtutis habitum, ut supponitur ex immediate dictis : nec componunt unicum actum, ut ex se adhuc magis liquet, cum eorum quilibet sit actus completus, et perfectus : nec denique componunt unicum talis virtutis exercitium, siquidem tale exercitium non est aliquid unum nisi per aggregationem, et hanc profecto non necessariam ; quippe virtus potest in illorum quolibet sistere. Unde D. Thomas in 4, dist. 16, quæst. 1, art. 1, quæstiunc. 4, ad 2, ait : « Dicendum, quod « quamvis tria prædicta sunt actus pœni-
« tentiæ virtutis, non tamen sequitur, quod « sint partes ejus : quia in quolibet eorum « actu inveniuntur omnes circumstantiæ, « quibus integratur medium virtutis. » Unde in eorum quolibet, et per se salvari valet actualis pœnitentia, sive proprium exercitium pœnitentiæ virtutis. Secus autem contingit in materia sacramenti pœnitentiæ, quæ minime salvari nisi complectendo contritionem, et confessionem, et satisfactionem saltem in voto. Non magis pungit secundus scrupulus : quia D. Thomas non negat, quod in sacramentis aliis præter res, quæ sunt materia remota, detur alia proxima consistens in earum rerum applicatione per actus humanos : sed id supponit, et repetit quæst. 73, art. 1, ad 3, et alibi frequenter. Ceterum in ejusmodi applicationibus, licet plures in eodem sacramento contingant, nulla est earum diversitas consideratione digna, ut propterea dicantur ejusdem materiæ partes, vel habere distincta munia in ordine ad constituendum aliquid unum. Cujus oppositum contingit in iis actibus humanis, qui in pœnitente debent tanquam materia supponi, ut absolutionis formæ subdantur : sunt enim satis diversi, subeuntque officia distincta

D. Tho.

Ultimo
rejecit-
tur.

D. Tho.

distincta : quocirca merito comparantur ad talem materiam, ut ipsius partes. Quam differentiam optime docuit D. Thomas loco citato ex 4, quæstiunc. 3, in corp. dicens : « Partes quantitatis sunt quandoque unius rationis, ut in totis homogeneis : quandoque vero diversarum rationum, ut in totis etherogeneis... Et hujusmodi partes sunt hæ, de quibus loquimur, quia pœnitentiæ sacramentum secundum rationem speciei suæ ex his tribus integratur, et una est prior altera secundum naturam, etc. » Cui quantum ad hoc differentię inter istud, et alia sacramenta, et resolutioni D. Thomæ consonat communis loquendi modus, tam inter Theologos, quam inter vulgares : videmus namque frequenter fieri interrogationem de partibus sacramenti pœnitentiæ, quæ de partibus aliorum Sacramentorum non fit. Signum itaque est peculiare esse huic sacramento habere partes ex parte materiæ, ut S. Doctor statuit. Quod magis constabit ex immediate dicendis.

ARTICULUS II.

Utrum convenienter assignentur partes Pœnitentiæ, contritio, confessio, et satisfactio ?

Ad secundum sic proceditur. Videtur, quod inconvenienter assignentur partes Pœnitentiæ, contritio, confessio, et satisfactio. Contritio enim est in corde (et sic pertinet ad interiorem Pœnitentiam), confessio autem est in ore, et satisfactio in opere, et sic duo ultima pertinent ad exteriorem Pœnitentiam. Pœnitentia autem interior non est Sacramentum, sed sola Pœnitentia exterior, quæ sensui subiacet : non ergo convenienter assignantur hæ partes Sacramento Pœnitentiæ.

Præterea : in Sacramento novæ legis confertur gratia : ut supra habitum est ; sed in satisfactione non confertur aliqua gratia : ergo satisfactio non est pars Sacramenti.

Præterea : non est idem fructus rei, et pars. Sed satisfactio est fructus Pœnitentiæ, secundum illud Lucæ 2 : Facite fructus dignos Pœnitentiæ : ergo non est pars Pœnitentiæ.

Præterea : Pœnitentia ordinatur contra peccatum ; sed peccatum potest perfici solum in corde, per consensum, ut in secunda parte habitum est : Ergo, et Pœnitentia : non ergo Pœnitentiæ debent partes poni confessio oris, et satisfactio operis.

Sed contra : Videtur, quod debeant poni plures partes Pœnitentiæ. Pars enim hominis ponitur non solum corpus, quod est ejus materia, sed etiam anima, quæ est ejus forma ; sed tria prædicta, cum sint actus Pœnitentis, se habent sicut materia : absolutio autem Sacerdotis se habet per modum formæ : ergo absolutio Sacerdotis debet poni quarta pars Pœnitentiæ.

Respondeo dicendum, quod duplex est pars, ut dicitur in 5 Metaph. scilicet pars essentiæ, et pars quantitatis. Partes essentiæ, sunt naturaliter quidem forma, et materia, logice autem est genus, et differentia. Hoc autem modo quodlibet Sacramentum distinguitur in materiam, et formam, sicut in partes essentiæ. Unde, et supra dictum est, quod Sacramenta consistunt in rebus, et verbis. Sed quia quantitas se tenet ex parte materiæ ; partes quantitatis

sunt partes materiæ. Et hoc modo Sacramento Pœnitentiæ specialiter assignantur partes (ut dictum est) quantum ad actus Pœnitentis qui sunt materia hujus Sacramenti. Dictum est autem supra, quod alio modo fit recompensatio offensæ in Pœnitentia, et in vindictiva justitia. Nam in vindictiva justitia fit recompensatio secundum arbitrium judicis, non secundum voluntatem offendentis, vel offensi. Sed in Pœnitentia fit recompensatio offensæ secundum voluntatem peccantis, et secundum arbitrium Dei, in quem peccatur : quia hic non quaritur sola redintegratio æqualitatis justitiæ (sicut in justitia vindictiva), sed magis reconciliatio amicitiae, quod fit dum offendens recompensat secundum voluntatem ejus, quem offendit. Sic igitur requiritur ex parte pœnitentis : primo quidem voluntas recompensandi, quod fit per contritionem : secundo, quod se subiciat arbitrio Sacerdotis loco Dei : quod fit in confessione : tertio, quod recompenset secundum arbitrium ministri Dei, quod fit in satisfactione. Et ideo contritio, confessio, et satisfactio, ponuntur partes Pœnitentiæ.

Ad primum ergo dicendum, quod contritio secundum essentiam quidem est in corde, et pertinet ad interiorem Pœnitentiam : virtualiter autem pertinet ad exteriorem Pœnitentiam : in quantum scilicet implicat propositum confitendi, et satisfaciendi.

Ad secundum dicendum, quod satisfactio confert gratiam prout est in proposito : et auget eam, prout est in executione : sicut etiam baptismus in adultis, ut supra dictum est.

Ad tertium dicendum, quod satisfactio est pars Pœnitentiæ Sacramenti : fructus autem Pœnitentiæ virtutis.

Ad quartum dicendum, quod plura requiruntur ab homine, quod procedit ex integra causa, quam ad malum, quod procedit ex singularibus defectibus, secundum Dionysium quarto capite de divinis nominibus. Et ideo licet peccatum perficiatur in consensu cordis, ad perfectionem tamen Pœnitentiæ requiritur, et contritio cordis, et confessio oris, et satisfactio operis.

Ad contrarium vero patet solutio per ea quæ dicta sunt.

Conclusio est affirmativa.

1. Doctrinam hujus articuli latissime elucidavimus disp. 1, fere per totam, et præsertim dub. 2. Fuerunt profecto circa ejus materiam diversæ antiquorum sententiæ, ex quibus Scotus asseruit, solam absolutionem Sacramentum Pœnitentiæ constituere, et actus pœnitentis non esse partes materiales illius. Durandus autem docuit, solam confessionem esse illius materiam, contritionem vero, et satisfactionem esse duntaxat dispositiones ex parte Pœnitentis requisitas. Omittimus hæreticos palam errantes, e quibus Lutherus art. 5, inter condemnatos a Leone X negavit tres istas Pœnitentiæ partes, audacter effutiens, neque in Scriptura, nec in Sacris Doctoribus fundamentum habere. Sed resolutio Doctoris Angelici (inquit Cajetanus in præf. artic. 1), canonizata est in hac parte a Synodo Florentino sub Eugenio IV, in decreto Eugenii post ultimam sessionem, Et magis adhuc canonizata (quod Cajetanus prius moriens videre non potuit) in Concilio Tridentino. Nam sess. 14, cap.

Concil.
Flor.
Concil.
Trid.

3, sub titulo, de partibus, et fructu hujus sacramenti, docet : « Sunt autem quasi « materia hujus sacramenti ipsius pœnitentis actus, nempe contritio, confessio, et « satisfactio. Qui quatenus in pœnitente ad « integritatem sacramenti, ad plenamque « et perfectam peccatorum remissionem ex « Dei institutione requiruntur, hac ratione « pœnitentiæ partes dicuntur. » Et conformiter ad hanc doctrinam statuit can. 4 ejusdem sess. « Si quis negaverit ad integritatem, et perfectam peccatorum remissionem requiri tres actus in pœnitente, « quasi materiam sacramenti pœnitentiæ, « videlicet contritionem, confessionem, et « satisfactionem, quæ tres pœnitentiæ « partes dicuntur, aut dixerit etc... Anathema sit. » Unde Bellarminus lib. 1, de Pœnitentia, cap. 17, recte observat, quod sententia D. Thomæ est communis Theologorum, et certissima, et jam amplius in dubium revocari non potest, cum in Conciliis Œcumenicis Florentino, et Tridentino disertis verbis legamus, etc. Quæ proxime dedimus. Et id ipsum monent, ac notant Cano in relect. de Pœnit. part. 5, § Quintum. Soto in 4, dist. 17, quæst. 3, art. 2, Suarez disp. 18, de Pœnit. sect. 3, Prado in præf. dub. 2, § 1, et alii communiter. Porro quod attinet ad illos antiquiores Scholasticos, excusandi sunt : tum quod scripserunt ante utriusque Concilii tempora : tum quod licet sacramentum pœnitentiæ in his tribus materialibus partibus non constituerint ; tamen satis aperte, et catholice docuerunt tres prædictos actus requiri ex parte pœnitentis ad consequendam perfectam peccatorum remissionem.

Bellarm.

Cano.
Soto.
Suarez.
Prad.Probatur
conclus.

Ratio a priori hujus veritatis non alia assignari valet, quam Dei voluntas sic instituentis hoc sacramentum. De illa vero certo nobis constat per doctrinam Patrum, et Conciliorum diffinitiones, ut patet ex dictis modo, et latius disp. 1, dub. 2. Ratio autem congruentiæ optime assignatur a D. Thom. in hoc art. : quia hoc sacramentum ordinatur, ut fiat Deo voluntaria, et amicabilem recompensatio pro peccato secundum ipsius arbitrium : sed pro hujusmodi fine comparando requiruntur, et sufficiunt prædicti tres actus : ergo sunt hujus sacramenti partes. Probatur minor : quia contritio ordinatur ad amicabilem recompensationem, cum sit dolor voluntarie

ad satisfaciendum assumptus : deinde pœnitens per confessionem se subicit sacerdoti loco Dei pro ejus arbitrio : denique per satisfactionem recompensat juxta prædictum arbitrium : requiruntur, ergo, et sufficiunt prædicti actus ex parte pœnitentis pro fine speciali, in quem ordinatur hoc sacramentum. In quo discursu plane supponit D. Thom. et quidem merito, quod etsi recompensatio debeat esse pœnitenti voluntaria, nihilominus modus, et quantitas ejus non relinquitur arbitrio hominis, neque ex sola rerum natura determinari valet : quocirca relinqui debet arbitrio Dei, et ministrorum ipsius in hoc sacramento. Ex quo discursu magis liquet rationem a priori, ut ea tria requirantur, et sufficiant, esse Dei voluntatem, idque Angelicum Doctorem in ipsamet congruentiæ ratione supposuisse.

2. Cui opponi potest, quod cum sacramentum sit signum sensibile, partes sacramenti debent esse sensibiles : sed contritio non est sensibilis, siquidem secundum suam substantiam est in corde, et pertinet ad pœnitentiam virtutem : ergo contritio non est, nec esse potest pars sacramenti pœnitentiæ. Object. 1.

Sed objectionem hanc optime diluit D. Thom. in resp. ad 1, negando minorem : « Quia contritio secundum essentiam est « in corde, et pertinet ad interiorem pœnitentiam : virtualiter autem pertinet « ad anteriorem pœnitentiam, in quantum « scilicet implicat propositum confitendi, « et satisfaciendi. » Quæ optime ibi eluciddat Cajetanus concludendo ad mentem D. Thomæ, quod licet contritio secundum essentiam præcisive sumptam, aut ratione essentiæ præcisæ ab aliis prædicatis, non sit sensibilis, nec subinde pars sacramenti : nihilominus eadem contritionis essentia habet alia prædicata, secundum quæ affert sensibilitatem, et potest exercere rationem partis sacramenti. Quippe quæ inter alia importat voluntatem recompensandi pro peccatis ad arbitrium Sacerdotis, et hac ratione transit virtualiter ad confessionem, et fit quodammodo dolor externus, et sensibile signum, ut optime docuit D. Thom. in 4, dist. 22, quæst. 2, art. 1, quæstiunc. 2, ad 3, his verbis : « Contritio, quæ videtur tantum « interioris pœnitentiæ esse, invenitur etiam Respon-
detur.

D Thom.

« etiam in pœnitentia exteriori, secundum quædam signa, quibus sensibilibus manifestatur. » Hanc tamen doctrinam Cajetani (quæ communior est inter Thomistas) refellit Suarez in comment. ad hunc art. § *Mihi tamen*, sub prætextu (inquit Prado in præsentī) impugnandi Cajetanum, rationem D. Thom. in corp. et ad 1, impugnans. Sed fallitur, et nihil evincit: quia nec D. Thomas, nec Cajetanus negat essentiam, substantiam, aut entitatem pœnitentiæ interioris specificative sumptam, ut Suarez loquitur, esse partem sacramenti pœnitentiæ: sed negant merito esse partem sacramenti tantum absque ordine ad pœnitentiam exteriorem, in qua virtualiter manet, et per quam fit sensibilibus cognoscibilis. Prædictum vero ordinem ei attribuunt; illumque efficaciter evincunt: quia de facto pœnitentia interior importat votum pœnitentiæ exterioris: quippe quæ intendit recompensationem non qualemcumque, sed amicabilem, et juxta arbitrium Dei ministerio sacerdotis: et hac ratione nequit non pertinere ad pœnitentiæ sacramentum, quin, et esse primum ejus initium. Quæ satis sunt ad infringendum Suarii oppugnationem. Quomodo autem interior pœnitentia sit pars sacramenti, an in recto sumpta, an præcise in obliquo ut facta sensibilis per confessionem, et pœnitentiam externam; difficultas gravis est, sed eam ex professo discussam, ac decisam relinquimus disp. 1, dub. 2, § 5, et præcipue a num. 99.

3. Deinde opponi potest, quod Sacramenta legis evangelicæ conferunt gratiam: sed satisfactio non confert gratiam, quippe quæ supponit absolutionem pœnitentiæ, et remissionem culpæ: ergo satisfactio non est pars sacramenti pœnitentiæ.

Huic tamen objectioni optime occurrit Div. Thom. in resp. ad 2, his verbis: « Dicendum, quod satisfactio confert gratiam, « prout est in proposito, » (quo pacto coincidit cum contritione, seu dolore, in quibus etiam satisfactio aliqua non solum intenditur, sed invenitur) « et auget gratiam, prout est in executione: sicut « etiam baptismus in adultis. » Frequenter namque contingit, quod eos supponit in gratia existere, et tunc non producit primam gratiam, sed auget. In qua responsione duo notanda sunt. Primum, quod

licet objectio convincat satisfactionem prout in executione non esse partem essentialem hujus sacramenti, cum supponat ipsum absolutione peractum, et primum ipsius effectum productum: nihilominus non concludit a satisfactione sic sumpta relegendam fore rationem partis integralis, sive pertinentis ad sacramenti complementum, et perfectionem. In quo fallitur Durandus unum ab altero colligens; cum solum inferatur satisfactionem in executione non esse partem essentialem, ut fusiùs ostendimus disp. 1, num. 115. Sed est integralis, sine qua proinde sacramentum imperfectum, et non completum maneret, sicut homo absque manibus, ut bene observat Cajetanus in præsentī. Unde fit consequens plurimum interesse, quod satisfactio quamprimum opere compleatur; ne interim sacramentum relinquatur mutilum, et suspendatur illa fructus pars, quæ ex satisfactione executâ percipitur. An autem ex opere operato, loco cit. diximus num. 120.

4. Secundum notatione dignum in ea responsione est, D. Thomam pro comperto habuisse ante peractam satisfactionem dari sacramentalem absolutionem, et produci hujus sacramenti effectum per satisfactionis propositum, quod vel includitur in ipsa contritione, et subjectione ad claves, ut proxime dicebamus, vel illas indivulse comitatur: nemo enim conteritur, et confitetur, cui in animo non sit se subdere iudicio Ecclesiæ, et pœnas a legitimo ministro impositas ferre non velit. Quare juxta doctrinam D. Thom. hoc loco satis expressam non est necessariam hominem pœnitentem prius satisfactionem implere, quam beneficium absolutionis ipsi impendatur: sed vice versa communiter loquendo potest, et debet sub proposito illo satisfaciendi absolvi, et post absolutionem adeptam exequi pœnitentiam sibi a confessario impositam. Huncque ordinem sane probatum, et minime reprehendendum supponit Concil. Trident. sess. 14, cap. 5 et 8, et præsertim can. 12, ubi diffinit, quod in hoc sacramento Deus non semper remittit totam pœnam temporalem simul cum culpa: ex quo evidenter sequitur post remissam culpam in hoc sacramento, superesse pœnam temporaliter luendam: sed satisfactio sacramentalis

Object.
2.

Occurrit
object.

deservit ad extinguendam pœnam ex peccato relictam ; et non tendit immediate ad remittendam culpam, quam potius dimissam supponit : ergo non debet necessario præcedere absolutionem, qua culpa dimittitur.

Estius. Quare refellendi sunt tam oppositum
Sylvius. asserentes, quam his faventes Estius in 4,
Maldon. dist. 15, § 15, Sylvius in addit. ad 3, p. q.
Petav. 18, art. 3, quæstiunc. 2, Maldonatus tom. 2,
Alba. disp. de Sacram. cap. 2, Petavius in ani-
Morinus. madv. ad S. Epiphan. fol. 239, et 231. Alba-
Spinæus lib. 2, observat. 32, cum aliis, et
omnium prolixissime, et liberrime Morinus
de administratione Sacram. Pœnitentiæ
per plures libros, maxime vero lib. 9
et 10. Quorum commune fundamentum
est, usum non absolvendi pœnitentes,
priusquam exquerentur injunctam sibi
satisfactionem, antiquissimum esse in Ec-
clesia, et adhuc invalescere apud Græcos :
contrariam vero consuetudinem non esse
ita antiquam, nec ita consonam sacra-
menti institutioni, aptamve pœnitentium
emendationi, ad quam illud ordinatur.
Eaque animositate nonnulli in hac causa
processerunt, ut ausi fuerint asserere. Pri-
mo, « ordinem præmittendi satisfactionem
« absolutioni induxit non politia, aut in-
« stitutio Ecclesiæ ; sed ipsa Christi lex, et
« præscriptio naturæ rei id ipsum quo-
« dammodo dictantis. » Secundo, « con-
« suetudo moderna quoad administratio-
« nem sacramenti pœnitentiæ, etiamsi
« eam plurimorum hominum sustentet
« autoritas, et multi temporis diurni-
« tas confirmet ; nihilominus ab Ecclesia
« non habetur pro usu, sed abusu. » Quin
addiderunt : « Per illam praxim mox ab-
« solvendi ordo pœnitentiæ est inversus. »

Suarez. Sed audiendi. ut diximus, minime sunt :
quia fundamentum, quo utuntur, nullum
est, et in ipsos cum toto ædificio corrui-
t, quippe usus absolvendi pœnitentes ante
executam satisfactionem antiquissimus est
in Ecclesia Latina, quæ multis titulis Græ-
cæ, ejusque ritibus præponenda est, ut me-
rito Suarez disp. 18, sect. 3, asseruerit :
« Dicere hoc esse necessarium, est error
« contra consuetudinem Ecclesiæ Latinæ. »
Et plane inter propositiones Petri de Osma
relatas in Bulla Sixti IV (quæ est 17 tom.
I Bullarii, et refertur a Castro lib. 4, con-
tra hæreses, verbo *Confessio*.) una erat :

« Non peracta pœnitentia confitentes ab-
« solvi non debere. » Pontifex autem om-
nes Petri propositiones ibi relatas con-
demnavit, declarans Apostolica auctori-
tate esse Catholicæ Fidei contrarias, erro-
neas, scandalosas, a veritate Evangelica
alienas, Sanctorum Patrum decretis, atque
Apostolicis constitutionibus contrarias, ut
constat ex eadem Bulla. Quam censu-
ram non meruisset illa Oxomensis propo-
sitiō, si usus non absolvendi ante peractam
injunctam pœnitenti satisfactionem tam an-
tiquus, et communis in Ecclesia fuisset, ut
quidam comminiscuntur ; quippe cum fa-
cile responderet se non ita asserere, quod
sentiret sacramentum aliter administra-
tum esse nullum ; sed quod longa, et com-
munis consuetudo legem ita administrandi
induxisset. Sed non ita respondit, nec po-
tuit : quia vel apparenti fundamento desti-
tuebatur. Quod evincit contrariam, et a no-
bis assertam consuetudinem esse longe
antiquiorem, et communiorem. Et si ali-
quod oppositi usus vestigium occurrit, id
deservit ad demonstrandum ita contigisse
non quidem in pœnitentia secreta, et sa-
cramentali, de qua nobis est sermo, sed in
canonicis, et publicis, in quibus excommuni-
catus non prius ad consortium cum fide-
libus admittebatur, quam exqueretur sibi
impositam satisfactionem. Et simile quid
in usu esse apud Græcos censendum est ;
non vero quod universaliter negent abso-
lutionem sacramentalem ante satisfactio-
nis executionem. Et qui contrarias propo-
sitiones supra relatas stabilire tentarunt,
vim fulminis Apostolici non effugerunt :
nam SS. D. N. Alexandri VIII, in secundo
decreto anni 1690, illas reprobavit, con-
demnavit, et gravi censura percussit ; sunt-
que inter alias eo decreto sub eisdem ver-
bis supra relatis condemnatas 16 et 17 et
18. Plane (ut hæc absolvamus, quæ tantum
delibasse in animo habuimus, fusius suo
loco, id est, agentes de satisfactione trac-
taturi) absurdum pœnitentis intolerabile ap-
paret, vel hominem bene dispositum non
absolvere usque ad impletam satisfactio-
nem sibi impositam, quæ per menses, et
annos durare potest : vel asserere homi-
nem, usque ad præfinitum illud satisfac-
tionis tempus non posse vere conteri, et
consequi justificationis gratiam ; cum ex-
ploratum sit pro contritione, et dispositio-
ne

ne ad gratiam consequendam non esse determinatum aliquod temporis spatium, sed in quacumque hora vere ingemuerit, posse veniam, et gratiam impetrare, ut exemplum latronis in cruce cum Christo penitentis declarat.

ARTICULUS III.

Utrum prædicta tria sint partes integrales Pœnitentiæ ?

Ad tertium sic proceditur. Videtur, quod prædicta tria non sint partes integrales Pœnitentiæ. Pœnitentia enim (ut dictum est), contra peccatum ordinatur; sed peccatum cordis, oris, et operis, sunt partes subjectivæ peccati, et non partes integrales: quia peccatum de quolibet horum prædicatur: ergo etiam in pœnitentia contritio cordis, confessio oris, et satisfactio operis non sunt partes integrales.

Præterea: nulla pars integralis in se continet aliam sibi condivissam; sed contritio continet in se confessionem, et satisfactionem in proposito: ergo non sunt pars integrales.

Præterea: ex partibus integralibus, simul, et æqualiter constituitur totum, sicut linea ex suis partibus; sed hoc non contingit hic: ergo prædicta non sunt partes integrales Pœnitentiæ.

Sed contra: illæ dicuntur partes integrales, ex quibus perfectio totius integratur: sed ex tribus prædictis integratur perfectio ipsius pœnitentiæ: ergo sunt partes integrales pœnitentiæ.

Respondeo dicendum: quod quidam dixerunt, hæc tria esse partes subjectivas pœnitentiæ. Sed hoc non potest esse: quia singulis partibus subjectivis adest tota virtus totius, et simul, et æqualiter; sicut tota virtus animalis, in quantum est animal, salvatur in qualibet specie animalis, quæ simul, et æqualiter dividunt animal; sed hoc non est in proposito. Et ideo alii dixerunt, quod sunt partes potentiales: sed nec hoc verum esse potest, quia singulis partibus potentialibus adest totum secundum totam essentiam: sicut tota essentia animæ adest cuilibet ejus potentie; sed hoc non est in proposito. Unde relinquitur, quod prædicta tria sint partes integrales Pœnitentiæ. Ad quarum rationem exigitur, ut totum non adsit singulis partibus, neque secundum totam virtutem ejus, neque secundum totam ejus essentiam, sed omnibus simul.

Ad primum ergo dicendum, quod peccatum, quia rationem mali habet, potest in uno tantum perfici, ut dictum est. Et ideo peccatum, quod in solo corde perficitur, est una species peccati. Alia vero species, est peccatum, quod perficitur in corde, et ore. Tertia vero species est peccatum, quod perficitur in corde, ore et opere. Et hujusmodi peccati partes quasi integrales sunt, quod est in corde, et quod est in ore, et quod est in opere. Et ideo Pœnitentiæ, quæ in his tribus perficitur, hæc tria sunt partes integrales.

Ad secundum dicendum; quod nua pars integralis potest continere totum, licet non secundum essentiam: fundamentum enim quodammodo virtute continet totum ædificium. Et hoc modo contritio continet virtute totam Pœnitentiam.

Ad tertium dicendum, quod omnes partes integrales habent ordinem quandam ad invicem. Sed quædam habent ordinem tantum in situ: sive consequenter se habent, sicut partes exercitus: sive se tangant, sicut partes acervi: sive etiam colligantur, sicut partes domus: sive etiam continentur, sicut partes lineæ. Quædam vero habent insuper ordinem virtutis, sicut partes animalis, quarum prima virtute est cor, et alia quodam ordine virtutis dependent ab invicem. Tercio modo ordinantur ordine temporis: sicut partes temporis, et motus. Partes igitur Pœnitentiæ habent ad invicem ordinem virtutis, et temporis, quia sunt actus: non autem ordinem situs, quia non habent positionem.

Conclusio est affirmativa.

1. Quam efficaciter probat ratio D. Thomæ desumpta a sufficienti enumeratione membrorum dividendum, qui discursus est legitimus, et reducitur ad hanc formam. Partes alicujus vel sunt subjectivæ, vel potentiales, vel integrales: sed contritio, confessio, et satisfactio sunt partes sacramenti pœnitentiæ ex parte materiæ, ut constat ex duobus articulis antecedentibus; et non sunt partes subjectivæ, nec potentiales: relinquitur ergo, quod sint partes integrales. Cetera constant. Et minor quoad secundam ejus partem, in qua sola poterat esse difficultas, probatur non minus efficaciter: nam quod attinet ad partes subjectivas, in qualibet earum etiam divisive sumpta salvatur essentia, et virtus totius, ut patet in speciebus animalis: sed in his partibus divisive sumptis non salvatur tota essentia, et virtus sacramenti pœnitentiæ, quin nec materia adæquata illius, quam immediate componunt partes, relatæ: ergo non sunt partes ejus subjectivæ. Et quod spectat ad potentiales, singulis earum adest totum secundum totam essentiam: sicut tota essentia animæ adest intellectui, et sensui, et cuilibet ipsius potentie. Quod minime salvatur in his partibus, cum manifestum sit, nec sacramentum, nec adæquatam ejus materiam proximam salvari in contritione, aut in qualibet harum partium. Relinquitur itaque, quod sint partes integrales, quarum proprium est, quod totum non salvetur in earum singulis, sed in eis simul, ut patet in membris, seu partibus quantitativis, ex quibus componitur homo. Hæc in summa S. Doctor alia addens motiva in 4, dist. 16, quæst. 1, art. 1, q. 3, quæ opus non est expendere. Pro majori tamen luce observare oportet eatenus istas partes appellari a D. Thom. integrales, quatenus illis integratur, et completur tota materia proxima Sacramenti, quæ est pars essentialis illius. Unde istæmet partes, quæ per comparationem ad alias compartes, et ad materiam proximam completam ex eis coalescentem dicuntur integrales per ordinem ad sacramentum essentielles sunt; cum sine illis non adsit ejus materia. Quare contritio, confessio, et satisfactio in voto ita sunt essentialia sacramento, ut absque

Observ.
quædam.

illis moraliter unitis minime subsistat : quod in aliis partibus mere integralibus non ita contingit, cum absque manu, aut auricula salvetur homo, et sic de aliis. Porro S. Doctor in hoc articulo partium essentialium non meminit, nec mentione opus habuit : nam illas statuerat art. immediate præcedenti, constituens sub materia pœnitentiæ tres actus, de quibus loquimur. « Quia quantitas, dixit, se tenet « ex parte materiæ, partes quantitatis « sunt partes materiæ. Et hoc modo sacra- « mento pœnitentiæ specialiter assignantur « partes quantum ad actus pœnitentis, qui « sunt materiæ hujus sacramenti. » Quocirca partibus essentialibus jam præsuppositis, et relictis, solum habere debuit considerationem de aliis partibus, ac divisionibus, ut optime fecit. Quod si animadvertisset Suarez in præsentī, non earum mentionem in hoc articulo desiderasset, quasi D. Thom. in suo discursu, et probatione diminute processerit.

D. Tho.

Objici-
tur 1.

2. Sed potest opponi, quod totum non potest prædicari de parte integrali determinata ; non enim recte diceretur manus, aut pes hominis homo ; sed sacramentum pœnitentiæ bene, et vere prædicatur de confessione : quippe vera, et communiter recepta est ista prædicatio, *Confessio est Sacramentum Pœnitentiæ*; ergo confessio non est pars integralis illius, sed magis subjectiva, de qua totum potest prædicari.

Respon-
sio.

Ad hanc tamen replicam constat ex dictis disp. I, dub. 3, per totum, et præcipue num. 134, majorem solum esse veram in concretis substantialibus, secus in accidentalibus, et artificialibus, quæ supponunt pro materia, et hæc est pars essentialis artefacti : unde bene de ligno dicitur, quod sit Cathedra, et de argento, quod sit Calix. Confessio autem ita est pars integralis materiæ, quod simul est essentialis sacramenti, et pro ea sacramentum supponit, ut loco cit. ex professo ostendimus. Unde non est inconveniens, si de ea totum prædicetur. Aliter contingit in manu, aut pede partibus pure integralibus hominis, quod est concretum substantiale.

Objici-
tur 2.

3. Deinde objicies ; unam partem integrale non continere aliam sibi condivisam : sed contritio continet confessionem, et satisfactionem in voto : ergo non est pars integralis pœnitentiæ. Nec satisfacit

responsio D. Thomæ ad 2, ubi ait, quod una pars integralis potest virtute continere totum : fundamentum enim continet quodammodo in virtute totum ædificium. Et hoc modo contritio continet virtute totam pœnitentiam. Nam contra est, inde fieri contritionem esse principaliorem sacramenti partem, quam confessionem : quod est absurdum. Sequela ostenditur : tum quia continens est excellentius suo contento : tum exemplo S. Doct. siquidem fundamentum est excellentius aliis partibus ædificii. Et absurditas consequentis facile apparet : quia sacramentum pœnitentiæ supponit non pro contritione, sed pro confessione, ut proxime dicebamus, quod aliter contingeret, si contritio esset perfectior pars, quam confessio.

Respondetur sustinendo solutionem D. Thomæ. Et adhibitæ adversus eam impugnationi potest occurrī primo cum Nugno in præsentī, dicendo S. Doctorem solum præferre contritionem confessioni, quantum ad pœnitentiam in ratione virtutis, secus vero in ratione sacramenti. Sed cum D. Thom. modo agat de pœnitentia, ut sacramentum est, atque ideo de contritione, ut est sacramenti pars ; addit prædictus Auctor D. Thomam contritionem considerare secundum utramque rationem, et actus virtutis, et partis sacramenti : nullumque esse inconveniens, quod contritio unam, et alteram rationem complectens sit confessione perfectior ; licet ista alias proximius ad sacramentum per modum materiæ concurrat, utpote per se sensibilis, et pro qua subinde sacramentum supponat.

Secundum, et cum majori, ut putamus, Alia v. solvitur objectum consonantia ad mentem D. Thomæ, respondetur concedendo ipsum in præsentī non agere de pœnitentia virtute, sed sacramento. Et tamen ex ejus doctrina non sequitur, quod contritio sit absolute principalior sacramenti pars, quam confessio, sed solum cum addito, et secundum quid. Non enim affirmat contritionem continere simpliciter confessionem, nec id contingere valet in partibus integralibus sibi ad invicem condivisis ; sed solum concedit aliqualem continentiam, et secundum determinatam rationem ; quod partibus integralibus inter se comparatis minime repugnat : sic namque cor quantum ad officium

officium vivendi continet aliquo modo caput, quia est principium vitæ; sed vice versa caput quantum ad operationes sensitivas continet cor, quia est principium sentiendi: et tamen sunt partes integrales ejusdem corporis. Ad hunc ergo modum concedit D. Thomas contritionem continere confessionem, per modum, inquam, radicis, et inchoationis ejus, sicut dixerat art. immediate præced. in resp. ad I, quod contritio secundum essentiam existens in corde, « virtualiter pertinet ad exteriorem » pœnitentiam, in quantum scilicet implicat « propositum confitendi, et satisfaciendi. » Per quod minime excluditur, quod vice versa confessio contineat etiam quodammodo contritionem, videlicet per modum signi illam repræsentantis, dependenter a quo habet interior contritio, quod sit sensibilis, et pars sacramenti. Et ita vitatur, quod sit principalior sacramenti pars præ confessione: et consonant cuncta S. Doctoris dicta: « Una pars integralis. *inquit ad* » 2, potest continere totum, licet non secundum essentiam: fundamentum enim « continet quodammodo virtute totum ædificium. Et hoc modo contritio continet « virtute totam pœnitentiam. » Unde sicut nemo colliget fundamentum esse formaliter totum ejus ædificium, aut esse simpliciter perfectius cunctis ejus partibus, sed solum secundum quid, et in ratione principii illas inchoantis: (constat enim esse alias absolute nobiliores:) ita, et non amplius colligere debet ex assertis a D. Thom. circa contritionem in ordine ad alias partes, quæ sacramentum constituunt.

4. Pro legitima intelligentia eorum, quæ docet in resp. ad I, observandum est peccata cordis, oris, et operis posse sumi dupliciter, nimirum vel specificè sistendo in quolibet eorum, vel gradualiter procedendo ab uno ad aliud. Primo modo differunt essentialiter: nam peccatum cordis est illud, quod consummatur in corde, ut odium Dei: peccatum oris, quod ore perficitur, ut blasphemia: et peccatum operis, quod opere completur, ut homicidium. Quæ duo postrema peccatorum genera non ideo externa dicuntur, quia actum internum excludant, (id enim impossibile est;) sed quia non complentur in sua malitia, nisi exterius ore, aut opere consummentur. Secundo autem modo, id est, gradualiter

ter sumpta non important distinctionem specificam; sed unum, et idem non solum specie, sed numero peccatum potest concipi in corde, ascendere in os, et pervenire ad executionem operis, ut patet in eo, qui corde statuit, ore promittit, et facto exequitur mortem proximi, juxta illud Jacob. cap. 1: *Unusquisque tentatur a concupiscentia sua abstractus, et illectus; deinde concupiscentia, cum conceperit, parit peccatum; peccatum vero, cum consummatum fuerit, general mortem.* Quocumque autem modo peccatum accipiat, indiget contritione, confessione, et satisfactione, ut docuerat D. Thomas art. præced. in resp. ad 4. Quare cum in resp. ad I, peccata cordis, oris, et operis adaptavit contritioni, confessioni, et satisfactioni; solum curavit salvare quandam, et certe pulchram inter prædicta tria proportionem: sed non ideo exclusit necessitatem trium pœnitentiæ partium ab aliis peccatis sub prima consideratione contentis. Ut enim dixerat priori loco. « Licet peccatum perficiatur in con-

Jacob.
c. 1.

D. Thom.

Cajetan.

ARTICULUS IV.

Utrum convenienter dividatur Pœnitentia in Pœnitentiam ante baptismum, Pœnitentiam mortalium, et Pœnitentiam venialium?

Ad quartum sic proceditur. Videtur, quod inconvenienter dividatur Pœnitentia, in Pœnitentiam ante baptismum, Pœnitentiam mortalium, et Pœnitentiam venialium. Pœnitentia enim, est secunda labula post naufragium (ut supra dictum est) baptismum autem prima: illud ergo, quod est ante baptismum, non debet poni species Pœnitentiæ.

Quæst.
84.
art. 6.

Præterea: Quod potest destruere majus, potest etiam destruere minus; sed mortale est majus peccatum, quam veniale: illa vero Pœnitentia, quæ est de mortalibus, eadem etiam est de venialibus: non ergo debent poni diversæ species Pœnitentiæ.

Præterea: Sicut post baptismum peccatur venialiter, et mortaliter, ita etiam ante baptismum: Si ergo post baptismum distinguitur pœnitentia venialium, et mortalium, pari ratione debet distingui ante baptismum: non ergo convenienter dividitur pœnitentia per has species.

Sed contra est : quod Augustinus in libro de Pœnitentia, ponit prædictas tres pœnitentiæ species.

Respondeo dicendum ; quod hæc divisio est Pœnitentiæ, secundum quod est virtus. Est autem considerandum, quod qualibet virtus operatur secundum congruentiam temporis, sicut, et secundum alias debitas circumstantias. Unde, et virtus Pœnitentiæ actum suum habet in hoc tempore secundum quod convenit novæ legi. Pertinet autem ad pœnitentiam, ut detestetur peccata præterita, cum proposito immutandi vitam in melius, quod est quasi pœnitentiæ finis. Et quia moralia recipiunt speciem secundum finem (ut in secunda parte habitum est) conveniens est, quod diversæ species Pœnitentiæ accipiantur secundum diversas immutationes, quas pœnitens intendit. Est autem triplex immutatio a pœnitente intenta. Prima quidem per regenerationem in novam vitam, et hæc pertinet ad Pœnitentiam, quæ est ante baptismum. Secunda autem immutatio est per reformationem vitæ præteritæ jam corruptæ, et hæc pertinet ad Pœnitentiam mortaliū post baptismum. Tertia autem immutatio est in perfectiorem operationem vitæ : et hæc pertinet ad pœnitentiam venialium, quæ remittuntur per aliquem ferventem actum charitatis, ut supra dictum est.

Ad primum ergo dicendum ; quod Pœnitentia quæ est ante baptismum, non est Sacramentum, sed est actus virtutis, disponens ad Sacramentum baptismi.

Ad secundum dicendum ; quod Pœnitentia quæ delet peccata mortalia, delet etiam venialia : sed non convertitur. Et ideo hæc duæ Pœnitentiæ se habent sicut perfectum, et imperfectum.

Quæst. 87.
art. 4. Ad tertium dicendum : quod ante baptismum non sunt peccata venialia sine mortalibus. Et quia veniale sine mortali dimitti non potest (ut supra dictum est) ideo ante baptismum non distinguitur Pœnitentia mortaliū, et venialium.

Conclusio est affirmativa

1. In hoc art. agit specialiter D. Thom. de partibus virtutis pœnitentiæ, ut palam profitetur a principio corporis dicens, « quod hæc divisio est pœnitentiæ, secundum quod est virtus. » Per quæ denotat se in anterioribus hujus quæstionis articulis tractavisse, specialiter de partibus pœnitentiæ ut sacramenti. Ubi observandum est, quod licet eadem pœnitentia, et sit virtus, et sit etiam pars sacramenti ; nihilominus latius patet sub ratione virtutis, quam sub ratione partis sacramentalis. Quoniam ante legem gratiæ fuit virtus, et tamen non fuit pars Sacramenti, sed tantum dispositio necessaria ad remissionem peccati. Quin, et in ipsa lege evangelica est etiam pro adultis necessaria ante susceptionem baptismi ; cum tamen non sit pars baptismi, aut alterius sacramenti, ut est communis doctrina, et tradit D. August. hom. 50, quæ est de utilitate, et necessitate pœnitentiæ, juxta illud Actor. 8 : « pœnitentiam agite, et baptizetur unusquisque vestrum. » Unde cum D. Thom. sibi objecisset pœnitentiam esse secundam tabulam post naufragium, baptismum vero primam : atque ideo illud, quod baptismum

præcedit, non habere rationem pœnitentiæ ; respondit « quod pœnitentia, quæ est ante baptismum, non est sacramentum, sed est actus virtutis disponens ad sacramentum baptismi. » Unde satis liquet major extensio pœnitentiæ virtutis supra se ipsam, ut partem sacramenti.

Aperuit autem D. Thom. hunc specialiter articulum ad explicandum, et propugnandum propositam divisionem traditam a D. Augustino loco citato : et clarissime, ac juxta Augustini mentem declaravit aptam esse divisionem, aut distributionem de pœnitentia ante baptismum, et pœnitentia mortaliū, et pœnitentia venialium. Ad pœnitentiæ namque virtutem pertinet propositum immutandi in melius, quod est quasi pœnitentiæ finis : et tres sunt immutationes a pœnitentibus intentæ. Prima per regenerationem in novam vitam : et hæc pertinet ad pœnitentiam ante baptismum. Secunda per reformationem vitæ præteritæ post baptismum corruptæ : et hæc pertinet ad pœnitentiam mortaliū. Tertia per perfectiorem operationem vitæ, et hæc pertinet ad pœnitentiam venialium, quæ fervore charitatis delentur. Ergo juxta tres præmissas immutationes in melius fit congrua divisio pœnitentiæ virtutis in tres pœnitentias relatas. Hæc S. Doctor D. Augustino inhærens, et ejus sententiam elucidans.

2. Unde excessit, et haud leviter deceptor est Suarez in præsentī, aliam, et suo judicio conformiorem menti D. Augustini commentus explicationem. Quia Augustinus, nec dixit, nec curavit, nec distinxit, ut ille ratus est, tres pœnitentias juxta tres pœnitentiæ modos, quos pro diversis personis exercet Ecclesia ; alium pro catechumenis in fide ante baptismum instruendis ; alium pro jam baptizatis, sed mortaliter lapsis ; et tertium pro ablucendis venialibus per varia remedia. Hoc enim a Suarīo voluntarie excogitatum fuit, et minime ad mentem D. Augustini, sed præter, aut etiam contra ejus intentionem, et verba, quæ nulla pro suæ cogitationis defensione profert. Quare Prado in præf. non immerito subintulit : *Unde nec eum videtur legisse.* Aliter prorsus, ac Suarez se gessit Augustinus : assignavit enim tres pœnitentium actiones, quas exercere valent, vel ad primo comparandam gratiam per regenerationem

D. August.

D. Thom.

Rejic-
ror
exple
tio
Suari

Prado

nerationem baptismi; vel ad eam amissam restaurandam; vel ad illam perficiendam venialium expurgatione; ut patet ex homilia cit. cap. 3, cujus initium est, *Tres sunt actiones Pœnitentiæ*. Illorum autem modorum, quibus Ecclesia se gerit cum pœnitentibus, et pro hac divisione Suarez expendit, nullum ibi est vestigium in littera D. Augustini, ut eam percurrenti constabit. Et ipsum non loqui de cæremonia pro catechumenorum pœnitentia ab Ecclesia instituta, sed de ea, quæ jure divino est dispositio ad baptismum, liquet ex his, quæ subiungit: « Hæc prima pœnitentia præcipitur Judæis, dicente Apostolo Petro Actor. » 8: Pœnitentiam agite, baptizetur unusquisque vestrum. » Et profecto si D. Augustinus divideret pœnitentiam ad sensum Suarii, diminute sane processisset in ea divisione; quia inter modos, aut cæremonias, quibus Ecclesia utitur cum pœnitentibus connumeratos, eratque jam in usu Augustini tempore, est pœnitentia sollemnis: cujus tamen non meminit S. Doctor in ea divisione. Signum itaque est, quod in ea assignanda non attendit ad illos varios modos, seu cæremonias, sed ad pœnitentium actiones sive in melius immutationes, ut fidelissimus ejus discipulus D. Thom. asserit, et explicat tam in præf. art. quam in 4. dist. 16, quæst. 1, art. 2, q. 5.

3. Dubitari autem potest, quænam sit hæc divisio pœnitentiæ, essentialis, an accidentalis? Et aliqui tuentur primum, quibus favere videtur D. Thom. in hoc art. tum quia has partes vocat species pœnitentiæ: tum quia docet earum diversitatem sumi a fine, qui in moralibus dat speciem. Est ergo hæc divisio generis in species, ac subinde essentialis. Sed vera, et communis sententia est esse accidentalem, et subjecti in accidentia: virtus namque pœnitentiæ est una in specie infima propter unitatem objecti, et actus primarii, ut constat ex dictis disp. 5, fere per totam, et præcipue dub. 5. Illæ vero tres mutationes, sive pœnitentiæ status accidentia sunt, et accidentaliter ipsi conveniunt: præsertim cum desumantur per respectum ad diversa tempora, et varias, ac extrinsecas circumstantias, et fines inadæquatos operantium; a quibus omnibus præscindit essentia, tam habitus, quam actus primarii virtutis: ergo divisio, qua virtus pœnitentiæ in eas

dividitur, nequit non esse divisio unius speciei virtutis in accidentia sibi successive obvenientia. Nec oppositum significavit D. Thom. quia specierum vocabulo solum significavit varias mutationes, sive status specie inter se differentes, sed accidentales, non solum habitui pœnitentiæ, sed ejus etiam actui primario, nempe contritioni: semper enim est species contritio, exerceatur sive ante baptismum, sive post; et sive circa mortalia, sive venialia: quippe procedens in omnibus sub eodem formali motivo, ut explicuimus disp. cit. dub. 2. Nec S. Doctor asseruit mutationem vitæ in melius esse absolute finem hujus virtutis, sed « quod est quasi pœnitentiæ finis, » utique inadæquatus accidentaliter occurrens, et juxta circumstantias temporum, et subjectorum; quod non sufficit ad refundendum in specie habitus variationem.

4. Sed resolutioni, et discursui D. Thomæ potest urgenter opponi; non esse majorem rationem, quare distinguatur pœnitentia mortalium, et venialium post baptismum, et non distinguatur eadem, et eorundem pœnitentia ante baptismum; sed ante baptismum non distinguitur pœnitentia mortalium, et venialium, ut constat ex discursu Div. Thomæ: Ergo nec post illum distingui debet: aut e converso, si post illum distinguitur, ante illum etiam distingui oportet: atque ideo diminute, et minus consequenter se gessit Div. Thomas in prædicta divisione. Cætera constant præter majorem, quæ facile suadetur: nam ante baptismum non minus committuntur peccata mortalia et venialia, quam post baptismum: ergo non est major ratio distinguendi pœnitentiam pro istis, quam pro illis.

Respondet Divus Thomas in solut. ad 3 negando majorem, et assignando rationem disparitatis; nempe ante baptismum non posse venialia reperiri absque mortalibus, quippe quæ cum solo originali conjungi non valent. Et quia venialia sine mortali remitti nequeunt, ut supra ostenderit quæst. 87, art. 4. Et nos ibidem explicuimus; propterea non oportet quod ante baptismum distinguatur pœnitentia mortalium, et pœnitentia venialium. Post baptismum autem possunt, et solent reperiri peccata venialia sine mortalibus, ut patet in justis communiter: quocirca post baptismum distingui debet venialium pœnitentia a pœnitentia

Quædam
object.
difficilis.

Fit sa-
tis
object.

mortalium. Quæ est efficax, et non minus clara ratio distinctionis assignatæ : in qua supponit Divus Thomas doctrinam a se traditam 1, 2, quæst. 79, artic. 6, de impossibilitate peccati venialis in aliquo cum solo originali. Ex quo legitime deducitur, quod ante baptismum nequeunt reperiri peccata venialia absque mortalibus.

D. Thom.
Suarez
opponi-
tur.

5. Hanc tamen responsionem non probat Suarez, et doctrinam in ea a Div. Thom. suppositam, quæ est velut characteristicam nota legitimi discipulatus ipsius, difficilem, et rigorosam arbitratur. Unde ipse diversam arripit viam, autumat venialia posse cum solo originali conjungi ; et perinde esse quantum ad præsentem considerationem, quod jungatur cum originali, ac cum lethalibus personalibus : nunquam enim absque illis remittentur. Atque ideo, ut colligit ille, semper venialia tollentur per illudmet remedium, per quod aufertur mortale, sive originale, sive personale ; et sive tale remedium sit pœnitentia, sive non.

Suario
respon-
detur.

Condonamus huic Auctori quod propriissimam Div. Thomæ sententiam appellet rigorosam, et difficilem : frequenter namque veritas, sicut, et virtus, refugit mollia, et facilia ; et quæ pervia apparent, a fucis habent, quod acceptentur. Sententia autem S. Doctoris in suo rigore verissima est, et satis communis non solum inter rigidos discipulos (quod sufficiebat) sed etiam apud alios : ut eis productis ostendimus tract. 13, de peccatis disp. 20, dub. 1, et 2, ubi illam firmavimus ex professo. Hæc, inquam, remittimus Suario, et quod D. Thomæ adversetur. Ceterum hic non sistit, sed discedit etiam a D. Augustino, a quo istam accepimus pœnitentiæ divisionem ; quod sustineri non debet. Nam S. Doctor cum unam solam pœnitentiam constituat ante baptismum, post illum tamen constituit, et pœnitentiam de mortalibus, et pœnitentiam de venialibus, et pro eis assignat differentes actiones, ut constat ex homil. cit. capit. 7, ubi agit de remissione venialium, et capit. 9, ubi agit de remissione mortalium, et ait : « Tertia actio est pœnitentiæ, quæ pro illis peccatis subeunda est, quæ legis » Decalogus continet. » Ergo contra Sanct. Augustinum asserit Suarez venialia tolli indiscriminatim per eadem remedia, per quæ lethalia, originalia, ac personalia ante, et post baptismum. Eo, vel maxime,

D. Au-
gustin.

quod pro solo peccato originali nulla pœnitentia requiritur interior, vel exterior, ut est communis sententia, cum D. Thoma supra quæst. 86, art. 3, ad 1, et in supplem. quæst 2, art. 2. Sed ut ipse Suarez fatetur, quando D. August. et D. Thomas agunt de pœnitentia pro venialibus, præcipue loquuntur de pœnitentia exteriori : ergo contra utrumque S. Doctorem, et satis inconsequenter scripsit per illudmet remedium, per quod tollitur peccatum originale, auferri et venialia, sive sit pœnitentia, sive non. Nescimus hæc vel per imaginationem componere ; cum originale nullam pœnitentiam requirat ; et venialia non possint sine aliqua pœnitentia deleri.

6. Sed replicabis ; nam adhuc admissa D. Thomæ sententia de impossibilitate peccati venialis cum solo originali, potest homo justificari, et mundari ab originali per contritionem, et ante baptismum in re susceptum : sed in tali casu nullum est inconveniens, quod peccatum veniale committat, et quod de illo pœniteat ante baptismi susceptionem : ergo potest dari pœnitentia venialium ante baptismum non secus ac post illum in re susceptum : et consequenter insufficiens est illa pœnitentiæ divisio, ac D. Thom. explicatio, adhuc supposita speciali illa ejus sententia.

Respondetur concedendo præmissas, et negando utramque consequentiam, præsertim ultimam. Nam D. Augustinus, et D. Thomas in prædicta divisione loquebantur per se, et supposita existentia peccati originalis cum peccato mortali personali : in quo casu non est, nec esse potest specialis pœnitentia pro venialibus : quæ tamen est per se loquendo post acceptum baptismum, et remissum originale. Quod vero ante illius in re susceptionem justificetur homo, sicut est per accidens : ita, et per accidens facit, ut homo post acceptam primam justificationis gratiam, possit pro solis peccatis venialibus specialem agere pœnitentiam ac si re ipsa baptismum in re suscepisset. Et hic nos deserit continuatio litteræ Div. Thomæ, qui post scriptum hunc articulum morte præventus simul vitæ, et scriptis felicissimum finem imposuit, utraque immortalitate coronandus, et qua sanctitate pollens, et qua doctrina excellens, quibus tam triumphantis, quam militantis Ecclesiæ gloriam cumulavit, et circumquaque veritatis

Repli-
ca.

Diluitur

ho-
e
itus. veritatis lumen diffudit. Curaverunt vero discipuli continuare hanc tertiam summam partem ex S. Doctoris scriptis super lib. 4 sentent. egregiumque ediderunt opus sub titulo *Supplementi*. In posterum tamen a recitandis ejus articulis abstinemus: quia licet nobis exhibeant communiter sententias legitimas D. Thomæ: verba tamen propria, eaque profundissima nostri Angelici Præceptoris in illis desideramus. Curabimus tamen stratam aut insinuatam ab ipso viam continuare, agendo de ceteris pertinentibus ad sacramentum pœnitentiæ, et præcipue de his tribus ejus partibus in particulari, sicut ipse promiserat in titulo hujus quæstionis, et quia prior, et potior omnibus est contritio, idcirco sequentem disputationem pro illa aperimus, quæ per continuationem ad præmissas in priori hujus tractatus parte est

DISPUTATIO VII.

De Contritione.

quæ
vox
ritio
e-
en-
t? In hoc titulo contritionis vocabulo significamus, et comprehendimus non eam præcise, quæ contritio propria est, actusque specialis, et primarius virtutis pœnitentiæ, de quo egimus disp. 5, fere per totam, et præsertim dub. 5. Sed ea vox in præsentia latius se extendit, nempe ad omnem de peccato dolorem, sive contritio perfecta sit, sive alius actus inferior. Imitamurque in hoc stylum, et sensum Sacræ Synodi Tridentinæ, quæ actura, sicut et nos, de hac prima sacramenti pœnitentiæ parte, cap. 4, sess. 14, inscripsit de *Contritione*, hoc nomine complectens dolorem perfectum, charitateque formatum, qui antonomastice *contritio* dicitur; et alium dolorem imperfectum, ex motivoque longe de miseriis procedentem, qui vulgo *attritio* appellatur, ut manifeste constat ex integro illius capituli discursu. Sed ut in sequentibus cum majori tam claritate, quam universalitate procedamus, illud nomen in aliud communius convertemus, et ita inquirimus.

DUBIUM I.

Quas condiciones debeat habere peccatorum dolor, ut sit pars sacramenti pœnitentiæ, et dispositio ad ejus effectum?

In hoc ubi multa occurrunt, quæ in priori hujus tractatus parte discussa sunt, et proinde, non tam tractari, aut repeti debent, quam insinuari: multa etiam, quæ communiter recipiuntur et superfluum foret ad examen revocare, atque ideo congruentius supponuntur. Quo circa

§ I.

Præmittuntur aliqua notabilia, et proprius dubii status assignatur.

1. Primo loco observandum est, quod quamvis in eodem doloris actu concurrere possint, et conceptus partis essentialis ex parte materiæ ad valorem sacramenti requisitæ, ut constat ex dictis ad art. 2, quæst. præced. et locis ibi relatis: et simul conceptus dispositionis ad gratiam hoc sacramento producendam, atque ideo, ut illud non solum sit validum in se, verum etiam fructuosum in suscipiente: nihilominus prædicti conceptus sunt valde diversi, importantque officia satis distincta, atque revocabilia in aliud, et aliud caput. Ut enim alia interim omitamus; dolor, ut est pars sacramenti, solum respicit per se illa peccata, quæ memoriæ occurrunt, et per confessionem explicantur; sed dolor, ut est dispositio ad gratiam, se extendit per se universaliter ad omnia peccata gravia, sive cognoscantur, sive non: quippe gratia infundi nequit absque omnium remissione, et aliquali per dolorem retractione. Rursus dolor, ut est pars sacramenti, debet esse, aut fieri aliquo modo sensibilis; aliter enim non esset pars signi vel sacramenti: at dolor, ut sit dispositio ad gratiam, non exposcit necessario esse sensibilis; sed potest esse pure interior in corde latens, sicut quando disponit extra sacramentum. Denique dolor, ut est sacramenti pars, præcedit (saltem per se loquendo) tempore, vel natura confessionem; quippe ista ex dolore concipitur, ac fit; nec habet (ut pro sacramento debet) rationem accusationis, nisi dependenter ab illo: dolor autem, ut est dispositio ad gratiam,

non importat necessario eam præcedentiam, sed suppositis partibus sacramenti essentialibus, dolore scilicet, et confessione, potest convenienter elici cum sola præcedentia ad gratiam tunc producendam, ad quam disponit, ut extra sacramentum contingit. Sunt itaque prædictæ rationes diversæ: atque ideo dolor, ut sacramenti pars, dicit aliqua, quæ non importat ut dispositio ad gratiam, et e converso. Ad eum plane modum, quo in eodem, v. g. consensu Petri contrahentis cum Maria junguntur rationes materiæ, et formæ saltem partiales respectu sacramenti matrimonii: sed sunt satis diversæ, siquidem consensus Petri, ut determinabilis per consensum Mariæ, habet rationem materiæ, et ut consensus Mariæ determinans, habet rationem formæ: et secundum unam rationem antecedit, et secundum aliam subsequitur. Et quemadmodum duæ prædictæ rationes possunt coire in eodem actu, et possunt etiam exerceri per diversos, unum offerentem consensum Petri, et alterum acceptantem consensum Mariæ; quin et fieri valet, ut primus inveniat absque secundo: sic etiam non repugnat, quod præmissæ doloris rationes, tam partis componentis sacramentum, quam dispositionis præparantis ad gratiam, jungantur in eodem pœnitentis actu; nec repugnat, quod exerceantur per actus distinctos, quorum unus sit materia, aut pars sacramenti, et alius sit dispositio ad ejus effectum; et forte nec repugnat (quantum est ex vi hujus,) quod separentur, et prius absque posteriori contingat. De quo alias, nempe disp. 8, dub.

Dubium præcedit circa requisita ad dolorem, ut est pars sacramenti Pœnitentiæ.

Suppositio quædam negat illam. Bernard. de Gan-naco

11. Cum itaque prædictæ rationes sint adeo diversæ; dubium præsens non complectitur utramque, sed præcise attendit ad requisita pro dolore, ut sit vera pars sacramenti pœnitentiæ, illudque per modum partis constituat: quidquid fuerit de alio conceptu, aut ratione dispositionis. Idque satis expresse significat titulus dubii determinando, *ut sit pars sacramenti pœnitentiæ*.

2. Supponit autem aliquem dolorem debere esse hujus sacramenti partem. Id negavit olim quidam Bernardus de Gan-naco relatus a Capreolo in 4, dist. 17, q. 2, artic. 3, affirmans posse dari validum sacramentum Pœnitentiæ absque omni dolore, dummodo omnia peccata confiteantur sacerdoti. Quam sententiam a subsequen-

tibus Theologis summo consensu rejectam renovare tentarunt Ludovicus a Conceptione in examine veritatis tract. 5, q. 2, n. 19, et 35, Christophorus a S. Joseph tom. 1, receptar. opinionum, in 2 part. de sacramento pœnit. dub. 1, num. 8, pro sua sententia referens Franciscum a S. Juliano ex eadem Familia, Delgadillo in tract. de Pœnitentia, cap. 10, dub. 8, num. 44. Qui pro prædicta sententia nullum afferunt alicujus ponderis fundamentum, sed solas citationes Auctorum, quos tamen non ita sensisse evidenter demonstrat Prado, productis eorum verbis in præs. quæst. 5, de contritione dub. 1.

Sed cujuscumque sit, aut fuerit, eam esse falsam docent communiter Theologi, et aliqui illam gravi improbabilitatis nota percellunt, ut videre est apud Pradum loco cit. Quare suppositionem factam ut plane certam præmittimus: scilicet ad valorem sacram. pœnitent. non sufficere, quod pœnitens intendat recipere hoc sacramentum, et quod in ordine ad hunc finem confiteatur omnia peccata; sed insuper requiri, quod de illis habeat dolorem, qui sit sacramenti pars. In qua suadenda non oportet immorari quia satis constat ex dictis disput. 1, dub. 2, et quæst. 90, art. 2. Sed satis erit breviter insinuare præcipua hujus veritatis capita. *Primum*, ac præcipuum ex Dei instituentis voluntate, quæ nobis innotescit per determinationem Ecclesiæ docentis sacramentum pœnitentiæ ex parte materiæ, quæ, et forma componitur, constare tribus partibus, et in primis dolore de peccatis, quæ clavibus submittuntur. Sic Florentinum in decreto Eugenii, et Tridentinum sess. 14, cap. 3, ibi: «Sunt autem quasi materia hujus sacramenti ipsius pœnitentis actus, nempe contritio.» Et c. 4: «Contritio, quæ primum locum inter dictos pœnitentis actus habet, animi dolor, ac detestatio est de peccato commisso, etc.» Et can. 4 ejusdem sess. ibi: «Si quis negaverit ad integram, et perfectam peccatorum remissionem requiri tres actus in pœnitenti, videlicet contritionem, confessionem, et satisfactionem, quæ tres pœnitentiæ partes dicuntur, etc. anathema sit.» Secundum ex communi sensu fidelium, et consensu Theologorum cum eorum principe D. Thoma, tum quæst. D. Tho præced. art. 2, ubi concludit: «Sic igitur requiritur

Lodovicus a Conceptione

Christophorus a S. Joseph

Franciscus a S. Juliano

Julianus Delgadillo, Prado

Repetitur negatio suppositionis

Concilium Florentinum Idem Concilium Idem Concilium

D. Thomas

« requiritur ex parte pœnitentis, primo qui-
« dem voluntas recompensandi, quod fit per
« contritionem. » Tum in 4, dist. 23, q. 1,
art. 4, q. 2, ubi ait : « Contritio est de es-
« sentia sacramenti pœnitentiæ. » Et idem
docent alii, maxime post Concil. Tridenti-
num. Unde Granados contr. 7, tract. 3,
disp. 3, sect. 1, dicit sententiam oppositam
esse improbabilem, et hoc tempore teme-
rariam : nam præterquam quod repugnat
omnibus aliis Theologis, et Doctoribus,
aperte videtur damnata in Concilio Triden-
tino. Et Lugo disp. 14, sect. 1, num. 4, dicit
esse contra praxim totius Ecclesiæ. E contra
de nostra suppositione affirmat Aversa
quæst. 11, sect. 5, esse communem fidelium,
et Doctorum sensum. Et similia proferunt
Prado ubi supra, et alii. Tertium ab optima
congruentiæ ratione ; quia cum hoc sacra-
mentum institutum sit per modum iudicii,
in quo pœnitens comparatur, ut reus ;
oportet peccatorum confessionem (quam
nemo negat requiri essentialiter ad sacra-
menti valorem) esse de peccatis accusatio-
nem : ubi autem nullus adesset dolor, non
esset de peccatis accusatio, sed historica
quædam, et simplex illorum relatio : re-
quiritur ergo aliquis dolor, qui sit sacra-
menti pars, et absque illo nequit ejus val-
or consistere : et hoc supponit titulus
dubii.

3. Hoc itaque præsupposito, observan-
dum est dolorem de peccatis dividi in con-
tritionem, et attritionem. Quam divisionem
satis aperte supponit, et tradit Concil. Tri-
dent. sess. 14, cap. 4, et docent communi-
ter Theologi. Præcipue autem inter hos
dolores differentia, aliorumque radix de-
sumitur, sicut et in aliis actibus contingit,
ex diversis formalibus objectis, quæ per
se primo respiciunt. Nam objectum con-
tritionis est peccatum, ut offensæ Dei finis
ultimi dilecti super omnia ex intentione
satisfaciendi pro illa, ut fuse explicuimus
disp. 5, dub. 1, et 4. Objectum autem attri-
tionis est longe inferius, et sub inferiori
motivo, utputa peccatum, in quantum est
malum peccatoris, sicut statim magis de-
clarabimus : possunt enim hæc motiva
inferiora esse plura, et subinde fundare
plures, ac diversas attritiones.

Ex prædicta vero differentia, quæ plane
est essentialis, et primaria oriuntur aliæ
plures, ut communiter observant Auctores.

Salmant. Curs. Theolog. tom. XX.

Nam omnis contritio cadit super omnia
peccata gravia, quippe convenientia in ra-
tione offensæ Dei : non autem omnis attri-
tio, quia potest dolere de uno peccato sub
speciali motivo ad alia non se extendente.
Præterea (et in idem coincidit,) contritio
excludit omnem affectum peccandi gravi-
ter : nam cum tendat ad destruendum pec-
catum sub generali motivo omnia compre-
hendente, nequit compati cum affectu ad
aliquod particulare : cujus oppositum acci-
dit in attritione, quia cum possit tendere
sub speciali motivo occurrente in aliquo pec-
cato, potest etiam componi cum affectu
ad alia, in quibus illud motivum non adest.
Deinde contritio procedit ex amore Dei
ultimi finis dilecti super omnia, quem ne-
cessario supponit, ut loco cit. ostendimus :
sed attritio procedit ex timore servili, aut
ex simili aliquo motivo inferiori. Ulterius
contritio nequit esse informis, quia impe-
ratur a charitate, et convertit ad Deum
ultimum finem : et ideo semper habet ad-
iunctam gratiam sanctificantem, et connec-
titur cum illa sicut cum forma, ad quam
ultimo disponit, vel tanquam cum princi-
pio, a quo essentialiter dependet, ut dixi-
mus disp. 5, n. 157, et num. 165, et aliis
locis ibi relatis. Attritio autem potest esse,
et est frequenter informis ; quia neque ex
natura rei. neque ex Dei promissione af-
fert infallibiliter gratiam sanctificantem.
Denique contritio detestatur peccatum su-
pra omne malum pœnæ ; cum procedat ex
amore Dei super omnia, præferente ipsum
omnibus bonis, et malis : sed attritio secus
se habet : nam ut pœnam vitet, detestatur
culpam ; atque ideo non magis istam, quam
illam, sed vice versa : nullus enim actus
excedit proprium motivum, vel ultra illud
procedit. Ex quibus omnibus fit contritio-
nem esse, et dici debere dolorem perfec-
tum de peccatis : attritionem autem esse
imperfectum de illis dolorem, et cum ad-
dito displicentiam. Et ita significavit Con-
cilium Trident. loco cit. distinguens inter
contritionem *charitate perfectam*, et contri-
tionem *imperfectam, quæ attritio dicitur*.
Et D. Thom. in 1, q. supplem. art. 2, ad
2, magis explicat, dicendo : « Attritio non
« dicit accessum ad perfectam contritio-
« nem. Unde in corporalibus dicuntur at-
« trita, quæ aliquo modo diminuta sunt ;
« sed non adhuc perfecte sunt communita.

Concil.
Trid.

S. Thom.

« Sed contrita dicuntur . quando omnes
 « partes tritæ sunt simul per divisionem
 « ad minima, et ideo attritio significat in
 « spiritualibus quādam displicentiam de
 « peccatis commissis, sed non perfectam :
 D. Bern. « contritio autem perfectam. » Et D. Bern-
 nardus detegens differentię radicem, nempe
 Dei amorem, ex quo procedit contritio, et
 timorem pœnæ, in quo fundatur attritio,
 dixit in tract. de diligendo Deo circa finem :
 « Est, qui confitetur Deo, quoniam potens
 « est ; et est qui confitetur, quoniam sibi
 « (*confitenti scilicet*) bonus est : et item qui
 « confitetur, quoniam simpliciter bonus
 « est. Primus servus est, et timet sibi. Se-
 « cundus mercenarius est, et cupit sibi.
 « Tertius filius est, et defert patri. Itaque,
 « et qui cupit, et qui timet, utrique pro se
 « agunt. Sola, quæ in filio est charitas, non
 « quærit, quæ sua sunt. »

4. Unde ulterius supponendum est con-
 tritionem esse dolorem sufficientem, ut sit
 vera pars sacramenti pœnitentiæ. In hac
 suppositione omnes citra controversiam
 conveniunt, et quidem merito : nam si
 quis de peccatis dolor requiratur, ut simul
 cum aliis partibus componat ex parte ma-
 teriæ hoc sacramentum, ut jam præmisi-
 mus, ille utique sufficiens, et maxime ap-
 tus ad id censeri debet, qui maxime perfec-
 tus est : sed ita se habet contritio, ut con-
 stat ex immediate dictis : ergo est dolor
 sufficiens, ut sit vera pars sacramenti pœ-
 nitentiæ. Confirmatur : nam plus longe
 Confir- sufficere, ut sacramentum sit fructuo-
 matio. sum, sive causans gratiam, quam ut præ-
 cise sit validum, et subsistat abstrahendo
 ab effectu : sed contritio conjuncta aliis sa-
 cramenti partibus est dolor sufficiens ut hoc
 sacramentum sit fructuosum, sive pro-
 prium effectum inducens : ergo a fortiori
 sufficiet, ut sit validum, et secundum es-
 sentialia subsistat. Probatur miuor : tum
 quia omnes docent sacramentum pœni-
 tentiæ, in quo dolor contritionis concu-
 rit, non esse informe : atque ideo suppo-
 nunt contritionem sufficere cum aliis par-
 tibus, ut sacramentum sit fructuosum, sive
 proprium causans effectum. Tum quia non
 minus potest contritio cum sacramento in
 re, quam eadem cum sacramento in voto :
 sed contritio cum sacramento in voto cau-
 sat gratiam, et remissionem peccatorum :
 ut docet Concil. Trident. sess. 14, cap. 4 :

ergo idem de eadem conjuncta sacramento
 a fortiori dicendum est.

Nec momenti erit, si opponatur, illum
 dolorem non posse habere rationem partis
 sacramenti, qui impedit ejus effectum ;
 sed ita comparatur dolor contritionis ad
 effectum sacramenti pœnitentiæ : ergo
 non potest habere rationem partis ipsum
 componentis. Probatur minor : nam effec-
 tus proprius hujus sacramenti, est des-
 truere peccata gravia post baptismum com-
 missa, et in hoc sensu appellatur a patri-
 bus secunda tabula post naufragium, ut
 constat ex dictis disp. 1, dub. 1. Ubi autem
 adest contritio, necessarium est impediri
 hujusmodi effectum : quia ipsa connectitur
 cum gratia, et est inconjunctibilis cum
 peccato gravi, atque antecedit absolutio-
 nem, sive formam hujus sacramenti :
 ergo ubi adest, impedit ejus effectum. Id-
 que palam supponit Concilium Trident.
 Concil. sess. 14, cap. 4, his verbis : « Docet præte-
 re- Trident.
 « rea, et si contritionem hanc aliquando
 « charitate perfectam esse contingat, ho-
 « minemque Deo reconciliare, priusquam
 « hoc sacramentum actu suscipiatur ; ip-
 « sam tamen reconciliationem ipsi contri-
 « tioni sine sacramenti voto (quod in illa
 « includitur) non esse adscribendam. »

Id, inquam, non refert : quia solum Rejicitur.
 evincit pro dolore essentialiter requisito,
 ut sit pars sacramenti pœnitentiæ, non
 requiri determinate contritionem, sed suf-
 ficere alium dolorem imperfectiorem (de
 quo inferius) : minime autem evincit,
 quod, ubi adest contritio, non sit vera hu-
 jus sacramenti pars, ita, et melius, ac
 alius inferior dolor posset istud officium
 subire. Unde neganda est objectionis mi-
 nor. Ad cujus probationem dicendum est ;
 effectum proprium hujus sacramenti non
 esse determinate gratiam actu, et exercite
 excludentem peccata gravia post bap-
 tismum commissam ; sed gratiam remissivam
 illorum, sive quæ quantum est de se, illa
 remitteret, si illa in suscipiente istud sa-
 cramentum supponeret. Neque aliud ex-
 primunt verba absolutionis : *Ego te ab-*
solvo : non enim significant exercitam re-
 missionem peccati, cum frequenter sup-
 ponant illud remissum, ut constat ex
 verbis Concil. Tridentini in objectione
 relatis ; sed quod sacerdos, prout est mi-
 nister Dei, illud, quantum est de se, remit-
 tit,

tit, et quod complet sacramentum ejus de se remissivum. Eo vel maxime, quod quamvis ubi contritio supponitur, atque ideo, et gratia justificans, hoc sacramentum illam non producat, complet tamen per modum termini votum, dependenter a quo contritio gratiam inducit per modum dispositionis : neque enim aliter post baptismum peccatoris justificatio contingit, ut diserte docet Tridentinum loco citato : quo circa pœnitentiæ sacramentum merito appellatur secunda tabula post naufragium : quia nemo ab isto emergitur, nisi dependenter ab illo suscepto in re, vel in voto. Quod amplius explicari, et confirmari potest, tum exemplo speciali baptismi, qui est prima tabula post naufragium, et institutum per se ad justificationem peccatoris, emundando illum ab originali peccato : et tamen non raro contingit, quod adulti baptizandi præsupponantur ab illo mundi, et justificati per gratiam media contritione : ubi occurrit eadem difficultas, quæ in objectione proponitur, et eodem modo diluitur. Tum exemplo universaliori ceterorum sacramentorum : sunt enim aliqua, quæ mortuorum dicuntur, quia per se non exposcunt. nec supponunt vitam gratiæ in suscipientibus, sed ordinantur per se ad communicandum illam, ut baptismus, et pœnitentia ; et sunt alia, quæ vivorum appellantur, quia illam de se in suscipientibus exigunt. Unde non ordinantur per se ad primam ejus communicationem, sed ad ipsius augmentum, uti se habent Eucharistia, Confirmatio, et alia, illis duobus exceptis. Quo non obstante contingit, licet per accidens, quod sacramenta vivorum producant non augmentum, sed primam justificationis gratiam, quando videlicet suscipiens accedit, et cum bona fide existimans se esse in gratia, cum non sit, et cum dispositione ad ejus communicationem desiderata ; sic itaque vice versa, quandoque accedit pœnitentiæ sacramentum efficere non primam gratiam, sed ejus augmentum, ubi illa præsupponitur alias in subiecto. Quæ omnia fuse expendimus suo loco tract. 22, de Sacramentis in gen. disp. 4, dub. 7, ad quem lectorem remittimus.

5. Sed cum multa possint ad aliquem effectum sufficere, quin sint pro eo necessaria ; videre oportet, an idem contingat in contritione, id est, an hic adeo perfectus

dolor requiratur, ut sit pars sacramenti pœnitentiæ ; an vero satis sit aliud imperfectior, qui dicitur attritio. Ad cujus declarationem observandum est, quod cum hæc non habeat unicum, et indivisibile motivum ; non est una in specie infima ; sed potest esse multiplex juxta motivorum diversitatem. Et divisionem ejus universalior, et magis celebrem proponit Concil. Tridentinum sess. 14, cap. 4, his verbis :

Concil.
Trident.

« Illam vero contritionem imperfectam, « quæ attritio dicitur, quoniam vel ex turpitudinis peccati consideratione ; vel ex « gehennæ, et pœnarum metu concipitur, « etc. » Ubi omnem attritionem ad unum ex duobus capitibus, aut generibus reduxisse videtur ; nempe, ad dolorem de peccatis propter eorum turpitudinem, vel ad dolorem de peccatis propter pœnam, cujus reum hominem constituunt ; sed divisio est in species subalternas, sub quarum unaquaque facile sit assignare alias infimas. Non enim una est præcise turpitudine in peccatis, sed multiplex, et specie diversa, ut furti, homicidii, sacrilegii, etc. Atque ideo alia est attritio de furto ob ejus specialem turpitudinem, alia de adulterio ob illius particularem deformitatem, et sic de aliis. Unde provenit posse dari attritiones restrictas, sive non habentes extensionem ad omnia peccata : nam, qui dolet de adulterio ob ejus specificam deformitatem, ex vi hujus non dolet de furto, nec de aliis peccatis, quæ adulterium non sunt. Ubi autem motivum fuerit unum, et commune, opus erit attritionem esse generalem, et ad omnia peccata se extendere saltem implicite, et virtualiter, ut cum quis dolet de homicidio, non præcise quia homicidium, sed quia peccatum mortale, sive gravem deordinationem, et deformitatem inducens. Idemque proportionabiliter dicendum est de alio genere attritionis ortæ ex pœna ut motivo illam vitandi, sub quo possunt concipi plures attritiones juxta diversitatem pœnarum, ad quas, et propter quas declinandas dolet homo de peccatis, ut puta ad vitandum pœnam æternam inferni, vel pœnam temporalem purgatorii, vel pœnas hujus vitæ, ut infirmitatem, egestatem, et alias calamitates, quas Deus infligere solet ad peccatorum supplicium. Quam diversitatem significasse haud obscure videtur Concilium Trident. loco citato dicens :

vel ex gehennæ, et pœnarum metu concipitur, priori vocabulo pœnam damnatorum significans, et posteriori alias imminentes peccatoribus: omnes enim, et singulæ aptæ sunt ad incutiendum timorem, ut homo sua peccata odio habeat, et plangat. In hoc autem genere non ita videtur admittendas fore attritiones partiales, sive non se extendentes ad omnia peccata, sicut in primo: nam quælibet pœna assignetur, pro quolibet peccato potest applicari, et debet timeri: unde qui de uno peccato atteritur propter pœnam inferni, aut purgatorii, aut hujus vitæ, attritionem virtualiter, et implicite concipit de omni peccato, quippe in unum tendens ex motivo cunctis communi.

Objectio. Opponi tamen potest dari attritiones, quæ non pertinent, nec reduci possunt ad duas classes immediate relatas: ergo et Concilium, et nos diminute processimus in earum assignatione. Antecedens suadetur: tum quia non semel homo detestatur peccata ex amore, et desiderio consequendi beatitudinem: quæ detestatio non est contritio; siquidem non procedit (ut illa debet) ex amore Dei dilecti super omnia amore amicitia; sed procedit ex affectu concupiscentiæ: ergo est attritio, sive dolor imperfectus: et tamen non oritur ex consideratione turpitudinis peccati, nec ex metu pœnæ. Tum etiam quia non raro etiam contingit hominem converti, et abominari peccata ex consideratione bonitatis Dei, et beneficiorum, quæ nobis confert, et conferre valet: qui affectus non semper a principio est charitatis, ac proinde nec vera contritio, sed præcise attritio: et tamen non pertinet ad duas classes assignatas.

Respondetur. Respondetur; omisso antecedenti, negando consequentiam: nam quod ad Concilium attinet: assignavit quidem illa duo motiva attritionis, vel turpitudinis culpæ, vel timoris pœnæ, quia ista frequentius pro attritione pœnitentium occurrunt, ut satis aperte significavit illis verbis, « vel ex turpitudinis peccati consideratione, » vel ex gehennæ, et pœnarum metu communiter concipitur. » Communiter dixit, non autem *essentialiter*, aut *indispensabiliter*, aut *semper*, denotans se tradere illam divisionem juxta contingentia frequentius. Minime tam diffinivit eam divisionem esse adæquatam: quia res non erat tanti momen-

ti, ut diffinitionem exposceret, nec occurreret circa id hæresis, quam diffinitio compesceret. Et eodem modo nos gessimus explicantes, quod breviter proposuit Concilium: Quamvis, nec absurdum censeamus asserere, quod omnes attritiones ad duo prædicta genera revocantur. Et in hoc sensu ad primam antecedentis probationem, quatenus illi opponi valet, dicendum est, attritionem procedentem ex amore, et desiderio consequendi beatitudinem reduci ad illam, quæ procedit ex metu pœnæ: nam amor, et timor ita connectuntur, ut quasi idem sint attritio ex amore consequendi beatitudinem, et timor illam amittendi; quod pertinet ad metum pœnæ. Et communiter beatitudinis amor non aliter inducit dolorem de peccatis, quam interveniente metu amissionis ejusdem. Unde Conc. Trid. sess. cit. can. 5, utrumque conjunxit dicens: pœnitentem recogitare *amissionem æternæ beatitudinis*, quam amat, et *æternæ damnationis*, quam timet, *incursum*. Ad secundum respondetur attritionem ex consideratione bonitatis divinæ revocari ad attritionem ortam ex consideratione turpitudinis peccati, quæ maxime elucet in offensa tantæ bonitatis, et ingratitude erga summam ejus beneficentiam. Ubi observari debet, quod sicut ista attritio supponit considerationem divinæ bonitatis, ita et aliquem ejus amorem, imperfectum tamen, et non pertinentem ad propriam charitatis rationem: sed est aliquale ejus initium, et odio habet peccatum propter oppositionem ad eam, in qua contrarietate non minima est culpæ turpitude.

6. Hic vero, ut in scopum intentum proximius collimemus, animadvertere oportet odium peccati, et timorem pœnæ, ex quibus variæ attritiones superius assignatæ procedunt, posse diversum satis ortum habere. Possunt enim concipi ex solo lumine, ac dictamine naturali absque ullo respectu ad Deum supernaturalem auctorem, et finem: in quo casu attritionem ex tali odio, et timore partam opus est naturalem tantum esse. Quod facile constat in ea, quæ procedit ex consideratione turpitudinis peccati: hanc enim cognoscimus non solum per fidem, sed vel solo lumine naturali, quod sicut dictat honestatem moralium virtutum, ut puta temperantiæ, et justitiæ, sic etiam manifestat turpitudinem operationum

Concil.
Triden.

Animad-
versio

operationum, quæ prædictis virtutibus ad-
versantur : unde qui sola ea cognitione in
odium peccati, et de eo attritionem duce-
retur, minime progredieretur ultra ordi-
nem naturalem, nec adjutorio superioris
ordinis indigeret, sed in dolorem mere
philosophicum, ut sic loquamur, erum-
peret. Simile contingit in metu pœnæ, quæ
culpam comitari solet : si enim illa sit
tantum naturalis, qualem humanus iudex
infligit, v. g. mors aut exilium, aut infam-
ia ; metus naturalis omnino est, ac sub-
inde ejus metus, et attritio inde progre-
diens. Quin et attritio peccatorum propter
timorem futuræ post mortem æternæ pœnæ
potest hac ratione esse pure naturalis.
Quoniam non solum fides, sed etiam ratio
naturalis apud optimos quosque Philoso-
phos convincit malos post mortem puniri :
in qualibet namque republica bene insti-
tuta oportet, quod ejus rector, sicut bonos
præmio, ita malos pœna afficiat ; est au-
tem universum hoc respublica quædam,
quam Deus sua providentia gubernat : ergo
ad Dei providentiam pertinet malis suppli-
cium infligere ; atqui multoties id in hac
vita non præstat, cum frequenter videamus
malos, eam deliciose percurrere : fateri
itaque oportet, quod in alia post mortem
futura puniuntur. Quo etiam discursu pro-
bant Philosophi animam nostram esse im-
mortalem, ut recte tradunt N. Complut,
abbrev. in lib. de Anima, disp. 15, quæst.
2. Qui his itaque principiis naturalibus
aut eis similibus præcise duceretur ad
concepiendum peccatorum odium, et attri-
tionem, non alium generaret affectum,
quam naturalem. Idemque dicendum est,
licet supponatur fides supernaturalem
habere, ubi pro attritione quam concipit,
non utitur ejus lumine, sed
eo tantum, quod naturalem cognitionem,
et proposita per illam motiva non
excedit : evadet namque attritio mere na-
turalis saltem secundum substantiam, sive
speciem ; quidquid fuerit de aliqua modi-
ficatione, sive elevatione sibi superaddita
propter consortium cum fide, de quo infra
n. 22. Id autem raro, aut nunquam existi-
mamus in fidelibus contingere : habent
enim lumen fidei proponens non solum ea
motiva, quæ ratio naturalis dictare valet,
sed alia longe altiora, et urgentiora : quæ
cum juxta conditionem fidei sint superna-

turalia, saltem in proponendo, et moven-
do ; detestationem, et attritionem pecca-
torum supernaturales inducunt. Et hac de
causa omnes attritiones ortas, vel ex con-
sideratione turpitudinis propter oppositio-
nem ad virtutes morales infusas, et inobe-
dientiam erga Deum supernaturalem le-
gislatorem ; vel ex metu pœnarum inferni,
et purgatorii, et aliarum, quas Deus in hac
vita potest supernaturali providentia in-
ducere, tenendum communiter est esse in
sua specie supernaturales.

7. Ex quibus omnibus fit plures attri-
tiones posse distingui ; alias entitative, et
secundum speciem supernaturales, ut im-
mediate diximus ; alias omnino naturales,
quales diximus posse concipi ex solius lu-
minis naturalis influxu ; et alias naturales
entitative, sed supernaturales quoad ali-
quem modum, sive elevationem adjun-
ctam. Pro cujus luce recolenda sunt, quæ
diximus tract. 14, de gratia, disp. 3, dub.
3, § 1, ubi observavimus ex tribus causis,
sive radicibus provenire, quod aliquid sit,
aut dicatur supernaturale, videlicet ex cau-
sa efficiente, finali, et formali. Ex efficiente
quidem, quando aliquid supernaturali
modo fit, quamvis entitas sit naturalis :
quo pacto visus cæco restitutus potest su-
pernaturalis vocari, quia licet potentia na-
turalis sit, reparatur supernaturaliter.
Ex finali etiam, quando aliquid ordinatur
in finem supernaturalem, licet id, quod ibi
ordinatur in se naturale sit : qua ratione
actus naturalium virtutum dicuntur super-
naturales ex parte finis, si per charitatem
in Deum ordinentur, ut accidit, quoties
meritorie fiunt, ut ex professo explicui-
mus tract. 16, de Merito, disp. 1, et tract.
19, de Charitate, disp. 7, dub. 3. Denique
ex parte causæ formalis dicitur aliquid su-
pernaturale, cum ejus specificativum su-
pernaturale est : quippe specificativum ha-
bet rationem formæ intrinsecæ, vel extrin-
secæ in ordine ad communicandum spe-
ciem : et ita comparantur objecta formalia
ad actus, habitus, et potentias, a quibus
per se primo respiciuntur. Et quia entitas,
et substantia rei convertitur cum ejus spe-
cie ; propterea quidquid habet esse super-
naturale, ex parte causæ formalis dantis
speciem ; est absolute supernaturale en-
titative, et quoad substantiam. Et hoc mo-
do, hacque de causa actus Fidei, Spei, et

Multi-
plex attri-
tionis
diversi-
tas.

Charitatis, ac virtutum moralium infusarum esse supernaturales, docet satis communis, et certa sententia Theologorum, ut constat ex dub. cit. de Gratia, § 2. Juxta quam doctrinam attritio potest multipliciter esse, aut dici supernaturalis : primo ex parte causæ efficientis, si contingat fieri supernaturali modo, licet in se actus naturalis sit. Secundo ex parte finis, si contingat attritionem naturalem ordinari in supernaturalem finem. Tertio, et principaliter ex causa formali, sive objecto primario, cum istud in esse talis supernaturale est : et tunc evadit attritio supernaturalis specificæ, et quoad substantiam.

8. In qua adhuc distinguendum est: nam potest dari attritio specificæ supernaturalis, quæ sit efficax, et absoluta tam in detestando peccatum, quam in proposito peccatum illud evitandi de cætero : et potest etiam dari attritio specificæ supernaturalis minus perfecta, quæ prædicta energia, sive efficacia inducendi effectum destituatur : quia etsi attingat idem motivum vitandi, vel scditatem culpæ, vel damnum penæ, oritur tamen ex voluntate adeo languida, et remissa, ut vim non habeat inducendi effectum, atque nec concipiendi propositum simpliciter efficax, sed solam quandam affectionem, et propensionem in suo genere laudabilem. Primam hujus suppositionis, ac distinctionis partem docent communiter Theologi. Secundam vero probat ipsa experientia, tam in naturalibus, quam in supernaturalibus, cui etiam ratio suffragatur. Non raro namque in materia alicujus virtutis, v. g. temperantiæ habemus actus talem materiam, et ex proprio virtutis motivo attingentes, ut cum quis statuit sobrie edere, aut caste vivere : et tamen tales actus non hærent firmiter voluntati, nec efficaciam habent, ut inducant executionem. Sunt itaque actus honesti, attingentes materiam virtutis temperantiæ, ad eamque saltem reductive pertinentes, et disponentes in suo genere ad actus perfectiores : sed tamen sunt imperfecti, et ad desideratum finem immediate non perducunt : quia procedunt ex infirma voluntate, pravæ consuetudini contrariæ multum subjecta, unde tepescit animus, ne imperium efficax habeat, et executionem inferat. Idem proportionabiliter in supernaturalibus acci-

dit: de quibus dubitari non debet, quod in supernaturali ordine dantur aliqui actus pertinentes de se, sive ex parte motivi ad ejusdem ordinis virtutes, ut odium peccati, timor Dei, desiderium beatitudinis, propositum emendationis, etc. pro quibus auxilia gratiæ desiderantur, et qui suo modo cor emolliunt pro conversione : destituuntur tamen frequenter efficacitate, ut voluntatem trahant ad effectum, et executionem inducant : quia, etsi honesti, et supernaturales, sunt tamen imperfecti, et non omnino absoluti. Quod itaque in aliis, tam naturalibus, quam supernaturalibus videmus, contingit etiam in supernaturali attritione : alia enim est efficax, et absoluta, effectumque proinde juxta propositum inducens ; alia vero quæ hanc perfectionem non habet, licet in eundem effectum inclinet. Quæ diversitas non in objecta, nec in motiva revocanda est, quippe possunt eadem proponi, et attingi ; nec etiam reducitur in auxilia sufficientia, quæ ad utrumque parantur, et conferuntur : sed quod una attritio sit absoluta, et efficax, gratiæ efficaciter ad id moventi tribui primario debet ; et similiter, quod altera sit honesta, et supernaturalis, atque in suo genere disponat ; gratiæ etiam deferendum est, sed quod careat perfectione efficacitatis, et ad executionem non perveniat, revocari debet in defectum voluntatis creatæ, quæ cum ex gratia sufficienti posset ad id se porrigere, languit, et stetit in attritione non efficaci ; quamvis hic defectus non sit privativus, sed negativus majoris perfectionis, ubi, et quando præceptum eliciendi attritionem efficacem non occurrit.

Si quis autem inquiret, a quo principio, aut virtute eliciantur hujusmodi attritiones imperfectæ, quas descripsimus : respondendum est idem dubium repræsentari posse circa efficaces, et absolutas : quippe ante justificationem peccatoris nullæ in eo supponuntur virtutes, vel habitus infusi præter fidem, et spem. Fiunt itaque mediis auxiliis sufficientibus, et pertinent reductive ad eas virtutes, quarum motiva attingunt, ut attritio orta ex desiderio beatitudinis ad spem; et attritio orta ex timore amittendi beatitudinem, ad eandem spem ; et attritio ex consideratione bonitatis Dei, et misericordiæ erga nos, ad timorem initialem ; et attritio orta ex cognita turpitudine alicujus

Principium a quo oritur dist. attrit. perfectæ et imperfectæ.

alicujus peccati, ad eam virtutem, ad quam spectat opposita rectitudo, et sic de aliis; ut num. 5 diximus. Quæ magis perspicua fient, si consideretur esse aliquos actus honestos, et supernaturales, qui non exposcunt specialem virtutem, ut fiant: quia, vel non habent completam bonitatem vel non resident in potentia, in qua virtus: unde satis pro similibus actibus est auxilium transiens., vel habitus virtute inferior, vel, quod ad aliquam virtutem reducuntur secundo. Sic statuimus de actu piæ affectionis moventis ad assensum fidei, in hujus tract. 17, disp. 3, dub. 4; de simplici desiderio beatitudinis, quod præsupponitur ad motum spei, in hujus tr. 1, disp. 1, dub. 2, § 3. Videantur etiam, quæ diximus tr. 2, de bonitate, et malit. disp. 3, dub. 2, a num. 27, agentes de principio hujus actus, «Volo bonum honestum supernaturale, » aut, «Volo vivere honeste ex motivo supernaturali, » qui reperiri potest in peccatore. His fusius, quam desiderabamus, sed necessario præmissis

§ II.

Proponitur prima conclusio dubio ex parte respondens.

9. Dicendum est primo pro dolore, qui est pars sacramenti poenitentiae, non requiri contritionem, sed sufficere attritionem. Ita docent communiter Theologi, maxime post Concil. Trident. ut superfluum sit eos recensere. Recolantur, quæ diximus disp. 1, a num. 159, et disp. 5, num. 308. Et videri possunt Cano in relect. de Poenit. par. 5, Sota in 4, dist. 14, quæst. 4, art. 3, Sylvester verbo *Confessio* 1, quæst. 21, num. 24, Nugnus quæst. 2, supplem. art. 3, difficult. 4, in resp. ad 1, ubi ait oppositam opinionem jam nostris temporibus non esse probabilem. Gonet. disp. 7, art. 2, Candidus disp. 24, art. 1, conclus. 1, Vasquez quæst. 92, art. 1, dub. 2, Lugo disp. 7, num. 273, dicens contrariam sententiam non esse probabilem post Concil. Tridentinum, Dicastillo (hanc censuram etiam approbans) disp. 6, dub. 2, num. 34, et dub. 10, num. 142, observans rem hanc, licet non sit de fide, esse adeo certam, ut nullus relinquitur locus prudenti dubitationi. Cardenas in Crisi

Theologica, dissent. 2, cap. 1, ubi sententiam exigentem amorem dicit non esse probabilem, et oppositam, quam tuemur, esse omnino certam. Quæ referimus, non quia præmissa aliquorum asserta, censuram in oppositam sententiam ullo modo continentia, approbemus, vel admittamus: sed præcise illa expendimus, ut magis constet nostram communioem esse, et apud plures plurimum invaluisse. Nam quod ad censuram attinet, præ oculis habemus, et reverenti obedientia suspicimus, et suscipimus decretum SS. D. N. Alexandri VII, emanatum anno 1667, die 5 Maji, quo ad evitandas rixas prohibuit, ne in hac theologica disceptatione alteri opinioni applicetur censura. «Non audeant, inquit, alicujus censuræ Theologicæ, alteriusve injuriæ, aut contumeliæ nota taxare alteram sententiam, sive negantem necessitatem aliqualis dilectionis Dei in præfata attritione ex metu gehennæ concepta, quæ hodie inter scholasticos communior videtur, sive asserentem dictæ dilectionis necessitatem; donec ab hac Sancta Sede fuerit aliquid in hac re diffinitum.» Juxta quod decretum processuros firmiter apud nos statuimus, nec audiri, aut intelligi aliter volumus. Quamvis, quod ad præsentem assertionem spectat, minori scrupulo premimur: nam solum attendimus ad partem essentialem, et merum valorem sacramenti, in qua præcise non procedit ardens illa, et adeo exagitata controversia; sed ejus pondus vergit, quin cadit omne supra dolorem, ut disponentem ad gratiam, et supra sacramentum, ut fructuosum. Quæ alia longe diversa difficultas est, alterique succedens; quam tamen non versare ob connexionem doctrinæ non poterimus a num. 26. Hic vero oportet notare assertionem propositam absque præjudicio ullarum partium defendi: nam ea supposita, et quod sola attritio sufficiat, ut sit pars essentialis sacramenti; adhuc dubitari potest, an etiam sufficiat, ut cum sacramento disponat ad gratiam in eo conferendam: manifestum namque est, quod plus dicit attritio, ut simul sacramenti pars, et dispositio ad gratiam; quam præcise attritio, ut pars sacramenti.

10. Varia nostræ assertionis fundamenta sparsim insinuavimus in priori hujus tractatus parte, quæ oportet hic expendere,

Alexan-
dri VII.

et in unum colligere, ut simul juncta plus premant, et evidentius communem sententiam evincant. Primum desumitur ex Concilio Tridentino eam non obscure docente: nam sess. 14, cap. 3, tradit tres esse sacramenti partes ex parte materiæ, atque unam esse dolorem, « sunt autem, *inquit*, « quasi materia hujus sacramenti ipsius « pœnitentis actus, nempe contritio, con- « fessio, et satisfactio. » Deinde cap. 4 sequenti hunc dolorem in genere, sive in communi describit in hunc modum: « Contritio, quæ primum locum interdictos pœnitentis actus habet, animi dolor, ac detestatio est de peccato commisso, cum proposito non peccandi de cetero. » Procedit ulterius dividendo prædictam communem rationem in duas quasi species, dolorem scilicet perfectum, qui specialiter vocatur contritio, et dolorem imperfectum (comparative ad priorem) qui attritio dicitur. Et de primo dolore affirmat, justificare quidem sine sacramento in re suscepto, sed non absque ejus voto, sive proposito illud suscipiendi. « Docet præterea « (ait Concilium) etsi contritionem hanc « aliquando charitate perfectam esse contingat, hominemque Deo reconciliare, « priusquam hoc sacramentum actu suscipiatur, ipsam nihilominus reconciliationem ipsi contritioni sine sacramento « voto, (quod in illa includitur) non esse « adscribendam. » Denique ad secundum, et imperfectum dolorem accedens docet: « Illam vero contritionem imperfectam, « quæ attritio dicitur, quoniam, vel ex turpitudinis peccati consideratione, vel ex gehennæ, et pœnarum metu communitur concipitur, si voluntatem peccandi « excludat, cum spe veniæ, declarat non « solum non facere hominem hypocritam, « et magis peccatorem, verum etiam donum Dei esse, et Spiritus Sancti impulsus, non adhuc quidem inhabitantis, « sed tantum moventis, quo pœnitens ad justitiam sibi ad justitiam parat. Et « quamvis sine sacramento pœnitentiæ per se ad justificationem perducere peccatorem nequeat; tamen cum ad Dei gratiam « in sacramento pœnitentiæ impetrandum « disponit. » Hæc omnia Concilium.

Ex quibus constat contritionem esse partem sacramenti pœnitentiæ, ut patet ex verbis cap. 3. Et rursus constat prædi-

ctam contritionem, quæ est sacramenti pars, non esse aliud, quam animi odium, ac detestationem de peccato cum proposito non peccandi de cetero, ut non minus liquet ex verbis cap. 4. Denique constat membra, sive partes dividentes, aut quasi species hujus contritionis. quæ est sacramenti pars, esse, et dolorem perfectum, sive contritionem proprie dictam, et dolorem imperfectum, qui vocatur attritio: ergo de primo ad ultimum inferitur pro dolore, ut sit pars hujus sacramenti, non requiri dolorem perfectum, sive contritionem, sed sufficere dolorem imperfectum, qui est attritio. Patet consequentia: quia propria ratio divisi salvatur in omnibus, et singulis membris dividendis: ergo cum juxta doctrinam Concilii divisum sit pars sacramenti, et membra dividendia sint contritio, et attritio, in qualibet earum salvatur pars sacramenti, atque ideo non solum in contritione, sed etiam in attritione. Explicatur hoc amplius: nam animi dolor, ac detestatio de peccato commisso cum proposito non peccandi de cetero est pars sacramenti pœnitentiæ: sed attritio est animi dolor, ac detestatio de peccato commisso cum proposito non peccandi de cetero: ergo attritio est pars sacramenti pœnitentiæ. Major constat ex Conc. locis, et verbis relatis: nam in primis docet contritionem esse partem hujus sacramenti, et deinde illam præmissa definitione describit. Minor etiam patet: quia omnia illa verba attritioni conveniunt: quippe cum contritione convenit in eo, quod sunt animi dolor, ac detestatio de peccato commisso cum proposito non peccandi de cetero; licet differant ex parte motivi, ut satis explicuimus § præced. Consequentia autem est legitima: quia procedit a diffinitione ad diffinitum.

Quod fundamentum amplius roborari posset ex aliis, quæ in eo c. 4 docet Concilium, si ad hanc formam redigantur: nam actus pœnitentis, qui in sacramento pœnitentiæ potest disponere ad gratiam remittentem peccatum, est vere pars talis sacramenti; sed attritio est actus, quo pœnitens se disponit ad gratiam remittentem peccatum in prædicto sacramento: ergo attritio est una pars talis sacramenti. Consequentia patet. Et major videtur manifesta: quia actum esse dispositionem ad gratiam remittentem

Explicatur.

Revocatio conclusionis ex eodem Concilio

mittentem peccatum, plus longe est, quam esse mere partem sacramenti ex parte materiæ: ergo actus pœnitentis qui potest esse dispositio ad productionem gratiæ, est a fortiori pars sacramenti: sicut ex parte ipsius sacramenti plus est esse, et causare gratiam, quam esse præcise sacramentum, ut contingit juxta plurium sententiam in sacramento informi, de quo alias. Minor denique probatur ex Concil. in illo c. 4, verbis supra relatis: quia in eis expresse dicitur attritionem « viam parare » ad justitiam » (quod est disponere) et ulterius, quod « ad Dei gratiam in sacramento pœnitentiæ impetrandam disponit. »

Et si quis dixerit hæc intelligi de dispositione remota, et fallibili; non de dispositione ultima, et infallibiliter connexa cum gratia justificante: qui, inquam, ita responderit, refelli debet. Tum, quia Conc. id tribuit attritioni cum sacramento, quod contritioni extra sacramentum, ut colligitur ex contextu illius capituli, et ex modo divisionis contritionis in perfectam, et imperfectam: sed contritio extra sacramentum justificat, ut eo capite dicitur: ergo, et attritio cum sacramento: atque ideo ultimo disponit, et connectitur infallibiliter cum gratia justificante. Tum etiam quia Concilium defert attritioni cum sacramento, quod ipsi denegat extra illud, ut perspicuum videtur ex illis verbis: « Et quamvis sine sacramento pœnit. per se » ad justificationem perducere peccatorem » nequeat, tamen eum ad Dei gratiam in » sacramento pœnitentiæ impetrandam » disponit. » Ubi illud tamen est adversativa comparatio inter attritionem intra, et extra sacramentum; sed extra sacramentum disponit non ultimo, et infallibiliter: ergo intra, ultimo, et infallibiliter disponit; non quidem ex natura rei, sed ex institutione divina. Tum denique, et urgentius, quia Concilium post præmissa de attritione verba subjunxit: « Quamobrem » falso quidam calumniantur catholicos » scriptores, quasi tradiderint sacramen- » tum pœnitentiæ absque bono motu susci- » pientium gratiam conferre: quod nun- » quam Ecclesia Dei docuit, nec sensit. » Hanc calumniam opponebant Lutherani, non quidem propter contritionem ex amore ortam quam bonum motum non

negabant, sed propter attritionem præsertim, quæ ex metu inferni concipitur, quam aversabantur, et tamen videbant asseri a Catholicis partem sacramenti, et cum eo conferre gratiam. Quam calumniam refellit Concil. non negando attritionem esse sacramenti partem, et conferre gratiam, sed asserendo esse actum bonum: quasi in hunc modum argueret. Attritio est actus bonus: ergo gratia in sacramento pœnitentiæ non confertur (ut calumniarunt) absque bono motu. Atque ideo sensit attritionem esse sacramenti partem, quin, et dispositionem ad gratiam. Si namque ita non sensit, ad quid prius probavit, statuitque esse actum bonum, ut inde probaret (hanc vim habet *ly quamobrem*,) sacramentum non absque bono motu pœnitentis gratiam conferre? Sufficiebat enim contritionem esse actum bonum, si absque illa non esset sacramentum, neque gratia in eo conferretur. Recognovit itaque Concil. non solam contritionem esse hujus sacramenti partem, aut gratiam conferre; sed hæc etiam convenire attritioni cum sacramento independentem ab illa. Diximus quoad *propositum fundamentum*, etc. Ut denotaremus a nobis magis insinuari, quam fulciri illud roboris augmentum: concernit enim difficultatem diversam, et seorsim agitandam, nempe, an attritio cum sacramento inducat infallibiliter hujus effectum. Et hæc etiam de causa non refutamur in præsentem aliquorum responsiones, quibus nonnulli conantur præmissi testimonii vires eludere.

11. Quare hæc interim omittendo; probatur secundo nostra conclusio alio fundamento satis urgenti: quoniam ad valorem sacramenti pœnitentiæ requiritur essentialiter aliquis de peccatis dolor, qui sit vera talis sacramenti pars; sed non requiritur essentialiter dolor contritionis: ergo sufficit dolor attritionis. Consequentia est legitima; quia dolor de peccatis dividitur adæquate in contritionem, et attritionem, ut diximus § 1. Ergo ubi requiritur dolor, et non requiritur contritio, necessarium est fateri sufficere attritionem. Major etiam constat ex dictis eodem § 1. Minor autem, in qua sola poterat esse difficultas, ostenditur: quoniam nequit requiri essentialiter ad aliquod sacramentum, tanquam vera ejus pars, quod ejus essentiam avertit; sed ita

Probatur
2 con-
clus. alio
urgen-
tiori
funda-
mento.

compararetur contritio, si essentialiter requireretur, et ut vera pars ad sacramentum pœnitentiæ: ergo non ita se habet. Cetera sunt evidētia. Et minor hujus secundi syllogismi probatur: quia licet non sit de essentia sacramenti pœnitentiæ, quod actu remittat pœnitenti peccatum, sive quod producat primam in eo justificationis gratiam; est tamen de ejus essentia, quod possit tales effectus inducere: sicut generaliter licet non sit de essentia causæ actu causare, est tamen de ejus essentia, quod causare possit; quia si nunquam causaret, vana foret ejus institutio in esse causæ, ut per se manifestum videtur. Si autem contritio requireretur ad sacramentum pœnitentiæ ut vera ejus pars; antecedenter ad sacramentum supponeretur remissum peccatum, atque ideo communicata gratia, per quam remittitur: quippe contritio, cum procedat ex amore Dei ultimi finis dilecti super omnia, impossibilis est cum omni, et quolibet peccato mortali, et hac ratione repugnat illi esse informem, ut abunde probatum est disp. 1, n. 153, et disp. 4, n. 75, et 81, et 93. Destrueretur ergo essentia sacramenti pœnitentiæ, si contritio esset pars ad ejus constitutionem essentialiter requisita. Quod fundamentum innititur alteri firmissimo decreto scilicet Ecclesiæ diffinientis sacramenta novæ legis causare suum effectum in non ponentibus obicem. Sic Tridentinum sess. 7, can. 6, habet: « Si quis « dixerit sacramenta novæ legis non continere gratiam, quam significant, aut « gratiam ipsam non ponentibus obicem « non conferre, anathema sit. » Et sess. 14, cap. 3, habet: « Res, et effectus hujus « Sacramenti, quantum ad ejus vim, et « efficaciam pertinet, reconciliatio est cum « Deo. » Qua itaque ratione potest esse illius essentialis pars id, quo pōsito, non potest sacramentum conferre propriam gratiam, quam significat, nempe primam, nec reconciliationem cum Deo? Nunquid contritio appellanda est obex ad effectum sacramenti? Et si est obex, qua ratione est pars essentialis? Sunt hæc plane contradictoria.

Concil.
Trid.

Confirmatio, et
explicatio.

Confirmatur, et explicatur amplius: nam hoc sacramentum institutum est per modum medicinæ contra morbum peccati; quin etiam habet modum spiritualis re-

surrectionis a peccati morte, et statu in quo pœnitens præsupponitur; cum his autem proprietatibus, aut conditionibus minime cohæret, quod exigit contritionem, tanquam essentialē sui partem: ergo contritio non est pars essentialis hujus sacramenti, sed sola attritio, in qua illa cohærentia minime occurrit, siquidem conjungi valet cum morbo, et morte peccati. Consequentia patet. Et major est communis apprehensio fidelium, et doctrina Theologorum: quippe distinguunt sacramenta vivorum, quæ vitam gratiæ per se supponunt; et sacramenta mortuorum, quæ vitam gratiæ non supponunt per se; sed magis ejus privationem, siue spiritualem mortem per peccatum inductam; et ordinantur per se ad reparandam vitam gratiæ, excludendo mortem peccati: quo pacto se habent Baptismus, et Pœnitentia. Et quod ad medicinam attinet, id eleganter tradit D. Thom. supra quæst. 80, art. 4, ubi statuit peccatorem sumendo Eucharistiam peccare. Et cum sibi opposuisset Eucharistiam, sicut, et alia sacramenta, esse spirituales medicinas contra peccatum: atque ideo posse in remedium peccati sumi absque nova culpa, respondit: « Ad secundum dicendum, quod non quælibet medicina competit secundum quemlibet statum infirmitatis. Nam medicina, quæ datur « jam liberatis a febre ad confortationem, « noceret, si daretur adhuc febricitantibus. Ita etiam baptismus, et pœnitentia « sunt, quasi medicinæ purgativæ, quæ « dantur ad tollendam febrem peccati. « Hoc autem (Eucharistiæ) sacramentum « est medicina confortativa, quæ non debet « dari, nisi liberatis a peccato. » Minor etiam constat: quia contritio, cum procedat ex amore Dei ultimi finis dilecti super omnia, non cohæret cum statu infirmitatis, et mortis peccati, sed illum excludit saltem indirecte per modum dispositionis impossibilis; quocirca si sacramentum pœnitentiæ illam supponit, ut partem, ex qua componitur; pariter supponit hominem sanatum, et resuscitatum ab infirmitate, et morte peccati: et consequenter nunquam sanabit, nec suscitabit peccatorem ab infirmitate, et morte peccati: ergo conciliari non potest, quod ex una parte sacramentum pœnitentiæ sit institutum per modum medicinæ sanativæ, et sit sacramentum mortuorum

D. The.

mortuorum; et quod ex alia parte præsupponat essentialiter contritionem. Quæ considerans Gonet disp. 7, dub. 2, § 4, n. 47, de ita sentientibus dixit (referimus, non probamus aliorum censuras) quod hujus sacramenti naturam prorsus ignorant, idemque asserunt, ac qui diceret medicinam aliquam a prudenti aliquo medico institutam fuisse ad tollendum genus morbi, quod nunquam ipsa tolleretur; sed semper, et necessario sublatum esse præsupponeret; quod plane ridiculum, et absurdum est, et Christi sapientia sacramentorum institutoris prorsus indignum.

12. Ut hujus fundamenti pondere, quod grave est, obrui non fateantur Adversarii, mirum est, quot effugia excogitaverint. Sed solum referemus principaliora, quibus præclusis nullus aditus patebit ad alia: nec multum in hoc labore diffluemus, quia uti curabimus principiis alibi ex professo firmatis, et valde certis. Prima itaque, et communior illorum responsio est contritionem non connecti necessario cum gratia justificante; sed posse illam antecedere, et subinde impedimento non esse, ut hoc sacramentum, licet contritionem exigit, et supponat, proprium effectum, id est, primam gratiam sanantem, et resuscitatem efficiat. Cum autem opponimus contritionem procedere ex amore Dei ultimi finis dilecti super omnia, atque esse actum imperatum a charitate, cum qua proinde, et gratia justificante connectitur, ut locis proxime citatis ostendimus: occurrunt iterum distinguendo duplicem amorem super omnia Dei ultimi finis. Nam alius, inquit, est perfectus effectivus, et consummatus, qui cum habitu charitatis, et gratia justificante connectitur, et ab eis procedit: alius vero inchoatus affectivus initialis, et imperfectus, qui eam connexionem, et dependentiam non habet, sed gratiam, et habitum charitatis antecedit, et compatitur cum peccato mortali habituali. Pro contritione autem (saltem in communi, abstrahendoque a perfecta, et imperfecta) non requiritur amor ille perfectus, sed sufficit hic posterior. Unde non impeditur, quod contritio sit pars sacramenti pœnit. ordinati ad producendum primam gratiam justificantem, nec consequuntur inconvenientia, quæ in argumento, et confirmatione expendimus.

Hac evasione, et doctrina illi inserta se præcipue expedit Germanus Philaletheo, seu alius sub larva harum vocum latens (vir alias subtilis ingenii, et doctrinæ Thomisticæ addictissimi) in opusc. de contritione gemina, (quod præstat post Thomistarum triumphum) fere per totam, et maxime § 5. Sed non satisfacit; quamvis tot, satisque ambiguis nominibus utatur in describendo contritionem, et charitatis amorem, cui innititur. Inquirimus enim, ut ab eorum confusione explicemur, utrum illi duo amores, quos recenset, unus perfectus, et alius imperfectus, sint ejusdem speciei, licet cum diversis modis accidentalibus, sicut comparantur puer, et vir? An vero distinguantur essentialiter, et quantum ad aliquem gradum specificum, sicut homo, et embrio, qui absolute homo non est essentialiter, sed solum vialiter, et dispositive? Si dicatur hoc ultimum, tollitur status præsentis controversiæ, quæ ad contritionem proprie dictam, procedentemque ex vero charitatis amore (esto sit initialis, sive comparative ad alium perfectiorem minus perfectus) attendit, et illius pro hoc sacramento exigentiam investigat. Et alius quis, et quibusvis fucis depingatur, non est de re. Non enim dubitamus posse dari in peccatore dolorem aliquem de peccatis ortum ex consideratione bonitatis Dei, et providentiæ, ac misericordiæ erga nos; sed talis dolor non evadit ultra metas attritionis: sicut enim ista procedit ex aliis considerationibus, ita ex illa, ut jam præmonuimus n. 5. Potest etiam dari dolor ortus ex desiderio, et spe beatitudinis: sed est etiam attritio. Sub hujus quippe vocabulo, et genere continentur omnes de peccato dolores, qui non fundantur in amore amicabili Dei ultimi finis super omnia dilecti, qui est propriissimus actus charitatis: sive hæc sit auxilians, sive habitualis; et sive vocetur perfecta, aut imperfecta: quæ sunt differentiæ accidentales, et nihil referunt in præsentia. Ex quibus, non plures inter eos duos amores (quos comminiscitur Philaletheo) constituet differentias, quantæ inveniuntur inter amorem charitatis in via, et amorem charitatis in patria. Quibus non obstantibus prædicti actus non distinguantur essentialiter, sed solum accidentaliter penes diversos perfectionis modos extra speciem,

Non satisfacit Philaletheo.

ut statuimus tract. 19, de Charit. disp. 7, dub. 1, § 2. Quia valde probabile est eundem charitatis actum elicitum in via posse continuari, et conservari in patria, ut de amore in B. Virgine aliqui opinantur, et diximus loco cit. n. 16, et in aliis ibi relatis. Et generalis horum ratio est, quod quolibet modo depingatur charitas, et in quolibet constituatur statu, omnis actus primarius illius habet hoc, quod sit amor Dei ultimi finis dilecti super omnia, et in hoc adæquate ejus essentialis ratio consistit : atque ideo repugnat dari plures actus primarios charitatis specie distinctos.

13. Ex quibus liquet, vel Adversarios nihil in sua evasione dicere, vel necessitate consequentis compelli ad implectendam nostri dilemmatis partem, nempe diversos illos amores, quibus dicunt diversas contritiones inniti, non esse actus differentes in specie essentiali, sed solum penes aliquos modos accidentales majoris, aut minoris perfectionis, utputa, firmioris status, majoris intensionis, aux extensionis. Quocirca rotunde fateri debent contritionem proprie dictam, et ab omni attritione condistinctam procedere ex amore charitatis diligente Deum ultimum finem super omnia. Quod vere intendunt, et re ipsa docet; licet distinctionem ambagibus, et terminorum involutis celare, aut temperare conentur, et præsertim Auctor relatus studiosiori artificio præ ceteris in hac causa discurrens.

Præcluditur et fugium.

In hoc itaque sensu (et est scopus, in quem illi, et nos collimamus), præcluditur adhibita evasio : quoniam esto non implicaret, quod per divinam potentiam, et providentiam extraordinariam dolor contritionis, et amor charitatis, ex quo procedit, conjungerentur cum statu peccati; nihilominus id fieri nequit juxta præsentem, et ordinariam Dei providentiam, nec de facto ita contingit : ergo de facto contritio connectitur cum gratia justificationis. et cum remissione peccati : et consequenter, si pro dolore, qui est sacramenti pœnitentiæ pars, requiritur contritio ; necessario infertur hoc sacramentum supponere gratiam, et peccati remissionem, et nunquam istam de facto causare : quod est inconveniens in nostro discursu repræsentatum. Utraque consequentia legitime colligitur ex antecedenti. Illud vero permit-

titur quoad priorem sui partem ; licet absolute sit falsa : implicat enim amorem charitatis non procedere a gratia habituali, et sanctificante, sicut a principio effectivo, ut constat ex dictis, et stabilitis tr. 8, disp. 4, a n. 51, et tr. 15, disp. 2, dub. 6, et tr. 19, disp. 4, dub. 3, et tr. 21, disp. 3, dub. 4, n. 68, et eodem tr. disp. 58, dub. 5, § 2. Aliunde vero gratiam habitualement non posse per ullam potentiam cum peccato mortali conjungi, ex professo ostendimus tr. 15 de Justificatione, disp. 2, dub. 4. Secunda vero antecedentis pars (quæ per se sufficit ad inferendum præmissas consequentias). constat a fortiori ex dictis locis relatis, et ex communi Theologorum doctrina : et præterea suaderi potest breviter, sed effaciter.

Primo ex Scriptura docente hominem non diligere (utique amore charitatis) Deum. quin ab ipso diligatur, et gratus ei sit. Prov. 8 : *Ego diligentes me diligo*. Jo. 14. *Qui diligit me, diligitur a Patre meo, et ad eum veniemus, et mansionem apud eum faciemus*. Et 1, Jo. c. 4 : *Qui manet in charitate, in Deo manet, et Deus in eo*. In quibus significatur amorem charitatis conjungi de facto cum gratia, per quam Deus nos purgat a peccatis, et gratos sibi constituit. Et in eodem sensu dicitur Prov. 10 : *Universa delicta operit charitas*. Et in 1, Petri 4 : *Charitas operit multitudinem peccatorum*. Cum quibus elegiis non cohæret, quod prædictus charitatis amor de facto aliquando destituatur consortio gratiæ, et peccato gravi jungatur. Secundo probatur eadem pars, quia inter plures Michaelis Bajæ propositiones, quas Sedes Apostolica gravi censura notavit, et ab Ecclesia proscripsit, 31 est : « Charitas perfecta, et sincera, quæ est ex corde puro, et conscientia bona, et fide non ficta, tam in catechumenis, quam in pœnitentibus, potest esse sine remissione peccatorum. » 35 est : « Charitas illa, quæ est plenitudo legis, non est semper conjuncta cum remissione peccatorum. » 70 est : « Homo existens in peccato mortali, sive in reatu æternæ damnationis potest habere veram charitatem. » Manifestum autem est eum, qui amore charitatis diligit Deum ultimum finem super omnia, habere veram, et sinceram charitatem ex fide non ficta : ergo juxta Ecclesiæ doctrinam dari nequit

Jo. I. c.

Prov. I. Petri 4.

Michaelis Bajæ propositione notantur.

nequit, quod talis charitas possit de facto conjungi cum statu peccati mortalis. Aliunde autem nequit homo mundari a peccato sine gratia habituali ipsum formaliter justum constituyente; cum justificatione non fiat per favorem extrinsecum, sed per aliquid inhærens, quod gratiam sanctificantem vocamus, ut ex ejusdem Ecclesiæ decretis ostendimus contra hæreticos. tr. 15, de Justificatione, disp. 2, dub. 1. Ergo catholice fateri oportet amorem charitatis Dei super omnia connexa sibi habere, et gratiam justificantem, et remissionem peccatorum.

Tertio, probatur eadem pars ratione theologica, quæ naturæ prædicti amoris innitur: quia talis amor convertit hominem ad Deum ultimum finem, a quo avertitur per peccatum, convertendo se velut in ultimum finem ad bonum proprium: fieri autem non valet, saltem de facto, et juxta communem providentiam, quod homo convertatur ad finem, a quo simul avertitur; vel quod actu habeat duos ultimos fines: ergo de facto, cum homo elicit amorem charitatis, manet sine aversione a Deo, et sine conversione ad se, ut ultimum finem: quibus rationibus sublatis, nequit consistere peccatum; aut status peccati perseverare: atque ideo, ubi elicitur talis amor, adest de facto gratia sanctificans. Cetera constant. Et minorem, in qua poterat esse difficultas, quoad utramque partem ostendimus ex professo tract. 8, de ultimo fine, disp. 4, dub. 1, § 2, et dub. 2, § 1, manifestantes repugnantiam in eo, quod voluntas, vel habitualiter, vel actualiter convertatur ad duos fines ultimos, vel ad unum habitualiter, et ad alium actualiter, aut e converso: quia conversio ad unum affert indispensabiliter aversionem ab alio. Quæ a fortiori probant de facto, et juxta communem, rebusque consonam providentiam. Videantur etiam, quæ diximus tract. 15, de Justificat. disput. 2, dub. 6, § 2, addentes, quod etiam si amor Dei ultimi finis dilecti super omnia separaretur a gratia habituali sanctificante (quod alias, et ex aliis capitibus repugnat) adhuc nihilominus secum minime pateretur ullum peccatum actuale, vel habituale, sed illud necessario impediret, excluderetque saltem indirecte, et per modum dispositionis impossibilis, quia

eo ipso, quod amor Dei super omnia sit, retractat, redditque involuntarium, quidquid sibi opponitur: sublata autem voluntarietate, tolleretur propria ratio peccati, quod essentialiter voluntarium est; licet maneret materialiter carentia gratiæ prius per peccatum inducta, sed jam deinceps non maneret in esse privationis. Ex quibus omnibus refellitur adhibita responsio, et constat inconveniens in nostro fundamento objectum intactum relinqui, nempe, sacramentum pœnitentiæ, si ejus pars essentialis foret contritio, nunquam remittere peccatum, nec primam gratiam justificantem efficere.

14. Aliter alii illud diruere conantur, salvando, quod pœnitentia sit sacramentum mortuorum, licet contritionem exigat, ac supponat, ac perinde gratiam, et remissionem culpæ. Distinguunt enim duas mortes, quas homo peccando incurrit: primam animæ per privationem gratiæ, et secundam salutis æternæ per reatum ad æternum inferni supplicium. Prima mors excluditur ex vi amoris Dei super omnia, et gratiæ, ad quam ille disponit; sed remanet secunda mors auferenda per pœnitentiæ sacramentum, ad quod pertinet excludere prædictum reatum, et communicare in hoc sensu vitam. Unde non immerito dicitur sacramentum mortuorum; et homo talem vitam, sive liberationem a reatu consequendo dicitur vere absolutus, et consummate justificatus. Ita Guillelmus Estius infra referendus, qui doctrinam hujus evasionis confirmat exemplo Lazari, quem Christus Jo. 11 restituit ad vitam, et tamen non solvit a ligaminibus, sed Apostolis commisit, ac præcepit, ut illum solverent. In qua figura repræsentatur justificatio peccatoris: nam Deus prius confert vitam gratiæ, dependenter tamen a dispositione per amorem charitatis ab homine elicitum: sed secundam vitam, sive solutionem a reatu pœnæ æternæ relinquit peragendam a sacerdotibus mediante absolutione sacramentali. Et ita intellexisse, ac explicuisse prædictam figuram videntur D. Iræneus lib. 5, cap. 3, D. Ambros. lib. 2, de Pœnitentia, cap. 7, D. Augustin. tract. 49, in Joan. et alii.

Hæc tamen responsio plura continet valde falsa, quibus convulsis illa necessario corrui. Nam in primis supponit hoc

Secunda evasio adversariorum.

Guillelmus Estius. Joan. II.

D. Iræneus. D. Ambrosius. D. Augustinus.

Falsitas evasionis ostenditur.

Conc.
Trident.

sacramentum supponere in homine vitam gratiæ, productæ tamen dependenter a contritione, et amore Dei, sicut a dispositione. Unde consequens est istud sacramentum nunquam primam gratiam justificantem producere. Id vero est omnino falsum, et contra generalem diffinitionem Concilii Trident. num. 11 allegatam, et hic necessario repetendam : « Si quis dixerit sacramenta novæ legis non continere gratiam, quam significant, aut ipsam gratiam non ponentibus obicem non conferre, anathema sit. » Gratia autem, quam significat sacramentum pœnitentiæ, est prima gratia justificans hominem post baptismum lapsam. Ergo hoc sacramentum illam continet, eamque non ponentibus obicem confert, aut saltem conferre valet. Dicere namque, quod nunquam id efficit, aut efficere potest ; tam absurdum, et complicatorium est, ac dicere causam non posse producere suum effectum ; quod destruit ipsum causæ conceptum. Nulla itaque ratione dici potest, quod sacramentum pœnitentiæ supponit primam vitam gratiæ : et tamen dici deberet, si per se supponeret contritionem, ac subinde amorem charitatis, quæ cum tali gratia necessario connectuntur, ut ipsa responsio supponit.

Supponitur etiam in eadem responsione, quod communicata peccatori gratia sanctificante, remanet in eo reatus ad pœnam æternam, qui postea excluditur per sacramentalem absolutionem. Id vero est omnino falsum : exclusa enim macula peccati per gratiam, non remanet talis reatus. Tum quia gratia sanctificans constituit hominem non solum Deo gratum, sed etiam Dei filium adoptivum : idque non ab extrinseco, et ex novo favore, sed per se, et ex natura rei, ut cum communi sententia ostendimus tract. 14, de Gratia, disp. 4, dub. 2, § 2, et colligitur ex Apost. ad Rom. 8 : *Quicumque spiritu Dei aguntur, hi sunt filii Dei*, ubi nomine Spiritus significatur Spiritus Sanctus, qui nos per gratiam sanctificantem inhabitat, ut magis se explicat Apostolus dicendo : *Accepistis spiritum adoptionis, in quo clamamus, Abba pater : ipse enim spiritus testimonium perhibet, quod sumus filii Dei*. Filio autem debetur hæreditas, ut eo loco subinfert Apostolus dicens, *si filii, et hæredes*. Cum

quo jure minime cohæret obligatio aut reatus ad pœnam æternam, quæ privat Dei hæreditate consistente in ejus visione, et fruitione : implicatorium namque est aliquem habere jus ad illudmet, cujus ei debetur privatio. Ergo in habentibus gratiam sanctificantem non datur reatus ad pœnam æternam. Videatur Div. Thomas supra quæst. 23, art. 1, et in 1, 2, quæst. 114, art. 3, ubi egregie docet, quod « attenditur pretium operis » (meritorii) « secundum dignitatem gratiæ, per quam homo consors factus divinæ naturæ adoptatur in filium Dei, cui debetur hæreditas ex ipso jure adoptionis, juxta illud Roman. 8, si filii, et hæredes. » Tum etiam quia impossibile est tolli maculam peccati, quin auferatur reatus ad pœnam. Sicut enim jus vel condignitas ad gloriam, quam habet justus per gratiam, non est aliquid realiter distinctum ab ipsa gratia, sed est præcise aliqua expressio, aut conceptus secundarius essentialis illius consequens : ita reatus, saltem radicalis, et fundamentalis (quidquid sit de extrinseca Dei ordinatione) ad pœnam æternam, non est aliquid realiter distinctum a macula, sive peccato habituali, sed hæc necessario consequitur, ut fundans talem reatum, sive obligationem ad pœnam, ut ex professo explicuimus Tract. 13, de peccatis, disp. 17, dub. 1. Quocirca, sicut posita gratia sanctificante, ponitur condignitas, sive jus ad vitam æternam ; et ablata gratia per peccatum, jus et condignitas ad gloriam tolluntur : ita posito peccato mortali, ponitur obligatio, condignitas, et reatus ad pœnam æternam ; et pariter sublato peccato per gratiam, illa obligatio, et reatus necessario cessant : sicut generaliter sublato fundamento desinunt, quæ illi innituntur. Atque ideo falsum est, quod in hac evasione dicitur de duabus mortibus, et quod exclusa prima per gratiam, et amorem charitatis, relinquatur alia excludenda per sacramentalem absolutionem.

15. Sed veniamus ad hanc extremam responsionis partem, quæ omnium in ea maxime nobis displicet, et plenior absurdus apparet. Concludit itaque Sacerdotem in hoc sacramento absolvere pœnitentem a reatu æternæ damnationis, quæ erat mors animæ : et hac ratione salvari, quod pœnitentia

Apostolus ad
Rom. 8.

pœnitentia sit sacramentum mortuorum, licet primam gratiam justificationis non efficiat, sed supponat a solo Deo productam in eo, qui se disposuit per contritionem. Unde consequens est in sacramento pœnitentiæ non tolli culpam, sive maculam peccatorum, sed præcise reatum, aut obligationem satisfaciendi; fit etiam potestatem sacerdotis absolventis non ordinari, et ipsam absolutionem non dirigi per se ad remissionem peccatorum, quorum essentia non in reatu, sed in macula, sive culpa consistit; sed magis, et per se ordinari ad remittendum pœnas. Consequens autem nulla ratione sustineri potest: quia satis aperte repugnat Ecclesiæ doctrinæ, ac diffinitionibus. Conc. enim Trid. sess. 14, can. 3, statuit: « Si quis dixerit verba illa Domini Salvatoris, Accipite Spiritum Sanctum, quorum remisistis peccata, remittuntur eis, et quorum retinueritis, retenta sunt, non esse intelligenda de potestate remittendi, et retinendi peccata in sacramento pœnitentiæ, sicut Ecclesia Catholica ab initio semper intellexit... Anathema sit. » Peccatorum autem vocabulo non pœnas, sed culpas, maculas, animæ fœditates omnes Catholici communiter intelligimus. Et can. 9 ejus sessionis decrevit: « Si quis dixerit absolutionem sacramentalem sacerdotis non esse actum judiciale, sed nudum ministerium pronuntiandi, et declarandi remissa esse peccata confitentis... Anathema sit. » Si autem culpæ remitterentur ante sacramentum; plane sacerdos non judicaret de illis, nec cognitione earum opus haberet; sed præcise declararet, idque ex pœnitentis testimonio, culpas jam esse remissas. Unde quia Michael Bajus docuit non paucas propositiones his Concilii diffinitionibus non coherentes, sed responsioni, quam impugnamus, multum, aut omnino (ut intelligimus) consonas; illæ ab Ecclesia in Bulla SS. Pii V reprobatae sunt. Erat 57: « In sacramento Baptismi, et sacerdotis absolutione proprie reatus peccati dumtaxat tollitur, et ministerium sacerdotum solum liberat a reatu. » Erat 58: « Peccator pœnitens non vivificatur ministerio sacerdotis absolventis, sed a solo Deo, qui pœnitentiam suggerens, et inspirans vivificat eum, et resuscitat: ministerio

« autem sacerdotis solum reatus tollitur. » A quibus in re non distant propositiones adhibitæ responsionis. Quæ etiam ratione theologica ostenditur falsa, et inconsequens: quia reatus radicalis, et fundamentalis non distinguitur realiter a macula, sed illam quasi conceptus secundarius consequitur; et necessario comitatur, ut proxime diximus: et ideo ubi, et eisdem causis, quibus inducitur macula, inducitur reatus; eisdem, ubi hæc tollitur, et ille aufertur: quippe qui aliud non est, quam condignitas culpæ ad pœnam: ergo si sacerdos absolvens tollit reatum, pariter tollit et maculam; et vice versa, si non expellit maculam, sed supponit alias ablatam, nec reatum excludere poterit; atque ideo in nullo sensu solvet pœnitentem a peccatis, contra verba Christi Domini allegata a Tridentino, et communem intelligentiam Ecclesiæ.

Id vero, quo præmissa evasio se protegebat, exemplum scilicet Lazari vitæ restituti, et remissi Apostolis, ut a ligaminibus solveretur, nihil evincit in contrarium: nec Sancti Patres suis expositionibus simile quid docuerunt. Sed ex prædicta figura, et explicatione Sanctorum duo alia longe diversa colliguntur, quæ veritati consonant, et communi fidelium sensui. Primum, quod quando peccator ante susceptum sacramentum consequitur vitam gratiæ, et justificatur per contritionem, et sacramenti voto; adhuc ad sacerdotes, ut solvatur, debet accedere. Ceterum solutio per sacerdotes exequenda non est peccatorum, nec reatus pœnæ æternæ, sed pœnæ temporalis, et censurarum, quin etiam pravorum habituum, quibus etiam post justificationem solet homo illigari, et trahi ad peccata ob veterem ad ea consuetudinem: quæ omnia solvunt sacerdotes consilio, pœnitentiis, et aliis remediis. Secundum, quod aliquando peccator ante absolutionem, et justificationem solet participare vitam spiritualem, non complete, aut per gratiam sanctificantem, sed vialem mediis actibus fidei, spei, timoris, et attritionis, quibus homo movetur, et tendit ad vitam gratiæ, ut describit Conc. Trid. sess. 6, c. 6. Deinde accedit ad sacerdotem, et ab eo per sacramentalem absolutionem solvitur a peccatis. In utroque itaque casu datur antecederet resti-

tutio vitæ spiritualis, cum differentia assignata vitæ completæ, aut vialis: datur etiam solutio diversorum vinculorum per sacerdotes: quæ repræsentata fuere in Lazari resurrectione, atque solutione, ut idem Patres suis expositionibus declarant. Ad cujus doctrinæ, et distinctionis commendationem multum confert decretum Ecclesiæ condemnantis sequentem Baji

Propositio Baji
condemnata.

propositionem, quæ est 64: « Sed, et illa « distinctio duplicis justitiæ; alterius, quæ « fit per spiritum charitatis inhabitantem; alterius, quæ fit ex inspiratione « quidem Spiritus Sancti cor ad pœnitentiam excitantis, sed nondum cor inhabitantis, et in eo charitatem diffundentis, « qua divinæ legis justificatio impletur; « similiter rejicitur. » Ergo vice versa fateri oportet distinctionem duplicis justitiæ, seu vitæ spiritualis, alterius, vialis, et incompletæ per operationes salutes disponentes; alterius completæ, et in termino per gratiam sanctificantem.

Ultimum
effugium
adversariorum.

16. Accedamus tandem ad tertium, et ultimum Adversariorum effugium. Sunt enim ex postremis sententiæ nobis contrariæ patronis, qui antecedentes responsiones corrigunt in non paucis, et tamen ab intentata contritionis necessitate non desistunt. Fatentur namque pœnitentiam esse sacramentum mortuorum, ac proinde ordinari per se ad causandam primam gratiam justificantem. Fatentur etiam contritionem, cum ex amore charitatis procedat, trahere secum infallibiliter, et remissionem peccatorum, et infusionem gratiæ adoptionis, et absolutionem a pœnæ æternæ reatu, etiam priusquam pœnitentiæ sacramentum suscipiatur in re. Quomodo autem hæc inter se cohæreant? Hoc opus, hic labor eorum est. A quibus se expediunt dicendo, prædictum sacramentum ad omnes relatos effectus concurrere per ipsammet antecedentem contritionem. Cum enim ista non inferat, vel afferat justificationem, nisi cum hujus sacramenti voto, quod in ea includitur, ut docet Conc. Trid. sess. 14, c. 4, consequens est non aliter contritionem eos effectus habere, quam in virtute sacramenti pœnitentiæ, et per subordinationem ad ipsum. Idque satis est, ut vere de eodiciamus esse sacramentum mortuorum, et causare primam gratiam justificantem, et reliquos effectus

relatos; quamvis in executione eam, et omnes illos supponat; et deinde in re susceptam alios satis salutes efficiat. Quam responsionem primo declarant exemplo gratiæ justificantis Patres veteris testamenti, quæ vim habebat ex meritis Christi futuri, et non nisi ex virtute illorum suos effectus communicabat: unde Christus nondum existens poterat dicere, *Ego vos justifico*; et postea existens, *Ego vos justificavi*. Idem itaque verificari potest circa effectus contritionis; licet ad hoc sacramentum in executione præsupponatur, quippe, qui non fiunt, nec sunt, quam dependentur a sacramento, Ratione etiam fulciunt: nam cum sacramentum constet materia, et forma, merito dicitur fieri per sacramentum, quod fit per quamlibet ejus partem, utputa per materiam: sed contritio est pars sacramenti pœnitentiæ ex parte materiæ, ut constat ex dictis q. 90, art. 2, et in præf. n. 4. Ergo recte dicitur esse effectum hujus sacramenti, quicquid est effectus contritionis: unde quod hæc præcedat, et relatos effectus antecederet ad sacramentum in re susceptum inducat, minime impedit, quod sacramentum ad eos concurrat. Cui motivo favere videtur D. Th. sup. q. 86, art. 6, in corp. ubi postquam dixit actus humanos, qui se tenent ex parte pœnitentis, esse hujus sacramenti materiam, subjunxit: « Omne autem sacramentum producit effectum suum, non « solum virtute formæ, sed etiam virtute « materiæ: ex utroque enim est unum « sacramentum. » Deinde addidit: « Remissio culpæ est effectus pœnitentiæ, principalius quidem ex virtute clavium, quas « habent ministri, ex quorum parte accipitur, id quod est formale in hoc sacramento, ut supra dictum est: secundario « autem ex vi actuum pœnitentis pertinentium ad virtutem pœnitentiæ, tamen prout hi actus aliquantulum ordinantur ad claves Ecclesiæ. » Constat autem contritionem cum voto hujus sacramenti esse actum humanum pœnitentis, aliquantulum ordinatum ad claves: ergo, quod per eam sic acceptam confertur, in sacramentum ipsum revocandum est, ut per illam partem influens.

Responsio ista, quæ speciosa apparet, plurima continet falsa, solido destituitur fundamento, et solis verbis differt ab aliis jam

D. Thom.

Ostenditur evasione

^{dura} jam confutatis solutionibus. In primis ^{ntine-} namque supponit contritionem, aut amo- ^{falsa} rem charitatis, ex quo procedit, inducere remissionem peccatorum, aliosque effectus, dependenter a voto suscipiendi sacramentum pœnitentiæ (ut docet Conc. Trid.) idem esse, ac influere, et operari in virtute talis sacramenti. Quæ tamen toto cœlo distant : nam primum solum importat propositum suscipiendi hoc sacramentum : ad quod non requiritur, quod sacramentum existat, nec quod ullam efficacitatem contritioni tribuat, sed solum, quod respiciatur, ut objectum propositi. Ad secundum autem requiritur, quod existat sacramentum, cujus contritio est pars, et simul cum toto, et in toto elevatur per virtutem divinam ad influendum. Cujus differentiæ signum satis evidens est, quod contritio cum eo voto, sive proposito sacramenti concurrat ad gratiam justificantem, et remissionem peccatorum solum dispositive, non autem efficienter : nec enim principaliter, aut instrumenta- liter producit talem gratiam, sed ad eam præcise præparat, ut late ostendimus tract. 15, de justificat. disp. 3, dub. 3, et 5. Ubi autem actu, et in executione est pars sacramenti, atque cum illo concurrat, habet influere in eodem genere, in quo, et illud influit, ac perinde in genere causæ efficientis : sunt enim sacramenta novæ legis instrumenta divinæ virtutis, ut ex professo statuimus tract. 22, de Sacramentis, disp. 4, dub. 1 et 4. Ergo summe distant illa duo, contritio cum voto sacramenti, et contritio in virtute sacramenti. Et eadem diversitas magis adhuc dignoscitur attendendo ad effectus contritionis cum solo voto, et contritionis sacramento in re conjunctæ : nam contritio cum solo voto præcise inducit gratiam sanctificantem communem ; non autem sacramentalem, quæ supra priorem addit aliquem specialem determinationis, et perfectionis modum ; sed sacramento conjuncta efficit ipsam gratiam sacramentalem, quæ est effectus proprius talis sacramenti. Quæ differentia constat ex dictis tract. proxime cit. disput. 4, dub. 9. Rursus contritio cum solo voto sacramenti causat suum effectum præcise ex opere operantis, et cum commensuratione ad intensionem ipsius contritionis : sed contritio cum sacramento in re causat, sicut, et ipsum, ex opere ope-

rato, et cum excessu supra propriam sui intensionem, ut cum communi, et certa Theologorum sententia ostendimus in eodem tract. disp. 5, dub. 1, § 2. Ex quibus satis plurimum distare constat contritionem cum voto sacramenti a contritione cum sacramento in re : et falsum omnino esse, quod quidquid causat contritio cum sacramenti voto, causet in virtute sacramenti pœnitentiæ. Et hæc satis erant ad refellendum totam responsionem.

17. Sed urgentius evertitur ostendendo, ^{Urgen-} quod manifestis fidei decretis opponitur : ^{tius reji-} quoniam sacramenta novæ legis, quando ^{citur} fiunt, conferunt non ponentibus obicem, ^{evasio.} gratiam, sive effectum, quem significant ; sed pœnitentia est sacramentum novæ legis significans remissionem peccatorum, ut ex ipsius forma constat : ergo quando fit, confert non ponentibus obicem gratiam, sive remissionem peccatorum. Quod minime verificari potest, si necessario supponit contritionem, et hæc antecederet ad prædictum sacramentum affert gratiam qua peccata remittuntur. Cetera patent. Et major constat ex diffinitione Concilii Trid. relata n. 14.

Confirmatur primo : quia sacramenta ^{Idem} novæ legis conferunt gratiam ex opere ope- ^{confir-} rato ; sed conferre gratiam ex opere ope- ^{matur 1.} rato est illam conferre immediate per se ipsa, et supra dispositionem subjecti : ergo cum pœnitentia sit sacramentum novæ legis, debet gratiam ita conferre. Quod minime salvatur juxta doctrinam responsionis, quam impugnamus ; siquidem quando elicitur contritio, non adest sacramentum, atque ideo nequit influere per se, et immediate ; et quando adest, jam supponit inductam gratiam per contritionem. Cetera constant. Et major continet ^{Conc.} diffinitionem Concilii Trid. sess. 7, can. 8 : ^{Trid.} « Si quis dixerit per ipsa novæ legis sacramenta ex opere operato non conferri « gratiam... Anathema sit. » Minor autem est ipsa explicatio terminorum, sive modi causandi ex opere operato.

Confirmatur secundo, et evidentius ex ^{Confir-} his, quæ Concilium diffinit specialiter circa ^{matur 2.} sacramentum pœnitentiæ : nam in primis sess. 14, can. 3, statuit : « Si quis dixerit « verba illa Domini Salvatoris, Accipite « Spiritum Sanctum : quorum remiseri- « tis peccata, remittuntur eis, et quorum

Cone.
Trid.

« retinueritis, retenta sunt, non esse in-
« telligenda de potestate mittendi, et reti-
« nendi peccata in sacramento pœniten-
« tiæ, sicut Ecclesia Catholica ab initio
« semper intellexit, anathema sit. » Ergo
ministri hujus sacramenti hanc potesta-
tem exercent, et peccata remittunt in sa-
cramento pœnitentiæ; sed contritio solet
longo tempore præcedere sacramentum
istud, quamvis futura sit pars illius. Ergo
ministri non exercent suam potestatem,
nec peccata dimitunt, quando elicitur
contritio; sed quando sacramentum in re
conficitur: atque ideo, vel peccata nun-
quam in hoc sacramento remittuntur, quod
dicere est hæreticum; vel fateri oportet
hoc sacramentum non supponere neces-
sario contritionem, et remissionem pecca-
torum, quam ipsa secum indispensabiliter
affert. Deinde Concilium can. 9 ejusdem
sess. statuit: « Si quis dixerit absolutionem
« sacerdotalem sacerdotis non esse actum
« judicalem, sed nudum ministerium pro-
« nuntiandi, et declarandi remissa esse
« peccata confitenti... Anathema sit. » Si
autem antecederet ad hoc sacramentum,
æ perinde absolutionem sacramentalem
indispensabiliter supponeretur contritio,
quæ cum voto ejusdem sacramenti peccata
excluderet, ut certissime excluderet; jam
per sacramentalem absolutionem non
aliud fieret, quam pronuntiare, et decla-
rare peccata esse confitenti remissa. Quod
satis evidenter opponitur diffinitioni Con-
cili. Unde manifesta videtur falsitas præ-
dictæ responsionis: cum enim specie-
tus dicat hoc sacramentum esse mortuo-
rum et conferre per se primam gratiam.
ut catholice fateri debet; nihil minus
salvat, eos effectus revocari in contritio-
nem cum voto sacramenti, quæ est res
distinctissima a sacramento, et tam falso
sensu explicata evertit propriam istius sa-
cramenti rationem.

Exem-
plum ad-
versario-
rum con-
tra eos
refertur

18. Exemplum autem, quo Auctores
dictæ responsionis se declarant, nihil illis
favet, sed magis contra eos referendum
est: nam Christus, antequam existeret,
non influebat in gratiam Patrum veteris
testamenti in genere causæ efficientis phy-
sicæ, vel moralis: nihil enim hoc genere
causalitatis potest influere, antequam sit,
cum operari sequatur ad esse; sed influe-
bat in prædictam gratiam in genere causæ

finalis, et minus proprie meritoria; con-
ferebat enim Deus gratiam antiquis pro-
pter Christum futurum, et ob ejus merita
tanquam pretium de futuro solvendum.
Quæ omnia diffuse explicuimus, atque fir-
mavimus Tract. 21, de Incarnat. disp. 7,
dub. 5. Nec Christus, cum gratia antiquis
dabatur poterat dicere: Ergo vos sanctifico
in genere causæ efficientis, sed ego vos
sanctifico per modum finis, et per modum
futuri Redemptoris soluturi aliquando ves-
træ redemptionis pretium. Hæc vero mi-
nime adaptari queunt præsentī materiæ:
quoniam influxus sacramentorum est in
genere causæ efficientis: sunt enim instru-
menta virtutis Dei agentis principalis;
unde influere non valent, priusquam sint.
Quando autem contritio cum voto pœni-
tentiæ elicitur, adhuc non existit sacra-
mentum: atque ideo non valet per con-
tritionem influere in gratiam, et remissio-
nem peccatorum. Cujus doctrinæ confir-
mationem optimam habemus in D. Thom.
supra quæst. 62, art. 6, ubi statuit, quod
sacramenta veteris legis non causabant
gratiam per se; alias superflua foret Chris-
ti passio. « Sed nec potest dici, subdit,
« quod ex passione Christi virtutem habe-
« rent conferendi gratiam justificandi. Sicut
« enim ex prædictis patet, virtus passionis
« Christi communicatur nobis per fidem, et
« sacramenta, differenter tamen. Nam com-
« municatio, quæ est per fidem, fit per ac-
« tum animæ: communicatio autem, quæ est
« per sacramenta, fit per usum exteriorum
« rerum. Nihil autem prohibet id, quod est
« posterius tempore, antequam sit, movere,
« secundum quod præcedit in actu ani-
« mæ: sicut finis, qui est posterior tem-
« pore, movet agentem, secundum quod
« est apprehensus, et desideratus ab ipso.
« Sed illud, quod nondum est in rerum
« natura, non movet secundum usum ex-
« teriorum rerum. Unde causa efficiens non
« potest esse posterior in esse, ordine du-
« rationis sicut causa finalis. Sic ergo ma-
« nifestum est, quod a Passione Christi, quæ
« est causa humanæ justificationis, conve-
« nienter derivatur virtus justificativa ad
« sacramenta novæ legis, non autem ad
« sacramenta veteris legis. Et tamen per
« fidem Passionis Christi justificabantur
« antiqui Patres, sicut et nos. Sacramen-
« ta autem veteris legis erant quædam il-
lius

D Thom.

lius

« lius fidei protestationes, in quantum si-
 « gnificabant Passionem Christi, et effectus
 « ejus. Sic ergo patet, quod sacramenta
 « veteris legis non habebant in se aliquam
 « virtutem, qua operarentur ad conferen-
 « dam gratiam justificantem, sed solum
 « significabant fidem, per quam justifica-
 « bantur. » Hæc omnia S. Doctor, quæ in-
 torquenda sunt in utentes prædicto exem-
 plo : nam propterea sacramenta antiqua
 non causabant gratiam in virtute Passio-
 nis Christi, nec Passio Christi causabat
 gratiam per illa sacramenta ; quia influ-
 xus sacramentorum in virtute Passionis
 Christi per sacramenta operantis pertinet
 ad genus causæ efficientis pro quo requiri-
 tur, quod causa existat in rerum natura ;
 et quo tempore erant illa sacramenta, non-
 dum existebant Christus, et ejus Passio ;
 sed idem motivum occurrit in præsentī ma-
 teria : nam sacramentum pœnitentiæ, et
 contritio in quantum ejus pars, debent
 influere in genere causæ efficientis : et
 aliunde quando datur contritio cum solo
 voto sacramenti, adhuc istud sacramen-
 tum non existit in re ; cum contritio, et
 illud votum possint sacramentum in re
 longo tempore præcedere : ergo dici non
 potest, quod contritio cum illo voto influat
 in virtute sacramenti ; nec quod sacra-
 mentum pœnitentiæ, antequam existat
 influat per contritionem, et sui votum in
 ea inclusum. Et si influit per illud votum,
 solum influet ad instar finis, vel objecti
 ad eum modum, quo Passio Christi con-
 currebat ad gratiam antiquorum per eo-
 rum fidem in Christum. Sed hic influendi
 modus diversus omnino est ab influxu pro-
 prio sacramentorum, et partium ad ea
 pertinentium.

Non magis evincit ratio, qua illi Auc-
 tores suam responsionem fulciunt, sed magis
 probat oppositum. Nam licet contritio sit
 hujus sacramenti pars, et quod per partem
 fit, debeat toti composito attribui, nihilo-
 minus pars sacramenti non concurrat, aut
 influit qua pars, nisi ad constituendum to-
 tum applicata, ut ex ipsis terminis liquet.
 Idque a fortiori verificatur in parte mate-
 rialī cujusmodi est contritio : debet enim
 per formam determinari, et trahi ad spe-
 ciem totius sacramenti, ut in naturalibus
 proportionabiliter accidit. Unde impossi-
 bile est, quod totum antequam sit influat

per suam materiam : et quod ista influat
 in virtute compositi, quod adhuc non exis-
 tit. Expectanda itaque est forma sacra-
 menti, ut istud constituatur : et tunc ad-
 venit virtus divina ipsum, et ejus partes
 elevans, ut sacramentalem effectum pos-
 sint producere. Quare nec de contritione
 cum voto, ubi ante sacramentum supponi-
 tur, potest dici, quod sit sacramenti pars,
 et quod influat in virtute ejus ; nec de sa-
 cramento affirmari valet, quod suum pro-
 prium effectum, nempe remissionem pec-
 catorum causaverit per contritionem tem-
 pore præcedentem. Absurdum ergo est
 imaginari, quod proprius hujus sacra-
 menti effectus possit induci, priusquam
 concurrant omnes sacramenti partes, et
 præsertim forma, sive absolutio. Quæ om-
 nia satis constant ex supradictis, et eorum
 non pauca conjunxit D. Thom. quæst. 84,
 art. 3, dicens : « In qualibet re perfectio
 « attribuitur formæ. Dictum est autem,
 « quod hoc sacramentum perficitur per ea,
 « quæ sunt ex parte sacerdotis. Unde opor-
 « tet, quod quæ sunt ex parte pœnitentis,
 « sive sint verba, sive facta (*uti est contritio*)
 « sint quædam materiæ hujus sacramenti :
 « ea vero, quæ sunt ex parte sacerdotis se
 « habeant per modum formæ. Cum autem
 « sacramenta novæ legis efficiant, quod
 « figurant ; oportet, quod forma sacramenti
 « significet id, quod in sacramento agitur,
 « proportionaliter materiæ sacramenti...
 « Hoc autem sacramentum non consistit
 « in consecratione alicujus materiæ (*ut ac-
 « cidit in Eucharistia*) nec in usu alicujus
 « materiæ sanctificatæ (*ut contingit in*
 « aliis) sed magis in remotione alicujus
 « materiæ, scilicet peccati, prout peccata
 « dicuntur esse materia pœnitentiæ. Talis
 « autem remotio significatur a sacerdote,
 « cum dicitur, Ego te absolvo. Unde hæc est
 « convenientissima forma. » Nulla itaque
 ratione fieri valet, quod contritio ante-
 cedenter ad illam, influat in virtute sacra-
 menti, et per modum partis illius.

§ III.

*Alia assertio resolvens aliam dubii difficul-
 tatem.*

19. Dicendum est secundo ad attritio-
 nem, ut sacramentum pœnitentiæ per mo-
 dum partis constituat, requiri, quod sit

D. Thom

Assertio
2.

supernaturalis, non autem quod sit omnino efficax, et absoluta. Hæc conclusio supponit attritionem esse sufficientem hujus sacramenti partem, ut satis liquet ex dictis § præced. Quo supposito, unum asserit, et aliud negat. Asserit quidem attritionem, ut munus partis subeat, debere esse supernaturalem : in quo suadendo non immerabimur, quia id ex proposito, et satis diffuse ostendimus supra disp. 4, dub. 1, § 4 cum quinque sequentibus, expendentes varia hujus veritatis fundamenta, quæ in unum colliguntur sub hac forma : quia illud dubio procul affirmare oportet, cui magis favent Concilium Tridentinum, Ecclesia aliquas propositiones reprobans, Doctor Angelicus, commune placitum Theologorum, et ipsa ratio rerum naturis innitens ; sed huic assertionis parti magis favent omnia relata ; esto, illam evidenter non demonstrent : ergo ita asserendum est, Cetera constant. Et minorem prolixè ostendimus in locis relatis, ad quæ lectorem, ne actum agamus, remittimus.

Pars 1
probalur

Ut autem in-præsenti non privetur omni motivo, istud præcise proponimus ; quod nimirum, attritio, eatenus est pars sacramenti pœnitentiæ, quatenus est pars materiæ proximæ, ex qua hoc sacramentum componitur ; sed ut sit pars prædictæ materiæ debet esse supernaturalis : ergo pariter, ut sit pars sacramenti. Consequentia est legitima. Et major constat ex sæpius dictis in hoc Tract. et præsertim ad art. 2 et 3, quæst. 90. Minor autem suadetur : quia actus pœnitentis, qualis est attritio, habent rationem materiæ hujus sacramenti, in quantum ejus formæ subduntur, et adaptantur ; ad id autem debent procedere ex supernaturali motivo, atque ideo esse supernaturales : ergo, ut attritio sit pars materiæ proximæ hujus sacramenti, debet ex supernaturali motivo oriri, et esse supernaturalis. Minor hujus secundi syllogismi, ad quem totus discursus reducitur ; explicatur, et probatur : etenim sacramentum pœnitentiæ institutum est per modum spiritualis, et reconciliantis judicii, in quo accusatio pœnitentis est materia, et absolutio sacerdotis est forma : ac proinde oportet omnia ista inter se adaptari. Constat autem totum hoc judicium, et præsertim formam peragi virtute sanguinis Christi, et per potestatem cla-

vium, quam Salvator Ecclesiæ reliquit. Porro ista omnem ordinem naturalem supergrediuntur, et ad superiorem spectant : quippe sanguis Christi non est medicina naturalis, nec effusus fuit propter motivum temporale : et similiter claves Ecclesiæ solum aperiunt Regnum Cœlorum : ergo actus pœnitentis, et præsertim attritio, quæ omnium principalior est, ut subdantur, et adaptentur ejus formæ, debent procedere ex supernaturali motivo, et subinde supernaturales esse. Qui enim mere naturales sunt, præcise attingunt motiva naturalia, utputa temporalia bona, vel mala : atque ideo non subduntur, nec adaptantur Christi sanguini, et clavibus Regni Cœlorum.

20. Confirmatur, occurrendo simul tacitæ objectioni : nam ideo in aliis sacramentis non requiritur quod materia proxima sit supernaturalis, licet eorum finis, sicut, et sacramenti pœnitentiæ, supernaturalis sit ; quia eorum materia consistit in rebus inanimatis, utputa aqua, oleo, pane, quæ sunt incapaces supernaturalitatis intrinsecæ, et non nisi ab extrinseco ordinatur ad formam, cui subjiciuntur. Cujus oppositum contingit in hoc sacramento : nam ejus materia proxima consistit in actibus, qui supernaturalitatis intrinsecæ sunt capaces ; et aliunde procedunt vitaliter, et libere a pœnitente, qui ex auxilio gratiæ se movere per actus potest ad sacramentale judicium, et sacerdotalem sententiam ; juxta conditionem judicii, atque sententiæ, quæ ad ordinem supernaturalem spectant, et cuncta temporalia, atque naturalia excedunt. Unde si pœnitens solum eliceret actus mere naturales, minime offerret materiam aptam subjici hujus sacramenti formæ : nullam quippe proportionem habent pure naturalia cum apertione Regni Cœlorum, quam significat absolutio. Quamobrem supposita divina institutione aliorum sacramentorum in rebus inanimatis, et hujus in actibus pœnitentis ; opus est theologizare cum præmissa differentia, nempe in aliis materiam non esse supernaturalem, sed ab extrinseco ordinari in supernaturalem finem juxta eorum Auctorem, et institutionem : materiam autem hujus sacramenti esse actus humanos, et præcipue attritionem, per quam se movet pœnitens ad supernaturale

supernaturale iudicium, et absolutionem per potestatem clavium in virtute sanguinis Christi : et hoc ipso talis actus, qui supernaturalitatis est capax, evadit intrinsicè supernaturalis. Quod si alius pœnitentis actus (tacitam aliam objectionem præoccupamus) nempe confessio peccatorum, supernaturalis non est, inde provenit, quod est actus exterior, et incapax supernaturalitatis intrinsicæ. Et tamen oritur (saltem regulariter, et communiter loquendo) ab attritione, vel saltem completur per illam ante absolutionem, (aliter sacramentum non fieret) : unde sicut ab attritione habet, quod sit confessio dolorosa, ita et quod sit supernaturalis, si non in se, saltem in radice, et complemento, quorum uno, aut altero indispensabiliter eget, ut sit sacramenti pars : idque satis est, ut supernaturalizetur pro sua qualitate.

Porro : similitudo aliorum sacramentorum aptior est, ut contra aliquorum sententiam fere antiquatam colligamus sacramentum hoc esse invalidum, sive non subsistere, quoties attritio non est supernaturalis, quamvis invincibiliter, aut etiam probabiliter, iudicetur talis a pœnitente. Quoniam sacramenta componuntur essentialiter ex materia, quam Christus eorum Auctor instituit : hæc autem non est materia existimata, sed vera, et vere concurrens. Qua de causa qui consecrat in pane non vero, sed apparenter, aut probabiliter tali, nihil facit : et similiter, qui baptizat in aqua, quæ censetur naturalis, sed non est, minime conficit sacramentum, et sic de aliis. Cum ergo materia proxima hujus sacramenti importet attritionem supernaturalem ex Christi Domini institutione, conformi omnino ejusdem sacramenti naturæ : liquido consequitur nullum fieri sacramentum pœnitentiæ, ad quod non concurrat vera attritio, et vere supernaturalis, quamvis existimetur adesse. Deserviet autem, vel ignorantia invincibilis, vel iudicium probabile circa existentiam supernaturalitatis in attritione, ut his præventus, aut laborans non peccet, cum sine attritione supernaturali suscipit hoc sacramentum : ut proportionabiliter contingit in ministris qui conficiunt alia sacramenta in rebus, quæ re ipsa non sunt illorum materia, et tamen apparent esse : nihil enim re ipsa efficiunt, sed non peccant.

21. Circa intelligentiam autem legitimam nostræ assertionis, quantum ad id, quod affirmamus, occurrit non dissimulanda difficultas ; nam cum possit dari, et attritio entitative, et quoad speciem supernaturalis, et attritio supernaturalis dumtaxat, quoad modum, sive ex parte finis, aut efficientis, ut constat ex his, quæ supra præmisimus num. 7, dubitari merito vallet quæ istarum rationum debeat esse supernaturalis attritio, ut sit pars sacramenti pœnitentiæ ? Negat Suarez disp. 20, sect. 2, sufficere attritionem, quæ non sit supernaturalis entitative, et quoad speciem : et pro ejus sententia multi referri solent : sed eorum plures non loquuntur cum præcisione attritionis ad esse partem sacramenti ; sed indistincte, et satis obscure confundendo simul in eadem attritione conceptum partis sacramenti, et conceptum dispositionis ad gratiam sacramenti : quos esse valde diversos supponimus a num. 1. Idque, adjicendo supra ibidem dicta, possumus nunc breviter, et efficaciter ex eo confirmare, quod attritio, ut pars sacramenti concurrat, sicut ipsum, ad gratiam in genere causæ efficientis : attritio vero, ut dispositio ad prædictam gratiam concurrat non in genere causæ efficientis, sed in genere causæ materialis dispositivæ. Unde observavimus plures, quas quidam pro Suarii sententia rationes expendunt, non esse de re præsentis, neceam tangere ; licet ipsi aliquas ex illo hauserint, in quibus, et ipse impegit. Partem autem contrariam nempe attritionem quolibet ex

Nagnus.
Sotus.
Canus.
Arauxo.
Vasquez.
Candidus.
Aversa.
Dicastillo.
Coninchius.
Pesantius.
Lugo.
Petigianus.

quæst. 84, art. 1, dub. ultimo in resp. ad 3, Vasquez 1, 2, disp. 134, cap. 4, Candidus disquisit. 24, art. 11, Avers. quæst. 14, sect. 6, Dicastillo disp. 6, dub. 1, pro eadem sententia referens Coninchium, Pesantium, et Lugum, Petigianum in 4, tom. 1, dist. 4, quæst. 4, art. 3, et alii plures.

In hac difficultate magis de suppositione quam circa resolutionem possemus ambi-

Investi-
gatur
modus,
quo su-
pernatu-
ralizetur
attritio.

SS. D.
Innoc.

gere. Non enim ita facile apparet, quomodo attritio entitativa, et ex objecto naturali, participet aliquem modum, aut prædicatum, quo ita elevetur, et ut sic loquamur, supernaturalizetur, quod vere supernaturalis sit, sicut hæc pars sacramenti exposcit, et pro assertionem statuimus. Quod enim aliqui significant supernaturalizari per conjunctionem ad virtutes fidei, et spei, atque illarum actus, qui supponuntur in peccatore fidei, non satisfacit: tum quia hæc conjunctio pure de materiali, et concomitanter se habet, cum non influat. Tum etiam, quia ex opposito fieret omnem attritionem naturalem in peccatore fidei non solum posse, sed esse necessario supernaturalem in modo; siquidem omnis naturalis attritio in homine fidei necessario conjungitur cum fide, et spe, ex suppositione coexistendi in eodem subjecto. Ex quo ulterius fieret nullam in peccatore fidei dari attritionem mere naturalem: et consequenter SS. D. Innocentium inter alias propositiones, sequentem, quæ est 57 superflue, et in vanum condemnasse anno 1679: « Probabile est sufficere attritionem « naturalem modo honestam. » Si enim nulla pura naturalis attritio datur in peccatore fidei: incassum reprobatur, quod sufficiat. Tum denique, nam exemplum, quo id declarari alias posset, operum scilicet entitativa in specie naturalium, quæ de se non sunt meritoria vitæ eternæ; et nihilominus in homine justo illam merentur propter conjunctionem ad gratiam, et charitatem, ut cum D. Thoma statuimus Tract. 16, de Merito, disp. 4, dub. 5, idque, quia ex conjunctione ad charitatem, participant quendam perfectionis, et informationis modum, quo tendunt in Deum supernaturalem finem, ut explicuimus ibidem, et tract. 19, de Charitate, disp. 7, dub. 3. Hoc, inquam, exemplum nequit adaptari præsentī difficultati: quoniam conferre hunc modum informationis, sive ordinis ad Deum supernaturalem finem est proprium solius charitatis habentis hunc finem pro objecto; sed non convenit fidei, et spei, quæ solæ præsupponuntur in peccatore fidei.

22. Hæc tamen licet difficilem, non ostendunt impossibilem suppositionem, et ideo illam cum communi sententia præmissimus num. 7, et modo sustinemus. Cum

enim certum sit plures alias operationes entitativæ naturales posse participare aliquem modum supernaturalem, et ratione illius ad prædictum ordinem evehi; non debemus censere id esse impossibile in sola attritione, nisi oppositum demonstratur: quod motivis repræsentatis non fit, ut statim ostendetur. Unde subscribimus Auctoribus secundæ sententiæ, pro qua etiam referri possunt plures alii antiquiores, qui docuerunt sine distinctione ad hanc sacramenti partem, sive ad valorem sacramenti sufficere attritionem naturalem: possunt enim explicari, quod id non asserant de attritione omnino naturali, sed de illa, quæ est supernaturalis quoad modum: et sic decet pro eorum reverentia, ne illos involvamus in damnatione propositionis proximæ relatæ. Suadet itaque non obscure supponendo duo satis clara. Primum est in actibus humanis assignari duos fines: unum coincidentem cum objecto, in quod actio suapte natura tendit, qui propterea dicitur finis operis, finis proximus, et finis intrinsecus: alterum, qui distinguitur ab objecto, et id est, in quod dirigitur actio ex libera operantis voluntate, et idcirco vocatur finis operantis, extrinsecus, et remotus. Quod patet in dante eleemosynam ad satisfaciendum pro peccatis, ubi finis operis, et proximus est ipsa eleemosyna, seu remedium pauperis; finis autem operantis, et remotus est satisfactio, ut tradit communis doctrina, et explicuimus Tract. 11, de bonitate, et malit. disp. 5. in principio. Secundum est, (et procedit ex primo) actus humanos habere bonitatem non solum ex proprio objecto, sive fine proximo, sed etiam ex fine operantis, et remoto, ut patet in exemplo proposito, ubi eleemosyna habet non solum bonitatem misericordiæ, per quam in sua specie constituitur, sed etiam bonitatem pœnitentiæ, quæ ad priorem accedit, ob relationem operantis ad finem extrinsecum proprium pœnitentiæ. De quo Tract. cit. disp. 6, a nu. 62, et eadem ratione fieri etiam potest, quod actus habens ex proprio objecto, sive fine proximo solam speciem, et bonitatem naturalem, simul ex fine operantis, et extrinseco habeat modum, et perfectionem pertinentem ad supernaturalem ordinem, ut liquet in eodem exemplo dantis eleemosynam

mosynam pro satisfactione suorum peccatorum : nam collatio eleemosynæ est quid specificæ naturæ, aut potens esse ; sed propter intentionem operantis pertinet ad superiorem ordinem, ad quem ille finis spectat.

Ex quibus facile suppositio suadetur : nam licet attritio naturalis, talis sit ex objecto proprio, seu fine proximo, atque ideo in sua entitate, et specie; nihilominus cum in peccatore fideli possint inveniri plura principia supernaturalia, ut fides, spes, desiderium æternæ beatitudinis, etc. Quibus peccator uti potest, et moveri ad elicendum attritionem ex objecto naturalem, ut pro peccatis satisfaciatur, sicut ad dandum eleemosynam, et ad alios actus honestos ex objecto naturales ob eundem finem : fit consequens talem attritionem entitative, et specie naturalem, esse supernaturalem quantum ad modum, et bonitatem, quæ participat juxta finem operantis. Idque non est denominatio extrinseca, sed aliquod prædicatum intrinsecum propriæ speciei superadditum, nempe ordinatio passiva consistens in respectu transcendentali ad finem operantis, et ad ipsum operans ex illo fine, sicut in aliis actibus contingit. Et hac de causa licet ad attritionem naturalem sumptam præcise quoad speciem non requiratur gratia aliqua supernaturalis ex parte principii ; requiritur tamen ad illam ut modo supernaturali vestitam, et complexive ad ipsum : præsertim cum talis modus non fiat per se, sed ad productionem actus attritionis juxta finem operantis. Unde missa facimus plura testimonia Conciliorum, et Patrum, quæ Suarius allegat, ut probet requiri gratiam supernaturalem pro attritione, in quantum est pars sacramenti : et ex illis infert eam esse entitative, et secundum speciem supernaturalem. Sed rem minime evincit : requiritur enim ex parte principii supernaturalis elevatio, virtus, aut gratia ad omnem operationem quocumque supernaturalem. Unde ex necessitate gratiæ pro aliqua operatione, non infertur determinate talem operationem esse supernaturalem entitative, et quoad speciem ; sed vel esse ita supernaturalem, vel saltem quoad modum juxta finem operantis : sicut ad actum misericordiæ naturalis dandi eleemosynam non requiritur ex parte principii superna-

turalis gratia, quæ tamen requiritur ad prædictum actum, ubi fit ex fine operantis ad satisfaciendum Deo pro peccatis.

Illa vero, quibus proposita suppositio ^{Responsio ad object.} impugnabatur, non urgent. Ad primum enim respondetur modum supernaturalitatis, quem naturali attritioni aliquando deferimus, non fundari in sola conjunctione ad habitus fidei, et spei; sed homo pro libertate sua, adjutus, et præmotus gratia, vult illam elicere propter finem supernaturalem, se submittebat clavibus Ecclesiæ, et satisfaciendi Deo. Per quod patet ad secundum : nam ex dictis constat non omnem naturalem attritionem supernaturalizari in peccatore fideli ; sed solum ubi elicitur ex fine operantis, qui supernaturalis sit. Merito autem relata propositio damnata est, quia sufficientiam tribuebat attritioni puræ, et in omni sensu naturali, quippe quæ non aliud exigeret in naturali attritione, quam esse honestam, quod etiam ad naturalem ordinem pertinet. Ad tertium dicendum est nos illo exemplo non uti, nec indigere, cum aliud universalius habeamus ex mutuo exemplo virtutum, a quo nec charitas ipsa excipitur : sicut enim, cum operans dat eleemosynam ex motivo charitatis, ille actus ex specie sua pertinet ad misericordiam, et ulterius ex fine operantis participat modum de linea charitatis scilicet ordinem ad Deum ultimum finem : sic etiam fieri potest ex placito operantis, ut quis eliciat charitatis actum ex motivo satisfaciendi Deo pro peccatis ; et tunc talis actus est in specie charitatis, sed participat aliquid de linea virtutis pœnitentiæ, estque re ipsa aliqua satisfactio juxta finem extrinsecum operantis. Fatemur tamen generale imperium, generalemque virtutum informationem soli charitati convenire : quia proprium ejus objectum est Deus ultimus finis, cui proprii, et particulares aliarum virtutum fines, (nempe specificativa illarum objecta) debent subordinari, ut locis cit. declaravimus. Sed ea doctrina in re, quam versamus, non egemus.

23. Veniamus jam ad secundam assertionis partem ; nempe pro attritione, ut sit sacramenti pars, non requiri quod sit omnino absoluta et efficax ; atque ideo sufficere ad illud munus attritionem supernaturalem inefficacem. Hanc partem

Secunda pars assertionis

Victoria, docent Victoria in summa, num. 144, Syl-
 Paludan.
 Martinus vester verbo *Confessio* 1, quæst. 23, Palu-
 danus in 4, dist. 17, quæst. 8, Martinus de
 Ledesma 2 p. Quarti, quæst. 8, art. 1, et
 Cano, de Pœnitentia
 Valent. quæst. 31, art. 2, Cano, de Pœnitentia
 Aversa, part. 5, Valentia in præ. quæst. 11,
 Nugnus. Prado,
 Delga- punto 2, quos refert, et sequitur Aversa in
 dillo, præ. quæst. 14, sect. 6, §. *Septimus casus*,
 Joann. a S. Thom. Nugnus q. 9, art. 1. dub. 1, §. *Secundus casus*.
 Vega. Et in resp. ad 3 et 4, replicam. Prado
 Scotus, quæst. 87, dub. 1, §. 6, num. 44, Delga-
 Almaj- dillo cap. 10, dub. 8, num. 43, Joan. a S.
 nus, Henriq. Thomas. disp. 33, art. 4, §. *Dicimus ergo*,
 Tolet et §. *Secunda pars*, Vega lib. 3, cap. 5,
 Gran. pro eadem sententia referens Scotum, Al-
 mainum, et alios, Henriquez lib. 1, de
 Pœnitentiæ sacramento, cap. 13, num. 7,
 lit. Q. Toletus in summa lib. 3, cap. 10,
 num. 7, Granados de Pœnit. tract. 3, disp.
 3, sect. 3, numer. 19. Denique, ut alios
 omittamus, Vasquez quæst. 92, art. 2,
 dub. unico, quamvis nobis contrarius, pro
 hac nostra assertione refert D. Thomam,
 Capreolum, Durandum, Ricardum, Covar-
 rubias, et Navarrum.

Probatur primo auctoritate Concilii
 auctorit.
 Concil. Trid. quæ possumus proponere sub hac
 Trid. forma: Illa attritio est sufficiens pars
 hujus sacramenti, cui convenit diffinitio
 hujus partis a Concilio assignata; sed at-
 tritio supernaturalis est hujusmodi: ergo
 est sufficiens pars istius sacramenti. Conse-
 quentia est legitima a diffinitione ad diffi-
 nitum. Major autem, in qua sola poterat
 esse difficultas, suadetur: nam Concilium
 sess. 14, cap. 3, quod inscribitur: « De
 « partibus hujus sacramenti, ait: Sunt
 « autem quasi materia hujus sacramenti
 « ipsius pœnitentis actus, nempe contritio,
 « confessio, etc. » Deinde cap. 4, immédia-
 tum inchoat his verbis, quæ continent dif-
 finitionem doloris illius, quem dixerat
 esse hujus sacramenti partem: « Contri-
 « tio, quæ primum locum inter dictos pœ-
 « nitentis actus habet, animi dolor est, ac
 « detestatio de peccato commisso cum pro-
 « posito non peccandi de cetero. » Hæc
 autem diffinitio, et omnes ejus partes con-
 veniunt attritioni supernaturali inefficaci,
 siquidem est animi dolor, et detestatio de
 peccato commisso cum proposito non pec-
 candi de cetero, ut satis ex se liquet, et ex
 dictis num. 8.

Nec momenti erit, si dicatur Concilium

ibi diffinire dolorem efficacem, et ita verba
 diffinitionis intelligenda esse de detesta-
 tione, et proposito efficacibus: in quo sensu
 minime conveniunt, nec adaptari possunt
 inefficaci attritioni: quippe quæ non est
 vere, sed specie tenus attritio. Id, inquam,
 nihil valet, sed eadem, qua dicitur, facili-
 tate refellitur: quia nullum habet funda-
 mentum in Concilio, quin occurrat opposi-
 tum. Concilium namque intendebat docere,
 quæ ad fidem, sive ad necessario confitenda
 circa istud spectant, prætermittendo illa,
 quæ circa alia erant, et sunt in controver-
 sia apud Theologos. Et propterea docuit in
 primis requiri contritionem, sive dolorem
 de peccatis; et deinde explicuit illum dol-
 orem descriptione adeo generali, ut sub ea
 comprehenderentur dolor perfectus, nempe
 contritio, et dolor imperfectus, scilicet at-
 tritio; quæ rursus dividitur in efficacem,
 sive in sua linea perfectam, et in aliam
 inefficacem, sive imperfectam. Unde sicut
 absurdum, et contra Concilium esset di-
 cere, quod ea diffinitio non comprehendit
 attritionem, sed solam contritionem; sic
 etiam est dicere, quod non comprehendit
 attritionem inefficacem, sed solum effica-
 cem, et omnino absolutam: quippe verba
 Concilii, ut jacent, majus ad unum, quam
 ad aliud non præstant fundamentum. Et
 profecto si Concilium intendisset aliud;
 satis obscure, et valde diminute processis-
 set in describendo hanc sacramenti par-
 tem, cum posset facillime adicere, ac
 dicere: « Est efficax animi dolor, ac effi-
 « cax detestatio de peccato commisso, cum
 « proposito efficaci non peccandi de ce-
 « tero. » Et quidem ita deberet fieri, si
 diffinitus esset dolor determinate efficax.
 Cum ergo Concilium non ita se gesserit;
 non obscure constat illud agere cum ma-
 jori generalitate, abstrahendo videlicet a
 particularibus conditionibus doloris effica-
 cis, et doloris inefficacis; ut unum, et alte-
 rum comprehenderet sub diffinito, et ejus
 diffinitione. Uterque ergo juxta mentem
 Concilii est pars sufficiens sacramenti pœ-
 nitentiæ.

Confirmatur primo; quia juxta mentem
 Concilii admitti debet vera attritio, quæ
 non sit efficax: ergo hujusmodi attritio
 continetur sub illa generali descriptione
 doloris, qui juxta ipsum Concilium est
 pars istius sacramenti. Consequentia patet
 ex

Evast.
quædam
exeritum

Confir-
matio
desum-
pta ex
Con.
Trid.

ac. ex immediate dictis. Et antecedens probatur ex illo cap. 4, sess. 14, ubi dicitur: « Illam vero contritionem imperfectam, « quæ attritio dicitur, quoniam vel ex tur-
« pitudinis peccati consideratione, vel ex
« gehennæ, et pœnarum metu communiter
« concipitur, si voluntatem peccandi ex-
« cludat cum spe veniæ, declarat non so-
« lum non facere hominem hypocritam, et
« magis peccatorem, verum etiam donum
« Dei esse, et Spiritus Sancti impulsam,
« etc. » Ubi manifestum est Concilium
supponere dari veram attritionem, quæ
voluntatem peccandi non excludat: quia si
omnis vera attritio excluderet eam volun-
tatem, vanum, et inutile foret illam con-
ditionem adjicere: sicut plane foret pro-
ferre, homo si sit rationalis, potest hoc,
aut illud efficere; cum omnis homo ratio-
nalis sit. Omnis autem attritio efficax
voluntatem peccandi, nempe actualem,
excludit: alias efficax non esset: ergo
juxta mentem Concilii admitti debet vera
attritio, quæ non sit efficax.

ar- 2. Confirmatur secundo: quia si totum il-
lud cap. 4 percurramus, et illius contex-
turam, atque ordinem contemplemus, fa-
cile nobis occurrent tres species, aut quasi
species doloris a Concilio assignari, et sub
generali doloris, qui est pars hujus sacra-
menti, diffinitione ab initio capitis propo-
siti comprehendendi. Nam primo occurrit
dolor perfectus, nempe contritio, de qua
dicit hominem justificare, priusquam hoc
sacramentum actu suscipiatur, sed non
absque voto illius. Secundo occurrit dolor
imperfectus, qui attritio dicitur. Et hanc
subdividit Concilium in verbis relatis:
nam una est attritio, quæ voluntatem pec-
candi excludit, de qua asserit, quod cum
sacramento in re causat gratiam disposi-
tive. « Et quamvis, » inquit Concilium,
« sine sacramento pœnitentiæ per se ad
« justificationem perducere peccatorem ne-
« queat, tamen eum ad Dei gratiam in
« sacramento pœnitentiæ impetrandum
« disponit. » Alia est attritio, quæ volun-
tatem peccandi non excludit quia condi-
tionibus ad hanc exclusionem destituitur:
atque ideo nec sacramento conjuncta infert
gratiam. Quod palam supponit Concilium
dicens attritionem, « si voluntatem pec-
candi excludat, » disponere ad impetran-
dum gratiam hujus sacramenti: atque

ideo alia est, quæ nec excludit voluntatem
peccandi, nec ad gratiam disponit. Dantur
itaque juxta Concilium tres species, aut
quasi species doloris de peccato commisso:
prima dolor perfectissimus, scilicet contri-
tio, quæ tam intra, quam extra sufficit ad
justificationem: secunda dolor imperfec-
tus, nempe attritio excludens voluntatem
peccandi, quæ extra sacramentum non
sufficit, bene autem si ei jungatur juxta
Christi institutionem: tertia imperfectis-
sima, quæ non excludit voluntatem pec-
candi ob inefficaciam doloris, quæ proinde,
nec extra, nec intra sacramentum justifi-
cat. Et hæc ultima est, quam vocamus
attritionem inefficacem. Cum ergo Conci-
lium omnium istarum specierum memine-
rit in eo capite, comprehenderitque sub
generali titulo, et diffinitione contritionis
de qua statuerat esse hujus sacramenti
partem: sequitur quod hujus ratio ex
mente Concilii conveniat etiam attritioni
inefficaci.

24. Probatur secundo auctoritate D. Probatur
Thomæ, quem stare pro nostra assertione
est adeo manifestum, ut ita recognoscant
vel ipsi Adversarii, et facile constat con-
ferendo inter se varia S. Doctoris testimo-
nia. Nam in quibusdam negat contritio-
nem, hoc est, dolorem de peccatis requiri
ad valorem hujus sacramenti, ut in 4, dist.
17, quæst. 3, art. 4, q. 1, ubi ait: « Con-
« fessio etiam potest esse in eo, qui non est
« contritus, quia potest peccata sua sacer-
« doti innotescere, et clavibus Ecclesiæ sub-
« jicere. » Unde concludit « illum non
« teneri iterare confessionem. » Quod fal-
sum esset, si sacramentum non fuisset
validum. Idem docet ibi in resp. ad 3, et
dist. 21, quæst. 3, art. 1, q. 1, ad I. In
aliis vero, et fere semper docet, aut suppo-
nit contritionem, sive dolorem esse partem
essentialem ex parte materiæ hujus sacra-
menti, ut satis constat ex art. 2, quæst. 90,
ut ibi notabimus, et supra num. 2, unde
superfluum est ea loca referre. Inter quæ
testimonia nulla est contradictio: quia in
his ultimis loquitur de attritione, sive do-
lore abstrahente ab efficaci, et inefficaci:
nam eorum quilibet sufficit ad valorem
sacramenti, et nullus eorum determinate
pro solo valore requiritur. In prioribus
vero loquitur determinate de dolore effi-
caci, et omnino absoluto: de quo merito

affirmat (et est nostra assertio) non requiri ad valorem sacramenti, istudque posse absque illo subsistere. Quod aliis vocibus recte explicat (licet nobis contrarius) Tirso disp. 50, sect. 6, num. 63, dicendo, D. Thomas distinguit duplicem dolorem: alterum inefficacem, sufficientem ad valorem sacramenti, et insufficientem ad fructum sacramenti: alterum efficacem sufficientem ad valorem, et fructum. Et de hoc secundo loquitur in illa dist. 17. Unde liquet D. Thomam in ea fuisse sententia, quod attritio inefficax sufficit: ut hujus sacramenti sit pars, et illud sit simpliciter validum: idque magis firmatur ex comuni Discipulorum circa id consensu, quorum plures dedimus num. præcedenti.

Probatur
3 ratione

Tertio suadetur assertio ratione, quæ in re dependenti a sola Dei voluntate non potest esse demonstratio, sed congruentia, supposita hujus sacramenti institutione, et natura, de quibus nobis constat per doctrinam Ecclesiæ. Etenim dolor de peccatis ideo requiritur ad hoc sacramentum, estque illius essentialis pars, quia hoc sacramentum institutum est per modum iudicii, in quo pœnitens gerit munus rei se accusantis, illudque habet se accusando de peccatis coram legitimo ministro: et talis confessio non esset vera accusatio, sed mera peccatorum relatio, si ortum non duceret ex peccatorum dolore, aut per illum saltem non compleretur in ratione accusationis. Quem discursum desumptum ex D. Thoma qu. 90, art. 2, prosequuntur communiter Theologi, ut evincant dolorem requiri, et esse hujus sacramenti partem, ut vidimus num. 2. Ad prædictum autem munus non requiritur contritio determinate efficax, sed sufficit, vel inefficax: ergo etiam sufficit attritio inefficax, ut sit hujus sacramenti pars, et ipsum teneat quantum ad valorem. Minor, in qua poterat esse difficultas, facile suadetur; quia verus dolor abstrahit ab efficaci et inefficaci: de multis vere dolemus, illaque odio habemus, et detestamur, ut mala nobis vere contraria, licet ille dolor non sit efficax: frequenter namque conjungitur cum desperatione prædicta mala vitandi, ut constat in aliquibus in aliquo vitio, quod eorum dedecus est, ab antiquissima, firmaque consuetudine radicatis: quippe habent circa hæc vere dolorem ac displicentiam; sed inefficacem; siquidem

efficax nequit cum desperatione illa vitandi conjungi: ergo pariter potest quis dolere vere de peccatis per attritionem, quæ non sit efficax: in quo casu confessio ex tali attritione orta non erit pura, aut historica peccatorum relatio; sed vera accusatio, qualis in hoc sacramentali iudicio requiritur, juxta Dei institutionem.

Confirmatur: quia congruum est ita de prædicta institutione censere, ut hoc sacramentum non sit nimis onerosum fidelibus ex obligatione illud reiterandi, sive sæpius repetendi eadem peccata, illaque subjiendi clavibus Ecclesiæ apud unum, aut multos sacerdotes: quod nemo negabit esse gravissimum jugum. Id vero maxima ex parte vitatur, si attritio abstrahendo ab efficaci, et inefficaci sit sufficiens pars ad sacramenti valorem; secus autem si pro tali valore requiritur attritio determinate efficax: ergo præsumendum, et tenendum est pro valore hujus sacramenti non exigi attritionem determinate efficacem, sed attritionem etiam inefficacem sufficere. Major, et consequentia patent. Minor etiam suadetur: nam homo facile cognoscit, quin evidenter experiri potest se habere attritionem de peccatis, sive quod hæc sibi displiceant, et abominationi sint ob eorum fœditatem, et pœnas inferni: quod vero hic dolor, sive attritio sit efficax, multos latet ob multos, et profundos cordis humani sinus, atque recessus: præsertim apud illos, qui cito, ac facile post confessionem in eadem peccata labuntur: ergo obligatio, et molestia repetendi confessiones eorundem peccatorum vitatur magna ex parte, si attritio, quæ est pars essentialis sacramenti, abstrahat ab efficaci, et inefficaci, et in qualibet earum salvetur: minime vero vitatur illud onus, sed magis inducitur asserendo attritionem determinate efficacem requiri ad sacramenti valorem.

25. Sed oppones primo contra rationem: si attritio inefficax esset verus dolor, fundaretque veram accusationem de peccatis, quamvis positive cognosceretur inefficax, concurreret ad constituendum verum, et validum sacramentum pœnitentiæ: consequens est falsum: ergo, et antecedens. Sequela ostenditur; quia ubi adhiberetur vera materia, et forma, conficitur verum sacramentum, licet alias ob aliorum defectum

fectum gratia sacramenti non producat, ut patet in baptismo, qui positus materia, et forma est validus; quamvis baptizatus nullam scienter adhibuerit attritionem, et ob ejus defectum non consequatur gratiam. Falsitas autem consequentis patet ex communi Theologorum doctrina, nempe eum, qui sciens se non habere attritionem efficacem, et propositum absolutum vitandi peccata graviter peccare, atque nullum recipere sacramentum. Secundo oppones contra confirmationem: nam si quid probat, pariter evincit non requiri ad valorem hujus sacramenti attritionem supernaturalem: cujus oppositum cum communi, et certa sententia statuimus num. 19. Inferri vero ostenditur: quia non possumus magis certificari de supernaturalitate attritionis, quam de ejus efficacia: utraque enim latet, et circa utriusque existentiam falli possumus: ergo si censetur nimis grave exigere attritionem determinate efficacem, quia inde fieret esse frequentissime incertos de valore confessionis, et obligare ad ejus repetitionem; idem, et ob idem motivum dicendum erit de supernaturalitate attritionis: et consequenter, quod sicut ad valorem sacramenti non requiritur attritio determinate efficax, sed hæc, vel attritio inefficax; ita pariter non requiritur attritio determinate supernaturalis, sed vel ista, vel naturalis attritio.

Ad primam objectionem respondetur negando sequelam; ubi quis sciens, et advertens accedit ad sacramentum cum attritione cognita inefficaci. Et ad sequelam probationem dicendum est; ita rem se habere, quod ubi concurrunt vera materia, et forma, (suppositis aliis requisitis.) conficitur verum Sacramentum; quamvis ob defectus dispositionis effectus illius, nempe gratia sanctificans, impediatur, ut recte probat exemplum baptismi. Sed in casu, qui proponitur, deficit non sola dispositio ad gratiam, verum etiam pars ad valorem essentialiter requisita. Ubi enim pœnitenti adest scientia de inefficacia suæ attritionis, eadem scientia cognoscit se permanere in voluntate peccandi: et pariter cognoscit se ponere obicem fructui sacramenti ob defectum dispositionis ad illum, pro qua dolor efficax desideratur, ut § sequenti dicemus. Quare se gerens prædicto modo, sciens, et prudens (si licet ita loqui) pec-

cat in actu mortaliter: quare nec vere quærit remedium, nec se subdit Ecclesiæ clavibus, sed magis illudit. Unde in tali casu deficit, non solum dispositio ad fructum, sed etiam materia ad valorem sacramenti. Quæ ratio non occurrit in baptismo, nec in aliis sacramentis: quia habent materias longe diversas ab attritione, quæ sunt componibiles cum peccato actuali, etiam scienter commisso.

Ad secundam objectionem negamus sequelam. Et ad probationem respondetur primariam rationem, ut pro sacramento requiratur attritio supernaturalis, et non requiratur attritio efficax esse voluntatem Dei illud instituentis: de qua respectu supernaturalitatis affirmatæ constat nobis per media proposita num. 19, et respectu negatæ efficaciam per media assignata a num. 23. Porro ad hanc differentiam concurrunt etiam illa congruentiæ ratio, quam exhibuimus, et hac sequelæ probatione non diluitur: quia longe majorem certitudinem possumus habere de supernaturalitate nostræ attritionis, quam de ejus efficacia. Licet enim illa non cognoscatur in se, cognoscitur tamen satis evidenter in motivo, ex quo fit; cum homo cognoscat v. g. se debere de peccato dolere ob imminentem sibi condemnationem ad pœnam æternam, sciatque se subdere clavibus Ecclesiæ, non ob lucrum temporale, quod nullum sperat; sed propter Regnum Cælorum, quod illæ aperiunt. Quo circa ab hac parte satis certificari potest circa sacramenti valorem, ut satis prudenter propellere valeat oppositos scrupulos, aut timores, quin opus habeat subeundi grave onus repetendi confessiones. Id vero non ita contingeret in efficacia attritionis, si semel necessaria esset ad valorem sacramenti: quia illa non sumitur præcise ab objecto, et motivo operationis, quæ facile, ut dicimus, dignoscuntur; sed etiam a diligentia, et conatu voluntatis in operando quæ magis latent, et in quibus dignoscendis frequenter fallimur existimantes nos facere, quam possumus, cum non fecerimus, quæ debemus; adhibuisseque omnem diligentiam, licet in multis defecerimus ob animi teporem, et circumobstantes passionem. Unde, si ad valorem hujus sacramenti requiretur attritio efficax, sive ex toto corde, quod multas, et sinuosas latebras habet; in

multas perplexitates laberemur circa talem valorem, atque ad asyllum reitrandi eorumdem peccatorum confessione; compelleremur non scrupulo, sed prudenti timore. Quod dicere est inconveniens, quia reddit nimis onerosum hoc sacramentum.

§ IV.

Ultima conclusio pro perfecta dubii decisione.

assertio
3.

26. Dicendum est tertio ad fructum, sive effectum hujus sacramenti requiri attritionem efficacem. Sensus assertionis constat ex hactenus dictis: nam supponimus ad fructum hujus sacramenti sufficere contritionem, sed non esse ad eundem inducendum necessario requisita: supponimus etiam, quod attritio, ut sit pars hujus sacramenti, debet esse supernaturalis, quamvis efficax non necessario sit. Et progredimur ad alium attritionis conceptum, quem habet in ratione dispositionis in ordine ad hujus sacramenti fructum, gratiam scilicet, et remissionem peccatorum. Ad quod munus affirmamus requiri, quod attritio sit non solum supernaturalis, sed etiam efficax: et consequenter, quod ubi non datur alius dolor, quam attritio, et hæc inefficax; non sequitur effectus hujus sacramenti, nempe gratia, et peccatorum remissio. In quo sensu assertio est certa, et adeo communis inter Theologos, ut supervacaneum sit aliquos in particulari pro illa referre.

1. probatur conc.
auctori-
tate Concilii.
Trid.

Probatur primo ex Concilio Trid. loco sæpius cit. cap. 4, sess. 14, ubi illas propositiones docet, ex quibus veritas assertionis evincitur, ut referendo integrum testimonium constabit. « Illam vero contritionem » imperfectam, quæ attritio dicitur, quoniam « niam vel ex turpitudinis peccati consideratione, vel ex gehennæ, et pœnarum » metu communiter concipitur, si voluntatem peccandi excludat cum spe veniæ, « non solum non facere hominem hypocritam, et magis peccatorem, verum » etiam donum Dei, et Spiritus Sancti « impulsus, non adhuc quidem inhabilitatis, sed tantum moventis, quo poenitentis adjutus viam sibi ad justitiam parat. Et quamvis sine sacramento poenitentiae per se ad justificationem perdu-

« cere peccatorem nequeat, tamen eum » ad Dei gratiam in sacramento poenitentiae impetrandam disponit, etc. » Hic Concilium in primis docet attritionem in sacramento esse dispositionem ad gratiam, quæ est sacramenti effectus: hanc enim influentiam important illa verba: « Viam sibi ad justitiam parat, » et illa: « Eum ad Dei gratiam in sacramento impetrandum disponit. » Unde in can. 5 ejusdem sess. huic doctrinæ correspondente decrevit: « Si quis dixerit eam contritionem, quæ paratur per discussionem, collectionem, et detestationem peccatorum » (et cetera, in quibus attritio, de qua dixerat, describitur) « non esse verum, » et utilem dolorem, nec præparare ad gratiam, etc. anathema sit. » Est itaque attritio cum sacramento juxta doctrinam, et diffinitionem Concilii non solum pars sacramenti, sed dispositio ad ejus effectum. Deinde docet Concilium prædictam attritionem cum sacramento esse dispositionem non utcumque, sed ultimam ad prædictum effectum: quia illi intra Sacramentum eam vim detulit, quam extra illud non habet, ut satis explicat illis verbis: *Et quamvis sine sacramento per se... Tamen in sacramento.* Unde cum extra sacramentum disponat remote: intra illud, juxta doctrinam Concilii, disponit ultimo. Tandem Concilium clarissime significat attritionem ita disponentem debere esse efficacem, dum hanc illi conditionem adjunxit, *si voluntatem peccandi excludat*, actualem quidem: nam cum habituali certum est conjungi ante infusionem gratiæ. Sola autem attritio, quæ efficax est potest excludere omnem actualem peccandi voluntatem: quippe inefficax actualem voluntatem admittit, (si non semper formalem, aut expressam, saltem virtualem, et implicitam) optime namque coherent odium inefficax peccati, et voluntas absoluta (licet implicita) in illo perseverandi. Ergo ex Concilio edocemur attritionem, ut ad gratiam, sive effectum hujus sacramenti disponat, eamque dispositive inducat, debere esse efficacem.

27. Probatur secundo ratione congruentiæ fundata in hujus sacramenti institutione: nam illud Christus instituit in remedium hominum adultorum pro peccatis post baptismum commissis; in eoque summum

Conc.
Trid.

2. Probatur conclusio ratione.

summam erga homines misericordiam, et pro statu legis gratiæ liberalitatem ostendit, quod cum ad remissionem peccati mortalis in adultis requiratur ex natura rei perfecta hominis in Deum conversio per contritionem, qui est dolor perfectissimus, sed non minus difficilis, cum debeat oriri ex amore charitatis Dei super omnia, et propter se: quo pacto, et non alia faciliiori via remittebantur antiquis peccata: Christus instituit sacramentum pœnitentiæ, in quo cum minori difficultate pœnitentes mundarentur a peccatis; sed non oportuit, quod id fieret absque aliqua illorum cooperatione, sed magis, quod ipsi ad tantum beneficium se aptarent, atque disponderent, licet ex dono gratiæ, quam ipse etiam nobis meruit. Ut enim egregie docet D. Thom. 1, 2, quæst. 113, art. 3: « Justificatio impii fit movente Deo hominem ad justitiam. Ipse enim est, qui justificat impium, ut dicitur Rom. 3. Deus autem movet omnia secundum modum uniuscujusque: sicut in naturalibus videmus, quod aliter ab ipso moventur gravia, et aliter levia, propter diversam naturam utriusque... Homo autem secundum propriam naturam habet, quod sit liberi arbitrii. Et ideo in eo qui habet usum liberi arbitrii, non fit motio a Deo ad justitiam absque motu liberi arbitrii. Sed ita infundit donum gratiæ justificationis, quod etiam simul cum hoc movet liberum arbitrium ad donum gratiæ acceptandum in his, qui sunt hujus motionis capaces. » Qui discursus verificatur in omni justificatione adulterorum, sive extra, sive intra sacramentum contingat, ut ex se liquet, et impendimus Tract. 15, de Justificat. disp. 3, dub. 1. Eo vel maxime, quod cum adulti peccatores aversi fuerint a Deo per motum propriæ voluntatis; congruit, quod ad ipsum etiam aliquo motu proprio convertantur, quo pariter se disponant ad donum gratiæ suscipiendum. Non deuit itaque hanc in sacramento pœnitentiæ conferri absque aliqua ex parte pœnitentis cooperatione, ac dispositione. Cumque perfectissima posset exigi, nempe contritio: Christus misericorditer indulgit, ut vel sola attritio adhibeatur, et ea contentus est, ut tantum donum gratiæ justificationis adhibeat. Sed cum impossibile sit eum, qui actu peccat, prædictam

gratiam recipere; oportuit pœnitentem eam ex parte sui dispositionem exhibere, quæ excluderet omnem actualem voluntatem peccandi. Hanc autem virtutem non habet attritio inefficax, ut dictum est: ergo attritio, quæ in hoc sacramento disponit ad justificationis gratiam, debet esse efficax. Et plane ubi homo peccator liberatus est ab obligatione non levi quærendi justificationem per unicum, et satis arduum contritionis remedium; non congruebat consequi illam per medium adeo leve, quale est sola attritio, et hæc inefficax. Debet itaque ad effectum sacramenti se disponere per attritionem efficacem, et in sua ratione perfectam.

28. Sed dices, si hæc ita se habent, quare Christus voluit, ut ad rationem partis hujus sacramenti sufficeret attritio inefficax, ut § præced. statuimus? Si attritio inefficax potest esse pars sacramenti, cur non est dispositio ad gratiam cum sacramento? Aut e converso, si ad disponendum requiritur attritio efficax, quare non desideratur etiam efficax ad constituendum sacramentum per modum partis? Hæc profecto minime videntur inter se cohærere. Replia.

Respondetur: Christum abs dubio potuisse pro sua auctoritate, et voluntate ita disponere: quod autem non ita disposuerit, sed eo modo, quem in præsentī, et præcedenti assertione statuimus, constare nobis per media, quæ in eis fundandis expendimus. Et cum inquiritur, quare ita voluerit, et cur ita ordinaverit? Satis est Theologo in his, quæ ex sola Dei voluntate dependent, respondere, quia voluit. Sed non deest satis congrua disparitatis ratio fundata in ipsa sacramenti institutione, et rerum naturis. Quoniam de ratione partis Sacramenti non est aliter concurrere ad ejus effectum, nempe gratiam, quam concurrat ipsum sacramentum in genere videlicet causæ efficientis, non principalis, sed instrumentalis: hæc enim causalitate influunt totum sacramentum, et ejus partes in eo, ut constat ex dictis Tract. 22. de Sacramentis, disp. 4, dub. 1, cum duobus seq. Porro, ut aliquid assumatur ad esse instrumentum divinæ virtutis, non exposcit esse ejusdem ordinis, aut perfectionis cum effectu: quippe, quod non agit per id, quod habet ex se, sed ut elevatum per virtutem superadditam. Unde sicut hæc Diluitur.

ratione assumptæ sunt ad rationem materiæ, aut partis aliorum sacramentorum aliæ res mere naturales, corporeæ, et de se impropportionatæ ad efficiendum gratiam sanctificantem, aut ejus augmentum, sicut aqua, et ablutio ad baptismum, oleum, et inunctio ad Extremam Unctionem : sic potuit Christus assumere, assumpsitque actum attritionis efficacis, aut inefficacis, ut esset pars ex parte materiæ sacramenti pœnitentiæ, et simul cum toto sacramento elevaretur ad producendum instrumentaliter gratiam : nihil enim refert illa naturalis impropportio, ubi influxus est instrumentalis, et virtus elevans supplet propriæ virtutis defectum, sicut in his, et aliis instrumentis, quæ Deus assumit, contingit. Et ideo inefficacia, et imperfectio attritionis minime illam impedit, aut excludit a ratione partis essentialis hujus sacramenti. Quod vero hæc pars debeat esse supernaturalis juxta superius dicta num. 19, non provenit ab ista radice, sed ab alia longe diversa, nimirum ab eo, quod hic dolor fundat, completque pœnitentis accusationem in ordine ad judicium, et claves Ecclesiæ, quæ pertinent ad supernaturalem ordinem : atque ideo debet, et ipsa fide regulari, et aliquam supernaturalitatem saltem respectivam habere, ut explicuimus num. 22. Sed ad id etiam munus parum, aut nihil refert efficacia, aut ejus carentia : quia dolor ab utraque præscindens constituit confessionem dolorosam, atque in ratione accusationis. Ceterum, ut attritio in sacramento pœnitentiæ sit dispositio ad ejus effectum, nempe gratiam sanctificantem, non se habet materialiter, aut per accidens ejus efficacia, sed per se exigitur ob motivum num. præced. propositum.

Confirmatur 2. Quod amplius confirmari potest, si attendamus talem attritionem esse dispositionem physicam ad prædictam gratiam : sicut de omnibus actibus disponentibus ad justificationem tam extra, quam intra sacramentum, et tam proxime, quam remote, generaliter statuimus tract. 15, de Justificat. disp. 3, dub. 4. Interest autem illud discriminis inter instrumentum, et dispositionem physicam, quod illud non agit virtute propria, sed per elevationem ab agente principali : unde nihil refert, quod de se careat virtute, et proportionem ad effectum, si illam, et aliunde a prin-

cipali agente mutuatur. Dispositio vero physica præparat per id, quod sibi intrinsicum, ac proprium est, sive per exhibitionem propriæ entitatis, absque extrinseca elevatione, et favore : sicut etiam proportionabiliter contingit in causa materiali et formali. Unde attritio nec intra, nec extra sacramentum ad gratiam disponit, nisi prædicto modo, emolliendo, scilicet per se ipsam cor, avertendo ab impedimentis, determinando in suo genere, et trahendo hominem, quantum potest, (et si remote) ad participationem gratiæ. Et denique hoc munus intra sacramentum ultimo, et perfecte in suo genere exequitur, si voluntatem peccandi excludat, ut loquitur Concilium Trid. supra relatum. Nequit autem hoc præstare, nisi efficax sit : quæ namque inefficax est, voluntatem peccandi non excludit, sed secum admittit, si non semper expresse, saltem implicite, et ex modo tendendi in suum objectum. Hac itaque de causa efficacia, quæ in attritione non requiritur, ut sit pars sacramenti, necessario desideratur, ut sit dispositio ad ejus effectum, qui est gratia justificans peccatorem.

29. Instabis : nam juxta præmissam resolutionem duæ in sacramento pœnitentiæ admittendæ sunt attritiones, una scilicet inefficax, quæ sit sacramenti pars, et altera efficax, quæ sit dispositio ad effectum sacramenti ; consequens est falsum : ergo et prædicta responsio. Minor probatur : tum, quia juxta communem omnium sententiam, et apprehensionem, ad unum pœnitentiæ sacramentum sufficit (suppositis aliis requisitis) una attritio, sicut, et una confessio. Tum etiam, quia cum attritio efficax, et attritio inefficax, possint ex eodem motivo procedere, puta ex timore gehennæ, sunt ejusdem speciei, et solo numero, aut penes modos sibi accidentales efficaciarum, aut ineffaciarum distinguuntur : implicat autem accidentia solo numero diversa conjungi in eodem subjecto, ut docet communis Thomistarum opinio.

Respondetur distinguendo consequens : admittendæ sunt duæ attritiones *permissive* concedimus ; *necessario* negamus ; et similiter minorem. Etenim ubi datur attritio efficax, illa una sufficit, ut sit pars sacramenti, et dispositio ad gratiam : pars quidem sacramenti, secundum conceptum doloris

Confirmatur 2.

In quo instrumentum, et dispositio physica distinguuntur.

Fit satisfactio instantiæ.

doloris supernaturalis præscindentis ab inefficaci, et efficaci (hic enim sufficit ad prædictæ partis officium) dispositio vero ad gratiam: secundum conceptum efficacis determinate, (ista namque desideratur ad coaptandum, et congrue præparandum subiectum). Unde liquet non semper, aut necessario multiplicari attritiones, sed unam secundum diversa munia sufficere. Ubi autem non datur attritio efficax, manifestum est solam inefficacem concurrere, vitæque intentum inconueniens plurium attritionum. Sed neque inconueniens est, si una, et altera, ac realiter diversæ in eodem sacramento concurrant, obeantque munera singulis propria. Verbi causa, dolet pœnitens de peccatis ob eorum fœditatem attritione supernaturali, sed inefficaci: hic jam adest dolor, qui per modum partis sufficit ad valorem sacramenti. Dolet ulterius de eisdem peccatis ob metum inferni attritione supernaturali, et efficaci: et hic jam occurrit dispositio sufficiens cum sacramento ad ejus effectum, gratiam nimirum justificantem. Verum itaque est hoc sacramentum non exigere necessario duas attritiones realiter diversas; illas tamen permittere, ut explicatum est. Ad consequentis autem improbationem primam respondetur falli, dum asserit contrariam doctrinam esse communem sententiam, aut apprehensionem: quotquot enim nobiscum docent, (et sunt plurimi relati num. 23,) ad rationem partis hujus sacramenti sufficere attritionem inefficacem, illam distinguunt ab efficaci, quæ ad fructum sacramenti disponit. Minus valet secunda improbatio, quia, ut ex proposito exemplo constat, attritio inefficax potest esse ex uno motivo, et attritio efficax ex alio specie diverso: atque ideo illæ attritiones plusquam numero differunt inter se. Quin licet sub eodem motivo tenderent, possunt specificè distingui propter diversum modum tendendi, efficaciter, vel inefficaciter: sicut amor simplex finis, et intentio efficax finis, licet et si habeant idem bonitatis motivum, sunt actus specie diversi ob diversitatem, qua ab eadem illa bonitate excitantur, et in eam tendunt.

lica-
am-
us. Potest autem hujus responsionis doctrina explicari, et magis confirmari exemplo auxilii sufficientis, et efficacis; nam si inquiratur, an realiter distinguantur?

Respondendum erit juxta nostra principia distingui quidem, non necessario, sed permissive. Nam Deus ab æterno, et independentè a scientia media, qua nulla est, decrevit v. g. quod D. Petrus posset converti, et converteretur; atque ideo illi præparavit auxilium sufficiens, et efficax pro tali conversione: de Juda autem decrevit, quod posset converti, non autem quod converteretur: unde, sibi præparavit auxilium sufficiens, non autem efficax. Loquendo itaque de auxilio collato Judæ in tempore, manifestum est fuisse sufficiens tantum, distinctumque realiter ab efficaci, siquidem ab hoc separatum est: et si efficax fuisset, intulisset infallibiliter liberam Judæ conversionem, quam non induxit, realis autem separatio manifestat realem rerum distinctionem. Loquendo autem de auxilio communicato D. Petro, dici potest in primis, fuisse unum sufficiens, sive dans posse ad conversionem; et fuisse aliud efficax realiter distinctum, ad eam conversionem infallibiliter applicans, atque trahens: et sic docent, et rem explicant communiter Thomistæ. Sed potest, etiam non minus probabiliter dici, esse unicam realiter qualitatem descendantem a Dei virtute determinante conversionem, quæ qualitas, quatenus participat virtutem Dei, et dat posse ad converti, vocatur auxilium sufficiens: et eadem quatenus defert determinationem Dei, et applicat ad conversionem, appellatur auxilium efficax: quin opus sit pro his muniis multiplicare diversa realiter auxilia, sed diversas rationes, et conceptus in eadem auxilii qualitate, ut fusius explicuimus, et cum Alvarez, Ledesma, Zumel, Navarrete, Nazario, Joanne a S. Thoma, et aliis statuimus in tract. de Voluntar. disp. 4, num. 36, et in tract. de peccatis, disp. 5, dub. 2, § 4, et in tract. de Gratia, disp. 5, dnb. 6, numer. 125. Ad hunc itaque modum discurrendum putamus in præsentī materia; nempe duas attritiones distingui posse in eodem sacramento; non quidem necessario, et semper, sed quandoque, et permissive. Ubi enim sacramentum non habet effectum; una, et sola attritio inefficax occurrit, quæ ab efficaci tunc non concurrente realiter distinguitur. Sed ubi effectum sortitur, adest, et attritio efficax: et potest dici, quod tunc non datur, nisi unus entitativè actus

attritionis

attritionis cum diversis muneribus : nam secundum munus doloris supernaturalis, abstrahentis de se ab efficaci, et inefficaci, est pars essentialis sacramenti pœnitentiæ : et secundum conceptum efficacis est dispositio ad effectum sacramenti. Potest etiam dici concurrere duas attritiones, unam inefficacem, quæ est sacramenti pars, et aliam efficacem, quæ disponit ad illius effectum.

Obiectur contra dicta.

30. Nec refert, si contra ultimam hanc responsionis partem opponas ; quod ubi adest attritio efficax, hæc sola potest obire utrumque munus, et partis, et dispositionis : atque ideo præoccupat locum, ne alia attritio inefficax exerceat officium partis : ergo nunquam concurrunt duæ illæ attritiones, nec comparantur per modum partis, et dispositionis cum distributione explicata.

Respondetur.

Id, inquam, non refert : quia licet non negemus unam attritionem efficacem posse obire illa duo munia partis, et dispositionis, ut proxime explicuimus, et regulariter ita contingere : tamen id non est necessarium, nec omnino semper. Tum quia prius non solum natura, sed tempore potest materia hujus sacramenti, (nempe dolor, confessio, et satisfactio in voto, ex quibus illa essentialiter constituitur juxta prænotata ad art. 1, et 2, quæst. 90,) esse completa, concurrente attritione supernaturali inefficaci, quæ sufficit ad rationem partis, antequam eliciatur attritio efficax, quæ est dispositio ad gratiam, et potest elici proxime ad absolutionem, aut in ultimo prolationis ejus momento. In quo casu non est ratio, ut attritio inefficax amittat officium partis, quam jam induerat ; et consequenter, ut attritio efficax illud assumat : stat igitur in tali suppositione duas attritiones concurrere, unam, ut partem ad valorem sacramenti, aliam, ut dispositionem ad ejus effectum. Tum etiam quia quod attritio sit pars, aut dispositio non revocat unice in ipsas rerum naturas, sed etiam, et maxime in pœnitentis arbitrium, ex cujus intentione, et ordinatione dependet, quod hi aut illi actus sint pars, vel dispositio. Nulla autem contradictio occurrit in eo, quod ex multis, quos penitus elicit, attritionis actibus, intendat primum esse partem sacramenti, et sequentem esse dispositionem ad ejus

gratiam. Et sicut intendit, ita plane continget : atque ideo occurrunt in eo sacramento duæ attritiones, una ut pars, altera ut dispositio. Unde censemus non repugnare quod pœnitens accedat ad sacramentum pœnitentiæ cum sola attritione inefficaci cognita, et ratum nihilominus sit sacramentum : quia pœnitens adhibet eam attritionem, quæ vere pars ejus est : si tamen firmiter statuatur elicere ante absolutionem attritionem, qua se disponat ad sacramenti gratiam, sive effectum, quia tunc concurrunt simpliciter omnia requisita ad valorem, et effectum sacramenti, nullusque ipsi opponitur obex. Sed casus rarus, et metaphysicus erit : qui enim peccata confitetur cum sola attritione inefficaci cognita, securitatem regulariter non habet de elicienda efficaci pro effectu ; et sic peccat actu scienter ponendo obicem gratiæ, et tale peccatum clavibus Ecclesiæ non subdit, nec vere quærit salutem, ut diximus num. 25.

§ V.

Refertur hæresis contra primam conclusionem.

31. Duæ sunt sententiæ, quæ nostræ primæ conclusioni adversantur, oppugnantes sufficientiam attritionis non solum ad fructum, sed vel ad solum valorem hujus sacramenti. Prima, et notorie hæretica, ad sic sentiendum movetur, quia tenet timorem inferni, et aliarum pœnarum, quæ peccatori imminet, esse peccaminosum, atque ideo, et ipsam attritionem, quæ illi timori innititur, et ex tali motivo procedit. Ita Lutherus in assertionibus articulatorum contra Bullam Leonis X assert. 6, his verbis : « Contritio, quæ paratur per discussionem, et collectionem peccatorum, qua, quis recogitat annos suos in amaritudine suæ animæ, ponendo derando peccatorum gravitatem, fedicitatem, amissionem æternæ beatitudinis, et acquisitionem æternæ damnationis, hæc contritio facit hypocritam, imo magis peccatorem. » Et non suaviora protulit in serm. de pœnitentia, et epistola ad Sulpicium, suffragantibus communiter ejus discipulis, quamvis non pauci ipsum in hac parte deseruerint, recognoscentes

Propositur contra Lutherum.

Lutherus.

gnoscentes ejus assertionem esse prorsus absurdam, et irrationalem, ut refert Belarmin. lib. 9, de pœnitent. cap. 17.

De hac materia ex professo egimus in tract. 18, de Spe, disp. 4, dub. 3, sub titulo: *Utrum actus timoris servilis sit honestus*, etc. Quare eadem hic repetere molestum nobis est, et forte lectori non gratum, qui locum illum adire valet. Unde illa præcise scribere curabimus, sine quibus vix possumus procedere, et necessaria sunt pro satisfactione quorundam catholicorum in § sequent. Et in primis apertissima est condemnatio Lutheri in illa sua audacissima, stultissimaque assertionem: nam Concilium Trident. ad errorem non solum, sed ad verba etiam Lutheri respiciens statuit sess. 6, can. 8: « Si quis dixerit gehennæ metum, per quem ad Dei misericordiam de peccatis dolendo confugimus, vel a peccando abstinemus, peccatum esse, aut peccatorum peiores facere, anathema sit. » Et sess. 14, cap. 4, docuit, « illam vero contritionem imperfectam, qua attritio dicitur, quoniam vel turpitudinis peccati consideratione, vel ex gehennæ, et pœnarum metu communiter concipitur, si voluntatem peccandi excludat cum spe veniæ, declarat non solum non facere hominem hypocritam, et magis peccatorem, verum etiam donum Dei esse, et Spiritus Sancti impulsus, non adhuc quidem inhabitantis, sed tantum moventis, quo pœnitens adjutus viam sibi ad justitiam parat. » Et can. 5 ejus sess. decrevit: « Si quis dixerit eam contritionem, quæ paratur per discussionem, collectionem, et detestationem peccatorum, quæ quis recogitat annos suos in amaritudine animæ suæ, ponderando peccatorum suorum gravitatem, multitudinem, fœditatem, amissionem æternæ beatitudinis, et æternæ damnationis incursum, cum proposito melioris vitæ, non esse verum, et utilem dolorem, nec præparare ad gratiam, sed facere hominem hypocritam, et magis peccatorem, denique quæ esse dolorem coactum, et non liberum, ac voluntarium, anathema sit. » Hæc omnia Concilium honestatem tam timoris pœnarum, quam doloris peccatorum ex illo orti diffiniens: quæ eo libentius rescripsimus, quia ad illa pro confutandis

Salmant. Curs. Theol. otgom. XX.

non solum hæreticis, sed quibusdam Catholicis, cum opus sit, recurramus.

32. Et ob eundem finem, et claritatis gratia oportet ex fusius dictis loco citato hic breviter adnotare; timorem communiter loquendo non esse aliud, quam fugam mali imminentis. Omissis autem aliis ejus divisionibus, quæ de re præsentem non sunt, dividitur a D. Thoma 2, 2, quæst. 19, art. 2, (cui subscribunt Theologi) in mundanum, servilem, filialem, et initialem. Nam, vel per timorem avertimur a Deo, ut si mandata ejus quis violet, ne amittat temporalia: et hic dicitur *mundanus*. Vel per timorem convertimur aliqua ratione ad Deum, ad bonum honestum. Et hoc contingit dupliciter: primo cum solam pœnam timeamus, ejusque formidine impulsus refugimus, et detestamur culpam: et hic dicitur timor *servilis*: quia proprium est servorum agere, non tam ex amore honesti, quam ex metu pœnæ infligendæ. Secundo cum solam culpam timeamus: et hic timor appellatur *filialis*: quippe filiorum est refugere patris injuriam. Solet addi timor *initialis*, quo quis refugit simul culpam, et pœnam (sive uno, sive multis actibus id fiat) et initialis vocatur, quia in principio conversionis communiter invenitur, retinens aliquid de timore servili, et progrediens ad perfectionem filialis. Ex quibus timoribus manifestum est mundanum esse peccaminosum cum amplectatur culpam: filialem esse honestissimum, cum nihil magis, quam culpam, refugiat. Unde solum de servili dubitari potest, an honestus sit? Pro quo oportet ulterius distinguere: quoniam tripliciter contingere valet, quod quis vitet culpam ex metu pœnæ. Uno modo solum impulsive, aut occasionaliter: ut cum quis odio habens culpam ob ejus deformitatem, magis provocatur ad ejus detestationem ex consideratione supplicii peccato imminentis: et hunc timorem esse honestum liquet tum ex se, tum exemplo ejus, qui ex consideratione bonorum temporalium inducitur impulsive ad Deum magis diligendum. Altero modo cum tanta adæquatione, ut solum vitet culpam pœna imminente, cum affectu conditionato peccandi, si non immineret: et hunc esse peccaminosum satis liquido constat ex actuali affectu ad culpam, et quia positive præfert malum pœnæ malo culpæ, quæ

Timor est fuga mali imminentis.

D. Thom.

An honestus sit timor servilis?

est gravis inordinatio. Ultimo denique modo sine illa adæquatione et prælatione, sed cum præcisione, ita quod vitare culpam, illamque odise, habeat pro fine proximo evasionem pœnæ, non includendo, nec excludendo ordinem ad ulteriorem finem bonum, aut malum. Et hæc ultima consideratio pertinet ad ejus speciem, ab aliisque conditionibus huic timori accidentalibus abstrahens, est, quæ in præsentiarum refert. Inter quas plane computari debet servilitas subjectiva, quæ aliud non est, quam status servitutis, sive peccati in quo homo hunc timorem habens potest, existere. De quo merito dixit D. Thomas 2, 2, quæst. 19, art. 4, quod « Servilitas non « pertinet ad speciem timoris servilis, si- « cut nec infortitas ad speciem fidei in- « formis. » Accedit enim fidei, et timori pœnæ conjungi cum statu peccati.

D. Thom.

Talis ti-
mor est
actus
honestus.Probatur
conclus.
auctorit.
Script.

Eccles. 7.

Eccles.
12.

Isaïæ. 46.

2. Ma-
chab. 6.

33. Hunc itaque timorem non esse peccatum, sed actum de se honestum, ac proinde, et dolorem peccatorum ex illo ortum, quem attritionem communiter vocamus, diffinivit Concilium Trident. locis relatis, et merito propter plura, eaque efficacissima motiva, quæ expendimus loco cit. ex tract. de Spe, quibus nunc breviter alia superaddemus. Probatur itaque primo ex Scriptura : nam medium, quod illa proponit ad fugiendum peccatum, nequit peccatum esse ; alias Deus sibi contradiceret ; sed scriptura proponit timorem pœnarum, ut medium ad fugiendum peccatum : ergo talis timor nequit esse peccatum. Minor constat, nam Ecclesiast. 7, dicitur : *Memorare novissima tua, et in æternum non peccabis.* Inter hæc autem novissima recensentur gehenna, et gloria, ex quibus in finali judicio gloria dabitur justis in præmium, gehenna peccatoribus in supplicium : quæ recogitata, et timorem inducentia retrahunt hominem a peccando. Et in eodem sensu dicitur Ecclesiast. 12 : *Qui timet Dominum, convertetur ad cor suum.* Converti autem ad cor, est averti a peccatis, exuere terrenos affectus, et per semitas justitiæ procedere, juxta illud Isaïæ 46 : *Redite prævaricatores ad cor.* Unde Prophetæ, et viri sancti, ut peccatores converterent, atque a peccando averterent, repræsentatione pœnarum, et comminatione supplicii frequenter usi sunt. Sic Eleazarus 2 Machab. cap. 6, hoc timoris fræno docuit volunta-

tem compescere dicens : *Quia etsi in præsenti tempore supplicii hominum eripiar, sed manum Omnipotentis nec vivus, nec mortuus effugiam.* Jonas etiam ad convertendos Ninivitas clamavit, ut legitur cap. 3 : *Adhuc quadraginta dies, et Ninive subvertetur.* Ad quam comminationem admirabilis pœnitentiæ effectus subsecutus fuit. Isaïæ 33, dicitur : *Quis poterit habitare de vobis cum igne devorante? Quis habitabit de vobis cum ardoribus sempiternis?* Et Psalm. 7 : *Nisi conversi fueritis, gladium suum vibrabit, arcum suum tetendit, et paravit illum, et in eo paravit vasa mortis.* Magnus prædicator S. Joannes Baptista clamabat Math. 3 : *Genimina viperarum, qui vobis demonstravit fugere a ventura ira? Omnis arbor, quæ non facit fructum bonum, excidetur, et in ignem mittetur.* Ipse etiam Dominus noster Jesus Christus hoc pro avertendis hominibus a peccando adhibuit medium Matth. 10, Luc. 12 : *Timete eum, qui potest animam, et corpus perdere in gehennam.* Ad hoc adduxit exemplum epulonis missi in infernum, Lucæ 16, hominis projecti in tenebras exteriores ob defectum vestis nuptialis : servi traditi tortoribus propter debita : Virginum fatuarum repulsarum ab sponso, et alia plura. Ludit ne, aut illudit Christus? Audiemus præ illo Lutherum? Verum itaque est, et omnino verum commendari in Scriptura timorem pœnæ, ut medium ad fugiendum peccatum.

Confirmatur ex aliis elogiis, quibus Scriptura hunc timorem commendat tanquam utilissimum ad salutem, et viam pro illa consequenda parantem : cum quo minime cohæret esse peccatum, sed fateri omnino oportet esse actum ex sua specie honestum ; nam Isaïæ 36, juxta translationem septuaginta : *A timore tuo Domine concepimus, et peperimus spiritum salutis,* id est, pœnitentiæ salutaris, ut explicat D. Thom. supra q. 85, art. 4, in arg. sed contra, et approbat in corp. et ad 3. Denique Ecclesiast. 25 : *Beatus homo, cui donatum est habere timorem Dei. Qui tenet illum, cui assimilabitur? Timor Dei initium dilectionis ejus.* Ubi sermo etiam fit de timore servili, seu pœnæ : nam filialis effective potius est dilectionis, seu charitatis. In his autem omnibus satis aperte significatur servilem disponere ad justificationem, et inchoare

Jona:
c. 3.
Isaïæ. 3

Psalm. 7

Math. 3

Math. 10

Luc. 12

Luc. 16

Confir-
matur.

Isaïæ 36

Eccles.
25.

inchoare in suo genere salutem, ut optime Thom. declaravit. D. Thom. loc. cit. ubi recensens actus, qui pœnitentiam inducunt, ait : « Tertius est motus timoris servilis, quo quis timore suppliciorum a peccatis retrahitur. Quartus actus est motus spei, quo quis sub spe veniæ consequendæ assumit propositum emendandi. Quintus actus est motus charitatis, quo alicui peccatum displicet secundum se ipsum, et non jam propter supplicia. »

34. Id ipsum probatur secundo ex Sanctis Patribus, quorum communis sententia est; timorem hunc inducere odium peccati, et ab eo fugam, ut relatis eorum testimoniis ostendimus loc. cit. de spe, et modo superfluum foret ea repetere. Sed quia Adversarii D. August. specialiter in sui patrocinii trahunt; ostendemus quam reluctantem, et omnino reclamantem contra illorum errorem. Nam super Psal. 12, ad illa verba : *Vermis eorum non morietur, et ignis eorum non exstinguetur*, inquit : « August. diunt hæc homines, et quia vere futura sunt impiis. timent, et continent se a peccatis. Habent timorem, et per timorem rem continent se a peccato. Timent quidem, sed non amant justitiam (*nempe amore perfecto, sive ex charitate*). Cum autem per timorem continent se a peccato, fit consuetudo justitiæ, et incipit quod durum erat amari, et dulcescit Deus, et jam incipit homo juste vivere. Timet, » Aug. « ne mittatur in gehennam. Bonus est, et utilis iste timor. » Quid clarius ad ostendendum, quod honestus sit, et quod ad justitiam, et amorem charitatis disponat? Et in eodem sensu in lib. de Catechiz. rudibus, cap. 5, statuit : « Rarissime accidit, imo vero nunquam, ut quisquam veniat volens fieri Christianus, qui non sit aliquo Dei timore perculsus, » utique erga pœnas vitæ futuræ, et disponente ad timorem filialem ex charitate, juxta illud ejusdem S. Doctoris tract. 9, in epist. Joannis : « Sunt homines, qui propterea timent, ne mittantur in gehennam, ne forte ardeant cum diabolo in igne æterno. Ipse est timor ille, qui introducit ad charitatem. Si non est timor, non est, quæ intret charitas. Sicut videmus per setam introduci linum. Opus est, ut intret timor primo, per quem veniat charitas. » Et serm. 18, de verbis Apost. ait : « Time

« gehennam. Nihil melius times. Time, ut ista formido custodiat te. Timor enim iste, quo gehennam times, et ideo malum non facis, continet te, et sic volentem peccare animum interiore non sinit. Est enim quidem custos timor, quasi pædagogus legis. » Et serm. 13, de verbis Apost. « Timor servus est, charitas libera est, et ut sic dicamus, timor est servus charitatis. Ne possideat diabolus cor tuum, præcedat servus in corde tuo, et servet dominæ venturæ locum. Fac vel timore pœnæ, si nondum potes amore justitiæ. » Ex quibus satis liquet, quam digne senserit de hoc timore D. Augustinus, et quantum ipsum commendaverit tam ad vitandum peccata, quam ad consequendum perfectam justitiam, et charitatem.

Unde facile præcluduntur duo effugia, ad quæ recurrunt hæretici, ut vim testimoniorum, tam Scripturæ, quam Patrum eludant. Dicunt in primis intelligenda esse de timore filiali, vel saltem charitati conjuncto. Addunt deinde quod intellecta de timore servili solum evincunt illum vitare externam executionem operis peccaminosi ex formidine pœnæ, non autem peccatum internum, sive affectum ad opus externum, quod cessante illa pœna committeretur. Hæc, inquam, refelluntur, ut prorsus futilia, et vim inferentia allegatis testimoniis. Primum quidem; nam in omnibus locis relatis commendatur timor ut destructivus, sive impeditivus peccatorum, et hac via ducens ad justitiam, et charitatem, ut se consideranti constabit. Id vero adaptari non valet filiali timori, quippe quia gratia, et charitate procedens supponit peccata destructa. Secundum etiam; quia malitia peccati non invenitur formaliter in membris, et operationibus exterioribus, sed in anima ejusque potentiis internis: unde proprie, et absolute dictum non stat pro operibus externis peccaminosis, quæ talia dicuntur denominatione extrinseca ab interiori malitia: ergo cum Scriptura, et Patres timorem pœnæ laudant, quia vitandis, superandisque peccatis deservit, minime possunt, nisi violenter exponi, quod loquantur præcise de operibus externis peccaminosis: et tamen accipi, et explicari debent in sensu proprio: ex opposito enim fieret nihil nos firmum colligere posse ex Scrip-

Effugium
Hæreticorum.

Refelluntur.

turæ, et Patrum assertis. Præsertim; quia non loquuntur de pœna aliqua politica, aut legibus reipublicæ imposita, ad quam vitandam sufficeret vitare externa peccata, retento interno perverso affectu: sed sermonem faciunt de pœna inferni, modo nobis invisibili, et sola fide cognita, pro qua vitanda nihil, aut parum referret abstinere tantum a pravis operibus exterioribus: ergo commendantes timorem hujus pœnæ pro vitandis peccatis, non agunt præcise de externis, sed omnia absque exceptione comprehendunt. Et plane si pœna a republica taxata cohibet homines, ne externa peccata exequantur: cur non pœna inferni firma fide cognita, cum sit longe major, et majori certitudine apprehensa illos non detinebit, ne prorumpant in affectus internos peccaminosos? Stulti sunt Lutherani, et æque infelices, qui timore gehennæ correpti crimina externa minime agunt ad ea propensi: et tamen foveant interius affectum peccaminosum, cui illa pœna jure æquissimo respondet. Satiùs illis esset nihil timere.

Probat-
tur 3
rat.

35. Probatur tertio ratione eadem catholica veritas; quia timere pœnam inferni (et alias, quas Deus ex superiori providentia infligere valet), est actus consonus rectæ rationi: ergo non est actus peccaminosus, sed honestus. Consequentia est evidens: quia omne peccatum importat dissonantiam ad aliquam rationis regulam; sicut e converso honestas, sive bonitas moralis dicit conformitatem ad rectam rationem. Antecedens autem ostenditur: tum quia consonum rationi est timere objectum dignum timore; pœna autem inferni est objectum timore dignissimum. Tum quia ejusdem rationis est timere malum, et sperare bonum ipsi contrarium; sed sperare bonum æternæ beatitudinis, est actus consonus rectæ rationi: et ideo datur specialis virtus theologica, quæ hunc actum eliciat, ut ostendimus Tract. cit. de spe, disp. 2, dub. 1, § 1; ergo timere malum æternæ damnationis, quod prædicto bono opponitur, est actus consonus rectæ rationi.

Confir-
matur.
everten-
do fun-
dam. hæ-
ret.

Confirmatur evertendo fundamentum hæreticorum: nam, si prædictus actus de se honestus includeret aliquam inordinationem, sive turpitudinem, maxime ut inducit fugam culpæ ex ipso timore, quam attritionem vocamus: qui affectus inordi-

natus apparet, cum pluris faciat pœnam, quam culpam, et hanc non vitaret, nisi adesset illa; sed hoc motivum falsum supponit, et nihil evincit: ergo fateri oportet prædictum actum esse honestum, non solum de se, aut secundum se verum, et complexive ad attritionem, et quatenus illam inducit. Cetera constant. Et minor suadetur: tum, quia implicatorium est aliquem peccare in eo, quod appetit, proponitque vitare omnia peccata gravia; sed ita se gerit, qui ex timore inferni elicit attritionem efficacem, detestatur enim omnia peccata, appetitque, ac proponit illa vitare: ergo nec in timore, nec in attritione peccat. Tum etiam, quia ex una parte timere infernum non est peccatum, ut ratio facta demonstrat: aliunde vero fugere, aut vitare culpam non est peccaminosum, ut ex ipsis vocibus liquet: ergo nec ille timor secundum se, nec complexum vitandi culpam ex timore pœnæ importat aliquam deformitatem. Tum præterea, quia sperare, et adimplere legem ad consequendum bonum speratum honestum est. Unde Psalmista dicebat ^{Psal. 1} *Inclinavi cor meum ad faciendum justificationes tuas in æternum propter retributionem*: ergo pariter honestum est timere, et vitare peccatum ad evadendum æternam damnationem: id enim paritatis ratio a contrario sensu convincit. Tum insuper; quia falsum omnino est eum, qui timet, et timore atteritur in detestatione peccati, pluris facere pœnam, quam culpam, et quod haberet affectum peccandi, si non immiueret supplicium: nihil enim horum intervenit in timore, et attritione, quæ a nobis asseruntur: quippe cum in illis non fiat ulla comparatio inter pœnam, et culpam, nec ullus concipiatur conditionatus ad istam affectus, ut prænotavimus num. 32, supponentes, et illam, et istum esse peccaminosa: sed simpliciter, sive absque illa comparatione, et affectu: ad timorem pœnæ sequatur odium culpæ, quæ illam meretur. Tum denique; quia, etsi peccatum sit malum superioris quam pœna; nulla taman est inordinatio in eo, quod homo ordinet fugam culpæ ad vitandum pœnam tanquam ad finem effectum proximum, non excludendo contrarie relationem ad Deum tanquam ad ultimum finem: hoc enim modo solent superiora ad inferiora ordinari absque ulla per-
versitate

versitate, sicut Incarnatio Verbi ad salutem hominum, oratio supernaturalis ad naturalia bona, actum charitatis ad misericordiam, et sic de aliis. Nullum itaque est fundamentum ad tam perversam existimationem Lutheranorum, quod actus timendi pœnam est malus, si non ex se, saltem complexive ad actum detestandi, et fugiendi culpam. Quod magis adhuc constabit occurrendo motivis, quibus honestatem attritionis, et primam ab hac parte nostrarum assertionum oppugnant.

36. Objiciunt ergo primo D. Augustinum; nam serm. 15, de verbis Apostoli, cap. 6, ait: « Qui timore pœnæ non concupiscit, puto quia concupiscit. » Epist. 144, inquit: « Inimicus ergo justitiæ est, « qui pœnæ timore non peccat: amicus autem erit, si ejus amore non peccat: tunc « enim vere timebit peccare. » Addit: « Qui « gehennam metuit, non peccare metuit, « sed ardere. Ille autem peccata metuit, « qui peccatum ipsum, sicut gehennam « odit; tantum enim quisque peccare odit, « quantum justitiam diligit, quod non poterit lege terrente per literam, sed spiritu sanante per gratiam. » In lib. de natura, et gratia, cap. 56, ait: « Qui timore « supplicii, quod lex minatur, non amore « justitiæ se sentit abstinere ab opere peccati, nondum liber, nec alienus a voluntate peccandi est. » Et lib. 1, ad Bonifacium cap. 9, inquit: « Sic profecto intus « in ipsa voluntate peccat, qui non voluntate, sed timore non peccat. » Similia docet super Psal. 77, et lib. de spiritu, et litera, cap. 8, et frequenter in aliis locis, quæ § seq. expendemus. Ex eis autem constat odium, fugam, et detestationem peccati ex timore procedentia, atque ideo attritionem, quæ illa importat, et ex eo procedit non esse quid honestum, aut laudabile, sed potius turpe, et interno peccandi affectui commixtum. Incredibile vero apparet, quod Christus talem attritionem elegit, ut esset pars sacramenti, et ad hominum justificationem concurreret.

1. Confirmatur primo: nam attritio, cum procedat ex timore servili, pertinet ad spiritum servitutis; sed talis spiritus interdicatur in lege gratiæ: ergo attritio nequit esse pars sacramenti ad legem gratiæ pertinentis, cujusmodi est pœnitentia. Minor probatur ex Apostolo ad Rom. 8:

Non accepistis spiritum servitutis iterum in timore, sed accepistis spiritum adoptionis, in quo clamamus Abba Pater. Confirmatur secundo: nam ille actus nequit non esse moraliter malus, qui continet virtualiter pravam affectum; sed ita se habet attritio, sive dolor conceptus ex metu gehennæ: ergo est moraliter malus. Minor probatur ex D. Augustino relato in Jure, de pœnitentia dist. 1, dicente: « Si propterea non « furaris, quia times, ne videaris: furti tamen teneris, et si nihil tulisti: » quia videlicet non furari ex timore pœnæ claudit virtualiter pravam affectum furandi.

Ad motivum innitens D. Augustini testimoniis respondetur: satis constare de ejus sententia ex locis relatis num. 34, quibus contraria videntur, quæ modo opponuntur. Sed oppositionem non habent: nam in prioribus loquitur S. Doctor de timore inducente fugam peccati, considerato præcisive, et secundum se, quatenus requiritur ad vitandum peccatum: quo pacto nullum includit, vel absolutum, vel conditionatum peccandi affectum. In qua consideratione honestus est; in Scriptura, et Patribus commendatus, ab Ecclesia probatus, et a nobis assertus. In posterioribus autem loquitur de timore pœnæ secum afferente intentionem, vel absolutam, vel conditionatam peccandi, si pœna non immineret, ut in non paucis contingit, qui dum non peccare videntur propter timorem, peccant tamen ob affectum. Ut hos igitur revocaret D. Augustinus, modumque bene timendi doceret, sedulo, ac subtiliter monuit introspiciendas esse intentionis latebras: ubi enim timor aliud non parit quam cessationem, aut non executionem operis peccaminosi ad evadendum pœnam, retento pravo affectu actuali ad ipsum, si pœna non esset; ibi opus est non cessare peccatum, sed occultari. Et hanc esse ejus mentem liquet ex eisdem testimoniis in contrarium adductis: in quibus satis aperte reprobat, carpiturque fuga mali ex timore pœnæ, quia implicat (non quidem necessario, sed in aliquibus) voluntatem saltem conditionatam peccandi, si fieri posset impune. Et ita declarat S. Doctor loco cit. ex epist. 144, dum subdit: « Quis coram Deo innocens invenitur, qui « vult, quod vetatur, si subtrahas, quod « timetur? Ac per hoc in ipsa voluntate, « reus est, qui vult facere, quod non licet

Apost. ad Rom. 8.

Confirmatur 2.

D. Augustin.

Fit satis object.

D. Augustin.

« fieri : sed ideo non facit, quia impune « non est. » Hæc autem tam prava cum prædicto affectu conjuncto accidentaria est prorsus timori pœnæ, tam considerato secundum se ; quam, ut inducenti fugam peccati. Et ideo, quæ in relatis locis tradit D. Augustinus, non sibi in aliis, nec nobis in communi assertionem contradicunt ; sed docent rectum modum timendi pœnam, et abnegandi internum affectum peccaminosum.

Confir-
mationis
respon-
sio.

Ad primam confirmationem, admissa majori, neganda est minor : quia licitum est, et sanctum adhuc in lege gratiæ timere pœnam inferni, et iram judicis, qui curat, ut hæc per fidem cognoscamus, timeamus, atque hac etiam via peccata vitemus. Ad minoris probationem dicendum est : Apostolum eo loco non condemnare, aut prohibere spiritum servitutis in timendo pœnam, sed commendare spiritum amoris, et gratiæ. Quasi dicat, non accepistis præcise, ut olim Hebræi, spiritum timoris, sed habetis etiam spiritum adoptionis filiorum per Christum : unde expedit vos ex amore potius, quam ex timore exequi pertinentia ad salutem. Unde D. August. quæst. 55,

D. Aug.

super Exod. ait : « Non arbitror alium, « quam eundem spiritum significari, ubi « docet Apost. Non accepistis spiritum ser- « vitutis iterum in timore, sed accepistis « spiritum adoptionis, in quo clamamus, « Abba Pater : quia eodem spiritu Dei, id « est, digito Dei, quo lex in tabulis lapidi- « bus conscripta est, timor incussus est « eis, qui gratiam nondum intelligebant, « ut de sua infirmitate, atque peccatis per « legem convincerentur, et lex fieret illis « pædagogus, a qua perducerentur ad gra- « tiam, quæ est in fide Jesu Christi. » Ex quibus constat spiritum timoris esse etiam a Spiritu Sancto, et perducere ad gratiam per Christum : et consequenter Apostolum prædictum timorem non reprobare, sed ostendere perfectionem amoris viam, quam lex Evangelica aperuit. Et D. Thom. elucidans locum cit. Apostol. lect. 3, inquit : « Est alius timor, qui refugit malum, quod « contrariatur naturæ, scilicet malum « pœnæ ; sed tamen refugit hoc pati a causa « spirituali, scilicet a Deo : et hic timor est « laudabilis, quantum ad hoc saltem, quod « timet. Deuteronom 5 : Quis dat talem eos « habere mentem, ut timeant ? Et secun-

« dum hoc a Spiritu Sancto est. » Et in 3, D. Tho. dist. 34, quæst. 2, art. 2, q. 1, in corp. ait : « Timor servilis essentiam suam habet ex « comparatione ad proprium objectum, quod « est pœna æterna, quam fides indicat. « Unde servilitas est accidens timoris, et « non intrat essentiam ejus. Et ideo essen- « tia ejus bona est, quia refugere pœnas « æternas non est, nisi bonum. Unde ser- « vilis timor secundum essentiam suam a « Spiritu Sancto est. » Quare confirmatio regerenda est in hæreticos, et expendi pro catholica assertionem : quia nequit esse peccatum, quod est a Spiritu Sancto : timorem autem servilem secundum suam essentiam, et abstrahendo a servilitate, sive carentia gratiæ, cum qua potest conjungi, esse a Spiritu Sancto docent clarissima illa nostra fidei lumina Augustinus et Thomas, et suis rationibus plane evincunt.

Ad secundam confirmationem respondetur, sicut ad principale motivum ; D. Augustinum eo loco loqui de fure retinente actualem voluntatem furandi, quam executioni non mandat, quia ab aliis videtur, et comprehenderetur, et puniretur : quam dispositionem manifeste patet esse peccaminosam. Id vero minime tangit timorem pœnæ inferni inducentem odium peccati, et attritionem, de qua agimus : nam cum regulatur per fidem supernaturalem, et procedat ex motivo communi, opposito omni culpæ mortali, quæ reatum ad prædictam pœnam fundat ; excludit affectum ad omne peccatum actuale, qui etiam est peccatum, sive absolute, sive conditionate concipiatur : et ideo ob eandem rationem cavet ab omni peccato non solum externo exeunte opus, sed etiam interno se explicante in affectum, et intentionem, saltem sub conditione illa, si pœna non immineret.

Ad 2
confir-
mat. re-
ponde-
tur.

37. Arguitur secundo : nam qui detestatur peccatum propter pœnam, magis detestatur istam, quam illud ; sed ita se gerendo committit inordinationem peccaminosam : ergo detestari peccatum propter pœnam est peccatum : atque ideo turpis est illa attritio, quæ ex timore pœnæ inferni odio habet, et detestatur peccata. Utraque consequentia patet ex præmissis. Ex quibus major facile suadetur : nam quod est ratio detestandi aliud, magis terminat detestationem, et odium, quam illud, juxta

Secun-
dum ar-
gumen-
tum.

vulgare

D Thom.

vulgare axioma: *Propter quod unumquodque tale, et illud magis* : ergo ubi culpam detestamur propter pœnam ; hanc magis, quam illam detestamur. Minor etiam constat : quia peccatum est malum majus, et abominabilius, quam pœna : ergo detestari magis pœnam, quam culpam, est perversa inordinatio.

Confirmatur primo : vitans culpam ex timore pœnæ, illam non vitaret, hac deficiente : quæ dispositio est perversa, atque explicans affectum saltem conditionatum ad culpam : ergo turpe est vitare culpam ob timorem pœnæ. Confirmatur secundo et explicatur amplius : nam quæ timore fiunt, sunt de se, et secundum se involuntaria : atque ideo, qui ex timore aliquid agit, conservat affectum illud non faciendi, si malum, quod timet non immineret : ergo, qui ob timorem inferni dolet de peccatis, statuitque illa non committere, conservat affectum illa patrandi, si ea pœna non urgeretur ; hæc autem dispositio, cum perversa sit, nequit non deturpare tam timorem, quam attritionem ex ea procedentem : ergo, etc. Antecedens, in quo solo poterat esse difficultas, probatur auctoritate simul, et discursu D. Thom. I, 2, q. 6, art. 7, ad 2, ubi ait : « In eo, qui per metum aliquid agit, manet repugnantia voluntatis ad id, quod agitur, secundum quod in se consideratur. Sed in eo, qui agit aliquid per concupiscentiam, sicut est incontinens, non manet prior voluntas, quæ repudiabat illud, quod concupiscitur, sed mutatur ad volendum id, quod prius repudiabat. Et ideo quod per metum agitur, quodammodo est involuntarium : sed quod per concupiscentiam agitur, nullo modo. Nam incontinens concupiscentia agit contra id, quod prius proponebat : non autem contra id, quod nunc vult. Sed timidus agit contra id, quod nunc secundum se vult. » Ergo qui ex timore atteritur de peccatis, illaque fugit, conservat affectum ad illa secundum se, et illa vult. Quod facile declaratur exemplo nautæ, qui metu tempestatis, et ut eam evadat, projicit merces in mare : cum enim hæc agit, habet actu affectum ad illas secundum se.

Ad argumentum respondetur ; distinguendo majorem, illamque admittendo in sensu permissivo : sed negatur, si intendat

sensum necessarium, et universalem. Et deinde omissa minori, negamus utramque consequentiam. Etenim, ut ex hactenus dictis constat, dupliciter potest quis vitare, aut detestari culpam ob timorem pœnæ. Uno modo comparando velut signata inter eas, et magis apreciando pœnam, quam culpam, proindeque apud se statuendo saltem committere culpam, pœna non imminente. Et in hoc modo vitandi culpam intervenire peccatum palam concedimus : sed ille jam exclusus est num. 32. Altero modo, procedendo præcisive absque tali comparatione, ut cum consideramus, et timemus pœnam, et ultra detestamur culpam ad pœnam vitandam : sed tamen nec illas comparamus inter se, nec aliquid faciendum in pœnæ absentia statuimus. Quod ita fieri posse, et satis communiter ita contingere facile suadet attendendo, quod absentia culpæ existente pœna, et præsentia culpæ, vel affectus ad illa non existente pœna, sunt objecta simpliciter distincta, et admodum disparata : quare voluntas potest terminari ad primum, quin secundum attingat, sed pure præcisive se habeat : sicut etiam intellectus potest eodem modo proponere. Qui ergo ita procedit, nec comparat illa extrema, nec unum alteri præfert, nec ex vi hujus peccare potest. Ad majoris autem probationem, quatenus huic doctrinæ posset opponi, dicendum est ; maximam illam solum verificari in ratione adæquata, et totali attingendi aliquem effectum ; secus in sola inadæquata, licet sufficienti, ut in præsentia contingit : nam detestans peccatum ad evadendam ejus pœnam, non respicit illam evasionem, ut motivum totale, et adæquatum fugiendi culpam, sed solum, ut tunc sibi sufficientem, præcisive se habendo ad alia, et longe majora motiva, quæ occurrere possunt fugiendi culpam, ut magis infra constabit. Unde sicut in cognoscente Deum esse Deum, sed non cognoscente Deum esse Trinum, non datur error, quia, ut vulgo dicitur, abstractantium non est mendacium : sic in fugiente culpam ex timore pœnæ, et illam non fugiente ex alio motivo non est culpa, quia in tali præcisione non est malitia.

Ad primam confirmationem patet ex immediate dictis negandam esse majorem : nam vitans culpam, ut evadat pœnam, Ad 1
confir-
mat, res-
pondetur

respicit quidem hoc motivum, ut hic et nunc sibi sufficiens; sed minime excludit alia quæ possunt occurrere. Et ideo sinistre infertur, quod si non immineret pœna. peccaret, quod est prorsus incertum; sed solum inferri potest, et debet, quod cessante pœna, non vitaret culpam ex vi motivi, quod nunc adest, et tunc abesset. In quo nulla apparet inordinatio: quia nec in amando, nec in fugiendo obligamur adhibere omnia motiva honesta possible, sed sufficit vel unum adhibere, præscindendo ab aliis. Esto tamen, certum esset apud Deum, quod modo fugiens culpam ob timorem pœnæ, illam committeret, si pœnam imminemtem non timeret: id minime contingeret ex vi alicujus pravi affectus, qui modo in timente sit, sed qui tunc foret, et nunc non est.

Ad secundam.

Ad secundam confirmationem possemus in primis respondere admittendo antecedens, nempe in his quæ metu, aut ex timore fiunt, reperiri involuntarium, id est, affectum inefficacem illa non faciendi, si pœna non immineret. Inde tamen non colligitur tale involuntarium (etiam præsentis materiæ applicatum) esse peccaminosum: quia non refertur ad præceptum, vel prohibitionem, nec ad res præceptas, vel prohibitas (quod erat necessarium, ut peccaminosum evaderet), sed præcise refertur ad materiam præcepti, vel prohibitionis, secundum quod affert aliquam molestiam. Quo pacto, et cum præcissione respectus ad legem Dei, possunt licite respui, et admitti cum involuntarietate quadam, sive efficaci nolitione. Secundo, et absolute respondetur; antecedens solum esse verum indefinite, non autem universaliter: plura enim ex metu fiunt, licet non sint involuntaria secundum se. Ad antecedentis vero probationem respondetur: eodem modo testimonium D. Thomæ intelligendum esse non universaliter, sed indefinite, ut explicuimus in cit. quæst. D. Thomæ art. 6, num. 5, et rursus hanc fere materiam versantes tract. 18, de Spe, disp. 4, dub. 3, num. 38. Nam aliqua fiunt ex metu, quæ sunt de se mala, aut contraria voluntati; eliguntur tamen ad vitandum malum: sicut contingit in exemplo nautæ projicientis suas divitias in mare, quod malum ejus est, et voluntati de se contrarium: sed nihilominus amplectitur illud malum, ut

major aliud mortis evadat. Quæ itaque hoc modo fiunt, sunt involuntaria secundum se, et habent adjunctam nolitionem, saltem conditionatam, et inefficacem, quamvis communiter non distinguatur ab amore boni oppositi. Fiunt autem alia ex metu, quæ non sunt mala secundum se, nec voluntati semper adversa, sed potius bona, et valde eligibilia; et tamen aliquando ex metu fiunt ad vitandum hic, et nunc malum quod timetur: ut cum quis solvit debitum ad vitandum pœnam, quam judex comminatur, si non solvat. Et ista, cum ex metu fiunt, non sunt involuntaria secundum se, nec terminant necessario nolitionem præsentem inefficacem: quippe, quæ secundum se possunt amari, fierique ex alio motivo: sicut debitor posset solvere debitum ob amorem justitiæ, atque independentem a pœna, et ejus metu: unde cum ex timore pœnæ solvit, non est necessarium, quod habeat nolitionem inefficacem, sive affectum conditionatum non solvendi, si pœna cessaret. Hoc igitur modo potest quis servare præcepta, vitare culpas, statuere vitæ emendationem ex timore pœnæ inferni: quin propterea habeat nolitionem inefficacem istorum, vel affectum conditionatum illa non exequendi, si pœna illa non immineret: quia prædicta non sunt secundum se mala, aut voluntati repugnantia, sed magis bona, et secundum rectam rationem eligibilia. Quare possunt eligi independentem ab illo timore, et de facto eliguntur a multis ex alio motivo, ut puta ob suam propriam honestatem, aut ex charitatis amore.

38. Sed instabis (et sit tertium argumentum) nam licet hactenus a nobis dicta salvarent honestatem timoris, et attritionis ex illo ortæ in homine justo; minime tamen eam salvare possunt in peccatore: et tamen id opus erat, ut attritio, quæ justificationem peccatoris præcedit, esset pars sacramenti, et ad illius effectum disponderet, ut affirmamus. Assumptum vero ostenditur in hunc modum: timor alicujus mali, ut oppositi bono proprio amato super omnia est peccaminosus, cum procedat ex amore sui, ut ultimi finis, qui amor nequit non perversus esse; sed timor pœnæ elicitus a peccatore est timor mali, ut oppositi bono proprio amato super omnia: ergo talis timor est peccaminosus. Cetera constant, et minor

Alia via solvitur.

Instantia, et argumentum

minor probatur : nam in primis, qui timet pœnam, illam refugit, ut oppositam bono proprio ; deinde peccator amat bonum proprium, tanquam ultimum finem, in eoque sistit, cum sit aversus a Deo fine ultimo per peccatum : ergo timor pœnæ elicitus a peccatore est timor mali ut oppositi bono proprio amato super omnia.

Respondetur negando assumptum ; et ad ejus probationem dicendum est excessivam esse, et probare, si quid valet, plusquam oportet apud ipsos hæreticos. Probat enim cum eadam arguendi forma, actum spei theologicæ a peccatore elicitum esse peccaminosum ; quia sistit in bono proprio cum aversione a Deo ultimo fine : nec enim peccator in sensu composito, quod talis sit, potest aliter procedere in suis operationibus. Consequens autem est falsum etiam apud ipsos Lutheranos, qui spem a fide non distinguunt, ut observavimus tract. 18, de Spe, disput. 2, n. 10, et fidem, ejusque exercitium multis elogiis commendant. Oportet ergo, ut recognoscant debilitatem motivi. Ad quod respondetur bonum uniuscujusque proprium dupliciter posse amari super omnia, sive per modum ultimi finis : uno modo actualiter, et sic talis amor est novum peccatum actuale : alio modo habitualiter, et sic non importat actuale peccatum, sed præcise statum peccati habitualis. Ut ergo aliquis actus sit amor sui super omnia, et per modum ultimi finis, non sufficit, quod procedat ex amore, qui solum habitualiter respiciat bonum proprium ut ultimum finem, alias actus etiam fidei, quo peccator credit Deo, esset amor sui ut ultimi finis et consequenter peccaminosus : sed debet procedere, vel ex amore actuali, et expresso sui, ut ultimi finis, quod rarissime continget ; vel debet excludere contrarie ordinem ad Deum ultimum finem, ut semper accidit in mortalibus peccatis, hoc est, in omnibus, quæ alias, et independentes ab hac ordinatione, et ejus carentia sunt peccata gravia. Nam quod actus de se bonus, referibilisque in Deum sistat negative in bono proprio, quia reperit subjectum alias, et ex aliis capitibus habitualiter privatum ordine ad Deum finem ultimum ; minime evincit talem actum esse, vel de se turpem, vel ob defectum illius ordinis peccaminosum. Alias actus fidei, spei, justitiæ, misericordiæ, et omnes

alii a peccatore elicti essent actualia peccata : quod est intolerabile absurdum. Quam doctrinam fuse, et ex professo tradidimus in tract. 8, de ultim. fine, disp. 4, dub. 3, agentes de ultimo fine peccatoris, et tract. 14, de Gratia, disp. 2, dub. 2, ubi statuimus, peccatorem posse absque speciali gratia efficere aliqua opera moraliter bona. (Quod in causa est, ut graves difficultates non semel occurrentes pressius in præsentem versamus, quam ipsæ exposcunt : quia supponimus alibi a nobis discussas, et lectorem ad propria loca remittimus, ne tradita repetamus.) Juxta quam doctrinam, ut timor pœnæ a peccatore elicitus sit peccaminosus, non sufficit procedere ex amore boni proprii dilecti præcise habitualiter super omnia, aut per modum ultimi finis : sed requiritur ortus ab amore boni proprii, qui actualiter formaliter, aut virtualiter excludat de se respectum ad Deum finem ultimum, illumque fundet ad bonum proprium. Quod minime salvatur in timore, de quo agimus, quippe, qui non provenit ex amore proprio turpi, de seque excludente ordinem ad Deum ultimum finem ; sed ex amore proprio de se honesto, pertinente ad spem, et ordinabili in Deum finem ultimum, et qui actu, sic ordinaretur, si per accidens non supponeret in subjecto habitualement privationem charitatis, cujus est aliis actibus eum ordinem impertiri. Ex quibus patet nullam esse probationem assumpti, diluique distinguendo præmissas in sensu tradito de ordine actuali, et habituali, ad finem ultimum, et negando absolute consequentiam. Alia posset argumenta pro hæreticis formari ; sed § seq. commodius proponentur.

§ VI.

Aliquorum Catholicorum sententia contra eandem assertionem.

39. Expeditis jam nobis ab hæreticorum impugnatione novum recrudescit, et instat bellum cum quibusdam catholicis non infimæ auctoritatis. Sunt enim, qui fatentur, ut debent, attritionem ortam ex metu pœnarum inferni esse actum bonum : sed negant, quod sufficiat ad digne suscipiendum sacramentum pœnitentiæ, et consequendum ejus effectum ; unde exposcunt ulterius

Estius,
Sylvius,
Jans.
Episcop.
Casto-
riens.
Episc.
Cæsen.
Philale-
thes
Natalis
ab Ale-
xandr.
Vincen-
tius,
Contens
Zarardus
Merbe-
sius,
Juenin.

amorem justitiæ, quamvis in eo declarando plurimum habeant dissidii, ut ex dicendis constabit. Ita Estius, Sylvius, Jansenius, quos refert Gonet in præf. disp. 7, art. 2, in principio, Episcopus Castoriensis in lib. de Amore pœnitenti, Episcopus Cæsenas in instructione pastoralis de sacram. pœnitentiæ a pag. 33, usque ad 42, Germanus Philalethes in speciali opuscul. de hac materia, adjuncto Thomistarum triumpho contra scientiam mediam. Natalis ab Alexandro in Theologia dogmatica morali, tom. 1, lib. 2, de pœnit., art. 3. Vincentius Contenson in Theologica mentis, dissert. unica de pœnit., cap. 2. Nicolaus Zarardus tom. 6, de sacrament. q. 1, de pœnit. art. 4, § 2. Merbesius in Summa Christian. tom. 2, dissert. 4. Gaspar Juenin in Commentario historiæ dogmaticæ de sacramentis tom. 2, cap. 4, art. 2, et alii. In sui autem patrocinium multa congerunt a ratione, sed tam plurima ab auctoritate præsertim D. Augustini, ut in id studium posuisse videantur, quod lectorem mole obruant testimoniorum, cum non possint efficacia, et certe non possunt: nam eorum multa afferuntur præter, et extra sensum proprium præsentis difficultatis: alia loquuntur de timore mundano: alia de timore quidem gehennæ, sed inefficaci: alia de justificatione extra sacramentum: alia sunt ambigua confundentes justificationem vialem, et dispositivam cum justificatione completa, et consummata: alia denique important alios defectus satis obvios. Ad quæ si attendat prudens Lector, opprimi non timebit testimoniorum simul occurrentium pondere, nec id curabit: sed singula singillatim intranspiciendo facillimo negotio dissolvat, excutietque opponendo aliquem ex defectibus insinuat.

Aliquæ
supposi-
tiones.

Sed antequam ad id deveniamus, oportet unam, aut alteram brevem suppositionem stabilire, in qua Adversarii nobiscum conveniant, ne pugnemus, et curramus in incertum. Prima sit; attritionem, de qua agimus, non solum esse bonam, ut illi concedunt, sed etiam esse supernaturalem, Dei donum, et Spiritus Sancti impulsus: quod etiam concedere tenentur ne manifeste contradicant doctrinæ Concilii Trident. sæpius relatæ ex sess. 14, cap. 4. Unde omnia argumenta, vel testimonia, quæ concludant attritionem (idem intellige

de timore, ex quo oritur,) vel non esse bonam, vel non esse supernaturalem, et donum Dei, ut spuria, et non attingentia præsentem materiam, rejicienda sunt. Secunda (et ad priorem revocatur) releganda etiam fore illa testimonia, et argumenta, quæ probare generaliter tentaverint hominem peccare in omnibus actibus, quos non refert in Deum supernaturalem, et ultimum finem ex charitate dilectum, atque ideo peccatorem, qui in sensu composito sui status nequit proprias operationes in prædictum finem referre, peccare in omnibus. Nam doctrinam adeo falsam reprobatur Ecclesia in Bulla Pii V condemnantis plures propositiones Michaelis Baji, quarum 35 erat: « Omne, « quod agit peccator, aut servus peccati, « peccatum est. » Et 38: « Omnis amor « creaturæ rationalis est vitiosa cupiditas, « quæ a Joanne prohibetur, vti laudabilis « charitas, qua per Spiritum Sanctum in « cordibus diffusa Deus amatur. » Et prius reprobata fuerat a Concilio Constantiensi inter alios mores Joannis Hus, sess. 15, et Concil. Trident. sess. 6, can. 7, illis verbis: « Si quis dixerit opera omnia, quæ « ante justificationem fiunt, quacumque ra- « tione facta sint vere esse peccata, etc. Ana- « thema sit. » Unde nullus Catholicorum (sunt certe, quos modo adversarios habemus,) id affirmavit. Tertia: præsentem difficultatem principaliter versari circa necessitatem amoris Dei, sicut ultimi finis dilecti propter se super omnia. Tum quia adversariorum intentio in hunc collimat, quamvis non semper eam diserte expli- cent, utentes non improprie vocabulo amoris justitiæ propter se. Tum quia nos non negamus alios amores inferiores, vel concomitantes attritionem, vel in ea imbi- bitos, ut sunt amor sui honestus, amor spei, amor etiam ipsius justitiæ: idque convincitur ex intentione, qua omnes pœnitentes ad pœnitentiæ sacramentum communiter accedunt: si enim ab eis inquiramus ad quid venient? cuncti responde- bunt, ut justificemur, ut consequamur amicitiam Dei, ut per ejus misericordiam eruamur ab æterna damnatione. Trahit igitur eos aliquis bonus amor conjunctus, aut innexus attritioni; licet hæc ex metu inferni primitus oriretur. Adversarii autem alium perfectiorem exposcunt, qui elevetur

elevetur supra omne bonum proprium : qua de causa non contenti attritione sola exiguunt contritionem, et pro ea pugnant. Et de hoc est inter nos controversia, nec illa principaliter respicit ad sufficientiam attritionis in ratione partis sacramenti ; sed magis ad ejus sufficientiam in ratione dispositionis ultimæ cum sacramento ad istius effectum, justificationem videlicet peccatoris. His convenienter prælibatis, in quibus convenire oportet.

40. Arguitur primo pro relata sententia : quia nullius sacramenti susceptio sine amore charitatis potest homini prodesse : ergo nec sacramentum pœnitentiæ ; atque ideo, ut istud fructuosum sit, non sufficit sola attritio ex timore gehennæ. sed necessarius est charitatis amor, aut contritio ex eo procedens. Utraque consequentia legitime inferitur ex antecedenti. Illud autem suadetur primo : quia homo tenetur omnes suas actiones referre in Deum ultimum finem, quod pertinet ad amorem charitatis, juxta illud Apost. 1, ad Corint. 10 : *Sive manducatis, sive bibitis sive aliud quid facitis, omnia in Dei gloriam facite*. Unde D. August. lib. 2, de Civit. cap. 13, ait : « Quidquid in usu temporabiliter facimus, æternorum adipiscendorum amore » faciamus : per ista transeuntes, illis « inhærentes. » Ergo usus, aut susceptio sacramentorum absque amore charitatis non prodest. Secundo, quia homo debet Deum continuo diligere, ut constat ex illo Deuteronomio 6 : *Diliges Dominum tuum ex toto corde tuo*. Ubi, ut inquit D. Augustin. lib. 1, de Doctrina Christiana cap. 22 : « Nullam vitæ nostræ partem relinquit, quæ vacare debeat, et quasi locum dare, « ut alia velit frui : » ergo dum homo Deum non amat, peccat, et inutilem sibi facit sacramenti susceptionem. Tertio, quia homo conditus, et reparatus fuit a Deo, ut ipsum diligeret : ergo dum istud non exequitur, deficit a proprio fine, et peccat. Unde D. Augustin. lib. 3, de doctrina Christ. cap. 10, ait : « Miser omnium est, qui charitatem non habet. Ad charitatem redire debet, qui ab amandi officio « defecit. » Et in tract. 7, in Joan. *Deus non præcipit, nisi charitatem, nec culpatur, nisi cupiditatem*. Quæ procedere etiam, et verificari debent in susceptione sacramentorum ; cum nullum in ea rationabile

occurrat exceptionis, vel dispensationis motivum. Quarto, quia S. Paulus 1, ad Corinth. 13, recenset opera ex genere suo excellentissima : et tamen diserte affirmat ea sine charitate nihil prodesse. *Si linguis, inquit, hominum loquar, et Angelorum, charitatem autem non habeam, factus sum. velut æs sonans, aut cymbalum tinniens. Et si habuero prophetiam, et noverim mysteria omnia, et omnem scientiam, et si habuero omnem fidem, ita ut montes transferam, charitatem autem non habuero nihil sum. Et, si distribuero in pauperes omnes facultates meas : et si tradidero corpus meum, ita, ut ardeam ; charitatem autem non habuero, nihil mihi prodest*. Si ergo opera tam sublimia sine charitate non prosunt, nec valent ad æternam salutem ; minus prodesse potest sola attritio sine amore charitatis, licet sacramento adjuncta. Plures alias probationes ejusdem antecedentis omittimus, quibus idem argumentum continuari posset, nam sunt ejusdem rationis.

Sed antequam illi occurramus, regeramus ipsum in opposites, inquirendo (ut quid eo intendant, sciamus) quid significant nomine charitatis, vel amoris charitatis ? Si dicant se non intendere, quod ultra attritionem requiratur ad sacramenti fructum ille charitatis amor perfectus, qui attingit Deum ultimum supernaturalem finem, præferendo ipsum efficaciter omnibus ; sed alium amorem minus perfectum : plane convincuntur inconsequenter procedere, et nihil isto argumento probare : quia omnia testimonia tam Scripturæ, quam D. Augustini, quibus ad suadendum antecedens utuntur, agunt de charitate, ejusque amore perfectis, sive respicientibus Deum ultimum finem super omnia dilectum, et applicari non debent, nec valent alteri imperfectioni affectioni, ut ea perpendiculari constabit. Si autem dicant se intendere perfectum charitatis amorem immediate descriptum ; vehementiori impugnatione urgendi sunt. Tum quia talis actus est impossibilis cum peccato mortali : et sic antecederet ad receptionem sacramenti pœnitentiæ fiet semper, et indispensabiliter peccatoris justificatio ; nunquamque istud sacramentum communicabit primam gratiam, ac subinde nec erit sacramentum mortuorum. Et in quodcumque latus Adversarii se ver-

Paul. 1
ad Corin-
th. 13.

Redar-
guitur.

tant, nequeunt ab istis, aliisque absurdis expediri, quæ fusius expensa reliquimus § 2. Tum etiam, quia, si ita res se habet. idque probationes, quibus illi utuntur, evincunt, teneri, scilicet, hominem ad amorem perfectum charitatis in cunctis, quæ agit: plane sequitur ipsum peccare in omnibus, in quibus sine tali amore procedit: et consequenter peccatorem, qui eum amorem non habet peccare in omnibus operibus suis. Hoc autem consequens reprobatur ab Ecclesia, et inter Catholicos nequit admitti, ut præmisimus num. præced. Istorum ergo argumentum, cum quibus agimus, vel nihil probat, vel ultra debitum probat.

Respondetur ad argumentum.

Ad quod respondetur negando antecedens. Et ad primam ejus probationem patet ex dictis Tract. 14, de Gratia, disp. 2, num. 72, et Tract. 16, de Merito disp. 4, dub. 5, et 6, illo præcepto, aut verbis Apostoli solum obligari hominem ad referendum omnes suos actus in Deum relatione in causa, quatenus initio usus rationis tenetur deliberare de seipso in ordine ad ultimum finem, et elicere actum charitatis, quo se, et omnia sua refert in Deum ultimum finem. Qui actus, dum non retractatur, influit virtualiter in omnibus actibus honestis per totam vitam exercendis. Sed tale præceptum non afficit, nec importat immediate ipsos actus, nec relationem, aut ordinem charitatis, illos informantem. Unde quod aliquando careant tali respectu, non est carentia circumstantiæ debitiæ, nec circumstantia prava ipsos deturpans: sed præcise supponit omissionem talis conversionis tempore debito, aut actum peccaminosum, qui illam postea retractaverit, fusius locis relatis explicuimus. Nec aliud docet D. Augustinus Apostolo adjunctus, quam prædictum ordinem, saltem virtualem, vel in causa nostrarum operationum ad Deum finem ultimum. Ad secundum dicimus; probare, si quid valet, peccare hominem in cunctis actibus, in quibus Deum ex charitate non diligit: quæ est propositio Michaelis Baji condemnata ab Ecclesia, ut num. antecedenti vidimus. Diluitur autem ea probatio, sicut et prima, nempe non obligari hominem semper in se, aut in singulis actibus; sed solum in causa, et prima deliberatione erga finem ultimum. Quod alii, aliter explicant, di-

cendo, præceptum diligendi Deum esse per se primo affirmativum, et per se secundo negativum, et quatenus affirmativum obligare aliquando, sed non in omnibus actibus: non enim singulis momentis, et in singulis actibus obligamur ad formalem Dei amorem; alias ab exercitiis aliis semper impediremur, et nisi Deum amando semper peccaremus. Quatenus vero negativum, obligat semper, id est, ad non agendum aliquid contra illum amorem, et charitatis finem. Eodem fere modo dissolvitur tertia; nam licet creati, et reparati fuerimus ad diligendum Deum; non obligamur tamen positive ad continuum, et formalem ejus amorem: quia pro salvando prædicto fine, sufficit respectus virtualis, et in causa, et quod ipsum aliquando diligamus, et nunquam opere-mur contra illum. Nec amplius premit D. Augustinus, quamvis exhortetur illis, et aliis elogiis ad frequentius amoris Dei exercitium, quantum humana fragilitas fert. Non magis evincit quarta probatio. nam Apostolus ibi agit non tam de amore, quam de ipso habitu charitatis: opera enim, quæ recenset, sunt a charitate imperative, et ex parte ultimi finis ex vi primi actus, seu conversionis, sed sunt ab aliis virtutibus elicitive: est enim charitas patientis, media virtute pœnitentiæ, sustinens, media virtute fortitudinis, et sic de aliis. Meritoque affirmat Apostolus alia opera, licet egregia sine charitate non proficere, quia non consequuntur finem ultimum, sine illa, et sine gratia sanctificante, cui illa necessario conjungitur. Hacque de causa, nec attritio cum sacramento sine charitate prodesset Sed prodest de facto: quia cum sacramento disponit ultimo ad justificationem ex merito, et ordinatione Christi; et cum sacramento, et tanquam vera ejus pars gratiam sanctificantem, et habitum charitatis producit: in quo valde eminet supra multos diversarum virtutum actus, alias satis egregios, sed qui ea efficacitate carent; cum Christus illos non destinaverit ad rationem, vel partis hujus sacramenti, vel dispositionis ultimæ ad ejus effectum; sicut ordinavit attritionem, licet minus ex se perfectam.

41. Arguitur secundo: nam cum peccatum mortale sit mors animæ, nullus intra, vel extra sacramentum justificari valet absque

absque transitu illius mortis ad vitam spiritualem; sed nullus absque charitate transfertur de morte ad vitam: ergo homo nequit in sacramento poenitentiae justificari absque charitate: atque ideo sola attritio ex metu inferni cum sacramento non sufficit ad peccatoris justificationem. Utraque consequentia patet ex praemissis. Majorem, quae communiter recipitur, docet specialiter D. August. in Psal. 118, can. 10: *Terræ adhærere mors animæ est*. Tract. 19, in Joan. *Sicut anima est vita corporis, ita vita animæ est Deus*. Et alibi frequenter. Minor autem probatur: nam I Joan. 3, dicitur: *Qui non diligit, manet in morte* Et rursus: *Omnis qui non est justus, non est ex Deo, et qui non diligit fratrem suum*. Ergo transitus in spiritualibus de morte ad vitam fieri nequit, sine charitate. Et sic aperte docet V. Beda ad locum immediate relatum dicens: « Baptismatis, et fidei « mysterium illis solummodo prodest, illos « de morte trahit ad vitam, qui sincera « mente diligunt fratres. »

Confirmatur: quia solis in Deum conversis confert ipse remissionem peccatorum; sed non potest dari conversio, sine charitate: ergo nec remissio peccatorum. Major constat ex Scriptura: nam Isai. 6, dicitur: *Si conversus fueris, et ingemueris, salvus eris*. Et Zachar. 1: *Convertimini ad me, et ego convertar ad vos*. Minor etiam suadetur: quia conversio pro peccatorum remissione requisita non est solius operis externi, sed cordis, juxta illud Joel. 2: *Convertimini ad me in toto corde vestro... Scindite corda vestra, et non vestimenta vestra*. Conversio autem cordis fieri nequit absque immutatione cordis se transferentis de amore proprio ad amorem Dei ex charitate. Unde D. Bernard. serm. 2, in cel. Jejunii ait: « Quatuor sunt cordis nostri « affectus, amor, et timor, gaudium, et « tristitia, et hi sunt convertendi. »

Respondetur hoc argumentum, et confirmationem paralogizare non distinguendo inter id, quod vel ad valorem, vel ad fructum sacramenti requiritur per modum partis, vel dispositionis; et illud quod excludit peccata, justificatque per modum formæ. Istud ultimum confitemur, et supponimus præstari per gratiam sanctificantem inherenter, ut statuimus suo loco, nempe Tract. 15, de Justificat. disp. 2, dub. 1, cui

gratiæ indivulse adest charitas, sive sit idem realiter cum gratia, ut quidam censent, sive distinguatur realiter ab illa, ut cum communi sententia docuimus Tract. 14, de gratia, disp. 4; dub. 5, in quo sensu pervium est non remitti peccata, nec peccatorem justificari absque gratia, et charitate: sicut manifestum est non dari illos formales effectus absque forma, quæ illos communicet. Sed cum gratia in sacramento poenitentiae producta supponat aliquem poenitentis actum, nempe dolorem, qui, ut pars sacramenti illam efficiat; et per modum dispositionis ad ipsam præparet: de hoc doloris actu est controversia, an debeat esse amor charitatis, sive contritio illi innitens, an vero sufficiat sola attritio ex timore gehennæ orta? Negant hoc ultimum Adversarii, quia ad justificationem, ad conversionem, ad vitæ spiritualis reparationem necessaria est charitas, ut non negamus in sensu immediate præmisso. Aliud tamen est charitas, aliud amor charitatis. Et cum hujus necessitatem deberent probare; divertunt ad habitum, de quo non disputamus, in idque expendunt Scripturæ, et Patrum sententias, quas reveremur; sed nihil plane concludunt, cum de re non sint, quam versamus.

42. Unde ad argumentum potest responderi admittendo præmissas, et primum consequens, atque distinguendo secundum, illudque concedendo intellectum de insufficientia attritionis per modum formæ: sed negari debet, si intelligatur de insufficientia ejus ad conceptum partis sacramenti, et ad rationem dispositionis ultimæ intra sacramentum pro ejus effectu: oppositum enim satis constat ex hactenus dictis. Nec amplius evincunt testimonia, quæ expenduntur in suadendo præmissas. Pro quorum legitimo sensu observandum est duas distingui in naturalibus vitas: unam totius suppositi, aliam potentiarum ejus: unam in actu primo per formam, aliam in actu secundo per operationes: illam substantialem, et simpliciter talem, hanc accidentalem, et secundum quid. Et cum analogia ad naturalia duplex etiam vita in supernaturalibus distinguenda est juxta argumenti intentionem: nam alia est vita primaria, et quasi substantialis, et in actu primo, quam gratia sanctificans tribuens primum esse supernaturale communicat:

Ad arg.
respon-
detur.

Observa-
tio.

alia vero est secundaria, et per operationem; et quia hæc principaliter consistit in amore charitatis, illi propterea specialiter vita in actu secundo tribuitur. Unde juxta prædictam analogiam sicut mors corporis non consistit in cessatione ab operatione, sed in separatione, aut privatione animæ informantis: ita in spiritualibus mors animæ non consistit in carentia alicujus operationis, sed in exclusione, aut privatione gratiæ sanctificantis. Et consequenter sicut ad hoc, ut corpus mortuum redeat ad vitam, debet animam induere: ita ut anima transeat ad vitam, debet gratia sanctificante informari. Hæc autem significari solet voce charitatis, non quidem actualis, quæ cum actibus transit, sed habitualis, quæ vel est ipsa gratia, vel illam inseparabiliter comitatur. Qua acceptione utitur frequentissime D. Aug. sicut lib. de natura, et gratia, cap. 42, ubi ait: «Charitas est verissima, plenissima, perfectissimaque justitia.» Et cap. ult. «Charitas inchoata, inchoata justitia est: charitas perfecta, perfecta justitia est: charitas magna, justitia magna est. Ipsa est gratia Dei per Jesum Christum «Dominum nostrum.» Ex quibus satis patet ad omnia testimonia. Sed addendum est V. Bedam solum intendere, quod in susceptione Baptismi impeditur ejus fructus, ubi adest odium in fratres, sicut et aliud quodlibet peccatum grave, minime vero quod ad ejus fructum, minusque ad valorem prærequiratur dilectio proximi ex charitate: quia est sacramentum mortuorum ordinatum ad regenerandum ipsos in vitam spiritualem; atque ideo in eis non supponit per se vitam gratiæ medio amore charitatis inductæ.

Confirmatio eodem fere modo diluitur: nam conversio perfecta, et in termino fit formaliter per gratiam sanctificantem, quæ vel est charitas habitualis, vel ab ea non separatur. Quod potest magis explicari distinguendo duas peccatoris conversiones: unam consummatam, et formalem; aliam vialem, et dispositivam. Prima importat internam peccatoris renovationem per voluntariam gratiæ, et donorum supernaturalium susceptionem, ut describit Concil. Trident. sess. 6, cap. 7. Secunda consistit in actibus, quibus homo extra, vel intra sacramentum præparatur ad suscipiendum gratiam. Conversio igitur in priori sensu

est ipsa intransitive gratia, et peccatorum remissio: sive enim hæc dicatur, sive non dicatur distinctum beneficium a gratia; hujus tamen infusio semper secum affert remissionem peccatorum, si in subjecto supponuntur. In posteriori autem sensu, distinguitur a peccatorum remissione per gratiam sanctificantem; et consistit in actibus ad eam disponentibus, ex parte quorum non se tenet charitas habitualis, vel actualis: alias per eam supponerentur peccata remissa, quippe quæ est illis inconjungibilis. Unde patet, quod pro remissione peccatorum non petit Deus a nobis conversionem consummatam, et in termino per gratiam; sed vialem, et dispositivam per actus. Et pro hac sufficit attritio cum sacramento, et non requiritur indispensabiliter charitatis amor, qui tempore, vel natura illam remissionem præcedat: quamvis nec repugnet, quod adsit in instanti justificationis cum gratia. Sed nec tunc concurret ut pars sacramenti efficienter influentis: cum non se teneat ex parte ejus, sed magis ex parte affectus, sicut et ipsa gratia, a qua dependet, vel essentialiter, ut diximus num. 13, et aliis locis ibi relatis, vel saltem connaturaliter, ut ejus dignitas, et vis meritoria exposcit.

43. Arguitur tertio: nam dolor, qui cum ^{Argu} sacramento pœnitentiæ disponit ad gratiam, debet esse supernaturalis: sed talis non est attritio concepta ex timore inferni: ergo hujusmodi attritio nec cum sacramento potest ad gratiam disponere. Probatur minor: tum quia licet pena inferni proponatur per fidem; tamen est objectum naturale; cum aliud non sit, quam naturalis constitutionis corporis alteratio, quam constitutionem, sive integritatem, sicut quilibet homo naturaliter amat, si etiam potest naturaliter odisse, et refugere alterationem contrariam: ergo attritio hanc pœnam respiciens est naturalis. Tum etiam, quia omne donum supernaturale datur nobis ex gratia Christi: hæc autem consistit in inspiratione cœlestis delectationis, qua dulcedine perfusus amor operatur bonum non formidine pœnæ, sed amore justitiæ: ergo cum attritio ex metu gehennæ non sit hujusmodi convincitur non esse actum supernaturalem. Tum denique quia nullus affectus supernaturalis potest esse peccaminosus, alioquin peccatum esset a Deo speciali auctore:

auctore : sed attritio ex metu inferni solet esse peccaminosa, cum ultimo sistit in amore proprio, quemadmodum in peccatore contingit, qui bonum proprium respicit, ut ultimum finem : ergo talis attritio nequit esse supernaturalis.

Respondetur negando minorem, cujus oppositum satis constat ex dictis n. 7 et 19, et locis ibi relatis; ex quibus habemus, quod licet sit possibilis aliqua attritio naturalis, possibilis tamen etiam est aliqua supernaturalis, et talis debet esse, quæcumque conducit ad salutem. Nam ut statuit Concil. Arausican. 2, can. 6 : « Hæretico fallitur spiritu, qui dicit per naturæ vigorem, bonum aliquod, quod ad salutem pertinet vitæ æternæ, cogitare, ut expedit, aut eligere nos posse absque illuminatione, et inspiratione Spiritus Sancti. » Porro aliquam attritionem conceptam ex metu gehennæ conducere ad salutem certa fide tenendum est, ut satis constat ex dictis § anteced. contra Lutheranos. Modo sufficiat reproducere verba sæpius allegata ex Concil. Trid. sess. 14, cap. 4 : « Illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ, et pœnarum metu communitur concipitur, si voluntatem peccandi excludat, cum spe veniæ, declarat non solum non facere hominem hypocritam, et magis peccatorem, verum etiam donum esse, et Spiritus Sancti impulsum, non adhuc inhabitantis, sed tantum moventis, quo pœnitens adjutus viam sibi ad justitiam parat. » Cui doctrinæ respondet can. 5 ejusdem sess. anathematizans oppositum asserentes. Ad primam autem minoris probationem respondetur, quod licet voluntas possit naturaliter refugere pœnas inferni fide creditas; nihilominus potest etiam illas timere timore supernaturali : præsertim cum illarum præcipuæ non sint naturales, aut in sola alteratione naturalis constitutionis consistent, sed totum naturalem ordinem excedant, uti est alligatio spirituum, et æterna corporum combustio sine consumptione, et alia plurima nostrum captum excedentia. Cur ergo circa hæc non erit supernaturalis timor, et attritio ejusdem rationis : et quare dicetur Deum non posse immittere hunc supernaturaliter timorem, qui posset ipsum vel

erga naturalia inferre? Ad secundam respondetur gratiam Christi non consistere in sola victrice delectatione, ut falso opponit arguens; sed amplecti etiam timorem pœnæ, et omnem motum conducentem ad salutem. Unde D. Aug. lib. de Catechizand. rud. cap. 5, ait : « Rarissimo accidit, imo vero nunquam, ut quisquam veniat volens fieri Christianus, qui non sit aliquo Dei timore percussus. » Recolantur, quæ ex Scriptura, et Patribus expendimus n. 33 et 34, pro prædicto timore. Ad tertiam negamus minorem; et illi inserta probatio, si quid suaderet, evinceret actus fidei, et spei, et omnes elicitos a peccatore esse peccata : quod dicere hæreticum est.

44. Arguitur quarto : quia solus ille actus potest esse ultima cum sacramento pœnitentiæ dispositio ad suscipiendum ejus effectum, qui excludit voluntatem peccandi; sed sola attritio concepta ex timore gehennæ non excludit voluntatem peccandi : ergo talis attritio, sacramento etiam juncta, nequit esse ultima dispositio ad effectum sacramenti. Cetera constant : et minor suadetur : tum ex D. Aug. qui frequenter docet timorem pœnæ cohibere hominem, ne faciat malum, sed non voluntatem male faciendi, si absque pœna posset. Unde tract. 9, in Joan. peccatorem timentem, et propter timorem abstinentem a peccato, comparat adulteræ habenti intentionem adulterandi, a quo abstinet, ne occidatur a marito. Et serm. 19, de verbis Apost. cap. 9, comparat lupo venienti, ut oves rapiat, sed recedenti absque præda ob metum pastorem, et canum : raperet enim (et hunc appetitum conservat) si posset. Tum etiam, quia juxta communem Philosophorum doctrinam; quæ ex timore fiunt involuntaria saltem secundum quid, et quasi conditionate : explicanturque hoc affectu : Nollem hoc facere, si istud malum, si istud periculum non urgeret : et oppositum facerem, si periculum tolleretur : ergo actus ex timore procedens, ut est attritio, nequit excludere voluntatem peccandi. Et totus discursus desumitur ex eodem D. August. lib. 3, ad Bonifac. cap. 3, ubi ait : « Sic autem præcepta, qui facit, proculdubio invitatus facit, proculdubio invitatus facit, ac per hoc in animo non facit; vellet enim omnino non facere, si secundum ea, quæ cupit, et metuit, permitteretur impune. Ac per

« hoc in ipsa voluntate intus est reus, ubi
« ipse, qui præcipit, inspicit Deus. »

Confir-
matur.

Confirmatur primo, quia timor servilis non excludit voluntatem peccandi; sed attritio est timor servilis: ergo attritio non excludit voluntatem peccandi. Minor, et

D. Aug. consequentia patent. Major autem est D. August. conc. 25, in Ps. 118, ubi ait: « Timor iste, quo non amatur justitia, sed « timetur pœna, servilis est, quia carnalis « est: et ideo non crucifigit carnem. Vivit « enim peccandi voluntas, quæ tunc appa- « ret in opere, quando speratur impunitas. « Cum vero pœna creditur secutura, laten- « ter vivit, vivit tamen: mallet enim li- « cere, et dolet non licere, quod lex vetat: « quia non spiritualiter delectatur ejus « bono, sed carnaliter metuit malum, quod « minatur. » Et hujus generis sententiæ occurrunt frequentissime in S. Doctore, et sine termino congeruntur ab opponentibus.

Confir-
matur 2.

Confirmatur secundo: quoniam ubi non extinguitur desiderium peccandi, ibi adest actualis peccandi voluntas; sed ad extinguendum desiderium peccandi requiritur bona voluntas per charitatem directa, et non sufficit mali timor: ergo ubi non occurrit, nisi attritio, quæ ex illo timore concipitur, adhuc perseverat actualis voluntas peccandi. Minor, in quo poterat esse difficultas, probatur ex D. August. lib. 2, contra advers. legis, et Prophet. cap. 7, ubi ait: « Prohibitio peccati, quod est lex, « auget profecto desiderium peccandi: quod « non extinguitur, nisi contrario desiderio « recte faciendi, ubi fides per dilectionem « operatur. »

D. Aug.

Confir-
matur
3.

Confirmatur tertio: quia excludere actuale voluntatem peccandi, est hominem retrahere a peccato; sed sola charitas retrahit hominem a peccato; non autem timor pœnæ: ergo hic timor non excludit voluntatem peccandi, atque ideo nec attritio ex tali timore procedens. Cetera constant. Et minor probatur ex D. Bernard. epist. 11, ad Guidon. Priorem Carthus. ubi ait: « Quare, puto, de illa (*scilicet charitate*) « dictum, lex Domini immaculata conver- « tens animas, quod sola videlicet sit, quæ « ab amore sui, et mundi avertere possit « animum, et in Deum dirigere: nec ti- « mor, quippe, nec amor privatus conver- « tit animam. Mutant interdum vultum,

D. Ber-
nar.

« vel actum; affectum nunquam. » Et hujus rationem indicat subdens: « Quidquid « propter aliud amare videris, id plane « amas, quo amoris finis pertendit. » Fuga autem peccati propter pœnam habet pro fine bonum proprium: atque ideo nec ab illo, nec a peccato hominem retrahere valet.

Confirmatur quarto: quia nihil tollitur nisi per suum contrarium; sed fuga a peccato propter timorem pœnæ non contrariatur actuali voluntati peccati propter se, aut secundum se: ergo fuga peccati propter pœnam, qualem fugam importat attritio, non tollit actuale voluntatem peccandi propter se, aut secundum se. Minor constat: quia optime cohæret odium alicujus in tali circumstantia, et attentis omnibus, cum amore ejusdem secundum se, et præscindendo a circumstantiis occurrentibus: sicut nautæ displicet retentio mercis in circumstantia naufragii, et placet merces secundum se: et Deus, qui attentis omnibus excludit aliquos a regno voluntate consequenti; tamen vult voluntate antecedenti salutem omnium secundum se: pari igitur ratione componi valet, quod homo refugiat peccatum sub circumstantia pœnæ imminentis; et tamen conservet voluntatem ad illum secundum se.

45. Ad hoc argumentum cum omnibus suis confirmationibus, cui multum, et plusquam pars erat, deferunt adversarii, respondere generaliter possemus, rejiciendum esse a præsentī controversiæ, quia ad illam non pertinet, sed impugnat, quod in ea supponitur, nempe dari aliquam attritionem, quæ omnem actualem peccandi voluntatem excludat; de hac enim sola attritione affirmamus, quod conjuncta sacramento pœnitentiæ est ultima, et sufficiens dispositio ad pœnitentis justificationem. Et si id non supponatur, nullus occurreret Adversarius, quem suis argumentis oppugnet: palam, quippe concedimus attritionem voluntati peccandi conjunctam, aut conjungibilem non esse dispositionem sufficientem ultimam ad gratiam justificationis intra, vel extra sacramentum. Sed eam suppositionem esse certissimam, et ab omnibus Catholicis admittendam (ne videamur circa istud pugnam refugere, vel ab hac parte timere) probatur efficaciter ex Conc. Trid. sess. 14, cap. 4, ubi docet; Tride-
contritionem

Confir-
matur 4.

Dispe-
tur
argu-
mentum

Conci-
Tride-
Auct.

contritionem imperfectam, quæ *attritio* dicitur, « Si voluntatem peccandi excludat, « etc., esse donum Dei, et Spiritus Sancti « impulsus. » Verba formalia proxime dedimus n. 43. Loqui autem Concilium de attritione pura, sive non includente amorem charitatis, constat evidenter : tum quia loquitur de attritione, sive dolore imperfecto proveniente ex metu gehennæ, ut condistinguitur a contritione, sive dolore perfecto proveniente ex amore charitatis, de qua egerat immediate. Tum quia sermonem expresse facit de illo dolore, qui est a Spiritu Sancto nondum inhabitante, et qui non habet adjunctam justificationem, sed ad eam consequendam disponit : quæ prædicata soli attritioni, sive dolori imperfecto ex timore pænæ orto adaptari queunt : contritio enim, sive dolor perfectus ex amore proveniens donum est Spiritus Sancti jam inhabitantis, et ita disponit ad gratiam, quod illam infallibiliter annexam habet etiam extra sacramentum, licet non absque ejus voto, ut proxime docuerat Concilium. Tum denique : quia illa doctrina, et declaratio dirigitur contra Lutherum, et sequaces, qui non impugnabant contritionem, sive dolorem peccatorum ortum ex amore Dei ; sed attritionem, et dolorem imperfectum ortum ex timore gehennæ. Porro Concilium manifeste supponit hunc imperfectum dolorem aliquando excludere voluntatem peccandi : Si *voluntatem*, inquit, *peccandi excludat*. Et non loquitur de exclusionem peccati habitualis, in quo præexistit peccator, quod per gratiam justificationis formaliter expellitur, sed Concilium agit de attritione, per quam Spiritus Sanctus nondum inhabitat, atque ideo nec suam gratiam in corde diffundit. Agit itaque de exclusionem peccati actualis, sive voluntatis actualis peccandi : cumque ejus declaratio sit doctrinalis, et in materia adeo gravi, minime limitanda est ad exclusionem hujus, aut alterius peccati actualis ; sed intelligi debet universaliter de omnium exclusionem : præsertim, cum non sit major ratio expellendi unum, quam alia, maxime ubi motivum illa detestandi est universale, et omnibus commune, ut constat esse pœnam inferni omnibus, et singulis imminentem. Dicere autem quod Concilium loquitur in sensu conditionato hypothesis impossibilis, quod attritio ex-

Salmant. Curs. Theolog. Tom. XX.

cludat voluntatem peccandi : puerilis esset responsio, et Concilio non parum injuriosa. Quid enim indignius ejus gravitate, quam ubi agitur contra Lutherum impugnantem attritionem, quæ ex metu gehennæ *communiter concipitur*, atque ideo etiam ab omnibus in hoc sensu obvio apprehenditur ; recurrat Concilium ad eventum impossibilem, illicque elogia deferat sub conditione simpliciter repugnante ? Sic etiam posset dicere attritionem esse impulsus Spiritus Sancti, et disponere ad gratiam justificationis, si procedat ab homine habente alas. Hæc non instructionem, et correctionem hæreticorum pararent, sed irrisionem : nec ita sacram synodum se gessisse ullus Catholicorum debet admittere, sed plane fateri supposuisse, admisissetque Concilium possibilitatem alicujus attritionis, quæ voluntatem peccandi, sive omne actuale peccatum excludat.

Quæ aliunde etiam suaderi potest : nam datur aliqua attritio supernaturalis, quæ subinde est donum Dei, atque elicitur vi supernaturalis auxilii, ut satis constat ex hactenus dictis, et Adversarii concedunt ; sed non est denegandum efficaciam divinæ motionis, quod per timorem pænæ possit a voluntate creata excludere omnem actualem affectum peccandi ; cum in hoc nulla appareat contradictio : ergo possibilis est aliqua attritio, quæ omne peccatum actuale expellat.

Confirmatur : nam concedentibus Adversariis, quia peccatum exterius trahit ad gehennam, possibilis est timor gehennæ, quæ retrahat ab omni peccato externo ; sed voluntas peccandi trahit etiam ad gehennam : ergo possibilis est gehennæ timor, qui contineat voluntatem a peccandi affectu, quandiu durat ipse timor. Idque satis aperte docent Patres, et præsertim D. Aug. n. 34 relatus. Ista vero sufficiunt pro hac certa, et communi suppositione. Qua data, et non aliter procedit præsens inter Catholicos controversia : atque in eodem sensu accessit ad Sedem Apostolicam, ut constat ex decreto Sanctæ Romanæ Inquisitionis edito die 5. Maji, anno 1667, ubi dicitur : « Sanctissimus D. N. Alexander

« Papa VII, cum acceperit non sine gravi
« animi mærore, Scolasticos quosdam acrius,
« nec absque fidelium scandalo inter se con-
« tendere, an illa attritio, quæ concipitur

Alexander
Papa
VII.

« ex metu gehennæ excludens voluntatem
 « peccandi, cum spe veniæ, ad impetran-
 « dam gratiam in sacramento pœnitentiæ,
 « requirat insuper aliquem actum dilectio-
 « nis Dei, asserentibus quibusdam, negan-
 « tibus aliis, et invicem adversam senten-
 « tiam censurantibus : Sanctitas sua enixe
 « cupiens vinculum pacis inter fideles ser-
 « vari, etc. » Ecce subjectum, quod suppo-
 nitur controversiæ : « Attritio concepta ex
 « metu gehennæ excludens voluntatem pec-
 « candi : » de qua, quidam affirmant, egere
 ulterius aliqua dilectione Dei ad impetran-
 dum gratiam in sacramento, negantibus
 ceteris. Unde liquet eos, qui modo, ut pro-
 bent, non sufficere solam attritionem, op-
 ponunt attritionem solam non posse ex-
 cludere actualem voluntatem peccandi,
 destruere subjectum controversiæ, et punc-
 tum difficultatis non attingere.

46. Sed ut sit, videamus vires argumenti,
 et confirmationum, eis occurrendo. Ad
 illud respondetur negando minorem uni-
 versaliter intellectam : nam datur aliqua
 attritio voluntatem peccandi excludens, ut
 constat ex immediate dictis. Ad primam
 autem minoris probationem respondemus;
 D. August. ibi loqui de timente, qui fugam
 pœnæ sibi proponit tanquam ultimum fi-
 nem ; quo proinde deficiente, committeret
 culpam, ad illamque saltem inefficaciter,
 et conditionate afficitur : atque ideo peccat
 interius, licet ab externo peccato se cohi-
 beat. Sed in attritione supernaturali, de
 qua agimus, aliter omnia se habent : nam
 per eam dolens, fide instructus, et a Deo
 motus firmiter credit gravissimam gehennæ
 pœnam imminere sibi non solum pro
 opere malo, sed pro voluntate etiam illud
 faciendi : atque illius horrore percussus
 tam ab opere, quam ab illa voluntate se
 cohibet ; atque ideo, et simpliciter a pec-
 cando, ut tradit ipse D. Augustin. in Psalm.
 127, ad illa verba : « Vermis eorum non
 « morietur, et ignis eorum non extingue-
 « tur, » dicens : « Audiunt hæc homines, et
 « quia vere futura sunt impiis, timent, et
 « continent se a peccato. Habent timorem,
 « et per timorem continent se a peccato. »
 Non dixit, ab opere tantum, sed a peccato,
 quod tam opus, quam peccandi voluntatem
 complectitur. Ad quod opus non est timen-
 tem respicere evasionem pœnæ, ut finem
 ultimum ; sed sufficit (et sic fieri debet)

illam attingere, ut finem proximum, non
 excludendo relationem ad Deum ultimum
 finem, sed præscindendo, et ibi negative
 sistendo, ut num. 38 explicuimus. Ad se-
 cundam probationem jam respondimus
 num. 37, in solut. secundæ confirmationis,
 non omnia, quæ ex timore fiunt, esse invo-
 luntaria : multa enim sunt de se bona, et
 eligibilia independentem a timore : et ita
 plane est non peccare. Testimonium autem
 D. Augustini pro roboranda utraque pro-
 batione allatum non est ad rem, quia S.
 Doctor eo loco non agit de timore pœnæ
 honesto (quem nec Adversarii audent ex-
 presse negare, ne annumerentur hæreticis
 a Concilio Tridentino condemnatis) : sed
 loquitur de timore carnali eorum, qui ob-
 servant præcepta cupiditate terrena, « sola,
 « inquit, quæ Deus pollicetur terrena pro-
 « missa, sectantes. » Qui subinde non serv-
 vant ejus præcepta, nisi ex timore priva-
 tionis bonorum temporalium ; atque ideo
 timent, et vitant peccata timore duntaxat
 carnali, qui merito vocari potest munda-
 nus, ineptusque est, ut voluntatem ab omni
 peccaminoso affectu cohibeat.

Ad primam confirmationem responde-
 tur eodem modo negando majorem uni-
 versaliter intellectam : datur enim ali-
 quis timor servilis excludens voluntatem
 peccandi. Testimonium vero D. Augustini
 pro evincendo majorem inductam nihil
 valet, quia in eo loquitur determinate de
 aliquo timore carnali, et turpi, ut se, alia-
 que hujus generis asserta declarans tradit
 in enarratione Psalm. 127, his verbis :
 « Aliqui propterea tantum timent, ne
 « aliquid in terra mali patiantur, ne illis
 « ægritudo accidat, ne damnum, ne orbitas,
 « ne alicujus amissio chari, ne exilium,
 « ne damnatio carceris, ne aliqua tribu-
 « latio. Propterea timent, et tremunt ;
 « adhuc timor iste non est castus. Adhuc
 « audi. Alius non in hac terra pati timet,
 « sed gehennam timet, unde terruit, et
 « Dominus. Audisti, ubi legeretur Evange-
 « lium, ubi vermis eorum non moriatur,
 « et ignis eorum non extinguatur. Au-
 « diunt hæc homines, et quia vere futura
 « sunt impiis, timent, et continent se a
 « peccato. Habent timorem, et per timo-
 « rem, continent se a peccato. Timent
 « quidem, sed non amant justitiam. Cum
 « autem per timorem continent se a pec-
 cato

D. Aug.

« cato, fit consuetudo justitiæ, et incipit, « quod durum erat, amari, et dulcescit « Deus, et jam incipit homo juste vivere « propterea, non quia timet pœnas, sed « quia amat æternitatem. » Hæc omnia S. Doctor, quibus lucidius aliquid inveniri non valet ad recognoscendum ejus mentem in aliis locis, in quibus timorem servilem cum interno peccandi affectu conjungit : loquitur enim de timore, non supernaturali, efficaci, et absoluto, qualem modo defendimus ; sed de alio timore vel non efficaci, vel non orto ex supernaturali : ac generali motivo : quem concedimus non excludere voluntatem peccandi, nec esse cum Sacr. sufficientem ad gratiam.

d 2
alrm.
esp.

47. Ad secundam confirmationem negamus majorem : quia diversum est, et longe majus desiderium peccandi esse extinctum ; ac non habere actualem voluntatem peccandi : nam extinctio desiderii, sive appetitus supponit perfectam sanitatem ; ad non habendum autem voluntatem peccandi non requiritur ea sanitas, sed sufficit voluntatem comprimi, et impediri, ne actum volendi exerceat : pro qua cohibitione optimus est timor pœnæ, ut explicat Aug. D. Augustin. in exposit. Psalm. 149, dicendo : « Ipsi tanquam in compedibus, et « vinculis ferreis. Unde hoc ? Ne progrediantur ad illicita, compedes acciperunt, compedes sapientiæ, compedes « verbi Dei. Quare ergo vincula ferrea, et « non aurea ? Ferrea sunt, quandiu timent : « ament, et aurea erunt. Sed prædicatur « illis, et percutiuntur framea bis acuta : « dicitur illis, quia est, qui ponat alios ad « dexteram, alios ad sinistram, ut dicat « eis, qui a sinistris sunt. Ite in ignem « æternum, qui paratus est diabolo, et « angelis ejus. Nondum diligunt justitiam, « sed timent pœnam : et timendo pœnam « jam acceperunt compedes, et in vinculis « ferreis erudiuntur, » nimirum ad comprimendum voluntatem, ne currat ad illicita. Locus autem S. Doctoris, qui in hac confirmatione expenditur, non est ad rem, ut ex ipsa litera constat : solum enim docet requiri gratiam Christi ad servandam legem, et vitandum peccatum, cujus desiderium ipsa legis prohibitione occasionaliter acuitur : unde elucet gratia novi testamenti supra occidente literam veteris. Quæ sunt verissima, sed rem præsentem

non attingentia : quia non deferimus attritioni vim excludendi actualem peccandi voluntatem independentem a gratia Christi, sed cum illa : cum qua etiam in veteri testamento timor pœnæ operabatur cohibitionem voluntatis a peccando, ut ostendi valet in multis, et signatim in Manasse, prius scelestissimo, qui (2 Paralip. cap. 33) : « Postquam coangustatus est, « oravit Dominum Deum suum, et egit « pœnitentiam valde coram Deo patrum « suorum. »

Ad tertiam negamus minorem quoad tertiam.

secundam partem : quia licet attritio sola non eruat hominem a peccato habituali, sive a statu peccati ; potest tamen retrahere a novo peccato, sive voluntate illud committendi, ut constat ex dictis. Et D. Bernardus, cujus testimonio probatur minor, nihil tale docet. sed potius oppositum, et plurima congerit in laudem timoris, lib. de modo bene vivendi ad sororem, ut cum ait, « soror venerabilis, bonum est « nobis timere Deum, quia timor Domini « expellit peccatum. » Rursus : « O soror « dilecta, nulla res nos sic ab omni peccato « custodit immunes, sicut timor inferni « (hic est servilis) et amor Dei. » Et similiter sententias profert frequentissime. In loco autem, qui objicitur, agit de conversione perfecta, qua homo avertitur a bono commutabili, et ordinatur ad Deum finem ultimum, ut ejus verba satis manifestant : quam conversionem non efficiunt per se timor, et amor privatus. Cum vero affirmat timore non mutari affectum, non loquitur de mutatione actuali ; quippe manifestum est timorem per se ipsum variare actum : sed agit de mutatione habituali, pro qua solus timor non sufficit, sed perfectior dispositio, et forma requiritur. Et subjecta ex eodem probatio rem non evincit : nam bonum proprium, et carentia mali licite amantur, potestque in eis sistere affectus sicut in fine ultimo negative, ut liquet in actu spei theologicæ elicitio a peccatore, et constat ex dictis num. 38.

Ad ultimam

48. Ad ultimam confirmationem respondetur deficere in multis, et nihil tandem concludere : nam major solum verificatur in exclusionem directam unius contrarii, quæ eo ipso debet fieri per suum contrarium : sed indirecta exclusio potest fieri per alia

plura, sicut forma substantialis ligni potest indirecte expelli per introductionem caloris in summo : licet talis calor, et forma substantialis ligni non habeant directam contrarietatem. Et hoc pacto ingens timor pœnæ, efficaxque attritio inde orta inducunt absentiam, sive carentiam peccati actualis. Rursus minor est falsa loquendo de contrarietate latius sumpta, et qualis sufficit ad indirectam exclusionem unius extremi præsente alio, ut constabit occurrendo probationi minoris, quæ consistit in exemplis. Ad quæ respondetur reatum pœnæ æternæ, et hujus imminentiæ convenire peccato gravi secundum se : licet enim non importent primarium conceptum malitiæ, ad illam tamen necessario consequuntur : unde ille timor, qui sufficit ad excludendum peccatum in circumstantia pœnæ, sufficit etiam ad expellendum illud secundum se ; et odium voluntatis ad peccatum inducens pœnam est odium peccati secundum se : nequit enim fieri præcisio a prædicta obligatione. Merces autem de se non causant naufragium, et ideo odium projectionis earum in circumstantia naufragii componitur cum amore illarum secundum se. Si vero merces essent de se causa naufragii ; eo ipso odium illarum imminente naufragio esset odium ipsarum absolute, nullo retento affectu ad merces secundum se. Et similiter si omnium hominum salvatio esset secundum se impeditiva justitiæ erga peccatores, et misericordiæ erga justos, Deus eadem nolitione, qua voluntate consequenti excludit peccatores a regno, nollet voluntate antecedenti omnium hominum salutem. Sed quia salus hominum secundum se id non importat ; propterea Deus, qui attentis aliquorum peccatis eos a regno repellit conservat amorem ad salutem hominum consideratam secundum se. Id vero nullatenus in præsentī materia salvatur : quia peccatum de se obligat ad pœnam, et sub nulla præcisione potest terminare affectionem voluntatis absolutam, vel conditionatam, efficacem, aut inefficacem quin eam deturpet, et peccaminosam constituat, subiciatque amantem gehænnæ supplicio : et consequenter odium peccati actualis, ut infert sui pœnam, sive ex motivo fugiendi pœnam ei correspondentem, etiam extenditur ad peccatum secundum se, atque ideo odium efficax peccati

sub illa priori ratione non permittit in voluntate actuale peccatum, cujusmodi esset affectus ad peccatum secundum se, sive in hypothesi, quod non esset pœna peccati.

Quæ omnia evidentiora fiunt retorquendo hanc confirmationem in oppositos sub eadem fere forma : nam, licet dolor de peccato, ut est offensa Dei, opponatur peccato, ut hanc offensam importat ; non tamen opponitur illi secundum se accepto, prout importat præcise malitiam, et ab offensa illata præscindit : hæc enim est quasi conceptus secundarius consecutus ad priorem : ergo cum efficaci dolore peccati, ut est offensa Dei (qualem importat contritio) stat actuale peccatum, sive affectus voluntatis ad peccatum secundum se : quippe nihil nisi per suum contrarium excluditur. Quis non videat consequentis absurditatem ? Et quid responderunt illi ? Nihil profecto solidius, quam conceptum malitiæ, et conceptum offensæ, licet differentes, esse adeo connexos, ut simul vel conservari, vel haberi debeant : et consequenter, quod odium efficax peccati sub ratione offensæ Dei destruit etiam illud sub ratione malitiæ : atque ideo tale odium excludit a voluntate omne peccatum actuale, cujusmodi foret affectus voluntatis ad peccatum secundum se, sive præcise ab offensa Dei. Idem itaque habeant responsum ad objecta : nam dolor efficax de peccato, ut infert pœnam æternam (qualis est attritio) excludit omne peccatum actuale sub hoc motivo, quod est omni peccato gravi commune : nullum namque est, quod inseparabiliter non importet reatum, sive obligationem passivam ad talem pœnam, et pro quo prædicta pœna non immineat. Unde talis dolor excludit necessario affectum ad peccatum secundum se : quia hic affectus est etiam peccatum grave, et comprehenditur sub tali motivo : quin etiam comprehenditur peccatum secundum se, cum secundum se inferat infallibiliter reatum ad pœnam, sicut essentia passionis. Est itaque tota illa distinctio, atque præcisio chimærica, et confirmatio illi innitens.

49. Arguitur quinto ex Concilio Tridentino, quod adversarii sibi multum favere contendunt : nam sess. 14, cap. 3, docet materiam sacramenti pœnitentiæ esse contritionem, illamque ex Dei institutione requiri.

Relo
quels
in
adv
s r.

Arguitur
5 ex
Conc
Triden

requiri. Canone 4, damnat eos, qui negaverint *contritionem* esse pœnitentiæ partem. Cap. 6 ejusdem sess. declarat eum, qui nullam habet *contritionem*, non vere absolvi in hoc sacramento. Constat autem attritionem esse actum specie distinctum a contritione, et illa longe inferiorem : ergo ex sententia Concilii dici non potest, quod attritio sola ad sacramentum pœnitentiæ sufficiat

Confirmatur primo : quia non minus est sacramentum mortuorum baptismus quam pœnitentiæ ; sed juxta Concilium ad gratiam Baptismi requiritur pro dispositione contritio : ergo etiam requiritur in sacramento pœnitentiæ. Minor probatur ex sess. 6, cap. 6, ubi post relatos actus fidei, timeris, et spei, subdit Concilium : « Fidentes Deum sibi propter Christum » propitium fore, illumque tanquam omnis « justitiæ fontem diligere incipiunt ; ac » propterea moventur adversus peccata per « odium aliquod, et detestationem, hoc est » per eam pœnitentiam, quam ante baptismum agi oportet : denique dum pro « ponunt suscipere baptismum, inchoare » novam vitam, et servare divina mandata. » Odium autem, et peccati detestatio, quæ oriuntur ex dilectione Dei fontis justitiæ, est contritio, et dolor diversus ab attritione, quæ ex solo metu pœnæ concipitur : ergo ex mente Concilii dolor præmittendus ante susceptionem Baptismi debet esse contritio.

Confirmatur secundo : nam major dolor requiritur ad sacramentum pœnitentiæ, quam ad baptismum : sed pro baptismo requiritur dolor cum dilectione Dei saltem initiali : id enim ad minus probat testimonium Concilii Tridentini immediate relatum, « Deum tanquam omnis justitiæ fontem diligere incipiunt : » ergo pro pœnitentia requiritur perfectior cum dolore dilectio, nempe amor charitatis. Major, quæ sola probatione indiget, suadetur ex eodem Concilio sess. 14, cap. 2, ubi ait : « Per baptismum Christum induentes novæ » prorsus in illo effimur creaturæ, ple- » nam, et integram peccatorum omnium » remissionem consequentes : ad quam » tamen novitatem, et integritatem per » sacramentum pœnitentiæ sine magnis » nostris fletibus, et laboribus, divina id » exigente justitia pervenire nequaquam

« possumus, ut merito pœnitentiæ laborio- » sus quidam baptismus a Sanctis Patri- » bus dictus fuerit. » Major ergo dolor requiritur ad sacramentum pœnitentiæ, quam ad baptismum.

Ad argumentum respondetur omnia, ^{Satisfac-} quæ in eo ex Concil. Trid. expenduntur ^{lio argu-} esse pro nobis : nam illo cap. 3, ses. 14, affirmat quasi materiam hujus sacramenti esse ipsius pœnitentis actus, nempe *contritionem*, confessionem etc. Deinde cap. sequenti explicat, quid significaverit contritionis nomine dicens : « Contritio... » Animi dolor ac detestatio est de peccato » commisso cum proposito non peccandi » de cetero. » Denique hanc contritionem dividit in perfectam, quæ peccatori justificationem affert antecedenter ad susceptionem sacramenti pœnitentiæ, quamvis dependenter ab ejus voto : et in aliam, quam vocat imperfectam, et est re ipsa attritio. « Illam vero, *inquit*, contritionem » imperfectam, quæ attritio dicitur, quo- » niam vel ex turpitudinis peccati conside- » ratione, vel ex gehennæ, et pœnarum » metu concipitur, etc. » De qua docet, quod licet per se, et sine sacramento pœnitentiæ ad justificationem non perducatur ; tamen peccatorem disponit ad gratiam in sacramento pœnitentiæ impetrandam. Ex quibus omnibus luce clarius est Concilium loqui de contritione in communi sumpta, prout ambit dolorem perfectum contritionis, et imperfectum attritionis : et non loqui in eis locis determinate de contritione, prout determinate, et specificè est dolor de peccatis propter Deum summe dilectum. Unde argumentum retorqueri potiori jure debet contra adversarios, ut jam fecimus num. 23. Quia Concilium nomine *contritionis*, quam dicit esse hujus sacramenti partem ex parte materiæ, et disponere ad ejus effectum, complectitur contritionem perfectam ex amore Dei, et contritionem imperfectam ex gehennæ timore, quæ vocatur attritio ; ergo hæc absolute sufficit, tam per modum partis ad sacramenti valorem, quam per modum dispositionis ad sacramenti fructum.

50. Ad primam confirmationem neganda est minor. Ad cujus probationem potest responderi primo : Concilium eo loco non agere de justificatione, quæ fit in sacramento baptismi ; sed solum de ea, quæ fit

Ad 1
confir-
matio-
nem
respon-
det 1.

antecedenter ad ipsum per ejus desiderium, et votum. Pro qua non negamus desiderari actum perfectum dilectionis Dei, vel contritionis. Et hunc esse Concilii sensum liquet ex ejus verbis, « Dum proponunt » suscipere baptismum. » Sed inde non colligitur, quod attritio cum baptismo in re non sit sufficiens dispositio ad prædictum effectum. Ita post alios Gonet. in præ. disp. 7, art. 3, num. 64. Sed alii censent hanc expositionem esse violentam, ac repugnare textui, quam fini Concilii. Textui quia in eo agitur de necessitate pœnitentiæ pro baptismo suscipiendi pro qua assumit illud Act. 2: *Pœnitentiam agite, et baptizetur unusquisque*: quæ verba non desiderium, aut votum, sed susceptionem baptismi significant. Præterquam quod loquitur de illa justificatione, cujus causas cap. sequenti assignat: ibi autem recenset baptismum, dicens: « Instrumentalis » item, Sacramentum baptismi, quod est « sacramentum fidei: » et certum est baptismum non in voto, sed in re concurrere per modum instrumenti ad justitiam. Repugnat etiam fini Concilii: nam intendebat explicare causas justificationis specialiter institutæ a Christo Domino: quæ per se exercita, et non per accidens fit per realem susceptionem baptismi, et supponit aliquam pœnitentiam, quam hæretici negabant adstruentes solam fidem. Quare finis Concilii non fuit agere de justificatione facta mediante actu charitatis, vel alio, et in antiqua lege occurrebat: nec enim de hac ita in communi sumpta erat cum hæreticis controversia: sed scopus fuit agere de justificatione per sacramenta nostra, et de dispositionibus ad id requisitis, in quibus multum errabant hæretici.

Secunda
respon-
sio.

Secundo igitur respondemus: Concilium non loqui de dilectione Dei, quæ sit ex charitate, quin nec de ea, quæ sit specialis actus amoris: sed loquitur de dilectione initiali Dei fontis justitiæ, inhibita in ipsa attritione, et timore: bonus namque pœnæ timor initium aliquod est dilectionis; non quia ad eum requiratur dilectio, sed quia ipse ad hanc disponit removendo prohibens, atque emolliendo, et concutiendo cor, juxta illud

D. Aug. D. August. relat. num. 34: « Cum per timore » rem continent se a peccato, fit consuetudo » justitiæ, et incipit, quod durum erat,

« amari, et dulcescit Deus. » Idque magis perspicuum pro qualitate materiæ fit, si animadvertamus, quod jam insinuavimus numer. 39, attritionem, quæ pro sacramento pœnitentiæ gerit officium partis, aut dispositionis (et idem intelligendum de attritione disponente ad effectum baptismi), non posse non importare aliquem amorem justitiæ. Quamvis enim prædicta attritio in specie solum sit dolor ortus ex timore, et non sit amor, nec ex amore procedat: nihilominus, ut procedit ab intendente confiteri, et absolvi in sacramento pœnitentiæ, et ad hunc finem ordinatur (aliter sacramentum non fieret) nequit non aliquem amorem justitiæ importare: elicitur enim in ordine ad justificationem, quam pœnitens intendit, quando ad pœnitentiæ sacramentum accedit. Nemo namque licet ex solo timore gehennæ doleat, suscipit hoc sacramentum, qui non spondeat se confiteri, et sua peccata clavibus Ecclesiæ subicere; quia vult hoc medio justificari: amat ergo justitiam, licet motus ex timore, atque ibi saltem implicite amat fontem justitiæ, qui est Deus. Unde ipsa attritio, sive ut pars, sive ut dispositio in sacramento, ex intentione pœnitentis habet vel in se implicite, vel concomitanter per alium actum sibi adjunctum, quod sit aliquis amor erga Deum, ut justitiæ fontem. Qui tamen amor non est charitatis, sicut ad intentionem adversariorum, et fundandam perfectam contritionem ab attritione distinctam requirebatur: sed est amor imperfectior, vel spei, vel amoris proprii honesti.

Ad secundam confirmationem respondetur distinguendo majorem; illamque concedendo de dolore majori in pœnitentia quantum ad extensionem, et plures circumstantias affatim laboriosas; secus de dolore majori quantum ad speciem actus. Et denique omissa minori in sensu immediate præmisso, negamus absolute consequentiam. Plura itaque, quam in baptismo, occurrunt in sacramento pœnitentiæ humanæ fragilitati molesta: nam discutienda est conscientia: oportet instantius insistere in odium peccatorum propter majorem deformitatem saltem ingratitude in relapsu post beneficium baptismi commisso; aperienda sunt omnia specie, et numero peccata sacerdoti, in quo occurrit non mediocris erubescencia, et humiliatio: ac denique

Ad 2
confir-
mat.
respon-
detur

denique adimplendum adhuc est opus satisfactionis adjunctum. Quæ omnia expedit perfectius, et intensius exercere, ut restituamur ad illam renovationis plenitudinem, quam baptismus absque his molestiis induxit. Sed inde non infertur necessitas dilectionis Dei ex charitate in sacramento poenitentiae: sed illa attritio, quæ in baptismo adultorum sufficit, et requiritur ad justificationem, sufficiens etiam est in poenitentia ad eundem effectum. Et hanc esse Concilii mentem liquet ex ipso; quia illum majorem dolorem non exigit ex parte dispositionis, sed ex parte effectus, ut sic explicat his verbis: « Alius est præterea « baptismi. et alius poenitentiae fructus. « Per baptismum enim Christum induen-
« tes, novæ prorsus in illo efficimur crea-
« turæ, plenam, et integram peccatorum
« omnium remissionem consequentes. Ad
« quam tamen novitatem, et integritatem
« persacramentum poenitentiae sine magnis
« nostris fletibus, et laboribus, divina id
« exigente justitia, pervenire nequaquam
« possumus, ut merito poenitentia laborio-
« sus quidem baptismus a Sanctis Patribus
« dictus fuerit. » Ab hac itaque parte, et in isto sensu requiritur major dolor in poenitentia, quam in baptismo.

51. Arguitur sexto: nam ubi agitur de valore sacramentorum, tenemur sequi sententiam tutiorem juxta decretum SS. D. N. Innocentii XI, die 5 Martii anno 1679, dampnantis plures propositiones, quarum prima est: « Non est illicitum in sacra-
« mentis conferendis sequi opinionem pro-
« babilem de valore sacramenti, relicta
« tutiore, etc. » Sed agimus de valore sacramenti poenitentiae, quia agitur de parte, et dispositione, sine quibus valor, et fructus hujus sacramenti salvari non valent: ergo debemus in decidendo hanc difficultatem præferre sententiam tutiorem. Atqui sententia negans sufficere puram attritionem, et affirmans requiri aliquem amorem Dei super omnia est tutior comparative ad aliam defendentem puram attritionem sufficere; nullum quippe imminet periculum, ubi dolor peccatorum procedit ex motivo amoris Dei super omnia, sive vera, sive falsa sit talis sententia; e converso autem adest periculum frustrationis sacramenti, si sententia defendens puram attritionem in se falsa sit; aliunde vero non deficit motivum

timendi de ejus falsitate; cum videamus eam impugnari, et refelli a multis viris piis, et sapientibus: ergo, etc.

Nec satisfacit, si cum Cardenas in Crisi Theolog. disp. 2, cap. 6, art. 2, quæst. 1, respondeatur; doctrinam de sufficientia attritionis cum sacramento esse omnino certam, et indubitam propter diffinitionem Concil. Tridentini sess. 14, cap. 4, atque ideo non contineri intra lineam præcise probabilitatis, quæ sola cadit sub decreto Innocentii XI. Cui certitudini non opponitur decretum Alexandri VII relatum num. 45, quo prohibuit, ne aliquis in hac controversia audeat notare censura theologica sententiam affirmantem, vel negantem: quia per tale decretum solum intendit rixas præcavere inter partes.

Hæc, inquam, responsio non satisfacit, nec sustineri potest: defert enim assertioni nostræ omnimodam certitudinem fundatam in diffinitione Concilii Tridentini. Quæ si adesset, omnem de hac re inter catholicos disputationem extingueret. Sed fallitur ille Auctor, quia licet Concilium multum faveat nostræ assertioni, præsertim eo cap. 4, sess. 14, ut constat ex multis, quæ ex eo loco in hoc dub. ponderavimus, tamen nostram assertionem non diffinit: aut condemnavit adversam: nec in capitibus citatis diffinire regulariter voluit, sed id remittit ad canones. Et mirum plane foret, si res, ut Cardenas vult, se habet, tot viros catholicos in hanc diffinitionem impigisse, atque graviter errasse. Philalethes loco cit. refert centum Auctores, productis nominibus contrariam nobis sententiam instituentes, quos testatur transmissos sibi ab Henrico a S. Ignatio Carmelitarum in Provincia Gallo Belgica Diffinitore, et Doctore Universitatis Duacensis, ex quibus viginti sex Concilio Tridentino interfuerunt. Et quicquid de hoc sit, assertionem nostram non esse diffinitam in Concilio Tridentino constat satis evidenter ex decreto citato Alexandri VII, in quo perpendi debent sequentia, quæ
Cardenas omisit: « Non audeant alicujus
« Theologica censuræ, alteriusve injuriæ,
« aut contumeliæ nota taxare sententiam;
« sive negantem necessitatem aliqualis di-
« lectionis Dei in præfata attritione ex metu
« gehennæ conceptæ, quæ hodie inter Scho-
« lasticos communior videtur; sive asse-

Occurrit
tur
satisfac
tioni.

Alexan-
der VII

« rentem dictæ dilectionis necessitatem ;
 « donec ab hac Sancta Sede fuerit aliquid
 « in hac re diffinitum. » Perpendatur in-
 primis, quod nostram sententiam vocat
communiorem ; non certam, non absolute
 inter fideles communem ; quinimo addi-
 tum est *ly hodie*, quasi denotans non sem-
 per fuisse communiorem : communior au-
 tem sententia non tollit, quod sibi opposita
 sit communis, et probabilis ; sed quod cap-
 put est, Pontifex prohibet censuras in
 unam, et alteram partem, « donec, *inquit*,
 « ab hac Sancta Sede fuerit aliquid in re
 « diffinitum. » palam supponens nihil
 hactenus diffinitum esse ab Ecclesia circa
 istam controversiam : si, namque, diffini-
 tum jam est, opus non erit aliam a Sede
 Apostolica expectare diffinitionem. Falso
 igitur dicitur istam jam præmississe Con-
 ciliū Tridentinum in favorem nostræ asser-
 tionis.

Occur- 52. Nec iterum satisfacit, si cum qui-
 tur busdam Junioribus respondeatur, decre-
 alteri tum Innocentii XI in hac parte non ur-
 satisfac- gere, quia solum reprobatur, quod in *Sacra-*
 tionis. *mentis conferendis* liceat sequi opinionem
 probabilem relicta tutiori ; sed non dixit
in recipiendis. Dum autem conferre sacra-
 menta pertineat ad solos ministros ; solum
 convincitur ex prædicto decreto, quod
 ministri tantum obligentur sequi in sua
 administratione tutiorem partem ; non
 autem eos, qui sacramenta suscipiunt. Et
 aliunde cum in sacramento pœnitentiæ
 dolor ex parte suscipientis se teneat ;
 consequens videtur hunc non obligari ad
 securiorem dolorem, ut est contritio, sed
 posse licite accedere cum dolore inferiori
 solius attritionis. Potestque non incongrua
 disparitatis ratio assignari, quod minister
 sequendo opinionem minus tutam, cum
 possit tutiorem, agit contra jus suscipientis
 sacramentum, quod habet, ut sibi confera-
 tur per medium tutius : sed ipse potest
 cedere juri proprio, et uti sententia proba-
 bili, quin alteri faciat injuriam.

Hæc, inquam, responsio minime satisfacit, quippe, quæ est mera fuga speculativa, menti Pontificis in illa propositione repugnans. Hujus enim sensus est plane obvi-
 us, juxta communem, et vulgarem modum loquendi inter Theologos in re morali. Isti vero eis verbis conferre, ministrare, dare, etc. significant actum completum totius

sacramenti, ut se tenet ex parte tam ministri, quam suscipientis ; nisi adhibeat limitationem. Quare illud in *conferendis sacramentis* positum in propositione dam-
 nata, idem valet, ac in materia sacramen-
 tali, sive in usu sacramentorum. Quocirca illius damnatio non solos ministros, sed suscipientes etiam comprehendit. Et inten-
 tata inter hos distinctio minime subsistit : quia quod in sacramentis interdicatur usus sententiæ probabilis relicta tutiori, non est præcise, aut principaliter propter vi-
 tandum damnum suscipientium ; sed etiam, et multo magis ad vitandam irreveren-
 tiam sacramentorum, quorum valor fre-
 quenter impeditur usu opinionum proba-
 bilium, relicta tuta, et communi senten-
 tia. Quod periculum stat non solum ex parte ministri præbentis formam, sed etiam ex parte suscipientis, exhibentisque materiam ; cum ab utraque parte queat esse defectus, et sacramentum frustrari, ut satis ex se liquet. Complectitur itaque illa propositio, et ministros, et suscipientes. Sed addimus, ut istud effugium magis præcludatur, non solvi difficultatem, licet solis ministris illa propositio applicetur : quia confessarius non potest absolvere pœnitentem, nisi moraliter certus sit de sufficientia dispositionis, quam pro susci-
 piendo sacramento habet : et nec licite, nec valide confert absolutionem, si sciat esse indispositum. Cum ergo tutior, ac omnino tuta dispositio ex parte pœnitentis sit dolor ex amore Dei, e contra vero attritio solum sit dispositio probabilis, ut argu-
 mentum opponit ; sequitur pœnitentem adhibentem præcise attritionem illo amore omisso non accedere recte dispositum, si-
 quidem se exponit periculo frustrandi sac-
 ramentum, cujus valor non tantum a mi-
 nistro, sed etiam a suscipiente dependet. Perseverat itaque in suo robore objecta difficultas.

Et ea quidem prolixa nobis, et molesta nimis aliquando visa fuit propter intermi-
 nables, ac reflexas hoc tempore compara-
 tiones inter propositiones probabiles, pro-
 habiliores, certo probabiles, certas, tutas,
 tutiores, etc. Sed quod ad præsentem con-
 troversiam attinet, facillimo negotio eva-
 cuatur : quia Pontifex non prohibet, quod in scribendo sequamur sententias proba-
 biles, et quod asseramus esse certiores aliis
 omnino

Respon-
 det. ad
 argum.
 et mens
 Pontif.
 Inn. XI
 explica-
 tur.

omnino tutis, sive in quibus practicandis nullum occurrit periculum, sed additio, aut supererogatio non necessaria. Hoc enim iudicium ita scribentium est speculativum, relinquens locum, ut in praxi sequatur quis, quod tutius sibi apparuerit iuxta exigentiam materiæ, et ut vitetur in usu sacramentorum omnis eorum frustratio, et irreverentia. Et ubi hoc periculum adest in sacramentorum usu, illicitum est sequi opinionem probabilem relicta tutiori, idque intendit Pontifex in relatæ propositionis condemnatione. Quæ proinde nec nos, nec alios hæc speculativa scribentes attingit. Quare ad argumentum responderetur concedendo præmissas primi syllogismi, et negando consequentiam, quæ ex illis non colligitur: nam major refertur ad praxim, et usum sacramentorum, consequentia vero ad speculationem scribentium, et iudicium inter sententias, abstrahendo ab earum usu: unde nihil in vi formæ concludit ille discursus. Possetque responsio multis exemplis confirmari. Sed sufficiat modo dicere; sententiam asserentem circumstantias notabiliter intra eandem speciem aggravantes manifestari debere confessario, pertinereque hoc ad materiam necessariam hujus sacramenti, esse tutam, et tutiorem opposita; quippe cum in prædicta manifestatione nullum occurrat periculum; et in opposita adsit periculum suppressendi materiam coram Deo necessariam. Quo non obstante licet Scriptoribus præferre sententiam negantem talem obligationem, atque asserere, ut faciunt plures, talem sententiam negantem esse probabilior, et communiorem contraria. Nullusque hactenus dixit ita se gerentes favere propositioni ab Innocentio XI condemnatæ, aut Pontificis decreto ullo pacto contradicere. Et idem cum debita proportionem respondemus ad objectum argumentum, quod certe alia solutione non indiget.

53. Ut autem non videamur difficultatem fugere, aut timere, vel in his, quæ ad praxim spectant, (et forte Lector desiderabit), responderetur; admittendo totum primum syllogismum, et negando absolute minorem subsumptam: nostra namque sententia non solum est probabilior, et communior, sed etiam tutior, quam contraria; atque ideo non solum speculative, sed etiam

practice, et juxta decretum SS. Innocentii XI modis omnibus præferenda. Quod ut evidentius pateat, breviter recolendum aut de novo insinuandum est, hanc controversiam non esse de necessitate cujuslibet amoris pro dolore ad hoc sacramentum requisiti: nam desiderari aliquem amorem, vel justitiæ, vel beatitudinis, vel evasionis a pœna inferni, facile concedimus; ut jam diximus num. 39 et 50, sed procedit controversia circa necessitatem amoris Dei dilecti super omnia ex motivo suæ bonitatis, et amicitatis; nec enim inferiorem amorem exiguere Adversarii, et si, illo, quem concedimus, continerentur, quæstio fieret de vocibus, et inutilis. Unde etiam fit amorem Dei ab eis pro sacramento pœnitentiæ assertum non esse velleitatem, aut aliquod simplex, atque inefficax desiderium; quoniam ipsi palam affirmant talem Dei amorem requiri, qui omnem actuale peccandi voluntatem excludat, ut abunde constat ex argumentis ab eis objectis, et ex elogiis, quibus talem amorem celebrant, et in id expendunt Patrum bibliothecas. Contendunt, itaque, re ipsa pro amore absoluto charitatis quoad speciem: licet, ut rem aliquomodo temperent, illum vocent charitatem imperfectam, quia ad eam perfectionem non pervenit, ut timorem pœnæ excludat, et amorem commodi proprii; vocantque amorem affectivum, sed non effectivum; amorem prævalentem, sed non valentior; amorem ejusdem essentiæ cum perfecto, sed non sub eodem statu. Et hunc charitatis amorem, sive dolorem ex illo ortum, dicunt, necessario requiri, ut dolor sit pars ad valorem, et dispositio sacramenti pœnitentiæ, hacque de causa ab his officiis repellunt attritionem ex solo timore gehennæ.

Quo posito, unum ex duobus contradic-
toris, ab illis necessario concedendum est, et ab eis secundum diversas inter ipsos opinionationes conceditur, nempe vel amore charitatis Dei super omnia conjungi cum peccato mortali ante susceptionem in re sacramenti pœnitentiæ, ut ita salvent tale sacramentum efficere in pœnitente primam justificationis gratiam: vel prædictum charitatis amorem non cohærere cum statu peccati mortalis, sed illum saltem indirecte per modum dispositionis contrariæ expellere ante susceptum in re sa-

Inconvenientia in qua incidit sent. contraria.

cramentum : quippe, inter expellere, et non expellere peccatum non datur medium, cum contradictorie opponantur. Quare in quodcumque se vertant latus, unam ex prædictis viis arripere debent, et ad eam sunt compellendi. Quamlibet vero eligant, terribiles ipsis imminet hæresum, errorumque scopuli, atque voragines, ita ut, non tam possint incedere, quam ruere, et in ea pericula impingere, quæ notavimus toto § 2, et hic insinuare sufficiet. Nam, si eligant primam, nempe amorem charitatis conjungi cum statu peccati, coincidunt cum doctrina Michaelis Baji asserentis eam conjunctionem propositionibus 31, et 35, et 70, quæ condemnatæ sunt ab Ecclesia, ut vidimus num. 13. Aliunde assertio opponitur præspiciuis testimoniis Scripturæ asserentis, amorem charitatis unire cum Deo, et expellere peccatum : opponitur etiam principiis Theologiæ valde certis, et communibus ; nempe unum hominem non posse secundum suavem, et præsentem providentiam habere duos ultimos fines, vel esse aversum per peccatum a Deo, in quem per charitatem convertitur, ut ibidem expendimus.

Si autem eligant secundam viam, in non minora discrimina se conjiunt : nam consequenter asserere debent, et eorum plures asserunt sacramentum pœnitentiæ nunquam conferre primam gratiam, et remissionem peccati quantum ad maculam ; imo nec posse hos effectus habere ; quia semper supponit amorem charitatis, ut sui partem, et dispositionem, qui illos antecederet inducit. Unde sequitur sacramentum pœnitentiæ non esse sacramentum mortuorum, contra communem Theologorum sententiam innitentem manifestis principiis fidei, ut statim videbimus. Sequitur deinde, sacramentum pœnitentiæ non efficere illam gratiam, quam significat, nempe vivificantem hominem lapsum post baptismum : contra diffinitionem Concilii Tridentini sess. 6, can. 7 : « Si quis dixerit « sacramenta novæ legis non continere « gratiam, quam significant, aut gratiam « ipsam non ponentibus obicem non con- « ferre, anathema sit. » Et sess. 13, cap. 3, ait : « Res, et effectus hujus sacramenti « (pœnitentiæ) quantum ad ejus vim, et « efficaciam pertinet, reconciliatio est cum « Deo. » Quam tamen juxta hanc senten-

tiam non confert, nec conferre potest, sed factam supponit per amorem charitatis. Sequitur etiam : in sacramento pœnitentiæ non tolli peccata, sed præcise reatum pœnæ temporalis : et sacerdotis absolutione non auferri culpas, sed præcise declarari ablatas esse per antecedentem contritionem, quæ sequendo hanc secundam viam est impossibilis cum macula peccati, et reatu ad pœnam æternam. Hæc autem est ipsa doctrina Michaelis Baji reprobata ab Ecclesia, in propositione 57 : « In sacramento baptismi, et sacerdotis absolutione proprie reatus peccati duntaxat tollitur, et ministerium sacerdotum solum liberat a reatu. » Et in proposit. 58 : « Peccator pœnitens non vivificatur ministerio sacerdotis absolventis, sed a solo Deo, qui pœnitentiam ingerens, et inspirans vivificat eum, et resuscitat : ministerio autem sacerdotis solum reatus tollitur. » Contra quas propositiones, etiam priusquam de novo reprobarentur ab Ecclesia, stabant jam canones Concilii Tridentini : nam sess. 14, can. 3, statuerat : « Si quis dixerit verba illa Domini salvatoris, Accipite Spiritum Sanctum, quorum remisistis peccata, remittuntur eis, et quorum retinueritis, retenta sunt, non esse intelligenda de potestate remittendi, et retinendi peccata in sacramento pœnitentiæ, sicut Ecclesia Catholica ab initio semper intellexit... Anathema sit. » Et can. 9, consequenter addidit : « Si quis dixerit absolutionem sacramentalem sacerdotis non esse actum judiciale, sed nudum ministerium pronuntiandi remissa esse peccata confitentis... Anathema sit. »

54. Hæc sufficit refricasse ex fusius dictis § 2, ut evincamus merito negari minorem subsumptam in argumento proposito. Etenim illa sententia circa requisita ad valorem hujus sacramenti tutior, ac tutissima reputanda est, quæ salvat salvanda ex necessitate fidei, uti sunt differentia inter sacramenta legis veteris, et novæ in causando gratiam, quam repræsentant ; et similiter diversitas inter sacramenta mortuorum, et vivorum in efficiendo per se primam gratiam, vel ejus augmentum ; et pariter ministerium sacerdotis absolventis, ac producentis ex opere operato, et per se gratiam remissivam peccati, et reconcilian-

Propositio Ba-
ab
Eccle-
damm

Conc.
Tr.

Conc.
Tr.

Qua
senten-
tia
tutior,
proba-
rior
dicatu

tem

tem pœnitentem cum Deo. Constat autem sententiam asserentem pro sacramento pœnitentiæ sufficere solam attritionem, ista omnia salvare, et omnino procedere secundum naturam hujus sacramenti ex Christi Domini institutione. Altera autem sententia, quæ requirit contritionem, sive amorem charitatis, hæc omnia turbat, impediendo et efficaciam absolutionis sacerdotalis, et proprium, ac primarium hujus sacramenti effectum, ac per se intentum juxta institutionem Christi: ergo prima sententia est longe tutior, quam secunda: et nullum debet timere in sua praxi (quæ est inter fideles communis) imminens periculum; cum procedat juxta notissima fidei principia. E contra vero secunda sententia vix cum eis conciliari valet, vix purgari ab erroribus Michaelis Baji, et aliis condemnatis in Concil. Trident. ut constat ex immediate dictis: ergo nostra sententia tutior incomparabiliter est, quam contraria. Præsertim cum ista non faveat ipsi pœnitentiæ sacramento; sed potius fideles ab ejus frequenti usu deterreat; cum alios pro eo suscipiendo dispositos non admittat, quam ex amore Dei dilecti super omnia contritos. Quæ dispositio difficilior longe est, quam attritio ex timore pœnæ. Quare sicut pauci judicarent se talem dispositionem habere: ita etiam pauci ad pœnitentiæ sacramentum accederent. Quin vel illi pauci, qui se ita dispositos censerent, parum curarent de remedio per sacramentum: quippe, qui ea supposita dispositione, minus præsumptuose, et magis consequenter judicarent se justificatos antecedenter ad illud, ut plures Adversariorum concedunt. Qua itaque ratione eorum sententia diceretur tutior in praxi, quæ tam aperte sacramenti praxim oppugnat?

Ad insertam autem pro minori subsumpta probationem respondemus; nullum in usu nostræ sententiæ esse periculum, cum procedat commensurate ad institutionem Christi, et ad doctrinam Ecclesiæ circa istud sacramentum. Nec tamen dicimus adesse periculum in usu alterius: nullum quippe occurrit in eo, quod pœnitens præmittat sacramento contritionem, et loco primæ gratiæ recipiat ejus augmentum; quin laudabile esset ad id hortare pœnitentes sicut ad opus supererogationis.

Sed asserere contritionem esse omnino necessariam ad istud sacramentum; forte non caret omni periculo propter oppositionem cum ejus institutione, et affinitatem ad doctrinas condemnatas, ut vidimus: quamvis circa id censuram Sedi Apostolicæ, eidem obediens ex corde sincerissimo relinquamus. Quod vero multi pii, et sapientes contra nostram sententiam doceant, nullum nobis incutit timorem de periculo in ejus usu, quia pauci sunt respectu communis sententiæ, et levibus nituntur motivis contrapositive ad nostram, quæ urgentissima sunt, et cum doctrina fidei valde connexa.

55 Nec refert, si opponas, quod in asse- Objectio.
rendo sufficientiam attritionis pro valore, et fructu hujus sacramenti, non omnes conveniunt, sed quidam affirmant; alii vero negant. In asserendo autem contritionem sufficere, tum ad valorem, quam ad sacramenti fructum conveniunt omnes, nemine reclamante, sed commendantes potius excellentiam, tam in ratione partis, quam dispositionis in contritione repperitam: ergo tutius est adhibere in hoc sacramento non attritionem solam, sed contritionem: atque ideo dici non debet sententiam nostram esse tutiorem contraria.

Id, inquam, non refert, sed facile dispel- Objectio.
litur omitendo præmissas, et distinguendo
primum consequens, et si loquatur de majori securitate extensiva, et ex supererogatione, concedenda est consequentia: sed negari debet, si intelligatur de majori securitate intensiva, et ex necessitate adhibenda. Pro cujus distinctionis, et terminorum intelligentia observandum est *tutum*, et *tutius* aliquid esse stare dupliciter: Primo intensive, et ex necessitate; secundo ampliative, et ex supererogatione, sive redundantia non necessaria. Primum adest, ubi solvitur debitum juxta proprietatem, et institutionem legis, aut sacramenti conformiter ad mentem, et intentionem institutoris. Secundum vero occurrit, cum hæc omnia salvantur per æquivalentiam in actu superiori, qui non solum ad rem præceptam, sed ad non debitam ex quadam superabundantia non necessaria se extendit. Verbi causa, teneor indigenti, petentique mutuum succurrere illud conferendo. Si illud conferam absque ullo lucro,

aut interesse ultra sortem, medium amplector securissimum, quia servo legem mutui in omnimoda sua proprietate. Si vero ulterius remitto partem sortis, medium etiam tutissimum amplector, et quod primum illud æquivalenter continet : sed tamen, quod necessarium non est ad salvandam mutui legem, sed superadditur ex quadam extensione, et redundantia non necessaria. Addamus aliud exemplum proximius accedens ad rem præsentem : ex institutione Christi teneor confiteri omnia peccata gravia, illaque clavibus Ecclesiæ subijcere ; ad confitendum autem venialia non teneor. Cum ergo omnia mortalia confiteor, venialibus suppressis, tutissime intensive, quantum ad necessaria procedo, quia absque dubio adimpleo legem Christi juxta propriam, et primam ejus institutionem. Sed si confitear omnia peccata, tam mortalia, quam venialia, medium etiam sequor tutissimum, et tutius extensive, et cum amplitudine non necessaria : nam confitendo omnia peccata confiteor mortalia, quod erat necessarium ex Christi institutione ; et confiteor etiam venialia, quod addo ex supererogatione, et fervore non præceptis. Ad rem igitur juxta adhibitam distinctionem : accedens ad sacramentum pœnitentiæ cum sola attritione, securissime procedit securitate intensiva, et ex necessitate adhibenda : quia affert dolorem sufficientem pro sacramento mortuorum, et primæ gratiæ justificationis juxta sacramenti naturam, et Christi Domini institutionem, ut supra firmavimus. Sed si adhibeat contritionem, tutissime etiam procedit, quia contritio æquivalet attritioni, et consequitur augmentum gratiæ ; quin etiam procedit tutius extensive adhibendo actum attritione perfectiorem, cujus sufficientiam omnes nemine reclamante fatentur : sed hæc securitas, extensive major, non est essentialis, aut debita, sed ex addita redundantia, ac voluntaria supererogatione supra debitum ex institutione Christi.

56. Propter hæc concedimus convenientiam supererogandi contritionem in sacramento penitentiæ : sed firmiter negamus necessitatem. Itaque adhibere contritionem in sacramento ex devotione, et supererogatione, ad idque in hoc sensu pœnitentes inducere, tutum, et sanctum censemus : illam autem adhibere ex falso (ut

revera est) dictamine, quod sit de necessitate sacramenti, nec tutum, nec sanctum audemus dicere, sed id relinquimus determinationi Apostolicæ Sedis, eidem omnino obedientes. Possumus autem ad id declarandum adducere exemplum in re diversa, licet servata proportionem satis congruum, ejus, qui baptizaret dicendo : *Ego te baptizo in nomine Patris, et Filii, et Spiritus Sancti, et Beatæ Virginis Mariæ*. Hic si faceret homo additionem non necessariam ex sola simplici intentione, quod intercessio B. Virginis prodesset baptizato, non impediret valorem sacramenti, et forte nec peccaret. Si autem adderet illa verba judicando esse necessaria, et non subsistere baptismum absque concursu B. Virginis ; erraret maxime, et valorem sacramenti subrueret, quia illud dictamen, et intentio ipsi innitens, sunt contra fidem, ut resolvit Angelicus Doctor 3 par. quæst. 60, art. 8, et explicuimus tract. 22, de sacramentis, disp. 2, dub. 6, num. 90. Ad hunc itaque modum licet debita proportionem servata, admittimus ; et laudamus, quod in sacramento penitentiæ adhibeatur dolor contritionis perfectæ, ut dispositio securissima, et utilissima ultra debitum pœnitentis pro sacramento.

57. Dices, si res ita se habet, sequitur immerito nos reprobasse num. 51 respon- Replica,
et ipsius
satisfac-
tio. sionem ex Cardenas relatum.

Respondetur negando omnes has sequelas. Nam Cardenas dixit sententiam nostram esse certam, et indubitam propter diffinitionem Concilii Trident. sess. 14, cap. 4. In quo excessit : tum quia falsum est præsentem controversiam fuisse in Concil. Trident. diffinitam. Multa quidem statuit Concilium, ex quibus non obscure colligitur, et urgenter probatur nostra sententia ; sed tamen non illam diffinivit, et multo minus in illo cap. 4. Tum quia Alexand. VII hoc judicium diffinitivum reservavit Sedi Apostolicæ, aperte supponens rem hanc non fuisse hactenus ab Ecclesia determinatam, ut Cardenas falso asseruit. Tum, quia hic Auctor ita procedit, ut parti contrariæ neget omnem probabilitatem, tam negativam, quam positivam, et tam ab intrinseco, ex rationabilibus motivis, quam ab extrinseco ex patrociniis Doctorum. Nos autem diverso longe modo procedimus : nam ab hoc ultimo incipiendo recognoscimus

recognoscimus contrariam nobis sententiam esse probabilem negative, quia hucusque non est reprobata ab Ecclesia, saltem expresse, et in propriis terminis; concedimus etiam habere illam ab extrinseco probabilitatem, quam conferre possunt ejus patroni, quamvis aliqui inter eos antiquiores, ut Adrianus, et Almainus non tam debeant pro ea sententia referri, quam excusari, quia non videntur canones Concilii Tridenti. et condemnationem propositionum Michaeli Bajji: ex quibus summum robur sententiæ communi affirmanti attritionis sufficientiam accevit.

§ VII.

Aliæ referuntur sententiæ contra conclusionem secundam.

58. Contra secundam nostrarum assertionum, quantum ad priorem ejus partem, in qua statuimus attritionem, ut sit hujus sacramenti pars, debere esse supernaturalem: plures solent Auctores referri defendentes vel solam naturalem ad istud munus sufficere; quin eorum aliqui ulterius progressi tuentur sufficere etiam promunere dispositionis ad gratiam in hoc sacramento producendam; atque ideo docent attritionem naturalem sufficere, tam ad valorem, quam ad fructum sacramenti pœnitentiæ. Referuntur, inquam, Capreolus, Cajetanus, Victoria, Silvester, Martinus de Ledesma, Cano, Ricardus, Navarrus, et alii: quos tamen non certo constat, quod sufficientiam attritionis omnino naturalis docuerint: sed solum necessitatem attritionis naturalis entitative, et quoad speciem non negata supernaturalitate saltem quoad modum. In quo sensu communi sententiæ non refragantur, ut observavimus num. 21. Unde melius, et securius contra eam assertionis partem referuntur Valentia quæst. 8, punct. 2, Vazquez, 12, quæst. 194, cap. 4, Henriquez lib. 4, cap. 26, num. 2, Hurtad. disp. 6, difficult. 6, et Bonacina disp. 5, quæst. 5, sect. 1, punct. 3, et sect. 3, et sect. 3, punct. 2. Cujus sententiæ, inquit Suarez disp. 20, sect. 2, num. 7, se non invenisse in his Auctoribus alia fundamenta, nisi, quia non aliter distinguere videntur contritionem ab attritione: et fortasse ex quadam pietate nixi sunt, ut

faciliorem redderent justificationem a peccato mortali in hoc sacramento. Et idem nobis contingit post sedulam eorum Auctorum lectionem, nihil scilicet momenti apud eos reperisse, quod nostram assertionem oppugnet, aut diluere opus habeamus. Nam omissis motivis a Suario insinuat, et palam invalidis, quod opponi potest, est; materiam aliorum sacramentorum esse pure naturalem, ut aquam, oleum, etc., cur ergo non sufficiet attritio naturalis, ut sit pars materiæ hujus sacramenti? Quin ex partibus, quæ integram hujus sacramenti materiam, constituunt aliæ, nempe confessio, et satisfactio opera sunt naturalia: idem itaque dicendum videbatur de attritione. Eo vel maxime, quod Concilium Tridentinum pro hoc sacramento admittit eam attritionem, quæ ex turpitudinis peccati consideratione communiter concipitur, ut constat ex sess. 14, cap. 4. Motivum autem refugiendi peccati turpitudinem naturale est, et naturaliter attingibile, inducensque naturalem attritionis dolorem: ergo immerito exigi videtur, quod, ut attritio sit pars hujus sacramenti, debeat esse supernaturalis.

Sed hæc parum urgent, et convulsa relinquantur ex supra dictis. Primum quidem, nam, quod materiæ sacramentorum sint hujus, vel alterius conditionis, non revocatur in rerum naturas, sed in voluntatem Dei sacramenta instituentis: quamvis etiam ex parte rerum soleat aliqua congruentiæ ratio assignari. Deum autem voluisse materias aliorum sacramentorum esse res naturales supponit objectio; quod autem voluerit partem materiæ hujus sacramenti esse dolorem supernaturalem, constat nobis per varia media, quæ expendimus disp. 4, dub. 1, § 4, cum seq. quibus congruentiæ rationem addidimus supra num. 19. Et idem respondetur ad comparisonem inter attritionem, et alios pœnitentiæ actus, qui sunt naturales. Accedit etiam tam res sensibiles, quam actus externos pœnitentis esse incapaces supernaturalitatis intrinsicæ; unde vel non debuerunt eligi ad rationem partis sacramenti, vel debuerunt relinqui in suo esse naturali, cum ordine tamen ab extrinseco ad supernaturalem finem sacramentorum. Dolor autem interior potest esse supernaturalis intrinsicæ, et decuit, quod talis assumere-tur ad rationem partis in hoc sacramento,

Conc.
Tr.

Satisfac-
tio argu-
menti.

ritio-
em
lora-
i esse
item
sacra-
enti
entit.
erunt
len-
ia,
squez
iri-
z,
rtado
naci-
ga-
il.

propter ordinem, quem habet ad claves Ecclesiæ, et subjectionem ad potestatem supernaturalis ordinis, ut eis locis magis expendimus. Augmentum difficultatis diluitur ex eodem loco Concilii : nam attritionem, de qua agit, vocat donum Dei, utique speciale, et Spiritus sancti impulsus, satis aperte significans conditionem supernaturalem. Et quamvis ex turpitudinis peccati consideratione possit oriri attritio specificæ, et entitative naturalis ; hæc tamen est, quasi philosophica, et ordinem non dicens ad claves Ecclesiæ, sicut ad rationem partis hujus sacramenti requiritur. Unde pro tali munere requiritur attritio, quæ sit supernaturalis, vel ex objecto, et secundum speciem, vel saltem secundum modum, et ordinem participatum ex fine operantis, et motione supernaturalis imperii, ut num. 22 explicuimus.

59. Contra eandem secundam conclusionem, quantum ad secundam ejus partem, in qua asseruimus pro dolore, ut sit hujus sacramenti pars, non requiri attritionem efficacem, sed sufficere inefficacem, sentiunt Gabriel, Major, Adrianus, et Petrus de Soto, quos refert, et sequitur Suarez de Pœnit. disp. 20, sect. 4, Vasquez quæst. 92, art. 2, dub. unico a num. 13, Bellarm. lib. 2, de Pœnit. cap. 6, Coninchus disp. 4, dub. 5, Tanneris tom. 4, disp. 6, quæst. 6, dub. 4, Layman lib. 5, tract. 6, cap. 4, Tirsus disp. 41, sect. 3, et alii: Quam sententiam probant principaliter, et unice argumentis, quæ desumunt ex Concilio Tridentino, et primum sub hac forma. Concilium sess. 14, cap. 3, docet materiam hujus sacramenti esse ipsius pœnitentis actus, nempe contritionem, confessionem, et satisfactionem. Deinde cap. 4, immediate sequenti declarat, quis sit ille dolor, quem dixerat esse partem materiæ hujus sacramenti dicens : « Contritio, quæ primum locum inter dictos pœnitentis actus habet, animi dolor, ac detestatio est de peccatis cum proposito non peccandi de cætero : » ergo ex sententia Concilii animi dolor, ac detestatio sunt pars essentialis hujus sacramenti ; atqui dolor de peccatis cum proposito non peccandi de cætero, est dolor, sive attritio efficax : ergo hæc, et non alia inefficax, est pars essentialis hujus sacramenti, sine qua proinde hujus valor minime subsistit. Cetera constant. Et

minor subsumpta probatur ex eodem Concilio : tum quia Concilium in eo cap. 4, assignat aliquam attritionem, quæ sit dispositio ad fructum sacramenti, quam debere esse efficacem omnes concedunt ; sed non assignat aliquam, quam illam, de qua dixerat esse dolorem, et detestationem de peccatis cum proposito non peccandi de cætero : ergo hujusmodi dolor est attritio efficax. Tum etiam, quia postquam Concilium descripsit illam contritionem, sive dolorem, qui est pars essentialis hujus sacramenti immediate subjunxit : « Fuit autem quovis tempore ad impetrandam veniam peccatorum hic contritionis motus necessarius ; » sed motus omni tempore necessarius ad remissionem peccatorum est attritio, sive dolor efficax : quippe nunquam facta est, nec sit ea remissio absque isto dolore : ergo dolor, qui est pars sacramenti, et Concilio describitur, est attritio efficax.

Confirmatur primo : nam dolor conjunctus cum proposito efficaci non peccandi est dolor, sive attritio efficax ; sed propositum non peccandi est efficax : ergo idem de attritione assignata a Concilio dicendum est. Minor prabatur : nam quale debeat esse propositum non peccandi, non potest aliunde, aut melius colligi, quam ex Scriptura, et Patribus : in his autem edocemur propositum non peccandi debere esse absolutum, et efficax, ut constat ex illo Deuter. 3 : *Si ductus pœnitentia cordis reversus fueris ad Dominum in toto corde tuo, et in tota anima tua, miserebitur tui.* Et D. Gregor. hom. 34, in Evang. dixit. « Veram pœnitentiam esse admissa plangere, et plangenda non committere. » Et hujus generis testimonia plurima expendit Tirso loco cit. a num. 14. Requiritur ergo ad propositum non peccandi, quod sit efficax.

Confirmatur secundo : quia juxta Concilium non minor dolor requiritur ad valorem hujus sacramenti, quam ad ejus fructum ; sed ad fructum requiritur dolor efficax, ut omnes docent, et statuimus in tertia assertionem : ergo dolor etiam efficax requiritur ad valorem. Major suadetur : nam postquam Concilium cap. 3 dixit materiam hujus sacramenti esse actus pœnitentis, nempe contritionem, confessionem, et satisfactionem, statim subjunxit : « Qui qualiter tenuis in pœnitente ad integritatem sacramenti,

Gabriel,
Major,
Adrianus,
Sotus,
Suarez,
Vasquez,
Bellarm.
et alii.
Conc.
Tr.
Argum.
1.

Conc.
Tr.

Conc.
Tr.

Conc.
Tr.

Conc.
Tr.

« menti, ad plenamque, et perfectam peccatorum remissionem ex Dei institutione requiruntur, hac ratione partes pœnitentiæ dicuntur. » Ergo ea ratione sunt partes, quatenus requiruntur ad peccatorum remissionem : atque ideo totum, quod habent, ut requisita ad remissionem peccatorum, debent habere, ut sint sacramenti partes. Tanta igitur debet esse dolor, ut sit essentialis hujus sacramenti pars, quantus est in ratione dispositionis ad remissionem peccatorum. Idque explicari valet exemplo satisfactionis, quæ non est pars essentialis hujus sacramenti, sed solum integralis in ordine ad remissionem pœnæ temporalis, cujus reatus dimissa culpa, remanere solet. Nam satisfactio sub ea ratione est pars integralis hujus sacramenti, sub qua pœnam temporalem diluit, et e converso : ergo similiter attritio est pars essentialis sacramenti, quatenus requiritur ad remissionem culpæ, et e contra : ergo eandem perfectionem debet habere in ratione partis, ac in ratione dispositionis pro culpæ remissione.

Confirmatur tertio : nam Concilium, ubi assignat has sacramenti partes, eodem modo loquitur de contritione, ac de confessione ; sed confessio integra formaliter, quatenus integra, est non solum dispositio necessaria ad fructum ; sed etiam quatenus integra est pars essentialis ad valorem sacramenti : ergo contritio, quatenus efficax, est non solum dispositio pro consequendo fructum sacramenti, verum etiam pars essentialis ad valorem requisita.

Confirmatur quarto : quia postquam Concilium dixit contritionem, sive dolorem de peccatis esse hujus sacramenti partem, postea cap. 4 hunc dolorem explicans divisit illum in contritionem perfectam, et in alium dolorem minus perfectum, de quo ait : « Attritio dicitur, « quoniam velex turpitudinis peccati consideratione, vel ex pœnæ, et pœnarum metu communiter. » Et statim subdit : « Hanc attritionem, si voluntatem peccandi excludat, cum spe veniæ, non solum « non facere hominem hypocritam, « sed donum Dei esse, et Spiritus sancti impulsus, non adhuc quidem inhabilis tantis, sed tantum moventis, quo pœnitens adjutus viam sibi ad salutem parat. » Unde Concilium loquendo de parte per mo-

dum materiæ hujus sacramenti non alium dolorem recognovit, et probavit, quam vel contritionem, vel alium imperfectum, qui communiter dicitur attritio ; dummodo voluntatem peccandi excludat ; attritio autem, quæ prædictam excludit voluntatem, non est inefficax dolor, sed efficax, et absolutus, ut de se liquet : ergo ex doctrina, et determinatione Concilii sola attritio efficax potest esse pars essentialis sacramenti pœnitentiæ.

60. Istud est validius fundamentum pro hac sententia, quo illam suffulciunt ejus Auctores, (a ratione namque pauca procedunt, et levia), sed istud etiam enervatur, ac subruitur ex dictis num. 23, ubi oppositum solidius, et evidentius ex Concilio Tridentino ostendimus. Ad argumentum ergo admittendo primum enthymema, negamus minorem subsumptam. Ad cujus primam probationem negamus minorem, quæ est evidenter falsa : nam Concilium ad describendum dolorem, qui est pars sacramenti pœnitentiæ, solum dixit esse « animi dolorem, ac detestationem de peccatis cum proposito non peccandi de cetero, » nullam aliam adjiciendo conditionem. Sed, ubi agit de dolore disponente ad pœnitentis justificationem, illam expresse adhibuit dicendo : « Si voluntatem peccandi excludat, cum spe veniæ » quæ exclusio non fit, nisi per attritionem efficacem : falsum itaque omnino est Concilium non exegisse aliquid aliud pro attritione, ut sit dispositio ad justificationem, quam pro eadem, ut sit pars sacramenti. Ad secundum dicendum evincere, si quid valeret, partem hujus sacramenti debere esse contritionem perfectam, nam ante legem Evangelicam hic motus requirebatur pro adultorum justificatione, et alius non sufficebat. Quam autem falsum sit consequens, constat ex dictis § præced. Unde sicut illa Concilii verba non evincunt partem essentialem hujus sacramenti debere esse perfectam contritionem, sic non probant debere esse attritionem efficacem. Mens autem Concilii in eis verbis est satis clara : loquitur enim de contritione, sive dolore peccatorum in genere, et abstrahendo ab ejus speciebus, et conditionibus : in quo sensu verissimum est, quod fuerit, et sit ad eorum remissionem necessarius. Sed oportet assignare varias condi-

Respon-
sio argu-
menti.

Conc.
Tr.

Conc.
Tr.

tiones, quas habuit, et habet juxta differentes humanæ naturæ status. Nam in lege veteri requirebatur motus contritionis perfectæ, et etiam requiritur in præsentī statu legis Evangelicæ, ubi remissio peccatorum extra sacramentum fit. Ut autem remittantur in sacramento pœnitentiæ, sufficit attritio, si sit efficax : ceterum efficacia hæc se habet per se ad attritionem in esse dispositionis ad gratiam ; secus in esse partis pro essentia, et valore sacramenti : ad hoc enim præcisum munus de materiali se habet, quod efficax, aut inefficax sit. Nec oppositum vel leviter insinnavit Concilium in verbis relatis, sed contrarium : quia motus doloris per modum partis sacramenti non fuit omni tempore necessarius ad remissionem peccatorum ; atque ideo nec efficacia, aut inefficacia doloris in officio partis : sed est de re non supponente in testimonio Concilii.

Confir-
mal. 1.
res-
pondet.

Ad primam confirmationem respondetur ; eam probare, non absque vitio, idem per idem : nam eadem difficultas est circa propositum non peccandi, ac circa efficaciam doloris. Unde concessa majori, negamus minorem intellectam de proposito requisito ad attritionem in ratione partis sacramenti. Minoris autem probatio non est ad rem : concedimus namque Scripturam, et Patres hortari ad propositum efficax non peccandi, quin, et ad contritionem perfectam : et dubitari non potest id esse laudabilius. Sed sicut illis testimoniis non evincitur necessitas contritionis perfectæ ad salvandum essentialiter partem sacramenti, quæ dicitur dolor : ita etiam non probatur necessitas attritionis, vel propositi efficacis ad obeundum idem partis officium. Sunt autem optima dispositio ad consequendam justificationis gratiam, idque respiciunt Scriptura, et Patres, dum efficaciam propositi non peccandi commendant.

Ad 2
respon-
detur.

Ad secundam negamus majorem : oppositum enim constat ex dictis num. 23. Ad majoris autem probationem, concesso antecedenti, negamus omnes consequentias hinc inde illatas, quia ex illo minime deducuntur. Tum quia Concilium satis aperte distinxit inter dolorem partem sacramenti, et dolorem dispositionem ad effectum sacramenti. De primo enim solum dixit esse « animi dolorem, et detestationem

« de peccatis cum proposito illa non committendi de cetero. » Pro secundo autem aliquid ulterius addidit dicendo, parare viam ad salutem, « si voluntatem peccandi excludat cum spe veniæ, » palam supponens id non omni attritioni convenire, nec dici ad convertentiam dolorem, ut partem, et dolorem, ut dispositionem. Tum etiam, quia valde differunt requiri aliquid ad aliquem effectum, et sufficere ad illum ; plura namque sunt requisita, quam sufficientia : sicut in hac materia requiritur intentio suscipiendi sacramentum, sed non sufficit sola intentio. Unde ex eo quod Concilium dicat tres illos pœnitentis actus dici partes pœnitentiæ, quatenus ex Dei institutione ad plenam, et perfectam peccatorum remissionem requiruntur ; minime sequitur Concilium sensisse tales actus sufficere ad plenam, et perfectam remissionem peccatorum, et consequenter esse partes, quatenus sunt dispositiones, et vice versa, dispositiones esse quatenus partes. Id plane est mera imaginatio, munera partis sacramenti, et dispositionis ad gratiam confundens ; cum sint valde distincta, et ad diversum causæ genus pertinentia, ut num. 28 explicuimus. Unde fit plus in dolore requiri, ut sit pars sacramenti, et simul dispositio ad gratiam ejus effectum, quam ut sit præcise sacramenti pars. Idque plane evincitur exemplo aliorum actuum, nempe confessionis, et satisfactionis, quæ sunt hujus sacramenti partes, quatenus ad plenam, et perfectam remissionem peccatorum requiruntur, ut docet Concilium : et tamen non sunt dispositiones ad gratiam sacramenti, sed opera externa hujus officii, sive modi gratiam causandi incapaces. Absurdum itaque est imaginari actus esse partes sacramenti, quatenus disponunt ad gratiam, et esse istius dispositiones, quatenus partes sacramenti sunt. Ex eo igitur, quod Concilium docuerit illos actus dici sacramenti partes, quatenus ad remissionem peccatorum requiruntur, minime colligitur eo ipso docuisse esse inseparabiliter sufficientes per modum dispositionis ad prædictum effectum ; aut non exigī majorem dolorem ad hoc posterius, quam ad illud primum. Exemplum autem satisfactionis, quo hæc confirmatio promovebatur, non urget : quia satisfactio est præcise pars integralis sacramenti, et non dispositio ; cum

cum frequenter sit aliquid externum, et non semel consistat in aliqua privatione, utputa in jejunando, et tacendo. Quare ubi illa pars ponitur, totum suum officium peragit, et absolvit. Sed dolor, et est pars sacramenti, et est dispositio ad gratiam hujus effectum : unde contingit habere, quæ requiruntur ad rationem partis, quin habeat omnia requisita ad rationem dispositionis ; et consequenter obire valet primum munus non exercendo secundum.

Ad tertiam confirmationem potest responderi omitendo præmissas, et distinguendo consequens : *est pars essentialis*, id est, essentialiter requisita ad valorem sacramenti, negamus consequentiam : est pars essentialis, id est, sufficiens ad sacramenti essentialitatem, et valorem, concedimus consequentiam. Sed inde nihil conficitur, quia nos non negamus attritionem efficacem, quæ sufficit ad fructum sacramenti, esse etiam sufficientem ad ejus valorem ; sed negamus, quod ad hoc posterius essentialiter requiratur : sufficeret enim esse attritionem, licet efficax non esset. Sicut etiam dolor, qui est contritio perfecta sufficit ad rationem partis : sed tamen non requiritur, quod actus, qui est sacramenti pars, sit contritio. Respondetur secundo negando majorem : quia Concilium non eodem modo loquitur de dolore, ac de confessione : huic enim limitationem, aut conditionem non adjecit : de dolore vero dixit esse dispositionem, *si voluntatem peccandi excludat*, quod non habet omnis attritio. In minori etiam hujus confirmationis negandum est suppositum, nempe confessionem integram esse dispositionem ad gratiam hujus sacramenti : nam confessio, cum sit opus externum, nequit tale munus exercere, sicut de satisfactione, et ob idem motivum proxime dicebamus. Unde ista confirmatio claudicat ab omni parte.

Ad ultimam neganda est major quantum ad id, quod ex Concilio illegitime, et falso deducit : oppositum enim satis perspicue colligitur, ut num. 23 expendimus. Nam Concilium agens de dolore parte sacramenti, taliter ipsum descripsit, ut comprehenderit omnem dolorem, tam contritionem, quam attritionem, et hanc tam efficacem, quam inefficacem : nihil enim in

ea diffinitione positum est, quod attritioni inefficaci non conveniat. Unde omnes isti dolores comprehenduntur sub dolore, qui est sacramenti pars. At ubi Concilium accessit ad agendum de attritione, sive dolore, ut est dispositio ad gratiam sacramenti, non processit cum ea generalitate ; sed expressam conditionem adhibuit, quæ posita, et non aliter, docuit dolorem imperfectum, qui attritio dicitur, ad talem effectum disponere. *Si voluntatem*, dixit, *peccandi excludat, cum spe veniæ*. Unde si dolor hanc conditionem non habeat, remanet in ratione partis sacramenti, sed non disponit ad ejus gratiam. Quare falsum est Concilium non recognovisse alium dolorem, qui foret sacramenti pars, nisi contritionem perfectam, et attritionem excludentem voluntatem peccati : recognovit namque attritionem non habentem eam conditionem, (aliter in vanum adjecta fuisset) cui convenit diffinitio doloris, ut est pars sacramenti, proposita ab ipso Concilio, quin ullum verbum diffinitionis deficiat.

61. Arguitur secundo, quia omnis sententia valida debet habere effectum : ergo cum hoc sacramentum sit institutum per modum judicii, in quo sacerdos proferit sententiam juxta doctrinam Concilii Tridentini sess. 14, cap. 6, illud præcise erit validum, quod habet effectum : sed attritio inefficax non sufficit ad effectum sententiæ sacerdotis, nempe ad gratiam, quæ peccata remittuntur : ergo nec sufficit per modum partis ad valorem sacramenti.

Confirmatur primo : quia illud iudicium in proferendo sententiam est simpliciter invalidum, quod ex intolerabili errore procedit ; sed hoc sacramentum est quoddam iudicium, et in eo committitur error intolerabilis, ubi profertur absolutionis sententia, quando ex parte penitentis non adest dispositio ad remissionem peccatorum, quia attritio est inefficax : ergo hæc non sufficit per modum partis ad valorem sacramenti ; sed nobiliorem partem assignare opus est, attritionem scilicet efficacem.

Confirmatur secundo : nam, vel penitens adhibet omnem diligentiam, quam potest, ut eliciat efficacem attritionem, qualis ad effectum hujus sacramenti desi-

Argu-
mentum
secun-
dum.

Confir-
matio 1.

Confir-
matio 2.

deratur; aut non adhibet eam diligentiam? Si primum, illam attritionem profecto eliciet; siquidem potest cum adjutorio gratiæ, quæ non negatur facienti, quod est in se. Si vero non adhibeat, peccat actu, et impedit sacramenti valorem: ergo nunquam sacramentum est validum, ubi sola attritio inefficax concurrit. Id vero minime contingeret, si attritio inefficax esset sufficiens pars in suo genere ad valorem sacramenti.

Argum.
respon-
sio.

Ad argumentum respondetur antecedens solum verificari in foro externo, et contentioso; secus in foro interno, et spirituali, ad quod pertinet hoc sacramentale iudicium. Et ratio disparitatis est, quod in foro externo non requiritur aliud ad sententiæ effectum, quam ipsa sententia: quare vel nulla est, vel effectum habet. Sed in foro interno aliter contingit: quia ad effectum sententiæ, qui est remissio peccatorum, præter sententiam sacerdotis, quæ ad illum concurrit solum in genere causæ efficientis instrumentalis, requiritur forma intrinseca peccata expellens, nempe gratia justificans, quæ adultis non confertur, nisi dependenter ab eorum dispositione: quare stante validitate sententiæ, et totius sacramenti, potest ejus effectus impedi, ubi non adest dispositio ad prædictam gratiam: et non adest talis dispositio, cum inefficax tantum attritio concurrit. Addendum est antecedens adhuc in foro externo non semper verificari in actu, sed solum in aptitudine, et quantum est ex parte sententiæ; nam licet valida, et legitima sit, ejus tamen effectus, v. g. restitutio bonorum, multoties impeditur per violentiam, et alia obstacula: quibus exclusis, sententia non sortitur effectum, quem de se inducebat. Et hoc etiam modo licet sententia sacramentalis sit valida propter concursum omnium partium essentialium hujus sacramenti; aliquando non inducit exercite suum effectum ob defectum dispositionis ad ipsum: sed solum aptitudinaliter, et quantum est de se: atque ideo illum inducet, si paritas iudicii tenet, remotis impedimentis, de quo alias.

Ad 1
confir-
matio.

Ad primam confirmationem negamus minorem quoad secundam ejus partem universaliter intellectam: quia licet, ubi indispositio pœnitentis est manifesta ministro, hujus absolutio ita foret injusta,

quod totum iudicium redderet invalidum, everteretque sacramenti valorem: hoc tamen non contingit, quando pœnitens bona fide accedit putans se habere dolo-rem efficacem, et esse bene dispositum. Tunc enim sacerdos, id etiam credens, et ita absolvens non movetur ex errore intollerabili, sed procedit, absolvitque juxta prudentem æstimationem, quam habet secundum allegata, et probata. Quare salvatur substantiale, et legitimum iudicium sacramentale, ejusque sententia est valida, et de se inducens effectum; qui tamen impeditur ob carentiam dispositionis ex parte pœnitentis; quinimo (ut hoc addamus) non omnibus modis impeditur, quia ubi sacramentum est validum, ut in hoc casu contingit, liberatur pœnitens ab onere subjiciendi clavibus Ecclesiæ peccata, quæ in eo confessus fuit, de quo alias.

Ad
secun-
dam.

Ad secundam confirmationem respondetur: pœnitentem aliquando adhibere totam diligentiam, quam potest, et debet secundum prudens ejus iudicium: licet re ipsa non sit sufficiens ad effectum sacramenti ob carentiam efficaciam in attritione, quæ ipsum pœnitentem latet. In quo casu ex una parte pœnitens non committit novum peccatum accedendo ad sacramentum, istudque tenet ob concursum omnium partium essentialium ad ejus valorem requisitarum: et ex alia parte non datur principalis sacramenti effectus, gratia scilicet justificans, quia non adest in pœnitente dispositio, quæ requiritur ad eam recipiendam. Quod vero dicitur gratiam non negari facienti, quod est in se, intelligitur de faciente, quod est in se, ex viribus gratiæ, nec enim est connexa gratia cum viribus, aut industria naturalibus, ut contra semipelagianos, et contra Molinam ostendimus tract. 14, disp. 3, dub. 7, per totum. Et licet nobis detur gratia sufficiens ad non peccandum: non tamen semper datur ad vitandum materiales errores, qui peccata non sunt, immo aliquando fundantur in prudenti æstimatione. Et hoc modo solent pœnitentes judicare se habere efficacem de peccatis attritionem, quam non habent; et tamen novum peccatum non committunt ad sacramentum pœnitentiæ cum ea bona fide accedendo, recipiuntque validum sacramentum; sed fructum nempe gratiam non recipiunt, quia carent dispositione

dispositione ad eam recipiendam necessaria.

Ultimum argumentum pro hac sententia posset formari ex eo; quod distinctio inter attritionem inefficacem, ut partem, et attritionem efficacem, ut dispositionem absque fundamento asseritur: nulla enim ratio occurrit, ut Christus ita instituerit, cum potuerit eligere, atque promovere unam, et efficacem attritionem ad munus utrumque, et partis essentialis sacramenti, et dispositionis ad ejus gratiam: quæ plane dispositio ex una parte non repugnat. et ab alia est compendiosior. Aliunde vero hæc nostra sententia non videtur ad aliud excogitari, quam ad salvandam possibilitatem veri sacramenti pœnitentiæ informis: in hunc enim finem collimant omnes ejus discursus: unde non tam videtur procedere ex amore, et regulis veritatis, quam ex illo particulari motivo firmandi Thomistarum opinionem.

Sed in his refellendis non oportet immorari: nam, quod ad fundamentum nostræ assertionis spectat, illud, et satis firmum tam ab auctoritate Concilii Tridentini. et D. Thomæ. quam a ratione (qualem materia fert) proposuimus num. 23 et 24. Cur autem Christus sacramentorum institutor ita voluerit, non oportebat respondere. quando constat ita voluisse: sed tamen non obscuram congruentiæ rationem assignavimus num. 28, quare instituerit perfectiorem attritionem pro dispositione ad gratiam, quam pro parte sacramenti. Quod vero per hæc principia intendamus viam sternere ad asserendum sacramentum pœnitentiæ informe, nullum foret absurdum; cum ea assertio, et vera, et communis sit inter Theologos; paucos et recentes si excipiamus. Sed veritas est; difficultates esse diversas, et in præsentia ab illa præscindi. Nec ad stabiliendam insinuatam Thomistarum opinionem opus erat resolutionem hanc, et distinctionem in præsentia statuere: cum independenter a modo dictis possit ea sententia sarta tectaue defendi per alia media, ut suo loco videbimus.

§ VIII.

Corollaria præcedentis doctrinæ.

62. Ex hactenus dictis possumus non pauca colligere, quin opus pro illis sit aperire specialia dubia, quæ ab aliquibus proponi, et versari solent. Colligitur primo; contritionem, et attritionem esse actus essentialiter distinctos. Hoc consecrarium continet doctrinam communem inter Theologos hujus temporis; sed cui contradixerunt plures ex antiquis, non ita distinguentes illos actus, sed solum penes diversos perfectionis modos in eodem entitative dolore. Ubi enim hic non informabatur per gratiam sanctificantem, illam appellabant attritionem; sed ubi gratiæ conjungebatur, contritionem dicebant. Alii (inter quos Scotus in 3, dist. 27, quæst. unic. § *De primo*, et Adrianus in 4, quæst. 2, de pœnit.) exigebant in dolore quemdam intensionis modum, quem si attingeret, erat contritio: secus autem, in inferiori attritionis gradu manebat. Alii vero ad durationem etiam doloris attendebant, ut non aliter esset contritio, quam si totam mensuram exploret. Quod tribuitur Scoto in 4, dist. 14, quæst. 2, § *De secundo*, et tanquam non dignum censura (de qua minime cogitamus) defenditur a Vega lib. 13, in Trident. cap. 24. Quos dicendi modos, et eorum Auctores, horumque formula verba lata, et diligenter refert Prado tract. 7, de partibus pœnitentiæ, quæst. 1, dub. 7, § 1, et 2, et dub. 8, § 3, a num. 27. Consequenter autem ad ea principia affirmabant attritionem posse fieri contritionem, ut Scotus ultimo loco cit. litt. O, dicens: « Attritio fit contritio sine omni « mutatione reali ipsius actus. » Et Angles ejus sectator in quæst. de Contrit. art. 4, concl. 3. « Attritio eadem numero potest « fieri contritio. » Idque consequens erat ex eis principiis legitimum, et admodum intelligibile: nihil enim prohibebat, quod actus prius remissus intenderetur, et brevi tempore durans perstaret amplius, et existens prius sine gratia justificationis illi tandem conjungeretur: transibat itaque de attritione in contritionem. Sic non pauci ex antiquis discurrerant, excusandi profecto, quia ea non viderant, quæ postea Concil. Tridentinum, ut compesceret hæ-

resim Lutheranam circa hujus sacramenti materiam, et hujus partes expressius docuit.

Ex quibus, et ex dictis in hoc dubio per totum, et præsertim § 1, constat hujus corollarii veritas: nam illi actus sunt essentialiter diversi, quorum objecta formalia, et primaria sunt essentialiter distincta; sed contritio, et attritio habent objecta formalia, ac primaria essentialiter distincta: ergo sunt actus essentialiter diversi. Major est communis inter Philosophos, eo quod, sicut actus habet totum suum esse in ordine ad objectum formale primum, sic per ordinem ad illud sortitur essentialem unitatem, aut distinctionem. Minor etiam constat: quia contritio est dolor de peccato, quatenus offendit Deum super omnia dilectum, unde essentialiter supponit, aut imbibit amorem charitatis, ut ostendimus disp. 4, num. 75, et seq. attritio autem est dolor de peccato, ut est malum pœnitentis, et procedit ex inferiori longe motivo, timore videlicet pœnæ, aut turpitudinis ipsius peccati, ut satis in hoc dubio declaratum est: ergo contritio, et attritio habent objecta formalia, ac primaria essentialiter distincta. Quam distinctionem satis expressit Concilium Tridentinum sess. 14, cap. 4 dividens inter dolorem charitate perfectum, qui dicitur contritio, et dolorem imperfectum, qui attritio vocatur, hujus imperfectionem, ac rationem propriam constituens non in carentia informationis per gratiam, aut intensionis, aut durationis, sicut aliqui antiquorum dicebant; sed in proprio, et peculiari ipsius motivo. « Illam vero, » ait, contritionem imperfectam, quæ attritio dicitur, quoniam, vel ex turpitudine peccati consideratione, vel ex gehennæ, et pœnarum metu communiter concipitur, etc. » In quo differt a perfecto dolore, qui in complexo nomine dicitur absolute contritio, eo quod ex altiori motivo procedit detestans culpam, et malum Dei super omnia dilecti. Unde assertio distinctionis essentialis inter contritionem, et attritionem ita invaluat apud Theologos, quod sit inter eos communis.

Quare oppositum aliquibus antiquis deducitur consecrarium; nempe impossibile esse, ut attritio fiat contritio; quippe repugnat unitas, aut realis, sine distinctione

continuatio inter species diversas, quæ se invicem secundum proprias, et ultimas differentias excludunt: cum ergo contritio, et attritio essentialiter distinguantur, plane repugnat, quod attritio fiat contritio. Dicitur tamen non minus vere, quam communiter peccatorem in sacramento pœnitentiæ fieri ex attrito contritum, non ob transitum, aut conversionem unius actus in alium; sed quia ab statu attriti transit ad statum contriti. Sicut quamvis repugnet calorem transire in frigiditatem; non repugnat lignum transire a calido in frigidum. Cum enim attritio juncta sacramento sit sufficiens, tam in esse partis, quam in esse dispositionis, ut gratia justificans inducatur, quæ in radice, et habitu est contritio, ob habitualement ad Deum finem ultimum conversionem: merito dicitur hominem attritum fieri per sacramentum pœnitentiæ contritum. Qui loquendi modus adeo communis magis confirmat primam nostram assertionem contra eos, qui negant puram attritionem ad sacramentum pœnitentiæ sufficere.

63. Hinc colligitur secundo; falsam esse opinionem aliquorum, qui nobiscum sentientes attritionem solam sufficere ad valorem hujus sacramenti; et a contraria nobis sententia non penitus recedentes docent attritionem ita per modum partis sufficere, quod ad eam nihilominus non sequitur immediate justificatio, sed mediate, quia virtute sacramenti ex actu imperfecto attritionis fit immediatus transitus ad actum perfectum contritionis tanquam ad proportionatam, et ultimam dispositionem pro gratia sanctificante. Hoc, inquam, falsum esse constat ex dictis num. 10, ubi ex Concilio Tridentino ostendimus attritionem cum sacramento pœnitentiæ esse ultimam dispositionem ad justificationem pœnitentis: tum quia Concilium illam vim disponendi defert attritioni intra sacramentum, quam extra sacramentum non habet: porro extra sacramentum vim habet disponendi remote, sed non proxime, et ultimo: atque ideo ex mente Concilii disponit non præcise remote, sed proxime, et ultimo, ita quod alia ultimior in ratione doloris sit necessaria. Tum quia Concilium satis aperte docet attritionem cum sacramento in re id præstare ad peccatoris justificationem, quod præstat contritio

contritio cum solo sacramento in voto : hæc autem sic accepta est ultima ad justificationem dispositio : ergo idem de attritione cum sacramento dicendum est.

Accedit præmissum concursus dispositivi per attritionem, et simul contritionem sensum alienum esse a mente Concilii. Cum enim in sess. 14, cap. 4, agit specialiter de attritione, nullam de contritione mentionem faciens, inquit : « Et quamvis « sine sacramento per se ad justificationem perducere peccatorem nequeat ; tamen eum ad Dei gratiam in sacramento « pœnitentiæ impetrandum disponit. » Quæ impetratio, sive consecutio est infallibilis, et ex opere operato, qualis convenit sacramentis novæ legis : et si non esset infallibilis, nihil deferret Concilium attritioni cum sacramento, quod eidem etiam extra sacramentum non conveniret ; siquidem per se habet vim impetrandi gratiam saltem fallibiliter, sicut alii actus supernaturales, si ad hunc finem ordinentur. Consequens autem directe contradicit intentioni, et verbis Concilii, ut liquet ex illa contrapositione : « Quamvis sine sacramento per se nequeat : tamen in sacramento ad impetrandum disponit. » Fateri itaque necessarium est, quod ex Concilii sententia accedens ad sacramentum cum attritione impetrat infallibiliter gratiam ; sed non omnis, qui cum attritione ad illud accedit, elicit contritionem, ut evidenti experientia constat ; multi namque ita accedentes non majorem in ipso sacramento, aut post illud sentiunt dolorem, quam prius nec ad illum tunc eliciendum ulla lege obligatur : ergo falsum est asserere, quod attritio ita sufficit in ratione partis, et dispositionis in hoc sacramento, ut nihilominus non inducat immediate in suo genere gratiam justificationis, sed tantum remote, et mediante contritione.

64. Colligitur tertio falsam etiam esse aliorum sententiam, qui dixerunt ; attritionem non aliter sufficere ad hoc sacramentum, quam si a pœnitente existimetur contritio. Hi videntur ex una parte tenuisse sententiam eorum, qui contritionem perfectam exigunt ad hoc sacramentum ; et ex alia voluisse eam temperare : ita quod licet dolor per se requisitus sit contritio, nihilominus ubi pœnitens accedit bona fide cum sola attritione, quam contritio-

nem putat, Deus supplet defectum acceptando primam loco secundæ in ordine ad sacramenti valorem, et fructum. Ita aliqui graves Auctores apud Suarium disp. 20, sect. 4, num. 7, et Leandrum disp. 7, quæst. 9 ; sed esse falsum convincitur ex dictis ; quia pœnitentia est sacramentum mortuorum ; atque ideo non supponit per se vitam gratiæ in suscipiente ; quod falsum esset, si per se supponeret contritionem : hæc namque cum vita gratiæ infallibiliter connectitur, et nec per instans sine illa est, ut expendimus num. 14, et satis constat vel ex sola condemnatione aliquarum propositionum Michaelis Baji oppositum asserentium, quas dedimus num. 15. Deinde nullus tenetur accedere ad sacramenta cum majori dispositione, quam quæ requiritur ; sed pro sacramento pœnitentiæ sufficit attritio, ut est communis sententia, quam assertionem 1 statuimus : ergo nemo tenetur accedere cum majori dispositione, atque ideo nec elicere contritionem, ut hoc sacramentum suscipiat. Idque amplius explicatur : nam illa falsa existimatio, qua pœnitens se judicat contritum, cum non sit, nequit deservire, ut attritio sit dispositio, cum nihil ponat in ea : nec deservire valet, ut homo excusetur ab aliquo peccato, dum accedit cum sola attritione : ergo ad nihil deservit, et absque rationabili fundamento ejus necessitas introducitur. Antecedens, quoad secundam partem, in qua sola poterat esse difficultas, ostenditur : quia homo non indiget excusare se a peccato in omittendo illud, ad quod nullo præcepto obligatur ; sed homo accedens ad sacramentum pœnitentiæ nullo præcepto obligatur elicere contritionem, cum attritio ad prædictum sacramentum sufficiat, ut ostensum est : et aliunde nec ex Scriptura, nec ex traditione, nec ex Conciliis, nec in Patribus tale præceptum occurrit : ergo opus non est, quod pœnitens existimet se contritum, ut ab aliquo peccato excusetur. Recolantur, quæ diximus disp. 5, num. 231 et 266, et 304, quibus locis ostendimus attritionem conjunctam sacramento esse æquivalenter contritionem, tam in ordine ad integritatem, et fructum sacramenti, quam in ordine ad implendum præceptum pœnitendi.

Quæ doctrina est adeo vera, et tuta, et tutior, quam opposita juxta supra dicta a

Conc.
rid.

Consec.
tarium
8.

num. 53, ut currat, teneatque etiam in articulo mortis: moribundus enim nec tunc tenetur contritionem elicere, ut sacramentum pœnitentiæ recipiat; sed suæ obligationi satisfacit secure, et certo, si attritionem cognitam ut talem adhibeat: et hac etiam via satisfacit præcepto pœnitendi in illa hora, orto ex virtute pœnitentiæ, ut diximus disp. cit. num. 308, cum sequent. Et licet aliqui de hoc dubitaverint, aut timuerint: hæc tamen est tam certa, et non minus communis hoc tempore resolutione, quam illa a nobis asserta de sufficientia attritionis cum sacramento. Unde nec confessarius tenetur moribundum admonere, ut contritionem pro sacramento pœnitentiæ eliciat, et multo minus potest illum ad hoc obligare tanquam ad rem necessariam, scrupulos afflicto aggerendo, qui his punctus posset merito dubitare de valore confessionum, quas per decursum totius vitæ cum sola attritione fecit. Videantur ex Modernioribus Lastra tract. 1, cap. 1, sect. 6, quæst. 3, num. 36, et Emmanuel a Conceptione disp. 2, quæst. 4, num. 89, qui plures alios refert eandem resolutionem tuentes. An autem in eo articulo teneatur Deum diligere amore charitatis super omnia est difficultas longe diversa, et ad materiam præsentem non pertinens, in quo proinde non expedit immorari.

Lastra,
Emmanuel.

Consec-
tarium
4

65. Colligitur quarto ex dictis inter præcipuas differentias contritionis ab attritione computandam illam esse, quod contritio, ubi adest, etiam sine sacramento semper justificat; e converso autem attritio in nullo casu justificat sine sacramento. Primam hujus consecrarii partem negarunt Michael Bajus proposit. 31, et 71, Estius in 4, dist. 17, Sylvius 2, 2, quæst. 23, art. 2, et in Supplement. 3 partis, quæst. 5, art. 1, et alii. Quam probant primo ex Scriptura Lucæ 7, ubi Magdalena, jam Dominum multum dilexerat, et tamen non fuit munda a peccatis, donec ab ipso audit: *Remittuntur tibi peccata*. Unde D. August. hom. 23, inter 50, inquit: « Accessit « ad Dominum immunda, ut rediret « munda, accessit ægra, ut rediret sana. » Ergo licet contritio includat amorem Dei, aut ex eo procedat, non semper delet peccata, et justificat, nisi ubi adjungitur sacramento, aut alteri extraordinariæ Dei

largitati. Secundo ex Concilio Trident. in Conc. Trid. illo cap. 4, sæpius allegato ex sess. 14, ubi dicitur: « Docet præterea, et si contritionem hanc (et loquitur de perfecta) « aliquando charitati præfectam esse contingat, hominemque Deo reconciliare, « priusquam hoc sacramentum actu suscipiatur, etc. » Quibus verbis satis aperte significat contritionem non semper, sed aliquando, et contingenter consequi charitatem, per quam fit peccatorum remissio: eam namque vim significandi habent ea verba: *Aliquando contingat*; et superflue addita fuissent, si contritio charitatem semper annexam haberet. Tertio ex D. Augustin. tract. 13, in Joan. ubi ait: « Quantumcumque catechumenus proficiat, « adhuc sarcinam iniquitatis suæ portat; « non illi dimittitur, nisi cum venerit ad « baptismum. » Ad profectum autem pertinet satis principaliter contritio: ergo quamvis catechumenus illam habeat, nihilominus ex sententia D. Augustini remissionem peccatorum non consequitur antequam ad baptismum veniat. Quarto ratione, quia si contritio semper reconciliaret cum Deo, et peccatorum remissionem afferret, frustra institutum fuisset sacramentum pœnitentiæ; quippe sine illo remitteretur peccatum per contritionem: consequens autem minime potest admitti. Ergo, etc.

Sent.
affirm

Sed hanc consecrarii partem esse certissimam constat ex supra dictis num. 13, quoniam contritio essentialiter importat connexionem cum charitate, quippe quæ procedit ex ejus amore erga Deum dilectum super omnia, et per modum ultimi finis: charitas autem, et ejus amor non junguntur cum peccato, ut constat ex condemnatione Michaelis Baji oppositum asserentis, ut ibi expendimus: ergo contritio nunquam conjungitur cum peccato: atque ideo semper affert, vel infert ejus remissionem, saltem indirecte, et per modum dispositionis impossibilis. Quod verum est de charitate tam actuali, quam habituali propter ordinem ad Deum ultimum finem super omnia dilectum, a quo omne grave peccatum avertit. Aliunde vero hæc resolutio habet firmiores adhuc radices in Concil. Tridentino, nam sess. 6, cap. 4, docet hominem Deo reconciliari per veram pœnitentiam, priusquam baptismum suscipiat,

D. Aug.

cipiat, licet non independenter ab hujus voto. Et sess. 13, cap. 7, permittit in aliquo casu, quod sacerdos celebret non præmissa confessione, licet peccaverit mortaliter. Id vero minime permetteret, si ex Concilii sententia, contritio (quam eo casu potest sacerdos elicere) non excluderet peccatum antecedenter ad sacramentum penitentiae. Et cap. 4, sess. 14, docet contritionem charitate perfectam reconciliare hominem Deo, priusquam sacramentum penitentiae in re suscipiat, licet dependenter a voto illud suo tempore suscipiendi. Unde sic communiter docent Theologi hujus temporis, et eorum, ac omnium Principes D. Thomas id aperte asseruit in 4, 1. Thom. dist. 17, quæst. 2, art. 5, quæst. 1, dicens:

« Contritio, in quantum est actus virtutis, est quasi causa materialis remissionis peccati, eo quod dispositio est, quasi necessitans ad justificationem, ut supra dictum est. » Et quæst. 3, addit: « Quantumcumque parvus sit dolor, dummodo ad contritionis rationem sufficiat omnem culpam delet. » Similia omnino repetit 3 part. quæst. 86, fere per totam, et præsertim art. 6. Idem etiam Theologi solent oppositam sententiam aliqua censura notare. Curiel 1, 2, quæst. 112, art. 3, dub. unico dicit illam esse periculosam, et parum tutam in fide. Vasquez tom. 2, in 3 part. disp. 152, cap. 1, asserit eam esse contra sententiam catholicam. Coninchus tom. 1 de sacram. quæst. 68, art. 2, dub. 3, judicat esse erroneam. Lugo disp. 5, sect. 8, dicit esse temerariam, et scandalosam. Et alii alias notas ei adhibent, a quibus præscindimus, asserentes tantum nostram, et communem resolutionem esse certissimam.

Quæ vero illi opponebantur, facile diluntur. Ad primam respondetur, quod Christus jam dixerat Simoni, *Remittuntur ei peccata multa, quoniam dilexit multum*: deinde dicit mulieri, *Remittuntur tibi peccata*. Quæ non cogunt, ut imaginemur his illi remissa peccata fuisse. Et sicut ad id non cogunt, ita nec ad existimandum, quod non fuerint remissa ante illorum verborum prolationem. Dimissa itaque illi fuerunt, cum *dilexit multum*. Et verba a Salvatore postea prolata, *Remittuntur illi*, *Remittuntur tibi* deservierunt, tum, ut absolveretur coram hominibus, quæ prius

jam ob dilectionem erat coram Deo absoluta: tum ad confirmandum absolutionem prius invisibiliter datam. Aliæ expositiones videri possunt in Prado in supplem. quæst. 1, dub. 3, § 2. Sed hanc judicamus veritati, ac literæ magis cohærere, et sinceriori sensu decurrere. Et eodem modo explicanda sunt illa D. Augustini verba, *Accessit immunda, etc.* nempe secundum æstimationem hominum de illa muliere, *quæ erat in civitate peccatrix*, et redit munda, vel apud ipsos propter Domini testimonium. Ad secundum respondetur illis Concilii verbis probari satis efficaciter communem sententiam, ut proxime fecimus. Et quod opponitur, scrupulus est levis, sola textus lectione dispellendus. Agit Concilium in eo capite de contritione in genere, quæ est pars sacramenti, et abstrahit a perfecta et imperfecta, ut sæpius in hoc dub. expendimus. In hoc itaque sensu dixit contingere aliquando contritionem perfectam charitate reconciliare antecedenter ad usum sacramenti: non quia non omnis contritio charitate perfecta infallibiliter reconciliet; sed quia non omnis contritio est perfecta. Sicut omnis justus diligitur infallibiliter a Deo; sed contingit hominem habere aliquando justitiam.

Ad tertium dicendum; D. Augustinum ea verba dixisse, ut catechumenos hortaretur ad suscipiendum baptismum, et injuriam aliquorum in id procurando reprehenderet. Unde intelliguntur de catechumeno negligente ad baptismum accedere: talis namque quamvis sibi videatur in virtute proficere, nihilominus suorum peccatorum sarcinam portat: quam deponere non valet, nisi per gratiam justificantem communicatam, vel per baptismum in re, vel dependenter ab ejus voto. Et neutrum salvatur in catechumeno negligente: non primum, ut supponitur; nec etiam secundum; quia verum baptismi desiderium non habet, qui negligit illum suscipere. Unde ipse S. Doctor quæst. 33, in Numer. docet Cornelium ante baptismum justificatum, mansisse obligatum præcepto suscipiendi baptismum: quod si contemneret, aut ex negligentia omitteret, eo ipso excideret a justitia, et minime salvaretur. Ad quartum patet ex immediate dictis: nam datur præceptum divinum de eo, quod homo peccata

Ad secundum

Ad tertium.

Ad quartum.

gravia post baptismum commissa subiciat clavibus Ecclesiæ in sacramentali confessione, cum Christus ad hunc finem sacramentum Pœnitentiæ instituerit, ut constat ex dictis disp. 4, a num. 141. Unde licet peccator possit media contritione justificari, antequam ad istud sacramentum accedat; secus autem absque voto, sive proposito illud suscipiendi tempore debito. Foret autem superfluum tale sacramentum, si contritio justificaret cum omnimoda ab eo independentia: sed res aliter contingit: quia contritio importat secundum se, et in omni statu propositum adhibendi media pro salute necessaria: quorum unum ex Christi institutione pro præsentis statu est confiteri peccata gravia legitimo hujus sacramenti ministro. Sicut etiam voluit esse medium necessarium baptismum. Unde licet quis sanctificaretur in utero, idque illi fuisset a Deo revelatum, adhuc teneretur ad baptismum suscipiendum ut satis perspicue docet D. Thom. in hac 3 part. quæst. 68, artic. 1 ad 1.

D. Thom.

Secundum a pars consecrari, et contra eam Sylvius. 66. Sed veniamus ad secundam hujus consecrarii partem, in qua contrapositione ad primam deduximus per attritionem separatam a sacramento in nullo eventu justificari peccatorem, sive (et in idem recidit) ejus peccata directe, vel indirecte remitti. Oppositum hujus consecrarii docuit Sylvius in supplem. quæst. 1, art. 3, dicens attritionem siue sacramento sufficere ad justificationem casu, quo susceptio sacramenti fiat impossibilis pœnitenti, ut si non adsit, nec vocari possit sacerdos. Cujus sententiæ fundamentum non in alio stat, quam in pietate quadam, ne homo, cum per veram attritionem de suis peccatis dolet, condemnetur: quod præsumendum non videtur de divina misericordia.

Probatur consecrarium. Leander Last. Conc. Trid. Sed nostra resolutio est communis inter Theologos, quibus non paucis relatis, subscribunt Leander, disp. 1, quæst. 46, et Lastra cap. 1, sect. 6, nu. 23. Et probatur efficaciter ex Concil. Trident. sess. 14, cap. 4, ubi describit conditiones attritionis in suo genere perfectissimæ, quam dicit esse donum Dei, et Spiritus Sancti impulsus: et nihilominus addit: « Et quamvis sine « sacramento pœnitentiæ per se ad justificationem perducere peccatorem nequeat; « tamen eum ad Dei gratiam in sacramento « pœnitentiæ impetrandam disponit. » Cui

jussententiæ planus sensus est, attritionem disponere quidem peccatorem ad gratiam in sacramento pœnitentiæ suscipiendam: sed per se, et absque sacramento non posse illum ad hujusmodi finem perducere. Quod falsum esset, si casu necessitatis, ubi nullus minister occurrit, per solam attritionem justificaretur peccator. Nec proderit recursus ad extraordinariam providentiam divinæ misericordiæ supra attritionis exigentiam, et vires: quia de prædicta providentia nobis non constat: unde nisi divinando absque rationabili fundamento non possumus censere in hac parte, quam secundum leges communes. Et misericordia divina dignus non est peccator, qui cum possit elicere dolorem perfectum contritionis respicientem bonum Dei, sistit in sola attritione, quæ in amore sui fundatur.

Confirmatur ex alia certa, et communi Theologorum doctrina desumpta ex Concilio Trident. sess. 13, cap. 7, et can. 11; nam sicut homini in aliis occasionibus potest deficere copia confessarii, sic etiam potest deficere sacerdoti, qui ex officio tenetur coram populo celebrare. Pro qua necessitate non aliud remedium occurrit, nisi quod sacerdos existens in peccato eliciat actum contritionis cum proposito confitendi, quam primum valeat, ut docet Concil. citato cap. 7, et nemo audebit dicere sacerdotem in tali casu suæ satisfacere obligationi eliciendo solam attritionem. Idem ergo dicendum est in casu mortis, vel alterius periculi, aut gravis necessitatis. Et ratio disparitatis est ipsa hujus corollarii doctrina, quod contritio per se, et ex natura sua habet impossibilitatem cum peccato ob perfectam, quam importat, conversionem ad Deum finem ultimum, a quo peccatum avertit: unde etiam sacramento non conjuncta peccata excludit. Attritio autem non importat eam conversionem, sed amorem sui, ex quo timet pœnam, et dolet de reatu: unde per se sive ex propriis nequit perducere ad peccatorum remissionem, nisi adjuncto favore divinæ misericordiæ, quæ tamen hoc beneficium susceptioni sacramenti alligavit, ut ex fidei doctrina edocemur, absque fundamento ad oppositam præsumptionem. Unde convulsum relinquitur illud pro Sylvio insinuat, et aperte fatendum est peccatorem, qui

Confir-
matio.
Conc.
Trid.Conc.
Trid.

qui sine sacramento, et sine contritione moritur, infallibiliter condemnari, licet attritionem habuerit.

sec- 5. 67. Quinto colligitur, quid dicendum sit de dolore, quem aliqui appellant virtutalem, et solet explicari hoc affectu, *Doleo, quod non habeam dolorem de peccatis*, an scilicet sufficiat ad sacramentum pœnitentiæ? Affirmant Paludanus in 4, dist. 17, quæst. 1, art. 5, Navarrus in Manuali cap. 1, num. 1, et 6, Emmanuel Rodriguez tom. 1, summa cap. 50, Sa verbo *Contritio* num. 5, et alii. Communis tamen sententia docet oppositum, et merito: quoniam certum est ad sacramenti pœnitentiæ valorem requiri dolorem de peccatis, huncque esse partem essentialem materiæ istius sacramenti, ut constat ex dictis § 1, et 2; sed dolor qui proponitur, non est dolor de peccatis: ergo non sufficit ad hoc sacramentum. Probat minor: quia sicut optime cohæret, quod quis amet, et desideret amorem charitatis, et quod illum non habeat; ita etiam componitur quem amare, et desiderare dolorem de peccatis, et illum non habere: ergo ex terminis dolor, quod dolorem de peccatis non habeam, non est dolor de peccatis. Tum etiam; quia dolor de peccatis dividitur adæquate pro qualitate præcedentis materiæ in contritionem, et attritionem, ut liquet ex toto præsentis dubio. Hic vero dolor nec contritio, nec attritio est; sed actus alterius speciei, et omnino diversus, ut convincitur ex eorum objectis: objectum enim tam contritionis, quam attritionis est peccatum, etsi sub diverso motivo; sed objectum prædicti doloris non est peccatum, sed carentia doloris erga peccata: ergo non est dolor de peccatis. Et non proderit pro hoc motivo diluendo recursus ad dolorem virtutalem: quia nec hujusmodi ille actus est; cum ex parte non supponat ullum dolorem formalem de peccatis, in quo ipse fundetur; alias non esset dolor de carentia doloris erga peccata, ut supponitur; et ex alia parte non sit ita perfectus, ut possit contritioni, aut attritioni æquivalere, necidem objectum attingat. Hæc in proprietate, et rigore ita se habent, et defenduntur communiter a Doctoribus, Enriquez lib. 4, cap. 26, num. 5, qui pro eadem sententia refert D. Thom. et D. Bonavent. Vasquez quæst. 92, art. 1, dub. 3, Cand. disp. 24, art. 12, Filliutio,

Hurtado, Fagundez, Granado, et Llamas, et alii, quos refert, et sequitur Leander disp. 7, quæst. 11.

Animadvertere tamen oportet aliud esse inquirere, an prædictus actus sit sufficiens dolor pro sacramento, an vero sit sufficiens signum doloris requisiti ad sacramentum? Et quantum ad primum, subscribimus communi sententiæ, quam plane motivum propositum satis evincit. Sed quantum ad secundum sentimus ejus resolutionem dependere ex judicio practico prudentiali, secundum quod censemus illum dolorem de non dolendo de peccatis esse vehemens signum, ut confessarius judicet pœnitentem esse sufficienter dispositum, habereque re ipsa dolorem attritionis aut etiam contritionis. Frequenter enim pœnitentes decipiuntur in existimando se non habere dolorem de peccatis, quem re ipsa habent. Inducuntur autem in eam falsam existimationem, eo quod non experiuntur lacrymas, aut alium in sensu dolorem: is vero, et si non spernendus, non est tamen requisitus: unde sic accedentes caute debent examinari. Si enim personæ sint assuetæ peccatis, in quæ facile relabuntur, et dicant se dolere, quod non doleant de peccatis; credere prudenter debemus utrumque, et quod doleant de doloris erga peccata carentia, et quod istam vere habeant: et consequenter quod non accedant cum dolore requisito ad sacramentum. Unde absolvi non debent. Sed ubi illa verba proferentes sunt personæ virtuosæ, scrupulosæ, et timoratæ conscientiæ, et quæ inquisitæ affirmant se non admissuras ullum mortale pro toto mundo, prædicta verba accipi prudenter possunt pro signo sufficientis doloris, quem habent. Id experti sumus in aliquibus hujus generis, quæ summe recusabant ad sacramentum pœnitentiæ accedere, obtinentes se non dolere de peccatis, nec id sentire; et notavimus eas propter doloris defectum in lacrymas, et anxietatis signa prorumpere, et vehementer de hoc dolere. Quis prudens hæc non interpretaretur signa attritionis, aut etiam contritionis in similibus personis, et circumstantiis? Ita profecto accipiebamus, et illas personas sic agitas absolvimus sine ullo circa verum de peccatis dolorem scrupulo. Nec aliud voluisse putamus graves Auctores supra relatos, et præsertim Navarrum, ut ipse

Assertio temperatur.

riq.
squ.
nd.
iliutio
rtad
gun,
anado
amas.

magis se explicuit in secunda Manualis editione, cap. 1, num. 16.

Consect.
6. 68. Colligitur sexto pro confessione venialium in ordine tam ad valorem, quam ad fructum sacramenti sufficere illum dolorem, qui sufficit pro confessione mortalium in ordine ad eosdem effectus. Consectarium supponit peccata venialia esse materiam, etsi non necessariam, sufficientem tamen hujus sacramenti, ut constabit ex dicendis infra nu. 88. Supponit etiam necessarium esse aliquem dolorem pro sacramento pœnitentiæ, in qua sola venialia confitemur: quod satis superque constare poterat ex dictis § 1. Sed nec huic parti, quæ certissima est, parcunt Juniorum ingenia: occurrit enim nobis Delgadillo cap. 16, de pœnitentia, dub. 12, affirmans in confessione venialium nec pro valore, nec pro fructu requiri ullum dolorem; sed solam eorum sine dolore confessionem sufficere. Quod probat: quia dolor peccatorum venialium non est de essentia hujus sacramenti, sed pro ea sufficit confessio peccatorum cum intentione illud suscipiendi, ut docet Christophorus a S. Joseph tom. 1, recap. opinio-num, 2 part. de sacram. pœnit. dub. 1, affirmans (et merito inquit Delgadillo) hanc esse indubitam mentem D. Tho. in 4, dist. 27, quæst. 3, art. 4, quæst. 1, in corp. Probat etiam, quia improbable non est dari verum sacramentum pœnitentiæ informe, etiam si quis scienter accedat sine dolore mortalium, dummodo illa integre confiteatur; quod aliter contingeret, si dolor esset essentialis hujus sacramenti pars. Hinc vero colligere evidenter sibi videtur, esse etiam fructuosum in confitente venialia absque eorum dolore: quia ex una parte sacramentum consistit; et ex alia ejus fructui non ponitur obex peccati mortalis impediens infusionem gratiæ, quam sacramenta, ubi obicem non reperiunt, in ea suscipiente producant. Hinc ultra progressus asserit num. 34 in confessione venialium facta non solum sine dolore, sed cum positiva eorum complacentia gratiam produci: sicut producit in susceptione Eucharistiæ, quamvis suscipiens actu venialiter peccet.

Ceterum in refellendo asserta adeo falsatædet immorari, quamvis superfluum forte non esset ad vitandum periculosam eorum praxim. Profecto voluntarium, ac liberum

homini est confiteri, aut non confiteri peccata venialia; sed ex suppositione, quod ea sola præcise confiteatur, debet aliquem de illis dolorem habere: et hanc esse veram adeo, et receptissimam Theologorum sententiam, ut superflue aliqui pro ea referrentur dixit Dicastillo dis. 6, dub. 15, cap. 1, et ita quidem est. Alioque fundamento non egemus ad id probandum, quam jam præjacto num. 2, nempe ex doctrina Concil. Florentini, et Tridentini, et communi sensu fidelium tres esse hujus sacramenti partes, et earum primam dolorem: quare sine omni dolore sacramentum pœnitentiæ non subsistit. Quamvis autem ejus materia remota possit esse diversa, videlicet vel necessaria, ut sunt peccata gravia, vel voluntaria, ut sunt levia: nihilominus sacramentum semper ejusdem rationis est, ac eisdem partibus constituitur. Quare sicut quando materia remota est peccatum mortale, requiritur ejus dolor; ita etiam requiritur, quando talis materia est præcise aliquod veniale. Et propterea sicut qui mortalia absque ullo dolore confiteretur, impediret eo ipso non solum fructum, sed etiam valorem sacramenti: ita similiter contingeret in confitente solum venialia, quorum nullum dolorem haberet.

Probationes vero, quæ pro contraria parte afferuntur, non sunt probationes, sed novarum absurditatum monstra: ut plane est dicere eam fuisse indubitam Angelici Doctoris sententiam, quod dolor non sit de essentia hujus sacramenti: oppositum enim evidenter constat ex testimoniis relatis nu. 2. Nec eo loco, qui objicitur negavit omnem dolorem, sed eum præcise, qui requiritur ad sacramenti fructum: quæ est difficultas longe diversa, de qua suo loco dicemus, discutientes an aliqua confessio possit esse valida, et informis. Quo etiam loco ostendemus improbable esse, quod scienter accedens absque omni dolore validam confessionem efficiat. Unde patet ad utramque simul probationem. Porro ex talibus colligere, quod confitens tantum venialia absque omni eorum dolore consequitur sacramenti fructum, scilicet eorum remissionem per gratiam sacramenti, est novum, majus, ac superaddendum præcedentibus absurdum. Si namque absque dolore sacramentum non datur, qua ratione dabit fructum? Et quis major obex, quam
carentia

carentia omnis doloris? Majus profecto est, complacentia venialium positiva, quam ea sententia dicit non obesse, ut eorum remissio fiat: et pejus probat exemplo Eucharistiæ, in qua profecto non remittuntur ea venialia, quæ illam suscipiens actu committit; sed producit alius effectus eis compossibilis. Unde superfluum foret alia absurda opponere, quæ libertate haud dissimili admitterentur: sed æquius judicamus hæc censuræ prudentis lectoris relinquere, qui advertat communem Theologorum contra quendam Fabrum professorem Patavinum sententiam esse, quod scienter confitens sola venialia absque ullo illorum dolore efficaci, peccat mortaliter: idemque a fortiori dicerent de ea confitente sine aliquo eorum dolore absolute. Sed de hoc magis ex professo agemus dub. 6, num. 33. Interim videantur Lugo disp. 14, sect. 8, Diana 3, part. tract. 4, resolut. 96, et Dicastillo disp. 6, dub. 15, cap. 3, ubi prædictam doctrinam acriter reprobant, et evertunt.

69. Præmissa igitur adeo certa suppositione procedit consecrarium; non alium, nec aliter exigens dolorem ad remissionem venialium in hoc sacramento, quam ad remissionem mortalium. Unde, quod pro dolore considerato, tam in esse partis sacramenti, quam in esse dispositionis ad sacramenti effectum, remissionem scilicet mortalium, non requiritur contritio vel in re, vel in existimatione, sed sufficit attritio, dummodo supernaturalis sit, juxta dicta in 1, et 2 assertionem: sic prorsus, et in eodem sensu dicendum de dolore requisito tam in esse partis, quam in esse dispositionis respectu sacramenti, cujus materia sunt peccata venialia. Et sicut ad valorem sacramenti circa mortalia non requiritur dolor efficax eorum, sed sufficit inefficax; pro fructu vero sacramenti necessarius est dolor efficax, ut in 2, et 3 conclus. statuimus: sic etiam est discurrendum de dolore in ordine ad confessionem venialium, quo pro valore sacramenti sufficit dolor, scilicet attritio supernaturalis inefficax, sed pro fructu, et actuali venialium remissione requiritur efficax. Et ratio est, quam proxime insinuavimus, nempe, quod licet materia remota sit diversa, nempe mortalia peccata; sacramentum tamen semper est idem, et ejusdem rationis: quare im-

portat eandem partem materiæ proximæ, dolorem scilicet peccatorum, quæ confitemur, ut concurret per modum partis ad valorem, et per modum dispositionis ad fructum sacramenti. Aliunde vero non occurrit motivum, ut aliter quantum ad id discurremus in confessione venialium, ac in confessione mortalium: ergo idem dolor, qui sufficit, et requiritur in confessione mortalium ad relata munera, sufficit etiam, et requiritur pro eisdem muneribus in confessione venialium.

Nec momenti erit, si quis dicat venialia esse leviora mortalibus, ut ex terminis liquet, atque ideo leviori remedio indigere; unde non solum per sacramentum pœnitentiæ, sed etiam per sacramentalia expelluntur, ut diximus tract. 22, de Sacramentis, disp. 10, dub. 2. Id, inquam, nihil valet: quia solum probat esse plura pro venialibus remedia, et quod pro eorum remissione non requiritur absolute sacramentum pœnitentiæ in re, vel in voto, quin nec sacramentalia: possunt enim immediate remitti per solam contritionem, aut amorem charitatis, quibus reparetur fervor per venialia exclusus, in cujus carentia macula illorum consistit. Sed tamen ex suppositione, quod quis pro eorum remissione voluntarie utatur sacramento pœnitentiæ, tenetur consequenter ea adhibere, quæ sacramentum exposcit ex parte confidentis; nempe dolorem supernaturalem pro valore, et efficacem pro effectu. Et aliter scienter agens injuriam irrogat sacramento, ejus vel valorem evertens, vel fructum impediens: ac subinde idem, et eodem modo dolor requisitus ad confessionem mortalium, requiritur etiam ad confessionem venialium. Diximus supra, « Ad eadem munera, et pro eisdem muneribus, » partis scilicet, et dispositionis: quia in his stat similitudo inter remissionem mortalium, et remissionem venialium in sacramento. Sed quantum ad formam, qua formaliter fit eorum remissio, est differentia, quod pro mortalibus sufficit sola gratia habitualis; pro venialibus, vero, et supponi debet hæc gratia, et ultra addi aliquis charitatis fervor, ut magis ex professo explicuimus loco proxime cit. et tract. 15, de Justificat. disp. 2, dub. 8, et supra in priori præsentis tract. parte in Comment. ad art. 1, quæst. 87, a num. 7, quæ lector

Curdana
replicæ
respondetur.

videre potest, ut majorem pro isto consecratio lucem accipiat.

DUBIUM II.

Quam intensionem, et extensionem debeat habere dolor pro sacramento pœnitentiæ requisitus ?

70. Istæ etiam, quas titulus proponit, conditiones doloris pertinebant ad materiam dubii præcedentis : sed quia illud, si hæc adderentur, nimis, et non sine confusione augeretur, consultius judicavimus illas seorsim ab aliis considerare. Et quia non multi negotii sunt, eas conjungimus sub eodem dubio. Pro cujus resolutione observanda est differentia, quæ inter intensionem, et extensionem reperitur in qualitatibus corporeis, v. g. in calore. Hic namque intenditur, ubi in eodem subjecto, subjectivè parte existens magis perficitur, et actualior redditur : quod non fit addendo calorem calori (id namque repugnat, sicut concursus duorum accidentium solo numero distinctorum in eodem subjecto), sed addendo calori modum, quo magis in subjecto radicatur, ejusque potentialitatem magis ad actum reducat. Extensio autem fit per dilatationem caloris præexistentis ad distinctas partes subjecti, quas prius non actuabat, ut si prius erat in dimidia parte ligni, et porrigatur ad aliam medietatem : quod fit addendo calori calorem, aut caloris partes ejusdem rationis. Et hæc quidem in qualitatibus corporeis ita contingunt. Sed in spiritualibus, ut sunt amor, et dolor voluntatis, salvatur, et explicatur intensio eadem fere proportionem, videlicet addendo non qualitatem qualitati, dolorem dolori, aut gradum gradui (quæ esset coarctatio partium ejusdem rationis), sed modum majoris radicationis, per quem qualitas præexistens magis dominatur subjecto, illudque trahit ad puriorem actum. Extensio autem fieri non valet per dilatationem, sive progressum ad diversas partes subjecti, quippe quod nullas habet, cum spirituale sit : sed explicari debet in ordine ad materiam, sive objectum, quæ potentiæ, habitus, et actus spirituales attingunt, et in quibus solet major, aut minor latitudo reperiri, atque ideo major, aut minor prædictorum principiorum, et operationum

extensio, ut si scientia attingens prius unam conclusionem, attingat nunc aliam ejusdem rationis : si dolor se præcise extendens ad detestandum furtum, abominetur deinde homicidium. Hæc sunt communia apud Thomistas, et videri possunt apud N. Complut. abbrev. in lib. de Generat. disp. 4, quæst. 6, per totam, et vel delibata sufficiunt ad terminorum, quibus utitur titulus, intelligentiam, quæ debet alias in Theologis præsupponi.

§ I.

Expeditur difficultas quantum ad intensionem doloris.

71. Dicendum est primo ad dolorem pro sacramento pœnitentiæ requisitum nullam requiri intensionem, sed sufficere ipsum dolorem secundum essentiam consideratum. Hæc secunda assertionis pars patet ex prima, et hujus legitima intelligentia constat ex dictis dub. præcedenti. Primam vero partem docet communis, certa, et recepta sententia inter Theologos hujus temporis, ut eorum plures eisdem vocibus affirmant, quare supervacaneum est illos in particulari referre. Videri tamen possunt Soto in 4, dist. 17, quæst. 2, art. 4, Cano in relect. de pœnit. part. 3, § *Igitur*, Prado in præst. quæst. 1, dub. 7, Suarez disp. 4, Aversa quæst. 2, sect. 10, Lugo disp. 5, num. 84, Dicastillo disp. 2, dub. 7, et alii plures apud istos. Probatur ratione : quia si in dolore pro isto sacramento requireretur intensio ; vel esset in summo, vel in gradu determinato ; sed neutrum dici potest : ergo in prædicto dolore non requiritur intensio. Cætera constant. Et minor quoad primam partem ostenditur : quia ille conatus, vel deberet esse summus ex solis viribus naturæ ; et hic licet possit esse summus, impertinenter se habet ad rem, quam versamus : sicut enim dolor pro hoc sacramento requisitus debet esse ex gratia, ita, et ejus intensio, si necessaria foret ad sacramentum. Vel deberet esse summus ex viribus gratiæ : et in hoc sensu repugnat summus conatus : quippe quocumque dato, potest voluntas ex gratiæ viribus majorem, et majorem exhibere sine termino. Quare qui in hoc sensu exigunt summum conatum, aut intensionem, rem

Differentia inter intensionem, et extensionem.

Præconclusio.

Soto in 4, dist. 17, quæst. 2, art. 4, Cano in relect. de pœnit. part. 3, § *Igitur*, Prado in præst. quæst. 1, dub. 7, Suarez disp. 4, Aversa quæst. 2, sect. 10, Lugo disp. 5, num. 84, Dicastillo disp. 2, dub. 7, et alii plures apud istos.

Proclama-

rem petunt impossibilem, atque ideo impossibile etiam constituunt sacramentum penitentiae. Necessarium itaque est, ut relicta hac intensione in summo, loquantur de intensione in certo gradu. Sed tunc eadem efficacia quoad hanc dilemmatis partem refellendi sunt : quoniam non est assignabilis hic certus, ac determinatus intentionis gradus, v. g. ut decem potius, quam ut octo : id namque nec auctoritas ex Scriptura, Conciliis, et Patribus, nec ulla ratio convincit, sed absque fundamento diceretur. Aliunde vero, qui hunc gradum determinatum præ aliis introduceret, divinando procederet, et non leves scrupulos conscientiae injiceret, avocando fideles ab usu sacramenti penitentiae. Quis enim certo cognoscit quantitatem sui doloris ? Et qua mensura recognoscit eum habere intensiorem ut decem, et non minorem ?

Confirmatur : quoniam dolor pro hoc Sacramento requisitus, aut sufficiens dividitur adæquate in contritionem, et attritionem, ut tradit Concil. Trident. sess. 14, cap. 4, et satis constat ex dictis dub. præced. sed ad salvandas veras, ac proprias rationes contritionis, et attritionis non requiritur, vel summus, vel determinatus intensiōis gradus. Ergo idem de dolore pro sacramento requisito, et sufficienti dicendum est. Minor, in qua sola poterat esse difficultas, probatur in primis quantum ad contritionem, tum ex D. Thoma in 4, dist. 17, quæst. 2, art. 5, quæstiunc. 3, quam absolvit his verbis : « Sic ergo « dicendum, quod quantum cum parvus « sit dolor, dummodo ad contritionis ratio- « nem sufficiat, omnem culpam delet. » In quibus aperte supponit posse salvari veram, et propriam rationem contritionis, quamvis ejus quantitas, vel intensio exigua sit. Idque magis explicat exemplo baptismi, qui si verus est, delet de se peccata sive finita, sive infinita, sive magna : ac statim subjungit : « Et similiter est de contritione, dummodo ad rationem contritionis pertingat. » Tum etiam ratione, nam, quod contritio sit vere et proprie contritio, habet ex prædicatis suis specificis : sicut homo ex eisdem habet esse vere, et proprie hominem : essentiali autem rerum non suscipiunt magis, et minus sed per genus, et ultimam differentiam quasi indi-

visibiliter constituunt, ut communiter docent Philosophi, et hac ratione illas comparant numeris, quibus, si addas, vel demas aliquam unitatem, eorum essentiali evertis : ergo ad salvandum veram, et propriam rationem contritionis nullus requiritur, vel summus intensiōis gradus. Tum denique quia si talis pro vera contritione gradus requireretur, maxime, quia vera contritio procedit ex amore charitatis erga Deum offensum, qui cum bonus infinite sit, exposcit infinitum, vel saltem summum amorem ex parte creaturæ, ac perinde infinitum, vel summum dolorem quod ipsum graviter offenderit. Hoc autem fundamentum nullius esse momenti constat, quia certum est nos satisfacere præcepto charitatis diligendo Deum super omnia, licet eum sub hac ratione aliqui intense, aliqui remisse diligant : præceptum enim non cadit supra modum subjectivum, qualis est conatus, sed supra objectivum, qui significatur eis vocibus, *super omnia*. Et hac ratione D. Thomas, 3 p. quæst. 70, art. 4, merito asseruit : « Mi- « nima charitas plus diligit Deum, quam « cupiditas millia auri, et argenti. »

Ex quibus probatam relinquimus minorem quoad secundam etiam partem, nempe attritionem : nam si salvatur vera, et propria contritionis ratio absque gradu intensiōis determinatione cur non etiam vera, et propria ratio attritionis ? Eo vel maxime, quod timor inferni, aut alterius mali non est potentior ad inducendum attritionem, quam amor summi boni ad causandum contritionem ; sed contritio ex illo amore potest detestari peccata super omnia detestabilia, licet non sit in summo, aut determinato gradu intensiōis, nec ad sui veram, et propriam rationem tali intensiōe eget, ut probatum est : ergo idem dici debet de attritione, nempe ex timore gehennæ odio habere peccatum super omnia odibilia, quamvis non sit in summo, nec determinet ullum intensiōis gradum.

72. Potest secundo nostra, et communis assertio suaderi alio non contemnendo fundamentum, quo posito simul corruunt fundamenta contraria : nam circa necessaria pro hoc sacramento, quod de se non levem molestiam affert pro humana fragilitate, non debemus plus obligationis, ac

Alio
fundam.
proba-
tur.

laboris inducere, quam vincatur auctoritate, aut ratione ; sed, quod dolor sufficiens, et requisitus pro hoc sacramento debeat esse summus, saltem habere certum intensionis gradum. nec auctoritate, nec ratione vincitur: ergo pro hujusmodi dolore non requiritur summa, aut determinata intensio. Minor non aptius probari valet,

Motiva
sent
contra-
riæ
referen-
tur.
Scotus.

Adria-
nus.

Joel. 2.

Soto.

Nugnus.

Mori-
nus.

Motiva
sunt
falsa, et
refellun-
tur.

quam referendo contrariam nobis sententiam, ejusque motiva. Scotus in 3, dist. 27, quæst. unica, § *De primo*, agens de charitatis amore, ex quo procedit contritio, et explicans illa verba, *super omnia*, affirmat posse intelligi extensive, et intensive ; et quod debent intelligi utroque modo. Adrianus in 4, quæst. 2, de pœnitentia, et quod lib. 5, art. 3, § *His præmissis* affirmat dolorem debere esse ex toto conatu voluntatis, atque ideo secundum maximam intensionem possibilem. Et ita explicat illud Joel. 2, *Convertimini ad me in toto corde vestro*, id est, in toto conatu, aut intensione possibili. Petrus de Soto lect. 14, de pœnit. in fine, et lect. 15, in principio, docet dolorem pœnitentiæ debere excedere in intensione omnem alium dolorem voluntatis, et procedere ex charitatis amore, qui intensior sit omni amore erga creaturam. Idque tam mordicus tenet, ut asserat majoritatem in hac parte doloris solum prælative, et non etiam intensive non consonare Scripturæ, nec Patribus, nec rationi. nec utilitati animarum. Denique Nugnus ab ista sententia non penitus recedens, sed eam aliquo modo temperans docet, quod licet ad contritionem non requiratur determinatus gradus, sed vel minus intra, et extra Sacramentum sufficiat ; nihilominus quæcumque contritio debet esse intensior omni dolore naturali. Ita in Supplement. quæst. 3, art. 1, conclus. 5, et § *Sed certe*. Quibus omnibus, et præsertim Adrianus subscribit Joannes Morinus lib. 1, de administratione sacram. pœnitent. cap. 12, et 13, plura congerens testimonia Patrum inducentium ad intensionem doloris.

Sed omnes isti dicendi modi sunt falsi, si judicant obligationem præcepti, vel in diligendo Deum, vel in dolendo de ejus offensa. Et si id intendat Scotus, fallitur : quia licet consultissimum sit diligere Deum, super omnia tam extensive quam intensive : tamen ad hoc ultimum non datur ullum præceptum, et illam intensionem omittere,

aut ea carere non est culpa. Contingit namque matrem diligentem intensissime filium suscipere in sua conversione gratiam, et charitatem remissam (dicere enim, quod charitas in omnibus intensior est omni amore honesto erga creaturas, non habet probabilitatis speciem) : ubi liquet dari minorem intensionem in amore Dei, quam in amore filii, idque citra omne peccatum. Absurdior adhuc est Adriani sententia : nam, si loquitur de conatu ex viribus naturæ, per illum non fit satis supernaturali charitatis amor. Si autem de conatu per vires gratiæ, nunquam eliciet amorem Dei intensum in summo : sicut enim Deus est infinite amabilis, sic voluntas nunquam ita illum intense diligit ex gratia, quin ex eadem possit eum magis, ac magis diligere. Quod si recurat ad vires gratiæ non possibilis, sed quæ nobis actu conferitur, id in novas, ac insuperabiles inducit perplexitates. Quis enim scit, an cum Deum diligit, utatur gratia in omni intensione, quam habet ? Aliunde vero ex prædicto modo discurrendi innumera colliguntur absurda : et ut alia omittamus, demus quod peccatori habenti plurima gravissima peccata conferatur gratia sufficiens ad actum contritionis ut duo : hic si eliciat contritionem ut duo, consequetur remissionem omnium peccatorum : quia adhibuit summum conatum juxta gratiæ vires, quam accepit. Demus alium uno tantum peccato mortali infectum, cui Deus conferat gratiam ut octo : hic si eliciat contritionem ut quatuor (ut plane potest, cum cooperatio gratiæ sit sibi libera) manebit in statu peccati, quia juxta sententiam Adriani non adhibet summum conatum, quem potuit juxta vires gratiæ receptæ. Quare facta inter eos homines comparatione reperiemus eum, qui plus peccavit, et minorem contritionem habuit, nempe ut duo, justificari ; illum vero, qui minus peccavit, et majorem contritionem habuit, nimirum ut quatuor, manere in statu peccati. Quo quid absurdius. inæqualius, et magis adversum communi omnium apprehensioni de divina justitia, et misericordia ? Rejicienda itaque est ut multum absurda sententia Adriani, et testimonium Joelis, quo se fulcit, infra explicabitur.

Et inde convulsa manet sententia Petri
de

de Soto : quia nullum est solidum caput, unde probetur amorem Dei, ex quo procedit contritio, debere excedere in intensione omnes alios amores : et oppositum constat in exemplo proxime exhibito matris diligētis intensissime filium, conversæ tamen, et justificatæ per gratiam, et Dei dilectionem, et contritionem remissas. Quod autem Scriptura, et Patres, ac vera pietas non obligent ad hanc majoritatem intensivam, sed ad aliam longe nobiliorem, statim videbimus. Nugnus etiam absque solido fundamento statuit dolorem contritionis debere esse intensiorem omnibus doloribus naturalibus : nam certum est aliquas contritiones esse remissas, et aliquas esse naturales dolores valde intensas. Et motivum, quo nititur, nempe contritionem esse supernaturalem, et procedere a nobiliori principio, vehementiusque movente, probat oppositum, et in ipsum regeri debet : nam intensio in actibus voluntatis fit ex vehementi motione objecti moventis, apprehensæ, et propositi per intellectum : cum autem hujus cognitio incipiat a sensibus, et in ipsos resolvatur ; vehementius regulariter movent objecta sensibilia, quam spiritualia, et supernaturalia, quæ sola fide apprehenduntur ; quamvis hæc aptiora de se sint ad extorquendum intensiorem sui amorem : denique testimonia, quæ congressit Morinus, habent facilem explanationem, quam jam jam adhibebimus.

73. Prius tamen oportet difficiliora re-præsentare, ad quæ cetera reducuntur. Quod ergo debeamus Deum diligere intensiori amore, quam omnia alia, et dolere de ejus offensa intensiori dolore, quam de omnibus aliis malis, significat Scriptura loco citato Joelis, *Convertimini ad me in toto corde vestro*. Marci, 12 : *Diliges Dominum Deum ex toto corde de tuo, et ex tota anima tua, et ex tota mente tua. et ex tota virtute tua*. Ubi nullus conatus, nulla intensio præmittitur. Deuter. 4 : *Cum quæsieris Dominum Leum tuum, invenies eum, si tamen toto corde quæsieris, et tota tribulatione animæ tuæ*. Matth. 10 : *Qui amat patrem, aut matrem plusquam me, non est me dignus*. Ex Patribus D. Ambros. lib. 2, de *pœnit.* cap. 6, ait : « Audiant, « qui agunt pœnitentiam, quomodo agere « debeant, quo studio, quo affectu, qua « cum intensione, qua cordis conver-

« sione. » D. Augustin. lib. 5 *Homil.* in ult. cap. 1 : « Sicut comes pœnitentiæ dolor est ; ita lacrymæ sunt testes doloris. » D. Anselmus lib. *Similitudinum* cap. 144, inquit : « Sicca pœnitentia est, cum ali-
« quis sui peccati pœnitet, sed humore
« pietatis, suique ipsius compunctione ca-
« ret. Humida vero est, cum habet utrum-
« que, suumque luget peccatum magna
« cordis contritione. » Hugo Victorinus
lib. 2 de *Sacram.* part. 14, cap. 2, ait : « Si
« in correptione minor est afflictio, quam in
« culpa fuit delectatio, non est dignus pœ-
« nitentiæ fructus. » Ista sunt, difficiliora
apud Morinum, licet plura expendat :
quia ad contritionem quidem hortantur,
sed quantitatem, aut intensiorem ejus mi-
nime assignant Ex relatis vero videtur
concludi, quod dolor de peccatis debet
esse summæ aut excellentis intensiōis
super omnes alios dolores.

Utergo illa explicemus, et fundamentum
eis innitens avertamus, observandum est
ex dictis tract. 19, de Charit. disp. 3, dub.
unic. a num. 7, quod unus affectus potest
dici major alio, aut super alium dupliciter.
Primo *objective*, et contingit, quando alicui
volumus majus, quidquid sit de quantitate
affectus, quo illud volumus : qua ratione
amor, que Petro desideramus regnum cœ-
leste, est major illo, quo ipsi concupiscimus
bona temporalia, quippe illum excedens ex
parte boni voliti. Secundo *subjective*, sive
ex parte subjecti, et operationis. Et hoc
accidit duobus modis. In primis *intensive*,
quando affectus excedit in conatu agentis,
sive in modo, aut gradu majoris radicatio-
nis in subjecto : sicut si majori impetu, et
conatu concupiscamus Petro bona tempo-
ralia, quam æterna. Unde facta compara-
tione inter illos duos affectus, primus est
major *objective*, sive ex parte boni voliti,
posterior vero est major ex parte affectus, quo
amatur : nam bonum æternum est majus
temporali ; sed affectus ad temporale potest
esse intensior, ut proxime insinuavimus.
Et rationem hujus differentiæ eleganter
tradit D. Thom. in 3, distin. 29, quæst. 1,
art. 2 ad 3, dicens : « Intensio actus præ-
« cipue in actibus animæ, quæ non neces-
« sario secundum suum posse agit, sicut
« naturalia, non mensuratur ad quantita-
« tem objecti tantum, sed ad efficaciam
« agentis, et conatum in agendo. Unde non

D. Ansel.

Hug.
Vict.Obser-
vatio.

D. Thom.

« melius videt, qui majorem rem intuetur, « sed qui clarius videt. Ideo etiam non « oportet, quod æqualiter afficiar ad illud, « cui æquale bonum desidero. » Sicut omnibus proximis desideramus æternam salutem : et tamen in hoc desiderio magis afficimur ad patrem, et fratres, quam ad extraneos : et ideo cum æqualitate affectus ex parte boni voliti, stat inæqualitas in conatu, et intensione ad personas, quibus appetimus bonum. Denique affectus ex parte subjecti potest esse major, aut minor *appretiative*, idque consistit in eo, quod personam amatam plurimi æstimamus, aliisque præferimus. Et hoc pacto amor charitatis erga Deum est major simpliciter omni amore erga creaturas, quantumvis intentio sit minor : nam charitatem habens in ea dispositione est, quod si opus esset deserere propter Deum personas intimo, ac intensissimo sibi amore conjunctas, ut patrem, uxorem, et filios, illos relinqueret propter illum : quia ex vi charitatis Deum majori pretio habet, quam alia cuncta licet intensissime dilecta, velletque omnia amittere, quam Deum.

Porro hanc distinctionem majoris amoris *intensive*, et majoris amoris *appretiative*, seu *prælativæ* non esse pro voluntate fictam, ut opponit Petrus de Soto, sed rationabiliter inventam, et admittendam constat tum ex communi sententia Theologorum illa utentium : tum exemplo proposito matris diligentis intensissime filium et Deum remisse, quæ tamen, dum charitatem habet, pluris Deum, quam filium æstimat, parata, si necessitas postularet, hanc propter illum relinquere. Cui alia addemus, quæ rem elucidant, et confirmant. Frequenter videmus parentes dulcius, ac intensius diligere filios infantilis ætatis, quam majoris : sed amore appetitativo illos primogenitis postponere, ægriusque istorum paterentur jacturam, quam illorum. Fœmina vehementius, et intensius solet diligere catellum, quam aurum, et tamen si opus esset unum eorum amittere, aurum catello præponeret : unde convincitur eam plus absolute diligere aurum, non quidem intensive, sed *appretiative*, et in *prælatione*. Et ut ad altiora ascendamus, contingit nos vehementissime dolere de peccato gravi, et scandaloso proximi, præsertim valde propinqui, ut patris aut fratris : quin adeo vehementem, et

intensum dolorem habeamus de uno peccato veniali proprio : et tamen malle debemus vitare unum veniale proprium, quam aliena licet gravissima ; atque ideo dolore appetitativo, et absolute tali magis dolemus de uno proprio, quam de omnibus alienis, licet ista aliquando intensius, et sensibilius plangamus. Sic etiam de passione Christi solemus intensius dolere, quam de peccatis propriis levibus : sed absolute, et appetitative magis de his debemus dolere, quam de passione Domini : cujus signum est, quod nec ad illam vitandam deberemus, nec possemus ullum, vel levissimum peccatum committere. Unde, ut bene observat Dominicus Soto in 4; dist. 17, quæst. 7, art. 4, quantum ad intensiorem gradualement actus, et acerbiter sensualem doloris nihil vetat, quominus Magdalenam potuisset amarius flere Christi mortem, quam propria peccata : sed vice versa dolore appetitativo magis dolebat de peccatis, quam de illa morte, et passione : potiusque, si necessitas exigeret, permetteret, ac eligeret Christum mori, quam se peccare. Ex quibus omnibus satis liquet, quomodo tam in amore, quam in dolore distinguere debeat inter intensiorem, et appetitiorem ; et quomodo facta comparatione inter duos amores (idem intellige de doloribus) possit unus excedere alium in intensiione, et vice versa superari in appetitiione ; ac denique quomodo ille amor sit simpliciter major, qui est major *appretiative*, quippe qui licet remissus tandem ad se trahit, sibi subordinet, ubi opus est, totam intentionem alterius, quamvis intensissimus sit

74. Hinc patet responsio ad omnia testimonia, quæ pro contrariis dicendi modis opponebantur : solum enim evincunt necessitatem doloris pro consequendo remissionem peccatorum, et hic dolor debet esse summus *appretiative* inter omnes dolores relatos ad alia mala, quæ peccatum non sunt : tali enim dolore debet homo esse dispositus, quod omnia mala potius sustineret, quam peccare, idque apud se firmiter constituat. Sicut enim pro implendo præcepto charitatis sufficit amor Dei *appretiativus*, qui ipsum omnibus bonis præponat, statuendo omnia, ubi opus esse, relinquere propter Deum, idque importat diligere Deum ex toto corde, et tota mente,

et

Dominicus Soto.

et virtute, ut loquitur Scriptura : sic etiam pro implendo præcepto pœnitentiæ, tam intra, quam extra Sacramentum, sufficit dolor de peccato appetitativus, qui ipsum præponat omnibus malis : statuendo omnia potius sustinere, quam peccatum committere, idque est converti ex toto, aut in toto corde, ut ex Scriptura edocemur. Non tamen negamus illam etiam hortari ad intensiorem doloris, quin et ad dolorem sensibilis, sicut Mich. 4 : *Dole, et satage filia Sion, sicut parturiens*. Hierem. 31 : *Pone tibi amaritudines, et dirige cor tuum in viam rectam*. Et David dicebat : *Rugiebam a gemitu cordis mei*. Et rursus : *Lavabo per singulas noctes lectum meum*. Sed hæc, quamvis optima, et consulenda non sunt materia præcepti ad implendum illud, quod ad remissionem peccatorum spectat, præsertim in sacramento pœnitentiæ : sed sunt materia consilii : vel ad summum pro valore sacramenti concurrunt solum in voto, sicut alia, quæ pertinent ad satisfactionem injungendam a ministro. Eodem modo explicanda sunt Patrum testimonia. Sed pro omnibus addimus remissionem peccatorum posse considerari vel quantum ad culpam, vel quantum ad pœnam. Et in priori consideratione non requiritur certus summus, aut determinatus gradus intensiōis in dolore; sed hic secundam speciem in quolibet gradu sufficit, ut in assertionem statuimus. et satis patet ex hactenus dictis. In secunda autem consideratione non semper prædictus dolor sufficit ad luendam pœnam, atque ideo nec ad perfectam, et consummatam peccatorum remissionem : quippe ablata macula peccati, remanere solet reatus ad pœnam temporalem satis ingentem, pro qua luenda necessarius sit vehemens, ac frequens peccatorum dolor cum gemitibus, lacrymis, ac pœnalitatibus sensibilibus, easque pœnitentias vocamus. Quas, et earum intensiōnem consulunt Scriptura, et Patres, ut perfectam consequamur peccatorum remissionem, videlicet quantum ad culpam, et pœnam. Sed minime docent hæc requiri ad dolorem requisitum, et sufficientem pro sacramento, nec ad veram contritionem extra illud, ad quæ sequatur remissio peccatorum, quantum ad culpam, de qua remissione in præsentem agimus.

75. Sed pro perfectiori intelligentia tam
Salmant. Curs. Theolog. tom. XX.

assertionis, quam doctrinæ hactenus traditæ, duo oportet observare. Primum, quod licet dolor contritionis, vel attritionis requisitus, aut sufficiens ad hoc sacramentum debeat esse major appetitative aliis omnibus doloribus, quatenus ex vi modi detestandi peccatum magis eligeret homo sustinere omnia mala, quam malum peccati admittere : nihilominus non requiritur quod actu reflexo, et signato faciat eam comparationem, et prælationem : et multo minus requiritur quod confessarius de his reflexionibus. et comparationibus faciendis pœnitentem admoneat. Quoniam ipse dolor contritionis aut attritionis ex sua specie, sive modo detestandi in primum obiectum, nempe in peccatum tanquam in summum, et maximum malorum, ut destruendum illam prælationem appetitativam importat : nec est amplius requirendum. Quin potius stulte, et imprudenter ageret confessarius, qui has expressas comparationes proponeret pœnitentibus exiguæ virtutis, illos conjiciendo in angustias non necessariæ, ut puta ardendi in fornace, sustinendi alapam injuriosam, etc. ad vitandum peccatum. Cum enim malum sensibile in speciali propositum moveat vehementer appetitum, sicut delectabile præsens, potest trahere voluntatem in periculum consentiendi peccato, ut malum horribile evadat. Ubi autem id expresse non proponitur, relinquitur voluntas magis expedita, ut odio habeat peccatum illudque cavere decernat, tanquam malum omnibus detestabilius. Et quamvis urgente gravissima tentatione, aut injecta molestissima pœna, homo forsitan ab illo dolore, ac proposito deturbaretur in peccatum ruens : tamen talis dolor, et propositum, quandiu manent, sufficiunt pro sacramento ; quia actu habent quidquid ex parte appetitionis peccati super alia mala requiritur : quare exturbari non debent per imprudentes comparationes ad alia mala vehementia, et quasi sensibilibus applicata. Nam sicut minor gratia sufficit ad proponendum sustinere martyrium propter fidem, quam ad illud actu sustinendum ; sic dolor, et propositum, quæ non urgente gravi tentatione consistunt, sufficiuntque ad sacramenti valorem, ubi illa occurrerent, forte succumberent, ac deficerent. Et in hujus tentationis periculum pœnitentes traheret indiscretus confessarius, qui, ut

de eorum dolore, ac proposito experientiam sumeret, illis proponeret urgentes tentationes, ut nobili, sustinendi gravissimam injuriam; juveni, repellendi fœminam sollicitantem, et sic de aliis.

Unde incidenter colligitur, quid dicendum sit de illo affectu, qui explicari solet his verbis: *Mallem pœnas inferni pati, quam peccare*; sentimus namque, quod licet offensa Dei sit dignior odio, quam pœna inferni, cum peccare sit pejus, quam puniri propter culpam; nihilominus nemo tenetur ad eam electionem conditionatam. Quoniam secundum præsentem providentiam eligere pœnam inferni non est medium ad evitandum peccatum; et talis pœna ob nullum finem est eligibilis. Sicut enim recta ratio dictat æternam beatitudinem esse quærendam, sic etiam, et eodem dictamine præscribit fugiendam æternam miseriam illi felicitati contrariam: atque ideo fuga æternæ miseriarum est honesta, et ejus electio turpis. Et sicut juxta rectam rationem est, appetere æternam felicitatem consistentem in possessione ultimi finis; sic nihil disconvenientius prædictæ rationi apparet, quam eligere æternam finem ultimo separationem, quam importat pœna inferni. Non est itaque eligibilis talis pœna ulla ratione, nec apprehendi valet, ut medium ad evadendum peccatum. Cum autem personæ sanctæ, et prudentes eum affectum explicant, præcise significant majorem displicentiam erga malitiam peccati, quam erga pœnam inferni; sed non efficiunt propositum, quo illam pœnam eligant ad evitandum peccatum; et si ad illud conditionate conantur, est de re absolute impossibili ad manifestandum summum odium, quo peccatum aversantur: nec aliud debent, aut possunt significare. Et sic accipiendus est D. Anselmus in lib. *Similit.* cap. 190, cum ait: « Si hinc peccati pudorem, et illinc « certiore inferni horrorem, et necessario « uni illarum deberem immergi, prius me « in infernum mergerem, quam peccatum « committerem. Mallem enim purus a peccato, et innocens gehennam intrare, « quam peccati sorde pullatus cœlorum « regna tenere, etc. » Ubi manifestum est implicari contradictiones simpliciter impossibiles, nempe dari infernum sine culpa, et cœlestem beatitudinem conjungi peccato: unde consequens est ibi non explicari af-

D.
Ansel.

fectum absolutum, quem ad impossibilia terminari repugnat; sed solum affectum conditionatum, et per exaggerationem ad explicandum odium in culpam.

Diximus supra, *secundum præsentem providentiam*, ut præscinderemus a casibus metaphysicis, qui possunt secundum aliam, et pro supremo Dei dominio excogitari; circa quod controversi videmus inter Durandum, qui vel in eo eventu nostram resolutionem tuetur in 4, distin. 17, quæst. 5, num. 9, et Capreolum in eadem dist. quæst. 1, art. 3, ad argumenta Durandi. Et re vera Capreolus solum evincit posse Deum alicui homini suam damnationem revelare, et hunc debere assentiri, ejusque dispositioni obedire, ac conformari. Sed aliud est obedire, et sustinere; aliud autem eligere, de quo agimus. Videantur Soto in ea dist. quæst. 2, art. 4, § *At quia*, qui nobis favet, et Prado in præsentis dub. 6, § 4, qui Capreolo magis suffragatur. Durand.
Ca. rec
Solo.

76. Secundum, quod observandum occurrit, est, quod licet unico, vel contritionis, vel attritionis dolore detestemur peccata, et in eo dolore non requiratur ullus determinatus gradus intensio, ut in assertionem statuimus, nihilominus prædictus dolor ita fertur contra peccata, ut pro majori illorum, aut minori gravitate magis, aut minus appetitive illa detestari debet. Ita D. Thomas in 4, dist. 17, quæst. 2, art. 3, qu. 3, cui subscribunt communiter Theologi. Et superfluum est aliam probationem expendere, quam S. Doctoris. « De « contritione, *inquit*, dupliciter loqui possumus. Uno modo secundum quod singillatim singulis peccatis respondet. Et « sic quantum ad dolorem superioris affectus requiritur, quod de majore peccato, « quis doleat magis: quia ratio doloris est « major in uno, quam in alio, scilicet offensa Dei: ex magis enim inordinato actu « Deus magis offenditur. Alio modo potest « accipi contritio, secundum quod est simul « de omnibus, sicut in actu justificationis. « Et hæc quidem contritio, vel ex singulorum consideratione peccatorum procedit, « et sic quamvis sit actus unus, tamen distinctio peccatorum manet virtute in ipso; « vel ad minus habet propositum de singulis cogitandi annexum: et sic etiam « habitualiter est magis de uno, quam de « alio. » Quod magis adhuc explicat: nam

Durand.

Ca. rec

Solo.

Obser.
val. 2

D. Tho.

cum

cum sibi objecisset : Motus contritionis est subitus ; sed non potest unus motus esse intensior simul, et remissior : ergo contritio non debet esse major de uno peccato, quam de alio, respondit : « Ad secundum »
 « dicendum, quod in illo contritionis motu »
 « subito, quamvis non actualiter distinctio »
 « intensio respondens diversis peccatis »
 « inveniri possit ; tamen invenitur ibi eo »
 « modo, ut dictum est : et etiam alio modo »
 « secundum quod singula peccata ordinem »
 « habent ad illud, de quo in illa contritio- »
 « ne generali contritio dolendum occurrit »
 « scilicet offensa Dei. Qui enim aliquod to- »
 « tum appetit, veldiligit partes ejus, quam- »
 « vis non actu, » (id est formaliter, et ex-
 plicite) « et hoc modo secundum quod ha- »
 « bent ordinem ad totum, quasdam plus, »
 « quasdam minus : sicut qui aliquam com- »
 « munitatem diligit, virtute singulos dili- »
 « git, plus, et minus secundum eorum »
 « ordinem in bono communi. Et similiter, »
 « qui dolet de hoc, quod Deum offenderit, »
 « de diversis implicite dolet diversimode, »
 « secundum quod plus, vel minus per ea »
 « Deum offendit. » In resp. autem ad 1,
 optime observat, quod, quando D. Hiero-
 nymus Paulam collaudat, « quod minima »
 « peccata plangebat, sicut magna » (ut lo-
 quitur epist. ad Rusticum, et ep. ad De-
 metriadem) non celebrat quod de omnibus
 peccatis doleret æqualiter ; sed quod, vel
 minima plangebat, ac si essent magna.
 Idque dicit S. Hieronymus per compara-
 tionem ad alios, qui se remis-
 se gerunt in dolore levium peccatorum : nam quod ad
 Paulam pertinet, ipsa, absdubio multo
 amplius doluisset de majoribus, si hæc
 committeret, juxta illud D. Ambrosii lib. 1,
 de Pœnit. cap. 2 : « Qui culpam exaggera- »
 « vit, exaggeret etiam pœnitentiam, ma- »
 « jora enim crimina majoribus abluuntur »
 « fletibus. »

Ex quibus fit non esse commendabilem,
 nec admodum securam illorum pœniten-
 tiam, qui modum hujus prælationis in do-
 lendo de suis peccatis non servant : sed
 vice versa magis planguunt, quæ sunt pro-
 prio honori contraria, quam alia secundum
 speciem graviora, ut furtum, magis, quam
 adulterium, aut illa, quæ exterius apparent,
 quam quæ interius committuntur. Nam
 sicut ad ordinem charitatis pertinet Deum
 diligere plusquam omnia ; sic ad eundem

ordinem charitatis, et pœnitentiæ per-
 tinet magis dolere de his peccatis, quæ
 nos ab ipso magis separant, et sunt abso-
 lute majora. Et hunc ordinem invertere
 plangendo vehementius, quæ, vel quia ex-
 teriora, vel quia turpiora, majus afferunt
 propriæ æstimationi detrimentum, suspec-
 tam judicant pœnitentiam, quæ non tam
 divino, quam humano honori consulit. Nec
 id contingeret absque gravi inordinatione,
 si excessus doloris esset appetitativus, mi-
 nus æstimando peccata graviora, quam
 minus gravia, ut ex D. Thoma convincit.
 Sed putamus illum excessum esse non se-
 mel præcise intensivum circa ea, quæ ma-
 jorem afferunt inter homines famæ jactu-
 ram, retento nihilominus excessu appre-
 tiativo circa peccatum de se gravius ; ita ut
 si aliquod committendum foret, minime
 eligeretur hoc, sed aliud minus, quamvis
 peccanti majorem ignominiam apud ho-
 mines afferret. Ad eum plane modum, quo
 mulier solet intensius plangere mortem
 filii, quam propria peccata : sunt enim
 vehementiora in movendo ad id objecta
 sensibilia ; sed tamen magis appetiati-
 ve dolet de peccatis, quam de filii morte : quo-
 niam ex charitate parata est filium, et
 omnia perdere, potius quam peccare, et
 cuncta licet charissima postponit amori, et
 honori Dei. Ceterum ubi hæc appetitatio,
 sive prælatio non retineretur : gravem
 inordinationem committeret, qui plus do-
 leret de peccato minus gravi, quam de gra-
 viori : nam magis paratus ad vitandum
 peccatum sibi infame, quam aliud de se
 gravius, sed apud homines non ita indecor-
 um, convincitur suam famam præferre
 honori, et amori Dei, ut ex dictis constat.

77. Quare non subscribimus Soto loco
 cit. in 2 part. concl. ubi docet inordina-
 tionem repertam in comparatione, *Potius*
committerem adulteria, quam furtum, et
 in similibus non esse peccatum mortale,
 dummodo retineatur propositum neutrum
 patrandi ; sed solum veniale ob aliqualem
 perversionem ordinis charitatis. Idque
 amplectuntur Henriquez lib. 1, de pœnit.
 cap. 17, et Trullench. lib. 4 Praxis, cap. 5,
 et non esse improbabile docet Prado
 num. 27. Suarez autem cum distinctione
 procedit disp. 3, sect. 10, num. 7, dicens :
 illam sententiam posse probabiliter ad-
 mitti, quando peccata non sunt multum

Rejici-
 tur sen-
 tentia.
 Soti,
 etc.

Henriquez,
 Trullench.
 Prado.
 Suarez.

§. II.

*Resoluitur alia dubii pars ad doloris
extensionem spectans.*

78. Dicendum est secundo; dolorem requisitum, et sufficientem pro sacramento pœnitentiæ debere extendi ad omnia, et singula peccata in particulari. Pro legitima hujus conclusionis intelligentia observari debet, quod dupliciter potest dici, et esse necessarius dolor de singulis peccatis: primo, ita, quod unicuique peccato correspondeat singularis actus doloris, atque ideo tot sint dolores, quod peccata fuerint, ut pro decem debeantur decem actus doloris, et si mille, totidem requirantur. Et hic sensus est absurdus, licet pro illo referri soleant Ludolphus Carthusian. Sylvester, Angelus, et alii apud Suarium disp. 4, sect. 6. Quoniam unico actu potest quis dolere de multis peccatis in particulari, post præmissam eorum recogitationem: sicut una confessione, et enuntiatione dicit, *Millies peccavi*: et uno etiam actu potest pro pluribus satisfacere. Nec illi antiquiores oppositum docuerunt, ut recte ostendit Prado qu. 1, dub. 5, § 1, num. 4. Alius, itaque, est illius locutionis sensus, nempe, dolorem tendere non solum in communem rationem peccati, aut offensæ Dei, sed etiam in singula peccata secundum speciem, et individuationem, ita ut detestetur particulares eorum rationes, quas pœnitens apprehendit. Conclusio itaque nostra in hoc secundo sensu, et non in primo procedit. Et rursus non determinat modum, quo applicatio doloris fiat ad singula peccata in speciali; an scilicet formaliter, et in re, ubi peccata in particulari memoria occurrunt; an solum virtualiter, implicite, et in voto, ubi aliqua latent pœnitentem. Nullum, itaque, istorum modorum determinat assertio, sed in genere asserit dolorem pro hoc sacramento requisitum ferri in omnia peccata in particulari, sive hoc, sive illo modo ea attingat, et detestetur.

In hoc ergo sensu conclusio est communis inter Theologos, quorum plures referunt Suarez, et Prado locis citatis, et non paucos dabimus num. 84, et num. 85; quotquot enim ibi circa aliud inter se pugnant, in hoc conveniunt. Et quidem merito: nam veritatem assertionis demonstrat ratio theologica

inæqualia: regulariter vero esse peccatum mortale ob gravem inordinationem charitatis, et justitiæ erga Deum. Et cum eadem distinctione procedunt Nugnus in præf. q. 3, concl. 4 et 5, Coninchus disp. 2, dub. 7, n. 82, Bonacin. disp. 5, q. 7, sect. 1, puncto 7, et alii. Sed censemus semper committi gravem inordinationem in eo affectu, seu proposito; si non propter excessum explicitum, qui semper inter peccata reperitur, saltem propter modum, quo in illa fertur, qui quemlibet majorem excessum parvipenderet, et virtualiter parvipendet. Quod ita explicatur: nam qui serio statuit se potius commissurum adulterium, quam furtum, movetur ad hanc appetitativam prælationem ex infamia, quam furtum habet apud homines, et ipse refugit: quare ex vi hujus magis eligeret, eligitque (si peccaturus esset) plura adulteria, quam unum furtum, quippe semper occurrit eadem ratio motiva refugiendi furtum præ adulterio, nempe infamia, quæ major ex furtis, quam ex adulterio apud homines reputatur. Manifestum autem est plura adulteria excedere notabiliter unum furtum: atque ideo in ea comparatione excessum, sive inordinationem notabilem reperiri: ergo qui determinat committere potius adulterium, quam furtum, committit inordinationem gravem, sive peccatum mortale. Et in hanc resolutionem inclinat Lugo disp. 5, sect. 4, num. 42, dicens, quod excessus unius peccati mortalis semper videtur habere malitiam gravem imbibitam: quia per se, et condigna punitur pœna æterna. (Et est alia ratio, qua non egemus.) Observat autem recte prædictus Auctor, (id quod admittimus) has comparationes non semper continere propositum explicitum, vel implicitum erga excessum; sed solum manifestare subjecti fragilitatem, et propensionem ad aliqua objecta præ aliis amplectenda, vel fugienda. Quo pacto firmiter statuens nullum mortale admittere circa furtum, solum declarat se esse magis tentatum, magis de se proclivem, et fragilem in una peccandi materia, quam in alia: quod verum est, sed potest dici absque ullo affectu absoluto, et conditionali aliquod admittendi; sed cum aversione ad omnia, atque ideo sine culpa.

ug nus.
Coninch.
Bonacin.
na.

Lugo.

Secun
concl
sio.

Ludol
Sylve
Ange

Prado

Pro
ur.

theologica in hunc modum. Pœnitens tenetur eum dolorem de peccatis concipere, quo illorum confessio constituatur in ratione accusationis; sed tenetur confiteri omnia peccata in particulari secundum speciem, et numerum: ergo de omnibus illis sic acceptis tenetur dolorem concipere. Patet consequentia, quia ex opposito fieret, vel eorum aliqua in particulari non debere confiteri, vel confessionem eorum non esse vere accusationem. Quod est evertere essentiam hujus sacramenti, instituti per modum iudicii, easque proinde exigentis partes. Hinc oritur in pœnitente obligatio recogitandi, quantum valet, sua peccata in particulari, quæ non magis extenditur, quam obligatio de eis dolendi, et illa confitendi; siquidem recogitatio ad dolorem, et confessionem dirigitur: quare sicut non sufficit, quod pœnitens apprehendat in genere se peccasse, nec sufficit, quod in confessione solum dicat in genere, *Peccavi*; sed debet peccatorum in particulari reminisci, illaque in particulari confiteri, ita non sufficit, quot doleat in genere de peccato secundum hujus communem rationem, sed debet dolere de singulis peccatis, ita ut dolor terminetur ad proprias omnium, et uniuscujusque rationes. Et si aliquando contingat, quod de aliquibus non recorderetur, et quod subinde, nec de illis expresse doleat, nec ipsa actu explicite confiteatur; nihilominus dolor, quem concipit, ad ipsa implicite, et in voto extenditur, sicut extenditur intentio confitendi ea, quorum memoria non occurrit nunc, quando occurret.

79. Et quia cuncta principia præmissi discursus laclenter docet Concilium Tridentinum, placet ejus verba transcribere, quæ assertionem ita evincunt, ut de ea dubitari non possit inter Catholicos. Sessione ergo 14, cap. 5, inquit: « Ex institutione sacramenti jam explicata, universa Ecclesia semper intelligit institutam etiam esse a Domino integram peccatorum confessionem, et omnibus post Baptismum lapsis jure divino necessariam existere. Quia Dominus noster Jesus Christus et terris ascensurus ad cœlos, sacerdotes sui ipsius vicarios reliquit, tanquam præses, et iudices, ad quos omnia mortalia crimina deferantur. in quæ Christi fideles ceciderint: qui, pro potestate clavium

« remissionis, aut retentionis peccatorum
« sententiam pronuntient. Constat enim
« sacerdotes iudicium hoc, incognita causa,
« exercere non potuisse, nec æquitatem
« quidem illos in pœnis injungendis ser-
« vare potuisse, si in genere dumtaxat, et
« non potius in specie, ac sigillatim sua
« ipsi peccata declarassent. Ex his colligi-
« tur oportere apœnitentibus omnia peccata
« mortalia, quorum post diligentem sui
« discussionem conscientiam habent, in
« confessione recenseri, etiam si occultis-
« sima illa sint... Verum cum universa
« mortalia peccata, etiam cogitationis, ho-
« mines iræ filios, et Dei inimicos reddant;
« necessarium est omnium etiam veniam
« cum aperta, et verecunda confessione a
« Deo querere. Itaque dum omnia, quæ
« memoriæ occurrunt peccata Christi fide-
« les confiteri student, proculdubio omnia
« divinæ misericordiæ agnoscenda expo-
« nunt: qui vero secus faciunt, et scienter
« aliqua retinent, nihil divinæ bonitati
« per sacerdotem remittendum proponunt.
« Si enim erubescat ægrotus vulnus medico
« detegere, quod ignorat, medicina non
« curat... Constat enim nihil aliud in
« Ecclesia a pœnitentibus exigi, quam ut
« postquam diligentius se excusserint,
« et conscientia suæ sinus omnes, et
« latebras exploraverint, ea peccata con-
« fiteantur, quibus se Deum, et Domi-
« num suum mortaliter offendisse me-
« minerint: reliqua autem peccata, quæ
« diligenter cogitanti non occurrunt, in
« universum eadem confessione esse in-
« clusa intelliguntur: pro quibus fideliter
« cum Propheta dicemus: Ab occultis meis
« munda me Domine. » Et deinde canone
17, diffinit: « Si quis dixerit in sacra-
« mento pœnitentiæ ad remissionem pecca-
« torum necessarium non esse jure divino
« confiteri omnia, et singula peccata mor-
« talia, quorum memoria cum debita, et dili-
« genti præmeditatione habeatur, etiam
« occulta, et quæ sunt contra duodecim Deca-
« logi præcepta, et circumstantias, quæ spe-
« ciem mutant... Anathema sit. » Hæc omnia
Concilium: ex quibus constat ad sacramentum
pœnitentiæ requiri, quod omnia
peccata gravia in specie, et numero secundum
has particulares rationes manifestentur in confessione: constat etiam, quod pro
eis ita in particulari dignoscendis debet

Concil.
Trident

præmitti diligens præmeditatio, et conscientiæ discussio. Unde palam concluditur necessarium etiam esse dolorem de illis in speciali, et secundum proprias rationes. Tum, quia dolor non minus est pars hujus sacramenti, quam confessio. Tum, quia, sicut confessio nequit esse accusatio, nisi illi adsit dolor; nec valet esse accusatio de peccatis in genere, nisi adsit dolor de peccatis in genere: ita etiam non potest esse accusatio de peccatis in speciali, et secundum proprias rationes, nisi de eisdem peccatis eodem modo acceptis dolor concurrat, ut in assertionem statuimus.

^{inferitur} 80. Ex qua certa, et communi doctrina inferitur, quod licet pro singulis peccatis non requirantur in hoc sacramento singuli, et distincti dolores, sed sufficiat unus doloris actus, qui ad cuncta peccata in particulari terminetur, ut explicando assertionem statuimus; requiritur, tamen, quod ille unus doloris actus tendat sub motivo adeo communi, et universali, ut ambiat omnia peccata secundum suas particulares rationes, quæ in confessione exponuntur, nullo excepto. Et ratio est: nam actus nequit terminari ad aliquod objectum, sive (et in idem recidit,) nequit attingere ullum objectum terminativum, nisi istud comprehendatur sub objecto motivo, sive ratione sub qua actus procedit: sicut visio corporalis attingere non valet aliquod objectum, nisi sub ratione lucidi, quæ est motivum, aut ratio sub qua visio tendit in objecta. Unde generale est, quod objectum terminativum nequeat excedere, aut prætergredi sphaeram, et latitudinem objecti motivi: ergo quamvis plura, et distincta peccata secundum suas particulares rationes possint terminare illum unum dolorem, qui pro sacramento, et eorum remissione requiritur; tamen, ut illum terminent, debet dolor procedere ex motivo omnibus communi, et quod ad omnia se extendat; uti plane, et ad dolorem, et peccata se habent hæc prædicata, quod peccatum est offensa Dei; quod puniendum sit gehennæ supplicio; quod animam sua fæditate miserabiliter deturpet: in hæc enim omnes species, et individua peccati conveniunt. Quare dolor sub his motivis, aut eorum quolibet ad peccatum terminatus, ad cuncta formaliter, et explicite, aut saltem virtualiter, et implicite se extendit, comprehenditque sub

eadem detestatione. Quæ et non amplius ab hac parte pro dolore ad sacramentum requirito desiderari videtur.

E contrario inferitur secundo, dolorem ^{Inferitur} peccati procedentem ex motivo particulari, ^{2.} non se extendentem ad omnia peccata, minime sufficere, per se loquendo, ad fructum, et valorem sacramenti. Verbi gratia, habens re ipsa duo peccata mortalia, unum in specie luxuriæ, aliud in specie homicidii, post diligens examen non recordatur, nisi homicidii, et de hoc dolet propter specialem homicidii deformitatem, quia scilicet homicidium, et justitiæ, ac charitati erga proximum adversatur. Qui cum hoc dolore ad sacramentum Pœnitentiæ accederet, nec ejus fructum consequeretur, nec illum dolorem per modum partis sacramenti adhiberet, qui pro ejus valore requiritur. Primum patet: quia unum peccatum mortale nequit sine alio remitti: nullum quippe remittitur absque gratia sanctificante, quæ omnibus opponitur, eaque formaliter expellit, ut ostendimus disp. 4, dub. 3, § 2; sed in tali casu non remitteretur peccatum luxuriæ: ergo nec peccatum homicidii. Minor est certa: quia nulli adultorum remittitur peccatum absque aliquo ejus dolore, vel formali, et explicito, vel virtuali, et implicito; sed homo in tali casu neutro et nullo modo dolet de peccato luxuriæ: non formaliter, et explicite, cum talis peccati non recordetur, ut supponitur; nec virtualiter, et implicite, siquidem dolet sub motivo restricto ad malitiam homicidii, et non se extendente ad luxuriæ peccatum: ergo in tali casu non consequeretur remissionem peccati luxuriæ. Secundum etiam ostenditur: nam dolor, qui per modum partis ad valorem sacramenti requiritur, debet extendi ad peccata oblita: hæc enim sunt etiam ex parte objecti materia necessaria hujus sacramenti, et eadem absolute remittuntur, ut proxime vidimus ex Concilio Tridentino; sed qui dolet de homicidio sub motivo speciali, restricto ad solam homicidii malitiam, non se extendit ad peccatum luxuriæ, ut ostensum est: ergo ita se gerens non adhibet eum dolorem, qui in ratione partis est necessarius pro valore sacramenti.

Confirmatur: nam ille dolor nequit esse ^{Confirmatur} pars sacramenti, qui cognitus impedit sa- ^{matio.} cramenti fructum; sed ita se habet dolor specialis

specialis de homicidio secundum specificam malitiam homicidii : ergo talis dolor nequit esse pars sacramenti, nec hujus valori servire. Consequentia patet. Et minor suadetur : quia, cum nemo cognoscat sua peccata occulta, alias occulta non essent ; eo ipso quod sciens et prudens dolorem limitat ad illud præcise peccatum homicidii, quod cognoscit, et non se extendit aliquo modo ad occulta, manifesto periculo se exponit non consequendi fructum sacramenti, remissionem scilicet peccatorum ; quippe quæ nisi una, et simul remitti non valent, ut proxime diximus. Major denique est certa : quia, cum totum sacramentum, et ejus partes ordinantur ad fructum sicut ad finem : nullam habent cum tali fructu explicitam oppositionem : atque ideo implicatorium est esse partem sacramenti illud, quod cognitum impedit fructum ejusdem sacramenti.

81. Nec refert, si huic nostro consecrario opponas primo, quod pro dolore requisito per modum partis ad valorem sacramenti sufficit attritio supernaturalis, ut statuimus dub. præced. § 1 et 2 ; sed dolor de homicidio propter ejus specialem deformitatem potest esse supernaturalis attritio, ut eodem dub. num. 3, diximus, et satis aperte colligitur ex verbis Concilii Tridentini sess. 14, cap. 4 : « Illam vero contritionem » imperfectam, quæ attritio dicitur, quoniam « niam vel ex turpitudinis peccati consideratione, vel ex gehennæ, et pœnarum » metu communiter concipitur, etc. » Ergo immerito tali dolori denegamus rationem partis sufficientis ad sacramenti valorem. Secundo : quia sententia expressa D. Thomæ est, et fere communis inter Theologos ; posse dari sacramentum pœnitentiæ in forme. Id autem ulla aptiori, et magis perspicua via explicari valet, quam in casu proposito, dicendo dolorem homicidii ob specialem ejus deformitatem esse vere partem sacramenti, hujusque proinde valorem subsistere ; deficere autem dolorem alterius peccati, nullumque propterea remitti, atque ideo impediri sacramenti fructum. Quod præter plurimos alios, docent ex nostris Philippus a Trinitate disp. 12, dub. 1, Gabriel a S. Vincentio disp. 6, qu. 1, Antonius a Spiritu sancto disp. 3, sect. 4, et Franciscus a Jesu Maria tract. 6, cap. 5, dub. unico : ergo minus recte oppositum affirmamus.

Hæc, inquam, non referunt, sed facile diluuntur : nam ad primum respondetur omittendo, aut concedendo præmissas, et negando consequentiam, quæ ex eis illegitime colligitur : quamvis enim attritio, ut sit pars hujus sacramenti, debeat esse supernaturalis ; tamen esse supernaturalem non sufficit, ut sit pars, sed debet habere alias conditiones : præsertim vero, quod sit dolor formaliter, vel virtualiter terminatus ad omnia pœnitentis peccata, non solum ad ea, quæ cognoscuntur, sed ad occulta, quæ latent, et quibus se carere nemo prudens, ac timoratus positive judicabit. Et aliter se gerens, procedensque sub particulari doloris motivo, se exponit periculo frustrandi sacramentum, quin potius frustrat, ut ostensum est. Nec oppositum, vel leviter insinuavit Concilium in verbis relatis : « Ex turpitudinis peccati consideratione, » sed magis nostram sententiam. Non enim dixit turpitudinis homicidii, vel furti, vel alterius specialis ; sed « turpitudinis peccati, » dixit, quæ est ratio communis ad omnia peccata, et proinde apta, ut dolor ex illa conceptus terminetur ad omnia in speciali, nullo excepto, quippe cuncta in particulari eam turpitudinem afferunt. Nec propterea negamus attritionem supernaturalem ex particulari motivo posse sufficere in aliquo casu ; sed hunc non alium recognoscimus, quam, ubi pœnitens certo cognosceret se nullum aliud peccatum habere, nisi illud de quo dolet, puta homicidium : hanc vero certitudinem non aliunde haberi posse, (saltem in decursu vitæ, et longo post tempore ab usus rationis initio) nisi ex divina revelatione, ut ex proxime dicendis magis constabit. Qua revelatione supposita, liquido fatemur posse pœnitentem confiteri homicidium cum dolore restricto ad propriam hujus malitiam ; quia nullum aliud habet : foretque sacramentum non solum validum, sed fructuosum, ut eadem ratio convincit : quia supposita notitia infallibili de non existentia alterius peccati, ille dolor supernaturalis, licet restrictus, esset sufficiens tam in esse partis ad valorem sacramenti, quam in esse dispositionis ad ejus fructum. Quare in nostro consecrario meditato diximus dolorem ex motivo particulari *non sufficere per se loquendo*, etc. Hic vero revelationis casus est per accidens, et de raro

Respondet. 1
object.

contingentibus, ac perinde omittendus in doctrinali resolutione.

82. Ad secundum concedendo maiorem Secunda
objectio. ut plane veram, et omittendo minorem, negamus consequentiam: quia etsi non negemus eum dicendi modum, pro tuendo sacramentum pœnitentiæ informe, esse probabilem, habereque in sui patrocinium multos, et graves Auctores; censemus tamen esse falsum, et a D. Thoma, qui sacramentum pœnitentiæ informe frequenter asseruit, nec probatum, nec insinuat. De quo suo loco. Nunc sufficiat observare talem dicendi modum esse impracticabilem, nam idiotæ, et vulgares non dolent cum ea metaphysica præcisione doloris restricti ad unam speciem peccati, qua talem: sed dolent ex motivo generali, quod ambit omnia mortalia: idque experientia liquet, nam, si ab eorum millibus millies inquiramus, quare de peccato doleant, et ad confessionem accedant, non aliud respondent quam ex odio ad offensam Dei, ex timore inferni, ex desiderio exuendi statum miserabilem, in quo sunt: et hæc patient esse generalia inter fideles simplices motiva. Idque a fortiori dicent sapientes, qui evidentius cognoscunt latebras humani cordis, et in eis etiam post diligentem discussionem recondi aliqua peccata occulta: quare obligantur procedere sub motivo, quod ad cognita et non cognita se extendat; ne aliter, et sub limitato motivo procedentes se exponant periculo ponendi obicem fructui sacramenti ob carentiam dispositionis ad illum. Quare cuperemus scire ab illius dicendi modi patronis, an auderent illum praticare in casu proposito? Et profecto non credimus: quia ad id opus erat, quod dicerent se certo scire nullum habere peccatum occultum, quam illud expresse cognitum. Id vero redolet haud levem superbiam alienam ab humili timore Sanctorum dicentium, *Ab occultis meis munda me Domine*. Et si dicant non esse necessarium, quod sciant certo se nullum aliud peccatum occultum habere; sed sibi sufficere, quod post diligens examen nullum aliud grave peccatum deprehenderit, sed illud præcise, de quo sub speciali motivo fœditatis, quam habet, dolent: si id, inquam, dicant, ulterius, et urgentius confutandi sunt. Quoniam eisdem fatentibus contingens est, quod post exactam, diligen-

temque conscientiæ discussionem, lateat in ea aliquod peccatum grave, quod absque sui dolore nec in sacramento remittitur. (Nec aliter, nec ex aliis principiis defenditur apud eos Auctores modus ille salvandi sacramentum pœnitentiæ informe.) Ergo recognoscere debent id sibi posse contingere: atque ideo, quod ubi procedunt sub speciali motivo restricto ad illud præcise peccatum, quod cognoscunt, et confitentur, manifesto periculo se exponunt impediendi fructum sacramenti ob non remissionem peccati occulti, quod sine sui dolore nequit remitti, et eo non excluso minime remittitur aliud expresse cognitum. Fateri itaque opus est dolorem huic sacramento deservientem debere procedere ex eo motivo, sub quo possit terminari ad peccata etiam occulta.

Nec alia fuit sententia Concilii Tridentini in verbis supra relatis, ut liquet ea repetendo. « Constat nihil aliud in Ecclesia
« a pœnitentibus exigi, quam, ut postquam
« quisque diligentius se excusserit, et conscientiæ suæ sinus omnes, et latebras
« exploraverit, ea peccata confiteatur, quibus se Dominum, et Deum suum mortali-
« liter offendisse meminerit: reliqua autem
« peccata, quæ diligenter cogitanti non
« occurrunt, in universum eadem confessione inclusa esse intelliguntur: pro quibus
« fideliter cum Propheta dicemus: Ab
« occultis meis munda me Domine. » En Concilium, primo docet contingere posse, quod post diligenter exploratas conscientiæ latebras maneant aliqua peccata, quæ cogitanti non occurrant. En ulterius, docet hæc occulta in universum intelligi inclusa esse in eadem confessione: quod falsum esset, si confessio, sicut, et dolor, non fieret ex universali motivo ad omnia se porrigente: quin, et falsum esset, peccata occulta in universum inclusa intelligi in eadem confessione, ut diserte docet Concilium, si confessio valida posset fieri cum dolore ex motivo particulari: tunc quippe ex vi illius motivi occulta non includeret, sed excluderet potius, si non contrarie. saltem præcise, ac negative. En denique medium, et remedium a Concilio assignatum, ut de occultis mundemur in hoc sacramento, nempe quod pœnitentes fideliter dicamus: *Ab occultis meis munda me Domine*. Quod remedium, et oratio supponit

ponit omnium peccatorum dolorem terminatum, et ad cognita, et ad occulta. Sed eo remedio uti non vult, qui ad solum peccatum limitat motivum doloris : et eo ipso se exponit errandi, et peccandi periculo. Concludendum itaque est motivum doloris requisiti tam pro fructu, quam pro valore hujus sacramenti debere esse universale, et ad omnia peccata in particulari se extendere.

§ III.

Unicum contra præcedentem assertionem argumentum, et ejus occasione incidentis dubii decisio.

83. Adversus præmissam conclusionem non reperimus sententiam, quæ probetur Auctoribus. Sed tamen unum contra illam occurrit non leve argumentum : nam sufficit, quod dolor in sacramento poenitentiae ita terminetur ad peccata; sicut illa attingit, cum homo extra sacramentum justificatur per contritionem; quid enim extra sacramentum sufficit, a fortiori debet sufficere cum illo; sed cum homo extra sacramentum justificatur per contritionem, non requiritur quod hujus dolor attingat in particulari omnia peccata secundum eorum speciem, et numerum: ergo non requiritur, quod dolor in sacramento terminetur ad omnia peccata in particulari secundum eorum species, et numerum. Consequentia patet. Et minor in qua poterat esse difficultas, ostenditur: quoniam ad dolendum de omnibus peccatis in particulari secundum omnium eorum speciem, et numerum, necessarium est omnia illa recogitare, et in memoriam adducere, ut satis ex se liquet; si quidem impossibile est objectum terminare ullum affectum voluntatis, quin prius apprehendatur per intellectum, et voluntati proponatur; sed, ut quis eliciat actum contritionis, non opus habet ea recogitatione, memoria, et representatione: potest enim, vel unius in particulari, vel omnium in confuso, et in communi memoria sufficienter excitari ad contritionem, ut experientia constat: ergo cum homo extra sacramentum justificatur per contritionem, non requiritur, quod hujus dolor terminetur ad omnia, et singula peccata in particulari secundum proprias eorum rationes. Respondetur concedendo majorem, et

distinguendo minorem: quæ intellecta de attingentia in re omnium peccatorum in particulari, concedenda est; sed negari debet, si intelligatur de attingentia, tam in re, quam in voto: et deinde, vel neganda est absolute consequentia, vel distinguendum consequens eisdem terminis. Minoris autem probatio non aliud evincit, quam a nobis ea distinctione concessum: nempe contingere, quod non possint omnia peccata recogitari in particulari, antequam homo eliciat actum contritionis. Sed hoc solum probat eam recogitationem non præcedere in re; minime vero, quod non requiratur saltem in voto, hoc est, in proposito illa recogitandi tempore debito. Idque eodem sensu contingit etiam in sacramento: quia licet ad illud per se exigatur recogitatio, et dolor omnium peccatorum in particulari; nihilominus contingere valet, quod vel intra sacramentum sufficiant præmissa exhibita solum in voto, puta, si adesset periculum mortis, si urgeret obligatio celebrandi, et necessitas præmittendi confessionem et non daretur tempus necessarium ad recogitandum omnia peccata in particulari. Nam in his, et similibus casibus potest fieri sacramentum poenitentiae absque illa exacta recogitatione, et cum dolore omnium peccatorum in confuso, et in communi. Debet tamen concurrere votum, sive propositum illa recogitandi, et confitendi in particulari, quam primum poenitens opportunitatem habuerit. Itaque dolor pro confessione requisitus debet, sicut ipsa confessio, esse de peccatis in particulari, ut docet communis sententia in nostra assertionem proposita: sed ubi ille ita exhiberi non valet, sufficit votum, sive propositum illam exhibendi, sicut et confessionem omnium mortalium in particulari, cum fieri potuerit. Et hoc eodem modo, licet contingat contritionem, per quam homo extra sacramentum justificatur, non supponere recogitationem omnium peccatorum in particulari, et consequenter nec terminari ad illa sic considerata, sed in communi: tamen quia includit votum confessionis, (nec aliter justificat) in qua omnia in particulari exponenda sunt, propterea importat idem votum recogitandi omnia in particulari, et de omnibus ita dolendi. Quæ responsio est ipsa doctrina Conc. Trident. sess. 14, cap. 4, ubi ait: « Et certe, qui

« illos Sanctorum clamores consideraverit,
 « Tibi soli peccavi, et malum coram te feci.
 « Laboravi in gemitu meo. Lavabo per
 « singulas noctes lectum meum. Recogitavi
 « omnes annos meos in amaritudine animæ
 « meæ, et alia hujus generis : facile intel-
 « liget eos ex vehementi quodam ante actæ
 « vitæ (*quæ recogitabatur*) odio, et ingenti
 « peccatorum detestatione manasse. Docet
 « præterea, etsi contritionem hanc ali-
 « quando charitate perfectam esse contin-
 « gat, hominemque Deo reconciliare, prius-
 « quam hoc sacramentum actu suscipiatur;
 « ipsam nihilominus reconciliationem ipsi
 « contritioni sine sacramenti voto (*quod in*
 « *illa includitur*) non esse adscribendam. »
 Cum itaque in sacramento concurrant re-
 cogitatio, confessio, et dolor omnium pec-
 catorum in particulari; fit consequens,
 quod, cum contritio importet votum sacra-
 menti, illa debent includere saltem in voto,
 ubi exhiberi non possunt in re.

eplica. 84. Sed replicabis : nam contritio per
 institutionem sacramenti non amisit, quod
 ex se, sive ex propria specie habebat; sed,
 ut sit contritio, et secundum suam speciem
 opponatur omni peccato, illudque excludat,
 non eget recogitatione omnium peccatorum
 in particulari, nec opus habet ad illa ita
 considerata se extendere : sufficit namque
 peccata in confuso detestari, quia Deum
 offendunt : ergo contritio per quam homo
 de facto, et secundum præsentem provi-
 dentiam solet extra sacramentum justifi-
 cari, non necessario re, vel voto extenditur
 ad omnia peccata in particulari secundum
 suas speciales rationes. Eo, vel maxime,
 quod contritio in lege gratiæ non est mi-
 noris valoris, aut depressioris efficaciam,
 quam in statu legis naturalis, et scriptæ :
 in quo homo non habuit necessitatem re-
 cogitandi omnia peccata in particulari, nec
 dolendi de illis, ita consideratis; sed satis
 illi erat cognoscere in confuso peccata, et
 de illis pœnitere in communi.

Deluitur
duplici
via. In diluendo hanc replicam occurrunt
 duæ sententiæ contrariæ. Prima sentit
 contritionem ex se, et secundum speciem
 consideratam non includere re, aut voto
 detestationem omnium peccatorum in par-
 ticulari : ac proinde nec afferre obligatio-
 nem illa ita recogitandi, sed sufficere cog-
 nitionem eorum in confuso : idque conti-
 gisse ante institutionem legis Evangelicæ.

Unde ad replicam juxta hanc sententiam
 respondetur omittendo majorem, conce-
 dendo minorem, et negando consequen-
 tiam : nam quod contritio de facto importet
 extensionem saltem in voto ad omnia pec-
 cata in particulari, non provenit ab ejus
 specie, et exigentia; sed ex lege, et insti-
 tutione divina, quibus obligamur omnia
 peccata in particulari confiteri, ac subinde
 illa recogitare, et de eis ita in particulari
 confessis pœnitere. Cum enim, ut contritio
 vera sit, debeat includere propositum
 adimplendi præcepta; ideo de facto, ut
 vera sit, deleatque peccata, importat vel
 re, vel voto eorum in particulari attingen-
 tiam. Id vero opus non erat in antiqua
 lege, cum in ea non esset præceptum con-
 fessionis. Nec per institutionem Evange-
 licam aliquid valoris, vel efficaciam detra-
 hitur contritioni, sed modus tantum exten-
 sionis additur propter additionem novi
 præcepti : ipsa namque non aliter contritio
 est, et vim habet delendi peccata, quam
 includendo intentionem adimplendi cuncta
 divina præcepta, ut de facto occurrit præ-
 ceptum confitendi in particulari peccata.
 Sicut de facto debuit in lege scripta habere
 votum adimplendi præcepta illius legis, a
 quibus secundum suam speciem præscindit,
 et ad quæ non se extendebat in lege na-
 turæ, quia tunc non erant. Ita docent ex
 Thomistis Cajetanus tom. 1 Opusculor.
 tract. 4, quæst. 2, Victoria in Summa,
 num. 116, de Pœnit. Martinus de Ledesma
 2, part. 4, quæst. 16, art. 6, Petrus de
 Ledesma cap. 6, de Pœnit. concl. 5, et 6,
 Candidus disp. 24, art. 14, dub. 2, concl.
 5, Joan. a Cruce de Contrit. quæst. 2, dub.
 2, concl. 3. Ex aliis Vasquez qu. 86, art. 2,
 dub. 7, Lugo disp. 5, sect. 7, num. 90,
 Navarrus, Vega, et Major quos refert, et
 sequitur Suarez disp. 4, sect. 6, Bonacina
 quæst. 5, sect. 1, punct. 5 et 6, Diana 3
 part. tract. 4, resolut. 118, Aversa quæst.
 2, sect. 9, Trullench lib. 4, cap. 5, dub. 3,
 Tirso disp. 33, et alii plures Recentiores,
 unde Tirso affirmat hanc esse communem,
 et veram sententiam. Sed quid de hoc num.
 sequenti videbis.

Quam probant : quia pro vera contritione
 secundum se sumpta non requiritur reco-
 gitatio peccatorum in particulari, quæ vel
 ipsam præcedat, vel ipsam comitetur, vel
 ad ipsam subsequatur : ergo prædicta re-
 cogitatio

Cajet.
Vict.
Lede.
Cand.
Joan.
Cruce.
Vasq.
Lugo.
Bona.
Dian.
Aver.
Tirso.

Pro-
tur
sent.

cogitatio nullo modo requiritur ad talem contritionem. Consequentia patet ab exclusione omnium modorum, cum quibus, vel eorum aliquo posset illa recogitatio peccatorum ad contritionem concurrere, et in antecedenti referuntur. Et illud suadet, quoad omnes partes. Prima quidem, nam in qualibet hora, et momento potest elici contritio, juxta illud Ezechielis 18: *In quacumque hora ingemuerit peccator, etc.* sed discussio peccatorum in particulari exigit tempus non modicum: ergo non requiritur, quod talis discussio antecedit contritionem. Secunda etiam ostenditur: quia actualis repræsentatio, et recogitatio plurium peccatorum in particulari est humano modo impossibilis in eodem instanti: quippe intellectus noster nequit ad tot, et tam varia objecta simul attendere: ergo minime requiritur quod in momento, in quo fit contritio, detur actualis recogitatio peccatorum in particulari. Ultima denique constat ex immediata probatione: nam recogitatio peccatorum, quæ non requiritur per se in ipso momento contritionis, et justificationis, minus requiri potest illo transacto: ergo si in illo momento non requiritur, nec adesse humano modo potest, ut dictum est, non potest desiderari post illud. Porro recursus ad recogitationem saltem in voto, sive ad propositum recogitandi peccata in particulari, et de illis secundum proprias rationes dolendi, vanus erit: quoniam, ut contritio secundum se illud importaret, deberet assignari aliquod præceptum naturale obligans ad similem dolorem, et discussionem. Hoc autem præceptum non est assignabile, nec occurrit in veteri testamento: quod enim nunc detur, oritur ex institutione sacramenti poenitentiae, et ad legem gratiae spectat.

85. Secunda sententia præcedenti contraria docet contritionem importare per se, (etiamsi non daretur præceptum confessionis) discussionem, et dolorem omnium peccatorum in particulari; vel in re, ubi id fieri potest; vel saltem in proposito illa exequendi, cum fieri possit. Quare ad replicam propositam negat minorem, ex qua consequentia pendebat. Unde retorqueri debet: nam discussio specialis peccatorum, et omnium illorum secundum suas particulares rationes doloris requiruntur ad contritionem secundum se, et in omni statu;

multo magis requirentur in præsentī statu, ubi præter illa, quæ conveniunt contritioni secundum se, occurrit divinum confitendi præceptum: eruntque proinde necessaria ex duplici titulo, videlicet ex natura ipsius contritionis, et ex præcepto confitendi omnia, et singula peccata. Sic docent ex Thomistis Paludan. in 4, dist. 17, quæst. 1, art. 2, concl. 5, Cano in relect. de poenitentia, part. 3, concl. 3, Soto in 4, dist. 17, quæst. 2, art. 3, Ludovicus Lopez 1 part. Instr. cap. 6, Nugnus in Suppl. quæst. 2; art. 6, dub. 1, Prado quæst. 1, dub. 5, § 2, Sylvius quæst. 2, art. 6, concl. 1, Sylvester verbo *Contritio*, num. 5, Raynerus in Pantheolog. tit. 14, de Contrit. cap. 4, et alii. Idem etiam docent D. Bonavent. in 4, dist. 16, secunda part. art. 2, quæst. 1, et 2, Richard. eadem dist. art. 4, quæst. 2, Durandus dist. 17, quæst. 2, et dist. 21, Ludolph. quæst. 3, Innocentius V, sive Tarantasia dist. 17, art. 2, quæst. 2, et 3, Gabriel dist. 16, quæst. 1, art. 3, dub. 2, Alensis 4 part. quæst. 17, membro 3, art. 8, § 1, et 2, Raymundus in Summa apud Navarrum in Summa cap. 1, num. 22, Angelus verbo *Contritio*, num. 4, Ludolphus Carthus. lib. 1 Vitæ Christ. cap. 20, Adrianus quæst. 3, de Baptismo in fine, Joannes de Medina cod. de Poenit. tract. 1, quæst. 3, Ruardus artic. 5, contra Lutherum. Philarchus tom. 1, de Officio Sacerd. part. 2 cap. 20, Valentia tom. 4, disp. 7, qu. 8, punct. 6, concl. 2, et alii. Et huic sententiæ plurimum favere Doctores antiquos, Dicastillo disp. 2, dub. 8, num. 172, quamvis illi contrarius, fassus est.

Hanc igitur probant ejus patroni primo ab auctoritate: nam Isaia 38 dixit Ezechias: *Recogitabo tibi annos meos in amaritudine animæ meæ.* Quæ verba Concil. Trident. sess. 14, cap. 4, exposuit de necessitate considerationis peccatorum ad poenitentiam: ergo specialis hæc discussio, dolorque specialis ei respondens requiruntur ad veram contritionem secundum se, sive independenter ab institutione sacramenti poenitentiae, quod non erat tempore Isai. : Idem significavit David Ps. 76, dicens: *Et meditatus sum nocte cum corde meo; et excitabar, et scopebam spiritum meum*, ubi legit D. Augustin « Scrutabar spiritum meum » additque S. Doctor: « Se ipsum interroga- bat, se ipsum examinabat, in se judex

posita
tentia
ra, et
mmu-
or, qua
vitur
ilica.

Paluda-
nus,
Can.
Ludov.
Nugnus
Prado,
Rayner.
D. Bo-
nav.
Richard.
Durand.
Innoc. V.
Taranta-
sia,
Gahr.
Alens.
Ray-
mund.
Angel.
Ludolph.
Carth.
Adria.
Medin.
Philarchus,
Valen.
Dicastillo.

Probant
1, aucto-
rit.

Psalm.
76.

D. Augustin. « erat. » Quare necessitatem hujus recogitationis, et doloris omnium peccatorum in speciali satis exprimunt idem D. August. lib. de vera, et falsa pœnit. cap. 9, et 14, et 17, D. Gregor. lib. 4 Moral. cap. 17, et lib. 8, cap. 16, et D. Chrysost. lib. 1, de compunctione in fine, et lib. 2, circa finem, et hom. 9, in epist. ad Hebr. ubi ait: « Si quis recognoscat se peccasse, et non ad singulas species descendat, nunquam cessabit, » id est, non desistet a peccando. Et D. Ambrosius in præfat. ad Ps. 27, pœnitentiam describens ait, « esse commemorationem delictorum, ut ea unusquisque in se castiget. » Nec momenti erit, si cum Suario loco cit. num. 11, et aliis Junioribus respondeatur; illa Scripturæ loca solum repræsentare exempla, et facta sanctorum, qui operantur non præcise quod est necessarium, sed etiam quod melius: unde ex illis minus recte colligitur obligatio. Et eodem modo, inquit, exponendi sunt sancti Patres in testimoniis relatis: hortantur enim ad id, quod est perfectius, licet necessarium non sit. Id, inquam, nec momenti est, nec sustineri debet: quoniam, cum Lutherani dicerent contritionem, sive pœnitentiam non aliud esse, quam cessationem a peccando cum proposito novæ vitæ; Concil. Trident. ut hunc errorem confutaret, et ut evinceret necessitatem doloris, ac detestationis peccatorum, verbis, et exemplis illorum Sanctorum usus fuit, ut constat ex verbis relatis num. 83, quorum hic aliqua reproducemus. « Et certe qui illos Sanctorum clamores consideraverit. Tibi soli peccavi, et malum coram te feci. Laboravi in gemitu meo, lavabo per singulas noctes lectum meum, Recogitabo tibi omnes annos meos in amaritudine animæ meæ, et alios hujus generis, facile intelliget eos ex vehementi quodam ante actæ vitæ odio, et ingenti peccatorum detestatione manasse. » Et ita plane est. Sed Lutherani, si hanc Juniorum responsionem edocti fuissent, facile eluderent Concilii argumentationem dicendo illa testimonia continere exempla, et facta Sanctorum, qui operantur, non præcise quod est necessarium, sed etiam quod est melius: atque ideo in illis testimoniis non recte fundari obligationem odio habendi, ac detestandi præteritæ vitæ peccata. Nemi-

nem autem Catholicorum credimus assensurum, quod bene hoc modo responderent Hæretici. Et tamen suppetias eis ferret, qui approbaret Juniorum responsionem. Ut falsa itaque, et fallax refellenda est.

86. Secundo probatur ratione ex his, quæ de facto contingunt: nam de facto contritio importat vel in re, ubi fieri potest, vel in voto, quando in re fieri non valet, discussionem omnium peccatorum in particulari, et consequenter de eisdem dolorem extensum ad omnes speciales eorum rationes, ut constat ex dictis num. 78, et 83. Ergo idem dicendum est de contritione secundum se, et in omni statu. Probatur consequentia: nam ideo ita de facto contingit in contritione, quia peccata deferenda sunt ex Christi institutione sacerdoti, qui, ut iudex de illorum gravitate, et de condigna pro eis satisfactione iudicet; et tanquam medicus cuilibet morbo convenientia remedia provideat, ne iterum pœnitens in morbum, et mortem recidat; et denique ut attente censeat de obligationibus pœnitentis erga proximum, utputa ad restitutionem famæ, vel bonorum temporalium. Ab his namque radicibus provenit obligatio manifestandi confessario omnia peccata in particulari, atque illa recogitandi secundum suas species, et numerum, ut optime, ea perspicua deduxit Concilium Trident. in verbis relatis num. 79, docens Christum sacerdotes reliquisse sui vicarios tanquam iudices, « ad quos omnia mortalia crimina deferantur, in quæ Christi fideles ceciderunt, quo, pro potestate clavium remissionis, aut retentionis peccatorum sententiam pronuntient. Constat enim sacerdotes iudicium hoc, incognita causa, exercere non potuisse; nec æquitatem quidem illos in pœnis injungendis servare potuisse, si in genere duntaxat, et non potius in specie, ac sigillatim sua ipsi peccata declarassent. Ex his colligitur oportere a pœnitentibus omnia peccata mortalia, quorum post diligentem sui discussionem conscientiam habeant, in confessione recenseri, etc. » Addit rursus: « Itaque dum omnia, quæ memoria occurrunt, peccata Christi fideles confiteri student, proculdubio omnia divinæ misericordiæ ignoscenda exponunt: qui vero secus faciunt, et scientes aliqua retinent, nihil divina

D. Augustin.
D. Gregor.
D. Chrysostom.

Psalm.
27.

Evasio.

Rejicitur.

Secundo
ratione

Concil.
Trident.

« divinæ bonitati per sacerdotes remittendum proponunt. Si enim erubescat ægrotus vulnus medico detegere, quod « ignorat medicinā non curat, etc. » Addit ulterius, quod « b eandem rationem circumstantiæ mutantes speciem debent in confessione exponi : « Quod eis non explicatis non integre peccata innotescant confessariis, et fieri nequeat, ut de gravitate criminum recte censere possint, « et pœnam, quam oportet, pro illis, pœnitentibus imponere. » In contritione autem secundum se, et præscindendo ab obligatione manifestandi peccata alteri homini, sunt prædictæ radices, occurruntque eadem motiva recogitandi singula, et de eis in particulari dolendi; cum ea tamen differentia, quod modo jam instituto sacramento confessionis, alius a pœnitente exercet officium iudicis, et medici : sed ubi ab ea institutione præscinditur (ut loquendo de contritione secundum se, et pro omni statu supponi debet) ipse pœnitens esset sui iudex, ipse sui medicus, atque ideo eandem recogitationem, et scrutationem circa singula peccata deberet adhibere in ordine ad se pro illis muneribus obeundis, quam nunc tenetur adhibere in ordine ad confessarium, ut ipsa convenienter exerceat. Teneretur enim jure naturali ad satisfactionem conignam pro illis Deo offerre; teneretur illa in se pro meritis punire; teneretur eodem jure sibi remedium providere; teneretur denique proximo satisfacere. Quæ, ut expedit, reiue gravitas exposceret, minime posset exequi ex sola, et confusa recordatione peccatorum in communi; sed deberet descendere ad attentam diligentemque illorum discussionem, attendendo ad varias, graves, et graviiores peccatorum species, et ad magnam intra quamlibet speciem eorum multitudinem, ad varias eorum radices, et occasiones, ad satisfactionem pro illis debitam, ad pœnitentias, et remedia pro sui cura procuranda, et ad alia plurima, et plane omnia, quæ modo confessarius, ut iudex, et medicus exercet, et tunc ad pœnitentem ipsum pertinerent. Ergo, si in præsentī statu, concedentibus Adversariis, vera contritio importat re, aut saltem voto recogitationem, ac dolorem peccatorum non præcise in communi, sed in particulari, secundum proprias eo-

rum rationes específicas, et numericas : idem de contritione secundum se, et independentem a præcepto confessionis dicendum est. Totumque discursus indicavit D. Thom. 1, ad Corinth. II, lect. 5, ad illa verba. *Quod si nosmetipsos dijudicemus*; quibus addit : « Discutiendo, judicando, redarguendo, et puniendo peccata nostra. Et sic aliquis debet judicare se ipsum, et quantum ad opera præterita, « et quantum ad futura, secundum illud ad Galat. ult. Opus suum probeat unusquisque. »

D. Thom.

Confirmatur urgeretur, et ad hominem contra plures tuentes priorem sententiam, et præsertim Suarium loco citato num. 12, ubi recognoscit, quod adhuc in lege naturæ teneretur pœnitens in aliquibus eventibus ad recogitandum distincte peccata. Primo, si restituendum esset aliquid : secundo ad tollendum aliquam occasionem peccandi, si esset, vel adhibendum aliud remedium necessarium pro emendatione : tertio propter conignam peccatorum satisfactionem ad tollendum reatum pœnæ temporalis pro peccatis debitæ. Quæ omnia non posset pœnitens convenienter exequi absque accurata, et satis distincta peccatorum in particulari recogitatione, ut satis ex se liquet. Aliunde vero obligatio illa non convenit per accedens veræ pœnitentiæ, sed omnino per se, et ex vi propriæ conditionis tendentis in destructionem peccati; quare qui prædicta voluntarie omitteret, non vere pœniteret, nec suo muneri satisfaceret : ergo de ratione contritionis, seu veræ pœnitentiæ in omni statu est, quod per se loquendo recogitet homo sua peccata distincte, et in particulari, et ita doleat, ubi occasionem, et tempus habet. Ubi autem ista desunt, vel priusquam homo se applicet ad distinctam illam recogitationem, et movetur efficaciter a Deo ad contritionem; satis est, quod illam habeat in voto, seu proposito : sicut in præsentī statu, concedente Suario, solet homo conferi, et justificari antecederet ad sacramentum pœnitentiæ, in re, et ipsam diligentem conscientiæ discussionem, et alias condiciones, quas sacramentum requirit : sed tamen nec conteritur, nec justificatur sine voto sacramenti, et aliorum, quæ istud exposcit. Et sic contigisse in aliquorum pœnitentia ante institutionem,

Confirmatio
urgens,
et ad
hominem.

et usum hujus sacramenti facile conceditur, præsertim in his, qui quasi subito, et brevissimo tempore conversi sunt, quibus proinde satis tunc fuit confusa peccatorum cognitio, ut de Zachæo Luc. 19, et a fortiori de latrone in cruce pendente Luc. 23, possumus intelligere. Sed hæc sunt per accidens respectu contritionis: sicut nunc est per accidens, quod quis aliquando moriatur cum contritione, sine sacramento in re, cujus votum in contritione ipsa includitur, et sine illo vera contritio non esset.

Judicium
auctoris
circa re-
latas
sent.

87. Quamlibet autem ex duabus prædictis opinionibus sequamur; satis replicæ, pro qua illas expendimus, factum est: nec opus habemus uni earum determinatæ subscribere, præsertim, cum una, et altera habeat graves patronos inter Thomistas. Et quidem primam docere videtur Angelicus Præceptor quæst. 28, de Verit. art. 5 ad 3, his verbis: « Non est necessarium, quod aliquis in ipso momento justificationis de hoc, vel illo peccato determinate cogitet, sed solum quod doleat se propria culpa a Deo esse aversum. » Et in resp. ad 4, addit: « Omnia peccata conveniunt in aversione a Deo, ratione cujus gratiam impediunt. Unde ad justificationem nem non requiritur, quod in ipso justificationis momento aliquis de peccatis singulis cogitet, sed sufficit, quod cogitet de hoc, quod per culpam suam est aversus a Deo. » Sed quærentes, reperientesque D. Thomam, ut judicem in hac causa, non possumus non secundæ sententiæ adhærere: quia, quantum capimus, illam evidenter, et ex proposito docet in hac 3 part. quæst. 87, art. 1. ubi ait: « Exigitur autem ad remissionem peccati mortalis perfectior pœnitentia, ut scilicet, homo actualiter peccatum mortale commissum detestetur, quantum in ipso est, ut scilicet diligentiam adhibeat ad rememorandum singula peccata mortalia, ut singula detestetur. » Nec potest dici, quod loquatur de remissione peccatorum in hoc sacramento, vel de pœnitentia pro hoc statu legis Evangelicæ: nam aliter omnino se habet loquendo, scilicet, in genere, et attendendo præcise ad remissionem peccati mortalis, et remissionem peccati venialis consideratis secundum se, et pœnitentiam diversam, quam pro sui remissione exigunt, ut legenti articulum evidenter

Sentent.
2 est
confor-
mior D.
Thom.

constabit. Et proculdubio in 1, 2, non agebat de sacramentis, et tamen quæst. 113, art. 5 ad 3, dixit: « In tempore præcedenti justificationem oportet, quod homo singula peccata, quæ commisit, detestetur, quorum memoriam habet. Et ex tali consideratione præcedenti subsequitur in anima quidam motus detestantis universaliter omnia peccata commissa: inter quæ etiam includuntur peccata oblivioni tradita. » Eandem doctrinam tradit in 4, dist. 17, quæst. 2, art. 2, quæstiunc. 6, et dist. 21, in expositione literæ, et in ipso loco, qui pro prima sententia afferebatur ex quæst. 28, de Verit. art. 5, post verba relata ex resp. ad 4, addidit: « Recogitatio autem singulorum peccatorum debet vel præcedere, vel saltem sequi justificationem. » Ubi manifeste inclusit omnem contritionem, quam possumus imaginari inter ejus testimonia: et simul explicuit legitimum sensum opinionis, quam amplectimur, nempe pro vera contritione requiri discussionem singulorum peccatorum; sed non alligari soli justificationis momento; sed posse illam antecedere, aut subsequi, et comitari justificationem, si non in re habitam, saltem in voto.

Unde patet ad fundamentum primæ sententiæ, quod late expendit Suarez, sed patitur evidentem in subsistentiam in his, quæ de facto contingunt: nam de facto pro contritione, qua peccator solet ante sacramenti susceptionem justificari, requiritur recogitatio omnium, et singulorum peccatorum in particulari, vel in re executâ, vel imbibita saltem in voto suscipiendi sacramentum, ut Suarius ipse, et alii Auctores primæ sententiæ communiter docent. Ab illis itaque inquirendum est, quando recogitatio singulorum peccatorum debeat adesse, ante momentum contritionis: vel in ipso, vel post ipsum? Et quod responderint; solutio difficultatis ab eis objectæ erit pro prædicta recogitatione, et contritione ante statum legis Evangelicæ, sive independentem a præcepto confessionis. Sed nos ex hactenus dictis facile respondemus recogitationem peccatorum per se, et communiter loquendo præcedere instans contritionis: nam hæc communiter oritur ex consideratione fæditatis, et multitudinis peccatorum, ut ex testimoniis Concilii Tri-

Occurrit
tur i
fundam.

dentini,

dentini, et D. Thomæ edocemur. Nec opus est, quod in ipso contritionis, ac justificationis momento omnia peccata in particulari repræsententur secundum suas proprias rationes : sed sufficit hanc notitiam, quæ successive acquiritur, præcessisse, et eo momento in communi, aut in confuso refricari : nam contritio tunc sub motivo generali satisfaciendi Deo pro offensis, terminatur ad omnia, et singula peccata prius cognita, et ad omnes eorum specificas rationes, tanquam ad objectum quod. Ubi autem illa exacta recogitatio non præcedit, sed peccator motus ab Spiritu sancto, in contritionem quasi subitanæ prorumpit; sicut talis contritio importat propositum observandi alia præcepta, ita includit votum recogitandi singula peccata præterita, ut homo assumat pœnas convenientes pro eorum satisfactione, ut caveat ab occasionibus ad ea trahentibus, ut proximo restituat, quod debet, et alios fines consequatur, propter quos, aut similes dolor ad sacramentum pœnitentiæ requisitus prædictam recogitationem, et conscientiæ discussionem exposcit, ut satis constat ex dictis.

DUBIUM III.

Quæ sit materia doloris pertinentis ad sacramentum pœnitentiæ.

Non admodum necessaria erat hujus difficultatis discussio, tum quia facile superatur, tum, quia, si aliquam arduitatem continet, explicatam fuse reliquimus in priori hujus Tract. parte a num. 4, et ideo breviter in ea versanda, ac resolutorie procedemus, quam omittere aliunde non oportebat, ne plura, quæ concernit, in hac disputatione, desiderarentur, ad quam pertinent per se. Nomine autem materiæ intelligitur objectum, circa quod versatur dolor, illud refugiendo, ac detestando, quod licet sit materia remota respectu sacramenti, est tamen proxima respectu doloris pertinentis ad sacramentum. Et ad hunc dolorem, ut talem, et sub expresso ad sacramentum pœnitentiæ ordine cingitur proposita difficultas. Nam quod attinet ad dolorem, prout est actus pœnitentiæ virtutis, satis constat ex dictis in priori

parte disp. 5, per totam, et amplius incidenter constabit ex dicendis.

§ 1.

Proponitur communis sententia, et ab aliquibus objectionibus vindicatur.

88. Dicendum est materiam doloris pertinentis ad sacramentum pœnitentiæ esse <sup>Asser-
tio.</sup> omnia, et sola peccata pœnitentis post baptismum commissa. Hæc conclusio est communis inter Theologos, et nequit aptius suaderi, quam illam explicando per singulas ejus partes : inde enim ejus adæquate veritas apparebit. Sed prænotandum prius est duplicem distingui in hoc sacramento materiam : aliam sufficientem, quæ, videlicet, sufficit in suo genere ad sacramentum, sed tamen non debet necessario ad illud deferri, ut est peccatum veniale : aliam vero necessariam, quæ non solum sufficit, sed debet ex præcepto divino in confessione exponi, et ad sacramentum concurrere. Unam autem, et alteram materiam sufficientem, et necessariam significamus in assertionem per *materiam doloris*, etc., et in hoc sensu accipienda sunt, quæ dicemus. Primo itaque affirmamus materiam esse *peccata* : quod est evidens supposita institutione hujus sacramenti per modum spiritualis judicii, in quo pœnitens est reus, et se accusat : et pro isto judicio materia debet consistere in delictis, sive peccatis ipsius rei, seu pœnitentis. Idque satis perspicue constat ex ipsa sacramenti forma, nempe *Ego te absolvo a peccatis tuis* : in quo significatur materiam hujus judicii esse peccata, a quibus per sententiam sacerdotis pœnitens liberatur.

Sed addidimus *omnia* ad comprehendendum tam mortalia, quam venialia. Et de mortalibus facile constat, cum sint materia necessaria, sive necessario deferenda ad hujus sacramenti tribunal, ut ex sæpius dictis satis constat, et nemo ex Catholicis negat. Idque negare esset hæreticum : quia (ut alia hactenus repetita omittamus) Concil. Trident. sess. 14, cap. 2, docet : « Est <sup>Concil.
Trident.</sup> autem hoc sacramentum pœnitentiæ « lapsis post Baptismum ad salutem necessarium : » idque diffinivit can. 7 ejusdem sessionis. De venialibus autem

Franciscus Ossuma (vir alias pius, et doctus) in Alphabeto 2, tract. 4, cap. 5, lit. D. asseruit non esse materiam sufficientem sacramenti pœnitentiæ, et eum, qui ea sola confitetur, et ab eis absolvitur, non recipere gratiam ex opere operato. Sed hæc etiam doctrina est hæretica: quia Concilium Tridentinum sess. cit. cap. 5, docet: « Venialia, quibus a gratia Dei non « excludimur, et in quæ frequentius labi-
« mur, quamquam recte, et utiliter, ci-
« traque omnem præsumptionem in con-
« fessione dicantur, quod piorum homi-
« num usus demonstrat; taceri tamen citra
« culpam, multisque aliis remediis expiari
« possunt. » Quod est asserere peccata venialia esse quidem materiam, licet non necessariam, tamen sufficientem hujus sacramenti. Et conformiter ad hanc doctrinam diffinivit can. 7: « Si quis dixerit...
« non licere confiteri peccata venialia,
« anathema sit. » Et plane vincitur id dicere, qui negat venialia esse materiam sufficientem hujus sacramenti, ut istud (cum aliis conditionibus supponendis) causet gratiam ex opere operato: quia non licet ita confiteri, aut ea præcise dicere, ex quibus sacramenti fructus sequi non possit. Et idem, quod Concilium, jam prius statuerat Leo X in condemnatione articuli 8, contra Lutherum. Ratio etiam theologica idem demonstrat: quia peccata venialia vere sunt peccata, et aliquam malitiam important, licet longe inferiorem, quam mortalia: ergo possunt subdi potestati, quam sacerdotes habent solvendi, ac ligandi in sacramento pœnitentiæ ex Christi concessione, et institutione: hanc enim dedit eis Christus absque ulla limitatione, vel restrictione ad certum, et determinatum genus peccati. Quare ob hæc, et alia motiva merito jussit sacrum Inquisitionis tribunal in Indice expurgatorio anni 1640, pag. 425, deleri eam Alphabeti doctrinam.

89. Nec videmus quid vel apparentis momenti potuerit illius Auctori occurrere, ut tam absurda subscripserit. Opponi tamen valet: nam peccatum, quod potest esse materia sacramenti, concurrente ejus dolore, et aliis requisitis, quibus sacramentum perficitur, dimittitur per sacerdotis absolutionem; aliter frustra huic, et Ecclesiæ clavibus subderetur per confessionem; sed peccata venialia non dimit-

tuntur per sacerdotis absolutionem: ergo non possunt esse materia hujus sacramenti. Cetera constant. Et minor suadetur: quia peccata venialia non remittuntur quoad culpam, manente reatu ad pœnam Purgatorii, ut ex professo docet M. Tirso, tom. 3, select. disp. 8, per totam, ubi statuit peccatum veniale, transacto actu, non esse aliud, quam prædictum reatum; sed certum est post confessionem venialium, et absolutionem sacerdotis, manere reatum ad pœnam Purgatorii; et similiter post illa præmissa in Purgatorio puniri: ergo venialia non remittuntur per sacerdotis absolutionem. Nec satisfaciet, qui dixerit cum Tirso absolutionem sacerdotis remittere aliquid reatus ad prædictam pœnam, atque ideo aliquid culpæ, quæ ab illo reatu non distinguitur; sed relinquere aliquid tam culpæ, quam reatus ad pœnam ultimo luendam in Purgatorio. Nam contra est, quod posito dolore sufficienti cum sacramento ad remissionem culpæ, non est, cur tota non remittatur: et sic videmus, quod posito dolore sufficienti cum sacramento ad remissionem peccati mortalis, remittitur totum, quod in eo habet rationem culpæ, licet illud gravius incomparabiliter sit, quam peccatum veniale: ergo si posito sufficienti dolore cum sacramento ad remissionem venialium, non remittitur culpa per sacerdotis absolutionem, signum est venialia non esse materiam sufficientem hujus sacramenti, quæ possit clavibus Ecclesiæ subdi, et sacerdotali absolutione aboleri.

Ad hanc objectionem respondetur negando minorem: certum namque est juxta communem Theologorum doctrinam, et fidelium apprehensionem, ac proprietatem verborum absolutionis, peccata remitti per eandem absolutionem quantum ad culpam juxta pœnitentis dispositionem. De quo videri possunt, quæ discussa reliquimus locis relatis num. 69. Ad minoris autem probationem iterum neganda est minor sequentis syllogismi, quam vehementer falsam censemus, nec aliunde ortam, quam ex falsis pariter principiis quorundam antiquiorum confundentium reatum ad pœnam cum culpa, seu macula post actum peccati. Sed doctrina Concilii Trident. sess. 6, de Justificatione, et sess. 14, de sacramento pœnitentiæ potuerunt, debueruntque

Idem.
Concil.

Idem.

Objectionem.

M. Tirso.

Object.
respond.

debuēruntque tales opinationes emendari, et ad meliorem frugem reduci, recognoscendo culpam, seu maculam post actum peccati aliud esse a reatu pœnæ, sive obligatione satisfaciendi. Nam Concilium sess. 14, cap. 8, ait : « Sancta Synodus declarat falsum omnino esse, et a verbo Dei « alienum culpam a Domino nunquam remitti, quin universa etiam pœna condonetur. » Et can. 12, diffinit ; « Si quis dixerit totam pœnam simul cum culpa remitti semper a Deo... Anathema sit. » Ergo fieri potest, et non semel contingit remitti totam culpam a Deo, quod in hoc sacramento fit ministerio sacerdotum, et non remitti totam pœnam, sive obligationem satisfaciendi. Nec ullo modo audiri debet prædictus Auctor dicens hanc Concilii doctrinam, et diffinitionem procedere circa peccata mortalia, secus circa venialia. Nam doctrina, et diffinitio Concilii sunt indefinite, et in genere, nullatenus quantum ad hoc distinguentes inter peccata mortalia, et venialia ; atque ideo in materia dogmatica æquivalent propositioni universali, et distributivæ circa eandem materiam. Et profecto, si Concilium aliud intendisset, facilimo negotio illud significasset, non dicendo semel, et iterum *culpam* sine restrictione ; sed addendo adjectivum limitans, nempe culpam mortalem.

Idque confirmatur exemplo satis appposito in eadem materia : nam ubi Concilium accessit ad agendum de materia remota hujus sacramenti, quæ consistit in peccatis, prævidens differentiam inter gravia, et levia, docuit cap. 5, sess. 14, (verba proxime dedimus) *pœnitentes debere confiteri omnia mortalia*, et posse confiteri *venialia*, sed ad id non teneri. Et rursus can. 7 : « Si quis « dixerit in sacramento pœnitentiæ ad remissionem peccatorum necessarium non « esse jure divino confiteri omnia, et singula peccata mortalia... Et non licere « confiteri peccata venialia, anathema « sit. » Ubi apparet, quam sedula attentione, et perspicuis verbis distinxerit inter mortalia, et venialia, ubi distinguere debuit, ne sub una determinatione comprehenderentur quantum ad modum remissionis, quem habent diversum. Si ergo simile quid discriminis haberent quantum ad remissionem culpæ, et pœnæ, illa Concilium expressis vocibus distingueret : quod ta-

men non fecit, sed absque ulla distinctione docuit, diffinivitque, quod dimissa culpa non semper remittitur tota pœna. Atque ideo fateri oportet, quod remissis peccatis venialibus quantum ad culpam, potest, et solet remanere aliquis eorum reatus quantum ad pœnam : sicut plane omnes apprehendimus, et communiter loquimur. Et si id contingit in mortalibus, ut ille Auctor non negat propter diffinitionem Concilii, quam ideo ad mortalia restringit ; cur non etiam in venialibus, in quibus etiam distinguitur malitia a debito pœnæ ; cum istud in ea, vel re, vel ratione fundetur ? Præsertim, quia sicut optime intelligimus tolli peccatum per gratiam habitualement, et relinqui obligationem ad aliquam pœnam : ita etiam intelligimus excludi peccatum veniale per actum charitatis sibi oppositum, et remanere debitum alicujus supplicii. Recolantur, quæ fuse tradidimus locis supra relatis, ex quibus constabit, qualiter venialia suam maculam importent, et quæ sit forma illam delens, et quomodo in hoc sacramento remittantur ex opere operato. Hic enim sufficit, vel attigisse, et repulisse falsum adeo dicendi modum, et oportet pergere ad alia.

90. Diximus in assertione, et *sola* peccata esse hujus sacramenti materiam. Et ratio est : quia illud præcise habet rationem materiæ in sacramento, quod subjicitur ejus formæ, nempe absolutioni sacerdotis ; sed sola peccata tali formæ subjiciuntur, ut constat ex verbis, quibus vel explicite, vel implicite positis constat. *Ego te absolvo a peccatis tuis* : ergo sola peccata sunt materia hujus sacramenti. Et sic docent communiter Theologi.

Sed oppones. Imperfectiones in via salutis non sunt peccata mortalia, nec venialia ; et tamen sunt materia sufficiens doloris requisiti ad hoc sacramentum : ergo falsum est sola peccata esse illius materiam. Major est certa : quia imperfectiones distinguuntur contra peccata mortalia, et venialia juxta communem Theologorum sententiam, et quidem merito : quia omne peccatum est contra legem illud prohibentem ; imperfectiones vero solum procedunt contra consilium, quod obligationem non inducit, ut optime docuit D. Thom. 1. 2, q. 108, art. 4, dicens : « Hæc D. Thom., « est differentia inter consilium, et præcep-

Sola peccata sunt materia sacramenti pœnitentiæ.

Oportet in contrarium.

« tum, quod præceptum importat necessita-
 « tem : consilium autem in optione ponitur
 « ejus, quod datur. » Minor etiam suadetur :
 inde recte colligitur peccata venialia esse
 materiam sufficientem hujus sacramenti,
 quod personæ sanctæ illa confitentur, ut
 colligitur ex Concil. Trident. sess. 14, cap.
 5, ubi usum confitendi venialia defendit
 contra Lutherum dicendo : « Venialia,
 quibus a Dei gratia non excludimur, et in
 quæ frequentius labimur, quamvis recte,
 et utiliter, citraque omnem præsumptio-
 nem in confessione dicantur, quod piorum
 hominum usus demonstrat, etc. » Sed pii
 homines, dediti vitæ spiritualis profectui
 imperfectiones etiam deferunt ad hoc sa-
 cramentum, et de eis se accusant, ut per
 experientiam cognoscunt ministri, qui
 personarum spiritualium confessiones
 audiunt : ergo imperfectiones sunt materia
 sufficiens pro dolore ad hoc sacramentum
 requisito.

Confirmatur, et declaratur amplius : quia
 resistere, sive non obedire acquiescendo
 divinis inspirationibus nullum est pecca-
 tum ; siquidem harum inspirationum
 materia concernit communiter opera su-
 pererogationis, aut consilii, ad quæ nulla
 lege obligamur ; et tamen usus est piorum
 illa confiteri, ad idque hortatur Piissimus,
 et admodum Venerabilis M. Ludovicus
 Granatensis in Memoriali vitæ Christianæ
 tract. 2, part. 2, cap. 3, cui subscribunt
 viri docti Toletus lib. 3, cap. 2, num. 5,
 Lugo disp. 10, sect. 2, in fine, et alii plu-
 res : ergo, quod peccatum non est, potest
 esse materia doloris, huic sacramento ser-
 vientis.

91. In diluendo hanc objectionem caven-
 dum nobis est a duabus sententiis extreme
 oppositis. Nam Joannes Sanchez in select.
 disp. 1 et 6 et 7, reprehendit personas spi-
 rituales, quod de imperfectionibus se accu-
 sent in sacramento pœnitentiæ, cum ejus
 materia esse non possint. Quam senten-
 tiam refert, et non reprobatur Diana, quin
 aptam dicit ad sedandum multos scrupulos
 3 part. tract. 4, resolut. 52, et 9, part. tract.
 9, resolut. 19. E converso aliqui ita pon-
 derant imperfectionum deformitatem, ut
 illas accensere videantur materiæ suffi-
 cienti hujus sacramenti. Ita se gerunt Lugo
 disp. 3, sect. 1, et Aversa quæst. 2, sect. 7,
 num. 9 et alii expendentibus specialiter (ut

alia leviora omittamus), quod licet Deus
 non avertatur positive ab homine propter
 has imperfectiones, avertitur tamen nega-
 tive : et licet non irritetur ad infligendum
 pœnam, deobligatur tamen ad communi-
 candum uberiora auxilia, atque efficacia ;
 unde quasi indirecte disponitur homo per
 imperfectiones ad patrandum culpam, quæ
 negato auxilio efficaci succedit. Unde licet
 non audeant dicere, quod imperfectiones
 sint materiam doloris pertinentis ad sacra-
 mentum pœnitentiæ ; dicunt tamen esse
 materiam doloris pertinentis ad pœniten-
 tiam virtutem, et occasionem dant existi-
 mandi, quod prædictus dolor queat etiam
 sacramento deservire : nam quod directe,
 aut indirecte peccatum inducit, etiam est
 peccatum, et materia doloris pro sacra-
 mento.

Oportet itaque ab illis extremis in viam
 mediam nos colligere, et loqui cum dis-
 tinctione. Imperfectiones namque possunt
 considerari vel secundum ea præcise, quæ
 essentialiter important ; vel secundum ea,
 quæ accidentaliter habent, et cum quibus
 in actu exercito, frequentissime, et ut in
 plurimum conjunguntur. Ut enim in tract.
 13, de peccatis, disp. 19, dub. 1, explicui-
 mus, imperfectionis voce apud Theologos
 significatur ille actus, qui ex specie, et in
 individuo est moraliter bonus ; sed non
 pertingit ad eum gradum, quem studium
 perfectionis importat, et quem de subjecto
 ad eam tendente prudens opinio poterat
 sperare. Ubi apparet talem defectum per-
 fectionis in actu bono non esse contra ali-
 quam legem stricte, et in conscientia obli-
 gantem : sed solum prætermittere quandam
 decentiæ legem in meliora tendendi. Unde
 imperfectio est actus absolute bonus ; et
 potest esse meritorius vitæ æternæ, ut
 liquet in actu charitatis magis remisso,
 quam sit habitus de quo dixit D. Thom. 2,
 2, q. 24, art. 6 ad 3, quod « dum in via
 « Dei procedit aliquis, nedum charitas ejus
 « augetur (quod actu intensiori fit) sed
 « etiam dum disponitur ad ejus augmen-
 « tum, » (quod fit etiam per actus minus
 intensos). Non laudatur tamen actus imper-
 fectus, licet absolute bonus, quia laus, sicut
 et consilium respiciunt opera perfectiora :
 et tamen reprehendi non potest, ut quid
 culpabile. Quod si inter spirituales ali-
 quando reprehenditur quasi minus con-
 gruus

Concil.
Trident.

Confir-
matio.

Ludov.
Gran-
atens.
Tolet.
Lugo.

Caven-
dum a
duabus
senten-
tiis, etc.

Joan.
San-
ch.
Lugo,
Dian.
Aversa.

Respon-
sio ob-
ject.

D. Thom.

gruus eorum statui, et profectui; vera reprehensio, aut vituperatio non est, sed magis exhortatio ad sectandum perfectiora. Unde constat ponderationes illas Lugonis, et Aversæ esse excessivas, et falsas in rigore theologico, ut recte observavit Prado qu. 1, dub. 4, § 7, num. 46. Deus enim complacet absolute in his actibus, quos imperfectiones vocamus, quia sunt absolute boni, et ab ipso Deo, qui nihil odit eorum, quæ fecit. Quare nec privative, nec negative avertitur ab homine propter solas imperfectiones, nec illis ob ea denegat auxilia efficacia, quod esset summum supplicium cum absque illis ruamur infallibiliter in peccata. Et similiter dici non valet, quod disponat adhuc indirecte ad culpam, cum sint absolute opera moraliter bona, et aliquando supernaturalia; quamvis non in ea intensione, qua possent: et ideo nulla ratione disponant ad culpam, quamvis nec disponant ad maiorem perfectionem, quæ expectari posset a subjectis juxta illorum statum, et studium tendendi in meliora. Quæ motiva evincunt imperfectiones ita consideratas non solum esse materiam doloris pro sacramento, sed nec doloris elicitum a virtute pœnitentiæ: quoniam hæc dolet ex motivo satisfaciendi, prout valet utcumque pro offensa Dei: in imperfectionibus autem non reperitur ulla Dei offensa, nec ex eis prout resultat ulla obligatio ad satisfactionem. Si quis vero est earum dolor, pertinet ad charitatem, cujus est ad Deum magis, ac magis per amorem accedere, et consequenter dolere, et tristari, quod non ita progrediamur, sed remisse, et imperfecte.

Quamvis autem imperfectiones essentialiter consideratæ, in proprietate ac rigore Theologicis ita se habent; negari tamen non debet, quod satis frequenter sibi conjuncta habeant peccata venialia, quin, et quod sint non puræ imperfectiones, sed etiam culpæ saltem leves, ut puta accidiæ, inconstantia, ingratitude, et obdurationis in parvipendendo divina auxilia ad meliora. Accedit juxta veram, et communiter receptam sententiam D. Thomæ 1, 2, quæst. 18, art. 9, quam statui-mus tract. 11, de bonit. et malitia disp. 7, dub. 2, nullum dari actum humanum in individuo, qui non sit bonus, aut malus moraliter propter obligationem, quam

homo habet operandi rationabiliter, sive propter finem honestum: a qua obligatione non eximuntur actus de sua specie indifferentes, aut ex objecto honesti. Frequentissime autem contingit istos, quos imperfectiones vocamus, carere hujusmodi ordinatione, nec facile, et communiter illam assequi. Quare cum eadem frequentia accidit, quod sint peccata venialia: non quidem quia ex objecto opponantur alicui legi particulari; sed quia opponuntur legi universaliori prohibenti, ne homo sui compos operetur absque intentione, et ordine ad finem honestum. Verbi causa, Constitutiones Reformationis nostræ non obligant ad culpam aliquam gravem, aut levem, sed præcise ad pœnam in eis taxatam: quare ex terminis fieri potest, quod earum violatio, aut non observatio nullum peccatum importet, sed meram imperfectionem sitam in eo quod earum directione, et observantia non ad meliora illis præscripta aspiremus. Sed raro id contingit absque aliqua culpa veniali, saltem ob carentiam motivi, et finis honesti. Quem namque communiter reperiemus ad loquendum tempore prohibito, ad egrediendum e cellulis absque necessitate, ad bibendum sine expressa licentia, ad consumendum tempus in rebus de se indifferentibus, et inutilibus? Hac itaque causa multi actus, qui videntur esse tantum imperfectiones, sunt re ipsa in executione peccati venialia.

92. Ad objectionem ergo. pro cujus legitima enodatione hæc adduximus, respondetur; distinguendo majorem, illamque concedendo quantum ad imperfectiones secundum se, sive essentialiter consideratas: sed neganda est, si applicetur generaliter omnibus imperfectionibus, prout in exercitio fiunt: oppositum enim constat ex dictis. Deinde minor eisdem terminis debet distinguui, et concedi, si applicetur imperfectionibus, prout communiter occurrunt in actu exercitio; et negari ubi applicatur imperfectionibus consideratis secundum se, et quoad essentialia præcise. Atque his præmissis negamus consequentiam absolute. Probationes autem præmissarum non aliud evincunt, quam quod concessimus, et usu piorum in confitente imperfectiones satis confirmatur: quem usum, laudamus, quidquid immerito Sanctius in oppositum reclamet. Sunt enim

imperfectiones sæpissime peccata venialia atque ideo sufficiens hujus sacramenti materia. Quod probe cognoscunt personæ spirituales: et aliunde etiam in perplexitatem solent incidere, dubitantes, an solam imperfectionem, an veram culpam commiserint. Quare privari non debent, ut suas imperfectiones sub hac dubietate manifestent in confessione, et sic de illis se accusent. Ad confirmationem respondetur eodem modo: quia licet non acquiescere divinis inspirationibus erga supererogationis opera non sit secundum se peccatum cum non violetur lex, sed duntaxat omittatur consilium: tamen in exercitio non semel conjungitur cum aliqua culpa indisciplinæ, in non acquiescendo, vel ingratitude, in non appetendo Dei vocationis beneficia, vel denique imprudentiæ; in non adhibendo honestum finem illis actibus, qui contra, aut præter inspirationes exercentur, ut satis constat ex dictis.

93. Sed prosequamur in explicando, et probando assertionem, quæ addit peccata debere esse *pœnitentis*, denotando dolorem requisitum pro hoc sacramento debere esse de peccatis propriis, non vero dolorem de alienis. Quod patet ex ratione sæpe insinuata: nam materia hujus sacramenti debet ejus conditionis esse, ut subdatur formæ absolutionis, eidemque commensuretur. Manifestum autem est prædictam formam solum dirigi ad pœnitentem, et ejus peccata, ut liquet ex verbis, *Ego te absolvo a peccatis tuis*: ergo materia doloris huic sacramento servientes consistit in peccatis propriis pœnitentis, et non in alienis.

Nec refert, si opponas primo: nam aliena peccata possunt esse materia doloris pertinentis ad pœnitentiam virtutem: ergo pariter possunt esse materia doloris pertinentis ad sacramentum pœnitentiæ. Consequentia probatur a paritate. Et antecedens (quod docet Suarez disp. 2 sect. 1, num. 9, Lugo disp. 3, sect. 2, Aversa q. 2, sect. 7, § 7, et alii) suadet: quia per spem Theologicam possumus sperare alienam beatitudinem, sive beatitudinem aliis, ut statuimus Tract. 18, de Spe, disput. 1, dub. 4, § 1, concl. 2: ergo pariter per virtutem pœnitentiæ possumus dolere de peccatis alienis. Et ratio videtur eadem; quia quod aliquis speret beatitudinem alteri, et non solum sibi, provenit ex unione, quam

ad alterum habet per charitatem, secundum quam sunt unum, et proximus est alter ego, ut optime tradit D. Thom. 2, 2, q. 17, art. 3, dicens: « Spes potest esse alicujus dupliciter. Uno modo absolute, et sic est solius boni ardui ad se pertinentis. Alio modo ex præsuppositione alterius, et sic potest esse etiam eorum, quæ ad alium pertinent... Præsupposita unione amoris ad alterum, jam aliquis potest sperare, et desiderare alteri vitam æternam, in quantum est ei unitus per amorem. Et sicut est eadem virtus charitatis, qua quis diligit Deum, se ipsum, et proximum: ita etiam est eadem virtus spei, qua quis sperat sibi, et aliis: » ergo pariter supposita unione charitatis cum proximo, possumus per virtutem pœnitentiæ pœnitere de alienis peccatis. Secundo: quia nemo petit sibi remissionem peccatorum, de quibus non dolet; sed potest quis petere sibi remissionem peccatorum alienorum, ut constat ex David dicente Ps. 18: *Et ab alienis parce servo tuo*: ergo possumus habere pœnitentiam erga aliena peccata. Tertio: quia non minus est satisfacere pro peccatis alienis, quam de illis pœnitere; sed certum est posse nos satisfacere pro alienis; siquidem commune est inter catholicos applicare sua opera satisfactoria pro aliis, et præsertim pro animabus Purgatorii: ergo similiter possumus de alicujus peccatis per veram pœnitentiam dolere.

Quæ probatio potest haud violenter extendi ad dolorem pro sacramento requisitum: quia non obstante, quod satisfactio data a confessario sit vera sacramenti pars, potest nihilominus pœnitens eam satisfactionem implere, aut exequi per alium, ut asserunt S. Antonius, Altisiodorensis, Paludanus, et Sylvester. Quod, si fiat cum consensu confessarii, docet etiam Soto, Cajetanus, Suarez, Henriquez, et alii, quos refert Dicastillo disp. 14, dub. 5, num. 68. Ergo similiter loquendo de dolore pertinente ad sacramentum potest unus dolere pro alio, sive pœnitere de alienis peccatis.

94. Non, inquam, referunt istæ objectiones, sed omnes simul convelli possunt attendendo in his, quæ dependent ex institutione divina, nihil valere similitudinum, et consequentiarum argutias, sed eam institutionem debere esse regulam dicendum.

Respondetur ad confirmationem.

Confessio de peccatis propriis non de alienis debet esse.

Obiect. 1.

Sua: ex Lugo. Aversa.

Secunda object. Psalm. 19.

Object 3

Satis fact. 1 object

rum. Quare cum ex prædicta institutione constet sacerdotalem absolutionem, quæ est forma hujus sacramenti, dirigi ad sola pœnitentis peccata, ut denotant illæ voces *te, et a tuis*; sequitur sola peccata propria pœnitentis esse materiam remotam hujus sacramenti, et proximam dolorem sacramento deservientem, quidquid sit de alio dolore, vel de eodem ad alia munera. Sed tamen eis sigillatim occurramus. Ad primam possumus respondere omisso antecedenti, negando consequentiam cum omnibus Auctoribus, qui antecedens tuentur. Et ratio disparitatis est, quod dolor sacramento confessionis conjunctus est vera accusatio de peccatis, pœnitentem tanquam reum manifestans: quamvis autem quis possit dolere de alienis peccatis, idque exequi per virtutem pœnitentiæ, nequit tamen de illis se accusare, aut coram se reum constituere: unde minus recte trahitur similitudo a dolore, qui est actus virtutis, ad dolorem pertinentem ad sacramentum. Absolute tamen negandum est antecedens cum Soto in 4, dist. 17, qu. 2, art. 2 ad 3. Nugno quæst. 2, art. 5, dub. unico, et Prad. quæst. 1, dub. 4, § 5, quibus præluxit D. Thom. in 4, et abbreviatur in Supplem. quæst. 2, art. 5, supponens (ut ostendimus disp. 5, dub. 1), contritionem esse actum proprium virtutis pœnitentiæ, inquit: « Illud idem contritum, quod prius durum, et integrum fuit: unde oportet, quod contritio de peccato sit in eodem, in quo peccati duritia præcessit: et sic de alienis peccatis non est contritio. » Unde fallit objectio non distinguens inter dolere ex una parte, et conteri, seu pœnitere ex alia: nam dolere de peccatis, et malis proximi pertinet per se ad charitatem, cujus est diligere proximum, et desiderare illi bonum, et contristari de opposito: et si ista in aliis virtutibus inveniuntur, provenit ex influxu, et motione charitatis; sed conteri, seu pœnitere addit supra communem rationem doloris specialem rationem displicentiæ, et retractationis quæ in solis peccatis propriis locum habet, ut significat D. Th. in verbis relatis, et magis adhuc expressit in sequentibus. Nam cum sibi opposuisset, quod homo debet proximum ex charitate diligere, sicut se ipsum: « Atque ideo videtur, quod debeamus de peccatis

« ejus dolere, sicut, et de nostris; sed « contritio nihil aliud est, quam dolor de « peccatis: ergo debet homo conteri de peccatis alienis. » Cum, inquam, sic objecisset, respondit: « Ad secundum dicendum, quod de peccatis aiorum dolere « debemus; non tamen oportet, quod de « eis conteramur: quia non omnis dolor « de peccato est contritio, ut ex dictis patet. » Nam supra communem displicentiæ conceptum importat contritio retractationem prioris voluntatis peccaminosæ, et propositum non peccandi de cetero: quæ non habent locum, nisi in propriis pœnitentis operationibus: quippe circa alias ad proximum pertinentes solus ille habet potestatem retractandi, ac præcavendi. Et hinc patet ad antecedentis probationem, et quod admissio spei exemplo, neganda sit consequentia: nam quod aliquis supposita unione cum proximo per charitatem, speret non solum sibi, sed eidem proximo beatitudinem, et quod tendat ad eam sibi, et illi comparandam, nihil affert contradictionis; sed hæc importat, quod quis retractet peccata aliena, quæ non commisit, et quod proponat non committere peccata, quæ ab alterius voluntate dependent, quod tamen requirebatur ad eliciendum dolorem proprium virtutis pœnitentiæ, videlicet contritionem.

95. Ad secundam objectionem respondetur negando minorem, quam non evincit incerta probatio desumpta ex verbis Psalmistæ: nam omissis multis illorum translationibus, quas expendit Prado loco proxime cit. optime, et sincere explicantur a D. Thom. art. cit. in resp. ad 1, ubi ait: « Dicendum, quod ab alienis peccatis sibi « parci Propheta precatur, in quantum ex « consortio peccatorum aliquis per consensum aliquam immunditiam contrahit, « sicut scriptum est Psal. 17: Cum perverso « perverteris. » Unde patet pœnituisse de propriis peccatis, contractis tamen ex maiorum societate, et exemplo, quæ proinde appellat aliena.

Ad tertiam respondetur vel negando maiorem, vel illa omitta, et minori concessa, negando consequentiam. Et ratio disparitatis constat ex dictis: nam, sicut delictum commissum per unum corporis membrum potest in alio, aut per aliud puniri, ut eum, propter alapam manu incussam, scapula

Secunda
respon-
ditur.

Psalm.
17.

Tertia
satisfit.

Catechis

flagellantur : sic contingit in corpore mystico, quod unus homo possit luere pœnas debitas pro peccato ab alio commisso, si ad id referat opera sua, acceptante Deo. Unde in Catechismo Romano S. Pii V, in materia de sacram. Pœnitentiæ num. 61, dicitur : « In eo summa Dei bonitas, et clementia, « maximis laudibus, et gratiarum actionibus prædicanda est, quod humanæ imbecillitati hoc condonavit, ut unus possit « pro alio satisfacere. Et additur : Qui « divina gratia præditi sunt, alterius non « mine possunt, quod Deo debetur persolvere : quare fit, ut quodam pacto alter « alterius onera portare videatur. » Ceterum sicut impossibile est (ut in eodem exemplo persistamus,) quod operatio propria unius membri procedat ab alio, v. g. quod oculi deambulent, aut pedes videant : sic repugnat, quod peccata commissa ab uno homine retractentur, sive desinant esse voluntaria per alium : et eadem ratione, quod quis efficaciter proponat evitare illa peccata, quæ ex sola alterius voluntate dependent. Quare cum contritio, sive actus pœnitentiæ includat retractationem peccatorum, de quibus est, et propositum illa in futurum vitandi : fieri non valet, quod quis veram contritionem, et pœnitentiam exerceat, nisi circa peccata propria, quæ retractare valet, et deinceps cavere, non vero circa aliena, ad quæ suæ voluntatis potestatem non extendit. Per quæ satis constat ad difficultatis augmentum applicatum satisfactioni sacramentali : nam occurrit eadem disparitatis ratio. Sed addimus (ut tacitæ objectioni occurramus) quod licet satisfactio hæc sit pars materialis sacramenti, et proinde debet esse ab ipso pœnitente, sicut, et aliæ partes materiæ, contritio scilicet, et confessio : nihilominus cum pœnitentia, sive satisfactio impletur per alium ex permissione, aut mandato confessarii (nec enim admittimus, quod independenter ab hoc, et pro solo pœnitentis arbitrio possit per alium satisfactio sacramentalis impleri), intelligitur facienda ex petitione, motione, et applicatione ipsius pœnitentis, et in hoc sensu esse illius, et non aliud ei injungi per confessarium. Et aliunde necesse non est omnes partes materiales hujus sacramenti aliter exerceri per pœnitentem, quam petitione, et applicatione : sic enim potest confessio-

nem peccatorum facere per interpretem, ut est communis sententia, et similem objectionem diluens recte observavit Suarez disp. 38, sect. 9, sed transeamus ad alia.

Subjuximus in assertione aliam conditionem materiæ doloris pertinentis ad hoc sacramentum, nempe peccata esse commissa, per quod denotamus omnia, et sola, quæ pœnitens vere patravit. Et probatur eadem ratione, qua in aliis conditionibus usi sumus : quoniam dolor peccatorum huic sacramento deserviens subordinatur ejus formæ, et eidem debet proportionari ; sed forma, sive absolutio dirigitur ad peccata, quæ pœnitens vere commisit, non autem ad ea, quæ non commisit : ergo illa, et non ista sunt materia doloris pertinentis ad hoc sacramentum. Cetera constant. Et minor, in qua sola poterat esse difficultas, etiam liquet ex ipsis formæ verbis : *Ego te absolvo a peccatis tuis* : quoniam non sunt pœnitentis peccata, quæ non commisit ; nec absolvitur, qui non supponitur ligatus.

Hinc sequitur primo peccata erronea, et infertur 1.
per falsam imaginationem apprehensa non esse materiam doloris pertinentis ad hoc sacramentum. Et ratio est : nam peccata, quæ nequeunt esse materia remota hujus sacramenti, pariter nequeunt esse materia proxima doloris ad ipsum pertinentis ; atqui peccata, quæ vere non fuerunt, sed erronee apprehenduntur, nequeunt esse materia remota hujus sacramenti : ergo nequeunt esse materia proxima doloris ad ipsum pertinentis. Consequentia patet. Et major est certa : quoniam et si dolor ad hoc sacramentum pertinens possit intra, et extra illud esse ejusdem rationis specificæ : nihilominus, ut ad sacramentum spectans addit supra suam speciem connotationem aliorum requisitorum pro eodem sacramento : ergo, si peccata, supra quæ cadit, nequeunt esse materia sacramenti remota ; nec ipse eorum dolor potest esse ejusdem sacramenti materia proxima ; neque talia peccata esse materia proxima doloris pertinentis ad sacramentum. Minor etiam liquet : nam aliquid esse, aut non esse, materiam alicujus sacramenti, non dependet ex nostra apprehensione, [sed ex Christi institutione : unde licet quis per ignorantiam invincibilem apprehendat aliquem liquorem esse aquam naturalem]

Omnia, et sola peccata commissa sunt materia hujus Sacramenti.

naturalem, qui vere non est, et eo baptizet; nullum conficitur sacramentum, quia Christus pro ejus materia non instituit aquam apprehensam, sed veram. Voluit etiam Christus materiam sacramenti pœnitentiæ esse vera peccata: et ideo illud instituit per modum judicii, quod non est de imaginationibus; et per modum medicinæ, quæ sola curat veras infirmitates: ergo peccata, quæ nunquam vera fuerunt, sed erronee apprehenduntur, nequeunt esse materia remota hujus sacramenti.

^{iv.} Sed hic duo observare oportet. Primum, quod licet res ita se habeat, nihilominus sic apprehendens teneretur illa peccata, si gravia apprehenderentur, confiteri: idque proveniret ex obligatione generali non agendi contra conscientiam. Ubi autem confiteretur, nullum fieret sacramentum ob defectum veræ materiæ: sed actus confitendi esset honestus, et (supposita gratia) meritorius, utpote qui (supposita erronea apprehensione) foret laudabilis, et dictatus a prudentia, sicut contingit in eo, qui adorat hostiam, quam censet consecratam, cum vere non sit. Secundum, quod quamvis peccata erronee apprehensa non sint materia doloris pertinentis ad sacramentum; sunt tamen materia doloris pertinentis ad pœnitentiam virtutem, quæ proinde potest exercere contritionem ejusdem rationis erga peccata falso apprehensa, ac erga peccata vere commissa. Et ratio differentiæ est: quoniam materia sacramenti est illa, quam Christus instituit, et non alia: materia vero virtutis, ut hæc se exerceat, proponitur per intellectum, qui invincibiliter falsus repræsentat aliqua peccata, ac si commissa essent, cum non sint: quo supposito dictat prudentia dolendum de illis esse, idque exequitur pœnitentiæ virtus eliciendo actum veræ contritionis. Sed circa hæc recolantur, quæ diximus in priori hujus Tract. part. disp. 2, dub. 2, § 8, per totum ubi ea fusius expendimus.

^{ri-2.} 96. Infertur secundo peccata futura non esse materiam doloris pertinentis ad hoc sacramentum. Nam hic dolor debet servire, et adaptari sacramenti formæ, nempe absolutioni; nemo autem potest absolvi a peccatis, quæ non commisit, ut constat ex dictis: ergo cum homo non commiserit peccata sibi futura; sequitur talia peccata

futura non esse materiam doloris pertinentis ad hoc sacramentum. Adde primo hoc sacramentum esse mortuorum, sive lapsorum in statu peccati: quod minime salvaretur, si posset confiteri in ordine ad peccata futura: quandoquidem licet futura non constituunt hominem de præsentī peccatorem; cum innocens actu, peccaturus postea sit. Adde secundo satisfactionem esse partem hujus sacramenti: nemo autem tenetur satisfacere, antequam debitum contrahat. Adde tertio materiam pœnitentiæ virtutis latius patere, quam materiam pœnitentiæ sacramenti, ut liquet ex dictis num. præced. sed peccata futura non sunt materia doloris pertinentis ad virtutem pœnitentiæ: ergo multo minus possunt esse materia doloris pertinentis ad sacramentum. Minorem expresse docet, et optime probat D. Thom. in 4. ^{D. Tho.} dist. 16, qu. 2, art. 2, quæstiunc. 4, dicens: « Proprius actus pœnitentiæ est in objectum proprium, quod est peccatum commissum. Et ideo actus ejus proprius, et principalis, scilicet contritio, secundum suam speciem respicit tantum peccatum præteritum. » Est enim contritio non quilibet dolor, sed tendens specialiter ad destructionem offensæ Dei per modum satisfactionis, licet inæqualis. Satisfactio autem non habet locum, ubi debitum non supponitur: nec istud fundat actu peccata postea futura. « Sed ex consequenti, » addit S. Doctor, « respicit peccatum, secundum dum quod habet aliquid de actu prudentiæ sibi adjunctum. Et propter hoc ille, qui conteritur, dolet de peccato præterito, et cavet futurum. Sed non dicitur esse contritio de peccato futuro: sed magis cautio, quæ est pars prudentiæ contritioni adjuncta. » Ad quam cautionem pertinet propositum de cetero non peccandi, sine quo non consistit vera contritio. Sed primarius hujus conceptus est in ordine ad præterita peccata, quæ destruere intendit per viam satisfactionis: ex consequenti autem habet cavere futura.

Nec refert, si opponas contritionem debere respicere peccatum, de eoque dolere secundum omnem quantitatem, quam habet; sed quantitas peccati attenditur non solum secundum id, quod actu habet, verum etiam secundum id, quod habebit in futuro: ergo contritio debet esse non solum de

^{Replia.}

Satisfac-
tio
reptica.

peccato præterito, sed etiam de futuro. Minor probatur ex D. Hieronymo (vel ut alii volunt, Basilio) affirmante, quod pœna Aarii nondum est terminata, quia adhuc est possibile aliquos per ejus hæresim corrumpere, quibus corrumentibus ejus pœna augetur: attenditur ergo quantitas peccati per respectum etiam ad futurum. Id, inquam, non refert, quia illud optime explicat, et diluit D. Thom. loco cit. his verbis: « Dicendum quod ille effectus consequens, qui peccatum aggravat. jam in actu præcessit velut in causa. Ed ideo quando commissum est, totam suam quantitatem habuit, et ex effectu consequente non accrescit ei aliquid quoad culpæ rationem: quamvis accrescat quoad pœnam accidentalem, secundum quod plures habebit rationes dolendi in inferno de pluribus malis ex suo peccato consecutis. » Et sic loquitur Hieronymus, (vel Basilius). Unde non oportet, quod contritio sit, nisi de peccatis præteritis.

§ II.

Alia contra eandem assertionem obijciuntur, et dissolvuntur.

Infertur
3.

97. Colligitur tertio peccata, licet oblita, esse materiam doloris pertinentis ad hoc sacramentum: quia vera sunt peccata, et commissa a pœnitente, atque ideo habent conditiones exactas, ut sint materia prædicti doloris. Idque urgeter suadet in hunc modum: nam cum dolor de peccatis sit sacramenti pars, ad ea peccata se extendit, ad quæ remittenda se extendit ipsum sacramentum; sed hoc se extendit ad remittendum peccata oblita: ergo pariter se extendit dolor in sacramento concurrens: et consequenter peccata oblita sunt materia doloris pertinentis ad hoc sacramentum. Cetera constant. Et minorem, in qua poterat esse difficultas, docet Concil. Trident. sess. 14, cap. 5, dicens: « Constat nihil aliud in Ecclesia a pœnitentibus exigi, quam, ut postquam quisquam diligenter se excusserit, et conscientiam suæ sinus omnes, et latebras exploraverit, ea peccata confiteatur, quibus se Dominum, et Deum suum offendisse meminert: reliqua autem peccata, quæ diligenter cogitanti non occurrunt, in

Concil.
Trident.

« universum eadem confessione inclusa esse intelliguntur: pro quibus fideliter cum Propheta dicimus: Ab occultis meis munda me Domine. » Ex quibus constat, quod eodem sacramento, in quo remittuntur peccata in confessione exposita, remittuntur etiam alia occulta, quæ post diligentem discussionem pœnitenti non occurrerunt. Extenditur itaque juxta doctrinam Concilii efficacia sacramenti ad peccata occulta. Quod, ut num. 80 expendimus, etiam evincit motivum doloris requisiti ad sacramentum debere esse universale, extendique ad omnia peccata etiam occulta: aliter namque non intelligeretur inclusa in confessione ejus, qui postquam diligenter conscientiam exploravit, non potuit eorum notitiam acquirere: et tamen inclusa in ea confessione docet Concilium. Unde, qui hæc scientes dolent ex motivo particulari ad sola peccata, quorum recordantur, affixo, se exponunt manifesto periculo non includendi in sua confessione peccata occulta: et eo ipso ponunt obicem sacramento, et committunt grave peccatum.

Si autem opponatur; quod cum dolor requisitus ad hoc sacramentum sit actus voluntatis, qui non potest ferri in illud, quod cognitioni non subjacet: nequit esse de peccatis occultis, quæ vel diligenter requisiti omnino latent. Si id, inquam, obijcitur, occurrit optime Div. Thomas loco supra cit. et relato in Supplem. quæst. 2, art. 3, ad 2, ubi ait: « Dicendum, quod oblivio de aliquo peccato potest esse dupliciter. Aut ita, quod totaliter a memoria exciderit: et tunc non potest aliquis illud inquirere. Aut ita quod partim a memoria exciderit, et partim maneat: sicut cum recolo me aliquid audivisse in generali, sed nescio, quid in speciali, et tunc requiro in memoria ad cognoscendum. Et secundum hoc etiam aliquod peccatum potest esse oblitum dupliciter: aut ita, quod in generali in memoria maneat, sed non in speciali. Et tunc debet cogitare homo ad inveniendum peccatum: quia de quolibet peccato mortali tenetur homo specialiter confiteri. Si autem invenire non possit, iusta adhibita diligentia, sufficit de eo conteri, secundum quod in memoria tenetur. Et debet homo non solum de peccato, sed de oblivione

Objectio.

Occurrit
object.
D. Tho.

« oblivione ejus dolere, quæ ex negligentia
 « contigit. Si autem peccatum omnino a
 « memoria exciderit, tunc ex impotentia
 « faciendi, excusatur a debito : et sufficit
 « generalis contritio de omni eo, in quo
 « Deum offendit. » Ubi apparet Angelicum
 Doctorem prævenisse doctrinam proxime
 traditam a Concilio Tridentino, illamque
 statuuisse, nempe quod ubi pœnitentem
 propter omnimodam oblivionem latent
 aliqua peccata, quæ subinde referri ne-
 queunt in confessione, hæc ipsa in confes-
 sione delentur « per generalem contritio-
 « nem de omni eo, in quo Deum offendit. »
 Ubi supponit hunc generalem ex motivo
 generali dolorem adhibendum esse in con-
 fessione, ut pœnitens licet excusatus a de-
 bito illa in speciali confitendi, illorum ta-
 men consequatur absolutionem. Quæ mi-
 nime verificantur in eo, qui tantum pœni-
 teret dolore ex parte motivi restricto ad
 sola peccata, quæ cognoscit. Concludit S.
 Doctor suam resolutionem advertentia pro
 confessionibus necessaria : « Sed quando
 « impotentia tollitur sicut cum ad memo-
 « riam revocantur peccata, tunc tenetur
 « homo specialiter conteri : sicut etiam
 « pauper, qui non potest solvere, quod de-
 « bet, excusatur : et tamen tenetur, cum
 « primo poterit. »

ligi- 98. Inferitur quarto peccata jam confessa,
 et dimissa (etsi evidenter dimissa esse per
 divinam revelationem cognoscantur) esse
 materiam aptam doloris pertinentis ad
 hoc sacramentum. Nam diximus materiam
 hujus doloris esse sola, et omnia peccata
 a peccatore vere commissa ; sed quamvis
 confessa, et dimissa fuerint, eam ratio-
 nem non amittunt : ergo adhuc post sui
 confessionem, et remissionem sunt mate-
 ria sufficiens doloris pertinentis ad hoc
 sacramentum. Oppositum hujus consecrarii
 docuerunt Guillelmus Rubion in 4, dist.
 15, quæst. 2, Richardus dist. 18, art. 2,
 quæst. 4, Samarius l part. resolut. 27, et
 alii asserentes potestatem clavium respectu
 ejusdem numero peccati non posse nisi se-
 mel exerceri. Quibus favet Scotus in 4,
 dist. 19, quæst. unica ad 1, litt. G, docens
 super eadem peccata posse confici validum
 sacramentum, sed sine fructu : quia secun-
 dum nullam virtute clavium pœnam, aut
 partem pœnæ remittit. Scoto subscribit Ga-
 briel eadem dist. quæst. 1, art. 3, dub. 2.

Sed principium, cui, supposita nostra
 assertione, istud consecrarium innititur,
 est sententia communis Theologorum cum
 eorum Principe D. Thom. in 4, dist. 18, quæst. 1, art. 3, et adeo certa, ut eorum
 aliqui contrariam notent aliqua censura. ^{D. Tho. Cajetan. Suarez. Granad.}
 Cajetanus tom. 1 Opusc. in 5, quæst. 4,
 dicit esse improbabilem, Suarez disp. 18,
 sect. 1. procedere contra certam, et com-
 munem sententiam. Granados tract. 1, dis-
 put. 4, num. 7, censeri ab alibus plusquam
 temerariam. Sed quidquid de hoc sit, po-
 test veritas prædicti principii breviter os-
 tendi. Primo ex Extravag. 1 Benedicti XI,
 de Privilegiis ubi dicitur : « Licet de ne-
 « cessitate non sit iterum eadem confiteri
 « peccata, tamen quia propter erubescen-
 « tiam, quæ magna est pœnitentiæ pars,
 « ut eorundem peccatorum, iteretur con-
 « fessio, reputamus salubre. » Ubi licet
 Pontifex rem non diffiniat ; tamen suppo-
 nit certam, et securam ; alioquin salutaris
 non esset, nec materia consilii. Secundo
 ex cap. *Mensuram*, § *Non sunt*, de Pœnit.
 dist. 1, ubi dicitur, « quanto pluribus con-
 « fitebitur quis in spe veniæ turpitudinem
 « criminis, tanto facilius consequetur gra-
 « tiam remissionis. » Et sermo est de
 gratia illata ex opere operato virtute cla-
 vium, quæ non alligatur unico actui præ-
 teritæ remissionis, sed potest ulterius dari
 repetitis sacramentis. Tertio ex D. Thom. ^{D. Tho.}
 in 4, dist. 18, quæst. 1, art. 3, q. 2, ad 4,
 ubi rejectis aliis dicendi modis, ait : « Di-
 « cendum quod etiam in secunda absolu-
 « tione vi clavium pœna remittitur :
 « quia in secunda absolutione gratiæ con-
 « fertur augmentum : et quanto magis
 « gratia recipitur, minus de impunitate
 « peccati præcedentis manet. » Nec ullum
 est inconveniens, quod per iteratas eorun-
 dem peccatorum confessiones remittatur
 omnis pœna pro illis debita ex opere ope-
 rato. Nec impeditur veritas absolutionis,
 licet non reperiatur peccatum, a quo absol-
 vat : quia semper verificatur, dare, quan-
 tum est de se remissionem. Idque facile
 declaratur exemplo hominis contriti acce-
 dentis ad confessionem, absolvendus nam-
 que est licet supponatur liber a culpa, aut
 etiam immunis a reatu sustinendi pœnam
 ob vehementiam contritionis præcedentis.
 Quarto ratione a priori : quia ubi concur-
 runt omnia essentialia ad sacramentum,

et nullus ejus fructui ponitur obex, tale sacramentum est validum, et fructuosum : et ita in præsenti materia contingit, ut facile consideranti constabit. Et quod peccata sint eadem, nihil impedit ; quoniam datur diversus dolor, qui est materia proxima hujus sacramenti. Et identitas materiæ remotæ nihil refert, ubi materia proxima, et forma multiplicantur, ut patet in Baptismo : nam eadem materialiter aqua, quæ est materia remota, potest fieri plurium successiva ablutio, quæ est materia proxima, atque ideo plura dari Baptismi sacramenta, ut concedunt omnes. Quinto denique (et est motivum nobis urgentissimum) ex communi usu, ex praxi fidelium, quos videmus repetere in confessionibus generalibus peccata in particularibus exposita, de quibus rite absoluti fuerunt : videmus etiam quod in confessionibus particularibus, ubi nihil illis grave occurrit, sed solum aliqua levia, de quorum efficaci dolore non sunt securi, confiteri, offerreque pro materia aliquod peccatum mortale superioris vitæ, semel, et pluries confessum. Id vero minime sustineretur in Ecclesia, minime probaretur a sapientibus, et timoratis confessoribus, nisi certa foret sententia communis a nobis asserta, videlicet peccata confessa, et dimissa esse materiam sufficientem doloris ad hoc sacramentum pernitiens.

Confir-
matio.

Confirmatur : nam peccata jam dimissa, et cognita ut dimissa, sunt materia doloris pertinentis ad virtutem pœnitentiæ : ergo etiam sunt materia doloris pertinentis ad pœnitentiæ sacramentum. Consequentia patet a paritate, quæ magis explicatur in hunc modum : nam ideo homo non posset de peccatis sibi remissis concipere dolorem in ordine ad sacramentum pœnitentiæ, quia talia peccata supponuntur jam remissa, et ideo vanum foret illa subijcere novæ remissioni per novam absolutionem ; sed eadem ratio occurrit in casu antecedenti ; siquidem homo supponit sibi jam remissa peccata, atque ideo in vanum conuaretur ad novam remissionem per contritionem : ergo si hoc non obstante peccata dimissa possunt esse materia doloris pertinentis ad pœnitentiam virtutem, pariter possunt esse materia doloris pertinentis ad pœnitentiam sacramentum. Antecedens autem constat de facto in multis

Sanctis, quibus revelata est suorum peccatorum remissio ; et tamen de illis doluerunt per virtutem pœnitentiæ. Sic de S. Paulo constat ex his, quæ tradit D. Th. supra quæst. 84, art. 8, ad 2 dicens : « Pœnitentia interior » (quæ est ipsa contritio) « habet locum in proficientibus, et perfectis, » (quibus supponuntur dimissa peccata) « secundum illud Ps. 83 : Ascensiones in corde suo disposuit in valle lacrymarum. Unde, et ipse Paulus dicebat 1, ad Corinth. 15 : Non sum dignus » vocari Apostolus, quoniam persecutus « sum Ecclesiam Dei » Sic etiam D. Petrus, licet confirmatus in gratia, toto vitæ decursu doluit de peccato negandi Christum, ejusque facies erat quasi adusta ex continuo fluxu lacrymarum, unde sudariolum portabat ad eas tergendas, et quoties gallum cantantem audiebat, in genua procidens flebat de novo amarissime, ut referunt S. Clemens Romanus, et Ludolfus Cartus. in 2, part. vitæ Christi c. 60. Et similia referuntur de S. Magdalena in horrida specu per plures annos reclusa, et pœnitentiam agente, de qua Angelicus Doctor supra quæst. 86, artic. 5, in corp. ait : « Deus quandoque tanta commotione convertit cor hominis, ut subito perfecte » consequatur sanitatem spirituales, non « solum remissa culpa, sed sublatis omnibus peccati reliquiis, ut patet de Magdalena, Luc. 7. » Magnus etiam Doctor August. post susceptum baptismum, post sibi remissam in eo omnem culpam, et pœnam, post vitam sanctissime peractam morti proximus Psalmos pœnitentiales contra parietem positos intuebatur, et legebat, et jugiter, ac ubertim flebat, ut Possidius scribit in ejus vita cap. 31.

99. Oportet tamen aliquibus occurrere, quæ Adversarii opponunt. Primo quidem, nam istud sacramentum institutum est per modum judicii ; videmus autem, quod in aliis judiciis posita diffinitiva sententia reum absolvente, nec repetitur judicium, nec absolutio rei ; et quamvis replicaretur, nihil fieret : quia absolutus supponitur, et nemo solvi valet, quin præsuponatur ligatus : ergo idem de hoc sacramento instituto per modum judicii dicendum est. Secundo ; quia si aliquis nunquam peccasset, et uteretur hoc sacramento, nihil fieret ; sed ubi aliquis præsuponitur jam absolutus

D. Tho.

Psalm.
83.

1 ad.
Cor. 15.

D. Tho.

Object 1

Secunda

tus a culpa, et liber a reatu pœnæ, perinde se habet, ac si nunquam peccasset: ergo licet confiteatur antiqua peccata, et absolvatur, ad nihilum valet absolutio, et non conficitur sacramentum. Tertio; quoniam ex opposito fieret hominem, qui commiserat plurima, et gravissima peccata posse breviter, faciliter, et cum modica pœnitentia deponere omne debitum satisfaciendi, sive reatum sustinendi pœnam: quod tamen admitti non debet, utpote inducens minorem peccandi formidinem. Sequela ostenditur: nam cum absolutio remittat ex vi clavium, ex opere operato aliquam pœnæ partem, posset homo in brevi temporis spatio toties confiteri, et absolvi, ut omne debitum exstingeret; atque ideo gravissimus peccator breviter, faciliter, et nulla externa pœnitentia, liber ab omni reatu luendi pœnam evaderet. Quarto; quia dolor huic sacramento deserviens est actus virtutis pœnitentiæ; sed ubi quis cognoscit se absolutum, et liberum a peccatis, nequit exercere actum virtutis pœnitentiæ erga illa: ergo nec illum adducere ad hoc sacramentum. Probatur minor; tum, quia actus proprius virtutis pœnitentiæ est operari ad destruendum peccatum, et hoc respicit ut expiabile per satisfactionem: ergo ubi homo recognoscit extinctum esse tam peccatum, quam debitum satisfaciendi, nequit elicere actum pœnitentiæ: id namque foret conari ad destruendum, atque expiandum, quod delebile, et expiabile non est, quippe destructum, et expiatum jam præsupponitur. Tum etiam quia virtus pœnitentiæ est pars justitiæ intendens satisfacere pro offensa Dei, et reatu pœnæ; sed ubi hæc supponuntur ablata, nequit exerceri justitia, cum deficiat debitum, quod in omni justitia requiritur: ergo in tali suppositione nequit virtus justitiæ exercere propriam operationem.

Quinto; nam sacramentum Baptismi, quod ad delendum peccatum originale institutum fuit, non iteratur, quia illud peccatum semel commissum est, et extinguitur per primam Baptismi susceptionem; sed actus peccati personalis semel tantum commissus est, et rursus supponitur destructus per sacramentum pœnitentiæ in prima confessione: ergo sacramentum pœnitentiæ nequit reiterari super eundem

peccati actum. Quod amplius explicatur præcludendo tacitam evasionem: quoniam, si peccata semel confessa, et dimissa possent esse materia novi sacramenti pœnitentiæ, maxime, ut nobis, et pluribus titulis extinguerentur per modum cujusdam supererogationis supra debitum; ad eum plene modum, quo justitia obligat ad retributionem honoris æqualis cum infamia illata; sed non est contra rationem justitiæ, sed magis juxta majorem ejus perfectionem supererogare in retribuendo majorem honorem. Id autem si dicatur, et admittatur, plane evincet posse hominem pœnitere de peccatis commissis ante Baptismum, illaque deferre ad sacramentum pœnitentiæ, non quidem ex debito, sed ex supererogatione, ut scilicet novo, et distincto titulo extinguantur, licet absolute supponantur sufficienter extincta. Consequens autem est absurdum, et contra communem sententiam Theologorum docentium materiam sacramenti pœnitentiæ esse sola peccata post baptismum commissa, ut statuimus supra disp. 2, dub. 1, § 1. Ergo tenendum est illam evasionem non vitare vires exempli Baptismi; et juxta illud peccata semel confessa, et remissa non esse materiam doloris requisiti pro suscipiendo novum pœnitentiæ sacramentum.

100. Sed hæc levioris ponderis sunt, ut evertant, aut dubiam faciant sententiam communem. Ad primum respondetur omittendo præmissas, et negando consequentiam ob non unam tantum rationem disparitatis. Nam in primis in judicio forensi cognoscitur evidenter absolutio rei per sententiam judicis omnibus notoriam: quare ex vi hujus impertinens foret nova accusatio, et absolutio de eodem delicto. In judicio autem sacramentali, licet sententia, sive absolutio sit valida coram Deo; id tamen pœnitens non cognoscit evidenter, sed frequenter manet incertus, ac dubius de sua legitima confessione, et justificatione: quare non impertinenter, sed prudenter agit (si scrupulis agitato prætermittamus) iterando pro majori securitate eorundum peccatorum confessionem. Deinde judicium forense totum ordinatur ad rei absolutionem, vel condemnationem, et ibi sistit tanquam in ultimo sui effectu: nec aliud speratur commodi, licet processus, et sententia reiteretur. Cæterum judicium

sacramentale ordinatur adæquate non ad solam absolutionem pœnitentis, sed etiam, et valde principaliter ad communicandum ei gratiam : commune quippe est omnibus novæ legis sacramentis eam, vel ejus augmentum conferre non ponentibus obicem. Quare licet peccata sint remissa, congrue pro novo sacramento inducuntur, ut pœnitens majus augmentum gratiæ consequatur. Cujus signum est, quod licet peccata supponantur antecederet remissa per contritionem perfectam, subjiciuntur de novo clavibus Ecclesiæ, et pœnitens consequitur non remissionem peccatorum quam jam habet, sed novum augmentum gratiæ, quo carebat. Quin dici potest peccata in isto casu, et cum jam confessa in nova confessione exponuntur ; tunc etiam dimitti, non quidem formaliter, et in actu secundo, sed virtualiter, et in actu primo, quia communicatur in ea confessione gratia destructiva illorum, quamvis per accidens non reperiat illa, quæ destrueret, si adessent.

² diluitur. Ad secundum negamus minorem, vel ea, et majori ommissis, negamus consequentiam ob manifestam rationem disparitatis: quia potestas clavium in sacerdote est in ordine ad peccata remittenda, vel retinenda, ut constat ex forma absolutionis ; et ideo necessarium est, quod homo vere peccaverit, ut hoc sacramentum suscipere possit juxta superius dicta num. 95. Quod requisitum non salvatur in eo, qui nunquam peccavit ; salvatur autem in eo, qui peccavit aliquando, licet postea mundus sit. Unde falsa est minor in eo sensu, quod mundus a peccatis præteritis, ita se habet in ordine ad hoc sacramentum, sicut ille, qui nunquam peccavit. Et confirmari, et explicari valet solutio exemplo ejus, qui ante susceptum Baptismum justificatur per contritionem perfectam, et ab originali mundatur, qui videtur perinde se habere, sicut ille, qui peccatum originale non contraxit, nec indiget Baptismo. Sed res aliter omnino se habet : nam qui originale contraxit, quamvis mundus actu inveniatur, potest, et debet sacramentum Baptismi suscipere : qui vero ab originali semper immunis fuit, nequit Baptismum suscipere, saltem juxta communem providentiam, et secluso privilegio. Idem itaque in comparatione, et casu objectionis dicendum

est : quia sicut materia remota destruenda per Baptismum est peccatum originale, ita materia remota destruenda per sacramentum pœnitentiæ consistit in proprio, et personali peccato pœnitentis.

Ad tertium concedimus sequelam, quæ ³ Solvitur. nullum continet inconveniens, si referatur ad breve tempus, quo homo iterando confessiones eorundem peccatorum potest consequi perfectam eorum remissionem, quantum ad culpam, et omnis pœnæ reatum, ut recte evincit sequelæ probatio, et hic forte fuit finis hujus institutionis, quod eadem peccata possint esse materia iteratæ confessionis, ut scilicet, homo consequeretur majorem, ac majorem illorum remissionem, et ita alliceretur ad frequentiores eorum pœnitentiam agendam in hoc sacramento. Nec propterea dici debet id contingere sine pœna : tum quia Christus, cujus virtus in hoc sacramento influit ex opere operato, superabundantem pro culpis nostris passus fuit pœnam. Tum, quia non est levis ijsius pœnitentis pœna erubescencia, et labor in referendo peccata gravissima in multis confessionibus. Tum denique quia ubi istæ repetuntur, multiplicantur etiam satisfactiones pœnitentis sibi injectæ a confessario.

101. Ad quartum negamus minorem : ^{Ad 4 respon-} quam falsitatis convincunt exempla sanc- ^{detur.} torum relata num. 98, et ratio D. Thom. supra quæst. 84, art. 8, ubi ait : « Interior « pœnitentia est, cum quis dolet de peccato « commisso. Et talis pœnitentia debet « durare usque ad finem vitæ. Semper « enim debet homini displicere, quod peccavit ; si enim ei placeret peccasse, jam « ex hoc ipso peccatum incurreret, et fructum veniæ perderet. Displicentia autem « dolorem causat in eo, qui est susceptivus « doloris, qualis est homo in hac vita. Post « hanc vitam autem sancti non sunt susceptivi doloris : unde displicebunt eis « peccata præterita sine omni tristitia. » Ad primam autem minoris probationem respondetur concessio antecedenti, et negando consequentiam : quia licet virtus pœnitentiæ destruat per unum actum peccata, potest per subsequentes conari ad majorem, et majorem illorum extirpationem, non quidem ex necessitate, quia illa destructa supponit, sed ex abundantia, ut pœnitens magis elongetur ab eis, et ut magis

magis ea detestetur, ut significat D. Thom. loco immediate citato in resp. ad 1, dicens : « Vera pœnitentia non solum removet peccata prœterita, sed etiam præservat hominem a peccatis futuris. Quamvis igitur homo in primo instanti veræ pœnitentiæ remissionem consequatur prœteritorum peccatorum, oportet tamen in homine perseverare pœnitentiam, ne iterum incadat in peccatum. » Quæ pœnitentiæ continuatio pertinet ad magnitudinem odii, quod ipsa erga illud habet propter oppositionem peccati cum Deo, ex cuius amore perfecta pœnitentia procedit. Quare, sicut per charitatem nunquam ita Deo unimur, et adeo intense illum diligimus, quin possumus ipsum intensius diligere, et ad ipsum magis accedere, sic per virtutem pœnitentiæ, non adeo peccatum abominamur, et de eo dolemus, ut præludatur nobis via ad maiorem ejus detestationem, et odium, quibus conemur ad infinitam, si fieri posset, ipsius destructionem. Ex quibus patet ad secundam ejusdem antecedentis probationem : nam virtus pœnitentiæ pars quidem justitiæ est, sed non subjectiva, sed potentialis, deficiensque a justitiæ rigore, eo quod (ut alia motiva omitamus) nequit reddere satisfactionem ad æqualitatem pro gravi Dei offensa, quæ infinita est, ut modo supponimus ex dictis in priori parte disp. 5, dub. 4. Quare nunquam offert tantam satisfactionem, quantum pro gravi Dei offensa debetur, sed debitum semper inextinctum relinquit, quantum est ex parte ejus, quod offert, si excludamus divinam acceptionem. Et ideo data satisfactione per primum contritionis actum, potest conari ad maiorem per alios, et semper deficiet a perfecta justitia in satisfactione data propter hujus inæqualitatem cum debito. Quocirca licet supponat debitum, vel satisfaciendi, vel luendi pœnas extinctum ex divina misericordia erga nos, et ex justitia erga Christum, qui pro nobis satisfecit ; semper tamen decet, quod ultra progrediatur in extinguendo prædictum debitum per repetitos contritionis actus erga peccata dimissa.

Ad quintum, et ultimum constabit ex immediate dicendis pro explicanda ultima parte nostræ assertionis, in qua statuimus materiam doloris pertinentis ad hoc sacramentum esse omnia, et sola peccata

pœnitentis *commissa post baptismum*. Per quæ ultima verba excludimus tam peccatum originale, quam omnia peccata commissa, et ante baptismum, et in ipsa baptismi susceptione. Quæ assertionis pars satis constat ex dictis disp. 2, dub. 1, § 1, ubi illam ex professo ostendimus. Modo breviter suadetur : quoniam illa sola peccata possunt esse materia doloris pertinentis ad hoc sacramentum, quæ possunt subdi formæ hujus sacramenti, nempe absolutioni sacerdotali ; sed hæc præcise sunt peccata commissa post baptismum : ergo hæc sola sunt materia doloris pertinentis ad hoc sacramentum. Minor, quæ sola eget probatione, facile ostenditur : nam in primis peccatum originale, cum sit propria materia sacramenti baptismi, non tollitur nisi per baptismum susceptum in re, vel in voto. Ergo cum baptismus sit janua ad alia sacramenta, et nullum recipi possit ante baptismum in re susceptum ; sequitur peccatum originale auferri non posse per absolutionem sacerdotalem, atque ideo nec illi subdi possunt. Deinde absolutio sacerdotalis est exercitium clavium datarum Ecclesiæ in ordine ad solvendum, vel retinendum peccata a membris ipsius Ecclesiæ commissa. Unde petit jurisdictionem in pœnitentes, et eorum opera ; sed peccata commissa ante baptismum, vel in ipsa susceptione baptismi non sunt peccata membrorum Ecclesiæ, in quæ ipsa jurisdictionem habet ; siquidem ante ultimum instans terminativum baptismi non datur ad Ecclesiam ingressus : ergo peccata commissa ante baptismum, aut in ejus susceptione non possunt subdi formæ sacramenti pœnitentiæ, sive absolutioni sacerdotali. Quid vero dicendum sit specialiter de peccato fictionis, quo ponitur obex fructui baptismi, constat ex loco cit. a num. 48.

102. Unde ad ultimam objectionem ex propositis num. 99 respondetur negando maiorem, quia reddit non causam pro causa. Ratio enim, cur baptismus non possit iterari, et hoc sacramentum possit, non illa est, quam assignat, sed institutio Christi cum congruentia, quam optime explicat D. Thom. quæst. 84, art. 10, ad 5, his verbis : « Dicendum, quod baptismus habet virtutem ex passione Christi, sicut quædam spiritualis generatio cum spirituali

Ultimæ
object.
ut satis.

D. Thom.

« morte præcedentis vitæ. Statutum autem
« est hominibus semel mori, et semel nasci.
« Et ideo semel tantum debet homo bapti-
« zari. Sed pœnitentia habet virtutem ex pas-
« sione Christi, sicut spiritualis medicatio,
« quæ frequenter iterari potest. » Ad expli-
« cationem autem objectionis, sive augmen-
« tum difficultatis, respondetur admittendo
« sequelam quantum ad repetitionem dolo-
« ris ex virtute pœnitentiæ supra peccata
« personalia commissa ante baptismum, et
« in baptismo : nihil enim vetat, sed magis
« congruit, quod de illis homo doleat. Idque
« probatur exemplis propositis num. 98 S.

D. Aug.

Pauli Apostoli, qui post baptismum non
« peccavit mortaliter, et tamen dolebat de
« peccatis ante baptismum commissis. Et S.
« Augustinus gratiam in baptismo receptam
« non amisit, et tamen jugiter deflebat ante-
« rioris vitæ peccata, adeo addictus pœni-
« tentiæ, ut ejus sententia fuerit, lib de
« vera, et fals. pœnit. cap. 13. « Quid restat
« nobis, nisi semper dolere in vita ? Ubi
« enim dolor finitur, deficit pœnitentia. Si
« vera pœnitentia finitur, quid relinquitur
« de venia ? » Cum vero sequela porrigitur
« ad confessionem eorum peccatorum in sa-
« cramento pœnitentiæ, sive in ordine ad
« absolutionem sacramentalem, neganda omni-
« nino est : quia obstat institutio Christi, ut
« vidimus ex D. Thom. et fusius adhuc docet

Conc. 1
Trident.

Concil. Trident. sess. 14, cap. 2, ubi ma-
« teriam propriam sacramenti pœnitentiæ
« esse peccata, non ante, sed post baptismum
« commissa, declarat his verbis : « Cæterum
« hoc sacramentum multis rationibus a
« baptismo differre dignoscitur. Nam præ-
« terquam quod materia, et forma, quibus
« sacramenti essentia perficitur, longissi-
« me dissident : constat certe baptismi
« ministrum judicem esse non oportere,
« cum Ecclesia in neminem judicium exer-
« ceat, qui non prius in ipsam, per baptismi
« januam fuerit ingressus. Quid enim mihi
« (inquit Apostolus) de his, qui foris sunt
« judicare ? Secus est de domesticis fidei,
« quos Christus Dominus lavacro baptismi,
« sui corporis membra semel effecit. Nam
« hoc si se postea crimine aliquo contami-
« naverint, non jam repetito baptismo
« ablui, cum id in Ecclesia Catholica nulla
« ratione liceat ; sed ante hoc tribunal
« tanquam reos sisti voluit, ut per sacer-
« dotum sententiam non semel, sed quoties

« ab admissis peccatis ad ipsum pœnites
« confugerint, possunt liberari, etc. » Ex
« quibus satis liquet posse quidem hominem
« pœnitere de peccatis ante baptismum com-
« missis, et dolere per repetitos actus pœni-
« tentiæ virtutis ; sed minime posse illa de-
« ferre, vel semel ad sacramentum pœniten-
« tiæ, ut ab ipsis absolvatur : quia sacerdotis
« potestas, et jurisdictio nequit ad illa se ex-
« tendere.

DUBIUM IV.

*Utrum dolor, ut sit pars sacramenti pœni-
« tentiæ, debeat præcedere confessionem.*

Titulum proponimus his vocibus, quæ
« denotant sensum formalem : in materiali
« namque manifestum est eum dolorem, qui
« est aliquando sacramenti pars, posse, vel
« antequam, vel subsequi confessionem, retenta
« semper sua propria natura specifica, quin,
« et ex prædicta specie nullum ad confessio-
« nem ordinem importare. Procedit itaque
« proposita difficultas in formali sensu exer-
« cendi munus partis sacramenti pœnitentiæ,
« an videlicet, ut dolor illud obeat, debeat
« confessionem antecedere. Et similiter con-
« fessionem accipimus, ut partem sacra-
« menti, in cujus notionem omnis nostra
« consideratio collimat.

§ I.

Præfertur pars affirmativa.

103. Dicendum est dolorem, ut sit hujus
« sacramenti pars, debere præcedere confes-
« sionem. De hac assertionem dixit Lugo disp.
« 14, sect. 2, num. 13, esse singularem, et
« habere contra se omnes Theologos. Sed de-
« ceptus fuit, et excessit, nam ut omittamus
« nunc Thomistas, qui illam non tam pro-
« bant, quam supponunt, sic docent ex aliis
« Coninchus de pœnitent. disp. 4, dub. 4,
« num. 44, Castro Palao tract. 23, disput.
« unica, punct. 7. num. 11, Laiman lib. 5,
« tract. 6, cap. 4, num. 31, Ochagavia tract.
« 1, de Confess. quæst. 18, nu. 5, Dicastillo
« disp. 6, dub. 9, a num. 135, et alii. Idem-
« que re ipsa docet Suarez disp. 20, sect. 4,
« num. 31, ut cum Dicastillo, et Palao recte
« observat N. Franciscus tract. 6, cap. 5,
« punct. 1, numer. 26.

Assertio.

Coninch
Castro,
Laiman,
Ochaga-
via.
Dicast.
Suarez,
Francis-
cus a
Jesu
Maria.

Probatur

ratio 1. Probatur primo ratione : nam, cum sacramentum sit signum sensibile, sive sensibus cognoscibile; partes ex quibus essentialiter componitur, debent esse sensibiles, atque ideo, et dolor, qui est pars essentialis hujus sacramenti; sed dolor, qui est hujus sacramenti pars, nequit esse sensibilis, nisi confessionem præcedat : ergo, ut sit sacramenti pars, debet confessionem præcedere. Minor, in qua poterat esse difficultas, ostenditur : quia prædictus dolor est actus spiritualis, et interior voluntatis, et consequenter non est sensibilis per se, sed fit sensibilis per externam peccatorum confessionem, quam inducit, sicut ignis fit sensibilis per fumum, cujus est causa; ad hoc autem requiritur, quod dolor præcedat confessionem sicut omnis causa est prior suo effectui : ergo dolor, ut sit hujus sacramenti pars, debet confessionem præcedere.

ratio. 104. Respondent Adversarii negando minorem primi syllogismi. Ad cujus probationem dicunt non esse necessarium, quod exterior peccatorum confessio procedat ab eorum dolore, sed posse ipsam, et prædictum dolorem præcedere ab eadem causa sibi communi, nempe ab intentione recipiendi sacramentum poenitentiae, quæ inducat, et confessionem per se sensibilem, et dolorem factum sensibilem per confessionem : ad quod de materiali se habet, quod illam præcedat, aut subsequatur : quippe dolor potest fieri sensibilis per confessionem, tam subsequentem, quam antecedentem. Et hoc ultimum declarat Lugo exemplo satisfactionis, quæ est pars saltem integralis hujus sacramenti, atque ideo debet esse sensibilis. Et tamen ubi imponitur satisfactio in aliquo per se non sensibili, ut puta cum ægroto imponitur, quod corde invocet Deum, potest talis satisfactio fieri sensibilis per aliquid antecedens, v. g. per impositionem a sacerdote, et acceptionem a poenitente : neque enim reperitur aliud, quod illam poenitentiam de se non sensibilem possit sensibilem constituere : sic igitur dicendum est, quod ubi post totam confessionem dolor succedit, fit dolor sensibilis per confessionem : hæc, namque, ubi ex intentione recipiendi sacramentum fit vim habet significandi dolorem, vel præsentem, vel futurum, sine quo nequit confici sacramentum.

Sed hæc responsio deficit in pluribus, et præcluditur. Lugo ejus auctor minus consequenter procedit. Nam in primis non est necessarium, quod dolor ad hoc sacramentum requisitus procedat ex intentione illud recipiendi, ut ipse bene tradit disp. cit. sect. 4, num. 45, quin illo docente perfectius est, et rerum naturis magis congruum, quod ex dolore, et detestatione peccati moveatur homo ad intentionem procurandi sibi remedium per susceptionem sacramenti poenitentiae, quam, quod vice versa ex intentione suscipiendi hoc sacramentum, et exequendi præceptum Ecclesiæ se excitet ad dolorem peccatorum : nam priori modo se gerens majus odium habet ad peccatum secundum se. In hac ergo suppositione, procedit ratio a nobis proposita, quæ proinde minime diruitur per recursum ad intentionem illam suscipiendi hoc sacramentum, ex qua oriuntur dolor, et confessio peccatorum : vim namque facimus in eo, quod possit (et quidem connaturalis juxta Lugonem) oppositum contingere, nempe intentionem confitendi ortum ducere ex peccatorum dolore. Per quid fiet in eo casu dolor sensibilis, quam per confessionem, illum ut sui causam repræsentantem ? Sed vel admissa illa præsuppositione intentionis, nihil prodest subterfugium : quia licet intentio fiat sensibilis per confessionem, dolor tamen nec intentione, nec confessione sensibilitatem ullam acquirit. Non intentione, quippe quæ interior, et insensibilis est, sicut ipse dolor. Nec confessione, siquidem supponit hæc responsio, quod confessio non procedit a dolore, sicut a causa : aliunde vero certum est, quod non respicit dolorem, ut effectum : quibus sublati tollitur ordo, ut possint comparari per modum signi, et signati, et ut dolor per confessionem significetur ; sed habebunt se pure concomitanter, aut disparte. Quid enim refert, quod confessio oriatur ex intentione recipiendi sacramentum, ex qua etiam procedat dolor peccatorum, ut hic significetur per confessionem, si intentio significata per confessionem non significat ulterius dolorem, ut plane non significat, cum interior sit, et spiritualis ? Sed quod caput est, intentio habendi dolorem non est ipse dolor, nec habet necessariam connexionem cum illo, sed potest ab eo separari : sicut

desiderare, et proponere habere amorem Dei non est ipse amor; et dolere, quod non habeamus dolorem de peccatis, non est ipse de peccatis dolor, ut supra vidimus n. 67. Stat ergo, quod quis habeat intentionem suscipiendi sacramentum pœnitentiæ, et subinde ponendi omnia ad ipsum requisita, inter quæ computatur peccatorum dolor, et quod nihilominus non detur talis dolor, nec repræsentetur præsens: atque ideo nequit significari, et fieri sensibilis per talem intentionem, nec per confessionem, ut tali intentioni subest.

105. Dicere autem, et in id ultimo recedit Lugo, quod fit sensibilis per confessionem antecedentem, eadem facilitate refellitur: quia confessio sine dolore facta nihil habet, per quod significet dolorem futurum: ergo futurus dolor, quando est præsens, non fit sensibilis per confessionem antecedentem. Consequentia patet. Et antecedens suadet, quia in confessione sine dolore facta non aliud occurrit, vel reperitur, quam narratio peccatorum, et carentia doloris, et hæc nec simul, nec divisim sumpta significant dolorem futurum. Non quidem illa carentia: siquidem nihil magis dissimile, et improporcionatum potest excogitari ad dolorem significandum, quam carentia doloris. Nec ipsa confessio, quia sine dolore facta, est mera, et simplex narratio, quæ nullum habet ordinem ad dolorem; sed potest ob alios fines fieri, ut puta ob iactantiam, vel ad captandam confessarii gratiam, vel pro fingendo adimplerionem præcepti. Idque, vel ex eo liquet, quod talis confessio nullam habet connexionem cum dolore præsentis, siquidem eo caret: minorem itaque et nullam potest habere cum dolore futuro. Exemplum vero, quo Lugo declarat suam responsionem, nihil probat: tum quia satisfactio sacramentalis in re posita non est pars essentialis ex qua constituatur sacramentum; atque ideo ad hujus essentiam, et ut sit signum, nihil, aut parum refert, quod talis satisfactio in re sit sensibilis, aut non. Tum quia licet satisfactio in voto, sive, et in idem reddit, propositum satisfaciendi ad justum Confessarii arbitrium sit de essentia hujus sacramenti; id tamen implicatur in vero de peccatis dolore, et per confessionem, sicut et ipse dolor, sensibilibiter significatur. Unde idem sumimus, et respondemus de

satisfactione in voto, ac de dolore, nempe debere confessionem præcedere, ut sensibilis fiat per illam. Adde primo: non esse communem, aut certam sententiam, quod actus pure interni queant injungi in pœnitentiam sacramentalem, ut constabit ex dicendis disp. 11, n. 33. Adde ulterius, quod esto possint injungi, non aliter habent esse materiam satisfactionis sacramentalis, quam si acceptentur a pœnitente; quæ acceptatio semper est exterior, et sensibilis, et ab ea habent fieri sensibiles actus licet de se interni, sensibilibiter acceptati.

Et ut exemplum exemplo retundamus, unum exhibeamus satis appositum ex materia de Matrimonio, et supponimus ad ejus valorem requiri internum, mutuumque contrahentium consensum, aliquo externo signo explicatum, ut diffinivit Concilium Florentinum in decreto fidei § 7, sicut ad valorem sacramenti pœnitentiæ interior dolor significatur, et factus sensibilis per aliquod exterius. Demus itaque Petrum contrahentem cum Maria per verba de præsentis, quæ protulit, caruisse consensu interiori: fuit tunc plane matrimonium nullum ob interni consensus defectum. Quid agendum, ut revalidetur? Sufficiat, quod Petrus adhibeat consensum internum absque ullo exteriori signo? Scimus Sanchez disp. 32, de Matrimonio num. 11, affirmare: quia exterior expressio jam præcessit, et solum defecit consensus interior, qui postea adhibetur. Sed tamen verior, ac communior sententia, quam cum Basilio, Conincho, Hurtado, et Dicastillo tuetur N. Antonius in Director. Confessar. tract. 11, disp. 3, sect. 5, num. 98, docet debere talem novum consensum exprimi exterius per aliquod signum. Et ratio est: quia verba externa, ut constituent unum actum humanum cum consensu interno, quem significant, debent ab illo procedere, ab ejusque imperio oriri: nequeunt autem verba præterita procedere, oriri que ex influxu consensus interni, nunc præsentis; siquidem nemo valet nunc exercere suum imperium, ac causalitatem circa id, quod jam præterit, et non est in sua potestate, uti se habeant verba præterita: ergo talia verba de præterito prolata nequeunt repræsentare consensum nunc præsens, nec esse sufficiens signum illius, aut ipsum reddere

Sanche

Basil.
Coninc
Hurtad
Dicast
Anton.

reddere sensibilem, ut sacramenti natura exposcit. Ad rem igitur; non minus dependet sacramentum pœnitentiæ ab interno dolore, quam sacramentum matrimonii ab interno consensu: et sicut consensus internus debet fieri sensibilis per signum exterius, ut sunt verba, aut nutus contrahentium; sic internus peccatorum dolor debet fieri sensibilis per signum exterius, quale est confessio peccatorum; sed ubi defecit a principio ille consensus, et postea ponitur, nequit fieri sensibilis per externa verba præterita. Ergo ubi a principio non fuit dolor interior, nec valet fieri sensibilis per præteritam confessionem. Et consequenter sicut ad validandum matrimonium opus est adhibere non solum consensum, sed signa externa illum significantia: ita ut sit validum sacramentum confessionis necessarium est non solum elicere dolorem, qui tempore confessionis non fuit, sed adhibere etiam nova signa externa: quæ illum de præsentis significant, ut sunt lacrymæ, tussio pectoris, instantia pro absolutione, et alia, per quæ confessio sine dolore facta, quasi reproducitur, et incipit esse vera confessio, et pars sacramenti. In quo sensu, et non in alio duriori, aut minus practicabili affirmamus universaliter, quod, ut dolor sit hujus sacramenti pars, debet præcedere confessionem: sicut verus consensus interior debet præcedere verba externa, quibus matrimonium celebratur, ut istud vere subsistat.

106. Quæ contra Lugonem impugnationes magis confirmari valent ex refutatione consequentis, quod alij aliqui Recentiores (apud Dicastill. et N. Franciscum) ejus principia edocti, et præsertim, quod dolor futurus fiat sensibilis per confessionem antecedentem absque dolore præmissam, non in consequenter admittunt. Sit casus, quod pœnitens post confessionem sine dolore factam excitatur a confessario ad dolorem, sed priusquam ille ipsum concipiat, discedat confessarius ad breve negotium, et eo tempore doleat pœnitens de peccatis, sed perveniens postea confessarius reperiat ipsum destitutum usu rationis. Poterit ne absolvi? Et si absolvatur, erit validum sacramentum? Respondent prædicti Juniores affirmative: quia ille dolor in absentia confessoris elicited factus est sensibilis, sicut pars sacramenti exposcit, per

confessionem antecedentem confessori factam, ut Lugo docet, et consequenter dicendum est. Sed resolutio sustineri non debet. Tum quia esto, confessio antecedens esset aliquo modo signum doloris non tamen est signum doloris actu existentis; sed ad summum potest significare intentionem, sive voluntatem eliciendi dolorem ante absolutionem: quæ voluntas, ut supra dicebamus, non est dolor formaliter, aut æquivalenter, sed alius actus longe diversus. Tum etiam, quia in prædicto casu non datur aliquod medium, per quod dolor fiat sensibilis confessario: cum enim datur confessio, per quam fieret dolor sensibilis, non datur ipse dolor; quando vero datur dolor, qui sentiri possit, jam non est confessio, per quam possit sentiri, et ubi supervenit sacerdos, nihil occurrit, per quod dolor in ejus absentia elicited possit manifestari, vel insinuari. Tum denique; quia prædictus dolor nunquam fuit physice, aut moraliter præsens sacerdoti, sicut requirebatur ad hoc, quod simul cum absolutione constitueret sacramentum: non quidem tempore confessionis, quippe, qui tunc solum respiciebatur ut futurus: nec tempore absentiae sacerdotis, quia tunc nulli innouit: atque ideo non est assignabilis duratio, in qua cœperit esse sensibiler præsens, ut actu simul cum aliis partibus physice, vel moraliter præsentibus constitueret sacramentum. Tenendum itaque omnino est in tali casu absolutionem non posse impendi: et licet impenderetur, nihil efficere.

107. Probatur secundo nostra conclusio ^{Fundam.} alia ratione, licet magna ex parte recidat ^{2.} in præcedentem: quia dolor peccatorum nequit esse pars hujus sacramenti, nisi connotet aliam partem essentialem, nempe confessionem; sed confessio nequit esse sacramenti pars, nisi dolorem præsupponat: ergo, ut dolor sit hujus sacramenti pars, debet præcedere confessionem. Consequentia patet. Et major est certa: quia sicut sacramentum non potest actu constitui, nisi concurrentibus partibus essentialibus, ex quibus constat: ita quælibet earum nequit esse actu pars, nisi connotando actualem alterius concursus: ad eum plane modum, quem in compositis naturalibus observare videmus, ubi nec corpus datur sine materia, et forma, nec

materia est actu pars corporis, nisi connotando alteram partem, et vice versa. Minor autem, in qua poterat esse difficultas, ostenditur : nam cum hoc sacramentum institutum sit per modum iudicii reconciliativi, in quo pœnitens tendit per modum rei ad obtinendam remissionem peccatorum; opus est horum confessionem, ut munus partis in tali habeat, esse non meram historiam, aut recitationem peccatorum, sed veram de illis accusationem; sed nequit esse vera de illis accusatio, nisi procedat ex eorum dolore, et consequenter quin dolorem præsupponat : ergo confessio non potest esse hujus sacramenti pars, nisi præsupponendo dolorem. Et hunc ordinem

D. Thom. optime significavit D. Thom. quæst. 90, art. 2, dicens : « In pœnitentia fit recom-
« pensatio offensæ secundum voluntatem
« peccantis, et secundum arbitrium Dei, in
« quem peccatur : quia hic non quæritur
« sola redintegratio æqualitatis justitiæ
« (sicut in justitia vindicativa) sed magis
« reconciliatio amicitiae, quod fit, dum of-
« fendens recompensat secundum volunta-
« tem ejus, quem offendit. Sic igitur requi-
« ritur ex parte pœnitentis, primo quidem
« voluntas recompensandi, quod fit per
« contritionem : secundo quod se subjiciat
« arbitrio sacerdotis loco Dei, quod fit in
« confessione, etc. »

Nec satisfacit primo, si dicatur confessionem, licet non procedat ex dolore, fieri sufficienter accusationem per subsequentem dolorem expressum per lacrymas, per suspiria, per verba dicentis se dolere. Id, inquam, non satisfacit, sed firmat nostram assertionem : quia ubi id ita contingit, et posse contingere concedimus, confessio non procedens ex dolore fuit mera relatio peccatorum, et non accusatio. Ubi autem accedit dolor eis signis expressus, incipit tunc primo esse in ratione accusationis, et partis sacramenti : et secundum talem rationem illum dolorem, ejusque signa præsupponit ; licet opus non sit narrationem peccatorum repetere, quæ satis nota, et præsentia sunt sacerdoti. Et hic est nostræ assertionis sensus ; refertur enim formaliter ad dolorem, et confessionem ut sacramenti partes, quemadmodum in dubii vestibulo præmonuimus.

108. Nec secundo satisfacit, si dicatur, confessionem, et si dolorem non præsup-

ponat præsupponere tamen intentionem recipiendi hoc sacramentum, quod institutum est per modum iudicii, atque ideo talis intentio inducit confessionem non utcumque, sed per modum accusationis. Id, inquam, minime satisfacit : nam licet verum sit prædictam intentionem, si efficax est inducere confessionem peccatorum, quæ sit vera de illis accusatio ; hoc ideo est, quia inducit requisita ad veram accusationem, inter quæ primum locum obtinet dolor. Ubi autem illum non infert, aut præsupponit pro priori ad confessionem, nequit illam per modum accusationis inferre, et convincitur non fuisse efficacem hujus iudicii reconciliativi intentionem : quippe quæ non induxit omnia ex parte pœnitentis necessaria, nec eo ordine, qui servandus est inter ea. Unde ridiculum apparet, quod narratio peccatorum transeat in veram de illis accusationem ob hoc præcise, quod subordinetur intentioni recipiendi sacramentum : quoniam accusatio de peccatis supra simplicem illorum recitationem addit displicentiam, et dolorem erga peccata : alias non munus accusationis indueret, sed in solo simplicis narrationis relinqueretur. Aliunde vero intentio recipiendi sacramentum per se ipsam non est dolor peccatorum formaliter, aut æquivalenter : vel si dolor est, sicut confessio illam intentionem supponit, ita, et supponet dolorem, et habemus intentum, nempe confessionem in esse accusationis ex peccatorum dolore procedere. Sed absolute falsum est eam intentionem esse dolorem. Et ideo asseri debet vel efficacem non esse ad inferendum confessionem per modum accusationis, vel prius inferre dolorem, qui necessarius est, ut confessio in ratione accusationis constitutatur.

Non absimilis præcedenti, sed nec illa melior est alia responsio Lugonis, fatentis tandem accusationem debere oriri ex aliquo odio delicti, et desiderio correctionis. Sed addit non requiri, quod hæc sint perfecta, et absoluta. Peccator autem, ubi in confessione se accusat de peccatis, semper habet aliquod peccatorum odium, et desiderium salutis, nisi omnino fecte confiteatur. Ceterum hoc effugium ex una parte facile præcluditur, et ex alia videtur rationi nostræ succumbere. Non enim vim ponimus in eo, quod dolor, qui præcedit confessionem

confessionem, debeat esse efficax ; sed oppositum supponimus, aut permittimus juxta superius dicta dub. 1, num. 32. Facimus autem vim in eo, quod vera accusatio peccatorum debet procedere ex vero eorum dolore ; abstrahendo tamen, ut fieri debet, ab efficaci, et inefficaci. Et hoc concedit re ipsa, licet verbis ludat, Lugonis responsio. Quoniam odium peccatorum, et desiderium salutis, sive libertatis ab illis nequit non importare verum aliquem peccatorum dolorem sive explicite, et formaliter, sive implicite, et virtualiter ; sed accusatio debet oriri ex aliquo odio delicti, et desiderio salutis, ut Lugo concedit : ergo accusatio peccatorum debet oriri ex eorum dolore : sive hic sit efficax, sive non ; quod nihil refert pro præsentī difficultate. Explicatur hoc inquirendo, an odium peccatorum conjunctum desiderio salutis sit dolor de peccatis, aut non ? Si eligatur primum, habemus intentum ; nempe confessionem oriri ex dolore ; siquidem debet oriri ex odio peccati, et desiderio salutis. Si autem secundum eligatur, redeunt impugnationes hactenus factæ : nam confessio peccatorum in ordine ad judicium reconciliativum in quo intenditur redintegratio amicitiae cum Deo ex peccatis offenso, debet procedere ex odio, et detestatione præcedentium peccatorum, quæ Deum offenderunt, et violaverunt cum eo amicitiam. Explicatur, et urgetur amplius : nam cum confessio, ut constituitur in esse veræ accusationis, et in ratione partis sacramenti pœnitentiæ, requirat peccatorum dolorem, ut ostensum est ; dolor requisitus debet esse dolor verus, qualis ad rationem partis sacramenti, cum confessione concurrentis desideratur. Nec enim oportet duos pro uno sacramento dolores distinguere : unum, qui constituat confessionem in ratione accusationis ; et alium, qui sit sacramenti pars : sed confessio debet præsupponere aliquem peccatorum dolorem, ex qua ipsa oriatur ; quem dolorem concedit Lugo sub involucribus odii, delicti, et desiderii salutis : ergo dolor, qui est sacramenti pars, debet præcedere confessionem. Unde vanus est illius Auctoris recursus ad dolorem non perfectum, et absolutum : nam conditiones, quas dolor debet habere, ut sit pars sacramenti, easdem habet, ut confessionem sibi compartem constituat in ratione accu-

sationis. Atque ideo, si ut sit pars, non requiritur, quod sit efficax, ut nos statuimus loco citato ; pariter non requiretur, quod sit efficax, ad constituendam confessionem in ratione accusationis, et partis. Si autem requiritur dolor efficax, ut forte censet Lugo, hic etiam, et, ut talis necessarius erit, ut confessio ea munera exerceat. Quolibet itaque modo describatur dolor, qui est pars sacramenti, anteire debet confessionem, ut se habeat per modum accusationis, et actu subeat partis officium.

109. Ut ab his impugnationibus se expediat Amicus, affirmat, quod possit quis narrare per modum historiæ sua peccata, et deinde mere interne dolere, et sic absolvi : quare negat necessitatem confessionis per modum accusationis, et sic uno quasi impulsu totum nostrum fundamentum evertit, quod eo accusationis munere sufficebatur. Quin addit sufficere ad hoc sacramentum confessionem non solum factam sine dolore antecedenti, verum etiam factam sine proposito dolendi adhuc post confessionem. Et ad majora progressus affirmat disp. 14, sect 4, num. 65. Si quis ebrius, aut freneticus narret omnia sua peccata confessario, et deinde ad usum rationis rediens advertat si illa retulisse, sufficere, ut valide, et fructuose absolvatur, quod interne doleat, et intendat peccata prius prædicto manifestata subicere Ecclesiæ clavibus.

Hæc tamen responsio, quo liberior, eo est præcedentibus longe absurdior, sed, et consequenter evidentioribus impugnationibus magis subjecta. Et quidem ad ostendendum falsitatem adversæ opinionis satis, superque erat illam traxisse ad inconveniens adeo grave, quale hic ejus patronus concedit. Et quod minime sustineri possit, ostenditur : tum quia communis sententia Theologorum est sacramentum pœnitentiæ institutum esse per modum judicii reconciliativi, et satis constat ex ejus forma, quæ est absolutio a peccatis per legitimam potestatem, et supposita causæ cognitione, ut satis perspicue docet Concil. Trident. sess. 14, cap. 5 et 6. Sed ad formam judicii reconciliativi requiritur accusatio ex parte ejus, qui se gerit, ut reus, uti comparatur pœnitens : ergo, nisi accusatio adsit, non salvatur veritas, et proprietas

Evasio
singula
ris
Amici

Injusta
gnatur

et
lugo-
io.

sacramenti pœnitentiæ. Tum etiam, quia minime potest comparari ut reus, et ut vere pœnitens, qui sic confitetur, aut narrat propria peccata; quod nec de eis dolet, nec propositum habet dolendi ante iudicis sententiam: minime namque videtur quærere absolutionem a Deo, cujus vices gerit sacerdos in hoc sacramento, qui nec actu, nec voto, aut proposito habet dolorem de peccatis, quæ ipsi dimittenda proponit: ergo si ad confessionem non requiritur dolor præsens, aut futurus, sequitur pœnitentem in confessionem non se gerere ut vere pœnitentem, et reum: quod plane contradicit modo et conditioni hujus sacramenti. Tum præterea, quia materia essentialis huius sacramenti consistit in actibus humanis pœnitentis, nempe in confessione, et dolore, ut docet Concil. Tridentinum sess. cit. cap. 3. Sed narratio peccatorum facta ab ebrio, vel frenetico non est actus humanus: quin nec est narratio, nec verbis, quæ sint formaliter verba, constat; cum nullum representent conceptum loquentis: unde non pluris æstimamus contumelias ab ebrio prolatas, quam si a psittaco proferrentur, ut explicuimus tract. 13 de peccatis, disp. 5, dub. 6, § 4. Ergo narratio peccatorum ab ebrio facta non est vere peccatorum confessio, nec vera pars sacramenti: atque ideo, si alia confessio non accedat, illud minime subsistet. Tum denique; quia absurdum apparet, et sacramenti dignitatem dedecet, quod id constituatur pro confessione ebrii, quod pro joco, et materia irrisionis solet haberi. Omittimus alias oppugnationes in re non necessarias, et præsertim dolorem in eo casu nullo modo fieri sensibilem, ut superius arguebamus: quod tamen necessario salvandum est. Sed addimus in eo casu posse perfici verum sacramentum, si ebrius factus sui compos cognoscat manifestasse confessario sua peccata, et de eis doleat, et sine nova narratione dicat, Accuso me de narratis, et peto ab eis absolutionem. Quia tunc adest nova, et vera confessio in esse accusationis, et partis sacramenti, cui deservit notitia sacerdotis ex ebrii relatione prius comparata, ut in simili diximus supra num. 105.

§ II.

Refertur sententia contraria.

110. Oppositam opinionem docentem non esse necessarium, quod dolor, ut sit hujus sacramenti pars, confessionem antecedit, tumentur Henriquez lib. 4. cap. 28, num. 3, Lugo disp. 14, sect. 2, Amicus loco cit. Leander disp. 7, quæst. 3 et com-Fillius muniter recentiores, qui pro eadem referunt Medinam, Toletum, Suarium, Vasquium, Filliucium et plures alios. Sed eorum multi non aliud docent, quam nos, nempe non esse necessarium, quod dolor antecedit recitationem materialem peccatorum, quæ confessio vulgo appellatur: minime tamen negant, quod dolor debeat præcedere vel hanc confessionem, vel illos nutus, signa, aut verba, per quæ ipsa ante absolutionem quasi reproducitur, et incipit esse accusatio, et vera pars sacramenti. Pro relata vero opinione non multa occurrunt argumenta: quia præcipuum ejus fundamentum consistit in evasionibus, quibus eluduntur argumenta suadentia prædictæ antecedentiæ necessitatem: sed eas jam præclusimus. Opponi tamen potest in ejus favorem praxis fidelium, quam his fere verbis expendit Lugo: fideles namque, si forte sua peccata absque dolore confessi sunt, et postea exhortatione confessarii permoti prædictum dolorem concipiunt, putant suo muneri, et obligationi fecisse satis, dolendo ante absolutionem. Et hoc fine solent confessarii tunc potissimum ad dolorem excitare, ad absolutionem valide suscipiendam. Nec pœnitentes obligant, ut post dolorem tunc conceptum repetant confessionem, quam sine dolore fecerunt: signum ergo est, quod dolor hujus sacramenti pars non debet esse indispensabiliter prævius ad confessionem: communis enim fidelium praxis declarat optime, quid in hac re, et in aliis sit necessarium.

Nec refert: si respondeatur in tali casu confessionem brevissime repeti, dum pœnitens dicit se dolere de omnibus narratis, et petere ab illis absolvi, ut explicuimus num. 105. Nam contra hoc opponit prædictus Auctor: tum, quod hoc ipsum est contra praxim; siquidem nec pœnitentes solent dicere, cupio ab his absolvi: nec confessarii

confessarii curant, quod pœnitentes id dicant. Tum etiam, quia pœnitentes nihil prorsus explicantes, solent dolere de peccatis, dum sacerdos illos alloquitur, et solliciti non sunt in manifestando suum confessario dolorem : et tamen nemo dubitat de sacramenti valore. Tum denique : quia aliqui confessionem generalem facturi, et in peccatis discutiendis, et referendis biddum, vel triduum, consumentes, solent reservare actum doloris eliciendum ultima die, aut hora, in quibus absolvuntur, et tunc peccata prius confessa minime repetunt. Quod juxta nostram assertionem reprobandum esset, utpote contra sacramenti valorem. Id vero apparet nimis durum, pluresque inducens scrupulos circa confessiones factas prædicto modo, qui est inter fideles adeo communis.

III. Respondetur sustinendo datam responsionem, quæ optima est, ipsaque fidelium praxis, et quæ per objectas replicas, satis quidem leves, non eliditur ; ut eis occurrendo constabit. Sed prius in communi observandum est falso supponi oppositam praxim esse communem : nam quantum experti sumus, fideles post relata in particulari peccata solent addere, quod de omnibus etiam oblitis se accusant, quin, ubi de præsentis non habent nisi levia, solent subungere aliquod grave jam expositum in alia confessione, ut securior reddatur sacramenti valor ex majori securitate doloris : idque admonere in usu quotidiano est piis, et prudentibus confessariis, sicut, et injungere, quod pœnitentes doleant de peccatis, dum absolvuntur. De hac praxi testificari possumus, secus de opposita : quare nescimus, unde hauserit relatus Auctor illam ab illo assertam esse communem, saltem quantum ad præcautionis modum, quo alii confessarii ministrant hoc sacramentum. Deinde observandum est modum, quo fideles confessiones absque dolore factas solent brevissime, concepto jam dolore, ante absolutionem repetere, non alligari ad verba formaliter talia, et multo minus ad determinata; sed complecti verba æquivalentia, ut sunt omnia signa, et nutus, quibus significatur peccatorum confessio, et dolor, v. g. suspiria, lacrymæ, tunsio pectoris, demissio vultus, et ipsa humilis, ac religiosa expectatio absolutionis, admissioque satisfactionis injunc-

tæ : hæc namque satis sensibilibiter declarant perseverantiam, aut inchoationem in confitendo, et detestando peccata.

His suppositis ad primam replicam respondetur negando antecedens : nam mos proxime descriptus est inter fideles valde communis. Et quod ad sollicitudinem confessariorum circa id pertinet, qui prudentes sunt, advertunt se duo genera personarum ad confessionem admittere. Nam aliquæ sunt sapientes, et timoratæ, quæ sciunt confessiones ex nullo dolore procedentes esse nullas, atque ideo, vel faciendas ex dolore, vel saltem ex dolore brevissime repetendas ante absolutionem : et istæ opus non habent ad id hortari, sed supponere possunt, quod ita se gerant. Aliæ autem sunt vulgares, et idiotæ, et cum his oportet prædictam sollicitudinem, et cautionem adhibere, seiscitando an de peccatis doleant, et admonendo, quod eliciant actus doloris ante absolutionem, et dum absolvuntur. Ad secundum respondetur nihil referre, quod pœnitentes non curent de manifestando suum dolorem confessario : satis namque est, quod prædictus dolor fiat sensibilibiter cognoscibilis per media, et signa proxime relata : et si ante, vel post confessionem non adhiberetur, pluries, et cum plurimo fundamento dubitarem de sacramenti valore. Ad tertium respondetur eodem modo : nihil enim pro præsentis difficultate refert, quod confessio sit generalis, aut non ; quod fiat per triduum, aut in brevi duratione : semper enim debet procedere ex dolore, vel ubi primo fit, vel saltem, ubi modo descripto repetitur, seu reproducitur ante absolutionem. Et hoc asserere nec durum est, nec scrupulos fovet ; sed obligationem aperit, veritatem adstruit, et securitatem fundat in re adeo gravi tam pro sacramenti reverentia, quam pro animarum salute. Ex quibus compulsi addimus sententiam nobis oppositam, (præscindendo a speculativa ejus probabilitate) non videri practicabilem, et securam in usu, propter reprobationem primæ propositionis ex damnatis ab Innocentio XI, quæ assererat : « Non est illicitum in sacramentis conferendis sequi opinionem probabilem de valore sacramenti relicta tutiore. » Nam profecto nostra tutior est, quam contraria : nullum quippe occurrit periculum vel in

Ad 1.

Ad 2.

Ad 3.

Propositio damnata.

præmittendo dōlorem ante confessionem : vel si hæc absque illo facta fuerit, in eliciendo postea illum, adjunctum signis sensibilibus. per quæ fiat sensibilis, et confessionem constituat, ut fieri debet, in ratione accusationis. Sed in contrariæ usu, prætermittendo ista, periculum adest frustrandi sacramentum. Aliunde vero (licet id pro vitando prædicto inconvenienti necessarium non foret) principia, quibus utimur, sunt probabiliora contrariis, et cohærentia communi usui, et apprehensioni fidelium.

Argum. 2. 112. Arguitur secundo : quia si dolor, ut sit hujus sacramenti pars, deberet confessionem præcedere, hæc præcedentia esset vel solo ordine naturæ, vel duratione temporis : sed neutrum potest convenienter dici : ergo non requiritur præcedentia doloris ad confessionem. Probatur minor : nam cum ex una parte dolor comparetur ad confessionem, sicut causa ad effectum, quippe, qui illam constituit in ratione accusationis, ut supra diximus : sufficit habere illam præcedentiam, quæ requiritur in causa comparative ad effectum : hæc vero solum est secundum ordinem naturæ, et quæ bene salvatur cum coexistentia utriusque in eadem temporis duratione. Ex alia vero parte, cum confessio fiat successive, sive in tempore ; dolor vero, cum sit actus voluntatis, possit in uno instanti elici, et perfici ; nec necessarium apparet, quo præcedat tempore confessionem, toto videlicet illo, quo continuatur peccatorum recitatio.

Respondet. Respondetur negando minorem. Ad cujus probationem dicendum est dolorem posse confessionem antecedere utroque illo modo, et quemlibet eorum pro asserta præcedentia sufficere. Et quidem per se loquendo satis est antecedentia, sive prioritas secundum ordinem naturæ, ut argumentum bene probat exemplo aliarum causarum ; sed per accidens, et attentis naturis doloris, et accusationis ex eo provenientis, communiter loquendo dolor præcedit confessionem, etiam duratione, ut argumentum bene etiam suadet. Sed tamen repugnantiam non videmus in eo, quod simul duratione coexistant cum sola antecedentia doloris secundum ordinem, aut prioritatem naturæ. Id vero dupliciter explicari, et fieri potest. Primo, si dolor

incipiat cum ipsa confessione, et continetur cum illa : quamvis enim non incipiat in tempore, sed in instanti ; potest tamen durare, et continuari per correspondentiam ad tempus. (Videantur, quæ docent N. Complut. abbrev. in Physic. disp. 24, quæst. 4, concl. 2, ubi explicant, quomodo substantiæ Angelicæ possint produci per correspondentiam ad tempus, quod hanc partem a fortiori evincit.) Declaratur secundo dicendo ; quod, licet confessio tempore duret, ultimo tamen completur, et terminatur in instanti : et quod in eo potest elici dolor, qui illam præcedat ordine naturæ, ut ultimo completam, et terminatam ; quo pacto exercet rationem partis sacramenti in concurrendo ad ejus effectum : sicut etiam contingit in absolutione, quin, et in omnibus sacramentis, et eorum partibus : est namque omnibus commune causare gratiam non in tempore, sed in instanti, ut constat ex dictis Tract. 22, de Sacramentis, disp. 4, dub. 5, § 1. Sed quod frequentius contingit, et congruentius videtur tam naturis rerum, quam humano operandi modo, dolor prior tempore est, quam confessio, ut satis liquet ex hactenus dictis. Et hac occasione solent aliqui in præsentia disputare, quanto tempore possit dolor confessionem antecedere, et sacramento conficiendo deservire ; et aliqui limitant ad spatium unius diei : alii extendunt ad totum spatium, quo actus doloris formaliter, aut virtualiter perseverat : et alii denique ulterius progressi affirmant non obesse valori sacramenti, quod dolor longissimo tempore confessionem præcedat, dummodo semel elicitus, nec explicite, nec implicite, retractetur, quos dicendi modos refert Leander disp. 7, quæst. 6, præferens ultimum, et pro illo referens Sotum, Suarezium, Candidum, Bonacinam, et Hurtadum. Sed quid dicendum sit, congruentius statuemus dub. seq. num. 121 et 124.

113. Ex dictis sequitur a fortiori dolorem debere præcedere absolutionem. Sic observant communiter Auctores, quos refert, et sequitur N. Franciscus cap. 5, punct. 1, num. 22, et facile suadet : nam peccatorum confessio præcedit eorum absolutionem : non enim possunt absolvere sacerdotes, nisi a peccatis, quæ per confessionem cognitioni, et jurisdictioni illorum subdantur ; sed dolor de peccatis debet præcedere

Leander
Bonacinam
Hurtadum

Dolor
præcedit
absolutionem

Franciscus
Jesuita

Maria

dere confessionem, ut ostensum est : ergo debet præcedere absolutionem. Tum etiam (et est motivum dolori, et confessioni commune), quia hoc sacramentum institutum est per modum iudicii reconciliativi, in quo absolutio habet rationem sententiæ ; sed in iudicio ante sententiam iudicis præmittitur, et accusatio rei, et cognitio causæ : ergo una, et altera medio dolore, et confessione debent præcedere sacramentalem absolutionem. Quod motivum evincit hanc præcedentiam debere esse secundum temporis durationem : quia cognitio causæ per confessionem, sive hæc verbis, sive nutibus, sive aliis signis fiat, semper exposcit successivam durationem : absolutio etiam, cum verbis fieri debet, tempus absumit : ergo confessio præcedit tempore absolutionem : idemque proinde dicendum est de dolore, qui, ut supra diximus, nequit esse posterior confessione considerata in ratione accusationis, et partis sacramenti.

ject. Nec hic morari oportet in diluendo communem objectionem ; quod hoc sacramentum constat dolore, et confessione sicut ex materia, et verbis absolutionis tanquam ex forma : et videtur necessaria coexistentia inter materiam, et formam, ex quibus totum aliquod constituitur. Nam id diluitur communi, et vera doctrina, quod sacramentum est compositum morale, inter cuius partes non requiritur unio, vel coexistentia physica, aut quod partes se physice (ut ita dicamus) tangant ; sed sufficit unio moralis, et per subordinationem unius partis ad aliam respectu significationis completæ totius sacramenti, ut ex professo explicuimus tract. 22, de sacram. disp. 2, dub. 2, per totum. Melius opponeretur ob motivum immediate insinuaturnon requiri, quod materia sacramentorum proxime præcedat ; unde ad valorem Baptismi non refert, quod verba formæ proferrantur ante, vel post ablutionem, dummodo non multum duratione distent, sed sint moraliter indistantia, et humano modo præsentia : idemque contingit in confirmatione, Extrema-Unctione, etc. Ergo cum dolor, et confessio ex una parte, et absolutio ex alia comparentur per modum materiæ, et formæ ; nihil refert, quod absolutio præcedat, vel sequatur dolorem, et confessionem, sed sufficiet moralis inter

has partes præsentia. Sed hoc etiam facile dispellitur : quia antecedens non est distributive, et universaliter verum, sed solum tenet in aliquibus sacramentis. Istud autem Pœnitentiæ habet specialiter modum iudicii, in quo sententia, ne sit temeraria, injusta, et nulla, supponit cognitionem causæ cum accusatione rei : atque ideo nequit dolorem, et confessionem, vel brevissima duratione antecedere, ut insinuavimus loco cit. num. 18, ad quem lectorem, ut ad propriam hujus doctrinæ sedem remittimus.

DUBIUM V.

Utrum idem doloris actus possit distinctis confessionibus deservire.

Conveniens, accurataque hujus dubii resolutio desumenda est ex dictis dub. præced. quocirca istud illi immediate submittimus. Sed ante resolutionem nonnulla præmittere oportet, quæ vel requiruntur ad terminorum intelligentiam, vel tanquam certa supponi debent, ut sic ad proprium, et specialem difficultatis statum deveniamus.

§ I.

Aliqua prælibantur, et supponuntur.

114. Dolorem esse partem essentialem sacramenti pœnitentiæ satis constat ex dictis in hac disp. per totam. Et cum totum non sit aliud a suis partibus simul sumptis, et unitis ; merito dubitatur, utrum possint multiplicari numero confessiones, et subinde sacramenta pœnitentiæ, quin necessarium sit multiplicare numero dolorem, qui tanquam pars ad singula sacramenta concurrat. Circa quod duo videntur certa, et a cunctis admittenda. Primum : non posse eundem doloris actum deservire pluribus confessionibus simul actu concurrentibus, et coexistentibus : nam impossibile est istas esse simul ab eodem pœnitentes ; sed necessario plures exposcere. Ubi autem pœnitentes multiplicantur, necessario ibi multiplicantur doloris actus, cum unus nequeat pœnitere per actum alterius. Nequit itaque unus dolor deservire pluribus confessionibus simul actu coexistentibus. Et ideo

difficultas in titulo proposita trahenda, al-
ligandaque est ad multas, et distinctas
successive confessiones, quarum una post
aliam tempore succedat, et sic deceteris. Se-
cundum est prædictam difficultatem referri
ad distinctas confessiones ejusdem, vel
eorundem peccatorum, ut contingit, cum
quis semel, iterum, etsæpius confitetur idem
v.g. furtum, absque additione novæ mate-
riæ necessariæ, quam non habet. Ubi enim
hæc occurrit, manifestum est requiri no-
vum, et distinctum dolorem : nam (ut alia
motiva omittamus) priori supervenit pec-
catum mortale, qui ejus permanentiam
aut physicam, aut moralem destruxit : ali-
ter enim non adesset nova materia neces-
saria contra id, quod supponitur. Proposi-
tum itaque dubium locum præcise habet in
multis successive confessionibus ejusdem,
aut eorundem peccatorum, ut, cum illa
quis voluntarie reproducit in diversis con-
fessionibus ad consequendum majus aug-
mentum gratiæ, et majorem pœnæ tempo-
ralis remissionem.

Perseve-
rantia
doloris
formalis,
vel
virtualis.

115. Sed cum sermo sit de eodem doloris
actu, qui tunc concurrat, atque ideo aliquo-
modo existat ; alias concurrere non vale-
ret : observare oportet, quibus modis ac-
tus doloris semel elicitus possit existere
cum tempore succedenti diversarum con-
fessionum. Primo formaliter in se ipso :
neque enim repugnat, quod perseveret, et
continuetur per unam, aut duas horas, in
quibus confessio ejusdem peccati repeti po-
test. Secundo virtualiter, quando videlicet,
et si deficiat in se, permanet tamen in ali-
quo sui. Id vero non ita facile apprehen-
ditur, et explicatur, sicut primum, sed
magis clarus, et communis modus hoc de-
clarandi est, quem immediate insinuavi-
mus, expendimusque, tract. 11, disp. 4,
num. 41, et tract. 14, disp. 5, num. 57, et
tract. 22, disp. 7, num. 40. agentes vel de
influxu finis, vel de necessitate intentionis
ad conficiendum sacramenta. Juxta quæ,
permanentia alicujus actus alia est actualis,
alia habitualis. Actualis dividitur in
formalem, et in virtuales. Actualis formalis
est, quando actus habet esse formaliter
in se ipso, ut cum quis elicit, et continuat
hunc actum, *Volo*. Esse vero virtualiter
contingit dupliciter. Uno modo, cum actus
cessat in se ipso, sed tamen dirigitur actus
subsequentes, et manet in eis sicut in ef-

fectu : quo pacto intentio finis perseverat
actualiter virtualiter in electione medio-
rum : et hoc modo, qui domi habuit in-
tentionem celebrandi, et hoc animo domo
egreditur, Ecclesiam adit, vestes sacras
induit, licet intentionis non recordetur, il-
lam retinet virtualiter, et in effectu. Alio
modo contingit hæc virtualis permanentia,
quando videlicet prima intentio tam in se,
quam in effectu interrumpitur propter
humanæ vitæ occurrentia negotia : nihilo-
minus repetitur saltem in communi, et in
confuso, quando ejus materia memoriæ oc-
currit : nam comparatur per modum ob-
jecti sic in confuso voliti, et hæc ratione
dicitur virtualiter permanere, cujus si-
gnum est, quod, si quis subito interroge-
tur de sua intentione in hac, aut illa ma-
teria, statim, et absque ulla deliberatione
respondet juxta intentionem præconcep-
tam.

Et hinc consequenter apparet, quid sit
permanentia præcise habitualis, illa ni-
mirum, quæ actualis non est, quia non
durat actu vel formaliter, vel virtualiter ;
sed fuit aliquando, et non est positive,
aut contrarie destructa, modo tamen nec
est in se, nec in aliquo sui effectu, nec
in illa confusa repetitione. Quare in or-
dine ad præsentis effectus perinde se ha-
bet, ac si nunquam fuisset. Qua de causa,
cum certum sit pro valore sacramentorum
requiri in ministro intentionem illa con-
ficiendi, ut ex professo ostendimus loco
cit. ex Tract. 22, communis Theologorum
sententia est non sufficere intentionem
habitualement, ut constat ex ibidem dictis
num. 41. Nam intentio in ministro re-
quisita influit in actum, saltem determi-
nando materiam de se indifferentem ad
unum, et certum effectum, ut optime evin-
cit D. Thom. quæst. 64, art. 8 ; intentio
autem mere habitualis, sicut non est actu,
ita nec influere potest in actum, sed pure
concomitanter se habet, et in ordine ad
effectum tunc exequendum, ac si non
esset, vel unquam fuisset. Ex quibus satis
constat in multis, satsque diversis sensi-
bus posse versari difficultatem in titulo
dubii propositam ob non pauciores modos,
quibus perseverare potest idem doloris
actus. Et hoc præmisso.

116. Supponimus eundem doloris actum, Supposi-
si formaliter perseveret, posse deservire 110.
multis

robatio
ipposit.

multis confessionibus eorundem peccatorum, quæ, quandiu dolor ita continuatur, fiant. Verbi gratia confitetur quis unum peccatum furti cum dolore sufficienti ad sacramentum, et perseverat in eo per unam horam : potest intra eandem cum eodem dolore bis, aut ter valide confiteri, et absolvi. Et hoc, inquam, supponimus : quia illud jam statuimus in Comment. ad art. 10, quæst. 84, num. 9, et quia absolute concedendum existimamus, et quia circa illud non occurrit momenti difficultas. Si quæ vero est, dispellitur sequenti probatione : quia ex una parte licet ille actus sit entitativè idem ; tamen de novo explicatur, et fit sensibilis per novam confessionem ; atque ideo potest in suo genere constituere novum signum, quale novum sacramentum importat. Ex alia vero parte melior est actus continuatus, quam dolor interruptus : sicut pejor est actus peccaminosus continuatus, quam ipsemet si discontinuatur. Ergo, si dolor primo elicitus fuit sufficiens ad confessionem furti, et valorem sacramenti, ut supponitur ; idem dicere debemus de eodem dolore continuato, et extenso ad secundam, et tertiam ejusdem peccati confessionem. Explicatur amplius : nam dolor de furto continuatus, et perseverans formaliter per unam horam æquivalet eminenter duobus actibus doloris de eodem furto intra eandem horam elicitis : quin potest illos longe excedere in intensione ; sed cum talibus actibus doloris interruptis possent fieri duæ, aut tres confessiones ; ergo eandem fieri possunt cum prædicto dolore formaliter existente, et continuato per illam horam. In præmisso itaque sensu idem doloris actus potest multis confessionibus deservire.

Idem censemus, et ob idem fere motivum in alio casu, in quo dolor non videtur formaliter permanere : perseverat tamen, ut explicabimus. Demus enim pœnitentem unico doloris actu doluisse de quinque furtis numero distinctis cum intentione omnia illa, ut debebat, confitendi. Sed cum ad confitendum accessit, unum omisit per inculpabilem oblivionem. Postea vero illius recordatus iterum ad confessionem accessit, ipsum exposuit, et ab eo directe absolutus est. Qui casus est de frequenter contingentibus, ut experientia

liquet : et in eo occurrunt duæ confessiones, et duo numero sacramenta. Quod vero pro illis sufficiat idem numero dolor, qui præcesserat, et de quinque peccatis furti conceptus fuerat, explicatur, et suadetur in hunc modum. Si ille pœnitens in casu proposito de unoquoque furto doluisset singularibus doloribus, sive, et in idem redit, pro quinque furtis eliciuisset quinque doloris actus : unus ex illis sufficeret pro secunda confessione : quippe dolor quinti v. gr. furti, per oblivionem omissi in prima, officium suum non exercuit in ea ; cum in ea satis fuerint quatuor dolores ad quatuor furta directi : atque ideo perseverat formaliter quantum ad intentionem, et ordinem ad suum munus, et effectum : ergo idem in priori casu unici doloris de quinque furtis dicendum est. Probatur consequentia : tum quia unus actus doloris de quinque furtis æquivalet quinque doloris actibus de eisdem quinque peccatis : atque ideo debet idem contingere, sive unus, sive quinque doloris actus respiciant illa furta. Tum etiam : nam ideo in secundo casu sufficit quintus dolor ad valorem secundæ confessionis, quia in prima suo munere functus non fuit, et propterea suam virtutem, quasi in actu primo reservavit pro secunda, illamque ibi explicare debuit. Eadem autem ratio occurrit in priori casu : nam unus dolor de quinque furtis, sive dolor unicus æquivalens quinque doloribus non servivit in prima confessione, prout quinto peccato correspondebat : ergo deservire potest, et debet in secunda, ut pœnitens possit ab illo absolvi directe.

Potestque id confirmari ex praxi confessariorum : nam cum pœnitens ad confessarium, a quo paulo ante absolutus fuerat, regreditur exponendo aliquod peccatum, cujus in confessione facta fuerat invincibiliter oblitus, quamvis unus, aut alter confessarius illum hortentur ad novum dolorem, sive renovandum antiquum ; alii tamen omnes (ut testatur Lugo disp. 14, sect. 3, num. 27,) communiter id non faciunt ; sed aliis suppositis, et imposita pœnitentia immediate absolvent, perficiendo secundum, et distinctum sacramentum : quia supponunt perseverare dolorem, qui prius ad omnia peccata saltem in confuso terminabatur, et de

Lugo.

tajor
plicatio.

præsenti servire novæ confessionis oblito. Idque amplius roborat idem Auctor ex sententia communissima, ut ipse loquitur; nam potest quis propter peccata reservata confiteri suo superiori sola reservata, si iste alia audire non vult: et deinde eadem cum omnibus aliis confiteri inferiori sacerdoti: in quo casu datur duplex absolutio sacramentalis: et tamen nemo dicit teneri pœnitentem ad duos dolores, si prior, et unus extendebatur ad peccata reservata, et non reservata. His prælibatis, quæ videntur communia, et satis certa.

§ II.

Duabus assertionibus expeditur difficultas.

117. Dicendum est primo dolorem præteritum habitualiter tantum permanentem non sufficere ad novam eorundem peccatorum confessionem, sive ad valorem sacramenti: et consequenter in hoc sensu eundem dolorem non posse multis confessionibus deservire. Hanc censemus esse sententiam communem inter Auctores, (quorum plurimos vidimus) contra paucos Recentiores infra referendos. Probatur primo: quia dolorem permaneri tantum habitualiter, est aliquando fuisse, et de præsentī non esse actu formaliter, aut virtualiter, ut constat ex dictis num. 115, et si alio modo explicetur, tollitur status quæstionis, et non erit dolor tantum habitualis: sed dolor, qui aliquando fuit, et actu non est vel formaliter, vel virtualiter, non sufficit ad novam confessionem, et valorem sacramenti: ergo dolor habitualiter tantum permanens non sufficit ad prædicta; nec in tali sensu potest idem doloris actus servire pluribus confessionibus. Probatur minor: tum, quia nequit dari sacramentum in actu, quin dentur in actu formaliter, aut virtualiter partes, ex quibus essentialiter constituitur, ut videtur per se notum; sed sacramentum pœnitentiæ constituitur essentialiter ex partibus, quarum una est contritio, sive dolor peccatorum, quæ confessioni subijciuntur, ut satis perspicue docet Concilium Trident. sess. 14, cap. 3, et patet ex dictis a principio hujus disputationis: ergo nequit dari sacramentum pœnitentiæ sine peccatorum

dolore, qui actu formaliter, vel virtualiter existat: et consequenter pro confessione; et sacramenti valore non sufficit dolor, qui aliquando fuit et modo nec formaliter, nec virtualiter est. Tum etiam, quia, ut confessio sit vera sacramenti pars, debet esse non mera narratio, aut peccatorum relatio repetita, sed vera de peccatis accusatio: qua de causa debet illorum dolorem supponere et ab ipso oriri, ut constat ex dictis dub. præced. sed nova confessio nullo modo potest procedere a dolore, qui aliquando fuit, et modo nec formaliter, nec virtualiter est; siquidem quod nullo modo est, nullo modo influit; alias sicut actu influeret, ita esset: ergo dolor de peccatis, qui aliquando fuit, et modo, nec formaliter, nec virtualiter existit, non sufficit, ut confessio sit vera sacramenti pars, ac perinde nec ac constituendum in suo genere sacramentum pœnitentiæ. Nec momenti erit si dicatur dolorem habitualem, sive habitualiter permanentem non importare præcise illa, quæ diximus, sed superaddere carentiam retractationis tam explicite, quam implicite: idque sufficere, ut maneat de præsentī, ut non retractatus. Nam id est ludere verbis: quia carentia retractationis est mera negatio, quæ minime deservire valet, ut actus præteritus sit actu pars positiva, ut necesse est, sacramenti: nec ut confessio in esse accusationis oriatur positive ex dolore. Unde inquirendum est, an sic dolor, ut non retractatus manet de præsentī, in quo maneat? Si in se: ergo perseverat formaliter. Si in aliquo sui effectu: ergo perseverat virtualiter. Et quodlibet eorum dicatur, tollitur de medio subjectum quæstionis, nempe dolor habitualiter tantum existens. Si denique dicatur in non retractatione; hæc nihil re ipsa est, nec valet ad effectus proxime dictos concurrere.

Confirmatur: quia ad valorem hujus sacramenti non minus requiritur ex parte pœnitentis dolor, quam ex parte ministri intentio absolvendi, seu ministrandi sacramentum; sed ad hujus valorem non sufficit ex parte ministri sola intentio habitualis: ergo nec ex parte pœnitentis sufficit habitualis præcise dolor. Major, et consequentia patent. Minor autem est communis sententia Theologorum, de qua testantur, et videri possunt Prado de sa-
crament.

Prima
assert.

Conclus.
probatur.

Probatur
1.

Rejici-
tur.

Confir-
matur

Prado.
Leand.

crament. quæst. 64, lib. 8, num. 16, et Leander de sacrament. disp. 4, quæst. 17, ubi affirmat sic sentire omnes Doctores cum D. Thom. 3 part. quæst. 64, art. 8. Et ratione convincitur : quoniam ministratio sacramentorum est actio humana, quæ proinde debet ex deliberata intentione procedere, sive ex voluntaria applicatione ad tale ministerium : quod minime salvaretur absque concursu, et influxu talis intentionis; nequit autem intentio influere actu, nisi actu sit formaliter, aut virtualiter : ergo intentio habitualis, sive, quæ aliquando fuit, sed de præsentī nec formaliter, nec virtualiter existit, non sufficit ad ministrandum valide sacramenta.

Major
confir-
mat. ex-
plicat.

Et hinc potest aliter explicari hujus confirmationis vis illam applicando intentioni, et dolori pœnitentis : nam iste sicut pro valide recipiendo pœnitentiæ sacramentum eget intentione subjiciendi peccata clavibus Ecclesiæ per confessionem, ita eget dolore de peccatis, quo confessio in esse accusationis, et subjectionis, respectu iudicii Ecclesiæ constituatur ; sed pœnitens, ut valide recipiat pœnitentiæ sacramentum, eget intentione actuali formaliter, aut virtualiter existente. Ergo pariter eget dolore actuali formali, aut virtuali : et consequenter pro valore hujus sacramenti non sufficit dolor tantum habitualis. Cetera constant, et minor liquet ex immediate dictis ; quia sicut pro valore hujus sacramenti requiritur intentio ministri absolventis, et illud ministrantis, sic etiam requiritur intentio pœnitentis, qui illud suscipit : ergo si ex parte ministri non sufficit intentio habitualis, seu requiritur actualis formalis, aut virtualis, ut communiter docent Theologi ; pariter ex parte pœnitentis necessaria erit intentio in aliquo vero sensu actualis ; et minime sufficit, quæ habitualis præcise est. Nec hec loco impediri debemus instantia, aut exemplo baptismi, quem ut adultus valide recipiat, sufficit intentio habitualis, quin et, ut plures dicunt, sola non resistentia : nam illi jam occurrimus loco cit. ex tract. 22. de sacram. Et aliunde facile dispellitur ob manifestam differentiam : nam homo suscipiendo baptismum non se habet ut agens, sed ut passum : cui sufficit non resistere cum possit. Sed in sacramento pœnitentiæ se habet, ut agens in adhiben-

do materiam ejus proximam, sive partem essentialē consistentem in actibus doloris, et confessionis : quocirca debet agere humano modo, illosque actus elicere ex deliberata intentione, ut etiam proportionabiliter contingit in sacramento matrimonii, pro quo manifestum est non sufficere solam non resistentiam, aut habitualementantum consensum.

118. Secundo probatur eadem assertio ab inconvenienti, quod inferitur expositione contraria : nam, si dolor præcise habitualis sufficit ad valorem hujus sacramenti ; sequitur, quod cum dolore peccatorum elicitō quinquaginta, aut etiam centum ab hinc annis, possit quis nunc absque novo doloris actu confiteri eadem peccata, quæ tunc fuerant materia doloris in confessione ; consequens est absurdum : ergo et antecedens. Sequela est manifesta. quia dolor habitualis peccatorum non in alio, ut describunt Adversarii, consistit quam in eo, quod aliquando elicitus fuerit, et deinde explicite, vel implicite retractatus non sit. Id vero planum est posse contingere in toto illo tot annorum spatio. Demus enim puerum paulo post usum rationis incidisse in peccatum mortale, a quo cito absolutus fuit in confessione sacramentali. Demus illum deinceps nunquam peccasse mortaliter, et pervenisse ad ætatem decrepitam. In toto hoc spatio, et ejus fine salvatur dolor habitualis primi illius, et unici peccati mortalis, consistens in eo, ut Adversarii volunt, quod aliquando fuerit elicitus, et nunquam retractatus explicite, vel implicite. Sequitur itaque juxta eorum sententiam posse hominem illum in fine vitæ, et post tot annos confiteri peccatum in pueritia commissum, absque novo dolore, sed in virtute illius, quem centum ab hinc annis elicit. Id vero esse absurdum ostenditur ; quia cum sacramentum sit quoddam totum morale, compositum ex materia, et forma, petit moralem, sive prudentialem inter prædictas partes conjunctionem, sive indistantiam : nemo vero prudens judicabit inter dolorem, et absolutionem cum media intercapedine centum annorum dari ullam moralem indistantiam, sive conjunctionem. Et quid si distantia esset mille annorum, aut plus ultra ? nam juxta Adversarios durat dolor semel elicitus, quandiu non

Probat,
secundo.

retractatur, et sic nullum habet terminum in eo durationis modo. Sed decipiet, qui actus adeo distantes doloris, et absolutio- nis dicat moraliter conjunctos ad unum sacramentum constituendum. Unde vide- mus Auctores, qui hanc rem versant, hanc temporis illimitationem non admittere, sed potius distantiam temporis, et non valde magnam, inter dolorem, et confes- sionem determinare. Diana 5 part. tract. 14, resolut. 67, et Præpositus ab eo relatus assignant spatium unius diei, ut cum pœ- nitens vespere discutit conscientiam, et conteritur, et sequenti die confitetur. Tamburinus lib. 2, de Conf. cap. 2, § 4, num. 5, censet dolorem posse præcedere confessionem quatuor, aut quinque diebus. Tancred. tract. 1, disp. 5, sect. 6, asserit sufficere dolorem, etsi præcedat per unum mensem. Dicastillo disp. 6, num. 177, profitetur se malle ab aliis audire, quam per se decernere : et rem arbitrio pruden- tum reliquit. Sed quod erit arbitrium, ubi assignatur sine termino tempus ex sola aliquando elicentia doloris, quem sequens non diluerit retractatio ? Sic censent Auc- tores, paucis admodum Junioribus excep- tis, quos num. 122 dabimus.

Diana
Præp.

Tambu-
rin. Tan-
cred. Di-
castillo.

Confir-
matur 1.

Confirmatur primo : nam confessio sa- cramentalis debet ex una parte reddere sensibilem dolorem internum, qui ad sacramentum concurrat, et ex alia, ex prædicto dolore procedere ; alias non se posset gerere per modum accusationis, ut dub. præced. magis expendimus : sed con- fessio præsens non significat sensibilibus dolorem elicitem centum ab hinc annis, nec ab eo in tam longa temporis distantia vere procedere potest : ergo nec ipse dolor adeo distans potest esse pars, præsentis sacramenti.

Confir-
matur 2.

119. Confirmatur secundo, quia non magis influere, et concurrere ad sacra- mentum pœnitentiæ valet dolor præteri- tus non retractatus, quam ad celebrandum possit intentio, v. g. rite celebrandi, et consecrandi in Missæ sacrificio semel ha- bita, et nunquam retractata ; absurdum autem esset dicere talem intentionem, (quam communiter omnes sacerdotes in sua ordinatione habent,) sufficere ad rite cele- brandum, et consecrandum per totam vitam, subindeque non indigere alia nova, aut renovata intentione, quia prior illa

nunquam retractata fuit : idque adversa- retur communi omnium apprehensioni, et praxi. Ergo pariter absurdum reputari debet, quod dolor in pueritia conceptus de peccato mortali tunc commissio, et primæ illius confessioni deserviens, ex hoc ipso, quod non retractetur, possit deservire om- nibus subsequentibus ejusdem peccati con- fessionibus, quæ esse valent innumerabi- les in multitudine, et valde distantes in tempore. Idem etiam inconveniens appa- ret in intentione recitandi officium divi- num : sufficeret enim eum, qui ad illud tenetur, habuisse semel, et a suæ obliga- tionis principio intentionem recitandi, licet postea in toto vitæ decursu nullam novam intentionem adhiberet, nec prio- rem repeteret, nec ejus recordaretur : quippe juxta Adversariorum doctrinam intentionem, quam semel habuit nunquam retractavit. Idem ulterius repræsentatur in sacerdote, qui propter capellaniam ha- bet obligationem perpetuam applicandi omnibus, aut multis diebus Missam pro defuncto. Qui minime huic obligationi satisfaceret per hoc, quod cum capella- niam obtinuit, habuerit intentionem ap- plicandi Missas debitas pro defuncto, si postea in decursu vitæ non amplius repe- tat, aut innovet hanc intentionem ; quamvis priorem non retractaverit. Quin non pauci affirmant, quod, si vel per unum annum hanc omissionem haberet explicite appli- candi, minime satisfaceret justitiæ, nec suum faceret stipendium illi tempori cor- respondens. Quanto minus, si se ita gere- ret per totam vitam ?

Et ratio generalis est jam supra assigna- ta, quod omnia prædicta, confessio, abso- lutio, consecratio, recitatio officii, et appli- catio Missæ sunt operationes humanæ, quæ debent procedere ex intentione deli- berata in ordine ad proprios fines : et ali- ter factæ illos fines non assequuntur, nec valorem habent. Ex eo autem, quod ali- quando intentio præcesserit, non sequitur, quod longo tempore adsit : sed fieri potest, quod cesset tam in se, quam in effectibus, et in sui recordatione, et approbatione. Nec ad prædictam, et omnimodam cessa- tionem requiritur actus positive, et con- trarie priorem retractans ; sed sufficit ipsa temporis diuturnitas absque prioris actus renovatione. Quia voluntas, cum primo intendit,

intendit, nec sibi, nec aliis potentiis imprimit aliquid omnino fixum, et quasi indelebile per modum characteris, aut saltem permanens per modum habitus; sed aliud quid minus stabile ad instar actus, aut dispositionis statim deficit. Unde ex hoc ipso, quod recordatione, et repetitione non faveatur, evanescit etiam sine actu contrario, sic exigente ipsius conditione. Idque non solum physice, ut ratio suadet, sed etiam moraliter in ordine ad prudens iudicium: oppositum namque fundamentum præstat illi, qui per quinquaginta annos intentionis aliquando habitæ non recordatur, nec illam approbat, nec repetit: sic enim in ordine ad eam se gerit, ac si nunquam fuisset, aut esset. Eo vel maxime, quod illa, quæ ex intentione deliberata fiunt, vere, et realiter ex ea procedunt, et terminant ejus influxum; ad quod nihil refert prudens, ac moralis existimatio, si res ipsa in se aliter se habet; quia intentio longo tempore præcedens, et nunquam innovata desinit tam in se, quam in effectu, atque ideo absolute.

bjeet.

120. Et si objiciatur ad valorem sacramenti matrimonii sufficere consensum unius conjugis, quamvis post longum tempus accedat consensus alterius, dummodo primus toto illo tempore non fuerit retractatus: quod signum est pro his intentionibus, et earum permanentia sufficere aliquando fuisse, et postea non retractari. Ad id, inquam, si objiciatur, communiter respondetur; occurrere in sacramento matrimonii specialem rationem, ut præmissus semel ab uno conjugis consensus permaneat usque ad consensum alterius, licet hic multum differatur; quia videlicet matrimonii sacramentum est pro materiali quidam humanus contractus, qui de se admittit eam suspensionem, usque dum detur, aut denegetur expectatus alterius consensus; sed quamvis recognoscamus majorem ob motivum assignatum admittebam esse permanentiam istorum actuum in matrimonio, majoremque distantiam sustineri posse inter consensus unius, et alterius, (se habentes in matrimonio per modum materiæ, et formæ,) quam in aliis sacramentis: ut cum N. Cornejo, Ledesma, et Sanchez observat N. Andreas tract. 9, de Matrimon. cap. 7, punct. 4, num. 63, nihilominus censemur consequenter

itis-
ct.dreas
datre
Dei.

ad hactenus dicta tam longum tempus posse a consensu unius ad consensum alterius decurrere, quod non succederet validum sacramentum, nisi repetito, aut innovato primo consensu. Si enim tantum temporis elabatur, ut hic desinat tam formaliter, quam virtualiter ob defectum tam in se, quam in aliquo sui effectu; non est, cur fingatur permanere ob solam non retractationem contrariam; sed perinde censendus est cessare, ac finire, sicut alii actus humani, cum non repetuntur, et innovantur, ut constat ex hactenus dictis. Præsertim cum nemo, licet consensum præbeat, præsumatur velle expectare in perpetuum consensum alterius; sed intra rationabilem durationem (majorem, aut minorem juxta diversas personarum, et locorum circumstantias) qua elapsa cessat: et si adhuc matrimonium postea celebratur, novus consensus adhiberi debet.

121. Dicendum est secundo eundem do-

Secunda
assertio.

loris actum, si perseveret virtualiter, posse deservire distinctis, ac succedentibus eorundem peccatorum confessionibus. Sic docent Petrus de Ledesma in Summa, cap. 4, de pœnit. vers. *La segunda duda*. Joann. a Cruce in Director. part. 2, de pœnit. quæst. 1, dub. 6, concl. 2. Candidus disp. 24, art. 6, num. 2. Arauxo 3, quæst. 84, art. 70, in Comment. (quo etiam loco nos idem insinuavimus num. 9, quamvis minorem non probantes hujus Auctoris in sua resolutione distinctionem) Dicastillo disp. 6, num. 160. Tancredo disp. 5, sect. 6, et alii. Idemque re ipsa docent Soto in 4, dist. 17, quæst. 2, art. 3, et Suarez disp. 20, sect. 4, num. 29, quamvis non ita clare loquantur. Probatur satis efficaciter ex prænotatis, et hucusque dictis: nam eundem doloris actum virtualiter permanentem deservire distinctis, et succedentibus eorundem peccatorum confessionibus, ex nullo capite repugnat: ergo idem dolor virtualiter permanens potest in præmisso sensu multis confessionibus deservire. Consequentia patet. Et antecedens suadetur discurrendo per singula, quæ in hoc casu occurrunt, et possunt repugnantiam fundare, si ulla esset. Nam in primis non repugnat actum doloris licet in se, et formaliter non permaneat, perseverare virtualiter, sive in effectu; id enim satis liquet in aliis actibus humanis,

Ledesma
Joan.
Arauxo
Dicastillo.
Tancredo,
Suarez.Proba-
tur.

ut in intentione requisita ad conficiendum sacramenta, in consensu requisito ad celebrandum matrimonium, in aliis pluribus, quæ, cum necessario ad aliquos effectus requirantur, non semper existunt in se formaliter, sed sufficit, quod existant virtualiter, sive in effectu : idque exposcit humanus operandi modus, cum non possimus semper retinere formaliter intentionem, aut attentionem circa idem objectum : ergo nulla est repugnantia in eo, quod dolor de peccatis semel elicitus, licet desinat esse formaliter in se ipso, perseveret tamen virtualiter, et in effectu. Et si inquiras, in quo, aut quo modo perseveret? Ad id satis constat ex generaliter dictis num. 115. Et insuper facile explicatur in speciali : nam, si quis ex concepto peccatorum dolore, incipiat pro illorum satisfactione jejunare, et alias carnis macerationes assumere, occasiones cavere, loca pia adire, orationem frequentare, etc., in omnibus his tanquam in effectu manet antecedens dolor, quamvis in se cessaverit, et quandiu prædicti effectus form aliter durant, ille virtualiter perseverat. Idem proportionabiliter contingit, cum quis ex præconcepto illo peccatorum dolore, repetit confessiones illorum. Pariter, cum, si prædicti doloris memoria occurrit, approbatur, et saltem in confuso retinetur, licet de novo, et expresse non eliciatur. Hæc omnia sufficiunt, ut pristinus dolor in se transiens permaneat virtualiter, sive in effectu, ut in actu intentionis, et aliis contingit, et discurranti facile constabit.

Deinde non repugnat actum doloris sic virtualiter permanentem concurrere ad sacramentum, et cum illo influere : tum quia casus est ordinarius, (et distinctus a difficultate, quam nunc versamus) quod cum hoc sacramentum exercetur, et fit, non adsit dolor formaliter existens, sed præcise virtualiter. Tum quia id generale est in intentione necessaria tam in ministro, quam in suscipiente, ut sacramentum fiat : et tamen non requiritur, quod detur intentio formalis, cum sacramentum fit, sed sufficit virtualis : nec oppositum ferret humana fragilitas, quæ ob varias cogitationes, non semel inculpabiles, deficit a formali intentione, sicut et attentione in eo, quod agit. Tum denique, quia vel in naturalibus, et physicis virtualis existentia

causarum, ut actu influant, et effectus ipsis attribuantur : sic enim viventium generatio est origo a vivente, licet istud generationi non adsit formaliter, nec aliquando existat in se; sufficit enim existere, et assistere virtualiter in semine a se deciso : sic etiam plures mixtorum operationes attribuuntur specialiter elementis, quæ tamen non existunt formaliter in mixtis, sed virtualiter tantum. Hac itaque ratione, licet actus dolendi de peccatis in prima, et sequentibus confessionibus non existat formaliter in se ipso, sed in hoc sensu præterierit; potest tamen ulterius permanere virtualiter in effectibus, quos proxime recensuimus. Et ad eandem permanentiam plurimum confert, quod prædictus dolor præteritus veniat aliquoties in memoriam, ibique retineatur saltem in confuso cum quadam approbatione; ita quod pœnitens subito requisitus, an dolet de peccatis, sive verum conservaret dolorem, subito etiam, et sine nova deliberatione, responderet affirmative. Et quamvis (tacitæ objectioni occurrimus) intellectus ex se, et objectum intellectu apprehensum nequeant movere voluntatem, nisi objective, et quoad speciem actus, tamen virtute prioris voluntatis possunt movere efficaciter, et quoad exercitium, ut observavimus Tract. 11. de Bonit. et mal. disp. 4, dub. 5, num. 40; unde prior dolor de peccatis a voluntate prius elicitus, et deinceps ab intellectu apprehensus, et recogitatus saltem in confuso, potest novam inducere (si opus esset) intentionem peccata iterum cum eodem dolore subiiciendi absolutioni sacramentali per confessionem.

Denique veniendo ad præcipuum difficultatis caput, non repugnat illum unum doloris actum virtualiter permanentem deservire multis subsequens eorundem peccatorum confessionibus: nam si permaneret formaliter, id officium præstare posset, ut constat ex dictis num. 116 : ergo idem dicendum est, si permaneat virtualiter. Probatur consequentia : tum, quia permanentia virtualis æquivalet formali, ut patet in intentione consecrandi, in consensu pro matrimonio, et aliis exemplis supra positis : ergo dolor permanens virtualiter potest præstare, quod præstaret dolor per idem tempus formaliter perse-

verans

Object.
tacitæ
occurritur.

verans. Tum etiam, quia per respectum ad unum præcise sacramentum eodem modo deservit dolor existens virtualiter, ac dolor existens formaliter; unde nemo negat, quod pro uno sacramento sufficit dolor virtualiter tunc existens: ergo similiter per respectum ad plura sacramenta succedentia eodem modo deservit unus dolor continuatus virtualiter, ac unus dolor formaliter continuatus: id enim vis paritatis evincit: ergo si unus formaliter dolor, si continuetur, deservit multis eorundem peccatorum iteratis confessionibus: idem de dolore virtualiter existenti, si continetur, dicendum est. Tum præterea; nam ideo unus, et idem doloris actus formaliter persistens potest deservire multis successive eorundem peccatorum confessionibus, qui æquivaleret multis doloris actibus discontinuatis, quos, si adessent, dubitari non posset aptos esse deservire prædictis confessionibus; sed etiam unus doloris actus virtualiter continuatus æquivaleret multis doloris actibus discontinuatis, de quibus, si virtualiter adessent, nemo dubitaret posse sufficere ad plures successive confessiones: ergo, si idem doloris actus formaliter perseverans multis confessionibus eorundem peccatorum deservit; idem de uno, et eodem dolore virtualiter perseverante dicendum est.

122. Confirmatur primo destruendo fundamentum oppositum: nam si ob aliquam rationem repugnaret unum doloris actum virtualiter perseverantem deservire multis successive eorundem peccatorum confessionibus, maxime quia est vera pars, et materia proxima sacramenti pœnitentiæ: quare repugnare videtur dari plura pœnitentiæ sacramenta, quin dentur plures actus doloris juxta confessionum numerum. Hoc autem motivum nihil evincere suadetur primo: quoniam unus actus successive durans æquivaleret multis, qui circa idem objectum in ea duratione multiplicari successive possent: ergo sicut prædicti actus multiplicati possent deservire multis sacramentis: sic etiam potest idem actus continuatus eisdem æquivalens. Quare sicut hac de causa non est inconveniens eundem doloris actum formaliter existentem, et formaliter continuatum deservire multis pœnitentiæ sacramentis; sic etiam de dolore virtualiter

existenti, et continuato dicendum est. Secundo, quia dolor interior non habet esse materiam proximam hujus sacramenti, nisi reddatur actu sensibilis per confessionem, quæ quatenus illum, ut sui causam representat, ipsum constituit in esse sensibilis, sicut esse debet in ordine ad sacramentum juxta dicta dub. præced. Sed ubi cum eodem materialiter dolore fiunt multæ confessiones, talis dolor multiplicatur in esse sensibilis juxta pluralitatem confessionum, a quibus sensibilitatem accipit; ergo sic acceptus, licet materialiter unus, potest ad multa sacramenta deservire.

Confirmatur secundo, magis declarando Secunda. vires præmissi fundamenti, et confirmationis. Nam munera, ad quæ dolor peccatorum in hoc sacramento requiritur, et quorum ratione officium veræ partis illius exercet, duo sunt: videlicet, ut confessio peccatorum non sit mera illorum historia, aut recitatio, sed vera accusatio ex dolore orta: deinde, ut sacramentum sit iudicium quoddam reconciliativum, in quo pœnitens ut reus detestatur delicta, et eorum pœnitet, quod fit formaliter per dolorem. Porro ut hæc munia exerceantur successive in multis sacramentis, satis est dolor, aliquando formaliter existens, et ulterius virtualiter continuatus, ac perseverans toto illo spatio, quo multæ eorundem peccatorum confessiones repetuntur. Nam in primis omnes eæ confessiones possunt ex illo eodem dolore procedere, atque ideo esse non puræ narrationes, sed veræ accusationes, sive id contingat ex eo, quod, cum primo pœnitens illum dolorem elicit, habuit intentionem eodem dolore ortam confitendi non semel tantum, sed iterum, atque iterum illamet peccata: sive contingat ex eo, quod licet tunc non habuerit talem intentionem saltem expresse, tamen cum per decursum vitæ ejus doloris recordatur, illam reprobatur, ex eaque recogitatione movetur, ut de novo intendat confiteri iterum idem, aut eadem peccata: Unde consequens fit salvari etiam secundum munus: concurrunt enim omnia requisita ad iudicium reconciliativum, ut facile consideranti constabit. Concurrente ergo uno doloris actu ad multas confessiones juxta sensum præmissum salvantur omnia munera, pro quibus dolor in hoc

sacramento requiritur, et officium partis exercet.

§ III.

Satisfit motivis adversantium opinionum.

Hurtado-Leander. 123. Contra primam conclusionem sentiunt Hurtado disp. 1, de sacrament. in gen. difficult. 11, in fin, et Leander tract. 5, disp. 7, quæst. 6, affirmantes ad validam confessionem sufficere dolorem præcise habitualement, sive qui per multum tempus præcedit confessionem, dummodo postquam semel habitus est, nec explicite, nec implicite retractetur. Pro eadem sententia Leander refert Candidum, sed immerito: loquitur enim hic Auctor de dolore virtualiter permanenti, ut manifeste constat ex motivo, et verbis, quibus utitur, et se explicat. Eandem sententiam tueri videtur N. Antonius tract. 5, de pœnitent. disp. 3, sect. 6, num. 110, quia relata cum aliis opinione Leandri subjungit: « Has omnes « sententias judico probabiles, tu elige, quam « malueris. » Sed nos licet hanc sententiam non dicamus improbabilem, nec aliam notemus censura; nihilominus non censem positive esse probabilem, et multo minus quod sit in praxi segura, ob manifestum periculi frustrationis hujus sacramenti ex defectu doloris sufficientis. Ea enim, quæ pro valore sacramentorum desiderantur, debent concurrere actu formaliter, aut virtualiter, et non sufficit existere præcise in habitu, quippe habitus non dicit exercitium, aut influxum, sed meram, et quasi dormientem rei permanentiam. Et hæc est quasi communis Theologorum assertio, præsertim ubi agunt de intentione necessaria pro conficiendis sacramentis, ut abunde constat ex supra dictis. Motiva autem pro ista opinione consistunt principaliter in subterfugiis ad eluendum necessitatem doloris actualis pro singulis confessionibus: sed illa, ut censem, satis præclusimus. Et nihil fere positivum occurrit, quod pro illa expendamus, et diluamus. Opponi tamen potest cum Leandro disp. cit. quæst. 4, his verbis: Repetita confessione vocali eorundem peccatorum repetitur saltem virtualiter dolor præcedentis confessionis, perseverantis adhuc moraliter, et virtualiter:

sufficit itaque dolor eorundem peccatorum aliquando habitus. Et confirmat ex Diana: quia juxta hanc opinionem possunt confessarii multos scrupulos sedare, in his præsertim, qui frequenter confitentur de peccatis venialibus ordinariis, cum aliquo mortali jam confesso, et absoluto: quia non tenentur ad novum actum doloris, cum alius prior possit concurrere semel habitus, et numquam retractatus.

Sed hæc momenti non sunt: motivum enim solum probat sufficere antiquum dolorem, si perseverat adhuc moraliter, et virtualiter, ut loquitur Leander, et nos facile concedimus, et in secunda assertione statuimus. Sed quid commune id habet cum dolore habitualiter tantum manente? Non plane cohærent, quæ ille Auctor scribit quæst. 4, et quæst. 6; nam in 4, exposcere videtur virtutalem ejusdem doloris perseverantiam, ut ipsius verba demonstrant. Sed in 6, non aliam perseverantiam exigit, quam actum aliquando fuisse, et deinceps non retractari: id vero non importat permanentiam virtutalem, sed ad summum habitualement, ut ex supra dictis constat.

Ex quibus etiam patet ad confirmationem: nam quæ statuimus de sufficientia doloris virtualiter permanentis pro valore hujus sacramenti, et de necessitate intentionis virtualiter saltem existentis pro isto, et omnibus aliis; optime quidem sunt ad propulsandum scrupulos, qui ex defectu doloris formalis, aut intentionis formalis oriri solent, præsertim in subjectis vehementis, et inconstantis phantasæ, per quæ ad innumera, et diversa objecta trahimur perturbatis erga unum intentionem, et attentionem: unde timeri solet recessus a præconcepto fine, et subsequentes actus non habuisse deliberationem pro illorum valore necessariam. Et hi scrupuli præsertim pungunt in conficiendis, et recipiendis sacramentis, re profecto ex genere suo gravissima. Sed ibi propulsari, et parvipendi debent, ubi præcessit intentio requisita, et virtualiter perseverat in ipsis operationibus ex eadem ortis, quamvis in eis adsit mentis divagatio, et videamur ineliberate procedere. Aliter enim res se habet, et ex præconcepto fine operamur: unde dubitare non debemus de sacramentorum valore. Quod remedium eo securius,

Confr.
natio

Respon-
sio
motivi

Fit satis
confir-
mat.

Motivum
1. sent.
oppositæ

rius est, quo communius inter Theologos, et ab eis assertum tanquam proportionatum volubiliū cogitationum vertigini, quā vel involuntarii rapimur extra nos, et extra ea. in quā aciem tam attentionis, quam intentionis a principio cujuslibet operis summo conatu dirigimus. Si namque pro his requireretur actualis vel intentionis, vel doloris, vel consensus formalis existentia, ac perseverantia, et non sufficeret virtualis supra asserta, et explicata, obrueretur quidem humana fragilitas. Pro quibus remedium non est, et multo minus remedium securum praequisitarum operationum perseverantia solum habitualis: hāc enim licet importet carentiam actus retractantis, nihil tamen est de praesenti, vel in se, vel in aliquo effectū, sed perinde se habet, ac si non esset, aut fuisset: quocirca influere actu non valet: quod tamen pro valore sacramenti requiritur. Consulere itaque tale remedium per recursum ad dolorem, aut intentionem praecise habituales, scrupulos quidem tollet. sed certa pericula, et non dubia ex eis inducet peccata.

124. Contra secundam conclusionem sentiunt aliqui affirmantes eum, qui in confessione nova repetit peccatum, de quo absolutus directe jam fuerat, debere novum, ac distinctum de praedicto peccato dolorem elicere, et non sufficere, quod perseveret virtualiter in antiquo novae confessioni applicato. Ita Henriquez lib. 4, cap. 26, num. 7, Filiucius Tract. 6, cap. 3, num. 77, Vazquez quaest. 92, art. 3, dub. 5, in fin. Joannes Sancius disp. 1, num. 22, Bonacina disp. 5, quaest. 4, punct. 4, Perez disp. 19, sect. 5, num. 3, Diana part. 3, tract. 4, resolut. 116, et alii, quam sententiam suadent diversis motivis. Primo, nam, cum sacramentum sit quoddam totum compositum ex suis partibus, pro novo sacramento requiruntur novae partes; sed dolor est pars essentialis sacramenti poenitentiae: ergo pro novo poenitentiae sacramento requiritur novus dolor: hic ergo adesse debet, ubi nova repetitur eorundum peccatorum confessio. Secundo, nam ex opposito infertur posse aliquem toto anno, quin, et tota vita confiteri quotidie eadem peccata, non renovato dolore, quem habuit a principio anni, aut etiam paulo post usum rationis: consequens ap-

paret absurdum, et contra communem apprehensionem, et praxim: ergo id, ex quo sequitur non debet admitti. Tertio, quia pro novo sacramento poenitentiae requiritur nova confessio; nemo namque dixit, aut imaginatus est unam confessionem peccatorum posse deservire pro pluribus sacramentis: ergo idem de dolore dicendum est, quippe qui non minus, quam confessio est materia proxima, et pars essentialis hujus sacramenti.

Respondemus haec omnia posse simul dilui exemplo doloris formaliter perseverantis, qui potest multis, et succedentibus confessionibus deservire, ut ostendimus num. 116, ubi occurrunt eadem difficultates, ac in dolore virtualiter permanenti. et eodem modo dissolvi debent, juxta superius dicta num. 121. Sed magis in speciali respondetur ad primum; quod ad summum evincit debere innovari, et multiplicari dolorem virtualiter permanentem in esse partis. Quod facile admittimus, et explicamus. In primis eo, quod dolor non est pars hujus sacramenti, nisi fiat sensibilis per confessionem: unde multiplicatis confessionibus, sicut fit multipliciter sensibilis, ita fit multiplex in ratione materiae proximae. et partis essentialis hujus sacramenti. Deinde ex eo, quod sicut dolor formaliter existens pro aliqua duratione aequivalet multis doloris actibus, qui in eadem duratione elici possent; sic etiam dolor virtualiter in eadem duratione continuatus aequivalet multis doloris actibus, vel formaliter, vel virtualiter existentibus; atque ideo, licet sit unus in esse rei, est multiplex in esse partis sacramenti juxta pluralitatem confessionum, quibus deservit, et per quas trahitur ad sacramenta. Hoc momenti est, quod debet adesse novum motivum erubescitiae, et doloris, quoties quis confitetur: nam id ipsum est materia controversiae, quam versamus, nec ita opponi, aut supponi debet non producto fundamento. Et propterea eodem modo dispellitur, habetque contra se exemplum ejusdem numero doloris, ubi formaliter continuatur. Nam quod ad erubescitiam spectat, haec non est pars sacramenti, nec ponit in numero cum dolore; et permissa ejus necessitate, non deficeret, ubi eadem peccata exponerentur diverso confessario, licet

cum eodem antiquo dolore virtualiter permanenti.

Secundum.

Ad secundum respondemus concedendo sequelam, quæ nullum continet absurdum, sed veritatem, ubi supponitur eundem doloris actum ab initio anni elicitum, vel a principio usus rationis continuari virtualiter per totius anni, aut vitæ decursum. Hoc namque supposito, consequens est prædictum dolorem, sic virtualiter continuatum posse deservire multis, et omnibus confessionibus circa eadem peccata, quibus deservire possent plures dolores formaliter interrupti, et sibi succedentes, aut idem dolor, si (quod difficilius est) formaliter in se perseveraret. Quo modo autem idem dolor possit per longum tempus virtualiter permanere, difficultate non caret, sed quæ in præsentiarum non refert: quippe, quod non discutitur, sed supponitur ex parte hypothesis, quæ controversiæ subjicitur, an scilicet idem dolor peccatorum virtualiter permanens possit multis confessionibus deservire; sive per breve tempus, sive per longum: in ea namque duratione, in qua permanserit, affirmamus obire posse illud munus. Quamvis nec impossibile, nec nimis arduum censeamus, quod permaneat virtualiter per longum tempus in effectibus ex tali dolore ortis; utputa in peregrinatione, in abstinencia carniū, et similibus, quæ dum exercentur, refricant memoriam saltem confusam pristini doloris cum approbatione; idque plurimum confert ad virtutem ejus conservationem.

Tertium.

125. Ad tertium omissio antecedenti, negamus consequentiam. Et ratio disparitatis est, quod dolor potest permanere, et continuari virtualiter, ut explicatum est: sed confessio peccatorum, cum sit actus exterior, et transiens, nihil infert, aut ex se relinquit, in quo vere dicatur virtualiter permanere: unde confessio pro una absolutione facta nequit pro alia servire. (Et hic incidenter observet Lector absurdum illorum intelligentium, qui perseverantiam habitualement cum virtuali confundunt, neutraque aliud esse describunt, quam actum aliquando elicitum non esse expresse, aut implicite retractatum. Quod si verum esset, non minus permaneret confessio semel facta, quam dolor semel elicitus, ubi nulla illarum subsecuta fuit retractatio: atque ideo, sicut unus dolor permanens non re-

tractatus potest, eis affirmantibus, multis confessionibus deservire; sic etiam eadem peccatorum confessio semel facta, et non retractata posset deservire pro multis absolutionibus, et sacramentis. Quod nemo, quem viderimus, ausus est dicere). Radix autem assignatæ disparitatis provenit ex doctrina superius tradita, quod materia debet de novo adhiberi, ut novum componat sacramentum. Interest autem inter dolorem, et confessionem, quod ille potest virtualiter permanere, et de novo applicari, et explicari, sensibilisque fieri per novam, et iteratam confessionem: unde potest ad novum sacramentum concurrere. Confessio autem semel facta transit formaliter, et desinit in se ipsa: atque, sic sumpta nequit pro novo sacramento servire. Unde, si quis conaretur illammet applicare, opus haberet inducere aliam novam eorundem peccatorum explicationem vel scripto, vel nutibus, vel alio modo sensibili. Quoquo autem modo id faceret, novam formaliter faceret confessionem, a præcedenti distinctam. Unde nunquam verificatur, quod antiqua deserviat novo sacramento; sed semper pro absolutione nova adest etiam nova confessio.

Addi valet alia non spernenda disparitas ex Lugone disp. 14, num. 30; nam, licet dolor, et confessio sint materia proxima hujus sacramenti: diverso modo se gerunt. Cum enim sacramentum istud institutum fuerit per modum iudicii reconciliativi, nequit de novo, absque nova accusatione exerceri: prolata enim valida sententia a Iudice in aliqua causa, nequit iterum sententia proferri absque novo processu, et causæ cognitione: quippe in priori functus jam fuerat Iudex munere suo. Requiritur igitur pro nova sententia, sive absolutione in hoc iudicio nova accusatio, et delictorum testificatio, quod fit formaliter per confessionem penitentis: quæ proinde nova requiritur pro nova absolutione, et sacramento. Possunt autem prædicta fieri absque novo dolore, sed per novam applicationem antiqui, si actualiter vel formaliter, vel virtualiter perseveret. Et ideo pro novo sacramento non requiritur determinate novus dolor, sed antiquus etiam servire valet. Verum hæc differentia, aut disparitas, ut teneat, revocanda ultimo est ad radicem a nobis assignatam, quod dolor se-

Diversitas intellectus inter dolorem, et confessionem.

mel

mel elicited potest continuari, secus confessio; ille potest explicari, et applicari per novam confessionem; hæc vero non valet, nisi per novam peccatorum significationem, quæ est vera, formalis, et nova confessio, quæ rationem partis, et materiæ proximæ exercet, præcludendo locum antiquæ.

DUBIUM VI. APPENDIX.

De specialibus difficultatibus circa dolorem, et propositum in confessione venialium.

Observantur communiora.

Quæ in hac disputatione scripsimus, referuntur principaliter ad remissionem peccatorum mortalium in isto pœnitentiæ sacramento; licet nonnulla incidenter dixerimus de venialium remissione. Sed cum inter hæc, et illa adsit quasi infinita distantia; hæc ipsa fundat plures differentias circa modos, quibus in hoc sacramento exponuntur, et remittuntur; obligatque, ut plura in genere dicta debeant in venialibus limitari, et ad regulas magis speciales reduci. Ad quod accuratius præstandum oportebat non pauca circa venialia, et formam, per quam remittuntur, prænotare. Sed quia hæc ex professo versavimus, ut statuimus in variis hujus Cursus tractatibus, ad quos per se spectant; nolumus actum agere; sed lectorem, si diffusiora cupit, ad proprias sedes remittere, et ibi dicta indagare, atque in præsentī supponere. Sed ulterius.

§ I.

126. Differentia principalis inter mortalia, et venialia desumitur ex dictis Tract. 13, disp. 19, quæ est de distinctione peccati venialis a mortali, per totam, et specialiter dub. 1, inquirente, quæ sit primaria differentia venialis culpæ a mortali? In eo autem constituimus, quod peccatum mortale est simpliciter contra legem, ly simpliciter appellante non solum supra legem, sed supra materiam legis, et supra modum illam attingendi; et harum quilibet defectus impedit, ne defectus sit culpa mortalis, et in ratione venialis relinquit. Ubi enim lex non est talis, simpliciter obligans, vel

licet obliget simpliciter, violatur in levi materia; vel lege, et materia simpliciter talibus, modus est secundum quid ob non perfectam deliberationem agentis: in his omnibus simul et divisive sumptis vitatur simpliciter violatio legis, et malitia culpæ est levis, seu venialis. Ex ea radice provenit, quod peccatum grave sit inobedientia simpliciter erga Deum, et avertat ab ipso, ut ultimo fine super omnia dilecto: cujus oppositum ob oppositam rationem contingit in levi: quippe, quod leviter deficit in obediendo, et ab ultimo fine non avertit, sed solum secundum quid ab eo divertit, retenta habituali conversione, animique præparatione omittendi id ipsum, in quo venialiter peccamus, si ultimo fini absolute adversaretur, ut fuse explicuimus Tract. 8, dub. 4, discutientes, « Utrum justus peccans venialiter habeat pro fine saltem « negative ultimo bonum inordinatum, « circa quod peccat, aut quis sit ultimus « finis illius actus »? Sequitur præterea ex eadem radice peccatum grave expellere gratiam habitualement, qua sanctificamur, et quæ constituit habitualement subjectionem ad Deum, et ordinem ad ipsum, ut ultimum finem dilectum super omnia: peccatum vero leve prædictam gratiam non excludere, quia non excludit illam subjectionem, nec illum ordinem. Inde ulterius fit peccatum grave inducere maculam simpliciter, quæ consistit in voluntaria privatione gratiæ, per ipsum inducta: peccatum vero leve eam privationem, sive maculam non causat, sed aliam longe inferiorem et secundum quid consistentem in privatione nitoris gratiæ, sive fervoris charitatis qui cum possit esse per actus virtutum, impeditur, cum ab ultimo fine divertimur, et vel leviter delinquimus. Fit etiam peccatum grave merito appellari mortale, quia excludit vitam supernaturalem, quæ per gratiam sanctificantem habetur, et non relinquit in subjecto principium ad eam promerendam: peccatum autem leve rationaliter vocari veniale, quia non excludit gratiam, quæ est principium ad consequendum ejusdem peccati remissionem.

127. Descendendo autem ad modum remissionis, sicut Tract. 15, de Justificat. disp. 2, dub. 5, statuimus peccatum mortale non posse remitti absque intrinseca mutatione peccatoris: sic etiam in eodem

Observationes circa peccata mortalia et venialia.

Tract. et disp. dub. 8, decisum reliquimus, quod peccatum veniale auferri non valet absque intrinseca mutatione subjecti, et hoc primo loco firmavimus, addentes sequentes assertiones. Secundam, quod hæc intrinseca mutatio debet fieri per aliquid peccato veniali repugnans, et eidem impossibile. Tertiam, quod istud intrinsecum, et impossibile non salvatur in sola gratia sanctificante, nec in aliquo alio dono habituali, sed necessario exposcit aliquam operationem elicitam ab homine, in quo peccatum veniale præcessit. Quartam, non aliam operationem ad id sufficere, quam actum supernaturalem contritionis, aut charitatis. Quæ omnia late explicuimus, et communivimus, tum rationibus, tum auctoritate, et præsertim Angelici Doctoris, qui prædicta apertissime in diversis locis statuit. Et ea quasi ad compendium redegimus, et magis expolivimus Tract. 22, de sacramentis, disp. 10, dub. 2, « de modo, quo sacramentalia concurrunt ad remissionem venialium peccatorum », ubi per varias conclusiones explicuimus, quod sacramentalia non efficiunt instrumentaliter physice remissionem venialium, sed solum ad eam concurrere per viam impetrationis, consequendo immediate auxilia ad eliciendum actus per quos formaliter excluduntur : qui actus possunt pro arbitrio ea auxilia suscipientium elici, aut impediri : quo circa ex usu sacramentalium non fit infallibiliter venialium remissio in se, sed solum in causa, sive auxiliis. Eandemque resolutionem extendimus ad remissionem venialium, quæ fit in hoc penitentiae sacramento, et potest in aliis etiam contingere in priori hujus Tract. parte in Comment. ad art. 1, quæst. 87. Quia generale est his peccatis non posse per aliam formam expelli, nisi per actum contritionis, vel charitatis, sive eorum remissio fiat intra, sive extra sacramenta : unde sacramenta non remittunt illa immediate per formam aliquam eis impossibilem producendo, sicut in remissione mortalium contingit; sed solum mediate, causando videlicet gratiam, et auxilia, quibus homo eliciat, si velit, actus contritionis, et charitatis, per quos venialia formaliter expellantur.

Et radix jam supra assignata fuit, quod mortalia excludunt gratiam, et per ipsam,

cum restituitur, excludenda sunt : ipsam autem gratiam possunt sacramenta immediate efficere, et subinde mortalia immediate expellere. Ceterum venialia non privant hominem gratia, aut alio dono habituali, sed solo fervore charitatis ad exercitium pertinente : qua de causa pro formali eorum exclusione non sufficit gratia, vel ejus augmentum, vel aliud habituale donum; sed determinate requiritur fervor charitatis in contritione, aut amore explicatus. Hunc autem nequeunt sacramenta efficere, cum sit actus vitalis, et liber a voluntate immediate eliciendus. Quare licet sacramentum pœnitentiæ, et alia efficiant remissionem peccatorum venialium, non tamen immediate, et in se; sed solum mediate, et in causa, quatenus efficiunt gratiam, et auxilia, quibus utens, cum vult, elicit actus in quibus charitatis fervor splendet, et quo immediate, et formaliter expelluntur venialia. Si vero hic fervor ad influxum, et immediatum sacramentorum effectum non succedat; id per accidens ex libertate voluntatis contingit non utentis gratia accepta, nec se porrigentis ad ultimum effectum, quem in remissione venialium posset habere. Ubi advertat Lector, ne confusionem, et deceptionem patiatur, alium esse actum, qui est sacramenti penitentiae pars, et simul cum aliis compartibus influit effective modo proxime explicato in venialium remissionem : et alium esse actum, qui immediate, et formaliter illa expellit. Ad primum sufficit attritio, ut constat ex supra dictis dub. 1, fere per totum, ad secundum vero requiritur contritio, vel amor charitatis, ut ostendimus locis supra relatis ex Tract. 15, et 22.

128. Ex quibus, priusquam ad difficiliora descendamus, colliguntur aliqua, quæ communiter recipiuntur, et ex dictis facile suadentur. Primum : remissionem venialium semper supponere gratiam in subjecto, cui fit : sive gratia tunc primo producat, sive supponatur producta, et sive remissio fiat in sacramento, sive extra illud. Ita contra Durandum docent communiter Theologi, quorum plures refert N. Franciscus de pœnit. cap. 5, punct. 3, num. 18. Et ratio est : quoniam sicut peccatum veniale non privat hominem, nisi fervore charitatis; ita non

Colligitur 1.

Franciscus a Jesu Maria.

non excluditur formaliter nisi per prædictum fervorem, qui supponit charitatem, et gratiam. Præsertim quia prædictus fervor consistit vel in amore charitatis erga Deum, vel in contritione ex huiusmodi amore orta : et quilibet horum actuum dependet essentialiter a gratia sanctificante, ut diximus disp. 5, num. 166, et ex professo ostendimus Tract. 15, de Justificat. disp. 2, dub. 6, § 5, cum seq. et Tract. 19, de Charitate disp. 4, dub. 3, et Tract. 21, de Incarnat. disp. 13, dub. 4, num. 6, et disp. 23, dub. 5, § 2, quibus locis varia fundamenta expendimus, unde probatur implicare, quod amor charitatis erga Deum ultimum finem super omnia non procedat ex influxu gratiæ habitualis sanctificantis. Secundum : nullum actum a peccatore elicited excludere formaliter peccata venialia. Quia unica forma, qua expelluntur, est fervor charitatis, qui per amorem, vel contritionem explicatur : hi vero actus nequeunt procedere a peccatore in sensu composito : quippe, qui dependent a gratia sanctificante, sicut a principio effectivo ; quæ est impossibilis cum statu peccati. Tertium : peccatum veniale mortali conjunctum non posse remitti, quin mortale remittatur, et quidem prius ordine naturæ. Quoniam veniale remitti non valet nisi dependenter ab influxu gratiæ sanctificantis, atque ideo debet eam præsupponere in subjecto : cum ergo hæc peccato mortali repugnet, et illud formaliter excludat ; fit, quod, ubi mortalia, et venialia in eodem subjecto conjunguntur, ut in peccatore contingit ; nequeat fieri venialium remissio absque remissione mortalium. Recolantur, quæ supra diximus in Comment. ad art. 2, quæst. 87.

129. Quartum, quod licet sacramentum pœnitentiæ nequeat remittere unum peccatum mortale, quin remittat omnia, quæ in pœnitente reperit ; potest tamen remittere aliquid, aut aliqua venialia, aliis non remissis. Et ratio differentiæ constat ex dictis, quod sacramentum pœnitentiæ remittit mortalia immediate efficiendo gratiam sanctificantem, quæ nulli mortali est compossibilis : quare sacramentum pœnitentiæ vel nullum mortale, vel omnia simul excludit. Sed prædictum sacramentum solum mediate efficit remissionem venialium, quatenus producit gratiam, et auxi-

lia, quibus homo possit elicere actus, per quos venialia immediate, et formaliter expelluntur. Unde cum homo possit elicere tales actus in ordine ad aliqua venialia, et non ad omnia ; contingens est aliqua in hoc sacramento remitti, manentibus aliis ; quin, et quod nulla in se ipsis remittantur, sed solum in causa, si homo gratia, et auxiliis non utatur in ordine ad actus, per quos immediate remittantur. Itaque forma expellens mortalia, nempe gratia sanctificans habet cum illis insuperabilem oppositionem : quocirca, ubi adest, cuncta expellit. Forma vero excludens venialia est actus vel amoris charitatis, vel contritionis, non tantam habens cum venialibus oppositionem, sed potius secundum solam suam speciem consideratus potest cum illis coherere : quare, ut ea excludat, debet ad ipsa cum quadam formali, aut saltem virtuali detestatione referri. Cum autem ista per detestationem extensio admittat inæqualitatem penes magis, aut minus, tam intensive, quam extensive ; inde provenit inæqualitas in eorum remissione, sive quod quædam remittantur, et non omnia. Quamvis non negemus contingere posse, quod talis actus sit ita fervidus, et ad omnia extensus, ut omnia simul excludat. Et quia hactenus dicta lucem, et robur accipiant ex D. Thoma. unum, aut alterum ex S. Doctore proferemus. In quæst. 7 de malo, art. 12 ad 4 inquit : « Quamvis sacramentalia æqualiter se habeant ad omnia peccata venialia ; tamen « fervor ab eis excitatus non æqualiter « semper se habet ad omnia : sed quandoque respicit aliqua in speciali, et contra illa efficacius operatur. Et si in generali respiciat ea, potest contingere, quod « non habeat eundem effectum in omnibus : eo quod affectus hominis aliquando « habitualiter est inclinatus ad aliqua venialia committenda, ita, scilicet, quod, si « in memoria haberentur, non displicerent : vel forte, si opportunitas adesset, « committerentur. Et raro contingit homines in hac mortali vita viventes ab huiusmodi effectibus liberos esse. Et si « etiam homo ad horam per huiusmodi remedia ab omnibus venialibus immunitatem consequatur quantum ad culpam : non tamen sequitur, quod sit « liberatus quantum ad totam pœnam :

D. Thom.

Joan. 1.
Can. c. 1.
D. Thom.

« nisi forte sit tantus fervor dilectionis,
« quod sufficiat ad totius pœnæ remissio-
« nem. » Et in hac 3 part, quæst. 79,
art. 4, cum sibi objecisset illud D. Joan.
in 1 canonica c. 1 : « Si dixerimus, quia
« peccatum non habemus, ipsi nos seduci-
« mus, *respondit*. Ad secundum dicendum,
« quod illud verbum non est intelligendum,
« quin aliqua hora possit homo esse abs-
« que omni reatu peccati venialis : sed
« quia vitam istam Sancti non ducunt sine
« peccatis venialibus. »

130. Denique præmittendum est, venia-
lia per se ipsa, et præcisa a conjunctione
cum mortalibus esse materiam remotam
sacramenti pœnitentiæ, non quidem ne-
cessariam, sive quam teneamur ad præ-
dictum adducere : sed sufficientem, si veli-
mus talia peccata confiteri. Quod satis
constat ex supra dictis num. 88. quin opus
sit in eo suadendo immorari. Ex supposi-
tione autem, quod quis venialia confiteatur,
velitque esse hujus sacramenti materiam ;
necessarium est, quod de eisdem habeat
dolorem, eo proportionali modo, quod de
mortalibus, cum ista confitetur : est enim
dolor pars essentialis hujus sacramenti ex
suppositione, quod fiat : quare licet libe-
rum homini sit confiteri, aut non, peccata
venialia, tamen dato, quod illa confiteatur,
necessarium illi est adhibere de prædictis
peccatis dolorem. In quo pariter superva-
caneæ detineremur, quia illud supra statui-
mus n. 68. Quare sicut in confessione mor-
tali ad sacramenti valorem requiritur
aliquis dolor, et ad sacramenti fructum
requiritur dolor efficax, et absolutus : sic
etiam in confessione venialium dicen-
dum est, ut eo loco magis explicuimus.
Quod quantum ad sacramenti fructum
est certa, et communis theologorum sen-
tentia : fieri enim non valet, quod ve-
nialia remittantur, nisi expulso ad illa
affectu : nec hic excludi potest nisi per do-
lorem efficacem, et absolutam eorum re-
tractionem : ubi namque hæc non inter-
veniunt, perseverat inordinatus affectus.

Unde minime sustineri potest sententia
Tamburini in methodo confess. lib. 1,
cap. 3, § 1, asserentis in confessione ve-
nialium tam pro valore, quam pro fructu
sacramenti, non solum sufficere simpli-
cem illorum displicentiam ; sed etiam non
requiri positivam, et formalem displicen-

Rejici-
tur
sententia
Tambu-
rini.

tiam, sed sufficere vel solam virtutalem
consistentem in sola voluntate confitendi,
sive in desiderio recipiendi sacramentum
pœnitentiæ, et ejus fructum. Nam prædicta
doctrina videtur adversari Concilio Tri-
dentino statuenti dolorem de peccatis esse
partem essentialem hujus sacramenti, ut
satis constat ex dictis tota hac disp. et
præsertim dub. 1. Ergo sine peccatorum
dolore repugnat valorem istius sacramenti
consistere : voluntas autem confitendi, et
desiderium percipiendi sacramenti fruc-
tum non sunt formaliter dolor de peccatis,
sed alii actus longe diversi : alias cum ea-
dem voluntate, et desiderio, et absque alio
dolore possemus confiteri mortalia, et ve-
rum sacramentum consurgeret : quod di-
cere foret hæreticum. Adversatur etiam
rationi theologicæ in eo, quod l. asserit illam
voluntatem, et desiderium sufficere etiam
pro consequendo fructum sacramenti, re-
missionem scilicet venialium. Quoniam
cum voluntate confitendi, et desiderio con-
sequendi remissionem venialium compa-
titur illorum perseverantia, et ad ipsa
affectus : quibus stantibus nequit fieri eo-
rum remissio, ut ex terminis liquet, et
declaratur exemplo mortalium : nam vo-
luntas ista confitendi cum desiderio reci-
piendi sacramentum non est verus de illis
dolor, nec fructum sacramenti consequitur,
nisi ulterius adsit verus, et efficax de pec-
catis dolor.

131. Siquidem insuper ex prima proposi-
tione damnata ab Innocentio XI. « Non est
« illicitum in sacramentis conferendis se-
« qui opinionem probabilem de valore sa-
« cramenti, relicta tutiore, nisi id vetet
« lex, conventio, aut periculum gravis
« damni incurrendi. » In ea vero non fit
limitatio ad solos ministrantes sacra-
menta, exclusis suscipientibus : unde dam-
natio non tantum ministrantes, sed et
susipientes comprehendere intelligenda
est. Procedit enim ea propositio in sensu
obvio, et inter theologos praticos satis
communi : apud quos sacramenta minis-
trare, conferre, conficere, et perficere si-
gnificant opus completum totius sacra-
menti secundum requisita ex parte tam
ministri, quam susipientis, et oppositum
significans non occurrit limitatio, quam in
tali propositione, ejusque damnatione re-
perimus. Quin adest motivum, ut contra-

Propo-
sit.
damnat.

rium

rium censeamus : nam Ecclesia eam propositionem reprobavit non præcise ob damnum suscipientibus imminens non recipiendi effectum sacramenti, ubi in ejus usu procederetur juxta probabilem tantum sententiam, prætermissa tutiori : sed etiam, et multo magis ob irreverentiam, quæ irrogatur sacramento ex periculo illud irritandi, dum non adhibentur requisita, quæ tutior sententia præscribit, practica alia minus certa orta ex opinione tantum probabili. Hoc autem periculum irritandi sacramenta non minus adest ex parte suscipientis, quam ministri, ut plane constat in præsentī materia, cum præcise affert materiam proximam, sufficientem præcise secundum probabilem opinionem, quam sufficere negat tutior sententia : ergo damnatio illius propositionis procedit ex motivo urgente tam in suscipientibus, quam in ministris ; atque ideo utrosque comprehendere debet. Addimus (quod jam supra diximus num. 52) ministrum hujus sacramenti non posse pœnitentem absolvere nisi certus moraliter sit illum adhibere materiam proximam certo sufficientem, ad quam pertinet dolor de peccatis : si ergo recognoscat illum præcise habere quandam simplicem displicentiam de venialibus, quæ confitetur, consistentem non quidem in vero dolore, quam communis, et tutissima sententia pro materia proxima exigit, sed in sola voluntate confitendi, et desiderio suscipiendi sacramentum, quæ sufficere putant pauci juniores ; et nihilo minus talem pœnitentem, et taliter dispositum absolvit : eo ipso convincitur reducere ad praxim doctrinam reprobata ab Ecclesia in prædicta propositione « sequens « in conferendo sacramento opinionem pro « habilem » (si hæc, quam impugnamus, talis est) « de valore sacramenti, relicta « tutiore : » nequit ergo dari talis sententiæ usus ex parte suscipientis, quin minister eidem se conformans in conferendo sacramento sequatur opinionem probabilem de valore sacramenti, relicta tutiore : quod Pontifex reprobavit. Tenendum itaque omnino est pro confessione, et absolutione venialium non sufficere simplicem displicentiam, sed requiri verum aliquem dolorem.

Objectio 132. Sed oppones, ex præmissa doctrina inferri, quod peccata venialia nunquam

remittantur in hoc pœnitentiæ sacramento, et virtute clavium ; consequens est absurdum, utpote ex quo ulterius consequitur usum hujus sacramenti pro solis venialibus esse inutilem, quod est contra communem apprehensionem, et praxim fidelium, quin et contra expressam doctrinam Concilii Trident., sess. 14, cap. 5, ubi ait : « Venialia, quibus a gratia Dei non excludimur, et in quæ frequentius labimur, « quamquam recte, et utiliter, citraque « omnem præsumptionem in confessione « dicantur, quod piorum hominum usus « demonstrat, taceri tamen citra culpam, « multisque aliis remediis expiari possunt : » ergo præmissa doctrina admitti non debet. Sequela ostenditur : nam, ut affirmamus, ad remissionem venialium in hoc sacramento requiritur verus eorum dolor, qui absolutionem per modum partis materialis præcedat ; ubi autem hic dolor adest, statim ipsa excluduntur per eundem dolorem, tamquam per formam sibi oppositam : atque ideo superveniens absolutio non reperit peccata, quæ remittat, sed supponit illa antecederent exclusa : sequitur ergo ex nostra doctrina venialia non remitti in hoc sacramento, et virtute clavium, sed alia via, et remedio longe diversis.

Concili.
Trid.

Respondetur negando sequelam. Ad cuius probationem dicendum est aliquando contingere, quod peccata venialia conjungantur mortalibus in peccatore pœnitente, qui cum de omnibus attritione ad hoc sacramentum accedit, et omnium consequitur remissionem : ubi manifeste elucet venialia remitti per sacramentum pœnitentiæ, et virtute clavium, et minime urgere intentata sequelæ probationem. Sed contingit etiam conjungi cum statu justitiæ, ut cum justus sola peccata venialia confitetur : et in isto adhuc casu neganda est sequela : quia, ut adhibeat dolorem pro valore, et fructu requisitum per modum partis, sufficit sola, et nuda de venialibus attritio, ut constat ex dictis, dub. 1. Attritio autem sola non est forma per se sufficiens ad expellendum peccata venialia, sed indiget perfectiori dolore importato vel formaliter in actu contritionis, vel virtualiter in amore charitatis Dei super omnia, ut statuimus locis supra relatis, ubi de hac materia ex professo egimus. Quare nec in

Satisfactio
Object. 1.

præmisso casu impenditur, quod venialia per sacramentum, et virtute clavium remittantur. Verum quia in eisdem locis ostendimus aliam viam satis facilem, et securam, qua peccata venialia justorum remittantur per attritionem in ipsa directam; eo quod attritio in justis non est pura, et nuda attritio, sed participat ex influxu charitatis ordinem ad Deum ultimum finem super omnia dilectum, importatque ipsius charitatis fervorem: et hac de causa sicut est meritoria augmenti gratiæ, et gloriæ, quod de se non habet, ita etiam remittit venialia, quod per se solam non posset: respondetur itaque conformiter ad hanc doctrinam concedendo peccata a justis in confessione cum vera attritione exposita remitti antecedenter ad absolutionem per attritionem ad ipsam directam, quæ est forma eisdem impossibilis. Nec propterea dicendum est inutile sacramentum; sicut nec tale dicitur, quando quis exponit mortalia, de quibus contritus est, et quæ per contritionem supponuntur exclusa. Nam sacramentum confert ex opere operato majorem gratiam, quam attritioni, aut etiam contritioni sibi relictis respondeat. Aliunde vero sacramentum quamvis supponat remissa venialia quantum ad maculam, sive culpam; confert nihilominus abundantior remissionem quantum ad pœnam temporalem, cujus reatus non semper dimissa culpa penitus diluitur. Confert præterea gratiam sacramentalem, et modalem ad magis vitandum illa peccata venialia, quæ absolutioni subduntur juxta doctrinam generalem, quam tradidimus tract. XXII de sacramentis, disp. 4, dub. 9, quod gratia sacramentalis addit aliquid intrinsecum supra gratiam communem in ordine ad peculiare effectus, singulis sacramentis accommodatos.

Object.2 Insistes tamen, et oppones, quod peccata venialia facilius, et per faciliora media remittuntur, quam mortalia; sed ad istorum remissionem in sacramento pœnitentiæ requiritur, et sufficit verus dolor, licet attritionem non excedat: ergo pro illorum remissione in hoc sacramento non requiritur verus dolor, qualem attritio importat, sed sufficit aliqua venialium displicentia inclusa in voluntate confitendi, et in desiderio recipiendi sacramentum.

Diluitur
object.2. Respondetur omittendo præmissas, et

negando consequentiam. Tum, quia licet facilius remittantur venialia, quam mortalia; nihilominus, ubi venialium remissio quæritur per medium submittendi illa in sacramento pœnitentiæ, tamquam materiam proximam sufficientem; ibi oportet salvari veram rationem hujus sacramenti, et partium, ex quibus constat. Est autem verus dolor contritionis, vel attritionis pars essentialis hujus sacramenti, et sine qua non consistit: et pro tali parte non sufficit simplex displicentia, quippe, quæ non formaliter, nec æquivalenter est dolor, sed affectio longe diversa, et inferior. Unde fieri non valet, quod per sacramentum pœnitentiæ remittantur peccata venialia absque vero de illis dolore per contritionem, vel attritionem. Tum etiam quia licet res ita se habeat, ut affirmamus, cum venialium remissio trahitur, et determinatur, ad hoc sacramentum; adhuc verificatur facilius absolute remitti, quam mortalia: nam ista non remittuntur, nisi determinate per hoc sacramentum in re, vel in voto susceptum: et neutrum horum requiritur in venialium remissione: possunt enim pluribus aliis modis remitti, ut significavit Concilium Tridentinum verbis supra relatis: « Taceri tamen citra « culpam multisque aliis remediis expiari « possunt, » utputa, susceptione Eucharistiæ, Extremæ unctionis, usu sacramentalium, etc. Quin. et intra ipsum sacramentum pœnitentiæ possunt quædam exponi, quædam supprimi juxta pœnitentis arbitrium; quod in prima mortalium confessione minime contingit. Tum denique, quia licet ad remissionem venialium tam intra, quam extra sacramentum requiratur perfectior forma, quam pro remissione mortalium (tacitæ objectioni occurrimus) quippe, ad istam sufficit gratia sanctificans, vel in minimo intensionis gradu: ad illam vero requiritur gratia sanctificans, non utcumque, aut secundum se, sed ut redacta ad actuale exercitium satis fervidum amoris, vel contritionis: (aliter enim non posset reparari charitatis fervor, in cujus carentia macula peccati venialis consistit): tamen attentis omnibus, et præsertim proportionem inter subjecta, et formas, facilius remittuntur venialia, quam mortalia. Subjectum namque, cui venialia remittuntur, præsupponitur saltem ordine naturæ

Concil.
Trid.

Object.
tacitæ
occurritur.

naturæ existere in gratia, ut diximus num. 128. Subjectum vero, cui remittuntur mortalia, præexistit in statu peccati. Unde cum major distantia, ac improporatio detur inter statum peccati, et gratiam, quam inter hanc, et quemlibet charitatis, aut contritionis actum, et cum pariter majus beneficium fiat peccatori in remissione mortalis, quam justo in remissione venialis : sequitur attentis omnibus faciliorem esse remissionem venialium, quam mortalium. Et hæc satis fuerit de venialibus, et eorum remissione in communi delibasse. Succedunt.

§ II.

Quæstiunculæ circa dolorem pro confessione venialium, et earum decisio.

133. Supposita necessitate doloris, ut peccata venialia sint materia proxima sacramenti pœnitentiæ, inquires primo ; quale peccatum sit confiteri sola venialia absque illorum dolore ? committi namque culpam in ejus omissione, ipsa illius necessitas pro sacramento, quam præsupponimus, et probatam relinquimus, satis evincit. Dicendum est committi peccatum mortale. Sic docent, aut supponunt communiter Theologi, qui rem attigerunt : et videri possunt Suarez disp. 20, sect. 6, Candidus disquisit. 24, art. 5, dub. 3, Lugo disp. 14, sect. 8, § 2, Dicastillo disp. 6, dubit. 15, cap. 3, N. Antonius disp. 3, sec. 14, concl. 2, et Leander disp. 7, quæst. 24, et 25. Et prætermisissis aliis probationibus ut non necessariis, suadetur unico, sed certo, et efficaci fundamento : nam, qui sua culpa facit irritum sacramentum, peccat mortaliter : sed qui sola venialia confitetur absque illorum dolore, facit sua culpa irritum sacramentum : ergo ita se gerens peccat mortaliter. Consequentia patet. Et minor est certa, quoniam dolor de peccatis, quæ confitemur, pertinet ad materiam proximam sacramenti pœnitentiæ, ut patet ex dictis § præced. atque ideo qui absque prædicto dolore sola venialia confitetur, sua culpa facit, quod sacramentum irritum, et nullum reddatur, et quidem non minus, quam si mortalia confiteretur absque dolore. Major etiam constat : nam irritatio sacramenti est materia gravis-

sima, et gravissime prohibita : ergo, qui sua culpa facit, quod sacramentum sit irritum, nequit non peccare mortaliter.

Nec proderit dicere in prædicto casu irritari, aut frustrari sacramentum in re levi, qualia sunt peccata venialia, et eorum remissio : atque ideo voluntariam irritationem in tali materia esse etiam levem. Nam id evidenter refutatur : tum, quia quantitas prædictæ culpæ non debet regulari penes quantitatem materiæ remotæ, sed juxta dignitatem sacramenti, et injuriam illi irrogatam ; dignitas autem sacramenti magna est, et non minor in confessione venialium, quam in confessione mortalium : quippe semper est idem specie sacramentum : unde consequens est voluntariam ejus irritationem esse utrobique æqualem erga sacramentum injuriam, et irreverentiam. Tum etiam ; quia, licet remissio venialium videatur res levis, sicut, et ipsa venialia, nihilominus, ut includit gratiam sanctificantem, quæ in sacramento illorum remissione confertur, res est gravissima, et inæstimabilis dignitatis : ergo impedire hunc effectum, et privare sacramentum isto fructu, nequit velut leve reputari. Unde præcluditur aliud effugium in eo positum, quod pœnitens in tali casu nullum sibi notabile damnum infert, sed solam carentiam remissionis peccatorum venialium, quæ sine dolore confitetur. Id, inquam, præcluditur juxta proxime dicta. Et insuper, quoniam gravitas, vel levitas culpæ in materia, quam versamus, dimetiri non debet ex sola damnificatione pœnitentis ob impeditum sacramenti effectum, sed multo magis ex irritatione sacramenti, quæ est res gravissima : ut patet in femina, quæ se fingens virum susciperet sacramentum ordinis : non enim se privat ejus effectum, cujus alias incapax præsupponitur ; et tamen graviter peccat ob gravem injuriam contra sacramentum commissam in ejus nulla, et irrita susceptione.

134. Contra communem hanc, et veram doctrinam sensisse dicitur Philippus Faber Professor Patavinus, et ita colligitur ex his, quæ docet in 4, dist. 17, quæst. unic. disp. 14, cap. 3. Fundamentum, cui innititur, est, non semper esse peccatum mortale irritare sacramentum, aut impedire ejus effectum ; id vero, si alicubi admit-

Evasio
præoccu-
patur.

Philip.
Faber.
Argu-
men. 1.

tendum est, maxime in confessione venialium, quæ de se sunt materia levis, et non impediens salutem. Assumptum suadetur primo : nam sacramentum Eucharistiæ non confert gratiam, et alios effectus, nisi cum attentione, et devotione suscipiatur, ut Cajetanus, et alii docent ; et tamen. qui distractus, ac indevotus Eucharistiam suscipit, non peccat mortaliter : ergo impedire effectum sacramenti non est semper peccatum mortale. Secundo, nam, qui non implet pœnitentiam sacramentalem sibi impositam, relinquit sacramentum imperfectum, et quasi mutilum quantum ad hanc ejus veram partem; quo non obstante omittere pœnitentiam impositam ob sola venialia non est peccatum mortale : ergo idem quod prius. Tertio, quia non peccat mortaliter, qui contrahit matrimonium absque intentione, ad vitandum aliquod notabile damnum, quamvis sacramentum matrimonii ob eam latentem fictionem irritum fiat : ergo non est universaliter verum, quod peccet mortaliter irritans alia sacramenta. Quarto, nam, cum aliquis confitetur plura peccata venialia, si non doleat de omnibus, sed solum de aliquibus, non peccat mortaliter, ut docent satis communiter auctores : et nihilominus frustrat sacramentum aliquo effectui partiali, videlicet remissione illorum venialium, de quibus non dolet : ergo non semper peccat graviter, qui fructui, aut effectui sacramenti obicem ponit.

Diluit. 1
arg.

Sed hæc sunt levia in re tanti momenti, et communi assensu firmata : unde negamus assumptum universaliter, et prout jacet. Ad cujus primam probationem neganda est major, quia pro primario, et principali effectui Eucharistiæ (augmento scilicet gratiæ habitualis sanctificantis) non requiritur tanquam dispositio, attentio, nec devotio, nec carentia peccatorum venialium, ut ex professo ostendimus tract. 23, de Eucharistia, disp. 10, dub. 3. Sed si vera foret Cajetani sententia, consequenter ad illam dici deberet accedentem ad Eucharistiam cum distractione, indevotione, et peccatis venialibus actualibus, peccare mortaliter, sicut generaliter verum est ponentem obicem gratiæ in sacramentis conferendæ mortaliter peccare. Et cum istud consequens sit absurdum, gignens scrupulos innumerabiles, fideles-

que revocans ab Eucharistiæ frequentia ob timorem imminenti sacrilegii, ut expendimus loco cit. num. 44, manifestat falsitatem antecedentis, et rejiciendam fore illam Cajetani opinionem. Unde nihil roboris ex illa adjicitur Fabri sententiæ contra communem. Ad secundam probationem, omissa majori in sensu statim explicando, et concessa minori, negamus consequentiam : nam, qui pœnitentiam sibi impositam non implet, nec irritat sacramentum in se, nec impedit principalem ejus effectum, sed solum illud privat levi fructus parte. In quo non occurrit gravis inordinatio : qualis datur, ubi vel sacramentum est nullum, vel principali effectui fraudatur. Ad tertiam neganda etiam est consequentia ob non obscuram differentiam rationem inter matrimonium, et alia sacramenta : nam illud, quod prius erat merus contractus, elevavit Christus ad sacramenti rationem, relinquendo tamen ipsum in ratione contractus onerosi, quem habebat, cum eisdem conditionibus, et non adjectis aliis gravaminibus, ne onerosior contractus fieret. Unde reliquit hominibus eam, quam habebant facultatem, ubi gravis necessitas occurreret; fingendi consensum, et reddendi matrimonium irritum, quapropter contractus est. Idque non tam irritat sacramentum, quam subtrahit materiale sacramenti, nempe contractum. Id vero non occurrit in aliis sacramentis, quæ in id tantum sunt instituta, ut per ea homines sanctificentur, et cultus Dei promoveatur : quocirca omnia ad illa spectantia sancta sunt, et sancte tractanda : et oppositum nequit contingere absque gravi culpa juxta gravitatem materiæ, cujusmodi sunt irritatio sacramenti in se, et obex respectui primarii, ac principalis affectus.

Secur-
dum

Tertium

Quartum

135. Majorem difficultatem affert quarta probatio, quamvis illam non obscure diluant Lugo, Dicastillo, et alii reddendo rationem disparitatis satis congruam. Nam in casu majoris ex una parte sacramentum non fit irritum, cum habeat aliquam materiam validam, sufficientemque, ut verba Christi (sunt absolutionis) non proferantur frustra, et irrisorie : et ex alia parte non impeditur totus sacramenti effectus, sed salvatur in remissione illorum venialium, de quibus est dolor. Nihil autem horum salvatur, ubi pœnitens sola venialia confitetur

fitetur absque ullo circa aliqua dolore : nam redditur sacramentum adæquate, sive ex omni parte irritum : quod nequit contingere absque notabili irreverentia, et gravi subinde peccato. Sic facile, et breviter relati Auctores ab objecta difficultate se expediunt. Nos tamen illa adhuc pun-
stantia mur ob sequentem instantiam : nam si quis apponeret sacerdoti decem hostias consecrandas, quarum duæ, aut tres non essent triticeæ, proculdubio graviter peccaret, ut nemo negat : ergo pariter, qui confitetur decem peccata venialia, et de duobus, aut tribus non habet dolorem, graviter peccat. Id enim paritatis ratio suadere videtur : sicut enim materia consecrationis est panis triticeus, sic etiam materia proxima absolutionis sacramentalis est dolor de peccatis in concessione expositis : ergo si apponere cum hostiis panis triticeæ duas, aut tres alterius materiæ est peccatum grave ; similiter confiteri cum peccatis venialibus, de quibus dolemus, alia, de quibus non dolemus, erit grave peccatum : nam tam ibi, quam hic irritatur sacramentum in aliqua ejus, quæ pro materia proponitur, parte. Vel formetur e contrario discursus : qui inter peccata venialia, de quibus dolet, confitetur aliquod, cujus non habet dolorem, ideo non peccat mortaliter ita se gereus, quia absolute non fit irritum sacramentum adæquate, sed solum impeditur ejus virtus in quadam materiæ parte, videlicet quantum ad remissionem illius peccati venialis, de quo non est dolor ; idem autem contingit in casu proposito consecrationis hostiarum : non enim fit absolute, et adæquate irrita consecratio, cum operetur in pluribus hostiis, quæ ex vero tritico sunt, et solum impediatur, aut frustretur in quadam materiæ parte, hostia videlicet, quæ triticea non est : ergo, si subjicere absolutioni sacramentali aliqua venialia cum eorum dolore, et simul aliqua sine illo, non irrogat sacramento gravem injuriam, et consequenter non est peccatum grave ; idem, et ob eandem rationem dici debet, cum quis inter hostias triticeas miscet aliquam, aut aliquas non triticeas, omnes apponit sacerdoti consecrandas.

respon-
sio
Suarii
dicitur. Nec satisfacit si ex doctrina Suarii disp. 22, sect. 10, n. 3, respondeatur assignando differentiam, quod forma Eucharistiæ res-

picit per se primo materiam, illamque, et effectum circa ipsam significat : quare, si falsa materia partialis apponeretur, ex ea saltem parte falsificaretur sacramenti forma : quæ foret inordinatio gravissima. At in sacramento pœnitentiæ forma significat per se primo personam pœnitentis, et effectum circa illam, ut constat ex ejus verbis, *Ergo te absolvo* : unde verificatur absolute, licet non omnia peccata actu remittat : quippe sensus talis formæ non est, quod remittantur omnia peccata ; sed quod pœnitens accipiat gratiam remissivam peccati ; qui effectus, et salvatur, et verificatur in prædicto casu, licet aliqua peccata non remittantur per accidens ob carentiam doloris circa illa. Hæc, inquam, responsio, non satisfacit, sed solis verbis consistit : nam esto, ita sit, quod forma absolutionis significet immediate, aut per se primo pœnitentis personam, non tamen eam significat absolute, sed ut absolvendam, nec absolvendam ab aliis, quam a peccatis (saltem directe) nisi ab illis, quæ explicantur in confessione, et apponuntur pro materia absolutionis. Itaque sicut verbum *absolvo* est de se indifferens, possetque significare liberationem a diversis generibus vinculorum ; et nihilominus ex ipsis circumstantiis trahitur ad significandum determinate solutionem sacramentalem a peccatis : ita pronomina *te* et *a tuis*, licet non ita determinate, trahuntur ad significandum non omnia, aut quælibet peccata, sed illa, quæ pœnitens confitetur, et absolutioni supponit, quasi sacerdos dicat, *Ab his peccatis de quibus te accusas, te absolvo*. Unde consequitur, quod in casu proposito, ubi pœnitens confitetur aliqua, de quibus non dolet, falsificetur sacramenti forma, non minus ac in casu, in quo inter hostias a sacerdote consecrandas apponitur aliqua, quæ triticea non est. Oportet igitur in utroque casu æqualiter theologizare, asserendo, vel utrobique peccatum grave, vel utrobique peccatum leve.

136. Nec iterum satisfacit, si cum Lugo Lugonis.
 disp. 14, sect. 8, § 3, n. 121, respondeatur respon-
 rationem discriminis inter utramque formam esse, quod in pœnitentia verba absolutionis non significant omnino absolute ablationem culpæ, sed solum quantum est ex parte sacerdotis, quasi dicat, *Ego quantum ex me est, remitto tibi peccata*. Qui

sensus verus etiam est, ubi non remittuntur, vel quia supponuntur remissa, vel quia ob indispositionem pœnitentis nequeunt remitti. Idemque contingit in casu proposito, quando ob defectum doloris aliqujus venialis inter alia confessi, illud non remittitur : adhuc enim verum est, quod sacerdos illud ex sua parte remittit nomine Christi. Verba autem formæ Eucharistiæ significant omnino absolute illud, quod pro materia apponitur, esse corpus Christi : idque intendit sacerdos affirmare de omnibus, et singulis hostiis sibi appositis. Unde provenit, quod apponens in hoc secundo casu hostiam non triticeam peccat graviter : et tamen non ita peccat, qui inter venialia, de quibus confitetur, et dolet, inserat aliquod sine dolore. Hæc, inquam, responsio minime satisfacit : nam (ut omittamus non recte in ea explicari sensum absolutionis, ut constat ex late dictis in priori parte, disp. 3, dub. 2, per totum, et præsertim § 5), disparitas in ea assignata non tenet, sed absque solido fundamento procedit. Sicut enim sacerdos est impotens ex parte sua consecrare per verba consecrationis nomine Christi materiam non consecrabilem ; ita etiam est impotens ex parte sua remittere per verba absolutionis nomine Christi materiam non remissibilem. Et sicut panis non triticeus non est materia consecrabilis, quia Christus instituit, quod solus panis triticeus consecraretur in sacramento Eucharistiæ ; sic etiam peccatum, de quo non est dolor, non est materia absolutionis, quia idem Christus instituit, quod sola peccata, de quibus esset dolor, remitterentur in sacramento penitentiae : ergo, sicut, qui apponit panem non triticeum consecrandum, falsificat, quantum est de se, et irritam facit formam consecrationis : ita qui absolutioni submittit peccatum, de quo non dolet, falsificat quantum est de se, et nullam reddit formam absolutionis. Committitur itaque in utroque casu eadem contra sacramentum irreverentia. Ergo vel in utroque est gravis, vel in utroque levis. Unde corrui, quod dicitur de sensu quasi conditionato absolutionis : nam vel eo admissio nequit sacerdos ejus verba proferre super materiam per sacramentum non remissibilem, ut sunt peccata sine dolore : et si id certo cognosceret, et tamen ab eis absolveret

Dispelli-
tur.

juxta sensum a Lugone propositum, proculdubio peccaret ob non levem injuriam in sacramentum. Quod a fortiori militat in pœnitente, qui sciens se non dolere de aliquo peccato, illud confitetur, ut materiam subjectam absolutioni.

Nec rursus satisfacit, si respondeatur cum Dicastillo disp. 6, dub. 15, nu. 284, disparitatem in eo sitam esse, quod ubi plures simul hostiæ una consecratione consecrantur, tot fiunt numero sacramenta Eucharistiæ, quot hostiæ fuerint (quod et nos statuimus Tract. 23, de hoc sacramento disp. 2, dub. 4, § 2) ; quare si in qualibet earum non verificatur consecrationis forma, ibi frustratur integrum quoddam Eucharistiæ sacramentum : quod absque gravi culpa apponentis indebitam materiam nequit contingere. In casu autem, quem versamus, solum fit unicum pœnitentiæ sacramentum, et præcise frustratur in aliqua levi materiæ parte, in eo scilicet, peccato veniali, de quo pœnitens non dolet : et propterea, quod pœnitens ita se gerat, non est peccatum mortale. Hæc, inquam, solutio, sive disparitas, quamvis præcedentibus apparentior, non satisfacit, ut recognovit, et ingenue fassus est ipse Dicastillo n. 285, cupiens meliorem responsionem, et paratus ab aliis discere. Quoniam assignata disparitas eliditur considerando, quod sicut in casu Eucharistiæ forma consecrationis, *Hoc est corpus meum*, ita est una, quod multiplicatur æquivalenter pro singulis hostiis : unde in capacibus verificatur, et habet effectum ; in incapacibus vero falsificatur, ac frustratur, et impeditur effectus, sic etiam in casu pœnitentiæ forma absolutionis, *Ego te absolvo a peccatis tuis*, licet una sit, multiplicatur æquivalenter pro singulis peccatis, quæ eidem a pœnitente submittuntur : quare in capacibus propter adjunctum dolorem operatur, et verificatur illa excludendo ; in incapacibus autem ob doloris defectum nullum habet effectum, et irritatur, ac falsificatur : ergo, si in priori casu peccat mortaliter, qui ad consecrandum apponit materiam ex parte aptam, et ex parte ineptam ; sic etiam in secundo casu peccat mortaliter pœnitens, qui pro absolutione sacramentali subjicit materiam ex parte aptam, ut sunt peccata venialia confessa cum dolore, et ex parte ineptam, ut sunt peccata venialia

Dicasti
non est
audien-
dus

sine

sine dolore exposita in confessione. Et in hoc stat energia paritatis inter utrumque sacramentum, quidquid de aliis inter ea differentis, quæ supponuntur, sed pro re præsentis non referunt. Porro dicere, quod absolutio in tali casu solum falsificatur, et frustratur in re levi, quale est unicum peccatum veniale, nec paritatem, nec difficultatem elevat: nam etiam una particula apparet res levis, et sine illa consecratio perficeretur: quo non obstante apponere vel unam minimam particulam non triticeam consecrandam, est peccatum mortale, quia in ea frustratur, et falsificatur forma consecrationis: ergo idem dicendum est, ubi absolutioni submittitur materia inepta, uti est peccatum sine dolore, licet ex se alias minimum sit.

137. His omnibus hinc inde positis, ac consideratis, dubii reddimur, et suspensi in eligendo determinatam viam ad declinandam difficultatem objectam. Nam ex una parte nullum recognoscimus inconveniens in concedendo, quod confitens sola venialia, et inter ea aliqua sine dolore peccat ex hoc ipso mortaliter: id namque exposcit gravitas materiæ, faciendi scilicet, aut irritandi sacramentum saltem in parte: idque etiam evincere videtur similitudo desumpta, et hactenus proposita ex sacramento Eucharistiæ. Aliunde vero, qui sic sentiret probabiliter procederet, ut satis aperte significat Lugo, et Dicastillo, dum suam, huicque adversam opinionem solum vocant probabiliorem. Denique nec singularis foret in ita sentiendo, sed duces non paucos haberet eodem modo sentientes, quorum meminit Suárez citata sect. 10, nu. 7. His itaque non immerito provocari possemus ad istam amplectendam opinionem. Juxta quam ad objectam num. 134 probationem (pro qua extricanda hactenus dicta proliximus) responderetur magis consequenter negando majorem: nam, sicut peccat mortaliter confitens sola venialia absque dolore illorum, ita etiam peccat mortaliter, qui confitendo multa venialia, de aliquibus non dolet. Cæterum ex alia parte remoramur ad non ita sentiendum: tum, quod non facile asserendum est peccatum, præsertim mortale, nisi urgentibus motivis, satis probetur. Tum, quia asserere, quod non dolere de quolibet veniali in confessione explicato sit mortale assert

innumeros scrupulos, et retrahit a confessione venialium; quod maximum foret inconveniens in personis religiosis ac timoratis. Tum, quia licet Suarius non paucos pro ea parte recensuerit, omnium tamen nomina suppressit, et nos neminem reperimus, qui in suis scriptis ita doceat. Tum, quia e converso, quotquot legimus, et ad manus habemus, negant carentiam doloris unius, aut aliquorum venialium in casu proposito esse peccatum mortale. Ita ipse

Suarez,
Henric.
Vasquez,
Fagund.
Lugo.
Dicastil.
Candid.
Dian.
Castro.
Pal.
Leand.
Francis.
Emman.
Moya.
Gonet.

Suárez, Henriquez, Vasquez, Fagundez, Lugo, Dicastillo, Candidus, Diana, Castro Palao, et Leander, quos refert, et sequitur N. Franciscus Tract. 6, cap. 5, punct 3, n. 38, Emmanuel a Conceptione disp. 2, quæst. 10, num. 167, Moya tract. 3, disp. 5, quæst. 6, Gonet. disp. 7, art. 4, num. 77, ubi dicit oppositam sententiam videri nimis rigidam, atque ideo improbabilem: in quo ipse excessisse videtur, cum illa innitatur fundamentis satis probabilibus. Et hoc ultimum motivum pro secunda sententia propositum vehementer nos impellit, ut ei subscribamus saltem cum aliquo temperamento, et ut aliquam disparitatem assignemus inter rem præsentem, et instantiam ab Eucharistiæ exemplo desumptam. Etenim materiam aliquam moralem esse gravem, aut levem, multum dependet ex prudenti sapientium judicio. Videmus autem plurimos sapientes, et prudentes censere mortale peccatum non esse, quod quis confiteatur sine dolore unum, aut aliqua peccata venialia cum aliis, de quibus habet legitimum dolorem pro sacramento poenitentiae requisitum. E contra vero videmus omnes prudentes, et sapientes censere esse mortale peccatum, quod aliquis hostiam non triticeam cum aliis triticeis apponat sacerdoti consecrandam. Ergo hæc differentia sufficiens in re morali est, ut teneamus hoc posterius esse peccatum mortale, secus autem illud primum. Et per hæc congressa detur disparitas ab extrinseco. Sed rem altius eruere oportet: et non ita universaliter accipere extrema comparisonis, quæ supponuntur. Nam, si quis non ex malitia, sed ex inadvertentia levi apponeret sacerdoti hostiam non triticeam consecrandam, quia triticeam ob minorem advertentiam censuit, minime damnaretur peccati mortalis, sed solum venialis ob minorem diligentiam:

qui casus quotidianus est in alia Eucharistiæ specie, nimirum in vino : ministri enim ex quadam æquivocatione, aut levi negligentia multoties aquam pro vino offerunt, quin propterea dicamus illos ex hoc ipso mortaliter peccare. Unde magis confirmatur communis sententia, quod non est peccatum mortale confiteri aliquod veniale sine dolore : quia id potest etiam contingere ex quadam levi inadvertentia in non discutiendo dolorem pro omnibus, et singulis venialibus. Sed dubio procul, si quis apponeret hostiam triticeam ex malitia ad decipiendum sacerdotem, advertensque consecrationem in ea frustrandam esse, mortaliter peccaret. Idemque certissime censemus, ubi pœnitens ex malitia confiteretur unum veniale, intenderetque illud constituere materiam sacramenti, aut quod in eo irrita fierent absolutionis verba : quia licet veniale sit materia levis, intentio tamen respiciens illud complexum est pessima, utpote sacramenti dignitati, et veritati vehementer derogans. Unde, si bene advertamus, paritas supra posita inter unum, et alterum sacramentum magis premitur, et pede faciliori devertitur; sicut enim confiteri aliquod veniale sine dolore est quandoque materia levis; ita etiam apponere sacerdoti hostiam non triticeam, est quandoque levis culpa; si utrumque contingat ex quadam levi negligentia circa debitam materiam. Et sicut apponere hostiam non triticeam consecrandam est aliquando peccatum mortale; ita etiam confiteri veniale sine ejus dolore erit aliquando mortale peccatum; si unum, et alterum fiat ex prava intentione, quod formæ sacramentorum irritentur in hac, et illa materia.

138. Sed, si res ita se habent, unde provenit, quod Theologi unum communiter excusent a gravi culpa? Censemus provenire ex attentione ad ea, quæ regulariter, et per se loquendo in uno, et altero casu contingunt. Nam seclusa in utroque ignorantia, aut inadvertentia, quod aliquis inter hostias triticeas consecrandas inserat aliquam non triticeam, nequit non provenire ex malitiosa intentione, quæ pro qualitate materiæ, utique gravissimæ, nequit non esse peccatum grave. Sed quod aliquis inter plura peccata venialia, quæ cum dolore confitetur, recenseat aliquod

sine dolore : minime revocatur necessario in intentionem pravam : sed multo magis revocatur in qualitatem materiæ. ipsa scilicet peccata venialia, quæ cum plurima soleant esse, et eorum dolor cadat sub diversis motivis, et quædam possint sine aliis remitti; non cogitur homo, dum se ad de illis confitendum parat, tam diligentem exhibere curam vel in discutiendo numerum, vel in excitando dolorem, quam præstare debet in confessione mortalium : unde facile contingit, quod absque dolore, et etiam absque gravi culpa venialia aliqua confiteatur.

Id autem magis perspicuum fiet, si observemus, eum, qui ex certa scientia unam hostiam non triticeam miscet inter alias legitimas a sacerdote consecrandas, vix aut nullo modo posse excusari a perversa intentione decipiendi sacerdotem in re adeo gravi, et etiam communicantes in materia non consecrata, utpote inepta : quod nequit non esse grave peccatum. Quin abstrahendo etiam a perversa illa, et explicita intentione, ipsum prævidere tales effectus ex appositione hostiæ non triticeæ, et tamen ab eo non abstinere, ipsumque impedire, cum possit, satis superque est ad peccandum mortaliter. Quæ omnia omnino aliter possunt accidere in eo, qui confitendo venialia cum dolore, aliqua alia in eadem confessione sine dolore recenset : quia sciens, et prudens potest se ita gerere, non quidem ut absolutio cadat super venialia sine dolore confessa, sed ob alios fines honestos : ut puta, ad majorem sui humiliationem, et confusionem, et ut majorem confessarius habeat de sua imperfectione notitiam; quemadmodum posset extra confessionem eadem peccata, et ob eundem finem patri spirituali referre, aut se de illis coram communitate accusare. Unde elucet discrimen inter extrema, quæ hactenus comparavimus : nam consecratio Eucharistiæ unice, et adæquate refertur ad transubstantiationem legitimæ materiæ in corpus Christi : quare illicitum objective, et omnino est inter hostias consecrandas apponere cum advertentia aliquam ineptam. Cæterum confessio peccatorum, vel eorum relatio in confessione non ordinatur unice, et adæquate ad eorum remissionem in eodem sacramento : sed tendit etiam ad curandas spirituales pœnitentis

tentis infirmitates, et ad regendum apte conscientiam ejus, ut satis clare significavit Concilium Trident. sess. 14, c. 8, cum agens de discretionem, quam confessarii in imponendis pœnitentiis debent habere dixit: « Habeant autem prae oculis, ut » satisfactio, quam imponunt, non sit tantum ad novae vitae custodiam, et infirmitatis medicamentum, sed etiam ad » praeitorum peccatorum vindictam, » etc. » Pro quibus dignoscendis conveniens est, quod pœnitens manifestet in confessione, vel ipsa peccata venialia, de quibus non dolet: quin et aliqua alia, de quibus nequit esse dolor, aut absolutio, ut sunt habitus vitiosi, pravae inclinationes, propensiones, et tentationes. Quocirca licet pœnitens recognoscat se non habere dolorem de aliquibus venialibus, potest illa recitare in confessione ob fines immediate relatos: et sic procedens nec mortaliter, nec forte venialiter peccabit: dummodo habeat dolorem de aliquibus, ne frustretur sacramentum, quod absque dolore peccatorum, parte scilicet ejus essentiali, non valet perfici. Ex quibus omnibus satis constat, quam merito in uno casu asseratur peccatum mortale, et in altero negetur juxta communes sententias, idque discrimen non revocandum (ut quidam faciunt) in solam extrinsecam Doctorum auctoritatem; sed multo magis in diversas unius, et alterius sacramenti naturas.

I. 1. 139. Sed adhuc circa hæc aliqua dubiola occurrunt. Nam inquirens primo, an proxime dicta extendi possint, aut debeant ad peccata mortalia jam rite confecta, ita ut pœnitens, cum illa iterum confitetur, possit de aliquo, aut aliquibus non dolere, quin in hoc graviter peccet? Secundo, utrum ut pœnitens non peccet in confitendo aliqua venialia sine dolore, debeat de hoc admonere confessarium, ut sciat se illa patefacere in confessione non pro eorum absolutione, sed propter alios fines proxime relatos? Videtur enim id necessarium, ne Sacerdos frustra dirigat absolutionem ad omnia venialia exposita in confessione.

II. 10. Tertio, an possit quis dolere de uno peccato veniali, quin doleat de aliis ejusdem speciei: nam cum ejusdem rationis sint, et offerant idem motivum, non videntur posse admittere eam partitionem. Quarto, utrum quando quis confitetur plurima ve-

nialia non determinando eorum numerum, v. g. multa mendacia: omnia illa remittantur? Quia confessarius sicut non cognitione, ita nec intentione, et absolute videtur eam multitudinem comprehendere? Quinto, an sicut pœnitentem confitentem aliquod peccatum veniale sine dolore excusamus a peccato mortali, idem dicendum sit de penitente, qui sibi imponit aliquod peccatum veniale, quod non fecit, et subinde in eo mentitur? Videtur enim esse eadem ratio oh levitatem materiae.

His eodem ordine respondebimus. Ad primum affirmative ob æqualitatis rationem. Sicut enim peccata venialia non sunt materia necessaria hujus sacramenti, ita nec mortalia, quæ præsupponuntur bene confessa: quare, sicut non imputatur gravi culpæ, quod quis confiteatur venialia, aliqua quidem cum dolore in quibus salvatur virtus, et veritas sacramenti, et aliqua sine dolore; sic etiam dicendum est in confessione voluntaria mortalium. Præsertim, quia, sicut potest occurrere finis honestus, ut quis vel venialia, de quibus non dolet, exponat in confessione, utputa ad majorem sui contemptum, et ut aptius curetur per confessarium juxta superius dicta: ita etiam potest quis in confessione exponere sine dolore aliqua mortalia prius confessa, ad consequendum prædictos fines, ut facile consideranti constabit. Idque in rigore ita verum est. Sed interest discriminis, sicut aliqui recte observant, quod in confessione venialium non solam non impeditur valor, et fructus sacramenti, quando aliqua confitemur sine illorum dolore, sed et si circa illa habeamus actuale, et positivam complacentiam: sunt enim divisim remissibilia, et complacentia circa aliqua non impedit erga alia verum dolorem, qui pro istorum remissione sufficit, et valore sacramenti. Id vero aliter omnino contingit in mortalibus ob gravem obligationem in nullo eorum complacendi: quare complacere in aliquo esset peccatum pariter, et mortale, et impediret valorem sacramenti. Unde nostra resolutio magis signate, quam practice in mortalibus jam confessis accipienda est: ægre namque continget aliquem recogitare peccatum sine dolore, et loqui de eo absque odio, et retractione, quin eo ipso subsit ejus compla-

Quinto.

Respondetur ad 1.

centiæ, aut se exponat periculo complacendi.

Ad 2. 140. Ad secundum respondemus; satis commune esse inter personas timoratae conscientiæ, ubi de solis peccatis venialibus præsentis vitæ se accusant, addere aliquod grave ex jam alias confessis, per quod satis aperte significant se non omnino securos de dolore venialium, et non esse materiam absolutionis illa, de quibus non dolent. Quin aliqui manifeste se explicant dicendo v. g. De his me accuso, sed quia incertus sum de efficaci dolore circa ista venialia ob summam fragilitatem, quam experior in eadem reincidendi; ideo pro majori securitate me accuso de peccatis gravibus jam confessis, et præsertim de uno perjurio, etc. Et ubi pœnitens ita se gerit, procul pellitur dubitatio circa sacramenti valorem, et effectum, quamvis non unum tantum veniale, sed omnia venialia sine efficaci dolore exponerentur in confessione. Quare illa cautio non reprehendi, sed commendari debet, præsertim in personis nimis timoratis, quæ facile turbantur scrupulis, et dubietatibus. Sed absolute censemus non esse illam expressionem necessariam licet aliquis sola venialia confiteatur, et de aliquibus non habeat dolorem: quia sufficit generalis intentio non subijciendi pro materia venialia, de quibus non dolet, quamvis nolit se privare libertate recensendi illa in confessione pro majori humiliatione, et suæ conscientiæ manifestatione, ut etiam extra confessionem facere pœset. Unde prudens confessarius sciens hæc frequenter contingere in confessione venialium, et quædam posse remitti, non remissis aliis ob inæqualitatem doloris erga illa jam explicatam, ubi reperit pœnitentem nulla alia peccata exponere quam venialia, formam absolutionis dirigit ad sola et omnia venialia rite confessa, quorum absolutioni recipiendæ pœnitens dispositus sit. Et ita etiam sentiunt Suarez disp. 20, sect. 6, n. 7, Lugo disp. 14, n. 126, Leander disp. 7, quæst. 27, Castro Palao tract 3, disp. unica, punct. 7, d. 14, et Emmanuel a Conceptione disp. 2, quæst. 10, n. 168, pro eadem resolutione referens Gonet. in quo illam non reperi-

Suarez.
Lugo,
Castro
Palao
Emman.
Gonet.

quæst. 29, Emmanuele n. 172, quia, sicut peccata venialia possent se excedere in gravitate secundum varias species; ita se possunt excedere in gravitate secundum conditiones individuales: ergo sicut, qui dolet de uno veniali ob suam speciem, non dolet ex vi hujus de aliis specie inferioribus; sic etiam, qui dolet de uno veniali ob gravitatem individualement, quam habet, potest non dolere de aliis, quæ habent inferiorem gravitatem numericam. Et ita contingere potest in furtis levibus, si quis doleat de aliquo, quia accessit proxime ad quantitatem gravem: nam ex vi hujus non dolet de aliis commissis in levissima quantitate multum a gravi distante. Sic etiam mendacia levia, quæ quis in statu sæculari, et in statu religioso protulit, solo numero differunt: et tamen potest quis dolere de mendaciis a se dictis post religiosum statum, quin propterea doleat de illis, quæ in sæculo dixit: quia licet solum numerice distinguantur, nihilominus mendacem magis religiosum dedecet, quam sæcularem, et est ceteris paribus major individualiter culpa.

141. Ad quartum patet ex immediate dictis: nam, si quis in genere, et sine ulla determinatione confiteatur plurima peccata ejusdem speciei, v. g. mendacia, ut cum dicit se infinities mentitum fuisse; et non habet pro doloris erga illa motivo majorem aut minorem ipsorum gravitatem, sed communem mendacii, ut oppositionis cum veritate rationem: consequens est, quod aliqua remittantur: cumque non occurrat ratio, cur alia præ aliis remittantur; siquidem omnia cum eodem dolore absolutioni subduntur, concedere oportet omnia remitti. Et ita docent Lugo ubi supra n. 142, et Leander disp. cit. quæst. 30, cum asserant remitti omnia, aut fere omnia. Sed in hac additione minus consequenter procedunt, quia nullum habent fundamentum, ut cum ea formidine limitent; cum ex parte materiæ, doloris, confessionis, et absolutionis adsit æqualitas. Quod autem confessarius non cognoscat distincte numerum peccatorum, a quibus absolvit, impedimentum non est pro legitima absolutione: tum, quia nec in pœnitente requiritur ea cognitio: tum, quia confessarius attentis circumstantiis personæ cognoscit eam multitudinem in-

Ad 4.

Lugo
Leand.

Ad 3. Ad tertium respondetur affirmative cum eodem Lugone loco cit. num. 141, Leandro

fuso

fuso, juxta consuetudinem similium personarum. Quin et alii non improbabiler addunt, quod licet sacerdos, neque ex circumstantiis cognoscat numerum peccatorum, sufficit ad valorem, et fructum sacramenti, quod pœnitens de omnibus saltem in confuso doleat, et se accuset, et confessarius pariter de omnibus velit absolvere.

15. Ad quintum respondetur cum distinctione: nam si peccatum illud veniale, in quo pœnitens mentitur ipsum sibi imponendo, cum non fecerit, sit unica, et totalis materia confessionis, quia alia non confitetur; manifestum est illum peccare mortaliter: quia irritatur simpliter sacramentum ob defectum materiæ; tum remotæ, cum illud peccatum nunquam fuerit; tum etiam proximæ, cum de peccato ficto nequeat concipi verus dolor. Sed, si illud veniale, quod sibi pœnitens falso imponit, non sit materia totalis, sed simul cum aliis, de quibus pœnitens vere dolet, recenseatur in confessione; satis probabile, et consequens ad hactenus dicta apparet, non esse peccatum mortale. Quia ex una parte non falsificatur forma absolutionis, nec irritatur sacramentum; sed tenet, et effectum habet in aliis venialibus vere commissis, de quibus est dolor: et ex alia parte irreverentia non sit gravis utpote facta in materia levi. Et sic sentiant Sotus, Navarrus, Vasquez, Coninchus, quos refert, et sequitur Dicastillo disp. 8, dub. 3, num. 52, Lugo disp. 14, num. 142, et Tamburinus lib. 2, Metodi cap. 10, num. 37, quos refert, et sequitur Emmanuel ubi supra nu. 170. Erit tamen peccatum veniale, et in hac linea satis notabile: unde hic casus multum differt ab alio confitendi unum, aut aliqua venialia sine dolore, de quo supra. Quia id contingere potest absque peccato non solum gravi, sed etiam veniali, ut satis constat ex dictis n. 138; ceterum mentiri semper est peccatum, et ex nullo capite honestari valet, et multo minus in sacramento.

142. Nec refert, si contra præmissam resolutionem opponas primo: nam juramentum assertorium, quamvis cadat supra materiam levem, est peccatum mortale, quia gravis irreverentia Deo ex ejus falsitate irrogatur: ergo pariter mendacium in præsentī materia, sive confiteri peccatum veniale falsum, est etiam peccatum

mortale. Probatur consequentia: quia licet materia talis mendacii sit de se levis, tamen injuria irrogata sacramento, et Deo ejus institutori est satis gravis. Secundo, quia si non peccat mortaliter pœnitens, qui cum veris peccatis, de quibus dolet, confitetur aliquod veniale, quod non fecit, sed fingit; pariter non peccabit mortaliter, qui cum veris peccatis, de quibus dolet, aliquod mortale recenset a se non factum, sed fictum. Nam ex una parte jam apponitur vera, et sufficiens materia sacramenti in aliis peccatis: et aliunde mendacium illud non est grave peccatum; cum possit quis sibi sine gravi culpa imponere mortale peccatum, quod non fecit. Absurditas autem consequentis vel ex eo liquet, quod viam sternit, ut pœnitentes negligentes sint in discutiendo peccatorum gravium numerum, et posse illum, dum confitentur, excedere, cum in eo excessu nullum ipsis periculum incurrendi culpam gravem imminet. Quod dicere adversatur communi, et veræ sententiæ, exactum, ac determinatum, quantum fieri potest, peccatorum gravium numerum pro legitima confessione exposcenti.

Non, inquam, referunt istæ objectiones: nam ad primam respondetur concesso antecedenti, et negando consequentiam. Ratio disparitatis est, quod in juramento assertorio falso adducitur Deus in testem: id enim generale est in omnibus juramentis, nempe vocare Deum in testem eorum, quæ dicimus. Attribuere autem illi, quod sit testis falsus, aut falsi, est gravissima contra illum irreverentia, atque ideo peccatum grave. Idque minime vitatur per hoc, quod materia sacramenti sit materia de se levis, si est falsa: quia irreverentia non mensuratur penes materiam secundum se, sed penes falsitatem, et ejus approbationem, quam jurans falso in quacunque materia revocat in Deum, ut ejus confirmationem: quod non admittit parvitatem, aut levitatem materiæ. Ceterum quando mendacium circa unum veniale conjungitur cum aliis venialibus veris, et cum dolore confessis, nec Deus adducitur in testem illius mendacii: nec forma absolutionis nomine Christi prolata falsificatur propter illud mendacium, sed manet in aliis peccatis; nec irritatur sacramentum, sed est validum simpliciter, et potest esse etiam fructuo-

Object.
falsitatis

Secundæ

tum. Unde liquet nullam ibi propter tale mendacium committi gravem irreverentiam, aut inordinationem. Ad secundam objectionem negamus sequelam : nam peccatum mortale est semper materia gravis, et variat notabiliter iudicium confessarii ; quare illud fingere, et sibi imponere in confessione est peccatum mortale : tum, quia inducit gravem deceptionem in confessario se in hoc sacramento gerente per modum iudicis, et cognoscentis principaliter de culpis gravibus ; tum, quia affert in gravi, et necessaria juxta iudicium confessarii materia falsificationem absolutionis, et sacramenti nullitatem. Et sic sentiunt communiter Doctores Sotus in 4, dist. 18, quæst. 2, art. 4, Navarrus cap. 21, num. 17, Suarez disp. 22, sect. 10, Vasquez quæst. 91, art. 1, dub. 7, Coninchus, Hurtado, Zerola, Reginaldus, quos refert, et sequitur Dicastillo disp. 8, dub. 3, n. 40, Lugo disp. 16, sect. 2, § 6, num. 100, N. Antonius disp. 3, sect. 14, num. 193, et alii. Prædicta autem motiva non occurrunt, nec urgent in peccato veniali, quod pœnitens sibi falso imponit : illud enim est materia levis, tam in se, quam in ordine ad confessarii iudicium ; aliunde vero ex ejus oppositione non sequitur, vel falsificatio formæ, vel irritatio sacramenti ; cum detur alia materia legitima, in qua verificentur, et teneant, ut satis supra explicatum fuit.

Instantia.

Et si insistas ; hinc saltem inferri non peccare mortaliter pœnitentem, qui sibi mortale imponat, si rursus addat se jam illud fuisse confessum. Probatur sequela : nam ideo non peccat mortaliter, qui sibi aliquod veniale falso in confessione imponi, quia peccatum veniale non est materia necessaria confessionis ; sed etiam peccatum mortale semel confessum non est materia confessionis : ergo sicut mortaliter non peccat, qui aliquod veniale a se non factum confitetur ; ita nec mortaliter peccabit, qui sibi falso in confessione imponit aliquod mortale, dummodo addat esse ex jam confessis. Si id, inquam, obijciatur, adhuc persistendum est in resolutione proposita, quæ debilitari non debet ex additione novi mendacii : istud namque efficere non valet, quod materia prius, et de se gravis reddatur levis : peccatum autem mortale est de se materia gravis in ordine

Sotus,
Navar.
Suarez.
Vasquez.
Coninch.
Hurt.
Zerola,
Regin.
Dicastil.
Lugo,
Antonius.

solut.
instantia.

ad sacramentum, et iudicium confessarii, ut ostensum est : ergo per hoc, quod novo mendacio dicatur esse jam confessum, non desinit esse materia gravis : et consequenter de illo confiteri, et se accusare erit mortale peccatum. Et sic in summa respondent, quamvis contrarietur in verbis. Lugo disp. 14, num. 125, et Dicastillo loco cit. num. 57. Ad probationem autem sequelæ constat ex hactenus dictis : nam quod quis peccet, aut non peccet graviter apponendo in confessione materiam aliquam ineptam, ut sunt peccata, vel quæ non fecit, vel de quibus non dolet, non regulatur penes hoc, quod sit materia necessaria, aut voluntaria, sed penes hoc, quod sit materia gravis, aut levis : ex terminis autem constat peccatum veniale esse materiam levem, et peccatum mortale esse materiam gravem : ergo confiteri peccatum veniale, vel non factum, vel non conjunctum dolori, si adsit alia materia apta pro sacramento, non est peccatum mortale ; sed e contra mortale est fingere aliquod mortale pro materia, licet fingatur etiam confessum.

Lugo.
Dicastil.

§. III.

Alia dubiola circa propositum requisitum pro confessione venialium.

143. Consequens est, dicamus de proposito vitandi venialia, quod pro eorum remissione in sacramento pœnitentiæ requiritur. Et requiri supponimus : quia nequit dari dolor de peccatis absque proposito illa in futurum vitandi : quippe dolens, detestansque aliquod malum, illud, quantum fieri potest, præcavet juxta quantitatem detestationis, et odii ; aliter enim non vere pœnitere, et odisse illud convinceretur. Unde sic communiter sentiunt, et supponunt Doctores, quos refert, et sequitur N. Franciscus tract. 6, cap. 5, punct. 4, num. 52. Prædictum autem propositum aliquando est expressum, et formale, distinctusque proinde actus a dolore ; aliquando vero solum est virtuale, et in ipso dolore implicitum, ut immediate dicta satis evincunt, et non semel contingit, cum quis non advertens ad peccata futura, attendit ad præterita, et de illis vere dolet : sic enim tunc dispositus est, quod si futura cognitioni occurrerent, proponeret expresse illa vitare ; quod satis esset

Francis.
Propositum
aliud
formale
aliud
virtuale

ex parte propositi ad valorem sacramenti, cum non minus communi sententia docet idem Auctor loco cit. num. 54. Nec veritati, ac valori hujus propositi obest, quod illud habens, et cum eo ad confessionem venialium accedens timeat, existimetque se postea illa non vitaturum, et de eis in posterum vitandis deficiat: hic namque timor, et quasi desperatio cohererent cum voluntate actuali, quantum est de se, efficaci, non committendi venialia, de quibus dolet: quippe talis voluntas excludit actualem affectum peccandi, quod pro valore simul, et fructu hujus sacramenti requirit Concil. Trid. sess. 14, c. 4. Nec id peculiare est in confessione venialium, in quæ frequentius labimur, sed etiam extenditur ad mortalium confessionem: nam pessime assuefactus aliquibus peccatis mortalibus; v. g. delectationibus morosis, cum hæc rite confitetur, solet prudenter timere futuram reincidentiam, et diffidere de futura, et continua resistantia: quibus non obstantibus dolet de præteritis, et firmiter decernit illa in futurum, quantum in se fuerit, vitare cum divinæ gratiæ adjutorio: et his positis confici verum sacramentum docet communis sententia apud eundem Auctorem n. 53, et alios plures Doctores, quos ipse refert.

Hæc omnia sunt tam confessioni mortalium, quam confessioni venialium communia: sed inter illas aliquæ differentiæ non minus communiter observantur. Prima, quod in mortalibus propositum illa vitandi debet ad omnia, nullo excepto, extendi; id vero in venialibus non requiritur. Et ratio satis constat ex hactenus dictis in hoc Tract. et insinuat § præcedenti: quia unum mortale non est remissibile sine aliis: quippe nullum excluditur nisi per gratiam sanctificantem; et hæc cum datur, expellit cuncta, ob insuperabilem cum omnibus, et singulis repugnantiam, Quod motivum non occurrit in venialibus: sunt enim prædictæ gratiæ composibiles, nec expelluntur per illam, prout in habitu existentem, sed quatenus actum exerit eisdem oppositum. Unde cum talis actus queat dirigi in una, aut aliqua, et non in omnia, fit posse quædam venialia remitti aliis remanentibus. In confessione itaque mortalium requiritur universale propositum vitandi omnia: sed id non

requiritur in venialium confessione, sicut de eorundem dolore diximus §. præcedenti. Secunda est, quod licet in confessione, tam mortalium, quam venialium requiratur verum propositum vitandi illa, quæ in confessione exponimus, et pro materia absolutioni submittimus: nihilo minus non requiritur, quod propositum vitandi venialia sit ita firmum, sicut propositum vitandi mortalia: idemque debet dici de proposito vitandi occasiones in istorum, et illorum materia. Nam cum peccatum mortale sit majus incomparabiliter animæ malum, magis deterrens, et non ita frequenter materiam deficiendi, et tentandi offerens; ex hoc ipso facilius nobis est concipere firmitus propositum illud non committendi. Peccatum autem veniale levius longe malum est, minorem sui horrorem inducens, illudque admittendi plurimæ sunt occasiones. Unde cum majori difficultate proponimus illud præcavere. Et ob hanc inter illas diversitatem, conniventibus communiter Doctoribus, possunt confessarii facilius absolvere pœnitentem, frequenter relapsam in eadem venialia, quæ confitetur, quam si in mortalia cum minori frequentia relaberetur. Quia prudenter judicare possunt reincidentiam in venialia non oriri ex defectu veri propositi, quam pœnitens habeat dum illa confitetur; sed procedere ex multitudine occasio-num illa patrandi, et ex minori horrore, quem ob minorem gravitatem, cum occurrunt illæ occasiones, inducunt. Quæ motiva excusationis non occurrunt in eo, qui in eadem mortalia post repetitas confessiones frequenter relabatur: unde rationabiliter præsumitur non habuisse, nec modo cum ad confessionem accedit habere verum de emendatione propositum.

144. Sed occasione hujus ultimæ differentiæ, et pro ejus majori declaratione inquires, an, et quomodo possimus concipere verum propositum non peccandi venialiter, ut tam intra, quam extra sacramentum non semel accidit in personis præsertim valde perfectis? Nam concipi non valet verum propositum erga illud, quod apprehenditur impossibile. Porro impossibile esse, et impossibile cognosci, quod homo tota vita non peccet venialiter, satis efficaciter colligitur ex Concilio Tridentini sess. 6, can. 23, diffiniente: « Si quis ho-

Concil.
Trid.

« minem semel justificatum dixerit posse
 « in tota vita peccata omnia, etiam venia-
 « lia vitare, nisi ex speciali Dei privile-
 « gio, quemadmodum de B. Virgine
 « tenet Ecclesia, anathema sit. » Nullum ergo verum aut absolutum, aut efficax propositum vitandi omnia venialia habere possumus. Et si id tentaremus, arrogantiae, stultitiae, et erroris, supposita doctrina Concilii, possemus argui. Et confirmatur, quia votum vitandi omnia venialia per totam vitam invalidum, et nullum est, utpote de re impossibili in communi, et praesenti providentia, et cum aliis plurimis docet N. Andreas tract. 17, de voto, cap. 1, punct. 3, n. 80. Ergo idem, ob eandem rationem de simili proposito dici debet.

Confir-
mat.

1 satis-
fact. ra-
tionis.

Nec satisfacit, si respondeatur cum aliquibus, quod licet homo non possit vitare omnia venialia per totam vitam, aut longum vitae spatium, potest tamen vitare omnia venialia, quae in confessione exponit: haec enim nunquam sunt omnia possibilia, aut futura per tale tempus: ad valorem autem sacramenti, in quo venialia exponuntur, non requiritur, nisi propositum vitandi illamet peccata, de quibus poenitens se accusat, ut num. praeced. observavimus. Id, inquam, minime satisfacit; quia, et si doctrinam veram contineat, a difficultate tamen objecta divertit, et propositae non occurrit, an scilicet possimus vere proponere non peccare in posterum venialiter, ut plane contingere videtur, cum dolemus, et proponimus illa ipsa, quae confitemur vitare ex motivo universalis ad omnia se extendente, ut puta vitandi Dei offensam: istud namque comprehendit non solum quae de facto confitemur sed omnia alia, quae possunt occurrere.

Rejici-
tur
satisf.

Alia
evasio

Nec iterum satisfacit, si cum aliis respondeatur, quod licet moraliter sit impossibile vitare omnia venialia per longum tempus: est tamen possibile physice, nec enim ad id desunt arbitrio vires: quae possibilitas physica, sicut sufficit, ut homo teneatur vitare omnia venialia, sic etiam sufficit, ut vere proponat illa vitare; quamvis ob impossibilitatem moralem certum sit, quod in aliquo eorum deficiat. Hoc, inquam, non satisfacit, sed efficaciter refellitur ex dictis Tract. 14, de Gratia, disp. 2, dub. 5, n. 191, et dub. 6, num. 220,

Impu-
gnatio
evas.

(quae lector recolat); nam impossibilitas moralis contraposta potestati physicae ad aliquid faciendum, non est aliud, quam ingens difficultas exequendi illud: dici autem non potest, quod homo solum habeat magnam, aut maximam difficultatem, non autem impotentiam ad vitandum omnia venialia per totam vitam: ergo praedicta responsio sustineri non debet. Probatur minor, tum ex Concilio Tridentino, quod in verbis relatis anathematizat dicentem hominem justificatum posse sine speciali privilegio evitare omnia venialia per totam vitam: nam ly *posse* non negat maximam difficultatem, sed solum designat potentiam absolute ex parte virium. Tum etiam, quia ubi dantur sufficientes vires ex parte principii ad aliquem actum, officium communis, et suavis providentiae divinae est remove obstackula, principiumque ab obsistentibus difficultatibus expedire, ut in actum suis viribus proportionatum erumpat, saltem in aliquibus individuis, et sic ejus virtus appareat; sed nullus hactenus (excepta B. Virgine ob speciale privilegium) vitavit per longum tempus omnia venialia: et oppositum dicere adversaretur diffinitioni Concilii: ergo signum est, quod hoc nec ex se, nec ex communi gratia habet vires physice, sive absolute sufficientes ad vitandum venialia per longum tempus; tum praeterea, quia vel gratia communis dat vires sufficientes ad superandas eas difficultates, in quibus sita asseritur illa moralis impossibilitas, vel non? Si primum: ergo non solum physice, sed etiam moraliter potest homo vitare omnia venialia ex gratia communi; siquidem per illam superantur difficultates. Si secundum: ergo nec moraliter, nec physice valet homo omnia venialia vitare, cum, nec moraliter, nec physice habeat vires ad superandas difficultates, quibus non devictis impossibile est in actum vitandi venire. Tum denique (et est ratio a priori desumpta ex D. Thoma 1, 2, quaest. 109, art. 8, et quaest. 24, de Veritate, art. 12,) quia gratia communis nec extinguit, nec ligat fomitē, sive appetitum sensitivum: ipse vero non ligatus, nec extinctus seminarium est innumera- bilium motuum contra rationem, eam obnubilantium, et allicientium ad malum, pro quibus superandis absque ullo levi de-
fectu

fectu requiritur continua vigilantia, atque advertentia ad omnes circumstantias hinc inde occurrentes; et gratia impotens extinguere, aut non ligans fomitem non præstat vires sufficientes ad continuo vigilandum, attendendumque ad omnes circumstantias, et propulsandum omnem inconsiderationem, sive inadvertentiam levem: ergo homo neque a virtute propria (quod ex se liquet) nec ex gratia communi habet vires vel moraliter, vel physice sufficientes ad nunquam peccandum venialiter per longum tempus, ut satis plane docet Concilium sincere, et sine violentia intellectum.

145. Omissis itaque prædictis responsionibus ut insufficientibus, respondetur; hominem posse elicere, habereque verum propositum circa ea, quæ potest facere viribus vel propriis, vel gratiæ communiter datæ: circa ea namque, quæ sub nostra facultate cadunt, vere, et firmiter possumus statuere. Porro certum est nos viribus propriis, aut gratiæ posse omnia, quæ tenemur facere, et quæ non faciendo peccamus: quippe ubi deest potestas ad aliquid, ibi ejus ommissio libera non est, sed necessaria, ac perinde non peccaminosa. Unde ipsum peccatum, et obligatio illud vitandi manifestant, quod potestatem habeamus ad ipsum vitandum, et quod vere, et absolute possumus, ac debeamus id ipsum proponere. Peccamus autem, non quod omnia collective peccata per longum tempus non vitemus: neque enim datur unum particulare præceptum omnia collective vitandi: sed peccamus, quia singula prout occurrunt, et sub lege cadunt, non vitamus: lex namque illa non in communi prohibet, sed in particulari juxta particularem uniuscujusque materiam, et prout in particulari occurrunt, ut contingit in omnibus actibus. Unde concluditur, quod licet non possimus omnia venialia collective per longum tempus vitare, ut testimonium Concilii, et rationes proxime propositæ satis evincunt; possumus tamen vitare unumquodque illorum, prout de facto occurrit. Et licet infallibile sit, quod in aliquo deficiamus; nullum tamen est designabile, pro quo vitando non habeamus vires sufficientes, et quod proinde vitare non possimus, et debeamus. Inde etiam fit, quod, cum propositum commen-

suretur viribus; possumus verum, et firmum concipere vitandi sine ulla exceptione omnia peccata divisive, prout in particulari occurrunt, et lege prohibentur. Propositum vero terminatum ad collectionem eorum, sive ad omnia collective, in nullo, adhuc vage, deficiendi, stultum foret: quia circa illa sumpta nulla datur lex, nec ipsa sic sumpta aliquando occurrunt: atque ideo foret propositum de re non supponente. In hoc itaque sensu admittimus, quod quis juxta communem, ac præsentem providentiam valeat vere, et firmiter proponere vitare omnia peccata venialia absolute, et sine termino; omnia, inquam, divisim, et singillatim prout occurrunt, et lege prohibentur; non tamen copulative, et simul, quo pacto nec occurrunt, nec respiciuntur a lege. Et quamvis contra præmissam resolutionem possint plures replicæ formari, in eis proponendis, et extricandis non oportet immorari, quia id fecimus in propriis locis supra relatis, ad quæ lectorem remittimus.

Unde ad confirmationem objectæ difficultatis respondetur concessio antecedenti, negando consequentiam. Et disparitas inter votum, et propositum est, quod votum, ut prudenter fiat, et consequenter obliget, respicit objectum cum majori determinatione, ut puta, quod non sit admodum difficile, nec afferat certum in eo deficiendi periculum. Quamvis autem possibile sit vitare omnia venialia per se, et divisive sumpta, prout occurrunt; nihilominus id est valde arduum, et aliunde infallibile est, quod homo per longum tempus in aliquo deficiat. Unde imprudenter, et invalide ageret, qui voveret non peccaturum venialiter per totam vitam, ut bene expendit N. Andreas loco citato. Sed propositum respicit objectum cum minori determinatione, sed potius absolute possibile, et nullam supra materiam alias præceptam inducit obligationem: unde imprudens non est, sed magis obligatorium, quod quis firmiter, ac ex vero animo proponat vitare omne veniale peccatum, quamvis difficillimum id sit, aut infallibile, quod non erit. Unde aliqui dicunt ad legitime vovendum requiri spem de futuritione rei, quam promittimus: ad verum autem propositum non requiri spem, sed sufficere possibilitatem absolutam, ut declaratur exemplo D. Petri, qui a Christo

monitus de sua negatione futura, poterat, et debebat nolle efficaciter tale peccatum, et proponere se illud non commissurum; quamvis crederet, ut debuit, aliter tandem futurum esse. Declaratur etiam juxta communem Doctorum sententiam, qui id extendunt ad peccata mortalia, asserentes non esse contra veritatem, et firmitatem propositi requisiti ad valorem, et fructum sacramenti in mortalium confessione, quod pœnitens credat, et vehementissime timeat se postea peccaturum, et in eo proposito non permansurum: adhuc namque potest de præsenti oppositum efficaciter proponere, et quandiu ita se gerit, non potest, tanquam indispositus a suscipienda absolutione repelli. Idem itaque in proposito vitandi omnia venialia contingere potest.

146. Ex præmissa vero resolutione alia quæstio suboritur difficilior, an videlicet, cum pœnitens de suis peccatis dolet, et proponit evitare sub unico, et ex unico motivo, si post debitum dolorem, et propositum committat ante absolutionem aliquod peccatum veniale, amittat debitam partem, et dispositionem pro sacramento, debeatque proinde novum, et dolorem, et propositum adhibere? Verbi causa, Petrus recogitata multitudinem, et gravitatem suorum omnium peccatorum, tam mortalium, quam venialium, doluit simul, et de omnibus propter unicum motivum nobilissimum, quod omnia prohibita fuerint a Deo, ipsumque offendant: et cum eodem dolore simile propositum concepit statuendo nullam unquam admittere Dei offensam: qui casus, nec impossibilis est, nec infrequens in perfectissime contritis, quibus Deus manifestat, quam absurdum sit ipsum offendere, ponereque ante ejus conspectum, quod illi displicet, et ab ipso reprobatur. Sic dispositus accessit Petrus ad sacramentum pœnitentiæ: sed antequam absolveretur incidit in aliquod peccatum veniale vanæ gloriæ, aut verbi otiosi. Dubitari valet, an præcedens doloris, et propositi dispositio revocetur, indigeatque novo dolore, et proposito? Ratio autem dubitandi levis non est: quia actus præcedentes doloris, et propositi dependebant essentialiter a suo objecto formali motivo, quod supponitur fuisse unica, et sola ratio divinæ offensæ: destructo autem, aut variato objecto formali alicujus actus, nequit non

ipse destrui, atque variari, quippe, qui a tali objecto speciem mutuatur, ut inductive potest ostendi: ergo cum per commissionem cujuscumque peccati incurratur divina offensa, et destruat, aut varietur motivum præmissum non peccandi, quia peccatum Deum offendit; palam convinci videtur, quod in casu proposito cesset doloris, et propositi dispositio, et alia ex alio motivo sit de novo necessaria. Potestque id amplius confirmari: nam si quis confiteatur sola, et plura mortalia cum dolore, et proposito ortis ex motivo vitandi pœnam inferni, et ante absolutionem incidat in aliquod unum, et minimum mortale: ex hoc ipso cessat anterior dolor, et propositum circa alia, et nequit ab his absolvi absque nova dispositione: ergo idem, et ob idem motivum dicendum est in priori casu.

Pro hac difficultate diluenda conveniunt Nota. communiter Auctores in consulendo, quod pœnitens doleat (idem dicunt de proposito) seorsim de mortalibus, et seorsim de venialibus secundum eorum diversam gravitatem, et differentem modum Deum offendendi, idemque consulunt de diversis eorum speciebus intra genus, aut mortali, aut venialium: sic enim vitatur objectum inconveniens. Nam cum motiva doloris, et propositi adeo distinguantur; non sequitur, quod ex uno peccato, et defectu in ejus motivo, evertatur, aut varietur motivum doloris circa alia: sed fieri, et cohærere optime potest, quod exclusis dolore, et proposito circa unum peccatum, perseverent circa aliud vel genere, vel specie intra idem genus, distinctum. Sed quamvis ita consulant, tamen addunt aliqui non debere in dubium revocari valorem sacramenti, licet non adhibeatur talis cautela, quin id afferat plurimos scrupulos tam pœnitentibus, quam confessariis, qui obligationem haberent admonendi pœnitentes de renovando immediate ante absolutionem dolore. Quod cum non faciant, ex ipsa praxi, quæ est optima legum interpretis, desumitur argumentum, quod in casu proposito, quamvis cesset dolor, et propositum circa unum peccatum, possint remanere dolor, et propositum circa alia, atque ideo, et dispositio sufficiens ad valorem, et fructum sacramenti. Idque ratione fundant: quia licet unus, et sub universali motivo

motivo sit universalis dolor de omnibus peccatis, nihilominus non terminatur ad omnia æqualiter, sed inæqualiter juxta majorem, aut minorem illorum gravitatem : nam pro majori peccato requiritur major dolor saltem appetitive, ut et nos ipsi docuimus supra n. 71, et seq. Quocirca licet aliquis cum eodem contritionis motu doleat de omnibus peccatis, tam mortalibus, quam venialibus, tamen multo magis dolet de illis, quam de istis ob longè majorem illorum, quam istorum gravitatem. Et consequenter, etsi post illam universalem contritionem commiserit aliquod peccatum veniale; non propterea censendus est, quod defecerit in dolore, et proposito erga mortalia; sed magis, quod in eisdem perseveret. Idemque censent ubi sola venialia in confessione exponenda terminant dolorem, et propositum subeodem motivo : quia hoc non obstante sunt inæqualis gravitatis, et per dolorem, et propositum magis detestamur graviora quam leviora. Unde ex lapsu in aliqua venialia non revocantur dolor, et propositum circa omnia; sed ad summum circa æqualia, et leviora; retinentur tamen circa graviora : et propterea ex defectu doloris, ac propositi circa illud particulare, aut illi æqualia, aut eo inferiora; non est dicendum sacramentum irritum circa alia graviora ob defectum dispositionis : præsertim cum quædam venialia tam intra, quam extra sacramentum remitti valeant, aliis non remissis. Et si prædictis Auctoribus objiciatur exemplum mortalium, supra insinuatum; respondent consequenter, quod deficiente dolore, et proposito circa unum mortale, perseverant dolor, et propositum erga alia mortalia, ut in venialibus theologizant : sed deficit dispositio pro mortalium confessione requisita : nam per peccatum mortale levius, cui homo de novo adhæret, ponit obicem sacramenti valori, et fructui. In confessione autem venialium sufficit, quod remaneant dolor, et propositum circa graviora, quæ dantur pro materia : quia istorum remissioni non opponitur carentia doloris, et propositi circa alia; cum possint partialiter remitti. Hæc quasi ad litteram, sed compendiose transcripsimus ex Lugone, qui primus ex his, quos viderimus, hanc adhibuit propositæ quæstioni responsionem disp. 14, sect. 9, a num. 144. Eidem-

que subscribunt communiter Recentiores, Dicastillo disput. 6, dub. 18, num. 322, et alii : et ex nostris Antonius disput. 3, sect. 15, num. 201, et Franciscus cap. 5, punct. 4, num. 56.

147. Sed putamus exigere accuratius examen. Et probamus in primis consilium renovandi dolorem, ac propositum : est enim securum, et salubre, et forte in aliquibus necessarium. Probamus etiam, quod ultimo loco dicitur de insufficientia doloris, ac propositi erga aliqua peccata mortalia, rescissis circa aliud, aut alia, in quæ homo post universalem dolorem, et propositum labitur : manifestum namque est requiri pro sacramento pœnitentiæ novum dolorem de novo gravi peccato. In his convenimus cum prædictis Auctoribus. Ceterum in eorum responsione reperimus non pauca difficilia, et falsitati obnoxia. Et primo loco non videtur satisfacere propositæ quæstioni, quæ supponit dolorem universalem omnium peccatorum tam mortalium, quam venialium processisse ex unico, ac indivisibili motivo vitandi offensam, et displicentiam Dei in quolibet peccato. In qua hypothesi videtur necessario fatendum rescindi adæquate tale motivum per commissionem cujuslibet peccati, atque ideo non relinqui dolorem, et propositum erga alia : ubi enim motivum, sive ratio sub qua consistit in indivisibili, destructa circa unum objectum, destruitur circa omnia, ita quod circa nullum exerceri valet. Ex quo principio colligunt communiter Theologi eum, qui negat unum vel minimum nostræ fidei mysterium, non retinere prædictam fidem circa alia : quia motivum credendi est unicum, nempe testimonium Dei dicentis ; quare qui ei negat assensum in aliqua materia, licet dese levissima, ut quod canis Tobiae caudam habuerit, convincitur nihil credere propter Dei testimonium, sed vel non credere, vel credere ob aliud motivum, ut cum communi sententia statuimus, et probavimus Tract. 17, de Fide, disp. 8, dub. 3. Cum ergo supra posita difficultas procedat ex suppositione, quod propositum universale vitandi omnia peccata processerit ex unico, et indivisibili motivo offensæ, et displicentiæ divinæ, quæ in omnibus, et singulis peccatis occurrat : sequitur quod per quodlibet peccatum rescindatur, et non maneat circa alia. Quod

amplius declaratur præcludendo Lugonis effugium : nam casus præsens procedit erga propositum conceptum ob præcisam rationem offensæ Dei abstrahendo a majori, et minori, a gravi, et levi peccato, ita quod nulla habita ratione, aut reflexione ad comparationem peccatorum inter se, elicitedum fuerit propositum vitandi omnia peccata, quia important Dei offensam, in qua ratione cuncta conveniunt. Hoc autem motivum evacuatur, et cassum redditur per admissionem cujuscumque peccati : ergo ubi istud succedit, impossibile est tale motivum erga peccata permanere, et subinde propositum ex tali motivo conceptum. Alias homo aversus foret a motivo vitandi divinam offensam, et simul ad idem motivum conversus : quod implicat contradictionem.

Hujus impugnationis aculeos præsensit Dicastillo loco citato, et ingenue fassus est num. 324 non posse ab illa expediri, quin admittat propositæ quæstionis suppositionem, nempe motivum universale propositi vitandi omnia peccata esse simpliciter unum, et indivisibile. Quare negat esse moraliter possibile, quod quis concipiat propositum vitandi omne peccatum abstrahendo a gravi, et levi : nam quamvis ad utrumque genus offensæ detestandum unico actu feratur ; non tamen ita fertur, quin semper adsit saltem implicite, et virtualiter comparativa detestatio, major videlicet de majori, et minor de minori peccato : et consequenter ablatis detestatione, et proposito erga venialia, possunt adhuc permanere erga mortalia. Qui discursus nobis arridet, illumque ex D. Thoma firmavimus supra num. 76. Quare etiam censemus repugnare, quod quis æqualiter doleat de peccato veniali, ac de mortali, et quod ita firmiter proponat non peccare venialiter, ac mortaliter. Nam cum mortale sit simpliciter gravis offensæ Dei, et, ut censemus, et suo loco statuimus, simpliciter infinita in æstimatione prudenti ; e contra veniale sit offensæ levis, et secundum quid ; et dolor debeat esse, saltem appetitive juxta merita objecti : fieri non valet, quod homo, nisi stultus sit, non magis doleat de peccato mortali, quam de veniali, licet de utroque eodem actu doleat. Et similiter cum longe difficilior sit vitare omnia venialia, quam sola mortalia, ob majorem illorum multi-

tudinem, et quia minori deliberatione committantur, ut constat ex dictis a num. 144, fit hominem hæc intelligentem, ut omnes ipsa experientia satis intelligunt, non posse formare propositum ita firmum vitandi venialia, sicut vitandi mortalia. Unde etiam fit, quod licet eodem actu, et ob idem expressum motivum vitandi Dei offensam proponat homo nullo modo peccare mortaliter, aut venialiter ; tamen hoc propositum principaliter, et firmitus referatur in mortalia ; in venialia vero minus principaliter, et cum minori firmitate, et quasi ex consequenti. Fit ulterius, quod si post illud propositum homo labatur in aliquod veniale, non propterea revocet propositum circa mortalia, quia de his erat principaliter, et permanet principale illius motivum. Fit denique relinqui in tali eventu sufficientem dispositionem pro valore, et fructu sacramenti, confessoresque non immerito parvipendere, seu non curare, quod pœnitens denuo concipiat alium dolorem, et propositum, pro certo reputantes, ut possunt, ex violatione alicujus venialis non cessasse propositum, et dolorem erga mortalia. Et hanc partem damus Lugoni, quæ vere sufficit pro diluendo punctum principale objectæ difficultatis.

148. Ceterum alia in ejus responsione occurrunt admodum difficilia, aut plane falsa. Et primo loco ; quod præmissam doctrinam extendit ad venialia inter se collata : nam, si quis proposuit vitare venialia omnia ex eodem motivo non inducendi Dei offensam, et displicentiam, et in aliquod postea lapsus sit ; non propterea, inquit Lugo, amittit dolorem, et propositum erga alia : idque confirmat ex doctrina immediate tradita de dolore, et proposito erga omnia complectendo venialia, et mortalia : quæ, si in aliquo veniali deficient, perseverant tamen in ordine ad mortalia, et deservire absque renovatione possunt mortalium confessioni. Sed exemplum non convincit, et conclusio illi innitens incertissima videtur : nam cum mortalia quasi infinite distent a venialibus ob motiva proxime assignata ; facile intelligitur, quod dolor, et propositum, quæ in aliquo, aut aliquibus venialibus deficient, perseverant absolute erga mortalia, et sufficiunt pro illorum confessione. Sed omnia venialia conveniunt simpliciter in ratione

ratione offensæ Dei, quæ est talis secundum quid : unde violato, vel per unum veniale motivo communi vitandi talem offensam, ex quo processerunt dolor, et propositum erga omnia, non apparet, quomodo circa aliqua possint conservari, et pro eorum confessione sufficere. Unde securius in tali casu foret novum dolorem ex motivo magis limitato adhibere, idque consilium censemus, non solum salubre, sed necessarium.

Quod, si dicatur (et respondet Lugo) in genere, sive intra lineam venialium reperiri inæqualitatem ; quippe quædam sunt aliis graviora, vel minus gravia : et inde fieri, quod licet deficiat dolor, et propositum in uno, non intelligatur propterea deficere circa alia graviora, sed solum circa minus gravia, aut æqualia : unde consequenter dolor, et propositum, quæ præcesserunt, non perseverant erga æqualia, et inferiora, nec poterant ad eorum confessionem deservire ; perseverabunt autem pro gravioribus, deservientque illorum confessioni. Si id, inquam, dicatur, quis non videat summam dictorum incertitudinem, et superfluum esse in ea magis detergenda immorari ? Sed tamen, vel ab uno capite eam ostendamus. Nam, si dolor, et propositum erga venialia ex uno motivo communi, ubi postea unum veniale committitur, revocantur erga æqualia, et inferiora, perseverant vero circa graviora ; ideo esset, quia sic exposcit eorum inæqualitas : id vero esse falsum liquet, quia illa inæqualitate non obstante, potest dari dolor circa leviora, et deficere circa magis gravia. Demus propositum, et dolorem fuisse erga omnia venialia ex uno motivo non offendendi Deum : demus postea hominem commisisse unum peccatum veniale ; v. g. mendacium officiosum, quo minora sunt alia venialia ; v. g. aliquis excessus in potu, verba superflua, inutiles imaginationes, etc., alia vero sunt eo majora, ut puta aliquæ detractiones, imaginationes turpes non cito repulsæ, furta levia. In qua comparatione juxta Lagonis doctrinam eo ipso dolor, et propositum cessant circa minora, et manent erga majora. Et tamen, vel ipsa experientia testante, potest qui officiose mentitur, habere explicitum odium erga illa minora statuendo illa non committere, et e converso affici ad majora,

illaque actu committere : ergo falsum est, quod dolor, et propositum erga omnia cesset, aut perseveret juxta majorem, aut minorem gravitatem venialium comparative ad illud, quod post dolorem, et propositum ex universali motivo committitur. Causa hujus deceptionis fuit attendere ad solam majorem, aut minorem malitiam venialium ex parte objecti, et omittere attentionem erga aliam radicem longe diversam, et magis considerandam, nempe ad majorem, aut minorem adhæSIONEM ad venialia ex parte subjecti. Constat namque homines juxta varias eorum complexiones, inclinationes, et assuefactiones affici magis, aut minus ad venialium objecta, sive respectu ad majorem, vel minorem eorum gravitatem. Plus enim aliqui afficiuntur ad excessum in potum, quam ad mentendum ; et e converso aliqui plus afficiuntur ad furandum levia, quam ad verba scurrilia, et sic de aliis. Quamdiu autem manet hæc adhæSIO non tolluntur peccata venialia, ut perpetuo docet D. Thomas, et satis

D. Thom.

insinuavit in hac 3 p. quæst. 87, art. 2, in corp. ait : « Peccatum veniale non contrariatur habituali gratiæ, vel charitati : « sed retardat actum ejus, in quantum nimis inhæret homo bono creato, licet non « contra Deum, ut in secunda parte (1, 2, q. « 88, art. 1.) habitum est. » Et in resp. ad 3, addit : « Ad tollendam maculam venialis « peccati requiritur aliquis actus procedens « ex gratia, per quam removeatur inordinata adhæSIO ad rem temporalem. » Cum ergo hæc inordinata adhæSIO non commensuretur malitiæ objectivæ in materia peccatorum venialium, sed ex aliis capitibus desumatur ; perperam asseritur, quod, ubi quis incidit in aliquod veniale, decidit a proposito, et dolore erga æqualia, aut minora, sed illa retinet erga majora. Potest enim fieri, quod magis afficiatur ad majora, quam ad minora ; et e converso, ut facile consideranti constabit, et cito ostenditur, vel unico exemplo, si quis de se magis afficiatur ad furta levia, quam ad bibendum aquam cum aliquo excessu ; plane illud objective gravius est isto : et tamen, si post universale vitandi omnia venialia propositum peccet venialiter in potione aquæ, minime retinet propositum vitandi furta, ut Lugo censet : quia multo magis hærebat furtis, quam

potioni : atque ideo si non retinetur propositum circa hanc, multo minus retinebitur circa illa.

149. Sed veniamus ad aliam partem comparationis penes majorem, aut minorem gravitatem peccatorum intra genus mortalium, ubi occurrunt majores, et evidētiore absurditates. Doluit quis de omnibus mortalibus, et proposuit efficaciter illa vitare ex aliquo uno, et universali motivo : sed postea antequam confiteretur, incidit in aliud mortale novum. Remanent dolor, et propositum, quæ præcesserunt, vel penitus destruuntur ? Respondet Lugo destrui erga peccata æqualia, aut inferiora : manere autem erga majora. Verbi causa peccaverat quis mortaliter per desideria turpia, per fornicationem simplicem, per adulteria : doluit postea de illis, et proposuit ea vitare ex unico motivo gravis offensæ Dei omnibus communi : sed tamen post hæc incidit in fornicationem. Juxta Lugonis discursum, et doctrinam, talis homo amittit dolorem, et propositum erga turpia desideria, quæ sunt levius fornicatione peccatum ; sed retinet dolorem, et propositum erga adulterium, quod est peccatum gravius : quoniam, ubi quis delinquit in uno, præsumitur non respuere æqualia, aut minora ; sed non præstat fundamentum, ut præsumamus admittere etiam atrociora, cum ista magis retrahant : atque ideo præsumere debemus, quod dolor, et pristinum propositum perseverent erga illa, etiam post aliquod minus grave commissum.

Hæc vero esse absurda constat ex dictis in non absimili venialium comparatione, et utrobique deseritur suppositio quæstionis, ubi recurritur ad objecta diversa penes majorem, aut minorem peccatorum intra idem genus gravitatem. Sed efficacius immediate dicta refelluntur : nam supponamus pro confessione omnium illorum peccatorum, quæ referuntur, hominem habuisse perfectum dolorem, et propositum in perfecta conditione ordinata ad sacramentum, et quod ante susceptionem sacramenti in fornicationem inciderit. In talu casu dici nequit revocari dolorem, et propositum circa fornicationem, et peccata æqualia, aut minora, ut sunt turpia desideria ; permanere autem pro adulterio. Tum quia in tali casu dolor, et pro-

positum fuerunt ipsa contritio perfecta : de qua nullo modo dici valet, quod permaneat in eo, qui post ipsam incidit in peccatum mortale. Tum etiam, quia contritio importat essentialiter conversionem ad Deum ultimum finem super omnia ex charitate dilectum : sed eo ipso, quod quis incidat in peccatum, dici non valet, quod retineat ullam conversionem in Deum finem ultimum dilectum super omnia ; cum potius quodlibet peccatum avertat a tali objecto, et fine : ergo, qui post contritionem incidit in grave peccatum, totaliter destruit contritionem, et subinde nullo modo conservat dolorem, et propositum circa majora peccata. Tum præterea, quia si dolor, et propositum contenta in antecedenti omnium peccatorum contritione, permanerent etiam commissa fornicatione in ordine ad alia peccata graviora, ut adulterium, etc. vel permanerent in se, vel in aliquo alio : et neutrum dici potest. Non primum, quia non habebant aliud esse in se, quam in contritione : et hæc adæquate destruitur per sequens peccatum mortale. Nec secundum, quia nec contritio, in qua ipsa includuntur, manet virtualiter in aliquo alio a se distincto : alias perfecta contritio formaliter exclusa per peccatum conjungeretur virtualiter cum ipso : et licet non justificaret formaliter, justificaret tamen virtualiter : quæ omnia sunt chymica, et plane contradictoria. Præterquam quod non est assignabilis ullus effectus, in quo profecto contritio, et dolor, ac propositum in illa inclusa, possunt virtualiter permanere in ordine ad graviora peccata.

Confirmatur : quia si in casu proposito dolor, et propositum imbibita in contritione perfecta de omnibus peccatis, etiam post subsecutam fornicationem permanerent in ordine ad adulterium, et alia graviora delicta, possent utique deservire pro sacramentali illorum absolutione, nec opus esset alio dolore, et proposito erga talia peccata : consequens est absurdum, et contra communem praxim confessariorum, et pœnitentium : ergo antecedens sustineri non potest.

Respondet Lugo negando sequelam : quia licet talis dolor, et propositum essent de se sufficiens dispositio pro sacramentali remissione illorum peccatorum magis gravium Evasio.

Rejici-
tur.

vium, in quæ referuntur, et pro quibus conservantur; aliunde tamen non sufficiunt absolute: quia dolor sacramento deserviens debet esse universalis erga omnia peccata gravia: hic autem supponitur, quod cessaverit dolor erga alia peccata mortalia minora. Sed minime satisfacit, nec ab objecto inconveniente declinat. Primo, quia perfecta contritio est dolor universalis de omnibus peccatis; sed perseverat dolor contritionis perfectæ in ordine ad peccata graviora; siquidem pro illis perseverant dolor, et propositum, quæ in contritione perfecta includuntur: ergo perseverat dolor universalis omnium peccatorum. Et oppositum dicere est petere principium, et procedere inconsequenter. Secundo, nam esto, quod non perseveret dolor universalis (si perseverat dolor) sed solum particularizatus ad illa graviora peccata: tamen pro minoribus posset elici alius dolor particularis juxta peculiares eorum deformitates, ut est frequens apud illum Auctorem doctrina: atque ideo dolor ex isto, et illo coalescens foret universalis, et adæquatus, qualem sacramentum requirit: ergo tribuendo singula singulis verificatur, quod pro remissione adulterii in sacramento, sufficit contritio, cui peccatum fornicationis succedit, ante quam ipse contritionis dolor supponebatur; et pro remissione fornicationis, et aliorum similium, aut inferiorum sufficiet attritio de eisdem peccatis ex particulari motivo juxta specialem eorum gravitatem concepta. Sed tunc superest illi Auctori declarandum, quis illorum dolorum sit pars essentialis illius sacramenti; aut quomodo ex contritione, et attritione, qui sunt actus essentialiter differentes, constituatur unus dolor, qui ex parte materiæ requiritur, et simul cum toto sacramento in ejus effectum influit. In quibus exponendis non minus ac in præcedentibus plura difficilia, aut etiam absurda occurrent.

DISPUTATIO VIII.

De Confessione sacramentali.

I. Contritionem, confessionem, et satisfactionem esse partes sacramenti pœnitentiæ, requisitas ex parte pœnitentis, sæ-

pius diximus, et supposuimus in hoc Tractatu, præsertim disp. 1, dub. 2, ubi statuimus essentialem compositionem hujus sacramenti ex pœnitentis actibus, et sacerdotis absolutione: et in observatione ad art. 2, quæst. 90, ubi Angelicus Præceptor resolvit quod « requiritur ex parte D. Thom. « pœnitentis, primo quidem voluntas re- « compensandi, quod fit per contritionem: « secundo, quod se subiciat arbitrio sacer- « dotis loco Dei, quod fit in confessione. « tertio quod recompenset secundum ar- « bitrium ministri Dei, quod fit in satis- « factione. Et ideo contritio, confessio, et « satisfactio ponuntur partes pœnitentiæ. » Quare ubi accessimus ad disserendum de his partibus in speciali, et quæ ad primam, nempe dolorem, in præced. disput. tradidimus; congruus ordo exposcit, ut immediate de secunda, scilicet confessione, sermonem aperiamus in præsentem, quem ordinem servavit D. Thom. in lib. 4 sent. observantque Discipuli Compilatores doctrinæ ibi traditæ in supplemento ad 3 part. nam postquam in primis quinque quæstionibus tradiderunt pertinentia ad dolorem, cœperunt in quæst. 6, immediate sequenti agere de confessione. Eundem itaque methodum convenienter observamus.

Sed ut quid nominis explicemus, et deveniamus ad proprium, determinatumque hujus disputationis subjectum, observandum est confessionem, si rigorem, et originem vocis attendamus, non aliud esse, quam locutionem cum altero: confiteri namque est simul cum aliquod fari, seu loqui. Unde juxta diversas materias, et respectus multiplex distingui valet confessio. Alia est cujuscumque veritatis; et sic pertinet ad virtutem veracitatis. Alia magis determinata est veritatum fidei, et spectat ad hanc virtutem, et de illa agit D. Thom. 2, 2, quæst. 3, et nos egimus cum S. Doctore Tract. 17, disp. 7. Alia est confessio judicialis, pertinens ad forum externum, et subinde ad justitiam, de qua agit Aristoteles 4 Ethic. cap. 7. Alia est confessio laudis, quam Deo deferimus ob ejus perfectionem, opera, et beneficia: et hæc pertinet ad virtutem religionis, et de ea frequenter loquitur Scriptura, ut Ps. 6: *Confiteantur tibi populi Deus.* Ps. 94. *Præ-* Ps. 6. Ps. 44. Matth. 11 Multipl
citas
confes-
sionis. *veniamus faciem ejus in confessione.* Matth.

Ps. 31.

11 : *Confiteor tibi Pater*. Alia denique, aliis omissis, quæ facile excogitari possunt, est confessio peccatorum, cum quis, nimirum sua peccata alteri exponit. Et hæc est duplex : nam alia est interior, quæ soli Deo fit, et vix distinguitur a contritione, juxta illud Ps. 31 : *Confitebor adversum me injustitiam meam Domino, et tu remisisti impietatem peccati mei*. Alia vero est confessio externa peccatorum : et hæc dupliciter fieri valet, primo cuilibet alteri personæ propter humilitatem, vel alios fines : secundo soli sacerdoti in ordine ad absolutionem, et remissionem eorundem peccatorum. Hæc autem, et in secunda acceptione, prætermisiss omnibus aliis, pertinet ad præsentem disputationem, quæ proinde merito inscribitur *De confessione sacramentali*.

D. Thom. diffinit. conf. sacrament.

Ut vero quid rei explicemus, possumus confessionem sacramentalem describere (diffiniri namque exacte non valet, cum sit ipsa quoddam complexum, et magis diffinitio, quam diffinitum) ex doctrina D. Thom. in supplem. quæst. 7, art. 1, Soto in 4, dist. 18, quæst. 2, art. 2, Præd. in tract. de confess. quæst. 1, dub. 1, et aliorum. « Est legitima accusatio de propriis peccatis facta sacerdoti ad obtinendum remissionem eorum per absolutionem. » In qua descriptione particula *accusatio* gerit vicem generis, in quo confessio convenit cum aliis accusationibus externis, quæ non sunt confessio sacramentalis, ut proxime explicuimus. Et non ponitur loco generis confessio ut sic : quia illud esset valde remotum, et melius explicatur diffinitum per genus magis immediatum. Tum, ut ea particula magis exprimeret modum confessionis sacramentalis, in qua homo manifestat peccata, ut reus, non ut de illis jactet, aut gloriatur, aut solam historiam narret, sed ut illa reprobans, et judicanda proponens. Additur *legitima* ad denotandum pro confessione sacramentali requiri aliquas conditiones (de quibus in hac disp. dicemus) ob quarum defectum soleat esse nulla. Subjungitur *de propriis peccatis*, quia hæc sola possunt esse materia ejus, ut ostendimus disp. præced. num. 88, et 93. Per illa autem verba, facta sacerdoti designatur iudex proprius in hac confessione, sive accusatione, qui debet esse sacerdos, et nullus alius a sacerdote.

Denique in ultimis verbis, *ad obtinendum remissionem eorum per absolutionem* significatur finis, et complementum confessionis sacramentalis. Et quibus constat, quam merito D. Thom. in supplem. quæst. 7, art. 3, collegerit confessionem istam esse actum virtutis, et pertinere determinate ad virtutem pœnitentiæ : observat enim quod quando supra virtutis objectum additur aliqua specialis ratio boni difficilis, ibi addenda est nova, et specialis virtus, sicut supra liberalitatem respicientem sumptus mediocres ponitur magnificentia respiciens magnos sumptus, et subjungit : « Similiter D. Thom. « est in confessione veri, quæ quamvis ad « veritatis virtutem pertineat absolute, « tamen secundum quod aliqua ratio boni « additur, ad aliam virtutem pertinere « incipit : et ideo dicit Philosophus in 4 « Ethic. quod confessio, quæ fit in judiciis, « non pertinet ad veritatis virtutem, sed « magis ad justitiam. Et similiter confessio « beneficiorum Dei in laudem divinam, « non pertinet ad virtutem veritatis, sed « ad virtutem Latriæ. Et ita etiam confessio peccatorum ad remissionem eorum « consequendam, non pertinet elicitive ad « virtutem veritatis, ut quidam dicunt, sed « ad virtutem pœnitentiæ. Imperative autem ad multas virtutes pertinere potest, « secundum quod in finem multarum virtutum trahi potest confessionis actus. » De hac igitur sacramentali confessione, et prout est in usu apud Catholicos, agendum est in præsentis disputatione, ac primo loco discutiendum occurrit

DUBIUM I.

Utrum confessio sacramentalis cadat sub præcepto divino?

2. Mirabitur quis, et non boni consulat, quod ab hac difficultate disputationem ordiamur : prius namque discutiendum videbatur, an sacramentalis confessio sit ex Divina institutione. Sed responsio est in promptu, quod prædictum dubium discussum, superatumque reliquerimus in priori hujus tract. parte, disp. 4, dub. 4, § 1, ubi statuimus Christum Dominum sacramentum pœnitentiæ instituisse, et § 2, assignavimus tempus prædictæ institutionis. Quare cum hoc sacramentum constet essentialiter confessione

confessione sacramentali, ut ostendimus in eadem disp. 1, dub. 2, probatum reliquimus, quod hic desiderari videbatur, nempe confessionem sacramentalem esse ex institutione Dei, et opus non habemus illud reproducere. Sed tamen ex institutione non statim sequitur, aut convincitur sacramentalem confessionem cadere sub præcepto divino: sunt enim non pauca, quæ Deus instituit, et tamen non obligamur, ex divino præcepto illa complecti. Sic enim status religiosus est ex institutione divina, ut cum communi sententia ostendimus Tract. 20, de prædicto statu, disp. 1, dub. 2, et non propterea obligamur præcepto divino illum profiteri. Sic etiam, ut exemplum rei præsentis proximius afferamus, Christus Dominus instituit aliqua sacramenta, ut Extremam-Unionem, et Ordinem; ad quorum tamen usum ex divino præcepto non obligamur. Non est itaque tanta connexio inter institutionem alicujus sacramenti, et præceptum illo utendi, ut istud debeat esse divinum, quia illa divina sit. Unde videmus Lutherum (quamvis ab hæreticis consequentia expectari non debeat) nunquam negasse poenitentiam esse vere sacramentum a Deo institutum, ut ex Roffensi observat Vasquez supra quæst. 81, art. 1, dub. 1, et tamen negavit divinum confessionis præceptum, ut referunt Castro contra hæreses verbo *Confessio*, et Præcolus in suo Elenclo, verbo *Lutherani*. Et hac de causa, ut putamus, Concilium Trident. postquam sess. 14, can. 1, decrevit: « Si quis dixerit in Catholica Ecclesia poenitentiam non esse vere, et proprie sacramentum... A Christo Domino nostro institutum, anathema sit; » quasi prævidens in his non comprehendi saltem explicite obligationem confessionis, adjecit can. 6 ejusdem sess. « Si quis negaverit confessionem sacramentalem vel institutam, vel necessariam esse jure divino, aut dixerit modum secrete confitendi soli sacerdoti, quem Ecclesia Catholica ab initio semper observavit, alienum esse ab institutione, et mandato Christi, et inventum esse humanum, anathema sit. » Ex quibus satis liquet; quod post discussionem primæ difficultatis pertinentis ad hujus sacramenti institutionem, quam præmisimus loco citato, alia superest discutenda circa

confitendi obligationem, quam in hoc dubio proponimus. Et nomine confessionis sacramentalis eam intelligimus, quæ in usu est apud Catholicos, qualem supra descripsimus, et de qua loquitur Tridentinum in canone immediato, secretam scilicet, et soli sacerdoti faciendam.

§ I.

Assertio, et propugnatio Catholicæ veritatis.

3. Dicendum est confessionem sacramentalem cadere sub præcepto divino, immediate imposito a Christo Domino: esseque proinde de necessitate salutis eorum, qui post susceptum baptismum prolapsi sunt in aliquod peccatum mortale. Posterior assertionis pars consequitur ad priorem, illamque declarat. Utraque autem est de fide, ut canon Concilii proxime relatus, et alia principia statim subjicienda palam evincunt: unde supervacaneum est Theologos particulares pro illa referre. Sed prætermitti pro majori explicatione non debet illorum Princeps B. Thomas, qui in 4, dist. 17, quæst. 3, art. 1, id statuit, et refertur in Supplem. quæst. 6, art. 1, his verbis: « Illa sacramenta, quæ ordinantur contra culpam, cum qua salus esse non potest, sunt de necessitate salutis. Et ideo, sicut baptismus, quo deletur originale, est de necessitate salutis, ita et poenitentia sacramentum. Sicut autem aliquis per hoc, quod baptismum petit, se ministris Ecclesiæ subjicit, ad quos pertinet dispensatio sacramenti; ita etiam per hoc, quod confitetur peccatum suum se ministro Ecclesiæ subjicit, ut per sacramentum poenitentia ab eo dispensatum remissionem consequatur: qui contra gratum remedium adhibere non potest, nisi peccatum cognoscat: quod fit per confessionem peccantis: et ideo confessio est de necessitate salutis ejus, qui in peccatum actuale cecidit. »

Probatur primo Scripturæ testimoniis, quæ ut evidentius rem demonstrent, congruum est illa introducere sub argumentationis forma in hunc modum. Qui est in statu peccati, tenetur jure divino poenitentiam de peccatis agere, et quærere reconciliationem cum Deo; sed remedium istud respectu peccatorum, post baptismum com-

Testimoniis
Scripturæ probatur.

missorum consistit in confessione omnium illorum sacerdoti facta : ergo prædicta confessio debetur ex jure divino, et cadit sub præcepto divino. Consequentia patet. Major autem, præter quam quod non negatur ab hæreticis, probata a nobis relinquitur in priori parte, disp. 4, dub. 1, et breviter probatur evidentibus Scripturæ

Matth. 3. testimoniis, Matth. 3 : *Pœnitentiam agite*,
Lucæ 13. et Luc. 13 : *Nisi pœnitentiam habueritis, omnes similiter peribitis*. Minor denique probatur : nam ex Christi Domini institutione sacerdotes legis evangelicæ constituti sunt judices cum ea potestate, ut sine illorum sententia nemo post baptismum lapsus reconciliari Deo, et purgari possit ; sed ipsi sacerdotes non possunt, ut judices recte procedere, et justam proferre sententiam sine cognitione peccatorum, quæ pœnitens eis in sua confessione exponat. Ergo remedium, quod pœnitentes habent respectu peccatorum post baptismum commissorum, consistit in confessione illorum facta sacerdoti. Cetera constant. Et major, quam negant hæretici, probatur ex Evan-

Matth. 16. gelio : nam Christus Matthæi 16, prædictam potestatem promissit Petro illis verbis : *Tibi dabo claves regni cœlorum, et quodcumque ligaveris super terram, erit ligatum et in cœlis, et quodcumque solveris super terram, erit solutum et in cœlis*. Quam promissionem, soli Petro factam, recognoscunt, vel ipsi hæretici accepisse Petrum, non, ut solus ipse uteretur clavibus, sed etiam, ut in earum potestate communicaret cum ceteris sacerdotibus. Deinde prædicta promissio facta est omnibus Apostolis, Matth. 18, illis verbis : *Quicumque*

Matth. 18. *alligaveritis super terram, erunt ligata et in cœlo : et quicumque solveritis super terram, erunt soluta et in cœlis*. Quo loco promittitur, et prædicatur potestas, quam omnes Apostoli, et eorum successores accepturi erant in ordine ab absolutionem, aut alligationem peccatorum. Denique Joann. 20, ipse Dominus Apostolis post Resurrectionem apparens dixit : *Sicut misit me Pater, et ego mitto vos. Hæc cum dixisset, insufflavit, et dixit eis, Accipite Spiritum Sanctum : quorum remiseritis peccata, remittuntur eis, et quorum retinueritis, retenta sunt*. In quo loco recensentur actualis traditio promissæ potestatis, et integra sacramenti pœnitentiæ constitutio, ac institutio. Constat

itaque ex Evangelio Christum Dominum suæ legis sacerdotibus eam dedisse potestatem, ut sine illorum sententia nemo post baptismum lapsus possit vere pœnitere, et Deo reconciliari. Istudque est solidissimum nostræ, et catholicæ assertionis fundamentum, cui ceteræ veritates huc concernentes superædificari debent, ut optime expendunt patres Concilii Tridentini sess. 14, cap. 5, dicendo : « Ex institutione sacramenti jam explicata uni-
« versa Ecclesia semper intellexit institu-
« tam etiam esse a Domino integram
« peccatorum confessionem, et omnibus
« post baptismum lapsis jure divino necessariam existere : quia D. N. Jesus-
« Christus e terris ascensurus ad cœlos
« sacerdotes sui ipsius vicarios reliquit
« tanquam præsides, et judices, ad quos
« omnia mortalia crimina deferantur, in
« quæ Christi fideles ceciderint, quo, pro
« potestate clavium remissionis, aut retentionis peccatorum sententiam pronuntiant. Constat enim sacerdotes judicium
« hoc, incognita causa exercere non potuisse : neque æquitatem quidem illos in pœ-
« nis injungendis servare potuisse, si in genere dumtaxat, et non potius in specie,
« ac sigillatim sua ipsi peccata declarassent. Ex his colligitur oportere a pœnitentibus omnia peccata mortalia, quorum post diligentem sui discussionem
« conscientiam habent, in confessione recenseri, etiam si occultissima illa sint,
« etc. »

4. Mirum est, quod subterfugia inventa fuerint ad subruendum, si fieri posset, vires hujus fundamenti. Et primo occurrit commune apud hæreticos Lutheranos, et Calvinistas, qui non negant in prædictis locis promitti, et dari Ecclesiæ potestatem ligandi, et solvendi, sive peccata remittendi, et retinendi : sed hanc potestatem non aliud esse dicunt, quam potestatem, et ministerium prædicandi pœnitentibus remissionem peccatorum, atque impœnitentibus iram, et condemnationem. Unde in summa dicunt sacerdotem, sive ministrum in hac re non esse judicem, sed Dei præconem, neque potestate, aut jurisdictione absolvere a peccatis, sed tantum annuntiare pœnitentibus indulgentiam ex parte Dei. Ita Calvinus lib. 3. Institut. cap. 4, § 18, et lib. 4, cap. 11, et § 1, Philipp. in Apolog.

Conc.
Trid.

Subterfugia
Lutheranorum,
et Calvin.

Calvin-
Philipp.
Kemnit.

Apolog. confess. Augustanæ art. de confessione, et in locis tit. de confessione, Kemnitius in 2 part. Examinis, cap. 5, de pœnitentia, et alii. Convulsa vero ex parte sacerdotum auctoritate, et jurisdictione, ut judicent, et absolvant, consequens est tolli ex parte peccatorum pœnitentium obligationem submittendi se sacerdotum sententiæ, ac perinde confitendi illis peccata de quibus judicant.

Rejici-
tur 1.

Sed istud hæreticorum effugium multipliciter præcluditur. Primo, quia violentiam infert verbis evangelii; claves enim non dantur ad significandum ostium esse apertum, vel clausum, sed ut re ipsa aperiat, aut claudatur. Unde cum in Apocal. cap. 3, dicitur de Christo: *Qui habet clavem David, aperit, et nemo claudit, claudit, et nemo aperit*, verus, et sincerus, et communis sensus est, non quidem quod Christus possit annuntiare absolutionem, vel condemnationem, aut declarare, quis sit ligatus, aut solutus; sed quod possit vera, et judiciaria auctoritate ligare, vel absolvere. Et hujusmodi clavem, sive potestatem illa significantem promisit, communicavitque Apostolis, et eorum successoribus tanquam sui vicariis. Deinde, ligare, et solve, non significant annuntiare, aut declarare, sed re ipsa vincula tollere, vincula injicere, aut injecta non auferre. Unde juxta hæreticorum sensum non debuit Christus dicere: *Quæcumque solveritis super terram erunt soluta et in cœlis*, sed, quæcumque solveritis, erant soluta et ita declarabitis prius soluta. Secundo, quia Patres Ecclesiæ verba Christi intellexerunt, non sicut hæretici: sed in sensu proprio, et obvio, sicut et nos unde

Secund-
do.

Aug.

Chris.

« principes vinculi potestatem, verum
« corporum solum. Id autem, quod dico,
« sacerdotum vinculum, ipsam etiam ani-
« mam contingit, atque ad cœlos usque
« pervadit, usque adeo; ut quæcumque
« inferne sacerdotes confecerint, illa ea-
« dem Deus superne rata habeat, ac servo-
« rum sententiam Dominus confirmat...
« Quorumcumque, ait, peccata retinueri-
« tis, retenta sunt. Quænam, quæso, po-
« testas hac una major esse queat. » Eodem
modo loquuntur, et accipiunt Christi verba
D. Ambros. lib. 1, de pœnit. cap. 2, et c. Tertio.
7, D. Hieron. in epist. ad Heliodorum de
vita solitaria, D. Greg. hom. 26, in Evang.
et alii passim Patres. Tertio, quia si præ-
dicta verba non aliud significant, quam,
quod dicunt hæretici, potestatem, videlicet,
annuntiandi pœnitentibus remissionem
peccatorum, et non pœnitentibus damna-
tionem, et iram; prædicta verba directa
fuissent non solum ad Apostolos, et eorum
successores, sed etiam ad laicos, et fœmi-
nas: sunt enim capaces illa annuntiandi:
adque ideo de illis etiam vere diceretur:
*Quorum remisistis peccata, remittuntur eis
quorum retinueritis, retenta sunt*: conse-
quens est absurdum, et contra perennem,
et antiquissimum sensum Ecclesiæ: ergo
verba Christi non illud significant, sed
auctoritatem, potestatemque Apostolis, et
sacerdotibus datam, ut de peccatis post bap-
tismum commissis judicent, vel ea dimit-
tendo, vel retinendo. Nec in hoc amplius
suadendo immoramur: nam talia verba
continere sensum a nobis assertum, est etiam
de fide, ob diffinitionem Concilii Tridentini
sess. 14, can. 3: « Si quis dixerit verba illa
« Domini Salvatoris, Accipite Spiritum
« Sanctum: quorum remisistis peccata,
« remittuntur eis, et quorum retinueritis,
« retenta sunt, non esse intelligenda de
« potestate remittendi peccata in sacramento
« pœnitentiæ, sicut Ecclesia catholica ab
« initio semper intellexit: detorsit au-
« tem contra institutionem hujus sacra-
« menti ad auctoritatem prædicandi Evan-
« gelium, anathema sit. » Unde circa le-
gitimam intelligentiam prædictorum ver-
borum quantum ad rem præsentem nulla
deinceps potest esse inter catholicos contro-
versia.

D. Amb.
D. Hier.
D. Greg.
Tertio.

Conc.
Trid.

5. Verum enim vero aliud effugium oc-
currit, hæreticis quidem commune, et non

2 Effug.

Occurrit
evasion.

paucis catholicis familiare, quo dehiscere videntur nostri fundamenti vires. Admisso namque, quod Christus concesserit Apostolis potestatem absolvendi a peccatis, et consequenter judicandi de peccatis, quæ fideles eis in confessione exposuerint, ut ex propositis, et expensis Evangelii testimoniis evincitur: inde non sequitur, nec convincitur fideles obligari jure divino ad confitendum sacerdotibus peccata; sed solum ex suppositione, quod velint eis se submittere ad consequendum peccatorum remissionem per illud medium, quam alias possunt per alia consequi; v. g. per contritionem. Nec satisfacit, qui dicat, sacerdotes, si res ita se haberet, non posse vere appellari iudices pro remissione peccatorum: quia iudex meus non est, cui, si volo, manifesto mea delicta, et apud quem non teneor aliquid facere, quam quod volo. Id, inquam, non satisfacit: nam istud iudicium potuit institui, potestque fieri in favorem pœnitentium, ut si velit frui sacerdotis absolutione, illi causam, et relationem suorum peccatorum submittat, illique in satisfactione injuncta ex potestate clavium obediat. Idque exemplo peccatorum venialium efficaciter fulciri, ac explicari valet: habent enim sacerdotes potestatem ex clavibus illa remittendi: et tamen pœnitentes nullo jure obligantur illa in confessione sacerdotibus referre, sed possunt pro eorum deletionem ad alia media recurrere: at si voluerint, queunt sacerdotes adire, et ab eis sacramentaliter absolvi: quid ergo vetat, ut in mortalibus idem contingat?

Alii
evasioni
occurritur.

Nec iterum satisfacit, si dicatur inde fieri, quod sacerdotes pro remissione mortalium non sint iudices ordinarii, sed arbitrarii; arbiter enim est, qui solum judicat ex potestate, quam sibi deferunt partes a quibus eligitur iudex in eorum causa, ut constat ex cap. *Sane*, de Arbitris. Id autem dicere est omnino absurdum, quia potestatem judicandi, et dimittendi peccata, quam habent sacerdotes, non acceperunt, nec accipiunt a pœnitentibus, aut cum illis conventionem; sed immediate a Christo Domino. Id, inquam, non satisfacit, nec obturat intentatum effugium: quoniam in tali eventu, si vim non ponamus in vocibus, sacerdotes non vocarentur iudices arbitrarii, vel quia acciperent iudicandi

potestatem a pœnitentibus, vel quia non haberent potestatem ordinariam a Christo, vel delegatam ab Ordinariis; sed ex eo præcise, quod subjectio pœnitentium sacerdotibus in manifestando illis peccata, penderet ex ipsorum pœnitentium arbitrio, qui voluntarie, id est, absque præcepto ad id obligante vellent uti remedio a Christo instituto remissionis culparum per sacerdotum absolutionem. Quod etiam facile explicatur exemplo jam proposito venialium, in quibus absolvendis procedit sacerdos ex potestate non accepta a partibus, sed ut iudex ordinarius, et per acceptam a Christo potestatem: quo non obstante in arbitrio pœnitentium positum est, quod peccata venialia confiteantur sacerdoti, et ab illo iudicium, sententiam, et absolutionem expectent. Idem itaque dici potest de confessione mortalium: et consequenter testimonia non extorquent, quod intendimus.

6. Propter hæc, et alia, quæ, ut non necessaria, omittimus, non defuerunt viri catholici, qui licet non negaverint confessionem mortalium esse de jure divino, aut cadere sub divino præcepto; negarunt tamen id convinci ex relatis testimoniis, et præsertim illo, quod magis expendimus, Joannis 20. Sic senserunt Scotus in 5, ^{Scotus.} Medina ^{Medina} dist. 17, qu. 1, § *In ista questione*, Cajetanus in illa verba Joan. 20: *Accipite Spiritum Sanctum, quorum remisistis peccata, etc.* Medina Complutensis codice de Confessione, quæst. 2, Gabriel in 4, dist. 17, quæst. 1, art. 1, circa finem, et alii. Qui aliqua ratione excusari possunt, quod scripserunt ante Concil. Tridentinum, in quo magis, quam in aliis doctrina ad claves, pœnitentiam, et confessionem pertinens clarissime tradita est, ut propterea, qui modo negaret, vel confessionem mortalium cadere sub præcepto divino, vel hanc obligationem non erui ex loco Joan. 20 hæresis, aut notissimi, et gravissimi erroris argueretur. Quod demonstratur conjungendo duo Concilii loca sub hac forma. Eo modo intelligendum est testimonium Joannis in ordine ad remissionem peccatorum in confessione sacramentali, quo illud intelligit, intellexitque Ecclesia catholica; sed hæc intelligit, intellexitque non solam potestatem clavium ex parte sacerdotum, sed etiam obligationem ex parte peccatorum submittendo

submittendo suas culpas clavibus sacerdotum : ergo prædictus locus Joannis ita est intelligendus : et consequenter conari ad alias intelligentias, et subterfugia nequit modo fieri absque notorio errore, aut etiam hæresi. Utraque consequentia patet ex præmissis. Major etiam constat ex verb. Conc. can. 5, jam cit. « Si quis dixerit verba « illa Domini Salvatoris, Accipite Spiritum « Sanctum, quorum remisistis peccata, « remittantur eis, et quorum retinueritis, « retenta sunt, non esse intelligenda « de potestate clavium remittendi, et retinendi peccata in sacramento pœnitentiæ, « sicut Ecclesia catholica ab initio semper « intellexit... Anathema sit. » Minor etiam constat ex eodem Concilio eadem sess. 14, cap. 5, ubi docet : « Ex institutione sacramenti pœnitentiæ jam explicata universa « Ecclesia semper intelligit institutam « etiam esse a Domino integram peccatorum confessionem, et omnibus post baptismum lapsis jure divino necessariam « existere. » Et statim præsentia habens testimonia a nobis producta, et præsertim Joan. 20, quæ in margine recensentur, subjunxit : « Quia D. N. Jesus Christus e « terris ascensurus ad cœlos sacerdotes sui « vicarios reliquit tanquam præsidēs, et « judices, ad quos omnia mortalia crimina « referantur, in quæ Christi fideles ceciderint, etc. » Ex quibus satis constat Ecclesiam in ea sacra synodo congregatam declarare, quod ita sentiat, et senserit. Et quamvis id possemus amplius exornare, et fulcire diversis exemplis, sufficere vel unum producere in persona Petri Oxoniensis, qui doctrinam propositam subterfugiens admittebat in sacerdotibus potestatem clavium ad remittendum peccata sibi confessa ; et tamen ex alia parte negabat in pœnitentibus obligationem subiiciendi peccata clavibus Ecclesiæ : existimabat enim dilui sufficienter per contritionem independentem a subordinatione ad illas, ut constat ex Extravangati Sixti IV, condemnantis varias hujus Petri propositiones, quarum prima est : « Peccata mortalia « quantum ad culpam, et pœnam alterius « sæculi delentur per solam cordis contritionem sine ordine ad claves. Secunda ; « Confessio peccatorum in specie fuit ex « aliquo statuto universalis Ecclesiæ, non « de jure divino. » In doctissimo etiam

Soto in 4, dist. 18, quæst. 1, art. 1, post 3, conclus. legimus : « Ætate nostra de « eodem errore damnatus fuit quidam Hispanicus, vir alias insignis. » Putamus loqui de damnatione per S. Inquisitionis Tribunal ; sed quis ille fuerit, nescimus.

7. Ex quibus omnibus satis efficaciter concluditur eam, quam asserimus, catholicam veritatem contineri in testimoniis pro eadem stabilienda relatis, aditumque præcludere proposito subterfugio. Et ut magis impediatur, premamus amplius relata testimonia, et præsertim illud ex Joanne relatum : *Quorum remisistis peccata remittuntur eis, et quorum retinueritis retenta sunt* : ex eis namque recte expensis suapte natura fluit sensus catholici assertus, et præceditur omnis ab illo fuga. Sed attendi debet, ut id assequamur, non solum ad priora verba : *Quorum remisistis peccata, remittuntur eis*, ex quibus omnes Catholici probati concedunt potestatem clavium in sacerdotibus ad absolvendum a peccatis sibi confessis ; sed etiam ad immediate sequentia : *Et quorum retinueritis, retenta sunt* : ex eis namque convincitur in peccatoribus esse obligationem submittendi sua peccata potestati sacerdotum per confessionem, quod aliqui Catholici negarunt, aut revocarunt in dubium, occasionemque dederunt evasioni propositæ, per quam firmior ex Evangelio pro nostra assertione probatio dissipari videbatur. Attendi ulterius debet in illa contrapositione, quam Christus, dum potestatem dabat, repræsentavit, secundam propositionem reddere sensum primæ contrarium in eadem materia, licet vocibus aliquantulum diversis. Perinde namque fuit dicere, *Quorum remisistis peccata, remittuntur eis, et quorum retinueritis retenta sunt*, ac dicere : *Quorum remisistis peccata, remittuntur eis ; et si non remisistis, non remittuntur eis : vel alio modo, si remisistis peccata, remittuntur : et si non remisistis, non remittuntur : vel alio modo, si dederitis sententiam absolutionis, remittuntur peccata ; si vero negaveritis, aut suspenderitis absolutionem, retenta erunt*. Hic plane apparet esse sincerus, ac legitimus eorum sensus, et eo supposito arguitur efficaciter ex prædicto testimonio confutando adhibitam responsionem : quoniam, si, ut illa intendit, ex parte pœnitentium

non daretur obligatio, sed sola libera facultas confitendi sua peccata sacerdoti, et utendi beneficio clavium, falsificaretur sensus verborum Christi; consequens est hæreticum: ergo et antecedens. Probat sequela: quia in tali casu licet sacerdotes haberent potestatem absolvendi a peccatis sibi voluntarie, id est, sine ista confitendi obligatione, confessis: quod posset verificare primam verborum Christi partem: tamen non haberent sacerdotis potestatem retinendi, seu non remittendi hominum peccata; quippe cum isti possent alio medio ab illis solvi, omisso confessionis, et subjectionis ad claves remedio; idque, quantumcumque sacerdotes facerent, et uti potestate sibi data conarentur, impedire minime possent. Falsificaretur ergo illa posterior pars verborum Christi: *Et quorum retinueritis, retenta sunt*: quia sacerdotibus non absolvantibus, quin retinentibus, et retinere conantibus, liberarentur homines a peccatis, subtrahentes se ab illorum confessione. In illis itaque verbis expressit Christus non solum potestatem clavium in sacerdotibus, sed etiam obligationem illi se subjiciendi in peccatoribus.

Nec contra hanc explicationem, et discursus est, quod peccator possit justificari per contritionem: quia quamvis hæc possit elici antecederet ad confessionem, et sententiam sacerdotis, non tamen independentem ab illis: includit namque de facto omnis vera contritio votum, sive propositum adimplendi Divinum præceptum confitendi peccata, et obediendi sententiæ sacerdotis: et ubi homo id non facit, quando potest, et debet, iterum illigatur peccato. Idque declaratur exemplo baptismi, ante cujus susceptionem exercitam potest denuo justificari per contritionem; sed non sine baptismo in voto, quide jure Divino est medium necessarium ad salutem; quod votum, sive propositum tenetur homo, cum potest, ad exercitium reducere. In quo magis explicando non immoramur, quia illi operam dedimus ex professo in priori parte, disp. 4, dub. 1, ubi statuimus sacramentum pœnitentiæ esse necessarium ad salutem necessitate medii, et præcepti Divini. Nec ulterius contra præmissam doctrinam refert exemplum peccatorum venialium, quo opposita

Evasio n. 5 se declarare, et protegere satagebat: quoniam sacramentum pœnitentiæ institutum est pro remedio hominis post baptismum lapsi, et ad reparandum deperditam justitiam: unde merito a Patribus appellatur secunda tabula post naufragium. Peccata autem levia non constituunt hominem lapsum, nec illum justitia spoliant, sed compatiuntur cum gratia. Quare non sunt materia necessaria hujus sacramenti, sed possunt remitti omnino independentem ab illo, ut si homo statuens illa non confiteri, uteretur aliis remediis pro eorum remissione obtinenda, ut contritione. Sunt tamen materia sufficiens sacramenti pœnitentiæ, ut constat ex disp. præced. num. 88 et 132, et propterea licet homo nullo præcepto teneatur illa subjicere clavibus Ecclesiæ; potest nihilominus voluntarie ipsa subjicere, et mediante sacramento pœnitentiæ consequi eorum remissionem, sicut per alia media arbitraria. Unde potestas clavium ad illa licet minus principaliter se extendit ex suppositione libera pœnitentis volentis illa submittere. Sed hoc exemplum nequit peccatis mortalibus adaptari ob oppositam rationem: quia in ipsa collatione significavit Christus retineri, seu non remitti, retinentibus, seu non remittentibus sacerdotibus.

8. Occurrunt præterea alia plura ejus-^{Ratio 2}dem catholicæ veritatis fundamenta; quæ nec expendere pro meritis possumus; cum diffusior præsentis rei consideratio magis pertineat ad Theologiam Dogmaticam, quam ad Scholasticam, cui incumbimus: nec par est cuncta omnino suppressere, et lectorem sine illa notitia relinquere, quæ illum saltem ducat in ea loca, ex quibus possit argumenta pro hac veritate contra hæreticos eruere. Propterea aliqua insinuabimus, et secundum in ordine sumitur ex variis testimoniis veteris testamenti, quæ late, et docte expendit Bellarm. lib. 3, de pœnit. c. 3, et possumus in unum colligere sub hac arguendi forma: Ea, quæ fiebant in veteri lege, figura erant eorum, quæ fiunt in lege Evangelica, ut docet Apostolus 1, ad Corinth. c. 10; sed in lege veteri erat confessio peccatorum in specie coram legitimo ministro: ergo præfigurabat confessionem peccatorum in specie, et coram sacerdote futuram in lege Evangelica, et quidem tanto

Bellarm.

Apostol. 1. ad Corinth. 10.

tanto exactiorem, ac perfectiorem, quanto res figurata figuris præstat. Major, et consequentia patent. Minor autem, quam multis locis probat Bellarmin. ostenditur satis efficaciter, aliis prætermis-
Num. c. 5.

« Vir, sive mulier, cum fecerunt ex omnibus peccatis, quæ solent hominibus accidere, et per negligentiam transgressi fuerint mandatum Domini, atque deliquerint, confitebuntur peccatum suum. »

Levi. c. 5. Et idem reipsa significatur Levit. c. 5, ubi pro diversis peccatis assignantur diversæ satisfactiones mediis diversis oblationibus, et sacrificiis, quæ qualiter, et diversitatem peccatorum manifestabant, idque erat non solum expressa, sed publica illorum peccatorum confessio, ut cum pro peccato in juramento dicitur : « Agat pœnitentiam pro peccato, et offerat de gregibus agnam, sive capram, etc. Si peccaverit per ignorantiam, offerat arietem immaculatum, etc. » et sic de aliis peccatis.

emnit. Unde refellitur Kemniti-
 examin. dicens eam veterum confessionem solum fuisse in genere, non autem in specie, et expressis circumstantiis, ut modo catholici facimus : unde ab exemplo confessionis peccatorum in veteri lege, nihil convincere possumus pro confessione in specie, et numero peccatorum. Refellendus, inquam, est ; nam esto, in veteri lege non fieret confessio peccatorum, nisi in genere, ut ipse vult ; ex hoc tamen ipso suadetur confessionem in lege gratiæ debere esse perfectiorem, atque ideo exactiorem in specie, et numero peccatorum : sicut generale est pertinentia ad legem Evangelicam, et præfigurata in antiquis esse suis figuris simpliciter perfectiora. Sed aliunde, quod Kemniti-
vasio refellitur.
 assumit, penitus negari debet : quia oppositum constat tum ex Levitici loco, ubi pro diversitate peccatorum præcipiuntur diversæ oblationes, et hæc satis manifestabant conditionem, sive speciem peccati, in quod pœnitens inciderat, quin opus esset id verbo exprimere. Tum etiam, quia in hoc sincero, et decurrenti sensu dixit Ecclesiasticus cap. 4 illius gentis homines exhortans, et ad præceptum propositum in locis relatis alludens : *Non confundaris confiteri peccata tua.* Nam manifestum est erubescerentiam, et confusionem non timeri

in confessione, quæ vel soli Deo, vel de solis peccatis in genere homini fit, qualem Lutherani exercent ; sed de sola, quæ fit homini in specie, numero, et circumstantiis, ut ipsa experientia liquet : nemo enim veretur dicere se esse peccatorem, vel repræsentare Deo peccata, quæ ipse videt ; sed tota difficultas est in descendendo ab illa generalitate ad dearticulatam omnino peccatorum revelationem aliis faciendam : ad hanc itaque hortabatur Ecclesiasticus homines populi sui. Tum præterea, quia hanc fuisse, et esse consuetudinem Judæorum constat ex testimoniis Rabinorum, quæ refert Galatinus lib. 10, cap. 3. Quin Galatin. Wald. Venerabilis, et Sapientissimus N. Thomas Waldensis lib. 2, de sacramentis cap. 37, testatur se, cum in Austria esset, hanc ab ipsis Hebræis cognovisse eorum consuetudinem, confitendi scilicet peccata in specie, et cum circumstantiis. Et D. Ant.
D. Ant. Antoninus 3 par. tit. 14, cap. 6, § 1, affirmat Judæos sapientiores solere ante mortem confiteri omnia peccata Levitæ alicui, si reperiant, et ad se adducere possint. Unde facilius contigit, quod Evangelistæ referunt ad prædicationem Joannis Baptistæ plures Judæorum conversos fuisse ad pœnitentiam, et confessos peccata sua : nec enim tunc institutum fuerat a Christo sacramentum pœnitentiæ, Matth. cap. 3 : *Tunc exibat ad eum Jerosolyma, et omnis Judæa, et omnis regio circa Jordanem, et baptizabantur ab eo in Jordane confitentes peccata sua.* Marc. 1 : *Et baptizabantur ab illo in Jordanis flumine confitentes peccata sua.* Ad quam peccatorum confessionem facilius adduci potuerunt, quod illis erat familiaris secundum legem, et consuetudinem gentis.

Quæ forte moverunt N. Waldensem, ut Wald. lib. cit. cap. 40, dixerit confessionem non fuisse a Christo in præcepto positam : nec enim opus illi erat, ubi confessio peccatorum supponebatur præcepta in lege, et recepta in usu. Quod aliqui Juniores carpunt in venerabili Doctore, et hæreticorum flagello, a quo ipsi hauriunt ; sed carpunt omnino immerito : quia Waldensis non negat, quod Christus instituerit sacramentum pœnitentiæ cum confessione peccatorum essentiali ejus parte : nec enim prius illa apud antiquos confessio erat, vel sacramentum, vel pars sacramenti. Sed solum asseruit Christum supposuisse præ-

ceptum confessionis, et addidisse alia, quæ ipsi deerant: per quod aperte significat potestatem clavium ex parte sacerdotum, promissionem gratiæ ex opere operato, obligationem ex parte pœnitentium subi-
ciendi sua peccata clavibus, et denique ex parte confessionis majorem exactionem in recensendo peccata, quam olim fuerat. Quæ omnia sunt plane catholica, et indigna reprehensione, sicut illi non subiacet, qui affirmat Christum non instituisse matrimonium, quippe quod ante Christum supponebatur: sed instituisse matrimonium in ratione sacramenti conferentis gratiam ex opere operato, quod antea matrimonium non habebat. Et hæc satis sit attigisse in hoc assertionis fundamento.

3. Pro-
batur
conclus.
ex
Conc.

9. Tertium consistit in doctrina Conciliorum a tempore antiquissimo decernentium confessionem non præcise peccatorum in genere, aut soli Deo factam, quam solam hæretici admittunt, sed etiam in specie, et circumstantiis, atque faciendam sacerdoti, quam hæretici negant. Nam in Concilio Laodicensi ante annos MCC celebrato, can. 2, dicitur: « His, qui diversorum » peccatorum lapsus incurrunt, et instant » orationi, confessioni, ac pœnitentiæ, ma- » lorum suorum perfectam conversionem » demonstrantes, pro qualitate peccati » tempus pœnitentiæ tribuendum est. » Nequit autem pro qualitate peccati decerni tempus pœnitentiæ, nisi cognito ipso peccato in specie, et circumstantiis; sic igitur jam tunc sub confessione cadebat.

Concil.
Carthag.

Concilium Tertium Carthaginense ante M CC annos statuit, can. 31. « Ut pœni- » tentibus secundum peccatorum differen- » tiam, Episcopi arbitrio pœnitentiæ tem- » pora decernantur. » Quod fieri non potuit absque causæ cognitione, et peccatorum manifestatione in specie. Concilium Cabilonense secundum ante annos CM decrevit can. 32: « Solerti indagine debent » inquiri ipsa peccata, ut ex utrisque plena » sit confessio, scilicet, ut et ea confitean- » tur, quæ per corpus gesta sunt, et ea, » quibus in sola cogitatione delinquitur. » Quæ nequeunt per confessionem revelari, nisi illa detegendo in specie. Similiter in Concilio Turonico circa idem tempus celebrato legitur cap. 22: « Episcopis, et » Presbyteris diligenti cautela tractandum » est, qualiter hominibus sibi sua delicta

Conc.
Cabilon.

Conc.
Turon.

« confitentibus tempus abstinendi adscri- » bant. » Quod etiam exposcit peccatorum in speciali notitiam. Concilium Wormaciense celebratum anno 868, statuit cap. 25: « Pœnitentium secundum peccatorum » differentiam sacerdotis arbitrio pœniten- » tiæ decernuntur. Debet itaque sacerdos » in pœnitentia danda singulorum causas » singulatim considerare, etc. » Nequit autem sacerdos circa hæc considerare, et sine errore decernere, nisi peccatores sinus conscientiæ in confessione aperiant, et species, ac numerum peccatorum exponant. Et idem prorsus docent, ac decreverunt (ut prolixitatem repetendieadem fere verba vitemus) sexta Synodus can. 102. Concilium Africanum can. 12, Concilium Cabilonense primum can. 8, Remense can. 12 et 16, Moguntinum cap. 26, et alia. Nec momenti erit, si Hæretici dicant in nullo horum Conciliorum dici, quod Confessio sit juris Divini, aut cadat sub Divino præcepto. Nam licet id expresse non dicant; tamen manifestant antiquissimam consuetudinem, et obligationem confitendi sacerdotibus: et consequenter non obscure significant rem hanc esse a Deo præceptam. Tum, quia in nullo istorum Conciliorum, vel unquam indicatur, vel insinuat alia origo talis obligationis. Tum, quia, cum tale præceptum sit valde arduum, incredibile, et inverisimile apparet, vel pastores illud imposuisse hominibus, vel hos illud admisisse, si putarent per peccatorum confessionem factam, vel generatim, vel solo Deo, se posse ab illorum onere liberari, Huic fundamento immensum robur accessit ex Conciliis Generalibus eandem veritatem expressius diffinientibus, Lateranensi cap. 21, Constantiensi sess. 8, Florentino in instructione Armenorum, et Tridentino locis supra relatis, et per totam sess. 14. Et quamvis Hæretici illa contemnant, ut moderniora, iniquissime tamen in hoc procedunt; cum ex una parte eandem auctoritatem assistentiamque Dei habuerint, ac antiquiora: et ex alia fidem, et doctrinam statuerunt consonam eisdem antiquis Conciliis, et Ecclesiæ, quæ præcesserat, ut magis constabit ex immediate dicendis.

Wormac.
Concil.

Conc.
Lateran.
Concil.
Flor.
Trid.

10. Quartum itaque ejusdem assertionis fundamentum, quo præcedens magis fulcitur, stat in perpetua Ecclesiæ traditione, Eccles.
ex trad.
probatur
Conclus.

de

de qua nobis certo constat per testimonia Sanctorum Patrum, qui ab initio ipsius Ecclesiæ floruerunt, et usum confessionis secretæ, sive confessario faciendæ luculenter, tradunt, repetunt, et inculcant. Sed prolixum nimis esset nos singula illorum loca producere, eorumque formalia verba referre; et magis de recensemus Lectorem remittere ad Bellarminum, qui egregiam illi Bellarm. navavit operam lib. 3, can. 6, cum sequent. ubi discurrens per Patres, qui a Christi anno C, usque ad tempora Innocentii Tertii, et Concilii Lateranensis floruerunt, proferensque illorum verba erudite ostendit eos sensisse, ac docuisse id ipsum, quod a tempore Innocentii, et modo Ecclesia Catholica docet. Sed quamvis aliorum testimonia non recitamus, omittenda non duximus aliqua loca D. Joannis Chrysostomi ob speciale motivum, quod num. 15 occurrit. Et in primis revocanda in mentem sunt verba tanti Doctoris, ex lib. 3, de Sacerdotio, quæ dedimus num. 4, et eis deinde addenda, quæ eodem lib. subiungit: « Corporis lepram purgare (sed Chrys. « verius dicam haud purgare quidem, sed « purgatos probare) judæorum sacerdotibus « solis licebat: neque nescitis, quanta cum « ambitione, quanto studio, et concertatione « sacerdotalis dignitas id temporis acquire- « retur. At vero nostris sacerdotibus non « corporis lepram, verum animæ sordes, « non dico, purgatas probare, sed purgare « prorsus concessum est. » Qua vero ratione poterunt eas, vel purgare, vel purgatas ostendere, nisi illas cognoscant? Et quomodo cognoscant animæ sordes, quæ internæ sunt, nisi pœnitentes illas sibi manifestent per confessionem? Sicut ergo olim iudicium de lepra corporali pertinebat ad sacerdotes, et leprosi tenebantur eorum iudicio, ac declarationi se submittere: ita juxta Chrysostomum iudicium de lepra spirituali ad sacerdotes nostros spectat, et peccatores debent ipsis sua crimina confiteri, ut purgentur, et purgati probentur: quod minime fieri valet absque manifestatione prædictorum criminum in specie. Quod palam significavit idem Chrysostomus eodem opere lib. 2, dicens: « Multa quidem arte opus est, ut qui laborant Christiani, ultro sibi persuadeant « sacerdotum curationi sese submittere « oportere, » nempe ut curentur. Id vero

non procurat, qui ulcera tegit: nam, quæ ignorat, non curat medicus. Sentiebat itaque Chrysostomus Christianos infirmos debere suis spiritualibus medicis sacerdotibus manifestare morbi qualitatem, quod sola fit confessione peccatorum in specie. Unde subdit: « Equidem plures recensere « possent, quos constat in extrema mala « adductos, non ob aliud, nisi quod digna « ab eis pœna, et quæ peccatis perpetratis « par esset, exigeretur. Neque enim teme- « re ad delictorum modum oportet, et « multam adhibere: sed tanquam con- « turis quibusdam explorandus est animus « delinquentium, etc. » Quibus verbis desiderat, commendatque in sacerdotibus discretionem pro injungendis pœnitentiis, ut scilicet rationem habeant non solius multitudinis, aut gravitatis culparum, sed etiam infirmitatis, aut debilitatis delinquentium. Nihil autem horum fieri valet absque diligenti, et accurata ipsorum confessione, ut ex se liquet. Denique ipse Chrysosto- D. Chrys. mus, ut alio modo ejus testimonia non recenseamus, homil. 30, in Genes, meminit confessionis peccatorum, quæ in Hebdomada sancta fieri solebat: « Quia, inquit, « in magnam hanc hebdomadam pervenimus, Dei gratia nunc maxime, et jejunii « cursus intendendus, et magis continuanda sunt preces; faciendaque diligens, et « pura confessio peccatorum. » Ad quam consuetudinem etiam alludit D. Gregor. D. Greg. Nissen. Nissenus, et ipse insignis Doctor inter Patres Græcos, et Chrysostomo antiquior, cum in epist. Canonica ad Episcopum Mitylen, cap. 1, (reperitur tom. 1 Biblioth. SS. Patrum) agens de Festo Paschæ, et diebus ei proximis inquit: « Recte habuerit, si hodierno die non solum eos, qui « ex regeneratione per lavacri gratiam « transmutati sunt, adducamus: sed eos « etiam, qui per Pœnitentiam, et Confessionem a mortuis operibus ad viventem « vitam ascendent, ad viventem spem tantam manu ducemus, a qua per peccatum « alienati sunt. » Ubi duo remedia, duo sacramenta recenset: Baptismum, quo homines primo regenerantur ad gratiam; et confessionem, sive pœnitentiam, quibus ad gratiam reparantur, a qua post Baptismum peccando exciderant.

11. Ex qua Patrum consensione forma- Confir-
matio. tur idem argumentum, quod num. 9 jam

proposuimus : nam ut optime advertit, D Aug. docuitque D. August. 4 de Baptismo, cap. 24 : « Quod universa tenet Ecclesia, nec a « Conciliis institutum, sed semper retentum est, non nisi auctoritate Apostolica « traditum rectissime creditur ; » sed universa Ecclesia tenuit, ac tenet necessariam esse confessionem sacramentalem his, qui post Baptismum in mortalia labuntur, ut constat ex testimoniis Patrum ab initio ipsius Ecclesiæ. Idque ipsi non revocant, nec revocare potuerunt in decretum alicujus Concilii, quippe eorum non pauci sunt adeo antiqui, ut Irenæus, Tertullianus, Origenes, Cyprianus, quod antecesserint tempore non solum primi Concilii generalis, nempe Niceni, sed etiam omnium aliorum Conciliorum Provincialium, in quibus ulla mentio confessionis occurrat. Credendum itaque rectissima ratione est institutionem confessionis sacramentalis emanasse immediate a Christo Domino, et per Apostolos illius usum, et obligationem communicatum Ecclesiæ fuisse.

Con-
gruentiæ

Porro rationes ad hanc veritatem firmandam non addimus : quoniam juxta qualitatem materiæ unica, et tota ejus ratio est voluntas Dei, de qua certo nobis constat per media, et fundamenta hactenus proposita. Si quis vero supposita institutione, desideret congruentiæ rationes, non paucas inveniet, et eam præcipue, quæ desumitur ex insignibus utilitatibus, quæ ex confessione sacramentali, ejusque præcepto resultant ; sive ad Deum, sive ad sacerdotes, sive ad pœnitentes attendamus. Nam ex parte Dei relucet, tum misericordia non extorquendo ad instar judicum sæcularium publicam peccatorum confessionem, ut reos confessos damnent ; sed potius se gerendo per modum medici, ut exposita in secreto vulnera, continuo curet. Tum etiam justitia, qua peccatoris superbia confusione scelerum humiliatur, et impudentia rubore confessionis confunditur. Sacerdotibus autem, et pastoribus ingens ex confessione ovium bonum accrescit : cognitis namque eorum morbis, melius possunt eis consiliare, et oportuna remedia adhibere. Pœnitentes vero maximas ex confessione utilitates lucrantur, illam præsertim, quod liberati a peccatis in gratiam, et amicitiam Dei restituuntur ; et insuper consolationem, instructionem,

libertatem a præteritis delictis, et remedium contra futura. Denique in Ecclesiam, et totam Rempublicam Christianam plurima bona ex Sacramentali fidelium confessione redundant : plurimi enim excessus, quos nec judices, nec ipsi Reges in foro externo emendare possent, per sacerdotes in foro conscientiæ facile, et suaviter compescuntur, dissolvuntur contractus injusti, restituuntur ablata, conciliatur pax, dimittuntur injuriæ, tolluntur scandala, aliaque plurima commoda bono publico proveniunt. Id quod, et opposita damna experti sunt ipsi, qui a Luthero, et discipulis decepti Germaniæ cœperunt parvipendere penitentiæ sacramentum, ut refert fidus, et oculatus testis Dominicus Soto in 4, dist. 18, quæst. 1, art. 1, fol. 738, ubi ait : « Fac ^{Domin.} ^{Soto.} « confessionem sacramentalem non esse « necessariam, sed satis esse soli Dei confiteri : profecto tota res publica plena « esset occultis vitiis, quæ non possent non « in publicum prodire : verecundia enim « confitendi vehementissime homines a « perversis moribus arceat. Id quod me « teste Germani ipsi, dum inter eos agebam, publice confitebantur. Qua ex inclita Norimberga missa est ad Cæsarem « legatio, per quam cives illi petebant, ut « Cæsar Imperator jure confessionem « auricularem judicaret. Aiebant enim se « usu, et more intellexisse Rempublicam « suam, postquam confessio cessaverat, « vitiis contra justitiam, et alias virtutes « scaturire, quæ ipsis antea fuerant incognita, etc. » Unde ipsa ratio naturalis, supposita fidei illustratione, dictat credibile omnino esse, quod Deus istud remedium instituerit in lege gratiæ, ob insignes nimirum utilitates, quæ ex illo in totum genus humanum derivantur. Quamvis enim hominibus in omni statu semper aliqua remedia providerit, ut a peccatis possint purgari, nullum tamen est perfectius, facilius, efficacius, et humanæ fragilitati, quam istud sacramentalis confessionis, merito proinde reservatum pro statu præsentis, in quo virtus passionis Christi magis elucet. Unde pro tanto beneficio immensa Deo debemus gratias, ut in ejus recommendationem dicamus cum D. Aug. ser. de Pœnitent. « Confessio est salus animarum, dissipatrix vitiorum, restauratio « virtutum, expugnatrix dæmonum. Quid plura

« plura ? Obstruit os inferni, aperit portas
« paradisi. »

§ II.

*Refertur hæresis contraria, et evertuntur
ejus motiva.*

12. Contra nostram Catholicam asser-
tionem plures hæritici olim censuerunt, et
modo censent. Montanistæ, et Novatiani,
qui potestatem dimittendi peccata Ecclesiæ,
et sacerdotibus denegarunt, cum quibus
jam egimus in priori parte disp. 1, dub. 1.
Audiani hæritici, ut ex Theodoro lib. 4,
contra eorum fabulas possumus intelligere,
errarunt circa confessionem, et ejus neces-
sitatem, tollebant namque peccata graviora,
confitentes præcise quædam levia eo plane
modo, quo Lutherani solent confiteri coram
ministro. Eandem necessitatem negarunt
Massiliani apud Damascenum, lib. de hæ-
resibus ; negarunt, et Jacobitæ, sic vocati a
Jacobो Hæresiarcha, ut refert N. Guido in
lib. de hæresibus. Sed post illos, et vehe-
mentius, atque impudentius, quam illi
confessionem sacramentalem impugnavit
Wicleff. illam vocans clancularium Papa-
lem, sine auctoritate Dei, et multum Ec-
clesiæ nocivam, ut refert V. N. Waldensis
tom. 2, de sacrament. cap. 138. Quam hæ-
resim Lutherus, ut populum palparet, et
facilius, molliusque ad se pertraheret, totis
viribus suscitare, et persuadere curavit.
Unde licet a principio non negaverit con-
fessionem secretam, sed potius esse utilem,
et sibi placere dixerit, ut constat ex lib. de
captiv. Babyl. cap. de pœnitentia, jam
tamen ibi cœpit venenum evomere, asse-
rendo, tum, confessionem non posse pro-
bari ex Scripturis ; tum, non fieri de ne-
cessitate sacerdoti, sed posse etiam fieri
laicis. Deinde progressus negavit sermon.
de pœnitentia, omnia peccata mortalia esse
confitenda, ut constat ex ejus art. 8 con-
demnato a Leone X. Nam in serm. de
Confessione, et Euchar. dixit, Confessio-
nem, quæ fit coram sacerdote, non esse
præceptam a Deo, sed a Papa. In serm. de
Eucharist. anno 1526, prædicavit nemi-
nem cogendum esse ad confessionem. In
articulis Smalchaldicis anno 1527, art. de
Confes. asseruit enumerationem peccato-
rum debere esse liberam, ut quisque enu-

meret, quæ voluerit. Denique alia sexcenta
in aliis scriptis contra legitimam confes-
sionem sacramentalem effutivit, quæ pro-
lixum, et superfluum foret referre. Idem
docuerunt (Ecolampadius in lib. Quod con-
fessio non sit onerosa Christiano. Me-
lanchthon in Confessione Augustana, art.
de Confessione, et in Apologia ejusdem
art. et in examine ordinandorum, et in
locis communibus, tit. de Confessione. Cal-
vinus lib. 3, Instit. cap. 4, § 7, et 11. Calvi-
Kemnitius in 2 part. Examinis, cap. 5, de
pœnitentia, Brentius in Confessione Wi-
temberg, art. 11, de Confessione, et alii
istorum discipuli. Quamvis enim admit-
tant utilitatem aliqualem confessionis, eaque
utantur tamen in modo, et sensu prorsus
differentibus ab his, quos Ecclesia docet.
Dicunt enim confessionem fieri debere, vel
in genere, vel soli Deo: et quamvis admittant
posse etiam fieri ministris, addunt tamen
manifestationem horum, aut illorum pec-
catorum esse arbitrariam, et non ordinari
ad peccatorum remissionem, pro qua nul-
lam in ministris potestatem recognoscunt,
sed ad solam consolationem, vel instruc-
tionem. Ubi autem sermo fit de confessio-
ne, qualem exercemus Catholici, omnium
scilicet mortalium in specie, et numero, ac
circumstantiis, submitiendo illa judiciariæ
sacerdotis potestati; negant prorsus esse ex
Deo, vel a Deo institutam, vel a principio
Ecclesiæ, et subsequentibus sæculis usita-
tam; sed affirmant esse modernius inven-
tam, et primo præceptam fuisse ab Inno-
centio Tertio in Concilio Lateranensi,
eoque præcepto minime obligari Christia-
nos in re adeo onerosa, et difficili. Hæc in
summa est illorum sententia, quam im-
mensis falsitatibus, calumniis, et convitiis
in Papam, et Catholicos adornant.

Et probant primo ex facto Nectarii Pa-
triarchæ Constantinopolitani præcessoris
Chrysostomi: nam referentibus antiquis-
simis testibus Sozomeno lib. 7, cap. 16,
Socrate lib. 5, cap. 19, et Historia tripart.
lib. 9, cap. 35, accidit Constantinopoli,
quod cum nobilissima fœmina, ut preces
sibi a Confessario in satisfactionem im-
positas solveret, frequens esset in Ecclesia,
inventæ, est cum Diacono concubuisse:
unde populus scandalum passus, indignari,
et sævire cœpit in sacerdotes. Cui malo, ut
occurreret Nectarius, prohibuit usum con-

Argum. 1
Hæreti-
cor.
Sozome-
no, Socr.

fessionis, auricularis utique, et secretæ, qualis nunc est in usu apud Catholicos : nam ut prædicta Historia refert, ad id constituebatur presbyter bonæ conversationis, sapiens, et servans secretum, quod ultimum superfluum foret, si sermo fieret de publica confessione, aut pœnitentia. Hinc vero facile suadetur confessionem secretam, sive auricularem non esse de jure, aut præcepto Divino, nec ortum duxisse ab antiquissimis temporibus, nec fuisse tunc in Ecclesia communem. Si namque istæ conditiones haberet, Nectarium non latuissent, nec ipse auderet oppositum sancire in re tanti momenti.

Confirm.
1. Confirmatur primo satis urgenter : nam Chrysostomus Nectarii in illa sede successor, et Doctor sapientissimus eandem sententiam Nectarii tenuit, asseruitque, ut constat ex ejus scriptis. Homil. 2, in Psalm. 50, ait : « Peccata tua dicito, ut deleas illa. » Si confunderis alicui dicere, quia peccas-
Chrysos. « ti, dicito ea quotidie in anima tua. Non dico, ut confitearis conservo tuo, qui ex-
« probret : dicito Deo, qui curet ea. » Et in oratione de S. Philogonio inquit : « Ego « testificor, ut si quisque nostrum recedens « a pristinis malis, ex animo vereque pro-
« mittat Deo se postea nunquam ad illa « rediturum, nihil aliud Deus requirat ad « satisfactionem ulteriorem. » Homil. de Pœnit. et confess. « Cogitatione fiat exqui-
« sitio delictorum : absque teste sit hoc ju-
« dicium : solus te Deus confitentem vi-
« deat. » Homil. 8, de Pœnit. « Non delic-
« torum testes statuas : intus in conscientia, « adstante nemine præter eum, qui cuncta « videt, Deum ; reforma, quod deliquisti. » Similia profert homil. 20, in Genes. et homil. 31, in epist. ad Hebræos, et alibi. Ex quibus convinci videtur D. Chrysostomum in ea sententia fuisse, quod non tenemur nostra peccata exponere sacerdoti confessione secreta, et auriculari, sed possimus uti alio remedio confitendi illa Deo soli.

Confirm.
2. Confirmatur secundo : nam quod Nectarius Constantinopoli jussit, extensum est ad alias Græcorum Ecclesias, ut palam significat Theodorus Archiepiscopus Cammariensis relatus in can. finali de pœnitentia, dist. 1, dicens : « Quidam, soli Deo debere « confiteri peccata, dicunt, ut Græci. » Id vero minime contigisset, si confessio peccatorum facienda sacerdoti esset de jure

Divino, et ab Ecclesiæ initiis, ut affirmamus.

Confirmatur tertio : quia non pauci, qui Confirm.
3. ab Ecclesia damnati non sunt, sed vere censentur Catholici, satis aperte significant non dari præceptum Divinum confitendi sacerdoti omnia mortalia in specie. Joannes Cassianus collat. 30, cap. 8, inquit : Casian.
« Quis est, qui non possit suppliciter dice-
« re, Peccatum meum cognitum tibi feci, « et injustitiam meam non operui, ut per « hanc confessionem illud etiam confiden-
« ter subungere mereatur, et tu remisisti « impietatem cordis mei ? Quod si vere-
« cundia retrahente revelare coram homi-
« nibus erubescis, illi, quem latere non « possunt, confiteri ea jugi supplicatione « non desinas. » Quibus non obscure significat non obligari præcepto divino illa confiteri sacerdoti, sed posse alio remedio uti. Hugo de S. Victore lib. 2, de sacram. part. 14, cap. 1, docet Christum dedisse quidem sacerdotibus potestatem absolven-
Hugo. di, sed pœnitentibus non imposuisse obligationem confitendi. « Sed quare, inquit, « non similiter præceptum non dedit Chris-
« tus hominibus peccata sua confitendi ? « Audi quare : voluit Christus, ut a te « ipso surgeres, et non quasi extorta, et « coacta videretur esse confessio... Medicis « dixit, ut sanarent, sed infirmis non dixit, « ut ad medicos curandi venirent : hoc « quasi certum esse voluit, quod ægri li-
« benter salutem quærerent. » Sed paulo inferius observat, et addit, quod, cum Medici, viderent infirmos in hac re negligentes, præceptum eis imposuerunt, ut ad se venirent, et curarentur, sicut Jacobus
D. Jacob. 5 fecit, cap. 5 suæ Canonice dicens : *Confitemini alterutrum peccata vestra.* Et hanc Hugonis sententiam tenuisse etiam Alexandrum Alensem, et D. Bonaventuram censet Vasquez q. 90, art. 1, dub. 1, n. 5, et 6 ; nam Alexander 4 part. quæst. 17, membro 3, art. 2, docet Christum Matth. 4, illis verbis : *Pœnitentiam agite* insinuas-
Vas. Alex. se confessionem : et illis Joann. 20 : *Accipite Spiritum Sanctum, quorum remisistis etc.* dedisse potestatem absolvendi : sed confessionem promulgatam postea fuisse ab Apostolo Jacobo verbis proxime relatis. Et D. Bonaventura in 4, dist. 17, in 2 p. dub. 1, circa textum docet, quod ante institutionem Innocentii Tertii in Concil.
D. Bonav. Lateranensi

Lateranensi non foret hæreticum asserere non esse necessariam confessionem, quia ex hoc non tollebatur utilitas clavium, sed solius confessionis obligatio. Addit vero in 2 part. ejusdem distin. art. 1, quæst. 3, Christum non præcepisse confessionem, sed insinuas, ut Apostoli ipsius auctoritate ipsam præciperent, sicut et fecit Jacobus in sua Canonica. Deinde Joannes Teuthonicus Glossator in initio dist. 5, de Pœnit. docet melius esse dicere confessionem institutam fuisse per quandam universalis Ecclesiæ traditionem, quam per novi, aut veteris testamenti auctoritatem. In quam sententiam, licet vacillans, multum inclinatur Panormitanus in cap. Omnis utriusque sexus, de pœnit. et remission. Denique confessionem non esse jure Divino institutam docent Erasmus in annotat. ad epist. D. Hieronymi ad Oceanum de obitu Fabiolæ, et in annotat. in cap. 19 Act. et in Methodo Theologiæ, et Rhenatus in annot. ad lib. Terullian. de Pœnitentia.

13. Argumentum desumptum ex facto Nectarîi tres sunt Catholicorum responsiones. Prima nullam esse adhibendam fidem prædictæ narrationi: nam Socrates, qui primus illam scripsit, et Sozomenus, ejus scriptor fuerunt hæretici Novatiani, ac jurati sacramenti penitentiae inimici. Unde indignum est, quod eis in hac materia fidem adhibeamus, qui odio confessionem habuerunt, et alii curarunt facere odiosam. Nicephorus testatur lib. 6, cap. 27, et lib. 9, cap. 13, et satis palam colligitur ex ipso Socrate lib. 6, suæ Histor. cap. 19, præsertim cum D. Gregor, lib. 6 epistol. 195, dicat Sozomenum in multis mentiri, et propterea Ecclesiam Romanam non recipere ejus historiam. Porro illorum non pauca mendacia propalant Arment. in lib. vitæ Chrysost. et ex ipso Contensonius dissert. unica de Pœnitent. cap. 1, pag. 96. Et in hunc fere modum respondet, illamque historiam repellit Baronius anno Christi 56. Illa vero convulsa, nullæ vires argumento relinquuntur, nec opus habemus alia satisfactione. Sed, ut bene observavit Suar. disp. 17, sect. 2, num. 31, quamvis prædicti auctor. mentiri soleant, et præsumere possimus ipsos minus fideliter factum Nectarîi narrasse; negare tamen non oportet, nec debemus Nectarium ali-

quid sustulisse ad negotium penitentiae, aut confessionem spectans. Tum, quia non potuisset, vel ex industria fingi mendacium in re tam gravi, et manifesta, si non præfuisset aliquod circa eandem rem fundamentum: tum, quia ejus facti memoria occurrit in aliorum historiis, et colligitur ex diversis locis D. Chrysostomi, qui fuit Nectarîi successor. Admittendum itaque est Nectarium aliquid sustulisse pertinens ad confessionem, quamvis incertum sit, quid illud fuerit.

Secunda, et melior responsio est Nectarium non sustulisse secretam, et auricularem confessionem, sed quandam ejus appendicem, eo tempore Constantinopoli, et alibi usitatam, nimirum publicam peccatorum recitationem, vel ex imposita publica pœnitentia indicationem: unde ortum duxerant, et matronæ pervulgata infamia, et populi scandalum, atque in sacerdotes ira. Ex hoc autem facto nihil concluditur contra nostram Catholicam assertionem; siquidem illud non attingit confessionem secretam, sed alium illi morem tunc, et ibi annexum, quem fatemur non fuisse, nec esse de jure Divino. Sic primus, pervestigatis historiis, videtur respondisse Joannes Hasselius, eximius Theologus, in suo judicio de relato Socratis, et Sozomeni testimonio, quod Patribus Concilii Tridentini exhibuit. Et deinceps idem satis communiter sequuntur, et respondent viri graves, Bellarminus lib. 3, de Pœnit. cap. 14, Suarez loco cit. a num. 35, Vasquez quæst. 90, art. 1, dub. 3, Contenson loco cit. fol. 93, et alii. Pro qua responsione magis elucidanda, et firmanda observandum est, quod licet in Ecclesia nunquam licitum, et usitatum fuerit peccata in confessione exposita divulgare, nihilominus veteres canones in primitiva Ecclesia servari soliti pro diversitate criminum præscribebant pœnas etiam exteriores. Sic enim Clerici in fornicationem lapsi ab exercendis Ordinibus suspendebantur, et in sortem laicorum redigebantur. Sic etiam adulteri per duos annos stabant cum privata communione, quatuor cum flentibus, et quinque cum audientibus, et sic etiam de aliis criminibus, ut videre est in Constitutionibus Apostolicis, et in Concilio Neocæsariensi, et in Canonibus S. Basilii Magni. Ut autem ista sobrie, et prudenter man-

Bellarmin.
Suar.
Vasq.
Contens.

darentur executioni, solebant Ecclesiæ principales eligere unum Presbyterum cui nunc correspondet quadam ex parte in singulis Cathedralibus Canonicus Pœnitentiarius) ad audiendos pœnitentes, et declarandum, quando, ubi, et quomodo deberent pœnas externas criminibus secundum Canones debitas exercere. Et ad hæc alludit, vel ipse Sozomanus, dum ait: « Visum « est antiquis Pontificibus, ut velut in « theatro sub testimonio Ecclesiastici populi delicta pandantur; et ad hanc causam Presbyterum bonæ conversationis, « servantemque secretum, ac sapientem « virum statuerunt, ad quem accedentes ii, « qui deliquerant, delicta propria fatebantur. » Et quamvis *servantem secretum* dixerit, non propterea colligendum est ipsum loqui de confessione secreta, et auriculari, quam prohibuerit Nectarius, sed ita loquutus est, quia licet confessio fuisset omnino occulta, ut semper quidem fuit de occultis peccatis: tamen aliquando imponebatur pœnitentia publica juxta Canones. Ne vero ita per notoriam pœnitentiam patefierent occultiora, et graviora crimina in confessione secreta exposita, voluerunt Patres, quod ad id iudicii de exequendis pœnitentiis munus eligeretur Presbyter discretus, et silentii tenax. Sed id, quamvis his præcautionibus septum, erat, observare difficile: qui namque vidisset alicujus uxorem ex præscripto Presbyteri posita in loco adulteris debito juxta Canones, facile conjectaret hanc fuisse illi pœnam ob adulterium injunctam. Ad hæc itaque inconvenientia propellenda censuit, nec imprudenter. Nectarius arcendam esse ab Ecclesia publicæ pro peccatis occulte confessis pœnitentiæ impositionem, et de medio sustulit Tribunal, ac iudicium illius Presbyteri, qui ad hoc munus olim eligebatur. Quod etiam remedium in simili periculo adhibuit postea D. Leo Magnus, nam prævidens pericula ex qualibet, vel quolibet titulo peccatorum publicatione scaturientia, scripsit in hunc modum epist. 80: « Illam contra Apostolicam regulam præsumptionem, quam nuper agnovi a quibusdam illicita usurpatione committi, « modis omnibus constituo submoveri: ne « de singulorum peccatorum genere libellis scripta professio publice recitetur; « cum reatus conscientiarum sufficiat solis

Leo
Magn.

« sacerdotibus judicare confessione secreta. »

De probabilitate hujus responsionis non dubitamus, nec quod inter Catholicos sit plausibilis. Sed in ea non quiescimus: tum, quia insufficiens nobis videtur ad obtinendum hæreticorum ora. Tum, quia, ut ipsi dicent, plurima assumit, et ex pluribus dependet, quæ magis supponuntur, quam probentur, cum probari deberent. Tum quia licet admittantur, non hærent, nec quadrant præsentī difficultati: peccatum enim illius matronæ non fuerat publicum; alias populus scandalizatus non fuisset, ubi primam illius notitiam habuit. Nec illud illa manifestavit publica confessione, nec talis mos erat in Ecclesia, quin ut inquit Concilium Tridentinum sess. 14, cap. 5: Con. Tr. « Neque satis consulte humana aliqua lege « præciperetur, ut delicta præsertim secreta, publica essent confessione aperienda. » Quod itaque illud peccatum innotuerit, ortum duxit ex secreta confessione, adjuncta imprudentia Presbyteri, qui ob adjunctam publicam pœnitentiam, dedit occasionem, ut patefieret. Hinc orta indignatio civium in sacerdotes, hinc sententia Nectarii, qui ut eam sedaret, usum confitendi, vel interdixit, vel suspendit, ut vere narrant Socrates, et Sozomenus. Quæ itaque Auctores relati respondent, possibilia quidem sunt, et ingeniose excogitata; at non videntur facto congruere, sed ansam offerre novis hæreticorum impugnationibus.

14. Eis itaque in sua probabilitate relictis, tertia, vera, sincera, et rotunda ex V. N. Waldensi tom. 2, de Sacrament. cap. 141, responsio est Nectarium prohibuisse, aut suspendisse ad tempus secretæ, et auricularis confessionis usum. Quo antecedenti dato, quid colligent Hæretici? Confessionem secretam sacerdotibus faciendam non esse ex jure, et institutione Divinis: minime gentium. Nam oppositum constat ex Scriptura, Traditione, Conciliis, et Patribus supra relatis: contra quæ nullius ponderis, minimeque auctoritatis esse potest unius Nectarii factum. Melius colligent, ex nos admittimus, in illo errasse. Permisso itaque illis, aut etiam concesso antecedenti, negamus absolute consequentiam, quod confessio non sit de jure Divino, ut intendunt.

Satisfac-
tio ac-
quata
argu-
menti.
Walden.

Sed

Sed compendiosam hanc responsionem impugnare Auctores, præcedentis patroni. Unde Suarius loco citat. num. 33, inquit : Incredibile mihi est illum abstulisse usum confessionis sacramentalis etiam ad tempus, nisi concedamus Nectarium fuisse a Novatianis deceptum, a qua sententia non longe abest Baronius supra. Non invenio tamen sufficiens fundamentum, ut hanc notam illi viro impingamus, etc. Bellarminus etiam loco cit. § *Non ignoro*, ait, se non facile id concessurum, quod Nicolaus Papa in epist. ad Photium, recitata in Synodo 8, act. 4, Nectarium vocat hæreticorum impugnatorem, et Ecclesiarum defensorem. Hæc tamen parum urgent. Tum, quia videmus viros doctissimos amplecti responsionem nostri Waldensis, Petrum de Soto relect. 2, de necessit. confessionis circa finem. Dominicum de Soto in 4, dist. 18, quæst. 1, art. 1, § *Circa Canonem*, Canum in relect. de Pœnit. part. 5, in resp. ad 6, Nugnum quæst. 6, art. 1, dub. 2, in resp. ad 3, qui cum pro multis valeant, alios non referimus. Tum, quia non debemus adeo impediri auctoritate Nectarii, quam ei largam detulit Calvinus lib. 3 institut. cap. 4, § aut sect. 7, dicens : « Ob id facinus Nectarius vir, et sanctitate, et eruditione « clarus, illius Ecclesiæ Episcopus confi- « tendi ritum abrogavit. Si lex Dei erat « auricularis confessio, qui ausus esset « Nectarius eam refigere, et convallare. « Nectarium Sanctum Dei hominem omni- « bus veterum suffragiis probatum hære- « seos, et schismatis accusabunt. » Hæc Calvinus. Cui Bellarminus loco cit. § *Sexto duo* occurrens, nosque docens a se objecta diluere, respondit : Duo simul falsa Calvinus scribit, cum addit. Nectarius vir sanctitate, et eruditione clarus, etc. Nectarius enim jam senex, et laicus, et quod majus est, nondum baptizatus erat, cum ad Episcopatum assumeretur, ut non sit credibile, aut eo tempore clarum eruditione fuisse, aut postea ad insignem aliquam eruditionis gloriam pervenire potuisse. Quo circa Sozomenus lib. 7, cap. 8, laudat eum a canitie, et morum suavitate, sanctitatis, et eruditionis mentionem nullam faciens. Et Nugnus loco cit. Nectarium auferendo confessionem saltem ad tempus maxime errasse, quia vir erat idiota, miles, et antequam baptizaretur, assumptus est ad Ar-

chiepiscopatum : de ejus autem sanctitate nihil constat.

Hæc, et nos possemus respondere ; sed addimus, quod qualiscumque fuerit Nectarius, non doctor, non sanctior fuit, quam D. Cyprianus, et hunc constat aliquando errasse circa valorem sacramentorum, quæ hæretici, et schismatici conferebant, ut constat ex D. Augustino lib. 2, de Baptismo, cap. 7, et in epist. 48, ad Vincentium, et ex aliis communiter. Et tamen certum est Cyprianum pro humana fragilitate errasse, nec id dicere derogare ipsius venerationi, ut loquitur D. August. lib. de unico Baptismo, cap. 3, ubi conferens Donatistas cum S. Cypriano, et Agrippino ejus prædecessore, ait : « Rebaptizare « hæreticos, quod illi fecisse dicuntur, tunc « fuit humani erroris : rebaptizare autem « Catholicos, quod adhuc isti faciunt, sem- « per est diabolicæ præsumptionis. » Et si dicatur, turpe nimis videri, quod Nectarius tantæ Ecclesiæ præsul erraverit in re adeo certa, communi, et antiqua, qualem jam tunc fuisse secretam peccatorum confessionem ; respondemus, et urgebimus idem Cypriani exemplum, qui etiam erravit in re antiquissima, et usu communi recepta, ut merito dixerit D. Augustin. lib. 2, de Baptismo : « Consuetudinis ro- « bore tenebatur orbis terrarum, et hæc « sola opponebatur inducere volentibus « novitatem. » Et Vincentius Lirinensis in Commonit. eleganter expendit tantum valuisse hoc Catholicorum argumentum a traditione, et Ecclesiæ consuetudine ductum, ut hoc uno superata fuerit causa, D. Cypriani, qui summa eloquentia, et frequentissimo Sanctorum Episcoporum concilio contra veritatem pugnabat. Quid ni morabimur cum uno Nectario ? Præsertim, cum ille (ut recte expendit piissimus Doctor Petrus de Soto, agens etiam ipse contra Lutheranos) quamquam Catholicus, et pius, potuerit errare, re nondum per plenarium Concilium, et ultimum Ecclesiæ judicium diffinita. Hoc itaque modo congruum duximus respondere hæreticis, qui cum traditionem, Concilia, Patres, et ipsam scripturam parvipendant, ut ex dictis § præced. satis liquet, conantur nos onerare Nectarii facto, quod primi scripserunt hæretici Novatiani, in sacramento poenitentiae jurati hostes.

D. Aug.

satis 1
confir-
mat.

15. Ad primam confirmationem desumptam ex diversis testimoniis D. Joannis Chrysostomi, Auctores illi, qui num. 13 defendebant Nectarium, existimantes ipsum non prohibuisse secretam peccatorum confessionem, sed illam, quæ ordinabatur ad publicam pœnitentiam, ex qua imminebat periculum, quod peccata confessa aliis innotescerent, respondente eodem modo intelligendum esse Chrysostomum, qui Nectario successit, et prædecessoris voluit, ut par erat, sanctionem conservare, atque tueri. Unde cum dicit peccata revelanda esse non hominibus, quorum notitia confundimur, sed soli Deo, qui peccata nostra cognoscit; solum excluditeam confessionem, ex qua ob injunctam secundum canones publicam pœnitentiam possit rumor, aut confusio pœnitentis oriri, qualem præcise Nectarius proscripserat : sed non excludit secretam ex omni parte confessionem, soli, et uni sacerdoti factam. Cum enim hic vices Dei gerat, et strictissimo sacramentalis sigilli secreto adstringatur : quæ illi in confessione manifestantur, soli Deo innotescere merito dicuntur. In hoc itaque sensu loquitur Chrysostomus, et cum magna consequentia ad Nectarii decretum. Cui responsioni multum probabilitatis adferunt graves ejus patroni. Sed nobis multum displicet propter duo : nam in primis violenta apparet ob non cohærentiam cum motivo Chrysostomi, qui locis relatis monet fideles, ut confiteantur soli Deo, non autem proximo, aut coram testibus, ut vitent confusionem, et erubescentiam, aut e proximo exprobrationem, ut evidenter constat ex relatis ipsius locis. Id vero minime vitatur ex hoc, quod peccata confessione omnino secreta exponat uni soli sacerdoti, nec ex hoc quod sacerdos vices Dei gerat; nam his non obstantibus, et concurrentibus nimis confundimur, et erubescimus in confitendo peccata, præsertim turpia, et infamiam afferentia. Unde inter præcepta Religionis Christianæ istud confitendi omnia peccata censetur difficillimum, et re vera est. Deinde, si D. Chrysostomus in ea præcise sententia fuisset, quam ei attribuant Auctores illi, plane illam explicaret, utpote nihil absurdi continentem : atque ideo profiteretur se docere, et probare Nectarii sui prædecessoris doctrinam, et legem, siquidem eademmet, ipsis testan-

tibus erat. At nihil horum in Chrysostomo reperimus, sed altum quantum ad Nectarii dispositionem silentium. Et profecto si illam in suis scriptis recensuisset, aut probasset; illud nobis objicere non omitterent Lutherani. Aliud itaque, et valde diversum voluit, et significavit D. Chrysostomus in eis locis, quæ contra nostram assertionem producantur.

Quibus etiam motivis ducimur ad non probandam responsionem Auctorum, quibus num. præcedent. adhæsimus, qui dicunt Chrysostomum, ubi successit Nectario, putasse tunc aliquid esse dissimulandum, et consensisse pro eo tempore cum illo propter scandalum populi. Sed id, inquam, non probamus. Tum, quia in scriptis Chrysostomi non reperimus facti, aut præcepti Nectarii mentionem. Tum etiam, quia peccatores debere sua peccata confiteri, sicut et sacerdotes posse absolvere a peccatis docet apertissime locis a nobis relatis num. 4 et 10, unde incredibile est docuisse aliquando contrarium. Tum præterea, quia homiliæ illæ, ex quibus hæretici suum errorem confirmare nituntur, dictæ, et scriptæ fuerunt a Chrysostomo Antiochiæ, ubi abrogatam exemplo, aut jussu Nectarii sacramentalem, et secretam confessionem nemo asserit, eut imaginatus est. Tum denique, quia de hoc sapientissimo, et Sanctissimo Ecclesiæ Doctore (in cujus pervigilio 1701 hæc scribimus) absurdum nobis videtur præsumere, quod contrarium errorem scripserit, aut permisit : quippe, quia ea sapientia fulgebat, ut non ignorarit communem usum, et traditionem Ecclesiæ, et eo ardebat zelo, ut minime illos toleraret, qui se ei opponerent.

Respondetur ergo aliam omnino fuisse intentionem, et sententiam Chrysostomi in eis locis : hortatur quidem ad frequenter discutiendam conscientiam, et ad confitendum peccata Deo : sed minime negat confitenda aliquando esse sacerdoti, nec ab hac obligatione, ejusque executione dehortatur fideles. Sunt enim hæc toto cœlo diversa : nam quamvis nemo teneatur singulis diebus confiteri peccata, in quæ incidit, sed faciat satis suæ obligationi, si semel in anno illa sacerdoti exponat : tamen saluberrimum consilium est, quod de illis frequenter recogitet, illa ad examen conscientiae revocet

revocet, et de illis se coram Deo accuset. Unde peccatores, vel desides, vel nimis verecundos, vel excessive circa sacramentalem confessionem perplexos, et scrupulosos hortamur, inducimusque, ut, si adeo reformidant, ac renuunt ad pedes sacerdotis accedere, nisi semel in anno; satagant nihilominus, et ad minus peccatorum suorum recordari, fœditates eorum recensere, coram Deo, qui cuncta videt, manifestare, de eis pœnitere, et propositum emendationis aspirante ejus gratia concipere. Hæc enim, cum ex una parte utilissima sint, ex alia, addimus, sunt facillima, ut pro quibus opus non est confessorem adire (licet alia foret optimum) nec confusionem, et erubescerentiam ex confessione ad ipsum subire, nec testem delictorum habere, sed totum, quod petimus, inter Deum, et peccatorem peragitur. Quem hortando in hunc modum, minime avocamus, aut deobligamur a confessione sacramentali, quando, et ubi præceptum ejus instaverit, coram sacerdote faciendâ; sed provocamus ad ea, quæ optimi consilii sunt, et in quibus non occurrunt eæ difficultates, quæ sibi nonnulli ex sacramentali confessione solent obtinere. Et hæc contingunt de facto inter Catholicos, apud quos nemo dubitat teneri ad annuam saltem mortalium confessionem. Hæc itaque ratione se gessit Chrysostomus: nam in locis relatis num. 4 et 10, supposuit, palamque asseruit obligationem, quam fideles habent confitendi peccata sacerdoti; sed in locis, quæ ab hæreticis obijciuntur, hortatus est, ut qui nollent (ut sæpe licet, quia non semper instat sacramentalis confessionis præceptum) aut nimis erubescerent confiteri sacerdoti peccata, illa saltem confiterentur Deo per frequentem eorum coram illo memoriam, odium, et accusationem. In quo consilio securius processit, quia tunc non erat impositum ab Ecclesia præceptum annuæ confessionis longo post tempore editum in Concilio Lateranensi: aliunde autem videbat plurimum socordiam (quam forte suo decreto Nectarius promoverat) in confitendo sacerdotibus: quare voluit, vel ab ipsis extorquere, quod coram Deo confiterentur, et sic cum majori puritate, vel omissa confessione sacramentali (de se requisita, sed obligatione tunc non ita exposita sicut in Concilio Tridentino) ad Eucharistiam suscipiendam acce-

derent. Sic cohærent omnia Chrysostomi testimonia, quæ hæretici conciliare non valent aut non posse affectant: sed aperte convincuntur imponere in dictis S. Doctoris contrarietatem: et tunc ostendendum ab illis est, cur magis debeamus suscipere ab eis allegata, quam ipsi debeant revereri, quæ nos producimus. Aliunde vero, vel apud ipsos hæreticos habemus, quo fulciamus responsionem datam, et ponamus concordiam inter diversa loca Chrysostomi. Docent illi, et usu frequentant confessionem soli Deo factam, sive absque interventione ministri: sed tamen non negant debere aliquando coram ministro fieri. Sic enim Calvinus lib. 3 institut. Calvin. cap. 4, § 13, ait: « Interim quin sistant se « oves pastori, quoties Sacram Cœnam « participare volunt, adeo non reclamo, « ut maxime velim hoc ubique observari. » Et Melancthon in confes. August. cap. de Melanct. Confessione dixit: « Confessio apud nos « non est abolita: non enim solet porrigi « corpus Domini, nisi antea exploratis, et Kemnit. « absolutis. » Et Kemnitius in 2 part. examinis, cap. de pœnitent. inquit: « Cum « non sine judicio usurpanda sit clavis, « vel solvens, vel ligans, in privato illo « colloquio Pastores explorant auditorum « judicia... Traditur illis doctrina, et « exhortatione de emendatione, quæritur « vel consilium, vel consolatio in gravis « minibus conscientiæ: et tali confessioni « impertitur absolutio. » Sicut igitur ex frequentata apud ipsos confessione soli Deo facta, non colligunt, quod nunquam sit faciendâ ministris: sic ex eo, quod D. Chrysostomus hortatus homines fuerit, quod frequenter confiteantur soli Deo, minime colligere possunt Sanctum Doctorem negasse, quod possit, ac debeat etiam sacerdotibus fieri quando instat præceptum Divinum, vel saltem impositum ab Ecclesia. De quo inferius.

16. Ad secundam confirmationem negatur antecedens: oppositum enim constat confirm. respon-
tum ex Concil. Laod. apud Græcos celebrato, et relato n. 9, cui modo addimus sextam Synodum can. 102, ubi dicitur: « Oportet autem eos, qui solvendi, atque
« ligandi potestatem accepere, peccati qualitatem considerare, et ejus, qui peccavit, « ad eam conversationem, studium, etc. » Quod fieri non valet absque confessione

peccatorum in specie. Constat etiam ex Sanctis Chrysostomo, et Nisseno relatis num. 10, quibus plurimos alios Ecclesiæ Græcæ Doctores possemus adjungere, sed sufficiet modo duo ejus lumina ob oculos

S. Athan. proponere. Magnus Athanasius in serm. ad illa verba, « Invenietis pullum alligatum *inquit* : Nos ipsos examinamus, non « soluta sicut nostra vincula, ut in melius « proficiamus. Quod si nondum soluta sint « vincula, tradat te ipsum discipulis Jesu : « adsunt enim, qui te solvant pro ea po- « testate, quam a Salvatore acceperunt. « Quæcumque enim, *inquit*, ligaveritis in « terra, erunt ligata et in cœlis ; et quæ- « cumque solveritis in terra, erunt soluta « et in cœlis, et quorum remiseritis peccata,

D. Basil. « remittuntur eis. » Magnus etiam Basilius in regulis brevioribus, regula 229, *inquit* : « Omnino in peccatorum confessione « eadem ratio est, quæ in aperitione vitio- « rum corporis. Ut igitur vitia corporum « nequaquam quibusvis temere homines « aperiunt, sed his tantummodo, qui ra- « tionem, qua ea curanda sunt, teneant, « eodem modo peccatorum confessio fieri « debet apud eos, qui ea possint curare. » Qui autem hi sint, declarat reg. 228, di- cens : « Necessario iis peccata aperiri de- « bent, quibus credita est dispensatio mys- « teriorum Dei, » nempe solis sacerdotibus. Tum præterea, quia descendendo ab illis Sacris Doctoribus ad alios Scriptores Græcos, antiquos, et satis graves, idem reperi-

Anast. Nissenus Nicolao Cabasil. Niceph. Caric. phylace. Theod. Study. mus in Anastasio Nisseno in quæst. super Scripturam, quæst. 6, Nicolao Cabasilas in exposit. Liturgiæ cap. 29, Nicephoro Caricophylace in epist. ad Theodosium, Theodoro Studyta in vita S. Planovis, et aliis, qui cum Græci sint, aperte supponunt, ac docent confessionem secretam, et sacramentalem. Tum denique, quia vel ab hæreticis consultis Hieremias Patriarcha Constantinopolitamus, in judicio de Confessione Augustana cap. 11, vehementer reprehendit Lutheranos, quod dicerent non opus esse omnia peccata mortalia per singulas species in confessione numerari, et aperiri : et quod id revocare conarentur ad usum Ecclesiæ Græcæ ; cum ipsa nihil tale docuerit, vel censuerit facere. Ex quibus falsitas antecedentis evidenter patet. Ejus autem probatio nullius momenti est : quia illud, *ut Græci*, apud Gratianum re-

pertum minime scriptum fuit ab Archiepiscopo Theodoro ; siquidem non reperitur in hujus Capitulari, unde desumptus dicitur ; nec in Concilio secundo Cabilensi, ex quo Theodorus illum canonem accepit. Quare existimandum est ab aliquo imperito, aut etiam hæretico, qui ex facto Nectarii censuit sublatam fuisse apud Græcos sacramentalem Confessionem, illud de suo addidit in marginandam annotationem : et ex margine irrepsit in textum. Unde nihil faciendum est, sicut non pauca, in Decreto Gratiani reperta, ut communiter notant Expositores.

Ad tertiam confirmationem responde- mus leviolem esse : nam permissio aliquos Catholicos errasse materialiter circa origi- nem obligationis confitendi omnia peccata in specie sacerdoti, ut circa tempus institutionis sacramenti pœnitentiæ : tamen non negarunt istud verum sacramentum esse, nec illam confitendi obligationem. Excusandi vero sunt de illo materiali errore : quoniam licet assertio nostra fuerit semper de fide secundum se, utpote contenta in sacra Scriptura : nihilominus non erat ita explicata, et adeo declarata, ut modo illam habemus, et specialiter in Concilio Tridentino, cui plane obedirent Scriptores Catholici, si illud vidissent. Sed descendamus ad singulos, qui in confirmatione recensentur. Cassianus non negat confessionem sacramentalem, aut ejus necessitatem ; sed hortatur ad frequentem peccatorum discussionem, et confessionem coram Deo, sicut hortabatur D. Chrysostomus supra explicatus, cujus ille fuit discipulus, et eodem modo accipiendus est. Hugo de S. Victore, D. Bonaventura, et Alensis catholice recognoverunt obligationem, quam ex jure Divino habemus submitendi clavibus peccata per eorum confessionem ministro legitimo factam ; sed disputarunt de modo, initio, et tempore institutionis sacramenti pœnitentiæ, cui annexa est confessionis obligatio : et non comprehenderunt, nec recte intellexerunt verba Christi Joann. 20 : *Accipite Spiritum : quorum remiseritis peccata, remittuntur eis, et quorum retinueritis, retenta sunt* : ex quibus convincitur et Christum instituisse immediate sacramentum pœnitentiæ, et imposuisse hominibus obligationem confitendi sua peccata Apostolis, et eorum

3
confirm.
diluitur.

Joann.
20.

eorum successoribus, ut Concilium Tridentinum aperte decrevit, et docuit, et supra expendimus a num. 3, ex cujus sententia constat et de fide esse, quod Christus instituerit sacramentum pœnitentiæ, ut diffinit sess. 14, can. 1, et quod illud instituerit quando verba relata dixit, ut diffinit can. 3, et de fide esse, quod confessio peccatorum in specie, et numero sit pars talis sacramenti, et jure Divino præcepta, ut diffinit can. 4, et 6, et 8. Hæc cum non ita perspecta haberent illi Doctores, ut modo habemus, excusandi sunt ab errore in his, quæ dixerunt cum minori consonantia ad legitimam originem obligationis, quam habemus confitendi sacerdotibus peccata. Illam tamen sive ab hac, sive ab alia radice desumptam, et obstringentem in conscientia fideles minime negaverunt; nec ullo modo faverunt hæresi, quam sequuntur Lutherani, et alii Sectarii. Auctoritate vero Joannis Theutonici æquum non est implicari: nam, ut inquit Soto supra relatus, illa glossa non est opinio, sed manifestus error de glossis Decretorum abradendus. Glossatores enim, addit ille, quoties in jus divinum se se immergunt; quia illud non colunt, non possunt non multis erroribus intincti inde emergere. Et idem dicendum est de Panormitano, si vacillaverit, aut non. Multo minus impediri debemus testimonii Erasmi, et Rhenani: nam hos constat manifeste errasse, atque hæreticis favisse. Et si Erasmus non est hactenus, ut manifestus hæreticus damnatus, est tamen dubiæ fidei, et de hæresi suspectus, ut qui insinuaverit, ac suggererit omnes fere errores, quibus Lutherus, et subsequentes sectarii, deposita aperte Catholica fide, Ecclesiam Catholicam impugnaverunt, et turbaverunt.

argu-
tur. 17. Secundum eorum argumentum est: nam Christus eam potestatem contulit Apostolis, quam ipse habebat, nec aliter Apostolos misit, quam ipse missus fuerat: unde ante illa verba, quæ dixit Joann. 20, et ex quibus necessitatem confessionis deducimus: *Accipite Spiritum Sanctum: quorum remiseritis peccata, etc.* præmisit: *Sicut misit me Pater, et ego mitto vos.* Sed ipse ad generalem, et in communi peccatorum confessionem ore, aut signis expressam, absolutionem impertiebatur, et singulorum peccatorum enumerationem a

pœnitentibus non exigebat, ut de peccatrice patet Luc. 7, et de Paralytico Matth. 9; ergo hanc eorundem absolvendi potestatem contulit Apostolis, et sacerdotibus: atque ideo necessarium non est illis omnia peccata in specie, et numero confiteri.

Confirmatur primo: quia per illa media ^{Confirm.} consequimur de facto remissionem peccatorum, quæ de se, vel ex promissione Dei talem remissionem inducunt, et semper induxerunt: cum non sit pejor conditio Christianorum in præsentī providentia, quam aliorum in aliis statibus; sed sunt plura alia media ad prædictum effectum, præter confessionem peccatorum in particulari sacerdotibus factam: ergo per talia media, exclusa etiam prædicta confessione, consequimur remissionem peccatorum. Et consequenter hujusmodi confessio non cadit sub præcepto Divino, vel institutione Christi. Cætera constant. Et minor certissima probatur: nam amore Dei remitti peccata tradit ipsa veritas Christus, Luc. 7: *Remittuntur ei peccata multa, quoniam dilexit multum*, et Petrus in 1, c. 4: *Charitas operit multitudinem peccatorum*. Martyrium etiam efficaci tatem habet remittendorum omnium peccatorum, juxta illud Christi, Matth. 10: *Qui perdiderit animam suam propter me, inveniet eam*. Remissionem etiam peccatorum remittentibus proprias injurias spopondit ipse Dominus, Matth. 6: *Si dimiseritis hominibus peccata eorum, et Pater vester celestis dimittet vobis vestra*. Eadem efficacia eleemosynæ tribuitur Tobię 8, et Lucæ 11. Et ut magis particularia omittamus, communis, ac celebris peccatorum remissio promittitur illis verbis, Ezech. 18: *Si impius egerit pœnitentiam ab omnibus peccatis suis, omnium iniquitatum ejus non recordabor*. Et David Psalm. 31, de se testatur: *Dixi, confitebor adversum me injustitiam meam Domino, et tu remisisti impietatem peccati mei*. ^{D. Petrus in 1, cap. 4.} ^{Luc. 7.} ^{Matth. 10.} ^{Matth. 6.} ^{Ezech. 18.} ^{Psalm. 31.}

Confirmatur secundo: quia sola contritio ^{Confirm.} etiam sine peccatorum confessione sufficit ad delendum omnia peccata: ergo pro eorum remissione non requiritur ex jure Divino illorum confessio. Antecedens præterquam constat ex testimoniis immediate relatis, probatur, tum, quia contritio ex natura rei, et specie sua excludit peccata, estque illis impossibilis, ut constat ex dictis disp. præced. num. 12, et locis aliis

ibi relatis : ergo per se, sive absque peccatorum confessione sufficit ad delendum omnia peccata. Tum etiam, et sequitur ex præcedenti ; nam priusquam aliquis cognoscat confessionem, aut ejus recordetur, potest actum contritionis elicere, et justificari, quin statim mori, ac salvari.

Ad 2
argum.
resp.

18. Ad argumentum respondetur omit-
tendo majorem in sensu statim declarando,
concedendo minorem, et negando conse-
quentiam ob manifestam disparitatem :
quia Christus majorem longe potestatem
habuit in remittendo peccata, et confe-
rendo gratiam, quam concesserit Aposto-
lis, et sacerdotibus : et sic decuit pro su-
prema Christi dignitate, et auctoritate :
unde ex eo, quod Christus aliquando remi-
serit peccata absque illorum confessione
ex parte pœnitentium ; minime sequitur,
quod sacerdotes idem possimus. Sic D. Tho-

D. Thom.

mas cum in relatis in suppl. quæst. 6, art. 1, idem argumentum sibi opposuisset, res-
pondit : « Ad tertium dicendum, quod
« Christus habebat potestatem excellentiæ
« in sacramentis : unde sine his, quæ ad
« sacramentum pertinent, potuit valorem
« sacramenti conferre. » Et supra quæst.
84, art. 5, ubi statuit hoc pœnitentiæ sacra-
mentum esse de necessitate salutis, oppo-
suit : sacramenta Ecclesiæ habent initium
ex institutione Christi ; sed sicut legitur
Joann. 8, Christus mulierem adulteram
absolvit absque pœnitentia : ergo videtur,
quod pœnitentia non sit de necessitate
salutis. Sed respondit ; « Ad tertium di-

S. Tho.

« cendum, quod ad potestatem excellentiæ,
« quam solus Christus habuit, ut supra dic-
« tum est (quæst. 64, art. 3,) pertinuit,
« quod Christus effectum sacramenti pœni-
« tentiæ, qui est remissio peccatorum,
« contulit mulieri adulteræ sine exteriori
« pœnitentiæ sacramento, licet non sine
« interiori pœnitentia, quam ipse in ea
« per gratiam est operatus. » Accedit
quantum ad necessitatem confessionis erga
Christum, et sacerdotes aperta differentia,
quod Christus omnium supremus iudex co-
gnoscebat omnium hominum status, pec-
cata, et infirmitates : unde opus non habe-
bat, ut hæc sibi pœnitentes revelarent per
confessionem ; sed Apostoli, et alii sacer-
dotes, qui a Christo habent potestatem ju-
dicandi de peccatis, et proferendi legiti-
mam sententiam absolutionis, aut reten-

tionis, non cognoscunt hominum peccata,
et morbos, nisi pœnitentes, qui rei, et si-
mul sui accusatores sunt, illa per confes-
sionem manifestent : et sacerdotes absque
illa procedentes manifesto periculo errandi
in adeo gravi iudicio sese exponerent.
Quare ex ipsa judiciaria potestate, quam
Christus eis contulit, evincitur necessario
obligatio ex parte pœnitentium manifes-
tandi sacerdotibus peccata. Addimus remis-
siones, sive absolutiones peccatorum, quas
argumentum recenset a Christo factas,
contigisse ante hujus sacramenti institu-
tionem, quam post suam Resurrectionem
executus fuit Joann. 20, verbis supra re-
latis : atque ideo ex illarum modo non
desumi efficax argumentum pro his, quæ
sacramentum exposcit.

Ad primam confirmationem concedimus ^{Respon-}
præmissas, et negamus consequentiam, ^{sio 3,}
quantum ad illos terminos, *exclusa etiam* ^{confirm.}
sacramentali confessione, qui in præmissis
non expenduntur, et illegitime inducuntur
in consequenti. Fatemur itaque plura esse
media a confessione distincta, per quæ
peccata possint remitti, et remittuntur, ut
evincunt testimonia, quæ pro suadendo
(absque necessitate) minorem expenduntur.
Fatemur etiam prædicta media retinere
suam efficacitatem remittendi peccata, et
modo non esse peioris conditionis, quam
de se, et olim fuerint. Sed respondemus
omnibus illis mediis ex magna, ac mise-
ricordiosa Dei liberalitate additum aliud
fuisse ad salutem, videlicet peccatorum
confessionem. Nam cum omnia relata me-
dia vel collective, vel divisim sumpta non
possent expellere peccata, et inducere jus-
tificationem absque formali, aut saltem
virtuali amore Dei supernaturalis finis, et
super omnia dilecti, qui actus æque nobi-
lissimus, et difficillimus est ; summa erga
nos liberalitate, et cum excellenti legis
Evangelicæ ultra alios status prærogativa
dispositum est, quod Christus instituerit
sacramentum pœnitentiæ, ad quam acce-
dentes cum alio actu longe, et quasi infinite
inferiori, quam sit prædictus amor (nempe
cum attritione, sive dolore de peccatis ob-
damna, quæ nobis afferunt,) consequere-
mur remissionem peccatorum. Sed voluit,
ut tantum beneficium consequeremur mi-
nisterio Apostolorum, et sacerdotum, quos
sui Vicarios reliquit, ut alligarent, aut
retinerent

retinerent pœnitentium peccata, ejusque moderentur intellectis prius, ut decebat, eorum statu, ac dispositione. Et quia id fieri absque periculo errandi non valet, si pœnites non manifestant sua peccata in specie, et numero; ibi necessario ex tali institutione, et suppositione inclusum est onus pœnitentibus injunctum confitendi sua peccata sacerdotibus. Retinent itaque omnia prædicta media virtutem, quam de se habent, sed adjuncta hac nova obligatione, absolute, et attentis omnibus favorabili. Unde in excludendo peccata habent dependentiam vel a sacramento pœnitentiæ in re suscepto, vel a voto illud suscipiendi, quando, et ubi fuerit necessarium. Quæ doctrina declaratur exemplo baptismi, regerendo objectam difficultatem in hæreticos, qui ejus necessitatem non negant. Etenim remissio peccatorum, quæ nunc est, semper fuit: et amor charitatis, contritio, et injuriarum condonatio, et alia, quæ opponunt, vim de se habent ad illa remittenda, sive excludenda: quare vel Baptismus necessarius non est de facto, vel necessarius fuit ab initio mundi: et quodlibet horum dicere est contra fidem. Quid ad hæc Adversarii? Non aliud dicunt, nec dicere possunt, quam prædictis mediis adjectam fuisse hanc baptismi obligationem ex institutione Christi disertis verbis dicentis in Evangelio: *Nisi quis renatus fuerit ex aqua, et Spiritu Sancto, non intrabit in regnum cælorum*. Eandem itaque responsionem habeant; quantum ad obligationem sacramenti pœnitentiæ, et confessionis ipsi adjunctæ: nam idemmet Christus asseruit perspicue in Evangelio, Joann. 20: *Quorum remisieritis peccata, remittuntur eis, et quorum retinueritis, retenta sunt*.

cann.
20.unde
miser-
i. sit.
itis.

Ad secundam confirmationem patet ex immediate dictis, quia eodem modo applicari valet sacramento Baptismi, et concludere, si quid valeret, non esse ad salutem necessarium: quod nec hæretici admittent. Dicendum itaque est, quod, sicut supposita institutione Christi nequit in non baptizatis reperiri vera contritio sine ordine ad baptismum, sive absque voto illud suscipiendi, et utendi omnibus mediis ad salutem necessariis: includit namque omnis vera contritio id propositum; sic etiam, et ob similem institutionem nequit in jam baptizatis dari vera contritio sine ordine

Salmant. Curs Theolog. Tom. XX.

ad sacramentum pœnitentiæ, et peccatorum confessionem: quia tam in illis, quam in istis imbibit essentialiter propositum exequendi omnia ad salutem necessaria quamvis ex parte istorum possit esse variatio respective ad subjecta, et status, vel naturæ, vel legis, vel gratiæ, in quibus reperiuntur. Juxta quam doctrinam distinguendum est antecedens, et concedendum, si solum excludat sacramentum pœnitentiæ, et confessionem in re: sed negari debet, si excludat necessitatem confessionis, et sacramenti pœnitentiæ, tam in re, quam in voto. Probationes autem antecedentis non aliud evincunt, quam quod concedimus.

19. Arguitur tertio: nam incredibile est Deum instituisse, aut præcepisse rem impossibilem: sed impossibile est hominem confiteri omnia sua peccata in specie, et numero: ergo talis confessio non est instituta a Deo, nec cadit sub ejus præcepto. Minor probatur ex Psal. 18: *Delicta quis intelligit?* et Psal. 37: *Iniquitates meæ supergressæ sunt caput meum*. Unde subinfert Calvinus: Quis suorum peccatorum supputationem cogitet, ubi Davidem videt suorum numerum inire non posse? In quibus repræsentatur physica impossibilitas: sed aliunde occurrit impossibilitas moralis, sive in manifestando peccata summa difficultas, quam exaggerat Kemnit. verbis D. August. lib. 10 Confes. cap. 3: D. Aug.

3
argum.Psal. 18.
Psal. 37.

« Quid mihi est cum hominibus, ut audi-
« ant confessiones meas, quasi ipsi sana-
« turi sint omnes langores meos: curiosum
« genus ad cognoscendum alienam vitam,
« desidiosam ad corrigendum suam. » Ex-
pendit etiam verba D. Ambrosii lib. 10, D. Amb.
in Lucam, cap. 96, ubi ait: « Petrus do-
« luit, et flevit, qui ut homo erravit: non
« invenio, quid dixerit; invenio, quid
« flevit. » Et subdit: « Lavent lacrymæ
« delictum, quod voce pudor est confiteri. »
Deinde evomit innumeras blasphemias
contra sacramentalem confessionem, di-
cens: « Hæc est vetus illa carnificina
« conscientiarum, quam gladio spiritus
« Ecclesiæ nostræ excusserunt propter
« multas gravissimas causas, » quas ibi au-
dacter recenset, ut quod sit de re impossi-
bili; quod nec Christi præceptum, nec
Apostolorum exemplum habeat; quod
nulla in scriptura gaudeat permissione;

quod Evangelium transformat in legem, etc. quæ omittimus, quia in superioribus sunt recitata, et rejecta.

3.
Argum.
diluit.

Respondetur negando minorem cum Concilio Tridentino sess. 14, cap. 5, ex cuius verbis liquet, quod confessio a Deo, et Ecclesiæ præcepta non sit impossibilis, quia non importat metaphysicam, et omnino certam peccatorum supputationem: sed prudentialem, et moralem juxta pœnitentium recordationem post gravem sui discussionem: liquet etiam ab hæretici.

Concil.
Trid.

objecta esse meras falsitates, et calumnias Ait itaque Concilium: « Sed et impium est confessioem, quæ hac ratione fieri præcipitur, impossibilem dicere, aut carnicinam illam conscientiarum appellare. » Constat enim nihil aliud in Ecclesia a pœnitentibus exigi, quam, ut postquam quisque diligentius se excusserit, et conscientiæ suæ sinus omnes, et latebras exploraverit, ea peccata confiteatur, quibus se Dominum, et Deum suum mortaliter offendisse meminerit: reliqua autem peccata, quæ diligenter cogitanti non occurrunt, in universum eadem confessione inclusa esse intelliguntur; pro quibus fideliter cum Propheta dicimus: « Ab occultis meis munda me Domine. Itaque nihil physice impossibile pro confessione præcipitur, sed solum facere, quod in nobis est, pro legitima peccatorum dinumeratione, sicut in aliis gravibus negotiis contingit. Ubi vero alia peccata, de quibus obscura quadam suspitione timemus, et memoriæ non occurrunt, cum eodem Davide, qui dixit, *Peccata quis intelligit?* addemus, quod ipse immediate subjunxit, *Ab occultis meis munda me Domine.* Et, *Peccavi super numerum arenæ maris.* Ex quibus constat minorem ab hæreticis assumptam esse evidenter falsam, nullamque impossibilitatem physicam in nostris confessionibus contineri. Quin totius difficultatis objectæ pondus in eos regerendum est: nam Calvinus lib. 3 Inst. cap. 4, § 18, cum aliis sectariis docet in confessione soli Deo facta (cujus usus est apud illos frequens, et de præcepto, ut ipsi loquuntur, divino,) non sufficere generatim dicere, peccator sum, aut peccavi: sed requiri, *quantum in nobis est*, singula peccata accurate confiteri. Idque nos catholici dicimus de confessione,

quæ ex præcepto Dei, et Ecclesiæ fit sacerdotibus, solum enim affirmamus debere omnia peccata, quantum in nobis est (quaphrasi utitur Calvinus,) recenseri, ut de eis sacerdos judicet, sicut ex Tridentino jam relato est manifestum. Vel ergo utraque confessio, aut Deo soli, ut Deo per sacerdotem facienda est impossibilis, quod ipsi negant: vel, si confessio, quæ Deo soli fit, non est impossibilis, ut iidem dicunt, quia sufficit facere, *quantum in nobis est*; pariter non est impossibilis confessio facienda sacerdoti, vel Deo per sacerdotem, quia satis est facere, quantum in nobis est, ut palam affirmamus. Inique igitur, et inconsequenter nobis opponunt, quæ ab eis dissolvenda sunt.

20. Magis ridiculum est, quod ex Kamnitio additur de erubescencia, sive impossibilitate morali, aut insigni difficultate in manifestando peccata. Sed illud optime prævidit, diluitque Concilium Trident. loco cit. subjungens: « Ipsa vero hujusmodi confessionis difficultas, ac peccata detegendi verecundia, gravis quidem videri posset, nisi tot, tantisque commodis, et consolationibus levaretur, quæ omnibus ad hoc sacramentum accedentibus, per absolutionem certissime conferantur. » Inter quæ est ipsa a peccatis solutio, de quibus erubescimus. Unde, sicut in corporalibus solet imminere mors ex aliquo ulcere partium occultarum, ex quarum visu vehementer erubescimus, et tamen amor vitæ urget, inducitque, ut illud, licet cum magna verecundia, manifestemus; et erubescencia vincitur, ac compensatur vivendi desiderio: sic in spiritualibus contingit, quod verecundia, et difficultas confitendi peccata superetur, ac levior fiat ex commodo recuperandi vitam gratiæ eisdem criminibus, de quibus verecundamur, amissam. Nec id vitare queunt vel ipsi hæretici, qui, ut num. 13 vidimus, pœnitentes obligant ob particulares fines, et præsertim, si suscepturi sint Eucharistiam, se sistere ministris, illisque manifestare saltem in genere sua peccata, et conscientiæ statum: ubi occurrunt eadem erubescentiæ motiva, et non levis difficultas. Quæ vero Kamnitius ut suæ causæ foventia profert testimonia D. Augustini, et D. Ambrosii, non sunt ad rem, sed ad fallendum idiotas; nam confessio,

fessio, de qua loquitur D. Augustinus, non est sacramentalis, sed peccatorum commissorum ante baptismum, quæ manifestat, ut inde cognoscatur, atque laudetur divina misericordia. D. Ambrosius loquitur de peccato, et pœnitentia Petri, quæ præcesserunt institutionem confessionis sacramentalis: quæ proinde opus non habuit. Addimus lacrymas pœnitentis, ubi delictum alicui innotescit, esse quandam ejus confessionem, et accusationem, licet verbis non exprimantur. Unde Ambrosius subjunxit: « Maluit Petrus suum accusare » peccatum, ut justificaretur fatendo, » quam gravaretur negando. Justus enim » in principio accusator est sui: et ideo » flevit. Et in hoc sensu dixit: « Lavant » lacrymæ delictum, quod pudor est confiteri, » apud illum scilicet, qui crimen jam noverat, et lacrymas videt illud prodere, et accusare. Ubi nota, quod referente Soto ubi supra, § *Circa Canonem*, pag. 743, prædicta verba attribuuntur Chrysostomo in Can. *Lacrymæ* de pœnitentia, disp. 5, ubi Glossa ita illa verba exponit, ut si propter pudorem peccatum sacerdoti non manifestetur, sufficient lacrymæ. Sed primum ponit esse æquivocatio Gratiani: sunt enim illa verba propria non Chrysostomi, sed Ambrosii. Secundum autem est intolerabilis Glossatoris error contra fidem, ut patet ex dictis. Sed eorum legitimus sensus est sufficere lacrymas extra tempus necessariæ confessionis, ut accidit in Petro, et Magdalena ante institutum hoc sacramentum, et potest cum illo instituto contingere, quando non instat tempus, vel obligatio illud suscipiendi in re; sed tamen nunc lacrymæ, ut lavent, sacramenti recipiendi votum important. Ad blasphemias a Kemnitio additas opus non est respondere, quia falsitatis notoriæ convincuntur ex hactenus dictis.

Hic solent aliqui disputare, utrum confessio sacramentalis sit, et qua ratione medium necessarium ad salutem, et quando debeat homo exequi prædictum medium? Sed ab hac difficultate seorsim discediendū supersedemus. Tum, quia ejus decisio haud obscure innotescit ex dictis in præsentī dubio. Tum, et præsertim; quia illam jam alibi versavimus ex professo, nempe in priori parte, disp. 4, dub. 1, inquirentes, utrum sacramentum pœ-

nitentiæ sit necessarium, et qualiter? Ibique per tres assertiones declaravimus esse medium in re, vel in voto necessarium ad salutem, et sufficere, quod ejus votum sit, vel explicitum, vel implicitum. Eadem autem omnino circa hæc est difficultas de confessione sacramentali, ac de ipso pœnitentiæ sacramento: quia illa est hujus pars, et propter ipsum requiritur: Unde illa difficultate circa sacramentum jam superata, non oportet in eadem circa confessionem cunctari; sed magis præcedenti annectere similem, et prorsus consequentem, quam submittimus.

DUBIUM II.

An, et qua ratione confessio sacramentalis cadat sub præcepto ecclesiastico.

Sub hoc titulo occurrunt multa non admodum difficilia, si seorsim considerentur; sed adeo multa, ut vix absque nostri molestia, et lectoris fastidio conjungi valeant, dum alias distinctam exagitationem non expostulent. Unde curabimus ea ita sub proposito dubio comprehendere, ut per diversas assertiones, consecutaria, et appendices confusio, quantum fieri possit, ordine, ac distinctione vitetur.

§ 1.

Resolutio dubii tribus assertionibus explicatur.

21. Dicendum est primo confessionem sacramentalem, si non caderet sub præcepto divino, non posse cadere sub præcepto Ecclesiastico. Sensus hujus assertionis declaratur ex dictis dub. præc. num. 2, quia non est tanta connexio inter institutionem sacramenti pœnitentiæ, et præceptum divinum confessionis sacramentalis, ut illa istud inferat necessario: potuit enim Christus instituere hoc sacramentum, et conferre sacerdotibus potestatem remittendi peccata accedentibus ad se, non imponendo fidelibus obligationem ad ipsum accedendi, aut illo utendi, sed relinquendo liberæ illorum electioni uti vel hoc remedium, vel remedio contritionis, aut dilectionis Dei super omnia sine ordine ad claves Ecclesiæ. Idque ita contigisse senserunt

Prima conclusio.

non solum aliqui hæretici relati num. 2, sed etiam aliqui Theologi Catholici ex his, qui antecesserunt Concilium Tridentin. ut insinua vimus num. 6. Et quamvis nunc dicere, quod ita Christus de facto disposuerit, foret manifesta hæresis: nam oppositum est de fide, ut constat ex dictis dub. præced. nihilominus omnes recognoscunt potuisse Christum ita disponere; cum in eo nulla occurrat contradictio; aut indecentia. Et permissa itaque conditionate illa suppositione, procedit assertio, estque proinde ejus sensus; Ecclesiam non potuisse, aut posse imponere fidelibus præceptum confessionis sacramentalis, si non supponeretur divinum præceptum ejusdem sacramentalis confessionis a Christo impositum. In hoc itaque sensu illam tuentur Paludan. in 4, dist. 17, quæst. 2, art. 2, Soto dist. 18, quæst. 1, art. 1, Cano in relect. de pœnit. part. 5. Turrecremata de Pœnit. dist. 1, § *Denique* ut num. 4, Durandus in 4, dist. 17, quæst. 8, Navarrus de Pœnit. dist. 5, numer. 28, Lugo disp. 15, sect. 6, num. 91, N. Antonius disp. 4, sect. 4, Delgadillo de Pœnitent. cap. 17, dub. 18, num. 41, et alii. Cui assertioni favent, quin subscribere, si consequenter loquantur, debent Sylvester, Henriquez, Rodriguez apud Dianam 3 part. tract. 4, resol. 125, Archangelus dist. 17, pag. 191, Leander disp. 3, quæst. 36, referens, suppresso tamen nomine, sapientissimos Juniores, qui docent Ecclesiam non posse præcipere confessionem venialium: quia nequit instituere distinctum forum pœnitentiæ, ac Christus instituit: Christus autem solus instituit, quod mortalia necessario confiteamur; venialia vero non necessario, sed ex voluntate libera pœnitentis: ergo Ecclesia non potest præcepto obligare ad necessariam eorum confessionem. Quæ ratio æque, aut magis urget in mortalibus, facta suppositione, quod Christus eorum confessionem non præcepisset. Sed omissis aliis motivis, quæ apud illos videri possunt.

Probatum assertio satis efficaci fundamento: quia Ecclesiæ potestas non extenditur ad præcipiendum communitati fidelium rem difficillimam, quam Deus illis non præcipit; sed confessio sacramentalis est res difficillima inter omnes, quæ occurrunt in Religione Christiana: ergo, si non

fuisset præcepta a Deo, non posset Ecclesia illam præcipere. Consequentia est legitima. Minor constat ipsa experientia, et ratione: nam summa cum repugnantia, et confusione manifestat homo alteri homini sua delicta, ea præsertim, quæ majorem afferunt infamiam, et verecundiam: unde plurimi mallent quascumque pœnalitates subire, quam sua scelera confiteri. Aliunde maximam molestiam patiuntur in recogitando, et recensendo omnia sua peccata quantum ad varias species, quantum ad numerum peccatorum intra quamlibet speciem, et insuper quantum ad omnes circumstantias mutantes speciem, et denique, ut quidam volunt, quantum ad omnes circumstantias notabiliter aggravantes. Hæc omnia amplectitur sacramentalis confessio, quam proinde nemo negat esse de se summe arduam inter ea, quæ profitentur Catholici. Hinc procedunt, et non absque necessitate tam frequentes, tam ardentes exhortationes tum in concionibus, cum in libris spiritualibus, ut Christiani confiteantur peccata, et bene confiteantur: quia compertum est non paucos huic difficultati succumbere, vel non confitendo, vel confitendo absque illa integritate, dolore, et aliis conditionibus, quæ pro confessione sacramentali debentur. Major, in qua poterat esse difficultas suadet: quia lex humana nequit obligare communitatem ad rem difficillimam, et pro fine communitatis non necessariam, ut vitare omnia vitia, servare omnes virtutes, ut docet D. Thom. 1, 2, quæst. 96, art. 2, et 3, et cum pluribus tradit N. Andreas in tractat. de legibus, cap. 1, punct. 5, a num. 62; sed lex, qua Ecclesia præcipit rem a Deo non præceptam, est lex humana, et de re pro bono communitatis fidelium non necessaria: quippe quæ eo ipso, quod supponatur non præcepta a Deo, nequit esse necessaria necessitate vel medii, vel præcepti divini: ergo Ecclesiæ potestas non extenditur ad posse præcipere communitati fidelium rem difficillimam, quam Deus alias non præcipit.

22. Nec satisfaciunt, qui dicant potestatem, qua Ecclesia id præciperet, esse divinam, sive acceptam a Deo, qui ad præcipiendum quodlibet difficile potest se extendere, ut de facto se extendit ad præcipiendum confessionem sacramentalem. Aliunde vero confessio

Paludan.
Sotus.
Can.
Turrec.
Durand.
Navar.
Lugo.
Anton.
Delgadillo.
Sylv.
Henr.
Rodrig.
Archang.
Leand.

Conclus.
probatum

Andreas

confessio licet difficilis sit, multum tamen confert ad bonum commune fidelium, sicut de facto contingit. ut illam ab hæreticis defendentes expendimus num. 11. Remanerent itaque omnia, ut, quamvis Christus illam non præcepisset, posset tamen Ecclesia illam præcipere communitati fidelium.

Id, inquam, non satisfacit: nam in primis æquivocat, dum potestatem, quam a Deo habet Ecclesia, vocat divinam, quo etiam sensu omnem legem ab Ecclesia latam posset divinam dicere: quod foret absurdum: lex namque divina est immediate a Deo, et distinguitur contra legem humanam, quæ rursus dividitur in Ecclesiasticam, et civilem, quæ sunt immediate vel ab Ecclesia, vel a Principibus secularibus secundum potestatem, quam illa, et hi a Deo habent, juxta illud quantum ad Ecclesiæ Prælatos, Luc. 10: *Qui vos audit, me audit*: et quantum ad sæculares Principes Proverb. 8: *Per me Reges regnant, et legum conditores justa decernunt*, ut optime contra Gersonem asserentem omnia præcepta Ecclesiæ esse divina, docet Soto lib. 1, de justit. et jure, quæst. 6, art. 4. Unde quantum ad præsentem considerationem vitatur æquivocatio sola observatione, quod nos loquimur de potestate ordinaria, et nobis revelata, quam de facto habet Ecclesia pro subditorum regimine: et in hoc sensu procedit nostra conclusio, dum negat Ecclesiam potuisse præcipere subditis sacramentalem confessionem, si supponeretur non fuisse a Christo præceptam. Sed non dubitamus Christum potuisse supra hanc generalem, et ordinariam potestatem illi conferre quasi specialem commissionem præcipiendi confessionem sacramentalem, quam ipse non relinqueret a se præceptam, sed exercendam pro fidelium arbitrio. Et in hac suppositione, quæ supra priorem addit, non agimus, sed in sensu jam præmisso. Aliunde vero non occurrit fundamentum, ut illam admittamus de facto: et si datur in Ecclesia illa specialis commissio tollitur status quæstionis, et rem ultronei concedimus. Deinde, quod in hac responsione adjungitur, difficultatem non evacuat: quia generaliter non omnia utilia, aut utilissima pro fine, et bono communitatis possunt illi sub præcepto injungi, nisi alias etiam sint necessaria, ut patet in Superioribus Regularium,

qui nequeant suis communitatibus præcipere utilissima, et sanctissima, sed ea solum, quæ pro conservando statu, et consequendo fine uniuscujusque proprio necessaria sunt, ut cum communi sententia docet N. Andreas in tr. de statu religioso cap. 6, punct. 7. In casu autem nostræ suppositionis, quod confessio sacramentalis non fuisset a Christo ejus institutore præcepta, minime necessaria foret, ut fideles consequerentur salutem. Tum, quia relinqueretur aliud medium sufficiens pro illo fine, et communi bono consequendo, nempe recursus ad contritionem absque ordine ad claves, ut in aliis statibus legis naturæ, et legis scriptæ contingebat. Tum, quia eo ipso, quod Christus non præcepisset talem confessionem, argueretur illam de se non esse medium necessarium ad consequendum salutem: quippe, quæ talia sunt, a Deo immediate præcipiantur, et non fuissent a Christo prætermissa: ergo ubi supponeretur Christum non præcepisse suis fidelibus confessionem sacramentalem, non posset Ecclesia illam eisdem injungere sub præcepto; sed solum posset illos exhortationibus ad ejus usum inducere.

23. Unde magis confirmatur propositum ^{Confirm.} fundamentum: quia Ecclesia non habet potestatem, ut ea, quæ Christus solum proposuit tanquam materiam consilii, et utilissimam ad salutem, sint materia præcepti, atque ideo ad salutem necessaria: sed in suppositione præmissa Christus solum proponeret confessionem sacramentalem tanquam materiam consilii utilissimam ad salutem: ergo Ecclesia in tali suppositione non posset facere confessionem sacramentalem materiam præcepti ad salutem necessariam. Consequentia patet. Et minor videtur evidens: nam fit suppositio, quod Christus solum instituisset, et proposuisset fidelibus confessionem sacramentalem, illam tamen non præcipiendo: ergo solum illam proponeret tanquam materiam consilii, utilissimam utique, ut re vera est, ad consequendum salutem: sicut se gereret medicus, qui invenisset aliquod remedium utilissimum ad salutem corporalem, et ad illud hortaretur infirmos. Cum hoc tamen discrimine inter Christum, et medicum, quod iste non habet potestatem præcipiendi infirmis talem medicinam; unde ex defectu talis

Luc. 10.

Prover.
8.

Soto.

præcepti non evincitur talem medicinam non esse medium necessarium pro salute corporali, sed id infirmorum conscientia, et arbitrio relinquendum est. Christus autem legifer noster potestatem, auctoritatem, ac providentiam habuit præcipiendi nobis necessaria ad salutem æternam: unde eo ipso, quod institueret, ac proponeret sacramentalem confessionem, illam tamen non præciperet; satis convinceretur illam, etsi utilissimam, non esse simpliciter necessariam ad prædictum finem, sed alia superesse remedia, quibus homines uti possent. Major autem, in qua poterat esse difficultas, ostenditur: tum, quia Ecclesia non valet alterare ordinem, ac gubernationem, quam Christus in ea instituit: illa autem plane immutaret, si quæ Christus solum proposuit, ut materiam consilii; v. g. castitatem perpetuam, vel abdicationem rerum temporalium, Ecclesia sua jussione faceret materiam præcepti. Tum etiam; quia hac ratione non solum non potest Ecclesia injungere sub præcepto, quæ sunt consilii, toti fidelium communitati, sed nec uni fidei particulari, mandando; v. g. quod servet perpetuam castitatem, aut quod abdicet omnia temporalia, ut bene cum communi sententia observat N. Andreas loco cit. de Legibus n. 64. Tum denique; quia hujus limitationis haud obscurum signum est quod Ecclesia hactenus in tot sæculis tam diversis nunquam, vel communitatem, vel particulares obligaverit sub præcepto ad ea, quæ ex institutione Christi sunt sola materia consilii, ut continentia perpetua, et paupertas voluntaria; quo pacto se gerens profiteri videtur se non habere potestatem ad ordinandum, ut ea quæ ex Christi institutione sunt sola materia consilii fiant materia præcepti. Nec contra hoc proderit dicere Ecclesiam obligare omnes Clericos majorum Ordinum ad continentiam perpetuam; quæ est materia consilii, et satis ardua. Nam respondendum Ecclesiam id non præcipere absolute, sed solum illis hominibus, qui volunt ad prædictos ordines promoveri. Unde obligatio illis ab Ecclesia injecta non est necessaria, nec absoluta: sed oritur ex libera ipsorum hominum, ac voluntaria suppositione, quod volunt ordinari cum illo onere ab Ecclesia præscripto.

Andreas.

Eras'o.

Confirmatur secundo, ad rem, quam ver-
 samus, proximius accedendo: nam Ecclesia
 in Concilio generali Lateranensi sub Inno-
 centio III, præcepit fidelibus, quod singu-
 lis annis confiterentur, ut statim videbi-
 mus. Contra quod præceptum tanquam
 injuste, ac irrationabiliter positum insur-
 rerunt diversis temporibus plures hæreti-
 ci, illud præsertim opposcentes Papam,
 Concilium, et Ecclesiam non potuisse obli-
 gationem adeo gravem fidelium conscien-
 tiis imponere, nec habuisse ad id potesta-
 tem. Quorum calumniis, et objectionibus
 directe obviam iret, qui per oppositum
 diceret Ecclesiam suam, qua gaudet, auc-
 toritate, et jurisdictione ordinaria potuisse,
 et posse fideles ad confessionem sacramen-
 talem gravi præcepto obligare; et hac
 potestate usam esse in eo Concilii Latera-
 nensis decreto. Id, inquam, hæreticorum
 impetum retunderet, et ora confringeret
 cum non modica potestatis Ecclesiasticæ
 commendatione. Sed tamen, nec Ecclesia,
 nec ejus filii Scriptores doctissimi ita res-
 pondent, sed alia via longe diversa, quæ
 nostram assertionem confirmat, nempe
 illud præceptum quantum ad substantiam
 esse Divinum ex Christi institutione, ut
 dub. præced. vidimus; solam autem deter-
 minationem, aut modificationem quantum
 ad tempus (quæ re ipsa in prima ejus
 institutione imbibuntur) fuisse in eo Con-
 cilio declaratam, ac præceptam. Et quan-
 tum ad Ecclesiam constat ex Concilio Tri-
 dent. sess. 14, cap. 5, quæ se ab hæretico-
 rum impugnatione protegens, inquit:
 « Manifeste refellit eorum calumnia,
 « qui eam (*confessionem*) a Divino mandato
 « alienam, et inventum humanum esse,
 « atque a Patribus in Concilio Lateranensi
 « congregatis initium habuisse docere non
 « verentur. Neque enim per Lateranense
 « Concilium Ecclesia statuit, quod Christi
 « fideles confiterentur, quod jure Divino
 « necessarium, et institutum esse intellexe-
 « rat, sed ut præceptum confessionis sal-
 « tem semel in anno, ab omnibus, et sin-
 « gulis, cum ad annos discretionis perve-
 « nissent, impleretur. » Ubi manifestum
 est Ecclesiam illud præceptum ab hæreti-
 corum telis defendisse, non sibi deferendo
 absolutam potestatem illud imponendi:
 (quidquid fuerit de Christi præcepto, quod
 ab ipso impositum negarunt aliqui ex
 antiquis

Confir-
mat. 2.Concil.
Trident.

antiquis, et Catholicis Scriptoribus, qui Concilium præcesserunt); sed palam confitendo tale præceptum fuisse jure Divino impositum ante Concilium Lateranense, atque Concilium istud non errasse in determinando præcise tempus, quo fideles Divino illo præcepto satisfacerent. In quibus satis aperte significat Ecclesia se minime tale præceptum imposituram, nisi illud supposuisset impositum: et sic propellit hæreticorum calumnias contra eam ipsius Ecclesiæ dispositionem objectas.

Et quod ad Scriptores Catholicos attinet, nihil est apud illos ista doctrina, sive responsione frequentius. Sed quia prolixum foret omnes audire, satis nobis erit unus Bellarminus in controversiis hujusmodi versatissimus. Observat Calvinus lib. 3 instit. cap. 4, § 7: « Certe nullam de ea (confessione sacramentali) statutam fuisse Bellarm. « legem, aut constitutionem ante Innocentii III tempora, eorum quoque Annales « narrant... Itaque ipsis testibus nondum « elapsi sunt anni trecenti, ex quo injectus « ab Innocentio III laqueus, et imposita « confitendi necessitas. » Ad hæc responsurus Bellarminus, lib. 3, de Pœnitent. cap. 13, minime dixit Innocentium habuisse potestatem præcipiendi confessionem sacramentalem, illaque rationabiliter utentem voluisse fideles pro majori eorum utilitate ad illam obligare: ut plane respondere possent, quos modo contra nostram assertionem Adversarios habemus, qui juxta suam, et non inconsequenter defenderunt Innocentii decretum, quidquid fuerit de existentia, aut non existentia Divini de confessione præcepti: et sic compendiosius, et absolutius responsum Calvinii objectioni opponerent. At Bellarminus aliter omnino se gessit, et omnino consone ad ea, quæ hactenus diximus. « Neque « Innocentius, inquit, aut Lateranense « Concilium Confessionem simpliciter im- « peravit, sed solum tempus determinavit, « quo ea facienda esset. » Quemadmodum etiam Concilia cetera supra citata ex Græcia, Africa, Gallia, Germania, et Pontificum Innocentii I, ac Leonis I, decreta non confessionem simpliciter imperarunt, sed aut de secreto confessionis, aut de aliis id genus circumstantiis regulas statuerunt. Idque ex simili decreto Zephirini Pontificis probari potest. Zephirinus enim, ut in ejus

vita refert Platina, statuit, ut omnes Christiani adulti in solemni die Paschæ Eucharistiæ Sacramentum perciperent, Quod decreto non intelligitur voluisse præcipere, ut Eucharistiam Christiani aliquando sumerent: quod a Christo ipso esse præceptum neque Catholici, neque Hæretici negant, sed tantum negligentia aliquorum occurrere, ac tempus determinare, ultra quod perceptionem tam salutiferi Sacramenti differre non liceret. Sic igitur Innocentius III, non confessionem instituit, aut simpliciter imperavit: sed tempus, ultra quod nemo Christianus eam differret, utiliter omnino præscripsit. Hæc omnia Bellarminus non aliter defendens obligationem, justitiam, et utilitatem (quas Calvinus negabat) prædicti decreti Innocentii III, et Concilii Lateranensis, quam ex suppositione præcepti Divini circa eandem confessionem: quasi concedens, et hæreticis dans Ecclesiam minime tale præceptum imposituram, si ipsum jam Christo absolute impositum non supposuisset.

24. Dicendum est secundo confessionem sacramentalem cadere sub præcepto Ecclesiastico. Hæc conclusio est de fide, et communis proinde inter Catholicos. Et probatur: quia Concilium generale Lateranense sub Innocentio III, eoque præsidente, cap. 21, sequens decretum edidit, quod refertur in cap. *Omnis utriusque*, de Pœnit. et remis. « Omnis utriusque sexus « fidelium, postquam ad annos discretionis « pervenerit, omnia sua peccata semel « saltem in anno confiteatur proprio « sacerdoti, et adjunctam sibi pœnitentiam « propriis viribus studeat adimplere, sus- « cipiens ad minus reverenter in Paschate « Eucharistiæ sacramentum: nisi forte de « proprii sacerdotis consilio ob aliquam « rationabilem causam ad tempus ab hujusmodi perceptione duxerit abstinendum. Alioquin vivens ab ingressu Ecclesiæ arceatur, et moriens christiana sepultura. » Et quamvis Durand. in 4 dist. 17, quæst. 14, probabile censuerit in prædicto decreto non contineri præceptum rigorosum circa confessionem annuam, sed solum circa communionem in Paschate, cui immediate applicantur pœnæ in illo relatæ: et quamvis etiam D. Antoninus 3 part. tit. 14, cap. 19, § 3, judicaverit præceptum in eo decreto contentum, ut conti-

D.
Anton.

neri evincunt ipsæ pœnæ illi adjunctæ, esse per se de sola Communione in Paschate faciendâ, de Confessione vero solum esse per accidens, aut ratione alterius, nempe ipsius Communionis, ut debito modo fiat : nihilominus post Concilium Tridentinum concors sententiâ Theologorum est constitutionem relatam continere verum præceptum erga confessionem per se, et independentem a Communione.

Concil.
Trident.

Idem.

Et ita rem se habere ostenditur primo : quia in Conc. Trident. ubi mentionem fecit hujus decreti Concilii Lateranensis, aperte significatur dari præceptum annuæ Confessionis, ex constitutione Lateranensi : nam ses. 14, cap. 5, ait : « Neque enim per « Lateranense Concilium Ecclesia statuit, « ut Christi fideles confiterentur, quod jure « divino necessarium esse intellexerat ; « sed, ut præceptum confessionis saltem « semel in anno ab omnibus, et singulis, « cum ad annos discretionis pervenissent, « impleretur. » Et can. 8 ejusdem ses. inquit : « Si quis dixerit... ad eam (confes-
sionem sacramentalem) non teneri omnes, « et singulos utriusque sexus fideles, juxta « magni Concilii Lateranensis constitutio-
nem, semel in anno... anathema sit. » Quæ obligatio supponit necessario præceptum ; in his locis non fit communionis mentio. Secundo, quia illa verba Lateranensis : « Omnis utriusque sexus fidelium, « postquam ad annos discretionis pervene-
rit, omnia sua solus peccata semel sal-
tem in anno confiteatur proprio sacer-
doti, etc., » vim præceptivam important : nec circa præceptum Communionis in Paschate (de quo nemo dubitat), alia adhibentur, quæ sint magis præceptiva. Tertio, quia nihil est apud fideles magis vulgare, et ab ipsis unguiculis in Catechismo Christianæ doctrinæ magis apprehensum, quam dari quinque Ecclesiæ præcepta, unum confessionis in anno, et aliud communionis in Paschate, quæ sunt ipsa lata in Lateranensi Concilio. Quarto, quoniam si quis ob rationabilem causam excusaretur a Communione, non propterea excusatur a confessione in anno : et hac ratione pueri antequam ad communionem sacram admittantur, obligantur ad confessionem. Quæ omnia satis evidenter manifestant contineri in eo decreto duo præcepta, confessionis scilicet, et communionis, et eorum

quodlibet obligare per se. Hinc colligitur (et est præcedentium confirmatio) eum, qui culpabiliter confessionem, et communionem omittit in anno, committere duo peccata, et unum, et alterum confiteri debere. Id docet communis Theologorum sententiâ : et verum non esset, si homines non obligarentur ad annuam confessionem per se, sed solum ratione præcepti obligantis ad communionem.

Omittens
confes-
sionem,
et
commu-
nionem
annuam
duo
peccata
committit.
Tertia
conclu-
sio.
Adrian.
Araux
Prado,
Discast.
Probat
asserti.

25. Dicendum est tertio præceptum istud annuæ confessionis positum in Concilio Lateranensi esse simpliciter pure humanum, licet improprie, et secundum quid possit appellari divinum. Ita Adrianus in 4, q. 1, de Confessione, Araux 3 part. q. 84, art. 5, dub. 2, concl. 2, Prado in tract. de Confes. q. 1, dub. 2, concl. 2. Dicastillo disp. 7, dub. 3, concl. 2, et 4, et alii. Probatur conclusio : nam esse præceptum divinum, vel humanum non attenditur simpliciter penes materiam præceptam, quippe eadem materia potest cadere sub utroque præcepto ; sed penes id præsertim attenditur, quod præceptum divinum est a Deo immediate ; præceptum autem humanum est immediate ab homine ; atqui præceptum annuæ confessionis in Concilio Lateranensi editum, fuit immediate non a Deo, sed ab homine, ab ipso scilicet Concilio, ut ex terminis liquet, et ex præcedenti assertionem : ergo tale præceptum est simpliciter pure humanum. Improprie vero, et secundum quid potest appellari divinum : quia per se supponit materiam præceptam divino jure, nempe confessionem sacramentalem, et super eam adjicit determinationem temporis : sed hæc est impropria locutio : alias eadem ratione præceptum, quo Ecclesia præcipit modum, et cæremonias, quibus conficitur Eucharistia, foret divinum, saltem quoad substantiam, ut quidam loquuntur ; quod est falsum, cum sit præceptum novum, variabile pro temporibus, et locis, ac omnino distinctum ab eo, quo Christus præcepit absolute confici in Ecclesia Eucharistiæ Sacramentum.

Confirmatur, et declaratur amplius, destruendo pariter motivum sententiæ contrariæ : nam si præceptum in Lateranensi editum circa confessionem deberet dici divinum, maxime quia ejus objectum, sive materia esset illudmet, quod jure divino fuerat

Confir-
mat.

Concil.
Trident.

fueraſſet, et ſupponebatur præceptum (licet revera diſtinctio inter præceptum divinum, et humanum non ex objecto, aut materia deſumatur, ſed ex diverſis poteſtatibus, a quibus præcepta oriuntur, ut proxime diximus). Atqui falſum eſt idem eſſe objectum, præcepti impoſiti a Chriſto, et præcepti impoſiti a Concilio Lateranenſi : ergo talia præcepta ſunt ſimpliciter duo, et absolute diverſa : atque ideo dici non valet præceptum poſitum in eo Concilio eſſe quoad ſubſtantiam ipſummet præceptum Chriſti, ſive divinum. Hæc ſecunda conſequentia patet ex prima, quæ legitime colligitur ex præmiſſis. Minor autem, in qua poterat eſſe difficultas, probatur tum ex Concilio Tridentino ſeſſ. 14, c. 5, ubi clamo-ribus, et objectionibus hæreticorum occurrens, inquit : « Neque enim per Lateranenſe Concilium Eccleſia ſtatuit, ut « Chriſti fideles confiterentur, quod jure « Divino neceſſarium, et inſtitutum eſſe « intellexerat : ſed ut præceptum confeſſionis ſaltem ſemel in anno, ab omnibus, « et ſingulis, cum ad annos diſcretionis « perveniſſent, impleretur. » In quo teſtimonio duæ ſunt propoſitiones, prima negativa, ſcilicet Concilium Lateranenſe non ſtatuiſſe, quod fideles confiterentur : ſecunda affirmativa ; nimirum Concilium Lateranenſe ſtatuiſſe, quod præceptum confeſſionis ſaltem ſemel in anno adimpleretur. Ex quibus liquet non idem eſſe objectum præcepti impoſiti a Chriſto, et præcepti impoſiti a Concilio Lateranenſi : nam, ut Eccleſia ſemetipſam declarans docet, Chriſtus præcepit, quod ſui fideles confiterentur, ſed Lateranenſe id *non ſtatuit* : ſtatuit vero præceptum confeſſionis impleri ſaltem ſemel in anno, quod tamen non fueraſſet a Chriſto præceptum. Tum etiam (et ex præcedenti deducitur), nam objectum, ſive materia præcepti impoſiti a Chriſto fuit ſola Confeſſio ſacramentalis ; objectum vero præcepti impoſiti a Concilio Lateranenſi non fuit prædicta confeſſio ſecundum ſe, et absolute, ſed fuit, ut exponit Tridentinum, impletio illius præcepti ſaltem ſemel in anno, ſive hoc complexum, *Confeſſio ſacramentalis ſingulis annis faciendâ* : quæ duo ſunt objecta ſimpliciter diverſa, et primum non determinatur in ſuo genere per ſecundum, ſed iſtud addit ſuper aliud materiam absolute diverſam.

Quare præceptum impoſitum a Lateranenſi ſolum ſecundum quid, et quid improprie poteſt vocari divinum quoad ſubſtantiam, quia præceptum divinum ſupponit : ſed eſt ſimpliciter præceptum humanum Eccleſiaſticum, quia, et proceſſit immediate ab humana Eccleſiaſtica poteſtate : et dirigitur in materiam non a Chriſto præceptam, ſed in aliud tali materia ſuperadditum, et a Chriſto non præceptum. Idque facile declaratur exemplo ſupra poſito conficiendi Eucharistiæ, quod magis expendere poſſumus in hunc modum : nam Chriſtus inſtituit, præcepitque ſacrificium Miſſæ in Eccleſia ; hæc vero pro majori ipſius ſacrificii veneratione præcepit, quod offerretur a ſolis jejunis, indutis veſtibus ſacris, et certis diei horis. Plane omnes iſtæ ſunt additiones adjectæ ſacrificii ſubſtantia, illudque ex parte objecti, ſive materiae a Chriſto præceptæ ſupponentes. Quo non obſtante nemo dicit illud ab Eccleſia præceptum eſſe divinum quoad ſubſtantiam, aut idem quoad ſubſtantiam cum divino Chriſti præcepto ; ſed omnes recognoscunt eſſe præceptum ſimpliciter diverſum, et pure humanum. Idem ergo, et ob eandem rationem in præcepto, de quo agimus, dicendum eſt, ut facile conſideranti eorum paritatem conſtat.

26. Nec refert, ſi dicas, prædicto diſcursu urgeri quidem poſſe Auctores asserentes, quod Divinum confeſſionis præceptum a Chriſto impoſitum ſolum obligat per ſe in articulo mortis, ut cum pluribus tradit Arauxo ſupr. q. 86, art. 2, dub. 3, concl. 2, aut asserentes, quod licet obliget extra illud etiam periculum, et in decursu vitæ, non tamen in tempore aliquo determinato, utputa inſtra duos, aut tres annos, ſed ſolum vage, et in aliquo indeterminato vitæ ſpatio, ut cum non paucis, referente eodem Arauxo, docet Nugnus q. 2, Supplem. art. 3, dub. 3. Hi namque omnes, cum non dicant fideles obligari divino præcepto ad confitendum ſingulis annis ; recognoscere debent præceptum illud Concilii Lateranenſis confitendi in unoquoque anno cadere ſupra materiam a Deo non præceptam, atque ideo non eſſe divinum quoad ſubſtantiam, ſive materiam inſunctam ; ſed eſſe ſimpliciter humanum tam ex parte Eccleſiæ præcipientis, quam ex parte rei præceptæ, confeſſionis videlicet annualis,

Replica.

Arauxo.

Nugnus.

ad quam nos Deus non obligavit. Sed præmissus discursus nec vim, nec locum videtur in nostris principiis habere, qui in priori parte, disput. 5, dub. 7, n. 329, statuimus præceptum divinum pœnitendi de peccato commisso obligare per se intra annum ab ejus commissione, et subinde contra tale præceptum peccare, qui ultra annum differt pœnitentiam. Nam Confessio sacramentalis, cum sit sacramenti pœnitentiæ pars, eodem modo ac illud cadit sub præcepto : ergo ubi Ecclesiæ præcepit fideles confiteri in singulis annis, non aliud mandavit, quam illudmet, quod divino jure, ac præcepto nobis injunctum erat : et consequenter illegitime, et inconsequenter procedimus, dum ex eo, quod Ecclesiæ præceperit confessionem annuam, colligimus mandasse rem a Deo non præceptam, et tale Ecclesiæ præceptum esse simpliciter, et quoad substantiam humanum.

Respon-
sio
replex.

Id, inquam, si dicatur, nullius momenti est. Primo, quia licet nos ita sentiamus de spatio, intra quod homo lapsus obligatur ad pœnitendum, nihilominus sententia nostra (quam etiam tuentur Soto, Prado, Joannes a Cruce, et alii) solum est probabilis, contradicentibus pluribus, referentibus eam obligationem vel ad solam extremam necessitatem in articulo mortis, vel ad aliud tempus vage, et indefinite per vitæ spatium. Quod adhuc defendunt post reprobatas a Sede Apostolica has propositiones : « An peccet mortaliter, qui actum « dilectionis semel tantum in vita eliceret, « condemnare non audemus. Probabile « est nec singulis quidem rigore quin- « queuniis per se obligare præceptum cha- « ritatis erga Deum. » (Ex quarum condemnatione satis efficaciter confirmari valet resolutio a nobis proposita loco cit. ut in eodem expendimus). Sed tamen persistant plurimi, qui etsi contrariam tuentur : et forte plures adhuc erant circa tempora Concilii Lateranensis, quin nec ex Catholicis deerant tunc aliqui sentientes sacramentum pœnitentiæ institutum quidem fuisse a Christo, et sacramentalem confessionem non fuisse ab ipso præceptam, nec jure divino necessariam, sed relictam fuisse voluntariæ fidelium electioni. His itaque sententiis ducti fideles tepesceri cœperunt circa confessionis usum, rem certe

de se difficilem : unde multi raro, alii rarissime, et post longas temporis moras accedebant ad sanctum adeo, et necessarium pœnitentiæ sacramentum. Videns ergo illud generale Concilium summam perniciem ex hac fidelium socordia, indevotione, infrequentia, et quasi contemptu erga hoc sacramentum, eisdem fidelibus, totique ipsius Ecclesiæ corpori imminere ; præcepit (non obstantibus hinc inde opinionibus, quas nec approbavit, nec damnavit, sed prætermisit) ut fideles singulis saltem annis semel confiterentur. In quo summa providentia, et non minori temperantia se gessit : nam prioribus temporibus, ubi major erat fervor, et sanctitas Christianorum, ter in anno obligabantur ad confessionem, ut patet ex Fabiano Papa in cap. *Et si non frequentius*, de Consecrat. dist. 2, et ex Concilio Turonensi tertio, can. 50. Sed Lateranense attendens ex una parte ad fidelium teporem, et ex alia ad utilitatem ex sacramento obvenientem, nec ejus usum reliquit eorum arbitrio, ex quo noluit in dissuetudinem verti, nec illum præcepit cum majori frequentia, ut absolute poterat, sed quasi medium prudenter eligens jussit, ut saltem in unoquoque anno semel facerent sacramentalem Confessionem. Ex quibus, ut ad id, unde processimus, regrediamur, patet Concilii Lateranensis decretum esse de re, quam certe non constat cadere sub præcepto divino ; quamvis nos opinemur cadere in sensu statim declarando.

Et hinc, ut tacitæ objectioni occurramus, non labefactatur doctrina superius tradita, Ecclesiam scilicet non potuisse, nec posse præcipere confessionem sacramentalem, si illam non supponeret a Christo præceptam : quod falsum apparet, siquidem admittimus Christum non præcepisse confessionem annuam, quam tamen præcepit Ecclesia. Non, inquam, corrui, aut dehisceat ille discursus : quia licet Christus non præceperit determinatum confitendi tempus, præcepit tamen, nemine Catholicorum nunc reclamante, vel oppositum sentiente, quod fideles confiterentur omnia sua peccata ante mortem ; in quo tota hujus præcepti difficultas posita est. Quare illa supposita, et aliquando superanda, potuit Ecclesia tempus aliquod, ut ei fieret satis, assignare, atque præcipere, non ad-
ciendo

Occur-
tur
object. 1.

Proposi-
tiones
repro-
bate.

ciendo novam aliquam substantialem, et gravem difficultatem. Quod secus contingeret, si præciperet confessionem peccatorum a Christo nullo modo præceptam, sed relictam per modum consilii libero fidelium arbitrio, ut supra ponderavimus.

Secundo, ac brevius illud effugium, in quo præcludendo sumus, obtruditur animadvertendo, quod nos loco citato non asserimus hominem jure Divino obligari post lapsum ad pœnitentiæ sacramentum suscipiendum intra annum, sed ad pœnitentiam : quæ sunt res diversæ, et posterior latius longe patet, quam prima. Itaque diximus, et modo affirmamus hominem, qui post baptismum lapsus fuerit in mortale, teneri jure divino intra annum de eo pœnitere, tum ut Deo satisfaciatur, et reconcilietur, tum ut propriæ saluti consulat. Id vero potest fieri, vel per contritionem cum voto confitendi peccata tempore debito, ut puta juxta plurium sententiam in articulo mortis; vel per ipsum pœnitentiæ sacramentum eum faciens cum attritione contritum, ut disp. præced. n. 65, et seq. explicuimus. Unde minime sequitur quod juxta nostram sententiam obligentur jure divino fideles in mortale lapsi ad confessionem intra annum, et sacramentum pœnitentiæ in re; sed solum sub disjuncte explicata : quare, si contritionem eliciant, illi obligationi ex jure divino satisfaciunt, proponendo confiteri tempore debito, quodcumque illud sit, et juxta diversas opiniones assignatum. Unde magis roboratur fundamentum pro nostra assertione propositum : quoniam Concilium Lateranense præcepit determinate confessionem annuam : hæc autem non erat. neque est jure divino præscripta : ergo Concilium injunxit rem divino jure non præceptam : atque ideo præceptum Concilii tam ex parte immediate præcipientis, quam ex parte materiæ præceptæ est simpliciter humanum, et non potest dici divinum quoad substantiam, nisi improprie, et secundum quid, quatenus supponit aliquod præceptum divinum de confessione absoluta.

27. Ex quibus infertur primo hominem lapsum, qui culpabiliter omittit annuam confessionem, non peccare ex vi hujus contra præceptum divinum, sed solum contra præceptum Ecclesiasticum. Ratio patet ex dictis : nam præceptum præcipiens an-

nuam confessionem non est divinum, sed humanum Ecclesiasticum : ergo illam omittens non contra illud, sed contra istud ageret, et peccaret. Et confirmatur : quia si post lapsum eliceret contritionem, satisfaceret præcepto divino de pœnitentia, etiam juxta strictiorem, quam tenemus sententiam, quod illud obligat ad non differendum pœnitentiam ultra annum : et tamen omittendo postea culpabiliter confessionem annuam peccaret contra decretum Concilii Lateranensis determinate illam præcipientis : ergo talis confessionis emissio peccatum foret non contra præceptum divinum, sed contra Ecclesiasticum. Diximus, *ex vi hujus* : quia si per totum annum tam contritionem, quam sacramentalem confessionem omitteret, profecto unum, et alterum præceptum violaret, et peccaret contra utrumque. E converso recipiendo cum sola attritione validum, ac fructuosum pœnitentiæ sacramentum, utrumque præceptum adimpleret : ecclesiasticum quidem, ut ex se liquet; divinum vero, quia per attritionem cum sacramento assequeretur ejus finem, nempe reconciliationem cum Deo, et propriam peccatoris salutem, dum ex attrito fit per sacramentum contritus, utique habitualiter per gratiam, et charitatem, ut suo loco explicatum reliquimus.

Infertur secundo, Ecclesiam posse abrogare, seu tollere præceptum annuæ confessionis. Sic docent communiter Theologi, et videri possunt Soto in 4, dist. 18, q. 1, art. 5, et Suarez disp. 36, sect. 1, an. 5. Sed an omnes loquantur consequenter, non ita patet : quia Ecclesia nequit abrogare præcepta divina : plures autem eorum asserunt istud annuæ confessionis esse simpliciter divinum quoad substantiam. Sed juxta nostram sententiam res est perspicua ab opposito fundamento : nam prædictum præceptum est simpliciter humanum ecclesiasticum ; Ecclesia vero abrogare valet leges a se conditas, sicut in aliis communitatibus, et principibus contingit. Sed ut talis abrogatio licite fieret, necessaria foret causa satis gravis, et urgens, quippe ea potestas data est Ecclesiæ in ædificationem, et non in destructionem : talis vero abrogatio sine urgenti causa esset toti fidelium communitati valde nociva, atque ideo illicita. Unde oportet distinguere : nam

Duo
modi
abro-
gandi
præcep-
tum
confes-
sionis.

prædicti præcepti abrogatio dupliciter fieri posset: primo tollendo absolute illud, et nullam relinquendo pro confessione temporis determinationem: secundo prorogando tempus de facto assignatum designando v. g. pro ea obligatione tempus duorum, aut trium annorum. Ad primum censemus nunquam posse occurrere rationabilem causam, quæ illud honestaret; et aliunde ex prædicta abrogatione sequi gravissima damna, utputa minorem de sacramento pœnitentiæ existimationem, et nullam, aut fere nullam in fidelibus, præsertim idiotis, et rusticis curam de propria salute: quare Ecclesia suo muneri, et potestati illa incommoda vitandi palam contraireret, si nullum confitendi tempus designaret, vel assignatum pœnitentis tolleretur. In secundo autem non videmus repugnantiam: fieri enim posset, quod Ecclesia ad eum statum, et miseriam ob persecutionum rabiem redigeretur, ut facile non possent fideles confiteri singulis annis; atque ideo licitum appareret prorogare tempus, et assignare majus spatium duorum v. g. annorum. Sed hoc non ita contingens est in tota Ecclesiæ communitate, sed magis in aliquo regno, aut Provincia, in quibus nimis urgeret in fideles persecutio, et in confessionem odium. At nec in isto casu videtur illa abrogatio necessaria, vel in toto, vel in parte: sufficeret namque epicheja, seu rationale lumen dictans præceptum illud humanum tempus confessionis determinans, non obligare tunc cum tanto periculo.

Quæ de abrogatione diximus, extendi possent, et debent ad dispensationem per Ecclesiam, sive Papam in eodem annuæ confessionis præcepto, et quidem a fortiori; cum plus sit abrogare legem, quam in illa dispensare: abrogatio enim totaliter relaxat legem, dispensatio vero solum in parte: unde si Ecclesia potest, ut diximus, prædictum præceptum abrogare, pariter in eo dispensare. Sed sicut abrogatio requirit justam causam, quæ nullo modo occurrere potest ad abrogandum totaliter prædictum præceptum respectu totius communitatis fidelium; ita nec ad dispensandum in eo cum eadem extensione, et latitudine. Cæterum sicut ad abrogandum illud partialiter quantum ad aliquam temporis partem, vel respectu alicujus Provinciæ non

repugnat rationem justam occurrere: sic etiam dicendum est de dispensatione, quæ aliquid temporis prorogaret respectu alicujus, aut aliquarum personarum; de gentium v. g. inter barbaros, aut hæreticos. Quoquo autem modo, et abrogatio, et dispensatio fierent, validæ forent: quia cum prædictum præceptum factum fuerit, et conservetur dependenter a voluntate Papæ, vel Ecclesiæ, abrogatio, vel dispensatio teneret, quamvis fieret illicita. An autem ea inordinatio foret peccatum mortale, aut non, regulandum est juxta duas satis communes sententias, quarum una in universum affirmat superiorem, aut legislatorem peccare mortaliter, quando sine causa in sua lege dispensat. Ita Sotus, Covarruv. Suar. Tapia, et alii, quos refert N. Andreas tract. de Legibus c. 5, punct. 6, n. 65. Alia vero id cum hac generalitate negat. Ita Basil. Sanch. Villalobos, et alii, quibus relatis subscribit ipse Andreas loc. cit. n. 66. Sed hæc ipsa secunda sententia addit, quod si ex dispensatione sequatur damnum extrinsecum, utputa scandalum, turbatio Reipublicæ, contemptus legum, etc., tunc dispensatio foret peccatum mortale. Et conformiter ad prioris sententiæ resolutionem, et posterioris limitationem dicendum est Pontificem, vel Ecclesiam non posse absque gravi peccato abrogare totaliter, vel dispensare cum tota fidelium communitate in prædicto præcepto: quia ex tali vel abrogatione, vel dispensatione plura Christianæ Reipublicæ sequerentur incommoda, et inter ea potissime ipsius Confessionis contemptus, ut supra diximus. Quæ damna forsitan vitari possent in abrogatione particulari ad modicum tempus, et in dispensatione cum aliquo particulari, cessante scandalo, et aliorum notitia: et sic abrogans, aut dispensans vel non peccaret absolute, vel non peccaret mortaliter. Sed vix, aut nullo modo causam reperimus, quæ abrogationem, aut dispensationem in tanto præcepto honestet; cum aliæ providentiæ, quælibet necessitas repræsentetur, possint pro ejus remedio occurrere.

Soto,
Covarr.
Suarez,
Tapia,
Basilio,
Sanch.
Villalob.
Andreas

§ II.

Recensentur sententiæ præmissis assertionibus oppositæ.

Medina, Suarez, Vasquez, Filliuc. Hurtado. 28. Contra primam conclusionem sentiunt Adrianus in 4, q. 2, de Confessione, Joannes de Medina cod. de Confessione, q. 2, Suarez disp. 35, sect. 1, Vasquez q. 90, art. 1, dub. 4, Filliucius tract. 7, cap. 2, quæst. 2, Gaspar Hurtado disp. 7, difficult. 8, et communiter Recentiores, eisque ex Thomistis adhæret Nugnus q. 6, Suppl. art. 1, dub. 3, qui affirmant Ecclesiam potuisse præcipere annuam confessionem peccatorum, licet confessio a Christo præcepta non esset. Quod probant primo : quia Ecclesia, salva sacramentorum essentia, et veritate, potest circa illorum usum præcipere, quæ congrua judicaverit pro salute, et utilitate fidelium ; sed quod confessio fiat singulis annis non est contra essentiam, et veritatem sacramenti pœnitentiæ, ut de se liquet ; aliunde vero multum congruit fidelium utilitati, ut nos supra ponderavimus : ergo Ecclesia posset præcipere fidelibus confessionem annuam, quamvis a Christo præcepta non fuisset. Major, in qua sola poterat esse difficultas, probatur ex Concilio Trident. sess. 21, cap. 2, ubi ait : « Præterea declarat hanc potestatem » perpetuo in Ecclesia fuisse, ut in sacramentorum dispositione, salva illorum » substantia, ea statueret, vel mutaret, » quæ suscipientium utilitati, seu ipsorum » sacramentorum venerationi, pro rerum, » temporum, et locorum varietate magis » expedire judicaret, etc. » Idque varietate in modo celebrandi sacramentum matrimonii, in modo conferendi baptismum per immersionem, aut per aspersionem in dando, aut negando laicis sacramentum Eucharistiæ sub utraque specie, et aliis sexcentis exemplis, confirmari potest.

Confirmatur primo : quia non obstante, quod Christus non præceperit fideles confiteri in unoquoque anno, Ecclesia potuit præcipere, præcepitque annuam confessionem, ut constat ex secunda assertionem nostra : ergo quamvis Christus confessionem non præcepisset, Ecclesia illam præcipere posset. Probatur consequentia tum a paritate : quia ita comparatur præceptum Ecclesiæ confitendi non supposito Christi

confitendi præcepto ; sicut præceptum Ecclesiæ confitendi singulis annis non supposito præcepto Christi in eisdem singulis annis confitendi : ergo si Ecclesia potuit hoc præceptum imponere, potuit et illud. Tum etiam, quia si non posset, maxime ob ingentem difficultatem rei a Christo non præceptæ ; sed etiam in confitendo singulis annis est notabilis difficultas in re, quæ a Christo præcepta non est : ergo sicut Ecclesia præcepit confessionem annuam, licet a Christo præcepta non fuerit, sic etiam posset præcipere absolute confessionem peccatorum, quamvis hæc absolute a Christo præcepta non esset.

Confirmatur secundo : quia Christus non præcepit confessionem venialium ; et tamen Ecclesia potest illorum confessionem præcipere : ergo pariter posset præcipere mortalium confessionem, licet non esset a Christo præcepta. Cetera constant, et minor, in qua poterat esse difficultas, ostenditur : nam Ecclesia in Clementina, *Ne in agro Dominico* de statu Monachorum, præcepit Benedictinis, ut singulis mensibus confiterentur ; sed incredibile est, quod hoc præceptum direxerit ad confitenda sola mortalia, cum hæc non ita communiter reperiantur in personis religiosis, ut plane erant illi, qui ex desiderio majoris perfectionis, ac reformationis in suo Ordine, illud præceptum a Sede Apostolica petierunt : ergo tale præceptum obligavit etiam ad confessionem venialium.

Confirmatur tertio : quia Christus non præcepit iteratam mortalium confessionem ; sed Ecclesia potest fidelibus præcipere, ut peccata mortalia semel confessa iterum confiteantur : ergo similiter licet Christus non præcepisset absolute mortaliū confessionem, posset Ecclesia illam absolute præcipere. Minor probatur primo ex decreto Martini V, in Extravag. *Ad uberioribus fructus*, ubi statuit fideles, qui Fratribus confiterentur, teneri nihilominus semel in anno suis Parochis confiteri. Et Sixtus IV, in Extravag. *Vicos inter communes*, titulo *de tregua, et pace* præcepit Mendicantibus, ut desisterent prædicare, quod subditi non tenentur saltem in Paschate confiteri proprio sacerdoti, et subjunxit : « Quia de jure tenentur Parochiani » saltem in Paschate proprio confiteri sacerdoti. » Obligavit itaque Ecclesia fide-

Confir-
mat. 2.

Confir-
mat. 3.

Concil.
Trident.

Confir-
mat. 1.

les, ut confiterentur Parocho peccata, de quibus fuerant per Mendicantes, et alios Fratres jam absoluti. Secundo, et urgentius, probatur eadem minor : quia apud Cistercienses statutum est Monachos, qui intra annum cum confessario ordinario confessi fuerint, debere eadem peccata in fine anni suo Abbati confiteri, ut ex eodem Ordine refert Dionys. in 4, dist. 23, q. 2, art. 2. Et quamvis ille non bene sentiat de tali statuto, quasi imprudenter facto, et non habente vim obligandi : nihilominus illud approbatum, et confirmatum est a duobus Pontificibus, Sixto IV, et Pio II. Ergo Ecclesia præcipere potest iteratam peccatorum confessionem, quam Christus non præcepit.

Respon-
sio argu-
ment.

29. Ad argumentum respondetur majorem solum verificari per se loquendo in rebus, quæ non afferunt gravissimam fidelibus difficultatem ; vel si eam afferant, non præcipiuntur absolute, sed solum ex suppositione ipsis fidelibus voluntaria ; sicut continentiam perpetuam, rem de se satis difficilem, præcipit aliquibus hominibus, nempe Clericis majorum Ordinum, non quidem absolute, sed ex suppositione illis libera, quod voluerint ordinari cum tali onere. Illa vero, quæ pro suadendo majorem efferunt tum ex Tridentino, tum ab exemplis, non amplius, quam a nobis concessum evincunt : omnes enim illæ mutationes, vel additiones nullam fidelium considerabilem molestiam inducunt, ut facile consideranti constabit. Si autem notabilissimam ultra præceptum Divinum afferrent, forsân præcipi non valerent, ut quod matrimonium non celebraretur inter consanguineos in quolibet gradu etiam remotissimo, aut quod nemo susciperet Eucharistiam, nisi præmissa semper confessione, licet nullum adesset mortale novum, sed sola venialia. Ad minorem autem dicendum, quod ea utilitas, quam ex confessione annua præcepta repræsentatur, non dependet a præcepto ; sed possent fideles illam consequi independentem ab illo, accedendo ad sacramentum, quoties vellent illo voluntarie uti : sicut et modo sæpius intra annum confitentur, quamvis id ab Ecclesia non præcipiatur. Intellectis itaque, et omissis in prædicto sensu majori, ac minori, neganda est absolute consequentia : nam in confitendo omnia peccata

mortalia est adeo magna difficultas, ut soli Dei præcepto reservatur : quo non supposito, si Ecclesiasticum poneretur, non multum afferret utilitatis, quippe quæ haberi etiam posset sine illo, per voluntarium fidelium accessum. Modo autem supponitur præceptum divinum, et congruit quod Ecclesia per proprium excitet desideres, ut confitendo saltem semel in anno, tam Divino, quam Ecclesiastico satisfaciant, et fructum ex confessione percipiant.

Unde ad primam confirmationem, præ-
termino antecedenti, negamus consequentiam ob manifestam disparitatis rationem : nam modo adest Divinum præceptum nos obligans absolute ad confitendum omnia peccata mortalia, quamvis de illis perfectam contritionem habeamus ; ista quippe de facto non aliter peccata remittit, quam voto, sive proposito illa subjiçendi clavibus. Sub quo onere, sive obligatione positos nos supponit Ecclesia. Quod autem huic obligationi satisfiat hoc, vel illo tempore, non addit notabilem, aut molestam nimis difficultatem ; cum solum versetur circa differentiam temporis, et non circa substantiam illius oneris a Deo injecti. Et cum circa determinationem temporis, in quo præceptum Divinum urgebat, essent plures sententiæ, ut vidimus num. 26, aliis assignantibus totum vitæ spatium, aliis ad brevius tempus restringentibus : consultissime processit Ecclesia determinando tempus unius anni, et præcipiendo, quod fideles saltem intra illud confiterentur ; ne scilicet præceptum Divinum usu, fine, ac fructu, ut in multis contingebat, defraudaretur cum summo non confitentium in tota vita dispendio. Assignavit autem spatium unius anni, quod nimis multum non est, et quale iuxta aliquorum sententia desideraret ; nec tamen est nimis breve, ut molestiam notabilem afferat ; sed medium, ac temperatum, ut prudentia posset præscribere. Hinc ad primam consequentiæ probationem patet nullam esse paritatem : nam de facto datur absolute Divinum de confessione præceptum, cui Ecclesia potuit in sensu præmisso adjicere : sed in contraria suppositione nullum præceptum Divinum daretur de confessione : et ideo Ecclesia non posset ejus onus simpliciter introducere. Ad secundum etiam constat : nam molestia

Satisfac-
tio I
confir-
mationis.

molestia, quæ de facto occurrit ex determinatione unius anni, est satis levis comparative ad proveniente[m] ex Divino præcepto confitendi absolute omnia mortalia : unde minime excedit potestatem Ecclesiæ in recta gubernatione fidelium. Sed facta suppositione contraria, quod non daretur præceptum Divinum ; onus molestissimum imponeret ipsa Ecclesia, si confessionem præciperet, quam Christus sacramenti pœnitentiæ institutor solum sub consilio, et pro pœnitentium arbitrio relinqueret.

Enodatur
confirmatio 2.

30. Ad secundam confirmationem respondetur distinguendo minorem, eamque, si intelligatur de confessione aliquorum peccatorum venialium aut vage, aut determinate, admittimus ; sed intellectam de confessione omnium venialium illam negamus, et deinde absolute consequentiam. Itaque dicimus non posse Ecclesiam obligare fideles ad confitendum omnia venialia : id enim, præterquam quod non est præceptum a Christo, foret nimis durum, et intolerabile, ut recte notavit Lugo disp. 15, sect. 6, § 4, num. 129 ; sunt enim ipsa plurima, et non omnia facile cognoscuntur. Quin Arauxo q. 84, art. 5, dub. 4, vehementer addit talem legem non fore validam : quia esset imprudens, et injustum facere peccata venialia materiam necessariam sacramentalis confessionis, et quod essent connexa in ordine ad absolutionem, quæ non sunt connexa in ordine ad remissionem, cum unum possit sine alio remitti. Lex autem maxime Ecclesiæ, salutis animarum prospiciens debet esse justa et prudens. Sed tamen non reperimus repugnantiam in eo, quod Ecclesia præciperet confessionem aliquorum venialium determinatæ speciei, v. g. mendacii, vel vage hujus, vel alterius ad arbitrium pœnitentis ; quamvis id a Christo præceptum non sit. Quia ex una parte sic confiteri venialia vix ullam molestiam afferret, non quidem examinis, quod illo modo præcipiendi in totum pœna vitaretur : nec alterius erubescentiæ, cum non sit, qui in venialia non labatur. Aliunde vero ex parte finis occurreret magna utilitas frequentandi confessionem, et percipiendi gratiæ augmentum. Hæc autem non ita occurrunt in confessione mortalium : quia cum unum absque aliis remitti non possit, si semel unum ; omnia confiteri debent :

et omnia ob sui gravitatem, et quædam ob specialem turpitudinem, aut malitiæ excessum summam in sua manifestatione afferunt pœnitenti confusionem, omnibus molestiis graviores. Quare, si non fuisset mortalium confessio præcepta, non posset ab Ecclesia præcipi ob magnam, quæ fingatur, utilitatem : præsertim cum hæc per alia media, et confitendo voluntarie, sive absque præcepto obtineri posset, ut supra diximus. Probatio autem minoris id tantum suadet, quod concedimus, ut facile consideranti constabit : illa enim constitutio obligabat Benedictinos monachos ad semel confitendum singulis mensibus, quod multum ad eorum reformationem, et majorem perfectionem referebat. Sed non obligabat determinate ad mortalia, nec determinate ad venialia : et rursus ubi non occurrerent mortalia, non obligabat ad confessionem omnium venialium, sed ad confessionem saltem alicujus, quodcumque esset. In quo sensu non multam molestiam afferebat, nec singularitatem odiosam : et aliunde multum conducebat ad perfectionem vitæ Religiosæ, et ad propulsandam notam, quam certe non vitaret Religiosus, qui integrum mensem absque confessione sacramentali transigeret.

An autem illud decretum Clementinæ obligaverit Benedictinos sub peccato mortali, non certo constat. Sunt, qui sentiunt illud solum obligasse ad confessionem mortalium, in quæ monachi post ultimam confessionem incidissent : nam censent, quod, sicut in cap. *Omnis utriusque sexus*, facta est determinatio præcepti divini ad confessionem annuam pro omnibus fidelibus ; ita in dicta Clementina facta est major determinatio tam præcepti divini, quam præcepti Ecclesiastici ad confessionem menstruam pro monachis Benedictinis, sic exigente majori illorum perfectione supra communem vitam fidelium. Unde consequenter docent, quod sicut fideles in vi prædicti decreti *Omnis* non tenentur confiteri nisi peccata mortalia hactenus clavibus non subjecta : et ideo si illis careant non tenentur ad annuam confessionem juxta communio[n]em, et probabiliorem sententiam : sic etiam illi monachi solum obligarentur ad confessionem menstruam, si haberent mortalia ; secus vero si solum venialia : horum enim con-

Delgad. fessio non cadit sub præcepto divino, nec sub Ecclesiastico, quorum illa Clementina fuit determinatio. Quam doctrinam indicavit Glossa, quam refert, et sequitur Delgadillo cap. 17, dub. 22. Sed illis non acquiescimus; quia communis sententia est, et prædictæ Clementinæ valde conformis, illam absolute obligasse Benedictinos, ut singulis mensibus confiterentur in sensu supra præmisso, hoc est, abstrahendo a qualitate materiæ remotæ, quod essent mortalia, aut venialia prius confessa, vel non confessa. Attendit enim per se illa Apostolica constitutio non ad necessitatem absolutam, sed ad majorem profectum, et decentiam, quæ in Religiosis frequenti usu sacramentorum proveniunt, et quod indecens esset illos ultra mensem omittere confessionem. Cujus generis sunt similia statuta cum apud nos, cum apud alios Ordines confitendi non solum singulis mensibus, sed etiam in singulis hebdomadibus. Nec ista referuntur ad casum præcisum conscientiæ peccati mortalis; sed præcipitur absolute confessio, quamlibet materiam afferat.

31. Quare prætermissa ea responsione, perstat dubium propositum de qualitate obligationis ex vi illius Clementinæ. Cajetan. Canus. tom. I opus. tit. 5, q. 1 Canus de pœnit. part. 5, § *At vero huic*: et alii sentiunt non obligasse sub mortali. Quia ut proxime vidimus, non obligabat ad confessionem mortaliū, sed illi fiebat satis confitendo præcise vel unum veniale: id vero est materia levis, ad cujus confessionem nemo sub mortali obligatur. Ad quam sententiam videtur accedere Navarrus de pœnit. dist. 6, dum dixit monachos illos debuisse confiteri singulis mensibus ex honestate, non addens majorem obligationem. Sed alii non minus graves censent eam obligationem fuisse sub mortali. Ita Sotus in 4, dist. 18, q. 1, art. 3, Vasquez q. 90, art. 2, dub. 3, a num. 8 et alii, quibus favet Suarius disp. 36, sect. 5, num. 5, cum motiva contrariæ opinionis dissolvit. Horum ratio est, quod lex non minorem vim habet ad obligandum subditos in debita materia, quam votum; sed votum confitendi singulis mensibus, vel non determinando materiam, vel determinando sola peccata venialia, obligat sub peccato mortali: quippe talis voti materia, nempe

confessio est satis gravis, quidquid fuerit de qualitate peccati in ea explicandi: ergo idem dicendum est de lege, aut decreto confitendi singulis mensibus. Præsertim cum legislator utitur verbo *teneantur*, aut alio simili de se sufficienti ad inducendum gravem obligationem. Utramque sententiam censemus valde probabilem. Sed quæ sit præferenda, determinare non possumus, nisi cognitis prius traditione, acceptione, et modo, quibus ea lex in prædicto Sacro Ordine praticari cœpit, et nunc est in usu: ab his namque, et non a nuda lege pendet qualitas obligationis, ut sæpe in similibus contingit. Quare accurata decisio remittenda est ad domesticos, sapientes, et timoratos prædicti Ordinis professores. Interim in casu dubii magis inclinamur ad secundam opinionem: quia, ut recte vidit Suarez loco cit. in dubio qualitas obligationis legis regulari debet juxta vim verborum, quibus utitur, et conditionem materiæ, in quam cadit: ad quæ, si in ea Clementina attendamus, gravem reperimus obligationem induxisse. Et motivum primæ opinionis non premit: quia licet peccatum veniale sit materia levis, confessio tamen ejus est materia satis gravis, et multum conferens ad perfectionis augmentum: quare sicut potest esse materia obligationis gravis respectu voti, ut omnes concedunt, sic etiam respectu legis. Et minime dubitamus, quod si apud nos convinceretur aliquem religiosum per tres, aut quatuor menses non accessisse ad sacramentum pœnitentiæ, possent superiores illum cum præcepto formali obligare ad confitendum: tum, ut isto medio adeo opportuno illum inducerent ad studium perfectionis, cui comparandæ ex professione tenetur: tum, ut vitaretur scandalum aliorum religiosorum ex tam extraordinaria apud nos confessionis infrequentia, quæ videretur ejus contemptus, aut potius propriæ salutis: timerent namque omnes, ne quid gravioris ibi mali lateret.

Hic vero duo observanda sunt. Primum, Concil. Trident. in Concilio Trident. sess. 25, cap. 10, istud decretum reperiri: « Attendant diligenter Episcopi, ac ceteri Superiores « Monasteriorum Sanctimonialium, ut in « Constitutionibus earum admoneantur « Sanctimoniales, ut saltem singulis mensibus confessionem peccatorum faciant, etc.

« etc. » Ex quo dicere quis posset eodem modo discurrendum esse de illis quantum ad obligationem confitendi singulis mensibus in vi hujus decreti, ac de Benedictinis in vi decreti Clementinæ relatæ. Sed res aliter omnino se habet : nam verba Tridentini immediate relata non important rigorosam legem, quæ præcepti obligationem inducat : quippe verbum *Admoneantur*, quo Concilium utitur, non est præceptivum, sed exhortativum. Secundum, aliquos esse, qui ex prædicta Clementina, præsertim prout a nobis explicata, colligunt, quod sicut Benedictini tenentur confiteri singulis mensibus, quamvis peccata mortalia non habeant, sed opus eis sit aliam materiam adhibere, ut puta venialia, vel mortalia jam confessa : sic etiam omnes fideles tenentur absolute confiteri singulis annis, quamvis nullum peccatum mortale non confessum habeant, sed sola venialia : quia Concilium Lateranense absolute, et sine ulla restrictione præcepit omnibus fidelibus annuam confessionem, sicut Benedictinis præcipitur menstrua. Sed de hac difficultate congruentior erit locus infra n. 44. Interim notamus illationem esse illegitimam : quia attendit ad solam materialem similitudinem verborum in utroque decreto, prætermisso respectu ad personas, et fines, ex quibus major, aut minor extensio legis dependet, ut rationalis sit. Clementina directa est ad viros religiosos perfectioni vacantes, quibus congruit singulis mensibus confiteri saltem de venialibus, nec id ipsis durum, aut molestum reputari debet ; sed decretum Lateranense ordinatum fuit pro omnibus fidelibus etiam idiotis, quibus molestissimum foret, ubi mortalia non habent, obligari ad venialium confessionem. Præterea Clementina in id studuit, ut illi monachi suo profectui vacarent tum per alia media, tum per confessionem menstruam quorumlibet peccatorum, ad quam illa in personis spiritualibus est aptissima. Sed Lateranensis constitutio illud præcipue intendit, ut præceptum Christi de confessione non penitus vacaret, ut in multis contingebat : et ideo tempus, in quo impleretur, determinavit : cum autem divinum Christi præceptum ad solam mortalium confessionem se extendat ; istorum præcise confessio in decreto illius Concilii comprehensa

Salmant. Curs. Theolog. tom. XX

fuisse videtur. Reliqua prosequemur loco citato.

32. Ad tertiam confirmationem negamus minorem. Et ad primam ejus probationem dicendum est illas pontificias constitutiones, tunc obligantes, non imposuisse fidelibus obligationem confitendi iterum Parocho peccata jam apud alios confessa ; sed solum confitendi semel in anno Parocho saltem in Paschate : sicut modo est obligatio accipiendi semel communionem ab illo. Unde confessio ex præcepto Parocho facienda solum erat de peccatis, quæ post ultimam confessionem occurrerent, ut postea declaravit Benedictus XI, in Extravag. *Inter cunctas* diffiniens confessos Fratibus privilegiatis non teneri illa peccata iterum confiteri, « non obstante, *inquit*, constitutione Generalis Concilii, quæ sano intellectu (ne sequatur absurdum, quod per « pœnitentiam peccata dimissa quis confiteri debeat, et quod liberatus debitor ad « solvendum maneat obligatus) intelligentia est de illis, qui peccata sua confiteri « aliis neglexerunt. » Diximus *tunc obligantes*, quia modo certum est non obligare : et omnes Religiosi sumus in pacifica possessione utendi privilegio, quod habemus administrandi sacramenta pœnitentiæ, et Eucharistiæ in quolibet tempore, excepta Eucharistiæ administratione in Paschate, et in articulo mortis.

Unde ad secundam ejusdem minoris probationem, quæ tangit speciale sacri Ordinis Cisterciensis statutum, et solet majus negotium facessere (omissa Vasqui responsione, qui q. 93, art. 1, dub. 6, dicit illud approbatum fuisse a Sixto IV, secundum quorundam opinionem, reclamantibus multis viris : quia hæc solutio parum consulit et Patribus, qui illud statutum fecerunt, et Summo Pontifici illud approbanti,) possemus eodem modo respondere statutum illud solum obligare monachos ad confitendum semel in fine anni suo Abbati, non tamen peccata, a quibus absoluti jam sunt, sed solum illa, quæ commiserunt ab ultima confessione. Et ita sensisse Henriquez refert Lugo disp. 15, sect. 6, num. 97. Sed id non ita congruit veteri illo statuto, quod declarat monachos teneri ad confitendum semel in anno suis prælatis omnia peccata, quæ fecerant ab ultima sua confessione prælatis facta ; atque ideo

Fit
satis 3
confir-
mationi.

Bene-
dict. XI.

Henriqu.
Lugo.

obligabat non ad solam peccatorum confessionem, quæ patrata fuerunt a confessione ultima Confessario cuilibet facta. Sed quidquid olim fuerit, Llamas ejusdem Sacri Instituti professor, testatur l p. Method. c. 6, § 20, illud statutum ita a Prælati temperatum, ac explicatum modo esse, quod subditos non obligat ad repetendas confessiones cum aliis factas, sed solum ad confitenda peccata illa, quæ ab ultima confessione fecerunt. Et rebus ita se habentibus, evanescit illa minoris probatio. Ceterum pro majori veneratione veteris statuti, et a fortiori Pontificiæ approbationis, duximus addendum nihil absurdi, aut difficultatis impracticabilis continuisse: quia licet respectu communitatis omnium fidelium id foret nimis arduum, et propterea non possit ab Ecclesia omnibus præcipi, neque a Christo præcipiatur; respectu tamen profitentium magnam perfectionem non insolens, nec ita difficile est, quod subditi conscientiæ secreta, et ipsa peccata superioribus manifestent. Unde et subditi possunt ad id voto se obligare, et superiores in ipsum pro suo munere eisdem injungere. Idque, (quamvis sine statuto in conscientia obligante) putamus esse multis religionibus commune. Et quod ad nostram attinet, constat ex l p. Constitut. cap. 18, n. 4, ubi dicitur: « Quare prælati omnibus danda est opera, ut semel ad minus in unoquoque mense separatim cum singulis confabulentur, eorumque necessitates non solum spirituales, sed etiam temporales inquirant. Ad majorem vero conservationem hujus reciproci amoris, et paternæ conversationis inter prælatos, et subditos, præcipimus prælati, ut saltem una vice pro singulis mensibus, suorum subditorum (ipsis ultro, et sponte petentibus) confessiones audiant, eosque sæpius ad communicationem spirituales alliciant, et adhortentur: moneantque non semel, quantum eorum profectui intersit suis prælati, Christi vicem gerentibus, conscientias delegere, animæ sinus aperire, et interiora omnia fideliter nudare: cum impossibile sit secundum probatissimam, et verissimam Patrum sententiam quemquam eorum, qui sub obedientia vivunt, absque spiritualis magistri ductu ad perfectionis metam pervenire. » Conve-

nit itaque religiosorum perfectioni, ut compendiosius ad eam perveniant, et solenter in via spiritus dirigantur, quod sua peccata, statumque conscientiæ prælati patefaciant. Nullus vero modus aptior, securior, et suavior hujus manifestationis potest excogitari, quam sacramentalis confessio, ubi omnia peccata relinquuntur sub sacramenti sigillo, quin prælatus simul confessor possit subditum confitentem in foro externo infamare, molestare, vel a muneribus, et honoribus tum habitis, tum expectatis impedire; sed tantum intra idem sacramentum commonefacere, et ad propositum perfectionis studium, quod professus fuit, urgere. Nulla ergo est repugnantia, nullum momenti inconveniens in eo, quod Sacer ille Ordo statuerit id, quod asseritur. Sicut enim potuit reservare omnia peccata mortalia, ut a solis superioribus sacramentaliter remitterentur: sic potuit præcipere, quod vel aliis primo confessa subicerentur iterum Prælati in confessione: et forte illud statutum hunc modum, aut quasi conditionem reservationis continebat.

Nobis autem post multa hinc inde excogitata, et attente considerata illud verosimilius videtur; a principio illius Ordinis non fuisse præceptum, aut statutum, sed solum usum, et laudabilissimam consuetudinem, quod monachi manifestarent Abbatibus etiam extra sacramentum peccata gravia, in quæ incidissent, sicut omnes Doctores spirituales monent, et commendant. Sed postea cum viderent Prælati, deficientes in subditis pristino illo spiritus fervore, antiquam consuetudinem in dies deficere pro humana fragilitate; statuerunt, quod monachi in fine anni intra sacramentum pœnitentiæ manifestarent Abbatibus omnia peccata mortalia eo anno commissæ, abstrahendo, quod fuissent, vel non alteri sacerdoti exposita. Et quidquid fuerit de obligatione, quam jam professorum conscientiis tale præceptum tunc injecerit: tamen ubi positum fuit, et a denuo profitentibus secundum Ordinis statuta, et constitutiones cognitum, gravem obligationem induxit fundatam saltem in profitentium voto; quod negat nemo fieri ab unoquoque posse de manifestandis suis culpis gravibus prælato tam intra, quam extra sacramentum. Sicut in reformatione nostra non

erat

erat olim præceptum non comedendi carnes extra domum, sed solum regula obligans præcise sub peccato veniali, aut laudabilis, et satis accurate observata consuetudo. Sed ubi superiores id ob justissimas, quas habuerunt causas, præceperunt sub culpa gravi; certum est omnes, qui inter nos profitentur, ex vi votorum, quæ ultronei faciunt, obligari ad observandum dictum præceptum. Quare, ut regrediamur ad propositam difficultatem, pro qua superanda ista expendimus, liquet in religionibus profitentibus magnam perfectionem posse reperiri obligationem gravem (undecumque oriatur) confitendi peccata jam confessa: sed prædictam, aut similem obligationem imponi ab Ecclesia non posse omnibus indiscriminatum fidelibus.

33. Contra secundam nostrarum assertionum non invenimus, quem referamus absolute loquendo; quippe Concilium Lateranense præcepisse fidelibus annuam confessionem, est res facti, atque omnibus notoria, quam nec hæretici negant, licet vehementer oppugnent ut rem ipsis palpatibus nimis duram. Et quamvis aliqui ex Catholicis olim senserint præceptum Concilii non fuisse circa confessionem annuam per se, sed solum erga communionem in Paschate, et ejus ratione confessionem in habentibus mortalia: nihilominus contrarium est nunc omnino certum, ut numer. 24 ostendimus ex doctrina, ac definitione Conc. Tridentini, adjuncta communi Theologorum sententia, et fidelium apprehensione. Unde nihil occurrit, quod contra existentiam præcepti Ecclesiastici de confessione annua opponamus, et dissolvamus.

Ab alio tamen latere possent contra illam referri, qui de vi obligandi in tali præcepto vel dubitarunt, vel minus recte sensisse videntur: præceptum enim, quod virtute obligandi destituitur, voce tenus est præceptum, sed vere non existit. Durandus quidem in 4, dist. 17, q. 8 et 14, et Turrecremata dist. 1, § *Denique*, n. 4, de hoc dubitarunt: quia Ecclesia nequit imponere præceptum, cujus transgressionem punire non valeat: ita autem se habet ommissio confessionis: nam si quis dicat Parocho, aut Ecclesiæ se non peccasse mortaliter, et ideo non confiteri; non posset per Ecclesiam convinci, neque puniri. Au-

dacius processit Auctor Margaritæ Confessorum, verbo *Confessio*, fol. 41, dicens, prædictum præceptum non comprehendere peccata cordis, eo quod Ecclesia nequeat de illis judicare. Idemque prius dixerant Petrus Oxonensis (qui in multis circa sacramentum pœnitentiæ erravit, ut sæpius in hoc Tract. diximus), apud Frias in Summa cap. 4, fol. 43, et Glossa ex Bartolo in cap. *Sicut*, de Pœnitentia, dist. 1. Sed omnes isti assertionem nostram non negant, fatentur enim dari præceptum annuæ confessionis; negant tamen ejus extensionem ad hanc, aut illam materiam, vel de illa dubitant. Aliunde vero motivum eorum levissimum est: nam confessio sacramentalis, quam in unoquoque anno faciendam præcipit Ecclesia, est res externa, ac sensibilis, de qua ipsa optime judicare potest, ejusque culpabilem omissionem punire. An vero confessio sacramentalis ex præcepto, et institutione Christi importet obligationem manifestandi omnia mortalia, licet occultissima, est difficultas longe diversa, quam superatam dub. præced. reliquimus, et ulterius congruentiori ordine attingemus infra n. 60, agentes de materia hujus Ecclesiastici præcepti. Modo satis sit dicere oppositam sententiam in his dicendi modis insinuatam esse erroneam, et temerariam, ut omnes observant, et convincitur præsertim ex Concil. Trid. sess. 14, cap. 5, ubi agens de divino confitendi præcepto, inquit: « Ex his colligitur oportere a pœnitentibus omnia peccata mortalia, quorum post diligentem sui discussionem conscientiam habent, in confessionem recenseri, etiamsi occultissima illa sint, et tantum adversus duo »
« ultima Decalogi præcepta commissa. » Deinde circa finem capitis addit: « Neque enim per Lateranense Concilium Ecclesia statuit, ut Christi fideles confiterentur, quod jure divino necessarium, et institutum esse intellexerat: sed ut præceptum confessionis saltem semel in anno ab omnibus, et singulis, cum ad annos discretionis pervenissent, impleatur. » Ex quibus patet, quod sicut non ab institutione Ecclesiæ, sed ab institutione Christi est obligatio confitendi omnia mortalia in genere; ita non ab Ecclesia, sed a Christo est obligatio confitendi mortalia licet occultissima sint, de quibus Ec-

Concil.
Trident.

Durand.
Turrecremat.

clesia non iudicat. Ipsa vero solum præcepit, quod impleteretur præceptum Christi in singulis annis. Cetera, quæ circa hoc desiderari possent, suo loco prosequemur.

Argumentum circa tertiam conclusionem.

34. Contra tertiam conclusionem sentit Durandus apud Arauxum loco supra cit. § *Alii enim*, affirmans præceptum annuæ confessionis esse ex lege pure divina. In quo, ut ipse Arauxo observat, valde inconsequenter processit : nam illis vocibus satis aperte significat Durandus Ecclesiam fidelibus imposuisse obligationem confessionis annuæ, non ex ordinaria potestate, quam habet condendi alias leges Ecclesiasticas, sed ex potestate speciali sibi a Christo pro tali effectu commissa. Et sic docet in 4, dist. 17, q. 8, et q. 14, n. 5, Ecclesiam auctoritate Christi posse præcipere susceptionem aliorum sacramentorum, non tamen confessionem. Nam aliorum sacramentorum susceptionem, quam Christus non posuit sub præcepto, nequit Ecclesia fidelibus præcipere ex potestate ordinaria, qua leges Ecclesiasticas condit, sed ex speciali Christi commissione : ergo hac via nequit Durandus constituere differentiam inter confessionem, et alia sacramenta, ut hæc Ecclesia possit, non autem illa præcipere. Fundamentum autem ejus erat, quod Ecclesia nequeat præcipere actus internos, cujusmodi est dolor pro confessione requisitus : ergo præceptum, quo id præcipitur, est pure divinum, et non humanum : ergo et præceptum annuæ confessionis. Sed istud fundamentum corruiat ex doctrina proxime tradita, juxta quam omisso antecedenti, et concessa prima consequentia, negamus secundam : nam pro obligatione passiva, quam fideles habent confitendi semel in anno, concurrunt duo præcepta, unum præcipientis pœnitenti omnia, quæ ex parte ejus ad sacramenti valorem requiruntur ; et istud est pure divinum : aliud vero est, quod primum illud supponens, præcipit, vel assignat tempus, in quo, quæ Christus jussit, ut fideles illud adimpleant ; et istud est simpliciter humanum, ut supra ostendimus. Permisso igitur, quod Ecclesia nequeat præcipere actus internos, solum sequitur eam non præcepisse dolorem pro valore confessionis requisitum, sed non sequitur, quod non præceperit tempus confitendi, et quod istud præceptum non sit humanum. Fallitur

Diluitur argumentum.

autem imaginatio apprehendens, quod sicut ex parte pœnitentis est unica obligatio confitendi semel in anno, sic illi correspondeat unicum præceptum ; cum vere sint duo, unum divinum præcipientis absolute confessionem, aliud humanum præcipientis confessionem annuam, sive quod confessio jure divino alias præcepta fiat saltem semel in anno, ut constat ex supra dictis, et magis ex dicendis constabit.

Contra eandem assertionem referri possunt, qui docent præceptum confessionis annuæ esse divinum quoad substantiam rei præceptæ, nempe confessionis, humanum vero quantum ad modificationem rei præceptæ, hoc est, quantum ad tempus, intra quod debet fieri confessio. Ita loquuntur plures, Sotus, Cano, Suarez, Vasquez, Villalobos, Petrus Ledesma, Becanus, Fagundez, Archangelus, Leander, N. Gabriel a S. Vincentio : quos refert, et sequitur N. Franciscus tract. 6, c. 7, punct. 3, n. 26, et alii communiter. Et quidem si per voces quibus se explicant, significant confessionem prius fuisse a Christo præceptam quantum ad substantiam, sed postea Ecclesiam injunxisse, addidisseque modificationem, sive determinationem temporis ; verum docent, et nobis non adversantur, qui totum id concedimus. Sed si intendant præceptum annuæ confessionis dicendum propterea esse divinum quoad substantiam, et humanum quoad modum ; improprie loquuntur : quia significant præceptum annuæ confessionis esse divinum ex parte rei præceptæ quantum ad ejus substantiam. Quod est falsum : nam Ecclesia non præcepit confessionem, sed præceptam a Christo supposuit. Porro quod præceptum aliquod supponat aliquid a Deo præceptum, et ipsi addat, minime sufficit, ut divinum dicatur quoad substantiam : nam res tunc præcepta non est, quod supponitur, sed quod additur, et jure divino præceptum non fuerat. Loquuntur ulterius improprie, qui ea loquendi formula significant esse unum præceptum, per ordinem ad substantiam rei præceptæ divinum, et per ordinem ad rei præceptæ modificationem humanum. Sunt enim in hac materia duo præcepta omnino distincta : unum Dei, alterum Ecclesiæ : unum præcipientis confessionem, alterum præcipientis tempus confessionis : primum propositum ab initio Ecclesiæ, secundum

Sotus, Cano, Suarez, Vasquez, Villalobos, Ledesma, Becanus, Fagundez, Archangelus, Leander, N. Gabriel, Franciscus.

secundum injunctum longo post tempore, primum immutabile per Ecclesiam, secundum alterabile, et dispensabile per Ecclesiam: ac denique, ut ex præcedentibus sequitur, primum pure divinum, quod Ecclesia edere non potuit, secundum pure humanum, quod Deus per se, et immediate non edidit. Porro apud re-
latos Auctores non reperimus motiva, quibus suum dicendi modum in eo, in quo nobis opponitur, fundent, præter ea, quæ superius fundando nostrum opposuimus, ac diluimus. Unde miramur, quod cum hæc ita se habeant, ille loquendi modus adeo invaluerit apud plures. Sed quia cum pluribus loquendum est, licet sentiendum sit cum paucioribus; inconveniens non reputamus ita communiter loqui, quamvis veritas, et proprietas sint, quas asseruimus, ac explicuimus.

§ III.

Ad quas personas extendatur Ecclesiasticum confessionis præceptum.

35. Supposito in communi, quod datur Ecclesiasticum præceptum annuæ confessionis, ut hactenus ostendimus, occurrunt magis in particulari specialia dubia circa plura, quæ concernit prædictum præceptum supra n. 24 ad litteram relatam, utputa circa personas, quas comprehendit, circa materiam ejus, circa tempus, quod assignat, et alia similia ad ipsum pertinentia. Pro quibus elucidandis opus non habemus novas quæstiones aperire; sed magis expedit per modum appendicis illa principali difficultati jam decisæ subnectere: quamvis seorsim, ut majorem conciliemus claritatem, in classes dividemus, et discutiemus. Et primo circa illa Lateranensis Concilii verba, *Omnis utriusque sexus fidelium, etc.* occurrit hujus obligationis subjectum, videlicet, quæ personæ illic comprehendantur. Et tenendum est, esse omnes homines baptizatos, qui post baptismum mortaliter peccarunt. Sic docent communiter Theologi, et constat ex ipsa Lateranensi constitutione, et certa in hac materia doctrina: quia Ecclesia in eo Concilio non præcepit confessionem, quam a Christo præceptam intelligebant, sed solum assignavit, determinavitque tempus, in quo divinum Christi

præceptum impleretur; sed istud extenditur ad omnes baptizatos habentes conscientiam peccati mortalis post baptismum commissi: ergo hi comprehenduntur sub præcepto ab Ecclesia imposito annuæ confessionis. Minor liquet ex dictis disp. 4, dub. 1, ubi ostendimus sacramentum pœnitentiæ esse ex Dei institutione medium ad salutem necessarium his, qui post baptismum prolapsi sunt in mortale. Modo sufficit id ostendere ex doctrina, ac definitione Concil. Trid., quod sess. 14, cap. 2, inquit: « Est autem hoc sacramentum pœnitentiæ lapsis post baptismum ad salutem necessarium, ut nondum rege-
neratis ipse baptismus. » Et can. 2 ejusdem sess. « Si quis dixerit Pœnitentiam non recte secundam post naufragium tabulam appellari, anathema sit. » Et can. 6: « Si quis negaverit confessionem sacramentalem, vel institutam, vel ad salutem necessariam esse de jure divino, etc. anathema sit. »

Hinc sequitur primo hæreticos, et apostatas comprehendi in prædicto præcepto, et illo obligari ad annuam confessionem. Id asserere est adeo commune inter Theologos ut N. Franciscus c. 7, punct. 3, n. 28, præter morem dixerit « esse communem Theologorum conspirationem. » Et facile probatur: quia hujusmodi præceptum extenditur ad omnes baptizatos, qui post baptismum aliquod peccatum mortale commiserunt; tales vero sunt non solum Catholici, sed plures etiam apostatæ, et hæretici: ergo ad omnes istos extenditur prædictum præceptum.

36. Nec refert, si cum aliquibus apud Dicastill. Dicastillum disput. 7, dub. 5, num. 77, (qui ausi sunt negare apostatas, et hæreticos isto Ecclesiæ præcepto comprehendendi) opponatur primo: nam ipsa vox, qua utitur Lateranense, nempe *fidelis*, illos palam excludit: sic enim habet, *Omnis utriusque sexus fidelium*. Et eandem vocem constanter retinet Tridentinum, quoties agit de hac confitendi obligatione, ut videre est sess. 14, cap. 6, et can. 8. Manifestum autem est apostatas, et hæreticos non esse, nec dici *fideles*, sed infideles: ergo tales non comprehenduntur in isto Ecclesiastico annuæ confessionis præcepto. Secundo, quia minime concedendum est Ecclesiam edidisse legem omnino imprudentem, et

Fundamentum.

Concil. Trident.

Primum consecratum.

Dicastill.

Object. 1.

2 obje t.

contra rationem; talis autem foret lex, quæ apostatas, et hæreticos obligaret ad confessionem annuam, quippe cum ab illis non foret observanda, sed solum deserviret pro offendiculo, et majori peccatorum augmento: ergo asseri non debet, quod Ecclesia illo suo decreto hæreticos, et apostatas comprehenderit.

1 object.
respon-
sio.

Hæc, inquam, non referunt. Nam ad primum respondetur satis commune esse apud Concilia, Canones, et Theologos, *infidelium* vocabulo significari eos, qui baptizati non sunt, et ideo omnino sunt extra Ecclesiam; et e contra fidelium nomine comprehendi omnes, qui validum susceperunt baptismum, et Ecclesiæ aggregati sunt, licet postea a fide Catholica exciderint: quia isti adhuc ad Ecclesiam, sive fidelium congregationem pertinent: unde et Ecclesiæ jurisdictioni subduntur, et per eam puniri possunt, ut ex se, et ipsa experientia liquet. Sic Theologi se gerunt, dum docent non licere baptizare filios infidelium invitis parentibus, licere tamen baptizare filios hæreticorum: ubi manifestum est hæreticos contraponi infidelibus, et fidelium vocabulo comprehendi. Sic etiam docent matrimonium fidelis cum infideli esse non solum illicitum, sed etiam irritum: e converso autem matrimonium fidelis cum hæretico esse quidem per se, et regulariter illicitum, absolute tamen valere. Ubi occurrit eadem contrapositio, et hæreticus ab infideli distinguitur. Et ut rem graviolem proferamus, ex qua omnino patefiat Conciliorum, qua modo nobis obijciuntur, usus, ipsum Tridentinum in eodem cap. 5, sess. 14, inquit: « Dominus » N. Jesus Christus, e terris ascensurus ad » Cœlos, sacerdotes sui vicarios reliquit » tanquam Præsides, et Judices, ad quos » omnia mortalia crimina deferantur, in » quæ Christi fideles ceciderint, quo pro » potestate clavium remissionis, aut retentionis peccatorum sententiam pronuntient. » Quo loco manifestum est per ea verba Christi fideles significari non solum Catholicos, sed etiam omnes Christianos, aut vere baptizatos, quamvis hæretici sint: hi namque non excluduntur a facultate se subijciendi sacerdotibus, et clavibus Ecclesiæ per confessionem sacramentalem. Sic ergo eisdem vocibus significantur, et comprehenduntur hæretici, et apostatæ in præ-

Concil.
Trid.

cepto annuæ confessionis, cum illud proponit Concilium Lateranense, et explicat Tridentinum: nec oppositum ulla ratione, vel intendisse, vel significasse persuadet concors Theologorum acceptio. Secundum motivum nihil valet: nam, ut lex pro aliqua communitate prudenter fiat, attendi debet ad bonum ipsius communitatis, non vero ad has, aut illas ejus personas, qui pro sua perversitate legem non observant, sed in nova ex legis violatione peccata ruent. Unde prudentissime Ecclesia præcepit omnibus Christianis confessionem annuam, toti Communitati summe proficuum; quamvis sciat plurimos non solum hæreticos, sed etiam Catholicos ea lege abuturos in sui perniciem. Et, si illud motivum probaret in hac lege, probaret etiam in aliis Ecclesiasticis, utputa abstinendi a carnibus in Quadragesima: probaret etiam in censuris contra aliqua criminalis: nihil enim horum obligaret hæreticos: quia, ut aiunt Juniores, non sunt eæ leges observandæ ab hæreticis, atque ideo irrationabiles. Id vero dicere absurdissimum foret, et gravem mereretur censuram.

Satisfac-
tio
2 object.

37. Inferitur secundo, publicas meretrices comprehendi in hoc præcepto annuæ confessionis. Quod per se patet ex relatis ejus verbis: *Omnis utriusque sexus fidelium*, in quibus manifestum est ipsas comprehendi, sicut et alios fideles, quamvis publicos peccatores; atque ideo, et ipsas mortaliter peccare, cum singulis annis non confitentur: et neminem videmus, qui id neget. Magis dubitari posset, an incurrant censuras in eo præcepto positas contra non confitentes intra annum? Non incurrere docent Vivaldus, Zerola, Rodriguez, Sa, Grassis, quos refert, et sequitur Leander disp. 3, q. 58, et in hanc opinionem inclinat Dicastillo disput. 7, dub. 5, n. 81. Quod probant; tum, quia miserrimus illarum status permittitur ab Ecclesia ad vitandum majora mala; non dicerentur autem permitti, si tam gravi poena punirentur, qualis imminet omittentibus annuam confessionem. Tum, quia tales non denuntiantur, quamvis non confiteantur per plures annos; quod satis indicat eas illis poenis non subijci. Contrariam autem sententiam tuerentur Fagundez de 2 præcepto, lib. 1, cap. 3, num. 16, et cap. 4, n. 10. Cui sententiæ favere videtur Vasquez in præf. q. 9, art. 3, dub. 5.

Secundum.

Dicast.

Fagundes Vasqu.

dub. 5. Et probari potest, quod impudētissimæ illæ non debent ex infami adeo statu exemptionem illam, aut commodum reportare.

Major doctrina explicatio.

Nobis distinguendum videtur: quia in Hispania, ubi hæc scribimus, non permittuntur lupanaria, nec in hoc sensu publicæ meretrices: quare censemus nullam esse meretricem in Hispania, quæ omitendo præceptum annuæ confessionis non peccet mortaliter, et insuper incurrat pœnas a Lateranensi statutas, et denuntiari possit. In aliis autem Regnis, ubi sunt lupanaria, attendendum putamus ad leges, sive statuta, cum quibus permittuntur. Et si quidem facta fuerint cum approbatione Ordinariorum illas miserabiles exemptiones ab his pœnis Ecclesiasticis (de quo multum dubitamus, cum sint pœnæ a Concilio Generali impositæ, in quibus per se loquendo nequeunt Iudices inferiores dispensare) sustineri potest prima sententia. Sed, ubi prædicta exemptio non invenitur, oppositum dicendum est cum secunda, quam absolute probabiliorem, et securiorem censemus. Nam cessante exemptione, aut dispensatione standum est legi communī: quare prædictæ mulierculæ sicut comprehenduntur in decreto Concil. Lateranensis quantum ad culpam mortalem in omitendo confessionem annuam, sic etiam quantum ad pœnam. Et incredibile nobis apparet Ecclesiam, quæ exhortationibus, et aliis mediis curat eas ab infelici illo statu revocare, ipsis indulgere tales pœnas, quo indultomagis radicerentur in perditione. Ex quibus satis constat ad primum contrariæ opinionis motivum. Ad secundum dicendum est posse illas denuntiari, et si non denuntiantur, non id provenit a privilegio, sed a quasi desperata illarum conditione, quam ceteri nolunt attendere.

Tertium.

38. Infertur tertio Summum Pontificem obligari in conscientia ad observandum annuæ confessionis præceptum. Istud consectorium nec in deductione, nec in re deducta est ita perspicuum sicut præcedentia: unde ab aliquibus gravibus, et doctis negatur, Scoto in 4, dist. 17, quæst. 1, art. 1, Richardo ibi art. 2, quæst. 4, Ludovico a S. Joann. quæst. 5, de Confess. art. 6, dub. 2, et aliis. Pro ejus ergo legitima intelligentia advertere oportet duplicem in lege, aut præcepto Ecclesiæ distinguī vim, aliam

directivam, secundum quod lex ostendit bonum faciendum, ad illudque dirigit per obligationem ad culpam: alteram autem coactivam, secundum quod inducit obligationem ad pœnam ab ea taxatam contra sui transgressores. Communis autem Doctorum sententia est supremum principem legislatorem (quo pacto comparatur Summus Pontifex ad Ecclesiam, et ad omnes leges Ecclesiasticas) obligari ad observandum leges a se latas, non quidem quantum ad vim coactivam, sive quantum ad pœnas in eis taxatas; sed solum quantum ad vim directivam, sive in conscientia, et quoad culpam. Et in hoc ultimo conveniunt Theologi cum D. Thom. 1, 2, quæst. D. Tho. 96, art. 5. Sed assignando hujus obligationis radicem gravis est inter illos differentia. Nam quidam dicunt provenire immediate ab ipsa lege, quasi hujus natura sit, quod semel lata obligat adæquate communitatem, in quam dirigitur, atque non solum membra, sed caput. Et ita sentiunt Soto, Tapia, Vasquez, et alii, quos refert N. Andreas tract. de legibus cap. 3, punct. 3, num. 38. Et hi consequenter docent Summum Pontificem, nisi secum dispenseret, peccare mortaliter non observando leges Ecclesiasticas, ut si non recitet officium divinum, si non dicat, vel audiat Missam in diebus festis, etc. Quare plurimi, ut ad propriam materiam magis accedamus, affirmant Summum Pontificem obligari sub mortali ad annuam confessionem. Ita Covarrubias, Suarez, Vasquez, Henriquez, Nugnus, Azor, Bonacina, Becanus, Lugo, et alii, quibus relatis subscribit Leander in præf. disp. 3, quæst. 27.

Aliorum autem sententia satis communis, et probabilis negat radicem prædictæ obligationis in quantum ad vim directivam oriri directe, et immediate ab ipsa lege a superiore lata: alias se ipsum per se ipsum obligaret; cum nemo possit imperium politicum in se ipsum exercere: quippe par in parem non habet imperium, ut est vulgare Juristarum, ac Theologorum axioma. Aliunde etiam sicut superior in sua lege se obligaret ad culpam, pariter se obligaret ad pœnam: quod est contra communem sententiam jam præmissam, et ab omnibus suppositam. Unde hi obligationem revocant, non in ipsam legem particularem a Principe positam: sed in jus naturale ex

Soto, Tapia, Vasq. And.

Covarr. Suarez, Vasqu. Henric. Nugnus. Azor. Bonac. Becanus. Lugo. Leand.

honestate obligans ad hoc, quod caput suis membris conformetur, et quod sibi non contradicat, aliud docens verbo, ac lege, aliud vero exhibens opere, et exemplo.

D. Tho.
D. Aug.
Vivald.
Rodrig.
Lessius,
Azor,
Palasus,
Diana,
And.

Quod fundamentum docuit D. Thom. loco cit. in resp. ad 3, D. August. lib. 3 Confes. cap. 8, dicens « Turpis est omnis « pars » (et caput pars est) « suo universo « non congruens. » Sic sentiunt Vivaldus, Rodriguez, Lessius, Azor, Castro Palaus, Diana, et alii quos refert, et sequitur N. Andreas loco cit. num. 42, et hi suffragante Lugone disp. 15, sect. 7, num. 143, in fine, consequenter docent Principem non observantem legem a se positam non peccare mortaliter, sed solum venialiter; quia ipse ad id non obligatur ex ipsa lege, cujus transgressio in re gravi, est gravis respectu subditorum, qui sub ipsa tenentur: sed obligatur solum ex honestate, et congruentia conformandi se cum subditis, quæ sufficienti quidem ad culpam levem, sed non ad gravem. Et hinc ulterius facile assignant radicem, et disparitatis rationem (quod non ita expedire potest prima sententia), quare Princeps legislator non obligatur sua lege quantum ad vim coactivam, sive applicationem pœnæ: quia talis pœna solum imponitur transgressoribus legis: ille autem sua lege non obligatur; atque ideo, quamvis illam non observet, nequit dici ejus transgressor, nec pœnas in ea taxatas incurrit. Agit vero contra honestatem, et congruitatem juris naturalis dicantis conformitatem cum subditis: sed hoc jus non inducit illas pœnas a lege taxatas.

39. Hæc sufficit delibasse ex prædictis sententiis (licet majorem discussionem exposcant alio referendum), ad melius intelligendam doctrinam propositi corollarii, ut illud explicando per partes constabit. Consulto non diximus Pontificem (sicut diximus, et dicemus de aliis personis) contineri sub Ecclesiastico præcepto confessionis annuæ: quia juxta hanc secundam opinionem Princeps non comprehenditur sub lege a se lata, nec illi subditur: Papa vero est Princeps supremus respectu omnium legum Ecclesiasticarum, cujusmodi hanc de annua confessione esse constat ex dictis num. 25. Sed diximus Papam in conscientia obligari ad observandum illud præceptum, quia in hoc conveniunt omnes utrius-

que opinionis Auctores, quod Princeps lege a se lata obligatur secundum vim directivam, et in conscientia: unde, si Pontifex omitteret annuam confessionem, peccaret, sicut omittendo missam in die præcepti peccaret. Et quidem juxta priorem opinionem illud peccatum esset mortale, utputa contra legem in re gravi: sed juxta secundam foret præciue veniale ob defectum conformitatis cum subditis, quam jus naturale dictat. In neutra porro sententia incurreret Pontifex censuras, et pœnas contra omittentes annuam confessionem impositas: quia istæ pertinent ad vim coactivam, secundum quam certum apud omnes est Principem non subditi legibus a se latis. Quod in Summo Pontifice plusquam in aliis evidentius patet: quia nullum in terris superiorem habet, qui illum queat excommunicare aut absolvere. In hoc itaque sensu dictum a nobis est, et ex præcedentibus colligitur Papam obligari in conscientia ad observandum annuæ confessionis præceptum.

Sed hic meminisse oportet dictum a nobis fuisse nu. 27, Ecclesiam posse, et abrogare præceptum annuæ confessionis, et in eo dispensare: cum, enim, sit pure humanum; et ab ipsa Ecclesia impositum, sicut per eam conservari, ita etiam per eam abrogari, et dispensari potest: tota vero Ecclesiæ potestas residet in Papa, sicut in capite, et supremo Principe: ergo Papa potest illud præceptum abrogare, et in eo dispensare. Unde sicut Pontifex posset dispensare cum aliis, ut tempus hujus præcepti prorogaretur ad duos annos, ita et cum se ipso: alias pejoris conditionis præ aliis quoad istud foret: præsertim cum non habeat superiorem, a quo talem dispensationem obtineat, ut expendit D. Thom. 1, 2, qu. 96, art. 5, ad 3. Juxta quam doctrinam recte colligit Lugo disp. 15, sect. 7, num. 143, probabile esse, quod si Pontifex hanc legem Ecclesiasticam quoad se non omnino abrogaret; sed solum alteraret, aut dispensaret quoad aliquam temporis partem, volendo, quod terminatio temporis pro hac, aut illa vice foret annus cum dimidio, non peccaret graviter; adhuc secundum priorem sententiam supra relatam, quæ censet ipsum sub mortali obligari ad confessionem annuam omnibus præceptam. Quin addimus ipsum

Thom.
Lugo.

ipsum nec venialiter peccatum occurrente rationabili causa talis dispensationis, utoccurrere non repugnat.

Replica. 40. Nec refert, si opponatur, quod, quando lex humana est declarativa juris naturalis, vel divini, obligat Papam, sicut et alios, et Pontifex nequit in ea vel secum, vel cum aliis dispensare : quia talis lex est ab alio Superiore, nempe ea Deo, et ab ipso habet vim obligandi, secundum quod in ea declaratur, licet declaratio sit a Pontifice, vel Ecclesia. Unde supra relatus Andreas loco cit. nu. 36, colligit Pontificem peccatum omittendo annuam confessionem, et non sumendo Eucharistiam in Paschate, quia Ecclesiastica confessionis et communionis lex, est declarativa juris divini, licet quantum ad determinationem sit solum ex jure Ecclesiastico. Quæ objectio magis debet nos premere, qui sentimus hominem graviter peccantem teneri jure divino ad non differendum poenitentiam ultra annum, ut statuimus disp. 4, dub. 1.

olutio. Id, inquam, non refert; sed facile diluitur observando legem humanam posse dici declarativam juris divini uno ex duobus sensibus. Primo dogmatice, et in actu signato, ut si Ecclesia diffiniret v. g. jus divinum præcipere confessionem annuam : secundo practice, absque predicta diffinitione, determinando aliquod tempus, in quo jus divinum vage obligans in aliquo tempore ab Ecclesia assignato impleatur, sicut de facto assignantur dies festi, in quibus specialiter vacamus Dei cultui, ad quem vage, et absque illa determinatione jure divino obligamur. Inter quæ est notorium discrimen : nam priora sunt prorsus juris divini, et constat esse per Ecclesiæ diffinitionem : quæ proinde Pontifex nec abrogare, nec per dispensationem alterare valet. Et, si ita se haberet præceptum annuæ confessionis, idem de illo dicendum foret. Sed res aliter omnino se habet : nam Ecclesia hactenus non diffinivit peccatores jure divino ad annuam confessionem teneri. Cum vero certum de fide esset peccatores obligari ad confitendum aliquando peccata, ut constat ex dictis dub. præced. et Ecclesia adverteret plurimos illi obligationi non satisfacere, frustrarique in multis sacramenti tam proficui institutionem ; justissime, ac prudentissime determinavit tempus uniuscujusque anni

pro talis præcepti observatione. In quo processit practice assignando rationabile tempus, sed non diffiniendo illud esse jure divino taxatum. Ubi patet talem Ecclesiæ determinationem non fuisse declarationem dogmaticam circa jus divinum, sed præceptum pure humanum juxta superius dicta num. 24, assignans tempus, in quo divinum præceptum impleatur, quod talem determinationem certa fide constantem non afferebat. Sicut igitur Ecclesia potuit præceptum annuæ confessionis non imponere, sic etiam absolute potest illud, si occurrat rationabilis causa, abrogare, et in eo dispensare, ut jam diximus num. 27. Idemque dicendum de Summo Pontifice Ecclesiæ capite. Nec amplius, quam existentiam causæ rationalis pro evitando in dispensando omni culpa, voluisse Auctorem relatum intelligendum est : alias eadem doctrina conficeret Papam non posse absolute tollere unum diem festum ex assignatis, nec in illo dispensare ; quod est prorsus absurdum. Quod denique in nos ex nobis opponitur, nihil valet : sentimus quidem obligari peccatores jure divino ad poenitendum intra annum a suo peccato : et hoc nec diffinitum est ab Ecclesia, quin plurimi sunt doctores Catholici oppositum asserentes. Et quamvis omnes, quod nos, affirmarent ; illud præceptum divinum posset impleri per poenitentiam disjunctim sumptam vel sacramento poenitentiae in resuscipiendo, vel contritione cum voto sacramenti : quodlibet enim istorum sufficeret ad satisfaciendum divino præcepto. Sed adhuc homo obligaretur præcepto Ecclesiastico annuæ confessionis ad suscipiendum actu sacramentum poenitentiae, istudque omittendo contra illud ageret, et poenis Ecclesiasticis subjaceret. Quod palam declarat hoc confessionis annuæ præceptum esse diversum a divino, ac pure humanum.

41. Inferitur quarto pueros in qualibet ^{Quartum} ætate, si in peccatum mortale labantur, obligari præcepto Ecclesiæ ad annuam confessionem. Id constat satis perspicue ex cap. sæpius cit. Concil. Lateranensis, Conc. ^{Later.} « Omnis utriusque sexus fidelis, postquam « ad annos discretionis pervenerint, omnia « sua peccata saltem semel in anno fideliter confiteantur, etc. » Ergo pueri si aliquod peccatum mortale committant, tenentur illud intra annum confiteri. Patet con-

sequentia, quia, ubi supponitur illos mortale perpetrasset, supponitur ad annos discretionis pervenisse : nemo namque valet mortaliter peccare absque discretionem, et sufficienti rationis usu. Quare in peccantibus mortaliter purificatur, ac verificatur conditio, aut limitatio illa Concilii: « Postquam ad annos discretionis pervenerint. » Unde sic communiter docent Scholastici in 4, dist. 17, et Canonistæ in prædictum cap. *Omnis*, et communiter Doctores, quorum plurimos referunt Leander disp. 3, qu. 28, et Dicastillo disp. 6, dub. 5, a n. 100. Et res adeo clara apparet, ut supervacaneum censebit quispiam istud consecrarium addidisse. Addidimus tamen ad referendum, et refellendum falsas aliquorum in re tam clara sententias. Joannes Sanctius, et Castro Palao, quos refert, et sequitur Diana 4 p. tract. 3, res. 52, docent pueros ante septem annos non teneri ad confessionem annuam, etiam si constet esse doli capaces, et habere usum rationis. Cui sententiæ favet Lugo disp. 15, n. 152, affirmans eos non teneri ad confessionem annuam ante octo annos. Cum majori adhuc latitudine procedunt asserentes pueros non obligari præcepto ecclesiastico (quidquid de divino fuerit) ante annos pubertatis, hoc est, pueros ante decimum quartum annum, et puellas ante duodecimum : quamvis aliqui in assignando hunc terminum variant, et illum magis restringant. Pro qua sententia refert Leander D. Antoninum, Sotum, Viguersum, Ostiensem, et Sa. Sed Sotus in 4, dist. 18, qu. 1, art. 3, circa finem, statuit communem nostri consecrarii sententiam, non sui immemori, sed a priori resipiscens. Et in summa Sa reformata additur pueros non obligari ante pubertatem « ad « pœnas transgredientibus impositas, » pro quibus non incurrendis occurrit diversa ratio, ut statim videbimus. Lugo merito dixit pueros non obligari ante octavum annum ad confessionem : quia regulariter loquendo discretio, et usus rationis incipit a septennio completo ; et cui additus annus ab Ecclesia pro adimplendo istud præceptum præscriptus, ad octavum usque porrigitur obligationis instantia. Et dicimus *regulariter loquendo* : quia inchoatio usus rationis est in septennio frequentior, sed non infallibilis : in aliquibus enim incipit usus rationis ante septimum, et ante sex-

tum annum, in quibusdam vero non nisi post septimum citius, aut tardius, juxta variam puerorum complexionem, et educationem, ut agentes de puero perveniente ad usum rationis diximus tract. 13, disp. 20, dub. 1.

Sed quidquid sit istorum, aut aliorum Auctorum opinionibus standum omnino est Concilii decreto, ut docet sententia communis : quia pueri, postquam discretionem, sive usum rationis habent, capaces sunt obligationis ex lege naturali, et divina : ergo etiam sunt capaces obligationis ex lege humana : neque enim major discretio requiritur pro cognitione unius, quam alterius. Ergo lex humana generalis, qualis est illa Concilii Lateranensis, dum pueros hujus, aut illius ætatis non excipit, omnes habentes discretionem, in quacunque ætate sint, comprehendit.

42. Nec refert, si opponas primo præceptum Concilii Lateranensis obligare fideles, « postquam ad annos discretionis « pervenerint » ad confitendum semel in anno, et ad suscipiendum Eucharistiam in Paschate, ut constat ex verbis Concilii n. 24 relatis ; sed juxta communem sententiam pueri non obligantur suscipere Eucharistiam, postquam ad annos discretionis perveniunt, quin possunt eam differre usque ad novum, vel decimum annum : ergo idem de confessione annua dicendum est : vel saltem oppositum nos efficaciter colligimus ex eo Concilii decreto, quippe quod uniformiter de confessione in anno, et communione in Paschate loquitur. Secundo, Concilium imponit non confitentibus intra annum pœnam privationis ab ingressu Ecclesiæ, et a christiana sepultura : et tamen pueri non confitentes hanc pœnam non incurrunt, quamvis octavo, nono, aut etiam decimo anno non confiteantur, ut est sententia communis : ergo signum est, quod confessionem illis annis omitendo, non peccant graviter contra prædictum præceptum : aliter enim sicut committerent culpam, ita incurrerent pœnam, et illam deberent subire.

Ista, inquam, non referunt. Nam ad primum respondetur concedendo præmissas, et negando consequentiam. Ratio vero disparitatis desumitur ex ipsa objectione : quia sicut communis sententia docet pueros obligari ad confessionem a septimo, au-

Leand.

Sanctius,
Diana.

Lugo.

D.
Anton.
Sot.
Ostiens.
Sa.Object.
1.Object.
2.Ad 1.
Object.
respon-
detur.

aut octavo anno : ut vidimus; sic etiam communis sententia negat pueros ab illa ætate obligari ad communionem, et majus spatium expectat, ut obligatione urgeantur. Et hic est communis usus, et apprehensio fidelium, quod pueri tardius accedunt ad Eucharistiam, quam ad confessionem. Incredibile autem est tantam fidelium multitudinem falli in praxi talis præcepti: id enim multum derogaret providentiæ Dei in dirigenda sua Ecclesia, ut optime defendens sententiam communem evincit Dicast. disp. 10, de Euchar. dub. 5, quidquid in contrarium dicant Joannes Sanctius tota disp. 26, et alii pauci. Quæ disparitas fundatur in ipsis verbis Concilii, quibus premi possumus, « postquam ad annos discretionis pervenerint » : nam licet hæc conferantur tam ad confessionem, quam ad communionem, referuntur tamen ad illas secundum uniuscujusque naturam : major autem discretio requiritur ad communicandum decenter, distinguendo inter panem vulgarem, et cœlestem, quam ad confitendum cognoscendo peccatum. Quare illud *ad annos discretionis*, non est accipiendum uniformiter, sed cum distributione accommodata pro rerum naturis : ac si Concilium dicat, *confiteantur fideles*, cum pervenerint ad annos discretionis pro confessione ; et communicent fideles, cum pervenerint ad annos discretionis pro communionem. Et ita accipienda esse prædicta verba satis declarat ipsa Ecclesia, sustinendo assignatam differentiam, quam omnes fideles observant. Videantur N. Franciscus tract. de Euchar. cap. 7, punct. 1, a num. 15, et N. Andreas tract. de legibus, cap. 3, punct. 4, num. 52.

Ad 2. Ad secundum respondetur eodem fere modo, omittendo præmissas, et negando consequentiam, quia licet pueri, quando sunt doli capaces, possint absolute sicut peccare, ita incurrere pœnas debitas, aut taxatas; nihilominus regulariter loquendo, cum sunt impuberes, non puniuntur secundum rigorem juris, et multo minus excommunicatione, aut aliis censuris Ecclesiasticis, ut post Hugolinum, Sayrum, et alios docet Villalobos tract. 16, difficult. 14, num. 5. Unde commune est apud Auctores observare, quod licet pueri impuberes sint capaces subeundi pœnam excommunicationis, et aliarum censurarum, illas tamen

vel a jure, vel ab homine latas non incurrunt de facto, nisi specialiter exprimantur. Quare in dubio (quale in præsentī occurrit, siquidem Concilium Lateranense in privatione ingressus Ecclesiæ, et christianæ sepulturæ pueros non expressit) præsumendum est Ecclesiam non præcepisse omne, quod potuit, sed quod convenientius est facere : convenientius autem est pueros flagellis potius, quam excommunicatione, et aliis censuris compesci, ut recte expendunt Soto, Suarez, Azor, Granados, et alii communiter, quos refert, et sequitur N. Andreas in tract. de Censuris cap. 1, punct. 13, n. 168. Quocirca leges, taxantes in genere hujusmodi pœnas, interpretari benigne oportet quantum ad pueros, sive impuberes, ut non incurrant excommunicationem, licet transgrediantur legem, quæ illam habet annexam, ut tradit Sanchez lib. 1 Summæ, cap. 12, n. 5, ubi nominatim observat illos non esse puniendos pœnis assignatis in cap. *Omnis utriusque sexus*, nempe privatione ingressus Ecclesiæ, et Ecclesiasticæ sepulturæ, nec excommunicandos saltem ante duodecimum annum. Diximus *regulariter loquendo*, ut significarem oppositum posse aliquando, et si raro contingere ut plane contingeret, si puer doli capax Clericum occideret : nam excommunicationem incurreret, ut observant Sanchez loc. cit. et cum Azor, et Henriquez Dicastillo disp. 6, dub. 5, n. 13, et constat ex cap. ult. de sententia excommunicat. colligiturque a contrario sensu ex Clementina, *Si furiosus*, de homicidio. Potestque esse disparitas, quia relati Auctores assignant, quod excommunicatio contra percutientes Clericum est lata, et ipso facto incurritur, ut constat ex juribus citatis ; sed in nostro casu annuæ confessionis, et in aliis communiter, excommunicatio non est lata, sed ferenda : et expedit ob superius dicta. quod prælati illam contra impuberes non ferant, saltem ante duodecimum annum.

43 Inferitur quinto senes octogenarios, Quintum. et cujuscumque ætatis, retinentes usum rationis, obligari præcepto Ecclesiastico annuæ confessionis. Quod patet ex dictis pro præc. consecratio : nam eo præcepto comprehenduntur, et ligantur omnes fideles, postquam ad annos discretionis pervenerint ; manifestum autem est has conditio-

Soto,
Suarez,
Azor,
Granad.

Sanchez.

Villalobos.

Narbonæ
opinio.

nes reperiri in senibus fidelibus cujus-
cumque ætatis, quamdiu discretionem, et
usum rationis retinent : ergo octogenarii,
et alii cujuslibet ætatis, dum rationis usum
habent, ligantur illo præcepto. Pudet in
tam manifestis, et facilibus immorari : sed
varia, liberaque hominum ingenia nos ad
hæc impellunt. Didacus de Narbona lib. de
statu hominis, anno 80, qu. 4, n. 2, in
universum affirmat senes octogenarios, qui
fere semper, ita fiunt simplices, et rationis
expertes, ut nihil a pueris differre videantur,
ab omnibus, et quibuscumque tam
Ecclesiasticis, quam divinis legibus immu-
nes reddi. Cui resolutioni adeo inhæret, ut
dicat esse non solum probabiliorem, sed
etiam certiorum contraria. Et illam probat
primo : quia senes hujus ætatis reputantur,
quasi pueri infantes, ut loquuntur Hippo-
crates, Ludovicus Vives, et alii ab eo relati;
sed pueri ante septennium soluti sunt ab
omnibus legibus Ecclesiasticis, et divinis,
ut omnes docent : ergo idem de senibus oc-
togenariis dicendum est. Secundo probat :
quia Hostiensis, Stephanus Gaeta et Paluc.
Rubeus affirmant esse aliquos ita senes, ut
jam discretionem careant (sicut octogenarii
esse solent) et hos non teneri ad annum
confessionem, nec ad communionem in
Paschate. Quia in his, addit ille, idem ca-
pacitatis defectus militat, ac in parvulis.

Gact.
Palac.
Rubeus.

Opinio.
Narbonæ
rejec-
tur.

Sed hanc Narbonæ sententiam, quam
vocal probabiliorem, et certiorum, nemo
prudens negabit esse omnino falsam,
absurdam : et contemnendam, ne plus di-
camus. Et cum videatur ille senum leva-
mini consulere, aliquodque satis singulare
indultum asferre ; illos plane contemnit,
in classe non solum infantum, sed fatuorum
constituens. In qua comparatione stat falsa
adeo imaginatio, distinctione corrigenda :
non enim dubitamus dari aliquos octoge-
narios, qui usum rationis amiserint, et
proinde infantibus comparentur, et eisdem
privilegiis, si ita appellari possunt, fruan-
tur : sed prædictus defectus contingere
etiam potest in sexagenariis. Unde sicut
propter hoc foret absurdum statuere regu-
lam, quod sexagenarii nullis obligantur
legibus Ecclesiasticis, aut divinis ; sic
etiam est, si applicetur octogenariis. Verum
enim vero communiter loquendo octogena-
rii ex hoc, quod ad eam ætatem perveniant,
minime amittunt rationis usum, et dis-
cretionem. Quod ipsa experientia constat,

et posset confirmari, si opus esset exemplo
plurium gravissimorum Scriptorum, et
Sapientium, qui ultra illam ætatem pro-
vecti scripserunt, et docuerunt. Quid mo-
ramur ? Vidimus nostris diebus D. D. Di-
dacum de Valladares et Sarmiento, Supre-
mæ Inquisitionis Præsidentem, qui in majori
adhuc ætate retinebat summam Juris peri-
tiam, et stupendam ad mirandum memo-
riam, ut non semel ipsum allocuti fuimus
cum admiratione experti. Et annis proxi-
mis SS. D. N. Innocentius XII, octogenario
major sapientissime, et cum summa provi-
dentia gubernavit Universalem Ecclesiam.
Itaque illa comparatio inter senes, et infan-
tes a Narbona asserta minime admitti
debet, sed magis assignanda disparitas satis
notoria. Quod pueri communiter loquendo
ante septennium non habent usum rationis,
licet iste, aut ille infans citius illum asse-
quatur : unde usus rationis ante septen-
nium non præsumitur, nisi probetur :
quibus autem signis id dignoscatur, sapien-
tissimus docet Nalcarrus in Summa cap:
21, num. 33. Sed senes etiam octogenarii
communiter loquendo conservant usum ra-
tionis in illa ætate, et ultra illam : et op-
positum præsumi non debet, nisi probetur
satis manifeste ; cum enim in possessione
ejus hactenus fuerint, ab ea deturbandi
non sunt, quamdiu oppositum evidenter
non convincitur : alias Episcopi, et alii
Superiores ad eam ætatem pervenientes
privarentur auctoritate gubernandi subdi-
tos, quod est ridiculum, et contra justitiam.
Juxta quam disparitatem communiter dici-
mus pueros ante septennium non obligari
ad confessionem annuam, senes autem oc-
togenarios aut eo majores obligari. Sed
sicut puer, si ante septennium est doli
capax, obligatur ; sic e converso si senes
ante annum octogesimum amittat rationis
usum, non obligatur : hoc autem posterius
est per accidens, et ideo standum est priori
regulæ, et comparationi. Et tunc urget
motivum a nobis propositum, quod est
demonstratio Theologica : nam omnis
fidelis capax rationis, si habeat conscien-
tiam peccati mortalis, tenetur ex præcepto
Ecclesiastico illud intra annum confiteri ;
sed fidelis octogenarius retinet communiter
usum rationis : ergo si habeat conscientiam
peccati mortalis obligatur præcepto Eccle-
siastico illud intra annum confiteri, sicut
alii

alii fideles : falsum itaque omnino est octogenarios immunes esse ab omnibus Ecclesiasticis, ut ille Auctor affirmat.

Motiva vero, quibus utitur, sunt admodum levia in re tam gravi. Ad primum respondetur majorem solum verificari quantum ad defectum virium corporalium, et alias miseras, in quibus valde senes pueris infantibus æquiparantur; sed non quantum ad usum rationis, in quo senes pueris præeminere constat ex immediate dictis. Nec Hippocrates aliud docere potuit, qui satis longam duxit ætatem, et cum medicus esset, non usum rationis, non leges Ecclesiasticas, quas minime novit, sed corporum statum, et vires potuit dimetiri. Cujus proinde doctrina, et multo magis ipsa experientia uti poterimus, ut censeamus valde senes non obligari ad aliquas leges Ecclesiasticas, quæ vires corporales exposcunt, veluti ad abstinentionem a carnibus, et ad jejunia in Quadragesima. Sed ad confessionem tales vires non requiruntur, nec ob earum defectum potest, aut debet excusatio circa illam admitti. Deinde minor non est universaliter vera : reperiuntur enim pueri, qui ante septennium usu rationis gaudent, qui si mortale committant, illud, sicut alii, intra annum confiteri tenentur, ut constat ex dictis num. 41. Denique, ut rem absolvamus uno verbo, hæc obligatio ad annuam confessionem non regulatur penes numerum annorum, sed penes usum rationis : quare qui illo fruuntur, sive pueri, sive senes, ad illam tenentur; qui vero illum non acquisierunt, aut acquisitum perdiderunt, ad eam non obligantur. Sed in pueris ante septennium regulariter non est, nec communiter præsumitur : at in senibus octogenariis adest regulariter, et præsumi debet, nisi occurrant signa clara fatuitatis. Minus adhuc secundum valet : quia illi Auctores solum affirmant reperiri aliquos adeo senes, et decrepitos, ut furiosis, et amentibus comparentur; de quibus affirmari posset non teneri ad confessionem, et communionem. Quod verissimum est, et non semel contingit. Sed inde assumere regulam generalem ad statuendum hujusmodi esse omnes octogenarios, et subinde immunes reddi ab omnibus legibus divinis, et humanis, alienum prorsus est a ratione, et vel ab ipsis octogenariis, quos illa adeo deprimat, non diceretur.

44. Sexto, et ultimo inferitur omnes, et soles, qui commiserunt aliquod peccatum mortale, et illud nondum confessi sunt, et ab eo confitendo alias non excusantur, obligari ex præcepto Ecclesiastico ad annuam confessionem. Ratio est : nam dubio procul aliqui isto præcepto ad confessionem annuam obligantur; alioquin vanum, ac superfluum illud foret : si qui vero obligantur, sunt illi, in quibus propositæ conditiones concurrunt, videlicet peccavisse mortaliter; ubi enim id non supponitur, nulla ad confitendum est obligatio. Deinde tale mortale peccatum non fuisse in confessione expositum : nam, si jam confessum est, etiam illa obligatio cessat. Sicut e converso quamvis ablatum, dimissumque fuerit per contritionem, adhuc perseverat obligatio illud subjiciendi clavibus, et manifestandi in annua confessione. Sed contingens est occurrere aliquando causas excusantes ab ejus manifestatione, ut si non sit nisi unicus sacerdos cui ob justas rationes scandali, infamiæ, aut alterius periculi oporteret tale peccatum non manifestari. His itaque conditionibus suppositis, et non aliter intelligendum est fideles isto præcepto obligari. Quod sic in genere propositum non ita bene percipitur : intelligitur facilius descendendo ad aliquos in particulari casu, quorum decisiones erunt velut quædam hujus consecrarii appendiculæ et confirmationes evincentes ejus in communi resolutionem.

Contingit ergo aliquos fideles nullius peccati mortalis conscientiam habere, sed præcise venialium. Tenebuntur confiteri venialia, ut præceptum annuæ confessionis adimpleant? Nullo modo : quia illud præceptum solum est circa confessionem mortaliū. Et ita contra D. Bonaventuram, D. Alensem, Ricardum, Nugnum, et paucos alios, docent cum D. Thoma in 4, dist. 17, qu. 3, art. 1, quæstiunc. 3, ad 3, communiter Theologi, quos in magno numero refert Leander disp. 3, qu. 31, et videri possunt Suarez disp. 6, sect. 2, Candidus disquisit. 24, art. 5, dub. 1, Lugo disp. 15, n. 132, N. Philippus disp. 10, dub. 4, N. Franciscus cap. 7, punct. 3, num. 30, et Petrus de Ledesma cap. 8, post sextam conclusionem pro eadem referens D. Thomam, Durandum, Cajetanum, Sotum, Canum, ac Medinam Complutensem. Et

Sexum
et ulli-
mum
consec-
rarium.

D. Bonav.
Alens.
Ricard.
Nugn.
D. Tho.
Leand.,
Suarez,
Cand.,
Lugo,
Philipp.
Franc.
Ledesm.
Durand.
Cajet.
Soto.
Canu.
Medina,

moti-
vum.

etiam
dilecti-
tur.

Conc.
Trid.

ostenditur efficaciter probando illam propositionem jam insinuatam, Ecclesiam scilicet illo suo præcepto solum obligare ad annuam confessionem mortalium : quoniam Ecclesia supponens præceptam a Christo peccatorum confessionem, præcepto suo determinavit tempus in quo impleretur divinum præceptum, ut ipsa Ecclesia se declaravit verbis sæpe relatis ex Conc. Trid. sess. 14, cap. 5 : « Neque enim per « Concilium Lateranense Ecclesia statuit, « ut Christi fideles confiterentur, quod jure « divino necessarium, et statutum esse « intellexerat : sed ut præceptum confessionis saltem semel in anno ab omnibus, « et singulis, cum ad annos discretionis « pervenissent, impleretur. » Certum autem est fideles non obligari jure, vel præcepto divino ad confessionem venialium, ut omnes docent, et manifeste constat ex declaratione ipsius Ecclesiæ in eodem Conc. Trid. et loco citato, ubi postquam ostendit institutum, et præceptam a Christo peccatorum mortalium confessionem, immediate subjunxit : « Nam venialia, quibus « a gratia Dei non excludimur, et in quæ « frequentius labimur, quamquam recte, « et utiliter, citraque omnem præsumptionem in confessione dicantur, quod « piorum hominum usus demonstrat ; « taceri tamen citra culpam, multisque « aliis remediis expiari possunt. » Ergo Ecclesia in illo suæ annuæ confessionis præcepto minime comprehendit peccata venialia, quippe, quæ nec in ipso divino Christi præcepto comprehensa supposebantur. Recolantur supra dicta n. 30.

45. Ex quibus omnibus colligitur fideles non habentes conscientiam peccati mortalis, qui omittunt annuam confessionem, non peccare mortaliter, ut hactenus dicta aperte evincunt ; sed nec venialiter ex vi hujus : quia nec Christus, nec Ecclesia obligat fideles ad venialium confessionem, ut ipsa Ecclesia verbis jam relatis exposuit. Colligitur ulterius conscius peccati mortalis, quod tamen ex juxta causa non debet confessario aperire, minime teneri pro confessione annua confiteri venialia, ut indirecte absolvatur a mortali. Oppositum docuerunt Nugnus in Supplem. qu. 6, art. 6, difficult. 1, et Granados tract. 9, disp. 5, num. 23. Sed persistendum est in communi, ac vera resolutione : quia licet non

negamus posse fidelem, vel ex charitate, vel ex pœnitentiæ virtute procurare illo medio, aut aliis propriam salutem, et reconciliationem cum Deo : hæc tamen obligatio non oritur ex præcepto Ecclesiastico annuæ confessionis, quod solum se extendit ad confessionem mortalium, ut vidimus. Quare licet in casu proposito omitteret illud medium, aut remedium, et peccaret forsitan graviter contra alia præcepta ; non tamen contra Ecclesiasticum annuæ confessionis, ut bene observant Suarez, Lugo, Archangelus, et Diana, quos refert, et sequitur Leander ubi supra qu. 32. Colligitur denique, et ab opposito eum, qui se it mortaliter peccasse, quamvis justificatus media contritione fuerit, teneri ad annuam confessionem, in quo illud manifestet, ut in extrema nostri consecrarii parte statuimus. Nam Concilium Lateranense relatum num. 24, præcepit fidelibus « omnia sua peccata saltem semel in « anno confiteri, » ut sic omnia subderentur, ut fieri ex Christi institutione opus est, clavibus Ecclesiæ. Quamvis autem aliquod mortale dimissum prius fuerit per contritionem ; tamen non fuit clavibus Ecclesiæ subjectum actu, et exercite, sed solum in voto. Quare debet intra annum in confessione exponi adimplendo Ecclesiastico præcepto. Ubi incidenter in verbis relatis observandum est pro exclusionem supra posita venialium, quantum ad istud præceptum, illud « omnia sua peccata » : impossibile namque est omnia venialia intra annum commissa meminisse, recensere, ac confiteri ; atque ideo illorum confessionem minime comprehendit illud præceptum.

Si autem inquiras, an in casibus, in quibus diximus fideles non obligari ad confessionem annuam, obligentur saltem ad comparandum coram proprio sacerdote, et illi manifestandum se non habere mortalia, quæ confiteantur? Plures sunt, qui dicunt teneri, ut Scotus, Suarez, Vivaldus, Fagundes, et alii, qui pro sua opinione referunt D. Thom. in Suppl. qu. 6, art. 3, ad 3. Et id esse quidem salubre consilium minime dubitamus, ut propius sacerdotes vultum sui pecoris melius cognoscat. Sed absolute censemus ad id non obligari ex vi præcepti confessionis ; quoniam tale præceptum solum obligat fideles ad confitendum suo sacerdoti

sacerdoti peccata mortalia : ergo ubi non adest obligatio hæc illi confitendi, quia non sunt, cessat adæquate illud præceptum : atque ideo ex vi illius non obligantur fideles ad alium modum comparandi coram proprio sacerdote. Unde simul diluitur motivum contrarium : nam ex parte fidelium non est alia obligatio, ut pastor eorum vultum, sive conscientiæ statum cognoscat, quam per confessionem sive in sacramentali discussione, atque iudicio : et consequenter, ubi cessat obligatio confessionis, non tenentur fideles alio modo se pastori manifestare, et revelare conscientiam. Et sic docent N. Thomas a Jesu in suo Tribunal, de Conf. cap. 8, Ledesma de Pœnit. cap. 8, concl. 6, dub. 2, Vasquez qu. 90, art. 8, dub. 2, Lugo disp. 15, num. 133, et alii plures. Diximus tamen « ex vi » præcepti confessionis : quia non negamus (et ita communiter Auctores relati observant) posse aliunde, et per accidens oriri illam obligationem coram proprio Parocho, aut superiore comparendi, et manifestandi in genere statum conscientiæ, ut si scandalum oriretur ex eo, quod quis non confiteretur, et aliter sedari non posset, quam isto comparendi remedio. Nec aliud voluit D. Thomas loco cit. ut constat ex ejus verbis, « ille, qui non habet mortalia, non tenetur ad confessionem venialium, sed sufficit ad præceptum Ecclesiæ implendum, ut se Sacerdoti repræsentet, et se ostendat absque conscientia mortalis esse : et hoc ei pro confessione reputatur. » Sicut enim hæc repræsentatio, et ostensio non est confessio vera, sed reputative : sic illud comparandi præceptum non est vere præceptum, sed consilium, et tanquam consilium implendum.

§ IV.

Qua anni parte urgeat hoc præceptum, et qualiter annus pro illo computari debeat.

46. Petrus de Soto lect. 9, de confessione, et Joannes de Medina qu. 18, de confessione semel in anno, censuerunt, quod præceptum annuæ confessionis obligat jam fideles in determinata anni parte, nempe in Quadragesima, et præsertim circa Pascha. Idque probant ex communi fidelium eo

tempore confitendi, et adimplendi hoc præceptum consuetudine, quæ tempus in Concilio Lateranensi assignatum declarare, et vim legis habere videtur. Quam consuetudinem approbat, et multum commendat Concil. Trid. sess. 14, cap. 3, ubi post re-

« Unde jam in universa Ecclesia, cum ingenti animarum fidelium fructu observatur mos ille salutaris confitendi sacro illo, et maxime acceptabili tempore Quadragesimæ : quem morem hæc Synodus maxime probat, et amplectitur tanquam pium, et merito retinendum. »

Communis tamen Theologorum, et Canonistarum sententia est fideles posse in qualibet anni parte, mense, aut die huic præcepto satisfacere. Et efficaciter probatur ex ipso Concilio Lateranensi, in quo latum, et promulgatum est : nam solum ait : « Omnes fideles, postquam ad annos discretionis pervenerint, omnia sua peccata semel saltem in anno confiteantur. » Ubi nulla occurrit limitatio eam obligationem trahens ad determinatum Quadragesimæ tempus, sed magis libera ad totum annum extensio pro ejus adimplitione. Et confirmatur : nam idem Concilium, et eodem loco præcepit communionem in determinato anni tempore, nempe in Paschate, ut liquet ex illis verbis : « Suscipiens ad minus reverenter in Paschate Eucharistiæ Sacramentum. » Sicut ergo quia pro communionem determinavit hoc speciale tempus, in eo specialiter urget Communionis præceptum : ita quia pro confessione assignavit totum annum, in nulla ejus determinata parte urget præceptum confitendi, sed in qualibet valet impleri. Et plane si oppositum intendisset Concilium, non se recte declarasset ; cum facile posset signare pro confessione Quadragesimam, sicut Pascha pro communionem. Et motivum oppositum non premit : quia ille mos, quem videmus in fidelibus confitendi in tempore proximo Paschati, ortum non duxit ab auctoritate, vel ex mandato Ecclesiæ ; sed ex eo, quod fideles cum adimplaturi essent præceptum communionis, rationabile putarunt eodem fere tempore confiteri : tum ut utrique præcepto satisfacerent, tum ut per confessionem puriores ad Eucharistiam accederent ; et forte multi intellexerunt ignoranter ad

Diluitur
motivum
oppositum,

Thom.
Ledesm.
Vasquez,
Lugo.

D. Tho.

Cone.
Trid.

Cone.
Later.

Dissol-
vitur
motivum
opinio-
nis con-
trariæ

ot.
ted.

utrumque tunc obligari. Quare consuetudo in his fundata minime sortita fuit, nec habet vim legis. Quam quidem laudavit Conc. Trid. tanquam piam, et conservandam; sed tamen nullam, cum facile posset novam, obligandi vim adjecit, sed in eodem statu reliquit. Et hæc, ut diximus, est communis, et non minus secura sententia. Nec refert, quod in aliquibus diocesisibus soleat pro implendo hoc præcepto assignari tempus Quadragesimæ per Synodalia statuta; et fieri eo tempore catalogus confidentium, ut non confessi compellantur per censuras ad confitendum. Id, inquam, non refert: ex quo enim Ecclesia pro confessione assignavit unius anni spatium, non possunt Episcopi illud limitare, et majorem determinationem adjicere, nec id intendere existimandum est, sed studere, quod prædicto præcepto satisfiat eo saltem tempore, quod in frequentiori usu est inter Christianos. Unde quem constaret confessum semel jam esse in anno, minime obligare possent ad confitendum in Quadragesima, nec super hoc molestare; sed solum, hoc præsupposito, ad communicandum in Paschate.

47. Majus dissidium occurrit in modo computandi annum pro adimplerione hujus præcepti assignatum. Et omissis aliis sentiis, duas reperimus celebriores, valde communes. Prima affirmat computandum esse a prima die Januarii usque ad ultimam Decembris. Quoniam annus ita communiter computatur hominum consuetudine: et sic annum accipiunt omnia jura, nisi aliud exprimant, et excipiant. Sic sentiunt Vasquez qu. 90, art. 3, dub. 1, Lugo disp. 15, nu. 157, Diana 2 part. tract. 17, resol. 54 et 3 part. tract. 4, resol. 81, et 4 part. tract. 4, resol. 206, Ochagavia, Gaspar Hurtado, Becanus, Franciscus, Bonæ Spei, et alii.

Secunda asserit prædicti anni comparisonem fieri debere ab una Quadragesima in aliam, vel ab uno Paschate ad alterum. Quoniam hic censetur annus Ecclesiasticus, accedente consuetudine, et apprehensione fidelium existimantium se in prædicta anni acceptione esse obligatos ad confessionem annuam; ita docent D. Antoninus 3 p. tit. 14, cap. 19, § 3, Sylvester verbo *Confessio* 1, qu. 2. Victoria n. 126, alias 127, Martinus de Ledesma in 4, part.

2, q. 6, art. 5, dub. 6, Arauxo q. 84, art. 5, dub. 4, dubitat. 2, num. 27, (qui bene observat huic parti multum favere D. Thomam quod lib. 1, q. 6, art. 11,) Navarrus de Pœnit, cap. 21, n. 45, Suarez disp. 36, sect. 3, N. Gabriel disp. 5, q. 2, N. Antonius disp. 4, sect. 5, nu. 239, N. Franciscus cap. 7, punct. 5, pro eadem referens Henriquez, Azor, Coninchum, Reginaldum, Sa. Filliucium, Laymam, Bonacinam, Nugnum, Mercarum, Fagundez, Leandrum, Trullench. in Decalogum lib. 3, cap. 1, sect. 6, n. 54, dicens hoc esse certius, et securum morem Ecclesiæ. Denique Castro Palao disp. unica, punct. 20, § 2, nu. 10, dicit hanc sententiam esse communi Doctorum auctoritate receptam, quamvis ipse propendat in oppositam, seclusa, ut ille loquitur, auctoritate, spectatis præcise jure, et ratione naturali. Sed hoc ipso motivo huic secundæ, et communi sententiæ absolute subscribimus: quia non videmus, quid circa anni pro istius præcepti inchoatione potuerit ratio naturalis investigare, et minus diffinire. Nec in jure (saltem Canonico, quod solum pro re Ecclesiastica posset referre) aliquid reperimus, quod suffragetur illi opinioni: nam annus Ecclesiasticus quantum ad officium divinum, et alia plura incipit a principio Adventus. Alias vero in re, quam versamus, et quam hactenus Ecclesia non statuit, videmus annum communiter computari a Quadragesima in Quadragesimam, et hanc esse gentium, et populorum apprehensionem, et consuetudinem, quo tempore Quadragesimæ, et Paschatis adimplendum instat annuæ confessionis præceptum: quod non contingeret, si annus pro illa inchoaret a principio Januarii. Cui consuetudini aperte favet Conc. Trid. loco relato n. præc. dicens: « Quem morem » (nempe satisfaciendi in Quadragesima præcepto annuæ confessionis, de quo loquitur) « hæc Synodus maxime probat, et amplectitur tanquam pium, et merito retinendum. » Aliunde vero ex opposita opinione, quod inchoatio sumenda sit a Januario, nullum videmus fidelium levamen, aut convenientiam aliquam toti Ecclesiæ provenire. Quare stare oportet pro sententia non minus probabili, et magis communi.

48. Illa ergo præsupposita, oportet decidere aliqua dubia, quæ ex hac circa annuam

Vasqu.
Lugo, et
alii.

D.
Anton.
Sylvester.
Ledesma.

Arauxo.
et Thom.
Navar.
Suarez.
Gabriel
Anton.
Francis.
Henriquez.
Azor.
Coninch.
Sa.
Filliuc.
Layman.
Bonacin.
et alii.

Conc.
Trid.

1 Sent
nuam

nuam confessionem, et Ecclesiæ determinationem suboriuntur. Et primum sit, an, qui confessionem integro anno omisit, teneatur illo transacto statim confiteri, cum primum possit. Negan. D. Antoninus 2. part. tit. 9, cap. 6, § 3, Martinus de Ledesma loco cit. art. 5, dub. 7, Sylvester verbo *Eucharistia* 3, et alii apud Dicastillum disp. 6, dub. 9, nu. 146. Et fundamentum eorum est, quod annualis confessio est onus alligatum uni anno: ergo obligatio ad annualem confessionem finitur cum ipso anno: et consequenter contra illam obligationem non agit, nec peccat, qui transacto illo anno, omittit confiteri, quamvis possit. Qui discursus magis explicatur, et fulcitur exemplo ejus, qui die Dominica omittit Missam: peccat quidem, sed non tenetur die sequenti illam audire: et exemplo clerici, qui hodie omittit recitare officium divinum, et non propterea obligatur cras illud repetere.

Sed dicendum est oppositum cum Soto in 4, dist. 18, qu. 1, art. 4, Nugno in add. quæst. 6, art. 5, difficult. 5, Victoria in Summa, num. 137, Arauxo q. 84, art. 5, dub. 4, dubit. 3, Navarro cap. 21, num. 45, Suarez disp. 36, sect. 4, Vasquez quæst. 90, art. 3, dub. 2, Lugo, Villalobos, et alii plurimis, quos refert, et sequitur Leander disp. 3, quæst. 41. Et ex nostris idem docent Gabriel a S. Vincentio quæst. 2, Philippus a Trinitate dub. 6, Urbanus, Antonius a Spiritu Sancto, et alii, quibus relatis subscribit N. Franciscus cap. 7, punct. 4, num. 39. Et probatur destruendo oppositum fundamentum: nam præceptum annuæ confessionis sic est affirmativum, quod simul est negativum non differendi confessionem ultra annum: unde reddit hunc sensum, quilibet fidelium confiteatur omnia sua mortalia semel in quolibet anno, et ultra annum non differat: ergo tene-mur non solum ex præcepto positivo ad confitendum in unoquoque anno, sed etiam ex præcepto negativo ad non differendum confessionem ultra annum: atque ideo non solum peccabimus non confitendo intra annum, sed etiam differendo confessionem, sive non confitendo quam primum transacto anno possimus. Sicut, ubi quis tenetur restituere, aut solvere intra aliquod tempus assignatum, peccat non solum in non restituendo intra illud tempus, sed

etiam illo transacto, si non restituat, cum primum possit, ut docent communiter Auctores ex leg. Celsus, § Sed ipse, ff. de receptis arbitri.

Porro præceptum Ecclesiasticum annuæ confessionis sic accipiendum dicimus, et exponendum esse (in quo poterat esse difficultas) suadetur; tum ex communissima, quam tuentur, Doctorum sententia: tum etiam, ex communi fidelium apprehensione et praxi; ubi enim intra annum non confitentur, sentiunt se gravatos onere confitendi, quam primum possint, et onus illud non deponunt, aut ab eo liberos se putant, nisi confitendo. Tum præterea, ex fine ipsius præcepti, quia Ecclesia illud statuit, ut fidelium provideret saluti, quæ ex dilatione confitendi peccata, sive in peccati statu manendi, multum habet novi periculi ruendi in alia: atque ideo Ecclesia annuam confessionem præcipiendo voluit, mandavitque confessionem non solum intra annum fieri, sed etiam ultra annum non differri. Tum ulterius, ex proportionem ad divinum præceptum de pœnitentia: ubi enim homo incidit in peccatum mortale, obligatur jure divino ad faciendum de eo pœnitentiam, et ad illam non longo tempore differendam, et utrumque omittendo peccat, agendo tam contra præceptum affirmativum pœnitendi, quam contra negativum non differendi longo tempore pœnitentiam, ut late ostendimus disp. 4, dub. 2. Idem itaque proportionabiliter dici debet de præcepto ab Ecclesia imposito pœnitendi mediante confessione intra annum: præsertim cum istud Ecclesiæ præceptum supponat divinum, et solum determinet tempus, in quo impleatur, ut sæpius a nobis inculcatum est ex doctrina, et declaratione Concilii Trid. sess. 14, cap. 5. Tum denique, ex ipsa consuetudine Prælatorum Ecclesiæ, qui solent excommunicare illos, qui in anno non confitentur. Excommunicant autem, non præcise quia confessi non sunt in anno, sed quia illo transacto nolunt confiteri. Idque liquet, quia Parochus nequit absolvere hos excommunicatos adhuc virtute cruciatæ, nisi velint confiteri, et ad confitendum se submittant; et tamen possunt per cruciatam absolvere ab excommunicatione lata ob peccatum præteritum, etiam si ab homine lata fuerit: signum ergo est hujusmodi

excommunicationes decerni a Prælatiſ Ecclēſiæ non præciſe ob peccatum præteritum omiſſionis confitendi intra annum ; ſed etiam et maxime quia illud peccatum adhuc perſeverat, et continuatur, uſque dum excommunicatus confiteatur, cum primum valeat. Idque magis confirmatur ex eo, quod, ut bene obſervat Arauxo loco cit. prælati ſic obligant ſubditos ad confeſſionem pro anno præſenti, in quo confeſſi non ſunt, ut licet eo elapſo confiteantur, nihilominus cenſeant eos adhuc obligatos eſſe ad novam confeſſionem in ſequenti Quadrageſima : et propterea eiſdem cenſuris, ac pœniſ exigant ab illiſ ſequentem confeſſionem, quibz exigunt præſentem pro anno præterito. Quæ ſatis manifeſtant confeſſionem præceptam pro unoquoque anno non illi ſic alligari, ut cum eo finito finiatur, ſed potius manere, et urgere, uſque dum homo actu confiteatur. Pie tamen crediderimus ita omittentem, et procræſtinantem annuam confeſſionem non committere tot peccata mortalia, quot ſunt occaſiones, in quibz oblatis non confitetur ; ſed continuare, et augere idem peccatum ; unde ſufficiet illi poſtea, et peccatum omiſſionis, et tempus dilationis confiteri, ut contra Bonacinam, et alios non improbabili- ter, nec inconſequentur multiplicantes in tali caſu peccata, docent Nugnus loco citato, Villalobos tract. 9, difficult. 28, num. 8, Diana 3 part. tract. 4, reſolut. 35, Valentia, Layman, et alii, quos refert, et ſequitur Leander diſput. 3, quæſt. 42. Ex quibz ſatis conſtat ad motivum contrariæ opinionis : nam præceptum iſtud non eſt pure affirmativum, aut determinatum uniuſ anni tempori, et ideo illo elapſo adhuc perſeverat : oppoſitum autem contingit in præceptiſ audiendi ſacrum et recitandi officium divinum, quæ alligantur determinato die, et illo tranſacto ceſſant.

49. Unde incidenter colligitur eum, qui ob aliquam cauſam diſtulit confeſſionem uniuſ anni uſque ad principium ſequentiſ, non poſſe una, et eadem confeſſione ſatisfacere præcepto confitendi in uno, et altero anno. Oppoſitum docent Gaſpar Hurtado, Lugo, et Diana, quos refert, et ſequitur Leander loco citat. quæſt. 44. Quorum motivum eſt, quod uno, et eodem actu poſſumus, et ſolemus duplici obligationi occur-

renti ſatisfacere. Sed conſectarium noſtrum efficaciter demonſtratur : quia per illam confeſſionem factam in principio huius anni ſatiſfit quidem, licet ſero, obligationi confitendi in præterito anno ; ſed minime ſatiſfit obligationi confitendi in anno præſenti : ergo per talem confeſſionem non poteſt ſatisfieri obligationi confitendi in uno, et altero anno. Probatur ſecunda antecedentiſ pars, in qua ſola poterat eſſe difficultas : nam contingens eſt, quod in decurſu anni nunc incipientiſ committat homo unum, aut plura peccata mortalia, quæ debet ante finem taliſ anni confiteri : ergo per confeſſionem debitam pro anno præterito in principio anni præſentiſ factam non ſatiſfit Eccleſiæ præcepto obliganti per ſe ad præſentiſ anni confeſſionem de peccatiſ eodem anno commiſſiſ ; ſed neceſſaria eſt illorum confeſſio in eodem anno. Nec ſatiſfaciet, qui dicat contingens etiam eſſe, quod homo poſt illam primam confeſſionem non peccat mortaliter, et conſequenter, quod non teneatur ad novam in anno confeſſionem. Nam id facile refellitur, quia id non ſalvat, quod in uno, et altero anno ſatiſfiat præcepto per unicam confeſſionem : ſed ſolum quod in ſecundo non detur obligatio confitendi ob defectum materiæ : iſtud namque præceptum ſolum obligat conſciaoſ peccatiſ mortaliſ nondum confeſſi, juxta ſuperiur dicta n. 44.

Nec iterum ſatiſfaciet, qui dicat, quod licet ſuccedat aliquod peccatum mortale, jam homo ſatiſfecit antecedenter præcepto confeſſionis pro illo anno. Nam id etiam rejicitur : quia tale peccatum in aliquo anno confitendum eſt ad ſatiſfaciendum Eccleſiæ præcepto de annua peccatorum confeſſione ; ſed juxta tale præceptum non pertinet ejuſ confeſſio ad annum ſequentem : ergo pertinet ad annum præſentem, in quo committitur : ergo adhuc in ipſo præſenti anno tenetur homo ad annuam confeſſionem peccatiſ denuo commiſſi, non obſtante, quod in hoc ipſo anno confeſſus fuerit. Unde minime verificatur, quod per unam confeſſionem in principio anni factam ſatiſfiat præcepto confitendi in anno præſenti, et in anno præterito : nam, ſi peccatum mortale non ſuccedat, non obligat præceptum : ſi autem ſuccedat, tenetur homo illud illo anno confiteri. Et, ſi fiat recurſus ad alium annum ſequentem ; inde fiet

annum

Confirmatio.

Nugnus.
Villalob.

Hurtado.
Lugo,
etc

Probatu
conclu-
ſio, et
diluitur
ſent.
oppoſit.

Occurrit
tunc
euidam
evasioni.

annum Ecclesiasticum pro impletione huius præcepti non computari a Quadragesima in Quadragesimam, sed inchoare ab ultimo peccato mortali, quod homo admisit. Id vero dicere est nullum terminum fixum pro communitate fidelium in adimplendo annuam confessionem statuere, et contradicere ipsorum fidelium apprehensioni, et Pastorum praxi in usu satisfaciendi huic præcepto, ut vidimus num. præc. est etiam contra communem sententiam num. 47 relatum, quam defendunt Leander, et aliqui ex his. quos modo impugnamus, et possemus inconsequentiae arguere. Sed pro hac nostra resolutione sunt Sotus in 4, dist. 18, q. 1, art. 4, Nagnus q. 6, art. 5, difficult. 5, Navarrus cap. 21, n. 95, Suarez disp. 36, sect. 4, Bonacina, Becanus, Filliucius, et alii plures. Et motivum contrariæ sententiæ non urget: fatemur enim non repugnare in genere, quod per unum actum fiat satis duobus præceptis: sed in præsentī occurrit specialis ratio, ne id contingat: quia nequeunt præceptum unius anni, et præceptum alterius anni concurrere per se in una duratione, et cadere supra eandem rem præceptam: sicut namque sunt duo anni. sic etiam duæ confessiones præceptæ, ut constat ex dictis, et magis constabit ex immediate dicendis.

50. Dubitatur secundo, an qui intra annum confessus est peccata mortalia, quorum erat conscius, et postea ante finem anni peccavit mortaliter, teneatur illo anno iterum confiteri, ut satisfaciat præcepto annuæ confessionis? Negant Bonacina disp. 5, q. 6, sect. 2, punct. 4, Lugo disp. 15, sect. 7, n. 164, Diana, Castro Palao, Coninchus, Leander, et alii, quos refert, et sequitur N. Franciscus cap. 7, punct. 4, num. 42. Et moventur: quia præceptum annuæ confessionis solum obligat ad confitendum semel sive una vice in anno manifestando in confessione omnia mortalia, quæ tunc pœnitenti post sufficientem discussionem occurrunt: ergo cum fidelis hoc facit, adimplet præceptum annuæ confessionis: ergo quamvis post hoc factum peccet mortaliter, non tenetur ad aliam in eodem anno confessionem, sed potest reservare illa peccata pro confessione in sequenti anno faciendam.

Sed securior et etiam verior est contra-

ria sententia, quam docet Suarez disp. 36, sect. 3, n. 9, Henriquez lib. 4, cap. 4, n. 2, et 6, Mercarus in 3, part. 6, q. 6, art. 2, et alii. Probatur: tum, quia in cap. *Omnis utriusque* præcipitur confiteri semel in anno omnia peccata mortalia in eo anno commissa, quorum homo conscius fuerit; sed in casu proposito homo non confitetur omnia peccata illo anno commissa, quorum conscius est: ergo tenetur illa confiteri ante illius anni finem: atque ideo non satisfacit annuæ confessionis præcepto confitendo semel in qualibet parte anni, si post illam confessionem alia mortalia ante finitum annum succedant. Tum, quia consuetudo fidelium, et Ecclesiæ id vehementer confirmat: ut enim recte vidit Suarez, nemo contentus est confessione priori tempore facta, si postea tempore Quadragesimæ habeat conscientiam novi peccati mortalis: et propterea Prælati eo tempore compellunt ad confessionem: signum ergo est adesse tunc, si tunc detur conscientia peccati mortalis, obligationem satisfaciendi præcepto annuæ confessionis. Nec id revocari potest in obligationem, quam fideles eo tempore habent suscipiendi Eucharistiam, pro quo debent mortalium confessionem præmittere: quia non solum communicaturi, sed etiam alii se reputant obligatos ad confitendum tempore peccata mortalia hactenus non confessa. Quin et communicaturi se reputant sub hoc munere non solum ex præcepto communicandi, sed etiam ex præcepto annuæ confessionis. Hæc autem communis fidelium existimatio, accedente Pastorum praxi, vel id ipsum compellentium, multum urgere debet apud prudentes. Tum denique, nam ex opposito fieret eum, qui in principio huius Ecclesiastici anni, nempe post octavam Paschatis lapsus fuit in aliquod mortale, quod statim confessus est, adimplere intra præceptum annuæ confessionis, manereque exoneratum ab illo, quamvis innumera peccata mortalia in hoc eodem anno committat; quin, et posse illorum, et aliorum committendorum confessionem usque ad finem sequentis anni differre, transigendo duas Quadragesimas præsentis videlicet, et sequentis anni absque confessione tot peccatorum. Id vero licet admittatur ab Adversariis, revera est incongruens propter oppositionem ad communem apprehen-

Vera, et
securior
opinio
Suarez,
Henriq.
Mercar.

Præceptum
dicitur
quædam
evasio.

Sot. Nagnus
Navar.
Suarez
Bonac.
Becan.
Filliuc.

Bonac.
Lugo.
Diana.
Palao.
Coninch.
Leander.
Franc.

sionem fidelium, quos avertit a communi usu, commendatoque in Conc. Trid. confitendi in Quadragesima, eumque desererent, si intelligerent, vel conscius peccati mortalis non obligari ad confitendum ante finem anni, ut Adversarii docent; accedunt namque communiter eo tempore, quia communiter judicant se obligatos. Opponitur etiam praxi Pastorum fidei monitis, et pœnis urgentium, ut confiteantur tunc, quidquid fuerit de aliis intra annum confessionibus. Opponitur denique rationi congruentiæ in assignando aliquem terminum fixum prædictæ obligationis: nam juxta contrariam opinionem in arbitrio peccantium positum est differre confessionem per duos fere annos, ut supra expendimus: et Ecclesiæ nequit constare, quando huic obligationi satisfecerint; et opus habebit de singulis inquirere, quando confessi fuerint ultima vice.

Motivum oppositæ sententiæ enervatur. Motivum autem contrariæ opinionis facile diluitur: nam, qui in principio anni peccavit, et confessus est, cœpit quidem adimplere præceptum de confitendis peccatis eo anno commissis; sed non manet absolute liber ab onere annuæ confessionis, quia potest alia in eodem anno committere, quæ cadunt sub præcepto pro eo anno obligante usque ad ejus finem. Unde, si iterum peccat mortaliter, iterum confiteri tenetur. Si autem mortaliter non peccat, manet in fine liber, quia omne mortale, quod commisit, jam eo anno confessus fuit, juxta superius dicta num. 44, ubi statui-
mus solos conscios peccati mortalis non confessi obligari isto præcepto. Quare satis erit juxta ibidem dicta, si hoc Parocho manifestet.

51. Hinc vero aliud dubium suboritur, an scilicet idem dicendum sit, ubi adhibita sufficienti examinis diligentia confitetur omnia mortalia eorum, quæ tunc illi memoriæ occurrunt, et post confessionem recordatur alterius peccati mortalis prius obliti; tenebitur ne illud eodem anno confiteri, ut satisfaciatur annuæ confessionis præcepto; Suarez disp. 36, sect. 4, num. 8, respondet non teneri. Et opponens sibi, quod sect. 3 statuerat, et amplexi fuimus num. præced. eum scilicet, qui post confessionem mortaliū intra annum factam labitur in aliud, obligari ad novam hujus confessionem intra eundem

annum; quia Ecclesia præcipit confiteri omnia mortalia illius anni: ergo pariter si in confessione omittat aliquod peccatum mortale propter oblivionem, ubi ejus recordatur, tenebitur illud intra eundem confiteri. Id, inquam, cum sibi opposuisset Suarez, respondit negando consequentiam: quia obligatio, ait ille, confitendi intra eundem annum peccatum post primam confessionem commissum, magis oritur ex usu fidelium, et consuetudine Ecclesiæ, quam ex vi verborum ipsius præcepti: quæ consuetudo est circa peccata denuo commissas, quæ nec per se, nec per accidens in prima confessione auferri potuerunt, sed non est, nec vim habet circa peccata invincibiliter in priori confessione oblita, quippe quæ saltem indirecte, et per accidens in illa remissa sunt. Sed contra hanc responsionem invehitur Arauxo q. 84, dub. 4, § *Sed quis non videat*, vocans illam voluntariam, et asserens, quod licet ea opinio sit speculative probabilis, oppositum tamen in praxi est probabilius, et securius: nam sicut ille, qui post præcedentem confessionem novum mortale committit, si illud intra eundem annum non confiteretur, peccaret contra præceptum annuæ confessionis obligans ad confessionem omnium mortaliū ejusdem anni: ita qui inculpabiliter in confessione non recensuit aliqua mortalia propter oblivionem, si postea eorum recordetur, tenetur illa eo anno confiteri; quod, si non faciat, agit contra tale præceptum obligans ad confessionem omnium mortaliū illius anni, atque ideo peccat. Si enim regula ex illo præcepto desumpta est generalis, nempe confitendi in unoquoque anno omnia peccata nondum confessas; nihil pro disparitate refert, quod vel fuerint commissas post primam confessionem, vel quod in prædicta confessione inculpabiliter ommissas fuerint: de illis namque, et de istis verificatur esse peccata nondum confessas, atque ideo materiam illius præcepti pro annuali confessione.

Videmus rei difficultatem ab utraque parte, et hæremus: sed attentis omnibus, inversa aliquo modo Arauxii censura, judicamus ejus sententiam esse speculative probabilem, oppositam vero opinionem esse in praxi probabiliorē, et satis securam. Primum patet ex præmisso funda-

mento

Suarez.

Judicium circa
relatas
sententias.

mento a paritate inter utraque peccata, quod non leviter premit, ne minus consequenter procedamus. Et eidem suppetias ferre possumus alia similitudine in hunc modum; nam, sicut Conc. Later. in illo cap. *Omnis utriusque* præcepit, quod omnis fidelis in quolibet anno confiteatur omnia mortalia peccata, quorum conscius sit; sic Conc. Trid. sess. 13, cap. 7, præcipit, quod nemo conscius mortalis accedat ad sacram Eucharistiam, nisi præmissa sacramentali confessione: sed in casu, quo quis prosumendo Eucharistiam confiteretur omnia peccata mortalia, quæ post diligens examen illi occurrerent, si postea alicujus mortalis in confessione inculpabiliter obliti recordaretur, teneretur illud confiteri ante Eucharistiæ sumptionem; quamvis tale peccatum supponeretur in prima confessione indirecte remissum, et homo consequenter esset in statu gratiæ. Et ita docent ipse Suarez de Eucharistia disp. 66, sect. 3, vers. *Sed hujus occasione*. Et Lugo (ut plurimos omittamus) disp. 14, de Eucharist. sect. 6, n. 26, dicit esse praxim, et consensum omnium fidelium: ergo pariter in casu, quo quis post diligentem discussionem confiteatur omnia mortalia, quæ memoriæ occurrunt, si postea ante elapsum annum confessionis recorderetur alicujus nondum confessi, tenebitur ante anni finem confiteri; nec aliter præcepto omnia confitendi poterit satisfacere; quamvis supponatur esse in gratia, quod videtur esse finis præcepti, sicut et præcepti confitendi omnia mortalia ante Eucharistiæ sumptionem.

52. Secundum etiam suadet. Tum, quia illam, quam Suarez docuit sententiam, docent etiam alii Auctores, tam antiquiores, quam moderniores Sylvester, Victoria, Navarrus, Toletus, Valentia, Joannes de la Cruz, Bonacina, Reginaldus, Nugnus, Coninchus, Filliucius, Molfecius, Villalobos, Sylvius, Layman, Fagundez, Granados, Lugo, Dicastillo, Gaspar Hurtado, Diana, N. Gabriel, N. Antonius, quos omnes refert, et sequitur N. Franciscus cap. 7, punct. 4, num. 43. Et alios possumus addere; sed superfluum est. Tum etiam, ex communi usu, tam pastorum, quam pœnitentium: ubi enim homo post diligens examen confitetur omnia mortalia, quæ memoriæ occurrunt, censetur suffi-

cientissime adimplevisse præceptum annuæ confessionis, quamvis aliqua peccata veniant postea in memoriam, quæ ab illa prius inculpabiliter exciderant: nec enim necessarium censetur illa ante finem anni confiteri: sed remittuntur ad aliam alio tempore confessionem, sive voluntariam, sive ex præcepto. Tum præterea, ratione fundata in intentione, et fine, tam Ecclesiæ præcipientis, quam pœnitentis ei obedientis: nam finis, quam Ecclesia annuam confessionem præcipientis intendit, est, quod fideles adimpleant divinum Christi de confessione præceptum, et non diu perseverent in statu peccati: cui fini, et intentioni facit satis ille pœnitens, qui diligenter discussa conscientia confitetur omnia peccata mortalia tunc memoriæ occurrentia: hic enim quantum in se est, omnia confitetur, et facit confessionem formaliter integram: unde absque dubio satisfacit divino Christi præcepto, et statum justificationis consequitur. Quare, sicut licet aliud peccatum postea memoriæ occurrat; non tenetur jure divino ad aliam statim novam de illo prius oblito confessionem, sed potest illud remittere ad aliam alio tempore ex jure divino faciendam; sic etiam jure Ecclesiastico non obligatur ad aliam tunc pro illo peccato confessionem; sed sufficit, quod illud anno sequenti, aut cum voluerit, confiteatur. Tum denique ab inconvenienti ex opposita opinione: nam, si facta prius integra ex intentione, atque etiam ex diligenti confessione, occurrente memoriæ peccato prius oblito, tenetur homo illud ante finem confiteri; pariter, si post secundam confessionem aliud occurrat, tenebitur ad tertiam: et si post hanc aliud in memoriam veniat, tenebitur ad quartam, et sic de aliis sine fine, sed ante finem anni. Nec casus est impossibilis, nec infrequens, præsertim in personis scrupulosis; consequens vero est incredibile, utpote afferens pœnitentibus imensum onus, et non minorem pastoribus molestiam in tot confessionibus faciendis, et audiendis, præsertim in angustia temporis, et magno pœnitentium concursu, quæ simul adsunt circa finem anno pro isto præcepto adimplendo. Tenendum itaque est pœnitentem, qui sufficienti examine confessus est omnia mortalia sibi occurrentia, licet peracta confessione, aliud,

Sylvest.
Victoria
Toletus
Valentia
Joannes de
la Cruz
Bonacina
Reginaldus
Nugnus
Coninchus
Filliucius
Molfecius
Villalobos
Sylvius
Layman
Fagundez
Granados
Lugo
Dicastillo
Gaspar Hurtado
Diana
N. Gabriel
N. Antonius
quos omnes
refert, et
sequitur
N. Franciscus
cap. 7,
punct. 4,
num. 43.
Et alios
possumus
addere;
sed superfluum
est. Tum etiam,
ex communi
usu, tam
pastorum,
quam
pœnitentium:
ubi enim
homo post
diligens
examen
confitetur
omnia
mortalia,
quæ
memoriæ
occurrunt,
censetur
suffi-

aut alia occurrant, satisfecisse plene illius anni præcepto, et non teneri ad confitendum iterum ante anni finem : sed posse peccata denique memoriæ occurrentia ad aliam confessionem ultra illum annum transmittere.

Ad fundamentum vero Arauxii respon-
Occurrit
 tur
 funda-
 mento
 opposito. detur ex immediate dictis, disparitatem inter utrumque casum esse satis manifestam : nam licet Ecclesia præcipiat confiteri singulis annis omnia mortalia non confessa ; tamen inter eum, qui post confessionem committit novum mortale, et illum, qui post confessionem rite, et legitime factam, alicujus mortalis prius obliti recordatur, adest notabilis differentia. Nam de primo nullatenus verificatur, quod illud novum peccatum confessus fuerit : et ideo debet illud ante finem confiteri, ut satisfaciatur Ecclesiæ omnium confessionem præcipienti : præsertim cum manifeste ex-ciderit a gratia ad quam Ecclesia suo præcepto intendit fideles annis singulis reparare. Sed de secundo e contra verificatur, quod omnia sua mortalia ex intentione in confessione exposuerit, et reipsa in confuso, et quantum fuit ex parte doloris universalis, exposuit ; et ab omnibus, nempe ab explicatis directe, et a non explicatis indirecte absolutus est, ac denique gratiam justificationis assecutus in ea permanet : quod est finis ab Ecclesia intentus in præcepto confitendi in unoquoque anno mortalia non confessa. Quare de isto secundo præsumendum non est, quod ab Ecclesia obligetur ad aliam novam in eo anno confessionem : præsertim accedente opposita fidelium apprehensione, ac consuetudine, et non minus communi Pastorum approbatione. Illud etiam, quod pro Arauxo addidimus, non urget, sed diluit concessio antecedenti, et negando consequentiam. Ratio disparitatis est, tum, quod antecedens asserit communis sententia, consequens autem communis sententia negat : quod motivum in rebus moralibus magni ponderis solet esse ; quippe notabilis adeo differentia nequit non ex urgenti aliqua radice descendere. Tum etiam (et detegimus radicem) quod Ecclesia in præcepto de quo agimus, non jubeat, ut quis post confessionem rite peractam, si alicujus mortalis postea recordetur, illud confiteatur ante finem anni ; nec tale quid, aut

simile in eo præcepto reperimus ; quin usus pœnitentium, et pastorum declarat oppositum, ut hactenus expendimus. At vero præceptum Ecclesiæ quantum ad sumptionem Eucharistiæ expresse jubet confessionem cujuscumque peccati, etiam si homo supponatur in statu gratiæ, præmitti debere. Sic enim habet Conc. Trid.
Conc.
 Trid. loco cit. : « Ut nullus sibi conscius peccati « mortalis, quantumvis sibi contritus vi- « deatur ; absque præmissa sacramentali « confessione, ad sacram Eucharistiam « accedere debeat : quod ab omnibus Chris- « tianis, etiam ab iis sacerdotibus, quibus « ex officio incubuerit celebrare, hæc sancta « Synodus perpetuo servandum esse decre- « vit. » Unde circa hoc non relinquitur controversia.

53. Ex qua resolutione possumus aliquas ei similes, velut appendiculas colligere. Nam si quis tempore annuæ confessionis recensens omnia alia peccata mortalia, ex justa causa tacuit aliquod, dubitari potest, an teneatur illud intra eundem annum confiteri, quando jam absque inconvenienti potest? Et respondetur negative cum Lugo,
Lugo
 Dicast.
 Leand.
 Gabriel. Dicastillo, Leandro, N. Gabriele, et aliis apud istos, quos refert, et sequitur N. Franciscus loco cit. num. 44, contra Sotum, Cordubam, et aliquos alios, qui affirmant teneri. Et fundamentum stat in superius dictis : quia prædictus rite confessus est, et de omnibus peccatis vel directe, vel indirecte, absolutus fuit, et de novo non incidit in aliquod mortale, ut supponitur ; ergo sicut in tali casu adimplevit divinum Christi præceptum de confitendo absolute : ita et satisfecit Ecclesiæ præcepto de confitendo in singulis annis : ergo non tenetur illo anno iterum confiteri de tali peccato ; sed potest illud remittere ad aliud tempus, sicut de peccato oblito iuculpabiliter, et postea memoriæ occurrente dictum fuit.

Oppositum dicendum est, si quis habens unum peccatum mortale, a cujus confessione excusaretur ob justas causas confiteretur sola venialia, et indirecte ab illo mortali absolveretur : hic enim adhuc intra illum annum cessantibus justis causis, tenetur illud mortale confiteri ut bene observavit Dicastillo disp. 6, dub. 8, num. 138. Quoniam confessio, quam fecit, licet fuerit formaliter integra, non fuit tamen
Dicast. confessio

confessio peccati mortalis, quæ sola est materia præcepta; unde non potest de illo dici, quod satisfecerit positive præcepto, et propterea ubi non adest justa causa tacendi illud peccatum, debet illud eodem anno confiteri. Sed quid, si confitendo peccata venialia confessus est unicum, quod tunc præcise occurrebat, peccatum mortale dubium, si postea certo cognoscat fuisse mortale, tenebitur ad confitendum illud ut certum, antequam annus finiatur? Respondetur non teneri: quia licet materia præcepti Christi, et præcepti Ecclesiæ non sint peccata venialia, est tamen peccatum mortale dubium, ut suo loco dicemus. Unde confitendo illud peccatum mortale dubium, satisfacit Ecclesiæ præcepto de annua confessione: et alias in eo anno non incidit in aliud mortale novum, ut supponitur. Quod vero intra illum annum recognoscat tectis certe mortale, non obligat ad illud ut tale statim confitendum, quia illud alias jam confessus fuit; sed potest illud, ut certum ad aliud tempus sequentis anni remittere. Videatur Dicastillo loco cit. num. 134, ut ex prolesso dicemus dub. 6.

Dicast.

Dicast.
Lugo.

Idem dicendum putant Dicastillo, et Lugo de eo, qui in periculo repentinae mortis positus confessus est unum aliquod mortale, sed alia, quæ habebat confiteri non potuit, censent namque hunc, licet illud periculum evadat, non teneri in illo anno ad aliam confessionem, quia illa prima implevit annuæ confessionis præceptum. Quod tamen videtur assensu difficile: quia cum contingens sit illum habere plurima mortalia, et atrociora illo uno confesso, absurdum apparet, quod ejus solius confessione liberetur ab onere omnia illa eo anno confitendi. Sed nihilominus non audemus negare auctorum opinionem esse probabilem: quia prædictus fecit per se, et ex sua intentione integram formaliter omnium suorum peccatorum confessionem, quamvis cuncta recitare non potuerit; et deinde constitutus est in statu gratiæ, et reconciliationis cum Deo; quod videtur esse præcipuus hujus Ecclesiastici præcepti finis: quare si denuo non incidat in novum mortale, ut supponendum est, excusabitur a nova in illo anno confessione. Sed si in mortale labatur, tenebitur illud ante finem confiteri justa superius

dicta num. 50, et consequenter omnia alia, quorum conscientiam habet, et in prima illa repentina pro articulo mortis confessione explicare non valuit: ubi enim de mortalibus confessio sit, omnia non confessa debent exponi, cum unum absque aliis omnibus nequeat remitti. Prior autem confessio, quamvis pro tunc satisfecerit præcepto Ecclesiæ, ut concedimus; satisfecit tamen satisfactione inadæquata: quia exsolvere non potuit pro peccatis postea eodem anno committendis: quare, si subsequantur, opus est illa ante finem anni confiteri. Hinc colligimus falsam esse opinionem ejusdem Lugonis disp. 15, num. 180, Dicastillo ubi supra num. 142, et N. Antonii disp. 4, sect. 5, num. 249, docentium illum, qui toto anno præcedenti omisit confessionem, si inchoato hoc anno præsentem confiteatur, manere liberum ab obligatione hoc anno confitendi. Quia vel succedunt nova peccata, vel non? Si hoc ultimum, deobligatus quidem manet, quia non adest materia præcepti. Si vero primum; omnino tenetur illa nova peccata eodem anno confiteri, quia in anteriori confessione non explicuit, nec potuit; cum tamen singulis annis debeat confiteri omnia peccata hactenus non confessa. Quæ satis constant ex dictis num. 49, et declarari magis possunt exemplo ejus, qui singulis annis debet solvere unum auream: nam si in præcedenti anno illud non solvit, quamvis illud solvat in principio hujus anni, non satisfacit obligationi anni præsentis, sed debet aliud pro eodem solvere. Et ita docent Sotus, Nugnus, Navarrus, Suarez, Bonacina, et alii plures apud N. Franciscum cap. 7, punct. 4, num. 45, qui aliam tertiam, et quasi mediam refert sententiam, in eamque inclinare videtur: sed vere non habet locum, et huic secundæ oportet stare. Alias appendiculas non addimus, qui et has ipsas scribere molestum ducimus, eandemque molestiam sapienti lectori timemus, qui malet profecto unam aliquam notabilem difficultatem, cui superandæ, continuatæ attentionis filo accingeremur. Sed patientia opus habemus in tractandis his moralibus, sive practicis, quæ ad tam minuta in singulari descendunt.

Lugo
Dicast.Nugnus
Navar.
Suarez.
Bonac.

54. Tertium dubium in materia, quam versamus, est, an qui in principio, vel

medio anni prævidet se postea non habiturum copiam Confessarii, vel alia via impediendum toto sequenti tempore fore a facienda confessione, teneatur illam anticipare priusquam ad illas angustias, et finem anni deveniat? Et supponitur talem habere conscientiam peccati mortalis, quod solum est hujus præcepti materia: unde si habeat sola venialia minime obligatur, vel absolute, vel ex tali suppositione illa confiteri. Neminem legimus, qui negat in casu proposito obligari peccatorem ad anticipandum annuam confessionem: quamvis aliquos id negantes referat suppresso nomine Ludovic. a S. Joan. q. 5, de pœnit. art. 6, dub. 7. Sed communis Doctorum sententia asserit obligari ad hanc præventionem. Ita Sylvester, Tabiena, Navarrus, Villalobos, Suarez, Vasquez, Bonacina, Diana, Lugo, Dicastillo, et alii plures apud N. Franciscum ubi proxime, num. 40. Fundamentum est: quoniam ab initio anni præsentis incipit obligare præceptum annuæ confessionis, sive, et in idem recidit, præceptum illud comprehendit totius anni spatium: ergo si homo non potest illud implere tempore sequenti, tenetur implere in antecedenti; atque ideo prævenire confessionem. Sicut quia præceptum audiendi Missam die Dominica obligat a mane usque ad meridiem, et totum illud tempus complectitur, si mane hora septima prævidet ea elapsa non habiturum deinceps facultatem Missam audiendi, tenetur statim illam audire, ut præcepto satisficiat. Hinc etiam fit habentem peccata reservata, et copiam confessarii potentis ab eis absolvere, teneri nunc illa confiteri, si prævidet in decursu anni non habiturum copiam similis confessarii talem facultatem habentis.

Juxta hanc communem sententiam sunt, qui colligant, et consequenter, ut putant, sentiant eum, qui in hoc anno prævidet se in sequenti non habiturum copiam confessarii, vel alio obstaculo impediendum a confessione, obligari ad anticipandum anni sequentis confessionem, illam exequendo.

Pro qua opinione Dicastillo disp. 7, dub. 11, num. 183, refert graves Auctores D. Bonaventuram, Durandum, Paludanum, Majorem, Navarrum, Canum, et Medinam Complutensem. Et ex Modernis idem docet Gaspar Hurtado disp. 7, difficult. 13, et

plures alii apud Leandrum disp. 3, quæst. 46. Quorum fundamentum est et stare videtur in præmissa resolutione: nam si prævidens non posse facere confessionem in fine, aut decursu anni, tenetur illam facere in principio: idemque contingit proportionabiliter in Missa, et aliis rebus, ad quas tenemur: cur prævidens se non posse in anno præsentis confiteri, non obligatur ad confitendum in præsentis, anticipando tempus obligationis præcepti? Hæc opinio est valde probabilis ab auctoritate illam docentium. Sed subscribimus oppositæ, quam tuentur Dicastil. loc. cit. n. 184, Leander disp. 3, qu. 46, Delgadillo c. 17, dub. 36, et probatur diruendo simul oppositum fundamentum: quoniam nemo tenetur adimplere aliquod præceptum, priusquam illud obligare incipiat: ergo quamvis ille, qui est constitutus in anno, in cujus decursu, et fine desperat se posse confiteri, tenetur confessionem prævenire, quia jam cœpit obligatio confitendi in tali anno; nihilominus ob oppositam rationem, qui in anno præsentis prævidet non posse confiteri in sequenti, non tenetur sequentis anni confessionem prævenire, de præsentis confitendo; quippe cum modo non currat obligatio confitendi in sequenti anno.

55. Et si inquiras, quid juxta præmissas resolutiones dicendum sit, tum de illo, qui existens in peccato mortali prævidet se non habiturum deinceps longo tempore, et præsertim in articulo mortis copiam confessoris, ut contingit in pergentibus ad gentes barbaras, et inter eas degentibus? Tenebitur ne ad præveniendum confessionem pro eo articulo præceptam confitendo de præsentis? Tum de illo, qui ob defectum memoriæ experientia cognitum, timet, quod de peccatis mortalibus, quæ modo habet, et cognoscit, non recordabitur in fine anni? Obligabitur propterea ad præveniendum illud tempus, et faciendum statim de mortalibus cognitis confessionem?

Ad primum quæsitum respondetur, eam difficultatem non esse regerendam ad confessionem, ut præceptam solo jure Ecclesiastico determinante pro singulis annis confessionem, quidquid de mortis articulo fuerit; sed ad confessionem ut præceptam in articulo mortis jure divino, quod

Sylvest.
Tabien.
Navar.
Villalob.
Suarez
Vasquez
Bonac.
Dian.
Lugo
Dicast.

D.
Dicastil.
Bonav.
Durand.
Palud.
Major.
Navar.
Cano.
Medina.
Hurtado.

quod tunc specialiter urget, ut docent unanimiter Theologi, quamvis alias dissideant circa obligationem ex prædicto jure in aliis durationibus vitæ, aliquibus restringentibus ad determinata tempora, aliis prorsus laxantibus usque ad ipsum mortis articulum, ut constat ex disp. 3, dub. 7. In suppositione itaque, et sensu præmissis Leander disp. 3, sect. 11, docet hominem illum non teneri ad anticipandum confessionem. Pro qua resolutione nullum alium in particulari refert; sed solum dicit alios modernos, quorum nomina suppressit, idem docere, et quod in simili docet Azor, et probabile reputant Joan. a Cruce, et Joan. Sanctius. Fundamentum autem est illudmet, quod supra pro nostris resolutionibus expendimus: nam ideo qui prævidet hoc anno se in ejus fine non habiturum confessarii copiam, debet confessionem anticipare, quia prædictum præceptum cœpit obligare ab hujus anni principio: e converso autem, qui prævidet, quod anno sequenti non poterit confiteri, non tenetur anticipare hoc anno confessionem anni sequentis, quia præceptum pro sequenti adhuc non cœpit obligare in præsentī anno. Sed etiam in casu proposito præceptum divinum confitendi in articulo mortis non obligat de præsentī; siquidem de præsentī non occurrit talis articulus; cum homo sanus sit, et procul distans ab eo periculo: ergo quamvis nunc prævideat non habiturum deinceps copiam confessarii, nec locum confitendi, non obligatur confessionem pro illo tunc debitam, nunc anticipare.

Sed contrarium omnino dicendum est cum communi, et secunda sententia, quam tuerentur Paludanus, Sylvester, Tabiena, Cano, D. Bonaventura, Richardus, Durandus, Major, Gabriel, Henriquez, Suarez, Fagundez, Layman, Gaspar, Hurtado, Lugo, Molfesius, Bonacina, Diana, Reginaldus, Villalobos apud Leandrum loco citato, qui recognoscit, et fatetur hanc esse communem. Addimus N. Antonium, (in opinionibus alias minime scrupulosum) disp. 4, sect. 2, n. 214, et Delgadillum (non absimilis ingenii) cap. 17, dub. 36, in fine. Et hinc probatur primo: quia in re adeo gravi, a qua pendere potest æterna salus, oportet illud asserere, quod ab omnibus communiter asseritur, et securissi-

imum est in ordine ad talem finem: ergo debemus asserere eum, qui de præsentī habet copiam confessarii, et prævidet, quod illa carebit deinceps, et in ipso articulo mortis, obligari ad præveniendam eam confessionem, ad quam in eo articulo faciendam jure divino tenetur. Probatur secundo destruendo oppositum fundamentum, et aperiendo falsam æquivocationem, cui innititur: nam licet multi (quos impugnavimus loco proxime citato) opinentur præceptum divinum confitendi peccata non urgere in aliqua determinata vitæ duratione, nisi in proxima morte, sive cum hujus periculum adest: nihilominus prædictum præceptum obligat, decurritque per omnia vitæ spatia, incipitque obligare ab ipso primo usu rationis: cujus manifestum signum est, quod in qualibet vitæ parte potest impleri; et non posset proprie impleri, nisi obligaret. Itaque sicut in quolibet vitæ spatio, aut tempore potest homo mori, aut incidere in moriendi periculum; ita in quolibet obligatur jure divino ad non moriendum in mortali, sive ad procurandum non mori absque mortalium confessione. Ubi autem datur præceptum obligans, et quis prævidens, quod transacta occasione, quam ei satisfaciendi habet, non poterit postea illud adimplere, debet de præsentī anticipare ejus adimplentionem: et hac de causa, qui prævidet, quod in fine anni non poterit satisfacere ecclesiastico de annua confessione præcepto, tenetur illam prævenire confitendo de præsentī: sicut e converso, quia præceptum confitendi in sequenti anno non obligat, nec cœpit obligare in præsentī, licet aliquis in præsentī prævideat non habiturum in sequenti copiam confessarii, non obligatur ad anticipandum futuri anni confessionem, ut satis constat ex dictis n. præced. Cum ergo homo jure divino teneatur confiteri mortalia ante mortem, si prævideat se in ejus articulo non habiturum confessarii copiam, tenetur ad anticipandum alio tempore, licet ab illo articulo distante, confessionem divino jure præceptam.

Ad secundum respondetur negative: nam præceptum confessionis de peccatis in specie, et numero non obligat ad summam, extremam, et metaphysicam diligentiam circa eorum recordationem, et relationem; sed ad id sufficit alia inferior,

Leand.
Azor.
Cano
anclius

Vera
sent.
alud.
Sylvester.
Tabiena.
Cano, D.
Bonav.
Richard.
Durand.
Major.
Gabriel.
Henriquez.
Suarez.
Fagundez.
Layman.
Gaspar.
Hurtado.
Lugo.
Molfesius.
Bonacina.
Diana.
Reginaldus.
Villalobos.
apud Leandrum.
loco citato.
qui recognoscit.
et fatetur hanc esse
communem.
Addimus N. Antonium,
(in opinionibus alias minime scrupulosum)
disp. 4, sect. 2, n. 214, et Delgadillum
(non absimilis ingenii) cap. 17, dub. 36,
in fine. Et hinc probatur primo: quia in
re adeo gravi, a qua pendere potest æterna
salus, oportet illud asserere, quod ab omni-
bus communiter asseritur, et securissi-

et prudentialis, qualem adhibere consuevimus in aliis rebus gravibus, quæ cordi sunt, ut docent communiter Auctores apud N. Franciscum, c. 6, punct. 2: sufficit itaque pro adimplendo tam Divino, quam Ecclesiastico confessionis præcepto confiteri illa peccata, quæ post præmissam in sensu dicto diligentem conscientiam discussionem memoriæ confitentis occurrunt, quamvis aliorum non recordetur. Qua de causa licet aliquis probabiliter conjiceret, atque speraret, ut facta longa, et prolixissima inquisitione, occurrerent sibi aliqua peccata præter illa, quæ hactenus in mentem venerunt, non teneri ad hujusmodi exactissimam diligentiam docet cum aliis Bonac.

Bonac.

disp. 5, qu. 5, punct. 2. Hæcque doctrina præsertim se gerere debet confessarius cum personis scrupulosis, et timidis cum excessu conscientiam: quas non dubitamus amentiam periculum subituras, si in eam, quam sæpius tentant, exactissimam diligentiam imprudens confessarius illas se committere permetteret, aut, quod pejus est, juberet. Eadem etiam de causa, quamvis aliquis sit lubricæ memoriæ, ac timeat, quod tempore confessionis omnium suorum peccatorum non recordabitur, nihilominus non obligatur ille, cum ea committit, vel alio tempore scribere, ne illa obliviscatur: quia id, præterquam habet alia inconvenientia, est diligentia extraordinaria, ut recte docent Suar. Vasq. et alii

Suarez, Vasqu.

plures apud N. Franciscum ubi proxime n. 6. Ex eadem itaque de causa ille, qui prævidet, quod si statim, aut anteriori tempore non confiteatur, in fine anni, ubi urget annuæ confessionis præceptum, plurimum non recordabitur, non propterea obligatur ad anticipandum eam confessionem, ut cum multis resolvit Bonac. loc. cit. punct. 2, n. 4, et idem docent Diana, 2 par. tr. 4, resol. 155, et N. Antonius

Bonacin.
Diana,
Anton.

disp. 4, sect. 2, n. 220. Potestque ab inconvenienti confirmari: nam si quis ob periculum oblivionis deberet annuam confessionem anticipare: ea peracta idem periculum circa alia peccata denuo committenda succederet; et his confessis adveniret circa alia, et sic in infinitum: unde consequenter ad plures eodem anno confessiones obligaretur. Quod est absurdum, et onus grave nemini ob solum naturalem defectum memoriæ imponendum.

§ V.

Conditiones annuæ confessionis, ut per eam satisfiat Ecclesiæ præcepto.

56. Non omnes conditiones prædictæ confessionis hic recensendæ sunt, sed suis locis reservandæ, quæ specialem disceptionem exposcunt; hic vero sufficiet recensere, et colligare communiores. Et primo dubitari potest, an qui facit confessionem validam, sed informem satisfiat huic præcepto? Validam confessionem appellamus, in qua concurrunt omnia requisita pro essentia sacramenti: informem autem, quæ non inducit, saltem cum actu fit, suum effectum, nempe remissionem peccatorum per gratiam justificantem. Quod hic est supponendum ex dictis Tractat. XXII, de Sacramentis, disput. 4, dub. 6, et magis constabit ex infra dicendis dub. 11, ubi ex professo ostendimus posse dari pœnitentiæ sacramentum validum, et informe. Ad quæstionem autem propositam respondetur affirmative cum communi sententia inter Doctores, tam admittentes sacramentum pœnitentiæ validum, et informe, quam illud negantes: nam hi etiam communiter sentiunt, quod si daretur, per illud fieret satis Ecclesiastico de annua confessione præcepto. Unde supervacaneum est illos in particulari referre. Videri tamen possunt Sotus in 4, dist. 18, q. 3, art. 5, Nugnus in supplem. qu. 6, art. 5, difficult. 5, et 6, qu. 9, dub. 2, concl. 2, dicens contrariam sententiam parum, vel nihil habere probabilitatis.

Suar. disp. 35, sect. 4 et disp. 36, sect. 7, et Dicastillo disp. 7, dub. 12, n. 195. Fundamentum est: quia materia præcepta per hoc Ecclesiæ præceptum est vera confessio; sed confessio valida, et informis est vera confessio; alias valida non esset, ut supponitur: ergo qui fecit confessionem validam, licet informem, adimplet Ecclesiasticum de annua confessione præceptum. Patet consequentia: quia pro adimplendis præceptis sufficit ponere illud, quod præcipitur. Confirmatur: nam si ille, qui fecit confessionem validam, et informem, non adimpleret istud annuæ confessionis præceptum, adhuc maneret sub illo, et teneretur ad confessionem eorundem peccatorum; consequens est falsum

Soto.
Nugnus.
Suarez.
Dicast.Ratio
conclus.Contr.
ual.

falsum; siquidem non minus liberatur ab illo onere, et obligatione. quam qui valide baptizatur, licet non assequatur baptismi gratiam, de quo nemo dixit, nec salva fide dicere potest, obligari ad repetendum baptismum: ergo qui fecit validam, etsi informem confessionem, satisfacit annuæ confessionis præcepto.

object. 1. Nec refert, si contra hanc resolutionem opponatur primo, Ecclesiam præcipere confessionem in justificationem animarum; sed in confessione informi non obtinetur animarum salus: ergo per confessionem informem licet validam non fit satis Ecclesiæ præcepto. **object.** Secundo, quia si per talem confessionem satisfaceret Ecclesiæ præcepto, pariter et præcepto Christi. siquidem illud est istius determinatio; consequens est falsum: ergo et antecedens. Probatur minor: quia divinum Christi de confessione præceptum est virtualiter, aut æquivalenter duplex, nempe affirmativum de confessione facienda, et negativum de non facienda indigne confessione, quod redundat in injuriam sacramenti; sed qui facit confessionem informem non adimplet Christi præceptum quantum ad hanc secundam partem, siquidem quod confessio sit informis, semper provenit ex aliquo confitentis defectu: ergo per confessionem informem non satisfit absolute divino Christi præcepto. **object.** Tertio, nam contingit aliquem peccare mortaliter in eo ipso, quod fecit confessionem validam, et informem, ut non pauci affirmant de eo, qui accedit ad confitendum absque debito peccatorum examine, quod tamen ipse ex ignorantia culpabili putavit sufficiens; ita se gerens non adimplet Ecclesiæ præceptum; siquidem non confitetur illud mortale peccatum, quod in tali confessione committit: ergo falsum est per confessionem validam informem adimpleri istud præceptum Ecclesiæ. **object.** Quarto, quia per communionem validam, et informem non satisfit præcepto Ecclesiastico annuæ communionis, ut colligitur ex decreto SS. Innocentii XI, ann. 1679, damnantis hanc propositionem (inter alias 55.): « Præcepto communionis » annuæ satisfit per sacrilegam Domini » manducationem: » ergo pariter non satisfit præcepto Ecclesiastico annuæ confessionis per confessionem validam, et informem, quæ solet esse sacrilega.

57. Hæc, inquam, non referunt: nam ^{Diluitur} ad primam respondetur, quod licet finis ^{object. 1.} Ecclesiæ in præcipiendo annuam confessionem sit salus animarum; materia tamen præcepta non est ipsa salus, sive status gratiæ, sed sola annua confessio: quia quod cadit sub præcepto non est finis, sed id, quod in ordine ad finem præcipitur: sicut etiam Ecclesia in præcepto jejunii intendit salutem animarum per mortificationem, et macerationem carnis; at res præcepta non est salus animarum, sed jejunium. Unde sicut in hoc exemplo homo jejunando satisfacit Ecclesiæ præcepto, licet non sit in statu gratiæ, nec illum jejunando assequatur: sic in præsentī materia satisfacit Ecclesiæ præcepto, qui facit validam confessionem, licet alias ob aliquod impedimentum, vel desideratæ dispositionis defectum non consequatur gratiam, quæ est sacramenti fructus. Quare ad objectionem concessis præmissis negamus consequentiam, quæ ex illis illegitime deducitur.

Ad secundam concedimus sequelam, et ^{Fit satis} negamus minorem. Cujus probatio non ^{2 object.} urget: nam illud, quod dicitur de negativo Christi præcepto prohibente indignam sacramentorum susceptionem, verum quidem est, sed applicandum actibus humanis, sive liberis: ubi enim id non adest, nec adest ulla violatio præcepti affirmativi, vel negativi. Unde quamvis aliquis exerceat aliquod opus re ipsa prohibitum, quod tamen ipse ex ignorantia invincibili, aut probabili non cognoscit esse prohibitum, minime peccat, quia defectus scientiæ inducit involuntarium. Unde in nostro casu, qui ex ignorantia, aut dictamine probabili putat se esse dispositum ad recipiendum sacramentum pœnitentiæ, et ita accedit, non solum suscipit sacramentum validum, adimpletque affirmativum Christi de confessione præceptum; verumetiam nullo modo formaliter violat præceptum negativum de non suscipiendo indigne sacramentum: illa enim susceptio licet materialiter, aut objective mala ob defectum alicujus requisiti, non est formaliter peccaminosa, et multo minus sacrilega: quia ad hoc ultimum requirebatur, quod homo voluntarie, et scienter confiteretur sine conditionibus requisitis. Id vero minime contingit in casu proposito (admisso vel

conditionate, vel absolute) suscipiendi sacramentum validum, sed informe. Si enim sciens, et volens in eo suscipiendo graviter peccaret, eo ipso nullum redderet sacramentum, et tolleretur status quæstionis. Nam hac suppositione facta, omnino, et absque ulla inter Catholicos disceptatione tenendum est per talem confessionem non satisfieri Ecclesiæ præcepto, ut patet ex decreto Alexandri VII, damnantis anno 1665 sequentem propositionem (14, inter reprobata.): « Qui facit confessionem voluntarie nullam, satisfacit præcepto Ecclesiæ. » Confessio autem nulla nequit esse, aut dici valida, etsi informis: et nos de sola informi, quæ sit valida, tractamus.

Ad 3.
object.
respons.

Ex quibus ad tertiam objectionem dicendum est nostram, et communem resolutionem procedere indefinite circa confessionem validam, et informem: ad quod satis est per unam, aut plures hujus generis posse impleri Ecclesiæ præceptum. Quod vero quidam affirmant posse dari confessionem validam, et informem, in qua homo actu mortaliter peccet; et per quam, ut alii subinferunt, non fiet satis præcepto Ecclesiæ de confessione omnium peccatorum, ut in objectione expenditur; nostra non refert, qui in præsentiarum opus non habemus descendendi ad particularium casuum probabilitatem, et multo minus conciliandi opiniones inter se oppositas. Sed addimus eos, qui docent posse hominem facere confessionem validam, et informem, in qua actu peccet, dicere etiam, ut sibi consequenter loqui videantur, per talem confessionem satisfacere Ecclesiæ præcepto: quia talis confessio etsi informis, et conjuncta non solum statui peccati, sed etiam actuali peccato in ea commisso, nihilominus est simpliciter valida: atque ideo per eam adhibetur simpliciter illa materia, in quam cadit Ecclesiæ præceptum. Nec agit ex vi hujus contra præceptum Ecclesiæ confitendi omnia peccata, quia intelligitur de omnibus, quæ memoriæ occurrunt: illud autem peccatum, quod committitur, non occurrit tunc memoriæ, et pœnitentis judicio, quamvis tunc ignorantia culpabili mortaliter peccet, sicut solet etiam contingere in aliis peccatis, quæ ex ignorantia non excusante fiunt: non enim cognoscitur expresse ma-

litia, sed tamen admittitur. Dicunt præterea illam opinionem tuentes prædictum casum non comprehendere in propositione proxime relata, et condemnata ab Alexand. VII: « Qui facit confessionem voluntarie nullam satisfacit præcepto Ecclesiæ: » nam *ly facit voluntarie nullam*, idem est ac scienter, et ex certa malitia, vel supprimendo peccatum mortale, vel perseverando in proposito peccandi, totumque id cognoscendo. Hoc autem non verificatur de eo, qui facit confessionem validam, etsi informem, et in qua actu peccat: nam implicatio est in terminis, quod, qui facit confessionem voluntarie nullam, faciat confessionem validam. Et ideo semper tenet universalis nostra resolutio, quod, qui facit confessionem validam, sive formatam, sive informem, satisfacit annuæ confessionis præcepto. An vero prædictæ propositionis expositio illi omnino quadret, minime affirmamus, sed Ecclesiæ judicio, ut fieri debet, remittimus, et de eadem re adhuc dicemus, præsertim dub. 12, n. 315, ad quem locum per se spectat.

58. Hinc patet ad objectionem ultimam: nam solum probat, quod sicut per communionem sacrilegam non satisfit annuo confessionis præcepto, ut declaravit Innocentius XI, condemnando oppositam assertionem: sic etiam non satisfit annuæ confessionis præcepto per confessionem sacrilegam. Id vero nostram resolutionem non oppugnat quippe solum statuit satisfieri dicto præcepto per confessionem validam, et informem; et manifestum est non omnem confessionem informem esse sacrilegam, sed posse informitatem provenire ex aliquo defectu inculpabili, ut suo loco magis apparebit. Unde hæc objectio ita retorquenda est, ut faveat communi nostræ resolutioni: etenim dupliciter potest contingere communionem esse informem: primo scienter, et ex malitia susipientis, qui cognoscit se esse in peccato mortali, et indigne accedere ad corpus Domini suscipiendum: et hæc proprie loquendo est sacrilega Domini manducatio, ut loquitur Pontifex reprobans sententiam asserentium per talem communionem satisfieri præcepto annuæ communionis. Et quamvis talem sententiam docuerint olim graves Auctores (plusquam viginti recensuit N. Franciscus tr. 4, c. 8, punct. 2, et usque triginta conges-
Ultima
object.
solutio.

congessit Filguera ad prædictam propositionem) quorum commune, et velut unicum fundamentum erat finem præcepti non cadere sub præcepto: nihilominus meritissime a Sede Apostolica reprobata fuit: tum, quia in ipso præcepto communionis annuæ ponitur vox *reverenter*; non communicat autem reverenter, qui sciens, et volens communicat indigne cum conscientia peccati mortalis. Tum, quia præceptum Ecclesiæ applicat divinum Christi præceptum de communione ad determinatum tempus: Christus autem præcepit communionem non sacrilegam, sed sanctam, et fructuosam, quantum est ex intentione communicantis. Tum denique ob alia motiva, quæ habuit Sedes Apostolica, et opus non habemus scire, ac minus expendere; sed magis Sanctæ Sedi summa sinceritate obedire, ut profiteamur. Secundo modo contingit communionem esse informem, sive non inducere fructum, absque suscipientis novo peccato, ut contingit in eis, qui discussa conscientia, non reperiunt in ea peccatum grave, habent tamen aliquod occultum, et cum bona fide in eo statu ad communicandum accedunt; aliunde vero non eliciunt aliquem contritionis, vel attritionis actum, quia eis se indigere non vident. Cum itaque ista conjunguntur (et conjungi non raro contingit) communicatio est quidem informis ob defectum dispositionis ad suscipiendum gratiæ augmentum, aut ipsam primam gratiam (quam Eucharistiam efficere in peccatore, se existimante in statu gratiæ, et accedente cum attritione, diximus tract. de Eucharist. disp. 10, dub. 1, § 2,) sed tamen non est, nec dici potest sacrilega saltem formaliter: quin potius esse potest actus moraliter bonus supposita ignorantia, et bona fide suscipientis, ut ex se liquet. Unde illi non applicatur condemnatio illius propositionis: « Præcepto « communionis annuæ satisfit per sacrilegam Domini manducationem: » quippe cum ita accedens non sacrilege, quantum ipse putat, manducet, sed potius bona fide, atque intentione, atque religiose, et reverenter accedat. Atque ideo non solum non transgreditur præcepta Ecclesiæ, et Christi, ut pertinent ad annuam communionem, sed illis etiam satisfacit quantum est ex vi modi, quo se gessit, et accedit ad communionem, sive quantum ad rem præceptam,

sumendi scilicet reverenter, et bona fide corpus Christi. Ubi autem, et quando recognoverit se tempore communionis fuisse in statu peccati, et fructum sacramenti non suscepisse; an teneatur iterum communicare, et quo jure? Alia quæstio est, sed illa, et ejus resolutione in præses. non egemus.

Regrediendo igitur ad confessionem, illique applicando communionis exemplum, quod in nos inorquebatur; dupliciter contingit illam esse informem, sive absque effectu gratiæ justificantis. Uno modo scienter, voluntarie, atque ex malitia, aut proposito: et hæc est proprie loquendo sacrilega: atque ideo non solum informis, sed etiam invalida, nulla, atque inepta, ut per illam satisfiat divino, vel humano præcepto: in eamque cadit damnatio relata propositionis: « Qui facit confessionem voluntarie nullam, satisfacit præcepto Ecclesiæ. » Altero modo contingit esse informem ex defectu alicujus, non quidem requisiti ad valorem Sacramenti (sic enim esset etiam invalida) sed requisiti per modum dispositionis ad Sacramenti fructum, nempe gratiam justificantem, ut puta extensionis, aut efficaciam doloris, ac propositi: quem tamen defectum non deprehendit pœnitens, sed e converso positive judicat se recte dispositum ad pœnitentiæ sacramentum accedere. In quo casu dici non potest, quod facit confessionem voluntarie nullam: facit enim confessionem veram, et validam, licet informem: at neque voluntarie facit informem, sed ex defectu, qui latet ipsum, et est præter ejus intentionem. Et hanc confessionem validam, et informem, quam non tangit Pontificia damnatio, asserit communis sententia sufficere ad satisfaciendum ecclesiastico annuæ confessionis præcepto: potestque id confirmari exemplo communionis, non quidem sacrilegæ, sed precise informis, ut proxime explicuimus.

59. Sed ecce ex recentioribus Theologis Emmanuel a Conceptione in tract. de Pœnitent. disp. 3, qu. 4, n. 342, surgit, et invehitur contra nostram, et communem sententiam, quasi hoc tempore non securam ob damnatas ab Ecclesia propositiones. Fatetur tamen non tangi in reprobata ab Alexandro VII: « Qui facit confessionem « voluntarie nullam, satisfacit præcepto « Ecclesiæ: » quia confessio informis va-

Replica.

lida non est confessio nulla voluntarie, aut involuntarie, cum sit valida, ut supponitur. Fatetur etiam, quod in propositione condemnata ab Innocentio XI: « Præ-

Propositi-
o dam-
nata.

« cepto Communionis annuæ satisfit per « sacrilegam Domini manducationem, » nemo ex illam exponentibus dixerit, quod per eam sententia communis damnata sit, imo nec id in dubium revocaverit: Ego vero, subdit ille, ex damnatione ipsius ducor, ut asseram, quod licet damnata non sit ea communis sententia: tamen quia ejus fundamentum ex damnatione prædictæ propositionis infirmatur, jam sustinenda non est, etc. Sed videamus, quibus arietibus illam quatit. Primo in hunc modum:

Prima.

ideo communis sententia asserit impleri præceptum annuæ confessionis per confessionem validam, et informem; quia pœnitens recipit verum sacramentum pœnitentiæ; sed qui communicat sacrilege, etiam recipit verum sacramentum Eucharistiæ; et tamen non satisfacit præcepto annuæ communionis, ut patet ex condemnatione propositionis oppositum asserentis: ergo præmissa ratio non probat, quod per confessionem validam, et informem satisfiat annuæ confessionis præcepto: atque ideo negari debet, quod per illam satisfiat.

Secunda

Secundo: nam ideo per communionem sacrilegam non satisfit præcepto annuæ communionis, quia tale præceptum quoad substantiam est divinum, cui satisfieri non potest per communionem sacrilegam; sed etiam præceptum annuæ confessionis est divinum, cui satisfieri non potest per confessionem validam informem: ergo per hujusmodi confessionem non satisfit præcepto illam singulis annis injungenti. Minorem quoad secundam partem, in qua est difficultas, probat: quia, si præcepto divino per confessionem validam informem satisfaceret, homo non peccaret confessionem validam, et informem scienter faciendo: cujus oppositum omnes supponunt: ergo de primo ad ultimum, inquit ille, confessio informis post decretum SS. P. N. Innoc. XI, non sufficit ad impletionem confessionis annuæ. Hæc ille, et non plura motiva.

Extri-
cantur
objecta.

Sed sunt levia, quibus unus contra tantos pugnet in re tam gravi, et uno fere verbo dispelluntur, juxta superius dicta, concedendo, quod, sicut per communionem sacrilegam non satisfit annuæ communio-

nis præcepto, ita per sacrilegam confessionem non adimpletur præceptum confessionis annuæ: sed confessio, quæ est valida, licet informis, non est sacrilega; quin potius, si sacrilega foret, non esset valida. Oportet tamen, quod ille recognoscat etiam, et concedat dari aliquam communionem validam, et informem, sed non sacrilegam, ut supra ostendimus, per quam satisfiat annuæ communionis præcepto: et consequenter insistendo paritati, et similitudini, quam intendit, debet admittere aliquam confessionem validam, et informem, sed non sacrilegam, per quam satisfiat præcepto annuæ confessionis. Unde objectiones ab illo factæ regerendæ sunt in ipsum. Sed occurramus eis magis specialiter.

Ad primam; permissa majori, et concessa minori, negamus consequentiam, ob manifestam disparitatem (neque enim ex vi formæ aliquid concluditur cum ly *sacrilege* solum reperitur in minori.) quia communio, per quam non impletur annuæ communionis præceptum, est determinate sacrilega, ut objectio supponit. Sed confessio valida, et informis, non est sacrilega, et si sacrilega foret, non esset valida, nec fieret pœnitentiæ sacramentum. Unde nulla est similitudo, quæ intenditur inter confessionem informem validam, et communionem sacrilegam. Radix autem differentię inter hæc extrema est, quod sacramentum Eucharistiæ supponitur factum anteceder, et independenter a communionem: est enim sacramentum permanens, et non consistens in usu: unde provenit, quod verum sacramentum suscipiatur a suscipiente illud per sacrilegam communionem. Ceterum sacramentum pœnitentiæ dependet in sua essentiali constitutione ab actibus pœnitentis, utputa confessione, et dolore: in eo autem, qui facit confessionem, vel tacendo peccata, vel fingendo dolorem, etc. non adsunt tales actus essentialiter requisiti: et ideo nec fit, nec adest verum pœnitentiæ sacramentum: quo non posito minime adimpleri valet confessionis præceptum. Unde communis sententia asserens pro talis præcepti adimplerem sufficere confessionem validam informem, ex hoc ipso excludit confessionem sacrilegam, sive scienter factam sine essentialibus requisitis: nam quæ hujusmodi est, nequit esse valida,

Respon-
soria
replica

lida, nec verum sacramentum constituere, quod suscipiatur a confitente. Ad secundum, negamus minorem quoad secundam partem. Et ad hujus probationem respondetur negando sequelam : nam cum homo scienter facit confessionem informem, facit etiam sacrilegam, et nullam : quia nequit scienter confessionem informem facere, quin velit etiam scienter impedimentum, quo informis fit : in quo ipso peccat mortaliter actu, et reddit confessionem nullam, cum ob defectum doloris, ac propositi, cum ob defectum manifestationis peccati mortalis tunc scienter commissi. Quare per talem confessionem nulli præstetur vel divino, vel ecclesiastico potest satisfieri, quippe quæ nulla, et invalida est. Sed hæc non contingunt in confessione infirmi valida, si datur : nam eo ipso, quod talis sit, (ut supponendum est vel absolute vel conditionate) verum sacramentum constituit, per cuius susceptionem non sacrilegam (ut etiam supponitur hoc ipso, quod confessio valida sit,) adimplet homo præceptum, tam ecclesiasticum confitendi in unoquoque anno, quam divinum confitendi absolute.

60. Dubitari secundo potest, utrum huic annuæ confessionis præcepto satisfiat per confessionem exteriori rite factam, sed revera, et coram Deo nullam ob defectum omnino internum ; quod multipliciter potest contingere. Ut, si quis confiteatur omnia peccata, quæ in conscientia habet, sed tamen absque interno dolore, et proposito emendationis, aut etiam absque intentione recipiendi sacramentum. Vel, si aliquis confiteatur omnia peccata externa, subitendo tamen interna, quæ dicuntur cordis, ut sunt cogitationes, et desideria. Et non pauci ex antiquis docuerunt partem affirmativam, suffragantibus aliquibus modernis, Alensis, Paludanus, Sylvester, Victoria, Gabriel, quos refert, et sequitur Fagundez præcepto 2. l. 1, c. 4, n. 4, Vasquez quæst. 90, art. 1. dub. 4, n. 45, Castillo disp. 7. dub. 2, nu. 199, Margarita Confessorum, verbo *Confessio*, Glossa ex Bartolo in c. *Si cui* de Pœnit. dist. 1, Ludovicus a S. Joanne, quæ. 8, ar. 2, difficult. 2, Sa verbo *Confessio*, num. 1, in priori additione. Quorum sententiam probabilem vocat Diana 3 p. tract. 4, resolut. 120. Eorum autem commune motivum fuit,

quod peccata interna, et dolor internus, et similiter intentio nequeunt, cadere sub præcepto Ecclesiastico : ergo Ecclesia solum præcipit externam confessionem externorum peccatorum : ergo per confessionem hujusmodi satisficit ecclesiastico præcepto annuæ confessionis, quamvis talis confessio sit absolute invalida ob defectum intentionis, vel propositi, vel doloris, vel manifestationis omnium peccatorum. Quod confirmabant : quia Ecclesia solum potest ea præcipere, quæ potest cognoscere, judicare, atque punire ; alias vanum, et ridiculum foret præceptum circa ea, quæ non sunt ejusmodi ; sed manifestum est Ecclesiam non posse cognoscere, judicare et punire peccata omnino interna, ut sunt carentia intentionis, aut doloris, etc. unde vulgo dicitur Ecclesiam non judicare de occultis, ut desumitur ex cap. Consuluit 2, qu. 5, et can. *Cogitatio* de Pœnitentia, qu. 1 : ergo Ecclesia non potuit præcipere intentionem, dolorem, propositum, et manifestationem peccatorum omnino internorum, sed solam confessionem externam : ergo qui hanc facit, satisfacit præcepto Ecclesiæ de annua confessione, quamvis confessio sit simpliciter nulla ob aliquem defectum internum, vel plures ex assignatis.

Hinc iidem Auctores colligebant sic confitentes non incurrere censuras, et alias pœnas, quas non confitentibus quolibet anno comminatur Ecclesia, et quæ in aliquibus diœcesibus publicantur ipso facto incurrendæ. Quoniam pœnæ Ecclesiasticæ non incurruntur nisi a frangentibus Ecclesiæ præceptum : sed in tali casu non frangitur præceptum Ecclesiæ, quin potius adimpletur, ut affirmat prædicta sententia : ergo sic confitentes non incurrunt censuras, et alias pœnas ferendas, vel latas ab Ecclesia contra non confitentes singulis annis. In cujus confirmationem haud immerito aliqui expendunt c. « Quod quidam » de pœnitentiis, et remis. ubi Episcopo Belvacensi dubitanti, et consulenti, quid faciendum, quando « quidam » ad confessionem de criminibus veniunt, « et quamvis confiteri velint, se tamen » asserunt abstinere non posse, » Pontifex Alexander III respondit in hunc modum : « Eorum confessiones excipere debes, et » eis de criminibus consilium exhibere : » quia licet non sit vera ejusmodi pœnitentia

« tia, admittenda tamen est eorum confessio, et crebris, et salubribus monitis « pœnitentia inducenda. » Ex quibus patet sic accedentes, et nullum reipsa sacramentum pœnitentiæ suscipientes, repellendos omnino non esse, nec illis irrogandas ecclesiasticas pœnas, sed magis adhibenda consilia, ut respiscant.

61. Sed quidquid olim de prædicta sententia fuerit, hodie nulla ratione sustineri potest, quia reprobata, et damnata est ab Ecclesia in decreto Alexandri VII, inter propositiones prohibitas, quarum 14, est : « Qui facit confessionem voluntarie nullam, satisfacit præcepto Ecclesiæ. » Quæ propositio præcipue asserebatur de confessione nulla ob aliquem ex assignatis interiore defectum. Unde negativa sententia est hodie certa, et communis. Illamque jam prius tuebantur graves Auctores Soto, Medina, Nugnus, Navarrus, Suarez, Henriquez, Azor, et alii plurimi, quos ad satietatem refert N. Franciscus c. 7, punct. 5, n. 48. Et supposita determinatione Ecclesiæ, supervacaneum videtur alia fundamenta præmissæ veritatis adjicere. Adjicimus tamen unum, aut aliud, quod opposita diruat, evincatque justissimam fuisse prædictæ sententiæ condemnationem.

Soto,
Medina,
Nugnus,
Navarrus,
Suarez,
Azor.

Probat.
concl.

Et primum, ac validissimum stat in anteriori ipsius Ecclesiæ doctrina, qua nemo melius potuit intelligere ejus intentionem, et extensionem in ferendo annuæ confessionis præceptum. Nam in Concilio Lateranensi relato in cap. *Utriusque*, præcepit universaliter, et absque ulla restrictione, quod omnes fideles ad annos discretionis pervenientes confiterentur saltem semel in anno « omnia sua peccata » : ergo non solum externa, sed etiam interna, et occulta : atque ideo illi præcepto non satisfacit, qui aliqua quantumvis occulta voluntarie non confitetur. Unde Concil. Trident. sess. 14, can. 8, Ecclesiæ mente in Lateranensi magis explicans diffinit : « Si quis dixerit confessionem omnium « peccatorum, qualem Ecclesia servat, esse « impossibilem, et traditionem humanam « a piis abolendam : aut ad eam non teneri « omnes, et singulos omnes utriusque sexus « fideles juxta magni Concilii Lateranensis « constitutionem semel in anno, etc. anathema sit. » Ubi notandum est loqui de « confessione omnium peccatorum, qualem

Concl.
rid

« Ecclesia servat, » quæ proculdubio est omnium tam externorum, quam internorum. Et ly *ad eam*, quod est relativum præcedentis, affirmat teneri omnes fideles juxta Constitutionem Conc. Lateran. Sentit ergo Ecclesia, quod ex Constitutione sua in Lateranensi omnes fideles tenentur ad confitendum omnia sua peccata tam externa, quam interna : ergo qui sola externa confitetur subitendo interna, non satisfacit illi Ecclesiæ præcepto.

Quod fundamentum confirmari, et magis fulciri valet ex alia Ecclesiæ declaratione : nam in Trident. sess. cit. c. 5, ait : « Neque enim per Lateranense Concilium « Ecclesia statuit, ut Christi fideles confitentur, quod jure divino necessarium, et « institutum esse intellexerat : sed ut præceptum confessionis, saltem semel in « anno ab omnibus, et singulis, cum ad « annos discretionis pervenissent imple- « retur. » Quibus verbis satis aperte declarat Ecclesia se in determinatione illius temporis non aliam præcepisse confessionem, quam jam a Christo jure divino præceptam. Hanc vero se extendere ad omnia sine limitatione peccata etiam occultissima jam docuerat eodem capite dicendo : « Ex « his colligitur oportere a penitentibus « omnia peccata mortalia, quorum post « diligentem sui discussionem conscientiam « habent, in confessione recenseri, etiam « si occultissima illa sint, et tantum adversus duo ultima Decalogi præcepta commissæ, etc. » Ergo hæc omnia debent patet fieri, ut fiat satis præcepto Ecclesiæ : atque ideo, qui scienter aliquod in confessione occultat, non adimplet annuæ confessionis præceptum.

Secundum fundamentum, est quod Ecclesia cum annuam confessionem in locis relatis injungit, præcipit veram peccatorum confessionem ; hæc autem salvari nequit absque intentione, dolore, proposito et ipsorum peccatorum manifestatione : ergo Ecclesia cum præcipit annuam confessionem, præcipit confessionem cum his conditionibus : ergo qui in aliqua earum deficit, non satisfacit annuæ confessionis præcepto. Utraque consequentia patet. Et major videtur manifesta : quia regulariter actus appellatione solus actus validus comprehenditur, ut docent Juristæ : et apud eosdem idem est nullum non esse, ac ac-

Concil.
Trid.

Secund.
ratio.

tum

tum esse : ergo vel Ecclesia nihil illo præcepto fecit. vel præcepit veram peccatorum confessionem. Minor denique ostenditur quoad omnes partes : nam in primis, si desit intentio subjiciendi peccata clavibus Ecclesiæ, non adest vera confessio : hæc namque eam subjectionem importat, ut Ecclesia possit de peccatis judicare, illa vel dimittendo. vel retinendo. Deinde ubi deficit dolor de peccatis, eorum confessio est mera recitatio, aut relatio, non autem vera accusatio, quæ pro constituendo spirituale iudicium in foro conscientiæ desideratur. Pariter si desit emendationis propositum, convincitur non dari de culpa dolorem. Tandem ubi quædam peccata referuntur, et quædam ex industria occultantur, nequit esse peccatorum confessio ab Ecclesia locis relatis præcepta. sed quædam, et aliquorum pro arbitrio confitentis relatio.

Confirmatur præcludendo tacitam evasionem : nam Ecclesia potest præcipere, et præcipit confessionem sacramentalem ; sed confessio sacramentalis complectitur omnes prædictas condiciones : ergo nisi pœnitens illas adhibeat, non satisfacit Ecclesiastico annuæ confessionis præcepto. Consequentia patet. Et minor constat tum ex dictis disp. præced. fere per totam, et specialiter dub. I. Tum etiam, quia confessio sacramentalis est pars sacramenti pœnitentiæ ; nequit autem munus partis sacramenti obire, nisi habeat eas condiciones : unde provenit, quod earum qualibet deficiente, non subsistat pœnitentiæ sacramentum. Tum denique, quia confessio sacramentalis est illamet, quam Christus institutor hujus sacramenti præcepit, quamque independentem a præcepto Ecclesiæ teneretur peccator ante mortem facere : de hac vero nemo ambigit complecti omnes condiciones relatas. Major autem ostenditur : quoniam Ecclesia potestatem habet præcipiendi actus externos, et sensibiles, ut nemo negat : confessionem autem sacramentalem esse actum externum, et sensibilem ita manifestum est, sicut omne sacramentum esse externum, ac visibile signum.

62. Tertium fundamentum, per quod præcedens magis roboratur, et motivum principale sententiæ contrariæ simul diruitur, potest ita proponi : nam ideo per confessionem externam, cui non adesset

dolor, et omnium peccatorum etiam internorum manifestatio, satisfaceret annuæ confessionis præcepto ; quia talis dolor, talia cordis peccata, et eorum manifestatio non cadunt sub tali Ecclesiæ præcepto ; sed hoc est falsum : ergo per confessionem externam ita factam non impletur illud præceptum. Probatur minor : ideo tales condiciones non caderent sub illo Ecclesiæ præcepto, quia sunt pure internæ, et Ecclesia nequit actus pure internos præcipere. Hoc autem motivum nihil in præsentī materia valere ostenditur in hunc modum : etenim plane fatemur Ecclesiam non posse præcipere, nec prohibere directe, et per se actus mere internos, eos videlicet, qui solum habent esse in intellectu, et voluntate, et nullo externo signo manifestantur, ut cum. D. Tho. 1, 2, qu. 91, ar. 4, et qu. 100, ar. 9, et alibi docent communiter Theologi, quos refert, et sequitur N. Andreas tract. 10, de censur. c. 1, punct. 11, n. 136, et tract. 11, de legibus. c. 1, punct. 5, n. 66. Et convincitur ratione D. Thomæ : nam lex nequit esse de illis, de quibus legislator judicare non potest ; siquidem inutilis redderetur, si potestati coactivæ, et judicativæ non conjungeretur ; sed legislator humanus nequit judicare de actibus mere internis, cum sint per se occulti, et nullo signosenibili manifestantur, ut supponitur : ergo legislator humanus, ac proinde Ecclesiæ prælati nequeunt præcipere directe, et per se actus mere internos, qui nullo signo externo explicantur. Unde in c. *Tua nos* de Simonia ait ipse Papa, « Nobis solum datum est de manifestis judicare. »

Sed quamvis hæc ita se habeant, nihilo minus fieri potest, quod actus interiores intellectus, aut voluntatis jungantur per se cum aliquibus exterioribus, quia comparantur ad ipsos tanquam forma, vel causa, vel conditio essentialis, ut constituantur in ordine morali, et sint actus virtutum. Et circa hæc, sicut potest Ecclesia præcipere, aut prohibere directe, et per se actus externos, sic etiam potest eadem lege præcipere, aut prohibere indirecte, et ratione alterius actus interiores pro externis in sensu præmisso necessarios. Hoc pacto, quia oratio vocalis non constituitur in esse orationis absque interiori attentione, sicut Ecclesia potest præcipere per se, et directe oratio-

nem vocalem, sic potest præcipere indirecte, et ratione alterius attentionem interiorum. Eadem ratione præcipiendo Parochis baptizare, et celebrare Sacrificium Missæ, præcipit eisdem intentionem, aut alios interiores actus, sine quibus actus externi non habent valorem. Ubi etiam obligat aliquos fideles, ut certe potest. ad contrahendum matrimonium, vel celebrandum alios contractus; obligat indirecte, et ratione alterius, ut contrahentes habeant intentionem se obligandi. Eadem pariter ratione præcipiendo aliquos actus externos, prohibet indirecte actus internos exterioribus contrarios: sicut præcipiendo Missam, aut jejunium, prohibet intentionem contrariam non audiendi Missam, aut non jejunandi, et prohibendo actum externum prohibet intentionem illam exequendi, sicut prohibendo furtum, prohibet intentionem furandi: et prohibendo simoniam externam, prohibet mentalem, quæ inducit largitionem ex animo simoniaco, ut constat ex c. finali, de simonia. Idque aliis multis exemplis confirmare possemus, quæ, ut non necessaria, omitimus. Ex eis vero, et doctrina illis adjuncta liquet veritas minoris, in cujus confirmationem educta sunt: nam licet actus interni, qui mere interni sunt, nequeant ab Ecclesia præcipi, vel prohiberi: possunt tamen illi, qui habent per se connexionem cum externis, quam immediate explicuimus. Dum enim per se præcipiuntur, aut prohibentur ab Ecclesia actus externi; prohibentur etiam, aut præcipiuntur indirecte, et ratione alterius actus interni externis per se connexi: et cadere possunt, et frequenter cadunt in prædicto sensu sub Ecclesiæ præcepto. Et sic contingit in præsentī materia: nam Ecclesia præcipit pro singulis annis confessionem sacramentalem, pro qua necessarii sunt actus interni intentionis, doloris, etc. unde præcipiendo per se talem confessionem, præcipit directe prædictos actus. Atque ideo pro implendo annuæ confessionis præcepto requiruntur non sola confessio exterior, sed illi actus interni: et consequenter non solum agit contra ecclesiasticum annuæ confessionis præceptum, qui omittit confessionem absolute; sed etiam ille, qui faciēdo confessionem omittit illos actus internos ad confessionis valorem desideratos.

63. Unde corrui oppositum, et quasi unicum Adversariorum motivum, nempe Ecclesiam non posse præcipere actus internos: id enim non est universaliter verum, sed juxta præmissam doctrinam, et distinctionem: secundum quam actus interni requiruntur ad externam sacramentalem confessionem, et cadunt cum illa sub eodem Ecclesiæ præcepto; cum differentia tamen assignata, quod confessio directe, et per se; illi vero indirecte, et ratione alterius. Et quamvis peccatum interius (adjectam pro Adversariis confirmationem diruimus) probari non possit; id nihil refert: quia illud peccatum interius non est materia per se, et directe præcepta, pro qua requiritur ea conditio; sed solum indirecte, et per aliud, seu ratione externæ confessionis, quam dubium non est posse probationi, et judicio Ecclesiæ submitti. Quæ doctrina facile explicatur exemplo simoniæ mentalis, et aliis proxime adductis. Corruit præterea consecrarium, quod illius sententiæ Auctores colligebant, nempe eum, qui ob peccatum internum nullam facit confessionem annuam exterius executam, non incurrere censuras, et alias pœnas Ecclesiasticas omittentibus annuam confessionem impositas. Nam contrarium omnino dicendum est cum Nugno, Suarez, et aliis, quibus relatis subscribit N. Franciscus ubi supra numer. 51. Et quidem quantum ad excommunicationem, illa non est universaliter lata ab Ecclesia contra omittentes annuam confessionem. Sed in aliquibus Ecclesiis, seu diœcesibus imposita est Synodalis excommunicatio ipso facto incurrēda ab omittentibus talem confessionem: et eam incurrunt non solum non confitentes, sed etiam qui scienter faciunt confessionem nullam ob aliquem defectum internum vel doloris, vel manifestationis peccatorum cordis: idem namque est non confiteri, et facere scienter confessionem nullam; et quolibet ex his modis se gerens est contumax contra Ecclesiæ præceptum. Idemque contingit in omnibus fere exemplis supra dictis: nam si Ecclesia sub excommunicatione præcipiet recitationem Officii Divini, vel auditionem Missæ, non solum incurrerent eam excommunicationem omittentes absolute officium, et Missam, sed etiam qui scienter, et voluntarie sine attentione

Nugno.
Suarez.
Francis

attentione recitationem, et auditionem exhiberent, quia interior attentio (ut verior docet sententia) est de illorum actuum substantia, ut cum Suarez, Bon. et aliis resolvit N. Andreas loco citat. de censuris, n. 138.

Sed addere oportet aliter sentiendum esse de pœna imposita in sæpius relato cap. *Omnis utriusque*, contra non communicantes in anno, nempe privationis ingressus Ecclesiæ, et ecclesiasticæ sepulturæ: hæc enim pœna numquam applicatur, nisi per iudicii sententiam, ad quam probatio requiritur. Probari autem potest aliquem omisisse annuam confessionem, et in tali casu potest illa pœna injungi. Sed fecisse scienter confessionem nullam ob aliquem internum defectum, probari non valet: et consequenter nec illa pœna potest, aut debet pronunciari contra ita se gerentes. Sed in excommunicatione lata, et de facto incurrenda contra non communicantes in anno alia est ratio, ut constat ex dictis: potest enim Ecclesia proferre excommunicationem ipso facto incurrendam a committente aliquod delictum, quamvis probari postea non possit, sicut ex Clementina *Ad abolendum*, de hæreticis, excommunicantes Inquisitores, qui odio, vel amore aliquid faciunt, vel omittunt: et tamen quod actus exterior, vel omissio proveniens ex interiori odio, vel amore, probari non valet. Caput autem *Quod quidem* ab Adversariis pro se relatum nihil probat: quia non loquitur Pontifex de confessione sacramentali, quam nullam esse supponit, sed de manifestatione peccatorum a pœnitente, qui manifestat se non esse dispositum ad prædictam confessionem. Et monet Episcopum, ut mitius se agat cum similibus, non eos penitus repellens; sed ut eos suis monitis, et directione ad veram pœnitentiam alliciat. Unde etiam crediderimus eos, qui modo ad suos Parochos accedant, eisque fideliter sua peccata manifestant, simulque non esse dispositos ad suscipiendum sacramentum, non debere declarari incursos in excommunicatione, in aliquibus diœcesibus contra non confitentes, ut de facto incurrenda promulgari solet: sed mitiori stylo cum istis agendum esse, ut ad veram confessionem veniant, cujus non contemnendum principium extrasacramentalis illa eorum confessio est.

64. Tertio dubitari potest, an qui confitetur integre sua peccata cum omnibus conditionibus, quæ ex parte pœnitentis ad rite confitendum requiruntur, satisfaciat annuæ confessionis præcepto, licet absolutio non sequatur vel ex malitia, aut inadvertentia ministri, vel ex aliquo casu repentino vel ex defectu potestatis? Sunt qui affirmant, Victoria, Azor, Ludovicus a S. Joan. et alii apud Leandrum disp. 3, qu. 55. Et moventur: tum, quia pœnitens in eo casu ponit ex parte sua, quidquid debet; et culpa, vel defectus potestatis in confessario, vel alius casus fortuitus ei nocere non debet: unde præsumendum est, quod Ecclesia nolit eum gravare denuo confitendi præcepto. Tum etiam, quia pœnitenti non est impositum, nec imponi valet de eo, quod non est in ejus potestate, cujusmodi est dari absolutionem, et validam esse: ergo quidquid de absolutione fuerit, pœnitens præcepto annuæ confessionis satisfacit, si recte ex parte sua confiteatur. Sed vera, et communis sententia negat pœnitentem in eo casu satisfacere: ac subinde censet illum manere sub onere iterum confitendi, cum possit. Ita Sotus, Navarrus, Suarez, et alii plures apud Leandrum loco cit. et N. Franciscum ubi supra n. 52. Ratio est: quia huic præcepto non sufficit, nisi prædictum sacramentum suscipiatur; atqui hoc sacramentum nec subsistit, nec suscipitur absque absolutione: ergo ubi absolutio ex quacumque causa impeditur, pœnitens non satisfacit præcepto, quamvis adhibeat omnia requisita, quæ ex parte sua desiderantur. Unde in prædicto casu non peccat; ceterum nec positive illud præceptum adimplet, sed illud, cognito ex parte absolutionis defectu, debet implere faciendo confessionem ex utraque parte completam. Sicut qui satisfactorius Paschalis communionis præcepto, et putans suscipere Eucharistiam, hostiam non consecratam loco consecratæ recepit, ut potest casu, vel alterius malitia contingere, non satisfacit præcepto communionis, quia non suscepit Eucharistiam, sive communionem sacramentalem, ad quam obligat talem præceptum. Et ideo ubi deprehendit illum errorem, tenetur Eucharistiam suscipere, et aliter nequit illi præcepto annuæ communionis satisfacere.

Sotus,
Navar.
Suarez,
N. Franc.
quidquid
alii
reclamant.

Vera
Conclu-
sio.

Motivis
contra-
riis
occurri-
tur.

Quæ vero pro parte contraria asseruntur, non urgent: nam primum solum probat pœnitentem ita se gerentem non peccavisse, et manente ignorantia circa defectum, aut nullitatem absolutionis, non teneri ad eam denuo procurandam, excusarique ab adimplerione præcepti. Sed tamen cum illud non impleverit, ubi id cognoscit, tenetur ad novam pro eo anno confessionem: quia prior (etsi inculpabiliter) non fuit vera confessio sacramentalis. Nec id gravamen censi debet ultra id, quod omne peccatum mortale pro sui confessione affert, sive hoc, sive altero tempore fiat: opus enim est illud confiteri ex jure divino, et Ecclesia tempus unius anni assignavit, ne diutius in statu peccati mortalis fideles detineantur cum summo animarum discrimine. Potestque id amplius confirmari exemplo ipsius confessionis ut jure divino præceptæ: hoc namque jure obligatur homo confiteri sua peccata mortalia saltem in articulo mortis, ut omnes affirmant. Demus ergo moribundum sua peccata cum omnibus conditionibus ex parte sui requisitis confessa fuisse: et tamen ex malitia, vel inadvertentia sacerdotis nullam fuisse absolutionem. Plane, si id deprehendat infirmus, tenetur absque dubio ad confitendum de novo, ut divino confitendi præcepto satisfaciatur: quia per priorem confessionem, utpote absolute nullam non satisfecerat, quamvis nec in illa peccaverit. Idem itaque de Ecclesiastico annuæ confessionis præcepto dicendum est: et ad istiusmodi onera, si ita appellanda sunt, obligat se homo, dum labitur in mortale. Ad secundum dicendum est, quod licet absolutio non sit in potestate pœnitentis ad hunc sensum, quod ab illo immediate non procedat, nec dependeat; est tamen in sensu alio, quatenus potest procurare veram, et legitimam suorum peccatorum absolutionem. Unde cum cognoscit non fuisse vere absolutum, debet procurare remedium per novam confessionem, et absolutionem validam. Quod si hoc præstare non possit, plane excusabitur, et novum ex vi hujus peccatum minime contrahet contra præceptum Ecclesiasticum, vel divinum. Quin addimus in favorem contrariæ sententiæ (quod nec a patronis nostræ negandum putamus) probabile omnino nobis appa-

rere pœnitentem se ita gerentem, sicut in illo casu describitur, quamvis postea negligenter se gereret in satagendo novam confessionem et veram absolutionem, non incurrere excommunicationem, et alias pœnas contra non confitentes in anno statutas. Istæ namque diriguntur adversus inobedientes, et contumaces contra illud Ecclesiæ præceptum: nequit autem dici inobediens, et contumax, qui, ut illud Ecclesiæ præceptum impleat, accessit sana fide ad confessarium, et omnia sua peccata cum cæteris ex parte sua requisitis confessus est; sed potius debet dici obediens, et tali præcepto ex parte sua, licet non absolute, satisfecisse. Quæ ergo æquitate subibit illas pœnas, aut earum reatum, licet detecto errore non ita sollicitus sit in repetendo confessionem? Præsertim cum se tueri valeat contraria nobis sententia, quam improbabilem non censemus.

§ VI.

De causis excusantibus a præcepto annuæ confessionis.

65. Superest, ut pro complemento hujus dubii videamus, an possint rationabiles causæ occurrere, quæ hominem excusent ab hujus Ecclesiastici præcepti adimplerione. A qua difficultate breviter, et faciliter nos expediemus, quia pauca exposcit, et rem concernit non arduam. Tenendum ergo generaliter est excusari ab hujusmodi præcepti transgressione, qui confessionem facere non possent absque gravi sui detrimento. Ita docent communiter Auctores, ut videri potest apud N. Franciscum c. 7, punct. 6. Et moventur generali, ac vero principio, quod præcepta humana non obligant cum notabili detrimento, aut dispendio. Unde inter alias legis humanæ conditiones, quas tradit D. Isidor, l. 5 Ethymolog. c. 3, relatus in c. *Consuetudo*, dist. 1, et c. *Erit autem lex*, dist. 4, et ex illo optime expendit D. Thom. 1, 2, qu. 95, ar. 3, recensetur, quod « sit possibilis « secundum naturam, et secundum consuetudinem patriæ, » id est, quod non sit valde difficilis, sed quæ a subditis valeat impleri non solum potentia physica, sed morali, attenta hominum fragilitate, et aliis circumstantiis, et modo humano convictas

D. Isid.

D. Tho.

convicta susitari in patria. Quare post illa verba addidit D. Isidorus « secundum locum, et tempus, » ut denotaret aliquando, et alicubi esse aliquid moraliter possibile, quod alio tempore, et loco est moraliter impossibile, quia eis temporis, aut loci circumstantiis nequit fieri absque ingenti difficultate, quam superare non injungit humana lex, ut bene expendit N. Andreas tract. de legibus, c. 1, punct. 2, n. 18, et punct. 5, a n. 62. Unde consequens fit Ecclesiam isto præcepto non obligare pœnitentes ad annuam confessionem cum gravi sui incommodo, aut detrimento notabili.

Ex qua generali resolutione inferitur primo fideles excusari ab adimplendo istud præceptum non solum ob impossibilitatem physicam accedendi ad confessorem, ut contingit existentibus inter barbaras nationes; sed etiam ob ingentem illum adeundi difficultatem, ut si opus esset longo itinere cum vitæ, aut valetudinis periculo, nec enim ad tam ardua cogit Ecclesiæ præceptum; quamvis alias posset instare ob periculum æternæ salutis, et ubi non occurreret remedium.

Inferitur secundo excusari etiam eos, qui cum fundamento timent, quod ex manifestatione suorum peccatorum huic confessario (et forte alius non adest) facta imminet sibi, aut aliis grave incommodum, vel in vita, vel in fama, vel in bonis temporalibus. Quia Ecclesia non obligat cum tanto detrimento. Et ita colligunt communiter Auctores. Sed duæ modificationes huic consecratio addendæ sunt. Prima est tale periculum non imminere ex manifestatione quorumcumque peccatorum, sed aliquorum præcise, ex quorum notitia apud confessarium possunt ea incommoda suboriri. Cui periculo obviam ire pœnitens valet subticendo talia peccata, et confitendo cetera, in quibus illa damna non timentur: et ad id tenebitur pro adimplendo præcepto annuæ confessionis. Confitetur enim, ut potest, et quidem recte, cum confessio sit formaliter integra ob justam rationem occultandi istud, aut illud peccatum; quæ tamen subjiciet expresse clavibus Ecclesiæ in alia confessione, cum commodè fieri possit. Secunda est illud, quod de periculo famæ diximus, non esse extendendum ad illud famæ apud confessarium detrimentum,

quod ex natura rei, et institutione sacramenti ad peccatorum, aliquando enormium, et valde turpium, confessionem ipsam consequitur: opus enim est hanc confusionem pati, aliunde facile superandam ob plurima bona ex hoc sacramento obvenientia, et ut fiat satis Dei præcepto hujusmodi subjectionem erga suos ministros jubentis. Unde quantumcumque crescat erubescencia, et afflictio, quod confessarius cognoscat nostras miseras, et quod apud ipsum amittamus eam existimationem, quam de nobis habebat, minime propterea ab adimplendo confessionis præcepto excusamur. Quare præmissum corollarium applicandum præcise est casibus magis specialibus, in quibus ob speciales confessarii, et confitentis, et qualitatis peccati circumstantias specialia damna imminerent.

66. Inferitur tertio excusari etiam, qui nequit sua peccata dicere confessario sub secreto, et sigillo confessionis, ut si confessarius sit surdus, et nequeat audire nisi magnis vocibus excitatus, vel si ea sit loci angustia, ut non permittat confessionem fieri, quam aliis audientibus. Ita Suar. Vasq. et alii, quibus subscribit N. Franciscus loc. cit. n. 56. Et ratio constat ex præcedenti corollario: quia nemo tenetur ad annuam confessionem cum notabili famæ detrimento; quod profecto immineret, ubi confessio non esset omnino secreta. Præterquam quod Ecclesia nequit obligare ad faciendum confessionem, nisi sub sigillo, et sicut a Christo instituta fuit: ergo ubi istud servari non posset, minime tenerentur fideles Ecclesiæ præcepto facere confessionem. Unde consequenter sentimus, quod in casu, quo confessarius sit surdus, vel pœnitens mutus, non tenetur hic sua peccata manifestare per nutus, aut signa: quia ista sunt ex genere suo valde publica, et eorum significatio facile a multis percipi posset; et si non percipitur est per accidens. Ecclesiæ autem præceptum non obligat cum tanto detrimento, et ubi secretum sigilli confessionis servari non valet. Ita Sotus, Victoria, Martinus de Ledesma, Navarrus, et alii plures apud Leandrum disp. 3, quæst. 61, contra Suarium, Vasquez et alios multos, quibus ipse subscribit.

Inferitur quarto, quid dicendum sit de eo, qui non potest confiteri aliter quam per scripturam? Tenebitur ne ita confiteri, ut

Tertium.
Suar.
Vasquez.

S. Jus.
Victor.
Martin.
Navar.
Vasquez.

Quartum

adimpleat ecclesiasticum annuæ confessionis præceptum? Sunt, qui universaliter negant, Sotus, Victoria, Martinus de Ledes. Toletus, et alii apud Dicastill. disp. 7, dub. 14, n. 238. Et eorum motivum est fideles ex præcepto Ecclesiæ non posse obligari nisi ad confessionem secretam: huiusmodi autem non est confessio facta per scripturam, sed potius obnoxia peccatorum manifestationi, si charta, ut fieri potest, et solet, amittatur. Sunt autem, qui universaliter affirmant, Petrus de Soto, Sylvest. Suar. Vasq. Lugo, et alii apud eundem Dicastill. loc. cit. quibus favere videtur D. Tho. in 4, dist. 17, quæst. 3, art. 4, quæst. 3. Quorum fundamentum est periculum a priore opinione objectum vel nullum esse, vel adeo exiguum, ut facile possit vitari aut lacerando chartam immediate post confessionem: aut scribendo in uno papyro species peccatorum, et in alio numeros, vel utendo ex conventionem cum confessario characteribus ignotis, vel adhibendo alia media, quæ diligens prudentia investigare facile potest. Cum enim cesset repræsentatum ex peccatorum manifestatione inconveniens; opus est, quod locum habeat, et obliget annuæ confessionis præceptum. Sed neutra ex his sententiis, in extremo, quod assumunt, placet, nisi ad medium revocentur, in quo possunt facile conciliari. Nam distinguere oportet: quia vel potest homo in hac, aut illa occasione sua peccata scribere, et per scripturam confiteri absque periculo manifestationis, et alio gravi incommodo; vel non potest. Si dicatur hoc ultimum; profecto non tenebitur uti tali medio, quia Ecclesia non obligat fideles cum tanto detrimento: quare sicut illo occurrente non tenetur homo ad confessionem vocalem, ut annuæ satisfaciatur, ut proxime vidimus; sic, et multo minus obligatur ad confessionem per scripturam. Si vero dicatur primum; certe obligabitur tale medium adhibere: nam cessante periculo, et incommodo instat præceptum: et qui tenetur ad finem, tenetur ad media, præsertim ordinaria, et non graviter incommoda. Et sic sentiunt Dicastillo ubi supra, Bonacina disp. 5, quæst. 5, sect. 3, punct. ult. et alii.

67. Infertur quinto illum, qui aliter confiteri non potest, quam per interpretem, excusari ab annuæ confessionis præcepto,

sive et in idem redit, sub illo non comprehendendi. Hæc est sententia communis: et probatur satis efficaciter, tum ex c. *Omnis utriusque*, ubi impositum fuit istud annuæ confessionis præceptum: ibi enim dicitur: « Omnis fidelis omnia sua peccata solus » confiteatur proprio sacerdoti: » nam per ly *solus* excluditur consortium interpretis, et obligatio illum adhibendi pro facienda confessione. Tum ex Concilio Tridentino sess. 14, cap. 5, ubi dicitur nec Divino, nec Ecclesiastico præcepto mandatum esse, ut peccata publica confessione aperiantur. Tum denique, quia ecclesiastica præcepta debent esse non nimis onerosa, nec obligare cum gravi incommodo: negari autem nequit, quod manifestare peccata non solum confessario, sed etiam interpreti est valde onerosum, et pœnitenti incommodum. In cujus confirmationem possumus expendere eum, qui sciret Confessarium alicui tantum revelaturum esse vel unicum tantum peccatum, non teneri, ubi alius non esset confessarius, ad annuam confessionem, ut constat ex dictis n. 65; ergo multo minus ad illam tenetur, ubi confiteri non valet, nisi per interpretem, qui ultra confessarium omnia ejus peccata cognoscit.

Sed circa istud communiter receptum corollarium duo animadvertere oportet. Primum, quod licet fideles excusentur ab annua confessione, si aliter quam per interpretem fieri non valet: nihilominus licite possunt confiteri per interpretem, si illo uti voluerit pro adimplendo confessionis annuæ præceptum, et consequendo ipsius fructum. Ratio est nullam occurrere legem, quæ id prohibeat, quin nec publicam peccatorum confessionem, ubi occurrat rationabile motivum illam ita faciendi. Quod enim Scotus in 4, dist. 17, quæst. 1, art. 7, et quidam alii dixerunt esse de substantia confessionis, quod secreto fiat, est omnino falsum: nam Concilium Trident. sess. 14, c. 5, aperte docet oppositum, dicens: « Quod etsi Christus non vetuerit, » quin aliquis in vindictam suorum scelerum etc., delicta sua publice confiteri » possit, non est tamen hoc divino præcepto » mandatum. » Et similiter usus Ecclesiæ universalis docet contrarium; siquidem non raro contingit confessionem fieri per interpretem, et periclitantes tempestatibus maris, et aliis calamitatibus publice confiteri,

Victor
Sotus.
Mart. n.
Tolet.

Soto,
Suarez,
Vasquez.
Lugo.

Quin-
lum.

Rejici-
tur.
Scotus.

Concil.
Trid.

feri, quin horum aliquod reprobetur ab Ecclesia. Porro id, quod Christus non prohibuit, non esse prohibitum aliquo præcepto ecclesiastico, liquet, quia non est as. ignabile tale præceptum. Unde quidam censent non esse illicitum etiam absque rationabilicau-
 sa, sed pro usu hujus facultatis facere publicam peccatorum confessionem, ut Petrus de Soto, Gaspar Hurtado. et Bonac. quos refert, et sequitur Leander disp. 6, qu. 5. Quod non est improbabile. licet probabilius censeamus oppositum: quia absque rationabili causa non oportet subire famæ detrimentum per publicam occultorum criminum manifestationem: unde id facere non est in usu Ecclesiæ nisi in urgentibus mortis periculis, et ubi aliter confessio fieri non valet, ut proxime diximus. Et ita docent Sylvester verbo *Confessio* 1, quæst. 20, Suar. disp. 21, sect. 2, Sotus, et Navarrus, quos refert, et sequitur Valentia qu. 9, punct. 1, § de Confessione secreta, et alii plures. Sed pro animadversione nostro collarario adhibita his non egemus, nec illis contradicimus: tum, quia confessio, quæ fit per interpretem non est nec dicitur absolute publica. Cum, quia pro aliquali ejus publicitate subeunda occurrit satis rationabilis causa satisfaciendi positivo annuæ confessionis præcepto, vel non differendi ultra annum confessionem, vel se non pri-
 vandi sacramenti fructu.

68. Aliud, quod pro prædicto consecrario advertimus, est ipsum restringi ad obligationem ortam ex solo ecclesiastico annuæ confessionis præcepto, de quo in præsentia agimus. An autem detur alias obligatio ex superiori jure orta, est difficultas longe distincta, quam satis sit hic attigisse, et dicere, quod si loquamur de confessione per interpretem extra articulum mortis, duæ sunt sententiæ valde probabiles. Prima affirmat, quam tuentur Sylvester ubi proxime, quæst. 15, Cano in relect. de Pœnit, part. 5, Lugo disp. 15, n. 65, et alii. Secunda negat, et patronos habet Cajetanum, Sotum, Martinum de Ledesma, Suarez, Vasquez, Granados, et alios plurimos, quos refert, et sequitur Leander disput. 6, quæst. 9, et eisdem subscribit N. Franciscus c. 7, punct. 2, n. 20. Sed nostra sententia distinguendum est: nam si non datur divinum, et naturale præceptum pœnitendi ante articulum mortis, consequenter dicen-

dum est non dari obligationem ex eo jure confitendi ante illum, et multo minus confitendi per interpretem. Sed dices peccator prædicto jure tenetur non differre longo tempore pœnitentiam, ut nos cum multis statuimus in priori part. disp. 5, dub. 7, ubi a n. 329 observavimus longum, et notabile tempus pro pœnitendo esse spatium unius anni: ulterius distinguere oportet. Nam si peccator in eo spatio pœniteret per actum contritionis, putamus jure divino non obligari ad confessionem: quia ex una parte non reperimus divinum præceptum obligans determinate ad conversionem per confessionis medium; et ex alia finis, nempe conversio, aut pœnitentia per aliud medium, nempe contritionem adveniret. Si autem homo experiretur se non habere contritionem, sed solum attritionem, quæ, ut sæpe diximus, non sufficit per se solam ad justificationem, bene autem conjuncta sacramento pœnitentiæ: censemus peccatorem obligari jure divino ad confitendum in eo temporis spatio: quia cum urgeat in illo, et per se pœnitendi præceptum, tenetur uti mediis sibi possibilibus in ordine ad illum finem, ut est confessio cum attritione. Et putamus etiam teneri in tali suppositione ad confitendum, (si alia via faciliiori non valet) per interpretem; non quidem ex solo, et præciso aliquo præcepto positivo divino, quod ad hoc detur; sed ipso divino jure naturali, quo obligamur evitare pericula per se recidendi in peccata mortalia, et amittendi æternam salutem, per media possibilea. Hoc autem periculum per se, et proxime imminet homini existenti longo tempore in statu peccati mortalis. Quare tenetur jure naturali divino procurare suam justificationem per media sibi possibilea, uti est perfecta contritio, vel si hanc habere non experitur, susceptio sacramenti cum attritione, quamvis ad id suscipiendum mediante confessione egeat interprete.

69. Et hinc facile consurgimus ad resolutionem alterius non absimilis dubii circa eum, qui constitutus in articulo mortis nequit confiteri nisi per interpretem? Nam respondendum est juxta præmissam distinctionem, et doctrinam, quod si moribundus cognoscat se esse in statu gratiæ, sive habere perfectam contritionem (quod frequenter non contingit) non tenebitur ad

to.
irt.
mac.
and.

vivest.
uarez.
otus,
avar.
alent.

Cano,
Lugo,
Sylvest.
Cajetan.
Sotus.
Suarez.
Marlin.
Vasquez.
Granados.

confitendum per interpretem : quia divinum Christi præceptum non obligat ad confessionem hoc modo faciendam ; et aliunde obligationi ex jure naturali procurandi propriam salutem satisfit per aliud medium æquivalens, nempe contritionem perfectam. Et ita contra Sylvestrum, Canum, Candidum, Suarium, Lugonem, et alios docent Cajetanus, Sotus, Petrus de Soto, Victoria, Palaus, nostri Gabriel, et Antonius, et alii plures, quibus relatis subscribit N. Franciscus loco supra cit. 21. Aliter sentiendum est de moribundo, qui dubitat de vera contritione, et tenendum hunc obligari non solum ad confitendum per interpretem, si potest, verum etiam, si aliter fieri non potest, ad publicam confessionem. Quæ obligatio non oritur ex solo divino Christi præcepto de confessione : sed ab strictissima, et naturali lege charitatis erga se ipsum, qua quis debet per media sibi possibilia procurare sui reconciliationem cum Deo, ne se periculo æternæ damnationis exponat. Et in hoc conveniunt præcedentium opinionum patroni, præmisso fundamento convicti.

Sed addendum est moribundum in eo casu non teneri ad confitendum, vel publice, vel per interpretem omnia mortalia, quorum recordatur, sed satisfacere suæ pro tunc obligationi confitendo illud, aut illa mortalia, quæ cum minori infamia explicari possunt. Est namque absolute excusatus ab obligatione confitendi, vel publice, vel per interpretem, quantum est ex vi institutionis, et præcepti confessionis : et solum tenetur ex universaliori jure procurare salutem, vitareque imminens hujus periculum : pro quo sufficit suscipere sacramentum pœnitentiæ cum attritione ; et ad id non requiritur omnium peccatorum confessio, sed occurrente notabili incommodo, ut in tali casu occurrit, possunt aliqua occultari ; et ad omnium remissionem extenditur, licet diverso modo, absolutio, ut constat ex supra dictis, vel in confessione annua, et quæ citra mortis periculum fit. Et ita observant Suar. disp. 36, sect. 6, Diana 3 part. tract. 4, resol. 129, N. Philippus disp. 10, dub. 6, et alii. Quin addunt Coninchus disp. 5, dub. 10, n. 77, Lugo disp. 15, n. 63, Dicastil. disp. 7, dub. 14, et alii moribundum in tali casu posse confiteri aliqua venialia, et genera-

tim, sive in confuso mortalia, dicendo se confiteri omnia alia, quibus Deum offenderit. Sed quamvis in hoc additamento non negemus aliquam probabilitatem speculativam ; illi tamen non auderemus subscribere quantum ad praxim, sed magis suspectam haberemus pœnitentiam ita se gerentis. Tum, quia tam accurate, et studiose diligentia in occultando mortalia, et tuendo famam, minimum argumentum præbet de magno erga illa dolore, qualem importat attritio. Tum, quia eo ipso, quod moribundus pro materia sacramenti exponeret aliquod veniale, teneretur de eo efficaciter dolere, et habere propositum efficax illud vitandi : difficilius autem est ista circa levia concipere, quam circa gravia : non ergo sic consuleremus ; sed magis manifestationem mortalium saltem in genere, ut fieri posset in dicendo se Deum graviter offendisse, aut fuisse magnum peccatorem : in quo nulla esset infamia ; cum hæc tam vere, ac tam communiter homines dicant.

70. Infertur sexto non excusari ad obligatione faciendi annuam confessionem, qui habet peccata reservata, et nequit adire superiorem, a quo absolvatur. Id magis supponunt, quam versant, aut probant Auctores, et breviter suadet : quia eis reservatis, potest homo absque ullo extraordinario incommodo adimplere annuam confessionis præceptum : ergo ad id tenetur. Patet consequentia : nam, si qui ab eo deobligantur, est ad notabile aliquod detrimentum, quod in eo exequendo patiuntur, ut constat ex hactenus dictis : ergo eo inconvenienti cessante, non est admittenda excusatio. Antecedens vero probatur : quia homo in tali casu facile reperire valet Sacerdotem ordinarium inferiorem, cui sua peccata confiteatur, et ab omnibus absolvatur, a non reservatis quidem directe, et per se : a reservatis ante indirecte, et per accidens, et cum obligatione ea sua tempore confitendi superiori : in quo nullum extraordinarium incommodum pœnitentis apparet.

Et si opponas in hoc ipso adesse notabile pœnitentis gravamen, qui cum ex divinis Christi institutione, et præcepto non teneatur nisi ad semel confitendum peccata, obligatur juxta præmissam resolutionem eadem peccata semel, et iterum confiteri : primo apud sacerdotem inferiorem, ut satisfaciatur

Sylvest.
Can.
Suarez.
Lugo.
Cajetan.
Sotus.
Victor.
Palaus,
etc.

Suarez
Diana.
Philip.
Coninch,
Lugo.
Dicast.

Sextum
consecrarium.

Occurrit
replicæ.

tisfaciat ecclesiastico annuæ confessionis præcepto : deinde apud Superiorem, ut ab ipso consequatur absolutionem a reservatis. Si id, inquam, opponatur, respondendum est duas esse circa difficultatem, quæ attingitur, sententias. Una docet in tali casu non obligari pœnitentem in confessione facta inferiori manifestare nisi peccata non reservata, et posse suppressere reservata. Horum enim cognitio ad nihilum in ea confessione refert, cum confessarius non sit circa illa iudex : nec opus illa habent, ut a reservatis indirecte absolvat ; quippe etsi taceantur, indirecte remittuntur. Sic Alensis 4 part. quæst. 18, memb. 4, art. 5, § 2, Petrus de Soto lect. 10, de Confessione, Castro Palao tr. 4, disp. 4, punct. 3, Torreblanca l. 14, Pract. c. 11, Leander disp. 12, quæst. 33, et alii. Juxta quam opinionem cessat pœnitens objectum inconueniens : nam quamvis pœnitens teneatur facere duas confessiones, non tamen eorundem peccatorum ; cum in una confiteatur inferiori non reservata, et in alia Superiori, quæ eidem reseruantur.

Secunda, communior, et verior sententia est teneri pœnitentem in predicto casu ad confitendum inferiori omnia peccata etiam reservata. Ita D. Tho. in supplem. quæst. 9, art. 2, ad 4 ubi ait : « Dicendum, « quod etiam si sacerdos non possit ab « omnibus absolvere, tamen tenetur pœnitens ei omnia confiteri, ut quantitatem « totius culpæ cognoscat, et de illis, de quibus non potest absolvere, ad superiorem « remittat. » Per quæ satis patet ad motum contrarium. Et idem docent Nugn. ibidem in 2 part. dub. 3, Petrus de Ledesma c. 20, de pœnit. dub. 1, post. 2 conclusionem, Sylvest. verbo *Confessio* l. n. 20. Gonet. disp. 8, ar. 2, in fine, Suar. disp. 31, sect. 2, Navar. Tolet. Angelus. Joan. de Medina, et alii apud Leandrum loc. cit. Et stando in hac sententia pungere videtur illud inconueniens, sed tamen facile retunditur, et superatur : nam, ut alias responsiones omittamus, qui sciens, et volens amplectitur aliquod peccatum reservatum, ibi se voluntarie subicit incommodis seu gravaminibus, quæ ejus pactionem consequuntur, inter quæ istud, de quo agimus, computatur. Et sicut in alia opinione non censetur absurdum, quod pœnitens in tali casu teneatur ad duas con-

fessiones, unam non reservatorum ad satisfaciendum Ecclesiæ præcepto confitendo non reservata, alterum vero reservatorum ad parendum Superiori : ita nec inconueniens censi debet, quod in nostra obligetur ad confitendum bis peccatum reservatum, semel pro annua confessione, et iterum ut directe subjiciatur Superiori reservanti. Nec ista præcipit absolute Ecclesia, sed solum, unam, atque annuam peccati confessionem. In eas vero angustias se conjicit committens peccatum reservatum, quem non oportet ex suo peccato reportare commodum, vel non faciendi annuam omnium peccatorum confessionem, vel non comparandi coram Superiore, et subjiciendi illi reservata.

DUBIUM III.

Utrum in confessione explicari debeant omnia peccata quantum ad species, numerum, et circumstantias mutantes speciem ?

Post generalem doctrinam de confessione hactenus traditam succedit, ut ad magis speciales circa eam difficultates descendamus. Et primo occurrit ejus integritas quantum ad ejus materiam remotam necessariam, quæ sunt peccata mortalia, ad quænam eorum extendatur tam Divinum, quam Ecclesiasticum confitendi præceptum? Cui difficultati respondet.

§ I.

Veritas catholica in genere asserta.

71. Dicendum est omnia mortalia, quorum homo conscientiam habet, (id est, quæ cognoscit commisisse, et nondum confessum esse) debere in confessione explicari quantum ad eorum species, numerum, et circumstantias mutantes speciem. Hæc conclusio est de fide, ut constat ex Ecclesiæ determinatione in Concilio Lateranensi relato in cap. *Omnis utriusque* de pœnit. et remis. ubi præcipitur, quod omnes fideles *integre*, et *fideliter* confiteantur : quod facere nequeunt, nisi exponendo omnia peccata in specie, numero, et circumstantiis afferentibus distinctam speciem peccati. Et in Concilio Florentino in decreto super unionem, tract. de sacram. Conclu-
sio.
Concil.
Later.
Conc.
Flor.

Conc.
Trid.

dicatur materiam hujus sacramenti esse confessionem, et ad illam pertinere, quod pœnitens confiteatur omnia peccata, quorum habeat memoriam. Sed luculentius, et expressius hæc veritas docetur, ac diffinitur in Concilio Tridentino, quod ad refellendum ingruentes hæreticorum oppugnationes et propulsandum varios circa hanc materiam errores, opus habuit antiquam, et catholicam doctrinam cum omnimoda claritate, et terminorum proprietate exponere, ut quidem fecit. Nam sess. 14, cap. 3, ait : « Dominus noster Jesus Christus e terris ascensurus ad Cœlos, sacer-
« dotes sui ipsius Vicarios reliquit tan-
« quam præsidēs, et judices, ad quos omnia
« mortalia crimina deferantur, in quæ
« Christi fideles ceciderint, quo pro potes-
« tate clavium remissionis, aut retentionis
« peccatorum sententiam pronuntient.
« Constat enim sacerdotes judicium hoc,
« incognita causa, exercere non potuisse,
« nec æquitatem quidem illos in pœnis
« injungendis servare potuisse, si in ge-
« nere dumtaxat, et non potius in specie,
« ac sigillatim sua ipsi peccata declaras-
« sent. Ex his colligitur oportere a pœni-
« tentibus omnia peccata mortalia, quo-
« rum post diligentem sui discussionem
« conscientiam habent, in confessione re-
« censi, etiam si occultissima illa sint...
« Colligitur præterea etiam eas circumstan-
« tias in confessione explicandas esse, quæ
« speciem peccati mutant, quod sine illis
« peccata ipsa neque a pœnitentibus in-
« tegre exponantur, nec iudicibus innotes-
« cant, et fieri nequeat, ut de gravitate
« criminum recte censere possint, et pœ-
« nam, quam oportet, pœnitentibus im-
« ponere. » Et conformiter ad hanc doctrinam diffinivit can. 7 ejusdem sess. « Si
« quis dixerit in sacramento pœnitentiæ
« ad remissionem peccatorum necessarium
« non esse jure divino confiteri omnia, et
« singula peccata mortalia, quorum me-
« moria cum debita, et diligenti præmedi-
« tatione habeatur, etiam occulta, et quæ
« sunt contra duo ultima Decalogi præcep-
« ta, et circumstantias, quæ peccati spe-
« ciem mutant, etc. Anathema sit. » Unde sic docent omnes Catholici, et superfluum est pro hac assertionem aliquos Auctores referre.

Conc.
Trid.

Fundamentalis autem ejus ratio nulla

aptior, et certe nulla melior excogitari valet, quam ipsa Christi institutio, de qua constat per Ecclesiæ diffinitionem, ut ostensum est. Sed rationes etiam congruentiæ, supposita sacramenti pœnitentiæ institutione, occurrunt aptissimæ, et valde urgentes. Primam proponit Concilium Tridentinum verbis relatis : nam Christus conferendo Apostolis, et eorum successoribus potestatem dimittendi, et retinendi peccata fidelium, constituit eos judices ad cognoscendum de talibus peccatis in ordine ad ferendum sententiam absolutionis, aut retentionis, et ad injungendas pœnas unicuique convenientes ; id autem nequit recte fieri, nisi pœnitens manifestet sacerdoti omnia sua peccata in specie, et numero, et circumstantiis mutantibus speciem : quidquid enim judicem lateat, ansam, et occasionem præbet, ut iudicium, et sententia, et pœnæ applicatio non recte fiant, tenemur omnia prædicta, quorum conscientiam habemus, patefacere in confessione. Secundam rationem proponit idem Concilium eodem loco paulo inferius dicens : « Qui scienter aliqua retinent, nihil
« divinæ bonitati per sacerdotem remit-
« tendum proponunt. Si enim erubescat
« ægrotus vulnus medico detegere, quod
« ignorat, medicina non curat. » Itaque pœnitens accedit ad hoc sacramentum non solum ut reus judicandus, sed etiam, ut infirmus sacerdotis ministerio sanandus : ad quod opus est, ne sacerdos in curatione erret, omnia vulnera detegere, et infirmitates manifestare. Quod motivum optime expendit D. Thom. in supplem. quæst. 9, art. 2, his verbis : « Dicendum,
« quod in medicina corporali oportet, quod
« medicus non solum unum morbum, con-
« tra quem medicinam dare debet, cognos-
« cat, sed etiam universaliter totam habi-
« tudinem ipsius infirmi ; eo quod unus
« morbus ex adjunctione alterius aggrava-
« tur ; et medicina, quæ uni morbo com-
« peteret, alteri nocumentum præstaret.
« Et similiter est in peccatis, quia unum
« aggravatur ex adjunctione alterius ; et
« illud, quod uni peccato esset conveniens
« medicina, alteri incentivum præstaret ;
« cum quandoque aliquis contrariis pecca-
« tis infectus sit, ut Gregor. in Pastoral.
« docet. Et ideo de necessitate confessionis
« est, quod homo omnia peccata confiteatur

Ratio
prima.

Ratio
secunda.
Conc.
Trid.

D. Tho.

tur

« tur, quæ in memoria habet. Quod si non
« faciat, non est confessio, sed confessionis
« simulatio. »

72. Ex hac autem doctrina, et rationibus Concilii evidenter sequitur obligari hominem jure divino non solum ad confitendum omnia peccata, verum etiam ad confitendum illa uni, et eidem sacerdoti: atque ideo nec suæ obligationi, nec ulli juri satisfactorum, qui aliqua peccata uni sacerdoti et alia alteri confiteretur. Nam præterquam quod, ubi concurrunt multa mortalia, nequit unum remitti, quin alia et omnia remittantur, ut ostendimus Disp. 4, dub. 3, § 2 et 3. Sacerdos nequit in hoc sacramento exercere munus judicis in absolvendo, nisi causa integre cognita, nec medici in curando, nisi cognita tota habitudine penitentis. Quod minime salvaretur, si in arbitrio penitentis positum esset, quod ex peccatis, quorum est conscius, aliqua confiteretur uni sacerdoti, et alia alteri, et sic de ceteris: nullus namque illorum sacerdotum recte, et perfecte cognosceret statum talis penitentis, ut illum aut judicare, aut curare posset, ut fieri debet. Unde in cap. *Consideret*. de pœnit. disp. 5, post medium dicitur: « Cautus sit pœnitens, ne verecundia ductus dividat apud « se confessionem, ut diversa velit diversis « sacerdotibus manifestare, quod est se « laudare, et hypocrisis tendere. » Quod desumptum videtur ex D. Augustin. lib. de vera, et falsa pœnit. cap. 14. Et D. Thomas loco cit. in resp. ad 2, ait: « Pœna « a diversis sacerdotibus imposita non « esset sufficiens: quia quilibet considera- « ret tantum unum per se, et non gravi- « tatem ipsius, quam habet ex adjunctione « alterius. Et quandoque pœna, quæ « contra unum daretur, esset provocativa « alterius peccati. Et præterea sacerdos « audiens confessionem, vicem Dei gerit « et ideo debet ei eo modo fieri confessio, « sicut fit contritio Deo. Unde sicut non « esset contritio, nisi quis de omnibus pec- « catis, quæ memoriæ occurrunt, contere- « retur; ita non esset confessio, nisi quis « de omnibus, quæ memoriæ occurrerint, « confiteatur. »

Contra hanc catholicam assertionem sentiunt omnes hæretici relati supra num. 12, qui confessionem sacramentalem oppugnant, ubi communibus eorum argumentis

occurrimus: unde non habemus in præ-
senti, quæ specialiter diluamus præter
illam, quam ipsi exaggerant difficultatem
recensendi omnia mortalia quoad species,
individua, et circumstantias speciem var-
iantes. Sed huic etiam fecimus satis num.
19, eamque plene dissipaverat Concil.
Trident. ses. 14, cap. 5, declarans non esse
admodum arduum, quod Christus, et
Ecclesia in hac parte præcipiunt, sed tem-
peratum summa prudentia, et refertum
utilitate, quæ difficultatem excedit:
« Constat enim, *inquit*, nihil aliud in
« Ecclesia a penitentibus exigere, quam,
« ut postquam quisque diligentius se ex-
« cusserit, et conscientiam suam sinus, et
« latebras exploraverit, ea peccata confi-
« teatur, quibus se Dominum, et Deum
« mortaliter offendisse meminerit: reliqua
« autem peccata, quæ diligenter cogitanti
« non occurrunt, in universum eadem
« confessione inclusa esse intelliguntur:
« pro quibus fideliter cum Propheta dice-
« mus: Ab occultis meis munda me Do-
« mine. Ipsa vero hujusmodi confessionis
« difficultas, ac peccata detegendi verecun-
« dia gravis quidem videri posset, nisi
« tot, tantisque commodis, et consolationi-
« bus levaretur, quæ omnibus digne ad
« hoc sacramentum accedentibus per ab-
« solutionem certissime conferuntur. »
Quam responsionem quoad priorem par-
tem, quæ difficultatem attingit, magis
immediate illustrabimus exponentes in
particulari, quid intelligatur per species,
numerus, et circumstantias speciem mu-
tantes, qualia in assertionem statuimus:
occurrunt enim non pauca temperantia
difficultates, quas causantur hæretici, ut
se ab obligatione confitendi subducant.

73. Sed prius nos expedire oportet a
quadam controversia omnibus in asser-
tione propositis communi, quam Recentio-
res aliqui nimis prolixam cum non ma-
gno commodo versant, discutientes an in
peccatis confitendis explicari debeant actio
externa, et effectus peccati. Oritur autem
difficultas ex eo, quod in uno peccato, v. g.
homicidii tria concurrunt, primo actus
interior, quo quis vult occidere, secundo
actus exterior occidendi, tertio effectus,
nempe occisio. Et quidem in obligatione
manifestandi actum internum omnes con-
veniunt, quia in eo principaliter, et pri-

Conc.
Trid.

. Aug.
. Tho.

Franc.
Felix.

mario consistit, sicut libertas, et malitia peccati. In obligatione autem manifestandi actum externum poterat esse aliqua difficultas, præsertim in sententia communi Thomistarum asserentium in membris, et sensibus externis non subjectari formaliter, et intrinsece peccatum, ut statuimus, et probavimus tract. 13, de peccat. disp. 10, dub. 1, § 2, concl. 3. Unde inferri videtur, quod, cum materia confessionis sit solum peccatum, non deberent actiones externas confiteri. Unde Franciscus Felix Scotista in tract. de bonitate, et malitia, cap. 8, difficult. 1, opposuit Thomistis, quod, si actus exterior non habet formalem, et intrinsecam malitiam: quam addat supra interiorem: nulla est ratio illum manifestandi in confessione: quod esse falsum manifestat communis usus Ecclesiæ. Sed nec in hoc est momenti difficultas: nam hic ipse usus declarat, quæ debeamus confiteri. Præterquam quod illa argumentatio nihil probat, ut illi jam respondimus loco cit. num. 49, nam ut aliquid cadat sub obligatione confessionis, sufficit esse peccatum grave, sive hoc habeat a forma sibi inhærente, ut contingit in actibus internis, sive illud habeat a forma existente in alio actu, ut contingit in actibus externis: nam confessionis præceptum non solum malitiam, nec solum actum, cui illa hæret, sed quidquid appellatur absolute peccatum mortale, sub se comprehendit. His itaque exclusis, reducit difficultas ad obligationem manifestandi effectum actus interni, et externi peccaminosi. Verbi causa, Petrus voluit occidere Joannem, ad id præparavit, propinavitque illi venenum, ex quo post aliquod dies, aut menses Joannes mortuus est. Satisfaciet ne Petrus dicendo tantum in confessione se ad occidendum Joannem dedisse illi venenum? An vero tenebitur explicare subsecutum effectum, nempe Joannis mortem?

Sotus.
Lopez.
Sanchez.
Castro.

Sunt circa id duæ sententiæ. Prima affirmat explicandum esse effectum. Ita Sotus, Ludovicus Lopez, Sanchez, Castro Palao, et alii apud Dicastillum disp. 9, dub. 1, in appendice, num. 18. Et moventur: quia licet effectus non sit in se, et formaliter liber, et malus; id tamen habet extrinsece, et denominative a malitia voluntatis; quod satis videtur, ut compre-

hendatur sub obligatione confessionis: sicut ob eandem rationem comprehenduntur actus membrorum externorum, licet intrinsecam malitiam in se non habeant. Secunda negat hanc obligationem, sed sufficere censet, quod pœnitens dicat se intendisse occidere proximum, et ad id venenum applicuisse, nihil amplius de effectu explicans. Ita Vasquez, Azor, Bonacina, Diana, Curiel, Joannes Sanchez, Lugo et alii, quos refert Dicastillo loco cit. num. 20. Eorum fundamentum est, quod solum obligamur confiteri peccata mortalia; ille autem effectus non est, nec potest dici absolute peccatum mortale: ergo non datur obligatio manifestandi talem effectum. Probatur minor: quia talis effectus non fuit peccatum, quando Petrus intulit venenum, siquidem tunc occisio non fuit: nec est peccatum, quando in re ponitur, quia tunc potest Petrus esse contritus, et sine peccato: ergo ille effectus, sive occisio passiva non est, nec absolute dici valet peccatum. Et per hæc solvitur motivum contrariæ opinionis desumptum ab exemplo actuum externorum: isti enim, cum exercentur, subduntur actu internis, et ab eorum malitia denominantur, eisque aliquomodo continuantur constituendo quasi unicam, et completam operationem: ex quibus habent esse vere, et denominari absolute peccata, atque ideo debere cum illis eidem confessioni submitti. Cujus oppositum contingit in effectibus peccatorum, ut satis ex se liquet. In qua disparitate, quæ obvia est, quanta hinc inde producant, et examinent Lugo, et Dicastillo illos consulenti constabit.

Vasq.
Azor.
Bonacin.
Curiel.
Joann.
Sanchez.
Lugo.

Nos pressius agendo censemus utramque sententiam esse probabilem, et secundam speculative probabiliorē, ut ejus fundamentum satis vincit. Sed quod ad praxim attinet, nullum, aut rarissimum ejus usum videmus, aut probamus: tum, quia sæpissime ex effectu subsequitur obligatio restituendi, aut aliud faciendi, aut vitandi, quæ oportet cognoscere confessarium, ut de obligatione admoneat, et de congruo remedio in similibus pœnitenti provideat. Tum, quia iste videtur esse communis usus fidelium explicandi scilicet non solum intentionem, et actionem, sed etiam quid reipsa fecerint. Tum denique, quia prædictus usus aptissimus est ad explicandum totum

Judicium
erga
prædictas
opiniones.

totum peccatum : id enim perspicue, et compendiose fit dicendo, « occidi unum hominem. » Ad quid ergo illæ circumlocutiones, habui intentionem occidendi hominem. et ad id illi propinavi venenum, vel ipsum vulneravi? Cum hæc omnia, significantur, et satis explicentur dicendo occidisse hominem ; sicut per actum externum significatur internus, quin opus sit hunc per se explicare.

§. II.

Quomodo explicanda peccata distincta quoad speciem?

74. Quamvis Concilium Tridentinum in locis relatis num. 71, has voces non adhibuerit, rem tamen significantem satis expressit diffiniendo generatim necessarium esse jure divino confiteri omnia, et singula mortalia, quorum memoria habeatur, ubi necessarium est, et diversa numero peccata atque species, hasque a fortiori comprehendit, cum sint quid communius, sub quo individua continentur. Præsertim cum Concilium expresse dixerit circumstantias mutantes speciem debere in confessione explicari : unde majus argumentum desumitur ad ipsas quasi substantiales peccatorum species. Porro dari peccata specie distincta manifestum est a summa inter aliqua distantia, ut v. g. inter furtum, et odium Dei : præsertim cum soleant pertinere ad potentias genere diversas sicut infidelitas ad intellectum, et intemperantiam ad appetitum : aliqua etiam sunt inter se contraria, ut avaritia, et prodigalitas, quare nequeunt essentialiter convenire. Unde vero desumatur distinctio specifica peccatorum, non est hujus loci discutere, sed supponendum est ex D. Thom. 1, 2, quæst. 72, art. 1, desumi ab objecto primario, sive fine proximo per se volito, et sic conclusit : « Actus voluntarii distinguuntur specie secundum objecta, » ut in superioribus ostensum est. Unde sequitur, quod peccata propria distinguantur specie secundum objecta. » Et in resp. ad 3, addidit : « Nihil prohibet in diversis rebus specie ; vel genere differentibus invenire unam formalem rationem objecti, a qua peccatum speciem recipit. Et hoc modo superbia circa di-

« versas res excellentiam quærit : avaritia autem abundantiam eorum, quæ usui humano accommodantur. »

Hinc fit plures actus, qui in esse physico specie, aut genere distinguuntur propter diversa objecta primaria, quæ in illo ordine habent, posse esse idem peccatum in esse moris ob attingentiam ejusdem in eo ordine objecti, sive finis proximi per se inspecti. Quæ enim major differentia in esse rei, quam inter peccatum commissionis, et peccatum omissionis? Et tamen resolvit S. Doctor eadem quæst. art. 6, esse peccata ejusdem speciei in una propria materia. « Si loquamur, inquit, de specie peccati omissionis, et commissionis materialiter, differunt specie ; large tamen loquendo de specie, secundum quod negatio, vel privatio speciem habere potest. » Si autem loquamur de specie peccati omissionis, et commissionis formaliter : sic non differunt specie : quia ad idem ordinantur, et ex eodem motivo procedunt. Avarus enim ad congregandum pecuniam, et rapit, et non dat, quæ dare debet. Et similiter gulosus ad satisfaciendum gulæ, et superflua comedit, et jejunia debita prætermittit. Et idem videre est in ceteris. » Et quamvis circa hæc aliqua difficilia occurrant, illa superare curavimus tract. 13, de peccatis, disp. 8, dub. 1. Quin ex eadem radice, et attendendo ad diversos ordines fieri valet, quod actus in esse rei valde differentes, et habentes intrinsecam malitiam possint esse unum peccatum non solum specie, sed etiam numero propter identitatem ejusdem motivi, sive subordinatione ad eundem finem proximum per se inspectum, ut eleganter declaravit D. Thom. in 2, dist. quæst. 42, quæst. 1, art. 1, his verbis : « Contingit esse actus plures, secundum quod ad genus naturæ referuntur ; qui tamen sunt unum, secundum quod in genere moris considerantur : ut patet in eo, qui furatur, quia omnes actus ejus, qui ad furtum ordinantur, peccatum sunt, cum mala intentione fiant, qui possunt valde multi esse. Et tamen omnes computantur ut unum peccatum ; quia non habent rationem peccati nisi secundum quod per unam voluntatem in unum perversum finem ordinantur. »

Et hac etiam de causa quamvis omissio

D. Thom.

D. Thom.

Thom.

peccaminosa, et actus, qui est causa omit-
tendi realiter distinguantur, et habeant
malitias intrinsecas realiter diversas, sunt
nihilominus specie, et numero idem pec-
catum, ut statuimus tract. cit. disp. 5, dub.
1, § 2.

75. Licet autem hæc ita se habeant, quod
plures actus physice essentialiter distincti
possint moraliter esse idem specie, aut
etiam numero peccatum; e contra vero
fieri non valet, quod idem physice actus
pertineat per se primo ad duas moraliter
peccati species. Et ratio est, quod species
primaria actus in ordine morali sive quan-
tum ad bonitatem, sive quoad malitiam
sumitur per habitudinem ad objectum
adæquatum, et primum in genere mor-
is, id est; prout stat sub lege, et confor-
miter ad rationem: impossibile autem est
eundem actum habere, vel in ordine phy-
sico, vel in ordine morali respicere per se
primo duo, aut plura objecta; alias eorum
quodlibet esset, et non esset adæquatum,
quod implicat contradictionem: ergo idem
physice actus nequit pertinere per se pri-
mo ad duas moraliter peccati species. Unde
provenit, quod licet in eodem actu soleant
inveniri duæ malitiæ species, satis prin-
cipales, alia ab ejus objecto, quod dici solet
finis operis, et alia ab objecto intentionis,
quod vocari consuevit finis operantis: ut
patet in eo, qui furatur ad fornicandum,
ubi actus ex objecto immediato, sive fine
operis est in specie furti, sed ex objecto in-
tentionis, aut ex fine operantis est in spe-
cie luxuriæ: nihilominus attentis omni-
bus, et absolute loquendo, species, quæ
desumitur ab objecto immediato est essen-
tialis actui in esse moris; illa vero, quæ
desumitur a fine operantis est simpliciter
accidentalis, ut statuimus in tract. 11, de
bonit. et malit. disp. 6, dub. 4, § 3, concl.
3. Actus namque in quocumque ordine
respicit primario, et essentialiter suum
objectum; finem vero operantis solum res-
picit secundo, et accidentaliter, ut facile
constat in exemplo proxime allato: actus
enim furti ad fornicandum respicit imme-
diate, et essentialiter rem alienam; quod
vero ordinatur ad fornicandum est illi ac-
cidentaliter, et secundarium, in quantum fur
ordinatur ad illum finem. Cujus diffe-
rentiæ satis evidens signum est, quod talis
actus eandem furti speciem retineret,

quamvis non imperaretur, nec fieret in or-
dine ad talem finem. Idemque apparet in
actibus moraliter bonis, ut in actu largien-
di eleemosynam ad satisfaciendum pro
peccatis: hic enim actus absolute loquendo
habet respicere eleemosynam ut secundum
se honestam, et hic est primarius respec-
tus illius; et propterea constituitur abso-
lute in specie misericordiæ: ordinari autem
ad satisfaciendum pro peccatis conve-
nit illi accidentaliter, ac proinde et impe-
rari a virtute pœnitentiæ, atque in specie
pœnitentiæ constitui: unde suam miseri-
cordiæ speciem retineret, quamvis ad eum
finem non ordinaretur: species ergo opera-
tionum humanarum in genere moris at-
tenduntur secundum earum objecta pri-
maria in eodem ordine.

Ex quibus facile apparet, quid signifie-
tur, cum dicimus in confessione aperienda
esse peccata quoad species: explicant nam-
que prædicta verba, quod quotiescum peccata
habent objecta, essentialiter diversa, id
in confessione debent manifestari: atque
non sufficere, quod pœnitens dicat in
genere Peccavi, Peccavi: sed debere dicere.
Peccavi in hac, aut illa specie, sive, et in
idem recidit, erga tale, aut tale objectum.
Pro cujus majori intelligentia addere
oportet, quod licet circumstantiæ commu-
niter, et rationabiliter appellentur, quæ
in ordine morali objectum supponunt,
illudque accidentaliter, et contingenter
quasi circumdant, in quibus solet esse no-
tabilis variatio, ut infra a num. 83 dice-
mus: nihilominus contingere etiam solet,
quod objectum actus non det illi malitiam,
ut si sit de se indifferens, ineptumque
subinde ad referendum moralitatem, vel
licet bonum ex se sit, supervenit illi ali-
qua circumstantia mala impediens, ut bo-
nitatem moralem in operationem refundat.
Et in hoc casu circumstantia dans primam
moralitatem transit in conditionem essen-
tiale objecti in esse moris, et desinit esse
in ratione circumstantiæ, ut animadver-
timus in tract. cit. de bonit. et malitia ad
art. 5 et 10 et 11, quæst. 8, ex 1. 2. Quoquo
autem modo id explicetur, semper salvatur
species peccatorum distingui penes eorum
objecta primaria, ut vel ratione sui, vel
ratione circumstantiæ dantis primam
moralitatem pertinentem ad genus moris.

76. His præmissis, ulterius animadver-
tere

Animad-
versio.

tere oportet, quod ubi præcipimur confiteri omnes species peccatorum, sermo est de omnibus speciebus distinctis, non præcise physice, sed moraliter : contingit namque plura opera peccaminosa essentialiter physice distingui, quæ moraliter sunt ejusdem speciei. Sic Pyromantia, quæ est divinatio per ignem, et Hydromantia, quæ est divinatio per aquam, distinguuntur essentialiter physice, sed non in genere moris. Unde quolibet modo, aut medio. aut instrumento physico divinatio fiat, sufficiet pœnitenti dicere, commisi semel, aut bis, etc., peccatum superstitionis in divinando: dummodo non adhibuerit rem aliquam sacram, cujus perverso usu accederet nova, et distincta sacrilegii species. Similiter infligere homini vulnus lethale, et propinare mortiferum venenum sunt actiones in ordine physico essentialiter differentes; sed tamen ejusdem speciei in ordine morali propter eandem specificam malitiam in homicidio, cui prorsus accidit fieri hoc, aut illo instrumento physico. E contra contingit operationes, quæ nullam habent in ordine physico distinctionem essentialem, esse in ordine morali specie diversas, ut patet comparando occisionem Patris, et occisionem Episcopi eodem modo, et instrumento, et quod plus est, eadem actione factis: sunt enim physice loquendo ejusdem rationis, sed tamen intra genus moris specie differunt: nam patris occisio est in specie particulari parricidii ob deformitatem contra pietatem parentibus debitam; sed Episcopi occisio est in particulari specie sacrilegii propter deformitatem contra reverentiam debitam Ordini. Et hujus generis frequentia occurrunt exempla. In confitendo itaque species peccatorum attendi debet non ad unitatem, vel distinctionem, quas habent in ordine physico, sed ad quæ gaudent in ordine morali. Et hujus resolutionis (quæ est communis inter Doctores, ut videri potest apud N. Franciscum cap. 8, punct. 1, n. 4), fundamentum facile apparet ex ipsa institutione sacramenti, in quo sacerdos judicat pœnitentes quantum ad mores, sive peccata quatenus talia: atque ideo attendere debet ad peccatorem unitatem, vel distinctionem in genere moris, non in genere naturæ: et ad idem attendere debet pœnitens, cum ea confessario manifestat. Et idem motivum occur-

rit, si consideremus sacerdotem exercentem in hoc sacramento medici officium, juxta verba Trident. num. 71 relata: non enim curat morbos physicos, sed spirituales, et morales, inductos ex peccatis, ut ad genus moris pertinent.

Et in hoc eodem sensu accipiendus est Cajetanus tom. 1 opuscul. tract. 5, quæst. 3, docens satis esse confiteri species peccatorum communiter notas, nec oportere sollicitari ad subtiliores, et minutissimas quasque species explicandas, quæ non variant substantiale judicium confessarii. Quam sententiam vehementer carpunt aliqui Recentiores, insultantes Leoni mortuo, quasi ea Cajetani sententia sit contraria Concilio Tridentino, et debitæ confessionis integritati. Sed falluntur vehementer: nam ille non negavit debere in confessione exponi species peccatorum proprie, et formaliter differentes in genere moris, quarum moralem diversitatem pœnitens cognoscatur; sed docuit non oportere sollicitari in investigandis speciebus non notis, de quibus vel apud subtilissimos est dubium, an distinguantur in genere moris, ut patet exemplo diversarum divinationum, aut superstitionum in divinando, quod supra adduximus, et nominatim Cajetanus expendit. Supervacaneum enim foret pœnitentem in simili quæstione extricanda conterere tempus; sed magis oporteret de superstitione conteri, et illam sine metaphysicis distinctionibus in confessione explicare, quantum sufficit ad confessarii judicium. Et idem contingit ubi pœnitens perplexus manet in discernendo, an castitatis votum solemne, et votum simplex differant specie; et consequenter utrum transgressionem eorum sint distinctæ peccati species: ubi autem hæc, aut similia dubia occurrunt, non oportet pœnitentem in eis discernendis implicari, et immorari, sed sufficit dicere v. g. se peccasse contra votum castitatis. In quo sensu dixit Cajetanus species peccatorum, ut cadant sub obligatione illas explicite confitendi, debere esse omnibus notas, hoc est, certo cognitatas, ut tales: quod non contingit, ubi circa illarum diversitatem sunt utrimque opiniones probabiles: et minus contingit apud vulgares, qui plurimum peccatorum species, pro quibus discernendis subtili consideratione egent ipsi Theologi, signate

non

Francis-
us.

non cognoscunt. Unde a multitudine fidelium non facile expectamus hanc accuratam specierum peccati distinctionem, et non minimum putamus, si sciant distincte explicare, et ad classes reducere culpas per oppositionem ad singula Decalogi, et Ecclesiæ præcepta. Ubi autem major discussio necessaria est, diligenti ministrorum inquisitioni relinquatur. Et in hoc sensu, nempe respectu multitudinis fidelium, inter quos sunt plurimi idiotæ, et fere incapaces intelligendi signate peccatorum species, accipienda est Cajetani sententia. Cui vel non ita temperatæ, et modificatæ subscripserunt alias viri doctissimi. Petrus de Soto lect. 9, de Confes. Cano in relect. de Pœnit. part. 5, in resp. ad 4, Sotus in 4, dist. 18, quæst. 2, art. 4, Navarrus incap. *Considerat.* de Pœnit. dist. 5, num. 17, Fagund. præcepto 2, lib. 4, cap. 2. Quæ dicentes non propterea sententiam Cajetani tuemur; sed excedentes de ea censuras quorundam Juniorum propulsamus.

§ II.

Qualiter recensendus numerus peccatorum in singulis speciebus?

77. Sicut unitas, et distinctio specifica peccatorum non commensuratur cum unitate, aut distinctione physica rerum, quibus hærent, ut constat ex § præced. sic etiam contingit in eorum unitate, et distinctione numerica, ut dicendum necessario esse evincunt plane exempla, et rationes. Nam si quis hominem tribus actibus interficiat, dantur tres actus physici numero distincti, et omnes subeunt denominationem peccati: et tamen ibi non datur nisi unum peccatum homicidii. E converso; ubi uno ictu interficit tres homines; actus physice est unus, et tamen tria numero peccata homicidii committuntur. Idque patet ex communi hominum apprehensione, et sapientum iudicio; qui in priori casu non nisi unum homicidium recognoscunt, et ut tale puniunt; quidquid sit de pluritate physica percussorum, et vulnerum: in secundo autem casu censent dari tria homicidia, et ut talia acerbiori plectunt pœna; quamvis actus illos de medio tollens unicus fuerit. Ratio vero ita apprehenden-

di, et iudicandi est, quod moralitas adæquate sumpta, comprehendens bonitatem, et malitiam sumitur per respectum ad objectum, ut stat sub regulis morum. Unde sicut malitia specifica importat habitudinem ad objectum unum in specie sub genere morali, et inde sumit unitatem moralem specificam; sic etiam malitia numerica eam habitudinem importat ad objectum unum numero intra hanc, aut illam malitiæ speciem. Quare sicut ob illam rationem contingit plures actus physice distinctos in specie, induere eandem specificam malitiam, quia ordinantur ad idem specificè objectum in esse moris: et ideo sive homicidium fiat vulnerando, sive suffocando, sive propinando venenum est idem specie peccatum; sic etiam ob eandem rationem contingit actus physice distinctos numero esse idem numero peccatum, quia ordinantur ad idem numero objectum in esse moris: et propterea tres ictus, aut vulnerum incussiones erga eundem hominem, quibus occiditur sunt unum numero peccatum: et e converso, qui uno ictu tres homines necaret, committeret tria numero homicidii peccata, quia licet actus fuerit physice unus, attingit tamen tria objecta adæquata, et numero distincta in esse moris.

Occurrit tamen hoc loco non dissimulanda objectio desumpta ex his, quæ tradidimus tract. 1, de principio individuationis, disp. 2, dub. 1, statuantes accidentia individuari a subjecto, cui naturaliter hærent: indeque collegimus dub. 3, implicare, quod duo accidentia solo numero distincta recipiantur in eodem subjecto, vel quod idem numero accidens hæreat subjectis adæquate distinctis. Constat autem malitiam, et quamlibet aliam formam moralem esse aliquod accidens, cujus subjectum est actus physicus humanus, ut amor, odium, desiderium, intentio, etc. Ergo implicatorium est, et inconsequenter a nobis asseritur, quod idem physice actus potest induere duas, aut plures malitias numero distinctas; et quod e converso plures actus physici valeant esse unum numero peccatum, atque habere (quod est consequens) eandem numero malitiam.

Pungit quidem hæc objectio, et obligat, ut legitimum sensum præmissæ suppositionis magis explicemus. Pro quo animadvertendum est moralitatem dupliciter dici:

primò

Object.
difficilis

primo per ordinem ad regulas morum, nempe legem, aut objectum ut lege regulatum, quibus cum conformatur dicit bonitatem; sed, si ab eis recedat, importat malitiam. Quo pacto moralitas est verum accidens reale actus humanos efficiens, habetque suum genus, species, et individua. Secundo sumitur moralitas per ordinem præcise ad prudentem æstimationem, quæ judicat de rebus quantum ad eorum magnitudinem, unitatem, et distinctionem per ordinem ad fines, quos ipsa prudentia attendit. Inter quas rationes dari distinctionem satis convincitur, tum quia plura, quæ sunt incapacia primæ moralitatis, fundant secundam, ut patet in corona, et purpura Regis, quæ cum non habeant primam, habent secundam, et ideo merentur reverentiam in prudentum æstimatione. Tum etiam, quia in ipsis actibus humanis utriusque moralitatis capacibus non datur inter unum, et alterum adæquatio, sed solet adesse summa differentia: nam peccatum mortale, quod est finitum per respectum ad regulas morum, habet gravitatem simpliciter infinitam in ordine ad prudentem æstimationem secundum gravem offensam, quam Deo irrogat. Et operationes Christi Domini consideratæ secundum priorem moralitatem sunt finitæ, sicut et nostræ: consideratæ vero quantum ad secundam habent in æstimatione prudentum valorem simpliciter infinitum, cum procedant a supposito infinite digno. Quæ doctrina, et moralitatis distinctione usi frequenter fuimus in tract. 21, de Incarnatione, et præsertim disp. 1, dub. 4 et 6 et disp. 28, de merito Christi, dub. 1. Juxta quam doctrinam ipsa moralitas, vel intrinsece efficiens actus physicos internos, vel denominans extrinsece actus physicos et externos potest quantum ad sui unitatem, vel distinctionem numericam considerari dupliciter: primo metaphysice, secundo moraliter per ordinem ad prudentem æstimationem. Et in primo sensu habet unitatem, vel distinctionem numericam juxta unitatem, vel distinctionem numericam actuum physicorum, quibus inest, ut objectio recte probat, et concedimus: est enim verum accidens reale, quod, sicut et alia, debet esse unum, aut plura numero juxta subjecti unitatem, aut distinctionem. Sed in secundo sensu aliter est dicendum: quia

unitas, vel distinctio numerica in esse morali moraliter, hoc est juxta prudentem æstimationem, attenditur penes unum objectum adæquatum, et plura objecta adæquata, ad quæ intra eandem speciem actus humani ordinantur. Ex qua radice provenit diversitas, quam exemplis supra allatis exposuimus, et nunc magis exponemus. Nam, si quis tribus percussionibus necet unum hominem, ibi dantur tres numero actus, qui denominantur tria numero peccata: et malitia quidem (supponamus eam reperiri etiam in actibus externis) metaphysice considerata triplex etiam est numero, juxta numerum subjectorum. Sed tamen considerata in ordine ad prudentem æstimationem est una numero, quia omnes illæ percussiones habent unum, et idem numero objectum, nempe unam hominis occisionem, pro qua in prudenti æstimatione nihil refert, quod uno, aut duobus, aut multis ictibus fiat. Cum vero quis una percussione interficit tres homines, actus quidem physicus est unus numero, et similiter malitia considerata metaphysice est una numero propter identitatem subjecti; sed considerata secundum æstimationem prudentem multiplicatur juxta numerum hominum occisorum, quia eorum quilibet est objectum completum, et adæquatum peccati homicidii: et in prudenti judicio non interest, ut æstimentur tria homicidia, ut tria, quod tres homines occisi fuerint unica, vel tribus percussionibus.

78. Sed quia aliunde ad unitatem numericam alicujus actus humani, et malitiæ illum denominantis requiritur istorum existentia, et continuatio, quippe quæ habent conditionem successivorum, quæ sola interruptione discontinuantur, et plura fiunt, addere oportet, quod ad continuationem, atque ideo ut persistat idem numero peccatum, sufficit, quod permaneat, vel formaliter, vel virtualiter; ubi autem nec formaliter, nec virtualiter manet, desinit simpliciter; et si aliud ejusdem rationis succedat, est novum, et distinctum numero peccatum. Sensus harum vocum, aut terminorum facile constat ex dictis disp. præced. a num. 115, ubi explicuimus, quomodo actus doloris pro sacramento poenitentiae requisitus possit existere, vel formaliter in se ipso, vel virtualiter in aliquo sui. Et pro qualitate præsentis materiæ

facilius adhuc : nam, ut duret idem numero peccatum, sufficit aliquem persistere formaliter, aut virtualiter in eadem voluntate circa idem objectum : ut autem interrumpatur, requiritur, quod nec formaliter, nec virtualiter in tali voluntate permaneat. Dicitur autem quis permanere formaliter in priori voluntate toto tempore, quo expresse intendit aliquid facere, v. g. occidere inimicum : dicitur vero permanere virtualiter, quando aliquid facit virtute prioris intentionis, licet ipsa in se non persistat, ut cum quis ex intentione occidendi inimicum ense arripit, et acuit. Cum autem nihil horum adest, interruptur, cessatque simpliciter illa voluntas : et si postea succedat, opus est a priori distinguere, et esse novum, et numero distinctum peccatum.

Contingit autem huiusmodi interruptio, aut discontinuatio frequentius in actibus internis, quam externis, ut liquet experientia, et ratione : quia illi non tantam habent inter se subordinationem, quantam actus externi habent ad voluntatem. Hinc provenit, quod si aliquis elicit semel actum odii erga inimicum, interposita mora, aut somno, odio inimicum habeat, committat novum peccatum odii, distinctum numero a præcedenti ; cum istud ad illud non subordinetur, sed sint ejusdem rationis : et discontinuentur. Cum vero concepto odio intendit occidere inimicum, et hac voluntate parat ense, et pergit ad eum occidendum ; quamvis actiones sint adeo diversæ, non tamen sunt plura numero peccata ; quia in eis continuatur, et permanet virtualiter prior voluntas. Quin etiam licet in itinere repeteret plures occidendi intentiones, non committeret plura numero peccata : quia prior intentio non est simpliciter revocata, sed manet virtualiter, et continuatur per omnes actiones externas itineris electas ad occidendum, et continuatur etiam quasi formaliter per easdem intentiones, quas repetit. Sicut etiam contingeret, si per spatium unius diei sine interruptione temporis eliceret illas intentiones, unam immediate post aliam ; non propterea committeret tot numero peccata, quot sunt numero intentiones, sed unum tantum numero peccatum, ut quidem faceret, si in prima intentione formaliter persisteret absque inter-

ruptione actus. In ordine quippe ad prudentem æstimationem perinde est, quod per spatium unius horæ maneat unus, et idem actus odii : et quod continuetur idem odium per actus plures sibi immediate succedentes. Unde magis confirmatur doctrina num. præced. tradita de distinctione numerica peccatorum, non secundum regulas Metaphysicæ, sed secundum prudentem æstimationem : in exemplis enim præmissis tot sunt malitiæ, et peccata metaphysice loquendo, quot sunt actus : et tamen moraliter moralitate sumpta per ordinem ad prudens iudicium non datur nisi unum numero peccatum.

79. His prælibatis regredimur ad eam assertionis partem, quæ docet non solum species peccatorum, sed etiam eorum numerum intra quamlibet speciem debere in confessione explicari. Et ratio constat ex dictis in genere pro assertionem. Legitimus vero hujus partis sensus patet etiam ex immediate dictis, nempe numerum peccatorum non esse computandum per commensurationem ad actus, qui denominantur peccata, sed per ordinem ad objecta completa, in quibus voluntas sistit, et quæ talia censentur juxta prudentem æstimationem. Hinc quantum ad praxim plura deduci queunt consecutaria, quæ traditam doctrinam magis fulciunt. Nam qui tribus ^{Colligitur primo} vulneribus occidit unum hominem, satisfacit huic confitendi obligationi dicendo, unum homicidium fecisse : nam per plures physice actiones unum tantum peccatum fecit. Qui vero una percussione tres inter- ^{Secundum} fecit, debet confiteri patrasse tria homicidia : nam una physica actione tria peccata homicidii commisit. Et similia quilibet in similibus facile colliget, et satis nobis erit unum, aut aliud attingere. Colligitur ergo ulterius sacerdotem conscius peccati mortalis, qui successive ministrat multis sacramentum Eucharistiæ, non committere, nisi unum numero peccatum mortale, nec teneri subinde aliud explicare in confessione : quia licet actiones fuerint physice plures juxta communicantium numerum : nihilominus moraliter sunt unum numero peccatum propter successionem, et unitatem convivii. Et sic sentiunt Sotus in 4, dist. 18, quæst. 1, art. 4, Cajetanus, 1, 2, quæst. 72, art. 6, Medina, Rodriguez, Diana, et alii, quos sequens refert Leander disp. 8, quæst. 19

quæst. 19. Et consequenter talis sacerdos in confessione satisfacit, si dicat se administrasse Eucharistiam in peccato mortali, quamvis non exprimat numerum personarum, quibus illam ministravit.

Idem colligit prædictus Leander quæst. seq. dicendum esse de sacerdote conscio peccati mortalis, qui successive plures confessiones excipit, ut paritatis ratio convincere videtur: quia omnes illæ auditiones, et absolutiones, ubi successive, et absque notabili interruptione fiunt, reputantur moraliter pro uno peccato. Et pro eadem sententia refert Dianam, Lugum, Rodriguez, et Fagundez. Sed istud consecrarium non probamus, nec legitime deduci censemus. Quare oppositum affirmandum est, nempe sacerdotem, qui in statu peccati mortalis ministrat sacramentum pœnitentiæ, tot peccata mortalia committere, quot excipit confessiones. Et ita sentiunt Candidus, disquisit. 24, art. 22, dub. 7, Castro Palao, Vasquium sequens, et referens tom. 1, tract. 2. disp. 3, punct. 3, Sylvester, Suarez, Azor, et Boncina, quos refert, et sequitur Delgalillo, cap. 17, dub. 55, Philibertus, Magala, et Malfesius apud Leandrum loco cit. Motivum est: quia licet actus sint ejusdem speciei, et sibi immediate, vel absque notabili mora succedant, nihilominus ad eorum multiplicationem multiplicantur peccata, quoties quilibet eorum actum habet definitum, aut determinatum terminum, quo posito consummatur, et completur; sed hujus generis est administratio sacramenti pœnitentiæ: ergo tot peccata mortalia committit sacerdos illa in peccato ministrans, quod conficit sacramenta. Major constat exemplo homicidii, furti, fornicationis, etc., nam quoties repetuntur hi actus, quamvis successive, et absque notabili mora, toties committitur novum, et distinctum numero peccatum mortale: et oppositum dicere foret intolerabilis error contra communem tam Doctorem sententiam, quam fidelium sensum, et praxim. Cujus non aptior, nec urgentior ratio assignari valet, quam prædictos actus, et eorum malitiam habere certum terminum, quo posito consummantur, et per accidens omnino est, quod alius actus, et malitia ejusdem rationis succedant: sicut homicidium penitus terminatur, ac consummatur inferendo injuste

proximo mortem, et prorsus accidit homicidam immediate se extendere ad alterius necem. Minor etiam patet: nam actus administrandi sacramentum pœnitentiæ habet certum, ac definitum terminum, nempe absolutionem, et ea posita essentialiter consummatur, non minus quam homicidium in injusta morte proximi. Et hinc patet motivum contrariæ sententiæ ob satis manifestam disparitatem: nam ubi plures accedunt ad unum sacerdotem, qui eis Eucharistiam ministret, reputantur per modum unius: et ideo administratio Eucharistiæ in nullo eorum consummatur, usque ad ultimum perveniat: et consequenter omnes illæ administrationis partes sunt una completa administratio ejusdem convivii, et unum numero, ubi indigne fit, administrationis peccatum. Oppositum autem contingit in absolutionibus: nam in earum qualibet finitur, et consummatur administratio sacramenti absque ullo respectu, et subordinatione ad aliam. Addunt quidam aliam differentię rationem, quod sacerdos Eucharistiam ministrans non conficit sacramentum, sed factum supponit: et consequenter non efficit gratiam in suscipiente, nec proinde eget gratia, ut Eucharistiam ministret: unde, sicut sine gratia existens non peccat illam ministrando uni, ita non multiplicat ipsam ministrando multis. Sacerdos autem absolvens vere efficit sacramentum, et producit gratiam in pœnitente: et propterea debet esse in gratia, ut congruenter ad gratiæ productionem concurrat: atque ideo, sicut peccat mortaliter in prima absolutione, sic multiplicat numero peccata, dum absolutiones multiplicat. Quæ disparitas facilis est, ubi supponitur non requiri statum gratiæ pro Eucharistiæ administratione. Sed suppositioni non acquiescimus ob magnam indecentiam in re gravissima, quam apprehendimus in eo, quod sacerdos conscius peccati mortalis sacram Eucharistiam dispenset. Si enim sancta sancte tractanda sunt, quanto magis istud inter sancta Sanctissimum? Præsertim ab eo, qui non solum pro conficiendo, sed etiam pro ministrando ex officio Eucharistiam, accipit specialem characterem.

80. Hæc exempla, aliis omissis sufficit attigisse ad declarandum, qualiter numerus accipi debeat in recensendis peccatis

Disparitas, quædam

Aliquam sententia.

eiusdem speciei, et in ordine ad confessionem. Sed tamen pro majori hujus considerationis complemento addendum est aliquos ex antiquioribus sensisse, quod pœnitenti sufficit dicere numerum peccatorum generatim, et in confuso, v. g. dicere, sæpius peccavi furando, sæpius pejerando, etc. Et movebantur, quod recensere omnes actus in individuo est difficillimum, et moraliter impossibile: aliunde vero non occurrat præceptum expresse præcipiens tam dearticulatam peccatorum distinctionem: denique nec ex institutione confessionis colligitur; quippe distinctio numerica peccatorum est accidentalis, atque ideo non multum variat confessarii iudicium in ordine, vel ad satisfactionem, vel ad medicinam. Ita nonnulli canonistæ apud Delgadillum, disp. 17, dub. 5t et nominatim archidiaconus relatus a Navarro in cap. *Consideret*, de pœnitent., num. 42. Angelus verbo *Confessio* 1, num. 23 et Sylvester verbo *Confessio* 1, num. 11 ut refert Suarez disp. 22, sect. 5, num. 1 dixit rem esse incertam. Sed Sylvester eo loco nihil de hac re dicit: et verbo *Confessio* 2, num. 12 oppositum prorsus statuit.

Archi-
diacono-
sus.
Angel.

Conclu-
sio.

Quidquid autem de horum, aut aliorum sententia fuerit, certissimum est pœnitentem debere manifestare in qualibet specie numerum certum, et determinatum peccatorum, si potest, et oppositum non est probabile. Nam Concilium Lateranense, et Florentinum statuerunt omnia peccata confitenda esse: ly autem *omnia* distribuit non solum pro omnibus peccatorum speciebus, sed etiam pro individuis. Concilium vero Tridentinum num. 71 relatum rem magis adhuc expressim addendo *sigillatim*, significavit enim hac voce confessionem debere esse de singulis peccatis, atque ideo de peccatis in individuo. Quorum decretorum sensus magis confirmantur communi obedientia, et praxi fidelium confitentium sua peccata in individuo. Et sic docuerunt D. Augustinus, lib. de vera, et falsa pœnitent.

D. Aug.
D. Thom.
Suar.
Navarr.
Petrus,
et
Domin.
de Soto,
Cano.
Henriq.
Filliuc.
Villalob.
Bonacina.

cap. 14. D. Thom., opusc. 12, quæst. 6 in fine, suffragantibus communiter aliis doctoribus, Suario, et Navarro locis relatis, Petro, et Dominico de Soto, et Cano, quos refert, et sequitur Henriquez, lib. 5, cap. 5, num. 9, Filliucius, Villalobos, et Bonacina, quibus relatis subscribit Leander, disp. 5, quæst. 6 et alii communiter. Nec motiva

pro parte contraria quidquam probant quia non affirmamus obligari pœnitentem absolute ad manifestandum omnia peccata in individuo, sed solum, quæ potest, ut statim magis declarabimus. De præcepto autem confitendi singula constat ex Conciliis Lateran., Florent. et Trident. De institutione etiam constat, cum non limitetur ad solas peccatorum species. Denique pro prudenti confessarii iudicio multum refert peccatorum in individuo, et certo numero confessio: quia ut recte vidit Suarez ubi supra magis variari solet ex multitudine peccatorum in eadem specie, quam ex specifica aliquorum diversitate. Pro quo tamen non requiritur, quod singula intra eandem speciem peccata seorsim, et per se successive declarentur, ut quidam scrupulose colligere, aut imaginari posset ex illo verbo *sigillatim*, quo utitur Tridentinum: id enim æque molestum, et superfluum foret: sed sufficit, quod cuncta ejusdem speciei peccata sub uno numero, ac voce comprehendat, dicendo v. g. se bis pejerasse, decies blasphemasse, aut quinque vicibus proximum infamasse, ut optime docet Cajetanus verbo *Confessio* in sexto præcepto, et loquuntur omnes communiter, patetque ex communi usu fidelium confitentium, nisi idiotæ nimis non sint, quia non aliter se norunt explicare, quam referendo integras ab ultima confessione suorum eventuum historias cum pari confessarii molestia, quam temporis iactura.

81. Diximus pœnitentem debere confiteri peccatorum numerum *certum, si potest*, hoc est finitum, ac determinatum, quantum fieri valet, ut denotarem id aliquando, et respectu aliquorum esse moraliter, aut etiam physice impossibile. In quo casu sufficit dicere numerum probabilem, plus, minusve, ut si dicat, decies pejeravi, plus, minusve, ut docet communis sententia, et relatis Sylvestro, Soto, Ledesma, Nugno, Sylvio, Toletto, Suario, Villalobos, Bonacina, et aliis statuit N. Franciscus, cap. 8, punct. 1, num. 3. Et iidem doctores communiter observant, quod si pœnitens postea deprehendat certum, et determinatum numerum, v. g. undecies pejerasse, non tenetur illud undecimum, aut etiam duodecimum de novo confiteri. Cui additamento (quamvis in eo aliquam difficultatem recognoscamus desumptam ab exemplo tam peccati

Silve-
Soto.
Lede-
Nugno
Sylvi
Villal
Bona-

peccati inculpabiliter obliti, quod, si in memoriam postea veniat, tenemur confiteri : tum peccati dubii, et confessi ut talis, de quo, si postea certo constet, illud ut certum confiteri debemus), absolute sub- scribimus. Et movemur principaliter tam communi doctorum ita sententiarum aucto- ritate, quam communi usu fidelium ita se confitentium, atque gerentium. Præser- tim cum eo modo recensentur peccata, prout sunt in conscientia juxta doctrinam Tridentini : et aliunde unum, aut duo pec- cata sufficienter comprehensa, significata, et confessa videntur ab eo, qui dicit se pe- jerasse decies, plus, minusve, juxta com- munem apud homines modum explicandi numerum rerum salva veritate.

Nec obsunt illa in contrarium exempla : nam peccatum invincibiliter oblitum non fuit subjectum, saltem directe, clavibus Ecclesiæ : unde oportet subdi per distinc- tam confessionem, ubi occurrit memoriæ. Secus autem contingit in præsentī casu, ubi undecimum, et duodecimum peccatum comprehenduntur, et confitentur sub illa formula : Decies peccavi plus, minusve. Similis est disparitas circa peccatum du- bium : unusquisque enim debet confiteri peccata mortalia, prout illa habet in con- scientia : quare illud, quod prius in con- scientia erat sub dubio, et ita fuit in con- fessione expositum, si postea incipiat esse in conscientia certum, debet iterum in confessione tamquam certum, ut vere est, manifestari. Quod motivum in nostro casu locum non habet : nam qui dixit : Peccavi decies, plus minusve, ibi ut certa compre- hendit undecimum, et duodecimum, pec- catum, licet sub illa confusa disjunctione : quia non potuit finitum, et determinatum numerum explicare : unde licet postea certo recognoscat fuisse paulo majorem, tamen recognoscit hunc etiam fuisse in ea confitendi formula comprehensum, et se proinde non obligari ad illum iterum ex- ponendum. Sed de exemplis in contrarium propositis fusius dicemus, dub. 6 per to- tum, et § 4.

Hic vero statim pulsatur animum difficul- tas in discernendo, quomodo regulari de- beat excessus, aut defectus per ordinem ad majorem, vel minorem numerum pecca- torum in confessione expositum, ut com- prehensus intelligatur in illis verbis, plus,

minusve? Sed etiam decidere non valemus: quia nulla certa regula nobis occurrit ad id diffiniendum, sed relinquendum puta- mus prudentiæ regulis attendendo ad om- nia, quæ in singulari occurrant, et ne- queunt ita in actu signato proponi. Quod alii etiam observarunt apud N. Francis- cum loco citato. Satis nobis fuerit dicere, quod, si verum est eum, qui confitetur se decies pejerasse, plus, minusve, compre- hendere sub ea loquendi formula saltem duo peccata ultra decem expresse cognita, et confessa : et propterea licet postea co- gnoscat fuisse undecim, aut duodecim, non teneri ad hæc duo confitendum, ut admi- simus, et explicuimus : si id, inquam, ve- rum est, non absimilis regula assumi valet ad discurrendum in similibus : nam ean- dem proportionem habent quatuor ad viginti, quam duo ad decem ; quare, si in confessione decem peccatorum cum addito plus, minusve, cadunt, comprehenduntur quoque duo alia postea cognita ; pariter in confessione viginti peccatorum cadent, at- que comprehenduntur quatuor alia postea occurrentia. Et sic de aliis ita ut pro ma- jori numero peccatorum in confessione expositorum addita illa formula, plus, mi- nusve, possit esse major numerus pecca- torum, quæ ibi inclusa prudenter intelli- guntur, et quæ consequenter opus non sit iterum confiteri.

82. Sed quid dicendum, ubi nec certus, nec probabilis peccatorum numerus as- signari valet ob eorum quasi innumerabi- lem multitudinem, frequentiam, et diu- turno tempore continuationem? Responde- tur adhuc in isto casu debere pœnitentem explicare numerum peccatorum, si non certum, aut probabilem, saltem conjectu- ralem, et meliori modo, quo possit : nam præceptum confessionis, quantum est ex se, obligat ad confitendum peccata in indi- viduo, sive numerum peccatorum : et ideo pro ejus in hoc sensu adimplitione sata- gendum est. Unde pœnitens recogitare se- cum debet, quanto tempore fuerit in statu peccati mortalis, quanta peccata plus, mi- nusve committebat singulis diebus, aut saltem hebdomadibus, aut mensibus : et eodem modo debet manifestare suum sta- tum, et multitudinem peccatorum in con- fessione. Et idem a fortiori dicendum est de speciebus peccatorum, quæ facilius re-

vocari in memoriam possunt, ut si fuerint perjuria, furta, pollutiones, etc. Et sic docet communis in hac parte sententia, pro qua plures auctores referunt N. Franciscus ubi supra num. 3 et Leander disp. cit. quæst. 11. Quod si pœnitens vel isto modo nequeat (quod raro continget concurrente confessarii directione) suorum peccatorum multitudinem declarare; explicare saltem debet tempus, in quo frequentissime peccavit, et consuetudinem peccandi, et animi præparationem ad peccandum oblata occasione, dicendo v. g. se per tres annos habuisse consuetudinem jurandi frequenter falsum, vel loquendi turpia cum sociis, vel concupiscendi, quascumque feminas videret, vel surripiendi aliena, quoties posset, etc. Et ita resolvunt graves auctores Cajetanus, tom. I Opuscul. tract. 5, quæst. 3, Victoria, num. 178, Petrus de Soto lect. 9 de Confessione, Dominicus in 4, dist. 18, quæst. 2, art. 4, Cano de Pœnit., part. 5, § *Colligo tamen*, Toletus, lib. 3, cap. 7, num. 2, Navarrus in cap. *Consideret de Pœnit.* dist. 5, nam. 43 et in *Manuali*, cap. 6, num. 15, et alii. Generale vero fundamentum pro his magnis. et inveteratis peccatoribus videtur esse, quod nec liberi sunt ab obligatione confessionis, nec ejus remedio privandi, ne in manifestam abducantur desperationem salutis: aliunde vero non aliter sua peccata exponere valent, ut supponitur, quam dicendo consuetudinem, et frequentiam peccandi in hac, aut illa materia per tot menses, aut annos; ergo eorum confessiones prædicto modo factæ excipi, admittique debent tanquam validæ, et pro qualitate pœnitentium sufficientes, ut confessionis præcepto satisficiant. Hinc colligunt relati auctores sufficere publicæ meretrici, cum convertitur, si dicat: Mansi in lupanari per decem annos, admittens cunctos, ad id parata. Concubinario, si dicat: Habui concubinam per tres annos, qua tanquam uxore usus fui. Sacerdoti non recitanti, si dicat: Per integrum annum omisi officium divinum. Et sic de aliis, ut ultra relatos docent Bonacina, disp. 5, quæst. 5, sect. 2, punct. 2, § 3, Lugo, disp. 16, n. 575, Granados, tract. 9, disp. 10, n. 7 et 8, Delgadillo, c. 17. q. 59 et alii apud istos.

Qui communiter circa hæc observant primo meretrices, et similes personas, licet

nequeant explicare numerum peccatorum, sed solam peccandi consuetudinem, et frequentiam peccandi per tantum tempus; debere exponere, an admiserint conjugatos, aut voto castitatis obstrictos, aut sibi consanguineos intra gradum prohibitum, aut personas inter se magna cognatione junctas, ut patrem, et filium; et sic de aliis. Ista enim facilius ab illis recognosci, et exponi queunt ob notabiles deformitatum, atque specierum differentias. Et multo magis explicare possunt, et debent, an peccaverint cum fœditatibus contra naturam. Observant secundo similes personas facilius explicare posse actus externos, quam interiores, et effectus, quam actualia peccata: quia illi notiores sunt: isti vero sunt in similibus adeo frequentes, et quasi continui, ut impossibile illis sit eos recensere. Unde illis sufficit, si dixerint ea æpissime, et quasi continuo desiderasse turpia, et lucrum ex infami exercitio, ut notatur Vasquez quæst. 91, art. 1, dub. 5, et Lugo ubi proxime. Observant tertio confessarium in his casibus, et cum similibus personis non debere scrupulose, aut prolixe procedere, nimis illas cogendo, ut explicent peccatorum numerum, nam facilius errabunt in hoc per excessum, aut defectum, quam in declarando tempus, et consuetudinem: præsertim cum per hoc medium habeat confessor tantam notitiam de pœnitentis statu, quantam posset hic exhibere per longiorem narrationem, et turpitudinum repræsentationem; quæ quantum fieri potest, vitari debent pro cavendo utriusque periculo.

§ IV.

Ratio distinguendi circumstantias mutantes speciem, et illas confitendi.

83. Pervenimus ad ea, quæ tertio loco assignantur explicanda necessario in confessione, nimirum circumstantias mutantes speciem. Pro quo oportet rudi saltem Minerva exponere, quid his vocibus significetur: diffusior namque illarum notitia pertinet per se ad 1, 2, D. Thomæ, ubi illam ex professo tradidimus in tract. de Bonitate, et malit. fere per tot. et præsertim disp. 4, dub. 1 et 2, et in comment. ad art. 11, quæst. 18. Ex ibidem autem dictis hic breviter

Cajet.
Victor.
Sotus.
Domin.
Cano.
Toletus.
Navarr.

Bonac.
Lugo.
Granad.
Delgad.

Vasq.
Lugo.

breviter colligemus, quæ videntur præcise necessaria ad considerationem præsentem. Et ut a nomine ordiamur, circumstantia significat, quicquid aliud ita attingit, et circumstat, quod absolute sit extra ipsum, ut in rebus corporeis apparet. Hinc extensum vocabulum ad moralia denotat illa accidentia, sive conditiones, quæ cum sint extra essentiam actus humani, ipsum nihilominus tangunt, et afficiunt, quatenus important convenientiam, aut disconvenientiam secundum rationem respectu talis actus in ordine morali. Debent autem hujusmodi accidentia, ut circumstantiæ sint, manere extra moralitatem essentialem sive primariam talis actus, et ad hujusmodi conceptum non pertinere. Et hinc provenit, quod nec objectum specificans, nec causa efficiens, et alia, a quibus essentia moralis actus dependet, sint ejus circumstantiæ : provenit etiam quasdam rationes communes, quæ in omni actu reperiuntur, non posse circumstantias proprie appellari, uti comparantur ad actum moraliter malum inobedientia, ingratitude, etc. et ideo solent dici circumstantiæ communes, sive in omni peccato repertæ, et in ejus vocabulo absque alia additione, aut explicatione comprehensæ. Particulares autem, et propriæ revocantur ad septem, quæ illo vulgari versiculo recensentur, *Quis, quid, ubi, Quibus auxiliis, Cur, Quomodo, Quando* : nam *quis* denotat circumstantiam personæ operantis, ut quod sit laicus, aut sacerdos. *Quid* circumstantiam objecti, aut effectus, ut in materia furti, quod sit magna, aut parva. *Quibus auxiliis* denotat circumstantiam mediorum, aut instrumentorum, ut in materia homicidii, quod fuerit factum ense, aut veneno, etc. et sic de aliis, ut ex dicendis num. 108 magis constabit.

Porro omnem actum moralem sive internum, sive externum habere aliquam bonitatem, vel malitiam ex circumstantiis statuit D. Thom. 1, 2, quæst. 18. art. 3 et 9, et quæst. 2, de Malo art. 5, et alibi frequenter, idque probat exemplo naturalium : nam in ordine entitativo omnis substantia ultra perfectionem essentialem habet aliam ex accidentibus ejusdem ordinis : ergo in ordine morali omnis actus humanus ultra bonitatem, aut malitiam, quam habet ex objecto primario, habet aliquam aliam accidentalem ex circumstantiis : id enim

paritatis ratio convincere videtur. Præsertim, quia, sicut in physicis cognoscimus per experientiam non dari substantiam sine aliquibus accidentibus, vel propriis, vel communibus : ita non minus evidenter experimur nullum dari actum moralem, qui præter suam moralem speciem non habeat aliquas circumstantias accidentales, utputa esse intensam, aut remissam ; durare longo tempore aut brevi ; fieri in loco sacro, aut prophano, et sic de aliis, quæ prolixum esset referre, licet non pauca proponamus num. 109. Sed quod pro omnibus scire magis refert, est hujusmodi circumstantias dividi in eas, quæ mutant, aut variant speciem actus moralis ; et in alias, quæ aliam speciem non afferunt, sed illam quam in operatione supponunt, præcise augent, aut diminuunt intra suam lineam. Quam divisionem aperte supponit Concil. Tridentinum in testimonio relato num. 71, docentque communiter Theologi, et nominative eorum Princeps 1, 2, quæst. 18, art. 10 et 11, ubi tradit hanc divisionem, et simul explicat proprias rationes membrorum dividendum. Illas namque circumstantias vocat mutant speciem, quæ important specialem convenientiam, aut disconvenientiam cum ratione : illas vero appellat non mutant speciem, quæ novam hanc specialem convenientiam, vel disconvenientiam non afferunt, sed quam alias in actu supponunt, augent, aut diminuunt, quia ad eandem pertinent per modum augmenti, aut decrementi. Unde art. 10, ad 3, ait : « Dicendum, quod non omnis circumstantia constituit actum moralem in aliqua specie boni, vel mali ; cum non quælibet circumstantia importet aliquam consonantiam, aut dissonantiam ad rationem. Unde non oportet, licet sint multæ circumstantiæ unius actus, quod unus actus sit in pluribus speciebus. Licet etiam non sit inconveniens, quod unus actus moralis sit in pluribus speciebus moris, etiam disparatis, ut dictum est ; » nempe in corp. articuli, ubi allatis exemplis conclusit : « Et per hunc modum quandocumque aliqua circumstantia respicit specialem ordinem rationis vel pro, vel contra ; oportet, quod circumstantia det speciem actui morali de bono, vel malo. » Ex quibus verbis desumitur manifesta ratio prædictæ

D. Tho.

distinctionis, et propriarum rationum membrorum ejus : nam cum moralitas ut sic desumatur per ordinem ad rationem ; ubicumque est diversus, et specialis ordo ad rationem *pro* vel *contra*, ibi oportet esse distinctam speciem moralitatis : sed multoties contingit, quod præter ordinem ad rationem importatum in attingentia objecti, vel etiam ad finem operantis, adveniat ex aliis capitibus nempe ex circumstantiis alius diversus, et specialis ordo ad rationem *pro* vel *contra* : ergo tunc datur ex circumstantiis moralitas specie diversa : et consequenter tunc circumstantiæ conferunt actui moralitatem specie distinctam, et merito dicuntur circumstantiæ mutantes speciem. Eo vel maxime, quod circumstantiæ augentes, et non dantes speciem supponunt speciem, quam augent : ergo e converso, quæ talem speciem non præsupponunt, non sunt dumtaxat augentes bonitatem, aut malitiam, sed etiam dantes speciem.

Id vero aptius exemplis, et ipsa praxi, quam in actu signato explicari potest. Sed tamen non inepta regula assignari valet ad id in communi discernendum, nempe attendere, an actus ratione circumstantiæ incipiat pertinere ad distinctam virtutem, aut vitium : nam cum hæc distinguantur per suos actus, opus est, ut quidquid superveniens transfert actum de uno habitu ad alium, addat actui distinctam moralitatis speciem. Si vero de uno in alium non transfert habitum, non addet speciem, sed solum augebit, aut diminuet intra illam, quam in actu præsupponit. Verbi causa, ut unum, et aliud magis innotescat : actus furandi ex specie sua solum est contra justitiam ; sed si fiat in loco sacro, incipit esse contra Religionem : signum ergo est hanc loci sacri circumstantiam addere supra speciem furti aliam sacrilegii, quæ non supposebatur, et speciem variat. Similiter actus carnalis cum non sua est in specie luxuriæ : sed si sit uxor alterius pertinet ad speciem injustitiæ : unde manifestum est hanc mulieris conjugatæ circumstantiam addere supra speciem incontinentiæ, aliam injustitiæ, quæ in priori non includebatur, et mutat speciem. E contra vero solet circumstantia non transferre actum de uno in aliud vitium, et tunc speciem non addit, nec variat, sed modum ponit in

præexistenti : sicut quod actus surripiendi aliena continuetur per unam horam, non facit, quod actus pertineat ad alium vitium, quippe quod ex vi hujus assignari non valet : atque ideo solum intra speciem furti, quam supponit, addit augmentum : est itaque illa duratio circumstantia non mutans speciem, sed solum aggravans. sive augens malitiam intra eandem speciem. Similiter quod res turpis ametur, et desideretur pertinet ad speciem luxuriæ : sed quod hujusmodi amor, et desiderium habeant magnam intentionem, non transfert illa ad distinctum vitium, nec addit supra illam, quam afficit, ac supponit : et consequenter non est circumstantia varians speciem, sed aggravans tantum.

84. Et hæc sufficere videntur, ut lector in genere discernat inter circumstantias mutantes speciem, et circumstantias, quæ solum augent, aut diminuunt malitiam intra speciem, quam supponunt. Ex eis vero constat, quam rationalis sit Catholicorum sententia, et quam merito docuerit Concil. Tridentinum sess. 14, cap. 5 : « Colligitur præterea etiam eas circumstantias in confessione explicandas esse, quæ speciem peccati mutant : » et quam juxta definierit ibi can. 7 : « Si quis dixerit in sacramento penitentiae ad remissionem peccatorum necessarium non esse jure divino confiteri... et circumstantias, quæ peccati speciem mutant... anathema sit. » Quoniam omnia ea, quæ vere, et proprie sunt peccata mortalia, manifestari debent in confessione sacramentali, ut late contra hæreticos ostendimus dub. 1, sed ubi circumstantiæ speciem mutant, dantur vere, et proprie peccata non minus distincta, quam ipsæ circumstantiæ, ut proxime explicuimus : ergo necessarium est explicare in confessione circumstantias mutantes speciem : aliter enim peccata ipsis correspondentia manifestari non possent.

Confirmatur primo : nam opus est confiteri peccata numero distincta. ut patet ex dictis § præced. ergo et quamlibet circumstantiam mutantem speciem. Probatur consequentia : tum quia major distinctio est inter speciem actus moralis, et speciem circumstantiæ, quam inter individua ejusdem speciei, ut patet comparando duo furti ejusdem rationis, et comparando fur-

tum

Conc.
Trid.

Ratio.

Confirm.
1.

tum cum specie sacrilegii ex circumstantia loci ob furti patrationem in loco sacro : ergo si illa individua confiteri debent, pariter atque a fortiori circumstantia speciem mutans. Tunc etiam, quia major malitia solet reperiri in uno actu morali cum circumstantia mutante speciem, quam in duobus peccati individuis intra eandem speciem, ut patet in præmissa comparatione : nemo quippe negabit gravius peccare, qui furatur uno actu unum aureum ex loco sacro, quam qui duobus furtis surripit eandem quantitatem ex loco prophano : ergo sicut hæc duo furtiva confiteri debet, sic et illud cum circumstantia sacrilegii. Confirmatur secundo : nam inde colligitur necessitas ex jure divino confidenti species, et individua, sive numerum peccatorum, quia confessio fit sacerdoti tanquam iudici, qui judicare recte non valet absque substantiali totius causæ cognitione ; et eidem etiam ut medico fit, qui congruentem medicinam consulere nequit sine accurata morbi notitia. Hæc autem motiva pariter occurrunt in circumstantiis peccatorum speciem addentibus, ac variantibus : quippe eo ipso occurrunt delicta, et infirmitates diversæ rationis, quæ distinctam pœnam, diversumque remedium exposcunt, ut satis ex se liquet : ergo sicut jure divino requiritur confessio omnium peccatorum in specie, et numero, sic etiam, et cunctarum circumstantiarum mutantium speciem.

85. Pro complemento hujus dubii, in quo de materia necessaria confessionis in genere agimus, duæ quæstiunculæ etiam in genere addendæ sunt. Prima : utrum qui commisit unum peccatum habens plures species malitiæ, (utputa unam ex objecto, aliam ex fine operantis, aliam ex circumstantia, ut contingit in illo, qui furatur quantitatem notabilem ex loco sacro ad mæchandum : qui actus ex objecto est in specie injustitiæ, ex fine operantis in fine luxuriæ, et ex circumstantia loci in specie sacrilegii) satisfaciatur dicendo diversis vicibus, semel furatus sum, semel habui intentionem mæchandi, semel commisi sacrilegium, sive magnam irreverentiam in locum sacrum ? Secunda, an pœnitens teneatur confiteri illa peccata, quæ jam sunt nota confessario extra confessionem ? Ut si confessarius vidisset Petrum occidisse

hominem, et Petrus peteret a confessario absolutionem ab eo, quod scit.

Respondetur ad primum, quod, si ea divisio fieret ex intentione variandi notabiliter iudicium confessoris, ex hoc ipso argueretur defectus doloris debiti in pœnitente, aut veri propositi, ac perinde nullitas confessionis, quæ, ut sæpius diximus, ordinatur ad hoc, ut confessarius possit recte judicare, et curare pœnitentem : contra quod agit dolosa illa intentione, atque artificio se gerens. Sed hoc accidentali inconvenientie excluso, negandum non est, quod satisfaciatur. Et sic etiam censent Delgadillo, cap. 17, quæst. 50, et Navarrus^{Delgad.} ab eo relatus. Quoniam re ipsa explicat omnes species peccatorum, quas in illo actu contraxit : et furtum recte explicari valet absque aliis speciebus, et species intentionis turpis sine furto, et sic de aliis. Idque ex eo confirmari valet, quod si confitens furtum oblitus inculpabiliter fuisset hujus, aut alterius speciei superadditæ, non teneretur in alia confessione furtum repetere, sed satis suæ obligationi faceret confitendo per se illam, vel sacrilegii, vel luxuriæ speciem, quam per oblivionem omiserat, ut omnes communiter admittunt : signum ergo est illas esse de se pro confessione separabiles, et non repugnare casum, in quo scienter separantur ex justa causa, sicut separantur excusante invincibili oblivione. Ad secundum, prout proponitur, respondetur negative : quia non sufficit, quod confessarius sciat alias peccata pœnitentis ; sed insuper debet scire, quod illa subjicit clavibus Ecclesiæ per confessionem, et accusationem, et propositum emendationis : aliter namque absolvens temere operaretur, ut satis ex se liquet, et aliis relatis resolvit Bonacina disp. 5, quæst. 5, sect. 2, punct. 2, § 3, numer. 10. Sed si pœnitens diceret : « Accuso me de peccato, quod scis, » aut vidisti me fecisse, » satis explicaret se illud peccatum confiteri, et de eo dolere in ordine ad sacramentum : unde sine majori explicatione posset absolvi, ut docent Navarrus, in cap. *Consideret de Pœnit.* dist. 5, num. 5, Suarez disp. 22, sect. 6, num. 5, et alii communiter.

DUBIUM IV.

An circumstantiæ notabiliter aggravantes intra eandem speciem sint necessario explicandæ in confessione ?

Observatio prima. 86. Quæ sint hæ circumstantiæ, constat ex immediate dictis : sic enim vocantur, quia non addunt actui, et malitiæ, quam præsupponunt, aliam specie diversam. Sed animadvertere oportet, quod licet circumstantia non variet speciem ex parte objecti, potest nihilominus adeo augere, aut diminuire ex parte malitiæ formalis, ut actum transferat non de specie in speciem, sed de genere in genus, et eo amplius : sic enim comparantur furtum rei levis, et furtum rei gravis : habent enim objectum ejusdem speciei, nempe rem alienam, sed tamen, quia unum illud attingit in re levi, aliud in re gravi, unum est peccatum veniale, aliud mortale. Et cum tanta aggravatio, aut diminutio contingit, in comperito apud omnes est debere hujusmodi circumstantiam explicari : sicut quod mortale est materia necessaria confessionis, secunda. secus veniale. Et eadem certitudine supponendum est, quod si peccatum ob aliquam circumstantiam notabiliter aggravantem intra eandem speciem habet aliquam censuram annexam, vel est casus reservatus : id explicandum esse in confessione, ut prius confessarius expediat, si potest pœnitentem a censuris, et ne se extendat ad absolvendum a peccato, quod superiori jurisdictioni reservatum est. Pariter supponi debet dari aliquas circumstantias ita notabiliter aggravantes intra eandem speciem, ut fere semper secum afferant multiplicationem individualement peccatorum intra eandem speciem, ut frequenter contingit in peccatis internis, v. g. in odio proximi, in desiderio fornicandi, et in similibus affectibus longo tempore durantibus : raro enim contingit, quod idem numero actus interior toto eo tempore perseveret, sed variis ex causis non semel interrumpitur : et sic consurgunt plura numero peccata, quot scilicet sunt actus intra eam durationem de novo incipientes, ut constat ex dictis dub. præced. § 3 et præsertim num. 78. Et in similibus casibus opus est confiteri illam circumstantiam magnæ durationis : nam quidquid fuerit de obligatione manifestandi circumstantias notabiliter aggra-

vantes (de qua statim) hic occurrit necessitas confitendi peccata numero distincta intra eandem speciem meliori modo, quo fieri possit ; et in manifestatione interiorum non aptior occurrit, quam explicare tempus, in quo affectus mortaliter peccaminosus permansit, ut loco citato explicuimus.

His suppositis, quæ sunt accidentalialia, et communiter recipiuntur, proposita difficultas revocatur ad circumstantias præcise aggravantes notabiliter intra eandem speciem consideratas per se, id est, separatas ab aliis conditionibus sibi accidentalibus, v. g. censurarum reservationis, multiplicationis individualis peccatorum, et similibus. An scilicet in hoc ipso, quod circumstantia addat notabiliter malitiam supra speciem, quam afficit, et supponit, debeat ultra peccatum talis speciei in confessione explicari. Et non oportet in hoc dubio descendere ad particularem considerationem distinguendi, an istæ, aut illæ circumstantiæ mutant speciem, an vero illam tantum aggravent intra speciem : id namque ad alios tractatus spectat juxta qualitatem materialium, v. g. justitiæ, religionis, luxuriæ, etc., de quibus alibi sermo fit : et illa trahere ad præsentem difficultatem, foret in hanc reducere majorem partem theologiæ practicæ cum insuperabili confusione. Unde errant, qui ut unam, aut alteram partem oppugnent, in medium vocant circumstantias, de quibus controversitur, apud auctores, num mutant speciem, aut solum augeant : et cum disputandum sit, utrum quæ præcise aggravant, confiteri debeant, aut non ? Totus ardor, clamorque belli in eo ponitur, quod mutant, aut non mutant speciem ; et post acrem circa istud pugnam, intactum relinquitur, quod debuit controverti, an scilicet ex suppositione (quæ sufficit in genere, et conditionate præmitti), quod aliqua circumstantia non addat novam malitiæ speciem, sed præsuppositam notabiliter augeat, sit necessario explicanda in confessione : sic ergo procedendum nobis est. Occurrunt autem circa id duæ sententiæ extreme oppositæ, adeo graves, verisimiles, et doctissimis patronis suffultæ, ut vix possimus procedere, et suspenso pede jam in unam, jam in alteram propendamus : præsertim cum non cernamus Thomistas

una sub acie unitos, (ad quod frequenter attendimus, ne ab omnium duce, Angelico Doctore. et ductore recedamus), sed in phalanges divisos acriter inter se pugnare. Unde in animo habuimus nullis accedere, ne ullum haberemus adversum; sed cum his et illis sentire utramque partem problematicè sustinendo. Ceterum quia id nec veritati indagandæ, nec stylo nostro congruit, ubi eligendum deductus est

§ I.

Præfertur sententia negans.

Assertio

87. Dicendum est, quod licet possimus laudabiliter circumstantias notabiliter intra eandem speciem aggravantes in confessione explicare, sicut et peccata venialia; ad id tamen non tenemur, sed omittere, aut subicere citra omnem culpam, sicut, et venialia valemus. Prima assertionis pars est manifesta: quia ex una parte nihil prohibet nos illas circumstantias confiteri, sicut et peccata venialia: et ex alia illarum manifestatio multo conferret ad maiorem humiliationem nostram, et confusionem, et ad explicationem nostræ conscientie manifestationem, ut confessarius magis accurate nos iudicet, puniat et instruat. Unde hanc assertionis partem nemo non concedit: sed tota controversia est circa secundam. Eam vero statuimus non ob aliquod motivum metaphysicum, ac demonstrativum, sed ob non pauca prudentialia, et satis efficacia pro qualitate materie, quæ nos ad eam prosequendam urgent, et suo ordine proponemus. Primum sit auctoritas D. Thomæ, quem pro hac parte stare evidenter censemus, et a cujus sententia sic cognita non nisi violenter, et contra reverentiam, quam ipsi profiteamur, recedere valemus. Igitur in 4 dist. 16, quæst. 3, art. 2, quæstionc. 5, inquit, utrum omnis circumstantia peccati sit confitenda, resolvit in hunc modum: « Ad
« omnes circumstantias confiteri est im-
« possibile: quasdam autem confiteri est
« de necessitate salutis. Sed in hoc est
« differentia opinionis. Quidam enim di-
« cunt, quod omnes circumstantiæ, quæ
« aliquam notabilem quantitatem peccato
« addunt, confiteri, necessitas est, si me-

« moriæ occurrat. Alii vero dicunt, quod
« non sint de necessitate confitendæ, nisi
« circumstantiæ, quæ ad illud genus pec-
« cati trahunt. Et hoc probabilius est. » In quo loco manifestum est primam opinionem fuisse illam, quam modo impugnamus, nempe omnes circumstantias, quæ peccato addunt aliquam notabilem malitiæ quantitatem, ut profecto sunt circumstantiæ notabiliter aggravantes, debere in confessione explicari. Secunda vero id negavit generaliter de omnibus circumstantiis addentibus notabilem aliquam quantitatem peccato, sub quibus comprehenditur circumstantia notabiliter intra eandem speciem aggravans; sed eam confitendi necessitatem præcise recognovit in solis circumstantiis, quæ actum peccaminosum transferunt in aliud genus, sive essentiam peccati, ut sunt omnes, et solæ illæ, quæ mutant, et addunt speciem. Collatis itaque his opinionibus resolvit S. Doctor secundam esse probabiliorē. Et hæc est ipsa, quam statuimus, et tuemur sententia.

Hujus testimonii vires duplici via diminuerē, et eludere conati sunt aliqui ex adversariis. Nam quidam, et nominatim Joannes a Cruce, quæst. 3 de Pœnit. dub. 5, conclus. 2 in fin. respondent D. Thomam agere de circumstantiis non multum, sed parum aggravantibus, ut colligi videtur ex eo, quod ibi meminit peccatorum venialium quibus certum est non aggravari notabiliter culpam. Alii autem respondent dubitandum non esse, quod in scriptis super sententias docuerit D. Thomas nostram assertionem: sed mutaturum hanc sententiam, si illam versaret in Summa theologia, quam absolvere non potuit.

Evasio prima.

Joann

Evasio secunda.

Primum
fundamentum

88. Sed utraque expositio est multum debilis, et facile confutatur. Prima, quidem, nam D. Thomas expresse agit de circumstantiis, « quæ aliquam notabilem
« quantitatem peccato addunt, » ut sunt formalia ejus verba: sed circumstantiæ, quæ partim aggravant, non addunt peccato notabilem quantitatem, ut ex ipsis terminis liquet: ergo ejus resolutio, quatenus dicit secundam sententiam esse probabiliorē, minime limitatur ad circumstantias parum aggravantes, sed complectitur omnes, quæ non variant speciem peccati. Et plane indignum erat tanto Doctore in

Repelli-
tur
Evasio 1.

dubium revocare, et ex professo discutere, utrum omnes circumstantiæ vel parum, vel multum aggravantes deberent explicari in confessione; quippe in nullius mentem venerat obligationem adeo universalem defendere. Unde ipse D. Thomas hanc certam suppositionem ab ipso resolutionis initio præmisit illis verbis: « Dicendum quod » omnes circumstantias confiteri est im-
« possibile; quasdam autem confiteri est
« de necessitate salutis. » Erat ergo ille sermo non de omnibus circumstantiis utcumque aggravantibus, sed de aggravantibus notabiliter. Et respondet probabilius esse non omnes debere confiteri; sed solas eas, « quæ ad aliud genus peccati trahunt, » hoc est ad importantes diversam essentialiter malitiam. Ubi ergo stat fundamentum ad imaginandam restrictionem ad levem aggravationem, qualem important peccata venialia, quorum meminit? Sed talis imaginatio non aptius refelletur, et falsitatis convincetur, quam transcribendo, et continuando integrum S. Doctoris locum. « Et hoc, *inquit*, probabilius est. Sed addendum est, quæ ad aliam speciem mortalis » trahunt. Cujus ratio est, quod venialia » non sunt de necessitate confessionis, sed » solum mortalia, quæ quantitatem infinitam quodammodo habent. Et quia circumstantiæ aggravantes, quæ aliam speciem peccato non tribuunt, vel quæ » tribuunt quidem, sed non mortalis peccati, non sunt de necessitate confessionis. Ita tamen eadem confiteri perfectio-
« nis est: sicut et de venialibus dictum » est. » Illum ergo integer locus sensum habet, quod sententia secunda asserebat non esse de necessitate confiteri omnem circumstantiam notabiliter aggravantem, » nisi ad aliud genus peccati trahat, » v. g. de genere injustitiæ ad genus luxuriæ, aut e contra. Sed quia S. Doctor optime prævidit posse contingere, quod non solum intra idem genus, sed intra eandem etiam peccati speciem, posset peccatum trahi de veniali in mortale, ut patet in furto parvæ quantitatis, et furto magnæ quantitatis, quæ sunt ejusdem generis, et speciei essentialis, et tamen habent quasi infinitam distantiam: propterea consultissime supra exceptionem adhibitam a secunda, et probabiliori sententia: « Nisi circumstantia » ad aliud genus peccati trahat, » ipse

aliam subjunxit dicens: « Sed addendum » est quæ ad aliam speciem mortalis trahunt. » His autem exceptis, generaliter approbavit secundam sententiam, statuens conclusionem: « Circumstantiæ aggravantes, quæ aliam speciem peccato non tribuunt, vel quæ tribuunt quidem, sed non » mortalis peccati, non sunt de necessitate confessionis. » Undeliquet contrariam expositionem limitantem ad solas circumstantias parum aggravantes esse evidenter voluntariam, et Doctoris menti contrariam. Quod amplius patet ex resp. ad 2, ubi ait: « Dicendum quod determinata quantitas » peccati non potest sacerdoti innotescere, » quia nec ipse peccator scit: unde sufficit, quod sciat quantitatem, quæ ex specie peccati consurgit. » Alia ergo quantitas peccati non importans speciem, sed solius speciei augmentum, sumatur sive ab intensione, sive a majori duratione actus, sive a majori cognitione, libertate, et ingratitudine agentis, (quæ omnia sunt intra eandem speciem circumstantiæ) non debet necessario in confessione manifestari.

Secundus modus exponendi D. Thomam est ridiculus, et divinatorius: nam si certo constat, ut concedit, ipsam nostram assertionem, docuisse in testimonio relato; unde certo constat, quod aliter docuerat in Summa? Id plane nisi supposito Dei decreto, quod nos latet, non est scibile nec a nobis: quin secluso decreto nec a Deo ipso, nisi per scientiam mediam, id est nullo modo. Plane imprudentis animi foret relinquare certum pro incerto. sola in propriam opinionem affectione conjecturabili. Præsertim cum S. Doctor non solum in testimonio relato, sed in aliis etiam locis, et temporibus id ipsum asseruerit, nullibi id retractans, vel oppositum insinuans. Nam in scripto ad Annibaldum, dist. 16, quæst. unica, art. 3, ait: « Circumstantia, » quæ novam rationem peccati mortalis » addit, de necessitate est confitenda; alia » autem non. Et in responsione ad 5: « Si » talis circumstantia non trahit in aliud » genus mortalis, non est confitenda. » Et in opusc. 12 ad Lectorem Bisuntinum art. 6, de hac difficultate consultus respondit: » Circumstantias vero aggravantes, quæ in » aliud genus peccati non trahunt, non » tenetur homo confiteri, sicut nec venia-

Rejici-
tur 2
evasio.

Idem.

D. Tho.

na

« lia ; licet laudabile sit, quod ea homo
 « confiteatur... Igitur huiusmodi circum-
 « tantias aggravantes, quæ non trahunt in
 « aliud genus peccati, non credo, quod
 « aliquis teneatur confiteri. » Cum ergo
 S. Doctor hanc difficultatem tam multoties
 attigerit, tam alte comprehenderit, et tam
 diserte resolverit ; cur non parvifieri, et
 contemni debet recursus ad retractationem
 in statu conditionato præsentis temporis ?
 Sed quod Ecclesiæ decretum sit, novave
 novorum theologorum demonstratio oc-
 curret, quæ D. Thomam ab asserta deter-
 reret sententia, aut in adversam ire obli-
 garet ? Stare ergo illi oportet, quam esse
 expressam illius sententiam, ubicumque
 materiam pertractat, affirmat Prado (licet
 nobis non penitus cohærens, ut ex dicendis
 apparebit), in scriptis S. Doctoris versa-
 tissimus in tract. de Confess. quæst. 2,
 dub. 2, § 2, num. 6 in principio, et 7 in
 fine. Unde non semel admirati sumus gra-
 ves aliquos Thomistas, ut Gonet in hac
 materia, disp. 10, art. 3, Labat, disp. 2,
 dub. 3, conclus. 2 et quosdam alios contro-
 versiam hanc versantes, et contrariam no-
 bis opinionem tuentes, non sibi opposuisse
 hanc S. Doctoris sententiam, eamque, ut-
 cumque possent, explicuisse. Verum modo
 admirationem deponimus attendentes ad
 eorum evidentiam, et illorum discipulo-
 rum reverentiam, quod noluerint eis aperte
 refragari, sed velut furtim capesserint
 aliam viam.

89. Secundum motivum, ob quod propo-
 sitam assertionem amplectimur, consistit
 in multitudine, et auctoritate gravium Doc-
 torum, qui pro ea pugnant, et utroque ex-
 cessu attento præferri debent contrariis.
 Nam cum in re merali, et ex magna parte
 prudentiali versemur, recta ratio dictat,
 ut cum eis sentiamus, qui plures sunt nu-
 mero : et non inferiores doctrina. Sic ergo
 docent S. Albertus Magnus in 4 dist. 16,
 art. 24, D. Antoninus 3 p. titul. 14, cap. 9,
 § 7, Paludanus in 4, dist. 16, quæst. 3,
 art. 3, Viguerius in Instit., cap. 26, § 4,
 vers. 17, Turrecrem. de Pœnit. 5, can. 1,
 num. 11, Sylvester verb. *Confessio*, quæst.
 9, et verbo *Circumstantia*, num. 2 et 3, Ta-
 biena, verbo *Circumstantia*, num. 6 et 8,
 Zanardus in direct. Theolog., part. 1 de
 Sacram. Pœnit., quæst. 18, Prado loco
 cit. Idem etiam docent D. Bonaventura in

4, dist. 17, quæst. ult., Scotus ibi quæst. 1, Faber,
 art. 2, Duardus dist. 16, proposit. 23, Her-
 rera in 2 disp. 31, quæst. 7, corollario 3,
 post. 2, regulam. Angelus, verbo *Confessio*,
 1, num. 13, Corduba in Summa, quæst. 3, Almain,
 Martinus a S. Joseph. lib. 1, tract. 9,
 num. 5, Pitigianus, Faber et Hortiz, quos
 refert, et sequitur Delgadillo, cap. 17,
 dub. 64 ibi numer. 138 hanc esse propriam
 Scoti sententiam, adductis ejus testimoniis,
 Idem præterea docent Durandus in 4 dist.
 16, quæst. 4, Gabriel ibi quæst. 1, Carthu-
 sianus quæst. 2, Almain quæst. 1, art. 2, Vasquez,
 Adrianus quæst. 4 de Confess. art. 2, Reginaldus,
 Joannes de Medina, Cod. de Confess. Palao,
 quæst. 7, Navarrus, de Pœnit., cap. 6, Lugo,
 numer. 7, Covarruvias in 4 Decret., part. 1, Mart.
 1, col. 1, numer. 12, Joannes Sanct. disp. 11, num. 6,
 Diana 1 p. tract. 7, resol. 1 et 3 p. tract. 4, resol. 67 et 5 p. tr. 14, re-
 sol. 65, Kellisonus in suppl. quæst. 9, art. 2, dub. 2,
 Bonacina, quæst. 5, sect. 2, punct. 2, § 3, difficult. 3,
 proposit. 2, Aversa, quæst. 10, sect. 8, Leander, disp.
 8, quæst. 4, Emmanuel a Concept., disp. 3, quæst. 9,
 Acatius de Velasco, reso'nt. 186. Idem ulterius docent Valentia, tom. 4,
 disp. 7, quæst. 11, punct. 1, Vasquez, quæst. 91, art. 3,
 dub. 2 et 3, Reginaldus, lib. 6, cap. 5, num. 135, Lessius, lib. 4,
 cap. 3, dub. 12, Turrianus, quæst. 9, art. 2, Castro Palao
 disp. unica, punct. 9, Lugo, disp. 6, sect. 3, Dicastillo, disp. 9,
 dub. 3, Sfortia, lib. de Pœnit., num. 300, Martin Perez, disp. 27,
 sect. 3, Toletus, Granados, et alii, quibus relatis subscribit
 Tirsus, tom. 3, disp. 41, sect. 1, num. 1 et 4. Denique ex nostris idem docent Ga-
 briel a S. Vincentio, de Pœnit., disp. 8, sect. 5, Antonius a Spiritu Sancto, disp. 7,
 dub. 2, num. 350, Franciscus a Jesu-Maria, cap. 8, punct. 2, num. 23.

Quicumque vero consideraverit, quam
 plures, et quam graves auctores hanc par-
 tem tueantur, recognoscet assertionem
 nostram ab hac parte magnum habere sub-
 sidium : incredibile enim apparet tot, et
 principiis adeo diversis imbutos, in ea
 propugnanda convenisse, nisi in solido
 inniteretur fundamento. Unde non imme-
 rito Villalobos (licet eidem contrarius),
 tract. 9, dub. 36 observavit : si quis sequi
 voluerit opinionem nostræ conclusioni
 contrariam, illum damnare non vale-

S. Al-
 bert.
 D. Ant.
 Palud.
 Viguer.
 Turrecr.
 Sylvest.
 Tabien.
 Zanard.
 Prado.
 D.
 Bonav.
 Scotus.
 Durand.
 Herrera.
 Angel.
 Martin.
 Pitigian.

Faber.
 Hortiz.
 Delgad.
 Durand.
 Gabriel.
 Cartus.
 Almain.
 Adrian.
 Medina.
 Navarr.
 Covarr.
 Sanctius.
 Diana.
 Kellison.
 Bonacin.
 Aversa.
 Leand.
 Emman.
 Acacius.
 Valent.
 Vasquez.
 Reginald.
 Lessius.
 Turrian.
 Palao.
 Lugo.
 Dicast.
 Sfortia.
 Mart.
 Tolet.
 Gran.
 Gabriel.
 Anton.
 Francis.
 a Jesu-
 Maria.
 Villalob.

mus, cum ipsa tantis protegatur patronis.

Tertium
Motivum.

90. Tertium motivum est : quoniam, cum confiteri circumstantias notabiliter aggravantes sit onus admodum grave, non debemus nos censere sub obligatione illas confitendi constitutos, nisi certo constet de lege nos obligante ad illarum confessionem : lex namque in dubio legis latæ non obligat, ut cum Sanchez, Tapia, Arauxo, Suarez, et aliis tradit N. Andreas, tract. 11 de legibus, cap. 2, punct. 6, num. 110. Sed non certo constat de lege, quæ obliget ad confitendum circumstantias notabiliter aggravantes : ergo non debemus nos censere constitutos sub obligatione confitendi prædictas circumstantias. Cetera constant. Et minor suadetur : nam in primis non constat certo de tali obligatione per Sacram Scripturam ; quippe in ea non reperimus verbum, aut mentionem circumstantiarum notabiliter aggravantium. Nec constat ex traditione Ecclesiæ ; cum videamus plurimos, et gravissimos Doctores proxime relatos tenere contrarium. Nec denique constat ex ulla diffinitione Ecclesiæ : siquidem vel in Concilio Tridentino congregata, ubi maxima distinctione, et claritate explicuit attinentia ad istud sacramentum, et peccata necessario in confessione manifestanda ; nihilominus non statuit harum circumstantiarum confessionem. Hæc vero sunt præcipua, ex quibus, vel eorum aliquo posset certo constare de lege nos obligante ad eas confitendas : ergo non constat de lege ad id obligante.

Confirmatio

Confirmatur : nam tantum abest, quod Ecclesia id docuerit, ut potius constet docuisse contrarium : hoc igitur, et non illud primum tenere oportet. Consequentia patet. Et antecedens suadetur ex Concilio Tridentino sess. 14, cap. 5, de Confessione, quo loco ex professo docet, quæ peccata debeamus confiteri. Et in primis infert ex institutione Christi debere confiteri omnia mortalia. « Et hic, *inquit*, colligitur oportere a pœnitente omnia peccata mortalia... in confessione recenseri, « etiam si occultissima illa sint. » Pergit, et ex eadem institutione deducit debere confiteri omnes circumstantias mutantes speciem. « Colligitur præterea, *subjungit*, « etiam eas circumstantias in confessione « explicandas esse, quæ speciem peccati « mutant. » Et quid de circumstantia no-

tabiliter intra speciem aggravantibus colligitur ? Nihil apud Concilium, sed altum silentium. Unde ad diffiniendum de materia, sive de peccatis in confessione necessario exponendis accedens, statuit can. 7 :

« Si quis dixerit in sacramento pœnitentiæ Concil. Trid.
« ad remissionem peccatorum, necessarium non esse jure divino confiteri

« omnia, et singula peccata mortalia... et
« circumstantias, quæ peccati speciem mutant... anathema sit. » Sed circumstantiarum notabiliter intra speciem aggravantium nec meminit, nec de illis aliquid diffinivit : ergo Ecclesia non solum non asseruit obligationem confitendi prædictas circumstantias, quin potius significavit oppositum. Eo vel maxime, quod cum in cap. cit. statuisset obligationem confitendi omnia mortalia in specie, et numero, occurrens hæreticorum calumniis adjecit :

« Sed et impium est confessionem, quæ Concil. Trid.
« hac ratione fieri præcipitur, imposibilem dicere, aut carnificinam illam conscientiarum appellare. » Et tunc subjunxit :

« Constat enim nihil aliud in Ecclesia a
« pœnitentibus exigere, » ultra illa scilicet, quæ prius docuerat, confessionem omnium mortalium quantum ad speciem, et numerum, et circumstantias mutantes speciem. Cum ergo circumstantiæ dumtaxat intra speciem aggravantes in præmissis non includantur, satis declarat Ecclesia se circa illas nihil aliud exigere a pœnitentibus. Et quamvis recognoscamus hæc ultima

Conc. l. 1 Trid.
Concilli verba ibi non sistere, sed ultra in hunc modum progredi : « Nihil aliud in

« Ecclesia a pœnitentibus exigere, quam ut
« postquam quisque diligentius se excuserit, et conscientiæ suæ sinus omnes, « et latebras exploraverit, ea peccata confiteatur, quibus se Dominum suum mortaliter offensus meminerit ; » et reliqua non occurrentia eadem confessione includi, et absolute delecti : quæ videtur esse sententia a nostro scopo diversa. Nihilominus idem sensus retinetur, et propositum convincitur : quia dum nihil aliud Ecclesia exigit, quam confessionem omnium in specie, et numero mortalium, quæ memoriæ occurrunt, exclusæ ab ea exigentia sunt omnes circumstantiæ dumtaxat aggravantes : istæ namque nec species, nec individua sunt peccatorum, sed extra illorum numerum, et speciem.

91. Commune

Concil.

Effugium

91. Commune Adversariorum effugium est Concilium nihil circa hanc controversiam diffinivisse, sed tradidisse doctrinam certam, ac fidelibus necessariam, abstinendo ab incertis quæ jam tunc erant, et modo sunt sub opinione Theologorum. Unde nihil subsidii habemus ex Concilio. Præsertim cum argumentum quod ab ejus verbis desumimus, sit mere negativum, et subinde inefficax: ex eo namque, quod Concilium inter ea, quæ debere confiteri docuit, non recensuerit circumstantias intra speciem notabiliter aggravantes; non sequitur, quod illas a prædicta obligatione excluserit; sed magis, quod ad unam, et alteram Theologorum opinionem negative se habuerit.

Præcluditur primo.

Hæc vero responsio vires præmissi motivi non evacuat, quamvis nec tantas illi deferamus, ut censeamus nostram, et communio-rem sententiam fuisse a Concilio diffinitam: alias actum fuisset de opposita quam tamen esse probabilem, et pro praxi ex voluntaria pœnitentium electione commendabilem recognoscimus. Sed hoc præmisso, perstat efficacia prædicti motivi, ut plane evincat nostram sententiam esse non solum communio-rem, sed longe probabiliorem contrariam. Primo, quia, si res ita se habet, quod Concilium nihil determinavit circa obligationem, aut non obligationem confitendi prædictas circumstantias; plene conficitur non constare certo de lege ad id obligante, atque ideo posse nos prudenter, et rationabiliter censere non obligatos ad earum confessionem: quia lex non obligat, ubi non certo constat de lege, ut supra vidimus.

Secundo.

Secundo, quia Adversarii (seclusa Ecclesiæ diffinitione, aut declaratione,) nequeunt aliud hujusmodi obligationem deponere, quam ex verbis Christi istud sacramentum instituentis, vel ex confessionis natura juxta suam institutionem: hæc autem omnia non magis latuerunt Concilium Tridentinum, quam hos Auctores; quinimo ut par est credere, major longe lux, et assistentia Spiritus Sancti adfuit Concilio, quam omnibus, et singulis patronis partis contrariæ: ergo, si Patres Concilii attendentes ad Christi verba, et sacramenti naturam, atque institutionem, non viderunt talem obligationem, nec illam ex eis principiis deduxerunt: manifestum vide-

tur illam non dari, nec ex eis principiis inferri; quantumvis Adversarii contentur illam fundare, et ex eis haurire. Porro Patres ad institutionem sacramenti, et vim verborum Christi attendisse, ut inde colligerent, quæ peccata deberent a pœnitente in confessione exponi, constat evidenter ex capite citato: nam ab ejus initio præmittit Concilium, qualiter Christus instituerit pœnitentiæ sacramentum constituendo sacerdotes sui vicarios cum potestate solvendi a peccatis, et illa retinendi, atque injungendi pœnas convenientes. Et mox subjungit: *Ex his colligitur* omnia mortalia in specie, et numero debere in confessione recenseri. Et paulo post addit: *Colligitur præterea* debere in confessione explicari illas circumstantias, quæ mutant speciem. Sed ulterius non posuit aliud *colligitur* erga circumstantias notabiliter aggravantes, quin alto silentio illas prætermittas involvit: quod faciens haud obscure significavit necessariam illarum confessionem non colligi vel ex verbis Christi, vel ex institutione hujus sacramenti. Unde Adversarios convenimus, et inquirimus, an Concilium intellexerit eam deductionem, quam ipsi expendunt, aut non? Si eligant hoc posterius; signum est illam non esse legitimam; siquidem Concilium illa principia attendens, eam minime observavit. Si autem amplectantur primum; sequitur Concilium aut per invidiam, aut per summam socordiam tam diminute processisse, ut obligationem confitendi circumstantias notabiliter aggravantes, quam cognovit ex institutione sacramenti, et verbis Christi deduci, omnino suppresserit; et nobis, qui ea opus habemus, non manifestarit, cum deberet, et facile posset. Unde consequens fit nostros in hoc puncto Adversarios vel melius comprehendere verba Christi, et institutionem sacramenti, horumque legitima connectaria, quam Concilium; cum ex eis colligant obligationem, quam illud non collegit; vel majorem charitatem, ac providentiam præ Concilio erga nos habuisse; siquidem nos monent de obligatione, quam illud prorsus prætermisit, ac suppressit. Horum autem nemo Catholicorum audebit dicere.

Tertio, et ultimo; quia falsum est argu-^{Tertio.} mentum nostrum e Concilio desumptum esse pure negativum, et Concilium mere

negative se habuisse quantum ad circumstantias notabiliter aggravantes : cum enim cap. 14, dixit circumstantias confitendas esse, expressit omnino se loqui de circumstantiis, « quæ speciem peccati mutant. » Et eadem veritatem diffiniens can. 7 eandem clausulam, sive conditionem adjecit: « Et circumstantias, quæ peccati speciem mutant. » Qua limitatione tam accurate posita, et repetita non obscure exclusit alias omnes circumstantias, quæ non mutant speciem peccati. Unde neque Concilium negative se habuit ad aggravantes intra eandem speciem, nec argumentum ab eo desumptum mere negativum est ; sed magna ex parte probat positive intentum. Nam, ut recte vidit Lugo loco cit. num. 168, aliud est nihil dicere, quod ad argumentum mere negativum pertinet : aliud vero, quod agendo de circumstantiis, limitetur semper, et positive sententia ad illas tantum, quæ mutant speciem : sic enim procedendo quasi contrarie, et positive excluduntur aliæ quæ non sunt ejusmodi. Quemadmodum ubicumque agitur de necessitate confitendi peccata assignantur semper mortalia ; et ex hoc ipso censentur exclusa venialia. Et si diceretur posse peccata reservari, adjiciendo semper externa, aut cum externis connexa ; inde convinceretur non posse reservari interna omnino peccata. Semper namque hujusmodi limitationes tam expresse posita, et inculcata circa unam partem, habent in doctrinalibus vim excludendi partem contrariam, in qua talis determinatio non reperitur.

Quantum
funda-
mentum.

92. Quantum motivum est, quod contraria sententia pararet innumerabiles scrupulos, et anxietates satis perplexas, ac insuperabiles in fidelibus : ergo præsumendum est, quod sit falsa. Consequentia suadetur : nam cum confiteri omnia mortalia in specie, et numero sit de se satis onerosum ; et pro humana fragilitate difficile ; non oportet illi superaddere alia minimis aggravantia, atque scrupulis, et perplexitatibus turbantia fidelium conscientias : ergo præsumere debemus falsam esse opinionem, quæ parit similia. Antecedens autem probatur : nam augmentum malitiæ in actu peccaminoso crescit non solum ex objecto minus, aut magis extenso, quod attingit, sed etiam ex majori

intentione, continuatione, delectatione, cognitione, et libertate, quibus actus fit : atque ideo pœnitens deberet ad hæc omnia attendere, et notabile peccati augmentum, ex quocumque relatorum capitum desumeretur, in confessione explicare. Ad eum plane modum, quo Adversarii docent explicandam esse quantitatem rei ablata, ubi notabilis est : furtum namque centum aureorum, inquit illi, æquivalet multis furtis minorum quantitatum. Sic etiam odium proximi intensum ut decem, aut continuatum per unam horam, æquivalet duobus actibus odii intensi ut quinque, aut durantis per semihoram. Et sic de delectatione, cognitione, et majori libertate, quæ actum comitari solent, ejusque aggravare malitiam. Hæc itaque omnia deberent fideles attente considerare, et pandere in confessione, si in ea circumstantiæ malitiam notabiliter aggravantes explicandæ sint. Sed hoc dato, qualis scaturigo aperitur scrupulorum, et anxietatum in his discernendis ? Quis non idiotarum, sed vel doctorum, et consummate sapientium sciet, vel audebit determinare illum gradum vel intensionis, vel continuationis, ad quem, si perveniat actus peccaminosus, induit circumstantiam notabiliter aggravantem ; secus si ante illum sistat ? Et quamvis id signate, et quasi speculative cognosceret ; quis discernit in actu exercito, num ad illum gradum pervenerit, vel ante illum cessaverit ? Et quod de intensione, et continuatione dicimus, facile applicari queunt delectationi, et libertati, et similibus, quibus operatio elicitur. Quam certam regulam, fixumve pondus, aut a Deo, aut ab Ecclesia habemus, ut vel signate, vel practice cognoscamus gradum, infra quem malitia aggravans non est notabilis, illum vero attingens notabilis fit ? Hæc plane sunt impracticabilia, aptaque non aliud quam scrupulos, et perplexitates gignere : ut subinde prudenter judicemus sententiam ad hæc perducentem veram non esse, nec admittendam. Quod exemplo non absimili magis explicare valemus : dubium enim apud antiquiores fuit, an, ut dolor de peccatis foret vera contritio, deberet certum aliquem, vel intensionis, vel durationis gradum habere. Et communis hoc tempore sententia negat, quia non est assignabilis talis gradus : et

propterea

propterea ad discernendum qualitatem doloris extra, vel intra sacramentum pro justificatione requisiti, attendimus ad obiectum formale, a quo species operationis desumitur, prætermisssa consideratione ad intensiōis, et extensionis, aut durationis gradum, qui ægre, aut nullo modo cognoscitur, ut ex professo ostendimus disp. præced. dub. 2. Sic ergo in præsentī cum debita proportione dicendum est: nam species peccatorum haud obscure dignoscuntur ex objectis, et vel apud idiotas per oppositionem ad Decalogi, et Ecclesiæ præcepta; sed cognoscere gradum determinatum, in quo circumstantia intra eandem speciem incipit esse notabiliter aggravans, est quoddam morale impossibile, seminarium autem scrupulorum.

^{confirmatio.} Confirmatur: nam si daretur obligatio confitendi circumstantias notabiliter aggravantes intra eandem speciem, etiam daretur obligatio manifestandi circumstantias notabiliter alleviantes, sive diminuentes intra eandem speciem: consequens est falsum: ergo et antecedens. Sequela ostenditur tum a paritate: tum ex eo, quod Adversarii fundant obligationem confitendi aggravantes in obligatione manifestandi statum pœnitentis, ut confessarius attentis omnibus de illa iudicet et imponat satisfactionem malitiæ peccatorum proportionatam adhibeatque alia opportuna pro salute pœnitentis remedia; ne defectu prædictæ notitiæ circa ullum istorum erret, ut magis, constabit ex argumentis contrariæ opinionis, quæ ad hæc præsertim capita revocantur. Hoc autem motivum pariformiter occurrit in circumstantiis notabiliter diminuentibus; siquidem ab earum notitia multum dependet accurata cognitio status pœnitentis: ut confessarius possit eam prudenter dirigere, et congruam, atque non superexcedentem pœnitentiam imponere, ut satis ex se liquet, et magis constabit exemplis proxime adducendis: si ergo tenemur confiteri circumstantias notabiliter aggravantes; pariter obligamur exponere alias, quæ malitiam specificam peccati notabiliter diminuant. Falsitas vero consequentis ostenditur primo: quia talis modus confitendi diminuendo malitiam peccati non est apud fideles in usu, ut testatur Lugo loco citato: signum ergo est non dari obliga-

tionem manifestandi circumstantias notabiliter alleviantes intra eandem speciem. Secundo, quia consequenter explicari deberet circumstantia minimæ intensiōis, durationis, et delectationis in actu peccaminoso, hæc quippe notabiliter diminuit, sicut opposita circumstantia notabiliter aggravat, et debet juxta Adversarios in confessione manifestari: atque ideo deberet pœnitens dicere se commisisse unum actum, v. g. fornicationis, sed summe remissum, et brevissimo tempore, et cum minima delectatione, si res ita se habuit: sicut juxta Adversarios deberet exponere oppositas circumstantias, quæ vel intensiōe, vel continuatione, vel delectatione nimis malitiam augerent: talem autem modum confitendi quis non reputabit absurdum, et minus decens, et multis inconvenientibus obnoxium? Similiter manifestum est gravem metum, vehementem sollicitationem, et auctoritatem inducentis multum notabiliter diminuere de malitia peccati, sicut notum est, quod diminuat de voluntario: unde fœmina quæ his impulsu consensit, poterit, quin debebit confiteri se post magnas sollicitationes, minas, et promissa peccasse cum Rege, aut domino. Pariter, qui adulterum cum uxore deprehensum occidit, non satisfaciet in confessione dicendo homicidium a se factum; sed debebit exponere, quod fecerit provocatus injuria illa gravissima sibi illata: hæc quippe, ejusque dolor multum notabiliter diminuit gravitatem commissi homicidii, ut patet ex prudentum judicio in foro externo. Porro hæc admittere, aut potius ad ista obligare absurdum apparet minime concedendum. Tertio, quia, si res ita se habet, ut Adversarii docent, opus erit in confessione pro explicandis circumstantiis notabiliter aggravantibus, et notabiliter diminuentibus, longissimas texere historias, et eventuum narrationes, ut perpensis cunctis hinc inde circumstantiis, quæ occurrerunt, dignoscatur notabile malitiæ augmentum, aut decrementum intra speciem peccati: plerumque enim id iudicium fieri non valet sine accurata, et prolixa totius facti relatione, ut experientia liquet. Istas autem moras, et historiarum narrationes in sacramento trahere, ac introducere alienum videtur ab ejus gravitate, nec immune omnino a

periculis dicendi, et sciendi plus, quam oportet.

93. Non expendimus alia motiva, quia præmissa videntur sufficere, illa præsertim simul in unum sub hac forma colligendo; nam cum versemur in re gravi, et de se onerosa, non debemus illam sub obligatione asserere, et fidelibus imponere absque urgenti fundamento. Illud autem non occurrit: non quidem ex præcepto; siquidem de illo certo non constat, ut num. 90 expendimus; quin potius major pars Doctorum, et inter eos Angelicus, negant tale præceptum, ut liquet ex dictis num. 87 et 89. Nec id fundari valet in institutione, et natura sacramenti pœnitentiæ; cum Concilium Tridentinum illas alte considerans nihil tale collegerit, sed solam obligationem confitendi omnia mortalia in specie, et numero, et quantum ad circumstantias mutantes speciem, ut ostensum est num. 91. Nec tandem fundari potest in communi conditione circumstantiarum notabiliter intra eandem speciem aggravantium: nam evidens, aut fere evidens est dari aliquas ejusmodi circumstantias, quas non tenemur, nec moraliter possumus confiteri, ut liquet ex num. præced. Ergo non datur illa generalis obligatio, quam inducit opinio contraria, confitendi circumstantias notabiliter aggravantes, etsi non mutant speciem. Idque magis constabit occurrendo illius argumentis: quod in similibus difficultatibus est non infimum probationis genus: nam ad asserentem, vel inducentem aliquam obligationem pertinet illam probare; quod, si non faciat, vincitur, et pro libertate merito sententia fertur.

Animad-
versio.

Sed priusquam id præstemus animadvertere oportet assertionem nostram procedere per se loquendo, et attenta necessitate, qua ex vi præcepti confessionis in eadem manifestari debent: in quo sensu, (qui in hac difficultate est legitimus, et propriissimus), negamus obligationem confitendi circumstantias non mutantes speciem peccati, quamvis notabiliter aggravent nempe ex hoc præcise quod sint notabiliter aggravantes. Ceterum non negamus, quod alias, et aliis capitibus, quæ possunt accidentaliter occurrere, opus sit illas aliquando confiteri, aut confessario de illis rationaliter interroganti, aut inquirenti mani-

festare. Sed id potius, vel ab ipso dubii limine insinuavimus, idque recte, et diffusius tradit Prado loco cit. num. 14, conclus. 3. Et ratio est manifesta: nam illud in confessione debet manifestari, quo non cognito, nequit adhiberi congruus modus satisfaciendi, et præcavendi peccata: tendit enim in hunc finem sacramentalis confessio ex ipsa Christi institutione: contingit autem non semel hæc officia præstari non posse, nisi pœnitens explicet aliquam circumstantiam notabiliter aggravantem intra speciem peccati, quod confitetur, ut facile declarari, et convinci potest exemplis. Nam in primis reincidentia in peccatum, sive consuetudo peccati, v. g. in materia castitatis exponi debet, præsertim inquirente confessario, ut intelligat, an proveniat ex occasione remota, vel proxima, et quamlibet præcidere curet: ad quod scire oportet, an occasio sit in eadem domo, vel non, et sic de aliis. Deinde in peccatis ejusdem speciei potest unum peccatum esse reservatum, et aliud non, ut contingit in injuria Clerici: nam si fuerit enormis est casus reservatus Papæ, secus si levis: unde opus est explicare circumstantiam aggravantem intra eandem speciem, nempe enormitatem injuriæ, sive injuriam enormem Clerico illatam, ut confessarius sciatur, quid agere debeat, et an possit privilegio, vel alia via ab illo crimine absolvere. Denique idem frequenter contingit in aliis injuriis, et infamationibus: nequit enim confessarius prudenter, ut oportet, se gerere in imponendo condignam satisfactionem, et procurando modum resarciendi injuriam, nisi cognita qualitate personæ tam injuriantis, quam injuriatæ, quamvis harum varia conditio non variet speciem peccati: nam hac invariazione non obstante diverso modo satisfacere debet nobilis nobili, ac nobilis plebejo, et plebejus nobili, ut est apud homines in comperto: quare confessarius errori in his injungendis exponeretur, quem circumstantia, sive conditiones earum personarum laterent. Unde sicut opus est illas a confessario cognosci, sic etiam a pœnitente explicari. Quare dubio procul oportet saltem, quod circumstantiæ notabiliter intra eandem speciem aggravantes in confessione manifestentur; non quidem per se, et ex communi ratione circumstantiarum notabiliter

aggravantium;

aggravantium; sed contingenter, et ob speciales rationes accidentaliter occurrentes, quæ omnem circumstantiam notabiliter aggravantem minime comitantur, aut consequuntur.

94. Unde excessisse putamus prædictum M. Prado, cum num. 16, concl. 4, statuit parum referre quantum ad praxim, et usum fidelium, quod circumstantiæ notabiliter intra eandem speciem aggravantes, sint per se, aut non materia necessaria confessionis. Censet namque ille, quod etiam in nostra sententia confiteri debeant ob indirectam obligationem sumptam per respectum ad congruam satisfactionem, et remedium peccati, ut proxime explicuimus. Hincque colligit, quod in utraque sententia debent fideles prædictas circumstantias confiteri, et quod oppositum nequit tuta conscientia praticari, nisi cum dicta limitatione. Ceterum, ut diximus, excessit prædictus Auctor, quia illud additum non est limitatio, sed generalis distractio suæ, nostræ, et communioris sententiæ: si enim saltem ob indirectam obligationem, ut ille loquitur, fideles debent omnes circumstantias notabiliter aggravantes confiteri, et nequeunt tuta conscientia oppositum praticare; plane fit oppositam sententiam, quæ illam obligationem in universum adstruit, esse simpliciter veram; quidquid fuerit de radice talis obligationis: id vero aliter omnino se habere, satis a nobis ostensum est. Deinde inter circumstantias notabiliter aggravantes intra eandem speciem merito computantur, quæ desumuntur a majori intentione, duratione, libertate, et delectatione peccati: has autem confiteri non tenemur, ut constat ex dictis num. 92. Et istæ sunt, quæ frequentius reperiuntur in peccatis: vix enim ullum peccatum in executione ponitur nudum ab illis, aut illarum aliqua: ergo durum, et inconsequens apparet dicere, quod fideles nequeant tuta conscientia circumstantias notabiliter aggravantes non confiteri: et quod nostra, et communis opinio parum referat ad praxim, et usum fidelium. Præterquam quod asserta prædicti Magistri non videntur inter se cohærere: nam quæ sunt per se, contingunt ut in pluribus, quæ autem per accidens, ut in paucioribus: sed quod non debeamus confiteri circumstantias aggra-

vantes intra eandem speciem. est per se ; quod vero illas debeamus exponere, est indirecte, et per accidens, et utrumque ab illo asseritur : ergo defectus obligationis confitendi prædictas circumstantias est ut in pluribus ; obligatio autem illas confitendi est ut in paucioribus : ergo non est universaliter verum teneri in utraque sententia fideles confiteri tales circumstantias, et non posse tuta conscientia oppositum practicari. Sed magis colligendum est contrarium, videlicet per se loquendo, et ut in pluribus non esse obligationem confitendi circumstantias aggravantes, non mutant speciem, ut in assertionem statuimus ; indirecte autem, et cum minori frequentia occurrere aliquando obligationem illas confitendi, ut assertionem explicando, ac limitando diximus num. præced.

§ II.

Respondetur motivis contrariæ opinionis.

95. Contrarium nobis sententiam tuerur
multi, et graves Auctores, Altisiodorensis
in Summa lib. 4, tract. 6, cap. 3, quæst. 3,
Alensis 4 part. quæst. 18, memb. 4, art.
3, § 2, Major in 4, dist. 12, quæst. 4, Mar-
silius art. 1, dub. 1, Cajetanus in Summa,
verbo *Confessio*, condit. 15, Victoria num.
177, Petrus de Soto lect. 9, de confess. Do-
minicus in 4, dist. 18, quæst. 1, art. 4,
concl. 7, Canus de Pœnit. part. 5, § *Sed*
enim, Nugnus in addit. quæst. 9, art. 2,
dub. 2, concl. 2, Sylvius ibi, dub. 1, Joan.
a Cruce part. 2, quæst. 3, dub. 5, concl.
2, Joan. a S. Thom. 1, 2, q. 28, disp. 10,
art. 3, Arauxo 3 p. q. 84, art. 5, dub. 3,
Gonet disp. 10, art. 3, Labat disp. 2, dub 3,
concl. 2, N. Philippus disp. 12. dub. 3,
Suarez disp. 22, sect. 3. Sanch. lib. 2, in
Decalog. cap. 11, n. 24, Henriquez lib. 11,
cap. 7, num. 4, Coninchus disp. 7, dub. 3,
Pitigianus in 4, dist. 16, q. 1, art. 5, Vil-
llob. tract. 9, dub. 36, Lastra tom. 1, cap.
1, q. 15, num. 121 et alii apud Leandrum,
et N. Franciscum locis relatis n. 89: Unde
hæc opinio vel a sola auctoritate Doctorum
illam defendentium est valde probabilis,
habetque pro se satis verisimilia, motiva,
ut constabit illa expendendo. Probat
igitur primo ab auctoritate : nam in Conc.
Vormac. can. 25, dicitur : « Pœnitentibus

« secundum differentiam peccatorum sacer-
« dotis arbitrio pœnitentiæ decernuntur.
« Debet ergo sacerdos singulorum causas
« sigillatim considerare originem, mo-
« dumque culparum. » Et similia tradun-
tur in cap. *Consideret* de Pœnit. dist. 5,
desumpto ex D. August. in lib. de vera,
et falsa pœnit. cap. 14. Hæc autem notitia,
quæ ex causis, origine, et modo culparum
desumitur pro decernendis prudenter pœ-
nitentiis, haberi non valet, nisi explicen-
tur circumstantiæ undequaque notabiliter
aggravantes, mutantes, aut non speciem :
ergo necessario explicari debent in con-
fessione.

Confir-
mat. 1.

Confirmatur primo ex Rituali Romano,
approbato a Paulo V, in Rub. de Sacram.
Pœnitentiæ ait : « Quod si pœnitens nu-
« merum, speciem, et circumstantias ex-
« plicatu necessarias non expresserit,
« sacerdos eum interroget. » Quo loco si-
gnificatur tria in confessione explicari de-
bere, nempe peccatorum numerum, spe-
ciem, et circumstantias : harum autem
nomine non significantur circumstantiæ
mutantes speciem, cum istæ pertineant ad
peccatorum speciem, et sub eo membro
comprehensæ fuerint : significantur ergo
illæ, quæ speciem quidem non mutant, sed
tamen aggravant notabiliter.

Confir-
mat. 2.

Confirmatur secundo, et urgentius ex
Concilio Tridentino : nam licet signate, et
in particulari non docuerit, nec diffinierit
necessitatem confitendi circumstantias no-
tabiliter aggravantes intra eandem spe-
ciem ; nihilominus ea tradidit, ex quibus
prædicta necessitas satis aperte colligitur.
Unde Suarez loco cit. num. 8, perpendens
motiva, et consequentias, quibus Conci-
lium Tridentinum collegit peccata occulta,
et circumstantias mutantes speciem debere
in confessione explicari, subintulit : « Hæc
« verba æque in his circumstantiis locum
« habent ; » nempe in notabiliter aggra-
vantibus intra speciem. Assumptum ita-
que probatur : nam in primis Concilium
sess. 14, cap. 5, dicens debere confiteri
peccata, « etiamsi occultissima illa sint, »
id probat, « quia plerumque animum gra-
« vius sauciant, et periculosiora sunt iis,
« quæ in manifesto admittuntur. » Eadem
autem ratio militat in circumstantiis in-
tra speciem notabiliter aggravantibus ;
afferre namque solent pericula majora,

Concil.
Trid.

quam aliquæ mutantes speciem : ergo com-
prehenduntur sub eodem motivo, et sub-
inde confiteri debent. Deinde Concilium
loquens in genere de peccatorum confes-
sione, eodem cap. ait : « Necessum est om-
« nium etiam veniam cum aperta, et ve-
« recunda confessione a Deo quærere. » Non
est autem aperta confessio, in qua circums-
tantiæ notabiliter aggravantes studiosa
industria occultantur : ergo ut aperta sit,
oportet prædictas circumstantias mani-
festari. Denique, quod caput est, et magis
urget, Concilium agens de circumstantiis
mutantibus speciem, obligationem illas
confitendi, et fundamentum talis obliga-
tionis proponit illo capit. his verbis : « Col-
« ligitur præterea etiam eas circumstan-
« tias in confessione explicandas esse, quæ
« speciem peccati mutant, quod sine illis
« peccata ipsa fieri neque a pœnitentibus
« integre exponantur, neque iudicibus in-
« notescant, et nequeant, ut de gravitate
« criminum recte censere possint, et pœ-
« nam quam oportet, pro illis, pœnitenti-
« bus imponere. » Hæc autem motiva
æqualiter militant in circumstantiis nota-
biliter aggravantibus intra eandem spe-
ciem : quia eis non expressis nec pœni-
tentes sua peccata integre exponunt, nec
iudices ea perfecte dignoscunt, ut queant
convenientem pro illis pœnam imponere :
contingit enim unum mortale notabiliter
grave æquivalere duobus, aut multis ejus-
dem speciei peccatis mortalibus non ita
notabiliter gravibus : une in iudicio Dei
illud unum gravius punitur, quam ista. Et
eadem ratione contingere potest, quod
unum mortale notabiliter grave, quamvis
ex sua specie minus grave sit dignum ma-
jori pœna, et graviori a Deo puniatur,
quam aliud ex specie sua gravius, sed non
adeo grave in circumstantiis intentionis,
delectationis, etc. Ergo ne erret sacerdos,
dum injungit pœnitentias, quod Tridenti-
num præcavere voluit, asserendum juxta
illius intentionem est teneri pœnitentes
ad manifestandum in confessione omnes
circumstantias, quibus eorum peccata no-
tabiliter aggravantur. Et hoc ultimum
fulciri amplius valet multis testimoniis
tam Juris Canonici, quam D. Augustini,
in quibus expresse præcipitur, quod pœni-
tentia imponatur major, aut minor pro
gravitate majori, aut minori peccatorum

etiam

etiam intra eandem speciem. ut exempla, quibus id declaratur, ostendunt. Id vero fieri non valet, nisi pœnitens manifestet sacerdoti circumstantias notabiliter aggravantes. Nec sermo in eis locis præcise est, ut quis imaginari posset, de satisfactione imponenda in pœnitentiis publicis, sed etiam in Confessione Sacramentali, ut cognoscet consulens ea testimonia.

Re-pon-
sio
argum.

96. Ad argumentum respondetur illud testimonium ex Concilio Vormatiensi desumptum solum evincere, quod pœnitens debet sua peccata integre confiteri, ut confessario innotescant: quod præstat confitendo omnia peccata in specie, et numero, et circumstantiis addentibus novam specie malitiam: nam quæ ejusmodi non sunt, non dicuntur proprie peccata, nec peccatorum multitudinem augent, licet angeant malitiam. Monet etiam idem Concilium, ut sacerdos pro injungendis prudenter, et proportionabiliter pœnitentiis, dignoscere satagat causas, et modos culpæ: ad quæ non dubitamus pertinere multoties circumstantias intra eandem speciem notabiliter aggravantes, et laudabiliter commendari earum explicationem. Sed tamen per se loquendo earum confessio non est opus debitum ex jure divino pro absoluta confessionis integritate; sed est opus supererogationis, et consilii pro majori confessionis perfectione, humilitate pœnitentis, et notitia confessarii. Et res ita olim contingebat, ut ex aliis testimoniis relatis in calce secundæ confirmationis colligitur: at non ex necessitate Sacramenti, sed ex fervore charitatis, illaque orta apud multos fideles praxi: sicut et confiteri venialia, et pro his injungere graves pœnitentias, ut constat ex Decreto Burcardi Episcopi Vormatiensis (unde locus objectus desumptus fuit), lib. 19, cap. 5; ibi namque imponitur jejunium decem dierum in pane, et aqua accedenti ad propriam uxorem, ubi constaret eam concepisse. Quod tamen non est mortale, sed ad summum veniale, ut docet communis sententia nisi occurrant talia motiva, ut nec veniale sit. Fiebant ergo, et ordinabantur ex fervore charitatis, et districtioris perfectionis zelo: sed non erant debita jure divino, nec modo obligant, nec valent in argumentum adduci.

Unde ad primam confirmationem posse-

mus respondere illa Ritualis Romani verba non esse præceptiva, sed exhortativa ad manifestandum cum omnimoda claritate, etiam non necessaria, cuncta ad conscientiam spectantia. Sed hac responsione non egemus: nam cum Rituale loquitur de circumstantiis explicatu necessariis, intelligendum est de illis, quæ mutant speciem; non de præcise aggravantibus, quæ in nostra, et communiori sententia non debent necessaria explicari per se loquendo. Si vero indirecte, et per accidens ob peculiare motivum illas confiteri opus sit, Sacerdos interroget pœnitentem: quod ad summum ex eo testimonio concluditur. Idque non semel continget pro necessitate disponendi convenientem modum restitutionis faciendæ, vel vitandi imminens aliquod pœnitenti, aut aliis periculum, quod ex peccatorum confessione incipit confessario aliquo modo innotescere, sed nisi explicatis circumstantiis nequit perfecte dijudicari, nec præcaveri, ut oportet. Probatio autem contraria huic confirmationi inserta nihil valet: quia circumstantiæ mutantes, et addentes species satis frequenter distinguuntur contra speciem, et numerum peccatorum, ut evidenter constat ex Concilio Tridentino sess. 14, cap. 5; nam primo statuit confiteri debere species, et numerum peccatorum; deinde non paucis interpositis collegit secundo confitendas necessario esse circumstantias mutantes speciem. Unde ex eo, quod Rituale prius recensuerit speciem, et numerum peccatorum, et post addiderit circumstantias explicatu necessarias; minime sequitur in prioribus verbis comprehendisse circumstantias mutantes speciem; et per sequentia significasse solas circumstantias notabiliter aggravantes; sed tenendum est oppositum, nempe loqui de circumstantiis mutantibus speciem, ut peccatis in specie et numero contraposis, ut etiam contrapositæ fuerunt in Concil. Trid. loco cit.

97. Ad secundam confirmationem respondetur negando secundam antecedentis, vel assumpti partem: oppositum enim constat satis manifeste ex supradictis num. 90. Unde a Suario, qui huic parti tantas vires detulit, ut relatis verbis Concilii dixerit: « Hæc verba æque in his circumstantiis locum habent, » nempe in non variantibus speciem sed aggravantibus no-

Satisfactio
1
confirmat.

Enodatur
Confirmat. 2

tabiliter, inquirendum esset, an propterea sentiret ex doctrina principiisque Tridentini æque certo, et evidenter inferri has circumstantias esse necessario confitendas, an solum probabiliter? Quamvis nec id ab eo sciscitari oporteat, qui aperte fatetur nostram sententiam esse probabilem, et suam probabilitatis limites excedere. Simili namque interrogationi occurrens loco cit. num. 11, ait: « Respondeo rem ipsam » non esse æque certam, quia non est in » terminis diffinita, ac tradita. Deinde nec » illationes, seu argumentationes sunt » æque certæ: quia certius est sub illa dis- » tributione omnium peccatorum, quæ con- » fitenda sunt, comprehendi species, vel » etiam numerum, quam circumstantias » has aggravantes. » Et rursus post pauca nempe num. 13, fatetur probabilitatem nostræ assertionis. Unde fit primo, oppositum solum probabiliter posse colligi ex Tridentino, non autem necessaria atque efficaci illatione: atque ideo longe aliter se gessisse Concilium in ordine ad has circumstantias, ac in ordine ad illas, quæ mutant speciem; istæ enim necessario explicari debent in confessione, ut Concilium expresse docuit, ac diffiniit. Fit secundo: Suarium falso asseruisse: « Hæc » verba æque in his circumstantiis locum » habent: » nam si æque locum haberent, æquam, aut æqualem inducerent in omnibus circumstantiis tam mutantibus speciem, quam præcise aggravantibus obligationem, et certudinem: quod ille non admittit, neque valet. Fit tertio, prædictum Suarium non immerito notatum fuisse inconsequentiam, et contradictionis in dictis, a socio Joanne Dicastillo loco cit. num. 185. Non enim ista cohærent, « Illationes, et argumentationes non sunt » æque certæ. » Et « Verba æque in his » circumstantiis locum habent. » Verba enim, si æque probant, æqualem præstant argumentationem: ergo e converso, si argumentatio non est æque certa, nec verba habent æqualem locum.

His tamen relictis, quæ non multum referunt, ad primam illius assumpti, vel antecedentis probationem respondetur integrum locum Concilii ita se habere. Statuit primo confitenda esse *omnia peccata mortalia*, et mox subjunxit: « Etiam si occul-

« tima Decalogi præcepta commissa, quæ » nonnunquam animum gravius sauciant, » et periculosiora sunt iis, quæ in mani- » festo admittuntur. » Unde minus recte transcripsit Suarius, « quia animum gra- » vius sauciant, etc., » quasi Concilium significaverit hanc esse rationem illa confitendi: nam in Concilio non est vox *quia* denotans causalitatem, sed vox *quæ* denotans majus esse periculum in non manifestandis occultis. Minus etiam recte transcripsit Suarius vocem *plerumque*, loco vocabuli *nonnunquam*, quod utitur Concilium; nam habent significationes longe diversas, et *plerumque* denotat majorem frequentiam, *nonnunquam* autem minorem. Sed his Suario permissis, et quod locus Concilii importet sensum causalem, nihil inde hauriri valet ad promovendum obligationem, quam negamus, confitendi circumstantias intra speciem notabiliter aggravantes. Nam Concilium supponit obligationem confitendi omnia peccata mortalia in specie, et numero, ut immediate statuerat. Hinc vero colligit confitenda etiam esse peccata occulta, sive interna, quamvis non manifestata per actum exteriorem, ut sunt illa, quæ committuntur contra duo ultima Decalogi præcepta. Hacque additione opus habuit Concilium ob aliquos, qui de prædicta obligatione olim et tunc dubitarunt, ut constat ex supradictis a num. 60. Sed Concilium illa etiam peccata sub obligatione confessionis comprehendit, quia nullam habuit causam excipiendi illa, quippe « quæ nonnunquam animum gra- » vius sauciant, et periculosiora sunt iis, » « quæ in manifesto admittuntur. » Solent enim importare malitiam specificam longe majorem, ut patet comparando desiderium mortis proximi cum externa aliqua percussione gravi sine intentione occidendi. Hinc vero nihil concluditur aut a paritate, aut verbis pro circumstantia pure aggravante: siquidem nec format, nec augeat novam speciem, aut numerum peccatorum; sed omnia in specie, et numero peccata recenseri queunt, illa suppressa.

Ad secundam ejusdem partis probationem fatemur petendam esse omnium peccatorum veniam a Deo cum *aperta confessione*, ut loquitur Tridentinum. Sed cum ipsum Concilium solum diffinierit confiteri debere omnia peccata in specie, et numero,

et circumstantiis speciem mutantibus, et non amplius quantum ad necessitatem confitendi collegerit ex verbis Christi istud Sacramentum instituentis : plane consequitur tunc juxta Tridentinum fieri *apertam* peccatorum *confessionem*, cum pœnitens exponit omnia sua peccata in specie, et numero, et in circumstantiis mutantibus speciem ; quidquid fuerit pro ejus arbitrio, aut causa speciali occurrente, de manifestatione circumstantiarum intra speciem notabiliter aggravantium. Istæ namque, sicut non pertinent de necessitate ad confessionem, ita nec ad apertam confessionem.

98. Unde ad probationem tertiam, admissa majori, negamus minorem : quia si relata Concilii verba, et motiva in eis expressa æque militarent in circumstantiis intra speciem notabiliter aggravantibus, ac in circumstantiis mutantibus speciem ; fieret tam de fide esse necessitatem confitendi illas, ac confitendi istas : et similiter non minus colligi ex verbis Christi illam, quam istam necessitatem. siquidem, ut probatio intendit, motiva, et verba Concilii æqualiter probant in omnibus, et eisdem accommodantur. Consequens vero est evidenter falsum : nam circumstantias addentes, sive mutantes speciem debere confiteri est de fide, et expresse diffinitum a Concilio ; sed debere confiteri illas, quæ solum intra eandem speciem notabiliter aggravant, nec est de fide, nec diffinitum a Concilio ; quin potius sententia id negans est communior, et probabilior affirmante, ut constat ex hactenus dictis. Rursus Concilium ex Christi verbis, et Sacramenti institutione expresse colligit obligationem confitendi circumstantias mutantibus speciem ; sed de illis, quæ intra speciem notabiliter aggravant, nec mentionem ullam fecit. Absurdum itaque est, ac plane non prorsus immune ab injuria in Sacram Synodum dicere rationem ab illa assertam pro confessione circumstantiarum mutantium speciem æque militare, atque urgere in notabiliter aggravantibus : inde enim fieret Concilium irrationabiliter, et injuste processisse definiendo confessionem aliquarum, et non omnium : præsertim cum ubicumque de confitendis agit, addat *ly mutantibus speciem*, per quod quasi positive excludit alias, quæ speciem non mutant. Ratio itaque primaria, et quasi demonstra-

tiva, ut circumstantiæ mutantibus speciem confiteri debeant, non alia est, neque esse potest, quam Dei voluntas, sive Christi institutio. His autem præsuppositis, adjecit Concilium aptissimam congruentiæ rationem hærentem prorsus conditioni Sacramenti illis verbis : « Quod sine illis (*circumstantiis mutantibus speciem*) peccata ipsa « neque a pœnitentibus integre exponantur, « nec iudicibus innotescant, et fieri nequeat, « ut de gravitate criminum recte censere « possint, et pœnam, quam oportet, pro « illis, pœnitentibus imponere. » Quod motivum non ita appropriari (in quo multum falluntur Adversarii), valet circumstantiis notabiliter aggravantibus. Et ratio disparitatis est : quoniam, ubi adest circumstantia speciem peccati mutans, jam adest nova species peccati, ut ex terminis liquet : et ubi non explicatur circumstantia speciem mutans, consequens est ignorari quandam speciem peccati, et subinde hujus gravitatem ; sicut enim ignorata specie, ignoratur simpliciter peccatum, sic etiam ignoratur simpliciter peccati gravitas, et pœna, quam oportet juxta gravitatem ejus imponere. E converso autem ubi circumstantia non mutat speciem, sed præcise intra speciem notabiliter aggravat, quamvis ea non declaretur, potest vere, proprie, et simpliciter declarari peccatum. Quidditas enim cujuslibet rei consistit in specifica ejus ratione ; atque ideo declarata specifica peccati ratione, declaratur simpliciter ejus quidditas. Circumstantia autem, quæ solum habet notabiliter aggravare, est absolute extra rationem specificam peccati, et ad eam comparatur per modum accidentis. Et propterea licet talis circumstantia non explicetur, potest cognosci gravitas peccati simpliciter talis, videlicet quantum ad rationem specificam. Unde congruentiæ ratio, quam Concilium Tridentinum, supposita Christi institutione, assignavit pro obligatione confitendi circumstantias mutantibus speciem, minores longe vires habet in circumstantiis, quæ retenta specie solum addunt augmentum accidentale. Nec pro imponenda satisfactione requiritur in sacerdote accuratior cognitio : nam sufficit cognoscere distincte species, et numerum intra quamlibet speciem peccatorum : inde enim pendet simpliciter illorum gravitas quidquid fuerit de incre-

mento accidentali majori, aut minori, quod sufficit in confuso cognosci, et quod multoties vel conantibus pœnitente, et confessorio in magis explicita earum declaratione, et notitia, nequeunt amplius innocescere, ut patet in intensione, delectatione, et libertate peccandi, ut ponderavimus num. 92. Ex quibus patet ad testimonia Concilii Vormaciensis, et D. Augustini, quæ in calce hujus probationis expendebantur : non enim continent obligationem ex jure divino, sed supererogationem ex fervore, et zelo fidelium, ut occurrentes argumento in communi respondimus, num. 96.

Negandum tamen propterea non est Christum hujus sacramenti auctorem potuisse instituire, et præcipere, quod prædictæ circumstantiæ intra speciem aggravantes exponerentur in confessione, ut exponendas affirmat contraria nobis opinio : in hoc enim nulla occurrit contradictio, et aliunde adesset aliqua congruentiæ ratio, qualem ista confirmatio expendit. Sed quod ita disposuerit, nobis non constat, sed magis oppositum : nam Ecclesia, quæ ex verbis, et institutione Christi colligit, ac diffinit circumstantias mutantis speciem debere confiteri, nihil tale docet, aut diffinit de illis, quæ præcise habent intra speciem aggravare. Ubi autem ita constat de Christi institutione per doctrinam, ac diffinitionem Ecclesiæ, vanus est recursus ad nostra ratiocinia in iis, quæ ex sola Dei voluntate dependent. Quamvis arduum aliunde non sit reddere rationem, et assignare discrimen, quare in mutantibus speciem aliter dispositum fuerit, ac in notabiliter intra speciem aggravantibus. Nam priores illas explicare non ita arduum est, cum facile dignoscantur per objecta, et non soleant ita plures occurrere : sed in explicandis aggravantibus, undecumque aggravatio sumatur, et sumi valeat ex plurimis capitibus, occurrit maxima difficultas, quæ non immerito impossibilitas moralis dici possit : lex autem debet esse circa frequenter contingentia, et non summe difficilia, ut constat ex supradictis num. 21; unde exclusa divina revelatione, quam hactenus non cognovit Ecclesia, præsumendum est Christum non præcepisse confessionem circumstantiarum non mutantium speciem. Accedit quod substantialis causæ cognitio, tam

in ordine ad statum pœnitentis, quam in ordine ad injungendum ei pœnitentiam, haberi non potest nisi cognitis omnibus, quantum fieri valet, ejus peccatis in specie, et numero : unde omnes species, tam ex objecto, quam ex circumstantiis debent in confessione explicari, ut optime collegit, ac docuit Concil. Trident. loco sæpius cit. Concil. Trid. dicens : « Constat enim sacerdotes judicium hoc, incognita causa, exercere non potuisse, neque æquitatem quidem illos in pœnis injungendis servare potuisse, si in genere dumtaxat, et non potius in specie, ac sigillatim sua ipsi peccata declarassent. » Oppositum autem contingit in circumstantiis notabiliter aggravantibus intra speciem : nam illis non expressis innotescunt integre peccata quoad essentias et numerum ; et conformiter ad hanc cognitionem servari valet æquitas, et æqualitas in pœnitentiarum applicatione : præsertim cum illarum quantitas non possit omnino exacte, et quasi mathematicè diffiniri, sed prudentialiter, et respective ad pœnitentis statum, et majorem profectum. Unde sicut ob hanc rationem opus non est cognoscere distincte circumstantias notabiliter diminuentes, aut mediocriter ; nec id est in usu fidelium ; ita nec circumstantias aggravantes notabiliter. Et ex opposito, et pro eodem fine injungendi æqualem satisfactionem fieret necessarium etiam esse, quod inter notabiliter aggravantes declarentur aggravantes notabilissime, et in determinato gradu : id vero a nemine dictum est, et nimium conscientias obstringit. Quam doctrinam compendiose, et clare tradit D. Thom. loco supra cit. ubi eidem difficultati occurrens ait : « Ad secundum dicendum, quod determinata quantitas peccati non potest sacerdoti innotescere, quia nec ipse peccator scit. » D. Tho. « Unde sufficit, quod cognoscat quantitatem, quæ ex specie peccati consurgit. »

99. Nec refert, si opponas ; pœnitentem, qui non explicat has circumstantias, negare virtualiter, quod peccatum habeat tantam gravitatem, quam vere habuit : unde fieret illum ita se gerendo impedire justam impositionem condignæ satisfactionis : quod alienum est ab institutione, et fine hujus sacramenti. Sequela ostenditur : nam, cum sit duplex modus peccandi, alius ordinarius, et alter extraordinarius eplica.

narius cum notabili gravitate ex intentione, aut aliis capitibus; si pœnitens non explicet hunc excessum, negat virtualiter illum. Idque vel ex eo constat, quod confessarius in tali casu temere judicaret majorem illam gravitatem, quæ non explicatur a pœnitente. Qui ergo eas circumstantias tacet, illas virtute negat, atque ex modo agendi excludit.

per-
re-
ica.
Hæc, inquam, objectio, qua utitur Suarez disp. cit. num. 10, est satis inutilis, et diluitur ex dictis: nam, cum manifestatio talium circumstantiarum non cadat sub præcepto; pœnitens illas non declarans utitur jure suo, absque ulla intentione fallendi confessarium, et sine aliqua oppositione ad finem sacramenti. Quare in prædicto casu illas non negat, etsi non confiteatur: quia non vult confiteri nisi quod debet. Confessarius pariter neutrum judicium format de illa aggravatione accidentali intra speciem: sed judicat, ut debet de essentiali, et numerica gravitate peccatorum, circa alia suspendens judicium, præsertim si sciat hujusmodi circumstantias posse in confessione omitti: quod paucos Confessarios existimamus latere. Quare, si in tali casu judicaret peccatum fuisse non solum mortale, sed notabiliter grave, temere judicaret nullum ad id dante pœnitente fundamentum ex suo silentio. Quod autem dicitur de modo ordinario, et extraordinario peccandi, nihil valet, et frequenter fallit: nam in quibusdam peccatoribus modus ordinarius est cum aliquo notabili excessu in malitia intra speciem, sive illa sumatur ex intentione, sive ex aliis capitibus: quod autem non peccent cum illo excessu est magis extraordinarium, ut bene observavit Dicastillo loco cit. nu. 193. Quare ex tali differentia nulla in his discernendis certa regula assumi valet, ut cum circumstantia notabiliter intra speciem aggravans non explicatur, et eo ipso contraria negatur.

cas-
illo.
gu-
nt. 2.
100. Arguitur secundo: nam circumstantiæ desumptæ ex sola continuatione operis peccaminosi, vel ex incremento objecti intra eandem speciem solum sunt circumstantiæ intra speciem notabiliter aggravantes; et tamen necessario debent in confessione explicari: ergo falsum universaliter est, quod statuimus circums-

tantias præcise notabiliter aggravantes non cadere sub præcepto confessionis. Major, et consequentia patent. Minor autem quantum ad operis continuationem suadetur, nam qui uno actu continuato peccat per duas horas, gravius peccat, quam si in dimidia hora peccaret diversis actibus quinque, aut septies; sed in hoc casu tenetur pœnitens confiteri peccata intra illud spatium commissa: ergo etiam tenetur confiteri, quod peccaverit continuo per duas horas. Alia etiam minoris pars quantum ad augmentum objecti intra speciem facile ostenditur: nam furtum mille aureorum æquivalet pluribus furtis minoribus v. g. centum aureorum per decem actus, quorum quodlibet sit peccatum mortale; quin illorum simul, et divisim sumptorum malitiam incomparabiliter superat; sed homo tenetur confiteri expresse decem illa furtiva, ut nemo negat: ergo pariter tenetur exprimere in confessione, quod uno actu mille aureos furatus fuerit.

Confirmatur: nam, qui uno actu occidit tres homines, debet numerum occisorum confiteri, ut num. 79 statuimus: et tamen illa multiplex occisio solum est circumstantia notabiliter aggravans intra eandem speciem: ergo tenemur explicare has circumstantias notabiliter aggravantes. Minor probatur exemplo furti immediate propositi, in quo major, aut minor quantitas rei ablata non variat speciem peccati, nec addit circumstantiam, quæ speciem mutet; sic etiam contingit in occisione unius, duorum, aut multorum uno ictu executâ: sicut namque partes singulæ rei ablatae, si divisim, et distinctis actibus surriperentur, constituerent diversa objecta, et terminarent diversa furtiva; ubi autem simul concurrunt et eodem auferuntur actu, constituunt unicum objectum magis grave intra eandem speciem; sic etiam tres homines, si divisim accipiantur, et diversis actionibus occidantur sunt plura simpliciter objecta, et terminant distincta homicidia; sed ubi conjunguntur, et per modum unius unica percussione necantur, sunt unum objectum, et terminant unum homicidii peccatum, quamvis gravius intra homicidii speciem ob majus augmentum objecti.

Ad argumentum, cui multum deferunt

Confir-
matio.

Solvitur
argu-
mentum. aliqui Juniores, respondetur ipsum in eosdem regerendo ut excessive probans, et ultra quam illi docent. Idque in duratione peccati ostenditur : nam demus peccatum odii v. g. durasse continuo per spatium, in quo recitatur salutatio Angelica, profecto in eodem spatio possent elici tres actus odii discontinuati ; et si elicerentur, deberent in confessione recenseri, quia sunt distincta numero peccata : ergo pariter debet explicari circumstantia, quod illud numero odium duraverit per unam salutationem Angelicam, quippe quod æquivalet tribus actibus odii, illosque in malitia excedat. Quod tamen nemo dicet, nam illa duratio fuit absolute brevis, nec addit circumstantiam notabiliter gravem (de qua disputamus), sed magis diminuentem. Ergo argumentum desumptum ab æquivalentia, aut excessu unius actus comparative ad plures nihil evincit. Idem apparet in quantitate, sive augmento objecti : quia unum aureum, licet sit quantitas sufficiens ad peccatum mortale furti, nihilominus non est quantitas adeo magna, ut reputari debeat circumstantia in ea specie notabiliter aggravans, et necessario in confessione exponenda, adhuc in sententia nobis opposita. Fiat itaque argumentum, si quis per unum actum surriperet dimidiam partem aurei, peccaret mortaliter, est enim in Hispania quantitas ad id sufficiens : et rursus si alio tempore, et actu tolleret alteram dimidiam aurei partem, similiter peccaret mortaliter ob eandem rationem : et teneretur unum, et alterum furtum in confessione aperire. Cum igitur furtum unius aurei æquivalet illis duobus furtis medietatum ; sequitur circumstantiam unius aurei debere in confessione explicari. Quod apparet ridiculum ; siquidem rem ablatam fuisse unum aureum nemo prudens judicat aggravare supra speciem notabiliter furtum, sed potius diminuire, retenta specie, malitiam. Signum igitur est argumentationem ab his comparationibus sumptam nihil concludere.

101. Quare ad argumentum omnia majori, negamus minorem. Ad cujus primam probationem concessis præmissis, negamus consequentiam. Et ratio disparitatis constat ex hactenus dictis : nam jure divino obligamur confiteri species, et numerum peccatorum, ut ostendimus dub. præce-

denti : non obligamur autem confiteri circumstantias notabiliter intra speciem aggravantes, ut in isto ostensum est. Porro qui in dimidia hora quinquies, aut septies elicit diversos, ac distinctos actus odii, tot numero peccata committit : et propterea tenetur illa in confessione explicare. Qui vero unum odium per duas, aut plures horas sine interruptione continuavit, solum commisit unum specie, et numero peccatum ; et illud ita confitendo suæ obligationi satisfacit ; quidquid fuerit de excessu in malitia illius peccati per comparisonem ad peccata alterius eadem, aut minori duratione commissa : nam hic excessus pertinet ad circumstantiam non variantem speciem, sed intra illam notabiliter aggravantem, quam confiteri non tenemur, ut constat ex supra dictis. Quæ disparitas urgenter ex eo confirmatur, quod in priori casu certum est de fide, quod homo tenetur confiteri illa peccata numero distincta ; sed in secundo obligari ad confitendum illum malitiæ excessum sive illam circumstantiam continuationis, non est certum de fide, quin nec absolute certum, cum nostra sententia sit communior, et probabilior contraria. Et responsio nostra accipienda, ut decet est in sensu formali, et quantum argumenti merita petunt, nempe ex suppositione, quod actus a principio inchoatus fuerit per illud spatium absque interruptione : tunc enim est idem numero cum sola aggravatione ex duratione notabili. Contingere autem potest, et non raro solet, quod licet actus videatur esse unus, et continuari : nihilominus interrumpatur, et discontinuetur : difficile quippe est persistere in eodem actu interno sine ulla discontinuatione per longum spatium ob summam vertibilitatem imaginationis, et plura occurrentia, quæ attentionem, et affectum erga idem interrumpunt. In casu igitur, quo aliquid simile contingit, aut de eo prudenter dubitatur, oportebit spatium durationis explicare, ut ibi explicentur diversa numero peccata, quæ verosimile est in eo contigisse : quæ necessitas non oritur ex circumstantia notabilis durationis, sed ex alia longe diversa radice, nempe ex multiplicatione numerica peccatorum, quæ in ea solent occurrere. Recolantur dicta dub. præced. § 3, et num. 78.

Ad secundam ejusdem minoris probationem desumptam ex augmento quantitatis objecti, (omissis responsionibus Vasquii loco cit. num. 36, Lugonis num. 125, Dicastill. num. 200, et aliorum qui multum variant in explicando, an quantitas rei ablata sit sola circumstantia in peccato furti, an complementum substantiale objecti illius; et consequenter an debeat explicari in confessione, vel non), respondeatur sicut ad precedentem, concedendo præmissas, et negando consequentiam, et damus etiam eandem disparitatis rationem. Quoniam, qui furatur centum aureos per decem actus distinctos, tot idem numero peccato furti committit: est autem obligatio ex jure divino confitendi in individuo numerum peccatorum: et propterea qui centum aureos furatur per decem actus diversos, debet tales actus, sive numerum peccatorum confiteri; sed ubi quis unico actu surripit ab eodem domino mille aureos, non committit nisi unicum numero furti peccatum, cum circumstantia tamen notabiliter illud intra illam speciem aggravante ob magnitudinem rei ablata. Unde sicut non tenetur alias circumstantias exponere notabiliter aggravantes, sic nec istam, sed satis est explicare illud numero peccatum, dicendo, semel furatus sum quantitatem sufficientem ad mortale. Adjecimus tamen, *ab eodem domino*: quia, si diversi notabile damnum ex eo furto paterentur, tot essent peccata furti numero distincta distinctione morali per ordinem ad prudentem æstimationem, quot forent personæ illæ actu physico furandi graviter damnificatæ, ut explicuimus loco citato, et magis constabit ex immediate dicendis.

Ad confirmationem, concessa majori, negamus minorem: quoniam obligatio manifestandi in tali casu numerum occisionum non oritur ex circumstantia præcise ex parte objecti notabiliter aggravante; sed ex multiplicatione numerica peccatorum occisionis in eodem physice actu, ut loco citato explicatum est: sunt enim in æstimatione prudenti tot moraliter homicidia, quot sunt occisi, et est prorsus de materiali, quod id uno, vel pluribus actibus fiat. Unde apparet disparitas inter hunc casum, et alium proxime propositum furantis uno actu plures aureos ejusdem do-

mini: nam cum uno actu, vel ictu interficiuntur tres homines, dantur tria objecta adæquata, et completa simpliciter numero distincta, nec inter se comparantur tanquam partes, ex quibus unicum objectum totale resultet: quocirca eorum occisio importat tria peccata numero distincta in confessione aperienda. Et idem proportionabiliter dicendum est de eo, qui uno verbo plures personas infamat: committit enim tot numero mortalia, quot voluit infamare personas, aut quas prævidit, aut prævidere debuit eo verbo infamandas. Sed ubi unico actu, et ab eodem Domino surripiuntur mille aurei, quamvis eorum quilibet seorsim sumptus esset quantitas sufficiens ad mortale: nihilominus simul sumpti, et sublati comparantur, ut partes ad quantitatem totalem per modum unius ablati: et componunt unum objectum majus in materia furti. Quare ibi non adest nisi unum numero peccatum furandi cum circumstantia majoris quantitatis intra illam speciem notabiliter aggravantis. Unde sufficiet confiteri unicum furtum grave, suppressa circumstantia majoris notabiliter quantitatis, juxta resolutionem hactenus traditam.

102. Sed insistes, et sit tertium argumentum: nam in isto casu ubi confessarius audit furtum grave, potest a pœnitente inquirere quantitatem rei ablata, et pœnitens tenetur rem aperire, ne illam vel negans, vel suppressans, vel varians fallat confessarium: et quia ubi judex juste interrogat, tenetur reus respondere ad interrogata: signum est ergo, quod pœnitens debet confiteri circumstantias intra eandem speciem notabiliter aggravantes, ut major notabiliter quantitas se habet ad furtum. Nec proderit respondere non obligari absolute, sed solum supposita inquisitione, aut interrogatione per confessarium. Nam contra hoc est, quod, cum istud judicium sit spontaneum, tenetur pœnitens sua sponte dicere id ipsum, quod interrogatus a confessario dicere debet: præsertim cum confessarius non possit juste inquirere de his, quæ pœnitens non habet obligationem manifestandi. Unde in idem recidit, quod sacerdos possit inquirere de circumstantiis notabiliter aggravantibus, et quod pœnitens vel non interrogatus illas exponere debeat.

Instantia. et 3 argum.

Enodatio.

Respondetur duobus modis, aut in duobus casibus posse contingere, quod confessarius interroget de circumstantiis notabiliter aggravantibus ut de quantitate furti. Primo, ubi aliter nequit cognoscere statum, et dispositionem pœnitentis, ad quæ cognoscenda jus habet, cum iudex sit, et medicus, ut possit justam sententiam, et congruam decernere medicinam. In quo casu pœnitens tam interrogatus, quam non interrogatus tenetur suum statum, et dispositionem manifestare, atque ideo, et illas circumstantias peccatorum notabiliter aggravantes, quæ pro his dignoscendis fuerint necessariae, ut argumentum recte probat, et in dubii limine supposuimus, docentque Vasquez, Lugo, Dicastillo, et alii nostræ assertionis patroni. Quæ necessitas non oritur ex circumstantia notabiliter aggravante, quantum est de se sola, aut pro sola debita confessionis integritate, sed ex aliis capitibus. Verbi causa, demus in aliquibus diœcesibus furtum mille aureorum esse casum, sive peccatum Superiori reservatum. Pœnitens, qui illud commisit, debet tam requisitus, quam non interrogatus illam circumstantiam manifestare, ut confessarius sciat, qualiter se gerere debeat in absolvendo. Sed ea obligatio non oritur ex generali conceptu circumstantiæ notabiliter aggravantis; siquidem furtum quingentorum aureorum importat etiam notabilem intra speciem aggravationem: et tamen opus non esset illam quantitatem manifestare; quia solum furtum mille aureorum supponitur reservatum. Idem etiam contingeret, si confessarius pœnitentem confitentem aliqua furtâ interrogaret de consuetudine furandi, teneretur profecto illam, si haberet, manifestare, ut constat ex decreto Innocenti XI, hanc (58 inter alias) propositionem condemnantis: « Non tenemur confessario interroganti fateri peccati alicujus consuetudinem. » Quæ obligatio non fundatur in sola aggravante circumstantia (si datur) peccandi ex consuetudine, nec in integritate per se requisita ad confessionis valorem. Unde Sotus, Cano, Suarez, et alii plurimi, quibus relatis subscribit N. Franciscus cap. 8, punct. 4, n. 67, docent consuetudinem peccandi per se loquendo non esse necessario explicandam in confessione: nam ex opposito fieret pœnitentem obligari

Vasq.
Dicastil.
Lugo.Sotus.
Cano.
Suarez.

ad confitendum sæpius eadem peccata; quod videtur nimis onerosum, et non sufficienti motivo per se loquendo affirmari. Sed talis obligatio qualem juxta decretum allegatum non negamus, fundatur in alia radice jam insinuata, quod, scilicet, confessarius nequit aliter cognoscere multoties statum pœnitentis, ut patet cum confitetur plurima perjuria: nam si id habet in consuetudine, quam vincere non satagit, est in occasione proxima peccandi. Et ut id cognoscat confessarius, et videat, an possit absolvere, et de remedio provideat, potest interrogare de consuetudine, et pœnitens debet directe ad hæc respondere. Ceterum ista sunt accidentalialia respectu circumstantiarum notabiliter intra speciem aggravantium, si secundum se, in genere, et præcisive ab his accidentibus considerentur: unde non opponuntur nostræ assertioni, quæ per se etiam, et in genere, ut doctrinalem decet, procedit.

Secundo modo contingit confessarium inquirere de his circumstantiis, non ob motiva aliqua specialia, et accidentalialia, qualia proxime recensuimus; sed quia vult, vel quia in ea opinione est, quod aggravantes notabiliter intra speciem debent in confessione explicari. Et tunc pœnitens, qui scit saltem practice, et ex aliorum testimonio, nostram sententiam negantem esse tutam, communio rem, et probabilior contraria, non tenetur ad illam confessionis interrogationem respondere: sed potest cum reverentia dicere se explicuisse, quod debuit, et posse reticere, quod tacet, nec ad amplius teneri: quia scit circumstantias notabiliter aggravantes, v. g. quantitatem rei ablatae, de qua inquiretur, non esse materiam necessariam confessionis. Et his dictis nequit confessarius illum amplius cogere, nec illi ex vi hujus absolutionem denegare: quia pœnitens procedit secundum tutam, et probabilem opinionem, atque ideo recte agit, et cum eo se potest, ac debet confessarius conformari, ut dicemus disp... num... Consulemus tamen in praxi, quod pœnitens ex una parte semper clare se gerat cum confessario, illique directe respondeat, nisi videat evidentissime frustra, et vane ab illo interrogari; et quod ex alia parte confessarius non sit nimis in inquirendo nisi præcisè pro suo munere necessaria: nam pœnitentem

pœnitentem in actu confitendi decet omnis humilitas erga confessarium; et hunc omnis discretio in non molestando illum, plusquam oportet.

103. Hunc modum occultandi in furto, et similibus circumstantias intra species notabiliter aggravantes docent communiter nostræ assertionis patroni, et quidem merito, nam ejus veritate supposita, nihil habet, quod improbetur. Sed eorum aliqui satis recentes docent alium modum illas occultandi, nimirum negando circumstantiam, de qua inquiritur, et aliud quid substituendo. Ut, si quis furatus fuisset centum aureos, et diceret surripuisse decem. Moventur autem: quia pœnitens ita se gerens solum negat id, quod fateri non tenetur; et aliunde fatetur illud peccatum surripiendi decem aureos, quod vere admisit.

Sic Emmanuel a Conceptione disp. 3, quæst. 10, qui quamvis num. 457, id formidolose, et quasi sub dubio proponat; postea vero allatis in sui patrocinium Leandro, Moya, Arriaga, et quodam Joanne de Albarro (quem non cognoscimus) prædictam responsionem amplectitur n. 462, et non solum, ut absolute probabilem, sed ut sibi probabiliorē. Et si illi cum communi nostra sententia objiciamus, quod licet in exemplo furti liceat non explicare determinatam quantitatem, ex qua aggravatur; quia hæc ipsa continetur, et dicitur in confuso confitendo furtum quantitatis gravis: minime tamen licitum est confiteri determinate quantitatem minorem, ut decem loco centum aureorum; quoniam id foret confiteri furtum, quod non fecit. Sicut qui occidit Petrum, satisfacit confitendo se occidisse hominem, quia ibi includitur Petrus; sed non satisfacere dicendo se occidisse Paulum; nam sunt actus numero diversi, et non dicitur, qui fuit, et dicitur, qui non fuit, ut recte expendunt Hurtado disp. 9, difficul. 4, Lugo disp. 14, num. 172, et disp. 16, num. 123, Tirsus disp. 14, num. 8. Si hæc, inquam, dicantur, et opponantur, nihili pendent apud prædictum Juniorem, sed in universum affirmat licere in confessione substituere unum objectum loco alterius, quando sunt ejusdem rationis. Unde consequenter docet eum, qui occidit Petrum, satisfacere confessioni, si dicat occidisse Joannem: et qui rem habuit cum Maria, satisfacere, si dicat concubuisse

cum Joanna: et qui commisit sodomiam cum puero, satisfacere, si explicet illam habuisse cum fœmina, idque confirmat ex Moya docente peccantem cum mula satisfacere dicendo peccasse cum equa. Et ex eadem doctrina colligit (quo filo consequentiæ nescimus) num. 433, eum, qui per aliquod spatium desideravit Mariam nuptam, et immediate sine prioris voluntatis retractatione per aliud spatium Joannam etiam nuptam concupivit, unam loco alterius immediate substituendo, satisfacere confitendo præcise se habuisse desiderium peccandi cum nupta: quia differentia illa inter objecta solum esset materialis, et in esse physico, non autem in ordine morali propter immediatam successionem objectorum ejusdem rationis.

Sed istum dicendi modum reluctantem expendimus ex sola intentione refellendi rem nostro judicio absurdissimam, et sine magno animarum dispendio, et erga sacramentum irreverentia minime practicabilem. Quid enim hac opinione introduceretur, quam in sacramento copiosa seges mendaciorum, sicut in contractibus humanis, ubi homo hominem circutionibus, restrictionibus, et mendaciis fallere studet? Longe exulare a vero dolore, et legitima dispositione illum putamus, qui his artibus, et substitutionibus fraudulentis utitur, ne confessarius suum peccatum, ut vere fuit cognoscat, et de illo judicet. Aptioresque reputandi sunt ii Junioris discursus pro foro externo, et contentioso, in quo commendari solent magni fallaciarum legalium artifices. Sed a sinceritate, et veritate sacramenti confessionis procul omnino debent abesse, et nullo modo a Doctoribus excogitari, sed multo magis propelli. Et quod ad rem præsentem attinet, sufficientem disparitatem assignant Auctores relati: nam, qui centum aureos furatus fuit, cum cognoscat majorem, aut minorem quantitatem esse solam circumstantiam intra speciem, et juxta nostram, et communiorē sententiam non necessario in confessione explicandam; suæ obligationi satisfacit confitendo se surripuisse quantitatem gravem: et ibi in confuso dicit, quam abstulit. Sed ubi interrogatus, vel non interrogatus dicit furatum fuisse decem aureos, satis aperte juxta communem concipiendi, et significandi modum

Refellitur talis opinio.

man
ind.
ya.
riaga
in de
arrio.

negat se amplius quid surripuisse. Manifestum autem est furtum decem tantum aureorum esse distinctum numerice a furto centum aureorum. Atque ideo recte colligitur ita se gerentem in tali casu confiteri furtum decem tantum aureorum, quod non fecit, et negare furtum centum aureorum, quod vere fecit : atque ideo non legitime confiteri, nec suæ obligationi satisfacere.

104. Porro quod dicitur de substitutione unius loco alterius in his, quæ sunt ejusdem rationis, quod in ordine ad prudentem æstimationem nihil referre videtur, ut tot exemplis, et illationibus colligere nititur Junior, refert certe plurimum in ordine ad sacramentum, et minime sustineri potest. Quod, ut breviter, sed tamen radicitus demonstramus evertendo simul prædicta exempla, recolendum est, quod fusius tradidimus disp. præcedenti dub. 4, et præsertim a num. 107, quod, sicut dolor de peccatis, ut sit sacramenti pars, debet fieri sensibilis per eorum confessionem sacerdoti factam ; sic etiam, ut confessio sit pars sacramenti, debet fieri dolorosa per peccatorum dolorem. Quippe sacramentalis confessio non est mera historialis peccatorum recitatio ; sed debet esse de illis accusatio a pœnitente sicut a reo, simul, et sui accusatore coram legitimo iudice facta : minime autem foret accusatio, si supra peccatorum manifestationem non adderet dolorem de eisdem : tunc enim relinqueretur in nudo solius recitationis conceptu. Oportet itaque pro veritate sacramenti dolorem, et confessionem ad eadem peccata referri, eandemque materiam attingere. Deinde observandum est, quod licet ex industria posset unum peccatum substitui loco alterius in ordine ad explicandum quasi æquivalenter eandem malitiam, ut si occidens Petrum diceret occidisse Joannem, et subinde salvaretur idem substantialiter in confessario iudicium in ordine ad malitiam homicidii : nihilominus impossibile est idem contingere in dolore. Hic namque non regulatur per illas apud homines apprehensiones, et fallentias culpabiles, aut inculpabiles ; sed elicitur coram Deo erga illud malum, quod homo fecit ; et repugnat, quod terminetur ad aliud malum, quod homo evidenter cognoscit se non fecisse, ut experientia

liquet. Ex quibus recursus ille unius peccati loco alterius refellitur, et falsitatis convincitur : quoniam confessio, ut est pars sacramenti, ad sola illa peccata extenditur, de quibus tantum est dolor ; sed qui occidit Petrum, non dolet se occidisse Joannem, nec id coram Deo verificari potest : ergo qui occidit Petrum, et confitetur occidisse Joannem, non facit confessionem sacramentalem ; sive quæ sit pars sacramenti ; sed debet vel explicare Petrum, vel dicere se occidisse unum hominem : in quo vere significatur ille, quem occidit, et de cujus occisione coram Deo dolet. Quod amplius explicatur, et confirmatur in hunc modum : nam qui sacramentaliter confitetur peccata, potest, et debet dicere dolere de peccatis, quæ confitetur ; sed qui non occidit Joannem, nec debet, nec potest vere dicere se dolere, quod Joannem occiderit ; cum id non fecerit, nec ullus de morte Joannis concipi valeat dolor : ergo qui occidit Petrum nequit pro hujus manifestatione substituere Joannem in confessione sacramentali.

Unde omnia exempla, quibus prædictus dicendi modus se explicabat, et protegebat, falsa sunt, et eodem motivo refellenda. Peccans enim cum Maria non potest id in confessione sacramentali explicare dicendo se peccasse cum Joanna, ut constat ex motivo immediate proposito. Intolerabilius est secundum, quod dicitur committentem sodomiam cum homine satisfacere, si confiteatur commississe sodomiam cum muliere : tum, quia in his etiam militat motivum propositum, quippe non dolet de peccato sodomie cum muliere, siquidem illud non fecit. Tum, quia sodomia cum homine, et sodomia cum femina sunt peccata specie distincta, ut videbimus num. 139 ; unde qui eo modo prædictum peccatum confiteretur, non explicaret speciem peccati a se commissi. Tum denique, nam licet permetteretur sodomiam cum femina reduci ad speciem sodomie cum homine, ut quidam dixerunt ; nihilominus non attingit simpliciter talem speciem, sed est aliquid longe inferius ob carentiam deordinationis ejusdem sexus correlativi. Unde sic peccans cum viro non aperit totam essentiam specificam sui peccati dicendo præcise, quod illud peccatum exercuerit cum femina, sed fallit, et mentitur in re

notabili

notabili necessario confitenda. Patrocinium vero desumptum ex Moya ab exemplo peccantis cum mula, qui potest in confessione loco mulæ subrogare equam, est plane ridiculum, et ad nullum finem referens, quod bestia fuerit equa, mula, vel asina; cum speciem bestialitatis non varient diversæ bestiarum species. Aliunde vero, quod in præsentī interest, subditur eidem impugnationi: nam, qui non peccavit cum equa, nequit de peccato cum equa dolere, atque ideo nec peccatum cum equa sacramentaliter confiteri. Denique quod colligitur de concupiscente successive Mariam nuptam, et Joannam, quem affirmat Junior satisfacere dicendo in confessione semel desiderasse mulierem nuptam, falsum omnino est, et rejiciendum: quia ibi interveniunt duo peccata numero distincta sine ulla subordinatione inter se; quamvis unum immediate post aliud successerit circa eandem speciem desiderati cum una, et cum altera adulterii: impossibile enim est, quod variatis intra illud spatium objectis, non varietur etiam actus, tam physice, quam moraliter, ubi unum objectum nullum ordinem habet ad aliud, ut in prædicto casu supponitur. Recolantur superiores dicta dub. 3, § 3, ubi egimus de distinctione numerica peccatorum: ex quibus satis constabit desiderantem duobus actibus, aut uno actu peccare cum duabus mulieribus nuptis committere duo peccata adulterii; sicut, qui vel duobus, vel uno actu desiderat interficere duos homines, committit duo peccata homicidii necessario explicanda in confessione.

105. Arguitur quarto: nam pœnitens tenetur in confessione illas circumstantias recensere, quas, si non explicet, contradicit Ecclesiæ doctrinæ; sed, si non explicet circumstantias notabiliter aggravantes, contradicit Ecclesiæ doctrinæ: ergo tenetur illas exponere in confessione. Probatur minor ex decreto Innocentii XI anni 1679, condemnantis diversas propositiones, quarum prima erat: « Non est illicitum in sacramentis conferendis sequi opinionem probabilem de valore sacramenti, relicta tutiore, nisi id vetet lex, conventio, aut periculum gravis damni incurrendo. » Manifestum autem est sententiam affirmantem, quod circumstantiæ notabiliter intra speciem aggravantes debent

in confessione explicari, esse tutiorem nostram, quæ id negat: quippe in eis circumstantiis manifestandis nullum est periculum; in eis vero reticendis periculum occurrit, si coram Deo nostra sententia sit falsa: ergo, si pœnitens non confiteatur prædictas circumstantias, contradicit doctrinæ Ecclesiæ. Quo etiam argumento suadet confessarium non posse oppositum permittere, aut prædicare, ipse namque est, qui principalem partem agit in hoc sacramento conficiendo.

Istud argumentum potest sub eadem ^{infrigitur.} forma aliis sententiis evidenter probabilibus, et securis opponi, et in eo diluendo longissime procedit Tirsus disp. cit. a num. 13 usque ad 45. Sed tanti momenti non est, ut prolixas adeo moras pro sui dilutione exposcat. Ad illud ergo respondetur primo nos in præsentī solum discutere, num circumstantiæ notabiliter aggravantes sint materia necessaria confessionis: in qua difficultate (quæ certe speculativa est, et in actu signato discutitur), sequimur partem negativam, probabiliorē utique, et communiorē. An vero in praxi, et actu exercito confessionis consulenda sit; difficultas diversa est, et in qua unicuique relinquitur exequi, quod sibi tutius, securius, aut etiam perfectius censuerit. Unde nihil est in eo Innocentii XI decreto quod rem præsentem oppugnet. Sed quia nihil etiam huiusmodi formidamus in ejusdem sententiæ praxi, respondetur secundo concessa majori, negando minorem, quæ minime probatur illo decreto. Nam agit de his, a quibus dependet valor sacramenti, et in quibus adhibendis plane fatemur peccare, qui omissa sententia certa, et tutiori utitur sola sententia probabilis: nam irreverenter agit contra sacramentum illud exponendo periculo frustrationis, et injuste agit contra susipientem, non confiendo certe sacramentum, cum possit. Unde concedendum omnino est peccare pœnitentem, qui, qualibet opinione utatur, non facit confessionem formaliter integram peccatorum, quæ est materia proxima hujus sacramenti, et sine qua ejus valor impeditur. Sed ubi fit confessio formaliter integra, certum est non amplius requiri ex parte confessionis, et sacramentum, quantum ab hac parte requiritur, ratum, et validum esse, ut constabit ex

infra dicendis dub. 7. Facit autem pœnitens confessionem formaliter integram, cum confitetur omnia, quæ certo cognoscit esse necessario explicanda in confessione; quamvis supprimat ea, quæ vel certo, vel probabiliter, probabilitate omnino certa, cognoscit non esse de necessitate confessionis. Et hoc modo se gerit, qui cognoscit circumstantias intra speciem notabiliter aggravantes non esse necessariam confessionis materiam juxta communissimam, et probabilissimam hætenus assertam sententiam: et hac cognitione ductus non explicat prædictas circumstantias: facit enim confessionem formaliter integram confitendo alia, quæ debet, nullumque ab isto capite impedimentum parat obstans sacramenti valori. Sicut contingit in pœnitente, qui vel ob sui, vel ob confessarii periculum, quod ex manifestatione alicujus peccati probabilissime apprehendit, tacet aliquod peccatum grave: adhuc enim facit confessionem formaliter integram, et certo sufficientem ad valorem sacramenti. Unde, qui eodem modo confitetur omnia peccata in specie, et numero, omittendo ex probabilissimo; et subinde prudenti dictamine circumstantias præcise intra speciem aggravantes, nihil agit, quod aliqua ex parte decreto SS. Innocentii repugnet.

106. Hinc satis patet ad minoris negatæ probationem: concessa namque, et reverenter suscepta majori, iterum neganda est minor, quam insertus ei discursus minime evincit. Quod ut ostendamus, recursu non egemus, quem large Tirsus trahit ad principia extrinseca, ut ostendat sententiam nostram practicari secure posse, tum ob innumerabiles, et graves auctores illam defendentes; tum quia adversarii id recognoscunt, nec simile periculum opponunt. Sed his (etsi non contemnendis), relatis, immediatius, et compendiosius possumus rem conficere observando in prædicti decreti verbis comparari, «sententiam probabilem cum tutiore circa «valorem sacramenti:» hi quippe sunt proprii termini ibi occurrentes. Porro dubium præsens non versatur circa valorem sacramenti, sive circa illa, a quibus essentialiter dependet, uti est confessio formaliter integra: nam ut proxime ostendimus, istam salvari, licet circumstantiæ intra

speciem aggravantes non explicantur, ut dictat sententia probabilissima, quam tuemur. Unde licet coram Deo esset obligatio illas confitendi, ut adversarii docent; adhuc nihilominus eis non confessis ex dictamine adeo evidenter, et certo probabiliter, salvaretur confessio formaliter integra, et consequenter valor sacramenti; sed, quod caput est, nostra sententia non solum est probabilis, sed evidenter probabilis, et longe probabilior, quam sibi opposita: unde non comparatur sententia utcumque probabilis cum tutiore, sed sententia probabilis evidenter, et probabiliter contraria: quare hic non videtur locum habere, quod dicitur de «sententia probabiliter relicta tutiore.» Sed nec in hoc sistimus, quin addimus sententiam nostram esse tutam simpliciter: ac perinde non comprehendimus in casu, quem prædictum decretum proponit, ac refellit. Id vero ostenditur: quia tutum absolute est tam pro obligatione pœnitentis, quam pro valore sacramenti illa confiteri, quæ jure divino, et ecclesiastico præcipiuntur, prætermisissis illis, quæ non præcipiuntur; sed totum id fieri valet, quamvis non confiteamur circumstantias intra species notabiliter aggravantes; siquidem Ecclesia congregata in Concilio Tridentino, et intendens declarare ex proposito, quæ in confessione confiteri præcipiuntur, solum assignavit species, et numerum peccatorum, et circumstantias mutantes speciem ut evidenter constat ex ipso Concilio, et expendimus n. 90: ergo tutum simpliciter est confiteri peccatorum species, numerum, et circumstantias mutantes speciem, omisissis aliis, quæ hujusmodi non sunt, sive aggravent notabiliter, sive non. Et consequenter, qui ita confitetur, operatur secundum sententiam non solum probabilem, et probabiliorem, sed etiam simpliciter tutam, nullique periculo exponitur frustrationis sacramenti: et propterea non pungetur ulla parte allegati decreti.

Cum autem dicitur confitentem omnes circumstantias agere secundum sententiam tutiorem; verum quidem est ad hunc sensum, quod nullum imminet periculum ex eorum confessione, et quod quis perfectius agit, quanto magis se declarat regulis prudentiæ servatis. Sed tamen tanta, ut sic loquamur, tutitas, aut securitas non est

necessaria

necessaria, sed fiet ex redundanti quadam supererogatione, supra id quod est absolute tutum, nempe confiteri ea tantum, quæ Deus, et Ecclesia præcipiunt. Quæ doctrina declarari potest exemplo contritionis, et attritionis, quibus non absimilis objectio applicari valet respectu doloris requisiti per modum partis, et dispositionis ad valorem, et fructum sacramenti pœnitentiæ. Nam, cum nemo negaverit contritionem sufficere ad illa munia; e contra vero attritionem solam sufficere negaverint, et adhuc negent aliqui doctores catholici: consequens videtur non satis tute procedere, qui cum sola attritione cognita suscipit pœnitentiæ sacramentum, quippe exponitur periculo frustrationis sacramenti, si coram Deo non sufficiat, ut quidam censent. Quid ergo dicemus in re adeo gravi? Aut implicabimur SS. Innocentii decreto? Nullo modo: sed dicimus contritionem esse dispositionem tutissimam, et tutiorem ex supererogatione non necessaria: attritionem autem esse dispositionem simpliciter tutam post doctrinam Concilii Tridentini id satis aperte declarantis, adjuncta communi praxi fidelium. Idem itaque dicendum est in præsentī difficultate, nempe nostram sententiam esse simpliciter tutam, contrariam vero magis tutam ex redundantia: atque ideo non comparari præcise, ut probabilem, et tutam; sed ut tutam et magis tutam. Unusquisque autem facit suæ obligationi satis amplectendo, quod tutum est; et non tenetur inquirere, aut prosequi tutius, et tutissimum, quod foret in infinitum abire. Et quia hæc fusius tradidimus tractantes comparisonem inter contritionem, et attritionem disp. præced. a n. 54 ab eis magis explicandis supersedemus.

Argu-
rent.

107. Arguitur quinto: quia multæ sunt circumstantiæ non addentes speciem, sed solum intra speciem aggravantes; et tamen debent in confessione explicari: ergo signum est, quod obligamur generaliter explicare circumstantias notabiliter aggravantes etiam intra eandem speciem. Consequentia patet, tum quia resolutio nostra cum doctrinalis sit, innitens, et juri divino, et naturis rerum, debet esse generalis: tum, quia, cum omnes circumstantiæ intra speciem præcise aggravantes conveniunt in hoc, vel omnes debent confiteri, vel nullæ, et nulla regula occurrit, ut quædam exci-

piantur, aut non. Antecedens vero solet probari multis exemplis: Primo, nam incestus inter consanguineos non differunt specie; et tamen nemo audebit dicere, quod accedens ad matrem, vel ad filiam non debeat explicare in confessione tam aggravantem, et adeo horribilem circumstantiam. Secundo peccata contra naturam sunt ejusdem speciei: et tamen qui cum masculo concubuit, debet id explicare, ut diximus num. 104, atque ex sola illa sexus circumstantia aggravante. Tertio, frangere jejunium, vel comedendo sæpius in die, vel semel comedendo carnes est peccatum ejusdem speciei contra idem jejunandi præceptum: et tamen circumstantia aggravans ab esu carnis confiteri debet, ut omnes affirmant et practicantur fideles. Quarto, odium proximi est unum in specie peccatum cum oppositione ad idem præceptum charitatis: quo nonobstante, si quis odium proximi haberet in ordine ad vitam temporalem, et multo magis in ordine ad vitam æternam, deberet in explicare. Et hæc sufficiat exempla insinuasse: nam in aliis recensendis prosequi velle foret ad hunc corrivari locum cunctam theologiam moralem.

Respondetur negando antecedens complexive sumptum, id est, quoad utramque partem simul sumptam: nam ex suppositione, quod aliquid sit mera circumstantia non varians speciem, sed solum aggravans, non debet necessario explicari in confessione, nisi alias occurrat aliud motivum extrinsecum, vel ob reservationem casus, vel ob notitiam necessariam status pœnitentis, vel ad cognoscendum consuetudinem peccandi, vel alias causas speciales, quæ contingere possent, ut ex superius dictis satis constat. Ad antecedentis autem probationem ex tot exemplis desumptam sunt, qui satis indiscrete respondeant admittendo, aut permittendo in casibus, qui ipsis inter arguendum satis horribiles proponuntur, non addi circumstantiam variantem speciem, et deinde concedendo non debere explicari in confessione: quod tamen non semel scandalosum est, et ruinam parat. Ut, si quis hac argumentatione provocatur, omnis incestus est ejusdem speciei: ergo concubitus cum matre non debet necessario in confessione explicari: ne implicaretur antecedenti, illud admitteret, et

deinde ex suppositione antecedentis concederet consequentiam, ut valde consequens in suis dictis videretur. Cum revera non consequens, sed temerarius a prudentibus censeretur, quia talia monstra conjungeret : sunt enim aliqua divisim, et seorsim probabilia, quæ cuncta simul chimeram struunt. Quare in his exemplis admittendis, aut propellendis accuratiori solertia opus est. Sed neque regulam generalem pro omnibus, cum sint plurima, et pro rerum multitudine admodum varia, diffinire possumus. Illud vero in communi magis consultum videmus, ut quotiescumque aliquid valde absurdum, mentesque absurditate contendens proponitur, tamquam non necessario in confessione explicandum, ut concubitus cum matre, aut cum masculo, aut cum bestia : toties id negamus, et facile reponimus nullam inconsequentiam incurrere ; quia re discussa apparebit in similibus non circumstantia mere aggravans, sed quæ variat speciem, aut etiam genus peccati : aliqua enim, quæ tamquam species assignantur, non sunt species infimæ, sed subalternæ alias sub se inferiores continentes, ut arduum non foret in exemplis, quæ argumentum opponit, exponere. Sed, quia id nequit cum brevitate, quam unicum argumentum affert, satis conveniente declarari ; congruentius putamus ad singulares circumstantias descendere, et proponere

DUBIUM V.

Quæ circumstantiæ in particulari in confessione explicari debeant.

Quid in actibus humanis dicatur circumstantia, explicuimus dub. 3, § 4, et ex ibidem dictis, num. 83, etiam constat, quæ circumstantia mutet speciem, explicarique subiinde in confessione debeat. Quod autem aliquæ sint circumstantiæ præcise intra speciem notabiliter aggravantes, quas confiteri non obligamur, abunde explicatum est dub. præced. per totum. Et hæc in genere tradidisse satis superque videbatur agenti hanc materiam scholastico potius modo, quam morali, et descendente ad casus, ut vocant particulares in praxi occurrentes. Sed quos attingimus in calce dubii præcedentis, nos obligant ad hæc des-

cendere, ut facilius lector dignoscere valeat, quæ circumstantiæ in particulari mutent speciem, et quæ tantum habeant intra speciem aggravare. Indeenim juxta doctrinam duobus dubiis præcedentibus traditam facile, ac perspicue resolvet, quæ debeant in confessione explicari, et quæ possint omitti, aut taceri.

108. Pro cujus luce recolendum est ex dictis tract. 11 de bonitate, et malitia disp. 4, dub. 2, § 1, omnes circumstantias in particulari reduci ad septem, quæ isto Tullii versiculo, communiter decantato, comprehenduntur, *Quis, Quid, Ubi, Quibus auxiliis, Cur, Quomodo, Quando*. In eo *Quis* denotat circumstantiam personæ operantis, v. g. quod sit sacerdos. *Quid* denotat circumstantiam materiæ, vel objecti, aut effectus subsecuti, ut in furto quantitas magna, vel parva, in homicidio conditio sacerdotis, vel amici. *Ubi* denotat circumstantiam loci, ut quod fuerit sacer, aut publicus. *Quibus auxiliis* denotat circumstantiam mediorum, et instrumentorum, per quæ actio humana exercetur, ut quod veneno necaverit, quod medicina usus fuerit ad sollicitandum fœminam. *Cur* denotat circumstantiam ex fine, non quidem intrinseco coincidente cum objecto actionis, sed extrinseco, et proprio operantis, ut, cum quis occidit hominem, ut furetur. *Quomodo* denotat modum, quo fit actus, ut puta intense, aut remisse, cum majori, aut minori advertentia, etc. *Quando* denotat circumstantiam temporis, in quo fit actio, v. g. quod fuerit breve aut longum, in die festo, vel ordinario, etc. Solent aliqui addere circumstantiam *Quoties* denotantem repetitionem actuum, ut cum quis post peccatum sæpius perpetratum, et a Deo remissum, ulterius labitur in idem : videtur enim ex hoc ipso gravius fieri, et subsequentibus etiam peccatis addere malitiam. (Quo admissio, ne augeamus circumstantiarum numerum communiter receptum, circumstantia *Quoties* revocanda est ad circumstantiam *Quomodo* : nam pertinet ad modum, quo actus fit : et sic illam reducit D. Thom. in 4, dist. 16, quæst. 3, art. 1, quæstiunc. 2 ad 6 et alibi). Sed tamen absolute loquendo dici non debet, quod repetitio, et numerus actuum, si secundum se considerentur, constituent particularem circumstantiam, isto, aut illo nomine

nomine denotetur : sed importat substantialiter ipsos actus multiplicatos. Quare vel in nostra sententia negante obligationem confitendi circumstantias intra speciem aggravantes, necessarium est confiteri multipliciter, aut repetitionem actuum, sicut plane est confiteri numerum peccatorum, juxta doctrinam prorsus certam, traditam dub. 3, § 3.

Porro divisionem circumstantiæ, ut sic in prædictas septem circumstantias esse necessariam, et adæquatam ostendimus cum D. Thom. loco cit. num. 4. Quoniam circumstantiæ vocabulo non aliud intelligimus, quam particularem conditionem ita afficientem actum moralem, sive humanum, ut maneat extra ejus essentiam, sitque ipsi accidentalis : atque ideo tot debent esse circumstantiæ, quot fuerint hujusmodi conditiones : istæ autem sunt septem ; tot ergo sunt circumstantiæ humanorum actuum, ut supra recensuimus, et communiter assignantur. Minor in qua sola poterat esse difficultas, explicatur, et suadetur. Nam conditio actus moralis extra ejus essentiam existens potest tripliciter illum afficere, primo attingendo illum secundum se ; secundo ratione causæ ; tertio ratione effectus. Si secundum se ; id contingit tripliciter, nempe aut per modum modi ipsius actus, sicut intentio, advertentia : et hæc est circumstantia *Quomodo*. Aut per modum mensuræ in ordine ad locum : et hæc est circumstantia *Ubi*. Aut per modum mensuræ in ordine ad tempus : et hæc est circumstantia *Quando*. Si autem conditio afficiat in ordine ad causam, vel se tenet ex parte efficientis principalis, et sic est circumstantia *Quis* : vel se tenet ex parte causæ instrumentalis, aut mediorum, et sic est circumstantia *Quibus auxiliis* : vel se tenet ex parte causæ finalis, et sic est circumstantia *Cur*. Ultimo ; si conditio se teneat ex parte effectus, sive materiæ, circa quam versatur actus ; est circumstantia *Quid*. Non apparet autem alius modus, quo particularis aliqua conditio possit afficere operationem moralem : ergo fateri oportet, quod septenarius ille circumstantiarum numerus sit sufficiens, et adæquatus.

Nec refert, si objiciatur, quod agens, finis, et effectus non debent computari inter circumstantias actus humani, cum es-

sentialiter ad ejus consistentiam substantialiter desiderentur ; sed per *quis* significatur agens, per *cur* finis, et per *quid* effectus, sive materia : ergo minus congrue prædicta recensentur. Nam id optime diluit D. Thom. 1, 2, quæst. 7, art. 3, ad 3, dicendo illam conditionem vel agentis, vel finis, vel objecti, aut effectus, a qua actus in sua primaria specie dependet, non esse circumstantiam, sed hujus propriam rationem posse reperiri in aliis conditionibus accidentalibus, et priorem præsupponentibus. Sicut in peccato furti non est circumstantia, quod objectum, sive materia sit res aliena, id enim pertinet ad furti speciem : sed circumstantia est, quod res ablata sit magni, aut modici pretii. Sic ad speciem adulterii non est circumstantia, quod homo peccans non sit maritus, sed id pertinet ad speciem adulterii : at circumstantia est, quod sit sacerdos, vel castitatis voto ligatus, et addit adulterio aliam sacrilegii speciem. Et sic de aliis. Unde magis convincitur, quod licet agens, finis, et objectum, materia vel effectus non sint circumstantiæ operationis ; possit hæc nihilominus varias circumstantias induere per ordinem ad prædicta hoc, aut illo modo considerata. Et his in commune dictis, oportet ad singulas circumstantias in particulari descendere : et sequendo ordinem in versiculo allegato descriptum, primo loco occurrit dicere

§ I.

De circumstantia Quis.

109. Hæc denotat personæ peccantis conditionem, quæ penes multa attendi valet, ut sunt votum, quo ligatur, status, quem habet, officium, cui incumbit, et alia ejusmodi. Et certum apparet esse non pauca peccata, pro quibus parum, aut nihil refert hæc conditio in ordine ad additionem malitiæ specie distinctæ, ut patet in furto, in judicio temerario et aliis, quæ a cujuslibet conditionis committantur, retenta propria specie, aliam non induunt. Pro furto enim, aut judicio temerario quid interesse potest, quod committantur a laico, vel Religioso, vel Episcopo, vel aliis ? Sed tamen dubitari nequit esse alia plura peccata, quæ per ordinem ad conditionem per-

*Diluitur.
object.
D. Thom.*

onæ peccantis contrahunt circumstantiam novæ malitiæ specificæ differentis, ut patet in Religioso, et conjugato, qui si fornicentur, transferunt peccatum intemperantiæ in speciem sacrilegii ob violatum castitatis votum, et in speciem injustitiæ propter non observatam uxori fidem. Quando autem primum illud, aut hoc posterius contingat, haud facile in genere determinari valet, et prolixum nimis foret illud statuere discurrendo per singulos casus, qui contingere possunt, aut proponi. Nihilominus curandum est aliquam assignari communem regulam pro his in genere discernendis, ex quo possimus ad resolutionem particularium casuum descendere. Nulla vero aptior, aut explicatu facilior nobis occurrit, quam comparare actum alias ex sua specie, sive objecto proximo peccaminosum cum conditionibus personæ illud peccatum committentis. Et si inter tale peccatum, et conditionem aliquam peccantis reperiamus specialem repugnantiam, sive oppositionem ob violationem specialis obligationis; ibi profecto occurreret circumstantia *Quis* addens novam speciem peccato. Sed ubi talis oppositio non occurrit inter peccatum, et conditionem peccantis; non erit circumstantia speciem mutans, sed ad summum præcise aggravans. Verbi causa peccat Religiosus peccato incontinentiæ, peccat etiam peccato iudicii temerarii: si comparamus peccatum incontinentiæ cum conditione Religiosi, ibi reperiemus specialem oppositionem cum voto castitatis a Religioso facto, atque ideo circumstantiam, quæ mutat speciem: sed comparando peccatum iudicii temerarii cum conditione Religiosi, talem specialem oppositionem non reperimus: nihil enim in Religioso præ aliis Christianis est, quo specialiter obligetur ad non temere iudicandum: quare in tali peccato non datur circumstantia, quæ speciem variet, sed ad summum aggravet intra speciem ob maiorem sanctitatem, quam decet Religiosum habere. Cum itaque obligatio sit explicandi in confessione circumstantias mutantes speciem, secus intra speciem notabiliter aggravantes; ex prædicto principio colligi potest, quando circumstantia *Quis*, sive conditio, aut qualitas pœnitentis manifestari debeat in confessione.

110. Colligitur ergo primo dignitatem

peccantis non debere explicari, v. g. quod sit Episcopus, aut Generalis, etc. Quoniam major personæ dignitas non importat specialem oppositionem cum peccato, sed maiorem; unde non transfert peccatum ad novam speciem, sed aggravat ob maiorem obligationem illud vitandi ortam ex maiori dignitate, et perfectione personæ. Unde, si fornicetur Episcopus, non opus habet suam dignitatem in confessione aperire: sed facit satis manifestando castitatis votum, quod in subdiaconatu emisit. Et sic de aliis. Ita Sanchez, Coninchus, Henriquez, Lugo, Dicastillo, N. Gabriel, et alii quibus relatis subscribit N. Franciscus cap. 8, punct. 4, n. 61. Et eadem ratione, si Gubernator Provinciæ, aut Civitatis furetur, non tenetur dum furtum confitetur, manifestare suam dignitatem, sive qualitatem personæ: quia illud peccatum non habet specialem cum illa oppositionem: licet enim ex officio teneatur specialiter furta ab aliis facia impedire, non tamen propria, ut cum prædictis Auctoribus, et insuper Leandro, Diana, N. Antonio resolvit citatus Franciscus num. 63.

Sed consecretarium accipiendum est per se loquendo, attento præcise peccato, et conditione peccantis, et abstrahendo ab aliis accidentalibus, quæ possunt occurrere: nam, v. g. si peccata Generalis, aut Episcopi ita indiscrete, et irreverenter committerentur, ut fierent publica, et scandalum parerent: tunc quippe opponerentur speciali dignitati, et obligationi Prælatorum, qui ex officio tenentur subditos exemplo pascere, illorumque ruinam, quantum fieri potest, cavere. Quin si prædicti (et idem dicimus de Parochis) non tantum peccarent, sed provocatores, et incitatores peccati in suis ovibus essent, deberent sui officii munus in confessione explicare, quippe inter quod, et peccata commissa adesset specialis valde oppositio. Cum enim ex officio obligentur omnium salutem procurare, et eorum peccata impedire; adeo huic obligationi contradicunt, ut non solum a peccando retrahant, sed positive in perniciem ducunt. Quod supra malitiam essentialem peccati, v. g. fornicationis, et circumstantiam scandali, addit aliam specie diversam contra debitum satisfaciendi proprio officio, ut recte cum Bonacina, et

Lugone

Lugone observat N. Franciscus, ubi proxime num. 62.

111. Colligitur secundo religiosum, qui contra castitatem peccavit, debere in confessione explicare se esse religiosum, et minime satisfacere, si tantum dicat se peccasse contra votum castitatis. Quoniam vota constituentia statum religiosum distinguuntur specie ex natura rei, et jure divino ab omnibus aliis votis talem statum non constituentibus, ut cum D. Thom. et plurimis Auctoribus statuimus, et late probavimus tract. 20, de statu religioso disp. 1, dub. 4, § 1. Ergo religiosus contra castitatem peccans agit specialiter contra particularem suæ personæ conditionem, et obligationem præaliis, qui solum contra castitatis præceptum, aut etiam votum non constituens religiosum statum peccant. Quæ profecto circumstantia variat, et addit speciem, et proinde confiteri debet. Sed quia inter votastatum religiosum constituentia, alia sunt solemnia, ut communiter videmus in religiosis, alia vero simplicia, ut contingit in nostris primæ professionis Donatis, et in Scholaribus Societatis: et probabile censuimus loco cit. § 2, talia vota non distingui specie in ordine ad statum religiosum, sed solum moraliter penes esse magis, aut minus perfectum: propterea ibidem num. 50 collegimus, et modo observamus religiosum Societatis solemniter professum peccantem contra castitatem non obligari ad manifestandum in confessione se esse solemniter professum, sed satisfacere dicendo se religiosum.

Contrariam nostro consecratio sententiam tuentur plures apud Leandrum disp. 8, quæst. 8, et N. Franciscum loco citato num. 54, Tirsus disp. 41, num. 46, Emmanuel disp. 3, quæst. 11, num. 472, et alii, qui negant distinctionem specificam inter votum simplex, et solemnne castitatis. Et quia negare non possumus eam sententiam esse probabilem, et consequenter in confitendo peccatum incontinentiæ non obligari religiosum, aut clericum ad manifestandum suum statum, sed satisfacere, si dicat se peccasse contra castitatis votum: propterea congruum censuimus aliqua consequenter ad hanc opinionem notare. Primo, quod dictum est de religioso, extendi ad Sacerdotem, ad Subdiaconum, ad

Episcopum, etc. nam ex suppositione, quod votum simplex, et solemnne non differant specie: satis illis est confiteri, quod peccaverint contra votum castitatis, non manifestando statum, ordinem, gradum, aut dignitatem. Secundo, aliquos ex par-
 tronis dictæ opinionis non satis consequenter procedere, cum tenentes non esse obligationem manifestandi votum solemnne, nihilominus affirmant religiosum solemniter professum debere explicare hanc sui conditionem: nam in ea professione non solum fit castitatis votum, sed traditio Religioni, sicut uxor traditur marito: atque ideo religiosus incontinens non solum agit contra castitatis votum, sed etiam injuriam infert Religioni, sicut marito adultera: et hoc ultimum non explicatur dicendo præcise peccatum fuisse contra votum. Sed ut diximus, procedunt minus consequenter: quia votum constituens vere religiosum statum, eam traditionem necessario complectitur: unde si non est opus explicare votum constituens religiosum statum, nec opus erit explicare traditionem; aut vice versa, si debet traditio explicari, ibi poenitens manifestabit se religiosum, quod illi satagebant vitare. Aliunde vero illa traditio non fit Religioni ad usum corporis, sed de alia officia; nec in hoc sensu incontinentia religiosi comparatur peccato adulteræ, quæ prius in maritum transtulerat dominium, et usum corporis. Videatur Sanchez libr. 5, de statu religioso, cap. 6, ubi eam similitudinem haud obscure dispellit. Quare censemus eos, qui docent vota simplicia, et solemnia non distingui specie, eadem probabilitate, quam in hoc dicto habuerint, posse dicere religiosum, qui contra castitatem peccaverit non teneri ad manifestandum vel votum solemnne, vel religiosum statum. Tertio idem dicendum esse, quamvis religiosus priori castitatis voto aliud, vel alia adjecerit: quia per hanc votorum repetitionem nullam suscipit obligationem specie distinctam, ut cum Sanchez, et Dicastillo bene observat N. Franciscus loco cit. num. 53. Aliter dicendum foret, si votum juramento firmasset: quia cum istud afferat Deum in testem promissionis, importat vinculum ab ipsa promissione secundum se considerata diversum. Et quamvis in juramento promissorio possit con-

eun-
m.

Secunda

aten-
oppo-
sita.
rsus.
nma-
el.

Nota
ima.

tingere rem ita variari, ut excusetur homo ab ejus adimptione, ut putat Suarez lib. 3, de Juramento, cap. 16, nihilominus respectu religiosi nulla potest occurrere causa, ut votum castitatis, quod juramento firmaverat, non observet : et ideo si in eo deficiat, debet peccatum cum circumstantia juramenti confiteri.

Tertium.

¶ 112. Colligitur tertio ligatum voto castitatis, qui alios illud votum non habentes induxit ad carnaliter peccandum, in confessione talis peccati inductionis, debere circumstantiam sui voti manifestare. Oppositum docet Tirsus disp. 41, num. 48, cum Sanchez, quem pro se refert. Et movetur ex eo, quod emittens votum castitatis promittit quidem servare castitatem in se, non autem in aliis : ergo per hoc, quod inducat alios ad peccandum contra castitatem, non agit contra proprium votum, nec hujus circumstantiam explicare debet, cum confitetur peccatum inductionis. Sed resolutio nostra suadetur destruendo simul motivum contrariæ : nam ligatus voto castitatis tenetur ad non agendum contra castitatem, et si contra castitatem peccet, debet peccatum, et votum manifestare ; sed inducens alios ad actus turpes agit contra castitatem : ergo, si ejus voto ligatus supponatur, agit contra tale votum, illudque in confessione inductionis explicare debet. Prola'ur minor : tum exemplo inducentis alios ad furandum, qui eo ipso concurrit ad furtum, et agit contra justitiam : ergo pariter inducens alios ad fornicandum concurrit ad eorum fornicationem, et agit contra castitatem, Tum ratione, quia nequit homo inducere alios ad turpia, quin ipse ad turpia afficiatur : et si enim possit alium finem intendere, tamen proxime eligit illud medium, ad illudque ut tale afficitur : manifestum autem est eum, qui afficitur ad turpia, agere contra castitatem : ergo alios inducens ad inhonesta contra castitatem agit. Unde dispellitur motivum contrarium : nam inducens ad prædicta non solum non servat castitatem in aliis, quod non promiserat sed nec castitatem in se, quod promiserat : atque ideo agit contra votum, illudque explicare debet. Et sic etiam sentit Lugo disp. 16, num. 152, quem refert, et sequitur Leander disp. 8, § 2, quæst. 10.

Et hinc incidenter, et a fortiori colligitur

falsam omnino, et intolerabilem esse sententiam Eusebii de Herrera decisione 16, § 9, docentis delectationem morosam in religioso non esse contra votum castitatis, si ille contineat affectum ab opere exequendo : quia istud opus est, quod non exequi promisit : atque ideo illud excludens, quamvis imaginationibus turpibus delectetur, non agit contra votum castitatis. Refellitur, inquam, tum, quia contrarium docent communiter Auctores apud Leandrum ubi proxime quæst. 22, et oppositam sententiam gravi censura percellunt. Tum, quia religiosus per castitatis votum sibi peculiariter interdixit omnem delectationem veneream. Tum etiam, quia votum castitatis se extendit ad omnia, ad quæ castitas : huic autem plane repugnat delectatio morosa erga turpia. Tum denique, quia ex opposita sententia colliguntur absurdissimæ laxitates, v. g. tactus impudicos sistendo in eis, non esse contra votum castitatis ; quia etiam diceretur rem illo voto interdictam esse opus consummatum, et alia ab isto diversa prædicto voto non contradicere. Quæ, et alia inconvenientia nulla ratione sustineri queunt, sed debent prorsus ab omnium fidelium imaginatione amandari.

¶ 113. Si autem inquiras, utrum habens votum castitatis peccans cum persona illud etiam habente debeat explicare non solum votum ex parte sua, sed etiam votum ex parte complicitis ? Respondetur id non pertinere proprie ad præsentem considerationem, nec regulandum penes obligationem confitendi, aut non circumstantias intra speciem notabiliter aggravantes. Nam manifestum est, in casu proposito violationem voti in utroque peccante habere eandem speciem sacrilegii. Sed tamen interrogationi semel propositæ satisfaciendo respondemus manifestandum votum peccantis, et votum complicitis : nam eorum quilibet committit duo peccata numero distincta juxta superius dicta dub. 3, § 3, unum, quo peccat in sua persona, et alterum, quo cooperatur, ut alia in sua etiam persona peccet. Et idem etiam dicendum est de tactibus impudicis, et pollutionibus : nam, cum quis tangit, etiam tangitur ; et cum alium ad pollutionem excitat, ipse etiam ad pollutionem excitatur. Unde utraque persona voto sacra violatur

latur

Rejici
sent.
Herrei

latur, et utraque debet operationem, et cooperationem exponere ut duo ejusdem rationis peccata. Quod fieri non valet, nisi manifestando votum ex parte sui, et ex parte complicitis. Et ita sentiunt Lugo, Diana, Trullench, N. Antonius, quibus relatis subscribit N. Andreas tract. 15, de statu religioso, cap. 6, punct. 3, § 1, num. 24.

Et si ulterius inquiras, an idem dicendum sit de peccato delectationis morosæ, ita quod si religiosus, aut sacerdos delectetur turpiter de morali, aut e converso, debeat votum, seu voti violationem, sive sacrilegium ex utraque parte explicare? Respondetur Gabrielem Vasquez in ea esse opinionem, quod delectatio morosa non sumit speciem ab objecto, nec ab objecti circumstantiis. Sed prædicta sententia est valde falsa, et contra communem Doctorum, ut late ostendimus tract. 13 de *Peccatis*, disp. 11, dub. 1, cum seq. Unde consequenter dicendum est dari duplex sacrilegium in ea delectatione morosa: unum desumptum ex voto se turpiter delectantis juxta dicta de religioso num. præced. et aliud ex objecto delectationis, quale contraheret nullo voto ligatus, qui eam delectationem admitteret circa monialem. Lugo autem disp. 16, sect. 6, § 4, Leander, disp. 8, § 2, quæst. 21 et quidam alii censent nostram resolutionem esse veram, ubi qui delectatur, illam circumstantiam ex parte objecti complectitur; secus si ab illa præscindat, et quantum est de se, illam ab objecto excludat, delectando se præcise circa illam mulierem, quæ alias est monialis. Sed persistendum est in proposita resolutione, quam præcludendo istud effugium firmavimus ex professo loco citati. dub. 2 et 3 et specialiter a num. 53. Quoniam, ut circumstantia voti afficiens objectum delectationis influat, non est necessarium, quod per se moveat; sed sufficit, quod cognoscatur, et non retrahat a delectatione turpi circa tale objectum, cum potens, et sufficiens sit ad retrahendum: quippe, ubi id non præstat, simul cum objecto, aut potius objectum simul cum ipsa terminat delectationem. Idque facile declaratur exemplo ejus, qui voto ligatus turpiter delectatur: nam quamvis non moveatur a circumstantia, sed ab illa intendat abstrahere, et quantum est de se, in capiendo delectatio-

nem excludere: nihilominus cum illam cognoscens non retrahitur, convincitur illam admittere, et cum delectatione turpi conjungere, atque ideo sacrilege delectari. Cur ergo idem non continget, cum ea circumstantia voti occurrit in objecto, et ex parte objecti delectationis proponitur? Sic ergo in prædicto casu duo numero moraliter sacrilegia juxta dicta dub. 3, § 3 in confessione exponenda. Sed circa hæc videantur diffusius dicta loco citato de Peccatis.

114. Colligitur quarto novitium, aut novitiam, et cum eis peccantes non obligari ad explicandum in materia castitatis hanc circumstantiam novitiatus. Et idem intelligendum est de clericis minorum Ordinum, licet habeant beneficium. Hæc est communis sententia, et facile suadetur: quia omnes relati non habent ex vi suæ conditionis votum castitatis: quare ex eo, quod peccent in castitatis materia, non addunt malitiam specie diversam, sed ad summum intra speciem aggravantem ob inchoatum vitæ religiosæ, aut instituti ecclesiastici propositum. Sed quamvis attentis communibus regulis, et his, quæ per se loquendo contingunt, ita res se habeat; tamen existimamus frequenter in hoc casu locum habere doctrinam superius tractatam num. 93, nempe novitium, aut novitiam, aut cum his peccantes obligari ad manifestandum suum statum, et hanc circumstantiam quamvis non mutantem speciem; et similiter ad respondendum directe confessario, si circa ista inquirantur. Quia ex prædicto peccato frequenter imminet religioni infamia, et novitii non perseverandi periculum. Manifestum namque est novitium incontinentem afferre ipsi sacro habitui, quo induitur, non mediocrem notam, et scientibus scandalum: et similiter eos, qui novitium, aut novitiam ad turpia sollicitant, et ad hæc concurrunt, non levem injuriam inferre religioni, quorum aliquomodo sunt, vel eos ab arrepto proposito avocando, vel religioni inserendo personas turpes. illi minime convenientes. Quare cum ex prædicto peccato tot mala, quæ præcaveri oportet, sequantur; summo jure potest confessarius de illis inquirere, et pœnitentes debent rem patefacere requisiti, et quamvis de his non requirantur a confessario. In quo sensu probamus sen-

Quar-
tum.

tentiam, licet videatur singularis, Hieronymi de Llamas in Summa, part. 3, cap. 8, § 14, ubi recognoscit prædictam novitatus circumstantiam non mutare ex sua ratione speciem peccati. Sed tamen tot aliunde importat inconvenientia, quod merito debeat sicut ipse affirmat in confessione explicari, ut confessarius cognoscat statum pœnitentis, et tam illi, quam religionis famæ, quæ sæpe in similibus peccatis periclitatur, conveniens remedium provideat. Idemque amplectitur Prado in tract. de Confess. quæst. 2, § 4, num. 33 in fine.

Quintum 115. Colligitur quinto sponsum, et sponsam se cum aliis commiscentes debere in confessione eam circumstantiam, sive personæ conditionem fateri : et idem dicendum esse de aliis personis, quæcum sponsa, aut sponso peccant. Hoc consecrarium non continet communem, aut certam omnino doctrinam. Unde N. Franciscus, cap. 8, punct. 4, num. 56, rem hanc attingens tot circa id retulit sententias contrarias, et nihil tandem resolvit. Prima, quam defendunt Basilius Pontius, Covarruvias, N. Gabriel, Trullench, et alii id tam in sponso, quam in sponsa ; et cum eis peccantibus universaliter negat : quia censet conditionem sponsi, aut sponsæ non importare circumstantiam mutantem speciem, sed ad summum aggravantem. Et probatur, quia per contractum sponsalium non acquirit sponsus jus in corpus sponsæ, et vice versa: nec sponsa se obligat ad non peccandum cum alio, sed præcise ad non contrahendum cum alio matrimonium : ergo ex eo, quod cum alio fornicetur non facit sponso injuriam, nec fornicationis addit speciem injustitiæ. Quod magis declaratur, et fulcitur exemplo : nam ita comparantur sponsalia, et matrimonium, sicut votum profitendi religionem, et ipsa actualis, ac sollemnis professio : quippe sicut in matrimonio fit traditio corporum, et per sponsalia promissio futura illius traditionis : ita per professionem fit traditio hominis religioni, et per votum obligatio se religioni tradendi. Sed ex eo quod quis efficiat votum suscipiendi religionem, hæc nullum jus in illo habet : et idem licet novitius fornicetur, non irrogat religioni injuriam, nec suo peccato addit injustitiæ circumstantiam, ut constat ex dictis num. præced. Ergo idem proportionabiliter de sponso,

vel de sponsa, cum aliis commiscentur, et illis, qui cum eis peccant dicendum est.

Secunda sententia convenit cum præcedenti quantum ad sponsum ; sed affirmat sponsam cum aliquo fornicantem addere fornicationi circumstantiam specie distinctam : quia violat fidem sponsalium in re gravissima, et notabilem injuriam irrogat sponso, qui etsi non habeat jus in re, habet tamen jus ad rem. Quæ injuria valde gravis communiter inter gentes reputatur, et quidem merito : nam cogitur sponsus vel sponsalia deserere, vel uxorem ducere fornicariam. Hæc autem inconvenientia non occurrunt in peccato sponsi, cujus incontinentia, aut infidelitas communiter in æstimatione prudentum reputatur levis injuria respectu sponsæ : atque ideo non inducit circumstantiam culpæ mortalis, quam opus sit in confessione aperire. Et idem dicendum est de peccantibus cum sponso ; secus de peccantibus cum sponsa ob assignatam disparitatem. Ita Sanchez lib. 1, de Matrimonio, disp. 5, Rodriguez, Villalobos, Candidus, et alii.

Sed afirmandum est cum tertia sententia fornicationem ex parte tam sponsæ, quam, sponsi inducere circumstantiam malitiæ specie differentis, et subinde necessario explicandam in confessione : ad idem teneri peccantes cum sponsa, aut cum sponso. Sic docent Ledesma, Gutierrez, Rebellus, Dicastillo, Coninchus, Sylvius, Gonet, et N. Antonius, quibus relatis subscribit N. Andreas tract. 9, de Matrim. cap. 1, punct. 1, num. 11. Quoniam ex parte utriusque, sive sponsa, sive sponsus sit, frangitur fides sponsalium et injuria adinvicem irrogatur ; siquidem ex vi illius contractus quilibet acquisivit jus ad corpus alterius, quamvis non in corpore. Porro talem injuriam esse gravem non solum sponso, cum sponsa alteri commiscetur, sed etiam sponsæ, quando sponsus cum altera peccat, ostenditur : quoniam sponsalia non debent dissolvi, nisi ex gravi causa ; sed ex eo, quod sponsus. vel sponsa fornicetur cum alio, possunt sponsalia dissolvi, ut docet communis sententia apud N. Andream ubi supra. cap. 2, punct. 5, num. 78, quam tenent vel ipsi Thomas Sanchez, et Basilius, qui contrarias opiniones immediate relatas tuentur : ergo sponsus, et sponsa cum aliis fornicantes sibi mutuo inferunt gravem injuriam.

Sanch.
Rodrig.
Bonacin.
Villalob.
Candid.
Tertia et
admit-
tenda
opinio.
Ledesm.
Gutierrez.
Rebell.
Dicastil.
Coninch.
Sylvius.
Gonet.
Anton.

Prima
sent.

injuriā, atque ideo contrahunt in suo peccato novā injuriā speciem in confessione explicandā. Accedit, quod sponsa sciens suū sponsum alteri fœminæ commisceri, merito suspicaretur se minus a sponso amari, et minus amandam post contractum matrimonium: timeret etiam prolem sponsi ex alia fœmina communibus sumptibus conjugum alendum fore: quæ motiva ipsam graviter offenderent, et contristarent, causamque justissimā afferrent, ut a sponsalibus resiliiret, et eorum dissolutionem juxta justitiæ leges sequeretur. Quod ut diximus, nunquam contingit absque gravi causa, quæ cum in hoc casu injuria sit, debet gravis reputari, sponsæque jura graviter offendens. Et hinc immediate patet ad motivum secundæ sententiæ: fatemur namque graviorem inter gentes injuriā reputari, quod sponsa fornicetur, quam quod sponsus: sed tamen in hujus fornicatione sufficienter reperitur gravis sponsæ contemptus, et injuria sponsæ, ut constat ab affectu rescindendi sponsalia. Patet etiam ad primæ fundamentum: nam licet per sponsalia non acquiratur jus in re, acquiritur tamen jus ad rem, et ad matrimonium futurum, ne scilicet injuste impediatur, et contractus dissolvatur sponsalium: sive autem sponsa, sive sponsus alteri commisceatur, impedimentum grave istis infert, atque ideo notabiliter agit contra alterius jus: quod nequit non esse gravis injuria. Exemplum vero, quo prima opinio se explicat, et tuetur, nihil valet ob manifestam disparitatis rationem: nam cum votum amplectendi statum religiosum sit promissio non religioni, sed soli Deo facta; nullum per tale votum jus religioni acquiritur vel in vovente, vel ad voventem: et ideo nullam patitur religio injuriā ex eo, quod vovens agit contra id, quod religiosa professio exposcit. Sed per sponsalia acquirit sponsus jus ad sponsam, et e converso: quare injuriā mutuo patiuntur, si alteri se tradant ad usum turpem. Quæ injuria constat, nam illam passus potest se vindicare præcedentem sponsalium contractum dissolvendo.

116. Colligitur sexto, quid dicendum sit de virgine, cum primo fornicatur; tenetur ne circumstantiam amissæ virginitatis in confessione fornicationis exponere? Et casus restringitur ad fœminas: nam

quantum ad masculos communis sententia tenet non magis obligari ad explicandum fornicationem, quam confitentur, fuisse primum actum, quo virginitatem amiserunt, quam furtum, quod confitentur, fuisse primum actum, quo furari cœperunt. Quare masculi non veniunt in præsentī consideratione. Et rursus de fœminis agendo restringendus sermo est ad actum fornicationis. sive copulæ carnalis, per quam materiale corporis virginitatem, sive integritatem amittunt, et desinunt juxta communem apprehendendi, et loquendi modum esse virgines, sive non corruptæ. Nam quod ad tactus impudicos, aut etiam pollutionem, quæ ipsæ in se provocant; cum relinquant materiale illam virginitatem, nec privent communi illo, ac vulgari virginum statu; communis etiam sententia fert; quod pro eis confitendis opus non sit circumstantiam virginitatis explicare, et prudentes confessores id minime inquirunt, quin non inquirere oportet a virginibus sacratis. Rursus aliæ, vel sunt sui juris, vel sub patria potestate, et parentum custodia. Denique vel virginitatem sponte sua amittunt, vel coacte, et per violentiam.

Et quidem in hoc posteriori casu, si non consentiant in carnalem delectationem, nihil habent, quod confiteantur, vel explicent aut de fornicatione aut de circumstantia virginitatis amissæ, quia in horum nihilo peccaverunt, ut supponitur. Si autem vel coactæ, vel per violentiam in carnalem delectationem consenserunt, non satisfaciunt confessioni dicendo præcise hunc turpem consensum, sed explicare debent virginitatis circumstantiam. ^{Ratio.} Oppositum docuit Sanchez lib. 7, de Matrimon. disp. 14, num. 13. Sed nostra resolutio suadetur: quia in prædicto casu deflorans virginem per violentiam supra peccatum fornicationis committit stuprum proprie, et specialiter dictum, quod est species diversa peccati: ergo licet virgo coacta fuerit, et eo ipso non committat directe stuprum, sed patitur: nihilominus, si in delectationem, et actum turpem tandem consentiat, cooperatur ad peccatum stupri, atque ideo non solum peccatum fornicationis committit ex operatione sua, sed etiam circumstantiam contrahit stupri propter cooperationem cum stupratore. Id-

que declaratur exemplo ejusdem virginis, quæ, si vi, aut metu compelleretur ad actum turpem cum homine conjugato, aut sacerdote, in cujus actus delectationem ipsa tandem consentiret; dubio procul non solum committeret peccatum incontinentiæ, sed etiam adulterii, et sacrilegii saltem ob cooperationem cum illis, qui hæc peccata ob sui conditionem in illo committerent, ut satis constat ex dictis num. 113, et communiter conceditur: ergo pariter virgo, quæ licet coacta cooperatur tandem ad sui stuprum, et in illo actu delectatur committit peccatum cum circumstantiastupri, illamque exponere debet in confessione.

Evasio 1
et ejus
enervatio.

117. Nec satisfacit, si cum Sanchez dicatur virginem in tali casu non cooperari ad sui stuprum, sed illud pati: sicut qui patitur sibi abscindi manum, ne occidatur, et de quo dici nequit, quod ad manus abscissionem cooperatur. Nam contra est, quod ille, qui ut vitam salvet, patitur suæ manus abscissionem, non delectatur in ea, sed illam solum permittit: in casu autem nostro supponitur delectari virginem in actu turpi, atque ideo coopererari cum stupratore ad illud speciale stuprandi peccatum. Sicut ille, qui sine justa causa petit mutuum sub usuris, peccat certe; non quidem, quia injuriam sibi inferat, sed quia cooperatur usurario peccanti, et injuriam illi inferenti.

Evasio 2
et ejus
responsio.

Nec iterum satisfacit, si cum eodem Sanchez dicatur id verificari, quando circumstantia malitiæ dependet a voluntate cooperantis: quod hic non contingit; quippe non est in voluntate virginis, quod vir inferat violentiam. Nam contra hoc est, quod, licet non sit in voluntate virginis tollere vim ex parte viri, atque ideo formalem rationem stupri; stat tamen in ejus voluntate non consentire in actum turpem, cui adjungitur stupri circumstantia: unde convincitur consentire non solum in actum turpem, sed etiam in eam circumstantiam cooperandi ad stuprum. Quod solet explicari exemplo superioris aliquid mandantis sub præcepto: est enim in ejus potestate illud tollere: si tamen non tollat, et cum subdito cooperetur ad transgressionem, participat in ea cooperatione inobedientiæ malitiam.

Nec ulterius refert, si cum Lugone dicatur virginem in es casu cooperari stupro ab homine illato, non quatenus malum est, sed quatenus est minus malum: quia in ipso inferente violentiam minus est inferre stuprum, quam necem puellæ. Sic enim juxta satis communem sententiam Petro determinato ad occidendum Joannem licet consulere, quod illum vulneret: quia id non consulitur ut absolute malum, sed ut malum minus, sive minoritas mali, aut carentia mali majoris. Nam contra hoc est: nam in ita consulente non supponimus consensum, et delectationem in vulnerationem: si enim in eam positive consentiret, plane peccaret, nec oppositum docet illa sententia. In nostro autem casu supponitur virginem consentire, et delectari in actu turpi, atque ideo peccare saltem peccato fornicationis: huic autem in tali casu adjungitur circumstantia stupri ex parte viri violentiam inferentis, ut etiam supponitur: ergo virgo non solum operatur culpam fornicationis, sed etiam cooperatur ad stuprum. Aliter autem contingeret, si ipsa non admitteret delectationem, sed præcise pateretur sui ignominiam, ad majus malum mortis vitandum, quod homo aggrediens minatur: pro quo melius adaptaretur exemplum propositum consulendo minus malum. Præterquam quod illa Lugonis doctrina est diminuta ad superaudum objectam difficultatem: nam vir posset vim inferre non comminando mortem, sed aliud malum. quod vel in re, vel in æstimatione puellæ esset minus peccatum, quam ipsum stuprum: ut si dominus famulæ pauperi comminaretur ejectionem e domo, aut etiam e loco cum aliqua nota: quod plane minus malum esset, quam virginis constupratio, et tamen sufficientem violentiam induceret, quanta ad stuprum requiritur. In quo casu non verificatur, quod Lugo intendit, nempe puellam quasi consulere minus stupri malum, ut majus vitet in stupratore peccatum.

Nec tandem satisfacit, quod respondet Emmanuel a Conceptione disp. 3, num. 483, puellam in casu proposito consentire ex metu solum in actum turpem, non autem in violentiam, quæ inferitur: cum autem ad stuprum requiratur violentia, minime colligitur illam peccare ex cooperatione

Evasio
propositi
enodatio.

ratione ad stuprum. Nam contra hoc est doctrina certa, superius tradita num. 113, ex fusius dictis in tract. de peccatis, quod, ut circumstantia influat malitiam, non requiritur, quod sit per se volita, aut terminet effectum; sed sufficit, quod cognoscatur, et quod possit retrahere, et non retrahat: nam eo ipso appetens, aut consentiens convincitur illam amplecti ex parte objecti, sive ferri in objectum cum tali circumstantia: quare non solum ab eo, sed ab ista etiam habet malitiam. Et ita contingit in casu proposito: nam etsi puella non consentiat in violentiam, consentit tamen in actum turpem violenter illatum, qui propriissime est stuprum, et cooperatur ad illum.

ject. 118. Sed oppones hinc inferri virginem gravius peccare, quando coacta consentit in sui dellorationem, quam si sponte fornicaretur; consequens est absurdum: ergo et doctrina ex qua inferitur. Sequela ostenditur: quia, si sponte fornicaretur, solum committeret simplicis fornicationis peccatum: dum vero coacte consentit, committit ultra fornicationem peccatum stupri cooperando ad huiusmodi peccatum; manifestum autem est plus peccare committentem simul fornicationem, et stuprum, quam qui præcise committit fornicationem: sequitur ergo ex nostra doctrina gravius peccare virginem, quæ coacta, et ex metu fornicatur, quam si id ageret sponte. Falsitas vero consequentis videtur manifesta: quoniam coactio, et metus diminuunt rationem voluntarii, atque ideo, et malitiam peccati, ut docent communiter Theologi, et Philosophi: ergo absurdum est dicere, quod virgo ex coactione, et metu consentiens in actum turpem plus peccet, quam si sponte consentiret. Et confirmatur: quia ex opposito fieret melius illam agere non resistendo a principio: quod nemo prudens admittet; cum resistere peccato sit de se bonum, et commendabile, quamdiu durat.

Ad objectionem respondetur concedendo sequelam ad hunc sensum, quod committit plura peccata, fornicationem scilicet, et stuprum. Et ad improbationem consequentis dicendum est rationem voluntarii diminui in eodem peccati actu, quando fit ex metu, et coactione; sed non impedire, quod actus peccati induat novam malitiam, et in hoc sensu fit majus peccatum. Quod

facile declaratur exemplo ejus, qui furatur sponte, et ejus, qui metu, et coactione obligatus adjuvat alterum, illique ad furandum cooperatur: nam primus solum committit unum peccatum: secundus vero committit duo peccata numero distincta, et in confessione explicanda. Ubi fieri valet eadem objectio, et difficultatis repræsentatio, quod gravius peccet, qui furatur coactus, quam qui furatur sponte: et respondendum est eodem modo, quod peccat gravius, id est plus peccat, quatenus committit plura peccata, nempe propriam operationem furandi, et cooperationem, ut alius furetur. An vero intensius peccet, est alia omnino difficultas: et non dubitamus quod in uno furto sponte commisso queat dari plus voluntarii, et major ab hoc capite malitia, quam in duobus actibus furandi, et adjuvandi alium ad peccandum, quando ex metu, aut coactione fiunt: quamvis nec in hoc certa regula assignari valeat, cum dependeat ex voluntate, et aliis malitiæ principiis, quibus unicus actus furandi sponte fit, et ex quibus possit excedere malitiam duorum peccatorum, et fundare majorem coram Deo poenæ reatum. Et idem dicimus in casu proposito, quod virgo plus peccat, id est, plura peccata committit, ubi fornicatur cum stupratore violento, quam si sua sponte peccaret: sed forte sponte fornicans plus, hoc est gravius, et intensius peccaret. Idemque in similibus casibus dicendum est, ut, si quis coactus haberet pollutionem coram alio: gravius peccaret, quam illam sponte, quia ultra proprium peccatum cooperaretur ad peccatum alterius, vi procurantis aspectum tam turpem. Ad confirmationem neganda est sequela: quia resistere peccato non solum est bonum, sed lege divina necessarium: et ideo virgo melius simpliciter agit resistendo, quam si a principio consentiret. Quod vero postea non persistat in resistendo, est per accidens, atque ex humana fragilitate. Sicut infidelem venire ad fidem est per se bonum, et commendabile: sed quod postea illam deserendo gravius peccet, quam si illam non suscepisset, est per accidens, et non ex ipsa fide, nec ejus assensu, sed ex peccandi, quam ex nobis habemus, potestate, aut potius infirmitate. Videatur Dicastillo disp. 9, dub. 8, cap. 1, a num. 445, ubi pluribus hinc inde circa

Confirmat. responsio.

Dicast.

hoc punctum discussis, concludit num. 154, quod per principia intrinseca est nostra sententia probabilior, quamvis non audeat improbare contrariam.

119. Sed eo accidentali, et particulari casu prætermisso, et regrediendo ad principale consecrarium, tenendum est virginem, quæ est sui juris, fornicantem non committere aliud quam fornicationis peccatum, nec obligari subinde ad manifestandum in confessione, quod eo primum peccato virginitatem amiserit : virginem constitutam sub potestate parentum, vel tutorum parentum loco, si fornicetur, addere malitiam stupri, et debere illam circumstantiam, utpote a simplici fornicatione diversam explicare in confessione. Contrariam priori consecrarii parti opinionem docent Nugnus in Supplem. q. 9, dub. 3, Petrus de Ledesma de Pœnit. cap. 19, dub. 5, Candidus, disp. 24, art. 23, dub. 7, N. Thomas a Jesu, Villalobos, Bonacina, et alii apud Leandrum disp. 8, quæst. 16, et putant sic docuisse D. Thomam. Sed id cum ea generalitate non asseruit, sed cum limitatione in secunda parte corollarii proposita, ut statim constabit. Prima vero ostenditur : quia virgo, quæ est sui juris, cum primo sponte virginitatem amittit, nulli facit injuriam, nec aliam supra fornicationem addit circumstantiam specie diversam : ergo non committit nisi peccatum fornicationis, nec aliud confiteri tenetur. Quod enim aliqui dicunt de clausura obstringente uterum virginalem, quam vocant membranam, facile reputant, et falsum peritissimi Medicorum, non aliud recognoscentium, quam partium comprehensionem, et complicationem. Esto autem daretur ; subditur tamen virginis potestati illud admittere sine alia nova malitia, quam fornicationis : sicut in ejus similiter potestate est amittere naturalem pulchritudinem per turpe illud repetitum exercitium, ut plerumque contingit. Unde nostra resolutio est communissima, illamque amplectuntur Sotus in 4, dist. 18, q. 2, art. 4, Sanch. lib. 7, de matrim. disp. 14, n. 5, Dicastillo disp. 9, dub. 8, n. 443, N. Antonius disp. 8, sect. 1, § 9, n. 428, Lugo disp. 16, n. 216, Suar. Vasq. Lessius, Diana, Trull. Navarro, et alii plures, quos refert, et sequitur Leand. loc. cit.

Nugn.
Ledesm.
Cand.
Thom.
Villalob.
Bonacin.
Ratio.

Sotus.
Sanch.
Dicast.
Anton.
Lugo.
Suarez.
Vasquez.
Lessius.
Diana.
Navarr.

Secunda vero corollarii pars de virgine sub parentum, aut tutorum potestate, et custodia existente probatur auctoritate, simul et ratione D. Thom. 2, 2, q. 154, art. 6, ubi ait : « Dicendum, quod ubi circa « materiam alicujus vitii occurrit aliqua « specialis deformitas, ibi debet poni deter- « minata species illius vitii. Luxuria autem « est peccatum circa venerea, ut supra « dictum est. In virgine autem sub custodia « patris existente quædam deformitas spe- « cialis occurrit, si corrumpatur : tum ex « parte virginis, quæ ex hoc, quod violatur « nulla pactione conjugali præcedente, im- « peditur a legitimo matrimonii conse- « quendo, et ponitur in via meretricandi, « a quo retrahebatur, ne signaculum vir- « ginitatis amitteret. Tum etiam ex parte « patris, qui de ejus custodia sollicitudi- « nem gerit, secundum illud Eccles. 42, « super filiam luxuriosam confirma custo- « diam, ne quando faciat te in opprobrium « venire inimicis. Et ideo manifestum est, « quod stuprum, quod importat illicitam « virginum deflorationem sub cura paren- « tum existentium, est determinata luxu- « riæ species. » Hæc S. Doctor. Ex quibus liquet ipsum non agere de qualibet virgini defloratione, nec docere omnem cum virgine coitum esse stuprum, et speciale luxuriæ peccatum ; sed determinate loqui de his, quæ sunt sub patria potestate, ut liquet ex illis verbis : « In virgine autem « sub custodia patris existente quædam de- « formitas, etc. » Et iterum repetit in fine, « Importat illicitam virginum defloratio- « nem sub cura parentum existentium. » De his igitur affirmat, quod illegitima earum defloratio, quæ in prima fornicatione contingit, sit stuprum et particularis luxuriæ species ob injuriam, quæ fit patri, sub cujus potestate, et custodia virgo exis- tebat. Quæ injuria non est apparens, aut imaginaria, sed vera in omnium æstimatione, ut constat ex testimoniis Scripturæ. *Confirma custodiam, ne quando faciat te in opprobrium venire inimicis.* Et præmissum D. Th. discursum magis confirmat Angelicus Doctor in resp. ad 3, his verbis : « Dicendum, « quod nihil prohibet unum peccatum ex « adjunctione alterius deformius fieri. Fit « autem deformius peccatum luxuriæ ex « peccato injustitiæ » (ecce circumstan- tiam mutantem speciem) « quia vide- tur

Ratio
D. Th.

D. Th.

« tur concupiscentia esse inordinatio ,
 « quæ a delectatione non abstinet, ut inju-
 « riam vitet. Habet autem duplicem inju-
 « riam connexam. Unam quidem » (hæc
 « pertinet ad stupratorem) « puellæ, quam
 « etsi non vi corrumpat, tamen eam sedu-
 « cit, et sic tenetur ei satisfacere. Unde di-
 « citur Exod. 22 : Si seduxerit quis virgi-
 « nem nondum desponsatam, dormierit-
 « que cum ea dotabit eam, et habebit eam
 « in uxorem. Si autem pater virginis dare
 « noluerit, reddat pecuniam juxta modum
 « dotis, quam virgines accipere consueve-
 « runt. Aliam vero injuriam facit patri
 « puellæ : unde ei secundum legem tenetur
 « ad pœnam. Dicitur enim Deut. 22 : Si in-
 « venerit vir puellam virginem, quæ non
 « habet sponsum, et apprehendens concu-
 « buerit cum illa, et res ad judicium vene-
 « rit, dabit, qui dormierit cum ea, patri
 « puellæ 50 siclos argenti, et habebit eam
 « uxorem. Et quia humiliavit illam, non
 « poterit dimittere eam cunctis diebus vitæ
 « suæ. Et hoc ideo ne videatur ludibrium
 « fuisse, ut Augustinus dicit. » Ex quibus
 constat, quod etiam abstrahendo ab inju-
 ria, quam violator infert puellæ, quæ ipsa
 sponte consentiente nulla est, datur ulte-
 rius injuria parenti puellæ irrogata, pro
 qua eluenda imponitur pœna quinquaginta
 siclorum argenti patri solvendorum. Ad
 hanc vero patris injuriam non minus con-
 currit puella in sui dellorationem sponte
 veniens, quam violator. Unde concluditur
 virginem sub patris custodia existentem,
 si sponte fornicetur, addere supra peccat-
 um fornicationis, specialem circumstan-
 tiam injuriæ in parentem : cui facile ad-
 demus aliam ex defectu pietatis, et reve-
 rentiæ ipsi debitam. Unde ultra illos, qui
 generaliter docent virginem, quæ sponte
 amittit virginitatem, committere stuprum,
 et debere circumstantiam virginitatis pri-
 mo amissæ explicare in confessione, id
 docent specialiter de virgine sub patria
 potestate existente Sotus, Silvester, Ange-
 lus, Tabiena, Armilla, Graffius, Pedrosa,
 Torreblanca, et alii apud Leandrum disp.
 8, quæst. 17. Et Trullench lib. 6, cap. 5,
 dub. 3, licet teneat sententiam oppositam,
 fatetur nostram esse communem. Quibus
 addendi sunt N. Franciscus cap. 8, punct.
 4, num 57, Lessius de Justitia cap. 10, dub.
 1, Salas tom. 2, in 1, 2, tract. 13, disp. 6,

num. 59, Dicastillus disp. 9, dub. 8, num.
 443, et Illustrisim. Lepe in Catechismo
 Catholico part. 3, cap. 23, num. 9, dicens
 de hoc dubitari non posse. Qui optime ob-
 servant eam circumstantiam dellorationis
 afferre per se gravem malitiam contra
 pietatem et charitatem debitam parenti-
 bus, sed quorum potestate, et cura virgo
 debebat. Nam illis infert vehementem justi
 doloris causam, et gravem ignominiam in
 communi æstimatione : et ansam, ut alii
 judicent de minori parentum diligentia
 in recte educando, et servando virginem.
 Quod est illis opprobrium, ut ex Scriptura
 vidimus. Compellit etiam illos incontinen-
 tia filiæ, ut vel eam in minus digno collo-
 cent matrimonio ; vel ad augendum dotem,
 ut digne collocent : unde ulterius conse-
 quuntur gravissima damna, ut cædes, et
 inimicitia inter familias, aliaque incom-
 moda, ut satis ex se, et ipsa experientia
 liquet.

Confirmatur : nam longe major inordi-
 natio erga parentes est in eo, quod filia
 sub parentum potestate existens amittat
 sponte virginitatem per copulam illicitam,
 quam quod matrimonium contrahat absque
 illorum licentia. et consilio : siquidem
 manifestum est in hoc secundo minorem
 illis fieri injuriam, minoremque illis dari
 mœroris causam, quam in primo. Sed quod
 virgo sub potestate parentum constituta
 absque eorum consilio, et consensu nubat,
 est peccatum mortale, ut recolunt gravis-
 simi Auctores, Sotus in 4, dist. 78, quæst.
 1, art. 1, Bellarminus lib. 1, de Matrim.
 cap. 14, Navarrus in Summa, cap. 14, Basiliius.
 num. 5, Basiliius lib. 2, cap. 1, Ledesma 3,
 part. quæst. 47, art. 6, dub. 2, Henriquez,
 Rodriguez, Rebellus, et alii apud N. An-
 dreas, de Matrimonio, cap. 6, punct. 2.
 Et saltem talem virginem teneri sub mor-
 tali consulere circa hoc parentes, et expec-
 tare eorum consilium, docent præter rela-
 tos, Thomas Sanchez, N. Gabriel, et Thom.
 Coninchus apud prædictum Andreas loco Gabriel.
 cit. num. 21. Et quamvis ipse oppositam
 sententiam tueatur, nihilominus recog-
 noscit num. 24, motiva prædictarum sen-
 tentiarum multo magis urgere in filiabus,
 quam in filiis : nam illæ minus cognoscere
 queunt inconvenientia, quæ ex matrimonio
 absque obedientia, aut saltem parentum
 notitia contrahere tentant, possunt sibi, et

Confir-
 matio.

Sotus,
 Bellarm.
 Navarr.
 Basiliius.
 Henriq.
 Rebell.

Thom.
 Sanchez.
 Gabriel.
 Coninch.

as,
 ve-t.
 gel.
 sien.
 mill.
 f.
 irosa,
 ill.
 neis.
 sus.
 re.

familiæ provenire ; et aliunde illarum honestatem decet ad matrimonium contrahendum non se intromittere. Propter quæ, et alia motiva supposuit ab initio prædictus Auctor ut omnino certum filias ita se gerentes non posse a peccato saltem veniali excusari. Unde non satis consequenter postea num. 22 asseruit tale peccatum non esse mortale : nam materia ex genere suo satis gravis est, ut constat ab effectu, sive inconvenientibus, quæ matrimonio absque licentia, aut saltem notitia parentum facta per se, et regulariter loquendo consequuntur. Et quod culpa sit gravis, ex eo convincitur, quod parentes possunt juste filios, ipsis invitis, aut inconsultis, contrahentes bonorum hæreditate privare, ut præter supra relatos docent Molina de Justitia tract. 2, disp. 179, Vega lib. 5 Summæ, casu 559, et alii plures, nec Andreas negat id esse probabile ; nec quidem posset : nam præter plurimas leges juris civilis communis ita disponentes, et quæ per jus canonicum non sunt correctæ, dantur particulares leges Regnorum Hispaniæ, Galliæ, Lusitaniæ præbentes parentibus facultatem exhæredandi filios, qui matrimonium celebrant contra earum voluntatem. Quæ pœna cum sit gravissima, manifestat gravitatem culpæ in contrahentibus illo modo. Cum ergo longe majorem contra parentes inordinationem committat virgo sub eorum potestate constituta, quæ virginitatem prostituit ; siquidem istud est incomparabiliter turpius, et pro quo nullus possit præsumi, aut imaginari parentum consensus ; sequitur virginem ita se gerentem committere præter fornicationem aliud speciale peccatum, illud scilicet, quod D. Thomas significavit, injuriæ videlicet in parentes, sub quorum custodia, potestate, et directione manebat.

120. Contrariam opinionem tuentur Diana, Lugo, Ochogavia, Fagundez, et Trullench, quos refert, et sequitur Leander disp. 8, qu. 17, Delgadillo, cap. 18, dub. 69, Emmanuel disp. 3, quæst. 11, num. 478, N. Antonius disp. 8, sect. 1, § 9, num. 429, et alii. Qui communiter illam fundant in eo, quod motivum ex D. Thoma desumptum, et a nobis propositum non concludat. Tum, quod licet virgo sit sub patria potestate, nihilominus est domina proprii corporis : ergo illo utendo ad ac-

tum turpem nemini ex vi hujus facit injuriam, ut patet in eadem virgine, si libera sit a patria potestate, et committat simplicem fornicationem, ut diximus nu. præc. in prima corollarii parte. Tum etiam, nam, quod ex amissione virginitatis in filia ; sequatur major parentum, aut aliqua eorum infamia, est per accidens, et præter intentionem puellæ : atque ideo non sufficit, ut ejus fornicatio superinduat specialem malitiam injuriæ, aut impietatis in parentes, ut patet in religioso continente, qui etiam sua turpitudine dat suæ religioni occasionem alicujus dedecoris, et tristitiæ ; et tamen non propterea incurrit suo peccato malitiam injustitiæ, impietatis, aut inobedientiæ contra suam religionem. Tum præterea, quia prædicta incommoda non solum sunt præter intentionem puellæ fornicantis, sed etiam quæ vitari, et impediri possunt vel occultatione, vel aliis mediis, ita ut matrimonium ejus non fiat parentibus magis onerosum, sed æque bene fiat, ac si illa corrupta non fuisset. Tum denique, nam ex opposito fieret illam non solum incurere illam specialis malitiæ circumstantiam in sua defloratione, sive in prima fornicatione. Sed etiam in secunda, et in tertia, et aliis commissis, quamdiu manet sub patria potestate ; siquidem in his, sicut et in prima occurrunt eadem incommoda injuriæ, et diffamationis, ac mœroris, ut nos ponderavimus, in parentibus. Quod tamen nemo dicit, nec in usu est, quod jam corrupta explicat in suis fornicationibus similem circumstantiam.

Sed his occurrere non est arduum : quia non vitant, quod motivum a D. Thom. propositum currat, ut urgeat per se in casu præmisso : sed solum quod aliquando, et per accidens possit aliqua ratione impediri : in his autem doctrinalibus resolutionibus attendendum est ad ea, quæ per se, et communiter sunt, non ad ea, quæ sunt per accidens. Unde ad *primum* respondetur : puellam sub patria potestate existentem dominam quidem sui corporis esse, sed cum dependentia a parentibus ob reverentiam eisdem debitam. Unde communis sententia est illam, si inconsultis parentibus se det in matrimonium, peccare saltem venialiter : quod manifestum signum est prædictæ dependentiæ. Quanto igitur amplius

Molin.
Vega.

Tertio

Quar-
tum

Diluitur
moti-
vum 1.

Opinio
opposita.
Diana.
Lugo
Ochog.
Fagund.
Trull.
Leand.
Delgad.
Anton.
Molin.
vum 1.

Secun-
dum.

amplius peccabit, si fornicetur? Ad *secundum* dicendum, quod, ut puella committat culpam injuriæ, et irreverentiæ in parentes, non requiritur, quod id intendat; sed sufficit, quod prævidens eam circumstantiam, per illam non retrahatur a peccando: sicut enim convincitur velle fornicationem cum injuria parentum, ut jam sæpius in superioribus dictum est, et patet in eadem peccante cum conjugato, quamvis enim non intendat offendere ejus uxorem, tamen committit contra illam injustitiam. Et exemplum religiosi incontinentis non magis evincit: nam, si prævideret ex suo peccato similia damna passuram suam Religionem, similem profecto malitiam suæ incontinentiæ adderet necessario explicandam in confessione. Sed id communiter, et per se non contingit in viris, quorum unum, aut aliud incontinentiæ peccatum ita occultari potest, et solet, ut nulla infamia refundatur in Religionem. Secus accidit in feminis, ut statim constabit. Ad *tertium* respondetur: illam occultationem, et alia remedia esse omnino per accidens respectu infamiæ, et injuriæ parentum, istud namque damnum sequitur per se ad filiæ deflorationem, quæ per se affert imprægnationem, partum, principium meretricandi, et alia, quæ per se, et communiter loquendo minime occultari valent, et inducunt parentum justissimam tristitiam, et non mediocrem infamationem. Ad quartum negamus sequelam: nam illa specialis parentum injuria jam in defloratione, seu prima filiæ fornicatione inducta fuit: et per accidens est, quod filia ea peccata repetat, quæ communiter præsumuntur de illa, quæ virginitatem exposuit, et parvipendit: in communi enim æstimatione, priori infamatione supposita, hoc posterius non multum refert ad ejus incrementum, quin habetur tanquam ejus regulariter appendix.

121. Sed duo hic observare oportet. Primum circa nostram resolutionem, quod licet ea vera sit; nihilominus negare non possumus probabilitatem contrariæ, sumptam præcipue ab auctoritate illam defendentium. Qua probabilitate utens, quæ virginitatem in casu proposito amisit, poterit eam circumstantiam non explicare in confessione, sed solum peccatum fornicationis; præcisive ab eo quod virginitatem eo pec-

cato perdiderit, et quod tunc fuerit, aut non sub potestate parentum. Et eadem probabilitate agens confessarius excusatur ab inquirendo circa prædictas circumstantias: et consultius est, quod ab ea inquisitione absteineat ob qualitatem materiæ, tam conversatione, quam imaginatione, quantum licite fieri potest, vitandæ. Unde quamvis resolutionem nostram speculative censeamus veriolem, (nempe deflorationem virginis sub patria potestate existentis importare circumstantiam mutantem speciem) tamen quantum ad praxim constendi, (videlicet non explicando eam circumstantiam, nec circa illam inquirendo) multum inclinamur ad contrariam, et eam consuleremus sufficienti, ut putamus, securitate.

Secundum circa fundamentum prædictæ *Secunda.* resolutionis: cum namque in eo positum sit, quod virgo sub patria potestate existens per amissionem voluntariam virginitatis injuriam irroget parentibus, ut explicuimus, et addat proinde supra fornicationem circumstantiam specie diversam: inde a contrario sensu colligendum est, quod parentibus consentientibus (vel formaliter per expressum consensum, vel virtualiter ex non repugnantia, aut resistentia) in filiæ deflorationem, hæc erit tantum fornicatio, et non contrahet specialem injustitiæ malitiam: quia scienti, et consentienti non fit injuria: et propterea nec virgo corrupta, nec stuprator obligabitur aliud confiteri, quam simplicem fornicationem. Quod declaratur exemplo: nam, si sponsa fornicetur cum alio, committit incontinentiam cum circumstantia injuriæ sponso irrogatæ, necessario explicanda in confessione: sed, si consentiente sponso alteri commisceretur, solum committeret incontinentiæ peccatum: quia sponso cedenti non fieret injuria. Idemque in nostro casu dicendum est, ubi parentes consentiunt. Cui doctrinæ non opponitur decretum Innoc. XI damnantis hanc (50, inter alias) propositionem: « Copula cum conjugata consentiente marito non est adulterium: ideoque sufficit in confessione dicere esse fornicatum. » Non inquam, opponitur: nam in matrimonio *Propositio damnata.* conjunctis occurrit ratio longe diversa, bonum scilicet fidei Sacramenti, cui conjuges nec renuntiare, nec contradicere possunt: et quamvis renuntiarent, nihil efficere pos-

sent ob indissolubilitatem sacramentalis conjugii ; sed semper resultaret injuria tum in sacramentum, tum in conjugem ut ea ligatum. Quæ ratio non militat in parentibus respectu filiæ, sicut nec in sponso respectu sponsæ, ut ex se liquet.

Septi-
mum.

122. Colligitur septimo confessarium, qui omnino extra actum confessionis, et procul prorsus ab illo, et ejus titulo, libidinose peccavit cum pœnitente, non obligari ad manifestandum in confessione circumstantiam penitentis, quod scilicet sit, aut fuerit, ut vocare solent, filia spiritualis. Diximus, « confessarium, qui omnino extra actum « confessionis, » etc. ut significaremus oppositum dicendum fore, ubi vel in actu confessionis, vel ejus prætextu, vel in confessionis loco, vel alibi paulo post confessionem confessarius provocaret pœnitentem ad actus libidinosos : tunc quippe incurreret malitiam sacrilegii ob irreverentiam in Sacramentum ; quam merito Ecclesia punit gravissimis pœnis impositis contra confessarios sollicitantes. Et idem proportionabiliter dicimus de confessario, qui titulo dirigendi filias confessionis illas frequenter visitat, et alloquitur, agitque de præteritis confessionibus, et hoc titulo corrumpit in turpia, aut in non raro contingens ruendi periculum : nam hoc etiam species quædam sacrilegii est, illud faciens odiosum apud fœminarum parentes, vel maritos, ut optime observavit N. Franciscus, cap. 8, punct. 4, num. 58. Quare consecrarium nostrum procedit præcisive ab omnibus his circumstantiis, attendendo dumtaxat ad hoc, quod confessarius rem turpem habuerit cum ea, cujus confessionem, aut confessiones audierit. Et nec sic intellectum, ac restrictum difficultate caret : nam sententia illi contraria est certe communior, quam docent Sotus, Viguerius, Nugnus, Turrecr-

Franc.

Sotus,
Viguer.
Nugnus.
Turr.
Gall.
Vivaldus
Lopez.
Tabien.
Armili.
Sanchez.
Navarr.
Coninch.
Fagund.
Andreas.

mata, Gallego, Vivaldus, Lopez, Tabiena, Armilla, Navarrus, Sanchez, Coninchus, Fagundez, et alii plures apud Dianam l p. tract. 7, resolut. 12, et Dicastillum disp. 9, dub. 8, numer. 602. Et hanc sententiam censet probabiliorem N. Andreas de Matrimon. cap. 12, punct. 2, numer. 27, quia apparet magis conformis D. Thomæ : de quo statim. Et quamvis ejus patroni varient in assignando speciale in hoc casu malitiam, et radicem ejus, ut propterea opus sit talem circumstantiam explicare in con-

fessione : nihilominus communius, et validius apud illos fundamentum est, quod inter confessarium, et pœnitentem generatur non quidem ex natura rei, sed ex institutione Ecclesiæ, quædam cognatio spiritualis sicut in Baptismo, et Confirmatione contingit : quare sicut baptizans, si fornicetur cum a se baptizata, incurrit specialem malitiam in confessione explicandam ; sic etiam incurrit confessarius, qui peccat cum ea, cujus confessionem excepit. Assumptum vero probatur urgenter ex Jure Canonico : nam in Can. *Omnes* 30, quæst. 1, inquit Symmachus Papa : « Omnes quos in pœnitentia suscipimus, ita « sunt nostri spirituales filii, ut et ipsi. « quos vel nobis susipientibus, vel trinæ « mersionis vocabulo mergentibus, unda « sacri Baptismatis regeneravit. » Et Sylvester Papa ibi relatus subjungit : « Nullus « sacerdos causa fornicationis ad suam « pœnitentialem accedat : quia scriptum « est : Omnes, quos in pœnitentia accipi- « mus, ita filii nostri sunt, ut in Baptis- « mate suscepti. » Et ibidem in Can. *Non debet*, addit Cælestinus Pontifex : « Non « debet Episcopus, aut Presbyter commiseri cum mulieribus, quæ sibi fuerint « confessæ peccata. Si forte (quod absit) « hoc contigerit, sic pœniteat, quomodo de « filia spirituali, Episcopus quindecim « annos, Presbyter duodecim, etc. » Quæ similitudo a tot Pontificibus asserta, et graves contra peccantes cum filiabus confessionis pœnæ ab eisdem statutæ palam videntur assumptum evincere.

Sed persistendum est in proposito con-
sectario, quod etiam amplectuntur Petrus de Ledesma de Matrim. quæst. 56, art. 2, dub. ultimo, et in Summa de Pœnit. cap. 19, Basil. Pontius de impedimentis matrimon. causa 30, cap. 24, Bonacina quæst. 4, de matrim. punct. 16, num. 7, Joannes Sancius disp. 11, num. 5, Ochogavia, Ludovicus de S. Joan. Gaspar Hurtado, Lugo, quos refert, et sequitur Dicastillo loco cit. num. 603, N. Gabriel de Pœnit. disp. 8, quæst. 6, difficult. 5, Emmanuel a Concept. disp. 3, quæst. 13, num. 503, pro eadem referens Moyam disp. 3, de Pœnit. quæst. 2, Villalobos tract. 9, difficult. 36, et alii plures. Fundamentum desumitur ex ever-
sione contrarii, et potest ita proponi : nam quod sacerdos peccet cum muliere, cujus
confessionem

Ledes
Ponti
Bonac
Sanciu
Ochog
Ludov
Hurtad
Lugo.
Dicast
Gabrie
Emma

Ratio.

confessionem semel, vel aliquoties audivit, non importat ex vi hujus circumstantiam specie diversam, sed ad summum aggravantem intra eandem speciem : ergo talis circumstantia non debet necessario explicari in confessione. Consequentia patet ex generali doctrina dub. præced. tradita. Antecedens vero suadetur, quia, quod inter confessarium, et pœnitentem contrahatur aliqua specialis spiritualis cognatio, contra quam agat sacerdos turpiter peccando cum pœnitente, et propter quam peccato incontinentiæ addat circumstantiam malitiæ specificæ diversæ, ut Adversarii discurrunt; vel proveniret ex ipsis rerum naturis, vel ex dispositione Ecclesiæ, quippe talis effectus in aliud caput revocari non valet, ut discurrenti constabit; atin primis id revocari non potest in rerum naturas, ut fere omnes Adversarii recognoscunt. Quid enim ex natura rei interest quod sacerdos semel, aut his ministraverit mulieri sacramentum pœnitentiæ, ut propterea dicendus sit habere cum ea speciale vinculum cognitionis spiritualis? Plane, si res ita se haberet, idem contingeret sacerdoti administranti semel, aut bis mulieri sacramentum Extremæ unctionis, et frequentissime sacramentum Eucharistiæ. Quod nemo dixit, aut imaginatus est. Rursus, quod ad Ecclesiæ dispositionem attinet, fatemur illam olim ita ordinasse, prout ex relatis canonibus edocemur, saltem quantum ad impositionem satisfactionum sive pœnitentiarum, quæ ibi recensentur. Sed modo non datur in Ecclesia talis dispositio, sive ordinatio, quin positive revocata est per Bonifacium VIII, ut constat ex titulo *de cognitione spirituali* in 6. Nam in cap. 1, (tribus tantum componitur ille titulus) asserit cognitionem spirituales ex Baptismo dicens : « Cognitionem spirituales ex Baptismo contrahi jure constat. » Deinde cap. 2, asserit cognitionem spirituales ex Confirmatione, dicens, « ut ex Prædecessore nostro Clemente Papa III colligitur evidenter. » Demum cap. 3, et finali concludit : « Ex datione aliorum Sacramentorum cognitio spiritualis nequaquam oritur. » Ergo modo in Ecclesia non datur alia cognitio spiritualis, atque ideo nec illa, quæ olim juxta allegatos canones oriebatur ab administratione sacramenti pœnitentiæ : nam lex posterior

corrigit, restringit, aut etiam tollit priorem. Et per hoc patet ad fundamentum prioris sententiæ, quin opus sit alia ei occurrere responsione. Doctrina vero immediate tradita vel ex eo non infirme confirmari potest, quod ubi in Confessarii non intervenit crimen sollicitationis, prout ambit confessionis actum, locum, prætextum, simulationem, et alia omnia, quæ ultimo recensentur in bulla Gregorii XV. circa hanc materiam : nemo curat, quod mulier aliquando confessa fuerit sacerdoti, cum quo postea peccat : neque quod sacerdos parochus peccet aliquando cum mulieribus suæ Parochiæ quarum confessiones audire solet, et ex officio debet. Quamvis enim hoc satis turpe sit, et dignum gravi supplicio ; tamen non reputatur peccatum contra aliquam spiritualem cognationem, nec punitur pœna in eis antiquis canonibus assignata. Quod signum est correctos fuisse per contrariam declarationem Ecclesiæ, et communem fidelium consuetudinem, sciente ipsa Ecclesia firmatam.

123. Et hanc, quam præferimus esse, D. Thomæ sententiam, cujus auctoritate impeditus N. Andreas magis adhæsit contrariæ opinioni, constat transcribendo integrum testimonium Angelici Doctoris (quod non satis expendit prædictus Auctor) in 1, dist. 42, q. 1, art. 2, et reperitur in Supplemento q. 56, art. 2, eisdem verbis Agit itaque D. Thomas de causis, per quas inducitur spiritualis cognatio, et rejectis aliis quibus opinionibus, concludit in corp. art. « Et ideo alii dicunt, quod tantum per duo « Sacramenta contrahitur, scilicet per Confirmationem, et Baptismum : et hæc est « opinio communior. » Cui ipse subscribit, et robur addit optima congruentiæ ratione in resp. ad 1, dicendo : « Duplex est carnalis nativitas. Prima in utero, in quo Idem. « adhuc id, quod natum est, est adeo debile, « quod non possit extra exponi sine periculo : et huic nativitati assimilatur regeneratio per baptismum, in quo regeneratur aliquis adhuc quasi fovendus intra « uterum Ecclesiæ. Secunda est nativitas « ex utero, quando jam quod natum erat, « tantum in utero roboratum est, quod « potest sine periculo exponi exterioribus, « quæ nata sunt corrumpere : et huic assimilatur Confirmatio, per quam homo « roboratus exponitur in publicum ad con-

Concil.
Trid.

« fessionem nominis Christi. Et ideo con-
« grue per utrumque istorum Sacramento-
« rum contrahitur spiritualis cognatio. »
Hæc S. Doctor, nullam aliam ex aliis
Sacramentis ortam recognoscens spiritua-
lem cognationem. Quam resolutionem
multum commendavit Concilium Trid.
sess. 24. de Reformat. cap. 2, has a D.
Thoma assignatas recenseus, et admittens,
« omnibus, *ut inquit*, inter alias personas
« hujus spiritualis cognationis impedimen-
« tis omnino sublatis. »

Nunc videamus, quæ ex D. Thom. pos-
sunt opponi, et opponit N. Andreas, et ex
eis convincemus S. Doctorem esse evidenter
pro nobis. Octavum argumentum erat :
« Sicut per Baptismum tollitur peccatum
« originale, ita per pœnitentiam actuale :
« ergo sicut baptismus causat spiritua-
« lem cognationem, ita et pœnitentia. » Nonum
erat : « Pater nomen cognationis est : sed
« per pœnitentiam, et doctrinam, et curam
« pastorem aliquis dicitur alteri spiritua-
« lis pater : ergo ex multis aliis præter
« baptismum, et confirmationem spiritua-
« lis cognatio contrahitur. » Quæ ita di-
luit. « Ad octavum dicendum, quod per
« sacramentum pœnitentiæ non contrahi-
« tur proprie loquendo spiritualis cognat-
« tio. Unde filius sacerdotis potest con-
« trahere cum illa, quam sacerdos in
« confessione audit : alias filius sacer-
« dotis non inveniret in tota Parochia
« mulierem, cum qua contrahere posset.
« Nec obstat, quod per pœnitentiam tolli-
« tur peccatum actuale : quia hoc non est
« per modum generationis, sed magis per
« modum sanationis. Sed tamen per pœni-
« tentiam contrahitur quoddam fœdus inter
« mulierem confitentem, et sacerdotem,
« spirituali cognationi simile : ut tantum
« peccet eam carnaliter cognoscens, ac si
« esset sua spiritualis filia. Et hoc ideo,
« quia maxima familiaritas est inter sa-
« cerdotem, et confitentem. Et ob hoc ista
« prohibitio est inducta, ut tollatur pec-
« candi occasio. Ad nonum dicendum, quod
« pater spiritualis dicitur ad similitudi-
« nem patris carnalis. Pater autem carna-
« lis, ut Philosophus. dicit in 8 Ethic.
« tria dat filio, esse, nutrimentum, et
« instructionem. Et ideo pater spiritua-
« lis aliquis alicujus dicitur ratione ali-
« cujus horum trium. Tamen ex hoc,

« quod est spiritualis pater, non habet
« spiritualem cognationem, nisi conveniat
« cum patre quantum ad generationem,
« per quam est esse. Et sic etiam potest
« solvi octavum, quod præcessit. » Ex qui-
bus liquet, quam nihil subsidii habeat in
D. Thoma opinio contraria ; siquidem
expresse affirmat « per sacramentum
« pœnitentiæ non contrahi proprie lo-
« quendo spiritualement cognationem. » Affir-
mat etiam « ad hoc, quod, ut pater spiri-
« tualis habeat cum aliqua spiritualement
« cognationem requiri, comparatur ut
« pater quantum ad generationem, sive
« communicationem primi esse : quod non
« reperitur in sacramento pœnitentiæ,
« utpote non institutum per modum gene-
« rationis, sed per modum sanationis. »
Affirmat denique inter confessarium, et
pœnitentem « contrahi quoddam fœdus
« spirituali cognationi simile. » Ergo ex ejus
sententia inter confessarium, et pœniten-
tem non datur cognatio spiritualis vera,
et proprie talis ; sed solum aliqua conjunc-
tio spirituali cognationi similis. Id vero
minime sufficit, ut actus turpis Confessarii
cum pœnitente induat supra incontinen-
tiam aliam malitiæ circumstantiam specie
distinctam. Quæ vero difficultatem facessere
queunt, sunt illa verba : « Ut tantum pec-
« cet carnaliter cognoscens, ac si esset
« sua spiritualis filia : » quippe si vere
esset sua filia spiritualis proculdubio con-
traheret specialem malitiam necessario
explicandam in confessione. Sed evacuatur
ea difficultas respondendo S. Doctorem
loqui secundum canones antiquos supra
relatos, et in ordine ad pœnitentias in eis-
dem statutas. Cum enim suo tempore adhuc
vigerent, oportuit, quod secundum illos
tunc loqueretur. Sed illos postea correxit.
restrinxitque Bonifacius VIII, cujus decre-
tum non vidit S. Doctor, quia tempore
Bonifacium præcessit. At, si vidisset, ei
subscriberet, ut nos fecimus. Nihil ergo
est in D. Thoma, quod adjuvet opinionem
adversam.

124. Colligitur octavo Eunuchum, sive Octav
impotentem, si fornicetur, debere in con-
fessione hanc circumstantiam explicare.
Quia tale peccatum est contra naturam, ut-
pote oppositum fini generationis : atque
ideo importat circumstantiam mutantem
speciem, ut contra Filliucium, qui de hoc
dubitasse

dubitasse videtur, docent communiter Auctores apud Dianam 3 part. tract. 4, resolut. 139, Lugo, Dicastillo, N. Gabriel, N. Antonius, quos refert, et sequitur N. Franciscus cap. 8, punct. 4, num. 65, et nominatim Thomas Sanchez lib. 7, de matrim. disp. 5, num. 14, qui tamen non satis consequenter processisse videtur, cum postea eodem lib. disp. 102, a num. 6, affirmat licere copulam marito non potenti verum semen effundere, quia utroque teste caret: nam talis, inquit ille, uultur jure suo, dum vacat actui conjugali, quem matrimonium permittit. Quæ duæ assertiones minime cohærere videntur; nam, si fornicatio eunuchi est peccatum contra naturam, neutiquam regulatur penes statum matrimonii, aut ejus carentiam; sed penes modum ipsius copulæ per respectum ad possibilem ex ea generationem, quæ est finis talis actus. Et ideo copula, quæ inter solutos est contra naturam etiam est contra naturam si inter illos jam conjugatos eodem modo exerceatur. Unde falso asserit Sanchez maritum ex supervenienti accidenti factum eunuchum uti jure suo, vacando actui, quem matrimonium permittit: quoniam matrimonium non permittit copulam contra naturam, nec ullum jus esse potest ad actum naturæ contrarium. Quare magis consequens foret, vel negare fornicationem eunuchi esse peccatum contra naturam, quod communi sententiæ repugnat: vel concedere copulam mariti facti eunuchi esse contra naturam, ac perinde importare circumstantiam malitiæ necessario explicandæ in confessione. In quo non oportet amplius immorari, sed magis lectorem ad eos remittere, qui rem ex professo versant agentes de matrimonio. Videatur N. Andreas in ejus tract. cap. 12, numer. 111, et punct. 11, num. 134.

125. Colligitur nono, pœnitentem consuetudinalia peccata committere non obligari ad manifestandum in confessione hanc sui peccati circumstantiam, sive consuetudinem: atque ideo eum, qui ex inveterata consuetudine fornicatur hodie, satisfacere confitendo istud peccatum, licet præcedentia non recenseat, nec exponat consuetudinem illa committendi. Sic contra aliquos relatos a Diana tom. 1, tract. 7, resolut. 15, sentiunt communiter Doctores, ipse Diana, Sotus, Cano, Vasquez, Suarez, Sa,

Reginaldus, Palaus, Bonacina. Lugo, Dicastillo, N. Gabriel, N. Antonius, et alii, quibus relatis suscribit N. Franciscus cap. 8, punct. 4, num. 67. Quam communiter probant ab inconvenienti: quia, si quis teneretur confiteri consuetudinem peccandi, teneretur eadem peccata semel, et iterum confiteri; sed nemo perse loquendo tenetur ad sæpius confitendum eadem peccata: ergo per se loquendo non obligatur ad explicandum consuetudinem peccandi in hac, aut illa materia.

Possumus tamen positive idem consecutarium probare: quia per consuetudinem peccandi in materia v. g., luxuriæ vel significantur ipsa actualia luxuriæ, peccata, quatenus frequentatur, et unum post aliud succedit; vel significatur aliquis habitus pravus ex repetitione talium actuum acquisitus? Si dicatur primum; manifestum est, quod confessis actibus, manifestatur consuetudo, quæ ab eis in præmisso sensu non differt: nec id proprie loquendo pertinet ad circumstantias mutantes speciem de quibus agimus in præsentia; sed magis ad distinctionem numericam peccatorum, de qua dictum est dub. 3, § 3. Si autem eligatur secundum: facilius adhuc dispellitur: tum, quia habitus pravus non est materia hujus sacramenti; cum non sit formaliter peccatum, quin remanere soleat post justificationis gratiam. Tum, quia, si ita res se habeat, nemo tenebitur consuetudinem peccandi confiteri, usque dum sciat habitum vitiosum acquisivisse: quod nemo faciliter in actu signato determinabit. Tum denique: quia licet comparatio talis habitus foret circumstantia aggravans actus peccaminosos: non tamen varians, aut mutans speciem: quia, et ille, et isti respicerent idem specificè objectum, cum sola differentia materiali majoris, aut minoris permanentiæ.

Confirmatur, et explicatur: quia ita se habet consuetudo peccandi in aliqua determinata linea, v. g. furandi, aut pejerandi, sicut consuetudo peccandi in genere, sive in omnibus, aut plurimis speciebus peccatorum, quibus videlicet se offert occasio, utputa pejerando, furando, fornicando, percutiendo, infamando, etc. ut contingit in magnis aliquibus peccatoribus; sed vel in istis sufficit confiteri species, et numerum peccatorum, licet non explicant

Reginaldus, Palaus, Bonacina, Lugo, Dicastillo, N. Gabriel, N. Antonius.

Franc.

Probatio.

Confirmatio.

peccandi consuetudinem quæ revera aliud in his non est, quam ipsi actus peccaminosi, sive illorum frequentia. Ergo idem dicendum est de consuetudine peccandi in aliqua linea speciali, nempe confessis actibus peccaminosis opus non esse explicare consuetudinem illos committendi: quippe, quæ vel ab eis non differt, vel eis declaratis exponitur.

Limita-
tio.

126. Sed non propterea negamus universaliter obligationem confitendi consuetudinem: quin eam obligationem admittimus, non quidem ut circumstantiam peccati ex parte illud committentis (ad quod in præsentī attendimus) sed ex alio capite, periculo videlicet vel existendi in peccato, vel plura committendi. Fieri enim potest, quod quis ante acquisitam consuetudinem pejerandi advertat se per repetita perjurā comparare habitum vitiosum, ex quo constitutur in proximo periculo sæpius pejerandi, et obligari ad id præcavendum se cohibendo a perjuriis: quod si non facit, ut potest, et debet, et ubi, et quando debet, ex hoc ipso peccat. Fieri etiam potest, ut post acquisitam eam pessimam consuetudinem, non conetur ad ejus expulsionem, ut tenetur, ne se conjiciat in proximam, et quasi continuam occasionem peccandi: et ad id non conando peccat, idque confiteri debet, ut communiter observant Doctores, et videri potest apud N. Andream in tract. 17, de voto, et juramento, cap. 2, punct. 9, § 1, qui ex insinuatis principiis recte concludit num. 155, habentem pravam consuetudinem jurandi falsum esse in statu peccati mortalis, et toties peccare mortaliter, quoties advertit ad pravam eam consuetudinem, et periculum pejerandi, quod secum affert, et illam non conatur destruere, faciendo quantum potest ad eam avellendam, aut pœnitens cohibendam: eo plane modo, quo dicitur esse in statu peccati, qui potest restituere, et non restituit, et peccare, quando advertit hanc obligationem, et non restituit, ut explicat idem Andreas tract. 13, de restitut. c. 1, n. 361, et est sententia communis. Ab hac itaque radice, non autem ab eo, quod consuetudo sit circumstantia peccati, provenit, quod pœnitens multoties teneatur confiteri consuetudinem, sive frequentiam peccandi in aliqua materia. Provenit etiam, quod confessarius possit rationabiliter in-

Andreas

Andreas.

quirere de consuetudine, et quod pœnitens inquisitus teneatur ad id respondere, et consuetudinem, si habeat manifestare: Oppositum docuerat Joannes Saneius disp. 9, a num. 6. Sed ejus sententia reprobata est a SS. Innocentio XI damnante hanc propositionem (inter alias 58). « Non « tenemur confessario interroganti fateri « peccati alicujus consuetudinem. » Et quidem (de quo non est dubium), justissime ob motivum proxime insinuatū, quod habens pravam consuetudinem solet esse in statu peccati, sicut non restituens: unde nequit absolvi, nisi ad oppositum conetur, et illam evellere efficaciter proponat, ut constat ab alia per eundem sanctissimum alterius propositionis (scilicet 60), reprobatione: « Pœnitenti habenti consuetudinem peccandi contra legem Dei, naturæ, aut Ecclesiæ, licet emendationis « spes nulla appareat, nec est deneganda, « nec differenda absolutio, dummodo ore « proferat se dolere, et proponere emendationem. » Non enim posset confessarius prudenter se gerere in conferendo, vel negando, vel differendo absolutionem, si non valeret de prava peccandi consuetudine inquirere, et pœnitens requisitus non deberet illam manifestare.

127. Nec refert, si opponatur, quod cum hoc pœnitentiæ judicium sit spirituale, et voluntarium, pœnitens sua sponte, et non requisitus debet manifestare id ipsum, quod explicare tenetur inquisitus a confessario; sed certum omnino est obligari confessario interroganti fateri peccati consuetudinem, ut patet condemnatione propositionis contrariæ: ergo pœnitens, etsi non inquiratur a confessario, debet manifestare consuetudinem peccandi: atque ideo recte oppositum in consecratio asseruimus.

Id, inquam, non refert, sed dissolvitur omīssa majori, et concessa minori negando utramque consequentiam. Nam, quod pœnitens interrogatus a confessario debeat manifestare peccati consuetudinem, est prorsus certum propter condemnationem propositionis contrariæ; sed quod pœnitens non interrogatus debeat prædictam consuetudinem manifestare, non est certum: quia Ecclesia hactenus id non docuit, nec oppositum reprobavit. Aliunde vero, quod ad vim consequentiarum attinet,

Pro
tio
n

A

Obj

Dis
ti

net,

net, a diversis non fit illatio, nec odiosa ampliare oportet. Unde etiam post damnationem illius propositionis, resolutionem nostri consecrarii ut minime in ea damnatione comprehensam tuerentur Filgueras ad eandem propositionem 1, § *Post hæc scripta*, Torrecilla in dicta propositi. conclus. 3. Corella ibid. num. 201, Emmanuel a Conceptione disp. 2, quæst. 15, a num. 221, pro eadem sententia referens Tirsum, Lumbierum, Hozes, Pradum, et alios. Qui communiter observant differentiam inter has propositiones: « Pœnitens non tenetur a confiteri consuetudinem peccandi; Non a tenemur confessario interroganti fateri a peccati alicujus consuetudinem. » Nam hæc posterior est restricta, et implicans conditionem, quod pœnitens interrogetur a confessario: et in hoc sensu condemnatur. Sed condemnatio non attingit priorem, quæ a conditione talis interrogationis præscindit. Observant etiam communiter secundam illam propositionem: « Non tene-
« mur confessario interroganti fateri peccati alicujus consuetudinem, » esse universalem negativam, et distribuere pro omnibus, et singulis casibus, in quibus confessarius interroget: in quo sensu est falsissima, et merito ab Ecclesia reprobatur: quia multi sunt casus, in quibus pœnitens interrogatus debet manifestare talem consuetudinem, quia confessarius ea non cognita nequit congruum providere remedium. Quare censent non esse contra prædictam illius propositionis condemnationem dicere, quod in solo isto aut illo casu particulari, et per accidens queat pœnitens pristinam consuetudinem occultare: vel quia jam consuetudo est abolita, vel quia pœnitens cognoscit se habere efficacem dolorem, et se cognoscere omnia media, paratamque esse illa adhibere pro extirpanda consuetudine, quæ illi confessarius consulere, et imponere posset. Sed quod caput est, regrediendo ad objectionis majorem, ex qua illationes dependebant, et omisimus, illa non est universaliter vera, ut cum Lugone, et aliis observavit Tirsus disp. 42, sect. 2, num. 9, quia pœnitens satisfacit muneri suo, si confiteatur omnia peccata sua in specie, et numero, et circumstantiis addentibus speciem, ea in his, et aliis relinquens prudenti disquisitioni, et iudicio confessarii. Sed hic, ut medicus

potest, et sæpius debet plura quam a pœnitente dicuntur, inquirere, ut convenientem adhibeat medicinam, puta inclinationes, et occasiones peccandi, reincidentiam, sive consuetudinem, et alia ejusmodi. Ad quæ per se loquendo tenetur pœnitens directe veritatem respondere, ut constat ex damnatione contrariæ doctrinæ. Unde omnia cohærent, nihilque inter prædictam reprobationem, et præmissum consecrarium contrarietatis occurrit.

128. Colligitur decimo pœnitentem non obligari ad manifestandum in confessione, an peccaverit scienter, an ex ignorantia. Explicatur hæc resolutio: et in primis sermo est de ignorantia vincibili, quæ non excusat a peccato: si namque excusaret non daretur peccatum, et tolleretur suppositum. Rursus sermo est de ignorantia opposita notitiæ requisitæ per ordinem ad opus: si enim ipsa ignorantia esset alias culpabilis, quia opposita notitia per se præcipitur, atque independentem a tali opere, foret per se peccatum, et distinctum in specie, et omnino manifestandum in confessione. Verbi gratia, si quis vincibiliter ignoret præcepta Decalogi, puta fornicationem esse peccatum, et ita fornicetur, aut se exponat fornicandi periculo, committit duo peccata: unum contra præceptum sciendi præcepta Decalogi, et aliud contra præceptum prohibens fornicationem: et omnia hæc confiteri debent. Idem est dicendum, si furaretur, vel occideret ex ignorantia Decalogi, et ob eandem rationem, ut statuimus tract. 13, de peccatis, disp. 13, dub. 2, num. 40. Aliter contingit, cum notitia juris humani, vel facti præcipitur, non quidem propter se, sed propter opus præceptum, ut cum quis ex ignorantia oppositi omittit jejunium: tunc enim solum committitur unum contra præceptum jejunii peccatum, ut eodem loco explicuimus. In hoc itaque posteriori sensu consecrarium nostrum procedit: quod contra Adrianum docent communiter Theologi, et plurimis relatis subscribit N. Franciscus loco sæpius citat. num. 66, Franc. nosque jam statueramus ubi proxime. Fundamentum est, nam quod aliquis frangat, v. g. jejunium scienter, vel ex ignorantia explicita facti, vel juris particularis, non variat peccatum in specie, sed solum in ratione voluntarii, ut ab hac

Deci-
mun.Funda-
mentum.

parie sit magis, aut minus grave intra eandam speciem; constat vero circumstantias solum intra speciem aggravantes non esse de necessitate in confessione explicandas. Confirmatur, et explicatur amplius: nam, qui ex ignorantia vincibili peccat omittendo jejunium, solum committit unum peccatum contra jejunandi præceptum: quippe scientia opposita solum debetur ex illo præcepto, ut ejus materia servetur: ergo qui confitetur violationem jejunii, confitetur omne peccatum, quod fecit, et opus non habet dectarandi, quod violaverit ex ignorantia peccatum vel excusando, vel diminuendo. Quod neque commendabile est, nec communiter fieri oportet.

Sed hanc communem resolutionem limitant Thomas Sanchez, et ex eo N. Franciscus ubi proxime in aliquibus casibus particularibus, ut pro eis debeat conditio, sive circumstantia peccandi ex ignorantia explicari. Primo si ignorantia præcepti humani tanta fuerit, quod peccatum excusaverit a mortali, et in veniale transtulerit. Hæc vero non est limitatio, sed destructio suppositi, ut a principio præmisimus: sublata enim a peccato ratione mortalis, manifestum est non dari necessitatem istud confitendi. Secundo, quando quis cum ignorantia agens se exponit periculo peccandi in alia specie, ut si quis peccet cum fœmina, cujus statum ignorat, an scilicet sit soluta, vel conjugata, sive consanguinea, etc. Et hoc verissimum est, sed non pertinet ad præsentem considerationem de circumstantiis mutantibus aut non speciem: nam sic ignoranter operans non solum circumstantiam aggregat, sed novum, et distinctum peccatum committit, quin plura peccata, cuncta scilicet, quorum contrahendorum periculo secundum prudentis judicium se exponit, ut ex professo declaravimus tract. cit. de peccatis disp. 13, dub. 3, a num. 73, ad quem locum, ne actum agamus lectorem remittimus. Tercio ubi ignorantia est affectata ob finem liberius peccandi. Et quidem si talis ignorantia affectata afferat periculum incidendi in novam speciem peccati, explicari debet, quia novum, et distinctum peccatum est juxta doctrinam immediate traditam. Ubi autem non immineat illud periculum, solum est circumstantia vel augens, vel di-

minuens malitiam: si namque velit quis ignorare, ut liberius peccet sublato legis recursu, affectatio ignorantiae provenit ex magna voluntatis propensione ad peccatum, ut nihil habeat, quo a peccando retrahatur: et sic augeat malitiam. Si autem velle ignorare legem provenit (quod non repugnat), ex affectu minus contemnendi legem, tunc non augebit, sed potius aliquantulum diminuet, ut explicuimus loco cit. de Peccatis dub. 4, a nu. 87. Attentis tamen omnibus, ignorantia affectata magis conducit ad augendum, quam ad diminuendum malitiam peccati. Unde D. Thomas 1, 2, q. 76, art. 4, absolute dixit: « Contingit quandoque talis ignorantia di-
« recte, et per se, sicut cum aliquis sua
« sponte nescit aliquid, ut liberius peccet.
« Et talis ignorantia videtur augere volun-
« tarium, et peccatum: ex intentione enim
« voluntatis ad peccandum provenit, quod
« aliquis vult subire ignorantiae damnum
« propter libertatem peccandi. » Sed, quod in præsentem refert, utrovis modo contingat, non variat speciem peccati: atque ideo opus non est talem circumstantiam in confessione explicare. Quarto limitant prædicti Auctores quando ignorantia licet vincibilis, excusat ab incurrendo censuram latam contra violantes scienter aliquod præceptum. Et quidem merito: oportet enim, ne confessarius audiens violationem præcepti, imaginetur pœnitentem incurrisse talem censuram, quam non incurrit, quia non scienter peccavit: unde, ut sibi consulat pœnitens, vel non requisitus id exponat confessario. Videantur quæ diximus loco cit. de Peccatis num. 103.

129. Et hæc sufficiat collegisse, et adnotasse in circumstantia *Quis*, ut alia facile erui, ac determinari queant. Addendum tamen in communi duximus, quod cunctis adnotatis potest esse commune, videlicet pœnitentem, qui confitetur peccata in re venerare debere explicare actum consummatum, si habuit: atque ideo, qui copulam habuit cum soluta non satisfacere præcepto confessionis dicendo præcise, commisi cum soluta grave peccatum contra castitatem: sed teneri ad explicandum copulam. Id satis colligebatur ex supra dictis num. 73, ubi statuimus in confessione peccatorum explicandos esse actus externos, qui etsi non participant in se formalem malitiam,

Confir-
matio.

1 Limi-
tatio.

Secunda.

Tertia.

Quarta

tiam, tamen vere, et proprie sunt, atque denominantur peccata : quod tam verificatur in actu copulæ consummato, quam in aliis externis peccaminosis. Sed ulterius firmandum est. Fuerunt namque aliqui Recentiores, qui ausi sunt docere in prædicto casu sufficere, quod pœnitens dicat peccasse graviter cum soluta in materia luxuriæ, subticendo, aut non explicando copulam. Horum meminit Luysius Turrrianus in hac materia q. 9, art. 2, disp. 29, dub. 2, ad 5, significans eorum sententiam esse probabilem, cum oppositum solum dicat probabilius. Meminit etiam Diana 3, part. tract. 4, res. 88, nihil resolvens, sed rem immerito (ut sæpe solet), aliorum iudicio remittens. Sed aperte cum prædictis Recentioribus senserunt Caramuel, Tamburinus, et Ferratinus, quibus relatis adhæsit Franciscus Verde q. 3, § 8, n. 65. Commune illorum motivum fuit, quod oscula, tactus impudici, et copula comparative ad eandem fœminam sunt ejusdem speciei, et propterea cum soluta pertinent ad fornicationis, et cum conjugata ad speciem adulterii : ergo in quolibet prædictorum sufficit pœnitenti dicere, quod commiserit grave peccatum luxuriæ cum soluta, aut cum conjugata, quamvis copulam habitam non declaret. Idque confirmabant : quoniam, si oscula, et tactus turpes cum soluta differrent specie a copula cum illa, teneretur pœnitens ad constituendum præter copulam, omnes illos actus turpes, quos ante, vel post copulam habuit, quod tamen est contra communem sententiam Theologorum, et praxim fidelium.

Ceterum opposita sententia asserens explicandam esse copulam semper fuit communis, et valde certa, ut constabit legenti Auctores, qui difficultatem hanc proximis temporibus versaverunt : ex antiquis enim, quos viderimus, nemo dubitavit, quod actus consummatus copulæ, sive incomplexo vocabulo fornicatio, debeat in confessione explicari. Et probatur destruendo oppositum fundamentum : quoniam, licet tactus, oscula, pollutio, et copula inter solutos opponantur eidem castitati, et pertineant ad eandem quasi speciem luxuriæ, quatenus tendunt ad copulam, et in illa consummantur ; nihilominus important modos oppositionis longe diversos, qui vel variant

speciem actus, vel actui consummato addunt circumstantiam specie diversam. Quod late a nobis ostensum est in tract. 13, de Peccatis, disp. 9, dub. 4. fere per totum, et specialiter a n. 65, et hic sufficit insinuari ostendendo prædictæ distinctionis radicem : quoniam copula cum soluta, sive simplex fornicatio intra genus luxuriæ æquivalet injustitiæ, quatenus talem modum circa generationem ponit, nempe concubitum vagum, qui infert nocumentum proli nascituræ, unde habet esse peccatum mortale, quod ex sola oppositione ad temperantiam non haberet, ut optime tradit D. Thom. 2. 2, q. 154, art. 2. Alii vero actus, ut tractus impudici, oscula, etc. si fiant ex intentione sistendi in eis, sunt peccata contra naturam, et opponuntur bono communi totius speciei, ut patet in pollutione, et docet D. Thom. loc. cit. Unde manifeste distinguuntur specie a simplici fornicatione. Et quamvis ex natura sua, et etiam ex intentione peccati ordinentur ad copulam, nihilominus, ut bene vidit Lugo Lugo. disp. 16, sect. 5, num. 238, nec continent, nec explicant malitiam propriam fornicationis, sive actus consummati : fornicatio enim infert cum effectu nocumentum proli futuræ ; illi vero actus libidinosi solum disponunt ad prædictum nocumentum, qui est modus tam physice, quam moraliter longe diversus, ut patet in delectatione morosa, quæ etiam disponit ad pollutionem, et tamen omnes concedunt distinguí specie a pollutione executæ ; sicut, et quod polluens se debet id explicare in confessione pollutionis vocabulo, et non solius delectationis morosæ. Unde corrumpit fundamentum contrarium : et id etiam, quod pro illo confirmando addebatur : nam, si quis habuit oscula, et tactus impudicos ex intentione sistendi in eis, quamvis postea eis provocatus ad copulam usque pervenit, tales actus fuerunt peccata contra naturam, et specie omnino diversi, et sic debent in confessione explicari. Ubi autem a principio ordinati fuerunt ad copulam, vel ad illam, immediate consecuti, quamvis ab ea specie differant, tamen expressa copula in confessione, sufficienter explicantur, quin opus sit illa in particulari recensere : quia satis ibi intelliguntur ob naturalem, et ordinariam concomitantiam, quam habent ad illam. E contra vero illis tantum expres-

sis, aut gravi in communi, et in confuso luxuriæ peccato, minime comprehenditur, concipitur, aut confessioni exponitur copula, sive actus consummatus, qui importat completam injustitiæ æquivalentis malitiam in genere luxuriæ, et differt subinde ab aliis actibus afferentibus eam malitiam incomplete, et per modum dispositionis.

130. Sed quid hæremus rationibus, quas (etsi demonstrationes) videmus variis, ac liberrimis ingeniorum subterfugiis posse saltem specietenus labefactari? Accedat immensum auctoritatis pondus, rem plane conficiens, decretum SS. Alexandri VII, reprobantis sequentem propositionem (25

Propositi-
o dam-
nata.

inter condemnatas, et, quæ continet sententiam oppositam.): « Qui habuit copulam « cum soluta, satisfacit confessioni præ-
« cepto dicendo, commisi cum soluta
« grave peccatum contra castitatem, non
« explicando copulam. » Unde opus non habemus refellendi tam absonam positionem, sed acquiescendi, obediendi, et gratias agendi Sedi Apostolicæ, quod nos liberat ab his monstris, et labore ea aliter profligandi. Verum ecce irrequieta quorundam ingenia nihil non tentantium. Torrecilla exponens prædictam propositionem, ejusque condemnationem, docet conclus. 4, num. 5, non tangi, sed intactam relinqui sententiam Caramuelis, et Verde asserentium, « Habentem copulam

Expositio
reji-
citur.

« cum soluta satisfacere confessioni, si
« dicat, Commisi grave peccatum cum so-
« luta in specie naturali luxuriæ, non ex-
« plicando copulam. » Ceterum talis exceptio, ac limitatio nullum habet fundamentum et minime sustineri potest: tum, quia Alexander VII condemnavit aliquam sententiam, quæ prius ab aliquibus asserbatur; sed non aliam reperimus, quam illam Caramuelis, et quorundam dicentium opus non esse explicare copulam, sed sufficere, si dicatur peccatum grave in genere luxuriæ cum soluta: ergo in eam sententiam directa fuit, illamque comprehendit reprobatio per Alexandrum VII. Tum etiam, quia inter propositionem damnatam, et propositionem ex Caramuele assertam nulla invenitur differentia, nisi in illis verbis ab isto Expositore additis, *in specie naturali luxuriæ*: hæc vero nihil in ea materia referunt: quippe, ubi pœnitens non explicat peccatum fuisse

contra naturam, omnes confessarii intelligunt peccatum luxuriæ fuisse *in specie naturali*: ergo pariter nihil refert, ut condemnatio primæ propositionis non comprehendat secundam. Tum præterea, nam ideo condemnatur prior, quia in tali modo confessionis, sive accusationis non explicatur actus consummatus copulæ, qui vere fuit. (quidquid fuerit de eo, quod peccatum commissum fuerit modo naturali, quod ad rem præsentem non facit): ergo sicut motivum condemnationis est idem, ita et condemnatio, et utramque propositionem, aut fortius eandem in re comprehendit. Tum ulterius, quia hic est communis sensus, et intelligentia propositionis condemnatæ, ut videre est in illam exponentibus Prado, et Lumbiero. qui tom. 2 opuscul. num. 756, dixit talem condemnationem expositione non indigere, et quidem merito: nam manifeste proscribit artes tegendi in confessione copulam habitam, quibusvis verbis id fiat. Tum denique, nam cum decretum Alexandri VII fuerit ordinatum ad cohibendum similes laxitates in perniciem animarum excogitatas; non decet Theologum Religiosum ea discurrere, ut vires tam sancti decreti dehiscant; sed magis ut subterfugia illud vitandi, aut eludendi unde quaque præcludantur.

Prad.
Lumb.

§ II.

De circumstantia Quid.

131. Veniamus ad secundam circumstantiam ex relatis num. 108, vocatam *Quid*, et per eam significamus conditiones objecti, sive materiæ, circa quæ versatur peccatum, ut solent esse quantitas, qualitas, et alia ejusmodi. Et quamvis ista non semper sint meræ objecti circumstantiæ, sed aliquando inferant distinctionem numericam, aut etiam specificam peccatorum; oportet omnia attingere, ut constet, quando ob aliquod ex illis capitibus debeant declarari in confessione. Quod aptius non præstabimus, quam ex supra præjactis principiis varias colligendo resolutiones. Colligitur ergo primo, in peccato furti si uno actu et ab eodem domino res auferatur, non obligari pœnitentem ad explicandum

Illatio

candum quantitatem, sive valorem rei ablatae; si autem illam auferat distinctis actibus, debere explicare actus: et similiter si res ablata pertineat ad diversos dominos, quorum quilibet notabiliter lesus fuerit, debere explicari, si potest, numerum dominorum. Prima pars constat ex dictis num. 101, quia major, vel minor quantitas rei ablatae nec variat obiectum specie, nec illi addit circumstantiam, quæ speciem mutet; alias supponitur actum esse unum numero, siquidem ablatio fuit una, et unius rei, et ab uno domino: ergo ubi furtum ita contingit, sufficit pœnitenti confiteri unum peccatum furti in quantitate gravi quamvis quantitatem, et alia non magis explicet. Secunda etiam pars est manifesta: quia, ubi illamet quantitas furto sublata est in diversis vicibus, et per diversos actus, ibi occurrunt peccata numero distincta, quot scilicet fuerunt furandi actus; cum quilibet habuerit suum complementum absque ordine ad alium: necessarium autem est explicare numerum peccatorum, ut constat ex dictis dub. 3, § 3. Ultima denique corollarii pars suadetur: quia ubi plures domini damnificantur notabiliter per furtum rei ad illos pertinentis, ibi committuntur plures iniustitiæ numero distinctæ, sicut si quis uno actu occideret plures homines, committeret multa homicidii peccata: ergo sicut in hoc casu obligaretur homicida ad explicandum numerum occisorum, quia aliter non explicaret numerum peccatorum homicidii; sic in præsentī casu dicendum est, quod fur debet explicare numerum personarum, quibus suo furto intulit notabile damnum, quia id non explicando non posset confiteri illa numero furti peccata, quæ fecit. Quæ omnia patent ex dictis loco citato. Et sic docent Molina, Diana, Bonacina, Palaus, Fagundez, Dicastillo, et alii, quibus subscribit N. Franciscus cap. 8, punct. 4, num. 69.

Contrariam extremæ hujus consecrarij parti opinionem docent Vasquez in præsentī quæst. 91, art. 1, dub. 4, Salas 1, 2, quæst. 73, tract. 3, disp. 5, sect. 6, Leander disp. 8, § 3, num. 26. Quam probant: quia in tali casu solum intervenit una furandi actio; sed individuatio peccatorum sumitur a subjecto: ergo ibi solum

datur unicum peccatum furti: et consequenter non opus erit explicare numerum damnificatorum per tale furtum. Sed ad hoc, (relictis aliorum responsionibus,) satis constat ex dictis loco citato, ubi explicuimus, quomodo in prædicto casu, et similibus, licet non dentur plures numero malitiæ physice, aut metaphysice secundum communes regulas individuationis, aut multiplicationis pure numericæ; nihilominus dantur plures malitiæ numero moraliter per ordinem ad prudentum iudicium; qui æqualiter æstimant, quod homo uno actu interfecerit simul decem homines, et quod illos successive necaverit decem vicibus: unde in utroque casu tenetur declare decem homicidia. Et idem contingit ubi uno physice actu furatur rem pertinentem ad multos, ex quo singuli, et divisim notabile damnum subeunt. Vasquium autem inconsequentia non immerito arguunt Lugo, et Leander: nam cum nobiscum sentiat de occidente uno actu plures homines, et de infamante uno verbo plures unius familiæ; idem debere dicere de illo, qui uno furto plures notabiliter damnificat: siquidem nulla circa hæc occurrit congrua disparitatis ratio: unde oportebat illum, sicut et nos, in prædictis uniformi iudicio procedere, aut similiter negando, aut similiter concedendo. Unde

132. Fit secundo idem, et ob idem motivum dicendum esse in similibus casibus, quos solent aliqui ex proposito, et seorsim versare: sed nobis congruentius videtur principales attingere, et eodem consequentiæ filo contexere, præmittendo nostras, in hac parte resolutiones esse valde communes, aut saltem communiores oppositis, quas alias, et propter contrarium principium (nempe in eodem actu non multiplicari numero malitias nec in re, nec in ordine ad obligationem illas confitendi) negant Lugo disp. 16, a num. 134, Leander disp. 8, § 3, a quæst. 19, et pauci alij Recentiores. Sed juxta nostram, et communem doctrinam tenendum est eum, qui uno actu voluit occidere decem homines, aut accedere ad decem mulieres conjugatas, etc., debere explicare id in confessione, quia commisit decem numero peccata homicidii, decem peccata adulterii, et sic de aliis: et de fide est, quod explicandus est numerus peccatorum. Quod

Secunda.

Respon-
sio
Leander
rejecit.

magis declarat: nam si quis unico actu vellet occidere tres, v. g. sacerdotes, et suum patrem, et laicum extraneum, deberet dubio procul hæc omnia in confessione aperire, quia in tali actu concurrerent tres malitiæ specie differentes. nempe sacrilegii, parricidii, et homicidii: ergo idem continget, cum vult tres sacerdotes occidere: occurrunt enim ibi tria homicidia sacrilega numero distincta: et tam de fide est confitendum esse numerum peccatorum, quam species. Nec momenti, aut ratione ulla sustinendum, quod ait Leander loco cit. in priori casu non explicari totam speciem illius peccati, si aliqua malitia taceatur: in secundo autem explicari totum numero peccatum distincte quoad speciem, et confuse quoad differentiam numericam malitiæ. Nam contra est, quod hæc responsio petit principium, et non habet fundamentum: nam sicut ubi idem actus habet malitias specie differentes, nequit explicari ejus malitia specifica, nisi recensendo species; sic etiam ubi idem actus habet malitias diversas numero, non potest explicari malitia numerica, sive numerus malitiarum, et peccatorum, nisi referendo ipsas numero malitias, sive objecta, in ordine ad quæ desumuntur in æstimatione prudentum. Et sicut, qui voluit uno actu occidere sacerdotem, et patrem, si solum confiteretur sacrilegium, non confiteretur parricidium: ita qui voluit occidere duos sacerdotes, si confiteretur unum tantum sacrilegium, non confiteretur duo: et tamen duo confiteri debet, quia duo vere moraliter fuerunt in prudentum æstimatione.

Similiter, et a fortiori qui uno actu duos homines occidit, debet id explicare in confessione, ut jam superius ostendimus, et esse communem sententiam fateatur Leander ubi proxime quæst. 20, quamvis ipse uni Recentiori adhærens teneat contrarium æque, ut ipse loquitur, *probabiliter*. Sed nescimus quomodo æqualitas probabilitatis, minus autem securitatis datur inter sententiam duorum Recentiorum, et sententiam communem Doctorum. Pariter qui uno actu vult occidere Petrum cum tota sua familia, debet id explicare in confessione. Ita communis sententia contra prædictum Leandrum quæst. 23. Præterea, qui uno verbo infamat totam unam

familiam, aut plures personas, debet id explicite confiteri, quia ibi committit plures numero injustitias. Ita communis sententia contra Leandrum quæst. 21 et 25. Ulterius, qui unico actu habet molitiem recogitando plures religiosas, debet id in confessione explicare, ut tenet communis sententia contra Leandrum qu. 28. Denique, qui coram aliis turpia fecit, aut dixit, tenetur numerum personarum (quantum fieri possit) declarare in confessione: quia tot ille numero peccata scandalii committit, ut docet communis sententia apud N. Franciscum, cap. 8, punct. 4, num. 92, contra prædictum Leandrum disp. cit. § 5, qu. 8. Et hæc sufficiat collegisse satis obvia, ut lector facile possit ad similia inferenda se extendere, vitando, ut fieri oportet, laxitates conscientis noxias, quas in quibusdam offendet.

133. Fit tertio illum, qui ira correptus eodem impetu absque morali interruptione, pluries aliquem appellat ebrium, aut quid simile, non teneri in confessione explicare vices, quibus eam contumeliam inculcavit. Quia omnes illæ non reputantur plura numero peccata; sed idem numero moraliter in affirmatione prudenti propter continuationem ejusdem contumeliæ, et finem deprimenti proximum. Et ita sentiunt Navarrus, Covarruvias, Simancas, Henriquez, Azor, Palaus, Salas, Fagundez, Diana, et alii, quos refert, et sequitur N. Franciscus cap. 8, punct. 4, num. 74. Ex eodem principio idem colligunt prædicti Auctores in similibus casibus, ut, si quis eodem impetu confirmare nititur aliquam rem, et repetit pluries juramentum falsum: committit non plura, sed unum perjurium, et sufficit pro confessione dicere falsum jurasse. Similiter qui in eadem rixa sæpius inimicum plagis effecit, non committit plura, sed unum peccatum numero, et sufficit confiteri se vulnerasse proximum. Quæ omnia solent confirmari ex cap. *Cum pro causa, de sententia excommunicationis*, in quo declaratur, quod propter verberationem Clerici factam in dormitorio, et continuatam per claustrum, non contrahitur nisi una excommunicatio ratione verberationis Clerici, quamvis non semel, sed pluries percussus fuerit: quoniam omnes illæ plures physice verberationes reputantur

Frui

Tert

Nava
Cova
Sim
cas,
alii
N. Fr.

tantur moraliter una propter moralem continuationem, et notabilis interruptionis carentiam.

Major est difficultas, ubi quis non unam repetit contumeliam, sed inculcat plures habentes diversa significata, ut cum eodem impetu iræ alterum appellat furem, adulterum, homicidam, etc. Erunt ne plura peccata, et subinde in confessione explicanda? Affirmant multi, et graves Auctores, Navarrus, Suarez, Salas, Layman, Filiucius, et apud N. Franciscum ubi proxime num. 75. Et moventur : quia tales contumeliæ sunt adeo distinctæ, ut differant specie non solum physice, sed etiam in genere moris : atque ideo constituunt peccata specificè diversa ; quæ de fide est debere in confessione explicari. Negant autem alii nec pauciores, nec minus graves, Cajetanus, Molina, Reginaldus, Lugo, Dicastillo, et alii apud N. Franciscum loco cit. Et moventur eo fundamento, quod contumeliæ non differunt specie : habent namque malitiam ex eo quod lædunt proximum in fama, sicut furtum habet suam specificam malitiam ex eo, quod damnificat proximum in bonis fortunæ : ergo quibuscumque nominibus, aut modis fiat contumelia, est ejusdem speciei infimæ : sicut furtum est ejusdem speciei, sive auferatur aurum, sive plumbum, sive triticum : et consequenter sicut penitenti sufficit confiteri furtum in re gravi, non explicando, quæ illa fuerit ; ita penitenti satis erit confiteri contumeliam gravem proximo factam, licet non explicet voces, aut materiam eis expressas.

Unam, et alteram sententiam retulit N. Franciscus, et utramque censuit probabilem (quod nemo negare potest) sed neutram prætulit, pendulus, et anceps manens inter utramque. Et id ultro, facileque imitaremur. Ceterum quia minus congruum semper censuimus in rebus adeo gravibus non revelare propriam sententiam ; ubi una ex relatis eligenda est, secundæ subscribimus cum N. Andrea tract. 13, de Restitut. cap. 4, punct. 2, num. 12, qui ultra relatos pro illa recenset Sotum, Bauez, Serram, Tapiam, Pradum, Rebellum, Bonacinam, Dianam, et Trulench. Et probatur ratione desumpta ex D. Thom. 2, 2, art. 1, ubi diffinit « contumeliam esse dehonorationem ali-

« ejus per verba, quibus id, quod est contra honorem illius, deducitur in notitiam ; » sed in hac denigratione honoris omnes contumeliæ conveniunt, cum sola differentia majoris, aut minoris excessus in læsione honoris : ergo omnes contumeliæ sunt ejusdem rationis essentialis, cum sola diversitate in excessu, qui speciem non variat, sed deservire potest ad aggravationem peccati intra eandem speciem. Ergo cum non sit de necessitate confessionis explicari circumstantias notabiliter aggravantes, sed speciem variantes, ut ex dictis dub. præced. supponimus : consequens fit penitentem suæ obligationi satisfacere confitendo se proximo gravem contumeliam dixisse, licet illam non explicet, puta quod vocaverit ebrium, aut infamem.

134. Quamvis autem hæc doctrina ita in communi se habeat, et opus non sit explicare contumelias, quippe, quæ specie non distinguuntur ; nihilominus attendere oportet ad aliquas in particulari circumstantias, ex quibus non dubitamus obligari non semel penitentes ad majorem contumeliarum explicationem. Nam in primis cum proferantur a mulierculis, et personis vilibus, quæ plerumque nesciunt, quid dicant, sed ira arreptæ ea omnia verba maledica vibrant, quæ, et quanto atrociora, et magis fæda ipsis occurrunt ; minorem ingerunt dolorem, et quasi nullam infamiam ; quia tanquam falsa, et stulta, et solius iræ demonstrationes, assensum in audientibus non extorquent sed communiter contemnantur : quamvis in proferentibus ob pravum inhonorandi affectum, si possent, peccata mortalia sint. At ubi a personis gravioribus proferuntur, gravius vulnerant, et vere magnam dehonorationem inducunt.

Rursus distinguendum est in ipsis verbis contumeliosis : nam aliqua repræsentant præcise defectum particularem, et proprium ejus, in quem dicuntur, ut cum quis alium vocat ebrium, stultum, aut susurronem : et hæc solum per se loquendo afferunt injuriam ejus contra quem dicuntur. Et quantum ad similes contumelias subscripsimus secundæ sententiæ : quantumcumque enim multiplicentur, sistunt in una numero inhonoratione : neque enim occurrit caput, propter quod debeant specie, aut nu-

Animad-
versio.

avari
tar Sal
liu.
oti-
im

perio
agativa
del
o-ia.
ngo,
unda-
entlu

rehabi-
lior
cunda
pino.
idreas,
tus,
pia,
nacin.
etc.
alio.
Tho.

mero, aut circumstantia mutante speciem distingui : atque ideo sufficit contumeliam in proximum confiteri, abstrahendo ab inhonorandi modo. Sed contingit quandoque contumeliam in unum prolatam infamare plures, ut si quis Petrum appellaret Judæum, nam infamaret consanguineos; vel vocaret cornutum, nam infamaret uxorem ejus. Et quantum ad contumelias hujus secundi generis putamus explicandas esse in confessione : non quia mutant speciem; vere enim in eadem specie contumeliæ, quæ infima est, conveniunt, ut proxime statuimus : nec quia addant circumstantiam mutantem speciem; non enim addunt, ob eandem rationem; sed quia important plura peccata contumeliæ numero distincta juxta numerum personarum, in quas infamia ex contumelia uni tantum dicta redundat. Unde, sicut ob hanc rationem, qui uno ictu decem interfecit debet exponere numerum occisorum; et qui unico actu furatur rem pertinentem ad diversos dominos, ex quo quilibet notabiliter damnificatur, debet aperire illorum numerum; et qui coram aliquibus rem turpem fecit, aut dixit, debet explicare numerum personarum, quibus scandalum præbuit, et sic de aliis, ut supra expendimus; quia in omnibus his, quamvis actio sit una physice, multiplicatur moraliter numero in ratione peccati secundum prudentem æstimationem : sic etiam in præsentī casu, licet contumelia uni tantum dicta fuerit, si tamen infamia ex illa proveniens extenditur ad alias personas, ut exemplis allatis sæpe contingere ostendimus, (præsertim cum persona gravis alterum vocat Judæum, aut Maurum,) licet illud verbum sit unum, infert tamen injuriam multis, ac proinde multiplex numero moraliter in ratione injuriæ, et contumeliæ erga diversas personas : atque ideo illarum damnificatio, et numerus explicari, quantum potest fieri, debet in confessione. Et si confessarius de his inquirat, dubio procul debet pœnitens id aperire; quia aliter nequit confessarius providum remedium tam in ordine ad pœnitentis culpam, quam aliorum satisfactionem, et debitam restitutionem consulare. Unde elucet discrimen inter hunc casum, et alium propositum n. 33, quod proferens uno impetu plures in eandem personam contumelias non solet commit-

tere nisi unicum peccatum consistens in una talis personæ dehonoratione, et vice versa proferens unicam contumeliam v. g. Judaismi, committat plura numero peccata propter multas numero injurias, quas multis uno uni dicto verbo infert, illius videlicet consanguineis.

135. Quæ de contumelia diximus, extendi debent ad detractiōem, ut bene observavit N. Franciscus cap. 8, punct. 4, num. 75, ob similitudinem, quam habent: conveniunt enim in ratione inhonorandi proximum per verba; sed differunt in modo; nam ubi denigratio famæ fit coram ipso injuriato, est contumelia; ubi autem fit in ejus absentia, et coram aliis, est detractio, quam proinde recte diffinit D. Thomas 2, 2, q. 73, art. 1, esse « denigra- D. Tho. tionem injustam alienæ famæ per occulta « verba. » Et sicut omnes contumeliæ, licet plurimum materialiter differant, sunt ejusdem speciei in esse moris, quia conveniunt formaliter in propria contumeliæ ratione; sic etiam omnes detractiōes sunt ejusdem speciei in esse detractiōis, ob idem scilicet motivum, ut facile consideranti constabit, et recte expendit N. Andreas tract. 13, de Restitut. cap. 4, punct. 5, § 1, n. 34, dicens esse sententiam communem. Unde colligit, et nos asserimus, quod per se loquendo non obligatur pœnitens manifestare in confessione materiam, in qua proximum sua detractiōe infamaverit : quia sive in hac, sive in illa detraxerint non induxit in linea detractiōis novam speciem peccati, sed ad summum aliquam circumstantiam in ea specie notabiliter aggravantem. Sed tamen observandum semper esse posse contingere, quod eadem detractiōe circa unum, injuria pluribus inferatur, ut si quis Petro detrahens dixerit esse Judæum; infamat namque hujusmodi detractio non solum Petrum, sed alios plures, aut pauciores juxta numerum consanguineorum : atque tot una detractiōe patiuntur injuriam, quot illa infamantur; et consequenter debent, quantum fieri possit, in confessione explicari, ut exponatur numerus peccatorum, et congruum pro satisfactione consulat confessarius remedium. Et hæc etiam applicanda sunt peccato judicii temerarii, quippe quod ad detractiōem comparatur tanquam actus internus ad externum; sicut enim de-

trahens

Andreas

Observatio.

trahens infamat proximum apud alios, sic temere iudicans illum infamat in mente, et apud se; cum tamen proximus jus habeat conservandi famam apud omnes, et tam per iudicium temerarium, quam per detractionem patiatur injuriam. Eandem itaque resolutionem cum eisdem limitationibus temperandam, ac in contumelis, et detractionibus in iudiciis temerariis admitte-
ndreas. aria. tendam forme sentimus. Cætera videantur in D. Thom. 2, 2, q. 60 et N. Andrea ubi proxime punct. 7, per tot.

136. Fit quarto eum, qui se jactavit, aut laudavit de aliquo peccato mortali, v. g. homicidio, aut fornicatione. et in hac jactantia peccavit mortaliter, debere explicare in confessione speciem peccati, de quo se laudavit. Diximus, et in *jactantia peccavit mortaliter*: quia supponimus cum communi sententia non esse mortale per se loquendo laudare se de viribus, et dexteritate, quas ostendit in exercendo opus alias peccaminosum, puta mortem alterius in duello; quia id non est approbare peccatum: sed virtutem naturæ, vel artis, quæ ibi splenduit. Cavendum tamen est, ne aliis detur scandalum, vel occasio faciendi similia: et nisi caveatur, erit peccatum mortale explicandum in confessione. His itaque accidentalibus exclusis procedit consecrarium nostrum, quod etiam amplectuntur Lessius, Sanchez, Lopez, Rodriguez, Candidus, quibus relatis subscribit N. Franciscus ubi supra n. 78. Et probatur ratione: quia peccata mortalia jactantiæ de operibus malis sumunt speciem ab eisdem operibus: ergo pro diversitate specifica prædictorum operum sunt ipsæ jactantiæ specie distinctæ; sed de fide est species peccatorum debere in confessione explicari: ergo, qui se accusat de jactantia mortali, debet explicare opus, de quo se jactavit, puta adulterium, duellum, etc. aliter enim nequit speciem talis peccati aperire.

Nec momenti erit, si dicatur malitiam jactantiæ in prædicto casu sitam adæquate esse in captando glorium de malefactis: quod autem hæc sint fornicatio, vel homicidium, vel furtum, etc. de materiale se habent ad propriam, et specificam jactantiæ malitiam, atque rationem: sicut in peccatis contumeliæ, detractionis, et iudicii temerarii proxime diximus. Nam contra est, quod approbans homicidium a se fac-

tum, et in eo complacens incurrit, aut repetit ipsam specificam homicidii rationem, et peccat specialiter contra virtutem prohibentem homicidium: et idem contingit in approbante fornicationem, et sibi in ea complacente, ut est communis sententia Doctorum apud Dicastillum in præs. disp. 9, dub. 8, q. 8, a n. 509. Sed qui se jactat, v. g. de vindicta, quam de inimico sumpsit, aut de adulterio, quod post plures diligenter consecutus fuit, approbat non præcise communem rationem pravi operis, sed illas determinatas peccati species, et sibi de illarum patratione congaudet: tum, quia si res non ita se haberet, minime se magis jactaret in illis speciebus, quam in aliis: tum, quia omnes audientes se jactantem de illis, censent jactatorem approbare vindictam, vel adulterium: et hoc est commune hominum iudicium, ubi similia audiunt ab amentibus his jactatoribus: ergo in prædicto casu non solum committitur peccatum in specie vanæ gloriæ ex malefactis, sed etiam peccatum in specie homicidii, vel adulterii cum contrarietate ad speciales virtutes, quibus hæc vitia opponuntur. Unde patet ad exemplum contumeliarum, vel detractio-num, quo se protegebat effugium: nam, qui per eas alterum dehonorat, aut infamat, hunc præcise dehonorandi, aut infamandi finem intendit, ad quem consequendum de materiali se habet, quod utatur his, aut illis vitiis, quæ per verba repræsentantur, et quæ ipse minime approbat, sed magis objectat tanquam propudia omnino fœda, et proximum denigrantia. Qui autem peccat mortaliter, dum se jactat de homicidio, et adulterio, etc. non solum captat gloriam per illa media, sed illa approbat, et in eis complacet, ut dictum est: unde incurrit easdem illorum peccatorum malitias, quæ sunt satis differentes.

Contrariam huic consecrario opinionem defendunt Diana, Bassæus, Palaus, Leander, N. Gabriel, N. Antonius, et alii apud N. Franciscum ubi supra, num. 79. Principalius autem eorum fundamentum est, quod jam præclusimus. Sed superaddunt non quamlibet virtutem prohibere jactantiam de vitiis sibi oppositis, sicut prohibet gaudium, desiderium, aut delectationem. Unde jactantia de peccato, quodlibet illud fuerit, solum prohibetur per se a virtute contraria vitio inanis gloriæ, cujus filia est

Dicas-
tullo.

Senten-
tia con-
traria.

Dian.
Bassæus,
etc
Funda-
mentum.

ndreas.

aria.

ssins.
ich.
drigu.
adid.
purs.
lio

rasio-
nis
cursus.

D. Tho. jactantia, ut cum D. Gregorio observat D. Thom. 2, 2, quæst. 132, art. 5 : ergo ex eo, quod quis se laudet de opere peccaminoso, non sequitur agere contra virtutem prohibentem illud opus ; sed solum contra virtutem prohibentem vanam gloriam : atque ideo non infertur talem jactantiam contrahere malitiam propriam operum de quibus est, sed solam malitiam vanæ gloriæ per oppositionem ad virtutem, quæ istam prohibet. Ceterum hoc motivum est satis leve : nam cum dicamus, et probatum sit in actu se jactandi, v. g. de fornicatione esse duas malitias specie diversas, alteram jactantiæ pertinentem ad vitium inanis gloriæ, et alteram fornicationis approbatæ pertinentem ad speciem ipsius fornicationis : consequens est ibi reperiri per se oppositionem ad duas virtutes specie diversas, quarum una prohibet jactantiam, et alia fornicationem : non enim minus pertinet ad castitatem prohibere turpitudinis approbationem, quam ejus desiderium, delectationem, et opus externum, ut statim magis constabit.

137. Inde sequitur (et est appendix præcedentis corollarii,) consulentem alteri opus illicitum mortale debere explicare in confessione speciem peccati, de quo patrandum dedit consilium : et non sufficere, si dicat, Dedit consilium de peccato mortali faciendum. Ratio. Est communis sententia, et nullum vidimus, qui doceat contrarium, quamvis Medina 1, 2, quæst. 14, art. 6, aliquos superpresso nomine significaverit oppositum sentientes. Facile autem suadetur : quia consilium reducitur ad speciem ejus, quod consulitur : tum, quia est causa ejus : tum, quia specificatur a re, quam consulit, cum nullum habeat objectum immediatius : ergo ubi consilia sunt de peccatis, opus est illa specie distingui, sicut et ipsa peccata, et consequenter, qui prævum consilium dedit, tenetur in confessione explicare non tantum pravum consilium in genere, sed etiam ejus speciem, sive materiam, quam consuluit. In pravo itaque consilio distinguendæ sunt duæ malitiæ : una contra charitatem erga proximum, qua obligantur non dare illi occasionem peccandi : altera contra virtutem prohibentem materiam, quæ consulitur. Sicut proxime diximus de peccato mortali jactantiæ in homicidio, vel adulterio. Unde non satis consequenter

procedit Leander, qui negans præcedentem nostram resolutionem, hanc præsentem vocat certissimam disp. 8, § 3, quæst. 13, sed parum refert.

138. Fit quinto, quod licet in peccatis odii, vel injuriæ proximi satis sit illa sub hac generalitate in numero confiteri ; nihilominus multoties necessarium est qualitatem proximi explicare : quia illa ex parte objecti addit circumstantiam mutantem speciem, quæ eandem in actum odii refundit. Sic docent communiter Auctores, et facile suadetur ratione simul, et exemplis. Nam in primis, odium filiorum erga parentes important malitiam non solum contra charitatem, sed etiam contra pietatem, et reverentiam ipsis debitam. Similiter odium parentum erga filios, præter communem rationem peccati contra charitatem erga proximum, includit etiam specialem malitiam impietatis contra amorem filiis debitum. Et idem dicendum est comparando avos, et ascendentes cum nepotibus, et descendentibus, et vice versa istos cum illis : occurrit etiam eadem proportionabiliter ratio amoris, et turpitudine malitiæ in odio contrario.

Sed quantum ad injurias verbis, signis, aut factis executas est dispar ratio : et multo majora requiruntur in patre, ut agendo contra filium graviter peccet, quam a converso. Unde licet pater asperis, et contumeliosis verbis increpet filium, aut etiam percutiat, non semper est peccatum grave ob auctoritatem paternam, et potestatem corrigendi ; quin potius justæ incrementationes censentur, quæ nullam inferunt filio injuriam, aut infamiam in æstimatione communi. E converso autem filius gravissime peccat speciali peccato in confessione manifestando, si verba contumeliosa in parentes proferat ; si percutiat, licet percussio sit levis in ratione nocumenti ; si deliberate elevet manum ad percutiendum ; si torvis oculis illos fere semper aspiat, et aspere alloquatur. Sunt enim hæc omnia (quidquid fuerit de interna dispositione amoris, vel odii) signa valde contraria amori, et reverentia, quæ parentibus specialissimo titulo debentur, et propterea contrahunt gravem malitiam specie diversam ab ea, quæ reperitur in similibus demonstrationibus erga alios communes proximos, et extraneos.

Idem

Idem. et ob eandem rationem sentimus, cum filii detrahunt parentibus, et de illis temere judicant: nam injuria hinc orta induit specialem impietatis, atque irreverentiæ malitiam: et propterea in confessione non satis erit explicare numerum detractorum, aut judiciorum, sed opus erit dicere circumstantiam, quod fuerint contra parentes. Aliter diceremus de peccatis furandi, aut damnificandi in pecunia: quia in his non occurrit specialis parentum injuria, quam extraneorum: et ideo opus non est filium confitentem furtum explicare, quod illud commiserit in re patris: quin potius per se loquendo est circumstantia diminuens, propter communicationem bonorum, et inchoatum aliqua ratione dominium. Oppositum contingeret, si propterea parentes ad ægestatem redigerentur: quia tum filius id malum, per sua furta inducens ageret non solum contra communem aliis justitiam, sed etiam contra pietatem parentibus specialiter debitam.

Ex qua doctrina habemus idem dicendum esse, ubi similis conjunctio occurrit; et ubi datur minor, requiri majus aliquid, ut odium, vel injuria contrahat malitiam specialem; posse autem ita elongari conjunctionem, ut nullam addat circumstantiam specie diversam. Unde peccata odii, detractorum, et similium injuriarum inter conjuges existimamus regulanda fore sicut inter parentes, et filios, et sic explicanda in confessione: quia opponuntur specialis conjunctionis amor, quem servare inter se debent. Similia vero peccata commissa inter cognatos in gradu remoto non induunt circumstantiam specialem, et in confessione explicandam: quia talis conjunctio pro variandis injuriis quasi nihil reputatur, non minus quam apud extraneos. Ubi autem conjunctio est notabilis, et quasi media comparative tam ad parentes, et filios, quam ad extraneos, uti adest inter fratres, et sorores; ibi requiritur malum multo gravius, quam inter parentes, et filios, ut det specialem malitiam oppositam amor, fraternali. Unde quod frater fratrem pugno percutiat, aut ei dicat aliquam contumeliam, licet sit peccatum mortale, non confert distinctam specie malitiam injuriæ, nec opus est confiteri fuisse contra fratrem, aut sororem. Sed tamen posset dehonoriatio ita augeri, ut speciem

differentem inducere necessario explicandam in confessione. In quantitate vero assignanda non possumus certam pro omnibus regulam assignare, quam deferendum plurimum esse prudentum arbitrio, qui facile dignoscent multa, quæ vel percutiendo, vel convitiando inter rusticos, et personas viles non ita graviter æstimantur, vehementiorem mœrorem, et gravius motivum querimoniæ afferre inter nobiles, satis oppositæ charitati fraternali, ut si frater nobilis fratri alapam incuteret, si sororem turpi nomine dehonoreret: quia proinde censemus contrahere malitiam in confessione explicandam. Videantur Lugo ^{Lugo} disp. 16, sect. 6, Dicastillo ^{Dicastil.} disput. 9, dub. 8, ^{Bonac.} quæst. 12, Bouacina ^{Franc.} disp. 5, q. 5, N. Franciscus loco cit. a n. 82, qui communiter observant hanc circumstantiam in odio, et injuriis non semel extendi ad alias personas, licet sanguine non conjunctas. Ut si quis insignem benefactorem suum, quem aliquando magis diligere debemus, quam fratrem carnalem, odio haberet, aut contumeliis, ac detractorum inhonoraret: committeret namque præter injustitiam, speciale ingratitudinis peccatum. Si quis Patrem suum spiritualem, ac Prælatum, qui tam in spiritualibus, quam in corporalibus sedulam curam de illo gerit, non minus, sed magis, quam carnalis pater possit odio, et injuriis prosequeretur. Si modo simili se gereret cum Rege illum suis detractoribus deprimendo, populisque representando contemptibilem, et exosum, quod pertinet ad crimen læsæ majestatis, et meretur gravissimam pœnam. Si quis offendant sacerdotem injuria redundante in dignitatem sacerdotalem, ut est percussio, vel aliud quid ex circumstantiis regulandum. Non enim omnia peccata contra sacerdotem commissa induunt circumstantiam variantem speciem, ut patet in furto rei pertinentis ad sacerdotem, et in detractone circa ejus mores, etc. ut videri potest apud relatos Auctores. Nobis namque sufficit aliqua ejusmodi attingere: accuratior siquidem multorum circa has circumstantias occurrentium discussio pertinet per se ad alios tractatus: et oppositus procedendi tenor cunctam Theologiam practicam in hac de Pœnitentiæ materia non sine vitio confusionis insarcinaret. Sed transeamus ad alia.

Sexta. 139. Fit sexto in peccatis carnis, quotiescumque ex parte subjecti, cum quo vel opere, vel desiderio, vel morosa delectatione peccatur, datur aliqua circumstantia, quæ in ordine ad talem actum mutet speciem; debere in confessione explicari: nam eo ipso in actu peccantis adest malitia specie distincta: et omnia in specie, et numero peccata mortalia debent confiteri. Doctrina hujus corollarii est communis, et certa, et satis constat ex principiis generalibus supra positis. Difficultas autem est in explicando, quoties occurrat circumstantia varians speciem in objecto, aut materia *circa quid*: quod est præsentis considerationis scopus. In quem non aptius collimare poterimus, quam descendendo ad particulares casus, et eorum resolutionem, non tam disputando, quam procedendo juxta communes certas, aut saltem securiores sententias. Qui ergo peccat cum femina habente votum castitatis, supra speciem luxuriæ incurrit malitiam sacrilegii. Similiter qui peccat cum muliere conjugata; nam agit contra justitiam mariti. Et si ipse peccans fuerit ligatus voto castitatis, aut in statu matrimonii, debet id aperire: quia commisit duo sacrilegia numero distincta, operando contra proprium votum, et cooperando ad violationem alterius: et similiter agendo contra justitiam propriæ uxoris, et contra justitiam mariti ejus, cum qua peccat. Quæ satis constant ex jam dictis a num. 111.

In peccato bestialitatis non variatur species juxta species bestiarum: quia eorum diversitas physica pure de materiali se habet ad moralem specificam hujus peccati rationem accedendi ad naturam alienam. Sed si quis peccaret cum dæmone cognito incubo, aut succubo, contraheret supra speciem luxuriæ speciem superstitionis, et irreligiositatis ob societatem diabolicam in actu illo. In peccato sodomix explicandum est, an fuerit cum masculo, aut cum femina, ut docet communis sententia contra Leandrum disp. 8, § 31, qui pro se solum allegat Cœlestinum: nam præter inordinationem quantum ad vas naturale, adest alia inordinatio specie distincta ob sexus unitatem, aut distinctionem. Sed quod, quis supercubans cum homine, sicut super mulierem polluat, non est circumstantia varians speciem mollitiei, aut pollutionis

cum alio. Unde opus non est explicare in confessione illum concubandi modum. Ceterum si ex parte alicujus adsit votum castitatis, explicandum est, quamvis unus, aut alius non polluat: quia violatur votum saltem per cooperationem, et tactus, ut tradit communis sententia, et opposita Hieronymi de Llamas abrasa fuit jussu Llai Inquisitionis anno 1640.

Non est autem ita exploratum an in peccato nefando explicari debeat, quod quis fuerit agens, aut patiens. Affirmat cum Lugone Leander ubi proxime quæst. 6. cui ex parte agentis intervenit pollutio propria, quæ non datur ex parte patientis. Et diversum peccatum est voluntarie pollui, vel cooperari ad pollutionem. Negat autem Diana cum multis 3 part. tractat. 4, resolut. 159, et 5 part. tract. 14, resolut. 56, putans utriusque peccatum pertinere ad eandem speciem. Et hoc nobis videtur probabilius: quia uterque se polluit illis infandissimis tactibus, et per accidens est, quod comparetur per modum agentis, vel patientis, sicut proxime diximus de super incubante viro sicut mulieri, et est communis sententia contre Llamas, et docet ipse Leander loco cit. q. 32. Similiter non ita convenit inter omnes, an copula fidelis cum infideli addat speciem. Negant namque Bonacina de Matrim. q. 4, punct. 15, cum Sylvio, Azor et aliis. Sed affirmant Sanchez lib. 7, de Matrim. disp. 5, Petrus de Ledesma q. 55, art. 4, dub. 1, Candidus disquisit. 24, art. 24, dub. 35, Lugo disp. 36, num. 337, et alii plures. Quibus subscribimus: nam illa circumstantia transfert peccatum in aliam speciem sacrilegii contra reverentiam christianæ religionis, ob quam Ecclesia prohibet matrimonium fidelis cum infidele. Unde etiam putamus esse circumstantiam variantem speciem, copulam baptizati catholici cum baptizata hæretica, aut Judaismum profitente: occurrit enim fere motivum, ut etiam vidit Candidus loc. cit.

140. Sed supersunt adhuc non pauca in hac non minus frequenti, quam molesta materia. Et communis Doctorum sententia est consanguinitatem, et affinitatem in gradibus impediens matrimonium esse circumstantiam in copula illicita, et aliis turpibus actibus, quæ specie differt a simplici fornicatione, et debet proinde in con-

fessione

fessione explicari. Quod verissimum apparet : nam affert circumstantiam incestus oppositam pietati, et reverentiæ observandæ inter personas adeo conjunctas. Sed quæstio non levis occurrit, an consanguinitas, et affinitas sint circumstantiæ specie diversæ, et consequenter explicandæ, ubi peccatum committitur inter personas uno ex illis modis conjunctas. Negant Bonacina, Lugo, Naldus, Diana, et alii, referente, et subscribente Leandro ubi proxime quæst. 35, quoniam causa prohibendi copulam tam inter consanguineos, quam inter affines est eadem formaliter, nimirum vitare periculum incontinentiæ inter personas adeo conjunctas : ad quod de materiali se habet qualitas conjunctionis, sive oriatur ex sanguine, sive ex matrimonio. Sed asserendum est oppositum cum Martinez de Prado quæst. 2, de integritate confess. dub. 2, num. 3, in respons. ad 4, et Navarro, Suarez, Vasquez, Valentia, Lessio, Palao, Granados, Trullench, Ochagavia, Fagundez, Dicastillo. et aliis, quos refert, et sequitur N. Franciscus cap. 8, quæst. 2, n. 31. Et probatur destruendo oppositum fundamentum : nam peccatum incestus consistit in violatione pietatis, ac reverentiæ debitæ inter personas valde conjunctas, ut sunt consanguinei, et affines ; sed prædicta conjunctio est diversa in specie, et multo strictior inter consanguineos, quam inter affines ; siquidem illi sunt ejusdem sanguinis, atque ab eadem radice descendunt ; affines vero solum habent conjunctionem mediatam, et per matrimonium : ergo incestus inter consanguineos distinguitur specie ab incestu inter affines. Ad eum plane modum, quo licet sacrilegium ex percussione sacerdotis, et sacrilegium ex copula cum sacerdote opponantur eidem religionis virtuti, nihilominus differunt specie ob diversos modos agendi contra illam. Necessarium itaque est confiteri, an peccatum incestus fuerit cum consanguinea, an cum affine ; illud namque non solum est gravius, sed specie diversum.

Nec refert, quod quidam opponunt D. Thom. docuisse contrarium 2, 2, q. 154, art. 9, ubi inquit, « utrum incestus sit « determinata species luxuriæ? » Et affirmat. Objicit autem sibi hoc argumentum : « In Decretis dicitur 16, q. 1, quod incestus

« est consanguineorum, vel affinium abusus ; sed affinitas differt a consanguinitate : « ergo non est una species luxuriæ, sed « plures. » Cui ita occurrit : « Ad secundum « dicendum, quod persona affinis conjungitur alicui propter personam consanguinitate conjunctam. Et ideo quia unum est « propter alterum ejusdem rationis, in « convenientiam facit consanguinitas, et « affinitas. » Ergo ex S. Doctoris sententia, incestus cum consanguinea, et cum affine sunt ejusdem specificæ rationis.

Id, inquam non refert : nam (omisso ^{Satisfact.} Cajetano, qui ibidem docuit, quod intendit ^{object.} objectio, licet observaverit circumstantiam consanguinitatis debere in peccato incestus confiteri ob notabilitatem malitiæ intra eandem speciei aggravationem) respondetur mentem, et intentionem D. Thom. eo loco fuisse, quod incestus sit species luxuriæ ab aliis distincta, puta fornicatione, bestialitate, etc. Sed minime asseruisse, quod sit species infima, aut non divisibilis in alias ; sed magis significasse contrarium. Tum quia eadem quæst. art. 11. proponit similem difficultatem, inquirens : « Utrum vitium contra naturam sit « species luxuriæ? » Respondetque affirmative. Et tamen certum est non loqui de specie infima, sed subalterna continente species infimas diversas, utputa bestialitatem, sodomiam, mollitiem. Eodem itaque modo intelligendus est, cum loquitur de incestu, Tum etiam, quia si incestus, de quo agit loco objecto, esset species infima, non comprehenderet species incestus diversas : et tamen certum est D. Thom. illas comprehendisse, ut aperte constat ex resp. ad 3, ubi ait : « Dicendum, quod in « commixtione personarum conjunctarum « aliquid esse, quod est secundum se acci- « dens, et repugnans naturali rationi : « sicut quod commixtio fiat inter parentes, « et filios, quorum est per se, et immedia- « diata cognatio. Nam filii naturaliter « honorem debent parentibus. . . . Aliæ « vero personæ, quæ non conjunguntur per « se ipsas, sed per ordinem ad parentes, « non habent ita ex se indecentiam. Sed « variatur circa hoc decentia, vel indecentia secundum consuetudinem, et legem « humanam, vel divinam : quia ut dictum « est, usus venereorum, quia ordinatur ad « bonum commune, subjacet legibus. Et

D. Tho.

« ideo sicut Augustinus dicit 15, de Civit. Dei, cap. 16, commixtio sororum, et fratrum, quanto fuit antiquior, compellente necessitate, tanto postea facta est damabilius, religione prohibente. » Ubi liquet, quam diversas rationes recognoscant inter incestum cum ascendentibus, aut descendentibus, et incestum cum aliis personis aliter conjunctis : et inde convincitur, quod D. Thom. nomine *speciei incestus* in corp. et ad 2, non intelligit infimam, sed subalternam. Tum denique; quia id adhuc evidentiis constat ex opus. 12, art. 6, ubi inquit : Si vero speciem peccati exprimere non possit, nisi exprimendo personam, cum qua peccavit, puta si cum sorore concubuit, necesse est, exprimendo peccati speciem exprimat personam. » Supponit itaque incestum commissum cum sorore propria distingui ab incestu cum suæ conjugis sorore : et tamen sunt in eodem cognationis gradu cum sola distinctione penes consanguinitatem, vel affinitatem. Unde vel ob solam S. Doctoris auctoritatem proposita jam resolutioni (alias etiam communiori, et veriori) subcriberemus.

141. Ex illa vero in genere proposita ad casus magis particulares descendendo, et illos in duas classes consanguinitatis, et affinitatis dividendo, quæ dixerimus de incestu inter consanguineos, applicanda intelligimus incestui inter affines, dummodo supponatur æqualitas in eodem gradu. Sed incestus inter consanguineos differt ex genere, atque ideo in specie ab incestu inter affines, ut patet ex immediate dictis. Unde absurdum putamus dicere idem specie peccatum esse, quod quis peccat cum sua matre, aut cum noverca, quod peccat cum uxore propria, aut cum sorore suæ uxoris; et sic de aliis : sunt enim peccata plane diversa in specie, diversitate de-sumpta ab altiori, et universaliori radice jam assignata. Quo supposito dicendum est incestum consanguineorum in linea recta distingui specie ab incestu inter consanguineos in linea laterali, et transversali, et sic de aliis. Ita Lessius, Henriquez, Lugo, Palaus, cum quibus N. Franciscus ubi supra, et Leander q. 41. Quoniam longe majoris, et altioris ordinis reverentia debetur consanguineis in linea recta, quam aliis lateralibus, et transversalibus, ut ex se

liquet, et tradit D. Thom. loc. cit. ex 2, 2. Sed in eadem linea recta non datur diversitas incestuum : unde opus non est declarare, quod mulier peccaverit, aut cum avo, aut pro avo, aut vice versa : quia ibi est eadem conjunctio, et eadem irreverentia, ut bene observat cum multis Leander q. 36, et 38. Dicendum etiam est (et in idem recidit) incestum cum consanguineis in linea recta distingui specie ab incestu cum consanguineis in linea laterali, etiamsi sint in primo gradu : atque ideo incestum cum matre esse diversum specie ab incestu cum sorore : et consequenter non sufficere dicere in confessione, peccavi cum consanguinea in primo gradu; sed addendum necessario esse, cum matre, aut cum sorore. Sic Sotus, Nugnus, Navarrus, Lugo, Valentia apud Leandrum q. 36, in 2 sent. et q. 37. Quoniam major reverentia debetur matri, quam sorori. Hinc eorum aliqui colligunt, et nobis non displicet inter consanguineos ejusdem lineæ rectæ debere explicari, an incestus fuerit cum matre, aut cum filia : quia filius in incestu cum matre peccat contra reverentiam matri debitam, quæ non ita occurrit in patre peccante cum filia. Sed aliunde pater peccat contra speciale debitum recte gubernandi filiam, nempe in castitate continendi. Ulterius dicendum est, quod facta comparatione inter consanguineos extra lineam rectam incestus cum consanguinea in primo gradu distinguitur specie ab incestu inter consanguineos in aliis gradibus : et subinde incestum cum sorore explicandum in confessione : quia in eo gradu primo datur specialis conjunctio fundans majorem reverentiam ad propulsandum fœdioris incontinentiæ periculum ex immediato inter fratres, et sorores convictu. Et ita (ultra Navarrum, Nugnum, Granados, Valentiam, et alios multos, qui sentiunt omnes gradus consanguinitatis impedimentum afferentes matrimonio, debere a pœnitente manifestari) docent Sanchez, Vasquez, Henriquez, Ortiz, Lugo, Trullench, et alii, quibus relatis subscribit Leander ubi supra quæst. 36, in tertia sententia. Sed quod soror sit ex utroque parente, aut ex uno tantum, nihil refert, quia non variat speciem, ut observavit Lugo disp. 17, n. 325. Denique sentimus, reliquos consanguinitatis gradus, sive im-

diant

D. Tho.

Leander

Sotus.
Nugnus.
Navar.
Lugo.
Valent.Lessius,
Henriq.
Lugo
Palaus,
Franc.

diant, sive non matrimonium, non consti-
tuere in incestu novam speciei circum-
stantiam : atque ideo opus non esse in
confessione incestus explicare tales gradus.
Et ita etiam consentiunt Auctores imme-
diate relati quibus addimus Palaum, et
Dicastillum, et eos referentem N. Francis-
cum loco cit. num. 32, in fine.

ne stus
inter
affines.
142. Et hæc omnia, quæ de incestu inter
consanguineos diximus, applicanda sunt
incestui inter affines : atque ideo, quod
incestus cum noverca distinguitur specie
ab aliis inter affines ; et similiter incestus
cum sorore uxoris ; in incestibus vero inter
affines in inferioribus gradibus non
reperiri distinctionem specificam neces-
sario in confessione explicandam. Quæ
omnia collegimus ex communioribus, pro-
babilioribus, ac securioribus Doctorum
sententiis. Quod enim affirmat Delgadillo,
cap. 17, dub. 64, n. 143, omnem incestum
sive inter consanguineos, sive inter affines,
sive in linea recta, sive in transversali,
sive in primo, sive in quolibet remotiori
gradu, non differre specie, nec addere
circumstantiam specie diversam, et in
confessione explicandam, apparet intole-
rabile : nam ut alia omittamus, incestus
cum matre addit super alias speciem irre-
verentiæ in matrem, addit et speciem in-
jurie gravissimæ contra matris maritum,
sive pater naturalis peccantis sit, sive
non. Unde contra lucem, et inclinationem
naturalem esse nobis videtur, quod non sit
peccatum diversæ rationis peccare cum
matre naturali, et peccare cum affine in
secundo, aut tertio gradu : quin summa
diversitas inter pœnas, quibus hæc fla-
gitia puniuntur, satis manifestare vide-
tur ipsorum peccatorum diversitatem. Et
D. Thom. loc. cit. ex 2, 2, postquam dixit
commixtionem aliquarum personarum esse
secundum se indecentem, et repugnantem
naturali rationi, adjecit : « Sicut commixtio
« inter parentes, et filios, quorum est per
« se, et immediata cognatio : nam filii na-
« turaliter honorem debent parentibus.
« Unde Philosophus dicit in 9, de animal.
« quod quidam equus, quia deceptus fuit,
« ut matri commisceretur, se ipsum præci-
« pitavit, quasi præ horrore. Eo quod etiam
« animalibus aliquibus inest naturalis re-
« verentia ad parentes. » Sed tamen nul-
lam impingere intendimus censuram tam

absonæ, ut nobis repræsentatur opinioni,
eam relinquentes irrefragabili Ecclesiæ
judicio.

143. Addimus pro omnibus incestibus
hactenus relatis, et in nostra sententia spe-
cifice distinctis, illorum malitiam incurri
non solum per copulam naturalem, sed
etiam per coitum sodomiticum, sive sit
masculi cum fœmina, sive cum masculo :
et consequenter ubi istud crimen commit-
titur inter consanguineos, vel affines, de-
bere pœnitentem explicare non solum
sodomiam, sed etiam incestum, et intra
genus incestus propriam illius speciem
juxta regulas immediate præmissas. Hanc
resolutionem, prout universaliter proponi-
tur, negant Candidus disp. 24, art. 23, dub.
23, Azor, tom. 23, lib. 3, c. 18, et 22,
Diana 3 par. tract. 4, resol. 101, Bonacin.
de Matr. q. 4, punct. 11, n. 7, et alii, qui
licet concedant coitum sodomiticum ha-
bere malitiam incestus, quando fit inter
consanguineos, aut affines vel in linea
recta, vel alia in primo, et secundo gradu ;
id negant in gradibus ulterioribus, et etiam
in cognatione legali, vel spirituali, de qua
statim. Sed nostra resolutio est commu-
nior, et probabilior : quam docent Sanch.
lib. 9, de Matrim. disp. 56, Lugo disp. 16,
n. 350, et Leand. pro eodem referens Syl-
vium, Grassium, et Trullench. Et probatur :
nam qui tangit turpiter consanguineum,
vel affinem in tertio, aut quarto gradu, aut
cum ease polluit, debet id explicare in con-
fessione propter specialem incestus mali-
tiam, ut est communis sententia apud Sanch.
loco cit. Sed coitus sodomiticus est incom-
parabiliter turpior, et magis oppositus
reverentiæ, quæ inter cognatos debetur, ut
nemo negare valet : ergo talis coitus, ubi
committitur inter consanguineos, et affines
in quolibet ex gradibus prohibitis, inducit
specialem incestus malitiam explicandam
in confessione : ad quod nihil in ratione
incestus refert, quod sodomia commissa
fuerit inter personas ejusdem sexus, vel
diversi, ut etiam patet in tactibus impu-
dicis.

144. Venimus tandem (ut hanc de in-
cestu considerationem absolvamus) ad
cognitionem legalem, et spiritualementem.
Est autem legalis « propinquitus personarum
« proveniens ex adoptione : » quæ consistit
« in assumptione personæ extraneæ in

Candid.
Diana,
Bonac.

Sanchez,
Lugo,
Leand.
etc.

Cognatio
legalis.

« filiam. » Unde resultant tres species cognationis : prima quasi in linea recta inter adoptantem, et adoptatum : secunda in linea transversali inter adoptatum, et filios naturales adoptantis : tertia quasi affinitatis inter adoptantem, et uxorem adoptati, et similiter inter adoptatum, et uxorem adoptantis. Quælibet autem harum specierum dirimit matrimonium inter prædictas personas legali cognatione conjunctas : non quidem jure divino, et naturali, sed positive canonico, aut etiam civili, scientibus, et non contradicentibus Pontificibus, ut docet communis, et certa sententia apud N. Andream tr. 9, de Matr. c. 12, punct. 3. Et quamvis aliqui DD. extendant hujusmodi impedimentum in recta linea usque ad quartum gradum descendentium ; nihilominus probabilius est in quacumque linea solum extendi ad primum in jure assignatum, ut cum aliis resolvit N. Andreas loc. cit. n. 43, quoniam hujusmodi cognatio non impedit matrimonium jure naturæ, sed positivo. Unde solum se extendit ad impediendum matrimonia eorum, qui in ipso jure positivo assignantur, et sunt existentes in primo gradu cujuslibet speciei cognationis legalis, ut assignavimus, et quod ad spiritua-lem spectat, illa consistit « in propinquitate « personarum introducta jure Ecclesiastico « ex susceptione Baptismi, et Confirmatio-
 nis. » Cujus descriptionis sensus haud obscure constat ex supradictis n. 122. Ad quas autem personas extendatur hujus cognatio spiritualis (matrimonium utique impediens) sublati antiquis dispositionibus, ac introductionibus statuit, ac decrevit Concil. Trid. sess. 24, de Reform. cap. 2, quantum ad Baptismum his verbis : « Unus « tantum sive vir, sive mulier juxta Sacro-
 rum Canonum instituta, vel ad summum « unus, et una Baptizatum de Baptismo « suscipiant : inter quos, ac baptizatum « ipsum, et illius patrem, et matrem, nec-
 « non inter baptizantem, et baptizatum, « baptizatique patrem, ac matrem tantum, « spiritualis cognatio contrahatur. » Et quantum ad Confirmationem his verbis : « Ea quoque cognatio, quæ ex Confirma-
 « tione contrahitur confirmantem, et con-
 « firmatum, illiusque patrem, et matrem, « ac tenentem non egrediatur : omnibus « inter alias personas hujusmodi spiritua-

« lis cognationis impedimentis omnino « sublati. »

Hæc (quorum uberior, et accuratior notitia pertinet ad tractatum de Matrimonio) sufficiat delibasse hoc loco, ut resolutiones ad ipsum pertinentes subjiciamus. Tenendum itaque est cognationem legalem distinguere specie morali a cognatione naturali inter consanguineos, et affines : et subinde incestum contra cognationem legalem commissum distinguere specie ab incestu commissio inter consanguineos, et affines, et sic fore explicandum in confessione. Ita Paludanus, Azor, Lessius, Filliucius, quos Palud. Azor. Lessius, et alii. Ratio. refert, et sequitur Trullench lib. 6, in Decalog. cap. 5, dub. 6, contra Sanchez lib. 7, de Matrim. disp. 5, n. 10, Lugum disp. 16, n. 328, et alios. Et probatur ex dictis n. 140, nam habent radices valde distinctas, ut facile consideranti constabit, et declaratur in hunc modum : magis distinguitur cognatio legalis a cognatione inter consanguineos, et a cognatione inter affines, quam istæ duæ ultimæ cognationes inter se ; sed istæ distinguuntur specie propter differentes radices, ex quibus proveniunt ; et propterea incestus inter consanguineos distinguitur specificè ab incestu inter affines, ut statuimus n. 140 : ergo idem a fortiori dicendum est de cognatione legali comparative ad cognationem inter consanguineos, et affines. Explicatur amplius : nam conjunctio inter consanguineos, et affines est naturalis, et fundata in ipso jure sanguinis, vel immediate, ut in consanguineis propter originem ab eadem radice, vel saltem mediate ob unionem per matrimonium, ut in affinibus : conjunctio vero legalis non est naturalis, cum contingat inter personas omnino extraneas, sed mere politica, introductaque jure Civili, non repugnante Canonico : atque ideo est multo inferior, quam illa : ergo pariter incestus inter personas conjunctas sola cognatione legali est diversa, et inferioris malitiæ, quam incestus inter personas conjunctas cognatione naturali consanguinitatis, vel affinitatis.

Unde a fortiori dici debet incestum inter personas conjunctas cognatione spirituali distinguere ab omnibus incestibus hactenus enumeratis, et subinde explicari debere in confessione. Quoniam præter violationem conjunctionis, sive reverentiæ ob conjunc-tionem

Cognatio
 spiritualis.

Concil.
 Trid.

tionem debitæ, quæ invenitur in omni incestu, adest specialiter in isto malitia sacrilegii : eo quod prohibitio copulæ inter conjunctos cognatione spirituali oritur specialissime ex reverentia ad sacramenta Baptismi, et Confirmationis : contra quam agunt se stante tali cognatione, committentes. Et sic præter proxime relatos pro nostra sententia docent Sanchez loco cit. num. 9, Lugo loco cit. n. 333, Leander disp. 8, § 3, q. 47, et omnes, quos viderimus. Sed duo hic observanda sunt. Primum : in confessione incestus contra cognationem spirituale opus non esse declarare, quod talis cognatio fuerit ex Baptismo, vel ex Confirmatione : quia sunt ejusdem rationis. Secundum : cognationem legalem non extendi nisi ad unum gradum, primum utique in qualibet linea a jure assignatum, ut supra diximus : cognationem vero spirituales extendi ad omnes personas assignatas in Concilio Trid. proxime relato, et consequenter copulam inter illas esse vere incestum. Sed opus sit præter incestum confiteri personam, sive gradum conjunctionis, existimamus determinari debere juxta superius dicta n. 141, nempe explicandum fore primum gradum, secus alios.

Observ.
1.

Observ.
2.

Septima.

145. Fit septimo in peccatis blasphemiæ explicandam esse qualitatem illius, et personam, in quam fit. Ratio est : quoniam hæc variant speciem peccati hujusmodi : sunt autem omnes peccatorum species in confessione explicandæ. Ad cujus majorem lucem recolenda sunt, quæ diximus in tract. 12, de virtutib. in arbore prædicam. n. 17, nempe duas esse blasphemias : unam *specialiter* dictam, quæ vocatur *blasphemia in Spiritum Sanctum* : quia ponit directe obicem remissioni peccatorum, et gratiæ, quæ Spiritui Sancto appropriantur, et dividitur in varias species, desperationem, præsumptionem, etc. Et de hac blasphemia specialiter dicta, et ejus speciebus non agimus in præsentia : sed non pauca diximus in priori parte in Comment. ad art. 10, q. 84 et disp. 6, a n. 150. Alia est blasphemia *generaliter dicta*, consistitque in derogatione excellentis alicujus bonitatis : quæ communiter fit verbis, aut aliis signis loci verborum, ut si quis diceret Deum esse crudelem, D. Petrum fuisse stultum, etc. Et de hac blasphemia est nobis sermo in

hoc loco : quæ habet specialem oppositionem cum fide, non quidem quantum ad internum assensum (quamvis illam aliquando habeat), sed quantum ad externam fidei confessionem, et reverentiam, quæ rebus sacris, et excellentibus in modo etiam loquendi debetur.

Hujus itaque qualitatem debere in confessione explicari ostenditur contra aliquos apud Leandrum disp. 8, § 3, q. 15, asserentes omnes blasphemias esse ejusdem speciei. Nam in primis blasphemia in Deum distinguitur specie a blasphemia contra creaturas quantumvis excellentissimas : tum quia excellentia Dei excedit infinite excellentiam creaturarum : tum quia hac de causa virtus, qua Deum colimus, nempe Religio, sive Latria, distinguitur a Dulia, sive virtute, qua Sanctos reveremur. Ergo qui blasphemavit contra Deum, non satisfacit dicendo in confessione blasphemiam, sed aperire debet quod contra Deum fuerit. Deinde blasphemia dicta contra B. Virginem Mariam distinguitur specie a blasphemia in alios Sanctos ob eminentissimum excessum, quo Mater Dei illos antecellit : unde cultus proprius illi debitus dicitur Hyperdulia, quæ a Dulia, sive communi in alios Sanctos cultu distinguitur, ut optime tradidit Angelicus Doctor 3 part. q. 25, art. 5, dicens : « Cum « B. Virgo sit pura creatura rationalis, « non debetur ei adoratio Latriæ, sed veneratio Dulia, eminentius tamen, quam « ceteris creaturis, in quantum ipsa est « Mater Dei. Et ideo dicitur, quod debetur « ei non qualicumque Dulia, sed Hyperdulia. » Unde qui blasphemiam de B. Virgine loquutus sit, debet in confessione aperire. Pro quibus omnibus perfectius capessendis recolenda sunt, quæ late tradidimus tract. 21, de Incarnat. disp. 36, de adoratione Sanctorum, et specialiter dub. 3, de adoratione B. Virginis Mariæ, quæ hic insinuasse sufficit. Denique blasphemiam in alios Sanctos, sive Angelos, sive homines, distinguuntur specie a blasphemia in Deum, et blasphemia in B. Virginem, et sic explicari debent, ut constat ex immediate dictis. Sed sicut excellentiæ Sanctorum, quamvis satis inæquales, sunt ejusdem ordinis, et pertinent ad eandem Duliam : sic etiam blasphemiam contra eos prolatam, quantum est ab hoc capite, sunt

Blasphemiam in Sanctos est ejusdem speciei.

ejusdem speciei : quare satis est in confessione explicare blasphemiam in Sanctum, licet non explicetur, an fuerit homo, vel Angelus, Joannes, aut Petrus, etc. et hanc esse communem sententiam testatur N. Franciscus, cap. 8, punct. 4, n. 99.

Franc.

Et hæc procedunt attenta sola diversitate personarum, in quibus blasphemiae proferuntur: unde consulto diximus: *Quantum est ab hoc capite*. Sed aliunde possunt ex aliis varias contrahere malitias specie diversas, et necessario in confessione explicandas. Primo : si contineat hæresim, ut si quis diceret Verbum Dei non esse proprie Filium Dei: nam præter blasphemias, et irreverentia verba, proferret hæresim destruentem Mysterium Trinitatis. Hæresis autem addit speciem supra blasphemiam. Et quamvis deficeret assensus interior directe contrarius assensui fidei; adhuc tamen blasphemia foret hæreticalis, et contra præceptum fidei, quo obligamur ad non asserendum, vel negandum exterius contra id, quod fides docet. Secundo; si procedat ex odio, ut cum quis, quod mala patiat, irascitur, atque in Deum, et Sanctos ejus assentiret eum esse crudelem, et istos nihil suis intercessionibus consequi: manifestum namque est odium addere speciem a malitia distinctam. Tertio; si adderet contumeliam, aut convitium attribuendo Deo, aut Sanctis res turpes. Quarto; si imprecaretur eis aliquid malum ut destructionem, et nullum cultum. Quæ sunt satis perspicua, et suo pondere a præmissa resolutione descendunt. Videantur Sanchez in Summa lib. 2, cap. 32, Suarez de Relig. tom. 1, tract. 3, lib. 1, cap. 6, Dicastillo in præf. disp. 9, dub. 8, Bannez et Aragon, 2, 2, q. 13, art. 10, Petrus de Ledsma tom. 2, tract. 1, cap. 9, concl. 5, et alii communiter contra Joannem Sancium disp. 6, q. 6, Leandrum disp. 8, § 3, q. 14, et aliquos alios Recentiores, qui vel negant, vel diminuunt obligationem confitendi qualitatem blasphemiarum contra Deum, ut si fuit, inquit Sanchez loco cit. « per vitam » Dei, vel pœniteat Deum, vel per membra « pudenda, etc. »

Octava.

146. Fit octavo eum, qui relicta fide Catholica transit ad sectas reprobatae Judaismi, vel Paganismi, vel hæresis, teneri explicare in confessione ad quam ex illis falsis Religionibus transierit. Oppositum

cum paucis janioribus docet Diana 1 part. tract. 7, quæst. 46. Sed nostram resolutionem defendunt satis communiter Doctores, ut statim constabit. Et probatur: nam illæ falsæ religiones, et infidelitates earum propria distinguuntur in specie intra genus infidelitatis, ut ex professo ostenditur tractat. 17, de fide, disp. 9, dub. 2, § 2, et docent D. Thomas, Cajetanus, Bannez, Aragon. Martinez de Prado, Tapia, Arauxo, Tay, et alii ibidem relati. Unde cum circumstantiæ mutantes speciem, debeant in confessione explicari, declarari istæ debent: atque ideo non sufficit dicere apostasiam a fide Catholica, sed aperiri ultra debet infidelitas, vel Judaismi, vel hæresis, ad quam quis transit. Et quamvis Suarez, Valentia, Lorca, et quidam alii negent distinctionem essentialiam inter prædictas infidelitates; nihilominus iidem Auctores observant prædictas infidelitatum conditiones debere in confessione explicari, quia sunt circumstantiæ notabiliter intra speciem aggravantes: quod etiam præmonuit Sanchez lib. 2, in Decalog. cap. 7, num. 57. Licet autem horum motivum sit infirmum apud nos, resolutio tamen placet, et potest aliter firmari: nam permissio, quod illæ tres infidelitates non distinguantur specie, nihilominus earum singulæ amplectuntur ritus habentes malitias diversas in specie puta Judaismus malitiam superstitionis in Circumcisione; Paganismus malitiam Idololatriæ, Hæresis usum invalidi alicujus sacramenti, et sic de aliis: ergo qui transit ad falsas istas religiones, hæc omnia in earum professione complectitur, admittitque diversa specie peccata. Et consequenter non satisfacit confitendo præcise, quod deseruerit fidem Catholicam, sed explicare debet, ad quam falsarum illarum sectarum transierit, ut cum Lugo, Dicastillo, et aliis recte probat N. Franciscus loco cit. n. 100.

147. Tædet jam in tot corollariis ad unam circumstantiam *Quid*, immorari, præsertim cum concernant materias adeo diversas, quæ ex una parte non videntur omittendæ, et ex alia nequeant pro meritis hoc loco versari, sed debeant ad proprias sedes remitti. Et tamen adhuc, licet tumultuarie, addimus. Primo eum, qui uno actu vult non recitare Officium Divinum in uno mense, aut non jejunare in Quadragesima, debere id explicare in confessione

Ratio.

D. Tho.
Cajet.
alii.

Sanchez
Suarez,
Dicastil.
Aragon.
Ledsma.

Lugo,
Dicast.
Circum-
stantia
Quid.

fessione, quidquid cum aliquibus dicat Leander ubi proxime quæst. 27. Nam licet ille actus sit physice unus, est tamen multiplex moraliter in æstimatione prudentum, habetque tot malitias numero distinctas, quot sunt transgressiones, quas ex parte objecti voliti admittit. Et confirmari potest ex supradictis a num. 131, exemplo ejus, qui uno actu vult occidere decem homines, aut committere decem adulteria : nam committit decem peccata, et debet ea confiteri. Secundo eum, qui violat votum, quod juramento firmaverat, committere duo peccata specie diversa, et in confessione explicanda, ut docent Sanchez lib. 7, de Matrimon. disp. 27, et alii communiter. Quia licet votum, et juramentum pertineant ad eandem Religionis virtutem; nihilominus important rationes specificè differentes : voti namque observatio debetur, ut servetur fides Deo debita; juramenti autem voto Deus invocatur in testem falsum. Unde consequens est violationes voti, et juramenti esse peccata specie distincta. Tertio maledicentem uno actu Deo, et duodecim Apostolis, et imprecantem malum Petro, et omnibus suis cognatis debere id explicare in confessione : quia committit peccata plura numero distincta in prudenti æstimatione juxta numerum personarum, quas maledictione offendit, ut patet ex dictis a num. 131, et docent Navarrus, Vasquez, Bonacina, Trullench, et alii communiter contra Leandrum disput. 8, § 3, quæst. 24, et alios paucos. Quarto illum, qui tria adulteria cum tribus mulieribus conjugatis commissis, satisfacere confitendo tria adulteria, et non obligari ad manifestandam conjugatarum, cum quibus peccavit numerum. (Idem colligendum est de fornicante cum diversis solutis.) Nam ibi non multiplicantur species peccatorum, sed præcise numerus : et hic satis declaratur dicendo tria adulteria. Et sic docent communiter Auctores, quos refert, et sequitur Leander ubi proxime quæst. 29. Et eadem ratione colligendum est non magis debere confiteri, qui decem fœminas incitavit ad peccandum, quam qui unam decem vicibus provocavit, supposito, quod omnes sint ejusdem status, et conditionis. Quinto prælatum, aut dominum, qui subditorum, aut servorum correctionem, cum debebatur, omittit, non satisfacere, si in confessione

dicat se omisisse proximi correctionem, sed debere explicare proximi qualitatem : quia obligatio corrigendi proximum in genere solum oritur ex misericordia, aut charitate : sed obligatio corrigendi subditos, et servos pertinet etiam ad justitiam, et officium. Et ita observant Bannez, Suarez, Villalobos, et alii, quibus subscribit Leander ubi proxime quæst. 56. Et idem intelligendum est a fortiori de parentibus non corrigentibus filios delinquentes in re gravi.

§ III.

De circumstantia Ubi.

148. Hæc designat locum, ex quo peccata possunt depromere specialem malitiam. Et solet esse duplex : alter publicus, ut si quis fornicaretur in foro, et coram multitudine, quæ inde provocaretur ad malum : unde talis actus ultra speciem luxuriæ contraheret etiam malitiam specificam scandalii. Sed de hoc jam supra dictum est, et in sequentibus sermo redibit. Alter est Sacer, sive dedicatus Dei cultui : et de isto agimus in præsentis, ut videamus, an peccatis in eo commissis addat specialem malitiam, necessario in confessione exponendam. Communiter autem refertur, et refellitur sententia Joannis de Medina, qui codice de pœnitentia tractat. 2, quæst. 7, asseruit omne peccatum grave etiam internum in templo commissum habere ex loco circumstantiam irreverentiæ, necessario in confessione explicandam. Et refellitur merito : quia onus gravissimum imponit absque solido fundamento. Deficit etiam in eo, quod imaginatur omne peccatum intra templum admissum esse contra reverentiam ipsi debitam : nam actus interni nullam indecentiam, vel offensionem afferunt loco sacro : quin etiam plura peccata excludunt ex parte objecti ipsum templum, ut patet in eo, qui alapa, vel alia gravi intra templum percussus statuit se vindicare non in templo ob reverentiam ei debitam, sed extra illud. Nec propterea negamus peccata in loco sacro commissa, nisi ignorantia, aut inadvertentia excuset, contrahere aliquam levem malitiam reducendam ad speciem sacrilegii, ut patet in nugis, et verbis otiosis in Ecclesia prolatis, et in

Locus duplex.

aliis similibus. Inordinatum namque apparet, quod locus dedicatus orationi, et adorationi Dei, peccatis committendis deserviat. Quamvis hæc magis in peccata externa, quam interna referri debeant.

Restringendo itaque considerationem ad peccata graviora externa in templo commissa; quod ista graviter opponantur reverentiæ templo debitæ, potest provenire ex duabus radicibus: in primis ex natura rei ob specialem oppositionem inter talia peccata, et sanctitatem loci: deinde ex præcepto Ecclesiæ graviter prohibentis aliquas actiones in loco sacro exerceri. Et quantum ad primum non dubitamus dari aliqua opera adeo prophana, et contraria reverentiæ locorum sacrorum, ut ipso jure naturali, et independenter a jure positivo, contrahant in templo exercite specialem sacrilegii circumstantiam, quæ necessario in confessione explicari debeat. Quis hoc neget de eo, qui in templo copulam haberet cum meretrice: et de eo, qui jumenta, et sues introduceret in templum sicut in stabulum; et de illo, qui stercora, et res foedissimas congregaret in templo sicut in sterquilinio? Sunt ista adeo absona, et religioni templorum tam adversa, ut vel apud idolatras censeantur sacrilegia gravissima. Forent itaque hujusmodi, quamvis non prohiberentur jure positivo Ecclesiastico; quin plurima illam prohibitionem non habent, quia ea non egent, ut facile discurrenti constabit. Sed dubium alias non est, Ecclesiam aliqua peccata specialiter prohibuisse intuitu loci sacri, ne scilicet in eo fierent, ejusque reverentiam violarent. Et quatuor principaliter esse observant communiter Doctores, ex variisque Canonibus deducitur. Primum homicidium, et gravis effusio sanguinis. Secundum voluntaria seminis effusio. Tertium est furtum. Quartum violatio immunitatis Ecclesiæ seu Templi. De quibus omnibus dicere curabimus, quæ oportet ad cognoscendum, quæ peccata in Ecclesia commissa contrahant novam circumstantiam sacrilegii specie, a peccato diversam, et in confessione declarandam. Quamvis non semel species ex loco sacro desumpta non sit circumstantia peccati, sed prima ejus species, quoties videlicet actus non habet aliunde malitiam, sed solum ex eo, quod solum fit in loco sacro contra prohibitionem Ecclesiæ,

ut aliqui declarant exemplis judicis excentis actus judiciales (de se licites) in templo: tum eorum, qui habent actum conjugalem (de se licitum) in loco sacro. In his enim, et similibus ratio sacrilegii non est circumstantia peccato addita, sed prima ipsa species peccati.

149. His suppositis, haud obscure colligemus ad hanc circumstantiam pertinentia discurrendo per illas quatuor classes proxime assignatas. Et quantum ad homicidium, et notabilem sanguinis effusionem, tenendum est, quod, ut sint actiones sacrilegæ, quibus violetur Ecclesia, debent esse actiones peccaminosæ, et in suo genere consummatæ. Hinc, si aliquis se juste defendendo alium in Ecclesia vulneret cum notabili sanguinis effusione, ac denique interficiat: non propterea dicitur violator Ecclesiæ, vel homicida sacrilegus, ut docent Victoria in summa num. 99, et alii communiter: nam cum illæ actiones non fuerint peccatum nequeunt esse sacrilegium. Et similiter; si effusio sanguinis non sit notabilis, et simul injuriosa, non violat Ecclesiam, nec ex vi hujus contrahit malitiam sacrilegii: ut si joco contingeret, licet foret magna; vel in parva quantitate ut in aliquibus guttis e naso, licet esset injuriosa, ut resolvunt Navarrus, Sylvester, et alii communiter apud Leandrum disp. 8, § 4, q. 7. Pariter; si quis alium in Ecclesia graviter percuteret, absque morte tamen, et notabili sanguinis effusione, non violaret Ecclesiam, nec ex vi hujus esset sacrilegus: quia jura loquuntur determinate de homicidio, et sanguinis effusione; et trahi non debent ad hunc tertium, et diversum casum in eis non expressum, ut bene observant Lugo disp. 16, num. 468. Denique, nec violator Ecclesiæ in hoc sensu est, qui existens intra Ecclesiam telo, aut sclopeto occidat alium existentem extra Ecclesiam: quia actio occidendi non consummatur in Ecclesia, sed extra illam, et tamen jura loquuntur de homicidio, et sanguinis effusione, quæ in Ecclesia fiant, cujus oppositum dici deberet, si vice versa existens extra Ecclesiam alium occideret in ea existentem, ut cum aliis notat Leander ubi proxime quæst 8. Et hæc omnia, ut sæpius indicavimus. accipienda sunt attentis juribus ab Ecclesia statutis. An vero prædictæ actiones sint alias

alias jure naturali prohibita, et sacrilega ob irreverentiam in locum sacrum, alia est difficultas, de qua infra num. 152. Et similiter accipi debent, ubi praedictae actiones sunt publicae: de his namque loquuntur jura non se extendentia ad occulta crimina. Sed utrum eadem actiones occultae factae incurrant nihilominus malitiam sacrilegii, concernit distinctum dubium, n. 151 dicendum.

150. Veniamus ad aliam classem peccatorum luxuriae, quibus violatur Ecclesia (circa quae ne erremus, aut alios in errorem trahamus, resolutiones accipiendae sunt cum limitatione, et cautionibus immediate praemissis). Fit autem praedicta violatio (peccatum necessario in confessione explicandum) per non occultam seminis effusionem, atque ideo per copulam carnalem. Et quod ad istam attinet, extenditur etiam ad conjugalem, nisi contingat conjuges esse in Ecclesia reclusos per longum tempus, quod aliqui determinant ultra quatuor dies, ut cum Petro de Ledesma, Candido, Sanchez, Suarez, et aliis satis communiter resolvunt Bonacina, q. 4, de Matrim. punct. ult. Et N. Andreas de Matrim. cap. 15, punct. 5, num. 66. Quod vero pertinet ad seminis effusionem, intelligendum est cum ea proprietate, quam istae voces significant, et non pro qualibet minima decisione humoris, ut videri potest apud Leandrum loco cit. quaest. 10. Et haec duo praecise sunt, per quae accedente notorietate, in genere luxuriae violatur Ecclesia. Unde fit per solos aspectus, aut nutus libidinosos, et confabulationes inhonestas non committi istud peccatum violationis. Similiter nec per tactus leves manuum, aut pectoris. Denique nec per tactus omnino impudicos in partibus inhonestis, modo non sequatur pollutio notoria, ut cum Sanchez, Navarro, Lugo, Diana, et aliis pluribus tradit Leander disp. 8, § 4, quaest. 11, et 12, 13. In quo tamen minime probamus, quod haec tradat in genere, et absque aliqua distinctione concludendo similia peccata in loco sacro commissa non inducere circumstantiam sacrilegii, nec esse necessario declaranda in confessione quantum ad eam circumstantiam: quod non aliunde probat, nisi ex non violatione Ecclesiae secundum jura, quae fatemur non extendi ultra voluntariam, et notoriam se-

minis effusionem. Sed procedit diminute, et praestat occasionem errandi, et non confitendi, quae confiteri ex necessitate debent. Nam quidquid fuerit de dispositione juris positivi (quam supponimus) possunt aliunde actiones indecentes in loco sacro prohiberi jure naturali, ex ipsomet Leandro statim videbimus: atque ideo quamvis non inducant violationem loci sacri, secundum quod jura praescribunt, possunt contrahere malitiam gravem sacrilegii in locum sacrum, ut num. 148 exemplis ostendimus. Quare pro accuratori praesentis materiae resolutione (antequam ad alias duas classes violationis Ecclesiae descendamus), oportet duas graves difficultates breviter superare.

151. Prima est, an quando crimina hac-^{Opinio.} tenus relata, homicidium, effusio seminis, copula carnalis, et sanguinis effusio, fiunt occulte, sive quando non sunt notoria, sint vere sacrilegia, debeantque consequenter, ac necessario in confessione explicari? Navarr. Negant Navarrus cap. 27, num. 230, Vasquez 1, 2, disp. 98, Basilii Pontius lib. 10, de Matrim. cap. 10, Rodriguez, Naldus, Azor, Coninchus, Toletus, Graffius, et alii plures, quibus relatis subscribunt Diana part. 1, tract. 11, resolu. 31, et Palaus tractat. 11, disp. unica, punct. 1. ^{Navarr. Vasq. Pontius, Rodrig. et alio.} Moventur: quia ea sola peccata Ecclesiam polluant, atque subinde habent speciem sacrilegii, necessario in confessione explicandi, quae impediunt, ut divina in Ecclesia celebrentur; sed per sola crimina relata, ubi sunt notoria, impeditur Ecclesia a divinatorum celebratione; secus autem ubi sunt occulta, ut est concors Doctorum sententia: ergo talia peccata, ubi occulte committuntur, non polluant Ecclesiam, nec inducunt circumstantiam sacrilegii in confessione explicandi. ^{Motivum} Confirmatur primo: ^{Confirmat. uat. 1.} quia quod Ecclesia polluitur, et in ejus pollutione committatur sacrilegium, non provenit ex jure naturali, aut divino, sed ex solo jure Ecclesiastico: atque ideo extendi non debet ultra expressam hujus dispositionem: constat autem istud exposcere notorietatem praedictorum criminum: ergo ubi talia crimina sunt occulta, nec polluitur Ecclesia, nec sacrilegium committitur. Confirmant secundo: nam reverentia locis sacris debita consistit in homi- ^{Confirmat. 2.} num opinione, sicut et fama: atque ideo

sicut homines non fiunt per sua crimina infames nisi talia crimina hominibus innotescant; ita irreverentia non irrogatur locis sacris per crimina in eis commissa, nisi de criminibus publice constet: ergo ubi occulta sunt non inferunt irreverentiam locis sacris, nec sibi afferunt malitiam sacrilegii.

Verior
senten-
tia.

Sylvest.
Ledesm.
Candid.
Torre.
Covarr.

Sanchez,
Suarez.

Henriq.
Leand.,
Emman.
Lessius,
Salas,
Bonac.
Lugo,
Franc.
Gabriel.
Anton.
Andreas,

Ratio.

Confir-
matio.

Sed affirmans sententia est verior, securior, et communior; quam docent Sylvest. verbo *Debitum* num. 5, et verbo *Consecratio* 2, num. 5, Petrus de Ledesma quæst. 64, art. 7, concl. 1 et in Summ. cap. 20, de Eucharist. Candidus disquisit. 24, art. 23, dub. 38, Raphael Torre 2, 2, q. 99, art. 2, disp. 7, Castro lib. 1, de potest. legis pœnalis cap. 7, docum. 2, Covarruvias de sponsal. part. 2, cap. 7, § 2, Sanchez lib. 9, de Matrimon. disp. 15, Suarez tom. 1, de Relig. lib. 3, cap. 7, et 3 part. quæst. 83, art. 3, disput. 81, sect. 4, § 2, Henriquez lib. 9, de pœnit. cap. 27, num. 5, et lib. 11, de Matrimonio cap. 26, num. 4, Leander disput. 8, § 4, q. 9, Emmanuel disput. 3, quæst. 16, num. 530, Lessius, Salas, Fagundez, Castro Palao, Bonacina, Lugo, Trullench, et alii plures, quos referunt, et sequuntur N. Franciscus cap. 8, punct. 4, num. 102, N. Gabriel disp. 8, quæsit. 1, N. Antonius disp. 8, sect. 3, num. 563, et N. Andreas disp. 15, de Matrim. cap. 15, punct. 4, num. 65. Probatur destruendo oppositum fundamentum: nam per hujusmodi peccata, licet occulte fiant, polluitur Ecclesia, et gravem subito irreverentiam: ergo talia peccata licet occulta sunt sacrilegia contra locum sacrum, et debent in confessione ut talia manifestari. Consequentia patet. Et antecedens suadet, quia hoc ipso, quod prædicta crimina, licet occulte facta diffamantur vel in confessione rei, vel per alium, qui in occulto positus illa vidit, incipit Ecclesia esse polluta etiam apud homines, ita ut in illa non possint celebrari divina, ut statuitur in cap. *Significasti* de adulteriis; atque pollutio non contingit per supervenientem confessionem, testimonium, aut diffamationem; nec horum aliquod est sacrilegium: ergo supponebatur polluta ex vi illorum criminum licet occultorum.

Confirmatur: nam eo ipso, quod Ecclesia censeat aliqua crimina habere, oppositionem cum reverentia debita locis sacris,

et ideo illa in eisdem facienda prohibeat; omnes prudenter intelligunt esse irreverentias, et sordidationes loci sacri: ergo sive fiant publice, sive occulte, et sive in notitiam publicam veniant, sive non, graviter offendunt reverentiam locis sacris debitam, incurruntque proinde sacrilegii malitiam. Explicatur amplius: nam ut recte vidit Dicastillo (licet unam, et alteram opinionem problematice sustinens) disput. 9, dub. 8, quæst. 1, num. 661, non ideo templum censetur maculatum, quia Ecclesia prohibet sacrificia, et officia divina in eo exerceri; sed vice versa ideo ista prohibet in aliquo templo fieri, quia templum pollutum est per aliquod peccatum loci sanctitati, atque reverentiæ oppositum: sensit ergo Ecclesia tale peccatum esse ipsam maculam, sordidationem, et pollutionem templi. Ergo tale peccatum, sive occulte, sive publice fiat, importat malitiam sacrilegii contra templum: quamvis Ecclesia, quæ de occultis non judicat, exposcat notorietatem peccati, ut declarat templum esse pollutum, et in eo interdicat divina officia. Per quæ satis ad motiva contraria: sed, ut illa in particulari evidentius dissolvantur, versari debet secunda difficultas.

152. Est autem hujusmodi, an dentur aliqua peccata, quæ seclusa speciali Ecclesiæ prohibitione habeant malitiam sacrilegii ex circumstantia loci sacri, in quo fiunt? Prima sententia id affirmat generaliter de omnibus peccatis, quam docent Joannes de Medina relatus, et rejectus num. 178. Secunda id in universum negat, non aliam sacrilegii malitiam admittens ex circumstantia loci sacri, quam illam, et in illis casibus, quam in quibus jura declarant Ecclesiam pollui, et interdicunt propterea in ea celebrari divina. Ita Vasquez, Basilius, et alii ex relatis pro prima sententia num. præced. Tertia, cui subscribimus, docet aliqua peccata ob specialem sui fœditatem, et oppositionem cum sanctitate loci sacri, habere ex natura rei, et antecederet ad prohibitionem Ecclesiæ, sive præcisive a tali prohibitione, malitiam sacrilegii, si in loco sacro exerceantur. Sic docent communiter Auctores pro secunda opinione num. præced. relati: quibus addimus Sylvium 2, 2, quæst. 144, art. 10, in fin. Tancredum, 2, 2, disp. 4, quæst. 2, dub. 3.

dub. 3, num. 42, Pitigianum in 4, distinct. 17, quæst. unica, art. 5, circumstantia *Ubi* in fine. Ortiz in Summa notab. 5, circ. 6 præceptum, et alios apud Dianam 1 part. tract. 7, resol. 25, Molinam tom. 2, de Justit. disp. 344, Dicastillum disp. 9, dub. 8, quæst. 2, et N. Antonium disp. 8, sect. 3, § 2, num. 566. Et probamus: nam istimet actus, propter quos Ecclesia declarat locum sacrum pollui, habent ex natura rei, supposita templorum institutione, notabilem oppositionem cum reverentia illis debita: et propterea Ecclesia illos in loco sacro interdicat: ergo etiam exclusa tali prohibitione ex jure positivo, illam habent contra jus naturale, atque ideo semper forent sacrilegia contra reverentiam debitam loco sacro. Sicut etiam furtum prohibetur legibus juris positivi; et tamen licet non darentur tales leges foret contra jus naturale, et retineret eandem specificam malitiam.

Confirmatur: quia sunt aliqua adeo fœda, et opposita institutioni, et reverentiæ templorum, ut quilibet prudenter judicet summam per illa injuriam templis, et Deo, qui in eis colitur, irrogari: ergo quamvis de illis non detur specialis aliqua prohibitio per Ecclesiam, aut jus positivum, sunt ex ipso jure naturali prohibita, et peccata sacrilegii. Consequentia patet; et antecedens constat exemplis tum propositis num. 145, tum aliis, quæ aliqui Auctores expendunt distincta ab eis, per quæ de facto templum polluitur juxta statutum Ecclesiæ, et quæ nemo negat esse sacrilegia. Antonius adhibet exemplum ejus, qui in templo sua verenda ostenderet mulieribus; et qui in templis nostris offerret incensum idolo. Lugo, et Dicastillo ejus, qui ibi repræsentaret, aut repræsentare faceret comedias lascivas, aut coram multis proferret verba nimium impudica, et provocativa. Molina, et alii ejus, qui in templo faceret negotiationes profanas, et mercatum publicum: quod confirmant ex facto Christi Domini, Joan. 2, 2, ejicientis ex templo ementes, et vendentes. Et similia facile quis imaginari potest, ex quibus sanctitas loci sacri enormiter offendatur, et grave committatur sacrilegium. Quæ autem sint ejusmodi non possumus certo regula diffinire, cum dependat ex multis necessario in casu particulari perpendendis; sed prudenti

judicio relinquendum est, ut visum fuit Suario loco cit. ex lib. 3. de Religione, qui tamen sentire videtur omnes tactus impudicos in Ecclesia exercitos esse sacrilegia: sed addit non idem fortasse esse de turpi aspectu, aut levi verbo, quando in transitu, et sine notabili mora, et scandalo fiunt.

Hinc convelluntur objecta pro prima ^{Convellitur argument.} opinione relata num. præced. Ad argumentum neganda est major: nam præter peccata, ob quæ in templo commissa prohibet Ecclesia, quod in eo sacrificia et officia celebrentur, sunt alia plurima, et quandoque graviora, quæ templum fœde commaculant, et sunt vere sacrilegia, ut constat ex dictis. Quod autem ad illam quasi pœnam, et pro fidelium in templo reverentia prohibitionem, Ecclesia assignaverit quædam crimina, et non alia quam notoria; non provenit ex eo, quod in eisdem etiam occultis, et in aliis gravioribus non reperitur eadem species sacrilegii, et oppositionis in reverentiam locis sacris debitam; sed quia noluit, quod celebratio officiorum, et oblatio sacrificii toties impediatur, et plane frequentissime, quoties peccata contra reverentiam loco sacro debitam committerentur: urgeret namque istud in non leve fidelium detrimentum. Sed satis providit id applicando certis criminibus, hisque notoriis, ut pertinebat ad fidelium instructionem, et scandala propulsanda. Ex his enim, quæ in illis criminibus contingunt, facile intelligi potest aliis similibus pollui templum, et sacrilegium committi. Nam, ut diximus, non quia Ecclesia prohibet officia in templo, in quo illa commissa sunt, templum fit pollutum; sed e converso quia pollutum supponitur per crimina in eo commissa, Ecclesia declarat illum pollutum, et interdicat officia.

Unde ad primam confirmationem negamus majorem: nam templum aliquibus criminibus ejus reverentiæ oppositis pollui, et notabiliter offendi, provenit ex ipso jure naturali dictante reverentiam loci sacri, et prohibente ejus profanationem. Ad Ecclesiam autem pertinuit declarare, in quibus casibus quantum ad forum externum templum debeat reputari pollutum. Et sicut declaravit certa crimina, potuit declarare omnia in quibus major, aut æquivalens indecentia contra templum reperitur, et sunt ut talia jure naturali prohibita.

2 Confir-
matio
dilatatur.

Sed ut non fecerit motiva habuit proxime assignata. Quare ad secundam confirmationem negari debet antecedens : nam propria, et primaria templi reverentia non consistit in hominum opinione, sed in eo, quod illam fundat, nempe templum esse locum sacrum, hoc est erectum, ac destinatum ad Dei cultum, ut merito proinde appelletur domus Dei. Unde sive irreverentia contra illud commissa sit notoria, sive non ; injuriam illi infert pertinentem ad speciem sacrilegii : sicut contingeret in utente occulte vestibus sacris ad usus, profanos ut Alba loco subuculæ. Deinde permissio utcumque antecedenti, nihil illa confirmatio evincit, sed magis destruitur ipso exemplo in sui patrocinium allato : nam etiam homines solent contrahere infamiam, priusquam de infamia notentur, vel habeantur ut infames. Sic etiam committens in occulto sodomiam, aut hæresim, aut crimen læsæ majestatis, infamiam incurrit, et infamis in se est. Et ubi hæc crimina innotescunt, incipit non quidem esse; sed manifestari, quod erat. Id itaque similiter contingit in aliquibus criminibus commissis in templo, et ejus reverentiæ jure naturali contrariis : polluunt namque, et infamant de se templum, licet occulte fiant; et ubi in lucem aut notitiam prodeunt, manifestatur templum fuisse pollutum, et injuriam passum. Quis autem reputetur locus sacer in ordine ad hanc sacrilegii circumstantiam num. 156 dicemus.

153. Sed veniamus ad tertiam classem ex assignatis num. 148, furtum scilicet, quod ab hac etiam parte inducere solet speciem sacrilegii. Et regulam, quando id contingat, desumunt communiter Theologi, et Canonistæ ex textu in cap. *Quisquis inventus*, 17, punct. 4, in quo Papa Joannes VIII statuit committi sacrilegium in furto, cum aufertur *sacrum de sacro*, vel non *sacrum de sacro*. Ex qua determinatione constat absque controversia apud omnes, cum, qui furatur *sacrum de sacro*, ut cum ab Ecclesia surripit calicem, ornamenta sacra, imagines sacras, etc. committere sacrilegium : nam, cum ex prædicto canone doceamur aliquod furtum esse sacrilegium ; nulli id aptius, aut evidentius convenit, quam illi, quo res sacra aufertur a loco sacro : intervenit enim circumstantia *Quid* ex parte rei ablata, et circumstantia *Ubi* ex

parte loci, unde aufertur. Sed non ita exploratum est, an ibi occurrant duo sacrilegia, et sint necessario explicanda in confessione. Negat cum Fagundez Diana 1 part. tract. 7, resolut. 22, dicens sufficere pœnitenti, quod confiteatur unum furtum sacrilegum. Contraria tamen sententia est verior, et longe communior : quia sacrilegium circa locum sacrum differt specie a sacrilegio circa res sacras, sicut specie differt a sacrilegio circa personam sacram : ergo sicut femina habens in Ecclesia copulam carnalem cum sacerdote, præter peccatum luxuriæ committeret duo sacrilegia ; unum peccando in loco sacro, et aliud peccando cum tali persona : sic etiam qui furatur calicem ab Ecclesia, ultra peccatum furti committit duo sacrilegia, unum contra rem sacram, quam surripit, aliud contro locum sacrum ex quo, et in quo furatur. Ita Suarez loc. cit. cap. 5, Lugo disp. 16, num. 471, Lessius, Filliucius, Alcozer, et Trullench, quibus relatis subscribit Leander disp. 8, § 4, quæst. 22, Delgadill. cap. 17, dub. 76, num. 178. Et tam resolutio, quam ejus fundamentum continent doctrinam D. Thomæ, communiter receptam inter Theologos, 2, 2, quæst. 99, art. 3, ubi inquit : « Utrum species sacrilegii « distinguantur secundum res sacras. » Et distinguit inter personas sacras, et loca sacra, et alias res sacras a personis, et locis distinctas, ut sunt sacramenta, reliquiæ, et ornamenta Ecclesiæ : atque sacrilegia, quæ contra prædicta committuntur, specie distingui includit : nam in tribus invenitur sanctitas diversæ rationis, aut speciei intra genus sanctitatis : « et ideo, inquit, « secundum diversam rationem sanctitatis « rerum sacrarum, quibus reverentia exhibetur, necesse est, quod sacrilegii species « distinguantur. »

Ex qua doctrina facile colligitur decisio alterius difficultatis, an videlicet qui rem sacram furatur de loco non sacro, v. g. calicem consecratum de domo sæculari, committat sacrilegium, debeatque illud in confessione furti explicare ? Sunt qui respondeant cum distinctione, esse sacrilegium, et necessario confitendum, si calix sit Ecclesiæ, cui propterea inferatur injuria ; secus autem si Ecclesiæ non sit, sed pertineat ad sæcularem. Pro qua sententia referuntur Lublinus verbo *Sacrilegium*, num. 11,

num. 11, et Lopez l part. cap. 33. Sed hujusmodi fuerit, est falsa, et contra communem. quam docent D. Thomas loco cit. Navarrus, Henriquez, Fagundez, Graffius, et alii apud Leandrum ubi proxime quæst. 21. Nam independenter ab eo, quod calix consecratus, sit, vel non sit proprius Ecclesiæ, est res sacra, et contra reverentiam rei sacræ debitam agitur, ubi in ea, et de ea furtum committitur : fit enim sacrilegium, quoties res sacra irreverenter tractatur, ut proxime vidimus ex D. Thoma. Adde Pontificem in canone relatoasserere sacrilegium in furando *sacrum de sacro* : qui est casus præsens : et tamen non distinguit, ad sacrum pertineat ad Ecclesiam, vel non : unde nec oportet nos ista distinguere. In quo non immoramur : præsertim cum tale sacrilegium non pertineat ad circumstantiam *Ubi*, de qua modo agimus, sed ad circumstantiam *Quid*, de qua jam egimus § præced.

154. Regrediendo itaque ad hujus loci propria, non solum committitur furtum sacrilegum, furando *sacrum de sacro*, sed etiam *non sacrum de sacro*, ut Pontifex loquitur in cap. citato, et observant communiter Canonistæ Menochius, Fusius, Farinacius, Decianus, et alii plurimi apud N. Franciscum cap. 8, pun. 4, tum. 103. Sed dupliciter potest contingere, quod res profana, sive *non sacra*, quæ furto auferatur, sit in loco sacro : primo ; si in depositum, pignus, aut custodiam Ecclesiæ tradatur : secundo omnino materialiter, et per accidens, ut marsupium divitis, rantis, aut dormientis in templo. Et in priori sensu communis sententia docet, quod, si res non sacra auferatur de loco sacro, committitur furtum sacrilegum necessario manifestandum in confessione : eminemque vidimus, qui oppositum docet. Et facile suadetur, tum ex canone citato, qui saltem in hoc sensu accipiendus, et verificandus est. Tum etiam nam ea, quæ Ecclesiæ traduntur in custodiam, sunt aliquando ipsius Ecclesiæ, eorumque Deus specialiter tutelam suscipit : unde nequit non injuriam irreverentiæ gravis Ecclesiæ, et Deo irrogare, qui ibidem deposita, et custodita furatur. Tum denique ; cum Ecclesia ex rerum sibi commendatarum furto patitur damnum, et obligatur illarum restitutionem. Dubitari itaque

non potest quod furtum ejusmodi sit sacrilegum. Et idem fere judicium censent non pauci de rebus, quæ licet non sint in Ecclesiæ custodia, illas tamen Parochus, Sacrista, aut alii ministri curant sibi a secularibus commodari pro ornatu templi in aliqua solemnitate, ut sunt aulæ, picturæ, candelabra, sedilia, etc. Et merito ita censent : quia prædicta sunt aliquo modo, toto eo tempore, Ecclesiæ, et pertinentia ad Deum cultum : atque ideo illa furari est notabilis contemptus et irreverentia in Ecclesiam. Opinio.

Loquendo autem de furto rerum non sacrarum e loco sacro in secundo sensu, ut si quis furaretur pecuniam divitis in Ecclesia existentis, vel tapetum, et sellam alicujus nobilis in Ecclesia permissam, aut ibi casu relictam : non ita convenit inter Auctores. Plures namque docent tale furtum non induere malitiam sacrilegii, nec in ejus confessione explicari debere circumstantiam loci sacri. Ita Sotus, Joannes Cruz, Henriquez, Lessius, quos refert, et sequitur Diana tom. 1, tract. 7, resol. 27, Lopez, Coninchus, Fagundez, Grana-dos, Lugo, Naldus, et Ochogavia, quibus relatis subscribit Leander ubi supra quæst. 17, Ausonius circumstantia ubi, num. 39, Delgadillo cap. 17, dub. 76, N. Antonius disput. 8, sect. 3, § 5, num. 613, et alii. Quorum commune fundamentum est, quod in tali casu res profanæ omnino materialiter, et per accidens surripiuntur in loco sacro ; sed minime verificatur, quod tollantur de loco sacro : siquidem nullo speciali titulo ad locum sacrum spectant. Unde consequenter dicunt verba relata Joannis Papæ declarantis sacrilegium posse committi decipiendo *non sacrum de sacro* intelligenda esse in sensu formali ; ubi res non sacra tollitur de sacro, ad quod aliquo modo pertineat, ut proxime dicebamus.

Sed præferri debet opposita sententia asserens in prædicto casu committi sacrilegium, et explicandum in confessione. Quam docent Suarez, Vazquez, Valentia, Navarrus, Nugnus, Rebellus, Petrus de Ledesma, Raphael Torre, Layman, Ludovicus, et Ledesma. Graffius apud Leandrum, et Dianam locis proxime relatis, Bonacina in l præcept. Decalog. disp. 3, quæst. 6, puncto unico, Dicastillo disp. 9, quæst. 4, et 5, N. Franciscus cap. 8, punct. 8, num. 103, et alii. Probatur ex Canone citato destruendo si-

Sotus,
Cruz,
Lessius,
Dian.
Lopez,
Granad.
Lugo,
Delgad.
Anton.

Motivum

Præfer-
tur.
Opinio
affirm.
Suarez,
Vasqu-
Valent.
Navar-
Nugnus.
Rebell.
Disc. st.
Franc.
Ratio.

mul oppositum fundamentum: nam Pontifex agens de furto *non sacri de sacro* illudque censens sacrilegium non restrinxit suam diffinitionem ad rem Ecclesiæ commissam, sive ad Ecclesiam aliquomodo pertinentem, sed sermonem extendit ad omnem rem in Ecclesia existentem, et inde ablatam, ut liquet ex ejus verbis: « Si qui deposita, vel quolibet exinde « abstrahant, velut sacrilegi canonicæ sententiæ subiaceant. » Ergo violenter trahitur ejus determinatio ad furtum præcisè illarum rerum, quæ custodiæ, aut curæ Ecclesiæ committuntur: sed extendi debet ad omne furtum in Ecclesia commissum, sive rerum in Ecclesia existentium.

Confirm.
1.

Confirmatur primo: nam Pontifex absolute determinat sacrilegium committere, qui non sacrum de sacro furatur, idque statuit in majorem loci sacri reverentiam: ergo non licet distinguere, ejusque determinationem limitare ad solas res, quæ custodiæ Ecclesiæ commendantur, excipiendo ab ea regula omnes alias res in loco sacro existentes, viamque aperiendo, ut ab hac parte minor locis sacris adhibeatur reverentia, quam Papa illo decreto promovere curavit. Confirmatur secundo, et explicatur amplius. nam Pontifex diserte distinguit tria sacrilegia contingentia in furto primum furando: *Sacrum de sacro*. Secundum *sacrum de non sacro*. Tertium *non sacrum de sacro*. Quæ distinctio corrui, et confunditur juxta doctrinam contrariæ opinionis: nam si, ut in ablatione rei in Ecclesia existentis committatur sacrilegium, opus est talem rem ad Ecclesiam pertinere, et esse in hoc sensu sacram: tertium plane reducitur ad primum, ablationem scilicet sacri de sacro; atque ideo superflue recensetur. Præterquam quod, primum sacrilegium furando sacrum de sacro distinguitur a secundo furandi sacrum de non sacro; sed non distinguitur penes rem ablatam, quin potius in hoc conveniunt: ergo distinguitur penes circumstantiam, quam addit loci, sive de sacro: hæc autem etiam salvatur in furto rei non sacræ de sacro, quamvis talis res nullo modo ad Ecclesiam pertineat, et in omni sensu profana sit: ergo ejus furtum ex loco sacro habet in præmisso sensu malitiam sacrilegii: atque tale est, ubi committitur in loco sacro, sive res ablata per-

tineat, aut non ex aliquo titulo ad talem locum. Quæ omnia confirmari denique possunt, ex superius dictis a num. 151, nam plura sunt peccata, quæ facta in loco sacro contrahunt malitiam sacrilegii ob violatam reverentiam illi debitam, idque contingit ipso jure naturali, et contingeret independentem a dispositione juris positivi; similis autem irreverentia occurrit in furto commisso in Ecclesia per ablationem rei in ea quoquo modo existentis. Et quamvis ob id sacrilegium non esset consummatum, sed inchoatum; nihilominus illo motivo ductus ob majorem Ecclesiæ reverentiam potuit merito Pontifex statuere, quod furtum omnis non sacri de sacro esset sacrilegium, et ut tale puniretur. Per quæ satis patet oppositum fundamentum.

155. Pervenimus tandem ad quartam, et ultimam classem peccatorum, quæ ex circumstantia loci sacri sunt sacrilegia, ut præmisimus num. 148; consistit autem in violatione immunitatis templorum, et plerumque non importat circumstantiam peccato superadditam, sed ipsam primam, et propriam speciem peccati constituit, nam aliunde actus, si in templo, aut contra templum non exercerentur, mali non essent in genere suo, ut patet in actibus judicialibus, in suspendio publici latronis, et similibus: qui actus de se sunt honesti, et pertinentes ad virtutem justitiæ; at intra Ecclesias facti sunt sacrilegia ob violatam ipsi reverentiam. Inter hæc autem peccata eminet, et ad præsentem considerationem magis pertinet, quod committitur contra privilegium immunitatis Ecclesiarum, sive locorum sacrorum: sunt enim hæc loca refugii ad protegendum eos, qui commisso aliquo delicto ad ea confugiunt, ne capiantur, et puniantur. Quod privilegium est ad instar illius, quod in lege scripta habebant Civitates refugii, et templum Salomonis Exod. 21, et lib. 3 Reg. cap. 5, concediturque, ac statuitur tam jure civili in Exod. loco citat. de his, qui ad Sacrosanctas Ecclesias confugiunt, quam in Canonico in cap. *Inter alia*, et seq. de immunitate Ecclesiastica, et in Concilio Tridentino sess. 25, cap. 20, sublati omnibus consuetudinibus usque ad illud tempus prædicto privilegio contrariis. Illud autem plures effectus habet, utputa quod reus ad Ecclesias confugiens in ea capi non possit,

nec

nec invitus ab illa extrahi : quod in ea existens non alligetur vinculis, nec alio modo personaliter vexetur : quod dum in Ecclesia manet non possit ad mortem condemnari. nec ad aliam pœnam corporalem : quod, si reus ab Ecclesia extrahatur, nulla sit extractio, et omnes actus ex illa sequuti, etc. Contrarium autem facientes, et hoc immunitatis templorum privilegium violantes peccant mortaliter culpa gravissima sacrilegii ob profanatam domum Dei, et hoc crimen reputatur læsæ majestatis divinæ. Sunt etiam ipso facto excommunicati a Gregorio XIV, in sua constitutione incipiente, *Cum alias nonnulli*. Possunt etiam puniri pœnitentia publica judicio Episcopi, pensata qualitate delicti, et delinquentis, ut statuitur in cap. *Si quis contumax* 17, quæst. 4, et aliis antiquis Canonibus renovatis per Concilium Tridentinum, et Gregorium XIV, locis relatis. Et hæc pro consideratione præsentis circumstantiæ satis sit delibasse : nam materia per se spectat ad alios tractatus, et lectorem remittimus ad N. Andreæ, qui in tract. 18, de Privilegiis cap. 3, punct. 3, illam docte, et diffuse versat.

Nunc satis erit unam, aut alteram difficultatem ad hunc locum specialius pertinentem resolvere. Nam primo dubitari potest, num iudex, qui a reo existente intra Ecclesiam aufert arma, peccet contra prædictam immunitatem. Affirmat cum Farinacio, et Peregrino, Diana 1 part. in tractact. de immunitate Eccles. resol. 8. Sed verior est pars negativa : quia illa ablatio armorum non pugnat cum reverentia Ecclesiæ, nec cum juribus illam præcipientibus : sed magis fit, ut a reo tollatur occasio patrandi in, vel ab Ecclesia scelera nova. Ita Covarruvias, Villadiego, Joannes a Cruce, Fagundez, et alii, quos refert, et sequitur Leander disput. 8, § 4, quæst. 28. Dubitari secundo potest, an iudex, qui reum verbis dolosis decepit, ut de Ecclesia egrederetur, et caperetur, egerit contra Canones, et commiserit sacrilegium ? Affirmat cum Villadiego, et Bobadilla Diana loco citato resolut. 26. Sed negant Navarrus, Suarez, Fagundez, Filliucius, et alii, quibus relatis subscribit prædictus Leander quæst. 29. Et hoc videtur verius : quia illa extractio non fuit violenta, de qua Canones loquuntur. Tertio dubitari potest,

an omnis extractio violenta rei ab Ecclesia sit sacrilegium ? Respondetur negative cum communi sententia : quia non semper reus gaudet immunitate Ecclesiæ : certum enim, et exploratum est quosdam valde criminosos ab hujus privilegii participatione excludi, quos Gregorius XIV in sua constitutione recenset, ut sunt publici latrones, grassatores itinerum, vulgo *Gitanos*, committentes homicidia, et mutilationes membrorum in Ecclesia, proditores, sive occidentes proditorie, a *traycion alevosamente*, assassini, fautores, et auxiliares hæreticorum, rei læsæ majestatis in personam Principis, de quibus N. Andreas loco citato § 3 ; istos itaque violententer ab Ecclesia extrahere non est sacrilegium : foret autem illos intra Ecclesiam, et loco sacro occidere, vel alia pœna corporali punire.

156. Dubitari quarto potest, quid intelligatur nomine Ecclesiæ, aut loci sacri, ut ex ejus violatione committatur delictum sacrilegii in casibus hoc § relatis, sive pertinentibus ad circumstantiam *Ubi*, quam difficultatem ad hunc locum remisimus ? Respondetur non esse accipiendum uniformiter respective ad omnia delicta, quibus reverentia locis sacris debita violari dicitur, et sacrilegium committi. Nam quantum ad immunitatem ieorum, et violationem illi contrariam latissime patet nomen sacri loci. Comprehendit enim Ecclesiam consecratam, et non consecratam ; et etiam pollutam, atque interdictam ; non perfecte constructam, aut etiam dirutam : et non solum corpus, sed etiam omnes partes, capellas, sacristiam, parietes, turres, januas, atrium, cæmeterium, etc. Ut cum communi sententia tradit N. Andreas loco citato, § 1. Quin loci sacri, et gaudentis hoc privilegio, nomine intelligitur in domibus religiosorum non solum Ecclesia, et omnia supra relata, quæ sunt quasi partes ejus, sed etiam tota domus, aut monasterium, sive quidquid intra ejus ambitum, et septum clauditur, claustra, dormitoria, officinæ, viridaria, hortus, etc. ut cum multis tradit Andreas loco citato numer. 88, et evincitur ex cap. *Si quis*, et cap. *Id constituimus* 17, quæst. 4. Unde qui confugiens ad monasterium scandit parietes, et se præcipitat in ejus horto, vel atrio, gaudet immunitate Ecclesiæ, et sacrilege extraheretur inde violententer nisi in casibus supra relatis.

Non
omnis
extractio
violenta
ab
Ecclesia
est sacrilegium.

Et hæc procedunt quantum ad sacrilegium, quod ex violatione immunitatis loci sacri committitur. Sed quantum ad sacrilegia, quæ effusione humani sanguinis, vel seminis loco sacro contingunt multo restrictior est loci sacri usurpation, et solum comprehendit Ecclesiam, et cæmeterium. Porro Ecclesiæ nomine intelliguntur, quæ intra Ecclesiam sunt, ut capellæ, chorus; non quæ infra Ecclesiam, aut supra sunt. De confessionariis dubitari potest. Et ubi sunt apud nos cum pariete dividente, si in parte correspondente Ecclesiæ occisio, aut pollutio fiat, erit sacrilegium, secus autem si hæc contingant a parte correspondente claustrum: dummodo istud non sit cæmeterium Religiosorum, ut apud nos frequentius contingit. Si vero confessionaria non sint divisa, sed aperta, totum illorum concavum reputandum esse pars Ecclesiæ, et homicidium, etc. illic patratra esse sacrilegia, ut tradit N. Antonius disp. 8, sect. 3, § 3, num. 585, allegans Dalbene tom. 1, cap. 2, dub. 2, sect. 7. Et esse communem Doctorum tradit Fagundez in 2, præcepto Ecclesiæ lib. 4, cap. 4, num. 35. Et idem sentiendum est de loco organi. Hinc fit cetera monasterii loca, quæ non sunt Ecclesia, et cæmeterium, non esse sacra in ordine ad Ecclesiæ pollutionem per relata crimina, vel ad concurrentiam speciem sacrilegii, non sacristiam, aut claustrum (nisi simul sit cæmeterium) non separata oratoria ad nutum amovibilia, non cellas, non dormitoria, etc. Quamvis Prælatus singulis noctibus ea loca benedicat, et aspergat aqua lustrali. Quare prædicta loca non conferunt delictis, quæ in eis fiunt, circumstantiam sacrilegii, ut docent Sanchez lib. 9, de Matrim. disp. 15, numer. 42, Dicastillo disp. 9, dub. 8, num. 668, Leander disp. 8, § 4, quæst. 26. N. Franciscus cap. 8, punct. 4, num. 105. Idem dicendum est de Oratoriis particularium domorum, quamvis in illis de licentia Episcopi Missa celebretur, quia non censentur nomine Ecclesiæ, et ad nutum domini valent in profanos usus converti, ut notant Sanchez loco citato numer. 39, N. Antonius num. 586, Diana l par. tract. 7, resolut. 28, et alii satis communiter. Unde pollutio, et alia dicta in eis commissum non habent ex vi talis loci malitiam sacrilegii. Oppositum dicendum est de Ecclesiis

Xenodochiorum, quamvis in eis non sit SS. Sacramentum Eucharistiæ: nam veræ Ecclesiæ sunt, et publicæ, et stabiles, et veniunt cum proprietate nomine Ecclesiæ. Unde homicidium in eis commissum censetur apud omnes sacrilegium, ut cum Navarro, Covarruvias, Fagundez, Dalbene, et aliis recte observat N. Antonius loc. cit. num. 587.

§ IV.

De circumstantia Quibus auxiliis.

157. Per hanc significantur instrumenta, et media, quibus utimur in peccando, concausæ etiam nobiscum ad id concurrentes. Et convenit apud omnes varietatem materiale instrumentorum non inducere in peccatis novam specie malitiam, nec proinde obligationem explicandi hanc circumstantiam: v. g. quod homicidium fuerit gladio, aut lapide: quod furatus quis fuerit per scalam, aut per cuniculos, etc. Quæ regula patitur duas exceptiones: Primam, ubi instrumenti usus est alias prohibitus sub peccato mortali, ut posset contingere in sclopeto parvo, et occulto: tum enim illo uti ad occidendum continet duas malitias specie diversas. Secundam, quando instrumenta, et media habent de se specialem malitiam contra alias virtutes, ut si quis uteretur sacramentis, rebus sacris, pacto dæmonis, arte magica, et similibus ad pravam aliquem finem: manifestum namque est talium usum habere ex aliis titulis malitiam, et eorum abusum esse sacrilegium, superstitionem, etc. Et hæc omnia debere in confessione manifestari. Sed ubi nihil horum occurrit in instrumentis, nihil pariter additur malitiæ, quod confiteri opus sit.

Unde his relictis, præcipua difficultas quantum ad hanc circumstantiam est in ordine ad concausas, quibus juvatur quis ad peccandum, easque ad id applicat, consistitque principaliter in determinando, an circumstantia incitandi, aut sollicitandi illam personam ad simul peccandum, v. g. ad fornicandum, addat in tali peccato novam speciem malitiæ, quæ proinde sit necessaria explicanda in confessione? Negant Vasquez in præsentia quæst. 91, art. 5, dub. 4, num. 7, et dub. 5, num. 34, Lugo disp. 16, num.

142, Fagundez præcepto 2, lib. 4, cap. 5 et Leander disput. 8, et §, 5, quæst. 5. Quam probant: quia inductio in isto casu solum aggravat peccatum intra eandem speciem, cum inductio ad peccatum, et ipsum peccatum commissum pro una transgressionem moraliter reputentur: unde satis erit confiteri fornicationem, quæ semper est, et esse intelligitur peccatum commune.

Confirmatur: quia prædicta malitia incitandi, hortandi, et cooperandi ad peccatum hujusmodi semper adest, licet non ita gravis, quamvis quis alterum ad peccandum sollicitet: siquidem cooperatur ad alterius ruinam; et tamen in tali casu non tenetur aliud confiteri, quam fornicationem; et hac dicta dicitur omnis malitia necessaria in confessione explicanda: ergo idem affirmandum est, quamvis aliquis ad prædictum peccatum incitaverit. Hinc colligunt plurima Auctores relati. Lugo; illos, qui se accusant de distractione voluntaria per colloquia in Missa dierum festorum, non esse interrogandos, an provocaverint socios ad colloquendum, vel non: nam utroque modo cooperati fuerant ad aliorum peccatum. Leander quæst. 3, colligit incitantem meretricem ad fornicandum non debere nisi fornicationem confiteri: quia ipsa parata erat ad illud peccatum; unde cum ea peccans non dat illi scandalum, nec moraliter inducit ad malum. Colligit idem Leander quæst. 4, idem dicendum esse de illo, qui utitur maleficia, sive saga, ut suo maleficio aliud ex pacto diaboli solvat, si illa ad id sit de se parata. Idem præterea colligit quæst. 7, non esse obligationem explicandi in confessione speciem peccati, ad quod homo alium induxit: sed satis illi esse confiteri circumstantiam scandali, licet non explicet illius materiam. Ulterius colligit q. 8, non debere explicari numerum personarum, quas uno peccato, aut incitatione provocavit ad peccandum. Tandem quæst. 9, colligit, et satis consequenter necessarium non esse statum, sive conditionem personarum, coram quibus peccavit, et facto, aut verbo ad peccandum incitavit, nempe an illæ fuerint sacerdotes, religiosi, etc. quia in talibus solum peccatur contra charitatem (et id sufficit explicare) non vero contra aliam specialem virtutem, cui adversetur peccatum, in quod inducuntur.

Salmant. Curs. Theolog. tom. XX.

158. Sed in prædicta sententia, ejusque appendicibus non pauca occurrunt satis difficilia, et nostro judicio minus secura. Pro vera igitur, et legitima resolutione persistemus in exemplo proposito fornicationis, quod inducere ad hujusmodi peccatum non est per se, et regulariter loquendo mulierum, sed hominum, ut satis ex se liquet. Rursus ex mulieribus aliæ sunt valde honestæ, aliæ prorsus turpes, ut meretrices in lupanari expositæ, et aliæ quæ etsi in lupanari non degunt, sunt publicæ peccatrices, et ut tales cognoscuntur; aliæ denique medio modo se habentes, quæ licet in tale peccatum aliquando veniant, non tamen admodum faciliter, sed per sollicitationem, incitationem, preces, pretium, aut promissa. Deinde observandum est tripliciter contingere, quod aliquis inducat, aut incitet alium ad peccatum. Primo, directe, et omnino formaliter, cum videlicet agit ex desiderio, quod proximus subeat illud detrimentum spirituale. Secundo, directe, sed non formaliter quando nimirum intendit, quod alter violet castitatem, non quia malum ejus sit, sed propter bonum delectabile proprium. Tertio, indirecte, ut cum prævideo, quod alius ex verbis, aut factis meis facile assumat occasionem peccandi; ego tamen id non intendo, verum quia possum, debeoque id advertere, et impedire; pecco peccato scandali, agendo scilicet contra charitatem, secundum quam obligamur vitare spiritualem ruinam proximi, cum possumus. Quoquo autem modo ex relatis scandalum contingat, est speciale peccatum mortale, in confessione de necessitate explicandum, ut omnes catholice docent. Sed ex tribus relatis solum secundum pertinet per se ad præsentem considerationem: nam de tertio non datur inductio positiva, de qua agimus. Primus autem est casus rarissime contingens, et quod de secundo dixerimus, illi a fortiori applicabitur. In secundo itaque, et frequenter contingenti concurrat incitatio ad peccatum, et peccatum ipsum, quamvis non ex intentione mali moralis, sed boni physici delectabilis.

Porro hoc incitandi peccatum continet non solum malitiam scandali generaliter dicti, et indirecte commissi, quale in tertio modo descripsimus: sed etiam proprie

accepti, et directe commissi: siquidem provocat ad actum peccaminosum, quamvis non intendat directe ipsam peccati malitiam: quod raro contingit, et magis dæmonum, quam hominum est. Uterius prædictum incitandi peccatum continet malitiam peccati, ad quod incitat; siquidem ad eam tendit, et de se inducit non minus quam consilium: unde, sicut qui consulit furtum, peccat contra justitiam. et maculatur malitia furti: ita qui incitat ad fornicandum, peccat contra castitatem, et maculatur malitia fornicationis. Sed tamen ipse actus incitandi est peccatum numero diversum ab ipso actu fornicationis. ut recte vidit Dicastillo disput. 9, dub. 4, a num. 237. Et (omittendo ejus motiva) suadetur breviter. Tum, quia salvatur adæquata malitia actus incitandi ad fornicandum, licet ista non succedat, resistente persona, ad quam incitatio dirigitur. Tum, quia potest fieri incitatio ad fornicandum cum alio, retinendo eandem speciem fornicationis: in quo casu manifestum est incitationem factam per unum distingui numero a fornicatione executâ per alium. Tum denique, nam licet illi actus in eodem subjecto concurrant, habent tamen objecta, et fines diversos: siquidem incitatio ordinatur ad extorquendum consensum alterius, post quem elapso etiam longo tempore potest copula succedere, aut absolute impedi.

159. His suppositis sentimus incitationem positivam ad fornicandum (idem intelligendum est de aliis peccatis) continere malitiam distinctam ab ipsa fornicatione, et necessario explicandam in confessione: et consequenter hujus obligationi non satisfieri confitendo præcise fornicationem subsecutam; sed exponi debere, quod præcesserit ad eam incitatio positiva, ubi res ita se habuit. Secunda hujus resolutionis pars evidenter colligitur ex prima suppositis generalibus principiis supra traditis dub. 3, quod omnia mortalia in specie, et numero, et circumstantiis mutantibus speciem debeant confessioni sub-

Bannez, Medina, Lopez, Rodrig. Valent. Sanch. Ledesma. Lorca. Villalob. Filliuc. Coninch.

Coninchus, Besannus, Fagundez, et Hurtado, quibus relatis subscribit Diana 3 part. tract. 4, resolut. 114, Navarrus cap. 6, num. 19, Palaus tom. 1, tract. 6, disp. 6, punct. 4, Trullench, lib. 1, in Decalogo cap. 6, dub. 6, num. 15, Bonacina de Sacrament. disput. 5, punct. 2, §. 3, difficult. 3, Delgadillo cap. 17, dub. 81. N. Francis-
cus cap. 8, punct. 4, num. 107, N. Antonius disp. 8, sect. 4, num. 622, Perez disput. 31, sect. 3, num. 5, Dicastillo loco supra citato, Lugo (licet minus consequenter ad ea, quæ tradit loco supra allegato) disp. 16, sect. 4, num. 157, et alii plures ut merito hæc sententia possit dici communis. Probatur evertendo simul fundamentum, et confirmationem contrariæ: nam incitans positive ad fornicandum committit præter fornicationem peccatum specialis scandalii, quod specie differt a fornicatione: committit etiam ipsum peccatum incitandi ad talem actum, quod licet pertineat ad luxuriæ, aut ipsius fornicationis speciem, tamen est peccatum numero diversum, et omnino separabile ab illa, ut constat ex prænotatis: ergo qui incitavit ad fornicandum, debet utrumque per se loquendo in confessione explicare. Et addidimus *per se loquendo*, nam, ut communiter observant nostræ resolutionis patroni, viri sunt qui regulariter ad hoc peccatum incitant: unde id satis explicant manifestando fornicationem: quia inductio, et sollicitatio subintelligitur, ubi non exprimitur oppositum. Secus in mulieribus: et propterea si aliqua sollicitavit, et incitavit virum ad tale peccatum, debet non solum illud sed etiam sollicitationem, quam adhibuit in confessione manifestare.

160. Hinc arduum non erit judicium ferre de consecrariis, quæ aliqui ex opposita sententia deducunt. Et primum non est universaliter verum: nam, si quis alios positive incitaret ad colloquendum cum Missam ex præcepto audiunt, non satisfaceret confitendo peccatum voluntariæ distractionis, et collocutionis; sed deberet explicare peccatum positivæ incitationis, quo alios ab attentione, et præcepti adimplerione avocavit. Et ratio est eadem, ut facile consideranti constabit. Hoc tamen non semper contingit, sed absque positiva incitatione incipiunt casualiter hinc inde mutua colloquia, quibus impeditur audien-

Besannus
Hurtado,
Diana,
Navar.
Palaus,
Trull.
Bonacina
Delgad.
Franc.
Anton.
Perez
Dicast.
Lugo.

di Missam præceptum : et propterea satis est communiter se accusare de defectu attentionis in Missa propter frequentiam colloquutionis, ut communiter contingit.

Secundum satis probabile apparet : quia respectu meretricis non est necessaria incitatio, vel sollicitatio ad peccandum, nec proprie datur, sed simplex peccandi propositio : quin potius ipsa ex vi infamiae professionis est, quæ viros incitat, et voce quasi publica adhortatur ; non pariens, sed magis dans scandalum. Nihilominus magis probabile censemus invitantem illas ad peccandum actu, peccare peccato specialis scandali : nam licet illæ paratæ sint in affectu cum quibuscumque volentibus, et solventibus turpitudinis pretium, ad peccandum ; tamen non committerent novum actuale peccatum nisi excitatæ : atque ideo petens ab eis turpem actum, dat illis occasionem peccandi, atque ad peccandum inducit. Sicut proportionabiliter contingit, et communiter dicitur petentem ab usurario mutuum cum ejus lucro, peccare, nisi necessitas ad id cogat : quia licet usurarius sit ad id paratus, tamen petens absque necessitate, illum ad novum peccatum actuale trahit, quod eo non petente non esset. Idem itaque in hoc casu dicendum est ; præsertim cum nulla possit esse necessitas accedendi ad meretricem, et quæ possit excusari a peccato. De aliis autem mulieribus, quæ licet minus honestæ, non sunt publicæ meretrices, sed incitatione, et sollicitatione vincuntur, alia est omnino ratio : nam cum ipsæ de se non sint paratæ in affectu ; qui eas trahit ad peccandum, proprie incitat, et committit præter fornicationem, quæ supra expendimus. Eodem modo sentiendum est de tertio corollario, quantum ad maleficam publicam, sive ex officio, quæ merito comparatur publicæ meretrici quantum ad non incurrendum peccatum specialis scandali. Sed interest discrimen, quod accedens ad magam pro prædicto effectui dissolvendi maleficium, committit alia, et graviora peccata consulendi maleficam, et petens modum dissolvendi maleficium ex pacto dæmonis, quæ sunt contra virtutem religionis, et opponuntur primo præcepto Decalogi, ut cum Fagundez, et Diana observavit Leander loco citato : et hæc omnia in confessione explicari debent.

Quod deinde idem Leander colligit incitantem ad peccatum aliquod non debere confiteri speciem peccati, ad quod incitavit, sed sullicere, si dicat incitasse ad peccandum, est prorsus absurdum ; quia non agimus de scandalo generaliter sumpto, sed de scandalo directo, et specialiter dicto : quale est præter pravum exemplum dans occasionem ruinæ, addere positivam incitationem, et exhortationem ad peccandum : hoc enim peccatum est ejusdem speciei cum peccato, ad quod incitat, et inducit : ut patet in hortantibus ad furandum, et occidendum, influit enim incitatio in furtum, et homicidium. Idem ergo dicendum est de incitante fœminam ad peccandum secum, vel cum aliis, ut præmisimus num. 185. Et propterea opus est explicare in confessione incitationem positivam in hæc. aut illa peccata secundum specificas illorum differentias. Ulterius quod idem Auctor colligit incitantem plures ad peccandum non debere explicare in confessione numerum personarum, quas induxit, est longe absurdius. Nam ita se gerens committit tot numero peccata specialis scandali, quot fuerunt personæ, quas uno, vel diversis actibus ad peccatum incitavit : sicut contingit proportionabiliter in eo, qui uno ictu occidit multos homines, et qui uno consilio inducit ad plura furti, et qui una contumelia plures infumat, et sic de aliis. Quibus pro unitate, aut distinctione numerica morali peccatorum in æstimatione prudenti non attendimus ad unitatem, aut diversitatem physicam actus, sed ad malitias objectivas adæquatas, ut ostendimus supra num. 77, et num. 132, cum sequentibus. Ergo si incitare unum aliquem ad fornicandum, aut furandum, aut occidendum, et similia est unum numero peccatum necessario in confessione exponendum ; pariter incitare positive quatuor personas ad peccandum importat quatuor numero peccato de necessitate confitenda. Denique refellitur, quod prædictus Leander ultimo loco delucit non esse necessario explican tam conditionem personarum, quas iam positive incitat ad peccandum, ut si fuerunt religiosæ, etc. Nam incitatio positiva ad aliquem actum sumit speciem per respectum ad prædictum actum, et ideo incitatio, et consilium ad furandum sunt in specie farti : manifestum

autem est conditionem personæ peccantis inducere frequenter novam speciem peccati, ut si ligata voto castitatis fornicatur, peccat non solum peccato fornicationis, sed sacrilegii : ergo pariter, qui illam incitaret ad talem actum, peccaret in utraque specie, et teneretur utramque speciem peccati in confessione aperire. Falsum itaque est in peccato incitationis positivæ ad peccandum non debere attendi ad conditionem personarum, quæ incitantur, nec illam referre in ordine ad confessionem. In quo amplius confutando non immoramur, quia fecimus locis relatis : et absurditas consequentium satis prodit falsitatem principii ex quo procedunt.

§. V.

De circumstantia Cur.

161. Per hanc denotamus finem extrinsecum, propter quod aliquid eligimus, sive motivum, quo aliquid facimus, vel omittimus. Circa illam autem pauca occurrunt, eaque jam digesta in aliis hujus cursus tractatibus, et specialiter in 11, de Bonitate, et malitia, et in 13 de Peccatis. Communis vero hoc loco difficultas est, an si finis ex se malus non sit, medium autem sit malum, debeat ipse finis explicari in confessione ? v. g. omisit aliquis Missam in die præcepti, ut vacaret studio ; tenebitur ne explicare finem, nempe studium, aut sufficiet confiteri solam omissionem Missæ. Similiter furatur aliquis addandum eleemosynam : committit ne duo peccata, unum contra justitiam, et aliud contra misericordiam, et tenebitur utrumque explicare in confessione ? Affirmant Henricus quodlib. 12, quæst. 24, Gabriel in 2, dist. 4, quæst. 1, art. 3, dub. 3, Richardus in 2, dist. 35, circa primum principale, quæst. 1. Et pro eadem refert Leander disp. 8, §. 6, quæst. 3, Cajetanum, Navarum, Zumel, Thomas Sanchez, et Fagundez. Sed de his non constat ; nam ad summum significant contingere, quod affectus ad studium sit antecederet inordinatus, et peccaminosus, et quod ex tali affectu inordinato sequatur omisio Missæ, et violatio præcepti. Qui non est casus præsens, in quo supponitur finem, sive studium non esse ex se malum, sed præcise ex

ordine ad omissionem Missæ, quæ ex illo sequitur, et dependenter ab illa.

Sed cujuscumque illa sententia fuerit, probatur primo : nam actus factus quando non debet eo ipso est malus independenter ab alio effectu ad ipsum consecuto ; sed studium in tempore, quo urget præceptum audiendi Missam, fit quando non debet ; ergo independenter ab omissione Sacri est actus peccaminosus per malitiam specie diversam a malitia omissionis, Secundo, et est explicatio præcedentis : quia studium in illis circumstantiis opponitur virtuti religionis, quæ præcipit tunc audire sacrum ; sed præterea opponitur virtute studiositatis prohibentis inordinatum affectum studendi, quatenus præscribit determinatum studendi modum, nempe quando, et ubi oportet : ergo studium in eis circumstantiis habet duas specie malitias, oppositas prædictis virtutibus. Tertio, quod quis propter studium omittit sacrum, provenit ex inordinata adhesionem ad studium : ergo prius est quod studendi amor sit actus inordinatus, et peccaminosus, quam sit causa omittendi sacrum : atque ideo habes aliam malitiam distinctam a malitia omissionis. Quarto, qui omittit sacrum præceptum ob studium, constituit in studio ultimum finem, diligendo magis appetitive studium, quam Deum auctorem præcepti : hoc autem est speciale, et grave peccatum oppositum charitati præcipienti amorem Dei super omnia : ergo in tali casu præter malitiam contra Religionem in omittendo sacrum, datur alia malitia gravis contra charitatem. Unde utraque necessario explicanda erit in confessione.

162. Contraria autem sententia id negans est communis, cui subscribimus tract. de Peccatis, disp. 5, dub. 4, §. 1, conclus. 2 et præter auctores, quos ibi dedimus, illam etiam tuentur Suarez, Vasquez, Enriquez, Bannez, Valentia, Azor, Tanerius, Hurtado, Diana, Bonacina, Lugo, Castro Palao, Diacastillo, Leander, et N. Antonius, quos refert, et sequitur N. Franciscus, cap. 8, punct. 4, num. 109 et alii plures, quos superfluum est recensere. Probatur : nam voluntas mali objecti, quatenus talis non habet aliam malitiam, nisi eam, quam desumit ex objecto voluto ; sed actus studendi in casu, de quo agimus, solum habet esse malus, quia est voluntas virtualis

Henric.
Gabriel.
Ricard.
Leand.
Cajet.
Navar.
Zumel.
Sanch.
Fagund.

Mol

Seri
du

Tert

Qua

Sent
tia co
nuiSuari
Vasq
Henr
Bann
Vale
Azor
Tane
Hurt
Dian
Bona
Lugo
Palao
Dica
Lean
Auto
Fran

tialis

tualis omittendi sacrum : ergo non habet aliam malitiam, nisi illam, quam desumit ab omissione volita : atque ideo satis erit in tali casu confiteri omissionem voluntariam sacri præcepti. Cetera constant. Et minor in qua sola poterat esse difficultas, facile ostenditur . quia actus studendi, si non esset virtualis voluntas omittendi sacrum, licet eodem tempore exerceretur, non esset malus : ergo solum est malus quia importat virtutalem voluntatem omittendi sacrum præceptum. Confirmatur, quia non magis peccat, qui propter studium omittit sacrum, quam illud omittens independentem ab studio, et ob solam otiositatem ; sed hoc posteriori modo omittens solum committit unum peccatum, nempe contra virtutem religionis sacrum præcipientis : ergo idem dicendum est in priori casu.

Motiva vero contrariæ sententiæ non urgent. Ad primum enim respondetur majorem solum verificari in actu, qui independentem ab alio effectu fit, quando non debet, ut si quis celebraret quarta hora post meridiem. Sed falsificatur ibi actum fieri, quando non debet, quod non aliunde provenit, quam ab effectu, sive, et in idem redit, ex eo solum, quod actus est causa omittendi rem præceptam. Et ita contingit in præsentem : nam studium non habet fieri quando non debet ex alio capite, quam ex eo, quod tunc exercitium inducit præcepti omissionem. Ad secundum concessa majori negamus minorem : nam ad virtutem studiositatis solum pertinet ponere modum rationis, sive mediocritatem inter excessum, et defectum in studendo : unde vitia illi contraria solum sunt per excessum *curiositas*, et per defectum *negligentia*, de quibus D. Thom. 2, 2, quæst. 166 et quæst. 167. Circumstantia vero indebiti temporis est extranea respectu studii ; cum nullum determinate per se excludat. Unde moderari hanc circumstantiam, ne aliquando studium sit causa omittendi actum alias præceptum, non pertinet ad studiositatem, sed ad virtutem aliam præcipientem talem actum. Ad tertium omisso antecedenti in sensu statim explicando, negamus utramque consequentiam : nam licet omissio sacri proveniat ex nimio amore ad studium ; tamen hic amor non habet esse nimius, nisi quatenus infert omissionem præcepti : et hæc duo coincidunt, et sunt idem, nempe

studium esse causam omittendi, et esse nimium : nec aliunde amor studii habet esse inordinatus, et peccaminosus, nisi quia causa non omittendi est. Quare in rigore, et proprietate hæc est falsa : « Quia « amor studii est nimius, ideo est causa « omittendi ; » et hæc magis vera : « Quia « amor studii est causa omittendi sacrum, « ideo est nimius. » Sed absolute coincidunt, et includunt eandem, et ex eadem radice malitiam. Ad quantum respondetur ^{Quarto.} esse generale, et excessive probare, et eodem modo in re proposita, ac in aliis peccatis mortalibus diluendum esse. Diluitur autem ea ratione, quod omnis mortaliter peccans constituit ultimum finem in creatura, non quidem formaliter sed interpretative, et ex modo agendi, quatenus ubi mortaliter peccat, avertitur a Deo, et convertitur ad bonum commutabile. Sed, ut diximus, id est conditio generalis, et communis omni peccato gravi. Ut autem daret malitiam specialem, et oppositam charitati, opus erat, quod conditio constituendi ultimum finem in creatura esset formaliter, et expresse volita. Quod non contingit in omittente sacrum propter studium, nec in habentibus fidem contingit, nisi rarissime ex perversa admodum voluntate.

163. Hinc a fortiori inferitur, quod quando studium (idem intellegendum de aliis exercitiis) non est causa omittendi sacrum, sed concomitanter se habet ad talem omissionem, non contrahit ullam malitiam, nec opus est illud explicare in confessione, sed solius omissionis peccatum. Verbi causa decrevit aliquis apud se non audire in aliquo festo sacrum, non quidem ex amore studii, sed ex sola accidia, vel quia non vult in templo concurrere. Qua determinatione supposita, ne interim maneat otiosus, sive ut moras temporis aliqua occupatione minores faciat, se applicat ad studium. In hoc casu actus studendi non participat malitiam omissionis sacri ; quin, si alias circumstantias observet, est actus bonus. Ita cum N. Corneyo, Curiel, Zumel, et Montesinos resolvimus ^{Conse-} disp. cit. ex Tr. de Peccatis, dub. 5, n. 74. ^{tarium.} Quibus addimus Medinam 1, 2, q. 71, art. 5, dub. 1. Alvarez ibi disp. 126, Salas tract. 13, disp. 2, sect. 6, Dicastillum disp. 9, dub. 8, n. 687. Et ratio est : quia supponitur omissionem fuisse directe volitam

sine respectu ad studium; et similiter quod studium fuerit volitum sine ullo respectu ad omissionem sacri: ergo pure disparate, et concomitanter se habent: et consequenter ex eo, quod studium exerceatur in illo tempore, in quo sacrum celebratur, non sequitur studium contrahere ullam malitiam ex sacri omissione: atque ideo si ex alia parte non contrahit aliquam malitiam potest esse actus absolute honestus.

Confirm.
Azor.
Val.

Confirmatur dissolvendo simul, ac destruendo motivum contrariæ opinionis, quam tuentur Val. Azor, et alii, quos dedimus loc. cit. n. 71. Nam ideo in casu proposito studium esset peccatum, vitia-returque ab omissione sacri: quia eo tempore exercitium est impossibile cum actu præcepto, et quantum est de se omissionem ejus inducit; hoc autem motivum nihil evincit: quoniam, ut actus vitietur ex omissione, non sufficit, quod sit inductivus ejus, et impeditivus actus omissi; sed insuper desideratur, quod exerceat causet omissionem, et impediat actum præceptum quod in casu proposito non contingit: ergo prædictum motivum nihil evincit. Probatur minor: nam sit in casu proposito suppositio, quod homo absque ullo respectu ad studium voluerit directe, et per se omittere sacrum: ergo talis voluntas fuit causa totalis et adæquata illius omissionis; sed repugnat eundem effectum esse ad duabus causis totalibus, et adæquatis, ut docent communiter philosophi, et cum eis N. Complut. abbrev. in Physic. disp. 15, q. 3; ergo ommissio sacri unice procedit a tali voluntate, non autem ab studio eo tempore exercito: atque ideo tale studium pure concomitanter se habet ad prædictam omissionem, nullam specialem ab ea, vel in ordine ad eam contrahendo malitiam; sed perinde se habens, ac si in alio tempore exerceretur.

Complut.

164. Ab opposito doctrinæ hactenus traditæ colligendum est, quod ubi tam finis, quam medium habent malitiam, actus ab uno, et altero illam desumit. Quod dupliciter potest contingere: nam fieri potest, quod malitia finis, et medii pertineant ad eandem speciem, ut cum quis loquitur turpia in ordine ad fornicationem: aliquando pertinent ad species differentes, ut si quis furetur ad fornicandum. Et in hoc secundo casu manifestum est actum habere duas

malitias specie distinctas: unam in specie injustitiæ ex objecto operis, sive immediato, ablatione videlicet rei alienæ: aliam vero in specie luxuriæ ex fine operantis, nempe fornicatione. Quare manifestum est utramque debere in confessione manifestare, dicendo v. g. furatus sum ex intentione fornicandi. Sed difficultas est utrum prædictæ species queant in confessione separari, et seorsim dici; ut, si quis prius confiteretur furtum, et postea confiteretur intentionem fornicandi? Sunt qui affirmant debere pœnitentem explicare simul medium, et finem dicendo, furatus sum propter fornicationem. Ita Sylvester, Nugnus, Petrus de Ledesma, et alii apud Dianam, et Leandrum infra referendo. Sed tenendum est oppositum; nam licet illæ malitiæ habeant inter se aliquam subordinationem per modum medii, et finis; nihilominus sunt simpliciter duæ malitiæ constitutæ in diversa specie atoma furti, et fornicationis, quarum quælibet seorsim potest sufficienter explicari independentem ab alia. Unde si ille, qui commisit furtum ad fornicandum, quando confessus est furtum, oblitus fuit intentionis fornicandi, et postea ejus recordetur; opus non habet in confessione illius intentionis repetere totam historiam, et reproducere furtum; sed suæ obligationi facit satis confitendo absolute intentionem fornicandi, quam aliquando habuit. Idem docent Diana tom. 1, tract. 7, resol. 23, Leander disp. 8, § 6, N. Franciscus cap. 8, punct. 4, num. 112. Navarrus, Angelus, Ochogavia, Lugo, et alii apud illos.

Opinio

Opinio

Diana,
Leand.
Franc.
Navar.
Lugo.

In priori autem casu, quod medium, et finis pertinent ad eandem malitiæ speciem, manifestum est non esse duo peccata specie distincta, neque ab hac parte obligationem oriri illa ut sic distincta referendi in confessione. Quin fieri valet, ut quamvis actus physice diversi, sint tamen moraliter unum numero peccatum, idque sufficiat in confessione dicere. Unde communis sententia docet verba turpia, tactus impudicos, et oscula, cum immediate præcedunt fornicationem, esse idem numero peccatum, et opus non esse hæc in particulari recensere, sed satis explicari explicata copula, ut videri potest apud Suarium disp. 22, sect. 5, num. 26, Vasquium 1, 2 disp. 75, cap. 2 et in præf. quæst. 91, art. 1, dub. 5

Suarez,
Vasqu.

dub. 5, et alios. Diximus : « Cum immedie præcedunt fornicationem, » tum, quia si hæc illos non sequatur, sed ex aliquo accidenti impediatur, tales actus explicari per se debent in confessione : quia per se fuerunt peccatum mortale, ut docet eadem communis sententia. Tum, quia licet tales actus ordinentur ex natura rei, aut etiam ex intentione peccantium tamquam medium ad copulam, sicut ad finem; nihilominus possunt illam tam longo tempore præcedere, ut moraliter discontinuantur, et constituant simpliciter duo, aut plura peccata numero diversa, ut si quis illos actus exerceat intendendo fornicationem, quam non habuit nisi post mensem ab eis transactum. Et in tali hypothese opus foret explicare seorsim prædictos actus cum intentione fornicandi, et seorsim ipsam fornicationem : nec enim imaginari valet, in quo tales actus formaliter, aut virtualiter permanserint, ut potuerint constituere unum numero peccatum cum fornicatione exercita; quare venire nequeunt aut comprehendere eorum nomina in confessione.

165. Sed quid vice versa dicemus, ubi quis habuit tactus impudicos, et oscula cum aliqua muliere sine intentione perveniendi ad copulam, sed magis cum intentione sistendi in eis : at his suppositis, mutato animo ad illam in eadem occasione accessit? Satisfaciet ne explicando præcise in confessione copulam? Affirmant Leander loc. cit. q. 10, nullum pro se afferendo auctorem, sed aliquos suppresso nomine doctos modernos, quos testatur consuluisse. Movetur : quia licet in tali casu defecerit finis operantis, qui posset omnia illa ordinare in unam copulam; adest tamen finis ipsius operis; nam illi actus ex natura rei ad copulam ordinantur : et ideo simul cum illa non nisi unum numero peccatum constituunt, sufficienter explicandum nomine fornicationis. At valde falsa nobis apparet hæc resolutio, et evertitur destruendo fundamentum, cui innititur, atque stabiliendo contrarium : nam licet in eisdem actibus concurrant finis operis, qui non est aliud ab objecto ejus specificativo, et finis operantis correspondens ejus in agendo intentioni; adest tamen inter illos notabilis differentia, quod finis operis subordinatur simpliciter fini, sive intentioni operantis.

Licet enim actus, vel opus habeat totam ^{Ratio.} essentiam secundum se, et in actu signato per habitudinem ad objectum primum; nihilominus nec existentiam, nec durationem, nec continuationem habet, nisi dependenter a fine operantis, et commensurate ad intentionem agentis. Et ratio est, quia finis operantis est, qui primo efficientem movet, ut actum eliciat, et illi existentiam communicet, ponatque extra causas quidquid in actu est : et ubi finis operantis deesset, nihil horum poneretur, ut ex D. Thom. cum multis asseruimus, et fusius explicuimus tract. 11 de Bonitate, et malitia disp. 5, dub. 1. Unde fit actum humanum nec physice, nec moraliter esse, aut durare, aut continuari ultra intentionem agentis, et finem operis eidem subditi intentioni. Constat autem, et non negat Leander, quod finis operantis in actibus relatis non extendebatur ad copulam, sed illam contrario excluderat, sistendo positive in prædictis actibus. Ergo eorum malitia in eisdem consummata est, et ad aliud non extenditur. Ergo superveniens copula est novum peccatum, distinctum numero tam physice, quam moraliter ab actibus præcedentibus. Præsertim cum prædicti actus non habeant essentialem cum copula connexionem, sed ad summum ex natura rei : contra quam potuit agens intendere in illis sistere, et sistere non repugnat. Ibi ergo consummatum fuit illorum actuum peccatum : et aliud, et ex alia intentione subsequens copula adiunxit. Quare non sufficiet confiteri copulam : sed illud etiam præcedens explicandum est. Quæ resolutio est secunda, eamque docent Vasquez, Lugo, Hurtado, Diana, Archangelus apud Leander loco citato neminemque vidimus doctorem oppositum.

§ VI.

De circumstantia Quomodo.

166. In hac occurrit modus, quo peccatum fit, ut puta intensio, duratio, consuetudo, ignorantia, malitia, contemptus, et alia hujusmodi. In quibus juxta regulam superius datam ubi modus, quo actus fit, mutat, vel addit malitiæ speciem, opus est talem modum, aut actum cum tali modo explicari in confessione; secus vero ubi

Sent.
seren-
da.Moti-
vum.Admi-
andæ
nent.Vasqu
Hurtado,
Archang.

variatio est accidentalis, et penes majorem, aut minorem gravitatem intra eandem speciem malitiæ. Quare tota difficultas hujus circumstantiæ posita est in discernendo inter modos quantum ad hujusmodi differentiam : et primo loco eos explicare curabimus, a facilioribus, aut de quibus alibi egimus, incipiendo. Modus ergo intensiōnis actus peccaminosi non affert novam speciem malitiæ, sed est ipsum magis ejus ; sicut intensio caloris est magis caloris hunc intra suam speciem perficiens. Unde opus non est confiteri intensiōnem peccati. Recolantur aliqua, quæ de intensiōne diximus disp. 7, num. 70 et 71. Sed observandum est posse contingere, quod ex magna intensiōne actus peccaminosi inducatur effectus specie diversus : et tunc utrumque debet in confessione explicari, non propter intensiōnem, sed propter novam speciem adjunctam. Unde qui ex vehementi odio non solum occidit inimicum, sed cadaveris membra discerpit, non facit satis confitendo homicidium, sed debet etiam explicare illum modum : inducit enim speciem

Tho.

feritatis distinctam ab aliis peccatis, ut tradit D. Thom. 2, 2 quæst. 159, art. 2 subscriptibus communiter theologis. Idem contingeret in eo, qui ex vehementi inclinatione ad furandum, se extenderet ad res sacras : et ex intensissimo furore libidinis in fornicando progrediretur ad tactus sodomiticos.

Modus etiam durationis non affert novam malitiæ speciem, sed est ipsum numero, et specie peccatum magis, aut minus continuatus, et perseverans. Et hac ratione non tenemur per se loquendo explicare durationem peccati, v. g. quod odium proximi, et desiderium vindictæ duraverint per unam horam, et sic de aliis. Et diximus *per se loquendo*, id est, attenta præcise majori duratione unius, et ejusdem peccati : sic enim præcise aggravat, et non inducit peccatum specie, aut numero diversum. Circa quod recolantur superius dicta n. 77. Idque frequentius contingit in actibus internis, quam in externis : nam externum opus semel inchoatum facilius continuari valet per longum tempus ; difficilius autem intellectu est, quod idem actus interior perseveret in se, aut in aliquo alio actu interiori, in quo saltem virtualiter perseveret : frequenter enim inter-

rumpuntur per alios motus, et volubiles cogitationes alio divertentes. Propter hoc igitur tutissimum est, et non semel obligatorium explicare durationem peccati : ut pœnitens meliori modo quo possit explicet numerum peccatorum, quæ præsumere, ac timere valet in longa duratione fecisse. Videantur supra dicta num. 116.

167. De modo consuetudinis in peccando, sive de consuetudine repetendi peccata in eadem materia, v. g. furti, aut luxuriæ, opus non habemus in præsentī dicere, ut superius jam dicta num. 125. Constat enim consuetudinem non addere supra numerum, et species peccatorum, hisque confessis opus non esse alia non variantia speciem, aut numerum confiteri. Et hæc procedunt per se loquendo : nam alias, et ex aliis capitibus opus est consuetudinem peccandi manifestare, ut ex professo ostendimus, n. 126. Similis præcedenti est modus peccandi cum certa scientia, vel ignorantia, utique vincibili, et culpabili : nam ejusdem speciei est peccatum, sive hoc, sive illo modo fiat : unde ex prædicto modo agendi solum potest desumi aliqua major, aut minor intra speciem aggravatio, non necessario in confessione explicanda. Quod jam supra num. 128 determinavimus, et explicuimus.

Simili facilitate, aut brevitate deciduntur aliqui casus, quos alii agentes de hac circumstantia in particulari expendunt : nam quod quis se exponat periculo peccandi, et re ipsa in periculo positus peccet, non addit novam speciem peccato, nec opus est in confessione explicare, ut cum communi sententia docet Leander disp. 8, § 7, quæst. 18 ; sed intelligendum est, ubi inter periculum, et peccatum subsequens non adest tanta temporis mora, ut distinguat unum ab alio. Ubi autem illa adest utrumque explicandum est : non quia unum se habeat ut circumstantia ad aliud, sed quia sunt duo peccata numero distincta pertinentia ad illam speciem, in qua consummantur : unde se exponere periculo fornicandi pertinet ad speciem fornicationis. Similiter, quod quis incitatus gravi tentatione, non oraverit ad eam vincendam, sed illi succubuerit, non est circumstantia varians speciem, aut necessario explicanda, ut quidem falso asseruerunt : quia obligatio tunc orandi non est distincta

distincta ab obligatione resistendi tentationi, nec instat tunc per se, sed solum per accidens : atque ideo in non orando, et in consentiendo non datur nisi unum peccatum, de quo est consensus. Pariter, qui labitur in aliquod mortale resistendo vehementi inspirationi divinæ, non adjunxit ullam circumstantiam specie diversam, sed dumtaxat aggravantem. Unde non obligatur confiteri peccatum cum illa circumstantia, sed peccatum absolute. Denique, quod quis gestando reliquias fornicetur, non variat speciem, nec inducit obligationem confitendi eam circumstantiam, ut cum Sanchez, Diana, Fagundez, Dicastillo, et aliis docet N. Antonius disp. 9, sect. 6, num. 633. Qui tamen communiter et merito observant contrarium dicendum esse de sacerdote, qui portans in pectore Eucharistiæ sacramentum, committeret peccatum carnis : committeret namque non solum illud, sed aliud etiam gravissimum, ob violatam Religionem tanto sacramento debitam. Et iidem limitant ad luxuriæ peccatum, quod importat specialem irreverentiæ modum summo illi sacramento repugnantem. Quæ non sic elucet in aliis peccatis, v. g. detractionis, furti, etc. Hanc tamen limitationem in genere non probamus, minime dubitantes posse dari alia peccata, in quibus sacerdos Eucharistiam portans, incurreret illammet irreverentiæ malitiam, ut si se vino inebriaret, se consequenter, et sacramentum ludibrio, atque illi indecentiis exponens.

168. Major difficultas nobis occurrit circa modum, qui intervenire potest in copula illicita ; quam non aliis verbis proponemus, et decidemus, quam N. Andreas in tract. 9, de Matrimonio cap. 5, punct. 5, a num. 71. Ex parte, inquit, modi coeundi potest esse illicita copula inter conjugatos, (idem intellige inter non conjugatos) ut si sedentes, vel stantes fiat, si præpostere more pecorum congregientes, vel inverso situ, ut si vir sit succubus, femina vero incuba fiat. Quod esse peccatum saltem veniale, et gravissimum si absque necessitate id fiat, docent omnes, increpandosque esse conjuges sic mutuo congregientes ob perversionem modi ordinarii a natura designati, et turpitudinem in tali modo coeundi repertam. Sed difficultas est an sit peccatum mortale. Omis-

sis variis dicendi modis, asserimus per se nunquam esse mortale peccatum, sive præpostere, sive per latus accedendo (servato vase debito) sive quovis alio modo copula maritalis fiat. Plures sic sentientes refert, et resolutionem probat : quia quocumque modo fiat, servatur finis principalis copulæ, qui est posse prolem ex ea generari. Ut enim generatio fiat, non recipitur necessario semen in matrice per infusionem, aut immissionem, sed per attractionem : eo quod, sicut in stomacho datur virtus ad attrahendum cibum, ita in matrice ad attrahendum semen, ut inquit D. Thom. quodlib. 6, art. 18. Ergo sicut cibus quocumque modo sumatur, si tamen intret per os ad stomachum attrahitur, ut nutritioni possit deservire : sic etiam semen si intra vas debitum recipiatur, quocumque modo mittatur in illud, attrahitur a matrice, ut generationi possit deservire. Diximus per se non esse peccatum mortale aliquo ex modis recensitis habitam copulam. Per accidens vero esse potest, ut si periculum esset effundendi semen extra legitimum vas : quod periculum raro adest, et ideo non tenetur confessarius interrogare pœnitentem se accusantem de indebito situ, aut modo, ut notat Sanchez. At vero, si experientia constaret ex aliis sic inordinatis congressibus semen extra vas effundi, erit mortale peccatum tali modo, quo periculum subest illi prodigendi concubitus.

Hæc omnia prædictus Andreas, ex quibus facile recognoscet lector quid dicendum, aut sentiendum erit quantum ad diversos modos, aut situs exequendi copulam in peccato fornicationis, scilicet non esse circumstantiam addentem novam speciem malitiæ ; et posse consequenter subterfieri in confessione. Nos vero licet fateamur omnia illa probabiliter dici, saltem ab extrinseco ob multitudinem, et auctoritatem ita docentium : unum tamen probare minime scimus, aut possumus, nempe congressum præposterum more pecorum non esse peccatum mortale. Ipsæ enim voces, quibus id explicatur denotant modum bestialem ab humana specie alienum. Aliunde vero nequit copula ita exerceri absque multis tactibus sodomiticis, qui pertinent ad speciem peccati nefandi. Nec effugium erit, quod ordinentur ad copu-

Effusio
occurritur

lam naturalem : nam licet finis sit de se honestus, tamen ubi medium est illicitum, operatio evadit simpliciter peccaminosa, malitia desumpta non a fine, sed a medio, ut constat ex dictis § præced. ergo congressus præposterus more pecudum licet ex fine operantis ordinetur ad copulam conjugalem, est peccatum grave ex ipso opere, et pertinet ad coitum sodomiticum. Denique licet ille modus dicendus esset probabilis speculative, et in actu signato, nullam, aut vix ullam probabilitatem ejus videmus in actu exercito : quia per se loquendo semper in tali bestiali congressu adest periculum effundendi semen extra legitimum vas, priusquam copula fiat in eo. Ipsa enim in hominibus, et brutis diversa corporum, et membrorum dispositio satis manifestat unum esse modum coeundi naturalem brutis, et alium esse modum coeundi connaturalem hominibus, nempe non præpostere, sed facie ad faciem ; atque ideo congressum præposterum proprium bestiarum esse in hominibus gravem inordinationem, et peccatum contra naturam. Et hæc nos ita sentimus, et cupere-mus ab aliis. Sentiuntque nobiscum Abulensis, Alensis, Orbellis, et Vera-Cruz apud Thomam Sanchez lib. 9, de Matrimon. disp. 16, num. 2. Sed unusquisque abundet in sensu suo, sub doctrinæ tamen Catholice regulis.

169. Regrediendo autem ad præsentis circumstantiæ considerationem, dubitandum non est, quod licet non semper ex diversitate modi, quo peccatum fit, accrescat illi nova malitiæ species ; nihilominus illam aliquando addit, et propterea opus fit talem modum, aut circumstantiam ex eo additam explicare in confessione. De quo non nulla exempla perducemus. Et primum jam attulimus nu. 166, de eo, qui hominem occideret discerpendo ejus membra, extrahendo jecur, illum exco-riando, etc. committeret enim non homicidium simplex, sed vestitum eo modo, sive circumstantia feritatis addente, et mutante speciem.

Secundum occurrit in raptu, nempe cum homo fornicatur cum muliere violenter, sive per vim illi inductam : est namque violentia fœminæ facta causa libidinis, ut docet D. Thom. 2, 2, quæst. 154, art. 7,

ad secundum. Unde in tali congressu præ-^{D. I}ter peccatum fornicationis, quod pertinet ad speciem luxuriæ adest ratione modi circumstantia mutans speciem, et peccatum transferens ad speciem injustitiæ, propter injuriam factam fœminæ repugnanti. Ad quod non requiritur, quod fœmina per vim abducatur de loco in locum, sed sufficit fœminam cognoscere per violentiam. Illa vero localis translatio est conditio ad constituendum raptum specialiter dictum de quo agit in ordine ad matrimonium Concilium Trident. sess. 24,^{Conc. Tride} cap. 6, ubi dicitur : « Decernit sancta synodus « nodus inter raptum, et raptam, quandiu « ipsa in potestatem raptoris manserit, « nullum posse consistere matrimonium. » Et deinde statuit gravissimas pœnas contra raptorem, et ad id cooperantes. Quas pœnas incurrere etiam fœminam, si virum raperet animo contrahendi cum eo, senserunt aliqui. Sed communis sententia negat, et merito : quia Concilium nullam mentionem facit de fœminis raptricibus, satis insinuans se in illo decreto favisse fragilitati fœminarum, quæ magis subjectæ sunt his violentiis : in viris autem raro contingit hoc patiendi violentia periculum, ut cum Sanchez, et aliis recte observat N. Andreas Tract. 11, de Matrimonio cap. 12,^{Andr} punct. 3, num. 155. Sed quamvis res ita se habeat in ordine ad raptum specialiter dictum, et per ordinem ad matrimonium, (quod ad peculiarem hujus considerationem spectat) tamen loquendo de raptu generaliter dicto pertinente ad genus luxuriæ tenendum est, quod, si fœmina violentiam inferret viro vi, aut metu pro turpi cum eo congressu, committeret non solum fornicationem, sed etiam speciale raptus, et injustitiæ peccatum, explicando necessarium in confessione : occurrit namque in ea, non minus, quam in viro idem motivum, et a fortiori : nam illam magis deceet violenta ea provocatio, summæ incontinentiæ argumentum.

Tertium exemplum in rapina, quæ juxta D. Thom. 2, 2, quæst. 66, art. 8, est ablatio violenta rei alienæ : unde supra speciem furti addit ex parte modi, quo furtum fit, violentiam, ut cum domino sciente, et vidente res e manibus ejus eripitur injuste contra ejus voluntatem. Quare in tali casu non fit satis confitendo fur-
tum

Abulens.
Artensis,
Alensi.
Vera-Cr.

tam, vel ablationem rei alienæ non consentiente domino, sed ulterius explicanda est rapina importans speciem diversam : quamvis in tali casu sufficeret rapinam confiteri ; ibi enim includitur, et satis exponitur rei alienæ ablatio. Et hæc in exemplum doctrinæ præsentis satis sit insinuasse. Accuratio vero distinctio inter furtum, et rapinam, an scilicet consistat in eo, quod furtum importat injuriam in rebus, et rapina injuriam in persona : an autem in eo, quod furtum fiat latenter, et rapina in præsentia : atque ideo inducant Domino diversum involuntarium ; quippe diversum involuntarium est, quod quis ignoranter patitur, et involuntarium, quod patitur cognoscens, et renitens, difficultas est alio expectans, de qua videri potest N. Andreas tract. 13. de Restitutione, cap. 5, punct. 1. a num. 5.

170. Ad hanc etiam circumstantiam quomodo pertinet contemptus consistens in modo, quo in legis, aut legislatoris obedientia deficiamus, circa quem nonnullæ difficultates occurrunt. Et pro illis superandis, et quæ oportet breviter tradendis (nam accuratio discussio pertinet ad tractatum de legibus) notandum est contemptum vel esse rei præceptæ, vel esse legis, aut legislatoris rem præcipientis. Deinde duplex est contemptus, (sicut et inobedientiæ, cui adjungitur) unus scilicet materialis, et generalis, alius vero formalis, et specialis. Ille reperitur in omni peccato, quod, sicut est inobedientia legis, sic etiam est legis contemptus, et propterea generalis appellatur. Et hac de causa opus non est illud specialiter in confessione explicare ; sed satis exponitur confessione peccati, sicut ingratitude, injustitia, et inobedientia, quæ sunt circumstantiæ communes, et in omni peccato repertæ. Contemptus vero formalis, et specialiter dictus præter violationem legis importat motivum, et modum agendi expresse contra legem, quia illam parvipendet, atque ideo legislatorem, ut talem. Unde in communi colligitur contemptum hunc formalem, et specialiter dictum esse speciem particularem inobedientiæ, ut ex D. Thom. 2, 2, q. 104, art. 2, ad 2, et qu. 186, art. 9, ad 3, recte colligit N. Andreas tract. 11, de legibus cap. 2, punct. 2, § 4, num. 170.

His præmissis tenendum est peccatum

violandi præceptum ex contemptu non relato ad legem, vel ad legis latorem, sed præcise ad ipsam rem præceptam ; quatenus licet velit absolute se subicere legi, et legislatori, non tamen in illa materia ; quia illam, v. g. parvi æstimat ; non committere formalem, et specialem contemptum : peccare tamen graviter, aut leviter juxta quantitatem rei præceptæ : ut si præceptum sit de jejuniis in Quadragesima, contemptus erit peccatum mortale ; si autem sit de non sumendo, vel levissimam refectionem in die jejunii, contemptus erit peccatum veniale. Quoniam in hoc contemptus genere non omittitur res præcepta, quia præcepta ; sed quia vel parvi æstimatur, vel alias displicet, et affert corporalem molestiam : in quibus contemptus non refertur in legem, nec in legislatorem, sed in solam materiam, ut recte observant Sanchez lib. 1 Decalog. cap. 5, a num. 11, Tapia lib. 4, quæst. 9, et alii communiter. Si quis vero materiam levem a Deo præceptam, aut etiam solo consilio propositam contemneret, non quia levem, sed tanquam impertinentem, inutilem, aut vanam ; profecto peccaret mortaliter ; quia talis contemptus redundaret in Deum illam materiam præcipientem, aut consilientem. Omnis enim contemptus Dei in re etiam levissima est gravis Dei offensa, ut patet in mendacio jocosum confirmato juramento. Opus itaque esset talem circumstantiam, sive tale contemptus peccatum specialiter confiteri.

171. Sed magis absolute loquendo, et cum præcisione ab his conditionibus, et limitationibus, omnis contemptus legis, ut lex est, aut legislatoris, ut talis, sive ille divinus sit, sive humanus, et sive in materia de se gravi, sive de se levi, est peccatum mortale specialis contemptus. Quod facile, ac breviter suadetur, quoad singulas partes : nam in primis parvi pendere Majestatem Dei aliquid præcipientis, est gravissima, et blasphema illius injuria. Deinde superior humanus habet suam potestatem ex Deo, illumque repræsentat : ergo contemnere illum, ut legislatorem est grave peccatum, quippe cum illius injuria redundet in ipsum Deum dicentem Luc. 10 : *Qui vos audit, me audit ; et qui vos spernit, me spernit. Qui autem me spernit, spernit eum, qui misit me.* Denique id ita

contingere, quidquid sit de gravitate materiæ secundum se, facile constat: quia gravitas injuriæ non attenditur penes materiam ejus, sed per respectum ad legislatorem, qui contemnitur. Idque (ut aliquo signo in praxi cognoscamus) non obscure deprehenditur, ut optime notavit Cajet. 2, 2, q. 186, art. 9, quando subditus frangit superioris mandatum non ex negligentia, non ex cupiditate, non ex simili passione, sed quia non vult superiori, et regulæ se subicere; aut quia vult ostendere se nihili facere superioris mandatum, et regulæ ordinationem, quod maligni cordis in superiores, et leges index evidentissimus est. Et sic sentiunt communiter Doctores, atque hujusmodi contemptus peccatum esse distinctum a generali inobedientia, et necessario explicandum in confessione. Quibus addimus probabile nobis admodum videri, contemptum legis divinæ, et naturalis distingui specificè a contemptu legis humanæ, et sic in confessione explicandum fore: sicut et contemptum immediatum Dei, a quo sunt leges naturales, et divinæ distingui specie a contemptu immediato superioris humani ferentis humanas leges. Quia licet superior humanus repræsentet Deum, et habeat ab eo potestatem; nihilominus longe inferioris dignitatis, et auctoritatis infinite distantis est: et idem contingit in injuriis, quæ eisdem inferuntur. Sicut quamvis Legatus Principem repræsentet, et ejus vices agat: tamen gravius, et diversæ rationis est offendere Principem immediate in se ipso, ac offendere ejus Legatum, aut Principem mediate in Legati persona. Et similiter diversæ rationis est, contemnere imaginem Dei, quod opponitur Religioni, sive Latriæ, et contemnere imagines Sanctorum Dei, quod adversatur Duliæ. Contemptus itaque formalis præceptorum naturalium, et divinarum differt specie a contemptu formali humanarum legum: et sic explicari, et confiteri debet.

Limitatur
conclusio.

Addemus tamen aliquas modificationes, quibus hæc doctrina temperari solet, ne in non obediendo accedat contemptus formalis speciei. Nam in primis si quis nolit obedire ex indignatione, non quia superiori ut tali contemnit subdi, sed ut illi solatium suæ obedientiæ in hac occasione neget; non committit peccatum contemp-

tus, de quo loquimur: quia non despicit superiorem, ut superiorem, sed solum ut sibi repugnantem, et infensum. Et ita observant plures sequentes Cajetanum in Summa, verbo *Contemptus*. An autem alias, et ex aliis capitibus sit peccatum mortale, non pertinet ad præsentem considerationem, sed dependet ex facti circumstantiis. Similiter ubi contemptus dirigitur ad superiorem, non ut superiorem, sed ut singularem personam, et secundum conditiones individuales, quia imprudens, indoctus, aut irreligiosus: non adest formalis contemptus peccatum ob jam insinuatam motivum: poterit tamen esse peccatum grave, et non raro contingens ob temerarium iudicium in despiciendo personam, ut alias accideret, licet superior non esset; cui tamen non adesset circumstantia ob defectum observantiæ, et reverentiæ debite personæ superioris. Idem pariter contingeret, si quis non despiciendo superiorem, ut superiorem, nec singularem ejus personam, contemneret ejus præceptam, non quia præceptum: sed quia censet illud in hac, aut illa materia positum esse injustum, aut inutile. Quia tunc non contemnitur superior, quatenus superior, et prout Dei nomine præcipit; sed quatenus persona singularis imprudenter se gerens in illa materia, ut cum multis observat N. Andreas loc. cit. num. 40. Unde facile colligitur peccatum speciale formalis contemptus raro committi nisi a subditis pessimis, et obduratæ frontis in Deum, et superiores, qui ejus vices agunt.

§ VII.

De circumstantia Quando.

172. Pervenimus ad ultimam circumstantiam desumptam a tempore, in quo peccatum committitur: de quo non multa, nec difficilia dicenda occurrunt. Fundatur autem prædicta circumstantia, in eo, quod sicut dantur aliqua loca sacra, illa scilicet, quæ divino cultui consecrantur ut sunt templa: sic etiam dantur aliqua tempora Dei cultui dedicata, ut sunt dies, quos sacros, et festos vocamus. Sicut ergo ex eo, quod peccata committantur in loco sacro contrahunt specialem aliquam malitiam necessario

necessario in confessione explicandam, ut constat ex dictis § 3, sic etiam videtur, quod peccata commissa in diebus sacris induant circumstantiam specialis malitiæ, quæ debeat in confessione manifestari. Et sic plane senserunt plures antiqui, et graves Doctores affirmantes omne peccatum in die festo commissum mortaliter induere ex hoc ipso specialem irreligiositatis malitiam necessario confitendam. Ita D. Antoninus, Alensis, Turrecremata, Abulensis, Nider, Major, Adrianus, Catherinus, Petrus de Soto, Joannes de Medina, Corduba, et alii apud Dicastillum disp. 9, dub. 8, n. 712, quæ sententia probari potest auctoritate simul, et ratione : nam Angelicus Doctor 2, 2, q. 122, art. 4, in resp. ad 3, agens de observatione tertii præcepti Decalogi, sive de sanctificatione sabbati apud Judæos inquit : « Aliud est cessatio operum, quæ significatur, cum subditur : Septima die Domini Dei tui non facies omne opus. Sed de quo opere intelligatur, apparet per id, quod exponitur Levit. 23. Omne opus servile non facietis in eo. Opus autem servile dicitur a servitute. Est autem triplex servitus : una quidem, qua homo servit peccato, secundum illud. Qui facit peccatum, servus est peccati : et secundum hoc omne opus peccati dicitur servile. Alia vero est servitus, qua homo servit homini. Est autem homo alterius servus, non secundum mentem, sed secundum corpus, ut supra habitum est. Et ideo secundum hoc opera servilia dicuntur opera corporalia, in quibus unus homo alteri servit. Tertia autem est servitus Dei : et secundum hoc opus servile posset dici opus Patriæ, quod pertinet ad Dei servitium. » His præmissis, statuit opus servile servitute Dei, non prohiberi in die sabbati, et deinde subjunxit : « Sed alia opera servilia, quæ dicuntur servilia primo, vel secundo modo, contrariantur observantiæ sabbati in quantum impediunt applicationem ad divina. Et quia magis impeditur homo a rebus divinis per opus peccati, quam per opus licitum, quamvis sit corporale : ideo magis contra hoc præceptum agit, qui peccat in die festo quam qui aliud opus corporale licitum facit. Unde Augustinus dicit in lib. de decem chordis : Melius faceret Judæus in agro suo aliquid utile,

« quam si in theatro seditiosus existeret. Et melius fœminæ eorum lanam facerent, quam quod tota die in Neomeniis suis impudice saltarent. » Ergo ex sententia utriusque S. Doctoris omne peccatum mortale in die sacro commissum est contra sanctitatem talis diei, atque contrahit specialem irreligiositatis malitiam. Quod amplius explicatur reducendo ad formam discursus contenta in relato testimonio : quia non minus opponitur sanctitati diei sacri opus servile servitute peccati, quam opus servile servitute hominis, quale est opus corporale ; sed opus servile servitute hominis est contra sanctitatem diei sacri, et hac ratione, si notabile sit, habet esse speciale peccatum mortale : ergo idem, et a fortiori dicendum est de opere servili servitute peccati. Idque aperte significarunt Patres Conc. Coloniensis ann. 1536, celebrati, cum asseruerint « bis peccare, qui diem Dominicum scortis, rixis, et pugnis agunt. »

173. Hæc sunt satis gravia, et nos duce-^{Secunda} rent ultroneos in prædictam sententiam, alias omnino securam, consulentemque tam dierum sacrorum venerationi, quam Christianorum profectui. Sed videmus contrariam esse his temporibus communem, ut superfluum sit Recentiores in particulari referre. Quin et ex paulo antiquioribus illam statuerunt, et firmare curarunt Cajetanus loco citat. D. Thomæ, et 1, 2, quæst. 7, art. 1, et in Summa verbo *Festa*, et tom. 1, opusc. 18, quæst. 3, Sylvester in Rosa aurea tract. 3, cap. 63, Soto de justitia lib. 2, quæst. 2, art. 4, et in 4, distin. 18, quæst. 2, art. 4, Cano de pœnitentia in 5 part. Medina in Summa lib. 1, cap. 9, § 2, Navarrus in cap. *Consideret* de pœnit. dist. 5, a num. 17, Covarruvias in cap. *Alma mater*, part. 1, § 2, et alii plures. Probatur : quia Ecclesia de facto determinavit sanctificationem dierum festorum ad duo, unum affirmativum audiendi sacrum, et aliud negativum non laborandi, sive non faciendi opera corporalia servilia : ergo fideles hæc præstando satisfaciunt præcepto sanctificationis festorum : ergo per hoc quod alias mortaliter peccent, non agunt contra prædictam sanctificationem ; nec ex vi hujus incurrunt in suis peccatis mortalibus aliquam malitiam specie distinctam, et tali sanctificationi contrariam. Confirmatur

Cajet.
Sylvest.
Soto,
Cano,
Medina,
Navar.
Covarr.

primo : nam ex generali ratione peccati mortalis non consurgit aliqua specialis irreverentia contra dies sacros, aut festos : ergo falsum est peccatum mortale in die sacro commissum habere ex hoc ipso circumstantiam diversam, et necessario in confessione explicandam. Consequentia patet, et antecedens suadetur : tum, quia non magis dies sacer debet gravificare peccata in eo facta, quam locus sacer in eo commissus ; sed certum est non omnia mortalia in loco sacro commissum induere novam speciem malitiæ ex loco, ut constat ex supra dictis § 3 : ergo idem dicendum est de mortalibus commissis in sacra die. Tum etiam, quia plurima sunt mortalia pure interna, plura etiam externa, sed omnino occulta : ex quibus nulla irreverentia, aut injuria diei sacro irrogatur, ut facile explicari valet exemplo loci. Confirmatur secundo : quia hæc est de facto communis intelligentia, et praxis fidelium, tam pœnitentium, quam confessorum : curant namque de numero, et specie mortalium posthabita diligentia in investigando, an mortalia commiserint in die sacro, vel in non sacro ; et oppositum non paucos nec leves affleret scrupulos.

Quæ autem pro prima sententia afferantur, non convincunt. Nam quod attinet ad auctoritatem, D. Augustinus loquitur de diebus festis, non Christianorum, sed Hebræorum : nec affirmat, quod hi quolibet, et in qualibet materia peccato mortali peccarent contra præceptum servandi suas festivitates ; sed solum affirmat, quod minus peccarent faciendo in diebus festis aliqua opera servilia, quam exercendo profana, et de se peccaminosa, quæ recenset. Quod est verissimum, sed rem præsentem non attingit : sicut si modo diceremus christianum minus peccare, si in diebus Dominicis laboret in agro, quam si degat, ut fieri contingit in lupanaribus, et tabernis. D. Thomas etiam loquitur de sanctificatione Sabbati, prout erat in usu apud Judæos. Unde argumentum nequit trahi admodum observandi festa inter Christianos, ut ipse Angel. Doct. alte vidit, et velut objectionem præveniēns tradidit eodem loco in responsione ad 4, his verbis : « Dicendum, quod observantia diei Dominicæ in nova lege succedit observantiæ Sabbati, non ex vi præcepti legis, sed

« ex constitutione Ecclesiæ, et consuetudine
« populi Christiani. Nec etiam hujusmodi
« observatio est figuralis, sicut fuit observatio Sabbati in veteri lege. Et ideo
« non est ita arcta prohibitio operandi in
« die Dominica, sicut in die Sabbati. Et
« ideo quædam opera conceduntur in die
« Dominica, quæ in die Sabbati prohibentur, sicut decoctio ciborum, et alia
« hujusmodi. Et etiam in quibusdam operibus prohibitis facilius propter necessitatem dispensatur in nova, quam in veteri
« lege, quia figura pertinet ad protestationem veritatis, quam nec in modico præterire oportet. Opera autem secundum se
« considerata immutari possunt pro loco, et tempore. » Ad discursum vero ex prædictis testimoniis formatum, respondetur distinguendo majorem, illamque concedendo quantum ad oppositionem ex parte finis præcepti, qui est cultus Dei in die sacro ; quæ negari debet, si intelligatur de oppositione quantum ad materiam præceptam. Et deinde concessa minori, negamus absolute consequentiam : nam materia, quæ de facto prohibetur in diebus festis, est opus servile. non autem omne opus peccaminosum. Et ideo non istud, sed illud directe opponitur sanctificationi talium dierum : licet fini præcepti non minus opponatur peccatum, quam opus servile. Patres denique Concilii Coloniensis locuti sunt conformiter ad primam sententiam. in qua forte erant, nihil tamen diffiniendo. Credibile vero est, et ex materia, atque exemplis colligitur, illud egisse de quibusdam operibus alias prohibitis, ut sunt scortationes, et pugnæ, sive torneamenta, propter quæ aliqui omittebant observationem Missæ in diebus festis, et bis propterea peccabant.

174. Sed quamvis hæc in communi loquendo ita se habeant, negari propterea non debet circumstantiam temporis inducere in aliquibus operibus malitiam gravem, distinctamque in specie ab illa, quam talia opera de se importarent. Sunt enim aliqui dies ita sacri, sunt etiam aliqua opera ita profana, ut cum illis habeant manifestam oppositionem, reverentiamque subtrahant diebus sacris debitam, et illam graviter offendant, ut recte docuerunt Medina in Summa lib. 1, cap. 9, § 1, et in lib. 2, qu. 7, art. 3, Gregorius Martinez ibid.

Diluitur
adversa-
riorum
fundam-
entum.

ibid. pag. 531, Rodriguez in Summa, cap. 53, num. 12, Lopez 1 part. cap. 34, fol. 195, Pitigianus in 3, dist. 17, qu. 1, art. 5, Lugo disp. 26, sect. 12, nu. 524. Dicastillo disput. 9, dub. 8, num. 732. N. Franciscus cap. 8, punct. 4, num. 114, et alii: quidquid cum aliis dicat Leander disp. 8, § 8, quæst. 3. Probat: nam si quis in parasceve exhiberet comedias, et ludica spectacula, qualia in diebus bachanalium repræsentari solent, gravissimam committeret irreverentiam contra sanctitatem diei, in quo Ecclesia Catholica repræsentat specialiter, et recolit passionem, et mortem Christi Domini. Quis prudens in hoc casu non recognoscet summam oppositionem, atque sacrilegam inter repræsentationem ab Ecclesia exhibitam, et repræsentationem ab illo factam, et istam non gravis peccati damnabit? Ergo quamvis in genere non sit verum omne peccatum mortale commissum in die festo induere ex hoc ipso novam circumstantiam gravis malitiæ; tamen contingens est diem esse ita sacrum, et peccatum adeo illi repugnare, quod illa circumstantia inducatur. Nec momenti erit, si cum Dicastillo dicatur, in tali casu profanam illam repræsentationem constituere primam speciem peccati: quia vim non facimus in eo, quod sit aut non circumstantia proprie dicta supponens aliam, atque primam speciem peccati, sed in eo, quod conjunctio talis repræsentationis cum sanctitate diei, affert per se gravissimam inordinationem, et novam in specie malitiam, sive aliam supponat, sive non. Præterquam quod illa repræsentatio posset alias supponi prohibita vel jure humano, vel etiam jure naturali, ac divino propter nimiam ejus turpitudinem: quare, si ultra hoc fieret in die Parasceves, haberet et malitiam gravem, quam in qualibet alia die: et indueret etiam circumstantiam irreligiositatis gravis contra sanctitatem diei. Nec ad id requiritur novum aliquod, aut positivum Ecclesiæ præceptum; sed sufficit Ecclesiam instituisse sacratissimum illum diem ad specialem commemorationem passionis, et mortis Domini: nam hoc supposito jus naturale, et divinum dictat illicita esse, quæ contra diei sanctitatem aguntur. Et quidem si in die speciali assignato, in quo aguntur exequiæ, sive com-

memoratio Regis defuncti, quis faceret agitari tauros, et comedias repræsentari, non levem irrogaret injuriam defuncto regi, nec immunis censeretur a læsæ Majestatis offensa. Cur ergo non idem consequenter dicemus, ubi similia sunt in die illa specialiter assignata ad recolendum Domini passionem, et mortem?

Nec in hoc sistimus, quin potius inde colligimus alia non absimilia. Primo idem dicendum esse de faciente repræsentare comedias, et alia ludica propria Bachanalium in quolibet die sacræ Hebdomadæ usque ab Sabbatum Sanctum. Secundo idem asserendum de illo, qui in die Parasceves patraret crimen aliis notorium, ut si per plateas sequeretur scortum, et aliis videntibus domum ejus post illam ingrederetur; si ea die inimicum in foro occideret; si per calles turpia cantaret, et similia. Sunt namque ista tam absona sanctitati diei, et tam contraria institutioni Ecclesiæ, et communitati fidelium in eo die celebrando, ut nesciamus illa purgare a gravi irreligiositate. Unde talia opera præter malitiam, quam ex objecto habent, contraherent aliam gravem, atque specialem contra sanctitatem diei, et omnia proinde deberent in confessione explicari. De aliis autem peccatis, vel alterius rationis, vel occultis, non idem audemus asserere quia non occurrit idem motivum. Nec idem dicimus de circumstantia aliorum dierum sacrorum, quantumvis solemnum, quoniam non reperimus eandem indecentiam, et contrarietatem quamvis graves Doctores apud Martinez loco citat. idem affirmant, si peccatum fiat in diebus Nativitatis, et Resurrectionis Domini.

175. Ad hanc etiam circumstantiam *quando*, sive temporis pertinet, quod quis immediate a celebratione Missæ, vel a suscepta sacra communione fornicetur, vel alia carnis peccata committat: est namque circumstantia addens peccato novam malitiam specie distinctam ob gravissimam irreverentiam in tantum sacrificium, et sacramentum, ut docent Lugo ubi supra, Dicastillo num. 733, N. Antonius disp. 8, sect. 6, num. 641, N. Franciscus loco citat. Emmanuel a Concept. disp. 3, quæst. 22, num. 591, et alii; nec ullum videmus, qui oppositum ausus fuerit asserere. Diximus *immediate*, quia absolute non est circums-

tantia varians speciem, quod quis in die, quo celebravit aut sacram Eucharistiam suscepit, fornicetur, etc. ut contra Medinam, et paucos alios tenent ceteri communiter, quos refert, et sequitur Leander ubi supra quæst. 4. Ubi enim interponitur notabilis mora, non committitur notabilis, et specialis irreverentia in sacramentum. Quanta vero debeat esse temporis distantia, haud facile est diffinire. N. Antonius loco citato assignat horæ quadrantem; sed nimis breve censemus, et aliorum iudicio remittimus.

Limitavimus etiam resolutionem *ad carnis peccata*: quia cetera et si forte quantum ad speciem graviora, ut perjurium, iudicium temerarium, odium proximi, etc. non afferunt tantam irreverentiam, et adeo fœdam contra sacramentum. Potestque id aliquomodo explicari, et confirmari exemplo: nam si confessarius immediate, aut proxime post confessionem sollicitat mulierem ad turpia, Iudices fidei illum cogunt ad abjurandum, vel de vehementi, vel de levi propter suspicionem, quam affert scelus huiusmodi: cum tamen ad id non compellant pro aliis peccatis immediate patris post confessionem, quamvis de se in gravitate maioribus. Adest itaque in peccato carnis specialis irreverentia contra Eucharistiam, intra sacramenta sacratissimum. Præsertim eo tempore, quo manet intra suscipientem, ut non immerito ad hunc finem possimus expendere verba Apostoli 1 ad Corinth. 6: *Nescitis quoniam corpora vestra membra sunt Christi. Tollens ergo membra Christi, faciam membra meretricis, absit. An nescitis quoniam, qui adhæret meretrici, unum corpus efficitur? Erunt enim (inquit) duo in carne una. Qui autem adhæret Domino unus spiritus est. Fugite fornicationem. Omne peccatum, quodcumque fecerit homo, extra corpus est: qui autem fornicatur, in corpus suum peccat.*

DUBIUM VI.

An peccata mortalia dubia necessario in confessione explicanda?

Ex dictis in hac disputatione, et præsertim in tribus dubiis immediate præcedentibus constat materiam necessariam huius Sacramenti esse omne post Baptismum

commissum peccatum mortale in specie, et numero, et circumstantiis mutantibus, sive addentibus speciem. Idque certum est apud catholicos, ubi certum pariter est hominem post baptismum peccasse mortaliter, et peccatum confessum non fuisse. At non semel contingit adesse huiusmodi certitudinem erga plura, aut saltem circa aliquod in quibus confitendi obligatio fundatur. Ut cum homo scit se aliquid fecisse, quod est objective malum, sed nescit an in eo, cum deliberatione processerit, et peccaverit: aut, si sciat se peccasse, sed ignoret an graviter, aut leviter, aut denique sciat se peccasse mortaliter, sed dubitet, an tale peccatum confessus fuerit. Est itaque difficultas an peccatum in aliquo ex prædictis sensibus dubium sit materia, quam homo necessario debeat exponere in confessione? Pro cuius convenienti resolutione

§ 1.

Aperitur proprius hujus quæstionis status.

176. Cum peccata mortalia dubia sint proprium præsentis difficultatis subjectum, nequit illa congrue expediri, quin prius declaremus, quid sit dubium, a quo peccata dubia vocantur: nisi enim subjectum determinetur, nequeunt in unum tendere argumenta, et responsiones pro una, et altera parte; sed collimantia in diversos scopos non aliud gignent, quam confusionem, et dubia circa ipsum dubium. Describit autem illud D. Thomas quæst. 14, de veritate art. 1, his verbis: « Quandoque intellectus noster non inclinatur magis ad unum, quam ad aliud: vel propter defectum moventium, sicut in illis proleumatibus, de quibus rationes non habemus: vel propter apparentem æqualitatem eorum, quæ movent ad utramque partem; et ista est dubitantis dispositio, qui fluctuat inter duas partes contradictionis. » Unde dubium proprie dictum contingit, quando intellectus attendens ad motiva hinc inde objecta ad asserendum, vel negandum aliquid, manet anceps, et suspensus nulli determinatæ parti assentiendo: quia nulla illum determinate trahit ad determinatum assensum. Quæ suspensio non est mera negatio, sed positiva intellectus attentio ad utrumque, et ad carentiam

carentiam excessus unius præ alio. Et contingit dupliciter. Primo, cum nullæ rationes ex parte extremorum occurrunt, quæ assensum extorqueant, vel ad assentiendum alliciant, ut si proponatur quod arenæ maris sunt pares: nihil enim occurrit ad ill magis asserendum, quam oppositum. Quocirca dubitandi genus vocatur satis communiter negativum, ob negationem scilicet motivi trahentis ad unum. Contingit secundo, quando pro una parte occurrit motivum quidem apparens probabile, et conforme regulis prudentiæ, quod de se invitatur ad assensum, sed tamen aliud ex parte opposita concurrens ejusdem probabilitatis, et ponderis, quod priori æquivalet, ejusque vires infringit, ne intellectum alliciat, vel rapiat: unde provenit hunc manere suspensum, atque inter utrumque fluctuantem: quod est dubium esse, et sub dubio relinqui. Idque frequenter accidit in probabilitate, quam vocant ab extrinseco: nam, si quis, v. g. opus habeat cognoscendi, utrum aliquis contractus sit usurarius, consulatque Doctores, et reperiat tres, qui id negent, motivum habet ad assentiendum rem esse licitam: sed, si occurrant alii tres ejusdem scientiæ pietatis, atque auctoritatis, qui oppositum affirmant, motivo præoccupatur evacuante vires prioris: sunt quippe æqualia, et se destruunt. Unde consequens est intellectum inter ea positum manere dubium, sive ancipitem, et ad nullam partem determinari. Qua de causa istud dubium solet positivum vocari, quia non fundatur in carentia motivorum: sed in eo, quod, licet multa, et positiva occurrunt, sunt æqualia, et intellectum suspendunt in æquilibrio. Vulgare quidem, et sensibile pro hoc declarando exemplum offert statera, quam duobus modis fluctuare, et tandem in æquilibrio manere videmus: nempe vel ubi nulli illius brachio imponitur pondus ad unam partem propellens; vel utrique imponitur, sed omnino æquale, et se invicem vincens, ut statera ad nullam inclinet partem, sed suspensa in æquilibrio vacillet. Primo explicatur dubium negativum, secundo positivum.

Inter illa vero adest notabilis differentia multum referens, in præsentī materia: nam dubium negativum, est mera ignorantia, et nescientia absque ullo rationabili

fundamento; atque ideo est dubium præcise physicum, non autem morale, et apud prudentes, est dubium, inquam, scrupulosorum, et stupidorum, qui trepidant ibi, ubi nulla occurrit ratio timendi, et omnia in dubium vocant sine motivo. Idque patet ipso exemplo, quo dubium negativum explicari solet, dubitanti scilicet, utrum arenæ maris sint pares. Nam, si quis interrogetur, an sint, respondere debet se nescire, non se dubitare; si enim id dicat, et rursum sciscitemur, quam habeat dubitandi rationem, nullam assignabit, nec assignare poterit: signum ergo est, tale dubium negativum non esse morale, sed irrationale, sive nulli rationi innitentem. Oppositum autem contingit in dubio positivo, sive fundato in motivis apparentibus, aut etiam probabilibus, æqualibus tamen, et se mutuo debilitantibus, atque intellectum in æquilibrio relinquentibus: quia licet ita dubitans habeat ignorantiam rei, de qua dubitat, hæc tamen ignorantia non est mera nescientia; sed adjunctas habet rationes prudentiales, quibus rem attingit, non quidem certe, et quiescendo; sed visu ancipiti, et fluctuando ad utramque partem. Quare hujusmodi morale, et prudentiale dubium non immerito a quibusdam mixtum vocatur, sive constans ex positivo, et negativo: quia negativum est quantum ad negationem assensus determinati; et positivum est quantum ad dubitandi fundamenta. Unde D. Thom. in 3, dist. 7, q. 1, art. 4, per positivum diffinit istud dubium dicens: «Esse motum rationis supra utramque partem contradictionis cum formidine determinandi alteram.» An autem dici debeat absolute positivum a fundamentis, an vero absolute negativum a negatione assensus, quæstio est ad voces pertinens, et parum referens: communior tamen usus obtinuisse videtur positivum absolute vocari, nec immerito, ad distinctionem videlicet alterius dubii nulli motivo innitentis, cui nomen genericum negationis, aut negativi ob summam speciei imperfectionemtribuendum est, sicut nomen animalis absolute dictum convenit brutis.

177. Hinc facile constat subjectum proprium præsentis difficultatis non esse peccata dubia dubio mere negativo: quia cum hujusmodi dubium in nullo fundetur motivo, tanquam prorsus irrationale contemni, et

nihili apud prudentes pendere debet. Idque prudens confessarius facile recognoscet, ubi ad se cum simili dubio accedentem interrogaverit, quare dubitet de peccato gravi admissio, vel quare dubitet de non confesso? Si namque nullam rationem assignare potuerit, ex hoc ipso convincitur dubium esse irrationale, et omnino propellendum: nec oportet super his audire non peccata, sed scrupulos, aut stultos scrupulorum timores. Quin addimus idem dicendum, ubi dubium provenit ab aliquo motivo, sed tamen levi: tum, quia ratio levis pro nulla reputatur. Tum, quia levia prudentes movere non debent. Tum, quia si semel admitteretur dubia ex motivis levibus inducere obligationem confitendi peccata sic dubia, latam sterneremus viam ad infinitos scrupulos nullis confessionibus extinguendos, vel terminandos. Quare a contrario sensu elicitur materiam præsentis difficultatis restringi ad peccata dubia dubio positivo fundato in motivis gravibus dubitandi: ut contingit, quando pœnitens prudenter dubitat an commiserit aliquid mortale: quia ex una parte gravi ratione ducitur ad id sibi persuadendum, et ut timeat; sed ex alia repræsenteretur æqualis ponderis motivum ad negandum, et non credendum. Unde provenit quod hæc perpendens, et a nullo motivo determinatus, licet utriusque vires cognoscens, maneat inter utramque partem suspensus, et sub dubio, metuque ab illo concepto perseveret. In hoc itaque sensu quæritur, an peccata mortalia dubia sint materia, quæ necessario explicari debeat in confessione.

Navarr.
Suar.
Sanchez.
Dicast.
Franc.
Prado.
Caram.

178. Et ut ad punctum specialius, et difficilius, magis expediti accedamus, præmittere oportet, quæ sunt faciliora, et communia. Hujusmodi censem eum, qui certo scit se aliquid mortale commisisse, et dubitat, an illud confessus fuerit, obligari ad ejus confessionem. Ita Navarrus, Suarez, Sanchez, Dicastillo, et alii communiter, quibus relatis subscribit N. Franciscus cap. 8, punct. 3, num. 34, Lugo disp. 16, sect. 2, num. 159, dicens omnes convenire in hoc supposito, Prado quæst. 84, dub. 4, § 2, num. 7, dicens hanc esse communem, et certam sententiam. Unde vel ipse Caramuel, qui in his rebus censetur aliis laxior, aut liberior, cum scivisset quosdam Jesuitas Viennæ defendisse the-

sim huic communi doctrinæ contrariam. et Caramuelem pro se allegasse, renuit palam, se excusavit, atque asseruit se aliter philosophari de dubio, aliter de peccato mortali certo, et dubia confessione ut videri potest in Theologia fundamentalis fund. 66, fol. 556, editionis tertiæ Lugduni. Ratio communis est: nam debito certo non fit satis per incertam, aut dubiam solutionem: sed per peccatum mortale certum contrahitur obligatio certa illud manifestandi in confessione, ut est fide sanctum: ergo huic obligationi non fit satis per incertam, aut dubiam confessionem: ergo, qui certo scit se commisisse peccatum mortale, et dubitat an illud confessus fuerit, manet sub obligatione illud confitendi.

Nec momenti erit si dicatur majorem solum verificari in foro externo, et quantum ad debitum ex contractu oneroso juxta voluntatem contrahentium, et volentium, quod non cesset obligatio solvendi, donec certo constet factam esse solutionem: et sic in foro externo compellitur homo ad certam solutionem, nec aliter extinguere debitum declaratur, licet nihil forte debeatur in re. Sed in foro conscientie aliter contingit: nam licet debitum a principio fuerit certum, si tamen postea superveniat invincibile dubium de solutione, non tenetur homo solvere, donec certo constet se non solvisse, ut docuit Joannes de Medina cod. de Restitutione quæst. 20. Idemque contingit in præsentī materia: nam licet, qui certo peccavit mortaliter, contraxerit debitum certum illud confitendi, nihilominus ubi postea dubitat, an illud confessus fuerit non tenetur ad confessionem, priusquam sibi certo constet illud confessum non fuisse. Sic discurrerant illi Viennenses. Et addit Caramuel casum videri impossibilem: nam dubium circa illum occurrens facillime, et quasi nullo negotio dissipatur. Si enim, sic dubitans solet bene confiteri judicare posse probabiliter se tale peccatum confessum fuisse: si autem assuetus est non bene confiteri, debet contra se judicare: et si in neutro consuetudinem habet, præsumendus est habuisse propositum bene confitendi. adhibuisseque sufficientem diligentiam. Esto tamen, addit ille, ea hypotesis admittatur, non propterea debet admitti obligatio statim confitendi: sed hæc ad aliud tempus, præsertim mor-

tis referenda est : nam durum apparet dubitantem de confesso peccato, ad confessionem ejus statim faciendam obstringere.

179. Hæc. inquam, subterfugia nullius momenti sunt. Et primum ex Viennensibus quantum ad discrimen inter iudicium in foro externo, et interno in ipsos regendum est : nam juxta communem sententiam, iudicium in foro externo, et iudicium in foro interno conformari debent, ubi est eadem præsumptio, sive ubi præsumptio fori externi non est falsa : hic autem utrobique occurrit vera præsumptio, nempe illum, qui certo debet non satisfacere obligationi, nisi certo constet de satisfactione : ergo si in foro externo obligatur ad satisfaciendum, idem in foro interno dicendum est. Nec Medina Complutensis docuit oppositum : quia non agebat de solutione dubia, sed probabili, quam habens potest solutionem suspendere, donec magis constet se non solvisse. Et si oppositum vellet nihil plane ageret contra communem sententiam asserentem certum de debito a se constricto, dubium autem de solutione debere integre solvere ut bene expendit Sanchez lib. 1, in Decal. cap. 10, n. 12. Et aliunde præ oculis haberi debet differentia inter tribunal forense, et tribunal confessionis, quod illud favet reo neganti debitum, cum ex vi illius absolutionem, et libertatem consequatur : sed in isto confessio prodest reo, estque illi favorabilior ad certe consequendum salutem.

In eo autem quod addit Caramuel rejiciendus omnino est, utpote pugnans contra evidentissimam experientiam quia non solum in idiotis, et rusticis, et scrupulosis istiusmodi dubium contigit, sed etiam in sapientibus, et serenæ conscientiae : recordantur enim non semel alicujus mortalis certo commissi, quin scire possint, an et quando, et quomodo illud in confessione manifestaverint : unde incidunt in hæc dubia, et ab illis non se expediunt, nec possunt ea facilitate, quam ille imaginatur satis diminute in suo discursu procedens. Nam præter personas assuetas ad bene confitendum, et personas assuetas ad male confitendum, occurrit tertium genus earum, quæ multas confessiones bene, et alias non bene, fecerunt. Quid istæ, ubi occurrit simile dubium, determinate præsumunt, et

pro se, aut contra se probabiliter sententiam dicunt juxta Caramuelis canonem?

Magis adhuc deficit in secundo additamento : quia modo non disputamus, an incidens dubium de confessione peccati certo commissi, teneatur illud statim confiteri (quæ est difficultas longe diversa), sed an maneat liber ab obligatione illud confitendi tempore debito, quodcumque illud sit : quare illud effugium nostram suppositionem non labefactat, sed Caramuel satis manifestat posse certam illius debiti solutionem differri usque ad periculum mortis, ne scilicet homo periculo se exponat æternæ damnationi ob non confessum forte peccatum. Sed cur non tenebitur illud manifestare tempore, quo impleri debet præceptum annuæ confessionis, cum tunc debeat confiteri omnia mortalia hactenus non confessæ? Cur non etiam cum suscepturus est Sacram Eucharistiam ; siquidem obligatur ante illam præmittere confessionem omnis peccati mortalis, cujus sit conscius? In præsentī autem casu supponitur illum scire se peccasse mortaliter, et nescire an tale peccatum confessus fuerit : unde satis se prodit inconsequens ac debilis discursus Caramuelis, et quorundam recentiorum illum imitantium : nam cum formident sisti ante tribunal Christi cum conscientia certa admissi peccati mortalis, et dubii de illius confessione, et propterea docent obligari in articulo mortis ad certam confessionem illius ; nihilominus non trepidant, nec horrent cum simili, et dubia conscientia accedere ad ipsum Christum, eumque suscipere in Sacramento Eucharistiæ. Longe melius discurrunt, qui ex diametro oppositi affirmant improbabile, quod aliquis in articulo mortis teneatur in confessione explicare, quod prius poterat licite in confessione tacere : similiter quod quis valeat aliqua peccata suppressere, quæ debeat aliquando manifestare : nam per se loquendo ubi manet obligatio aliquod peccatum confitendi, illud oportet manifestare in prima confessione, quæ fiat, ut integra materialiter et formaliter sit, sicut semper esse debet, nisi aliquod occurrat inconveniens deobligans pro tunc ab alicujus peccati manifestatione, ut infra dicemus dub. 7. Videantur Petrus de Ledsma de Pœnitentia, cap. 20, dub. 6, conclus. 4, et Prado in Theologia morali

cap. 1, quæst. 5, ubi recentiores eos, qui obligationem confitendi aliquid ad solum mortis articulum referunt, acriter refellunt.

Object. 2. 180. Sed oppones, commune motivum pro communi sententia propositum vel nihil, vel excessive probare : nam, si ad satisfaciendum obligationi certæ requiritur certa etiam satisfactio, et hac de causa, qui certus est de peccato mortali a se facto, et dubius de illius confessione, manet sub obligatione illud confitendi : sequitur idem dicendum esse de eo, qui in simili casu judicat probabiliter se confessum illud peccatum jam fuisse, atque ideo adhuc tenebitur illud confiteri. Consequens autem durum, et absurdum apparet : tum, quia licitum est sequi opinionem probabilem : ergo judicans probabiliter se jam confessum fuisse aliquod peccatum mortale certum, cujus recordatur, non tenetur illud confiteri. Tum, quia oppositum dicere gignit innumerabiles, et interminabiles scrupulos : nam cum raro possimus scire certo nos bene confessos esse (alias eadem certitudine sciremus nos esse in gratia) obligaremur ad repetitas eorundem peccatorum confessiones : quod est inconveniens, et aliter vitari non valet, quam sistendo in dictamine probabili, quod bene confessi fuerimus peccata : ergo, qui certus de lethali a se commissio incidit in dubium circa ejus confessionem, si probabiliter judicet se illud jam esse confessum, non tenetur illud confiteri, et contrarium asserere durum, et absurdum apparet. Et in id trahi valet doctrina Joannis de Medina proxime insinuata : quod certus de debito a se contracto, si judicet probabiliter se solvisse, non tenetur solvere, quousque de non solutione sibi certo constet.

Refellitur. Respondetur distinguendo sequelam, illamque admittendo de eo, qui se confessum fuisse illud peccatum judicat probabiliter probabilitate aliqua infima, levi, et non certa; sed negari debet de id judicante probabilitate certa. Consequentis autem improbatio materiam attingit hoc tempore multum controversam, an scilicet possimus licite, sequi opinionem probabilem relicta probabiliori. Quam ut externos omitamus, hinc inde oppositi agitarunt sapientissimi hujus Academiæ Magistri, et libris editis paucis ab hinc annis promoverunt

Ferre, tom. 2, in 1, 2, tract. de probabilitate opinionum, Tyrsus integro volumine de materia probabili, Fuentes in examine Theologico probabiliorismi, Lastra in explanatione propositionum damnatarum, in 1, cum sequentibus ex condemnatis ab Innocentio XI, Palanco in tractatu de conscientia, et plures alii in M. S. Nos vero illam illis, ut nunc nobis alienam relinquentes, extremis digitis attingemus, quæ præcise necessaria sunt ad diluendam propositam objectionem. Interim tamen insinuare sufficiat neutri nos opinioni, vel in genere affirmanti, vel in genere neganti subscribere : quia putamus licitum aliquando esse amplecti opinionem probabilem relicta probabiliori ; et illicitum aliquando esse probabilem sequi, probabiliori posthabita : idque regulandum fore juxta qualitatem materiæ, et circumstantiarum. Quod accuratiorem alias declarationem exposcit, et aliquam lucem ab expositione distinctionis, qua objectioni occurrimus.

181. Ad illam itaque regrediendo dicimus, quod ubi adest certitudo de mortali commissio, et occurrit dubium de ejus confessione, non sufficit quodlibet judicium probabile de confessione facta, ut dubitans deponat illud dubium, et immunem se faciat, aut judicet probabiliter ab obligatione confitendi tale peccatum. Quam partem ad minus docent Sotus in 4, distin. 18, quæstione 2, art. 4, Victoria in Summa, n. 130, Navarrus cap. 9, num. 14, Nugnus in addit. quæst. 9, art. 2, dub. 4, Paludanus, Ricardus, Salas, et Coninchus apud Leandrum disp. 6, quæst. 28. Et ratio desumitur satis perspicue ex prænotatis, et communiter admissis : non enim agimus de dubio negativo, sive absque motivis ; nec agimus de dubio positivo innitente levibus fundamentis, quæ tanquam scrupuli rejiciuntur : sed loquimur de dubio positivo rationali, quod oritur ex gravibus, sed oppositis motivis, quod contingere nequit, quin eorum quodlibet per se, et divisim sumptum sit grave, prudentiale et probabile ; sed quia concurrunt in præsentia alterius oppositi, habentis easdem condiciones, non determinat intellectum ad sui prosecutionem ; sed relinquit ancipitem, et dubium inter utramque partem, ut supra explicuimus. Unde supposita probabilitate aliqua circa confessionem, adhuc manet dubium

dubium circa obligationem confitendi, et non adest sufficiens probabilitas, ut excuset a confitendo. Præterquam quod, cum peccatum fuerit certum, et fundaverit certam confitendi obligationem; absurdum apparet, quod ab ea liberet quælibet probabilitas levis de confessione præmissa: sicut qui contraxit debitum pecuniarium certum, non absolvitur in foro externo per sola signa aliqua probabilia solutionis a se factæ; sed producere debet graviora fundamenta, ut liber a debito declaretur. Quam doctrinam urgender confirmat condemnatio duarum propositionum inter reprobata a SS. Innocentio XI. Quarum secunda in ordine erat: « Probabiliter existimo iudicem posse judicare juxta opinionem etiam minus probabilem. » Tertia erat: « Generatim dum probabiliter tale sive intrinseca, sive extrinseca, quantumvis tenui, modo a probabilitatis finibus non exeatur, confisi aliquid agimus, semper prudenter agimus. » Ex quibus efficax argumentum desumitur pro hac nostræ resolutionis parte: nam falsum est, quamlibet probabilitatem intrinsecam, aut extrinsecam quamvis levem, sufficere, ut prudenter agamus: ergo minus sufficit, ut certus de læthali a se commisso, et dubius circa ejus confessionem, prudenter agat deponendo tale dubium, et se judicando liberum ab obligatione illud confitendi. Deinde iudex nequit judicare juxta opinionem minus probabilem, sed tenetur judicare secundum probabiliorē: quare ubi debitum est certum, non potest declarare debitorem liberum ab obligatione solvendi, quamvis ille habeat pro se aliquam opinionem minus probabilem, si contra illum, et pro creditore adsint probabiliora motiva: ergo cum in casu proposito, qui certo peccavit mortaliter, sit eo ipso debitor illud confitendi, nequit ab hoc debito liberari per opinionem minus probabilem, quod illud confessus fuerit, si occurrat probabilius motivum in favorem præcepti: et cum ipse, qui peccavit sit in hac causa non solum reus, sed etiam iudex, qui debet tale debitum in foro conscientie decidere; stulte, imprudenter, et subinde peccaminose ageret, si in vicujuslibet probabilitatis de confessione a se facta, sententiam pro sua libertate ferret contra præceptum confessionis, quod in tali eventu habet creditoris rationem.

Confirmatur primo: nam in casu proposito ubi ex una parte excusante a confessione illius peccati, et ex alia parte obligante ad illud confitendam, occurrunt motiva æqualiter probabilia, perseverat dubium, et nequit illud homo deponere, et ab obligatione peccatum confitendi, illo perseverante excusari: nam licet probabile aliquod motivum suadeat peccatum jam fuisse confessum; occurrit tamen aliud oppositum æqualiter suadens, et prioris vires obruens, atque intellectum in æquilibrio, atque in eodem dubio relinquens: ergo idem a fortiori dicendum est, quando licet occurrat motivum probabiliter suadens hominem confessum fuisse peccatum, de cujus confessione dubitat; adest tamen aliud longe probabilius, quod dicat oppositum. Patet consequentia: nam si motivum probabile excusans vincitur per aliud motivum oppositum accusans æqualiter probabile, ita ut perseveret dubium, et obligatio confitendi; multo magis superabitur per motivum longe probabilius. Unde consequens est non quamlibet de facta confessione probabilitatem sufficere, ut homo prædictum dubiam deponat: et ab obligatione confitendi illud peccatum exolvatur. Confirmatur secundo: nam SS. Innocentius XI in decreto sæpius allegato damnavit sequentem propositionem (primam in ordine): « Non est illicitum in sacramentis conferendis sequi opinionem probabilem de valore sacramenti, relicta tutiori nisi id vetet lex, etc. » Ergo a contrario sensu debemus sequi tutiorem, relicta solum probabili: ergo, cum in casu proposito solum sit probabile, quod homo confessus fuerit peccatum; et tutum omnino sit positum in eo dubio illud confiteri; ad id tenebitur. Nec valet dicere in ea propositione sermonem fieri de conferentibus sacramenta, nempe de solis ministris, non autem de suscipientibus: nam hoc effugium præclusum est disp. præced. num. 52, ubi oppositum ostendimus. Fatemur tamen sincere, quod illa propositio magis respicit pertinentia immediate ad valorem sacramenti, ut sunt forma, et materia proxima; non autem peccatum certum, de cujus confessione dubitatur. Sed inde tamen sumitur a similitudine argumentum. Præsertim cum ille, qui dubitat de confessione peccati gravi, periculo se exponat irritandi sacra-

Confir-
matio 1Confir-
matio 2.Evasio
rejecitur.posi-
mes-
ma-
æ.atio
tax.

mentum, si peccatum grave, de cujus confessione dubitat omittat confiteri absque gravi fundamento dubium evacuantem; nam aliter se gerens peccat mortaliter, dum alia confitetur, illud subterfundo.

182. Ex quibus satis constat prima adhibitæ distinctionis pars, nempe non quamlibet probabilitatem sufficere, ut homo non obligetur confiteri illud peccatum mortale certum, de cujus confessione aliquando facta dubitat. Secunda vero illius distinctionis pars, videlicet posse dari tantam ac talem probabilitatem, ut a confitendo illud peccatum excuset, (quam damus Suario, Dianæ, Lugoni, Granados, et Fagundez, quibus relatis subscribit Leander loco citat. et N. Antonio disp. 5, sect. 2, n. 265) suadet illis probationibus, quibus consequens num. 180, deductum impugnatum fuit. Sed potest amplius explicari, atque suaderi; nam licet inter debitum certocontractum, et solutionem debeat dari proportio, et ideo debitum certum nequeat extinguere persolutionem dubiam: nihilominus non requiritur adæquatio inter certitudinem debiti, et certitudinem solutionis. Nam quantum ad contractionem debiti solent dari certitudo non solum moralis, sed metaphysica, ut patet in eo, qui cum plena advertentia furatur, vel hominem occidit: et tamen pro satisfactione quantum ad confessionem validam talis peccati non exigitur certitudo tanta, sed sufficit moralis, et juxta prudentum æstimationem. Nemo namque juxta communem providentiam scit certitudine metaphysica se valide confessum fuisse; cum dubitare possit tum de propria dispositione, tum de ordinatione, jurisdictione, et intentione ministri. Non itaque requiritur tanta certitudo, ut fiat satis debito confitendi peccatum mortale, in quod certo incidimus; sed sufficit alia inferior, fundata in eo, quod fecerimus, quod in nobis est juxta communes Ecclesiæ regulas, et praxim fidelium: quamvis alias non repugnet latere occultum aliquem defectum, ob quem confessio sit nulla coram Deo. Et hæc est communis apprehensio, et sententia prudentum judicantium in foro tam interno, quam externo: quippe non exposcunt evidencias, aut demonstrationes metaphysicas, sed moralem certitudinem in his, quæ versant, quantam scilicet admittunt humanus co-

gnoscendi modus et conditio negotiorum. Et hæc fundatur in mediis, sive argumentis, aut signis valde verosimilibus, probabilibus, et conformibus nostræ rationi: nam altiora, et evidentiora quærere pertinet ad metaphysicam certitudinem.

Ad rem igitur, ubi aliquis de præsentem meminit se certo commisisse unum aliquod mortale, et recordari non valet, quod illud aliquando confessus fuerit, inciditque proinde in dubium contra obligationem illud confitendi: dicimus posse contingere, quod habeat tam magnam probabilitatem de præmissa jam confessione, ut possit merito sibi persuadere se persolvisse illud debitum, et ad confessionem talis peccati non obligari. Ratio est; quia in tali casu possent proponi motiva ita æqualia, ut dubium fundent: vel ita inæqualia, ut motivum pro excusando novam confessionem sit leve, et minime sufficiens, ut homo dubium deponat; pariter poterunt ita occurrere, quod motivum excusans a nova confessione sit gravissimum, et oppositum, atque formidinem ex illo ortam plene obruat: ergo in tali casu potest homo dubium secure deponere, et deobligatum se censere a confitendo tale peccatum. Verbi gratia, recordatur quis cum omnimoda certitudine decem ab hinc annis se commisisse aliquod mortale, utputa pollutionem voluntariam: sed minime recordari valet, quod illud confessus fuerit, non enim meminit, quo anno, cum quo confessario, in quo loco, et qua occasione; unde anceps labitur in dubium de obligatione illud in confessione exponendi. Sed inter angustias reflectit, et advertit se toto illo tempore multas confessiones peregissee absque ullo conscientia remorsu de non confesso aliquo peccato: quin semel, aut bis confessum generaliter fuisse pro abundantiori satisfactione, ac securitate. Hinc argumentum sumit, ut sibi persuadeat de confessione facta satis peccati, et quidem efficacissimum in mundi æstimatione: nam incredibile apparet, quod illud peccatum tam certo cognitum non confessus fuerit, quia ea diligentia, et securitate conscientia toto eo tempore confessus fuit. Et sic respondebunt, quotquot prudentes ipse consulat. Idem itaque ipse sibi dubitans persuadere secure potest, et dubium procul expellere: habet namque summam probabilitatem

probabilitatem, et certitudinem moralem de satisfactione, sive solutione obligationis, quam confitendi illud peccatum certum aliquando contraxit : nec amplius ab eo exigendum est tam in decursu vitæ, quam in articulo mortis. Et idem dicimus in aliis dubiis similibus, ubi similis certa ratio illa deponendi occurrat. Majus quid, et longe majus addit Tyrsus disp. 40, de pœnitentia, sect. 6, num. 56, affirmans certissimum esse eum, qui in ingressu Religionis fecit confessionem generalem, non habere obligationem confitendi peccatum in vita sæculari commissum, ex eo, quod modo non reminiscatur, an de illo se accusaverit tunc : nam potest, ac debet sibi prudenter persuadere illud sibi tunc occurrisse, quamvis ipse nunc non recordetur. Quam tamen regulam non penitus probamus : tum quia non audemus dicere id esse certissimum : tum quia non majorem certitudinem habuerimus ex confessione generali facta in ingressu religionis, quam si fiat a sæcularibus in aliis vitæ occasionibus, puta pro suscipiendo ordinem sacerdotii. Tum, quia licet in Religionis ingressu, potest fieri negligenter, et cum plurimis ignorantibus, quis religiosus dum decursu temporis deponit, in gravia dubia recadat circa exactam omnium peccatorum confessionem, ut experientia liquet. Ergo non possumus liberum ab illa obligatione censere omnem illum, qui in ingressu Religionis fecit confessionem generalem ; sed magis attendere oportet ad regulam, et distinctionem supra adhibitam. Poterit tamen Tyrsi resolutio deservire scrupulosis, et congruæ illorum directioni adaptari.

183. His utcumque superatis (quæ ex dicendis robor, et lucem accipient) major difficultas occurrit in dubio erga ipsum peccatum. Quod dubium obserant communiter Doctores aliquando esse de facto, et aliquando de jure. Primum notant, cum quis scit se aliquod de se peccaminosum egisse, sed dubitat, an in eo peccaverit, vel ob habitum, vel non habitum advertentiam. Secundum dicunt, cum, quis scit se peccasse, sed dubitat, an mortaliter, aut venialiter. Sed quamvis hæc alias vera sint, et non inutilia ; pro conditione tamen præsentis materiæ parum referunt : nam utrolibet modo dubium contingat, eadem

occurrit difficultas, nempe an sit de necessitate in confessione exponendum. Claritatis tamen gratia, et ne varios terminos inculcemus, aptius est difficultatem tractare in secundo sensu, an scilicet detur obligatio confitendi illa peccata, quæ scimus peccata fuisse, sed dubitamus, an fuisse gravia. Et sermo est de dubio, non negativo, irrationali, aut scrupuloso ; sed de dubio positivo orto ex gravi, et prudenti motivo timendi, quod fuerint mortalia, ut num. 173 observavimus. In hoc itaque sensu quæstionis titulo respondente,

§ II.

Communis sententia diversis motivis suadetur.

184. Dicendum est dubitantem, an peccatum mortale commiserit, debere illud ut dubium confiteri, vel suum dubium in confessione manifestare. Ita D. Thomas in D. Thom. 4, dist. 21, art. 3, ad 3, his verbis : « Dicendum, quod quando aliquis dubitat de « aliquo peccato, an sit mortale, tenetur « illud confiteri dubitatione manifestata : « quia qui aliquid commisit, vel omittit, in « quo dubitat esse mortale peccatum, peccat mortaliter discrimini se committens. « Et similiter periculo se committit, qui de « hoc, quod dubitat esse mortale, negligit « confiteri. Non tamen tenetur asserere « illud esse mortale ; sed cum dubitatione « loqui, et iudicium sacerdotis expectare, « cujus est discernere inter lepram, et « lepram. » Et idem statuunt alii Doctores, et Scriptores, ut propterea superfluum sit illos recensere : quotquot enim rem versarunt, sic palam sentiunt, exceptis paucis admodum Recentioribus, et non magni nominis, vel auctoritatis, quos dabimus nu. 195. Videatur Sanchez lib. 1 Sum. Sanch. cap. 10, num. 66, referens quadraginta Doctores, et dicens rem esse certissimam, Diana, (qui cuncta probabilia sustinere Diana. solet) 4, part. tract. 3, resolut. et part. 6, tract. 6, resolut. 32, plures alios referens, et oppositam sententiam censens improbabilem. Leander etiam in eligendis sentiis minime scrupulosus disp. 5, quæst. 25, multos pro hac assertionem affert dicens esse certissimam. Dicastillo disp. 9, dub. Dicast. 7, num. 278, observat hunc videri sensum

Prado. communem Ecclesiæ; et sine ullo fundamento oppositum affirmari. Prado quæst. 84, dub. 4, § 3, num. 17, dicit hunc esse usum totius Ecclesiæ: quod prius dixerat Diana tom. 10, tract. 2, resolut. 2. Denique ex nostris idem docent Philippus a Trinitate, Gabriel a S. Vincentio, Urbanus, Stephanus a S. Paulo, et Franciscus Bonæ Spei, quibus relatis subscribit N. Franciscus cap. 8, part. 3, num. 35, ubi docet id esse constanter asserendum.

Philipp.
Gabriel.
Urban.
Stephan.
N. Fran.

Ratio. Ex quibus sumitur primum, et satis urgens pro nostra assertionem fundamentum: nam omnes facile intelligimus, et supponimus Deum potuisse sua lege comprehendere peccata dubia, ut essent materia in confessione necessario explicanda. potuisse etiam ab ea lege, et obligatione excludere dubia determinando sola mortalia certa fore necessario explicanda; et si unum horum nobis evidenter constaret, quæstio præsens de medio tolleretur, et legi certo cognitæ standum esset; sed ubi de sensu legis, et de ejus extensione ad hæc peccata dubia, difficultas aliqua occurrat, nullum aptius medium excogitare, aut consulere possumus, quam Ecclesiæ praxim, et usum: quippe optimus legum interpret est consuetudo, sive modus, quo ab omnibus intellectæ, atque exercitæ sunt, et praxim habuerunt in Ecclesia Catholica. Ex quo principio frequenter arma satis valida depromuntur ad propugnandum contra hæreticos ritus, cæremonias, et alia ejusmodi. Constat autem, Adversariis non negantibus, universalem esse fidelium sensum, et praxim, cujus initium ignoratur, peccata dubia eo modo, quo habentur in conscientia, exponere in confessione, ut liquet ex communi testimonio Doctorum: et eadem certitudine constat solum paucis ab hinc annis ab uno, sive altero Recentiore, et non multæ auctoritatis rem adeo certam fuisse in controversiam vocatam, reclamante communitate Theologorum, Juristarum, et Summistarum. Ergo ubi hæc talis qualis difficultas circa intelligentiam legis obligantis ad confessionem occurrit, censere omnino debemus se extendere ad peccata dubia juxta communem usum, et praxim Ecclesiæ.

Evasio.

185. Nec momenti est quod respondet Caramuel frequenter contingere, quod in sententiis communibus reperiantur erro-

res, et hallucinationes: nam quod multi dicant, pauci, ut par erat, ad examinis incudem vocant: unde non semel decipimur subscribendo inconsiderate hominum doctrinis. Quare ex præmisso motivo nihil evincitur. Esto tamen, addit, quod communi sententiæ relinquitur sua auctoritas; tanta nihilominus deferri non debet, ut oppositam sententiam obruat, quamvis paucorum sit, aut singularis. Id, inquam, minime satisfacit: nam in primis hæc responsio non illam reverentiam observat, quam debemus communi, et antiquæ doctrinæ, juxta illud Jerem. 16: *Stat super vias, et videte, et interrogate de semitis antiquis, quæ sit via bona, et ambulate in ea.* Aliunde vero robur præmissi motivi non innititur solitarie communi Doctorum placito (quod alias solet sufficientes vires habere) sed multo magis stat in communi fidelium praxi, de qua certo constat per testimonia Doctorum veterum, et modernorum, illam ut indubitatam asserentiam, et supponentiam. Qui arguendi locus efficacissimus est, eoque frequenter utuntur catholici contra hæreticos pro tuendis Ecclesiasticis traditionibus. Unde in hac eadem materia, quam versamus, insignis Martyr Roffensis, art. 8, contra Lutherum dixit: « Opinor neminem usque adeo cœcum, et insanum esse, ut « ob unius Lutheri sententiam, velit tanto « discrimini se ipsum exponere, quatenus « ea peccata. quæ vel norit, vel dubitat « esse lethalia, sacerdoti non aperiat. » Quod addit vero Caramuel, solum evincit non implicare, quod aliqua opinio singularis, et contra communem sententiam in aliquo puncto morali obscuro sit probabilis. Quod concedimus cum Bannez 2, 2, quæst. 62, art. 5, dub. 4, ad 1, Tapia tom. 1, lib. 1, qu. 8, art. 11, et alii: quippe non repugnat, quod viro docto occurrat urgentior ratio ad opinandum contra communem. Sed raro id continget, ubi sententia est non solum communis. sed firmata usu Ecclesiæ, et praxi fidelium, ut in materia præsentis contingit. Hæc namque communis consuetudo melius explicat legem obligantem ad confessionem peccatorum, quam cujuslibet particularis Auctoris subtilis, aut nervosa argumentatio. Nec illæ, quas ponderant pauci Moderni tanti ponderis sunt, ut non facile

Expli-
tur
Evasi

Jere-
16.

Roffen-
sis
Martyr

facile dissipentur, sicut a num. citato constabit.

Confirmatur explicando amplius vim propositi fundamenti : quia modo non disputamus, utrum occurrente dubio circa qualitatem peccati, an scilicet fuerit mortale, vel tantum veniale, possit etiam occurrere motivum tam rationabile, et probabile, ut homo queat sibi prudenter persuadere illud non fuisse mortale, et dubium a se propellere : id enim aperte concedimus fieri posse, in sensu tamen, et cum limitationibus a num. 181 propositis. Sed cardo difficultatis stat in eo, an perseverante dubio circa gravitatem peccati, ita quod tale dubium, nec probabiliter antecedenter ad aliam consultationem excludatur ; possit quis prudenter agendo (sicut ad vitandum novum peccatum requiritur) excusari ab obligatione illud confitendi, sive quaerendi remedium per confessionem. Affirmant pauci Moderni : negant communiter omnes antiquiores, et recentiores. Sentimus itaque factis his suppositionibus hominem obligari in conscientia ad parendum his, et non posse tuto illorum consilium sequi. Res autem exemplo declarari valet : demus enim Petrum corporaliter infirmari aliquo morbo, de quo dubitat, an sit mortalis, et pro quo cavendo opus sit remedium arduum admittere. Advocat, et consulit in hac perplexitate medicos. Stant ab una parte omnes antiqui, et moderni sapientissimi, atque exercitati cum suo Principe, vel ab inferis suscitato Hippocrate, aut Galeno : et omnes hi conveniunt in eo, quod res est dubia, et periculosa, et exigens illud remedium. Sed ab alia parte prodeunt duo, aut tres medici, vel chimici inferioris longe auctoritatis, et sapientiae, qui paucis ab hinc diebus erant ignoti : et hi affirmant morbum quidem esse dubium, et non indigere illa medicina, sed provideri debere. Quid aget dubius ? Nemo negabit prudenter agere, et in re tanti momenti debere agere, quod consulit communis, et concursus medicorum sapientissimorum veterum, et modernorum sententia. E converso imprudentissime acturum, et subinde peccaturum, si illa postposita sequatur illos paucos medicos recentes, ac minus doctos, et remedium certum omittat cum periculo vitae temporalis. Si ergo hæc in corporalis morbi dubio ita contingunt,

cur non in spirituali ? Dubium est, et manet, an ille sit mortalis, vel levis : et consulitur de remedio. Ab una parte occurrunt communiter omnes Theologi, et Summistæ, et cum suo Principe D. Thoma, viri in hac facultate eminentes S. Antoninus, Sylvester, Suarez, Navarrus, Sanch. etc. Et hi omnes una voce affirmant remedium aliud in ea infirmitate non esse, quam confiteri mortale dubium, ut dubium, sed emergunt ab alia parte pauci admodum recentiores, et inferioris subsellii, Caramuel. Præpositus, Martinonus, et dicunt morbum non esse periculosum, nec exposcere arduum confessionis remedium : sed posse curari arbitrio infirmi sibi persuadentis nihil mortale in se sic dubitante latere, vel si lateat, posse usque ad confessionem in morte faciendam differri. Quis inter agmina tam diversa positus deseret veteranos, probatos, et strenuos, qui remedium securum consulunt, ut manus det tyronibus promittentibus incerta ? Nemo prudens id probabit, præsertim cum non pauca alia Caramuelis hujus classis antesignani Ecclesia reprobet in propositionibus per Alexandr. VII, et Innoc. XI, proscriptis, ut patet in propos. 24 et 25, ex damnatis ab Alexand. et in 48, et 49, ex damnatis ab Innocent. ut alias interim omittamus. Facta ergo præmissa comparatione, et recte comprehensa inæqualitate extremorum nemo potest prudenter dubium præsuppositum deponere, et se judicare liberum ab obligatione illud confitendi : atque ideo ab auctoritate communis sententiæ recte colligitur peccata mortalia dubia debere in confessione explicari, nihil ad oppositum referente illorum recentiorum iudicium.

186. Secundum ejusdem veritatis fundamentum stat in doctrina Conc. Tridentini, et quod licet nostram assertionem non diffinierit, illi nihilominus tam aperte favet, ut ex eo efficaciter colligatur. Quod ut evidentius demonstretur, transcribendum est totum fere c. 5, ex sess. 14, sic enim integer sensus constabit, et sub oculis simul habebimus Concilii propositiones, ex quibus consequentiæ pro una, aut altera parte legitime, aut illegitime, ut prudens lector censeat, colligantur. « Constat enim sacer-
« dotes iudicium hoc incognita causa exer-
« cere non potuisse, neque æquitatem qui-
« dem illos in penis injungendis servare

Funda-
mentum
ex
Concil.
Trid.

Concil.
Trid.

« potuisse, si in genere dumtaxat, et non
 « in specie ac sigillatim sua ipsi peccata
 « declarassent. Ex his colligitur oportere
 « a pœnitentibus omnia peccata mortalia,
 « quorum post diligentem sui discussionem
 « conscientiam habent, in confessione re-
 « censi, etiam si occultissima illa sint,
 « et tantum adversus duo ultima Decalogi
 « prœcepta commissa, quæ nonnunquam
 « animum gravius sauciant, et periculo-
 « siora sunt his, quæ in manifesto admit-
 « tuntur. Nam venialia, quibus a gratia
 « Dei non excludimur, et in quæ frequen-
 « tius labimur, quamquam recte, et utili-
 « ter, citraque omnem præsumptionem in
 « confessione dicantur, quod piorum homi-
 « num usus demonstrat, taceri tamen citra
 « culpam, multisque aliis remediis expiari
 « possunt. Verum cum universa peccata
 « mortalia, etiam cogitationis homines iræ
 « filios, et Dei inimicos reddant, necessum
 « est omnium etiam veniam cum aperta,
 « et verecunda confessione a Deo quærere.
 « Itaque dum omnia, quæ memoriæ occur-
 « runt peccata, Christi fideles confiteri stu-
 « dent, proculdubio omnia divinæ miseri-
 « cordiæ ignoscenda exponunt: qui vero
 « secus faciunt, et scienter aliqua retinent,
 « nihil divinæ bonitati per sacerdotem
 « remittendum proponunt. Si enim eru-
 « bescat ægrotus vulnus medico detegere,
 « quod ignorat medicus non curat. Colligi-
 « tur præterea etiam eas circumstantias in
 « confessione explicandas esse, quæ speciem
 « peccati mutant, quod sine illis peccata
 « ipsa neque a pœnitentibus integre expo-
 « nantur, neque iudicibus innotescant:
 « et fieri nequeat, ut de gravitate crimi-
 « num recte censere possint, et pœnam,
 « quam oportet, pro illis pœnitentibus im-
 « ponere. Unde alienum a ratione est docere
 « circumstantias has ab hominibus otiosis
 « excogitatas fuisse, aut unam tantum
 « circumstantiam confitendam esse, nempe
 « peccasse in fratrem. Sed et impium
 « est confessionem, quæ hac ratione fieri
 « præcipitur, impossibile dicere, aut
 « carnificinam illam conscientiarum ap-
 « pellare. Constat enim nihil aliud in
 « Ecclesia a pœnitentibus exigi, quam ut
 « postquam diligentius se excusserit, et
 « conscientiæ suæ sinus omnes, et late-
 « bras exploraverit, ea peccata confitea-
 « tur, quibus se Dominum, et Deum suum

« mortaliter offendisse meminerit: reliqua
 « autem peccata, quæ diligenter cogitanti
 « non occurrunt, in universum eadem con-
 « fessione inclusa esse intelliguntur: pro
 « quibus fideliter cum Propheta dicemus.
 « Ab occultis meis mundame Domine, etc.»

187. Hæc omnia Concilium, in quibus
 plura occurrunt pro communi assertionem:
 nam in primis ex toto contextu liquet
 « sola peccata venialia excipi ab obliga-
 « tione confessionis, » atque ideo includi
 in ea obligatione omnia alia peccata, quæ
 venialia non sunt. Ut enim in proverbii
 est apud Juristas, exclusio unius est inclusio
 alterius; sed peccatum mortale dubium
 non est veniale: ergo inclusum manet in
 generali obligatione confessionis, quam
 ibi statuit Concilium. Nec momenti erit, si
 dicatur Concilium non exclusisse circum-
 stantias notabiliter aggravantes intra spe-
 ciem: et tamen non est obligatio illas
 confitendi, ut dub. 4 statuimus; ergo fal-
 sum est Concilium sola venialia ab obliga-
 tione confessionis exclusisse: et falsum
 etiam est, quod a non exclusionem morta-
 lium dubiorum recolligatur eorum inclu-
 sio. Nam contra hoc est, tum circumstan-
 tias non esse, nec dici peccatum. Tum
 etiam, quia Concilium expresse dixit ex
 circumstantiis illas confiteri debere, quæ
 speciem peccati mutant; per quod non
 obscure exclusit illas, quæ non mutant
 speciem. At Concilium dixit confitenda
 esse peccata, excludendo præcise venialia,
 atque ideo comprehendit in ea obligatio-
 nem omne peccatum, de quo non constat
 esse tantum veniale. Comprehendit igitur
 peccatum mortale dubium.

Præterea Concilium docet hominem de-
 bere « confiteri omnia peccata mortalia,
 « quorum post diligentem sui discussionem
 « conscientiam habent: » sed homo post
 diligentem sui discussionem solet habere
 conscientiam aliquorum mortalium, ut cum
 post longum examen incidit in dubium
 circa aliqua mortalia, et minime potest
 certificari, quod mortalia non fuerint: ergo
 ex Concilii sententia debet illa confiteri.
 Nec valet dicere conscientiam non esse
 peccatorum dubiorum: quia conscientia
 est scientia cordis juxta D. Bernardum in
 opusc. de conscientia, cap. 8; ubi autem
 adest dubium, non datur scientia, ac proinde
 nec conscientia. Id inquam nihil valet
 ad

Evasio-
 ni occu-
 ritur.

Eniug-
 exclus.

ad obnubilandum Concilii mentem, et verba : quia conscientia in usu Patrum, et Theologorum non importat determinate scientiam proprie dictam, quæ est notitia clara, et certa rei per causam ; sed longius se extendens ambit quamlibet cordis cogitationem, et in eo sensu loquitur D. Bernardus. Unde solemne est apud Theologos tam speculativos, quam practicos conscientiam dividi in certam, probabilem, dubiam, erroneam, etc. atque omnia hæc participare unum, et communem conceptum conscientiæ : ergo conscientia dubia est vere conscientia : et consequenter verificatur in peccatis dubiis, quod ait Concilium : « Quorum post diligentem sui discussionem conscientiam habent : » atque ideo sine fundamento extraherentur ab obligatione, quam Concilium declarat illa in confessione explicandi. Eo vel maxime, quod Concilium apertissime manifestat, quid intellexerit per ly, « Quorum conscientiam habent, » dum hæc contraposuit solis, et omnibus peccatis incognitis, oblitis, et cogitationi non occurrentibus, ut liquet ex ultimis verbis : « Reliqua autem peccata, quæ diligenter cogitanti non occurrunt, etc. » quæ minime adaptari queunt peccatis mortalibus dubiis : hæc enim vere cogitanti occurrunt, et inde habent causare remorsum conscientiæ, ut ipsa experientia liquet. Ergo vere continentur sub illis, de quibus Concilium dicit haberi conscientiam, et debere recenseri in confessione. Et quod de conscientia dictum est, applicari (ut tacitum effugium præcludatur) debet etiam memoriæ : nam peccata dubia memoriæ, sicut et cogitationi, et conscientiæ occurrunt, non quidem certe, et scientifice, sed sub dubio de gravitate.

183. Ulterius, cum Concilium docet peccata venialia non esse necessario confitenda, debere autem confiteri omnia mortalia, eam hujus differentiæ ratione assignat, quod « cum universa peccata mortalia homines iræ filios, et Dei inimicos reddant, necessum est omnium etiam veniam cum aperta, et verecunda confessione a Deo quærere. » Et statim declarat hanc veniam vere quæri : quando fideles omnia hujusmodi in confessione exponunt, nulla scienter retinendo. Quæ doctrina, et discursus locum etiam habent in quolibet peccato mortali dubio : nam contingens est,

quod vere et verum sit coram Deo ; unde qui dubitans non curat illud confiteri, periculo se exponit manendi in statu, in quo sit iræ filius, et Dei inimicus ; nec aliter veniam invenire, aut quærere potest, quam per veram, et verecundam sui dubii confessionem ; minime vero, ubi illud scienter retinet. Et parvipendi omnino debet objectio Caramuelis, qui ut hujus testimonii vires elideret, opposuit Concilium loqui de aperta confessione ; quod minime verificari valet de confessione dubia. Id enim efficaciter refellitur : quia non solum aperta, sed magis aperta est confessio in qua non solum manifestantur peccata mortalia certa, sed illa etiam, de quibus est dubium : sicut aperta, et magis aperta est confessio, in qua pœnitens recenset non solum peccata externa aliis manifesta, sed etiam interna soli sibi nota. Ergo ab hac parte labefactari non valet motivum ex Concilio desumptum. Quin potius arguendum est, quod sicut Concilium probat necessitatem confitendi peccata occulta, quia hæc aliquando gravius animam sauciant, quam externa ; cum confusio ab his orta magis excitat ad emendationem : ita etiam probatur necessitas confitendi peccata dubia, quia periculosissima sint ; cum ex una parte, si vere mortalia sint coram Deo constituent hominem iræ filium, et Dei inimicum ; et ex alia parte, cum dubia apud hominem sint, non ita excitant, sicut certa, ad sui detestationem, et odium, et ad quærendam veram medicinam per Confessionem sacramentalem.

Ad hæc : Concilium probat necessitatem confitendi omnia mortalia sacerdoti, quia ex opposito sacerdos, qui in hoc Sacramento gerit munera, et medici, et judicis, non posset illa convenienter obire, applicando congruam medicinam ad præcavendum futura peccata, et justam satisfactionem pro diluendis præteritis. Quod patet ex illis verbis : « Qui scienter aliqua retinent, nihil divinæ bonitati per sacerdotem remittendum proponunt. Si enim erubescat ægrotus vulnus medico detegere, quod ignorat, medicina non curat. » et illis : « Et constat sacerdotes judicium hoc, incognita causa exercere non potuisse ; neque aequitatem quidem illos in pœnis injungendis servare potuisse, si in genere dumtaxat, et non potius in

« specie, ac sigillatim sua ipsi peccata de-
« clarassent. » Quæ motiva etiam militent
in peccato mortali dubio: nam licet dubium
sit de gravitate, adest certitudo de eo, quod
peccatum sit, et non semel de eo, quod
periculum afferat inducendi in mortale
certum. Ergo opus est illud exponere con-
fessario, ut possit convenientem medicinam
adhibere, et opportunam pro culpa satis-
factionem imponere. Quæ omnia a se
expellit pœnitens, cum scienter retinet, et
subticit mortalia dubia. Et minime audiri
debet Caramuel, qui hoc ipsum telum,
velut in nos retorquens vim facit in illis
verbis Concilii: « Sacerdotes iudicium hoc,
« incognita causa, exercere non potuisse. »
Et in illis: « Neque aquitatem in pœnis
« injungendis servare potuisse. » Quæ mi-
nime, inquit ille, in confessione morta-
lium dubiorum locum habent: quia con-
fessio, et causa dubia non est causa cognita:
et æquitas non permittit, quod pro incerto
peccato detur pœnitentia certa. In his,
inquam, audiendus non est, quia verba
sunt solido destituta fundamento: nam
ubi quis confitetur mortale dubium, causa
cognita est, non quidem ut certa, sed ut
dubia, sicut etiam sæpe contingit in foro
externo: et utilissimum est causam sub
dubio proponere, et iudicium, inquit D.
Thom. num. 184 relatus: « Iudicium sacer-
« dotis expectare, cujus est discernere inter
« lepram, et lepram. » Aliunde vero æqui-
tas (qua voce, non autem rigorosæ justitiæ,
non mathematicæ æqualitatis utitur Con-
cilium) servari potest in injungendo ali-
quam penam pro peccato, quod certo constat
peccatum esse, licet dubium de gravitate.

Idque magis perspicuum fit descendendo
ad exemplum aliquod in praxi: demus
hæc ex frequenti conversatione cum
muliere reportare frequens dubium de
peccato mortali, quia scit se in ea conver-
satione minusculte se gessisse in loquendo,
in inspiciendo, etc. atque ideo se peccasse
aliquando contra castitatem: sed motivis
inde hinc propensis minime certificare se
potest, quod peccaverit venialiter tantum,
cum materia fuerit adeo lubrica; nec etiam,
quod peccaverit mortaliter, quia scit se non
habuisse consensum expressum in ullam
delectationem morosam; an vero habuerit
implicitum ex vi modi se gerendi, minime
potest determinare. In hoc casu posse juxta

Caramuelis sententiam illud dubium ad
Tribunal confessionis non deferre, et se
conservare sub illo dubio. In quo ipso
gerendi modo, præterquam quod se expo-
neret periculo manendi in peccato mortali,
quod forte admisit, ille se constituit judi-
cem in propria causa, et pariter medicum
in eo salutis discrimine, quorum judicia,
ubi in se exercentur, suspecta communi-
ter sunt. At ubi ad confessarium accedit,
et ulcus detegit, ibi remedium, ibi pœnam
suæ culpæ secure reperit. Nam confessarius
cognita causa iudicabit rem esse quidem
dubiam, sed tamen graviter periculosam,
et dignam remedio. Monebit itaque, ut
medicus, ut eam conversationem non repe-
tat: obligabit etiam ut iudex ad aliquam
pœnitentiam ex æquitate arbitriariam, et
præsertim medicinalem ad vitandum peri-
culum incidendi in similia dubia, ut quod
per spatium talis temporis eam mulierem
non alloquatur: denique adhibito aliquo
alio peccato certo pœnitentem absolvet.
Ecce dari in hoc procedendi modo omnes
fines, et congruentias, pro quibus docet
Concilium Trident. hominem obligari ad
confitendum omnia mortalia: atque ideo
merito censeri, quod etiam dubia fuerint ab
illo comprehensa.

189. Tertium fundamentum nostræ asser-
tionis desumptum ex D. Thom. loco citato
potest ita expendi: omnis homo conscius
peccati mortalis dubii tenetur proponere
illud confessori: ergo datur obligatio con-
fitendi peccata mortalia dubia. Consequen-
tia patet; quia nemo tenetur ad proponen-
dum facere id, de quo faciendum non est
obligatio: qua ratione, quia non est obli-
gatio confitendi peccata venialia, non tene-
mur proponere illorum confessionem: ergo
si tenemur proponere confessionem morta-
lium dubiorum, sub obligatione cadit
illorum confessio. Antecedens autem sua-
detur: nam conscius peccati mortalis dubii
tenetur de illo conteri in articulo mortis:
aliter enim se gerens manifesto se periculo
exponit damnationis æternæ: quippe con-
tingens est illud peccatum, de cuius gravi-
tate dubitat, esse certe mortale coram Deo,
quod si non confessione, saltem contritione
delendum sit. Omnis autem vera contritio
de peccatis in lege gratiæ includit ordinem
ad claves, sive votum omnia mortalia illis
subjiciendi: ergo homo conscius peccati
mortalis

mortalis dubii tenetur proponere illud confiteri.

ratio
versa
dum

Respondent adversarii negando antecedens. Et occurrentes ejus probationi dividuntur: nam quidam recognoscunt, quod homo dubitans de gravitate peccati a se commissi tenetur de illo conteri saltem in articulo mortis. Et hi concessa majori negant minorem: quia licet per se loquendo, et quando de peccato constat, teneatur homo illud confiteri, atque ideo proponere ejus confessionem, sive conteri cum voto confessionis: nihilominus per accidens, et ubi de peccato non constat, potest oppositum contingere, nempe dari contritionem absque illo proposito, aut voto. Rationem autem disparitatis assignant, quod extra Sacramentum nemo justificatur a peccato sine contritione: sed, ut justificetur, non eget confessione in re, atque ideo nec proposito illam aliquando faciendi: præsertim cum non obligemur ad confitendum, nisi certo, et clare constet de peccato. Alii autem, et præsertim Caramuel negant majorem: quia sentiunt hominem non obligari ad conterendum de peccato dubio; eo quod possit per alia media, et independentes a contritione justificari, etiam in articulo mortis. Primo, si confiteatur alia peccata, de quibus est certus: tunc enim ad directam horum remissionem remittitur indirecte illud, de quo est dubium; licet in confessione non exponatur. Secundo, si recipiat alia Sacramenta, v. g. Eucharistiam, aut Extremam unctionem: nam conferunt saltem per accidens primam gratiam, quæ est impossibilis cum omni, et quolibet peccato mortali, atque ideo expellit etiam illud, de quo est dubium. Unde pro hujus remissione non requiritur ejus confessio, nec contritio.

ici-
r
sio.

190. Sed hæc responsio, sive huic sive alteri dicendi modo innitatur, minime satisfacit. Et pro ejus eversione præ oculis haberi debet doctrina Concilii Trident. sess. 14, cap. 4, nam in primis ait: « Fuit autem quovis tempore ad impetrandum veniam peccatorum hic contritionis motus necessarius: et in homine post baptismum lapso ita demum præparat ad remissionem peccatorum, si cum fiducia divinæ misericordiæ, et cum voto præstandi reliqua, quæ ad rite suscipiendum hoc Sacramentum (videlicet pœnitentiæ) requiruntur. »

Inter quæ certum est censeri confessionem, partem ejus essentialem. Deinde subjungit: « Docet præterea etsi contritionem hanc aliquando charitate perfectam esse contingat, hominemque Deo reconciliare, priusquam hoc Sacramentum actu suscipiatur, ipsam nihilominus reconciliatio-nem, ipsi contritioni sine Sacramenti voto (quod in ea includitur) non esse adscribendam. » Ex quibus reintegratur propositum fundamentum, evertendo simul utrumque dicendi modum: quia nullum peccatum mortale post baptismum commissum remittitur, nisi per sacramentum pœnitentiæ in re, vel sine contritione, aut dolore includente votum, sive propositum confitendi tale peccatum: ergo ex suppositione, quod peccatum, de cujus gravitate homo dubitat, sit mortale post baptismum commissum, nequit remitti, absque sui confessione, aut saltem sine voto, aut proposito illud confitendi. Ex quo evidenter infertur hominem in tale peccatum lapsum obligari ad propositum illud confitendi, et subinde ad illud confitendum, cum commode possit. Unde liquet primum dicendi modum, et discursum, quo procedit, continere errorem contra apertam Concilii doctrinam: nam asserit peccatum illud deleri per contritionem, quæ non includat votum, aut propositum tale peccatum confitendi, et tamen Concilium docet contritionem præparare ad remissionem peccati, si jungatur cum voto præstandi, quæ requiruntur ad suscipiendum sacramentum pœnitentiæ, inter quæ nemo dubitat contineri confessionem: et similiter docet reconciliationem peccatoris non esse de facto adscribendam contritioni, sine voto hujus Sacramenti. Quare inter illum dicendi modum, et assertiones Concilii datur clara contradictio.

Nec ab illa ita immunis secundus ex Caramuele asserens non requiri contritionem pro peccato dubio, quod reipsa, ut sæpe contingit, est coram Deo mortale; quin evidentiùs opponitur Concilio dicenti: « Fuit autem quovis tempore ad impetrandum veniam peccatorum hic contritionis motus necessarius. » Et ita plane est, quod nullum peccatum mortale remissum fuit, remittitur, aut remittetur absque pœnitentia formali, aut virtuali, qualis includitur in amore charitatis Dei super

omnia, ut tenet communis, et certa sententia, quam statuimus in priori parte disp. 4, dub. 2, et disp. 5, dub. 6. Nullus autem dolor, nulla contritio, etiam charitate perfecta, ut loquitur Trident. loco relato, infert de facto reconciliationem peccatoris, sive remissionem alicujus peccati mortalis absque voto, aut proposito illud confitendi, ut proxime ostendimus ex eodem Concil. Media vero, quæ ad oppositum assignat Caramuel, oppositum evincunt. Primum quidem, quia licet ubi homo confitetur peccata certa, remittantur directe ista, et indirecte peccatum dubium; id tamen non contingit absque dolore universalis, et sub motivo universalis comprehendente omnia mortalia certa, dubia, et occulta: nullum quippe remittitur absque sui detestatione, et dolore formali, aut virtuali, explicito, aut implicito, ut constat ex dictis disp. præced. dub. 2, § 2. Et rursus, cum peccatum indirecte tantum remittitur, sicut et clavibus indirecte subjicitur; manet obligatio, et subinde votum illud subjiciendi directe per expressam ipsius confessionem, ut patet in peccatis occultis, ubi veniunt in memoriam. Secundum medium non amplius probat: nam concedimus contingere posse, quod peccata dubia, et occulta remittantur per alia sacramenta, v. g. per Eucharistiam; sed non fit absque omnium peccatorum dolore, qui illorum susceptioni adjungatur: ut cum aliquis existens re ipsa in peccato, non est conscius, attritus, et cum bona fide ad Eucharistiam accedit: non enim aliter verificatur, et a nobis juxta communem D. Thomæ sententiam admittitur sacramenta vivorum conferre aliquando, et per accidens primam gratiam, nisi præmissis his conditionibus, ut late explicuimus tract. 22, de sacram. in genere disp. 4, dub. 7, § 2. Non itaque in præsentī statu contingit remitti aliquod peccatum mortale absque sacramento pœnitentiæ in re, vel in voto; et istud includitur in omni contritione, vel attritione, quæ vel per se, vel cum sacramentis vivorum concurrat directe, vel indirecte ad remissionem cujuscunque mortalis peccati.

Confirm. I. 191. Confirmatur primo, quia sacramentum Pœnitentiæ tam necessarium est ad remittendum peccata mortalia post sacramentum Baptismi commissa, quam istud est necessarium ad remissionem

eorum, quæ ante ipsum commissa sunt; sed peccata dubia ante baptismum commissa non remittuntur absque sacramento Baptismi in re, vel in voto: ergo peccata mortalia dubia post baptismum commissa non remittuntur absque sacramento Pœnitentiæ in re, vel in voto. Consequentia legitime infertur ex præmissis, et insuper suadetur ab opposito illarum: quia, si sacramentum Pœnitentiæ in re, vel in voto non esset necessarium ad remissionem peccatorum mortalium dubiorum commissorum post baptismum; sequeretur non esse sacramentum Pœnitentiæ tam necessarium ad remittendum peccata post baptismum commissa, sicut sacramentum Baptismi est necessarium ad remissionem mortalium, quæ committuntur ante ipsum: et sic destruitur major, quæ supponitur concessa. Ipsa vero est expressa Concilii Trident. sess. 14, c. 2, ubi facta comparatione inter Baptismum, et sacramentum Pœnitentiæ quantum ad materiam remotam peccatorum, in quæ ordinantur concludit: « Est hoc sacramentum Pœnitentiæ » lapsis post baptismum ad salutem necessarium, ut nondum regeneratis ipse » baptismus. » Minor est non minus certa: quia fieri nequit, ut peccata mortalia dubia (ex suppositione, quod coram Deo fuerint vera peccata) remittantur, nisi quando, et alia peccata mortalia ante baptismum commissa remittuntur; sed juxta præsentem providentiam nulla peccata mortalia ante baptismum commissa remittuntur, nisi vel per ipsum baptismum in re susceptum, vel per votum, aut propositum illud recipiendi inclusum in amore supernaturali charitatis, vel in contritione ex eo procedente: ergo peccata mortalia dubia ante baptismum commissa non remittuntur sine sacramento baptismi in re, vel in voto. Unde apparet quam falsa, et parum fundata sit eorum responsio, qui devorare audent, quod peccata dubia remittantur independentem a sacramento Pœnitentiæ tam in re, quam in voto: idque minime affirmare audent de mortalibus dubiis ante baptismum commissis respective ad ipsum baptismum. Et tamen, velint, nolint, ad illud primum devorandum compellendi sunt, si consequenter loquantur. Nam, si peccatum mortale dubium non est materia necessaria confessionis, ut docent; poterit homo

homo habere voluntatem absolutam, et efficacem illud non confitendi, etiam si sit in articulo mortis, et magis tunc; cum tunc desperet habiturum se certiores de tali peccato notitiam, ut illi consequenter affirmant. Et tamen stante ea voluntate, et in sensu composito illius potest habere perfectam contritionem, per quam prædictum peccatum deletur. Remittetur ergo sine sacramento pœnitentiæ in re, ut supponitur: et etiam sine isto sacramento in voto, quippe contritio de peccatis conjuncta cum proposito expresso, et efficaci illud nunquam confitendi nequit esse votum explicitum vel implicitum confitendi tale peccatum.

^{infirm.} ^{2.} Confirmatur secundo: nam, si aliquis coram solo Christo Domino se accusaret, et confiteretur de peccatis (quod esse commendabile, et a Patribus commendatum diximus supra n. 15), omnia peccata mortalia non solum certa, sed etiam dubia confiteretur, ac confiteri deberet: ergo etiam illa confiteri deberet coram sacerdote in confessione sacramentali. Antecedens est certum: quia modus ille confitendi coram Christo Domino peccata consistit principaliter in omnium detestatione, et perfecta contritione: hi autem effectus extenduntur ad omnia peccata mortalia tam certa, quam dubia, quibus Deum offendimus, et quæ ipsi nota sunt: et nisi ad omnia hic confitendi modus extendatur, nequit fieri eorum, vel aliquorum remissio. Unde talis confitendi modus ante legem Evangelicam omni tempore fuit necessarius, nimirum, per contritionem extensam ad omne peccatum. Et ideo David Ps. 24, dicebat: *Delicta juventutis meæ, et ignorantias meas ne memineris.* Et Ps. 18, quod allegat Tridentinum sess. 14, c. 5. « Ab occultis meis » munda me Domine. » Et in lege naturæ Job offerebat sacrificia pro filiis, ut legitur in ejus lib. cap. 1, et notat ibi D. Thom. lect. 1. « Dicebat in corde suo Job, non » quidem de peccatis filiorum certus, sed » subdubitanis. Ne forte peccaverint filii » mei. » Quare nemo prudens non argueret temeritatis illum hominem, qui conscius peccati, quod nulla ratione scit fuisse solum veniale, sed post diligentem discussionem subdubitat prudenter fuisse mortale; non illud confiteretur coram Deo de illo se accusando, per universalem, et per-

fectam contritionem. Consequentia vero probatur: quia Christus in lege gratiæ constituit sacerdotes sui vicarios in ordine ad confessionem, et remissionem peccatorum, ut docet Concilium Tridentinum. sess. 14, cap. 5, illis verbis: « Dominus noster ^{Concil. Trid.} » Jesus Christus e terris ascensurus ad » Cœlos sacerdotes sui vicarios reliquit » tamquam præsides, et judices, ad quos » omnia mortalia crimina deferantur, in » quæ Christi fideles ceciderint, quo pro » potestate clavium remissionis, aut retentionis peccatorum sententiam pronuntient. » Ergo sicut debet homo confiteri omnia mortalia dubia, si illa immediate in Tribunali Christi confiteatur; ita illa confiteri debet apud sacerdotes ejus vicarios in Tribunali Confessionis sacramentalis. Et expendat lector illa Concilii verba: « Sacerdotes sui Vicarios reliquit... ad quos » omnia mortalia crimina deferantur, in » quæ Christi fideles ceciderint; » et facile colliget deferenda etiam esse mortalia dubia: quia Concilium assignat omnia mortalia, in quæ fideles ceciderint: non dixit solum certa, non dixit omnino explorata, sed omnia crimina dixit, sub quibus certum est contineri dubia, in quæ fideles non infrequenter labuntur.

192. Quartum fundamentum est, quod ^{Fundam.} ^{4.} in dubiis tutior pars necessario sit eligenda, ubi possessio non stat pro dubitante: sed in casu proposito tutior pars est confiteri peccatum de cujus gravitate dubitamus, et possessio non confitendi non stat pro dubitante: ergo in tali dubio constitutus debet necessario confiteri tale peccatum. Cetera constant. Et minor, in qua poterat esse difficultas, est manifesta quantum ad primam ejus partem: nam in eo, quod quis in confessione manifestet peccatum dubium, nullum periculum adest; in eo autem, quod illud non declaret potest periculum occurrere, quia forte coram Deo fuit mortale, quod non remittitur absque ordine ad claves: tutior ergo pars in tali casu est confiteri dictum peccatum. Secunda vero ejusdem minoris pars satis etiam liquet: nam possessio in tali casu non stat pro dubitante sed pro præcepto confessionis; si quidem juxta communem praxim fidelium, et consensum Doctorum in usu est confiteri mortalia dubia, ut constat ex dictis in priori fundamento. Et observan-

dum est nullam esse contradictionem inter axioma in majori assumptum, et aliud axioma satis vulgare, nempe in dubio potius esse conditionem possidentis. Tum, quia in majori jam adjecimus modificationem, nempe ubi possessio non stat pro dubitante : et sic cohærent axiomata. Tum, quia secundum intelligitur, ubi dubitans obligaretur ad aliquid certum excedens limites dubii, ut contingit in dubitante de voto a se facto ingrediendi Religionem, aut solvendi aliquid debitum justitiæ; si enim ad hæc exequenda obligaretur, profecto solvere ob rationem debiti, siquidem istud supponitur dubium, et solutio pro certa, et executâ : atque ideo læderetur jus possidentis suam libertatem. Id vero non contingit in nostro casu ; siquidem ut proxime vidimus possessio non confitendi peccata dubia non stat pro dubitante : sed potius e contra possessio confitendi illa peccata stat pro præcepto confessionis secundum communem usum fidelium, et consensum DD. Aliunde vero dubitans non aggravatur ultra limites dubii : quia non obligatur ad confitendum mortale ut certum, sed sub dubio, in quo supponitur.

Opponit
Lugo.

Nec refert, si cum Lugo contra hoc motivum (quod fuit commune apud antiquos, et insinuat a D. Thoma in testimonio relato n. 184), opponatur relatum testimonium pati multas exceptiones, ut patet in dubitatione de voto, vel de aliquo debito justitiæ. Et quod diximus de non obligatione ultra limites dubii, minime subsistit in materia præsentis : quia ipsa obligatio confitendi peccatum dubium, ut dubium est onus omnino certum, determinatum, et satis grave; quanvis levius onere confitendi mortale certum. Atque eadem ratione dici posset dubium de obligatione circa debitum justitiæ non teneri quidem ad solvendum totum illud de quo dubitat; obligari tamen ad aliquam solutionem partialem, quæ juxta prudentum æstimationem dubii limites non excedat. Id, inquam, minime refert : nam in dubio de gravitate peccati stat possessio illud confitendi pro præcepto : licet enim circa gravitatem versetur dubium, inconcussa tamen est praxis illud confitendi juxta non minus firmam, quam communem Doctorum sententiam. Quæ omnia aliter contingunt in dubiis circa votum, et debitum

Destru-
itur
opposito

justitiæ. Et non negamus, quod confiteri mortalia dubia, ut dubia, sit aliquod onus certum ; sed tamen est onus concomitans necessario ipsum dubium, et ejus dubitationem non excedens, siquidem solum affert obligationem manifestandi illud sacerdoti in confessione, ut ipse, cui hoc judicium commissum est, discernat inter lepram, et lepram, et ubi periculum viderit, de congrua medicina provideat, ut expendimus n. 188. Id autem non ita contingeret, in dubio de voto, aut debito justitiæ si quis obligaretur aliquid solvere : quia nec de toto, nec de parte constat, cum debitum sit prorsus dubium, et dubitans suam libertatem possideat, et nullo præcepto divino, vel humano, nulla consuetudine, nullave sententia communi ad solvendum aliquid obligatur : quæ omnia contrario modo se habent in præsentia materia.

193. Sed objicies fundamenta hactenus Objecti proposita probare, quod homo tenetur mortalia dubia confiteri non solum quamdiu manet dubius circa eorum gravitatem, sed etiam quando probabiliter opinatur, et judicat non fuisse gravia : id vero nimis durum apparet, cum omnis opinio probabilis sit conformis prudentiæ, et prudenter agat, qui juxta illam operatur : ergo prædicta motiva probant excessive, atque ideo nihil.

Huic objectioni, relictis extremis senti- Objecti
satisfac-
tio.
entiis apud Pradum loco cit. § 6, quarum una universaliter affirmat deberi confiteri peccata dubia, non solum stante dubio, verum etiam si adsit opinio probabilis, quod mortalia non fuerint ; et altera id universaliter negat, respondendum est juxta superius tradita a num. 180, dubium, de quo agimus non esse negativum, sed positivum fundatumque in motivis apparentibus, ac prudentialibus, sed relinquentibus animum in æquilibrio, eo quod sint æquilia, et unum aliud non superet. Ex quo patet non quamlibet probabilitatem sufficere ad deponendum practice dubium de gravitate peccati, et ut homo excusetur ab obligatione illud confitendi. Et inde a fortiori constat, quod si dictamen de gravitate peccati sit probabilius, quam dictamen a gravitate excusans, opus sit tale dubium confiteri. Atque idem sentimus, ubi excessus dictaminis excusantis supra dictamen obligans

obligans sit valde exiguus : quia parum pro nihilo reputatur, præsertim in re tam gravi, et periculosa. Ceterum si motivum excusans a gravitate peccati habeat motiva longe probabiliora, quæ fundent probabilitatem certam, et quasi obruentem contrariam ; minime diffitemur, quod dubitans possit prudenter deponere dubium, et censere se non obligatum ad confitendum tale peccatum. Et hanc partem ad minus docuerunt Silvester, Gerson, Henriquez, et Tapia, quibus relatis subscripsit Prado, loco citat. a n. 44. Quia Lugo disp. 16, sect. 2, n. 58 et 68, affirmat hanc esse communiter inter Theologos sententiam. In quo sensu neganda est sequela objectionis. Quam esse inefficacem vel ex eo constat, quod peccata mortalia dubia, perseverante dubio debere confiteri, est communis praxis fidelium, et assertio Doctorum, unde validum pro ea parte sumitur argumentum, ut supra expendimus ; sed quod ubi occurrit opinio certa probabilis dictans peccatum aliquod, de cuius gravitate dubitatur, non fuisse grave ; tantum abest, quod communis sententia obliget ad illud confitendum, ut potius communis sententia excuset ab eo confitendo, sicut constat ex immediate dictis. Et ratio disparitatis est, quod ubi non occurrit ea certa probabilitas, deficit motivum prudens ad deponendum tale dubium, et obligationem illud in confessione explicandi ; sed ubi talis, ac tanta probabilitas adest, possumus illa ducti abjicere prudenter tale dubium, et obligationem, quæ ex eo oriri posset ad ipsum confitendum.

194. Instabis : nam licet contingat dari aliquando, tam magnam, et tam certam probabilitatem de eo, quod non graviter peccaverimus in materia, de qua dubitamus, nihilominus cum ea probabilitate componi potest, quod homo re ipsa graviter peccaverit, et coram Deo sit in statu peccati mortalis : eo autem ipso occurrunt omnia fere motiva, quibus usi fuimus ad probandum obligationem confitendi peccata mortalia dubia : ergo vel inconsequenter procedimus, vel negare debemus, quod licet occurrat magna, et certa probabilitas de eo, quod peccatum, de cuius gravitate, non fuerit grave, liberemur ab obligatione illud confitendi. Consequentia patet. Et major etiam constat, quia licet

probabilitas sit summa, non excludit possibilitatem, et contingentem existentiam partis contrariæ ; qua de causa semper relinquit formidinem de contrario, ut egregie docet D. Thom. quæst. 14, de veritate art. 1, his verbis : « Quandoque intellectus inclinatur magis ad unum, quam ad alterum : sed tamen illud inclinans non sufficiens movet intellectum ad hoc, quod determinet ad unam partem totaliter. Unde accipit unam quidem partem, sed tamen semper dubitat de opposita. » Et est dispositio opinantis, qui accipit unam partem contradictionis cum formidine alterius. » Unde provenit, ut de eo, quod præcise opinamur licet cum ingenti probabilitate, et utique in linea probabilitatis summa, non habeamus certitudinem physicam, vel moralem, quæ omne dubium, et formidinem circa oppositum excludat, licet fundet omnimodam securitatem in bene moraliter operando juxta illam, ut contra Tyrsum, et alios bene probat Fuentes in examine probabiliorismi fere per totum, et specialiter art. 3. Minor denique ostenditur : nam si occurrente motivo certe probabili, quod non peccaverimus mortaliter in peccato, de cuius gravitate dubitamus, excusamur ab obligatione illud confitendi, poterimus firmo, et absoluto proposito statuere illud non confiteri. Demus tamen illud fuisse grave coram Deo. Unum e duobus necessario colligendum est, vel illud nunquam remitti nobis posse ; vel remitti independentem a sacramento pœnitentiæ tam in re quam in voto : quod esse absurdum nulla ratione admittendum ostendimus n. 191 ; nam, qui expresse proponit non confiteri aliquod peccatum, illud nec re, nec voto subjicit clavibus, quamvis de eo alias conteratur.

Respondetur negando minorem : nam longe diversa est dispositio dubitantis de gravitate peccati a dispositione judicantis cum magna, ac certa probabilitate illud non fuisse grave. Nam prior non habet motivum sufficiens, et prudens, ut queat se censere immunem ab obligatione illud peccatum confitendi : posterior vero illud habet, nempe ipsam certam probabilitatem, quod graviter non peccaverit. Primus cognoscit licet sub dubio se graviter peccasse, nec habet per quod secure sibi oppo-

D. Tho.

Fit satis
instan-
tiæ.

situm persuadet : secundus autem per dictamen certo probabile constituitur in statu ignorantis invincibiliter se graviter peccasse ; nam ignorantia facti fit invincibilis per notitiam certo probabilem, quod non fuerit. Unde ad minoris probationem dicendum est solum evincere, quod sic prius dubitans, et postea opinans non obligetur ad confitendum, vel ad proponendum confiteri illa peccata ; sed perinde se habere in ordine ad illa, sicut in ordine ad occulta. Ceterum omnino negamus, quod illa possit positive ab obligatione confessionis excludere, sive formaliter statuere non subijcere illa clavibus Ecclesiæ. Itaque aliud est non obligari ad confitendum aliqua peccata ; aliud vero nolle illa clavibus Ecclesiæ subijcere. Et quamvis primum possit contingere : secundum minime licet, ut patet in peccatis occultis, quæ non obligamur confiteri, et tamen non possumus ab ea subiectione excludere. Ratio autem discriminis constat ex dictis disp. præced. num. 82, quoniam licet quis nesciat se graviter peccasse, et propterea a confessione ejus, quod nescit, deobligaretur ; nihilominus nullus certo scit se esse sine peccato : potest namque contingere, quod coram Deo habeat aliqua peccata occulta, quæ nescit vel per ignorantiam invincibilem, vel per opinionem certo probabilem illi ignorantia æquivalentem. Et ideo dolor pro valore confessionis requisitus debet esse universalis, et comprehendens cuncta peccata gravia, tam cognita, quam non cognita : aliter enim procedens periculo se exponit frustrandi sacramentum. et in hoc ipso graviter peccat : nam impossibile est unum mortale remitti, quin omnia remittantur, vel aliquod remitti sine dolore, et subordinatione ad claves juxta præsentem providentiam status legis gratiæ. Unde prorsus negamus eum, qui certo probabiliter putat se in casu præsentis, quod versamus, non peccavisse mortaliter posse statuere non subijcere illud clavibus : nam contingens est illud vere fuisse mortale coram Deo, licet ipse oppositum probabiliter putet, et propterea illud non confiteatur. Quæ autem supra adversariis opposuimus procedunt juxta illorum principia, ipsisque concedentibus ut inde magis falsitas sententiæ, cui inhærent, demonstretur. Sed vim non habent apud nos, qui oppositum affir-

mamus : et taliter excusantes aliquos ab obligatione confitendi peccata dubia ob probabilitatem certam illis faventem, ut tamen fateamur obligatos esse dicere, « ab occultis meis munda me Domine, » et confiteri alias, atque cum dolore sub motivo universali comprehendente omnia mortalia, tam cognita, quam non cognita, aut certo probabilia non mortalia existimata.

§ III.

Convelluntur fundamenta sententiæ oppositæ.

193. Pauci admodum sunt, et valde ^{Ferri} ^{Fran} ^{Verd} ^{Marl} ^{Janu} ^{Tyr} recentes, qui communi assertioni nostræ adversantur Ferrentinus in tract. de Scandalo, qu. 77, Caramuel in Theologia intentionali n. 1828, et in fundamentali, fundam. 63, num. 1883, Franciscus Verde (aut ipse Caramuel) in Apologia nu. 553, Martinonius tom. 5, disp. 50, sect. 8, Josephus Januarius 2 part. selectorum res. 69, et tandem Tyrus dis. 40, sect. 1, n. 14, qui dicit esse satis commune inter recentiores in manu scriptis, sed nescimus, qui, et cujus instituti sint recentiores isti, nec illorum vidimus manuscripta. Scimus Matthæum Moya ita sensisse, et docuisse, et dictasse Compluti, et alibi, ut ipse refert to. 1, tr. 3, disp. 1, qu. 5, sed tamen palinodiam cantavit ibidem n. 33, dicens : « Nihilominus re maturius considerata censeo pro contraria, et communi sententia adstruente obligationem confitendi peccata dubia. » Referri etiam solet pro hac sententia Layman to. 1, tract. 1, c. 5, § 4, sed illum se non docere profitetur dicens in hac re nihil velle determinare, sed eam aliorum judicio committere.

Arguitur primo pro hac sententia ab ¹ ^{Arg} auctoritate Concilii Tridentini : quia illo docente pœnitens nihil confiteri tenetur, nisi peccata mortalia, quorum post diligentem sui discussionem conscientiam habeat ; sed pœnitens non habet conscientiam illorum peccatorum, de quibus dubitat : ergo non tenetur illa confiteri. Probatur minor : quia conscientia est notitia scientifica, dubium autem minime est aut dici valet scientifica notitia. Idem motivum præsentatur in aliis Concilii verbis, nam asserit hominem debere confiteri, quibus se Deum, et Dominum suum meminerit offendisse

offendisse; dubitare autem non est meminisse. sed aliquid aliud, et longe inferius: ergo ex eo, quod quis dubitat de gravitate peccati, non obligatur illud confiteri. Præterea Tridentinum colligit peccata confiteri debere sacerdoti, quia sacerdos causa incognita nequit judicare: sed, si peccata, quæ quis confitetur, sunt dubia, causa est incognita: et sacerdos nequit de illis judicare: ergo ex sententia Tridentini peccata dubia non debent explicari in confessione.

illicitum
num. 1. Respondetur hoc argumentum convulsam manere ex dictis a n. 186, ubi ostendimus Concilium Tridentinum stare satis evidenter pro sententia communi, et præclusimus effugia, quæ modo proponuntur, ut objectiones. Unde in eis diluendis non immorabimur, sed satis erit ibi dicta hic breviter refricare. Ad primum negatur minor: nam conscientia latius patet, quam scientia proprie dicta, siquidem conscientia juxta communem Theologorum placitum dividitur in conscientiam certam, sive scientificam, et conscientiam erroneam, dubiam, et scrupulosam. Quare peccata dubia possunt esse in conscientia dubia, atque ideo de illis haberi potest conscientia, et comprehenduntur sub illis concilii verbis: *Quorum conscientiam habent*. Eodem modo respondetur ad secundum negando minorem: quia non solum datur memoria certa, sive scientifica, sed etiam memoria dubia: recordari namque possumus non solum peccatorum certorum, sed etiam dubiorum, quatenus reminiscimur, quod in aliqua actione peccaverimus, reminisci non possumus, quod fuerit venialiter tantum, ut ipsa experientia liquet. Quocirca peccata dubia comprehenduntur etiam in illis Concilii verbis: *Quibus se Deum mortaliter offendisse meminerit*. Minus urget tertium: et solvitur negando minorem: nam explicatis dubiis cognoscit sacerdos causam, et statum pœnitentis, ut possit convenientem pœnam pro culpa (quæ supponitur, licet non determinetur mortalis) imponere: et congruentem medicinam adhibere pro remedio pœnitentis, ne in dubia relabatur adeo periculosa, ut num. 188 explicuimus.

argu-
tum. 196. Arguitur secundo: quia in dubio melior est conditio possidentis, ut docet axioma apud Juristas vulgare: ergo in

dubio, quod homo peccaverit mortaliter, aut non; decernendum est in favorem libertatis, quæ possidet: et consequenter obligandus non est peccatum, de quo dubitat, confiteri. Confirmatur primo: nam in Confirmat. dubiis nemo præsumitur deliquisse, ut 1. sumitur ex leg. *Merito*, ff. *Pro socio*: ergo Confirmat. ubi dubitatur, an Petrus peccaverit mortaliter, aut non, præsumendum est non peccasse: atque ideo obligandus non est ad subeundum iudicium confessionis. Confirmatur secundo: quia in tribunali forensi non admittuntur delicta dubia: ergo nec in Tribunali pœnitentiæ debent sub obligatione illa deferendi admitti: id enim Confirmat. paritatis ratio convincere videtur. Confirmatur tertio: quoniam supra peccatum dubium nequit cadere absolutio; quippe cum hæc exigit materiam certam, quale non est peccatum dubium: si enim vere non processit, erit nulla absolutio: ergo nemo cum tanto periculo tenetur confiteri mortalia dubia.

Ad argumentum concedimus antecedens Satisfit
argu-
mento. juxta sensum legitimum communis illius axiomatis, quod præcipuum locum habet, ubi dubitatur, ad quem pertineat dominium rei: et ceteris paribus favendum est illi, qui possidet. Sed neganda est consequentia, quæ illegitime ex illo antecedenti colligitur, cum magis deducatur opposita ut constat ex supradictis. Tum, quia in casu consequentiæ possessio stat pro præcepto confessionis, juxta communem sententiam Doctorum, et non minus communem populi Christiani consuetudinem in confitendo mortalia dubia: quæ consuetudo est optima (sicut alias in aliis) divinæ legis interpret circa hujusmodi obligationem. Tum etiam, quia possessio, quæ homini favet, ipsumque liberat ab obligatione confitendi, non est alia, quam possessio suæ innocentiae a peccato, sive conservatio divinæ gratiæ sanctificantis: ubi autem adest dubium, utrum homo peccaverit mortaliter, jam illa possessio innocentiae non est certa, sed redditur dubia, et constituitur sub eodem dubio, quo peccatum: unde nihil favet, ut homo excusetur a confessione peccati dubii: sed stare oportet præcepto, quod est in possessione juxta communem sententiam, ut confiteamur dubia mortalia.

Ad primam confirmationem respondetur

Convel-
litur
confir-
mat 1.

antecedens solum verificari in foro externo, et quando ex præsumptione imminet damnum contra delinquentem : quia in tali foro solum intenditur punitio rei pro conservatione boni publici. Quæ conditiones non occurrunt in foro interno hujus sacramenti : sed magis intenditur liberatio rei, sive pœnitentis, si delicta confiteatur, et etiam illa, de quibus dubitat : nam hoc, quod videtur gravamen, cedit in favorem animæ. Unde nullam sibi irrogat injuriam, qui dubitans de gravitate peccati admissi se præsumit peccatorem, ac timet, et hoc pacto se subjicit, a sacerdote judicandum, et curandum.

Ad 2
respon-
detur.

Ad secundam respondetur antecedens non esse universaliter verum : nam licet in tribunali forensi non admittantur delicta dubia negative et irrationabilia, sive absque ullo fundamento; frequenter admittuntur delicta dubia positive, et habentia oppositas conditiones : et ubi reus se non sufficienter ab illis purgat, solet puniri, si non ex rigore legis, saltem ad arbitrium prudentis judicis. Quia certa, et communis sententia est, quod in dubio facti homicidii, judicandus est ita dubitans, non solum in foro interno, sed etiam externo irregularis, ut expresse decernitur in c. *Ad audientiam*, et cap. *Significasti* 2, et cap. penultimo, de Homicidio. De quo videri potest N. Andreas tract. 10, de Censuris, cap. 1, punct. 3, n. 15; unde confirmatio regerenda foret in opposites : nam, si ad tribunal forense deferuntur delicta dubia, saltem aliqua; cur non ad tribunal conscientie? Præsertim cum ratio in illis iuribus assignata, nempe quod in dubiis tutior pars est amplectenda, magis urgeat in mortalibus dubiis, ex quorum confessione, aut non confessione potest salus, aut perditio animæ dependere, ut idem axioma prementes expendimus num. 152. Deinde respondemus omisso antecedenti, negando consequentiam. Et ratio disparitatis desumitur ex manifesto discrimine inter utrumque tribunal : nam in forensi negatio delicti favet reo, cum eo negato absolutionem, et libertatem obtineat; et sic judicandum est in dubio. Sed in tribunali conscientie, ac pœnitentie confessio delicti dubii favet pœnitenti, ut libertatem a delicto, si est forte coram Deo, consequatur. In illo confessio delicti punit reum,

in isto liberat pœnitentem. Forense ordinatur ad puniendum reum propter bonum commune Reipublicæ, aut etiam propter bonum private personæ petentis condignam satisfactionem pro offensa : sacramentale vero non est primo institutum ad puniendum reos, quos Deus alias multis modis punire valet, sed magis ad liberandum pœnitentes a reatu delictorum, si illa confiteantur; atque ideo magis consulit offendenti, si pœniteat, quam offenso.

Ad ultimam confirmationem respondemus excessive probare, nempe mortalia dubia non solum non cadere sub obligatione confessionis; sed nec licite confiteri posse : id vero est prorsus absurdum, et contra praxim fidelium, et usum sapientum timoratorum, qui summo studio curant ab his dubiis se expedire, illa in confessione manifestando. Quare negandum est antecedens, quod non evincit illi inserta probatio; sed ad summum, quod ubi adest peccatum mortale dubium, non potest per se, et solitarie confiteri, sed per accidens adjungi debeat aliquod mortale certum jam confessum, vel aliquod veniale, nempe ut vitetur periculum frustrandi sacramentum. Quod si non adsit nisi illud mortale dubium, adhuc solitarie, et per se confiteri debet : at in eo casu non est impendenda absolutio absoluta, sed sub conditione, quod re ipsa peccatum illud commissum fuerit. Addimus tamen in has angustias determinandum non esse; nam nostra, et communis doctrina procedit in suppositione quod homo certo sciat se peccasse, et dubitat de gravitate culpæ, an scilicet sit mortalis : ubi jam certo adest individuum genericum, seu quasi genericum peccati, in quod absolutio possit absolute dirigi, et sub eo ad particularem peccati rationem ibi latentem, de qua est dubium.

197. Arguitur tertio, et potest esse replica contra immediate dicta : nam in aliis sacramentis, qui habens materiam certam utitur materia dubia, peccat ex hoc ipso mortaliter, licet forma proferatur sub conditione, quod materia in se vera sit : et hac ratione peccaret mortaliter qui habens hostiam triticeam, consecraret speltricam sub conditione : ergo pariter peccat mortaliter pœnitens, qui cum possit adhibere materiam remotam, videlicet mortalia, aut etiam venialia certa, confitetur vel simul cum

cum illis, vel seorsim peccata dubia, a quibus sub conditione absolvatur. Patet consequentia, tum a paritate. Tum ex eo, quod confessis directe peccatis certis, tollitur indirecte omne aliud peccatum ibi latens, sive omnino occultum : ergo opus non est confiteri dubium ; et proinde graviter peccat, qui absque necessitate illud confitetur, petens absolutionem peccati sub conditione.

confirm.
1. Confirmatur primo : quia peccata dicuntur dubia, non quia in se dubia sint ; siquidem in se habent determinate esse, vel determinate non esse ; sed dubia dicuntur per ordinem ad intellectum, cujus est dubitare : hic autem ordo est relatio rationis, quæ nihil ponit in peccatis, nec ingreditur ulla ratione ad componendum sacramentum pœnitentiæ : ergo peccata dubia, ut dubia non pertinent ad istud sacramentum, nec ulla est obligatio illa confitendi.

confirm.
2. Confirmatur secundo : nam cum satisfactio sit opus integralis sacramenti pœnitentiæ, repugnat dari hoc sacramentum, ubi repugnat imponi satisfactionem ; sed in confessione peccatorum dubiorum non potest imponi satisfactio : ergo talia peccata non debent, nec possunt subdi confessioni sacramentali. Probatur minor : nam qualiscunque, vel minima satisfactio pœnitenti imponatur, est pœna certa ; absurdum autem apparet aliquem ob incerta, sive dubia peccata certa pœna puniri. Ergo, etc.

*satis
gu-
cnl.* Respondetur hoc argumentum cum suis confirmationibus probare, si quid valerent, peccata dubia non solum non esse materiam necessariam, sed nec sufficientem, vel utilem confessionis : et non solum pœnitentes non obligari ad confessionem eorum, sed nec ea posse debite confiteri : atque ideo peccare omnes, qui mortalia dubia explicant in confessione. Qui discursus condemnat intolerabiliter antiquitatem, et concordiam in practicando confessionem mortalium dubiorum. Id vero cum audacissimum, et absurdissimum sit ; prodiit falsitatem principiorum, quæ pro eo firmando assumuntur. Ad argumentum ergo neganda est consequentia. Ad cujus primam probationem respondetur disparitatem esse notoriam : quia in aliis sacramentis non est convenientia, nec obligatio submittendi materiam dubiam formæ ad-

hibendæ sub conditione ; et ideo peccaret, qui sine urgentissima necessitate aliquid hujusmodi faceret. Sed in manifestando confessario mortalia dubia occurrit obligatio, et convenientia : obligatio quidem, quia omnes tenemur subijcere omnia mortalia, in quibus forte sumus, clavibus Ecclesiæ, siquidem nulla remittuntur absque sacramento pœnitentiæ in re, vel in voto, ut supra satis expendimus : convenientia pariter, quoniam expedit confessarium cognoscere statum pœnitentis, et dijudicare inter lepram, et lepram. Unde nullum est inconveniens, quod dubitans de mortali sub conditione absolvatur. Aliunde vero ubi tale dubium circa gravitatem occurrit, semper adest materia certa, nimirum peccatum, quod supponitur, de quo dubitatur, num ad gradum mortalis pervenerit. Minus adhuc, aut nullo modo urget secunda consequentiæ probatio : nam concesso, quod peccatum dubium tollatur indirecte, ubi alia certa, et confessa directe excluduntur ; id tamen non fit absque sacramento pœnitentiæ in re, vel in voto : et peccatum, quod indiget voto pœnitentiæ, ut remittatur, cadit sub obligatione confessionis ; siquidem votum istud non nisi ad debita refertur. Tota autem structura argumenti evertitur in casu, quo aliquis morti proximus incidat in aliquod peccatum, et dubitet an sit mortale. Si discedat cum hoc dubio, manifesto periculo se exponit condemnationis æternæ : nam contingens est mortaliter peccavisse. Si recurrat ad contritionem, illam forte nequit concipere, et ipsa est votum sacramenti pœnitentiæ. Attritionem autem ex timore suæ condemnationis certam habet, et quasi palpat. Confiteatur ergo aliquod ex mortalibus vitæ præteritæ ; nullum certum in ejus decursu admisit ; confiteatur venialia ; non habet de illis attritionem ob eorum levitatem : quam tamen habet de mortali dubio ob oppositam rationem, et summum, in quo versatur periculum. Quid ergo restat ? Confiteri mortale dubium, ut dubium, et absolvi sub conditione. Et hic est communis fidelium sensus : quem, si cum illo auctore reprobemus, consequens est talem moribundum in ea perplexitate positum reprobari.

Ad primam confirmationem omittendo præmissas negamus consequentiam, quippe

Respon-
sio 1.
confirm

quæ nullum cum illis nexum, vel ordinem habet. Nam in primis multa, quibus non constituitur sacramentum pœnitentiæ, illi subduntur, et pro eo requiruntur, ut constat in peccatis certis : ergo eo, quod peccata dubia subeant hanc determinationem ab aliqua relatione rationis, quæ non intrat compositionem sacramenti, minime sequitur peccata dubia non pertinere ad sacramentum pœnitentiæ, nec illi subdi debere. Præsertim cum hæc subjectionis obligatio non oriatur ab illa ratione rationis, sed a malitia gravi, quam sub dubietate latere prudenter formidamus. Deinde, quod ordo objecti ad intellectum sit rationis, nihil refert ad impediendum vel necessitatem, vel valorem sacramenti : exploratum namque est significationem formalem verborum etiam esse respectum rationis : et tamen sine significatione verborum formæ veritas, et influentia sacramentorum non salvaretur, ut explicuimus tract. 22, de Sacramentis in gen. disp. 1, a n. 12. Unde multo minus referre potest pro valore sacramenti pœnitentiæ, in quo sit, aut non relatio rationis : præsertim cum talis ordo non sit materia remota, vel proxima sacramenti, sed quædam conditio accidentalis materiæ. Et si confirmatio aliquid valeret, eodem modo probaret peccata certa esse non posse hujus sacramenti materiam, quia peccatum denominatur certum ex ordine objecti ad intellectum, qui est respectus rationis ; sicut esse dubium importat hujusmodi ordinem : consequens vero non tantum falsum, sed ridiculum est.

Ad 2. Ad secundam confirmationem respondetur excessive etiam probare, nempe mortalia dubia non solum non debere confiteri, sed neque posse, ut ex ejus forma deducitur. Id vero est contra communem sententiam, et usum in Ecclesia minime reprehensum, sed commendabilem. Concessa itaque majori, neganda est minor : cujus probatio dupliciter eliditur : primo, quia in peccato dubio, de quo agimus, semper adest aliqua certa malitia in specie, et numero, licet dubitetur de ejus gravitate : unde non deficit certa culpa, pro qua pœna certa possit imponi. Secundo, quia illa solum habet locum in tribunali forensi, ubi condemnatio est contra reum ; secus autem in hoc pœnitentiali foro, ubi

satisfactio imposita acceptatur a pœnitente voluntarie se accusante de peccatis dubiis, et cedit in ejus medicinam, et commodum. Præsertim cum pro peccato dubio semper imponatur pœnitentia minor, quam si foret certum, et æquitas exposcit : unde nulla committitur injustitia.

198. Arguitur quarto : quia non est obligatio confitendi mortalia probabilia : ergo non est obligatio confitendi mortalia dubia. Antecedens constat ex supradictis n. 193, et facile suadetur : quia licet quis probabiliter opinetur se peccasse mortaliter, si tamen opinetur probabiliter oppositum, potest huic secundæ opinioni se accommodare, immunemque proinde se censere ab obligatione confitendi tale peccatum : quippe licitum est sequi opinionem probabilem : ergo non est obligatio confitendi mortalia probabilia. Consequentia vero probat Caramuel discursu, quem vocat fortissimum, et evidentissimum : nam longe plus est cognoscere probabiliter peccatum mortale, quod nunquam contingit absque gravi aliquo motivo illud fuisse mortale suadente ; quam dubitare præcise de gravitate peccati, quod sæpe accidit vel sine motivo, vel ex levissimo fundamento : ergo, si possumus deponere peccata mortalia probabilia, et excusari consequenter ab eorum confessione ; idem a fortiori dicendum est de peccatis dubiis, nisi inconsequenter agamus.

Respondetur antecedens non esse universaliter verum, nec a nobis, et aliis communem sententiam deferentibus admitti, nisi quando opinio dictans aliquid non fuisse peccatum grave, est certe probabilis, et multo probabilior, quam opposita : ubi enim opinio affirmans, et opinio negans sunt æque probabiles, constituunt propriissime intellectum in statu dubitandi ; et tunc est obligatio, quam asserimus, confitendi mortalia dubia. Idemque a fortiori dicendum est, ubi opinio negans fuisse mortale est minus probabilis, quam affirmans, ut loco citato explicuimus. In hoc itaque sensu, concesso, aut distincto antecedenti negamus consequentiam. Ad cujus probationem respondetur, quod licet in casu mortalis probabilis cesset aliquando obligatio illud confitendi, non provenit ex eo, quod quis probabiliter opinetur se peccasse ; hinc enim potius obligandus foret ;

sed

Argum.
4.

Eliditur
4 Argum.
ment.

sed provenit ex eo, quod longe probabilius, et certo probabile est non fuisse peccatum mortale : quo dictamine occurrente, satis prudenter deponitur dubium, et cessat obligatio illud explicandi in confessione. Quæ omnia aliter se habent in casu, quem versamus, peccati dubii manentis in esse dubii : nam tunc intellectus relinquitur anceps in æquilibrio. Unde consequitur, quod homo prudentissime timeat se esse in statu peccati mortalis, et quod non formet prudens dictamen, quod se ab illo onere se expediat. Et ideo ne ulteriori periculo se exponat, vel agendi contra charitatem erga se, vel omittendi satisfactionem Deo læso debitam, tenetur pro utroque querere certum remedium mediante confessione sacramentali.

199. Sed instabis (et sit quintum argumentum) nam licet habeamus præceptum servandi æqualitatem justitiæ cum proximo, non obligamur ad ei satisfaciendum, quando, et quandiu dubitamus de injuria illi a nobis illata : ergo quamvis detur præceptum satisfaciendi Deo pro injuriis, quas ei irrogamus, et procurandi cum ipso pacem, et amicitiam, non obligamur ad talem satisfactionem et ad suscipiendum pro ea sacramentum pœnitentiæ, quando non est certum nos Deum offendisse, sed manet dubium de offensa commissa.

Confirmatur ab exemplo similium dubiorum in aliis rebus : nam satis generale est non consurgere obligationem ex dubio, quæ daretur plane, si res esset certa : ergo idem dici debet in casu dubii circa gravitatem peccati, ut paritatis ratio concludere videtur. Antecedens constat : tum in voto, de quo, si quis dubitat, non obligatur ad rem promissam. Tum etiam, in dubio an casus sit reservatus, nam eo stante non obligatur pœnitens superiorem adire pro peccati absolutione. Tum præterea, quia si quis incidat in dubium juris, vel facti, an irregularitatem incurrerit, non debet ut irregularem se gerere, ut resolvit N. Andreas, tract. 10 de Censuris, cap. 2, quæst. 16, n. 211. Tum denique, ut alia omittamus, si quis dubitat, an sit excommunicatus, quamvis consultissimum sit, quod procuret absolutionem saltem sub conditione : nihilominus non conatur se ut excommunicatum gerere, nec petere absolutionem, sed postea contra dubietatem

agere, perinde ac si excommunicatus non esset, ut resolvit idem Andreas loco citato n. 208. Quod exemplum magis ad rem præsentem accedit, ut obligetur dubius de gravitate peccati, recte quidem facere, confitendo tale dubium; sed ad id tamen non teneri sed posse dubium contemnere.

Ad replicam, sive argumentum, concesso ^{inodatio} antecedenti, negatur consequentia. Disparitas est, quod nulla certa, et communis vel sententia, vel consuetudo adstruat præceptum satisfactionis erga proximum, quando est dubium de justitia: e converso autem datur communis sententia simul cum communi praxi fidelium affirmans præceptum confitendi, et satisfaciendi Deo pro peccato, ubi dubium circa ejus gravitatem occurrit. Potestque ista extrinseca, et satis firma differentia revocari in ipsas res naturas, quia præceptum justitiæ erga proximum est negativum, sive in negativo primitus fundatur : obligamur enim ad non offendendum proximum, et consequenter ad illi satisfaciendum, quatenus satisfactio necessaria est, ne læsio, aut inæqualitas daret : quocirca ubi, et quando de læsione proximi nobis non constat, sed dubia est. non obligamur ei satisfacere. Præceptum vero pœnitendi, et confitendi, sive procurandi amicitiam cum Deo est positivum, atque obligans per se tam ob utilitatem propriam, quam ob subjectionem Deo debitam. Unde tenemur id ita procurare, ut judicare prudenter possimus illud obtinuisse, vel saltem fecisse, quod pro ipso obtinendo ex parte nostri desideratur. Hoc autem judicium non componitur cum peccato mortali dubio, quin illud confiteamur, ut dubium : quod est remedium securissimum, et nobis non admodum grave.

Ad confirmationem satis constat ex dictis, tam immediate, quam supra : nam in dubio de peccato mortali, et in obligatione illud confitendi occurrunt speciales rationes, ut hanc adstruamus, quas non reperi-
^{Ad confirmationem.} mus in aliis dubiis. In isto namque stat possessio pro præcepto confitendi, ut satis evincunt communis sententia Doctorum, et non minus communis fidelium praxis: aliunde illa obligatio non debet reputari onerosa dubitanti, sed favorabilis, et multum conferens ad ejus commodum. Quæ motiva cum in aliis dubiis communiter non occur-

rant, mirum non est, si in eisdem obligatio ad determinatum onus aliquod non consurgat. Omissio itaque antecedenti negamus consequentiam ob assignatam disparitatem, et supra n. 192 magis elucidatam. Unde supervacaneum apparet occurrere probationibus antecedentis, quod omittimus, et concedimus verificari frequenter. Sed tamen respondemus ad primam, unumquemque esse in possessione suæ liberæ voluntatis : unde nisi constet illam ligatam fuisse voto, nemo tenetur ad rem, de qua dubitat, an fuerit voto promissa. Ad secundam similiter, quod fideles sunt in possessione confitendi sua peccata legitimo confessario, hoc est, sacerdoti ad id approbato, et exposito cum jurisdictione ordinaria, vel delegata : quare huic omnia sua peccata confiteri legitime valet, quamdiu non constat superiores eorum aliqua sibi reservasse : nec oppositum in dubio præsumendum est : præsertim cum reservatio sit odiosa tam pœnitentibus, quam confessariis. Ad tertiam eodem modo, quod nemo privandus est jure generaliter omnibus conveniente ad sacros ordines, et proprios illorum actus, nisi oppositum probetur : unde in casu dubii non est præsumendum irregularis, nisi in aliquo casu oppositum determinetur in jure ; maxime cum hæc etiam inhabilitas sit odiosa, et extendi non debeat ad casus non expressos. Similiter diluitur ultima, quia fideles in se habent, et in possessione sunt communicandi cum aliis in sacris, in orationibus, et sacramentorum usu, nec his absque sua culpa privari debent ; atque ideo, ubi est dubium, non obligantur se ut excommunicatos gerere, sed utuntur licite jure suo. Unde tandem constat ad augmentum difficultatis : nam qui semel incidit in dubium rationabile, et prudentiale (quod solum est subjectum præsentis quæstionis) quandiu illud conservat ob carentiam motivi ad illud deponendum, retinet tale peccatum in conscientia, atque ideo manet sub obligatione adimplendi præceptum generale manifestandi in confessione omnia mortalia, quorum conscientiam habet certa, ut certa, et dubia, ut dubia, sicut fusius in superioribus explicatum est.

§ IV.

Quæstiunculæ appendices, et earum resolutio.

200. Superest, ut alias leviores ex eadem radice provenientes decidamus difficultates. Et in primis illa occurrit, quomodo se gerere debet pœnitens, qui tam de facto, quam de jure est dubius, an admiserit mortale ? Multoties contingit quem esse certum de facto, dubium autem de jure, quia scit se fecisse aliquod peccaminosum, et re ipsa peccasse saltem venialiter ; sed dubitat, an illud fuerit etiam mortale. Et in hoc casu opus non habet adhibere aliam materiam certiore, ut puta aliquod mortale certum, et jam confessum : quia illud dubium, quod confitetur, materiam certo sufficientem importat, dummodo motivum, sub quo in dolendo, et proponendo procedit, se extendat certo ad veniale peccatum, quod forte, et majus commissum fuit. Sed si prudenter timeat se solum habere dolorem, et propositum erga mortalia, opus habebit adjicere aliquod mortale certum ex jam confessis : aliter enim, periculo se exponit peccandi ob carentiam dispositionis necessariæ pro sacramenti fructu, et valore. Quod si nullum mortale certum habet, quod submittat, id explicare debet, ut absolvatur non absolute, sed sub conditione, quod illud peccatum, de cujus gravitate dubitat, fuerit mortale ; ne irritetur sacramentum. Quæ satis constant ex supradictis. At ubi dubium est non solum de jure, sed etiam de facto (quod non raro etiam contingit) ut cum quis dubitat non solum de gravitate, sed de ipso etiam peccato, abstrahendo a gravi, et levi, v. g. an peccaverit, et data hac suppositione, an peccaverit gravior : tunc necessarium est omnino adjungere aliquod peccatum certum, ut cum Sanchez, et Suarez observat N. Franciscus cap. 8, n. 50, punct. 3, quia alias nulla adhiberetur certa confessionis materia, et periculum esset nullum faciendi sacramentum. Quod si pœnitens non habeat alias mortale, et veniale subjicere non audeat ob doloris erga illud incertitudinem, non est absolvendus de dubio absolute, sed sub conditione, quod vere fuerit mortale, ut proxime ob idem motivum diximus.

Deinde dubitari potest, an quæ de peccato

Dubita
1.

2. *ital.* cato mortali dubio diximus in genere, applicandum sit speciebus peccati, et similiter circumstantiis addentibus, seu mutantibus speciem. V. g. scit aliquis se peccasse mortaliter, sed ignorat, aut dubius est, in qua specie furti, vel turpitudinis, etc. Scit etiam concupivisse fœminam, sed dubitat an illa fuerit conjugata, vel soluta. Et tenendum est cum communi sententia obligari penitentem ad explicandum hæc omnia in confessione. Nam eadem est ratio confitendi sub dubio peccata dubia, et confitendi certe, et absolute peccata certa. Sed quando peccata mortalia sunt certa in aliqua specie, et sic certo cognoscuntur, opus est illa confiteri, et absolute, et similiter quando certo occurrunt circumstantiæ mutantibus speciem peccati mortalis, debent certo confiteri, ut patet ex dictis dub. 3, § 2 et § 4 : ergo pariter quando de his omnibus adest dubium, cuncta illa in confessione sub dubio explicari debent. Et plane supposita præsentis, ac principalis hujus quæstionis resolutione, nulla occurrit ratio ad theologizandum in speciebus et circumstantiis peccati dubiis alio modo, ac in ipso peccato dubio : nec occurrunt circa hanc partem motiva, quæ objecta, et dissoluta non relinquuntur in his, quæ opposita fuerunt contra nostram, et communem assertionem.

D. ital. 201. Tertio dubitari potest ; an sententia nobis contraria sit probabilis. Affirmant ejus patroni num. 125 relati. Quin ex defensoribus sententiæ communis deferunt, aut deferre videntur probabilitatem oppositæ. Ita in primis Tyrsus quando disp. 40, sect. 3, n. 32 inquit : ergo licet a censuris absteineam, quibus graves auctores oppositum notant, huic sententiæ, ut probabiliori assentior : nam istud comparativum supponit absolutam probabilitatem alterius. Et pro eodem dictamine Emmanuel a Conceptione disp. 3, quæst. 6, n. 377 refert Layman, Paulum, Amicum, et Cardenas, quibus ipse non obscure subscribit, dum sententiam communem statuens ait : sed probabilius longe respondeo affirmative ; ubi probabilitatem et si longe inferiorem parti contrariæ relinquit. Qui vero hanc partem mordicus, et expressius, quam alii tuentur, noster est Antonius a Spiritu Sancto, Lusitanus, disp. 5, sect. 2, n. 270 pro eadem resolutione præter rela-

tos addens Granados, Martinonum, et Martinum a Sancto Joseph. Et probatur : Tum, quia talis sententia habet probabilitatem ab extrinseco ex auctoribus immediate relatis eam asserentibus : tum, quia habet etiam probabilitatem ab intrinseco ex motivis satis verosimilibus, quæ § præcedent. proposuimus. Habet igitur quidquid requiritur, ut sit probabilis, et talis dicatur, et reputetur. Ita ratiocinantur ; sed cum Tyrso, et aliis sentimus : ne contra decreta Alexandri VII et Innocentii XI et Alexand. VIII procedamus.

202. Quarto, et major difficultas est, ^{Dubium 4.} utrum peccatum mortale confessum sub dubio debeat illo cessante confiteri ut certum, quando videlicet certo cognoscitur fuisse mortale ? Nam si vice versa, qui confessus est aliquod mortale, ut dubium, postea certo recognoscat non fuisse mortale, ad nihil tenetur, ut bene observat Lepe in Catec. Cathol. part. 4, cap. 8, ^{Sentent. 4.} num. 87, quia ex illa subsequenti cognitione nullum in conscientia resultat gravamen. Circa propositam autem difficultatem sunt duæ sententiæ, et prima negat obligationem confitendi denuo tale peccatum. De qua inquit Tyrsus disp. 40, sect. 5, n. 47, Cardinalis de Lugo pro parte negante gravia conficit argumenta, licet non audeat id absolute asserere ; ausus est autem Leander disp. 5, quæst. 27. Eandem docent Merolla tom. 1, disp. 3, cap. 3, ^{Leand. Merolla. Caram. Verd. Vidal. Tambur. Baseus. Delgad. Anton. Ferrant. Sanctius. Perez. Emman. Fundam.} dub. 2, Caramuel lib. 3 de conscientia dictam. fol. 394 et in Theolog. Fundam. n. 1473, Franciscus Verde, aut ipse Caramuel quæst. 12, § 2, Martinus a Sancto Joseph, lib. 1, tract. 8, num. 9, Vidal de Penitent. inquisit. 5, num. 33, Pelizarius tom. 1, tract. 5, cap. 3, sect. 1, Tamburinus in Method. confess. lib. 2, cap. 1, § 4, Carpensis tract. 24, disp. 4, sect. 16, Baseus de Conscientia lib. 4, cap. 18, Delgadillo cap. 14, dub. 10, Tancredo disp. 6, quæst. 2, N. Antonius disp. 5, quæst. 3, num. 296. Denique Ferrantinus, Varricali, Sanctius, Perez, et alii, quibus relatis subscribit Emmanuel a Concept. disp. 3, quæst. 7, n. 403. Commune illorum fundamentum est, quod mortale dubium confessum ut dubium, subjectum directe fuit clavibus Ecclesiæ sub conditione, quod esset, et similiter directe remissum fuit per absolutionem sacramentalem sub conditione, quæ

verificatur, ubi vere peccatum mortale fuit : ergo quod postea certo cognoscatur, non inducit obligationem illud iterum ut certum confitendi, siquidem supponitur directe confessum, et directe absolutum sub conditione, quæ tunc erat, et modo recognoscitur purificata. Idque declaratur exemplo : nam si dubius de excommunicatione petat pro majori cautela, ac securitate absolutionem ab illa sub conditione, quod excommunicationem incurrerit, et talem absolutionem consequatur, licet postea certo comperiat se censuram illam incurrisse, non indiget nova absolutione ; nam prior data fuit sub conditione, quæ verificata jam est.

203. Contraria tamen sententia est communior, probabilior, et securior. Plurimos pro illa refert Diana 3 par. resolut. 91 et 6 part. tract. 6, Miscell. 35 et part. 10 resolut. 16, Gallego tract. de conscientia dubia, dub. 20, dicens esse doctrinam communem, Lugo disp. 16, sect. 14, n. 585, dicens esse communem sensum Doctorum, Oviedo 1, 2, tract. 5, contrav. 4, punct. 7, dicens esse omnino certam. Dicastillo dub. 9, dub. 2, § 4, num. 141, dicens oppositum esse inauditum in Ecclesia Dei. Cardenas in selectis, disp. 51, cap. 2, istam esse certam, et indubitatam sententiam. Tyrus jam citatus n. 48, dicens esse sententiam communem ; unde supervacaneum est alios ejus patronos in particulari referre. Videantur tamen Sanchez in Decalogo lib. 1, cap. 10, n. 69, Prado quæst. 81, dub. 4, § 7, Lepe ubi supra supra n. 30 et N. Gabriel a S. Vincentio dis. 8, quæst. 4, qui rem late, et docte discussit.

Sed insuper probatur urgenti satis motivo desumpto ex Concil. Trident. sess. 14, cap. 5, ubi docens necessitatem integritatis confessionis, et quod subinde pœnitens debeat diligenter conscientiam discutere, et omnia peccata tam in specie, quam in numero, et circumstantiis speciem mutantibus, quantum fieri potest, in memoriam revocare ; duas assignat hujus necessitatis rationes, sive radices : tum quia internum istud pœnitentiæ judicium nequit, non cognita causa, convenienter exerceri : tum quia æquitas in injungendis satisfactionibus tam pœnalibus, quam medicinalibus aliter observari non possit, ut constat ex fuis dictis num. 188. Hæc autem omnia

militant etiam in casu præsentis, quod quis confessus fuerit mortale ut dubium, et post certo cognoscat fuisse mortale : nam prius non fuit causa certo cognita, sed mansit in dubio : postea vero potest certo cognosci : prius ob incertitudinem non est injuncta debita pœnitentia ; sed cognita postea culpa, potest conveniens pœnitentia, tam pro puniendo, quam pro medendo applicari. Ergo in prædicto casu debet pœnitens confiteri peccatum, quod certo cognoscit mortale. Unde non pauci merito observant differentiam inter mortale dubium, et idem mortale certum, esse moraliter specificam in ordine ad confessionem : quia variat gravissime statum causæ, et judicium confessarii. Quare sicut qui confessus est aliquod mortale putans, tunc et dicens fuisse talis speciei, si postea certo cognoscat fuisse alterius, tenetur hoc posterius confiteri ; aliter enim sua peccata in specie non confiteretur ; sic etiam qui confessus fuit mortale ut dubium, si postea deprehendat esse certum, debet illud subinde et cum illa certitudine confiteri.

Confirmatur, et explicatur amplius : Nam, si quis commisit aliquod peccatum, quod cum confiteretur, putavit, aut probabiliter censuit esse veniale, et postea certo recognovit fuisse mortale, debet illum peccatum iterum confiteri, ut mortale : ergo idem dicendum est, ubi confessus peccatum ut mortale dubium, postea recognoscit fuisse mortale certum. Consequentia patet tum a paritate : tum ex eo, quod confitens mortale dubium, non aliam malitiam sub eo dubio determinat quam mortali, et veniali communem, quæ subinde non est determinate gravis : ergo sicut sub confessione venialis non comprehenditur peccatum mortale, quod postea tale cognoscitur : et propterea debet ut mortale confiteri : sic etiam sub expressione mortalis dubii non comprehenditur mortale certum ; et ideo debet in confessione sub expressione certi explicari. Tum insuper nam ideo in casu antecedentis est necessaria secunda illius peccati confessio, quia cognitio venialis, et cognitio mortalis variant gravissime in ordine ad confessionem judicium confessarii, et impositionem pœnitentiæ pœnitentis, et præservantis ; sed eadem gravissima variatio occurrit inter cognitionem mortalis dubii, et cognitionem mortalis certi

Probabilior
sententia.
Diana,
Gallego,
Oviedo,
Dicastillo,
Carden.

Sanchez,
Prado,
Lepe,
Gabriel.

Ratio.

certi, ut facile, et ob eadem motiva consideranti constabit : ergo idem in casu consequentis dicendum est. Antecedens vero constat : quia peccatum mortale cognitum est materia necessaria confessionis, et ut materia gravis debet necessario explicari, quod non potuit fieri, ubi prius credebatur determinate veniale : ergo postea ut mortale, et quod fuit mortale, confiteri debet.

204. Ad fundamentum autem contrariæ sententiæ respondetur concesso antecedenti, negando consequentiam, quæ ex illo non recte deducitur ; tum quia licet mortale sub dubio fuerit directe confessum, et remissum, non fuit tamen sufficienter explicatum : et ideo relinquitur obligatio explicandi ut certum, quando fuisse mortale certo cognoscitur. Ut enim proxime diximus, est incomparabiliter diversum iudicium de peccato, de quo dubitatur an fuerit mortale, vel tantum veniale ; et de peccato, quod certissime cognoscitur mortale fuisse. Quæ diversitas fundat diversum omnino modum iudicandi in confessario tam in ordine ad punitionem culpæ, quam in ordine ad remedium pœnitentis : quippe in nihilo horum omnino congrue providetur, ubi omnia aguntur sub dubio ; possunt autem accurate disponi, ubi certo cognoscitur gravitas peccati, et morbi. Tum quia hoc sacramentale iudicium ordinatur ad sententiam absolutam remittendi, vel retinendi peccatum, sicut proportionabiliter contingit in foro externo, et contentioso. Ubi autem mortale sub dubio exponitur in confessione ; iudex, sive confessarius non absolvit ab eo absolute, sed sub explicita, aut implicita conditione, quod fuerit. Unde quamvis purificetur conditio, si postea certo deprehendatur fuisse mortale, opus est illud absolute exponere, ut veniat absolute in iudicium, et de eo sententia absoluta feratur. Sic plane in foro externo, si Petrus accensaretur de homicidio, et causa hinc inde cognita res maneret sub dubio, iudex non condemnaret Petrum ad pœnam pro homicidio lege taxatam, sed ad aliam inferiorem, et arbitriariam, ubi ille ab objecto sibi crimine non plane maneret purgatus : injustum namque est pro culpis dubiis injungere pœnam pro certis assignatam, ut dicitur in cap. *Grave* 23, quæst. 3. Sed si post hæc accederent testes oculares, et argumenta irrefragabilia, quibus demons-

trative convinceretur Petrum fecisse homicidium, non reputaretur absolute liber, et immunis a subeundo iterum accusationem, et sententiam ; sed sisti deberet, et pro meritis condigna pœna in ultima, et absoluta sententia puniri. Idemque in materia restitutionis, aut alterius satisfactionis dicendum est. Sic igitur in materia præsentis, licet ubi mortale manet dubium, sufficit se de illo ut dubio accusare, et acceptare arbitrariam satisfactionem, et conditionate absolvi. Tamen ubi postea certo constat mortale, debet iterum ad Tribunal confessionis revocari, ut tanquam certum ibi cognoscatur, et de illo absolutum iudicium fiat, et absolute proferatur sententia : quod prius factum non fuerat. Idque, ut optime observavit Lepe loc. cit. num. 31, non est obligare pœnitentem ad confitendum bis id peccatum ; sed ad confitendum duabus vicibus peccatum secundum duos diversos status, quos habet in conscientia. Quare peccatum confessum ut certum non debet iterum confiteri. Et peccatum dubium confessum ut dubium non debet iterum confiteri quandiu status dubii invariatus perseverat. Sed ubi confessum ut dubium transit ad statum certi, necessario ut tale exponendum est : quia adest notabilis novitas in conscientia pœnitentis, et diversum omnino iudicium in confessario.

Ex quibus patet ad exemplum, quò illud fundamentum confirmabatur ; nam institutio sacramenti pœnitentiæ obligat ad exponendum sacerdotibus, quantum fieri valet omnia mortalia eo modo, quo possit absolute de his censere : quod minime facit, qui certo cognoscens fuisse mortale, quod prius confessus fuerat ut dubium, illud non confitetur ut certum. Sed id non postulat potestas tollendi censuras, quæ tota pendet a dispositione Ecclesiæ : unde sublata ex quocumque titulo excommunicatione, absolute tollitur, usque dum superveniat novum crimen, cui adiaceat. Et id dicendum est de dispensatione facta in voto, sive dubio, sive certo, et in similibus : nam semel facta tenet, et extinguit simpliciter obligationem ; superveniat, aut non diversa circa firmitatem voti notitia. Sed absolutio peccati mortalis dubii cum sit conditionata, relinquit locum sententiæ absolutæ, et obligationi illam subeundi, ubi certo constiterit de gravitate peccati.

Difficilis
objectio.

205. Occurrit tamen contra nostram resolutionem communis, et difficilis objectio : nam si quis confessus fuerit decem perjuria plus minusve, si postea certo cognoscat fuisse undecim, non tenetur privatim undecimum certo cognitum confiteri : ergo pariter qui confessus est unum aliquod mortale dubium, quamvis postea certo compariat fuisse mortale, non obligatur confiteri illud ut certum. Antecedens admisimus, statuimusque supra num. 81, cum satis communi sententia accedente etiam frequenti fidelium usu. Consequentia vero probatur : namqui confitetur decem perjuria plus minusve, per hoc additamentum non explicat undecimum perjurium ut certum, sed solum ut dubium, ut patet ex communi concipiendi, et loquendi modo : et tamen licet illud postea certo cognoscat non tenetur ipsum confiteri, ut certum : ergo generaliter verum est, qui confessus est aliquod mortale dubium non obligari ad confitendum illud ut certum, quamvis postea certum fuisse deprehendat.

Confirm.

Confirmatur, et explicatur : nam eadem est ratio de illo perjurio incerto confesso cum decem perjuriis certis, ac de ipso perjurio incerto confesso separatim, et independentem a decem certis : nec enim apparet, quid diversum habeat ex conjunctione, aut connotatione ad decem perjuria certa, vel ex separatione ab illis : sed ubi cum aliis conjungitur, tam sufficienter confessioni, et absolutioni subjicitur, quod in alia confessione ut certum exponi non debeat, quamvis certo cognoscatur : ergo idem dicendum est quando per se, et solitarie dicitur in confessione ut dubium, etsi postea cognoscatur ut certum. Explicatur amplius : quia eadem etiam est ratio de peccato confesso ut dubio ; sed numerus peccatorum confessus ut dubius, et significatus ut dubius per illas voces *plus minusve*, non debet postea explicari ut certus, quamvis certus cognoscatur : ergo peccatum confessum, ut dubium, licet postea cognoscatur certum, non debet iterum ut certum confiteri.

Explicatio.

Quidam ex Auctoribus communi nostræ resolutioni contrariis tantas, et adeo evidentes vires huic objectioni deferunt, ut affirmant admissa sententia, quam admissimus, confitendi incertum numerum peccatorum sine obligatione ad confitendum certum, ubi compariatur, non posse nisi

inconsequenter negari idem dicendum esse de peccato dubio, licet postea certum cognoscatur : quia est inter utrumque insolubilis, et manifesta connexio. Quos ut retunderet, Cardenas supra relatus asseruit, quod, si datur tanta connexio inter unam, et alteram sententiam, prior excusans per eas particulas *plus minusve* a manifestando numerum determinatum postea certo cognitum, est ab intrinseco improbabilis, utpote, ex qua evidenter deducatur consequens improbabile, quale ille censet, quod peccatum mortale confessum, ut dubium non debere confiteri ut certum quando certum fuisse cognoscitur. Quæ cum vidisset Emmanuel loco citato, n. 425, reposuit eam resolutionem videri atrocem arrogantiam, ne amplius dicam, etc. quia damnat improbabilitatis sententiam communem. Hoc autem zelum facile declinat Cardenas, quia non loquitur absolute, sed ex suppositione, et ab inconvenienti, quod prior sententia de numero incerto, cognito postea ut certo, non posset defendi, quin eo ipso defenderetur secunda de peccato dubio, cognito postea ut certo. In qua hypothesi idem, et alii dicere non horrescerent : quia longe verius est, et praxi Ecclesiæ, ac doctrinæ Tridentini conformius, quod qui confessus est mortale ut dubium, et postea comperit certum fuisse, tenetur illud confiteri, ut certum, quam quod, qui dixit numerum peccatorum sub illa incertitudine decem *plus minusve*, excusetur a confessione undecimi, quando undecim fuisse peccata certo cognoscit. Et propterea si istæ duæ sententiæ cohærere non possent : hæc posterior potius quam illa negari deberet : et si improbabilitas ab intrinseco in earum unam censuram caderet (quod non affirmamus, nec asseruit Cardenas), illi, quæ pro antecedenti assumitur potius impingeretur, quam nostræ. Et hoc ipsum sensit Dicastillo disp. 9, dub. 2, § 4, num. 141, dicens, quod propter efficax argumentum, quo probatur esse eandem rationem de peccato dubio, et de numero incerto, magis rationi consonum existimat talem numerum esse explicandum, si postea constat certo, quantus determinate fuerit ille numerus, vel saltem certo constat fuisse majorem, quam dicere peccatum semel confessum ut dubium, non debere iterum ut certum explicari : id enim posterius

terius est inauditum in Ecclesia Dei. Ideo merito ipse Cardinalis de Lugo (qui magis eam similitudinem inter unum, et alterum casum usque ad exaggerationem expendat) non vult, ut ipse ait, in re morali discedere a communi sensu, si postea certo constat de numero. Sic inter se pugnant illi Auctores, ut vim paritatis inter utrumque casum elidant.

206. Sed tanta non est difficultas, ut nos in eas angustias impellat. Quare objectioni respondetur concedendo antecedens, ut concessimus loco citato, et negando consequentiam. Disparitas est, quod in spectantibus ad hoc sacramentum (cujus sicut, et aliorum conditiones, non ex naturis rerum sed ex divina institutione, unde ortum habent, desumi debent, et explicari) non est rationibus metaphysicis, nec ex similitudine, aut paritate metaphysica ponderata procedimus, sed magis ex attentione ad illius institutionem. Hæc autem, ubi non habemus divinam revelationem vel in scriptura expressam, vel per Concilia explicatam, optime innotescit per Ecclesiæ praxim, et consuetudinem, quæ habet vim traditionis, et est optima legum interpret. Videmus autem communem usum fidelium esse, quod, qui confitetur juxta præscriptam formam decem perjuriam *plus minusve*, licet postea certo cognoscat fuisse undecim non obligari ad confessionem novam undecimi; et sic docent communiter Theologi: e converso autem videmus, quod qui confessus fuit aliquod peccatum, ut veniale, vel tamquam mortale dubium, si postea comperiat fuisse certo mortale, obligatur ad illud iterum ut tale confitendum, et sic tradit communis Doctorum sententia: ergo præsumere debemus rem ita se habere ex ipsa sacramenti institutione, et utramque sententiam veram esse. Quare ex una non debet altera impugnari, aut e converso: cohærent namque, non quidem necessario ex natura rei, sed ex Dei institutione, de qua nobis constat per usum Ecclesiæ et communem sententiam Doctorum: omnes namque, aut fere omnes statuunt eum, qui confessus fuit se fornicatum esse decem vel undecim vicibus, vel se fornicatum decem vicibus plus minusve, licet postea certo recognoscat undecimum peccatum, non obligari ad illud denuo confitendum, sed sufficienter com-

prehensum intelligi in priori confessione sub illa dicendi formula: at iidem omnes, aut fere omnes affirmant eum, qui confessus fuit aliquod peccatum ut veniale, aut sub dubio mortalis, si postea cognoscat certo fuisse determinate mortale, teneri ad illum iterum, ut mortale confitendum: et similiter asserunt eum qui confessus fuit se peccasse cum muliere, sed non recordari an fuerit soluta, vel conjugata, teneri ad manifestandum postea speciem adulterii, si recordetur fuisse conjugatam, seque, quando peccavit, advertisse. Disparitas itaque inter casum incertitudinis quantum ad numerum peccatorum ejusdem speciei, et casum incertitudinis quantum ad conditionem, sive speciem peccatorum, ut quod fuerit mortale, quod sub dubio erat veniale, et quod fuerit adulterium, quod sub dubio erat simplex fornicatio; revocanda est in divinam institutionem. Et ea sola disparitate dissolvuntur omnes similitudines, et æqualitatis rationes, quæ in objectione, et ejus confirmationibus expenduntur: nam contra omnes stat opposita Dei institutio.

Si autem ulterius progressi velimus assignare rationem congruentem hujus diversæ institutionis, ea plane desumitur ex nostro fundamento proposito num. 203, attendente ad finem confessionis in manifestatione peccatorum. Ordinatur enim præcipue, ut sacerdos, quantum fert humanæ cogitationis fragilitas, cognoscat causam, sive statum pœnitentis, ut rationabilem pœnitentiam pro culpis imponat, et opportunam pro qualitate morborum, et periculorum medicinam adhibeat. Pro hujusmodi autem fine plurimum refert cognoscere peccati quidditatem, et conditionem, v. g. quod non fuerit tantum veniale, sed certo mortale: quod non fuerit præcise fornicatio, sed adulterium, aut sacrilegium: ab his namque perpenditur gravitas morbi, et necessitas remedii. Sed in ordine ad prædictum finem non admodum interest exacta omnino dinumeratio peccatorum intra eandem speciem: quia vel ad imponendam satisfactionem, vel ad consulendum de medicina, parum, aut fere nihil variat, quod quis commiserit unum perjurium supra decem, vel non commiserit nisi decem tantum, ut ex se liquet, et facile consideranti constabit. Ab hac itaque

radice habuit ortum communis praxis divinæ institutionis declarativa, quod numerus peccatorum possit, et soleat explicari cum aliqua indeterminatione, ubi certus numerus non occurrit: et quod postea opus non sit excessum denuo confiteri, quamvis certo cognoscatur; dummodo excessus sit modicus, et leviter varians iudicium confessarii in ordine ad finem relatum. E converso autem, quando peccatum confessum est ut veniale, vel ut dubium mortale, si postea comperiat fuisse mortale certum, denuo ut tale confiteri debeat, quia variatur notabiliter status causæ in ordine ad iudicium confessarii, et ad remedium pœnitenti consulendum. Accessit pro eadem congruenti differentię ratione species peccatorum longe facilius cognosci, quam eorum numerum intra eandem speciem, præsertim ubi numerus est cogitationum, aut verborum: aliunde etiam facilius conservamus memoriam speciei, quam numeri, ut experimento liquet. Quare congruum fuit, quod homo obligaretur ad magis exactam manifestationem peccatorum quantum ad gravitatem, et speciem, quam præcise quantum ad numerum intraspeciem. Et inde provenit, quod sufficit numerum circiter, sive plus minusve recensere bona fide, id est nullum tacendo ex industria; et quod, si aliquis parvus excessus postea deprehendatur, censeatur prius confessus, et comprehensus, et opus non sit alia ejus confessione. Ceterum ubi aliquissolum sub dubio confessus fuit conditionem mortalis, aut aliquam mortalis speciem, si illam certo postea cognoscit, debet illam confiteri ut certam: quia adest notabilis varietas in ordine ad confessionis finem, ut satis constat ex dictis; quin opus sit alia addere pro diluendo in particulari, vel probationem consequentię in objectione, vel confirmationem, vel ejus explicationem, aut difficultatis augmentum. Nam hæc omnia innituntur paritati, ac similitudini inter peccatum mortale dubium, et numerum peccatorum mortalium incertum. Sed ea æqualitas dissipata relinquitur ex praxi Ecclesiæ, ex institutione Dei, et ex ipsis rerum naturis.

207. Ex dictis sequitur peccata mortalia, quæ post diligentem discussionem memoriæ non occurrunt, et propterea non explicantur, licet inculpabiliter, non ma-

nifestantur in confessione, si postea in memoriam venerint, debere in confessione manifestari. Contrarium hujus consecrarii docuit quidam Pater Capucinus Neapolitanus, vir alias Religiosus, et doctus in peculiari opusculo circa hoc punctum composito: cui sententiæ, et aliqui alii subscripserunt, et eam proponit Murcia etiam Capucinus lib. 2 disquisit. moralium, disp. 4, resolut. 25. Fundamentum eorum procedebat ex principiis alias certis, sed perperam explicatis, et applicatis: nam ad integritatem formalem confessionis, et ut sacramentum pœnitentiæ causet suum effectum, non requiritur, quod omnia mortalia reipsa confiteantur: contingit namque frequenter plura inculpabiliter omitti, vel propter ignorantiam, vel propter oblivionem. vel ob instantem necessitatem ex ingruentia mortis aut notabilis alicujus periculi. Aliunde vero non remittitur unum aliquod mortale, quin remittantur omnia, et impossibile est oppositum contingere, ut ex proposito ostendimus in priori parte disp. 4, dub. 13, § 3; ergo in prædicto casu omnia peccata tam confessæ, quam non confessæ remittuntur per sacramentum pœnitentiæ. Ubi autem aliquod peccatum per hoc sacramentum remittitur opus non est illud eidem sacramento iterum subjicere; siquidem jam subjectum est clavibus, quarum virtute, et non aliter operatur hoc sacramentum: ergo peccata mortalia in aliqua confessione invincibiliter oblita, vel instante periculo non explicata manent libera ab obligatione illa postea in alia confessione explicandi.

Sed falsitas hujus sententiæ colligitur efficaciter ex hactenus dictis: nam mortalia dubia cognita, et confessæ ut talia, si postea cognoscantur ut certa debent ut certa iterum confiteri: ergo pariter, et a fortiori mortalia, quæ nullo modo cognita, nec confessæ sunt, debent ubi in memoriam veniunt, subjici clavibus Ecclesiæ per expressam sui confessionem. Patet consequentia: quia multo magis subjectum clavibus Ecclesiæ supponitur peccatum, quod saltem sub dubio subjectum fuit, quam peccatum omnino, licet inculpabiliter, omisum, quod nulla sui expressa mentione subjectum est; ergo si confessum ut dubium debet iterum subjici, ubi certo cognoscitur; multo magis peccatum in confessione

Opificatoria, ejusmodi

Falsitas illius ostenditur.

Consect.
1.

confessione quoquo titulo, vel oblitum, vel omissum debet postea confiteri, ubi ejus recordamur, et non habemus urgens motivum illud subjicendi. Nec par est detineri, aut alia expendere in profligando sententiam adeo falsam, et periculosam : nam damnata fuit inter alias a SS. Alexandro VII, in Decreto sæpius allegato, et proposita num. 11, his verbis : « Peccata in confessione omissa, seu oblita ob instans « periculum vitæ, aut ob aliam causam « non tenemur in sequenti confessione « exprimere. » Unde supervacaneum foret aliis mediis uti ad ejus confutationem. Videatur tamen Emmanuel a Conceptione disp. 3, quæst. 8, ubi ex Moya, et Cardenas bene observat prædictam sententiam non solum post relatum decretum esse improbabilem, et scandalosam, sed etiam ante illud nunquam potuisse probabilem reputari. Et plane fundamentum, cui innitabatur, falsum est, eliditurque concedendo primum syllogismum, et negando minorem subsumptam, ut evidenter falsam : quia de jure divino est, quod omnia mortalia post baptismum commissa subjiciantur directe clavibus Ecclesiæ in sacramento pœnitentiæ per expressam eorum confessionem, ubi fieri potest, ut ostendimus contra hæreticos supra dub. 1, per totum. Unde licet supponantur remissa alias, et per alium medium, v. g. per contritionem, adhuc confiteri expresse debent : neque enim remittuntur absque confessionis, et pœnitentiæ voto, reducendo ad executionem tempore opportuno, nempe ubi occasio adest confitendi expresse peccata : ergo sicut ille, qui per contritionem consecutus fuit remissionem omnium mortalium, tenetur nihilominus illa confiteri ; et oppositum dicere foret hæreticum : sic etiam ille, qui in sacramento pœnitentiæ consequitur remissionem omnium mortalium, tam eorum, quæ in confessione manifestavit ; quam illorum, quæ ob invincibilem oblivionem, vel instans periculum, vel aliam justam causam non dixit, adhuc manet sub obligatione illa explicandi in confessione, cessantibus illis motivis. Quia sicut in priori casu non fuerunt confessa, sic etiam nec in secundo ; cum tamen de jure divino sit eorum expressa pro speciebus et individuis confessio, ubi fieri valet, sicut loco citato latius expendimus.

208. Unde ulterius colligitur, quid dicendum de sententia, quam docent Valerius in differentia utriusque fori verbo *Nul-litas*, different. 5, Delgadillo de pœnit. cap. 19, dub. 13, et Machado tom. 1, lib. 1, part. 1, tract. 2, docum. 3, nempe, quod peccata invincibiliter oblita in confessione, dum pœnitens illorum postea recordatur, possunt subjici, sive confiteri simplici sacerdoti, et per ejus absolutionem sacramentaliter dimitti, quin opus sit illa exponere sacerdoti approbato, et habenti jurisdictionem. In quam sententiam multum propendit relatus Murcia, quatenus dicit peccata in confessione oblita manere absoluta, sive remissa directe in sacramento, in quo simul cum aliis expresse confessis remittuntur, et motivum illorum est, quod simplex sacerdos habet potestatem Ordinis, et jurisdictionis (undecumque ista illi conveniat, de quo disp. 12, num. 68), ad absolvendum sicut a venialibus, sic etiam a mortalibus in alia confessione remissis ; sed supponitur, quod peccata mortalia, per oblivionem in alia confessione non explicata, fuerunt in eadem remissa ad remissionem eorum, quæ penitens expressit : quia eorum remissio supponitur fuisse directa ; siquidem sacerdos absolutionem direxit ad omnia pœnitentis peccata : ergo peccata in confessione oblita possunt confiteri simplici sacerdoti, et hic valet ab his sacramentaliter absolvere.

Ceterum hæc sententia est multum falsa, illamque improbabilem vocat Hozes in expositione primæ propositionis ex damnatis ab Innocentio XI. Et ostenditur destruendo simul ejus motivum ; nam sacerdos simplex solum potest absolvere a materia non necessaria confessionis ; ut sunt venialia absoluta, et mortalia jam confessa : sic etiam tradunt communiter Doctores, et constat satis evidenter ex Concil. Tridentino sess. 23, cap. 15, derogatis quibusvis in contrarium privilegiis, et consuetudinibus ; sed peccata invincibiliter oblita in priori confessione sunt materia necessaria futuræ confessionis : ergo non possunt submitti simplici sacerdoti, nec hic valet super illa proferre absolutionem. Cetera constant, et minor in qua poterat esse difficultas, ostenditur : nam si peccata invincibiliter oblita in priori confessione non essent materia ne-

Secun-
dum
Valer.
Delgad.
Machad.

Vera
sent.

Concil.
Trid.

cessaria sequentis ; sequeretur, quod peccata in confessione oblita non teneremur in sequenti confessione exprimere : quippe manifestum est nos non obligari ad exprimendum materiam non necessariam, ut ex terminis liquet : consequens autem est falsum, et reprobatur a Sede Apostolica, in propositione supra posita : « Peccata in confessione omissa, seu oblita ob instans periculum vitæ, aut ob aliam causam non tenemur in sequenti confessione exprimere. » Ergo peccata in priori confessione invincibiliter oblita sunt materia necessaria futuræ confessionis.

Ever-
tur moti-
vum
oppositæ
senten-
tiæ.

Ex quibus satis constat ad oppositum fundamentum. Sed insuper respondetur majorem solum verificari in potestate sacerdotis in ordine ad materiam confessionis non necessariam; quod non verificatur in casu præsentis, ut constat ex immediate dictis. Quare sicut peccata prius remissa per contritionem non possunt confiteri simplici sacerdoti, sed omnino exponenda sunt sacerdoti approbato, et jurisdictionem habenti; quia licet prius remissa, non tamen fuerant prius confessa: sic etiam dicendum est de peccatis invincibiliter oblitis in confessione; nam etsi remissa prius fuerint in confessione, non tamen confessa fuerunt: et quilibet fidelis tenetur peccata gravia legitime confiteri, cum valet. Minor etiam est falsa, quoad secundam partem: quia non contingit directa remissio peccatorum in hoc sacramento absque eorundem peccatorum confessione: licet enim peccata oblita remittantur simul cum confessis propter generalem omnium mortalium oppositionem cum gratia sanctificante, vel in minimo gradu communicata; non tamen remittuntur directe, sed solum indirecte ad confessionem, et remissionem aliorum. Sicut etiam sacerdos absolvit ab omnibus peccatis, sed cum distributione necessario observanda: nam absolvit directe quidem a peccatis sibi confessis, et quæ sunt materia cognita in eo sacramentali iudicio: indirecte vero ab omnibus, quæ ibi inculpabiliter latent: quippe cum terminus, sive effectus absolutionis sit gratia justificans omnibus incompossibilis, cuncta subduntur absolutioni, et remittuntur, quamvis cum differentia assignata. Sola vero, in quæ absolutio directe cadit, relinquun-

tur immunia ab obligatione tam novæ confessionis, quam confessionis faciendæ sacerdoti approbato: in ceteris autem alio modo remissis permanet quantum ad confessionem, et electionem confessarii eadem obligatio, ac si remissa non fuissent. Sicut quandoque urgente necessitate contingit remitti indirecte peccata reservata ad remissionem directam non reservatorum, sed manet obligatio manifestandi suo tempore reservata legitimo superiori, ad quem pertinet.

209. Si autem inquiras, an qui in confessione annua omisit per oblivionem aliqua mortalia, quorum post factam illam confessionem recordetur, teneatur illa statim confiteri, ut adimpleat Ecclesiæ præceptum, vel possit illorum confessionem differre, et in alium annum, vel tempus remittere? Responsio constat ex dictis hac eadem disp. num. 51. Et si inquiras secundo, quid censendum sit de sententia Lugonis disp. 16, a num. 577, et Leandri disp. 5, quæst. 72, affirmantium, quod quando pœnitens intendit manifestare numerum omnium peccatorum, et tamen ob malam explicationem, et minorem distinctionem illum adæquate, et perfecte non declarat, si tamen confessarius ex qualitate personæ, et ex aliis circumstantiis sufficienter intelligit prædictum numerum eo modo, quo pœnitens illum exponere desiderabat; non est obligatus ad novam et exactiorem peccatorum, quæ ipse non explicuit, confessionem. Filguera exponendo propositionem proxime relatam condemnatam ab Alexandro VII, dicit hujusmodi opinionem, seu resolutionem multum adhærere illi propositioni damnatæ, atque ideo quod damnata etiam præsumi possit. Sed Lastra in ejusdem propositionis explicatione censet eam sententiam fuisse in sua probabilitate relictam. Et hoc nobis apparet probabilius: quia in tali causa iudicium factum est cum sufficienti causæ cognitione tam ex parte pœnitentis intendentis omnia mortalia manifestare, quam ex parte confessarii cuncta comprehendentis, atque retinentis directe, et absolutionem dirigentis ad omnia licet non explicata, tamen per confessionem adjunctis circumstantiis sufficienter intellecta. Secus dicendum foret, si pœnitens non solum male explicaret peccata, sed nec eorum species

species, et numerum intelligeret: tunc enim, sicut illa non cognosceret, sic nec ipsa confiteretur; atque ideo ubi eorum postea recordaretur, deberet illa confiteri juxta veram, et certam resolutionem superius traditam.

DUBIUM VII.

Quæ integritas in confessione sacramentali servari debeat?

Confessionis integritas refertur ad materiam remotam sacramenti poenitentiae, nempe ad peccata, quæ absolutioni subdantur, et de quibus hactenus egimus a dub. 3, cum tribus sequentibus. Porro ex prædictis, et alibi frequenter inculcatis satis constat duplicem esse hujusmodi materiam nempe aliam sufficientem, et voluntariam, aliam autem necessariam. Illa consistit in peccatis, quæ possumus, non tamen debemus, confiteri, quia vel non cadunt absolute sub obligatione confessionis, vel huic eorum obligationi jam satisfactum est, uti comparantur peccata venialia, et peccata mortalia prius rite confessa. Hæc vero consistit in peccatis mortalibus post baptismum commissis, et nondum confessis; hæc enim tam ex præcepto Divino, quam Ecclesiastico subjici debent Confessionis sacramentali saltem in proposito, et voto, ut satis constat ex dictis disp. præced. dub. 3, et in præf. dub. 1, et 2. Unde liquet propositam modo difficultatem de integritate confessionis locum tantum habere in materia ejus necessaria, secus autem in præcise voluntaria, et sufficienti: nam sicut hanc possumus omittere illam absolute non confitendo, sic etiam possumus in ejus confessione non observare integritatem, sed pro libito confiteri quædam venialia, et non omnia, et aliquod mortale jam confessum, suppressis aliis, ut ex se, et communi sententia liquet. Est itaque referendum præsens dubium ad integritatem in confitendo materiam necessariam, peccata scilicet mortalia post baptismum admissa, et non confessa. Distinguunt autem communiter Theologi duas in confessione integritates. Nam alia est materialis consistens in eo, quod quis confiteatur omnem materiam proximè explicatam, cuncta videlicet mortalia, quæ post baptismum fe-

cit, et nondum confessus fuit. Alia est formalis consistens in eo, quod confiteatur ex prædictis peccatis cuncta, quæ hic, et nunc potest, et debet, ita quod nullum subiceat absque legitima excusatione. Quæ distinctio magis ex dicendis constabit.

§ I.

Proponitur communis resolutio, et obviæ ex ea casus deciduntur.

210. Dicendum est pro sacramentali Confessione requiri per se loquendo integritatem materiale, per accidens autem, et satis frequenter sufficere integritatem formalem; semper autem servandam esse utramque quantum ad subjiciendum omnia mortalia clavis Ecclesiæ saltem in proposito, et voto. Hæc conclusio est communis inter Theologos, et sufficienter suadetur sola explicatione, quam adhibere curabimus singulis ejus partibus. Prior facile constat in prioribus quatuor hujus disputationis dubiis, ubi statuimus hujus Sacramenti materiam esse omnia mortalia post baptismum commissam, et non confessa, omnia, inquam, quantum ad species, numerum, et circumstantias mutantes speciem: ergo istorum omnium manifestatio, sive integritas materialis requiritur per se loquendo ad Confessionem sacramentalem. Quod luculenter docet Conc. Tridentinum, sess. 14, c. 5, ubi post præmissam institutionem hujus Sacramenti per modum judicii, et curationis, quæ confessarii exercere debent, subjungit: « Ex his colligitur oportere a poenitentibus omnia peccata mortalia, quorum post diligentem sui discussionem conscientiam habent, in confessione recenseri, etiam si occultissima illa sint. » Et post pauca: « Cum universa mortalia peccata etiam cogitationis homines iræ filios, et Dei inimicos reddant, necessum est omnium etiam veniam cum aperta, et verecunda confessione a Deo quærere. Itaque dum omnia, quæ memoria occurrunt, peccata Christi fideles confiteri student, omnia divinæ misericordiæ ignoscenda exponunt. Qui vero secus faciunt, et scienter aliqua retinent, nihil divinæ bonitati per sacerdotem remittendum proponunt. »

Resolutio communis.

Concil. Trid.

Major
explicatio.

Explicatur amplius: nam confessarius in hoc Sacramento gerit officium iudicis, et medici, ut docet Concilium loco citato. Neutrum autem munus potest per se loquendo convenienter exerceri, absque integritate materiali confessionis, sive quin pœnitens sibi manifestet omnem materiam necessariam confessionis. Unde Concilium ait confessarios « iudicium hoc cognita causa « exercere non potuisse, neque æquitatem « in pœnis injungendis servare, si in genere tantum, et non potius in specie, ac « sigillatim sua ipsi peccata declarassent. » Et infra: « Si enim erubescat ægrotus vultus medico detegere, quod ignorat, medicina non curat » Et hoc posterius fuse, et pulcherrime expendit D. Thomas quæst. 9, supplem. art. 2, his verbis: « In medicina corporali oportet, quod medicus non « solum unum morbum, contra quem medicinam dare debet, cognoscat, sed etiam « universaliter totam habitudinem ipsius « infirmi: eo quod unus morbus ex adjunctione alterius aggravatur, et medicina, quæ uni morbo competeret, alteri « nocumentum præstaret. Et similiter est « in peccatis, quia unum aggravatur ex « adjunctione alterius, et illud, quod uni « peccato esset conveniens medicina, alteri incentivum præstaret; cum quandoque aliquis contrariis peccatis infectus « sit ut Gregor. in Pastor. docet. Et ideo de « necessitate confessionis est, quod homo « omnia peccata confiteatur, quæ in memoria habet. Quod si non faciat, non est « confessio, sed confessionis simulatio. » Atque in eodem art. in responsione ad 2, proponit aliud congruentiæ motivum, ut confessio sacramentalis importet per se loquendo hanc integritatem materiale, sive manifestationem omnium nondum confessorum. « Et præterea sacerdos, « inquit, confessionem audiens vicem Dei « gerit: et ideo debet ei fieri hoc modo « confessio, sicut fit Deo in contritione. « Unde sicut non esset contritio, nisi quis « de omnibus peccatis, quæ memoriæ occurrunt, contereretur, ita non esset confessio, nisi quis de omnibus, quæ memoriæ occurrerint, confiteatur. » Unde magis fulcitur, et declaratur eadem assertionis pars: nam præceptum confessionis sacramentalis ex institutione Christi subrogatum est in lege Evangelica loco præ-

cepti contritionis, quæ ab initio necessaria fuit ad delendum peccata: ergo sicut hæc non aliter illa delet, quam omnia detestando sine exceptione, sic etiam sacramentalis confessio non aliter concurrit ad delendum peccata, nisi cuncta manifestando, et Ecclesiæ clavibus submittendo. In quo non amplius immoramur, quia satis superque constat ex alibi dictis, tum in priori parte disp. 4, dub. 2, ubi ostendimus virtutem pœnitentiæ habere vim delendi omnia mortalia, nec unum posse absque omnibus aliis remitti. Eadem autem virtute gaudet in suo genere confessio sacramentalis. Et modus, quo mortalia in suo genere delet, est per modum accusationis, et manifestationis eorum: sic enim a Christo instituta fuit: quare ad ejus integritatem pertinet per se loquendo, quod pœnitens omnia manifestet, et de eis se accuset, idque per se loquendo præstare tenetur. Deinde disp. 7, a num. 78, ostendimus dolorem pro hoc Sacramento requisitum debere terminari ad omnia mortalia in particulari, et proinde procedere sub motivo universali omnia manifestante; nec aliter, aut sub limitatiori motivo ad valorem sacramenti sufficere: ergo pariter sacramentalis confessio, quæ per prædictum dolorem constituitur in esse accusationis, debet per se loquendo observare eandem universalitatem, manifestando videlicet omnia sine alicujus exceptione mortalia post baptismum commissa, et nondum confessa, sive Ecclesiæ clavibus directe subjecta.

211. Secunda etiam ejusdem resolutionis pars, videlicet, quod per accidens, et satis frequenter sufficit pro sacramentali confessione integritas formalis, licet materialis desit, facile declaratur, et suadetur: nam integritas formalis in eo consistit, quod quis, ubi confitetur, manifestet omnia mortalia, quæ potest, et debet ex non hactenus confessis; sed per accidens, et frequenter contingit pœnitentem non posse, ac subinde nec debere manifestare in confessione omnia mortalia non confessa, quæ post baptismum fecit: ergo in talibus circumstantiis non obligatur ad materiale confessionis integritatem, sive ad confitendum omnia mortalia sine alicujus exceptione; sed solum ad integritatem formalem, sive ad confitendum tunc illa

illa præcise, quæ tunc potest, et debet. Cetera constant, et minor in qua poterat esse difficultas, etiam liquet: nam ut modo omittamus plures casus infra proponendos, illamque evincentes, manifestum est hominem multoties pati oblivionem inculpabilem aliquorum mortalium, quæ re ipsa post baptismum commisit, et nunquam exposuit in confessione: quæ proinde cum eam oblivionem patitur non potest, nec debet in tali confessione manifestare. Quem casum expresse proponit Concil. Tridentinum ipso loco supra relato, in quo docet necessitatem integritatis materialis confessionis, ubi fieri valet: nam suavitatem præcepti Divini, et Ecclesiastici circa hoc exponens, et ora hæreticorum retundens, inquit: « Sed et impium est confessionem, quæ hac ratione fieri præcipitur, impossibilem dicere aut carnificinam illam conscientiarum appellare. Constat enim in Ecclesia nihil a pœnitentibus exigi, quam ut postquam quisque diligentius se excusserit, et conscientiam suam sinus omnes, et latebras exploraverit, ea peccata confiteatur, quibus se Dominum, et Deum suum mortaliter offendisse meminerit: reliqua autem peccata, quæ diligenter cogitanti non occurrunt, in universum eadem confessione inclusa intelliguntur, pro quibus fideliter cum Propheta dicimus: Ab occultis meis munda me Domine. » Sicut autem hæc impotentia excusat hominem ab integritate materialis confessionis omnium re ipsa peccatorum, sic etiam aliam excogitari valent, de quibus statim, quæ ab eadem excusent. Ratio vero hujus dispositionis est a priori ipsa Christi Domini institutio, qui ita voluit omnia mortalia post baptismum commissa subjici clavibus Ecclesiæ, ut nihilominus non præceperit impossibilia, ut est recensere in confessione, quæ homo ignorat per inculpabilem oblivionem. Quod plane congruit, et suavi Dei providentiæ, et hominum imbecillitati, et opportuno usui hujus remedii. Idque notissimum est ab ipsa praxi totius Ecclesiæ, communi sensu fidelium, et concordi sententia Theologorum; quin opus sit pro adeo perspicua veritate alia fundamenta adjicere.

Debet tamen sane intelligi, et aliquibus moderationibus temperari, ne in pravum

deterquatur abusus. Cum enim præceptum confessionis obliget per se ad materialem ejus integritatem, sive ad confitendum omnia mortalia, quæ memoriæ occurrunt post baptismum commissa, et hactenus non confessa; illi per se loquendo standum sine exceptione est, nisi adsit impotentia physica, vel moralis aliquod, vel aliqua manifestandi. Ad quam impotentiam, ut talem prudenter esse censeamus, non sufficit quælibet difficultas etiam gravis, sed majus aliquid desideratur, ut ex decisione casuum statim proponendorum magis constabit. Rursus, qui habet justam causam, quæ illam impotentiam fundet, ad non confitendum aliquod peccatum, debet alia omnia, in quibus ea causa non occurrit, integre confiteri. Quin et ipso aut de ipso peccato, quod tacet, debet dicere, quantum non obstante ea causa valet: atque ideo illud manifestare in genere remoto, aut proximo, si inconveniens est illud detegere in propria specie, ut peccatum luxuriæ nullam hujus speciem determinando: vel dicere tale peccatum quantum ad consensum internum, supprimendo opus externum: vel explicando ejus substantiam præcise, et non explicando circumstantiam, quamvis variet speciem. Et quamvis Lugo disp. 16, num. Lugo. 528, de hoc dubitet, quia confessarius statim ab hoc confitendi modo excitabitur ad inquirendum de circumstantia, aut de specie infima peccati, quam si neget pœnitens, exponitur periculo negandi peccatum, quod fecit, aut confitendi, quod non fecit; scrupulus levis est, et facile propellendus. Quoniam pœnitens vere confitetur illud individuum genericum peccati, quod vere admisit: et confessario ulteriora inquirenti submissa discretione respondebit se exposuisse, quidquid debuit, et justam causam habere ad interrogata non respondendi: quod ipse confessarius, si prudens est, vel ex ipso modo confitendi facile dignoscet, et interrogationes atque suspensiones in se præcidet, atque in pœnitente non necessariam molestiam. Ab eadem radice provenit hunc non posse subticere apud confessarium peccatum, et deficere in materiali confessionis integritate, quando potest alium adire sine notabili incommodo, apud quem integre, ut per se debet, confiteatur: quia in tali casu cessat ista

Limitatur doctrina

Concil.
Trid.

causa, ut peccatum subiceat apud alium. Sufficiens autem excusans incommodum censent satis communiter Auctores, si ad confitendum cum alio opus foret aggredi longum, aut laboriosum iter juxta conditionem personæ; si opus esset expectare per longum tempus alium confessarium, præsertim ubi urgeret instans præceptum annuæ confessionis, vel necessitas communicandi in Paschate, vel occasio lucrandi in determinato die Jubilæum, vel denique si ex dilatione confessionis juxta ordinariam pœnitentis consuetudinem sequeretur aliqua nota in familia hæc observante. Quanta vero censeatur nimia confitendi dilatio, ut pro hac materia referat, non possumus certa et uniformi regula dimittere: plerumque enim desumenda est per respectum ad varias personas, et eorum statum. Unde in sacerdote solito quotidie celebrare non dubitamus sufficientem esse, aut etiam nimiam dilationem ultra bi-duum: unde non obligaretur ad servandam materiale confessionis integritatem expectando ultra illud alium confessarium; sed posset illi confiteri, apud quem opus haberet subicere peccatum aliquod, servando pro tunc illam integritatem formalem. Videatur Suarez disp. 34, n. 13, Lugo disp. 16, n. 416, Aversa quæst. 10, sect. 15, § *Secundo ei potest*, N. Franciscus de Eucharist. cap. 7, n. 52, et de pœnitentia cap. 8, nu. 123.

Suarez,
Lugo,
Aversa,
Franc.

Ratio.

212. Tertia denique assertionis pars, nempe utramque integritatem debere in confessione servari saltem in proposito, sive voto subjiçendi omnia peccata clavibus Ecclesiæ, liquet ex duabus præcedentibus. Nam cum jure tam Divino, quam Ecclesiæ teneamur omnia mortalia confiteri nullo excepto, ut patet ex dictis pro prima; et aliquando occurrere vel impotentia, vel justa causa aliquod subicendi, ut constat ex dictis pro secunda; consequens est, ut vel in hoc casu debeat adesse in pœnitente propositum, sive votum omnia explicite confitendi, et subjiçendi clavibus tempore opportuno, sive quam primum commodè potuerit, supplere defectum integritatis materialis, et confiteri expresse, quod prætermisit. Confirmatur, et declaratur exemplo: nam ita se habet, qui confitens peccata, quæ potest, tacet aliquod peccatum, quod tunc explicare non potest, aut

Confirm.

debet, sicut qui non habens copiam confessarii elicit contritionem: sicut enim hic consequitur justificationis gratiam, et omnium peccatorum remissionem; sic etiam iste consequitur remissionem non solum peccatorum, quæ confitetur, sed etiam ejus, quod rationabiliter tacet: neque enim fieri valet, ut ex mortalibus unum remittatur omnibus non remissis. Sed licet quis per contritionem consequatur remissionem omnium mortalium, nihilominus id non contingit absque proposito, sive voto confitendi omnia suo tempore; et ideo illo accedente debet omnia confiteri: alias in præsentī providentia justificare-mur per contritionem independentem a sacramento pœnitentiæ quod dicere est hæreticum. Unde Concilium Tridentinum^{Con. Tri} sess. 14, cap. 5, docet: « Contritionem « etsi aliquando charitate perfecta contin-
« gat, hominemque Deo reconciliare, prius-
« quam hoc sacramentum actu suscipiatur,
« ipsam nihilominus reconciliationem sine
« sacramenti voto (quod in illa includitur)
« non esse adscribendam. » De quo late diximus supra dub. 1, et locis in eo relatis. Ergo pariter, cum quis ex justa causa dimidians confessionem, sive aliquod aut aliqua mortalia non explicans consequitur omnium remissionem; id non contingit absque proposito, sive voto illa explicite confitendi tempore opportuno, ad idque illo superveniente obligatus manet.

In assignando autem hujusmodi tempus variant Auctores: nam Corduba in Summa^{Cor. Her} quæst. 1, Henriquez lib. 2, de pœnitentia cap. 12, nu. 3, et quidam alii docent eum, qui ex justa causa aliquod mortale subicit, debere illud confiteri quam primum postea possit. Sed hoc generaliter non est verum: quia nec jure præcipitur, nec ex ratione ad naturam, et institutionem hujus sacramenti consequitur, et alias inducit angustias non necessarias, ut patet in eo, qui per contritionem justificatur, qui non tenetur confiteri statim ac possit: quin nec qui mortaliter peccat, tenetur statim ad contritionem, ut ostendimus in priori parte disp. 3, dub. 7, § 1. Ergo multo minus tenetur homo ad confitendum, ubi primum valeat, illud mortale, quod in confessione ex justa de causa non expressit, sed tamen in ea deposuit simul cum aliis, quæ explicuit, et a quibus directe absolu-

tus

tus est. Diximus generaliter eam sententiam non esse veram: non enim negamus in aliquo speciali casu, et ob rationem specialem posse eam obligationem urgere, ut patet in sacerdote, qui sicut ubi conscius peccati mortalis, et non habens copiam confessarii, ubi debet celebrare, tenetur ad contritionem, et ad postea confitendum, quam primum valet, illud peccatum; sic etiam quando confessarium habet, apud quem tamen opus sit aliquod mortale tacere, illudque confitens tacet, obligatur ad illud in alia confessione manifestandum, quam primum queat, ut paritatis ratio satis evincit. Id vero non provenit ex aliqua obligatione omnibus pœnitentibus generali: sed ex speciali dispositione, et mandato Concilii Tridentini id sacerdotibus injungentis sess. 13, cap. 7, illis verbis: « Quod a Christianis omnibus » etiam ab his sacerdotibus, quibus ex officio incubuerit celebrare, perpetuo servandum esse decrevit, modo non desit illis copia confessoris. Quod si necessitate urgente sacerdos absque prævía confessione celebraverit, quam primum confiteatur. » Sotus in 4, dist. 18, q. 2, ar. 5, et Medina lib. 1 Sum. c. 14, § 41, significant eum, qui juste subicit in confessione aliquod peccatum (sicut ex obligatione inculpabili posse contingere non est dubium) debere illud infra annum confiteri, idque ex ipso præcepto annuæ confessionis. Sed nec istud placet: quoniam fieri valet, quod pœnitens in ipsa annua confessione per quam satisfacit Ecclesiæ præcepto, tacuerit rationabiliter aliquod mortale, a quo indirecte absolutus est simul cum aliis expresse confessis, et directe remissis: in quo casu incredibile est Ecclesiam obligare ad aliam in eodem anno confessionem pro solo illo peccato, quod justa de causa non fuit expressum, sive non obligat ad confitendum illud mortale, quod post peractam annuam confessionem admittitur intra eundem annum: quamvis non supponatur aliquo modo remissum, et subjectum clavibus, sicut in præsentī casu supponitur. Veriorem itaque, et omnino expeditam censemus illorum sententiam, qui docent pœnitentem in præmisso casu debere explicare illud peccatum in prima, quam faciat, confessione, sive sit annua ex præcepto Ecclesiæ, sive omnino

voluntaria ex pœnitentis devotione, vel arbitrio; dummodo in illa non occurrat pristina necessitas, vel rationalis causa subticendi sicut prius idem peccatum, ut forte contingeret, si non haberet nisi eundem confessarium. Nam si alius adsit, cessentque motiva illud peccatum non declarandi. instat obligatio ipsum confitendi cum aliis, quæ pœnitens vel ex obligatione, vel ex libera voluntate confitetur, ut scilicet fiat satis præcepto Divino, et Ecclesiastico obliganti per se ad integritatem materialem, sive ad confessionem omnium absque ullius exceptione. Ita Sylvester Sylv. vester verbo *Confessio* l. num. 3, Sylvius Sylv. quæst. 9, Supplem. art. 5, quæst. 3, Navarrus in Sum. cap. 2, num. 10, Lugo disp. 15, n. 165, Diana part. 3, tract. 4, resolut. 124, et alii frequenter.

213. Ex præmissa aut communi assertionē hactenus explicata colligitur decisio plurium casuum, quorum multi sunt satis vulgares, ac faciles, et proinde statim, et simul subjiciendi; alii vero important majorem difficultatem, exiguntque accuratorem discussionem, et eos propterea seorsim in sequentibus proponemus. De qua materia non pauca diximus supra dub. 2, § 6. agentes de causis excusantibus ab annua confessione. Sed supersunt alia magis specialia hic colligenda, et quæ magis respiciunt obligationem integre confitendi tam ex præcepto divino, quam ex charitate, secundum quam tenetur homo consulere propriæ saluti per medium confessionis integræ, vel non integræ ubi illa periclitatur, et alia media non occurrunt securiora. Primo igitur infertur, quod sicut inculpabilis oblivio alicujus peccati mortalis excusat ab ejus confessione, sic etiam bona fides, et etiam opinio probabilis, quibus aliquis sibi prudenter persuadet, vel non peccasse mortaliter, vel se tale peccatum confessum fuisse; quia hæc æquivalent quantum ad hoc naturali, et inculpabili oblivioni: quare defectus integritatis materialis in prædictis casibus non oberit valori, et fructui confessionis. Sed ubi pœnitens postea comperiat se vel per oblivionem, vel per bonam fidem, vel per opinionem probabilem aliquod mortale non fuisse confessum, tenebitur illud confiteri, ut constat ex late dictis dub. præcedent. et quidem in prima confessione, in qua

Sylv.
Sylv.
Navarr.
Lugo.
Diana.

Consec-
tarium 1

ncil.
id.

stus.
edin.

terior
sent.

valeat sine incommodo illud manifestare, ut immediate observavimus

Secun-
dum.

214. Infertur secundo excusari pœnitentem ab integritate materiali confessionis, sive posse aliquod vel aliqua mortalia hactenus non confessa tacere propter impotentiam physicam omnia manifestandi. Quæ impotentia potest occurrere in primis ex parte pœnitentis, ut cum gravi morbo, aut vulnere, aut alio periculo oppressus non potest plura, quæ habet, peccata exprimere: debet enim absolvi licet non integre confiteatur, ut satisfiat præcepto divino tunc obliganti, et cui occurritur per confessionem, licet per accidens, integram tamen formaliter. Ad quam impotentiam reducitur impotentia linguæ, ut cum pœnitens vel quia mutus, vel quia nimis balbutiens, vel quia alieni idiomatis nequit omnia peccata sua exponere, quia non propterea privandus est confessionis fructu, nec pœnitens ab ejus obligatione eximendus, ut docent Navarrus, Lopez, Bonacina, Granados, Castro Palao, et alii communiter apud N. Franciscum cap. 8, punct. 5; dubitant autem, an sic impeditus teneatur ad integritatem, et exactam sui peccatorum confessionem scripto, aliis nutibus adjunctis, faciendam, si potest. Et multorum sententia est nullum vel ad integram, vel ad dimidiatam confessionem exequendam mediante scriptura obligari: quia hæc ex sui conditione est instrumentum publicum, multis periculis expositum, si deperdatur, vel a confessario retineatur; idque adversatur secreto, quod sacramentalis confessio ex sua institutione exposcit. Ita senserunt Cajetanus verbo *Confessio*, condit. 11, Navarrus in Sum. cap. 21, nu. 36, Henriquez, Villalobos, et alii apud Aversam statim referendi. Sed veriorum putamus contrariam sententiam affirmantem, quod pœnitens tenetur ad confitendum per scriptum si potest; et non solum ad manifestandum dimidiate peccata, sed etiam ad integram, et exactam per se illorum confessionem. Quia hoc medium non est admodum difficile: et aliunde sufficiens cautela, et securitas adhiberi potest ad conciliandum secretum confessioni debitum, ut si ea peracta statim charta dilaceretur, aut comburatur. Et sic docet D. Thom. in 4, dist. 17, quæst. 3, art. 4, quæstiunc. 3, ad 2, his verbis: « Dicendum, quod in eo, qui

Navarr.
Lopez.
Bonac.
Granad.
Castro.
Franc.

Cajetan.
Navarr.
Henriq.
Villalob.

D. Tho.

« usum linguæ non habet, sicut mutus, vel
« qui alterius linguæ, sufficit, quod per
« scriptum, aut per nutum aut interpretem
« confiteatur; quia non exigitur ab homine
« plusquam possit: quamvis homo non
« debeat baptismum accipere nisi in aqua.
« quia aqua est omnino ab exteriori, et
« nobis ab alio exhibetur: sed actus confessionis
« est a nobis, et ideo quando non
« possumus uno modo, debemus secundum
« quod possumus, confiteri. » Idemque Soto,
affirmant Petrus de Soto lect. 11, de Pœni-
tent. Sylvester verbo *Confessio*, num. 16,
Nugus quæst. 9, art. 3, Suarez disp. 36,
sect. 6, Vasquez quæst. 91, art. 4, dub. 5,
Major, Gabriel, Lugo, Becanus, et alii,
quibus relatis subscribit Aversa quæst. 10,
sect. 4, § *Quanto ille*. Idem fere dicendum
est de confessione per interpretem, ubi
aliter fieri non posset, et alias non aliud
adesset medium ad salutem, ut si conscius
peccati mortalis, et constitutus in articulo
mortis, nullam secure in se recognosceret
contritionem, sed solam attritionem. Nam
licet homo ex præcepto Ecclesiæ non obli-
getur ad confessionem per interpretem,
sive ad ullam non secretam, ut constat ex
primitus proposito in cap. *Omnis utri-
usque sexus* (de quo late diximus dub. 2),
ibi: « Teneatur solus sua peccata confiteri
« sacerdoti: » nihilominus ad id obli-
gatur in præmissis articulo, et angus-
tia tum ex præcepto divino, tum ex na-
turali charitatis præcepto erga se ipsum
procurando propriam salutem, per me-
dia possibilia. Unde sicut per se lo-
quendo non obligatur homo confiteri per
scriptum, et tamen aliquando ad id obli-
gatur, ubi aliter confiteri non potest ut
proxime diximus, sic etiam de confessione
per interpretem dicendum est. Sed illud
interest discriminis inter unum, et alium
casum, quod confessio per scriptum potest
esse simpliciter secreta inter pœnitentem,
et confessarium: unde provenit pœnitentem
confitentem per scriptum debere omnia
peccata exponere, si potest, sed facta per
interpretem non est secreta saltem respectu
interpretis; quare pœnitens deobligaretur
a manifestatione omnium peccatorum
per medium adeo difficile, et cum propriæ
famæ dispendio. Unde non pauci putant
sufficere in tali casu confiteri aliqua ve-
nialia supra quæ caderet directe absolutio,

et

et simul indirecte excluderet omnia mortalia. Sed longe consultius est, et censemus necessarium pœnitentem confiteri aliquod mortale, vel in specie ex illis, quæ minorem notam inducunt, vel saltem in genere manifestando se simpliciter peccatorem, et injustum coram Deo. Multum namque dubitarem de vera illius contritione, qui in simili discrimine positus, aliud renueret patefacere, quam delicate aliquod leve et vel perfectis commune. Recolantur supra dicta num. 69.

Deinde eadem impotentia physica confitendi integre omnia peccata potest concurrere, et ab integritate materiali excusare non in uno tantum pœnitente, sed in multis in eodem simul mortis articulo, aut periculo constitutis, v. g. naufragii, terremotus, incendii, aut prælii, et devastationis per inimicos, si unus, aut pauci pro eorum confessionibus excipiendis, sacerdotes adsint. Nam ex una parte omnes mortalis conscii tenentur eo articulo confiteri modo, quo possint: et ex alia parte impossibile est, quod omnes integre integritate materiali confiteantur: ubi enim sacerdos uni, aut aliquibus exactam confessionem audiens adesset, alii sine remedio confessionis perirent. Quare confessarius in tali casu audiens illos confitentes in communi, et confuse eorum peccata, et clamorem pro absolutione posset absque ulteriori indagatione simul uno verbo absolvere dicendo: *Ego vos absolvo a peccatis vestris*, ut bene observant Sylvester loco citato n. 23, resolut. 74 et alii communiter. Qui casus nec novus est, nec fidelium praxi, et piorum approbatione destitutus. Nam ut alia exempla omittamus, annis præteritis (inquit Aversa qu. 10, sect. 5 in fine) magna pietatis laude auditum est, erumpentibus e Vesuvio monte ingentibus flammis et tota civitate Neapolis terremotibus contremente, passim in viis, et templis plurimos graviora sua peccata coram quolibet obvio sacerdote proclamasse, absolutionem petendo. Quæ graviorum licet non omnium (quia fieri non poterat) confessio in signis erat veræ pœnitentiæ, et debitæ absolutionis demonstratio.

215. Inferitur tertio non obligari pœnitentem ad integritatem materialem, sed posse aliquod, vel aliqua peccata tacere, ubi occurrit impotentia moralis omnia ma-

nifestandi: quæ impotentia latius patet, quam physica, quippe adest, quoties absque gravi damno, et incommodo proprio, vel alieno nequeunt omnia mortalia explicari.

Et ita resolvit communis sententia, Scotus, Navarrus, Suarez, Henriquez, Coninchus, Layman, Bonacina, et alii, quibus subscribit N. Franciscus cap. 8, punct. 5, n. 119. Et incipiendo ab ipso pœnitente, excusatur ob hanc impotentiam quando non

potest confiteri secreto propter præsentiam aliorum ibi simul concurrentium: nam ad vitandum propriam apud illos infamiam poterit dimidiare confessionem, manifestando aliquod peccatum, et tacendo alia, quæ ei graviores notam valent inducere, ut notat Aversa q. 10, sect. 15, § *Tertius casus*. Excusatur etiam, ubi ex longa, et usque ad finem perducta confessione, et præsentia confessarii timet sibi gravem, et contagiosum morbum, ut si confessarius sit leprosus aut peste infectus. Quin etiam aliqui excusant infirmum, qui ob debilitatem, vel dolorem capitis non posset sine magno labore, et damno sermonem protrahere, aut summas hujus sustinere angustias: posset namque absolvi post aliqua audita, relinquendo alia pro opportuniore occasione. Excusatur præterea ubi cum prudenti fundamento metuit confessarium revelaturum esse aliquod peccatum, si illud exponat: nam cum Christus instituerit hoc sacramentum sub altissimo sigilli secreto, potest licite pœnitens tacere illud peccatum, quod timet fore revelandum a confessario. Excusatur deinde, et non absimili ratione, quando sibi timet aliquod grave damnum temporale, v. g. excitare contra se odium, et persecutionem confessarii, ut si manifestet se occidisse patrem, aut fratrem ejus, vel confessarius in hanc notitiam ducetur ex circumstantiis loci, temporis, aut aliis, cum quibus aliquis confitetur homicidium. Et obeandem rationem, atque a fortiori excusatur, si timeat sibi aliquod grave damnum spirituale, ut puta inducendum ad turpia, vel alia flagitia, si confessario similia a se commissa referat, et detegat. Denique si pœnitens opus haberet celebrandi, vel communicandi neque id vitare posset absque gravi sui nota, et infamia; aliunde vero opus habeat faciendi confessionem multum prolixam aut forte gene-

Scotus, Navarrus, Suarez, Henriquez, Coninchus, Layman, Bonacina, Franc.

Morbus contagiosus, etc.

Sylvester, loc. cit.

Aversa.

tertium.

ralem plurium annorum, ob præcedentium invaliditatem tunc deprehensam, quam tamen facere non valet ob temporis, et aliarum circumstantiarum angustias : in his itaque posito licitum erit facere confessionem dimidiatam, sive non integram materialiter, confitendo illa peccata, quæ tempus, et aliæ circumstantiæ permiserint, reliqua remittendo ad primam opportunitatem pro omnibus occasionem, et ab obligatione tunc confitendi saltem dimidiate, et secundum integritatem formalem non excusatur, quamvis putet se habere perfectam in peccatis contritionem, ut minus recte significavit Granado controvers. 7, disp. 5, sect. 3 ; nam concessio, quod sic censeat, et vere eam contritionem habeat, adhuc debet ante communionem præmittere confessionem eo modo, quo potest, nempe dimidiatam, et integram formaliter, sive cum proposito alia omnia confitendi, cum possit. Videantur, quæ diximus tract. 23 de Euchar., disp. 11, dub. 3, § 1, ubi non pauca occurrunt ad hunc casum pertinentia. An autem, qui in prædicto casu habet reservata et non reservata possit hæc confessori inferiori exponere tacendo illa, constat ex supradictis num. 70.

Quod vero propter grave damnum alienum (quæ est altera hujus corollarii pars), excusetur pœnitens a recensendo omnia peccata, et possit aliqua omittere constat in casibus sequentibus. Tum quia, si pœnitens sit peste infectus, vel alio morbo contagioso, et confessarius nequeat omnia peccata absque manifesto periculo ejusdem contagii audire; non est necessarium integram confessionem continuari, sed potest accelerari aliquibus, et multis peccatis tunc omissis, aut non expressis, ut contra Marchinum de Peste, part. 3, cap. 4 docent Suarez, Zambrana, Diana, Granados, et alii plures, quibus subscribit Aversa ubi proxime in casu 6 ; idque a fortiori verificatur, et praticari debet, ubi ad excusandum a materiali confessionis integritate concurrit non solum periculum corporale confessarii, sed etiam periculum spirituale aliorum pœnitentium, et peste laborantium : nam pro eorum etiam confessionibus audiendis, et salute procuranda debet se sacerdos conservare, maxime in penuria ministrorum. Contra quod faceret audiendo cum periculo contagii integram, si proluxa

esset, unius peste infecti confessionem, et deserendo omnes alios eodem ope spirituali indigentes. Tum, quia si pœnitens, vel sua experientia, vel aliorum fide dignorum relatione prudenter timeat confessarium, si audiat peccata carnis, movendum fore in pravam consensum, vel sollicitatuum ipsum pœnitentem ; quamvis ipse agat securus, nihilominus posset tacere rationabiliter ejus generis peccata ob imminentem ab opposito lapsum confessoris. Et quamvis aliqui id restringant ad casum, in quo ille laboretur ex sola fragilitate, et ubi pateretur scandalum quasi activum, non vero si peccaret ex malitia ductus solo scandalo positivo ; non immerito Aversa ubi proxime excludit hanc limitationem. securum putans posse pœnitentem tacere illud peccatum, quod relatum futurum sit causa ruinæ in confessariis. Tum, quia si pœnitens sit confessarius aliquis, qui gravem culpam commisit sic audiendo alterius tertii confessionem, et hic, et nunc si suum defectum explicet, imminet periculum revelandi illius tertii peccatum cum ejus præjudicio, aut qualibet violatione sigilli ; minime debet, aut potest suum peccatum explicare, sed illud reservabit ad aliud tempus, et confessariis, ubi possit sine illo periculo exponi. Et idem dicendum est, quoties pœnitens prudenter timet, quod ex manifestatione sui peccati excitabitur confessarius ad odium habendum, et persequendum aliquem tertium : nam charitas solum obligat ad præcavendum, et vitandum illud proximi detrimentum. Unde plures colligunt, quod si ex relatione, quam pœnitens faceret proprii peccati, confessarius veniat in notitiam alterius tertii, videlicet complicitis in eodem peccato, cujus proinde pristinum bonum conceptum amittat ; pœnitens poterit quin debebit illud peccatum tacere ad vitandum proximi infamiam. Sed hoc tangit magis specialem difficultatem, quam seorsim § sequenti discutimus.

216. Sed descendamus ad opposita communis sententiæ corollaria, et inferitur quarto, quod pœnitens non excusatur ab explicando aliquod peccatum mortale, nec dici potest subire ex tali manifestatione grave incommodum, aut damnum grave, si solum timeat acrem confessoris reprehensionem, vel patiatur maximam confusionem

Suarez,
Zambr.
Diana,
Granad.
Aversa.

Illat. 4.

fusionem, et pudorem in revelando aliquod turpe, et enorme a se commissum, vel amittat optimam existimationem apud confessarium, quam hic prius de illo habebat, recognoscentem improbum. et gravem peccatorem, quem ante pium, et sanctum putabat. Nihil tamen horum, in quibus aliqui magis torquentur, quam quibusvis temporalibus suppliciis, excusat pœnitentem a manifestatione peccati: quia immediate, et per se consequuntur confessionem, et sunt ei connexa, et illis non obstantibus instituta, et præcepta est a Christo Domino cum omnimoda per se loquendo integritate materiali, ut constat ex dictis n. 210, ubi non adest impotentia physica. vel moralis ab extrinseco, et eidem confessioni accidentaria, qualem in præcedentibus consecretariis descripsimus. Unde sic docent omnes quin ullum catholicum viderimus oppositum asserentem, aut insinuantem. Plures tamen docent modum vitandi eam confusionem, sive non amittendi illam bonam existimationem, quam apud consuetum confessarium habebat, ut indicavit Victoria num. 196 dicendo, non damnarem eum, qui semel incidit in mortale, non solitus peccare, si confiteatur alteri, ne perdat opinionem, quam habet apud primum confessorem suum, quod postea docuerunt Navarrus, Henriquez, Suarez, Villalobos, Bonacina, Diana, et alii plures, quibus relatis suberibit Leander disp. 4. quæst. 11. Nec id negamus, sed tamen monemus contingere posse, ut ille modus confitendi apud diversos confessarios cum distributione, et artificio insinuat sit peccatum mortale, si pœnitens ob eorum usum permaneat in occasione mortaliter peccandi, aut se exponat periculo novum mortale admittendi, ubi confessarius ipsum habitualiter gubernans non cognosceret ejus statum, et lapsum. Aliunde suspecta nobis ejus pœnitentia foret, cui tanta esset adhæsiō propriæ opinioni, et existimationi, ut eo artificio uteretur ad eludendum confessarium, præsertim si ab eo honores, et alia commoda temporalia expectaret. Unde Sylvester verbo *Confessio* 1, qu. 6, notat cum Hostiensi non esse conveniens variari in confessariis, sicut neque infirmos mutare medicos. Et quamvis non affirmet id ex genere, et pro prædicto fine esse mortale: obser-

vat tamen mortale esse ubi quis non esset dispositus, et paratus dicere proprio confessario, si alium non haberet: sicut, inquit, plerumque faciunt imperfectæ mulierculæ, quæ volunt habere ad complacentiam unum confessorem, cui dicant omnem veritatem de lascivis, et ad reputationem unum timoratum, et bonæ famæ, cui post confessionem cum primo factam, dicant levia tantum: et talis hypocrisis posset esse mortalis.

217. Inferitur quinto falsam, et minime ^{Illat. 5.} sustinendam esse opinionem illorum, qui dixerunt in celebri aliquo festo, aut jubilæo, ubi esset magnus pœnitentium concursus, et tempus non sufficeret ad integras singulorum confessiones, posse illas dimidiari, sive fieri quoad aliqua peccata, alia tacendo. Ita aliqui apud Coninchum disp. 7, nu. 93. Id tamen nullo modo, ut diximus, est admittendum, sed potius confessarii debent audire integras confessiones illorum, quos possint ceteros relinquendo: quia integritas confessionis est de jure divino, et obligat per se loquendo, nisi excuset impotentia ex radicibus supra assignatis: hujusmodi autem dici nequit magnus concursus ex festo, aut jubilæo, sed quilibet posset suam devotionem pro confitendo in aliud tempus magis opportunum remittere; et pluris attentis omnibus interest semel bene, et absque jubilæo confiteri perfecte, hoc est, integre undequaque, quam pluries imperfecte pro magnis festivitatibus. Sed quid in præsentī motivis aliis egemus, quamvis alia multa possemus adjicere? Res decisa est, et opposita illorum sententia proscripta a Sede Apostolica in decreto SS. P. Innocentii XI, damnantis diversas propositiones, quarum 59 erat: « Licet sacramentaliter ab-
« solvere dimidiate tantum confessos ratione magni concursus pœnitentium
« qualis v. g. potest contingere in die mat- <sup>Propositi-
tio d. m-
nata.</sup>
« gnæ alicujus festivitatis, aut indulgentiæ. »

218. Inferitur sexto, quid dicendum sit ^{Illat. 6.} ubi pœnitens habet peccata reservata, et non reservata. Poterit ne cum confitetur superiori sola reservata, absolvi ab illis, et remitti ad confessarium ordinarium, cui confiteatur non reservata, eorumque absolutionem obtineat? Aut vice versa, quando confitetur confessario ex necessi-

tate, vel vitandi infamiam, vel satisfaciendi annuo Ecclesiæ præcepto, poterit confiteri præcise peccata non reservata, quæ illius jurisdictioni subduntur, tacendo reservata, quorum absolutio ad superiorem spectat? Sunt non pauci, qui in utroque casu affirmant. In primo Cajetanus, Sotus, Navarrus, Gerson, et alii apud N. Franciscum, cap. 8, punct. 5, num. 132. Quod probant, tum ex usu Ecclesiæ Romanæ, quorum pœnitentiarii auditis præcise peccatis reservatis solent ab eis absolvere minime expectata aliorum non reservatorum confessione: id vero minime permetteretur, si non licet in tali casu dimidiare confessiones. Tum, quia ex una parte multum pertinet ad congruum Ecclesiæ regimen, quod superiores sibi reservant aliqua peccata; et ex alia prædicti superiores solent gravissimis occupationibus impediri, ut non possint integras confessiones ad ipsos cum reservatis accedentium audire; atque ideo auditis reservatis possint ab eis absolvere, et pœnitentes remittere ad confessarios inferiores, quibus manifestent non reservata. In secundo idem sentiunt Castro Palao, Diana, Busenb., et alii apud N. Franciscum ubi proxime, et in tract. de Euchar. disp. 7, punct. 3, num. 36. Quorum ratio est, quod ex una parte possit occurrere gravis necessitas confitendi cum sacerdote inferiore, quia non est aditus ad superiorem: et ex alia inferior non habet potestatem absolvendi a reservatis: ergo pœnitens in eo eventu satisfacit suæ obligationi confitendo non reservata, et tacendo reservata. Præsertim, quia ex opposito fieret pœnitentem notabiliter gravari, confitendo semel reservata inferiori, et iterum superiori, a quo solo illa directe remitti queunt.

Sed neutra dictarum sententiarum est vera, et ab hac ultima incipiendo, illam jam rejecimus hac disputatione nu. 70. Et oppositum statuimus cum multis, Sylvestro, Nugno, Ledesma, Navarro, et aliis; præsertim autem D. Thoma affirmante: « quod etiam si sacerdos non possit ab omnibus peccatis absolvere, tamen teneatur pœnitens ei omnia confiteri, ut quantitatem totius culpæ cognoscat, ut de illis, de quibus non potest absolvere (utique directe) ad superiorem remittat. » Quam sententiam esse communem dicit

Lugo, securiorem, et consulendam; Fillius apud N. Franciscum loco citato de Eucharistia. Ratio deducta ex verbis D. Thom. est, quod jure divino obligamur ad confessionem per se loquendo integram etiam materialiter, nisi excuset impotentia, vel physica, vel moralis ob grave incommodum: istud non occurrit in eo, quod pœnitens omnia sua peccata exponat confessario inferiori, ut a non reservatis directe, et a reservatis indirecte absolvatur. Nam, si quod esset, utique illud adeundi superioris, illique reservata manifestandi: huic autem gravamini ipse voluntarie se demisit, peccatum reservatum sibi cognitum patrandum. Nec ullum est inconveniens in asserendo necessitatem utriusque manifestationis, ut n. 70 vidimus. Per quod satis patet ad motivum oppositæ opinionis. Unde eodem motivo rejicitur prior sententia: quia cum præceptum confessionis obliget per se ad manifestationem omnium peccatorum; aliter namque confessarius nequit convenienter judicis, et medici munera obire, ut sæpius expendimus: ubi superior sacramentaliter excipit confessionem peccatorum sibi reservatorum tenetur etiam audire non reservata, et de omnibus cognoscere, et ab eis absolvere; nec valet pœnitentes dimidiare confessor dimittere. Et ita contingit, et fieri debet, sic docentibus Sylvestro, Victoria, Nugno, Suarez, Vasquez, Henriquez, Lugo, Bonacina N. Gabriele, et aliis plurimis; quos refert, et sequitur N. Franciscus loco citato, nu. 135. Motiva vero contrariæ opinionis facile diluuntur. Nam ad primum, negatur talis usus Ecclesiæ Romanæ: Sylvester enim, qui fuit ejus pœnitentiarius, testatur oppositum; et Lugo, qui Romæ debebat affirmat nullum modo manere talis consuetudinis vestigium. Quod autem stylus Curiae fert, est peccata reservata a prælatis, aut pœnitentiariis non audiri, ut sacramentaliter absolvantur; sed ut subalta censura, et reservatione remittantur pœnitentes confessariis ordinariis, qui eorum confessionem excipiant, et a cunctis peccatis absolvant. Ad secundum dicendum falso fingi tantam superiorum occupationem, ut potens audire peccata reservata, nequeat audire non reservata. Si autem tanta est, ut fingitur, audiat reservata non sacramentaliter, et elevet censuram,

sive

Affirmant
Cajet.
Sotus,
Navarr.
Gerson,
Castro,
Diana,
Busenb.

Sentent.
2 rejici-
tur.

Nugno.
Sylvest.
Ledesma.
Navar.
et
D. Tho.

Prima
senten-
tia
excludi-
tur.

Ratio.

Sylvest.
Victor.
Nugno.
Suarez,
Vasqu.
Henric.
Lugo,
Bonac.
Gabriel.
Satisf.
facti. 1
motivi.

Ad 2
Res-
pond.

sive reservationem, committendo pœnitentem confessario inferiori, qui cuncta peccata sacramentaliter excipiat, ac ab eis absolvat. Quod si fingatur superiorem nolle ita se gerere, et aliunde pœnitentem premi urgenti necessitate confitendi ad vitandum infamiam, casus est in quo occurrit impotentia moralis explicandi omnia peccata, qualem in pœnitente confitente cum sacerdote peste infecto, et in similibus supra explicuimus. Unde non diffitemur posse tunc pœnitentem confiteri superiori omnia reservata, tacendo non reservata, sed reservanda pro alia confessione cum confessario ordinario, debito tempore facienda. Et sic tandem præter alios docent ex nostris Gabriel a Sancto Vincentio, Antonius a Spiritu Sancto, Franciscus Bonæ Spei, et eos referens Franciscus a Jesu-Maria ubi supra num. 134.

§ II.

Specialis difficultas circa manifestationem complicitis in peccato.

219. Diximus num. 215, et exemplis explicuimus posse pœnitentem subticere illud peccatum, ex cujus confessione grave incommodum sequitur imminens non tantum pœnitenti, sed et suo complici cognito per confessionem: ut si futurum foret, quod confessarius in cujus notitiam venit, illum odio haberet, ac persequeretur, occasionemque sumeret inferendi damna, quæ posset: tenemur namque jure naturali vitare, cum possumus, hæc proximi nocumenta. Inter hæc autem computari videtur ejus infamatio apud confessarium, quæ plane sequitur revelationem complicitis; ut si quis confiteatur se peccasse cum sorore, quæ alias confessario nota sit, unde hic apud se illam ut incestuosam, quod prius nesciebat, contemnat. Unde dubium occurrit, utrum pœnitens ad vitandum hoc proximi damnum possit, aut debeat subticere illud peccatum, ex cujus confessione sacerdos cognoscit peccati complicem? Procceditque difficultas non attendendo ad alia inconvenientia, sive incommoda, quasi confessioni extrinseca, de quibus jam diximus; sed attendendo præcise ad illud inconveniens confessionis, quasi intrinsecum, illamque per se concomitans, ubi

complex revelatur, et in ministri notitiam venit. Unde consequitur, quod secluso alio damno, amittat apud confessarium æstimationis conceptum, quem prius habebat. Et supponendum est pro majori casus urgentia pœnitentem non posse adire alium confessarium, cui sui peccati complex ignotus sit: si enim possit, manifestum apparet debere apud illum integre confiteri; cum ex una parte debeat confessionis integritas observari, et ex alia non multum incommodum ex prædicta integritate, peccatique explicatione sequatur. Quod non contingit, ubi solum adest unus confessarius, qui, si pœnitens suum peccatum exponat, nempe cum sorore incestum, complicem evidenter cognosceret, quia scit esse unicam pœnitentis sororem, et sibi alias satis notam.

Prima sententia docet pœnitentem in præmisso non debere, nec posse licite manifestare illud peccatum ex cujus manifestatione confessarius notitiam complicitis habiturus est. Ita Viguierius in Summa, cap. 16, § 4, versicul. 17, Innocentius, et Hostiensis in cap. *Omnis utriusque sexus*, Navarr. Joan. à Cruce, quæst. 3, de pœnitent. dub. 5, conclusione 3, Marsilius, Rodriguez, Lopez, Villalobos, Valentia, Pitigianus, Faber, et alii apud Dianam 5 part. tract. 6, resolut. 49, et Leandrum disp. 5, quæst. 60, et N. Franciscum c. 8, punct. 5, numer. 127, aliosque plures refert Dicastillo disp. 9, dub. 12, num. 892. Commune, et satis grave fundamentum illorum est, quod jure naturali obligamur servare bonam famam proximi, et non evertere illam æstimationem, in cujus possessione apud confessarium est: contra quod ageret pœnitens, qui manifestaret aliquod peccatum unde confessarius duceretur in notitiam complicitis, et bonum, quem de illo habebat conceptum exueret: quippe ita se gerendo pœnitens grave nocumentum proximo inferret. Nec satisfacit, quod Suarez disp. 34, de pœnitent. sect. 2, responderet, complicem hoc ipso quod cum pœnitente peccaverit, se subjecisse illius foro, nempe ipsius confessioni. Nam, ut recte vidit Dicastillo ubi proxime nu. 894, hæc responsio petit principium: complexenim (esto se ita subjecerit, quod non est universaliter verum, præsertim ubi complex non induxit ad peccatum, sed magis fuit inductus, aut etiam

Suppositio.

Opinio prima

Navarr. Joan. Marsil. Rodrig. Lopez, Villal. Valent. Pitigian. Faber.

Fundam.

Occurrit Evasioni

compulsus) tamen non se subiecit, nisi alter, pœnitens videlicet, teneatur explicare illud peccatum : et hoc ipsum est quod in disputationem venit. Nec iterum difficultatem evacuat, quod idem Suarez respondet pœnitentem uti jure suo, et complicem se exposuisse, subiecisseque periculo, ut pœnitens prædicto jure utens illum, illiusque peccatum confessario revelaret. Id namque dicere est non minus manifesta petitio principii : quippe id præcipue contrahitur, an pœnitens habeat jus infamandi complicem apud confessarium revelando culpam illius, quod si non habet, consequens est complicem peccando non se illi periculo subiecisse.

220. Sed longe verior, et communior est opposita sententia affirmans pœnitentem in prædicto casu posse, et debere manifestare, quamvis confessarius inde acquirat complicitis notitiam. Ita D. Thom. in 4, dist. 16, quæst. 3, art. 2, quæstiunc. 5 : ubi in corpore statuit circumstantias mutantes speciem esse de necessitate in confessione explicandas. Contra quod opponit ex prædictis circumstantiis aliquando innotescere peccatum alicujus personæ : sed homo in confessione debet se accusare, et non alterum infamare : ergo non debemus tales circumstantias in confessione aperire. Sed respondet : « Ad quantum dicendum, quod « homo in confessione debet famam alterius « custodire quantum potest : sed suam conscientiam magis purgare debet. Et ideo si « circumstantia, quæ ducit in cognitionem « personæ, sit de necessitate confessionis « secundum regulam datam, tunc debet « eam confiteri occultando personam, quantum potest. Si autem non sit de necessitate confessionis, debet dimittere, ne « peccatum alterius prodatur. » In quibus perspicue tradit, quod, quamvis debeamus conservare famam, sive non manifestare ejus peccatum adhuc in confessione ; nihilominus ubi non possumus manifestare, quæ sunt de necessitate confessionis, per se loquendo, v. g. circumstantiam incestus variantem speciem, magis debemus purgare conscientiam per ejus manifestationem. quam vitare proximi apud confessarium diffamationem : et ideo debet talem circumstantiam exponere, occultando tamen quantum fieri valet, personam complicitis. Et similia tradit opusc. 12, quæst.

6 ; idem docent D. Bernardus in formula honestæ vitæ dicendo : « De nullo prorsus « sinistre loquaris, quantumcumque sit verum, vel manifestum, nisi in confessione, « et ubi non potest aliter manifestari peccatum tuum. » D. Bonaventura in 4^o dist. 27, in 2 part. art. 1, quæst. 3, et in opusculo de modo confitendi cap. 1, D. Antoninus 3 part. titulo 54, cap. 19, § 11, Alensis 4 part. quæst. 180, memb. 4, Sylvest. art. 2, § 4, Durandus in 4, dist. 160, quæst. 4, Paludanus ibi quæst. 3, art. 2, Sotus dist. 18, quæst. 2, art. 5, Cajetanus verbo *Confessio* condit. 3, Sylvest. eodem verbo 1, quæst. 25, Richardus, Major, Gabriel, Almainus, Chartius, Medin. Soto, Henric. Vasquez, Toletus, Nuñez, Reginaldus, Sa. Coninchus, Onufrius, Basilius Pontius, Coriolanus, Layman, Malderus, Ledesma, Lessius, Bonacina, Diana, Lugo, Hurtado, Fagundez, Gonet, Armila, Victoria, Palaus, N. Gabriel, N. Estephanus, N. Franciscus Bonæ Spei, N. Vibanus, et alii plurimi, quos catervatim, ac glomeratos referunt, et sequuntur N. Franciscus cap. 8, punct. 5, num. 128, Leander disp. 5, quæst. 6, Dicastillo loco citato num. 893, et alii adhuc moderniores. Unde non immerito Henriquez lib. 2, de pœnit. cap. 9, nu. 6, testatur hanc esse sententiam Sanctorum, Theologorum, Jurisperitorum, et Summistarum.

Ejus autem fundamentum (explosis aliis, in quibus stabiliendis, et invicem diruendis, atque infirmandis laborant juniores, ut videri potest in Lugone, et Dicastillo) eruitur ex vera, et satis communiter recepta doctrina D. Thom. 2, 2, quæst. 73, art. 2. ubi ait : « Contingit quandoque, quod « aliquis dicat aliqua verba, per quæ diminuat fama alicujus, non hoc intendens, « sed aliquid aliud : hoc autem non est « detrudere per se, et formaliter loquendo, « sed solum materialiter, et quasi per accidens ; et siquidem verba, per quæ fama « alterius diminuitur, proferat aliquis « propter aliquod bonum vel necessarium, « debitis circumstantiis observatis, non « est peccatum, nec potest dici detractio. » Ex quibus formatur ratio : nam ideo pœnitens non posset, et subinde nec deberet confiteri illud peccatum, ex cujus manifestatione confessarius cognosceret complicitem,

Secund.

Secunda
sent.
prefer-
tur.

D. Tho.

Ratio
desumpta
ex
doctrina
D. Tho.

cem, quia illius peccati confessio in eis circumstantiis esset peccatum; sed non est: ergo pœnitens potest, et debet in prædictis circumstantiis manifestare peccatum, et nequit ab hoc capite se excusare a materiali confessionis integritate. Probat minor: quia proferre verba, per quæ fama alterius diminuitur, non id intendens, sed aliquod bonum, aut necessarium, non est detractio, nec peccatum, ut tam diserte affirmat Angelicus Doctor. Et magis convincitur ex his, quæ tradit in primo argumento, et in ejus responsione. Argumentum erat, quod nullus actus virtutis est peccatum: sed revelare aliquando peccatum proximi, est quandoque actus virtutis, ut cum aliquis fratris culpam denuntiat, ejus emendationem intendens, vel dum aliquis fratrem accusat propter bonum justitiæ: ergo dicere verba, per quæ fama proximi diminuitur, in quo detractio consistit, non est peccatum. Et respondet: « Ad hoc dicendum, quod revelare peccatum occultum alicujus propter ejus emendationem denunciando, vel propter bonum justitiæ publicæ accusando, non est detractio, ut dictum est », in corpore scilicet articuli verbis supra relatis. Ex qua doctrina, et exemplo liquet, quod dicere verba, vel manifestare crimen, ex quibus diminuitur proximi fama, non est ex genere suo detractio, vel aliud peccatum; alias nunquam liceret, nec esse posset actus virtutis; quod esse falsum illa doctrina, et exempla liquido evincunt: sed eam determinationem vel in bonum, vel in malum dependere ex circumstantia finis operantis: nam si per verba intendat diminuere proximi famam, peccat, et illi detrahit; si autem illa verba proferat non ex prædicto fine, sed intendens aliquod bonum, aut necessarium, non peccat; quin potius illa proferendo, et detegendo proximi culpam, potest exercere actum charitatis, vel alterius virtutis. Constat autem pœnitentem confitem suum peccatum, ex quo complex in confessarii notitiam venit, ex hoc ipso (saltem necessario, et nisi malitiose procedat) non intendere diminutionem famæ complicitis; sed intendere integritatem confessionis, quam Christus præcepit, et manifestare sinus suæ conscientie, et quod confessarius sibi congrue consulat

medicinam, et remedium: quæ sibi sunt bona, et necessaria, ut de se constat. Ergo in eo quod pœnitens ita se gerens exponat peccatum, ex cujus manifestatione confessarius ducatur ad complicitis notitiam, non peccat.

221. Nec momenti erit, si dicatur, Sanctum Doctorem in eodem articulo aperte docere, non esse necessarium ut quis peccet in dicendo ea, ex quibus proximi fama diminuitur, quod intendat hanc diminutionem. Nam post verba a nobis relata subdit: « Si autem proferat ex animi levitate, vel propter causam aliquam non necessariam, non est peccatum mortale: nisi forte verbum, quod dicitur sit adeo grave, quod notabiliter famam alicujus lædat; et præcipue in his, quæ pertinent ad honestatem vitæ: quia hoc ex ipso genere verborum habet rationem peccati mortalis. » Ergo quamvis pœnitens non intendat denigrare, nec diminuere famam complicitis, tamen peccat confitendo peccatum sibi, et illi commune, et quod sic cognoscitur a confessario. Hoc, inquam, non refert, nec est de re: quare concessio antecedenti, negamus absolute consequentiam. Quia supponimus non solum, quod pœnitens per suam confessionem non intendit diminuere famam complicitis; sed etiam, quod non agit leviter, et sine causa non necessaria (et ubi oppositum supponeretur, esset casus omnino diversus, et aliter decidendus, de quo infra) quin potius causas vellet rationales ex ipsa sacramenti natura juxta Christi institutionem, ut puta confitendi integre, manifestandi perfecte statum suæ conscientie, suscipiendi debitam pro omnibus suis peccatis pœnitentiam, et recipiendi congrua consilia, et medicinam a confessario. Atque ideo nulla occurrit inordinatio in prædicto casu, quippe qui est omnino diversus ab eo, quem D. Thomas in ultimis verbis satis prudenter adjecit, ne quis ex prioribus inepte colligeret licentiam proferendi ea verba, et revelandi ea peccata, ex quibus fama proximi diminueretur. Quod longe exulat a nostra, et S. Doctoris resolutione.

Confirmatur, et explicatur amplius præmissum fundamentum ex communi, et satis certa juxta Doctores sententia: nam disputare solent, utrum revelare crimen

Evasio
proponi-
tur, et
excludi-
tur.

Confir-
matio.

D. Tho.

proximi uni alicui viro prudenti, qui illius secretum servabit, non quidem captandi consilium, aut consolationis gratia, sed ex sola animi levitate, aut ex motivo non necessario, sit peccatum mortale? Circa quod est celebris sententia Cajetani loco immediate relato D. Thom. qui subscribentibus Navarro, Covarruvia, Petro de Navarra, Joanne a Cruce, et multis aliis viris doctis, id negat. Affirmant autem e contra Soto, Bannez, Tapia, Serra, Prado, Villalobos, Lugo, et alii, quibus relatis adhæsit noster Andreas tract. 13, de restitut. cap. 4, punct. 5, num. 48. Sed quamvis in resolutione casus ita propositi decertent; conveniunt tamen in eo, quod si quis uni, aut alteri viro prudenti manifestaret proximi crimen, non quidem ex levitate animi, sed ex rationabili causa, ut puta ad recipiendum ex eo consilium, ad vitandum alicujus innocentis damnum, ad leniendum animi mœrorem ob sibi occulte illatam injuriam, non peccaret. Et hoc esse certum apud omnes authores testatur prædictus Andreas loco citato num. 46. Commune vero tam communis assensus motivum est illud principium, quod D. Thomas nos docet, nempe proferre verba, vel manifestare crimina, ex quibus fama proximi diminuitur, non esse ex genere detractionem, aut peccatum; sed id dependere ex fine loquentis, si intendat illam diminutionem, aut ex levitate animi sine causa justa in manifestando crimen procedat; secus autem ubi occurrunt rationabilia illud revelandi motiva, qualia proxime insinuavimus. His prælibatis firmatur ratio nostræ assertionis: quoniam quod quis alicui viro prudenti, et secretum observaturo dicat occultum proximi crimen ex motivo suscipiendi consilium aut consolationem, aut vitandi aliquod malum sibi, vel aliis imminens, non est peccatum: ergo nec peccatum est, quod pœnitens in confessione manifestet aliquod sui peccatum ex quo ducatur confessarius in complicitis cognitionem. Antecedens est communis omnium sententia, quam præmisimus. Consequentia vero suadet non solum a paritate, sed a fortiori, ad quamcumque inter illa extrema comparisonem attendamus: nam confessarius in cujus notitiam veniret complex supponitur sicut ad ministrum tanti sacramenti decet, vir

prudens, et secreti tenax. Aliunde vero obligatur non tantum naturali, sed sacro sigilli secreto; pœnitens etiam habet gravissimas causas non subicendi illud peccatum, sed potius illud exponendi: et potest id præstare ob fines honestissimos servandi integritatem materialem, ad quam per se loquendo præceptum confessionis obligat, manifestandi aperte conscientie statum, ponderandi suum illud peccatum, procurandi sibi confidentiam, et solatium, ne desperet, subeundi pœnitentiam, et medicinam suo morbo congruam, denique se committendi sapientis confessarii consilio. Quas nemo negabit esse causas sufficientes, ne verba aliqua diminuentia apud confessarium complicitis famam, sint detractio, aut habeant ejus malitiam, ut ex D. Thom. vidimus.

Unde satis constat ad fundamentum contrariæ opinionis; nam præceptum naturale non diminuendi proximi famam, non obligat absolute, sed suppositis circumstantiis ex parte finis, quod non adsit motivum rationale illius apud aliquem, aut aliquos diminutionis, et ubi non occurrit aliquod majus bonum præferendum proximi æstimationi. Quod in præsentī casu non contingit: nam integritas confessionis, et fructus spiritualis ex ea percipiendus, aliæque commoda inde provenientia proxime relata sunt majus bonum, quam conceptus, aut æstimatio complicitis apud confessarium, illisque cedere debet. Et ideo pœnitens non debet eis se privare, ut ea apud confessarium complicitis æstimatio servetur. Sed sicut propter bonum complicitis, vel alicujus innocentis, et multo magis propter bonum commune posset ejus peccatum tam confessario, quam alteri viro prudenti manifestare, sic etiam potest ob bonum sui, et agendo ex motivis honestis jam relatis.

222. Ex præmisso autem D. Thomæ fundamento colligitur aliquorum incidentium decisio, quæ non parum conferre potest ad magis legitimam nostræ, et communis resolutionis intelligentiam. Colligitur ergo primo pœnitentem in casa posito teneri ad quærendum, et expectandum confessarium, cui complex sui peccati non sit cognitus, et cui valeat integre suum peccatum manifestare absque ulla apud illum complicitis notitia, aut infamia. Id aperui-

Respons-
detur ad
funda-
ment.
op n' onis
contra-
ria.

Illatio 1.

mus

mus breviter proponendo hanc controversiam. Sed illud negat Fagundez lib. 7, de secundo præcepto cap. 1, num. 3, dicens hanc pœnitentis diligentiam pro servanda complicitis apud confessarium fama, non cadere sub obligatione præcepti, sed esse materiam consilii. Et pro se refert D. Antoninum, Cajetanum, Sylvestrum, Canum, utrumque Sotum, Suarium, et alios. Unde arguit: hi omnes monent, ut pœnitens quærat alium confessarium, si commode possit eum invenire: in monitione autem non claudifur obligatio, aut præceptum, sed solum consilium, aut major perfectio. Sed multum fallitur ille author, et persistendum est in præmissa suppositione; quam liquido persuadet D. Thomæ discursus: nam dicere verba, ex quibus sequitur famæ proximi diminutio, si fiat leviter, et absque necessitate, est peccatum, et pertinet ad detractionem; sed quando alicui confessario exponitur peccatum ex quo acquirit notitiam complicitis, ubi alius quæri, et expectari potest, cui complex non sit notus, illa diminutio fit leviter, et absque necessitate, ut satis ex se constat: ergo ita agendo peccat, agitque non solum contra consilium, sed etiam contra præceptum naturale conservandi proximi famam. Oppositum autem motivum desumptum ex modo loquendi apud Auctores, nihil valet, quia admonitiones solent fieri ad observandum non solum consilia, sed etiam præcepta. Quia ipsi Auctores apertissime declarant in hoc casu obligationem. Nam Cajetanus verb. *Confessio*, condit. 3, absolute docet adeundum esse alium confessarium. Soto dist. 18, qu. 2, art. 5, adhibendam omnino esse diligentiam ut alteri fiat confessio. Corduba casu primo teneri ad id pœnitentem, si possit alium confessarium habere. Et aliis adhuc evidentius Suarez disp. 34, sect. 2, n. 1, inquit: Si pœnitens possit ei confiteri, qui non cognoscat personam complicitis, tenetur hoc facere: et in id omnes conveniunt. Quod repetit num. 53, et similia docent communiter alii apud Leandrum disp. 5, quæst. 62.

Hinc dubitari solet per quod tempus debeat pœnitens in hoc casu quærere, et expectare alium confessarium, et recte respondet Suarez loco citato id prudentis arbitrio relinquendum esse: quia id in ge-

nere una regula dimetiri non valet, sed attendere opus est ad plures, et varias circumstantias, quæ possunt occurrere. Unde putamus pœnitentem existentem in peccato mortali non teneri ad quærendum, et expectandum alium confessarium ultra triduum: quia magnum gravamen, et mora esset ultra illud tempus in miserabili illo statu persistere. Sacerdos etiam consuetus celebrare quotidie non obligaretur ultra biduum: quia magna consolatione privaretur, nec omnem prorsus notam ex non celebratione vitare posset. Idem sentimus de persona assueta frequentibus communionibus, quas si omitteret suspicionem familiæ incurreret. Possent ergo omnes hi, quæsito, et expectato per aliquod moderatum tempus jam insinuatum alio confessore, sed non occurrente, confiteri apud solitum, licet hic ex confessione alicujus peccati complicem tandem cognosceret. Quin nec obligarentur ad parvam confessionis dilationem, si propterea privarentur jubilæo, aut indulgentiis, quæ tunc instarent. Nam ubi hæc, aut similia occurrunt, pœnitens, qui explicando suum peccatum diminuit aliquomodo apud confessarium complicitis famam, non agit leviter, et absque necessitate, sed ob fines convenientissimos. Et in id tandem veniunt impugnato Suario, Lugus disp. 16, num. 416, et eo defenso Dicastillus disp. 9, num. 934 et alii.

223. Colligitur secundo, quod per se ^{Illatio 2.} loquendo non licet pœnitenti confiteri, aut dare pro materia confessionis aliquod veniale ex cujus notitia cognosceret confessarius grave peccatum ex parte complicitis: ut si fœmina se accusaret de negligentia veniali in resistendo patri, vel fratri illam provocanti ad turpia. Idem colligendum est de pœnitente manifestante aliquod peccatum ex jam confessis, quod adhibeat pro materia apud alium confessarium, qui tamen illa notitia ducatur ad complicem cognoscendum. Non multi istud punctum attigerunt, sed ex illis ita resolvunt Lugo disp. 16, q. 411, Dicastillo disp. 9, dub. 1, ex incidentibus, et Leander disp. 5, qu. 63. Et quidem merito: nam præcepto naturali obligamur non manifestare peccata proximi, ubi alias non occurrit, vel necessitas, vel notabilis convenientia, quæ ab eis detegendis excuset, ut constat ex fundamento

Cajetan.
Soto.

Suarez.

Lugo,
Dicastill.
Leand.

proposito pro principali resolutione. Quæ motiva non occurrunt in casu hujus consecrarii; siquidem peccatum veniale, et peccatum mortale jam confessum non sunt materia, nec pertinent ad integritatem; sed possunt simpliciter in confessione omitti, adhibita alia materia sufficienti pro pœnitentis arbitrio. Aliunde vero utilitas spiritualis, aut consolatio, quam ex eorum manifestatione possemus cupere, multis aliis viis comparari valet, etiam extra confessionem. Ergo per se loquendo non licet pœnitenti confiteri illud peccatum veniale, aut etiam mortale jam confessum, ex cujus notitia complex apud confessarium hæc audientem pateretur famæ jacturam. Et hanc partem evincit fundamentum n. 219 pro sententia nobis adversa. Diximus semel, et iterum per se loquendo: quia per accidens fieri valet, ut ea complicitis manifestatio ex confessione peccati venialis, aut mortalis jam confessi, sit licita, utputa, si ea manifestatio fiat ad capeſſendum consilium, ad resistendum alteri intendenti grave peccatum, ut in exemplo proposito liquet; vel ad vitandum damnum alicujus innocentis; vel propter bonum commune, ut si quis se accusaret de peccato veniali, aut etiam mortali jam confesso, et commissio non resistendo, ut omnino debuit, alicui tenenti, aut docenti hæresim, vel denique ob alia motiva ad eam manifestationem etiam sacramentalem; de quibus judicare expectatis occurrentibus circumstantiis pertinet ad prudentiam. Addimus, quod si peccatum mortale, ex cujus repetita confessione innotesceret complex apud confessarium, prius confessum fuit ut dubium, et deinde certum esse deprehendatur; potest, et debet confiteri, licet illa infamatio sequatur. Quia illud peccatum, ut certo cognitum est de necessitate confitendum, ut tale, ut constat ex dictis dubio præcedenti: unde, sicut si pœnitens in prima confessione illud cognovisset, potest, et debet illud confiteri, quamvis ex ejus manifestatione sequeretur cognitio complicitis apud confessarium, ut hoc § ostensum est; sic etiam idem potest, et debet, si post illud sub dubio confessum, ipsum deinde fuisse mortale certo cognoscat.

Illatio
tertia.

221. Colligitur tertio, quid censendum sit de quantitate peccati commissi a pœnitente, qui juxta dicta in duobus consecra-

riis peccat in confitendum peccatum illud, cujus notitiam affert absque necessitate, et rationabili causa complicitis cognitionem in confessario. Hæc difficultas decidenda est sicut alia universaliter proposita de eo, qui absque necessitate, sed ex levitate animi, aut minus attenta consideratione, alicui viro prudenti, et secretum servaturo manifestat sub illo grave proximi peccatum, ut supra jam attigimus n. 225. Prima negat id esse peccatum mortale. Juxta quam idem dicendum est de pœnitente ita procedente in præmisso casu, quia confessarius supponitur ex officio prudens, et strictissimo sigilli secreto obstringitur, ne crimen, vel pœnitentis, vel complicitis cognitum prodatur. Sed quia cum N. Andrea ibi relato veriore censemus oppositam opinionem, quæ eam manifestationem absque necessitate facta mortalis damnat; propterea absolute sentimus peccatum pœnitentis in simili manifestatione apud confessarium esse mortale. Et ratio, quæ militat in manifestatione facta tam viro prudenti, quam confessario, quæque destruit fundamentum principale contrariæ opinionis, est, nam valor famæ, et quantitas infamiæ debent ponderari, et appretiari juxta communem æstimationem, sicut alia humana bona, vel damna; sed juxta hanc communem æstimationem, non minoris, sed pluris pretii æstimatur bona fama, et opinio apud unum virum prudentem, quam apud plurimos de plebecula; et ægrius ferimus inhonorari, aut infamari apud illum cordatum virum, quam apud multos infimæ sortis: ergo sicut manifestari multis de plebe occultum proximi peccatum, est grave illi inferre nocumentum, et subinde peccatum mortale, idque concedunt omnes; sic etiam, et ob idem motivum, aut etiam a fortiori, peccat mortaliter, qui extra, vel intra confessionem grave, et occultum proximi peccatum viro prudenti absque necessitate revelat. Mortaliter igitur peccat pœnitens, qui in casibus consecratorum manifestat complicem.

Opinio
negans

Opinio
affir-
mans.
Ratio.

Confirmatur manifestando amplius quantitatem hujus damni, atque ideo peccati in illud causando commissi: nam si pœnitens sciret confessarium suum revelaturum fore ejus peccatum, vel uni alteri prudentissimo, aut etiam alicui confessario sub sigillo, proculdubio excusaretur a

Confir-
matio.

confitendo

confitendo illi tale peccatum, et a materiali confessionis integritate juxta communem doctrinam § præcedent. traditam : sed infamia, quæ a prædicta integritate deobligat, magni aestimari debet : siquidem ad eam non servandam requiritur causa gravis in prudentum æstimatione : ergo infamia, vel apud confessarium est grave damnum : et consequenter pœnitens, qui illud in propositis casibus proximo, sibi complici infert, peccat mortaliter. Et ita ultra relatos a dicto Andrea loco citato sentiunt Lugo disp. 16, num. 395, et Leander disp. 5, quæst. 64.

225. Hac occasione solet controverti apud Recentiores, an pœnitens sic peccans teneatur ad restitutionem famæ apud confessarium, et sunt, qui affirmant, ipsis favente Lugone disp. citata num. 418, quia obligatio restituendi consequitur læsionem justitiæ : quare si pœnitens læsit apud confessarium famam proximi, illam apud eundem confessarium reparare tenetur. Idque declaratur, et fulcitur exemplis : nam, si pœnitens injuste revelans complicem prævidit aliquod ejus grave damnum, vel in vita, vel in fortuna inde proventurum, et quod provenit, tenetur ad restitutionem : ergo idem dicendum est de reparatione famæ, quam apud confessarium læsit. Oppositum docet Dicastillo disp. 9, a n. 935. Et hoc censemus longe verius : quia non datur per se loquendo restituendi obligatio, ubi restitutio est per se loquendo impossibilis. Sic autem contingere in præmisso casu liquet : nam nulla via in illo occurrit satisfaciendi, aut restituendi, quam adire eundem confessarium, et negare illum, quem in confessione insinuavit, fuisse complicem ; in quo ipse mentiretur, et illicite ageret : nam ille revera fuit complex. Et quod dicunt recentiores posse pœnitentem dicere, « Erravi, dum tibi « unum complicem pro alio dixi » : quia certe in manifestando complicem erravit ; est satis futile, et evertitur : nam illis verbis « Unum pro alio » non solum verus complex negatur (quod forte liceret ob commissum in ejus manifestationem errorem, sive peccatum) sed asseritur alius, quod nullo modo a mendacio excusari valet. Accedit hæc apud confessarium nihil pro diluendo conceptam infamiam, aut variando priorem conceptum proficere :

Salmant. Curs. Theolog. Tom. XX.

nam perspicue noscit veritatem prioris confessionis, et de timentis conscientia remorsu prodire subsequentem, atque studiosam retractationem. Per quæ satis constat ad oppositum fundamentum : nam solum probat ad læsionem justitiæ sequi onus restitutionis, si hæc sit possibilis : quod hic non contingit. Augmentum vero, et explicatio difficultatis diluitur concessio antecedenti, negando consequentiam ob manifestam disparitatem : quia læsio, quam pœnitens facit apud confessarium in fama complicitis, est per se loquendo irreparabilis per ullam restitutionem : illa vero quæ inducta est in bonis extrinsecis, resarciri valet, et debet juxta generalia debita restitutionis principia.

226. Colligitur quarto, quid dici debeat, ubi ex peccato, quod pœnitens manifestat, cognoscit confessarius personam, cum qua peccatum fecit, quamvis ipsa complex non uerit, ex qua notitia amittit illa aliquam apud confessarium æstimationem. Contingens namque est, quod pœnitens nequeat suum peccatum in confessione explicare, nisi manifestando defectum alicujus tertiæ personæ, quamvis complex in patrandum illud peccatum non fuerit. Verbi causa, oppressit quis sororem propriam, sed prorsus invitam, reluctantem, et nullo modo consentientem ; sed tamen, quæ inde subiit defectum virginitatis, et illius æstimationis, quæ huic juxta communem æstimationem debetur. Nequit frater confiteri proprium suum incestus peccatum, quin confessor cognoscat commissum fuisse cum pœnitentis sorore, sibi nota, et hanc perdidisse virginitatem. Poterit ne pœnitens, vel debebit in his circumstantiis integre confiteri incestum manifestando ? Negat Suarez disp. 34, sect. 2, num. 14, suam, et nostram resolutionem num. 220 propositam restringens ad manifestationem solius, et veri complicitis in peccato. Cui subscribunt Fagundes lib. 5, cap. 2, num. 12, et pauci alii Recentiores. Quorum commune fundamentum est cessare in hoc casu omnes rationes, ob quas pœnitens manifestando proprium peccatum potest indirecte ducere confessarium in notitiam veri in eodem crimine complicitis. Nam quod ad ipsius pœnitentis utilitatem, consolationem, et directionem expectat, ipse debet reportare incommodum in earum priva-

Illatio quarta.

Suarez

Opinio 1 Fundamentum.

tione, ne alter detrimentum ex sua confessione incurrat; quippe ipse solus absque alterius cooperatione, et consensu patravit illud delictum. Aliunde forma iudicii, quæ alias in hoc Sacramento servanda est, et ob quam tam in iudice, quam in accusatore (cujus vices agit pœnitens) datur jus ad manifestationem complicitis in delicto, minime extenditur ad manifestandum alium tertium, qui vere complex non sit, et multo minus ad propalandum ejus in alia materia defectus. Denique, quod caput est ad hoc, nec integritas confessionis ex reverentia sacramenti prædictam manifestationem exposcit, nec permittit: quia major reverentia est eam integritatem servare rationabili modo, ita ut ille, qui inivit semel suscepit unam injuriam in delicto a pœnitente commisso, non sustineat novam aliam ab eodem manifestatus confessario, titulo integritatis in confessione servandæ. Sed colligendum est oppositum. Videlicet pœnitentem per se loquendo, et eisdem circumstantiis, in quibus potest, et debet manifestare peccatum ex quo ducitur confessarius ad cognoscendum in eo complicem, posse, et debere illud etiam manifestare, quamvis confessor cognosciturus sit defectum alterius tertii, licet, qui complex in pœnitentis peccato non fuerit. Id, inquam, colligitur ex fundamento desumpto ex D. Thoma, quo principalem resolutionem communivimus: nam dicere ea, ex quibus fama proximi diminuitur, non est detractio, nec peccatum, si ea proferantur non ad diminuendum talem famam, sed vel ex necessitate, vel ob rationabilem causam. Sic autem potest contingere, ubi pœnitens dicit illud, ex quo ducatur confessarius in cognitionem tertii, et alicujus defectus illius, licet alias in peccato pœnitentis complex non fuerit: siquidem pœnitens ita se gerens potest intendere, non aliquam illius tertii denigrationem, sed alios honestissimos fines, ut puta servare integritatem confessionis a Christo præscriptam, manifestare statum conscientiae suæ, quærere consilium, et remedium a confessario, et alia bona, quæ pro manifestatione complicitis expendimus. Ergo per se loquendo, et in eisdem circumstantiis, in quibus potest pœnitens revelare complicem, potest etiam revelare alium tertium, qui complex non sit. Si

Opinio
opposita.

autem potest. pariter debet ita se gerere: quia obligamur ad integritatem materialem confessionis, sive ad manifestandum omnia mortalia, ubi non est illicitum aliquod manifestare. Unde liquet (et in hoc fallitur Suarez) honestatem, et facultatem manifestandi in confessione defectum aliquem proximi, non oriri ex eo, quod ille sit, aut non sit culpabilis, complex, aut non complex in peccato, quod confitemur: sed ex firmiori, et universaliori radice, nempe ex eo quod talis manifestatio sit necessaria vel admodum utilis ad explicandum proprium peccatum, et statum conscientiae, ad servandum integritatem confessionis, et ad consequendum alia bona proxime insinuata. Ex qua ratione provenit, quod pœnitens quandoque possit, et debeat manifestare proprios etiam defectus satis graves, et sensibiles, quamvis nec ad illos induxerit, nec in eis peccaverit, ut liquet in eo, qui se accusat, quod illegitime natus curaverit promoveri ad Sacros Ordines, aut quod natus sanguine judæorum ambierit illos honores, a quibus homines illius generis justis legibus excluduntur. Hac itaque ratione potest pœnitens pro explicando suum peccatum illa dicere, ex quibus confessario defectus, vel naturales, vel morales alicujus tertii innotescant, quamvis in eo delicto complex non fuerit, si tamen ejus notitia ad explicationem illius peccati requiratur. Et sic etiam sentiunt Sotus in 4, disp. 18, qu. 2, art. 10, Lugo disp. 16, n. 420, Richardus, Gabriel, Alcozer, et eos referens Dicastillo disp. 9, n. 939. Nec opus est occurrere fundamento contrariæ opinionis: nam quæ diximus satis illud dissolvunt, et elidunt, quin opus sit alia addere.

§ III.

Alia dubia pro integritate servanda in confessione moribundorum.

227. Quamvis jam supra n. 114 præmiserimus cum communi sententia, moribundum plura mortalia habentem, quæ tamen omnia aggravante morbo, instante periculo, et urgentibus in eo articulo molestiis explicare non valet, excusari a materiali confessionis integritate, et posse uno, vel altero manifestato beneficium

Sotus
Lugo,
Richa-
Gabri-
Azor.

sacramentalis absolutionis suscipere; occurrunt adhuc non pauca, nec levia dubia circa eandem materiam propter diversum modum quo moribundorum confessio ultra communes bene habentibus leges fieri, et salvari queat: ubi occurrunt diversæ Auctorum inter se pugnantium sententiæ. Et primo dubitatur, an quando moribundus solum confitetur peccatum in genere, dicendo v. g. se esse peccatorem, nullumque in particulari explicando, quia forte statim post illud in communi dictum sensibus destitutus est, possit absolvi. Negant multi, et graves Auctores. Ex Thomistis Soto in 4, dist. 18, qu. 2, art. 5, Cano de Pœnit. part. 5, § *Ad inhærendo*, Martinus de Ledesma 2, part. 4, qu. 9, art. 5, dub. 2, Lopez 1 part. Instruct. cap. 18, § *Imo si jam*, Medina lib. 2 Summæ cap. 18, Conradus, Alvarez, Davila, Coquetus, Tay, Cand. Abul. Angles, etc. Motivum 1. Candidus apud Pradum quæst. 3, de Confes. dub. 2, num. 1. Ex aliis Abulensis in cap. 16, Matth. quæst. 79, Angles, Pedraza, Alphonsus de Leone, Grafis, Archangelus, et alii. Moventur primo: quia pro sacramentali absolutione, et veritate sacramenti pœnitentiæ requiritur in sacerdote specialis aliqua peccatorum pœnitentis notitia: hæc autem in prædicto casu non adest: pœnitens enim solum declarat se esse peccatorem, quod est omnibus commune, et a sacerdote independentem ab ea pœnitentis relatione cognoscitur: ergo ille modus confitendi non sufficit, ut sacramentaliter absolvatur. Secundo: nam confessio sacramentalis debet esse actus, et accusatio judicialis, ut sacerdos tanquam iudex possit judicare de conscientia pœnitentis: iudicium autem est actus prudentiæ, quæ exerceri non valet nisi re in particulari cognita, ut docet D. Thom. 2, 2, quæst. 47, artic. 3: ergo cum ea in communi confessio nullam afferat notitiam peccatorum in particulari, minime sufficit ad confessionem sacramentalem. Tertio, et in idem redit, quia sacerdos nequit uti potestatis clave ad absolvendum, nisi præmisso iudicio de peccatis per clavem scientiæ; ex hoc autem quod audiat moribundum confitentem se peccatorem, nullum format iudicium circa ejus peccata. Quæ omnia confirmant tum ex Concil. Trid. sess. 14, cap. 5, perspicue, et late docente non sufficere pro implendo divinum confitendi præceptum dicere pec-

cata in genere. Tum ex D. Chrysost. serm. D. Chris. 5, de Pœnit. ante homiliam de jejuniis tom. 5, ubi ait: « Non sufficit dicere peccator sum: sed opere pretium est speciatim peccatorum, et delictorum reminisci. » Aliaque plura hujus generis testimonia expendi possent, quæ copiose dedimus dub. 1.

Sed verior sententia affirmans magis prævaluit, eamque insinuavit D. Thom. generaliter statuendo in 4, dist. 17, qu. 3, art. 9, quæstiunc. 3, ad 2: « Quando non possumus uno modo, debemus secundum quod possumus, confiteri. » Et dist. 21, qu. 2, art. 1, ad 1: « Confessio generalis est sacramentalis, » idque explicat ubi quis secreto confitetur sacerdoti venialia in generali. Ad secundum loquendo de confessione sacramentali, solum ait: « Requiratur aliquis peccatorum manifestatio, » et art. seq. in corpore inquit: « Confessio generalis » (id est in communi, et generaliter facta) « operatur ad remissionem pœnæ virtute clavium. » Unde prædictam sententiam ex Thomistis defendunt D. Antonius 3 part. tit. 10, c. 6, et in Summa parvæ 3 part. tract. 2, cap. de infirmis. Sylvester verbo *Confessio* 3, qu. 3, Nugnus qu. 9 supplementi art. 2, dub. 1, ad. 2, Petrus de Ledesma c. 25, dub. 2, ante ultimam confessionem. Barnabas, Gallego dub. 7, de conscientia probabili, Joannes a Cruce 2 part. directorii de pœnit. dub. 8, Joann. a S. Thom. 1, 2, disp. 12, art. 6, in fine primi tom. Ildephonsus Baptista tom. 3, disp. 203, dub. 12, n. 832. Arauxo supra qu. 84, art. 3, dub. 1, n. 19, Prad. loco supra citat. N. Cornexo tom. 1, tract. 8, disp. 3, dub. 6, Montesinos 1, 2, disp. 39, qu. 5, § 3, Labat de pœnit. disp. 2, dub. 3, § *Set major* in 1 et 2 ratione. Gonet, disp. 12, art. 4, § 4, N. Gabriel disp. 7, qu. 1, N. Franciscus c. 8, punct. 6, num. 139. Idem etiam docent Suar. disp. 23, sect. 1, Vasquez qu. 91, art. 2, dub. 1, Lugo disp. 17, sect. 4, Dicast. disp. 9, dub. 9, et adeo communiter juniores, ut superfluum sit eos recensere. Videri tamen possunt apud illos referentes, et sequentes Dianam 3 part. tract. 3, resolut. 1, Aversam quæst. 10, sect. 16, et Leandrum disp. 5, qu. 38, unde hæc sententia in hoc tempore merito potest vocari communis.

228. Probatur ratione: nam licet divi-

Prima
Sent.

Cano,
Ledesma,
Lopez,
Medin.
Conrad.
Davila,
Coquet.
Tay.
Cand.
Abul.
Angles,
etc.
Motivum
1.

Secund.

D. Tho.

Tertio.

Conc.
Trid.

Senten-
tia
verior,
et
communior.

D. Tho.
Idem.

Idem.

D.
Anton.
Sylvest.
Nugnus.
Labat.
Gonet.
Gonet.
Gabriel.
Suarez.
Vasquez.
Lugo.
Dicast.
Diana.
Aversam.
Leand.
Rat.

num confitendi præceptum obliget per se loquendo ad manifestandum species, et individuas circumstantias specie diversas peccatorum, nihilominus ob necessitatem, et rationabiles causas possunt horum multa in confessione taceri, ut constat ex dictis § 1; ergo pariter quamvis illud præceptum obliget per se loquendo ad confitendum peccata in particulari, fieri tamen per accidens potest, quod sufficiat, si pœnitens illa dicat præcise in communi: nulla autem urgentior causa occurrere valet, quam impotentia physica in proposito casu descripta ubi moribundus non jam potens explicare sua peccata, vel eorum aliquod in particulari, confitetur illa in communi petendo ab eisdem absolutionem, et statim sensu destituitur: ergo in tali casu sufficit ea confessio, potestque ac debet pœnitens absolvi. Confirmatur primo; quia respectu Dei sufficit interior accusatio per generalem omnium peccatorum recognitionem, et confessionem, licet nullum in particulari occurrat: ergo similiter sufficit exterior generalis confessio respectu sacerdotis vicem Dei in hoc sacramento gerentis. Confirmatur secundo: nam: si quis integer, et sanus sciret certo se in aliquod peccatum mortale incidisse, quin recordari posset, cujus generis, aut speciei fuerit illud peccatum, non propterea deobligatus maneret ab ejus confessione; sed posset ac deberet illud sub ea generalitate confiteri, et ab eo absolvi, præsertim ubi non conciperet erga illud contritionem, nec aliud mortale haberet, de quo se accusaret, nec enim privari deberet hujus sacramenti beneficio, nec ac desperandum cogi: ergo pro pœnitentiæ sacramento sufficit quandoque, et per accidens confiteri peccatum mortale in communi, sive individuum vagum, nullum determinando genus proximum, aut speciem. Confirmatur tertio: nam si non sufficeret in casu proposito confiteri peccata in communi, aut se accusare peccatorem petendo absolutionem, maxime quia ex vi hujus non cognoscit perfecte confessarius statum pœnitentis, ut queat exacte de ejus peccatis judicare; sed hæc ratio est nulla, et minime impedit, quod moribundus possit et debeat absolvi: ergo ille modus confitendi est absolute sufficiens in tali casu. Probatur minor ex communi fidelium

Confirmatur 1.

Confirmatur 2.

Confirmatur 3.

praxi, et piorum approbatione, ut n. 214 jam insinuavimus, ubi plures subito, et evidenti periculo moriendo corripuntur ob naufragium, terremotum, incendium, contagium, etc.; consuetum namque est, et minime reprobatum omnes simul vociferare confitendo peccata, et petendo absolutionem: et si unus tantum sacerdos, omnes simul una absolutione absolvit dicendo: Ego vos absolvo a peccatis vestris. Et tamen in hoc casu sacerdos non cognoscit eorum peccata in particulari, nec exactam habet notitiam de singulorum conscientiis, ut ex se liquet. Ergo nulla est illa adversariorum ratio desumpta ex eo, quod licet moribundus se accuset de peccatis in communi dicendo se peccatorem, confessarius nequeat congruum concipere, aut habere de illius peccatis, et conscientiæ statu judicium. Et alia satis gravia, quæ ab auctoritate possemus pro hac resolutione non addimus, illa pro alia difficiliore meditato reservantes, quæ istam a fortiori confirmant.

Fundamenta vero contrariæ opinionis eliduntur per ea, quæ pro nostra, et communi proposuimus: nam solum evincunt, quod per se loquendo requiritur confessio peccatorum in speciali; minime vero quod requiratur essentialiter, et in omni casu contingenti, aut possibili. Idque facile constat ex dictis in hoc dubio: nam etiam pro hoc sacramento requiritur per se loquendo confessio in particulari omnium mortalium nullo excepto, et ad id obligamur præcepto divino: et nihilominus plures sunt casus, in quibus per accidens non est necessaria illa materialis integra omnium mortalium confessio, sed aliqua possunt reticere. Et eadem ratione possunt omnia in particulari omitti, et explicari tantum in communi, ubi moribundus aliud non valet declarare, nec plura verba proferre. Unde liquet quod præceptum divinum in hoc sacramento ad plura se extendit, quam sola ipsa sacramenti essentia præcise sumpta: hoc enim solum exposcit quod legitimo sacerdoti fiat expositio peccatorum hoc, vel illo modo, et sive omnium, sive aliquorum juxta varias contingencias supra relatas: sed præceptum divinum extenditur per se ad omnia mortalia absque ullius exceptione; verum occurrente extrema necessitate, ut alias in aliis

Eliditur motivum 1.

aliis contingit, non obligat. Et hoc satis erat respondere ad omnia illa motiva simul sumpta. Sed in particulari respondetur ad primum majorem solum verificari per se loquendo; secus vero universaliter, et per accidens, ut ostendimus exemplo naufragii, et incendii. Et rursus minor est falsa: nam licet sacerdos ante cognosceret moribundum esse peccatorem secundum eam rationem, qua omnes peccatores dicimur: tamen non cognoscebat moribundum id recognoscere, seque accusare, et omnes suas culpas in communi clavibus Ecclesiae submittere. Ad secundum omissis praemissis negatur consequentia, quae ex eis non inferitur: nam ut iudicium, et absolutio sacerdotis sit actus prudentiae, non est necessarium cognoscere poenitentis peccata in particulari, sed eam in particulari confessionem, et accusationem, qua omnia in communi sua crimina dicit petens ab illis absolvi: nam illo actu particulari dijudicare ad prudentiam expectat, ut et ipsi Adversarii, et nos facimus. Unde patet ad tertium: nam sacerdos antequam absolvat utitur clave scientiae recognoscendo per illam poenitentis in communi confessionem eum dolere de peccatis, et se accusare ut absolvatur. Patet etiam ad confirmationem: tamen ea, et alia, quae afferri possent testimonia declarant, et exposcunt, quae per se loquendo debent in confessione explicari: sed non negant, quod oppositum per accidens fieri queat.

229. Ex praemissa autem resolutione duo pro praxi colliguntur. Primum sacerdotem in praemisso casu non solum posse, verum debere absolvere moribundum: quia ex una parte licite potest adhærendo communi sententiae; et ex alia cum absolutio queat prodesse, necessariaque moribundo esse ad aeternam salutem; debet sacerdos ex charitate erga proximum illud subsidium moribundo non negare: ne si habeat solam attritionem damnatur, qui salvus fieret, si illi absolutio sacramentalis adjungeretur. Et sic communiter observant Auctores, quorum plures refert N. Franciscus ubi supra num. 142. Secundum: debere in eo casu conferre absolutionem absolute. Oppositum docuit Suarez loco citato num. 12, dicens debere absolvere sub intellecta conditione, si possum,

vel si adest materia sufficiens: quia sic procedens vitat omnem irreverentiam, quae in conficiendo sacramentum poenitentiae contingere posset. Sed communiter rejicitur. et merito: quia rem supervacaneam exegit, quin et aliquando superstitionem, quae etsi non sit contra substantiam sacramenti, ejus tamen debito usui quadam ratione adversatur. Debet namque sacramentum ministrari absolute, sive nulla apposita conditione, quando prudens dubium circa ejus valorem non occurrit: in praedicto autem casu nullum prudens dubium adesse valet, quod vel solo pondere sententiae adeo communis non excludatur: ergo absolutio debet administrari absolute in praedicto casu: et non posset non esse aliqua inordinatio adhibere conditionem non necessariam.

230. Idem, quin majus est dubium in casu quo moribundus non confiteatur saltem in communi, sed solum coram confessario positus exhibeat signa doloris tundendo pectus, aut alio modo manifestando prioris vitae, et suorum peccatorum retractationem. Et plane, si illa signa exhibeant se velle confiteri, et desiderare sacramentalem absolutionem, casus omnino coincidit cum praecedenti et importat peccatorum saltem in communi confessionem, cui accedit per verba vel per manus, aut alia signa fieri. Quare eadem hujus, ac praecedentis casus debet esse resolutio, et communiter adhibetur. Sed contingens est infirmum tundere pectus, aliaque doloris peccatorum edere signa sistendo in eis, nullumque manifestando ordinem ad confessionem, vel absolutionis desiderium. Et in hoc vertitur difficultatis cardo, an scilicet hoc ipso quod sacerdos ea signa videat possit prudenter praesumere, quod moribundus illa dirigat ad consequendum sacramentalem absolutionem, quamvis nequeat illa expresse petere: et consequenter utrum talis confessarius eo dictamine directus possit aut debeat moribundum absolvere. Negant a fortiori Auctores pro prima sententia num. 227 relati, quibus addendi sunt Suarez, N. Thomas a Jesu, Bonacina, et alii pauci apud Dianam 3, part. tract. 3, resolut. 2, et inveniuntur primo: nam de moribundo ita se habente, et gerente vulgo dicitur, et non inepte, quod confiteri jam non valet: si ergo con-

ecundum.

ejus confirmatio.

consecrationi.

Suarez, Thom. Bonac. Fundam. l.

N. Franciscus. Secundum.

Secundum. fiteri non potest, nulla erit confessio, et absolutio illi correspondens. Secundo : quia, cum partes pœnitentiæ ut sacramenti sint tres, nempe contritio, confessio, et satisfactio, oportet ad dolorem hujus sacramenti concurrere confessionem ut a contritione distinctam : sed tundere pectus, et similia non sunt aliud, quam signa doloris : ergo prædicta signa non sufficiunt, ut moribundus præsumatur confiteri, aut petere confessionem. Tertio, quoniam ex opposito fieret, quod licet moribundus in eo articulo legitime confessus, et absolutus fuerit, et post amissam loquelam edat illa signa, possit rursus sacramentaliter absolvi, et iterum atque iterum, ubi eadem signa ostenderit : quod apparet absurdum, et contra praxim. Quarto, quia frequentissimum est infirmum in illa hora prorumpere in illa signa, quæ vel in personis justissimis contritionem internam demonstrant, quamvis infirmus nullius mortalis conscius fit, nec confessione egeat, nec absolutionem sacramentalem exposcat; ergo talia signa sunt insufficientia, ut sacerdos præsumat infirmum per ea confiteri aut petere absolutionem : atque ideo imprudenter ageret illam impertiendo : et consequenter non potest, nec debet moribundum ita se gerentem absolvere.

Terl. Quart. 231. Verum sententia contraria, cui subscribimus, est communis, eamque tueri debent omnes relati pro secunda n. 227, si paucos proxime relatos excipiamus. Et probatur auctoritate D. Augustini in lib. de adulterinis conjugii cap. 28, tom. 6, ubi hæc habet : « Ego non solum alios catechumenos, verum etiam ipsos, qui viventium conjugii copulati, retinent adulterina consortia, cum salvos corpore in his permanentes non admittamus ad Baptismum : tamen si desperati » (hoc est sine spe vitæ, aut salutis corporalis) « et intra se pœnitentes jacuerint, » (quod solet manifestari per doloris signa, de quibus agimus) « nec pro se respondere potuerint, baptizandos puto, ut etiam hoc peccatum » (adulterini consortii) « cum ceteris lavacro regenerationis ablatur. Quis enim novit utrum fortassis adulterinæ carnis illecebra usque ad baptismum statuerant detineri ? » Quam doctrinam extendit ad moribundum, qui in simili articulo positus confiteri verbo

non potest, sed tamen edit doloris signa : sic enim concludit in fine capitis : « Quæ autem baptismatis, eadem reconciliatio nis » (id est sacramenti pœnitentiæ) « est causa, si forte pœnitentem finiendæ vitæ periculum præoccuparit. Nec ipsos enim ex hac vita sine arrha suæ pacis exire velle debet mater Ecclesia. » Ergo in sententia Sancti Doctoris, sicut catechumenis peccatoribus, si moribundi darent pœnitentiæ signa ministrandum erat sacramentum Baptismi, ita etiam baptizatis, si eadem signa doloris ostendant, ministrandum est sacramentum pœnitentiæ : par enim est in utrisque ratio assignata a Sancto Doctore, nempe Ecclesiam nolle eos illo privare beneficio, quod potest eis prodesse ad æternam salutem, si forte de peccatis doleant per solam attritionem. Unde Cano, licet nobis contrarius, fatetur loco citato, § *Quod si quis*, Augustinum in dicto casu collaturum fortassis absolutionem. Alia aliunde testimonia, quæ huic resolutioni suffragantur, congruentius pro alia expendemus num. 234. Sed præsens suadetur ratione desumpta ex testimoniis D. Augustini : quoniam signa doloris, quæ infirmi edant in mortis articulo, præsumi debent dirigi ad claves Ecclesiæ, et sacramentalem absolutionem ; siquidem in eo articulo sunt optimum animæ remedium, et in hunc finem a Christianis communiter ostenduntur, et adjiunguntur : quod satis est, ut sacerdos prudenter procedat absolvendo. Si autem in dubium incidat circa prædictam ordinationem, et significationem hic, et nunc ex parte pœnitentis ; id ad summum obligabit, ut non absolvat moribundum absolute, sed sub conditione, si adsit materia sufficiens : ad idque tenebitur, ne proximus privetur illo beneficio sibi forte tunc necessario ad æternam salutem. Et confirmatur a fortiori : nam ubi dubitatur an signa a moribundo edita proveniant ex dolore, an vero ex gravitate morbi, et angustiis mortis, adhuc potest absolutio impendi sub conditione, ut docent Henriquez, Layman, Reginaldus, Filliucius, Zambranus, Joannes, Sancius, et eis relatis Leander disp. 5, quæst. 42, quibus, et idem sequens addit N. Franciscus num 146, Dicastillum, N. Gabrielem, et Franciscum Bonæ spei. Ergo multo magis ad id obligabitur, ubi non est dubium de signis

Ratio.

Confirmat.

Henric.
Layman.
Regin.
Filliuc.
Zambr.
Sancius.
Franc.
Dicast.
Gabriel.

signis doloris erga peccata ; sed an ea signa, quæ constat esse hujus doloris, ordinentur ad suscipiendum sacramentum pœnitentiæ. Quo dubio stante peccaret contra charitatem sacerdos denegans absolutionem sub conditione, a qua forte pendet moribundi salvatio, et in qua ita præstanda nulla occurrit inordinatio.

232. Unde constat differentia (pro diluendis alias contrariæ sententiæ motivis, et etiam observanda) inter casum præsentem, et præcedentem : nam in præcedenti, ubi moribundus verbis expressis petit absolvi, et confitetur saltem in communi peccata accusando se peccatorem, nullum prædens dubium occurrit circa valorem sacramenti : et ideo sacerdos potest, et debet absolvere moribundum absolute, sive non adhibita conditione, ut num. 229, statuimus. Et idem asserendum est ubi moribundus loqui non potest, edit tamen doloris signa certo manifestantia se velle confiteri, sed verbis non posse : nam ut num. 230 hic casus coincidit cum præcedenti, habetque eandem resolutionem. Ceterum in casu præsentis fit suppositio, quod de signis doloris a moribundo editis non constat certo, an signa sint explicantia dolorem de peccatis, et petitionem, ac desiderium absolutionis. Quo dubio existente non debet sacerdos procedere absolute in absolvendo moribundum illis utentem. Quia tamen satis commune in Christianis est illa edere ex peccatorum dolore, et absolutionis desiderio, et ita illa pie interpretari solemus ; nequit confessarius negare simpliciter absolutionem : sed magis illa signa ut materiam dubiam debet accipere : et consequenter pro succurrendo animæ æternæ salutis discrimini, in quo moribundus positus est, potest, et debet prudenter se gerendo illum absolvere sub explicita, aut tacita conditione, si possum, vel adest materia sufficiens. Et ita se gerens nullam infert sacramento irreverentiam, cum certum sit materiam esse dubiam, et aliunde satisfacit charitati erga proximum, cujus æterna salus potest ab illa absolutione pendere.

Juxta quam doctrinam arduum non est occurere contrariæ sententiæ motivis. Nam ad primum respondetur, ea vulgari locutione solum significari quod moribundus nequit jam confiteri ex modo, quo

communiter fit confessio nempe verbis, et recensendo singula peccata. Sed dubium non est moribundos id impotentes facere posse nutibus petere confessionem, et confiteri, ac consequi sacramentalem absolutionem simpliciter, præsertim si interrogentur a confessario, et signis respondeant, ut experientia liquet. Ad secundum negatur minor : quia illa signa non sunt præcise signa, aut effectus doloris de peccatis ; sed etiam eorum confessio, et accusatio : unde ab hac parte non deficiunt sacramenti partes pro ejus valore requisitæ. Ad tertium concedimus sequelam, quæ sane intellecta nullum continet absurdum : sicut enim positis prioribus signis doloris, et desiderii absolutionis, potest sacerdos impendere absolutionem sub conditione : sic potest absolutionem sub conditione repetere, si ea signa ex parte moribundi repetantur. Sed prudenter in hoc procedendum est, ne toties concedatur absolutio, quoties signa repetantur : id enim exposcit gravitas materiæ, et reverentia erga sacramentum, ut vel in confessionibus per verba liquet. At si moribundus persisteret in eo, et notabile spatium, v. g. quatuor horarum e priori absolutione percurrisset, nullum inconveniens videtur, quod repetitis illis doloris signis, iterum absolveretur, sicut ubi adesset confessio vocalis ejusdem materiæ posset contingere, et frequenter in personis spiritualibus contingit. Quartum, ^{Quartum} solum evincit, quod a nobis concessum, et præmissum fuit, nempe ob rationem huic motivo insertam non debere sacerdotem absolvere absolute pœnitentem, sed sub conditione, quod adsit materia sufficiens : sic enim vitantur inconvenientia, quæ possent occurrere. Et quamvis ea signa ob ambiguitatem, quam de se habent, non sufficiant ut sacerdos certo judicet illis significari dolorem peccatorum, et petitionem absolutionis, sufficiunt tamen, ut valeat, ac debeat prudenter dubitare, et absolutionem sub conditione conferre.

233. Tertium, et non minus difficile dubium circa confessionem moribundorum occurrit, ubi aliquis moribundus in absentia confessarii petit illum, ut confiteatur, vel dat signa pœnitentiæ, sed ubi confessarius accedit, et id ex testimonio aliorum cognoscit, reperit moribundum sensibus destitutum, et qui nulla coram eo verba,

Secundo

Tertio.

Quartum

Opinio negativa.

occurrit
1 motivo

aut signa pœnitentiæ proferat. Poterit ne, aut debet illum absolvere? Negant Auctores pro prima sententia num. 227 relati.

Ledesma.
Nugnus.
Curiel.

Ad quos ex relatis pro secunda accedunt Petrus de Ledesma, c. 21, concl. 2, dub. 4, in fine dicens rem esse certissimam, et Nugnus qu. 9, art. 2, dub. 1, ad 4 difficultatem, § *Sed quid*. Idem docuit Curiel in manuscripto de Pœnitentia. Præcipuum horum fundamentum est, quod Clemens VIII anno 1602, die 20 Junii condemnauerit sententiam eorum, qui docebant confessionem factam absenti sacerdoti esse validam, sed in casu proposito illa talis qualis confessio moribundi fieret sacerdoti absenti: siquidem coram eo nihil per verba, aut signa infirmus confiteretur: ergo sacerdos non posset illum absolute, vel conditionate absolvere, ac condemnatam doctrinam ad praxim reducere. Decretum illud Clementis integrum dedimus in priori parte disp. 3, num. 24, ex quo sufficit aliqua verba referre: « Hanc proposi-

Funda-
ment.

Proposi-
tio dam-
nata.

« tionem, scilicet licere per litteras, seu « internuntium confessario absenti peccata « sacramentaliter confiteri, et ab eodem « absente absolutionem obtinere, ad mi- « nus uti falsam, temerariam, damnavit, « et prohibuit: præcepitque ne ista pro- « positio publicis, privatisque lectionibus, « congressibusque doceatur; neve unquam « tamquam aliquo casu probabilis defenda- « tur.» Nec satisfacit, quod respondet Suar.

Occur-
rit satis-
factioni.

disp. 25, sect. 4, nempe mentem Pontificis fuisse damnare totam illam propositionem copulatim, non vero singulas ejus partes divisive sumptas: quasi sensus illius decreti sit reprobare sententiam asserentium confessionem, et absolutionem simul in absentia factas valere, et aliquando licere; minime vero sententiam ejus, qui diceret validam esse confessionem pœnitentis absenti factam, dummodo absolutio conferretur a sacerdote præsentem. Et hoc secundum contingeret in casu proposito moribundi: nam licet confiteretur sacerdoti absenti, hic tamen nisi coram illo positus eum non absolveret. Hæc inquam responsio minime satisfacit, sed omissis aliis impugnationibus (de quibus alias, evertitur efficaciter ex alio Ecclesiæ decreto, quod relata, aut delata præmissa Suarii interpretatione ad Paulum Quintum editum fuit die 5 Julii anni 1605, in hac

forma: « Proposita causa patris Francisci « Suarez Jesuitæ, et consideratis his, quæ « scripsit tom. 4, in 3 part. S. Thomæ « sect. 4, disp. 21, interpretando decre- « tum felicitis recordationis Clementis Papæ « VIII, die 20 Junii 1602, quo damnavit « hanc propositionem, videlicet licere per « litteras, et ut supra: et etiam mature « discussis his, quæ idem P. Suarez addu- « xit in defensionem suæ interpretationis: « auditis votis Illustrissimorum Domino- « rum Cardinalium, Sanctissimus decrevit « dictam interpretationem non subsistere, « et ideo amovendam esse ab ejus libris « juxta decreta alias facta felicitis recorda- « tionis Clementis Papæ VII, de quibus « in actis Sancti Officii. » Et eodem anno, die 20 Julii prodiiit sequens edictum: « Ex « libro P. Suarez Jesuitæ tom. 4 ad 3, « part. disp. 21, sect. 1, num. 12. Amo- « veantur infra scripta verba, videlicet. » Neque ex hac resolutione, etc. usque in absentia confessoris. « Idem P. Suarez « corrigat suum librum, et antequam evul- « get ostendat huic congregationi. » Et aliud 18 Augusti promulgatum his verbis: « Sanctissimus decrevit ex tom. 4, P. Sua- « rez Jesuitæ in 3 part. S. Thom. disp. « 21, sectionem quartam, cui titulus est, » utrum de necessitate confessionis sit, ut pœnitens sacerdoti præsentem immediate, et per se ipsum revelet peccata sua, « totam « esse amovendam, nec aliam ejus loco « subrogandam. » Quare prædicta via nequit eludi decretum Clementis VIII, nec dirui fundamentum pro relata opinione propositum.

234. Nihilominus subscribendum censemus contrariæ, ut veriori, et plane his temporibus communi, quam docuit D. Thom. opusc. 65, § de Extrema-Untione, ubi hæc habet omnino conformia verbis D. Augustini relatis n. 231. « Si infirmus, « qui petit Untionem, amisit notitiam, « vel loquelam antequam sacerdos veniret « ad eum, ungat eum sacerdos, quia in tali « casu debet etiam baptizari, et a peccatis « absolvi. » Idemque docent tam discipuli, quam extranei, ut supervacaneum siteos recensere: et videri possunt innumeri apud Dianam 3 part. tract. 3, resolut. 4, Dicastillum disp. 9, n. 773, et Leandrum disp. 5, quæst. 43; ex nostris ita sentiunt Thomas a Jesu in tribunali conscientiæ cap.

Affirma-
tiva
opinio.

Dicast.
Leand.
Thomas.

11, § 10, Gabriel a S. Vincentio disp. 7, quæst. 2, Antonius a Spiritu Sancto disp. 10, sect. 3, et Franciscus a Jesu Maria cap. 8, punct. 4, num. 147. Quæ sententia argenter probatur ab auctoritate : nam in Rituali Romano edito anno 1615, jussu Pauli V, sub titulo : *De sacramento pœnitentiæ*, hæc habentur : « Si inter confitendum, vel etiam antequam incipiat confiteri, vox, et loquela ægri deficiat, nutibus, et signis conetur sacerdos, quoad fieri poterit, peccata pœnitentis cognoscere. Quibus utcumque vel in genere, vel in specie cognitis, vel etiam si confitendi desiderium sive perse, sive per alios ostenderit, absolvendus est. » In quibus ultimis verbis aperte continetur sensus, de quo agimus, et præcipitur absolutio. Quod Rituale magnæ est auctoritatis ob approbationem Pauli V, in bulla illi præfixa. Et Lugo supra relatus observat, quod aliqui apud Congregationem Dominorum Cardinalium Inquisitionis Generalis instarunt pro correctione dicti Ritualis eo quod adversaretur, ut ipsi putabant, decreto Clementis VIII supra relato; nihilominus decretum fuit quod Rituale, ut editum fuerat observaretur. Et hinc, uti id obiter dicamus satis edocemur nullam contrarietatem inter decretum Clementis, et nostram, et communem resolutionem esse.

Et plane novum, aut insolens non erat in Ecclesia, quod in Rituali circa prædictum casum disponitur, sed jam olim invaluerat. Nam ex Conc. Arausicano cap. 12, (et refertur in Can. Qui recedunt 26, quæst. 6,) dicitur : « Subito obmutescens, prout statutum est, baptizari, aut pœnitentiam accipere potest, si voluntatis præteritæ testimonium aliorum verbis habet, aut præsentis suo nutu. » Et in Concilio Carthaginensi 4, c. 76 (et refertur in Can. *Is qui*, vel ut alii habent Can. *Si quis* 26, qu. 6,) dicitur : « Is qui pœnitentiam in infirmitate petit, si casu, dum ad eum sacerdos invitatus venit, oppressus infirmitate obmutuerit, vel in phrenesim versus fuerit, dent testimonium, quicumque audierunt, et accipiat pœnitentiam : et si continuo creditur moriturus, reconcilietur per manus impositionem, et infundatur Eucharistia ori ejus. » Et S. Leo Magnus epist. 91 ad Theodorum Episcopum Foro-Juliensem statuit :

« Si aliqui ægritudine ita fuerint aggravati, ut quod paulo ante poscebant, sub præsentia sacerdotis significare non valeant ; testimonia eis fidelium circumstantium prodesse debent, ut simul, et pœnitentiæ, et reconciliationis beneficium consequantur. » In quibus omnibus repræsentatur casus proprius præsentis difficultatis, et decernitur, quod pœnitentia sive absolutio non negetur. Nec vim horum testimoniorum declinabit, qui dicat in eis non fieri sermonem de absolutione sacramentali a peccatis ; sed de remissione pœnæ publicæ peccatoribus ad statum pœnitentium admissis, vel admittendis juxta Canones injuncta. Nam licet hoc secundum non negemus, negari tamen non debet illud primum : quia relata testimonia utramque absolutionem complectuntur, et satis aperte de sacramentali agunt, ut liquet ex verbis Concilii Carthaginensis : « Si continuo creditur moriturus, infundatur ori ejus Eucharistia ; » pro hujus namque religiosa susceptione magis requiritur sacramentalis a peccatis absolutio, quam remissio publicæ pœnitentiæ : et Eucharistia non solebat, nec debet peccatoribus conferri non præmisso pœnitentiæ sacramento. Evidentior adhuc est sententia S. Leonis pro administratione hujus sacramenti in prædicto casu : nam ante verba relata dixit : « Misericordiam Dei ita lapsibus subvenisse humanis, et divina suæ bonitatis præsidia erga baptizatos ita ordinasse, ut indulgentia Dei nisi supplicationibus sacerdotum nequeat obtineri. » Cujus sententiæ sincerus, et legitimus sensus est peccata mortalia post Baptismum non remitti a Deo nisi concurrentibus sacerdotibus, qui ab eis absolvant. Et sic intellexit Angelicus Doctor supra quæst. 84, art. 3, ad secundum dicens : « Verbum Leonis est intelligendum, quantum ad deprecationem, quæ præmittitur absolutioni ; non autem remanet, quin sacerdotes absolvant. » Intellexit etiam Turrecremata in cap. multiplex de pœnitentiæ dist. 1, et magis convincitur hanc fuisse S. Pontificis mentem expendendo integram ejus sententiam, prout refertur in c. 1 *Is, qui* dict. 26, qu. 6, his verbis : « Tali necessitati ita auxiliandum est, ut nec actio illis pœnitentiæ, nec conversionis gratia denegetur, si eam etiam

Evasioni
occurritur.

D. Th.

Turrecremata.

« amisso vocis officio præjudicium integri
« sensus quærere comprobentur. Quod si
« aliqua vi ægritudinis ita fuerint aggra-
« vati, ut quod paulo ante posecebant, sub præ-
« sentia sacerdotis significare non valeant,
« testimonia eis fidelium circumstantium
« prodesse debent, ut simul et pœnitentiæ,
« et reconciliationis beneficium consequan-
« tur. » Ubi antecedentia, et consequentia
satis demonstrant sermonem esse de utra-
que pœnitentia publica, et sacramentali.

Secund.
ratio.

235. Ex quibus omnibus desumitur effi-
cax pro hac communi sententia motivum :
nam quid in administratione hujus sacra-
menti, sive et in aliis fieri possit, aut de-
beat, dependet ex sola voluntate, et insti-
tutione Christi, quæ non aptiori via nobis
innotescit, quam per doctrinam, et usum
Ecclesiæ Catholicæ: sed secundum hujus
usum, et doctrinam potest, et debet in casu
proposito moribundus absolvi: ergo ita
asserendum est. Minor patet ex dictis: nam
sic ordinatur in conciliis relatis, et in
Epistola S. Leonis Papæ; et in Rituali
Romano; et ita communiter practicatur
per parochos, et alios sacerdotes obe-
dientes eidem Rituali.

Confir-
mat. 1.

Confirmatur primo: nam si quid huic
resolutioni obstaret, maxime decretum
Clementis VIII reprobantis sententiam
asserentem posse sacramentalem confes-
sionem fieri absenti sacerdoti, et prohi-
bentis « ne illa unquam aliquo casu, ut pro-
« babilis defendatur. » Quod tamen fieret,
si sacerdos superveniens, cui absenti relata
est moribundi confessio, illum absolveret;
sed id non obstat: ergo ita asserendum
est. Probatur minor: tum, quia post illud
Clementis decretum Paulus V approbavit
Rituale Romanum, in quo ordinatur sacer-
dotem supervenientem absolvere mori-
bundum, « si desiderium confitendi per se,
« vel per alios ostenderit, » ut supra ex-
pendimus: signum ergo est nullam inter
hanc doctrinam, praximque, et decretum
Clementis esse oppositionem: ne dicamus
duos illos Pontifices docuisse, et præce-
pisse contraria. Tum etiam, quia iste Cle-
mens declaravit mentem suam non fuisse
hunc moribundi casum comprehendere,
ut constat ex testimonio Illustrissimi Petri
Lombardi Archiepiscopi Armacani, Hiber-
niæ primatis, dato 6 Junii anni 1624, in
quo post alia inquit: « Sunt duæ quæstio-

Petrus
Lombardus.

« nes. Quarum una proponebatur, utrum
« liceat per litteras, seu internuntium
« confessario absenti sacramentaliter con-
« fiteri. Altera quæritur, an quando aliquis
« in absentia confessarii declaravit aliquo
« signo exteriori se velle sacramentaliter
« confiteri, si superveniens confessarius
« eum inveniret ita constitutum, ut non
« tantum non valeat peccati illius confessio-
« nem facere, sed neque illius suæ volunta-
« tis signum aliquod in præsentia illius
« exhiberi; possit nihilominus ex notitia
« per testimonium illorum accepta de signo
« ante adventum suum exhibito eum sa-
« cramentally absolvi; quæ cum ita se
« habeant, Clemens VIII decreto suo me-
« rito damnavit, ac prohibuit, quod in
« priori quæstione proponebatur, scilicet
« per litteras, seu internuntium confessario
« absenti liceat sacramentaliter confiteri.
« hoc nimirum sensu, ut sic facta confessio
« sit sacramentalis, eaque damnatio, et pro-
« hibitio conformis est doctrinæ Tridentini,
« in qua traditur, quod Christus Dominus
« eos, qui se post Baptismum crimine ali-
« quo contaminaverint, ante Tribunal sa-
« cramenti pœnitentiæ tanquam reos sisti
« voluit. Sed quoad posteriorem quæstio-
« nem cum non tantum sit certissimum
« Clementem Pontificem non intendisse
« damnare, seu prohibere, quod quispiam
« per litteras, seu internuntium confessori
« suo absenti diceret se velle ei confiteri,
« ideoque eum accersat, ut præsentem confi-
« teatur: sed etiam mihi semper fuerit
« persuasum, quod incidente casu, qui in
« quæstione ista exprimitur, confessarius
« superveniens possit, et debeat sacramen-
« taliter absolvere juxta antiquos canones,
« et nominatim juxta doctrinam S. Leonis
« Papæ in citata sua decretali, in qua quod
« agat de sacramentali absolutione, etiam
« intellexit S. Thom. 3 part. qu. 84, art.
« 3, ad 2. Hoc ipsum privatim commu-
« nicavi Clementi Pontifici, idque post-
« quam in Officio Sanctæ Inquisitionis im-
« probata esset interpretatio sui decreti a
« Theologo quodam facta tanquam non
« esset in eo damnata, ac prohibita utra-
« que divisim pars propositæ quæstionis.
« Ac respondit mihi sua sanctitas non fuisse
« sibi propositum damnare, seu prohibere,
« quod absolutio sacramentalis impendatur
« incidenti casu expresso in posteriori alia
quæstione

« quæstione.etc.» Ex qua relatione,et clare aliunde facti notorietate intelligit prudens lector Theophilum Reynaudum in libello de confessione epistolari (et recoctam hanc crambem offert Bartolus in vita Suarii lib. 3, cap. 7, § Hæc fuit tota doctrina) ludere, et facum facere, dum contendit celebrem illam controversiam de confessione per epistolam, aut internuntium positam in eo fuisse utrum absolvi sacramentaliter moribundus possit, in absentia confessarii signa doloris, et desiderii confessionis exhibuit. Nam ut hoc evidētis falsitatis convincatur, sufficit præter insinuata, quod Gonet loco supra citato Theophilo reposuit. Istud, inquit, est probabilissimum, et decretis Pontificum omnino consonum. Illud vero omni probabilitate caret, ut Clemens VIII in suo decreto declaravit, meritoque Suarium, et alios id asserentes damnavit. Sunt itaque contrariæ res prorsus distinctæ, ut ex Armacano immediate vidimus.

onfir-
mal. 2.

Confirmatur: nam si talis moribundi confessio in proposito casu esset invalida; id proveniret vel ex eo, quod non manifestantur peccata in particulari, vel quia non fieret per ipsum moribundum, sed per testimonium aliorum; sed nihil horum obest ejus valori: ergo est valida: atque adeo confessor in tali casu potest, et debet impendere absolutionem. Minor quoad primam partem constat ex dictis num. 227, ubi ostendimus moribundis, et aliis aliter impeditis, sufficere, quod sua peccata in communi manifestent, et quod excusentur a materiali eorum in particulari integritate pro confessione servanda. Secunda etiam minoris pars suadetur: nam confessio facta per testimonium aliorum æquivalet confessioni factæ per interpretem: sicut enim interpres refert confessario pœnitentis peccata, et statum, sic etiam testis manifestat eidem peccata saltem in communi, desiderium confitendi, et statum moribundi; sed confessionis valori non obstat quod fiat per interpretem: ergo pariter non obstat, quod fiat per aliorum testimonium.

Fit satis
opioni
contra-
rie.

236. Ad motivum autem contrariæ opinionis (rejecta responsione inter arguentum data, ut prorsus falsa, et improbabilis) negamus minorem: quia confessio moribundi in casu proposito fit formaliter,

intensive, et terminative confessario præsentī: non enim intendit moribundus confiteri sua peccata confessario absenti, sed sisti ante ejus tribunal, ut ab ipso iudicetur, et absolvatur. Ad insertam autem minoris probationem dicendum est, quod quamvis, ubi supervenerit sacerdos, moribundus nihil per verba tunc dicta, nec per signa tunc facta confiteatur: nihilominus tunc terminative, et formaliter confitetur juxta intentionem, quam a principio habuit, et sensibiliter testibus de ipsa tunc deponentibus, manifestavit. Nec enim illa intentio, et manifestatio cum ceteris, qui a principio concurrerunt functæ sunt ultimo officio suo, sed tunc moraliter perseverant, eoque funguntur, repræsentanturque præsentis sacerdoti mediante testium depositione. Eo vel maxime quod moribundus statim ac suum dolorum, et desiderium sacramentalis confessionis manifestavit, sensibus privatus fuerit, nullumque fundamentum dederit, aut reliquerit, ut præsumatur primam eam voluntatem mutasse, unde perseverat actu moraliter in ea juxta prudentum æstimationem. Et oppositum absque fundamento præsumeretur, et non absque gravi moribundi injuria. Unde liquet summa distantia inter hunc casum, et adhibitam pro eo resolutionem, et illorum doctrinam, qui dicebant posse exerceri confessionem sacramentalem, et absolutionem sacramentalem inter absentes utentes pro hoc fine litteris, aut internuntio. Sicut enim in tota hac propositione copulative sumpta excluditur præsentia pœnitentis ad confessarium, sic etiam in qualibet earum divisim accepta: atque ideo significabant ejus doctrinæ Auctores, et ultimi Expositores posse pœnitentem confiteri sacramentaliter confessario absenti, ut absenti, sive exclusa intentione sistendi se ante tribunal sacerdotis pro tali confessione: licet non possit absolvi ab absente, quæ est alia pars; et quia admissa putabant eludi Clementis decretum, quod merito reprobatur: nam hoc iudicium sacramentale, et ex sua natura secretum exposcit præsentiam pœnitentis ad confessarium, non solum ratione sententiæ, sive absolutionis; sed etiam ratione accusationis, sive confessionis sacramentalis. Id vero non attingit, nec oppugnat nostram resolutionem, quippe plane fatemur sacramentu-

lem confessionem non posse fieri sacerdoti absenti, sed debere coram illo exerceri, ut plene exercetur, quando sacerdos vocatus, aut desideratus pro moribundo reperit eum sine sensu; sed a testibus habet testimonium, quod signa dederit sui doloris, et confessarium petierit: nam inchoata confessio moraliter continuata tunc consummatur, et proprium coram confessario, quod intendebatur, munus exercet. Verum quidem est modum hunc confitendi non esse illum, qui regulariter, et per se loquendo pro confessione sacramentali requiritur; sed tamen est, qui per accidens, et absolute sufficit in isto tam irregulari casu, qui circa moribundum occurrit, sicut enim per se loquendo pro sacramentali confessione requiritur integritas materialis, sive manifestatio omnium peccatorum in specie, et individuo: et tamen per accidens sufficit integritas formalis, et manifestatio peccatorum in communi, maxime pro confessione moribundi. Et similiter per se loquendo requiritur, quod pœnitens per verba vocalia explicet sua peccata: sed per accidens, et occurrente necessitate sufficit, quod illa explicet per natus, aut per scripturam, aut per interpretem, aut quovis alio modo. Ad hunc itaque modum pro sacramentali confessione necessarium essentialiter est, quod fiat in præsentia sacerdotis; sed in hujus præsentia modo occurrit sua latitudo omnino attendenda. Nam per se loquendo ea debet esse physica, manifestante pœnitente immediate sua peccata coram confessario, ut regulariter fit: sed in casu, qui proponitur, moribundi sufficit per accidens quod præsentia sit moralis, et moraliter continuata confessio per testimonium depositionem. Porro id sufficere, et rem ita se habere liquet de facto, et nobis constat ex doctrina, et praxi Ecclesiæ, ut supra expendimus.

237. Adhuc tamen circa hoc occurrunt, vel ut appendiculæ aliquæ difficultates, quas superare oportet. Nam dubitari valet, an sufficiat in prædicto casu, quod licet testantes non viderint in moribundo signa doloris, et petitionem absolutionis, id tamen audierint ab his, qui prædicta viderunt. Et ratio dubitandi sumitur ex Concilio Carthaginensi supra relato dicente: « Dent testimonium, qui eum audierunt: » Quæ exposcere videntur immediatam de-

ponentium auditionem, aut visionem. Similiter dubitari potest, an sufficiat testimonium unius, vel requiratur plurium. Et dubitandi motivum est, quod Concilium Arausicanum relatam ait: « Si voluntatis « præteritæ testimonium aliorum habet, » ubi plures testes desiderantur. Et similiter Carthaginense « Dent testimonia: » et S. Leo, « Testimonia eis fidelium, » et Rituale Romanum, « Si confitendi desiderium, sive « per alios ostenderint. » In quibus omnibus non unus tantum testis, sed multi recensentur, ex quibus habeatur depositio in favorem moribundi.

Ad primam quæstiunculam respondetur non requiri, quod viderint, vel audierint immediate moribundum; sed sufficere audivisse a fide dignis, quod deponunt. Sic colligitur ex Rituali Romano dicente: « Si « confitendi desiderium per se, vel per « alios ostenderit, absolvendus est. » Ut autem id ostendat per alios, sufficit si per alios immediate, vel mediate manifestet suum desiderium: quoquo enim modo illud fiat, manifestatio per alios absolute verificatur. Et eodem modo accipitur illud objectum ex Concilio Carthaginensi: « Dent « testimonium qui eum audierunt: » intelligitur enim tam immediate, quam mediate. Sicut etiam dicitur, quod Deus loquitur per Prophetas, et per filium; quin necessarium pro hac absoluta loquutione sit nos audire, vel audivisse Prophetas, et filium immediate. Et in ipsa confessione sacramentali (ut ad rem omnino propriam proximius accedamus) contingere potest quod confessarius non audiat immediate pœnitentem, nec immediate interpretem, cui pœnitens loquitur; sed mediate, sive mediante alio secundo interprete, quem prior alloquatur, ut si pœnitens dicat interpreti, qui grece sciat, sed non latine, et is latine sciens dicat sacerdoti latino. Ubi sacerdos non audit immediate pœnitentem, nec audit immediate interpretem a pœnitente excipientem; sed audit alium interpretem, aut testem mediatum, idque sufficit pro ejus confessionis valore. Ad secundam respondetur sufficere unum testem: quia ubi non agitur de præjudicio alterius, creditur uni testi, præsertim in re, quam versamus non exigente juridicam probationem. Ex qua etiam radice provenit in præsentī materia, non requiri tes-

tem

tem omni exceptione maiorem, qualis juxta leges requiritur in foro judiciali externo; sed sufficit ille, cui prudenter, et probabiliter possimus credere. Opposita vero testimonia loquuntur in plurali propter id, quod frequenter accidit: solent enim moribundo plures assistere. Sed sensus illorum non est copulativus, sed distributivus pro multis, aut uno: sicut in Evangelio dicitur latrones contra Christum blasphemasse, cum unus tantum id fecerit, ut communiter declarant Expositores. Quas resolutiones amplectuntur communiter Doctores num. 234, et nominatim Lugo, Dicastillo, Zambrana, Reginaldus, Diana, Antonius a Spiritu Sancto, Leander, et alii, quibus relatis subscribit N. Franciscus supra n. 150, Delgadillo cap. 13, dub. 15, n. 39, Emmanuel a Concept. disp. 6, quæst. 4, n. 778, et alii.

238. Majus negotium facessere posset quæstiuncula, si ita appellanda est: contingit namque testes, de quibus hactenus, abesse a moribundo, quando confessarius vocatus, et superveniens illi adest; ut si unus testis, qui vidit moribundum dolere de peccatis, et petere absolutionem, adeat sacerdotem, illum informet, et vocet, sed hoc officio functus non redeat cum sacerdote ad infirmum, sed alio tendat; aut si illi, qui ea signa in moribundo viderunt, illa manifestent sacerdoti, non in præsentia infirmi, sed in alio cubiculo diverso. Poterit ne sacerdos illum absolvere? Trepidaverunt hic aliqui nostræ sententiæ patroni, quin et negarunt id fieri posse, quos refert, et sequitur Diana tract. de absolutione moribundi resolut. 7, § *Igitur ex supra*. Eorum fundamentum est, quod confessio sacramentalis fieri debeat in præsentia sacerdotis, ut ex supra dictis constat: id autem in casu, quem versamus, nulla ratione verificari valet, nisi moribundus simul cum testibus deponentibus ejus dolorem, atque desiderium absolutionis sit in præsentia sacerdotis absolutori: ergo ubi prædicti testes absunt, nequit talis moribundus absolvi. Probatur minor: quia moribundus non aliter confitetur, quam per prædictos testes, quippe per se ipsum immediate confiteri non valet, siquidem supponitur loquela, et sensibus destitutus; ergo nisi testes ibi adsint, verificari non valet, quod sacramentalis moribundi

confessio fiat in præsentia sacerdotis.

Sententia tamen contraria est satis communis, et probabilis, illique subscribimus cum Bonacina retractante sententiam in ultima impressione disp. 5, quæst. 5, sect. 2, punct. 2, § 4, Lugone disp. 17, num. 85, Dicastillo dis. 9, num. 807, N. Francisc. cap. 8, punct. 4, num. 149, in fine, Delgadillo cap. 13, dub. 16, Emmanuel loco citato num. 779 (quamvis vehementer fallatur asserendo eam confessionem nullo modo posse dici factam in præsentia sacerdotis, ne recedat ab asserentibus confessionem sacramentalem fieri posse absenti sacerdoti), Filliucius, Zambranus, Moure, et alii apud illos referentem, et sequentem Leandrum disp. 5, quæst. 45. Probatur primo ab auctoritate: quæ licet videatur negativa, re tamen non est: nam testimonia supra num. 234 relata, in quibus ordinatur, quod sacerdos possit absolvere moribundum sensibus destitutum, qui apud testes suum de peccatis dolorem et absolutionis desiderium ostenderat, nihil aliud ex testium parte requiritur, quam quod id absolute deponant: minime vero, quod sint præsentibus moribundo, et sacerdoti, quando id deponunt, vel sacerdos absolvit. Rituale ait: « Si confitendi desiderium, « sive per se, sive per alios ostenderit, « absolvendus est. » Concilium Arausicum: « Voluntatis præteritæ testimonium; « aliorum verbis habeat. » Carthaginense; Carthag. « dent testimonium, qui eum audierunt, « et accipiat pœnitentiam. » In quibus manifeste solam testium depositionem exigit, non vero præsentiam eorum coram infirmo, ut deponant. Solus S. Leo videtur oppositum significasse, dicens: « Testimonium eis fidelium circumstantium « prodesse debeat. » At id non significavit: sed *circumstantium* dixit vel de præterito, quia circumstabant quando moribundus significavit se dolere de peccatis, et desiderare sacramentalem absolutionem: vel *circumstantium* dixit, quia regulariter testes assistunt infirmo cum advenit sacerdos, et inquirat de ejus dispositione: sed non exposcit quod eorum relatio coram moribundo fiat. Atque ideo S. Pontifex non aliud docet, quam relata Concilia, et Rituale. Secundo probatur ratione diruente oppositum fundamentum: quia ista deponentium testificatio non ad aliud requiritur

Opposita sent.
Bonac.
Lugo,
Dicast.
Franc.
Delgad.
Emman.
Filliuc.
Zambr.
Meure.

Ratio 1.

Rituale.

Conc.
Arausi-
can.
Carthag.

S. Leo.

Ratio 2.

tur, quam ut confessarius sensibilibiter cognoscat confessionem moribundi, sive ut iste confiteatur sacerdoti præsenti, ut constat ex supradictis, præsertim num. 230. Sed ad hoc sufficit quod testes id absolute manifestent confessario, et minime requiritur, aut conducit, quod ea illorum manifestatio fiat in præsentia moribundi : ergo hoc posterius non est necessarium. Probat minor : tum quia per relationem testimonii ubicumque fiat confessarius cognoscit sensibilibiter mediate dispositionem, et confessionem infirmi, qui eam ab initio manifestavit testibus, et illam sensibus alienatus non revocavit. Tum etiam : quia licet testes tempore, quo advenit, et adest confessarius, collocarentur coram moribundo, et tunc deponerent ; iste tamen tunc non loqueretur per eos ut tunc advenientes, et assistentes ; sed per eos ut a principio audierunt, et signa doloris viderunt : ad quod prorsus de materiali se habet, quod testimonium perhibeant in cubiculo, aut alio loco distante, et prorsus diverso. Unde ad oppositum fundamentum neganda est minor, ad cuius probationem constat ex dictis num. 236 moribundum in casu proposito, vel ab ipso principio explicuisse suorum peccatorum dolorem, et accusationem quantum erat ex parte ejus coram confessario præsente, licet confessarius fuerit absens per accidens respectu illius intentionis. Permansit autem moraliter ea sensibilis moribundi confessio in testibus videntibus, et audientibus ; qui eam etiam sensibilibiter deduxerunt, et transtulerunt ad confessarium : qui tandem illa moraliter conservans, pervenit ad physicam coram moribundo præsentiam, per quem semel a principio coram testibus inchoata confessio completa est, sive tunc ibi adsint testes, sive non : jam enim per eum, moribundi confessio facta fuit præsens confessario, et moraliter perseverat.

Nota 1. 239. Quamvis autem ista se habeant, duo tamen nobis adnotare visum fuit. Primum tutius esse, quod tempore, quo juxta modum immediate explicatum completur moribundi confessio coram confessario præsente, et confertur absolutio, adsint etiam illi testes, per quos se explicuerat infirmus. Tum ; quia magis sic verificatur confessionem fieri in præsentia confessarii mediis testibus, sicut posset fieri

medio interprete. Tum etiam, quia ita cum majori proprietate exponuntur testimonia supra allegata, et præsertim S. Leonis. Tum denique : quia, ubi ita res disponitur, posse moribundum absolvi docent unanimiter omnes nostræ principalis resolutionis patroni num. 234 relati ; sed ubi testes tempore, quo sacerdos advenit, non assistunt, eorum plures dubitant, et non pauci negant absolutionem valere. Quare tutius est, quod testes tunc, quantum fieri potest, adsint. Secundum, quod adstantibus tunc testibus, potest, et debet moribundus absolvi absolute : ubi autem non sunt præsentes, solum potest, et debet absolvi sub conditione. Ratio prioris partis est, quod absolutio potest, et debet absolute conferri, ubi omne dubium circa ejus valorem potest prudenter excludi ; sed in casu proposito, et adstantibus testibus deponentibus moribundum doluisse de peccatis, et petivisse absolutionem, quodlibet dubium circa valorem sacramenti potest prudenter dispelli : ea namque, quæ pro principali resolutione adduximus, præsertim ab auctoritate, et Ecclesiæ praxi sunt adeo efficacia, ut illud procul expellant : ergo in tali casu potest, et debet absolutio absolute præstari. Ratio autem posterioris partis firmatur ab opposito : quoniam absolutio non debet concedi absolute, sed sub conditione. ubi occurrit rationabile dubium circa sacramenti valorem : sic autem contingit in proposito casu, quando testes non adsunt coram moribundo, et confessario : sunt pauci, qui id negent ; et quæ nos num. præced. perduximus, rem penitus non evincunt, licet faciant probabiliorum : ergo in tali casu oportet absolutionem conferri non absolute sed sub conditione, si possum, vel si adest materia sufficiens. Et ita consuleremus.

§ IV.

Continuatur eadem materia.

240. Quarto circa moribundorum confessionem occurrit dubium, an moribundus jam sensibus destitutus possit absolvi, qui nulli confessus est ; non confessario immediate tempore, quo sensum habebat, quia non aderat ; nec mediate, sive mediis testibus quia etiam aberant, et nemo reperitur,

ritur, qui deponat, aut possit dicere moribundum confessionem petisse, aut signa doloris dedisse. Proceditque specialiter difficultas circa hominem bonæ famæ, devotum, et frequentantem hoc sacramentum. Hujus enim bona fama, et æstimatio, consuetusque vivendi tenor æquivalere videtur depositioni testium, qui dicerent se vidisse in eo signa doloris, et desiderii confessionis : ut merito possit confessarius præsumere illum, ubi morbo, aut alio casu correptus fuit, æternæ salutis memoria habuisse interius attritionem, illamque aliquo signo externo ostendisse, quamvis nullus fuerit qui adverterit.

Vera, et communis, cui inhæremus sententia, negat posse in his circumstantiis moribundum absolvi, aut confici sacramentum pœnitentiæ, et superfluum est sic sentientes referre, qui sunt plurimi, et eorum aliquos oppositum percallentes dabimus num. 242. Probatur primo testimoniis Ritualis Romani, S. Leonis Papæ, et Conciliorum Arausicani, et Carthaginensis, relatis num. 234; nam ut declarent quando sacerdos moribundo superveniens possit illum absolvere, expresse affirmant posse si vel per se. vel per testes signa doloris, et desiderii absolutionis ostendat : ergo e converso ubi nec per se. nec per testes illa signa in moribundo ostenduntur, nequit sacerdos illum absolvere. Nec

momenti erit, si dicatur cum Caramuele argumentum esse negativum, et nihil evincere : quia in eis testimoniis dicitur quidem posse sacerdotem absolvere moribundum, si ea signa exhibuerit : sed non negatur. quod illis non exhibitis, et aliis motivis occurrentibus, possit conferri absolutio. Hæc, inquam, responsio nihil valet : quia incredibile omnino est, quod occurrente gravissima omnium necessitate circa moribundi remedium per absolutionem, ut Pontifices, et Concilia illi subvenirent, eam conditionem ex parte moribundi exegerint, nempe accusationem, et petitionem absolutionis, vel per verba, vel nutus, et alia signa, vel per testes : crudeliter enim agent non docendo, et concedendo sacramentalem absolutionem in alio casu jam proposito, et secundum alias regulas, quas deficientibus omnibus illis signis juniores comminiscuntur : privarent enim homines illis remediis ad salutem

æternam multoties necessariis, quod exco-gitarunt isti. Consequens autem est absurdum, et admitti non valet absque gravi Pontificum, et Conciliorum injuria. Confirmatur : quia casus exceptus firmat regulam in contrarium, ut est commune Theologorum, et Juristarum axioma, ut videri potest apud Sanchez lib. 4, in Decalogum cap. 40 ; sed in nullo Pontifice, Concilio, Sancto, aut Theologo (nisi nuperos aliquos excipiamus) omittitur pro absolutione moribundi sensibus destituti illa exceptio. si signa doloris, et desiderii absolutionis per se, vel per alios sacerdoti ostendat : ergo omnes alii casus excluduntur. Atque ideo ubi talis conditio non adest, ut in præsentī casu non adesse supponitur, minime potest moribundus absolvi.

241. Probatur secundo : quia absolutio sacramentalis nulla est, ac perinde, nec valide, nec licite conferri potest, nisi detur materia essentialiter necessaria pro sacramento pœnitentiæ juxta divinam ejus institutionem ; sed talis materia non datur in casu proposito : ergo absolutio in eo casu nulla est, et nec valide, nec licite confertur. Major est evidens juxta qualitatem materiæ : nam sacramenta non habent aliud esse, quam ex institutione Dei, qui voluit illa esse quadam composita ex materia, et forma, sive ex rebus, et verbis : quare, sicut sine forma minime subsistunt, ita nec subsistunt absque materia : atque ideo, si desit materia necessaria ex Dei institutione, nequit forma adhiberi, et nulla est licet adhibeatur. Hac de causa sacrilegium foret intendere conficere Eucharistiam, et ad id proferre verba consecrationis, ubi non esset panis, qui est materia consecranda ; et similiter sacrilegium esset intendere conferre Baptismum, et pro eo fine dicere verba formæ, ubi non esset aqua, nec baptizandi ablutio. Ob idem itaque motivum nequit sacerdotalis absolutio supra pœnitentem proferri, et confici sacramentum pœnitentiæ, nisi adsit materia pro hoc sacramento ex Dei institutione essentialiter requisita. Quæ omnia certa sunt, et sine errore in fide negari non valent. Minor etiam non inferiori certitudine constat : nam Concilium Tridentinum sess. 14, cap. 3, compositionem, et hujus sacramenti partes proponens, inquit : « Docet præterea Sancta Synodus

Confir-
mat.

Ratio 2.

Evasioni
occurri-
tur.

Concil.
Trid.

sacramenti pœnitentiæ formam, in qua præcipue ipsius vis sita est, in illis ministri verbis sita esse : Ego te absolvo, etc. Sunt autem quasi materia hujus sacramenti ipsius pœnitentis actus, nempe contritio, confessio, et satisfactio. Qui quatenus in pœnitente ad integritatem sacramenti ad plenamque, et perfectam peccatorum remissionem ex Dei institutione requiruntur, hac ratione pœnitentia partes dicuntur. » Et postea Canone 9, diffinit sic : « Si quis dixerit non requiri confessionem pœnitentis, ut sacerdos eum absolvere possit, anathema sit. » Ergo ubi pœnitens nec immediate per se, nec mediate per alios, sive mediante aliorum testimonio confitetur, ut in casu proposito contingere supponitur, non datur materia sacramenti pœnitentiæ ex Dei institutione essentialiter requisita, supra quam cadere possit sacerdotis absolutio. Si quis autem dicat non dari in prædicto casu confessionem stricte et proprie sumptam : dari tamen confessionem large acceptam propter præsuppositionem, quod moribundus doluerit de peccatis, et aliqua externa signa hujus doloris ediderit : quia nullus vult in æternum condemnari. Qui id, inquam responderit, efficaciter refelletur : tum, quia eadem facilitate posset dicere, posse quem in casu necessitatis consecrare materiam, quam cognoscat non esse panem proprie, sed improprie ob aliquam largam similitudinem ; et idem continget circa materias aliorum sacramentorum : quod tamen dicere foret plus quam error. Tum etiam, quia confessio, quæ est materia hujus sacramenti, non est alia, quam sensibilis, et personalis pœnitentis accusatio de peccatis ; hæc namque, et non alia confessio pro hujus sacramenti materia instituta est a Christo Domino, et recognoscitur in Ecclesia Catholica, ut constat ex late dictis qu. 90, art. 2, et dub. 1 hujus disputationis : ergo vanum, et absurdum est recurrere ex præsuppositione ad aliam confessionem improprie sumptam. Tum denique, quia contra illam præsuppositionem est, quod non obstante, quod nemo vult in æternum condemnari, multoties contingit moribundum vixisse in notorio, et habituali adulterio, aut concubinato, aut etiam in hæresi : ubi imprudens foret illa præsumptio. Contingit etiam non minus frequenter mor-

ribundum esse tam confessario, quam aliis prorsus ignotum in modo christiane vivendi, et servandi Dei præcepta.

Confirmatur : quia sacramentum pœnitentiæ institutum a Christo per modum spiritualis iudicii, et absolutio sacerdotis exposcit aliquam causæ cognitionem estque actus judicialis, atque ideo jurisdictionem exposcens ; sed absolutio judicialis nequit exerceri, ubi nulla supponitur rei accusatio : ergo sacerdos nequit sacramentaliter absolvere, quin præsupponatur aliqua accusatio ex parte pœnitentis, qui in hac causa gerit officia rei, et accusatoris, ut sæpius in superioribus explicatum est ; sed confessio est accusatio ex parte pœnitentis : ergo ubi nulla præcedit pœnitentis confessio, nequit sacerdos sacramentaliter absolvere. Cetera constant ; et major primi syllogismi, ex quo totus discursus dependet, demonstratur ex Concilio Tridentino sess. citata, ubi ait : « Dominus noster Jesus Christus e terris ascensurus ad cœlos, sacerdotes sui vicarios reliquit tanquam præsidēs, et iudices, ad quos omnia mortalia crimina deferantur, in quæ Christi fideles ceciderint : qui pro potestate clavium remissionis, aut retentionis peccatorum sententiam pronuntient. » Et deinde Can. 9 ejusdem sessionis statuit : « Si quis dixerit absolutionem sacramentalem, sed nudum ministerium pronuntianti, et declarandi remissa esse peccata confitenti... aut dixerit non requiri confessionem pœnitentis, ut sacerdos eum absolvere possit, anathema sit. » Quod autem respondet Caramuel minorem primi syllogismi falsificari, vel in ipso iudicio externo, quippe pro vel condemnatione, vel absolutione in eo non requiritur vera accusatio, sed sufficit virtualis, et præsumptiva, ut liquet quando iudex procedit ex officio, vel ex clamorosa insinuatione, vel ex evidenti delicti ; nihil valet, excessive probat, et objectam difficultatem intactam relinquit. Nam in primis eadem responsione salvaretur, quod sicut in iudicio forensi satis ordinarie, regulariter, et per se loquendo non præmittitur vera accusatio, sed proceditur alia via ex insinuationis Caramuelis, sic etiam in hoc sacramentali iudicio posset regulariter, et per se loquendo, et extra casum extremæ necessitatis

Confir-
mat.

cessitatis dari absolutio, et perfici sacramentum absque ulla vera poenitentis accusatione, aut confessione : quod nequit catholice dici. Salvaretur etiam, quod sicut in iudicio forensi alius est reus, et alius accusator, et nemo se accusare tenetur ; sic etiam contingeret in isto iudicio sacramentali : quod asserere foret hæresis manifesta. Aliunde vero motivum nostrum intactum relinquitur : quia in nullo iudicio potest dari sententia absolutionis, vel condemnationis, nisi præcedat aliqua accusatio contra reum, propria, vel interpretativa, ut glossat Caramuel, et patet in exemplis, quibus utitur iudicis procedentis ex officio, aut ex clamorosa insinuatione : ergo in hoc iudicio sacramentali pro poenitentis absolutione debet dari aliqua accusatio. Hæc autem non est aliud, quam ipsa peccatorum confessio apud confessarium, ut iudicem : ergo, nisi hæc adsit, impossibile est hoc sacramentum habere formam iudicii, et absolutionem esse actum jurisdictionis, contra id, quod tam aperte Tridentinum docuit, et diffinivit.

242. Ex quibus a fortiori refelluntur absurdæ, et frivolæ quorundam evasiones, quibus vim præmissorum motivorum elevare, aut illudere conati sunt. Jacobus Bajus Lovaniensis lib. 2, de institutione Religionis Christianæ dixit, illis evinci quod etsi a nobis dicta evincant, quod moribundo nullum edenti poenitentiae signum non liceat conferri absolutionem per modum iudicii, et actus jurisdictionis ; minime tamen excludere, quod ipsi concedatur per modum suffragii. Aliqui etiam apud Gonetum disp. 19, art. 4, § *In fine* dixerunt sufficere in tali casu confessionem generalem, qualem in principio Missæ solent præmittere omnes fideles, et præsertim, qui Missæ inserviunt : quare hi, si subito sensum amittant, possunt absolvi, licet non alia poenitentiae signa ediderint. Maxime cum vel in ipsa Missa absolvantur a sacerdote. Denique Manrique Ferro, quem referunt Aversa qu. 10, sect. 18, et Martinus a Sancto Joseph lib. 1, tract. 16, de poenitentia, asseruit Summum Pontificem posse moribundum, qui nullam manifestat poenitentiam absolvere, quia est supra omne jus positivum. Et indicat Pontificem hanc posse dare, aut delegare extra ordinariam potestatem sacerdotibus

Salmant. Curs. Theolog. tom. XX

ordinariis, ut in casu extremæ necessitatis, qualem versamus, moribundos non manifestantes poenitentiae signa absolvant. Qua suprema auctoritate, inquit ille, Clemens VIII utens, quendam ruentem ex fornice Templi S. Petri Romæ absolvit, ut plures referunt.

Hæc, inquam, sunt multum falsa, et nemi-^{Evasio 1} ne impellente evertuntur. Primum^{rejecitur.} quidem : nam vel loquitur de absolutione sacramentali, vel de absolutione mere deprecatoria, qualis solet conferri in principio Missæ, et accedentibus ad communionem ? Si eligatur hoc ultimum ; tollitur status dubii præsentis inquiringis de absolutione sacramentali, et aliunde facile concedimus absolutionem per modum deprecationis posse applicari per modum suffragii non solum moribundo, sed etiam mortuo, sicut et indulgentiam, ut patet ex pluribus Ecclesiæ orationibus pro defunctis. Si autem eligatur primum, res prorsus absurda dicitur, et doctrinæ atque diffinitioni Concilii Trident. contraria : nam, ut liquet ex ejus testimoniis supra relatis, absolutio sacramentalis est vere actus judicialis, et exercitium jurisdictionis : atque ideo nequit dici mera deprecatio, quæ per modum suffragii applicetur. Jam olim aliqui hunc, quem impugnamus, modum dicendi indicaverant, qui adeo displicuit D. Thomæ, ut illum rejecerit^{D. Tho.} acriter (supra suam consuetudinem) nota in opusc. 22, ubi ait : « In sacramento poenitentiae verba scripturæ non faciunt mentionem de aliqua deprecatione ; sed magis verbo indicativo utitur. Non enim dicit, quæcumque petieris esse solvenda erunt soluta ; sed quæcumque solveris, etc. Si ergo illa tantum dicuntur esse soluta, quæ habens claves solverit ; qui autem petit aliquid esse solvendum, non solverit : miror qua temeritate aliquis asserat esse solum, quem habens claves non significat se solve, sed solum rogat esse solvendum. » Appellat rursum talem sententiam « temerariam, et præsumptuosam, ne dicam (addit) erroneam. » Quod diceret, et eo amplius, si vidisset doctrinam, et diffinitionem Concilii Tridentini : propter quam dixit Lugo se nescire, quomodo salva fide ille dicendi modus queat sustineri. Secundum etiam^{Secunda refellitur.} refellitur, quia illa generalis assistentium

in Missa confessio, non est pars sacramenti pœnitentiæ, et solet fieri sine ullo prorsus dolore, et absque ordine ad claves; sed est aliquod sacramentale, in quo solent peccata venialia remitti. Unde talis confessio minime sufficit, ut fiat sacramentum pœnitentiæ, et ut sacerdos valeat sacramentaliter absolvere moribundum. Et quod additur de absolutione, quam sacerdos in Missa impertitur fidelibus, rejicitur ex immediate dictis: quia talis absolutio est pura, et mera deprecatio, non autem pars sacramenti, nec actus (ut pro illo constituendo desideratur) judicialis, et exercitium potestatis clavium remittens ex opere operato peccata. Tertium denique nullo modo potest sustineri: nam, quod sacramentum pœnitentiæ constet essentialiter partibus, et earum una sit peccatorum confessio, provenit ex institutione, et jure divinis, ut ex proposito ostendimus dubio primo. Quare Summus Pontifex nec in casu extremæ necessitatis potest per se, vel per alium pœnitentem absolvere, et sacramentum pœnitentiæ conficere, nisi adsit ex parte pœnitentis confessio: nec in tali extrema necessitate plus circa id potest, quam simplex sacerdos. Illud autem quod de Clemente VIII refertur fabula est, et censetur apud Romanos, ut recte ostendit Lugo disput. 17, n. 34, cui multum in suo testimonio ob sapientiam, et dignitatem, et diuturnam Romæ habitationem deferre oportet.

243. Contrariam nostræ, et communi resolutioni sententiam tuerentur Alexander Ludovisius (postea Pontifex Gregorius XV) in memoriali confessoriorum, edito Bononiæ (cum erat ejus Archiepiscopus) c. 1, de forma sacramenti pœnitentiæ, Homobonus in examine Ecclesiæ par. 1, tract. 7, c. 18, qu. 84, Molfesius tom. 1, tract. 7, c. 5, Jacobus Bajus loco supra cit. Torreblanca l. 14 practicarum, c. 11, n. 14, Bartol. a S. Fausto l. 4, qu. 204, Baseus, verbo *Absolutio*, in 3 editione, Martinus a S. Joseph l. 1, tr. 16, n. 9, Tamburinus de methodo confessionis l. 2, c. 10, § 1, Caramuel in Theologia fundamentali, fundamento 66, § 6, Ludovicus a Concep. in examine veritatis, part. 1, tract. 5, qu. 1, Delgadillo cap. 53, dub. 18, Noster Antonius disp. 10, sect. 4, et pro eadem refert Moja tract. 3, disp. 6, quæst. 4, § 1, 30.

Auctores multos etiam adducit Diana 4 part. sect. 4 Miscel. resolut. 92 et 3 part. tract. 3, resolut. 8, dixit: « Unde ego saltem ex principio extrinseco puto hanc sententiam probabilem esse, et ita illam tenent aliqui patres Societatis Jesu, et nos- Lugo. træ Religionis. » Cui Lugo disp. 17, n. 39, reponit tempore, quo scribebat nullos esse in societate id docentes. Et Dicastillo disp. 9, n. 862, profitetur nullum Societatis sic asserentem hactenus vidisse; atque immerito Dianam allegasse Salmeronem, cum in ejus scriptis nullum hujus opinionis reperiatur vestigium. Caramuel tamen refert Stephanum Bauni, et Carolum Musert, et alios Societatis, qui in Universitate Viennensi hanc opinionem docebant.

Eam autem illius Patroni probant primo ex D. Augustini loco, quem expendimus, n. 231, in quo plane catechumenum moribundum, licet signa pœnitentiæ non ostendat, quam forte interius habet, baptizandum esse docet: et statim eandem doctrinam extendit ad baptizatum moribundum, et non edentem pœnitentiæ signa, ut ei conferatur pœnitentiæ sacramentum: ita autem concludit: « quæ autem Baptismatis eadem reconciliationis est causa, etc., » sicut loco citato magis expendimus. Quemadmodum ergo catechumenus moribundus, licet nulla edat signa, baptizandus est: sic etiam baptizatus moribundus repertus absque sensu, et nulla edens signa, absolvi debet. Secundo: quia in casu proposito contingens est (et in dubio debet præsumi) quod repentina infirmitate, et privatione sensuum arreptus recorderetur suæ æternæ salutis, et concipiat efficacem saltem attritionem, et sit recte dispositus ad suscipiendum absolutionem sacramentalem: ergo in talibus circumstantiis potest hæc illi impendi. Tertio, quoniam ille intelligitur petere ab extrinseco confessionem, quæ ea extrinsece facit, quæ minime faceret, si confiteri nollet; sed hoc modo se gerit, qui proficitur vitam christianam, et satisfacit ejus obligationibus; quippe qui nihil horum faceret, si vellet impœnitens mori, atque condemnari: ergo qui vitam christianam profitentur, petunt ab extrinseco confessionem, et per tot linguas id exposcunt, quot opera exercent vitæ christianæ: atque ideo in moribundis, qui christiane vixerunt adest hæc sacramenti pœnitentiæ

3 exploditur.

Argumentum D. Augustini.

Secundum.

Tertio.

Opposita opinio. Alex. Homobonus, Molfesius, Bajus, Barthol. Baseus, Martin. Tambur. Caram. Ludovic. Delgad. Anton. Moja.

Quarto. pœnitentiæ petitio, licet tunc nullis signis illam explicet. Quarto, nam ut moribundo sensibus privato, conferatur Extrema-UNCTIO, aut etiam Eucharistia, sufficit eum christiane vixisse, quia hæc ipsa vita est petitio sacramentorum saltem virtualis, et implicita: ergo etiam est implicita petitio sacramenti pœnitentiæ: et consequenter ab hoc capite, sive ex defectu petitionis non est deneganda absolutio moribundo, licet eam tunc explicite non exposcat.

Quinto. Quinto, quoniam ille absolvi debet, et si sensu destitutus, et nulla edens ad id signa, qui prius dixerat se in casu, quo sensu careat, velle absolvi; sed omnes christiane viventes id dicunt; siquidem omnes actiones propriæ hujus vitæ sunt protestationes, per quas christiani profitentur, se velle frui sanguine Christi, salvari, et ad id adhibere media necessaria, quorum unum est confessio, et sacramentalis absolutio: ergo omnes christiane viventes, si ad illam extremam necessitatem deveniant, debent sacramentaliter absolvi.

Sexto. Sexto, ideo catechumenus in eo extremo positus potest baptizari, quia ipse catechumeni status est virtualis Baptismi ante mortem suscipiendi petitio; sed etiam professio vitæ christianæ est petitio virtualis sacramentalis absolutionis ante mortem suscipiendæ: ergo, qui christiane vixit debet tunc absolvi, quamvis non ostendat tunc alia signa suæ petitionis.

Septimo. Septimo, nam potest quis sacramentaliter absolvi, saltem sub conditione, licet de eo dubitetur, an habeat usum rationis, et an ea, quæ confitetur, sint vera peccata: ergo pariter moribundus in casu proposito potest saltem sub conditione absolvi, quamvis incerti simus de ejus dolore, et petitione confessionis.

Octavo. Octavo, quia tenemur saltem ex charitate proximo in extrema necessitate existenti probabiliter succurrere, si id possumus sine gravi nostro incommodo; sed moribundus, qualem descripsimus, est in extrema circa salutem æternam necessitate: aliunde vero possumus ei probabiliter succurrere per medium probabile absolutionis sub conditione datæ; siquidem, et Auctores relati, et motiva immediate proposita faciunt satis probabilem talis mediæ applicationem: et alias nullum ex hoc nobis provenit incommodum, ut ex se liquet: ergo moribundus in

casu proposito non solum potest, sed debet absolvi saltem sub conditione; et contra charitatem ageremus illud ei remedium non ministrando.

244. Hæc, et alia solent pro hac opinione ^{Fit satis primo motivo.} opponi; verum ista sunt principaliora, sed quæ arduum non sit dissipare. Ad primum respondet Dicastil. disp. 9, n. 852 et 854 D. Augustinum multum favere prædictæ opinioni; tamen præferendum esse communem Ecclesiæ sensum nixum institutioni, et essentiæ hujus sacramenti. Sed non admittimus, quod S. Doctor ulla ratione suppetias tulerit sententiæ, quæ prædicto communi sensui Ecclesiæ, et institutioni repugnet. Præsertim cum ejus mens sit satis perspicua: nam intendit, et docuit, quod sicut catechumenus moribundus destitutus sensibus potest baptizari, ita baptizatus moribundus sensibus privatus possit absolvi. Sed supponit discrimen inter utrumque sacramentum, quod pro Baptismo recipiendo sufficit intentio illud suscipiendi, quam habet omnis catechumenus eo ipso, quod catechumenus sit: tendit enim ex vi sui status ad suscipiendum Baptismum, cujus candidatus est, sed pro sacramento pœnitentiæ non solum requiritur intentio ex parte pœnitentis ipsum suscipiendi (in quo est paritas cum Baptismo, sed de eo in præsentem non disputamus) verum etiam requiritur confessio peccatorum, ut fide edocemur. Et si hæc in moribundo penitus deficiat, non asseruit D. Augustinus, nec insinuat illum absolvendum fore; quippe quantum ad hoc requisitum, de quo est nostra controversia, nulla est similitudo inter Baptismum catechumeni moribundi, et absolutionem sacramentalem moribundi baptizati. Ad secundum concedimus antecedens, et negamus consequentiam: nam ad valorem hujus sacramenti non sufficit interior attritio, sed requiritur essentialiter exterior, et sensibilis peccatorum confessio. Unde hac deficiente, ut in casu proposito supponitur deficere, nequit sacramentalis absolutio conferri: etiamsi admitteremus omnes moribundos recordari tunc suæ salutis æternæ, et habere internum de peccatis dolorem. Ad tertium neganda est ^{Tertio.} major, quæ falsitatis vel ex eo convincitur, quod plures per totam vitam christiane vivunt, et tamen non semper confessionem

petunt, nec possunt in omni hora absolvi ; quin potius habent positivam intentionem non confitendi, nisi in determinato tempore, prout ipsis placet. Nec inserta alias minoris probatio est alicujus momenti : nam cum illo affectu, quo omnes profitentes vitam christianam exequuntur non pauca ad eam pertinentia, compatitur esse in actuali peccato, et voluntate non confitendi, ut patet in existentibus in continuo adulterio, et concubinato, et in non restituendo, quæ debent. De quibus nulla ratione dici valet, quod vel ab intrinseco, vel ab extrinseco petant vere confessionem, et absolutionem.

Quarto. Ad quartum, vel neganda est major, vel ejus suppositum : nam ratio, quare moribundis sensu destitutis Extrema-unctio, et Eucharistia administrentur, non est illa, quæ in majori assignatur, sed alia longe diversa assignata a D. Thom. supra q. 84, art. 1 ad 1, quod nimirum istorum sacramentorum partes non sunt actus illa recipientium ; sed in sacramento pœnitentiæ sunt ipsi actus humani elicit, nempe dolor, et contritio. Quamobrem sicut in illis duobus sacramentis, et aliis a pœnitentia, et matrimonio distinctis, si deficerent res, in quibus eorum materia consistit, v. g. aqua, oleum, panis, etc., non possent ea confici, quamvis adesset illa suscipiendi intentio : sic etiam in sacramento pœnitentiæ, si non daretur ex parte pœnitentis dolor, et confessio, quæ sensibilibus aliquomodo innotescerent confessario, minime tale sacramentum confici posset : sicut nec matrimonium absque contrahentium consensu per aliqua signa explicato, quidquid fuerit de pœnitentis, et contrahentis intentione, et desiderio. Unde omnia fere Adversariorum motiva paralogizant in eo, quod solum attendunt ad intentionem suscipiendi sacramentum, quæ in pœnitente moribundo ex his, aut itlis capitibus præsumi posset ; omissa attentione ad dolorem penitentis, et ad ejus media confessione externam manifestationem : quæ certum est esse de hujus sacramenti necessitate, et non adesse actu in cunctis, qui profitentur vitam Christianam : plurimi namque sunt existentes in statu peccati, et non curantes de confessione, et emundatione, quos repentini moriendi casus rapere solent.

Ad quintum neganda est similiter major: Quintum quia licet ea via constaret de præhabita moribundi intentione in ordine ad suscipiendum in articulo mortis pœnitentiæ sacramentum, quæ intentio foret in suo genere sufficiens : nihilominus postea non constaret de moribundi dolore, et confessione, quæ ultra illam intentionem pro valore sacramenti essentialiter requiruntur, et nequeunt in omnibus rationabiliter præsumi ; cum plurimi sint ad peccatum actualiter affecti, et de confessione non curent. Quin et de illius intentionis veritate pro casu repentinæ mortis vehementer ambigimus : nam de eo, qui noluit confiteri, et absolvi cum potuit, quomodo interpretabimur intendere, ac velle confessionem, et absolutionem pro eo casu in quo prævidet, quod non habebit rationis usum, nec poterit confiteri ? Satis ridicula, et imprudens foret talis præsumptio, eique innixa interpretatio, ut ex se constare videtur. Ad sextum patet ex dictis : nam Sextum. pro valore Baptismi in catechecumeno moribundo sufficit ex parte ejus intentio suscipiendi Baptismum : quam intentionem satis manifestat ipse status catechumeni, sive votum profitendi vitam christianam, quamvis imperfectam, et mixtam multis gravibus peccatis. Sed pro valore sacramenti pœnitentiæ ultra intentionem illud suscipiendi, requirantur essentialiter dolor de peccatis, propositum novæ vitæ, et peccatorum confessio. Hæc autem certum est non semper adesse in omni moribundo baptizato. Et propterea eadem certitudine asserimus non omnem baptizatum moribundum posse sacramentaliter absolvi. Ad septimum omisso antecedenti negamus Septimum consequentiam. Et disparitas est satis clara : nam in casu antecedentis non est certum pœnitentem carere usu rationis, aut ea, quæ confitetur esse peccata ; sed de his prudenter dubitatur : in quo casu ipsa prudentia dictat, quod pœnitenti non negetur absolute absolutio, sed conferatur sub conditione. Sed in casu consequentis supponitur moribundum nulla ostendisse signa doloris, et confessionis, quæ sensibilibus mediate, aut immediate cognita fuerint a sacerdote : qui proinde cum in eo nullam reperiat materiam proximam hujus sacramenti, vel certam, vel prudenter dubiam, nullo modo, vel absolute, vel sub conditione

conditione potest proferre, et in eum dirigere sacramentalem absolutionem. Ad octavum omitiendo præmissas neganda est consequentia, quæ illegitime ex eis deducitur: nam ut possimus, et debeamus, in casu proposito moribundum absolvere, ultra conditiones assignatas requiritur, quod cognoscamus in pœnitente adesse materiam certam, vel saltem dubiam, quæ pro hoc sacramento, et sacramentali absolutione requiritur. Quæ tamen sacerdoti nullo modo occurrit, ut in hac difficultate supponitur. Quare sacerdos nequit illum absolvere absolute, vel sub conditione. Et, si id facere tentaret, minime exequeretur absque gravi incommodo proprio, utique peccandi mortaliter agendo superstitiose, et contra reverentiam debitam sacramento: et charitatem proximo debitam minime agit, qui ei inextrema necessitate laboranti applicat remedium, quod scit vanum tunc esse proficere non posse.

245. Occasione tamen hujus ultimi argumenti solet dubitari, an contraria nobis sententia possit licite practicari, et in proposito casu ad exercitium absolvendi sub conditione reduci. Et, si quidem potest; consequens est nemini negandum, quod debeat: nam proximo in tali extremo posito debemus succurrere per omnia media licita possibilia. Affirmant præter impugnatæ sententiæ patronos n. 242 relatos, alii non pauci, qui licet levissimam, aut vix nullam in ea opinione probabilitatem speculativam recognoscant; sentiunt tamen posse esse practice probabilem, posseque, ac debere in casu proposito revocari ad exercitium absolvendo moribundum. Ita Diana supra relatus, Leand. disp. 5, q. 46, affirmans se Romæ ita non semel practicasse, et pro tali opinione refert Suar. Vasq. Turrian. Lugum, et alios: sed prorsus immerito; nam manifeste docent oppositum. N. Gabr. disp. 7, q. 2, ubi precatur lectores id sequi, si casus occurrat. N. Francis. c. 8, punct. 4 a n. 154, Emmanuel a Concep. disp. 6, qu. 4. Cui sententiæ licet in consequenter multum favet (saltem pro aliquibus casibus) Tyrsus disp. 36, sect. 4, n. 51. Cui sententiæ tam mordicus hæret N. Antonius supra relatus ut dixerit, vel eum moribundum debere absolvi sub conditione, qui diceret se nolle absolvi, et etiam

illum, qui in ipso actu peccandi, v. g. fornicandi sensibus destitueretur, dummodo non fuerint scandalosi, et publici peccatores; quia in aliis christiane regulariter viventibus pie præsumi debet illa verba ex phrænesi procedere, et actu peccantem vulneratum subita infirmitate respiscere, et quærere pro salute æterna remedium. Denique N. Lezana in summa q. regular. tom. 3, verbo *Confessio*, n. 11, prædictam opinionem non reputat omnino improbabilem.

Sed videamus quid alii sentiant. Henriq. l. 6, c. 10, n. 9, ait: « Si infirmus amisso rationis judicio nullum præbet, nec paulo ante dederat peccati, et pœnitentiæ signum, nullo modo est absolvendus a peccatis: in quo quidem rudiores sacerdotes errant. » Vasq. q. 91, ar. 2, dub. 5, affirmat: « Nullum esse qui contrarium dicat. » Coninch. disp. 5, n. 28, et disp. 10, n. 96, dicit: « Contrarium non esse probabile. » Laym. l. 5, tr. 6, c. 12, inquit: « Patres, et Doctores non aliter permittunt pœnitentiæ sacramentum moribundo obmutescenti ministrari, nisi ante sacramentalem absolutionem verbis, aut signis petierit. » Lugo disp. 17, sect. 3, affirmat « omnes pro certo hoc supponere, » et productis motivis ex Patribus, et Conciliis subdit: « Non ergo expedit in re tanti momenti sub pietatis specie sapere plus, quam omnes S. Patres docuerunt, sed observare terminos, quos apposuerunt nobis. » Franciscus Fœlix in Tentativa Complut. tr. 4, c. 3, difficult. 10, dicit: « Contrarium esse improbabile. » Manrique Ferro 2 part. q. 152, n. 4, ait: « Opposita est improbabilis. » Trullench. l. 4 praxis, c. 6, dub. 7, dicit de sententia negante: « In hoc conveniunt omnes Doctores. » Arriaga disp. 36, sect. 3, de eadem sententia negante agens, inquit: « Hæc sententia ante triginta, aut quadraginta annos adeo certa erat apud omnes Theologos, et fideles, ut opposita non fuerit probabilis. » Quod magnum est argumentum ad persuadendum sententiæ oppositæ falsitatem: quia absurdum est Ecclesiam Dei per tot retro sæcula in materia adeo necessaria ad salutem animarum ignorasse hoc remedium, nec sufficienter providisse animarum salutem. » Addit

Henriq.
Opinio
opposita.

Vazqu.

Coninch.
Layman.

Lugo.

Fœlix.

Ferro.
Trullench.
Arriaga.

ulterius sententiam affirmantem non solum olim fuisse, quod adversarii non diffidentur, sed esse etiam modo improbabilem : quia ejus Auctores non adducunt solutionem probabilem ad locum Conciliorum, quibus

Tyrsus.

disp. citata n. 41, ait : « Ex dictis in foro, » si sistamus inter terminos, » hujus quæstionis, in qua inquiritur, an moribundus, qui nulum dedit pœnitentiæ signum possit absolvi, sententiam « affir-

Fay.

« tem esse pœnitens improbabilem : quia » hoc ipso, quod supponatur non præces-
« sisse ullum signum doloris, supponitur » decesse partem essentialem hujus sacra-
« menti. » Petrus Fay in Addit. ad 3 par. qu. 9, art. 9, disp. 2, acriter pro negante, et communi sententia subjungens : « Licet

Prado.

« contrarium indiscrete, et ignoranter sa- » tis, ac sine ullo prorsus, vel apparente » fundamento a variis sacerdotibus practi-
« cetur. Prado q. 3, dub. 3, § 2, n. 6, relatis patronis, et motivis relatæ sententiæ affirmantis subdit : « Nihilominus relata

Gonet.

« sententia est omnino falsa, et improba- » bilis speculative, et practice. » Et titulus § habet : « Est falsissima, et improbabilis. » Gonet disp. 12, ar. 4, n. 80, illa etiam relata addidit : « Verum hæc sententia

Judicium circa relatas opiniones.

246. Inter has sententias hæremus propensi ad pietatem omnem erga moribundos, sed vincimur tandem veritate, quam videmus in secunda a tam multis, et adeo gravibus propugnata. Unde abstrahendo a censuris, quibus ejus patroni utuntur, eidem absolute subscribimus. In qua resolutione magis confirmamur attendendo ad diversos modos, quibus casus in hac controversia propositus potest contingere. Nam in primis fieri potest, quod ipse confessarius cognoscat evidenter moribundum nullum dedisse pœnitentiæ signum, ut si loquens cum ipso confessario repente corrui absque ullius signi ostensione. Et in tali casu nequit illum etiam sub conditione absolvere, nec se practice conformare cum opposita sententia : nam contra illius motiva, et omnem ab extrinseco probabilitatem cognoscit evidenter non dari materiam proximam hujus sacramenti : et si oppositum faceret peccaret agendo superstitiose,

et sacrilege. Et idem contingeret ubi testes, coram quibus moribundus corrui, deponerent se nullum in eo homine, cum illo accidenti arreptus fuit, observasse signum pœnitentiæ, aut desiderii absolutionis : militat enim eadem ratio ob carentiam omnis materiæ proximæ. Fieri secundo potest, quod moribundus ostenderit aliqua signa externa : et siquidem illa fuerint certa signa doloris, ut tundere pectus, aspicere devote imaginem crucifixi, osculari crucem, etc., potest, et debet absolvi juxta superius dicta a n. 230 ; si autem signa fuerint dubia, quia possunt procedere, vel ex dolore peccatorum, vel ex inolestia morbi, ut suspiria edere suspiando in Cælum, potest moribundus absolvi sub conditione ; quia adest saltem materia dubia, ut observavimus n. 232 ; vel denique talia signa sunt motus mere naturales, nihil referentes, ut se jactare ab una in altera lecti partem, vel conari ad vitandum suffocationem in flumine ; et de his non magis curandum est, ac si non fuissent, in ordine ad absolutionem, ut in prima parte hujus considerationis dicebamus. Denique fieri potest, quod sacerdos nec certo per se, nec per testes cognoscat moribundum non dedisse pœnitentiæ signa, nec aliunde cognoscat illum dedisse signa certa vel dubia, sed nullum horum extremorum cognoscat, et constituatur sub dubio negativo circa modum, quem moribundus habuit non edendo doloris signa : nescit enim an illa signa ostenderit, vel non ostenderit, et pie præsumi ostendisse, quia sic communiter se gerunt Christiani, ubi sentiunt se tangi morbo mortali, rapique morte repentina.

Hic casus est, si quis alius excogitari potest, in quo melius bonum habet affirmans opinio, illique in tali eventu hæret Tyrsus disp. cit. n. 51, ut censeat posse in illo practicari. Illamque confirmat : nam ad valorem absolutionis, et hujus sacramenti, sicut requiritur confessio ex parte pœnitentis, sic etiam usus rationis ; sed in casu, quo confessarius dubitat dubio negativo, an pœnitens habeat usum rationis, potest illum sub conditione absolvere, ut omnes concedunt : ergo pariter potest moribundum sub conditione absolvere, quando dubitat dubio negativo an pœnitens ediderit signa pœnitentiæ, et desiderii confessionis

fessionis. Quod alio motivo universaliori suffulciunt : quia in dubiis circa necessaria ad salutem tutior pars est eligenda : et dubium non est tutiorem partem respectu moribundi in tali casu esse absolvi sub conditione juxta opinionem relatum, quæ apparet probabilis, saltem ab extrinseco ob multitudinem patronorum.

247. Persistendum tamen est in proposita resolutione, quoniam non solum quis impeditur a proferendo formam absolutionis, quando cognoscit non dari materiam necessariam ex institutione divina ; sed etiam quando non cognoscit positive aliquam materiam juxta prædictam institutionem : agit enim temere proferendo absolutionem cum manifesto periculo frustrationis. Cui temeritatis periculo non occurrit, qui conditionem adhibet, sed magis addit superstitionem : quia forma nec absolute, nec conditionate proferri potest, ubi minister non cognoscit aliquam materiam supra quam cadat illa forma. Idque generale est in aliis sacramentis : nam qui non cognoscit materiam certam adesse, vel dubiam Baptismi, peccaret proferendo absolute, vel conditionate Baptismi formam : et similiter qui non cognosceret habere coram se materiam certam, vel dubiam Eucharistiæ peccaret proferendo absolute, vel conditionate verba consecrationis. Et sic de aliis. Quod contingeret in proposito casu ; siquidem sacerdos non cognoscit per se, vel per alios adesse materiam proximam ad absolutionem, nempe dolorem de peccatis, accusationem certam, vel dubiam : latet enim prorsus talis accusatio. Porro recursus ad piam præsumptionem nihil valet : tum, quia sæpissime fallitur : tum, quia illa pertinet ad partem intellectivam, et non confert ad sensibilem confessionem, quæ vel immediate, vel mediate debet innotescere confessario, ut judicet, et absolutionem præbeat : sicut etiam contingit in materia aliorum sacramentorum, ut minister super eam absolute, vel conditionate possit formam licite proferre. Ubi enim nulla materia sensibilis occurrit, de qua saltem dubitetur, an sufficiat vel non, nequit licite adhuc sub conditione forma applicari.

Ea vero, quæ denuo pro parte contraria expenduntur, non urgent. Et motivum

Tyrsi dispellitur omittendo præmissas, et negando consequentiam ob satis manifestam rationem disparitatis : nam in casu minoris adest saltem materia sensibilis hujus sacramenti, videlicet peccatorum confessio, de qua tamen dubitatur an sit sufficiens propter dubium occurrens circa usum rationis in poenitente : quare iste est casus proprius, in quo absolutio sacramentalis possit, et debeat sub conditione conferri. Cetero in nostro casu nulla datur materia sensibilis, de qua rationabiliter dubitetur, an sit, vel non sit sufficiens : sed prudens occurrit dubium negativum, et suspensivum, an moribundus dederit, vel non materiam, sine ullo ad eam asserendum positivo, et sensibili fundamento, sed cum sola unius, et alterius partis nescientia, et absentia materiæ, de qua prudenter dubitetur. Id vero minime sufficit, ut confessor possit prudenter procedere ad absolvendum moribundum, sive faciendum sacramentum sub conditione, ut aliorum exemplo convincitur, ubi abest omnis materia sensibilis, quæ dubio subsit.

Augmentum vero difficultatis, quod communiter alii addunt, facile evacuatur, si attendamus in administratione sacramentorum non solum ad profectum, aut necessitatem suscipientium, sed etiam, et multo magis, ut par est, ad reverentiam circa ipsa sacramenta, ut non exponantur frustrationi, aut superstitioni, sed fiant eo modo, quem præscribunt Concilia, et Patres, et ipse communis usus Ecclesiæ. Ad quæ attendentes censemus partem simpliciter tutiorem, atque certiore eligendam esse ; quod absolutio sacramentalis non conferatur, ubi nulla adest materia sensibilis, cui applicetur, ut in nostro casu contingit. Et quod dicitur de probabilitate opinionis contrariæ non premit : nam si sermo sit de probabilitate intrinseca, sive de motivis rem evincentibus juxta sacramenti naturam, et communem Conciliorum, et Theologorum doctrinam, nullam, aut fere nullam videmus. Unde talis opinio communiter non censetur signate, et speculative probabilis ; a qua tamen speculativa probabilitate fieri debet descensus ad praxim prudentem, atque securam. Si autem loquamur de probabilitate extrinseca desumpta ab Auctoribus illam docentibus, non negamus Patronos hujus nuperæ opi-

nionis esse multos, sed quibus longo intervallo præstant nostræ resolutionis defensores, sive multitudinem, sive antiquitatem, sive auctoritatem, et doctrinam consideremus. Unde putamus ab aliquibus ridicule affirmari nos debere in praxi conformari cum illa opinione, et peccare si moribundum non absolvamus. Quia ad id obligamur ex charitate erga illum. Id, inquam, videtur ridicule asseri: nam quæ ratione poterimus, et obligabimur adhærere opinioni minus probabili: et non poterimus adhærere opinioni securiori, probabiliori, et fere communiori dictanti talem administrationem esse peccatum, et exerceri non posse absque injuria sacramenti? Quomodo sine aliquo dictamine speculativo dictante valorem sacramenti, sed oppositum magis demonstrante, applicabimur prudenter ad praxim tali dictamini repugnantem?

DUBIUM VIII.

An pœnitens debeat explicare, quod peccata, quæ confitetur fuerit, aut non aliquando confessus?

Hoc, quod proponimus dubium potest esse appendix præcedentis: pertinet enim ad integritatem confessionis, sive manifestationem omnium, quæ confiteri opus sit. Movetur vero specialiter propter non infrequenter contingentia in generali, quam vocamus, confessione, ubi pœnitens simul cum peccatis jam alias confessis, solet recensere alia, post ultimam confessionem commissa, quæ nunquam confessus fuerat. Tenebitur ne hoc explicare, ut confessarius id cognoscat, illaque excipiat tanquam materiam necessariam? Eademque fere difficultas proponi valet, ubi quis confitendo peccata venialia, addit pro majori securitate de valore sacramenti (ut mos est inter personas spirituales, et timoratas) aliquid mortale de vita præterita, quod tamen nunquam hactenus confessus fuerat, sed heri, aut nudius tertius patrarat. Ubi namque ista sic disponuntur, et recitantur, confessarii communiter apprehendunt peccata illa jam confessa fuisse, et ex devotione, aut timore adhiberi. Et nemo, quem viderimus negat, quod aliquando per accidens teneatur pœnitens manifestare illa

peccata non fuisse in alia confessione exposita; ut patet, si sit commissum a religioso, et reservatum. quod tamen in sæculo commissum reservatum non erat. Vel si pœnitens, qui heri peccavit maneat cum illo, ut confitetur, in occasione proxima peccandi, et iterum relabendi. Sed dubium propositum ab his accidentalibus præscindit, et procedit per se loquendo, attendendo præcise ad hoc, quod peccatum nunc cum aliis relatum nunquam hactenus fuerit confessum. Et quamvis complectatur duas propositas difficultates, nihilominus ad vitandum confusionem, et plurium terminorum redundantiam, circa propositam primo loco specialiter versabitur. Quid autem dictum fuerit circa illam, posteriori intelligitur applicandum.

§ I.

Propositæ difficultatis decisio aliquibus assertionibus explicatur.

248. Dicendum est primo, pœnitentem cum dicit se facere confessionem generalem, et inter peccata jam confessa recenset aliqua prius non confessa, teneri ad id explicandum, sive ad manifestandum se illa commisisse post ultimam confessionem. Ita Perez disp. 21, sect. 8, n. 4, Gonet. disp. 10, ar. 2, n. 37, Lastra. tit. 1, c. 1, et sect. 6, n. 68, Luisius Turrian, cont. 4, dub. 7, dicens oppositam opinionem non esse securam in praxi, sed magis bonis auribus perniciosam. Idemque, non obscure significat Aversa q. 10, sect. 2, § *Similiter*, dicens ab omnibus fatendum est, non esse consulendum sic convolvere peccata nova cum antiquis, ut confessarius levio-
Conclus. 1.
Perez, Gonet, Lastra, Turr. Aversa.
 rem pœnitentiam injungat, vel minus pœnitentem reprehendat tanquam pro peccatis antiquis, et alias confessis. Probatur ratione: quia pœnitens tenetur ita exponere sua peccata, ut non varietur notabiliter iudicium confessarii erga illa: unde communiter probatur debere explicare circumstantias mutantes speciem, secus autem notabiliter intra speciem aggravantes; quia scilicet in illis variatur notabiliter confessarii iudicium, in istis autem semper retinetur idem simpliciter iudicium circa substantiam peccati, ut satis constat ex dictis dub. 4; sed ex eo quod pœnitens di-
Ratio.
 cens

rens se facere confessionem generalem inter peccata jam confessa misceat, et referat alia nunquam confessa, quin explicet illa non esse confessa, variatur notabiliter iudicium confessarii erga peccata, et statum confitentis: ergo pœnitens se generaliter confitens tenetur manifestare, quæ peccata non fuerit hactenus confessus, sive quæ commiserit post ultimam confessionem. Minor liquet: nam diversissimum est iudicium confessarii quando cognoscit peccata mortalia, quæ modo exponuntur, non esse hucusque confessa, et quando existimat illa jam confessa, et remissa. Unde oritur, quod pro non confessis reprehendat vehementer pœnitentem, injungat correspondentem satisfactionem, et consulat remedia ad vitandum peccata. Sed pro jam confessis, et remissis in nihilo horum immoratur, nec tempus consumit, sed pœnitentem nulla reprehensione, et levissima satisfactione dimittit; quin non semel laudat de studiosa humilitate in reproducendo delicta. Summa vero inter hos effectus differentia satis declarat summam etiam esse varietatem in confessarii iudicio.

Respondit.

249. Respondent Adversarii pœnitentem in tali casu confiteri omnia mortalia, quæ debet, et in cæteris uti jure suo non explicando, an sint antiqua, vel nova, dimissa, vel non dimissa: hæc enim accidentaliter prorsus reputantur respectu peccatorum, prout cadunt sub obligatione confessionis: et peccatum fuerit heri commissum, aut anno præterito est omnino extrinsecum illi. Unde N. Antonius infra referendus, non renuit, nec impeditur concedere, quod non agit contra valorem hujus sacramenti, qui dicit se commisisse peccatum mortale anno præterito, vel in præterita vita, quod heri fecit. Quia mentiri, inquit, in confessione, quando mendacium non impedit explicationem peccatorum in specie, et numero, et circumstantiis mutantibus speciem, non reddit irritam confessionem. Et minus refert, quod pœnitens desideret non intelligi quantum ad hoc a confessario: quia licet obscure, eoque artificio loquatur, nihilominus peccata non negat absolute, sed solum quoad circumstantiam non necessariam temporis, in quo factum fuit, aut aliam impertinentem, quod non semel licet, ut inquit Lugo, sicut, si quis habuit rem cum sorore confessarii,

cujus hospes est, et velit illud peccatum ita illi obscure confiteri, ut non suspicetur de sorore, potest dicere se peccasse cum fræmina, quam alio tempore viderat in Ecclesia: nemo negabit valorem hujus confessionis, licet confessarius, et audiendo, et confitendo nihil cogitet de sua sorore, sed existimet fuisse aliam mulierem: quia nihil horum pertinet ad substantiam sacramenti.

Sed hæc sustineri non possunt, et refelluntur: quoniam pœnitens debet ita confiteri sua peccata, ut ex modo confitendi non impediat jus, quod confessarius habet exercendi sua munera ex Christi institutione: et opposito modo se gerens peccat, et quidem mortaliter, ut exposcit gravitas materiæ. Sed pœnitens procedens modo, artificio, et subterfugiis, quæ in hac evasione repræsentantur impedit jus, quod confessarius habet exercendi sua munera ex Christi institutione: ergo pœnitens debet ita confiteri peccata, ut in eis recensendis non utatur modo, artificio, et subterfugiis, quæ proposita ministrat responsio. Probatur minor: nam confessarius habet ex institutione Christi jus exercendi munera iudicis, et medici erga pœnitentem in applicando pœnam, et remedium pro peccatis, ut plane constat ex Conc. Trid. s. 14, c. 15, ubi ex ipsa Christi institutione efficaciter colligit utrumque munus in confessario, et obligationem pœnitentis in comparando ante illum sicut coram medico, et iudice. Hæc autem munera impediuntur, ubi pœnitens titulo confessionis generalis, sive manifestandi generaliter omnia peccata, miscet cum jam confessis alia non confessa, et repræsentando ut præterita, quæ sunt immediata, ac desiderando, quod confessarius id non percipiat. Nam eo ipso confessarius non exercet convenienter munera iudicis, sed remittit reum absque objurgatione debita, putans omnia illa peccata jam pridem confessa, et dimissa fuisse: nec congrue, quin nullo modo exercet munus iudicis, putans nulla esse recentia vulnera, sed antiqua jam exclusa, atque sanata. Unde liquet non esse admittendam doctrinam, et exempla, quibus se munit evasio; quia solum versantur circa aliqua Sacramento accidentaliter; sed quæ opponimus attingunt, penetrantque ejus substantiam repugnando fini quem

Refellitur responsio.

Concil. Trid.

habet ex Christi institutione, et contra quem si agat pœnitens, nequit non peccare.

Confir-
mal.

Confirmatur, et explicatur propositum fundamentum reducendo contrariam sententiam ad ea inconvenientia, quæ ejus falsitatem, praximque periculosam demonstrant. Nam si in confessione generali licet inter peccata jam confessa inserere unum non confessum, id non declarando; pariter licebit miscere quinquaginta, aut plura satis gravia, et pertinentia ad diversas species: eadem quippe ratio juxta Adversariorum doctrinam militat in pluribus, atque in uno. Ex quo fiet ulterius confessarium non magis de illis pluribus, atque de uno curare, sed omnia curata, atque remissa supponere; ac proinde dimittere pœnitentem impunitum, et incuratum, sive absque pœnitentia, et medicina, quæ illis peccatis erat debita juxta Christi institutionem. Et quid inde fiet, quam pœnitentem fræno objurgationis, et pœnitentiarum non detentum ad eadem, ut solebat crimina currere, atque in illis repetendo idem artificium immergi? Quod magis constabit expendendo amplius, sed alia via propositum inconueniens. Nam si semel licitum est una generali confessione inter peccata jam confessa dicere aliquod non confessum id supprimendo; pariter id licebit in secundo, in tertio, et in quarto, et sic de aliis in decursu vitæ committendis, repetendo eandem, saltem apud alios confessarios, diligentiam, et artificium confitendi generaliter: præsertim cum jam de confessis possit ea, quæ voluerit, tacere. Et hac arte, cum per totam vitam repetat peccata gravia, nullam pro illis subibit confusionem, nullam objurgationem, nullam pœnam, nullam denique asperam medicinam, quales graves ejus, et repetiti lapsus exposcunt. Unde loco remedii consequetur pronitatem ad malum, et firmiorem in sua pernicie adhæSIONem. Atque ideo nemo prudens negabit ita se gerentem longe exulare a fine, quem Christus voluit esse hujus Sacramenti, videlicet deponere veterem vitam peccaminosam per subjectionem ad confessarium, qui illam corrigat, et emendet pœna, et medicina adhibitis pœnitenti. Et hæc absurda non minus occurrunt in alio casu a limine dubii propositi recitandi in peccatis venia-

libus aliquod mortale, ut materiam sufficientem, et tanquam in anteacta vita commissum, cum revera sit materia necessaria, utpote post ultimam confessionem admissum. V.g. confitetur quis (et sit sacerdos, aut religiosus) distractiones animi, verba inutilia, suspiciones contra proximum, aliquos motus iræ, et similia, quæ sunt communiter peccata venialia, et subdat se etiam accusare de una delectatione morosa in vita præterita admissa, quam vere admiserat heri. In hoc casu confessarius communiter putat id addi de materia non necessaria, et pro majori securitate doloris in pœnitente, et valoris in Sacramento. Unde nihil de hoc additamento curat quantum ad reprehensionem, et augmentum pœnitentiæ; quippe cum existimet illud jam olim confessum fuisse. Incidat deinde ille pœnitens eadem, aut sequenti die in idem peccatum; et utatur eodem artificio in addendo, vel exponendo illud post venialia: succedet plane eadem in confessore deceptio, et omissio circa ejus reprehensionem, pœnitentiam, et remedium: continuabiturque in pœnitente idem tenor tam in peccando, quam in confitendo peccata, in quæ relabitur cum summo æternæ salutis discrimine. Hæc autem investigare, discurrere, proponere, atque tueri non aliud videtur, quam aberrare a fine hujus sacramenti, et dilatare, ut plures excipiant, portas inferni.

250. Dicendum est secundo confessarios in præsentī rerum statu posse, et debere per se loquendo, quando audiunt confessiones generales, inquirere a pœnitentibus, an omnia peccata, quæ tunc confitentur, sint jam confessa; an vero habeant aliqua non confessa, et præcipue ut declarent, quænam sint. Hanc assertionem non reperimus expressam in Auctoribus, sed putamus ex communi omnium doctrina deduci, ut eam probando constabit. Sed prius oportet explicare aliquos terminos in ea positos. Diximus in *præsentī rerum statu*, nempe inventa, atque propugnata a junioribus illa contraria, quæ circumfertur, opinione, quod liceat inserere inter peccata confessa alia non confessa, sed post ultimam confessionem commissa. Nam prioribus temporibus, ubi hæc excogitata non fuerant, putamus non fuisse talem obligationem ob majorem, et omnino securam sinceritatem pœnitentium

Secunda.

tium in manifestando peccata, et præsens-tem, quem afferebant suæ conscientiae, statum. Diximus etiam *per se loquendo* : quia per accidens non negamus posse satis frequenter confessarium excusari ab ea obligatione juxta conditionem personarum ad ipsum accedentium, ut generaliter confiteantur : sunt enim aliquæ probatæ adeo virtutis, et tam cognitæ sinceritatis, ac veritatis, ut præsumere possimus illas minime cognoscere, minus autem praticare artificium illum a quibusdam inventum : quas proinde molestare illis inquisitionibus non oportet ; sed magis simpliciter credere, quæ referunt, et prout illa manifestant. Et de nobis coram Deo testamur fuisse per plures vitæ annos in ea (sic vocamus) ignorantia, ut tale artificium penitus nesciremus : sed decursu temporis incidentes in recentiorum libros, et opinionones similia stratagemata didicimus, et facti fuimus suspiciosi ; ut non semel de his peccatis, quæ pro valore præsenti confessionis solent dici de vita præterita, dubitaverimus, num fuerint patrata post ultimam confessionem. His observatis,

Ratio.

Probatur prima assertionis pars : nam confessarius potest inquirere a pœnitentibus, quæ sunt necessaria ad recte exercendum officium suum juxta Christi institutionem ; cum habeat ad hoc jus ex ipsa institutione ; sed in casu proposito, ut sacerdos recte exerceat juxta institutionem Christi suum officium, necessarium est inquirere, et scire a pœnitente, utrum omnia peccata, quæ in confessione generali recenset, sint jam alias confessæ, et dimissa vel non : ergo confessarius in tali casu potest id inquirere a pœnitentibus : cetera constant, et minor liquet ex dictis pro prima conclusione : quoniam ad confessarii officium recte exercendum pertinent ex Christi institutione munera judicis, et medici spiritualis : hæc autem exercere convenienter non valet, nisi ex relatis peccatis cognoscat, an aliqua sint nondum confessæ, sed post ultimam confessionem commissa : aliter enim nequit congruentem pœnitentiam, et medicinam pro non confessis injungere : et consequuntur omnia inconvenientia supra ponderata, et ab officio confessarii, si recte exercentur, prorsus aliena : ergo ut sacerdos in casu proposito illud convenienter exercent, ne-

cessitatem habet inquirendi, et sciendi a pœnitente, an omnia peccata, quæ exponit, sint jam confessæ : unde facile suadetur secunda minoris pars, nempe confessarium debere ita inquirere : nam sine illa notitia nequit recte exercere munera sui officii juxta Christi institutionem, ut immediate ostendimus : ipse vero sicut debet suum officium recte exercere, sic et inquirere a pœnitente illa, sine quarum notitia tale munus recte exercere non valet. Sed insuper probatur eadem pars magis specialiter : nam orta, et invalescente contraria nobis opinione, quod pœnitentes possint illo artificio uti, ut dissimulent peccata esse recentia, et de novo post ultimam confessionem commissa, et eludant in confessario certam circa hoc cogitationem ; merito suspicari, et præsumere potest, plures id praticare, et ad exercitium ruducere arripiendo illam sententiam, quæ viam docet, ut se facile exonerent a subeundo confusionem manifestandi peccatum recenter commissum, et a sustinendo objurgationem confessarii, et luendi condignam pœnitentiam ; quamvis ita se gerentes non levi periculo se committant, ut expendimus n. præcedenti. Nam ut ipsa veritas (suffragante omnium sæculorum experientia) docet Matth. 7 : *Lata porta, et spatiosa via est, quæ ducit ad perditionem, et multi sunt, qui intrant per eam. Quam augusta porta, et arcta via est, quæ ducit ad vitam : et quam pauci sunt, qui inveniunt eam.* Quare ad hæc attendens prudens confessarius, et ad conditionem pœnitentium, ubi similia timet, et præsertim, quod illa occultent consuetudinem peccandi, tenetur de prædictis inquirere, et non faciet satis suo muneri, nisi ita faciat.

Matth. 7.

251. Dicendum est tertio : pœnitentem in prædicto casu obligari ad respondendum directe confessario, et manifestandum, quænam ex illis confessus fuerit, et quæ admiserit post ultimam confessionem. Hanc assertionem a fortiori docent Doctores n. 147 relati, qui vel independenter ab inquisitione hanc obligationem in pœnitente constituunt. Probatur efficaciter ex dictis : nam esto pœnitens non semper obligetur manifestare ex se aliqua pertinentia ad suæ conscientiae statum, ubi sine illis recenset cuncta sua peccata ; nihilominus

Tertia.

Probatio
efficax.

ubi de illis inquiritur a confessario, de illis respondere tenetur, ut de consuetudine repetendi peccata dici solet, et constat ex supra dictis n. 125. Ergo ubi confessarius pœnitentem facientem generalem confessionem interrogat, an omnia illa mortalia sint jam confessa, tenetur pœnitens directe respondere, et manifestare non confessa, sive post ultimam commissam.

Confir-
mat.

Confirmatur : nam ubi ex parte confessoris datur jus, ut circa aliqua inquirat, datur etiam ex parte pœnitentis obligatio directe respondendi, explicandique veritatem ; hæc namque duo sibi mutuo, ac necessario correspondent ; sed sacerdos in casu proposito habet jus inquirendi, an omnia illa peccata sint jam confessa, vel non, ut constat ex præcedenti assertione : ergo pœnitens in tali casu habet obligationem respondendi directe, et manifestandi, quænam hactenus ex illis peccatis confessus non fuerit.

Rejicitur
evasio.

Nec satisfacit, quod N. Antonius disp. 5, sect. 5, n. 310, respondet multa posse confessorem interrogare ad melius exercendum suum officium, ad quæ pœnitens non tenetur respondere, ut si interrogatur de circumstantiis juxta speciem aggravantibus, potest dicere : Ego hoc peccatum confiteor, an vero habuerit hanc, aut illam circumstantiam aggravantem, explicare non teneor. Sic in nostro casu, inquit ille, poterit respondere : Ego hoc peccatum confiteor, quidquid sit, an illud confessus fuerim : ad id enim non obligari scio ex multorum doctrina. Hæc, inquam, responsio non satisfacit, nec apparet ratio probabilis : nam motivum nostrum non imbibitur in eo, quod confessarius queat inquirere de omnibus, prout sibi placet, nec in eo quod pœnitens teneatur cum ea generalitate respondere : manifestum namque est, plurima esse hujusmodi, sive non necessario exponenda. Et hujusmodi sunt circumstantiæ intra speciem notabiliter aggravantes juxta satis communem, et certo probabilem sententiam, ut constat ex dictis dub. 4 ; sed vim facimus in eo, quod confessarius habet jus ex Christi institutione, ut recte exequatur sui officii munera, ad investigandum, quam offerat pœnitens materiam necessariam, sive hactenus clavibus non subjectam, ut pro ejus meritis possit convenientem imponere pœnam, et

opportunam adhibere medicinam. Huic autem ex parte confessarii juri opus est correspondere ex parte pœnitentis obligationem respondendi, explicandique illa, ad quæ tale jus extenditur : impossibile namque est dari unum absque alio ; et sicut in materia restitutionis nequit ex parte unius dari jus, ut sibi aliquid restituatur, quin ex parte alterius detur obligatio illud restituendi. Nec videmus, qui id in universum neget.

252. Confirmatur detegendo amplius, quam sit absurda adhibita responsio : nam præsens confessarius bene noscit dari sententiam docentem artificium illud, quo titulo confessionis generalis, vel abundantioris, et securioris materiæ ex vita præterito possint exponi peccata non confessa, quasi non fuissent commissam post ultimam confessionem. Cognoscit etiam, quod per idem artificium juxta oppositam sententiam possunt repeti peccata, quin confessario innotescat ea repetitio, quæ aliud profecto non est, quam consuetudo peccandi ; sed confessarius habet jus inquirendi de hac peccandi consuetudine : et pœnitens tenetur directe respondere confessario hujusmodi consuetudinem inquirenti : ergo pariter tenetur directe respondere, ubi illam confessarius interrogat de repetitione peccatorum, quod exponit, et utrum aliqua commiserit post ultimam confessionem. Consequentia patet ex præmissis. Et minor, in qua poterit esse difficultas, constat ex condemnatione contrariæ doctrinæ contentæ in hac propositione 58, ex reprobatis a SS. Innocentio XI : « Non tenetur confessario interroganti fateri peccati alii-
« cujus consuetudinem. » Ergo pœnitens, ubi confessarius interrogat de peccandi consuetudine tenetur respondere, et eam fateri, si illam habet ; et per consequens ad manifestandum ea, ex quibus dijudicari possit, an sit in consuetudinem peccandi, uti plane colligi valet ex repetitis peccatis post ultimam confessionem. Et sic jam pridem docebat vera, et communis sententia apud Dianam part. 1, tr. 7, resol. 15 ; nam licet plures doceant pœnitentem non obligari per se ad manifestandum illam consuetudinem, ut et nos statuimus supra n. 125, nihilominus iidem docebant teneri ad ejus manifestationem, si interrogaretur a confessario, ut constat in

Confir-
mat.

Proposi-
tio dam-
nata.

Diana.

Suar.

Suar. Vasq. et Sanch. a Diana relatis. Solus Joan. Sanctius, cum quo sentire videtur relatus Antonius, ausus fuit docere contrarium : sed merito ejus in hac parte doctrinam proscripsit Ecclesia, sicut et aliam ejusdem Sanctii disp. 9. n. 19 propositionis, prioris plane appendicem inter condemnatas 60, nempe : « Pœnitenti habenti « consuetudinem peccandi contra legem « Dei, naturæ, aut Ecclesiæ, et si emendationis spes nulla appareat, nec est dene- « ganda, nec differenda absolutio, dum- « mode ore proferat se dolere, et proponere « emendationem. » Unde magis elucet, atque vincitur jus, quod confessarius ex Christi institutione, et juxta Sacramenti naturam habet ad inquirendum ex pœnitente, num habeat consuetudinem peccati, et cetera, quæ pro consequendo hanc notitiam referri valent, uti est, an ea peccata, quæ recensentur commissa fuerint post alias, et præsertim ultimam confessionem. Hac vero prudenti cautela munitus, utensque confessarius vitabit, ne opposita opinio reducatur ad praxim, quam (quidquid fuerit de probabilitate speculativa) censemus perniciosam animabus, et communi fidelium profectui, qui forsitan pressi timore serotino, palam manifestabunt instanti morte, quæ nunc velo illius artificii involvunt ad vitandam pusillanimitatem temporalem confusionem.

§ II.

Refertur sententia contraria.

253. Oppositam nobis sententiam præsertim quantum ad primam assertionem tuentur Bonacina disp. 5, qu. 5, sect. 2, § 2, difficultate 4, Homobonus volum. 2, part. 2, resp. 132, Diana 8 part. tract. 4, resolut. 62, et 4 part. tract. 3, resolut. 65, Lugo disp. 16, n. 49, Dicastillo disp. 9, n. 146, Leander disp. 5, qu. 23, Delgadillo disp. 17, dub. 41, N. Antonius ubi supra, et alii, quam probant primo communi omnibus argumento : nam pœnitens satisfacit propriæ in confitendo obligationi, manifestando omnia sua peccata in specie, et numero, et circumstantiis, quæ speciem mutant ; sed hæc omnia manifestari possunt, quin explicet, an omnia, aut aliqua peccata fuerint prius confessa, vel non

confessa : ergo satisfacit suæ obligationi manifestando in confessione generali omnia peccata, licet aliqua non fuerint prius confessa, nec id ab illo explicetur. Cetera constant. Et minor suadetur : nam idem omnino est peccatum, sive prius fuerit confessum, sive non : et circumstantia præcedentis, aut non præcedentis confessionis minime variat peccata in numero, aut specie ; cum non se teneat ex parte illorum, sed magis ex parte pœnitentis. Aliunde vero quamvis huic non liceat dicere omnia illa peccata jam confessum fuisse ; licet tamen obscure loqui non explicando aliqua esse hactenus inconfessa ; et desiderare quantum ad hoc non intelligi a confessario : quia his omnibus non obstantibus cuncta sua peccata recenset.

Respondetur distinguendo majorem, quæ concedenda est ad hunc sensum, quod pœnitens suæ obligationi in confitendo satisfacit confitendo omnia peccata, si obligatio solum referatur ad materiam, sive peccata in confessione explicanda : hanc enim fatemur in solis peccatis consistere : sed negari debet, si referatur ad modum confitendi, et ad omnia requisita absolute. Et deinde omnia minori negamus absolute consequentiam. Nam, sicut certum est pœnitentem obligari non solum ad manifestandum omnia peccata, sed etiam ad manifestandum illa cum certo modo, nempe cum dolore, et proposito emendationis : et sicut, qui est in occasione proxima peccandi, debet exponere non solum peccata jam commissa, sed etiam periculum, in quo est, alia committendi : et quemadmodum, qui peccavit faciendo plura juramenta falsa ex prava consuetudine ita jurandi, tenetur non solum juramenta falsa, quæ fecit, sed etiam consuetudinem illa faciendi, quam usu emendet, propalare : aliter enim in his, et similibus casibus non manifestat pœnitens statum suum, sicut debet, ut posset sacerdos exercere officium, vel negando, vel concedendo absolutionem, illumque corripiendo, et puniendo, et medendo, sicut oportet : ita in casu præsentis difficultatis dicendum est. Et ratio jam supra assignata est, quod pœnitens non satisfacit suæ obligationi, nisi ex modo confitendi ita subiciat peccata clavis, et judicio confessarii, ut hic possit de eis formare competens judicium in ordine

Respon-
sio.
argu-
menti.

Bonacin.
Homob.
Diana,
Lugo.
Dicast.
Leand.
Delgad.
Anton.

Argum.
1.

ad finem hujus sacramenti, punitionem videlicet, medicinam, et remedium pœnitentis. Nihil autem horum congruenter fieri valet ex modo confitendi, quem ista opinio defert electioni pœnitentis, nempe faciendi confessionem generalem, et inter plurima peccata jam confessa inserere unum, aut aliqua ex non confessis, ut supra satis explicatum fuit.

Argum.
2.

254. Arguitur secundo (et potest esse replica contra præcedentem doctrinam) nam, si non esset licitum confiteri peccata non confessa, nisi explicando illa non esse hactenus confessa; taliter non liceret confiteri peccata confessa, nisi explicando illa jam esse confessa: consequens est falsum: ergo et antecedens. Sequela ostenditur: nam ideo non liceret confiteri peccata non confessa nisi manifestando non esse confessa, quia ex tali modo illa confitendi variaretur notabiliter iudicium confessarii: ut in fundamento primæ assertionis expendimus; sed non minor variatio sequitur in iudicio ejusdem sacerdotis ex eo, quod aliquis confiteatur peccata jam confessa non explicando illa jam esse confessa: sicut enim confessarius in priori casu existimat peccata non confessa, sic in secundo putat peccata jam confessa non esse adhuc confessa. (Ex qua variatione eadem, si quæ inconvenientia occurrunt, consequuntur inconvenientia). Unde Lugo disp. cit. n. 47, censet easdem esse in utroque casu rationes. Et quia Sanchez lib. 1 Decalog. c. 10, n. 71, et Suarez disp. 21, concedunt licitum esse confiteri peccata confessa non manifestando esse jam confessa, ideo illos refert pro sua opinione, quod liceat in confessione generali introducere peccata non confessa absque explicatione, quod hactenus confessa non sint. Falsitas vero consequentis facile constat: quia non est qui illam praxim reprehendat: quia illa nullum conferre potest medium ad majorem pœnitentis humilitatem, et confusionem.

Lugo,
Sanchez,
Suarez.

Solvitur
argu-
ment.

Respondetur negando sequelam. Ad cujus probationem dicendum est; in utroque casu variari notabiliter iudicium confessarii; sed inter primum, et secundum illud interesse discrimen, quod in primo datur variatio formalis, hoc est, cum præiudicio notabili notitiæ per se requisitæ in confessario, ut suum officium recte minis- tret, et cum his effectibus, in quos istud

sacramentum ordinatur ex institutione Christi: sed in secundo casu variatio est pure materialis, id est, cum præiudicio illius notitiæ, quam confessarius debet habere, ut convenienter exequatur munera propria. Ratio autem disparitatis est, quod in primo casu, cum sacerdos apprehendat peccata non confessa, quod prius fuerint jam dimissa, non reprehendit, nec instruit, nec punit pœnitentem, ut debet ex officio, sed illum ut innocentem facile remittit: quod tam officio, quam sacramenti effectibus, et fini satis oppositum est. Ceterum in secundo res e contra se habet: nam confessarius existimat illa peccata hactenus confessa non fuisse, cum vere confessa, et dimissasint. Unde excitatur ad satisfaciendum suo muneri reprehendendo pœnitentem, illique injungendo condignam pro peccatis, quæ ipse apprehendit, satisfactionem. In quo nullum momenti inconveniens occurrat: nam pœnitens ubi recognoscit confessarium ex sua relatione, aut modo confitendi ad hæc moveri, potest se gerere uno ex duobus modis. Primo admonendo confessarium, quod ea peccata jam confessus fuerit, lueritque sibi impositam pœnam: et statim cessabit iniuncta a confessario pro suo munere diligentia. Secundo, si taceat, sustineatque patienter sui obijurationem, et admittat novam sibi pro illis peccatis pœnitentiam gravem injungi. In quo nihil vituperabile operatur, sed permissa illa materiali confessarii deceptione, opus profecto agit insignis virtutis. Unde non recte Lugo pro sua opinione allegavit Suarez, et Sanchez, quod hoc posterius docuerint: distat enim toto cœlo secundus casus a primo.

255. Sed insistes (et sit tertium argumentum) nam ex nostra assertionem, et proposito in ejus favorem discursu sequitur illum peccare mortaliter, qui dicit confessario se velle facere generalem totius vitæ confessionem, si cum advertentia omittat aliqua peccata ex jam antecederet rite confessis. Id autem absurdissimum apparet, cum omittat materiam non necessariam, quam confiteri minime tenetur. Sequela vero suadet: quia ita se gerens deciperet graviter confessarium, supprimendo graviora, et magis foeda peccata: atque confessarius putaret illum caste, et pie vixisse, cum res aliter omnino se haberet, tacitis turpioribus culpis.

Instan-
tia.

Respondetur

Respondetur absurdum non fore, si concederetur sequela : quam ob insertam probationem docent Victor. in summa, § 153, et Martinus de Ledes. in 2, p. *quæsti*, q. 8, ar. 2, dub. 15, et eorum resolutio nullum continet absurdum, sed aptissima est ad procul pellendum tam perniciosas simulationes, quæ raro fiunt absque sua vana gloria. Sed absolute hæremus communiore sententiæ. Quam cum Henriquez Salas, Diana, et multis Salmanticensibus sequitur Lugo dis. cit. n. 57, et negamus sequelam : nam licet confessarius in prædicto casu patiatu aliquam deceptionem, melius sentiens de penitente, quam mereatur ; nihilominus ipse penitens confessarium non decipit in materia iudicii sacramentalis : nam intendit sola ea peccata, quæ confitetur, esse talis iudicii materiam : non autem illa, quæ tacere, et confiteri non obligatur : quia præsupponuntur alias legitime confessa. Nec obstat illum præmissæ se velle generalem totius vitæ confessionem facere : nam hinc solum evincitur illum mentitum fuisse, aut mentiri, minime vero, quod illud mendacium sit circa materiam sacramenti, sed circa aliud extrinsecum, et ab ea diversum : sicut alias contingeret, si penitens independenter a confessione generali diceret confessario se in antea vita fuisse continentem, aut devotum. Et quamvis hæc dicere possit continere hypocrisim, quæ grave peccatum sit ; tamen fieri etiam potest, quod solum sit veniale, ubi non aliud intervenit, quam solum aliqua vana gloria. Quare nec ex genere dicendum est peccare mortaliter, qui in confessione generali tacet aliqua peccata, quæ ex industria vult : et multo minus si illa supprimat ex tædio, vel ex alio motivo : nam sicut confitendo generaliter facit opus supererogationis simpliciter sibi liberum, sic illud exequi valet cum majori, aut minori peccatorum explicatione. Simile quid contingit, ubi quis apud unum confessarium confitetur mortalia, quæ habet, deinde ad confessarium ordinarium confitetur sola venialia, retinens apud confessarium antiquam existimationem, non absque aliqua deceptione confessarii. Et quamvis id minime commendamus, tamen generaliter mortalis peccati non condemnamus : quia talis deceptio non est circa materiam necessariam

sacramenti, quæ supponitur in alio dimissa, ut supra num. 216 statuimus.

256. Et quia præmissa argumenta attinent aliam non absimilem difficultatem, quæ nec moras, nec prolixam disceptationem exposcit, congruum duximus illam in calce hujus dubii adjicere. Est autem, utrum mentiri in confessione sit peccatum mortale ? Potest autem mendacium dictum in confessione contingere dupliciter : videlicet, vel negando, quod factum, vel dicendo, quod non est factum. Deinde potest tale mendacium contingere circa tria genera rerum. Primo circa res, quæ nullo modo pertinent ad materiam confessionis, sed concernunt historias longe diversas. Secundo circa materiam non necessariam confessionis, ut sunt peccata venialia, et mortalia jam confessa. Tertio circa materiam necessariam, nempe mortalia nunquam confessa.

Loquendo igitur de rebus primi generis, communis sententia est non esse peccatum mortale, quod penitens mentiatu in illis : quoniam tale mendacium pure concomitanter se habet ad sacramentum, cum non versetur circa materiam illius, nec gravem proinde illi inferat injuriam. Sed est veniale gravius, quam si extra sacramentum diceretur : quia præter suam malitiam importat aliquam inordinationem contra reverentiam, quæ sacramento debetur.

Si autem loquamur de rebus secundi generis, quæ videlicet non sunt materia necessaria hujus sacramenti, non est peccatum mortale negare factum : quia simile mendacium non est gravior injuriosum sacramento, quippe supra materiam non necessariam cadens minime excludit veram materiam, et formam, et dispositionem ad fructum : et quod confessarius decipiatur, non refert, cum sit in materia non necessaria : atque ideo nullum est caput, unde insurgat gravis malitia in eo mendacio. Quin contingens est, quod in negatione talis facti nulla, vel levis malitia interveniat ; quippe nec ullum mendacium : nam cum confessarius non habeat jus interrogandi, nisi de necessariis, et in hoc sensu interrogat, si sciscitatur circa aliquod factum, quod jam confessum fuit, potest penitens illud negare absque mendacio, nempe factum, quod debeat exponere in

ordine ad confessionem. Si autem pœnitens non interrogatus, sed sponte factum neget, plane mentitur : quia verba non admittunt alium sensum, et nulla rationabilis causa occurrit ita fingendi. Quare peccat venialiter, et gravius, quam si mentiretur extra sacramentum, sicut proxime diximus cum mentitur in confessione circa res extraneas non pertinentes ad materiam confessionis. Major difficultas est, ubi mendacium est affirmativum de peccato veniali, quod pœnitens non commisit, et plane si illud confiteretur tanquam unicam, et totale sacramenti materiam ; profecto peccaret mortaliter gravissimo peccato sacrilegii ; quia impediret valorem sacramenti, quod absque vera materia minime subsistit. Sed ubi illud veniale non dicitur, ut materia totalis, sed solum ut partialis, quia pœnitens illud cum aliis vere factis, et de quibus dolet, fingit, et adjungit : multorum sententia est tale mendacium semper esse mortale. Pro qua refert Suarez disp. 22, sect. 10, n. 6, D. Bonaventura, Richardum, Paludanum, Cajetanum, Martinum de Ledesma, et Armillam, quorum fundamentum est, quod supponere formæ sacramenti materiam falsam, sive totalem, sive partialem sit ex genere suo grave peccatum. Ut patet in eo, qui inter plures hostias consecrandas, et vere triticeas miscet aliquam hordeaceam. Sed nos jam supra disp. præced. n. 141, statuimus oppositum, et modo asserimus talem fictionem, sive mendacium in casu proposito non esse per se loquendo, hoc est, secluso scandalo, aut contemptu peccatum mortale. Pro qua resolutione ibi adduximus Sotum, Navarrum, Vasq. Canistrum, Lugum, Dicastillum, et alios, et modo addimus Sylvestrum, Angelum, et Petrum de Soto, quos refert, et sequitur Suarez ubi proxime n. 7, et probatur : nam in eo, quod pœnitens inter alia venialia, de quibus dolet, dicat aliquod veniale, de quo non dolet, non est peccatum mortale, ut cum communi fere omnium sententia statuimus disp. cit. n. 133; ergo pariter non peccat mortaliter in eo, quod inter peccata venialia, quæ fecit, confiteatur aliquod unum, quod non fecit. Consequentia videtur manifesta : quia pro materia proxima sacramenti, et valore illius non solum requiritur peccatum vere factum ; sed etiam peccatum, de quo pœni-

tens doleat : ergo, si per se loquendo non committitur grave peccatum in casu antecedentis ; pariter non committitur in casu consequentis. Ratio vero in utroque illa est, quod licet talis modus agendi sit ex genere sacrilegium, tamen cadit supra materiam attentis omnibus levem : quare non contrahit malitiam gravem. Ille namque vel doloris, vel veritatis defectus est in materia non necessaria, et minime excludit materiam sufficientem : quia eo non obstante, potuit pœnitens confiteri alia venialia, quin et mortalia, quæ vere fecit, et de quibus doleat. Rursus prædictus defectus non contradicit veritati formæ, sive absolutionis. cum dentur alia peccata, quibus applicatur. Denique licet confessarius patiatur aliquam deceptionem, illa tamen est in re levi, et pro sacramento non necessaria. Motivum autem oppositæ opinionis desumptum ab exemplo aliorum sacramentorum, et præsertim Eucharistiæ, jam diluimus disp. præced. n. 137, quin opus hic habeamus addendi.

257. Denique si sermo fiat de rebus ad tertium, et ultimum genus pertinentibus, nempe de peccatis mortalibus non confessis, quæ sunt materia necessaria hujus sacramenti ; nemo, quem viderimus, negat mendacium tam negativum, quam affirmativum circa hæc in confessione commissum esse peccatum mortale. Et primum liquet : nam cum quis negat se fecisse peccatum mortale, quod fecit (ubi non occurrit sufficiens causa illud non confitendi juxta dicta dubio præced. et si occurreret, jam redderet illam materiam non necessariam contra id, quod supponitur). Destrueret, et excluderet confessionis integritatem, ad quam jure divino tenemur. Secundum etiam constat : tum, quia pœnitens ita se gerens peccat, ut negari non potest ; sed materia peccati mortalis non confessi est gravis, ut ex ipsis vocibus liquet : ergo confiteri peccatum mortale illud fingendo est peccatum grave. Quod explicatur a contrario sensu : ideo namque confiteri inter alia venialia aliquod veniale non commissum, est peccatum leve, quia materia supra quam cadit illud mendacium, est levis, ut constat ex n. præced. ergo vice versa ubi in confessione fingitur peccatum grave, debet hujuscemodi culpa esse gravis. Tum etiam, quia eo mendacio decipitur confessarius notabiliter

Sotus,
Navarr.
Vasq.
Lugo,
Dicast.

notabiliter, in pertinente ad substantiam sacramentalis iudicii; in omni autem iudicio mendacium in substantiam causæ, ex quo decipitur iudex, est peccatum grave, utpote impediens in re notabili debitam iustitiam, ut constat etiam in foro externo, et docent communiter Juristæ. Tum denique nam ex opposito fieret tolli gravem obligationem, quam pœnitentes habent examinandi conscientiam ad confitendum certum, quantum fieri potest, numerum peccatorum mortaliū, quæ fecerunt: quippe possunt pro suo arbitrio illud augere absque culpa gravi: consequens autem non est admittendum, utpote excludens necessitatem obligationis examinis, quæ minime negari potest. Recolantur supra dicta locis citatis, et præsertim n. 141, ubi ostendimus non esse peccatum mortale, quod quis inter peccata venialia, de quibus dolet, confiteatur aliquod, de quo non doleat; esse autem mortale, quod quis inter mortalia, de quibus pœnitet, confiteatur aliquod, de quo non pœniteat: nam similis ratio probat non esse mortale inter venialia vere commissa recensere aliquod non commissum; sed esse mortale, quod inter mortalia vere facta, fingatur, et inseratur aliquod mortale non factum. Videantur Sylvester, verbo *Mendacium*, n. 3, Sotus lib. 5, de iustitia, quæst. 6, art. 1, et quæst. 10, ar. 2, Suarez ubi supra n. 11, et alii communiter. Qui tamen etiam communiter observant, hæc procedere per se loquendo, et juxta merita materiæ, seclusa scilicet ignorantia, et bona fide: his namque occurrentibus potest pœnitens in eo non peccare, et confessionem non facere invalidam. Qua ratione excusantur multi rustici, et simplices credentes non male facere in obijciendo sibi, aut contra se numerum peccatorum. Sed tamen oportet, quod a confessariis de veritate instruantur, et certa quantum fieri potest, dicant.

DUBIUM IX.

Utrum confessio facta ex fine venialiter malo sit invalida?

Difficultatem hanc non pro meritis verfabimus, sed delibabimus saltem, ne rem hoc loco examinari consuetam minus recte, prætermittere videamur. Illam *Salmant. Curs. Theolog. tom. XX.*

namque, ut res exposcebat, late discussimus, tract. 17, de fide dub. 2, per totum, et præcipue, § 5, ad quem locum lectorem ab isto remittimus, ne alibi dicta repetamus. Duo autem hæc observare oportet; ^{Observatio I.} primum omnes convenire in eo, quod si confessio fieret ex fine mortaliter peccaminoso fieret invalida; ut si quis confiteretur, ut notabilem quantitatem a confessario arriperet: nam eo ipso confessio esset peccatum mortale impediens remissionem peccatorum, idque pœnitens actu cognosceret: cum quibus minime cohæret confessionem esse validam. Et propterea titulus merito inquit de confessione « facta ex « fine venialiter malo. » Secundum est ^{Secunda.} omnes eadem concordia asserere, quod finis venialiter malus non præjudicat valori confessionis, quando consequenter se habet ad illam, in quo casu non tam comparatur ut finis, quam sicut objectum, et materiam circa quam, ut cum aliquis captat vanam gloriam, aut jactantiam: quia hic superveniens effectus non est causa confessionis, nec ullam ad eam derivat malitiam. Et ex opposito nullus daretur actus adeo bonus, qui non posset fieri malus: quippe nullus est, ad quem non posset alias subsequi aliqua inordinata satisfactio, vel vana gloria. Et eisdem fere motivis non impediri sacramenti valorem ex fine venialiter malo, si pure concomitanter se habeat ad confessionem: ut cum quis in eodem instanti, aut tempore, in quo facit confessionem ex fine honesto, sibi correspondente, habeat circa illam vanam gloriam, aut alium finem venialiter malum intendit. Nam sicut confessio non oritur ex fine consequente, ita nec ex fine pure concomitante, aut disparate se habente; nullius quippe est effectus, sed objectum, et subinde nulla est ratio, ut exuat suam honestatem, et conditiones, quos aliunde habet sufficientes pro valore sacramenti. Quare proposita difficultas locum tantum habet in sensu formali, quando videlicet pœnitens, ut confiteatur, movetur antecederet ab aliquo fine venialiter peccaminoso, quem intendit; ex cujus causalitate, et influxu, licet non exclusis aliis causis, oritur confessio tanquam effectus in genere causæ finalis: ut contingit, cum quis largitur eleemosynam, quod de se, et objective est opus misericordiæ, ut videatur ab

hominibus, et inanem inde aucupetur apud illos æstimationem. Idque satis exprimitur in titulo, proprietate illarum vocum « confessionis factæ ex fine venialiter malo. » In hoc igitur sensu

§ UNICUS.

Resolvitur difficultas duabus assertionibus, et refertur opinio contraria.

258. Dicendum est primo confessionem factam ex fine venialiter malo esse invalidam. Ita Abulensis in cap. 6 Matth. q. 3, et q. 55, Navarrus in cap. *Fratres de Pœnit.* dist. 5, num. 54, Sylvester, verbo *Confessio* 1, quæst. 7, Armilla eodem verbo num. 4, Angelus eodem verbo, 1, § 1, et § 4, Joannes a S. Thom. 1, 2, quæst. 18, disp. 16, art. 4, et alii. Idemque tueri debent plurimi sentientes actum fidei non posse ullo ex cap. esse moraliter malum, quos dedimus loco supra citato num. 16; occurrit enim idem motivum, ut ex dicendis constabit. Et aliis omissis est huiusmodi: confessio sacramentalis, sive quæ per modum partis constituit validum pœnitentiæ sacramentum, nequit esse ullo ex capite moraliter mala: ergo talis confessio nequit fieri ex fine moraliter malo: et si ex illo fieret, non esset sacramentalis nec valida ad sacramentum constituendum. Consequentia patet: quia ubi operatio fit ex fine moraliter malo, nequit non esse moraliter mala, sive participare a tali fine aliquam malitiam, ut inductive in omni operatione morali potest ostendi: unde inter circumstantias peccatorum ponitur finis operantis, et dicitur circumstantia *cur*, ut ex communi sententia explicuimus supra dub. 5, § 5: ergo operatio, cui repugnat esse moraliter mala nequit ex fine peccaminoso procedere; et e converso: atque ideo, si confessio sacramentalis nequit esse moraliter mala, non potest fieri ex fine moraliter malo; et ubi confessio ex tali fine fit, nequit esse sacramentalis, et sacramentum validum constituere. Antecedens autem suadetur: quia confessio sacramentalis, sive quæ per modum partis validum sacramentum constituit, non est mera et præcisa historica peccatorum recitatio, sed est vera de illis accusatio ex supernaturali dolore, ut cum

communi sententia statuimus disp. præc. dub. 4; eo autem ipso, quod hæc importet, nequit esse moraliter mala ex ullo capite: ergo, etc. Minor huius syllogismi ostenditur: nam eo ipso, quod talis sit, importat attritionem supernaturalem (quod enim naturalis est, nec ad validam confessionem, nec ad valorem sacramenti sufficere, constat ex dictis disp. præc. n. 19), sive tanquam formam physice extrinsecam, et moraliter intrinsecam, per quam in esse accusationis constituitur, sive tanquam speciale principium, ex quo ut sit accusatio oritur; sed implicat aliquam operationem supernaturalem esse ullo ex capite moraliter malam, ut late ex professo ostendimus tract. citat. de fide cum plurimis idem affirmantibus: ergo si confessio, ut sit sacramentalis, et validum sacramentum constituat, debet esse vera accusatio ex supernaturali dolore; fieri non potest, quod confessio sacramentalis vitietur moraliter ex ullo capite.

Mirum est, ad quanta subterfugia recurrant, ut vires elidant huius motivi: et non minus quam quinque, aut sex ex Lugo, Arriaga; et aliis affert Emmanuel a Concept. disp. 3, quæst. 1, in nulla tamen pedem secure figens. In eis autem præcludendis non immoramur, quia id latissime fecimus loco sæpius citato. Cui autem ipse magis fidit, illud est; eo argumento probari confessionem, ut procedentem ab attritione, sive ut habentem illam adjunctam non posse provenire ex fine venialiter malo, nec ullam malitiam contrahere; secus vero si consideretur secundum totam suam entitatem extrinsecam subordinatam intentioni pœnitentis, qui potest simul cum fine proprio, et per se alium venialiter malum intendere. Sed hoc facile etiam confutatur: quia non negamus confessionem, quando est mera peccatorum recitatio, posse ordinari ad talem finem, et per illum deturpari: sed hoc modo non est confessio sacramentalis, nec confert ad sacramenti valorem; et sic contingit, ubi confessio, et sacramentum sunt nulla ob defectum vere, et supernaturalis attritionis. Sed quæstio præsens est de confessione valida, et vere sacramentali, quæ eo ipso importat conceptum accusationis veræ ex supernaturali attritione. Et in hac suppositione dicimus impossibile esse, quod oria-

Subterfugium et ejus impugnatio.

tur

tur ex alio fine pravo; et e converso, quod si procedit ex tali fine, non procedit ex attritione. Idque amplius explicari potest exemplo actus virtutis moralis: nam quia hic oritur ex dictamine, et directione prudentiæ, quæ attendit ad omnia, quæ occurrunt in eliciendo actum, impossibile est actum virtutum moralium esse moraliter malum, et hoc ipso, quod aliquo ex fine operantis, aut occurrente circumstantia aliquam importaret malitiam, minime imperaretur, aut dirigeretur per prudentiam; quin potius convinceretur non esse actum virtutis moralis, ut ostendimus tract. 11, disp. 6, num. 5 et 28; ex qua etiam radice provenit eundem actum non posse simul habere bonitatem, et malitiam moralem: nam ubi aliquam malitiam habet, jam non est a prudentia, quæ omnia prospicit, ut aliquid dicet, et ab ea omnis bonitas moralis descendit. Altius autem præ prudentia principium est attritio supernaturalis, sive gratia excitans, et attritionem, et ejus effectus inducens; cum talis gratia sit quædam impressio, et participatio scientiæ, et providentiæ divinæ, atque ideo superat omnem directionem prudentiæ naturalis. Quare, si repugnat, quod in actu directo per talem prudentiam reperiatur ulla malitia moralis, ut eo loco ostensum est; magis repugnabit reperiri in confessione, quam attritio supernaturalis, et gratia ejus principium dirigit. Repugnat itaque confessionem factam ex fine venialiter malo esse sacramentalem, seu validam.

259. Sed licet hæc per se loquendo se habeant, animadvertere tamen oportet, quod jam præmonuimus loco cit. de fide n. 46, videlicet, quod licet omnes confessiones factæ ex fine venialiter malo sint infructuosæ, et invalidæ, ut hactenus ostendimus; non propterea in universum affirmamus, vel omnes eas confessiones esse formaliter sacrilegas, vel omnes eo pravo affectu confitentes peccare mortaliter. Unde distinguere oportet: fieri namque valet, quod aliqui ex ita confitentibus laborent ignorantia invincibili putantes valide, et fructuose confiteri, quamvis eo fine, et affectu ducantur. Qui proinde licet ob defectum legitimæ confessionis, nec fructum sacramenti acquirant, nec validum efficiant sacramentum, tamen ob ignorantiam excusantur a peccato sacrilegii. Sicut

etiam proportionabiliter contingit in accedentibus ad hoc sacramentum cum solo dolore naturali, quem invincibiliter existimant, vel sufficere, vel esse supernaturalem: sic enim procedentes non peccant, quamvis nec gratiam consequantur, nec validum sacramentum efficiant. Aliter omnino censendum est de sapientibus, qui hæc omnia comprehendunt, et motiva a nobis proposita perpendere possunt, et debent: quæ si faciant, facile recognoscent sententiam nobis oppositam, quæ docet confessionem ex fine venialiter malo esse materiam hujus sacramenti, sufficereque pro ejus valore, et fructu, non esse certam, sed ad summum probabilem; reclamante nostra, quæ id negat cum magna probabilitate, et consulit materiam certo certam.

260. Contrariam nihilominus nostræ assertioni sententiam tuentur Sotus, Sanchez, Vasquez, Lugo, Dicastillo, et alii, quod refert N. Franciscus cap. 9, punct. 2, num. 6, et idem ipse palam sustentare eo loco videtur: sed numero immediate sequenti ab ea recedit approbans doctrinam Joannis a sancto Thoma, aliud non dantis, quam quod nos a dubii limine prælibavimus. Idem etiam tuentur communiter Juniores, et videri potest in Leandro disp. 4, qu. 9, Emmanuele a Conceptione disp. 3, qu. 1, Delgadillo cap. 17, num. 81, et aliis. Motiva vero hujus opinionis convulsa reliquimus loco cit. de fide, et præsertim toto § 5. Unde pauca subjiciemus, sed quæ magis propria præsentis difficultatis videntur. Primum nimis durum apparet, quod omnes confessiones factas ex fine præcise

venialiter malo condemnemus tanquam infructuosas, invalidas quin et per se loquendo sacrilegas: incredibile namque apparet, quod tot, et tam gravia mala confessioni, et confitenti ex tam levi defectu proveniant. Secundum, quia licet sacramentum poenitentiae suscipiatur peccando venialiter in confessione; hoc tamen non impedit, quod prædictum sacramentum suscipiatur ex fine proprio ipsius sacramenti, nempe veniæ, et remissionis peccatorum, et quod simul adsit dolor supernaturalis sufficiens ad prædictum effectum: quibus concurrentibus, non est cur dicatur talis confessio infructuosa, et invalida. Tertium, quoniam aliæ plures sunt actiones non solum sacramentales, sed etiam

Sotus.
Sanch.
Vasq.
Lugo.
Dicast.

Leand.
Emman.
Delgad.

Motivum
1.

Secundu
du n.

Tertium.

supernaturales, quæ possunt contrahere malitiam moralem ex diversis capitibus, quin impediatur eorum valor, et fructus, ut patet in absolutione, et consecratione : peccat enim minister, si has indebite exerceat, quod multipliciter contingere valet ; et tamen ipsæ validæ sunt, et fructuosæ : ergo pariter non repugnat conjungi in confessione rationem actionis sacramentalis, supernaturalis, fructuosæ, et validæ cum aliqua malitia morali levi, sicuti est fieri confessionem ex fine venialiter malo. Hæc sunt graviora, et difficiliora pro hac sententia.

Diluitur
1 molivum.

Sed arduum non est illis satisfacere. Ad primum, respondetur durum non debere dici nostram sententiam, quæ animos avocat a finibus caducis, et peccaminosis, ut inducat ad æternos, et sanctos. Nec iterum potest asperum dici, quod fundatur in Christi Domini institutione, qui voluit penitentem satisfacere suæ obligationi non per solam suorum peccatorum recitationem, sed per veram eorum accusationem ex supernaturali aliquo motivo : cum quo minime cohæret talem accusationem fieri ex fine vel venialiter pravo, ut supra ostendimus. Et plane non magis durum, aut asperum est, quod confessio facta ex fine venialiter malo, et consequenter venialiter mala sit infructuosa, et invalida, quam quod confessio moraliter bona, facta non ex supernaturali motivo, sed adæquate ex motivo naturali, quod invincibili ignorantia supernaturale putatur, sit etiam infructuosa, atque invalida, et tamen hoc posterius omnes isti semper docent, præsertim post condemnationem illius propositionis 57, inter reprobata a S. Innocentio XI : « Probabile est sufficere » (nempe

Propositio damnata.

ad sacramentum pœnitentiæ) « attritio » nem naturalem modo honestam, » ut docuerant Bonacina, et alii illo antiquiores. Sicut ergo non debet tanquam durum, aut incredibile censerī, quod dicamus confessionem factam bona fide cum attritione, sive accusatione naturali, quam invincibiliter putat, vel supernaturalem esse, vel hanc non requiri, esse invalidam, et infructuosam : multo minus reputari durum debet, quod idem dicamus de confessione moraliter mala utpote proveniente ex fine turpi, aut peccaminoso. Qui autem ista solida appellat dura, alia laxiora, et minus

secura, et plerumque futilia approbans, audiat Divum Augustinum in lib. de Catechizandis rudibus, cap. 5, ubi in simili materia monet catechizantes, ut sedulo curent, quod suscepturi fidem non ad id moveantur ex aliquo fine, aut motivo temporali, et impediatur in eis piæ voluntatis affectus, qui pro suscipiendo fidem desideratur. « Rarissime quippe accidit, » inquit S. Doctor, « imo vero nunquam, ut « quisquam veniat volens fieri Christianus, » D. Augusti.
« nus, qui non sit aliquo Dei timore percussus. Si enim aliquod commodum « expectando ab hominibus, quibus se aliter placitum non putat ; aut aliquod « ab hominibus incommodum dubitando, « quorum offensionem, aut inimicitias « reformidat, vult fieri Christianus : non « fieri vult potius quam fingere : fides « enim non res est salvandi corporis, sed « credentis animi. » In quibus verbis satis aperte significavit, quod si fides fiat ex aliquo affectu inordinato (et ipsa quidem ab affectu voluntatis dependet) non est vera fides Christiana, licet appareat : quoniam vera debet ex Dei motione, et proinde orto voluntatis affectu, cum quo non cohæret esse ex alio capite turpem propter originem ab inordinata alias affectione. Quæ sententia severior apparet quam nostra, sed est verissima, et militat etiam in nostro casu : nam ut confessio sit sacramentalis debet esse accusatio supernaturalis, sive procedere ex supernaturali attritione, atque ideo ex gratia excitante pro hac requisita : cum quo non cohæret esse ab alia radice malam.

261. Ex quibus patet ad secundum : nam eo ipso, quod confessio habeat aliquam malitiam ex fine venialiter malo, non adest ibi supernaturalis attritio, ex qua talis confessio procedat : unde falsum est, quod eo defectu non obstante adsint ibi omnia requisita ad valorem, et effectum sacramenti : oppositum enim constat ex dictis. Sicut in doctrina D. Augustini immediate relata, quamvis detur exterior prædicatio nostræ fidei, et succedat ad illam assensus ; si tamen hic procedat ex aliquo affectu inordinato, convincitur illam fidem non esse vere christianam, sed apparere : quia hæc debet ex supernaturali voluntatis affectu, et gratia Dei excitante pro eo requisita ; quæ nulla ratione valet influere

Ad secundum.

influere in operationem ex ullo capite malam, quæ ratio militat in nostro casu, ubi jam expendimus, et facile consideranti constabit.

Ad 3
resp.

Tertium motivum tangit rem prolixam, nempe omnes actiones sacramentales, et supernaturales an scilicet vitiari ex ullo capite valeant; cui difficultati superandæ prolixam etiam dedimus operam loco sæpius citato de fide. Nunc satis sit vel in uno exemplo sistere consecrationis, quod ipsum argumentum opponit: nam in consecrando potest sacerdos peccare, quin impediatur consecrationem esse supernaturalem, et validam, quod enim circa id dixerimus, trahet facile lector ad alias sacramentales operationes. Et in primis advertat argumentum excessive probare: nam fieri potest, quod sacerdos in consecrando, sive in exequendo sacramentalem consecrationem peccet mortaliter, idque evidenter cognoscat; et nihilominus consecratio sit supernaturalis, et valida: ergo si sequamur similitudinem, vel rem illa evincat; fieri poterit, quod pœnitens in confitendo, sive in faciendo sacramentalem confessionem scire se peccare mortaliter, et ita peccat; quin valor confessionis impediatur. Id tamen nemo sanæ mentis admittet: nam ubi quis scienter actu mortaliter peccat, vere se non accusat, nec propositum ullum concipit emendationis. Deinde observandum est in consecratione (idem intelligitur de absolutione, de baptizatio-
ne, etc.) licet una voce simplici exprimitur, plura concurrunt, et possunt significari. Primum conversio passiva panis in corpus Christi: et hæc quidem supernaturalis est, sed non est ullo in casu formaliter mala, sed ad summum objective ad hunc sensum, quod sacerdos indebite circa illam materiam se exercet. Secundum conversio activa, sive actio quæ talem materiam immediate attingit: et hæc etiam est supernaturalis, sed nunquam est moraliter mala: tum, quia est immediate a Deo agente principali, ad quam sacerdos se applicat: tum, quia hæc actio proprie loquendo non oritur immediate a sacerdote, sed a verbis ab eo prolatis: hæc enim sunt quæ a Deo elewantur, et effectum consecrationis passivæ, sive transubstantiationis immediate attingunt. Tertium denique actio prævia sacerdotis, quæ complec-

titur, et prolationem externam verborum, et intentionem internam sacerdotis, ut ea prolatio sit actus humanus: et huiusmodi actio prævia ista complectens est aliquando mala moraliter; sed nunquam supernaturalis est, quin nec instrumentalis, nec proprie sacramentalis: quia et pro formando illam intentionem, et ad proferendum illa verba, solæ, et per se vires naturæ sufficiunt. His itaque ita distinctis constat actiones in consecratione, et similibus intervenientes, si supernaturales, et proprie sacramentales sint, nunquam esse moraliter malas: illas vero, quæ peccaminosæ sunt, non esse supernaturales, nec proprie sacramentales, sed pure naturales, et prævias, in quo sensu permittendo, aut distinguendo antecedens respondetur, negando absolute consequentiam, quæ prout jacet non admittit eam distinctionem, sed est simpliciter mala, et minime ex antecedenti deducitur. Melius colligeretur posse confessionem esse moraliter malam. Sed tunc distinguendum foret consequens; et si sermo esset de confessione prout est mera, et exterior prolatio verborum, atque historica peccatorum recitatio; concederetur consequentia: sed negando omnino est, ubi sermo sit de confessione, ut est supernaturalis, et sacramentalis de peccatis accusatio, de qua agimus in præsentī. Et doctrina, atque intelligentia distinctionis constat ex dictis.

DUBIUM X.

An, et quale conscientiæ circa peccata examen debeat confessioni præmitti.

Istud dubium proponimus non quia urgentem aliquam difficultatem afferat, sed quia ad completam de confessione considerationem spectat. Examinis autem conscientiæ vocabulo non aliud significatur, quam studiosa animi recogitatio, qua in memoriam revocat peccata commissa, ut ea possint in confessione recenseri.

§ UNICUS.

Communis doctrina proponitur, et declaratur.

262. Pœnitentem obligari ad diligens conscientiæ examen pro sacramentali pec-

Concil.
Trid.

catorum confessione docet semel, et iterum Concilium Tridentinum sess. 14, cap. 5, ubi in primis ait : « Ex his colligitur oportere a pœnitentibus omnia peccata, quorum post diligentem sui discussionem, conscientiam habent, in confessione recenseri. » Et postea subjungit : « Constat enim nihil aliud in Ecclesia a pœnitentibus exigi, quam ut postquam quisque diligentius se excusserit, et conscientiam suam sinu omnes exploraverit, ea peccata confiteatur, quibus se Dominum, et Deum suum mortaliter offendisse meminerit. » Ac denum Can. 5 ejusdem sess. diffinit : « Si quis dixerit eam contritionem » (ut est pars sacramenti pœnitentiæ) « quæ paratur per discussionem, collectionem, ac detestationem peccatorum, qua quis recogitat annos suos in amaritudine animæ suæ, ponderando peccatorum suorum gravitatem, multitudinem, feditatem » (quæ omnia sunt propriissima examinis conscientiam materia) « amissionem æternæ beatitudinis, et æternæ damnationis incursum cum proposito melioris vitæ, non esse verum, et utilem dolorem, etc. anathema sit. » In quibus verbis, quamvis incidenter, asseritur convenientia, et necessitas examinis conscientiam pro confessione sacramentali ad condemnandum hæresim Lutheranorum omnia ista negantium. Ratio autem hujus veritatis inseritur, et insinuat : nam qui obligatur ad aliquem finem, obligatur etiam ad media necessaria pro eo consequendo, quæ sunt in ejus potestate ; sed homo tenetur jure divino ad confitendum omnia peccata mortalia, quæ post baptismum commisit : pro quo fine consequendo medium necessarium, et in hominis potestate positum est, recogitare hæc peccata, reducendo illa ad suas species, numerum, et circumstantias, specie differentes, ut constat ex dictis per totam præsentem dispensationem. ergo pœnitens tenetur examen conscientiam ad faciendum confessionem præmittere. Et in hoc conveniunt omnes Auctores.

Observat.
val. I.

Qui eadem etiam concordia observant aliqua, quæ possunt dici præcedentis doctrinæ limitationes, aut explicationes. Primum hoc examen necessarium esse, ubi materia in confessione exponenda est necessaria, ut contingit in peccatis mortalibus non hactenus confessis ; secus autem

quando talis materia est præcise sufficiens, et voluntaria, ut sunt omnia venialia, et mortalia alias jam confessæ. Nam cum pœnitens ex hac posteriori materia possit pro libito exhibere, aut non exhibere quam voluerit ; nulli periculo exponitur confitendo absque illo examine, quippe qui non peccat, quamvis aliqua ex illis peccatis omittat. Cujus oppositum contingit in materia necessaria : nam ibi explicanda sunt peccata in specie, et numero ; quod absque periculo in his errandi examine omisso non fit. Unde omittere in his examen, esset ex genere suo peccatum grave, ut discursus factus evincit. Secundum est, per quod immediate dicta magis explicantur, rudes, agrestes, et ignaros homines posse ad confessionem admitti absque prævio examine sufficienti. Oppositum docuit Lopez, Medinam pro se referens l part. instruct. cap. 18, ductus præmisso motivo. Sed communis jam sententia, quam refert, et sequitur Leander disp. 7, q. 61, sic affirmat, et merito : quoniam tales personæ nimis rudes, et ignaræ, quamvis multoties remittantur, ut se perfectius discutiant, nihil magis proficiunt, et cum eisdem ignorantibus, et oblivionibus regrediuntur ad confessionem : et tamen non sunt privandæ beneficio absolutionis. Nec propterea accedunt sine aliquo examine conscientiam : recogitant enim se peccasse, et recordantur se multa habere peccata, quamvis nesciant se illa per species, et numero recensere, et ad classes revocare. Accedunt itaque cum aliquo examine, licet imperfecto, et insufficienti : quod tamen fiet sufficiens diligentia, et interrogationibus prudentis confessorii adjuvantis, ut numerus, et species peccatorum declarentur. Et hoc est rusticis facilius, et utilius, quam per se facere illam discussionem, quam profecto nunquam facerent exactam. Hinc derivari satis communem praxim, ut non obstante doctrina Concilii supra relata, raro, aut nunquam videamus, vel unum rusticum remitti, ut iterum faciat suorum peccatorum examen.

263. Relictis vero his, quæ sunt per accidens, et accedendo ad secundam dubii partem, non possumus certa, et uniformi regula diffinire quanta debeat esse conscientiam examinatio, ut huic obligationi satis fiat : sed id prudentis arbitrio relinquendum est, attentis diversarum personarum

narum circumstantiis, et conditionibus. Unde qui frequenter confitetur, non tenetur in qualibet vice tantam curam adhibere, quantum qui raro: nam illi facilius occurrunt peccata facta ab ultima confessione: nec ad tantam discussionem obligatur simplex, et idiota, qui nescit perscrutari sinus conscientiae, sicut tenetur vix doctus in his pervestigandis per varias species: nec denique, qui vitam agit pacificam, et a contractibus, et negotiis remotam, sicut qui horum magnis curis, et scrupulis implicatur. Sunt itaque ista regulanda per respectum ad varias istiusmodi condiciones, juxta prudentis arbitrium, ut bene observant Navarrus in cap. *Fratres* de Pœnit. dist. 5, n. 71, Suarez disp. 22, sect. 10, n. 3, N. Franciscus cap. 6, punct. 2, n. 4, et alii communiter. Sed quævis hæc inæqualitas in diversis personis juxta illarum qualitatem admittitur; in omnibus tamen per se loquendo requiritur, quod hujusmodi examen non fiat perfunctorie, et superficialiter, sed sedulo, et diligenti attentione: hanc enim significant verba Concilii. « Post diligentem sui discussionem. » et rursus. « Ut postquam quisque diligenter se excusserit, » et denique, « quæ quis recogitat annos suos in amaritudine animæ ponderando peccatorum suorum gravitatem, multitudinem, fœditatem, etc. » Unde in omittendo hanc debitam diligentiam potest adesse major, aut minor culpa juxta modum negligentiae, quin et peccatum mortale, ut magis constabit ex dicendis a num. 264.

Quanta vero debeat esse illa diligentia, varie ab aliquibus explicatur, et non significatur debere esse satis magna: id enim importat modus, quo eam exposcunt, atque declarant. Paludanus dixit pœnitentem debere facere omnem, quam potest diligentiam. Gabriel debere confiteri omnia, quorum recordari potest. Major præmittere talem diligentiam, qualem, qui de multo, et longo tempore impensa pecunia ratione domino vigili, et avaro fore redditurus. Scotus illam adhibendam esse, quam adhiberet homo in re ardua, quæ maxime cordi esset. Sic rem exaggerant, sed certam in gradu diligentiam non determinant, nec id facile foret. Communis tamen sententia jam obtinuit, ut non exigatur diligentia summa, sufficiat mediocris, et gravis, qua-

lem prudentes in aliis negotiis gravibus adhibere solent, ut cum Vasquez, Henriquez. Granados, Lugo, Reginaldo, Navarro, Fillucio, Bonacina, et aliis docent Leander disp. 7, quæst. 73, et N. Franciscus cap. 6, punct. 2, et communis eorum ratio est satis clara, quod homo procedere debet, sicut in aliis negotiis gravibus: nec enim de pietate Dei præsumendum est, quod præceperit ultra illum modum, vel quod ad aliquid obligaverit, ex quo homines ad insaniam, vel desperationem provocarentur, ut aliquando accidisse oppositum imaginanti, et circa examen conscientiae prolixissime laboranti, et in eas angustias redactus fuit, ut se pugione lethaliter percussisset, testatur Lugo disp. 16, num. 590; sufficit itaque pro examine conscientiae præmittere gravem, et prudentem diligentiam, licet non sit omnium major, aut alias fieri summo studio possibilis, sic enim nullus terminus scrupulis, et anxietatibus præfigeretur, sed semper relinqueretur plus ultra nulla industria superandum. Nec amplius significant, vel exigunt verba Concilii; quin occurrens falsis criminationibus calumniantium summam difficultatem sacramenti pœnitentiæ, qualem Catholici asserimus, inquit: « Sed est impium confessionem, quæ hac ratione fieri præcipitur, impossibilem dicere, aut carnificinam illam conscientiarum appellare. » Nihil enim circa confessionem Deus, aut Ecclesia præcipit, quæ istiusmodi fit, vel homines obliget ad physica, vel moraliter impossibilia, aut supra modum ordinarium gratiæ, et naturæ, Unde non pauci observant posse pœnitentem in discutiendo nimis conscientiam peccare per excessum, quippe cum ex eo possit in amentiam incidere, et in alia incommoda, ut liquet in casu relato a Lugone.

264. Hinc colligitur primo illum, qui mediocrem, et prudentem diligentiam præstitit in examinatione conscientiae pro investigandis mortalibus, non obligari ad amplius inquirendum, licet probabiliter conjiciat se aliquid aliud reperturum ejusdem rationis, si se iterum applicet prolixissimæ inquisitioni. Ita cum aliis Bonacina disp. 5, quæst. 5, punct. 7. Et ratio est: quia per illam mediocrem, et prudentem diligentiam obligationi suæ jam satisfecit. Colligitur secundo pœnitentem non

Navarr.
Suarez.
Franc.

Vasq.
Henriq.
Granad.
Lugo.
Regin.
Navarr.
Filluc.
Bonac.
Franc.

teneri ad scribendum peccata, quamvis lubrica sit memoria, et timeat circa aliqua oblivionem : quia ista est diligentia extraordinaria, aliquibus periculis exposita, ad quam Deus, vel Ecclesia non obligat. Ita Vasquez, Suarez, Henriquez, Coninchus, Reginaldus, Filliucius, Zerola, et alii, quibus relatis subscribit N. Franciscus loco cit. num. 6. Nec tenetur statim de peccatis confiteri, qui timent, quod excident e memoria, ut præter relatos docent Bonacina ubi supra num. 4. Colligitur tertio pœnitentem, si adhibito sufficienti, quod diximus examine, non recordatur peccati mortalis in specie, sed solum in genere, ut quod admiserit pravam aliquam cogitationem, non teneri nisi ad id ipsum in genere confitendum : nec enim amplius exposcit integritas confessionis, ut constat ex dictis dub. 7. Colligitur quarto confesorem non obligari ad examinandum pœnitentem, sive inquirendum de peccatis exquisito, et exactissimo examine. Et ratio sumitur ex immediate dictis : nam si pœnitens ipse non tenetur ad exquisitam adeo sui discussionem, sed suæ obligationi facit satis adhibendo mediocrem, et prudentialem, qualem exigit sacramentum, ne sit nimis onerosum : multo minus tenebitur confessarius ad procedendum cum diligentis tam exquisitis, et prolixis, ne nimis grave reddat sacramentum pœnitentiæ, et pœnitentes torqueat, et ab ejus frequentia abducat. Oportet igitur, quod in hac inquisitione suavi, et humano modo procedat. Et ita recte observant Lugo disp. 16, num. 590, et Leander disp. 7, quæst. 65. Qui ulterius, sed ab eadem radice observant hanc confessarii in suis interrogationibus moderationem, ac temperantiam regulari oportere per respectum ad varios pœnitentes, ut de eisdem pœnitentibus insinuavimus num. 761 ; quare levius examinandus est rusticus, quam homo civilis. Quid namque prodesset investigare, aut sperare subtiliora, quæ non intelligit, nec intelliget, nisi exactissime, et diuturna mora instruatur. Ab infirmo etiam graviter ægrotante pauciora, et grossiora inquirenda sunt : quia plurima, et subtilia ob infirmitatem sustinere non valet, sed eis obruitur, et confunditur. Hac itaque prudenti moderatione, et cum diligenti absolute discussione procedere debent in

hac materia tam pœnitentes, quam confessarii. Et quia omnia, quæ attigimus, summa claritate, brevitate et resolutione complexus fuit Cano in tract. de pœnit. ^{Cano.} part. 5, § *Tertia propositio*, fol. 32, impressionis Complut. ann. 1563, visis, atque expensis antiquiorum doctrinis, sequentia ex eo damus lectori.

265. Qui abhibet humanam, vel mediocrem diligentiam, qualem videlicet præstare solent viri mediocriter timentes Deum, quisquis juxta conditionem gradus, et ordinis sui, vere implet legem de confessione integra facienda. Verbi gratia, si ego adhibui aliquam diligentiam, et per parvam ultiozem probabiliter existimo aliqua mortalia fore in memoriam revocanda, teneor ulterius inquirere. Quod si putem nullum aliud peccatum venturum in mentem, nisi forsitan ingenti quadam discussione, et magni temporis inquisitione, non oportet esse sollicitum : satis namque est illa mediocris, et humana diligentia. Si quis autem adhibuit diligentiam, et curam in examinanda conscientia, quam credit esse sufficientem, etiam si fallatur, excusari talis negligentia a peccato mortali, et potest, et debet. Non in omnibus id quidem, sed in hominibus piis, qui timent Deum, et habent mediocrem curam animæ suæ. Ceterum impios, quos videlicet nulla animæ suæ cura tangit, ego nulla ratione a peccato mortali excusarem, etiamsi existiment se diligentiam idoneam adhibuisse, cum videlicet omittunt, vel ignorantes aliqua peccata, ex insufficienti discussione. Nam cum hujusmodi hominibus minima diligentia esse videatur maxima, neque sint soliti adhibere mediocrem, timere sibi necessario debent. Quod si non timent, nullam excusationem habent peccati sui. Contra viri sobriæ, et timoratae conscientia cum adhibere diligentiam, et curam soleant, si quando ex ignorantia, et inconsideratione prætermittant : jure optimo, e mortali culpa saltem excusantur. Quod si objicias eam diligentiam mediocrem non sufficere, ex eo quod Augustinus ait de vera pœnit. cap. 15 : « Ponat se omnino pœnitens in

« judicio sacerdotis, nihil sibi reservans
« sui, paratus facere pro reparanda ani-
« mæ vita, quæcumque faceret pro vitanda
« corporis morte. » Nam Doctores asserunt
eam

Vasq.
Suarez,
Henriq.
Coninch.
Zerola.

tertio.

Quarto.

Lugo,
Leand.

Object.
et ejus
solutio.

eam diligentiam facturos, quam facerent in inquirenda pretiosa margarita. Probatissimum id est. Quis neget? At quoniam infirmis oportet etiam consulere, non præscribimus, quid faciant optimi; sed quod ad salutem necessario facere debeant, vel imbecilles. Paulo antea similem doctrinam statuens dixerat, § *Vix animadverti*: Hanc conclusionem vel ex eo solo argumento amplecti deberemus, ne Christi jugum suave, adeo importabile hominibus redderetur, ne Germani merito possint objicere (quod quidam illorum impudenter) Doctores Scholasticos homines nimium argutos confessionem hodie talem reddidisse, ut juxta illorum ætheroxim impossibile sit confiteri. Simili doctrina rem hanc absolvunt Victoria, Navarrus, Valentia, et Coninchus, apud Tyrsum disp. 42, n. 6, et putamus esse communem sententiam.

DUBIUM XI.

An possit dari confessio informis, et valida, et in quibus casibus.

Ut ad propositam difficultatem, quæ principalis censetur in hac materia, congrue accederemus, gradum fecimus per multa dubia in hac, et præcedenti disp. decisa, in quibus exposuimus requisita pro valore, et fructu confessionis sacramentalis, ac proinde totius sacramenti pœnitentiæ: pari namque passu tam in valore, quam in fructu currunt sacramentum, et confessio. Porro tunc dicuntur valida, quando habent omnia, quæ ad essentialem sui constitutionem desiderantur: sunt vero fructuosa, cum proprium effectum; nempe gratiam justificationis, sive remissivam peccatorum inducunt. Sunt autem hæc in communi loquendo separabilia ex genere suo, ut liquet in aliis causis, quæ cum habeant omnia ad suam essentialem constitutionem requisita, quin et sint ex vi hujus in actu primo proximo ad influendum; nihilominus ob occurrens aliquod impedimentum in actu secundo non causant. Et magis, ut ad rem proximiorum accedamus, constat in baptismo adutorum, qui posita ablutione, et forma ex parte ministri cum debita hujus, et suscipientis intentione, tenet, et validus est;

sed si suscipiens non habeat supernaturalem dolorem de peccatis, qualis in adultis pro infusione gratiæ illa excludentis desideratur, hujusmodi effectum non inducit. Unde propter concursum omnium, ex quibus constituitur ejus essentia, est sacramentum validum, quin opus sit alium unquam baptismum repetere; sed quia actu non causat gratiam ob defectum dispositionis ad illam, est, et appellatur informis, quia relinquit baptizatum in statu peccati, sive non informatum gratia sanctificante, quæ est forma justificans. In hoc itaque sensu inquirimus, an possit idem contingere in confessione, et sacramento pœnitentiæ, quod videlicet habeant omnia essentialia, teneantque, et valida sint, et nihilominus ob aliquem defectum, sive impedimentum non habeant effectum, sed hominem peccatorem relinquant in sua illa, quam habeat infirmitate, sive statu peccati. Et quamvis non pauca ad præsentem difficultatem expectantia dixerimus, tract. 22, disp. 4, dub. 6, disputantes in genere, utrum sacramenta nostra cum fictione suscepta, ea recedente causent gratiam; et aliquid ibi n. 193 specialiter de sacramento pœnitentiæ; tamen in omnibus illis supponebatur sacramenta nostra posse cum fictione suscipi, esseque subinde valida, et informia: quod tamen non ita facile intelligitur, et a multis negatur in isto quod versamus, pœnitentiæ. Quare opus habemus dubium propositum superare.

§ I.

Statuitur prima conclusio.

266. Dicendum est primo, posse dari confessionem informem, et validam. Sic Possibilitas Sacram. quæst. 3, art. 4, quæstiunc. 1. Ubi inquit: « Utrum confessio possit esse informis? » Et respondet: « Dicendum, quod confessio est actus virtutis, et pars sacramenti. Secundum autem, quod est actus virtutis, est actus meritorius proprie: et sic confessio non valet sine charitate, quæ est principium merendi. Sed secundum, quod est pars sacramenti, sic ordinatur confitentem ad sacerdotem, qui habet claves Ecclesiæ, qui per confessionem

Probatur
authoritate
D. Thomæ.

« conscientiam confitentis agnoscit. Et
 « secundum hoc confessio etiam potest esse
 « in eo, qui non est contritus : quia potest
 « peccata sua sacerdoti innotescere, et cla-
 « vibus Ecclesiæ se subicere. Et quamvis
 « tunc non percipiat absolutionis fructum;
 « tamen, recedente absolutione, percipere in-
 « cipiet : sicut etiam est, in aliis sacra-
 « mentis. Unde non tenetur reiterare con-
 « fessionem, qui fictus accedit ; sed tenetur
 « postea suam fictionem confiteri. » Hæc
 Sanctus Doct. quibus expressiora dicere
 non potuit ad significandum, quod con-
 fessio informis, sive non habens adjunctum
 effectum gratiæ, valeat esse simpli-
 citer valida, ita ut pœnitens non teneatur
 reiterare confessionem, et in ea contingat,
 quod in aliis sacramentis, utputa in Bap-
 tismo, Confirmatione, et Ordine, quæ cer-
 tum est esse valida, licet informia sint, et
 gratiam non producant, permanente in
 susceptoribus statu peccati. Unde S. Doc-
 tori summa concordia subscribunt disci-
 puli antiqui, et moderni. Petrus de Soto
 lect. 8, de confessione, Paludanus ead.
 dist. quæst. 8, Capreolus quæst. 2, art. 3,
 Cajetanus in summa, verbo *Confessio*,
 condit. 10, et tom. 1 opuse. tract. 5, quæst.
 5. Sylvester, verbo *Confessio*, quæst. 22,
 Joann. a Cruce, Joann. a n. 26, Victoria de confessione, n. 160,
 S. Th. Candid. Sotus in 4, dist. 18, quæst. 3, art. 2, con-
 clus. 3, § *Sed et his*, Cano de pœnit. part.
 5, fol. Complut. 41, Martinus de Ledesma
 2, part. quæstion. quæst. 8, art. 1, dub. 2,
 propos. 5, Petrus de Ledesma tract. 5, de
 pœnit. cap. 16, concl. 1, Nugnus in sup-
 plement. quæst. 9, art. 1, dub. 1, Joannes
 a Cruce quæst. 3, de Confessione, dub. 9,
 concl. 2, Joannes a S. Th. quæst. 84, disp.
 33, art. 6, Candidus disquisit. 24, art. 17,
 § 4, Prado quæst. 3, de contritione, dub.
 3, § 2, Gonet disp. 10, art. 1, § 2, N. Fran-
 ciscus cap. 5, dub. unico, n. 9, N. Gabriel
 disp. 6, quæst. 1, N. Philippus disp. 12,
 dub. 1, et alii. Idem etiam ex extraneis
 docent Durandus in 4, dist. 17, quæst. 13,
 Richardus ibi art. 2, quæst. 8, ad 5, Co-
 varruvias in cap. *Alma mater*, 1, part. § 4,
 n. 13, Navarrus in Manuali cap. 9, n. 13,
 Emmanuel Rodriguez in summa, cap. 17
 et 18, Angles de confessione, art. 7, diffi-
 cult. 4, concl. 3, Henriquez de pœnitentia,
 lib. 5, cap. 11, § 1, Toletus lib. 3 summæ
 cap. 10, Suarez disp. 20, sect. 5, Valentia

quæst. 11, punct. 2, Filliucius tract. 7,
 cap. 5, Reginaldus lib. 6, sect. 6, Granados
 respons. 3, de pœnit. sect. 3, Gaspar Hur-
 tado disp. 6, difficult. 8, Lugo disp. 14,
 sect. 6, Dicastillo disp. 6, dub. 5, Alphon-
 sus Vega in summa cap. 63, casu 49, Bo-
 nacina quæst. 3, punct. 2 et quæst. 5,
 punct. 1. Diana part. 2, tract. 17, resolut.
 30 et 3 part. tract. 4, resolut. 63, Trul-
 lench. lib. 4, cap. 6, dub. 6, Aversa quæst.
 14, sect. 5, Thomas Hurtado tom. 7, tract.
 ult. resolut. 10, § 6, Leander disp. 7,
 quæst. 27, Ludovicus a Conceptione tom.
 1, exam. tract. 5, quæst. 2, Emmanuel a
 Conceptione disp. 2, quæst. 25, Delgadillo
 cap. 10, dub. 5, Lastra tit. 1, cap. 1, sect.
 6, quæst. 6, n. 75, N. Antonius disp. 3,
 sect. 4, n. 79 et alii plures.

Probat ratione desumpta ex D. Th. Probai.
 loco relato : nam in aliis sacramentis con- ratione.
 tingit sacramentum esse informe, et nihi-
 lominus esse validum : ergo idem dicen-
 dum est de sacramento pœnitentiæ, atque
 ideo de confessione sacramentali. Antece-
 dens est certum, ut patet in Baptismo,
 Confirmatione, et Ordine : nam sæpe acci-
 dit suscipientes hæc sacramenta esse in
 statu peccati mortalis, et in eo permanere,
 non recipiendo gratiam illis sacramentis
 correspondentem : et tamen talia sacra-
 menta sunt simpliciter valida : unde mi-
 nime reiterantur, quamvis postea eviden-
 ter cognoscatur suscipi a peccatoribus, et
 actu peccantibus. Consequentia autem pro-
 batur a paritate, quæ magis expenditur in
 hunc modum : nam ideo alia sacramenta
 possunt esse valida, et informia, quia
 eorum essentia, et partes, ex quibus essen-
 tialiter constant distinguuntur ab eorum
 effectu, sive a gratia, quæ per illa solet
 produci : inde enim provenit, quod licet
 talis gratia impediatur, et sacramenta pro-
 inde relinquuntur infructuosa, sive infor-
 mia ; nihilominus sint valida, utpote ha-
 bentia omnia sibi essentialia antecedenter,
 et independentem a tali effectu, sive sequatur,
 sive non sequatur. Hoc autem eodem modo
 verificatur in sacramento pœnitentiæ : nam
 dolor, confessio, et absolutio, ex quibus
 essentialiter constituitur, distinguuntur
 realiter a gratia justificante, et remissione
 peccatorum, quæ sunt hujus sacramenti
 effectus ; et præsupponuntur non solum
 intelligentia, sed etiam realiter ordine
 causalitatis

Soto,
 Palud.
 Capr.
 Cajet.
 Sylvest.
 Victoria,
 Domin.
 Sotus,
 Cano,
 Martin.
 de Led.
 Nugnus,
 Joann. a
 Cruce,
 Joann. a n.
 S. Th.
 Candid.
 Prado,
 Gonet,
 Franc.
 Gabriel.
 Philip.
 Durand.
 Ricard.
 Covarr.
 Navarr.
 Rodrig.
 Angles,
 Henriq.
 Tolet.
 Suarez,
 Valent.
 Filliuc.
 Regin.
 Granad.
 Hurtado,
 Lugo,
 Dicast.
 Vega,
 Bonac.
 Diana,
 Trull.
 Aversa,
 Thomas,
 Leand.
 Ludov.
 Emman.
 Delgad.
 Lastra,
 Anton.

causalitatis, et naturæ ad effectum hujusmodi : eo quod totum sacramentum poenitentiae ex omnibus suis partibus essentialibus compositum est instrumentum, per quod Deus ut causa principalis efficit justificationis gratiam, et peccatorum remissionem. Ergo si contingit alia sacramenta esse valida, et informia ; idem contingere potest in hoc poenitentiae sacramento.

Adver-
ariorum
respon-
sio.

267. Respondent communiter adversarii concessio antecedenti, et negando consequentiam. Et disparitatem assignant, quod in aliis sacramentis tota eorum essentia, et partes essentielles distinguuntur realiter a dispositione ad gratiam, quæ in eis, et per ea producitur : unde fieri potest, quod tota, et adæquata eorum essentia absque talis gratiæ effectu existat : et consequenter, quod ex una parte sint valida propter illorum essentialem constitutionem, et ex alia parte sint informia ob carentiam gratiæ, quæ ob defectum dispositionis in eis non producitur. Ceterum in sacramento poenitentiae res aliter omnino se habet : nam eadem attritio, sive dolor supernaturalis, quæ est pars essentialis hujus sacramenti est etiam dispositio ad gratiam in eo producendam, ut docet Concilium Tridentinum sess. 14, cap. 4. Unde provenit, quod ubi in poenitente non datur talis attritio, sacramentum sit non solum informe, aut sine fructu, sed etiam invalidum, et absolute nullum : ubi autem illa attritio adest, jam sacramentum est non tantum validum, sed etiam fructuosum, et formatum. Atque adeo non relinquitur medium, ut hoc sacramentum sit validum, et informe, ut in aliis sacramentis contingit. Quam disparitatem, et differentiam possumus ex eo confirmare, quod in aliis sacramentis, quia attritio, et alii suscipientium actus non sunt partes essentielles illorum, cohæret optime, quod licet suscipiens accedat scienter ad illa peccando mortaliter, actualiter, nihilominus valide illa suscipiat, si concurrant materia, et forma cum intentione sacramentum suscipiendi ; ex qua radice provenit Baptismus, Confirmatio, et Ordinem non repeti, etsi suscipiens fuerit indispositus, et in eorum susceptione peccaverit. Et tamen non dicemus poenitentem, qui scienter accedit ad sacramentum poenitentiae peccando mortaliter actualiter, illud valide suscipere. Oportet

igitur, quod circa præsentem materiam aliter de hoc sacramento, ac de ceteris discurremus.

Sed hæc responsio non satisfacit. Et ut ab hac extrema ejus parte (rem hic non necessariam adjungente) statim expediamur, minime intendimus servandam in omnibus æqualitatem inter istud, et alia sacramenta ; quin libenter admittimus nullitatem sacramenti poenitentiae in eo, qui ad illud accedit scienter peccans mortaliter, et formale committens in sacramentum sacrilegium. Si enim Theologi communiter damnant improbabilitatis, temeritatis et etiam erroris sententiam asserentem absque ullo prorsus dolore de peccatis confessis posse effici validum poenitentiae sacramentum, ut vel agentes de confessione venialium jam attigimus disp. præc. n. 68, non minori nota censebunt dignum, qui assereret accedentem cum actuali complacentia peccati mortalis, sive peccando scienter mortaliter, valide absolvi, et sacramentum suscipere. Verum advertere oportet in tali casu non solum deficere dispositionem ad gratiam sacramenti, sed etiam partem aliquam essentialem illius, nempe dolorem, et confessionem formaliter integram ; siquidem poenitens de peccato scienter tunc commissio non dolet, nec de illo se (vere saltem) accusat in confessione. Unde magis potius firmatur similitudo a nobis intenta hujus sacramenti ad alia : sicut enim cetera deficiente una eorum parte essentiali non subsistunt, sic etiam istud, ubi deficit, vel dolor, vel confessio ; quæ sunt essentielles ejus partes. Et hinc prosequimur, et urgemus propositionem in argumento similitudinem, videlicet, quod sicut in aliis sacramentis contingit dari partes eorum essentielles, et non dari dispositionem ad gratiam, et tunc illa esse valida, sed informia, et sine fructu : sic etiam posse contingere, quod in hoc poenitentiae sacramento adsint essentielles ejus partes, dolor, confessio, et absolutio ; et tamen desit dispositio ad ejus effectum, nempe gratiam justificantem ; et consequenter, quod tale sacramentum sit validum, et informe. Id vero non vitatur abhibita responsione : nam sicut in aliis sacramentis opus est illorum essentialium, partesque essentielles distinguere ab eorum effectu, et causalitate, atque dispositione ;

Rejici-
tur.

Concil.
Trident.

sic etiam eodem modo in hoc sacramento discurrere oportet.

268. Et in hoc sensu evertitur prædicta responsio: nam tantum abest, quod Concil. Trident. loco citat. docuerit, id, quod illa assumit in patrocinium, quod fundet disparitatem ad alia sacramenta, ut potius docuerit oppositum, sicut ex proposito, et satis perspicue, ut putamus ostensum a nobis est disp. præc. a n. 9. Nam sub dolore supernaturali distinguit dolorem perfectum, qui dicitur contritio, et tam intra, quam extra sacramentum habet adjunctam justificationis gratiam: et dolorem imperfectum, qui attritio appellatur, et ex se illam connexionem non habet. Rursus Concilium istum imperfectum dolorem dividit, nempe in efficacem, qui voluntatem peccandi excludit: et de isto dicit, quod junctus sacramento disponit ad gratiam justificantem: et in alium adhuc imperfectiorem, et inefficacem, qui adhuc, vel junctus sacramento, gratiam non affert, quia voluntatem peccandi non excludit. Est tamen sufficiens pars sacramenti, ut constat conferendo caput tertium, quod inscribitur, « De partibus, et fructu hujus sacramenti, » et in quo assignatur *contritio* pars illius, cum cap. immediate sequenti, sub titulo, *De contritione*, in quo omnes tres prædicti dolores recensentur, et significantur posse esse hujus sacramenti partes, et contineri sub illo diviso, ut ostendimus loco citato, quem omnino repetere oportet lectorem, ut rem aptius percipiat, et jam acta non agamus. Ex eis vero continuatur similitudo, et reintegratur argumentum: nam ideo contingit alia sacramenta esse valida, et informia, quia materia, et forma, ex quibus essentialiter constant, distinguuntur realiter ab eorum effectu, et a dispositione pro tali effectu requisita; sed idem contingit in hoc sacramento: ergo idem de illo, ac de aliis, quantum ad valorem, et informitatem dicendum est. Probatur minor destruendo oppositum responsionis fundamentum: nam licet attritionis nomine significetur, et dolor, qui est pars sacramenti, et dolor, qui disponit ad gratiam justificationis; nihilominus pro dolore, qui est pars, sufficit esse dolorem supernaturalem, licet inefficacem; pro dolore autem, qui est dispositio ad gratiam, requi-

ritur esse dolorem efficacem, ut loco cit. ostendimus; sed dolor supernaturalis inefficax distinguitur realiter a dolore supernaturali efficaci, et potest ab eo separari, sicut in genere loquendo, atque in ordine dolor perfectus distinguitur ab imperfecto: ergo idem contingit in hoc sacramento, et in aliis quantum ad distinctionem inter partes essentielles, et dispositionem ad gratiam.

Confirmatur primo: nam de ratione ^{Confirm.} attritionis, quæ est pars essentialis hujus sacramenti non est esse efficacem, sed ab hoc conceptu efficacitatis præscindit: de conceptu autem attritionis, quæ disponit ad hujus sacramenti gratiam, sive effectum, est esse efficacem; atqui attritio, quæ non est efficax est separabilis ab attritione. quæ est dispositio ad gratiam, nempe ab attritione efficaci: ergo attritio, quæ est pars essentialis hujus sacramenti, est separabilis ab attritione, quæ est dispositio ad gratiam, sive effectum sacramenti penitentiae: et consequenter istud sacramentum potest, sicut et alia esse validum, et informe. Hæc secunda consequentia patet ex prima: nam ideo alia sacramenta possunt esse valida, et informia: quia earum essentielles partes, materia, et forma possunt separari a dispositione ad gratiam, et etiam ab effectu, ut adversarii in sua responsione dicebant: ergo si attritio, quæ est essentialis hujus sacramenti pars, est separabilis (de alia parte, nempe confessione id absque controversia supponitur) ab attritione, quæ disponit ad gratiam hujus sacramenti effectum; liquido infertur, istud sacramentum, sicut, et alia posse esse validum, et informe. Prima vero consequentia legitime infertur ex præmissis, ex quibus minor est evidens, et frequenter de facto verificatur: nam multoties datur attritio mere inefficax, quam manifestum est non esse efficacem, sed ab ista separari: sicut idem etiam contingit in amore, intentione, proposito, et aliis effectibus. Major, denique, quantum ad secundam partem, asseritur ab adversariis, qui inde conantur probare, non posse dari validum penitentiae sacramentum, sine effectu. Prior autem majoris pars, in qua est difficultas, probatur ex Concilio Trident. nam sess. 14, cap. 3, quod est de partibus hujus sacramenti, inquit: « Sunt autem quasi ^{Concil. Trident.} materia

Reintegratio-
rationis.

« materia hujus sacramenti, ipsius pœnitentis actus, nempe, contritio, confessio, « et satisfactio. Qui quatenus in pœnitente « ad integritatem sacramenti, ad plenam- « que, et perfectam peccatorum remissio- « nem ex Dei institutione requiruntur, hac « ratione pœnitentiæ partes dicuntur. » Idque diffinit cap. 4 ejusdem sess. Deinde cap. immediate sequenti, quod est de *contritione*, reassumens illam, quam dixerat esse sacramenti partem, sic illam definit : « Contritio, quæ primum locum inter dic- « tos pœnitentis actus habet, animi dolor, « ac detestatio est de peccato commisso « cum proposito non peccandi de cetero. » Quæ definitio communis est attritioni tam efficaci, quam inefficaci, et utramque complectitur tanquam membra dividentia absque ullius exclusione : nec ullum habet verbum, per quod restringatur ad solam efficacem attritionem, ut facile consideranti constabit : ergo ex doctrina, et sententia Concilii de ratione attritionis, quæ est pars essentialis hujus sacramenti, non est esse efficacem, sed ab hoc conceptu efficacitatis præscindit. Et plane si Concilium intendens definire, atque exponere dolorem, quem dixerat, esse partem sacramenti pœnitentiæ, omitteret huic parti essentialia (cujusmodi dicunt contrarii esse efficacitatem) satis diminute processisset, et non vitaret occasionem errandi in hac materia : nullam ergo mentionem fecit efficacitatis, sed solum exigit dolorem de peccatis, et propositum emendationis, quæ sunt communia dolori, proposito tam efficaci, quam inefficaci : ne ergo dicamus, Concilium diminute processisse, et occasionem errandi non vitasse, fateri oportet non esse de conceptu attritionis, ut partis essentialis hujus sacramenti, quod sit efficax : sed ab hoc præscindere, illumque partis conceptum salvari in attritione tam efficaci, quam inefficaci.

Confirm. 2. 269. Confirmatur secundo, et explicatur amplius : quia licet non negemus, quod in eodem attritionis actu possit conjungi, et ratio partis essentialis hujus sacramenti, et ratio dispositionis ad gratiam, effectum illius ; et ita communiter contingit, ubi sacramentum est validum, et fructuosum (quamvis non repugnet ea munera exerceri per actus realiter diversos, ut diximus disp. præced. n. 29) nihilominus tales con-

ceptus partis, et dispositionis sunt satis diversi, et tam objective, quam exercite separabiles : ergo ex eo, quod idem attritionis actus sit pars essentialis hujus sacramenti, et dispositio ad gratiam, ejus effectum ; perperam colligunt Adversarii esse illa munera inseparabilia, ac subinde non posse sacramentum pœnitentiæ esse validum, quin sit simul fructuosum, et formatum. Consequentia patet : nam eo ipso, quod tales conceptus in eodem actu attritionis inventi sint hujusmodi, nulla est ratio, quare unus, nempe, conceptus partis, qui est prior, absolutior, et ab alio independentens, non possit sine illo reperiri ; sed magis colligendum est oppositum, videlicet, attritionem posse exercere munus partis, quin exerceat munus dispositionis : sic enim se habent, quæ similes conceptus important ; sic enim in Beatis idem est amor charitatis, quo diligunt necessario Deum in se, et diligunt libere creaturas in se : quo non obstante, quia sunt conceptus satis diversi, et prior intimior, atque absolutior, potest talis actus persistere terminatus ad Deum, quin extendatur exercite ad creaturas. Eadem etiam gratia habitualis est forma, quæ sanctificat accidentaliter, et constituit hominem filium Dei adoptivum ; sed tamen, quia illud prius est intimius in gratia, potest illud præstare, quin præstet secundum, ut patet in gratia habituali Christi Domini, quæ ipsius animam sanctificat sanctitate accidentali, et tamen non constituit illum filium adoptivum. Et similia pro eadem veritate exempla facile occurrunt tam in Theologia, quam in Philosophia. Antecedens autem est manifestum : quoniam munera partis sacramenti, et dispositionis ad fructum sacramenti ita in eodem attritionis actu reperiuntur quod conceptus partis sit in ordine ad sacramentum, quod constituit ; conceptus vero dispositionis est in ordine ad gratiam, quam efficit. Conceptus partis est conceptus materiæ respective ad absolute- nem tanquam ad formam, cui tam dolor, quam confessio subduntur ; conceptus vero dispositionis pertinet quidem ad genus causæ materialis, non tamen constitutive, aut receptive, sed tantum dispositive. Conceptus partis sacramenti est conceptus causæ simul cum toto sacramento influentis efficienter instrumentaliter in gratiam ;

conceptus autem dispositionis non pertinet ad genus causæ efficientis, sed præcise ad genus causæ materialis dispositivæ, ut jam diximus. Denique conceptus partis essentialis est prior simpliciter, quam conceptus dispositionis ad gratiam : sicut ex parte sacramenti, et partium essentialium est prius esse, quam gratiam efficere, et si illam non efficerent, attritio non disponeret actu ad ejus infusionem : est igitur verum, quod licet idem attritionis actus sit, et pars sacramenti, et dispositio ad gratiam sacramenti ; tamen hi conceptus sunt simpliciter, et objective diversi, et exercite separabiles, quatenus prior valet absque posteriori inveniri.

Idque magis perspicuum fiet, si attendamus ordinem, quo hoc sacramentum constituitur ex partibus, et elevatur a Deo ad rationem instrumenti, et deinde habet influere in gratiam. Primo namque occurrunt ex parte pœnitentis attritio, et confessio peccatorum tamquam materia, ex qua constat accusatio sacramentalis ; deinde accedit ex parte sacerdotis absolutio tamquam forma, ex qua, et illa materia integrum sacramentum constituitur ; quod rursus elevat Deus, ut suum effectum, nempe, gratiam justificationis valeat instrumentaliter producere. Ulterius succedit actualis efficientia prædictæ gratiæ, ad quam connaturaliter suscipiendam disponitur homo per attritionem cum sacramento : hæc enim, quamvis de se insufficiens, habet ex institutione divina esse dispositionem ultimam ad gratiam, quando huic conjungitur sacramento. Ex quibus recte perpensis facile constat, attritionem, quæ est sacramenti pars, esse simpliciter priorem attritione, quæ est dispositio ad gratiam. Tum, quia sicut sacramentum adæquate constitutum præcedit simpliciter gratiam, et ultimam ad illam dispositionem ; sic etiam præcedunt partes, ex quibus essentialiter constituitur, de quarum numero est attritio. Tum etiam, quia attritio solet non solum natura, sed etiam tempore præcedere ipsum sacramentum : istud namque non constituitur ante absolutionem : quæ est ejus forma, quæ semper supponit accusationem sacramentalem, sive confessionem peccatorum, ex attritione ortam, juxta superius dicta disp. præced. dub. 4, atque ideo qua ratione sacramen-

tum est simpliciter prius, quam gratia ejus effectus, et quam ultima ad hujusmodi gratiam dispositio ita etiam de attritione essentiali hujus sacramenti parte dicendum est. Tum denique, quia constituto adæquate sacramento pœnitentiæ ex sua materia, et forma, nempe, accusatione dolorosa, et absolutione, posset Deus vel illud non elevare ad rationem instrumenti, vel eo elevato suspendere concursum proprium principalem, et subinde impedire influxum instrumentalem sacramenti ad producendam gratiam ; in quo casu daretur in actu verum sacramentum pœnitentiæ, et subinde daretur etiam hæc attritio exercens in actu rationem partis sacramenti pœnitentiæ ; et tamen non daretur attritio exercens in actu rationem dispositionis ad gratiam, siquidem ista actu non produceretur, et ubi forma non producitur, non fit dispositio exercita ad illam ; est itaque in tali casu attritio pars actu componens, sed non est dispositio actu disponens (ut sic uno verbo dicamus). Ergo, quamvis in uno attritionis actu reperiatur, et conceptus partis sacramenti, et conceptus dispositionis ad gratiam ; hi tamen conceptus sunt objective diversi, et realiter separabiles, et prior potest dari sine secundo.

270. Solet etiam nostra, et communis ^{Secundo, suadetur conclusio.} sententia suaderi alio fundamento desumpto ex loco citat. D. Thomæ in argumento *Sed contra*, ubi hæc habet : « Quilibet tenetur ad confessionem mortalium : « sed si aliquis semel confessus est, etiam « in mortali existens, non tenetur ulterius « ad confitendum eadem peccata : quia « cum nullus sciat se charitatem habere, « nullus sciret se confessum fuisse : ergo « non est de necessitate confessionis, quod « sit charitate formata. » Quamvis autem, quæ afferuntur in argumento *Sed contra*, non semper contineant mentem Doct. Angelici ; tamen hic videmus, Thomistas satis communiter illud tueri ad mentem ipsius D. Thomæ, suffragantibus etiam extra illius scholam aliis antiquis, et satis gravibus scholasticis. Et illud profecto continet congruentiam summe vero similem, potestque ad sequentem formam reduci. Oportuit istud sacramentum ita a Christo Domino institui, quod illud suscipientes possent de ejus valore, et adimplerent Divini illud suscipiendi præcepti esse securi

securi,excludendo oppositas circa id dubietates, et anxietates, sicut in suscipiendo Baptismum, Ordinem, et alia sacramenta contingit: id vero non ita salvaretur, si sacramentum pœnitentiæ non esset validum, nisi quando foret fructuosum, sive formatum per gratiam justificationis in eo productam: ergo præsumentum est, Christum non instituisse illud cum prædicta restrictione, sed cum majore amplitudine, ita quod ejus valor a prædicta gratia non dependeat, et possit esse validum, quamvis informe sit, et absque ullo fructu, sive effectu, ut in aliis sacramentis evenit. Consequentia patet, et major suadetur: nam cum sacramentum pœnitentiæ, ex una parte sit valde necessarium ad salutem, et ex alia censeatur multum arduum ob difficultatem, quam communiter patimur in manifestando peccata; decuit illud ita a Christo institui, ut possimus esse securi de illius valore, et adimpletione Divini illud suscipiendi præcepti: alias, eo suscepto, in novas induceremus anxietates, et motiva iterum confitendi eadem peccata, et sic de cetero in infinitum in repetendo eorundem peccatorum confessionem: quod est nimis durum, et præsumi non potest de pietate Dei illud instituentis. Minor denique ostenditur: nam ex suppositione, quod sacramentum pœnitentiæ nunquam sit validum, quin sit formatum per gratiam justificationis in eo productam, non possumus habere majorem securitatem de ejus valore, quam de gratia sanctificante per illud communicata; quippe hæc juxta oppositam opinionem dicuntur ad convertentiam, ita quod valor sacramenti conferat gratiam, et negatio gratiæ evincit negationem valoris; sed juxta communem providentiam non omnes, qui confitentur, sunt securi, et quieti circa existentiam gratiæ, quam habeant; imo potius omnes in hac parte dubitamus, et timemus, ut ex professo diximus in tract. 14, de gratia disp. 9, dub. unico, et liquet ex scriptura: nam Eccles. 9, dicitur: *Sunt justī, ac sapientes, et opera eorum in manu Dei; et tamen nescit homo, utrum amore, an odio dignus sit.* Job. 9: *Si simplex fuero, hoc ipsum ignoravit anima mea.* Ps. 18: *Delicta quis intelligit? Ab occultis meis munda me.* Et aliis locis, quæ dedimus n. 9, loc. cit. Ergo ex suppositione, quod sacramentum

pœnitentiæ non sit validum, quin simul sit fructuosum, sive adjunctam habens justificationis gratiam, nequeunt pœnitentes esse securi de valore talis sacramenti a se suscepti, et adimpletione circa id Divini præcepti; sed continuas potius dubietates, et anxietates in hoc negotio sustinerent, quibus impulsī continuas eorundem peccatorum repeterent confessiones.

271. Occurrunt Adversarii negando minorem. Ad cujus probationem dicunt, quod licet non simus omnino certi de valore sacramenti pœnitentiæ, sicut nec de gratia justificante; nihilominus pœnitentes non inducuntur in eas anxietates, quas ponderavimus, ut repetat confessiones. Ut enim ad id non obligentur, sufficit censere probabiliter se adhibuisse omnia ad confessionem, et absolutionem necessaria: nam eo ipso non obligantur illa peccata iterum confiteri. Et quamvis illa confessio fuerit nulla coram Deo ob latentem carentiam tam fructus, quam valoris; obligatio tamen cessat ob prudens de existentia utriusque dictamen. Unde satis erit subsequētia peccata in alia confessione explicare, in qua tam horum, quam omnium præcedentium fiet remissio. Si autem pœnitens postea certo cognoscat priorem confessionem fuisse nullam, nihil asperum, aut insolitum continet, quod dicatur obligari ad confitendum iterum illa peccata. Ita Vasquez nostræ conclusioni contrarius, Suarez, et Lugo, licet ejusdem Patroni.

Adversariorum occur-sus.

Vasquez, Suarez, Lugo.

Minime tamen satisfaciunt, sed præcipuum objectæ difficultatis intactum relinquunt: nam si semel valor hujus sacramenti connectitur cum ejus fructu, et e converso, ita ut dicantur ad convertentiam, ut fert opinio contraria, impossibile est, quod pœnitentes majorem securitatem habeant, quod fecerint validam confessionem, quam quod sic facientes existant in gratia; sed certum omnino est, pœnitentes majorem securitatem habere de valore sacramenti, et adimpletione Divini circa id præcepti, quam de susceptione gratiæ: ergo inter hanc, et valorem sacramenti non datur illa connexio, quam adstruit sententia contraria; sed plura requiruntur pro gratia, quam pro solo sacramenti valore. Major, et consequentia patent. Minor etiam ostenditur: quia communiter omnes fideles, qui communiter, et juxta commu-

Occur-sus rejicitur.

eccles. 9.

ob 9. s. 18.

nes prudentum regulas confitentur, sunt moraliter certi de valore sacramenti, et adimplerione circa hoc Divini præcepti; unde nec anxietatibus communiter premuntur, nec repetunt communiter confessiones, nec ad id obligantur, saltem probabilitate, quam habent, ut illi Authores in sua responsione loquuntur. At aliter circa gratiam contingit: quippe communiter fideles eam securitatem circa illam non habent, sed dubitationibus, et timore circa ejus existentiam quatiuntur, ut experientia liquet: ergo certum omnino est, pœnitentes majorem securitatem habere de valore sacramenti, et adimplerione circa id Divini præcepti quam de susceptione gratiæ. Et ratio a priori hujus inæqualitatis constat ex dictis loco citato de gratia, præsertim a n. 10. Nam licet nemo possit absque speciali Dei revelatione scire omnino certo certitudine methaphysica, vel morali in primo gradu se esse in gratia, potest tamen id agnoscere certitudine morali in gradu infimo, ad eum modum, quo cognoscimus esse baptizatos, vel nostrum confessarium esse sacerdotem, et alia, de quibus non dubitamus, licet dubitare possimus, et aliquando timeamus. Hæc autem certitudo non communis est justis, sed est paucorum, scilicet, perfectorum, qui summo studio Deo hærent, ut ibi ostendimus, et optime significavit D. Thom. 1, 2, qu. 112, art. 5, dicens: « Hoc modo potest aliquis cognoscere se habere gratiam, in quantum, » scilicet, percipit se delectari in Deo, et « contemnere res mundanas. » Et in resp. ad 5: « Illud verbum Abrahæ dictum potest » referri ad notitiam experimentalem, quæ « est per exhibitionem operis: in opere » enim illo (plane heroico offerendi filium » Deo in sacrificium) quod fecerat Abraham, cognoscere potuit experimentaliter « se Dei timorem habere. » Quæ manifestum est non in omnibus justis, sed in aliquibus valde perfectis adesse. Ceterum certitudo moralis de valore sacramenti reperitur valde communiter in pœnitentibus: plurimi namque non dubitant de legitima confessione a se facta, nempe, post diligens examen, et inculcatum attritionis dolorem, nec ulterius dubitant de legitima absolutione ministri: et sic communiter in cunctis, qui scienter non accedunt prave dispositi. Quæ satis evincunt, pœnitentes

majorem securitatem habere de valore sacramenti pœnitentiæ, quam de gratia in eo suscepta: quod impossibile foret, si hujus sacramenti valor necessario cum ejus fructu connecteretur.

Confirmatur: nam si sacramentum Baptismi pro adultis ita institutum fuisset, quod ejus valor esset necessario connexus cum ejus fructu, sive remissione peccatorum, omnis adultus, qui certo cognosceret se esse valide baptizatum, cognosceret etiam certo se esse in gratia Dei; et e converso, qui de hac gratia dubitaret, in dubietatem etiam, et anxietatem duceretur circa sacramenti valorem, illudque iterum recipere cuperet. Non decuit autem sacramentum Baptismi sic institui: quia ex una parte est valde necessarium ad salutem, et ex alia adulti baptizati subderentur illis perplexitatibus, et scrupulis, quibus ut satisfacerent, repeterent non absque illorum gravi onere, et molestia idem Baptismi sacramentum semel, et iterum, et sine termino: nam semper possent occurrere eadem circa illius sacramenti fructum. Sed etiam sacramentum pœnitentiæ est prorsus necessarium ad remissionem mortalium post Baptismum commissorum; et aliunde molestissimum pœnitentibus reputatur repetere eorundem peccatorum confessiones, ad quas tamen adigerentur, si confessionis valor haberet necessariam connexionem cum gratia: quippe eisdem motivis, ob quæ dubitarent de gratia, dubitarent etiam de sacramenti valore: ergo præsumendum non est, Christum ita hoc sacramentum instituisse, quod necessaria pro sacramenti fructu, essent etiam necessaria pro ejus valore; sed potius, quod sicut in sacramento Baptismi alia sufficiunt ad valorem ejus, et alia requiruntur ad illius fructum, sic exigente tam sacramenti natura, quam hominum fragilitate, ne dubitantes de fructu, dubitent etiam de valore, et novum Baptismum suscipere cogerentur: ita etiam in hoc pœnitentiæ sacramento disposuerit sufficientiam ad ejus valorem, et ulteriora requisita ad ejus fructum, ut magis assecurari possent de valore, quam de fructu, et ne dubitantes circa fructum, idem dubium conciperent de valore, et obligarentur ad repetitam eorundem peccatorum confessionem, et sacramentum, humanæ fragilitati de se molestum

D. Tho.

Confi-
matio.

molestum, magis fastidirent : quod esse inconueniens, nemo prudens negare valet, sicut certe foret in sacramento Baptismi.

Ad hæc : si attritio, quatenus cum sacramento disponit ad gratiam, et illam infallibiliter infert, est etiam essentialis hujus sacramenti pars ; idem prorsus erit hoc sacramentum valide recipere, et hominem illud suscipientem esse in gratia per illud producta : ergo tantum dubitare poterit, an fuerit validum sacramentum, quantum dubitare potest, an ipse sit in gratia : ergo cum communiter omnes fideles circa hoc posterius dubitent, et securi non sint, quod prædictam gratiam habeant, idem dubium patiuntur circa sacramenti valorem, seu validam confessionem, quam perplexitatem, et incertitudinem deponere non valebunt, nisi iterando confessiones : ubi namque dubitatur de confessionis valore, opus est illam repetere : peccata enim in priori exposita reputantur pro dubiis, sive invalide confessis. Id vero asserere est onus gravissimum imponere multitudini fidelium. Quare sicut ad vitandum simile in aliis sacramentis inconueniens, ordinavit suavis Dei providentia alia requisita pro valore, et alia pro fructu, ut sic sacramenta possent esse valida, licet informia, et absque fructu gratiæ ; sic etiam, et multo magis decuit, illam ita disponere in hoc sacramento : ergo præsumi non debet, oppositum ordinasse, nempe, eandem indivisibilem attritionem esse partem essentialem sacramenti, et ultimam cum sacramento dispositionem ad gratiam : ex eo namque sequuntur proposita incommoda, ut ostensum est. Aliunde vero non occurrunt urgentia aliqua motiva ad id credendum, ut ex responsione ad argumenta constabit.

§ II.

Referuntur, et refelluntur diversi modi dicendi.

Possibilitate sacramenti pœnitentiæ informis, et validi stabilita, et firmata, argumentorumque viribus in eam militantium superatis ; restat nunc explicare, quibus in casibus validitas, et informitas hujus sacramenti accidere queat. Facilius autem plane est avertere falsa, quam scopum ve-

Salmant. Curs. Theolog. tom. XX.

ritatis attingere, et explicare ; eamque pro viribus tueri, ac nervose firmare, negotium magis arduum solet afferre. Cum vero in nostram sectando assertionem plerimi conspiraverint, non omnes in modo illam propugnandi conveniunt ; sed pro varietate ingeniorum, aut etiam principiorum, quibus imbuuntur, varias sententias excogitarunt, quas introspicere oportet, ut quæ veritati, et rationi magis consonant, amplectamur, et secundæ hujus dubii parti respondere possimus.

272. Primum igitur dicendi modum proponit Delgadillo cap. 10, dub. 8, n. 44, his verbis : Statuo, non esse improbabilem sententiam, quæ affirmat, dari sacramentum pœnitentiæ informe, etiamsi quis scienter accederet sine dolore, dummodo integre confiteatur. Quod probat, quia ita sentiunt aliqui Auctores graves ab eo relati ; et apparet in satisfactione, quæ etiam si in re non ponatur, est validum sacramentum. Confirmatque exemplo Baptismi (et idem est de Confirmatione, Ordine, et aliis sacramentis) nam si quis vult expresse baptizari, quamvis alias cognoscat evidenter, se accedere indispositum ad gratiam, quæ est effectus Baptismi, tenet simpliciter istud sacramentum, et est informe, ut omnes concedunt : ergo idem contingit in sacramento pœnitentiæ. Quæ paritas (concludit ille) me omnino vincit.

Sed hic dicendi modus, quidquid alii dixerint ante Concilium Tridentinum, minime post illud sustineri valet : nam prædictum Concilium docuit, et definivit sess. 14, cap. 4 et can. 4, dolorem, et confessionem esse partes pertinentes ad materiam hujus sacramenti, ex quibus illud essentialiter constituitur. Ex qua doctrina, et definitione convincitur, quod sicut sacramentum est nullum sine confessione, ita etiam est nullum absque omni dolore, atque ideo ubi pœnitens accedit scienter absque omni dolore, nullum redditur sacramentum. Alia ratio est de satisfactione, quam ille Doctor in sui favorem adduxit : nam licet illa sit etiam pars hujus sacramenti, ut Concilium eisdem locis statuit, tamen non est pars essentialis, sed solum integralis, sacramentum essentialiter constitutum supponens, et ad integram ejus perfectionem spectans ; unde quamvis non

Primus
dicendi
modus.
Delgad.

Primus
opinandi
modus
rejecitur.

succedat, impedimentum non est, ne sit validum sacramentum. Quod autem ait de Baptismo, nil valet, quia in illo salvatur adæquate materia remota, et proxima, nempe, aqua, et ablutio, licet in adulto nulla detur attritio, et ideo tenet sacramentum independentem ab illa; quæ tamen necessaria est ad consequendam justificationis gratiam, quippe ista nulli adultorum infunditur, quin ipse coopere-
tur, se libere disponendo ad eam recipiendam. Et propterea, si ea dispositio deficiat, sacramentum Baptismi non producit suum effectum, nempe illam gratiam, sed informe relinquitur. Ceterum in sacramento pœnitentiæ, quod ex parte materiæ proximæ constat actibus humanis, necessaria est aliqua attritio, sive dolor, ut constat ex Conc. Trid. Quare si omnis attritio, et dolor desit, impeditur non tantum fructus, sed etiam valor hujus sacramenti. Nec in prædicti modi dicendi impugnatione opus est immorari: quia id satis, superque præstitimus disp. præc. n. 2, et 103 et 130 et alibi.

Secundus
dicendi
modus.

273. Secundus hanc difficultatem superandi modus, a præcedenti non omnino recedens, consistit in eo, quod confitens sua peccata, ignoret invincibiliter requiri eorum dolorem, et illam non exhibeat; vel si sciat esse necessarium, bona fide judicet, se illum habere, cum re vera nullum dolorem habeat. Nam in hoc casu præter Authores a Delgadillo relatos idem sentit Filliucius cap. 6, qu. 5, censens sufficere illum dolorem putativum, sive existimatum ex ignorantia invincibili ad sacramenti valorem; et tamen pro ejus fructu requiritur verus dolor, ut omnes docent. Hac itaque via contingens est, sacramentum pœnitentiæ esse validum, et informe.

Eventur.

Sed hic etiam dicendi modus communiter improbat, et merito: tum, quia ad valorem sacramentorum opus est adhibere in re veram eorum materiam, in qua Deus illa instituit: nec id suppleri valet per nostram imaginationem, aut bonam fidem, Unde si quis putaret bona fide, et habens ignorantiam invincibilem, se baptizare in aqua naturali, vel hanc necessariam non esse ad Baptismum, sed sufficere alium liquorem; si tamen aqua naturalis non esset, nullum efficere sacramentum, quia

sola aqua naturalis est Baptismi materia: ergo quod quis invincibiliter judicet, vel non, requiri dolorem ad sacramentum pœnitentiæ, vel adesse dolorem, ubi nullus est, minime sufficit ad valorem hujus sacramenti. Tum etiam: nam ad valorem hujus sacramenti non sufficit confessio omnium peccatorum mere historica, et recitativa, sed requiritur confessio dolorosa, sive per modum accusationis; a qua radice provenit, confessionem sacramentalem supponere essentialiter dolorem de peccatis, ut ostendimus disput. præced. dub. 4; ergo ubi nullus est peccatorum dolor, vel est pure putativus, sive existimatus, impossibile est confici validum sacramentum pœnitentiæ. Tum denique: quia casus, in hoc modo dicendi propositus, affert moralem contradictionem, atque impossibilitatem: nam ubi quis accedit sine fictione, et sincero animo confitendi peccata, et consequendi eorum remissionem, nequit non habere aliquod eorum odium, et detestationem; alias illa non diceret, nec cuperet illa exuere: ibi ergo intervenit aliquis dolor, abstrahendo ab eo, quod sit sufficiens, vel non.

274. Tertium dicendi modum docent nonnulli, qui ex una parte affirmant, ad dolorem in esse partis essentialis, et sufficientis pro valore sacramenti sufficere, quod attritionis sit, ut plaue fateri opus est post Conc. Trid. et ex alia defendunt, pro dolore, qui est dispositio ad sacramenti fructum, gratiam, videlicet, justificationis, requiri contritionem, sive dolorem perfectum, et procedentem ex amore charitatis, sine quo sentiunt, nunquam contingere adultorum justificationem. Ita multi, cum quibus late disputavimus disp. præced. dub. 1. Et profecto illorum sententia si quantum ad id, quod hic dicendi modus supponit, vera esset; clarissima, et antiquissima etiam foret in superando, quam nunc versamus, difficultatem. Facile namque percipimus, attritionem posse a contritione perfecta separari, et quod posita attritione sacramentum valeret, sed deficiente contritione perfecta, maneret infructuosum, et informe.

Sed ista sententia est admodum falsa, et non cohærens Concilii Tridentini doctrinæ, ut loco citato ex professo ostendimus, et præsertim num. 63. Nunc satis est una,

Tertius
modus
dicendi

Impugnatur.

vel

vel altera impugnatione illius falsitatem manifestare. Gravior desumitur ex Concilio Tridentino sess. 14, cap. 4, illis verbis: « Illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ, et pœnarum metu communitur concipitur, si voluntatem peccandi excludat cum spe veniæ, declarat, non solum non facere hominem hypocritam, et magis peccatorem, verum etiam donum Dei esse, et Spiritus Sancti impulsus, non adhuc quidem inhabitantis, sed tantum moventis, quo pœnitens adjutus, viam sibi ad justitiam parat. Et quamvis sine sacramento pœnitentiæ per se ad justificationem peccatorem perducere nequeat; tamen eum ad Dei gratiam, in sacramento pœnitentiæ impetrandam disponit. » Ubi Concilium manifeste attribuit attritioni cum sacramento illam vim disponendi ad gratiam, quam per se, et sine sacramento non habet; quæ virtus est quidem ultimo sufficiens, independens ab ultimiori alia præparatione: quippe disponere utcumque, et remote ad talem gratiam, convenit attritioni supernaturali per se, etiam sine sacramento, ut nemo negat, et constat in aliis actibus supernaturalibus, licet imperfectis: ergo ex sententia Concilii attritio supernaturalis cum sacramento pœnitentiæ est sufficiens dispositio ad gratiam justificationis in eo productam, quin opus habeamus perfectam contritionem ad talem effectum sacramenti suscipiendum. Altera, et satis gravis impugnatio desumitur ab ipsa experientia: nam cum plurimi in sacramento pœnitentiæ justificentur, non omnes experiuntur illum motum contritionis perfectæ, sive ortæ ex amore charitatis: quin potius aliqui, vel tempore absolutionis aliis cogitationibus distrahantur, vel continuant, aut repetunt eodem attritionis actus, quibus accesserunt ad confitendum; et nemo scrupulum habet, quod non eliciat actum contritionis perfectæ, quo plane pungi deberent, si per ejus carentiam obicem ponerent sacramenti fructui. Quæ impugnatio magis urget in casu, quo pœnitens post attritionem, et peractam confessionem, antequam absolvatur, corruiat ad pedes confessarii sensibus destitutus; absque dubio enim

absolvendus est, juxta superius dicta dub. 7, § 3, licet sensibus carens non eliciat contritionem, nec elicere queat. Et de tali moribundi justificatione, ex suppositione prædictorum requisitorum, nemo dubitat, nec dubitare posset sine moribundi injuria, quæ non nihil redundaret in Dei pietatem: ergo pro fructu hujus sacramenti non requiritur determinate contritio perfecta, sed sufficit vera, et supernaturalis attritio.

275. Quartus hanc difficultatem explicandi modus est, quod ad valorem hujus sacramenti sufficit attritio, ad fructum vero ejus requiritur actus spei veniæ peccatorum, et subinde etiam actus fidei justificantis: quippe absque his actibus nunquam justificatio contingit. Potest autem dari attritio sine hujusmodi actibus, atque ideo, et sacramenti valor: nam hi actus nec pertinent ad essentiam attritionis, nec sunt partes essentielles sacramenti pœnitentiæ. Aliunde vero potest quis sine illis ad confitendum accedere, quin in hoc mortaliter peccet, si accedat cum ignorantia invincibili de eorum circa fructum sacramenti necessitate. In casu igitur, quod pœnitens confiteatur sua peccata cum supernaturali dolore attritionis, et sine illis fidei, et spei actibus, recipit validum sacramentum, sed non fructuosum; et consequenter tunc tale sacramentum est validum, et informe. Sic docuit Gaspar Hurtado disp. 6, diffic. 8, et eidem opinioni multum favet Joannes a S. Thoma loco supra citato, § *Quapropter alia via*.

Sed hæc sententia est simpliciter falsa, et in æquivoco laborat: nam in primis, quamvis in omni adultorum justificatione concurrant illi actus; nihilominus opus non est ad gratiam obtinendam, quod adsint explicate, et formaliter in se ipsis; sed sufficit, si vel concurrant virtualiter, et quatenus in alio actu, sicut in effectu, virtualiter perseverant; et hoc modo adsunt, quoties datur supernaturalis attritio (de qua oportet loqui hanc opinionem: si namque agat de attritione mere naturali, alio modo refellenda est, ut numero sequenti constabit), quippe supernaturalis attritio dirigitur lumine fidei, et ex ejusdem directione importat aliquem motum spei, et aliquod propositum emendationis. Si enim hæc omnia excludamus, non relinquitur actus

Quartus
modus
dicendi.

Refellitur ut
falsus.

veræ attritionis supernaturalis, qui sit pars sacramenti, et sufficiat pro ejus valore. Si vero illa in prædicta attritione includantur, ut includi necesse est, jam in attritione, sufficiente ad valorem sacramenti, concurrunt etiam, quæ pro sacramenti fructu desiderantur; atque ideo illo discurrendi modo minime salvatur, sacram. pœnit. esse validum, et informe. Præterea, falsum omnino ille discursus assumit, nempe, in omni adulatorum justificatione concurrere formaliter actum spei (et idem intellige de actibus timoris, pœnitentiæ, et aliis, quos Concilium, agens de justificatione impii, recenset sess. 6, cap. 6,) oppositum enim statuimus tract. 15, de justificatione, disp. 3, dub. 1, § 4 ubi explicuimus, quomodo licet secundum communem Dei providentiam soleant concurrere plures actus formaliter, et expresse, v. g. spei, timoris, pœnitentiæ, etc. nihilominus servata etiam communi illa providentia non requiritur ille formalis, et expressus concursus, sed sufficit virtualis, et implicitus, ut cum quis justificatur immediate per actum amoris Dei ex charitate; ut posse contingere, irrationabiliter negaretur, et expresse affirmant Vega, Arauxo, Gregorius Martinez, Gonet, et alii communiter Theologi relati ibidem n. 19, quibus nunc ex Theologis practicis addimus Azorium tom. 1, lib. 8, cap. 7, q. 6, Sanchez lib. 2 summæ cap. 1, Fillucium tract. 24, cap. 9, num. 255, Bonacinam disp. 3, super primum præceptum Decalogi, punct. 2, Trullenchum lib. 1, in Decalog. cap. 1, dub. 6, et Leandrum disp. 1, de pœnitentia, quæst. 48. Excluso autem, quod pro justificatione pœnitentis sit necessarium, illum tunc habere formaliter, et explicate actum fidei, spei, etc. palam sequitur, quod propter horum actuum in eo instanti carentiam, non impediatur sacramenti effectus, nempe, gratia justificans, nec relinquatur sacramentum informe. Nemo autem scrupulum ponat in verbis Concilii Tridentini numero præcedenti relatis, in quibus agens de attritione, quæ disponit ad gratiam, et in hoc genere illam cum Sacramento indicabat, conditionem adjecit: « Si voluntatem peccandi excludat cum » spe veniæ. » Per quæ significasse videtur, possibilem esse aliam attritionem, cui prædicta deficiant, et proinde quæ non

sufficiat ad fructum sacramenti, sed illud informe relinquere possit. In hoc enim scrupulo hærendum non est: nam licet nulla sit possibilis supernaturalis attritio, quæ saltem virtualiter, et implicite aliqualem spem veniæ, et aliquam exclusionem voluntatis peccandi non includat, idque necessario conveniat omni attritioni supernaturali sub munere tam partis sacramenti, quam dispositionis ad gratiam: tamen congruentissime illa conditio adhibita fuit a Concilio, ut significaret, magis elucere debere in attritione, ut sit dispositio ad gratiam, quam in eadem, ut sit pars sacramenti; attritionem vero, quæ solum est sacramenti pars, vix, aut leviter illos conceptus exprimere, ut magis constabit ex dicendis § sequenti.

276. Quinto, ut aliqui componant hanc difficultatem stabiliendi sacramentum pœnitentiæ validum, et informe, dicunt pro valore sacramenti sufficere attritionem naturalem, ad fructum autem requiri attritionem supernaturalem: et quia attritio naturalis potest separari a supernaturali, ut ex se liquet, facile concipiunt, et explicant quomodo istud sacramentum possit esse validum, et informe. Porro cum in attritione naturali possit esse latitudo, varie explicatur, quæ attritio naturalis possit esse sufficiens pars sacramenti validi. Nam aliqui tam ample id asseruerunt, ut dixerint, sufficere attritionem naturalem, non solum entitative, et subjective, sed etiam terminative, sive ex parte motivi, ut cum dolet de peccato ob incommoda, quæ ex illo suscitunt, velut paupertatem, infirmitatem, aut infamiam.

Sed hic dicendi modus facile convincitur falsitatis, et communiter rejicitur: quoniam dolor pro valore hujus sacramenti requisitus debet constituere confessionem in esse accusationis sacramentalis in ordine ad claves Ecclesiæ; quod minime habet dolor pure naturalis tam subjective, quam terminative, sive qui excitatur præcise ab incommodis humanis: quippe non afferens materiam propriam, in quam cadat sacramentalis absolutio, quæ per se ordinatur ad destruendum peccata, ut sunt Dei offensa. Quapropter hujus dicendi modi Patroni addiderunt, ita sufficere pro sacramenti valore attritionem naturalem, si tamen attingat terminum, et motivum supernatu-

ralem

Vega,
Arauxo,
Mart.
Gonet,
Azor.
Filluc.
Bonacin.
Trullen.
Leand.

Quintus
dicendi
modus.

Repelli-
tur hæc
assertio

ralem, ut cum quis ex metu naturali gehennæ moveatur ad dolendum de peccatis, et proponendum illorum emendationem. Quin aliqui illorum magis cautiore subjunxerunt aliam cautelam, nempe, quod ut attritio pure naturalis sit vera pars huius sacramenti, debet existimari supernaturalis, ut sæpe contingit in pœnitentibus, qui in hoc frequenter invincibiliter falluntur, putantes, se dolorem supernaturalem afferre, cum revera solum naturalis sit. Qui enim scienter cum sola naturali attritione istud sacramentum reciperet, eo ipso poneret obicem ejus fructui, nempe, gratiæ, ob earentiam dispositionis ad illam, et sic actu graviter peccaret : unde convinceretur, nullam recipere absolutionem, et invalidum reddi sacramentum. Hæc in summa est non paucorum sententia, cui subscripsit Bonacina quæst. 3, punct. 2, et quæst. 5, punct. 3, pro eadem referens D. Thomam, Ricardum, Durandum, Capreolum, Paludanum, Sotum, Cajetanum, Sylvestrum, Canum, Ledesmam, Covarruvias, et Navarrum. Sed in referendo D. Thomam, quidquid sit de aliis, vehementer deceptus fuit : nullus enim occurrit locus, neque ab illo producit, in quo Angelicus Doctor talem sententiam asseruerit : illi tamen etiam subscripsit Aversa quæst. 14, sess. 6, in sexto casu, pro ea allegans Henriquez, et Victoriam. Subscripsit denique Filliucius tract. 7, cap. 7, quæst. 8, affirmans esse fere omnium antiquorum. Et commune apud illos fundamentum videtur fuisse, quod generaliter loquendo non requiritur pro valore sacramentorum, quod eorum materia sit aliquid supernaturale, sed res naturales sufficiunt, ut ablutio in Baptismo, unctio in Confirmatione, consensus in Matrimonio, et sic de aliis ; quin etiam in hoc sacramento confessio peccatorum, quæ ad ejus materiam pertinet, quid naturale est, nempe, prolatio verborum ; sed attritio, quæ pro valore huius sacramenti requiritur, spectat ad illius materiam simul cum confessione : ergo pro valore huius sacramenti sufficit attritio naturalis, quamvis alius dolor perfectior, et supernaturalis desideretur per modum dispositionis ad sacramenti fructum.

Bonacin.
Ricard.
Durand.
Capreol.
Paludan.
Sotus.
Cajetan.
Sylvest.
Navarr.
Aversa.
Filliuc.

Fundamentum
illorum.

Hic dicendi modus, si veris principiis inniteretur, summa facilitate explicaret, quomodo istud sacramentum possit esse

Everlur
iterum
dicendi
modus.

validum, et informe, haberetque pro sui declaratione in aliis sacramentis exempla. Sed absolute peccat, fallitur, et minime sustineri valet in eo, quod affirmat, ad rationem partis huius sacramenti, et pro ejus valore sufficere attritionem entitative, et subjective mere naturalem. In quo refellendo opus non habemus nunc immorari : quia id late, et ex professo fecimus in priori parte disp. 1, dub. 4, § 4, et in præsentis disp. 8, a num. 19. Modo sufficit pro illius sententiæ omnimoda eversione, tam in eo, quod supponit, quam in illa suppositione, quam conciliare intendit, quod S. Innocentius in decreto dato anno 1679, inter alias propositiones istam in num. 57 condemnavit : « Probabile est, « sufficere attritionem naturalem, modo « honestam. » Unde a contrario sensu colligendum est, non esse probabile, quod attritio naturalis, licet honesta, sufficiat. Nec hoc loco impediri debemus in præcludendo illorum effugium, qui ausi sunt dicere, condemnari illam propositionem, ut relatam ad sacramentum non tantum validum, sed adæquate sumptum, scilicet, validum, et fructuosum ; quatenus illa propositio significabat sufficere attritionem naturalem, tum ut esset sacramenti pars, tum ut esset dispositio ad gratiam in sacramento productam : quod merito reprobatur a Pontifice : quia ut adulti suscipiant huiusmodi gratiam, debent disponi dispositione aliqua supernaturali, et ejusdem ordinis cum tali gratia, ut definit Concilium Tridentinum sess. 6, Can. 3, his verbis : « Si quis dixerit, sine præveniente Spiritus Sancti inspiratione, « atque ejus adjutorio, hominem credere, « sperare, diligere, aut pœnitere posse, « sicut oportet, ut ei justificationis gratia « conferatur, anathema sit. » Ex quibus constat de fide esse, quod actus per vires mere naturales elicit non sufficiunt ad disponendum, ut gratia sanctificans nobis conferatur. Ad hunc itaque sensum reprobata fuit illa propositio. Sed in hac, ut diximus, responsione confutanda, supervacaneum est immorari : quia aliena est prorsus a mente Pontificis, et agit adversus eam : nam in principio illius decreti declaratur mens Pontificis his verbis : « Sanctissimus Dominus noster Innocentius Papa « XI, ovium sibi a Deo creditarum saluti

Concil.
Trident.

« sedulo incumbens, et salubre opus in se-
 « gregandis noxiis doctrinarum pascuis ab
 « innoxiiis, a felicis recordationis Alexan-
 « dro VII, prædecessore suo inchoatum, pro-
 « sequi volens, plurimas propositiones, »
 etc. Quæ vero fuerit Alexandri intentio in
 reprobando aliquas doctrinas, constat ex
 decreto anni 1665, in quod dicitur : « Sanc-
 « tissimus Dominus noster audivit, non
 « sine magno animi sui mœrore, complu-
 « res opiniones Christianæ disciplinæ rela-
 « xativas, et animarum perniciem infe-
 « rentes, partim antiquatas iterum suscitari,
 « partim noviter prodire, et summam
 « illam luxuriantium ingeniorum licentiam
 « in dies magis excrescere, per quam rebus
 « ad conscientiam pertinentibus modus
 « opinandi irrepsit, alienus omnino ab
 « Evangelica simplicitate, Sanctorumque
 « Patrum doctrina », etc. « Quare ne ullo
 « unquam tempore », etc. Unde liquet,
 mentem utriusque Pontificis in eis decretis
 eam fuisse, ut reprobarent, et ab usu fide-
 lium excluderent, quasdam opiniones
 Christianæ sinceritatis, ac Religionis rela-
 xativas, quæ eorum tempore circumfere-
 bantur, et a recentioribus fuerant inventæ;
 et in has direxerunt damnationis fulmina.
 Nulla autem erat, quæ assereret, attritio-
 nem naturalem ex motivo honesto esse
 sufficientem dispositionem ad infusionem
 gratiæ justificantis; et omnes Catholici do-
 cebant oppositum, ut rem plane, et perspi-
 cue definitam in Canone relato Concilii
 Tridentini. Unde in solo prædicto sensu
 reprobarunt prædictam propositionem, in
 quo ab initio decretorum suorum professi
 sunt luxuriantes tunc opiniones damnare.
 Invalescebat autem eo tempore opinio do-
 centium, ad valorem sacramenti pœniten-
 tiæ sufficere attritionem naturalem ex mo-
 tivo honestam, ut liquet ex modernis ejus
 Patronis proxime relatis, et aliis, quos
 referre possemus. Et quia Sanctissimus
 Innocentius censuit, illam doctrinam esse
 falsam, et perniciosam, illam cum aliis
 ejusdem generis reprobat, et damnavit.
 Et si ita in hac parte non processit, nihil
 fecit, quoad proscribendum doctrinam fal-
 sam, quæ tunc invehebatur, opus haberet;
 quod enim actus naturales non dispo-
 nent ad gratiam justificantem, jam defini-
 tum fuerat in Tridentino, et Sanctum erat
 inter Catholicos, nemine reclamante: re-

probavit igitur eam propositionem in eo
 sensu, quo significabat, probabile esse, quod
 attritio naturalis sufficit ad valorem sacra-
 menti, et ad rationem partis illius. Illa
 itaque via nemo secure incedere potest, nec
 salvare possibilitatem hujus sacramenti
 validi, et informis.

277. Sextus modus id declarandi con-
 sistit in defectu extensivo attritionis; v. g.
 habet quis duo peccata mortalia, furtum,
 et incestum; sed furti inculpabiliter obli-
 tus, dolet simpliciter de incestu ob spe-
 cificam ejus deformitatem, et sic illud
 confitetur. In quo casu validum efficitur
 sacramentum, et tamen non confert justifi-
 cationis gratiam, atque ideo est validum,
 et informe. Primum constat: quia ex una
 parte ille homo facit confessionem forma-
 liter integram, confitendo omne peccatum,
 quod ejus memoriæ occurrit; et ex alia
 habet veram, et supernaturalem attritio-
 nem ex motivo peculiari turpitudinis, et
 oppositionis ad contrariam virtutem su-
 pernaturalem. Secundum etiam constat:
 quia unum peccatum mortale non expel-
 litur absque alio: quippe cum nullum
 possit excludi sine infusione gratiæ justifi-
 cantis, quæ habet generalem cum omnibus
 repugnantiam; in tali autem suppositione
 non expellitur peccatum furti, siquidem
 juxta præsentem, et regularem providen-
 tiam nulli adultorum remittitur peccatum
 mortale absque aliqua ejus pœnitentia, et
 retractatione; unde facta suppositione,
 quod nulla præcesserit retractatio furti, sed
 solius incestus, ob propriam, et specifi-
 cam hujus turpitudinem, opus est dicere,
 quod nec ipsum incestus peccatum remitta-
 tur, nec infundatur gratia justificans, sed
 manet sacramentum his effectibus destitu-
 tum: datur igitur in tali casu sacramen-
 tum validum, et informe. Ita docet Suarez
 disp. 20, sect. 4, et 5, subscribentibus plu-
 rimis modernis non solum Scotistis, sed et
 Thomistis, qui vix, aut nullo modo reco-
 gnoscunt aliam viam ad salvandam, quam
 defendunt, possibilitatem sacramenti pœ-
 nitentiæ validi, et informis. Unde Tyrsus,
 licet Suariorum, et nobis in assertionem contra-
 rius, inquit disp. 37, num. 7: « Ultimus
 « modus, omniumque probabilissimus est
 « ille, quem primus in scholas invexit
 « eximius Doctor. »

Sed his non accinit Vincentius Candidus

ploditur extus mandatus. disq. 24, art. 17, dub. 2, dicens : « Iste casus Suarii est potius speculatio metaphysica, quam casus moralis. » Nec Joannes a S. Thoma loc. supr. cit. § *Ille sententia*, dicens : « Hæc sententia Suarez valde difficilis est. » Et rursus : « Hæc solutio nullo modo stare potest cum verbis Concilii. » Nos vero, licet admittamus illum casum non implicare, sed posse, quamvis valde raro, contingere ; multa in ea Suarii explicatione videmus, quæ modum conciliandi valorem sacramenti cum ejus infirmitate impracticabilem, et pene impossibilem repræsentant. Et primo loco suspectum illum nobis facit, quod Tyrus recensuit elogium : « Primus in scholis invexit. » Nam difficultas hæc conciliandi valorem sacramenti cum infirmitate nova non est in scholis, sed vetus apud antiquissimos scholasticos, ut constat ex relatis, et referendis : fuerunt autem inter eos plurimi valde docti, et qui hanc difficultatem ex professo versarunt : ergo incredibile est, hunc conciliandi modum, quem primus post tot annos Suarez invexit, ipsos latuisse, si veram, et practicabilem contineret doctrinam ; veremur itaque illum oppositas habere condiciones. Suspectum secundo loco nobis est, quod quamvis Suarez teneat D. Thomæ assertionem ; nihilominus nec vestigium in eo modo servat motivorum, quibus Angelicus Doctor usus fuit, aut insinuavit, sed alia graditur via. Nobis autem minime probatur quidquid, vel in modo procedendi, et firmandi sancitur Sancto Doctori non conforme, quem non dubitamus supra Suarium intellexisse.

278. Veniamus ad alias, forsitan apud aliquos, fortiores impugnationes. Etenim unum, et satis grave, motivum asserendi sacramentum validum, et informe, fundatur in convenientia vitandi repetitionem confessionum eorundem peccatorum : nam si omne sacramentum poenitentiae, in quo non producitur gratia, foret eo ipso invalidum, necessarium etiam esset illud repetere ; et sicut illud primum satis frequenter contingit, sic etiam satis frequenter illa necessitas inculcaretur repetendi confessiones ; quod, cum sit inconveniens, affertque importabile onus, oportet ab opposito statuere, quod contingens est, confessiones esse informes, et tamen va-

lere, atque præcepto satisfacere absque obligatione eadem illa peccata iterum confitendi. Casus autem, a Suario excogitatus, rarissime, aut nunquam contingit ; unde nec moralis, nec doctrinalis est pro qualitate materiae, et necessitatis, cui expedit obviam ire. Sed quando tot circumstantiæ, nisi studio conquisitæ, in eodem subjecto concurrunt ? Quod habeat duo peccata specie diversa ; quod unus invincibiliter obliviscatur ; quod de altero doleat, non secundum rationem omnibus mortalibus communem, ut communiter dolemus ; quod illud cognitum specialiter, et retractatum unice confiteatur sine intentione consequendi veniam aliorum, quæ forte coram Deo habet ? Existimamus, quod nunquam, vel rarissime : nam commune non est, habere præcise duo tantum mortalia specie distincta. Supponamus, hominem habere triginta, aut plura specie diversa, et quod unus tantum invincibiliter obliviscatur. Quomodo se geret in dolendo circa alia ? Dolebit ne de singulis secundum proprium unicuique specialis scditatis motivum ? De furto, quia furtum sit ; de incestu, quia incestus ; de sacrilegio, quia sacrilegium ; de juramento falso, quia tale ; et sic de aliis ? Nihil minus, et fidelium praxi contrarium : omnes namque, illam prolixitatem vitantes, dolent de omnibus suis peccatis mortalibus ratione motivi omnibus communis, utputa, quod per illa Deum graviter offenderint ; quod a se excluserint illius gratiam ; quod meruerint gehennam ; quod in perpetuum damnari timeant, etc. Et si millies de suæ confessionis, et accusationis motivo interrogarentur a confessario, hoc communiter, et vere responderent. Idque satis declarat, hunc esse communem inter Christianos usum ; et casum a Suario propositum, tot suppositionibus, et præcisionibus vestitum, non esse regularem, et moralem, qualem in hac difficultate desideramus ; sed metaphysicam quandam speculationem, contradictionem non implicantem, etc.

Explicatur hoc amplius, inquirendo, quidnam practicabunt casum a Suario propositum, vel apud quos erit ejus usus ? Rustici, et idiotæ ? Id plane dicere foret ridiculum : quippe hujusmodi personæ non sic præcindunt, et vix percipiunt proprias rationes specificas peccatorum ; sed, ut expe-

Explicatio
hujus.

rientia constat, dolent de peccatis grossiori, sinceriori, et securiori motivo; quod sint contra legem Dei, quod perniciem afferant animabus, quod æternam impediunt salutem. Unde si in eorum aliquo fingatur ille casus, quod habeat duo mortalia specie distincta, et quod unius non recordetur propter oblivionem inculpabilem, et quod aliud, cujus meminit, confiteatur; absque dubio illud exponet cum accusatione ex generali aliquo motivo ex immediate assignatis, minime vero cum ea præcisione, a Suario proposita, specialis deformitatis specificæ. Quare in his pœnitentibus simplicibus, et rusticis locum non habet illa subtilitas metaphysica. Sed habebit ne in sapientibus, et prudentibus? Multo minus; nisi Deus alicui revelet, quod non habet nisi unum tantum mortale hujus, aut alterius speciei: tunc enim secure posset illud confiteri cum dolore restricto ad propriam, et specificam ejus rationem, quatenus talem, ut talem inordinationem importat; sed ea revelatione seclusa, non possunt secure procedere, sed debent dolere ex motivo universali omnibus mortalibus communi. Et rationem jam assignavimus disput. præced. num. 80, qua ille discursus Suarii subvertitur: nam prudentes, et sapientes optime cognoscunt, quod licet unius tantum mortalis recordentur, illudque præcise confiteri debeant; contingens tamen est, quod habeant aliud, vel aliqua occulta: sunt enim profundi animæ sinus, præsertim quantum ad motus pure internos, qui exterioribus signis non se produnt; cognoscunt etiam, et cognoscere debent, unum peccatum mortale non remitti sine aliis, et sine dispositione ad omnium remissionem per justificationis gratiam. Hoc autem cognoscentes facile advertunt, quod confitentes unum mortale cum dolore restricto ad ejus fœditatem specificam, graviter peccant, se exponendo periculo manifesto impediendi fructum sacramenti: quia forte alia mortalia in conscientia latent, et minime cum eo tantum dolore remittentur, et subinde nec excluditur illudmet peccatum, quod confitentur, ob rationem immediate assignatam. Unde liquet, sapientes, et prudentes non confiteri illo modo, et cum dolore illo restricto ad unum præcise mortale. Et credimus, quod Suarius non auderet in praxi tali

modo confiteri: est enim periculosus, et illicitus per se loquendo, id est, seclusa invincibili ignorantia, aut divina de uno tantum peccato revelatione, ob rationem jam assignatam. Quare casus a Suario propositus sistit in metaphysica speculatione, et inutilis est ad tuendum communem nostram assertionem, quæ magis respicit praxim.

279. Quæ omnia urgender confirmari possunt ex Concilio Tridentino sess. citata cap. 5, ubi hæc habet: « Constat enim, » nihil aliud in Ecclesia a pœnitentibus » exigi, quam ut postquam quisque dili- » gentius se excusserit, et conscientia suæ » sinus omnes, et latebras exploraverit, ea » peccata confiteatur, quibus se Dominum, » et Deum suum mortaliter offendisse » meminerit. Reliqua autem peccata, quæ » diligenter cogitanti non occurrunt, in » universum eadem confessione inclusa » intelliguntur; pro quibus fideliter cum » Propheta dicimus. Ab occultis meis munda me Domine. » Quo loco Concilium non solum docet, peccata oblita, quæ diligenter cogitanti post attentam conscientia excusationem non occurrunt, intelligi inclusa in tali confessione; sed etiam docet, omnia tam cognita, et expresse confessa, quam oblita, et in confessione inclusa, remitti juxta petitionem fidelium: *Ab occultis meis munda me Domine*: quæ mundatio est pœnitentium justificatio, quæ sine remissione omnium peccatorum non contingit. Cum qua doctrina non cohæret Suarii cogitatio, dicentis, in eo casu a se proposito confessionem esse formaliter integram propter impotentiam explicandi peccata invincibiliter oblita: nam Concilium generaliter docet, quod ubi peccatum est invincibiliter oblitum, intelligitur comprehensum in confessione, et terminare dolorem peccatorum, quod fideliter, et generaliter a Deo poscimus in omni confessione legitime facta emundationem ab illis; unde manifeste supponit, omnem attritionem, confessioni legitimæ adjunctam, extendi saltem virtualiter, et implicite ad omnia peccata, licet occultissima. Quod minime verificatur, si pro valore sacramenti sufficeret illa attritio a Suario asserta, terminata ad peculiare peccatum, et sub peculiari ejus motivo restricta: hæc namque nec formaliter, nec virtualiter

Concil.
Trident.

liter extenditur ad peccata occulta, ut ille affirmat, hac via salvare tentans, quod sacramentum validum relinquatur in-forme.

infr.

Confirmatur, et explicatur amplius : nam cum certum de fide sit, fideles habere quandoque aliqua peccata occulta, quæ vel post diligens examen non deprehendunt, nec confiteri explicitè valent, ut perspicue docet Concilium, oportet, quod non destituantur remedio in ordine ad consequendum eorum remissionem : nullum autem secundum præsentem providentiam datur, nisi sacramentum pœnitentiæ in re, vel in voto, nec illorum remissio contingit absque talium peccatorum dolore, et retractatione, vel formalibus, et expressis, vel virtualibus, et implicitis ; ad quod opus est, attritionem de aliis peccatis cognitis conceptam esse universalem, sive tendentem sub motivo comprehendente omnia mortalia tam cognita, quam occulta. Et qui opposito modo se gerit, confitendo unum mortale, quod præcise detestatur, et dolendo sub peculiari motivo illi tantum alligato, et ad alia non se extendente, vel firmiter censet, se nullum mortale occultum habere, quod videtur insignis superbiæ, et temeritatis argumentum, vel se exponit manifesto periculo non consequendi remissionem occultorum, et subinde nec illius, quod confitetur : quippe si cum occultis concurrat, nequit sine illis remitti. Unde modus a Suario propositus non tantum alienus a mente Concilii apparet, sed ei contrarius, et qui secure praticari non posset. Simpliciter itaque standum est Concilio aperte dicenti, in confessione omnium mortalium memoriæ occurrentium intelligi inclusa etiam oblita, omniaque simul remitti ; quod falsum foret, si in attritione priorum cetera non continerentur ; sicut contingeret, si juxta Suarii doctrinam attritio pro sacramento sufficiens non deberet extendi ad occulta.

Nec audiendi sunt, qui dixerunt, Concilium loqui in casu, quod pœnitens confiteatur cum contritione : hæc enim cum procedat ex amore Dei super omnia, est universalis dolor de peccatis, ad occulta etiam se extendens. Hanc vero necessariam universalitatem non habet attritio, sed potest ad determinatum peccatum, quod

cognoscitur, dirigi, ipsique sub proprio, et specifico motivo alligari, sine extensione formali, aut virtuali ad occulta. Nulla namque ratione hæc dicentes sustineri possunt, cum aperte obluctentur Concilio. Tum, quia istud expresse agit de remissione occultorum facta in sacramento pœnitentiæ ; ubi autem pœnitens disponitur per contritionem, remittuntur omnia peccata ante absolutionem, et cum voto sacramenti. Tum etiam, quia Concilium in c. 4 et 5 illius sess. eundem tenorem observat circa confessionem, et attritionem ; dixerat autem cap. 4, quod « attritio quamvis sine « sacramento per se ad justificationem « peccatorum perducere nequeat, tamen « eum ad Dei gratiam in sacramento « pœnitentiæ impetrandam disponit. » Ubi manifestum est, sermonem non fieri de confessione cum contritione, sed cum sola attritione : cum igitur in capite immediate sequenti eandem materiam continuet, de eadem confessione cum attritione loquitur, et debet intelligi, quando ait : « Reliqua peccata, quæ diligenter cogitanti « non occurrunt, in universum eadem « confessione inclusa esse intelliguntur. » Et oppositum dicere, parvum habet fundamentum in Concilio, sed ei voluntarie addit, qui illius intentioni resistit : eam namque expresserat Concilium repræsentando fidelibus, hoc sacramentum non habere eas difficultates, quas opponebant hæretici, ut evidenter constat ex verbis immediate præcedentibus : « Sed, et im- « pium est ; etc. Constat enim, nihil aliud « in Ecclesia a pœnitentibus exigi, etc. » In confessionibus autem ordinariis diuturni temporis, ubi dantur multa mortalia, frequentissimum est, non pauca manere oblita, præsertim quæ ad cogitationes, et internos motus pertinent, ut experientia liquet ; at satis rarum est, pœnitentes vulgares accedere cum perfecta contritione : si ergo necessaria foret pro occultorum peccatorum remissione, raro etiam contingeret aliorum in hoc sacramento remissio ; quod homines multum retraheret ab hujus sacramenti usu (idque intendebant hæretici) et in quandam desperationem induceret. Fatendum itaque est, pro occultorum remissione sufficere attritionem cum confessione, seu sacramento : sed non sufficit attritio partialis,

Concil.
Trid.

sive ad occulta formaliter, aut virtualiter non extensa, ut ostendimus contra Suarium, et hic concedit : ergo requiritur attritio universalis, sive procedens sub motivo communi omnibus mortalibus tam cognitis, quam occultis. Hanc igitur attritionem, et non aliam, asseruit, et supposuit Concilium, quando agens de confessione rite facta generaliter statuit : « Reliqua autem peccata, quæ diligenter cogitanti non occurrunt, in universum, eadem confessione inclusa esse intelliguntur ; » utique tam in ordine ad confessionem, quam ad dolorem, et tam in ordine ad valorem, quam ad fructum : hæc quippe intendebat Concilium contra hæreticos exponere, atque tueri ; et ab isto scopo multum elongatur Suarii discursus.

Object.

280. Sed oppones in ejus favorem cum Gaspare Hurtado disp. 6, difficult. 8, quod in casu proposito opus non est, dolorem, qui tanquam pars ad hujus sacramenti valorem requiritur, extendi ad peccata oblita, quin nec ad illa, quæ pœnitens iustis de causis non exponit, juxta superioris dicta dub. 7, § 1, sed sufficit, quod sit illorum præcise peccatorum, quæ pœnitens confitetur : ergo falsum est, attritionem in tali casu debere extendi ad oblita, et per consequens tunc licet detur dolor pars sacramenti, non tamen datur dolor, qui sit dispositio ad remissionem peccatorum occultorum, imo nec aliorum per gratiam justificationis : salvatur itaque in tali casu sacramentum validum, et informe. Cetera constant, et antecedens suadetur ; quia dolor in hoc sacramento nec est pars, nec est dispositio, nisi quatenus sensibilis per confessionem ; sed nequit ita fieri sensibilis respectu illorum peccatorum, quorum pœnitens est invincibiliter oblitus, et quæ subinde non confitetur, nec confiteri potest : ergo dolor in tali casu solum est pars sacramenti quantum ad peccata confessæ, non vero quantum ad oblita ; et nec in ordine ad hæc, nec ad illa remittenda habet rationem dispositionis : quia nulla remitti possunt absque infusione gratiæ, quæ vel omnia simul, vel nulla excludit.

Objectioni fit
satis.

Respondetur negando antecedens, cujus probatio convincitur falsitatis : tum, quia Conc. Trident. loco citato expresse docet, peccata oblita, quæ post diligens examen

pœnitenti non occurrunt, intelligi in universum inclusa in eadem confessione ; unde necessario requiritur, quod sequatur ex mente Concilii, confessionem factam formaliter, et expresse de peccatis memoriæ occurrentibus, extendi implicite, et virtualiter ad peccata oblita ; aliter enim ista non comprehenderentur in illa. Si autem confessio ad ea sic extenditur, quamvis illa non explicet, nulla est ratio quare dolor per dictam confessionem factus sensibilis ad eadem peccata simul cum confessione eodem modo non extendatur. Tum etiam : quia in confessione formaliter integra (ut exemplum antecedenti insertum retorqueamus) solent aliqua peccata iustis de causis subterfieri ; et tamen confessio illa implicite, et virtualiter complectitur, quin et attritio interior potest illa formaliter, et explicite detestari, et semper detestatur, saltem implicite ; cujus evidens signum est, confessionem formaliter integram esse frequentissime non solum validam, sed et fructuosam, causando, scilicet, et consequendo gratiam ; quod minime contingere valet absque dolore, sive attritione extensa formaliter, aut virtualiter, explicite, ad omnia mortalia tam confessæ expresse, quam juste in confessione non expressa. Falsum itaque omnino esse, attritionem, et in esse partis, et in esse dispositionis, ita confessioni commensurari, ut solum extendatur ad peccata, quæ quis expresse confitetur. Eliditur autem illa probatio, concedendo majorem, et negando minorem : quia attritio fit sufficienter sensibilis non solum per verba confessionis, sed etiam per ipsam externam submissionem veniæ, quæ pœnitens petit a suis peccatis absolvi ; sicut quando non potest loqui, sed per nutus, aut alia externa signa se explicat ; et infirmus, qui confiteri cœpit aliqua peccata, solet subito facultate loquendi privari, et confitendi omnia ; et tamen in his casibus, qui sunt vulgares, non impeditur valor, nec fructus sacramenti, etsi pro isto in omnium sententia requiratur dolor universalis, sive qui ad omnia quantum est ex parte motivi extendatur. Sufficit itaque ad prædictos effectus fieri sensibilem modo explicato.

281. Septimus modus conciliandi hujus sacramenti validitatem cum infirmitate, quem

Septimus
dicendi
modus.

quem N. Bonæ Spei retulit, et impugnavit tract. 5, de Pœnitentia, disp. 5, dub. 2, n. 38, est N. Mag. Ponce, qui hujus Salmanticæ Universitatis clarissimum jubar extitit; hic semper ingenii acumine pollens in sua controversia Theologica dogmatica, Romæ typis excusa, dub. 11, et ultimo hunc dicendi modum nuperrime rara singularitate prælibavit; rem discutit, et propriam sententiam a n. 1 sic resolvit. In quolibet instanti hujus mortalis vitæ potest homo, sui compos mœnens, lethaliter delinquere, nisi in gratia sit confirmatus, aut in ejus actuali receptione aliquam justam operationem exerceat: ergo in ultimo instanti terminativo absolutionis cadentis supra confessionem peccatorum formaliter, imo, et materialiter integram, et dolorosam, et undique legitime peractam, potest homo labi, et in lethalem culpam incidere. In isto autem casu, inquit hic ingeniosissimus Magister, sacramentum extitit validum, utpote ex peccatorum integra confessione, eorum supernaturali dolore, et absolutione constitutum; et ex alia parte fuit informe, et infructuosum, ratione peccati mortalis in ultimo instanti terminativo absolutionis commissi: tale namque peccatum non tollit sacramenti valorem, licet ejus fructum, scilicet, gratiam, impediatur: quia non pertinet ad illam confessionem, sed ad aliam subsequentem, per quam tale peccatum debet expiari, et remitti. Rationemque hujus reddit: quia ex una parte nequit absolutionem in illa instantanea morula impedire; et ex alia est pœnitenti impossibile de illo peccato tunc confiteri: ergo confessio de præteritis omnibus integre facta, et dolorosa, accedente absolutione subsistit valida, utpote ex partibus essentialibus, nempe, materia, et forma, constituta: licet sit infructuosa. Exemplum apponit in Baptismo cum fictione recepto, et cum aliquo peccato gravi in ultimo instanti terminativo Baptismi ab adulto illum recipiente scienter commissio; qui quidem, licet informis sit, et infructuosus, est tamen validus: quia illud peccatum non impedit talis Baptismi valorem, sed tantum illius fructum, nempe, justificationis gratiam; nec pertinet ad Baptismum, sed ad sacramentum pœnitentiæ, per quod est expiandum, et delendum. Ratio autem, ob

quam peccatum commissum in ultimo instanti terminativo absolutionis non pertineat ad illam confessionem tali absolutioni subjectam, consequenterque non possit illi officere, aut eam annullare, est, quia solum pertinent ut materia remota ad confessionem peccata illa, quæ pœnitens potest expresse, vel implicite confiteri, et absolutioni subicere; atqui pœnitens est absolute impotens tale peccatum in ipso instanti terminativo absolutionis commissum in illa confessione tunc confiteri, et absolutioni illi exponere: ergo tale peccatum non pertinet ad illam confessionem, et sacramentum, sed per aliam confessionem est expiandum.

Verum licet hic dicendi modus ingenuus sit, et speciosus videatur: nihilominus non est nervosus, et falsitatis facile convincitur; cum loquatur de peccato, non tantum implicite, et indirecte volito, sed expressa, et directa volitione perpetrato, seu (quod idem est) scienter, et ex proposito in ultimo instanti terminativo absolutionis commissio; quo in instanti sacramentum perficitur, et completur, cum tale instans sit intrinsecum sacramento secundum suum ultimum mutatum esse, licet extrinsecum illi in ratione motus, ut jam firmatum supponimus ex his, quæ tract. 22 de sacramentis, disp. 4, dub. 5, concl. 1 et 2, late statuimus. Et quidem hic dicendi modus eisdem exponitur nullitatibus, quibus paulo ante Suarii cogitatum rejecimus: est enim casus propositus, esto non implicatorius, raro tamen contingens, et metaphysicus, non vero practicus, et qualem in præsentia desideramus. Et ulterius in re gravia a Theologis antiquis, et Patribus, ac præcipue a D. Th. diligenter discussa, novam offendiculis plenam arripit viam, a reliquis, si non despectam, penitus tamen non tritam; unde ex hoc præcise nobis redditur suspectus, et omnino falsus. Et profecto quantum ad id, quod asserit de peccato in ultimo instanti terminativo receptionis Baptismi, ab adulto illum recipiente, scienter commissio, nimirum, quod tale peccatum non pertineat, ut remittendum ad Baptismum, est plane falsum, et rationibus urgentissimis, autoritatibusque D. Aug. ac D. Th. a nobis adductis 1 p. hujus tract. disp. 2, dub. 2, § 2 et 3, ubi oppositum stabilivimus

Evertitur hic dicendi modus.

ex diametro adversum. Sed esto nunc permittamus, quod peccatum a pœnitente scienter, et ex proposito, seu expressa volitione commissum in instanti ultimo terminativo absolutionis non pertineat, ut remittendum ad illam confessionem tali absolutioni subjectam : quia (ut ait ipse Magister) hoc peccatum in illo instanti nequit confiteri, et absolutioni subjici ; ceterum licet ut solvendum ad illam confessionem non pertineat, ad eam tamen spectat necdum, ut gratiam impediens, sed etiam ut valorem sacramenti auferens, illudque reddit non solum infructuosum, verum, et prorsus invalidum.

282. Et in primis, non est ad rem instantia Baptismi a perdocto Magistro Ponce toties inculcata, et ad suum tuendum assertum repetita ; est namque satis nota disparitas, quæ datur inter materiam sacramenti baptismi, et pœnitentiæ ; et si similitudo omnino servetur, prorsus evertitur excogitatus ab eo discursus. Nam supposita in adulto intentione libera recipiendi Baptismum ex fine honesto, licet peccatum lethale, v. g. furti, aut adulterii desiderium, ante instans terminativum receptionis Baptismi scienter, et expressa voluntate commissum, impediat fructum hujus sacramenti ; ejus tamen valorem relinquit intactum, nihilque illi officit quoad partes essentielles, cum in consortio talis peccati materia ejus remota, et proxima, nempe, aqua naturalis, et ablutio possit salvari, ac verba, quæ sunt forma, valeant debite proferri ; et nihilominus peccatum grave intra pœnitentiæ sacramentum ante instans terminativum absolutionis a pœnitente scienter, et directa volitione commissum, in omnium sententia reddit hoc sacramentum necdum in forme, verum, et invalidum, ut sequenti dubio latius dicemus : ergo licet baptismus salvetur validus cum peccato lethali in instanti ultimo terminativo receptionis illius scienter, et ex proposito commissio, nequit tamen salvari sacramentum pœnitentiæ, sed cum tali peccato scienter tunc perpetrato est prorsus invalidum : ergo nulla est hujus sacramenti cum Baptismo paritas, sed ingens ac notissima differentia.

Potestque hoc amplius fulciri, si comparatio hujus sacramenti cum Baptismo fiat

in eo, quod spectat ad essentialia requisita. Etenim non minus requiritur ad essentialia constitutivum sacramenti pœnitentiæ, quod adsit supernaturalis dolor de peccatis præteritis expresse, aut implicite, et propositum ea in posterum vitandi, quam ad Baptismum desideratur libera intentio adulti ipsum recipiendi, et motivum honestum se Deo initiandi, ut Christianæ vitæ ineat rationem ; sed peccatum huic intentioni oppositum, scienter, et directa volitione commissum in instanti ultimo terminativo receptionis Baptismi, destruit ejus valorem, sacramentumque reddit invalidum : ergo peccatum grave scienter, et expressa volitione in ultimo instanti terminativo absolutionis perpetratum destruit valorem sacramenti pœnitentiæ, cum quolibet opponatur dolori supernaturali. Patet consequentia : nam ideo peccatum commissum scienter in ultimo instanti terminativo receptionis Baptismi destruit ejus valorem, quia non salvat in eodem instanti, sed eradicat liberam intentionem suscipiendi illum, quæ est essentialiter necessaria, ut validus sit Baptismus ; sed etiam peccatum scienter, et ex proposito, seu expressa volitione in instanti ultimo terminativo absolutionis commissum non salvat in eodem instanti, sed destruit dolorem supernaturalem inefficacem de peccatis præteritis, et propositum inefficax vitandi futura, quæ essentialiter ad valorem hujus sacramenti sunt requisita, et omnino necessario exacta : ergo sicut in primo casu cum illo peccato scienter, et sine ignorantia pure vincibili commissio Baptismus est invalidus ; ita in hoc secundo sacramentum pœnitentiæ cum peccato scienter perpetrato erit nullum.

Confirmatur, et explicatur ulterius : etenim pœnitentiæ sacramentum (et idem est de aliis) quod in instanti completur, non perficitur, nec terminatur usque ad ultimum instans terminativum prolationis verborum, quæ sunt forma, in quo ultima syllaba cum ordine ad præcedentes proferitur, ut est expressum in D. Thom. 3 part. D. T. quæst. 75, art. 7 et quæst. 78, art. 4 ad 3, ubi ait : « Unde vis, quæ est forma horum sacramentorum, consequitur significatio nem, quæ in prolatione ultimæ dictionis terminatur, et ideo in ultimo instanti prolationis verborum prædicta verba consequuntur

Confirmatur

« consequuntur hanc virtutem, in ordine
« tamen ad prædentia. » Ergo si in ultimo instanti prolationis verborum absolutionis non adest supernaturalis dolor inefficax de peccatis commissis, licet in morula antecedenti adfuerit (et idem est de proposito peccata futura vitandi) forma absolutionis formaliter accepta non cadit in illo instanti supra materiam proximam hujus sacramenti, nec coexistit pro illo tunc cum proposito essentialiter requisito ad valorem sacramenti. Tum sic, sed si in ultimo instanti terminativo absolutionis datur peccatum actuale, scienter, et expressa voluntate commissum, pro illo instanti non adest, sed intrinsece in illo desinit, et perit supernaturalis dolor inefficax de peccatis commissis, et in morula antecedenti cum tali dolore, et proposito vitandi futura confessis : ergo in hoc casu sacramentum needum est infructuosum, verum, et invalidum. Minor probatur : nam (ut manet a nobis satis clare insinuatum l part. hujus tract. disp. I, dub. 4, num. 207, et hic in solutione argumentorum non pauca circa hoc dicemus, fusiusque sequenti dubio explicabimus) licet cum dolore inefficaci supernaturali de peccatis commissis ex motivo universali procedente, et proposito inefficaci vitandi futura possint in eodem instanti conjungi non solum peccata habitualia commissa, et actualia ob non retractionem moraliter permanentia, sed etiam voluntas actualis peccandi virtualis, et implicita, seu indirecta, et interpretativa, qualiter in primo peccato Angeli in amore inordinato propriæ excellentiæ admittunt Thomistæ; attamen voluntas formalis, et actualis volitio expressa, et directa peccandi, et peccatum actuale expresse votitum, et scienter, ac directe commissum, in nullo instanti conjungitur, nec valet conjungi, et coexistere cum dolore supernaturali, et proposito etiam inefficaci peccata cavendi, ut in dubio nuper relato inuimus, et cum communi Theologorum calculo latius dubio sequenti stabiliemus. Unde in eodem instanti, in quo est verum dicere, nunc est peccatum scienter, et ex proposito commissum, est verum asserere, nunc non est propositum vitandi peccata, nec aliquis supernaturalis dolor. Cum ergo dolor supernaturalis cum proposito vitandi peccata sit hujus sacramenti materia proxi-

ma, ad ejus valorem essentialiter requisita, si talis dolor in instanti ultimo terminativo absolutionis non adest, sed ad positionem peccati tunc intrinsece desinit esse, quamvis in morula præcedenti fuerit, talis absolutio formaliter sumpta, et completa non cadit in illo instanti supra materiam proximam sacramenti ; unde illa confessio est prorsus invalida. Proptereaque N. Franciscus Bonæ Spei non solum asseruit, hunc casum esse metaphysicum, et moraliter impossibilem, verum etiam de potentia absoluta repugnare : sic enim concludit : « Quomodo tamen dari possit dolor sufficiens ad hujus sacramenti effectum » (qui dolor in sua sententia ad valorem sacramenti simul est exactus) « ipso absolutionis instanti perseverans, et debet, et « simul mortale peccatum, capere non possum ; unde respondere malo, casum esse « impossibilem, etiam per Deum. » Et licet videatur loqui non de dolore inefficaci, sed de efficaci, qui simul intra sacramentum sufficit ad ejus valorem, et fructum ; ceterum quantum ad non coexistendum in eodem instanti cum peccato expresse volito, et scienter commissio, idem est Theologorum placitum de uno ac de altero, solumque hi dolores de peccatis discriminantur in eo, quod dolor efficax etiam voluntatem actualem implicitam, et virtualem, seu interpretativam peccandi excludit ; dolor autem inefficax illam in eodem instanti secum admittit.

283. Octavus, et ultimus dicendi modus in hac gravissima difficultate est etiam ejusdem Magistri Ponce in sua controversia dogmatica loco supra citato, et in eo consistit, quod hic Author asserit, ad hujus sacramenti valorem sufficere propositum virtuale, et implicitum emendationis vitæ, ac vitandi futura peccata, ceterum ad sacramenti fructum, et ad gratiam justificantem tale propositum non sufficere, sed indispensabiliter, et essentialiter requiri circa peccata futura vitanda propositum formale, et expressum ; potest autem aliquando contingere, et hoc non raro accidit, quod pœnitens ita rapiatur metu pœnarum gehennæ, aut turpitudinis peccati consideratione, ut penitus obliviscatur faciendi tale propositum formale, et expressum, sed tantum eliciat illud virtuale, et in attritione implicitum ; in quo casu non justifi-

N. Bonæ Spei.

Octavus, et ultimus dicendi modus.

cabitur, nec sacramentum faciet fructuosum, licet suscipiatur sacramentum validum. Et pro hac sententia refert Joannem a Sancto Thoma, quem, inquit, sequitur N. Lumbier a num. 517, circa propositiones damnatas a Sanctissimo Papa Innocentio XI.

Dispelli-
tur 1. Sed hic modus dicendi multum nobis displicet, nec aliquam veritatem in se continet : nam licet regulariter, et connaturaliter loquendo, in justificatione impii adsit tale expressum, et formale propositum ; non tamen ad justificationem, et gratiam adipiscendam est indispensabiliter necessarium, nec essentialiter requisitum ; sed sufficit ad hoc implicitum, et virtuale propositum. Quod quidem facile, et nervose convincitur ; nam magis debet habere sibi annexum propositum formale, et expressum non peccandi perfecta contritio, quam attritio etiam existens intra sacramentum, et esto efficax sit in peccata detestando ; ut est valde notum, et tenet Catejanus tom. 1 *Opusculorum*, tract. 4, quæst. 1 ; atqui contritio perfecta, quæ cum voto sacramenti in ea incluso est ultima dispositio ad gratiam, etiamsi extra sacramentum existat, non habet ad hoc tale propositum non peccandi formaliter, et explicitum, essentialiter sibi annexum, sed cum illo implicito disponit infallibiliter multoties impium ad gratiam justificantem obtinendam : ergo attritio efficax de peccatis confessis intra sacramentum existens sufficit ad sacramenti fructum, et ad dispositive justificandum, licet pœnitens non habeat futura peccata vitandi propositum formale, et explicitum, sed tantum virtuale, et implicitum in tali attritione inclusum. Minorem, quæ difficultatem præsefert, tuentur, qui nobiscum Suarez,
Vasquez,
rado. in hac parte sentiunt, Suarez, Vasquez, Magister Nugno hic quæst. 1, dub. 5, Prado ibi dub. 2, quod et nos 1 part. hujus tract. disput. 4, dub. 1, § 2 insinuavimus. Et facile probatur primo, ex sacra pagina multos casus referente, in quibus propositum formale, et expressum vitandi peccata futura non de facili invenitur, et tamen contritio sortita est suum justificationis effectum ; ut 2, Paralipom 33, de Manasse nihil nisi pœnitenter orasse legitur : de Publicano, quod oculos præ confusionem levare non auderet Lucæ 18, et Lucæ 15, de Prodigio illis verbis : *Pater, peccavi in cœlum*, etc. Et stolam, et annulum accepit.

Ad quæ Chrysostomus homil. de pœnitentia : *Dic peccavi, et solvisti peccatum*. Vix David pœnitens *peccavi Domino dixit*, cum statim ei Propheta testatur, Dominum transtulisse peccatum suum ; prout D. D. Augustinus homil. 41, exponit his verbis : « Tres syllabæ sunt peccavi, sed de his tribus syllabis flamma sacrificii coram Domino ascendit in cœlum. » Rursus in conversione D. Petri ita sunt omnia celementer consummata, ut pene idem videatur, Dominum eum respicere, et illum ad gratiam convertere, et egressum statim foras flevisse amare, quæ tantum vehementem expriment dolorem, et detestationem trine negationis præteritæ, non adhibito expresse proposito vitæ futuræ. Ac denique Dimas latro cum Christo crucifixus, qui in mortis articulo amplius vivere in hac vita non sperabat, et consequenter de peccatis in hac vita præcavendis nihil ei occurrebat, per contritionem de præteritis gratiam adeptus fuit justificationis, et per memoriæ Christi petitionem dum veniret in regnum suum, meruit ingredi eadem die in Paradisum. Igitur sacra scriptura clare indicat, quod contritio perfecta, ut disponat ad gratiam, non habet essentialiter, et indefectibiliter sibi annexum propositum formale, et explicitum vitandi peccata futura ; seu sufficere virtuale in ipsa contritione contentum. Deinde, licet Concilium Tridentinum testetur, in contritione triplicem actum concurrere, nempe, dolorem, detestationem de peccatis præteritis, et propositum præcavendi de futuris ; nihilominus isti actus licet regulariter conjungantur, non tamen semper, et indefectibiliter ; sed multoties accidit, ut separantur ; ut videre est in Beatis, ubi pœnitentia residet perfectissima, illisque adest detestatio formalis de peccatis ; et tamen in illis non est dabilis dolor, aut exequibile propositum non peccandi de cetero. Similiter, dum quis ardentissimo amore succensus, vel de peccatis commissis ingenti dolore concussus, nihil cogitat de futuris præcavendis, contritionem perfectissimam habet absque ullo formali, et expresse proposito, quod tunc nec cogitat, nec mentem levissime pulsatur : igitur nostra assertio, et Tridentini autoritate non impugnatur, et ratione, ipsoque Tridentino bene perpenso fulcitur.

ietur
uado.

284. Secundo: Ad hoc ut voluntas eliciat propositum formale, et explicitum non peccandi de cetero, necessum est, quod ei objectum hujus actus expresse proponatur: cum enim circa nihil possit voluntas versari, nisi præeunte intellectus cognitione, nullum potest exercere actum erga objectum, quod non cognoscit intellectus, et apprehendendo illud ei proponit amandum: sed quandoque, aliquo accidente impediēte, voluntas perfecte conteritur, quin objectum propositi formalis ei expresse ab intellectu repræsentetur; ergo tunc casus erit contritio perfecta absque formali, et expresso proposito. Minor, in qua difficultas tantum continetur, probatur in oblivione naturali, aut ignorantia invincibilis talis propositi, quæ multoties accidere valent; et etiam quando alicui morte subito incussa, quod non raro accidit, non est de futura hujus sæculi vita, de qua nulla spes adest, cura aliqua, nec in mentem statim morituri venit, aut ei occurrit, sed tantum de præteritis peccatis dolere, ac de eis conteri: ergo eo casu menti minime occurrit proponere expresse in posterum non peccare. Ulterius; vehemens Dei amor ita voluntatem potest ad se rapere, ut nullam pro tunc in ea virtutem ad alium actum relinquat, nec in intellectu; ut objectum extra Deum proponat, prout in raptibus frequenter contingit. Similiter dolor ingens, et acutus subito ortus alios præoccupat sensus: ergo contritio vehementi amore bonitatis divinæ, et dolore anteactæ offensæ concepto, objectum propositi expliciti vitandi peccata futura naturali oblivione non cogitat.

etani
ia-
um.

Nec valet dicere cum Cajetano, quod cum contritio perfecta charitate essentialiter sit informata, cujus motivum formale est offensa Dei, et injuria divini juris ut compensabilis per pœnitentiæ dolorem ex amore Dei super omnia excitatum, continet rationem motivam contritioni, et proposito formali communem; unde si hoc proponitur, utriusque actus cognoscitur, et proponitur motivum; et si ex defectu cognitionis, et repræsentationis non potest contritioni deficere propositum formale.

clm-
tur.

285. Non enim hoc refert, nam ratio præcipua inanet intacta; quippe esto verum sit, quod contritio offensam Dei commissam attingit, et de ea dolet sub motivo

et ratione, sub qua universali, sibi, et proposito formali cavendi offensam futuram communis ex hoc tamen non evincitur, quod si proponitur potentiæ volitivæ, pœnitentia, et charitate exornatæ, illud motivum formale, et ratio sub qua contritio exercite, et in actu secundo extenditur ad offensam commissam, et circa illam sic versatur, debeat in exercitio proponi, et cognosci idem motivum secundum quod est ratio *sub qua* propositi formalis, et expressi de præcavendis offensis futuris. Et ratio est manifesta: nam sub eadem ratione formali *sub qua* potentiæ, et habitus cadunt diversa objecta, quæ ab ipsis sub tali ratione attingibilia in actu primo; et tamen ex eo, quod unum objectum *quod* particulare sub illa ratione formali *sub qua* potentiæ, aut habitui exercite objiciatur, et ab ea per unum actum attingatur, non sequitur, quod eadem ratio *sub qua* proponatur, et agnosceatur prout de facto ad objectum aliud particulare, *quod* ejusdem habitus, vel potentiæ, licet diversi actus, exercite, et in actu secundo extenditur: ergo non sequitur, quod si proponitur, et cognoscitur ratio *sub qua* contritio attingit offensam commissam tanquam objectum formale *quod* a se inspectum debeat in actu secundo proponi, et cognosci eadem ratio formalis *sub qua* prout exercite circa offensam futuram præcavendam servatur, quam ut objectum formale *quod* respicit formale, et expressum propositum, si prius talis offensa futura non objicitur, et media cognitione intellectus voluntati exercite non repræsentatur. Antecedens exemplis ostenditur: nam licet color albus, et niger cadant sub eadem ratione formali *sub qua* potentiæ visivæ, quæ est lucidum coloratum, non sequitur, quod si color albus sub illa ratione *sub qua* exercite potentiæ visivæ repræsentetur, et ab ea attingatur, debeat etiam exercite color niger cadens sub eadem ratione coloris lucidi potentiæ visivæ, objici, et repræsentari, atque ab ea de facto attingi, et videri. Similiter licet amicus, et inimicus, ut diligibiles ex charitate inspiciantur ab hac virtute sub eadem formali ratione, nun sequitur, quod si hæc ratio formalis *sub qua* proponitur voluntati ornata charitate prout de facto extenditur ad amicum, proponatur etiam exercite secundum quod in actu secundo extenditur ad inimicum: potest

enim de facto proponi amicus ut sic diligendus, et nullo modo repræsentari inimicus. Ergo pariter, licet sub eadem ratione formali *sub qua* inspiciant contritio, et propositum formale offensam commissam, et præcavendam, potest repræsentari voluntati offensæ commissæ, circa quam versatur contritio, quin repræsentetur offensæ præcavenda per ordinem, ad quam se exercet formale propositum; et consequenter tunc formale, et expressum propositum in re non ponetur. Ergo propositum expressum de vitandis futuris offensis multoties potest a contritione perfecta separari; et consequenter multo magis ab efficaci attritione intra sacramentum existente, quo pacto disponit ultimo ad gratiam, et ad justificationem. Quod quidem de hac attritione ipse Cajetanus ubi supra admittit; et etiam tenet N. Cursus Moralis Salmantic. tract. 6, cap. 5, punct. 4. Idemque tenetur Navarrus, Vega, Pitigianus, Suarez, Filliucius, quos refert, et sequitur Bonacina de pœnitentia sacram. disp. 5, q. 5, punct. 3, N. Gabriel a Sancto Vincentio disp. 4, quæst. 3, Sylvius in additionibus ad 3 part. quæst. 1, Villalobos in Summa tom. 2, tr. 9, difficult. 19, num. 8, Laiman tract. 6, cap. 4, num. 6, N. Antonius a Spiritu Sancto de Pœnitentia num. 119. Ergo cum attritione efficaci intra sacramentum non requiritur indispensabiliter ad consequendum sacramenti fructum propositum de vitandis peccatis formale, et explicitum; sed sufficit virtuale, et implicitum; unde in casu a Magistro Ponce proposito sacramentum non est informe, sed validum, et formatum. His igitur dicendi modis rejectis, nobis incumbit aliquem, vel aliquos designare, in quibus salvetur valor sacramenti sine fructu; alioqui sententiam D. Thomæ omnino desertam relinqueremus.

§ III.

Statuitur secunda conclusio, in qua primus casus informis, et validæ confessionis proponitur, et firmatur.

Assertio
2.

286. Dicendum est secundo, sacramentum pœnitentiæ esse validum, et informe, seu infructuosum, quando pœnitens integre confitetur sua peccata cum supernaturali de eis attritione, quam bona fide putat

efficacem, licet revera inefficax sit. Est validum in hoc casu: quia habet partes, ex quibus essentialiter constituitur, et præsertim attritionem: est autem informe, quia non adest attritio efficax, quæ est dispositio necessaria ad introducendum justificationis gratiam. Diximus, *quam bona fide putat efficacem*: nam si cognosceret, se non afferre attritionem efficacem, quæ tanquam dispositio pro infusione gratiæ requiritur, ex hoc ipso scienter poneret obicem fructui sacramenti, scienterque peccaret mortaliter; cum quo non cohæret, sacramentum esse validum. Casus igitur descriptus non est cogitatio quædam metaphysica, qualem supra impugnavimus; sed res satis obvia, et frequenter contingens, quod magis firmat communem nostram assertionem.

287. Pro cujus majori intelligentia, oportet hic breviter refricare, et in unum colligere principia disput. præced. dub. 1 jam præjecta: statuimus namque ibi num. 9, pro dolore, ut sit pars sacramenti, non requiri contritionem. Quæ sententia est in his Regionibus communis, et certa, ibique contra aliquos in aliis Theologos late demonstrata. Deinde num. 19 asseruimus pro attritione, ut in hoc sacramento habeat rationem partis, non requiri, quod sit omnino efficax, et absoluta: sed sufficere, vel inefficacem, vel præscindentem ab efficaci, et inefficaci. Idque probavimus a numero 23, et præcipuum motivum fuit, quod Concilium Tridentinum, postquam sess. 14, cap. 3, asserit, dolorem, sive contritionem esse hujus sacramenti partem, statim cap. 4 sequenti illam definivit dicens: « Contritio, quæ primum locum « inter dictos pœnitentis actus habet, ani- « mi dolor est, ac detestatio de peccato « commisso cum proposito non peccandi « de cetero. » Quæ definitio adæquate convenit attritioni sufficienti, vel abstrahenti ab efficaci, et inefficaci, ut facile consideranti constabit. Ergo pro attritione, ut sit præcisè sacramenti pars, non requiritur efficacia; quod ibi fusius ostensum est. Præterea num. 26 affirmavimus, attritionem, ut disponat ad fructum, sive effectum hujus sacramenti, debere esse omnino efficacem, et absolutam. Quod principaliter ostendimus ex eodem concilio cap. 4, ubi attritionem disponentem ad sacramenti fructum, illumque in suo genere

Concil
Trident

genere inducentem, ita describit : « Illam
« vero contritionem imperfectam, quæ
« attritio dicitur, quoniam vel ex turpitu-
« dinis peccati consideratione, vel ex ge-
« hennæ, et pœnarum metu communiter
« concipitur, si voluntatem peccandi ex-
« cludat cum spe veniæ, declarat non solum
« non facere hominem hypocritam, et
« magis peccatorem ; verum etiam donum
« Dei esse, et Spiritus Sancti impulsus,
« non adhuc quidem inhabitantis, sed
« tantum moventis, quo pœnitens adjutus
« viam sibi ad iustitiam parat ; et quam-
« vis sine sacramento pœnitentiæ per se
« ad iustificationem perducere peccatorem
« nequeat ; tamen eum ad Dei gratiam in
« sacramento pœnitentiæ impetrandam
« disponit. » Attritio enim, quæ viam ad
iustitiam parat, dispositio est ad illam,
quam tunc demum in suo genere infert,
quando sacramento conjungitur ; sed ut
iæ præstet, conditionem expressit Conci-
lium, *si voluntatem peccandi excludat*,
utique actualem : nam cum voluntate pec-
candi habituali, sive cum statu peccati
optime cohæret. Attritio autem hanc
actualem peccandi voluntatem excludens,
modo a nobis explicando, nequit non esse
efficax, et absoluta : quum namque hujus-
modi non est, cum tali voluntate saltem
implicita conciliari valet. Ergo in senten-
tia Concilii quamvis attritio, ut sit pars
hujus sacramenti, non debeat necessario
esse efficax, tamen ut in sacramento dis-
ponat ad gratiam, sive sacramenti effec-
tum, debet importare efficaciam illis ver-
bis expressam. *Si voluntatem peccandi ex-
cludat*, quæ vel vana sunt, vel significant
dari aliam attritionem non importantem
eam efficaciam, et perfectionem, sed esse
inefficacem.

Ratio autem distinguendi inter attritio-
nes, vel unius attritionis conceptus, si
veram quærimus, ea est, scilicet, Dei
voluntas instituentis hoc sacramentum ; de
qua sufficienter nobis constat per testi-
monia Concilii immediate relata. Si autem
velimus assignare hujus dispositionis con-
gruentiam, facile occurrit : nam sicut in
ordine tam naturali, quam supernaturali
dantur affectus circa idem objectum, ex
quibus unus est efficax, et alter inefficax ;
unde communiter distinguimus amorem
efficacem, et inefficacem, intentionem effica-

cem, et inefficacem, auxilium efficax, et
inefficax, etc., sic distinguere oportet in
attritione, quin ulla in ea circa hoc occur-
rat repugnantia. Quod vero ad dolorem in
esse partis hujus sacramenti sufficiat at-
tritio non efficax, ad dolorem autem in
esse dispositionis ad gratiam requiratur
attritio efficax, eam congruentiam habet,
quod sicut plus est inducere actu gratiam,
quam posse illam inducere, et sicut majus
est esse causam simul efficientem, et dis-
positivam, quam esse causam præcise : sic
etiam plus requiritur, ut attritio sit simul
pars sacramenti, et dispositio ad gratiam,
quam ut sit præcise pars sacramenti ; sed
minus desideratur, ut sit solum pars,
quam ut sit simul pars, et dispositio. Quare
licet attritio, ut cum sacramento sit ultima
dispositio ad gratiam, debeat esse efficax,
ut omnes docent ; tamen ut solum sit pars
sacramenti, ea efficacia non eget, sed
ab ea præscindit. Pro quo accedit optima
congruentia rationis jam assignatæ loco
citato num. 24, nam oportet, istud sacra-
mentum ita institui, quod homines non
paterentur anxietates, et scrupulos circa
ejus valorem, ne ad repetitas eorundem
peccatorum confessiones obligarentur ;
quod foret molestiam addere molestiæ
manifestandi semel peccata. In hos autem
scrupulos frequenter impingerent pœni-
tentes, si attritio per modum partis ad
valorem sacramenti requisita deberet esse
efficax : quia in discernendo inter effica-
cem, et inefficacem summa occurrit obs-
curitas ob difficultatem comprehendendi
internos nostræ conscientiæ sinus, et re-
cessus, ut per experientiam liquet. Decuit
itaque pro valore sacramenti non exigi
attritionem determinate efficacem, sed quæ
ab hoc præscindat. Et si opponatur, ean-
dem difficultatem occurrere in agnoscendo
attritionem supernaturalem ; et tamen ut
attritio sit pars hujus sacramenti, debet
esse supernaturalis determinate ; jam istam
objectionem diluimus loco citato num. 25,
quæ lector consulat.

288. His præjactis principiis, non parum
lucis jam accipit nostra, et fere commu-
nis assertio : eam namque docent plures,
et graves Doctores ; et in primis illam
tuetur Navarrus tom. I suorum operum
in cap. *fratres*, titulo de pœnitentia, dist.
5, n. 35, et in Manuali cap. 9, n. 13, ejus

Navarr.

placuit verba referre, et sic inquit : « At
« vero si de peccatis præteritis dolet, pro-
« ponitque futura vitare, quamvis non adeo
« doleat, neque ita perfecte illa vitare
« proponat, ut perveniat ad sufficientem
« contritionem, neque ad eam attritionem,
« quæ adjuncta sacramento in contritionem
« transeat » (hæc est attritio efficax) « non
« tamen tenebitur iterare confessionem. »
Ex quo sequitur, quod illam ellicit vali-
dam, esto infructuosam. Idem tenent Sotus
in 4 sent. dist. 18, quæst. 3, art. 3, Can.
5, Victoria in summa n. 157, circa finem,
Mag. Cano relectione de pœnit. part. 5,
fol. 130 et 131, impressionis Complut.
Estque sententia communis Thomistarum;
eam etiam sectantur Toletus, Henriquez,
Granad. quibus addimus Valentiam disp.
7, q. 11, punct. 2, Joannem a Sancto
Thoma ubi supra, § *Quapropter alia via*,
Reginaldum apud Leandrum disp. 7,
quæst. 23, Aversam in quæst. 15, sect. 6,
§ *Septimus casus sit*, referens Delgadillum
cap. 10, dub. 6, num. 37, et dub. 7, num.
41. Refert etiam Emmanuel loc. cit. 268,
pro isto casu Ledesmam, Nugnum, et
Candidum, sed fallitur, quia id non docent;
nec Gonet, qui allegatur pro hac sententia,
illos refert.

Sed vanum est, alios pro isto modo
dicendi Patronos quarere, cum habeamus
unum pro mille Angel. Doctorem, qui
illum satis aperte asseruit, ut collatis va-
riis ejus testimoniis recte Tyrsev evincit
disp. 40, sect. 6, n. 73, quamvis teneat
sententiam contrariam, et nobis opposi-
tam. Occurrunt enim sic D. Thomæ testi-
monia in quibus aperte docet, contritio-
nem, sive dolorem esse partem essentialem
hujus sacramenti : nam ut interim omit-
tamus illa, quæ habet in summa Theologiæ,
præsertim hac 3 part. q. 90, art. 1, cum
duobus sequentibus ut in notis ad eosdem
articulos observavimus ; sic expresse do-
cuit super sententias : siquidem in 4, dist.
17, q. 3, art. 3, quæstiunc. 1, ad 2, ait :
« Dicendum, quod in sacramento pœni-
« tentiæ non solum est aliquod ex parte
« ministri, scilicet, absolutio, et satisfac-
« tionis injunctio : sed etiam aliquid ex
« parte ipsius qui suscipit sacramentum,
« quod est etiam de essentia sacramenti,
« sicut contritio, et confessio. » Unde sicut
nemo negat, confessionem esse de hujus

sacramenti essentia, et quod sine confes-
sione non possit istud sacramentum con-
sistere; ita de contritione, sive dolore juxta
D. Th. hoc debet affirmari, nempe, con-
tritionem, sive dolorem esse de essentia
hujus sacram. Sed in art. 4 immediate
sequenti, quæstiunc. 1, ubi resolvit hoc
sacramentum posse esse informe, sic ait :
« Dicendum, quod confessio est actus vir-
« tutis, et pars sacramenti : secundum
« autem, quod est actus virtutis, est actus
« meritorius proprie ; et sic confessio non
« valet esse sine charitate, quæ est prin-
« cipium merendi. Sed secundum, quod
« est pars sacramenti, sic ordinat confi-
« tentem ad sacerdotem, qui habet claves
« Ecclesiæ, qui per confessionem conscien-
« tiam confitentis agnoscit. Et secundum
« hoc confessio etiam potest esse in eo, qui
« non est contritus, qui potest peccata sua
« innotescere, et clavibus Ecclesiæ subji-
« cere. Et quamvis tunc non percipiat abso-
« lutionis fructum ; tamen recedente fic-
« tione » (accedendi, scilicet, sine contri-
tione, aut dolore) « percipere incipiet :
« sicut etiam est in aliis sacramentis. » In
quibus plane ita contingit : quia dolor,
sive contritio non est eorum pars, nec
pertinet ad eorum essentiam. In quibus
duobus testimoniis reperimus D. Thomam
duo contradictoria asserere : nam in primis
dicit, contritionem sicut, et confessionem
esse de essentia hujus sacramenti ; in
secundo autem negat esse de essentia, cum
affirmet, posse confessionem sacramenta-
lem salvari in eo, qui non est contritus,
sicut contingit in aliis sacramentis, ad
quæ profecto non pertinet essentialiter
ullus dolor, seu contritio. Quid ad hoc di-
cemus ? Contradicit sibi Sanctus Doctor ?
Nullo modo, præsertim cum ea loca sint
adeo immediata, ut in eis offendant, vel
tyrones, et Scioli. Concordia itaque stat in
eo, quod D. Thomas contritionis vocabulo
comprehendit, et distinguit duos de peccatis
dolores, unum inefficacem, sufficientem
quidem ad valorem confessionis, et sacra-
menti, sed insufficientem ad ejus fructum;
alterum autem efficacem, ad valorem, et
fructum sacramenti simul sufficientem. Et
quando in primo loco affirmat, contritio-
nem esse de essentia hujus sacramenti,
non loquitur de dolore determinate efficaci,
sed de dolore, vel inefficaci, vel ab efficaci,
aut

Sotus,
Cano,
Toletus,
Henriq.
Granad.
Talentia.
Joann. a
S. Thom.
Reginal.
Aversa.
Delgad.

ant inefficaci abstrahente ; et solum intendit, aliquem dolorem, vel aliquam contritionem imperfectam, seu attritionem esse essentialiter necessariam pro valore hujus sacramenti. Quando autem in secundo loco negat, dolorem ad hoc sacramentum essentialiter requiri, et docet, confessionem sacramentalem posse absque contritione imperfecta, seu attritione salvari, non negat omnem attritionem, sed præcise efficacem : nam licet hæc sit necessaria pro fructu sacramenti, non tamen pro ejus valore. Unde in illis dictis nulla est contradictio, sed omnia cohærent, ut erudite declarat Tyrus. Sed hæc meminisse debuit, cum in eadem disp. n. 91 scripsit, hanc sententiam sibi non videri probabilem ; sententiam, scilicet, quam esse Divi Thomæ ostenderat ; præsertim cum n. 92 immediate sequenti fateatur (nec plane poterat negare) talem sententiam esse probabilem absolute. Maneat ergo, quod sacramentum pœnitentiæ factum cum attritione supernaturali inefficaci, existimata tamen efficaci bona fide, est validum, et informe : nam attritio supernaturalis inefficax est ad valorem hujus sacramenti sufficiens, licet non ad ejus fructum.

§ IV.

Sententia primæ assertioni adversa.

289. Sententiam contrariam, negantem absolute sacramentum pœnitentiæ posse esse in aliquo casu validum, et informe, propugnant ex antiquis Major in 4, dist. 17, quæst. 3, art. 9, Gabriel ibidem q. 2, Adrian. qu. 5, de confess. dub. 5. Pro ea referuntur Medina qu. 20, de confessione ficta non iteranda, Vasquez q. 52, art. 2, dub. unico, Coninchus disp. 4, dub. 5 et 11, Layman lib. 5, tract. 6, cap. 6, Fagundes de secundo præcepto Ecclesiæ lib. 2, cap. 7, pro se adducens Scotum, Toletum, et alios ; immerito tamen, nam id non asserunt, ut legenti constabit. Palaus tract. 23, disp. unica, punct. 7, Ochogavia tract. 2, q. 30, Amicus disp. 12, sect. 2, Fulien- sis 2 part. lib. 3, cap. 2, resolut. 6, N. Bonæ Spei disp. 2. Licet non omnes Authores, qui pro hac sententia referuntur, eam absolute tueantur ; sed aliqui solum negant validam informitatem sacramenti

pœnitentiæ ex inefficacia doloris ; quod a præsentii assertionem non parum discriminetur.

290. Arguunt, ergo, primo Major Ga-Argum.
briel, et Adrianus : quia non est vera con-^{1.}
fessio, atque adeo nec valida, illa, in qua pœnitens vere non manet absolutus ; sicut non est verus Baptismus aut valida Confirmatio, in quibus non vere quis abluitur, aut confirmatur ; sed in confessione informi, seu absque fructu gratiæ, pœnitens non vere absolvitur a peccatis ; ergo confessio informis non est vera, nec valida. Minor, in qua est difficultas, ostenditur. Quæ vere sacerdos ut minister absolvit super terram, sunt absoluta, et in Cælo, ut Christus in institutione hujus sacramenti clare innuit, dicens : *Quicumque solveritis super terram, erunt soluta, et in Cælo* : atqui in Cælo non sunt vere absoluta peccata, dum gratia non infunditur peccatori ; ergo nec interris est vera absolutio, ac proinde confessio, dum est informis, et infructuosa, seu absque fructu gratiæ.

Confirmatur primo : etenim ubi non^{Confirm.}
datur forma sacramentalis constituens, nec^{1.}
datur sacramentum constitutum, ut constat inductive in omnibus sacramentis, utpote ex materia, et forma coalescentibus ; sed in confessione informi, et infructuosa non datur vera forma, quæ in absolute consistit : ergo nec datur verum, et validum sacramentum pœnitentiæ. Minor suadetur : veritas absolutionis consistit in eo, quod ejus significatio cum re, quam significat, conformetur ; at forma instituta pro confessione, nempe *ego te absolvo a peccatis tuis*, significat solvi, ac remitti peccata, quod absque infusione gratiæ est impossibile, ut modo supponimus : ergo absque fructu gratiæ non verificatur forma essentialis confessionis.

Confirmatur secundo, et tacita responsio^{Confirm.}
præcluditur : nam etsi gratia ex se sit^{2.}
remissiva peccatorum, si tamen pœnitens ei impedimentum apponit, peccata vere non remittit : ergo etsi forma absolutionis, a ministro debita intentione prolata, sit ex se a peccatis absolutiva, si tamen pœnitens ponit ei obicem, vere non absolvit a peccatis ; erit quidem absolutiva, non tamen tunc actualiter vere absolvens ; sicut gratia, quæ est peccatorum remissiva, non est tunc vere remittens ; cum ergo

Major.
Gabriel.
Adrian.
Medin.
Vasq.
Coninch.
Layman.
Fagund.
Palaus.
Amicus.
Fulien.
S. Bonæ
Spei.

absolutio ultra facultatem absolutivam, actum absolvendi significet, si actu a peccatis non absolvit, perinde se habet ac minister, antequam impendat absolutionem, potens absolvere, et non absolvens: ergo tunc non datur vera absolutio a peccatis, et consequenter illa confessio informis non est vera, nec valida.

Respon-
sio ad
argu-
ment.
Ad argumentum, quamquam absolute posset concedi major, et minor negari, claritatis tamen gratia distinguitur major: non est vera, nec valida confessio illa, in qua pœnitens non manet vere absolutus, prout ly *absolutus* significat absolutionem a peccatis passive acceptam, sive ex parte termini semper habitam, negatur major; prout illam significat active, seu quantum est ex parte ministri sacramentaliter absolventis, conceditur. Et distinguitur minor eodem modo: in confessione informi pœnitens non vere absolvitur a peccatis, absolutione passive accepta, sive ex parte termini, sumpta, videlicet, pro remissione passiva peccatorum, quæ est effectus gratiæ, concedimus; absolutione, active, et ex parte ministri quantum est ex se, et ex institutione sacramenti absolventis a peccatis considerata, negamus minorem, et consequentiam. Unde in tali casu pœnitens vere tam a Deo in Coelis, quam a sacerdote ejus ministro in terris, manet absolutus active, et quantum est ex institutione sacramenti; esto non maneat absolutus absolutione passive sumpta, quæ coincidit cum remissione passiva peccatorum, et terminative accepta, connexa cum infusione gratiæ.

Dilectur
confir-
matio
prima.
Ex quo ad primam confirmationem constat solutio; concessaque majori, negatur minor; cujus probatio, ut concernens veritatem absolutionis prout formæ sacramentalis, tot respicit sententias, quot capita, pluresque dicendi modos circa sensum horum verborum, *Ego te absolvo* rejecimus ut distortos 1 part. hujus tract. disp. 3, dub. 2. Ubi § 5, sensum in omni eventu verissimum juxta D. Th. expendimus: ipse enim Doctor Angelicus 3 part. q. 84, art. 3, et Opusc. 22, cap. 3, inquit: « Sed » est sensus: Ego te absolvo, id est, sacramentum, vel ministerium absolutionis » tibi impendo. » Quod omnimodo verificatur semper, ac sub ista forma, et legitima materia conficitur sacramentum,

sive per gratiam, quæ est illius effectus, formetur, sive informe relinquatur. Ex quibus manifeste constat, probationem claudicare in re significata; cujus minor est falsa de primario, et formali significato intellecta: etenim hæc verba: *Ego te absolvo*, quæ sunt forma sacramenti pœnitentiæ, duo significant: et sacramentum, scilicet, absolutivum a peccatis impendi a sacerdote, et rursus peccata per tale sacramentum remitti, et absolvi, gratiamque infundi. Primum significatum, uti essentialiale, est ab absolutione inseparabile. Secundum est ab illa divisibile, non semperque verificatur, utpote consistens in termino, et effectu sibi in genere causæ effectivæ correspondente, qui separabilis est a causa, solumque exigitur a sacramento, et a forma aptitudinaliter, et quantum est ex se, non vero exercite. Unde illa forma significat, peccata absolvi, et remitti, non actualiter, et in exercitio, sed aptitudinaliter, et quantum est ex se, seu ex vi sacramenti: quod quidem etiam in confessione informi verificatur.

Secunda confirmatio noto laborat æqui-
voco; unde concesso antecedenti, conse-
quentia, vel absolute negatur, vel detecta
æquivocatione distinguitur consequens: Satisfit
secundæ.
ergo forma absolutionis, quando datur obex peccati ex parte pœnitentis, non actu absolvit a peccatis, licet ex se sit absolutiva, si ly *actu absolvit* sumatur active, et quantum est ex parte ministri, et sacramenti, negatur; si sumatur passive, et terminative prout significat terminum causatum per absolutionem, nempe, gratiam, peccata solventem, et remittentem, conceditur, et negatur assumptum. Quamvis enim possit suspendi effectus causabilis effective a sacramento, videlicet, gratia solvens a vinculis peccatorum, ut contingit in confessione, et sacramento informi; non tamen potest non verificari, sacramentum, ex se absolutivum a peccatis, esse actu exhibitum pœnitenti, et consequenter hunc esse actu absolutum active, et quantum est ex parte ministri. Unde maxime distant inter se, et absolutio tunc a sacerdote prolata, et potestas absolutiva ipsius, antequam illam proferat: quia hoc posteriori modo sicut non constituitur sacramentum, sic nec in exercitio datur absolutio adhuc active, et quantum est ex parte

parte sacramenti, et ministri. Per quod patet ad paritatem.

Argum. 2. Theologi. Instrumentum non alium effectum producit, quam ex motione agentis principalis, et juxta ipsius virtutem, et activitatem; sed motio divina non sistit in absolutione, quatenus sacramentum impendit, sed ex se ad producendam gratiam remittentem peccata ordinatur: ergo nec sacerdos absolvens sistit præcise in sacramento constituendo, sed ad productionem gratiæ, et remissionem peccatorum progreditur. Patet consequentia: quia si hoc sacramentum ad remittenda peccata fuit ordinatum, et institutum, Deus a sua motione non dividit hunc effectum, et eo non consequuto, cessat finis, et institutio sacramenti: ergo sacerdos absolvens, ut instrumentum, ad producendam gratiam a Deo elevatum, non potest a sua activitate instrumentali productionem gratiæ separare; et consequenter si sacramentum est validum, et essentialiter constitutum, debet etiam esse formatum, et fructuosum.

Confirmat. quæ sit ore, cor fideliter debet conformari; alias non esset sacramentalis confessio, sed historica narratio; at in confessione informi peccatum, de quo ore accusatur pœnitens, in corde retinetur: ergo non concordant, sed os, et cor maxime dissonant. Ulterius, qui accedit cum morte animæ suæ ad sacramentum, et mortuus in illo manet per peccatum, nullam facit confessionem: nam, ut inquit Spiritus Sanctus Ecclesiast. 17: *A mortuo quasi nihil perit confessio*. Sed cui confessio perit, talis confessio nec fructum, nec valorem sortitur: ergo idem, quod prius; et consequenter confessio informis est nulla.

Dispelli- tur v. argum. Respondetur ad argumentum, concessa majori, distinguendo minorem: motio divina non sistit in absolutione, ut impendente sacramentum, sed ex se ad producendam gratiam ordinatur, et progreditur, quando non ponitur obex ab agente libero, conceditur; quando talis ponitur obex, scilicet, peccatum lethale, negatur; et eodem modo distinguitur consequens per ordinem ad sacerdotem absolventem: per quod facile vires argumenti infringuntur. Dicimus, ergo, quod sacerdos absolvens, et

Deus, quantum est ex sua motione, et activitate, non sistunt in absolutione, ut præcise constituente sacramentum: sed ad gratiam producendam per sacramentum collimant, si non ponitur impedimentum peccati ex parte pœnitentis; si autem tale impedimentum apponatur, impeditur talis motio, et activitas effectusque remissionis peccatorum non sequitur; sed hoc non provenit ex defectu sacerdotis absolventis, sed tantum ex incapacitate subjecti.

Confirmatio autem facile dispellitur, ^{Solutio confirmatio- nis. D. Tho.} quamvis Solus plura satis difficilia pro ejus enodatione congesserit. Respondetur ergo cum Ang. Præceptore art. 4, dist. 17, ad 3: « Dicendum, quod ille, qui peccata, « quæ habet, narrat, vere loquitur: et sic « concordat voci, vel verbis quantum ad « substantiam confessionis, quamvis dis- « sonet a confessionis fine. » Unde concessis majori, et minori, negatur consequentia intellecta de dissonantia quoad substantiam confessionis sacramentalis: quia etsi pœnitens retineat corde peccatum, quoad usque remittatur per gratiam, vere tamen se de illo accusat, et detestatur illud attritione saltem inefficaci invincibiliter ab illo existimata efficaci, quæ sufficit ad valorem sacramenti. Et per hoc constat ad id, quod confirmatio addit ex Eccles. prout ibidem exponit Doctor Angelicus solut. ad 1, dicens: « Quod autoritas illa intelli- « genda est, quantum ad fructum confes- « sionis percipiendum, quem nullus extra « charitatem existens percipit. »

292. Tertio arguit Vasquez ubi supra num. 22, quia in pœnitentiæ sacramento ^{3 Argum.} accedit sufficienter dispositus ad effectum illius, qui exhibet materiam a Christo Domino institutam, ut fiat verum sacramentum, accedente forma, nempe, absolutione; sed sacramentum, quod suum effectum sortitur, nequit dici informe; et aliunde si non ponitur materia a Domino instituta, non est validum, sed nullum: ergo servata divina institutione, implicat confessio sacramentalis informis, et valida. Majorem, ad quam devolvitur difficultas, probat: quia reo, qui profert ex parte sua omnia ad sententiam requisita, hæc sententia quoad effectum est debita, et si proferatur, suum effectum sortitur: cum ergo ex parte pœnitentis non nisi integra accusatio de suis peccatis, et supernaturalis de

illis dolor requirantur, ut sententia absolutiva peccata per gratiam remittat, et solvat; sufficienter dispositus ad hunc effectum accedit pœnitens, qui omnia sua accusat peccata, eaque vero dolore supernaturali detestatur, atque deplorat, si legitima absolutio accedat.

Confirm. Confirmatur ex discrimine, quod inter hoc et reliqua sacramenta intercedit: nam in aliis partes essentielles, ea intrinsece constituentes, non sunt dispositiones ad eorum effectum, nempe gratiam; ideoque licet sint informia, valent esse valida, ut patet in Baptismo, Confirmatione, Matrimonio, et Ordine; at sacramentalis confessio exigit ut materiam necessariam actus pœnitentis ad peccata detestanda, qui sunt sufficientes dispositiones intra sacramentum ad gratiam recipiendam: ergo etsi reliqua sacramenta possint esse informia, et valida; confessio, nisi sit formata, nequit esse vera. Probatur minor: nam ubi essentielles partes coincidunt cum dispositionibus ad effectum requisitis, ubi deficient dispositiones, desunt et partes, et e contra ubi adsunt partes, non deficient dispositiones; sed in hoc sacramento Dominus instituit, illius partes esse ad gratiam dispositiones: ergo non stat, hoc sacramentum esse validum, et non esse fructuosum.

Infringitur argumentum. Respondetur ad argumentum, negando maiorem principalem argumenti; ad cujus probationem distinguendum est antecedens: reo integre sua delicta accusanti, et omnia requisita ad sententiam ex parte sua exhibenti, talis sententia quoad suum effectum debetur, quoad effectum formalem, hoc est, quod sententia ei impendatur, conceditur: quoad effectum ipsius effective productum, subdistinguitur; si non datur impedimentum, concedatur; si aliquod in ordine ad executionem apponatur impedimentum, negetur; et sic manet enervatum totum argumentum. Nam licet peccatori integre se accusanti de suis delictis, eaque vero dolore supernaturali detestanti, debeat sententia absolutiva, seu absolutio quantum ad hoc, quod est ei impendere absolutionem, et etiam quantum ad effectum ab absolutione effective causatum, nempe, gratiam, peccata remittentem, et solventem, quantum est ex intentione ministri, sacramentique institutione,

si non ponatur obex ex parte subjecti, atamen si talis obex per peccatum apponatur, sistit in primo effectu absolutio, et effectum secundum nempe, gratiam, tunc nullo modo sortitur, ideoque confessio valida non formatur, sed remanet informis ob intrinsecum impedimentum, ut supra diximus.

Ad confirmationem nihil restat dicendum, præter ea, quæ inter nostram probationem conclusionem manent expensa; scilicet, quod Christus Dominus plus instituit pro fructu hujus sacramenti, quam pro ejus valore: sic enim erat rationi conformius. Unde alius dolor requiritur ad hujus sacramenti valorem, nempe, attritio inefficax, vel ab efficacia præscindens; et alius pro fructu sacramenti, et tanquam dispositio ad gratiam, videlicet, attritio efficax. Quare dolor, qui est pars essentialiter requisita non dicitur ad convertentiam cum dolore disponente ad gratiam intra sacramentum; et sic potest esse validum hoc sacramentum, sicut et alia, licet mañeat informe, et infructuosum.

Satisfit
confirmati-
oni.

§ V.

Adversariorum argumenta proponuntur et enervantur.

203. Contrariam secundæ assertioni sententiam tuentur Suarez disp. 20, sect. 4, num. 5, referens Gabrielem, Majorem, Adrianum, Medinam, ac Petrum de Soto, Vasquez q. 92, art. 2, dub. unic. a n. 13, Valentia tom. 4, disp. 7, qu. 11, punct. 2, Egidius disp. 4, de pœnit. dub. 5, Tannerus tom. 4, disp. 6, de pœnit. q. 6, dub. 4, n. 83, Bellarminus tom. 2, lib. 2, de pœnit. c. 6, Layman lib. 5, tract. 6, c. 4, n. 6 et 8, et c. 9, n. 2 et 3, et alii. Pro quorum sententia arguitur primo ex Tridentino: nam juxta Concilium eadem attritio indivisibiliter, et secundum eandem rationem est pars sacramenti pœnitentiæ, et dispositio ad ejus sacramenti fructum; sed ut ad hujusmodi fructum disponat, debet esse efficax, ut concedimus: ergo pariter debet esse efficax, ut sit sacramenti pars; et consequenter ubi sacramentum pœnitentiæ est validum, semper etiam est fructuosum, atque ideo per insinuatam a nobis distinctionem

Suarez,
Gabriel,
Major,
Adrian,
Medina,
Petrus
de Soto,
Vasquez,
Valentia,
Egidius,
Tanner,
Bellarmin,
Layman.
Argum.
primo.

tionem attritionis inefficacis, et efficacia salvari non valet, quod sacramentum hoc sit aliquando validum, et informe. Cetera constant, et major ostenditur. Etenim Concilium sess. 14, c. 3, postquam recensuit contritionem sive dolorem inter partes hujus sacramenti, statim cap. 4 sequenti illum dolorem diffinivit his verbis: « Contritio, quæ primum locum inter dictos pœnitentis actus habet, animi dolor ac detestatio est de peccatis cum proposito non peccandi de cetero. » Sed detestatio ac dolor cum proposito non peccandi est dolor efficax, et sufficiens dispositio ad fructum sacramenti; siquidem Concilium, cum eo loco assignet dispositionem pro tali effectu, nullam aliam ponit quam hujusmodi dolorem: ergo juxta Concilium eadem indivisibiliter, et secundum eandem rationem attritio est pars hujus sacramenti, et dispositio ad fructum illius.

Concil.
rid.

Confirm.
Prident.

Confirmatur, et urgetur: nam Concilium post illa verba: « Animi dolor ac detestatio est de peccatis, » etc., quibus explicuit naturam doloris, qui est pars sacramenti, statim subjunxit: « Fuit autem quovis tempore ad impetrandam veniam peccatorum hic contritionis motus necessarius. » Atqui dolor, qui quovis tempore fuit necessarius ad impetrandam veniam peccatorum est dolor efficax ad futura peccata præcavenda: ergo assignavit Concilium pro materia necessaria sacramenti pœnitentiæ dolorem determinate efficacem; ac subinde ob defectum doloris efficacis non poterit esse sacramentum informe, sed nullum. Minor, in qua est difficultas, suadetur: tum, quia sine illo efficaci peccatorum dolore nunquam Deus adultis peccata remisit, ut patet Deuteronomii 4: *Cum quæsieris Dominum, invenies eum, si toto corde quæsieris eum, et tota tribulatione animæ tuæ.* Quæ verba dolorem ac detestationem efficacem peccatorum important. Tum etiam: nam dolor, qui quovis tempore ad impetrandam veniam peccatorum fuit necessarius, est dolor conjunctus cum proposito absoluto observandi omnia præcepta, juxta illud Ezechielis 18: *Si autem impius egerit pœnitentiam ab omnibus peccatis suis, quæ operatus est, et custodierit præcepta mea, et fecerit judicium, et justitiam, vita rivet, et non morietur, om-*

nium iniquitatum ejus non recordabor. Sed dolor cum proposito observandi omnia præcepta, vel, quod idem est, cum proposito absoluto non labendi in peccata futura, est dolor omnino efficax: ergo:

Ad argumentum respondetur negando majorem, cujus falsitas constat ex dictis, et satis diffuse expensis disp. præc. dub. 1, § 3, a num. 23, et deinceps, ubi statuiamus distinctionem intercedentem inter dolorem requisitum ad partem essentialem sacramenti, et desideratum ad ejus fructum. Ad majoris autem probationem neganda est minor: quippe tota illa doloris definitio, qua Concilium illum describit, convenit dolori tam efficaci, quam inefficaci, cum cuilibet eorum absolute conveniat esse serium animi dolorem cum proposito non peccandi de cetero: quemadmodum enim datur dolor efficax, et inefficax; ita etiam propositum efficax, et inefficax non peccandi. Concilium autem, dum dolorem, qui est pars sacramenti, definivit, non dixit esse detestationem peccatorum cum proposito efficaci de cetero non peccandi, sed solum cum proposito non peccandi; quæ omnia utrique dolori, ut ex se constat, adaptantur. Unde magis firmatur nostra doctrina, quatenus asserit ad attritionem, ut sit mera pars sacramenti pœnitentiæ, non desiderari esse dolorem determinate efficacem. Et inserta minoris probatio nihil evincit, quin potius regerenda est in arguentem: nam Concilium pro attritione in esse partis sacramenti non alium dolorem assignat, nisi quem ibi describit; ille autem non est determinate efficax, sed ab efficaci, et inefficaci præscindens, ut ex verbis ipsius definitionis liquet.

Solvitur

Ad confirmationem neganda est minor intellecta, ut intelligi debet, solum, et determinate de dolore efficaci: aliud namque est dolorem esse ad justificationem necessarium, aliud vero esse sufficientem. Differentia igitur inter utrumque dolorem efficacem, et inefficacem in eo sita est, quod quamvis uterque fuerit, et sit ad justificationem necessarius; tamen solum efficax est ad justificationem sufficiens, secus vero non efficax, sive ab efficaci, et inefficaci præscindens: plurima enim possunt esse necessaria ad aliquid, quin propterea per se sola sufficiant, sed alia desiderantur. Cum ergo Concilium ibi definierit communem

Confirm.
ationi
satisfit.

Ezech. 18

rationem doloris, merito dixit talem motum fuisse omni tempore necessarium ad remissionem peccatorum, sed non dixit fuisse sufficientem, nec dicere potuit : quia certum etiam est attritionem, quantumvis efficacem in suo genere fingatur, non fuisse sufficientem vel ex se, vel adjunctam alicui sacramento ad remissionem peccatorum ante legem gratiæ. Et eodem modo potuit Concilium asserere actum fidei fuisse quovis tempore necessarium, ut remitterentur peccata, quia sine fide nemo justificatur ; et si ita dixisset Concilium, inepte quis inde colligeret Concilium dicere aut sentire, quod actus fidei esset ad justificationem sufficiens : nam toto cælo distant aliquid requiri, et aliquid sufficere ; et non melius colligit qui ex eo quod Concilium dicat motum contritionis, de quo agebat in genere abstrahendo a contritione perfecta, et ab attritione tam efficaci quam inefficaci, fuisse omni tempore ad justificationem adultorum necessarium, infert Concilium sensisse illum contritionis motum, de quo agebat, fuisse omni tempore sufficientem, et esse determinate efficacem. Per quod patet ad utramque minoris probationem, ad primam quidem : quia licet Deus nunquam adultis peccata dimiserit sine dolore efficaci, non tamen cum illo solo, sed etiam cum dolore inefficaci, aut præscindente ab efficaci, et inefficaci, quippe qui etiam quovis tempore ad illum effectum necessarius fuit, quamvis alias ipse solus non sufficiat. Ad secundam autem, quoniam ad peccatorum veniam impetrandam non solum fuit necessarius dolor conjunctus cum proposito absoluto, et efficaci servandi omnia præcepta, verum etiam dolor sociatus cum proposito absoluto et inefficaci non labendi in futura crimina, sive cuncta præcepta observandi.

294. Secundo arguitur alio simili fundamento ex eodem Concilio petito. Etenim cum. cap. 3, assignasset contritionem ut hujus sacramenti materiam, et cap. 4, eam descripsisset, mox prædictam contritionem divisit in contritionem perfectam, sive ex amore charitatis ortam, et in contritionem imperfectam, seu attritionem, de qua immediate subjungit : « Illam vero contritionem imperfectam, quæ attritio dicitur, quoniam vel ex turpitudinis peccati consideratione, vel ex gehennæ, et pœ-

« narum metu communiter concipitur, si
« voluntatem peccandi excludat cum spe
« veniæ, declarat non solum non facere
« hominem hypocritam, et magis peccato-
« rem, verum etiam donum Dei esse, et
« Spiritus Sancti impulsam, non quidem
« inhabitantis, sed tantum moventis, quo
« pœnitens adjutus viam sibi ad justitiam
« parat ; et quamvis sacramento pœniten-
« tiæ per se ad justificationem perducere
« peccatorem nequeat, tamen eum ad Dei
« gratiam in sacramento pœnitentiæ impe-
« trandam disponit. » Ergo Concilium de-
clarans, ac dividens contritionem, quæ est
pars, et materia hujus sacramenti, non
aliam recognoscit, aut recenset, nisi vel
perfectam ex amore charitatis causatam,
vel imperfectam attritionem intra sacra-
mentum disponentem sufficienter ad ob-
tinendam justificationis gratiam. Atqui attri-
tio sufficienter intra sacramentum dispo-
nens ad gratiam est omnino, ac determinate
efficax : ergo ex mente Concilii solum attritio
efficax est materia, et pars essentialis hujus
sacramenti ; ac per consequens sine hujus-
modi efficaci dolore sacramentum erit
nullum.

Respondetur negando consequentiam : *Solvitur*
quippe dum Concilium assignavit materiam
hujus sacramenti, contritionem in com-
muni assignavit, sub qua comprehendit
contritionem perfectam, et imperfectam,
scilicet, attritionem ; sub qua attritione, ut
sic duplicem etiam attritionem satis aperte
insinuavit ; aliam, quæ excludit non solum
pro explicito, sed etiam pro implicito vo-
luntatem actualem peccandi, quæ est attri-
tio efficax intra sacramentum sufficienter
disponens ad gratiam sacramenti fructum ;
aliam vero talem voluntatem actualem
peccandi omnino non excludentem, sed
aliquomodo, implicite nimirum, in suo
consortio permittentem, quæ adeo est inef-
ficax attritio, et adhuc intra sacramentum
non disponit ultimo ad ejus fructum. Id
quod satis palam colligitur ex eodem Con-
cilio, dum in communi sic loquitur : « Si
« voluntatem peccandi excludat cum spe
« veniæ, declarat, » etc. Frustra namque
Concilium illam conditionalem *si*, ac limi-
tationem apponeret, si aliam attritionem
voluntatem peccandi aliquid non exclu-
dentem non recognosceret. Hæc igitur est
attritio inefficax, et materia sufficiens ad
sacramentum

sacramentum, ipsumque constituens validum, non tamen adhuc in sacramento sufficienter disponens ad ejus fructum. Ex quo fit, quod dum sola adest, sacramentum est validum ac informe.

licia. Dices : implicat, quod sacramentum valide suscipiatur, dum voluntas actualis peccandi retinetur, aut non destruitur ; sed juxta nuper dicta attritio inefficax voluntatem actualem ad peccandum non excludit : ergo cum solo isto dolore inefficaci sacramentum evadit nullum. Respondetur, quod licet attritio inefficax non excludat sicut efficax voluntatem peccandi absolute, et omnibus modis ; excludit tamen voluntatem actualem peccandi formalem, et expressam, quamvis ex modo tendendi segniter ac languide interpretemur admittere aliquomodo voluntatem virtualem, et implicitam, quoniam ita detestatur peccata, ut propter aliquam peccandi inveteratam consuetudinem illa non respuere videatur. Cum hoc autem interpretativo, virtuali, et implicito affectu ad peccatum præcise ex modo tendendi sequi ac tepido, stat vera ac seria detestatio peccati formalis, et explicita destruens omnem voluntatem peccandi formalem, et expressam ; et quamvis ex hac voluntate implicita, ac interpretativa impediatur sacramenti fructus, non tamen ejus valor.

licia. Sed urgebis : nam voluntas implicita ac virtualis objecti dissoni sufficit ad peccatum, ut patet in Angelis, qui solum ex modo tendendi affectu virtuali ac implicito ad objectum peccaminosum, graviter delinquere : sed sacramentum susceptum cum actuali peccato in illo commisso est nullum : ergo hac via salvari non potest sacramentum pœnitentiæ susceptum cum dolore præcise inefficaci esse validum, et informe.

peccat. Respondetur, voluntatem objecti peccaminosi implicitam, et virtualem non ortam ex ignorantia invincibili, sed vincibili, aut ex aliqua inadvertentia, inconsideratione vel practica, qualis fuit in Angelis, qui ex ignorantia non peccaverunt, sufficere ad peccandum. Qui vero bona fide accedit ad sacramentum pœnitentiæ cum inefficaci dolore, invincibiliter putat se efficaciter peccata detestari, ac de illis efficaciter dolere ; unde nullum peccatum committit. Imo esto procederet cum ignorantia lethaliter peccaminosa, qua graviter in sacramenti receptione delin-

queret, si tamen hæc ignorantia non esset crassa, supina, aut affectata, sed tantum vincibilis, sacramentum utique validum quamvis non fructuosum susciperet, ut ex dicendis dubio sequenti constabit.

295. Tertio, et ultimo arguitur. Nam ^{Aligum.} Concilium eundem dolorem assignat ad fructum hujus sacramenti, quem depingit, ut sit illius pars ; sed dolor desideratus ad fructum sacramenti obtinendum est determinate efficax : ergo tantum dolor efficax est qui assignatur a Concilio, ut necessarius per modum materiæ ad sacramenti valorem ; atque ideo hujusmodi dolore deficiente, sacramentum validum non erit. Suadetur major : nam postquam dixit : « Sunt autem quasi materia hujus sacramenti ipsius pœnitentis actus, nempe « contritio, confessio, et satisfactio, » statim addidit : « Qui quatenus in pœnitente « ad integritatem sacramenti, ad plenam- « que, et perfectam peccatorum remissio- « nem ex Dei institutione requiruntur, hac « ratione partes pœnitentiæ dicuntur. » Ergo eundem dolorem, ac sub eadem ratione assignat Concilium necessarium ad perfectam peccatorum remissionem, et ut sit sacramenti pars. Atqui dolor requisitus ad remissionem peccatorum est determinate efficax, ut nemo negat : ergo etiam ut sit, et dicatur pars sacramenti, debet esse efficax, et ad utrumque munus sub unica ratione concurrere.

Confirmatur primo : etenim Concilium, ubi assignat hujus sacramenti partes, eodem ^{Confirm.} modo loquitur de contritione, seu dolore, ac de confessione ; sed confessio, sub illa ratione, sub qua requiritur ad fructum sacramenti, est etiam necessaria ad ejus valorem : nam ut integra formaliter requiritur necessario ad utramque rationem : ergo pariter, contritio, vel dolor sub eadem ratione requiritur ad valorem sacramenti, et ad ejus fructum. Cum igitur ad fructum sacramenti sit necessarius dolor efficax, etiam erit ad ejus valorem requisitus.

Confirmatur secundo exemplo satisfactio- ^{Confirm.} nis, quæ non est pars essentialis, sed tantum integralis hujus sacramenti ordinata ad remissionem pœnæ temporalis remanentis post culpam dimissam. Nam satisfactio sub illa ratione est pars hujus sacramenti, sub qua pœnam temporalem

diluit, et proprium fructum, et effectum obtinet, et e converso : ergo simili modo contritio imperfecta, seu attritio est hujus sacramenti pars essentialis quatenus remittit intra sacramentum in suo genere dispositivo rationem culpæ, qui est proprius fructus illius ; et e converso, quatenus non concurrat ad hujusmodi effectum, non habet rationem partis. Ergo cum ut sit dispositio sufficiens ad remissionem culpæ, necessario sit dolor efficax, etiam ut habeat rationem partis in sacramento debet importare efficaciam.

Diluitur
argu-
ment.

Respondetur ad argumentum negando majorem, ad cujus probationem confessio antecedenti, negantur consequentiæ inde deductæ : etenim ex quo Concilium asserat pœnitentis actus esse partes sacramenti quatenus requiruntur ad perfectam peccatorum remissionem, minime inferitur dolorem sub ea ratione esse partem, sub qua habet esse dispositionem ad fructum. Id quod evidenter instatur in eadem materia : nam quemadmodum attritio, ita etiam confessio, et satisfactio sunt sacramenti partes, quatenus requiruntur ad perfectam peccatorum remissionem, uti Concilium docet ; et nihilominus confessio, et satisfactio sub ea ratione qua sunt partes, non sunt dispositiones ad gratiam sacramenti, siquidem sunt partes, ut opera externa, et sub ista ratione operis externi, et sensibilis omnino incapaces sunt, ut dispositive concurrant ad internam ac spiritualem gratiæ receptionem. Ergo ex verbis Concilii non recte inferitur attritionem sub eadem indivisibili ratione munus partis ac dispositionis obire : sunt enim distincta munera ad diversa causarum genera spectantia. Concilium igitur ita intelligendum est, quod attritio sit, et dicatur pars sacramenti, quatenus requiritur ad perfectam ac plenam peccatorum remissionem, non tamen cum omnimoda sufficientia, sed ultra istum dolorem requiratur alter, qui sit sufficiens : quippe, ut supra explicuimus, satis differunt esse aliquid necessarium ad aliquem effectum, et esse sufficiens ; intentio enim necessario desideratur ad sacramentum, quæ tamen sola non sufficit. Unde non dicuntur ad convertentiam ratio partis, et ratio dispositionis, ita ut dolor sit pars quatenus dispositio, aut dispositio quatenus rationem partis sortitur : quo-

niam ly *quatenus requiritur* solum importat in dolore efficaciam necessitatem requisiti, non autem requisiti sufficientiam ad plenam, ac perfectam peccatorum remissionem : quoniam ad hunc effectum obtinendum necessarius est dolor inefficax, qui habet rationem partis, et ultra illum desideratur dolor efficax per modum dispositionis.

Ad primam confirmationem respondetur negando majorem : nam Concilium distincto modo loquitur de confessione formaliter integra, ac de attritione : quippe confessioni nullam limitationem apposuit, quam tamen attritioni adjunxit, dum dixit : « Si « voluntatem peccandi excludat cum spe « veniæ ; » ubi in dolore, ut sit dispositio ad fructum sacramenti exposcit efficaciam, per quam voluntas peccandi omnino excluditur. Hanc autem restrictionem non posuit, dum de attritione, quæ est pars sacramenti sermonem faceret : de hac enim solum dicit : « Animi dolor ac detestatio « est de peccatis cum proposito non peccandi de cetero ; » quæ omnia de attritione inefficaci, et parte sacramenti verificantur. Unde cum distinguat inter dolorem partem, et inter dolorem dispositionem, et id non efficiat circa confessionem formaliter integram, ut est pars sacramenti, et ut habet concurrere ad illius fructum, non eodem modo de utrisque loquitur. Et quidem ratio favet, ut ita procedat : etenim confessio, ut formaliter integra cum non sit dispositio ad gratiam, sed solum pars essentialis sacramenti, instrumentaliter effective ad illius fructum concurrans, necessarium non est, quod in ea duplicem rationem assignet, sed sat est, quod sub eadem utrumque munus, et partis, et causæ efficientis exerceat. Attritio autem cum habeat rationem partis, atque ideo concurrat efficienter instrumentaliter ad fructum sacramenti, et insuper sit causa dispositiva ad gratiam, consentaneum fuit Concilium inter hæc duo munera distinxisse, et pro unoquoque exercendo propriam rationem doloris assignasse : plus enim requiritur ad influendum effective, ac dispositive, quam ad solum effective. Attritio igitur, ut inefficax habet rationem partis sacramentum constituentis, ac instrumentaliter instituentis in gratiam dum obex non adest ; ut vero dispositive concurret

Con
mat
demo
tu

concurrat, necessario efficaciam exposcit.

Ad secundam dicendum est, satisfactionem esse tantum partem integram sacramenti, et non dispositionem ad illius fructum, cum frequenter sit aliquid externum, quod disponere nequit ad infusionem gratiæ. Quo circa solum desideratur, ut reatum pœnæ temporalis solvat tanquam pars sacramentum adintegrans. Attritio vero est pars essentialis sacramenti, et simul dispositio ad fructum illius; unde contingit habere, quæ requiruntur ad rationem partis, quin habeat omnia requisita ad rationem sufficientis dispositionis, et consequenter primum munus obire valet non exercendo secundum: ad hoc enim dolor efficax voluntatem peccandi excludens desideratur; ad illud vero attritio inefficax satis est, vel præscindens ab efficaci, et inefficaci.

296. Dices: vel dolor inefficax sufficit simul ad valorem sacramenti, ac ad ejus fructum, vel non sufficit ad valorem obtinendum: primum est falsum, ut concedimus: ergo secundum concedendum est, atque ideo sacramentum cum solo inefficaci dolore validum non erit. Major ostenditur: nam accedens ad sacramentum cum dolore inefficaci, vel accedit bona fide putans efficacem esse, vel mala existimans esse inefficacem? Si bona fide accedit, non delinquit lethaliter in receptione sacramenti, ac subinde cum obicem gratiæ non apponat, sacramentum validum simul, et fructuosum existet. Si vero mala fide accedat cognoscens dolorem esse inefficacem, grave peccatum in sacramenti susceptione committit, siquidem scienter obicem gratiæ apponit ob carentiam sufficientis dispositionis, et consequenter sacramentum erit nullum. Ergo ex dolore inefficaci non recte colligimus validitatem, ac informatam sacramenti.

Respondetur negando majorem; ad cujus probationem priorem dilemmatis partem eligimus, cujus impugnatio non urget. Etenim qui bona fide accedit ad sacramentum cum inefficaci dolore existimans esse efficacem, non ponit obicem gratiæ ex eo, quod peccatum in sacramenti susceptione committat; sed aliunde, quatenus, nimirum, dolor, quem in re adhibet, non est efficax, atque ideo nec sufficiens dispositio ad sacramenti fructum. Unde licet sic ac-

cedens non delinquat, et judicet se fructum sacramenti adipisci, illum re vera non obtinet, ex quo fit sacramentum esse validum ac infructuosum. Id quod aliquid parificari potest in eo, qui bona fide accederet ad sacramentum cum attritione naturali existimans esse supernaturalem, qui nec delinqueret, nec fructum sacramenti reciperet: quia esto peccatum non ponat, quod est impedimentum gratiæ repugnans, ponit tamen inculpabiliter alium obicem ex carentia doloris supernaturalis, et efficacis per modum dispositionis gratiæ convenientis. Ita igitur in præsentī contingit, quamvis inter utrumque eventum sit notum discrimen quoad valorem sacramenti. Et enim si attritio re vera est naturalis, licet bona fide existimetur supernaturalis, non est materia apta ad constituendam sacramenti essentiam. Attritio autem supernaturalis, et inefficax, si bona fide efficax judicetur, est materia apta ad sacramenti valorem, non quia efficax existimatur, sed quia reipsa est supernaturalis dolor, ac « detestatio de peccato commisso cum proposito non peccandi de cetero; » qua definitione Concilium describit attritionem requisitam per modum partis, quæque mere naturali adaptari non potest. Unde licet attritio supernaturalis inefficax differat ab efficaci in eo, quod voluntatem peccandi non omnino excludat, ut Concilium innuit, convenit tamen cum ea in pluribus aliis ab eodem Concilio assignatis: convenit quippe in ratione doloris supernaturalis, et in eo, quod sit domus Dei, et Spiritus Sancti impulsus, ac insuper in suo motivo, quoniam utraque, « vel ex turpitudinis peccati consideratione, vel ex gehennæ, et pœnarum metu communiter concipitur. » Qui quidem metus, vel timor est servilis non solum servilitate subjectiva, quæ consistit in eo, quod subjectum timorem concipiens sit in servitute, seu in statu peccati gravis, sed etiam servilitate objectiva, et formali, extendentia ad objectum, et formali motivo desumpta, ex attingentia nimirum pœnæ, ut statuimus tract. 18, de Spe, disp. 4, dub. 3, agentes de timore servili.

Verum quia de timore servili memoria incidenter effecta est, minime omittenda venit impugnatio injusta, quamvis ex sana, ut credimus, intentione orta, quo Magister Ponce Observantissimæ Familiæ Carme-

M. Ponce

litanæ alumnus acriter invehit doctrinam, quam agentes de timore servili loco proxime citato tradidimus, quamque pro viribus demolire conatur uti rationi non consonam, et quod plus est, ut omnino D. Thomæ contrariam. Impugnationem sereno animo vidimus, ac non semel demirati sumus virum oculatissimum in re clarissima adeo vehementer fuisse deceptum, aeremque verberasse. Fictos plane apprehendit hostes ubi veri deficiebant : nullibi enim doctrinam, quam nobis impingit, docuimus, ut ex statim subjiciendis evidententer constabit. Quo circa eximium viri ingenium commendamus, ac ingentem erga familiam nostram benevolentiam gratitudine amicissime rependimus. Cum tamen absque hujus præjudicio impugnationem intulerit, etiam absque ejusdem disruptione impugnationem abigere, ac crimen insequentia in sectandis D. Thomæ vestigiis, quo nostram doctrinam inficit, amovere licebit. Id quod breviter fiet, ut quam citius ad rem præcipuam, a qua tantisper discedimus, regrediamur.

§ VI.

Digressio vindicativa doctrinæ traditæ tract. 18, disput. 4, dub. 3, ab impugnatione Mag. Ponce.

297. Inter alia igitur proprii ingenii monumenta, prælo mandata, novissime Magister Ponce quandam controversiam Theologico dogmaticam in cap. 4 Tridentini Romæ typis excussit. Cujus lectioni dum libenter, ac voluptate non modica incumbimus, inopinate nobis occurrit sextum argumentum dubii 3, cujus epigraphæ est : « Occasione sexti argumenti ostenditur in timore divino servili dari servilitatem formalem, et objectivam omnino diversam a servilitate subjectiva. » In quo perdoctus Magister a num. 177, usque ad 202 inclusive, totus est in impugnando, ut sibi persuadet, doctrinam, quam disp. ac dub. citat. tradidimus. Ceterum ut cunctis veritas evidentius appareat, videamus quid prælaudatus Magister tot coacervatis argumentationibus evincere intendat, ut ita innotescat id in quo nos sibi contrarios existimet, et an re vera doctrinam

nostram impugnet, an potius in frustra laborare.

Igitur prædicti Magistri scopus, ut epigraphæ citati argumenti palam ostendit, est evincere, quod in divino timore servili datur servilitas formalis, et objectiva omnino distincta a servilitate subjectiva ; quarum hæc nihil est aliud quam status servitutis, seu peccati habitualis mortalis, in quo eliciens actum timoris servilis existit, prout idem Ponce docet, et nos ipsi docuimus loco ab eodem citato. Illa vero, servilitas nimirum, formalis, et objectiva, est ipsa actualis tendentia prædicti actus timoris ad suum objectum specificativum, quod est pœna : vel, ut idem Magister explicat, « est ipsa attingentia pœnæ tanquam objecti proprii in actibus ; » in habitibus vero est respicientia horum « actuum, et pœnæ tanquam objecti proprii « servilitatis. » Ita dub. 3 suæ controversiæ num. 190. Quo supposito,

Sic prælaudatus Magister intentum suadet a num. 176 : « Timor servilis, ut distinctus a casto, et a mixto ex casto, et « servili, importat servilitatem non solum « ex parte subjecti, sed etiam ex parte « objecti ; sed ratio servilitatis est contraria charitati, ac proinde mala : ergo timor servilis, ut distinctus a casto, et a « mixto ex casto, et servili, est malus, et « charitati contrarius. Major hujus syllogismi, quam immerito negat » (perpende verba) « et acriter impugnatur noster Salmanticensis tom. 7, tract. 18, disp. 4, « dub. 3, num. 28, 29, 30 et 40 ostenditur », etc. Inde pergit, ac per aggregatas paginas adducit plures illius majoris probationes ex D. Thoma depromptas, quibus assumptum adeo palam demonstrat, ut aliquando asserat esse evidentissimum in D. Tho., interdum esse expressam ipsius mentem, quandoque vero se urgentissime, et simul ad hominem contra Salmanticenses arguere ; atque alia his similia immiscet, quibus tanquam de victoria parta triumphum arripuisse sibi videtur. Nemo plane illum sibi denegabit ; at fictum solum concedet, quippe cui in hostes tantummodo apprehensos irruerit.

Uterius prælaudatus Magister absque ullo hæsitacionis vestigio absolute affirmat, unicum ac totale fundamentum, quo usi fuimus ad statuendam nostram doctrinam

nam, quam sibi oppositam iudicat, aliud non esse quam argumentum quoddam a D. Thoma 2, 2, quæst. 19, art. 5, pro contraria sententia propositum, et ab eodem Ang. Præceptore, veluti suæ resolutioni adversum, dissolutum. Ita expresse ingeniosus Magister dub. citat. suæ controversiæ a n. 184. Tum illis verbis : « Nunc sic : sed hoc est » (præfatum videlicet argumentum) « unicum, et totale fundamentum, quo noster Salmanticensis moretetur », etc. Tum etiam illis, quibus rationem concludit : « Igitur sententia opposita, et a nostro Salmanticensi propugnata unice fundatur in argumento contrario ipsi D. Thomæ, quod idem D. Thomas ut sibi contrarium contra se proponit, et solvit. » In quo proculdubio excessit : quippe non nihil amicebilitate torquet, adeo palam asserere fidelissimos D. Thomæ discipulos, ac in omnium iudicio rigidissimos, in re clarissima ab ejus vestigiis sinistre deviasse. Ceterum quum neminem fugiat, doctrinam hactenus in hoc cursu traditam ullibi ab Angelici Præceptoris mente nec in minimis recessisse, insuperque tradendam nec ab eodem (ut fixum in animo est) unquam recessuram, utramque Magistri Ponce impositionem ad trutinam avocemus, ut quid verum sit innotescat.

298. Et quidem in prima absque ullo prorsus fundamento procedere, multipliciter ostendimus. Primo : nam ut major illius syllogismi negaretur, aut acriter impugnaretur, ut ipse inquit, necessum erat negare, aut impugnare servilitatem formalem, et objectivam, quam ultra servilitatem subjectivam in illo argumento stabilire intendit ; sed nec in locis a Ponce citatis, nec alibi servilitatem formalem, et objectivam veram, et propriam negamus, aut impugnamus : ergo absque fundamento asserit majorem sui argumenti a nobis negatam, aut impugnatam fuisse. Minor facile ostenditur sincera lectione verborum, quæ tradidimus disp. 4, dub. 3, num. 28, citatis a Ponce, quæque fideliter transcripta sunt hæc : « Dicendum est secundo, conditionem servilitatis non reddere actum timoris pœnæ turpem, sed prædictum actum licet huic conditioni conjunctum adhuc conservare bonitatem moralem. Hæc conclusio nobis est de fide,

« et omnino consona præcedenti. Probatur
« breviter : quoniam conditio servilitatis,
« de qua in præsentia, nihil aliud est quam
« status servitutis, seu peccati habitualis,
« in quo eliciens actum timoris existit ;
« sed per hoc quod actus timoris eliciatur
« ab homine existenti in peccato mortali :
« habituali non contrahit malitiam, nec
« bonitatem exuit : ergo conditio servili-
« tatis non reddit actum timoris turpem.
« Consequentia patet, et minor ostenditur :
« nam status habitualis peccati non reddit
« actus in eo statu elictos generaliter tur-
« pes, alias omnia opera peccatoris essent
« peccata. Quod damnat Conc. Trid. sess. 6,
« can. 7, his verbis : Si quis dixerit, opera
« omnia, quæ ante justificationem fiunt,
« quacumque ratione facta sint, vere esse
« peccata, etc., anathema sit. Et iterum
« Pius V, et Greg. XIII condemnantes pro-
« positionem 35 Michaelis Baji, quæ erat
« hujusmodi : Omne quod agit peccator, aut
« servus peccati, peccatum est. Ergo status
« peccati habitualis non præstat quod timor
« servilis ex se, et secundum suam essen-
« tiam honestus, ut vidimus § præced.
« fiat turpis, et peccaminosus. » In quibus
verbis, ut patet, nihil invenitur, quod neget, aut impugnet servilitatem formalem, et objectivam, cum ultra servilitatem subjectivam, quæ in existentia subjecti in statu peccati habitualis consistit, aliam servilitatem honestam, et moraliter bonam probeamus, quam vocamus actum timoris servilis *secundum essentiam*, et omnino coïncidit cum servilitate *formali, et objectiva*, prout a Magistro Ponce intenditur.

Secundo : nam servilitas formalis, et objectiva non est aliqua conditio contingenter superaddita essentiæ, et bonitati morali specificæ actus timoris, sed est ipsa essentia, seu substantia, et bonitas moralis specifica illius, quæ per se ipsam intransitive, et absque aliquo addito reali, formali, aut virtuali servilitas formalis, et objectiva denominatur, ut Ponce intendit ; sed locis ab eo citatis plane ostendimus actum timoris servilis adhuc in consortio servilitatis subjectivæ provenientis a statu peccati mortalis habitualis conservare, suam honestatem, ac bonitatem moralem substantialem, seu essentialem, et specificam, esseque tunc moraliter bonum secundum suam essentiam : ergo minime

negavimus, aut impugnativimus servilitatem formalem, et objectivam, pro qua suadenda prædictus Author defatigatur.

Tertio : quoniam servilitas formalis, et objectiva, ut ipse Ponce definit dub. 3 suæ controversiæ num. 190, « est ipsa attinentia pœnæ tanquam objecti proprii in actibus. » Sed hanc ipsissimam servilitatem formalem, et objectivam, consistentem in attingentia pœnæ tanquam objecti proprii in actibus, expressis verbis concessimus, et propugnativimus : ergo falsum omnino est a nobis fuisse negatam, et impugnatam. Minor ad sensum patet : nam dubio citato excludentes a num. 22, quandam servilitatem objectivam improprie talem, quæ prout a quibusdam Authoribus depingitur, continetur formaliter sub timore mundano, ita conclusimus : « Unde vel dicendum est, timorem, de quo loquimur, non habere servilitatem objectivam ; vel quod verius est, hujusmodi servilitatem objectivam sitam esse in eo quod immediate, et principaliter terminetur ad pœnam : proprium enim servorum est pœnam timere, et inde moveri ad operandum. » Quid evidentius ? Qualiter ergo negari, aut impugnari poterat servilitas objectiva, si adeo palam cum expressione ejusdem nominis admittebatur, et ex formali objecto, quod est pœna, demonstratur ? Similia verba invenies initio ejusdem numeri 22.

Urgetur ulterius, et simul ad hominem idipsum evincitur. Etenim ex eo deducit Ponce servilitatem formalem, et objectivam in actu timoris servilis, quia timor iste, et filialis differunt specie : hoc enim est potissimum, imo, et unicum ipsius argumentum a num. 177, usque ad 202 citati dubii. Ergo qui prædictis timoribus concesserit differentiam essentialem, et specificam, non negabit, quin potius adstruet, ac propugnabit servilitatem formalem, et objectivam. Tum sic : sed expressis verbis, ac sine ulla ambiguitate statuimus differentiam essentialem inter timorem filialem, et servilem : ergo servilitatem formalem, et objectivam actui timoris non denegavimus. Minor subsumpta liquet exhibitione verborum, quæ habemus disp. ab eodem Magistro citata, dub. 4, a n. 67. « Infertur primo, timorem filialem, et servilem distingui essentialiter quoad

« actus, et habitus. Ita resolvit D. Thomas in præsentia art. 5, et in 3, dist. 34, quæst. 2, art. 3, quæstiunc. 3, et facile probatur ex dictis : nam distinctio essentialis inter actus, et habitus actibus cor-respondentes sumitur ab eorum objectis primariis ; sed timor filialis, et servilis habent diversa objecta primaria ; siquidem objectum primarium timoris filialis est subjectio passiva, et reverentialis ad Deum connotando possibilitatem mali separationis, aut culpæ, ut explicuimus a n. 50. Objectum autem timoris servilis est pœna, quam quis subire refugit, ut constat ex dictis dub. præc. Ergo timor filialis, et servilis distinguuntur essentialiter quoad actus, et habitus. » Quo circa nescimus unde R. Ponce asserere rationabiliter potuerit, servilitatem formalem, et objectivam a nobis fuisse negatam.

299. Dices cum eodem Magistro, quod in dub. 3, n. 28, hæc habemus : « Major constat ex dictis num. 22, ubi exclusimus aliam servilitatem objectivam, quam aliqui adstruunt, et dicunt consistere in eo, quod timens fugiat culpam cum affectu illam prosequendi, nisi immineret pœna : hujusmodi enim affectus penitus destruit affectum timoris, de quo in præsentia, et quem § præced. statuimus. Sistendo igitur in timore, de quo agimus, conditio servilitatis nihil aliud est quam status servitutis, vel peccati. » Ergo servilitatem formalem, et objectivam negamus, et nullam aliam præter subjectivam admittimus.

His credimus Magistrum Ponce allucinatum offendisse. Sed oculatius forsitan, aut non ita cursim ea percurrere deberet, ne consequentiam adeo illegitimam deduceret. Etenim ex illo num. 22, ad quem in replica nos remisimus, ac ex ipsis expressis replicæ verbis evidenter constat, nos ibi minime excludere servilitatem objectivam veram, et propriam timoris servilis, sed aliam a quibusdam Authoribus depictam, de quorum numero proculdubio est Ferre, qui tandem propriam sententiam correxit, ut ibidem adnotavimus num. 50, a Ponce citato. Hujusmodi enim Authores asserebant, servilitatem objectivam actus timoris in eo sitam esse, quod quis operetur serviliter timendo pœnam, ut oppositam

positam bono proprio amato per modum ultimi finis, ut cum quis vitat culpam paratus non vitare, si pœna non immineret, qui affectus, ut ibi docuimus a num. 21 et 22, extra dubium perversus est, tum quia sic timens afficitur ad culpam; tum, quia præfert simpliciter matum pœnæ malo culpæ, quæ est satis gravis inordinatio. De hac igitur servilitate objectiva ita accepta diximus non pertinere adhuc per modum conditionis ad actum timoris servilis secundum suam essentiam consideratum, de quo dubium procedebat, ut constat ex illa restrictione, posita in verbis contentis in replica: « Hujusmodi enim affectus penitus a destruit essentiam timoris, de quo in « præsentī, et quem § præced. statui-
« mus; » qui est timor servilis secundum suam essentiam consideratus. Ratio autem cur servilitas objectiva, prout ita ab illis Authoribus explicata, non pertineat ad actum timoris servilis secundum suam essentiam considerati, est quia illa servilitas pertinet revera ad timorem mundanum, cujus est respicere bonum proprium timentis ut ultimum finem non solum habitualiter, sed etiam actualiter; ex quo fit hunc actum mundani timoris esse pravam, uti servilitas objectiva, a qua specificatur, et quam respicit tanquam proprium objectum. Timor autem servilis secundum suam essentiam consideratus est honestus ac bonus moraliter, ut fides docet juxta ea, quæ ibi expendimus a num. 23, atque ideo terminari non potest ad illam servilitatem objectivam ac perversam; alias ipse actus redderetur pravus ex suo objecto.

Ex his autem nescimus, qualiter deduci possit, servilitatem objectivam veram, et propriam ibi a nobis fuisse negatam, sed potius concessam: qui enim supponit dari actum timoris servilis formaliter ac secundum suam essentiam, et de eo ita accepto loquitur, necessarium est etiam in eo supponere servilitatem formalem, et objectivam, alias cum essentia cujuscunque actus sit talis per ordinem ad objectum, ita ut ubi repugnat objectum, repugnet essentia actus, si non supponeremus dari servilitatem formalem et objectivam in actu timoris servilis secundum suam essentiam, proculdubio, dum de eo ita reduplicative accepto sermonem fecimus, loqueremur de subjecto non supponente, quod nimis cæ-

cutire esset. Ibi igitur servilitas objectiva vera et propria, quæ ad essentiam timoris servilis attinet, supponebatur, et solum difficultas procedebat de alia servilitate subjectiva, aut etiam objectiva contingenter se habentibus ad essentiam timoris. Quo circa, dum conclusimus: « Sistendo « igitur in timore, de quo agimus, conditio « servilitatis nihil aliud est quam status « servitutis vel peccati; » rejecimus ab actu timoris servilitatem objectivam prout a supra dictis Authoribus excogitatum, quamque denegavimus spectare ad timorem servilem adhuc per modum conditionis, solamque servilitatem subjectivam consistentem in statu peccati mortalis affirmavimus habere rationem conditionis contingentis ad prædictum timorem quoad essentiam consideratum. Nam quæcumque alia servilitas, quæ ab objecto proveniat, non erit conditio superaddita, et contingenter adveniēns timori servili ex parte subjecti, sed erit de intrinseca illius ratione et essentia. Convincitur ergo, quod nullibi servilitatem formalem, et objectivam veram, et propriam negavimus, aut impugnavimus, sed Magistrum Ponce omnino fuisse deceptum, vaneque, ac fecte apprehendisse.

300. Sed age jam, ac ad secundam, ipsamque deteriore notam inconsequentię in adhærendo fideliter D. Thomæ, qua doctrinam nostram percellit, accedamus. Inquit enim num. 184. « Nunc sic: sed hoc « est unicum, et totale fundamentum, quo « noster Salmanticensis movetur.... Igitur « sententia opposita, et a nostro Salmanti-
« censi propugnata, unice fundatur in argu-
« mento contrario ipsi D. Thomæ, quod « idem D. Thomas uti sibi contrarium con-
« tra se posuit, et solvit. » Hæc vix credimus a tali Magistro exarata, sed ab alterius forsā sinistra manu ejus operi veremur assuta. Quam autem veritatem præferant, liquido patet in medium producendo illud D. Th. argumentum, in D. Th. quo sententiam nostram unice innixam asserit, quodque prout ab eodem Ponce refertur ex 2, 2, qu. 19, art. 1, argum. 1, est hujusmodi: « Ita enim videtur se habere « timor filialis ad servilem sicut fides for-
« mata ad informem, quorum unum est « cum peccato mortali, aliud vero non; « sed eadem secundum substantiam est

« fides formata, et informis : ergo, et idem
« est secundum substantiam timor servilis,
« et filialis. » Hoc igitur ait esse unicum
ac totale nostræ sententiæ fundamentum.
Sed id etiam longe admodum a rationis
vestigio asseruisse convincitur.

Primo : quoniam sententia, de qua in-
quit Ponce esse unice totaliter fundatam
in illo D. Thomæ argumento, est quæ docet
non dari in actu timoris servilis servilita-
tem formalem, et objectivam ; atqui hanc
sententiam nullibi docuimus : ergo nec
illam in illo D. Thomæ argumento funda-
vimus. Consequentia est evidens : nam
prius est quod sententia sit, quam quod
alicubi fundata existat. Major constat ex
ipso Ponce, et minor evidenter ex supra
dictis. Secundo : quia adhuc omnino gratis
permisso, sententiam, quam locis a Ponce
citatis propugnativimus, esse illam quam
ipse censuit, verum non est quod unice ac
totaliter fundetur in illo argumento con-
trario D. Th. ergo etiam ex hoc capite
claudicat illa propositio : « Sed hoc est
« unicum ac totale fundamentum, » etc.
Suadetur antecedens : nam Magister Ponce
citatur tractatum 18, disp. 4, dub. 3, n. 28 ;
sed sententia, quam ibi propugnamus,
nobis est de fide, et ut talis ibi probata est
principaliter ex Concilio Tridentino sess.
6, can. 7, ac ex Gregorio XIII condem-
nante trigesimam quintam propositionem
Michaelis Bajæ, quæ ex diametro sententiæ,
quam ibi defendimus, opponitur : ergo
adhuc dato hanc sententiæ esse eam,
quam Ponce censuit, verum non est esse
unice ac totaliter fundatam in illo D.
Thomæ argumento.

D. Tho

Tertio : quia sententia, quam n. 28, et
aliis citatis a Ponce defendimus, ibidem
expresse probata est non ex illo argumento
art. 5, sed ex corpore art. 4, ubi D. Th.
hæc habet : « Dicendum, quod timor ser-
« villis ex parte servilitatis habet quod sit
« malus.... Sic ergo servilis, in quantum
« servilis est, contrariatur charitati. Si
« ergo servilitas » (subjectivam intellige)
« esset de ratione timoris servilis, oportet
« ret quod timor servilis simpliciter esset
« malus. Sicut adulterium simpliciter est
« malum, quia id, ex quo est, contrariatur
« charitati, et pertinet ad adulterii speciem.
« Sed prædicta servilitas non pertinet ad
« speciem timoris servilis, sicut » (nota

verba) « nec infirmitas ad speciem fidei
« informis. Species enim moralis habitus
« vel actus ex objecto accipitur. » Deinde
assignando objectum timoris servilis con-
cludit : « Et ideo timor servilis secun-
« dum suam substantiam bonus est, sed
« servilitas ejus est mala. » Ex quibus ibi
n. 28, hanc rationem efformavimus :
« Confirmatur, quia ita se habet servilitas
« ad timorem servilem sicut infirmitas ad
« fidem, uti expresse docet D. Thomas in
« præsentī art. 4, sed infirmitas fidei non
« est aliud quam carentia informationis
« per gratiam, et charitatem, quæ carentia
« non deturpat actum fidei, sed illum re-
« linquit moraliter bonum : ergo servilitas
« timoris ejus essentiæ superadditæ nihil
« aliud est quam carentia gratiæ, siye condi-
« tio status peccati ; quæ tamen non faciunt
« ut actus timoris sit moraliter malus. »
Cum ergo fundamentum sententiæ, quam
defendimus his locis a Ponce assignatis, non
erit integrum corpus art. 4, quem expresse
in confirmatione citamus, et in quo D.
Thomas utitur exemplo fidei informis ad
probandum id ipsum, quod nos illo dubio
intendimus ; sed potius erit argumentum
primum art. 5, in quo D. Thomas utitur
etiam eodem fidei informis exemplo ad
probandum apparenter rem aliam distinc-
tissimam ab ea, quam locis a Ponce citatis
versamus.

Quarto : nam ut nostra sententia inni-
teretur illi argumento articuli 5, debebat
asserere id ipsum, quod illud argumen-
tum probat ; sed hoc ita non est : ergo in
illo non nititur. Minor ostenditur : etenim
illud argumentum probat, vel probare in-
tendit, timorem servilem, et filialem non
distingui specie ; sed n. 28, 29, 30 et 40,
citatis a Ponce non examinamus an isti
timores specie distinguantur, sed solum an
servilitas subjectiva deturpet essentiam
actus timoris servilis ; imo in eadem disp.
n. 67, docemus timorem servilem et filialem
esse specificè distinctos, ut idem Magister
vidit : ergo aliud intendit illud argumen-
tum, et aliud est quod nostra sententia
asserit ; atque ideo in illo fundari nequit.
Nec plura subjicimus : subjecta quippe rem
satis demonstrant.

Ex quibus omnibus ad sensum quisque
deprehendet, tum quam frustra R. Ponce
insudaverit a n. 177 dubii 3, suæ contro-
versæ

versæ usque ad 202 impugnando, ut sibi visum est, sententiam a nobis traditam : loquitur enim in omnibus illis de subjecto non supponente, sive de sententia, quam nusquam propugnâvimus, sed potius oppositam, ut liquet ex illis disertis verbis, quibus dub. 2, n. 22, diximus : « Servilitatem objectivam sitam esse in eo quod « immediate, et principaliter terminetur « ad pœnam. » Ubi et illam latemur, et eandem insuper explicamus. Tum, quam infirma sit illa subsumpta minor : « Nunc « sic : sed hoc est unicum ac totale fundamentum, quo noster Salmanticensis movetur, etc., » nam evidenter falsum supponit, nos nimirum servilitatem formalem, et objectivam negasse. Tum denique, quam immerito asseruerit doctrinam nostram adeo aperte contra D. Th. procedere, ut unice in argumento ab eodem Angelico Præceptore rejecto fundetur. Etenim ut ex dictis innotescit, nec doctrina quam nobis adseribit, nec alia in illo argumento fundata est, sed eidem argumento ex diametro adversam cum Ang. Præceptore citat. n. 67, statuimus.

Si vero (ut omnis scrupulus penitus abigatur) inquiras, cur si servilitatem formalem, et objectivam non negâvimus, expresso nomine servilitatis objectivæ in illo dubio non usi fuimus? Respondetur, nos id consulto effecisse, tum quia servilitas absolute prolata solum stat pro servilitate subjectiva, et peccaminosa, juxta illud Joann. 8 : *Omnis qui facit peccatum, servus est peccati*. Cujus signum perspicuum est, quod D. Th. quoties nominat servilitatem, solum intelligit illam, quæ peccaminosa est, et charitati contraria, ut eundem S. Doctorem legenti constabit. Tum, et præsertim, quia D. Th. nusquam in suis scriptis nomine servilitatis formalis, et objectivæ utitur, sed solum nomine servilitatis absolute, per quam intelligit subjectivam, et nomine actus timoris considerati secundum suam substantiam, essentiam, et speciem, quæcum per se ipsam sit respicientia, attingentia, et terminatio ad pœnam tanquam ad objectum specificativum, necessario, et intransitive est ipsa servilitas formalis, et objectiva, ut vel ipse Ponce fatetur, atque ideo superfluum omnino erat aliis nominibus uti, quam a D. Th. usitatis. Unde tam longe abest ut a D. Th. absce-

Salmant. Curs. Theolog. Tom. XX.

deremus, ut non solum in substantia doctrinæ, verum etiam in modo loquendi ipsum sequuti fuerimus, a quo tamen Ponce recessit. Tum denique : quia non omnino nomen servilitatis objectivæ silentio traditum est, sed satis illud expressimus citat. dub. n. 22. Quocirca omnia consonant, cunctaque aperte evincunt, utramque Mag. Ponce impugnationem inepte processisse. Creditu tamen difficile non apparet, ea (si ab eo dicta) inde duxisse originem, quia falso apprehendit, ac raptim doctrinam nostram percurrit ut euidam hujus Collegii Theologo, a quo fuit de veritate convictus, palam confessus est. Nec vestigium suspicandi relinquitur, Magistrum adeo sapientia æque ac virtute præstantem ea omnia, si superstes perennaret, in alia suæ controversiæ impressione retractaturum.

DUBIUM XII.

An possit dari confessio valida, et informis ex negligentia graviter culpabili circa examen conscientiæ.

Controversia valorem ac informatam hujus Sacramenti discutiens, diffusionem exposcit indaginem, quam possit unico in dubio decidi. Nec enim D. Th. etsi Angelica prædito mente, satis fuit id semel attingisse ; sed postquam difficultatem hanc versavit in 4, dist. 17, q. 3, quæstiunc. 1, ad 1, iterum art. 4, quæstiunc. 4, atque iterum dist. 21, q. 3, art. 1, quæstiunc. 1, ad 1, eandem ad trutinam reduxit, in examenque vocavit. Et nobis corde ac mente D. Th. sequentibus, ipse etiam in hoc proponitur fideliter imitandus. Sic conarunt, et separatis quæstionibus perfecerunt Cajetanus in summa, verbo *Confessio*, condit. 10, itidem eodem verbo *Confessio iteranda*. Nec his contentus, tom. 1 opusculi tract. 5, quæst. 5, idem repetit, et iterum discutit. Sotus in 4, dist. 18, quæst. 3, art. 2, difficultatem istam urgenter stabiliens, eandem art. 3 iterat, ut argutius discutiat. Hujus namque Sacramenti valida informatas, ex diversis capitibus resultans, decisiones expostulat separatas, ne si in una plura, et satis ex se distincta ac difficilia pertractentur, potius quam lucem inducant confusionem. Quocirca postquam ante-

riori dubio sacramentum pœnitentiæ validum, et informe contingere posse ratione doloris inefficacis, efficacis invincibiliter existimati, statuimus; secundus modus, quo confessio informis, et valida fieri potest, in hoc dubio explicandus accedit. Cumque non sit alius excogitabilis veritati consonus, præter illum qui ex negligenti examine oritur, pro illius intelligentia

§ I.

Titulus dubii exponitur, et aliqua pro illius intelligentia prænotantur

Observ.
1.

302. Ut titulum explicemus quæstionis, et quid quærimus innotescat, observandum est primo, quod cum negligentia secundum se opponatur curæ ac studio addiscendi ea, quæ quis tenetur agnoscere, negligentia in examinando conscientiam debet opponi diligentia in perscrutando peccata in confessione detegenda. Ex quo fit, quod quemadmodum ad diligentem peccatorum discussionem sequitur eorum notitia, ita ad negligentiam examinis sequitur eorundem peccatorum ignorantia, quam quisque excludere debet ut apte dispositus ad confitendum accedat. Unde ulterius fit, quod ignorantia peccatorum non ponit in numero cum prædicta examinis negligentia, ex qua oritur, et quod istius diversitas regulanda sit per multiplicitem illius, atque ideo eisdem nominibus, quibus dividimus ignorantiam, dividere possumus et examinis negligentiam. Hæc igitur quoad præsens attinet, et prout importat negligentiam, et ignorantiam, quæ potest et debet vinci, dividitur juxta ea, quæ statuimus tract. 13, disp. 13, dub. 1, n. 5, in *affectatam, crassam, seu supinam, et in pure vincibilem*. Examinis negligentia *affectata* illa est, qua quis data opera, seu ex proposito conscientiam discutere non vult, sed potius peccata ignorare, ut ea in confessione non detegat, more illorum qui Job cap. 21, dixerunt: *Recede a nobis; scientiam viarum tuarum nolumus*. Et Psalm. 37: *Noluit intelligere ut bene ageret*. Quæ testimonia licet clarius de ignorantia, quam de affectata discussionis peccatorum negligentia loqui videantur, facile tamen huic negligentia valent adaptari, ut attente id consideranti perspicuum

fiet; cum hujusmodi negligentia affectata nullam aut fere nullam secum permittat diligentiam ex proposito, et a consilio. *Crassa*, aut *supina* illa est, qua negligens desidia maxima detentus, nihil aut fere nihil de ea abigenda curat, quamvis non ex proposito per diligentiam ei contrariam, more hominum pinguium, ac supine jacentium quasi nihil de rebus curantium. Quæ negligentia in præsentī materia datur, quum quis nullam aut fere nullam adhibet curam excludendi ignorantiam, et acquirendi notitiam peccatorum necessariam pro confessione facienda.

Negligentia vero, et ignorantia *pure vincibilis* est, quæ minorem affert desidiam, sufficientem tamen ut negligens aut ignorans non excusetur a culpa: quia licet non admodum segnitè se gesserit, sed mediocriter laboraverit, non tamen diligentiam moraliter sufficientem pro negotii qualitate adhibuit. Unde hæc negligentia *pure vincibilis* circa examen se habet in præsentiarum sicut ignorantia *pure vincibilis*, quæ ab *affectata, crassa, aut supina contradistinguitur*; ut patet ex textu in cap. *Ut animarum* de constit. in 6, ubi dicitur: « Ut animarum periculis obvietur, sententiis per statuta quorumcumque Ordinarium prolatis ligari nolumus ignorantes, dummodo illorum ignorantia non sit crassa vel supina. » In quibus Pontifex decernens ignorantiam, quæ non est crassa, aut supina, excusare a censuris, non intendit ignorantiam affectatam supina deteriorem ab illis excusare posse. Nec item loquitur de ignorantia invincibili; de hac enim nunquam fuit dubitatio, sed per se notum quod excuset nedum a censuræ pœna, verum, et a culpa. Quocirca non magis obviam faceret animarum periculis expeditione illius decreti, quam non expeditione si solam invincibilem ignorantiam comprehenderet. Loquitur igitur de ignorantia vincibili; cumque excludat ignorantiam crassam, aut supinam, a fortiori affectatam, plane deducitur sermonem facere de ignorantia (ac idem est de negligentia) *pure vincibili*. Et quamvis illam ut crassæ, supinæ, ac affectatæ contrapositam Suárez, et Loeza rejiciant; eam tamen Sanchez, Curiel, et alii approbant, et propugnant.

Uterius, hæc ignorantia, vel negligentia

Job 21.
Psalm.
37.

tia pure vincibilis dupliciter accipi potest ; vel prout est absolute, et simpliciter vincibilis, et consequenter graviter culpabilis ; vel prout est absolute, et simpliciter invincibilis, vincibilisque solum secundum quid, et ideo tantum leviter culpabilis, eo quod apponendo quis diligentiam necessariam, et debitam, in hoc ipso aliquantulum deficit. Eodemque fere modo sub nomine culpæ dividunt Jurisperiti in latam, levem, et levissimam. Latam appellant, dum ea omittitur diligentia, quam passim homines adhibent, quæ est gravissima negligentia coincidens cum crassa, supina, et affectata. Levem autem dicunt ubi ea diligentia omittitur, quam pro qualitate materiæ adhibere solent diligentiores ; quæ coincidit cum negligentia pure vincibili, et graviter culpabili. Levissimam vero nuncupant quando omittitur diligentia, quam adhibere solent prudentissimi, ac admodum exacti, et hæc est negligentia solum secundum quid, ac leviter peccaminosa.

serv. 2. 303. Secundo observandum est discrimen, quod in discutiendis peccatis intercedit inter negligentiam affectatam, crassam, aut supinam, et pure vincibilem absolute, et simpliciter. Nam licet omnes sint lethaliter peccaminosæ, et culpabiles, tamen peccatum negligentiae affectatæ, crassæ, aut supinæ æquiparatur peccato scienter, et ex proposito commisso, ac expressa, et directa volitione perpetrato, et moraliter pro eodem accipitur juxta magis commune Theologorum placitum, qui in peccato negligentiae pure vincibilis oppositum sentiunt : hoc quippe solum indirecte ac interpretative committitur, in illudque sola implicita ac virtuali volitione labitur negligens in discutiendis peccatorum numero, ac speciebus.

serv. 3. Tertio observandum est, pœnitentes sub lethali culpa obligari ad diligens conscientiae examen pro integra peccatorum confessione facienda. Id quod Tridentinum semel ac iterum declaravit, tum sess. 14, cap. 5 :
 ncil. id. « Ex his colligitur oportere a pœnitentibus « omnia peccata, quorum post diligentem « sui discussionem conscientiam habent, in « confessione recenseri, etiamsi occultissima « sint. » Et deinceps addit : « Constat « enim nihil aliud a pœnitentibus in Eccle- « sia exigere, quam ut postquam quisque « diligentius se excusserit, et conscientiae

« suæ sinus omnes exploraverit, ea peccata « confiteatur, quibus se Dominum, et Deum « suum mortaliter offendisse meminerit. » Tum etiam Can. 7, ubi definitur : « Si « quis dixerit in sacramento pœnitentiæ « necessarium non esse jure divino confite- « ri omnia, et singula peccata, quorum « memoria cum debita ac diligenti præ- « meditatione habeatur, etiam occulta, « anathema sit. » In quibus testimoniis, esto incidenter, declarat convenientiam, ac gravem examinis obligationem ex vi institutionis hujus Sacramenti ortam, cujus ratio perspicua est : etenim qui obligatur sub culpa gravi ad aliquem finem, eodem modo cogitur ad media necessaria ad consequendum talem finem, dum ea in sua potestate existunt ; sed homo tenetur ex jure divino sub lethali culpa ad confitendum integre omnia peccata mortalia post Baptismum commissa, et pro hujusmodi finis executione necessarium omnino est, hæc in ejus potestate conscientiae sinus introspicere, peccata recogitare, ea reducendo ad numerum, et circumstantias specie differentes : ergo pœnitens tenetur graviter diligens conscientiae examen ante confessionem præmittere. Hæc autem ita intelligenda sunt, ut pœnitens sciat se aliqua peccata lethalia commisisse, quæ nunquam confessus est. Nam si peccata sint tantum venialia, vel mortalia jam confessa, cum hæc materia necessaria confessionis non sint, sed omnino voluntaria, non obligatur pœnitens ad eorum examen. Ex quo fit, quod nulla negligentia, etiam crassa aut affectata, circa hujusmodi examen possit esse lethaliter culpabilis ; sed ut talis sit, necessario debet versari circa examen peccatorum mortalium, quæ hactenus confessioni subjecta non sint.

Quarto animadvertendum est, hujusmodi ^{Observ. 4.} examen diligens, ad quod sub lethali tenetur pœnitens, non esse adeo essentialiter requisitum ad valorem sacramenti, ut eo ex quocumque capite re vera deficiente, deficiat etiam infallibiliter sacramentum : ad modum quo deficiente re vera absolute, aut dolore supernaturali, quamvis invincibiliter censeatur adesse, confessio necessario est invalida. Hæc enim longe aliter se habent : quippe examen diligens non desideratur ad sacramentum tanquam pars essentialiter constituens, sed tanquam

quædam res præcepta modo humano ac possibili apponenda. Ex quo fit, quod non semel sine ea diligenti conscientiæ discussione confessio sit non solum valida, sed etiam formata; ut contingit in moribundo multis criminibus implicato, qui si non potest eam diligentiam adhibere, verum sacramentum ac illius fructum recipit, si reliqua essentialiter requisita adsint; et in eo, qui insufficiens examen præmisit, et ex ignorantia invincibili existimat suæ obligationi satisfecisse. Quocirca cujusdam junioris doctrinam non probamus, distinguentis duplex examen, aliud *diligens*, aliud vero *diligentius*; de quorum primo asserit esse omnino necessarium ad valorem sacramenti, et de secundo ad ejus fructum. Hæc enim fundamentum non habere constat in exemplis adductis, in quibus absque diligentiori, imo absque diligenti conscientiæ discussione salvatur, et valor, et fructus confessionis. Unde solum desideratur essentialiter, quando modo humano adhiberi potest, et adest plena ac directa cognitio hujus obligationis: quia si tunc non adhibetur, cum confessio ex professo fiat dimidiata, necessario est invalida. Id quod ex deinceps dicendis amplius patefiet.

Observ.
5.

Uterius observandum est, quod nomine diligentis examinis requisiti modo dicto ad confessionem, non intelligimus exactissimam conscientiæ discussionem, quæ sit omnium maxima, et nulla alia exactior summo studio fieri possit, ut quibusdam visum est: sic enim nullus terminus scrupulis, ac anxietatibus præfigeretur. Significamus igitur diligentiam non summam, sed mediocrem, et gravem qualem prudentes in aliis negotiis gravibus adhibere solent. Nec enim Deus, aut Ecclesia præcipit aliquod physice aut moraliter impossibile, vel supra modum ordinarium gratiæ, et naturæ: sed solum quod modo humano ac prudenti fieri valet. Unde illa peccatorum discussione, satis fit huic præcepto, quæ attentis personarum circumstantiis, ac peccatorum numero, et qualitate, in prudentis iudicii censetur diligenti gravis, ac sufficiens; atque ideo ea posita, ad amplius pœnitens non præmitur.

His igitur prænotatis, devolvitur difficultas ad casum satis practicum ac frequentem, in quo Sortes, v. g. accedit ad sacramentum cum duplici peccato homicidii, et

sacrilegii, et dimidiat confessionem detegendo peccatum sacrilegii, et celando peccatum homicidii ob negligentiam examinis graviter culpabilem, eo quod tantam curam non adhibuit in peccatorum perscrutatione, quanta necessaria erat in prudentum iudicio. In quo eventu querimus, an confessio existat valida, et informis; ceterum cum hic casus tripliciter contingere possit, ideo, et ut cum majori claritate procedamus, diversis assertionibus decidetur.

§ II

Duplex assertio statuitur.

304. Dicendum est primo, confessionem dimidiatam ob negligentiam examinis graviter culpabilem, crassam, supinam, aut affectatam, esse invalidam. Hæc assertio est omnium Theologorum sententia, suadetque ratio. Quoniam negligentia crassa, supina, et affectata coincidit in æstimatione morali cum negligentia scienter, et directe volita; sed qui scienter, et directe vult negligentiam circa examen mortalium, confessionem reddit invalidam: ergo cum negligentia crassa, supina, aut affectata circa prædictum examen sacramentum est nullum. Major est communis doctrina, et minor ostenditur: nam qui scienter, et directe vult dimidiare confessionem, illam reddit nullam: sed qui scienter, et directe vult negligentiam circa examen, scienter, et directe vult dimidiare confessionem, siquidem scienter, et directe vult ignorare peccata, ne illa in confessione detegat: ergo nullam efficit confessionem qui scienter, et directe vult negligentiam circa examen mortalium. Quod etiam liquet ex Tridentino sess. 14, cap. 5, ubi inquit: « Qui vero secus faciunt, et « scienter aliqua retinent, nihil divinæ bonitati remittendum proponunt. Si enim « erubescat ægrotus vulnus medico detegere, « quod ignorat medicina non curat. »

305. Dicendum est secundo, confessionem dimidiatam ob negligentiam circa examen graviter culpabilem et simpliciter invincibilem, esse non solum validam, sed etiam fructuosam. Iste casus contingit, dum pœnitens re vera insufficienter conscientiam discutit, et invincibiliter existimat sufficiens, et omnino requisitum examen adhibuisse

Asser-
tio 1

Concil.
Triden-

Asser-
tio 2.

adhibuisse : tunc enim illa negligentia ex se est graviter culpabilis ut patet, et dicitur simpliciter invincibilis, quia cum pœnitens eam non advertat, sed potius oppositum bona fide iudicat, hic, et nunc vinci non potest. Assertionem igitur in hoc sensu intellectam docent communiter Theologi, et sub eisdem terminis Gonet tom. 5, tract. 5, disp. 10, art. 1, § 2, n. 6, et Labat. tract. de pœnit. disp. 2, dub. 1, § 4. Fundamentum est : quia ut sacramentum pœnitentiæ sit validum, et fructuosum, necessarium non est quod omnia peccata expresse confiteantur, sed sufficit quod virtualiter includantur in confessione ; sed dum quis dimidiat confessionem ob negligentiam examinis graviter culpabilem, et simpliciter invincibilem, eo quod existimat invincibiliter, et bona fide sufficiens examen adhibuisse, tunc illius peccata sunt virtualiter inclusa in confessione : ergo facit confessionem validam, et fructuosam, si aliunde impedimentum non adest. Consequentia liquet, et major est evidens ; alias qui post diligentissimam conscientiae discussionem alicujus peccati non meminit, nec illud expresse clavibus subjicit, confessionem fructuosam non efficeret, quod satis absurdum est. Minor vero, quæ difficultatem præfert, ostenditur ; nam illa peccata expresse in confessione non detecta, censentur in ea virtualiter inclusa, quæ absque pœnitentis culpa omittuntur ; sed qui dimidiat confessionem ob negligentiam examinis graviter culpabilem, et simpliciter invincibilem, eo quod invincibiliter, et bona fide censet sufficiens examen adhibuisse, inculpat peccata omittit : ergo hæc virtualiter inclusa in confessione relinquuntur. Minor patet : quia peccatum, quod ibi intercedere poterat, esset illa gravis examinis negligentia ; hæc autem in præsentem eventum, quamvis ex se, objective, et materialiter sit graviter culpabilis, in actu tamen, et formaliter non est peccatum ob ignorantiam invincibilem, et bonam fidem pœnitentis existimantis requisitum examen adhibuisse. Quemadmodum licet omissio sacri in die festo ex se, et objective sit graviter culpabilis, in actu peccatum non est, si fiat cum ignorantia invincibili iudicantis hic, et nunc diem festum non esse. Major etiam constat : nam ideo peccatum, quod post diligentissimum examen memoriæ

non occurrit, censetur virtualiter inclusum in confessione, qui absque pœnitentis culpa omittitur : id enim solum intendit Concilium, dum sess. 14, cap. 5, inquit : « Reliqua autem peccata, quæ diligenter cogitata non occurrunt, in universum eadem confessione inclusa intelligentur ; pro quibus fideliter cum Propheta dicimus : « Ab occultis meis munda me Domine. »

Confirmatur, et explicatur : Etenim sacramentum ex se causativum gratiæ nequit suspendi ab ejus actuali productione, nisi vel ejus virtus productiva auferatur, vel dispositio physica, et connaturalis ad gratiam deficiat, vel adsit aliquod impedimentum gratiæ repugnans ; sed qui dimidiat confessionem ob negligens examen, invincibiliter existimans fuisse sufficiens, et omnium conscientiae sinuum discussivum, nec virtutem sacramenti productivam gratiæ removet, nec gratiæ producendæ physica, et connaturalis dispositio deficit, nec tandem pœnitens eidem gratiæ impedimentum positive repugnans apponit ; ergo in hujusmodi eventu nedum sacramenti valor, verum etiam illius fructus salvatur. Consequentia est legitima, et major etiam constat : quia ex nullo alio capite quam ex recensitis deficere potest sacramenti fructus. Minor autem quoad omnes suas partes ostenditur ; quoad primam quidem : nam virtus sacramenti in actu primo productiva gratiæ non est unde removeri posset per pœnitentem, nisi quatenus ipse non adhiberet dolorem supernaturalem effective instrumentaliter influentem in gratiam ; hunc autem adhibet, vel adhibere potest : quippe hujusmodi dolor, utpote inefficax, et pars sacramenti, non repugnat nec in statu gratiæ, nec in statu peccati. Deinde quoad secundam etiam liquet : quoniam dolor supernaturalis, et efficax, qui est physica ac connaturalis ad gratiam dispositio, solum pugnat cum peccato ; in eventu autem questionis nullum adest cum quo inconjunctibilis sit ; quia negligentia examinis, quamvis ex se, et objective sit graviter culpabilis, in actu tamen ob ignorantiam invincibilem pœnitentis, qui bona fide existimat sufficientem conscientiae discussionem præmisisse, culpa non est ; et aliunde peccatum in confessione non expressum in ipsa virtualiter includitur, cum ob eandem invincibilem ignorantiam omit-

tatur. Per quod etiam constat tertia minoris pars : quia nullum aliud impedimentum gratiæ repugnans excogitari posset, nisi vel negligentia examinis, vel culpa in confessione non expressa ; quarum nec prior est gratiæ obex, cum peccatum non sit, nec posterior ob rationem assignatam. Videatur Vega lib. 13, in Concilio Tridentin. cap. 34, qui hac ratione convincitur, ac ex ejus expansione concludit nunquam pœnitentiæ sacramentum evadere posse validum, et informe, nisi ob aliquod peccatum gratiæ receptionem impediens.

Objectio. 306. Objicies tamen cum Ledesma, cui oppositus dicendi modus arrisit tract. de pœnit. cap. 16, concl. 5. Quia non minus essentialiter requiritur ad fructum sacramenti diligens conscientiæ examen, quam dolor supernaturalis, et efficax in re positus ; sed stante solo dolore inefficaci, etiamsi invincibiliter existimetur efficax, sacramentum non est fructuosum, sed tantum validum : ergo si examen diligens in re non adhibetur, quamvis invincibiliter existimetur sufficiens, sacramentum fructuosum non efficit ; atque ideo cum hujusmodi ignorantia invincibili de negligentia examinis potest fieri confessio valida, et informis. Consequentia constat : nam ideo cum dolore inefficaci invincibiliter existimato efficaci sacramentum est infructuosum, quia licet ignorantia invincibilis sufficiat ut pœnitentem excuset a culpa, non tamen ut dolor, qui re vera est inefficax, et insufficiens ad fructum, fiat efficax, et sufficiens : ergo similiter, quamvis ignorantia invincibilis de defectu sufficientis examinis deservire possit ut pœnitentem a culpa extrahat, non tamen ut sacramenti fructus assequatur, quippe qui etiam dependet ab examine re vera diligenti.

Dirigitur. Respondetur negando majorem : nam dolor efficax ita essentialiter requiritur ad fructum sacramenti, ut sit omnino indispensabilis, et necessarius per modum conaturalis, et physiciæ dispositionis ad illius introductionem. Ex quo fit, dolorem efficacem non esse existimationi humanæ subiectum, nec vere ab ea aliquam dicere dependentiam, ut pœnitentem ad gratiam disponat, sed necessario debet in re, et physice existere. Sicuti quia calor ut octo est ultima dispositio physica subjecti ad formam ignis recipiendam, si talis calor

in re physice non adest, licet adesse ex ignorantia invincibili credatur, forma ignis in ligno nullo modo introducit. Diligens vero conscientiæ discussio, cum solum per modum rei præceptæ sit necessaria, et modo humano ac prudenti apponenda, humanæ existimationi subicitur, ac prudentiæ regulis attemperatur pro qualitate personarum. Unde quando aliquale examen præcessit, licet in re omnino sufficiens non sit, si ob invincibilem ignorantiam sufficiens, et exactum censetur, sufficit ut peccatum, quod memoriæ non occurrit, in aliorum confessione implicite ac virtualiter sit inclusum, atque indirecte remissum. Quocirca cum aliunde defectus sufficientis examinis ob eandem pœnitentis invincibilem ignorantiam in actu peccatum non sit, nullum impedimentum relinquatur ad sacramenti fructum ; atque ideo validum, et formatum evadit. Et quidem si diligens conscientiæ examen ita essentialiter ad sacramenti fructum se haberet, ac dolor efficax, qui in articulo mortis ob impotentiam physicam aut moralem præmittere non valet diligentem conscientiæ discussionem, confessionem formatam non efficiet, quod nimis durum apparet, nec de divina pietate rem ita fuisse dispositam præsumendum est.

Nec refert, si dicas, plus desiderari ad valorem, et fructum sacramenti simul, quam ad valorem tantum : quippe esto ad valorem sufficiat dolor inefficax, dummodo efficax existimetur ; ad fructum tamen non sufficit, sed necessario dolor efficax physice, et realiter adhiberi debet ; atqui ad sacramenti valorem requiritur aliquale ac imperfectum examen, quod censeatur perfectum, ac omnino sufficiens pro integra peccatorum confessione : ergo ad sacramenti fructum requiritur, quod perfectum ac diligens examen physice in re existat, et non sufficit quod moraliter ut sufficiens existimetur.

Non, inquam, refert, sed facile dispellitur : nam dupliciter obtineri possunt valor, et fructus sacramenti simul ; vel sine aliqua imperfectione physica, et materiali pœnitentis accedentis ad sacramentum cum examine re vera diligenti, ac ut tali existimato ; vel absolute, et præscindendo ab eo quod pœnitens aliquam imperfectionem afferat, ut contingit dum accedit cum examine

mine re vera insufficienti, invincibiliter credens fuisse sufficiens. In quo eventu, et importat ignorantiam invincibilem defectus examinis, quæ quædam imperfectio physica, et materialis est, et omnino extrinseca sacramento; et insuper ipsam negligentiam examinis, quæ licet ob invincibilem ignorantiam pœnitentis non sit peccatum formale, nec imperfectio moralis, est tamen culpa materialis ac imperfectio physica. Igitur plus requiritur ad valorem, et fructum sacramenti simul, quam ad valorem tantum, si ly *ad valorem, et fructum Sacramenti simul* intelligatur in priori sensu, et quatenus recipiuntur sine aliqua imperfectione etiam extrinseca, et pure materiali, ex parte pœnitentis se tenente; secus vero si accipiatur in posteriori, et prout importat fructum sacramenti recipiendum absolute: etenim hoc pacto idem examen, quod sufficit ad valorem, sufficit etiam ad fructum. Adde quod ad fructum sacramenti requiritur vel examen re vera diligens, vel saltem quod si fuerit negligens, invincibiliter existimetur diligens, et sufficiens; ad valorem vero sacramenti tantum, sufficit quod ex ignorantia pure vincibili, et graviter culpabili diligens reputetur. Sed pro pleniori hujus doctrinæ intelligentia, ac perfecta dubii decisione,

§ III.

Tertia assertio proponitur, et firmatur.

307. Dicendum est tertio, esse validam, et informem confessionem dimidiatam ob negligentiam examinis pure vincibilem, et graviter culpabilem. Explicatur assertio. Ut negligentia circa examen sit pure vincibilis, et graviter culpabilis, necessarium est ut procedat etiam ex simili ignorantia pure vincibili, et graviter peccaminosa: nam si illa negligentia procederet ex ignorantia invincibili, jam non esset pure vincibilis, sed simpliciter invincibilis: quippe negligentia aut examinis defectus, qui hic, et nunc non advertitur, sed potius oppositum bona fide creditur, hic et nunc vinci nequit, atque ideo est simpliciter invincibilis. Similiter gravis negligentia examinis, quæ procedit ex ignorantia crassa, supina, aut affectata, non potest esse pure vincibilis prout contra distincta

ab aliis negligentis, sed necessario est negligentia per se, et directe volita, atque ideo est crassa, supina, aut affectata, sicut ignorantia, ex qua procedit. Quocirca ut defectus in discutienda conscientia sit pure vincibilis, et graviter culpabilis, necessario ortum ducit ex ignorantia pure vincibili, et graviter culpabili, quatenus pœnitens efficit examen re vera insufficientis, et expresse id non advertit; advertit tamen implicite, et interpretative, quasi proprium defectum formidando. Unde sive in præsententi eventu duplex interveniat ignorantia, quarum una versetur circa peccatum celatum in confessione, et alia circa negligentiam examinis, sive unica tantum, quæ sit ignorantia utriusque, parum refert: quia utraque est necessario ignorantia pure vincibilis, et graviter culpabilis.

Assertio igitur in hoc sensu intellecta continet proculdubio secundum casum, in quo D. Thomas propugnat sacramentum pœnitentiæ validum, et informe. Angelicum præceptorem sequuntur ejus discipuli tam antiqui quam moderni, paucis exceptis. Capreolus in 4, dist. 17, qu. 2, art. 3, ad 4, Paludanus ibidem quæst. 8, a n. 10, usque ad 24, Sotus in 4, dist. 18, qu. 3, art. 2, concl. 2, § *At vero*, et art. 8, concl. 3, § *Sed est hic*. Victoria in summ. de Confessione a n. 160, Prado quæst. 3, de Contrit. dub. 3, § 3, n. 18, Nugnus qu. 9, supplement. art. 1, dub. 1, casu 1, ubi inquit: « Casus iste ab omnibus Doctoribus recipitur. » Cajetanus in summ. verbo *Confessio*, condit. 1, et verb. *Confessio iteranda*, et tom. 1, opusc. qu. 5, in qua assertionem esse expressam D. Thomæ resolvens, ait: « Propterea concludendum videtur hoc loco non plus sapere, quam oportet. » Et in solut. 1, concludit: « Quoad modum exercendi non procedit a Deo, quoniam sacrilege exercetur; quoad substantiam vero sacramenti a Deo procedit simpliciter, et absolute. » Sylvester in summ. *Confessio* 1, n. 26, eadem, qua Cajetanus, claritate; ideoque miramur Aversam utrumque adducere in partem contrariam. Canus relection. de pœnit. fol. complut. 4, column. 4, ubi postquam statuit, fictum esse sacrilegum, inquirens an suscipiat validum sacramentum? Respondet: « Et quidem D. Thomas manifeste docet, quod sicut fictus esset edebat dispo-

assertio
3.

Exponitur.

Capreol.
Palud.
Sotus,
Victor.
Prado.
Nugnus.
Cajet.
Sylvest.
Canus
uterque.
Ledesma.
Joan.
a Cruce.
Hurtado.
Durand.
Navarr.
Vega.
Tolet.
Henriq.
Diana,
Rodrig.
Delgad.
Trullen.
Filluc.
Regin.
Covarr.
Fray.
Simpli-
cian.
Gerson.
N. Gabr.
et alii.

« sitione potest verum sacramentum Baptismi suscipere, ita etiam, et confessio-
« nem sacramentalem facere, ac veram
« absolutionem percipere. » Et postquam
sententiæ adversantis argumenta retulit,
inquit : « Hæc autem argumenta movere
« non debent, ut D. Thomæ sententiam
« relinquamus, quæ multo quidem proba-
« bilior est. » Uterque Ledesma, Martinus
2 part. quarti, quæst. 8, art. 1, dub. 2,
proposit. 5, Petrus vero in summ. tract. 8,
cap. 16, concl. 1, diffic. 3, et concl. 6, ubi
asserit esse sententiam omnium, qui docent
esse possibilem confessionem validam, et
informem. Loquitur forsitan vel de illis,
quorum scripta jam tunc extabant, vel de
aliis, qui ratione consequentiæ id asserere
coguntur, ut recte vidit Canus loco citat.
Joannes a Cruce qu. 3, de Confes. dub. 9,
concl. 2, Hurtado tom. 2, tract. ult. resol.
10, Durandus in 4, dist. 17, qu. 13, Navar-
rus cap. 9, n. 1, et cap. 17, n. 31, Vega tom.
1 summæ, cap. 63, casu 68, Toletus lib.
3, cap. 10, n. 5, Henriquez lib. 2, de Pœ-
nit. cap. 11, Diana 2 part. tract. 3, Mis-
cellan. resol. 31, Emmanuel Rodriguez
in summ. cap. 57 et 58, utrobique n. 7,
Delgadillo cap. 10 de Pœnit. dub. 5, n. 34,
Trullench lib. 4, cap. 6, dub. 6, Filiucius
tract. 7, de Confes. cap. 6, n. 132, Regi-
naldus lib. 5, n. 169, Covarruvias, Petrus
Fray, Simplicianus, Gerson tract. 34, lit. I,
N. Gabriel a S. Vincentio de sacram. pœ-
nit. disp. 6, quæst. 1 et alii plures. Hæc
adeo prolixè referre placuit, ut liquido
appareat ingens hujus sententiæ probabi-
litas, utpote cui ex omni schola favent
Authores, quique majori nomine fulgent.
Unde miramur qua fronte quidam dixerit,
quod huic sentiendi modo ubique ab om-
nibus contradicatur. Verum de his parum
curamus, cum oppositum ex relatis inno-
tescat.

Proba-
tur ex
D. Th.

308. Probatur igitur ex D. Thoma in 4,
dist. 17, qu. 3, art. 4, quæstiunc. 1, ubi post-
quam statuit posse dari confessionem vali-
dam, et informem, concludit : « Et quam-
« vis tunc non percipiat absolutionis fruc-
« tum, tamen recedente fictione percipere
« incipiet, sicut etiam est in aliis sacra-
« mentis. Unde non tenetur iterare con-
« fessionem qui fictus accedit, sed tenetur
« postmodum fictionem suam confiteri. »
Ex quibus hæc ratio efformari potest. D.

Thomas asserit, confessionem factam cum
fictione esse validam, et informem ; sed
hæc fictio consistit in dimidiatione con-
fessionis ob negligentiam examinis pure
vincibilem, et graviter culpabilem : ergo
ex mente D. Thomæ confessio dimidiata
ob negligentiam examinis pure vincibilem,
et graviter culpabilem valida est, et in-
formis. Consequentia est legitima ; et
major constat ex relatis D. Thomæ verbis.
Minor autem, in qua stat difficultas, osten-
ditur : nam fictio est quoddam peccatum
sacrilegii commissum in indigna suscep-
tione sacramenti, ut omnes fatentur ; in-
quiramus ergo, cur pœnitens in receptione
confessionis validæ illud sacrilegium com-
mittit ? Non quidem alia ratione nisi quia
apponit aliquod impedimentum ad sacra-
menti fructum : quod solum dupliciter
fieri potest, vel non adhibendo dolorem
supernaturalem efficacem, qui necessario
requiritur ad gratiam, sed tantum ineffica-
cem : vel celando aliquod peccatum, atque
ideo dimidiando confessionem. Non enim
excogitabilis est alter modus, quo pœni-
tens validum pœnitentiæ sacramentum
recipiat, et sacrilegium fictionis committat,
quod postea confiteri teneatur, ut inquit
D. Thomas ; vel si alter excogitabilis est,
illum adversarii designent.

Si igitur dicatur primum, pœnitentem
videlicet apponere impedimentum gratiæ
non adhibendo dolorem efficacem, sed
tantum inefficacem ; ulterius inquiremus
an id faciat ex ignorantia invincibili ; an
autem ex crassa, supina, et affectata ; an
vero ex pure vincibili, et graviter culpabili ?
Si ex ignorantia invincibili existimans
bona fide dolorem inefficacem, quem adhi-
bet, esse efficacem, licet sacramentum va-
lidum, et informe recipiat, non tamen
sacrilegium fictionis committit, quod pos-
tea confiteri teneatur : nam ignorantia in-
vincibilis illum excusat ; atque ideo de hac
fictione non loquitur D. Thomas, cum ex-
presse asserat, pœnitentem teneri postmo-
dum suam fictionem confiteri, in quo sup-
ponit illam fictionem esse culpam gravem.
Deinde si ex ignorantia crassa, supina, aut
affectata dolorem efficacem non adhibet,
sacramentum est nullum, cum directe
pœnitens intendat illius fructum non reci-
pere. Ex quo fit quod nec etiam de hac
fictione loquatur D. Thomas : quippe sup-
ponit

ponit confessionem esse validam, et sermonem facit de peccato sacrilegii commissio in sacramento valido. Si tandem dicatur, pœnitentem adhibere dolorem inefficacem, existimantem ex ignorantia pure vincibili, et graviter culpabili esse efficacem, habemus intentum. Tunc enim sacrilegium fictionis committit; sed confessio, quæ est valida, et informis, est etiam dimidiata, siquidem in ea pœnitens celat illud peccatum fictionis: vel saltem eadem omnino difficultas est in hoc eventu, ac in casu quæstionis, cum utrobique pœnitens sacrilegium committat. Unde tunc salvatur sacramentum validum; salvatur deinde vera fictio, quam postea pœnitens confiteri tenetur, ut intendit D. Thomas; salvatur denique dimidiatio confessionis ob ignorantiam pure vincibilem, et graviter culpabilem, quæ coincidit cum negligentia circa examen pure vincibili, et graviter culpabili; imo, et hæc in præsentia adest; siquidem pœnitens illa ignorantia detentus, negligens est in examinando an habeat vel non dolorem efficacem requisitum ad fructum sacramenti, ad quod tenetur.

Si vero secundum eligas, pœnitentem nimirum apponere impedimentum gratiæ in confessione valida celando aliquod peccatum, atque ideo dimidiando confessionem; investigamus similiter, an illud peccatum furti, v.g. occultetur ex ignorantia invincibili, vel non? Si primum, jam illud peccatum manet virtualiter in confessione inclusum, indirecteque remissum ac subinde illa confessionis dimidiatio, aut non manifestatio peccati ob ignorantiam invincibilem sacrilegium fictionis non est; itaque sacramentum non erit (ut ait D. Thomas) informe, sed formatum. Si secundum, recurrere debemus ad hoc quod examen fuerit aliquomodo defectuosum, atque ideo illud peccatum culpabiliter oblitum. Hoc autem examen, si solum habuit negligentiam, vel defectum levem, ex una parte ratione venialis culpæ non apponit obicem gratiæ, nec est fictio sacrilega, quam pœnitens in alia confiteri teneatur, cujus oppositum asserit D. Thomas; et ex alia peccatum mortale furti celatum in confessione virtualiter includitur, et indirecte remittitur, quippe defectus levis examinis id non tollit. Ergo necessario asserere debemus,

examen lethaliter defectuosum præcessisse, ut ita verificari possit, pœnitentem graviter delinquere in occultatione peccati furti, ac in dimidiatione confessionis. Quo supposito, ulterius inquirimus an illa gravis negligentia examinis sit crassa, supina, et affectata, an vero pure vincibilis, et graviter culpabilis? Primum dici non potest; tunc enim pœnitens directe, ac ex proposito vult ignorare peccata, ac dimidiare confessionem; et consequenter huiusmodi confessio non est valida, et informis, de qua loquitur D. Thomas, sed prorsus nulla. Igitur concedendum est secundum, quod nimirum illa negligentia examinis sit pure vincibilis, et graviter culpabilis; atque ideo fictionem sacrilegam, qua inquit D. Thomas fieri confessionem validam, et informem, esse occultationem peccati, aut dimidiationem confessionis ob prædictum defectum examinis pure vincibilem, et graviter culpabilem, ortum ex simili ignorantia.

Ceterum ut aptius percipiat, qualiter ^{Nota.} intelligendus sit D. Thomas, dum in allegato testimonio inquit, pœnitentem teneri postmodum suam confiteri fictionem; observandum est, fictionem esse duplicem: aliam materiale, aliam vero formalem, ut cum eodem Aug. Præceptore explicuimus in priori huius tractatus parte, disp. 2, dub. 2, num. 46. Fictio materialis est illud peccatum, quod ante sacramenti receptionem commissum præsupponitur, ut in præsentia se habet furtum, quod pœnitens in confessione non detegit. Fictio autem formalis militat contra reverentiam debitam sacramento, estque proinde sacrilegium in indigna ejusdem sacramenti susceptione perpetratum, quatenus quis accedit cum obice gratiæ recipiendæ repugnanti. De qua formali fictione asserit Div. Thom 3 part. quæst. 69, art. 9, quod ^{D. Tho.} dammodo includere omne peccatum, quatenus supponit aliquod præcessisse, non determinans quod sit huius vel alterius speciei. Cui accedit ipsa indigna sacramenti susceptio, quæ in præsentia coincidit cum dimidiatione confessionis, ac examinis negligentia, quæ constituunt peccatum sacrilegii distinctum a peccato furti in confessione non manifestati. Igitur dum D. Thomas asserit in verbis supra relatis quod « non tenetur iterare confessionem qui

« fictus accedit, sed tenetur postmodum « suam fictionem confiteri ; » per *ly fictionem* intelligit non solum formalem, aut sacrilegium indignæ susceptionis sacramenti, sed etiam materiale, peccatum furti nimirum, quod ex negligentia examinis celatur in confessione : hoc enim cum culpabiliter omisit sit, nullo modo remissum est.

Evasio.

309. Dices, fictionem formalem, quam inquit Divus Thomas constituere confessionem validam, et informem, sitam non esse in dimidiatione confessionis ob negligentiam examinis pure vincibilem, et graviter culpabilem ; sed in defectu extensivo doloris, ratione cujus aliquod peccatum irtractatum ac irremissum persistit, quod impedimentum est ad gratiam recipiendam. Idque solum intendere D. Thomam satis palam constat ex verbis immediate antecedentibus, quibus dixit : « Et secundum hoc confessio etiam potest esse in eo, « qui non est contritus : » nam *ly non est contritus* carentiam extensionis doloris circa aliquod peccatum designat.

Præcluditur.

Sed contra : nam qui de uno peccato conteritur, ac non de alio, vel id facit ex ignorantia invincibili, uti excogitavit Suarez, vel ex graviter culpabili ? Si ex invincibili, licet præmittamus tunc salvari sacramentum validum, et informe, non tamen est casus de quo loquitur D. Thomas, expresse asserens penitentem teneri suam fictionem postmodum confiteri ; quod verificari non potest, si penitens ex ignorantia invincibili unum peccatum detestatur alio non detestato, cum nulla adsit fictio sacrilega, cujus declaratio deinceps urgeat. Si autem ex graviter culpabili crassa, supina, aut affectata, etiam locum non habent verba D. Thomæ de confessione valida loquentis, qualis illa non est, sed prorsus nulla. Si tandem dolor circa aliquod peccatum non extendatur ob ignorantiam pure vincibilem, et graviter culpabilem inextensionis doloris, confessionem esse validam, et informem fatemur ; ceterum huiusmodi confessio dimidiata est, quandoquidem penitens illam fictionem, aut grave sacrilegium in confessione non detegit : si enim detegeret, et in eodem statu inextensionis doloris persisteret, confessio esset nulla, ut ex se patet. Si vero fictionem detegeret, et statum muta-

ret extendendo dolorem ad alia peccata, sacramentum validum simul ac fructuosum evadit ; in quo sensu D. Thomas accipi nequit, cum expresse sermonem faciat de confessione valida, et informi cum fictione, quam postea penitens confiteri teneatur, Quocirca si D. Thomas intelligendus est, ut debet intelligi, in sensu formali, et rigoro, ita ut omnia ejus verba verificentur, aliter exponi non potest nisi modo in assertionem explicato, quatenus penitens accedit ad sacramentum cum negligentia examinis pure vincibili, et graviter culpabili, et inde confessionem indirecte, et interpretative dimidiat, et sacrilegium formalis fictionis committit. Tunc quippe, et confessio est valida, et informis, et penitens contritus non est efficaciter, quamvis sit ineffaciter, ac insuper adest fictio sacrilega, cujus manifestationi obstrictus persistit.

310. Hactenus non tam curavimus ^{Roboratur assertio.} rationem assertionem munire, quam suadere eam esse ad mentum D. Thomæ, ipsiusque autoritate firmare ; et quamvis sola hæc satis, superque sit (nobis præsertim) ad quamlibet sententiam omnino firmiter statuendam ; ulterius tamen proposita assertio suadetur alio motivo ex doctrina præcedentis dubii desumpto, quod sic reformari potest. Confessio, quæ ex expressa ac directa intentione penitentis est integra, quamvis alias ex implicita, et indirecta sit dimidiata, est valida, et informis ; sed confessio dimidiata ob negligentiam examinis pure vincibilem, et graviter culpabilem est integra ex directa ac expressa intentione penitentis, et solum dimidiata implicite ac indirecte : ergo valida est, ac infructuosa. Consequentia est legitima, et minor constat ex distinctione, quæ intercedit inter confessionem dimidiatam ob negligentiam examinis pure vincibilem, et inter dimidiatam ob negligentiam crassam, supinam, aut affectatam : hæc enim in omnium, aut fere omnium sententia censetur expresse, scienter, ac ex proposito non integra ; illa vero solum indirecte, implicite, ac interpretative, eo quod penitens habet animum detegendi omnia peccata, quæ memoriæ occurrunt post aliquale, et re vera insufficiens examen, quod ex ignorantia pure vincibili, et graviter culpabili fuisse sufficiens existimat. Quocirca

Quocirca licet omissio sufficientis examinis culpa gravis extiterit, et ex ea ortum duxerit sacrilegium fictionis, aut occultationis alicujus peccati : nihilominus omnes istæ omissiones, quæ in re non ponunt in numero, sed unicum peccatum constituunt, non processerunt ex certa scientia, ac plena, et expressa cognitione practica ; sed tantum ex ignorantia pure vincibili, et graviter culpabili, quæ solum causat in his omissionibus volitionem indirectam, ac interpretativam. Major autem quoad secundam partem, asserentem illam confessionem esse informem, admittitur ab omnibus ; quoad primam vero, in qua stat difficultas, ostenditur. Etenim ut confessio sit valida, sat est quod pœnitens directe ac expresse excludat voluntatem peccandi, aut dimidiandi confessionem, licet implicite ac interpretative eam non excludat, ut patet in dolore supernaturali inefficaci, qui validum sacramentum constituit, esto implicitam voluntatem peccandi admittat, et solum expresse, et directe eam excludat ; sed in confessione ex expresso animo integra, et solum interpretative dimidiata, formalis ac expressa voluntas peccandi excluditur, et solum implicita admittitur : ergo habet quod sufficit ad valorem. Unde, ut recte vidit Canus ubi supra, omnes qui nobiscum sentiunt salvari sacramentum validum, et informe cum solo dolore supernaturali inefficaci, coguntur in vi consequentiæ id ipsum defendere cum negligentia examinis pure vincibili, et graviter culpabili.

Confirmatur : nam ea confessio est valida, quæ secum permittit dolorem supernaturalem inefficacem sufficientem ad partem, atque ideo ad valorem sacramenti : atqui confessio hac, enus descripta secum admittit dolorem supernaturalem inefficacem sufficientem ad partem sacramenti : ergo valida est. Suadetur minor ex proxime dictis, ac dubio præced. late expensis : quia dolor supernaturalis inefficax sufficiens ad partem sacramenti solum pugnat cum voluntate expressa ac formali peccandi, non vero est impossibilis cum implicita, ac virtuali ; sed dum confessio dimidiatur ob negligentiam circa examen pure vincibilem, et graviter culpabilem, solum continet implicitam, virtualem, ac indirectam voluntatem peccandi, aut con-

fessionem dimidiandi : ergo secum admittit dolorem sufficientem ad valorem sacramenti. Quam compossibilitatem suæ conversionis initio satis sensibiliter D. Augustinus expertus est, dum lib. 8 Confes. ^{D. August.} dixit : « Non igitur monstrum partim velle, « partim nolle ; sed ægritudo animi est : « quia non totus assurgit veritate sublevatus, consuetudine prægravatus ; et ideo « sunt duæ voluntates, quia una earum tota « non est. » En dolorem inefficacem perspicue descriptum. Sufficit quidem, ut vere ac serio pœnitens doleat, voluntatemque expressam peccandi excludat ; sed non omnino eam detestatur, sed quasi implicite ac subreptitie amplectitur. Cur ? Quia animus « non totus assurgit veritate sublevatus, » id est, quia non omnimoda expressa ac practica veritatis lux mentem affulsit, sed quædam veritatis obnubilatio propter ignorantiam pure vincibilem, et graviter culpabilem animum obrepit, quæ indirectam ac interpretativam voluntatem peccandi intulit. Igitur conjungibilis est dolor sufficiens ad partem sacramenti cum prædicta examinis negligentia, atque ideo cum indirecta confessionis dimidiatione, aut implicita fictione sacrilega. Unde adsunt quæ ad valorem sacramenti sufficiunt, et quamvis tunc ob fictionem sacrilegam pœnitens non obtineat absolutionis fructum, postmodum, inquit D. Thomas, « recedente fictione percipere incipiet. »

311. Sed ecce unde quædam, et satis ^{Incidentis difficultas.} urgens assurgit difficultas, qualiter Ang. Doctor asserere potuerit pœnitentem recedente fictione obtenturum absolutionis fructum ? Etenim ut tract. 22, disp. 4, dub. 6, § 2, cum multiplici ejusdem D. Thomæ ^{D. Tho.} autoritate ac ratione firmavimus, sacramenta non imprimentia characterem nec physice nec moraliter causant gratiam recedente fictione ; pœnitentia autem characterem non imprimit, ut ex se patet : ergo hæc verba D. Th. « Et quamvis tunc « non percipiat absolutionis fructum, tamen « recedente fictione percipere incipiet, » in quibus palam sentire videtur pœnitentiam recedente fictione influere in gratiam, non coherere cum his, quæ loco citato ex eodem D. Thoma statuimus.

Hac difficultate, nec admodum levi, ibi ^{Dissolvitur l.} fuimus præditi, nec tandem ea convicti ab arrepto itinere discessimus, quin testi-

annus.

confirm.

monium adductum consone ad alia, quæ habentur in partibus ac Theologiæ summa studuimus exponere, duplicem intelligentiam illi adhibentes. Quarum prior fuit, S. Doctorem, si in prædicto testimonio ex 4 sent. re vera loquutus fuit de pœnitentia producente gratiam recedente fictione, hanc sententiam retractasse tum expresse locis, quæ ibi dedimus, tum virtualiter in 3 part. q. 69, art. 10, ubi soli Baptismo concedit recedente fictione influere in gratiam ea sola ratione quia characterem imprimit, quæ æque urget in aliis sacramentis characterem imprimantibus; atque ideo virtualiter exclusisse pœnitentiam, Eucharistiam, et alia, quæ characterem non imprimant. Quam interpretationem denuo confirmamus ex Soto, gravissimo D. Thomæ interprete, qui in 4, dist. 18, q. 3, art. 3, in fine inquit: « Unde ad S. Thomam » respondetur primum quod fortasse loquebatur in 4, cum communi vulgo, quod « quidem in summa correxit, et correxisse » clarius, si hucusque pervenisset. » Nec inde sequitur (ut ita latenti replicæ satisfiat) quod si D. Thomas correxit illam doctrinam quoad hanc partem influendi in gratiam recedente fictione, etiam eam correxit quoad aliam admittendi sacramentum validum, et informe cum fictione sacrilega, quia eodem modo loquitur de utroque. Non, inquam, id sequitur: nam posse dari confessionem validam, et informem cum fictione sacrilega, quod in 4 docuit, nullibi explicite aut implicite negavit, et aliunde hæc doctrina optime cohæret cum reliquis ejusdem S. Doctoris principiis. Confessionem autem validam, et informem influere recedente fictione in gratiam absolutionis fructum, aut explicite locis, quæ tract. citat. dedimus, aut saltem virtualiter in 3 part. q. 68, art. 10, rejecit; subindeque facile non est id cum aliis D. Thomæ testimoniis conciliare.

Posterior vero intelligentia, quam eidem authoritati adhibuimus, in eo sita erat quod D. Thomas ibi loquutus non fuit de principali absolutionis fructu, qui est gratia, sed de alio minus principali confessioni validæ indispensabiliter annexo, videlicet de exemptione ab onere iterum confitendi illa peccata, quæ in confessione valida clavibus subjecta sunt. Ad hoc enim videtur D. Th. collimasse, dum immediate

quasi illative concludit: « Unde non teneatur iterare confessionem qui fictus accepit. » Quam expositionem priori præferendam ibi censuimus, et in præsentis tractatu uti in sede propria diligentius explicandam reliquimus. At rem sedulo investigantes, hinc indeque introspectantes, ea omnino firma, ac verbis D. Thomæ undequaque consona non apparet. Nam Ang. Doctor expresse loquitur de absolutionis fructu, qui dum adest fictio, non percipitur, et recedente fictione obtinetur; sed pœnitens fictus, statim ac conficit sacramentum validum, et informe, deobligatus manet ab onere iterum subjiciendi clavibus peccata tunc confessa, idque etiam si non recedat fictio: ergo in relato testimonio non loquitur D. Thomas de hoc absolutionis fructu, sed de alio principaliori, qui est gratia, quæ usque dum fictio recedat non obtinetur. Quo circa cum loco citato hæsitanter ac quadam animi suspensione fuimus loquuti, judicium ultimum ad hunc tractatum reservantes, modo utramque illam expositionem in sua probabilitate relinquentes, ut quisque, quam maluerit, eligat, aliam omnino firmam, perspicuam, ac D. Th. menti satis affinem adhibemus.

312. Pro cujus intelligentia nota, gratiam dupliciter nuncupari posse fructum sacramenti: vel quia re vera, et exercite a sacramento tanquam proprius effectus instrumentaliter producta sit; vel quia licet a sacramento re re vera non processerit, tamen ab eo produci exigebat, quo pacto fructus sacramenti dici potest, non exercitus, sed exactus. Concedimus igitur, D. Thomam in illis verbis: « Et quamvis tunc » non percipiat absolutionis fructum, tamen » recedente fictione percipere incipiet, » sermonem facere de fructu sacramenti, aut absolutionis, qui sit gratia. Ceterum non ita intelligendus est, quod gratia, quam pœnitens recedente fictione obtinet, sit effectus aut fructus exercite productus in vi absolutionis sacramenti informis; sed ita ut si pœnitens deinceps excludit fictionem, et justificatur per contritionem extra sacramentum, aut per attritionem intra aliud sacramentum, gratia, quæ tunc infunditur, sit fructus exercitus vel contritionis, vel subsequentis sacramenti respective, et solum exactus a priori confessione informi, quæ re vera illum produxisset, si fictio

non

Soto.

Replica
facita
præoccur-
patur.

Secundo

Tertio e
melius.

non impediret. Et quidem cum fructus absolutionis aliud non sit quam gratia remissiva peccatorum, ut in priori hujus tract. parte disp. 3, dub. 2, fuse expendimus, D. Thomas in verbis præallegatis aliud non intendit, quam quod pœnitens dum fecte ad sacramentum accedit, gratiam non obtineat, sed postmodum ubi fictio recedit, sive hujusmodi gratia sit re vera fructus prioris sacramenti, sive per contritionem aut subsequentem confessionem inductus, sive eadem in entitate, sive similis in intensione. Sic etiam commentatur Sotus ubi supra, art. 3, in fine : « Secundo respondetur, quod D. Thomas non videtur idem tribuisse huic sacramento, quod « Baptismo : ait enim quod quamvis tunc « confessus non percipiat absolutionis fructum, tamen recedente fictione recipere « incipiet, sicut est in aliis sacramentis. « De aliis sacramentis non imprimantibus « characterem nullibi hoc ipse opinatus est. « Attamen S. Thomas, ut arbitror, non aliud « sibi vult, quam quod recedente fictione per « contritionem incipiat homo habere gratiam, et remissionem peccatorum, quam « non habuit per prius sacramentum ; et si « iterum confiteatur » (verba perpende) habebit etiam gradum sacramentalem gratiæ similem illi, quem habuisset per prius sacramentum, nunquam tamen eandem numero. » In quibus cum communi Thomistarum sententia supponit eundem numero effectum a duplici causa totali produci non posse, et euidam replicæ, quæ ex hac sententia efformari poterat, adhibet solutionem.

D. Tho. Hanc autem esse perspicuam D. Thomæ explanationem, liquet ex alio ejusdem S. Doctoris testimonio : nam 3 part. p. 64, art. 3, in corpore asserit, Christum potuisse effectum sacramentorum sine sacramento producere, de factoque produxisse dum dixit Magdalenæ : *Dimittuntur tibi peccata*. Quomodo ergo hæc verba verificari possunt ? Nam si Christus re ipsa, et de facto sine sacramento, et se solo gratiam contulit Magdalenæ, qua ratione hujusmodi gratia dicitur sacramentalis, aut fructus sacramenti ? Non utique quia re vera, et exercite per sacramentum fuerit producta, sed quia modo connaturaliori per sacramentum producenda erat ; itaque fructus sacramenti dicitur, non exerci-

tus, sed *exactus*. Sic igitur ac eodem modo gratia, quæ recedente fictione per contritionem, ac subsequens sacramentum inducitur, dicitur fructus absolutionis præcedentis, non exercitus, sed ab ejus causalitate *exactus*, quatenus informis confessio ex se tendebat ad eandem speciem gratiam, ac similem in intensione producendam.

§ IV.

Adversariorum argumenta proponuntur, et enodantur.

313. Contrariam huic tertiæ assertioni sententiam propugnant omnes Authores, quos dub. præcedente retulimus, negantes confessionem validam, et informem ex doctoris inefficacia. Eandemque tenent Tyrsus disp. 40, sect. 7, et 8, Gonet tom. 5, tract. de pœnitentia disp. 10, art. 1, § 2, n. 6, Labat tract. de pœnitent. disp. 2, dub. 1, § 4, Joannes a S. Thoma, in quam etiam inclinatur N. Franciscus tract. 6, cap. 5, dub. unic. n. 21, et alii asserentes confessionem non integram ob negligentiam examinis graviter culpabilem, et pure vincibilem, esse nullam. Pro qua sententia.

Arguitur primo ex Tridentino sess. 14, cap. 5, ubi statuit integritatem formalem esse de substantia sacramenti pœnitentiæ ex vi institutionis illius ; sed confessio dimidiata ob negligentiam examinis, aut ignorantiam pure vincibilem, et graviter culpabilem, non est integra formaliter : ergo hujusmodi confessio non habet quidquid ad illius substantiam desideratur, subindeque erit nulla. Major, et consequentia constant, et minor ostenditur : ut omittens aliquod peccatum dicatur efficere confessionem formaliter integram, necessarium est ut illud omittat ex rationabili causa ; sed qui confessionem dimidiat ob negligentiam examinis pure vincibilem, et graviter culpabilem, non omittit peccatum ex aliqua rationabili causa : hæc enim vel est impotentia physica, vel moralis, aut aliquod grave sui, vel proximi nocumentum ; quorum nihil adest in præsentia, ut ex se liquet. Ergo qui dimidiat confessionem, aut omittit aliquod peccatum ob negligentiam examinis pure vincibilem, et

TYRSUS,
GONET,
LABAT,
JOANNES
a S. THO.

Argum.
1.

graviter culpabilem, non censetur confessionem formaliter integram efficere.

Diluitur.

Respondetur negando minorem, cujus probatio non urget. Quamvis enim verum sit, quod ad confessionem formaliter integram, in qua quis directe, scienter, ac ex proposito aliquod peccatum omittit, cujus post diligens examen memor erat, requiratur aliqua rationabilis causa impotentiae physicae, aut moralis; non tamen dum confessio dimidiatur, peccatumve omittitur ob examinis negligentiam pure vincibilem, et graviter culpabilem; tunc quippe cum solum indirecte, ac implicita volitione dimidiatur confessio, et pœnitens habeat expressam ac directam intentionem detegendi peccata, quæ post aliquale examen memoriæ occurrunt, et quæcumque alia occurrerent, illa rationabilis causa necessaria non est ut confessio formaliter integra evadat. Eo vel maxime, quod illa rationabilis causa sufficit ad constituendam confessionem adeo formaliter integram, ut sit non solum valida, sed etiam fructuosa. In eventu autem quæstionis cum prædicta examinis negligentia non salvamus confessionem validam, et fructuosam simul, sed tantum validam; ad quod satis est quædam moralis impotentia secundum quid, ortum ducens ex ignorantia pure vincibili, et graviter culpabili. Itaque de substantia confessionis est integritas formalis ex directa pœnitentis intentione, quæ in præsentia adest; non vero ex quacunque intentione etiam interpretativa, et implicita, ut patet in dolore supernaturali, et efficaci, qui æque necessarius est ad sacramenti substantiam, ac formalis integritas; quo non obstante ut confessio valida existat, sufficit pœnitentem expressam habere intentionem doloris efficaciæ, et non desideratur habere etiam implicitam; cum dolor inefficax in re positus, et omnem voluntatem peccandi non excludens, validum sacramentum constituat.

2.

314. Secundo arguitur, et tradita solutio impugnatur. Etenim ut negligentia circa examen sit graviter culpabilis, opus est ut pœnitens plene advertat se absolute, et simpliciter esse in conscientiae discussione negligentem, et sciat in huiusmodi omissione graviter delinquere; sed cum peccato scienter ac plena advertentia commisso, et perseverante usque ad ultimum instans

terminativum absolutionis, qualiter prædicta negligentia perdurat, non salvatur sacramenti valor: ergo nequit esse validum, et informe sacramentum dimidiatum ob examinis negligentiam supra descriptam. Minor cum consequentia constat, et major ostenditur. Nam peccatum lethale sive commissionis, sive omissionis requirit plenam voluntatem ad factum, vel omissum; sed plena voluntas plenam advertentiam, et cognitionem exposcit: ergo ut negligentia circa examen sit graviter culpabilis, necessarium est pœnitentem plene cognoscere se esse simpliciter negligentem, ac lethaliter in re gravi delinquere. Et quidem sicut nemo absque plena advertentia æternæ pœnæ reatum contrahit, ita sine eadem peccatum lethale committit. Quo fundamento vincitur Joann. a S. Thoma ut nostram deserat, et oppositam amplectatur sententiam.

Joann.
S. Tho.

Confirmatur, et urgetur: quoniam esto ad peccatum lethale negligentia circa examen, sive alterius gravis omissionis, non requiratur expressa advertentia, sed solum quod cum teneatur, et possit advertere, non advertat; nihilominus necessario desideratur quod hæc gravis obligatio advertendi ad factum vel omissum advertatur; sed pœnitentem cognoscere plene obligationem advertendi ad negligens examen, et id omittere, est velle scienter ac ex proposito aliquod peccatum non detegere in confessione, quod cum integritate formali coherere non potest: ergo huiusmodi confessio est nulla. Suadetur minor: nam qui plene advertit periculum tacendi aliquod peccatum, et periculum non removet, censetur velle scienter illud peccatum tacere; sed pœnitens, qui plene cognoscit obligationem advertendi ad negligens examen, et id non facit, plene cognoscit periculum omittendi aliquod peccatum, et illud non removet: ergo censetur velle scienter, ac ex proposito dimidiare confessionem.

Ad hoc argumentum respondetur ex dictis tract. 13, disp. 10, dub. 4, n. 172, cum sequentibus, quod negligentia graviter culpabilis circa examen, si est *directe volita*, exposcit plenam advertentiam tam speculativam quam practicam formalem, et directam; si vero sit negligentia indirecte volita, petit plenam advertentiam speculativam formalem; practicam autem, et proximam

Solvitur
argu-
mentum.

proximam solum implicitam, et interpretativam. Et sub hac distinctione majoris, conceditur minor quoad primam partem, et negatur illius suppositum quoad secundam: quippe negligentia, de qua in assertionem loquimur, quæque perseverat intra confessionem, non est directe ac ex proposito volita, sed solum indirecte ob ignorantiam. Nec majoris inserta probatio aliquid evincit: nam ex ea solum habetur, quod plenitudo advertentiæ commensuranda sit cum plenitudine voluntatis ad quodlibet peccatum, vel commissionis, vel omissionis. Contingit autem, peccatum esse plene volitum expresse, et directe, et hoc similem expressam, et directam advertentiam exposcit. Contingit item solum plena volitione indirecta ac interpretativa esse commissum, ut in casu de quo in præsentia; et advertentia, quæ huic culpæ aut voluntati respondet, solum est pure virtualis, et implicita: ideo enim homo sic peccat, quia cum teneatur hic, et nunc ad practicam formalem, et expressam advertentiam, de ea non curat, sed inconsiderate procedit; alias nulla daretur culpa orta ex vincibili ignorantia, nec quoad hæc ulla peccatorum differentia appareret, quod a vera Theologia exorbitat. Ut autem quis in æternum damnetur, sufficit voluntarie in lethale peccatum incidere, sive id ex plena advertentia directa fiat, sive ex indirecta. Unde, ut vides, hoc argumentum non tam nostram assertionem oppugnat, quam possibilitatem negligentiam aut ignorantiam pure vincibilis, et graviter culpabilis, quæ in præsentia supponenda est, alioqui quæstio locum non habebit, ut consideranti constabit.

Pœnitens igitur, dum conscientiam discutit, advertit speculative adesse præceptum de diligenti examine confessioni præmittendo, atque ideo etiam cognoscit negligentiam circa examen esse prohibitam. Et hujusmodi speculativa et formalis advertentia omnino necessaria est, ut negligentia circa examen, sive directe, sive indirecte volita, sit graviter culpabilis: quippe dum notitia præcepti non habetur, istud violari non potest. Deinde advertit pœnitens practice ac expresse examen, quod præmisit, fuisse re vera negligens, quo non obstante confessionem aggreditur. Et hujusmodi advertentia constituit eam

negligentiam directe volitam, et confessionem cum ea factam reddit scienter ac ex professo nullam. Ad quam classem reducenda est confessio facta cum negligentia circa examen crassa, supina, et affectata: tunc enim pœnitens, cum nullam aut fere nullam in conscientiam discussione curam adhibeat, censetur plene, expresse, ac practice advertere hic, et nunc suam negligentiam, atque ideo directe velle confessionem esse non integram; nec de his procedit difficultas. Potest igitur pœnitens aliter se habere, ita ut speculative cognoscat præceptum urgens ad diligens examen, et practice se aliquale præmisisse; non tamen practice advertit ad hujusmodi aliquale examen, quod præmisit, sit vel non sit sufficiens; et hanc ignorantiam, aut practicam inconsiderationem non excludens, ad quod tenetur, procedit ad confessionem, quam asserimus esse validam. Etenim negligens examen in hoc eventu directe volitum non est, sed tantum indirecte, quatenus pœnitens speculative cognoscens se obligationem habere ad practice sciendum an examen sit sufficiens vel non, et quasi timens, aut scrupulizans sufficiens non fuisse, animum suspendit, nec curam sufficientem adhibet ad acquirendam advertentiam practicam, et formalem, per quam excludenda erat ignorantia pure vincibilis, qua detinetur. In quo casu interpretamur pœnitentem implicate ac indirecte examinis negligentiam admittere; expresse tamen ac ex proposito intendere confessionem integram facere. Nec ista clariorem explanationem admittunt: nam quæ ad ignorantiam attinent, quo plus scrutantur, eo imperceptibilia apparent. Recolantur tamen quæ loco proxime citato ex tract. 13 expendimus. Ex quibus

Ad confirmationem, quæ hanc doctrinam infringere conabatur, eodem modo dicendum est, quod licet ut quis non advertendo peccet, requiratur plene cognoscere speculative præcise obligationem, quam habet, ad expresse, et practice advertendum; nihilominus necessarium non est, ut hic et nunc, dum delinquit, practice, et expresse advertat transgressionem præcepti ut sibi bonam judicatam: hæc enim plena advertentia exercita constituit modum operandi scienter, ac ex malitia; sed satis est adver-

Confir-
mationi
satisfit.

tentia implicita, atque indirecta propria illius, qui operatur ex inconsideratione, aut cum vincibili ignorantia. Quippe hæc distinctio inter peccata intercedit, quod quorundam malitia resultat in voluntate ex voluntaria directe propositione practica intellectus dictantis voluntati esse hic et nunc sibi conveniens se exercere contra legem Dei directa ac expressa volitione; quod est peccandi genus scienter ac ex proposito. Aliorum vero turpitudine non provenit voluntati ex intellectus cognitione practica, ac expressa malitiæ; sed potius cognitionem inficit voluntas, quatenus passione delinita, voluptate inescata, desidiave, aut inertia delenta mentem vitiose obnubilat, explicite advertat quod advertere tenebatur, sed sistat in actu impossibili cum debito. Et hujusmodi delinquendi species ortum ducit ex inconsideratione explicita debiti, cum ejus adimplentione voluntarie interpretative inconjungiibili.

Id quod aliquammodo declarari valet exemplo peccati Angeli. Hic enim, ut cum D. Thoma explicuimus tract. 7, disp. 10, dub. 8, et clarius ac brevius tract. 13, disp. 10, dub. 4, num. 172, non ex aliquo intellectus errore prolapsus est, sed ex quadam inconsideratione, aut inadvertentia practica. Cognovit quippe speculative ac expresse obligationem referendi se ac subordinandi Deo auctori supernaturali, et in sua beatitudine naturali non sistendi. Deinde hujusmodi obligationem practice ac expresse hic et nunc, dum præceptum urgebat, non advertit suæ naturalis felicitatis pulchritudine raptus, sed potius in ea stetit, et practicam advertentiam, ac in finem supernaturalem subordinationem omisit; et hæc subsequens inconsideratio, aut practica inadvertentia censetur advertentia interpretativa sufficiens ad culpam. Similiter ergo pœnitens, dum conscientiam discutit, expresse ac speculative cognoscit debitum præmittendi diligens examen ad confessionem, ne trunca fiat; efficit aliquale, et in eo sistit practice non advertens an re vera sit sufficiens; et hujusmodi inadvertentiam conservans (quæ advertentia interpretativa dicitur, eo quod speculative saltem sub dubio aut scrupulo cognoscit habere obligationem sciendi diligens examen præmississe) confessioni fi-

nem imponit. Ex quo fit, quod confessio ex directa pœnitentis intentione sit formaliter integra, et solum implicite ac interpretative mutila. Non enim scienter ac ex professo vult peccatum aliquod in confessione suppressere, sed tantum implicite, quatenus non excludit ignorantiam pure vincibilem negligentis examinis, quam habet; atque ideo implicite admittit periculum aliquod peccatum tacendi. Per quod patet etiam ad minoris probationem in confirmatione adductam.

315. Tertio arguitur: quoniam omissio ^{Arguo 3.} diligentis examinis expresse ac directe volita constituit confessionem non integram formaliter: ergo etiam quando est indirecte volita, aut negligentia pure vincibilis, et lethaliter peccaminosa. Antecedens constat, et consequentia probatur: nam omissio diligentis examinis directe volita est ejusdem rationis ac ea, quæ indirecte, et interpretative intenditur: ergo vel utraque, vel nulla reddit confessionem formaliter non integram, et invalidam. Antecedens, in quo poterat esse difficultas, liquet ex dictis tract. 13, disp. 13, dub. 3, § 4, ubi ex professo statuimus omnia peccata, quæ ex ignorantia simpliciter vincibili procedunt, manere in propriis speciebus, uti si scienter ac directe commissa fuissent. Id quod etiam in eodem tract. disp. 8, n. 4, docuimus asserentes modum directe aut indirecte respiciendi objectum omnino de materiali ad speciem peccati se habere.

Respondetur negando consequentiam, <sup>Convel-
latur.</sup> quæ minime subjecta probatione evincitur: etenim non negamus, negligentiam circa examen directe volitam esse ejusdem rationis, et speciei cum ea, quæ indirecte amplectitur; asserimus tamen hanc ultimam non tollere formalem confessionis integritatem ac valorem. Cujus ratio disparitatis est, quia licet modus directe vel indirecte prosequendi objectum de materiali se habeat in ordine ad peccati speciem mutandam, nihilominus de formali se habet respective ad valorem vel nullitatem confessionis: quippe directa volitio negligentis examinis ostendit pœnitentem scienter ac ex proposito velle peccata in confessione tacere, cum quo impossibilis est formalis integritas sacramenti. Indirecta vero, et interpretativa non destruit ex-
pressum

onci.
rid.

pressum ac directum animum detegendi omnia peccata, quæ memoriæ occurrunt, et quæcumque alia occurrere possunt; quod satis est ad formalem confessionis integritatem ad sacramenti valorem desideratam. Nam dum Concilium definit: « Qui vero secus faciunt, et scienter aliqua » retinent, nihil divinæ bonitati remittent dum proponunt, » non dicit facere confessionem nullam, qui *ignoranter*, sed qui *scienter* aliqua peccata retinent. Qui autem ob negligentiam examinis ortam ex ignorantia pure vincibili aliquod peccatum celat, ignoranter celat, et quasi per accidens, cum expressam voluntatem habeat omnia integre manifestandi.

D.
August.

E converso autem contingit in eo, qui ex positiva malitia, ac etiam in his, qui ex negligentia crassa, supina, et affectata confessionem dimidiat: isti enim censentur directe velle peccata ignorare, atque ideo scienter ea suppressere. Cujus non modicam lucem habemus ex illo Augustini lib. 8, confession. cap. 7: « Tu autem » Domine retorquebas me ad me ipsum, » auferens me a dorso meo, ubi me posueram, dum nollem me attendere, et » constituebas me ante faciem meam, ut » viderem quam turpis essem; et sic conabar a me avertere aspectum. Tu me » rursus apponebas mihi, et impingebas » me in oculos meos, ut invenirem iniquitatem meam; noveram eam, sed dissimulabam, et obliviscebar. » In quibus perspicue depingit propriam negligentiam, aut ignorantiam crassam, supinam, et affectatam conditionem, nolentem admittere explicitam peccatorum advertentiam, quod idem est ac expresse, et scienter velle eadem ignorare, ac reticere. Ex quo fit, confessionem cum hujusmodi negligentis factam, esse ex mente Concilii nullam; ceterum quæ cum negligenti conscientiæ discussione pure vincibili conficitur, licet fructum non pariat, valorem non amittit: stat quippe omnes has negligentias idem peccatum quoad speciem moralem constituere, et nihilominus quoad aliqua diversos effectus ac satis oppositos sortiri. Itaque videmus ignorantiam crassam, supinam, et affectatam operationis malitiam augere; vincibilem vero eandem diminuere, ut communiter docent Theologi. Insuper, ignorantiam pure vincibilem sufficere ut liberet

Salmant. Curs. Theolog. tom. XX.

ab incursione censuræ, ut constat ex cap. *U animarum*, de constit. in 6, tenentque Cajetanus, Sylvester, Sotus, Sanchez, et alii; a quo tamen aliæ ignorantiam non liberant. Quemadmodum igitur factum vel omisum cum certa scientia, aut cum ignorantia supina, crassa, et affectata, est ejusdem rationis, aut malitiæ specificæ, ac factum vel omisum ex ignorantia pure vincibili, et nihilominus hoc a censuris liberat, illud vero non; ita proportionabiliter contingere dicimus circa negligens examen, quod si ex certa scientia, aut ex illis ignorantis procedat, confessionem annullat; si autem ex pure vincibili ortum ducat, quamvis fructum sacramenti non obtineat, illius valori non officit.

316. Arguitur quarto. Nam per confessionem validam satisfit præcepto divino, et ecclesiastico de confessione faciendi; atqui per confessionem indirecte sacrilegam non fit satis præcepto confessionis: ergo hujusmodi confessio invalida est. Minor ostenditur, tum quia præceptum confessionis non solum præcipit confessionem quoad substantiam fieri, sed etiam quod debito modo fiat, aut quod indigne non fiat; sed confessio indirecte sacrilega debito modo non fit: ergo per eam non adimpletur præceptum. Tum etiam: nam per communionem sacrilegam non satisfit præcepto annuæ communionis, ut constat ex decreto SS. D. N. Innocentii XI, anno 1679, damnantis hanc propositionem, quæ inter reprobata est 55: « Præcepto communionis annuæ satisfit per sacrilegam » Domini manducationem. » Ergo similiter nec præcepto confessionis annuæ per confessionem sacrilegam.

Argum.
4.Propositio
dam-
nata.

Ad argumentum respondetur negando minorem: ad cujus primam probationem dicendum est, confessionem indirecte sacrilegam, quæ sacrilegam, præceptum lædere, atque ideo sub hac consideratione illi non satisfacere; qua validam tamen, implere præceptum quoad substantiam modo statim explicando. Itaque concedimus præceptum divinum confessionis esse virtualiter aut æquivalenter duplex, prout versatur circa substantiam confessionis, et prout respicit modum illius, sive sub hac ratione sit affirmativum præcipientis confessionem modo debito fieri, sive negativum prohibens indigne fieri, quod pa-

rum quoad præsens refert. Hoc tamen præceptum, quatenus versatur circa modum, dupliciter violari potest. Primo, ita ut pœnitens scienter ac ex proposito indispositus ad sacramentum accedat, aut aliquod peccatum suppressum intendat; et dum ita contingit, modus transit in substantiam rei, atque ideo nec præceptum quoad substantiam, nec quoad modum adimpletur, cum confessio sit prorsus nulla. Secundo, indirecte ac interpretative, ita ut pœnitens ex expressa intentione digne accedat ad sacramentum cum animo detegendi omnia peccata, quæ memoriæ occurrunt, et cum simili expressa intentione doloris requisiti; et solum accedat implicite indispositus ratione negligentis examinis ducentis principium ex ignorantia pure vincibili, esto graviter culpabili. Et in hoc eventu præceptum confessionis, prout versatur circa modum, solum læditur indirecte, implicite, et quasi per accidens. Unde iste modus violandi præceptum, aut indispositionis pœnitentis, quæ fit præter ejus expressam intentionem, in sacramenti substantiam non transit, nec illi quoad valorem officit. Quocirca præceptum divinum confessionis, prout versatur circa substantiam, non frangitur, sed potius per hujusmodi confessionem validam, et informem adimpletur; licet alias prout versatur circa modum, indirecte, et implicite lædatur. Id quod etiam dicimus de præcepto Ecclesiastico determinate divinum quoad utramque rationem, quod substantiam, videlicet, et modum digne conficiendi sacramentum.

Ita, ni fallimur, in substantia sentiunt Sot. in 4, dist. 15, q. 3, art. 3, § *Ex his* autem circa medium, Ledesma de sacram. pœnit. c. 16, concl. 6 et 7, Nug. in addit. ad 3 part. q. 9, art. 1, illis verbis: « Est igitur primus casus, in quo datur confessio vera, et valida quantum ad substantiam, ita ut non sit iteranda, et nihiloominus sit confessio informis, imo, et sacrilega. »

Per quod patet ad secundam minoris probationem, nam distinguendum est consequens; quod si intelligatur de confessione sacrilega scienter ac ex proposito, concedenda est consequentia; si vero de ignoranter, indirecte, ac extra expressam intentionem sacrilega, ulterius subdisting-

guendum; et si procedat de non adimplitione præcepti prout urget ad substantiam confessionis, neganda est consequentia; concedenda vero, si procedat de non adimplitione præcepti quatenus versatur circa modum. Nec ista doctrina comprehenditur in illa propositione damnata a SS. D. N. Alexandro VII, quæ inter reprobata est 14, et hujusmodi: « Qui facit confessionem voluntarie nullam, satisfacit præcepto Ecclesiæ. » Hic quippe solum damnatur doctrinam asserentem præcepto Ecclesiæ satisfieri per confessionem nullam, qualis est illa, quæ scienter ac certa malitia dimidiatur, aut etiam illa, in qua scienter requisitus dolor, aut propositum corrigendi vitam non adhibetur; quibus confessionibus libenter fatemur præceptum divinum aut etiam Ecclesiasticum nec quoad substantiam, nec quoad modum adimpleri. Non vero reprobatur sententiam asserentem per confessionem validam, et informem Ecclesiæ præcepto satisfieri. Porro confessio, de qua agimus, esto sit informis, imo, et graviter peccaminosa implicite, ac præter expressam pœnitentis intentionem, qua ratione præceptum quoad modum indirecte lædit; est tamen absolute valida, atque ideo adimplitiva præcepti quoad substantiam, quippe quod solum cadit supra confessionem validam tanquam supra propriam materiam præceptam. Recolantur, quæ supra in hac eadem disp. dub. 2, num. 57, expendimus, remittentes, ut nunc iterum remittimus, Ecclesiæ judicio hujus propositionis explanationem.

Imo, si Sotum consulas, id ipsum quod cum citatis Theologis asserimus de confessione informi, et valida, applicat etiam, et in vi consequentiæ extendit ad communionem ignoranter, et indirecte sacrilegam, qua præceptum annuæ communionis, licet non quoad modum, quoad substantiam tamen adimpleri inquit. Quod ita esse docuimus loco proxime citato, dum communicatio est informis, et sacrilega pure materialiter, ut contingit dum quis accedit ad communionem cum aliquo peccato lethali invincibiliter oblito, et absque dolore supernaturali, eo quod bona fide existimat illo non indigere. In quo eventu præcepto communionis annuæ quoad substantiam satis fit: nam sic accedens in modo se habendi communicat *reverenter*, et in sua existimatione

Soms.
Ledesma
Nugent

Propositio
dam-
nata.

existimatione *religiose*. Cujus contrarium accidit ubi quis sciens, et volens cum conscientia peccati mortalis indigne accedit ad sacramentum: hæc quippe proprie loquendo est sacrilega Domini manducatio, de qua intelligendus est Pontifex in reprobatione illius propositionis: « Præcepto « communionis annuæ satisfi per sacrilegam Domini manducationem: » loquitur enim in sensu formali, ac de communionem scienter, et ex certa malitia sacrilega; non vero de ea, quæ est talis pure materialiter, aut etiam ignoranter, et implicite: quia ita communicans expresse nullum in se peccatum videt, quin si videret, in ejus statu perdurans non communicaret. Itaque solum implicite ob ignorantiam vincibilem, quam habet, culpam admittit; expresse tamen ac ex animo reverenter communicare censet, et consequenter præcepto communionis annuæ quoad substantiam videtur satisfacere, licet non quoad modum.

Et quidem confessionem informem, et indirecte peccaminosam posse in aliquo vero sensu esse absolute validam, et præcepti confessionis quoad substantiam adimpletivam, perspicue constat ex D. Thoma in testimonio pro firmanda assertione expenso. Ibi namque docet Angel. Doctor, confessionem cum fictione factam posse esse validam, et infructuosam, ac insuper pœnitentem non teneri confessionem iterare, sed solum fictionem postmodum confiteri. Quæ verba cohærere nequeunt, nisi per confessionem indirecte sacrilegam præcepto confessionis quoad substantiam fiat satis. Nam per fictionem, quam inquit teneri postmodum pœnitentem confiteri, nequit intelligi ea, quæ expresse ac scienter est sacrilega, quippe quæ confessionem annullat, cujus oppositum supponit D. Thomas: ergo intelligenda est, quæ solum interpretative, et implicite est graviter culpabilis, de qua verificatur quod obligat ut deinceps manifestetur. Rursus docet, pœnitentem non teneri ad iterandam eam confessionem, in qua prædicta fictio invenitur; sed confessio, quam pœnitens iterare non cogitur, adimpletiva præcepti est, ut ex se liquet: ergo in sententia D. Thomæ (hucusque ab Ecclesia non damnata in prædictæ propositionis reprobatione) per confessionem informem, et validam, in

qua indirecta fictio adest, satisfi præcepto confessionis quoad substantiam, quamvis illi prout versatur circa modum non satisfiat. Doctrinam tamen istam, licet tantum Doctoris autoritate roboratam, summa animi demissione, ut par est, Ecclesiæ judicio subjiciendam recognoscimus, et subijcimus.

317. Vel dicas, si non displicet, ad argumentum, optime cohærere confessionem, de qua in præsentī, esse validam, et informem, et nihilominus per eandem præcepto confessionis annuæ non satisfieri absolute. Cujus ea ratio adhiberi potest, quia ut sit valida, et informis, sufficit habere ea, quæ pro firmanda assertione expendimus; ut autem adimpletiva præcepti sit, non sufficit esse validam, sed insuper desideratur quod non fiat indigne positive, aut modo culpabili redundante in injuriam sacramenti. Cujus instantia in aliis sacramentis constat, quippe quæ non semel valida sunt, et tamen eorum receptio, quia indigne fit, adimpletiva præcepti non est. Nec inde sequitur, præceptum urgere non solum ad valorem sacramenti, sed etiam ad ejus fructum, aut finem obtinendum, quod nemo docuit. Non, inquam, sequitur: nam recte cohæret præceptum urgere ad confessionem, quæ non fiat indigne positive, aut modo culpabili, et quod non urgeat ad fructum, aut finem obtinendum: iste enim potest aliunde impediri siue culpa pœnitentis, ut liquet in casu præcedentis dubii, in quo pœnitens accedit ad confessionem cum dolore inefficaci, invincibiliter existimato efficaci; in quo eventu fructum non obtinet, et præceptum confessionis adimplet, eo quod, et valida confessio fit, et alias non fit modo culpabili, aut indigne positive, sed tantum negative: imo quamvis fructus sacramenti, sed ejus finis sub præcepto non cadat, potest tamen cadere vel medium requisitum ad ejus assecutionem, vel saltem remotio impedimenti positive fructui repugnanti, dum ipsa remotio ex suscipientis voluntate dependet. Nec iterum sequitur, quod si per hujusmodi confessionem non adimpletur, sed potius frangitur præceptum, sit nulla. Nam illud præceptum non læditur scienter ac ex proposito, sed solum implicite ac indirecte, quod valori sacramenti non officit, sicut nec etiam officit

Alia solutio.

Applica-
tur argu-
mento.

culpa negligentis examinis indirecte volita. Quocirca juxta hanc solutionem major argumenti distinguenda est; et si procedat de confessione valida, et sine modo culpabili ac indigno positive, concedenda est; neganda vero, si intelligatur de confessione valida absolute, et quomodocumque talis sit; et concessa minori negatur consequentia. Minoris autem probationes, in quibus argumenti robur innitebatur, jam non urgent, ut ex se patet, cum id quod evincunt, libenter concedamus. Sed ecce hinc alia difficultas; si pœnitens per hujusmodi confessionem validam, et informem, ac indirecte sacrilegam annuæ confessionis præcepto non satisfacit, necessum est ut teneatur iterum intra annum confiteri. Quæ igitur peccata? Respondetur tamen facile, quod non tenetur ad confitendum ea peccata, quæ in priori confessione detecta sunt: hæc enim licet ante illam confessionem obligarent, postquam jam facta est, per accidens non obligant, cum jam vere confessa valide sint; atque ideo idem judicium de illis fieri debet, ac de aliis anno præcedenti legitime declaratis. Tenetur ergo ut præcepto satisfaciatur, aliam confessionem emittere, in qua detegere cogitur peccatum fictionis formalis, quod in priori commisit, et insuper fictionem materialem, aut peccatum illud, quod ex negligenti conscientiæ discussione in alia celavit. Unde etiam cum hac doctrina conciliatur apprimè D. Thomas, dum asserit pœnitentem non obligari ad iterandam confessionem, teneri tamen postmodum suam fictionem confiteri, ut videlicet præceptum confessionis adimpleat: nam per priorem illi satisfactum non est. Cui solutioni facillime etiam adaptantur omnia, quæ dub. 2 hujus disp. statuimus, imo positive consonant, sicut et ea, quæ tract. 23, disp. 11, dub. 4, § 2, n. 45, expendimus.

Obser-
vat.

318. Ex dictis in dubii processu notandum apparet discrimen, quod inter hujusmodi informitatis modum, et alium ex inefficacia doloris præcedenti dubio descriptum intercedit: nam dum quis accedit ad sacramentum cum dolore tantum inefficaci, existimans efficacem ex ignorantia invincibili, efficit confessionem validam, et informem nullum tamen peccatum committit; unde hujusmodi sacramentum consuevit neutrum appellari, eo quod nec pœnitens

culpam committit, nec sacramenti fructum obtinet. Si vero attritio inefficax adsit, et ex ignorantia pure vincibili efficax desit, lethalis culpa intra sacramentum indirecte patrat, subindeque est validum, et informe, ac interpretative sacrilegum, de quo idem judicium fieri debet quoad adimplerionem præcepti, ac de eo, quod num. præcedente explicuimus. Ceterum in modo informitatis ex negligentia examinis procedente res aliter se habet: quippe ubi de hujusmodi negligentia adest ignorantia invincibilis, nedum confessio valida, verum, et formata existit. Cujus discriminis ratio ex dictis deprehenditur: quia, nimirum, dolor efficax est physica ac connaturalis dispositio ad gratiam, non secus ac calor ut octo ad formam ignis. Ex quo fit, quod eo deficiente, quantumvis alias invincibiliter adesse existimetur, sacramenti fructus non aderit. Diligens autem examen, ad confessionis integritatem petitum, physica ac connaturalis dispositio indispensabiliter requisita ad fructum sacramenti non est, sed quædam quasi conditio, aut medium humano modo apponendum, prudentiæ regulis, judicio, aut pœnitentis existimationi subjectum, et pro qualitate subjectorum attemperandum; atque idè in metaphysica ac indivisibili constitutione, uti dolor efficax, non consistit, sed aliquam intra lineam sufficientis admittit latitudinem. Quocirca ea diligentia, quæ in uno sufficiens, in alio insufficiens apparet, et e converso. Qui ergo aliquale examen præmisit, et invincibiliter ac bona fide fuisse sufficiens existimat, sacramentum validum, et formatum conficit: nam qua ratione habet ignorantiam invincibilem, excusatur a culpa, et peccata oblita virtualiter in confessione inclusa censentur; et quo capite culpam non patrat, non repugnat, sed potius compatibilis est dolor universalis, et efficax ad gratiam per modum dispositionis requisitus. Cujus oppositum contingit in dolore re vera inefficaci, invincibiliter existimato efficaci, et dum negligentia circa examen est graviter culpabilis ob ignorantiam pure vincibilem.

In calce item hujus prolixæ, ac satis implexæ difficultatis apponendam censuimus quandam Nugni observationem non incongruam, qua pœnitentes uti possint, ut postmodum deveniant in expressam notitiam

Nota.

tiam illius culpæ lethalis negligentiae circa examen, quæ in confessione informi, et valida solum implicite commissa, et cognita fuit. Et quamvis universalis ac omnino firma regula tradi nequeat, nihilominus ipse censet, quod si post absolutam confessionem informem penitentis memoriarum plura occurrunt peccata, quam ea quæ in confessione fuerunt detecta, est signum moraliter probabile, examen sufficiens non præmisisse, sed re vera negligens, et culpabile moraliter, quod satis vero simile apparet. Si vero peccata, quæ deinceps occurrunt, longe pauciora sint quam confessio, præmissam conscientiae discussionem sufficientem absolute fore reputandam, licet secundum quid negligentem, ita ut penitens venialiter tantum deliquerit, satisque sit de peccatis oblitus se accusare, quamvis ad cautelam optime aget si etiam examinis negligentiam prodeat.

DUBIUM XIII.

An sexdecim tantum assignentur confessionis conditiones?

A difficilioribus expeditis, ad faciliora accedimus explicaturi pro præsentis disputationis integritate alias conditiones, quæ communiter a Doctoribus circumferuntur, de quibus etiam D. Thomas in 4, dist. 17, qu. 3, art 4, et in supplem. qu. 9, art. ultimo disseruit. Ab illis tamen breviter expediemur, quia difficultates, quas concernunt, decimas in præcedentibus relinquimus; unde non tam disputatione, quam doctrinali expositione egent. His autem versibus continentur:

*Sit simplex, humilis confessio, pura, fidelis,
atque frequens, nuda, discreta, libens, verecunda,
Integra, secreta, lacrymabilis, accelerata.
fortis, et accusans, et sit parere parata.*

Nec inconvenit aliqua in præsentis assignari ut conditiones confessionis, quæ per se non ad penitentiam, seu ad ejus actum, qualis est confessio, sed ad alias virtutes spectant, uti quod sit *fidelis*, quæ ratio per se concernit fidelitatem; quod sit *humilis*, quæ ad humilitatem refertur; quod sit *simplex* aut *fortis*, quæ simplicitatis ac fortitudinis virtutes demonstrant. Non igitur inconvenit, inquit loco cit. D. Thomas, « quod « conditio unius virtutis in actu alterius

« inveniatur, quia ab ipsa imperatur, vel « quia medium, quod est unius virtutis « principaliter, etiam aliarum virtutes per « participationem habent. » Unde plura, quæ in prædictis versibus continentur, licet formaliter sint actus ab aliis virtutibus procedentes, dicuntur confessionis conditiones, quia dum penitentia proprium confessionis actum elicit, imperat alias virtutes, ut simul suis actibus concurrant ad formandam confessionem omnino ornata, et undequaque perfectam, in majorem sacramenti reverentiam, ac uberius illius fructum recipiendum. Videamus igitur cur prædictæ conditiones sexdecim assignentur.

§ 1.

Resolvitur difficultas.

319. Dicendum est sexdecim esse tantum confessionis conditiones. Ita communiter DD. D. Thom. loc. cit. Sotus, Navarr. Bonacina, Sayrus, Henriq. Reginald. N. Francisus tract. 6, c. 6, punct. 1, et alii. Suadet ipsa D. Thom. ratio: nam conditiones confessionis ex triplici capite illi advenire possunt; vel quatenus est actus virtutis in genere; vel quatenus est actus specialis virtutis penitentiae; vel quatenus est pars sacramentum constituens. Quæ ratione est actus virtutis in genere, quatuor exposcit conditiones, quæ in quocumque virtutis actu inveniri debent juxta Arist. 2 Ethic. Etenim ut quis virtuose operetur, necesse est quod procedat ut sciens, quia de causa dicitur quod confessio debet esse *discreta*. Deinde, ut actio virtuosa sit, opus est ut procedat ab eligente, unde virtus ab eodem Aristotele definitur, quod sit « habitus electivus in mediocritate « consistens, » etc., ideoque confessio dicitur *libens*. Rursus, ad actum virtutis desideratur quod fiat propter finem, ob idque additur *ly pura*, quod denotat confessionem fieri debere ex legitima intentione se accusandi coram Deo, propria delicta cognoscendi, ac obtinendi eorum remissionem. Ulterius requiritur ad virtutis actum, quod perseveranter ac immobiliter eliciatur, quo motivo subditur quod sit *fortis*.

Si vero quoad secundum caput consideretur, quatenus videlicet, est actus spe-

Assertio.
Ratio.

cialis virtutis Pœnitentiæ, septem alias vindicat conditiones. Quippe pœnitentia triplicem gradum continet; incipit abhorre turpitudines peccati, quæ ruborem parit, et respectu hujus dicitur *verecunda*; progreditur ad detestationem, et dolorem ejusdem peccati, unde additur lacrymabilis; et consummatur in hominis abjectione, quatenus propriam fragilitatem ac infirmitatem deprehendit, ideoque ponitur ly *humilis*. Item ex peculiari ejusdem actus natura habet confessio quod sit manifestativa; manifestatio autem impediri potest, vel per falsitatem, ad quam excludendam ponitur ly *fidelis*, ut vere proferatur quod corde retinetur; vel per obscuritatem, aut verborum circuitum, ad cuius præcautionem additur ly *nuda*; vel per verborum multitudinem, prolixamve narrationem crimina potius palliantem, quam detegentem, id quod etiam ut rejiciat, dicitur *simplex*; vel denique per subtractionem, aut diminutionem eorum, quæ necessario aperiri debent, ad quam vitandam additur *integra*.

Ex tertio autem capite, quo pacto est pars sacramenti, quinque alias vindicat conditiones. Etenim cum hujusmodi sacramentum sit quoddam spirituale tribunal, in quo sacerdos iudicis munus obtinet; ut legitimam ac proportionatam sententiam proferat, necesse est ut criminum notitiam accipiat; pœnitens autem, qui rei vicem ac testis exercet, crimina deponere debet, ideoque ponitur ly *accusans*. Deinde additur ly *secreta*, quod refertur ad conditionem illius tribunalis, ubi de occultis agitur. Additur præterea *parere parata*, ut innuat pœnitentem uti reum promptum esse debere ad sacerdotis sententiam acceptandam. Ac tandem apponuntur ly *frequens* ac *accelerata*, quæ requiruntur in confessione ut illius fructus citius percipiatur, ac ut ingens difficultas, quam ut plurimum nonnulli in peccatorum manifestatione experiuntur, ipsa confessionis frequentia dehiscaat. Cum igitur istæ sufficiant, et aliæ ita opportunæ, et congruentes excogitabiles non sint, sexdecim tantum esse debent confessionis conditiones. Eas autem plus quid in singillatim exponere decet.

§ II.

Sexdecim confessionis condiciones expouuntur.

320. Prima igitur confessionis conditio juxta ordinem, quem in versibus obtinent, est quod sit *simplex*, quæ refertur ad verba, ad distinctionem alterius, nimirum, quod sit *pura*, quæ respicit intentionem. Hujusmodi autem verborum simplicitas in eo nititur, quod inutilia verba in confessione amputentur, et solum ea proferantur, quæ generalitatis ac disjunctionis confusione rejecta præcise sunt necessaria, ut perspicue ac distincte pœnitens cuncta peccata prodeat, ita ut sacerdos cognoscere possit eorum numerum, species, ac circumstantias, ob quas non semel id quod ex se est veniale, transit in lethale. Itaque sacerdotes circa id vigiles esse debent: quippe pœnitentium plures, vel frequentissime in peccatorum declaratione summa procedunt generalitate, quatenus dicunt se deliquisse nimis comedendo, murmurando, aut irridendo, et similia, quæ cum frequenter venialia sint, ea sacerdotes indiscriminatum ut pure levia dijudicant, cum non raro lethalia extiterint, uti facta cum notabili Dei, Sanctorum, aut Ecclesiæ irreverentia, vel cum ingenti damno spiritualis salutis, honoris, famæ, aut alterius rei ad se vel ad proximum pertinentis. Idcirco hæc inquirenda sunt, ut sacerdoti constet an culpa malitiam peccati lethalis induerit, vel non; nisi ex qualitate personæ, aut confitendi modo parvitatem aut gravitatem malitiæ liquido deprehendat. Aliam vero quamcumque garrulitatem, prolixamve narrationem, aut circumstantias ad ingenuam peccatorum declarationem nihil referentes, omnino scindere debet, ne diutius quam par est, confessio protrahatur.

Secunda conditio, quod nimirum sit *humilis* necessitatem importat quoad hoc quod pœnitens animum demittat, et tanquam peccatum, ac proprium defectum agnoscat id quod re vera est peccatum; alioqui dolor ad sacramenti valorem desideratus haberi nequit. Quoad alia vero solum rationem ornatus ad confessionem sortitur, quatenus pœnitens ex deformitatis culpæ detestatione adeo in sui abjectionem propendit, ut non solum animi demis-

sione

1 Conditio.

2 Conditio.

sione, verum, et corporis, sacerdoti se subdat, peccataque detegat flexis genibus, capite discooperto, ense non præincto, nisi sit eques, aut miles, quibus ratione professionis, et status id permitti assuevit. In aliis autem aliter ad sacramentum accedere, nisi necessitas urgeat, erit peccatum veniale. Si vero contingat, pœnitentem in confessione tam longe ab humilitate abesse, ut potius de peccatis, quæ pandit, se jactet, nullum plane sacramentum conficiet, tum ex defectu doloris, qui cum illa jactantia ac affectu ad peccandum incompossibilis est; tum etiam ex defectu integritatis: quippe tunc novum peccatum committit, quod in confessione nec explicite nec implicite inclusum censetur. Ita communiter Auctores.

3 Con-
ditio.

Tertia conditio, quod sit *pura*, rectitudinem intentionis importat, ita ut confessio ob pravam finem non fiat, sed intuitu Deum placandi, et remissionem peccatorum obtinendi. Unde si fiat ob pravam mortaliter finem, est invalida, ut nemo Theologorum dissentit. Sed quid dicendum, si ex fine venialiter tantum peccaminoso conficiatur? Erit ne tunc valida confessio? Verum hæc difficultas decisa manet in præsentī disp. dub. 4, et insuper tract. 17, disp. 5, dub. 2, § 5, in quibus ex professo ostendimus invalidam esse confessionem factam ob venialem finem antecedentem, et in confessionem in suo genere causæ influentem; ut si quis confessionem emittere intendat ut hominibus placeat, honorem apud sacerdotem obtineat, aliquod temporale lucrum reportet, vel quid simile curet. Cujus eam rationem satis perspicuam utrobique assignavimus, quia confessio sacramentalis, quæ per modum partis constituit validum sacramentum, nequit ex aliquo capite esse moraliter mala: siquidem est supernaturalis, aut procedens ex dolore supernaturali, qui nullo modo vitiari potest; si autem confessio emittitur ex fine adhuc venialiter peccaminoso, nequit non malitiam ex fine induere, atque ideo desinit esse confessio ad sacramenti valorem requisita. Præsertim quia vere non dolet de peccatis, qui eo dolet ut alteri placeat: hoc enim non est dolere, sed fingere, ut ex se liquet. Nota tamen, affectum venialiter peccaminosum interdum solum se habere consequenter, aut con-

comitanter ad confessionem, uti dum pœnitens in ipso confessionis actu, aut deinceps de ea gloriatur; et in hoc eventu confessio valida existit: quippe quæ ex fine malo non procedit, sed præcise se habet tanquam objectum circa quod vana gloria versatur; qui affectus cum in confessionem per modum finis non influat, eam non deturpat, atque ideo non solum valida, sed etiam fructuosa esse potest. Plura huc spectantia citatis locis invenies.

Quarta conditio, quod confessio sit *fidelis*,<sup>4 Con-
ditio.</sup> id est, vera, ac sine fallacia, est de substantia sacramenti, si versetur circa materiam gravem. Idcirco mentiri circa peccatum lethale nondum unquam confessum, est sacrilegium, redditque sacramentum nullum; tum quia sacerdos, qui est iudex in foro pœnitentiæ decipitur in re gravi, quod culpa levis non est; tum quia confessio non est integra, cum non reveletur mendacium grave in confessione commissum, nec illud peccatum circa quod mendacium versatur. Tum denique quia deficit dolor ad sacramentum necessario requisitus: implicat enim quempiam actualiter et scienter peccare, ac de peccatis vere dolere. Ita Sylvester, Navarrus, Nugnus, Filliucius, et alii. Secus autem continget, si pœnitens fidelitatem non servat, aut veritatem non dicit inquisitus de peccato lethali jam olim legitime confessus; tunc enim venialem culpam tantum incurrit, confessionemque validam conficit; nisi alias sacerdos de illo peccato inquirat, ut in cognitionem status pœnitentis deveniat, quem forsitan timet apte dispositum ad sacramentum non accedere; in quo eventu veritatem prodere cogitur sub lethali. Item graviter delinquit, confessionemque nullam reddit, qui peccatorum gravium majorem numerum scienter exprimit, quam re vera commisit: decipit namque sacerdotem in re gravi. Per accidens tamen excusantur pœnitentes nonnulli, ipsique simplices, ac rudes, qui bonâ fide securius judicant (idque faciunt) plura peccata fateri, quam quod aliquod inconfessum relinquatur. Ita Navarrus, Sylvester, Sanchez, Rodriguez, et alii. Ul-<sup>Navarr.
Sylvest.
Sanchez,
Rodrig.</sup>terius graviter delinquit, qui peccata lethalia dubia ut certa, certa ut dubia pandit. Valida autem confessio fiet, dum quis circa venialia fidelitatem non servat: nam hujusmodi mendacium non est circa mate-

riam confessionis necessariam, nec sacerdos in re gravi decipitur. Hoc tamen est intelligendum, dummodo venialia, quæ confitentur, sint plura : quippe si unicum tantum esset, et circa illud pœnitens mentiretur, confessio invalida existeret; eo quod licet culpa venialis absolute loquendo materia necessaria confessionis non sit, in hoc eventu est necessaria ex suppositione; subindeque si quis solum confiteretur se unicum veniale commisisse, quod re vera non commisit, lethaliter peccaret. sacramentumque redderet nullum. Idem dicendum de lethali jam confesso, si eadem fiat suppositio.

5 Con-
ditio.

321. Quinta conditio, quod confessio sit *frequens*, id est, quod non raro, sed sæpe in anno fiat, non est de necessitate præcepti, sed præcise opus consilii, ob ingentes, uberesque spirituales fructus, quos ex hujus sacramenti repetitione animæ colligunt. Idcirco timorati viri, ac studio propriæ salutis impense incumbentes, quamquam interdum solis criminibus jam rite ac sæpe confessis se maculatos deprehendant, ea tamen semel ac iterum clavibus submittere curant, ne sacramenti fructibus careant, sed gratiam virtutesque foveant. Imo quamvis absolute loquendo præceptum divinum aut Ecclesiasticum de confessionis frequentia non extet, non dubitamus religiosum aliquem penes id nimis negligentem posse graviter delinquere, tum ratione scandali, quod aliis pararet, si in ea religione mos magnæ frequentationis pœnitentiæ vigeret; tum quia ratione status ac professionis strictæ ad perfectionis studium teneretur, ad quam comparandam confessionis frequentia admodum refert. Quo motivo ducti in hac eadem disp. dub. 2, n. 31, censuimus posse nostri Ordinis Superiores sub præcepto formali ad confitendum constringere religiosum illum, quem per tres aut quatuor menses ad sacramentum pœnitentiæ non accessisse convicerint.

6 Con-
ditio.

Sexta conditio est, quod sit *nuda*, verborum videlicet obscuritate ac circuitu non palliata. Quemadmodum enim quidquid in homine fit tam extra quam intra, etiam secretiores animi motus, Dei oculis patent; ita cuncta, quæ pœnitens in conscientia recessu detinet, sacerdoti in pœnitentiæ sacramento munus Dei obtinenti palam

manifestare debet, ut peccatorum species, gravitatem, ac numerum videat, perpendat, ac dijudicet; alioqui nec tanquam iudex legitimam proferre sententiam, nec tanquam medicus aptum animæ vulneribus medicamen præscribere valebit. Idcirco resecanda sunt ea omnia, quæ malitiam confundunt, aut diminuunt, et quæ eandem ingenue ac sincere ostendunt, adhibenda : contingere enim potest quod ob obscuram peccatorum declarationem sacerdos graviter decipiat, confessioneque nulla evadat. Et quidem qui his verborum anfractibus ad peccata confitenda utitur, suspicionem non levem remissi aut nullius doloris offert.

Septima conditio, quod sit *discreta*, est omnino ad substantiam sacramenti necessaria, quatenus importat confessionem fieri debere tanquam actum humanum a rationis compote; in quo sensu accipitur a D. Thoma. Unde quamvis amentes sua peccata propalent, nequeunt licite aut valide absolvi. Quid vero cum moribundo sensibus destituto faciendum, constat ex dictis in hac disp. dub. 7, § 4, a n. 240, et deinceps; ubi casum sub omni accidentaliter circumstantia consideratum revolvimus. Si autem ly *discreta* innuat pœnitentem inter omnia peccata discernere debere, ita ut uniuscujusque gravitatem, aut parvitatem, speciem subalternam, aut atomam speculative cognoscat, indispensabiliter necessaria non est, ut liquet in rusticis, quos hujusmodi speculationes non affulgent. Debet nihilominus confessio esse antecederet *discreta*, adeo ut pœnitens probum, ac sufficienti doctrina ornatum seligat sacerdotem, qui inter peccata discernere, illisque congrua adhibere remedia apprime noscat. Item ly *discreta* designat quod pœnitens caute peccata explicet, impudica præsertim per verba honesta, nec ad singulas descendat circumstantias, quas necessarias ad peccati malitiam detegendam non censuerit.

7 Con-
ditio.

Octava est quod sit *libens*, aut voluntarie emissæ; si enim ex electione non fieret, non esset opus virtutis; atque ideo omnino desideratur voluntas, ac intentio confitendi, ut sacramentum teneat. Si vero *libens* significet quod confessio prompto animo fiat, ea conditio non est prorsus necessaria, sed tantum confessionem exornat : contingit quippe nonnullos, præsertim consuetudina-

8 Con-
ditio.

rios

rios, qui ingenti peccatorum numero irrefutentur, non ita prompte ad sacramentum accedere, ex quo solo capite minime inferatur, confessionem, quam emittunt, esse nullam. Nec etiam necessario requiritur, sed tantummodo ad ornatum, quod confessio fiat ita voluntarie, ut omne involuntarium excludat: etenim non semel pœnitentes excommunicationis, infamiæ, aut rixarum parentum timore arrepti peccata confitentur, quum tamen confessio teneat, si aliunde sit integra, et cum sufficienti dolore emissa: nam licet ibi aliquod involuntarium immisceatur, adest sufficiens intentio ac voluntas recipiendi pœnitentiæ sacramentum.

Con-
ditio. Nona est, quod sit *verecunda*, vel cum pudore ex peccatorum fœditate concepto; non quia id omnino indispensabile sit, sed quoniam admodum decet animam criminibus deturpatam aliquam exteriorem emitte-
re erubescerentiam, non quæ culpas detegere formidet, sed quæ ad dolorem augendum, obtinendamque veniam prosit. Caveant tamen sacerdotes ne in sacramenti limine pœnitentes asperitate deterreant, ne forsan ubi salus quæritur, perniciēs paretur. Itaque in confessionis processu lenibus, quoad possint, verbis utantur, quibus pœnitentes ad cuncta crimina fideliter detegenda alliciant, reprehensione prudenter imposterum reservata. Id quod maxime in fœminarum confessionibus observandum, quippe quæ in peccatorum declaratione, eorum præsertim quæ ad turpitudinem attinent, adeo interdum verecundia suffunduntur, ut si quam in sacerdote asperitatem deprehendunt, potius felicitatem amittere seligant, quam illi conscientiam prodere.

Con-
ditio. Decima, quod sit *integra*, vel quod cuncta peccata sacerdoti tanquam Dei ministro manifestentur, refertur ad materiam remotam sacramenti, quæ est duplex; alia nimirum sufficiens, et voluntaria; alia vero necessaria. Prior consistit in venialibus, ac etiam in lethalibus jam rite confessis; posterior autem in lethalibus nondum confessis. Integritas igitur ad sacramentum requisita non versatur circa materiam liberam: nam cum circa confessionem venialium, ac etiam lethalium, quæ jam legitime confessa sunt, nullum præceptum adsit, quemadmodum ea abso-

lute omittere possumus, ita, et in eorum confessione integritatem non observare. Militat itaque penes materiam necessariam, aut peccata lethalia post baptismum commissa, et nondum confessa. Hæc autem integritas qualiter ad sacramentum requiratur, ac quando ejus defectus confessionem invalidet vel non, lato calamo explicuimus dub. 7 hujus disp. et ideo ab ulteriori hujus conditionis expositione supersedemus.

322. Undecima conditio quod sit *secreta* <sup>11 Con-
ditio.</sup> sive quod non publice, aut aliis adstantibus fiat, sed soli sacerdoti, requiritur per se loquendo ad sacramentum. Ratio est; quia licet præceptum divinum de confessione secreta non adsit; nihilominus, ut inquit Tridentinum sess. 14, cap. 5: « Non est res a divino mandato aliena, « nec oppositum consulte præciperetur a <sup>Concil.
Trid.</sup> lege humana. » Unde cap. omnis *utriusque sexus* præcipitur confessio soli sacerdoti facienda. Ex quo inferitur primo, neminem constringi per se loquendo ad confessionem, quæ secreto fieri non valet, quamvis per accidens oppositum contingat, ut liquet in existentibus in articulo aut periculo mortis, dum contritionem elicere nequeunt. Ita Navarrus, Canus, <sup>Navarr.
Canus.
Nugnus.</sup> Nugnus, et alii. Inferitur secundo, prohibitum esse saltem sub veniali peccata confiteri, aliis præter sacerdotem audientibus: tunc quippe absque justa causa fama prodigitur, quod est culpa levis. Colligitur tertio, illicite procedere sacerdotes, qui pueros doli capaces in unum congregatos sacramentaliter audiunt, ut recte observat Navarrus in Manuali c. 8, n. 13, et Sylv. <sup>Navarr.
Sylvest.</sup> verbo *Confessio* 1, n. 13. Diximus confessionem debere fieri secreto per se loquendo: nam per accidens licite ac valide potest fieri publice, qualis est facta ab existentibus in naufragio, vel a pestilenti morbo laborantibus, aut etiam a lethaliter vulneratis in prælio, quæ coram aliis adstantibus emitti solent. Item si occurrat motivum, quod Tridentinum assignat dicens: « Quod Christus <sup>Concil.
Trid.</sup> « non vetuit, quin aliquis in vindictam « suorum scelerum, et sui humiliationem, « tum ob aliorum exemplum, tum ob Ecclesie offensæ ædificationem delicta sua « publice confiteri possit. »

Duodecima conditio, nimirum, quod <sup>12 Con-
ditio.</sup> confessio sit *lacrymabilis*, dupliciter accipi-

potest ; vel prout significat detestationem, ac dolorem supernaturalem peccatorum, qui est materia proxima, et pars essentialiter constituens sacramentum ; vel prout importat planetum externum, quod est significatum proprium illius termini. In priori sensu est de substantia sacramenti, quippe quod sine parte essentiali subsistere non potest. Notandum tamen, huiusmodi dolorem debere esse non solum internum, verum etiam aliquomodo sensibilem, et externum ratione alicujus signi illum demonstrantis. Qualiter autem debeat præcedere confessionem ; ad quæ peccata, et sub quo motivo se extendere ; quam habere intentionem ; et similia quorum explanatio in præsentī desiderari possit, abunde constant ex dictis discursu præcedentis disp. In posteriori vero sensu hæc conditio solum spectat ad confessionis ornatum, quatenus exterior fletus internum dolorem viscera torquentem designat. « Et certe » (inquit Tridentinum sess. 14, cap. 4,) « qui »

Concil.
Trid.

« illos sanctorum clamores consideraverit : »
« Tibi soli peccavi, et malum coram te »
« feci : Laboravi in gemitu meo, lavabo »
« per singulas noctes lectum meum : Reco- »
« gitabo tibi omnes annos meos in amari- »
« tudine animæ meæ ; et alios hujus gene- »
« ris, facile intelliget, eos ex vehementi »
« quodam ante actæ vitæ odio, et ingenti »
« peccatorum detestatione manasse. » Ita-
que congruum est, pœnitentes adeo dolore pressos ad sacramentum accedere, ut vel lacrymis veniam ac absolutionem exposcant.

13 Con-
ditio.

Decima tertia conditio, quod confessio sit *accelerata*, eo tendit, ut nemo in infelici culpæ lethalis ac suæ damnationis statu morosus persistat ; sed confestim Deo iterum reconciliandus, gratiæque restituendus ad pœnitentiæ sacramentum accurrat. Hæc tamen conditio, quamquam multum laudabilis, ac maxime consulenda, per se loquendo præcepti necessitatem non affert : etenim ut in priori hujus tract. part. disp. 5, dub. 7, § 1, fuse expendimus, nemo qui lapsus est, tenetur ad statim pœnitentiam agendum, ac protinus se Deo reconciliandum, nec ex vi alicujus præcepti divini, nec Ecclesiastici, nec etiam ex vi pœnitentiæ virtutis : quippe cum hæc omnia præcepta affirmativa sint, non obligant pro semper, ita ut nulla interposita mora cons-

tringant ad confitendum. Id quod optime explicuit D. Thomas ibi citato exemplo Baptismi, qui licet adeo necessarius sit ad salutem, non tamen ita cadit sub præcepto, ut recipi debeat statim ac primum se offerat occasio ; aliqui peccaret adultus, qui per diem aut horam Baptismum differt. Diximus *per se loquendo* : nam si contingat pœnitenti statim ac lapsus est mortem imminere, ad protinus confessionem emitendam cogitur, etiamsi aliter ad Deum convertatur.

Decima quarta confessionis conditio, scilicet, quod sit *fortis*, referri potest vel ad actum confessionis, vel ad tempus ipsam præcedens. Et quidem si ad præcedens tempus referatur, designat pœnitentem tentationibus concussam ut ad sacramentum non accedat, fortiter dimicare debere, procillasque superare, ne spiritualem salutem, quam in confessione obtinendam sperat, amittat. Si vero ad ipsum confessionis actum, fere idem importat : innuit enim quod pœnitens nec ob timorem, nec ob verecundiam peccatum aliquod reticeat, aut quid simile ad sacramenti valorem, et fructum omittat, sed omnia vincat obstacula, cunctaque viriliter superet impedimenta.

323. Decima quinta, quod sit *accusans*, 15 Con-
ditio.

designat quod pœnitens in eo spirituali iudicio adeo se accuset, ut non potius se excuset, aliisque culpam suæ ruinæ immittat, ut non raro etiam in timoratis contingit. Et quidem eis excusationibus involutum, ac malitiæ diminutionibus obtectum propalari peccatum valet, ut sacerdotes tanquam leve accipiant, quod re vera grave extitit, in quo eventu tanquam clavibus non subjectum reputandum est. An autem pœnitens teneatur proprium peccatum detegere, dum id efficere nequit, quin complicem prodeat, satis constat ex dictis dub. 7 hujus disp. quem locum recolat Lector, ne eadem inculcare cogamur.

Decima sexta ac ultima, quod nimirum sit *parere parata*, ostendit pœnitentem promptum esse debere ad obediendum sacerdoti in his, in quibus ei obedientiam præstare tenetur, ut in occasionibus peccatorum vitandis, in restitutione honoris, famæ, aut aliarum rerum faciendâ ; quæ si renuat, absolutione dignus censendus non

non est. Item paratus esse debet ad satisfactionis aut pœnitentiæ acceptionem : nam debet habere intentionem recipiendi sacramentum perfectum ac integrum ; satisfactio autem ut executâ est pars integralis sacramenti, sine qua imperfectum relinquatur. Ceterum si pœnitentia, quæ injungitur pœnitenti, fuerit invita, vel moraliter impossibilis, ad ipsam non tenetur, atque ideo licite illam omittere potest. Item si cadat supra materiam levem, aut ipsa pœnitentia in se levis sit, eam omittere non erit gravis culpa ; quemadmodum nec omittere partem levem alicujus pœnitentiæ gravis est peccatum lethale ; sed de his iterum redibit sermo disp. 11, per totam.

DISPUTATIO IX.

De sigillo Confessionis sacramentalis.

1. Absolutis his, quæ ad contritionem, et confessionem præcipuas sacramenti pœnitentiæ partes spectant, illico de sigillo disquirendum sese offert ; non quia pars sacramenti rationem vindicat, sed quoniam illi adeo intraneum est, adeoque indispensabiliter nequitur, ut Angelicus Doctor asseruit sigillum esse de *essentia sacramenti* ; quorum verborum sensus ex infra dicendis apparebit. Quocirca quamvis satisfactio sit altera sacramenti pars, proindeque de ea statim disserendum congruum videbatur, ut quæ ad pœnitentiam tanquam partes attinent, simul absolverentur ; nihilominus hunc procedendi ordinem deserere cogimur, tum ob assignatum motivum ; tum quia D. Thomas quæst. 11 supplementi, quæ est de sigillo, præmittit quæstionibus de satisfactione ; tum denique, quia hanc disputandi methodum observarunt egregii D. Thomæ commentatores Sotus, Nugnus, et alii, prius de confessionis sigillo agentes, quam de satisfactione sermonem intexerent.

Verum ut quid nominis subjecti disputationis innotescat, observandum est cum Ambrosio Calepino sigillum esse diminutivum a signo quasi parvum signum, quo aliqua signantur. Unde Cicero 6 Verr. « Apposuit patellam, in qua erant sigilla » egregia. » Sic servi ac pecora aliquo si-

gno aut notula a Dominis sigillari assuevere, ut facile agnosci queant. Interdum accipitur pro Imperatoris aut Regis imaguncula parva monetæ impressa, ut ad commercium, humanumque convictum deserviat. Nonnunquam sumitur pro imagunculis, quibus Regum ac Pontificum decreta, etiam aperta, obsignantur, ut censeantur authentica, majoremque fidem inducant. At ut ad nostrum institutum, ac ad id quod plus refert, propius accedamus, sigillum frequentissime usurpatur pro signaculo litteris aut epistolis impresso, quo in illis contenta claudimus, ut eo persistente nequeant ullo modo aperiri, aut manifestari. Hinc igitur desumpta metaphora, ea quæ sub secreto commendantur, sub sigillo esse dicuntur.

Hujusmodi autem secretum, aut sigilli vinculum communiter bipartitur : nam aliud est pure naturale, sive jure naturæ præscriptum, quod licet obligationem tacendi afferat, non tamen ita indispensabilem ac rigorosam, ut in nullo eventu oppositum liceat. Aliud vero est sacramentale, eo quod versatur circa ea, quæ sacerdoti in pœnitentiæ sacramento propalantur, quodque ita strictum ac indispensabile est, ut in nullo eventu, aut rerum contingentia vim obligandi exuat. Differt autem a priori sicut continens a contento, aut includens ab incluso præsuppositive, et materialiter. Id quod in aliis sacramentis proportionabiliter exemplificari potest : quippe aqua, v.g. Baptismi, prout est instrumentum divinæ virtutis, duplicem actionem, sive ablutionem importat ; aliam præsuppositive, et quasi materialiter, nimirum, actionem præviam sibi virtute propria competentem, quæ est exterior corporis ablutio, et actio omnino naturalis ; dicit insuper aliam spiritualem animæ ablutionem, qua actio sacramentalis ac supernaturalis existit, et solum principaliter a divina virtute procedit, quæque priorem ablutionem superat, ad ordinemque supernaturalem sacramentorum elevat. Similiter ergo confessionis sigillum quasi materialiter ac præsuppositive rationem secreti naturalis includit ; sed ut formaliter est sigillum sacramentale, aliam vim obligandi obtinet, prioremque rationem secreti ad sacramentum elevat seriem. Verum de his infra.

2. Sigillum igitur ita acceptum describit

Sigilli
defini-
tio.

D. Tho. D. Thomas in præsentī q. 11, supplement. art. 3, in corpor. dicens, nihil aliud esse quam « debitum confessionem celandi. » Quæ definitio est optima, apprimeque sigilli naturam explicat : ponitur enim *ly debitum* locogeneris, quia in ea ratione cum aliis debitis aut obligationibus convenit. Additur *ly celandi*, ut partialem ac subalternam differentiam significet : quippe in ratione occultandi convenit sigillum confessionis cum vinculo secreti naturalis, et per eandem rationem differt ab aliis obligationibus, quæ penes occultationem non versantur. Tandem subditur *ly confessionem*, quod explicat propriam, et ultimam differentiam, per quam sacramentale sigillum differt etiam a naturali secreto : hoc enim licet interdum sit etiam debitum celandi confessionem, aut ea quæ sunt dicta in confessione, nihilominus id habet materialiter ; etenim ad obligationem tacendi, quam secretum naturale affert, omnino per accidens se habet quod ea, quæ sciuntur, intra vel extra confessionem sciantur. Sacramentale autem sigillum id importat per se, ac omnino formaliter, quippe quod solum obligat ad occultationem eorum, quorum notitia intra sacramentum acquiritur. Observa tamen, quod hæc sigilli obligatio rigore ac stricte accepta refertur principaliter ad sacerdotem, et solum ex illius parte, non vero pœnitentis se tenet ; quamvis si improprie accipiat, ad alios nonnunquam se extendat, ut ex infra dicendis constabit. Observa item, quod *ly confessionem*, quod in prædicta diffinitione vicem differentię gerit, usurpandum est omnino formaliter, ita ut obligatio occultandi solum cadat supra ea, quæ per se spectant ad confessionem, uti sunt peccata, et quidquid illa concernit ; non vero supra alia si quæ ibi immiscantur, et ad confessionem non attinent. Porro sigillum confessionis, sive præceptum occultandi quæ in confessione audiuntur, de facto existere, tanquam quid omnino certum in præsentī supponendum est, de eoque nullo modo dubitandum, cum a tempore Apostolorum Ecclesia id semper tenuerit, et perpetua traditione uti catholicum dogma servaverit. De hac igitur materia, egit D. Thomas in 4, dist. 21, quæst. 3, art. 1, 2, et 3, et quodlib. 5, quæst. 7, artic. 3, et quodlib. 12, quæst. 11, art. 16. Ex quibus compli-

cata est ab ejus discipulis qu. 11 supplementi, quam attingimus.

3. Ceterum priusquam ad alia descendamus, videndum est in quo sensu asseruerit D. Thomas in 4, dist. 21, quæst. 2, art. 2, occultationem peccatorum esse « de essentia sacramenti, » non enim id facile intelligitur : nam pœnitentiæ sacramentum solum coalescit essentialiter ex partibus intrinsicis, videlicet, supernaturali peccatorum dolore, integra eorundem confessione, absolutione sacerdotis jurisdictionem habentis, ac ex intentione ministri tanquam conditione sine qua non ; hæc autem omnia salvantur, etiamsi sigillum deficiat : videtur ergo quod de essentia hujus sacramenti non sit. Respondetur, ita re vera esse, si loquamur de sacramento quoad ejus essentiam absolute sumptam ; sic enim a sigillo non dependet. Imo etiam si Christus confessionem instituisset non occultam, sed publicam, ac pluribus manifestam, adhuc in eo eventu non esset distinctæ rationis quoad substantiam, sed tantum quoad modum, ut sentire videtur Sotus in 4, dist. 18, q. 2, art. 6. Itaque sacramentum dupliciter considerandum est, vel quoad ejus essentiam absolute, vel quoad ejus conservationem, ac suavem, connaturalem, et tolerabilem usum. Si priori modo accipiat, sigillum non pertinet ad sacramentum tanquam pars aut prædicatum essentialiter constitutivum illius, sed independentem a sigillo salvantur omnia sacramenti essentialia. Si vero posteriori modo consideretur, ad ejus essentiam spectat : quemadmodum enim cibus essentialiter requiritur ad humanæ vitæ connaturalem conservationem, ita sigilli vinculum ut pœnitentiæ sacramentum conservetur : si enim obligatio strictissima reticendi peccata non adesset, confessio odiosa fieret, ac illius usus intolerabilis redderetur ingentem difficultatem, quam homines experiuntur in eo quod eorum crimina publice innotescant. Stante autem sigilli indispensabili consignatione, facile alliciuntur ad salutem in confessione querendam, sacramentumque sustinendum. Ita Sotus quæst. proxime citata, artic. 5 : « Quamquam confessionis secretum non sit « de ejus essentia, est nihilominus necessarium, ut confessio sustineatur. » Et in hoc sensu credimus D. Thomam fuisse loquutum

D. Thomas ex
ponitur.

Sotus.

quantum. Nisi mavis D. Thomam accipien-
dum fore non de sigillo formaliter sumpto,
sed radicaliter ac exactive considerato, quo
pacto cum ipsomet sacramento coincidit;
quippe quod ex se exigit ad sui conserva-
tionem, suavemque usum strictissimam
peccatorum occultationem. Adeum propor-
tionabiliter modum, quo in priori hujus
tractatus parte disp. 1, dub. 2, n. 155 sta-
tuimus, satisfactionem esse partem essen-
tialem sacramenti, quatenus ab eo radica-
liter, et exactive importatur.

DUBIUM I.

Quo jure obliget sacramentale sigillum?

Dubii titulus unum supponit, et aliud
inquiri, supponit quidem adesse obligatio-
nem reticendi peccata, quæ in confessione
innotescunt; quod adeo ex Ecclesiæ usu ac
traditione Apostolica verum est, ut nullus
etiam hæreticorum id uspiam negaverit,
subindeque nulla Conciliorum definitio
circa rem necessaria fuerit. Inquiri autem
hujus obligationis radicem, quæ triplex
esse potest, jus nimirum naturale, eccle-
siasticum, et divinum: nam sigillum ex
jure regio, Cæsareo, aut etiam ex jure gen-
tium non constringere, certius est quam in
examen vocari valeat. Quocirca videndum
est quod ex illis principiis hanc obligatio-
nem inducat.

§ I.

Triplici assertione absolvitur difficultas.

4. Dicendum est primo, sigillum confes-
sionis materialiter, et præsuppositive ac-
ceptum oriri ex jure naturæ, non vero
formaliter sumptum, et quatenus dicit
rationem secreti sacramentalis. Hæc con-
clusio duplicem continet partem; et quoad
primam, quæ est communis Doctorum,
facile suadetur: nam sigillum confessionis
importat materialiter, et præsuppositive
rationem secreti naturalis; atqui secretum
naturale obligat ex jure naturæ: ergo si-
gillum confessionis, si consideretur quoad
id, quod præsuppositive affert, oritur ex
jure naturæ. Consequentia est legitima, et
major constat; tum quia ibi adest secre-
tum naturale, ubi quis ob circumstantias

occurrentes intelligitur promittere saltem
implicite servaturum sub secreto rem sibi
commissam; hoc autem invenitur in con-
fessione, siquidem ex modo quo pœnitens
sua peccata detegit, ac ex modo quo illa
sacerdos audit, censetur hic implicite pro-
mittere secretum observaturum, etiamsi
alias obligatio sigilli sacramentalis non
urgeret. Tum etiam: quia ipsa peccata,
quæ manifestantur, ex se ipsis exigunt ac
inducunt secretum naturale, cum eorum
declaratio in damnum pœnitentis vergat;
atque ideo pro priori ad obligationem si-
gilli ut sacramentalis intelligitur sacerdos
naturali secreto obstrictus, istudque illi
præsupponitur. Minor autem etiam liquet,
tum quia ideo secretum dicitur naturale,
quia obligat ex jure naturæ. Tum quoniam
lex naturalis dicat: « Quod tibi non vis,
« alteri ne feceris; » nemo autem vult
rem magni momenti, quam ipse alteri sub
secreto commisit, fieri publicam. Tum
etiam: quia fidelitas lex naturalis est; hæc
autem præcipit commissum alterius fide-
liter servandum, juxta illud Proverb. 11,
vers. 13: *Qui ambulat fraudulenter, revelat* Proverb.
arcana: qui autem fidelis celat amici com- II.
missum. Et juxta illud: *Quæ viderunt ocu-*
li tui ne proferas in iurgium cito, ne postea
emendare non possis, cum dehonesteris
amicum tuum. Proverb. 25, vers. 8. Tum Proverb.
denique: nam ex jure naturæ cogimur 25.
proximum non infamare; atqui ex mani-
festatione peccatorum, quæ sub naturali
secreto commendantur, proximi infamatio
subsequitur: ergo secretum naturale, quod
versatur circa peccata, obligat ex jure na-
turæ. Ex quo fit quod si sacerdos extra
confessionem caute audiret eademmet pec-
cata, quæ audit intra sacramentum, adhuc
teneretur ex jure naturæ ad eorum occulta-
tionem; quod evidenter demonstrat in si-
gillo confessionis importari materialiter ac
præsuppositive rationem naturalis secreti
ex lege naturali urgentis.

5. Quoad secundam vero partem non ita
expressa reperitur assertio apud Autores; <sup>1 Funda-
mentum
postea-
rioris.</sup> suadetur nihilominus ex principiis a D.
Thoma mutuatis. Primo: nam 1, 2, qu.
91, art. 4, inquirens utrum necessarium ^{D. Tho.}
fuerit esse aliquam legem divinam? Sic
in corpore respondet: « Dicendum quod
« præter legem naturalem, et legem hu-
« manam necessarium fuit ad directionem

« humanæ vitæ habere legem divinam, et
 « hoc propter quatuor rationes. Primo
 « quidem, quia per legem dirigitur homo
 « ad actus proprios in ordine ad ultimum
 « finem. Et siquidem homo ordinaretur
 « tantum ad finem, qui non excederet pro-
 « portionem naturalis facultatis hominis,
 « non oporteret quod homo haberet aliquod
 « directivum ex parte rationis supra legem
 « naturalem, et legem humanitus positam,
 « quæ ab ea derivatur; sed quia homo or-
 « dinatur ad finem beatitudinis æternæ,
 « quæ excedit proportionem naturalis fa-
 « cultatis humanæ, ideo necessarium fuit
 « ut supra legem naturalem, et humanam
 « dirigeretur etiam ad suum finem lege
 « divinitus data. » Ex quibus hoc efforma-
 re possumus ratiocinium. Jus naturale ex
 se solum dictat de rebus pertinentibus ad
 finem naturalem; atqui sigillum sacra-
 mentale ut tale ordinatur ad finem super-
 naturalem: ergo sigillum confessionis
 formaliter acceptum, et prout importat
 rationem secreti sacramentalis, non oritur
 ex jure naturæ. Consequentia est in forma,
 et major est ipsa D. Thomæ doctrina im-
 mediate adducta: ideo namque probat le-
 gem divinam præter naturalem; quia hæc
 non dirigit hominem ad finem supernatu-
 ralem, sed ad solum naturalem, vel non
 excedentem naturalis facultatis proportio-
 nem. Minor autem, in qua poterat esse
 difficultas, ostenditur: nam sigillum con-
 fessionis formaliter, et ut sacramentale
 acceptum, quo pacto obligat in omni even-
 tu etiam cum propriæ vitæ dispendio, or-
 dinatur ad suavem usum, decentiam, ac
 conservationem sacramenti; sacramentum
 autem, ac ejus conservatio ad ordinem su-
 pernaturalem spectat, ordinemque naturæ
 transcendit: ergo confessionis sigillum
 sumptum formaliter, finem respicit super-
 naturalem.

2 Proba- 6. Secundo id ipsum suadet ex eodem
 tur. Ang. Præceptore, qui in 4, dist. 17, quæst.
 3, art. 1, quæstiunc. 2, inquirens an con-
 fessio sacramentalis sit de jure naturali?
 D. Tho. Sic respondet: « Dicendum quod sacra-
 mentalia sunt quædam fidei protestationes,
 « unde oportet ea fidei esse proportionata.
 « Fides autem est supra cognitionem ratio-
 « nis naturalis, unde, et sacramenta sunt
 « supra rationis naturalis dictamina. Et
 « quia jus naturale est quod non opinio

« genuit, sed innata quædam vis inseruit,
 « ut Tullius dicit; ideo sacramenta non
 « sunt de jure naturali, sed de jure divino,
 « quod est supra naturale. » Ex quibus sic
 etiam arguitur. Inde probat D. Thomas
 sacramenta non esse de jure naturæ, quia
 sunt supra dictamen rationis naturalis;
 atqui confessionis sigillum formaliter ac-
 ceptum est etiam supra dictamen naturalis
 rationis: ergo ex jure naturæ ortum non
 ducit. Consequentia in vi formæ est evi-
 dens: quippe cum jus naturale, de quo
 agimus, idem omnino sit ac dictamen natu-
 ralis rationis, quod habet rationem legis, si
 sigillum sacramentale est supra dictamen
 rationis naturalis, ab eo oriri non potest.
 Major autem ex verbis D. Th. constat; et
 minor ostenditur: tum quia confessionis
 sigillum sequitur ad sacramentum, et illius
 institutionem essentialiter præsupponit;
 sed sacramentum est supra dictamen natu-
 ralis rationis: ergo, et ipsum sigillum,
 quod illi necitur. Tum etiam a priori:
 nam ideo sacramenta sunt supra dictamen
 rationis naturalis, quia hæc dictare non
 potest id quod non cognoscit: sacramenta
 autem, cum sint entia supernaturalia,
 cognosci nequeunt lumine naturali, sed
 solum lumine fidei ac supernaturali; sed
 sacramentale sigillum cognosci non potest
 lumine naturali: ergo est supra dictamen
 naturalis rationis. Probatur minor: nam
 sigillum confessionis est etiam quid super-
 naturale saltem connexive, quippe quod
 prout sacramentale formaliter ad lineam
 sacramentorum spectat, ac sine ordine ad
 sacramenta intelligi nequit; lumen autem
 naturale sibi relictum nec cognoscere po-
 test entia formaliter supernaturalia, nec
 ea quæ sunt supernaturalia connexive,
 alias cum connexio extremorum attingi
 nequeat, quin extrema ipsa attingantur,
 posset etiam attingere entia formaliter su-
 pernaturalia. Adde D. Th. in eodem art.
 in secundo argumento sed contra, probare
 confessionem sacramentalem non esse de
 jure naturæ, quia necessario supponit po-
 testatem clavium, quæ de jure naturali
 non sunt; ita enim inquit: « Confessio fit
 « ei, qui habet claves; sed claves Ecclesiæ
 « non sunt de jure naturali institutæ; ergo
 « nec confessio; » atqui sigillum sacra-
 mentale supponit etiam confessionem, quæ jure
 naturali dictata, aut instituta non est: ergo
 nec

nec sigillum a jure naturali procedere potest.

ade- 7. Deinde suadetur ratione ex præcedentibus deducta, et in hunc modum expensa: nam illa obligatio oritur ex jure naturæ, quæ dictatur a lumine naturali sibi relicto; sed lumen naturale sibi relictum non dictat obligationem sigilli, ut sacramentalis: ergo sigillum sacramentale formaliter sumptum non oritur ex jure naturæ. Consequentia est legitima: et major inductive constat in omnibus, quæ oriuntur ex jure naturæ: ideo enim non esse mentiendum, occidendum, aut furandum, et similia obligant ex jure naturæ, quia ratio naturalis sibi relicta id dictat; alioqui si non sola ratio naturalis, sed supernaturalis id dictaret, jam præcepta non essent ex jure naturæ, sed ex divino, ut ex se liquet. Minor autem ostenditur: etenim sigillum ut sacramentale obligat ad celanda peccata pœnitentis indispensabiliter, et in omni eventu, ita ut etiam si peccatum, cujus notitia in confessione acquiritur, sit leve, et alias publicum, manifestari non possit, adhuc cum propriæ vitæ dispendio, imo cum Reipublicæ, Religionis, aut totius Regni jactura; atqui lumen naturale sibi relictum hæc non dictat: ergo nec obligationem sigilli ut sacramentalis. Majoris veritas a cunctis Catholicis defenditur, et in sequenti dubio firmabitur. Minor vero etiam patet: nam lumen naturale sibi relictum potius dictat bono communi consulendum, quam proprio determinati subjecti; atque ideo dictat, scientem sub secreto rem præsertim parvi momenti, uti est leve peccatum alterius, teneri id palam facere, si ex illius non revelatione imminet gravissimum incommodum exterminandi totum Regnum, aut propriam vitam amittendi, ut cum communi sententia recte docet N. Andreas tract. 13, cap. 4, puncto 6, n. 82.

io. 8. Respondebis, quod licet jus naturale absolute, et præcisive a confessione non

obliget indispensabiliter in omni eventu ad observantiam secreti; nihilominus sacramenti pœnitentiæ institutione supposita, potest universaliter, ac sine ulla prorsus exceptione constringere. Cujus ratio in promptu est: quia nimirum, ipsamet institutio ac sacramenti natura exposulat ut pœnitentis peccata omnino reticeantur, ne confessio odiosa fiat. Id quod instari potest tum in Eucharistia, cujus institutione supposita, ipso jure naturæ oritur obligatio eam non sumendi in peccato lethali, ne tantum sacramentum indigne recipiatur, proprio effectui fraudetur. Tum in actu virtutis pœnitentiæ infusæ, de quo in priori hujus tractatus parte disp. 5, dub. 6, § 5, statuimus, quod supposita elevatione hominis ad finem supernaturalem, obligat ex præcepto juris naturalis; quam doctrinam ibidem ad actus aliarum virtutum infusarum extendimus, eo quod non ex præcepto positivo, sed ex ipsa natura rei prædictis virtutibus annectuntur. Poterit igitur simili modo, supposita sacramenti pœnitentiæ institutione, sigillum indispensabiliter urgere ex jure naturæ, sive ex ipsius sacramenti exigentia, quamvis alias præcisive a confessione jus naturale non dictet secretum cum ea universalitate servandum.

Verum hæc evasio robur adductæ rationis minime infringit, quin ex æquivocatione procedit; quam ut excludas, observa ex dictis in fine § in evasione citati, jus naturale dupliciter accipi posse. Primo stricte ac proprie, prout contradistinguitur a supernaturali; quo pacto illud dicitur, et est jus naturale, quod nullo modo est supernaturale, sed ad nudum naturæ ordinem spectat, ac ex solius naturæ principiis procedit, qualiter contingit in præceptis non mentiendi, non furandi, non occidendi, et similibus, quæ a lumine naturali sibi relicto dictantur. Secundo improprie ac minus rigore, prout contraponitur juri libero, et positivo ab extrinseco adveniente sine exigentia rei. Et in hoc sensu jus naturale non limitatur ad naturalem ordinem, sed etiam per supernaturalem divagatur: quippe non minus naturale est gratiæ suas proprietates inferre, quam animæ rationali proprias passionibus radicare, vel, ut aptiori utamur exemplo, non minus naturale est charitati

Præcluditur.

dictare Deum ut authorem supernaturalem esse super omnia diligendum, quam justitiæ naturali dictare neminem esse occidendum; atque ideo juxta hanc impropriam juris naturalis acceptionem recte cohæret aliquid esse absolute, et simpliciter de jure divino, et simul esse de jure naturali, prout distinguitur a positivo: quia videlicet ipsa natura rei supernaturalis dictat ac infert obligationem. Quæ est doctrina D. Th. in 4, dist. 17, quæst. 3, art. 1, quæstiunc. 2. Sacramenta non sunt de jure naturali, sed de jure divino, quod est supranaturale; quod quandoque etiam naturale dicitur secundum quod cuilibet rei illud est naturale, quod ei a suo creatore imponitur. Tamen proprie dicuntur naturalia, quæ ex principiis naturæ causantur; supra autem naturam sunt illa, quæ ipse Deus sibi servat sine naturæ ministerio operanda, sive in operationibus miraculorum, sive in revelationibus mysteriorum, sive in institutionibus sacramentorum.

Igitur dum in præsentī propugnamus, sigilli sacramentalis obligationem ex jure naturali non prodire, loquimur de eo in priori sensu, quo pacto jus naturale ad nudum naturæ ordinem spectat, ac stricte, et in propria acceptione usurpatur juxta illud D. Thomæ: « Tamen proprie dicuntur naturalia, quæ ex principiis naturæ causantur. » Ea autem, quæ in evasione afferuntur, tantummodo suadent sigilli vinculum vim constringendi accipere ex naturali jure in posteriori ac impropria consideratione: nam sacramentum entitative est quid supernaturale; atque ideo ejus naturam exposcere indispensabilem peccatorum occultationem, solum evincit hujusmodi præceptum esse de jure divino naturali prout a positivo distincto. Similiter præceptum non accipiendi Eucharistiam in statu lethalis peccati est juris divini non solum naturalis sed etiam positivi, ut patet ex illo Apostoli: *Probet autem se ipsum homo, et sic de pane illo edat*, ubi præceptum non ab Apostolo, sed a Christo latum continetur, ut palam significant ea verba, quæ præmittuntur: *Ego enim accepi a Domino quod et tradidi vobis*, ut explicuimus tract. 23, disp. 11, dub. 3, § 1; unde ex vi hujus potius habetur oppositum, quod evasio intendit. Ac

tandem quod hominis elevatione ad supernaturalem finem supposita, actus infusarum virtutum obligent ex jure naturali, id ipsum probat: quippe cum illæ virtutes supra omnem naturæ ordinem existant, præcepta, quæ circa earum exercitia versantur, solum urgere possunt ex jure divino naturali; quod, et non amplius loco in evasione citato docuimus. Quocirca si in hac impropria juris naturalis usurpatione (de qua non procedit assertio) loquamur, ex eo ortum ducere sacramentalis sigilli obligationem concedere non veremur, cum pœnitentiæ sacramentum a Christo Domino institutum, ac ejus suavis, et tolerabilis usus connaturalem afferrat exigentiam strictissimum servandi secretum, ne confessio odiosa, et impracticabilis fiat.

9. Dicendum est secundo, sigilli obligationem ortum non ducere ex solo jure Ecclesiastico. Hæc assertio est etiam communis consensus Doctorum, suadeturque ratione. Nam si vinculum sigilli sacramentalis ortum duceret ex solo jure Ecclesiastico, posset Ecclesia saltem pro aliquo eventu dispensare in illius observatione; atqui ecclesia dispensare nequit, ut peccata, quorum notitia habetur in confessione, revelentur in aliquo casu etiam pro ingenti damno vitando, aut bono consequendo: ergo sacramentale sigillum obligandi vim non obtinet ex solo jure Ecclesiastico. Minor constat ex communi sensu, et Ecclesiæ usu, generalique Doctorum sententia, qui docent, quod si per impossibile Summus Pontifex decerneret, ut peccata in confessione audita in aliquo casu revelarentur, minime esset illi parendum. Major autem etiam liquet, tum quia obligatio legis pendet ex voluntate legislatoris, et per easdem causas per quas introducit, dissolvitur: ergo si sigilli vinculum procederet a solo jure Ecclesiastico, posset etiam per illius dispensationem vigorem obligandi amittere. Tum etiam a simili: nam ideo Summus Pontifex justa de causa dispensare potest, de factoque dispensavit cum Carolo V, ut non jejunos ad Eucharistiam accederet, quia hujusmodi præceptum est pure Ecclesiasticum, ut statuimus tract. 23, disp. 11, dub. 2, n. 29. Idem igitur dicendum esset de sigillo, si ex solo Ecclesiastico jure constringeret. Quæ omnia
egregie

Th. egregie complexus est D. Thomas in 4, dist. 21, quæst. 3, art. 1, ad 2, ubi hæc habet: « Dicendum, quod præceptum de confessione servanda consequitur ipsum sacramentum, et ideo sicut præceptum de confessione sacramentali facienda est de jure divino, et non potest aliqua dispensatione, vel jussione humana homo ab eo absolvi, ita nullus ad revelationem confessionis potest ab homine cogi, vel licentiarum. Unde si præcipiatur sub pœna excommunicationis latæ sententiæ, quod dicat si aliquid scit de peccato, non debet dicere: quia debet æstimare quod intentio præcipientis sit, si sciat ut homo. Si etiam exprimeret de confessione interrogans, non deberet dicere, nec excommunicationem incurreret, quia non est subjectus superiori suo nisi ut homo; hoc autem nescit ut homo, sed ut Deus. » Si autem sacerdos nulla humana dispensatione absolvi potest ab obligatione retinendi peccata, consequens est ut ex solo præcepto humano ad sigilli observationem non obstringatur, atque ideo quod ex altiori principio ea obligatio procedat.

onfir-
matio. Confirmatur: quoniam obligatio sacramentalis sigilli est major, quam a solo Ecclesiastico jure oriri possit: ergo ex eo præcise capite non procedit. Antecedens ostenditur: nam sigillum, ut dictum est, obligat indispensabiliter, ac adeo stricte, ut nunquam vim constringendi amittat, etiamsi ex ejus violatione bono communi Reipublicæ consuleretur: sed lex humana, qualis est Ecclesiastica, licet interdum constringere possit cum propriæ vitæ periculo dum bono communi expedit, tamen nequit vim obligandi conservare cum boni communis jactura, nisi aliunde jus divinum aut naturale id ipsum præciperet: ergo urgentius, strictiusque est sacramentalis sigilli vinculum, quam possit ab Ecclesiastico jure ortum ducere. Et quidem si jus naturale, quod fortius ligat, eam adeo strictam obligationem inducere nequit, ut ex prima assertionem constat, nullum urgens motivum apparet, cur Ecclesiasticum ad id se extendat. Eo vel maxime, quia sigilli obligatio cum sacramento nata creditur, et ab exordio nascentis Ecclesiæ viget, proindeque antiquior est quam lex humana circa illam a Pontificibus lata.

ota. 10. Diximus in assertionem: ex solo
Salmant. Curs. Theolog. tom. XX

Ecclesiastico jure; quia non negamus quod supposito divino præcepto ad sigilli observantiam, constringente, potuit Ecclesia præcipere, de factoque præcepit illius non violationem saltem ut puniendam designatis pœnis, uti constat ex cap. Sacerdos de pœnit. dist. 6, ubi D. Gregorius inquit: « Sacerdos ante omnia caveat ne de his, qui ei confitentur peccata alicujus revelet, non propinquis, non extraneis, neque quod absit pro aliquo scandalo. » Et etiam ex cap. Omnis utriusque sexus, de pœnit. et remiss. § Caveat, ubi Innocentius III: « Caveat autem omnino, ne verbo, aut signo, aut alio quovis modo aliquatenus prodatur peccatorem, sed si prudentiori consilio indigeat, illud absque ulla expressione caute requirat: quoniam qui peccatum in pœnitentia judicio sibi detectum præsumpserit revelare, non solum a sacerdotali officio deponendum decernimus, verum etiam ad agendam perpetuam pœnitentiam in arctum monasterium detrudendum. » Itaque solum intendimus, sigilli vinculum ex solo Ecclesiastico jure non procedere: hoc enim se solo satis non est ad inducendam obligationem adeo strictam, et universalem; alioqui, ut vidimus, ea lex ab Ecclesia abrogari posset, quod nemo concedit. Igitur,

11. Dicendum est tertio sigilli sacramentalis obligationem esse de jure divino. In hanc assertionem quoad substantiam omnes Doctores unanimiter conspirant, licet non omnes eodem modo se explicent; quidam existimantes hujusmodi præceptum esse divinum positivum, id est, ex libera Christi voluntate proveniens; alii vero censentes esse divinum naturale, quatenus ex ipsamet natura sacramenti urget; ac tandem alii indefinite procedunt, et nihil determinant. Sed de his infra. Assertio igitur absolute intellecta satis palam constat ex his, quæ pro præcedentibus apposuimus: etenim sigillum sacramentale ex aliquo jure obligat: at non ex pure naturali, nec aliunde ex Ecclesiastico: ergo ex divino. Consequentia a sufficienti partium enumeratione liquet; nam jura alia, quæ excogitari possent, ad hujusmodi obligationem inducendam incongruenter se habent, ut in dubii limine præmonuimus.

Deinde suadetur ratione: nam qui præ-

cipit aliquem finem, præcipit etiam ex consequenti quicquid necessarium est ad illius finis assecutionem ; sed Christus Dominus præcepit confessionem sacramentalem, quæ sustineri non posset, si sigilli vinculum deficeret : ergo præcepit etiam sigillum confessionis, atque ideo obligat ex jure divino. Major cum consequentia constat ; et minor quoad secundam partem, quæ difficultatem præsefert, ostenditur. Etenim Christus Dominus non præcepit confessionem durissimam, ac intolerabilem, sed suavem, et quæ sine ingenti difficultate exerceri posset ; atqui ut confessio suaviter ac tolerabiliter fiat, necessarium omnino est ex parte sacerdotis vinculum perpetuum ac indissolubile reticendi crimina, quæ sibi in sacram. innotescunt : ergo confessio divino jure præcepta praticari ac sustineri non posset deficiente obligatione sigilli. Minor patet : nam confessio sacramentalis ex se quid satis arduum ac difficile est : magna quippe cum repugnantia, summaque confusione homo alteri homini suâ delicta manifestat, ea præsertim quæ majorem infamiam, ac deteriorem afferunt ignominiam. Quocirca plurimi mallent quascumque pœnalitates subire, quam conscientia recessus detegere. Si igitur adeo ingentem repugnantiam in peccatorum declaratione homines experiuntur, ut adhuc stante indissolubili sigilli consignatione, imo adhuc post frequentes ac arduos tum in concionibus tum in spiritualibus libris exhortationes, non semel oneri ac difficultati succumbunt, confessionemque omittunt ; quid fieret si sigillum deficeret, pœnitentesque timerent sacerdotem eorum crimina proditurum ob necessitatem, quæ intervenire posset illa revelandi ad bonum Reipublicæ, vel ad tuendam innocentis vitam, vel ad similia damna præcavenda ? Plane confessio odiosa ac impracticabilis redderetur, ad eamque pœnitentes accedere non auderent, præsertim fœminæ, quæ vehementiori pudore ac verecundia comprimuntur ; itaque cuncti tædium conciperent, ac integre peccata non propalarent, quin a confessione arcerentur, istisque sacramenti usus, ex quo præcipue fidelium salus dependet, deficeret ; uti apud Abyssinos aut Æthiopes abiisse in dissuetudinem ob sacerdotum malitiam sigillum non observantium, tes-

tatur Lugo in præsentī. Igitur ut confessio a Christo præcepta subsisteret, necessarium fuit sigilli vinculum, quo divina auctoritas ministrorum ora absque ulla exceptione præcluderet, pœnitentesque omnino securos de suorum peccatorum perpetua occultatione redderet.

12. Uterius ostenditur ratione D. Thom. ^{Suadet ex Div. Thom.} in 4, dist. 21, quæst. 3, art. 1, quæstiunc. 1, in corpore : « In sacramentis ea, quæ « exterius geruntur, sunt signa rerum quæ « interius contingunt ; et ideo confessio, « qua quis sacerdoti se subicit, signum est « interioris, qua quis Deo subicitur ; Deus « autem peccatum illius, qui se sibi sub- « jicit per pœnitentiam, tegit : unde, et « hoc oportet in sacramento pœnitentiæ « signari. Et ideo de necessitate sacramenti « est, quod quis confessionem celet, et tan- « quam violator sacramenti peccet, qui « revelat. » Quod fundamentum sub hac forma proponi potest. Recta administratio, ac debitus sacramenti usus est de jure divino ; atqui observatio sigilli sacramentalis spectat ad rectam administrationem ac debitum sacramenti usum : ergo ex jure divino obligat. Consequentia est legitima ; et major certa : nam recta administratio ac debitus usus cujuscumque rei obligat ex natura, et exigentia ipsius rei, ac juxta ordinem, in quo constituta est ; sacramenta autem sunt entia supernaturalia, et ordinis divini, atque ideo eorum debitus usus urget ex jure divino naturali. Et in hoc sensu accipiendum est id quod tract. 22, disput. 7, dub. 4, num. 63, in fin. apposimus ; nimirum, obligationem recte tractandi sacramenta oriri ex naturali jure ; quia supposita supernaturali sacramentorum institutione, ipsa ratio naturalis dictat quod ea ex officio ministrans sit sanctus : nam per ly *ipsa ratio naturalis dictat*, nihil aliud intendimus quàm quod ratio aut natura sacramenti exposcat Ministri sanctitatem, ut ibidem num. 62 in calce secundæ confirmationis expressimus. Minor autem ostenditur, tum quia ad rectam sacramenti administrationem, debitumque illius usus spectat exterior significatio eorum, quæ interius contingunt ; atqui per sigillum, quod est exterior peccatorum occultatio, significatur interior, qua Deus pœnitentis peccata non solum remittit, sed tegit : ergo sigilli observatio

ad rectam sacramenti administrationem debitumque usum pertinet. Tum etiam ex secundo argumento *sed contra* ejusdem quæstiunc. D. Thomæ; nam de recta sacramenti administratione est quod minister se conformet cum Deo principali agente: sed Deus celat peccata, quæ confessioni subjiciuntur; ergo, et sacerdotem peccata reticere ut ad Deum conformitatem habeat, est de recta sacramenti administratione. Major constat ex illo Apostoli 1, ad Corinth. 4: *Sic nos existimet homo ut Ministros Christi, et dispensatores mysteriorum Dei*; ac ex illo 2, ad Corinthios 4: *Exhibeamus nosmetipsos sicut Dei Ministros*. Ubi satis aperte innuitur, operantem ut Dei Ministrum ac ejus officium exequentem debere agere cum conformitate ad ipsum, et ad ministerium quod exhibet. Quo motivo usi fuimus loco proxime citato ad suadendum lethaliter delinquere Ministrum consecratum, qui in statu peccati existens sacramenta solemniter aut ex officio ministrat.

Verum hæc Divi Thomæ ratio a plurimis extra ejus scholam, qui ubique mathematicas demonstrationes exoptant, inefficax reputatur, et tanquam debilis ac nihil evincens rejicitur. E contra vero insigniores Ang. Præceptoris discipuli eam non solum probant, sed et ab impugnationibus vindicant. Capreolus Thomistarum princeps plura pro illius defensione concessit in 4, dist. 21, quæst. 2, quem sequutus est Sotus ibidem dist. 18, quæst. 4, art. 5, et alii. Itaque quia eam veram censemus, quæ illi a junioribus opponuntur, videamus.

§ II.

Evasiones ad rationem D. Thomæ præcluduntur.

13. Primus igitur, cui ratio D. Thomæ displicuit, fuit Durandus, qui in 4, dist. 21, q. 4, respondet, ea quæ exterius in sacramentis geruntur, esse signa eorum, quæ interius contingunt quoad effectum principalem sacramentorum, non vero quoad alia, quæ ad principalem sacramenti effectum non spectant. Principalis autem sacramenti pœnitentiæ effectus est interior peccatorum remissio, quæ satis significatur per verba formæ: *Ego te absolvo*; quemad-

modum quia principalis effectus Baptismi est interior animæ ablutio a peccatorum maculis, hæc debet a Ministro significari, et significatur per exteriorum corporis ablutioem, et verba formæ: *Ego te baptizo*, etc. Sigillum vero, sive peccatorum occultatio effectus sacramenti non est, sed potius obligatio quædam ex sacramento resultans: hæc igitur per signum exterius significari non debet, atque ideo sacerdos minime contra sacramenti significationem agat, sive celet, sive peccata manifestet.

Deinde negat illam D. Th. propositionem: « Deus autem peccatum illius, qui « se sibi subjicit per pœnitentiam, tegit; » si intendat quod id aliqua speciali Dei occultatione fiat. Etenim in hoc sæculo eodem modo tegit peccata confitentium, ac non confitentium; cum nec istorum, nec illorum manifestet. In futuro autem omnium crimina propalabuntur juxta illud 1, ad Corinth. 4: *Illuminabit abscondita tenebrarum*, etc. ergo falsa est illa minor discursus D. Thomæ.

Sed istæ Durandi responsiones D. Thomæ rationem non enervant: prior namque, ut recte vidit Sotus ubi supra, ex sinistra interpretatione procedit. Nec enim Ang. Doctor intendit, aut vel leviter insinuat, sigillum debere esse sacramenti effectum per absolutionis verba significatum, sed potius signum internæ peccatorum occultationis ex parte Dei se tenentis. Pro quo nota, dupliciter Deum pœnitentis peccata clavibus subjecta tegere. Primo ea remittendo ex vi gratiæ, quam infundit; quæ occultatio est præcipuus sacramenti effectus, a Deo principaliter, et a sacramento, ac Ministro instrumentaliter inductus. Secundo, eadem peccata, quæ remisit, tacendo; quæ occultatio dici potest silentium Dei ad peccatorum remissionem subsequutum: quippe eo ipso quod gratiam infundit, ita peccata manent apud Deum oblita, quasi commissa non fuissent; nunquam enim ea detegit, juxta illud: *Beati quorum remissa sunt iniquitates, et quorum tecta sunt peccata*. Psalm. 13. Ac iterum: *Remisisti iniquitatem plebis tuæ, et operuisti omnia peccata eorum*. Psalm. 84. De hac igitur loquitur D. Thomas, et intendit eam per sigillum fore significandam quod inde probat: quia sacramenta sunt exteriora signa eorum, quæ interius inter Deum, et

animam ex vi sacramenti contingunt. Ergo quemadmodum prior peccatorum occultatio, intransitive consistens in illorum remissione, significatur primario per externam sacerdotis absolutionem; ita silentium Dei, quo peccata remissa celat, significari debet secundo, et consecutive per sacramentale sigillum, aut externum sacerdotis silentium. Consequentia liquet; tum quia exteriora signa correspondere debent his, quæ interiora fiunt; tum quia officium Ministri exerceus conformare se debet cum principali agente. Quocirca: « De necessitate sacramenti est, » infert D. Thomas, « quod quis confessionem celet: » quia, minime, necessario sequitur ad sacramentum obligatio reticendi; unde addit: « Et tanquam violator sacramenti peccat, » qui revelat: » agit enim contra naturam ac exigentiam sacramenti, et contra modum debitum procedendi circa ministerium, quod exhibuit.

Nec majoris momenti est, quod Durandum subdit: etenim Deus ita pœnitentium peccata celat tam in hoc sæculo quam in futuro, ut nunquam ea propalet ad punitionem, et erubescantiam eorum; oppositum autem fiet respectu illorum, qui confiteri ac se Deo per pœnitentiam subicere renuerunt, ut idem Ang. Doctor exponit in 4, dist. 44, quæst. 1, art. 5, quæstiunc. 2, ad 3, his verbis: « Publicatio peccatorum ad ignominiam peccantis est effectus » negligentiae, quæ committitur in omissione confessionis; sed quod peccata sanctorum revelentur, non potuit esse in erubescantiam, vel verecundiam, sed ad magnam gloriam propter pœnitentiam, quam fecerunt. Sicut confessor laudat eum, qui magna scelera fortiter confiteatur. Dicuntur autem peccata esse tecta, vel deleta, quia Deus non videt ea ad puniendum. »

14. Secundo occurrit Suarez disp. 33, sect. 1, num. 6, censens D. Thomæ discursum sufficiens fundamentum non esse ad inducendam sigilli obligationem. Tum quia ea significatio interioris occultationis Dei non est substantialis in sacramento, nec id nulla ratione vel autoritate probatur. Tum, quia non est de substantia sacramenti pœnitentiæ, quod secrete fiat; atque ideo nec quod sacerdos exteriori silentio significet Deum occultare peccata. Tum denique:

quia alias nec de pœnitentis licentia posset sacerdos confessionem revelare, cum sacramenti significatio ex pœnitentis arbitrio pendens non sit. Non igitur ea ratio sigilli vinculum suadet.

Ceterum nec his impugnationibus labefactatur. Non quidem prima: quia licet ea significatio non sit substantialis formaliter, ita ut si deficiat, sacramentum non teneat; est tamen substantialis consequenter, id est, quid per se subsequutum ad significationem substantialem, et quid exactum a debito modo procedendi ministri cum conformitate ad Deum vel Christum, cujus vicem gerit; id quod satis est ad inducendam gravem obligationem reticendi peccata in confessione audita, ut exemplo liquet. Nam sanctitas, aut gratiæ status in ministro conficiente sacramenta non est de eorum substantia aut valore, siquidem positis materia, forma, et intentione absolute subsistunt; et tamen cum eodem Suariorum docuimus tract. 22, disp. 7, dub. 4, § 1, ministrum consecratum, in statu peccati existentem, et publice aut ex officio sacramentum ministrantem, peccare mortaliter; cujus eam rationem cum D. Thomæ adhibuimus: quia minister personam Dei, et Christi exercet, dum sacramenta confert, atque ideo licet ejus sanctitas non sit de substantia sacramenti ad hujus principalem effectum significandum, est tamen de substantia, aut simpliciter debita ad rectam administrationem, ut sanctitas ministri sanctitati principalis agentis se conformet, eamque repræsentet. Similiter ergo, quamvis sigilli significatio substantialis non sit, aut ad sacramenti valorem spectans, erit nihilominus de substantia rectæ administrationis, ut minister conformitatem habeat ad Deum principalem agentem in re gravissima, qualis est peccatorum occultatio; istaque prout ex parte Dei se tenet, per sigillum aut externum sacerdotis silentium repræsentetur. Unde non nihil Suarius excessit, dum subdit id nulla ratione aut autoritate probari, quasi D. Thomæ Theologorum principis auctoritas nulla sit. Sufficiat igitur Præceptorem Angelicum, quem supra Suarium intellexisse non dubitamus, id palam asseruisse, ut insignissima, omniumque Theologorum maxima autoritate fulcitum censeatur.

Rejici-
tur

D. Tho.

Suariorum
responsio.

Non

Non item secunda : nam D. Thomas nec in loco, quem versamus, nec alibi asseruit esse de substantia sacramenti significationem sigilli ; sed solum dixit, « esse de » necessitate sacramenti quod quis confessionem celet, » ut silentium Dei significet. Quæ duo satis distincta sunt ; et ad veritatem posterioris sufficit, quod ea obligatio sequatur per se ad sacramentum ; quod re vera ita est. Etenim sacramentum petit sui rectam administrationem ; hæc autem haberi nequit, nisi minister agenti principali conformetur, et exteriora signa consonent his, quæ interius contingunt. Cum ergo Deus pœnitentis peccata, quæ secreto clavis subijciuntur, celet, consequens est sacerdotem ex vi sacramenti sigillo obstrictum relinqui, ut utrumque illud munus præstet. Nec obest non esse de sacramenti substantia, quod secreta fiat, ut inde concludatur non esse etiam de necessitate sacramenti, quod sacerdos exteriori silentio significet silentium Dei circa peccata secreto confessa ; ut simili argumento in propria materia constat. Non est de substantia sacramenti quod secreto fiat : ergo nec observatio sigilli de necessitate illius. Hanc consequentiam nemo absolute concedit, sed cum limitatione, ita ut observatio sigilli non sit de necessitate confessionis, quæ publice fit ; esse tamen de necessitate aut exigentia illius, quæ secreto conficitur. Similiter ergo in præsentia contingit ; et utriusque ratio est, quia sacramentum non exposcit sigillum, nec significationem silentii Dei nisi in favorem pœnitentis ; hic autem juri suo cedere potest, et re ipsa cedit, dum publice confitetur ; atque ideo tunc nec sigillum, nec ejus significatio ex vi sacramenti urget. Dum vero secreto confitetur, juri suo non cedit, subindeque sacramentum utriusque exigentiam ac necessitatem conservat. Et quidem cum ea significatio in nullo alio consistat quam in conformitate ministri cum Deo quoad occultationem peccatorum, si minister ex ministerio, quod exhibet, tenetur ad se cum principali agente conformandum in re adeo gravi, necesse est ut teneatur ad eam significationem, et consequenter ad sigillum, sine quo conformitas aut significatio existere nequit.

Nec tandem tertia : quia pœnitens, cum licentiam sacerdoti confert, ut confessio-

nem revelet, efficit illum scire ut hominem, quod alias ut Dei vicarius, aut Christi minister sciebat. Quocirca, quemadmodum qui extra confessionem pœnitentis peccata novit, de eis loqui valet, quin contra sigillum aut ejus significationem procedat ; ita sacerdos, cui per pœnitentem licet : tunc enim cum hic cedat juri suo, sacramentum nec sigillum nec significationem expostulat. Unde quod pœnitens sua licentia facere nequit, est quod sacerdos peccata revelet cum sola notitia, quam de illis habet ut præcise minister Christi. Per quod patet ad aliam Vasquii impugnationem, quæ similem doctrinam continet, quin opus sit ut in illius eversione immeremur.

15. Tandem D. Thomæ rationi occurrit Navarrus in cap. *Sacerdos*, de pœnitentia, dist. 6, n. 32, ubi eam fragilem dicit, et illi opponit. Primo, quod si obligatio occultandi peccata inde ortum duceret, quia sacerdos utpote Dei minister cum eo se conformare debet, sequeretur sigillum solum constringere sacerdotem ; atqui ligat etiam alios non Dei ministros, ut pœnitentis interpretem, sacerdotis consiliarium, et eos, qui casu vel actu confessionem audiunt, ut in naufragiis, ac in bellis contingit, ubi ob necessitatem peccata publice confitentur : ergo ex quo minister cum Deo se conformare debeat, inepte sigilli vinculum deducitur. Secundo : quia sacerdos non solum cogitur confessionem celare ubi tanquam minister verum conficit sacramentum, sed etiam dum confessio est invalida ob aliquem pœnitentis defectum, imo etiam dum postquam peccata audivit, absolutionem non impendit ; in quibus, et similibus casibus ministri officium non exercet, cum sacramentum non conficiat.

Verum utraque ex his evasionibus haud difficile dispellitur. Prior quidem : quoniam recte cohæret sigilli obligationem ex eo principio oriri, et omnes ibi recensitis constringere. Pro ejus luce observandum est, ministrum sacramenti dupliciter accipi posse ; vel proprie, et formaliter, quo pacto stat pro solo sacerdote, qui primo, et per se, et tanquam ex officio competit munus illud ministrandi, et vices Dei exercendi ; vel solum participative, et minus stricte, qua ratione sub ministri nomine comprehenduntur omnes illi, qui aliquid de actio-

Navarri
responsio.

Eventi-
tur.

nibus ministri participant. Porro illæ actiones sunt propriæ ministri, ut ministri, quas exercet loco Dei ut principalis agentis; sacerdos autem non solum vicem Dei gerit dum absolvit, sed etiam dum peccata audit: hæc enim non sibi ut particulari homini deteguntur, sed ut existenti loco Christi. Ex quo fit omnes qui confessionem audiunt, participare actionem propriam ministri, atque ideo esse ministros participative, et quasi inadæquate, sive licite confessionem audiant, ut pœnitentis interpretēs consiliarius sacerdotis, et qui ob inevitabilem contingentiam assistunt, sive illicite, uti se habet qui actu ac malitiose peccata auscultat, et actionem ministri sibi arrogat. Quo supposito ratio D. Thomæ vires reassumit, et perspicue intentum suadet: nam minister tenetur conformitatem habere ad principalem agentem in his, quæ spectant ad rationem ministri; atqui Deus agens principale in pœnitentiæ sacramento celat pœnitentis peccata, et omnes in evasione recensiti participant rationem ministri: ergo ad sigillum constringuntur, ut Deo in occultatione peccatorum conformetur; atque ideo ratio D. Thomæ non solum evincit sigillum constringere sacerdotem, sed et quoscunque alios in confessione intervenientes; siquidem eo ipso quod confessionem audiant, jam sunt ministri quoad eam actionem, ex qua sigilli obligatio ortum ducit.

Posterior autem, quæ levior est, ex dictis dehiscit. Nam licet sacerdos, dum confessionem audit, et pœnitentem non absolvit, non ministret sacramentum integrum, efficit tamen sacramentum quasi partiale, et concurrat ad actionem audiendi peccata, quæ sacramentalis est saltem intentive, atque ideo propria ministri ut ministri. Minister autem non solum cogitur ad se cum Deo conformandum, dum totum ministri officium exercet, sed etiam in quacunque actione propria ministri. Cum igitur actio audiendi confessionem sit hujusmodi, et alias Deus celet peccata, quæ pœnitens tunc confitetur, tenebitur sacerdos ad sigillum, ut principali agenti in re adeo gravi se conformet. Et plane utraque Navarri objectio in ipsum retorquenda est: quippe si inquiramus, cur sacerdos confessionem audiens, et absolutionem non impendens, et similiter cur pœnitentis interpretēs, et sa-

cerdotis consiliarius, quorum nemo integrum ac validum sacramentum ministrat, sigilli obligationem contrahant? Non aliter respondet ibidem num. 44, nisi quia res ad quemcunque transit, cum suo onere transit; atque ideo cum sigillum sit annexum confessioni aut actioni audiendi peccata, quæ confitentur, in quocumque hæc actio inveniatur, ibi etiam sigilli obligatio reperiri debet, quamvis alias integrum sacramentum non adsit. Si igitur hæc ita sunt, cur etiam ad quemcunque transit actio audiendi confessionem, quæ est propria ministri, transire non poterit obligatio se conformandi cum Deo in his, quæ pertinent, aut sequuntur ad eam actionem? Nulla prorsus disparitas rationabiliter assignanda apparet. Recte ergo infert D. Thomas obligationem sigilli ex obligatione ministri ut se cum Deo conformet: nam eo ipso convincitur quod quicumque confessionem audit, sigillum contrahit, quippe qui ministri actionem exercet.

16. Ex hactenus dictis solum constat, sigilli obligationem ex jure divino urgere; an autem ex divino naturali, an vero ex positivo, aut ex utroque, Authores dissident. Primum placuit Suario disput. 33, sect. 1, n. 10 et 13, Lugoni disp. 23, sect. 2, n. 9, Henriq. lib. 6, cap. 19, Labat. tract. de pœnit. disp. 2, dub. 3, § 2. Quorum fundamentum est, quod supposita sacramenti pœnitentiæ institutione, ex se ipso sigilli observationem ex postulat, ne pœnitentes publicationis peccatorum timore arrepti a confessione arceantur. Secundum amplectitur Navarrus ubi supra dist. 6, n. 33, Vasquez qu. 93, art. 4, dub. 1, n. 10, Coninchus disp. 9, dub. 2. Qui licet in re conveniant, diversis ducuntur motivis; præcipuum tamen est, quod n. 11, pro firmanda assertionem expendimus. Et quidem si vinculum sigilli ex jure divino urget, ut omnes fatentur, quod ex divino naturali, aut ex positivo constringat, parum refert; cum non ideo malitia peccati in fractione sigilli commissi specie aut numero multiplicetur. Nihilominus veriore censemus sententiam asserentem eam obligationem ex utroque jure prodire: nam quod ex divino naturali constringat, suadet tum motivum primæ sententiæ, tum ratio D. Thomæ a n. 12, ac deinceps expensa. Quod vero ex divino positivo, constat tum ex dictis

Quæ
tiuscu1 Se
teuli
Suare
Lugo,
Henri
Labat2 Se
tentNava
Vasq
ConirVer
dice
mod

dictis num. 11, nam qui præcepit finem, censetur præcipere saltem implicite id sine quo talis finis haberi nequit; Christus autem positive præcepit confessionem sacramentalem, quæ sine sigillo ex parte sacerdotis practicabilis non esset: igitur sigillum urget ex positivo Christi præcepto saltem implicito, ac imbibito in alio de confessione faciendâ; unde quærendum non est ubi nam expresse scriptum extet.

D. Tho. Tum etiam: quia D. Thomas in 4, dist. 21, quæst. 3, art. 1, ad 2, eodem modo loquitur de præcepto confessionis, ac de eo quod circa sigillum versatur: primum autem esse juris divini positivi, nemo dissentit, atque ideo videtur Ang. Præceptor id ipsum, de secundo sensisse. Tum denique: quoniam sigillum constringere ex jure divino naturali omnino certo non constat, nec an ex eo capite in omni eventu urgeat aliundeque ab Ecclesiæ initio tanquam lex positiva a Christo Domino lata observatum est; atque ita docent N. Franciscus tract. 6, cap. 14, punct. 1, num. 2, Sotus in 4, dist. 18, quæst. 4, art. 5, et alii plures, quatenus eorum motiva utrumque suadent, quamvis non ita expresse loquantur.

§ III.

Argumentis contra primam assertionem satisfi.

17. Præmissæ assertiones adeo universaliter ab omnibus recipiuntur, ut neminem inveniamus, quem referre possimus oppositum sentientem absolute loquendo: quippe si quæ inter Doctores dissensio est, non tam circa rem, quam pœnes modum eam suadendi militat. Quia tamen motiva, quibus Ricardus, Alensis, et alii conantur ostendere sigillum ex naturali jure constringere, si quid suadent, probant contra secundam prioris nostræ assertionis partem, ideo tanquam argumenta illi contraria in præsentî diluenda sunt. Arguitur ergo primo: nam præceptum non mentendi obligat ex jure naturæ, et in omni eventu; sed qui propalat crimina audita in confessione, mentitur: ergo obligatio sigilli ut sacramentalis oritur ex jure naturæ. Consequentia liquet: ideo enim juxta doctrinam supra num. 7 traditam, sigillum ut sacramentale ex jure naturæ non cons-

tringeret, quia sacerdos tenetur in omni eventu ad non detegendam confessionem; jus autem naturale ad inducendam adeo indispensabilem obligationem nequit se extendere. Quocirca si ex vi argumenti habetur, jus naturale urgere ad nunquam confessionem manifestandam, recte evincitur sigillum ut sacramentale ex eo principio ortum ducere. Minor vero, quæ difficultatem præsefert, ostenditur. Tum, quia ille mentitur, qui loquitur ut homo id quod nescit ut homo; sed qui peccata in confessione audita manifestat, dicit ut homo id quod nescit ut homo, licet alias id sciat ut Dei Minister: ergo mendacium profert. Tum etiam: nam si sacerdos interrogetur an sciat peccata, quorum notitiam in confessione acquisivit, non mentitur asserendo se ea nescire, ut ex infra dicendis constabit; ergo a contrario sensu, qui ea peccata se scire asserit, mentitur: scio namque, et nescio contradictionem important.

Respondetur ad argumentum negando minorem; ad cujus primam probationem, *Diluitur.* quæ plus confusionis quam roboris affert, distinguenda est minor, et neganda si ly *nescit ut homo* accipiatur physice; concedenda vero si sumatur moraliter, aut authoritative. Itaque aliud est, sacerdotem confessionem manifestantem absolute, et ex omni capite ignorare peccata, quæ prodit, ita ut re vera nullam eorum notitiam habeat; aliud vero quod ea non sciat ut licite propalari possent, eo quod sibi dicta non sunt ut personæ particulari auctoritatem propriam exercenti, sed tanquam Dei Ministro ac in ipsius loco constituto. Ex quo autem hoc posterius verum sit, minime prius esse falsum convincitur: nam cum Dei minister sit homo, impossibile est peccata in confessione innotescere sacerdoti ut Dei Ministro, et ipsi non innotescere ut homini physice, et realiter. Ut igitur sacerdos confessionem manifestans non mentiarur, satis est quod re vera, et absolute sciat ac sentiat id quod profert: quippe eo ipso contra mentem non procedit, cujus oppositum ad rationem mendacii desideratur. Et quidem sacerdos non minus auctoritate Dei consecrat, quam pœnitentiæ sacramentum ministrat, et tamen si consecratione peracta dicat se consecrasse, nemo affirmabit mendacium protulisse, licet alias auctoritate propria

N.
Franc.
Sotus.

Ricard.
Alensis.

Argum.

consecrationem non fecerit. Ergo similiter nec sacerdos mentitur, dum peccatum in confessione auditum revelat; maxime si addat se illud in confessione audivisse; tunc quippe non asserit se ut personam privatam illam notitiam habere.

Uterior
everso.

Quibus addendum est primo, quod si argumentum convinceret, probaret etiam sacerdotem mentiri, dum non revelata persona peccatum aliquod in confessione auditum manifestat, quod nemo asseruit. Adde secundo, obligationem servandi sigillum esse gravissimam in omni eventu, nec parvitatem materiæ admittere, ut communiter docent Authores, ac ex infra dicendis constabit; ex vi autem argumenti hæc adeo gravis obligatio minime inferitur; nam mendacium ex genere suo peccatum grave non est; aliundeque contingere potest sacerdotem solum peccatum leve pœnitentis detegere; in quo eventu violatio sigilli peccatum lethale non existeret, nec ex vi mendacii, nec ex materia circa quam versatur, cum pœnitenti leve damnum induceretur. Si autem peccatum lethale est, ergo ex alio capite vim obligandi obtinet.

Satisfit
secundæ
proba-
tioni.

Ad secundam minoris probationem successo antecedenti negatur consequentia: optime enim stat sacerdotem peccata sibi in confessione detecta scire, et simul nescire juxta duplicem sensum, quem admittunt ly *scio*, et ly *nescio*, si absolute proferantur: nam prout sic sunt ex se indifferentia ad significandam loquentis personam, vel secundum munus quod ex se habet, vel secundum quod vicem alterius gerit; et juxta intensionem proferentis adjunctis aliis circumstantiis determinantur ad hanc vel illam significationem sine detrimento veritatis. Id quod exemplo appositissimo liquet: Loquente Christo Domino de Præcursore dixit: *Joannes ipse est Elias*. Joannes autem interrogatus an Elias esset, respondit: *Non sum*. Ecce quod Christus affirmat, Joannes negat; et neuter mendacium profert, sed uterque veritatem annunciat. Cujus ratio est, quia illa propositio *Joannes ipse est Elias*, et idem est de contradictoria, duplicem affert sensum, et in diversa acceptione verissimum: quippe intelligi potest vel de propria Eliæ persona, vel de ejus virtute ac Spiritu. Unde ut recte vidit D. Gregorius hom. 7, in Evang. Joann. cap. 1, vers. 21, nulla in

D. Greg.

illis propositionibus oppositio interest: nam quod Joannes denegat de persona, Christus affirmat de professione, Spiritu, ac modo vivendi; quorum utrumque verum est. Similiter igitur ly *scio*, et ly *nescio* solum apparenter contradictoria sunt: quoniam ly *nescio* ad determinatam sacerdotis personam refertur, qui nec pœnitentis peccata propria autoritate audivit, nec eadem propria autoritate illa licite detegere potest. Ly autem *scio* respicit eundem sacerdotem ut munus Dei obeuntem, ac Christi personam induentem; quæ duo sunt satis diversa; et juxta loquentis limitationem sub qualibet ex illis propositionibus diversimode continentur.

18. Secundo arguitur: etenim lædere ^{Argum. 2.} alterius famam prohibetur jure naturæ; sed qui sigillum violat, lædit alterius famam: ergo observatio sacramentalis sigilli obligat ex jure naturæ. Major constat ex illo: *Quod tibi non vis, alteri ne feceris*, ex quo naturali jure cogimur alterius bona non lædere; fama autem inter præcipua bona computatur. Minor vero etiam liquet: nam peccata alterius manifestari nequeunt, quin damnum illius reputationi inferatur; sed qui sigillum frangit, alterius crimina detegit: ergo lædit illius famam. Eo vel maxime, quod inter pœnitentem, et sacerdotem intercedit pactum saltem virtuale, aut promissio data, et acceptata reticendi peccata in confessione audita; promissio autem data, et acceptata obligat ex jure naturæ ratione fidelitatis: ergo ex eo principio oritur obligatio servandi sigillum sacramentale.

Respondetur, argumentum solum evin- ^{Solvitur.} cere, sigillum materialiter, et præsuppositive acceptum, quo pacto importat rationem secreti naturalis, ortum ducere ex jure naturæ; non vero formaliter sumptum prout sacramentale. Cujus ratio est, quod materia sigilli sunt pœnitentis peccata, sive gravia, sive levia, sive occulta, sive manifesta, cum omnibus circumstantiis, et connexionibus infra explicandis, ita ut hæc omnia cadant eodem modo sub obligatione sigilli ut sacramentalis, et sacerdos gravissime delinquat, etiamsi peccatum, quod manifestat, sit tantum leve, et alias publicum. Materia vero, quæ cadit sub jure aut secreto naturali, longe aliter se habet; non enim semper, et eodem modo

modo constringit, sed respective : nam si peccatum est grave, jus naturæ graviter obligat ad illius occultationem, ne gravis læsio famæ alterius inferatur ; si autem est leve, leviter tantum constringit. Imo contingere potest peccatum esse grave, et occultum, et quod jus naturæ nec graviter nec leviter ad illius occultationem obliget, uti si in damnum commune vergeret, aut in propriæ vitæ, vel alterius innocentis jacturam ; in quo eventu jus ad famam non habet qui solum sub secreto naturali peccatum alteri manifestat. Unde ut jus naturale obliget ad occultationem peccati, requiritur per se, et formaliter, quod illius revelatio sit infamativa, et quod alter jus ad famam conservet : si enim hæc deficient, deficit ratio formalis sub qua jus naturæ urget : atque ideo nec adest formalis deductio, nec formalis læsio famæ proximi, subindeque nec peccatum. Ex quo evidenter fit, sigillum ut sacramentale altiore ac universaliore vim obligandi habere, quam possit a jure naturali accipere : quippe ita invariabiliter in omni eventu urget, ut per se, et formaliter omnia peccata gravia, et levia, infamativa, aut non infamativa, æque comprehendat. Quocirca respectu illius solum se habet de formali peccata in confessione fuisse detecta ; quod autem infamativa sint, vel non, omnino per accidens est, ac pure de materiali. Id quod in habitibus ac potentiis liquet : quippe ens mobile, quod formaliter inspicitur a Philosophia, de materiali se habet respectu intellectus, qui solum considerat ens in quantum ens ; quod proportionem servata in præsentia contingit.

Ex quibus etiam patet ad difficultatis augmentum : licet enim dum pœnitens in confessione sua delicta pandit, censeatur sacerdos implicite eorum occultationem promittere, non inde infertur sigillum ut sacramentale ex fidelitate urgere : ad hoc enim opus erat, quod fidelitas semper, et in omni eventu invariabiliter constringeret. Itaque cum contingere valet sacerdotem confessionem propalantem solum venialiter contra justitiam, et fidelitatem delinquere, uti si peccatum leve detegeret ; et nihilominus gravissime alias peccare, quia sigillum frangit, non obscure demonstratur hanc obligationem ex alio capite fortius ligante promanare. Unde sigillum

solum obligat ex fidelitate, et justitia pure concomitanter, et quasi materialiter, quatenus rationem secreti naturalis præsupponit ; formaliter autem ut sacramentale ex jure divino vim obtinet.

DUBIUM II.

Utrum sigillum sacramentale in omni eventu sit observandum ?

Obligationis sigilli radice cognita, facilius jam erit ad alia descendere. Plura autem, eaque satis difficilia, in præsentia materia occurrunt scitu digna, ac plerumque reducuntur ad peculiare casus, in quibus dubitatur an sigilli vinculum urgeat, vel non ? Omnes tamen sub dubii hujus universalitate simul comprehendere congruum non est. Tum quia uniuscujusque decisio ex circumstantiis, quibus vestitur, pendet. Tum quia plurium agglomeratio confusionem parit. Ut igitur claritati consulamus, observandum est omnes eos casus ad duplicem classem reduci posse : nam vel in illis confessio, et pœnitens revelantur expresse, vel tantum implicite, et quatenus ex vi alicujus actionis aut signi in cognitionem peccati, et pœnitentis devenitur. Quæ prioris generis sunt, ad directam confessionis revelationem spectant ; quæ posterioris autem ad indirectam. Dubium ergo circa primam procedit, et illius sensus est an liceat sacerdoti in aliquo eventu propalare expresse, et directe pœnitentem, et peccatum in confessione notum.

§ I.

Communis et vera sententia statuitur.

19. Dicendum est, sigillum sacramentale obligare in omni eventu. Assertio hæc est expressa D. Thomæ in 4, dist. 21, qu. 3, art. 1, et quodlib. 12, quæst. 11, art. 16, et 2, 2, quæst. 70, art. 1, ad 2, Cajetan ibidem, et tract. 21, quæst. unic. Sotus in 4, dist. 18, quæst. 4, art. 5, Nugnus in addit ad 3 part. qu. 11, art. 1, concl. 1, Bannez 2, 2, quæst. 33, art. 8, Gonet de pœnit. disp. 21, art. 1, num. 4, N. Franciscus tract. 6, cap. 14, punct. 1, Bonæ Spei disp. 13, dub. 1, n. 2, N. Antonius

Assertio.
D. Tho.
Cajetan.
Sotus
Nugnus.
Bannez.
Gonet.
N. Fran.
Bonæ.
Spei.
N. Ant.

Sanch.
Lugo
Dicast.
Suarez,
Scotus,
Delgad.
et alii
plures.

tract. 5, disput. 19, sect. 1, Sanchez de Matrimon. tom. 1, lib. 3, disp. 16, num. 3, Sylvius ad quæst. 11, art. 1, supplem. Suarez disp. 33, sect. 1, Lugo disp. 23, sect. 1, num. 1, Dicastillo tract. disp. 18, dub. 1, num. 4, Scotus in 4, dist. 21, quæst. 2, Delgadill. de pœnitent. cap. 19, dub. 53, Granados in 3 part. controvers. 7, tract. 11, disp. 7, num. 5, Dubal disp. 5, dub. 1, num. 626, D. Bonavent. in 4, dist. 21, art. 2, quæst. 1, Capreolus, Paludanus, Durandus, et Major ibidem. Navarrus cap. *Sacerdos* de pœnit. dist. 6, num. 116, Ledesma 2 part. q. 10, art. 1, Sylvester verb. *Confessio* 3, q. 19 et 20, Adrianus, Medina, Viguierius, Covarruvias, estque communis Theologorum sententia, uno excepto Altisiodorensi, qui in hac parte a cunctis deseritur.

Fundam.
1.

Præcipuum hujus assertionis fundamentum sumitur ex perpetua ac notoria Ecclesiæ traditione, quæ semper ab initio retinuit, sigillum cum omni universalitate, et absque ulla prorsus exceptione obligare. Quam traditionem testantur tam antiqui Ecclesiæ Doctores, quam moderni, ut videre est apud D. Augustinum lib. de salutariis documentis, cap. 25, D. Basilium in Regula Monach. cap. 21, Ambrosium in ejus vita apud Paulinum; Leonem Pap. epist. 78, Nugnum ubi sup. Suarium, et alios. Unde D. Thomas locis proxime citatis oppositam sententiam erroneam vocat. Itaque ex generali fidelium sensu liquet sacramentalis sigilli vinculum adeo stricte urgere, ut etiam imminenti totius Reipublicæ destructione, peccata in confessione audita propalari non possint. Id quod etiam in Summorum Pontificum decretis omnino expressum habetur. Etenim Innocentius III, in cap. *Omnis utriusque sexus*, de pœnitentia, et remission. § *Caveat*, ita inquit: « Caveat autem omnino ne verbo, aut signo, aut alio quovis modo aliqua tenus prodat peccatorem. » Similiter in cap. *Sacerdos*, de pœnitentia, dist. 6, D. Gregorius ait: « Sacerdos ante omnia caveat ne de his, qui ei confitentur, peccata alicujus revelet, neque (quod absit) pro aliquo scandalo vitando. » In quibus ly ante omnia caveat obligationem servandi sigillum aliis esse præferendam significat; ac insuper ly neque pro aliquo scandalo vitando juxta unanimum Theologorum intel-

Innoc.
III.

D. Greg.

ligentiam idem valet ac neque pro aliquo damno vitando. Ergo ex mente Pontificis sigillum sacramentale in omni eventu indispensablem obligat, quin damnum aliquod quantumvis publicum, et commune imminens possit illius non observationem licitam reddere. Et quanquam id etiam convincat ratio D. Thomæ quodlib. 12, quæst. 11, art. 6, et in 4, dist. 21, quæst. 3, art. 1, nihilominus quia eam dub. præced. expendimus, et quisque præsentis materiæ adaptare potest, aliam subjiciemus.

20. Suadetur igitur secundo a priori. 2. Ra-
Nam lex tandiu vim obligandi conservat, quandiu adæquatus finis legis persistit; sed finis adæquatus legis sacramentalis sigilli persistit in omni eventu: ergo, et in omni eventu illius observatio urget. Consequentia liquet, et major est certa: etenim legem in hoc aut in illo casu non obligare, solum fieri potest ex defectu vel potestatis, vel intentionis in legislatore, qui aut non potest, aut non vult suo præcepto omnem eventum comprehendere; quorum nullum in præsentis materia dici potest, non quidem primum: nam Christo Domino hanc legem ferenti data est omnis potestas in Cælo, et in terra, Matth. 18, atque ideo potuit obligationem sigilli ad omnem casum extendere. Non item secundum: quoniam persistente fine adæquato a legislatore intento, non possumus rationabiliter judicare talem voluntatem obligandi in illo defuisse. Minor autem, quæ difficultatem præsefert, ostenditur. Finis adæquatus legis sigilli est sacramentum pœnitentiæ fidelibus summe necessarium in Ecclesia conservare, ejus usum tolerabilem reddere, pœnitentesque ad integram suorum criminum confessionem allicere; sed finis iste in nullo eventu cessat: ergo. Minor patet: quoniam si semel in aliquo casu, etiam rarissimo, sacerdoti liceret confessionem propalare, pœnitentes omnino securi de suorum criminum occultatione non essent; atque ideo quo peccata graviora existerent, eo amplius eorum confessionem reformidarent ob urgentiorem necessitatem, quæ occurrere posset illa revelandi ad bonum commune, vel ad innocentis vitam tuendam, vel ad similia gravissima damna præcavenda; unde confessio odiosa fieret, pœnitentesque ad eam accederet

Matth.

accedere non auderent, vel saltem illius integritatem non observarent.

Confirm. Confirmatur, et explicatur : nam in sententia Div. Thomæ, cui communiter adhærent Theologi, quamque tract. 13, disp. 10, dub. 6, num. 231 statuimus, ideo pollutio voluntaria in nullo eventu licita est, quia humanum semen, ejusque administratio determinate ordinata sunt ad conservationem speciei, non autem propter commodum, salutem, aut vitam individui. Ex quo fit, quod cum bonum speciei sit communius, ac divinius bono hujus vel illius individui, nunquam voluntaria pollutio licet, etiam cum propriæ vitæ periculo, imo cum ruina totius Regni, cujus salus pendebat ex vita hujus hominis illo remedio indigentis. Tum sic : sed sigillum sacramentale institutum est ad conservationem sacramenti pœnitentiæ, quod in commune bonum omnium fidelium cedit : ergo illius violatio in nullo eventu licet. Consequentia patet, tum ex rationis similitudine : tum quia bonum omnium fidelium præferendum est cuicumque alteri commo-
Evasio. determinati individui, vel alicujus Reipublicæ, quod sequi poterat ex sigilli violatione. Quocirca cum ex licentia revelandi confessionem in aliquo casu sequatur pœnitentes ab ea arceri, proindeque fidelium universitatem detrimentum subire, opus fuit, ut nunquam confessio revelari possit, ut ita semper communi bono consulatur.

21. Nec refert Coninchi responsio in præsentī, disp. 9, dub. 2, num. 33, dicentis minime confessionem odiosam fore reddendam ex quo in aliquo casu sacerdote liceret peccatum in confessione auditum revelare, ut Regni eversionem impediret, aut simile ingens damnum præcaveret. Cujus eam rationem assignat, quia in illo eventu pœnitens tenetur vel per se ipsum peccatum revelare, vel sacerdotei permittere ut revelet ; vel si neutrum vult, absolvens non est ; et tamen licet de facto hæc ita contingant, confessio odiosa non fit, nec pœnitentes ab ea arcentur : ergo nec arcerentur ex quo sacerdoti licitum esset in eo particulari casu sigillum aperire. Patet consequentia, siquidem adhuc in præsentī rerum dispositione vult pœnitens accedere ad confessionem, esto certo sciat quod a sacerdote impellendus sit ad criminis manifestationem.

Non, inquam, refert : nam si absolute ^{Præcluditur.} sacerdoti liceret in aliquo urgentis necessitatis eventu sigilli vinculum aperire, prudenter pœnitentes timerent ad confessionem accedere ; tum quia re vera occurrere poterat casus ille, in quo sacerdos pro suo arbitrio, et absque pœnitentis consensu, hujus cfimina licite propalaret : quod proculdubio pœnitentes a confessione deterret. Tum etiam : quia semel dato sacerdotem posse in aliquo casu confessionem revelare, nunquam pœnitentes de suorum peccatorum occultatione securi essent, quippe qui timere poterant ne sacerdos ob ignorantiam, zelum, aut passionem apprehenderet sibi licitam peccati revelationem in isto aut in illo casu, qui re vera casus necessitatis non existerent : non enim facile est inter casum veræ necessitatis, et apparentis discernere. Unde si revelatio sigilli in aliquo casu liceret, confessio etiam in aliis ob timorem odiosa fieret. In præsentī autem rerum dispositione nullum adest motivum pœnitentibus ut a confessione arceantur : etenim sacerdos peccata revelare non potest sine pœnitentis consensu, atque ideo licet dum casus necessitatis urget, possit absolutionem non impendere, si pœnitens criminis manifestationem non permittit ; nihilominus absolute loquendo ex solo pœnitentis arbitrio pendet illius criminis manifestatio : potest enim utrumlibet extremorum seligere, vel absolutionem, et peccati propalationem, vel utriusque carentiam, ipso autem renuente, sacerdos non revelabit peccatum, esto illius notitiam habeat. Cujus oppositum contingeret, si sigillum vim obligandi in omni eventu non obtineret.

§ II.

Argumenta assertioni adversa convelluntur.

22. Opposita sententia tribuitur Altisiodorensi lib. 4, tract. 6, cap. 3, quæst. 4, asserenti licitum esse revelare confessionem Patri, aut Prælato, ut filium aut subditum corrigat ; ac etiam ad illicitum matrimonium impediendum, vel ad magnam populi ruinam vitandam. Duplicem tamen subdit conditionem ; et quod ex licentia Episcopi id fiat, et dummodo confessio odiosa non fieret. Cui etiam adhærere

Gabriel. videtur Gabriel in 4, dist. 21, quæst. 1, art. 3, casu 4, ubi docet confessionem revelari posse ubi damnum grave imminet confessario vel in vita, vel in fama, vel in bonis. Hanc autem sententiam non solum D. Thomas, ut supra vidimus, sed et alii Theologi erroneam censent. Et quidem prior limitatio, aut conditio, quam Altisiodorensis apponit, nihil refert : cum enim sigilli vinculum vim obligandi ex jure divino sortiatur, nec Episcopus, nec Summus Pontifex sacerdotem licentiaré potest ut confessionem revelet. Imo licet id sub excommunicatione præciperent, illis obtemperandum non esset, ut docet D. Thomas in 4, dist. 21, q. 3, art. 1, quæstionc. 1, ad 2. Secunda vero minus prodest : nam esto contingere posset confessionem per accidens odiosam non fieri respectu ipsius pœnitentis, si ita secreto ejus peccatum, et persona revelarentur, ut nec ipse intelligeret ; nihilominus nequit non fieri odiosa in communi, et per se, cum omnes ægre ferant sua crimina alteri revelari ; unde si scirent id licitum esse sacerdoti, a confessione arcerentur. Per quod patet ad primum casum hujus Authoris : non enim pœnitentes auderent peccata sacerdoti detegere, si hæc licite deferri possent ad pœnitentis patrem, aut superiorem ob correctionis finem ; sed hæc omnino secreta esse debet inter pœnitentem, et sacerdotem, cui ex vi proprii muneris tota incumbit cura corrigendi pœnitentem. Quod si a peccatis desistere nequit, minime absolvendus est : quippe futura patris aut superioris correctio efficere nequit ut pœnitens, dum actu absolvitur, capax absolutionis existat ; sed ad summum deservire potest ut in posterum capax efficiatur. Adsecundum autem casum etiam liquet id illicitum esse : tum quia testimonium sacerdotis ex confessionis notitia nullam vim habet, nec fidem facit in foro exteriori, ut constat ex cap. *Dilectus* de excessibus Prælatorum ; et ex cap. 2, de Officio Ordin. Subindeque, etiam si mortuus sit pœnitens, nequit illius confessio propalari ad illicitum matrimonium impediendum. Tum etiam : quoniam sigilli vinculum, ac pœnitentis fama semper observanda sunt, etiam, post pœnitentis mortem : quippe id necessarium est ad sacramenti conservationem, alioqui si vel post

pœnitentis mortem ejus peccata revelari possent, ea viventes confessioni subicere formidarent. Ad reliquos vero casus ex infra dicendis constabit.

23. Arguitur ergo primo ex Conciliis : nam in Carthaginensi 7, cap. 5, relato in cap. *Placuit* 9, q. 2, habetur quod si subditus neget crimen, quod Episcopus revelat, non ob id Episcopus censeat sibi injuriam aliquam fieri : ergo videtur Concilium supponere licitum esse Episcopo crimen sui subditi, in confessione sibi notum, in aliquo casu revelare. Similiter in Maguntino cap. 10, et 21, significatur olim in usu fuisse, ut quædam peccata in confessione audita sub secreto detinerentur, quædam vero propalarentur. Id quod etiam roborari valet ex antiqua Ecclesiæ praxi injungendi pro peccatis publicas pœnitentias ; quod fieri non poterat absque manifestatione peccatorum, quæ clavibus subiciebantur.

Respondetur in Concilio Carthaginensi sermonem non fieri de confessione sacramentali, sive de revelatione peccati, cujus notitiam intra sacramentum Episcopus acquisivit ; sed de revelatione criminis, quod aliunde extra confessionem novit. Nec ibi verbum aliquod extat, quod oppositum innuat. Maguntinum autem non loquitur de publicatione peccatorum a sacerdote, sed a pœnitente spontanee facienda. Quod interdum ex honesto motivo fieri posse, constat ex Tridentino sess. 14, cap. 5, illis verbis : « Et « si Christus non vetuerit quin aliquis in « vindictam suorum scelerum, et sui humiliationem, tum ob aliorum exemplum, « tum ob Ecclesiæ offensæ ædificationem, « delicta sua publice confiteri possit ; non « est tamen hoc divino præcepto mandatum. » Ad augmentum vero difficultatis dicendum est, initio Ecclesiæ ob recentem Christi sanguinem, insignemque fidelium fervorem, non solum pœnitentias publicas injungere assuevisse, verum, et pœnitentes libella peccatorum tradere sacerdotibus, ut in Ecclesia recitarentur. Inde tamen minime evincitur licuisse unquam sacerdotibus confessionem manifestare, cum ea omnia ex pœnitentium consensu, ad eorumque petitionem fierent. Quod si interdum ob peccata publica ad publicas pœnitentias cogeantur, quemadmodum, et modo cogi possunt

Tho. possunt, ut tenet communis Doctorum sententia contra unius Navarri placitum; id utique potuit etiam fieri, quin sacerdotes confessionem proderent, aut sigillum violarent. Cujus duplicem rationem, assignat D. Thomas in 4, dist. 14, quæst. 1, art. 5, quæstionum. 1, ad 1. Tum, quia culpa non certo scitur ex pœna: publicæ namque pœnitentiæ, uti sunt peregrinationes, ferrea pondera bajulare, vicatim flagellis cædi, et similia, satis frequenter ex diversis motivis fiunt, vel ex devotione, vel pro aliorum culpis. Unde ex quo quis publice pœniteat non recte inferitur eampœnitentiam a sacerdote fuisse injunctam, et confessionis esse manifestativam. Tum etiam, quia esto ibi aliqua suspicio, non peccati manifestatio intercedat, ea non fit a sacerdote, sed ab ipso pœnitente consentiente, ac exequente pœnitentiam publicam; alias absolvendus non esset, nisi sub ea conditione ad justam punitionem, et vindictam sui peccati necessaria. Et quidem si sacerdos confessionem non manifestat, ubi pœnitenti onus imponit ex postulandi veniam ab alio, quem injuriavit; nec ubi illum cogit ad propalationem sui peccati, ut remedium communi damno adhibeat; non est cur confessionem manifestare dicatur, dum ob peccatum publicum publicam pœnitentiam injungit, ut ita pœnitens cum aliis, quos exemplo suo offenderat, reconcilietur. Videantur Soto in 4, dist. 19, quæst. 2, art. 5, Vasquez quæst. 94, art. 2, dub. 2, et N. Franciscus cap. 10, punct. 3, num. 39.

Soto,
asquez.
Fran.

rgum.
2.

24. Arguitur secundo: quia æque de jure divino est integritas confessionis, atque observatio sacramentalis sigilli; sed confessionis integritas non est adeo indispensabiliter observanda, ut sæpe non liceat peccatum aliquod in confessione omittere: ergo similiter, esto observatio sacramentalis sigilli ex jure divino urgeat, non adeo indeficientem vim obligandi affert, ut in aliquo eventu licitum non sit revelare confessionem. Consequentia ex paritate rationis liquet. Major autem constat ex dictis disp. 8, dub. 3, ac ex Tridentino sess. 14, cap. 7, ubi definitur confessionis integritatem esse de jure divino. Minor vero est communis sententia, quam disput. cit. dub. 7, statuimus, asserentes non teneri pœnitentem ad confessionis in-

tegritatem, ubi adest impotentia physica, vel moralis.

Huic argumento dupliciter respondet Solutio
ex
Gonet.
Gonet disp. 11, art. 1, § 2. Primo, non omnem confessionis integritatem esse de jure divino, sed eam dumtaxat, quæ est moraliter in potentia pœnitentis; hæc autem semper obligat, nec assignabilis est casus, in quo pœnitenti liceat emitte confessionem non integram formaliter, quamvis plures adduci possint, in quibus non teneatur confessionem materialiter integram facere. Sed hæc responsio difficultatis propositæ robur non enervat: Tum quia cohærere non videtur Tridentino Can. in objectione relato, dicente: « Si « quis dixerit, in sacramento pœnitentiæ « ad remissionem peccatorum necessarium non esse jure divino confiteri omnia, et singula peccata mortalia, quorum « memoria cum debita et diligenti præmeditatione habeatur, etiam occulta, quæ « sunt contra duo ultima Decalogi præcepta, « et circumstantias, quæ peccati speciem « mutant, etc., anathema sit. » Hæc autem utramque integritatem formalem, et materialem esse de jure divino, satis perspicue ostendunt: quippe ly *omnia, et singula peccata* ad materialem spectat, ut ex se liquet. Tum etiam, et præsertim, quia responsio principium exposcit: nam dicere, solam integritatem formalem, aut eam, quæ est moraliter in potentia pœnitentis, esse de jure divino, nihil aliud est quam asserere pœnitentem non teneri in omni eventu ad confessionem omnium peccatorum, sed eorum dumtaxat, quæ potest absque notabili damno proprio vel alieno, in quo moralis potentia consistit. Cur ergo similiter dicendum non erit de observatione sigilli, quod nimirum sacerdos solum teneatur ad celandam confessionem ubi moraliter potest absque gravi detrimento proprio, aut communi; non vero ubi horum aliquod imminet, ut objectio intendit? Itaque ut res perspicua fiat, demus pœnitentem esse peste aut alio contagioso morbo infectum, et sacerdotem non posse omnia peccata absque manifesto periculo ejusdem contagii audire. In hoc eventu, ut communis sententia tenet, cui vel ipse Gonet adhæret disp. 10, art. 2, num. 40, necessarium non est integram confessionem continuari, sed accelerari potest, ali-

Impro-
batur.
Triden-
tin.

quibus vel multis peccatis tunc omissis, et non confessis. Quemadmodum igitur in hoc eventu præceptum divinum non obligat nec pœnitentem ad integre confitendum, nec sacerdotem ad integram confessionem audiendam, sed uterque excusatur ratione contagii, aut periculi vitæ imminentis sacerdoti; cur etiam simile vitæ periculum sacerdotem non deobligabit a retentione sigilli, illumque efficiet moraliter impotentem ad alicujus peccati occultationem? Nulla in tradita solutione disparitatis ratio assignatur, ut consideranti constabit. Unde aliam viam evadendi difficultatem proponens.

Alia
solutio.

25. Respondet secundo, omissis præmissis negando consequentiam; disparitatis autem eam rationem assignat, quod licet utrumque præceptum de jure divino sit; illud tamen, quod penes integritatem versatur, est affirmativum, proindeque solum urget quando, et quomodo expediens apparet. Ex quo fit, quod si in aliquo casu aliter expedire prudenter censetur, licitum erit confessionem non integram efficere. Præceptum vero de sigilli observatione est negativum, ideoque semper, et in omni eventu obligat: ea quippe est negativi præcepti natura, ut semper, et pro semper urgeat.

Rejici-
tur.

Verum, et hæc responsio nihilo melior præcedenti est. Tum, quia præceptum de integritate confessionis, licet quoad sensum, ac speciemus videatur affirmativum, in re tamen saltem quoad præsens negativum est, utpote quod prohibet absolutionis receptionem sine integra peccatorum manifestatione. Unde fit hujusmodi præceptum peccato commissionis violari; quod esse negativum demonstrat. Ergo ad diluendam difficultatem nulla est assignata differentia. Tum etiam: nam quidquid sit, an prædictum præceptum sit vel non affirmativum, plura alia sunt negativa, quæ non semper, et in omni eventu obligant, quod patet in præcepto de naturali secreto non revelando, quod æque negativum est atque præceptum confessionem non detegendi; et tamen plures sunt casus, in quibus secretum naturale observari non debet. Liquet similiter in præceptis non occidendi, non accipiendi rem alienam, quæ non violantur ubi quis cum moderamine inculpatæ tutelæ invasorem occidit,

nec ubi extrema necessitas rem alterius accipere compellit. Quod igitur præceptum non revelandi confessionis sigillum sit negativum, ratio sufficiens non est ad asserendum in omni eventu constringere.

Nota.

Id quod amplius innotescet, observando præcepta negativa esse in duplici differentia. Quædam enim prohibent res ex se, et ab intrinseco malas objective, et absolute independentes a qualibet conditione, aut circumstantia; eo quod secundum se acceptæ opponuntur alicui ex divinis perfectionibus, ut contingit in præceptis non odio habendi Deum, non blasphemandi, non mentiendi, non conculcandi Eucharistiam, et similibus, quæ ex se repugnant summæ Dei bonitati, veracitati, ac honori, aut dignitati Christi. In his autem nec materia præcepti unquam deficere potest, nec mutari ab inhonestâ in honestam, ita ut ratione alicujus circumstantiæ advenientis jam res prohibita non sit mala. Ex quo fit, hujusmodi præcepta in omni eventu, et pro semper urgere, nec in illis dispensationem aliquam cadere posse. Quædam vero interdiciunt actiones, quæ non ita absolute sunt inhonestæ, sed prout sub determinatis circumstantiis exercentur, quibus deficientibus, aut mutatis, deficit vel subtrahitur materia præcepti, quod proinde non violatur, ut in præcepto non accipiendi, aut retinendi rem alterius cernere est: retentio quippe, aut acceptio rei alterius non est absolute mala, nec prohibita, sed solum prout invito Domino rationabiliter, et prout adest potentia, aut opportunitas restituendi. Similiter in hominis occisione contingit, quæ solum est mala, et prohibita ut injusta. Ubi autem illæ circumstantiæ deficient, aut variantur, vel quia ea est occisio hominis in vasoris cum moderamine inculpatæ tutelæ, vel quia Dominus rei ablata aut retenta non censetur rationabiliter incitus, vel quia opportunitas restituendi non adest, aut summa necessitas urget, quo eventu omnia bona reputantur communia, prædictæ actiones prohibita non sunt, subindeque nec peccaminosæ. Idemque judicium fieri debet, si Deus rei dominium in ipsum auferentem transferat, ut re ipsa factum est ubi Hebræi divina autoritate Ægyptios expoliavere. Et horum instar se habent etiam negativa præcepta secretum naturale non revelandi,

non

non comedendi carnes in die Veneris, non celebrandi Missam sine vestibus sacris; quæ similiter solum urgent ubi requisitæ circumstantiæ variationem non subeunt, nec materia præcepti subtrahitur.

<sup>prior
ratio.</sup> Hinc autem ulterius refellitur prædicta responsio: etenim ea præcepta negativa obligant semper, et in omni eventu, quæ prohibet rem ex se, et ab intrinseco turpem objective, et absolute, sicut mentiri, blasphemare, etsimiliter prioris generis; atqui revelare confessionem non est ex se malum objective, et absolute: ergo ex quo præceptum de confessione non revelanda negativum sit, minime habetur obligare in omni eventu. Major ex præmissa notabili constat. Minor vero, in qua poterat esse difficultas, ostenditur. Tum quia in præceptis prohibentibus res ab intrinseco, et objective malas nulla dispensatio cadere potest; constat autem Deum posse dispensare in præcepto non revelandi confessionem; in hoc enim nulla implicatio apparet: ergo. Tum etiam: nam Christus Dominus potuit absolute sacramentum pœnitentiæ instituire, quin adeo strictam sigilli obligationem, qua de facto premimur imponeret; quod fieri non posset, si revelare confessionem ex se, et ab intrinseco malum esset. Aliud igitur discrimen assignandum est, ex quo oriatur sigilli præceptum in omni eventu constringere; non vero præceptum integre confitendi.

<sup>era
limitatio.</sup> 26. Itaque ad argumentum omissis præmissis neganda est consequentia. Ratio autem differentiæ inter utrumque præceptum ex duplici radice venari debet. Primo, et quidem a priori, ex ipsa sacramenti institutione, ac voluntate Christi Domini legislatoris supremi, qui voluit præceptum sigilli omnimodam extensionem habere, nulliusque casus exceptionem admittere; præceptum vero integre confitendi non ita universaliter omnem eventum comprehendere, sed pati exceptiones ubi physica aut moralis impotentia existit. Christum autem rem ita disposuisse circa præceptum sigilli, nobis notissimum est, et ex Summorum Pontificum declarationibus, et ex communi Theologorum sententia, et ex generali fidelium consensu, totiusque Ecclesiæ praxi, ac acceptione, quæ vim Apostolicæ traditionis habet, ut num. 19 explicuimus. Limitatio vero præcepti inte-

gre confitendi constat similiter ex eisdem principiis, quæ disp. 8, dub. 7, num. 211, apposuimus, et præsertim ex declaratione Concilii Tridentini sess. 14, cap. 5, ubi <sup>Concil.
Trident.</sup> docet Christum Dominum ita voluisse omnia mortalia post Baptismum commissæ Ecclesiæ clavibus subijci, ut nihilominus non præceperit impossibilia, uti est confiteri, quæ homo ignorat per inculpabilem oblivionem, aut quæ per similes causas recensere non potest. Quod plane congruit, et suavi Dei providentiæ, et hominum imbecillitati, et opportuno usui hujus sacramenti adeo ad salutem necessarii. Si enim in nullo eventu, et ob nullum motivum ab omnium, et singulorum peccatorum declaratione deobligaremur, omnes ad pœnitentiam vererentur accedere: quippe qui prudenter timerent ne peccatum aliquod, ob oblivionem saltem, inconfessum relinqueretur. Imo nec absolvi possent qui in articulo mortis constituti omnia peccata prodere non valerent. Id autem credere a Deo ita fuisse dispositum, nimium ejus pietati derogaret. Recolantur, quæ disp. præced. num. 206 statuimus, ubi similem objectionem eadem doctrina amplius expensa dissolvimus.

Secundo discriminis ratio desumenda est ex fine intento a Christo Domino in utriusque præcepti impositione. Nam finis adæquatus in præcepto sigilli est pœnitentiæ sacramentum lapsis post Baptismum simpliciter ad salutem necessarium in Ecclesia conservare, illiusque usum suavem ac tolerabilem reddere. Hic autem finis in omni eventu persistit, et præponderat, ac excedit quodcumque aliud bonum sive particulare propriæ salutis, vitæ, aut divitiarum, sive commune Reipublicæ, aut totius Regni. Cum ergo juxta generalem Theologorum sententiam tamdiu præceptum urgeat, quamdiu illius finis adæquatus persistit, consequens est ut fine præcepti sigilli in omni eventu persistente et nusquam cessante, nunquam similiter ejus obligatio deficiat, sed in omni rerum contingentia premat. Finis autem præcepti integre confitendi rem adeo ingentis momenti non affert, sed aliam inferioris ponderis: quippe obligatio detegendi omnia, et singula peccata tam in specie quam in numero, et circumstantiis speciem mutantibus, ut ex Tridentino sess. 14, cap. 5,

colligitur, præcipue ordinatur, ut sacerdos, qui in pœnitentiæ sacramento iudicis, et medici munus exercet, undique rei causam, et infirmi statum cognoscat, ut in prolatione sententiæ æquitatem iudicii servet, convenientem satisfactionem pro culpis imponat, et opportunam pro qualitate morborum medicinam adhibeat. Hujusmodi vero finis vel ab alio superari potest, vel interdum cessare, et de facto deficit in plurimis casibus, quos disput. præced. dub. 6 et 7 expendimus, in quibus pœnitens a materiali confessionis integritate deobligatur. Ubi enim quis in articulo mortis constitutus, et vita desperatus, nequit ob infirmitatis angorem omnia, et singula peccata declarare, prædictus finis omnino cessat; siquidem nec pœnitentia culpis proportionata ante mortem mandari potest executioni, nec medicina animæ vulneribus adhiberi, aliundeque æterna pœnitentis salus, quæ majus bonum est, ex prompta sacerdotis absolutione pendet. Idemque contingit ubi multi simul in eodem articulo mortis constituti existunt, v. g. in naufragiis, terremotibus, incendiis, aut præliis, et unus vel pauci sacerdotes pro eorum confessionibus excipiendis inveniuntur: ibi enim ex una parte impossibile est omnes integre materialiter confiteri, proportionatasque pœnitentias executioni mandare; et ex alia si sacerdos uni aut aliquibus exactam confessionem audiens adesset, alii sine beneficio absolutionis perirent. Cum igitur in his, et similibus casibus finis præcepti integre confitendi deficiat, et alias ex quo in illis confessio integra non fiat, sacramentum odiosum non reddatur, sed potius suave, et amabile, cujus oppositum in revelatione sigilli contingit, patet inter utrumque præceptum distinctio, et cur sigillum nullam patiatur exceptionem, integritas autem confessionis non semper urgeat.

Argument.

27. Tertio arguitur: nam contingere potest sacerdotem in administratione sacramenti pœnitentiæ grave peccatum committere, quod postea ipse confiteri non possit, quin pœnitentem, et confessionem sibi factam prodatur; sed id hoc eventu tenetur ad revelandam pœnitentis confessionem: ergo in aliquo eventu licet revelare sigillum. Major patet: etenim contingens est, quod unus sacerdos errante clave gra-

viter peccet absolvendo alium sacerdotem a peccato, cui censura, et irregularitas annexa est, ob quem errorem excommunicatus postmodum celebrat. In quo evenit, si non sit nisi alter tertius sacerdos, cui fiat confessio, non potest prior, qui male absolvit, suum peccatum detegere, quin confessionem audiens intelligat quanam fuerit male absolutus. Simile esset, si sacerdos accederet ad unicam sororem, quam habet, putans ignorantia pure vincibili esse aliam mulierem, quæ postea fratri suo confitetur se esse eam mulierem, ad quam accessum habuit: hic enim, si non sit nisi alter sacerdos, qui scit unicam illi esse sororem, nequit suum peccatum incestus confiteri, quin sororis confessionem prodatur, vel saltem utatur notitia peccati habita in confessione. Minor autem, quæ difficultatem præsefert, ostenditur. Tum, quia fortius ligat præceptum integre confitendi, quam sigilli; siquidem integritas est de essentia sacramenti, non autem sigillum; sed ut sacerdos integre confiteatur, necessarium est confessionem sibi factam revelare: ergo ad id tenetur. Tum: quia sigillum institutum est propter integritatem confessionis servandam, cui proinde potius quam sigillo consulendum est. Tum præterea: nam sacerdos ille potius tenetur consulere suæ saluti integram confessionem emittendo, quam famæ proximi sigillum observando. Tum denique: quia sacerdos solum obligatur ad non manifestandum pœnitentis peccata alteri ut homini extra confessionem; in casu autem quæstionis dumtaxat manifestantur alteri ut Dei Ministro, et intra aliam confessionem, ita ut maneant sub sigillo.

Gabriel in 4, dist. 21, quæst. 1, art. 3, dub. 1, casu 5, asserit, licitum esse sacerdoti in casu argumenti revelare confessionem; et quidem si consequenter loquatur, asserere debet necessarium esse id ita fieri, ut consideranti constabit. Quam sententiam probabilem censet Sotus in 4, distinct. 18, quæst. 4, art. 5. Ceterum alii Doctores eam communiter rejiciunt ut falsam, et improbabilem. Itaque ad argumentum responderetur admittendo casum, aut casus in eo depictos, qui tamen vix aut nunquam contingere possunt, et negando minorem, cujus adhibitæ probationes non urgent. Non prima: nam ut ex hactenus

dictis

Sotu

Dilui
argu

dictis patet, strictius urget sigilli vinculum, quam confessionis integritas. Nec verum est omnem integritatem esse de essentia sacramenti, sed dumtaxat formalem; materialis autem adeo necessaria non est, ut semper observari debeat, quin sæpe plures occurrunt causæ ab ea excusantes, inter quas nulla gravior quam observatio sigilli. Unde ex communi Theologorum doctrina statuimus disput. præcedent. dub. 7, num. 215. pœnitentem deobligari a manifestatione peccati, quod prudenter timet revelandum a sacerdote. Ex quo liquet hujusmodi materiale integritatem cedere arctissimo sigilli præcepto.

Non secunda: tum quia esto sigillum ordinetur ad conservandum sacramentum, ejusque integritatem: nihilominus majus detrimentum subiret integritas confessionis ex licentia ad loquendum in prædicto casu, quam ex obligatione ad tacendum: etenim ex ea licentia solum servaretur integritas in quodam particulari, et determinato eventu; sed inde occasio, et ansa pararetur pœnitentibus sæpius confessionem dimidiandi, timere ne sua peccata alteri revelarentur. Tum etiam: quoniam sigillum dumtaxat ordinatur ad conservationem sacramenti, et illius integritatis eo modo quo a Christo Domino instituta, et præcepta sunt; ex Christi autem institutione, et præcepto solum habetur quod integritas formalis sit de essentia sacramenti, et quod tam hæc, quam materialis in voto, et proposito sumpta semper observari debeant, ut explicuimus disp. præced. dub. 7, num. 212. Et ad istarum conservationem ordinatur per se vinculum sigilli. Integritas autem materialis exercita non obligat ex Christi præcepto in omni eventu, sed dumtaxat communiter, et regulariter ubi physica aut moralis impotentia non adest; et ad istius etiam ut sic acceptæ conservationem ordinatur confessionis secretum. An autem in casu objectionis urgeat vel non præceptum observandi integritatem materiale, etiam cum dispendio sigilli, est difficultatis scopus. Unde hæc secunda argumenti præbatio principium exposcit. Asserimus itaque sacerdotem in eo eventu non teneri confessionem integram materialiter emittere, nec id sibi licere: si enim ubi quis timet sibi vel alteri grave damnum, ab ea deo-

bligatur, cur similiter in præsentī non deobligabitur ob non violationem sigilli, cum hoc adeo strictam vim obligandi afferat, ut etiam cum propriæ vitæ jactura observari debeat.

Non tertia: quoniam in eo eventu necessarium non est ad propriam sacerdotis salutem integra illius peccati manifestatio; potest enim sufficienter saluti consulere, confessionem integram formaliter emitendo, ut in aliis casibus contingit, in quibus licet peccatum aliquid sublicere. Et quidem si sacerdos duorum confessionem audiens, et ex declaratione unius deprehendens alium indigne aut non integre confiteri, non potest ex vi hujus notitiæ illi absolutionem denegare, nec aliquid dicere unde prioris confessionem revelet, quin inde sequatur sacrilegium committere, aut propriæ saluti non consulere; a fortiori id ipsum dicendum est in præsentī, et quod nullum damnum sibi infert occultatione illius circumstantiæ, ex cujus manifestatione alterius confessio proderetur. Non denique ultima; quippe sigilli vinculum non solum cogit sacerdotem ad non revelandum confessionem alteri ut homini, verum etiam ad eam non manifestandam alteri ut Dei Ministro; alioqui posset sacerdos quamcumque confessionem sibi factam aliis, et aliis sacerdotibus intra sacramentum revelare, cum ea peccata semper sub sigillo relinquerentur, quod est principium ab argute assumptum. Id autem asserere nemo audebit, cum inde sacramentum odiosum paretur: negari enim nequit summe pœnitentibus displicere peccata, quæ semel sub secreto sacerdoti commiserunt, ab eo ad alios sacerdotes etiam intra sacramentum deferri; ideoque ea licentia pœnitentes arceret a confessione.

28. Dices, hinc sequi pœnitentes non ^{Rep'ica.} teneri ad confessionem peccati, quod manifestare non possunt, quin sacerdos in notitiam complicitis veniat; oppositum autem docuimus disp. præc. dub. 7 a num. 220, et deinceps: ergo doctrina in solutione tradita nulla est. Sequela ostenditur: nam etiam ex manifestatione peccati complicitis confessio fit ipsi odiosa, cum ex ea manifestatione sequatur ejus infamia apud confessorium.

Respondetur negando sequelam, cujus ^{Solvitur.}

probatio non urget ob satis notam disparitatis rationem utrobique intercedentem. Etenim in casu argumenti si sacerdos ad confitendi proprium peccatum, in administratione sacramenti commissum, pœnitentis peccata manifestaret, confessio fieret per se odiosa; cum absque pœnitentis culpa ejus peccata semel sub sigillo commissa ad alios deferrentur, ac ejus famam, ad quam jus habet, minuerent. Quod plane timentes sæpe contingere posse ob malitiam, imprudentiam, aut scrupulum sacerdotis, motivum arriperent ad non accedendum ad confessionem. In replicæ autem eventu oppositum contingit: nam ubi duo extra confessionem in eodem peccato communicant, quod ab uno confiteri nequit absque complicitis manifestatione, nullum recedendi a confessione motivum adest: siquidem nunquam sigillum aperitur, nec peccatum, quod sacerdos semel sub secreto accepit, alteri manifestat. Quod autem ad integram confessionem faciendam pœnitens cogatur complicem prodere; ex quo huic aliqua infamia sequatur, id non sacramento, nec sacerdoti adscribendum est, sed ut Suarius docet, malitiæ ipsius complicitis, qui ubi peccavit, quasi suo juri cessit, et illi periculo se exposuit. Ex quo fit confessionem per se odiosam sibi non fieri, sed ad summum per accidens, et quasi in abstracto, et secundum se ratione peccati ipsius complicitis extra confessionem patrati; ad eum modum quo in reservatione peccatorum contingit: quippe peccatum aliquod seli Pontifici, cui reservatum est, confiteri, gravamen adducit, confessionemque saltem specie tenus odiosam reddit; id tamen respectu reservationis per accidens est, et ipsi peccatori in causa volutum, dum peccatum committit. Eo præsertim, quod in casu argumenti obligatio sacerdotis non detegendi confessionem sibi factam oritur ex præcepto sigilli, quod fortius ligat, quam integritas confessionis, huicque proinde præferendum est utpote bonum commune conservationis sacramenti importans. In replicæ vero contingentia obligatio non manifestandi complicem præcise oriri posset ex præcepto famam proximi non diminuendi. Hoc autem præceptum non obligat absolute, sed suppositis circumstantiis ex parte finis, et ubi majus bonum non adest famæ proximi præferendum;

quod in præsentī invenitur. Nam integritas confessionis, spiritualis fructus ex ea percipiendus, confidentia propriæ salutis, congrua proprio vulneri medicina, solatium ac sapientis sacerdotis consilium, qui majus bonum sunt quam conceptus, aut existimatio complicitis apud confessarium, illisque proinde cedere debet. Unde quemadmodum pœnitens ob bonum commune, aut ipsius complicitis, vel alterius innocentis posset illud peccatum alicui viro docto, aut etiam confessario manifestare, ita etiam ob recensita bona ipsi pœnitenti obvenientia.

29. Quarto arguitur: nam præcepta etiam divina, quæ non prohibent res ab intrinseco malas, non obligant cum dispendio boni communis; sed præceptum sigilli non prohibet rem ab intrinseco malam: ergo cum boni communis jactura non obligat. Major est communis Theologorum doctrina, quam tradit N. Andreas tract. 11, cap. 2, punct. 7, num. 127. Minor autem constat ex supra dictis, præsertim a num. 25. Consequentia vero est legitima. Tunc sic; sed contingere potest bonum commune ex revelatione sigilli pendere: ergo in hujusmodi eventu sigilli vinculum non urget. Minor subsumpta ostenditur: etenim contingens est, sacerdotem per confessionem deprehendere pœnitentem vel alium contra Civitatem machinasse, eamque subvertendam secreto inimicis tradidisse; imo, id quod plus est, posset etiam peccatorum per confessionem innotescere nefandissimam hæresim in Ecclesiam inserpere, et aliam viam occurrendi his damnis non apparere quam per revelationem sigilli, quo medio facile præciderentur. Eo vel maxime, qui in hoc eventu bonum commune totius Ecclesiæ præferri debet bono particulari ipsius pœnitentis.

Respondetur ad argumentum admittendo primum syllogismum in sensu statim explicando, et negando minorem subsumptam, cujus probatio non urget. Etenim licet Civitatis eversio, ac nefanda hæresis absolute loquendo censeantur damna communia; nihilominus in casu argumenti censentur detrimenta particularia. Cujus ratio est, quia inter ipsa damna communia quædam sunt universaliora, et majoris ponderis; quædam vero minus universalia, ac inferioris momenti: majus enim est detrimentum

detrimentum Regni, quam Provinciæ, et istius damnum universalius est, quam urbis determinatæ. Quocirca ubi plura huiusmodi occurrunt, minus universalia respectu universaliorum tanquam particularia habentur, ac illis cedent. Ex quo fit, quod ubi præceptum intendit damnum aliquod universale præcidere, obligat etiam cum detrimento boni communis minorem universalitatem importantis. Igitur Civitatis, aut etiam Regni eversio, si absolute consideretur, aut conferatur cum damno, quod pœnitens ex revelatione sigilli acciperet, detrimentum commune est. Si vero referatur ad sacramenti pœnitentiæ destructionem, quæ sequeretur ex licentia revelandi sigillum, tanquam particulare, et longe inferioris ponderis reputatur: quippe si ab initio sacerdotibus licuisset in gravissima necessitate confessionem aperire, magna ex parte Ecclesia fructu ac utilitate huius sacramenti caruisset, quod plane majus detrimentum est, quam cujusvis Civilitatis eversio. Quod idem dicimus etiam si comparatio fiat cum hæresi, quam sacerdos per confessionem cognosceret in Ecclesiam insperere: non enim plus Ecclesiæ noceret, quam licentia revelandi sigillum, ex qua suavis ac tolerabilis confessionis usus periret. Et quidem nec per tot sæcula ad ea damna præcavenda sigillum aperire opus fuisse experientia testatur. Alia itaque via, ac prudentia, inquit Sotus, illis occurrendum est, ita ut sacerdos generalibus verbis admoneat eos, quibus periculum creatur, ut sibi prospiciant, et caveant damna, quæ contingere possunt. Quod etiam perspicue

adnotavit D. Thomas in 4, dist. 21, quæst. 3, art. 1, quæstiunc. 1 ad 1: « Tamen aliquod « remedium adhibere debet in prædictis « casibus, quantum potest sine confessionis « revelatione, sicut monendo eos, qui confitentur, et aliis diligentiam apponendo, « ne corrumpantur per hæresim. Potest « etiam dicere Prælato, quod diligentius « invigilet super gregem suum; ita tamen « quod non dicat aliquid, per quod verbo « vel nutu pœnitentem prodatur. »

30. Ultimo arguitur: Etenim si sacerdos interrogetur, an tale peccatum in confessione, et tanquam Dei minister noverit, quod re vera ita est, veritatem aperire cogitur: ergo saltem in huiusmodi eventu licet confessionem revelare. Suadetur ante-

cedens: nam si taceat, et negare nolit, eo ipso pro confessio reputabitur: quippe silentium illud vehementem ingereret suspicionem, præsertim si maritus zelotipia ardens id interroget, qui ex ea sacerdotis taciturnitate sibi quasi certo suadebit rem ita esse; alioqui sacerdos palam, et absque hæsitatione negaret. Negare autem non potest: cum in nullo eventu mendacium proferre liceat; siquidem re vera peccatum illud sibi tanquam Dei Ministro in confessione innotescit. Quocirca in præsentiarum supposito eo modo expresso interrogandi, locum non habet verbum *nescio* subintellecto *ut homo*, vel *ut tibi dicam*: hæc enim limitatio, aut restrictio exclusæ est per mentem expresse interrogantis an ut Dei minister sciat? Et pro majori casus urgentia supponamus sacerdotem a Tyranno sibi mortem minitante compelli ad jurandum an illud peccatum intra confessionem noverit; tunc enim si iuramento neget, non apparet cur a sacrilegio perjurii excusandus sit.

Hic palam est casus, quem admittit Gabriel in 4, dist. 21, quæst. 1, art. 3, dub. 1, cas. 3, asserens sacerdotem vocatum in testem, et ad jurandum compulsum teneri ad prodendam confessionem, ne si neget, perjurus existat. Hanc tamen sententiam communiter Authores rejiciunt, imo erroneam censent, de quo videri potest Vasquez quæst. 93, artic. 4, dub. 11, et 12, et Lugo ubi supra sect. 4. Sotus autem vim argumenti elidit, asserendo in eo eventu acriter respondendum esse Tyranno sacramentum exprobranti, christianam religionem præcipere de his, quæ confessioni sacramentali subduntur, in neutram partem quidquam esse dicendum. Id quod acrius, et efficacius reprobissimo christiano confessionis secretum vi extorquere conanti respondendum foret. Quod si in utroque eventu modus hinc respondendi non sufficeret, sed mors sacerdoti immineret, ea potius esset subeunda, quam confessio revelanda. Verum ista responsio aliis displicet, quippe quæ argumenti vim non evacuat: quamvis enim salvet sacerdotem expresse confessionem non revelare, eam tamen suspectam reddit, et quasi implicite prodit; cum ex ea neutralitate respondendi ansam Tyrannus aut fidelis improbus sibi assumat ad judicandum rem ita esse, ut ab

eo quæritur. Quocirca idemmet Sotus vi objectionis compulsus, Opusc. de tegendo secreto, membr. 3, quæst. 3, tandem concessit id, quod et alii Doctores docent, posse sacerdotem in eo casu simpliciter negare se peccatum illud audivisse, si remedium aliud non superesset.

Observ.
1.

D. Tho.

31. Igitur ut id palam innotescat, supponendum est, quod si sacerdos absolute interrogetur, an tale peccatum audierit, aut sciat, non addito interrogante an intra vel extra confessionem? Posse absolute respondere *non audivi*, aut *nescio*, imo, et id, si necessitas urgeat, iuramento firmare, ut expresse tradit D. Thomas in 4, dist. 21, quæst. 3, art. 2, quæstiunc. 1, ad 3, ubi ait: « Dicendum quod homo non adducitur in testimonium nisi ut homo, et ideo absque læsione conscientie potest jurare se nescire quod scit tantum ut Deus. » In quo conveniunt Authores, quos congrunt Vasquez quæst. 93, art. 4, dub. 12, et Suarius disp. 33, sect. 6, num. 6. Quorum communis ratio, et vera, ea est quæ in præmissis D. Thomæ testimonio continetur: quia nimirum verbum *nescio* duplicem sensum ex se admittit, et quod sacerdos id nesciat ut homo, et quod nesciat ut Dei minister. Cum autem iudex, aut quivis alius interrogat, censetur interrogare de his, quæ sibi jure revelari possunt, et quæ nota sunt sacerdoti ut homo est. Ex quo fit, quod licet sacerdos ut Dei minister sciat id, de quo interrogatur, nihilominus ubi respondet *nescio*, verum dicit, quia responsio est ad mentem interrogantis, et verbum *nescio* limitatur ad ignorantiam, quam sacerdos habet ut homo. Unde quemadmodum pœnitens, qui adulterium commisit, et in alia confessione manifestavit, potest sacerdoti interroganti, an illud commiserit, sine mendacio respondere *non commisi*, quia hæc propositio negativa intelligitur de adulterio nondum confesso, de quo solum credit sacerdotis interrogationem procedere; ita sacerdos in præmissis casu mendacium non facit, ubi respondet *nescio*. In hoc igitur nemo Doctorum dissentit; unde tota difficultas est ubi omnis limitatio excluditur, et sacerdos urgetur, ac expresse interrogatur de notitia peccati, quam habet in confessione.

Observ.
2.

Deinde observandum est ex communi Theologorum doctrina, quos refert, et se-

quitur N. Andreas tract. 17, cap. 2, punct. N. An 8, quod licet usus restrictionis pure mentalis prohibitus sit a SS. D. N. Innocentio XI, nihilominus illicitum non est uti restrictione, quæ pure mentalis non est, sed talis conditionis ut ex ipso modo loquendi, ac ex adjunctis exterioribus circumstantiis de facili significatur, et exteriorius percipitur. Quod præsertim locum habet ubi verba loquentis ipso jure restricta sunt ad determinatum sensum, ac ubi interrogans jus ad interrogandum non habet, vel interrogatus ratione sui officii, aut ex alio capite ad respondendum non tenetur: non enim responsio adaptanda est interrogationi prout fit, sed illi prout fieri debet. Quocirca potest quis absque mendacio loqui, imo, et jurare in diverso sensu, ac per audientes intelligitur, dummodo verba ex vi circumstantiarum loci, temporis, personæ interrogatæ, et modi interrogantis, eum sensum faciant juxta intentionem loquentis, quem debent facere, et quem interrogans, et alii ex circumstantiis facile possunt, et debent concipere. Unde Christus Dominus Marc. 13, dixit: *De die autem illa, et hora nemo scit, neque Angeli in Cælo, neque Filius, sed solus Pater*. Quæ verba verificari non possunt, nisi subintellecto *in ordine ad manifestationem externam*; quæ restrictio pure mentalis non est, sed externa ex circumstantiis, cum ea locutus sit juxta mentem audientium, qui petere non poterant nisi eam notitiam, quam Christus suggerere poterat, non vero eam, quam ex Patris obedientia sub secreto habebat. Similiter si quis interrogatur a iudice, sed non legitime, an tale crimen commiserit, quod re vera ita est? Jurare potest se non fecisse, subintelligendo *ita ut debeam revelare*: quia eo modo, et non aliter, debebat iudex interrogare, et ita responsio est ad mentem interrogantis, quam debet habere, qui ex circumstantiis facile potest in sensum illius propositionis negativæ devenire. Ex his igitur.

32. Ad argumentum respondetur negando antecedens, ad cujus probationem dicendum est, sacerdotem expresse interrogatum an tale peccatum in confessione, et tanquam Dei minister noverit, posse absque mendacio respondere *non scio* subintelligendo *ad tibi revelandum, vel per scientiam utilem*

Legi
ma ar
mer
solut

utilem ad respondendum. Hæc enim non est restrictio pure mentalis, sed satis sensibilis, et ex vi circumstantiarum exteriorum significata : nam ratione iniquæ interrogationis Tyranni, aut cujusvis alterius fidelis improbi illa responsio *nescio* ipso jure limitata est ad illum sensum, quem ipsi possunt, et debent concipere ; et si non concipiunt, ipsorum insecutiæ, pravitati, et inconsiderationi tribuendum est, cum sacerdos utatur jure suo, et respondeat ad interrogationem, quæ sibi fieri debet. Unde dolus non est ex parte loquentis, qui in debito sensu respondet, sed ex parte interrogantis, qui injuste conatur extorquere veritatem : quamvis enim Tyrannus per expressum modum interrogandi eam limitationem excluserit, nihilominus ex pravitate suæ interrogationis jus non acquirit ut compellat sacerdotem ad inique respondendum, sed hic semper potest respondere ut debet, et ita ejus responsio in legitimo ac sano sensu intelligenda est. Id quippe humanus, et rationalis convictus expostulare videtur, ut respondentis verba referantur ad interrogationem debitam,

redditur, nec Tyrannus, judex, aut quisvis alius a proterva, et iniqua interrogatione desistit, responsio negativa adhiberi potest, quæ ex ipso jure prædictum sensum adducit. Nonnullæ autem objectiones, quæ ex diversis reflexionibus, ac reduplicationibus interrogantis fieri poterant, satis ex dictis dehiscunt, et idcirco in earum enodatione ulterius non immoramur. Consulatur tamen Lugo loco nuper cit. ubi eas dissolvit, et rem explicat, et illustrat.

DUBIUM III.

Qualiter sigillum sacramentale observari debeat ?

Sensus præsentis dubii satis liquet ex dictis in limine præcedentis, ubi duplicem confessionis revelationem distinximus, directam, videlicet, et indirectam, de quarum prima hactenus disseruimus. De secunda igitur, quæ difficultates æque graves, et in praxi frequentiores involvit, modo agenda est.

§ I.

Communis sententia proponitur, et plures casus et consecutaria deciduntur.

33. Dicendum est, sigillum sacramentale ita observari debere, ut nec indirecte revelari possit. In hac assertionem conveniunt omnes Doctores, quos proinde supervacaneum foret in particulari referre. Eam autem expressam habemus in Pontificum decretis supra relatis : Nam Gregorius in cap. *Sacerdos* de pœnit. dist. 6, inquit : « Sacerdos ante omnia caveat, ne de his, quæ ei confitentur, peccata alicujus revelaret, neque (quod absit) pro aliquo scandalovitando. » Quæ verba absolute, et simpliciter procedunt, et comprehendunt quaecumque confessionis revelationem ; qui autem indirecte revelat, absolute revelare censetur, quippe in moralibus ejusdem rationis sunt ac pro eodem reputantur velle aliquid indirecte, et implicite, ac velle directe, et expresse. Unde fit, concurrentes ad furtum sive positive, et directe bona alterius accipiendo, sive indirecte, et quasi privative non obstando, aut furtum non impediendo ubi quis potest, et

Assertio.

D. Greg.

asquez. non ad iniquam. Atque ita sentiunt ex-
onell.
Andr. presse Vasquez q. 93, dub. 12, n. 9. Gonet
ugo. disp. 11, art. 1, § 3, num. 13, N. Andreas
ictor. ubi supra cum plurimis ab eo relatis, Lugo
parez. disp. 24, sect. 4, num. 75, Victoria in
usemb. summ. n. 181, Busembau de Pœnit. cap.
ndrian. 3, dub. 1, Adrianus quæst. ultim. de con-
alaus. fessione, Palaus disp. unic. punct. 19, § 5,
favarr. num. 13, Navarrus cap. 8, num. 10,
lenriq. Layman lib. 5, tract. 6, cap. 14, num. 12,
Egidius. Henriquez lib. 6, cap. 19, n. 7, Egidius
te lin. disp. 8, dub. 1 in fine, Medina, Cod. de
ledesm. confes. quæst. de confessione celanda.
yvest. Sylvester verbo *Confessio* 3, num. 10,
sotus. Ledesma quæst. 10, art. 1, dub. 6, Bonaci-
Major. na disp. 5, quæst. 6, sect. 5, part. 4, num.
Bonacin. 31, Major, et Sotus, Opusc. cit. memb. 3,
Layman. q. 3, Suarez disp. 33, sect. 6, n. 7 et alii.
Suarez.

Per quod etiam patet ad difficultatis augmentum : nam si sacerdos modo dicto negare potest absque mendacio se peccatum illud scire, id similiter poterit etiam jurare, ut ex se constat ; cum juramentum supra veritatem cadat. Observandum tamen est, quod ubi sacerdos acriter respondendo repellere potest interrogantem, quin confessionem suspectam reddat, eo medio utendum est ; alioqui si confessio suspecta

Inno-
cent. III

debet, contra justitiam delinquere, et restitutioni obnoxium fieri. Clarius autem, ac expressius loquitur Innocentius in cap. *Omnis utriusque sexus*, de pœnit. et remiss. §. *Caveat autem omnis, ne verbo, aut signo, aut alio quovis modo aliquatenus prodat peccatorem*. Quæ verba nullam limitationem admittunt, ut consideranti constabit: recensent enim omnes modos indirectæ revelationis sigilli; siquidem aliter fieri non potest quam per verba, signa, aut actiones, imo etiam si alius modus excogitabilis esset, etiam comprehenderetur per ly *aut alio quovis modo*, ac pressius per ly *aliquatenus*. Cum igitur propositio sit negativa, proindeque omnia distribuat, consequens est illicitum esse confessionem revelare, quomodocumque id fiat. Quod etiam perspicue docet D. Thomas quodlib. 5, quæst. 7, art. 13, ubi ait: « Id quod per confessionem auditur, nullo modo est manifestandum nec verbo, nec nutu, nec etiam aliquid est faciendum, unde in suspicionem peccati aliquis possit devenire. »

D. Tho.

Ratio.

34. Ratio autem, quam dubio præcedenti expendimus, id ipsum convincit. Etenim sigilli vinculum eo tendit, ut pœnitentiæ sacramentum, ejusque suavis ac tolerabilis usus in Ecclesia conservetur, omniaque peccata etiam occultissima, et infamativa clavibus subjiciantur; atqui si sacerdotibus licitum esset indirecte confessionem prodere, vel aliquam actionem, nutum, signum, aut quid simile efficere, unde in pœnitentis notitiam quis devenire posset, confessio ac ejus suavis usus magnum detrimentum subirent, pœnitentesque ab ea arcerentur, nec in peccatorum declaratione debitam integritatem servarent: ergo ita sigillum observandum est, ut nec indirecte confessionem aperire liceat. Consequentia liquet, et major constat ex hactenus dictis. Minor autem facile ostenditur: nam quod pœnitentibus displicet, eosque a confessione per se removet, non est quod eorum peccata hoc vel illo modo revelentur, sed quod absolute revelentur, quomodolibet id contingat: quippe eo ipso sequitur eorum erubescencia, ac famæ denigratio, quæ verentes sibi obventura, conscientiæ sinus sacerdoti aperire nollent; sed quod confessionis revelatio indirecte fiat, non tollit quod absolute, et re ipsa peccata aliis inno-

tescant, atque ideo nec impedit pœnitentium erubescencia, ac eorum famæ diminutionem: ergo si nutibus, signis, aut quibuscumque aliis anfractibus confessionem revelare liceret, pœnitentes a confessione arcerentur, eaque onerosa ac impracticabilis redderetur. Et quidem ut sacramenti bono, ac ejus conservationi consulat, nihil in prudentum judicio refert, sacerdotem hac vel illa solertia uti, si tandem ambages, ac circuitus, quibus graditur, in peccati ac pœnitentis notitiamducunt.

35. Contra præmissam communem assertionem non occurrunt vel sententiæ Doctorum, quas referamus, vel argumenta alicujus momenti, quæ superemus. Ex ea tamen plures deciduntur casus, quorum notitia pro praxi admodum necessaria est. Colligitur ergo primo, non posse sacerdotem ob notitiam peccati intra confessionem obtentam exprobrare deinceps pœnitentem, severiorem vultum ostendere, minus grate ei alloqui, aut quid simile efficere, quod pœnitenti molestiam, ruborem, aut detrimentum afferat. Quippe hujusmodi actiones ex se indirecte confessionem revelant, eamque odiosam parant. Ita Dicastillo disput. 12, dubit. 7, num. 156, Leander disput. 10, quæst. 83, Lugo disput. 23, sect. 5, num. 104, Graffius, et Bonacina, quos affert, et sequitur N. Franciscus cap. 14, punct. 3, num. 37. Similiter nec potest sacerdos actionem aliquam efficere ex vi cujus occasionem indirectam aliis præbeat non solum positive judicandi, verum nec suspicandi de pœnitente. Quod etiam ibidem tenet Lugo num. 106, Tabiena verbo *Confessor*, § 1, et 4, favetque D. Thomas in 4, dist. 21, quæst. 1, art. 5, quæstiunc. 1, ad 3, ubi docet omnem suspicionem revelandi confessionem esse vitandam. Observant tamen Joannes de Medina, Cod. de confess. pag. 109, Palatius dist. 21, quæst. 2, et alii, id intelligendum esse de suspitione probabili, sive prudenter, et cum fundamento sufficienti efformata; non vero de quibuscumque conjecturis etiam levibus, quas nasuti ac vecordes pro libito fingunt: has enim omnino præcidere moraliter impossibile est.

36. Colligitur secundo, non posse sacerdotem extra confessionem absque expressa pœnitentis licentia loqui de peccatis auditis in

Illatio

Dicast.
Lugo,
Graff.
Bonac.
N.
Franc.

D. Tho.

Medina
Palatius

Illatio 2

in confessione non solum cum aliis, verum nec cum eodem pœnitente : nec nutum, actionem, aut quid aliud efficere. ex quo peccata in ejus memoriam reducat. Id enim ruborem, molestiamque pœnitentibus afferret, et confessio onerosa fieret. Docent Dicastillo disput. 12, dub. 6, num. 81, Aversa quæst. 18, sect. 6, Granados tractat. 11, disput. 5, N. Franciscus punct. 3, num. 39, Palaus disput. unic. punct. 19, § 3. num. 14, Sanchez lib. 3, de Matrimon. disp. 16, num. 3, et 15, Sotus detegendo secreto, dub. 4, Victoria in summ. num. 195, Fagundez, Rodriguez, Lugo sect. 5, § 4. Estque communis consensus Doctorum, qui etiam docent pœnitentem censerī eam licentiam concedere, ubi ipse de illis, quæ in confessione detexit, incipit prius loqui cum sacerdote. Intra confessionem autem illicitum non erit loqui cum pœnitente de peccatis in alia confessione manifestatis, et quod necessarium fuerit ad ipsius admonitionem recolere : hoc enim intra idem forum sacramentale fit, nec pœnitenti molestum existimatur. Tenent Lugo num. 127, Dicastillo num. 91, Henriquez, Granados, Malderus, Aversa, Præpositus, et N. Franciscus num. 42. Item, potest statim finita confessione aliquid, quod per oblivionem omisit, advertere : adhuc quippe censetur moraliter idem iudicium perseverare. Favent similiter iidem, quibus adhæret N. Antonius num. 1534.

37. Sed quid si pœnitens licentiam concedere renuat, ut sacerdos illi extra confessionem loquatur, dum id necēssarium est vel ad supplendum defectum confessionis, vel ad præcavendum damnum imminens innocenti? Suarez sect. 5, num. 3, Layman, Nugnus, Hurtado, Cœlestinus, Filiucius, et alii apud Aversam quæst. 18, sect. 6, affirmant posse sacerdotem in eo casu petita, et non obtenta licentia, cum pœnitente loqui. Quorum fundamentum est, pœnitentem esse irrationabiliter invitum, aliundeque priorem confessionem quasi inchoatam, et incompletam existere usque dum ejus defectus suppleatur ; unde cum sacerdos censeatur moraliter intra eandem confessionem loqui, minime sigilli violator reputari debet. Oppositam tamen sententiam longe veriolem ac probabiliorē existimamus, quam tuerentur Lugo sect. 5,

num. 140, referens Sotum, Toletum, Rodriguez, Reginaldum, Silvium, Bonaciam, Onuffrium, et Dianam. N. Antonius num. 1533, N. Gabriel disp. 10, quæst. 14, N. Franciscus punct. 3, num. 44, Dicastillo dubit. 6, num. 81, Fagundez lib. 6, de secund præcept. cap. 4, num. 33, Turrianus, Sanchez, Victoria, Palaus, et alii. Et suadetur, tum quia generalis Doctorum regula, ac communis fidelium sensus est, sacerdotem non posse absque pœnitentis licentia loqui extra confessionem de peccatis sub sigillo existentibus : absque fundamento igitur exceptio prædicti casus apponitur. Tum etiam : quoniam renuente pœnitente licentiam concedere, ea sacerdotis locutio esset quædam peccatorum exprobratio, ipsamque pœnitentem confusione, et pudore afficeret, quod proinde illum, et alios a confessione arcere posset. Tum denique : quoniam Authores contrariæ sententiæ nobiscum sentiunt adhuc in præsentī casu prius petendam esse licentiam, ut ea locutio sit licita ; sed licentia non requiritur nisi ut sigillum non rumpatur : ergo si agnoscunt obligationem exposcendi licentiam, tenentur sentire sigillum obligare ubi licentia non conceditur ; alias si sacerdos potest loqui cum pœnitente etiam dum licentiam non concedit, non tenebitur illam petere nisi urbanitatis causa ; quod non concedent. Nec eorum motivum alicujus momenti est : nam prior illa confessio jam absolute terminata fuit, iudiciumque sacramentale moraliter expletum, quamvis cum aliquo defectu quasi physico prodierit ; alias eo titulo incompletæ confessionis posset sacerdos, maxime si scrupulis vexetur, post multum temporis, ipso pœnitente renuente, illum extra confessionem semel, et iterum corripere, passimque admonitiones circa confessionem suggerere, quod onus intolerabile existeret. Adde quod etiam permissio illam admonitionem esse confessionis factæ complementum, adhuc inde non sequitur eam fieri posse absque pœnitentis consensu : confessio namque omnino pendet ex pœnitentis voluntate tam in suo initio, quam in processu, et completionē. Unde constat, quod ubi pœnitens confessionem incipit, non potest cogi a sacerdote ut eam finiat, sed pro libito inceptam relinquere valet. Quocirca si prædictam admonitio-

cast.
ensa.
mad.
Frau.
laus.
nehez.
tus.
clor.
gund.
drig.
so.

Quæ-
tuncula

1
Sentent.
Suarez
Layman
Nugnus.
Hurtado,
Cœlest.

2 Sen-
tent pro-
babilior.
Lugo,

Sotus,
Tolet.
Rodrig.
Regin.
Silvius,
Bonac.
Onuf-
frius,
Diana,
N. Anton.
N. Gabr.
N. Franc.
Dicast.
Fagund.
Turrian.
Sanchez,
Victoria,
Palaus.

nem recipere non vult, sed quod sacramentum olim factum imperfectum aut nullum persistat, nequit sacerdos pœnitente invito defectum supplere. Sacerdos autem suo muneri satisfacit licentiam exposcendo, quam si pœnitens denegaverit, huic, et non illi defectus imputandus est.

Illatio 3. 38. Colligitur tertio, non posse sacerdotem ob solam confessionis notitiam vitare in publico excommunicatum non toleratum. Sic tenent communiter Authores. Dissident tamen an vitari possit in occulto, ubi alius præter sacerdotem, et pœnitentem, non adest? Affirmant Navarr. in cap.

Navarr.
Leand.

*Sacerdos de pœnit. distinct. 6, num. 145, Leand. tract. 5, de pœnit. disput. 10, quæst. 72. Alii vero, quorum sententia adhæremus, negant posse sacerdotem etiam in occulto prædictum excommunicatum vitare, aut illi politicum denegare commercium. Ita Nugnus in addit. ad 3 part. quæst. 11, art. 1, ad 14, N. Antonius tractat. 5, disp. 15, sect. 6, num. 1569, Lugo ubi supra sect. 5, § 3, num. 119, et seq. Fagundez præcept. 2, lib. 6, cap. 3, num. 10, Suarez disput. 33, sect. 6, num. 4, Medina. Cod. de confessione. quæst. 61, Ledesma quæst. 10, art. 5, dub. 6. Idem tueri videntur Richardus in 4, distinct. 21, quæst. 2, art. 4, D. Antonius 3, part. tit. 25, § 5, Covarr. in cap. *Alma mater*, part. 1, § 2, num. 3. Hostiensis, et alii. Fundamentum est, tum quia sigillum non solum urget ad non detegenda utcumque pœnitentis peccata, sed etiam ad non efficiendam ex vi notitiæ confessionis actionem aliquam, quæ in illius præjudicium, quale est denegatio commercii, vergat; cum id ex se confessionem exosam ac difficilem efficiat. Nec huiusmodi inconviens vitatur ex quo pœnitentes hic, et nunc exerceant non advertant vel detrimentum sibi illatum, vel motivum inferendi ob industriam sacerdotis aliam fingentis excusationem, aut prætextum se denegandi. Id enim omnino per accidens est: nam licet non advertatur, tamen, et detrimentum re vera sequitur, et motivum aut causa illius est re ipsa notitia peccati intra sacramentum acquisita. Quocirca si pœnitentes scirent licere sacerdoti usum scientiæ confessionis ad fictionem prætextus politicam communicationem denegandi, vel similia damna inferendi, peccata ei prodere renuerent,*

Nugnus.
N. Anton.
Lugo,
Fagund.
Suarez.
Medina.
Ledesma.
Richard.
D. Anton.
Covarr.
Hostien-
sis.

confessionemque horrescerent. Tum etiam: quoniam si sacerdoti non licet ex sola confessionis scientia severiorem vultum ostendere, aut minus grate pœnitentibus alloqui, ut ex num. 35, liquet quia id censetur quædam peccati exprobatio, atque ideo indirecta manifestatio sigilli; potiori jure censendum est sacerdotem indirecte prodere confessionem, peccataque objicere, ac exprobrare excommunicato non tolerato, ubi ex sola confessionis scientia illius communicationem in occulto fugit.

39. Unde colliges quarto, sacerdotem Eucharistiam, aut alia sacramenta denegare non posse indigno, si hujus indispositionem intra confessionem dumtaxat noverit, sive ea occulte, sive publice petat. Unde nec sacerdos potest repellere a contractione Matrimonii eum, quem scit intra confessionem habere impedimentum dirimens: nec episcopus ordines denegare illi, quem sub sigillo scit irregularem esse. Cui sententiæ tenentur in vi consequentiæ adhærere omnes, quos pro præcedenti retulimus: utrobique enim eadem difficultas est, ac æque eadem motiva utrumque suadent, ut consideranti constabit. Et ita expresse docent Lugo disput. 23, sect. 5, § 2, num. 126, et pluribus relatis, Sanchez de Matrimon. lib. 3, disp. 16, num. 15, Suarez disp. 33, sect. 6, num. 4, prope finem, Henriquez lib. 1, cap. 30, Gabriel in 4, distinct. 9, quæst. 2, art. 3, dub. 1, Palud. Adrian Sylvest. D. Anton. Saucius Dicast. Ludanus in 4, dist. 9, quæst. 2, concl. 3, Adrianus quodlib. 3, quæst. 3, Sylvester verbo *Eucharistia* 3, quæst. 3, D. Antonin. 3 part. tit. 14, cap. 12, § 2, Sanctius in select. disp. 8, num. 10, Bonacina de sacrament. disput. 5, quæst. 6, sect. 5, punct. 4, numer. 17, Ægidius disput. 9, num. 67, Fagundez præcept. 2, lib. 6, cap. 3, num. 5, Aversa quæst. 17, sect. 8, Dicastillo disput. 12, num. 150, Reginaldus, Coninchus, Diana, quos citat, et sequitur N. Franciscus cap. 14, punct. 3, num. 46, Palaus disput. unica, punct. 19, § 3, num. 20, Delrio lib. 6, disquisit. mag. sect. 2, Layman lib. 5, tractat. 6, cap. 14, quæst. 2, num. 22, Bannez, Armilla, Sotus in 4, dist. 12, quæst. 1, art. 6, circa medium, et alii plures. Quam doctrinam jam alibi statuimus tractat. 22, disput. 7, dub. 5, ubi disserentes an sacerdos sacramenta indignis ministrando delinquat, præmonuimus

Illatio
4.

Lugo,
Sanchez,
Suarez,
Henriq.
Gabriel
Palud.
Adrian
Sylvest.
D.
Anton.
Saucius:
Dicast.

in fine num. 86, sacerdotem acquirentem notitiam indispositionis pœnitentis intra confessionem, minime ea uti posse ad Eucharistiam illi denegandam, ob generale motivum ne confessio gravis ac difficilis paretur, quod plane ex opposito fieret. Observandum autem est cum Lugone, posse sacerdotem publicam meretricem, aut usurarium ad Eucharistiam non admittere etiam in publico, si aliunde eorum peccata publica extra confessionem noscat. Quod si instet : « Confessus tibi sum, et absolutionem tribuisti ; » respondere debet : « De tua confessione nihil scio ; te tamen agnosco publicum peccatorem, et absque satisfactione publica te admittere ad sacramenta non debeo. »

Opposita sententia placuit Leandro tractat. 5, de Pœnit. disput. 10, quæst. 72, qui in proprium patrocinium adducit Suarium de Eucharistia disput. 67, sect. 3, et de pœnit. disp. 33, sect. 6, num. 4. Sed immerito : nam sententiam, quam priori loco docuerat, in posteriori deseruit ; melius tamen citare posset Alensem 4 part. quæst. 49, memb. 1, Tabienam verbo *Communio*, § 52, Victoriam in summ. num. 86. Quorum doctrina suaderi potest tum ex cap. *Placuit* 6, quæst. 2, ubi habetur posse episcopum ob peccatum sibi in confessione notum Eucharistiam denegare secrete, non tamen publice. Tum quia in eo eventu non censetur sacerdos confessionem odiosam reddere, præsertim si nihil de crimine sibi noto pœnitenti objiciat, sed aliunde prætextum quærat denegandi communionem. Eo vel maxime, quoniam ita videtur docuisse D. Thomas in 4, dist. 9, quæst. 1, art. 1, quæstiunc. 1, ubi hæc habet : « Si sacerdos sciat peccatum alicuius, qui Eucharistiam petit, per confessionem, aut alio quolibet modo, distinguendum est : quia aut peccatum est occultum, aut manifestum ? Si est occultum ; aut exigit in occulto, aut in manifesto ? Si in occulto, debet ei denegare, et monere ne in publico petat. Si autem in manifesto petat, debet ei dare. Primo, quia pro peccato occulto pœnam inferens publicam revelator est confessionis, et proditor criminis. »

40. Sed hæc parum urgent, ut a propo-
sita via recedamus. Ad primum igitur res-
pondetur cum Suario de Eucharistia dis-

put. 67, sect. 3, cum textum non procedere de episcopo acquirente peccati notitiam intra confessionem sacramentalem, sed extra sacramentalem : loquitur enim de crimine, quod episcopus dicit sibi fuisse a reo confessum ; episcopus autem prodere, aut dicere nequit crimen intra sacramentum sibi notum : unde ibi sermo est de notitia peccati aliunde extra sacramentum habita. Ad secundum dicendum est, fieri non posse ut sacerdos saltem implicite, et indirecte peccata pœnitenti non objiciat, si ob solam confessionis notitiam illum ab Eucharistia repellit, quantumvis alias prætextum repellendi fingat : pœnitens quippe satis causam intelligit moraliter loquendo, sufficiensque motivum habet suspicandi sacramentum sibi ob peccata confessa denegari. Et quidem si sacerdos uti nequit confessionis notitia ad secrete denegandum suffragium pœnitenti in ejus electione ad prælaturam, etiamsi ipse pœnitens conijcere non possit id fieri ob peccatum confessum, ut cum communi sententia docet idem Leander quæst. 54, nescimus qua doctrinæ consequentia procedat asserendo posse uti eadem confessionis scientia ad sacramenta deneganda, et inquirendum prætextum id faciendi, cum utrobique eadem ratio militet, et confessio æque pœnitentibus fiat ingrata. Nec respondere potest, in priori eventu illicitum esse ob decretum Clementis Octavi de quo infra ; secus vero in posteriori. Nam si usus notitiæ confessionis ad denegationem suffragii indigno jure divino sigilli prohibitus non est, nec ecclesiastico prohiberi potuit : hoc enim, ut recte vidit Dicastillo ubi supra, interdicere nequit usum scientiæ ex natura rei licitæ ad actionem rectæ rationi conformem, et alias ex præcepto justitiæ debitam, qualis esset in eo eventu denegatio suffragii indigno. Unde prædictum decretum jus novum non statuit, sed antiquum, et divinum exposuit, quod æque prohibet usum scientiæ sacramentalis ad omnes actiones, quæ pœnitentibus detrimenti quid afferunt.

Ad augmentum vero difficultatis respon-
detur primo cum Dominico Soto in 4,
distinct. 12, quæst. 1, art. 6, Div. Thomam
eam sententiam tenuisse in 4, ubi
crebro aliorum Doctorum opiniones inse-
quebatur, eorumque doctrinæ se accom-

modabat. In summa autem 3 part. quæst. 80, art. 6, ubi rem oculatius scrutabatur, propriamque mentem aperiebat, satis palam nostram sententiam docuit : etenim in corpore art. nihil de occultis peccatoribus distinxit, utrum in publico, an in occulto ad communionem accederent : sed absolute asseruit illis Eucharistiam denegari non posse ; quod, ut verum sit, intelligendum est saltem respectu eorum, quorum indispositio intra confessionem dumtaxat noscitur. Hoc enim posito verificatur simpliciter peccatoribus non manifestis communionem negandam non esse, sive in publico, sive in occulto petant. Illis namque, quos indignos deprehendit sacerdos per notitiam extrasacramentalem, extra dubium est Eucharistiam per se loquendo denegandam fore, si occulte petant, ut cum communi sententia docuimus tract. 22, disp. 7, dub. 5, num. 89. Secundo respondetur, D. Thomam, dum in objecto testimonio inquit : « Si sacerdos sciat peccatum alicujus, qui Eucharistiam petit, » per confessionem, » nomine confessionis non intelligere sacramentalem, sed extra sacramentalem, aut secreti naturalis commendationem ; quod innuere videtur cum statim subdit : « Si in occulto, debet et » denegare, et monere ne in publico petat. » In quibus post denegatam in occulto pœnitenti Eucharistiam, dicit admonendum esse a sacerdote ne in publico petat ; hæc autem admonitio ita fieri extra confessionem non posset, si sacerdos solum per confessionem sacramentalem pœnitentis indignitatem nosceret : id enim esset expressa peccati confessio, objurgatio, sigillique quasi directa proditio, quæ aliena est a mente Aug. Præceptoris, qui perpetuus est in docendo confessionem ita reticendam esse, ut nec motivum suspicandi de crimine tribuatur, ut patet ex dictis num. 33. Quocirca sensus D. Thomæ est, sacerdotem, peccatum petentis secreto Eucharistiam scientem per confessionem sub secreto naturali sibi factam, aut alio quovis modo secreto, quia videlicet ipse solus viderit, aut ab alio audierit, debere Eucharistiam denegare, et monere ne publice expostulet. Si vero id ipsum, et eodem modo sciat, non posse communionem denegare petenti publice, quia alias esset revelator confessionis extrasacramentalis, et proditor

criminis existentis sub naturali secreto : id enim esset peccatorem occultum apud alios infamare, proindeque contra justitiam delinquere : quæ vera sunt, sed doctrinæ traditæ minime præjudicant.

41. Colliges quinto, sacerdotem qui pœnitentem obejus indispositionem absolvere noluit, si postmodum ab eodem de falso crimine accusetur, non posse se defendere prodendo confessionem, etiam si ea detecta omnino calumnia cessaret, mortisque periculum removeret ; nec quidquam efficere posse ex quo quis suspicari possit illius calumniæ impositionem ex denegata absolutione oriri. Quamvis enim vim alia vi repellere liceat, in præsentī tamen ob sigilli vinculum, et sacramenti conservationem non licet, sed aliis viis defensione legitima procuranda est. Lugo disp. 23, sect. 5, num. 115. Id quod etiam intelligi debet de quocumque alio innocente, qualibet dignitate præstante, quem licet sacerdos in supplicium, aut mortem rapi videat, sitque de illius innocentia certissimus per confessionem malefactoris sibi factam, neutiquam ei fas est, ut innocentem liberet vel confessionem prodere, vel actionem aut quid simile efficere, unde in peccati confessi, ac pœnitentis notitiam deveniatur ; potius quippe sacramenti bono, ac conservationi consulendum est, quam innocentis vitæ. Ita Sotus in 4, dist. 18, quæst. 4, artic. 5.

42. Colliges sexto, quid dicendum sit ad casum satis communem, an liceat sacerdoti Missam omittere, aut ab itinere declinare, ubi per solam confessionem scit venenatum vinum sibi præparatum, aut mortem sibi a latronibus inferendam, si ingrediatur in sylvam ? Circa quod duo communiter observant Authores. Primum quod si pœnitens eam notitiam ad sacerdotem intra confessionem detulit non serio animo se confitendi, sed potius prava intentione ligandi illum artissimo sigilli vinculo, ne metu violandi secretum Missam omittere, aut a via recedere audeat, quæ intentio facile ex circumstantiis intelligi potest, posse sacerdotem utrumque facere ad mortem vitandam. Quia cum ea confessio ex intentione pœnitentis sacramentalis non sit, obligationem sigilli non inducit. Secundum, posse similiter sacerdotem fugere, aut Missam omittere, ubi hujusmodi actiones sub talibus circumstantiis, ac adeo

caute

caute exercentur, ut nullam peccati confessi notitiam, aut suspicionem afferant, ac aliunde nullum pœnitenti sequitur detrimentum, quod confessionem efficiat gravem: hæc enim sunt principia, ex quibus usus notitiæ confessionis illicitus redditur, quibus deficientibus poterit sacerdos ea uti. Unde quemadmodum ex his, quæ sacerdos in confessionibus audivit, potest fieri cautior vel ad dirigendas proprias actiones, vel ad suas res custodiendas, vel ad vigilandum supra gregem mediis his, quibus alii utuntur, ubi nec damnum pœnitenti infertur, nec motivum suspicandi de confesso crimine tribuitur; poterit similiter fieri cautior ad propriæ vitæ custodiam.

Difficultas igitur est, an absolute loquendo liceat sacerdoti in prædicto casu aliam viam carpere, aut Missam omittere ad mortem fugiendam, quamvis alii inde conjiçiant sacerdotem tale peccatum in confessione audivisse? Respondetur negative. Ita N. Franciscus cap. 14, punct. 3, num. 53, N. Antonius disput. 19, sect. 6, num. 1567, Suarez disput. 33, sect. 7, num. 6, Sotus in 4, distinct. 18, quæst. 3, art. 5, § 110, Dicastillo disp. 12, dub. 7, num. 157, et 161, Vasquez quæst. 93, art. 4, dub. 10, num. 4, Diana tom. 5, tract. 11, resol. 46, Turrianus disp. 33, dub. 5, Richardus, Navarrus, Ledesma, Medina, et alii ab eisdem relati. Fundamentum autem constat ex dictis: nam ut liquet ex cap. *Sacerdos*, ob nullum scandalum, aut damnum vitandum potest confessio directe aut indirecte revelari; cum bonum sacramenti etiam propriæ vitæ præferendum sit; constat autem eam sacerdotis fugam, aut Missæ omissionem, ex quibus alii facile conjiçiant, aut prudenter conjiçere possunt peccatum in confessione notum, esse indirectam confessionis revelationem: ergo in illo eventu, et similibus tenetur sacerdos potius mortem oppetere, quam eas actiones absolute exercere. Quod adeo verum est, ut extendendum etiam sit ad periculum vitæ spiritualis, uti si in eo casu sacerdos in lethali existat, et confiteri non possit, ac de contritione dubitet. Motivum enim propositum id etiam evincit. Debet igitur sacerdos in eo eventu sperare auxilium divinæ gratiæ, divinæque providentiæ se committere, et animæ suæ providere meliori modo quo

possit, orando, ac conando contritionem. Et quidem, cum non sponte, ac proprio arbitrio illi periculo se exposuerit, sed quasi coactus illud subeat, ut sacramenti bono consulat, si alioqui quod in se est faciat, Dei auxilio non destituetur. Hujusmodi tamen casus cum eis circumstantiis potius mente finguntur, quam in praxi contingere valeant. Ex suppositione autem eventus ita sentiendum est, uti recte in vi consequentiæ docent ibidem Lugo num. 115, Dicastillo a num. 167, et deinceps, Suarez n. 8 et alii.

43. Non tamen desunt, qui oppositum ^{Aliorum sententia.} propugnent. Hi sunt Scotus in 4, dist. 21, quæst. 3, ad 3, Sylvester verbo *Confessor* ^{Scotus, Sylvester.} 3, quæst. 2, Major q. 3, ad 2, Castro Palao ^{Major, Palaus, Coninch, Leand.} disp. unic. punct. 19, § 3, num. 18. Quorum sententiæ eas suppetias ferunt Coninchus disput. 9, dub. 4, n. 33, et sequent. et Leander quæst. 69, ut asserant posse sacerdotem eas actiones exercere etiamsi inde immineat pœnitenti periculum mortis a sociis inferendæ; quamvis laudabile foret, subdunt illi, sacerdotem mortem subire, ut pœnitentem ab eo periculo eriperet. Hujus autem additionis probabilitatem alii viderint: nec enim multum sacramenti conservationi confert, ubi adeo ingentem facultatem sacerdotibus adscribit, ut eis liceat scientia confessionis uti etiam cum vitæ pœnitentis jactura. Id vero suadere conantur, tum quia sacerdos ex vi earum actionum nihil revelare videtur, cum jam socii pœnitentis illud peccatum sciant. Tum etiam: quia sacerdotem Missam omittere, aut aliam viam carpere, ex se est quid indifferens ad plura, nec ex natura sua significat determinate peccatum in confessione notum; sacerdos autem ubi actiones ex se indifferentes exercet, utitur jure suo, quod sibi licet etiam cum dispendio alterius. Tum deinde: quoniam per eas actiones ad summum significatur pœnitentem confessum fuisse; quod non est violare sigillum, cum licitum sit dicere: Titius mihi confessus est; non autem significatur tale peccatum in particulari, sed id aliunde socii pœnitentis suo discursu colligunt. Tum denique: quia inde confessio non fit odiosa; irrationabiliter enim pœnitentes retraherentur a confessione, ex quo sacerdos jure suo utatur eliciendo actiones indifferentes, quæ sæpe ob alia motiva fiunt.

Fundamenta.

N.
no.
N.
ton.
irez.
as.
so.
asl.
iquez.
na-
rian.
hard.
varr.
lesm.
dina.

Convel-
luntur.

Enimvero eæ objectiones non multum premunt. Non prima: nam quod complices criminis, aut socii pœnitentis jam peccatum sciant, solum suadet sacerdotem eis non tribuere notitiam illius peccati absolute, non tamen quod non detegat confessionem, aut crimen ut confessum; hoc autem illicitum est, alioqui posset sacerdos prodere peccata publica sibi confessa, siquidem tunc diceret quod ab aliis jam scitur. Non secunda: quia vim non facimus in eo quod sacerdotis fuga, ac Missæ ommissio sint ex natura sua actiones determinatæ ad manifestandum peccatum in confessione notum; sed fatemur secundum se, et abstracte sumptas esse indifferentes, frequenterque ob alias causas diversimode occurrentes exerceri. Ceterum si considerentur hic, et nunc, et prout fiunt sub his circumstantiis, ex quibus alii conjiciunt peccatum confessum, indifferentiam amittunt, et confessionem determinate produunt. Quocirca licet absolute aliquando, et præcisive a circumstantiis sacerdos jus habeat ad eliciendas vel non prædictas actiones; ex suppositione tamen quod ex illis peccatum aliis innotescat, sacerdos non utitur jure suo, sed jus se tenet ex parte sacramenti prohibentis earum exercitium, ne confessio reveletur, et ex parte pœnitentis, cui sigillum favet. Imo, si ad actiones secundum se acceptas attendendum foret, nulla unquam revelatio indirecta contingeret; cum nulla sit actio, quæ secundum se indifferentiam non admittat, quæque ad diversa practice significanda applicari non possit. Non item tertia: quamvis enim dicere Titium tali sacerdoti confessum fuisse, regulariter contra sigillum non sit, dicere tamen confessum fuisse tale peccatum, violatio sigilli est. Illa autem sacerdotis fuga, et ommissio sacri non solum pœnitentem confessum fuisse innuunt, sed potius significant ipsa peccata; imo, ut recte videt Lugo ubi supra num. 113, ex directa significatione peccati significant confessum fuisse: quippe omittere sacrum in illa rerum contingentia propter venenum vino immixtum, et a via recedere ob insidias paratas, prius, et immediatius significant peccatum in infectione vini, aut in insidiarum præparatione commissum, unde alii colligunt sui complices confessionem. Non denique quarta; nam si ex vi actio-

num sacerdotis alii crimen confessum intelligant, nequit non pœnitens pudorem, et confusionem accipere, cum ibi indirecta peccati exprobratio intercedat; hæc autem confessionem admodum exosam efficerent pœnitentesque ab ea removerent. Id quod maxime contingeret, ut ex se liquet, ubi ex fuga sacerdotis, aut omissione Missæ mortis periculum pœnitenti immineret. Unde miramur quam inhæsitanter Leander asseruerit, etiam propter hoc non posse pœnitentes rationabiliter a confessione retrahi. Si enim vitæ jacturam accipere ex confessione, eam odiosam non reddit, non apparet cur fieret odiosa ex directa revelatione sigilli in casu ubi dumtaxat pœnitentis fama denigraretur; cum hæc minoris momenti sit.

44. Colligitur septimo, sacerdotem vocatum ad audiendam confessionem illius, quem scit sibi scandalum esse, non teneri adire. Ita N. Antonius ubi supra, numer. 1574, Lugo disput. 23, num. 116, Dicastillo disput. 12, num. 171. Nam vel scandalum, aut occasio ruinæ spiritualis oritur ex sacerdotis fragilitate, qui dum pœnitentis peccata audit, ingentes experitur concupiscentiæ tentationes, aut lapsus? Vel ex ipso pœnitente, qui in priori confessione sacerdotem ad malum sollicitavit? Si primum, certum est sacerdotem adire pœnitentem non teneri, nec ibi aliquam sigilli violationem intervenire; siquidem motivum, quo detinetur, non est notitia peccatorum pœnitentis, sed propriæ fragilitatis. Si secundum, etiam non cogitur, tum quia si pœnitens ad priorem confessionem vocavit sacerdotem non serio animo se confitendi; sed potius illum sollicitandi, ad malumque inducendi, illa confessio ex intentione pœnitentis non est sacramentalis, proindeque sigilli obligationem non inducit, sed solius naturalis secreti, quo sacerdos uti potest ad propriam ruinam præcavendam. Tum, quia ea provocatio ad malum non est peccatum, quod pœnitens in priori confessione confitetur, sed quod in ipsa commisit, atque ideo sub sigillo non cadit. Unde quemadmodum si pœnitens absolute indigne mortem sacerdoti minetur ut eum absolvat, potest sacerdos absque ulla sigilli violatione fugere, et non redire, eo quod minæ illæ confessionis materia non extitere, sed peccatum ibi commissum;

ita

ita in præmisso casu licet non accedere. Sed quid si sacerdos semel, et iterum pœnitentem indispositum absolvit, et rursus vocatur ab eodem serio animo se confitendi, licet adhuc indispositus? Respondetur, posse sacerdotem se excusare, si aliam habeat causam id faciendi: si vero non habeat, et aliunde intelligatur saltem in genere eam excusationem fieri ob pœnitentis indispositionem, non posse non ire; posse tamen initio confessionis eum dimittere, et admonere ne iterum inutiliter eum vocet. Ita N. Antonius tract. 5, disp. 18, sect. 6. Perez disp. 54, sect. 13. Lugo ubi supra, num. 117.

latio 8. 45. Colligitur octavo, confessarium, qui per confessionem novit aliquem, cui confiteri solebat, non esse sacerdotem, posse abstinere a confessione illi facienda, si inde nullum dedecus pœnitentis sequitur, nec ulla confessionis suspicio. Ita N. Franciscus ubi supra, num. 55, Sanchez de Matrimonio disput. 16, num. 5, Sylvester verbo *Confessio* 3, quæst. 19, Dicastillo num. 178, Lugo num. 105, Henriquez, Coninchus et alii. Si vero id fieri non posset, quin ex usu illius notitiæ confessionis quid incommodi pœnitens subiret, aut peccati confessi revelatio aliqua indirecte resultaret (quem eventum non communem, et practicum, sed apprehensione fabricatum censemus) consequenter dicendum est, debere sacerdotem illi iterum quoad exteriorem cærimoniam confiteri, et alteri, qui legitimam absolventi potestatem habeat, serio se accusare. Quod etiam docent citati Authores.

latio 9. 46. Colligitur nono, non posse sacerdotem pœnitentiam pro peccatis injunctam manifestare, si fuerit signum culpæ lethalis certæ, aut dubiæ, vel specialium peccatorum venialium quoad numerum, vel speciem; secus vero si pœnitentia adeo levis existat, ut ex ea nihil intelligi valeat, nisi pœnitentem venialia confessum fuisse. Quemadmodum enim licet sacerdoti dicere in genere: « Titius mihi confessus est, » vel etiam dicere: « mihi confessus est » venialia; » ita contra sigillum non est levissimam pœnitentiam manifestare: hinc enim pœnitens non major cognoscitur peccator, quam ex eo præcise, quod ad confessionem accesserit. Docent Dicastillo disput. 12, num. 122, Lugo disput. 13,

num. 89, Granados 2, 2, controvers. 7, ^{Granad.} Diana tom. 5, tract. 11, resolut. 31, N. ^{Diana.} Franciscus tract. 6, cap. 14, numer. 34.

47. Tandem colligitur, non posse sacerdotem confessionis schedulam denegare illi, quem ob ejus indispositionem non absolvit, si sciatur ipsi confessum fuisse. Quod a fortiori asserendum est ubi sacerdos absolutionem distulit, ut pœnitens, quem redditurum sperat, melius se disponeret. Ea quippe denegatio indirecte proderet peccatum, ac pœnitentis conscientiam. Unde sicut nequit sacerdos dicere: « Non » absolvi Petrum mihi confessum: » quia hæc loquutio vehementem generat suspicionem vel de casu reservato, vel de alia pœnitentis indispositione; sic nec schedulam denegare, ut pœnitens satisfaciat Patri, hero, aut aliis testimonium de confessione inquirentibus: hæc enim denegatio est quædam practica loquutio præcedenti æquivalens. Tenent Palaus, Coninchus, Medina, Layman, Fagundez, Diana, Henriquez, N. Gabriel a S. Vincentio, Aversa, quos refert, et sequitur N. Franciscus ubi supra, punct. 3, num. 30.

Oppositum vero satis probabiliter docent Bonacina disp. 5, quæst. 6, sect. 5, punct. 4, num. 7, Dicastillo num. 119, N. Antonius ubi supra, sect. 3, num. 1542, N. Anton. Bonæ Spei, quibus adhæret Lugo num. 87. Idque suadent, tum quia sacerdos in ea schedulæ denegatione nihil de peccatis confessis revelat, sed tantum non approbat confessionem, quam approbare non debet. Tum, quia sacerdos hujusmodi schedulam meretrici, aut peccatori publico non absolutis largiendo, cooperatur impœnitentium fraudibus, qui eo testimonio suffulti Dominos aut parochos deciperent. Tum etiam: nam quoddam genus mendacii esset testificare in schedula confessum fuisse eum, qui nullam fecit confessionem. Respondetur tamen ad primum, sacerdotem denegantem schedulam pœnitentis peccata expresse non prodere, prodere nihilominus implicite: quia in prudentum existimatione censetur practice operibus dicere, pœnitentem ad confessionem indispositum accessisse. Ad secundum dicendum est, sacerdotem schedulam concedendo, sui officii munus explere; si autem pœnitens ea abutitur, id sibi imputet: quippe sacerdos circa ejus fraudes mere permissive se

Illatio
ultima.

Palaus,
Coninch.
Medina,
Layman,
Fagund.
Diana,
Henriq.
N. Gabr.
N.
Franc.

Bonacina,
Dicast.
N.
Anton.
N. Bonæ
Spei,
Lugo.

N.
inc.
ach.
vest.
cast.
go.
nriquo.
ninch.

icast.
ugo.

habet, ne confessionem revelet. Ad tertium respondetur, quod licet pœnitens non absolvatur, re vera coram sacerdote se accusat in ordine ad absolutionem, proindeque confessionem efficit quodammodo sacramentalem; sacerdos igitur ea schedulæ concessione solum testatur pœnitentem confessum fuisse; quod verum est, an vero absolutus prodierit vel non, nihil exprimit.

§ II.

Specialis difficultas circa usum notitiæ confessionis ad externam gubernationem.

48. Materia præsentis dubii tot difficultatibus scaturit, totque diversorum eventuum combinationibus exundat, ut impossibile sit vel omnes simul decidere, vel seorsim perficere. Plures tamen in præcedentibus examinavimus, aliasque in sequentibus attingemus, unde quid ad similes, vel etiam dissimiles, aut diversæ combinationis dicendum sit, quisque facile deprehendet. Præsertim cum sit regula generalis tunc sigilli violationem non intervenire, cum nec motivum suspiciendi de confessione tribuitur, nec aliquid fit ex notitia confessionis, quod in pœnitentis incommodum aliquammodo cedat. Itaque ubicumque Authores in hac materia discriminantur, nusquam dissidium est an sigillum sit observandum, vel non? Id quippe omnino extra dubium habetur, et tanquam certum a cunctis supponitur sigillum aperiri nunquam licere. Militat igitur dissensio an hic, et nunc, in isto aut in illo casu elicientia hujus actionis, aut prolatio illius verbi sit directa aut indirecta violatio sigilli, vel nulla; quod plane ex ipsis rerum circumstantiis pendet. Ibi autem maxime contingere posset hujusmodi indirecta confessionis proditio, ubi sacerdotes, aut prælati uterentur confessionis notitia ad externam subditorum gubernationem, eos ab officiis removendo, vel illis suffragia in electionibus denegando. Quæ est adeo ingens difficultas, plures complectens, ut Auctores in varia placita sparserit, quæ Lugo sect. 5, § 1 recenset, ac eorum quilibet tot propriæ sententiæ limitationes apponit, ut vix intelligi valeat quid tandem doceat.

Ut igitur cum majori claritate procedamus, animadvertendum est, in præsentis sermonem fieri non solum de Prælati inferioribus, ac Superioribus Regularium, verum etiam de quibuscumque aliis: doctrina enim communis est et ratio quæ suadet de Priore, aut Abbate posse, aut non posse uti confessionis notitia ad removendum subditum a suo ministerio, id etiam convincit de Provincialibus, Generalibus, Episcopis, Archiepiscopis, et similibus, ut ex dicendis constabit. Item observari debet, Prælatus cognoscentem intra confessionem peccatum subditi, ratione cujus indignus redditur ministerio, vel ipsum ministerium esse illi occasionem proximam labendi in tale peccatum, teneri intra Sacramentum remedium, quoad fieri possit, adhibere, pœnitentem admonendo, ut sponte officium dimittat; quod si noluerit, quid Prælato faciendum sit, qualiterque se gerere debeat, ne confessionem prodatur, inquirimus. Pro quo ulterius observa, officia esse in duplici differentia: quædam enim sunt ad nutum Prælati amovibilia, uti officium Procuratoris, Ostiarii, Sacristæ, et similia; quædam vero habent sibi annexam jurisdictionem subalternatam, aut subalternantem, qualem officia Prioris, Superioris, et aliorum in Religione nostra sibi vendicant, quæ proinde ad Prælatorum arbitrium auferibilia non sunt. Si ergo de posterioribus loquamur, certum, et constans est apud omnes non posse Prælatum ex vi notitiæ confessionis subditum ab hujusmodi officiis amovere: nam, ut recte vidit Sotus in 4, dist. 18, quæst. 4, art. 5, circa finem, cum subditi, habeant jus possidendi, ab officiis arceri nequeunt sine causa in foro judiciali externo probanda; Prælatus autem peccatum in confessione notum ad forum externum deferre nequit, tum quia id esset expresse pœnitentis conscientiam prodere, ac sigillum directe violare; tum quia testificatio criminis in confessione noti nullam in foro externo vim habet, ut patet ex cap. 2, de Offic. Ordin. et cap. *Dilectus* de excessibus Prælatorum.

49. Quocirca tota difficultas devolvitur circa ministeria prioris generis, et inquit an Prælatus cognoscens per confessionem peccatum, et indignitatem subditi, possit illum deponere a suo ministerio ad nutum

Observationes

Casus
quæstio
nis.

nutum amovibili, si aliæ causæ externæ non existant? Resolutio est negativa, et his temporibus probabilior, ac omnino vera sententia, quam tuentur D. Thomas quodlib. 5, art. 13, N. Franciscus punct. 3, num. 47, Bannez 2, 2, quæst. 23, art. 8, Thomas Sanchez lib. 3, de Matrim. disp. 16, Aversa quæst. 18, sect. 8, N. Gabriel a Sancto Vincentio quæst. 5, Bonacina disp. 5, quæst. 6, sect. 5, punct. 1, num. 14, et 16, Stephanus a S. Paulo num. 219, Gonet disp. 11, art. 1, § 3, num. 17, Lugo disp. 23, sect. 5, num. 93, Dicastillo disp. 12, dubit. 7, a num. 138, et sequent. Armilla verb. *Confessor*, num. 7, Castro Palao punct. 19, § 3, num. 20, Delrio lib. 7, disquisit. sect. 2, Layman lib. 5, tract. 6, cap. 14, quæst. 2, num. 22, Coninchus disp. 9, dub. 4, num. 6, Suarez disp. 33, sect. 7, num. 4, in fine, Leander quæst. 63, et 64, referens Malderum, Fagundez, Joannem a Cruce, Dianam, Filiucium, Ægidium, Candidum, Granados, et alios. Suadetque primo ex decreto Clementis VIII, de casibus reservatis pro Regularibus expedito anno 1594, ubi cap. 4, hæc habentur: « Tam superiores pro tempore existentes, quam confessarii, qui postea « ad superioritatis gradum fuerint pro- « moti, caveant diligentissime, ne ea « notitia, quam de aliorum peccatis in « confessione habuerunt, ad exteriorem « gubernationem utantur... Atque ita per « quoscumque Regularium superiores, qui- « cumque illi sint, observari mandamus. » In quibus Sanchez (qui in moralibus pro multis computatur) rem aperte decisam censet. Unde merito inquit Lugo, se nescire qualiter opposita sententia post hujusmodi decretum sustineri valeat; eamque quantumvis Magno Doctorum numero fultam, omnino ab Ecclesia fore eliminandam, subdidit Dicastillo.

Porro licet prædictum decretum solum videatur de Regularibus procedere, ex eo tamen colligitur doctrina universalis pro omnibus sacerdotibus, et quibuscumque prælatis. Tum, quia ideo prohibetur Regularibus usus notitiæ confessionis ad gubernationem externam, quia hujusmodi usus censetur esse in detrimentum sacramenti pœnitentiæ, ac violativus sigilli; sed nulla major ratio est cur apud Regulares sit talis, et non apud alios: non enim apparet cur

actio removendi subditum ab officio ob notitiam confessionis posita in Priore aut Abbate Conventus sit contra reverentiam, et secretum sacramenti; et eademmet actio exercita ab episcopo, aut a quolibet alio sacerdote non sit ejusdem conditionis: ergo ea Pontificis decisio doctrinam generalem pro omnibus affert. Tum etiam: quoniam vel prædictus usus scientiæ confessionis ad externam gubernationem supponitur illicitus ex natura sacramenti, et præcepto Christi pro priori ad decretum Clementis, vel non? Si primum: ergo eodem modo se habet apud Regulares, ac apud non Regulares: nec enim Christus diversum sacramentum pro istis ac pro illis instituit; nec præceptum sigilli a Christo Domino impositum pro diversitate subjectorum sacramentum administrantium variatur, ut ex se liquet. Secundum autem dici nequit: nam prædictum decretum procedit cum omnimoda universalitate, ita ut Regularibus interdicit uti scientia confessionis ad externam gubernationem in omni eventu; lex autem Pontificia nequit ita universaliter urgere, si aliunde ille usus ex institutione, et natura sacramenti illicitus non supponitur; cum jus pure ecclesiasticum, et a divino præscindens non obliget cum detrimento propriæ vitæ, nec cum dispendio boni communis Reipublicæ, Regni, aut Ecclesiæ. Ergo si ea decisio limitationem non admittit, ideo est quia supponit illicitum ex natura rei usum scientiæ sacramentalis ad gubernationem externam. Eo vel maxime, quia ut recte expendunt Dicastillo num. 141, et Lugo num. 94, si ille usus ex se licitus esset, non semel foret etiam necessarius, et ex naturali præcepto debitus, proindeque Prælati regulares non solum possent, sed etiam deberent cognita indignitate subditi in confessione vel illum ab officio removere, dum cederet in damnum commune, vel illi in electione secreta suffragium denagare, ne scienter eligerent indignum, cum hoc ex se malum sit. Si autem ex naturali præcepto tenentur Prælati id facere, nequit oppositum Pontifex decernere; alioqui circa præcepta naturalia disponere posset. Relinquitur ergo, usum notitiæ confessionis ad externam gubernationem ex natura rei esse illicitum, Clementisque decretum novum jus non induxisse, sed antiquum, et divinum expli-

Dicast.
Lugo.

Gonet.
Suarez.

cuisse, et corroborasse. Unde audiendi non sunt Gonet, et Suarez, qui licet in re nobiscum sentiant, totam vim in posita lege Ecclesiastica consignant, quasi ea sola posset in omni eventu constringere.

Funda-
ment.

50. Deinde suadetur resolutio ratione satis efficaci, qua sæpe usi fuimus, quæque etiam universaliter convincit, et premere debet Adversarios, cum ad hominem procedat. Nam juxta eorum, et omnium doctrinam, motivum potissimum, ob quod sigilli vinculum indispensabiliter urget in omni eventu, ita ut nunquam abrumpi possit etiam cum dispendio boni communis, illud est, ne confessio difficilis pareatur, et ab ea fideles arceantur: sic enim magni fecit Christus Dominus hujus sacramenti piaculum, sicque illius usum suavem ac tolerabilem esse voluit, ut quæcumque damna, quæ ex sigilli retentione subsequi possent, posthabuerit, et omnia tanquam minoris aut nullius momenti respectu violationis sigilli æstimanda decreverit; sed nihil confessionem ita gravem, et exosam reddere posset, nihilque ab ea fideles amplius arceret, quam si scirent posse sacerdotes uti confessionis notitia ad externam gubernationem denegandi suffragia in electionibus, removendi eos ab officiis, privandi honoribus, muneribus, et similibus, quæ tanti habentur, et ad quæ omnes maxime afficiuntur: ergo illicitum est sacerdotibus, et prælatis hæc omnia ex solius confessionis notitia exercere. Ex quo palam habetur, confessionem odiosam fieri etiam independentem ab eo, quod pœnitens hic, et nunc advertat eas actiones elici a sacerdotibus ob notitiam peccati confessi: nam si re vera ex sola ea notitia eliciuntur, quod exerceat advertantur vel non, per accidens est. Si enim antecederet scirent id licere sacerdotibus, a peccatis manifestandis detinerentur, verentes ne ob eorum manifestationem ea damna sibi obvenirent, dum non intelligerent. Quod fundamentum desumitur ex D. Thoma quodlib. 5, art. 13, in argumento *Sed contra est*, inquit, « quia nihil est faciendum in præjudicium confessionis; esset autem in præjudicium confessionis, si subditus ab administratione removeretur propter crimen, quod suo Prælato confessus est, quia per hoc alii retraherentur a confessione: non ergo debet Prælatus

D. Th.

« subditum ab administratione remove-
re propter peccatum, quod ei confessus
« est. »

Confirmatur primo ex Tridentino sess. 14, cap. 7, ubi expendens quo pacto utilissimum sit graviorum criminum absolutionem superioribus reservari, subdit: « Sa-
« cerdotes cum nihil possint in casibus
« reservatis, id unum pœnitentibus per-
« suadere nitantur, ut ad superiores pro
« beneficio absolutionis accedant. » Si autem ex uno capite adstringerentur pœnitentes ad superiores pro graviorum criminum absolutione accedere: et ex alio liceret superioribus usus scientiæ sacramentalis ad prædictas actiones removendi subditos ab officiis, aut beneficiis, et privandi eos aliis honoribus; non utilissima criminum reservatio existeret, sed durissimum, et intolerabile onus, quod in sacramenti pœnitentiæ detrimentum admodum vergeret. Cum enim hominum imbecillitas avidè in altiora propendat, honorifica inhiat, vehementerque ambiat, qualiter pœnitentes pro obtinenda peccatorum absolutione superiores adire auderent, si ab eisdem ob confessionis scientiam removendos a ministeriis, vel ad ea non admittendos scirent? Id utique ansam tribueret vel ad sæpe dimidian-das confessiones, vel ad omnino omit-tendas.

Confirmatur secundo: nam sigillum, ut omnes fatentur, non solum obligat respectu aliorum, sed etiam respectu ipsius pœnitentis: ergo quemadmodum illicitum est sacerdoti non solum revelare aliis peccata confessa, verum etiam aliquid efficere unde suspicietur, aut prudenter suspicari possint de pœnitente; ita illicitum erit non solum loqui extra confessionem cum pœnitente de peccatis sub sigillo existentibus, verum, et elicere eas actiones, quibus sibi peccatum implicite exprobat, et motivum suspicandi de confessione tribuatur. Atqui amotio subditi ab officio ex sola confessionis notitia, et ubi alia causa exterior non existit, ut supponimus, est re ipsa implicita peccati exprobratio, et motivum sufficiens ut pœnitens prudenter suspicetur id fieri ob peccatum Prælato in confessione detectum: ergo ea actio illicita est. Minor subsumpta liquet: quippe si ante confessionem nulla causa removendi subditum ab officio apparebat, ideoque prælatus

Confi-
matic
Conc
Trid.

Confi-
matic

prælatus illum in suo ministerio conser-
vabat, nec post confessionem aliqua denuo
suborta est, unicæ subditus confessioni
prælato factæ eam ab officio amotionem
adscribere posset, idque ingens motivum,
saltem suspicandi, esset. Eo vel maxime,
quia sicut non licet revelare aliis peccata,
etiam ubi periculum non est quod pœni-
tens id sciat; ita nec ex vi notitiæ confes-
sionis aliquid efficere in præjudicium pœ-
nitentis, adhuc in eo eventu, in quo ipse
nec suspicatur, nec suspicari potest de usu
scientiæ confessionis; amotio autem sub-
diti ab officio incommodum est pœnitentis,
quod proinde ex se confessionem odiosam
reddit. Per quæ satis confirmantur ea,
quæ supra a num. 38 et 39 statuimus:
eadem quippe utrobique est difficultas.

51. Oppositam vero sententiam ante de-
cretum Clementis plurimi antiquorum pro-
pugnare, quos refert Sanchez ubi supra,
et post decretum nonnulli recentiores, Re-
ginaldus lib. 3, cap. 2, num. 16, Villalo-
bos tract. 9, diff. 75, num. 1, Ledesma
cap. 22, dub. 3, Vega i part. summ. cap.
63, casu, 24, Nugnus quæst. 11, art. 1 ad 6
et alii apud Leandrum quæst. 63. Suaderi-
que potest primo: quia Prælatus per con-
fessionem subditi sibi factam non amittit
jus, quod habebat; sed ante confessionem
habebat jus eligendi, vel non eligendi,
removendi, vel non removendi subditum
ab officio ad nutum amovibili: ergo eodem
jure gaudet post confessionem, poteritque
proinde subditum ob solam scientiam sa-
cramentalem ob officio amovere. Secundo:
nam sacerdos solum cogitur ad tegendam
confessionem; amotio autem subditi ab
officio nec confessionem prodit, nec tri-
buit motivum suspicandi de crimine con-
fesso, cum supponatur officium esse amo-
bile ad arbitrium Prælati. Tertio, quoniam
si Prælatus ante subditi confessionem
illum ab officio removeret, vel illi suffra-
gium in electione denegaret, irrationa-
biliter pœnitens conquæreretur, cum inju-
ria illi non fiat: ergo, et post confes-
sionem emissam erit irrationabilis querela, et
quælibet suspicio denegationis, aut amotio-
nis ob peccatum confessum. Quarto: quia
sacerdoti non est prohibitus omnino usus
scientiæ confessionis: potest enim ea uti
ad dirigendos actus humanos, ubi potest
sine alterius nocumento, et periculo pro-

palandi peccata; unde ex auditis in confes-
sione potest fieri cautior, v.g. ad vitandum
talem cibum ne sanitati noceat, vel com-
mercium, aut familiaritatem cum tali per-
sona, a qua pœnitens damnum accepit:
sæpe enim discunt sacerdotes in confessione,
qualiter se extra gerere debeant. Ergo cum
in casu quæstionis nulla tribuatur suspicio
peccati, et alias injuria pœnitenti non fiat,
siquidem jus non habet petendi, vel con-
servandi rem gratuitam, aliundeque abla-
tione occasionis peccandi ejus bono spiri-
tuali consulatur, licitum erit prælato uti
confessionis scientia, ut subditum a minis-
terio deponat, vel ei suffragium denegat.

Respondetur nihilominus ad primum, *Solvitur.*
subditi confessionem jus pristinum prælati
non tollere; hic autem ante confessionem
jus non obtinebat amovendi subditum ab
officio ob notitiam confessionis. Potest ita-
que prælatus absolute, et ob alias causas
aliter cognitæ eam amotionem facere;
non tamen ad id moveri ex scientia pec-
cati confessi. Unde quemadmodum sacer-
dos, qui extra confessionem crimen aliquod
noverat, et postmodum in confessione
audit, jus non amittat loquendi de illo;
obligatur tamen ad non plus loquendum
quam extra confessionem scit, atque ideo
ad non manifestandam hanc aut illam
circumstantiam, quam sacramentaliter no-
vit; ita prælatus, licet absolute loquendo
jus habeat amovendi subditum a suo mi-
nisterio, id exercere non potest ob ea, quæ
sub sigillo accepit. Ad secundum dicendum
est, eam amotionem ab officio ex sola
confessionis scientia, et ubi alia causa non
adest, esse implicitam exprobrationem
peccati, practicam de eo loquutionem, et
sufficiens motivum ut de crimine suspec-
tur. Et quamvis contingere possit, ut nec
alii, nec pœnitens, ob prælati cautelam, id
intelligent, aut suspicentur; adhuc tamen
sigillum violatur: nam ad id satis est eam
actionem esse in detrimentum pœnitentis;
nec opus est, ut quis sigillum offendat
revelare confessionem, ut patet in eo, qui
de peccatis sibi confessis loquitur deinceps
cum pœnitente: huic enim nihil revelat,
cum jam sua crimina sciat; delinquit
tamen contra sigillum, quia ea loquutio
est pœnitenti ingrata. Et ratio est: quo-
niam revelatio sive directa, sive indirecta
confessionis non prohibetur quia revelatio

præcise, sed quia affert nocumentum pœnitenti, cui sacramentum faret : ergo omne id, quod ex scientia confessionis fit in incommodum, et detrimentum pœnitentis, est prohibitum sub sigillo. Cum ergo amotio subditi ab officio ex sola scientia confessionis sit illius detrimentum, nequit non esse illicita prælato, quidquid sit an subditus hic, et nunc usum scientiæ confessionis advertat, vel non. Semper enim hujusmodi actiones ex se confessionem odiosam reddunt, pœnitentesque ab usu sacramenti remouent. Per quod patet etiam ad tertium : nam licet pœnitens nullam habeat causam justæ quarelæ, dum ante confessionem ab officio gratuito depōnitur; habet tamen ubi prælatus ex confessione sibi facta ad id movetur, siquidem fidelitatem non servat in secreto sibi commisso, et illis, quæ sibi ut Deo dicta sunt, utitur ad externum forum, et ad damnum temporale pœnitenti inferendum.

Constat etiam ad quartum : fatemur quippe non omnem usum scientiæ confessionis esse illicitum ; contingere enim potest, sacerdotem ex notitia sacramentali cautiorem fieri ad exercendas plures actiones, quæ nec suspicionem de peccatis sub sigillo existentibus præbeant, nec damnum aliquod pœnitentibus afferant, quales sunt quæ in objectione recensentur, in quibus et similibus non est unde sacerdos violator sigilli censeatur. Principium enim ad id cognoscendum est, an actio, quam sacerdos ex notitia confessionis exercet, eam gravem ac difficilem paret, vel non ? Prædictæ autem actiones, quæ nec peccata produunt, nec in pœnitentium incommodum cedunt, confessionem exosam non efficiunt. Ceterum si actio talis conditionis sit, ut licet hic, et nunc vel ob cautelam sacerdotis, vel ob aliorum distractionem, aut inadvertentiam peccatum non manifestet, nihilominus est ingrata pœnitenti, illique molestiam infert, nequit non esse sigilli violativa ; et ita in præsentem contingit, ut dictum est. Nec refert, pœnitentem jus non habere ad conservationem officii gratuiti, aut ad nutum amovibilis : inde enim ad summum sequitur eam amotionem non esse proprie injuriam pœnitentis, prout injuria importat actionem contra justitiam, aut lædentem jus alterius ; non tamen quod non sit injuria

prout hæc significat damnum, aut incommodum, quod re ipsa obveniat pœnitenti ex privatione ministerii, aut non electione ad officium ; hoc autem sufficit ut confessio fiat odiosa, et pœnitentes motivum accipiant ad eam non accedendi, ne ob criminum manifestationem incommodum reportent. Præterquam quod injuria non irrogatur subdito ex negatione rei debitæ, sed ex modo denegandi rem indebitam : est enim sacerdos infidelis circa secretum sub arctissimo sigillo sibi commissum, et eam notitiam in detrimentum pœnitentis convertit, eum privando temporalibus commodis. Quod autem ea amotione ab officio ejus bono spirituali consulatur, quatenus occasio peccandi aufertur, nihil similiter refert : etenim qui denegat Eucharistiam in publico peccatori occulto cognito ut tali in confessione, illius bono spirituali consulit, cum illum a sacrilegio committendo removeat ; et nihilominus ea denegatio est illicita, quia est in denigrationem honoris, aut in jacturam temporalis boni pœnitentis. Sufficit itaque ministeria censerī bona temporalia subditi, ut ab illis ob solam confessionis notitiam amoveri nequeant sine violatione sigilli.

52. Urgentius autem nobis objicere possent adversarii ^{Obiect. D. T.} auctoritatem D. Thomæ loco cit. ex quodlib. 5, art. 13, in corp. ubi inquit : « Dicendum, quod id, quod per confessionem auditur, nullo modo est manifestandum nec verbo, nec signo, nec nutu, nec etiam aliquid est faciendum, unde in suspicionem peccati aliquis possit devenire. Si ergo amotio subditi ab administratione posset inducere ad manifestandum peccatum in confessione auditum, vel ad aliquam probabilem suspicionem habendam de ipso, nullo modo prælatus deberet subditum ab administratione remove ; puta, si in aliquo monasterio esset consuetum quod Priores non amoverentur de suis Prioratibus nisi propter culpam ; manifestaretur peccatum confitentis per remotionem ab administratione. Unde si Abbas hoc faceret, graviter peccaret tanquam confessionem revelans. Posset tamen eum secreto charitative admonere, ut cum instantia peteret cessionem, si hoc videret salutem ejus expedire. Si vero per amotionem ab administratione peccatum nullatenus manifestaretur

« manifestaretur, puta si in aliquo monasterio esset consuetum quod Abbas pro suo libito de facili aliquos ab administratione removeret, tunc alia occasione accepta posset subditum sibi confessum ab administratione remove, et deberet hoc facere, cum debita tamen cautela, si talis administratio esset subdito periculosa in posterum; quamvis etiam, et in hoc casu melius esset quod eum induceret ad cessionem petendam. » In quibus manifeste sermonem facit de officiis ad nutum, et de facili amobilibus: et distinguens inter depositionem subditi a ministerio inducentem suspicionem peccati, et inter non inducentem, asserit de prima illicitam esse; de secunda autem non solum docet posse fieri, sed vel prælatus teneri alia occasione accepta, aut prætextu quæsito ad ita faciendum, cum debita tamen cautela. Similia habet in 4, dist. 21, quæst. 3, art. 1, quæstiunc. 1, ad 3, et urgentiora ad 4, ubi ait: « Dicendum, quod ex multis aliis causis aliquis redditur indignus ad Prælationis officium quam ex peccato, sicut ex defectu scientiæ, vel ætatis, vel alicujus hujusmodi; et ideo qui contradicit » (in electione intellige) « nec suspicionem de crimine facit, nec confessionem revelat. » Ex quibus locis deprompta sunt a discipulis ea, quæ habentur in supplem. quæst. 11, art. 1, quæque idem continent.

53. Verum ut clarius patefiat quid D. Thomas in objecta auctoritate sentiat, prius decidendum est quid debeat facere prælatus ubi ultra notitiam peccati, quam habet in confessione, adsunt aliæ causæ ad deponendum subditum a suo ministerio? Ad quod consequenter ad ea, quæ hactenus statuimus, cum distinctione respondendum est, et respondere tenentur omnes, qui in casu præcedenti nobiscum sentiunt. Etenim vel hujusmodi causæ aderant ante confessionem subditi factam prælato, vel post confessionem oblatæ sunt? Si ante confessionem aderant, easque prælatus percipuerat, et nihilominus subditum in officio conservabat, nequit post confessionem eum a ministerio remove absque sigilli violatione: quia si illæ causæ prius ut sufficientes cognitæ prælato ad eam actionem non excitabant, et post peccati confessi notitiam ad id movetur, signum

est scientiam confessionis influere efficaciter in eam subditi depositionem: quod ex se reddit confessionem odiosam, et suspicionem de crimine facit. Si vero ante confessionem prælatus jam ex illis causis motus erat, differebat tamen, quia opportunum tempus expectabat, potest eo accedente eam amotionem executioni mandare. Idemque dicendum est ubi causæ post confessionem accedunt, et ex illis, et non ex notitia confessionis movetur prælatus ad ita procedendum, ut recte docet Henriquez^{Henrif.} quodlib. 8, quæst. 16. Quæ omnia convincunt motiva, quæ supra expendimus, et præsertim ratio D. Thomæ num. 50 ex-^{D. Tho.}plicata: nam illa verba: « Nihil est faciendum in præjudicium confessionis; » esset autem in præjudicium confessionis « si subditus ab administratione removeretur propter crimen, quod suo prælato confessus est, quia per hoc alii retraherentur a confessione: » generaliter suadent non solum esse illicitam amotionem subditi a suo ministerio ex sola confessionis scientia, sed etiam ubi aliæ causæ existunt, et ab illis prælatus non movetur; siquidem tunc re ipsa verificatur quod subditus deponitur a ministerio propter peccatum, quod suo prælato confessus est, et non ob alias causas, quæ efficaciter moveant. Amotio autem ab officio propter peccatum confessum est in præjudicium confessionis, inquit D. Thomas, et illam facit odiosam, quia « per hoc alii retraherentur a confessione: » ansam enim pœnitentibus tribueret ne ob timorem amittendi officia, aut alia bona, peccata sacerdoti manifestarent. Ergo etiam illicitum est prælato amovere subditum ab officio, ubi aliis causis existentibus ab illis non movetur, sed a confessionis scientia.

54. Unde satis constat ad objectionem<sup>Objectioni
satisfit.</sup> ex locis D. Thomæ efformatam. Nec enim censendum est Sanctum Doctorem sibi contrarium stetisse, quum in testimonio proxime expenso perspicue nostram sententiam doceat, et efficaci ratione evincat. Itaque sensus D. Thomæ in priori auctoritate non est quod ubi prælatus suspicionem de crimine non facit, potest, et debet moveri ex notitia confessionis ad deponendum subditum a suo ministerio, alio colore aut prætextu utens: hoc quippe cum re ipsa sit amovere subditum propter

peccatum confessum, esset in præjudicium confessionis, et fideles ab usu sacramenti arceret, ut ex se liquet. Alias si in eo sensu sequeretur, doctrinam, quam in argumento *sed contra* statuerat, in corpore ejusdem articuli desereret. Intendit igitur posse, et debere prælatum, cui subditus confessus est, illum ab officio amovere ubi alia causa occurrit, quæ efficaciter moveat. Hanc autem esse mentem legitimam D. Thomæ constat tum ex proxime dictis, tum ex verbis quibus utitur; inquit enim: « Tunc alia occasione accepta, posset, etc. » ubi *ly accepta* notanter appositum est ad significandum prælatum passive se habentem ad recipiendam aliam causam deponendi subditum; non vero active quærentem occasionem: quia *ly accepta* non valet idem ac ex vi notitiæ confessionis active quæsita, sed ab extrinseco oblata, et ultro accedente, quæ si sufficiens sit, et efficaciter influat, poterit prælatus eam depositionem exercere, « cum debita tamen cautela » subdidit Ang. Doctor: quod non ideo dixit, ut prælatus solum vitet suspicionem prudentialem: hæc enim sufficienter præcavetur, si subditus deponitur ex alia causa, aut occasione, quæ ultro se se offert; sed etiam quamlibet aliam adhuc minus rationabilem, quam pœnitens circa peccatum confessum concipere posset.

Per quod etiam patet ad ea, quæ habet in 4, dist. 21, quæst. 3, art. 1, quæstiunc. 1, in solutione ad 3. Eundem enim sensum continent, ut colligitur ex illis, quæ ibidem præmittit: « Similiter autem absque læsione conscientia potest prælatus im-
« punitum dimittere peccatum, quod scit
« ut Deus, vel sine aliquo remedio: quia
« non tenetur adhibere remedium nisi eo
« modo quoad ipsum defertur. Unde in
« his, quæ deferuntur in foro pœnitentiæ,
« in eodem foro debet quantum potest ad-
« hibere remedium, ut Abbas in casu
« prædicto admoneat eum ut Prioratum
« resignet. » Et ex illis, quæ in solutione ad 1 præmiserat: « Illud autem, quod in
« confessione scitur, est quasi nescitum,
« cum nesciat ut homo, sed ut Deus. » Cum ergo id, quod est nescitum, nullo modo influat in actionem, consequens est D. Thomam non sentire posse prælatum removere subditum ab officio propter peccatum confessum, alio prætextu quæsito:

tunc enim jam peccatum nescitum influeret in subditi desitionem. Nec plus urgent, quæ recensentur in ultimo testimonio ex solut. ad 4, quippe ibi loquitur D. Thomas de prælato non solum cognoscente peccatum, aut indignitatem subditi in confessione, sed etiam habente alias causas exteriores, uti sunt defectus scientiæ, ætatis, vel alterius hujusmodi, a quibus moveatur ad contradicendum in publica subditi electione. Si enim prælatus contradicit has causas objiciendo, necesse est D. Thomam supponere eas existere, alias prælatus illas objicere non posset.

55. Ex quibus omnibus colliges, Prælatum, Magistrum novitiorum, aut quemlibet alium sacerdotem non posse denegare suffragium ad officium, beneficium, præbendam, aut professionem illi, quem solum intra confessionem cognovit indignum, sive alias electio sit publica, sive secreta. Similiter nec posse prælatum ex vi peccati in confessione sibi noti subditum extra sacramentum mortificare, nec causas consulto quærere mortificandi, denegandi suffragium in electione, aut deponendi ab officio: hæc enim, et similia, cum damnum pœnitentibus afferant, si licerent, confessionem perdifficilem redderent, nec pœnitentes conscientia sinus aperirent. Concedunt tamen Doctores non esse contra sigillum uti confessionis scientia, ubi nec suspicio de peccato tribuitur, nec aliquid fit ingratum, et incommodum pœnitenti. Unde poterit sacerdos cautior fieri ad custodiendas res suas, et prælatus vigilantior super gregem mediis his quibus alii utuntur: quemadmodum potest etiam preces coram Deo fundere pro pœnitentis salute, libros pro illius instructione evolvere, et alia hujusmodi facere, quæ sacramenti usui, ac pœnitentibus favent. Quæ etiam ratione contra sigillum non est, prælatum, aut quemlibet alium sacerdotem uti confessionis notitia ad peculiaris benevolentia signa subdito aut pœnitenti ostendenda, ubi per confessionem comperiunt, pœnitentem, vel magna fidelitate conscientia latebras aperire, cunctaque crimina etiam occultissima detegere, vel diu sine gravi crimine vixisse. Tunc enim ea benevolentia signa, et in pœnitentium favorem cedunt, et ortum non ducunt ex notitia peccati confessi, sed potius ex in-
genti

genti puritate, aut humilitate, quæ obiter in confessione innotescunt.

DUBIUM IV.

Utrum sacerdos possit prodere peccatum sibi confessum de licentia pœnitentis?

56. Quamvis ex hactenus dictis, præsertim a num. 36, satis constet non licere sacerdoti loqui de auditis in confessione sine pœnitentis licentia, compertum non est an ea concessa possit: quippe nonnulli autumant crimina sub sigillo existentia esse omnino extra pœnitentis jurisdictionem. nec ab ejus arbitrio pendere, subindeque nec licentiare posse sacerdotem ut si confessionem revelet. Pro cujus resolutione supponendum est, sacerdotem habentem notitiam extra sacramentalem eorum, quæ audit in confessione, posse de illis loqui; ita tamen ut non plus dicat quam extra sacramentum scivit. Quæ est doctrina communis Doctorum contra nonnullos antiquos, quos suppresso nomine refert, et rejicit D. Thomas in 4, dist. 21, quæst. 3, art. 3 in corpor. ubi ait: « Quidam enim dicunt quod illud, quod aliquis audit in confessione, non potest aliquomodo dicere, si scit alias sive ante, sive post. Quidam vero dicunt, quod per confessionem præcluditur sibi via ne possit aliquid dicere, quod prius scivit, non autem quin possit dicere, si postea alio modo sciat. Utraque opinio, dum nimum sigillo confessionis attribuit, præjudicium veritati, et justitiæ servandæ facit... Et ideo alia opinio est, et verior, quia illud, quod homo alias scit sive ante confessionem, sive post, non tenetur celare quantum ad id, quod scit ut homo. Potest enim dicere, scio illud quia vidi; tenetur tamen celare illud in quantum scit ut Deus: non potest enim dicere, ego audiui hoc in confessione. »

io Suaderique potest præmissa suppositio; tum quia pœnitentis confessio non removet a sacerdote jus, quod extra confessionem habebat; sed ex vi notitiæ extrasacramentalis habebat jus ad loquendum de peccato sine violatione sigilli (quidquid sit de alia charitatis, aut justitiæ obligatione, a quibus supersedemus): ergo prodere potest peccatum, quod scit intra, et extra confes-

sionem. Tum etiam, et est ratio D. Thomæ ^{D. Tho.} in 1 argum. *Sed contra* cit. art. art. quia « nullus potest alium obligare ad quod non erat obligatus, nisi sit suus prælatus, qui obliget eum præcepto; sed ille, qui sciebat alicujus peccatum per visum, non erat obligatus ad celandum: ergo ille, qui ei confitetur, cum non sit prælatus suus, non potest eum obligare ad celandum hoc, quod sibi confitetur. » Tum denique: nam ex opposito lata fraudibus panderetur via: posset enim qui furtum coram sacerdote commisit, statim ei confiteri, ne de crimine accusaretur. Fieret, item sacerdotem, qui intra, et extra confessionem novit hæresim in Ecclesiam inserere, Regni prodicionem, aut simile aliud crimen tendens in damnum publicum, his damnis occurrere non posse, nec teneri rem palam facere ubi in testem adducitur. Similiter, excommunicari non posset ab Episcopo ille, qui convictus de crimine in foro externo, ei peccatum in confessione manifestat. Hæc autem satis absurda sunt, et justitiæ legibus adversa: ergo sentiendum est, posse sacerdotem peccatum prodere, ubi illius scientiam extrasacramentalem habet.

57. Nec refert si cum Altisiodorensi, cui ^{Objectio. Altisiod.} opposita sententia tribuitur, obicias, sacerdotem, dum confessionem audit, virtualiter promittere crimina sub secreto celare; sed qui promittit rem habere sub secreto, tenetur tacere, quantumcumque id aliis viis sciat: ergo. Tum etiam: nam confessionis sigillum institutum est ob scandalum vitandum, et ne fideles arceantur a confessione; sed qui dicit quæ in confessione audit, etiamsi aliunde sciat, scandalum parat, ansamque recedendi a confessione offert: ergo illicitum est loqui de auditis in confessione, etiamsi eorum alia notitia extrasacramentalis habeatur. Non, inquam, refert: etenim sacerdos ^{Dispellitur.} confessionem audiens non promittit retinere peccata simpliciter, et omnibus modis, sed solum ea non revelare prout confessa. Ex quo fit, non posse dicere, audiui hoc crimen in confessione, nec eas circumstantias, quarum notitiam intra sacramentum dumtaxat acquisivit; potest tamen, quod aliunde novit, prodere. Præterquam quod ex ea virtuali sacerdotis promissione ad summum sequitur, sacerdotem delinquere

contra fidelitatem, non vero sigillum violare : quippe quod non ex fidelitate, sed ex religione urget. Ad secundam probationem respondet D. Thomas ubi supra : « Dicendum, quod non debet ita vitari peccatum ex una parte, quod ex alia iustitia relinquitur. Veritas enim non est propter scandalum dimittenda ; et ideo quando imminet periculum iustitiæ, et veritas, non debet dimitti revelatio ejus, quod quis in confessione audivit, si alias scit. » Nec est unde fideles a confessione arceantur, si sacerdos confessionem non revelat, sed quod alias ut homo extra sacramentum vidit, vel audivit, profert.

Suppositio 2.

Uterius supponendum est, posse pœnitentem facultatem concedere sacerdoti, ut peccatum revelet, si illud iterum extra confessionem quasi historice referat : hoc enim pacto, ut adversarii fatentur, cum jam sacerdos notitiam extrasacramentalem habeat, et crimen sit sub naturali secreto, potest pœnitens cedere juri suo. Unde quemadmodum valet per se ipsum peccatum alteri manifestare, ita, et facultatem concedere sacerdoti ut manifestet. Difficultas igitur est, an ea quasi historica narratione extrasacramentali non facta, sed sola licentia intra vel extra confessionem concessa, possit sacerdos peccatum detegere juxta licentiæ universalitatem, vel restrictionem ; ita ut si fuerit ampla, possit cui necessarium fuerit revelare ; si limitata pro aliqua persona, illi, et non alteri, prodere ? Et similiter, ita ut pœnitens per sacerdotem internuncium transmittat sigilli vinculum ad illum tertium, cui revelatur confessio, vel non transmittat, sed illum relinquat sine obligatione sigilli juxta pœnitentis arbitrium ?

§ 1.

Dubii resolutio.

58. Dicendum est, posse sacerdotem peccatum sibi confessum alteri revelare de pœnitentis licentia, et juxta qualitatem licentiæ. Ita D. Thomas in 4, dist. 21, qu. 3, art. 2, D. Bonaventura 2 part. dist. art. 2, quæst. 2, D. Antoninus 3 part. tit. 22, § 1, Sotus in 4, dist. 18, quæst. 4, art. 6, Paludanus ibidem dist. 21, quæst. 3, art. 3, num. 24, Petrus Soto lect. 11, de confess.

Assertio.

D. Tho.
D. Bon.
D.
Anton.
Uterque
Sotus.
Paludan.

Medina, Cod. de confes. quæst. de licentia pœnitentis ad revel. confess. Navarrus in cap. Sacerdos, num. 127, Sylvester verbo Confessor 3, quæst. 3 et 5, Henriquez quodlibet. 7, quæst. 26, Covarruvias in 4 Decretal. part. 2. cas. 8 et 12, Adrianus qu. ultim. de confess. in 4, § *Sed probabilior*, Suarez disp. 33, sect. 5, num. 6, Vasquez quæst. 93, art. 3, dub. 5, Lugo disp. 23, sect. 5, § 4, num. 133, Dicastillo disp. 12, dub. 5, 73, Leander q. 17, plures referens, estque communis Neothericorum consensus. Et satis colligitur ex capit. Officii de Pœnit. et remiss. ubi refertur quemdam sacerdotem consuluisse Pontificem circa peccatum sibi a muliere confessum, præstita prius licentia ad consilium expostulandum.

Suadetur igitur prior assertionis pars ratione D. Thomæ in corp. cit. art. Nam ideo sacerdos de licentia pœnitentis non posset peccatum alteri revelare, quia nescit tale peccatum ut homo, quo pacto extra sacramentum loquitur, et quia alias sequeretur scandalum ex hujusmodi revelatione ; sed concessa pœnitentis licentia, etiamsi ea quasi historica peccati narratio extrasacramentum non fiat, utrumque illud principium cessat : ergo de licentia pœnitentis valet sacerdos peccatum alteri revelare. Minor, quæ difficultatem præsefert, ostenditur quoad utramque partem ; quoad primam quidem : etenim si pœnitens referat historice peccatum extra sacramentum, facit, ut adversarii fatentur, quod sacerdos illud sciat ut homo ; sed in prudentum judicio licentia præstita a pœnitente æquivallet illi historicæ narrationi : ergo sacerdos ex vi licentiæ pœnitentis scit peccatum ut homo, proindeque primum principium cessat. Tum etiam : nam pœnitens potest sine ea narratione transferre notitiam extrasacramentalem in sacramentalem, et facere sacerdotem scire ut Dei ministrum id, quod alias sciebat ut homo, ut si contingat pœnitentem crimen committere coram sacerdote, et postea dum ei confitetur dicat, de his, quæ vidisti, me accuso : ergo e converso potest prædicta historica narratione non facta, sed sola licentia concessa, facere sacerdotem scire ut hominem, quod alias scit ut Dei minister, et unico verbo dicere, de his, quæ in confessione audivisti, extra sacramentum loquaris. Nec enim plus continet

Med.
Nava.
Sylvi.
Henr.
Cova.
Andr.
Suar.
Vasq.
Lugo.
Dica.
Lean.

Ratio.
D. T.

finet ea extrasacramentalis relatio, quam hæc loquutio, estque proinde quædam cæremonia metaphysica ad rem moralem nihil conferens. Tam denique: quia in omnium sententia potest sacerdos loqui in communi de auditis in confessione non revelando personam: inquiramus ergo ab adversariis, an dum ita loquitur extra sacramentum, loquitur ut homo, et sciat ut homo quod dicit? An vero id sciat ut Dei minister, et loquatur ut talis? Si primum: ergo, ut sacerdos loquatur ut homo, et sciat ut homo quod extra sacramentum loquitur, necessarium non est quod sibi fiat a pœnitente illa historica, et extrasacramentalis relatio peccatorum, siquidem hæc in casu posito non adest. Si secundum: ergo ut sacerdos possit dicere quæ audit in confessionem, non indiget ea scire ut homo, sed satis est ea scire ut Dei minister, atque ideo ex quo nesciat peccata ut homo, dum sibi extrasacramentaliter historice non referuntur, inepte probatur quod nequeat loqui de auditis in confessione cum licentia pœnitentis: poterit quippe hujusmodi licentia deservire ut loquatur tanquam Dei minister. Quoad secundam vero suadet eadem minor: nam eo ipso quod fideles sciant confessionem revelari non posse nisi de eorum expressa licentia, et juxta taxationem ad eorum arbitrium factam, satis obviatur scandalo, ut ex se liquet. Præsertim, quia ubi sacerdos cum pœnitentis licentia alteri peccatum revelat, potest et debet dicere, mihi concessa est facultas, ut tibi dicam; quo posito nullum motivum scandali apparet.

Confirmatur, et urgetur: quoniam sigilli vinculum institutum est a Christo Domino in favorem pœnitentis, ne ex confessione incommodum reportet, et sacramentum odiosum fiat; sed posse sacerdotem revelare peccatum de licentia pœnitentis, cedit in hujus favorem, sacramentumque amabilius reddit: ergo de pœnitentis facultate licitum est crimen alteri revelare. Suadet minor: nam sæpe necessarium est sacerdoti, ut recte circa ea, quæ in confessione occurrunt, procedat, aliquid extra sacramentum dicere, virum prudentem, et eruditum consulere, vel facultatem absolvendi a tali crimine exposcere; sed pœnitentem non posse facultatem concedere ad hujusmodi, quin

peccata extra sacramentum historice referat, est grave onus illius; siquidem cogere-
tur ut cum rubore proprii peccati consilium vel facultatem absolvendi per se ipsum, et non per internuncium, quæreret, vel ut crimen extra confessionem manifestaret cum periculo ut jam facilius posset revelari ab aliis sine violatione sigilli: ergo quod sacerdos loqui valeat de auditis in confessione cum licentia pœnitentis cedit in hujus favorem, et consequenter sacramenti, quippe quod eo redditur amabilius, quo plus pœnitenti consulitur. Adde primo D. Thomam dicentem in primo argum. ^{D. Tho.} *Sed contra* citati art. « Superior potest « remittere peccatorem cum litteris ad in- « feriores sacerdotem de voluntate ipsius: « ergo de voluntate pœnitentis potest alteri « peccatum revelare. » Adde secundo, sigillum sacramentale sequi naturam, et conditionem secreti naturalis; hoc autem non exposcit ut semper irrevocabiliter retineatur, sed dumtaxat juxta voluntatem committentis, qui pro suo libito vel omnino, vel ex parte vinculum tollit. Adde tertio, quod licet juramentum promissioni adjunctum obliget ex jure divino, nihilominus ubi ille, in cujus favorem fit promissio, cedit promissioni, juramentum vim obligandi amittit. Ergo similiter, esto sigillum ex divino jure urgeat, non plus urget quam juxta arbitrium pœnitentis, in cujus favorem est institutum.

59. Posterior assertionis pars, nempe, sacerdotem posse peccatum revelare juxta licentiæ qualitatem, satis constat ex dictis: si enim absque pœnitentis licentia crimen revelari non potest, et ea concessa potest, consequens est tum quod si pœnitens eam potest concedere pro uno, possit etiam pro multis; tum quod si pro uno dumtaxat conceditur, illi, et non alteri, crimen detegendum sit: id quippe non ex sacerdotis, sed ex pœnitentis arbitrio pendet. Et similiter quod ille tertius, cui revelatur confessio, maneat etiam sigillo obstrictus, si sub ea limitatione licentia concedatur; vel obligationem sigilli non contrahat, si id pœnitens non intendat. Quæ omnia suadentur ulterius ratione D. Thomæ in 2 argum. *sed contra* cit. art. Nam quod pœnitens potest facere per se ipsum, potest etiam per alterum facere in præsentia materia; atqui pœnitens per se ipsum po-

test sua crimina alteri revelare, obligationem ad sigillum non inducendo, vel eam inducendo uti contingit dum prælato superiori crimen reservatum prodit ut facultatem absolvendi concedat : hæc enim manifestatio, cum sit in ordine ad confessionem, obligationem sigilli infert, ut communiter censent Authores : ergo etiam per sacerdotem tanquam per internuncium poterit crimen alteri revelare, vel obligationem ad sigillum non transmittendo, vel transmittendo si opus fuerit, et relevatio in ordine ad confessionem fiat. Et quidem si ubi sacerdos sine pœnitentis licentia ejus peccatum detegit, qui audit sigillo obstringitur ; non apparet cur etiam non obstringatur ille, cui ob urgentem necessitatem revelatur confessio de licentia pœnitentis cum ea limitatione. Sed de his infra dub. 5 ex professo sermo rebit.

Observatio.

Observandum autem est, hujusmodi pœnitentis licentiam debere esse expressam, nec in re tanti momenti sufficere tacitam, aut præsumptam. Ita communiter Doctores, quos refert, et sequitur Palaus disp. unic. punct. 19, § 4, num. 7, Dicastillo disp. 12, dub. 5, num. 70, Lugo disp. 23, sect. 5, § 4, num. 13, N. Franciscus cap. 14, punct. 1, num. 6, Suarez disp. 33, sect. 5, num. 14, Navarrus in cap. *Sacerdos*, num. 151, Coninchus disp. 9, dub. 1, num. 28, Reginaldus lib. 13, num. 59, Nugnus, Fagundez, Layman, Covarruvias, Diana plures adducens tract. 11, resolut. 10. Et ratio est perspicua : si enim præsumpta sufficeret, sæpe contingere posset, quod sacerdos cam præsumeret, aut concessam crederet, et quod pœnitens nec concederet, nec deberet. Ne ergo contingat quod confessio contra pœnitentis arbitrium reveletur, locus præsumptioni relinquendus non est. Similiter debet esse omnino libera, nec per vim, metum, aut deceptionem extorta, nec importunis precibus obtenta : alioqui invalida censebitur. Ita etiam Diana, et Suarez ibidem, N. Franciscus num. 7, Palaus num. 8, Navarrus, Fagundez, et alii.

Quæstio.

60. Inquires autem, an possit sacerdos cum licentia pœnitentis revelare peccatum complicitis sine complicitis licentia ? Hæc difficultas supponit peccatum complicitis cadere etiam sub sigillo, id quod est sententia communis, cujus Patronos refert, et

sequitur Suarez disp. 34, sect. 3, num. 2, et satis constat ex eo generali principio, quod ea omnia cadunt sub sigillo, quæ deteguntur a pœnitente in ordine ad integram confessionem faciendam ; peccatum autem complicitis manifestatur a pœnitente ut integre suam conscientiam prodant, ut supponimus : ergo sub sigillo celari debet. Quo supposito, locum habet proposita difficultas. Cui respondet negative Vasquez quæst. 93, art. 4, dub. 5, num. 5, Kelison tom. 2, in 3 part. quæst. 11, art. 1, dub. 2, Tamburinus in meth. confes. lib. 5, cap. 3, num. 7, et alii asserentes necessarium esse pœnitentem extra confessionem referre historiam peccati, et personam complicitis nominare, ut sacerdos ea notitia uti possit ; nec satis esse si licentiam intra confessionem concedat. Quorum fundamentum est, sigillum obligare non solum in favorem pœnitentis, sed etiam in utilitatem complicitis ; sed quia obligat in favorem pœnitentis, nequit sine hujus licentia peccatum alteri revelari : ergo nec sine licentia complicitis. Majorem probat Vasquez, quia Deus voluit iudicium sacramentale omnino secretum, ne inde alicui incommodum sequeretur, aut sequi posset : ergo censendum est eo secreto voluisse consulere non solum pœnitenti, sed, et omnibus, qui quomodolibet implicantur in peccato pœnitentis.

Sentientium tamen est, posse sacerdotem sine violatione sigilli revelare peccatum complicitis cum sola pœnitentis licentia, sive ea revelatio fiat ad bonum pœnitentis, sive ad correctionem complicitis. Ita Capreolus in 4, dist. 21, q. 2, art. 3 ad 8, D. Antoninus 3 part. tit. 14, cap. 19, § 11, Soncinas in summ. Capreoli dist. 21, q. 2, conclus. 2 ad 3, Lugo disp. 23, sect. 5, num. 138, Dicastillo disp. 12, dub. 5, num. 80, Hurtado disp. 12, diffic. 6, Diana 5 part. tract. 11, resol. 24, Corduba lib. de detract. famæ, memb. 2, q. 4, concl. 3, Suarez disp. 34, sect. 3, num. 7 et sect. 4, num. 5, referens plures, asserensque esse communem Theologorum sententiam quam utrobique multis probat. Ex dictis vero breviter suadetur : nam motivum, cur sigillum sacramentale obligat, est ne confessio reddatur odiosa, ac difficilis ejus usus ; sed ex quo sacerdos possit cum sola pœnitentis licentia peccatum complicitis revelare, confessio

1
Sententia.
Vasquez.
Kelison
Tambur

2
Sententia.
Capreolus.
D.
Anton.
Soncin.
Lugo.
Dicast.
Hurtado.
Diana.
Corduba.
Suarez.
et alii.

confessio non redditur odiosa, et difficilis : ergo contra sigillum non est revelare peccatum complicitis cum sola pœnitentis licentia. Minor ostenditur : quia ea solum reddunt confessionem difficilem, quæ detinent pœnitentes ne ad confessionem accedant ; sed ex revelatione peccati complicitis cum sola pœnitentis licentia nemo rationabiliter a confessione detinetur, nec detineri potest, non quidem pœnitens, qui videt sigilli clavem ex ejus voluntate pendere, et peccata absque suo arbitrio nunquam revelari posse ; non item complex ; quamvis enim ejus peccatum prodatur, non tamen prout ab ipso confessum, sed prout ab alio, qui sponte ad id licentiam concedit, quique extra confessionem id ipsum facere poterat. Ergo ex hujusmodi revelatione confessionis usus nemini difficilis efficitur. Tum etiam : quoniam licentia complicitis non est unde requiratur : ipse enim secretum non commisit, sed solus pœnitens : ergo ab isto solo pendet licentia ad illius peccati revelationem. Patet consequentia : nam jus sigilli, et cujuslibet alterius secreti soli illi acquiritur, qui secretum committit, quo cedente juri suo obligatio secreti perit, quidquid sit de alia obligatione ex charitate, aut justitia, quæ relinquatur in sacerdote ad non infamandum proximum.

Unde constat ad motivum adversæ opinionis : quippe sigillum sacramentale per se solum obligat in favorem pœnitentis, et ratione illius, non vero in favorem complicitis nisi per accidens, et per quandam attentionem reflexam ad pœnitentem : si enim peccatum complicitis cadit sub sigillo, non ideo est quia ejus revelatio cedit in detrimentum complicitis, aut in ejus famæ denigrationem, sed quia tale peccatum est quid spectans ad confessionem pœnitentis, qui aliter propriam conscientiam detegere, et confessionem materialiter integram facere non poterat, quam explicando complicem : atque ideo quia illius peccati revelatio esset in detrimentum pœnitentis, cujus confessio manifestaretur, et cui proinde fieret difficilis. De damno autem, quod inde complici obveniret, sigilli vinculum non curat per se, et formaliter, sed ad aliam spectat virtutem. Itaque concessa pœnitentis licentia, revelatio illius peccati non erit violatio sigilli, aut peccatum contra religionem ; poterit tamen esse contra

justitiam, si indebite fiat, et complicitis honorem lædat. Quocirca, ut recte vidit Suarez ubi supra, hujusmodi licentia raro a pœnitente concedenda est, et non nisi sub circumstantiis secundum prudentiam requisitis, et sub urgentibus motivis vel proprii boni ipsius pœnitentis, vel complicitis, vel ad præcidendum aliquod grave damnum. Consulatur citatus Author, qui rem satis explicat, et appositis exemplis illustrat sect. 4, per totam.

§ II.

Oppositæ sententiæ fundamenta convelluntur.

61. Pro sententia assertioni adversa decertant Scotus in 4, dist. 21, q. 2, Major^{Sotus.} q. 3, Gabriel art. 3, dub. 4, Durandus q. 3, Gabriel. 4, Alensis 4 part. quæst. 19, Angelus ver. Alensis. bo *Confessio* 8, num. 5, Villalobos 1 part. Villalob. tract. 9, diffic. 74, Delgadillo cap. 19, dub. Delgad. 68, num. 14. Quorum placitum suadetur Argum. primo : nam si liceret sacerdoti ex sola pœnitentis licentia intra confessionem præstita, et alia peccatorum narratione quasi historica extra confessionem non facta, peccata sibi confessa alteri revelare, etiam id ipsum facere posset de licentia legitimi superioris ipsius pœnitentis ; sed hoc non licet etiam de licentia Summi Pontificis supremi omnium Prælati : ergo nec de licentia pœnitentis. Sequela constat, quia licentia, quam præstat inferior, potiori jure a superiori concedi potest. Imo ex eodem principio urgetur : etenim si pœnitens posset eam facultatem concedere, posset illius superior præcipere ut eam concederet, et ad concessionem cogere ; sed absurdum est asserere Summum Pontificem posse præcipere, et cogere pœnitentem ad concessionem licentiæ : ergo. Major ostenditur : quippe subditus in omnibus, quæ licita sunt, tenetur superiori obedire, ad idque urgeri potest : atqui si doctrina tradita vera est, sæpe erit licitum, imo, et necessarium, pœnitentem concedere hujusmodi facultatem : ergo.

Respondetur ad argumentum negando^{Diluitur.} sequelam, vel suppositum illius : licet enim pœnitens quoad alia plures gradatim superiores habeat ; quoad ea tamen, quæ ad sacramentale sigillum spectant, nemini

nisi Christo Domino subicitur, qui ita potuit, et voluit rem disponere, ut sacramentalis secreti clavem in solius pœnitentis manus tradiderit, ut pro libito, et sine dependentia ab alio clauderet, vel aperiret. Quod inde colligitur, quia in impositione præcepti sigilli unice attendit ad suavem, facilemque sacramenti usum; hic autem omnino, vel magna ex parte corrueret, si superior ad confessionem revelandam facultatem concedere posset, vel pœnitens quoad hæc alteri quam Christo subiceretur. Unde quemadmodum sacerdotes superiorem non habet, cui obedire teneatur, in ordine ad confessionis revelationem; ita nec pœnitens, qui quoad id ab omni subiectione est extractus, ut facilius, et securius posset cuncta scelera prodere, et conscientia recessus sacerdoti detegere.

D. Tho.² Quibus addenda est responsio D. Thomæ in 4, dist. 21, q. 3, art. 2: « Ad primum « ergo dicendum, quod Papa non potest « licentiarum eum ut dicat, quia non potest « facere ut sciat ut homo, quod potest qui « confitetur. » Itaque pœnitentis licentia non est proprie licentia, aut actus jurisdictionis, seu dispensatio juris divini; nec enim tam consistit in re, quam in modo dandi notitiam extrasacramentalem, quam superior præstare nequit; hæc autem notitia est quasi quædam conditio, qua posita obligatio sigilli deficit. Ex quo etiam liquet ad difficultatis augmentum, quæ in adversarios retorquenda est: quippe facilius poterit superior præcipere pœnitenti, ut peccatum sibi vel sacerdoti extra confessionem revelet.

Argum.² 62. Secundo arguitur: quoniam id, quod institutum est ob bonum commune, nequit ex arbitrio unius irritari; sed occultatio peccatorum, quæ confessioni subiiciuntur, instituta est in commune bonum fidelium, ut confidentius ad sacramentum accedant: ergo nequit pœnitens pro suo nutu sacerdoti facultatem concedere, ut peccata clavibus subjecta revelet.

Confirmatur: nam clericus nequit cedere privilegio fori, aut canonis, ut iudicetur a laico in foro externo: ergo nec pœnitens juri sacramenti, ut ejus peccata revelentur. Antecedens constat ex cap. *Contingit de sentent. excommun.* et ex cap. *Diligenti de foro competenti.* Consequentia vere probatur: nam ideo clericus illi legi

immunitatis, et exemptionis cedere non potest, quia esto consulat honori cuiuslibet clerici in particulari, tamen instituta est in favorem ac decus totius Ecclesiastici status, cui injuria fieret si quis clericorum illi privilegio cederet; atqui jus sigilli non solum attendit ad bonum pœnitentis, sed per se primo institutum est in favorem omnium fidelium, et totius Ecclesiæ in communi: ergo nec pœnitens huic juri cedere potest concedendo licentiam ad revelationem peccati.

Ad argumentum respondetur omissis præmissis negando consequentiam: etenim præceptum sigilli impositum a Christo Domino in bonum commune totius Ecclesiæ non est ad reticenda absolute omnia peccata quomodocumque sacerdoti nota sive per scientiam sacramentalem, sive extrasacramentalem; sed solum ad reticenda peccata confessa, quæ nullo alio modo nisi per confessionem innotescunt: hæc enim dumtaxat premuntur sigillo in bonum Ecclesiæ instituto. Unde si sacerdos eademmet peccata, quæ sibi in sacramento, et tanquam Dei Ministro dicta sunt, alio modo extra sacramentum, et tanquam homo agnoscat, vel quia vidit, vel quia audivit, de illis prout sic notis loqui potest, quin sigillum violet. Pœnitens autem ubi licentiam concedit ad revelationem sui criminis, tribuit sacerdoti in vi illius licentiæ aliam notitiam extrasacramentalem peccati, et facit sacerdotem scire ut hominem, quod alias sciebat ut Deus. Quocirca sicut sacerdos, qui loquitur de peccato sibi confesso, quod ante confessionem noverat, non immutat vinculum sigilli in bonum Ecclesiæ institutum, ita nec immutat dum loquitur de licentia pœnitentis. Quæ est solutio D. Thomæ art. proxime cit. « Ad « secundum dicendum, quod non tollitur D. Tho. « quod est propter bonum commune insti- « tutum, quia sigillum confessionis non « frangitur, quia dicitur quod alio modo « scitur. »

Ex quibus ad confirmationem respondetur negando suppositum consequentis, id est, quod pœnitens cedat juri sacramenti, ut privilegio sigilli, dum licentiam concedit sacerdoti ut peccatum prodatur, sicut clericus cederet privilegio exemptionis, et immunitatis, si in sensu composito status clericalis se laico in foro externo iudican-

Solutio
argu-
menti.

Confir-
mationi
satisfit.

dum

dum committeret. Cujus ratio constat ex dictis : quia præceptum sigilli prout est favor in bonum omnium fidelium non se extendit ad omnia peccata, sed solum comprehendit ea, quorum notitia habetur intra confessionem dumtaxat; de illis autem, quæ aliunde sciuntur, non curat, nec eorum revelationem prohibet. Pœnitens igitur, dum licentiam concedit ad sui peccati propalationem, non permittit quod peccatum actu existens sub sigillo reveletur, sed illud extrahit ab statu existentiae sub sigillo ut revelari possit ; quod facit in vi licentiæ, quam concedit : per eam quippe tribuit sacerdoti intransitive, et æquivalenter notitiam extrasacramentalem, qua posita jam peccatum prout sic cognitum ad aliud forum spectat. Oppositum autem contingit in clerico : hic enim in sensu composito existentiae sub statu clericali, cui favet immunitas, se laico judicandum committeret, quod est cedere Canonis privilegio. Unde quemadmodum si clericus statum clericalem exueret, et ad laicorum transiret, non cederet legi exemptionis, dum a laico judicaretur; hic enim hujusmodi lex non favet laicis, qualis jam ille existeret; ita nec pœnitens cedit juri sigilli pro omnibus fidelibus concessio, dum licentiam sacerdotem ut peccatum revelet : quia in vi illius licentiæ jam peccatum extractum est ab statu sigilli, saltem si licentia sit ad absolute. revelandum. Adde aliam disparitatis rationem ; clericum, videlicet, illi privilegio cedere non posse, quia si in foro sæculari judicaretur, redundaret in injuriam ac dedecus totius ecclesiastici status. Ex quo autem pœnitens sui peccati revelationem permittat, nihil detrimenti patitur sacramentum, cum non ideo difficilius fiat, nec fideles ab eo arceantur. Adde item ; quod sicut est favor sacramenti, et fidelium, sacerdotem nihil dicere posse de auditis in confessione absque pœnitentis licentia, ita etiam spectat ad eundem favorem ut cum illa licentia loqui possit, quæ ad bonum pœnitentis necessaria occurrunt; atque ideo eam licentiam concedere non est cedere favori, sed eo uti.

Argum.
3. 63. Arguitur tertio : nam in præceptis, quæ ex jure divino obligant, nemo dispensare potest ; sed præceptum sigilli obligat ex jure divino, ut statuimus dub. 1 hujus disp. ergo pœnitens in eo dispensare ne-

quit. Dispensaret autem, si posset licentiam concedere ut ejus peccata revelarentur ; siquidem pro priori ad licentiam peccata existerent sub sigillo : ergo.

Confirmatur : quia nemo potest alteri ^{Confirm.} licentiam concedere ut ipsum interficiat : ergo nec pœnitens licentiam concedere sacerdoti, ut ejus peccatum prodatur. Consequentia ostenditur : eo quippe primum non licet, quia quisque ex jure naturæ tenetur ad propriam vitæ conservationem; sed etiam quilibet obligatur ad propriam famam, et honorem tuendum ; ergo cum manifestatio peccati honorem lædat, nequit pœnitens ad id licentiam concedere.

Respondetur ad argumentum, pœnitentem non dispensare in sigilli præcepto, dum facultatem concedit ad sui peccati propalationem, sed tribuere sacerdoti notitiam extrasacramentalem, qua uti possit, vel conditionem apponere necessariam, ut illud præceptum vim obligandi amittat. Ut liquet tum in juramento promissorio, quod non obligat ubi promissarius cedit promissioni, non quia iste in juramento obligante ex jure divino dispenset, sed quia obligat in favorem promissarii, quo cedente cessat obligatio juramenti. Tum in voto paupertatis, quo tenetur religiosus ad nihil expendendum, et tamen de prælati licentia id licet, ideo quia hujusmodi votum non obligat ex jure divino ad nihil expendendum absolute, sed ad non expendum prælato renuente. Similiter igitur contingit ubi pœnitens facultatem concedit ut ejus crimen prodatur : quippe sigilli præceptum dumtaxat prohibet criminis revelationem contra pœnitentis voluntatem.

Ad confirmationem dicendum est, excessive probare : convincit enim nec pœnitentem posse ad sacramentum pœnitentiæ accedere, vel sua crimina sacerdoti intra confessionem manifestare ; siquidem ea minimum manifestatione se ipsum inhonorat et apud sacerdotem infamat. Itaque famæ, et honoris detrimentum subire sub arbitrio hominum est, ut docet D. Thomas 2, 2, quæst. 73, art. 3, ad 1, non autem vitæ jacturam facere. Cujus ratio desumitur ex eodem Ang. Præceptore ibidem quæst. 64, art. 5. Nam homo est dominus eorum, quæ propria industria acquirit, de illisque ut vere dominus disponere potest ; homo autem sicut propria industria acquirit di-

Occurritur
confirmati.

D. Tho.

Soto,
Tapia,
Bannez,
Dicast.
Palau,
Lessius,
N. Andr.

vitias, ita honorem, et famam, non autem vitam. Unde licet vitæ dispendium facere non possit, potest tamen saltem justa interveniente causa se ipsum inhonorare, proindeque licentiam alteri concedere ut crimen infamativum detegat. Tenent Sotus de justitia, lib. 4, quæst. 6, art. 6, ad 4. Tapia lib. 5, quæst. 23, art. 3, num. 6, Banez prælud. ad quæst. 52, de dominio dub. 2, concl. 5, Dicastillo lib. 2, tract. 1, disp. 1, num. 97, Palau de justitia in genere disp. unic. punct. 6, num. 5. Lessius lib. 2, cap. 4, dub. 11, N. Andreas tract. 12, cap. 1, punct. 5, num. 43.

Argum.
4.

61. Ultimo arguitur : quia vel pœnitens in vi licentiæ, quam concedit, tribuit sacerdoti notitiam extrasacramentalem peccati, vel non? Quodcumque dicatur, nequit sacerdos de pœnitentis licentia peccatum alteri revelare : ergo. Minor ostenditur : nam si eligatur primum ; nec sacerdos revelans, nec ille tertius, cui fit revelatio, tenentur ad sigillum : non sacerdos, quia jam habet notitiam extrasacramentalem peccati, ut hæc responsio concedit ; nec etiam ille tertius, cum eandem notitiam accipiat extra confessionem ; ubi autem quis peccatum novit extra sacramentum, de eo loqui potest sine violatione sigilli. Si eligatur secundum : ergo sacerdos cum ea licentia peccatum revelare non potest, siquidem extra confessionem loquitur ut homo, et peccatum illud solum cognoscit ut Deus.

Dirigitur.

Respondetur, sacerdotem accipere vel non notitiam extrasacramentalem peccati in vi licentiæ pœnitentis, pendere ex limitatione, aut modo, quo ipsa licentia conceditur. Si enim facultas conceditur ad revelandum peccatum absolute, et libere cuicumque sacerdos pro suo arbitrio voluerit, censetur pœnitens tribuere in vi hujus licentiæ notitiam omnino extrasacramentalem, qua sacerdos uti possit non secus ac si peccatum sibi extra confessionem relatam fuisset. Unde nec ipse sacerdos, nec alii, quibus peccatum revelat, sigillo adstringuntur. Ceterum si licentiam sub limitatione concedat, ut peccatum reveletur determinatæ personæ, v. g. prælato superiori ad obtinendam facultatem absolvendi a reservatis, vel viro prudenti ad accipiendum consilium, non censetur notitiam omnino extrasacramentalem conferre, sed

sacramentalem aliquammodo, et participative, vel, quod in idem redit, conferre notitiam extrasacramentalem cum ordine tamen ad confessionem ; quod satis ut tam prælatus, quam consiliarius sigilli obligationem contrahant. Quam doctrinam tradit D. Thomas ubi supra : « Ad quartum dicendum, quod D. Tho. « ille, ad quem notitia peccati devenit me- « diante sacerdote ex voluntate confitentis, « participat in aliquo actum sacerdotis ; et « ideo simile est de eo, et de interprete, « nisi forte peccator velit quod ille absolute sciatur, et libere. » Quocirca sicut interpres, licet minister sacramenti non sit, nec sciatur peccata ut Deus, contrahit obligationem sigilli, quia habet notitiam peccati in ordine ad iudicium sacramentale, ad quod aliquammodo concurrunt interpretando verba ministri ; ita prælatus, et consiliarius, qui etiam in idem iudicium quodammodo influunt per modum consiliantis, et conferentis potestatem absolvendi. Id quod expedit suavi huius sacramenti usui, consonatque fini intento a Christo Domino in impositione præcepti sigilli : sæpe enim opus est, sacerdotem, ut congrue in iudicio sacramentali se gerat, virum prudentem consulere, vel superiorem adire, ut facultatem absolvendi a crimine reservato concedat. Si autem pœnitens cogeretur peccatum extra sacramentum referre cum periculo ut de facili publicari posset, aut superior, et consiliarius ad sigillum non cogerentur, ubi per sacerdotis revelationem peccati notitiam accipiunt, ansa fidelibus tribueretur ne ad sacramentum accederent ; siquidem in huiusmodi eventu nulla via, quam eligerent, securi redderentur de suorum criminum occultatione.

Secundo, et satis probabiliter responderi posset eligendo secundam dilemmatis partem, cujus impugnatio non urget. Falsum enim est, quod sacerdos non possit loqui ut homo ea, quæ solum novit ut minister sacramenti, ut perspicue apparet in eo, qui loquitur in communi de peccato sibi confesso non revelando personam : hic quippe loquitur ut homo, cum non loquatur in ordine ad confessionem, vel ad eliciendam actionem aliquam ministrantis sacramentum ; non tamen loquitur scientia hominis, cum tale peccatum sibi extra sacramentum dictum non fuerit : utitur ergo scientia

Alia
solutio.

scientia ministri ad loquendum ut homo. Quod si adversarii dicant, eam loquutionem esse licitam, quia non revelatur persona, jam principium ab eisdem assumptum nihil valet, siquidem sacerdotem non posse de licentia pœnitentis prodere peccatum, non inde probatur quia non potest loqui ut homo quod solum novit ut Deus, sed inde quia nequit loqui ut homo prodendo personam, quod solum novit ut Dei minister. Hoc autem est in manifestam principii petitionem incidere: id enim est quod inquirimus, dum investigamus an licitum sit sacerdoti loqui de auditis in confessione cum pœnitentis licentia, ut ex se liquet. Itaque cum sigillum in favorem pœnitentis institutum sit, non plus urget quam juxta hujus voluntatem; unde si licentiam concedit sub limitatione, ita ut sigillum contrahat ille tertius, cui revelatur confessio, re ipsa huic obligationi subjacet. Nec refert dicere, quod non tenetur ad adeo strictam obligationem subeundam. Nam id solum evincit, quod possit tale peccatum non audire, sicut etiam sacerdos potest confessionem non accipere; si tamen consentiat, nequit non sigillo obstrictus evadere.

DUBIUM V.

Ex qua confessione oriatur sigillum sacramentale, et quas personas constringat?

Duo inter se satis affinia sub uno titulo comprehendimus, quia unius decisio alterius resolutioni lucem præfert; ab illis tamen breviter expediemur, quia adeo difficilia non sunt, ut diffusam expostulent investigationem.

§ 1.

Prior dubii pars resolvitur.

65. Dicendum est, sigilli sacramentalis obligationem ortum ducere ex sola confessione sacramentali, et ex omni ea, quæ talis fuerit ex intentione pœnitentis, licet aliqua de causa non perficiatur. Ita D. Thomas in 4, dist. 21, quæst. 3, art. 1, quæstionum. 1, ad 1, Soto dist. 18, quæst. 4, art. 5, concl. 5, Nugnus in addit. ad 3 part. quæst. 11, art. 3, concl. 2, N. Franciscus

cap. 1-1, punct. 2, Suarez disp. 33, sect. 2, Ledesma 22, difficult. 7, Dicastillo disp. 12, dub. 2, Lugo disp. 23, sect. 2, num. 41, Palaus punct. 19, § 2, num. 1, Vasquez quæst. 94, art. 4, dub. 2, num. 6, Gonet disp. 13, art. 2, num. 23, Reginaldus lib. 3, num. 5, Coninchus disp. 9, num. 4, Henriquez lib. 6, cap. 19, Bonacina disp. 5, quæst. 6, sect. 5, part. 2, Zerola in præxi de sacram. pœnit. cap. 2, quæst. 10, Pessancius in addit. ad 3 part. qu. 12, disp. 2, Leander quæst. 16. Estque communis DD. sententia, quæ suaderi potest quoad primam partem: quia sigillum ex ea confessione oritur, ex cujus revelatione fit injuria sacramento; atqui ex revelatione confessionis non sacramentalis nulla fit sacramento injuria: ergo ex sola sacramentali oritur obligatio sigilli. Tum etiam: nam sigillum vel oritur ex ipsa sacramenti natura, ut plures censent; vel est præceptum positivum a Christo Domino injunctum, ut alii autumant. Si primum: ergo ubi confessio non fuerit sacramentalis, non erit obligatio sigilli; siquidem deficiente radice inducente obligationem, impossibile est obligationem esse inductam. Si secundum: ergo cum Christus Dominus in vi illius præcepti solum intendat sacramenti pœnitentiæ conservationem, et suavem usum, consequens fit ut sigillum solum urgeat ad celandam confessionem sacramentalem: ex quo enim aliæ confessiones prodantur, aut alia secreta revelentur, pœnitentiæ sacramentum odiosum non fit. Tum denique: quoniam sigillum est, et dicitur sacramentale per ordinem ad sacramentum: ergo non erit vinculum sacramentale nisi quod ad confessionem sacramentalem subsequitur.

Quoad secundam vero partem convincitur assertio ex communi sensu fidelium, et Ecclesiæ praxi, quæ in his, quæ ad sacramenta spectant, est optima legum interpretis. Itaque omnes fideles censent confessionem factam fidei fidei per ordinem ad absolutionem, et ex animo se accusandi coram Deo, sub sigillo celandam esse, sive sacramentum perfectum evadat, sive non, nec ad hujusmodi obligationem inducendam opus esse, ut confessio cum omnibus conditionibus ad absolutionem requisitis fiat. Id quod etiam suadet ex fine Christi Domini in impositione præcepti sigilli:

Ledesma.
Suarez.
Lugo.
Dicast.
Palaus.
Vasquez.
Gonet.
Coninch.
Henrig.
Bonacin.
Zerola.
Pessanc.
Leander.
et alii.

Ratio
prioris.

Ratio
poster-
ioris.

Assertio.
D. Tho.
Soto.
Nugnus.
Gonet.
N.
Franc.

quippe eo tendit ut sacramentum ex se satis difficile, et onerosum, suavius, et facilius reddatur, pœnitentesque alliciantur ad suorum criminum manifestationem; si autem sigillum consurgeret ex sola confessione perfecta, nunquam securi ad sacramentum accederent, cum nec de illius valore certificari possint, nec aliunde sciant an absolutio deneganda sit, et sacramentum imperfectum relinquendum ob causam, quæ vel ex parte pœnitentis, vel sacerdotis occurrat; quo pacto peccata ministro confessa absque sigilli violatione jam publicari deinceps possent. Sentientium igitur est, sigillum obligare ad celandam omnem confessionem sacramentalem, quæ talis est ex intentione, et animo pœnitentis, ita ut eo ipso quod peccata detegantur coram ministro in ordine ad absolutionem, sub sigillo relinquuntur, sive alias confessio perficiatur, sive non. Tum etiam: quia alias posset sacerdos, postquam peccata in confessione audivit, uti fraude denegandi absolutionem, ad eadem postmodum revelanda, vel dicere pœnitentem imparatum ad confessionem accessisse, et eo titulo ejus crimina prodere, quæ absurdissima sunt, et sacramenti usum intolerabilem efficerent. Tum denique: nam sacramentalis confessio instituta est in modum iudicii, in quo cognoscitur causa per ordinem ad potestatem absolvendi, vel ligandi: ergo cum ex natura iudicii cognitio causæ debeat præcedere sententiam, consequens est ut sub eodem secreto retineatur a iudice, sive absolvere debeat, sive ligare.

Consec-
tarium
I.

66. Ex quibus inferitur primo, quod si quis efficiat confessionem nullam vel ex defectu doloris supernaturalis, vel propositi emendationis, et tamen accedat ad confitendum serio animo se accusandi de peccatis coram sacerdote, et illa Ecclesiæ clavibus subjiçendi, ut sacerdos de illis dijudicet, consurgere ex huiusmodi confessione obligationem sigilli. Idemque dicendum est ubi confessio est valida, et informis, et ubi solum fuit inchoata in ordine ad absolutionem, licet ista postmodum denegetur ob pœnitentis indispositionem. In quibus conveniunt omnes, ut testatur Suarez ubi supra sect. 2, num. 8. Unde D. Thomas in 4, dist. 21, quæst. 3, art. 1, quæstiunc. 1, ad 1, oppositam sen-

Suarez.

tentiam erroneam censet his verbis: « Ad « primum ergo dicendum, quod quidam « dicunt, quod sacerdos non tenetur ser- « vare sub sigillo confessionis nisi peccata « de quibus pœnitens emendare promittit, « alias potest ea dicere ei, qui potest pro- « desse, et non obesse. Sed hæc opinio « videtur erronea, cum sit contra veritatem « sacramenti. Sicut enim Baptismus est « sacramentum, quamvis quis fictus acce- « dat, nec est mutandum propter hoc ali- « quid de essentialibus sacramenti, ita « confessio non desinit esse sacramentalis, « quamvis ille, qui confitetur, emendatio- « nem non proponat, et ideo nihilominus « sub occulto tenendum est. » Ideo autem asserit D. Thom. huiusmodi confessionem non desinere esse sacramentalem, quia si ob defectum firmi propositi absolutio denegatur, est sacramentalis initiative, et ex animo pœnitentis, quod satis est ut sigilli obligationem inducat. Si autem absolutio impenditur, eo quod pœnitens accedit cum proposito inefficaci invincibiliter existimato efficaci abstinendi a peccato, recipit verum sacramentum licet informe, juxta ea, quæ disp. præced. statuimus, et in priori parte hujus tract. disp. 1, dub. 4, num. 202. Idcirco in utroque sensu verificatur, eam confessionem non desinere esse sacramentalem modo sufficienti ut sigilli vinculum a ministro contrahatur.

67. Inferitur secundo, si pœnitens accedat ad confitendum non animo efficiendi confessionem sacramentalem, et serio se accusandi coram Deo de peccatis, sed potius prava intentione decipiendi ministrum, vel eum attrahendi in suorum criminum consortium. injuriis afficiendi, aut deterrendi minis, non teneri sacerdotem ad sigillum. Docent Nugnus in addit. ad 3 part. quæst. 11, art. 1. N. Franciscus cap. 13, punct. 2, num. 14, Dicastillo disp. 12, dub. 3, num. 44, Henriquez cap. 21, num. 3, Coninchus disp. 9, num. 7, Vasquez qu. 93, dub. 7, in fine, Navarrus cap. 8, num. 18, Reginaldus lib. 3, num. 66, Lugo disp. 23, sect. 2, num. 43, Suarez disp. 33, sect. 2, num. 6, Palaus punct. 16, § 2, num. 2, Bonacina disp. 5, quæst. 6, sect. 5, part. 2, num. 5. Sotus in 4, dist. 18, quæst. 4, art. 5. Cujus ratio constat ex dictis: huiusmodi enim confessio sacramentalis non est ex intentione pœnitentis; sigillum autem solum

Secun-
dum.

Nugnu
N.
Franc
Dicast.
Henriq
Coninc
Vasqu.
Navarr
Regin.
Lugo.
Palaus
Suarez
Bonac.
Sotus.

solum urget ad celanda peccata, quæ in confessione sacramentali deteguntur. Unde in his casibus non majori obligatione premitur sacerdos quam secreti naturalis. proindeque tenetur rem palam facere ubi bono communi expedit. Quocirca Sotus loco proxime citato refert. Cardinalem quendam Romæ degentem, qui conspiracy in Pontificem moliebatur. alteri Cardinali confessum fuisse pravo animo eum inducendi in suam conspiracy: postmodumque fraude per aliam viam comperta, Cardinalem, qui confessionem audierat, de re accusatum, pecuniaque multatum fuisse, eo quod protinus conspiracy non detexit. Etenim cum ex illa confessione solo naturali secreto obstrictus evaserit, rem aperire debuisset, ut communi bono consuleret. Hæc tamen (observat Suarez) ita intelligenda sunt, ut conjecturæ, et signa pœnitentis sint talis conditionis, ut aperte demonstrant ipsum non accessisse cum animo se accusandi coram Deo, quippe si dubia sint, in favorem pœnitentis, et sacramenti judicandum est. Nam contingere potest, pœnitentem accedere ad confessionem cum animo efficiendi aliquod malum, quod putat non esse peccatum in quo eventu si per sacerdotis admonitionem id intelligat, et a proposito non desistit, sed absque absolute recedit, sub sigillo nihilominus retinendum est, quia ea confessio ex pœnitentis intentione sacramentalis fuit. Quod etiam observat ibidem Soto.

rium 68. Unde infertur tertio, eum, qui accedit ad sacerdotem non animo confessionis faciendæ, sed secretum aliquod commendandi, sigilli obligationem non inducere, sed solius secreti naturalis juxta qualitatem rei sub secreto commissæ, etiamsi id dicat flexis genibus, et generalem confessionem præmittendo; imo etiam si sacerdos dicat se tale secretum sub sigillo confessionis recipere. Ita D. Thomas in 4, dist. 21, quæst. 3, art. 1, quæstiunc. 2: « Ad secundum dum dicendum, quod homo, non de facili debet recipere aliquid hoc modo, si tamen recipiat ex promissione, tenetur hoc modo celare ac si in confessione haberet, quamvis sub sigillo confessionis non habeat. » Quorum verborum sensus est, sacerdotem in eo eventu teneri jure naturæ ratione promissionis secretum illud

servare ea sollicitudine ac si sub sigillo haberet, non tamen indispensabile sigilli vinculum subire. Id quod etiam docent Cajet. Solus, Gonet, Palud. Suarez, Vasquez, Ledesma, Navarr. Simanc. Palaus. Cajetanus 2, 2, quæst. 70, art. 1, Sotus in 4, dist. 21, quæst. 4, art. 5, concl. 5, Gonet disp. 13, art. 2, num. 25, Paludanus quæst. 3, art. 1, concl. 3, Vasquez dub. 2, num. 13, Suarez disp. 33, sect. 2, num. 6. Ledesma cap. 22, conclus. 7, circa finem, Navarrus cap. 8, num. 55, Simancas lib. de justit. cathol. tit. 24, num. 15, Palaus punct. 19, § 2, num. 2 et alii. Et suadet, tum quia secretum illud sæpe non est peccatum, tum quia esto peccatum sit, cum pœnitens alia scienter reticeat, secretum intentione confitendi non detegit; tum quia ea confessio, ut recte vidit Cajetanus, licet fiat ad instar sacramentalis, non tamen est re vera sacramentalis adhuc ex intentione pœnitentis: quod necessarium erat, ut sigilli obligationem induceret. Tum denique: nam sigillum non obligat ex pacto, aut promissione, sed ex ipsa sacramenti institutione, atque ideo ubi non est vera confessio sacramentalis saltem initiative, aut ex pœnitentis intentione, nequit vinculum sigilli consurgere, quantumvis quis promittat se rem sub sigillo servaturum. Nec audiendus est Paludanus, qui licet nobiscum sentiat, subdit tamen eum, qui tradit vel recipit extra confessionem secretum aliquod servandum sub tum arcto sigillo, ac si in confessione auditum, vel traditum fuisset, injuriam sacramento irrogare. Satis enim fideles intelligunt obligationem, quæ inde oritur, distinctam esse ab ea, quæ ex confessione consurgit, nec censent tantam reverentiam illi secreto deberi, quanta sacramentali debetur, subindeque cum bona fide procedant, et re ipsa tale secretum ad sacramentum non spectet, non est unde illi injuria irrogetur. Nec D. Thomas Paludano favet, dum in præmisso testimonio ait: « Homo non de facili debet recipere aliquid hoc modo. » Id enim solum subdit ad cautelam.

69. Infertur quarto, si quis serio animo se accusandi coram Deo, et recipiendi absolutionem confiteatur alicui sacerdotem, et legitimum pœnitentiæ ministrum fingenti talem confessionem imponere obligationem sigilli; nam cum pœnitens bona fide procedat, et peccata prodat in ordine ad claves, ea confessio est vere sacramen-

Nugnus,
Dicast.
N.
Franc.
Lugo.
Suarez.
Vasqu.
Sotus.
Diana.

talis inchoative, et ex pœnitentis intentione, proindeque si reveletur, magna illi, et sacramento irrogatur injuria. Tenent Nugnus in addit. ad 3 part. quæst. 11, art. 1. Dicatillo dub. 3, num. 28, N. Franciscus cap. 14, punct. 2, num. 12, Lugo disp. 23, sect. 2, num. 40, Suarez disp. 33, sect. 2, num. 3, Vasquez ubi supra, dub. 2, num. 3, Sotus citat. art. 5, Diana, Reginaldus, Layman, Bonacina, Coninchus, et alii plures apud recensitos.

Quæst.
tunc.

70. Sed quid si pœnitens credat invincibiliter laicum in absentia sacerdotis, et in extrema necessitate posse sacramentaliter absolvere, ad idque jurisdictionem habere, et hujusmodi ductus errore illi confiteatur serio animo subjiciendi Ecclesiæ clavibus sua peccata, et accipiendi absolutionem sacramentalem? Respondetur, audientem confessionem in hoc eventu teneri ad observationem sigilli: tum quia illa confessio ex intentione pœnitentis est sacramentalis, siquidem peccata deteguntur in ordine ad absolutionem, quæ forsitan pœnitens non detegeret, si laicum non posse absolvere existimaret. Tum quia præceptum impositum est in favorem pœnitentis, et sacramenti: ergo ampliari debet ad omnem confessionem factam bona fide sub ratione, et intentione sacramenti. Tum denique: nam ideo confessio facta illi, qui se ministrum finxit, inducit obligationem sigilli, quia licet de facto non terminetur ad legitimum ministrum, tamen ex intentione pœnitentis ad legitimum terminatur; sed ita contingit ubi pœnitens confitetur laico existimans invincibiliter posse in absentia sacerdotis sacramentaliter absolvere: ergo sigilli vinculum infert.

N.
Franc.
Hurtado.
Præpositus.
Diana.
Suarez.
Sotus.
Navarr.
Dicast.

Ita N. Franciscus cap. 14, punct. 2, num. 13, Hurtado de sacram. diffic. 3, resol. 13, Joannes Præpositus, Diana tract. 11, resol. 13, Suarez disp. 33, sect. 2, num. 3, circa finem; Sotus art. 5, cit. Navarrus in summ. cap. 8, num. 7, Favet Dicatillo, sect. 3, num. 30, in fine. Id quod a fortiori dicendum est, ubi confessio fit clerico, vel in minoribus constituto, vel jurisdictione carenti, si pœnitens invincibiliter credat posse legitime absolvere: quippe ea confessio ex pœnitentis intentione ad claves dirigitur, et sacramentalis est inchoative; defectus autem absolutionis per accidens contingit, ideoque ad sacramenti

reverentiam spectat, ut sub sigillo ea peccata retineantur, ut recte adnotavit Suarez ibidem num. 4, et Palaus cum aliis punct. 19, § 2, num. 1.

71. Oppositæ tamen sententiæ adhærent Vasquez quæst. 93, artic. 4, dub. 2, num. 7, et Lugo disp. 23, sect. 2, num. 41, referens pro eadem Suarium, sed immerito, cum expresse nostram defendat num. 3, ubi explicat sensum, in quo prius loquutus fuerat. Igitur isti Authores, cum nobiscum sentiant sigilli obligationem oriri ex confessione facta sacerdoti ficto, id negant de confessione facta laico, dum pœnitens invincibiliter credit posse in casu necessitatis absolvere; disparitatemque assignat Vasquez, quod in priori casu laborat pœnitens ignorantia facti, in posteriori vero ignorantia juris, seu potestatis absolvendi. Verum hæc differentia nulla est: nam ideo qui scienter confitetur laico, laborat ignorantia juris, quia credit invincibiliter habere potestatem absolvendi, quam re vera non habet; sed qui confitetur fingenti se sacerdotem, credit eodem modo habere legitimam potestatem, et jurisdictionem, quibus etiam caret, cum ex vi illius fictionis nihil obtinuerit, ut ex se liquet: ergo in utroque eventu intercedit eadem ignorantia juris, seu deceptio circa legitimam potestatem. Tum etiam: nam juxta universalem Doctorum regulam, quam amplectitur ibidem Vasquez ibidem num. 6, tunc confessio inducit obligationem sigilli, cum fit ex intentione sacramenti; sed in utroque eventu, de quo agimus, fit ex intentione, et animo sacramenti: ergo quod in uno datur ignorantia juris, et in alio facti, nihil refert.

Hæc videns Lugo, aliam arripuit viam, et differentiam in eo statuit, quod pœnitens in primo casu ubi confitetur sacerdoti ficto, apprehendit, et intendit confessionem veram a Christo institutam, id est, confessionem cum sacerdote, licet alias erret circa personam judicando esse sacerdotem, et habere potestatem, qui nec sacerdos est, nec potestate gaudet. In secundo autem apprehendit, et intendit confessionem fictam, siquidem intendit confessionem cum laico, quam Christus non instituit: sigillum igitur sequitur ad sacramentum a Christo institutum, non vero ad fictum. Ceterum hæc doctrina nihilo melior præcedenti est:

nam

nam si inquiramus a Lugone, an confessio cum sacerdote ficto sit a Christo Domino instituta? Id utique non concedet; quo supposito in ipsum retorquetur argumentum. Ex confessione a Christo non instituta non oritur obligatio sigilli; sed confessio cum sacerdote ficto non est a Christo instituta: ergo ex ea non oritur obligatio sigilli. Si respondeat, confitentem sacerdoti ficto non apprehendere nec intendere confessionem fictam a Christo non institutam, sed confessionem veram cum legitimo sacerdote, et ministro, dicitur tamen circa hunc hominem existimans esse verum ministrum, contra est: nam ideo juxta Lugonem, qui confitetur laico apprehendit, et intendit confessionem fictam, quia intendit confessionem cum laico, quam Christus non instituit, sed qui confitetur sacerdoti ficto, apprehendit, et intendit confessionem cum isto homine, quem hic, et nunc habet præsentem, quam confessionem Christus non instituit, cum sacerdos ille fictus sit: ergo apprehendit, et intendit confessionem fictam. Solutionem ergo, quam huic objectioni adhibuerit, applicare poterit illi, quam ipse efformavit.

72. Pro omnibus igitur dicendum est, pœnitentis deceptionem in utroque eventu versari non circa confessionem, sed circa ministrum, eo quod apprehenditur potestas absolvendi in subjecto, in quo non est. Quemadmodum enim qui confitetur sacerdoti ficto, apprehendit confessionem cum sacerdote, quam re ipsa Christus instituit, decipitur tamen quatenus judicat hunc hominem esse verum sacerdotem; ita qui confitetur laico, apprehendit confessionem cum legitimo ministro, quam Christus instituit, decipitur tamen circa laicum existimans esse legitimum ministrum. Ex quo fit, pœnitentem in neutro casu apprehendere confessionem fictam: non enim apprehendit confessionem faciendam laico ut tali, sed illi ut legitimo ministro; sicut nec apprehendit confessionem cum sacerdote ficto ut tali, sed cum illo homine tanquam cum legitimo sacerdote; confessio autem cum legitimo ministro vera confessio est, et a Christo Domino instituta. Ex quo etiam fit, quod non intendit confessionem fictam, sed veram: tum quia intendit quam apprehendit; tum quia si interrogetur quam intendat? Respondebit, a Christo institu-

tam. Quocirca in utroque eventu adest quod sufficit ad inducendam sigilli obligationem: hæc enim oritur ex confessione sacramentali ex animo pœnitentis; imo, et re ipsa sacramentalis initiative, et quoad ea, quæ se tenent ex parte pœnitentis: nam si ex parte ministri adhiberetur vera absolutio, absque alia pœnitentis diligentia fieret integrum sacramentum; quod esse non posset, nisi illa confessio fuisset sacramentalis. Et ratio a priori est: quia in utroque eventu pœnitens sua peccata re ipsa confitetur, et vere de illis dolet in ordine ad legitimas Christi claves, licet apprehensæ ubi non sunt: tunc enim non apprehenduntur claves fictæ, sed veræ, quia deceptio solum est circa earum subjectum. Sicut qui apprehendit Pontificem esse Hispali, non apprehendit fictum Pontificem, cum solum decipiatur circa ejus ubicationem, quam non Hispali, sed Romæ habet. Unde prædicta confessio tam sacramentalis est inchoative, quam ea, quæ fit legitimo sacerdoti, et absolutione non perficitur.

§ II.

Expeditur dubium quoad alteram partem.

73. Posterior tituli pars inquit, quæ personæ sigilli vinculo ligentur? Quæ difficultas ad præcedentem reducitur, solumque ab ea distinguitur penes majorem universalitatem, quam importat. Plures autem sunt, de quibus dubitari potest, an ad sigillum teneantur. Cum enim pœnitentiæ sacramentum in modum judicii institutum sit, quemadmodum in judicio fori exterioris præter judicem, et reum alii ministri concurrunt; ita in sacramentali foro præter sacerdotem, qui munere fungitur judicis, et pœnitentem, qui rei, testis, et accusatoris vicem gerit, alii interdum admittantur aut ex necessitate, aut per accidens, ut consiliarius tanquam assessor judicis, qui eo indiget ex defectu aliquali scientiæ: interpres, ubi pœnitentis idioma sacerdoti ignotum est; superior judex, cum casus reservatus occurrit, a quo inferior absolvere nequit, nisi superior facultatem concedat; et alii, qui vel casu, vel actu confessionem audiunt, vel quibus inique revelatur confessio. Porro ut certa ab incertis separemus, supponendum

Suppo-
sitiones.

est sacerdotem teneri stricte, et rigore ad observationem sigilli : hoc enim, cum nihil aliud sit quam debitum confessionem celandi, illum principaliter, et per se primo constringere debet, cui tanquam iudici ac ministro fit confessio ; alioqui si iste eo vinculo non ligaretur, nulla esset ratio cur alter talem obligationem subiret ; de hoc igitur nemo Doctorum dubitat. Et eadem certitudine supponi debet, pœnitentem non teneri ad sigillum eorum, quæ confitetur : tum quia istud non in gravamen, sed in pœnitentis favorem institutum est ; tum quia sigillum non est debitum celandi confessionem absolute, sed dependenter a pœnitentis arbitrio, ut ex dictis dub. præced. constat : ergo sicut licentiam conferre potest sacerdoti ut peccata revelet, ita, et per se ipsum revelare potest. Ad occultandum autem sacerdotis defectus, et ea, quæ sibi in confessione dixit, solum tenetur sub secreto naturali juxta qualitatem materiæ, ut communis sententia docet. Nec audiendi sunt Paludanus, Navarrus, et Adrianus contententes ea cadere sub sigillo : constat enim sanctum Inquisitionis tribunal præcepisse strictissime pœnitentibus denunciare sacerdotes ad turpia intra sacramentum sollicitantes ; si autem sacerdotis actiones, aut verba sub sigillo caderent, nec pœnitentes tenerentur illi Inquisitionis præcepto obedire, nec possent : siquidem sigillum rumpere nunquam licet. His ergo suppositis, solum relinquitur difficultas circa alias personas nuper recensitas.

74. Et quidem si loquamur de interprete, medio quo fit confessio, dicendum est teneri ad sigillum. Ita D. Thomas in 4, dist. 21, quæst. 3, art. 1, quæstiunc. 3, et art. 2, ad 4, Nugnus in addit. ad 3 part. quæst. 11, art. 1, Ledesma cap. 22, conclus. 7, Gonet disp. 11, art. 2, num. 22, Medina, Cod. de confes. quæst. 50, Victoria in summ. num. 172. N. Franciscus cap. 14, punct. 4, num. 59, N. Antonius sect. 3, num. 1508, N. Bonæ Spei resol. 11, num. 18, Suarez disput. 33, sect. 4, num. 4, Lugo disp. 23, sect. 2, num. 21, Dicastillo disp. 12, sect. 3, num. 26, Navarrus in cap. *Sacerdos*, num. 24, Vasquez quæst. 93, art. 4, dub. 2, n. 2, Henriquez lib. 3, cap. 19, num. 9, Hurtado disp. 12, difficult. 3, Diana 5 par. tract. 12, resol. 48, Leander cum multis quæst. 51, fereque

omnes consentiunt : si quæ enim dissensio inter aliquos est, non tam circa rem, quam penes modum loquendi versatur, ut ex dicendis constabit. Suadetur igitur resolutio : nam sigillum est obligatio reticendi ea, quæ per confessionem sacramentalem innotescunt ; sed interpres cognoscit pœnitentis peccata per confessionem sacramentalem : ergo sigillo obstringitur. Tum etiam ratione D. Thomæ loco citato : etenim qui participat de actu clavium, debet etiam participare de actu sigilli ; sed interpres, dum confessionem audit, participat actum clavium, siquidem cognoscit pœnitentis causam, quod spectat ad clavem scientiæ sacerdotis, ut dicemus dum de clavibus sermo instituetur : ergo etiam participat sigilli vinculum. Tum denique, et præsertim : quoniam, ut sæpe dictum est, Christus Dominus imposuit arctissimum sigilli præceptum propter sacramenti reverentiam, et in pœnitentis favorem, ne illud odiosum fieret, nec iste ex confessione detrimentum acciperet, unde ab ea removeretur ; atqui si sigillum non comprehenderet etiam interpretem, non satis Christus Dominus consulisset sacramento, et pœnitentibus ; siquidem si peccata clavibus subjecta revelari possunt, parum aut nihil refert, quod id per interpretem, et non per sacerdotem fiat ; ergo sentiendum est, sigillum non solum premere sacerdotem, sed etiam se extendere ad interpretem, imo, et ad quoscumque alios, qui confessionis notitiam accipiant : ratio quippe generaliter de omnibus convincit, ut ex se patet.

75. Objicies primo, D. Thomam loco cit. quæstiunc. 3, hæc habere : « Sed contra, 1.º « tra est, quod solus sacerdos est minister « hujus sacramenti ; sed sigillum confessionis est annexum sacramento : ergo « solus sacerdos habet sigillum confessionis. » Et ulterius in 2 argum. *Sed contra*, id ipsum probat : « Homo tenetur ea, « quæ in confessione audit, celare, quia « nescit ea ut homo, sed ut Deus ; sed solus « sacerdos est minister Dei : ergo ipse solus tenetur occultare. » Cum ergo D. Thomas in ea quæstiuncula inquirat, an interpres, et alii teneantur ad sigillum, videtur sentire hujusmodi obligationem neminem præter sacerdotem comprehendere.

Respondetur, Ang. Præceptoris mentem solvendo. D. T. venandum

Resolutio circa interpretem.
D. Tho.
Nugnus.
Ledesma.
Gonet.
Medina.
Victoria.
N.
Franciscus.
N.
Antonius.
Bonæ Spei.
Suarez.
Lugo.
Dicastillo.
Navarrus.
Vasquez.
Henriquez.
Hurtado.
Diana.
Leander.
et alii.

Funda

Objec-
D. T.

Solvendo.
D. T.

venandam fore ex corpore illius quasi-
 tiunculæ, ubi difficultatem resolvit, et ita
 loquitur : « Dicendum quod sigillum con-
 fessionis competit sacerdoti in quantum
 « est minister hujus sacramenti, quod
 « nihil est aliud quam debitum confessio-
 « nem celandi, sicut clavis est potestas
 « absolvendi. Tamen sicut aliquis, qui non
 « est sacerdos, in aliquo casu participat
 « aliquid de actu clavis, dum confessionem
 « audit propter necessitatem ; ita etiam
 « participat de actu sigilli confessionis, et
 « tenetur celare, quamvis proprie loquen-
 « do, sigillum confessionis non habeat. Et
 « per hoc patet solutio ad objecta. » In
 quibus perspicue docet non solum sacerdo-
 tem, sed etiam non sacerdotem partici-
 pantem actum clavis, sive confessionis
 scientiam, teneri peccata celare, utique
 sub sigillo, de quo difficultas procedebat :
 nam sub secreto naturali compertum est,
 nec id in examen vocabatur. Subdit ta-
 men : « Quamvis proprie loquendo sigil-
 « lum confessionis non habeat ; » non ut
 innuat interpretem non teneri ad celan-
 dam confessionem ex virtute Religionis,
 sed quod ad id non tenetur directe, et
 quasi ex officio, sicut sacerdos, cui per se
 ea obligatio incumbit. Sigillum quippe
 principaliter institutum est propter sacer-
 dotem, ad quem tanquam ad ministrum
 spectat audire confessionem, quique regu-
 lariter loquendo solus audit ; non autem
 propter interpretem, aut alios, qui per
 accidens sacramento intersunt. Si tamen
 contingat confessioni interesse, vel ejus
 scientiam accipere, ad ipsos sigillum indi-
 recte, et quasi secundario extenditur prop-
 ter sacramenti reverentiam, ita ut si con-
 fessionem revelent, peccato sacrilegii delin-
 quant. Quemadmodum enim si sigillum
 referatur ad materiam, cujus revelationem
 prohibet, solum cadunt directe sub sigillo
 peccata pœnitentis, quæ sunt materia sa-
 cramenti, et indirecte plura alia, quæ
 licet materia absolutionis non sint, spec-
 tant nihilominus ad iudicium sacramen-
 tale, quatenus necessaria sunt ad explica-
 tionem peccati ; ita dum refertur ad per-
 sonas, quas constringit, solum tendit per
 se in sacerdotem, et quasi per accidens in
 alios, qui confessionis notitiam accipiunt.
 Et in hoc sensu loquutus est D. Thomas,
 cum dixit quod proprie loquendo sigillum

confessionis non habent, nec aliud inten-
 dit in argumentis sed contra in objectione
 relatis. Per quod etiam credimus nonnul-
 los conciliari Authores, qui ob confusio-
 nem, sub qua loquuntur, specietenus sen-
 tire videntur, interpretem confessionis
 sigillo non ligari : cum enim doceant te-
 neri celare confessionem adeo stricto vin-
 culo, ut nunquam rumpi possit, opus est
 in interprete sigilli obligationem conce-
 dere ; siquidem secretum naturale adeo
 stricte non urget, ut sæpe revelari non
 liceat. Intendunt igitur eo modo loquendi,
 ut recte vidit Suarez ubi supra, sigillum
 esse propriam confessioni ministri obligationem,
 aliorum autem non nisi indirecte, et ra-
 tione extensionis illius præcepti. Quod
 videtur sensisse Sotus in relect. de legend.
 secret. memb. 3, quæst. 4.

76. Objicies secundo : nam interpret in ^{Objecto}
 confessione dumtaxat se tenet ex parte ^{2.}
 pœnitentis, siquidem præcise requiritur
 ut illius peccata manifestet sacerdoti : sed
 pœnitens est immunis a sigillo : ergo, et
 interpret. Patet consequentia : cum enim
 ex utroque quasi una persona moraliter
 constituatur, idem privilegium utrique
 favere debet. Tum etiam : quia ex vi præ-
 cepti confessionis nemo tenetur ad confi-
 tendum per interpretem : ergo cum ex una
 parte dum pœnitens ita confitetur, videat-
 ur cedere juri suo, et ex alia sigillum
 dari non debeat pro illa notitia, quæ ne-
 cessaria non est ad observationem præ-
 cepti confessionis, interpret sigillo non
 ligabitur.

Respondetur negando majorem : inter- ^{Dicitur}
 pres quippe non solum deservit pœnitenti,
 sed etiam sacerdoti, est enim quasi lingua
 utriusque, et veluti organum medio quo
 unus se accusat, et alter causam examinat,
 substantiam, et circumstantias peccatorum
 investigat, correctionem adhibet, et pœni-
 tentiam adjungit. Unde quamvis prout ex
 parte pœnitentis se tenet non ligaretur
 sigillo, adhuc illius obligationem subiret
 prout se tenet ex parte ministri. Diximus
quamvis non ligaretur : quia etiam prout
 supplet pœnitentis defectum ligatur : non
 enim sigilli privilegium in interpretis
 favorem, sed pœnitentis, cui damnum ex
 peccatorum revelatione sequeretur, insti-
 tutum est. Præterquam quod, ut quis
 sigilli obligationem contrahat, satis est

peccata per scientiam sacramentalem agnoscere, cum eo ipso illorum revelatio in sacramenti injuriam cederet. Ad augmentum difficultatis dicendum est excessive probare : suadet enim nec sacerdotem teneri ad celandam confessionem factam per interpretem, nec ad celanda peccata venialia, nec mortalia jam iterum confessi ; cum hujusmodi confessiones non ex præcepto, sed libere fiant a pœnitente. Quemadmodum igitur dum voluntarie confitetur venialia, juri suo non cedit ut sacerdos ea revelet ; ita nec cedit ubi per interpretem confitetur. Et similiter sicut sigillum obligat ad celanda venialia, quorum confessio necessaria non est ad adimplerem præcepti ; ita etiam favet confessioni factæ per interpretem, quamvis ex præcepto non debeatur ; quod ideo est, quia alias sacramentum odiosum fieret. Per quod patet ad utramque probationem consequenti insertam.

77. Sed quid dicendum de consiliario, cui sacerdos petendi consilii gratia confessionem revelavit ? Pesancias in addit. ad 3 part. quæst. 11, disp. 3, Vasquez quæst. 93, art. 4, dub. 2, num. 10, Onuffrius de sigillo, sect. 3, qu. unic. dub. 6, Coninchus disp. 9, dub. 3, num. 50, Palaus punct. 19, § 4, num. 8, negant teneri ad sigillum, si ea revelatio fiat de consensu pœnitentis. Quod probant, tum quia ubi pœnitens licentiam concedit sacerdoti ut de auditis in confessione consulat detegendo personam, perinde est ac si per se ipsum extra confessionem consuleret ; atqui si per se ipsum consuleret, non inducet sigilli obligationem in consiliario : ergo nec ubi confessio illi revelatur de pœnitentis consensu. Tum etiam : nam vix unquam necessarium est pœnitentis personam manifestare ad consilium petendum : ergo si pœnitens licentiam concedit ut manifestetur, consiliarius sigillo non ligatur. Consequentia patet : quippe sigillum non favet illi notitiæ peccatorum, quæ necessaria non est ad obtinendam sacramentalem absolutionem. Tum denique : quia pœnitens in vi illius licentiæ tribuit sacerdoti aliam notitiam extra sacramentalem peccati, quam possit communicare consiliario ; sed quod per notitiam extrasacramentalem scitur, sub sigillo celari non debet : ergo.

Communis tamen sententia tenet, consi-

liarium sigillo obnoxium evadere, sive peccata sibi revelentur de pœnitentis consensu, sive non. Quæ est expressa doctrina D. Thomæ in 4, dist. 21, quæst. 3, art. 2, ad 4, ubi inquit : « Dicendum, quod ille, ad quem notitia peccati devenit mediante sacerdote ex voluntate confitentis, participat in aliquo actum sacerdotis, et ideo simile est de eo, et de interprete, nisi forte peccator velit quod ille absolute sciat, et libere. » Docentque Gonet disp. 13, art. 2, num. 22, Petrus Ledesma cap. 22, concl. 7, Alter Ledesma quæst. 10, art. 3, dub. 1, Nugnus in addit. ad 3 Petrus Soto, part. quæst. 11, art. 1, Petrus Soto lect. 11, de confes. Paludanus dist. 21, quæst. 3, Viguer in summ. cap. 16, § 4, vers. 20, Navarrus cap. 8, n. 4, Layman lib. 5, tract. 6, cap. 14, num. 18, Bonacina disp. 5, quæst. 6, sect. 3, p. 3, nam. 4, Suarez disp. 33, sect. 4, n. 6, Lugo disp. 23, sect. 2, num. 25, Dicastillo disp. 12, dub. 3, num. 54, Fagundez præcept. 2, lib. 6, cap. 5, num. 20, Sylvester verb. confessio 3, quæst. 1, Candidus disquisit. 24, art. 49, dub. 5, Leander cum multis, quæst. 49, Diana tract. 11, resol. 11, et alii plures. Ratio autem constat ex dictis num. 74, et ulterius suadet : nam ideo interpres sigillo obstringitur, quia cognoscit, et declarat peccatum pœnitentis in ordine ad confessionem ; sed etiam consiliarius cognoscit, et declarat naturam, et gravitatem ejusdem peccati in ordine ad confessionem, et se habet tanquam interpres juris declarando an pœnitens sit vel non absolutione dignus : ergo eandem obligationem subit. Tum etiam : quia si consiliarius, dum de licentia pœnitentis notitiam peccati accipit, non ligaretur sigillo, nec etiam ligaretur ipse sacerdos post illam revelationem factam ; siquidem jam cognoscit peccatum eadem scientia, ac consiliarius ; consequens est absurdum, nec ipsi adversarii concedunt ; ergo. Tum denique, nam ubi confessio revelatur consiliario sine pœnitentis licentia, contrahit obligationem sigilli, nec potest peccatum alteri prodere nisi ex consensu pœnitentis, ut adversarii fatentur : ergo etiam ligatur eodem vinculo, dum sibi revelatur confessio cum licentia limitata ut ipse solus sciat, et consilium præstet. Patet consequentia ; cum enim in utroque eventu habeat illam notitiam

Quid de
consilia-
rio ? I
senten-
tia.
Pesanc.
Vasquez.
Onuf-
frius.
Coninc.
Palaus.

Ver
senten-
tia.

D. Th

Gonet
Ledes
Nug
Petr
Soto,
Palu
Vigu
Nava
Laym
Bona
Suare
Lugo
Dicas
Fagu
Silve
Cand
Lean
et a
Rat

tiam mediante sacerdote. nulla est ratio cur in primo illam habeat subordinatam pœnitentis arbitrio, et non in secundo. Nec apparet, cur consiliarius redderet confessionem odiosam, si in priori eventu alteri revelaret peccatum, et eam odiosam non redderet in posteriori, cum in utraque revelatione contra pœnitentis voluntatem procedat. Itaque sufficit, notitiam peccati, quam mediante sacerdote accipit consiliarius, haberi via confessionis, et ad ipsam ordinem dicere, ut secum sigilli vinculum afferat, et semper sub pœnitentis potestate maneat.

78. Nec opposita motiva aliquid evincunt: non primum: aliter quippe se habet pœnitens, dum mediante sacerdote alium consulit, ac dum per se ipsum id efficit. Etenim in priori casu accipit consiliarius notitiam ex confessione, et participat actum clavium cognoscendo pœnitentis causam, et supplendo sacerdotis defectum, ipsum coadjuvando in ordine ad consummationem sacramenti. In posteriori autem non accipit per confessionem eam notitiam, nec ex ea pendet, cum adhuc non existat etiam inchoative. Præterquam quod satis probabile est, etiam in secundo casu teneri consiliarium ad sigillum, eo quod licet talis notitia non habeatur ex confessione, dicit tamen ad eam ordinem. Quod docent Ledesma cap. 22, concl. 7, Fagundez. Navarrus, quos refert, et sequitur Diana resol. 44. Ad secundum dicendum est, non raro necessariam esse consultationem detegendo personam ad obtinendam sacramentalem absolutionem, eo quod sacerdos dubitat de pœnitentis dispositione, vel de facultate ad absolvendum, et aliunde peccatum talis conditionis est, vel sub talibus circumstantiis factum, ut adæquate explicari non possit, quin persona manifestetur, vel ingens motivum suspicandi offeratur. Ceterum licet contingat, quod absque necessitate id fiat, adhuc tamen consiliarius sigillo obstringitur: ad hoc enim satis est eam notitiam a confessione pendere: congruit quippe ad maiorem pœnitentis securitatem, quod omnis notitia peccati habita ex confessione sive immediate, sive mediate, sub sigillo retineatur, et pendeat ex ejus arbitrio, ita ut possit licentiam absolutam, vel limitatam concedere ad illius usum, aliqui satis onerosa esset confessio

pœnitenti, si ubi consultatio necessaria est, consiliarius sigillo non ligetur. Ad tertium constat ex dictis dub. 4, in fine, pœnitentem, dum licentiam confert sacerdoti ad consulendum, non tribuere novam notitiam extrasacramentalem peccati, sed facultatem ut sacramentalem utatur, et eam ad alios extendat sub eadem sigilli obligatione contrahenda ab audiente: ubi enim dicitur non posse sacerdotem loqui, quæ scit ut Dei minister, intelligitur sine pœnitentis licentia, in cujus favorem sigillum institutum est. Vel si pœnitens in vi illius licentiæ notitiam extrasacramentalem confert, non est omnino absoluta, sed a sacramentali participata, et dependens, ut ibidem explicuimus.

79. Et quibus infertur primo. idem, et ob eadem motiva dicendum esse de prælato superiori, cui sacerdos inferior de pœnitentis licentia confessionem revelat, ut facultatem absolvendi a reservatis concedat; tenent Suarez disp. 33, sect. 4, num. 3, Ledesma cap. 22, post conclus. 7, Victoria in summ. num. 109, N. Antonius sect. 3, num. 1507, N. Franciscus punct. 4, num. 66, Dicastillo dub. 3, num. 41, Lugo sect. 2, num. 34, Reginald. lib. 3, num. 25, Diana tract. 11, resol. 12, ubi plures refert. Gonet disp. 13, art. 2, num. 22, Nugnus in addit. quæst. 11, art. 1, difficult. 1. Villalobos cap. 9, difficult. 72, num. 7, Navarrus in cap. Sacerdos, num. 42, Leander quæst. 50, adducens Sotum, Candidum, Granadum, Fagundez, et alios. Et quidem in præsentī urgentior est ratio: superior quippe non solum notitiam accipit ex confessione saltem inchoata, sed etiam ad ipsum deferitur causa pœnitentis tanquam ad superiorem judicem, qui proinde quodammodo in eo sacramento utitur clavibus, et influit aliquantulum in absolutionem, delegando facultatem, sine qua pœnitens directe absolvi nequit. Ob quam rationem plures ex citatis Doctores, uti Lugo, Navarrus, Dicastillo, Ledesma, et alii, doctrinam extendunt etiam ad casum, in quo pœnitens per ipsum superiorem adit, et facultatem absolvendi a crimine reservato exposcit, quod satis consequenter dictum videtur, et ita esse sentiendum constat ex dictis dub. 4, num. 59.

80. Infertur secundo, teneri etiam ad sigillum, qui actu, vel furtive confessio-

Illatio 1.
Suarez.
N.
Anton.
N.
Franc.
Victor.
Dicast.
Regin.
Lugo,
Diana,
Gonet,
Ledesma.
Nugnus.
et alii.

Illatio 2.

nem audivit, tum quia eadem ratio est ac de eo, qui se sacerdotem finxit; tum quia tota illa notitia habetur ex confessione, cui sigillum annexum est, ne sacramento, et pœnitenti injuria irrogetur. Porro si judicium sacramentale ob arctissimum secretum, quod affert, prohibet alios præter sacerdotem audiendis confessionibus se immiscere, consequens est ut si ex industria audire contingat, rem sub eodem secreto habere compellantur. Ita N. Franciscus punct. 4, num. 61, Gonet art. 2, num. 22. Lugo num. 39, Dicastillo num. 7. Suarez sect. 4, num. 7, Leander quæst. 52, Diana tract. 11, resol. 16, fereque omnes consentiunt; et idem judicium faciunt, et facinus de eo, cui sacerdos inique peccatum revelavit, et similiter de illis, qui casu, vel ex necessitate confessionem audiunt, ut in naufragio, vel incendio, dum coram aliis peccata alta voce confitentur. Quippe regula generalis Doctorum est, omnem eam notitiam peccati manere sub sigillo, quæ mediate vel immediate oritur ex confessione: id enim colligitur ex fine præcepti sigilli, et expedit sacramenti reverentiæ, et congruit ut fideles majori securitate ad confessionem accedant.

DUBIUM VI.

Quæ cadant sub sacramentali sigillo.

Non solum in confessione innotescunt sacerdoti pœnitentis peccata gravia, et levia, eorum species, et circumstantiæ; verum etiam plura alia, uti sunt defectus naturales pœnitentis, macula originis, peccatum complicitis, scrupuli, et similia, quæ licet non sint materia absolutionis, proindeque non pertineant directe ad judicium sacramentale; nihilominus interdum pertinent indirecte, eo quod manifestantur ratione peccati, quod aliter explicari non potest, nisi illi defectus detegantur, ut contingit in spurio, qui se talem dicit ad manifestandum peccatum in acquirenda hæreditate contra jus filiorum legitimorum commissum; interdum vero nec directe, nec indirecte ad sacramentum pertinent, sed obiter, aut pure concomitanter innotescunt Sacerdoti. Dubium igitur inquiri, quæ ex his celari debeant sub sigillo.

§ I.

Resolvitur difficultas aliquibus assertionibus.

81. Dicendum est primo, cadere directe^{Asser.} sub sigillo omnia peccata, quæ pœnitens confitetur quoad numerum, species, et circumstantias tam aggravantes, quam mutantes speciem, sive peccata sint gravia, sive levia, sive antea confessa, sive nondum confessa. Hæc assertio est communis apud Autores, quos proinde supervacaneum foret in particulari referre. Suadetque ratio: nam sigillum sacramentale ea comprehendit directe, quæ directe, et ratione sui sunt materia sacramenti; sed omnia peccata prout in assertionem recensita pertinent directe, et ratione sui ad materiam sacramenti: ergo ea omnia sigillum sacramentale comprehendit directe. Major constat; quia cum sigillum sacramentale sit debitum celandi confessionem, ea debent esse materia directa sigilli, quæ fuerint materia directa confessionis. Minorem autem ex professo ostendimus in priori hujus tract. parte, disp. 1, dub. 1, § 4. Quamvis enim peccata gravia nondum confessa differant a venialibus, et mortalibus jam confessis in eo, quod priora sint materia necessaria, posteriora vero libera, et ad pœnitentis nutum possint omitti, vel apponi; nihilominus omnia sunt materia sacramenti; tum quia omnia exponuntur ut dimittenda, vel retinenda; tum quia dolor, qui est materia proxima, non solum cadere potest supra mortalia, sed etiam supra venialia, tum quia cum hujusmodi sacramentum institutum sit ad instar medicinæ, ea erunt materia sacramenti, quæ fuerint animæ vulnera; non solum autem peccata mortalia, sed etiam venialia animam sauciant. Consequentia vero ex præmissis inferitur. Quæ ratio desumitur ex D. Thoma in 4, dist. 21, quæst. 3, art. 1, quæstiunc. 2,^{D. 1.} ubi inquit: « Ad secundam quæstionem » dicendum, quod sigillum confessionis » non directe se extendit nisi ad illa, quæ » cadunt sub sacramentali confessione. »

82. Observandum tamen est discrimen,^{Obsa.} quod intercedit inter peccata venialia, et lethalia: hæc enim non solum quoad numerum, et speciem, sed etiam sumpta in gene-

re sub sigillo comprehenduntur. Unde si sacerdos extra confessionem diceret : « iste confessus est gravia peccata ; » proculdubio sigillum violaret. Ceterum venialia licet sumpta quoad numerum, speciem, et circumstantias, sub sigillo cadant, non tamen sumpta in genere. Quocirca sacerdos, qui diceret : « iste confessus est venialia ; » sigillum non rumperet ; rumperet tamen si diceret, « confessus est mendacium, » vel si adderet : « confessus est multa venialia, aut intra sphaeram venialium graviora ; » vel si de persona probatæ virtutis subderet : « Hæc non curat vitare venialia. » Quæ omnia apud Doctores recepta sunt. Et ratio est perspicua : nam eo ipso quod quis accedat ad sacramentum, infertur, et per se innotescit ex ipso actu confitendi, confessum fuisse saltem venialia ; alioqui sacramentum non recepisset. Quocirca sicut licet dicere : « iste mihi confessus est ; » ita, et dicere : « confessus est venialia. » Ceterum ex eo quod quis ad sacramentum accesserit, non infertur confessum fuisse lethalia adhuc in genere, cum absque his absolutio stare possit ; nec similiter infertur confessum fuisse multa venialia, nec graviora intra limites venialium, nec etiam hoc, aut illud in determinata specie, aut de venialibus non curare ; atque ideo horum revelatio displicet pœnitentibus, eosque a confessione arceat. Nec audiendus est Ledesma, qui contra omnium sententiam asserit 2, p. 4, quæst. 11, art. 1, cap. 5, sacerdotem revelantem aliquod peccatum veniale, v. g. mendacium pœnitentis non violare graviter sigillum, si ita caute dicat, ut alii non intelligant tale peccatum fuisse cognitum in confessione. Ut enim quis graviter contra sigillum delinquat, illa advertentia in audientibus necessaria non est ; cum sigillum non obliget ob scandalum aliorum, sed propter sacramenti reverentiam, cui gravissima irrogatur injuria, etiam si peccatum revelatum sit leve ; alias nemo venialia confiteri audeat, si sciret sacerdotem ea revelare posse absque gravi sigilli violatione.

83. Id autem, quod diximus de illa loquutione : « iste confessus est venialia », intelligendum est etiam de ista : « confessus est sua peccata, » non determinando an sint mortalia an venialia : quia ita lo-

quens nec revela venialia in specie, nec mortalia in genere : non ergo sigillum violatur. Sic Navarrus in cap. Sacerdos, n. 68, 69 et 72, et in Manuali, cap. 8, n. 11, Fagundez lib. 6, cap. 5, n. 19, Henriquez lib. 3, cap. 21, Suarez disp. 33, sect. 3, n. 9, Lopez 1 part. instruct. cap. 36. Hoc autem intelligi debet per se loquendo : nam per accidens contingere posset in aliquo casu, ut observat idem Navarrus, hujusmodi loquutionem esse sigilli violativam ; ut si quis adeo occulte confiteretur huic Sacerdoti, ut nolit alterum scire se illi confessum fuisse, nec ex hac quasi furtiva confessione ex adjunctis circumstantiis peculiaris confessarius pœnitentis, vel ejus parentes, herus aut alii suspicerent aliqua lethali culpa illaqueatum fuisse, dum alium quæsitum sacerdotem, ut illi confiteretur. Idemque asserit Lugo sect. 3, num. 65, et a fortiori asserendum est ubi ex ea loquutione ob circumstantias occurrentes colligi posset pœnitentem peccatum aliquod reservatum confessum fuisse. Et similiter si postquam sacerdos duorum vel trium confessiones audivit, diceret : « iste sola venialia confessus est ; » vel unum nimis laudet dicens nunquam gravis peccati conscientiam afferre : tunc enim tacite innuere videtur alios graviora crimina adducere. Quod tamen merito limitat Dicastillo dub. 7, num. 98, ita ut solum habeat locum per se loquendo, non autem in omni eventu : nam contingere potest, alicujus pœnitentis sanctitatem adeo eximiam esse, ut omnes videant excessum virtutis respectu aliorum. Quocirca licet ejus virtus, et conscientiæ puritas commendentur, non inde aliorum confessio proditur.

84. Inquiri autem solet in præsentī, an non solum peccata actualia, sed etiam futura sub sigillo comprehendantur ? Verbi gratia ; accedit quis ad sacerdotem, et confitetur se habere propositum interficiendi inimicum : an in hoc casu non solum cadat sub sigillo peccatum in proposito commissum, verum etiam ipsum homicidium, si forsan sequatur ? Adrianus quæst. ultim. de confessione, Sylvester, verbo *Confessio* 3, q. 5, Decius in cap. *Cum ab homine*, de judiciis, Angelus, verbo *Confessio* 8, num. 7 et Abbas in cap. *Omnis utriusque sexus*, censent futurum peccatum non cadere sub sigillo, si pœnitens, dum confitetur, per-

Navarr.
Fagund.
Henr. q.
Suarez,
Lopez.

Lugo.

Dicast.

Quas-
tunc.

Adrian.
Sylvest.
Decius,
Angel.
Abbas.

edem
rejeci-
tur.

Alensis.

sistit in proposito, eo quod illa confessio non est sacramentalis; cadere vero si in confessione propositum mutavit. Alensis autem 4 part. quæst. 78, memb. 2, art. 2, docet, quod si pœnitens peccavit cum adultera, et accedit ad confessionem cum proposito iterum peccandi, utrumque peccatum, et præteritum, et futurum esse materiam sigilli; secus vero si cum adultera non peccavit, sed solum habeat propositum peccandi: tunc enim, inquit, futurum peccatum sub sigillo non manere.

Decidi-
tur.
D. Tho.
D.
Bonav.
Ricard.
Gabriel.
Uterque
Soto.
Cajetan.
Medina.
Lugo.
Suarez.
Vasquez.
Navarr.
Ledesma.

Sed absolute, et absque aliqua distinctione sentiendum est oppositum utrique sententiæ, ut tenent D. Thomas in 4, dist. 21, qu. 3. art. 1, quæstiunc. 1 et ibidem D. Bonaventura 2 part. art. 2, q. 1, Ricard. art. 4, q. 2, Gabriel art. 2, cap. 3, Lugo sect. 4, num. 53, Soto dist. 18, quæst. 4, artic. 5, ad 2, Cajetanus tom. 1, Opusc. tract. 21, Petrus Soto lect. 11, de confessione, Vasquez qu. 93, art. 4, dub. 3, num. 7, Ledesma 2, 4, quæst. 10, art. 5, Navarrus in cap. *Sacerdos*, num. 20, Medin. Cod. de confes. qu. 47, Suarez sect. 3, num. 4, et alii. Itaque sive pœnitens prius peccaverit eodem genere peccati, sive non; sive propositum mutet, sive non mutet, futurum peccatum sub sigillo celari debet. Quod generali ratione convincitur: nam tale peccatum nulla alia via nisi confessionis cognitum est, ut supponimus, et ejus revelatio cedit in detrimentum pœnitentis; sed quæ per solam confessionem cognoscuntur, et quorum revelatio affert damnum, et dedecus pœnitenti, cadunt sub sigillo: ergo, et illud peccatum futurum. Tum etiam: quia peccatum futurum est objectum propositi præsentis, quod pœnitens confitetur, proindeque cum eo connexionem habet; ad sigillum autem non solum spectant peccata, sed etiam eorum objecta, et quæcumque cum peccato connectuntur; siquidem hæc non propter se manifestantur sacerdoti, sed quia aliter peccatum explicari nequit. Tum deinde: quoniam sacerdos nequit prodere peccatum futurum pœnitentis, quin utatur notitia propositi sibi confessi; sed uti notitia confessionis in incommodum pœnitentis illicitum est, ut vidimus dub. 3. Ergo. Tum denique: nam licet peccatum futurum non pertineat ad sacramentum tanquam materia absolutionis, spectat tamen tan-

Ratio.

quam quid omnino necessarium ad iudicium sacramentale, et sacerdotis: hic enim non solum debet cognoscere peccata commissæ in ordine ad absolutionem, sed etiam impedimenta, si quæ sunt, ut absolutio denegetur: ergo si sacerdos tale peccatum futurum revelat, revelat aliquid sibi dictum in foro pœnitentiæ in ordine ad iudicium quod formari debet de causa pœnitentis, ideoque nequit non sigilli violator existere. Nec fundamentum adversariorum quicquam suadet: licet enim illa confessio, in qua pœnitens non recipit absolutionem, quia non mutat propositum peccandi, non sit integrum sacramentum; est tamen confessio sacramentalis initiativa, quod satis est ut ejus peccata sub sigillo relinquuntur; alias quotiescumque pœnitenti absolutio non impenditur, possent licite cuncta illius crimina revelari.

85. Dicendum est secundo, cadere etiam sub sigillo saltem indirecte omnes defectus tam naturales, quam morales, et civiles, et quæcumque alia, quæ manifestantur a pœnitente ad explicationem peccati. Ita Soto in 4, distin. 18, quæst. 4, artic. 5, conclus. 2, Gonet disp. 13, art. 2, num. 19, Ledesma cap. 22, conclus. 7, N. Franciscus cap. 14, punct. 2. num. 23, Lugo sect. 3, num. 55, Dicastillo sect. 3, num. 51, Suarez disp. 33, sect. 3, num. 5, Bonacina disp. 5, quæst. 6, sect. 5, punct. 2, num. 10, Coninchus disp. 9, dub. 1, num. 13, Reginaldus lib. 3, num. 38, Diana tract. 11, resolut. 38 et alii communiter, Fundamentum est, quia sigillum obligat ad celanda peccata, ne confessio fiat onerosa, et ne fideles ab ea arceantur; atqui plus arcerentur a confessione, hæcque difficilior fieret ex revelatione eorum defectuum, quam ex revelatione peccati: ergo cadunt etiam sub sigillo. Minor constat: nam obiectio originis, infectio sanguinis, defectus natalium, occulta paupertas, naturalis impotentia, et similia indecorosa ingenti pudore ac confusione afficiunt homines, et difficillime tolerantur, proindeque sæpe mallent sua crimina aliis innotescere, quam hujusmodi defectus, ut experientia testatur. Si ergo scirent pœnitentes in aliquo casu revelari posse, plus arcerentur a confessione, quam ex revelatione peccati. Observant autem Doctores, prædictos defectus, et quæcumque alia, quæ manifestantur

Assertio
2.

Soto,
Gonet,
Ledesma.
N.
Franc.
Lugo,
Dicast.
Suarez,
Bonac.
Coninc.
Regin.
Diana.
Fundam.

Extensio
assertio-
nis.

tuntur

tantur a pœnitente in confessione, non solum cadere sub sigillo dum sunt omnino necessaria ad integre explicandum peccatum, sed etiam ubi ad hunc finem sunt utilia, vel dum bona fide exisimantur a pœnitente tanquam utilia ad melius explicandum peccatum, licet aliter sine illis adæquate explicari posset. Id quippe necessarium est ad suavem sacramentium, et pœnitentium securitatem: nec enim omnes discernunt, aut recte callent, præsertim rudiores, quæ reticenda, quæ declaranda, quæ necessaria, utilia, aut inutilia sunt, ut culpa integre confiteatur. Satis igitur est propter hunc finem esse dicta, ut indirecte, et quasi in obliquo ad sacramentum spectent, et sub sigillo celari debeant.

86. ^{etio} ^{om.} Dicendum est tertio, sigillum sacramentale se extendere etiam indirecte ad omnia illa, per quæ posset peccator, et peccatum deprehendi, licet de illis non sit sacramentalis confessio; non autem ad ea, quæ impertinenter se habent ad crimina manifestanda, quæque solum concomitantur audiuntur in confessione. Hæc conclusio est expressa D. Thomæ in 4, distin. 21, quæst. 3, art. 1, quæstiunc. 2. « Sed indirecte id, quod non cadit sub sacramentali confessione, etiam ad confessionis sigillum pertinet; sicut illa, per quæ posset peccator, vel peccatum deprehendi. » Tenetque Sotus in 4, dist. 18, quæst. 4, art. 2. concl. 3, et alii non tam disputant, quam supponunt. Et quoad primam partem suadetur: nam lex directe prohibens, aut præcipiens aliquid, indirecte præcipit aut prohibet, quæ necessaria sunt ad observantiam rei præceptæ; ideoque quia tenemur ex præcepto divino ad integritatem confessionis, tenemur etiam ex eodem præcepto ad conscientiae examen, quod necessarium est ad assecutionem illius finis; et similiter lex præcipiens audire sacrum in die festo, præcipit etiam accedere ad templum, et prohibet detentionem in ludo, aut in venatione cum auditione sacri impossibilem; atqui sigillum prohibet manifestationem peccati: ergo prohibet etiam manifestationem eorum, per quæ peccatum, et peccator deprehendi possunt. Unde fit non posse sacerdotem dicere, Titium tali hora fuisse in tali loco, si inde quis devenire posset in

notitiam homicidii ab eo facti in eo loco. Et similiter si pœnitens dum confitetur homicidium, narrat qualiter faber gladium sibi tradiderit, nequit sacerdos fabrum prodere; alioqui viam pararet indagandi occisorem, et crimen in confessione notum. Quoad secundam vero partem est etiam communis Doctorum consensus, ut testatur Suarez sect. 3, num. 10. Quæ enim nec sunt peccata, nec propter peccata declaranda dicuntur, sed pure concomitanter, aut incidenter, nulla est ratio cur sub sigillo celari debeant: hoc quippe solum se extendit ad ea, quæ propter integram confessionem faciendam manifestantur, qualia non sunt, quæ nullo modo peccatorum declarationi subserviunt, de quibus proinde idem iudicium fieri debet, ac si extra sacramentum nota fuissent. Cavenda tamen est eorum revelatio, præsertim coram rudioribus, ac simplicioribus, qui scandalum acciperent, videntes non esse tam sancte recondita, quæ in sacramentali iudicio manifestantur.

§ II.

Consecraria præcedentis doctrinæ.

87. Ex præmissis assertionibus inferitur ^{Consec-} primo, quid dicendum sit de peccatis publicis, an cadant sub sigillo? Et quidem si ^{larium} sacerdoti non aliter quam per confessionem innotescant, certum, et constans est apud omnes teneri ad sigillum, nec posse ea prodere quantumvis alias publica existant: de his enim idem iudicium fieri debet ac de omnino secretis, cum apud sacerdotem tanquam secreta habeantur. Similiter certum est, non posse sacerdotem dicere, se tale peccatum publicum in confessione audivisse, si ex huiusmodi revelatione peccatum fiat apud alios magis certum; alioqui ansa tribueretur sacerdotibus ad prodenda peccata non ita publica, et certa. Itaque difficultas devolvitur circa peccata, quæ ita publica, et certa sunt omnibus, ut ex revelatione sacerdotis non fiant magis certa, et inquit an licitum illi sit dicere de publico homicida, latrone, usurario: « Istorum publica homicidia, « latrocinia, aut usuras audivi in confessione cum magnis pœnitentiæ signis? » Vel subdere de meretrice: « Ista confessa

« est mihi legitime de suo publico mere-
tricio, et absolutionis gratiam obtinuit. »
Joannes de Medina. Affirmativa sententia tribuitur Joanni de Medina, Cod. de confes. quæst. *de his, quæ a confessore celanda sunt*. Quæ suaderi potest : quia ex una parte sacerdos pœnitentem non infamat, cum illius peccatum jam aliis innotescat ; ex alia autem dicere ipsum cum magno dolore tale peccatum fuisse confessum, cedit in illius laudem, ac proinde ex tali revelatione confessio illi non fit odiosa.

Vera
sententia.

Communis tamen, et vera sententia negat eas loquutiones esse licitas sacerdoti, quam tenent D. Thomas in 4, dist. 21, quæst. 3, art. 3, ad 2, Cajetanus, verbo *Confessor* in fine, Sotus in 4, dist. 18, quæst. 4, art. 5, post 3, concl. Navarrus in summ. cap. 8, num. 11, Lugo sect. 3, num. 61, Dicastillo dub. 7, n. 105, N. Franciscus punct. 3, num. 31, Vasquez qu. 93, art. 4, dub. 6, Coninchus disp. 9, num. 12, Suarez sect. 3 et alii, imo, et ipse Medina, qui tandem quæst. ult. priorem sententiam deseruit: Ratio autem hujus resolutionis est, quia sacerdos tenetur ad celanda peccata prout cognita in confessione ; sed peccatum publicum prout cognitum in confessione est omnino secretum : licet enim alii sciant absolute tale peccatum, non tamen an confessum sit : ergo nequit sacerdos absque sigilli violatione dicere se illud in confessione audivisse. Tum etiam : quia revelatio peccati cogniti in confessione per se, et ex suo objecto semper est injuriosa sacramento, et displicens pœnitenti, quem proinde a confessione arcet : ergo licet peccatum sit publicum, et ejus revelatio cedat per accidens in laudem pœnitentis, adhuc est illicita. Accedit, prædictas loquutiones male audire apud fideles, et grave generare scandalum etiam apud pios, et doctos ; quod satis demonstrat esse sigilli violativas. Accedit item, quod alias posset etiam sacerdos loqui de peccato secreto pœnitentis cum ejus complice, et cum duobus, aut tribus, quibus tale peccatum extra confessionem innotescit ; siquidem ex una parte pœnitentis famam non lædit, cum jam complex, et alii peccatum sciant ; et ex alia dicere pœnitentem cum ingenti dolore confessum fuisse, cedit in ejus laudem. Hæc autem satis absurda sunt, et viam parant ad con-

fessionis revelationem in multis casibus, ut ex rationis paritate convincitur. Ergo dicendum est, nullam exceptionem esse admittendam, atque ideo nec posse sacerdotem dicere de peccato publico sibi esse confessum cum magnis pœnitentiæ signis. Per quod satis constat ad fundamentum oppositæ sententiæ : licet enim illæ loquutiones, quatenus detegunt contritionem pœnitentis, cedant per accidens in ejus laudem, et aliunde nihil revelent, cum jam peccatum sit aliis publicum ; adhuc tamen sunt contra sigillum, quo tenetur sacerdos tacere, quæ in confessione audivit, ut patet in sacerdote, qui absque necessitate, et licentia pœnitentis loquitur cum eodem extra sacramentum de peccatis sibi confessis : tunc quippe nihil revelat pœnitenti, cum ipse sua peccata noscat, et nihilominus sigillum violatur, ut omnes fatentur, quia non tacet, quæ clavibus commissa sunt.

88. Sed hinc oritur alia difficultas, qualiter nimirum debeat sacerdos respondere, ubi interrogatur an talem pœnitentem absolverit, quem constat apud eum confessum fuisse ? Et quidem si dicat, non absolvi quia occasionem peccandi non respicit ; nemo negat sigillum violare ; sicut e converso non violare si dicat, non absolvi, quia generalem confessionem inceperat, et nondum perfecit, sed vult altera die perficere ; vel si addat, non absolvi quia confessionem incepit, et vocatus ab alio ad eam perficiendam non rediit, vel similem aliam legitimam causam adhibeat, ex qua confessio suspecta non reddatur. Hæc omnino acquiescimus asserentibus non violari sigillum, si sacerdos dicat : « Non absolvi, quia materiam absolutionis non inveni : » id enim licet deservire possit pro parvulo, de quo dubitatur, an ad usum rationis devenit, vel pro alia persona excellentissimæ virtutis, quæ raro contingunt ; nequit tamen pro omnibus regula generalis existere, cum constet vel justos septies in die cadere. Quocirca si sacerdos interrogetur de eo, qui ut peccator existimatur, vel de homine vitæ communis, qui raro, vel semel in anno accedit ad sacramentum, an absolutionem obtinuerit, et respondeat : « Non absolvi, quia absolutionis materiam non inveni, » procul dubio contra sigillum delinquet : quia, ut recte

recte vidit Dicastillo dub. 7, num. 114, nemo sanæ mentis sibi persuadebit, illum hominem tanta conscientia puritate vigere, ut nec peccata venialia, a quibus absolvatur, habeat; quin potius suspicabitur, ob pravam dispositionem, et nimis iniquitatem; atque ideo sacerdos eo modo loquendi confessionem indirecte prodit. Itemque iudicium fieri debet, si dicat: « Non absolvi, quia est nimis tenax suæ sententiæ, quam ego non approbo. » Quam loquutionem non desunt qui censeant esse licitam absolute; alii vero cum limitatione, si sacerdos addat pœnitentem non habere peccatum mortale, sed propositum actionis, quæ in ejus sententia est licita, in sacerdotis vero illicita. Sed neutrum admittendum est, quia absolutio non denegatur nisi ob pœnitentis indispositionem nolentis abstinere a peccato; unde satis innuitur pœnitentem indispositum accessisse, quod est indirecta confessionis proditio. Tenent Lugo sect. 4, num. 85, Dicastillo num. 115, et alii.

Itaque dubium solum est, an sacerdos respondere possit absolute, *non absolvi*, nullam exprimendo causam cur id fecerit? Armilla, Henriquez, et Cajetanus, verbo *Confessio*, affirmant, quia cum denegatio absolutionis ex multis, et honestis causis oriri possit quam ex pertinacia in peccato, aut prava dispositione, videtur quod ea responsio confessionis revelatio non sit. Sed negat communis sententia, cui adhærent Soto in 4, dist. 18, quæst. 4, art. 5, post 3, concl. Victoria de sacram. num. 186, Ledesma cap. 22, concl. 5, dub. 5, in fine, N. Francisc. punct. 3, num. 27, Lugo sect. 4, num. 84, Dicastillo dub. 7, num. 113, Suarez sect. 6, num. 1, Vasquez quæst. 93, artic. 4, dub. 10, num. 9, Navarrus in cap. *Sacerdos*, num. 64, Diana tract. 11, resol. 42, Coninchus disput. 9, num. 14, Bonacina disp. 5, quæst. 6, sect. 5, punct. 4, num. 6, Layman lib. 5, tract. 6, cap. 14, num. 8, Palaus punct. 19, § 3, num. 3, et alii. Et ratio est: quia moraliter loquendo absolutio non denegatur nisi ob pœnitentis indispositionem. Quocirca licet interdum contingat id fieri ob aliam justam causam, nihilominus ubi non explicatur, sed absolute dicitur *non absolvi*, suspicio sinistra generatur, pœnitentem absolutio-

nem non recepisse ob casum reservatum, vel ob similem indispositionem. Id quod præsertim locum habet, ubi pœnitens, de quo quæritur an absolutus sit, habetur tanquam publicus concubinarius, vel usurarius, ut ex se liquet.

Ceterum cum sacerdos, si re ipsa absolutionem non præstitit, nequeat respondere *absolvi*; id enim esset manifestum mendacium, optimus modus respondendi erit: « Confessus est, et functus sum meo munere; vel feci quod debebam. » Quod observandum est sive sacerdos absolvat, sive non, ut ita auferatur suspicio pro casibus particularibus; alioqui si ea responsio solum adhibenda foret, ubi pœnitens non absolvitur, inde posset fieri suspecta confessio. Sed quid si pœnitens ipse dicat, absolutionem sibi fuisse denegatam, poterit ne sacerdos id ipsum dicere vel saltem addere: « Ipse dicit, quod eum non absolvi, » ut nonnulli concedunt? Neutrum sentiendum est; non primum: quia nunquam licet peccata etiam publica revelare; revelaret autem sacerdos pœnitentis conscientiam, et indispositionem, si diceret *non absolvi*. Non secundum: quia eo modo loquendi videtur approbare veritatem absolutionis negatæ. Et idem dicimus, si e converso jactetur pœnitens absolutionem obtinuisse: semper enim retinendus est ille modus loquendi: « feci meum officium. » Docent Dicastillo dub. 7, num. 117, Lugo sect. 4, num. 85, et alii.

89. Infertur secundo, quid sentiendum de sacerdote revelante peccata in tali oppido, civitate, aut Religione commissa, tacendo personas; an videlicet contra sigillum delinquat? Quidam enim absolute negant; alii vero affirmant, vel saltem videntur in hunc sensum propendere. Alii autem mediam arripiunt viam, quibus libenter subscribimus. Itaque si civitas sit admodum extensa, dicendum est raro vel nunquam per se loquendo violari sigillum: nam talis peccati, vel peccatorum gravium revelatio non est infamativa alicujus personæ in particulari, nec totius civitatis, nec confessionem reddit difficilem, aut ab usu sacramenti pœnitentes arcet; ergo sigilli violativa non est. Consequentia liquet; siquidem ex nullo alio capite, quam ex recensitis, colligi potest manifestatorem peccati esse contra sigillum. Antece-

Dicast.
Lugo.

Consec.
tarium 2.

dens autem ostenditur: demus quippe sacerdotem dixisse plures pœnitentes sibi, dum Romæ degeret, usuras, aut alia crimina fuisse confessos, aut Matriti, Hispani, vel Salmanticæ plures a peccatis carnalibus absolvisse. Quis ex vi hujus se inhonoratum existimaret, aut censeret civitates illas famæ dispendium subituras? Vel quis ob id a confitendo abstineret, vel ejus peccatum revelandum formidaret? Nullus quidem sanæ mentis ita sentiet. Idemque cum Nugno, et aliis asserendum existimamus, quando sacerdos dicit se in aliqua Religione etiam reformatâ aliqua peccata gravia audivisse: quia cum quælibet Religio hisce temporibus sit nimis universalis, nec pœnitens in particulari detegitur, nec ipsius aut Religionis fama minuitur. Sicut ob eandem rationem, ex quo confessarius dicat aliquem vel aliquos sacerdotes in communi lethalia commisisse, eorum nemini, nec toti statui clericali damnum inferitur: etenim ex se patet in tam ampla sacerdotum, aut Religiosorum collectione, attentata natura rei, nonnulla gravia crimina perpetranda fore. Maxime cum Religiosi non ex nobiliori specie quam alii, sed ex communi, et fragili compaginentur; et aliunde non omnes possint esse probatæ virtutis. Diximus *per se loquendo*: quia per accidens, et ex adjunctis circumstantiis poterit violari sigillum ratione periculi suspicandi peccatum de aliquo in particulari; præcindimusque in præsentiarum ab eo quod talis loquutio sit ex aliis capitibus peccatum scandali, vel alterius rationis, de quo non est sermo.

Oppositum autem dicendum est, ubi sacerdos nulla assignata persona evulgat de exiguo oppido, familia, communitate, aut Religiosorum Conventu gravissima crimina in confessione sibi nota. Quod ex contraria ratione convincitur: nam ex tali peccatorum manifestatione infamatur oppidulum, collegium, aut communitas, ita ut propter horum exiguitatem ea infamia ad pœnitentes in particulari descendat, et qui de aliquibus sinistram conceperant opinionem, in eadem firmantur, et per se loquendo adest periculum suspicandi de aliquo subjecto determinato, quod talia crimina fecerit; sed hæc sunt pœnitentibus adeo molesta, et ingrata, ut inde averti possint a confessione: ergo hujus-

modi revelatio est per se loquendo violatio sigilli. Cui sententiæ sub data distinctione adhærent Henriquez lib. 6, cap. 21, num. 6, Reginaldus lib. 3, num. 4, Suarez disp. 33, sect. 2, Dicastillo dubit. 7, num. 97, Coninchus disp. 9, nu. 16, Navarrus in cap. *Sacerdos*, num. 54, Bonacina disp. 5, quæst. 6, sect. 5, p. 4, nu. 3, Lugo n. 64, N. Franciscus punct. 3, n. 36, Palaus punct. 19, § 3, num. 11, referens D. Antonium, Layman, et alios.

90. Inferitur tertio, virtutes, revelationes, et alia dona spiritualia, quæ sacerdoti per confessionem innotescunt, cadere sub sigillo, si dicantur a pœnitente tanquam necessaria, vel utilia ad declarandum peccatum, vel ingratitudinem erga Deum post tot beneficia accepta, vel inconstantiam in bono post tale firmum propositum diu observatum procurandæ perfectionis. Et ratio est, quia sic accepta jam sunt materia confessionis saltem in obliquo ob connexionem cum peccato, ratione cujus manifestantur. Docent Lugo sect. 3, num. 58, Diana part. 5, tract. 11, resol. 30, Perez disp. 54, sect. 4, num. 13, Granados in part. contr. tract. 11, disp. 3, n. 4, N. Antonius sect. 4, num. 1530, et alii. Si vero ob alium finem manifestantur, ut pœnitens videlicet integrum conscientiæ statum, et progressum perfectionis aperiat ad obtinendam instructionem a sacerdote, cui tanquam Patri spirituali animæ regimen commisit, censensus sub sigillo non cadere, sed tantum sub naturali secreto juxta qualitatem materiæ: tunc enim nec ratione sui, nec ratione alterius spectant ad sacramenti materiam. Et juxta hunc sensum accipiendi sunt Navarrus, Bonacina, Henriquez, et alii asserentes omnia recensita sub sigillo sacramentali celanda non esse.

91. Inferitur quarto, quid dicendum sit de scrupulis, an ad sigillum spectent? Et quidem si sermo fiat de illis, qui manifestantur a pœnitente tanquam peccata, vel in ordine ad declarationem peccati, aut illius circumstantias, indubitatum est sub sigillo celari debere. Si vero loquamur de scrupulositate, de qua pœnitens non se accusat, sed quæ ex ipso modo confitendi patet, et ex evidentia rei innotescit non solum sacerdoti, sed, et aliis, qui vident pœnitentem nœniis, et motibus concuti, asserendum

Henr.
Regin.
Suarez.
Dicast.
Coninc.
Navar.
Bonac.
N.
Franc.
Lugo.
Palaus.
et alii.

Consec.
tariu
3.

Lugo,
Dian.
Perez.
Granad.
N.
Anton.
et alii.

Consec.
tar. 4.

asserendum est ad sigillum non pertinere, atque ideo posse sacerdotem sine illius violatione dicere Titium scrupulis vexari, et naniis, ac impertinentiis sibi caput obtundere. Ita Navarrus in summ. cap. 8, num. 12, Lugo sect. 3. nu. 60, Aversa qu. 18, sect. 4, Diana 5 part. tract. 11, resol. 70, Fagundez præcep. 2, lib. 6, cap. 5, num. 17, Reginald. lib. 3, num. 53, Villalobos tract. 9, diffic. 73, num. 6, Henriquez cap. 21, num. 2, et cum multis Leander quæst. 37. Et ratio est: quia sacerdos ex vi sigilli solum tenetur ad reticendum ea, quæ sibi dicuntur tanquam materia sacramenti, vel tanquam quid pertinens ad materiam; scrupulositas autem, de qua loquimur, non est hujusmodi, cum pœnitens de ea non se accuset, sed potius ex ipsius actionibus deprehendatur. Quocirca sicut sacerdos evidenter cognoscit pœnitentem esse juvenem, aut senem, surdum, aut tardiloquum, acuti, aut hebetis ingenii, vel alterius conditionis, quin hæc cadant sub sigillo; ita deprehendit esse morosum, impertinentem, aut scrupulosum, quæ ob eandem rationem sigilli obligationem inducere non debent. Tum etiam: quia si licet sacerdoti dicere, « Titius confessus est venialia; » cur etiam dicere non licebit esse scrupulosum, vel confessum esse scrupulosum; cum hujusmodi nomine nec peccata venialia significantur?

DUBIUM VII.

Quæ peccata committat violator sigilli confessionis?

Pro dubii explicatione recolere oportet ea, quæ in prima hujus disputatione præliminata manent, nimirum, in arcano confessionis. sive in confessione sacramentali duo diversi ordinis intervenire secreta; aliud naturale competens confessioni specificæ acceptæ, et est commune tam confessioni peccatorum, quam aliis rebus, quæ extra confessionem sub hoc secreto dicuntur; quod tantum de materiali, et præsuppositivo se habet ad sigillum sacramentale formaliter ut tale. Aliud est supernaturale proprie, vel reductive, conveniens confessioni peccatorum sacramentali reduplicative ut tali, et ut formaliter constituit pœnitentiæ sacramentum, vel dicit

ordinem ad illud. Primum secretum solum constringit ex jure naturæ, sive ex motivo justitiæ, aut fidelitatis; secundum vero obligat ex jure supernaturali, et indispensable. Uterius est advertendum, quod particula *quæ*, in titulo apposita supra *peccata*, ampliativum sensum indigitat, adeo ut intelligi debeat relate ad speciem, numerum, et gravitatem peccatorum, quæ in fractione sigilli confessionis committuntur. Quæ omnia sub eodem titulo comprehendimus, ac singillatim discutere curabimus.

§ I.

Triplici conclusione resolvitur difficultas.

92. Dicendum est primo, peccatum, in ¹ Concl.
fractione sigilli formaliter accepti commissum, esse essentialiter, et intrinsece sacrilegium; licet communiter habeat annexas alias duas specie distinctas malitias accidentales, et extrinsecas, nimirum, detractionis, et injustitiæ, aut infidelitatis. Hæc conclusio, quæ duas continet partes, debet quoad utramque probari. Et quidem quoad primam est expressa in Angelico Præceptore, tum in præsentis quæst. 11, supplement. art. 1, in corpore ubi ait: « Tanquam violator Sacramenti » (et consequenter rei sacræ) « peccat, qui confessionem nem revelat. » Tum etiam quodlib. 12, quæst. 11, art. 16, ubi inquirens, an liceat in aliquo casu revelare confessionem, respondet: « Dicendum, quod non, nec verbo, nec facto, nec nutu, nec aliquo signo licet hoc facere, quia est sacrilegium. » Ubi solum hanc speciem peccati tanquam intrinsecam, essentialem, et primariam nominat, clare insinuans alias species malitiæ tantum esse extrinsecas, et secundarias, quamvis regulariter concurrant.

Probatur ratione recolendo jam dicta tract. 11, disp. 3, dub. 1 et 2, et tract. 13, disp. 8, dub. 2, n. 28; ibi namque statuimus, diversitatem præceptorum ex parte rei prohibitæ, et motivi prohibendi inferre distinctionem specificam inter peccata; unde in transgressione legis ad venandam primariam speciem peccati debet attendi ad primarium, ac principale motivum legislatoris quoad condendam legem; ex quo principio deduximus in eodem tractat. 13,

Species
hujus
peccati
assig-
nantur.

D. Tho.

disput. 16, dub. 6, § 3 et 4, primariam speciem peccati Adami fuisse superbiam, etsi secundario habuerit annexas gulam, et inobedientiam species. Unde fit, quod in fractione præcepti sigilli illa sit primaria, atque essentialis species hujus peccati, quæ sumitur ex transgressionem legis contra primarium motivum legislatoris; sed primarium motivum Christi Domini in injungendo sigillo fuit motivum Religionis, et ne injuria fiat pœnitentiæ sacramento: ergo cum peccatum contra reverentiam, et honorem sacramenti, et contra virtutem religionis sit ex ejus intrinseca, et essentiali ratione sacrilegium, erit etiam quoad intrinsecam, ac primariam speciem sacrilegii fractio præcepti sigilli. Consequentia est optima: nam ut ait D. Thomas 2, 2, quæst. 99, art. 3, in corpore: « Peccatum sacrilegii in hoc consistit, quod aliquis irreverenter se habet ad rem sacram. » Et paucis interjectis subdit: « Inter quas res sacras summum locum obtinent ipsa sacramenta, quibus homo sanctificatur. » Major constat ex alibi jam dictis. Minor autem ostenditur: nam motivum principale, et primarium Christi Domini in imponendo sigillo fuit, ne hoc sacramentum tam salutiferum, ac necessarium fieret detestabile, ac perdifficile; sed hoc fuit attendere ad honorem, et reverentiam sacramenti, et ne aliquis ei injuriam irrogaret, quod est proprium motivum virtutis religionis: ergo motivum primarium Christi Domini in hujusmodi præcepto fuit motivum religionis, et ne injuria fieret pœnitentiæ sacramento.

Ceterum quia ut probat D. Thomas loco relato ex 2, 2, intra speciem subalternam peccati contra virtutem religionis dantur plures species infimæ, sive atomæ, cum esto omnia sacrilegia conveniant in eo, quod sint contra rem sacram, tamen, ut ipse ait in responsione ad primum, differentia sacrarum rerum non solum sit materialis, sed formalis, posset aliquis dubitare, an omnes fractiones sigilli sint ejusdem atomæ speciei? Ad quod affirmative respondetur: quia cum omnes tendant contra honorem, ac debitam reverentiam ejusdem formaliter rei sacræ, et ejusdem sacramenti pœnitentiæ, nullum est caput, ex quo possint atomam mutuare differen-

tiam; unde ad eandem infimam speciem sacrilegii debent pertinere.

Secunda autem pars conclusionis facile suadetur: nam etsi aliquando contingat, secretum naturale non obligare, et consequenter nec violari fidelitatem illud manifestando, nec detractionis perpetrari peccatum, cum ad hæc sibi servanda nullum jus pœnitens sortiatur; hoc tamen non regulariter contingit, quin potius evenit oppositum, et communiter loquendo tenetur confessarius ex justitia ob fidelitatem, et ad vitandam detractionem servare secretum naturale in confessione sibi commissum: ergo istæ duæ peccatorum species communiter annectuntur fractioni sigilli ob violationem secreti naturalis ibi connexi. Tum sic; sed istæ peccatorum species sunt accidentales, ac de materiali se habent ad speciem sacrilegii, sicut secretum naturale de materiali, et præsuppositivè se habet in confessione ad sigillum formaliter sacrum: ergo in fractione sigilli præter speciem sacrilegii communiter clauduntur duæ speciei distinctæ accidentales, et extrinsecæ.

93. Dicendum est secundo, tria numero distincta peccata in fractione sigilli communiter perpetrari; aliquando vero unicum tantum pertinens ad speciem sacrilegii. Ratio prioris est: quia cum unitas numerica sit omnium maxima, et ad specificam duorum distinctionem nequeat non sequi eorum distinctio numerica, et in fractione sigilli, regulariter loquendo, tria distincta specie peccata committantur, ut numero præcedenti diximus. quorum unum est in sua specie atomæ sacrilegium, et contra virtutem religionis, aliud contra justitiam in specie infima detractionis, atque infamationis proximi, et aliud in sua specie atomæ contra fidelitatem ratione onerosæ promissionis inter pœnitentem, et confessarium, quod simul est contra justitiam; inde est, quod communiter loquendo hæc tria peccata numero distincta ibi committantur. Ratio posterioris est: quia cum aliquando pœnitens non habeat jus ad famam, quoniam illius peccatum est manifestum, nec ad observantiam secreti commissi, quippe vergit ad damnum Ecclesiæ, vel totius Regni, non frangitur debitum justitiæ, nec fidelitatis, ut communiter censent Authores: ergo

Pro-
le
quo
secu-
da
parie

Cont.

Num
pecc
ru
desi-
ti

ergo solum remanet debitum religionis, ac reverentiæ sacramenti penitentiae, indispensabiliter obligans in omni eventu: et consequenter unicum numero peccatum patrabitur, quod est formaliter sacrilegium. Unde juxta hunc sensum, et non aliter, adhæremus N. Francisco a Jesu Maria in suo Cursu Morali, hæc tria peccata assignanti in fractione sigilli.

94. Dicendum est tertio, sacrilegium, quod in fractione sigilli perpetratur, esse ex genere suo peccatum lethale, et non modicæ gravitatis inter mortalia; peccata vero detractiois, et infidelitatis, licet inferioris sint gravitatis respectu sacrilegii, ex genere tamen semper sunt gravia, nisi ob defectum deliberationis; aut ex parvitate materiæ reddantur levia. Hæc conclusio quoad primum, quod continet, est communi Doctorum calculo recepta, et suadetur ratione: nam lex præcipiens aliquid, graviter conduens ad Deum immediate, vel mediate colendum, et ad ejus sacramenta venerandum, obligat ex genere suo ad peccatum mortale, et non modicæ gravitatis, cum sit contra virtutem religionis, quæ inter morales est omnium maxima; sed observatio sigilli est graviter, ac maxime conduens ad honorem, et reverentiam sacramenti penitentiae, et ne ei aliqua irrogetur injuria, ita ut odio fiat dignum, quod est maxime diligendum, utpote remedium ad animarum salutem valde necessarium: ergo lex præceptiva sigilli obligat ex genere suo ad peccatum lethale, et non modicæ gravitatis inter mortalia. Quod secundum vero, quod asserit conclusio, probatur: nam peccatum infamationis, et peccatum infidelitatis ex diverso capite sunt contra justitiam: primum namque est contra jus, quod quis habet ad famam; secundum contra jus, quod obtinet, ut in occultatione peccatorum servetur ei fidelitas, et adimpleatur promissio data, et acceptata formaliter, aut virtualiter; quæ obligat ex vi pacti onerosi ex justitia commutativa, ut cum veriori sententia tenet N. Andreas a Matre Dei in Cursu Morali tract. 13, cap. 4, § 1, num. 79. Sed peccatum contra justitiam est grave ex genere suo, ut etiam tenent N. Andreas tract. 11, de legibus, cap. 2, punct. 2, § 2, num. 23, et propterea asserit D. Thomas 2, 2, quæst. 73, art. 2, quod detractio, sive

infamatio proximi est peccatum grave ex genere suo, quia per illam læditur fama proximi injuste, et est gravius peccatum, quam furtum, cum fama sit bonum æstimabilius divitiis. juxta illud Proverbiorum 22, *Melius est bonum nomen, quam divitiarum multæ*. Ergo hæc duo peccata detractiois, et infidelitatis, quæ communiter patrari solent, quando violatur sigillum, sunt ex genere suo gravia; etsi aliquando ex indeliberatione, vel ex imperfectione affectus lædendi, aut ex parvitate materiæ non excedant limites peccati venialis.

Proverb.
22.

§ II.

Referuntur, et refelluntur oppositæ sententiæ.

95. Licet circa gravitatem peccatorum in fractione sigilli assignatam parum dissidii sit inter Autores; valde tamen discriminantur in speciebus, et numero illorum stabiliendis. Moure namque in examine, part. 3, cap. 7, § 9, num. 23, unum tantum asserit committi peccatum, pertinens ad speciem sacrilegii. Alii duplex assignant peccatum, contra religionem, et contra justitiam; ita Suarez, Villalobos, Diana, Leander, Dicastillus, Hurtado, Fagundez, Kelison, Bonacina, N. Antonius, et alii. Quidam vero tuentur, quatuor ibi reperiri peccata, primum contra justitiam, secundum contra obedientiam divinam, tertium contra religionem, quartum contra obedientiam Prælati debitam. Ita Christophorus a sancto Joseph, verbo *Confessio* in appendice ad 3 part. de sigillo confessionis, dub. 2, num. 5. Alii denique censent quinque peccata committi: primum contra fidelitatem, secundum contra justitiam, tertium contra charitatem, quartum contra jus divinum, quintum contra jus ecclesiasticum. Ita Henriquez, et alii apud Christophorum a S. Joseph supra num. 4. Ceterum Autores sectantes secundum dicendi modum facile in nostrum valent adduci: cum enim intra speciem subalternam peccati contra justitiam dentur plura peccata diversa in specie atoma, ut furtum, et rapina, detractio, et contumeliæ; ideo in fractione secreti confessionis dantur, præter sacrilegium violans sigillum formaliter ut sacrum, alia duo peccata

contra justitiam ex vi secreti naturalis, quod connexive frangitur, aliud in specie infima detractionis, et aliud in specie atoma infidelitatis contra debitum standi promissis : non enim negant hujus sententiæ Authores, peccatum infidelitatis ibi patrari, quin potius quantum ad hoc nobiscum sentiunt, discriminantur tamen in eo, quod adstruunt, hæc duo specie distincta, vel tria numero peccata indispensabiliter, et ex terminis semper committi in qualibet fractione sigilli. Pro qua sententia

¹ Objectio. 96. Arguitur primo : quia in revelatione confessionis, ultra peccatum sacrilegii ibi indispensabiliter commissum, lædatur semper jus naturale, quo gaudet pœnitens, ne per explanationem suorum criminum fama ejus denigretur, vel minuatur ; sed læsio famæ addit malitiam distinctam in specie atoma supra sacrilegii malitiam : ergo in revelatione confessionis indispensabiliter reperitur peccatum infamationis

² Objectio. proximi. Secundo : omnis violatio secreti naturalis habet ex se quod sit contra justitiam, et eo gravioris deformitatis, quo res celanda est majoris ponderis : ergo potiori jure omnis violatio secreti divini, quod summi ponderis est, erit contra justitiam. Tum sic ; sed quælibet revelatio confessionis est inseparabiliter, et intransitive violatio secreti divini ; se quod habet ex se esse formaliter, et indispensabiliter contra justitiam. Tertio : nam inter pœnitentem, et confessarium datur intra sacramentum pactum saltem implicite promissum, et acceptatum, in quo promittit confessarius peccata illa inviolabiliter in omni eventu celaturum : ergo quando ea revelat, peccat contra fidelitatem, et debitum standi promissis acceptatis, quod ex justitia obligat : ergo in qualibet manifestatione confessionis, præter sacrilegium, et peccatum injustitiæ in specie infirma detractionis, datur semper, et in omni eventu peccatum aliud contra justitiam in specie atoma infidelitatis.

³ Objectio. Sed hæc parum urgent : ad primum namque respondetur, quod etsi in confessionis revelatione frequenter lædatur jus naturale, quo gaudet pœnitens ad famam ; non tamen semper, et indispensabiliter : quia sæpe jus non obtinet ad illam, et per hoc, quod peccata intra confessionem manifestet, non acquirit jus, quod prius non

habebat ; unde si confessarius peccata revelet, quamvis peccet peccato sacrilegii ex vi fractionis sigilli, non tamen contra naturale, et debitum justitiæ, cum hoc in pœnitente non adsit. Ad secundum, concessio antecedenti, negatur consequentia : sigillum quippe formaliter ut tale non præcipitur ex motivo justitiæ, et a jure naturali proprie sumpto, ut jam manet firmatum, sed unice ex motivo religionis, et e jure supernaturali : nam motivum justitiæ solum se habet de materiali ad sacrum confessionis sigillum ; et ideo in revelatione confessionis formaliter ut sacramentalis nullum intercedit peccatum injustitiæ ; solet tamen frequenter patrari ob violationem secreti naturalis, quæ communiter evenit, quando confessio revelatur, etsi non semper, aut indispensabiliter contingat. Sicut non semper, quando violatur jejunium naturale ante communionem præceptum ex motivo religionis, frangitur jejunium ecclesiasticum præscriptum ex motivo abstinentiæ, et mortificationis ; cum illud primum non semel violaretur per modicam sumptionem cibi, vel potus, quin hoc secundum frangatur : pariter ergo, proportionem servata.

Ad tertium, negandum est antecedens : licet enim inter pœnitentem, et confessarium, ex vi secreti naturalis in confessione reperti, detur pactum implicitum, aut virtuale celandi peccata confessa, quod obligat non ex fidelitate præcise sumpta, sicut simplex promissio, sed ex fidelitate onerosa, et ex justitia commutativa, atque ideo sub mortali in specie atoma infidelitatis ; nullum tamen reperitur pactum obligans indispensabiliter in omni eventu, et cum incommodo totius Ecclesiæ, Regni, vel Provinciæ ; nec pœnitens valet ex vi secreti naturalis ita adstringere confessarium, sed solum ex vi sigilli formaliter sacramentalis, ratione præcepti divini Christi Domini, qui adeo potuit, et voluit confessarium in omni eventu indispensabiliter obligare. Unde ex vi pacti onerosi, etsi confessarius promitteret in omni eventu peccata celare, obligatio indispensabilis non resultaret, sive adstringatur ex justitia naturali, sive ex supernaturali, et infusa (ad quam recurrit Suarez, ut hanc obligationem indispensablem adstruat) quia utraque justitia inclinatur ex se ad tri-

buendum unicuique quod suum est, sive in ordine ad naturalia, sive ad supernaturalia : non vero ad præstandum id, ad quod non obtinet jus; pœnitens autem ex vi pacti nequit habere jus, ut secretum naturale in omni eventu sibi indispensabiliter servetur, nisi adesset præceptum divinum de sigillo, ratione cuius unice debet in omni casu celari peccatum.

97. His igitur argumentis, quæ principaliora sunt, enodatis, non est cur immoremur in proponendis, ac refutandis fundamentis Authorum adstruentiumquatuor, aut quinque species peccati in qualibet fractione sigilli : diversorum quippe superiorum præcepta ex eodem motivo lata non multiplicaut specie malitias in qualibet transgressione, ut ex communi sententia manet stabilitum tract. 13, disp. 8, dub. 2, num. 26 et sequentibus, cum 1. h. m. D. Thoma 1, 2, quæst. 72, art. 6, ad 2 ubi sic concludit : « Unde secundum diversa « præcepta legis non diversificantur peccata secundum speciem. » Quare furtum prohibitum lege naturali, divina, et humana, non est per se in triplici specie, dum sub eodem prohibetur motivo. Et quamvis peccatum contra charitatem in violatione sigilli posset aliquando committi, hoc tamen non communiter, ac regulariter contingit, sed valde raro, et per accidens. Nec contra multiplicitem horum peccatorum numericam occurrit argumentum speciali consideratione dignum; cum enim eadem sigilli, ac secreti naturalis fractio debeat connotare idem tempus; nullum restat principium ad multiplicanda numero peccata, nisi per respectum ad diversa objecta adæquata, vel diversa jura, quæ quælibet fractio violat; hæc autem clare innotescit ex distinctione peccatorum specifica, cum qua nequit compati unitas eorum numerica.

§ III.

Quid sentiendum de parvitate materiæ in fractione sigilli formaliter ut sacri?

98. Diximus « in fractione sigilli formaliter ut sacri : » quia si loquamur de illo secundum id, quod dicit de materiali, et præsuppositive, nullus ambigit posse illius violationem esse levem ex parvitate Salmant. Curs. Theolog. tom. XX.

materiæ. Unde difficultas solum reducit ad sacrilegium, quod in fractione sigilli formaliter accepti committitur; pro cuius resolutione oportet aliqua ex alibi dictis prælibare. Primo ergo est prænotandum ex his, quæ diximus tract. 13, disp. 19, dub. 1, § 2, num. 13, primariam, et formalem differentiam, quæ inter peccatum mortale, et veniale reperitur, consistere in eo, quod peccatum mortale est simpliciter contra legem, de ordinando hominem circa ultimum finem, ac directionem in vitam æternam, unde est contra substantiam legis divinæ; peccatum vero veniale solum est contra legem secundum quid, vel præter legem, in quantum servato ordine finis deordinat præcise quoad media. Hoc autem peccatum veniale aliud est tale ex genere suo; aliud vero ex indeliberatione, seu deliberatione imperfecta, cum qua solummodo datur in voluntate consensus imperfectus, et secundum quid; ac tandem aliud est veniale ex parvitate materiæ: quia etsi fiat cum plena deliberatione, ac voluntate consensus, et præceptum circa rem gravem graviter obliget ex genere suo; quia tamen materia est aliquando levis, solum committitur culpa venialis, ut furtum unius oboli aut assis.

Secundo, est supponendum ex N. Cursu Morali, tract. 11, cap. 2, quod ad discernendum, quod peccatum sit simpliciter contra legem, et mortale, quod vero solum secundum quid, et veniale, non solum debet attendi gravitas, vel levitas materiæ per legem præceptæ, aut prohibitæ, sed præcipue major, vel minor conducentia ad consecutionem finis a legislatore intenti. Unde si res, alias magna, et gravis, parvi momenti sit ad finis assecutionem, erit transgressio levis, et præcise venialis; si vero valde ad hoc conducat, licet alias sit res levissima, erit culpa gravis violatio legis. Sicut licet gutta aquæ ex se sit materia levis, illam tamen non injicere vino in calice consecrando, est culpa gravis: quia hoc valde conducit ad finem legislatoris mixtionem præcipientis ob mysterium, quod repræsentat. Similiter licet audire sacrum ex se sit quid grave, et si præcipiatur ab Ecclesia, cadat sub obligatione gravi, quia non parum conducit ad finem intentum, qui est profectus animarum; tamen si præcipiatur a Rectore

Primum
notabile.

Secundum
notabile.

Universitatis, vel Collegii sub pœna præstiti juramenti, omissio unius sacri erit tantum culpa levis, quia parum conducit ad illorum finem, qui est recta subditorum gubernatio; ut cum aliis docet N. Andreas ubi supra.

Tertium
notabile.

Tertio, est advertendum ex eodem Cursu Morali, tract. et cap. relatis, aliquas dari leges adeo stricte obligantes, ut non solum ex genere suo ad mortale constringant, verum, et ab hujusmodi gravitate nunquam excusent; alias vero oppositum habere: licet enim ex genere suo ad culpam gravem obligent, aliquando tamen solum ad levem constringunt; quia materia est parva. Porro ad discernendum quando hoc contingat, et quando parvitas materiæ in transgressione legis dari non valeat, hæc ibi assignatur regula; quod quando forma ex se gravis latitudinem admittit, ita ut non tota integra in qualibet materia salvetur, tunc etsi transgressio legis contineat actum ex genere gravem, admittit tamen parvitatem materiæ; quando vero forma tota integra, et indivisibiliter in qualibet materia invenitur, tunc parvitas materiæ non datur. Quod quidem hoc exemplo declaratur: justitia, ex qua furtum prohibetur, ex genere suo obligat ad mortale; ceterum quia æqualitas inter creditorem, et debitorem intenta a justitia non consistit in indivisibili, sed latitudinem habet, et parum minuitur per ablationem, vel non solutionem rei parvi momenti, ideo hujusmodi rem furari est culpa venialis ob parvitatem materiæ. E contra vero: quia præceptum fidei intendit servare illasam summam primæ veritatis auctoritatem, quæ non admittit latitudinem, sed æque læditur, si ei vel in minimis fides non adhibeatur: est enim supponere Deum saltem in re parvi momenti mentiri, quod summæ Veritati repugnat; ideo in hoc præcepto non datur parvitas materiæ, sed semper est lethalis quilibet circa fidem dissensus, si cum plena deliberatione fiat: nam si absque pleno voluntatis consensu procedat, poterit esse levis culpa; ex quo capite etiam in fractione sigilli culpa venialis reperiri valet. His ergo prænotatis

Resolvit.
difficultas.

99. Dicendum est, transgressionem præcepti sigilli nequire intra limites peccati venialis remanere ob parvitatem materiæ,

sed semper malitiam gravem induere. Hæc conclusio probatur primo: quia nulla materia confessionis revelabilis est, quæ non sit ex se frustrativa finis a Christo Domino intenti in impositione hujus præcepti, et consequenter quæ ut celata non valde conducatur ad hujusmodi finem, et ut revelata non maxime lædat, quod præceptum intendit; sed omnis materia frustrans ex se, ac lædens finem intentum a legislatore, est necdum magna ex genere suo, verum nec aliquando parvitatem admittit, cum ejus forma sit indivisibilis, nec latitudinem habeat: ergo non datur in transgressione hujus præcepti parvitas materiæ. Minor constat ex prænotatis. Major autem ostenditur: quia finis Christi Domini Legislatoris supremi in impositione hujus præcepti est reddere pœnitentes omnino securos de inviolabili occultatione peccatorum, quæ in confessione dicuntur, ne eorum revelationem formidando arceantur ab hoc tam necessario sacramento, et intolerabilis fiat confessionis usus; sed si quælibet, quantumvis minima, materia confessionis revelaretur, e medio tolleretur omnimoda securitas, et maxime læderetur confessionis usus, cum perdifficilis redderetur: ergo quælibet materia confessionis, quantumvis minima, frustrat omnino finem legislatoris, et maxime vulnerat id, quod præceptum intendit. Minor probatur, nam si absque lethali culpa materia parva confessionis revelari posset, etiam aliquando materia magna posset revelari, quia in aliquibus personis magis ingrata esset manifestatio alicujus venialis, quam alterius peccati mortalis, ut probat Lugo in præsentia, sect. 3, num. 51; miles quippe nobilis mallet revelari, quod strenue percusserit inimicum, a quo fuerat inhonoratus, quam leve furtum, aut invidia venialis affectum, quem erga alterum habet: ergo æque potest quis arceri a confessione per revelationem materiæ parvæ, quam alicujus magnæ. Rursus: quia si admitteretur in hoc parvitas materia, relinqueretur arbitrio confessarii non semel indocti judicare, quando revelatio parvi vel magni momenti sit, in quo quidem cum decipi posset, prudenter formidarent pœnitentes, ne proderet aliquod grave peccatum, quod ipse existimaret leve; ergo tolleretur suavis confessionis usus, si aliqua

Pro
tur
ratio

Lugo.

aliqua illius materia, etsi minima, absque mortali culpa esset revelabilis.

ba- 2. 100. Probat^{ur} secundo : omne peccatum, quod est simpliciter contra legem graviter obligantem, est lethale ; sed revelatio cujuslibet peccati confessi, adhuc venialis, est simpliciter contra legem graviter obligantem : ergo hujusmodi revelatio est peccatum lethale ; ac proinde nullum est peccatum veniale ex parvitate materiæ in fractione sigilli. Hæc ultima consequentia constat ex prima, quæ ex præmissis clare deducitur. Major autem devincitur ex primo notabili, ubi ostendimus, peccatum mortale in hoc a veniali distingui, quod mortale est simpliciter contra legem graviter obligantem ; veniale vero solum secundum quid. Unde præcise minor venit probanda, cujus partem supponimus, et partem ostendimus : supponimus enim, legem sigilli sacramentalis ex se graviter obligare, et in revelatione venialis confessi aliquod peccatum patrari, ut apud omnes est pervium ; quod autem hujusmodi revelatio sit simpliciter contra hanc legem, sic evincitur, quoniam hæc lex prohibet revelari sive directe, sive indirecte quidquid pertinet ad materiam confessionis, vel dicitur per ordinem ad illam ; sed quodlibet peccatum veniale est simpliciter materia confessionis sacramentalis, licet non necessaria, saltem voluntaria, et libera : ergo cujuslibet peccati confessi manifestatio est simpliciter contra legem sigilli, ac per consequens peccatum grave.

rm. Confirmatur primo : eatenus quippe in transgressione præcepti fidei non datur parvitas materiæ, quatenus non credere Deo adhuc in rebus minimis, v. g. quod caudam habuerit canis Tobia, aufert omnimodam securitatem, quam fides divina requirit, et omnem formidinem a credentibus non excludit, ac proinde destruit adæquatum motivum prædictæ securitatis tam in parvis, quam in magnis ; sed etiam revelatio cujuslibet confessi peccati, adhuc venialis, et parvi momenti, destruit omnimodam securitatem in pœnitentibus circa perpetuam occultationem peccatorum, quæ confitentur, tam in gravibus, quam in levibus, quæ solummodo scit confessarius ut Deus, et non ut homo : ergo nulla revelatio peccati confessi quantum-

vis levis est culpa venialis ex parvitate materiæ, sed semper superinduit malitiam gravem. Consequentia est legitima. Minor constat ex immediate dictis, et major supponitur ut certa a Theologis in tract. de fide : quia omnimoda securitas assentientis fidei divinæ non regulatur per arbitrium credentis, sed nititur testimonio divinæ veritatis, quod integre, et indivisibiliter salvatur in qualibet materia, etsi minima, a Deo revelata, et regulatur per infallibilem propositionem Ecclesiæ, æqualiter omnia credenda proponentis.

Confirmatur secundo : quoniam in veritate juramenti assertorii non admittitur parvitas materiæ, cum omne juramentum falsum adhuc circa materiam parvi ponderis sit grave peccatum : ergo nec admittenda est in fractione sigilli. Probat^{ur} consequentia : ideo primum contingit, quia non levis, sed gravissima injuria est summæ veritatis, illam adducere in testimonium rei falsæ, etsi parvi momenti ; sed per revelationem confessionis, adhuc in re parvi momenti non levis, sed gravis injuria fit sacramento, quod Christus voluit efficere omnino suave, et amabile, ut sæpius diximus : ergo nullatenus debet admitti parvitas materiæ in violatione sigilli.

101. Opinionis tamen oppositæ videtur fuisse Moure 3 part. summæ, cap. 9, lib. 6, num. 78, ubi inquit : « Quod peccatum sit frangere sigillum ? » Et sic respondet : « Dico unum, ex natura sua sacrilegium grave : Ex natura sua dixi ; quia oportet « ut reveletur materia gravis, quale est « peccatum mortale. » Similiter, et Patri Sa durum videtur ad mortale damnare confessarium, aliquod leve tantum in confessione notum extra confessionem aperientem. Sed audiendi non sunt hujus modi dicendi Authores, cum nullum fundamentum grave ad hoc suadendum adducant. Nugnus quoque videtur huic sententiæ adhærere quantum ad aliquod : licet enim ex parte peccati revelati non admittat parvitatem materiæ, eam tamen admittit ex parte revelationis, et actus manifestantis ; unde in addit. ad 3 part. quæst. 11, art. 1, in secunda solutione ad 8 argumentum inquit, quod etiam in hac parte potest esse peccatum veniale ex parvitate materiæ, non quando manifeste revelatur

Confirm.
2.

Senten-
tia
opposita.
Moure.

Pater
Sa.

Nugnus.

Lugo. aliquod veniale, sed præcise quando manifestatur per aliquam insinuationem imperfectam. Præterea Lugo in præsentī, disp. 23, sect. 3, num. 71, cum in antecedentibus nostram, et communem sententiam fuisse amplexatus, tandem ita fatur: « Facilius posset admitti levitas materiæ, « quando res, quæ narratur, est talis, ut « sit periculum aliquod ingerendi suspicionem alicui, sed adeo tenue periculum, « et adeo remotam suspicionem, ut non « sufficiat ad imprudentiam gravem, neque « ad gravem irreverentiam contra sacramentum. »

Refel-
luntur
Nugus,
et Lugo.

Ceterum neque ex parte actus, et revelationis peccati, quando fit cum plena advertentia (ut Nugus, et Lugo debent interpretari, si aliquid dicunt) debet admitti parvitas materiæ, nec peccatum tantum veniale, sed vel nullum, vel lethale. Diximus, si aliquid dicunt: nam si revelatio fieret absque plena deliberatione, etsi peccatum sit grave, ac revelatio undique manifesta, et periculum saltem proximum daretur ad suspicionem omnino rationabilem; adhuc non esset peccatum grave, sed tantum leve; unde debent loqui in sensu a nobis exposito; in quo eis non acquiescimus: quoniam vel revelatio deliberate facta pertingit ad obtinendam essentiam revelationis peccati, vel non? Si hoc secundum: ergo vere non est revelatio cadens sub hoc præcepto, et prohibita per illud; itaque nec veniale contra præceptum dabitur peccatum, sed erit scrupulus contemnendus. Si autem primum, quamvis revelatio sit in minimo gradu, lædit graviter hoc præceptum, et gravis injuria fit sacramento; unde grave patrabitur sacrilegii peccatum; ut patet in dissensu circa res fidei, vel earum dubio: nam vel anxius tentatione in hac materia, cum plena deliberatione vere dissentit, aut dubitat, vel non? Si hoc secundum, etsi tentatione vexetur, nec veniale committit peccatum. Si vero primum, gravissimum perpetrabit delictum. Rursus: qui omnino deliberate narraret peccatum per insinuationem, quæ sibi videtur imperfecta, et secundum quid, exponeretur manifesto periculo illud manifestandi, cum ex proprio arbitrio non facile queat hoc dimitti: fortasse enim verbum, quod sibi videtur non omnino manifestare peccatum,

ex adjunctis circumstantiis respectu aliorum illud perfecte manifestat; itaque saltem ex hoc periculo cui se voluntarie exponit, graviter delinquit. Unde nec ex parte manifestationis, vel actus revelantis debet in hoc admitti parvitas materiæ.

§ IV.

Quas pœnas incurrat violator sigilli confessionis?

102. Pro ultimo hujus dubii complemento breviter insinuare oportet, quibus pœnis subiaceat violator sacramentalis sigilli; qua in re potius resolutorie, quam disputando procedemus. Dicimus ergo, violatorem sigilli nullam ipso facto incur-^{Nulla incurritur censure} rere censuram, irregularitatem, vel aliam quamcumque pœnam. Ita communiter omnes Doctores: quia nullum datur jus, in quo hujusmodi censura, irregularitas, aut pœna ipso facto incurrenda reperiatur. Unde merito ut falsa rejicitur sententia Speculatoris, quem refert, et sequitur Mayolus lib. 5, de irregularitate, cap. 19, memb. 6, ubi asserit, sacerdotem revelantem confessionem fieri irregularem. Nam cum irregularitas sit impedimentum canonicum, sive a jure introductum per modum pœnæ, de cujus ratione est, ut absque expressa determinatione juris non incurrat, inde fit, quod nisi expresse in jure assignetur, nequit incurri, ut cum communi Doctorum placito tenet N. Andreas in Cursu Morali, tract. 10, cap. 7, punct. 1 num. 3; nulla vero irregularitas taxatur a jure pro violatione sigilli. Ex quo inferunt Suarez, et Lugo, falsitatis convinci id, quod addit Mayolus, nimirum, sacerdotem confessionem secretam alterius absque necessitate, si eam revelet, irregularem fieri: quia nullibi est expressa hæc irregularitas; deberet tamen laicus sæverissime puniri.

Pœnæ autem assignatæ, et a Prælatibus Ecclesiasticis injungendæ confessario frangenti sigillum, recensentur in jure cap. Sacerdos de pœnit. dist. 6, his verbis: « Si « hoc fecerit, deponatur, et omnibus diebus « vitæ suæ ignominiosus peregrinando « pergat. » In cap. vero: *Omnis utriusque sexus* de pœnit. et remis. § *Caveat*, sic dicitur: « Qui peccatum in pœnitentiali judicio

« dicio sibi detectum præsumpserit revelare, non solum a sacerdotali officio deponendum decernimus, verum etiam ad agendam perpetuam pœnitentiam in arcem Monasterium intrudendum. » Ubi inquit glossa littera A: « Olim alia pœna imponebatur; hodie hæc imponitur. » Ex quo inferunt Doctores, pœnam illam perpetuæ peregrinationis in pœnam perpetuæ reclusionis fuisse commutatam; non tamen ipso facto incurritur, sed iudicis sententia est expectanda, sive reveleetur confessio mortalium directe, vel indirecte, sive venialium; sive fiat sacerdoti medio interprete, sive absque illo; sive sit pro adimplendo præcepto annuæ confessionis, sive omnino voluntarie. Solus tamen sacerdos incurrit hanc pœnam, cum solum de illo textus loquatur; interpretes vero, et alii, qui casu confessionem audierunt, et quibus confessarius injuste revelavit, et ceteri hujusmodi non puniuntur hac pœna ordinaria, sed alia ad arbitrium iudicis taxanda pro qualitate delicti.

103. Si autem inquiras, quis sit competens iudex ad cognitionem, et punitionem hujus delicti? Respondetur, hoc ad superiorem Ecclesiasticum pertinere, cum sacramenti reverentiam, et Religionem concernat. Nec de hujusmodi delicto Inquisitores cognoscere, tenent Lugo in præsentibus, disp. 23, sect. 5, num. 148, et Diana 3 part. tract. 8, resolut. 95, et alii; nisi confessionem revelans, se prave de sacramento sentire ostendat, vel eam revelationem esse licitam, aut non merito a jure prohibitam, vel quid simile in fide erroneum adstrueret: tunc enim ad Sanctæ Inquisitionis Tribunal, tanquam suspectus in fide, esset denunciandus. Ab aliis vero quam plurimis, quæ hic possent investigari, utputa, qui, quales, et quot testes requirantur, et sufficiat ad hujus probationem delicti? Quomodo confessarius de hoc crimine accusatus, aut denunciatus possit se defendere? Quas valeat interponere excusationes? Et cui onus probandi incumbat? Merito superedemus: quia similia non ad Theologos, sed ad Jurisperitos expectant, quibus lectorem remittimus. Et licet aliqui Theologi, ut Suarez, Lugo, Bernardus Diaz, Fagundez, et Navarrus, plura non relinquunt intacta; maluimus nostri muneris aliena omittere,

quam tractatum hunc immodice crescere.

DISPUTATIO X.

De satisfactione prout est actus virtutis Pœnitentiæ.

1. Quia in præcedentibus operam fuisse navavimus confessioni, ac contritioni, ut partes sunt sacramenti pœnitentiæ, ex quibus essentialiter coalescit; forsitan congruentior methodus appareret, cognitionis satisfactionis, ut sacramenti pœnitentiæ est pars, prius insistere, quam eidem, ut actus virtutis est, insudare. Hunc vero deserere ordinem duplici, eoque non levi motivo cogimur. Tum: quia Angelicus Præceptor (a quo nec in minimis avelli habemus semper in votis) et communiter Doctores de satisfactione, ut actus virtutis est, prius disserunt. Tum: quia plura, de quibus hic agendum, et satis utilia sunt, et ad subsequentis disputationis intelligentiam admodum necessaria: quæ hac de causa ipsi præmittendam investigationem requirunt. Neque pro omnibus seorsim dubia excitabimus, sed tantum pro gravioribus, ac utilioribus, ut consuevimus; minora autem, illis accurate discussis, obiter lucem accipient.

2. Igitur ut quid nominis innotescat, et ad proprium, ac determinatum hujus disputationis subjectum calamus percurrat, observandum est, quod nomen *satisfactio* ex verbo *satisfacio* derivatur, quod significat *facere sufficienter*; unde satisfactio eam rem, vel operationem indigitat, quam quis efficit, secundum quod sufficit ad finem intentum assequendum. Idcirco juxta diversitatem eorum, quæ intendimus, varie satisfactio accipitur. Aliquando enim purgationem, vel ab imposito crimine excusationem significat, juxta illud Ciceronis ad Tib. lib. 6. « Tu me etiam insimulas, nec ^{Cicero. Levit. 10.} « satisfactionem meam accipis. » Et Levitici 10: *Cum audisset Moyses, recepit satisfactionem*; id est, excusationem Aaron fratris sui. Et actuum Apostolorum 17. *Et accepta satisfactione* (intellige, purgatione delicti sibi impositi) *a Jasone, et ceteris dimiserunt eos*. Aliquando vero denotat adæquatam interrogationi responsionem,

Cicero.
Levit.
10.

Actuum
Apostol.
17.

s sit
ex ad
niti-
em
ujus
delicti.
co.
na.

vel solutionem argumentum enervantem; in quo sensu Epist. 1, Petri dicitur : *Parati semper ad satisfactionem omni poscenti vos rationem de ea, quæ in vobis, est, spe, etc.* His tamen acceptionibus relictis, quia ad nostrum non attinent institutum, in ea significatione propius ad rem accedit, in qua ab Asconio usurpatur; apud quem id est « satisfactio, ac tantum facio, quantum « satis est irato ad vindictam : » hoc est, injuriam illatam recompensio : quamvis juxta Theologorum usum strictius accipitur pro ea compensatione, qua pro peccatis commissis homo Deo facit satis. Et in hac acceptione sumpta satisfactio est proprium hujus disputationis subjectum.

Hæc tamen satisfactio, ut tract. 21, disp. 1, dub. 9, explicuimus, est duplex. Alia materialis in operibus virtuosus, quibus fit recompensatio, consistens, uti in jejuniis, elemosynis, oratione, et aliis similibus, quorum quodlibet, et diverso munere gaudet, et proprium objectum respicit. Alia formalis, quæ est actus peculiaris virtutis in quodam determinato, ac expresso actu sita, quo injuriam Deo illatam intendimus formaliter resarcire. Et licet utraque actus virtutis sit, ut ex D. Thom. in præsentia, quæst. 12, art. 1, in corpore videre licet; ubi postquam statuit : « Quod « aliquis actus dicitur esse actus virtutis « dupliciter : uno modo materialiter : alio « modo dicitur actus aliquis esse actus « virtutis formaliter : concludit : Constat, « quod satisfactio etiam formaliter est actus virtutis. » Ubi per ly *Etiam* formaliter satis innuit, satisfactionem materialiter acceptam rationem actus virtutis obtinere. Ceterum hujusmodi materialis satisfactio nullam virtutem peculiarem sibi vindicat, sed per omnes divagatur, et indifferenter a charitate, Religione, misericordia, abstinencia, et aliis virtutibus elicitur. Satisfactio autem formalis petit elici ab speciali virtute, quæ in nobis dicitur penitentia, cujus est actus, quæ quidem penitentia virtus inter partes justitiæ non subjectivas, sed potentiales communiter recensetur, ut ex citato loco supponimus, et ex D. Thoma in præsentia, art. 2, in corpore, ubi postquam statuit hanc satisfactionem esse actum specialis virtutis, nempe, justitiæ, concludit : « Et « per hoc constat, quod satisfactio, quæ

« æqualitatem respectu offensæ præcedentis « in satisfaciente importat, opus justitiæ « est quantum ad illam partem, quæ penitentia dicitur. »

3. Ut vero *quid rei* appareat, nota satisfactionem adhuc in prædicto sensu esse multiplicem. Alia, quæ est ex rigorosa justitia, ut satisfactio Christi, quam pro offensis nostris obtulit Patri : hæc quippe justitiæ commutativæ est actus. Alia, quæ vel ex defectu arithmeticæ æqualitatis, vel ex aliis capitibus a perfecta, et rigorosa justitia deficit, ac elicitive a penitentia virtute provenit, qualis est satisfactio puri hominis. Alia denique, quæ ab utraque præscindit, solummodo importans nudam pro peccatis recompensationem, sive ex rigorosa justitia, sive non. Et hanc ita universaliter acceptam definit D. Thomas hic quæst. 12, art. 2, ad 1, dicens : « Satisfactio est quædam injuriæ illatæ recompensatio. » Verum cum idem Angelicus Præceptor art. 3 sequenti in corpore, duplex in satisfactione munus agnoscat; aliud prout medicinæ instar præterita peccata curat; alterum prout a futuris præservat; utrique peculiarem definitionem assignat. Primum sic describit : « Satisfactio est illatæ injuriæ recompensatio secundum justitiæ æqualitatem ; » ad quam definitionem reducit alteram D. Anselmi, in argumento 5 sibi objectam. Secundum ex Augustino lib. de Eccles. dogmat. cap. 54 : « Satisfactio est, « peccatorum causas excidere, et eorum « suggestionibus aditum non indulgere. »

Deinde satisfactione, a rigorosa justitia proveniente, relictæ, quia de ea alibi actum est, illa, quæ determinate a rigorosa justitia deficit, de qua in præsentia est sermo, adhuc duplicem dicit respectum : et primum ad Dei offensam compensandam; et secundarium ad temporalem penam luendam, cujus homo manet reus etiam postablata culpâ, et offensam dimissam. Imo, et sub utroque tam primario, quam secundario conceptu, ulterius dupliciter accipitur. Tum, ut est præcise actus Penitentia virtutis, præscindendo ab eo, quod vel a penitente spontanee fiat, vel illi tanquam pars integralis sacramenti penitentia imponatur. Tum, ut determinate est pars sacramenti, et a ministro in confessione penitenti injungitur. Satisfactio

D. Th.

D. Anselm.
D. Augustinus

tio

lio igitur in hac secunda consideratione ad sequentem disputationem attinet; in prima vero ad præsentem, et ejus *quid rei* inquirimus. Illam autem sic definit Gonet tom. 5, disp. 13, art. 1, num. 4: « Voluntaria sui punitio ad compensandam injuriam Deo per peccatum illatam, cum-
« ques sic placandum ut temporalem pœnam remittat. » Quæ definitio, cum proprio genere, ac differentia constet, optima est, ut singula exponendo verba apparebit. Etenim ly *Punitio* ponitur loco generis; per illam quippe convenit satisfactio cum qualibet punitione, vel supplicio applicato reo etiam invito. Additur *voluntaria*, tum ut designetur eam esse actum virtutis, qui in electione consistit: tum ut discernatur a satisfactione, qua pœnas, quas quis meretur, patitur non a se ipso inflictas, sed a puniente iudice applicatas. Ly *ad compensandam injuriam* distinctionem satisfactionis a restitutione designat, hæc enim ablata bona reddit, illa vero injuriam illatam compensat. Ly *Deo* innuit, satisfactionem ex se ad divinam offensam resarciendam tendere; ac tandem ly *ad eum sic placandum, ut temporalem pœnam remittat*, quasi secundarium satisfactionis ostendit respectum, qui est pœnam luere temporalem pro peccatis debitam, cujus, nisi alias contritionis actus sit ita fervidus, ut eam omnino extinguat, manet homo reus etiam post offensam, et culpam dimissam, illamque luere debet vel ante mortem satisfaciendo, vel in purgatorio satisfaciendo. Igitur Angelicus Præceptor de hujusmodi satisfactione disserit in præsentī quæst. 12, art. 2, et alibi. Pro cujus elucidatione, sit

DUBIUM PRIMUM.

Utrum homo de condigno satisfacere valeat pro pœna temporali proprio peccato mortali debita?

4. Diximus in titulo *proprio peccato mortali debita*, quia de satisfactione pœnæ temporalis pro peccato alterius seorsim in sequenti dubio agendum est. Ad utriusque vero decisionem aliqua opus est præmittere, ac prius stabilire reatum ad pœnam temporalem adhuc post culpam dimissam permanere; alias difficultas locum non habebit. Unde.

§ I.

Suppositiones aliquæ præmittuntur.

5. Ex dictis igitur tract. 21, quæst. 1, in Comment. et disput. 1, supponendum est primo, lethale peccatum in ratione maculæ, vel etiam demeriti finitum esse; in ratione vero passivæ offensæ infinitum; atque adeo purum hominem, quacumque gratia exornatum, pro hujusmodi offensa ad æqualitatem arithmeticam satisfacere minime posse; cum satisfactio puri hominis, id est, illius, qui personaliter non est Deus, nequeat tanti valoris in esse satisfactionis existere, quanta est gravitas offensæ in esse offensæ. Pro offensa tamen levi ad æqualitatem satisfacere valet, cum hæc adhuc in æstimatione morali intrinsece finita sit. Utrumque ex professo manet probatum citat. disp. dub. 5, unde solum devolvitur difficultas quoad pœnam ex illo peccato relictam.

6. Secundo supponendum est, ad quodlibet lethale peccatum consequi æternam pœnam tam damni, quam sensus. Hæc autem diversimode per justificationem tollitur: in illis namque, qui per Baptismum justificantur, omnino cessat, ita ut nec in temporalem commutetur; in justificatis vero per alia sacramenta, vel per contritionem cum voto sacramenti aliter evenire solet: ablato quippe æternæ pœnæ tam sensus, quam damni reatu, remanet communiter pœna temporalis per satisfactionem extinguenda. Quod adeo verum est, ut decisum sit in Concilio Tridentino sess. 6, cap. 14, illis verbis: « Itemque satisfactio-
« nem per jejunia, eleemosynas, orationes,
« et alia pia spiritualis vitæ exercitia, non
« quidem pro pœna æterna, quæ vel sa-
« cramento, vel sacramenti voto una cum
« culpa remittitur, sed pro pœna tempo-
« rali, quæ ut sacræ litteræ docent, non
« tota semper, ut in Baptismo fit, dimittitur illis, qui gratia Dei, quam acceperunt, » etc. Et similiter ses. 6, can. 30, inquit: « Si quis post acceptam justificationis gratiam, cuilibet peccatori pœniti-
« tenti ita culpam remitti, et reatum æternæ pœnæ deleri dixerit, ut nullus remaneat reatus pœnæ temporalis exsolvendæ,
« vel in hoc sæculo, vel in futuro in purgatorio, antequam ad Regna Cælorum

Suppo-
sit. 1.Suppo-
sit. 2.Conc.
Trid.

« aditus patere possit, anathema sit. »

Suppo-
sit. 3.

7. Tertio supponendum est ex tractat. 13, disput. 17, dub. 1, num. 15, et seq. reatum pœnæ temporalis in justificato ex duplici capite ortum ducere. Primo ex eo, quod divina justitia, semel quod homo mortaliter peccaverit, ad eum æternaliter puniendum jus acquisivit: et quamvis dum justificatur, ei totam remittat culpam, non totam pœnam; quin æternam in temporalem commutat, cedensque suo juri quoad illam, jus, ac vim obligandi ad istam conservat. Porro ab hoc jure homo denominatur reus, ac pœna temporali obstrictus, donec integra exhibeatur satisfactio, et totalis fiat remissio. Jus vero divinæ justitiæ non aliquid est ab ea distinctum in esse rei, sed quædam veluti divinæ justitiæ explicatio in munus illud obligandi hominem ad temporalem pœnam ob ejus præcedentem culpam. Secundo, ex alio satis diverso principio provenit. Pro quo nota, in peccato mortali plura inveniri. Primo, aversio a Deo ultimo fine; secundo, conversio ad bonum commutabile ut aversiva, vel prout induit prædictam aversionem; tertio, eadem conversio ad bonum commutabile ut præcise conversio est, præcindendo ab eo, quod aversiva sit. Igitur ex his rationibus duæ primæ sunt mortaliter peccaminosæ, unde illis æterna pœna debetur: aversioni æterna pœna damni, conversioni vero, ut aversiva est, æterna pœna sensus. Ceterum tertia ratio, conversio nimirum ad bonum commutabile, ut præcise conversio est, quamvis adhuc prout sic sit inordinata, non tamen ex hoc capite ad lethalem culpam pertingit, sed est etiam communis peccato veniali, in quo non absimiliter invenitur inordinata, ac peccaminosa, conversio ad commutabile bonum, non a Deo aversiva, sed tantum diversiva. Quocirca conversio ad commutabile bonum in peccato mortali reperta, et præcise ut conversio est considerata, cum non sit mortaliter peccaminosa, nec ex parte termini infinita, fundat reatum pœnæ temporalis, non vero æternæ.

Objection.

8. Sed objicies: conversio in mortali peccato reperta, ut præcise conceptum conversionis dicit, non est a se ipsa ut aversiva separabilis, cum nulla intercedat realis distinctio inter has rationes: ergo ablata per justificationem secunda, nequit

persistere prima. Sed hoc parum urget: solum enim convincit, utramque rationem inseparabilem fore quoad esse entitativum, ac physicam permanentiam, non vero quoad esse, et durationem moralem, vel per non retractionem. Potest quippe voluntas circa rationes realiter identificatas adeo diversimode versari, ut uni physicam auferat permanentiam, illam retrahendo, et aliam moraliter conservet, ipsi adhærendo, ut passim accidit, et in præsentī regulariter contingit.

9. Ex quo fit, quod cum tamdiu duret reatus ad pœnam, quamdiu ejus fundamentum; hoc stante. nequit non ille persistere; ac illo deficiente, nequit non hic cessare. Ut autem fundamentum, peccatum nempe actuale, quod ante justificationem moraliter perseverabat, omnino auferatur, requiritur, ut quoad totum quod in illo fuit, formaliter. aut virtualiter retractetur: si enim quoad aliquid irretractatum sit, quoad id etiam post justificationem moraliter permanebit. In justificatione vero semper retractatur peccatum actuale præcedens, ex quo ortum duxit habituale, quantum ad id, quod habet aversionis a Deo, et conversionis ad commutabile bonum ut aversivæ. quo pacto ad pœnam æternam tam damni, quam sensus fundabat reatum; unde per justificationem tollitur reatus quoad utramque eam pœnam. Verum non est necesse, quod retractetur quantum ad conversionem ut conversio est ad bonum commutabile. quo pacto reatus pœnæ temporalis est fundamentum: etenim illa ratio, sic præcise accepta, cum gratia conjungibilis est. ut in peccatis venialibus liquido constat. Unde adhuc post justificationem moraliter permanere valet, et frequenter contingit, usque dum voluntas per pœnam, ac mortificationem tantum sibi displiceat, et delectationis adimat, quantum per illam conversionem indulserat, earque omnino retractet; nisi in ipsa justificatione per maximum contritionis dolorem hoc fieri contingat. Quare perseverante post justificationem conversione ad bonum commutabile, ut conversio præcise est, qualiter ad pœnam temporalem fundat reatum, hunc etiam necessarium est permanere.

10. Quæ omnia 3 part. quæst. 86, art. 4, D. Tho. in corpore, præclare his verbis Angelicus Doctor

Doctor explicuit : « Respondeo dicendum, « quod in peccato mortali sunt duo, scilicet, aversio ab incommutabili bono. et « conversio ad commutabile bonum inordinata. Ex parte ergo aversionis ab « incommutabili bono consequitur peccatum mortale reatus pœnæ æternæ » (tam damni. quam sensus) « ut qui contra « æternum bonum peccavit, in æternum « puniatur. Ex parte etiam conversionis « ad bonum commutabile, in quantum est « inordinata, consequitur peccatum mortale reatus alicujus pœnæ : justum « est enim, ut qui voluntati suæ plus indulsit. quam debuit, contra voluntatem « suam aliquid patiat. Unde Apoc. 18, « dicitur : Quantum glorificavit se, et in « deliciis fuit, tantum date illi tormentum, et luctum. Quia tamen conversio ad « bonum commutabile » (quasi materialiter sumpta intellige, ac ut conversio præcise) « est finita, non habet ex hac parte « peccatum, quod debeat ei pœna æterna. Unde si sit inordinata conversio ad « bonum commutabile sine aversione a « Deo, sicut est in peccatis venialibus, non « debetur peccato pœna æterna, sed temporalis. Quando igitur per gratiam remittitur culpa, tollitur aversio animæ a « Deo, unde, et per consequens tollitur « reatus pœnæ æternæ ; potest tamen remanere reatus pœnæ temporalis. » Ex quibus manifeste apparet, quod dum Angelicus Præceptor asserit, æternæ pœnæ reatum consequi ad peccatum mortale, ut aversio est ab incommutabili bono, non tantum loquitur de aversione, verum etiam de conversione ut aversiva, vel inductiva aversionis, ut ejus fundamento convincitur : ideo enim æternæ pœnæ reatum tribuit aversioni, quia hæc contra æternum bonum militat ; sed conversio ut aversiva etiam eidem æterno bono adversatur, ab eo tanquam a termino a quo recedendo : ergo nomine aversionis etiam conversionem ut aversivam implicuisse sentiendum est. Insuper, dum postea dicit, reatum pœnæ temporalis consequi ad conversionem ad commutabile bonum, loquitur de conversione, ut præcise conversio est : tum, quia hanc asserit finitam esse, ac similem illi, quæ in peccatis venialibus reperitur ; quæ conversioni ut aversivæ minime aptantur. Tum, et præsertim, quia

dum per gratiam remittitur culpa, inquit aversionem animæ a Deo tolli, et per consequens reatum pœnæ æternæ, permanere tamen reatum temporalis ; sed deficiente aversione a Deo, ac æternæ pœnæ reatu, nequit conversio ut aversiva persistere : hæc enim, et impossibilis est cum gratia, et tam est ab aversione animæ a Deo, quam a pœnæ æternæ reatu inseparabilis : ergo si remissa culpa tollitur aversio a Deo, et remanet reatus temporalis pœnæ, necesse est etiam conversionem, ut præcise conversio est, ad commutabile bonum remanere, ut illum reatum possit fundare, ac ipse in ea persistere.

Idque amplius innuit Angelicus Præceptor ibi in solut. ad 4, dicens : « Quod culpa « mortalis utrumque habet, et aversionem « a Deo, et conversionem ad bonum creatum ; sed sicut in secunda parte habitum « est, aversio a Deo est ibi sicut formale, « conversio autem ad bonum creatum est « ibi sicut materiale. Remoto autem formali mali cujuscumque rei tollitur species, « sicut remoto rationali tollitur species « humana. Et ideo ex hoc ipso dicitur « culpa mortalis remitti, quod per gratiam « tollitur aversio mentis a Deo simul cum « reatu pœnæ æternæ ; remanet tamen « illud, quod est materiale, scilicet, inordinata conversio ad bonum creatum, « pro qua debetur reatus pœnæ temporalis. » Quæ proculdubio intelligenda veniunt, non de conversione ut aversiva a Deo, cui æterna pœna sensus annectitur, sed conversione ut tali, quam quid materiale in peccato nuncupavit D. Thomas, eo quod ablata aversione a Deo, remanet conversio quasi materialiter peccaminosa, ac tantum dicens conceptum inordinatæ conversionis, quæ in justo intrinsece fundat reatum, et obligationem ad temporalem pœnam : nam Apostolo teste ad Rom. ^{Ad Rom. 8.} *Nihil damnationis est iis, qui sunt Christo Jesu* ; id est, nihil, quod jus ad æternam pœnam fundet, est in justificatis.

11. Verum Luther, Calvino, et aliis ^{Objectio Luther. Calvin.} similibus, quibus vel levis corporis maceratio non placet, etiam doctrina hujus notabilis displicet : nequeunt enim concedere, culpa per justificationem remissa, temporalis pœnæ reatum deinceps manere solvendum. Quod inde evincere intendunt, quia Christus Dominus pro cunctis homi-

num peccatis condignam obtulit Patri satisfactionem, qua non solum reatum pœnæ æternæ, sed etiam temporalis exolveret : ergo remissa per justificationem culpa, nulla pœna remanet expianda. Antecedens quoad secundam partem, in qua est dissidium, probant. Primo, nam satisfactio in esse satisfactionis infinita omne debitum, quod extinguiibile est, solvit, ac exhaurit, alioquin infinita non esset ; sed pœna temporalis est aliquod debitum extinguiibile, et Christi satisfactio in esse satisfactionis ex se infinita moraliter in prudentum æstimatione, quod tract. 21, disp. 1, dub. 6, stabilivimus : ergo per Christi satisfactionem etiam temporalis pœnæ reatus omnino fuit absolutus. Secundo ; quia justificatus pro pœna temporali ex peccato relicta condigne satisfacere potest in virtute Christi, ut Concilium Trid. sess. 14, cap. 8, fatetur : « Neque vero ita nostra satisfactio hæc, quam pro peccatis nostris exolvimus, ut non sit per Christum Jesum. » Ergo si in Christi virtute condigne pœnam temporalem satisfacere possumus, potiori jure potuit et ipse Christus. Dicere autem potuisse, et noluisse, proculdubio esset nimis ejus charitati injuriam irrogare. Ergo, et de facto voluit, et temporalem pœnam expiavit, ac nihil nobis solvendum reliquit. Quo ductus principio Lutherus nec purgatorium admisit, ubi animæ pro temporali pœna, in hac vita nondum soluta, vehementer cruciuntur.

Cœcil.
Trid.

Dispella-
tur
objectio.

Ceterum hos hæreticos ab Ecclesia eliminat, ac anathematis fulmine inurit Concilium Tridentin. loco proxime citato, Canon. 12, et eorum motivis facilis est occursum, distinguendo antecedens : illud concedendo de condignitate satisfactionis Christi in actu primo, et quoad sufficientiam ad extinguendum omne debitum nostrum ; secus vero si intelligatur de satisfactione in actu secundo, et quoad efficaciam extinguente omne debitum sine operibus nostris, mediis quibus voluit Christus de facto, et quoad efficaciam nobis ejus satisfactionem in justificatione extra Baptismum applicari. Itaque esto Christi satisfactio, quam obtulit Patri, utpote infinita in genere moris, et in valore superexcedens omnes etiam graves Dei offensas, quoad sufficientiam sit condigna, ac super-

abundans solvere omne debitum etiam temporalis pœnæ ; tamen quoad efficaciam hunc effectum minime sortitur independenter ab actibus justificati cooperantibus, quibus positus, et non aliter, voluit Christus reatum ad temporalem pœnam remitti, ut solum superabundanter relinqueret omne debitum. Cujus volitionis congruentiam designat Concilium Trident. sess. et cap. proxime cit. Tum, quia decebat nos Christi imitari Passionem, juxta illud Petri Epist. 1, cap. 2 : *Christus passus est pro nobis, vobis relinquens exemplum, ut sequamini vestigia ejus.* Tum etiam : quia satisfactio Christi concurrat ad nostram salutem ut causa universalis ; hæc autem influxum causarum particularium minime impedit, sed cum eisdem influit altiori modo, ipsas adjuvans. Quocirca oportuit, Christum in nobis adhuc post justificationem reatum temporalis pœnæ reliquisse, ut illud expiemus modo quo possumus : quippe extra omnem rationem est, quod fidejussor omnia solvat, et debitor quod potest non extinguat.

Pet.
epist.
cap.

Ad utramque autem antecedentis probationem, quatenus huic doctrinæ possunt opponi, fere eodem modo dicendum est, satisfactionem Christi in esse satisfactionis infinitam esse, et aptam ad extinguendum omne debitum extinguiibile, et quod Christus potuit, et voluit extinguere quoad sufficientiam ; attamen ob rationem assignatam noluit quoad efficaciam, si satisfactionem, quam possumus, non offerimus quod defuit satisfactioni Christi, quodque sui corporis extorsione executioni mandabat Paulus, dum dixit ad Colos. 1 : *Adimpleo ea, quæ desunt Passionum Christi in carne mea, pro corpore ejus, quod est Ecclesia.* Et licet in justificatione per Baptismum ex vi satisfactionis Christi nobis ibi applicatæ, omne debitum extinguatur etiam totius temporalis pœnæ ; in aliis justificationibus non ita accidit, cujus aliam rationem assignat D. Thomas 4, contra Gent. cap. 72 : « Quia conjunctio ; inquit, nostri ad Christum in Baptismo non est secundum operationem nostram quasi ab interiori : quia nulla res se ipsam generat ; sed a Christo, qui nos regeneravit in spem vivam. Ideoque remissio peccatorum in Baptismo fit secundum potestatem ipsius Christi nos sibi

Ad
Colos.

D. Th.

« sibi conjungentis perfecte, et integre, ut
« non solum impuritas peccati tollatur,
« sed etiam solvatur penitus omnis pœnæ
« reatus. » Idem docet 3 part. quæst. 69,
art. 2, in corpore. In justificatione vero
extra Baptismum Christo conjungimur
mediantibus operibus nostris, atque ideo
hujusmodi conjunctio, et satisfactionis suæ
applicatio ut in plurimum non est ita inte-
gra, ac perfecta, ut aliquis temporalis pœ-
næ reatus non maneat inextinctus, et
propria satisfactione exsolvendus. His ergo
necessario præmissis, haud difficilis appa-
ret resolutio difficultatis.

§ II.

Vera sententia eligitur, et firmatur.

12. Dicendum est, purum hominem,
gratia tamen exornatum, pro temporali
pœna, cui post justificationem manet ob-
noxius, de condigno, et ad æqualitatem
arithmeticam satisfacere posse. Hanc sen-
tentiam tuentur Cajetanus tom. 2, Opusc.
de fide, et operibus, cap. 11 et 12, Gonet
tom. 5, disp. 13, art. 2, num. 5, Nugnus
in præsentī, quæst. 13, supplem. art. 1.
concl. 3. Contempson tom. 9, dissertatione
unica, cap. 1, N. Bonæ Spei tract. 5, disp.
14, dub. 4, n. 26, N. Antonius à Spiritu
Sancto in direct. Confessorum, tract. 5,
disp. 26, sect. 1, num. 1583 et 1584, Sua-
rez disp. 27, sect. 9, Lugo disp. 24, sect.
1, num. 8, Delgadillo de pœnit. cap. 18,
dub. 5, num. 19 et dub. 6, num. 25. Di-
castillus tract. 8, de pœnit. disp. 3, dub. 2,
a num. 18, Dubal de pœnit. disp. 3, cap.
5, num. 340 et 341, Aliique plures.

13. Probatur assertio primo ex Concilio
Trid. sess. 14, cap. 8 et 9, et Can. 13, ubi
absolute asserit, hominem gratia ornatum
satisfacere per opera satisfactoria pro tem-
porali pœna; qui autem ad æqualitatem
omnimodam pœnam non solvit, absolute,
et simpliciter non satisfacit, sed tantum
cum addito, et secundum quid, quantum
ad aliquod, quod debitum non adæquat, sed
ex parte creditor condonat: nam satisfacere
absolute, est facere quantum satis, et
omnino ex se est sufficiens ad solutionem
debiti. Præterea: nam Concilium ibidem
inquit: « Quod omnis glorificatio nostra
« in Christo est, in quo satisfacimus, fa-

« cientes fructus dignos pœnitentiæ. » Quæ
verba sic elucidat Cajetanus Opusc. de Cajetan.
commun. et confes. cap. 3, de satisfact.
« Fructus enim pœnitentiæ sonat opus pro-
« veniens a pœnitentia, ut a radice, seu
« arbore. Perspicuum autem est, quod fruc-
« tus dignus pœnitentiæ est reparare ea,
« quæ omisisse, vel commisisse nos pœni-
« tet. Hoc autem vocatur satisfacere pro
« peccato, pro quanto in hoc comprehen-
« ditur deletio omnium malorum, quæ in
« pœnitente remauerunt, quorum unum
« est reatus relictus pro peccato pœnæ. »
Unde illud Concilii: « Facientes fructus
« dignos pœnitentiæ, » plane significat,
quod per gratiam a Christo nobis collatam
facere possumus actus satisfactorios, qui, et
pœnitentiæ virtutis sint effectus, et fructus
digni remissione temporalis pœnæ, id est,
condigne eam satisfaciētes, quatenus per
hujusmodi actus, ac pœnalia opera tantum
delectationis, et gustus nobis subtrahimus,
quantum per peccati indulgentiam accepi-
mus.

Id ipsum D. Gregorius homil. 20, in ^{D. Gregor.}
Matth. cap. 3, docuit ad illa non absimilia
verba: « Facite fructus dignos pœniten-
tiæ; » ubi hæc habet: « Notandum est,
« quod non solum fructus pœnitentiæ, sed
« dignos pœnitentiæ admonet esse facien-
« dos. Aliud namque est, fructum facere
« pœnitentiæ, aliud dignum pœnitentiæ
« fructum facere. » Imo explicans, qui sint
fructus pœnitentiæ digni, vel dignitate,
aut condignitate gaudentes, exemplificat in
operibus a D. Thoma assignatis, quibus
pœnitentiæ virtus pœnam temporalem per
culpam contractam solvit. Unde inquit:
« Quisquis illicita nulla commisit, huic
« jure. conceditur, ut licitis utatur. At si
« quis in culpam lapsus est, tanto a se li-
« cita debet abscindere, quanto se memi-
« nerit illicita perpetrasse... Per hoc ergo,
« quod dicitur, facite dignos fructus pœni-
« tentiæ, uniuscujusque conscientia conve-
« nitur, ut tanto majora acquirat bonorum
« operum lucra per pœnitentiam, quanto
« graviora sibi intulit damna per culpam.»
Quæ omnia æqualitatem indigitant arith-
meticam inter opera satisfactoria, et inor-
dinatam delectationem, quam quis habuit
per adhæSIONem ad bonum commutabile.
Cum ergo per hoc omnino retractetur mo-
raliter conversio, ut conversio est, ad bo-

Cajetan.
incl.
ignus,
ntemp.
Bonæ
ei.
N.
ston.
arez.
igo.
lgadil.
cast.
ibal.

obatur
ex
concil.
id.

concil.
id.

num commutabile, in qua reatus ad temporalem pœnam innitebatur, liquido inferitur, hominem per opera satisfactoria, gratia tamen informata, æqualiter, et quantitative pœnam temporalem solvere posse : nequit enim reatus ad pœnam persistere, conversione ad bonum commutabile prorsus deficiente.

Probatur
2.

Propo-
sit. dam-
nata.

14. Probatur secundo ex decretis Pii V, et Gregorii XIII, damnantium hanc propositionem Michaelis Baji, quæ inter damnas est 77 : « Satisfactiones laboriosæ justificarum non valent expiare de condigno » pœnam temporalem restantem post culpam condonatam. » Ubi, ut vides, ea propositio damnatur, quæ formaliter nostræ assertioni contradicit. Ex duabus autem contradictoriis una necessario est vera : ergo si justificatum laboriosis satisfactionibus de condigno expiare non valere pœnam temporalem manentem post culpam condonatam, quæ est propositio Michaelis Baji, damnatur a Pontificibus saltem ut falsum ; oppositum, hominem nimirum gratia ornatum de condigno, et ad æqualitatem arithmeticam post justificationem satisfacere posse pœnam temporalem ex culpa relictam, verum est. Quod fundamentum est adeo efficax, ut vel solo satis, superque foret sententiam stabilire.

Probatur
3. rat.

15. Probatur tertio ratione fundamentalis : nam ille potest satisfacere de condigno, et ad æqualitatem arithmeticam pro aliquo debito, qui tantum potest solvere, quantum debitum ad sui extinctionem exigit ; sed homo gratia ornatus potest tantam pœnam solvere, quantam pro peccato temporaliter exolvendam debet : ergo potest de condigno, et ad perfectam æqualitatem satisfacere. Consequentia est legitima. Major continet definitionem satisfactionis condignæ, et omnino æqualis. Minor autem suadetur ex motivo, quo ducti tract. 21, disp. 1, dub. 5, § 4, stabilivimus cum Joanne a S. Thoma, Godoy, Lorea, Suarez, Vasquez, et aliis, posse purum hominem in gratia constitutum satisfacere de condigno, et ad æqualitatem arithmeticam pro offensa levi Dei ; quin, et quod posset pro offensa gravi, si infinita non esset, firmavimus, § 3. Quod motivum in præsentis viget : nam ex eo ibi probavimus pro offensa levi posse Deo satisfieri, quia est intrinsece finita, ac limitata, et debitum finitum potest per so-

lutionem finitam magis, ac magis auctam diminui, et ad omnimodam æqualitatem extingui ; sed etiam pœna temporalis tam in intensione, quam in duratione est limitata, et finita ; ergo potest ad æqualitatem arithmeticam, et quantitativam per satisfactionem in gratia factam deleri. Minor, et consequentia constant. Major autem continet doctrinam a nobis loco relato stabilitam, nec ab adversariis enervatam ; cum nulla detur radix, ex qua possit repugnantia suboriri, ut debitum finitum non possit per solutionem finitam totaliter absorberi, imo, et superari ; ut aliquando contingit in hac materia, juxta illud Job. 6 : *Utinam appenderentur peccata mea, quibus iram merui, et calamitas, quam patior, in statera, quasi arena maris, hæc gravior appareret.*

Job. 6

Confirmatur primo : nam aliter dicitur homo satisfacere pro offensa Dei gravi, et pœna æterna peccato lethali debita, ac pro pœna temporalis post dimissam culpam residua ; sed pro offensa gravi, et æterna pœna potest homo gratia ornatus satisfacere ad æqualitatem geometricam, et proportionalem, ut communiter tenent Authores, et D. Thomas pluribus in locis asserit : ergo pro pœna temporalis, quæ post justificationem luenda remanet potest satisfacere de condigno, et ad arithmeticam æqualitatem. Consequentia patet, alias eodem modo satisfaceret pro utraque pœna ; quod est absurdum.

Confirm.
1.

Confirmatur secundo : homo quippe in gratia constitutus potest mereri de condigno vitam æternam per opera procedentia a gratia : ergo similiter per hujusmodi opera poterit de condigno satisfacere pro pœna temporali. Antecedens constat ex communi Theologorum sententia, quam tract. 16, disp. 2, dub. 2, firmavimus. Consequentia vero patet a paritate : nam ideo primum contingit, quia opera a gratia procedentia in esse meriti, et valoris sunt omnino æqualia, saltem in virtute, ac radice, cum vita æterna, cujus semen est ipsa gratia, a qua procedunt in esse præmii formaliter ; sed etiam eadem opera in ratione satisfactionis sunt non tantum æqualia, sed superexcedentia pœnam temporalem pro peccatis debitam, cum hæc sit ordinis inferioris comparative ad æternam vitam : ergo sicut homo illis operibus meretur

Confirm.
2.

meretur de condigno vitam æternam, ita de condigno satisfacere valet pro pœna temporali ex peccato relicta.

Nota.

16. Est tamen hic advertendum, quod licet satisfactio informata gratia, ab illaque procedens, sit condigna ad temporalem pœnam omnino expiandam, non tamen est ex rigorosa justitia : ad hoc enim, ut ostendimus tract. 21, disp. 1, non sufficit, quod ad arithmeticam, et perfectam æqualitatem sit, et quod tantum a debitore solvatur, quantum creditori debetur ; sed insuper requiritur, quod non fundetur in gratia creditoris, et quod ex bonis creditoris fiat, et ex nullo titulo creditori debitis. Quæ omnia in nostra satisfactione minime reperiuntur, cum in gratia Dei creditoris fundetur, et alias non sit ex bonis propriis, sed a Deo receptis, eique debitis titulo creationis, conservationis, redemptionis, et aliis : ideoque dixit D. Bernardus : « Deus nos onerat, cum exonerat : onerat enim beneficiis, cum exonerat peccatis. » Unde consequenter dicimus, quod esto satisfactio quoad sufficientiam, et in actu primo sit condigna, ut Deus, illa ab homine grato posita, eum solvat a reatu pœnæ ; non tamen in actu secundo, et quoad efficaciam talis esset, nisi ad eam acceptandam aliquod pactum inter Deum, et hominem interveniret : de facto tamen habet hanc condignitatem actu secundo, et quoad efficaciam ; quia hujusmodi pactum adest, ut ex pluribus scripturæ testimoniis innuit Conc. Trid. sess. 14, cap. 8, sic concludens : « In quo » (id est, in Christo) « satisfaci-
mus facientes dignos fructus pœnitentiæ, qui ex illo vim habent, ab illo offeruntur Patri, et per illum acceptantur a Patre. » Ex quibus clare evincitur, hoc de facto intercedere pactum, et acceptionem ex parte Dei.

§ III.

Argumentis adversariorum fit satis.

tich.
ajus.

17. Oppositam sententiam docuit Michael Bajus lib. de indulgentiis, cap. ultimo ; ubi tenet, satisfactiones laboriosas justificatorum non valere expiare de condigno pœnam temporalem restantem post culpam condonatam, sed tantum se habere tanquam condiciones requisitas, ut satis-

factio Christi Domini nobis applicetur. Quod damnarunt, ut supra diximus, Pius V, et Gregorius XIII. Ex Doctoribus autem Catholicis nobis adversari videntur Durandus in 4, dist. 15, quæst. 5, ad 2, et Martinus Ledesma 2, part. 4, quæst. 12, quatenus ait, ex divina benevolentia, et acceptione opera nostra satisfacere. Similiter Joannes Medina, Cod. de pœnit. cap. 1, de satisfact. qui asserit, nostram satisfactionem gaudere condignitate quæsita, si pœna purgatorii est ejusdem rationis cum pœna hujus vitæ ; si vero alterius sit, non esse condignam ob rationem infra adducendam. Eandem sententiam tueri debent Zumel, Cypullus, et alii, asserentes, hominem justum nequire de condigno, et ad perfectam æqualitatem satisfacere pro offensa peccati venialis, quæ cum finita sit, eadem ratione negare debent, si consequenter loquantur, hominem justificatum posse de condigno pro pœna temporali peccatis debita satisfacere : nisi offensam venialem infinitam in ratione offensæ velint adstruere, quod jam alibi manet a nobis impugnatum, et a communiori Theologorum schola rejectum.

18. Arguitur ergo primo : ut satisfactio sit ad æqualitatem arithmeticam, et de condigno, debet fieri per exhibitionem rei, quæ sit tanta, quantum debitum solvendum, ita ut illud formaliter adæquet ; sed homo adhuc gratia ornatus nequit sibi tantam pœnam assumere, et per modum satisfactionis Deo offerre, quanta est pœna temporalis debita pro peccatis, dimissa culpa, et remissa pœna æterna : ergo nequit satisfacere ad omnimodam æqualitatem, et de condigno pro pœna temporali. Major est certa ; et minor ostenditur : quia pœna temporalis debita pro peccatis est illa, quæ post mortem in purgatorio solvitur ; sed hæc est rationis superioris respectu omnium pœnarum hujus vitæ, per quas homo satisfacit, et longe illas excedit : ergo nequit homo tantam pœnam sibi assumere, et per modum satisfactionis Deo offerre, quanta est temporalis pœna debita pro peccatis.

Confirmatur, et urgetur : nam qui solvit aliquod debitum per pretium debito minus, non solvit condigne, et ad perfectam æqualitatem : ergo qui satisfacit luendo pœnas, quæ minores sunt illis, pro quibus

Durand.
Martin.
Ledesma.
Joan.
Medin.
Zumel,
Cyp.

Argum.
1.

Confirm.

satisfacere intendit, non satisfacit ad perfectam æqualitatem, et condigne. Tum sic: sed quælibet pœna hujus vitæ, quæ in satisfactionem offertur, est longe minor minima pœna Purgatorii peccatis debita, et pro qua homo intendit satisfacere: ergo nequit pro pœna temporali debita peccatis condigne, et omnino ad æquale satisfacere. Cetera constant, et minor subsumpta ostenditur a D. Thoma 3, part. quæst. 46, art. 6, ad 3, et in 4, dist. 20, quæst. 1, art. 1, quæstiunc. 3, ad 2 et dist. 21, art. 1, quæstiunc. 3, q. 1, in corpore, ubi ait: « Quod minima Purgatorii pœna est major, quam maxima pœna hujus vitæ. » Quod ibi urgentissima ratione demonstrat.

D. Tho.

Enodatur
argum.

Respondetur ad objectionem, concessa majori, negando minorem; cujus probatio non premit: quia licet pœna purgatorii longe sit major omnibus hujus vitæ, quibus voluntarie toleratis homo solvit, et satisfacit temporalem pœnam peccatis debitam; inde minime evincitur, non posse tantam assumere, ac Deo offerre, quantam debet: pœna quippe temporalis debita pro peccatis non est determinate, et absolute pœna purgatorii; sed indeterminate, ac sub disjunctione, vel pœna hujus vitæ, vel pœna purgatorii, imo pœna hujus vitæ debetur quasi absolute, pœna autem purgatorii quasi ex suppositione, quod illam pœnitens in præsentī vita non solvat, ut ait D. Thom. in 4, dist. 20, quæst. 1, art. 1, quæstiunc. 3 in corpore: « Oportet, quod pœnitens « quicumque satisfactionem non implevit « in hac vita, post hanc vitam puniatur, « nisi tanta fuerit contritio, quod totaliter « a pœna purgetur, quod quandoque contingere potest. » Implere autem satisfactionem, est complete satisfacere; unde, et sentit D. Thomas posse satisfactionem hujus vitæ esse completam, et supponit pœnam hujus vitæ esse debitam absolute, pœnam autem purgatorii solum ex suppositione negligentie pœnitentis, qui cum posset hic adæquate satisfacere, omisit. Unde consequenter ad hæc ibi in solutione ad 1, ait: « Luentem purgatorii pœnam « puniri post hanc vitam, quia peccavit, « et quia satisfacere neglexit, quando « potuit. » Quocirca purgatorii cruciatus acriores ac altioris rationis esse, vel non, est ad rem, quia pœna per se primo, et absolute peccatis debita, cujus exæquabili-

tatem, ac satisfactionem quærimus, non est illa, sed hujus vitæ, quæ proculdubio ad æqualitatem satisfieri queit. Per quod etiam patet ad confirmationem.

19. Sed replicabis: nam vel pœna temporalis pro peccatis debita potest adæquari cum nostra satisfactione, et solutione facta per pœnas hujus vitæ, vel non? Si secundum dixeris: ergo non est condigna hujusmodi satisfactio, siquidem a pœna temporali debita, et solvenda exceditur. Si primum: ergo anima in purgatorio injuste, et ultra condignum punitur, quandoquidem vel minima purgatorii pœna longe major est quacumque etiam maxima vite hujus, quam in ratione solutionis cum debito temporalis pœnæ solvendo adæquare dicimus. Hoc autem impium esset asserere de divina justitia, quæ misericordie dulcedine solet esse temperata: ergo pœna temporalis peccatis debita non condigne, et ad omnimodam æqualitatem solvitur per hujus vitæ satisfactionem.

Hanc, quam sibi objecerat, replicam diruit D. Thomas in 4 sent. dist. 20, qu. 1, art. 1 quæstiunc. 2: « Dicendum, quod « justitia assimilatur mensuræ, ut dicit « Philosophus in 5 Ethic. cap. 8. Unde « sicut in diversis terris sunt diversæ « mensuræ rerum venalium, ita, et diversæ pœnæ secundum justitiam pro « eisdem culpis inferuntur. Et similiter « pro eadem culpa gravius punitur quis in « purgatorio, quam in hac vita, ratione « alterius fori; tamen illa aggravatio proportionaliter respondet pœnæ, cujus « homo in hac vita reus erat; et hoc debet « homo sibi imputare, quia illuc reservavit sibi pœnam pro culpa accipiendam. » Unde licet pœna purgatorii excedat materialiter pœnas satisfactorias hujus vitæ; tamen in ratione justæ solutionis, pœnæ temporalis debitum non excedit: quia divina justitia habens rationem mensuræ exigit pro condigna satisfactione in purgatorio majorem in esse entis, et acerbiores pœnam, quam ante mortem, licet utraque æqualis sit in ratione satisfactionis. Quodque patet exemplo. In Hispania vini amphora argenteo uno solvitur, in Indiis viginti argenteis nundinatur: certum est, viginti argenteos unum in quantitate excedere, in ratione tamen justī pretii non excedit, quia utrobique juste solvitur.

Replicæ

Diluitur
D. Tho.

Similia

Similia exempla reperies in scriptura : nam Samaria 4, Reg. 6, v. 25 : *Tandiu obsessa est, donec venundaretur caput asini octoginta argenteis, et quarta pars cabi stercoreis columbarum quinque argenteis.* Idque in illo eventu condignum pretium erat, ac justa solutio ; finita tamen obsidione, vel unum argenteum pretium erat superabundans, quandoquidem cap. 7, v. 18 : *Duo modii hordei statere uno... et modus similæ statere uno* condigne nundinari factum est. Omnium autem ratio ea est, quia in pretiis rerum venalium, idemque est in mensuris, quod se habet de formali, est conformitas ad legem taxantem, vel ad id, quod fert usus temporis, et regionis, aliis, in quibus est excessus, de materiali se habentibus ; unde in ratione pretii ut justi potest dari æqualitas inter pretia, alias materialiter, et in esse entis plurimum se excedentia. Ita proportionabiliter contingere dicimus in condigna solutione pœnæ temporalis debitæ pro peccatis : quippe condigna solutio per satisfactionem in hac vita licet excedatur materialiter a condigna solutione per satisfactionem pœnarum purgatorii in alia, tamen utraque solutio est æqualis formaliter in ratione mensuræ, et justæ solutionis, attentis circumstantiis status, et conditionis subjecti in hoc sæculo, et in alio : nam, ut ait D. Thomas, nolens in hac vita satisfacere, sibi debet imputare, quia illuc reservavit sibi pœnam pro culpa accipiendam, ubi minima est major, quam maxima hujus vitæ.

20. Arguitur secundo : nam pœnitens debet exhibere satisfactionem pœnæ temporali ipsi Deo ; sed Deo non possumus reddere æquale : ergo pro pœnæ temporali nequit pœnitens æqualem omnino satisfactionem exhibere. Major ex se constat. Minorem autem docet Philosophus lib. 3 Ethic. cap. ult. et D. Thomas in præsentiquæst. 13, art. 1 in corpore, ubi ait : « In a his honoribus, qui sunt ad Parentes, et a Deum, impossibile est æquivalens reddere secundum quantitatem. » Ergo impossibile est, pœnitentem Deo satisfactionem reddere æqualem secundum quantitatem pro pœnæ temporali, cujus remanet reus post culpam dimissam. Unde D. Thomas ibidem non admisit, satisfactionem nostram Deo oblatam esse æqualem secundum

quantitatem, et arithmetice, sed tantum secundum proportionalitatem.

Ad argumentum respondetur negando minorem ; ad cujus probationem dicendum est, philosophum, ac D. Thomam loqui de compensatione naturali pro beneficiis a Deo acceptis, et a parentibus, ac Magistris, quibus naturaliter reddere æquivalens minime possumus ; non vero de compensatione viribus gratiæ facta pro pœnæ temporali ex culpa gravi, vel levi relicta : licet enim naturæ viribus Deo condigne satisfacere non possimus pro hujusmodi temporali pœnæ, sicut nec pro offensa etiam levi ; nihilominus operibus a gratia dimanantibus condigne, et arithmetice æqualitatem Deo pro pœnæ temporali satisfacere valemus, imo, et pro offensa non tantum levi, verum, et gravi in ratione offensæ considerata, si secundum hanc considerationem, ut non pauci dicunt, non est infinita, ut ex professo tract. 21 stabilivimus : quia debitum extinguendum in his casibus non excedit condignitatem actuum, quibus solvitur. Ratio vero, cur D. Thomas loco in objectione relato satisfactioni nostræ Dei oblata negat æqualitatem omnimodam, et solum geometricam, ac proportionalem admittit, est quia ibi agit de satisfactione lethalis offensæ Dei in ratione offensæ consideratæ, quo pacto in genere moris intrinsece infinita est, atque adeo respectu illius solum habet satisfactio proportionalitatem quandam, ac congruentiam ; non vero condignitatem, et æqualitatem perfectam, sicut est ea, quam sortitur per ordinem ad levem Dei offensam, et ad pœnam temporalem, cujus reatus dimissa culpa persistit.

21. Dices supposito debito rigoroso, solutio illius, creditori facta per æqualem omnino satisfactionem, est actus proprius justitiæ commutativæ, et non virtutis pœnitentiæ : nam virtus pœnitentiæ deficit in solutione debiti a perfecta æqualitate. Dicere, satisfactionem pro temporali pœnæ non esse actum saltem secundarium virtutis pœnitentiæ, sed justitiæ commutativæ, est contra suppositionem in limine dubii factam : ergo vel inconsequenter procedimus, vel dicere deobligamur, satisfactionem pro pœnæ temporali non esse condignam, et arithmetice æqualem. Deinde nullius virtutis actus potest attingere id,

Disolvitur.

Replica.

4
um.

um.
2.

ilos.
S.
Inc.
Tho.

quod non cadit sub ratione *sub qua* propria et essentiali ipsius virtutis : cum ratio *sub qua* in habitibus, et virtutibus se habeat tanquam ratio differentialis ultimo contrahens, ac determinans essentialiam ; atque ideo sicut repugnat limites essentiali transilire, ita, et quod actus a virtute eliciatur, nisi sub ea ratione sub qua propriam speciem sortitur. At ratio sub qua propria, et essentialis pœnitentiæ est inæqualitas in solutione debiti, ideoque deficit a ratione perfectæ justitiæ, et non inter illius partes subjectivas, sed potentiales annumeratur : ergo si satisfactio pro pœna temporali est actus virtutis pœnitentiæ, non potest solvere debitum ad perfectam æqualitatem.

Duplici
via
dilatatur.

Similem replicam diluimus tract. 21, disp. 1, dub. 9, agentes de satisfactione pro offensa levi Dei ; ubi diximus, justitiam commutativam ultra æqualitatem solutionis debiti exigere debitum rigorosum, et simpliciter tale : unde quia offensa levis debitum simpliciter non fundat, sed solum secundum quid, cum tantum secundum quid sit offensa ; ideo illius satisfactio, licet sit omnino æqualis, actus justitiæ commutativæ non est, sed virtutis pœnitentiæ, quæ primario in ratione satisfaciendi respicit offensam Dei gravem, quam inæqualiter solvit, et consequenter per alios actus secundarios se extendit ad æqualem solutionem pro offensa levi. Et juxta hæc hic responderi posset, quod licet satisfactio pro temporali pœna sit omnino æqualis, et condigna, non tamen actus justitiæ commutativæ ex defectu debiti simpliciter talis : quia debitum temporalem pœnam luendi fundatur in reatu solum secundum quid, in conversione nimirum præscindente ab aversione a Deo, et prout tantum dicit conceptum conversionis ad bonum commutabile, qui conversionis conceptus communis est etiam peccato veniali, quod solum fundat debitum secundum quid, et non simpliciter. Unde ex hoc capite solutio temporalis pœnæ, licet perfecte sit æqualis, deficit a ratione justitiæ commutativæ, et est actus secundarius virtutis pœnitentiæ. Addimus, quod adhuc permittentes, debitum pœnæ temporalis esse rigorosum, pœna, quæ ad satisfactionem assumitur, per se ordinatur ad emendationem vitæ, et majorem re-

tractationem culpæ ; quod est motivum pœnitentiæ, non vero ad resarciendam offensam Deo illatam, quam ad æqualitatem intendit per se resarcire justitia commutativa. Unde pœna voluntarie assumpta in satisfactionem non pertinet per se ad justitiam commutativam, sed potius ad pœnitentiam.

Cæterum secundo respondetur ex disp. Secun
5, dub. 4, num. 135 hujus tract. condignitatem satisfactionis pro pœna temporali solum impedire, satisfactionem esse actum primarium virtutis pœnitentiæ, non vero secundarium. Ratio est : quia virtus solum ab actu primario speciem sortitur, ipsumque attingit per se, non vero ab actu secundario, quem per ordinem ad primum respicit. Unde virtus pœnitentiæ, quæ imperfecta justitia est, solum habere desiderat inæqualem debiti solutionem in primario actu, a quo speciem sortitur ; non autem inconvenit in actu secundario non specificante condignitatem solutionis debiti reperiri, ut in virtute Religionis videre est. Hæc enim inter partes potentiales justitiæ computatur, et quamvis in actu secundario, qualis est decimarum solutio, servet æqualitatem, teste D. Thoma 2, 2, quæst. 87, non ideo imperfectæ justitiæ rationem amittit, cum alias in actu primario, qui est colere Deum, a prædicta æqualitate deficiat, et solum inæqualiter debitum Deum colendi solvat. Unde quemadmodum Religio quoad speciem imperfectæ justitiæ invariata queit in actu secundario æqualem decimarum solutionem attingere, potest etiam pœnitentiæ virtus justitiæ imperfectæ speciem conservans, et inæqualitatem habere in satisfactione pro offensa gravi Dei, quæ est actus primarius, et in solutione pœnæ temporalis, quæ est actus secundarius, condignitatem sortiri.

Ad augmentum vero difficultatis dicendum est, quod licet quilibet actus habitus, aut virtutis debeat respicere objectum formale ejusdem virtutis, aut habitus ; hoc tamen non ita intelligi debet, ut omnis virtutis actus, etiam secundarius, habeat pro objecto formali immediato objectum formale immediatum virtutis ; sed si actus secundarius est, sufficit illud attingere tanquam causam, et radicem initiative moventem ad attingentiam objecti sub objecto primario contenti. Indeque notavi-

mus

mus tract. 8, de ultimo fine, disp. 1, dub. 4, distinguendam esse duplicem rationem *sub qua* virtutis, et potentiae; aliam primariam, proximam, et immediatam respectu actus, et objecti primarii; et hæc radicatur, et fundatur aliam secundariam, *sub qua* immediate oritur a potentia, seu virtute actus secundarius, et ab hac prædictus actus speciem accipit, non vero a ratione *sub qua* primaria, quæ est radix illius. Quocirca ratio *sub qua* proxima, et immediata respectu electionis non est bonitas finis, quæ est ratio *sub qua* proxima respectu actus intentionis ipsius finis, qui est actus primarius voluntatis, sed utilitas, et conducentia intrinseca mediorum ad finem. Ex quo facile constat, quomodo pœnitentia per ordinem ad terminum primum habeat pro ratione *sub qua* proxima inæqualitatem solutionis, et per ordinem ad terminum secundarium, qualis est offensa Dei, et pœna temporalis, respiciat solutionem condignam, quin per hoc extrahatur a sua specie, et ratione *sub qua* primaria, quæ est inæqualitas in solvendo debito primario. Ad hoc enim sufficit, rationem *sub qua* proximam, et immediatam solutionis condignæ pœnæ temporalis, quæ est actus secundarius pœnitentiæ, attingi ab hac virtute per ordinem ad rationem formalem *sub qua* actus primarii, tanquam ad causam, ac radicem illius; quod, et non amplius desideratur. Unde sicut Charitas non amittit esse virtutem Theologicam per hoc, quod ejus actus secundarius proximi dilectio immediate terminetur ad proximum, ab eoque ut talis mutetur speciem, ut loco relato num. 97 stabilimus; ita non inconvenient, pœnitentiam ex primaria tendentia esse justitiam imperfectam, et habere pro ratione *sub qua* proxima qualitatem, licet respectu pœnæ temporalis æqualitatem servet, et ejus actus secundarius habeat pro ratione *sub qua* immediata æqualitatem, a qua prout talis speciem sortiatur.

22. Arguitur tertio: nam opus illud, quod totum aliis titulis alicui debetur, nequit pro quolibet illorum satisfacere condigne, et ad omnimodam æqualitatem; sed omne opus satisfactorium pœnæ temporalis est Deo debitum aliis titulis gratitudinis, Religionis, etc. ergo nequit satisfacere pro tali pœna de condigno, et ad perfectam æqualitatem.

Salmant. Curs. Theolog. tom. XX.

Confirmatur primo: quia si opus sufficiens ad condignam satisfactionem pœnæ ut quatuor applicaretur ad satisfaciendum pro reatu ut octo, non esset respectu illius omnino æquale; visque illius satisfactoria tota exhauriretur per reatum pœnæ ut quatuor, ratione cujus erat debitum: ergo opus omnino debitum ex vi reatus peccati, et simul aliis titulis nequit esse condignum, et æquale ad solvendum reatum pœnæ temporalis.

Confirmatur secundo: etenim posita a debitore æquali, et condigna solutione debiti, non potest creditor illam non admittere, et aliam exposcere; sed oblata pœnæ temporalis satisfactione, posset Deus juste, et sine alicujus injuria illam respuere, et aliam exigere; ergo signum est, satisfactionem non esse condigne extinctivam debiti pœnæ temporalis.

Respondetur, argumentum solum evincere, satisfactionem pœnæ temporalis non esse ex toto rigore justitiæ, cum fiat operibus aliis titulis Deo debitis; non vero quod supposita gratia, a qua actus nostri dignificantur, æqualis, et condigna esse non possit; sicut opera meritoria, licet aliis titulis sint Deo debita, supposita tamen gratuita collatione gratiæ, merentur de condigno, et ex justitia coronam gloriæ, juxta illud Apostoli: *Reposita est mihi corona justitiæ, quam reddat mihi Dominus in illa die justus judex*. Et ratio est: quia esto omne opus meritorium absolute sit Deo debitum titulo gratitudinis, Religionis, et supremi domini, sumus quippe illius servi; nihilominus data suppositione Deum nobis gratiam libenter contulisse, etiam nobis confert omnia opera ab hujusmodi gratia procedentia, ac si essent omnino propria, et ipsi nullo titulo debita, ac subinde ut eisdem tanquam bonis propriis, et mereri, et satisfacere possimus ex justitia, si æqualitatem arithmeticam cum præmio, vel cum peccali debito solvendo habuerint. Unde data hypothese gratiæ collationis, Deus in illorum actuum acceptione præscindit ab eo, quod sint, vel non aliis titulis debiti, eosque tantummodo accipit pro illo debito, aut præmio, pro quo a debitore applicantur; cum autem per gratiam ita dignificentur, ut habeant æqualitatem arithmeticam vel cum præmio gloriæ in ratione

Confirm.
1.

Confirm.
2.

Satisfi
argu-
mento
et primæ
confir-
mat.

meriti, vel cum debito reatus pœnæ temporalis in ratione satisfactionis, si solum pro eo extinguendo applicentur, inde est, satisfactionem pœnæ temporalis esse condignam, et ex iustitia, licet non rigorosa, cum totum hoc absolute fundetur in creditoris gratia. Sicut aliquis servus proprio labore, ac industria centum aureos lucraretur, eos deberet absolute reddere Domino titulo servitutis, nec illis posset absolute inire cum Domino contractum ipsum ex iustitia obligantem, emendo ab illo equum, v. g. aut pretiosam vestem; ex suppositione tamen quod Dominus servo gratiose illos centum aureos, titulo dominii sibi debitos, donaret, ut eis uteretur tanquam propriis, et alio titulo non debitis, posset servus contractum ex iustitia inire cum Domino, non tamen ex iustitia rigorosa, cum absolute centum illi aurei sint Domino debiti ratione servitutis. Sic ergo, proportionem servata, in præsentī contingit. Per quod etiam prima confirmatio evanescit.

Enodatur 2.

Ad secundam dicendum est, quod licet posita a nobis æquali satisfactione pro pœna temporali, adhuc possit Deus absolute illam non acceptare, et aliam satisfactionem exposcere, utendo titulo supremi dominii, quod habet super omnes res, ut de illis prout libuerit disponat; quo pacto potest similiter justum, etiam post plura merita de condigno, æterna beatitudine privare, quin ex hoc colligatur, quod illa merita non fuerint præmio omnino æqualia; ceterum si Deus consideretur ut justus iudex, ligatusque legibus, quas sibi imposit, nequit condignam hominis satisfactionem pro pœna temporali illi oblatam insufficientem judicare, et aliam reposcere. Quamvis igitur necessarium sit pactum, quo Deus cedat titulo, et juri supremi dominii, inde tamen non sequitur, quod satisfactio ex se omnino æqualis, ac sufficiens non sit: etenim illud pactum non est gratia supplens ab extrinseco in satisfactione valoris defectum, sed mera conditio, ne illa opera repellantur ab officio satisfaciendi, quod ex se habent; quod eorum æqualitati minime obest, ut exemplo operum justī, quibus gloriam ex iustitia, et de condigno meretur, declarari valet.

DUBIUM II.

Utrum possit aliquis satisfacere de condigno pro pœna temporali peccati alterius?

23. Inquit D. Thomas in præsentī quæst. 13, art. 2, quod satisfactio, vel « pœna » satisfactoria ad duo ordinatur: ad solutionem debiti, et ad medicinam pro peccato vitando. » Id est, ad extinguendum debitum pœnæ temporalis, ex peccato commissio contractum, et ad præcavendam futuram culpam, ejus causas exseindendo. Et quidem si in secundo sensu accipiat, supponimus unum pro altero satisfacere non valere. Ita sentiunt Nugnus in præsentī, conclus. 1, Gonet disp. 13, art. 5. num. 60, Seraphinus, et alii. Idque hac ratione convincit D. Thomas citato art. « Quia ex jejuniū unius caro alterius non domatur, neque ex actibus unius, alius bene agere consuevit. » Etenim esto opus satisfactorium unius alteri mereri valeat augmentum gratiæ, qua passiones morigerare, vitiosos habitus reprimere, ac futura peccata præcavere possit; « hoc » (ait D. Thomas ibi) « est per modum meriti » magis quam per modum satisfactionis. » D. T. Unde sola est difficultas de satisfactione in prima consideratione accepta, prout intendit solutionem reatus pœnæ temporalis peccati præteriti tam lethalis, quam venialis. Licet tract. 21, disp. 1, dub. 6, § 4, statuerimus, neminem, saltem secundum præsentem providentiam, satisfacere posse pro peccato veniali alterius quantum ad debitum primum ob rationem ibi num. 135 assignatam; adhuc tamen inquirendum restat, utrum satisfacere possit pro pœna temporali levis culpæ alterius, quæ est debitum secundarium: quoad hoc enim pari gradiuntur cursu reatus temporalis pœnæ lethalis, ac levis culpæ.

§ I.

Communis sententia statuitur.

24. Dicendum est, justum condigne satisfacere posse pro pœna temporali peccati alterius. Hæc conclusio potest intelligi vel de satisfactione in actu primo, et quoad sufficientiam condigna, vel in actu secundo, et quoad efficaciam. Primo modo intellecta, suppositis

suppositis his, quæ dubio præcedenti statuimus, parum aut nihil difficultatis occurrere potest: ideo enim justus condigne satisfacere valet pro pœna temporali proprio peccato debita, quia tam intensive, quam extensive est finita, et limitata, atque adeo a satisfactione a gratia procedente exæquabilis; sed hæc ratio limitationis, ac finitudinis etiam in pœna temporali peccati alterius reperitur: ergo in actu primo, et quoad sufficientiam poterit exæquari per satisfactionem ab alio elicitam, ad hujusmodi debitum solvendum applicatum: debitum quippe pœnæ alterius potest non excedere debitum pœnæ peccati proprii. Quod liquido apparet in solutionibus, ac satisfactionibus pecuniariis: quia quantum ad sufficientiam, et condignitatem in actu primo ad exhauriendum debitum centum aureorum, illorum exhibitio eandem vim habet sive fiat a proprio debitore, sive ab alio; cum in utroque casu solvatur tantum pro tanto, et ad æqualitatem arithmeticam, a qua sufficientia, ac condignitas solutionis in actu primo venari debet. Quocirca assertio non solum procedit de satisfactione condigna quoad sufficientiam, sed etiam, et præsertim quoad efficaciam, et in actu secundo extinguente debitum pœnæ temporalis peccati alterius; ad quod indispensabiliter requiri aliquod pactum vel virtuale, vel formale inter creditorem, et debiti solutorem statuimus tract. 21, disp. 1, dub. 8, et ex professo pro qualitate hujus materiæ præstabimus dubio ultimo præsentis disput.

Quod autem hujusmodi pactum in præsentis casu adsit, patet; tum ex communi apprehensione fidelium, et generali consensu Doctorum. Tum, quia eisdem rationibus, quibus probatur unum pro alio satisfacere efficaciter posse, convincitur hujusmodi pactum adesse: si enim ad unius pro alio satisfactionem pactum aliquod indispensabile est, id ipsum, quod probat unum pro alio satisfacere valere condigne, et quoad efficaciam, etiam evincit, saltem implicite, alicujus pacti existentiam. Quemadmodum qui probat aliquem actum esse peccaminosum, probat etiam dari aliquam legem: quippe lege deficiente, peccatum impossibile est. Si dixeris: nequit existentia peccati probari, si prius existentia legis non evincitur: per legem

enim probatur peccatum: ergo nequit condigna satisfactio unius pro alio probari, existentia pacti prius non probata. Facile respondetur, quod nec peccatum potest probari a priori non probata lege, nec condigna unius pro alio satisfactio, pacto non stabilita; possunt tamen probari a posteriori, vel ab effectu, vel ab auctoritate, pacto ac lege non stabilitis. Maxime, quia pacti existentia etiam constabit ex dicendis num. 26.

Conclusionem igitur in hoc sensu intellectam docet expresse D. Thomas in præsentis ^{D. Tho.} dicens: « In quantum ad solutionem debiti unus potest pro alio satisfacere, dummodo sit in charitate, et opera ejus satisfactoria esse possint. » Doctorem Angelicum sequuntur Ferrara 3, contra ^{Ferrara, Cajetan. Sotus, Gonel. Nugnus, Bonæ Spei, Navarr. Contem. Covarr. Suarez, Lugo, Probatur lex syneb. Apostolor.} Gent. Cajetanus in summa, verbo *Satisfactio*, Sotus in 4, dist. 19, quæst. 2, art. 4, Gonel tom. 5, disp. 13, art. 5, numer. 61, Nugnus in addit. ad 3, part. quæst. 13, art. 2, N. Bonæ Spei tom. 6, tract. 5, disp. ultima, Navarrus tract. de indulgentiis, cap. 13, et 22, Contempson tom. 9, dissert. unica, cap. 1, Covarruvias in cap. *Alma mater*, punct. 1, § 4, num. 7, Suarez, disp. 48, sect. 1, num. 2, Lugo de pœnit. disp. 26, sect. 1, num. 1, et alii plures.

25. Probatur primo ex symbolo Apostorum, ubi dicitur: *Credo Sanctorum communionem*: quod sic explicat D. Thomas ^{D. Tho.} Opusc. 6: « Sicut in corpore naturali operatio ratio unius membri cedit in bonum totius corporis, ita in corpore spirituali, scilicet, cet, Ecclesia. Et quia omnes fideles sunt unum corpus, bonum unius alteri communicatur. Apost. ad Roman. 12, singuli autem alter alterius membra. Unde, et inter alia credenda quæ tradiderunt Apostoli, est quod communio bonorum sit in Ecclesia, et hoc est quod dicitur Sanctorum communio. » Et paulo infra explicans qualiter Christi bonum communicatur omnibus Christianis, sicut virtus capitis omnibus membris, hancque communicationem per Ecclesiæ sacramenta fieri, ad pœnitentiæ sacramentum perveniens subdit: « In pœnitentia tria esse debent; contritio vel dolor de peccatis cum proposito ab ipsis abstinendi, integra confessio, ac boni operis satisfactio: » et tandem ex fidei articulo concludit: « Non solum virtus Passionis Christi commu-

« nicatur nobis, sed quicquid boni fecerunt
 « omnes Sancti communicatur in charitate
 « existentibus. Sed tamen specialius illi »
 (id participant) « pro quibus specialius fit
 « aliquod bonum : nam unus potest satisfacere
 pro alio. » Ex quibus manifeste
 apparet, tam verba symboli, quam expli-
 cationem Præceptoris Angelici procedere
 de satisfactione unius pro alio quoad effica-
 ciam, prout sortitur effectum, sicut virtus
 capitis efficaciter communicatur alteri ejus-
 dem corporis membro vivo, qua metaphora
 utitur D. Thomas. Cum ergo ex uno capite
 habeamus, pœnam temporalem peccati alteri-
 us non excedere valorem satisfactorii
 operis, ut constat ex num. præced. et ex
 alio hujusmodi satisfactionem esse effica-
 cem, et in actu exercito, ut patet ex sym-
 bolo fidei, et explicatione Angelici Præcep-
 toris, recte convincitur justum de condigno,
 et ad arithmeticam quantitatem posse quoad
 efficaciam satisfacere pro pœna temporalis
 peccati alterius.

26. Probatur secundo ex illo Pauli ad
 Galat. cap. 6 : *Alter alterius onera por-
 tate, et sic adimplebitis legem Christi.*
 Quorum verborum sensum sic ibi eviscerat

D. Thomas : « Admonet autem ad mu-
 « tuam supportationem dicens : Alter alte-
 « rius onera portate. Et hoc tripliciter :
 « uno modo, etc. Tertio modo pro pœna
 « sibi debita satisfaciendo orationibus, et
 « bonis operibus... Ratio autem admonitio-
 « nis est adimpletio legis Christi, quæ simi-
 « liter est charitas... Dicitur autem chari-
 « tas specialiter lex Christi... quia ipsam
 « implevit Christus, et exemplum eam
 « implendi nobis reliquit, nam ipse ex
 « charitate peccata nostra tulit. Isaia 53 :
 « Vere languores nostros ipse tulit. 1 Pe-
 « tri 2 : Qui peccata nostra pertulit in cor-
 « pore suo super lignum... Sic ergo debe-
 « mus alter alterius onera portare ex
 « charitate, ut sic impleamus legem Christi.»
 Unde plura colligere potest. Primo exis-
 tentiam pacti acceptandi satisfactionem
 unius pro alio : si enim lex Christi præci-
 pit unum pro alio satisfactionem offerre,
 necessum est, ut Christus sibi ipsi legem
 imponat illam satisfactionem acceptandi,
 alias præciperet opus non consequiturum
 effectum, vel saltem de quo quisque maneret
 anceps, an acceptaretur, effectumque nan-
 cisceretur, vel non ; quia dubitatio procul-

dubio quemque detinere posset, ne satis-
 factionem pro alio offerret, quod de Christi
 pietate credere nefas est. Secundo, unum
 fidelem alterius pœnam temporalem ex
 peccato relictam portare posse, illam ex-
 piando oratione, et aliis bonis operibus,
 quibus ut in plurimum satisfactio fit. Ter-
 tio, hanc satisfactionem ex charitate elici-
 tam, semel applicatam, efficaciter effectum
 consequi, ad instar satisfactionis Christi,
 quæ eo ipso quod alicui applicetur vel in
 Baptismo, vel in alio Sacramento, efficaci-
 ter solvit reatum pœnæ æternæ, cui ille,
 pro quo fit satisfactio, erat obnoxius.
 Igitur cum aliunde pœna temporalis pec-
 cati alterius major non sit, ut dictum est,
 valore satisfactorii operis, habes omnia
 capita unde unus fidelis pro pœna tempo-
 rali alterius condigne, et quoad efficaciam
 satisfacere possit. Quapropter, ut idem sua-
 deat, eodem Apostoli textu utitur D. Tho-
 mas 3 contra Gent. cap. 158 : « Ex quo,
 « inquit, accipitur, quod unus pro alio
 « satisfacere potest, dummodo uterque
 « in charitate fuerit. Hinc est, quod Apos-
 « tolus dicit ad Galatas 6 : Alter alterius
 « onera portate, et sic adimplebitis legem
 « Christi. »

27. Respondebis ex Luthero et Wi-
 cleph, prædicta Apostoli verba solum esse
 intelligenda de communicatione tempo-
 raliū bonorum, non vero spiritualium,
 quæ sunt dona Dei ; hæc quippe quantum-
 vis plurima, omnia unicuique necessaria
 sunt, ac illis quilibet ita eget ad solvendum
 debitum proprium, ut nihil omnino super-
 sit ad extinguendum alienum. Bona vero
 temporalia, dum superabundant, aliter
 communicari possunt absque communican-
 tis jactura.

Verum hæc Hæreticorum responsio vel
 ipsis Apostoli verbis demollitur : inquit
 enim : « Fratres etsi præoccupatus fuerit
 « homo in aliquo delicto, vos, qui spiritua-
 « les estis, hujusmodi instruite in spiritu
 « lenitatis considerans teipsum, ne et tu
 « tenteris. Alter alterius onera portate, et
 « sic adimplebitis legem Christi.» Si solum
 de communicatione bonorum temporalium
 intelligendus est Paulus, non vero de
 communicatione spiritualium per satisfac-
 tionem pœnæ peccati alterius, ad quid
 præmisit : « Si præoccupatus fuerit homo
 « in aliquo delicto, vos qui spirituales
 estis

Evasio.

Præcluditur.

ad Galat. 6.

« estis, etc. » Hæc verba toto cœlo distant a bonis temporalibus; spiritualibus autem, maxime de quibus loquimur, propinquiora esse nequeunt. Deinde, si temporalia bona communicari possunt, cur non spiritualia? Nunquid quia in Symbolo Apostolorum dicitur: *Credo Sanctorum communionem*? Ulterius, si bona temporalia communicari possunt, cum superabundant: ergo et spiritualia: nam etiam possibile est, et quam sæpe in Ecclesia evenit, aliquem in virtute adeo excellere, ut pœna suorummet peccatorum adæquate soluta, adhuc plurima sibi supersint opera bona. Hic ergo saltem pro aliis satisfacere poterit. Præterea, quemque propria bona opera, quibus ipse non eget, alteri communicare, proculdubio non est magna charitas; maxima autem ea est, ut bonis, quibus sibi opus habet, se exuat ad alterius inopiam induendum. Tandem, esto quis non sit bonorum operum ita locuples, absque propria jactura alteri satisfactionem applicare valet: quippe qui ea actione æternæ vitæ meretur augmentum; quod quid majus bonum est, quam temporalis pœnæ reatus, quem illa satisfactione pro se applicata solvere posset.

Probat.
3.
2 Mach.
12, 46.

Concil.
Flor.

Concil.
Trid.

28. Probatur tertio (per quod etiam amplius impugnatur præcedens evasio) ex 2 Machabæorum, cap. 12, vers. 46, ubi dicitur: *Sancta ergo, et salubris est cogitatio pro defunctis exorare, ut a peccatis solvantur*. Insuper ex Concilio Florentino in literis Sanctæ unionis dicente: « Pro defunctis, ut a pœnis releventur, prosunt vivorum suffragia, Missarum, scilicet, sacrificia, orationes, et eleemosynæ, et alia pietatis officia, quæ a fidelibus pro aliis fidelibus fieri consueverunt. » Similiter ex Concilio Trid. sess. 25, in decret. de Purgat. hæc veritas firmatur: « Cum Catholica Ecclesia Spiritu Sancto edocta, ex sacris litteris, et antiqua Patrum traditione, in Sacris Conciliis, et novissime in hac œcumenica Synodo docuerit Purgatorium esse, animasque ibi detentas fidelium suffragiis, potissime vero acceptabili alterius sacrificio juvari; præcepit sancta Synodus, etc. » Ac deinceps paulo: « Current autem Episcopi, ut fidelium vivorum suffragia, Missarum, scilicet sacrificia, orationes, eleemosynæ, aliaque pietatis opera, quæ a fidelibus pro aliis fidelibus defunctis fieri consueverunt

« secundum Ecclesiæ instituta, pie, devote teque fiant. » In quibus tam scriptura, quam Concilia clarissime loquuntur de operibus satisfactoriis effectum sortientibus solvendi pœnarum purgatorii debitum, a fidelibus in hac vita contractum. Cum autem major ratio non appareat, ut nostra suffragia potius Purgatorii animabus efficaciter prosint ad earum temporalis pœnæ solutionem, quam fidelibus ejusdem pœnæ reis in hac vita degentibus, dummodo eodem charitatis fine adstringantur, ejusdemque mystici corporis sint membra; plane dignoscitur, Concilia, ac scripturam nostram docuisse sententiam. Cum etiam robur præstat Catechismus Romanus jussu Pii V ordinatus, cap. 61, ubi habet: « In eo summa Dei bonitas, et clementia maximis laudibus, et gratiarum actionibus prædicanda est ut unus pro alio possit satisfacere. » Et infra: « Nec vero cuique dubitandi locus relictus est, qui in Apostolorum symbolo profitetur sanctorum communionem.

Catech.
Roman.

29. Deinde probatur ratione ex D. Thoma desumpta, quæ ad hanc formam queit reduci. Ideo quisque potest pro pœna temporalis peccati proprii condigne, et quoad efficaciam satisfacere, quia potest Deo offerre acceptandum ex vi pacti opus tanti valoris, quanti est pœna solvenda; sed qui pro amico satisfacit, valet similiter Deo offerre acceptandum opus, quod exæquet quantitatem pœnæ, solvendæ peccati alterius: ergo pro illius pœna temporalis condigne, et quoad efficaciam satisfacere valet. Consequentia est legitima. Major ex dubio præcedenti constat. Minor vero, in qua poterat esse difficultas, quoad utramque partem probatur. Quoad primam: etenim ideo opus satisfactorium pœnæ proprii peccati a Deo acceptatur, quia est proprium illius, pro quo satisfactio fit; sed « quantum ad pœnæ remissionem actus unius efficitur alterius, charitate mediante, per quam omnes unum sumus in Christo, » inquit D. Thomas hic in solut. ad 1. Ergo qui pro alterius pœna temporalis satisfacit: offert Deo opus acceptandum: quippe quod ab uno eliciatur, ex affectione charitatis sit proprium illius, pro quo offertur. Quoad secundam vero suadet: opus, quod unusquisque offert in satisfactionem pœnæ peccati proprii, potest exæquare

Probat.
ratione.

D. Tho.

quantitatem ejusdem pœnæ; sed opus, quod in satisfactionem pœnæ peccati alterius offertur, cum ex charitate ardentiori fiat, est altioris valoris, et sortitur efficacior vim ad delendam eam pœnam, quam opus satisfactorium pœnæ peccati proprii: ergo qui pro alio satisfacit, valet in satisfactionem offerre opus exæquans quantitatem pœnæ peccati alterius. Minorem

D. Tho. docet D. Thomas in corpore hujus articuli: « Nec oportet, quod major pœna imponatur ei, qui pro altero satisfacit, quam principali imponeretur, ut quidam dicunt, hac ratione moti, quia pœna propria magis satisfacit, quam aliena: qua pœna habet vim maxime satisfaciendi ratione charitatis, qua homo ipsum sustinet, et quia major charitas apparet in hoc, quod aliquis pro altero satisfaciat, quam si ipse satisfaceret, ideo minor pœna requiritur. »

Confirm. Confirmatur ex eodem Angelico Præceptore hic in argum. *sed contra*: « Charitas magis potest apud Deum, quam apud homines; sed unus potest apud homines pro alterius amore debitum ejus solvere: ergo multo fortius hoc in divino judicio fieri potest. » Minorem supponit D. Thomas ex his, quæ in humano judicio non semel evenire assuescunt, ubi si aliquis amici debitum solvit, hic immunis ab ejus solutione manet: quippe cum amicus sit alter ego, idem est per amicum ac per seipsum solvere. Unde si æqualem debito solutionem offert, condigne, et quoad efficaciam pro amico satisfacit. Cum ergo charitas apud Deum efficacior sit, ac fidelium corda fortiori vinculo, quam humana amicitia adstringat, juxta illud: « Multitudinis autem credentium erat cor unum, et anima una. » Act, 4, v. 32, manifeste convincitur, unum pro pœna temporali peccati alterius condigne, et quoad efficaciam satisfacere posse; cum alias, ut dictum est, adsint omnia alia capita ad hujusmodi satisfactionem petita.

Act 4.
v. 32.

§ II.

Motiva opposita convelluntur.

30. Oppositam sententiam, præter Lutherum, et Wicleph, tuentur aliqui Catholici, quos suppresso nomine referunt, et

impugnant Suarez in præsentis disp. 48, sect. 2, n. 4, et Lugo disp. 26, sect. 1, num. 1. Sentiant enim illi Authores, unum fidelem alteri suffragari non posse per satisfactionem, ac solutionem pœnæ peccati illius, sed tantum a Deo impetrando ejusdem pœnæ remissionem, sive eam Deus immediate ob orationes alterius gratis condonet, sive earundem orationum intuitu auxilia illi elargiatur, quibus ad pœnæ remissionem obtinendam bene operetur. Igitur pro hac sententia.

31. Arguitur primo: quia obligatio satisfaciendi, et subeundi pœnam debitam pro peccato, est ejus, qui peccatum commisit, proprium onus; sed ad ordinem divinæ justitiæ pertinet, quod unusquisque onus suum portet: ergo nequit unus pro alterius peccati pœna satisfacere. Major liquet: etenim solum peccatum committens denominatur, et est reus, ita ut nulli alteri non peccati denominatio illa conveniat; sed reatus, a quo reus dicitur, est debitum, et onus sustinendi pœnam: ergo obligatio satisfaciendi, et pœnam luendi est onus proprium ejus, qui peccatum commisit. Minor vero est expressa D. Pauli ad Galatas 6: *Unusquisque onus suum portabit.* Cui consonat illud Apocalypsis: *Quantum glorificavit se, et in deliciis fuit, tantum date illi tormentum, et luctum.* Date, ait, illi, id est, non alteri, qui glorificavit se, et in deliciis fuit: ergo juxta præscriptum divinæ justitiæ ille, qui deliquit, et non alius pro eo, debet tormentum, et pœnam subire, secundum illud Ezechielis 18: *Anima, quæ peccaverit, ipsa punietur,* id est, non alia pro ipsa.

Argum.
1.

Apoc.
ad Galat.
Apoc.

Ezechiel

Respondetur, quod licet obligatio satisfaciendi, et subeundi pœnam pro suo peccato, sit primario, et absolute proprium onus ejus, qui peccatum commisit; tamen ex suppositione quod alter ex charitate velit pro illius debito satisfacere, non est ita proprium, ut solum ab ipso debeat tale onus portari, sed potest portari ab alio, qui ratione unionis per charitatem sit moraliter alter ipse, et idem cum illo; et juxta hunc sensum debent præmissæ distingui, et consequentia negari. Quæ solutio est D. Thomæ in 4 sent. dist. 45, quæst. 7, art. 1, quæstiunc. secundo loco; ubi cum simile argumentum sibi objecisset, respondet: « Ad secundum dicendum, quod opus, quod

Solvitur.

D. Tho.

« quod pro alio fit, efficitur ejus, pro quo
« fit; et similiter opus, quod est ejus, qui
« mecum est unum, est quodammodo, et
« meum. Unde non est contra divinam
« justitiam; sed unus fructum percipit de
« operibus factis ab eo, qui est unum se-
« cum in charitate, vel ab operibus a se
« factis. » Ac tandem concludit: « Hoc
« etiam secundum humanam justitiam
« contingit, ut satisfactio illius pro alio
« accipiatur: » alludens ad id, quod dixit
in præsentī quæst. 13, art. 2, in argumento
sed contra, scilicet, quod « charitas magis
« potest apud Deum, quam apud homines. »
Si ergo amor apud homines ita facit ex
duobus unum, ut unius solutio alterum
eximat ab onere solvendi, multo fortius
hoc in iudicio accidere potest inter fideles,
quos charitatis vinculum copulavit.

Nec testimonium Pauli, in minoris pro-
batione allatum, convincit oppositum: illa
enim verba: *Unusquisque onus suum por-
tabit*; minime contrariantur cum aliis
ex eodem Apostolo sæpius relatis: *Alter
alterius onera portate*. Nam in primo loco
est sermo de uniuscujusque onere reddendi
Deo rationem suæ vitæ, quod quilibet pro
se tantum portabit, sive ad præmium, sive
ad cruciatum. In secundo autem procedit
de onere Deo satisfaciendi pro debito pœnæ
temporalis alterius, vel alio simili, quod
onus unus pro alio ex charitate portare

D. Aug.

valet. Sic D. Augustinus Apostolum expo-
nit libro de consensu Evangelistarum, cap.
30. « Nisi oneris nomen sub diversis
« significationibus acceperis, proculdubio
« putabis, eundem sibi in loquendo esse
« contrarium, et hoc in sua sententia tam
« vicinis positus verbis, qui cum paulo ante
« diceret: *Alter alterius onera portate*:
« postea dixit: *Unusquisque proprium
« onus portabit*. Sed alia sunt onera parti-
« cipandæ infirmitatis, alia reddendæ ra-
« tionis Deo de actibus nostris. Illa cum
« fratribus sustinenda communicantur;
« hæc propria ab unoquoque portantur. »
Cui consonat fidelissimus ejus discipulus
D. Thomas, qui exponens eundem Apos-
toli textum ad Galatas 6, lect. 1, hæc affa-
tur verba: « *Unusquisque onus suum por-
« tabit*; quod videtur contrarium ei, quod
« dixerat: *Alter alterius*, etc. Sed scien-
« dum est, quod ibi loquitur de onere sus-
« tinendæ infirmitatis, quod debemus mu-

« tuo portare; hic loquitur de onere red-
« dendæ rationis, quod quilibet pro se
« portabit, sive sit onus præmii, sive
« pœnæ, » etc. Unde juxta utriusque sancti
Doctoris expositionem, quantum ad meri-
tum, condignitatem ad præmium, vel ad
cruciatum operis boni, aut mali, unus-
quisque onus suum portabit in reddenda
ratione, juxta illud ejusdem Pauli: *Quæ D. Paul.
seminaverit homo, hæc et metet*. Sed quan-
tum ad satisfactionem debiti infirmitatis,
ac solutionem reatus pœnæ temporalis post
culpam dimissam permanentis, alter alte-
rius sibi per charitatem moraliter quasi
identificari valet portare onus: nam, ut ait
D. Thomas 3, contra gentes, cap. 158: D. Tho.

« Quod per amicos facimus, per nos ipsos
« facere videmur; quia amicitia ex duobus
« facit unum per affectum, et præcipue
« dilectio charitatis, et ideo sicut per se
« ipsum, ita, et per alium potest aliquis
« satisfacere Deo, præcipue cum necessitas
« fuerit: nam, et pœna, quam amicus
« propter ipsum patitur, reputat aliquis,
« ac si ipse pateretur: et iterum affectio
« charitatis in eo, qui pro amico patitur,
« facit magis satisfactionem Deo acceptam,
« quam si pro se pateretur: hoc enim est
« promptæ charitatis; illud autem est ne-
« cessitatis. »

32. Arguitur secundo: quia debitum ^{Argum. 2}
subeundi pœnam peccati est personale;
sed personali debito nullus valet satisfacere
per alium: ergo nullus potest alterius
debitum luendi temporalem pœnam
satisfacere. Consequentia liquet. Minor
constat ex differentia, quæ inter debitum
personale, et reale intercedit: nam debi-
tum reale potest solvi per traditionem ali-
cujus rei a debitore, vel ejus actibus dis-
tinctæ: personale vero non nisi per actio-
nem, vel personæ propriæ passionem;
cum igitur unus possit alteri donare rem
propriam, ita ut fiat propria illius, cui
donatur, non vero actionem propriam,
vel passionem, ut ex se patet; fit inde,
nullum alterius debitum personale solvere,
bene autem reale. Major vero probatur:
nam ille, et non alius, obligatur ad su-
beundam pœnam, qui est pœna dignus;
sed solus ille, et non alius, qui peccatum
commisit, est pœnæ reus, vel pœna dignus,
juxta illud David cum Angelum in popu-
lum irruentem vidit: *Ego sum, qui peccavi*:

D. Tho.

ego inique egi : isti, qui oves sunt, quid fecerunt ? Vertatur, obsecro, manus tua contra me. Ergo obligatio subeundi pœnam est debitum personale ab alio insolubile.

2 Reg. 24
vers. 17.

Confir-
mat.

Confirmatur : nemo fit reus, ac pœna dignus per culpam ab alio commissam : ergo e converso, nemo ab illius pœnæ reatu solvitur per satisfactionem ab alio oblatam. Antecedens est manifestum, et consequentia probatur. Ideo nemo fit reus, ac pœna dignus per culpam ab alio commissam, quia constitutio rei fit per peccatum inficiens, peccatumque neminem inficit præter illum, a quo committitur ; sed satisfactio unius peccati infectionem ab alio non tollit, nec conversionem ut talem ad commutabile bonum, quæ illius pœnæ fundat reatum : ergo nemo per satisfactionem alterius solvitur a reatu pœnæ peccati proprii.

Ad argumentum respondetur, debitum personale dupliciter accipi. Primo prout *ly personale* stat omnino stricte, et significat solam debitoris personam physice, ac materialiter consideratam. Secundo prout latius accipitur, et importat debitoris personam moraliter acceptam. Igitur si major augmenti *ly debitum personale* sumat stricte, neganda est ; alias Christus non adeo pro mundi peccatis satisfactionem obtulisset, ut a debito temporalem pœnam subeundi liberaremur, cum physice, ac materialiter eadem persona cum debitore non sit. Si vero in secunda acceptione, ac minus stricte procedat, concedi debet ; et in eodem sensu admissa minori concedenda est consequentia intellecta de satisfactione per alium, si alter sit tam physice, quam moraliter, non vero si ille alter est eadem persona identitate morali, ac una, et eadem moraliter computantur, esto physice, ac materialiter sint personæ distinctæ. Unde quemadmodum Christus Dominus esto unam personam physice, ac materialiter cum redemptis non constituat, eos tamen absolvit ab offensa, et pœna æterna, quia tanquam fidejussor, et caput eandem moraliter personam, ac idem cum hominibus in charitate existentibus mysticum corpus efficit ; ita proportionem servata, cum omnes non solum unum corpus simus in Christo, sed etiam alter alterius membrum, uno pro alio ex charitate satisfaciente, verificatur quod qui debitum

subeundi pœnam contraxit, satisfacit in propria persona moraliter. Itaque debitum personale, prout a reali distinctum, per actionem, vel passionem propriæ personæ solvitur ; siquidem eo ipso quod aliquis ex charitatis affectione propriam actionem, vel passionem in alterius favorem dirigat, fit moraliter propria illius, ita ut per eam tanquam per propriam satisfaciatur.

Ad majoris autem probationem, quatenus obesse potest huic doctrinæ, dicendum est, quod licet absolute loquendo solus qui commisit culpam, sit dignus pœna : tamen ex suppositione quod per se ipsum pœnam non luat, et alius, qui per charitatem est idem moraliter cum eo, illam subire velit, jam ac si ipse pecasset, efficitur dignus prædicta pœna : quia quantum ad debitum solvendum reputatur moraliter proprium alterius peccatum, et ipse moraliter est idem, ac ipse reus ; ut constat in Christo Domino, qui in ordine ad nostri debiti solutionem peccata aliena fecit quasi moraliter propria, quæque in se portavit, ut ab eorum reatu nos solveret. Exemplum autem ex 2 Reg. adductum minime convincit oppositum : nam in illo eventu, et peccavit David numerando populum, et ipse populus Israel, ut Expositores consentiunt. Unde tam Rex, quam populus puniti sunt, inquit D. Gregorius lib. 29 *Moralium* cap. 14 : « Vindictam populus David peccante » suscepit. Cur hoc ? Quia secundum meritum plebium disponuntur corda rectorum. Justus vero iudex peccantis vitium ex ipsorum animadversione corripuit, ex quorum causa peccavit ; sed quia ipse a culpa alienus non fuit, vindictam culpæ etiam ipse suscepit. » Quocirca esto David ob charitatis excessum solus pœnam subire voluerit, forte quia caput, et causa delicti extiterit ; omnes tamen peccati participes extitere, atque ideo cuncti pœnam debebant luere. Imo si omnes in culpam prolapsi sunt, et solus David omnium pœnam subire ambiebat, haud leve apparet indicium sensisse, unum pro pœna peccati alterius satisfacere posse.

Ad confirmationem respondetur, quod licet destructo lethali peccato per gratiæ infusionem maneat homo reus temporalis pœnæ, huiusmodique reatus fundetur in proprio peccato, prout dicit conversionem secundum se ad bonum commutabile, quæ

D. Gre.

Diluitur
confir-
mat.

ut

ut auferatur, moraliter retractari debet ; hæc tamen retractatio fieri potest vel per proprium actum satisfactorium, ut medicinalem, vel per consensum, quem præstat, ut alter ejus pœnam assumat, imo, et per actum compassionis, qui in reo oritur ex eo, quod videat amicum insontem, ob ejus dilectionem alienam pœnam tolerantem : nam, ut ait D. Thomas 3, contra gentes, cap. 158: « Pœnam, quam amicus propter « ipsum patitur, reputat aliquis. ac si ipse « pateretur, et sic pœna ei non deest, dum « patiendi amico compatitur, et tanto am- « plius, quanto ipse est ei causa patiendi. » Unde per hujusmodi pœnæ compassivæ sustentiam adjunctam satisfactioni amici pro suo debito patientis, potest et illam conversionem ad bonum commutabile secundum se acceptam auferre, et pœnam temporalem, cujus debitum in illa fundabatur, exhaustire.

33. Arguitur tertio : nam si posset aliquis satisfacere pro alio, ita ut oblata satisfactione reus jam non maneat pœna dignus, etiam posset unus per alterius opus sibi ex charitate applicatum fieri dignus gloria ; sed per alterius opus etiam ex charitate elicatum, et applicatum nullus potest effici gloria dignus : ergo similiter nullus per alterius satisfactionem potest effici non dignus pœna, cujus antea extiterat dignus.

Confirmatur, quia si valeret aliquis alterius pœnam temporalem condigne satisfacere, posset etiam mereri de condigno gratiam alteri dandam ; sed secundum præsentem providentiam nullus potest mereri gratiam alteri dandam : ergo nec pœna ab alio debita satisfacere. Major ex paritate liquet : etenim si ex illo articulo fidei : *Sanctorum communionem* ; et ex illo Psalmi 118 : *Particeps ego sum omnium timentium te* ; colligitur opera unius satisfactoria prodesse alteri, cur non etiam opera meritoria ? Minor vero probatur ex communi Theologorum placito asserentium, quod licet quis merito de congruo, et per modum impetrationis possit mereri gratiam alteri dandam, quo pacto non infallibiliter sortitur effectum, nec meritum complete, et in actu secundo est tale simpliciter ; tamen nequit aliquis merito de condigno, et infallibiliter ex justitia inferente præmium, mereri gratiam dandam alteri, etiamsi ille in statu peccati non

supponatur : etenim respectu gratiæ peccatori dandæ adhuc deest merito justitæ æqualitas, et condignitas in actu primo, ratione infinitatis offensæ cum peccato connexæ ; ut diximus tract. 16, disp. 6, dub. 2, § 3, num. 36.

Respondetur negando majorem, cujus disparitatis ratio habetur ex Angelico Præceptore in præsentī art. 2, ad 1, ubi ait : « Præmium essenziale » (quod est gloria) « redditur secundum dispositionem hominis : quia secundum capacitatem videtur » « tium erit plenitudo visionis divinæ ; et » « ideo sicut unus non disponitur per » « actum alterius, ita unus alteri non meretur præmium essenziale, nisi meritum » « ejus habeat efficaciam infinitam, sicut » « Christi... Sed pœna temporalis pro peccato debita post culpæ remissionem non » « taxatur secundum dispositionem ejus, » « cui debetur : quia quandoque qui est » « melior, habet majoris pœnæ reatum, et » « ideo quantum ad pœnæ remissionem » « unus alteri potest mereri » (id est, pro illo satisfacere, ut superius ex D. Thoma explicuimus) « et actus unius » « efficitur alterius mediante charitate. » Disparitas ergo in eo sita est, quod nullus fit dignus gloria nisi per gratiam, quæ adultis confertur propria dispositione mediante : cum ergo nemo ad gratiam se disponat per opus alterius, inde est, nullum adultum per alterius opus meritorium fieri gloria dignum. Ceterum condignitas pœnæ non attenditur penes dispositionem ejus, qui est pœnæ reus, cum ille, qui melius est dispositus per majorem gratiam, possit acerbioris pœnæ esse dignus. Unde operatio unius, quæ nequit disponere alium ad gratiam, per quam fiat dignus gloria, deservire valet ut reddatur non dignus pœna.

Ad confirmationem respondetur, inspecta potentia Dei absoluta, non repugnare, aliquem justum posse mereri gratiam alteri non peccatori dandam. At de facto, et secundum præsentem providentiam, nec ita contingit, nec contingere valet, ut loco in argumento relato expendimus. Tum : quia ad meritum de condigno, præter æqualitatem valoris operis meritorii, requiritur aliquod pactum acceptandi illud opus pro gratia ex vi illius alteri conferenda, ut ibi diximus ; quod pactum nec

Enodatur
argu-
ment.
D. Tho.

Dispositio
lit. con-
firmat.

adest ex parte Dei, nec alicubi scripturæ constat. Tum : quia de facto a Deo ordinatum est, ut adultus per proprios actus, a gratia procedentes, gloriam, ejusque augmentum de condigno sibi promereat ; cum quo minime cohæret, simul alteri alia præmia de condigno mereri : quippe ejus meritum per primum præmium adæquat, ac exhauritur, et non tantam vim habet, ut ad alia valeat se extendere. In nostro vero casu adest pactum saltem implicitum acceptandi satisfactionem unius ex charitate factam pro solutione pœnæ temporalis alterius, ut ex supra dictis patet ; et aliunde cum ejus vis satisfactoria prius non exhauriatur per solutionem pœnæ peccati proprii, quippe quæ in hoc eventu non solvitur, ut ex num. 37 dicendis constabit, valet quam optime se extendere ad solutionem pœnæ peccati alterius.

Argum.
4.

34 Arguitur quarto, et impugnatur præcedens solutio : nam condigna satisfactio unius pro pœna temporali alterius vel est ita efficax, ut infallibiliter effectam sortiatur, et semper a Deo acceptetur, vel interdum admittitur, et aliquando respuitur ? Neutrum potest cum fundamento dici ; ergo nemo condigne, et efficaciter satisfacere valet pro pœna temporali peccati alterius. Minor, quæ difficultatem præsefert, quoad utramque partem ostenditur. Quoad primam quidem, quia omnia sacræ scripturæ testimonia, infallibilem satisfactionis acceptionem suadentia, loquuntur de satisfactione ab eodem, qui peccavit, exhibita. Itaque Tobiae 12 dicitur : *Eleemosyna a morte liberat, et ipsa est, quæ purgat peccata*, etc. Et Danielis 4 : *Peccata tua eleemosynis redime*. Et Pauli 1, ad Corinth. 11 : *Quod si nosmetipsos diducamus, non utique judicemur* : « id est » (exponit ibi D. Thomas) « si nosmetipsos diducamur redarguendo, et puniendo » peccata nostra, non utique judicemur, « id est, non punioremur a Domino, neque postmodum in futuro, neque etiam in præsentia. » En quomodo (inquiunt adversarii) quoties Deus promittit satisfactionem acceptare pro remissione pœnæ debitæ, loquitur de satisfactione præstita ab eo, qui peccavit ; de remissione vero per alterius satisfactionem obtinenda nulla reperitur promissio : nullum ergo adest fundamentum ad hujusmodi acceptatio-

Tobiae
12.
Daniel.
4.
Apost. 1.
ad Cor.

D. Tho.

nem infallibilem stabiliendam. Si vero dilemmatis secunda pars eligatur, plane infertur, quod si Deus satisfactionem unius pro pœna temporali peccati alterius quandoque acceptat, quandoque respuit, omnes, qui in hoc charitatis opere exercentur, quasi in incertum currunt : etenim de acceptione satisfactionis unius pro temporali pœna peccati alterius certificari minime valent, cum major ratio unam, quam aliam acceptandi non appareat. Quod inconueniens dissidium induceret, fidelesque ab hujusmodi charitatis eximie opere amoveret.

Ad argumentum (quidquid senserint Dis-
Medin. Cordub. Bonacin. et alii, secundam dilemmatis partem seligentes) respondetur sustinendo primam cum Suar. disp. 48, sect. 3, Palao tr. 24, punct. 1, § 1, n. 8, et alii. Deus quippe semper, ac infallibiliter acceptat unius satisfactionem ex charitate factam pro solutione pœnæ temporalis peccati alterius. Cujus oppositum non suadent testimonia in argumento relata : illa enim, ut consideranti constabit, solum probant, Deum uniuscujusque satisfactionem pro solutione pœnæ proprii peccati acceptare : non tamen negant, unius satisfactionem pro pœna peccati alterius oblatam admittere ; quod necessum erat, ut argumentum aliquid convinceret. Imo Tobiae testimonium, quamvis eleemosynam purgare peccata dicat, non asserit quod sola propria, sed peccata absolute, id est, sive cujuscumque peculiaria, sive aliena. Nec opus est in omnibus Scripturæ testimoniis hoc inveniri ; sufficit quod in aliquibus, præsertim si juxta Sanctorum Patrum sensum intelligantur. Ex his autem, ac ex aliis Conciliorum, et Scripturæ auctoritatibus dubii discursu annotatis, satis constat existentia alicujus pacti saltem impliciti acceptandi unius satisfactionem pro alio. Insuper, quia ut inquit D. Thomas 3, contra Gent. cap. 158 : « Affectio charitatis in eo, qui pro amico patitur, facit magis satisfactionem Deo acceptam, quam si ipse pateretur. » Sed Authores, quibus opposita sententia aridet, concedere non renunt, satisfactionem, quam quisque in solutionem pœnæ proprii peccati offert, semper ac infallibiliter esse Deo acceptam : ergo idem asserere debent, saltem in via D. Thomæ, de satisfactione unius

D. 1.

unius pro pœna peccati alterius, cum hæc, juxta S. Doctorem, ex vi charitatis, qua offertur, non solum sit magis acceptabilis, sed magis accepta, quam illa. Id, quod etiam Catechismus Pii V confirmat: « Qui « divina gratia, inquit, præventi sunt, « alterius nomine possunt, quod Deo de- « betur, persolvere. Non vero de hoc cui- « quam fidelium dubitandi locus relictus « est. » Si Deus non semper, sed interdum satisfactionem unius pro pœna peccati alterius acceptaret, locus dubitandi relinqueretur fidelibus de hujusmodi acceptatione. Si ergo non relinquatur, ideo est, quia semper, et infallibiliter illa satisfactio, si fit ut fieri debet, sortitur effectum.

§ III.

Corollaria præcedentis doctrinæ, in quibus incidentes quæstiunculæ deciduntur.

35. Ex hactenus dictis suboriri videntur aliquæ difficultates, huc spectantes, quas attexere, et decidere opus est. Inquires ergo primo, an satisfactio unius pro temporali pœna alterius sit adeo efficax, ut non solum a Deo acceptetur, dum reus impotens est solvere, sed etiam cum per se ipsum satisfacere valet? Ad quod affirmative respondendum est cum D. Thoma in præsentī: « Nec etiam exigitur quantum « ad solutionem debiti, quod ille, pro quo « fit satisfactio, sit impotens ad satisfaciendum: dum: quia etiam si esset potens, alio « satisfaciente pro ipso, ipse a debito immunis esset. » Et ratio est: quia supposita æqualitate satisfactionis cum debito pœnæ alterius, si aliquid eam effectum sortiri impediret, maxime non acceptatio Dei, quia satisfactio non offertur a reo, qui per se ipsum solvere potest; sed nullibi scripturæ, ac Conciliorum in hoc eventu non acceptatio reperitur, cum præallegata testimonia absolute, ac sine limitatione procedant: ergo quamvis reus per se ipsum solvere valeat, si tamen alius ejus pœnam temporalem sustinere vult, satisfactio hæc debitum rescindit, effectumque sortitur. Idque in debitis pecuniariis, aliisque hujusmodi inspicitur: si enim Petrus debitum centum aureorum contraxit, et ejus amicus totidem offerat creditori, ab obligatione extrahitur, licet alias Petrus

dives sit, et ex propriis solvere possit. Similiter ergo.

Admonet tamen, et quidem prudentissime, D. Thomas in hac hypothēsi, unius pro alio satisfactionem caute vel nemini consulendam: quippe cum satisfactio, ut in dubii limine diximus, medicinæ instar ordinetur ad solvendum debitum peccati commissi, et ad præcautionem futuri, si unus pro alio satisfacit, qui per se ipsum satisfacere potest, hic effectus impediretur: quia ut supra vidimus ex D. Thoma, ex jejuniis unius caro alterius non domatur, nec ex actibus unius alius bene agere consuevit; atque ideo impossibilitate solutionis a reo faciendæ non urgente, minime expedit alium illius loco satisfacere, ne reus segnior evadat, peccataque non amoveat. Verba D. Thomæ sunt: « Non est « permittendum, quod aliquis pro alio « pœnitentiam agat, nisi defectus aliquis « appareat in pœnitente, vel corporalis, « per quem sit impotens ad sustinendum, « vel spiritualis, per quem non sit promptus ad portandam pœnam. » Quibus affinia sunt illa 3, contra gent. c. 158: « Sicut « per se ipsum, ita, et per alium potest « aliquis satisfacere Deo, præcipue cum « necessitas fuerit. » Ubi, et absolutam docet possibilitatem satisfactionis unius pro pœna temporali peccati alterius, esto hic per se ipsum satisfacere valeat, et incongruentiam hujusmodi satisfactionis ob assignatum motivum.

36. Dices: si aliquis ob furtum, vel homicidium commissum, ad flagella, vel mortem sit condemnatus, alterque charitate motus delinquentis supplicium subire velit, ut proximum a cruciatu eripiat, nequit iudex prudenter hanc admittere satisfactionem, ita ut delinquentem impunitum relinquat, et insontem plectat: ergo nequit Deus prudenter unius satisfactionem acceptare pro pœna peccati alterius, qui proprium debitum solvere potest. Consequentia a paritate liquet; antecedens vero probatur; tum, quia nulla est ratio cur qui immunis est a delicto, non sit etiam a cruciatu. Tum, quia si reus in propria persona non plectitur, maxime si plecti valet; deinceps cautior fieri, ac in posterum delicta vitare non discet, quod in detrimentum populi esset. Tum, quia populus ægre ferret, ob alterius crimen innocentem puniri.

Duplici
via ever-
titur.
Primo.

Huic objectioni (quam apud neminem vidimus, quod optavimus) quis respondere posset primo, negando antecedens. Non enim imprudenter se gereret iudex in illius satisfactionis acceptatione: quippe quæ satisfactio cum actus esset excellentissimæ charitatis, illum permittere, ut alium pietatis opera in rei indulgentia exerceat, non imprudentiæ videtur committendum, sed virtuti. Si iudicem dixeris ex præcepto teneri pœnas in lege taxatas reo applicare, ut satis communis fert sententia (de quo videri potest N. Andreas tract. de legibus) atque ideo supplicium in hoc eventu reo non applicare, peccatum esse, non pietatis actum. Responderi posset, in prædicto casu nullam culpam intervenire: quia iudex legem adimplet, pœnam ab ea taxatam applicans reo moraliter sumpto: amicus enim rei est alter reus, vel rei vicem gerens. Unde si alias lex non explicat, reum puniendum debere esse reum physice sumptum determinate, et non alium, ex hoc capite iudex obligationem impleret, et alias actum pietatis eliceret, et locum alteri excellentissimæ charitatis pararet, in ingens exemplum populi, ac imitationem Christi, juxta illud: « Majo-
« rem charitatem nemo habet, ut animam
« suam ponat quis pro amicis suis. » Et secundum hanc doctrinam antecedentis probationes nihil evincunt. Non prima: etenim ratio, et quidem maxima, cur in illo eventu qui immunis est a delicto, non esset etiam a cruciatu, foret ejusdem charitas, ratione cujus suæ immunitati, ac juri cedens, alterius pœnam subire vult, adinstar innocentis Filii Dei, qui omnium nostrum tormenta pati dignatus est, ut immunes nos faceret; quod excellentissimum fuit Christi opus, ac acceptissimum Patri absque omni imprudentiæ nota. Non secunda: quia delinquens expertus jam ob proprium crimen ad supplicia fuisse damnatum, quodque illa infallibiliter passum fuisse, si alterius charitas non impediret, imo videns amicum ob ejus crimina cruciatum, in posterum cavere disceret. Hæc quippe motiva vel stolidiorum hominem cautum redderent, vel saltem quantum est ex se a delictis amovere exinceps possent. Et quod ita non contingeret, omnino per accidens foret; ea autem, quæ per accidens fiunt, minime vel

difficile vitari valent. Unde iudex id, quod debuit, fecisse videtur, et populi nocumenta vitasse quantum est ex se. Non denique tertia: quia in præsentī casu innocens non violenter, et inique, sed ultro, ac sponte plectitur. Quocirca populus si ratione ducitur, nullam ad id ægre ferendum haberet, esto alias magnam compassionem acciperet, ac exemplum adultæ virtutis. Quæ omnia dixisse volumus ex suppositione, quod nulla juris lex adsit, oppositum decernens, cui adhærere teneatur iudex.

Secundo respondetur, omisso antee-
denti, negando consequentiam, cujus multiplex disparitatis ratio assignari potest. Prima: quia iudex pactum non habet cum rei amico, ut illam satisfactionem admittere compellatur. Inter Deum autem, ac homines adest pactum saltem implicitum, ut ex supra dictis constat; unde acceptat unius satisfactionem oblatam pro pœna temporali peccati alterius potentis per se satisfacere. Idque de facto contingere liquet: etenim Purgatorii animæ ibi per se ipsas proprias pœnas solvere possunt; et tamen nemo Catholicorum diffitebitur, vivorum fidelium satisfactiones, pro illarum pœnis oblatas, effectum consequi, ac a Deo admitti; præsertim, quia de Sacrosancto Missæ Sacrificio negari nequit ad remissionem pœnæ temporalis prodesse tam vivis, quam defunctis, valentibus per se ipsos proprias pœnas solvere, ut ex professo statuimus tract. 23, disp. 13, dub. 5, § 4. Si autem unus satisfacere non posset pro pœna temporali alterius potentis per se satisfacere, nec de Missæ Sacrificio verificaretur, eadem ratio urgeat. Secunda: quia iudex inferior in lege Superioris dispensare nequit. Unde si lex disponit, iudicem punire reum, huic, et non alteri ejus loco supplicium applicare tenetur. Deus autem superior iudex his legibus non subicitur; atque ideo acceptare potest unius pro alio satisfactionem; imo si pactum inivit, debet. Tertia: quia iudex si innocentem ultro oblatum, et non delinquentem, puniret, inde forte sequeretur, delinquentem, ad propria crimina redire, quæ in populi detrimentum redundarent; iudex autem detrimento alterius, et maxime populi cedere non potest, atque ideo nec illam innocentis pro delinquente satisfactionem admit-
tere

tere. Ceterum in acceptatione satisfactionis unius pro pœna temporali peccati alterius, qui per se ipsum satisfacere potest, hujusmodi motiva minime urgent : si enim aliquod detrimentum ex repetitis peccatis oritur, hoc præcise contra Deum judicem militat, qui proprio juri cedere valet, et auxilia infundere, ut a peccatis abstinant.

37. Secundo inquires, utrum qui pro alio satisfacit, simul ac eodem actu pro se satisfaciatur? Ratio dubitandi desumitur ex D. Thoma in præsentī art. 2. argum. 3. ubi sic arguit : « Unus pro alio orando, « etiam sibi meretur : si ergo aliquis pro alio satisfacere potest, satisfaciendo pro alio, pro se satisfacit. » Sed debilitatem consequentis probat ibi D. Thomas dicens, quod si ita esset, « ab eo, qui pro altero « satisfacit, non exigeretur alia satisfactio « pro peccatis propriis. » Quod falsum esse supponit, et ex dicendis constat.

Unde cum Angelico præceptore dicendum est, satisfaciendum ad æqualitatem pro debito alterius eodem actu non satisfacere pro se ipso. Et ratio est : quia tota vis satisfactiva prædicti operis exhauritur in extinctione debiti alterius ; quod autem in unius debiti solutione exhauritur, ad alterius solutionem non pertingit : non ergo idem opus satisfactorium utrumque debitum extinguere potest. Quod in solutione debiti pecuniarii videre licet : debens enim quatuor, et totidem solvens, ut debitum extinguat amici, aliis quatuor eget, ut pro debito proprio satisfaciatur, licet utriusque creditor idem sit. Unde idem probans D. Thomas, ac disparitatem assignans inter valorem operis meritorii, et satisfactorii, inquit : « In solutione debiti « attenditur quantitas pœnæ ; sed in merito « attenditur charitatis radix ; et ideo ille, « qui ex charitate pro alio meretur saltem « merito congrui, etiam sibi magis meretur » (de condigno augmentum gloriæ) « non autem qui pro alio satisfacit, pro « se satisfacit, quia illa quantitas pœnæ « non sufficit ad utrumque peccatum. » Ex quibus resolutionis veritas liquido constat.

Confirmatur : quia nullus debitum proprium solvere potest illo opere satisfactorio, cujus dominium non habet ; sed ex suppositione quod aliquis opus satisfacto-

rium pro alterius debiti solutione exhibeat, jam a proprio dominio ablegat, et illius, pro quo satisfacit, moraliter proprium efficit : ergo nemo potest uno, ac eodem opere satisfactorio simul pro se, ac pro alio satisfacere. Minor probatur : quia exhibitio operis satisfactorii unius pro pœna temporali peccati alterius est quædam virtualis donatio : sed donatio rem a donante abdicat, et in alterius dominium transfert : ergo qui opus satisfactorium pro alterius debiti solutione exhibet, illud a proprio dominio ablegat, ac illius, pro quo offertur, fit moraliter proprium, ut tanquam per aliquid jam suum satisfacere possit ; atque adeo nemo eodem actu satisfactorio, pro alterius debiti extinctione oblato, simul proprium debitum extinguere valebit.

38. Dices : dum quis pro alio orat, vel a se abdicat, et transfert in eum, pro quo orat, jus ad præmium illius operis meritorii, vel non ? Si secundum dicas : ergo nihil alteri meretur ; quemadmodum qui opus satisfactorium in alium non transfert, pro eo non satisfacit. Si primum : ergo nequit tunc sibi aliquid mereri ; sicut qui opus satisfactorium in dominium illius, pro quo satisfacit, non transfert, nihil pro se satisfacit. Hoc autem est contra D. Thomam, ac Theologorum placitum : ergo alia debet assignari disparitas inter satisfactionem, et meritum.

Respondetur negando suppositum, si fiat sermo de merito simpliciter tali, sive de condigno. Etenim secundum præsentem providentiam nullus valet in alium transferre jus ad præmium suis meritis correspondens, ut diximus tractat. 16, de merito, disp. 6, dub. 2, num. 26. Si vero procedat objectio de merito secundum quid, seu de congruo, quod cum impetratione coincidit, cum ejus efficacia non fundetur in quantitate, aut valore operis ita meritorii, aut impetratorii, sed in liberalitate præstantis, aut concedentis id, ad quod obtinendum tendit oratio ; ille, qui pro alio orat, nullum jus transfert, nec transferre potest in illum, pro quo orat, quia nullum habet ad obtinendum postulata. E contra vero accidit in satisfactione : nam offerens Deo ex charitate æqualem satisfactionem pro debito alterius habet jus tam in actu primo, quam in actu secundo ad satisfaciendum Deo pro suo debito pro-

Replica.

Enodatur.

prio, et hoc jus a se abdicat, et transfert in alium, ut satisfactio fiat moraliter propria alterius.

Quæ-
stione. 3.

Resolu-
tio.
Lugo.

39. Tertio inquires, an ut reus sit immunis a debito luendi pœnam, sufficiat quod aliquis pro illo satisfacere offerat? An insuper requiratur, quod de facto, et cum effectu satisficiat? Respondetur, non sufficere primum, sed requiri secundum. Ita Lugo in præsentī, illudque Apostoli ad Galatas 6: *Alter alterius onera portate*, aperte innuit: non enim ex desiderio, ac promissione unius, sed ex portatione oneris, quæ executionem affert, alleviationem alterius Apostolus infert, juxta legem charitatis observatam a Christo Domino, qui non solum voluit, aut promisit, sed de facto pro nobis satisfecit, et usque dum satisfactionem obtulit, animabus Sanctorum Patrum aditus ad gloriam non patuit. Idque etiam convincit communis sensus, et intelligentia fidelium. Nam si sola promissio satisfaciendi pro alio, eum de facto a debito exoneraret, sequeretur quod supposita hujusmodi promissione, si debitor e vita migraret, statim ad superos ascenderet, et cruciatum pœnarum Purgatorii non subiret, etiamsi satisfacere promittens, ex oblivione, impotentia, aut malitia, promissa non adimpleverit; imo, et quod promittens non peccaret ex capite damni illati ob negligentiam, aut voluntariam satisfactionis retardationem. Sed oppositum aperte convincit anxietas in viris timoratis has promissiones adimplendi, et exactio in Judicibus Ecclesiasticis in visitandis testamentis, et eorum executione curanda, aut omissione punienda: ergo juxta Ecclesiæ intelligentiam ille, qui peccavit, a reatu pœnæ debitæ non solvitur de facto, et cum effectu, nisi vel ipse, vel alius pro eo in re satisficiat.

Quæ-
stione. 4.

Decisio.

40. Inquires quarto, an æquali existente pœnæ reatu, debeat majorem subire pœnam, qui pro alio satisfacit, quam qui proprium reatum solvit? Ad quod respondet D. Thomas in præsentī art. 2, in corpore, quod non major, sed potius sufficit minor: « Quia pœna » (inquit) « maxime habet vim satisfaciendi ratione charitatis, quæ homo ipsam sustinet, et quia major charitas apparet in hoc, quod aliquis pro altero satisficiat, quam si ipse satisfaceret, ideo minor pœna requiritur in eo,

« qui pro alio satisfacit, quam in principiis pali requireretur. » Et ratione potest ostendi ex eisdem verbis deducta. Nam idem opus satisfactorium, v. g. idem jejunium ex charitate Deo oblatum in solutionem pœnæ alterius, magis satisfacit, quam si in expiationem proprii debiti offeratur: ergo existente æquali pœnæ reatu, non major, sed potius minor pœna requiritur, ut quis alterius debitum extinguat, quam proprium. Antecedens ostenditur: quippe ille actus virtutis penitentiae magis satisfacit apud Deum, qui est illi magis acceptus, ac altioris valoris; sed jejunium, in satisfactionem pœnæ alterius oblatum, est actus penitentiae Deo magis acceptus, ac altioris valoris, quam qui in proprii debiti solutionem exhibetur: ergo. Minor probatur: ille actus est altioris valoris, ac Deo magis acceptus, ubi charitatis imperium magis splendet, ac intensius viget, ut diximus tractat. 16, agentes de imperio charitatis ad meritum requisito; sed charitas fortius emicat, quando jejunium penitentiae imperat in solutionem reatus pœnæ alterius, quam dum in extinctionem proprii debiti jubet: ergo jejunium, in satisfactionem pœnæ alterius oblatum, est Deo altioris valoris, ac magis acceptum, quam in proprii debiti solutionem exhibitum. Consequentia est legitima. Major ex loco cit. patet. Minorem autem docet D. Thomas in verbis supra relatis, et insuper 3, contra Gent. cap. 158, ubi inquit: « Hoc » (id est unius pro alio satisfactio) « est promptæ charitatis, « illud autem est necessitatis. »

DUBIUM III.

Quibus conditionibus satisfactio indigeat?

Plura sunt, de quibus disputari solet, an necessario, et essentialiter ad actum satisfactionis requirantur, utputa, an sit necessaria libertas, ac honestas actus, status gratiæ, et viatoris, ac intentio satisfaciendi? De his omnibus hic agendum est; sed ut claritati, ac distinctioni consulamus, singulas conditiones singulis §§ exponemus.

§ I.

Actum liberum requiri ad satisfaciendum stabilitur.

41. Dicendum est primo, actum satisfactorium debere esse liberum, saltem libertate contradictionis. Sic sentiunt communiter Theologi, quin opus sit aliquos in particulari referre. Probaturque primo ex D. Thoma in præsentī quæst. 13, art. 1, ubi antequam stabiliret nostræ satisfactionis possibilitatem, in secundo argumento ita sibi objicit: « Servus, quia totum, quod habet, Domini est, non potest pre aliquo debito recompensare; sed nos servi Dei sumus: ergo, » etc. Ad quod sic respondet: « Ad secundum dicendum, quod homo, qui ad imaginem Dei factus est, aliquid libertatis participat, in quantum est Dominus suorum actuum per liberum arbitrium, et ideo ex hoc, quod per liberum arbitrium agit, Deo satisfacere potest: quia quamvis Dei sit, prout a Deo est sibi concessum, tamen libere ei traditum est, ut ejus Dominus sit, quod servo non comperit. » Ubi possibilitatem nostræ satisfactionis apud Deum ex eo probat, quia « homo aliquid libertatis participat, » et quia « est Dominus suorum actuum per liberum arbitrium. » Sentit ergo, dominium, ac libertatem requiri, ut actus noster valeat esse satisfactorius: cumque non sit necessaria libertas contrarietatis, ut apparet in Christo pro nobis satisfaciente, in quo hujusmodi libertas non extitit, sequitur libertatem contradictionis desiderari.

42. Secundo probatur ratione. Nullus satisfacere valet, nisi per actum aliquo modo ipsius proprium, et supra quem habeat potestatem, ac dominium; sed solius actus liberi quis dominium, et potestatem habet: ergo ut actus sit satisfactorius debet esse liber. Consequentia constat. Minorem supponimus ex tract. 10, de voluntario, et involuntario, disp. 2, dub. 1. Eamque docet D. Thomas 1, 2, quæst. 1, art. 1; solum enim per libertatem agens est Dominus sui actus, et supra ipsum habet potestatem, et dominium. Major autem suadetur: nam satisfactio est illa compensatio, qua satisfaciens, ut jus læsum alterius restituat, et inæqualitatem per peccatum inductam re-

ducat ad æqualitatem debitam, tollit a se, et transfert in alium id, quo alias uti posset in proprium commodum, ut in satisfactione pecuniaria contingit; vel est assumptio pœnæ in compensationem illius, quam ex justitia punitiva delicti ab alio sustinere debebat, unde inter satisfaciendum, et eum, cui fit satisfactio, hic quasi contractus intervenit, « sustineo. ut parcas; solvo, ut non amplius exigas. » Sed nullus hunc quasi contractum inire valet, nisi per actus, quorum dominio gaudet, ratione cujus eos possit alteri offerre, et in illius potestatem redigere; sicut nullus compensare valet debitum pecuniarium, nisi illis pecuniis, quarum est Dominus: ergo nullus satisfacere valet, nisi per actum sub proprio dominio existentem, atque ideo liberum.

Confirmatur primo: quia omnis actus satisfactorius est etiam meritorius; sed omnis actus meritorius debet esse liber, saltem libertate contradictionis: ergo omnis actus satisfactorius libertate gaudere debet. Major est D. Thomæ in 4, sentent. dist. 17, quæst. 2, art. 4, quæstiunc. 3, ad 3, ubi ait: « Dicendum, quod pœna illa, quam animæ in Purgatorio sustinent, non potest proprie dici satisfactio: quia satisfactio opus meritorium requirit. » Minorem vero fuisse probavimus tract. 16, de merito, disp. 1, dub. 2, § 1, a num. 7.

Confirmatur secundo: nam omnis actus satisfactorius debet esse bonus moraliter, et honestus, ut infra ostendemus; sed omnis actus moraliter bonus debet esse liber: ergo omnis actus satisfactorius libertate debet gaudere. Minor, in qua poterat esse difficultas, constat ex dictis tract. 11, de bonit. et malit. disp. 1, dub. 1, ibi enim probavimus ad moralitatem, et consequenter ad bonitatem moralem requiri libertatem. Consequentia autem legitime ex præmissis inferitur.

43. Sed objicies: Flagella, quibus in præsentī a Deo punimur, sunt satisfactoria; sed hujusmodi flagella non sunt actus liberi, cum ab extrinseco nobis etiam nolentibus, et reluctantibus infligantur: ergo ut opera satisfactoria sint, non requiritur quod libera existant. Cetera constant, et major probatur; tum ex Concilio Tridentino sess. 14, cap. 9, ubi ait: « Tantam esse divinæ magnificentiae lar-

Confr. 1

D. Tho.

Confirm. 2.

Objectio.

Concil. Trid.

« gitatem, ut non solum pœnis sponte a
 « nobis pro vindicando peccato susceptis,
 « aut sacerdotis arbitrio pro mensura de-
 « licti impositis, sed etiam, quod maxi-
 « mum amoris argumentum est, tempora-
 « libus flagellis a Deo inflictis, et a nobis
 « patienter toleratis, apud Deum Patrem
 « per Christum Jesum satisfacere vale-
 D. Tho. « mus. » Tum etiam ex D. Thoma in
 præsentī, quæst. 15, art. 2, qui id ipsum
 docet, ac probat in 1º argum. *Sed contra*,
 ex illo Pauli ad Romanos 5: *Tribulatio pa-*
 Apost. *tientiam operatur, patientia autem proba-*
 ad Rom. *tionem, id est, a peccato purgationem.*

Nota 1. Pro objectionis solutione, quæ non pa-
 rum negotii Authoribus facessivit, ani-
 madvertendum est primo, libertatem esse
 duplicem; alia formalis, et intrinseca,
 quæ in voluntatis actibus reperitur; alia
 extrinseca, vel extrinsece participata, quæ
 residet in actibus, uti in jejunio, flagella-
 tione, et similibus, qui intrinsece liberi
 non sunt, sed tantum extrinsece, ac deno-
 minative a libertate in actibus voluntatis
 intrinsece existente, ut diximus tractat.
 11, disp. 6, num. 20, et in fine ejusdem
 tractat. 20, art. 3, et tractat. 10, disput. 2,
 dub. 5, et alibi sæpe. Hujusmodi autem
 extrinseca actus exterioris libertas, licet
 non addat aliam distinctam, sicut nec bo-
 nitatem formalem, supra eam, quæ in
 voluntatis actibus formaliter intrinsece
 reperitur, constituit tamen actum exter-
 num sufficienti modo liberum, quatenus
 illum subordinat actui interno voluntatis,
 ac idem cum illo efficit, ut possit ad meri-
 tum, vel demeritum imputari. Actus vero
 exterior fit idem cum interno voluntatis,
 ac illi subordinatur, quatenus vel actus
 voluntatis illum imperat, vel acceptat, ac
 approbat. Secundo, ut objectionis vires
 Nota 2. facilius dehiscant, animadvertendum est,
 quid Concilium dixerit, ex quibus verbis
 tota difficultas consurgit. Igitur Concilium
 non asseruit, hominem pro peccatis satis-
 facere flagellis a Deo inflictis, et *involun-*
tarie toleratis, quod necessarium erat, ut
 objectio vim haberet, ac convinceret liber-
 tatem non desiderari ad satisfactionem;
 sed tantum, imo, et quadam reflexione,
 ait, quod flagellis a Deo inflictis, et a nobis
patienter toleratis satisfacere valemus. Ex
 quibus argumentum efficax nequit desumi
 ad colligendum, quod actus libertas ad sa-

tisfactionem non requiritur; quin opposi-
 tum, et quidem fortiori consequentia, ex
 ly *patienter toleratis* licet inferre. Patiens
 quippe toleratio spontaneitatem, ac liber-
 tatem affert: nemo enim patienter tolerat,
 qui voluntarie, ac libere non sustineat.

Hinc ad argumentum haud admodum Diluit
object
 difficilis est solutio, distinguendo præmis-
 sas: « Flagella, quibus in præsentī a Deo
 « punimur, sunt satisfactoria, » si libere
 acceptentur, ac patienter sustineantur, con-
 cedenda est major: neganda vero si non
 acceptentur libere, nec sustineantur pa-
 tienter. Ad minorem autem eodem modo
 dicendum est, flagella nobis a Deo inflicta
 non esse actum intrinsece liberum susti-
 nentis, si considerentur quoad inflictio-
 nem, ac eorum esse vel non esse; esse
 tamen libera sustinenti sumpta quoad ac-
 ceptari patienter, et æquo animo sustineri;
 atque ideo neganda est absolute conse-
 quentia. Itaque flagellis nobis a Deo inflic-
 tis patienter acceptatis, ac toleratis, ipsi
 satisfacere valemus non solum ratione
 actus interioris acceptantis, qui est forma-
 liter, ac intrinsece liber, sed etiam ratione
 actus exterioris ipsius flagellationis pa-
 tienter toleratæ: quippe qui actus exte-
 rior interiori subordinatur, et ab eo ali-
 quid libertatis participat saltem extrinsece,
 ac denominative ob honestam, et liberam
 acceptationem ordinatam formaliter, aut
 virtualiter ad peccatorum debitum extin-
 guendum. Quocirca flagella, quæ nobis
 Deus infligit in peccatorum vindictam, licet
 non sint nobis omnino libera saltem ex
 parte inflictionis, cum etiam nobis reluc-
 tantibus ab extrinseco proveniant, ut fuit
 persecutio David per ejus filium Absalom,
 ac pestilentia, quam ob ejus peccatum
 misit Deus in Israel; tamen quoad eorum
 bonum, vel malum usum, et terminative
 sunt nobis libera, quia terminant liberam
 acceptationem patientis, ac idem cum ea effi-
 cient. Aliundeque sunt satis pœnalia, quod,
 ut infra dicemus, est ultra hactenus recen-
 sita unum ex requisitis ad satisfactionem,
 ratione ejus pœnalitatis sortiuntur ratio-
 nem satisfaciendi, distinctam saltem ex
 hoc capite a ratione satisfactoria, quæ viget
 in actu interno, ac intrinsece libero accep-
 tationis. Unde si æquali intensione actus
 interioris existente, duo homines hujus-
 modi pœnas sustineant, ille magis satis-
 facit

facit, qui acerbioribus cruciatibus se subicit, solutionem hanc approbant Victoria in Summa, num. 209, Sylvester verbo *Satisfactio*, q. 9. Nugnus in præsentiquæst. 15, art. 2, in ejus patrocinium adducit SS. PP. Augustinum, Chrysostomum, Gregorium, imo, et Paulum I, ad Corinth. 3.

Ad primam autem majoris probationem, jam ex supradictis constat, Concilium non asserere, nos Deo satisfacere posse quibuscumque flagellis ab eo nobis inflictis, et quomodocumque tolerantur; sed tantum illis, quæ patienter sustinentur; atque ideo libertatem ad satisfactionem requisitam, et supra explicatam non negat, sed potius indicat. Ad secundam ex D. Thoma desumptam, respondetur ex eodem S. Doctore, qui in corpore art. cit. se ipsum explicat, ac nostram solutionem adducit, inquit enim: « Si flagella, quæ pro peccatis a Deo infliguntur, fiant aliquo modo ipsius pœnitentis, rationem satisfactionis accipiunt; fiunt autem ipsius in quantum ea acceptat ad purgationem peccatorum, eis utens patienter. Si autem omnino eis per impatientiam dissentiat, tunc non efficiuntur aliquo modo ipsius, et ideo non habent rationem satisfactionis, sed vindicationis tantum. » Et in responsione ad 1, ait: « Quamvis illa flagella non sint omnino in potestate nostra, tamen quantum ad aliquid sunt, ut scilicet eis patienter utamur; et sic homo facit de necessitate virtutem. Unde, et meritoria, et satisfactoria esse possunt. »

ca. 44. Dices: satisfactio juxta ea, quæ in ejus definitione explicuimus, in eo a satisfactione distinguitur, quod hæc importat tolerationem pœnæ ab alio inflictæ; illa vero ab eodem patiente assumptæ; sed flagella, quibus in præsentia a Deo punimur, esto voluntarie acceptentur, et patienter sustineantur, nobis infliguntur ab alio: ergo illis non satisfacimus, sed satisfacimur.

tur. Respondetur, satisfactionem distingui a satisfatione, quia illa affert tolerationem pœnæ ab extrinseco in vindictam illatæ, non utcumque, sed reo invito; hæc vero tolerationem voluntariam pœnæ sive ab eodem pœnitente assumptæ, sive ab extrinseco illatæ: nam semel quod volunta-

Salmant. Curs. Theolog. tom. XX

rie acceptetur, ac sustineatur, per accidens omnino est, quod ab extrinseco accedat, ut patet in eo, qui ex animo Deo pro peccatis satisfaciendi rogat Petrum, ut illum flagellis cædat. Hic enim proculdubio satisfaceret tolerando flagella sibi a Petro extrinsece illata. Si autem ea, quæ Deus nobis infligit, invite ac reluctantur sustineantur, tunc aderit proprie satisfactio: quippe quæ invitam cruciatu supportationem requirit. Unde cum in diffinitione satisfactionis dicitur importare voluntariam sui punitiōnem, ita debet intelligi, ut vel sit punitio sui voluntaria, quia a proprio patiente pœna infligitur, vel quia quæ ab extrinseco accedit, acceptatur: etenim spontanea cruciatu acceptatio voluntaria sui punitio est, saltem acceptative.

§ II.

Honestatem, ac bonitatem moralem requiri ad satisfactionem decernitur.

45. Dicendum est secundo, actum satisfactorium debere esse bonum, ac honestum moraliter. Ita D. Thomas in præsentiquæst. 15, art. 1, *Gonet tom. 5, disp. 13, art. 2, § 2, N. Antonius disp. 20, sect. 2, num. 1589, N. Franciscus tract. 10, cap. 10, punct. et num. 1, Suarez disp. 37, sect. 3, num. 2, Lugo disput. 24, sect. 3, Castro Palao tract. 22, disp. unica, punct. 21, Fagundez præcept. 2, lib. 9, cap. et num. 2, et communiter Doctores. Idque satis insinuat Concilium Tridentinum sess. 14, cap. 8, illis verbis: « Accedit ad hæc, quod dum satisfaciendo patimur pro peccatis, Christo Jesu, qui pro peccatis nostris satisfecit, ex quo omnis nostra sufficientia est, conformes efficiamur. » Cum ergo operibus formaliter pravis Christo non efficiamur conformes, manifeste indicat, satisfactoria opera bona, ac honesta moraliter esse debere.*

46. Probatur ratione desumpta ex D. Thoma loco cit. Quoniam ut opus sit satisfactorium debet in Dei honorem cedere; sed quod moraliter non est bonum, honori Dei non consulit: repugnat igitur, actum, qui moraliter non est bonus, esse satisfactorium. Consequentia ex præmissis patet; minor quoque satis ex se liquet: nam actus liber, qui formaliter non est bonus, est

Assertio
D. Tho.
Gonet,
N.
Anton.
Frane.
Suarez,
Lugo,
Castro
Palao,
Fagund.
Concil.
Trid.

Ratio.
D. Tho.

moraliter malus, quia indifferens in individuo repugnat, ut tract. 11, disp. 7, dub. 2, ex D. Thoma firmavimus; atque ideo opus, quod moraliter non est bonum, nequit cedere in Dei honorem, cum potius ejus Majestatem lædat. Major autem ostenditur ex D. Thoma, art. citato in corpore: « Re-
« compensatio offensæ, *inquit*, importat adæ-
« quationem, quam oportet esse ejus, qui
« offendit, ad eum, in quem offensa com-
« missa est. Adæquatio autem in humana
« justitia attenditur per abstractionem ab
« uno, qui plus habet justo, et additionem
« alterius, cui subtractum est aliquid.
« Quamvis autem Deo, quantum est ex ejus
« parte, nihil subtrahi possit, tamen pec-
« cator quantum in ipso est, aliquid ei sub-
« traxit peccando, ut dictum est. Unde
« oportet ad hoc quod recompensatio fiat,
« quod aliquid subtrahatur a peccante per
« satisfactionem, quod in honorem Dei ce-
« dat. Opus autem bonum ex hoc quod est
« hujusmodi, non subtrahit aliquid ab ope-
« rante, sed magis perficit ipsum. Unde
« subtractio non potest fieri per opus ho-
« num, nisi pœnale sit; et ideo ad hoc ut
« aliquid opus sit satisfactorium, oportet
« quod sit bonum, et in honorem Dei sit. »

Confirm.
1.

Confirmatur primo: ut opus satisfactorium sit, debet esse Deo acceptabile, et non odibile; sed Deus detestatur omne opus liberum in individuo exercitum, si moraliter bonum non est: ergo ad satisfactionem requiritur moralis bonitas, ac honestas actus. Major est D. Thomæ ubi supra: « Oportet, *inquit*, quod etsi jam
« offensa sit dimissa per præcedentem con-
« tritionem, opera satisfactoria sint Deo
« accepta. » Minor vero probatur: nam sicut Deo placet omne id, ad quod sua causalitate concurrat, ita ipsi displicet omne id, quod non efficit; sed opus liberum in individuo exercitum, si moraliter bonum non est, a divina virtute non procedit: quippe quæ solum se extendit ad ea formaliter, quæ possunt in Deum reduci tanquam in ultimum finem, et moralitas actus, qui non est formaliter bonus, cum necessario sit inordinata, in Deum tanquam in ultimum finem reduci nequit: ergo omne opus liberum in individuo exercitum, si moraliter bonum non est, Deo est odibile, atque ideo satisfactorium esse non potest.

D. Tho.

Confirmatur secundo. Actus, qui addit novum reatum ad pœnam, nequit esse pro pœna satisfactorius; sed omnis actus, qui formaliter non est bonus, ac honestus, addit novum pœnæ reatum: ergo ut opus satisfactorium sit, necessario debet habere honestatem, ac bonitatem moralem. Consequentia ex præmissis liquet. Major sumitur ex D. Thoma in præsentī, quæst. 14, D. Tho. art. 1, in corpore, ubi ait: « Sicut nec ho-
« mini satisfaceret, qui pro alapa ei data
« se ei prosterneret, et aliam similem da-
« ret; » ita nequit illa actio antiquum debitum solvere, quæ novam obligationem inducit. Minor autem probatur: omnis actio, quæ honesta, ac formaliter bona non est, est prava formaliter; omnis actio prava est a Deo punibilis, atque ideo novum pœna reatum contrahens: ergo omnis actus, qui formaliter non est bonus, ac honestus, inducit novæ pœnæ debitum; unde reatum antiquæ solvere non potest.

Confirmatur tertio ex D. Thoma in 4, dist. 17, quæst. 2, art. 4, quæstiunc. 3, ad D. Th. 3, ubi dicit, quod « satisfactio opus mori-
« torium requirit; » sed actus meritorius debet esse moraliter bonus, ac honestus: ergo idem de actu satisfactorio sentiendum est. Consequentia ex paritate liquet. Minor ex dictis tractat. 16, disput. 1, dub. 3, ostenditur: ut actus sit meritorius, in Deum tanquam in ultimum finem debet esse referibilis, nedum habitualiter, verum, et actualiter, saltem ratione actuali virtuali; sed actus, qui moraliter bonus, et honestus non est, habet malitiam moralem saltem levem, quæ nequit ullo modo in Deum referri actualiter, quidquid sit de relatione habituali per gratiam, cum qua compatitur: ergo actus, qui bonitatem, ac honestatem moralem non sortitur, nequit esse meritorius, et consequenter nec satisfactorius.

§ III.

Satisfactio viæ, et gratiæ statum exposcit.

47. Dicendum est tertio, ad satisfactorium statum viatoris esse necessarium. Hanc conclusionem tradit D. Thomas in 4, dist. 17, quæst. 2, art. 4, quæstiunc. 3, eamque tuetur Gonet in præsentī disput. 13, art. 2, § 1, num. 14, communiterque Doctores

Assert.
3.
D. Th.
Gonet

ut manifestam supponunt; atque ideo breviter suadetur. Opus satisfactorium est simul meritorium; atqui ad meritum status viæ requiritur: ergo etiam ad satisfactionem. Major est D. Thomæ loco nuper relato ad 3, ubi ait: «Satisfactio opus meritorium requirit.» Minorem vero ex professo probatam relinquimus tract. 16, disp. 1, dub. 4, quo lectorem remittimus, ubi etiam quandiu viæ status duret, deprehendet.

48. Dices: Animæ in Purgatorio existentes satisfaciunt pro peccatorum debitis in hac vita contractis, et nondum solutis; sed status Purgatorii non est status viæ, ut loco proxime citato statuimus: ergo satisfactio statum viatoris non exposcit. Hanc objectionem sic diluit D. Thomas ubi supra ad 3: «Dicendum, quod pœna illa, quam Animæ in purgatorio sustinent, non potest proprie dici satisfactio, quia «satisfactio opus meritorium requirit; «sed largo modo dicitur satisfactio debita «pœnæ solutio.» Igitur ob defectum status ad satisfactionem petiti, illa toleratio cruciatus amittit rationem satisfactionis proprie, et transit in impropriad, quæ cum satispassione etiam late sumpta coincidit: nam quæ proprie est talis, invitam, ac reluctantem cruciatus sustinentiam affert; quod Purgatorii animabus non convenit.

49. Dicendum est quarto, ad satisfactionem statum gratiæ esse necessarium. Ita D. Thomas hic, quæst. 14. art. 1 et 2, ubi inquit: «Quia in satisfactione oportet, quod «amicitia restituta, etiam justitiæ æqualitas restituatur, cujus contrarium amicitiam tollit, ut Philosophus, in 9, Ethic. «cap. 4, dicit; æqualitas autem in satisfactione ad Deum non est secundum æquivalentiam, sed magis secundum acceptionem; et ideo oportet etiam si «jam offensa sit dimissa per præcedentem «contritionem, quod opera satisfactoria «sint Deo accepta, quod dat eis charitas, «et ideo sine charitate opera facta non «sunt satisfactoria.» Cum ergo charitas a gratia separari non possit, si satisfactio charitatis statum exigit, etiam gratiæ requirere debet. D. Thomam sequuntur communiter Authores tam ejus scholæ, quam extraneæ; Cajetanus tom. I Opuscul. tract. 6, quæst. 2, Sotus in 4, distinct. 19,

quæst. 1, art. 4, Alter Sotus lect. ultim. de satisfactione, Victoria num. 201, Ledesma in part. 4, quæst. 3, art. 2 et 3, Suarez in præsentibus, disp. 37, sect. 2, n. 3, Vasquez q. 94, art. 1, dub. 4, Lugo disput. 24, sect. 2, num. 24, Castro Palao tractat. 22, disput. unica, punct. 21, § 1, num. 11, Nugnus in addition. ad 3, part. quæst. 14, art. 2, Gonet disput. 13, art. 2, § 1, N. Antonius in direct. confess. disp. 20, tract. 5, de Pœnit. sect. 2, num. 1587, N. Franciscus a Jesu Maria tract. 6, cap. 18, punct. 1, n. 5, et alii plures.

50. Probatur ratione ex D. Thoma deducta. Ut actio satisfactoria sit, debet esse sufficiens restituere æqualitatem per peccatum violatam; sed nulla actio existentis extra gratiam ad hujusmodi effectum est sufficiens: ergo satisfactio statum gratiæ requirit. Major ex se patet: nam peccatum, pro quo satisfactio adhibetur, in illa inæqualitate consistit, vel eam inducit. Minor vero probatur: quia actio restituens æqualitatem prædictam non abominabilis, sed Deo acceptabilis esse debet; sed actionem extra gratiam existentis abominatur Deus, illamque non respicit: quippe *Dona iniquorum non probat Altissimus*. Ecclesiast. 34, vers. 23 et *Victimæ impiorum abominabiles Domino*. Proverb. 15, vers. 8. Ergo actio extra gratiam existentis æqualitatem per peccatum violatam restituere nequit: etenim pœnæ hujus vitæ a gratia non valoratæ non habent proportionem, et æquivalentiam cum offensa, nec cum pœnæ peccatis debita. Dato tamen quod eam haberent, a Deo non probantur, nec accipiuntur, nisi gratia informetur. Unde nullum opus, quod a gratia non provenit, valet esse satisfactorium, et tollere inæqualitatem ex culpa relictam, etiamsi hæc inæqualitas in debito pœnæ temporalis hic solvendo consistat.

Confirmatur primo: quia omne obsequium Deo exhibitum debetur ipsi titulo supremi dominii, et Creatoris, cui vel solo titulo nequeunt ex se facere satis: ergo nisi præcedat gratia opera illa valorans, et ratione cujus nobis donentur, ac si essent omnino propria, aliisque titulis non debita, nihil habent unde reatum pœnæ satisfacere possint: ergo ab existente in Dei amicitia fieri debent, ut facta jam quasi propria cum Domino contractum inire, et

Victor.
Ledesm.
Suarez,
Vasquez,
Lugo,
Castro
Palao.
Nugaus,
Gonet,
N.
Franc.

Probatur
ratione.

Eccles.
34, vers.
23.
Proverb
15, v. 8.

Confirm.
1.

eum ex iustitia, esto non rigorosa, deobligare possimus ad debitum pœnæ temporalis dimittendum. Unde eleemosyna, quæ inter opera satisfactoria est a D. Thoma præcipue recensita, si ab existente extra gratiam, et charitatem fiat, nihil prodest nec ad meritum, nec ad satisfactionem, juxta illud Apostoli 1, ad Corinth, 13 : *Si distribuero in cibos pauperum omnes facultates meas, charitatem autem non habuero, nihil mihi prodest.*

Apost. 1.
ad Cor.
13.

Confirm.
2.
Concil.
Trid.

Confirmatur secundo ex Tridentino sess. 14, cap. 8, ubi inquit : « In Christo vivimus, movemur, et satisfacimus, facientes « fructus dignos pœnitentiæ, qui ex illo « vim habent. » In quibus prius ait nos in Christo vivere, et deinceps mereri, et satisfacere ; sed vivere in Christo est in ejus gratia, ac amicitia existere : ergo sicut ad meritum prius requiritur vivere in Christo per gratiam, ita ad satisfactionem.

Probat. 2.

51. Probat. secundo. Satisfactio est actus virtutis pœnitentiæ ; sed virtus pœnitentiæ non elicit proprios actus, nisi influente gratia, cujus est proprietas, ac virtus proxime operativa, et in qua sicut in propria natura radicitur : ergo satisfactio ab existente in gratia debet procedere. Major, et consequentia patent. Minor vero, in qua poterat esse difficultas, stabilita manet in hoc tractat. disput. 5, dub. 4, § 1, ubi fuse satis probavimus, pœnitentiam esse virtutem per se infusam, et quoad substantiam supernaturalem, ac proinde principium proximum, medio quo gratia operatur tanquam natura in supernaturali ordine. Insuper tract. 12, in arbore virtutum, § 9, num. 75, ostendimus, pœnitentiam ex conceptu specifico peculiari ratione indispensablem nexum cum gratia sortiri. Ideo quia per se primo tendit ad auferendum offensam Deo illatam media satisfactione, quem effectum habere nequit, nisi ex amicabile acceptatione in gratia fundata.

Confirmatio.

Confirmatur : quia satisfactio debet esse amicabile compensatio Deo exhibita pro reatu, vel pœnæ debito : ergo debet fieri per actum ab amico ut amico procedentem. Sed gratia est id, quo homo amicus Dei constituitur saltem radicaliter : ergo satisfactio necessario exigit gratiæ statum.

52. Oppositam nihilominus sententiam ^{Opposit. sententia.} propugnare aliqui, quos suppressis nominibus refert D. Thomas hic quæst. 14, art.

2. « Quidam, inquit, dixerunt, quod postquam omnia peccata pro præcedentem « contritionem remissa sunt, si aliquis « ante satisfactionem peractam in peccatum decidat, et in peccato existens satisfaciatur, satisfactio talis ei valet, ita quod « si in peccato moreretur, in inferno de « illis peccatis non puniretur. » Quem modum dicendi apud Suarez disp. 37, sect. 1, ^{Scotus Major} num. 2, secuti sunt Scotus in 4, dist. 5, art. ^{Gabriel} 4, Major quæst. 1, Gabriel dist. 16, quæst. ^{Medius Navarrus} 2, art. 3, dub. 3, Medina tract. 3, quæst. 5, dub. ultim. Navarrus cap. 1, de Pœnit. dist. 6, num. 47, Durandus dist. 21, quæst. 2. Quorum fundamentum est : quia satisfacere ^{Fundamentum} nihil est aliud, quam Deo reddere æquale pro debito pœnæ ; sed pro pœnæ debito potest homo extra gratiam existens Deo reddere æquale, dummodo culpa, pro qua satisfactio fit, sit dimissa : ergo satisfactio gratiæ statum non exigit. Cetera constant, et minor probatur. Pœna temporalis peccatis debita est finita ; sed homo extra gratiam existens tantam pœnam assumere potest sustinendam, ut debitum adæquet ; siquidem ex uno capite pœna debita cum tam in esse entis, quam in duratione finita sit, vires hominis etiam gratia destituti non superat, et ex alio per gratiam non constituitur capax illam sustinendi : ergo potest Deo reddere æquale.

Confirmatur primo : quia dimissa culpa ^{Confirmatio} non manet in homine reatus ad pœnam æternam, sed ad temporalem tantum : ergo in quocumque statu sit, pœnæ, cui adstringitur, satisfacere potest. Antecedens ex D. Thomæ Opusc. 6, in expositione orationis Dominicæ, petitione 5 : « Deus, inquit, in contritione dimittit culpam, et « pœna æterna commutatur in temporalem. » Consequentia vero probatur : nam si dimissa culpa, pœna, quæ manet luenda, est determinate temporalis, hæc in quocumque statu luatur, est ejusdem conditionis, nec sit minor per conjunctionem ad gratiam, nec major per conjunctionem ad peccatum denuo commissum : quippe commutatio, quam Deus fecit, pœnæ æternæ in temporalem est absoluta, et non sub conditione, quod peccatum non iteretur ; unde semel commutata in temporalem, hæc nunquam

nunquam, adhuc per accidens, transit iterum in æternam, quantumvis conjugatur cum alio reatu pœnæ æternæ ex culpa de-nuo repetita contracto : ergo in quocumque statu gratiæ, vel peccati poterit pro hujusmodi pœna Deo satisfieri.

firm. 2. Confirmatur secundo : nam qui ratione delicti pœnam a lege taxatam incurrit, quod illi v. g. abscindatur dextera, si manus abscissionem tolerat, inquit Scotus, etiamsi in Regis gratia non sit, proculdubio satisfacit, ac pœnæ debitum exsolvit : ergo similiter, qui lethali culpa dimissa adstringitur reatui pœnæ temporalis decem annorum, v. g. si illam assumat, ac per totidem annos sustineat, etiam satisfaciens, esto in Dei amicitia, vel statu gratiæ non existat.

frin- 53. Respondetur ad argumentum, con-
tur
nda-
cut. cessa majori, negando minorem : quia Deo, cui omnia nostra opera aliis capitibus sunt debita, non possumus pro debito pœnæ so vendo reddere æquale absolute, et indepe adenter ab ejus libera, et amicabile acceptatione, quæ in ejus gratia fundatur ; hac tamen existente in subjecto, amicumque Dei constituyente, fit acceptabile illud opus, quod alioqui debitum erat, ipsumque gratia valorat, ac quodammodo proprium efficit, ut pro pœna debita possit esse satisfactorium, et reatum solvendum adæquare. Cum autem omnis operatio hominis existentis in peccato gravi careat gratiæ informatione, et ab illa non procedat, minime potest pro debito pœnæ temporalis satisfacere, nec eam ut solvendam adæquare, etiamsi homo pro solutione hujus debiti pœnam cujuslibet durationis sustinendam assumeret. Unde ad probationem minoris, concessa majori, distinguenda est minor, quæ si intelligatur de pœna tolerata, ac acceptabili a Deo pro debiti solutione, negari debet ; de pœna vero non ita a Deo acceptabili, concedi potest. Licet enim homo gratia destitutus possit pœnam temporalem sustinere æqualem in duratione, ac entitative, et materialiter cum pœna debita, non tamen formaliter ut acceptabilem a Deo pro solutione debiti, et consequenter nec ut debiti solutivam, quod requirebatur, ut esset apud Deum satisfactiva : quia illa pœna ut acceptabilis a Deo pro extinctione debiti contracti ex peccato superat vires hominis gratia non ornati,

cum per gratiam constituatur acceptabilis apud Deum pro solutione hujus debiti : nam alias aliis titulis est Deo debita, et ex aliis capitibus potest eam ab homine exigere. Quæ solutio est D. Thomæ in præ-senti, art. 2, ad 4, nam cum sibi objecisset, quod « satisfactio consistit in quadam « adæquatione culpæ ad pœnam ; sed talis « adæquatio pœnæ potest etiam fieri in eo, « qui charitatem non habet : ergo, etc. » Sic respondet : « Dicendum, quod non po-
test fieri adæquatio sufficiens, nec secun-
« dum divinam acceptationem, nec secun-
« dum æquivalentiam ; et ideo ratio illa « non sequitur. »

Ad primam confirmationem dicimus, Enodat.
quod dimissa culpa gravi, homo solum confirm.
manet reus pœnæ temporalis, quæ ex con-
junctione cum novo peccato lethali non fit
major entitative, et moraliter, atque ideo
homo existens in peccato potest pœnam
entitative æqualem sustinere, ceterum in-
fructuose, et non apud Deum pro debito
solvendo acceptabilem. Cum autem pœna
satisfactoria debeat esse apud Deum accep-
tabilis, inde oritur, quod per conjunctio-
nem ad peccatum subsequens fiat per acci-
dens major, non entitative, sed in ratione
solubilis, et extinguiibilis ob subjecti indis-
positionem.

Ad secundam confirmationem potest Dirigitur
responderi negando antecedens, quod fal- 2.)
sum est in rigore loquendo : nam ille, cui
in vindictam delicti amputatur manus,
punitur quidem, et satisfacitur, sed non
satisfacit. Aliud namque est, judicem in
vindictam delicti delinquentem punire ;
et aliud, offensum, ac alapa injuriatum
remittere injuriam, vel pœnam debitam,
satisfactione delinquentis jam placatum :
ad hoc quippe requiritur amicitia, cum
satisfactio ut distincta a satisfatione non
solum intendat media pœna vindicare cul-
pam, sed reintegrare, et conservare ami-
citiam. « Cum ergo » (ait D. Thomas in
præsenti quæst. 14, art. 1, in corpore)
« quodlibet peccatum amicitiam charitatis
« impediatur, quæ est hominis ad Deum,
« impossibile est, ut homo de uno peccato
« satisfaciatur, alio retento ; sicut nec ho-
« mini satisfacere, qui pro alapa ei data
« se ei prosterneret, et aliam similem
« daret. »

§ IV.

Quid sentiendum de intentione ad satisfactionem?

Assertio 5. 54. Dicendum est quinto, etiam requiri ad satisfactionem intentionem satisfaciendi. Hæc conclusio potius supponitur, quam a Theologis disputatur. Suadetur tamen primo : quia ad satisfaciendum necessaria est operis exhibitio, quæ satisfactio sit ; sed nullum opus sine intentione formali, aut virtuali satisfaciendi est satisfactio : ergo ad satisfactionem necessaria est intentio satisfaciendi. Consequentia est legitima ; major ex se liquet, et inductione potest ostendi : etenim ad orandum necessaria est operis exhibitio, quæ sit oratio ; ad restituendum positio actus, qui sit restitutio, etc. ergo similiter ad satisfactionem requiritur operis exhibitio, quæ satisfactio sit. Minor vero probatur : quippe Deo satisfacere, est exhibere compensationem debiti ex peccato contracti ; sed opus Deo præstitum sine intentione formali, aut virtuali satisfaciendi non est compensatio debiti contracti ex peccato commissio : ergo ut operis exhibitio sit satisfactio, debet fieri cum intentione formali, aut virtuali satisfaciendi. Hæc minor, in qua est difficultas, ostenditur : nam compensatio debiti per culpam contracti est actus virtutis pœnitentiæ, qui fieri debet ab ipsa virtute sub proprio motivo ; sed motivum pœnitentiæ est satisfacere Deo debitum contractum per peccatum : ergo opus Deo præstitum sine hoc motivo, vel intentione non est compensatio debiti. Si enim fiat ex alio motivo, erit actus alterius virtutis, uti si fiat ex intentione Deum colendi, erit actus religionis ; si ex animo obsequendi pro beneficiis, erit actus gratitudinis, et sic de aliis : ergo vel satisfactio non est pœnitentiæ actus, vel si est, necessario exigit intentionem, ac motivum illius.

Confirm. 1. Confirmatur primo : nam qui opus satisfactorium exhibet cum intentione non satisfaciendi proprium debitum, sed alienum, hoc, et non illud, solvit : ergo qui opus alias satisfactoriam exhibet sine intentione pro se, vel pro alio satisfaciendi, nullius debitum extinguit. Antecedens sumitur ex D. Tho. D. Thoma in præsentia, quæst. 13, art. 2, ad 2, ubi inquit : « Non autem qui pro

« alio satisfacit, pro se satisfacit. » Consequentia autem probatur : etenim ideo ille pro se non satisfacit, quia excludit, vel non habet intentionem proprium debitum extinguendi, sed tantum alterius compensare vult : ergo qui non habet intentionem compensandi proprium, vel alienum, nullius debitum solvit.

Confirmatur secundo : nam qui Psal- Conf. 2.
mos, Hymnos, Lectiones, et alia, quæ in horis canonicis continentur, perlegeret non animo orandi, sed intentione studendi, minime oraret, nec præceptum recitandi adimpleret : quippe qui rem præceptam non poneret, quæ est lectio ex animo orandi. Ergo qui opus, alias bonum, et honestum, exhibet sine intentione Deo pro peccatis satisfaciendi, nequitiam satisfaceret : non enim exhibet actum debitum, sed alium distinctum.

55. Diximus *sine intentione formali, aut virtuali* : quia ad satisfactionem non requiritur formalis, ac expressa, sed virtualis, et implicita sufficit. Hæc autem quæ sit, et qualiter a formali, ac habituali distinguatur, explicuimus tractat. 11, disp. 5, dub. 5, et tractat. 22, disput. 7, dub. 2. In præsentia autem materia tunc adest virtualis intentio, dum eliciens opus satisfactorium non excludit positive intentionem formalem satisfaciendi, sed vult lucrari apud Deum omnem fructum, qui ex illo actu provenire valet, esto expresse memor satisfactionis non sit : quippe in huiusmodi generali intentione intentio satisfaciendi implicite continetur. Nota tamen, ad satisfactionem non requiri ponere opus satisfactorium ex motivo, vel intentione adimplendi præceptum satisfaciendi, a Deo, vel confessario injunctum ; sed sufficit exhibere rem præceptam ex motivo tamen satisfaciendi : nam hæc duo satis distincta sunt. Aliud est enim, actum elicere ex motivo obediendi præcepto imperanti satisfactionem ; aliud actum elicere ex motivo satisfaciendi. Primum constituit actum ad obedientiam spectantem, quia fit sub ejus proprio motivo, ac ratione formali sub qua. Secundum constituit actum pœnitentiæ ; quippe motivum, vel intentio satisfactionis est ejus ratio formalis. Et quamvis utraque intentio conjungi valeat in eodem actu ; non tamen ad constituendum satisfactionem requiritur prima, sed vel sola

sola secunda sufficit. Quod colligitur ex
 Tho. D. Thoma 2, 2, quæst. 104, art. 3, ad 2,
 ubi ait : « Licet actus virtutis cadat sub
 « præcepto, potest tamen aliquis implere
 « actum virtutis non attendens ad ratio-
 « nem præcepti ; » id est præceptum, vel
 ad obediendum præcepto, ut ex contextu,
 ac articuli materia patet. Idque exemplis
 declarari potest : nam qui Deum colit,
 parentes honorat, sacrum in die festo
 audit, licet hæc non faciat ex intentione
 illa præcepta adimplendi, ea adimplet, ut
 communis fert sententia, et elicit actum
 Religionis, vel pietatis : ergo similiter
 dicendum erit de exhibente aliquod opus
 ex intentione satisfaciendi, quod licet non
 fiat ex motivo obediendi præcepto, erit
 tamen satisfactorium.

56. Adversam nihilominus assertioni
 sententiam tuentur aliqui diversimode
 opinantes. Ludovicus enim de Gandavo
 (cui tribuitur hic modus dicendi) tenet,
 desiderari ad satisfactionem expressam ac
 formalem intentionem satisfaciendi, et
 non sufficere virtualem; idque ex eo pro-
 bat, quia opus, quod non fit ex intentione
 formali satisfaciendi, non est actus iustitiæ
 vindicativæ; sed ut sit satisfactorium, debet
 esse actus prædictæ virtutis, quum hæc
 sit, quæ satisfactionem exquirat : ergo ad
 satisfactionem opus est intentione formali.
 Majorem probat a similitudine cujuslibet
 alterius debiti, quod non extinguatur, nisi
 actui solutionis adsit formalis intentio
 solvendi debitum. Si quis enim (inquit hic
 Author) Petro debet decem, et absque
 animo solvendi totidem ei tribuit, debi-
 tum non solvit, sed ut antea adstrictus
 solutioni manet.

Alii vero extremam arripere viam,
 nullius etiam virtualis intentionis neces-
 sitatem agnoscentes; sed sufficere inquit,
 ut opus satisfactorium sit illud exhibere ob
 alios fines, conditionibus tamen supra
 assignatis indutum. Ita N. Antonius disput.
 20, sect. 2, num. 1593, apud quem etiam
 Suarez, et Lugo. Et probant : quia ad
 meritum non requiritur aliqua intentio
 consequendi præmium, sed sufficit opus
 exequi præmio dignum, imo eo altiori
 præmio est dignum, quo liberalius, ac
 prorsus extra omnem lucri intuitum exhi-
 betur : ergo idem de satisfactione sentien-
 dum est. Consequentiam inde probant, quia

sicut meriti valor in æquitate fundatur, ita
 etiam valor satisfactionis; sed æquum est,
 ut qui recte operatur, præmium lucretur,
 etiamsi operatio præmii intentione non
 fiat : ergo similiter æquum erit, ut qui
 sufficienter passus est ad pœnam peccati
 extinguendam, deinceps non puniatur,
 etiamsi illa permissio intentione extin-
 guendi illud debitum facta non fuerit.

57. Verum hæc levia sunt, et facile dis-
 pelluntur. Ad primum respondetur negando
 majorem, ad cujus probationem etiam
 negatur assumptum : nam ad quodlibet
 debitum iustitiæ vindicativæ, aut commu-
 tativæ extinguendum, minime exigitur
 intentio formalis, ac expressa debitum
 extinguendi, sed virtualis, et implicita,
 quam assignavimus, sufficit. Et ad instan-
 tiam adductam dicendum est quod si quis
 absque animi intentione tam formali, quam
 virtuali solvendi, quod creditori debet, ei
 tribuit, debitum non extinguunt, sed ad solu-
 tionem adhuc adstringitur. Ita Nicolaus
 Baldellus, vir in moralibus satis eruditus,
 tom. 1, lib. 5, disp. 25, num. 18, in sui
 patrocinium adducens legem, *Cum ex*
pluribus, ff. de solutionibus, quem sequitur
 Diana part. 5, tract. 13, resol. 94.

Ad secundum, concessio antecedenti, ne-
 ganda est consequentia. Cujus disparitas
 in eo consistit, quod satisfactio est actus
 proprius virtutis pœnitentiæ, atque ideo
 ex motivo pœnitentiæ fieri debet, ut
 ab aliis virtutibus distinctæ; motivum
 autem pœnitentiæ est inæqualitatem per
 peccatum inductam rescindere, et omne
 debitum ex culpa relictum solvere. Unde
 satisfactio, si non fit ex hoc motivo, ac
 intentione, sed ex aliis, non erit actus
 pœnitentiæ, et consequenter nec satisfac-
 tio, sed actus ad aliam virtutem spectans.
 Meritum vero formaliter sumptum est actus
 charitatis virtualiter saltem imperantis,
 ac ordinantis ad Deum ultimum finem
 actus aliarum virtutum, per quos meri-
 tum materiale distenditur. Quocirca cum
 actus charitatis sit amicalis Dei amor, et
 ad distinctionem amoris concupiscentiæ
 solum Deum propter se ipsum, ac ejus
 bonum respiciat, non vero propter bonum,
 quod homini ex hujusmodi amicitia prove-
 nire valet; nil mirum, quod ad meritum
 intentio præmium lucrandi non requiratur.

§ V.

Corollaria, in quibus nonnullæ expediuntur difficultates.

1. *Difficultas. Deciditur.* 58. Huc usque dictis satis propinqua sunt alia dubiola, quæ ad perfectiorem hujus materiæ intelligentiam attexere, ac decidere oportet. Inquires ergo primo, an ultra assignatas condiciones requiratur, opus esse pœnale, ut satisfactorium sit? Respondetur affirmative cum D. Thoma in præsentī, quæst. 15, art. 1, ubi rem agit, et sententiam hoc satis efficaci ratiocinio convincit: « Respondeo dicendum, quod satisfactio, « ut dictum est, respectum habet ad præteritam offensam, pro qua recompensatio « fit per satisfactionem; et etiam ad futuram culpam, a qua per eam præservamur; et quantum ad utrumque exigitur, « quod satisfactio per opera pœnalia fiat: « recompensatio enim offensæ importat adæquationem, quam oportet esse ejus, « qui offendit, ad eum, in quem offensa « commissa est. Adæquatio autem in humana justitia attenditur per subtractionem ab uno, qui plus habet justo, et additionem ad alterum, cui subtractum « est aliquid. Quamvis autem Deo, quantum est ex ejus parte, nihil subtrahi « possit; tamen peccator, quantum in ipso « est, aliquid ei subtrahit peccando, ut dictum est. Unde oportet ad hoc quod recompensatio fiat, quod aliquid subtrahatur a « peccante per satisfactionem, quod in honorem Dei cedat. Opus autem bonum « ex hoc quod est hujusmodi, non subtrahit aliquid ab operante, sed magis perficit ipsum. Unde subtractio non potest fieri « per opus bonum, nisi pœnale sit. Et ideo « ad hoc ut aliquid opus sit satisfactorium, « oportet quod sit bonum, et in honorem Dei, et pœnale, ut per hoc aliquid peccatori subtrahatur. Similiter etiam pœna a « culpa futura præservat, quia non facile homo ad peccata redit, ex quo pœnam expertus est; unde secundum Philosophum, pœnæ medicinæ sunt. » D. Thomam sequuntur D. Bonaventura 2, par. art. 1, quæst. 3, ad 4, Durandus quæst. 5, Sylvester verbo *satisfactio*, et alii.

D. Bon.
Durand.
Sylvest.

Obiectio

59. Dices: opus, quod est tanti valoris, ut possit attingere id, quod est plus quam satisfacere, etiam satisfacere valebit: sed

quodlibet opus meritorium, esto pœnale non sit, est tanti valoris, ut pertingat ad id, quod est plus quam pœnam peccatis debitam solvere: ergo etiam gaudebit valore ad satisfaciendum. Major nititur communi axiomate: *Qui potest ad magis, potest ad minus.* Minor autem ostenditur: quia plus est augere gratiam, et jus præbere ad gloriam, quam debitum pœnæ solvere; sed quodlibet opus meritorium, esto pœnale non sit, sortitur valorem ad gratiæ augmentum, et ad gloriam adipiscendam: ergo attingere valet id, quod est magis quam satisfacere. Tum etiam: quoniam opus vitæ æternæ meritorium est etiam meritorium ablationis cujuscumque impedimenti ad illius consecutionem; sed ex impedimentis ad gloriæ assecutionem unum est reatus pœnæ temporalis, qui per satisfactionem solvendus est: ergo opus meritorium remotionem hujusmodi impedimenti consequitur, ad quod opus est ut satisfactorium sit. Tum denique: quia ex nostra assertionem sequitur, opera magis pœnalia esse magis satisfactoria; sed oppositum passim accidit: ergo, etc. Sequela constat: quippe *ita se habet magis ad magis, sicut simpliciter ad simpliciter*; unde si ut opus sit simpliciter satisfactorium, requiritur quod sit pœnale, quod fuerit magis pœnale, erit magis satisfactorium. Minor vero suadetur; etenim opera pietatis, altissimæ contemplationis, ac charitatis ardentissimæ, extra dubium est, esse magis satisfactoria, quam corporalis abstinencia, et carnis maceratio, juxta illud Pauli 1, ad Timoth. 4: *Exerce te ipsum ad pietatem, nam corporalis exercitatio ad modicum utilis est, pietas autem ad omnia.* Ubi ait D. Thomas: « Præfert abstinencia « pietatem, et accipitur hic utroque modo, « scilicet, pro cultu Dei, et misericordia. » Atque hujusmodi opera non sunt magis, sed minus pœnalia, quam corporalis afflictio, et abstinencia, quum in plurimum mira sint suavitate perfusa, præsertim opera charitatis, de quibus I Joannis dicitur: *Charitas pœnam non habet*: ergo major pœnalitas opera satisfactoria non reddit.

Apost.
ad
Timoth.
4

D. Tho.

I Joan

Verum hæc parvi momenti sunt. Ad primum enim negatur major; ad cujus probationem dicendum est, illud axioma solum verificari, dum id, quod est magis, et

et id quod est minus, sunt ejusdem rationis, ac ex eodem capite proveniunt; secus vero, si oppositum contingat, ac ex diversis principiis ortum ducant. Quod patet exemplis. Tum, quia peccatum lethale quid majus est, quam veniale; et nihilominus gratia pertingens ad deletionem peccati mortalis nequit se sola independentem ab aliquo actu elicitum ab homine, in quo peccatum veniale præexistit, illud delere; ut ostendimus tractat. 15, disp. 2, dub. 8, num. 307. Tum, quia (idque propius ad rem accedit) quid majus est mereri gratiæ augmentum, et ad gloriam consequendam acquirere jus, quam primitias Deo debitas solvere; et tamen qui in gratia constitutus elicit actum charitatis, vel alterius virtutis, esto ad augendam gratiam pertingat, et ad jus acquirendum ad gloriam, minime illo virtutis actu primitias Deo debitas solvit. Quæ ideo ita sunt, quia decimarum solutio, et jus ad gloriam diversæ rationis sunt, ac ex distinctis formis proveniunt, sicut etiam per diversas formas excluduntur peccatum mortale, et veniale. Quocirca licet magis sit gratiam augere, et jus ad gloriam fundare, quam pœnam peccatis debitam solvere, inde minime colligitur, quod actus pertingens ad primum, pertingat etiam ad secundum: quia mereri, ac satisfacere, licet in eodem actu coincident, et sunt diversæ rationis, et ex satis distinctis motivis, ac principiis oriuntur; cum primum a charitate ex motivo Deo placendi fiat, secundum vero a pœnitentia ex intuitu debitum rescindendi. Unde quam optime valet opus ut meritum sit, pœnalitate non indigere, et ut satisfactorium sit, illam exposcere.

Ad secundum respondetur, opus meritum vitæ æternæ mereri etiam ablationem cujuscumque impedimenti ad eam assequendam se tenentis ex parte præmii, vel præmiantis, non vero ex parte merentis, ut diximus tractat. 16, disput. 6, dub. 3, num. 65. Quod manifesta instantia convincitur: quippe non minus impedimentum est ad gloriam assequendam peccatum veniale, quam reatus pœnæ temporalis; sed ille, qui in statu gratiæ elicit aliquem virtutis actum vitæ æternæ meritum, ex hoc præcise non tollit peccatum veniale: ergo opus vitæ æternæ meritum non affert secum ablationem

cujuscumque impedimenti ad gloriæ assecutionem. Deinde longe majus impedimentum est ad gloriam assequendam peccatum mortale committendum ab eo, qui est in statu gratiæ, quam reatus ad pœnam temporalem illius, qui actu est in eodem gratiæ statu; atqui per actum vitæ æternæ meritum elicitum ab eo, qui est in statu gratiæ, non meretur reparatio lapsus futuri, nec de potentia absoluta mereri potest, ut loco citato statuimus: ergo ex vi actus meritorii vitæ æternæ non colligitur ablatio impedimenti ad illius assecutionem. Imo ex opposito fieret, per minimum virtutis actum, ab existente in gratia elicitum, tolli omnem reatum ad pœnam temporalem, etiam ex quamplurimis peccatis lethalibus contractum: nam ex uno capite magnus ille reatus ad pœnam temporalem non solum quoad partem pœnæ, sed quoad totam est impedimentum ad gloriæ assecutionem; et ex alio quilibet etiam minimus virtutis actus in statu gratiæ elicitus, cum sit meritorius vitæ æternæ, mereretur etiam, juxta objectionem, ablationem cujuscumque impedimenti ad illam assequendam. Hæc autem veritati esse dissona, experientia ipsa convincit; quandoquidem animæ in purgatorio longo tempore in cruciatibus definentur, esto dum erant in viâ, ac gratiæ statu, plures vitæ æternæ meritorios elucierint actus. Quocirca ex eo quod quis mereatur absolute vitam æternam, minime colligitur, saltem ex vi objectionis, quod absolute mereatur remotionem reatus ad pœnam temporalem peccatis debitam. Et ratio est, quia hujusmodi reatus se tenet ex parte merentis, et non ex parte præmii, vel præmiantis, atque ideo Deus non tenetur ex vi actus meritorii illum reatum dimittere, sed tantum dicere: « Dabo tibi gloriam, quam meruisti, si impedimentum, quod habes ad eam accipiendam abstuleris. » Unde quemadmodum perseverantia in gratia, quæ necessaria omnino est ad gloriæ assecutionem, nequit absolute mereri ex vi actus meritorii vitæ æternæ, quia non se tenet ex parte præmii, ita ob eandem rationem nec remotio reatus pœnæ temporalis. Videantur dicta loco, et numero citatis.

Adde primo, quod licet opus meritum vitæ æternæ mereri valeat ablationem

reatus pœnæ, hæc tamen ablatio respondebit merito per modum præmii; atque adeo opus illud, si pœnale non est, non auferet prædictum reatum per modum satisfactionis: quippe ad rationem operis satisfactorii ut talis pœnalitas desideratur. Adde secundo, nullum forte esse opus meritorium, quod ex se aliquatiter laboriosum, ac pœnale non sit: nam ut sit meritorium, debet esse moraliter bonum, ac honestum; hoc autem nequit absque aliqua pœnalitate exerceri. Quid enim aliquibus delectabilius, quam suavi, ac delicato uti alimento? Et nihilominus si juxta regulas morum fiat (quod ut sit honestum desideratur) non nisi moderate, et in ordine ad honestum finem fieri debet; hoc autem exercere sub tali regula, ac moderamine, aliquam affert pœnalitatem, cum coercitivum sit sensitivæ naturæ.

D. Tho.

Ad tertium respondetur concedendo sequelam intellectam de operibus, quæ per se, et ex parte operis sunt magis pœnalia, non vero de illis, quæ majorem pœnalitatem afferunt per accidens, et ex parte operantis. Quæ solutio sumitur ex D. Thoma in præsentī, quæst. 15, art. 1, ad 2, ubi ait: « Quod sicut in satisfactione consideratur pœnalitas, ita, et in merito consideratur difficultas. Diminutio autem difficultatis, quæ est ex parte ipsius actus, diminuit (ceteris paribus) meritum; sed diminutio difficultatis, quæ est ex promptitudine voluntatis, non diminuit meritum, sed auget. Et similiter diminutio pœnalitatis ex promptitudine voluntatis, quam facit charitas, non diminuit efficaciam satisfactionis, sed auget. » Similia tradit 1, 2, quæst. 114, art. 4, ad 2. Itaque opera charitatis, pietatis, ac Religionis ex se satis difficilia, si per accidens ob dispositionem, et promptitudinem subjecti fiant suavia, sicut non diminuitur meritum, sed augetur, ita illorum vis satisfactiva crescit. Cui doctrinæ præallegatum Apostoli testimonium minime offit: quippe ut ibi lect. 2, exponit D. Thomas: « Præfert pietatem abstinentiæ, quia hæc, et cetera hujusmodi in sua natura non sunt bona, sed pœnalia; et si homo non peccasset, nihil eorum fuisset; sed sunt bona medicinalia, in quantum comprimunt concupiscentias: ergo ad istud modicum sunt utilia, quia

« tantum ad morbum peccati carnalis, non « spiritualis; pietas autem ad omnia peccata delenda. » Ex quibus quid Apostolus intenderit, liquet.

60. Inquires secundo, an actus cadens sub præcepto valeat esse satisfactorius? Affirmative respondetur cum Cajetano tom. 1 Opusc. tract. 6, quæst. 1, Soto dist. 19, q. 2, art. 1, Victoria num. 203, Ledesma quæst. 14, art. 1, dub. 5, Gonet disp. 13, art. 2, § 2, num. 21, Nugnus quæst. 15, art. 2, difficult. 2, conclus. 1, Suarez disp. 32, sect 4, n. 4, N. Franciscus tractat. 6, cap. 10, punct. 3, num. 28, N. Antonius tractat. 5, disput. 20, num. 1591, et alii. Ratione suadetur: nam ille actus est satisfactorius, qui habet omnes conditiones satisfactionis; sed actus cadens sub præcepto potest habere omnes satisfactionis conditiones: ergo potest esse satisfactorius. Consequentia est legitima; major ex se liquet; minor autem probatur: quia præceptum, sub quo cadit actus, non tollit ab actu quod sit liber, alias præceptum adimpleri non posset; nec quod sit moraliter bonus, cum potius illi bonitatem saltem objectivam tribuat; nec quod sit pœnalis; quippe quod pœnalitatem sibi subeundi liberum arbitrium addit; nec tandem quod a gratia in statu viæ procedat, ac in debiti solutionem ordinari possit, ut ex se constat; atqui eæ conditiones satisfactionis, quibus positus, ponitur satisfactio: ergo actus cadens sub præcepto omnes satisfactionis conditiones sortiri valet, atque adeo esse satisfactorius. Equidem nemo negare poterit, martyrium, virtutis actum præstantissimum, esse pro temporali pœna satisfactorium, licet alias sub præcepto cadat, ac martyr pro fidei confessione vitam contemnere teneatur.

D. Tho.

Confirmatur: nam Christi mors fuit perfectissime satisfactoria pro pœnis, quibus homines erant adstricti; sed Christi mors fuit debita ex Patris præcepto de morte pro hominum redemptione subeunda: ergo actus cadens sub præcepto satisfactorius esse potest. Consequentia ex præmissis infertur. Major est fide sancita, ut tractat. 21, disp. 1, dub. 6, stabilivimus. Minorem autem etiam fuse probavimus eodem tractat. disput. 27, dub. 4, § 2 ubi statuimus, humanam Christi voluntatem fuisse vero præcepto obligatam ad mortem, non solum

solum absolute, et secundum se, verum etiam quoad omnes circumstantias, quibus de facto executioni mandata fuit.

61. Nec refert, si huic doctrinæ objicias testimonium D. Thomæ in 4, dist. 15, quæst. 1, art. 2, ad 3, ubi oppositum sentire videtur, dum inquit : « Quod quamvis « posse suum totum homo debeat, non « tamen ab eo exigitur de necessitate, ut « totum, quod possit, faciat ; quia hoc est « impossibile secundum statum præsentis « vitæ, ut totum posse suum ad aliquid « unum expendat, cum oporteat circa multa « esse sollicitum ; sed est quædam mensura « homini adhibita, quæ ab eo requiritur, « scilicet, impletio mandatorum Dei, et « super ea potest aliquid erogare, ut satis- « faciat. » In quibus distinguit opera mandatorum, vel præceptis subjecta, ab operibus supererogationis, et ex præcepto non debitis ; ac istis, et non illis, vim satisfaciendi tribuit, dum ait : « Et super ea « potest aliquid erogare, ut satisfaciat. »

Non, inquam, hoc refert : nam tam longe abest, ut in illo articulo D. Thomas assertioni nostræ contradicat, ut potius faveat. Ibi enim ostendit, hominem posse Deo absolute satisfacere ; at cum offensa gravis, quæ est primum objectum satisfactionis, sit infinita, et illi nequeat homo ad æqualitatem satisfacere, sed solum ad proportionem ab eo taxatam, quæ in adimpletione mandatorum Dei consistit ; « ideo, « inquit, sufficit quod homo reddat quod « potest, quia amicitia non exigit æquivalentem, sed quod possibile est. » Et insuper addit, quod ultra opera mandatorum adimpletione, quæ primario ad satisfactionem pro offensa exiguntur, « potest aliquid « erogare, ut satisfaciat, » ordinando etiam ad hujusmodi satisfactionem supererogationis actus. Licet enim omnes actus, sive cadentes sub præcepto, sive non, Deo titulo creationis debeantur, atque ideo satisfactorii esse nequeant, tamen Dei gratia supposita, illi actus nobis donantur tanquam omnino proprii, ac nullo alio titulo debiti, ut a nobis ordinati ad debitum peccati solvendum satisfacere possimus pro offensa infinita ad proportionem tantum, pro pœna vero temporali ad æqualitatem omnino dam.

62. Nec iterum obest, si opponas auctoritatem D. Anselmi lib. 1, *Cur Deus homo*

cap. 20, ubi ait : « Per illa fit satisfactio, « quæ non possent ab homine exigi, si « non peccasset ; » sed opera sub præcepto cadentia possent ab homine exigi, esto non peccasset : ergo actus præceptus nequit esse satisfactorius. Insuper, idem Anselmus ibidem inquit : « Cum reddis aliquid, quod « debes Deo, etiamsi non peccasti, non « debes computare pro debito, quod debes « ex peccato. » Ergo per exhibitionem actus, quem homo, sive peccaverit, sive non, exequi tenetur, non extrahitur ab obligatione solvendi debitum pœnæ ex peccato contractum : ergo actus præceptus est incapax habendi rationem satisfactionis.

Ad primum enim respondetur, Anselmum intelligendum esse de illis operibus, quæ, si homo non peccasset, non possent a Deo exigi jure satisfactionis, vel compensationis pro peccato ; non vero de illis, quæ licet non jure satisfactionis, possent tamen aliis titulis exposci. Nullum autem est creaturæ opus, quod Deo titulo supremi dominii, ac creationis debitum non sit ; atque ideo quod exposci illis titulis non valeat, etiamsi nullum peccatum commissum fuerit. Ceterum jure satisfactionis, si peccatum non præcessit, exigere illa non potest. Unde opera præcepta possunt esse satisfactoria : quia hæc, si homo non peccasset, non possent jure satisfactionis exposci. Vel dicas, Anselmum tam in prima, quam in secunda auctoritate solum intendere, satisfactionem regulariter, ac in plurimum fieri debere operibus supererogationis, vel non præceptis ; non vero quod absolute, et simpliciter fieri nequeat actibus sub præcepto cadentibus. Adde, secundam auctoritatem solum docere, eundem actum non esse Deo offerendum in duplicis debiti solutionem. Unde si exhibeatur in solutionem debiti colendi Deum, computari non debet in extinctionem reatus pœnæ peccati : quippe vix poterit primo debito facere satis. Ceterum si in secundi debiti solutionem ordinetur, præscindere debet a primo : tunc enim hujusmodi actus reputatus virtute gratiæ tanquam proprius, ac nullo alio titulo debitus, dirigendus est tanquam ad unicum finem in reatus pœnæ temporalis solutionem.

63. Sed urgebis : satisfacere est exhibere æquale debito ; sed non fit debito

æquale per exhibitionem operis alias ex præcepto debiti : ergo actus præceptus nequit esse pœnæ temporalis satisfactorius. Minor, in qua est difficultas, suadetur : nam duplici debito non fit æquale per unicam, ac simplicem solutionem ; unde si Petrus ratione contractus Joanni aureos viginti debet, et totidem ratione furti eidem facti, nequit viginti exhibendo utrumque debitum solvere ; sed debitum, v. g. jejunandi in quadragesima, ac debitum jejunandi ob peccatum commissum, est duplex debitum : ergo non fit æquale debito per exhibitionem operis alias præcepti : quippe hæc simplex solutio est utrique debito inadæquata.

Confirmatur. Confirmatur : nam si actus præceptus valeret esse satisfactorius, posset pœnitens jejunium sibi in satisfactionem a sacerdote impositum adimplere in die quadragesimali, licet alias ex Ecclesiæ præcepto illa die jejunare teneretur ; hoc autem contradicit communi fidelium praxi, mentique confessariorum opponitur : ergo manifestum est, satisfactionem non posse fieri per jejunium, vel actum alias præceptum.

Enodatur. Respondetur negando minorem, ad cujus probationem diceudum est, satisfactionem ex terminis importare exhibitionem operis debito æqualis, atque ideo juxta æqualitatem satisfactionis debere esse æqualitatem cum debito. Unde satisfactio condigna exigit æqualitatem arithmeticam, et congrua geometricam. Hinc autem tantum deducitur, per unicam, ac simplicem solutionem uno debito adæquatam non posse fieri æquale duplici debito, si utrumque ut tale persistat, et ex illis aliquod a creditore non remittatur, vel solutio pro uno debito facta in remissionem utriusque non acceptetur. Ceterum minime evincitur, quod illa simplex, et unica solutio non sit ad omnimodam æqualitatem, si creditor ex gratiosa liberalitate eam acceptet in utriusque debiti solutionem, vel si unum debitum quasi libenter remittat, et in solutionem alterius eam satisfactionem recipiat ; quo pacto se habet Deus, dum misericorditer peccatori gratiam infundit : hæc quippe præsupposita, divinæ placuit bonitati, opera alias præcepta, vel debita aliis titulis in extinctionem debiti pœnæ peccati acceptare, ac si nullo alio titulo deberentur. Idque meriti exemplo liquet :

etenim actus nostri jure servitii, imo, et jure alicujus præcepti, sunt Deo debiti, atque ideo in rigore justitiæ, et seclusa Dei promissione, nullum præmium promereri poterant ; et nihilominus, quia Deus misericors, ac benignus est, eosdem actus sibi debitos aliis titulis, ac si nullo alio deberentur, in ordine ad præmium acceptat, et pro eisdem gloriam promittit, ut tractat. 16, disput. 1, dub. 3, num. 19, ostendimus. Sic ergo in præsentī casu contingit ; licet actus titulo præcepti sit debitus, acceptatur a Deo in solutionem pœnæ peccati. Nec exemplum in objectione adductum probat oppositum : nam quod Petrus in illo casu per exhibitionem viginti aureorum utrique debito ex contractu, et ex furto ad æqualitatem non satisfaciatur, inde oritur, quia creditor nullam regulariter misericordiam erga debitorem exercet, nec solutionem uni debito adæquatam acceptat in satisfactionem utriusque. Si enim hujusmodi gratiosa acceptatio existeret, proculdubio per unicam exhibitionem viginti aureorum creditori ad æqualitatem fieret satis, ac utrumque debitum extingueretur, ut in nostra satisfactione accidit.

Ad confirmationem dicendum est pœnitentem jejunium sibi in satisfactionem a confessario injunctum adimplere posse in die quadragesimali, si confessarius id ita explicuit, vel saltem implicite innuit, ut contingeret dum sacerdos alicui in pœnitentiam injungeret, ut omnibus diebus alicujus determinatæ Hebdomadæ jejuna-
Confirma-
tione. lit sal

ret, in qua aliqua vigilia incidit : in hoc enim casu per vigiliæ jejunium, alias ab Ecclesia præceptum, pœnitentiam imple-
Confirma-
tione. lit sal

ret, ac pro peccatis simul satisfaceret, nec alia die extra illam Hebdomadam jejunare teneretur, ut docet N. Andreas tom. 3, tractat. 11, cap. 2, punct. 9, num. 151. Ceterum si sacerdos pœnitenti absolute jejunium præcipit non explicando an intra, vel extra quadragesimam exercendum est, minime pœnitentiam explet per exhibitionem jejunii in die quadragesimali. Cujus ratio est, quia nomine pœnitentiæ semper intelligitur opus supererogationis : quippe cum satisfactio opus poenale, ac onerosum a sacerdote injunctum requiratur, et actus præceptus sit onus alias impositum independentem a confessario ; ideo isti, regulariter loquendo, supererogationis opera

opera in pœnitentiam injungunt; atque adeo pœnitentiæ nomine supererogationis opus intelligi, ac interpretari debet, nisi aliud de sacerdotis intentione constet. Hinc autem minime colligitur, quod absolute loquendo actus alias præceptus non valeat esse satisfactorius: tum, quia si præceptum a jejunio quadragesimali esse meritum non tollit, cur esse satisfactorium impediet? Tum, quia ut recte vidit Sotus in 4, dist. 19, quæst. 2, art. 1, et N. Antonius, Ecclesia quadragesimalia jejunia, vigiliarum, et quatuor temporum tam in peccatorum satisfactionem instituit, quam in carnis macerationem, ac meritum vitæ æternæ: unde in præfatione accinit: « Qui corporali jejunio vitia comprimis, mentem elevas, virtutem largiris, ac præmia. » Si ergo ab Ecclesia in hunc finem ordinata sunt, quilibet etiam pro suo libito in eundem finem eadem præcepta jejunia dirigere valebit, atque ideo actibus sub præcepto cadentibus absolute satisfacere.

Unde infertur, quod licet confessarius supererogationis opera in pœnitentiam regulariter injungat, ac debeat; nihilominus justa interveniente causa debilitatis, aut fragilitatis pœnitentis etiam actus præceptos in satisfactionem imponere potest. Ita Sotus loco proxime citatus, Aversa, Suarez, Nugnus, Navarrus, Victoria, Lugo, N. Franciscus, N. Antonius, N. Gabriel, N. Thomas a Jesu in tribun. conscient. tract. 2, cap. 2, et alii. Quocirca si pœnitens jura communia, vel jejunia Ecclesiæ non servat, vel horas canonicas non persolvit, horum executio in satisfactionem præcipi potest, dummodo credatur pœnitens hac ratione facturus. Ad quod non urgentiori motivo indiget sacerdos, quam ad credendum, pœnitentem quamlibet aliam actionem supererogationis in satisfactionem præceptam adimpleturum. Si enim prudenter non credit, quod pœnitens adimplebit actum, ad quem tenetur, et ex Ecclesiæ præcepto, et ex pœnitentia a confessario injuncta, sibi minus persuadere valebit, eundem pœnitentem executurum opus supererogationis, in satisfactionem injunctum, ad quod solum ex sacerdotis præcepto adstringitur. Consultius tamen apparet adhuc in similibus casibus actui præcepto in pœnitentiam injuncto supererogationis quid aliud addere. Quæ omnia

confessarii prudentiæ committenda sunt, ut juxta subjectorum circumstantias quod expedientius videbitur, decernat.

64. Inquires tertio, an possit quis pro uno peccato satisfacere, et non pro alio? Ad quod sub distinctione respondendum est. Nam vel utrumque peccatum quoad culpam supponitur jam dimissum, vel non? Si primum, et qui satisfacit est in statu gratiæ, certum est posse pro uno satisfacere, et non pro alio: quippe si satisfactio applicari valet pro pœna peccatis alterius, et non pro debito peccati proprii, etiam applicari valebit in extinctionem unius peccati proprii, et non in extinctionem alterius ejusdem subjecti. Tum etiam, quia si homo potest ad æqualitatem Deo satisfacere pro peccatis, ut dub. 1 hujus disp. dictum est, nullum fundamentum apparet, cur non valeat pro uno peccato ad æqualitatem satisfacere, alio relicto. Unde ita sentit Nugnus hic q. 14, concl. 2. Si vero in secundo sensu accipiatur difficultas, negative respondendum esse jam constat ex dictis. Nam cum satisfactio debeat fieri ab existente in gratia, si utrumque peccatum non supponitur dimissum, nec pro uno seorsim, nec pro utroque simul satisfacere valebit; atque in hoc sensu censendum est, D. Thomam fuisse locutum, dubiumque proposuisse, ac decidisse in præsentī quæst. 14, art. 1, alias quæ tam in argumentis *sed contra*, quam in articuli corpore adducit, difficultati propositæ minime responderent, cum in his omnibus ad gratiam, et charitatem recurrat, sine qua satisfactio exhiberi nequit, ut in ejus verbis cernere licet; inquit enim: « Respondeo dicendum, quod qui-

dam dixerunt, quod potest de uno peccato satisfieri sine alio, ut Magister in littera dicit. Sed hoc non potest esse; cum enim per satisfactionem tolli debeat offensæ præcedens, oportet quod talis sit modus satisfactionis, qui competat ad tollendam offensam. Offensæ autem ablatio est amicitie restauratio, et ideo si aliquid sit, quod amicitie restorationem impediat, etiam apud homines satisfactio esse non potest. Cum ergo quodlibet peccatum amicitiam charitatis impediat, quæ est hominis ad Deum; impossibile est, ut homo de uno peccato satisfaciat, alio retento. » Quocirca obean-

3 diffi-
cult.

Nugnus.

D. Tho.

dem rationem asserendum est, illum, cui præcedentia peccata per contritionem fuerunt dimissa, de illis satisfacere non posse, si dum satisfactionem offert, ob subsequens peccatum extra charitatem existit. Ita etiam D. Thomas art. 2 ejusdem q. ubi ait : « Respondeo dicendum, quod quidam « dixerunt, quod postquam omnia peccata « per præcedentem contritionem remissa « sunt, si aliquis ante satisfactionem per- « actam in peccatum decidat, et in peccato « existens satisfaciatur, quod satisfactio talis « ei valet, ita quod si in peccato moreretur, « in inferno de illis peccatis non punire- « tur. Sed hoc non potest esse : quia in « satisfactione oportet, quod etiam amici- « tia restituta, justitiæ æqualitas restituatur, « tur, cujus contrarium amicitiam tollit, « ut Philosophus in 9 Ethic. dicit. Æqua- « litas autem in satisfactione ad Deum non « est secundum æquivalentiam, sed magis « secundum acceptionem ipsius ; et ideo « oportet, quod etiam, si jam offensa sit « dimissa per præcedentem contritionem, « opera satisfactoria sint Deo accepta, quod « dat eis charitas ; et ideo sine charitate « opera facta non sunt satisfactoria. »

Obiectio. 65. Dices : pœnitens extra charitatem existens potest, et quam sæpe de facto adimplet pœnitentiam a confessario injunctam pro peccatis confessis, et jam dimissis : ergo in statu peccati pro jam dimissis fieri valet satisfactio. Antecedens est adeo certum, ut praxi, ac communi Doctorum judicio probatum ; alioquin qui extra charitatem existens pœnitentiam implet, aliam exhibere teneretur, dum ad gratiam rediret. Consequentia vero suadet : quia confessarii præceptum pœnitentiam injungentis est de satisfactione exhibenda : si ergo in illo statu adimpleri valet præceptum, etiam satisfactio mandari executioni valebit. Cum ergo satisfactionem exercere sit idem ac satisfacere, plane evincitur, extra charitatem existentem pro peccatis jam dimissis id facere posse.

Diluitur. Respondetur concessio antecedenti negando consequentiam, quam inducta probatio non suadet : etenim confessarii præceptum potest considerari dupliciter, et quoad substantiam præcepti, et quoad illius finem. Primo modo solum dicit injunctionem operis tantæ pœnalitatis, quantæ delectationis fuit peccatum commissum ;

atque ideo hujusmodi pœnæ injunctio appellari solet pœnitentia, eo quod sit quasi pœnæ tenentia. Ceterum secundo modo acceptum eandem pœnæ injunctionem importat ut ordinatam ad peccatorum causas vitiorum coercitione excidendas, ad pœnæque reatum satisfactione Deo oblata extinguendum. Unde etiam, et res præcepta eodem proportionabiliter modo debet considerari, et quoad substantiam, quo pacto solum dicit injunctam pœnam absolute toleratam, et quoad finem, ac modum, quo sensu secum affert, et assecutionem finium, ad quos præceptum ordinatur, et gratiæ statum ad id omnino requisitum. Igitur ut confessarii præceptum quoad substantiam, et absolute adimpleatur, sufficit pœnitentem rem præceptam simili modo consideratam exhibere sive in statu peccati, sive non ; non vero requiritur, quod illam exerceat in gratiæ statu, nec quod peccatorum causas in re excidat, reatumque extinguat : hæc enim spectant ad modum, et finem tam rei præceptæ, quam præcepti ; et præcepti finis, ut communis sententia fert, sub præcepto non complectitur. Unde quemadmodum Ecclesiæ jejunia extra charitatem expleri valent, quia ad hoc rem præceptam exerceri sufficit ; ita ut confessarii præcepto satisfiat, satis est pœnitentiam in statu peccati exhibere, quin opus sit eam iterare, dum pœnitens ad Dei gratiam redierit. Hinc autem non colligitur, quod re vera tunc satisfaciatur, reatumque pœnæ exsolvat, sed quod relate ad hunc finem opus illud prorsus inutile existat, utpote mortuum, ac gratiæ valore destitutum.

66. Inquires quarto, an saltem opus extra charitatem factum, dum postea advenit charitas, fiat satisfactorium ? Etiam negative respondendum est. Ita Sotus in 4, dist. 19, quæst. 1, art. 5, Nugnus hic q. 14, art. 3, et alii subscribentes D. Thomæ sententiæ in præsentia art. 3, ejusque fundamento suadet : ideo opera extra charitatem facta satisfaciendi vim non habebant, quia ob gratiæ defectum erant mortua, ab ipsaque non formata ; sed charitate adveniente, gratia non informantur, nec vivificantur : ergo satisfactoria non fiunt. Consequentia legitime ex præmissis deducitur. Major ex supradictis patet. Minor vero, in qua poterat esse difficultas, suadet, quia gratia solum

4 Diff cult.

Resolutio.
Sotus,
Nugnus,
D. Thom.

solum informat, et vivificat opera ab ipsa procedentia; eatenus quippe vivificat, quatenus efficit; sed opera extra charitatem facta nullo modo a gratia postea adveniente fluxerunt: nequit enim effectus procedere saltem in genere causæ efficientis a principio, quod nec adest, nec fuit, sed aderit: ergo per gratiæ adventum opera extra charitatem facta non informantur, nec vitam accipiunt. Utraque hujus syllogismi præmissa, extra probationes insertas, est D. Thomæ in 2 argumento *sed contra* cit. art. unde cum opus ut satisfactorium sit, gratia indigeat, quæ per influxum in ipsum acceptabile reddat, semel quod extra gratiæ statum exerceatur, nequit deinceps satisfaciendi vim accipere.

fr. Confirmatur ad hominem contra oppositæ sententiæ adhærentes, quos suppresso nomine in corpore hujus articuli refert D. Thomas. Nam juxta illorum principia, ut ibi annotat S. Doctor, opera extra charitatem facta nequeunt charitate adveniente fieri meritoria: ergo nec satisfactoria. Suadetur consequentia: ideo per adventum charitatis fieri nequeunt meritoria, quia vim merendi debent habere a charitate influente, et charitas adveniens facere non potest illa opera a se fluxisse; sed valor satisfaciendi etiam a charitate influente dependet, et hæc in illa non influxit, nec postea adveniens influxisse facere valet: ergo nec satisfactoria reddere.

67. Objicies: D. Thomas in solutione ad 3, admittit in aliquibus operibus, utputa in jejunio, ac eleemosyna, extra charitatem factis, quod charitate postea adveniente sint Deo accepta; sed quæ sunt Deo accepta, sunt satisfactoria: ergo doctrina tradita universaliter vera non est. Minor, et consequentia liquent. Major autem probatur exhibendo verba Ang. Præceptoris: « Ad tertium dicendum, quod aliquæ satisfactiones sunt, ex quibus manet aliquis effectus in satisfaciendis, etiam postquam actus satisfaciendi » (materialis videlicet) « transiit; sicut ex jejunio manet corporis debilitatio, et ex eleemosynarum largitione substantiæ diminutio, et sic de similibus. Et tales satisfactiones in peccatis factæ non oportet quod iterentur: quia quantum ad hoc, quod de eis manet per pœnitentiam Deo accepta sunt. Satisfactiones autem, quæ non relinquunt

« aliquem effectum in satisfaciente postquam actus transiit, oportet quod iterentur, sicut est de oratione, et similibus. Actus autem interior, quia totaliter transiit, nullo modo vivificatur, sed oportet quod iteretur. » Ubi, ut vides, jejunio ac eleemosynæ in peccati statu factis concedit per gratiæ adventum vivificari, et Deo accepta fieri, eo quod aliquem effectum in satisfaciente relinquunt, ad distinctionem aliorum actuum, ex quibus nihil manet, dum gratia accedit.

Respondetur ex hoc Præceptoris Angelici testimonio, in cujus intelligentia, ut recte ^{Dirigitur.} ^{Sotus,} vidit Sotus in 4, dist. 19, quæst. 1, art. 5, vehementer non pauci allucinantur Thomistæ, minime colligi aliquem actum extra charitatem elicium fieri charitate adveniente satisfactorium. Etenim D. Thomas distinguens inter satisfactiones extra charitatem elicitas, quarum aliæ, ut jejunium, et eleemosynæ effectum in satisfaciente relinquunt, aliæ vero non, nunquam asseruit aliquam ex illis, etiam quæ effectum relinquunt, per gratiam advenientem vivificari, sed tantum dixit, quod: « Quantum ad hoc, quod de eis manet, per pœnitentiam Deo acceptæ sunt. » Hoc non est adstruere, ipsa opera præterita formaliter sumpta deinceps vivificari: sed effectum relictum, et usque ad gratiæ adventum perseverantem, vitam accipere, et fieri satisfactorium. Itaque aliud est, jejunium extra charitatem factum, et aliud corporis debilitas, quæ ex jejunio causata relinquitur, jejunium ergo formaliter sumptum, prout dicit actum jejunandi, in peccati statu exhibitum, non vivificatur, nec vivificari valet, ut satisfactorium sit, a gratia adveniente: quippe quod ab ipsa non informatur; nam ut jejunium illud formaliter sumptum postea vivificetur, quid conducit effectum reliquisse, si jam nec in se, nec in effectu est formaliter operatio aliqua, quæ in charitate fiat. Ceterum corporis debilitas, vel anxietas ex jejunio relicta, si usque ad gratiæ statum persistit, vim satisfactoriam accipit: quia ab ipsa incipit dignificari, et procedere, saltem quatenus ejus virtute a voluntate acceptatur, et in pœnæ remissionem dirigitur; imo hoc ita intelligendum est, ut ille effectus solum sit satisfactorius quoad illam partem, aut quasi partem, quæ gratiæ conjungitur, non vero

quoad totum absolute, et quoad id quod præcessit, ut constat in illo actu, qui per aliquam durationem fuit malus moraliter, et postea ob circumstantiarum variationem incipit esse bonus : hic enim non dicitur bonus absolute, et quoad totam durationem, quam in esse materialientis habuit; sed tantum quoad illam portionem, quam habet ex illo tunc, in quo bonitatem habere incepit. Unde (per quod tacitæ replicæ satisfiit) optime D. Thomas addere potuit, satisfactiones relinquentes effectum iterari non oportere : nam cum jejunium ad carnem mortificandam, et eidem debilitatem intelligendam ordinetur, si hæc usque ad statum gratiæ persistunt, in quo vim satisfactoriam accipiunt, non est opus actus iteratione, ad distinctionem aliarum satisfactionum nullum effectum relinquentium, quæ si in statu peccati fiant, cum omnino sint infructuosæ, indigent repetitione.

Difficilior.

68. Sed urgebis : nam ex relato D. Thomæ testimonio saltem colligitur, quod si jejunium illud effectum relinquens, et in statu peccati exercitum, a confessario in pœnitentiam fuerit injunctum, possit adveniente charitate tanquam pars sacramenti gratiam ex opere operato causare, ac satisfactorium fieri ; sed consequens contradicitur solutioni traditæ, quippe jam absolute verificatur, opus extra charitatem factum fieri per ejus adventum satisfactorium : tum, et præcipue doctrinæ stabilitæ tract. 22, disp. 4, dub. 6, § 2, ubi statuimus ex D. Thoma, nullum sacramentum characterem non imprimens (quale est pœnitentiæ) cum obice, vel fide susceptum, gratiam vel alium effectum instrumentaliter causare recedente fictione : ergo solutio tradita nulla est. Consequentia, ac minor quoad primam partem sunt manifestæ ; quoad secundam vero etiam liquet : nam idem judicium fieri debet de toto sacramento, ac de qualibet ejus parte sive essentiali, sive integrali ; atque adeo si totum pœnitentiæ sacramentum fide susceptum, quia characterem non imprimit, nequit recedente fictione effectum sortiri, nec etiam satisfactio, quæ est pars ejus integralis, illum consequi valebit, ac fieri satisfactoria. Major autem, in qua sistit tota difficultas, probatur. Etenim jejunium illud a confessario tanquam pars sacramenti injunctum, et in statu peccati exercitum, esto characterem

non imprimat, relinquit aliquem effectum, debilitatem nimirum corporis, usque ad fictionis remotionem perseverantem ; sed in principiis D. Thomæ a nobis loco proxime citato accurate expensis, sacramentum fide susceptum, quod aliquem effectum relinquit, recedente fictione causat gratiam, et ejus fructum : ergo cum satisfactio sit sacramenti, et gratiæ fructus, sequitur ex verbis D. Thomæ, quod jejunium effectum relinquens, et extra charitatem exercitum, si a sacerdote in pœnitentiam injunctum fuerit, fiat adveniente gratia, ac remoto obice satisfactorium, quippe quod pars sacramenti est.

Propter hanc objectionem, quæ difficultate non caret, plures Thomistæ in varias abiire sententias, ut apud Nugnum in præsentī, et Sotum loco supra relato videri potest. Ceterum si mens Ang. Præceptoris attente consideretur, omnia tam veritati quam doctrinæ nostræ esse consona dignoscetur. Etenim D. Thomas in hoc articulo, quidquid Cajetano, Nugno, et aliis arriserit, præcise sermonem intexuit de satisfactione secundum se, et prout est actus virtutis pœnitentiæ, et opus hominis ; non vero de satisfactione sacramentali, vel ut est pars sacramenti pœnitentiæ, quo pacto effectum ex opere operato nanciscitur, et est opus Dei. Unde cum in secundo argumento sibi opposuisset paritatem ex sacramento Baptismi, ejus virtus, ac efficacia in fide receptione impedita incipit recedente fictione effectum sortiri, respondet : « Ad D. Th. « secundum dicendum, quod Baptismus « imprimit characterem in anima, non « autem satisfactio ; et ideo adveniens character, quæ fictionem tollit, et peccatum, « facit quod Baptismus effectum suum « habeat ; non autem facit hoc de satisfactione. Et præterea Baptismus ex ipso « opere operato justificat, quod non est hominis, sed Dei, et ideo non eodem modo « mortificatur, sicut, et satisfactio, quæ est « opus hominis. » Ubi si loqueretur etiam de satisfactione, quæ pars est sacramenti, incongruenter assereret, eam non esse opus Dei, quod sacramento Baptismi adscribit, cum quælibet sacramenti pars opus Dei sit, causetque subinde ex opere operato gratiam aliquam.

Quocirca respondetur ad replicam negando majorem ad cujus probationem claritatis

claritatis gratia distinguenda est major : « relinquit aliquem effectum » procedentem a jejuniō ut reduplicative parte sacramenti pœnitentiæ, illam negamus : procedentem a jejuniō in esse entis, vel ut est actus abstinentiæ, aut alterius facultatis, eam concedimus. Et minorem eodem fere modo distinguimus : « sacramentum » fide susceptum, quod aliquem effectum « relinquit, » correspondentem sacramento ut tali, recedente fictione causat gratiam, ac fructum. concedenda est : neganda vero, si effectus ille non respondeat sacramento, vel ejus parti ut tali, sed tantum eidem in esse materialis entis, vel alterius rationis, quæ per accidens ad rationem sacramenti se habeat ; ac proinde negatur absolute consequentia. Itaque ut sacramentum fide susceptum, vel ejus pars dicatur absolute persistere virtualiter in suo effectū, atque ideo possit fictione recedente fructuosum fieri, necesse est effectum illum a sacramento ut sacramento, vel ab ejus parte ut tali procedere, alias non dicitur absolute virtualiter in effectū persistere, cum effectus ille ex virtute sacramenti non sit productus, sed aliunde. Jejunium autem a sacerdote in pœnitentiam injunctum, et in statu peccati exercitum, licet debilitatem corporis relinquat, hæc non procedit ab illo ut parte sacramenti, sed ab eo in esse entis, vel secundum aliam considerationem. Unde non inferitur, quod recedente fictione fiat ex opere operato fructuosum, et satisfactorium ; ac proinde nunquam verificatur, nec id ex D. Thomæ testimonio colligitur, satisfactionem aliquam, etiam in pœnitentiam injunctam, semel in statu peccati exercitam, per adventum gratiæ reviviscere, vel fieri fructuosam.

Quod vero debilitas ex illo jejuniō relicta non sit effectus illius ut reduplicative est pars sacramenti, sed illius ut est actus abstinentiæ, alteriusve facultatis, ex eo manifeste deprehenditur, quia eodem modo relinquitur in jejunante, sive procedat a jejuniō in pœnitentiam injuncto, sive voluntarie exercito. Si autem sequeretur ad jejuniū, ut reduplicative est pars sacramenti, nunquam procederet ab eo ut exercito voluntarie : quippe effectus nequit nisi a propria causa prodire, ut evidenter constat in characterē ad Baptismi absolutionem subsequuto : hic enim quantumvis quis

abluatur, minime imprimitur, nisi ablutio illa sacramentalis sit, ideo quia character non est effectus cujuscumque ablutionis, sed tantum sacramentalis ut talis. Tum etiam liquet : quia prædicta debilitas ex illo jejuniō relicta quid naturale est ; effectus autem sacramenti, vel ejus partis ut talis ad ordinem supernaturalem attinet, ut in eodem characterē ex Baptismo relicto cernere licet. Unde sicut mundities exterior, quæ relinquitur in capite, vel in alia parte, in qua fit baptismi ablutio, non est effectus Baptismi, vel ejus partis ut sacramentalis, sed solum ablutionis in esse entis, quia non est quid supernaturale, et alias æque bene fit a quacūque ablutione esto non sacramentali. Ita debilitas carnis relicta ex jejuniō in pœnitentiam injuncto, et extra charitatem exercito, non est effectus illius ut reduplicative est pars integralis sacramenti, quod requirebatur ut recedente fictione jejuniū illum fructuosum, ac satisfactorium fieret.

Consonatque hæc doctrina illi, quam Roboratur tradidimus tract. 22, disp. ac dubio in solutio. objectionē relatis, præcludentes effugium adversariorum conantium statuere posse pœnitentiæ sacramentum causare gratiam recedente fictione, licet characterem non imprimat, quia virtualiter perseverat in aliquo ejus effectū, in determinatione videlicet voluntatis, quæ subjectum sacramenti voluit illud recipere. Ibi enim ex eo hoc effugium evertimus, quia illa determinatio non se tenet ex parte sacramenti ut effectus illius, atque ideo esto utcumque maneat, non sufficit ut sacramentum fide susceptum in ea virtualiter perseveret, ac recedente fictione fructuosum fieri possit : quippe licet illa determinatio a Deo elevari valeat ad causandum instrumentaliter gratiam, id tamen minime sufficit, ut præteritum sacramentum in gratiam influere dicatur. Similiter ergo dicimus in præsentī ; effectus, qui relinquitur ex jejuniō extra charitatem exercito, non procedit ab eo ut parte integrali sacramenti, nec ex parte illius se habet ; unde esto jejuniū virtualiter perseveret in illo, non perseverat ut pars integralis sacramenti, quod requirebatur, ut gratia accedente posset vivificari, ac reatum pœnæ opere operato remove. Adde, non idem judicium faciendum de qualibet parte sacramenti, ac de toto sacramento.

Unde licet admitteretur, sacramentum pœnitentiæ recedente fictione effectum sortiri, id minimetribuendum foret cuilibet ejus parti etiam integrali, qualis satisfactio est : hæc quippe cum nec sacramentum sit, nec de ejus essentia, sed absque ea sacramentum absolute esse possit, ut homo sine digito, non operatur ad modum sacramenti ex opere operato, sed opere operantis. Itaque esto jejunium in pœnitentiam injunctum, et in statu gratiæ exercitum, sit virtute clavium magis satisfactorium ; si tamen extra charitatem exercetur, non sequitur quod recedente fictione, et gratia accedente reviviscat. Hæc cui placuerint Sotum consulat. in 4, dist. 19, quæst. 1, art. 5 ubi hac doctrina utitur, quæ utpote tanti Thomistæ probabilitate non caret, quamvis solutionem supra traditam censeamus præferendam.

Sotus

DUBIUM IV.

Utrum ad satisfactionem requiratur pactum, vel Dei promissio eam acceptandi ?

Præsens difficultas non procedit circa pactum, quod sit tale formaliter, et expresse, sed circa pactum saltem virtuale, aut implicitum ; nec etiam circa satisfactionem de congruo, hanc enim pactum non exposcere extra dubium est ; sed de satisfactione condigna, quæ, ut supra annotavimus, dupliciter accipi valet ; et in actu primo, quo pacto solum dicit æqualem valorem cum debito, ac ceteras conditiones, quas præcedenti dubio assignavimus, ut sit, quantum est ex se, sufficiens ad solvendum : et in actu secundo, prout nimirum ultra prædicta addit jus ut a creditore admittatur ; et de ea in hac ultima consideratione procedit difficultas, quam in coronidem disputationis annectimus, ut supra promisimus, ab illaque, quia non plura concernit, breviter expediemur.

§ 1.

Sententia affirmans statuitur.

Assertio

69. Dicendum est, ad satisfactionem in actu secundo, præbentemque jus ut acceptetur, requiri ex parte Dei pactum, vel promissionem eam acceptandi. Hæc asser-

tio consonat stabilitis tract. 16, disp. 1, dub. 6, et tract. 21, disp. 1, dub. 8, a num. 239, et sequentibus. Eamque a fortiori tueri coguntur omnes Doctores, quos locis citatis retulimus. In præsentī vero illam docet Suarez disp. 84, sect. 3, num. 4, et 9, et sect. 6, et etiam Gonet disp. 13, art. 2, § 4, quatenus asserit, requiri Dei voluntatem, et ordinationem ad satisfactionem, quod aliquod pactum saltem implicitum est. Potestque suaderi primo, ex eo quod satisfactio condigna, et quæ in actu secundo, ac infallibiliter infert effectum, præbet jus contra Deum, ipsumque ad acceptationem adstringit ; atqui Deus solummodo ex libera promissione acceptandi nobis facta potest debitor constitui : ergo hujusmodi promissio, quæ pactum dicitur, requiritur ad satisfactionem. Major, et consequentia constant ; minor vero probatur ex Augustino serm. 16, de verbis Apostoli, ubi inquit : « Debitor nobis factus est Deus non aliquid accipiendo, sed quod ei placuit promittendo. » Et paucis interjectis concludit : « Illo ergo modo possumus exigere Dominum nostrum : redde quod promissisti, quia fecimus quod jussisti. »

Suarez
Gonet

Probatur

D.
Augustinus

Confirmatur : quia opera satisfactoria Christi Domini pro hominum offensis, licet infiniti extiterint valoris, non potuerunt Deum obligare ad acceptationem independentem ab ejus pacto, vel promissione : ergo etiam hujusmodi conditio erit omnino necessaria, ut pœnitentis actus habeant in actu secundo rationem satisfactionis fundantis jus, et obligationem, ut admittatur. Antecedens fuse probatum manet tract. 21, disp. 1, dub. 8. Consequentia vero ex paritate liquet : quippe nimis multum esset puræ creaturæ actibus deferre, quod infinitis Christi operibus non conceditur. Id ipsumque roborari valet ex his, quæ in merito contingunt : etenim licet justorum opera a gratia procedentia sint vitæ æternæ digna, tamen ut illam complete in actu secundo mereantur tanquam ex justitia reddendam, Dei pactum, aut promissionem exigunt, ut loco relato ex tract. 16 statuimus ; et ex Concilio Tridentino sess. 6, cap. 16, colligitur, ubi vita æterna vocatur merces « ex Dei promissione bonis justorum operibus, et meritis reddenda. » Ergo idem dicendum est de satisfactione nostra

Concilium
Tridentinum

nostra, infallibiliter pœnæ temporalis debitum extinguente.

70. Probatur secundo a priori. Qui offert aliquod opus duobus debitis correspondens, et non utrique adæquatum, sed quod in solutione unius exhauritur, nequit creditorem ex justitia compellere ad illud acceptandum in adæquatam solutionem utriusque, ita ut non possit aliam exposcere, nisi creditor ipse se obligare velit ad illam acceptationem; sed omne opus, quod in satisfactionem pœnæ temporalis Deo exhibere valemus, est ipsi adæquate debitum aliis titulis: ergo nisi ipse libere cedens juri suo velit se obligare ratione aliqujus pacti, vel promissionis ad illud in satisfactionem acceptandum, ad id illum cogere non possumus; atque ideo independenter a pacto explicito, vel implicito, formali, aut virtuali, nequit dari satisfactio condigna, infallibiliter effectum consecutura. Minor, et consequentia constant. Major vero probatur: nam creditor jus habet, cui cedere non tenetur, exigendi illud opus ratione alterius debiti: ergo nemo illum compellere potest, nisi ipse obligationem sibi imponat illud opus acceptandi in utriusque debiti adæquatam solutionem. Unde si servus ex justitia Domino centum aureos deberet, quia ei totidem furatus est, et in Domini obsequium laboraret, ut debitum illud exstingeret, non ideo immunis ab illo esset; cum titulo servitutis omnis ejus labor alias sit Domino debitus. Quocirca si ad libertatem rediret, teneretur deinceps Domino restituere.

§ II.

Motiva contraria eliduntur.

71. Oppositam sententiam docet Vasquez de pœnit. quæst. 94, art. 1, dub. 3, num. 7. Quam ex eo probat, quia vel Deo promissio esset necessaria, ut satisfactio esset condigna, vel ut certo acceptaretur a Deo in remissionem pœnæ temporalis; sed ad neutrum desideratur: ergo omnino superflua est. Minor quoad utramque partem suadetur; quoad primam quidem: quia condignitas satisfactionis non provenit ex promissione, sed ex ipso opere in gratia elicito; sed potest ita fieri, esto nulla adsit promissio: ergo, et satisfactio

condigna existere absque promissione. Quoad secundam vero ex prima colligitur: nam qui condignam ex se offert compensationem pro pœna debita, eo ipso redditur dignus ut non puniatur; sed qui est dignus ut non puniatur, nec debet, nec potest a Deo puniri, alias non digne torqueretur, sed ex mera voluntate Dei, quod dici nequit: ergo esto nulla adsit promissio, cogitur Deus satisfactionem acceptare; atque ideo certo, et infallibiliter effectum sortitur.

Respondetur negando minorem, cujus ^{Solutio.} probationes non urgent. Ad primam enim respondetur, condignitatem satisfactionis ab utraque ortum ducere, et a gratia tanquam a principio efficienter valorante, et a promissione tanquam a conditione necessario petita *sine qua non*. Quippe opus a gratia procedens, cum sit debitum adæquate titulo creationis, in cujus solutione omnino ejus valor exhauritur, nequit deficiente promissione Dei esse sufficiens ad extinguendum etiam debitum pœnæ peccati. Supposita tamen promissione, qua Deus statuit illud opus acceptare non solum in extinctionem primi debiti, sed etiam secundi, redditur satisfactio condigna; siquidem, jam opus illud computatur quasi unico tantum titulo debitum, ad cujus solutionem sufficiens est. Unde ad secundam dicendum est, illum, qui offert compensationem pro pœna condignam, fieri non dignum pœna, atque ideo nec debere, nec posse puniri. Ceterum, qui in solutionem pœnæ peccatis debita offert opus a gratia procedens sine promissione ex parte Dei illud acceptandi, non exhibet compensationem condignam, quia illud opus est alio titulo adæquate debitum: atque ideo insufficiens ad solvendum etiam aliud debitum culpa contractum. Quocirca, nec fit dignus ut non puniatur, nec Deus amittit jus illum puniendi; unde si torqueretur, non ex libito Dei, sed ex justitia torqueretur. Adde, quod esto opus in gratia statu elicatum, adhuc deficiente Dei promissione, esset condignum ad pœnæ solutionem, hanc condignitatem solum haberet in actu primo, et aptitudinaliter quoad sufficientiam, non vero quoad efficaciam, et in actu secundo extinguentem debitum, et inferentem obligationem creditoris ad satisfactionem acceptandam; quod est difficultatis

scopus. Unde in illo eventu quamvis dignus ex se fieret, ut non puniretur qui illam satisfactionem offerret; Deus tamen non tenetur acceptationi, nec injuste puniret, si illum torqueret, sed proprio jure uteretur; quemadmodum iudex non obligatur acceptare pœnam sibi ipsi a reo impositam, esto condigna sit, sed ea non obstante potest reum torquere aliis cruciatibus a lege impositis; atque ideo illa satisfactio, deficiente Dei promissione eam acceptandi, certo, et infallibiliter non infert pœnæ solutionem.

Argum.
2.

72. Arguitur secundo: nam independentem a pacto potest unus condigne, et in actu secundo pro pœna peccati alterius satisfacere: ergo potiori jure sine hujusmodi pacto debitum proprii peccati extinguere valebit; et consequenter absolute verificabitur, satisfactionem efficacem a pacto non dependere. Antecedens ostenditur: quoniam in doctrina D. Thomæ in hac disputatione sæpius allegata, et in 4, dist. 20, quæst. 1, art. 1, quæstiunc. 1, ratio, ob quam unus pro alio condigne satisfacere potest, est quia ei per charitatem unitur; sed quod duo justi idem fiant per charitatem, a pacto, vel Dei promissione non dependet, sed eis competit ex propriis prædicatis charitatis habentis ex se unire amicos; ergo promissione Dei exclusa, unus pro alio condigne satisfacere potest.

Confirmat.

Confirmatur: quia non est minoris efficaciae nostra satisfactio ad extinctionem debiti pœnæ temporalis ex peccatis contracti, quam eadem peccata ad illud debitum inducendum; sed peccata inducunt debitum pœnæ temporalis independentem a pacto, vel Dei promissione etiam implicita: ergo et satisfactio reatum pœnæ extinguet, esto nulla Dei promissio adsit.

Enodater argument.

Ad argumentum respondetur negando antecedens, ad cujus probationem dicendum est, unionem per charitatem, quam justi habent, esse rationem ob quam unus pro alio efficaciter, et condigne satisfacere possit, supposita Dei promissione acceptandi opus in satisfactionem exhibitum; non autem esse rationem totalem, et absolutam independentem a quocumque alio ad id requisito. Unde quantumvis justi charitatis unione copularentur, si Dei promissio deficeret, satisfactio unius pro alio oblata

ad summum solum esset talis quoad sufficientiam, et in actu primo; non autem in actu secundo Deo obligationem inferret ad illius acceptationem. Quocirca unum alterius pœnas luere, ac pro illis satisfacere, non accidit absque omni prorsus Dei supremi iudicis dispositione accipientis unius pro alio satisfactionem: etenim si omnis rigor justitiæ observandus foret, ille qui peccatum commisit, puniendus erat, nec ab hujusmodi debito per alterius satisfactionem extrahendus.

Ad confirmationem negatur major: efficacius enim est peccatum ad pœnæ debitum inducendum, quam satisfactio ad illius extinctionem: nam qui peccat, nullum jus acquirit proprie loquendo contra iudicem, sed potius illud iudici tribuit, ut ipsum puniat, ac pœnas sustinere cogat, ad quod nulla iudicis promissio, vel consensus requiritur: sed ipse, qui peccat, sola propria voluntate fit pœnæ obnoxius, quatenus sponte lædit bonum divinum, in eo inferens inæqualitatem, ad ejusque reparationem per cruciatum sustinentiam se obligans. Qui vero per satisfactionem debitum pœnæ extinguit, et acquirit jus contra Deum ut pœnam remittat, et ab eo tollit jus exigendi debiti solutionem, quod independentem a Dei promissione fieri nequit. Etenim omnis obligatio oritur vel ex acceptis, vel ex promissis; Deus autem, cum sit summum bonum, ex acceptis obligari nequit, atque ideo si in vis satisfactionis obligatur ad pœnam remittendam, et ad aliam satisfactionem non exposcendam, indispensabilis est ejus promissio acceptandi illud opus in pœnæ debiti solutionem, præsertim cum aliis titulis sit debitum.

73. Arguitur tertio: nam qui offert satisfactionem debito æqualem, et condignam, independentem a pacto vel promissione creditoris illum compellit eam admittere, et debitum in actu secundo extinguit; sed homo potest exhibere Deo satisfactionem condignam, et æqualem debito pœnæ temporalis: ergo independentem ab ejus pacto efficaciter satisfacere potest. Consequentia legitime deducitur ex præmissis. Major ex eo liquet, quod si Petrus debitum quatuor aureorum contraxit, et totidem reddat creditori, debitum extinguit, et creditorem satisfactionem oblatam admittere compellit

Dilu
con
ma

Arg

lit

lit. Minor autem probatur : actus ferventissimæ contritionis est satisfactio condigna, et æqualis debito pœnæ temporalis contracto ex minimo peccato veniali ; sed potest Deo offerri ferventissimus contritionis actus in solutionem illius debiti : ergo. Nec refert si dicas, illum actum esse inadæquatam solutionem debito peccati venialis ; nam cum alias sit debitus adæquate titulo creationis, et in hujus debiti extinctionem adæquate exhauriatur, si non adest Dei promissio illum etiam acceptandi in solutionem pœnæ peccate veniali debitæ, ad id non pertingit. Nam contra est ; quia actus contritionis non est debitus titulo creationis, sed unice titulo peccati : ergo si prout comparatur huic posteriori titulo debitum adæquat, illud seclusa Dei promissione extinguit. Suadetur antecedens : quia si homo non peccasset, non teneretur titulo creationis actum contritionis elicere : hic enim cum sit dolor de peccatis, si ista non præcesserunt, impossibilis est, et ad impossibile nemo tenetur ; et tamen esto homo non peccasset, idem creationis debitum, quod nunc habet, contraxisset, quippe quod non variatur per subsequens peccatum, nec majus vel minus debitum fit : ergo illa contritio titulo creationis non est debita.

itur. Respondetur negando minorem ; ad cuius probationem dicendum est, solutionem inter arguendum datam esse optimam, et sustinendam ; quæ minime labefactatur superaddita impugnatione. Nam aliud est, actum contritionis non esse Deo debitum titulo creationis hominis, aliud quod non sit debitus titulo creationis, vel productionis ipsius contritionis. Unde si homo non peccasset, non teneretur absolute creationis titulo de peccatis dolere : hoc enim impossibile est, ut recte convincit objectio, ipsis non existentibus. Ceterum semel quod peccata commiserit, satisfactionem offerre tenetur. Hæc autem si actu contritionis exhibetur, independentem a pacto non adæquat debitum ex peccatis etiam venialibus contractum, quantumvis contritio ferventissima sit, ac peccata minima fuerint. Et ratio est : quia hujusmodi contritio, semel quod eliciatur, quoad totum quod habet Deo debetur titulo productionis non hominis, sed ipsius contritionis ; ad eam namque tanquam primum princi-

pium, et causa rerum influxum præbuit : atque ideo sibi tota titulo primi principii debetur, imo et titulo gratitudinis, siquidem virtutem ad eam eliciendam homini præstitit. Unde nisi adsit aliqua Dei promissio illam etiam acceptandi in extinctionem debiti pœnæ peccati, ad hoc æqualitatem non habet, nec hujusmodi debitum extinguit, sed in aliorum solutione omnibus ejus valor exhauritur. Alia argumenta, quæ hic opponi possent, jam alibi enervata manent locis ex tract. 21 et 16 supra relatis ; ideoque non est cur in eorum enodatione amplius immoremur.

DISPUTATIO XI.

De satisfactione sacramentali.

I. Cognitioni satisfactionis secundum se, et prout est actus virtutis, succedit consideratio illius ut ad pœnitentiæ sacramentum spectat, et quatenus exercetur ut a sacerdote in confessione injuncta, quo pacto satisfactio sacramentalis nuncupatur. Qualiter autem secundum hanc considerationem ad sacramentum attineat, utrum, nimirum, sit illius pars essentialis, an integralis, et quomodo ? Supra explicuimus in prima parte hujus tract. disp. 1, dub. 2. § 7, a num. 115, et sequentibus, et ad calcem art. 2, quæst. 90, ex ibi enim dictis constat, satisfactionem tripliciter posse considerari. Primo ut executi ; et in re posita. Secundo ut in voto expresso, quo pacto dicit animum positivum adimplendi id, quod a sacerdote injungitur. Tertio, radicaliter, et exactive, sed in voto implicito, quod nihil est aliud quam ipsa confessio ex se quasi radicans, et exigens satisfactionem. Igitur primo, ac secundo modo considerata, solum rationem partis integralis obtinet, non vero essentialis. Tum, quia satisfactio ut exercita supponit sacramentum quoad essentialia constitutum. Tum, quia satisfactio ut in voto expresso non semper adest in sacramento, ut apparet dum moribundo sensibus destituito sub conditione impertitur : in hoc enim eventu sine satisfactione in voto expresso non raro invenitur sacramentum, quod fieri non posset, si illius pars essentialis esset. Posteriori autem modo accepta non

incongruit essentialē partē nūcupari; quemadmodum risibilitas radicalis de essentiali hominis dicitur. Quæ omnia, quia ibi fusius expensa, hic amplius non exponuntur.

Verum ut sacramentalis satisfactionis, de qua in præsentiarum est sermo, quidditas innotescat, oportet definitionem satisfactionis secundum se, et prout est actus virtutis, in limine præcedentis disputationis explicatam, huc adducere: ex illa enim, et ex aliqua superaddita particula explicante id, in quo non sacramentalis a sacramentali satisfactione differt, hujus adæquata definitio consurget, quæ ita

Definitio
satisfac-
tionis
« sacra-
mental-
is

est: « Voluntaria sui punitio ad compensationem injuriæ Deo per peccatum illam, eumque sic placandum, ut temporalem pœnam remittat, juxta sacerdotis sententiam in pœnitentiæ sacramento. » Singulæ hujus definitionis particulæ usque ad *ly pœnam remittat* inclusive, explicatæ loco citato manent, et uniuscujusque sensus expositus. Omnes tamen simul sumptæ loco generis in præsentia collocantur: quippe in omnibus illis convenit satisfactio sacramentalis cum non sacramentali. *Ly autem juxta sacerdotis sententiam in pœnitentiæ sacramento* vicem differentię gerit: satisfactio namque sacramentalis ab ea, quæ solum est actus virtutis, in eo differt, quod hæc ad arbitrium pœnitentis extra sacramentum assumitur; illa vero, licet a pœnitente acceptari debeat, non ab eo imponitur, sed illius taxatio fit ex arbitrio, et autoritate sacerdotis, in pœnitentiæ foro judicis munere fungentis, ut plane asserit Concilium Tridentinum sess. 14, cap. 8, his verbis: « Debent ergo sacerdotes Do-
mini quantum spiritus, et prudentia suggererit, pro qualitate criminum, et pœnitentium facultate, salutare, et convenientes satisfactiones injungere, ne si forte peccatis conniveant, et indulgentius cum pœnitentibus agant, levissima quædam opera pro gravissimis delictis injungendo, alienorum peccatorum participes efficiantur. Habeant autem præ oculis, ut satisfactio, quam imponunt, non sit tantum ad novæ vitæ custodiam, et infirmitatis medicamentum, sed etiam ad præteritorum peccatorum vindictam, et castigationem: nam claves sacerdotum non ad solvendum dumtaxat, sed et

Conc.
Trid.

« ad ligandum concessas etiam antiqui Patres, et credunt, et docent. » Ubi Concilium, et id quod nuper diximus circa ultimas definitionis particulas, adstruit, et obiter sacerdotes in imponendis satisfactionibus instruit. Hæc autem sacramentalis satisfactionis definitio sic explicata cum illis coincidit, quas communiter Theologi efformant ex Conciliis Tridentino citata sess. et Florentino in litteris sancti unionis. Videantur N. Franciscus in præsentia, cap. 10, punct. 1, N. Antonius disp. 21, sect. 1, Sotus in 4, dist. 19, quæst. 1, art. 1, Nugnus in addit. ad 3, part. quæst. 12, art. 3, et Seraphinus ibidem. Præcognita igitur sacramentalis satisfactionis natura, primo disputandum assurgit

DUBIUM-I.

Utrum confessarius possit, ac debeat pœnitenti satisfactionem imponere?

Cum pœnitentiæ sacramentum a Christo Domino sit institutum tanquam quoddam spirituale iudicium, in quo commissa peccata puniuntur, et ad futura præcavenda remedia adhibentur, in eo pœnitens tanquam infirmus curandus, ac reus puniendus ante tribunal sistitur, sacerdos autem, et judicis sententiam ferentis, et medici remedia applicantis munere fungitur. Unde cum satisfactio sit medicina a sacerdote pœnitenti applicanda, et supplicium ad ejus peccatum puniendum; videndum est qua potestate gaudeat sacerdos, et qua adstringatur obligatione ad satisfactionis designationem. Quæ difficultas, cum plures contineat partes, quoad omnes diversis assertionibus decidenda est.

§ I.

Duplex assertio proponitur.

2. Dicendum est primo, sacerdotem posse pœnitenti satisfactionem imponere. Hæc conclusio ex secunda statim subjicienda colligitur: nam si sacerdos obligationem subit satisfactionem imponendi, illam injungere valebit; nemo enim ad id, quod non potest, tenetur. Constatque similiter ex perpetuo Ecclesiæ usu pœnitentias injungentis, et ex Patribus, ac Conciliis. Ex

Patribus

1
Asser

Patribus quidem, quia ita censent Augustinus de vera, et falsa pœnitentia cap. 10, Leo Pap. epistol. 89, cap. 2, Cyprianus lib. 1, epist. 3. Ex Conciliis autem, quia id satis aperte ostendunt Tridentinum sess. 14, cap. 8, Moguntinum 1, cap. 23, Cabilonense 2, cap. 45. Et inferunt ex cap. *utriusque* de pœnit. et remis. Eamque docet Suarez in præsent. disp. 38, sect. 1, Gratianus dist. 50, Marianus, Victor, et alii; estque communi Doctorum calculo recepta.

Suadetur ratione primo: nam in quolibet legitimo tribunali superior, qui iudicis munus exerceat, gaudet potestate non solum directiva, sed etiam coercitiva, ut reum pro qualitate delicti puniat; sed pœnitentiæ sacramentum est quoddam spirituale tribunal, in quo sacerdotes iudicis munere fungitur: ergo ibi auctoritatem coercitivam obtinet. Tum sic; sed huiusmodi coercitiva potestas nullo aptiori modo exercetur, quam per injunctionem alicujus pœnalitatis pœnitenti factam, ut pœnæ temporalis reatum solvat: « Neque enim » (inquit Concilium Trident. sess. 14, cap. 8.) « securior ulla via unquam existimata fuit » ad amovendum imminens a Domino « pœnam, quam ut hæc pœnitentiæ opera » homines cum vero animi dolore frequent. » Ergo sacerdos potest pœnitenti satisfactionem injungere. Major, ex qua reliqua pendunt, ex eo constat, quod potestas tantum directiva sine coactiva auctoritate non sufficit ad delicta punienda, atque ideo licet alias ad præcavenda futura crimina satis esset, in ordine tamen ad iudicium ferendum, et peccatum jam commissum vindicandum superflua omnino subsisteret. Quod evidentius patet ex ejusdem Concilii auctoritate numero præcedenti relata: ibi enim de injungendis satisfactionibus agens inquit: « Claves » sacerdotum non ad solvendum dumtaxat, « sed, et ad ligandum concessas antiqui » Patres, et credunt, et docent. » Claves enim sacerdotum illorum potestas est: si ergo ligare est satisfactionem imponere, et ad ligandum illis commissæ sunt claves, potestatem habent satisfactionem imponendi.

Confirmatur: quia pœnitentiæ sacramentum non solum fuit institutum in vindictam peccatorum, sed etiam in animarum medelam: ergo sacerdoti in hu-

jus sacramenti foro non solum commissum est munus iudicis sententiam ferentis, sed etiam medici spiritualis opportuna medicamenta decernentis. Atqui nulla ad huiusmodi effectum aptiora, quam pœnalia opera delectationibus criminum contrariantia: ergo sacerdos auctoritate medici illa pœnitenti in satisfactionem injungere valet. Subsumpta minor liquet tum ex Philosopho 2 *Ethic.* ubi inquit, quod: « Peccatorum medicinæ sunt pœnæ. » Tum ex Concilio Tridentino sess. 14, cap. 8, ubi ait: « Proculdubio enim magnopere a » peccato revocant, et quasi fræno quodam » coercent hæc satisfactoriæ pœnæ, cautiorumque, et vigilantiores in futurum pœnitentes efficiunt, medentur quoque peccatorum reliquiis, et vitiosos habitus » male vivendo comparatos contrariis virtutum actionibus tollunt. » Quæ ex statim dicendis amplius constabunt.

3. Dicendum est secundo, sacerdotem per se loquendo teneri pœnitenti satisfactionem imponere. Quoad hanc conclusionem inter Authores parum dissidii est. Eamque tuerentur Petrus de Soto de satisfactione lect. 2, Cajetanus in summ. verb. *Satisfactio*, Candidus disquisit. 24, art. 31, Gonet hic disp. 13, art. 3, num. 45, Nugnus hic quæst. 14, art. 2, Labat. tom. 7, tract. 3, dub. 5, § 1, N. Franciscus tract. 16, cap. 10, punct. 1, num. 15, N. Antonius tract. 5, disp. 21, sect. 2, num. 1604, Dicastillus disp. 14, num. 12, Suarez disp. 38, sect. 3, Lugo disp. 25, sect. 4, num. 49, Granados tom. 5, tract. 12, Palaus tom. 4, tract. 23, punct. 21, § 2, num. 6, Fagundez præcept. 2, lib. 9, cap. 3, num. 8, Joannes Sanct. disp. 5, num. 17, et alii.

Suadetur primo ex Tridentino sess. 14, cap. 8: « Debent ergo sacerdotes Domini, » quantum spiritus, et prudentia suggererit, pro qualitate criminum, et pœnitentium facultate, salutare, et convenientes satisfactiones injungere. » Quæ verba liquido ostendunt sacerdotis obligationem in injungendis satisfactionibus: nam ly *debent* præceptum importat. Idque ex eodem Concilio in verbis immediate sequentibus fulciri valet, quippe inquit: « Ne si » forte peccatis conniveant, et indulgentius » cum pœnitentibus agant, levissima quædam opera pro gravissimis delictis injungendo, alienorum peccatorum participes

P. illos.
Concil.
Trid.

Assertio
2

Petrus
Soto,
Cajet.
Candid.
Gonet.
Nugnus,
Labat.
N.
Franc.
N.
Anton.
Dicast.
Suarez,
Lugo,
Granad.
Palaus,
Fagund.
Joan.
Sanct.
Ratio.
ex Trid.

« efficiantur. » Hæc autem verificari minime valent, si sacerdotes nulla adstringuntur obligatione pœnitentias imponendi. Nam sacerdotes fieri participes criminum pœnitentium, si satisfactiones non injungunt, nihil est aliud quam ratione hujus omissionis in peccatum incidere; sed nemo in peccatum incidit, qui obligationem non frangit: ergo Concilii verba sustineri non valent, si confessarii satisfactiones imponere pœnitentibus non obligantur.

Confirmatur ex eodem Concilio sess. cit. ubi hujusmodi sacerdotis obligationem explicans, et satisfactionis injunctionem commendans, subdit: « Sane, et divinæ justitiæ ratio exigere videtur, ut aliter ab eo in gratiam recipiatur, qui ante Baptismum per ignorantiam deliquerint, aliter vero qui semel a peccati, et Dæmonis servitute liberati, scientes templum Dei violare non formidaverint. Et divini nam clementiam decet, ne ita nobis absque que ulla satisfactione peccata dimittantur, ut occasione accepta, peccata leviora putantes, velut injurii, et contumeliosi Spiritui Sancto, in graviora labamur, si thesaurizantes nobis iram in die iræ. » Si autem divina justitia exposcit, et divinam clementiam decet, pœnitentibus satisfactiones præfigere: ergo sacerdotes, qui Dei ministri sunt, ejusque vicem in hoc sacramento gerunt, divinæ justitiæ, ac clementiæ se conformare tenentur, atque ideo hujusmodi satisfactiones imponere.

4. Deinde probatur ratione: nam sacerdos, sacramenti pœnitentiæ minister, tenetur illud integre, et perfecte conficere; atqui si satisfactionem non injungit, perfectum ac integrum sacramentum non conficit: ergo audita confessione tenetur satisfactionem imponere. Consequentia est legitima. Major ex se liquet: etenim Religionis virtus exigit, ut hoc ipso quod sacramentum efficiatur, cum integritate, ac debita perfectione fiat; quemadmodum, et ipsa natura exposcit, ut ens naturale, quod producitur, cum partibus integralibus producat. Minor autem ostenditur: quia satisfactio, ut in limine disputationis prænotavimus, est pars integralis hujus sacramenti; sed absque parte integrali nulla res perfecta existit; perfectum enim cum bono coincidit, et bonum ex integra causa coalescit: ergo si sacer-

dos satisfactionem pœnitenti non injungit, perfectum ac integrum non conficit sacramentum, sed incompletum, ac mutilum relinquit, ut se haberet homo sine manu, aut digitis.

Confirmatur: quia judex in qualibet causa tenetur reum punire, et pro qualitate criminis pœnas injungere; sed sacerdos in pœnitentiæ sacramento munere judicis fungitur: ergo juxta culparum exigentiam tenetur satisfactiones præscribere. Minor, et consequentia patent. Major autem ex eo liquet, quod punire est munus judicis ex præcepto justitiæ vindictivæ, ut explicuimus in fine tract. 12, in arbore virtutum, § 10, num. 84 et deinceps. Ad hæc: Medicus adstringitur ex propriæ facultatis vice remedia morbo proportionata applicare; sed sacerdos, ut supra dictum est, non solum est minister hujus sacramenti, et judex in conscientiæ foro, sed etiam medicum agit: ergo cum pœnæ satisfactoriæ sint peccatorum medicinæ, pœnitentibus eas injungere adstringitur. Unde illi hæc obligatio ex triplici capite provenit, ex munere nimirum medici, judicis, ac ministri: qua minister, integrum debet conficere sacramentum; qua judex, reum punire; et qua medicus, remedia injungere. Quæ omnia per satisfactionis impositionem explentur.

5. Diximus in conclusione, *per se loquendo* sacerdotem teneri ad injungendam satisfactionem: *per accidens* namque ab hujusmodi obligatione extrahi contingit, uti est casus dum pœnitens sensibus destitutus est physice impotens percipiendi pœnitentiæ injunctionem, et consequenter eam implendi: tunc enim, ut communiter sentiunt Doctores, cum pœnitens hujus sacramenti quoad essentialia capax existat, necessitasque urgeat, et aliunde ratione impotentiae physicae cum omnimoda integritate illud recipere nequeat, adest causa sufficiens, quæ sacramenti administrationem absque satisfactionis impositione licitam reddat. Hanc tamen excusationem ita aliqui explicant, quod si pœnitens non est omnino sensibus destitutus, eundem sacerdos adstringitur admonere, qua pœnitentia pro criminum qualitate debebat gravari, imo, et illum cogere ad eam adimplendam, si forsitan ex mortis periculo evadat. Ceterum limitationi huic quoad omnia minime

Confirmatur.

Nota.

nime acquiescimus : nam si infirmus adeo non est sensibus destitutus, ut illam admonitionem percipere valeat, non est cur absque omni prorsus satisfactione imposita absolvendus sit : debet enim sacerdos in illo eventu absolute aliquam saltem levissimam injungere pœnitentiam, uti recitationem salutationis Angelicæ, vel dulcissimi nominis Jesu invocationem, quæ si non ore, saltem corde fiat, ut modo quo possibile sit, sacramentum perficiat. Si vero periculum evadendi spem tribuat, jam non erit impossibilis satisfactio futura, atque ideo nec de præsentis aderit causa, ut nunc non injungatur acceptanda pro tunc deinceps adimplenda, ut habetur in jure cap. *Ab infirmis* 29, quæst. 7, ubi dicitur : « A quo periculo si divinitus ereptus con-
« valuerit, impositum sibi a sacerdote pœ-
« nitentiæ modum diligenter observet. »

6. Sunt autem alii casus hic examinandi, in quibus Authores contendunt sacerdotem a satisfactionibus imponendis per accidens excusari. Primus est Cajetani tom. 1 Opusc. quæst. 2, art. 2, Navarri cap. 26, num. 20, Suarii disp. 38, sect. 3, num. 4, asserentium, sacerdotem, qui prudenter judicat, pœnitentem jam integre pro pœna temporali, dimissa culpa, ante confessionem satisfecisse, et cum ex circumstantiis agnoscit illius contritionem satis intensam, excusari per accidens a satisfactionis injunctione. Opposita tamen sententia sustinenda est cum Gonet hic disp. 13, art. 3, § 3, num. 45 in fine, Bonacina, Granada, Trullench, Leandro, Frias, Ricardo disp. 18, art. 2, quæst. 2, ad I et alii. Etenim ex nullo principio moraliter loquendo (seclusa divina revelatione) sacerdoti constare valet, pœnitentem integre, et omnino pro pœna peccatis debita satisfecisse, ita ut nec unius orationis Dominicæ recitatione gravari debeat. Unde hic eventus utpote non practicus, sed metaphysicus, admittendus non est; imo non incongrue addit Mediavilla, quod licet sacerdoti ob sibi factam revelationem constaret, pœnitentem jam adæquate satisfecisse, adhuc aliquam saltem levissimam pœnitentiam teneretur injungere, tum ut sacramentum integrum redderet, tum ut precautionem ad futurum peccatum apponeret, in quo satisfactio aliquem effectum nancisceretur. Idque nobis non displicet.

7. Secundus casus est ille, in quo sacerdos probabiliter judicat pœnitentem nullam admissurum, vel executurum satisfactionem; in quo eventu sacerdotem sine aliqua imposita satisfactione posse absolvere pœnitentem aliqui autumant, et rationem assignant : quia cum ibi cesset finis impositionis, etiam cessare debet obligatio sacerdotis. Ita Henriquez lib. 2 de pœnit. cap. 20, Frias in summa fol. 21, Villalobos tract. 9, disp. 78, num. 4 et Lublin verb. *Satisfactio*, num. 1. Ceterum nec in hujusmodi eventu sacerdotem ab obligatione injungendi pœnitentiam extrahi, sentiendum est cum Nugno tom. 2 in 3 part. quæst. 18, art. 3, difficult. 2. Cui etiam subscribunt Palaus, Bonacina, Lugo, Granados, Fagundez, N. Franciscus tract. 6, cap. 10, punct. 2 et alii. Cujus multiplex ratio assignari potest Tum : quia ansa ad deteriora crimina pœnitenti tribueretur, si tantum quia satisfactionem excipere renuit, sacerdos nulla adhibita punitione eum absolvit, ac omne, quod illi arripet, permittit. Tum : quia hic Concilii ratio maxime urget, sacerdotem, nimirum, pœnitentium criminibus annuentem, illorum participem fieri : pœnitentem enim satisfactionem admittere nolle, irrationabilis excusatio est, ut injunctionis pœnitentiæ omissionem licitam reddat. Tum denique : quia sacerdos tenetur sacramentum non relinquere imperfectum, ac truncum. Ratio autem, quam oppositæ sententiæ ad hærentes assignant, nullius momenti est : etenim satisfactionis impositio ordinatur ad sacramenti integritatem, ad commissi criminis punitionem, et ad precautionem futuri; qui quidem fines in prædicto eventu non cessant. Imo dicendum est, quod si pœnitens nullam vult admittere, vel implere satisfactionem, fecte ad sacramentum accedit, ac illud absque congrua dispositione reciperet. Unde sacerdos rei conscius sacrilege absolutionem præstaret.

8. Tertius casus est, dum scrupulosus semel absolutus, iterum atque iterum incunctanter sacerdotem adit, ut absolvatur. Tunc enim posse sacerdotem eum absolvere absque nova satisfactionis impositione, dummodo pœnitentiam in prima confessione injectam applicet peccatis in secunda denuo confessis, sentiunt Henriquez lib. 5 de pœnit. cap. 20, num. 6, Bonacina disp.

5, q. 5, sect. 3, punct. 3, num. 3 et alii. Quorum fundamentum est, quoniam opus alias ex præcepto debitum potest in satisfactionem injungi : ergo, et satisfactio in prima confessione imposita poterit in secunda applicari. Verum etiam hic casus rejiciendus est : nam vel scrupulosus in secunda confessione novum prodit peccatum, vel antiquum jam confessum ? Si primum ; extra dubium est sacerdotem teneri novam satisfactionem injungere. Si secundum ; non debet sacerdos pœnitentem absolvere, sed consultius erit, ut scrupulos rescindat, inabsolutum dimittere. Si autem pœnitentis precibus annuens iterum illum absolvit, novam tenetur imponere satisfactionem : etenim vel illa, quam in prima confessione pœnitenti injunxit, est jam executioni mandata, vel non ? Si primum ; aliam distinctam injungere debet ; tum ne sacramentum imperfectum relinquat ; tum, quia satisfactio non est opus factum, sed faciendum, alias magni cruciatus jam perpassi valerent pro culpis denuo confessis in pœnitentiam injungi. Si secundum : etiam novam tenetur addere pœnitentiam : nam esto culpa, quæ in secunda confessione proditur, sit eadem, quæ in prima ; tamen adest novum sacramentum, quod distinctam pœnitentiam exigit : eadem quippe satisfactio nequit esse pars integralis duplicis sacramenti, quemadmodum nec idem digitus duplicem hominem integrare valet. Maxime : quia sæpissime accidit, præsertim in viris timoratæ conscientiæ, sola peccata jam pluries confessa iterum confiteri, et nihilominus nova satisfactio adhibetur. Fundamentum autem adversariorum nullius momenti est, nam licet verum sit, opus alias præceptum in satisfactionem injungi posse, hoc ita intelligendum est, ut præceptum, ac debitum non sit ex eodem satisfaciendi titulo, sed ex distincto ; quod ideo est, quia dum opus alias est debitum ex præcepto divino, vel Ecclesiastico, a Deo nobis liberaliter condonatur, ut quasi nullo alio titulo debitum, illud in solutionem reatus pœnæ temporalis offerre possimus. Dum vero ex eodem titulo satisfaciendi est debitum, ita non accidit. Unde huic placito adhærent Palaus punct. 11, § 2, num. 10, Candidus disquisit. 24, art. 31, dub. 3, N. Franciscus ubi supra, et alii.

9. Tandem posse sacerdotem nulla injuncta satisfactione absolvere pœnitentem tempore jubilæi, plenariæve indulgentiæ, docent Sa verbo *Satisfactio*, num. 2, Vivaldus, Lublin, et alii. Nam cum ex jubilæo plena concedatur peccatorum remissio, etiam quoad pœnæ reatum, superflua censetur quælibet satisfactionis injunctio. Sed hanc excusationem minime admittendam censemus ; tum ob rationem sæpius allatam, sacerdotem, nimirum, teneri integritati, ac perfectioni sacramenti consulere. Tum etiam : quia frequenter accidit animo jubilæum lucrandi pœnitentem sacerdotem adire, ac deinceps post emissam confessionem vel voluntatem invertere, vel a lucranda indulgentia impediri, quia media a Pontifice præscripta debito modo non exhibet. Tum denique : quia sacerdos non tantum judicis, sed et medici munus obtinet, ad quem remedia criminum morbis medendis præscribere attinet ; atque ideo cum ex jubilæi assecutione animæ vulnera, saltem quoad futura crimina præcavenda, non censeantur satis curata, eam satisfactionem debet injungere, quam fini huic aptiorem judicaverit ; de quo infra sermo redibit.

Ex quibus liquido constat, sacerdotem per se teneri semper pœnitentiam injungere, et solum per accidens ab hujusmodi obligatione extrahi, dum pœnitens sensibus destitutus eam percipere, ac exequi non valet ; in aliis autem eventibus debet aliquam, saltem levissimam, imponere, ob rationes hucusque assignatas. Hic autem animadvertendum est, quod licet opera in pœnitentiam a sacerdote injungenda valeant esse ex præcepto debita, ut præcedenti disputatione docuimus ; regulariter tamen, ut pœnitentes novam pœnalitatem experti a criminibus respiciant, supererogationis opera imponenda sunt, inter quæ jejunium, oratio, ac eleemosyna principaliora esse debent, ut recte admonet D. Thomas ^{D. Tho.} in præsent. q. 15, art. 3. Nam satisfactio ut medicinalis ad peccatorum causas excidendas ordinatur ; peccatorum autem causa est triplex, juxta illud Joannis 2, numer. 26 : *Omne, quod est in mundo, concupiscentia carnis est, et concupiscentia oculorum, et superbia vitæ*. Unde cum jejunium carnis concupiscentiam, eleemosyna oculorum sitim, oratio vitæ superbiam excidat

excidat, ad hæc tria satisfactiones reducendæ sunt.

§ II.

Duplex alia assertio statuitur, et qualiter teneatur satisfactionem injungere sacerdos, declaratur.

Ex hactenus, § præcedenti dictis solum constat, teneri sacerdotem per se loquendo aliquam pœnitenti injungere satisfactionem, non vero quanta sit hujusmodi obligatio, an nimirum gravis, vel levis; circa quam difficultatem non parum Authores dissident. Pro ejus tamen resolutione animadvertere opus est, confessionem constare posse vel ex solis venialibus, aut etiam mortalibus jam rite confessis, vel ex lethalibus nondum confessioni subjectis. Igitur cum pœnitentia sit culpis proportionanda, tenetur sacerdos pro mortalibus non antea confessis gravem satisfactionem injungere; pro venialibus vero, ac mortalibus jam confessis levem tantum imponere. Quibus suppositis,

Assertio 3. 10. Dicendum est tertio, prædictam sacerdotis obligationem secundum se, vel ex genere suo esse gravem. Ita N. Franciscus in præsentī, cap. 10, punct. 2, num. 17, Suarez disp. 38, sect. 3, num. 1, Lugo disp. 25, sect. 4, num. 49, Ochagavia tract. ultim. de Pœnit. Suadeturque ratione: nam lex, aut præceptum in materia Religionis, charitatis, justitiæ, aut aliarum virtutum ad bonum animarum graviter conducentium, per se loquendo obligat sub mortali, nisi aliud constet de intentione Legislatoris; sed hujusmodi est lex, aut præceptum sacerdotem adstringens, ut pœnitentiam injungat; ergo per se illum obligat sub culpa lethali. Consequentia est legitima. Majorem stabilivimus cum communi Doctorum placite tract. 13, disput. 19, dub. 1, § 1. Minor vero ex supra dictis ostenditur: etenim quod sacerdos pœnitentiam debeat injungere, provenit tum ex virtute Religionis præcipientis reverentiam, integritatem, ac sacramenti perfectionem; tum ex justitia vindicativa, ratione cujus sacerdos tanquam judex tenetur reum punire; tum denique ex munere spiritalis medici, qui adstringitur sive ex charitate, sive ex illa virtute, contra quam est

periculum futuri peccati pœnitentis, illi medicamenta præscribere; atqui hujusmodi virtutes graviter ex genere suo conducunt, et ad bonum sacramenti pœnitentiæ, et ad animarum salutem: ergo lex, vel præceptum, quod sacerdotem adstringit ad satisfactionem injungendam, oritur ex principio ad animarum salutem ex genere suo graviter conducente.

Ex quibus manifeste deducitur, non esse liberum confessariis, gravem pro levibus, aut levem pro gravibus peccatis pœnitentiam injungere; sed peccare mortaliter, si proportionatam, ac unicuique peccato debitam non assignent. Tum: quia ita colligitur ex verbis Concilii supra relatis: Concil. Trid. « Debet ergo sacerdotes pro qualitate criminum, et pœnitentium facultate, salutare, et convenientes satisfactiones injungere, ne levissima quædam opera pro gravissimis delictis injungendo, alienorum peccatorum participes efficiantur. » Tum etiam: quia judex, dum reum punit, debet servare æquitatem; hanc autem non servat, qui gravia crimina leviter, vel leve peccatum graviter punit: ergo ut æquitatem judicii servet, debet satisfactionem imponere culpis proportionatam. Videntur tamen restat, an hujusmodi obligatio ob materiæ parvitatem, vel aliunde levis esse possit, atque ideo solum ad culpam venialem sacerdotem adstringetur? Itaque

11. Dicendum est quarto, sacerdotis obligationem imponendi levem pœnitentiam ob peccata venialia, vel ob mortalia jam confessa, levem tantum esse, atque ideo ejus voluntariam omissionem (præciso contemptu) terminos peccati venialis non transilire. Ita probabiliter N. Franciscus in præsentī, punct. 2, num. 19, Lugo disp. 25, sect. 4, num. 49, N. Antonius disp. 21, sect. 2, num. 1604, Diana part. 6, resolut. 44, Aversa quæst. 13, sect. 2, Ochagavia quæst. 8, num. 7, Stephanus a S. Paulo num. 172, Dicastillo dubit. 2, num. 12, et alii plures, satisque colligitur ex Tridentino, autoritate supra num. 3 relata.

Probatur assertio ratione: nam lex religionis, aut Justitiæ, etiamsi ex genere suo sub mortali adstringat, tamen in materia levi solum levem obligationem inducit; atqui impositio pœnitentiæ ob peccata venialia, vel ob mortalia jam con-

Ratio.

fessa, est materia levis : ergo sacerdos ad hujusmodi pœnitentiæ impositionem solum leviter obligatur. Consequentia liquet ; major est communis sententia Doctorum in materia de legibus ; unde licet votum, quod ex Religionis virtute obligat, ex genere suo sub mortali adstringat, nihilominus ob materiæ parvitatem solum levem obligationem inducit, ut patet in voto salutationem Angelicam recitandi, cujus omissione veniale tantum peccatum est, ut recte docet N. Andreas tract. 11, cap. 2, § 2, et tract. 17, capit. 1, punct. 6, § 2, num. 113. Minor vero suadetur : tum, quia pœnitentiæ impositio regulari debet per culpam, ob quam pœnitentia injungenda est ; sed peccata venialia, aut etiam mortalia jam sæpius confessa, sunt materia levis in ordine ad pœnam, quam ipsis imponendam exigunt : ergo, et illius impositio. Tum etiam ; nam pœnitentiæ injectio ob peccata venialia, vel mortalia jam confessa, ad tria dirigitur, nempe, ad debitam sacramenti integritatem, justam criminis punitionem, et animæ congruentem salutem ; sed ad nullum ex his graviter conducit, quum absque levis ægritudinis medicamento animæ salus simpliciter obtineatur, et sine levis delicti punitione, vel gravis jam sufficienter puniti, substantialis judicii rectitudo subsistat, ac tandem sine levi parte integrali substantialiter maneat integra sacramenti materia, quemadmodum defectus in dente, quia levis, substantialem hominis integritatem non tollit, licet alias defectus brachii, vel manus, quia reputatur gravis, id efficiat : ergo levis pœnitentiæ impositio in confessione venialium, vel mortalium vitæ ante actæ, levis materia est : hæc quippe ex fine, ad quem dirigitur, regulatur.

Confirm.
1.

Confirmatur primo : nam judex civilis lethaliter non delinquit, si leve delictum non punit ; nec medicus corporis, si languori tenuissimo medicamentum non exhibet ; nec culpæ gravis reatum contrahit minister, qui in re parvi momenti proprio muneri non satisfacit ; sed ita se habet sacerdos pœnitentiam non injungens ob venialia crimina, aut mortalia sæpius jam confessa, et punita : ergo ad hujusmodi satisfactionem imponendam sub lethali culpa non adstringitur. Confirmatur secundo : nam pœnitentes, qui levem satisfactionem, ob peccata venialia impositam,

omittunt, in omnium fere sententia non graviter peccant, nisi ex contemptu omitant : ergo nec sacerdos sub mortali adstringitur illius impositioni. Antecedens ex dicendis dub. seq. constabit. Consequentia vero ex paritate liquet : quippe eadem sequuntur inconvenientia ex omissione exequendi satisfactionem, ac ex omissione illam injungendi.

§ III.

Sententia ultimæ assertioni contraria refertur.

12. Adversus primas tres assertiones nullum alicujus ponderis vidimus argumentum ; adversus ultimam vero sentiunt Castro Palao tract. 23, disp. unica, punct. 21, § 2, num. 6, Joannes Sancte in selectis, disp. 15, num. 14 et 17, N. Gabriel a S. Vincentio disp. 12, quæst. 3, Reginaldus in praxi, tom. 1, lib. 7, num. 12. Quorum fundamentum est : quia sacerdos ut sacramenti minister sub culpa lethali adstringitur, quantum est ex se, illud debita integritate perficere ; atqui si pœnitentiam in confessione venialium, aut mortalium vitæ ante actæ non injungit, sacramentum incompletum, ac sine debita integritate relinquit : ergo non levem, sed gravem frangit obligationem. Majorem adversarii supponunt ex intrinsecis spectantibus ad munus hujus sacramenti, et alterius cujuslibet. Minor vero probatur : nam satisfactio est pars integralis sacramenti pœnitentiæ ; sed quodlibet compositum debita parte integrali fraudatum manet imperfectum : ergo si sacerdos in confessione venialium pœnitentiam non injungit, sacramentum imperfectum relinquit.

Confirmatur primo : etenim res exigua, sine qua finis magni momenti obtineri non valet, quamvis absolute in se levis sit, tamen ut ad hujusmodi finem conducit, reputatur gravis ; sed integritas sacramenti, ad quam ordinatur pœnitentiæ impositio, res magni momenti est : ergo licet injectio levis pœnitentiæ ob peccata venialia, vel mortalia jam confessa in se levis sit, nihilominus ut ad sacramenti integritatem conducens gravis reputari debet, subindeque sacerdotem sub lethali adstringere. Majorem, quam non negamus, aliquibus instantiis suadere nititur Sanctius.

Primo

Primo, quia aquæ guttam diglutire, in re quid modicum est; et tamen illa diglutio ante Eucharisticam sumpcionem est quid gravissimum, eo quod violatur naturale jejunium, ob reverentiam tanti sacramenti indictum. Secundo, quia rem spiritualem vendere etiam in exiguo pretio, esto in se quid modicum sit, grave peccatum est: ergo. Minor autem ostenditur: nam si sacramenti pœnitentiæ integritas magni momenti non esset, sacerdos in confessione mortalium gravem pœnitentiam non injungens, graviter non delinqueret; sed oppositum statuimus supra num. 10. Ergo. Probatur sequela: quippe sacramentum, in quo sola venialia consistunt, non minus imperfectum manet sine injunctione pœnitentiæ levis, quam illud, in quo mortalia deteguntur absque injunctione pœnitentiæ gravis, cum ab utroque tota illius pars integralis præscindatur, sed in priori eventu sacerdos pœnitentiæ injunctionem omittens, graviter non delinquit: ergo nec in posteriori.

Confirm.
2.

Confirmatur secundo, et urgetur: nam vel sacramento gravis irrogatur injuria, dum ejus pars integralis non apponitur, vel tantum levis? Si primum: ergo graviter delinquit sacerdos in confessione venialium nullam pœnitentiam injungens; siquidem sacramentum sine parte integrali conficitur. Si secundum: ergo in mortalium confessione sacerdos pœnitentiæ injunctionem omittens, gravem obligationem non frangit. Cum ergo hoc ultimum admittendum non sit, primum asserendum est.

Solvit.
argum.

13. Respondetur ad argumentum, concessa majori, distinguendo minorem, quæ si intelligatur de sacramento imperfecto *in re parvi ponderis*, concedenda est; neganda vero *in re magni momenti*. Ad cujus probationem quatenus solutioni huic officere valet, fere eodem modo distinguenda est minor, quam concedimus intellectam de imperfectione sacramenti *juxta mensuram illius partis integralis*, qua fraudatur; secus vero *sine proportionem ad illam mensuram*. Licet enim sacerdos sacramentum perfectum, ac integrum conficere teneatur, non tamen semper, ac in omni eventu ad id sub lethali obligatione adstringitur, sed graviter, aut leviter juxta quantitatem partis integralis, quam debet imponere.

Unde si hæc gravis, aut magni momenti fuerit, uti est illa, quæ injungi debet pœnitenti, dum peccata mortalia nunquam concessa clavibus subjiciuntur, graviter delinquit sacerdos eam non iungendo, quia per abscissionem partis integrantis magni ponderis, sacramentum notabiliter deturpat, illique gravem injuriam irrogat. Verum si oppositum contingit, et pars integralis abscissa parvi momenti est, ut accidit in pœnitentia levibus, vel etiam mortalibus jam confessis, ac punitis respondentem, sacerdos venialiter tantum delinquit, quippe illius partis defectus levem tantummodo sacramenti imperfectionem arguit, ac illi injuriam tenuissimam infert.

Idque exemplo satis congruenti declarari valet. Etenim votum ex genere suo, cum ex religionis virtute vim adstringendi obtineat, gravem obligationem inducit. Quocirca qui rem magni ponderis promisit, uti jejunium, vel quid simile, si omnino id omittit, lethalis culpæ reatum contrahit. Ceterum si de re tenui votum fiat, recitandi, v. g. salutationem Angelicam, illius omisio terminos peccati venialis non excedit, quia promissis non stare in re adeo parvi ponderis, tantum est levem Deo irreverentiam inferre, ut docent N. Andreas tract. 17, cap. 1, punct. 4, § 2, num. 113, Soto lib. 7, quæst. 2, art. 1, Prado cap. 31, quæstiunc. 4, § 3, num. 31, Aragon 2, 2, quæst. 88, art. 3, Raphael de la Torre ibi art. 5, dist. 5, Joannes a S. Thoma ibi art. 8, num. 5, Suarez lib. 5, cap. 8, num. 9, Sanchez lib. 4, cop. 12, Bonacina punct. 5, § 4, num. 8, Palaus tom. 3, tract. 15, disp. 1, punct. 11, nu. 6. Non absimiliter ergo, quamvis sacerdotis præceptum injungendi satisfactionem ex genere suo sub lethali adstringat; potest tamen levem committere culpam ob materiæ parvitatem, dum ob venialia, vel mortalia jam clavibus subjecta, nullam pœnitentiam injungit: tunc quippe minimam partem integram a sacramento removet.

Ad primam confirmationem fatemur quidem, rem exiguam, sine qua finis magni momenti obtineri non valet, fieri gravem ratione finis, ad quem dirigitur; atque ideo illam omittere, culpam lethalem esse; ut liquet in aquæ gutta vino consecrando immiscenda, quæ physice quid modicissi-

N. Andr.
Soto,
Prado,
Aragon,
Raphael,
Joan. a
S. Thoma
Suarez,
Sanchez,
Bonacina,
Palaus.

Diluitur
confirmatio 1.

munum est, et tamen in ordine ad finem, quem respicit, et in ratione signi, ac sacræ cæremoniæ est res adeo gravis, ut ejus voluntaria omisio nequeat non grave peccatum esse, ut tract. 23, dip. 4, dub. 3, § 1, num. 47 ponderavimus. Id quod etiam evenire in exemplis a Sanctio in confirmatione allatis minime diffitemur : nam exiguitas pretii accepti pro re spirituali magnam illi irrogat injuriam, siquidem eam ostendit reputari æstimatione dignam. Et aquæ guttam, vel minimam cibi partem accipere ante Eucharistiæ sumpcionem, esto in se quid leve sit: nihilominus ratione finis, in quem collimat, reverentiæ nimirum tanti sacramenti, magni ponderis efficitur. Unde jejunii naturalis violatio etiam per rei exiguæ sumpcionem ante Eucharistiam lethalem culpam inducit. Ceterum oppositum contingit, dum res in se est parvi momenti, et alias ad finem non magni dirigitur : tunc enim nullum adest caput, ex quo gravitatem induere valeat ; et ita in casu, de quo in præsentia accidit. Nam satisfactio ob peccata venialia, vel ob mortalia jam confessæ injungenda in se res exiguæ entitatis est, ut adversarii concedunt, et alias non in finem magni momenti tendit : quia licet dirigatur ad sacramenti pœnitentiæ integritatem, hæc tamen latitudinem admittit, utpote quæ coalescit ex partibus principaliter, et quasi simpliciter integrantibus, et ex partibus minimis, et secundum quid perficientibus ; ut in integritate hominis videre est : hæc enim consurgit ex capite, brachio, pede, et aliis, quæ principaliter illum componunt, et ex capillis, dentibus, ac digitorum extremitatibus, quæ solum rationem partis secundum quid sortiuntur, et non ita notabiliter hominem adintegrant. Igitur satisfactio ob peccata venialia, vel ob mortalia clavibus jam subiecta, dirigatur ad sacramenti integritatem, quæ est talis secundum quid, atque ideo non in finem magni ponderis, sed exigui : quemadmodum unguis aliquis, vel digiti extremitas hominis integritatem simpliciter substantialem non respicit.

Applicatur solutio. Quocirca juxta hanc doctrinam concedenda est major confirmationis, et minor absolute neganda, vel saltem distinguenda ; quæ si intelligatur de integritate sacramenti *ex genere suo, aut simpliciter tali*, vel de ea, ad quam ordinatur pœnitentiæ

impositio ob peccata mortalia nunquam confessæ, concedi debet ; negari vero, si procedat de integritate sacramenti *in omni eventu*, vel de illa, quæ solum est talis *secundum quid*. Et ad minoris probationem neganda est sequela quæ inducta probatione non suadetur : quippe sacramentum, in quo peccata lethalia antea non confessæ clavibus subjiciuntur, imperfectius manet sine pœnitentia gravi injuncta, quam illud, in quo deteguntur venialia, sine pœnitentia levi imposita ; nam cum pœnitentia peccatis lethalibus nunquam confessis debita sit gravis, atque adeo pars integralis sacramenti magni ponderis, illudque notabiliter perficiens, et quasi simpliciter integrans, illam pœnitentiam non injungere, est sacramentum deturpare, ac subinde lethaliter delinquere. Pœnitentia vero ob levia peccata applicanda, est res satis exigua, a qua perfectio, ac integritas sacramenti solum dependet secundum quid ; unde illius non injunctio veniale tantum peccatum est, quia sacramentum tantummodo relinquatur non integrum in re levissima : quemadmodum unius dentis defectus gravem ab homine integritatem non removet.

Ad secundam confirmationem respondetur, per quamlibet partis integralis sacramenti abscissionem aliquam illi irrogari injuriam, sicut per quamlibet honoris, aut famæ denigrationem aliquam injustitiam induci ; ceterum sicut hujus injustitiæ quantitas per quantitatem denigrati honoris mensuratur, ita quantitas injuriæ sacramento illatæ per quantitatem partis integralis abscissæ. Unde quemadmodum injustitia est levis, si honor leviter denigratur, et gravis si graviter, aut in re magni momenti aufertur ; ita injuria, quæ sacramento fit, est gravis, dum pars integralis abscissa est magni ponderis, et levis, dum est exiguæ entitatis.

DUBIUM II.

Utrum sacerdos valeat cogere pœnitentem ad acceptandam, et exequendam pœnitentiam.

Alii aliter difficultatem præsentem proponere solent, an nimirum teneatur pœnitens acceptare et exequi pœnitentiam ? Sed idem sensus utroque titulo retinetur

retinetur : num cum sacerdotem cogere pœnitentem, et pœnitentem cogi correlativa sint, vel utrumque, vel nullum verum est. Quamvis autem quid dicendum sit jam satis appareat ex dubio præcedenti dictis ; ob diversos tamen opinandi modos, quibus Authores in hac difficultate procedunt, eam sigillatim discutere congruum reputavimus.

§ I.

*Vera sententia ac primum ejus
fundamentum.*

14. Dicendum est, posse sacerdotem cogere pœnitentem ad satisfactionem acceptandam et exequendam. Hæc assertio est adeo certa, ut Suarius statim referendus senserit absque temeritatis nota negari non posse. Imo Vasquez eam a Tridentino, ac Florentino definitam judicat. Victoria esse de fide asserit. Alii vero ut Nugnus, Lugo, et Henriquez oppositam saltem periculosam, ac prorsus improbabilem reputant. Nostram autem docet D. Thomas in 4, dist. 18, quæst. 1, art. 3, quæstiunc. 3. Cui subscribunt ejus discipuli Nugnus tom. 2, in 3 part. quæst. 15, art. 1 et in præsentii, quæst. 13, art. 2, diffic. 2, concl. 1, Dominicus Soto dist. 20, quæst. 2, art. 2, Petrus Soto lect. 2, de satisfact. Labat tract. 3, de Pœnit. disp. 2, dub. 5, § 1, concl. 2, D. Antoninus 3 part. tit. 18, cap. et § 19, Magister dist. 16 et 18, Gonet disp. 13, art. 3, § 3 num. 46, Ricardus in 4, dist. 11, art. 1, quæst. 5, Paludanus dist. 20, quæst. 2, num. 5, Durandus dist. 20, quæst. 1 et 2, et dist. 17, art. 8, N. Franciscus cap. 10, punct. 4, nunc. 52, N. Antonius disp. 21, sect. 3, num. 1621, N. Philippus dist. 13, dub. 4, N. Gabriel disp. 12, quæst. 4, Victoria num. 209, Suarez disp. 38, sect. 7, num. 2, Vasquez quæst. 94, art. 2, disp. 1, num. 5, Lugo disp. 25, sect. 5, num. 68, Palaus tract. 23, punct. 21, § 4, Diana part. 1, tract. 1, Miscel. resol. 25, Dicastillo disp. 14, dub. 2, num. 26, Coninchus disp. 10, dub. 9, Ochagavia tract. ultimo, quæst. 8, Rossensis art. 5, contra Lutherum, Alensis 4 part. quæst. 24, memb. 4, art. 5, Major quæst. 1 et dist. 17, quæst. 2, Ledesma 2, part. 4, quæst. 20, art. 3, Comus relect. illa de pœnit. 5. part. Turria-

nus de pœnit. 35, dub. 2, Trullench. lib. 4, cap. 8, dub. 4, et alii plures, esque communis Theologorum.

Suadeturque primo ex Tridentino sess. 14, cap. 8, ubi postquam sacerdotis potestatem, et obligationem injungendi pœnitentiam statuit, vim ac efficaciam ejusdem potestatis explicans, subjungit : « Habeant autem » (sacerdotes) « præ oculis, ut satisfactio, quam imponunt, non sit tantum ad novæ vitæ custodiam, et infirmis tatis medicamentum, sed etiam ad præteritorum peccatorum vindictam, et castigationem. Nam claves sacerdotum non ad solvendum dumtaxat, sed, et ad ligandum concessas etiam antiqui Patres, et credunt, et docent. » Id quod ulterius confirmans Canone 15 ejusdem sessionis anathematis fulmine inurit oppositum asserentes : « Si quis dixerit, claves Ecclesie esse datas tantum ad solvendum, non etiam ad ligandum, et propterea sacerdotes dum imponant pœnas confidentibus, agere contra finem clavium... anathema sit. » Ex quibus hic discursus efformari valet. Clavium potestas, pœnitentiæ ministris concessa, non solum ad reum solvendum se extendit, sed etiam ad ligandum ; atqui potestas ligandi est potestas coercendi, ac inferendi vim : ergo sacerdotes hujusmodi potestate gaudent, ut pœnitentes ad satisfactionis acceptationem, et executionem cogere possint. Consequentia legitime ex præmissis deducitur, et major in Concilii verbis continetur. Minor vero ex eo liquet quod ligare nihil est aliud quam obligare, et obligare idem quod coercere, aut cogere.

15. Mirum est, quot evasiones excogitarint adversarii, ut hujus solidissimi fundamenti vim effugiant. Nec omnes recensimus, sed eas tantummodo, quæ ut principales habentur. Respondent ergo primo nonnulli apud Dianam coordinatum tom. 1, tract. 6, resol. 2, num. 2, potestatem ligandi ad pœnam esse ejusdem conditionis cum potestate solvendi a culpa. Unde ex vi Concilii solum infertur, quod quemadmodum sacerdos non valet absolvere a culpa nisi volentem solvi ; ita nec ligare ad pœnam, nisi volentem ligari ; atque ideo nec sacerdos potest absolute ligare pœnitentem, nec hic tenetur pœnitentiam admittere.

Verum hoc effugium haud arduum erit

Fundamentum
ab auctoritate
Concilii.

Responsio
adversariorum.

Re-
tor-
quatur

præcludi ex his, quæ disp. 3, dub. 1, § 1, satis expensa relinquimus. Ibi enim ex generali Theologorum sententia statutum manet, confessionem sacramentalem sub præcepto divino cadere, ac subinde omnes in peccato existentes teneri sacerdotem adire, ac sacramentali iudicio se subdere. Quo supposito, responsio data sic efficaciter retorquetur. Sacerdos potest ligare ad pœnam, sicut absolvere a culpa; sed ex potestate absolvendi a culpa tenentur in peccato existentes absolutionem sacerdotis accipere: ergo, et ex potestate ligandi acceptare pœnitentiam, et consequenter valet sacerdos ad id pœnitentes cogere. Consequentia est legitima, et major ipsissima adversariorum doctrina. Minor autem, in qua poterat esse difficultas, ostenditur: nam quicumque peccatum commisit, tenetur pœnitentiam agere, ac Deo reconciliari, juxta illud: *Nisi pœnitentiam egeritis, omnes simul peribitis*; atqui in lege gratiæ nemo potest Deo reconciliari sine absolutione a sacerdote præstanda: ergo ex potestate absolvendi a culpa, a Christo Domino tradita sacerdotibus, tenentur pœnitentes absolutionem accipere. Major est adeo certa, ut nec ab Hæreticis negetur, ut loco proxime relato adnotavimus, eamque evidentur ostendimus in priori hujus tract. parte, disp. 5, dub. 1. Minor vero ex eo liquet, quod absolutio est unicum remedium, quod habet qui post Baptismum lapsus est: quamvis enim peccator valeat Deo reconciliari per contritionem, non tamen independentem a confessione. et absolutione: quippe omnis vera contritio includit votum confitendi, ac subjiçendi peccata sententiæ, et absolutioni sacerdotis, atque adeo obligationem id exequendi non tollit, quin ubi ita non facit, dum potest, et debet, iterum culpæ alligatur. Consequentia autem est evidens: nam si peccator Deo reconciliari tenetur, et aliunde nulla est alia reconciliationis via præter absolutionem, necessum erit ad hujus acceptionem teneri.

Urgetur hæc impugnatio: nam Christus Dominus non solum tradidit sacerdotibus potestatem absolvendi, sed etiam ex ipsa pœnitentibus obligationem imposuit, ut absolutioni se subjiçerent: ergo similiter non solum contulit sacerdotibus potestatem ligandi ad pœnitentiam, se etiam obligationem intulit pœnitentibus, ut se

subderent pœnitentiæ. Consequentiam adversarii admittere coguntur, quandoquidem eodem modo discurrunt de potestate ligandi, ac de autoritate absolvendi. Antecedens autem suadetur: nam illa verba Christi Domini: *Quorum remisistis peccata, remittuntur eis, et quorum retinueritis, retenta sunt*: quibus potestatem absolvendi tradidit sacerdotibus, intelligenda sunt in eo sensu, in quo universalis Ecclesia ea intellexit, et intelligit de potestate absolvendi tradita sacerdotibus cum obligatione pœnitentium submittendi se absolutioni sacerdotis: ergo. Consequentia liquet. Major est Concilii Tridentini sess. 14, Can. 5, ubi oppositum asserentes anathematis fulmine adurit. Minor autem ex eodem Concilio, et sess. cap. 5, probatur: *Conc. Trid.* ibi enim inquit: « Ex institutione sacramenti pœnitentiæ jam explicata universa » « Ecclesia semper intellexit, institutam » « esse a Domino integram peccatorum confessionem, et omnibus post Baptismum » « lapsis jure divino necessariam existere. » Peccatum autem confessio, quam jure divino necessariam docet, ad absolutionem accipiendam fit: ergo etiam ex jure divino tenetur in peccato existens absolutioni se submittere; alias cessante fine, præceptum, et obligatio confitendi cessaret, vel nullum esset. Videantur quæ supra docuimus disp. 8, dub. 1, nu. 6, et Lugo in præsentia, disp. 25, sect. 5, ubi hanc adversariorum evasionem aliis viis non contemnendis in eosdem retundit.

Itaque aliud est (ut ita omnino responsio corruat) sacerdotem licite, aut etiam valide, non posse potentia consequenti, et in actu secundo absolvere nolentem se sacerdoti, et absolutioni subjiçere; aliud vero ex potestate absolvendi in sacerdote residente non teneri existentem in peccato absolutionem acceptare, imo, et quærere: hæc enim satis distincta sunt. Primum quidem verum est: quippe cum absolutio, ut licite, ac valide impendatur, pendeat ex dispositione, et actibus pœnitentis, his deficientibus, ut in illo eventu deficient, nequit sacerdos licite, aut valide absolvere; alioquin si id efficeret, sacrilege procederet, cum nulli materiæ sacramenti formam infunderet. Secundum autem est omnino falsum, imo, et fidei minime consonum; cum ex præcepto divino in peccato existens

existens adstringatur sacramentali confessioni, ac subinde sententiæ, et absolutioni sacerdotis, ut ex supra dictis patet. Quocirca ex vi hujus solum deducere possunt sententiæ oppositæ patroni, quod quemadmodum sacerdos nequit licite aut valide absolvere in actu secundo nolentem absolvi, ita nec pœnitentiam injungere nolenti eam acceptare; non autem quod pœnitens non teneatur acceptioni, sicut etiam in peccato existens adstringitur absolutioni; vel, quod in idem redit, minime colligitur, sacerdotis potestatem ligandi ex se non inducere obligationem, ut pœnitentia acceptetur, sicut absolvendi potestas eam ex se infert, ut peccator velit se absolutioni subicere.

16. Nec iterum alicujus momenti erit ^{Augustinus} Navarri responsio in Manual. cap. 26, num. 20, in fine, dicentis, Concilii verba ita esse intelligenda, ut *ly ad ligandum* sit idem ac *ad arbitrandum* justam pœnam, ne sacerdotes minorem, vel majorem, quam par est, imponant; non vero quod *ly ad ligandum* importet potestatem sacerdotis, ut pœnitentes compellere possit ad acceptandam, et exequendam satisfactionem. Unde ex vi hujus solum habetur, confessarium posse, ac debere assignare quantitatem pœnæ, quæ unicuique peccato correspondet, ejus acceptionem pœnitentis arbitrio relinquendo.

^{æcclia-} Hæc namque responsio minime satisfacit, et multipliciter rejicitur. Tum: quia communis apprehensio, ac intelligentia fidelium non est, sacerdotem in vi illius particulæ *ad ligandum* solum habere potestatem taxandi, vel designandi quanta peccatis confessis pœna debeatur, illius executionem, vel omissionem voluntati pœnitentis committendo, sed auctoritatem sortiri eam præcipiendi, ac obligandi ad ejus executionem; alias pœnitentes de satisfactione injuncta, et executioni non mandata, tanquam de omissione rei præceptæ non se accusarent, nec id sacerdotes inquirere tenerentur, cujus oppositum Ecclesiæ praxis convincit. Tum etiam: quia justam pœnam arbitrari in sensu citati Authoris æque bene fieri potest tam extra, quam intra confessionem; et nihilominus extra confessionem non dicitur, sacerdotem ligare posse pœnitentem. Tum deinde: quoniam Concilium in eodem sensu asse-

rit, sacerdotem habere potestatem ligandi, ac potestatem solvendi; sed hanc habet in rigoroso sensu, siquidem a pœnitente tollit ligamen, quo vere irretitus erat ad pœnam æternam: ergo, et illam ut eundem pœnitentem vere, et stricte cogere, ac ligare possit ad satisfactionem.

Confirmatur primo impugnatio: quippe Concilium non tantum asserit, sacerdotem habere potestatem ligandi pœnitentem ad pœnam in satisfactionem injunctam, sed pœnitenti debere injungere hujusmodi pœnam: ergo sacerdos non solum potestatem habet taxandi, vel designandi pœnam criminibus respondentem, sed etiam stricte ligandi, et cogendi reum ad illius acceptionem. Consequentia suadetur: nam judex civilis non teneretur reum punire, si hunc ad supplicium adstringere non posset: ergo nec sacerdos tenetur pœnitentiam injungere, si pœnitentem ad pœnæ acceptionem cogere non valet: nequeunt enim cohærere puniendi obligatio, et carentia potestatis coercendi reum.

Confirmatur secundo: nam dum Concilium inquit, claves sacerdotum illis concessas fuisse *ad ligandum*, peculiarem aliquam potestatem, quam antea non habebant, fatetur ex vi clavium sacerdotibus fuisse commissam; atqui potestas ligandi in sensu, in quo Navarrus Concilium accipit, jam erat unicuique pro priori ad clavium, a sacerdote receptionem: ergo potestas ligandi, quam Concilium asserit sacerdotibus commissam, non est potestas prout ab illo Authore explicatur. Minor ostenditur: nam quilibet independentem a sacerdotii clavibus potest taxare, ac designare quantitatem pœnæ, quæ unicuique peccato correspondet; sed hæc est potestas ligandi, quam citatus Author inquit sacerdotibus commissam: ergo.

Uterius urgetur: quia sacerdotem posse pœnitentiam designare, ac taxare, illius acceptionem voluntati pœnitentis relinquendo, nullo modo potestas ligandi dici potest: ergo *ly potestas ad ligandum* aliter accipiendum est. Suadetur antecedens: Tum, quia prædicto modo pœnitentiam imponere, est illam per modum consilii injungere; sed consilium neminem ligat: ergo. Tum etiam: nam Pontifex indulgentias concedens Ecclesiam visitantibus non dicitur aliquem ligare, eo quod obligatio-

Impugnatio confirmatur.

Confirmatur amplius.

Urgetur.

nem non inducit, sed ad uniuscujusque placitum Ecclesiæ visitationem relinquit ergo pœnitentiam injungere, et ad arbitrium, ac libertatem pœnitentis relinquere, nullo modo ligare dici poterit. Quocirca vel concedendum est, Concilium, imo, et Evangelium, impropriissime fuisse locutum, dum asserit sacerdotes habere auctoritatem ligandi pœnitentes, quod dici nequit; vel asserendum, sacerdotes posse stricte ligare, et coercere, ut pœnitentia injuncta acceptetur.

Præcedentium confirmatio.

17. Quæ omnia roborari possunt, simul, et assertio fulciri, ex eodem Concilio in verbis immediate antecedentibus. Ibi enim inquit, sacerdotes levissima opera ob gravia delicta injungentes, peccatorum pœnitentium participes fieri; atqui si sacerdotes non possent pœnitentes cogere ad pœnitentiæ injunctæ acceptionem, esto tenuissimam pœnitentiam ob gravia delicta injungerent, alienorum criminum participes minime efficerentur: ergo, et potestatem stricte ligandi habent ad pœnitentiam, et pœnitentes obligationem eam acceptandi. Minor, in qua est difficultas, ostenditur: quia si sacerdotes ad pœnitentiæ acceptionem non possent cogere pœnitentes, necessarium esset, ut pœnitentia injungeretur ad pœnitentis arbitrium: ergo si hic ob gravia delicta solum levissima opera acceptare vult, hæc necessario sunt injungenda: ergo sacerdotes ita procedentes minime efficerentur peccatorum participes. Patet ultima consequentia: quippe impossibile est, aliquem delinquere in illa actione, quam necessario exhibet, et cujus oppositum efficere non valet. Imo, esto nullam, adhuc levissimam, imposeret, ipsis ad culpam non imputaretur: nam si pœnitentes ob gravia delicta gravem pœnitentiam acceptare non tenentur, nec etiam levem in adversariorum sententia: ergo si nullam acceptare voluerint, nullam possunt sacerdotes injungere: ergo nec delinquere nullam injungendo ob gravia delicta. Hæc autem, et satis absurda sunt, et Concilii verbis minime consona.

Adde primo (tacitam solutionem præocupamus) Tridentinum non asserere, sacerdotes alienorum criminum participes fieri *taxando*, vel *assignando* levissima opera ob gravia delicta, sed *injungendo*. Ly autem injungere non idem ac taxare, vel

designare significat, sed vim obligationem inferendi, ac stricte ligandi importat. Adde secundo, Concilium citat. sess. et cap. totum esse in commendando sacerdotibus integerrimam sedulitatem in pœnitentiarum injunctione delictis correspondentium. Ex quo plane convincitur supponere sacerdotem habere potestatem non solum assignandi, sed præcipiendi pœnitentiam; allias supervacanea foret adeo magna illius sollicitudinis commendatio. Quid namque referret, sacerdotem vigilantem sollicitudine pœnam taxare, si pœnitens eam non teneretur admittere, nec ad id sacerdos pœnitentem valeret cogere? Adde tandem, Concilium Salegustadiense cap. 8 dixisse: « Quia aliqui tanta mentis » suæ falluntur stultitia. ut in aliquo capi- » tali crimine culpatis pœnitentiam a sacerdotibus suis accipere nolint, in hoc » maxime confisi, ut Romam euntibus » Apostolicus omnia dimittat peccata; » Sancto visum est Concilio, ut talis indulgentia illis non prosit, sed prius juxta » modum delicti pœnitentiam sibi datam » a suis sacerdotibus adimpleant. » Si autem pœnitentes opera in satisfactionem a sacerdotibus injuncta non tenerentur accipere, Concilium adversus acceptare nolentes minime adeo ingenti severitate procederet.

Conc. Salegustadiense

§ II.

Alia ejusdem sententiæ fundamenta expenduntur.

18. Secundo suadet assertio ex cap. *Omnis utriusque sexus* de pœnit. et remis. ubi cum Pontifex fidelibus cunctis obligationem imponat, ut postquam ad annos discretionis pervenerint, omnia sua peccata saltem semel in anno fideliter confiteantur proprio sacerdoti, subjungit Innocentius: « Et injunctam sibi pœnitentiam » propriis viribus studeat » (unusquisque) » adimplere, suscipiens reverenter ad minus in Pascha Eucharistiæ sacramentum. » Atqui juxta unanimem Ecclesiæ consensum in his verbis continetur præceptum obligans omnes utriusque sexus fideles ad annuam confessionem, et Paschalem communionem: ergo etiam ibi datur præceptum adstringens pœnitentes ad acceptandam

Alii fun-
cunt al
autho-
ritati.

ceptandam, et adimplendam satisfactionem a confessariis injunctam : ergo ad id possunt sacerdotes cogere pœnitentes. Prima consequentia ex antecedenti patet : eodem namque tenore verborum loquitur Pontifex de confessione annuali, Paschaliq[ue] communione, quo de adimplentione pœnitentiæ. Secunda vero etiam liquet ; tum quia pœnitentem obligari a sacerdote, et sacerdotem obligare pœnitentem ad pœnitentiæ exhibitionem, et acceptationem, correlativa sunt. Tum, quia obligatio acceptandi in pœnitente, et potestas illum cogendi in sacerdote ex eodem capite ortum ducunt.

^{firm.} 1. Confirmatur primo, ex textu in cap. *Statuimus* de maledic. ubi renuentibus publicam pœnitentiam impositam acceptare, et exequi : « Ecclesiæ interdicatur ingressus, et in obitu Ecclesiastica careat sepultura ; » statuit Pontifex. Hæc autem pœna adeo gravissima, ut improporcionata non sit, necesse est in reo supponere obligationem per se gravem acceptandi, ac exhibendi publicam pœnitentiam, ac subinde facultatem in judice coercendi reum ad illius acceptationem : ergo cum eadem ratio sit de pœnitentia secreta, et sacramentali, fit inde quod sicut in foro externo, ita in interno, ac sacramentali valet pœnitens adstringi acceptationi pœnitentiæ injunctæ.

^{firm.} 2. Confirmatur secundo ex cap. *Multiplex* de pœnit. dist. 1, ubi Leo primus sic ait : « Mediator enim Dei, et hominum Homo Jesu Christus hanc præpositis Ecclesiæ tradidit potestatem, ut et confitentibus pœnitentiæ satisfactionem darent, et eadem salubri satisfactione purgatos ad communionem sacramentorum per januam reconciliationis admitterent. » Quæ ita explicat Glossa : « Non quod ipsi met sibi ipsis injungant pœnitentiam, quia si ita intelligatur, pro nihilo essent sacerdotibus claves Ecclesiæ. » Hæc autem ratio respectu acceptationis pœnitentiæ militat eodem modo. Quid enim proderit, vel ad quid deserviet posse sacerdotem injungere satisfactionem, si ad illius acceptationem non valet cogere pœnitentem ? Proculdubio foret supervacanea potestas : etenim si pœnitenti satisfactionem acceptare non placet, illius impositio a sacerdote facta finem aliquem non assequetur. Di-

cendum igitur est, posse sacerdotem coercere pœnitentem, ut satisfactionem acceptet, et exequatur.

Id ipsumque roborari potest ex B. Rhennano asserente, antiquam Synodum repetisse, ubi, et presbyteris jubetur pœnitentiam secundum Canones injungere, et pœnitentibus diligenter observare quidquid illis a sacerdotibus fuerit institutum, non secus ac si ab omnipotentis Dei ore esset prolatum. Quibus consonat tum Augustinus libr. de pœnit. et habetur in cap. *Consideret* de pœnit. dist. 15, § *In his omnibus* ubi inquit : « Ponat se omnino in potestate judicis in judicio sacerdotis nihil sibi reservans sui, et omnia eo jubente paratus sit facere pro reparanda animæ vita. » Tum etiam D. Gregorius lib. 3, in 1 Reg. cap. 7, dicens : « Afflictio pœnitentiæ idonea est ad delenda peccata, cum sacerdotis judicio fuerit imperata. » Ly enim eo jubente, ac ly imperata auctoritatem adstringendi important.

19. Deinde suadetur assertio ratione, quam Nugnus censet demonstrativam. Quia tam pœnitens, quam sacerdos tenentur sacramentum integrum facere ; sed absque pœnitentiæ acceptatione sacramentum nequit fieri integrum : ergo sicut sacerdos tenetur pœnitentiam injungere, ita, et ob idem motivum obligatur pœnitens eam acceptare, ac exequi. Consequentia est evidens. Minor ex se liquet : quippe esto sacerdos pœnitentiam injungat, si pœnitentis acceptatio deficit, impossibile est satisfactionem existere, per quam sacramentum fit integrum. Major autem, in qua poterat esse difficultas, ostenditur : nam virtus Religionis præcipit integritatem sacramenti : ergo omnes eos debet adstringere, ut sacramentum integrum fiat, a quibus tanquam a concurrentibus ad sacramentum ejus integritas pendet ; sed hæc æque pendet a pœnitente, ac a sacerdote tanquam ab influentibus : ergo uterque tenetur hujusmodi integritati consulere. Minor subsumpta patet quoad utramque partem : nam sicut sacerdos concurrat ad sacramentum ut minister, et conferens formam, ita pœnitens ut exhibens materiam ; et quemadmodum sacramenti integritas pendet a sacerdote, quia si pœnitentiam non injungit, nequit existere satisfactio ; ita etiam, imo, et majorem dependentiam dicit a pœnitente,

Confirm.
3.
B. Rhenn.

D. Aug.

D. Greg.

Fundam.
a
ratione.

utpote a quo satisfactio, et acceptanda, et exequenda est.

Confirm. 1. Confirmatur primo: nam de ratione recti iudicii in quolibet foro est, et quod iudex reum coercere valeat ad pœnam subeundam, et quod reus teneatur parere competenti iudici; sed pœnitens in tribunali sacramenti, quod legitimum est, se habet tanquam reus, et sacerdos iudicis competentis munere fungitur: ergo hic illum cogere potest ad pœnitentiæ acceptationem, et ille huic parere adstringitur. Consequentia est legitima. Major est D. Thomæ in 4, dist. 19, quæst. 1, art. 1, ad 3, ubi ait: « Iudicium dici non potest, nisi « vim coercitivam habeat. » Minor vero ex sacramenti hujus natura liquet: quippe quod in modum iudicii institutum est.

D. Tho.

Confirm. 2. Confirmatur, et explicatur secundo: quoniam sacerdos in foro pœnitentiæ habet potestatem puniendi pœnitentis delicta; atqui iudex potens punire reum, illum pœnæ adstringere valet: ergo. Minor ex ipsis terminis constat: nequit enim intelligi, reum esse liberum in pœnæ acceptatione, ac iudicem esse potentem illum punire, cum puniendi autoritas ea dicatur, quæ contra delinquentis arbitrium procedere valet. Major autem, in qua poterat esse difficultas, ex verbis Tridentini supra relatis colligitur, in quibus sacerdotibus præcipit: « Ut satisfactio, quam imponunt, « non sit tantum ad novæ vitæ custodiam, « et infirmitatis medicamentum, sed etiam « ad præteritorum vindictam, et castigationem. » Hoc autem præceptum nullum esset, si sacerdotes auctoritatem puniendi, ac castigandi pœnitentium crimina non haberent.

Confirm. 3.

Confirmatur, et urgetur tertio: quia sacerdos in foro conscientiae non se habet ut iudex arbiter, potestatem judicalem a pœnitentibus accipens, sed tanquam iudex a Christo Domino constitutus, ut ejus vicem gerat, ac auctoritatem obtineat, juxta illud Joan. 20: *Accipite Spiritum Sanctum. Quorum remiseritis peccata, remittuntur eis, et quorum retinueritis, retenta sunt.* Ergo peccata remitti, aut retineri, solvi, aut ligari, tam quoad culpam, quam quoad pœnam, non ex pœnitentium voluntate, sed ex solius sacerdotis arbitrio pendet. Ergo sacerdos potest cogere pœnitentes, et hi tenentur illi obedire in ordine ad satisfac-

Joan. 20.

tionis acceptationem. Patet utraque consequentia. Prima quidem ex antecedenti: quippe peccatorum remissio, aut retentio, absolutio, aut ligatio solum potest pendere vel ab eo, qui ad hujusmodi habet potestatem, vel ab eo, qui illam tribuit; unde cum pœnitentes ut tales nec eam habeant, nec sacerdoti tribuant, necessum est ut independenter ab eorum placito peccata ligentur, aut solvantur. Secunda vero ex prima: quia si sacerdos loco Christi constituitur, quemadmodum Christus cogere potest pœnitentes, ut satisfactionem accipiant, ita sacerdos; et quemadmodum pœnitentes tenentur obedire Christo, si id in propria persona eis præciperet, ita et sacerdoti ejus munere fungenti. Quod docuit egregie D. Thomas in 4, dist. 18, quæst. 1, art. 3, quæstiunc. 3, illis verbis: « Ad « tertiam quæstionem dicendum, quod « operatio sacerdotis in usu clavium est « conformis Dei operationi, cujus minister « est. Deus autem habet operationem in « culpam, et in pœnam; sed in culpam ad « solvendum quidem directe; ad ligandum « autem indirecte, in quantum obdurare « dicitur, et dum gratiam non largitur. « Sed in pœnam habet operationem directe « recte quantum ad utrumque, quia et « pœnam parcit, et pœnam infligit. Similiter ergo sacerdos in pœnam habet ligandi, et solvendi: solvit enim a pœna, « quam dimittit, sed ligat ad pœnam, quæ « removet. » Similia tradit Magister sentent. eadem dist. 18, ubi ait: « Ligant quod « que sacerdotes, dum satisfactionem pœnitentiæ confitentibus imponunt. » Nec dissonat D. Augustinus, dum apud eundem Magistrum inquit: « Quibus remittunt » (Sacerdotes) « remittit Deus... opus enim « justitiæ exercent in peccatores, cum eos « justa pœna ligant. » Quæ verba evidenter ostendunt, sacerdotes coercitivam obtinere auctoritatem, ut pœnitens cogant injunctam satisfactionem acceptare.

D. Ti

Magi-
sent.
D. A.

§ III.

Recensentur oppositæ sententiæ, et eorum motiva evertuntur.

20. Prima sententia nobis opposita asserit, pœnitentem non teneri satisfactionem injunctam acceptare, nec acceptatam implere

Sent.

plere, saltem sub gravi culpa, secluso contemptu. Ita Cajetan. tom. 1 Opusc. tract. 6, quæst. 2, ad 2, cui subscribunt Vega 3, part. respons. casu 3, vers. *Ex parte*, Rebellus lib. 3, de Miracul. B. Virg. dub. 7, Zenedo ad Decret. collect. 4, n. 2, Reginaldus dub. 7, num. 15. Et probabilem reputant Sa verb. *Satisfactio*, num. 4, et Villalobos de Pœnit. tractat. 4, difficult. 38, num. 2 et 4. Secunda docet, pœnitentem non obligari ad satisfactionis acceptationem; addit tamen, quod si eam acceptat, adstringitur executioni, in quo a præcedenti differt. Sed ut Soto, Vasquez, et alii adnotarunt, non adeo consequenter procedit: omnia quippe, quæ obligationem executionis pœnitentiæ evincunt, a fortiori obligationem acceptationis ostendunt: non enim in acceptatione votum aliquod, vel pactum exequendi intercedit, ex quo pœnitens executioni adstringatur. Quocirca unum sine alio propugnari nequit. Quidquid tamen de his, hæc sententia placuit Scoto in 4, dist. 19, quæst. 1. Cui adhærent Gabriel dist. 16, quæst. 2, art. 3, dub. 4 et dist. 18, quæst. 1, art. 3, Joannes Medina, Cod. de confes. quæst. de *Pœnitentia injuncta acceptanda*. Navarrus in summa, cap. 26, num. 20, Sylvester, verbo *Confessio* 1, qu. 25. Utriusque autem sententiæ argumenta conjungenda duximus, vel quia eadem sunt, vel quia in idem tendunt.

Arguitur ergo primo: nullum est, caput, ex quo suboriri possit obligatio acceptandi, ac exequendi pœnitentiam: ergo nec pœnitens ad id tenetur, nec sacerdos illum cogere valet. Suadetur antecedens: nam tria sunt tantum principia, ex quibus hujusmodi obligatio colligi posset; primum, quia pœnitentia præcipitur a sacerdote tanquam a Christi ministro, ac legitimo iudice, cui ideo pœnitens obedire tenetur; secundum, quia pœnitens habet reatum pœnæ ex peccato contractæ, quam ex virtute pœnitentiæ solvere debet; tertium, quia satisfactio est pars integralis sacramenti, quod cum debita perfectione fieri præcipitur a Religionis virtute. Sed nullum ex his capitibus infert in pœnitente obligationem acceptandi pœnitentiam: ergo. Probatur minor quoad omnes partes; quoad primam quidem: nam præceptum de re non simpliciter, sed tantum secundum quid conducente ad vitam æter-

nam, vel finem ultimum, non infert obligationem saltem gravem; atqui pœnitentia a sacerdote præcepta simpliciter non conducit ad finem æternæ salutis, quippe quæ solum ordinatur ad solutionem pœnæ temporalis, cujus ommissio nec dilectionem Dei, nec ipsius pœnitentis, aut proximi graviter lædit: ergo. Quoad secundam autem ex eo constat, quod licet pœnitentiæ virtus inducat obligationem solutionis pœnæ debitæ, non tamen obligat ad statim solvendum: nam quod solutio in præsentī, vel in Purgatorio fiat, parum interesse videtur. Quoad tertiam vero, in qua major poterat esse difficultas, ostenditur: nam Ecclesia aliquando utitur sacramento pœnitentiæ absque satisfactionis injunctione, ut patet in pœnitente sensibus destituto, cui, ut supra diximus, absolutio impenditur, esto satisfactio injungi nequeat: ergo satisfactio non est de necessitate sacramenti; et consequenter nec ex illius integritate pœnitens obligabitur acceptare, aut exequi satisfactionem.

Ad hoc argumentum, quo utitur Cajetanus, respondetur, pœnitentis obligationem acceptandi satisfactionem ortum duxisse ex voluntate Christi Domini, qui illam intulit pœnitentibus: quippe cum propriam auctoritatem ligandi, vel obligandi ad pœnam commiserit sacerdotibus, ut ea, quæ pro firmanda assertionē adduximus, satis evincunt, necesse est ut ex consequendi pœnitentes coegerit illis parere. Motiva autem, sub quibus ad id tenentur, et ex quibus an hæc obligatio gravis, aut levis sit cognoscenda, haud difficile deprehenduntur. Nam cum Concilium Florentinum statuatur, satisfactionem esse partem integram sacramenti pœnitentiæ, censendum est pœnitentes obligari ad pœnitentiæ acceptationem, et executionem ex motivo Religionis, quæ sacramenti perfectionem, ac debitam reverentiam intendit. Deinde cum ex Concilio Tridentino habetur, sacerdotes injuncturos pœnitentiam, et in peccati commissi vindictam, et in futuri præcautionem, manifeste deducitur pœnitentem etiam teneri illius acceptationi, et executioni, tum ex motivo illius virtutis, contra quam imminet periculum peccati futuri, tum ex motivo virtutis pœnitentiæ, quæ saltem secundario pœnam temporalem vere intendit, et quodammodo vindictam

Solutio.

de ipso pœnitente sumere, ac vindicativam justitiam exercere, ut prima parte hujus tract. disp. 5, dub. 4, § 4, num. 145, diximus. Quocirca esto sacerdos utpote iudex teneatur ex justitia vindicativa satisfactionem injungere, non tenetur pœnitens eam acceptare nisi ex virtute pœnitentiæ: hæc enim in pœnitente respondet illi in sacerdote. Insuper, ut recte vidit Nugnus in præsentī, quæst. 13, art. 2, difficult. 3, in solut. ad l cum unusquisque ex charitate ad se ipsum teneatur in regravissima proprio bono consulere, et alias pœna Purgatorii sit acerbissima, quæ autem in satisfactionem injungitur, quantumvis maxima, comparatione illius admodum exigua, etiam ex motivo charitatis erga se ipsum adstringitur pœnitens acceptioni pœnitentiæ injectæ. Hæc autem virtutes omnes ex genere suo inducunt gravem obligationem, ut perspicue docuimus loco nuper relato ex tract. 13, disp. 19, dub. 1, num. 29. De quo etiam videri potest N. Andreas tract. 11, cap. 2, § 2, num. 23.

Applica-
tur.

Ex quibus ad formam arguementi negandum est antecedens, et ad illius probationem etiam negatur minor, cujus partes inductis probationibus non suadentur. Non prima: quia pœnitentia injecta si gravis est, ut in præsentī supponi debet, non secundum quid, sed simpliciter ad finem ultimum refert: hic enim nequit simpliciter haberi sine debito ordine voluntatis creatæ ad Deum; ad hunc autem ordinem non solum spectat dilectio Dei super omnia, sed etiam omnia illa, per quæ voluntas Deo subjicitur, et prædicta dilectio immediate fovetur, ut est reverentia Deo, et sacramentis debita, quæ simpliciter violatur per omissionem partis integralis sacramenti, vel per non acceptionem illius. Quocirca esto pœnitentia injecta tendat ad solutionem reatus pœnæ temporalis, cum alias sit perfectio sacramenti, illius omissio graviter lædit, saltem indirecte, aut radicaliter, charitatem ipsius pœnitentis, et Dei dilectionem, quæ nequit salva consistere independentem a reverentia sibi, et sacramentis debita. Non etiam secunda, tum: quia licet pœnitentia secundum se, et absolute non obliget ad promptam solutionem pœnæ, sicut nec etiam ad promptam contritionem, vel confessionem, nihilominus quemadmodum supposito præcepto annuæ

confessionis obligat ad hujus annualem exhibitionem, et consequenter ad annualem contritionem, vel attritionem, quæ est pars sacramenti, ita etiam supposito sacerdotis præcepto satisfactionis injectæ, obligat pœnitentes ad reatum pœnæ temporalis statim solvendum. Tum etiam: quippe vel permissio quod absolute, et secundum se parum referat, reatum pœnæ temporalis in præsentī aut in purgatorio extingui; nihilominus ex suppositione quod quis accedat ad sacramentum, cujus est pars integralis satisfactio, retardatio solutionis usque ad purgatorium cedit graviter, aut leviter in hujus sacramenti præjudicium juxta qualitatem omissionis pœnitentiæ injectæ pro gravi, aut levi peccato, cum illud relinquat non integrum, et alias nunquam perficiendam, siquidem satisfactio purgatorii non est pars integralis sacramenti. Non denique tertia: nam licet per accidens, et in casu urgentis necessitatis possit fieri sacramentum absque ejus parte integrali, ut in eventu objectionis accidit, hinc minime deducendum est, posse pœnitentem absolute satisfactionem injectam nec acceptare, nec exequi, atque ideo sacramentum non integrum relinquere, ut evidenti instantia convincitur. Etenim, ut disp. 8, dub. 7, § 1 cum generali Theologorum sententia docuimus, potest per accidens sacramentum fieri, et absolutio impendi absque integritate materiali confessionis, vel quod in idem redit, absque omnium peccatorum manifestatione: ergo absolute valebit pœnitens, ubi sibi placuerit, confessione dimidiare, et aliqua peccata detegere, et alia occludere? Proculdubio Cajetanus, cujus argumentum diluimus, hanc consequentiam rejiciet, quum oppositum ex Tridentino sess. 14, cap. 5, constet. Cujus ratio est: quia ex eo, quod aliquid per accidens fiat, non recte trahitur consequentia ad hoc ut per se, et absolute fieri possit. Similiter ergo, dum pœnitens satisfactionem injectam acceptare, et exequi valet, ab his extrahi non licet, ne sacramentum imperfectum relinquat.

21. Verum ex tradita solutione insurgit *Replica*. obiectio, quæ eam vel difficilem reddere, vel obnubilare videtur. Nam juxta principia tradita tract. 13, disp. 8, dub. 2, § 1, num. 28, eo ipso, quod lex præcipiat aliquem

quem actum ex motivo alicujus virtutis, facit illum actum materiam necessariam ipsius virtutis, ac subinde ut ejus ommissio sit peccatum contra talem virtutem; atqui pœnitens tenetur satisfactionem acceptare ex motivis Religionis, charitatis, pœnitentiæ, et illius virtutis, contra quam imminet periculum peccati futuri, ut dictum est: ergo illius ommissio, vel non acceptatio erit multiplex peccatum specie diversum. Consequentia liquet: quippe peccata multiplicantur specie ad multiplicationem motivorum, sub quibus prohibentur. Hoc autem asserere est satis absurdum: nemo enim hucusque censuit tot peccata commisisse, dum satisfactionem omisit, nec id aliquis unquam docuit: ergo doctrina tradita nulla est.

Ad hanc objectionem respondetur, similem in adversario retorquendo: nam obligatio pœnitendi absolute non solum provenit peccatori ex motivo pœnitentiæ virtutis, sed etiam ex motivis charitatis ad Deum, et charitatis, ac misericordiæ ad se ipsum, ut expendimus in priori hujus tract. parte, disp. 5, dub. 6, § 8 et tamen qui urgente præcepto pœnitendi illud non adimplet, non multiplex peccatum committit, sed unum: ergo ex quo obligatio acceptandi, et exequendi pœnitentiam ex tot illis motivis oriatur, non deducitur ejus omissionem multiplex peccatum esse. Et plane si ita eveniret, ut objectio intendebat, nullum esset peccatum, in quo multæ malitiæ specie non invenirentur, nimirum, et contra charitatem ad Deum, et contra justitiam, ac obedientiam ipsius, ut loco proxime relato a num. 255, et tract. 21, disput. 1, dub. 1, § 2, num. 11 arguebamus. Quam ergo solutionem huic instantiæ adversarii adhibuerint, eandem poterunt objectioni nobis oppositæ applicare. Pro omnibus autem dicendum est, omittentem satisfactionem injunctam, vel eam acceptare nolentem duplex peccatum specie diversum committere, aliud contra virtutem pœnitentiæ, ut diximus tract. 13, disp. 8, dub. 2, § 1, num. 29, quia ejus actum præceptum omittit; aliud sacrilegii contra religionem, quia sacramentum debita sibi integritate, ac perfectione fraudat. Exemplum adest in eo, qui ut adimpleat præceptum annuæ confessionis accedit ad sacerdotem, et sua peccata ei manifestat,

aliquid subticendo: hic enim esto adstringatur confessioni ex motivo charitatis ad se ipsum, ratione cujus tenetur proprio bono consulere, atque ideo a miserabili statu peccati, ac diaboli servitute exire; et insuper ex motivo misericordiæ ad se ipsum, et illius virtutis, contra quam imminet periculum peccati futuri, ut ex se patet; nihilominus solum duplex peccatum committit, videlicet, contra religionem, ac pœnitentiam. Primum ob defectum integritatis materialis, qua sacramentum privat, omnia peccata non manifestando. Secundum, quia per confessionem scienter sacrilegam non impletur Ecclesiæ præceptum, ex motivo virtutis pœnitentiæ impositum, ut ex supra dictis disp. 8, dub. 2, § 2, num. 58 patet.

Ratio autem cur in utroque eventu peccatum illud sit contra religionem, ac pœnitentiam, non vero contra charitatem, aliasque virtutes, ex quibus obligatio insurgit, est duplex: primam assignavimus loco cit. ex tract. 21, quia nimirum violatio harum virtutum, et similium est quædam circumstantia generalis in omni peccato inventa, atque ideo illi specialem malitiam non tribuit: ad hoc enim opus erat ut essent illæ circumstantiæ per se volitæ ex parte objecti, ut si quis frangat præceptum, ne Deo præstet obedientiam, sive ut ipsimet pœnitenti, aut Deo damnum inferat, vel irroget injuriam. Secundam dedimus loco in objectione relato ad calcem num. 28 et amplius expensam in priori parte hujus tract. disp. 5, dub. 6, a num. 255 et sequent. In eoque sita est, quod peccata non multiplicantur specie penes motiva adhuc intrinseca, et operis, nisi quando immediate, et proxime procedunt contra illa motiva: si enim solum mediate, et indirecte contra ea versentur, peculiarem malitiæ speciem non accipiunt. Omissio igitur satisfactionis, vel ejus non acceptatio versatur immediate contra motiva pœnitentiæ, et religionis, contra motiva vero charitatis, et aliarum virtutum solum indirecte, et remote: quippe eo modo omissio actus præcepti versatur penes motiva virtutum, quo ipsæ virtutes concurrunt ad illum actum: charitas autem, et illa virtus, contra quam imminet periculum peccati futuri, solum concurrunt ad satisfactionem radicaliter, et remote, illam

etor-
uct.

olatio

videlicet imperando, ut ea mediante finem proprium ipsarum assequantur. Religio vero, ac pœnitentiam immediate influunt in satisfactionem : hæc enim, et est actus proprius pœnitentiæ, per quem nullo alio mediante intendit, et assequitur solutionem debiti, quod est ejus motivum; et etiam religionis, quia satisfactio est pars integralis sacramenti, per quam immediate, et intransitive perficitur, ac reverentia ipsi debita exhibetur, quod ad religionem attinet. Quocirca satisfactionis omissio immediate, et directe contra harum virtutum motiva militat, atque ideo malitiæ species ipsis oppositas vindicat. Recolantur quæ loco immediate relato diximus, ubi similem objectionem diluimus, et solutionem hanc fusius expendimus. Notandum tamen, in satisfactionis omissione unum tantum peccatum impœnitentiæ formalis ut in plurimum inveniri : quia pœnitentes satisfactionem esse partem integram sacramenti ignorant, atque ideo nullam illi injuriam irrogare apprehendunt, dum satisfactionem omittunt.

Argum.
2.

22. Arguitur secundo : nam sacerdos tenetur absolvere accedentem recte dispositum ad sacramentum; sed qui vult absolvi a culpa, et non vult pœnitentiam acceptare, valet esse recte dispositus : ergo huic tenetur sacerdos absolutionem impendere; atque ideo illum cogere ad pœnitentiæ acceptationem non potest. Minor ostenditur : ille accedit recte dispositus ad sacramentum, qui est contritus, et cum animo solvendi pœnam debitam; sed qui vult absolvi a culpa, et non acceptare pœnitentiam, valet esse contritus, et cum animo luendi in purgatorio pœnam debitam : ergo censendus est recte dispositus, et absolutione dignus.

Confirm.

1.

Confirmatur primo : quia reatus pœnæ temporalis post dismissam culpam non obligat ad ejusdem pœnæ solutionem in præsenti vita determinate, sed disjunctive, vel in hac vita, vel in futura : ergo pœnitens ratione prædicti reatus non tenetur ad acceptandam, et explendam pœnitentiam a sacerdote injunctam, sed eam potest in purgatorio remittere, ut ubi reatum solvat. Antecedens videtur certum : quippe ex opposito fieret, illum, qui in præsenti non solvit, nunquam per purgatorii cruciatus a tali reatu manere solutum. Conse-

quentia vero probatur : nam qui obligatione disjunctiva gravatur, per cujuslibet extremæ disjunctionis solutionem immunitas evadit a debito : ergo qui acceptat pœnam in purgatorio solvendam, nec tenetur pœnitentiam a sacerdote injunctam acceptare; nec in hac vita sustinere.

Confirmatur secundo : etenim sacerdos Confirm.
2. habet potestatem absolvendi a culpa, et ligandi ad pœnam : ergo pœnitens poterit se subdere judicio sacramentali quoad primum, et non quoad secundum. Patet consequentia, tum : quia reus, cui a judice superiori datur optio, ut in acceptatione pœnæ promeritæ se subiciat ipsi, vel judici inferiori, potest quodlibet eligere; sed hujusmodi optio datur pœnitenti : ergo. Tum, quia nulla apparet ratio, cur ita fieri non possit. Tum denique, et præsertim : quia sacerdos est judex arbiter; judici autem arbitro liberum est unicuique se subdere, ejusque sententiæ stare : ergo quemadmodum pœnitens libere se subicit absolutioni, et potest eam non acceptare citra culpam : ita eidem liberum erit pœnitentiæ se subdere, vel non.

Respondetur ad argumentum negando minorem, cujus probatio non urget : nam quamvis absolute verum sit, neminem teneri ad pœnam temporalem luendam in hac vita, sed libere posse eam in purgatorium remittere; nihilominus ex suppositione institutionis sacramenti pœnitentiæ per modum judicii, et quod quis ad illud accedat, jam illi non licet; tum, quia ad judicii complementum, et judicis potestatem spectat, reum puniri, ac satisfactionem impositam acceptare, et exequi : est enim pars integralis sacramenti, cujus omissio ob Religionis præceptum illicita redditur. Tum : quia pœna, quam accedens ad sacramenti tribunal sustinere debet pro peccatis, est illa, quam in hac vita luendam sacerdos ut judex, ac Dei vicem gerens prudenter injungit; unde implicat, pœnitentem esse paratum ad pœnam debitam sustinendam, et nolle acceptare satisfactionem injunctam, licet alias purgatorii cruciatus luere velit, indeque censi non debet cum recta dispositione ad sacramentum accedere. Adde, satisfactionem, ut sæpe dictum est, injungi pœnitentibus in vindictam præteriti peccati, et ad præcavendum futurum. Id autem, quod ad castigationem

Argu-
mento
occur-
rit.

gationem attinet, non libero delinquentis arbitrio committitur, sed ex sola iudicis electione determinatur. Medicamentum item ad præservationem futuri peccati locum non habet in purgatorio.

¹ *firm. est.* Ad primam confirmationem dicendum *est.* reatum penæ temporalis absolute, et extra sacramentum solum obligare ad solutionem vel in præsentī, vel in futuro sæculo. Ceterum ex suppositione quod quis ad sacramentum accedat, ex vi hujus jam non disjunctiva, sed determinata gravatur obligatione acceptandi, ac exequendi satisfactionem; hæc enim est pars integralis, cujus non appositio in sacramenti deformitatem, ac imperfectionem redundat. Unde aliud est, quod ex vi reatus penæ temporalis homo non adstringatur ad solutionem illius debiti in hac vita; aliud, quod ad id non teneatur ex vi sacramenti, ac præcepti sacerdotis, qui potestatem præcipiendi satisfactionem sortitur.

^{is fit unde} Ad secundam confirmationem neganda est consequentia: nam sacerdotis iudicialia potestas ad solvendum, et ad ligandum non est duplex, et separabilis, sed una, et indivisibilis pertinens ad integritatem sacramentalis iudicii. Idcirco pœnitens si vult absolvi a culpa, et quoad hoc sacerdoti se subicere, nequit a sententiæ pœnitivæ acceptione aufugere: sicut enim nequit pœnitens peccata sacramentaliter prodere uni sacerdoti, et alium adire ut ab eo absolvatur, quia eadem facultate, qua sacerdos peccata audit, debet pœnitens absolvi; ita etiam nequit a sacerdote absolutionem exposcere, et nolle ab eo pro peccatis pœna debita puniri. Unde patet ad primam consequentiæ probationem: nulla quippe optio datur pœnitenti declinandi sacerdotis sententiam, et adeundi Deum ut ab eo puniatur in purgatorio; alias illa verba Christi Domini ad Petrum: *Quodcumque ligaveris super terram, erit ligatum et in cœlis*, absolute non verificarentur; quandoquidem si sacerdos ligaret pœnam injungendo, et pœnitens valeret a ligamine solvi eam non acceptando, non ligatus, sed in cœlis maneret coram Deo solutus: quod ly *Quodcumque ligaveris* repugnat. Hæc enim verba distributive accipienda sunt, et juxta legitimum sensum idem dicunt ac hæc: « Omnis homo, quem « ad pœnitentiam ligaveris, erit coram Deo

« ligatus, vel obligatus ad ejus exhibitio-
« nem: » quod cum optione prædicta incompossibile est. Ad secundam constat tam ex adductis ad assertionem evincendam, quam ex argumentorum solutionibus, plures rationes adesse cur ita fieri non possit, quæque omnes in naturam sacramenti pœnitentiæ reducuntur, quippe quod ad modum integri iudicii institutum est. Semel autem ab aliquis iudicio se subdat, jam ex ejus voluntate non pendet sententiam iudicis declinare, et pœnitentiam injunctam demittere: est enim pars integralis sacramentalis iudicii, quod cum debita sibi perfectione fieri debet. Ex quibus etiam liquet ad tertiam: ex suppositione namque quod quis iudicis arbitrio se subdat, illius sententiæ parere adstringitur. Nec novum, aut inauditum est, ex actione libera assurgere obligationem ad aliud, quod ex ipsa consequitur; sacerdos v. g. non cogitur singulis diebus sacrificium celebrare; ex hypothesi autem, quod ita facere velit, sacrificium usque ad consecrationem tantum celebrare nequit, sed integrum, ac perfectum absolvere tenetur. Item, qui in die Assumptionis B. Virginis confessionem facere statuit, ad quod ex præcepto non obligatur, nequit aliqua peccata sacramentali iudicio subdere, et alia celare, sed omnia, quæ in conscientia habet, tenetur pandere sacerdoti ob integritatem materiale confessionis, quam dimidiare non potest. Similia passim occurrent exempla. Unde esto ex pœnitentis arbitrio pendeat sacerdoti se subicere ut absolvatur, non tamen pœnitentiam respuere, vel acceptare. Eo vel maxime, quod ut num. 15 explicuimus, sacramentale iudicium non est ita liberum unicuique, ut possit nullum adire sacerdotem ut absolvatur, sed eo ipso quod lethale peccatum in conscientiam habeat, tenetur ad aliquem accedere tanquam ad legitimum iudicem, cujus sententiæ tam circa absolutionem, quam satisfactionem ut reus stare adstringitur.

23. Arguitur tertio: quia si sacerdos ^{Argum. 3.} posset obligare pœnitentem ad satisfactionem acceptandam, posset illum obligare ad quæcumque; consequens est falsum: ergo, et id ex quo sequitur. Major ostenditur: nam sacerdos posset obligare pœnitentem ad acceptionem satisfactionis condignæ; sed quæcumque pœnitentia etiam

maxima adhuc non censetur condigna : ergo. Hæc minor, in qua poterat esse difficultas, ex eo constat, quod condignitas pœnitentiæ vel regulanda est penes gravitatem peccati confessi, vel penes reatum pœnæ in purgatorio luendæ? Ex primo capite certum est non solum peccatum lethale, sed etiam veniale excedere gravissimam pœnam temporalem hujus vitæ, cum sit majus malum. Ex secundo vero id ipsum ex supra dictis cum D. Thoma liquet: nam quælibet adhuc levissima pœna purgatorii excedit hujus vitæ acerbiorē. Ergo quæcumque pœna injungatur in satisfactionem, potest major imponi, ita ut condignitatem non excedat. Dicere autem, pœnitentem teneri ad acceptandam quamcumque, absurdissimum est; cum ejus exhibitio sit moraliter impossibilis.

Confirmatur, et urgetur. Nam vel qui gravissima, et fere innumera crimina confessus est, tenetur condignam, et æqualem criminibus pœnitentiam admittere, vel non? Primum dici nequit, quippe quod rigidissimum foret, imo impossibile, cum ad sustinendam pœnitentiam gravitati tot criminum correspondentem nequeant moraliter loquendo humanæ vires sufficere. Si dicatur secundum : ergo ad nullius pœnitentiæ etiam partialis acceptationem tenebitur. Patet consequentia, eadem namque est ratio utriusque : nam quemadmodum est justa sententia, dum imponitur non tota pœna, quæ peccatis respondet, ita dum æqualis, et condigna injungitur : ergo si huic justæ sententiæ stare non cogitur, nec etiam illi. Præsertim, quia ex praxi constat, sacerdotes timorata conscientia absolvere pœnitentes nolentes acceptare totam pœnitentiam, sed partem, vel nullam. Unde Navarrus, hujus sententiæ patronus, et vir alias eruditionis non contemnendæ, locosupra relato inquit : « Video « in urbe, et in orbe receptum, ne cuiquam « denegetur absolutio, eo solo quod nolit « acceptare pœnitentiam injunctam. »

Respondetur ad argumentum negando majorem : quia nec sacerdos imponere, nec pœnitens acceptare tenetur illam pœnitentiam, quæ rationalis, et proportionata non sit, juxta regulas æquitatis, et prudentiæ, inceptis omnibus circumstantiis tam gravitatis peccatorum, pro quibus injungitur, quam status pœnitentis in spiri-

tualibus, et corporalibus, ut dubio præcedenti innuimus. In dubio autem de excessu pœnitentiæ injunctæ, standum est pro sacerdote eam imponente, eo quod impositio sit certa, et executio dubia. Ad majoris probationem neganda est minor, vel saltem explicanda : nam condignitas pœnitentiæ potest sumi vel solum per ordinem ad peccatum confessum, vel per respectum ad reatum pœnæ temporalis culpa contractum, et ad fragilitatem, ac dispositionem pœnitentis, cui etiam consulendum est. Igitur si priori modo consideretur, quæcumque pœnitentia etiam maxima est condigna cuilibet peccato confesso etiam levi : quippe cum peccatum sit malum culpæ, atque ideo malum Dei saltem in affectu, pœnitentia autem malum pœnæ, atque ideo malum creaturæ, quodlibet peccatum etiam leve absolute, et ex sua linea excedit quamcumque pœnitentiam injunctam. Ceterum si posteriori modo accipiatur, ut accipi debet, illa pœnitentia dicitur condigna, et justa, quæ potest sustineri a pœnitente, et correspondet reatui pœnæ temporalis per culpam confessam contracto. Unde cum ad peccatum leve levis pœnæ reatus sequatur, et ad grave gravis, si ob peccatum leve gravis pœnitentia injungatur, hæc non est censenda condigna, sed injusta, atque ideo ad illius acceptationem pœnitens non tenebitur. Idemque dicendum est, si ob aliquod peccatum grave injungatur pœnitentia adeo magna, et improporcionata, ut non reatui pœnæ temporalis unius peccati, sed plurimorum respondeat. Si autem peccata confessa sint plurima, et gravissima, et alias pœnitens magnæ fragilitatis, illa pœnitentia erit condigna, et justa saltem per accidens, quæ licet reatum pœnæ temporalis non adæquet, pœnitentis viribus proportionatur, juxta benignum Ecclesiæ Romanæ usum, quæ pœnitentiam consuevit injungere mitiorem, quam illa, quæ per se injungenda erat, ut pœnitentes foveat, ad sacramenta alliciatur, et salutis potius, quam interitus, tribuat occasionem. Quod autem minima purgatorii pœna excedat acerbiorē hujus vitæ, nihil refert : nam pœnitentiæ condignitas non per respectum ad pœnam determinate in purgatorio luendam attenditur, sed penes reatum pœnæ temporalis a Deo taxatum pro criminum qualitate, et solvendum vel in præ-

sentia

senti vita juxta taxationem hujus fori, vel in purgatorio juxta taxationem ibi correspondentem, ex suppositione quod hic non solvatur. Unde si pœnitentia imposita, quæ prudenter censetur justa ad extinguendum totum pœnæ temporalis reatum non pertingat, ut contingit dum pœnitenti fragili pœnitentia levis injungitur ob gravissima crimina, hoc minime officit, quominus deinceps in purgatorio reatus ille quoad illam partem, quæ nondum soluta erat, usque ad novissimum quadrantem solvatur, juxta ea, quæ præcedenti disp. num. 10, dicta sunt.

agrm.
vitur.

24. Ad confirmationem respondetur, eum, qui gravissima crimina confessus est, teneri condignam, et æqualem criminibus pœnitentiam acceptare, sumpta condignitate, et æqualitate respective ad crimina, et ad pœnitentis dispositionem, et fragilitatem, ut nuper explicatum est. Unde non concluditur, quod licet pœnitens non teneatur acceptare in hoc eventu omnem pœnitentiam, quæ illis criminibus absolute inspectis correspondet, non teneatur ad illam pœnitentiæ partem, quam juxta proprias vires sustinere potest: hæc enim attentis omnibus jam est justa, et condigna, atque ideo sacerdos habet jus ad eam injungendam. Ad augmentum autem difficultatis dicendum est, aliud esse sacerdotes timorata conscientia absolute, ac sine aliqua limitatione absolvere penitentes, qui nullam volunt, esto alias possint totam, quam debent, eo quod vires suppetant, pœnitentiam acceptare; aliud quod discretionem utentes alliciant hujusmodi pœnitentes ad leviolem saltem acceptandam, ut eorum saluti potius quam desperationi consulant. Primum est omnino falsum, nec id sacerdotes timorata conscientia efficiunt, aut efficere possunt; quin si ita se haberent, non timorata, sed infecta vel laxa conscientia reputandi sunt: quippe pœnitentes omnem prorsus, etiam levissimam, satisfactionem abjicere, ad nullamque velle se subdere, perspicuum est signum, ac satis notum, eosdem nec contritos, nec congrue dispositos ad sacramentum accedere, atque ideo absolutione indigni censi debent. Unde si in hoc primo sensu Navarri verba procedant, palam excessiva videntur, rationique non admodum affinia: tum quia ut recte vidit Suarez in præsentī, sect. 7,

num. 4, hic casus moraliter loquendo vel nunquam, vel vix unquam continget: nemo enim adeo duræ cervicis existet, ut nec sacerdotis blanditiis ad aliquam mitigationem, vel levem pœnitentiam acceptandam reducatur. Quocirca nec in orbe videre potuit illam doctrinam ad tam communem, et frequentem praxim reductam, ut ejus verba indicant. Tum: quia etiam permissio, rem hanc sæpe evenire potuisse, haud facile ad ejus notitiam valuit accedere quid in his eventibus fecerint singuli sacerdotes urbis, et longe minus totius orbis. Unde cum hic Author non infimæ notæ sit, in saniori sensu statim explicando intelligendus.

Secundum autem est verissimum, et rationi consonum: nam, ut inquit D. Thomas in præsentī, quæst. 18, art. 3, in 2, argum. D. Tho.
sed contra: « Potestas clavium est potestas rationalis, cum habeat discretionem » adjunctam. » Ad hanc autem attinet, pœnitentis dispositionem perpendere, resque ita disponere, ut illius animæ salus, potius quam deterior infirmitas sequatur. Unde si pœnitentes congruam satisfactionem acceptare renuunt, curandum est sacerdotibus (idque efficiunt timorata conscientia) aptiori modo, quo possint, eos allicere ad mitiorem, vel aliquam respective levem admittendam, ne si totam, quæ justa erat, conentur infligere, et aliter non absolvere, pœnitentes acerbiore satisfactionis gravatos in desperationem adducant. Hincque provenit, rarissime, vel nunquam nolenti pœnitentiam acceptare, absolutionem fuisse denegatam (quod, et non aliud, intendisse Navarrum credimus) semper enim pœnitentes studio, ac sacerdotis benignitate moti alicui pœnitentiæ assentiuntur. Nec inde inferendum est; sacerdotes ita procedentes delinquere, eo quod satisfactionem criminibus correspondentem non injungant: nam in hujusmodi eventu ob occurrentes circumstantias excusantur; et consultius est, aliquam pœnam in purgatorio luendam relinquere, quam totam hic injungere, vel pœnitentem inabsolutum dimittendo majori periculo exponere. Quod perspicue docet, et aptissimo exemplo suadet D. Thomas quæst. citat. art. 4, in corpore: « Sicut ergo, inquit, medicus ali- D. Tho.
« quando prudenter non dat medicinam ita
« efficacem, quæ ad morbi curationem suffi-
« ciat, ne propter debilitatem naturæ ma-

« jus periculum oriat; ita sacerdos di-
« vino instinctu motus non semper totam
« pœnam, quæ uni peccato debetur, injun-
« git, ne infirmus aliquis ex magnitudine
« pœnæ desperet, et a pœnitentia totaliter
« recedat. »

§ IV.

Quæstiunculæ huc spectantes expediuntur.

25. Quamvis ex dictis constet, posse sa-
cerdotem cogere pœnitentem, huncque ha-
bere obligationem ex genere suo gravem
ad injectæ satisfactionis acceptationem;
non tamen liquido apparet, quando in in-
dividuo hujusmodi obligatio sit gravis, quan-
do vero levis. Dissident enim Authores in
assignando principio, unde obligationis
quantitas dimetiatur; quidam asserentes,
quod ex gravitate, vel parvitate peccati,
pro quo pœnitentia injungitur; alii autem,
quod ex magnitudine, vel levitate ipsius
pœnitentiæ injectæ. Omnes tamen con-
veniunt in eo, quod si pœnitentia est gra-
vis, et aliunde ob peccata gravia nunquam
confessa imposita, pœnitens gravi obliga-
tione adstringatur ad eam acceptandam, et
exequendam, nisi aliud sacerdos expresse-
rit. Et ratio est perspicua: nam in hoc
eventu tam materia præcepta, quam pec-
cata, ob quæ præcipitur, sunt quid grave.
Unde difficultas devolvitur ad alios casus
particulares, quibus non aptiori modo oc-
currere possumus, quam singulis interro-
gationibus respondendo.

Inquires ergo primo, an dum levis pœ-
nitentia injungitur ob venialia, vel mor-
talia jam confessa, graviter obligetur pœ-
nitens illius acceptationi, et executioni?
Respondetur negative: censemus namque,
obligationis quantitatem regulari debere
penes materiam præceptam, quæ cum in se
levis sit, nequit major obligatio confugere.
Hæc resolutio consonat illi, quam dub.
præced. num. 11, statuimus, et ex ibi ad-
ductis convincitur, quin opus sit ad eam
suadendam nova fundamenta aperire: si
enim sacerdos ad levem pœnitentiam in-
jungendam non tenetur, nec ad eandem
acceptandam obligatur pœnitens: militat
quippe eadem ratio, ut consideranti cons-
tabit. Unde consequenter, et ob idem mo-
tivum, dicendum est, quod si semel pœni-

tentia in se est levis, ut recitatio, v. g.
unius Psalmi *Miserere*, etiamsi ob peccata
lethalia nunquam confessa justis de causis
injungatur, non inducit gravem obligatio-
nem, sed tantum levem; atque ideo illam
omittere, vel non acceptare, intra limites
culpæ venialis existere, sicuti dum omit-
titur aliqua levis pars pœnitentiæ gravis.
Ita Palas tract. 23, disp. unica, punct. 21,
Layman lib. 5, tract. 6, cap. 15, num. 14, N. Fra-
N. Franciscus tract. 6, cap. 10, punct. 5,
num. 61, referens Coninchum, Lugonem, Bonac-
Bonacinam, Aversam, et alios.

26. Oppositum tamen modum dicendi
conatur suadere Nugnus in præsentia, quæst.
13, conclus. 4, quem sequuntur Joannes
Sanctius in select. disp. 15, num. 14, N. N. Ga-
Gabriel disp. 12, quæst. 4, N. Philippus a
Sanctissima Trinitate, et alii. Quorum
fundamentum est, quod sacramentum re-
linquere non integrum, est res gravissima.
illique magnam irrogare injuriam: ergo
etiam si pœnitentia in se levis sit, ejus
omissio erit peccatum lethale. Idque confir-
mat Nugnus pluribus exemplis, in quibus
eadem ratio ac in præsentia urget. Si quis
enim rem levissimam falso assertive juret,
graviter delinquit; et idem contingit in
juramento promissorio, uti si quis sine
intentione adimplendi promittat se unum
Pater noster recitaturum. Item moraliter
peccat qui omittit illa verba, quæ in con-
secratione calicis tantum pertinent ad in-
tegritatem formæ sacramenti, et non ad
ejus essentiam: et etiam qui in consecra-
tione panis omittit particulam *enim*. Tan-
dem, aquæ guttam calici consecrando non
infundere, ac in Canone Missæ dimidiam
partem sanctorum, qui ibi nominantur,
relinquere, grave peccatum est, licet in se
materia satis exigua sit, et minor, quam
unum *Pater Noster*. Ergo a fortiori pœni-
tentiam levem omittere, culpa lethalis
erit, cum sit de integritate sacramenti.

Verum tamen hæc motiva inefficacia
sunt, ut a doctrina proposita recedamus. Et
plane si argumentum convinceret, etiam
probaret omissionem alicujus partis levis
pœnitentiæ gravis esse lethalem culpam;
hoc autem non suadet, ut Nugnus concedit:
ergo nec id, quod intendit. Nec alicujus
momenti est ejusdem Authoris responsio,
dicentis hujus materiæ gravitatem desumi
ex necessitate ad integrandum sacramen-
tum

Quæ-
stiunc. 1.

Resolvi-
tur.

Palas
Laym.
N. Fra-
Conin-
Lugo,
Bonac-
Avers

Sen-
tia
opposi

Nugn-
Joann-
N. Ga-
N. Phi-
lipp

Fonda-
mentu

Retor-
quetur

tum ; quare cum pœnitentia levis ad hoc necessaria sit, non autem pars levis alicujus pœnitentiæ gravis, quia in hoc eventu per alias partes pœnitentiæ gravis integratur sacramentum ; ideo in primo casu adest gravis culpa, et non in secundo. Non itaque refert hæc evasio, sed efficaciter rejicitur. Tum : quia pœnitentia levis nequit esse magis necessaria ad integrandum sacramentum, quam pars levis pœnitentiæ gravis ; sed hæc non est adeo necessaria, ut ejus ommissio mortale peccatum inducat : ergo nec ommissio illius. Major probatur : nam ideo non est necessaria simpliciter, sed solum secundum quid, ad integrandum sacramentum pars levis pœnitentiæ gravis, quia hæc in se est quid exiguum, et solum exigue, ut in se est, potest sacramentum integrare ; sed pœnitentia levis etiam est in se quid exiguum : ergo nequit esse magis necessaria. Tum etiam quia ommissio pœnitentiæ levis non majorem integritatem tollit a sacramento, quam ommissio partis levis pœnitentiæ gravis : ergo utraque pœnitentia eodem modo ad integrandum necessaria est. Quod enim ommissio pœnitentiæ levis tollat a sacramento omnimodam integritatem, non autem ommissio partis levis pœnitentiæ gravis, nihil refert : nam illa omnimoda integritas, quam prima ommissio tollit, non est major, sed multoties minor, quam ea, quæ per secundam removetur.

Tum denique : nam integritas sacramenti, ob quam necessaria est pœnitentia, vel consistit in indivisibili, vel non ? Primum dici nequit, alias qui pœnitentiam levissimam acceptaret, et exhiberet, non teneretur ex vi integritatis sacramenti ad acceptandam, et exhibendam gravem juxta qualitatem peccatorum : quippe per quamlibet pœnitentiam etiam levissimam maneret sacramentum simpliciter, et indivisibiliter integrum. Secundum autem traditam impugnationem confirmat : nam si integritas admittit latitudinem, hæc necessario regulanda erit penes pœnitentiam injunctam ; atque ideo si pœnitentia fuerit magna etiam quoad partes, uti si injungantur quatuor jejunia, etiam integritas sacramenti erit hujusmodi, et quodlibet ex illis jejuniis erit pars magna integralis, cujus ommissio graviter deturbabit sacramentum ; et e converso si pœnitentia fuerit

omnino levis, vel illius aliqua pars gravis, et alia levis, eodem modo pendebit ab illis integritas sacramenti. Unde ommissio pœnitentiæ omnino levis, vel alicujus partis levis erit peccatum leve, grave autem si pars ommissa fuerit magni ponderis. Quocirca hanc opinionem inconsequenter procedere liquet.

27. Ad illius vero fundamentum dicen-^{Solvitur.} dum est sacramentum relinquere non integrum, esse rem gravissimam magnamque illi irrogari injuriam, dum integritas, qua privatur, est ejusdem qualitatis, et magnitudinis ; secus vero dum est levis, uti est illa, qua privatur ob omissionem pœnitentiæ exiguæ, quæ ob peccata venialia, vel mortalia sæpius confessa solet injungi : tunc enim solum fit sacramento levis irreverentia, ut a simili constat in voto obligante ex motivo religionis, sicut integritas sacramenti. Etenim si materia voti est levis, ut recitatio salutationis Angelicæ, ejus ommissio solum tenuem irreverentiam in votum, et levem culpam inducit, ut cum graviore Doctorum consensu docet N. Andreas tract. 17, c. 1, punct. 4, num. 105. Exempla autem, quibus Nugnus suam conatur suadere sententiam, non satis eam evincunt. Non duo priora de juramento falso assertorio, et promissorio rei levis sine intentione adimplendi : nam ideo qui ita jurat, graviter delinquit, quia Deum affert in testem rei falsæ ; Deo autem summe veraci non minus repugnat ab intrinseco falsum testificari in re levissima, quam in re gravi ; imo quanto res levior, injuria illi irrogata censetur major, ut in humanis principibus cernitur : majorem quippe injuriam regi factam apprehendimus, dum in rei exiguæ, et parvi momenti falsum testem adducimus, quam in alterius ponderis. Non etiam tertium : nam omnia verba consecrationis calicis non solum ad integritatem, sed ad essentiam formæ consecratiæ calicis pertinent, saltem ut implicita in aliis, juxta stabilita tract. 23, disp. 9, dub. 3, § 2, atque ideo mirum non est, quod si omittantur aliqua tam quoad explicitum, quam quoad implicitum, gravis culpa adsit ; imo si aliqua omittantur ut expressa, etiamsi in aliis maneat implicita, lethale peccatum erit, tum quia adest præceptum Ecclesiæ in Missali Romano proferendi omnia illa verba

integre, et expresse, ut loco citato nu. 33 diximus : tum, quia admodum referunt ad complendam significationem eorum verborum, quæ sunt de essentia, atque ideo in eorum ablatione fit mutatio notabilis formæ, quod nemini licet, præsertim in sacramento Eucharistiæ, quod omnium præstantissimum est ; alias quisque posset sacramentorum formas invertere.

Non item quartum : nam in omissione particulæ *enim* satis probabile est, solam venialem culpam intervenire præciso contemptu, ac scandalo, ut statuimus tract. 22, disp. 2, dub. 5, num. 83 et tract. 23, disp. 9, dub. 2, num. 12. Adde, quod licet ejus ommissio grave peccatum esse concedatur, hoc ideo est, quia *ly enim* summe conducit ad exprimendum sensum verborum formæ consecrativæ : denotat enim ibi esse Corpus Christi verum, et reale, et non præcise methaphoricum, ut nonnulli hæretici voluerunt. Posteriora denique exempla etiam nihil evincunt : quoniam esto omittere dimidiam partem Sanctorum, qui in Canone recitantur, sit culpa gravis, eo quod in illorum appositione adsit speciale mysterium, et censeatur materia gravis; tamen omittere duo, vel tria ex illis nominibus, leve tantum peccatum est, atque ideo materiæ parvitatem non excludit, ut videre est apud N. Franciscum tract. 5, c. 4, punct. 4, n. 118. Guttam vero aquæ calici consecrando non infundere, lethale peccatum est, quia licet physice quid modicissimum sit, in ratione signi, ac sacræ cæremoniæ, tot, et adeo graves causas importat, ut sit res magui ponderis, ut ex Patrum doctrina, et Conciliorum decretis liquet, præsertim ex Concilio Triburiensi cap. 9, et Tridentino sess. 22, cap. 7 et aliis, quæ retulimus tract. 23, disp. 4, dub. 3, ubi etiam significationes, quas illa aquæ mixtio affert, cum D. Thoma adnotavimus. Hæc autem motiva minime in præsentī casu urgent, ut consideranti constabit: ommissio namque levis pœnitentiæ, cum ex omni capite exigua sit, nequit grave peccatum afferre.

28. Inquires secundo, an dum sacerdos gravem injungit pœnitentiam pro venialibus, aut mortalibus jam confessis, teneatur pœnitens sub lethali illius acceptationi, et executioni ? Respondetur affirmative, si sacerdos justis de causis eam pœnitentiam

injungit, et aliunde nihil aliud exprimit.

Ita Henriquez lib. 5, de sacram. cap. 20, Henri num. 3, Nugnus ubi supra, art. 2, diffic. Conini 2, conclus. 4, Coninchus dub. 9, num. 81, Fagun Lugo, Fagundez præcept. 2, lib. 9, cap. 3, num. Bonaci 13, Lugo disp. 25, sect. 5, Bonacina disp. N. Fra 5, sect. 3, punct. 4, N. Franciscus tract. 6, Philip, Zerola cap. 10, punct. 4, num. 62, N. Gabriel Philir pus, disp. 6, quæst. 4, N. Philippus disp. 13, a Cruce dub. 4, Zerola in praxi, cap. 21, quæst. 8, et quæst. 39, ejusdem cap. Philippus a Cruce in Thesaur. Eccles. tract. 1, § 4, num. 3, Syrus de Pœnit. cap. 36, num. 8, Valentia tom. 4, disp. 7, quæst. 14, punct. 4, Leander disp. 9, quæst. 60, Candidus disquis. 34, art. 30, dub. 7 et alii. Ratio autem constat ex dictis, quia videlicet hujus obligationis gravitas, vel levitas non ex causa motiva sed ex materia præcepta, et pœnitentia rationabiliter injuncta regulanda est. Eo vel maxime quia obligatio acceptandi pœnitentiam ex genere suo est gravis : ergo cum alias materia rationabiliter præcepta sit gravis, non est unde pœnitens a gravi obligatione extrahatur.

Diximus *justis de causis*, quas non dubitant Authores posse aliquando intervenire, ut gravis injungatur pœnitentia pro levibus, aut lethalibus jam confessis, sicut econtra ut levis pro gravibus nondum confessis imponatur. Primum contingit, dum id sacerdos expediens judicat ad præcavendum viri Religiosi frequentem relapsus in aliqua venialia, vel ad abscondendam mortalium consuetudinem ab eo, qui in præcedenti confessione illa peccata, et consuetudinem exposuit, et in sequenti magnam ad eadem peccata propensionem explicat, ac de illis iterum vult absolvi ; in quo eventu valet sacerdos gravem pœnitentiam injungere, servatis prudentiæ regulis. Secundum etiam non semel accidit, tum ob pœnitentis debilitatem naturalem, aut moralem ; tum ob contritionis exuberantiam ; in quibus, et similibus casibus potest sacerdos mitigationem injungere pœnitentiam. Diximus etiam, *et aliunde nihil aliud exprimit* : nam utrum sacerdos possit pœnitentiam gravem sub levi obligatione, vel levem sub gravi injungere, alia difficultas est, Cursu Salmanticensi Morali tract. 11, satis discussa. Quoad id vero, quod ad præsens attinet, insinuare sufficiat, quod si materia est levis

levis tam in se, quam in ordine ad finem præcepti, sub veniali tantum affert obligationem; si vero tam pœnitentia quam materia, ob quam imponitur, sint quid grave, et alias justa interveniat causa moderandi rigorem, et leviozem imponendi satisfactionem, poterit sacerdos gravem pœnitentiam injungere sub obligatione levi; quod tamen exprimere debet, alioqui supposita gravitate pœnitentiæ prudenter injunctæ, et potestate legitima ligandi, qua gaudet sacerdos, semper credendum est adstringere sub mortali.

29. Nec desunt Authores, quibus opposita sententia arrideat, asserentes omissionem pœnitentiæ gravis injunctæ pro venialibus, aut mortalibus jam confessis non excedere venialem culpam: durum enim illis videtur gravem obligationem satisfaciendi posse consurgere ex culpa levi, aut lethali jam dimissa. Hi sunt Suarez disp. 38, sect. 7, num. 4, Granados tract. 12, disp. 6, num. 8, Layman de sacram. pœnit. cap. 15, num. 7, Diana part. 3, tract. 4, resol. 102 et 136, Stephanus a S. Paulo num. 175 et Aversa quæst. 13, sect. 6. Quæ sententia potest suaderi ex eo, quod obligatio satisfaciendi nequit esse major, quam obligatio vitandi peccata, pro quibus satisfactio imponitur; sed obligatio vitandi venialia solum sub veniali ligatur; ergo, et obligatio pro illis satisfaciendi. Minor, et consequentia liquet. Major autem ostenditur: nam obligatio satisfaciendi est effectus relictus ex peccatis, pro quibus satisfactio exposcitur; sed nullus effectus superare potest virtutem suæ causæ: ergo obligatio satisfaciendi nequit esse major, quam obligatio vitandi peccata, ob quæ satisfactio injungitur.

Confirmatur primo: quoniam obligatio satisfaciendi pro peccatis est ejusdem conditionis, ac obligatio confitendi eadem peccata; atqui pœnitens non adstringitur sub lethali ad confitendum venialia, aut mortalia jam rite confessa: ergo nec sub lethali obligatur ad satisfactionem pro illis adimplendam. Major, quæ sola difficultatem præfert, suadetur: nam obligatio exhibendi satisfactionem oritur a confessione: quippe si pœnitens illa peccata venialia, aut mortalia jam confessa confessioni non subjiceret, minime posset a sacerdote compelli ad satisfactionem pro

eisdem exhibendam: ergo hæc obligatio ex illa regulanda est, atque ideo est ejusdem qualitatis. Confirmatur secundo: nam reus, qui semel pro crimine punitus est, et satisfactionem justam exhibuit, nequit a iudice graviter obligari, ut iterum satisficiat, et aliam pœnam sustineat; sed qui gravia jam rite confessus est, et injunctam exhibuit pœnitentiam, se habet ut reus, qui pro crimine satisfecit, et punitionem justam sustinuit: ergo nequit graviter obligari a sacerdote, ut pro culpis jam rite confessis, et punitis iteratam pœnitentiam, subeat. Maxime quia inde fieret, pœnitentem, qui peccata venialia, aut mortalia jam punita iterum confitetur, esse deterioris conditionis, quam qui semel sua peccata clavibus Ecclesiæ subicit, cum ille duplicatam punitionem subire sub mortali cogeretur; hic autem unam tantum.

Sed hæc, quibus ista fident sententia, parum premunt et facile dehiscent animadvertendo triplicem dari in peccatore obligationem. Prima est vitandi peccata. Secunda fatendi coram sacerdote culpas commissas. Tertia acceptandi, et exequendi pœnitentiam pro eis injunctam. Quæ obligationes quamvis inter se connexionem, et ordinem dicant, non tamen semper in quantitate, et qualitate adæquationem servant: etenim obligatio vitandi venialia per se semper est levis; obligatio autem eadem fatendi non adest aliqua; ex suppositione tamen quod clavibus subjiciantur, certum est apud omnes dari aliquam obligationem saltem levem acceptandi pœnitentiam pro illis injunctam. Deinde obligatio vitandi mortalia semper est gravis, et nihilominus semel confessa, nulla arget obligatio eadem iterum confitendi. Sicut ergo cum gravi, aut levi obligatione vitandi peccata, nulla stat obligatio ea fatendi, et cum nulla obligatione fatendi, aliqua obligatio pœnitentiam acceptandi ex suppositione quod peccata semel confessa iterum clavibus subjiciantur; ita cum levi obligatione vitandi peccata, et cum nulla fatendi ea, optime potest dari gravis obligatio satisfaciendi pro eisdem, si subjiciantur confessioni. Nec durum reputandum est, pœnitentem gravi obligatione adstringi ad acceptandam gravem pœnitentiam pro venialibus, aut lethalibus jam confessis, si hæc iterum ad majorem conscientie secu-

Confirm.
2

Animad-
versio.

ten-
ta
sita.

rez.
nad.
nan
na,
ib.
rsa.
batur

irm.

ritatem, ac uberiolem fructum capiendum confiteantur. Supponimus namque causas adesse juxta præscriptum prudentiæ, ut sacerdos illam pœnitentiam injungat : si enim errante clave ob sacerdotis imprudentiam talis satisfactio imponatur, nullam dari in pœnitente obligationem gravem, aut levem eam acceptandi quoad id, in quo excedit, extra dubium est, et ex supra dictis patet num. 23.

Solutio
argu-
ment.

30. Unde ad objectionem respondetur negando majorem, ad cujus probationem omissis præmissis negatur consequentia ex illis minime deducta. Etenim obligatio satisfaciendi, quæ cum reatu ex peccatis relicto coincidit, et effectus moralis, aut physicus peccati appellatur juxta diversitatem modorum explicandi radicem prædicti reatus, non oritur ex obligatione vitandi peccata, nec illi commensuratur; alias cum semper sit gravis obligatio vitandi peccata mortalia, graviter obligaretur pœnitens ad satisfactionem levem, quæ pro mortalibus jam confessis solet injungi, quod Authores hujus sententiæ non concedunt. Oritur ergo prædicta obligatio satisfaciendi ex peccato, et commensuranda est demeritis ipsius peccati, et damnis, quæ intulit, et in posterum minatur. Plura autem peccata venialia licet non afferant æternam pœnam damni aut sensus; nihilominus ob continuam reptitionem augent reatum pœnæ temporalis, qui adeo potest crescere, ut pœna satisfactoria illi correspondens sit gravis atque ideo fundet gravem obligationem satisfaciendi accedente præcepto sacerdotis, cui illa peccata confessa sunt. Aliunde, quamvis plura peccata venialia unum mortale non efficiant; tamen ad illud disponunt, ut inquit D. Thomas 1, 3, quæst. 88, art. 3, et illud sæpe inferunt, ut constat ex illo : « Qui spernit modica, paulatim decidet. » Ulterius, esto venialia viro Religioso (de quo præcipue procedit quæstio) viam perfectionis, ad quam tendit, et debet, omnino non impediunt; nihilominus dum continuantur, et in consuetudinem ducuntur, multum retardant, spiritualemque animæ profectum haud parum detinent. Quocirca cum satisfactio sacramentalis sit punitio, et medicina : et ex capite quo est punitio oriatur, et mensuretur ex reatu pœnæ temporalis contracto, qui in casu præsentis est adeo magnus, ut dictum

D. Tho. 1.
Eccles.
19.

est; et ex capite quo est medicina, oriatur ac mensuretur ex damno, vel infirmitate, quam plura illa peccata venialia repetita, et quasi in consuetudinem ducta intulerunt, et minantur, quæ quidem infirmitas, et damnum levia non sunt ut etiam explicatum manet, palam convincitur adesse principium, ex quo consurgat illa gravis obligatio pœnitentis acceptandi, ac exequendi gravem pœnitentiam ob venialia in casu quæstionis, atque ideo potest esse major obligatio satisfaciendi, quam obligatio vitandi peccata absolute, ob quæ satisfactio exposcitur. Quod autem obligatio satisfaciendi sit effectus relictus ex illis peccatis venialibus, nihil obest : nam licet non sufficiant plura venialia efficere unum mortale, habent tamen virtutem contrahendi magnum pœnæ temporalis, ac subinde fundandi gravem obligationem satisfaciendi, quæ virtutem suæ causæ in quantum talis non excedit.

Ad primam confirmationem similiter neganda est major, alias nulla daretur obligatio acceptandi, aut exequendi injectam pœnitentiam ob venialia, aut mortalia jam rite confessa, cum nulla adsit obligatio illa confitendi. Ad majoris probationem dicendum est, obligationem satisfaciendi *absolute* non ducere ortum a confessione, sed aliunde, ut constat ex dictis disp. præcedenti; obligationem tamen satisfaciendi *sacramentaliter*, vel apponendi sacramentalem satisfactionem oriri a confessione non tanquam ex causa inadæquata, vel tanquam a conditione, quod, videlicet; pœnitens peccata clavibus subiciat : si enim nollet ea subicere, nequiret a sacerdote adstringi ad exhibitionem hujus determinatæ satisfactionis, quæ est pars sacramenti; licet alioqui non evaderet obligationem solvendi pœnam debitam in hac vita, vel in futura. Unde liquet, obligationem satisfaciendi adhuc sacramentaliter pro venialibus, aut mortalibus jam confessis non esse præcise regulandam penes obligationem confitendi illa peccata, sed ex aliis capitibus nuper explicatis, atque ideo posse interdum illam excedere ob justas causas prudenter a sacerdote inspectas, quibus motus potest gravem pœnitentiam sub gravi obligatione pœnitenti injungere ob peccata, quorum confessio vel leviter, vel nullo modo obligat.

Ad

Ad secundam respondetur, pœnitentem non in omnibus fore parificandum reo exterioris fori, et aliis prætermis-
 sis, in eo ab illo differt, quod tam reus, quam judex fori exterioris certo scire possunt qualitatem, et quantitatem pœnæ, qua ipse reus pro delicto commisso puniri debet, et quando illum reatum pœnæ adæquate solvit, ita ut nil amplius secundum jura possit exposci. At vero quantitatem pœnæ temporalis, quæ pro peccatis dimissis subeunda est, nec sacerdos ut judex, nec pœnitens ut reus fori pœnitentialis certo valent agnoscere, et consequenter nec certificari an reatus pœnæ debitæ fuerit adæquate solutus, etiam postquam pœnitens exhibuit totam illam satisfactionem, quam sacerdos illi prudenter imposuit in hoc sacramentali judicio, vi cujus ad nihil aliud teneretur. Quin potius cum pœnitentia injuncta nunquam vel fere nunquam sit tanta, ut totum pœnæ temporalis reatum, præsertim ex culpis lethalibus contractum adæquate solvat; ideo ex suppositione quod pœnitens voluntarie pro majori conscientiæ securitate, et ampliori satisfactione reatus velit sua peccata iterum sacramentali judicio submittere, nequit non simul velle quidquid ad integritatem, ac rectitudinem illius judicii desideratur; et consequenter subire pœnam denuo infligendam juxta prudens sacerdotis arbitrium sub onere gravis, vel levis peccati relate ad quantitatem, et qualitatem satisfactionis injunctæ. Eo præsertim quod hæc in casu confirmationis, cui occurrimus, injungitur tanquam medicina ex motivo præcavendi futura peccata, quæ imminet, et abscindendi consuetudinem, ac vehementem propensionem ad ea, quibus si remedium non adhibetur, quasi infallibiliter sequentur. Hoc autem motivum est satis efficax, ut ex eo consurgat obligatio acceptandi gravem pœnitentiam injunctam.

Nec ob id evadit deterioris conditionis, sed utilioris, qui eadem peccata sæpius confitetur, quam qui semel tantum: nam ille uberius in hac vita satisfacit pro peccatis, tum percipiendo fructum tam ex opere operato ex vi sacramenti, quam ex opere operantis; tum etiam quia per satisfactorium opus meretur, et augmentum gratiæ, et ampliorem gloriam; quod ita

Salmant. Curs. Theolog. tom. XX.

non accidit in purgatorio, ubi, et acerbiores sunt pœnæ, si quæ in hac vita debetur, illuc sustinenda remittitur. Et quamvis qui peccata levia non confitetur, et lethalia jam confessa iterum non subicit clavibus, sit liber a gravamine implendi pœnitentiam a sacerdote injungendam; non tamen immunis evadit a satisfactione extrasacramentali, quæ ex opere operato solutiva pœnæ non est, nec ita adæquate ut sacramentalis debitum solet extinguere; unde periculo acriores cruciatus in alia vita luendi se exponit.

31. Inquires tertio, an possit pœnitens ante absolutionem sacerdotis, cum quo confessionem inchoaverat, ejus declinare sententiam, et alium adire, qui benigniorem pœnitentiam injungat? Ad hujus difficultatis resolutionem supponendum est, sacerdotem, ad quem pœnitens recurrere vult, esse prudentem, timoratum, sufficientique scientia præditum, ita ut censeatur juxta regulas æquitatis judicaturum: nam si ad alium vellet accedere, quem suo numere abusum speraret, omnes consentiunt graviter delinquere. Igitur in prima consideratione loquendo, vel pœnitens ex legitima, rationabilique causa procedit? Vel ex ignavia, aut levitate animi, ne videlicet graviorem cogatur sustinere pœnam, etiam intra limites æquitatis taxatam? In primo eventu communis Doctorum sententia affirmat, id licere pœnitenti. In secundo autem dicendum est, non esse licitum. Cujus ratio est: quia sine rationabili causa sacramentum inchoatum relinquere, nequit non aliquam indecentiam, et sacramenti irreverentiam redolere, atque ideo nequit non aliquid peccatum esse contra Religionem. Ceterum, cum pœnitentiæ sacramentum in peccatorum medicinam, et commodum sit institutum, de Christi benignitate præsumendum est, noluisse sub lethali obligatione gravare pœnitentem, ut confessionem cum uno sacerdote inchoatam cum eodem perficeret: sic namque hujus sacramenti usus, alias ex se difficilis, suavior redditur, pœnitentesque libentius culpas detegunt, ac pœnitentias acceptant. Unde solum venialiter peccare pœnitentem, qui absque legitima causa inceptam confessionem relinquit, et alium prudentem sacerdotem adit, ut mitiorem pœnitentiam injungat, sentiunt Lugo disp. 25, sect. 5, num. 77, Suarez disp.

Quas-
tunc. 3.

Resolu-
tio.

Lugo.
Suarez

N.
Francis.
Palau.
Coninc.
Aversa.

38, sect. 7, num. 4, N. Franciscus in præsententi, cap. 10, punct. 4, num. 59, Palau tract. 23, disp. unica, punct. 21, § 4, num. 7, Coninchus dub. 9, num. 8, Aversa quæst. 13, sect. 5, et alii.

Objectio

Nec obest, si objicias, prædictam actionem adeundi alium sacerdotem esse virtualem contemptum confessarii derelicti; hoc autem videtur illi graviter injuriosum: ergo saltem ex hoc capite culpa lethalis erit. Tum etiam: quia in quolibet judicio rectus ordo exigit, ut causa semel incepta coram aliquo iudice, coram ipso finiatur: licet enim liberum sit aliquando reo hunc vel illum judicem eligere; facta tamen judicis electione, illicitum est illi judicem declinare, et alteri se judicandum submittere, teneturque reus primi judicis stare sententiæ sub gravi obligatione, si materia gravis fuerit: ergo idem sentiendum est in præsententi. Non itaque refert; non quidem primum: nam confessarium derelinquere, non est eum contemnere; sed pœnitentem jure suo uti; ex eo autem, quod aliquis libertate sibi concessa, ac jure proprio utatur, nemini injuriam irrogat; nisi alias verbis, vel actionibus contemptum exprimentibus pœnitens id efficeret; his vero deficientibus, ex actione præcise adeundi alium sacerdotem, esto aliqua offensa contra primum resultaret, venialis culpæ metas non transiliret. Non etiam secundum: quia licet in foro exteriori liberum reo non sit, postquam judici competenti se submitit, retrocedere, et alium æqualem adire; id in foro pœnitentiæ licere, saltem extra gravem culpam, unanimiter Theologi asserunt ob libertatem, quam suavior hujus sacramenti usus exposcit.

Quæst.
tunc. 4

32. Inquires quarto, quando pœnitentia sit injungenda? Respondetur cum D. Antonino 3 part. tit. 17, cap. 20, § 1, Navarro de pœnit. disp. 6, cap. 1, num. 35, Suariorum disp. 38, sect. 3, num. 5, posse pœnitentiam imponi ante, vel post absolutionem ad sacerdotis arbitrium: quippe cum satisfactio immediate post absolutionem imposita censeatur moraliter aliis partibus sacramenti conjungi, et aliunde non sit pars materialis sacramenti, supra quam debet absolutio cadere, potest ante, vel post eam imponi. Præsertim si sacerdos videat pœnitentem recte dispositum, et

Decisio.
D.
Anton.
Navar.
Suarez.

pœnitentiam, quam meretur, libentissime acceptaturum. Nihilominus dicendum est aptius, et melius pœnitentiam ante absolutionem esse injungendam. Ita Angelus verbo *Confessio* 5, num. 2, Leander disp. 9, quæst. 52, Sylvester verbo *Confessio* 4, § 1, Suarez ubi supra num. 5, N. Franciscus cap. 10, punct. 3, num. 42, referens Coninchum, Bonacinam, Layman, Palaum, Granados, Dianam, et alios. Rationesque plures hujusmodi congruentiam suadent.

Tum: quia hoc ex usu, ac communi Ecclesiæ praxi constat. Unde SS. D. N. Alexander VIII, decreto anno 1690 edito damnavit has propositiones, quæ inter alias damnatas sunt 17: « Per illam praxim « mox absolvendi ordo pœnitentiæ est « inversus. » Et 18: « Consuetudo moderna « quoad administrationem sacramenti pœnitentiæ, etiamsi eam plurimorum hominum sustentet autoritas, et multi temporis diuturnitas confirmet, nihilominus « ab Ecclesia non habetur pro usu, sed « abusu. » Tum etiam: quia ex acceptance pœnitentiæ ante absolutionem injunctæ, melius agnoscet sacerdos, an pœnitens apte dispositus ad sacramentum accedat, atque ideo an sit vel non absolutione dignus. Tum deinde, ut omnes partes materiales hujus sacramenti subiciantur absolutioni tanquam parti formali. Tum denique, ut rectus judicii ordo aptius servetur, si pœnitens prius spondeat exequendam pœnitentiam, quam absolutionem accipiat.

33. Inquires quinto, qualis pœnitentia debeat imponi? Quid ad hanc interrogationem sit respondendum, jam majori ex parte constat ex dictis disp. præced. ubi quas conditiones debeat habere opus satisfactorium statuimus, et ex dictis hac disputatione num. 9, in fine, ubi jejunia, orationes vocales, ac eleemosynas regulariter esse in satisfactionem injungenda innuimus. Ulterius dicendum est, quod licet regulariter opus externum in pœnitentiam imponendum sit, præsertim rudioribus, qui id facilius intelligunt, ac exequuntur; interdum tamen expedit inspecto pœnitentis statu aliquos actus internos, et mentales ipsi injungere, uti aliquam piam meditationem Passionis Christi Domini, mortis imminantis, ac infallibiliter accessuræ, horribilis judicii Dei, quod nemo

efugere

Ang.
Sylv.
Leand.
Suar.
N. F.
Coni.
Bonac.
Laym.
Pala.
Dian.
Gran.

Prop.
tion
danti

Quæ.
tunc.

effugere valet, intolerabilem inferni cruciatum, etsimilium, quorum meditatio non raro fortius passionum impetum abscindit, ac peccata removet, quam aliud quodcumque pœnitentiæ genus. Nec refert, Alensem part. 4, quæst. 84, membr. 2, art. 1, Almainum, et alios sensisse, actus internos, qua tales, non posse in pœnitentiam injungi. Ad hoc quippe sufficit ipsos per accidens fieri sensibiles, quatenus exterius imponuntur, et acceptantur; alioquin nulla Religio orationem mentalem subditis præcipere posset, cujus oppositum ex satis laudabili fere omnium Religionum praxi liquet. Unde ita sentiunt Lugo disp. 26, sect. 4, Diana 4 part. tract. 4, resolut. 22, N. Antonius, N. Gabriel, N. Franciscus ubi supra, punct. 3, num. 27, referens Suarium, Coninchum, Reginaldum, Pontium, Aversam, et alios.

34. Item potest in pœnitentiam injungi confessionis, et communionis frequentia, si id confessario visum fuerit: sunt enim hujusmodi opera maxime Deo grata, et ad pravos habitus hebetandos, peccatorumque reincidentiam eliminandam efficacissima. Idque communis Doctorum sententia docet, frequensque Ecclesiæ usus tenet. Similiter etiam e converso potest sacerdos in pœnitentiam præcipere abstinentiam a frequenti communione, dum sibi expediens ob urgentia motiva videtur, uti si deprehenderet Eucharistiam indignissime tractari, pœnitentemque sæpe in hebdomada communicantem ad sacramentum sine debita reverentia, ac vitiis, criminibusque onustum accedere. Ita Diana 11, part. tract. 7 Miscell. resolut. 15, ubi oppositum, inquit, non esse admittendum, utpote contra communem opinionem Doctorum, et contra praxim Ecclesiæ, et usum omnium confessariorum. Idem sentit Laurentius a Ponte in cap. 2 Matth. annot. moral. 46, num. 28, ubi hæc habet: « Ex qua doctrina « elicitor falsitas illius, quam in Eccle- « sia Dei introducere præsumpsit quidam « Joannes Sanctius in selectis suis dispu- « tationibus, affirmans in receptione Sanc- « tissimi Sacramenti Eucharistiæ non so- « lum non debere pœnitentem stare, neque « obedire confessario præcipienti abstin- « tiam a sacramenti sumptione, imo quod « pœnitens melius aget si non obediat. « Quam doctrinam (si tale meretur nomen)

« uti novam, et in Ecclesia Dei nunquam « auditam, et contra communem sensum « Patrum, et magisterii spiritualis praxim, « reputo falsam, et periculis plenam. » Recolantur quæ expendimus tract. 23, disp. 7, ubi explicantes decretum SS. D. N. Innocentii XI hæc, et plura ad communio- nem spectantia adduximus. Potest etiam confessarius pœnitentem cogere, ut Confirmationis, et Extremæ-Uctionis sacramenta recipiat, si in extremis sit constitutus, ut docent Palaus, Fagundez, et N. Antonius. Ad susceptionem ordinis sacri, habitus Religionis, vel sacramenti Matrimonii, nequit pœnitens, nisi alias obligationem contraxerit, a confessario adstringi ob maximam libertatem ad hujusmodi requisitam. Ita Navarrus, N. Antonius, Palaus, tract. 23, disp. unica, qu. 20, n. 7, Fagundez præcept. 2, lib. 9, cap. 5, n. 4, Layman tract. 6, cap. 5. Possunt tamen pœnitentibus suaderi, si expedit.

35. Similiter etiam possunt in pœnitentiam injungi orationes pro defunctis recitandæ, aliaque bona opera pro eisdem faciendæ, ut contra Joannem Sanctium docent Lugo disp. 25, num. 82, Palaus tract. 23, disp. unica, punct. 20, § 2, num. 5, Hurtado disp. 14, difficul. 6, N. Antonius num. 1620, N. Gabriel de pœnitent. disp. 22, quæst. 3. Quibus adhærent Busembaum, Leander, Aversa, et Turrianus. Idque firmat communis praxis confessorum injungentium pœnitentibus officia defunctorum pro eis recitanda, ac Missas audiendas, vel celebrandas. Imo in Catechismo Romano, tract. de sacram. pœnitent. in fine, hoc pœnitentiæ genus satis commendatur tanquam spiritualis eleemosyna, ex qua oritur ipsas Purgatorii animas pro suffragatoribus interpellare, illisque Dei dona, ac auxilia consequi. Nec alicujus momenti erit dicere, satisfactorium esse ordinatam ad delendum reatum pœnæ temporalis pœnitentis; atque ideo nullum effectum in pœnitente consecuturam si pro defunctis applicetur, vel e converso si effectum in pœnitente sortitur, nullum habituram in defunctis. Nam satisfactio sacramentalis duplicem habet effectum remissionis pœnæ temporalis, ut ex dicendis patebit. Alter correspondens illi ex opere operato, qui nequit pro defunctis applicari: applicatur namque a sacerdote

Palaus,
Fagundez,
N.
Anton.
Navarr.
Layman.

Lugo,
Hurtado,
N.
Anton.
Gabrie.
Busemb.
Leand.
Aversa.

Evasio
præcluditur.

in commodum pœnitentis. Alter vero ex opere operantis, qui potest aliis applicari ad libitum pœnitentis. Nec iterum refert, si dicas fructum remissionis pœnæ temporalis ex opere operato, proveniente a Missæ sacrificio, prodesse defunctis, ac pro illis applicari posse, ut statuimus tract. 23, disp. 13, dub. 5, § 4. Ergo si confessarius injungat in pœnitentiam alicui sacerdoti ut Missam celebret pro defunctis, hic omnino a solutione proprii reatus fraudabitur. Respondetur namque, in hujusmodi eventu duplicem effectum remittendi pœnam temporalem utrumque ex opere operato habere illud sacrificium. Primus illi respondet ut sacrificio, et hic prodest defunctis, sicut etiam effectus ex opere operantis. Secundus vero respondet sacrificio ut parti integrali sacramenti pœnitentiæ, et hic effectus nequit a celebrante applicari pro defunctis, quia jam est applicatus a confessario in utilitatem celebrantis; unde quemadmodum opera meritoria ut talia aliis non prosunt, ita satisfactiones sacramentales ut tales, proportionem servata.

36. Uterius potest etiam justis de causis imponi in satisfactionem opus alias ex præcepto debitum, ut Missæ auditio in die festo, vel quadragesimale jejunium, et similia, ut præcedenti disputatione cum non infima Doctorum parte firmavimus. Si autem sacerdos jejunium, vel quid simile absolute præcipit, et aliud non exprimit, intelligendus est de opere supererogationis, et alias non debito. Unde si sacerdos pœnitenti jubeat unum sacrum singulis hebdomadibus audire, intelligi debet de eo, ad quem ex præcepto, aut voto non adstringitur: non enim pœnitentiam impletur audiendo sacrum in aliquo die festivo intra eam hebdomadam incidente. Ceterum si audire sacrum singulis diebus mensis præciperet, censendus est duplicem in diebus festis non præcepisse, ita ut uno satisfaciat Ecclesiæ præcepto, alio pœnitentiæ injunctæ, sed uno utrique præcepto, ut sentiunt Sanchez in summa lib. 1, cap. 14, num. 6, Diana 3 part. tract. 6, resol. 86, Palaus tom. 1, tract. 3, punct. 1, disp. 19, num. 4, Bonacina, Leander, et alii. Circa quantitatem vero pœnitentiæ injungendæ certa regula assignari nequit, sed hoc prudenti sacer-

dotis judicio relinquitur, qui ad gravitatem, vel levitatem culpæ, ad pœnitentis statum, ac vires debet attendere, ut juxta æquitatem, ac discretionis præscriptum unicuique proportionatam taxare valeat satisfactionem.

37. Tandem inquires, an satisfactio semper sit injungenda præceptive, an vero possit interdum ad arbitrium pœnitentis relinqui? Suarez disp. 38, sect. 3, concl. 2, sentit enim posse sacerdotem sub consilio pœnitentiam imponere, si pœnitens velit eam assumere: quod non probat. Inquit tamen colligi hanc sententiam ex D. Thoma quodlib. 3, art. 28. Sed quam longe absit Angelicus Doctor ab hujusmodi placito, constabit ex statim dicendis, ejus verba a Suariorum citata exhibendo. Itaque dicendum est, satisfactionem semper, saltem quoad aliquam partem, esse præceptive injungendam, nunquam totam arbitrio pœnitentis relinquant. Ita Nugnus in præsentibus, quæst. 13, art. 1, Vasquez, Turrianus, Sylvius, Granados de Pœnitent. tract. 12, disp. 4, num. 4, et alii plures. Ratio est: quia sacerdos tenetur quantum est ex se integrum facere sacramentum; atqui pœnitentiam relinquere omnino ad pœnitentis arbitrium, est sacramentum quantum est ex parte sacerdotis imperfectum relinquere: ergo nequit pœnitentia injungi mere consiliative, et ad libitum pœnitentis. Minor patet: nam sacerdotem committere pœnitentiam arbitrio pœnitentis idem est ac dicere: « Quomodocumque feceris, sive exhibeas, sive non exhibeas » satisfactioem, ratum habeo. » Ergo quantum est ex se annuit utrique extremo, et exhibitioni satisfactionis, per quam sacramentum integratur, et non exhibitioni, qua sacramentum imperfectum relinquitur; et consequenter quantum est ex se non magis de integritate, quam de non integritate sacramenti curat.

Sed veniamus ad Anglicum Præceptorem, quem Suarius inquit suam docere sententiam, et videamus an illi faveat, Verba D. Thomæ sunt hæc: « Est ergo dicendum, quoad sicut potest sacerdos in-
« jungere satisfactionem pœnitenti ex ar-
« bitrio alieno, ita ex arbitrio ipsius pœni-
« tentis, sicut si dicat: Facias hoc, si potes:
« et si non potes, facias hoc. » Hæc verba
toto cœlo distant ab illo modo dicendi, quo
author

Alteri
satisfit.

Quas-
tione
ult.

Decisi-

Nugni
Vasque
Turri-
Sylvii
Gran-

Sanchez,
Diana,
Palaus,
Bonacina,
Leander.

D. Tho

author ille se explicat : non enim inquit, *Facias hoc, si velis*, quod est consilium præbere, et satisfactionem absoluto pœnitentis arbitrio relinquere, sed ait : *Facias hoc, si potes, et si non potes, facias hoc*. In quibus licet ly primum *facias hoc, si potes* arbitrio pœnitentis relinquatur ; tamen ly secundum *facias hoc* ex suppositione quod primum non fiat, non ad arbitrium pœnitentis relinquatur, sed absolute, et præceptive injungitur. Deinde li *si potes* non est idem ac *si vis* : hoc enim ad libertatem accipientis refertur, et importat spontaneitatem acceptandi, vel non acceptandi, exhibendi aut non exhibendi satisfactionem, prout sibi placuerit ; illum autem refertur ad potentiam physicam, vel moralem, importatque obligationem exhibendi pœnitentiam, si potentia adsit : quippe ly *facias hoc, si potes*, est præceptum conditionatum, quod quidem purificata conditione redditur absolutum. Tandem licet in illis verbis innuat Angelic. Doctor, pœnitentiam posse relinqui ad pœnitentis arbitrium, non dicit quod absolute relinquenda est, sed disjunctive, ita ut faciat hoc, vel illud : quamvis autem dum aliquid disjunctive præcipitur, possit pœnitens uno ex extremis omittere, non tamen utrumque quia optio sibi data non est ad utrumque simul omittendum, sed ad aliquod ex illis eligendum, quo semel electo, illius exhibitioni adstringitur. Si enim Ecclesia præciperet jejunare in vigilia Virginis si id fieri posset, si vero non posset, recitare officium parvum, nequit in dubium verti unum ex his extremis sub obligatione comprehendere ; atque ideo illa verba non esse mere consiliativa, sed præceptiva. Maneat ergo D. Thomam non Suarii, sed nostram docuisse sententiam.

38. Diximus in assertionem, *saltem quoad aliquam partem* : quia posse sacerdotem taliter pœnitentiam injungere, ut aliquam illius partem pœnitentis arbitrio relinquat, non negamus. Ex hoc enim non sequitur, sacerdotem quantum est ex se sacramenti integritati non consulere, cum jam integrum maneat alia parte pœnitentiæ absolute præcepta. Quocirca poterit etiam sacerdos, esto nullam determinate, plures sub tali disjunctione præcipere, ut aliqua executioni mandetur, ut si dicat, talem eleemosynam elargiaris, vel Missam au-

dias, vel rosarium recites. Insuper, dummodo aliquam absolute præcipiat, etiam expediet ad futura peccata præcavenda, pravamque coercendam consuetudinem, aliquam injungere pœnitentiam sub conditione exhibendam, uti si dicat ; quoties juraveris, toties Angelicam salutationem recites. Ita Suarez de Religione tom. 2, lib. 3, cap. 8, Diana disp. 9, de pœnitent. quæst. 5, sect. 3, punct. 2, num. 26, Layman lib. 5, tract. 6, cap. 15, nu. 11, et alii. Similiter potest etiam in pœnitentiam injungi simul cum aliquo opere determinato aliquid aliud indeterminatum dicendo : « Quidquid boni feceris, aut mali sustinueris usque ad aliam confessionem, tibi in » satisfactionem applico ; » ut recte sentiunt Petrus Soto de satisfact. lect. 2, Paludanus dist. 20, quæst. 2, art. 2, Navarrus cap. de pœnit. disp. 6, num. 42, Fugandez præcept. 2, lib. 9, cap. 5, num. 11, Diana part. 3, tract. 4, resol. 82, Candidus disquisit. 24, art. 31, quæst. 14, Leander disp. 9, quæst. 25. N. Franciscus cap. 10, punct. 3, num. 35, Bonacina, Suarez, et alii. Idemque expresse docet D. Thomas quodlib. 3, art. 28, cujus sententia, licet Vasquio non videatur vera, sufficit esse tanti Doctoris, ut nobis placeat. Nec Vasquii motivum oppositum evincit : inquit enim qu. 94, art. 2, num. 1, num. 10, illa opera non posse esse satisfactoria in vi clavium, quia claves solum tribuunt vim satisfaciendi illis operibus, quæ fiunt ut præcepta. Hoc namque nihil suadet : quia ut fiant satisfactoria sufficit ut a sacerdote applicentur, ut patet dum pœnitentia sub disjunctione indicitur. Si enim alicui dicatur, jejuna vel recita rosarium, nemo negabit quod si jejunium exhibeatur, est satisfactorium in vi clavium ; et tamen ad illud jejunium non tenebatur, pœnitens ex præcepto, sed voluntarie poterat illud omittere, et rosarium recitare.

Hic autem minime omittenda censuimus verba Angelici Præceptoris ex loco proxime relato, in quibus, et propriam sententiam docet, et confessarios prudenter admonet qualiter in pœnitentis injungendis se habere debeant, ut a scrupulis, et anxietatibus liberentur, dum aliquando mitiorem injungunt pœnitentiam. Itaque inquit : « Videtur autem satis con-

Suarez,
Diana,
Layman.

Petrus,
Soto,
Palud.
Navarr.
Fagund.
Diana.
Candid.
Leand.
N. Fran.
Bonac.
Suarez.

Nota.

D. Tho.

« nitentem gravi pondere satisfactionis :
 « quia sicut parvus ignis a multis lignis
 « suppositis de facili extinguitur, ita pos-
 « set contingere, quod parvus affectus
 « contritionis in pœnitente nuper excita-
 « tus propter grave onus satisfactionis ex-
 « tingeretur, peccatore totaliter despe-
 « rante. Unde melius est, quod sacerdos
 « pœnitenti indicet quanta pœnitentia esset
 « sibi pro peccatis injungenda, et injungat
 « sibi nihilominus aliquid, quod pœnitens
 « totaliter ferat, ex cujus impletione assue-
 « fiat ut majora impleat, quam etiam
 « sacerdos sibi injungere non attentasset ;
 « et hæc, quæ præter injunctionem expres-
 « sam facit, accipiunt majorem vim expia-
 « tionis culpæ præteritæ ex illa generali
 « injunctione, qua sacerdos dicit : Quid-
 « quid boni feceris sit tibi in remissionem
 « peccatorum. Unde laudabiliter consue-
 « vit hoc a multis sacerdotibus dici, licet
 « non habeant majorem vim ad præben-
 « dum remedium contra culpam futu-
 « ram. Et quantum ad hoc talis satisfactio
 « est sacramentalis, in quantum virtute
 « clavium est culpæ commissæ expia-
 « tiva. » Addit insuper D. Thomas, quod
 si pœnitentia determinate injuncta, et
 illa, quæ indeterminate imponitur, non
 adæquent reatum pœnæ temporalis ex pec-
 catis contractum a pœnitente, manebit pœ-
 nitens sub obligatione solvendi adæquate
 in hac vita, vel in futura, quod minus
 damnum erit, quam pœnitentem majori
 periculo exponere : « Unde si contingat
 « (inquit) quod sacerdos mitiorem satisfac-
 « tionem imponat pœnitenti, quam sit illa
 « ad quam obligatur ex quantitate sui
 « peccati, subtracto eo quod remittitur vir-
 « tute clavium, et contritionis præceden-
 « tis, nihilominus pœnitens ad aliquid
 « ulterius obligatur, quod si in hac vita
 « non perficiat, in purgatorio exolvat. »

DUBIUM III.

*In quo statu, ac tempore, et a qua persona
 debeat pœnitentia adimpleri ?*

Plura sub uno titulo comprehendimus,
 tum quia omnia ad pœnitentis obligatio-
 nem attinent ; tum, et præsertim, quia
 non sunt adeo difficilia, ut diffusam exi-
 gant investigationem. L *in quo statu in-*

trinsecam dispositionem pœnitentis im-
portat, et est idem ac quærere an tenea-
tur pœnitentiam implere dum est in gratia?
 An vero satisfaciatur præcepto confessoris
 illam exhibens in statu peccati ? Licet
 enim disp. præced. dub. 3, § 3, conclus. 4,
 statuerimus, statum gratiæ esse necessa-
 rium ad satisfactionem, ibi solum loquuti
 fuimus de satisfactione ut effectum remis-
 sionis pœnæ consecuturam non vero de ea
 respective ad præceptum sacerdotis illam
 injungentis, quo pacto in præsentī fit
 sermo. Ly *in quo tempore* ad circumstan-
 tiam omnino extrinsecam refertur. Ac
 tandem *a qua persona* inquirat, an pœni-
 tens teneatur per se ipsum satisfactionem
 executioni mandare ; an possit saltem ali-
 quando per substitutum ? Claritati tamen
 consulentes, ut consuevimus, singula seor-
 sim decidemus.

§ I.

*Quid de statu, in quo pœnitentia
 adimplenda sit ?*

39. Dicendum est primo, pœnitentem
 satisfacere præcepto confessorii, esto pœ-
 nitentiam injunctam exhibeat in statu
 peccati ; atque ideo non teneri, cum redie-
 rit ad gratiam, illam iterum executioni
 mandare. Ita Nugnus in addit. ad 3 part.
 quæst. 3, art. 3, difficult. 2, Cajetanus,
 Sotus, Palacius, Sylvest. Lugus,
 Paludan, Henriquez, quos refert, et
 sequitur Dicastillo dub. 10, num. 160.
 Diana part. 4, tract. 4, resol. 24, N. Ga-
 briel disp. 12, quæst. 2, Palaus et N.
 Franciscus in præsentī, cap. 10, punct. 5,
 num. 69. Ratio est, quia ad adimplentionem
 præcepti sufficit ponere rem præceptam
 quoad substantiam, quamvis finis, ad quem
 præcipitur non obtineatur, ut in aliis
 præceptis communiter cernitur ; sed status
 gratiæ solum est quædam dispositio pœni-
 tentis requisita ad consecutionem finis
 remissionis pœnæ temporalis per satisfac-
 tionem : ergo esto pœnitentia exhibeatur
 in statu peccati, fit satis præcepto confes-
 sarii. Patet consequentia : nam sicut finis
 non cadit sub præcepto, nec confessorii ad
 id intendunt cogere pœnitentes ; ita nec ad
 dispositionem, vel modum requisitum ad
 consecutionem ejusdem finis.

1 Con-
 conclusio.

Nugnus,
 Cajetan.
 Sotus,
 Palacius,
 Sylvest.
 Lugus,
 Paludan,
 Henric.
 Dicast.
 Diana,
 Palaus,
 N. Gabr.
 N. Fran.

40. Sed inquires, an sit peccatum ali-
quod pœnitentiam exhibere extra statum
gratiæ? Respondetur, esse quidem pecca-
tum, non tamen lethale, sed tantum ve-
niale. Ita N. Gabriel a S. Vincentio disp.
12, quæst. 1, Busembaum lib. 6, tract. 4,
cap. 1, dub. 4, Layman, Fagundez, Henri-
quez, quos adducit, et sequitur Palaus
tract. 23, disp. unica, punct. 21, num. 17,
Suarez disp. 38, sect. 8, num. 7, Nagnus
ubi supra, et alii. Prima resolutionis pars
ex praxi communi constat: non enim pœ-
nitentes existimant graviter delinquere,
dum satisfactionem injunctam in statu
peccati exequuntur, nec de hujusmodi
actione in confessione se accusant. Tum
etiam et præsertim, quia licet peccatum
lethale sit apponere obicem gratiæ, quæ
sacramento principaliter correspondet ex
opere operato, et ex ipsius sacramenti vir-
tute producitur; non tamen grave pecca-
tum est opponere obicem gratiæ minus
principaliter sacramentum attingenti; hæc
enim respectu illius minima est; sed gra-
tia, quæ in executione satisfactionis con-
fertur, est hujusmodi, quippe quæ cum
non sit gratia sanctificans, nec sacramento,
nec ejus partibus essentialibus principaliter
correspondet, sed tantum parti inte-
grali: ergo non est injuria gravis sacra-
menti, nec culpa lethalis satisfactionem
exequi extra statum gratiæ. Secunda vero
pars facile suadetur: nam satisfactio est
pars sacramenti, esto minus principalis:
ergo illius exhibitio extra statum gratiæ
est aliqua indigna sacramenti tractatio,
atque ideo aliqua levis culpa. Tum etiam:
quia est apponere obicem effectui sacra-
menti.

41. Oppositum tamen dicendi modum,
nullum videlicet committi peccatum etiam
veniale, dum satisfactio exhibetur in statu
peccati, amplectuntur Lugo disp. 25, sect.
3, Dicastillus dub. 10, num. 160, Aversa
quæst. 13, Stephanus, N. Antonius, quibus
etiam adhærere videtur N. Franciscus cap.
10, punct. 5, num. 70. Quorum fundamen-
tum est, quod opponere obicem soli remis-
sioni pœnæ temporalis, nullam arguit
etiam venialem culpam; sed per satisfac-
tionem nulla alia gratia præter remissio-
nem pœnæ temporalis inducitur: ergo
hunc effectum impedire adimplendo pœ-
nitentiam in statu peccati, nulla culpa ad-

huc venialis est; præsertim cum hic effec-
tus obtineatur postea recedente fictione.
Tum etiam, quia inde sequeretur, pœni-
tentem delinquere peccato commissionis
exhibendo pœnitentiam in statu peccati,
et peccato omissionis illam non exhibendo
in eodem statu; quod satis absurdum ap-
paret, nemo enim tenetur ad actionem pec-
caminosam. Imo pœnitens, qui in peccato
lethali existens nondum pœnitentiam im-
plevit, teneretur prius se justificare, ac
deinceps pœnitentiam implere; quod
communi usu non videtur receptum.

Respondetur ad primum negando mino-
rem: per satisfactionem quippe sacramen-
talem non solum remissio pœnæ tempo-
ralis indicitur ex opere operato, sed etiam
alia gratia infra explicanda, cui sacramen-
tali effectui obicem ponere nequit non esse
aliqua culpa saltem levis, cum indigna
sacramenti tractatio sit. Nec difficultatis
augmentum suadet oppositum: falsum
enim est, effectum remissionis, pœnæ tempo-
ralis ob peccati obicem impeditum dein-
ceps obtineri fictione recedente, ut sæpius
in hoc Cursu firmavimus, saltem ex indenti-
tate rationis per ordinem ad productionem
gratiæ ex vi hujus sacramenti recedente
fictione, de quo infra iterum redibit sermo.
Ad secundum respondetur admittendo se-
quelam: quamvis enim pœnitens veniali-
ter peccet peccato commissionis adimplendo
pœnitentiam in illo statu reduplicative ac-
cepto, potest etiam peccare peccato omis-
sionis gravi, aut levi juxta qualitatem
satisfactionis injunctæ, illam non exhiben-
do in illo statu, non reduplicative, sed
specificative considerato. Non enim omis-
sive delinquit, quia non adimplet in statu
peccati, sed quia non adimplet pœnitentiam,
ad quam intra certum ac determina-
tum tempus adstringitur, quidquid sit quod
per accidens ipse se libere constituerit in
tali statu, in quo nequit nisi indigne pœni-
tentiam executioni mandare. Unde ex sup-
positione quod digne pœnitentiam implere
velit, debet prius saltem sub levi obliga-
tione se justificare. Idque aptissimo exem-
plo patet: si quis namque tempore Paschatis,
in quo Ecclesiæ præceptum sumendi Eucha-
ristiam urget, constitutus sit in peccato
lethali, proculdubio peccato commissionis
delinquit in illo statu communicans, et
peccato omissionis non communicans, non

quia omittit Eucharistiam sumere in illo statu accepto reduplicative, sed materialiter, et specificative, quia videlicet omittit illam sumere ut debitam ex præcepto intra illud tempus, respectu cuius per accidens se habet, quod homo in peccati statu se constituerit. Quocirca tenetur sub gravi se justificare, ut Eucharistiam digne sumere, et Ecclesiæ præceptum adimplere possit. Idem ergo proportionem servata in præsentī eventu dicendum est.

§ II.

Quid de tempore adimplendi pœnitentiam?

Circa tempus, in quo pœnitentia adimplenda est, communiter conveniunt Authores, pœnitentem teneri exequi pœnitentiam tempore a sacerdote destinato; si vero tempus non præscripsit, teneri illam executioni mandare cum primum commode possit: tum quia id exigit finis pœnitentiæ: tum quia ita interpretanda est intentio sacerdotis. Utrumque vero obligat sub gravi, aut levi commensurate ad quantitatem pœnitentiæ injectæ, et ad circumstantias, ob quas imponitur. Ceterum quia *ly cum primum commode possit* non metaphysice, sed moraliter accipiendum sit, mirum est quantum Authores dissideant in assignando latitudinem, aut angustiam, quam admittit, ut inde determinent quando mortalis, aut venialis sit executionis pœnitentiæ dilatio: nec enim desunt qui sentiant, pœnitentiæ dilationem per unum annum, culpam adhuc venialem non esse. Unde

Assertio.

Dicast.
Aversa,
Tambur.
Stephanus
a S. Paulo,
N. Fran.
N. Bonæ
Spei.

Ratio
asser-
tionis.

42. Dicendum est secundo, pœnitentem, qui supposita gravitate materiæ satisfactionis adimpletionem per annum differt, graviter delinquere. Ita Dicastillo disp. 44, dub. 4, num. 65, Aversa quæst. 13, sect. 6, Tamburinus Opusc. de confession. lib. 4, § 2, cap. 2, Stephanus a S. Paulo num. 179, N. Franciscus cap. 10, punct. 5, num. 64, N. Bonæ Spei disp. ultim. de pœnitent. num. 59, et alii plures. Ratio hujus est, quia satisfactio adhuc ut executioni mandata est pars integralis sacramenti pœnitentiæ; sed inter partes cujuslibet totius debet dari unio, et simultas juxta ipsius naturam, et conditionem: ergo inter satisfactionem ut executam, et reliquas partes sacramenti pœnitentiæ debet intercedere simultas, et

unio saltem moralis. Tunc sic; sed satisfactio, quæ per annum differtur, non censetur moraliter uniri reliquis partibus sacramenti: ergo illam ita differre, peccatum letale erit supposita gravitate materiæ; idem enim judicium fieri debet de illo, qui ita satisfactionem differt, ac de eo, qui illam omnino omittit, uterque namque sacramentum incompletum relinquit.

Confirmatur ex peculiari natura hujus sacramenti, quod non solum ordinatur ad puniendam peccata commissa tanquam judicium vindicativum, sed etiam tanquam medicinale ad præcavendum futura crimina media pœnitentia injecta; sed hujusmodi finis frustraretur per adeo magnam pœnitentiæ dilationem: ergo hæc nimia censeri debet, et sacramentalis judicii graviter læsiva. Præsertim, quia pœnitentiam differre per unum annum, gravis sacerdoti inobedientia reputanda est, de quo prudenter judicari nequit noluisse pœnitentem cogere ad satisfactionis exhibitionem usque ad annum, cum hæc dilatio nec integritati sacramenti, nec spirituali pœnitentis saluti consulat, sed potius offici-
ciat.

43. Contraria nihilominus sententia ar-
ridet Dianæ part. 7, tract. 15, resolut. 53, ad finem versic. *Hoc unum addam*. Nec non part. 5, tract. 5, resolut. 15, et part. 10, tract. 12, resol. 52, Leandro disp. 9, de sacrament. quæst. 89, Fernandez in instruct. confes. 1 part. document. 4, n. 5, et document. 7, § 2, num. 2, Joanni Henriq. in compendio casuum moral. cap. 42. Qui docent, pœnitentem absque ullo prorsus peccato posse satisfactionis adimpletionem per annum differre, dum sacerdos nullum designat tempus. Imo addit Leander ita sensisse sapientissimos Magistros in Salmanticensi Academia de hac re consultos. Fundamentum vero hujus sententiæ desumitur ex cap. *Omnis utriusque sexus*, ubi dicit, quod unusquisque peccata saltem semel in anno fideliter confiteatur proprio sacerdoti, et injectam sibi pœnitentiam propriis viribus studeat adimplere. Ubi utrumque eodem verborum tenore præcipit Pontifex, peccatorum videlicet confessionem, et pœnitentiæ injectæ exhibitionem; atqui ad confessionis executionem unius anni tempus indulget: ergo et idem tempus præscribit ad pœni-

Confir-
matio.

Opp. sita
senten-
tia
Dianæ,
Leand.
Fernand
Henriq.

Fundam.

tentiæ

tentiæ adimpletionem. Urgetur, et explicatur : etenim nullus adstringitur confiteri statim ac peccatum commisit, sed potest per integrum annum confessionem omittere : ergo similiter nemo obligabitur pœnitentiam executioni mandare statim ac illi injungitur, sed per totum annum eam licite differre valebit.

Hoc autem motivum parum urget : nam textus ille annualem præcipiens confessionem solum applicat latitudinem unius anni ad actum confessionis, totum illud tempus indulgens, ita ut ultra differri nequeat, non vero ad executionem pœnitentiæ : hæc enim eo ipso quod confessio sive voluntarie, sive ex præcepto fiat, necessario cum primum possit apponenda est, ne sacramentum mutilum relinquatur, sed cum omnibus suis partibus, tam essentialibus, quam integralibus debito tempore apposis, et moraliter unitis, ut unum iudicium perfectum, et completum integrare valeant. Quod minime contingeret, si facta confessione, et prolata sententia, sine rationabili causa per id tempus pœnitentiæ exhibitio detineretur. Ex quibus ad difficultatis augmentum concesso antecedenti negatur consequentia : latum quippe intercedit discrimen inter obligationem constendi peccatum commissum, et adimplendi pœnitentiam post peccatum confessum. Iudicium enim sacramentale non incipit a perpetratione peccati, nec hujusmodi perpetratio est illius pars integralis, quæ exigat aliquam moralem unionem cum reliquis sacramenti partibus. Satisfactio vero adhuc ut executi est pars integralis sacramentalis iudicii jam confessione incepti, atque ideo exposcit moralem continuationem, et unionem cum ceteris partibus sacramenti. Unde nil mirum, Pontificem non urgere delinquentem, ut cum primum possit accedat ad confessionem, quia inde nullum detrimentum subit confessionis integritas ; licet alias pœnitens, si peccata Ecclesiæ clavibus jam subiecit, adstringatur ob oppositam rationem pœnitentiam non differre, sed cum primum possit executioni mandare.

Si autem inquiras primo, per quod tempus differri valeat pœnitentiæ executio absque lethali, aut etiam veniali culpa ? Respondetur, moraliter impossibile esse circa id generalem ac firmam regulam statuere, quum rei hujus prudens iudicium

pendeat ex individualibus circumstantiis pœnitentis, confessarii, finis ab eo intenti, quantitatis, ac qualitatis pœnitentiæ injectæ temporis, loci, occupationis, aut muneris pœnitentium. Quibus tamen inspectis haud difficile erit a quolibet mediocriter litterato, ac experto id in particulari, dum res occurrit, determinare. Illud autem certum putamus, quod si dilatio non ex rationabili causa, sed ex ignavia, aut alia parum utili occupatione procedat, etiamsi per modicum tempus sit, nequit non esse culpa venialis. Non tamen censemus ut Ochagavia opinatus est, reum culpæ mortalis illum, qui usque ad tertium, vel quartum diem differret pœnitentiam, maxime si ex rationabili causa id faceret. Ita Hurtado de pœnit. disp. 14, diffic. 1, Joannes Sanctius in select. disp. 13, nu. 9, Palaus tract. 23, disp. unic. punct. 21, § 4, n. 12, N. Gabriel de Pœnit. disp. 12, quæst. 4, N. Franciscus c. 10, punct. 5, n. 64. Idem cum eisdem Authoribus iudicium facimus de eo, qui occasione solemnitatis, aut Jubilæi imminenti differret, aut anticiparet per sex. aut octo dies confessionem, ad quam singulis mensibus tenetur ex præcepto sacerdotis, ne bis intra octo dies confiteri cogatur.

41. Inquires secundo, an dum sacerdos tempus vel locum adimplendæ pœnitentiæ designat, ita in indivisibili consistat, ut etiam modica dilatio ultra diem præfixum sit, supposita gravitate materiæ, lethaliter peccaminosa ? Respondetur, quod si prædicta designatio fiat ratione alicujus Jubilæi, vel Indulgentiæ, quæ tunc, et ibi, non autem alibi postea lucratur, non sine culpa gravi hujusmodi circumstantiæ omittentur, eo quod rationem substantiæ induant, utpote quæ ad finem injectæ satisfactioni graviter referunt. Idem sentiendum est, si dies vel locus determinentur ob specialem cultum Sancti, loci, vel festivitatis diei assignatæ. Si vero sacerdos non aliud intendat nisi pœnitentis negligentiam adimplendi satisfactionem amputare, id suam admittet latitudinem majorem, vel minorem juxta prudentis arbitrium, ita ut non statim quælibet harum circumstantiarum transgressio gravis censeatur. Quod etiam asserimus de pœnitentia medicinali, cujus omissio vel dilatio detinere valeat graviter, aut leviter finem intentum futura

Hurtado.
Sanctius.
Palaus.
N. Gabr.
N. Fran.

Quæst.
hunc. 2.

Resolvi-
tur.

peccata præcavendi. Omnium autem ratio est major, vel minor conducentia ad finem satisfactionis injunctæ. Pro specialibus vero eventibus videantur Summistæ, et Morales Theologi, præcipue N. Antonius tract. 5, disp. 21, a num. 1624.

Quæ-
stionc. 3.

Decidi-
tur.

45. Inquires tertio, an elapso culpabiliter, vel inculpabiliter termino designato, cesset obligatio adimplendi pœnitentiam, ut contingit in eo, qui præceptum Ecclesiæ frangens in Dominica sacrum non audit, qui alia die illum audire non cogitur? Respondetur, standum esse sacerdotis intentioni, quæ venari debet vel ex ejus declaratione, si commode haberi potest, vel ex aliis circumstantiis, dum ad eundem facilis non est recursus. Ex quibus si prudens judicium formari valet sacerdotem diem vel locum assignasse ad finiendam obligationem, hanc cessare præscripto tempore elapso censemus. Si vero prudens efformetur judicium, sacerdotem diem illum præscripsisse, ut pœnitentem acueret ad citius satisfactionem exhibendam, et ne ulterius eam differret, putandum est hujusmodi obligationem ulterius urgere usque dum expleatur. Quid autem dicendum, si de sacerdotis intentione nequit pœnitens certificari, nec de aliquo ex extremis prudens aut probabile formare judicium, et aliunde jejunium, v. g. impositum est proxima die veneris in memoriam Passionis Domini, vel in vigilia B. Virginis ob ejus venerationem? In hoc eventu obligationem finiri, aliaque die pœnitentem jejunare non teneri, docent Henriquez lib. 5 summæ cap. 2, Fagundez præcept. 2, cap. 9, num. 5, Granados, Diana, Leander apud N. Franciscum ubi supra num. 67. Quorum fundamentum est jejunium illis in diebus explendum in peculiarem Christi, ac B. Virginis cultum cedere; hunc autem finem non respicit, nec assequitur, si alia die exhibeatur. Unde cessare inquit obligationem, et præcepti materiam, quemadmodum deficeret si ex voto obligatio illa die jejunanti consurgeret.

Senten-
tia.
Henriq.
Granad.
Leand.
Diana,

Rejici-
tur.

Hanc tamen sententiam omnino falsam, oppositamque sustinendam censemus, ob satis notam disparitatem intervenientem inter jejenium in pœnitentiam injunctum, et jejunium vel ex præcepto vel ex voto debitum, quo exemplo Doctores illi se contegunt. Etenim vovens jejunium, aut Le-

gislator illud præcipiens illis diebus determinatis non alium finem intendunt quam cultum Christi Domini, vel B. Virginis; unde hujusmodi fine cessante, obligationem ultra non progredi necesse est. Confessarius vero dum illis diebus jejunium præcipit, licet etiam cultum illum intendat, non tamen tanquam finem unicum, et adæquatum, sed ad summum tanquam partialem, et medium ulterius ordinatum ad satisfaciendum pro peccatis præteritis, et præservandum a futuris. Quocirca esto in jejunio obligante ex voto, aut ex Ecclesiæ præcepto deficiat obligatio elapso tempore præfixo, quia finis ultimate intentus redditur inassequibilis, non in jejunio obligante ex sacerdotis præcepto, quia finis præcipuus satisfaciendi, et præcavendi adhuc subsistit, et obtineri valet. Ita Palaus disp. unica, punct. 21, § 4, num. 13, Bonacina disp. 5, quæst. 5, sect. 3, punct. 4, num. 5, Suarez disp. 38, sect. 7, num. 6, Coninchus disp. 10, dub. 9, num. 84, et 85, N. Franciscus ubi supra num. 67. Addit autem Palaus, quod nobis non displicet, illa die jejunium omittere animo transferendi in sequentem, ob materiæ parvitatem venialem culpam non excedere. Consequenterque dicendum est, pœnitentem, qui ex sacerdotis præcepto duplici sequenti feria sexta jejunare tenetur, et hujus circumstantiæ oblitus illis diebus jejunium omisit, teneri aliis duabus sextis feriis jejunare, eo quod confessarius principaliter intendit satisfactionem, secundaria autem aut minus principaliter diem præscribit, ne pœnitentia differatur. Ita Lugo, Dicastillo, et alii.

Palaus,
Bonacin
Suarez,
Coninch
N. Fran

46. Non tamen subscribimus Bonacinæ, Palao, Conincho, quibus N. Franciscus adhæret, in exceptione quam doctrinæ traditæ apponunt. Docent enim, quod si pœnitentia injuncta per longum tempus distribuitur, uti accidit dum præcipitur jejunare singulis anni hebdomadibus, non teneri pœnitentem eam deinceps adimplere, si illam diebus statutis omisit; quia, inquit, intentio confessarii est, ut simul cum tempore designato obligatio jejunandi pereat; alioquin si obligatio jejunii omissi cum alia, quæ persistit, conjungeretur, nimium pœnitentem gravaret. Hoc enim ita absolute prolatum nobis minime arridet: nam si ex malitia, aut ignavia pœnitens jejunare

jejunare omisit, cur ex suo delicto commodum reportabit? Vel quæ illi gravior sarcina imponitur ultra illam, quam portare debebat, et noluit? Unde hæc exceptio ad saniores sensum reducenda est, ita ut sacerdotis intentio modo possibili attendatur, quæ proculdubio non est liberandi omnino pœnitentem ab obligatione jejunandi, dum ex malitia aut ignavia jejunia omisit. Itaque illa sententia intelligi debet ubi compensatio pœnitentiæ omissæ absque intolerabili pœnitentis gravamine fieri nequit; quod raro aut nunquam continget. Etenim si confessarius jejunium semel in hebdomada, vel in mense per integrum annum injunxit, et pœnitens ob malitiam, aut impotentiam, vel oblivionem pluribus diebus omisit, non utique intolerabile erit omissam pœnitentiam supplere, ac aliis diebus æquivalentibus jejunare.

47. Si tandem inquiras, an quando pœnitens operis substantiam adimplet, ac ejus circumstantiam voluntarie omittit, censendum sit reus culpæ mortalis, aut venialis? Sub disjunctione respondetur: nam vel circumstantia est levis, et parum ad finem satisfactionis conducens, vel gravis, multumque ad prædictum finem referens? Si primum, levis culpæ terminum non excedet. Si secundum, reatum lethalis peccati inducet, supposita gravitate materiæ: tunc enim illa circumstantia in substantiam operis transit; unde sicut qui operis substantiam omittit, graviter delinquit, ita qui illam circumstantiam non opponit. Et nisi oppositum constet, censendum est sacerdotem eam pœnitenti injunxisse, quia cognovit illi non minus pœnalitatis asferre, quam substantiam alterius. Ita Stephanus a S. Paulo, N. Antonius num. 1626, N. Gabriel disp. 12, quæst. 4, Lugo disp. 25, num. 9. Quocirca si sacerdos alicui septem Psalmos pœnitentiales flexis genibus recitare præciperet, quia circumstantiam genuflectendi ob dissuetudinem pœnitentis illi non minus afflictivam judicat, quam ipsam recitationem, proculdubio omissio illius circumstantiæ gravem culpam constitueret. Oppositum autem contingeret, si pœnitens vir timoratus, genuflectereque assuetus foret, ratione cujus hujusmodi genuflexio facilis redditur. Quod si pœnitens fiat impotens ad circumstantiam, tenebitur ad substantiam, vel e converso.

§ III.

Quid de persona, a qua pœnitentia adimplenda est?

Sæpius tam in hac, quam in præcedenti disputatione diximus cum D. Thoma, satisfactionem ordinari, et ad solutionem reatus pœnæ temporalis contracti ex peccato commisso, et ad præcavendum futurum et secundum hanc ultimam considerationem extra dubium est, neminem posse alterius pœnitentiam medicinalem implere; unde difficultas devolvitur ad satisfactionem ut præcise debiti solutivam. Supposito autem ex dictis dub. 2 præced. disp. quemlibet posse alterius satisfactionem pure pœnalem, extrasacramentalem explere, inquirendum restat an idem de sacramentali dicendum sit, circa quod non parum Authores dissident. Igitur,

48. Dicendum est tertio, pœnitentem non posse ex proprio arbitrio satisfactionem sibi a confessario injunctam adimplere per substitutum, sed eam teneri exequi per se ipsum. Hæc assertio est adeo certa, ut oppositam damnaverit SS. D. N. Alexander VIII, cujus decretum inter alias propositiones damnatas continet hanc, quæ est 15: « Pœnitens propria autoritate « substituere sibi alium potest, qui loco « ipsius pœnitentiam adimpleat. » Unde nostram sententiam docent D. Bonaventura in 4, dist. 20, art. 1, quæst. 1 et 2, Durandus quæst. 2, Argent. quæst. 1, art. 2, Ricardus art. 1, quæst. 3, Gabriel dist. 19, quæst. 2, art. 3, dub. ultim. Alensis part. 4, quæst. 24, membr. 4, art. 4. Medina, Cod. de confes. cap. de pœnitent. impleta, Cajetanus in summ. verb. *Satisfactio*, cap. 2, Gonet disp. 13, art. 5, conclus. 3, num. 65, D. Antonius 3 part. tit. 14, cap. 20, § 1, Sotus dist. 19, quæst. 2, art. 4, Ledesma quæst. 14, art. 4, N. Franciscus cap. 10, punct. 4, num. 63, Suarez disp. 38, sect. 9, num. 1, plures referens, eamque omnes post adductam declarationem tueri coguntur.

Probatur igitur assertio. Pœnitens ex præcepto sacerdotis tenetur exhibere satisfactionem, quæ sit pars integralis sacramenti pœnitentiæ; sed satisfactio executæ per substitutum ex mero arbitrio pœnitentis, et non sacerdotis non est pars

Assertio 3.

Propositio damnata.

D. Bonav. D. Ant. Durand. Argent. Ricard. Gabriel. Alensis. Medin. Cajetan. Sotus. Gonet. Ledesma. N. Franc. Suarez.

Ratio assertionis.

integralis sacramenti : ergo nequit ex proprio arbitrio satisfactionem sibi injunctam adimplere per alium. Consequentia est legitima. Major constat ex Tridentino sess. 14, cap. 3, ubi satisfactionem sacramentalem esse sacramenti integram partem docet. Minor autem, in qua poterat esse difficultas, suadetur. Nam satisfactio sacramentalis est quid elevatum virtute clavium ad esse sacramentale ; atqui satisfactio executata per substitutum ex mero arbitrio pœnitentis, et non sacerdotis non est quid elevatum ad esse sacramentale virtute clavium : ergo satisfactio ex pœnitentis voluntate, et non sacerdotis exhibita per substitutum non est sacramentalis. Hæc minor ex eo liquet, quod virtus clavium non residet in pœnitente ut tali, nec in substituto, sed solum in confessario ; unde si ab eo utpote a ministro sacramenti ea pœnitentia non elevatur, nequit ex arbitrio pœnitentis vel substituti alicqualiter elevari, ita ut sacramenti pars esse possit.

Confir-
matio.

Confirmatur : quia obligatio pœnitentis adimplendi pœnitentiam oritur ex præcepto sacerdotis : sed pœnitens nequit huic obligationi satisfacere pœnitentiam exhibendo per substitutum : ergo. Probatur minor : nam sacerdos, nisi aliud expresserit, præcipit ut pœnitens per se ipsum pœnitentiam exequatur, non vero per substitutum : ergo si per hunc exequatur ex mero pœnitentis arbitrio, non fit satis præcepto sacerdotis. Alioquin ille, qui Ecclesiæ præcepto adstringitur sacrum in die festo audire, vel in Quadragesima jejuna præcepto satisfaceret hujusmodi opera exequendo per substitutum proprio arbitrio designatum. Quo nihil absurdius. Quocirca, ut optime vidit Suarez loco citato, quotiescumque sacerdos nihil explicat, sed absolute in satisfactionem injungit ut hoc vel illud opus fiat, personalem inducit obligationem omnino per pœnitentem, et nullatenus per alium adimplendam : hæc enim est rationabilis intentio sacerdotis, et aliud prouderet existimari nequit.

Suarez.

objectio

49. Oppones tamen : eleemosyna per ministrum facta sufficienter fit ejus, cujus nomine impenditur, ut ipse adimpleat præceptum eam elargiendi : ergo pœnitens, cui imponitur pœnitentia dandi eleemosynam, et alium substituit, qui loco ipsius eam exhibeat, satisfaciens huic obli-

gationi. Consequenterque idem de aliis operibus in pœnitentiam injunctis dicendum erit. Respondetur concessio antecedenti negando consequentiam, si ille alius, qui substituit, sit vere, et proprie substitutus, qui ex propriis bonis eleemosynam elargiatur : etenim eleemosynam impendens ex bonis propriis per manum ministri utitur illo tanquam mero instrumento, ipse autem se habet ut causa principalis illius actus. Qui vero per substitutum eam impendit, cum non ex bonis propriis mandatis, sed ex ipsius substituti eleemosynam faciat, ipsum substitutum causam principalem constituit, atque ideo actus ille non est actus proprius ipsius pœnitentis, quod opus erat ut pars sacramenti esse posset, et sacerdotis præcepto satisfaceret. Unde etiam secunda consequentia est neganda, utpote quæ ex prima non deducitur.

50. Dicendum est quarto, pœnitentem ex sacerdotis voluntate posse pœnitentiam ut peccati commissi punitivam adimplere per alium. Assertio hæc est expressa Ang. Præceptoris in art. 2 hujus quæst. 13, supplem. ubi inquit : « Utrum pœnam « satisfactoriam possit unus pro alio ex-
« plere? » Cui respondet affirmative loquens de satisfactione quantum ad debiti solutionem. Nec id solum asserit de satisfactione secundum se, ut sinistre Lugo existimat, sed etiam de sacramentali, ut evidenter constabit legenti Ang. Præceptorem in 4, dist. 20, quæst. 1, art. 2. qu. 3, ex qua hic articulus transcriptus est : ibi enim hæc habet : « Hinc quinque quæ-
« runtur. Primo, » etc. « Secundo de pœna, « quam sacerdos ad satisfaciendum im-
« ponit. » Et in corpore articuli inquit : « Nec oportet, quod major pœna impona-
« tur ei, » qui pro altero satisfacit, quam principali imponeretur. Unde omnes Thomistæ hanc sententiam debent amplecti. Eamque tuerentur Cajetanus in summ. verb. *Satisfactio*, num. 2, Sotus dist. 19, quæst. 2, art. 4, vers. *Dubium hic autem*. Nugnus ad nuper cit. D. Thomæ art. 1. Gonet disp. 13, art. 5, num. 64, Granados tract. 12, disp. 7, num. 2, Suarez disp. 38, sect. 9, num. 2 et 3, Sylvester verb. *Satisfactio*, qu. 3, N. Thomas a Jesu in tribunal. conscient. dub. 6 et 7, Philippus a Crace in Thesaurio Ecclesiæ, tract 1, § 1, num. 4, Henriquez lib. 5

Assertio
4.

D. Th.

Cajeta
Sotus,
Nugnus
Granad
Sylvest
Suarez,
N. Tho
Philipp
Henric

lib. 5, cap. 21, Bonacina disp. 5, quæst. 5, sect. 3, punct. 4, num. 11, Fagundez præcept. 2, lib. 9, cap. 4. Quibus adhaerent Lublin, Leander, Diana, et alii plures, quos refert, licet non sequatur, Vasquez infra pro opposita sententia citandus.

Probatur ratione : nam ut pœnitens satisfactio-
nem adimpleat, sufficit quod exhibeat opus juxta voluntatem præcipientis; atqui opus exhibitum a pœnitente per substitutum ex arbitrio sacerdotis fit juxta voluntatem præcipientis, ut per se patet : ergo pœnitentia injuncta adimpleri potest per substitutum ex sacerdotis arbitrio. Idque confirmari potest ex eo quod pœnitentia executi per substitutum pœnitentis ex voluntate confessarii est satisfactio sacramentalis ; sed pœnitens adimplet sacerdotis præceptum exhibendo satisfactionem sacramentalem : ergo potest pœnitens ex voluntate sacerdotis pœnitentiam ut peccati commissi punitivam per alium exequi. Major suadetur : quia ut satisfactio sit sacramentalis, nihil aliud exposcit nisi quod sit opus alias moraliter bonum et proprium pœnitentis, et aliunde elevatum virtute clavium ad esse sacramentale per modum partis integrantis : atqui pœnitentia executi per substitutum ex arbitrio confessarii est opus moraliter bonum, ut supponitur, et insuper proprium pœnitentis non physice, sed moraliter ratione unionis charitatis, ut præcedenti disp. dictum est, et tandem elevatum ad esse sacramentale per modum partis integrantis, quandoquidem eo ipso quod ex voluntate sacerdotis fiat, hic virtute clavium illud elevat ad esse partem sacramenti : ergo est satisfactio sacramentalis, ad quam pœnitens cogitur exhibendam.

Nota tamen, quod licet hæc ita sint, et unus alterius pœnitentiam modo dicto adimplere possit, etiamsi ille, pro quo satisfactio fit, sit potens satisfacere : « Non tamen, » inquit Div. Thomas loco citato, « est permittendum, quod aliquis pro alio pœnitentiam agat, nisi defectus aliquis appareat in pœnitente vel corporalis, per quem sit impotens ad sustinendum, vel spiritualis, per quem non sit promptus ad portandam pœnam. » Unde non recte procedet sacerdos, qui pœnitentiam adhuc punitivam peccati commissi pœnitenti non impedito inungat ut implendam per

alium, tum ob rationem dictam, tum quia nec id est in Ecclesia adeo usitatum, nec admodum expediens ad finem satisfactionis saltem ut medicinalis.

51. Oppositam ultimæ assertioni sententiam tuentur Vasquez quæst. 94, artic. 2, dub. 1, num. 11, Ledesma 2 part. quæst. 14, art. 4, Coninchus disp. 10, dub. 8, num. 66, Lugo disput. 25, sect. 5, num. 82. Motivum autem, quo ducuntur, illud est : quia juxta Tridentinum satisfactio sacramentalis est actus pœnitentis ; sed jejunium, v. g. per substitutum exhibitum, esto ex voluntate sacerdotis fiat, actus pœnitentis non est : ergo nequit esse satisfactio sacramentalis, atque ideo nec sufficiens ad explendam pœnitentis obligationem. Nec refert dicere : tale jejunium fieri proprium pœnitentis, quatenus fit ex motione, et petitione ipsius. Nam inde sequeretur, solam illam motionem, aut petitionem pœnitentis esse satisfactionem sacramentalem, non vero jejunium a substituto exhibitum. Sequela ostenditur : etenim in illo jejunio duplicem bonitatem possumus considerare, unam quam habet a voluntate ipsius jejunantis, aliam, quam sortitur ex voluntate pœnitentis, quatenus ad hujus petitionem fit. Igitur juxta primam considerationem, cum solum sit actus proprius jejunantis, nequit esse satisfactio sacramentalis, quæ necessario est actus pœnitentis ; juxta secundam vero erit quidem jejunium illud pœnitentis proprium, sed non aliter ac jejunium equi ex voluntate, et motione pœnitentis executum, quod incapax est ut in pœnitentiam injungatur.

Confirmatur : nam satisfactio sacramentalis debet fieri ex præcepto confessarii ; sed confessarius nequit præcipere substituto, ut pro pœnitente jejunet : ergo unus pro alio sacramentaliter satisfacere non potest adhuc ex arbitrio sacerdotis. Minor suadetur : quoniam sacerdos ut judex in causa vindicativa solum valet punire reum, non vero innocentem, atque ideo soli illi, et non huic præcipere ut pœnitentiam subeat, sed substitutus jejunans non est reus, sed solus pœnitens : ergo sacerdos nequit præcipere substituto pœnitentiam, ac subinde cum sola illa, quæ fit ex sacerdotis præcepto, sit sacramentalis satisfactio, hæc non valebit per alium a pœnitente exhi-

Sententia opposita. Vasquez, Ledesma, Coninch, Lugo, Fundamentum.

Confirmatio.

beri. Unde solum concluditur posse sacerdotem præcipere pœnitenti ut roget substitutum jejunare loco ipsius, atque ideo quod illa petitio pœnitentis utpote facta ex præcepto confessarii sit satisfactio sacramentalis, non vero jejunium substituti.

Solvitur
argu-
mentum.

Sed hoc fundamentum haud difficile enervatur. Respondetur enim, omissis aliorum solutionibus, negando minorem: jejunium quippe a substituto executum, licet physice sit actus proprius ipsius, moraliter tamen, et ratione charitatis, qua fideles uniuntur in Christo, etiam actus proprius pœnitentis; quod sufficit ut possit esse pars integralis sacramenti a pœnitente suscepti, supposita elevatione illius actus facta a sacerdote virtute clavium, dum substituto illam pœnitentiam injunxit. Quocirca cum amicorum omnia sint communia, et amicus sit alter ergo, potest sacerdos elevare ad rationem satisfactionis sacramentalis non solum actum illum pœnitentis, quo movet, et rogat substitutum ut jejundet, sed etiam ipsum jejunium, quod pœnitenti ex opere operato proderit. Hanc autem moralem communicationem a charitate vel amicitia provenientem non posse inter pœnitentem, et ejus equum reperiri, notum est.

Diluitur
confir-
matio.

Ad confirmationem etiam negatur minor, cujus probatio non urget: quamvis enim sacerdos absolute, et per se loquendo soli pœnitenti præcipere possit pœnitentiam subire; tamen ex suppositione quod alter ex charitate velit se pro pœnitente obligare, ei sacerdos pœnitentiam injungere potest: tunc enim vicem rei gerit, et quoad hoc idem moraliter cum pœnitente reputatur: atque ideo tam actio procurandi jejunium, quam jejunium ipsum, ex sacerdotis præcepto factum, rationem partis sacramentalis sortitur. Aliter autem contingeret, si sacerdos non intendisset injungere in satisfactionem jejunium alterius, sed tantum pœnitentis petitionem, quod proculdubio facere potest: tunc enim sola hæc satisfactoria sacramentaliter esset, et obligationem implendi pœnitentiam expleret; licet aliunde actus jejundandi non sequeretur; sequuto vero jejunio, satisfactorium foret pro pœnitente non ex opere operato, sed operantis.

DUBIUM IV.

A quo, et an extra confessionem possit fieri pœnitentis commutatio?

Tituli difficultas plures suo ordine decidendas involvit. Prius tamen notandum, commutationem ab interpretatione in eo distingui, quod illa sit actus potestatis, non vero hæc, sed prudentiæ, vel doctrinæ. Unde interpretatio a quocumque illius qualitatibus fieri potest, imo non semel ab eodem pœnitente, si prudens ac litteratus sit, ut si rationabiliter deprehenderet claverem errasse, injustamque pœnitentiam imposuisse, vel a principio justam, et deinceps pœnitentem factum fuisse impotentem ad illius adimpletionem ob aliquam causam denuo subortam, quæ illum excuset: tunc enim interpretari potest ad illam pœnitentiam non teneri, quippe dum materia præcepta redditur impossibilis, obligationem perire necesse est. Commutatio igitur circa persistentem obligationem versatur, et in præsentia sumitur pro impositione unius pœnitentiæ loco alterius injunctæ, cujus obligatio aufertur; quo sensu loquutus est Divus Thomas 2, 2, quæst. 84, D. Tho. artic. 10, dum ait: « Si pro hoc quod servandum erat, aliquid aliud imponatur, dicitur commutatio. » Plures tamen sunt, de quibus dubitari potest an pœnitentiam commutare valeant, uti sunt ipse pœnitens, sacerdos, qui confessionem audivit, vel alter æqualis, aut tandem superior, vel inferior. De quibus omnibus agendum est.

§ I.

Duplex assertio statuitur.

52. Dicendum est primo, pœnitentem non posse pœnitentiam commutare nec in æquale, nec in melius. Ita Lugo disput. 25, num. 95, Candidus disq. 24, artic. 32, N. Ant. dub. 5, N. Gabriel quæst. 5, N. Antonius Stephanus a S. Paulo, N. Franciscus cap. 10, punct. 6, num. 1629, Luyssius, Turrianus, Dicastillus disput. 14, dub. 8, num. 134, cum aliis, Bonacina disput. 5, quæst. 5, sect. 3, punct. 3, numer. 12, Sanchez, Ochagavia, Coninchus, Henriquez, Reginaldus apud Palaum tractat. 23, disp. unica, punct. 21, § Ultimo, num.

Assert. 1.

Lugo, Candid. N. Gabr. N. Ant. Stephanus a S. Paulo, N. Franc. Luyssius, Turrian. Dicast. Bonacin. Sanchez, Ochagavia, Coninch. Henr. Reginaldus. Palaus.

10, estque communis Doctorum. Rationeque suadet: nam satisfactionis sacramentalis commutatio est actus jurisdictionis in foro sacramentalis iudicii; sed pœnitens nequit in se ipsum actionem sacramentalis jurisdictionis exercere, non enim habet munus, aut iudicis auctoritatem: ergo nequit pœnitentiam sibi injunctam a sacerdote propria auctoritate commutare in æquale, nec in melius. Tum etiam: quia præceptum adimplendi pœnitentiam injunctam provenit a voluntate, et jurisdictione sacerdotis independentem a voluntate pœnitentis: ergo hic non satisfacit illi præcepto exhibendo aliam pœnitentiam, in quam commutavit propria auctoritate eam, quæ sibi injuncta erat. Consequentia liquet; alias Ecclesiæ præcepto faceret satie qui ad jejunium adstrictus illud omitteret, et aliud opus ex propria auctoritate exhiberet, vel qui ad officium divinum obligatus illud in jejunium commutaret; quod nemo concedet.

53. Dicendum est secundo, sacerdotem, qui pœnitentiam injunxit, illam posse commutare intra confessionem, non tamen extra. Hæc conclusio duplicem continet partem. Prima est adeo certa, ut potius a Doctoribus supponatur, quam probetur; et merito: nam si auctoritas commutandi pœnitentiam existit, in nullo alio potiori jure inveniri poterit, quam in ipso iudice, qui sententiam tulit. Unde tota difficultas reducitur ad secundam, quam etiam ut veram docent communiter Theologi. Gonet disp. 13, art. 4, num. 54, Nugnus in præsentia, Sylvester verbo *Confessio* 1, quæst. 27, Rosella eodem verbo 2, num. 11, Suarez disp. 38, sect. 10, n. 48, Vasquez qu. 94, artic. 2, dub. 3, num. 7, Palaus ubi supra num. 9, Coninchus disp. 10, dub. 12, num. 100, Fagundez præcept. 2, lib. 9, cap. 4, num. 15, Hurtado disp. 14, difficult. 10, Bonacina disp. 5, qu. 4, sect. 3, punct. 4, num. 7, Granados disp. 8, num. 1, et 6, Lugo disp. 25, Layman lib. 5, tract. 4, cap. 15, Diana 2 part. tract. 15, resol. 53, et part. 9, tract. 9, resol. 24, et alii plures.

Fundamentum vero, illudque non infirmum hujus assertionis est, quia sacerdos tenetur injungere satisfactionem, quæ sacramentalis sit; atqui satisfactio illa, in quam extra confessionem commutat, quam

intra confessionem imposuit, sacramentalis non est: ergo sacerdos nequit extra confessionem pœnitentiam commutare. Consequentia ex præmissis deducitur. Major ex eo patet, tum quia illa satisfactio debet esse pars sacramenti; tum quia ad hoc injungitur, ut ex opere operato pœnæ temporalis reatum solvat, quod nisi per satisfactionem sacramentalem fieri nequit. Minor autem, quæ difficultatem præsefert, ostenditur: nam satisfactio nequit esse sacramentalis, nisi imponatur a sacerdote ut ministro sacramenti, et utente potestate clavium per quam elevetur ad esse sacramentale; atqui sacerdos extra confessionem non se habet ut minister sacramenti, nec potestate clavium utitur, utpote qui sacramentum non conficit: ergo pœnitentia illa, in quam extra confessionem commutat aliam injunctam in confessione, sacramentalis non est.

Confirmatur primo: quia commutatio pœnitentiæ est actus judicialis: ergo debet fieri a iudice ut tali, et suo munere fungente. Atqui nullus confessarius extra confessionem se gerit ut iudex: ergo a nullo confessario extra confessionem valet fieri pœnitentiæ commutatio. Primum antecedens constat: quia illius est pœnam pro delictis taxare, cujus est de eisdem delictis iudicium ferre; unde sicut est actus judicialis ferre de delictis iudicium, ita etiam pœnam pro delictis imponere; sed qui pœnitentiam commutat, pœnam pro delictis injungit: ergo commutatio unius pœnitentiæ in aliam est actus judicialis. Minor autem subsumpta suadet: nam confessarius non se gerit ut pœnitentis iudex, nisi dum gerit vices Christi; sed solum in confessione, non verò extra illam, ita se gerit: ergo extra confessionem non agit ut iudex, sed extrajudicialiter, sicut iudex fori externi dum extra tribunal operatur.

Confirmatur secundo: nam ejusdem facultatis est pœnitentiam commutare, et eam injungere: ergo quando confessarius eam imponere nequit, nec illam commutare valet. Tum sic: sed extra confessionem non potest pœnitentiam injungere: ergo nec illam commutare. Antecedens primum constat: nam ipsam commutare pœnitentiam, est illam imponere; non enim commutatur prima, nisi loco illius injungendo secundam. Minor autem sub-

Confirm.
1.

Confirm.
2.

met,
ignus,
lvest.
psell.
ærez,
squez,
munch.
gund.
riado,
macin.
anad.
go,
ana,

sumpta probatur : quia potestas, qua confessarius pœnitentiam imponit, est potestas clavium, qua constituitur in ratione iudicis fori pœnitentialis ad ligandum, et solvendum : sed hac nequit uti extra confessionem, sed solum intra illam : ergo.

Nota. Hæc tamen ita intelligenda sunt, ut confessarius pœnitentiam in confessione injectam commutare possit etiam post absolutionem exhibitam, si statim id fiat, antequam pœnitens ab ipso discedat ; ut optime cum aliis docet N. Franciscus in præsentia, num. 75. Et ratio est : quia tunc adhuc moraliter existimatur idem perseverare iudicium : ea enim, quæ incontinenti fiunt, moraliter adesse videntur, ex leg. *Legem, Cod. de peccatis*, et cap. *Præterea, de testibus cogendis*. Absolute tamen melius est illam ante absolutionem commutare, ne pœnitens accepta jam absolutione pœnitentiam respuat ; ut cum Suario, Conincho, Sylvestro, et Navarr. docet Bonacina disp. 5, q. 5, sect. 3, punct. 3, num. 7, et Dicastill. num. 129.

Quæstionculæ incidentes.

Quorundam sententia. Coninch. Sotus. Vivaldus.

Resolutio.

54. Sed quid dicendum, si jam a confessario discesserit pœnitens, et post modicum tempus pœnitentiæ commutationem exigit ; censebitur ne perseverare idem moraliter iudicium per ordinem ad talem effectum, ita ut possit confessarius ex vi illius confessionis pœnitentiam commutare ? Circa hoc autem non parum dissident Authores, Coninchus enim disp. 10, dub. 12, num. 102, cum Layman lib. 5 summæ asserit, tale iudicium esse moraliter idem per unum diem. Sotus in 4, dist. 20, quæst. 2, art. 3, et Vivaldus de satisfactione, num. 31, ad duplicem diem se extendunt. Diana part. 9, tract. 6, resol. 56, cum Aversa de sacram. pœnit. quæst. 13, sect. 8, id usque ad hebdomadam protrahit. Denique Lugo disp. 25, num. 111, quem sequi videntur N. Antonius sect. 4, n. 1632, et Machado tom. 1, lib. 3, cap. 1, docum. 11, num. 1, absolute docet, posse confessarium talem commutationem facere, etiam per longum tempus, si in confuso saltem recordetur peccatorum, vel status pœnitentis. Ceterum his sententiis minime acquiescimus, sed oppositum existimamus cum Dicastillo, et Castro Palao in præsentia, et N. Francisco a Jesu Maria tract. 6, cap. 10, punct. 6, num. 75. Si enim pœnitens a præsentia confessarii jam

discessit, sacerdos complete suo functus est munere, jamque iudicium illud tam quoad essentialia, quam quoad integralia complevit, nec ultra moraliter perseverat ; alioqui si moraliter etiam per unum diem persisteret, posset confessarius, quando pœnitens postea rediret, cum eo loqui de peccatis in præcedenti confessione auditis sine pœnitentis licentia absque violatione sigilli, ut potest, dum eadem moraliter perseverat confessio ; cujus oppositum statuimus agentes de sigillo. Et quidem Authores illi nullum rationabile afferunt fundamentum, ut ad oppositum vincamur.

55. Constat ex dictis, posse confessarium pœnitentiam a se injectam in aliam commutare intra confessionem, non vero extra. Sed inquire, an ad prædictam commutationem faciendam vel ab eodem confessario, vel ab alio, qui possit illam efficere, opus sit eadem peccata, ob quæ fuit injecta pœnitentia, repetere sacerdoti commutationem facienti ? Negative respondet Marchantius in tribun. sacram. tom. 1, tract. 4, tit. 7, quæst. 6, asserens, sufficere pœnitenti, declarata pœnitentia prius imposita, allegare rationes, ob quas ea pœnitentia sibi nimis gravis, et afflictiva existat, et quare illius exigit commutationem. Ita etiam sentit Diana tom. 9, resol. 57, qui etiam absolute docet, posse confessarios non audita priori confessione eorundem peccatorum pœnitentias commutare, part. 2, tract. 15, resol. 53, quatuordecim Authores in proprium patrocinium adducens. Idemque asserit Bonacina disp. 5, quæst. 5, sect. 3, punct. 3, num. 8, et cum Granado, et aliis Leander disp. 9, q. 100. Quam sententiam reputant in praxi probabilem Busembaum lib. 6, tract. 4, cap. 1, dub. 4, de satisfactione, Layman tract. 6, cap. 15, quæst. 4, num. 16, et Lugo disp. 25, num. 109. Præsertim si secundum confessarium ex confessione aliorum peccatorum, ex statu pœnitentis, et illius narratione aliquam saltem confusam notitiam accipiat, quod plus minusve eadem fere peccata in priori confessione fuerit confessus ? et ita etiam limitat Fagundez de præcept. Eccles. præcept. 2, lib. 9, cap. 4, num. 22. Et quidem hanc sententiam ab extrinseco esse probabilem ob tot Doctorum autoritatem, inficiari non possumus. Probabilitas autem intrinseca, seu ratio, qua

Alia quæstionculæ

Alhorn vari sententia. Marel Diana

Bonac Leant Buser Laym Lugo.

Fagund

qua ad ita sentiendum movetur, est : quia in hac commutatione non agitur de peccato, ob quod pœnitentia fuit injuncta, vel de justitia, qua est imposita ; sed de difficultate, minori opportunitate, vel impossibilitate pœnitentis ad illam implendam, ob quam juste valet commutari.

56. Sed hæc ratio nobis parum nervosa, ac subsistens videtur : quia licet in illa commutatione non agatur directe de peccatis confessis, agitur tamen de illis reflexe, et per connexionem ; cum pena imposita connectatur cum culpa confessa, utpote cum causa, ob quam juste fuit imposita, quam necesse est confessario ut iudici simul cum difficultate pœnitentis innotescere, ut pœnitentiam commutare valeat. Quare oppositum probabilius censemus, debereque sacerdotem agnoscere, et judicare intra confessionem eadem peccata, saltem præcipua, ob quæ fuit imposita pœnitentia, ad illius præstandam commutationem, sive commutatio fiat ab eodem confessario, sive ab alio. Ita Suarius, Coninchus, Layman, Sotus in 4, dist. 20, quæst. 2, art. 3, in fine, Sylvester verbo *Confessio* 1, quæst. 27, Vasquez, Reginaldus, Fagundes, Molfesius, quos refert, et sequitur Lugo disp. 25, num. 107, N. Franciscus cap. 10, punct. 6, num. 79, Palaus tract. et disp. citat. § Ultim. nu. 13. Et ratio est : quia ideo valet confessarius mutare pœnitentiam ab alio injunctam juste, et clave non errante, quatenus potest ut iudex eandem causam agnoscere, et judicare ; at si peccata, ob quæ fuit pœnitentia juste imposita, sacerdoti in confessione non manifestentur, nequit illa judicare : ergo nequit peccatis non cognitis commutare pœnitentiam. Maxime cum imprudenter ageret confessarius, si ablata priori pœnitentia aliam subrogaret ignorans peccata, in quorum vindictam, et præcautionem futurorum subroganda est, cum non posset commensurate ad illorum gravitatem aliam pœnitentiam injungere. Animadvertendum tamen est, liberum esse pœnitenti, facta legitima pœnitentiæ commutatione, eligere quam maluerit adimplendam, primo videlicet injunctam, vel secundam, in quam commutatio facta est : commutatio quippe fit in pœnitentis favorem ; pœnitens autem libere potest proprio favori cedere, ac juri. Ita sentiunt Dicastillus,

Salmant. Curs. Theolog. Tom. XX.

Suarius, Bonacina, Reginaldus, Lessius, et alii.

§ II.

Aliis assertionibus absolvitur difficultas.

57. Dicendum est tertio, inter confessarios æquales posse unum iterata confessione pœnitentiam ab alio injunctam commutare. Ita sentiunt Gonet disput. 13, artic. 3, num. 52, N. Bonæ Spei num. 70, N. Stephanus num. 182, N. Franciscus cap. 10, punct. 6, num. 71, N. Antonius disput. 21, sect. 4, num. 1633, Suarez disput. 38, sect. 10, num. 5, Lugo disput. 25, num. 101, Bonacina disput. 5, sect. 3, punct. 3, num. 1, Dicastillo disput. 4, dub. 8, num. 117, Navarrus cap. 26, num. 22, Diana part. 2, tractat. 15, resol. 53, et part. 3, tractat. 4, resol. 53, et part. 9, tractat. 9, resolut. 54, Martinus Ledesma 2, part. 4, quæst. 20, et alii. Suadeturque ratio : nam secundus confessarius æquali gaudens potestate cum primo omne id valet efficere, quod primus facere potuit ; sed primus potuit pœnitentiam in priori confessione injunctam in posteriori commutare : ergo secundus confessarius ei in potestate æqualis idem facere potest. Major est apud omnes nota, et ex ipsis terminis manifesta. Minorem autem supponimus ex jam dictis. Consequentia vero satis clare ex ipsis deducitur : nam ideo primus talem commutationem efficere valet, quia pœnitens potest peccata judicata ad ejus tribunal judicanda iterum deferre, et stare sententiæ posterioris iudicii ; sed etiam valet ea iterum judicanda afferre ad tribunal alterius æquali potestate gaudentis : igitur secundus confessarius, quando est alteri æqualis in potestate, potest pœnitentiam ab eo impositam commutare. Idemque a fortiori dicendum est de confessario superiore, ut ex se liquet, dummodo commutatio intra confessionem fiat. Videatur Suarez loco citato, ubi propositam assertionem ulterius confirmat, et extensionem ad superiorem factam, docet, ac explicat.

58. Major autem est difficultas circa sacerdotem inferiorem, an possit mutare pœnitentiam, quam superior injunxit ? Quo in eventu sub disjunctione loquendum est : nam vel pœnitentia fuit a superiore im-

Assertio
extendi-
tur ad
superio-
res

sita ob peccata non reservata, vel ob sibi reservata. Si primum, certum, et commune est apud Autores posse confessarium alias inferiorem pœnitentiam injunctam a superiore commutare, eadem audiendo, et judicando peccata, quippe Christus Dominus ita hoc instituit sacramentum, ut de peccatis, a quibus reus fuit judicatus, et absolutus, possit iterum judicari, et absolvi; posito autem novo judicio, quilibet confessarius habet potestatem ab eis absolventi, eaque puniendi, non ob superioritatem in confessarium, sed in pœnitentem; cumque hic cogi non possit duplicem pro eisdem peccatis satisfactionem exequi, nec duplicem pœnam subire, inde est posse pœnitentem secundæ sententiæ stare, ommissa priori a superiore imposita. Ita sentiunt Gonet, N. Bonæ Spei, Stephanus, Suarez, Lugo, Sylvester, Fillius, Vasquez, Bonacina, Dicastillus, Layman, Palaus, et alii. Si vero sermo fiat de commutatione pœnitentiæ injunctæ a superiore ob peccata sibi reservata, circa quod non parum est dissidii inter Autores

Gonet,
N. Bonæ
Spei
Suarez,
Lugo,
Sylvester,
et alii.

Assertio
4.

Palaus,
Bonacina,
Vasquez,
Dicastillus,
Sylvester,
Diana,
Leander,
N. Gabr.
N.
Anton.
Henric.
Sa, Zer.

59. Dicendum est quarto, adhuc in tali casu posse confessarium inferiorem pœnitentiam a superiore injunctam iterata confessione commutare. Ita Palaus disp. unica, punct. 21, § Ultimo, num. 7, Bonacina disp. 5, q. 5, sect. 3, punct. 3, num. 6, Vasquez quæst. 94, artic. 2, dub. 3, num. 9, Dicastillus disput. 14, dub. 8, num. 120, Chrystophorus a S. Joseph dub. 8, num. 5, Sylvester verbo *Confessio* 2, quæst. 27, num. 31, Diana 2, part. tractat. 15, resolut. 53, Leander disput. 9, quæst. 98, N. Gabriel disput. 12, quæst. 5, N. Antonius sect. 4, n. 1634. Quibus adhærent Henriquez, Emmanuel Sa, Zerola, Candidus, et etiam in hanc partem videtur inclinari N. Franciscus cap. 10, punct. 6, num. 73. Fundamentum est, quia confessarius inferior potest commutare pœnitentiam a superiore injunctam pro peccatis non reservatis, ut ex proxime dictis patet, idque plures, vel omnes oppositi Autores fatentur: ergo idem efficere poterit dum pœnitentia injuncta fuit pro reservatis. Consequentia suadetur: nam ideo potest illud primum, quia valet a non reservatis iterum sibi confessis absolvere, et pœnam pro eis satisfactoriam juridice in hoc tri-

Ratio
asser-
tionis.

bunali determinare; sed supposita prima confessione reservatorum, et absolutione præstita a superiore, valet sacerdos inferior illa iterum judicare, et pœnitentem ab eis absolvere: ergo. Minor suadetur: nam peccata reservata semel apud legitimum superiorem rite confessa, absolutioneque obtenta, jam non manent reservata juxta commune Doctorum placitum, alias pœnitenti nunquam liceret de eis, sicut de aliis anteactæ vitæ peccatis, sacerdoti inferiori se accusare: ergo potest confessarius inferior de illis sicut de aliis non reservatis absolvere iterata eorum confessione, et consequenter pro eisdem pœnitentiam injungere, illam subrogando loco prioris a superiore impositæ; tum etiam, quia alias hoc iteratum judicium non foret pœnitenti favorabile, sed potius onerosum, cum duplicem pœnam satisfactoriam cogeretur subire. Tum denique: nam accessorium sequitur naturam sui principalis, ut est satis vulgaris, et trita regula juris; atqui absolutio e culpa, quæ est quid principale, jam in prædicto eventu reservata non persistit: ergo nec satisfactionis injunctio, quæ quid accessorium est; atque ideo inferior poterit novam satisfactionem imponere, et eam loco prioris subrogare: in hujusmodi enim eventu jam omnes confessarii sunt æquales. Quocirca non solum quilibet illorum poterit pœnitentiam ab alio injunctam commutare in æqualem, verum etiam in mitiorem, et minus molestam, si prudenter judicaverit ita ad bonum animæ pœnitentis expedire.

§ III.

Sententiæ prioribus assertionibus oppositæ referuntur.

60. Adversam primæ conclusioni sententiam, asserentem posse pœnitentem propria authoritate satisfactionem sibi injunctam in æquale, aut in melius commutare, ni oppo-
tuentur Portel in addit. ad dub. regular. verbo *Penitentia Sacrament.* numer. 6, Diana part. 2, resolut. 53, tractat. 15, Vilalobos tractat. 9, diffic. 97, num. 1. Pro qua arguitur primo a paritate commutationis voti. Etenim qui votum emisit, si authoritate propria loco rei promissæ aliam æqualem, vel meliorem subrogaverit, liber
evadit

Senten-
tia
primæ
asser-
tionis
opposita.

Argum.
1.

evadit ab obligatione illius ad quam adstrictus erat ex voto, atque ideo illud propria autoritate commutare valet : ergo idem est dicendum de pœnitentiæ commutatione. Antecedens supponitur ex communi Theologorum placito in tractatu de voto, pluresque illius patronos refert N. Andreas a Matre Dei tractat. 17, cap. 3, punct. 14, num. 132, et 133. Consequentia autem ostenditur : nam sicut pœnitens tenetur exequi pœnitentiam injunctam ex præcepto ministri, ita vovens adstringitur adimplere rem promissam ex lege naturæ, et præcepto Religionis ; et tamen qui propria autoritate subrogat loco rei promissæ aliam æqualis, aut melioris bonitatis, ab obligatione prima ex voto contracta redditur immunis : ergo etiam qui propria autoritate pœnitentiam sibi injunctam commutat.

^{tur}^{o.} Ad hoc argumentum potest responderi primo negando antecedens : nec enim ejus veritas, quam aliqui Authores supponunt, est adeo recepta, et inconcussa, ut pluribus difficultatibus non sit obnoxia ; præsertim quia nec id approbare videtur D. Thomas 2, 2, quæst. 88, art. 10 et 12, et in 4, dist. 38, quæst. 1, art. 4, quæstiunc. 1, ubi superioris auctoritatem requirit ad voti commutationem, sicut et dispensationem, nisi votum unum in alio includatur tanquam particulare in universali. Secundo respondetur permissio antecedenti negando consequentiam. Satis enim nota est ratio disparitatis : nam opus ratione voti exhibendum nec est sacramenti pars, nec elevatione clavium indiget, sicut satisfactio a confessario imposita in sacramento. Unde licet vovens possit suæ obligationi satisfacere, si aliud opus æque, vel magis gratum Deo exhibeat ; minime tamen pœnitens, nisi per opus satisfactorium sacramentale, et virtute clavium elevatum ad satisfaciendum ; quod non sortitur per propriam pœnitentis, aut alterius determinationem, sed solum per taxationem ministri sacramenti, ut talis operantis. Quibus addendum est illum, qui votum emisit, sibi ipsi legem imposuisse, et obligationem, atque ideo nil mirum quod ipse possit votum, et obligationem in quid melius commutare. Pœnitens vero non adstringitur obligationi injunctæ a se ipso, sed ab alio Legislatore, nimirum, a

sacerdote. Unde cum inferior non habens jurisdictionem nequeat præceptum superioris commutare, ideo pœnitens non potest propria autoritate subrogare aliquod opus loco pœnitentiæ sibi a sacerdote injunctæ.

61. Dices hujusmodi requisita minime desiderari in opere, quod loco pœnitentiæ injuncta subrogatur ; sufficit enim, ut pœnitens liber evadat ab obligatione adimplendi pœnitentiam injunctam, quod loco istius aliam propria auctoritate subroget, quæ æqualem vel majorem bonitatem importet, licet alias non sit sacramentalis. Id quod ad hominem contra plures nostræ sententiæ patronos evincitur : quippe qui nonnulli docent per jubilæi, aut indulgentiarum lucrationem posse pœnitentem ab onere exequendi satisfactionem ut præcise debiti solutivam extrahi ; atqui opus illud, pro indulgentia lucranda exhibetur, sacramentale, aut virtute clavium elevatum sæpe non est : ergo etsi opus a pœnitente propria autoritate subrogatum loco injunctæ satisfactionis non sit sacramentale sufficiet ad sacerdotis præceptum adimplendum.

Respondetur omissis præmissis negando consequentiam. Aliud quippe est, quod operis executio pro lucrando jubilæo, vel indulgentia sit ablatio pœnæ debitæ, in quam satisfactio tanquam in finem tendit ; aliud vero quod sit commutatio pœnitentiæ injunctæ, vel pœnitentiæ adimpletio per commutationem. Primum non negamus, atque ideo opus a Pontifice designatum ad jubilæum lucrandum semel ac exhibeatur cum conditionibus a Pontifice exactis, tollit debitum pœnæ temporalis, quo ablato cessat obligatio adimplendi pœnitentiam : ablato namque fine satisfactionis, in quem hæc tendit, ob quem fuit injuncta, necesse est obligationem satisfaciendi perire, ut contingit in aliis præceptis, et legibus, quorum finibus totalibus deficientibus. materiæ præceptæ deficient. Secundum vero nec docent illi Authores, nec admittere possumus ; commutatio namque pœnitentiæ est actus fungentis munere judicis sacramentalis, sicut illius injunctio ; Pontifex autem dum extra sacramentum aliquod opus designat ad jubilæum lucrandum, non procedit ut judex in foro sacramenti, ac proinde illa operis designatio commutatio

pœnitentiæ non est, nec ejusdem operis exhibitio est impletio præcepti a sacerdote in foro pœnitentiæ injuncti. Ex quibus solum deducitur posse pœnitentem propria autoritate exhibere aliquod opus, quod sacramentale non sit, nec satisfactorium ex opere operato, sed solum ex opere operantis; non tamen quod possit pœnitentiam sibi injunctam proprie in illud, vel aliud opus commutare, et sacerdotis præceptum adimplere, quod est difficultatis scopus: nam commutatio est substitutio unius obligationis loco alterius ab habente auctoritatem; pœnitens autem cum iudex in foro sacramenti non sit, sicut non potest ipsi pœnitentiam sacramentalem imponere, ita nec eandem commutare, quia uterque actus est facultatis. Et cum aliunde pœnitens teneatur ex præcepto sacerdotis exhibere pœnitentiam sacramentalem, et opus propria auctoritate electum sacramentale non sit, nequit hujus exhibitione illi præcepto satisfacere. Utrum autem valeat pœnitens operibus satisfactoriis ex opere operantis proprio arbitrio assumptis tollere reatum pœnæ temporalis, in quem solvendum tendit pœnitentia a sacerdote injuncta, atque ideo ablato illo fine præcepti, ab hujus obligatione se extrahere, quemadmodum de indulgentia, aut jubilæo diximus? Alia difficultas est, ad quam ex dicendis dubio sequenti, num. 82, constabit.

Argu n.
2.

62. Arguitur secundo: nam per illam satisfactionem impletur pœnitentia injuncta, per quam melius, vel æque bene redditur assequibilis finis a confessario intentus in pœnitentiæ impositione; sed per satisfactionem æqualem, aut meliorem, a pœnitente propria auctoritate loco alterius subrogatam, melius aut æque bene finis confessarii obtinetur: ergo per hujusmodi commutationem propria auctoritate factam impletur injuncta pœnitentia. Major videtur certa: nam medium non eligitur propter se, sed propter finem obtinendum. Minor autem suadetur: quia finis a confessario intentus est spiritualis utilitas pœnitentis; sed æqualem, aut majorem utilitatem potest consequi pœnitens per satisfactionem æqualem, vel meliorem propria auctoritate loco prioris subrogatam: ergo ex vi hujus æque bene aut melius finem intentum a confessario in pœnitentiæ impositione assequitur.

Confirmatur primo: nam si sacerdoti^{Conf. 1} injungenti pro pœnitentia recitare Psalmum *Miserere* pœnitens diceret, se velle loco illius subrogare jejunium unius diei, proculdubio confessarius consentiret, idque illi concederet; ergo saltem ex hac præsumpta voluntate, et tacito sacerdotis consensu poterit pœnitens pœnitentiam sibi injunctam commutare.

Confirmatur secundo: nam casu quo^{Conf. 2} pœnitens satisfactionis impositæ non recordetur, et non sit ad confessarium recursus, potest loco illius aliam satisfactionem culpis proportionatam præstare ex proprio arbitrio; sed hoc est propria auctoritate pœnitentiam commutare: ergo. Major admittitur a Nugno in præsentī, quæst. 18, art. 4, dub. ult. Minor vero suadetur ex eo, quod oblivio, aut recordatio pœnitentiæ injunctæ non tribuit operi loco illius subrogato, quod sit satisfactorium, sed solum intrinseca libertas, honestas, et pœnalitas: ergo si opus his vestitum conditionibus, et in casu oblivionis subrogatum a pœnitente, adimpletivum est pœnitentiæ injunctæ, etiam erit adimpletivum in casu quo pœnitens recordetur, et consequenter in quolibet.

Ad argumentum respondetur negando^{Solvi arg. ment} majorem: etenim sacerdotis præceptum non urget ad assecutionem finis, sed ad medium præscriptum, vel ad opus injunctum ad illius assecutionem. Unde opere in pœnitentiam injuncto non posito, licet aliis mediis melius valeat finem a sacerdote intentum obtinere, illius præcepto non satisfacit; alioqui solum adimpleret præceptum, qui finem assequeretur, et e converso præcepto non satisfaceret, qui finem non obtineret, esto alias pœnitentiam sibi injunctam executioni mandaret. Quocirca qui in peccato mortali existens Missam sibi injunctam audiret, aut jejunium sibi præceptum exhiberet, non impleteret præceptum sacerdotis, cum finis solvendi reatum pœnæ debitæ non assequatur, eo quod illa opera extra statum gratiæ exercita satisfactoria non sunt. Oppositum autem hujus consequentis est communis Doctorum sententia. Id ipsumque ulterius manifesta instantia demonstratur in præcepto Ecclesiastici jejunii, quo intendit Ecclesia carnem macerare, vitia comprimere, mentemque ad Deum elevare, juxta illud quadragesimalis

Præfatii

Præfati : *Deus, qui corporali jejunio vitia comprimis*, etc. Et nihilominus esto æque bene illum finem quis assequatur si aspero induatur cilicio, quotidieque usque ad cruciationem flagella sustineat, minime illi præcepto satisfaciet, si hæc faciens jejunium præceptum omittit. Et quidem si liberum foret unicuique opus aut medium præceptum ad assecutionem alicujus finis relinquere, aliud eligendo, quo æque bene, aut melius prædictus finis obtineretur, non angustus pateret aditus ad ejuscumque legis, aut præcepti vulnerationem : unusquisque enim pro suo libito rem sibi præceptam in aliam, quæ sibi magis arrideret, commutaret, et onus sibi impositum dimitteret. Ad probationem autem majoris dicendum est, quod licet opus præcipiatur propter finem, non præcipitur assecutio finis, sed executio operis, atque ideo hoc exhibito præceptum adimpletur, esto alias finis non assequatur; non vero e contra.

^{tur}
^{III.} Ad primam confirmationem respondetur, inde minime deduci posse pœnitentem auctoritate propria pœnitentiam sibi injectam commutare, de quo est præsens quæstio : sed solum quod id valeat efficere auctoritate confessarii, vel de ejus voluntate taciti, aut præsumpta. Nota tamen, dupliciter posse pœnitentem præsumere illam confessoris voluntatem; vel attendendo ad eam, quam formaliter, aut virtualiter habuit, dum munere confessoris fungebatur physice, aut moraliter agens intra sacramentum; vel ad illam, quam finito jam illo judicio habere præsumitur. In posteriori eventu non pœnitentis, nec ipsius confessarii auctoritate fieri potest talis commutatio extra sacramentum, cum jam functus sit suo officio. In priori vero distinguendum est : nam vel pœnitens præsumit rationabili fundamento illam voluntatem extitisse actu saltem virtualiter in confessario tempore legitimo; vel solum præsumit, quod talem voluntatem haberet, ut si confessario proponeretur, assentiret? Si hoc ultimum, non sufficit : quia nequit fieri commutatio ex voluntate tantum præsumpta confessarii, quam haberet, sed quam actu habuit tempore confessionis. Si primum : nihil exincit, cum commutatio illa non fiat propria auctoritate pœnitentis, sed ex virtuali voluntate confessarii.

Ad secundam confirmationem, præter-

missa majori, negatur minor : nam modus satisfaciendi in majori descriptus in casu pœnitentiæ oblitæ, non est illius commutatio, ita ut opus loco illius subrogatum valeat esse pars integralis sacramenti, aut ex opere operato, et virtute clavium reatum pœnæ exsolvat, sed solum ex operè operantis, et juxta valorem, quo gauderet ex propria honestate independenter a sacramento. Quod vero in illo eventu sacramentum non integrum integritate materiali relinquatur, minime pœnitenti imputabitur, si inculpabiliter pœnitentiæ injectæ fuit oblitus, et ad confessarium jam non sit aditus.

63. Sententiam secundæ nostræ assertioni oppositam tuentur Diana 2 part. tractat. 15, et Miscel. 1, resolut. 53, Toledo in summa, lib. 3, cap. 11, num. 5, Navarrus in Manuali, cap. 26, num. 22, Henriquez in summa, lib. de pœnit. cap. 22, num. 15, Raphael de Cæsare in consil. animæ, dialog. 8, cap. 26, Portel in addit. ad dub. regul. verbo *Pœnit. sacram.* num. 8, Emmanuel Sa, verbo *Satisfactio*, num. 5, Rodriguez in summa, tom. 1, cap. 56, conclus. 7, num. 8, Villalobos part. 1, tract. 9, dubit. 79, num. 5, Joannes a Cruce in Directorio conscientiæ, 2. part. de pœnit. quæst. 4, dub. 4, conclus. 2. Quibus adhærent Antonius Fernandez, Vivaldus, Sylvius, Chapeavilla, Valentia, et alii. Qui omnes in eo conveniunt, quod pœnitentiæ commutatio fieri valet ab eodem, vel ab alio confessario extra confessionem, licet in assignandis requisitis ad hujusmodi commutationem discriminentur. Aliqui enim exigunt narrationem extra sacramentalem peccatorum, maxime eorum, quæ statum ostendunt pœnitentis; ita Valentia, Chapeavilla, et Navarrus. Rodriguez vero nec id desiderari docet, sed solum notitiam causæ ad commutandam pœnitentiam requisitæ. Quidquid tamen de his.

Arguitur primo : quia sacramentale iudicium est quoddam suave jugum in favorem pœnitentium a Christo Domino ordinatum; sed tale non esset, si ad pœnitentiæ commutationem iterata confessio requiretur : ergo hæc necessaria non est ad pœnitentiæ commutationem. Minor suadetur : nam semel ad confitendum accedere ita aliquibus onerosum est, ut Concilio Tridentino attestante, intolerabile, et car-

Sententia
secundæ
conclu-
sioni
opposi-
ta.

Diana,
Toledo,
Navar.
Henriq.
Raphael,
Portel,
Sa,
Rodrig.
Villalob.
Joan.
a Cruce,
a Fernan.
Vivald.
Sylvius,
Chapea-
villa,
Valen-
tia.

Objectio

nificina conscientiae eis (quamvis immerito) visum fuerit ; unde ut hujusmodi gravamen tolerabilius reddatur, nullus ad iterandam eorundem peccatorum confessionem adstringitur, nisi de prioris nullitate sibi sit conscius : durissimum igitur erit pro pœnitentia commutanda iteratam confessionem exposcere.

Confirm. 1. Confirmatur primo: nam potestas, qua gaudent sacerdotes ad commutationem pœnitentiae faciendam, illis conceditur in remedium difficultatis, quam in pœnitentiae executione pœnitentes interdum experiuntur; atqui si ad illam commutationem iterata eorundem peccatorum confessio requireretur, in remedium talis difficultatis non esset: ergo. Minor probatur: nam id, quod est acerbius, et difficilius, non est remedium difficultatis, pro qua auferenda exhibetur; sed non semel pœnitentibus durius, et difficilior est, iterum peccata praeipue ignominiosa sacerdoti prodere, quam primam pœnitentiam esto difficile executioni mandare; ergo illa sacerdotis potestas in remedium praedictae difficultatis non esset, si iterata confessio exposceretur.

Confirm. 2. Confirmatur secundo: quia ad id desideraretur iterata confessio, ut sacerdos rectum iudicium de quantitate, et qualitate pœnitentiae loco prioris subrogandae efformaret; sed ad hujusmodi iudicium in eodem confessore, qui primam pœnitentiam injunxit, sufficit peccatorum notitia in prima confessione praehabita: in alio vero satis erit aliqua extrasacramentalis peccatorum narratio: ergo non est necessaria ad commutationem pœnitentiae nova sacramentalis confessio; imo solum esse necessarium, pœnitentem detegere confessario extra confessionem sibi injectam, pro qua commutationem expostulat, asserit Martinus a S. Joseph in mem. confes. tom. 1, lib. 1, tract. 27, de pœnitent. num. 20.

Confir. 3. Confirmatur tertio: etenim in pœnitentiae commutatione non agitur de peccato, ob quod fuit injecta pœnitentia, nec de justitia, qua fuit imposita; sed de difficultate, minori opportunitate, aut pœnitentis impossibilitate ad eam adimplendam, ratione cujus juste potest commutari; sed ad hoc peccatorum notitia necessaria non est, ut ex se patet; ergo extra confessionem pœnitentiae commutatio fieri valet. Major suadetur: nam in pœnitentiae com-

mutatione solum agendum est de his, quae per se debent attendi, ut praedicta commutatio recte fiat; sed ut haec recte fiat, solum per se debent attendi proportio pœnitentiae subrogandae loco prioris, et causa commutandi, ut in aliis commutationibus cernere licet: ergo hic non de peccato agitur, sed de difficultate, impossibilitate, vel minori opportunitate pœnitentis ad pœnitentiae executionem.

64. Ad argumentum respondetur negando *Diss. vil arg. men 1* minorem, ad cujus probationem fatemur quidem quamplures non modicam, sed ingentem experiri difficultatem in peccatorum manifestatione; atque ideo studendum fore sacerdotibus, ut pœnitentiae sacramentum, ex se aliquantulum onerosum, quoad usque fas sit, suavius ac tolerabilius reddatur. Non tamen favoris est pœnitentibus deferendum, ut sacramentum omnino deficiat, vel ejus integritas corruat: id quod in praesenti eveniret; nam cum pœnitentia extra sacramentum commutata sacramentalis non sit, sacramentum sine parte integrali relinquere. Aliunde etiam componi nequit cum natura hujus sacramenti ad instar iudicii instituti, quod iudex per notitiam extrajudicialem proferat, aut immutet sententiam a se vel ab alio iudice juridice prolatam.

Ad primam confirmationem similiter *Dil. 17 con. 1* accessa majori, negatur minor; cujus probatio non urget: licet enim aliquando difficilior appareat ex se iterare confessionem, quam primam pœnitentiam adimplere; ex suppositione tamen quod pœnitens renuens hoc secundum eligat primum, signum est, quod practice hic, et nunc difficilior existimat primam pœnitentiam adimplere; et casu quo velit uti commutationis remedio, tenetur illam acerbiter, et difficultatem iterandi confessionem subire, cum sine hujusmodi circumstantia commutatio illa, utpote a non iudice facta, nulla sit; ad modum quo pœnitens, qui remedium absolutionis a turpissimis peccatis quaerit, cogitur difficultatem, et acerbiter, quam in prima confessione sentit, deglutire; alias absolutionis remedium non obtinebit.

Ad secundam confirmationem dicendum *Sa. 11. sec. 1* est, quod illa iterata confessio, quam necessariam fore arbitramur, non eo praecise tendit, ut secundus confessarius notitiam primae pœnitentiae acquirat, et rectum iudicium

dicium de quantitate, et qualitate alterius subrogandæ efformet; sed ut actus commutationis judicialis, et sacramentalis existat; quod nequit sortiri nisi intra sacramentum, et a sacerdote ut ministro ac iudice procedens. Unde neganda est major, quæ ab adversariis non probatur.

Ad tertiam neganda est major: nam in licita pœnitentiæ commutatione, imo, et valida, de utroque agitur, et de peccato, quod iterum ad tribunal sacramentale judicandum adducitur, et de causis, quibus pœnitentiæ primæ commutatio justa, et rationabilis redditur. Ad probationem autem majoris respondetur duplex distinguendo commutationis genus; aliud a dominio rei commutandæ ortum ducens; aliud vero a potestate jurisdictionis procedens. In primo genere commutationis supponitur rei commutandæ dominium, et ad quantitatem, et causam attenditur, ut rationabiliter commutatio fiat. In secundo autem genere, cum fieri nequeat commutatio nisi ab habente jurisdictionem, et per actum judicalem, minime potest talis commutatio subsistere sine cognitione juridica causæ iterum judicandæ, et delicti per novam pœnitentiam puniendi, quæ omnia extra confessionem fieri non valent, nec intra confessionem, si solum de peccatis præsentibus pœnitens notitiam præbuerit, non vero de præteritis, ob quæ fuit imposita prima pœnitentia; cum ad commutationem novum requiratur eorundem peccatorum iudicium, et iterata ejusdem causæ cognitio.

§ VI.

Sententiæ reliquis assertionibus adversæ proponuntur.

65. Adversus tertiam conclusionem sentiunt Sotus in 4, dist. 20, quæstione 2, artic. 3, cujus sententia videtur probabilior. Nugno in præsentia, quæst. 13, supplement. art. 2, dub. ultim. pro qua refert Victoriam in summa, num. 323. Quibus adherent Ledesma tom. 1, de sacrament. pœnitent. cap. 23, concl. 8, Vasquez q. 94, art. Ledesma 2, dub. 3, num. 8, Sanctius in selectis, disp. Vasquez 14, num. 19, Vega in speculo curat. tom. Vega 1, cap. 11, num. 412, Ludovicus de S. de S. Juan quæst. 7, art. 2, dub. 2, asserentes

pœnitentiam a confessario impositam posse a superiore commutari, non vero ab æquali, et multo minus ab inferiore. Quæ sententia probatur primo: quia par in parem non habet imperium: ergo sacerdos nequit pœnitentiam injunctam ab alio sibi æquali commutare. Antecedens constat ex textu in cap. *Placuit*, de pœnit. dist. 6, ubi cavetur, ne ullus sacerdos commissum alteri pœnitentem ad pœnitentiam suscipiat, nisi de illius consensu, vel pro ignorantia illius prioris. Nam licet ibi de pœnitentia publica sermo habeatur; eadem tamen ratio, inquit Sotus, de privata, et occulta censetur. Quod principium est adeo apud jurisperitos firmatum, ut in aliis judiciis fori externi iudex sententiam ab alio æquali datam nullo modo immutare præsumat. Consequentia autem liquet tum ex antecedenti, tum ex paritate judicis fori exterioris.

Confirmatur primo: nam in prima confessione, ut supponimus, fuit illi confessario commissa causa pœnitentis, et pœnitens ab eo remissionem culpæ fuit adeptus: ergo tenetur illi obedire in adimplentione pœnitentiæ ab eo injunctæ, ita ut aliam exequendo, ejus præcepto non satisfaciat. Consequentia liquet: nam qui sentit commodum, debet sentire incommodum: neque enim illud beneficium recipere valet liberum ab hujusmodi pensione.

Confirmatur secundo: etenim vel primus confessarius in pœnitentiæ impositione juste, et prudenter se gessit, et secundum æquitatem sententiam tulit, vel non? Si secundum, non indiget pœnitens commutatione, sed ad summum declaratione erroris, ut a pœnitentiæ adimplentione sit immunis. Si primum, nequit secundus confessarius æqualis potestatis citra injuriam primo irrogatam ejus sententiam immutare. Ergo.

66. Respondetur ad argumentum, omisso antecedenti negando consequentiam: non enim desideratur imperium paris in parem, ut illa commutatio fieri possit, sed solum quod sacramentale iudicium pro majori pœnitentis levamine sit iterabile. Unde secundus confessarius pœnitentiam commutans, nullam in primum exercet jurisdictionem, sed solum in pœnitentem, cui liberum est se coram illo judicandum, et puniendum iterum præsentare, minime

1
Objectio

Confirm.
1.

Confirm.
2.

Diluitur
objectio.

obstante præcedenti iudicio. Et cum aliunde pro unica culpa non debeat duplicem subire pœnam, fit per impositionem secundæ immunis a prima. Rei autem fori exterioris his favoribus non gaudent, cum in eorum causis semel iudicatis non sit recursus ad iterandum iudicium coram alio iudice æquali, sed tantum coram superiore. Ex quibus patet disparitas consequentis. Id autem, quod ex c. *Placuit* additur, minime urget; cum ibi solum fiat sermo de pœnitentia publica, in cuius impositione tam primus confessarius, quam secundus non se habeant tanquam absoluti iudices in foro interno pœnitentiam injungentes independentem a pœnitentis consensu, sed e converso dependentem ab hujus libera taxatione pœnitentiam injungant. Unde ly *Nisi de illius consensu* in textu appositum non ad priorem sacerdotem, sed ad pœnitentem refertur. Oppositum autem contingit, dum pœnitentia in confessione injuncta est secreta, ac privata: tunc enim, cum secundus sacerdos sit absolutus iudex in foro pœnitentiæ, eo ipso quod pœnitens eadem peccata iterum sibi ut iudici manifestet, potest ob jurisdictionem, et superioritatem in pœnitentem antiquam immutare satisfactionem.

Solvitur
Confirm.
1.

Ad primam confirmationem dicimus, quod licet pœnitens teneatur primo confessario obedire in pœnitentiæ executione, quando ad secundum iudicium non accedit; tamen iterato iudicio coram alio sacerdote, non adstringitur parere primo, sed potest stare sententiæ secundi commutantis pœnitentiam injunctam. Neque ex illo principio: *Qui sentit commodum*, etc., aliquid evincitur: nam etiam si pœnitentia commutetur, verificatur quod qui sentit commodum prioris absolutionis, sentit incommodum illius, pœnam nimirum in prima confessione injunctam: hæc enim non omnino tollitur in secunda, sed commutatur in aliam, atque ideo peccata semper puniuntur. Quod autem id fiat a primo vel a secundo sacerdote, omnino de materiali se habet respective ad justitiam punitivam, et solutionem reatus: quippe cum pœnitentia non debeat absolutioni correspondere, sed culpæ, non sequitur quod si duplex est absolutio, duplex etiam pœnitentia injungenda sit, sed unica, et simplex, quæ simplici culpæ reatui æquetur.

Ad secundam confirmationem respondetur, secundum sacerdotem pœnitentiam commutantem nullam priori irrogare injuriam, etiamsi prior prudenter se gesserit, et juxta regulas æquitatis in pœnitentiæ injunctione. Nam eo ipso quod tribunal sacramentale iterabile sit, et uterque sacerdos legitimus iudex, prior nullum jus habet, ut sententia ab eo prolata non immutetur. Pœnitens quippe valet se iterum tradere iudicandum cuicumque voluerit, si æqualem habeat jurisdictionem; quocirca posterior sacerdos non prioris sententiam revocat, sed propriam super eandem causam profert. Cum igitur pœnitenti liberum sit, quam maluerit exequendam eligere, nulla irrogatur injuria priori sacerdoti. Nec in hujusmodi commutatione, vel secunda injunctione pœnitentiæ aliqua intervenit appellatio a priori sententia ad superius tribunal, cum omnes hujus sacramenti ministri quoad rem sint æquales; nec primus sacerdos ex anticipatione iudicii aliquam acquisivit jurisdictionem a secundo invincibilem; sed pœnitens potest uti jure suo, ac sæpius judicari, si velit.

67. Arguitur secundo: nam in eventu commutationis duo iudicia pœnitentialis fori, duoque sacramenta perficienda, et integranda occurrunt. Inquirimus ergo, cujus sacramenti, et iudicii est integralis perfectio illa pœnitentia, quæ per commutationem subrogatur? Prioris, an posterioris, vel utriusque? Non prioris: quia in prima confessione non fuit imposita. Non utriusque: quia integritas cujuslibet exigit in solidum adæquate omnem illam satisfactionem, unde utrumque nequit integrare. Si autem solius posterioris sit integralis perfectio: ergo primum sacramentum absque debita integritate relinquitur. Non igitur hujusmodi commutatio fieri potest.

Confirmatur: etenim in prima confessione servanda est forma, et natura iudicii; sed hæc minime servaretur, si secundus sacerdos prioris sententiam mutare posset, ita ut pœnitens illi stare non teneatur: ergo prædicta commutatio fieri nequit ab alio æquali sacerdote. Minor suadetur: nam de natura iudicii est inducere obligationem subeundi pœnam ad culpæ mensuram, et quod nullus nisi iudex superior possit sententiam a legitimo iudice

Occurrit
tur se-
cundæ.

2 Ob-
jectio.

Confir-
matio.

judice prolatam mutare, aut ejus obligationem tollere : executio namque sententiae pertinet ad perfectionem cujuslibet judicii : ergo.

Ad argumentum respondetur, plus quam par est evincere : probat enim illicitam esse omnem poenitentiae commutationem etiam si a superiore fiat, imo, et ab eodem sacerdote, qui in prima confessione poenitentiam injunxit : nam cum facta commutatione prima poenitentia non obliget, et aliunde poenitentia subrogata solum in secunda confessione iungatur tanquam illius pars, nequit non primum sacramentum manere incompletum, ac truncum. Quidquid ergo illi Auctores huic instantiae dixerint, difficultati nobis obiectae applicare poterunt. Et quidem argumentum non adeo insuperabilem difficultatem adducit, ut plurimis viis infringi nequeat. Posset enim quis non improbabilius respondere, primum sacramentum manere formaliter integrum, secundum autem tam formaliter, quam materialiter ; id quod sufficit, et nihil amplius exposcitur. Satisfactio formalis consistit in sacramentali punitione delicti, et solutione reatus ab eo inducti, per quamcumque poenae tolerationem fiat. Materialis vero in eo sita est, quod praedicta punizio, vel reatus solutio determinate fiat per poenitentiam illam, quam sacerdos in confessione injunxit, et non per aliam. Igitur cum delictum in prima confessione judicatum puniatur per poenitentiam in secunda confessione loco prioris designatam, fit quod primum sacramentum relinquatur formaliter integrum, licet non materialiter : ad hoc enim opus erat, ut exhiberetur illa determinata poenitentia, quae in prima confessione indicta fuit. Deinde secundum sacramentum manet etiam formaliter, et materialiter integrum ; tum quia poenitentia in eo iuncta mandatur executioni ; tum quia delictum in eodem sacramento judicatum punitur, reatusque culpae solvitur. Quocirca eademmet poenitentia, quae per commutationem loco prioris subrogatur, est satisfactio formalis utriusque sacramenti, eo quod delictum in utroque iudicio punitum est idem. Quod explicari posset exemplo confessionis, in qua Theologi duplicem distinguunt integritatem, materialem videlicet, et formalem. Sicut enim stare potest

peccatorum confessio formaliter integra, et non materialiter, ut contingit dum nullum peccatum, quod proderet debemus, omittimus, ea autem, quae manifestari non debent, silentio preimus ; ita proportionem servata stare potest sacramentum integrum integritate formali satisfactionis, quae semper salvatur, sive solutio reatus poenae, vel delicti confessi punitio fiat per primam poenitentiam, sive per aequivalentem loco illius ex vi commutationis subrogatam ; licet alias sacramentum integrum integritate materiali satisfactionis non sit : hanc enim materialem integritatem deficere, nullum est inconveniens, dummodo formalis persistat, ut ex adducto confessionis exemplo constat, quae non semel est integra formaliter tantum. Ceterum quia non ita exploratum est, an eadem poenitentia possit esse pars formalis duplicis sacramenti ; ideo :

68. Secundo, et melius respondetur, quod in eventu commutationis, poenitentia loco prioris subrogata pertinet per modum partis integralis ad secundum sacramentum, in quo iungitur, non vero ad primum. Ex quo solum infertur, primum sacramentum manere non integrum negative, id est, sine integritate sibi non debita, non secus ac lapis dicitur irrationalis negative, eo quod rationalitas a lapide non exposcitur. Ratio autem cur in eventu commutationis priori sacramento illa integritas non debeatur, est quia poenitens bis puniri pro eodem peccato non debet ; per commutationem autem poenitentiae in secundo iudicio factam peccatum ad mensuram puniatur. Quocirca licet ante commutationem prima poenitentia deberetur sacramento ; facta tamen commutatione, jam illi indebita redditur, cum sacramentum illam non exposeat : sufficit enim peccatum puniri, poenaeque reatum extinguere per secundam loco prioris subrogatam. Unde quemadmodum si sacerdos certo per revelationem sciret tempore absolutionis, poenitentem pro peccatis tunc sibi confessis plene satisfacisse, posset in sententia satis probabili nullam poenitentiam iungere saltem ut solutivam poenae, quippe cum debitum sit extinctum, sacramentum non exposcit satisfactionem ; ita in praesenti, cum per commutationem poenitentiae, et peccatum puniatur, et debitum extingatur, deficit,

² Solutio.

etor-
ietur
jectio.

¹ Intro.

et obligatio prioris satisfactionis, et illius exigentia, quæ in primo sacramento adebat ante commutationem.

Solvitur
confir-
matio.

Ad confirmationem negatur minor, cujus probatio non urget: nam de natura judicii solum est, quod reus de crimine convictus pœnam luat juxta sententiam legitimi judicis illius fori, ubi judicium exercetur. Quocirca si judicium iterabile non est, reum ad primi judicis sententiam adstringet, ut in foro exteriori contingit, in quo sententia semel a judice competenti prolata, non adest recursus ad alium judicem æqualem, sed solum ad superiorem. Si vero judicium iterabile sit etiam coram alio judice æquali in potestate, ac jurisdictione, uti sacramentale est, reo optionem, ac libertatem relinquit eligendi sententiam primam, aut secundam, quam maluerit adimplendam. Quod sufficit, ut utrumque judicium integritate sibi debita perficiatur; secundum quidem, in quo commutatio fit, quia sententia in eo lata mandatur executioni; primum vero, quia de formali solum exposcit, ut pœnitens juxta legitimam sententiam reatum solvat, ac debitum extinguat, executionem autem primæ sententiæ solum exigit, dum debitum per subrogationem æquivalentis extingui nequit. Unde prioris sacramenti minister quasi sub hac conditione pœnitentiam injungit, si hujusmodi causa iterum non judicetur, aliaque sententia non proferatur.

Senten-
tia
quartæ
assertio-
ni
opposi-
ta.

Suarez.
Coninch.
Valentia.
Gonet.
Fagund.
N.
Bonæ.
Spei.
Granad.
Rodrig.

69. Adversus quartam conclusionem, in qua sacerdotem inferiorem posse commutare pœnitentiam pro reservatis a superiore injunctam statuimus, pugnant præter omnes Authores, quos pro sententia præcedenti retulimus, Suarez disp. 38, sect. 10, num. 4, Coninchus disp. 10, dub. 12, num. 100, Valentia disp. 7, quæst. 14, punct. 4, Gonet disp. 13, art. 4, num. 56, Fagundez præcept. 2, lib. 9, cap. 4, num. 18, N. Bonæ Spei num. 37, Granados disp. 8, num. 4, Rodriguez in summa 1, part. cap. 56, num. 8. Quibus adhærent Aversa, Reginaldus, et alii. Quorum primum fundamentum est, quod sacerdos inferior non habet potestatem absolvendi a reservatis: ergo nec commutandi pœnitentiam pro eisdem a superiore injunctam. Antecedens liquet, et consequentia suadet: nam commutatio fieri nequit nisi per injunctio-

Argum.
1.

nem unius pœnitentiæ loco alterius; atqui sacerdos nequit injungere pœnitentiam nisi solum pro illis peccatis, a quibus valet absolvere: ergo si inferior a reservatis non valet absolvere, nec etiam pœnitentiam pro illis injunctam commutare. Tum etiam, quia potestas injungendi pœnitentiam vel ortum ducit ex potestate absolvendi, vel ab ea non distinguitur: potestas quippe ligandi, et absolvendi una ac indivisibilis est: ergo nequit potestas ligandi, vel injungendi pœnitentiam ad amplius se extendere, quam facultas absolvendi; atque ideo si sacerdos inferior caret potestate absolvendi a reservatis, facultate injungendi pœnitentiam pro eisdem non gaudebit.

Confirmatur primo: quia inferior nequit mutare sententiam latam a superiore ut superior est; sed pœnitentia pro reservatis injuncta est sententia lata a superiore ut tali: ergo nequit inferior sacerdos illam commutare. Major ex terminis patet: in eo quippe superioritas, et inferioritas splendet, quod inferior in superioris ut talis sententiam vim non habeat. Minor autem suadet: nam eatenus superior sententiam illius pœnitentiæ profert, quatenus potest de illis reservatis judicare: sed de illis judicat ut superior, et quatenus ei ut tali sunt reservata, et ceteris interdicta: ergo pœnitentia pro reservatis injuncta est sententia, quæ profertur a superiore ut superiore.

Confirmatur secundo ex cap. *Accedens* dist. 50, et ex cap. *Tempora* 16, quæst. 97, et cap. *Latorem* 33, quæst. 2, ubi Pontifex ad immutandam pœnitentiam, quam ipse imposuit, specialem concedit Episcopo facultatem sub quibusdam limitationibus, ac conditionibus: ergo plane deducitur, id minime licere jure ordinario alteri sacerdoti inferiori, nisi tantum prout a superiore intelligitur concessum.

70. Ad argumentum respondetur negando consequentiam, ad cujus probationem dicendum est, solum evincere sacerdotem inferiorem pœnitentiam injungere non posse pro reservatis, dum talia sunt; secus vero dum reservationi non subjiciuntur. Peccata autem reservata semel coram superiori confessa jam reservationem amittunt, et subjicibilia judicio cujuscumque sacerdotis inferioris relinquuntur,

non

non aliter, ac alia, quæ nunquam reservationi subjecta fuerunt. Unde sacerdos, qui alias erat inferior respective ad primam illorum absolutionem, ac pœnitentiam, fit æqualis superiori per ordinem ad secundam. Quocirca si in virtute hujus facultatis pœnitentem ab eisdem peccatis in secundo judicio absolverit, illique pœnitentiam injunxerit, cum hic duplicem pro eadem culpa subire pœnam non adstringatur, evanescet obligatio adimplendi primam a superiore injunctam. Nec obest, potestatem ligandi, et absolvendi esse eandem, ac indivisibilem, illamque ad amplius quam istam non se extendere: eadem quippe potestate, qua sacerdos inferior absolvit in secundo judicio a peccatis non reservatis, injungit pœnitentiam, in quam commutat injunctam a superiore. Nec id fit per actum jurisdictionis in superiorem (ut adversarii existimant), sed in pœnitentem, quem in confessione iterata judicat tanquam reum sibi subjectum.

Enodatio
confir-
mat.
1.

Ad primam confirmationem respondetur, sacerdotem inferiorem non posse sententiam a superiore ut tali latam mutare directe, et per jurisdictionem in superiorem; posse tamen indirecte, et per jurisdictionem in pœnitentem; si hujus causa coram inferiore iteretur. Etenim cum peccata jam superiori confessa reservata non persistant, valent ad inferioris tribunal iterum judicanda adduci; hic autem legitima potestate utens, ac propriam proferendo sententiam injungit satisfactionem, qua posita cessat obligatio adimplendi injunctam a superiore, non quia inferior superioris præceptum abrogat, sed quia conditionem apponit, qua illud præceptum non obligat; atque ideo per actionem directam in pœnitentem tollit indirecte sententiam superioris: pœnitens quippe ad duplicem sententiam non tenetur.

Satisfactio
secundæ.

Ad secundam confirmationem dicendum est, Pontificem in præallegatis textibus minime sermonem intexere de judicio sacramentali, aut de pœnitentia ab eodem Pontifice injuncta in foro sacramenti, sed tantum de imposita pœnitentia in foro exteriori, a quo ad interius, et sacramentale nulla paritas currit, ut recte observat Paulus punct. 21, § ultim. num. 7. Nec verbum aliquod in prædictis auctoritatibus invenitur oppositum evincens.

71. Arguitur secundo: nam si sacerdos inferior valeret commutare pœnitentiam injunctam a superiore pro reservatis, finis reservationis penitus frustraretur; hoc admittendum non est: ergo nec id, ex quo sequitur. Suadetur major: quia ideo peccata reservantur, ut pœnitentes timore ingentis pœnitentiæ a superioribus taxandæ percussi, a criminibus respiciant; atqui si sacerdos inferior illam pœnitentiam commutare potest, pœnitentes illo timore peccata non deserent, quandoquidem statim ac absolutionem a superiore accipiunt, possunt accedere ad inferiorem, ut pœnitentiam commutet, vel minuatur: ergo juxta hunc opinandi modum finis reservationis periit. Idque urgetur exemplo, quod (ut Suarius inquit) totam sententiam confirmat: nam licet simplex sacerdos possit absolvere a peccatis lethalibus jam confessis, sicut etiam a venialibus: non tamen pœnitentiam pro eisdem a legitimo sacerdote injunctam commutare, ut inconcussum est apud omnes: ergo etiam si sacerdos inferior valeat absolvere a reservatis jam coram superiore confessis, non tamen pœnitentiam ab illo injunctam commutare. Eo vel maxime, quia injunctio pœnitentiæ quid accessorium est ad absolutionem; atque ideo, cum sacerdos inferior potestatem non habuerit respectu primæ absolutionis reservatorum, nequit etiam illam habere respectu primæ pœnitentiæ: utraque namque reservationi subjacet.

Confir-
mat.

Ad argumentum respondetur negando majorem, ad cujus probationem dicendum est, illum non esse adæquatum finem reservationis, sed ob alios eosque principales reservationem fuisse introductam. Tum, ut peccatores a criminibus gravioribus arceantur, scientes ea esse superioribus reservata, absolutionemque non adeo facilliter assecuturos. Tum etiam, ut accedentes ad superiores altiori doctrina, prudentia, ac autoritate pollentes, acriores reprehensiones, consiliaque salubriora recipiant. Quæ omnia in prima confessione assequuntur, quamvis deinceps ab onere pœnitentiæ per commutationem ab inferiori sacerdote factam, aliquantulum liberentur. Nec Tridentinum sect. 14, cap. 7, et Can. 11, ubi de casuum reservatione agit, motivi in objectionem propositi peculiarem fecit mentionem, ut ea percurrenti constabit.

Argument.
dirigitur.

Rejicitur
confir-
mat.

Ad confirmationem respondetur negando antecedens; nam si simplex sacerdos potest a lethalibus jam rite confessis absolvere, etiam illi concedendum est posse pro eisdem pœnitentiam injungere, atque ideo primo impositam commutare, si prœdixit sit sufficienti scientia, ac prudentia, qua valeat de causis discernere ac de qualitate injungendæ pœnitentiæ judicium facere. Et quamvis Suarii tempore oppositum esset commune placitum, jam tamen sacerdotem simplicem posse pro mortalibus rite confessis injungere, aut commutare pœnitentiam docent plures; et non contemnendi Authores Dicastillo in præsenti, tract. 8, disp. 14, dub. 8, num. 125, Diana part. 3, resolut. 53, tract. 4, Joannes Sanctius in select. disp. 14, num. 13. Id ipsum omnes nostræ sententiæ patroni asserere tenentur, si consequenter loquantur. Ad augmentum difficultatis jam constat ex dictis, sacerdotem inferiore non habere potestatem in primam pœnitentiam, sicut nec in primam absolutionem a reservatis; habere tamen potestatem ad injunctionem secundæ, qua obligatio primæ indirecte deficit.

Nota tamen, quod licet ex decreto Sacre Animad-
versio. Congregationis a SS. D. N. Innocentio XI approbato die XII Februarii, anno Domini 1679, omnibus indicatur Ordinariis; « Ne confessiones de venialibus » (idemque omnino est de mortalibus rite confessis) « fieri permittant apud simplices sacerdotes; » non tamen ex vi hujus decreti prædictæ confessiones annullantur, sed tantum earum usus prohibetur. Ceterum quia hujusmodi præceptum obligat sub mortali, ut ex dicendis sequenti disp. constabit, si pœnitens rei conscius ad simplicem confessorem accederet pro venialium absolutione, proculdubio graviter delinqueret, et sacrilegam, ac nullam faceret confessionem. Quocirca cum simplex sacerdos pœnitentem ita indispositum nec licite, nec valide posset absolvere, etiam pœnitentiam pro mortalibus jam rite confessis injunctam commutare non posset.

DUBIUM V.

Quænam causæ pœnitentem excusent a pœnitentiæ justè impositæ adimplentione?

Consulto additur in titulo *ly justè impositæ*: pœnitentia quippe superexcedens peccatorum gravitatem, non obligat quoad id, in quo debitam proportionem superat, ut communiter docent Authores. Similiter receptum est, pœnitentem non teneri ad pœnitentiam in confessione invalida injunctam. Tum, quia solum tenetur ad sententiam latam a sacerdote ut judice, ac potestate ministri utente; in actibus autem nullitate affectis sacerdos non procedit ut judex. Tum etiam, quia ex opposito fieret, pœnitentem obligari ad duplicem pro eisdem peccatis sustinendam punitionem, cum teneatur eadem peccata iterum confiteri, novamque pœnam subire. Quocirca devolvitur difficultas ad pœnitentiam justam, ac in confessione valida assignatam. Plures autem sunt causæ, de quibus dubitari potest, an sufficient, ut pœnitens ab illo onere immunis evadat, quæ singillatim examinandæ sunt.

§ I.

Duplex assertio quæstioni ex parte respondentis.

72. Dicendum est primo, per supervenientem impotentiam physicam, aut moralem pœnitentem excusari ab injuncta satisfactione. Ita communiter Doctores, quos supervacaneum esset referre. Suedeturque assertio ex illo satis vulgari proloquio, ad impossibile nemo tenetur: ergo dum quis est impotens absolute, et physice ratione infirmitatis, vel alterius hujusmodi impedimenti ad opus a sacerdote injunctum, deobligatur ad illius exhibitionem, dum impotentia durat. Cessante vero infirmitate, aut alia simili excusatione, cum jam impotentia absit, obligatio reddit, nisi in eventu, in quo sacerdos præscripserit tempus ad finiendam obligationem: tunc quippe designato tempore elapso, obligatio non reviviscit. Idemque omnino dicendum est de morali impotentia superveniente, uti cum opus injunctum executioni mandari nequit nisi cum difficultate admodum ingentiori

Assertio
1.

ingentiori, quam illa, quæ a sacerdote prævideri potuit; qualis foret elargitio elemosynæ in magna quantitate injuncta in pœnitentiam diviti, qui postea in extremam, aut gravem necessitatem deveniret. In hoc enim, et similibus eventibus, quemadmodum votum, aut lex humana positiva non obligat, ita nec sacerdotis præceptum. quippe cujus prudens intentio non se debet extendere ad casum, quem si prævideret, non nisi irrationabiliter similem pœnitentiam imposeret.

Hæc autem moralis impotentia pœnitentem deobligans etiam adest, dum opus injungitur a sacerdote ut quid licitum, et re vera est illicitum; vel quamvis dum imponitur, sit licitum, deinceps ratione prohibitionis supervenientis illicitum sit. Idque extendendum censemus ad opus non solum prohibitum sub reatu culpæ, sed etiam sub reatu solius pœnæ taxatæ per legem, ut sunt plura, quæ in sacris Religionibus inveniuntur. Cujus ratio est: tum quia id solum moraliter possumus, quod de jure possumus. Tum, quia rationabilis sacerdotis voluntas nequit se extendere ad inducendam obligationem, ex qua violatio legum, aut constitutionum sequatur. Tenebitur tamen pœnitens tempore injunctionis pœnitentiæ sacerdotem rei conscius facere, ut opus aliud injungat. Si vero ob inadvertentiam omiserit, posteaque ad sacerdotem recursus non adsit, immunis erit ab executione injuncti operis quoad id, in quo legis transgressivum est.

Quæsti-
uncula
incidens.

73. Verum cum etiam ad impotentiam moralem pœnitentiæ oblitio reducat; quæres an qui culpabiliter, vel inculpabiliter pœnitentiæ obliviscitur, absolute censeatur moraliter impotens ad ejus exhibitionem? Cui dubiolo sub distinctione respondendum est; et quidem si pœnitens judicat, sacerdotem pœnitentiæ esse memorem, illumque adire potest, ad eum accedere tenetur, ac inquirere quam sibi pœnitentiam imposuerit. Tum, quia unusquisque tenetur amovere id, quod præcepti executionem impedit; sed pœnitentiæ oblitio impedit executionem præcepti sacerdotis; ergo pœnitens tenetur, si commode valet, illum adire, ut injunctam pœnitentiam ostendat. Tum etiam: nam dum superioris præceptum legitime promulgatum est, tenetur subditus, si potest, de

præcepto aut lege inquirere; quam si omittat inquisitionem, ejus ignorantia crassa aut affectata censetur, quæque legi, aut præcepto subditum inculpabilem minime reddit. Unde ita sentiunt Cajetanus in summa, verbo *Confessio*, Solus dist. 20, quæst. 2, art. 3, Medina de Pœnit. tract. 2, quæst. 44, Bonacina disp. 5. qu. 5, sect. 3, punct. 3, num. 10, Palaus disp. unica, punct. 21, § ultim. num. 18, Coninchus disp. 10, dub. 9, num. 86, Diana part. 4, tract. 4, resol. 141, Stephanus a S. Paulo num. 176, N. Antonius disp. 21, num. 1625, N. Franciscus cap. 10, punct. 7, num. 38.

Cajet.
Solus,
Medin.
Bonacin.
Palaus,
Connec.
Diana,
Stephan.
N.
Anton.
N.
Francis.

74. Si vero pœnitens censet sacerdotem injunctæ pœnitentiæ immemorem, vel ad eundem recursus non adsit; teneri pœnitentem præcipua saltem peccata, ob quæ pœnitentia fuit injuncta, alicui sacerdoti in confessione prodere, pœnitentiæque commutationem exposcere, ut prioris sacramenti integritati consulatur, docent Bonac. ubi supra, num. 9, Ricardus in 4, dist. 15, art. 2, quæst. 8, ad 4, Paludanus dist. 17, q. 5, art. 3, D. Antonius 3, part. tit. 14, c. 19, § 19, Sylvester verbo *Confessio* 1, quæst. 3 et 25, Angelus eodem verbo, num. 13. Oppositam tamen sententiam probabilior, ac præferendam existimamus. Tum, quia nemo ex præcepto divino, aut humano tenetur iterum confiteri illa peccata, a quibus semel licite, et valide absolutus est; sed prima confessio, in qua oblita pœnitentia est injuncta, valida fuit: non enim valor sacramenti a pœnitentia deinceps exhibenda pendebat: ergo qui oblitus est pœnitentiæ, non adstringitur alteri confessioni eorundem peccatorum. Tum etiam, quia pœnitens non tenetur ad integrandum sacramentum nisi per satisfactionem in eodem sacramento a sacerdote designatam; sed hæc jam est omnino impossibilis, cum a memoria tam pœnitentis quam sacerdotis exciderit: ergo. Major constat: nam alias sequeretur, illum, qui in articulo mortis a magnis criminibus absolvitur sine aliqua injuncta satisfactione, quia illam percipere non potest, teneri deinceps, si mortis periculum evaserit, alium sacerdotem adire, ac eadem crimina iterum prodere, ut pœnitentiam injungat, qua primum sacramentum integrum reddat; quod nemo docuit. Sequeretur

Senten-
tia.
1.

D.
Anton.
Palud.
Bonacin.
Sylvest.
Angelus.

Secunda
probabi-
lior.

deinde, illum, cui indirecte irritatur a domino, vel marito pœnitentia injuncta. teneri confessionem alteri vel eidem sacerdoti repetere, ut aliam injungat pœnitentiam, quam possit mandare executioni ad integrandum primum sacramentum; quod similiter durum vel absurdum est.

Tum denique : quia integratio primi sacramenti, in quo injuncta fuit pœnitentia oblita, jam est impossibilis : ergo ex hoc capite non tenetur pœnitentia eadem peccata iterum confiteri, ut sacerdos illam pœnitentiam injungat. Probatur antecedens : nam pœnitentia, quæ injungitur in secundo sacramento est hujus pars integralis ; sed eadem pœnitentia nequit esse pars integralis duplicis sacramenti, sicut nec eadem manus potest esse pars integralis duorum hominum : ergo per novam pœnitentiam injunctam in secunda confessione, cum sit hujus pars, nequit integrari primum sacramentum ; ac subinde cum prima pœnitentia oblita fuerit, integritas primi sacramenti omnino irreparabilis est. Per quod patet ad motivum adversariorum. Unde hanc sententiam tuentur Soto in 4, dist. 20, qu. 2, art. 2, in solut. ad 3, Major dist. 17, qu. 3, dub. ultim. Petrus Soto lect. 2, de satisfact. Vasq. quæst. 94, art. 2, dub. 4, Suarez, Layman, Coninch, Palaus, Diana, Lugo, N. Anton. Leand. Victor. Vivald. Candid.

Anterior. Sotus, Major, Suarez, Vasquez, Laym. Coninch, Palaus, Diana, Lugo, N. Anton. Leand. Victor. Vivald. Candid.

75. Si ulterius inquiras, an impotens ad totam teneatur ad partem pœnitentiæ, quam exhibere potest. Respondetur, quod si pœnitentia est indivisibilis, uti est jejunium, de cujus essentia est unica comestio, non tenetur ad partem, aut quasi partem, qui ad totum est impotens. Quocirca qui a mane usque ad meridiem jejunare potest,

non tamen a meridie, et deinceps, non tenetur a primo mane abstinentiam observare. Si vero divisibilis sit, ut sunt plura jejunia, qui non potest ad totum tenetur ad partem ; unde cui injungitur in pœnitentiam jejunare per hebdomadam, si cunctis diebus jejunium observare nequit, tenetur jejunare illa die, in qua potest. Ita communiter Theologi, quos adducunt Sanchez lib. 1, c. 19, in Decal. n. 7, et Sanctius in select. disp. 15.

76. Dicendum est secundo, pœnitentem excusari a pœnitentiæ adimptione per irritationem indirectam ac impropriam, non vero per propriam ac directam. Explicatur assertio. Irritatio, quæ consistit in annulatione obligationis facta ab habente potestatem dominativam, est duplex, ut cum generali Doctorum consensu recte docet N. Andreas tract. 17, cap. 3, punct. 3. Prima dicitur propria, et directa, eo quod fiat ab habente dominium in personam alterius, et in illius operationes, quæ ab ejus consensu omnino dependent. Secunda dicitur indirecta, et impropria, quia fit ab habente dominium in aliquam rem, cum qua incompatibilis est exhibitio operis vel in pœnitentiam injuncti, vel in voto promissi. Quæ in eo differunt, quod per priorem irritationem omnino extinguitur obligatio, et ulterius non reviviscit ; per posteriorem vero non prorsus extinguitur, sed quasi ad tempus suspenditur, et postea voluntate irritantis deficiente pullulat, viresque assumit. Et in hoc sensu intellecta,

Suadetur assertio quoad primam partem. Nam pœnitens non tenetur ad illam pœnitentiam, cujus exhibitio est illicita ; sed exhibitio pœnitentiæ indirecte, ac improprie irritatæ illicita est : ergo pœnitens excusatur ab adimptione pœnitentiæ per irritationem impropriam. Consequentia liquet ; major etiam constat ex dictis num. 72, nemo enim tenetur ad actionem pravam. Minor vero probatur ; actio, quæ cedit in præjudicium alterius, est illicita ; sed exhibitio pœnitentiæ irritatæ indirecte, et improprie cedit in præjudicium irritantis : ergo illicita est. Minor ostenditur : nam si alicui Religioso, filio familias, servo, aut mulieri uxorata peregrinationes, frequentes Ecclesiarum visitationes, aut repetita jejunia in pœnitentiam injungantur

Sanchez
Sanct.

2
Assertio.

Ratio
prioris
partis.

Alia
questi-
uncula.
Decisio.

injungantur, proculdubio horum exhibitio, Prælato, Domino, Marito, aut Patrefamilias renuentibus, illis præjudicium induceret, quatenus tales pœnitentes ineptos redderet ad plura exercitia spectantia ad regularem observantiam, domus gubernationem, vel Domini utilitatem, ad quæ omnia jus habent ratione potestatis dominativæ. Quocirca eo ipso quod possit indirecte irritare pœnitentiam, pœnitens illius executioni non adstringitur. Ita Leander disputat. 9, quæst. 84, Aversa quæst. 13, sect. 6, N. Franciscus cap. 10, punct. 6, num. 82, Palaus disp. unica, punct. 21, § ultimo, num. 17, Sanctius in select. disp. 15, n. 8, et sequent.

ander.
ersa.
N.
ranc.
laus,
netius.

Ratio
posterioris.

Quoad secundam vero partem suadetur : quoniam pœnitens nequit deobligari ab exhibitione pœnitentiæ per irritationem impossibilem ; sed irritatio pœnitentiæ directa, et propria impossibilis est : ergo. Minor, in qua est difficultas, ostenditur : directa irritatio pœnitentiæ solum potest fieri ab habente potestatem supra pœnitentem circa rem, quæ injungitur in pœnitentiam, et prout sacramenti integritatem spectantem ; sed nemo habet hujusmodi potestatem præter Christum Dominum, et sacerdotem ejus vices in sacramento gerentem : ergo prædicta irritatio impossibilis est respectu alterius cujuscumque : atque ideo nec etiam a Summo Pontifice extra sacramentum potest pœnitentiæ obligatio directe, et omnino extingui.

sertio-
nis
tensio.

77. Idemque dicendum censemus de dispensatione proprie tali. Cujus ratio est : quoniam nullus inferior dispensare potest in superioris lege ; sed pœnitentiæ executio debetur ex lege superioris, nimirum, Christi Domini statuentis, pœnitentem teneri executioni mandare legitimam sententiam latam a sacerdote in tribunali sacramenti : ergo obligatio exhibendi injunctam pœnitentiam evacuari nequit per dispensationem rigorosam, aut proprie talem.

jectio

Nec refert si dicas, quemlibet in præcepto a se imposito dispensare posse : sed sacerdos imposuit pœnitenti præceptum exhibendi injunctam pœnitentiam : ergo idem sacerdos poterit adhibere hujusmodi dispensationem, eaque mediante pœnitens extrahi ab obligatione exequendi pœnitentiam. Non enim refert : duplex quippe

stivtur

in præsentia adest præceptum, vel saltem unicum cum duplici virtualitate, aut quadam modificatione. Primo namque respicit, ac præcipit sacramenti integritatem absolute, quo pacto ortum ducit a solo Christi Domino sacramentorum institutore ; atque ita acceptum a nullo inferiore dispensari valet. Secundo respicit, ac designat materiam determinatam, per quam sacramentum integrandum est ; quæ designatio est quasi quædam modificatio præcepti Christi Domini, et secundum hanc considerationem provenit a sacerdote vice Dei injungenti in pœnitentiam hanc vel illam materiam determinatam. Poterit igitur sacerdos hoc aut illud opus satisfactorium determinare, unumque interdum commutare pro alio, dum in sacramento Christi munere fungitur ; nimine vero dispensare in pœnitentia, ita ut eam omnino tollat, et sacramentum non integrum relinquat.

§ II.

Aliæ assertiones pro perfecta dubii resolutione.

Sæpius diximus, satisfactionem duplicem sortiri effectum, vel ad duplicem finem ordinari, et ad solutionem reatus contracti, quo pacto punitiva dicitur, et ad effrænandas passiones, qua ratione præservat a futuris criminibus, et nuncupatur medicinalis ; ac item sub utroque conceptu a sacerdotibus injungendam fore pœnitentibus juxta Tridentinum sess. 14, cap. 8. Hinc autem non parum dissidii oritur inter Authores, an per indulgentias plenarias, vel partiales pœnitens liberari valeat ab onere adimplendi pœnitentiam tam ut punitivam, quam ut medicinalem, vel saltem secundum aliquam rationem ; servata tamen proportionem ad lucratam indulgentiam, ita ut si fuerit plenaria, omnino liberetur, partialiter vero si sit partialis ? Et quidem non desunt qui utrumque affirmant, sicut nec alii qui utrumque negent. Alii vero media via incedunt, asserentes per indulgentias posse pœnitentem extrahi ab adimplitione pœnitentiæ ut punitivæ, non autem ut medicinalis. Quod sentiamus, ex sequentibus patebit.

78. Dicendum est tertio per jubilæi, aut Assertionis^{3.} indulgentiarum lucrationem pœnitentem

D. Tho.
Cajet.
Sotus.
Nugnus,
Francis.
N.
Anton.
Sanchez.
Suarez.
Bonacin.
Diana.
Mendo.
Dicast.
Reginald.
excusari posse a pœnitentia executioni mandanda ut præcise punitiva, et solutiva reatus. Ita Cajetanus de indulg. quæst. 4, in solut. ad 4, Sotus in 4, dist. 19, quæst. 2, art. 4, Nugnus in præsentī, q. 13, art. 2, N. Franciscus cap. 10, punct. 6, num. 84, N. Antonius disp. 21, sect. 4, num. 1631, Sanchez in summ. lib. 1, cap. 14, num. 8, Suarez disp. 38, sect. 10, num. 10, Bonacina disp. 5, quæst. 5, sect. 8, punct. 4, num. 7, et 9, Diana part. 3, tract. 4, resoī. 106, Mendo in Bullam Cruciat. disp. 6, num. 6, cap. 6, num. 69, Reginaldus lib. 7, n. 121, Dicastillo disp. 14, dub. 8, num. 110, et alii plures. Estque expressa Ang. Præceptoris in 4, dist. 20, quæst. 1, art. 3. quæstiunc. 1, et in supplem. qu. 25, art. 1, in corpore, ubi ait : « Respondeo « dicendum, quod ab omnibus conceditur, « indulgentias aliquid valere. Sed quidam « dicunt, quod non valent ad absolvendum « a reatu pœnæ, quam quis in purgatorio « secundum iudicium Dei meretur. Sed « hæc opinio non videtur vera. » Paucisque interpositis, subdit : « Et ideo aliter dicendum est, quod valent, et quantum ad « forum Ecclesiæ, et quantum ad iudicium « Dei ad remissionem pœnæ residuæ post « contritionem, et absolutionem, et confessionem, sive sit injecta, sive non. »

Ex quibus suadetur assertio sequenti discursu : obligatio adimplendi pœnitentiam ut punitivam oritur ex reatu contracto per culpam confessioni subjectam : ergo dum nullius pœnæ reatus persistit, nulla adest obligatio pœnitentiam adimplendi ; atqui lucrata indulgentia plenaria, nullius pœnæ reatus existit, partialique lucrata solum adest partialis reatus : ergo pœnitens deobligatur a pœnitentia exhibenda vel in totum, vel in partem respective ad indulgentiam lucratam. Minor subsumpta, quæ difficultatem præsefert, ostenditur : nam soluto reatu vel in totum, vel in partem, jam non permanet talis reatus ; sed per lucratam indulgentiam solvitur pœnæ reatus, quia, ut inquit D. Thomas : « Valent indulgentiæ ad remissionem pœnæ residuæ post contritionem, « et absolutionem, sive sit injecta, sive « non. » Ergo post lucrationem indulgentiæ reatus non durat, atque ideo nec obligatio adimplendi pœnitentiam.

Confirm. 1. Confirmatur primo : nam cessante fine

præcepti, cessat obligatio rei præceptæ ; sed pœnitentia ut punitiva unice ordinatur ad solutionem reatus contracti per culpam : ergo ablato hujusmodi reatu per indulgentiam, deficit obligatio mandandi executioni pœnitentiam. Tum etiam : quoniam lex, aut præceptum fundatum in præsumptione non obligat præsumptione falsificata ; atqui præceptum sacerdotis injungentis pœnitentiam punitivam nititur in præsumptione pœnæ debitæ non solutæ, quæ præsumptio indulgentiæ lucrata dehiscit : ergo indulgentia lucrata vim obligandi non obtinet. Patet consequentia : sacerdotis quippe præceptum nequit adstringere ad unius debiti duplicem solutionem, vel ad solvendum quod alias jam est extinctum ; unde si per indulgentiam reatus pœnæ debitæ solvitur, pœnitens non tenetur ulterius ad pœnitentiam.

Confirmatur secundo ex D. Thoma in ^{Confir} præsentī, quæst. 13, art. 2, ubi inquirens : ^{2.} « Utrum pœnam satisfactoriam possit unus D. Tho. « pro alio explere ? » Respondet : « Posse « quantum ad solutionem debiti, dummodo « sit in charitate, ut opera ejus satisfactoria « esse possint. » Sed per indulgentiæ lucrationem applicantur pro pœnitente satisfactiones Christi Domini, et aliorum Sanctorum : ergo pœnitens fit immunis ab obligatione adimplendi pœnam satisfactoriam ut punitivam. Minor liquet : nam in Ecclesiæ Thesaurō recondita sunt opera Christi Domini, et Sanctorum, quæ fidelibus applicantur a Summo Pontifice tanquam a legitimo dispensatore in nomine Christi, non secus ac si ipsemet eadem distribueret. Quæ omnia mirifice complexus est D. Thomas in supplem. quæst. ^{D. Tho.} 25, art. 1, in corpore, ubi hæc habet : « Ratio autem quare valere possunt » (indulgentiæ videlicet) « est unitas corporis « mystici, in qua multi in operibus pœnitentiæ supererogaverunt ad mensuram « debitorum suorum, et multas etiam tribulationes injustas sustinuerunt patienter, per quas multitudo pœnarum poterat « expiari, si eis deberetur, quarum meritorum tanta est copia, quod omnem pœnam debitam nunc viventibus excedunt, « et præcipue propter meritum Christi ; « dictum est autem supra, quod unus pro « alio satisfacere potest. Sancti autem, in « quibus superabundantia operum satisfactionis

« tionis invenitur, non determinate pro isto,
 « qui remissione indiget, hujusmodi opera
 « fecerunt, alias absque omni indulgentia
 « consequerentur remissionem; sed com-
 « muniter pro tota Ecclesia, sicut Apostolus
 « ait se implere ea, quæ desunt, Passionum
 « Christi in corpore suo pro Ecclesia; et
 « sic prædicta merita sunt communia toti
 « Ecclesiæ. Ea autem, quæ sunt alicujus
 « multitudinis communia, distribuuntur
 « singulis de multitudine secundum arbi-
 « trium ejus, qui multitudini præst. Unde
 « sicut aliquis consequeretur remissionem
 « pœnæ, si alius pro eo satisfecisset, ita si
 « ei satisfactio alterius sibi per eum, qui
 « potest, distribuatur. » Unde quemadmo-
 dum pœnitens extraheretur ab onere exe-
 quendi pœnitentiam, si per se ipsum alia
 via debitum pœnæ extingueret, ita si in-
 dulgentiam sibi a Pontifice applicata lu-
 cretur.

assertio
4. 79. Dicendum est quarto, pœnitentem
 non deobligari ratione indulgentiæ lucrati-
 æ a pœnitentia ut medicinali. Hanc assertio-
 nem tuentur Authores, quos pro præce-
 denti adduximus, estque æque communis.
 Suadetur autem ex D. Thoma q. 13,
 supplem. art. 2, in corpore, ubi ait: « Res-
 p. Th. » pondeo dicendum, quod pœna satisfac-
 « toria est ad duo ordinata, scilicet, ad
 « solutionem debiti, et ad medicinam pro
 « peccato vitando. In quantum ergo est
 « ad remedium sequentis peccati, sic sa-
 « tisfactio unius non prodest alteri, quia
 « ex jejuniis unius caro alterius non doma-
 « tur, nec ex actibus unius bene agere
 « consuevit. » In quibus continetur ratio
 pro assertione ad hanc formam redacta.
 Ut pœnitens deobligaretur a pœnitentia ut
 medicinali per indulgentias, deberent satis-
 factiones Sanctorum prodesse pœnitenti ad
 coercendas passiones, et ad corporis mor-
 tificationem, qua futurum peccatum præca-
 veri posset; atqui Sanctorum satisfactiones
 per indulgentiam applicatæ pœnitenti, ad
 hujusmodi finem illi non prosunt: ergo
 ex vi indulgentiæ non deobligatur a pœni-
 tentia ut medicinali. Consequentia est
 legitima. Minor etiam liquet, tum ex D.
 Thoma; tum ex ratione quam adducit,
 caro enim unius per alterius jejunium, vel
 quodcumque aliud opus non subjagatur.
 Unde quemadmodum Sanctorum opera,
 dum vivebant, pœnitenti ad effrenandas

passiones prodesse non poterat: ita nec
 illorum satisfactiones post mortem per in-
 dulgentias applicatæ, utpote quæ ad præ-
 dictum finem majorem vim non sortiuntur
 ex applicatione Pontificis. Major autem
 ostenditur: nam indulgentia, vel illius
 concessio formaliter, et directe per seip-
 sam non tollit obligationem pœnitentis
 adimplendi pœnitentiam medicinale, cum
 Pontifex extra sacramentum, ut ex supra
 dictis patet, non habeat potestatem supra
 sententiam a sacerdote latam in foro pœ-
 nitentialem: ergo si pœnitens deobligaretur
 a pœnitentia medicinali per indulgentias,
 ideo esset quia tolleretur finis illius, qua-
 tenus Sanctorum satisfactiones prodesse
 pœnitenti ad passionum coercionem, qua
 futuris criminibus remedium adhiberetur.
 Cum igitur hoc ita non sit, consequens est
 ut etiam post indulgentiam lucratam pœni-
 tens satisfactioni medicinali alligetur.

Confirmatur primo: nam stantibus præ-
 cepto, fine præcepti, ac materia præcepta, Confirm.
 1. persistit obligatio; sed hæc persistunt adhuc
 post indulgentiam lucratam: ergo adhuc
 pœnitens premitur obligatione adhibendi
 pœnitentiam medicinalem. Major patet a
 paritate in quacumque alia materia, ut
 consideranti constabit: non enim est caput
 unde obligatio deficiat, illis durantiis.
 Minor autem quoad singulas partes li-
 quet. Nam Pontifex per applicationem in-
 dulgentiæ non tollit, nec potest tollere
 præceptum a sacerdote ut ministro sacra-
 menti injunctum, et aliunde ipse sacerdos
 illud non retractavit. Deinde materia in
 pœnitentiam medicinalem injuncta non
 est facta impossibilis, ut supponimus:
 alioqui ex hoc capite, et non ex indulgentia
 lucrata obligatio deficeret. Ac tandem ex
 vi indulgentiæ passiones non effrænantur,
 vitia non detinentur, nec peccatorum ul-
 ceribus medicamen aliquod apponitur in
 futurorum præcautionem, ut ex se notum
 est. Ergo cum stantibus fine, materia, ac
 præcepto, obligatio subsistat, nequit pœni-
 tens in vi jubilæi, aut indulgentiæ pœni-
 tentiam medicinalem omittere.

Confirmatur secundo, et urgetur: etenim Confirm.
 2. effectus, vel finis pœnitentiæ ut medicinalis
 nequit obtineri a pœnitente nisi per actio-
 nem, et pœnitentiam ab eodem exercitam;
 ergo nequit ab ejus executione liberari ra-
 tione indulgentiæ lucratiæ. Antecedens

constat ex dictis, et consequentia suadetur : nam ideo pœnitens in vi indulgentiarum extrahitur ab obligatione pœnitentiæ punitivæ, quia hujus finis, et effectus, solutionis reatus suppleri, ac obtineri potest per Sanctorum satisfactiones a Pontifice applicatas pœnitenti : ergo si finis pœnitentiæ ut medicinalis per indulgentias non obtinetur, nec obtineri valet, nequit pœnitens in vi illarum a pœnitentia medicinali deobligari.

Evasio. 80. Respondebis, quod licet per indulgentias, et Sanctorum satisfactiones pœnitentiæ ut medicinalis finis non assequatur ; attamen hinc non evincitur pœnitentem non deobligari ab ejus executione : aliud namque est, satisfactiones Christi, et Sanctorum non effrenare formaliter passiones, nec curare vulnera pœnitentis ad amputanda futura crimina ; aliud vero, Pontificem non concedere aliquid, quo posito cesset obligatio pœnitentis. Primum igitur verum est ; secundum autem vim indulgentiarum destruit : etenim Pontifex per indulgentias, quas applicat, relaxat pœnitentis obligationem, qua premebatur ad pœnitentiam tam punitivam, quam medicinalem.

Præcluditur. Sed hæc evasio nullius momenti est, utpote quæ principium exposcit. Etenim si per indulgentiam nihil pœnitenti tribuitur, vi ejus carnem domare, suggestiones repellere, peccataque imminuta præcavere possit, ita ut finem ab Ecclesia, et a sacerdote in pœnitentiæ medicinalis injunctione intentum assequatur, qua ratione poterit extinguere debitum, ac obligatio pœnitentiæ medicinalis ? Si enim per indulgentias deficit obligatio pœnitentiæ ut punitivæ, ideo est quia ex vi satisfactionis Christi, et Sanctorum tribuitur pœnitenti unde reatum contractum solvat, quo extincto indirecte dehiscit obligatio ad pœnitentiam punitivam. Si ergo oppositum contingit respective ad pœnitentiam medicinalem, consequens est ejus obligationem non perire ; cum aliunde Pontifex, qui extra sacramentum potestatem non habet supra sententiam latam a sacerdote in foro sacramentali, nequeat directe hujusmodi sententiam tollere, imo nec commutare, ut dubio præced. statuimus.

§ III.

Sententiæ oppositæ referuntur, et enervantur eorum motiva.

81. Adversus priores assertiones nullum militat argumentum, quod solutione indigeat. Adversus posteriores vero non pauca, eaque satis urgentia. Et quidem sententiam tertiæ conclusioni contrariam tuentur Gregorius Valentia tom. 4, in 3, part. 4, disp. 7, qu. 20, punct. ... § *Sunt autem*. Andreas Dunellus tract. de indulg. quæst. unic. art. 8, Vivaldus de indulg. num. 26, Candidus disquis. 24, dub. 10, num. 30, Trullenc in Bullam, § 1, dub. 14, n. 14. Quorum fundamentum est : Quoniam obligatio adimplendæ pœnitentiæ punitivæ est de jure divino ; sed Pontifex jus divinum abrogare non potest : ergo per indulgentias, quas concedit, prædictam obligationem tollere nequit. Consequentia est legitima, et minor certa apud omnes. Major autem ostenditur : nam pœnitentiæ executio pertinet ad sacramenti integritatem, quæ est ex institutione Christi ; sed quæ ad sacramentorum integritatem attinent ex Christi institutione, ex jure divino obligant : ergo talis est obligatio exhibendi pœnitentiam punitivam. Eo vel maxime, quod juxta communem Ecclesiæ praxim, etiam in plenissimis jubilæis consueverunt sacerdotes, imo, et ipse Pontifex, inquit Valentia, aliquam pœnitentiam punitivam imponere pœnitentibus : ergo ideo quia ex vi jubilæi, vel indulgentiarum non censentur pœnitentes immunes ab onere pœnitentiæ punitivæ.

Ad argumentum respondetur, pontificem concedentem indulgentias, quibus lucratis deficit obligatio pœnitentis, minime abrogare saltem directe jus divinum, ex quo oritur integritas sacramenti, sed ponere aliquid, ad quod indirecte sequitur jus divinum non obligare, eo quod finis ab eo intentus deficit. Etenim sacramentum non exposcit integritatem, nisi propter effectum satisfactionis, vel solutionis reatus inducti per culpas confessioni subjectas. Hujusmodi autem reatu per indulgentias, et Sanctorum satisfactiones extincto, jus divinum non exigit ulteriorem satisfactionem, ac proinde vim obligandi amittit, cum ejusdem debiti duplex solutio quærenda

Sententia tertiæ conclusioni contra

Valentia. Dunellus. Candidus. Vivaldus. Trullenc

Argumentum 1.

Urgentia

Solutio

quærenda non sit. Unde quemadmodum si legitimus dispensator ex communi aërio solveret pro Petro viginti aureos, quos debebat Francisco, illum ab ulteriori solutione redderet immunem, quin aliquod jus abrogaret; ita in præsentî.

Ad difficultatis augmentum dicendum est, solum evincere, optimum fore consilium, sacerdotes in omni eventu salutare pœnitentias injungere. Tum quia non raro contingit pœnitens ad confessionem accedere animo lucrandi indulgentiam, deincepsque vel a proposito recedere, vel indulgentias non lucrari, eo quod conditiones a Pontifice præscriptas non mandant executioni, vel etiam si mandent, non eo modo qui exposcebatur ut indulgentia lucraretur. Tum etiam: quia ut ait D. Thomas qu. 25, supplem. art. 1, ad 4, sæpe pœnitentes plus reatus contraxerunt per culpas, quam credunt; atque ideo contingere potest indulgentiam, præsertim partialem, ad totum debitum extinguendum non sufficere. Ceterum absolute loquendo, hæc præcise fiant ad melius esse, non ad simpliciter; nisi alias pœnitentia injuncta ex capite quo medicinalis est, sit omnino necessaria, atque ideo obligationem inducat. Si vero Pontifex pœnitentiam intra sacramentum injungat, ejusque exhibitionem expresse exigat, ita facere necesse erit: quia in hujusmodi eventu pœnitentiæ executio est unum ex requisitis ad indulgentiam lucranda.

82. Arguitur secundo, et simul præcedens solutio impugnatur. Etenim ideo pœnitens excusaretur ab obligatione adimplendi pœnitentiam punitivam per indulgentias, quia satisfactiones Sanctorum sibi applicatæ tollent reatum, in quem solvendum pœnitentia collimat; sed hæc ratio nullius momenti est: ergo ex vi hujus non deobligatur. Probatur minor: nam satisfactiones Sanctorum non plus efficiunt, quam si pœnitens per proprias satisfactiones extrasacramentales prædictum reatum solveret; sed pœnitens non deobligatur a pœnitentia injuncta eam commutando in alia opera extrasacramentalia, quibus reatum solvere potest: ergo quod satisfactiones Sanctorum prædictum reatum diluant, non evincit pœnitentem fieri immunem ab onere adimplendi injunctam satisfactionem. Major ex se liquet, et minor

continet doctrinam, quam dubio præcedenti statuimus. Consequentia vero probatur: eo pœnitens propria autoritate commutans pœnitentiam injunctam in alia opera satisfactoria, quibus reatum solvere potest, non fit immunis ab onere pœnitentiæ injunctæ, quia pœnitentiæ commutatio, aut impositio est actus jurisdictionis procedens a iudice ut tali in foro sacramenti, quod proinde pœnitenti convenire nequit, cum supra se ipsum iudex non sit, sed Pontifex, dum indulgentias concedit, iudex in foro sacramenti non est: ergo quamvis concedat aliquid, quo prædictus reatus extinguitur, nequit tollere obligationem pœnitentiam adimplendi.

Respondetur ad argumentum negando. Dilatur. minorem, ad cujus probationem omissis præmissis negatur consequentia, quæ minime evincitur his, quæ superadduntur. Non enim asserimus, pontificem indulgentias concedentem tollere obligationem pœnitentiæ punitivæ, quia illam commutet, aut possit commutare in satisfactiones Sanctorum: id quippe fieri nequit a pontifice, cum extra sacramentum non habeat auctoritatem supra sententiam latam a sacerdote procedente ut iudice, ac ut ministro Christi in foro sacramenti, ut vidimus supra, num. 72. Sed quia concedendo indulgentias applicat Sanctorum satisfactiones, quibus reatus pœnitentis tollitur, quo sublato obligationem pœnitentiæ punitivæ deficere necesse est. Pœnitens autem propria autoritate commutare non potest pœnitentiam sibi injunctam in alia opera satisfactoria, quia commutatio est actus jurisdictionis judicialis, quam non habet supra se ipsum; licet alias possit plura opera satisfactoria extrasacramentalia efficere, quibus reatum contractum solvat.

83. Replicabis: ergo licet pœnitens nequeat excusari a pœnitentia injuncta per veram commutationem propria autoritate factam in alia opera extrasacramentaliter satisfactoria, poterit tamen ab illo onere fieri immunis, si illa opera exhibeat, quibus reatum solvat. Patet consequentia: nam ideo præcise per indulgentias fit immunis a pœnitentia punitiva, quia per Sanctorum satisfactiones sibi applicatas tollitur reatus, licet ibi nulla interveniat commutatio; sed pœnitens operibus satis-

Difficilis
replicæ.

factoriis extrasacramentaliter potest etiam tollere prædictum reatum : ergo quamvis commutationem stricte loquendo non faciat, deobligabitur a pœnitentia injuncta, si illas satisfactiones extrasacramentales exhibeat.

¹
Solutio
ex
Dicasi.

Ad hanc replicam, quæ difficultate non caret, respondet Dicastillo tract. 8, de sacram. pœnit. disp. 14, dubit. 2, num. 37, negando consequentiam, rationem disparitatis assignans; quia videlicet, opera pœnitentis satisfactoria extra sacramentaliter non habent rationem punitionis, ac vindictæ judicialis, ad quam ex præcepto confessarii tenebatur. Per indulgentias autem tollitur non solum reatus pœnæ in vi satisfactionum Christi, et Sanctorum, sed etiam ratio vindictæ, cui pœnitens erat obnoxius : nam Pontifex, qui habet aliqua ratione jurisdictionem in foro conscientiæ, cum concedit indulgentias nomine Christi, qui per se ipsum potest debitum pœnæ, et vindictæ remittere, utrumque debitum tollit, non per se, et directe dispensando in præcepto confessarii, sed indirecte concedendo aliquid æquivalens pœnitentiæ injunctæ, Sanctorum nimirum satisfactiones, ratione cujus mutat statum, in quo res erant, dum pœnitentia fuit injuncta. Idque roborari posset ex eo, quod Pontifex non solum solvit debitum pœnitentis ex ærario Ecclesiæ, sed etiam pœnitentem absolvit a reatu, acceptando solutionem nomine Dei. Pœnitens autem licet operibus extrasacramentalibus solvat debitum, non tamen absolutus manet; quoniam ipse nomine Dei non acceptat oblatam solutionem, nec aliunde constat Deum illam acceptare per se ipsum. Unde quemadmodum reus fori exterioris condemnatus ad aliquam pœnam, adstringitur ad illam subeundam, dum non constat judicem acceptasse aliam satisfactionem a reo oblatam; ita pœnitens. Quidquid tamen de hac solutione, quam nec approbamus, nec rejicimus

²
Solutio.

84. Aliter respondetur, concedendo consequentiam in sensu statim explicando, dum nimirum pœnitens operibus satisfactoriis extrasacramentaliter ita ratum solvit, ut constet de talis solutione, et omnimoda debiti extinctione, illam tamen negando, si non constet. Ratio enim, qua movemur, et qua utuntur Authores ad asserendum pœnitentem fieri immunem a pœnitentia injuncta

ratione indulgentiæ lucrata, generaliter convincit cessare obligationem pœnitentis in quocumque eventu reatus est solutus, quacumque via sit extinctus : deficiente enim sine præcepti, et soluto debito, præceptum, et obligationem solvendi deficere necesse est; alioquin teneretur solvere quod jam est solutum. Ceterum ut pœnitens operibus satisfactoriis extrasacramentaliter reatum solvens excusetur a pœnitentia sibi injuncta, certus esse debet illis operibus reatum extinxisse; alias dum sibi non constat, quantumvis plura alia opera obtulerit, pœnitentiæ injunctæ erit obstrictus. Quocirca cum extra indulgentias nemini constare possit prudenti credulitate (seclusa revelatione) remissum fore totum reatum pœnæ temporalis, propter quem solvendum pœnitentia injuncta fuit; ideo nullus ob hanc causam potest ab illa obligatione excusari. Tum : quia dum non adest dispensatio, vel abrogatio præcepti, nec materia præcepti facta est impossibilis, nec aliunde constat de cessatione finis, præceptum vim obligandi conservat. Tum etiam : quia ratio pœnitentiæ ut medicinalis adhuc urget.

Tum deinde : quoniam licet pœnitens aliis operibus extrasacramentaliter satisfactoriis aliquam obtineat reatus remissionem, non ideo statim immunis fit a toto illo reatu illorum peccatorum, in quorum vindictam sacerdos pœnitentiam indixit : sæpe quippe quamplura alia peccata sunt, quorum reatus nondum est solutus; imo, et ipsa peccata, in quorum vindictam pœnitentia est injuncta, contrahunt majorem reatum ad pœnam, quam ille qui per injunctam pœnitentiam tollitur; atque ideo ex quocumque capite reatus ille nondum adæquate sit solutus, sacerdotis præceptum vim retinet obligandi. Tum denique : nam si pœnitens potest alia opera extrasacramentaliter satisfactoria exhibere, ut onus pœnitentiæ impositæ dimittat; cur eandem pœnitentiam, ad quam tenetur, executioni mandare non poterit? Atque ideo nemo, qui legitima excusatione careat, potest licite illo circulo uti, et alias satisfactiones extrasacramentales offerre animo pœnitenti extrasacramentalem omittendi : id quippe in fraudem præcepti excogitaretur, cui magna reverentia adhibenda est. Quæ omnia sedulo ac prudenter inspecta convincunt, neminem

neminem moraliter loquendo posse ex vi satisfactionis extrasacramentalis, proprio arbitrio oblatae in solutionem reatus contracti per culpas confessioni subjectas, fieri liberum ab injuncta poenitentia : quamvis alias facta suppositione extinctionis reatus, hujusque certitudine obtenta, verum sit illa obligatione non comprimi. Ita Suar. tom. de poenit. disp. 50, de indulg. sect. 2, § 2, num. 9, Lugo de poenit. disp. 25, sect. 6, num. 98, Palaus tract. 23, disp. unic. punct. 21, § ult. n. 21, Bonacina in praesenti disp. 5, quaest. 5, sect. 3, punct. 4, n. 8, et alii plures.

85. Adversam quartae assertioni sententiam suadere conatur Lugo disp. 27, sect. 2, num. 21, et sequent. in proprium patrocinium adducens Navarrum § in Levitic. notabil. 31, num. 13, Sylvestrum verbo *Indulgentia*, num. 23, Angelum ibi, n. 1, Armillam ibi, num. 12, Niguerium cap. 26, vers. 21, Alensis 4 part. q. 23, memb. 1, art. 1, D. Bonaventura in 4, dist. 20, quaest. 2, art. 1, Argent. ibi, quaest. unic. art. 4, Ricardum quaest. 1, art. 4, Durandum quaest. 9, n. 9, Palat. disp. 3, pag. ludan. 133, colon. 2, Palud. quaest. 4, Adrian. q. de indulg. § *de mater.* indulg. Valentinum lib. de indulg. cap. 2, et 6, Vasquez quaest. 91, art. 1, dub. 3, num. 1, Coninchum in praesenti, disp. 12, dub. 3, in fine. Asseritque, tam antiquos, quam recentiores suam sententiam simpliciter, et universaliter docere. At quantum excesserit in hoc judicio, convincit multitudo Doctorum, quos pro nostra assertionem retulimus, quippe non infimae notae sunt. Illi autem, quos Lugo recenset, confuse ac sine distinctione a nobis proposita loquuntur; unde facile possunt de satisfactione sacramentali ut praecise punitiva interpretari. Quidquid tamen de his

Probatur Lugonis sententia primo ex cap. *Cum ex eo fine, de poenit. et remiss.* Ubi Innocentius III, inquit : « Per indiscretas, et superfluas indulgentiae satisfactiones sacramentales enervari. » Ergo ideo quia aufertur obligatio implendi poenitentias, alioquin si manet obligatio implendi illas ut medicinales, nihil prorsus enervabitur satisfactio. Id ipsumque roborari potest ex Bonifacio VIII, qui ut refert Glossa in *extracaganti antiquorum de poenit. et remiss.* nolebant sacerdotes alii

quam injungere poenitentiam iis, qui jubilaeum anni Sancti lucrabantur quia nimirum satisfactione alia non indigebant. Tum etiam, et quidem a priori : nam sacerdos poenitentiam indicit ad satisfaciendum pro poena debita peccatis : ergo sublato debito totius poenae, qualiter per indulgentiam plenariam fit, cessat omnino fundamentum illius obligationis ; quemadmodum si condonaretur a Principe poena debita pro aliquo crimine, eo ipso deficeret obligatio imposita per sententiam judicis ad poenam aliquam pro illo crimine subeundam.

Respondetur citatos textus intelligendos fore de satisfactionibus non ut medicinalibus, sed ut absolute et simpliciter vindicativis : haec enim sunt, quae per indiscretas indulgentias enervantur, etiamsi obligatio adimplendi poenitentiam medicinalem persistat : quippe cum indiscreta ac superflua indulgentia conceditur, non tanta injungitur poenitentia, quanta injungenda erat absolute in vindictam, sed solum illa minor, quae alias ad medicinam satis est ; unde non haec, sed illa absque legitima causa detrimentum subit. Tum etiam : quia satisfactio sacramentalis absolute dicta stat pro illa, quae in vindictam, et solutionem designatur, atque ideo de hac intelligendum est loquutum fuisse Innocentium. Ac eodem proportionali modo interpretandus est Bonifacius : nam cum satisfactio sacramentalis absolute prolata dicatur poenitentia, eo quod sit quasi poenae tenentia in vindictam, ideo nolebat Pontifex poenitentiam, id est, vindicativam injungi a sacerdotibus illis poenitentibus qui jubilaeum anni Sancti lucrabantur : quia cum ex vi illius jubilaei totus reatus extingueretur, opus non erat poenitentia injuncta ad ejusdem reatus solutionem. Non vero de poenitentia ut medicinali loquitur : quippe quae nec ex prima impositione dicitur, nec per jubilaeum ejus effectus suppletur. Ad rationem a priori dictendam est, sacerdotem non solum poenitentiam injungere ad solvendum debitum, sed et ad praecavendum futurum peccatum. Quocirca ex quo per indulgentiam plenariam omnino tollatur debitum, solum evincitur perire obligationem adimplendi poenitentiam punitivam, non autem medicinalem, cujus adhuc existit.

86. Sed dices ex eodem Authore : sacer-

Replicae

dos nequit obligare pœnitentem ad satisfactionem, nisi quatenus illam imponit in pœnitentiam peccati: ergo si per indulgentias deobligatur pœnitens ab illa ut vindicativa; absolute immunis erit ab ea etiam ut medicinali. Antecedens suadetur: nam pœnitentia injuncta in medicinam procedit a sacerdote ut medico, imposita autem in vindictam procedit ab eodem ut iudice; atqui medicus ut talis non obligat, sed consult; iudex vero in quantum talis præcipit: ergo sacerdos solum inducit obligationem adimplendi pœnitentiam punitivam, et non medicinalem: hæc enim si necessaria est ad futura peccata vitanda, obligat ex jure naturæ, non vero ex præcepto medici, qui solum declarat obligationem quam alias habet pœnitens.

Confirm.

Confirmatur: etenim si reatu pœnæ ablato per indulgentias, adhuc obligaret jejunium v. g. impositum in medicinam, vel tale jejunium debetur ut satisfactio sacramentalis, et pars sacramenti, vel non? Ut satisfactio deberi nequit; quia qui nihil debet, non potest obligari ad solvendum, nec opus quod nihil solvit, potest esse satisfactio. Si ergo jejunium illud satisfactio non est, nec etiam erit pars sacramenti; ac subinde pœnitens ad illius exhibitionem non obligabitur: quippe qui ex præcepto sacerdotis solum obligari potest ad partem integram sacramenti. Id quod urgeri valet ex Concilio Tridentino sess. 14, cap. 8, ubi, inquit, quod pœnitentia a sacerdotibus injungenda: « Non sit tantum ad novæ vitæ custodiam, et infirmitatis medicamentum, sed etiam ad præteritorum peccatorum vindictam, et castigationem: « nam claves sacerdotum non ad solvendum dumtaxat, sed, et ad ligandum cessas, etiam antiqui Patres, et credunt, et docent. » In quibus verbis satis palam indicat sacerdotes solum posse obligare ad pœnitentiam ut punitivam: nam, inquit, non solum posse imponere medicinam, sed castigationem, quia habent potestatem ligandi; quæ causalis, ut subsistat, supponit potestatem ligandi non exerceri quatenus medicina imponitur.

Dilatur
replica.

Respondetur ad replicam negando antecedens; ad cujus probationem dicendum est, sacerdotem non solum obligare pœnitentem ad pœnitentiam ut vindicativam, sed etiam ut medicinalem. Idque ex eo

constat, quod in communi sententia, quam supra dub. 2, num. 28 statuimus, cui etiam idem Lugo adhæret disput. 25, sect. 5, num. 74, potest sacerdos justis de causis gravem injungere pœnitentiam pro venialibus, aut etiam pro mortalibus jam confessis ad præcavendum vel lapsum viri Religiosi, vel relapsus ejusdem, aut alterius, ad cujus exhibitionem pœnitens graviter tenetur, ut loco citato cum illis Authoribus docuimus. Illa autem pœnitentia, cum simpliciter medicinalis sit, oritur a sacerdote ut medico, atque ideo ab eo ut tali obligatio gravis oriri potest. Quocirca sacerdos non solum se habet ut medicus, dum pœnitenti salubria consilia adhibet, aut fœditatem peccati, damnationis periculum, obligationem restituendi, aut proximam occasionem peccandi detegit; sed etiam dum pœnitentiam medicinalem assignat, eam præcipiendo. Cur autem obligationem imponat ad pœnitentiam medicinalem, ex duplici capite oriri potest. Tum, quia in foro sacramenti sistitur loco Christi; unde sicut Christus per se ipsum potest ad pœnitentiam medicinalem obligare; ita sacerdos, cui Christi munus demandatum est. Tum etiam: nam quemadmodum potestas ligandi, et absolvendi non est duplex, sed una, et simplex, ita potestas sacerdotis ut iudicis, et medici est unica, et indivisibilis. Igitur cum sacerdos per facultatem iudicis possit obligare pœnitentem ad satisfactionem vindicativam, etiam potest ratione ejusdem facultatis ad pœnitentiam medicinalem. Iudex enim quatenus talis non solum pœnam indicit ob patrata crimina, sed, et in futurorum præcautionem, ut etiam in iudiciis fori exterioris liquet. Ex quibus habetur, quod dum pœnitentia injuncta est simpliciter medicinalis, et secundum quid punitiva, eo quod non tam in solutionem, quam in præservationem injungitur, adhuc post lucratam indulgentiam obligat: quippe cujus effectus per indulgentias non suppletur.

Ad Confirmationem respondetur, jejunium illud, sublato reatu per indulgentias, deberi tanquam partem sacramenti: pœnitentia namque medicinalis pars sacramenti est, quæ etiam in illo eventu dicenda est satisfactio, non quia reatum solvat, sed quia nomen satisfactio applicatur tam pœnitentiæ solutivæ reatus, quam præservativæ

Conf.
dispu-
tu

tivæ culparum, eo quod ut plurimum idem opus utrumque munus sibi vindicat, licet alias pœnitentia per se primo nuncupetur satisfactio ex munere solvendi reatum. Nec oppositum ex Tridentino evincitur: nam ly *sed, et ad diligendum*, ampliandum est, ita ut intendat quod sacerdotes habent potestatem non solum ad absolvendum a peccatis, sed etiam ad ligandum, vel obligandum ad utrumque, nimirum, et ad pœnitentiam vindicativam, et ad medicinalem: nam eo ipso quod sacerdos quatenus iudex habeat potestatem ligandi ad vindictam, consequens est ut eam habeat obligandi ad medicinam: cum etiam ad iudicem spectet recte disponere ut futura crimina præcaveantur, quamvis sub hac consideratione medicus nuncupari possit.

87. Secundo, et urgentius arguitur ex D. Thoma quæst. 25, supplem. art. 1 ad. 4, ubi: « Dicendum, quod majus remedium « præbetur contra peccata vitanda ex gratia, quam assuetudine nostrorum operum: quia ex affectu, quem accipiens « indulgentias concipit ad causam, pro « qua indulgentia datur, ad gratiam disponitur, ideo etiam per indulgentias remedium ad peccata vitanda datur, et ideo « non est in destructionem indulgentias « dare, nisi inordinate dentur. Tum consilendum est eis, qui indulgentias consequuntur, ne propter hoc ab operibus « pœnitentiæ injunctis abstineant, ut etiam « ex eis remedium consequantur, quamvis « a debito pœnæ essent immunes. » Ergo saltem ex mente D. Thomæ pœnitens lucrata indulgentia deobligatur a pœnitentia etiam ut medicinali. Consequentia liquet, tum ex ipsis verbis Angelici Præceptoris dicentis consulendum esse lucrantibus indulgentias, ne propterea pœnitentiam injunctam omittant: nam ly *consulendum* satis palam indicat, injunctam pœnitentiam non obligare ex præcepto. Tum etiam: etenim ideo non excusaretur pœnitens, quia per indulgentias non daretur illi remedium ad peccata vitanda; sed indulgentiæ illud conferunt, ut constat ex verbis, et ratione D. Thomæ: ergo. Tum denique, et a fortiori: eo enim juxta doctrinam traditam indulgentiæ deobligant a pœnitentia punitiva, quia solvunt reatum, in quem solvendum ipsa tendebat; atqui etiam indulgentiæ auferunt finem pœnitentiæ medicinalis,

remedia adhibendo contra futura peccata; ergo pœnitens ab utraque fit immunis.

Hoc argumentum Herculeum habere resolutionis, oppositamque sententiam satis probabilem reddere in via D. Thomæ, diffiteri non possumus, illique omnino adherere cogemur, nisi præclara Thomistica scholæ Sydera, ac fidelissimos Doctoris Angelici interpretes Cajetanum, Sotum, Nugnum, aliosque hujus notæ indivulse ejus vestigia sequentes, inveniremus nostram docuisse sententiam. Cajetan. namque tract. 16, de indulg. quæst. 4, in solut. ad 4, ait: « Quod autem dicitur, « quod pœnitentia, ad quam tenetur peccator, est Crux Christi, et mortificatio « passionum, jam a priscis solutum est Doctoribus, dicentibus quod pœnæ in quantum sunt medicinæ Passionum, non suppleantur per indulgentias: et propterea debemus, etiam indulgentiis acquisitis, pœnitentiam agere, et medicinam passionum « nostrarum. In quantum vero sunt satisfactivæ pro peccatis commissis, sic suppleantur per indulgentias. » Similiterque Nugnus in addit. ad 3, part. quæst. 13, artic. 2, inquit: « Duo tamen sunt circa « hoc advertenda, Primum est, quod tantum remittitur per istas indulgentias « pœnitentia, in quantum est satisfactoria, « non vero in quantum est medicinalis; « atque adeo quando fuerit medicinalis, « debet adimpleri ut imposita est, et non « remittitur per indulgentias. » Et quidem incredibile est, hos præcipuos D. Thomæ alumnos illius mentem non calluisse, vel ab ejus vestigiis ultro deviasse. Quocirca cum Ang. Doctor supra, quæst. 13, art. 2, palam nostram sententiam doceat, credendum non est auctoritatem in objectione relata illi contrariam fore, sed satius erit ad sanum sensum eam reducere.

Pro cujus intelligentia observandum est, indulgentiam tripliciter accipi posse, formaliter nimirum, effective, et concomitanter. Primo modo præcise dicit applicationem satisfactionum Christi, et Sanctorum, factam a legitimo Thesauri Ecclesiæ dispensatore, a summo Pontifice, videlicet, utpote Christi Vicario, vel ab alio ex illius concessionem. Secundo modo importat remissionem pœnæ temporalis debita pro peccatis, totalem quidem, si indulgentia plenaria sit, partialem vero, si

Argumentum
difficilius,
ex
D. Tho.

Cajetan.

Nugnus.

Nota.

partialis tantum extiterit. Tertio autem modo affert opus aliquod pium, et honestum, a fidelibus exequendum, quod est quasi causa vel conditio sub qua indulgentia conceditur. Porro hujusmodi opus satisfactorium est, ac medicinale ad peccata præcavenda, insuperque disponit ad receptionem gratiæ tam auxiliantis, quam sanctificantis, quarum quælibet remedium præbet ad suggestiones effrænandas, peccataque rescindenda. Ex quibus

Ad argumentum respondetur, D. Thomam, dum ait : « Quod etiam per indulgentias remedium ad peccata vitanda » datur, » non esse intelligendum de indulgentiis formaliter, aut effective acceptis, quo pacto cum solum importent applicationem satisfactionum Christi, et Sanctorum a Pontifice factam, et solutionem reatus eisdem satisfactionibus inductam, nec pœnitentis passiones effrænantes, nec carnem domant, ut futura peccata detineant. Sed intelligendus est de indulgentiis secundum id, quod concomitanter, et quasi conditionate adducunt, nimirum de illo opere honesto, quod Pontifex indicit lucraturis indulgentias, uti esse solent alicujus Ecclesiæ visitatio, confessionis emissio, vel preces aliquæ coram tali imagine fundendæ ; quæ omnia serenter ac pie exercita, et ex se medicinaliæ sunt, et ad gratiæ receptionem disponunt, qua ad peccata futura præcavenda majus remedium paratur, quam nostro operum assuetudine.

Ex quo fit, quod per indulgentias formaliter sumptas non deobligatur pœnitens a medicinalis pœnitentiæ executione, sed tenetur saltem ad aliquam, licet alias extrahatur ab aliis distinctis ab illo opere honesto, quod tanquam causa, vel conditio assignatur, dum indulgentia conceditur. Enim vero tunc, inquit Nugnus, illud opus, per cujus exhibitionem obtinetur indulgentia, a sacerdote applicandum vel injungendum est in pœnitentiam, quæ sacramentum compleat, ad eamque tenebitur pœnitens, quamvis immunis fiat ab aliis, si simul a sacerdote injungantur : hasque executioni mandare, solius consilii erit, et non præcepti ; quo sensu interpretandus est D. Thomas, cum subdit : « Consulendum est lucrantibus indulgentias, ut a pœnitentiis injunctis non abstineant ; » a superadditis videlicet arbi-

trio sacerdotis, nec aliud innuunt Ang. Doctoris verba. Unde liquet, nunquam pœnitentem ex vi indulgentiæ ob omni medicinali satisfactione deobligari, cum saltem alligetur illi operi honesto, ratione cujus indulgentia impenditur, injectio in satisfactionem medicinale.

DUBIUM VI.

Quem effectum inducat ex opere operato satisfactio sacramentalis ?

Concors Doctorum sententia supponit, satisfactionem sacramentalem aliquem supernaturalem effectum ex opere operato, et virtute clavium sortiri ultra illum, quem causat ex se, et ex opere operantis ; quod insinuat a Tridentino sess. 14, cap. 3, ubi dicitur : « Contritionem, confessio-
nem, et satisfactionem esse partes pœnitentiæ, quatenus ad plenam, perfectam, que remissionem peccatorum ex divina ordinatione requiruntur. » Et ratio etiam id evincit : nam satisfactio est vera pars saltem integralis hujus sacramenti procedens a potestate clavium : ergo sortitur ex opere operato aliquem supernaturalem effectum, alias nullum esset discrimen inter satisfactionem sacramentalem, et non sacramentalem. Tria autem sunt, de quibus disputant Authores, an a satisfactione sacramentali ex opere operato causentur. Remissio videlicet pœnæ temporalis debitiæ pro peccatis jam dimissis ; divinum aliquod auxilium ad peccata præcavenda ; et tandem augmentum gratiæ habitualis ultra illam, quam pœnitens per confessionem, et absolutionem sortitur. Quæ omnia diversis conclusionibus decedimus.

§ I.

Triplici conclusione dubium resolvitur.

88. Dicendum est primo, satisfactionem sacramentalem per se causare ex opere operato remissionem pœnæ temporalis debitiæ pro peccatis dimissis. Explicatur conclusio. Diximus indefinite, « satisfactio-
nem sacramentalem causare remissionem » pœnæ temporalis debitiæ pro peccatis dimissis, » non determinando an totius pœnæ, vel solum partis illius ? Id enim ex
dicendis

dicendis in dubii calce constabit. Addimus ex opere operato, hoc est, ex elevatione, quam habet virtute clavium, et ex virtute speciali, quam obtinet ex meritis Christi, sacramentorum Authoris, vi cujus major pœnæ remissio correspondet tali satisfactioni ut parti sacramenti, quam esset illa, quæ ex merito operantis operi satisfactorio inest. Subdimus etiam *per se* : quia an per accidens ratione obicis possit hujusmodi effectus impediri, aut omnino auferri ; alia difficultas est, quam forsân deinceps obiter attingemus. Conclusionem ita explicatam

N. Francis. N. aton. Jgn. Dief.arez. v. alid. stro. Mo. Igo. Iluc. usquez. nich. nariq. tuentur N. Franciscus quæst. 10, punct. 1, num. 44, N. Antonius disp. 21, sect. 1, num. 1597, Nugnus in addit. quæst. 13, art. 2, diffic. 2, Gonet disp. 13, art. 3, § 1, num. 31. Snar. disp. 38, sect. 2, Vivaldus de satisfact. num. 13, Castro Palao disp. unic. punct. 24, § 2, num. 1, Lugo disp. 25, num. 16, Filliucius tract. 8, de satisfact. sacram. cap. 2, n. 33, Vasq. quæst. 94, art. 2, dub. 5, Coninchus disp. 10, dub. 10, concl. 1, et 2, Henriq. lib. 5, c. 20, n. 7, et alii.

Probatur igitur primo ex Tridentino sess. 14, cap. 8, ubi inquit : « Neque vero « securior alia via in Ecclesia Dei unquam « existimata fuit ad amovendam imminen- « tem a Deo pœnam, quam ut hæc pœnitent- « tiæ opera homines cum vero animi dolo- « re frequentent. » Statimque quasi per illationem subdit : « Debent ergo sacerdo- « tes Domini pro qualitate criminum, et « pœnitentium facultate, salutare, et con- « venientes satisfactiones injungere. » Ex quibus habentur duo, et quod loquatur de satisfactione sacramentali, aut injuncta a sacerdote, et quod de hujusmodi satisfac- tione dicat causare remissionem pœnæ : Ergo cum etiam ibidem addat : « Neque « ita nostra est satisfactio hæc, quam pro « peccatis nostris exolvimus, ut non sit « per Christum Jesum ; » id est, ex vi ope- ris operati a Christo Jesu ; consequens est Concilium sentire, satisfactionem sacra- mentalem causare remissionem pœnæ ex opere operato.

Confirmatur ex Angelici Præceptoris tes- timonio in 4, dist. 46, quæst. 1, art. 1, quæstiunc. 2, ad 3, ubi ait : « Vel dicen- « dum, quod per satisfactionem consequi- « tur pœnitens perfectum effectum gratiæ « peccatum abolentis, quia liberatur tota- « liter a reatu peccati ; » id est, etiam a

pœna peccatis debita : in hoc quippe con- sistit perfecta, et totalis peccatorum remis- sio, quod non solum culpa, sed, et reatus contractus remittatur. Ibiq. palam sermo- nem facit de satisfactione sacramentali suum effectum ex opere operato inducente : solvit enim argumentum, quod, sibi obje- cerat, ad probandum pœnitentiæ partes non convenienter assignari, satisfactionem- que sacramenti partem non esse, ut legenti perspicuum erit. Ergo ex mente D. Thomæ satisfactio sacramentalis causat per se ex opere operato pœnæ temporalis debitæ re- missionem.

89. Suadetur deinde ratione : nam sa- cramentum pœnitentiæ, sicut quodlibet aliud, causat suum effectum ex opere ope- rato ; sed satisfactio a sacerdote injuncta est pars sacramenti : ergo causat ex opere operato effectum sibi correspondentem. Majorem docuimus tract. 22, disp. 4, dub. 1, a num. 12. Minorem etiam ex professo firmavimus in priori parte hujus tract. disp. 1, dub. 2 § 2, a num. 59, et deinceps. Consequentia autem ex eo liquet, quod pars sortitur modum operandi totius : opposi- tum enim nulla ratione evinci potest. Tum sic : sed effectus correspondens satisfactioni est remissio pœnæ temporalis : ergo hanc causat ex opere operato. Minor subsumpta constat ex Tridentino sess. 14, cap. 3, ubi ait : « Qui » (id est, pœnitentis actus) « qua- « tenus in pœnitente ad integritatem sacra- « menti, ad plenamque, et perfectam pec- « catorum remissionem ex Dei institutione « requiruntur. » Plena autem, ac perfecta peccatorum remissio non solum exposcit, ut culpa ac pœna æterna remittatur, sed etiam ut temporalis pœnæ reatus extingua- tur : perfectum enim est illud ; cui nihil deest. Ergo hujusmodi temporalis pœnæ remissio tanquam effectus proprius res- pondet satisfactioni integranti sacramen- tum. Patet consequentia : nam cum totum sacramentum, et ejus partes causent om- nimodam peccatorum remissionem, ita in hoc per distributionem accommodam debent proportionari, ut partibus essentia- libus respondeat effectus substantialis, ni- mirum remissio culpæ ac pœnæ æternæ ; parti vero integrali, qualis est satisfactio complens sacramentum, remissio pœnæ temporalis, qua peccatum complete sit re- missum.

Ratio
asseritio-
nis.

obatio
1
ex
ident

infr-
nat.
ex
Tho.

Confirmatur ; quia satisfactio sacramentalis majoris virtutis est, quam non sacramentalis ; sed nequit esse majoris virtutis, si remissionem pœnæ temporalis non causat ex opere operato : ergo. Probatur minor : nam satisfactio extrasacramentalis tollit illius pœnæ reatum ex opere operantis : ergo si ea, quæ sacramentalis est, ex opere operato prædictam pœnam non remittit, non habet in quo virtutem satisfactionis non sacramentalis excedat. Adde, satisfactionem injungi a sacerdote virtute clavium, atque ideo ex institutione Christi : ergo cum instituta sit ad significandam remissionem pœnæ temporalis, eandem causare debet ex opere operato : tritum est enim principium illud, sacramenta novæ legis id ex opere operato efficere, quod significant.

Conclus. 2. 90. Dicendum est secundo, satisfactionem sacramentalem sortiri etiam vim impetrandi auxilia ad præcavenda peccata futura, et hunc effectum habere ex opere operato. Ita Gonet disp. 13, art. 3, § 1, num. 13, Suarez disp. 38, sect. 2, num. 3, circa finem, N. Franciscus cap. 10, punct. 1, num. 7, N. Antonius. Palaus disp. unic. punct. 21, n. 4, Dicastillo disp. 14, dub. 10, n. 157, Coninchus disp. 10, dub. 10, num. 22, et alii. Suadetque ratio : Etenim sacramenta novæ legis, ac ejus partes efficiunt ex opere operato quod significant ; sed satisfactio sacramentalis significat non solum remissionem pœnæ temporalis, sed etiam specialem facilitatem ad futura peccata fuganda, quæ a prædictis auxiliis præstatur : ergo sortitur vim impetrandi prædicta auxilia, eaque ex opere operato obtinet. Major liquet ex Tridentino sess. 7, Can. 6. Minorem etiam palam docet idem Concilium sess. 14, cap. 8, ubi assignans finem, ac motivum institutionis satisfactionis sacramentalis, rationemque imponendi in pœnitentiam pœnalia opera, inquit : « Proculdubio enim « magno opere a peccato revocant, et quasi « fræno quodam coercent hæ satisfactoriæ « pœnæ, cautioresque, et vigilantiores pœnitentes efficiunt, medentur quoque peccatorum reliquiis, et vitiosos habitus « male vivendo comparatos, contrariis « virtutum actibus tollunt. » Atque ideo satisfactio sacramentalis non solum instituta est ad significandum, sed simul ad

efficiendum, ut virtute sacramenti, ac ex meritis Christi obtineantur auxilia, quibus facilius assequantur illi effectus revocandi a peccatis, cautioresque reddendi pœnitentes ; quod licet alias haberi posset per satisfactionem extrasacramentalem, non ita faciliter ac per sacramentalem.

91. Dicendum est tertio ; satisfactionem sacramentalem non causare ex opere operato augmentum gratiæ habitualis. Hanc conclusionem obiter innuimus in priori parte hujus tract. disp. 1, dub. 2, § 7, nu. 120. Illique adhærent N. Franciscus ubi supra, nu. 8, et 14, N. Antonius num. 1599, N. Bonæ Spei disp. ultim. num. 28, Hurtado disp. 14, diff. 13, Lugo disp. 25, num. 6, Adamus quæst. 8, num. 22, Dicastillo disp. 14, dub. 10, n. 156, Vasq. qu. 94, ar. 2, du. 5, num. 6, Coninchus disp. 10, dub. 10, num. 90, Palacius dist. 13, disp. 1, et dist. 16, qu. 1, art. 1, Joannes Sanctius in selectis disp. 1, et 33, num. 121, Præpositus quæst. 12, num. 6, Ochagavia de satisf. quæst. 7, num. 6, et 8, et alii. Eamque conformiorem menti Angelici Præceptoris censemus.

Suadetur igitur ex Divo Thoma in 4, dist. 16, quæst. 1, artic. 1, quæstiunc. 2, ubi inquirens, an convenienter assignentur tres partes pœnitentiæ ? Cum hoc argumentum sibi objecisset : « Præterea in « sacramento novæ legis gratia suscipienti « confertur ; sed in satisfactione non confertur aliqua gratia, ergo non est sacramenti pars. » Respondet duplici solutione, et in neutra minorem negat, quam proculdubio negaret, si satisfactionem sacramentalem gratiam conferre intelligeret. Diluitque primo objectionem dicendo : quod « ex proposito satisfaciendi gratia « confertur, quamvis satisfactio actualis « gratiam præsupponat. » Unde tota gratia hujus sacramenti ligatur, ut ita loquamur, ad ejus administrationem, ubi datur propositum satisfaciendi, quin reservetur aliquis illius gradus deinceps induendus ex opere operato in vi satisfactionis exercitiæ. Secundo respondet : « Vel dicendum, quod « per satisfactionem consequitur pœnitens « perfectum effectum gratiæ peccatum abolentis, quia liberatur totaliter a reatu « peccati ; » id est, a pœna temporali debita pro peccato : ergo juxta mentem Divi Thomæ satisfactio sacramentalis nullo modo

Conc. 3.

N. Franc. N. Anton. N. Bonæ Spei. Hurtado Lugo. Adamus Dicastillo Vasque Coninch Palacii Sanctii Præpositus Ochaga

Præba ex D. Thoma

modo causat ex opere operato secundam gratiam, aut ejus augmentum, sed illud efficit solum ex opere operantis, ut infra explicabimus.

Evasio. 92. Respondebis D. Thomam minorem argumenti non negasse, quia ibi loquebatur de gratia per se correspondenti sacramentis novæ legis, non vero de illa, quam causant per accidens. Pœnitentia autem, utpote sacramentum mortuorum, per se solum habet inducere primam gratiam, non vero secundam, seu prioris augmentum. Quocirca cum satisfactio actualis primam gratiam non conferat, sed supponat inductam ex proposito satisfaciendi, quod in susceptione hujus sacramenti inest, nil mirum quod implicite concedat, actualem satisfactionem aliquam gratiam, id est, primam non impendere: ibi enim loquebatur juxta subjectam materiam. Sed non ob id negat, satisfactionem adhuc ut exercitam secundam gratiam aut prioris augmentum producere; cum oppositum adstruat 3 part. ut ex dicendis constabit.

Præcluditur. Illæ tamen evasio nihil refert: nam cum D. Thomas in argumento, cui solutionem adhibebat, usus fuerit illa particula *non aliqua*, cujus æquipollens est *nulla*, quæ est universalis negativa, idem omnino est concedere in illa minori, quod « in satisfactione non confertur aliqua gratia, » ac dicere quod « nulla gratia confertur: » omnis namque gratia causabilis sive per se, sive per accidens ad primam et secundam reducitur. Admittens igitur Divus Thomas illam minorem universaliter concedit, nullam gratiam, id est, nec primam, nec secundam in actuali satisfactione produci; alioqui facillime posset argumentum diluere, minorem illam universaliter negando: nam eo ipso quod aliqua gratia in satisfactione exercita producat, falsum est absolute quod non aliqua, vel quod nulla producat. Et quidem si Divus Thomas sentiret, ut adversarii intendunt, satisfactionem exercitam aliquam gratiam conferre: ad totalem peccati remissionem, id est, tam culpæ, et pœnæ æternæ, quam temporalis, non confugeret: facilius enim objectionem diluere posse per recursum ad productionem augmenti gratiæ. Unde Divus Thomam in præallegato testimonio nostræ favere sententiæ extra dubium est.

93. Deinde suadetur conclusio ratione: nam sacramentum pœnitentiæ per id gratiam habitualement ex opere operato producit, quod illam significat, et ad illam producendam fuit institutum; sed satisfactio non significat gratiam habitualement, nec ad eam causandam instituta fuit: non igitur per satisfactionem gratia ex opere operato produci-
Ratio assertio-
nis.
 tur. Minor, in qua est difficultas, suadetur: nam satisfactionis sacramentalis significatio, ejusque institutio non aptius venari valet, quam ex verbis Concilii Tridentini, quod sess. 24, cap. 8, et 9, de satisfactionis necessitate, ejusque fructu agit; sed ibi nullum occurrit verbum, unde hujusmodi gratiæ significatio, aut productio colligi valeat; imo dum effectum, aut fructum satisfactionis exprimit, de sola pœnæ temporalis remissione loquitur, nulla gratiæ habitualis productionis mentione facta, ut videre est ibi dum dicit: « Neque vero securior ulla via in Ecclesia Dei unquam existimata fuit ad amovendam imminentem a Domino pœnam, quam ut hæc pœnitentiæ opera homines cum vero animi dolore frequentent. » Ne ergo dicamus, Concilium diminute satisfactionis naturam explicuisse, dum de ejus necessitate, et fructu sermonem texuit, ejus pretiosorem fructum (qualis est gratia habitualis aut illius augmentum) reticendo; asserendum est, satisfactionem sacramentalem nec talem fructum significare, nec illum ex opere operato producere.

§ II.

Oppositæ sententiæ referuntur, et earum motiva enervantur.

94. Adversus primam conclusionem punire videntur Soto in 4, dist. 19, quæst. 1, art. 1, Martinus de Ledesma 4, part. quæst. 23, art. 4, dub. 4, Adrianus quæst. 2, de satisf. quorum sententiam probabilem existimat Joannes Sanctius in selectis disp. 26, num. 4, licet oppositam ut probabiliorem amplectatur. Quorum fundamentum est, quod omnis effectus ex opere operato per sacramentum productus vel causatur a sacramento, vel ab aliqua ejus parte essentiali; sed satisfactio non est sacramentum, nec pars essentialis illius: ergo nullum effectum ex opere operato pro-
Senten-
tia
primæ
conclu-
sioni
opposita.

Sotus.
Martin.
Ledes.
Adrian.
Fundam.

ducit ; consequenterque (inquit Sotus) solum ex opere operantis pœnam temporalem remittit, licet in hoc genere majoris satisfactionis sit, eo quod ex præcepto Confessoris executioni mandatur.

Rejicitur. Sed hoc levi manu dispellitur : respondetur enim negando majorem absolute prolatam : nam licet effectus principalis hujus sacramenti, gratia nimirum habitualis sanativa, vel ejus augmentum, solum ex opere operato producat ex vi sacramenti, vel alicujus partis essentialis illius, quales sunt absolutio per modum formæ, contritio et confessio per modum essentialis materiæ ; attamen effectus minus principalis, uti est remissio pœnæ temporalis remanentis post culpam dimissam, respondere potest satisfactioni, atque ideo ab ea ex opere operato produci tanquam a parte sacramenti minus principali illud integranti, ac perficienti.

Sententia opposita secundæ conclusioni. Lugo. 95. Adversus secundam conclusionem militat Lugo disp. 25, sect. 2, num. 6, existimans, satisfactionem jus non conferre ad auxilia aliqua in ordine ad præservandum hominem a peccatis. Quod inde probat, quia sacramenta non solent ex opere operato conferre auxilia, nisi quatenus causant habituales gratias : ex qua oriuntur, et quæ jus tribuit ad eadem auxilia ; sed satisfactio non confert ex opere operato gratiam habituales, aut sacramentales, ut in ultima conclusione statuimus : igitur jus non præbet ad prædicta auxilia obtinenda, quibus peccata removeantur.

Diluitur. Respondetur, satisfactionem exercitam non producere gratiam habituales, aut ejus augmentum, nec insuper gratiam sacramentales, nempe sanativam, quoad entitatem, aut intensionem ; producere tamen aliquam hujus quasi determinationem, qua trahitur ad proprios effectus satisfactionis. Quæ determinatio dici potest « extensio gratiæ sanatiæ ex parte effectus ; eo quod in vi illius habetur completus effectus gratiæ sacramentalis sanatiæ, aut purgantis animam a peccatis : quippe quæ remittuntur non solum quoad culpam, et pœnam æternam, sed etiam quoad temporalem. Satisfactio igitur ratione hujus extensionis, quam in gratia sanativa inducit, exigit aut affert peculiaris auxilia, quibus homo occasiones peccandi fugiat, et superet, ac diutius perseveret in gratia.

96. Adversus tertiam conclusionem plures pugnant Thomistæ, quorum autoritas satis probabilem etiam in via D. Thomæ oppositam reddit sententiam. Hi sunt, Cajetanus 3, part. q. 90, art. 2, Sotus in 4, dist. 17, quæst. 1, art. 2, Nugnus in præsententi, quæst. 13, supplement. art. 2, Petrus de Ledesma in summa, tom. 1, de pœnitent. cap. 1, dub. 2, Gonet disp. 13, art. 3, § 1, num. 31, N. Gabriel de pœnit. disp. 12, quæst. 1, Granados tom. 5, de pœnit. tract. 1, disp. 3, num. 2, Rodriguez 2, part. cap. 126, num. 9, Diana 3, part. tract. 4, resol. 70, Joannes a Cruce part. 2, de pœnit. quæst. 1, dub. 4, et alii. Quam sententiam suadere nituntur primo autoritate D. Thomæ, qui 3 part. quæst. 90, art. 2, ad 2, diluens similem, aut eandem objectionem, quam in 4 sentent. supra relatam a num. 72, ita respondet : « Ad « secundum dicendum, quod satisfactio « confert gratiam prout est in proposito, « et auget eam prout est in executione, « sicut etiam Baptismus in adultis. » In quo testimonio, inquit Gonet loco nuper relato § 2, 2, num. 36, D. Thomam virtualiter deseruisse sententiam, quam docuerat in 4, sentent. Igitur juxta mentem S. Doctoris satisfactio sacramentalis adhuc ut executioni mandata ex opere operato augmentum gratiæ producit.

97. Hanc objectionem diluimus, autoritatemque D. Thomæ sedulo expendimus in priori parte hujus tract. disp. 1, dub. 2, § 7, num. 120, ubi, sicut nec in præsententi, nec leve reperimus indicium illius retractionis, quam factam putat Gonet. Quocirca ex doctrina, quam loco citato tradidimus, respondetur dupliciter. Primo, quod dum Ang. Præceptor asserit, satisfactionem sacramentalem exercitam producere augmentum gratiæ, intelligendus est de productione ex opere operantis, eo quod satisfactio est actus liber, honestus, in via elicitus, a gratiaque procedens, et aliunde capax novi fervoris, vel actus charitatis, aut alterius virtutis tunc exercitiæ ; non vero de productione augmenti gratiæ ex opere operato, et in virtute sacramenti. Hanc autem esse mentem D. Thomæ liquet ex verbis immediate apposis, quibus se ipsum explicat : inquit enim : « Et auget « eam prout est in executione, sicut etiam « Baptismus in adultis. » Baptismus autem

Sententia
tertiæ
conclusioni
opposita

Cajetan.
Sotus.
Nugnus.
Ledesma.
Gonet.
N.
Gabriel.
Granad.
Rodrig.
Joannes
a Cruce
Diana.

Objection.
1.
D. Tho.

1.
Solutio.

tem

tem in adultis non confert gratiæ augmentum ex opere operato, et in vi sacramenti, sed solum ex opere operantis, ac ex devotione illum susipientis, ut docet idem S. Doctor in locis, ad quæ in margine se refert, nimirum, eadem 3 part. quæst. 69, art. 8, et quæst. 68, art. 2, ubi, inquirens: « Utrum sine Baptismo aliquis possit salvari? » Respondet: « Quod Sacramentum Baptismi dupliciter potest deesse. « Uno modo in re, et voto; alio modo potest deesse re, sed non voto: sicut cum aliquis baptizari desiderat, sed aliquo casu prævenitur morte antequam Baptismum suscipiat; et talis sine Baptismo actuali salutem consequi potest propter desiderium Baptismi, quod procedit ex fide per dilectionem operante, per quam Deus interiori hominem sanctificat. » En Baptismus, de quo loquitur D. Thomas. Hic autem cum sit Baptismus flaminis, gratiæ augmentum ex opere operato non producit, sed tantum ex opere operantis. Unde cum D. Thomas asserat, satisfactionem exercitam concurrere ad productionem augmenti gratiæ, sicut Baptismus in adultis, palam est non docere satisfactionem illum effectum producere ex opere operato et in vi sacramenti.

Fulcitur
solutio.
D. Tho.

Quæ solutio fulciri potest ex alio loco, ad quem etiam D. Thomas in autoritate nobis objecta se remittit; nimirum ex quæst. 69, art. 8, ubi quærens: « Utrum Baptismus habeat in omnibus æqualem effectum? » ita respondet: « Dicendum quod duplex esse effectus Baptismi, unus per se, et alius per accidens. Per se est id, ad quod Baptismus est institutus, scilicet, ad regenerandum hominem in spiritualem vitam; et hunc effectum æqualiter facit in omnibus, qui æqualiter se habent ad Baptismum. Unde quia omnes pueri æqualiter se habent ad Baptismum (quia non in fide propria, sed in fide Ecclesiæ baptizantur) omnes æqualem effectum percipiunt in Baptismo. Adulti vero, qui per propriam fidem ad Baptismum accedunt, non æqualiter se habent ad Baptismum: quidam enim cum majori, quidam cum minori devotione ad Baptismum accedunt. Et ideo quidam plus, quidam minus de gratia novitatis accipiunt. Effectus autem Baptismi per accidens est ad quem Baptismus non est ordinatus. »

Hæc D. Thomas; ubi majorem gratiam collatam adulto in Baptismo non tribuit virtuti sacramenti, sed adultorum devotioni, quæ est virtus operantis: « Quidam enim, inquit, cum majori, quidam cum minori devotione ad Baptismum accedunt. » Gratia autem, quæ ex opere operato provenit a sacramento, in omnibus asserit esse æqualem. Unde consequenter ad hæc in solutione ad secundum ejusdem articuli ait: « Ad secundum dicendum, quod hoc, quod in baptizatis major vel minor gratia apparet, potest dupliciter contingere; uno modo, quia unus in Baptismo percipit majorem gratiam, quam alius, propter devotionem majorem » (hoc est, ex opere operantis). « Alio modo, quia etiam si æqualem gratiam percipiunt » (qualiter se habent pueri) « non æqualiter ea utuntur, sed unus studiosius in ea proficit, alius per negligentiam gratiæ deest. » Ex quibus omnibus haud obscure liquet tum mira consonantia doctrinæ, quam D. Thomas tradidit in 4 sententia, cum ea, quam loco in objectione citato docuit, atque ideo priorem minime retractasse. Tum etiam, quod dum inquit satisfactione sacramentalem mandatam executioni augere gratiam, solum loquitur de augmento inducto virtute operantis.

98. Secundo respondetur, D. Thomam in illo testimonio non intendere, satisfactionem exercitam augere gratiam intensive, et quoad entitatem, sed extensive, quoad effectum, quatenus remittit reatum pœnæ temporalis. Id quod exemplo patet: nam actus exterior dicitur augere bonitatem, aut malitiam interioris actus, non quia illi tribuat aliquam entitatem, aut aliquem intensionis modum, sed præcise quia bonitas aut malitia interioris actus extenditur ad denominandum bonum, vel malum actum externum, ut ostendimus tract. 13, disp. 10, dub. 1, § 2, num. 12 et 35, et ibidem disp. 5, dub. 4, num. 59. Ita ergo proportionem servata accidit in præsentia. Gratia namque ordinatur ad remissionem peccati quoad culpam, et pœnam æternam, ac temporalem; unde cum satisfactio exercita ex opere operato temporalis pœnæ reatum abscindat, dicitur a D. Thoma augere gratiam extensive, et quoad effectum, eo quod gratia mediante satisfactione extenditur ad completum, per-

Alia
solutio.

fectumque effectum remissionis peccati etiam quoad reatum ex eo ortum. Quod omnino idem est ac id quod in 4, docuit, nimirum : « Quod per satisfactionem con-
« sequitur pœnitens perfectum effectum
« gratiæ peccatum abolentis, quia liberatur
« totaliter a reatu peccati. »

Objectio. 99. Arguitur secundo ratione : etenim quod convenit sacramento pœnitentiæ, debet ejus partibus convenire ; atqui sacramentum pœnitentiæ causat augmentum gratiæ ex opere operato : ergo cum satisfactio sit ejus pars, illi denegandum non est gratiam augere ex opere operato. Minor, et consequentia constat ; major autem suadetur : nam ideo attritio, confessio, et absolutio gratiam ex opere operato producant, et augent, quia sunt partes sacramenti, cui per se respondet productio illius effectus : ergo effectus, ac modus causandi, qui convenit sacramento, competit etiam partibus.

Diluitur. Respondetur, attritionem, confessionem, ac absolutionem non utcumque rationem partium sacramenti sortiri, sed illius partes essentielles existere. Satisfactio autem solum partis integrantis rationem vindicat. Porro modus causandi, ac affectus, qui sacramento conveniunt, solum tribuendi sunt partibus essentialibus, sine quibus sacramentum existere nequit, non autem parti ignobiliori, quæ sacramentum absolute constitutum supponit, qualis satisfactio est ; atque ideo hæc vim producendi gratiam ex opere operato habere non exposcit.

Replica. 100. Dices : ex solutione solum evinci, partes essentielles quia tales habere virtutem causandi ex opere operato gratiam essentialiter, aut per se sacramento correspondentem, nempe, primam gratiam quoad entitatem, ac insuper sanativam, aut sacramentalem peculiarem hujus sacramenti, quas satisfactio actualis productas supponit ; non autem quod satisfactio inducere nequeat gratiam secundam, aut habitualis productæ augmentum, quo perficiatur ; sed id potius ex assignata disparitate deducitur. Eo vel maxime, quia satisfactio, quamvis sacramentum quoad essentialia constitutum supponat, moraliter illi ac aliis partibus copulatur, integritatemque omnimodam præstat.

Confirmat. Confirmatur : nam satisfactio sacramenta-

lis a non sacramentali distinguenda est ; atqui si satisfactio sacramentalis augmentum gratiæ ex opere operato non producit, non est caput unde a non sacramentali discriminetur : ergo gratiam vel ejus augmentum affert ex opere operato. Minor suadetur : etenim satisfactio non sacramentalis, si in statu gratiæ fiat, eam augeat ex opere operantis, et aliunde pœnam temporalem extinguit : ergo si satisfactio sacramentalis in virtute sacramenti ac potestatis clavium gratiæ augmentum non inducit, nihil peculiare habet ex quo distinctionem accipiat a non sacramentali.

Verum hæc haud difficile dissipantur : res- Replica satisfit.
pondetur enim ad replicam distinguendo inter partes essentielles, ac integram sacramenti, et inter effectus, qui ad earum unamquamque per accommodam distributionem spectant sacramenti quippe totalis, et adæquatus effectus est integra ac plena peccatorum remissio, quæ complectitur, ut sæpius inculcavimus, purgationem tam culpæ, et pœnæ æternæ, quam temporalis. His igitur malis curandis ita aptandæ sunt sacramenti partes, ut illæ quæ essentielles existunt, medicamentum apponant malo culpæ, ac pœnæ æternæ, eo quod ad hujusmodi mala fuganda sacramentum per se essentialiter ordinatur. Unde cum culpa nequeat nisi per gratiam ablegari, consequens est ut sacramentum, atque ideo ejus partes essentielles gratiam primam, ac insuper sanativam, et peculiarem per se ac opere operato inducant. Si autem culpa ante sacramentum fugata est per contritionem, vel alia quacumque via ; tunc sacramentum ac ejus partes essentielles gratiam secundam, aut prioris augmentum inducunt per accidens. His absolutis, ad perfectum sacramenti effectum solus temporalis pœnæ reatus manet, solvendus ; hic autem cum stricte reatus culpæ non sit, quamvis ab ea ortum ducat, ad sui remotionem gratiam non exposcit, sed solum satisfactionem. Quocirca hujusmodi effectus præcise est qui per se respondet satisfactioni tanquam ab ea inducendus in vi sacramenti, ac virtute clavium. Unde replicæ difficultas evanescit : ex eo namque, quod satisfactio sit pars integralis sacramenti, solum habetur debere causare effectum sacramenti quoad totalem remissionem peccati per exclusionem reatus pœnæ temporalis remanentis, ad

ad quod gratiam producere aut ejus augmentum non desideratur, sed debiti solutionem ponere satis est.

Ex quibus ad confirmationem dicendum est, sufficiens versari discrimen inter satisfactionem sacramentalem, et non sacramentalem etiam in ordine ad effectum, quem utraque inducit: illa quippe reatum pœnæ temporalis excludit ex opere operato, ac in vi sacramenti; hæc autem illum præcise dimittit ex virtute operantis. Nec desideratur ad absolutam distinctionem diversitas in omnibus, atque ideo opus non est, quod si extra sacramentalis augeat gratiam ex opera operantis, eandem augeat sacramentalis ex opere operato: satisfactio enim præcise exposcitur a sacramento sub conceptu formalissimo satisfactionis, quo pacto solum est temporalis pœnæ remissio, non vero productio augmenti gratiæ: hoc namque aliunde habet, quia nimirum concomitanter est actus meritorius, a gratiaque procedens. Et quamvis uterque conceptus meriti, et satisfactionis in eodem actu conjungantur, aut identificentur, solum quatenus satisfactorius assumitur ille actus ad integrandum sacramentum.

Unde vires assumit id, quod, et in priori parte hujus tract. disp. 1, dub. 2, et in præsentī disputatione non semel innuimus, pœnitentem, videlicet, non teneri injunctam satisfactionem in statu gratiæ executioni mandare; atque ideo sacrilegii reum censendum non esse, esto illam in statu peccati exhibeat, quia obicem gratiæ non ponit: quippe quæ per satisfactionem non producitur; sed dumtaxat effectui minus principali sacramenti, remissioni videlicet pœnæ temporalis. Imo inde sententia nostra non immodice roboratur, oppositaque vim amittit: nam si satisfactio sacramentalis gratiam velejus augmentum ex opere operato produceret, pœnitens sacrilegium committeret, quoties injunctam satisfactionem in statu peccati executioni mandaret, cum obicem gratiæ sacramenti apponeret. Hoc autem ingentis rigoris est, ac contra communem Doctorum sententiam, qui non solum pœnitentem exhibentem satisfactionem extra gratiæ statum ab illo crimine excusant, sed præcepto sacerdotis facere dicunt. Satisfactio igitur ad illum effectum ex opere operato concursum non præstat.

§ III.

Duplicis quæstiunculæ incidentis decisio.

101. Cum satisfactio sacramentalis plus pœnæ remittat, quam non sacramentalis, occasionem præbuit illi difficultati, in qua solet inquiri, an dum sacerdos injungit pœnitenti satisfactionem suo prudenti iudicio omnino culpis proportionatam, licet coram Deo ita non sit, tota pœna debita remittatur? Partem affirmantem docent Scotus in 4, dist. 19, quæst. 1, Gabriel dist. 18, quæst. 1, art. 1, Medina, Cod. de pœnit. quæst. de effectu pœnitentiæ injunctæ, Sotus dist. 18, quæst. 2, art. 3 et alii. Fundamentum eorum est: quia satisfactio sacramentalis est a Christo Domino instituta, ut ex opere operato pœnam temporalem ex peccatis debitam remittat, juxta prudentem taxationem a sacerdote factam, cui pœnitens ut reus stare debeat; ergo quando illius sententia prudenter fertur commensurate ad gravitatem culparum, efficaciam debet habere ad totam pœnam debitam remittendam, licet quæ coram Deo debetur, major aut minor sit materialiter. Antecedens est certum, et consequentia suadet: quia sacramentale iudicium institutum est, ut modo humano peragendum; sed confessarius nequit modo humano in satisfactione injungenda attingere æqualitatem omnimodam, ita ut non deficiat, neque excedat: ergo si juxta prudens iudicium pœnitentiam mensuret, sufficit ut totius pœnæ debitæ reatum solvat.

102. Probabilius tamen censemus oppositum, illamque pœnam dumtaxat per satisfactionem remitti, quæ apud Deum æqualis est valori satisfactionis, et non præcise prudenti iudicio confessarii. Hanc sententiam amplectuntur N. Franciscus cap. 16, punct. 1, num. 4, N. Antonius disp. 21, sect. 1, num. 1598, Nugnus in addit. quæst. 18, art. 4, Suarez disp. 38, sect. 5, Vasquez quæst. 91, art. 2, dub. 9, Lugo disp. 25, num. 19, Dicastillo disp. 14, dub. 12, num. 175, Bonacina disp. 5, sect. 3, quæst. 5, punct. 1, et alii. Probaturque ratione; nam ideo per penitentiam commensuratam culpis prudenti iudicio confessarii tota pœna debita extingueretur, quia illud prudens iudicium re vera attingeret æqualitatem pœnæ debitæ, vel quia Christus id ita or-

Quæst.
tunc.
1.1
Sentent.Scotus,
Gabriel
Medina
Sotus.2
sententia
probabilior.N. Fran.
Anton.
Nugnus.
Suarez.
Vasquez.
Lugo.
Dicast.
Bonacin.

Ratio.

dinaverit : sed neutrum verum est : ergo non tota pœna remittitur. Minor, quæ difficultatem præsefert, quæque duplicem continet partem, quoad utramque probatur. Quoad primam quidem ; nam ut prudens confessarius illam æqualitatem attingeret, plura scire opus erat, quæ illius captum superant, et quæ agnoscere moraliter impossibile est : quis enim scit, quanta purgatorii pœna correspondeat cuilibet culpæ ? Quanta in hac vita ? Quanta sit hujus, aut alterius peccati gravitas tam in specie, ac individuo, quam in intensione, duratione, ac voluntarietate ? Quanto dolore pressus pœnitens ad sacramentum accedat, ut inde conjecturari possit quis ideo reatus diminuatur, et qua minori pœnitentia gravetur ? Nullum ergo adest fundamentum ad affirmandum, sacerdotem attingere æqualitatem prædictam. Quoad secundam vero eadem minor probatur : nam etsi extra dubium sit, Christum Dominum id statuere potuisse ; nullo modo constat nec ex Sacra Scriptura, nec ex Conciliis, nec ex Patribus, vel locum aliquem, auctoritatemve designant adversarii, ex qua constet Christum Dominum id ita decrevisse : ergo iudicium illud mera divinatio est totius fundamenti, ac veritatis expers.

Motivum autem oppositæ sententiæ minime evincit, totam pœnam debitam remitti per pœnitentiam iudicio prudenti confessarii æqualem debito existimatum ; sed solum pœnitentem illam executioni mandantem sufficienter satisfacere obligationi, cui ex præcepto sacerdotis adstrictus erat, sacramentumque perficere. Reliqua enim ex nullo principio dignosci possunt.

Replica. 103. Dices : Superior legitima potestate dispensans in voto ea causa, quam prudenter existimat sufficientem, quamvis reipsa apud Deum insufficiens sit, omnino voti obligationem tollit. Similiter Pontifex indulgentiam concedens, quæ ad sui valorem sufficientem et proportionatam causam exposcit, si prudenter iudicet causam proportionatam adesse, licet revera non sit proportionata, valide indulgentiam concedit, et hæc totum suum effectum producit : ergo similiter dummodo sacerdos pœnitentiam injungat, quam æqualem debito prudenter iudicat, totum pœnæ debitum extinguit.

Respondetur omissa antecedenti negando

consequentiam. Disparitas consistit in eo, quod Pontifex indulgentiam concedens non applicat causam ad eam valide concedendam, sed ipse per se ipsum indulgentiam concedit posita per modum conditionis executione alicujus operis pii, et honesti, purificataque conditione tollitur reatus pœnæ in totum, vel ex parte juxta indulgentiæ quantitatem. Similiter in voto ; posito prudenti superioris arbitrio, ipsemet dispensans vice Dei totam voti aufert obligationem, quin ad ejusdem obligationis extinctionem motivum applicet. Sacerdos vero in sacramento per satisfactionis impositionem non remittit immediate debitum pœnæ, sed applicat partem sacramenti, quæ ex se habet virtutem ad pœnam remittendam, ipse autem nescit an virtutem habeat ad partem, vel ad totam, sicut Pontifex scit virtutem qua ad id gaudet indulgentia v. g. plenaria. Unde si virtutem habuerit ad omnem remittendam, illam remittet : et si revera solum virtutem sortiatur ad solutionem partis, non remittet omnem, licet Confessarius prudenter iudicet esse debito æqualem. Sicut Medicus applicans infirmo remedium, quod prudenter existimat ad morbum depellendum efficacissimum, si revera ita non est, non ampliorem curationem efficiet, quam illam ad quam habet virtutem.

104. Secunda difficultas est, an dum satisfactio impeditur a consecutione sui effectus, eo quod mandatur executioni in statu peccati, remittat pœnam temporalem recedente fictione ? Hanc difficultatem præcedenti disput. obiter tactam reliquimus ; hic autem, ubi propriam sedem habet, diligentius examinanda est. Igitur consone ad ea quæ tract. 22, disp. 4 dub. 6, § 2, num. 91, statuimus, negative respondetur. Motivum, quo ducimur, illudque non infirmum, est : quia quoad effectus productionem idem sentiendum est de toto sacramento, ejusque partibus essentialibus, ac de parte tantum integrali ; atqui nec pœnitentiæ sacramentum, nec ejus partes essentielles recedente fictione proprios effectus producant : ergo nec satisfactio fictione recedente inducit virtute sacramenti pœnæ temporalis remissionem, aut alium effectum sibi respondentem. Major satis ex se liquet : nullum enim fundamentum adest, ut major virtutis efficacia tribuatur ignobiliori

Fundamentum oppositum dispellitur.

Quæstio

Decisio

Ratio.

ignobiliori ac infirmiori parti sacramenti, quam toti sacramento, aut ejus partibus principalioribus, ac essentialibus. Minor autem, in qua poterat esse difficultas, probata ac ab impugnationibus vindicata manet loco citato.

Confirmatur auctoritate simul, et ratione D. Thomæ, qui in supplem. quæst. 14, art. 3, eandem difficultatem attingens, ita inquit in argum. *Sed contra* : « Opera extra charitatem facta ideo non erant satisfactoria » (id est pœnæ debitæ remissiva) « quia fuerunt mortua ; sed per pœnitentiam non vivificantur : ergo nec incipiunt esse satisfactoria. Præterea charitas non informat actum, nisi qui ab ipsa aliqualiter procedit ; sed opera non possunt esse Deo accepta, ac per hoc nec satisfactoria, nisi sint charitate informata : ergo cum opera facta extra charitatem nullo modo ex charitate processerint, vel de cetero procedere possint, nullo modo poterunt in satisfactionem computari. » Ac tandem in corpore articuli subdit : « Respondeo dicendum, quod quidam dixerunt, quod opera in charitate facta, quæ viva dicuntur, sunt meritoria vitæ æternæ, et satisfactoria respectu pœnæ dimittendæ ; et per charitatem sequentem opera extra charitatem facta vivificantur quantum ad hoc, quod sunt satisfactoria, sed non quantum ad hoc, quod sunt meritoria vitæ æternæ. Sed hoc non potest esse : quia utrumque habent ex eadem ratione opera ex charitate facta, scilicet, ex hoc quod sunt Deo grata. Unde sicut charitas adveniens non potest ea gratificare quantum ad unum, ita nec quantum ad aliud. »

105. Respondebis ex adversariorum doctrina, D. Thomam in illo articulo sermonem non facere de satisfactione sacramentali, sed tantum de non sacramentali ; atque ideo ex vi hujus solum habetur, extrasacramentalem satisfactionem fictione recedente effectum non sortiri, secus autem sacramentalem. Et quod D. Thomas id tantum intendat, inde suadet, quia in solutione ad 2 ejusdem articuli rationem assignans cur Baptismus, cujus efficacia obice impeditur, recedente fictione effectum obtineat, non vero satisfactio, inquit : « Propterea Baptismus ex ipso opere operato justificat, quod non est hominis, sed

Salmant. Curs. Theolog. tom. XX.

« Dei : et ideo non eodem modo mortificatur, sicut satisfactio, quæ est opus hominis. » Constat autem, satisfactionem sacramentalem opus Dei esse, utpote quid elevatum virtute clavium ad producendum ex opere operato effectum sacramentalem solutionis pœnæ, quemadmodum et Baptismus ad regenerandum. Loquitur ergo D. Thomas de sola satisfactione extrasacramentali, quæ sola opus homines est.

Sed contra : nam D. Thomas ibi duplici solutione argumentum diluit ; in quarum prima, quæ principalior est, ita inquit : « Dicendum, quod Baptismus imprimit characterem in anima, non autem satisfactio ; et ideo adveniens charitas, quæ fictionem tollit et peccatum, facit quod Baptismus effectum suum habeat ; non autem facit hoc de satisfactione. » Hæc igitur est potissima ratio disparitatis, quam assignat inter Baptismum, et satisfactionem, et qua tanquam principalissimo fundamento utitur 3, part. quæque etiam adduximus tract. 22, disp. 4, dub. 6, ad suadendum sacramenta, characterem non imprimant, quale est pœnitentiæ, recedente fictione effectum, vel gratiam non producere. Ea autem æqualiter suadet de satisfactione sacramentali, ac de non sacramentali proprios effectus obice recedente non obtinere, quippe quæ nulla characterem imprimit, uti Baptismus, qui in characterem ab eodem inducto virtualiter perseverat etiam dum peccatum adest, ratione cujus ubi postea obex recedit, effectum infert. Atque ideo utrique satisfactioni negat D. Thomas vim obtinendi proprios effectus recedente fictione.

106. Secunda autem solutio, quam D. Thomas adhibet objectioni, est quædam congruentia coadjuvans, non vero ratio efficaciter evincens, nec ut talis ab Ang. Præceptore adducitur. Nam omnia sacramenta characterem non imprimunt æque opus Dei sunt ac Baptismus, quo non obstante sæpe de illis asserit D. Thomas gratiæ fructum non producere obice recedente, uti nominatim de opere Dei maximo, Eucharistiæ videlicet sacramento, docet in 4, dist. 4, quæst. 3, art. 2, quæstiunc. ad 3 : « Dicendum, quod in Eucharistia non imprimatur character, cujus virtute possit aliquis virtutem sacramenti percipere fictione recedente ; et ideo non est si-

« mile. » Non igitur adducitur a D. Thoma ut se sola suadeat, sed ut congruenter adjuvet. Et quidem id efficit, saltem quatenus probat de satisfactione extrasacramentali: hæc enim cum quoad omnia opus hominis sit, effectum fictione recedente recuperare nequit, sicut Baptismus ob oppositam rationem, licet alias ratio illa idem non evincat de satisfactione sacramentali, utpote quæ, quatenus pars sacramenti, opus Dei est, et non tantum hominis.

Confutatur
amplius.

Adde primo (per quod prædicta evasio omnino evertitur) disparitatem a D. Thoma assignatam esse optimam adhuc quatenus versatur inter Baptismum, et satisfactionem tam extrasacramentalem, quam sacramentalem: nam ideo inquit, Baptismus recedente fictione effectum obtinere, quia est opus Dei; non vero satisfactionem, quia est opus hominis. Hoc autem de utraque satisfactione in statu peccati exercita absolute verificatur: satisfactio namque sacramentalis, de qua difficultas esse poterat, eo ipso quod extra gratiæ statum mandetur executioni, est opus hominis. Ratio est: quoniam in tantum esset opus Dei in quantum esset elevata virtute sacramenti, vel clavium ad productionem sui effectus; hæc autem elevatio salvari nequit in satisfactione exercita in statu peccati, licet alias sit injuncta a sacerdote: nam virtus elevans in se formaliter non persistit, siquidem sacerdos jam absolutionem, et sacramentum complevit. Deinde in aliquo effectum per eandem productum virtualiter non persistit: quia gratia habitualis per sacramentum, et illam virtutem producta, jam periit ratione peccati, cum quo impossibilis est. Ac tandem gratia sacramentalis, quæ sanativa dicitur, etiam deficit: hæc enim cum sit quidam modus determinans gratiam habitualement, ut statuiamus tract. 22, disp. 4, dub. 9, necesse est deficere deficiente gratia, quam modificat. Non igitur persistit virtus elevans satisfactionem nec in se, nec in aliquo effectum; atque ideo satisfactio illa omnino est opus hominis, ac subinde incapax producendi ex opere operato effectum sacramentalem fictione recedente. Dicitur tamen satisfactio sacramentalis, quia injuncta fuit in sacramento, et quia per ejus exhibitionem fit satis præcepto sacerdotis, qui solum præcepit opus absolute exhiben-

dum; et insuper quia sacramentum pure materialiter complet, non vero formaliter; cum alias opus virtute sacramenti elevatum non sit. In quo differt a satisfactione sacramentali in statu gratiæ mandata executioni, quæ elevata est per gratiam habitualement, et sacramentalem, quæ saltem effective, et virtualiter sunt virtus clavium, vel sacramenti, a qua productæ fuerunt.

Adde secundo, D. Thomam in prædicta autoritate docere, Baptismus recedente fictione gratiæ fructum obtinere: quia « non eodem modo mortificatur, sicut satisfactio quæ est opus hominis. » Hæc autem ratio æque militat in satisfactione sacramentali in statu peccati exercita, ac in non sacramentali: utraque namque mortificatur aliter ac Baptismus. Hic enim ideo non omnino mortificatur, quia relinquit in baptizato characterem, qui per peccatum non destruitur, nec expelli potest, ut constat ex eodem D. Thoma 3, part. quæst. 69, art. 10, in corp. Satisfactio vero sacramentalis omnino per culpam mortificatur, eo quod nullum effectum supernaturalem relinquit in subjecto, atque ideo omnino redditur opus hominis, quod obice recedente effectum obtinere non potest. Etenim causa instrumentalis physica (qualia sunt omnia sacramenta, et satisfactio ut pars sacramenti) debet, dum effectum producit, vel in se formaliter, vel saltem virtualiter in aliquo permanere: effectus quippe nequit physice produci a causa nec formaliter nec virtualiter existente; atqui satisfactio sacramentalis in peccato mortali exercita nullum effectum sacramentalem relinquit, in quo virtualiter ejus virtus persistat: ergo eo ipso quod extra statum gratiæ fiat, nequit obice recedente effectum proprium obtinere; atque ideo omnino per culpam mortificatur; et fit tanquam opus hominis. Oppositum autem in Baptismo contingit: hic enim quamvis in se formaliter transseat, relinquitur virtualiter in characterem, quem imprimit; unde dum fictio tollitur, potest physice effectum producere ratione virtualis permanentiæ.

107. Dices: aliquam dari satisfactionem, Repl. quæ postquam transiit, aliquem effectum distinctum a characterem relinquat, qui quidem effectus multoties persistit, fictione recedente

recedente : ergo si talis satisfactio a sacerdote in pœnitentiam injungatur, et adimpleatur in statu peccati, poterit ut pars sacramenti causare remissionem pœnæ recedente fictione. Antecedens expresse docetur a D. Thoma in supplem. quæst. 14. art. ad 3, his verbis : « Ad tertium dicendum, « quod aliquæ satisfactiones sunt, ex quibus manet aliquis effectus in satisfaciendis, etiam postquam actus satisfactionis transiit, sicut ex jejuniis manet corporis debilitatio, et ex eleemosynarum largitione substantiæ diminutio ; et tales satisfactiones in peccatis factæ non oportet quod iterentur, quia quantum ad hoc, quod de eis manet, per pœnitentiam Deo acceptæ sunt. Satisfactiones autem, quæ non relinquunt aliquem effectum in satisfaciendo, postquam actus transit, oportet quod iterentur, sicut de oratione, et similibus. »

Huic objectioni in disp. præced. solutionem dedimus, mentemque Ang. Præceptoris explicuimus, ac ex ibidem dictis breviter respondetur, jejunium in satisfactionem adjunctum relinquere aliquem effectum, corporis videlicet debilitationem, in qua virtualiter persistere potest usque dum fictio recedat, et deinceps. Hic tamen effectus non est proprius jejunii ut a sacerdote adjuncti, vel ut elevati virtute clavium, et sacramenti, sed præcise ejusdem jejunii materialiter, et in esse entis accepti. Cujus signum evidens est, debilitationem illam eodem modo relinqui in corpore a jejunio sive in pœnitentiam adjuncto, sive non : quod ita fieri non posset, si a jejunio ut parte sacramenti procederet. Unde solum fit, illam satisfactionem secundum id, quod ex se habet, et ex opere operantis relinquere aliquem effectum, in quo persistat usque dum charitas accedit ; et quod tunc illa debilitatio relicta, non vero jejunium quod illam induxit, incipiat ex opere operantis ratione charitatis advenientis pœnam remittere : ideo enim consulto addidit D. Thomas : « Quantum ad hoc, quod de eis « manet, per pœnitentiam Deo acceptæ « sunt ; » id est, quantum ad effectum relictum, non vero quantum ad jejunium formaliter factum, quod jam transiit. Quid autem intendat D. Thomas, dum subdit, « quod tales satisfactiones in peccatis factæ « non oportet quod iterentur ; » diximus

disp. præc. dub. 3, num. 68, quo Lectorem remittimus, ubi hanc solutionem inveniet amplius expensam.

DISPUTATIO XII.

De potestate Clavium, ac ministrorum Sacramenti Pœnitentiæ.

Egit D. Thomas de potestate ministri confessionis quæst. 8, supplem. de clavium vero potestate disseruit a quæst. 17, ejusdem supplem. usque ad 20, inclusive, ubi cuncta, quæ ad pœnitentiæ sacramentum spectant, omnino absolvit ; id quod etiam, et nos efficere impense optamus, ut Cursus hic Scholasticus, in cujus elaboratione tot temporis absumpsimus, plenitudinem omnium, quæ ad Sacram Theologiam attinent, accipiat, metam attingat, ac omnino completus in lucem prodeat. Igitur de ministri potestate ad quæstionis 8 calcem non egimus, ut insequentium Angelici Præceptoris vestigia methodus exposcebat. Tum ut omnia, quæ ad confessionem spectant, simul traderemus. Tum etiam quia, ut ait D. Thomas quæst. 17, supplem. potestas ministrorum ad claves pertinet, aliundeque dum de clavibus disputat idem Ang. Doctor, nonnulla de ministris immiscet, ut in quæst. 19 videre est. Quocirca, ne iterum eadem inculcare cogeremur, quæ de ministris supra dicenda erant, huic disputationi de clavium potestate inserenda sedulaque discussione tractanda censuimus. Verum quia Ang. Doctor prius agit de potestate, deincepsque de ministris, per quos illa exercetur potestas ; ideo ejus vestigiis inhærentes de eisdem eodem ordine agemus. Quamvis autem quæstio *an est* quæstionem *quid est* regulariter præcedat, non semel hic ordo invertitur, et a posteriori exordium auspicatur ; quod in præsentiarum fiet : quippe cognita essentia potestatis clavium, aptius dignoscetur an in Ecclesia sit.

DUBIUM I.

Quid sint claves Ecclesiæ, vel an recte diffiniantur.

1. Quia hæretici, ut tenebras in lumen effundant, in clavium nomine offendunt, ne de vocibus quæstio fiat, ac veritas sophismatibus denigretur, dum res gravissimi ponderis ad trutinam adducitur, opus est quid nomine potestatis clavium significetur, exponere. Claves igitur stricte acceptæ sunt illud materiale instrumentum, quo ostium aperitur, et clauditur. Unde desumpta est metaphora ad clavium Ecclesiæ potestatem designandam, qua cælum vel occluditur, vel patefit. Non enim claves istæ (inquit Magister in 4, dist. 18) « sunt corporales, sed spirituales, scilicet, « discernendiscientia, et potestas judicandi, « id est, ligandi, et solvendi, quæ dignos « recipere, indignos debet excludere a « Regno Ecclesiasticus iudex. » Eodem modo loquuntur D. Hieronymus, ac ex eo Glossa ordinaria in cap. 16 Matth. Joannes XXII, in extravaganti cap. *Quia quorundam, de verborum significatione*. Et communiter S. Patres, ac Theologi, qui claves Ecclesiæ ita definiunt: *Potestas ligandi, ac solvendi, qua Ecclesiasticus iudex dignos recipere, et indignos excludere debet a Regno*. De cujus diffinitionis bonitate disseruit D. Thomas in præsentī quæst. 17, art. 2. Cum autem ad diffinitionem spectet quid sit res diffinita explicare, non prius quidditas potestatis clavium patefiet, quam prædictæ diffinitionis approbatione jaculis impugnationum infrectis.

§ I.

Deciditur dubium, et communis sententia defenditur.

Assertio. 2. Dicendum est, prædictam clavium Ecclesiæ diffinitionem esse optimam. Ita D. Thomas loco citato, quem sequuntur Sotus in 4, quæst. 1, art. 1, dist. 20, Capreolus dist. 17, quæst. 1, art. 1, Nugnus, Seraphinus in præsentī, art. 2, Abulensis in cap. 16, Matth. quæst. 74, et communiter Doctores. Probatur igitur ratione ex D. Thoma desumpta, quæ sic valet effor-

mari. Illa est recta diffinitio alicujus potentia, quæ traditur per proprium actum, objectum, modum operandi, ac subjectum talis potentia; sed hujusmodi est prædicta potestatis clavium diffinitio: ergo. Consequentia liquet, et majorem supponit D. Thomas ex Philosopho 2, de anima, textu 33, et merito: quippe omnis diffinitio extendit ut essentiam explicet; essentia autem cujuslibet potentia, qua ratione accidens est, per ordinem ad subjectum, qua vero est potentia, per respectum ad proprium objectum specificativum accipitur mediante actu, ac operandi modo. Minorem autem ita suadet discurrendo per singula. Nam ly *potestas* explicat conceptum potentia, in quo cum aliis convenit. Ly *iudex Ecclesiasticus* exprimit illius subjectum. Ly *recipere, ac excludere* proprios actus designat. Ly *a Regno* objectum exponit. Ac tandem per ly *dignos, et indignos* modus operandi invenitur. Unde ulterius roboratur assertio ex eo, quod hæc diffinitio constet genere ac differentia: genus enim est ly *potestas*; reliquæ vero particulae propriae differentia rationem vindicant.

3. Sic itaque in generali hac diffinitione explicata, singulas particulas ulterius in particulari exponere oportet, ut natura potestatis clavium amplius innotescat. Igitur ly *potestas*, quæ loco generis ponitur, non quamlibet potestatem ad agendum designat, sed ut inquit D. Thomas in 4, dist. 14, quæst. 1, art. 1, quæstiunc. 2, ad 3: « Proprie nominat potestatem acti- « vam cum aliqua præeminentia. » In quo convenit clavis cum præeminenti potestate Magistratum, ac sæcularium judicum. Sic nihilominus intellecta est ratio satis communis, potestque in plurimis generibus reperiri, id est, tam in corporalibus, quam in spiritualibus; tam in naturalibus, quam in supernaturalibus; tam in politicis, quam in sacris, aut Ecclesiasticis; in præsentī tamen determinatur per alias particulas, quæ habent rationem differentia ad designandam potestatem spirituales supernaturalem, et sacram. Ratio est: quia cum Ecclesiæ claves non sint instrumentum ad aliquod materiale ostium, sed ad cæli aditum claudendum, vel reserandum, qui metaphorice dumtaxat dicitur clausus per cul-
pam, quæ solum per potestatem spiritua-

lem

Clavium
metapho-
ra
exponi-
tur.

Magister
sentent.

D.
Hieron.
Glossa
ord.
Joan.
XXII.

Clavium
diffinitio.

Explic-
tio
diffinit-
ionis

Uterque
diffinitio
expos-
tio.

D. Th.

lem ab anima dimitti potest; ideo non materialis, sed tantum spiritualis potestas esse potest.

recte 5.

Deinde, cum remotio peccati cœli aditum impediens nulli creaturæ ex propriis convenire valeat, sed ad solum Deum spectet juxta illud Lucæ 5: *Quis potest peccata dimittere, nisi solus Deus*; consequens fit, ut illa potestas sit supra exigentiam totius creaturæ, atque ideo supernaturalis. Ulterius, cum hæc proprium operetur effectum medio penitentiae sacramento, cujus administrationem solis sacerdotibus Christus commisit; sacra, et Ecclesiastica esse debet. Præterea, cum ingressus ad Regnum cœlorum non fiat nisi obstaculo peccati demisso, dicitur potestas *ligandi, et solvendi*, quod idem est ac reserandi, et claudendi; dicitur tamen solvendi, aut reserandi, quia sacerdos per clavium potestatem amovet culpam, quæ cœli aditum impedit; ligandi vero, aut claudendi, non quia impedimentum ad intrandum ponat, sed quia impedimentum positum, peccatum videlicet, non declinat. Ac tandem, cum hujusmodi solutio, aut ligatio ordinate, ac juxta meritum exigentiam fieri non possit, nisi inspecta idoneitate eorum, quibus Regnum cœleste claudendum, aut aperiendum est; ideo subjungitur: *Dignos recipere, et indignos debet excludere*. In quibus particulis inquit D. Thomas modum operandi designari, eo quod clavium potestas aliter se habet erga dignos, ac erga indignos: quippe dignitas benignitatem actus exposcit, indignitas vero severitatem, quæ ad modum operandi potestatis clavium referuntur.

§ II.

Argumentis satisfi.

4. Quamvis assertio proposita sit adeo vera, ut communi Theologorum sententia probetur; militant tamen adversus eam aliquæ objectiones, quarum enodatione sensus adductæ diffinitionis clarior apparebit. Arguitur ergo primo. Potestas ligandi, et solvendi est idem ac character sacerdotalis; sed hic non est idem ac potestas clavium: ergo clavis non recte diffinitur per potestatem ligandi ac solvendi. Major supponitur ex illis verbis:

Accipe potestatem etc., quibus sacramentum Ordinis confertur, et character imprimitur. Minor vero suadetur multipliciter. Primo: quia identitas, aut diversitas cujusvis potestatis ex identitate aut diversitate terminorum, quos respicit, venanda est; sed clavis ac character ad diversos terminos ordinantur: quippe character respicit verum Corpus Christi consecrandum, clavis vero Corpus Christi mysticum, id est, subditos ut dirigendos: ergo cum Corpus Christi verum, ac mysticum sint termini diversi, clavis ac character distinctæ potestates esse debent.

Secundo eadem minor suadetur fundamento Scoti. Illæ potestates distinguuntur, quæ separantur realiter; atqui potestas characteris, ac potestas clavium realiter separantur: ergo diversæ sunt. Minorem probat in Apostolis, quibus prius contulit Christus Dominus characterem ac potestatem consecrandi, dum dixit: *Hoc facite in meam commemorationem*; tunc enim eos sacerdotes constituit; deinceps vero post resurrectionem clavium potestatem dedit, cum dixit: *Accipite Spiritum Sanctum, quorum remiseritis peccata, remittuntur eis*, etc. Id quod etiam in aliis sacerdotibus accidit: nam cum Episcopus eos ordinat, prius tribuit characterem, aut potestatem consecrandi; deinceps vero dum manus imponit, clavium potestatem confert: ergo si diversis temporibus conferuntur, una potestas ab alia realiter separatur.

Tertio ex D. Thoma 3 part. quæst. 63, art. 5, in corpore, ubi demonstrat, Christum non habuisse characterem secundum aliquam rationem; cum tamen ibidem ostendat habuisse claves excellentissimo modo: ergo claves, et character realiter separantur, atque ideo realiter distinguuntur. Quod ulterius suaderi potest ex eo, quod character est æqualis in omnibus sacerdotibus; claves autem hanc æqualitatem non servant, ut ex se patet: ergo distinctæ potestates sunt.

Ad argumentum respondetur concessa majori negando minorem intellectam de distinctione reali entitativa, seu de characteris sumpto adæquate quoad entitatem, ac extensionem; quam minime evincunt inductæ probationes. Non prima: nam diversitas realis potentia, aut potestatis

om.
l.

desumenda est ex diversis terminis primariis, ac adæquatis, ad quos potentiæ aut potestates ordinantur; non vero ex diversitate terminorum, quorum unus est primarius, alterque secundarius. Actus autem consecrandi, aut conficiendi Corpus Christi verum, et actus regendi Corpus ejus mysticum ligando, et solvendo a peccatis, qui sunt termini inspecti, non comparantur ad characterem sacerdotalem, et ad claves tanquam termini adæquati ac primarii, sed ut actus ac terminus primarius, et secundarius characteris sacerdotalis adæquate, et complete sumpti. Quæ responsio est D. Thomæ in 4, dist. 24, quæst. 2, art. 3, ad 2, ubi ait: « Dicendum, quod Dominus discipulis dedit sacerdotalem potestatem quantum ad principalem actum in « Cœna quando dixit: Accipite, et manducate; inde subjunxit: Hoc facite in meam « commemorationem. Sed post resurrectionem dedit eis sacerdotalem potestatem « quantum ad actum secundarium, qui est « ligare, et solvere. » Idemque disertis verbis tradit in præsentī, quæst. 17, art. 2, ad 1: « Dicendum, quod ad duo, quorum « unum est causa alterius, una potestas « ordinatur, sicut in igne ad calefaciendum, « et dissolvendum. Et quia omnis gratia, et « remissio in Corpore mystico ex capite « suo provenit, ideo una potestas eadem « esse videtur per essentiam, qua sacerdos « conficere (id est, consecrare) potest, et « qua potest solvere et ligare, si jurisdictio « adsit; nec differt nisi ratione secundum « quod ad diversos effectus comparatur. « Sicut etiam ignis dicitur secundum aliam « rationem calefactivus, et liquefactivus. Et tandem concludit: « Et quia nihil est « aliud character ordinis sacerdotalis, « quam potestas exercendi illud, ad quod « principaliter ordo sacerdotii ordinatur, « sustinendo quod sit idem quod spiritualis « potestas; ideo character, et potestas conficiendi (Corpus Christi) et potestas clavium est unum, et idem per essentiam, « sed differt ratione. » Quocirca sacerdotalis character, si adæquate accipiatur quoad rationem potentiæ respicientis actum consecrandi primarium, ac actum absolvendi secundarium, quo pacto de illo loquuti fuimus tract. 22, disp. 5, dub. 2, num. 32 et 33, nulla reali distinctione excludentis, et exclusi entitativa, aut mo-

dali distinguitur a potestate clavium, sed tantum per rationem: quippe character adæquate sumptus quoad potentiam activam utriusque actus dicit se ipsum ut extensum, quo sensu accipiendus est D. Thomas.

Si vero character sacerdotalis inadæquate sumatur, prout tantum respicit principalem actum consecrandi Corpus Christi, et ut contraponitur potestati absolvendi a peccatis, qui est actus secundarius ejusdem characteris, sunt potestates inadæquate distinctæ, non entitative, sed præcise modaliter, quatenus character impressus in traditione calicis, et patenæ cum vino ac hostia, deinceps per impositionem manuum Episcopi nedum explicatur, ut sentit Nugat in addit. ad art. 3 part. quæst. 37, art. 5, sed etiam extenditur per novum modum in eo receptum ad absolvendum, et ligandum sacramentaliter, ut recte vidit Sotus in 4, dist. 29, quæst. 1, art. 2, concl. 3, ubi asserit, hanc doctrinam esse communem sententiam, aliundeque magis consonam Concilio Tridentino sess. 14, cap. 1, ut ex dicendis dubio seq. a num. 10, ac deinceps constabit. Unde secluso illo extensionis modo potestas absolvendi reperiri non potest, ita quod si Episcopus ordines conficiens post traditionem Calicis et Hostiæ moreretur ante manuum impositionem, ordinatus non maneret perfecte sacerdos quoad omnia, atque ideo ligare, et absolvere non posset, etiamsi Parochus fieret, sed tantum Eucharistiam conficere, eamque fidelibus ministrare; ut docent N. Andreas tract. 8, cap. 3, punct. 5, num. 41, Sanchez lib. 1, cap. 3, dub. 12, Granados dist. 3, § 3, Dicastillo dub. 10, cum Aversa; et Palao, N. Bonæ Spei tract. 7, dub. 2, resol. 3, et dub. 4, resol. unica, Gonet disp. 2, de ordine, art. 3, § 1, concl. 2, et disp. 4, art. 3, num. 39. Id quod egregie declarat Sotus exemplo consecrationis Episcopi: hic enim quamvis, dum consecratur, novam entitative characteristicam potestatem non recipiat distinctam ab ea, quam recepit in sacerdotio; tamen accipit novum modum extensionis, per quem potestas sacerdotalis extenditur, sine quo non posset ordines conficere, aut Confirmationis sacramentum impendere.

Ad secundam ejusdem minoris improbationem dicendum est, characterem, seu potestatem

D. Tho.

Nugat

Sotus

N. Andr. Sanchez Granados Dicastillo Aversa Bonæ Spei Palao Gonet

testatem sacerdotalem complete, et ædèquate sump̃tam, nullo modo separari a potestate clavium; nec diverso, sed eodem tempore collatas fuisse: nam ita accepta potestas sacerdotalis dicit utrumque, et potentiam ad actum primarium consecrandi, et posse al actum secundarium absolventi. Si vero inadæquate consideretur, secundum quod refertur ad primarium actum præcise, distinguitur a potestate clavium ut exprimit ordinem ad actum minus principalem, non quidem distinctione reali entitativa, quippe quæ non comparantur tanquam potentia, et potentia, sed dumtaxat distinctione modalis, quatenus potestas clavium addit characteri quandam extensionem ad ligandum, et solvendum. Quod satis est, ut verificetur hujusmodi potestates, diversis temporibus Apostolis fuisse collatas, quemadmodum etiam separatim aliis sacerdotibus conferuntur. Realis igitur separatio arguit ad summum distinctionem proportionatam separationi; unde cum hæc non sit inter duplicem entitatem, aut inter potentiam, et potentiam, sed inter potentiam, et modum ejusdem, similis tantum debet esse distinctio. Præterquam quod ex separatione reali sola distinctio realis potentialis inferitur, ut sæpius tract. I, et 21 explicuimus.

Ad ultimam probationem respondetur, potestatem clavium in Christo omnino a characterē sacerdotali fuisse separatam, cum nec in illo talis potestas Christi fundetur, nec cum illo adæquate, aut inadæquate identificetur, ita ut illum includat, aut præsupponat: non enim in Christo character sacerdotalis extitit, ut egregie loco supra ex 3 part. relato probat Ang. Doctor: nam character est participatio virtutis, et signaculum Ministerii Christiani; quod totum Christus habuit in omni plenitudine: « Et probat hoc » (verba sunt Doctoris Angelici) « Christo non competit habere characterem, sed potestas sacerdotii ejus comparatur ad characterem sicut id, quod est plenum, et perfectum ad aliquam sui participationem. » Potestas igitur clavium in Christo fundabatur in gratia unionis ad divinum suppositum. Inde autem inferre non licet, potestatem clavium, quæ in sacerdotibus invenitur, a characterē sacerdotali adæquate sumpto realiter separari, aut ab eo sic accepto realiter distingui. Potestas autem ligandi, et solvendi in om-

nibus sacerdotibus complete ordinatis est in virtute sua quantum ad hoc omnino æqualis, non minus quam character, licet in aliqua conditione ad actum clavium requisita, nempe jurisdictione, inæqualis sit in pontifice, Episcopis, et aliis sacerdotibus, ut dixit D. Thomas his verbis: « Potestas ordinis, quantum est de se, extendit se ad omnia peccata remittenda, sed ad usum hujus potestatis, ut dictum est, requiritur jurisdictio, quæ a majoribus in inferiores descendit. » Per quod patet ad difficultatis augmentum.

5. Arguitur secundo: nam illa particula ^{Argum.} *Ecclesiasticus judex* inepte in prædicta clavium definitione ponitur: ergo non est recta hæc definitio. Antecedens suadetur: quia non est judex Ecclesiasticus, nisi qui gaudet jurisdictione; sed stat potestas clavium in eo, qui jurisdictione caret; non ergo potestas clavium est illa, quæ *Ecclesiasticus judex*. Major liquet: nam judex per jurisdictionem in esse talis constituitur. Minor vero ostenditur: quia potestas clavium cum ordine sacerdotali confertur; sed jurisdictio non confertur cum ordine sacerdotali, alias omnes sacerdotes eo ipso quod tales existerent, jurisdictionem haberent, quod est omnino falsum: ergo stat potestas clavium in sacerdote, qui caret jurisdictione.

Respondetur negando antecedens ad cuius ^{Dissolvitur.} probationem dicendum est, sacerdotem, qui jurisdictione caret, habere potestatem clavium, non tamen expeditam, sed impeditam ne in suum actum prorumpat, non ex defectu alicujus ad entitatem aut modum extensionis pertinentis, sed ex defectu potestatis applicativæ, et materiæ, aut subjecti, in quod exercenda est. Aliud quippe est habere potestatem ad aliquem actum cum omnibus requisitis ex parte actus primi desideratis; aliud vero illam habere cum omnibus his, quæ ad actum secundum pertinent, ita ut possit potentia consequenti exercitium obtinere. Quemadmodum in igne stat tota potentia combustiva, et tamen sine applicatione illius ad propriam materiam comburendam non stat actus comburendi, nec posse potentia consequenti comburere. Potestas igitur clavium, quæ quoad entitatem ac realitatem est ipse character in ordinatione collatus, dicit meram potentiam; jurisdictio

autem non est proprie potentia, aut potestas clavium, sed potestas applicativa materiæ ad agens, et conditio ad actum secundum desiderata, ut potestas collata in ordine exerceatur. Quæ solutio desumitur ex D. Thoma in præsentibus, quæst. 17, art. 2, ad 2, ubi ait : « Ad secundum dicendum, quod omnis potestas spiritualis datur cum aliqua consecratione, et ideo « clavis cum ordine datur ; sed executio « clavis indiget materia debita, quæ est « plebs subdita per jurisdictionem ; et « ideo antequam jurisdictionem habeat, « habet claves, sed non habet actum clavium ; et quia clavis per actum definitur, ideo in definitione clavis ponitur « aliquid ad jurisdictionem pertinens ; « id est, ly iudex Ecclesiasticus. »

D. Tho.

Argum.
3.

6. Tertio objicies : nam claudere, et aperire fores Regni cœlestis est proprium solius Dei : ergo id iudici Ecclesiastico convenire nequit, et consequenter inepte in clavium definitione apponitur ly iudex Ecclesiasticus. Antecedens suadetur : nam Regnum cœleste est ultimus finis, ad quem homines tendunt ; sed perducere ad ultimum finem est proprium primi, et principalis agentis, qui est Deus, non vero agentis instrumentalis : ergo perducere ad Regnum cœleste, illud aperiendo, est proprium solius Dei. Quam objectionem sibi proponit fere eisdem verbis Ang. Doctor in præsentibus dicens : « In omnibus ordinatis agentibus ultimus finis pertinet ad « principale agens, non ad agens instrumentale ; sed principale agens ad salutem hominis est Deus : ergo ad eum « pertinet ad Regnum admittere, quod est « ultimus finis, et non ad habentem claves, qui est sicut instrumentum vel minister. »

D. Tho.

Diluitur.

Respondetur, quod licet aperire immediate januam Regni cœlorum, atque ideo immediate perducere ad ultimum finem sit proprium primi, et principalis agentis, qualis est Deus, qui per se ipsum, et sine sacramentis, et ministris sacramentorum, potest auferre peccatum impediens aditum in Regnum cœlorum ; tamen aperire mediate, aut perducere ad ultimum finem mediis sacramentis non est proprium primi agentis, et Dei, sed etiam id valet Dei ministris communicari, quippe quibus tanquam instrumentis Deus uti potest ad illum

effectum. Quam solutionem adhibet D. Thomas dicens : « Actus autem sacerdotis « non est immediate super Regnum, sed « super sacramenta, quibus homo ad Regnum pervenit. »

D. Tho.

7. Arguitur quarto : nam *dignos recipere* non pertinet ad potestatem clavium : ergo in hac definitione incongrue illæ particulæ inferuntur. Antecedens ita suadet D. Thomas : « Ad id, quod aliquis habet ex se « ipso, non indiget aliqua potestate activa, « per quam introducatur ad actum ; sed eo « ipso quod aliquis est dignus, ad Regnum « admittitur : ergo non indiget aliqua potestate activa, per quam admittatur. Non « igitur pertinet ad potestatem clavium dignos ad Regnum admittere. » Hæc ultima consequentia liquet ex prima : nam cum potestas clavium sit idem ac character, necessario est potentia activa, quæ ad secundam speciem qualitatis spectat.

Argum.
4.

D. Tho.

Uterius potest hujus definitionis defectus ostendi ex eo quod Ecclesia non intendit *indignos excludere* a cœlesti Regno : ergo illæ particulæ sinistre apponuntur in clavium definitione. Consequentia ex eo liquet, quod iudex Ecclesiasticus non debet facere id, cujus oppositum Ecclesia intendit. Antecedens autem ostenditur : quia Ecclesia non intendit a Regno excludere eos, pro quibus orat ut in Regno recipiantur ; sed Ecclesia orat pro peccatoribus, ut perveniant ac recipiantur in cœlis : non igitur intendit indignos excludere a Regno.

Confir-
mat.

8. Ad argumentum respondetur negando antecedens, cujus probationi ita occurrit D. Thomas in solut. ad 3 : « Dicendum, quod « aliquis potest esse dignus aliquo dupliciter ; aut ita quod ipsum habendi jus « habeat, et sic quilibet dignus jam habet « cœlum apertum ; aut ita quia insit ei « congruitas ad hoc quod ei detur, et sic « dignos, quibus nondum apertum est cœlum, potestas clavium recipit. » Itaque alia est dignitas orta ex merito de condigno ratione gratiæ sanctificantis, et peccatum excludentis ; et dum hæc adest, clavis necessaria non est, cum cœlum per culpam clausum non sit. Alia vero est dignitas congruitatis reperta in illis, qui licet peccatum habeant, accedunt temen cum animi dolore, spe veniæ, ac firmo proposito in posterum non peccandi ad pœnitentiæ sacramentum. His autem, quo ca-

Diluitur
D. Tho.

pite

pite in statu peccati existunt, cœli aditus non patet; quatenus vero dispositiones habent ad peccati remissionem, digni congruenter efficiuntur ut illis cœli janua reseretur per remotionem peccati aditum impediens. Igitur dum in clavium diffinitione dicitur: *Dignos recipere*, hi posteriores intelliguntur, quos discernere ad sacerdotem tanquam ad Christi ministrum, cœlique janitorem spectat.

onfr.
itioni
dist. I.
Tho.

Confirmationem diluit etiam D. Thomas: « Ad quartum dicendum, quod sicut « Deus non obdurat impertiendo malitiam, sed non conferendo gratiam; ita « sacerdos dicitur excludere non quod impedimentum ad intrandum ponat, sed « quia impedimentum positum non amoveat: quia ipse amovere non potest, nisi « Deus prius amoverit; et ideo rogatur « Deus ut ipse absolvat, ut sic sacerdotis « absolutio locum habeat. » Unde ad objectionem dicendum est, Ecclesiam ac proinde judicem Ecclesiasticum non intendere indignos excludere a Regno *directe, et positive*; intendere tamen *indirecte*, ac *negative*: quia Ecclesia, ac judices Ecclesiastici cœlum non ocludunt apponendo obstaculum, peccatum videlicet, quo aditus impeditur; sed tantum non amovendo impedimentum ab eisdem indignis appositum; quod est illos excludere *negative*, aut *indirecte*. Nec antecedentis probatio aliquid evincit: nam Ecclesia non orat ut indigni recipiantur in sensu composito indignitatis, sed orat ut efficiantur digni, qualiter admitti possint. Illi autem, qui tales effici nequeunt, excluduntur ab Ecclesia *negative*, licet alias eos accipere in sensu explicato exoptet.

DUBIUM II.

Utrum clavium potestas sit in Ecclesia:

Pro dubii decisione observa ex D. Thomas in præsentī, quæst. 17, art. 1, triplicem esse clavium potestatem; autoritatis, videlicet, excellentiæ, et ministerii. Quarum prima in Divina Trinitate invenitur, eo quod solus Deus est Author gratiæ sanctificantis, per cuius infusionem peccatum excluditur, et cœli aditus patefit. Secunda fuit in Christo Domino; quippe cum ejus humanitas sit instrumentum Divinitatis

eidem conjunctum, in quo summo intervallo excedit quæcumque alia extrinseca instrumenta; congruum fuit ut inter alios ministros, qui instrumenta sunt ad usum sacramentorum, haberet quandam clavium supereminentem potestatem, quæ ideo clavis *excellentiæ* nuncupatur. Ejus autem eminentia in eo consistit, quod Christus ad removendum peccatum concurrat per meritum ipsius passionis tanquam agens principale in genere moris, ejusque humanitas tanquam instrumentum physicum, et conjunctum. Hanc autem clavium potestatem an Christus in Ecclesia reliquerit, vel relinquere potuerit, in dubium non revocamus: quia hujus difficultatis decisio satis liquet ex dictis tract. 22, disp. 6, dub. 2, et præcipue ex ibidem apposis ad calcem art. 4, q. 64. De tertia igitur potestate clavium, quæ ministerii dicitur, inquirimus an in Ecclesia sit?

§ I.

Deciditur difficultas, et veritas catholica propugnatur.

9. Dicendum est, prædictam clavium potestatem in Ecclesia, ejusque ministris inveniri. Hæc conclusio est de fide, illamque communiter docent Theologi, quos proinde superfluum est in particulari referre. Diffinitur autem in Concilio Constantiensi sess. 8, et 9. In Lateranensi, cap. *Firmiter de summa Trinitate*. In Florentino in litt. *Sanctæ unionis*: ac tandem in Tridentino sess. 14, cap. 1, ubi hæc habentur: « Dominus autem sacramentum « pœnitentiæ tunc præcipue instituit, cum a « mortuis suscitatus insufflavit in Discipulos suos dicens: Accipite Spiritum Sanctum, quorum remiseritis peccata, remittuntur eis, et quorum retinueritis, retenta sunt. Quo tam in significato, et verbis « tam perspicuis, potestate remittendi, et « retinendi peccata, ad reconciliandum fides « deles post Baptismum lapsos, Apostolis, « et eorum legitimis successoribus fuisse « communicatam, universorum Patrum « consensus semper intellexit, et Novatiani nos remittendi potestatem olim pertinaciter negantes, magna ratione Ecclesia « catholica tanquam hæreticos explosit, « atque condemnavit. Quare verissimum

Assertio.
Conc.
Const.
Lateran.
Florent.
Trident.

« hunc verborum illorum Domini sensum
 « Sancta hæc Synodus probans, et reci-
 « piens, damnat eorum commentitias in-
 « terpretationes. » Et tandem Can. 3, in-
 quit : « Si quis dixerit, verba illa Domini
 « Salvatoris : Accipite Spiritum Sanctum,
 « quorum remiseritis peccata, remittuntur
 « eis, et quorum retinueritis, retenta sunt;
 « non esse intelligenda de potestate remit-
 « tendi, et retinendi peccata in sacramento
 « pœnitentiæ, sicut Ecclesia catholica ab
 « initio semper intellexit, detorserit autem
 « contra institutionem hujus sacramenti
 « ad auctoritatem prædicandi Evange-
 « lium, anathema sit. »

Funda-
 mentum
 ex
 Scriptu-
 ra.

10. Ad suadendam autem hanc conclu-
 sionem adsunt plura Sacræ Scripturæ loca,
 præsertim duo, ex quibus evidenter de-
 monstratur. Primum est Joannis cap. 20,
 Secundum vero Matthæi 16. Ex primo igitur
 sic probatur assertio : nam si in Ec-
 clesia potestas clavium remittendi ac re-
 laxandi peccata non est, tota lex Evangelica
 ruit ; consequens nec ab hæreticis admit-
 titur, quippe qui Christiani sunt, et Chris-
 tum ejusque doctrinam sectari sibi viden-
 tur, ne tanquam Gentiles, ac Pagani ha-
 beat : ergo potestas clavium est in
 Ecclesia. Consequentia est evidens, et mi-
 nor inserta probatione liquet ; aliis hære-
 tici paganismo annumerandi sunt, quod
 concedere renuunt. Unde tota difficultas
 devolvitur ad probationem majoris, quæ
 sic ostenditur : etenim tota lex Evangelica
 pendet ex infallibilitate verborum, ac ac-
 tionum Christi juxta ea, quæ habentur in
 Scriptura : ideo enim invenitur in Ecce-
 sia sacramentum Baptismi, quia ex verbis
 Christi ac Scripturæ constat ejus institutio
 ac potestas collata hominibus ad baptizan-
 dum, ut vel ipsi hæretici fatentur : ideo
 etiam invenitur in Ecclesia potestas conse-
 crandi Corpus Christi, et ministrandi alia
 sacramenta, quia id habemus ex Christi ac
 Scripturæ testimonio ; sed ex Joanne 20,
 num. 23, constat, Christum Dominum tra-
 didisse Apostolis, eorumque successoribus
 potestatem clavium, dum insufflavimus, ac
 dixit : *Accipite Spiritum Sanctum, quorum
 remiseritis peccata, remittuntur eis, et quo-
 rum retinueritis ; retenta sunt* : ergo si in
 his verbis clavium potestatem in Ecclesia
 non reliquit, tota lex Evangelica ruit. Con-
 sequentia patet : nulla enim est ratio, cur

Joann.
 20. 23.

magis standum sit verbis Christi, ac testi-
 monio Scripturæ in uno loco, ac in alio.
 Quocirca si huic Joannis testimonio stan-
 dum non est, nec etiam standum erit aliis,
 in quibus habemus institutionem aliorum
 sacramentorum, ac traditionem potestatis
 ad illa conficienda ; atque ideo tota lex
 Evangelica fundamento destituitur. Minor
 autem probatur : nam si illa verba Christi
 non sinistre, sed simpliciter accipiantur,
 liquido constat Apostolos accepisse Spi-
 ritum Sanctum, ac proinde potestatem ad
 munus remittendi peccata ; sed hæc est
 potestas clavium : ergo eam Christus in
 Ecclesia reliquit.

11. Ex alia vero auctoritate Matthæi sic etiam veritas catholica confirmatur : nam
 Christus Dominus promisit Petro, se illi
 daturum clavium potestatem, dum dixit :
*Tibi dabo claves Regni Cælorum, et quod-
 cumque ligaveris super terram, erit ligatum
 et in Cælis ; et quodcumque solveris super
 terram, erit solutum et in Cælis.* Id quod ite-
 rum non solum Petro, sed et aliis Aposto-
 lis quasi juramento promisit, dum ejusdem
 Matthæi 18, ait : *Amen, amen dico vobis,
 quæcumque alligaveritis super terram, erunt
 ligata et in Cælis.* Ubi non de præsentibus, sed
 de futuro potestas judiciaria promittitur
 conferenda ; sed Christi verba deceptorum
 aut nugatoria non sunt, sed infallibilis
 veritatis : alioqui nullius essent fidei,
 atque ideo Evangelica lex eisdem veluti
 solidissimo fundamento innixa omnino
 rueret : ergo promissionem in illis verbis
 factam aliquando adimplevit, clavium po-
 testatem Apostolis eorumque successoribus
 tribuendo. Tum sic ; sed non alibi, saltem
 expressius, quam dum Joannis 20, dixit :
*Accipite Spiritum Sanctum, quorum remi-
 seritis peccata, etc.,* vel dum post resur-
 rectionem dixit Petro : *Pasce oves meas,*
 Joann. 21. Ergo tunc clavium potestatem
 contulit, ac in Ecclesia reliquit. Minor sub-
 sumpta inde constat, quod etiam si totum
 Evangelium consulatur, clariora alia verba
 non extant, quam illa Joannis, ad hujus-
 modi potestatem conferendam, aliundeque
 illa cæremonia insufflandi, ac impertitio
 Spiritus Sancti eo tendunt, ut ibi Apostoli
 aliquam specialem facultatem acciperent ;
 alias illa cæremonia casualis, et ridicula
 foret, quod asserere blasphemum est.

Matth.
 16 et 18.

Joann.
 21.

Hanc item doctrinam unanimiter Ecce-
 siæ

Robo-
 ratur ex

SS. PP. siæ Patres docuere. Cyprianus lib. I Epist.
 S. Cyprian. epist. 2, contra Novatianos sic ait : « Ipse »
 S. Bernar. (Christus nimirum) « legem dedit, ut liga-
 « ta in terris, etiam in cœlis ligata essent;
 « solvi autem possent illie, quæ hic prius
 « in Ecclesia solverentur. » Bernardus
 serm. 1, in festo Apostolorum Petri, et
 Pauli, de Petro inquit : « Quid illo poten-
 « tius, qui claves Regni tam singulariter
 « accepit, ut præcedat sententia Petri sen-
 « tentiam cœli. » Hieronymus epist. ad
 S. Hieron. Eliodorum : « Sacerdotes Apostolico gra-
 « dui succedentes. Christi Corpus sacro ore
 « conficiunt, per quos, et Christiani sumus,
 « qui claves Regni cœlorum habentes quo-
 « dammodo ante diem iudicii iudicent. »
 S. August. Augustinus lib. 20, de Civitate Dei cap. 19,
 ad illa verba Apoc. 20 : « Vidi sedes, et se-
 « dentes super eas, et iudicium datum est, »
 etc. inquit : « Nec hoc putandum est de
 « ultimo iudicio, sed per sedentes super
 « sedes ipsi præpositi sunt intelligendi,
 « per quos nunc Ecclesia gubernatur. Ju-
 « dicium autem datum, nullum melius
 « accipiendum est, quam id quod dictum
 « est : Quæ ligaveritis in terra, erunt li-
 « gata et in cœlo. » Similiter loquuntur
 S. Cyrillus N. Cyrillus Alexandrinus lib. 12, in
 S. Alexan. Joann. cap. 15, Ambrosius lib. 1, de Pœ-
 S. Ambros. nit. cap. 2, et 7, lib. 2, cap. 2, ubi efficacis-
 S. Hilar. sime æque ac latissime hanc clavium po-
 S. Chrys. testatem contra Novatianos probat. Hila-
 rius c. 16, in Matth. Chrysostomus homil.
 85, in Joann. ac reliqui omnes Ecclesiæ
 Patres, quorum testimonia, ne fastidium
 gignamus, non adducimus.

D. Tho. Placet tamen Ang. Præceptoris verba
 huc advocare, qui in comment. ad illud
 Matthæi 16, vers. 19. *Tibi dabo claves*, etc.
 ita subdit : « Hic ponitur secundum donum,
 « quod Petro dedit Christus secundum huius-
 « manitatem : fundavit enim Ecclesiam in
 « terris, et Petrum Vicarium suum insti-
 « tuit, ut introduceret in cœlum ; inde
 « illud ministerium dedit unde claves
 « dedit ; claves enim introducunt, unde
 « Petrus habet ministerium introducendi ;
 « et duo facit. Primo claves committit.
 « Secundo usum docet ; (et quodcumque,
 « etc.) Sed videamus, inquit, quæ sunt cla-
 « ves ? Domus, quando est deserata, impe-
 « dit introitum ; clavis vero removet im-
 « pedimentum. Regnum cœlorum habebat
 « impedimentum, sed non ex parte sua,

« sed ex nostra, scilicet, peccatum, quia
 « nihil coinquinatum intrabit in illud. Ista
 « impedimenta removet Christus per suam
 « Passionem, quia lavit nos a peccatis
 « nostris in sanguine suo, Apoc. 1, et hanc
 « communicavit, ut per ministerium peccata
 « tollerentur ; quod expletur per virtutem
 « sanguinis Christi. Unde sacramenta virtu-
 « tem habent a virtute Passionis Christi.
 « Unde dabo tibi ministerium ; sed dicit :
 « Tibi dabo. Nondum enim erant fabrica-
 « tæ (scilicet claves) res autem non potest
 « dari, antequam sit. Fabricandæ autem
 « hæ erant in Passione ; unde in Passione
 « fuit eorum efficacia ; unde hic promisit,
 « sed post Passionem dedit, cum dixit :
 « Pasce oves meas. » Hæc D. Thomas, si-
 miliæque tradit in præsentī, quæstion. 17,
 artic. 1, in corpore

12. Ex quibus omnibus ulterius munitur ^{Uterior confirm.}
 assertio sequenti discursu : etenim circa
 rem, quam docent Scriptura Sacra, Concilia,
 universalis Ecclesia, ac unanimiter ejus
 Sacri Doctores, disputandum non est, sed
 tanquam omnino verum tenendum ; atqui
 ex dictis, Scriptura, Concilia, et Ecclesiæ
 Doctores unanimiter, ac universaliter do-
 cent adesse in sacerdotibus potestatem di-
 mittendi, ac retinendi peccata, quæ clavium
 potestas nuncupatur : ergo hæc in Ecclesiæ
 Ministris reperitur. Consequentia est legiti-
 ma, et minor ex adductis testimoniis
 liquet. Major autem est regula universalis,
 quam tradit D. Augustinus lib. 4, contra
 Donatistas cap. 24, et epist. 118, ubi asse- ^{D. August.}
 rit, insolentissimam insaniam esse in du-
 bium adducere id, quod universalis Ecclesia
 docet, ac tenet. Adde, Christum Dominum,
 cui commissa fuit omnis potestas in cœlo,
 et in terra, habuisse potestatem ligandi, ac
 solvendi, juxta illud : *Ut sciatis, quia Fi-
 lius hominis habet potestatem in terra dimit-
 tendi peccata*, etc. Ergo illa uti potuit vel
 immediate per se ipsum, ut cum dixit
 Paralytico : *Remittuntur tibi peccata tua* ;
 vel mediate per alios, quibus tanquam
 Vicariis illa potestas commissa fuerit : in
 hoc enim nulla repugnantia apparet. Sed
 id, quod efficere potuit, de facto fecisse
 nobis constat ex testimoniis allatis, præser-
 tim ex illo Joann. : *Accipite Spiritum Sanc-
 tum*, etc. Ergo hujusmodi potestas in Ec-
 clesia invenitur.

§ II.

Duz hæreticorum responsiones confutantur.

13. Respondent primo hæretici, ut vim harum rationum, et autoritatum pondus infringant, ac sinistris interpretationibus elidant, potestatem a Christo Domino Discipulis in præallegatis testimoniis concessam, non esse aliam, nisi facultatem prædicandi Evangelium : per fidem enim (aiunt isti) remittuntur peccata : per Evangelii vero prædicationem concipitur fides ; unde potestas prædicandi Evangelium dicitur a Christo dari ad dimittenda peccata. Sic Wicleph. Lutherus, et Calvinus. Verba Calvini hæc sunt : « Quid sit solvere, et « ligare, Dominus exposuit Joan. 20, cum « dedit Apostolis autoritatem remittendi, « et retinendi peccata : solvere enim est « remittere peccata, ligare est retinere. « Quomodo autem remittantur, et retineantur peccata, Scriptura passim docet, « cum per Evangelii prædicationem testatur illuminari homines, et liberari de « pravitate vitiorum ; 2 ad Corinth. 15 : « Posuit in nobis verbum reconciliationis. « Pro Christo ergo legatione fungimur, « tanquam Deo exhortante per nos. Obsecramus pro Christo, reconciliamini Deo. « Itaque ille remittere dicitur peccata, qui « annuntiando Evangelium, homines convertit ad Deum ; ille dicitur retinere, qui » eos, quos videt obstinatos, declarat semper piternis pœnis esse mancipandos. Ex quo « sequitur, accipere claves Regni cœlorum, « non esse accipere principatum, et potestatem in alios, sed nudum ac solum ministerium verbi. »

Sed hoc hæreticorum effugium facile præcluditur. Primo : nam juxta satis tritam D. Augustini regulam lib. 3, de doctrina christiana, cap. 19, et ab omnibus Theologis admissam, verba Sacrae Scripturæ sunt in proprietate sermonis intelligenda, quoties ex eisdem ita acceptis nullum sequitur absurdum ; sed remittere, et retinere peccata in rigore, et proprietate sermonis minime significant prædicare Evangelium, et docere, sed ab eis absolvere, vel absolutionem non impertiri ; et aliunde ex hac intelligentia nullum sequitur absurdum, ut ex dictis ac dicendis apparebit ; ergo in hoc sensu sentire debemus Christum Do-

minum fuisse loquutum ; etenim Jurisconsulto testante in leg. *non aliter*, ff. de legat. et fideicommisso : « Non aliter a significatione verborum recedi oportet, quam « cum manifestum est aliud sensisse testatorem. » Quæ etiam est doctrina D. Hieronymi in cap. 30 Isaia ; et D. Basilii oratione 9, in Hexameron ; et S. Epiphanii hæres. 65, ac Tertulliani.

Secundo : nam genuinus sensus Sacrae Scripturæ ille solum debet censi, qui ex communi, et concordia Patrum Ecclesiæ intelligentia eruitur, et ad nos tanquam ex fontibus limpidissimis derivatur : incredibile enim omnino est, eos, quos dedit, (ad Ephesios 4.) Pastores et Doctores, ad consummationem Sanctorum in opus ministerii, luce veritatis privasse, errareque in re adeo substantiali permisisse ; sed omnes Ecclesiæ Patres unanimiter exponunt prædicta Evangelii verba de vera ac rigorosa clavium potestate, Apostolis ac sacerdotibus tradita : ergo ita intelligenda sunt, et non ad prædicationem detorquenda. Minorem probare sanctorum verbis, prolixi esset ac fastidiosus laboris : snfficiant igitur ad ejus evidentiam Patrum testimonia nuper adducta, ac loca ibi citata ; insuperque lectorem remittimus ad D. Chrysostomum homil. 70, ad populum, D. Hieronymus tom. 3, epist. 15, ad Ædibiam. quæst. 9, Anastasium in quæst. Sacrae Scripturæ, quæst. 79, tom. 6, Bibliotheca veterum Patrum, D. Ambrosium lib. 10, in Lucam prope finem. Hugonem Victorinum lib. 2, de Sacram. part. 14, cap. 1, D. Gregor. apud D. Thomam in Catena aurea ad cap. 20, Joannis. Unde Concilium Tridentin. sess. 14, cap. 1, sic illam hæreticorum expositionem explodit : « Quapropter verissimum illorum « verborum Domini sensum Sancta Synodus probans, et recipiens, damnat eorum « contumaces interpretationes, qui verba « illa ad potestatem prædicandi verbum « Dei, et Christi Evangelium annuntiandi, « contra hujusmodi sacramentum institutionem, falso detorquent. »

Tertio : quoniam prædicta Christi verba illam hæreticorum interpretationem non sustinent, cum in illis nec minimum signum prædicationis reperiatur : nam licet verbum illud : *Quorum remisistis peccata*, ad prædicationem violentissime applicari posset ; illud tamen : *Quorum retinueritis* nec

Primum
hæreticorum
effugium,

Wicleph.
Luther.
Calvinus.

Præcluditur
primo.

D.
Chrys.
D.
Hieron.
D.
Anasta-
tom. 6,
D.
Ambros.
Hugo.
Victor.
D.
Greg.
Concil.
Trident.

Tertio.

nec summa violentia ad prædicationem deferri valet. Eo vel maxime, quia munus prædicandi aliis distinctis ac disertissimis verbis Christum Apostolis commendasse constat ex Marco cap. ult. ubi ait: *Prædicate Evangelium omni creaturæ*; in tradendis autem singulis, quæ ad substantiam Ecclesiæ, ac Evangelicæ legis attinent, usus fuit Christus Dominus propriis ac disertis verbis: ergo inique delorquentur verba, in quibus traditur potestas clavis, ut de prædicatione intelligantur.

Alind
ereti-
orum
Augium

14. Secundo respondent alii ex hæreticis, Christum Dominum in illis verbis Joannis 20, dedisse quidem Ecclesiæ ministris potestatem remittendi peccata per Baptismum, non vero per pœnitentiæ sacramentum, adducentes in proprium Patrocinium quædam sanctorum Patrum testimonia, quæ sinistre intellecta huic videntur suffragari expositioni, ut videre in Cypriano epist. 73, et 76, et in Chrysostomo homil. 6, in 2, ad Corinth. et Isidoro lib. 2, de divinis officiis, cap. de Baptismo.

roster-
nuntur.

Verum si hæc interpretatio intendat, Sanctos Patres censere per Baptismi sacramentum peccata remitti, potestatemque ad peccata per Baptismum dimittenda, a Deo suis ministris collatum fuisse, inficias non ibimus: fide enim est sanctum, sacramentum Baptismi a Christo Domino fuisse institutum ea vi, ut illud ministrans (qui ex officio, et proprio munere solus est sacerdos, licet valide ab aliis conferatur) peccatum, et originale, et actuale ante Baptismum commissa remittat. Si vero interpretatio intendat, ut re vera intendit, excludere ab Ecclesiæ ministris potestatem remittendi per pœnitentiæ sacramentum peccata post Baptismum commissa, est hæretica, et falsissima, omninoque rejicienda, sicut a sacra Synodo loco allegato rejicitur; convinciturque ex Patrum expositione oppositum. Et in primis Leo Papa epist. 89, quæ habetur dist. 1, de pœnit. cap. 49, causa 33, quæst. 3, inquit cuidam Episcopo: « Multiplex misericordia Dei in lapsibus » subveniet humanis, ut non solum per » Baptismi gratiam, sed etiam per pœni- » tentiæ medicinam spes vitæ reparetur » æternæ, ut qui regenerationis donum » violassent, proprio se iudicio condem- » nantes, ad remissionem criminum perve- » nirent. Sic divinæ bonitatis præsidii or-

« dinatis, ut indulgentia Dei nisi supplica- » tionibus sacerdotum nequeat obtineri. » Mediator enim Dei, et hominum homo » Jesus Christus hanc præpositis Ecclesiæ » tradidit potestatem, ut et confitentibus » pœnitentiæ satisfactionem darent, et ea- » dem salubri satisfactione purgatos ad » communionem sacramentorum per ja- » nuam reconciliationis admitterent. » Idem aperte sentiunt D. Augustinus lib. 1, de adult. conjug. cap. ult. et lib. 50 homil. 40, de pœnit. et D. Ambrosius, qui hære- ticos virtutem Baptismi ad remissionem peccatorum admittentes (sicut admittunt Lutherani, et alii) optime sic redarguit: « Cur enim baptizatis, si per hominem pec- » cata dimitti non licet? » Quasi eos sic con- clulat: ideo negatis in sacramento pœni- tentiæ dimitti peccata per clavium potesta- tem a ministris Ecclesiæ, quia dimittere peccata non spectat ad homines, sed ad so- lum Deum, juxta illud Lucæ 5: *Quis potest dimittere peccata, nisi solus Deus?* Sed hæc ratio etiam apud vos nullius momenti esse debet, siquidem conceditis homines per Baptismum peccata dimittere: igitur vestra interpretatio complicationem dicit, dum ex una parte potestatem clavium, seu remit- tendi peccata in sacramento pœnitentiæ ministris Ecclesiæ denegatis, et ex alia si- milem potestatem in sacramento Baptismi illis conceditis.

Quod autem attinet ad Sanctos Patres, quos hæretici in propriam sententiam de- torquent, quid de re senserint satis cons- tat ex eorum doctrina. Etenim D. Cypri- nus tam longe abest ut hæreticorum sen- tentiæ adhæreat, ut lato calamo contra eorum doctrinam scripserit, ut patet in lib. de lapsis a principio, et in epist. 52. Deinde D. Chrysostomus lib. 3, de sacer- dotio non longe a principio, clarissime do- cet, quod non solum per Baptismum, sed extra illum habent sacerdotes Evangelici potestatem dimittendi peccata per sacra- mentum pœnitentiæ, id quod eloquentis- sime ponderat. Similiter D. Isidorus in al- legato loco vindice non indiget, quippe qui nec docet nec innuit, solum esse in sa- cerdotibus potestatem dimittendi peccata per Baptismum, sed per Baptismum, et insuper per pœnitentiam.

15. Deinde tradita evasio multipliciter præcluditur. Primo: quia potestas dimit-

Vindi-
cantur.
D.
Cypria-
nus.

D.
Chrys.

D.
Isidor.

o
ipa.

March.
28.

tendi peccata per Baptismum jam alibi collata erat Apostolis disertis verbis, ut patet ex Matth. 28, num. 19, dum Christus dixit: *Euntes ergo docete omnes gentes baptizantes eos in nomine Patris, et Filii, et Spiritus Sancti.* Ergo per Joannis verba alia distincta potestas collata est sacerdotibus ad peccata dimittenda extra Baptismum, atque ideo in vi sacramenti pœnitentiæ. Secundo: quia Christus Dominus specialem potestatem tribuit Apostolis ad dimittenda peccata infidelium, qui membra Ecclesiæ non sunt: ergo etiam potestatem reliquit ad dimittenda peccata fidelium, id est, commissa post Baptismum; alias peioris conditionis evaderet qui post Baptismum susceptum in peccatum rueret, quam infidelis, qui Baptismum nondum suscepit; siquidem hic per Baptismum ad Dei gratiam reduci posset, non vero ille qui Baptismum iterum suscipere nequit; quod asserere stolidissima amentia est, ac quid Dei misericordia indignum. Tum sic: sed clavium potestas præcipue tendit ad delenda peccata post Baptismum: ergo de hac potestate intelligenda sunt prædicta Joannis verba. Tertio: quia illa verba: *Quorum remiseritis peccata*, etc. generalia sunt, ac proinde intelligenda de peccatis etiam post Baptismum commissis; sed hæc per Baptismum, quippe qui etiam in hæreticorum sententia iterari nequit, remitti non possunt: ergo in illis alia potestas collata est, distincta a potestate dimittendi peccata per sacramentum Baptismi, et consequenter potestas clavium. Patet consequentia: quia Baptismus ut primo susceptus nequit extendi ad delenda peccata post ejus susceptionem commissa.

§ III.

Hæreticorum fundamentis satisf.

Novatus.

16. Clavium potestatem, facultatemve remittendi peccata post Baptismum commissam, primus negavit Novatus, Presbyter Africanus, qui aliter Novatianus Pseudo Romanus Episcopus dicitur, a quo Novatiani signaculum accepere, quos data opera refutavit D. Cyprianus loco proxime citato, et D. Ambrosius lib. de pœnit. D. Augustinus hæres. 38, Cornelius Pontifex decretali 1, in quem schisma Novatus sublevavit; ac tandem Fabianus Papa, qui epist.

1, decret. inquit: «Supervenit Novatus ex Africa, et separavit ab Ecclesia Christi «Novatianum, et quosdam alios.» De quo etiam hæretico loquitur D. Hieronymus lib. de Scriptoribus Ecclesiasticis, Pacianus epist. ad Sempronianum, Eusebius lib. 6, cap. 33, et 34, Nicephorus, et alii. Qui non eodem modo horum hæreticorum errorem referunt: quidam enim asserunt, non solum negasse potestatem Ecclesiæ ad dimittenda peccata post Baptismum commissa, verum etiam docuisse adhuc coram Deo omnino esse irremissibilia. Alii vero dicunt, non negasse pœnitentiam interiorum, et media illa remissionem peccatorum a solo Deo faciendam; sed solum intendisse, potestatem Ecclesiæ ad ea remittenda de medio tollere. Alii autem, Novatum a principio suæ hæresis non rejecisse Ecclesiæ potestatem ad omnia, sed solum ad dimittenda peccata eorum, qui Christum negabant, quando ad deserendam fidem vi tormentorum a Tyrannis urgebantur; ideoque docebat, hos ad pœnitentiam admittendos non esse, sed dimittendos, ut coram Deo pœniterent, si forte ab ipso remissionem assequi possent. Alii tandem aliter explicant prædictum errorem, in quo Montanum fuisse testantur, ac eodem postea illaqueatos Joannem Hus, et Wicleph, qui, ut Sotus refert, docebant claves Ecclesiæ non esse potestatem spiritualem ad ligandum, et solvendum: hoc enim proprium est illius, de quo Baptista ait: *Ecce Agnus Dei, ecce qui tollit peccata mundi;* sed potestatem scientiæ prædicandi, ac exempla tribuendi, quam etiam in laicis eruditis, existere asserebat Wicleph, qui. illud: «Quodcumque solveris, etc. ita glossabat: «Nihil solvere poteris nisi quod in «cœlo sit prius solutum;» ut videre est apud N. V. Thomam Valdensem, tom. 2, de sacram. cap. 144. Quem errorem deinceps extumularunt Lutherani, ac Calvinistæ. Pro quorum sententia

17. Arguitur primo: nam potestas clavium, seu ligandi et solvendi minime ex sacra Scriptura colligitur: voluntarie ergo, ac sine fundamento adstruitur in Ecclesia. Antecedens suadere nititur Calvinus in suo pestilenti Antidoto contra Concilium Tridentinum art. 2, illis verbis: «Ubinam (inquit) a Christo institutum fingunt? Quia «dixit: Accipite Spiritum Sanctum, quorum

L.
Argum.
Calvin

rum

« rum remiseritis peccata : etc. Primo, si
 « Christus hanc auctoritatem donavit Apos-
 « tolis, est ne propterea, sacramenti insti-
 « tutio ? Ubi symbolum ? Ubi forma ?
 « Deinde, quis ignorat, munus Apostolis
 « illuc fuisse injunctum, quo erga extraneos
 « fungerentur ? Christus testimonium, quod
 « de peccatorum remissione Apostoli red-
 « dituri erant mundo, confirmat. Ea porro
 « legatio est, quæ per Evangelium defer-
 « tur, et quidem in Ecclesiam nondum
 « coaptatis. » Quasi sic arguat : si ex aliquo
 Scripturæ testimonio de promi posset potes-
 tas clavium, maxime ex illo Joann. 20 :
*Accipite Spiritum Sanctum, quorum remise-
 ritis peccata, etc.* Sed inde minime colligi-
 tur : ergo absque fundamento introducitur
 in Ecclesia. Minorem suadere conatur,
 primo : nam juxta Catholicos potestas cla-
 vium est ad peccata remittenda vel reti-
 nenda in penitentia sacramento ; sed au-
 thoritas Apostolis illis verbis concessa
 non est hujusmodi, cum Christus tunc nul-
 lum instituerit sacramentum ; alias dicant
 Catholici : *Ubi est symbolum ?* Id est, si-
 gnum sensibile : *Ubi forma ?* Sine qua nul-
 lum est sacramentum : ergo. Secundo :
 nam Ecclesiæ ministri uti nequeunt potes-
 tate clavium erga extraneos in penitentia
 sacramento, quod est ad modum judicii,
 cum Apostolus I, ad Corinth. 5, dicat : *Quid
 enim mihi de his, quis foris sunt, judicare ?*
 At nemo ignorat, munus Apostolis illic
 fuisse injunctum, quo erga extraneos fun-
 gerentur : ergo ex collatione hujus muneris
 potestas clavium ad remittenda, et retinen-
 da peccata nomine colligitur. Tercio : nam
 facultas Apostolis ibi commissæ, est legatio
 de remissione peccatorum, « quæ per Evan-
 « gelium defertur, et quidem in Ecclesiam
 « nondum coaptatis, seu receptis, » id est,
 facultas prædicandi Evangelium, per quod
 excitata fide remittuntur peccata, juxta
 illud Marci ult. *Qui crediderit, et baptizatus
 fuerit, salvus erit.* Sed hujusmodi facultas
 non est potestas clavium, quæ nequit exer-
 cere in eos, qui in Ecclesiam nondum sunt
 coaptati : ergo idem quod prius.

1 Ad
Corinth.
5.

Marc.
ult.

Diluimur.

Respondetur negando antecedens, ad
 cujus primam probationem concessa ma-
 jori neganda est minor : etenim Christum
 Dominum sacramentum penitentia insti-
 tuisse, dum post resurrectionem Discipulis
 apparuit, ac dixit : *Accipite Spiritum*

*Sanctum, quorum remiseritis peccata, re-
 mittuntur eis,* ex professo ostendimus I
 part. hujus tract. disp. 4, dub. 4, § 2. Esse-
 que sacramentum a Baptismo diversum,
 constat etiam ex ibidem dictis, disp. I, dub.
 1, § 3, quo Lectorem remittimus. Ad Cal-
 vini autem interrogationem *Ubi symbolum ?*
Ubi forma ? Respondetur cum generali
 Doctorum sententia, symbolum, id est,
 signum sensibile, esse humilem peniten-
 tis submissionem factam sacerdoti, cordis-
 que dolorem externis signis demonstra-
 tum : ac tandem peccatorum propalatio-
 nem, et satisfactionem. Forma autem est
 absolutio sacramentalis : *Ego te absolvo,*
etc. Quæ omnia in illis verbis Christi Do-
 mini implicite saltem continentur. Ad se-
 cundam probationem concessa majori ne-
 gatur minor : falsum enim est, munus
 illud ibi Apostolis injunctum fuisse : ut eo
 erga extraneos aut in Ecclesiam nondum
 coaptatos fungerentur, sed potius erga sub-
 ditos, in quos exercere possent potestatem
 judiciariam, quam recte intulit Concilium
 Tridentinum ex illis verbis Christi Domini,
 sess. 14, cap. 1, dicens : « Quo tam in si-
 « gnificato, et verbis tam perspicuis potes-
 « tatem remittendi et retinendi peccata ad
 « reconciliandos fideles post Baptismum
 « lapsos Apostolis et eorum legitimis suc-
 « cessoribus fuisse communicatam, uni-
 « versorum Patrum consensus semper in-
 « tellexit. » In infideles igitur, aut extra-
 neos, cum extra Ecclesiæ gremium sint, ju-
 dicialis ac Ecclesiastica potestas exerceri
 nequit per penitentiam.

Concil.
Trident.

Ad tertiam neganda est major, sicut
 eam negat Concilium Tridentinum, dum
 cap. 1, sess. 14, damnat : « Eorum contu-
 « maces interpretationes, qui verba illa ad
 « potestatem prædicandi verbum Dei, et
 « Christi Evangelium annuntiandi, contra
 « hujusmodi sacramenti institutionem
 « falso detorquent. » Illud autem Marci
 ult : *Qui crediderit, et baptizatus fuerit, sal-
 vus erit ;* quo hæretici suadere conantur
 remissionem peccatorum soli Baptismo, et
 Fidei esse adscribendam, jam solum re-
 linquimus I. part. hujus tract. disp. 1,
 dub. 2, § 5, a num. 43, ubi etiam § 4, a
 num. 33, et deinceps alia diluimus pu-
 gnantia adversus existentiam, ac virtutem
 hujus sacramenti, a quorum coexistentia
 clavium potestas pendet. Quibus adden-

Trident.

dum est, quod licet clavium potestas ex Sacra Scriptura adeo palam non constaret, minime ob id deneganda erat: plura enim sunt, quæ expresse in Sacra Pagina non continentur, et tamen sunt diffinita ab Ecclesia tanquam fidei dogmata, eo quod per traditionem ab Apostolis derivata sunt. Cui doctrinæ obviam ire nequeunt hæretici: nam ut in præmio ad tract. 22 adnotavimus, ipsi non pauca habent, de quibus per solam traditionem constat, uti sunt nomina *Trinitatis*, ac *Hypostasis*.

Argum. 2. 18. Arguitur secundo: nam in Ecclesia, ejusque ministris inutilis superfluaque potestas adstruenda non est; sed potestas clavium est hujusmodi: igitur admitti non debet in Ecclesia, ejusque ministris. Major est pervia; minor autem suadetur: nam inutilis, et superflua sunt claves ad reserandum ostium, quod jam est apertum; sed Regni cœlorum ostium jam est apertum: ergo inutiles ac superflua sunt claves, quæ ad illud aperiendum in Ecclesia introducuntur. Minor, quæ sola difficultatem præferre poterat, patet ex illo Apocalypsis 4: *Vidi, et ecce in Cælo ostium apertum.*

Confirmat. Confirmatur: nam clavium potestas est ad aperiendum, et claudendum cœlum; sed hujusmodi potestas in Ecclesiæ ministris non reperitur: ergo. Minor suadetur: etenim potestas, quæ unice competit Christo Domino, in Ecclesiæ ministris nullo modo datur; sed potestas aperiendi, et claudendi cœlum solum in Christo Domino reperitur, ut liquet ex illo Apocalypsis 3: *Hæc dicit Sanctus, et verus, qui habet clavem David, qui aperit, et nemo claudit; claudit, et nemo aperit*: ergo potestas aperiendi, et claudendi cœlum in Ecclesiæ ministris inveniri non potest.

Solvitur argum. Respondetur negando minorem, cujus probatio non urget: nam cœli ostium solum dicitur, et est clausum, quatenus ex parte hominum adsunt peccata, quibus aditus impeditur. Peccatum autem est duplex, aliud originale, aliud actuale; atque ideo duplex cœli oclusio consideranda est. Igitur cœli ostium est apertum hominibus respective ad peccatum originale, prout est malum totius humanæ naturæ: hoc enim impedimentum ex vi Passionis Christi Domini efficaciter amotum est; et de hac apertione intelliguntur illa verba: *Vidi, et*

ecce in Cælo ostium apertum. Ceterum cum peccata actualia cœlum, quod jam reseratum erat, iterum occludant: ideo potestas clavium non inutilis ac superflua, sed omnino necessaria est, ut vectes hujusmodi infringat. Quæ est doctrina D. Thomæ in præsenti, quæst. 17, art. 1, ad 3, ubi inquit: « Ad tertium dicendum, quod ostium cœli, quantum est de se, semper est apertum; sed alicui clausum dicitur propter impedimentum intrandi in cœlum, quod in ipso est. Impedimentum autem totius humanæ naturæ, ex peccato primi hominis consecutum, per Passionem Christi amotum est; et ideo Joannes post Passionem vidit in cœlo ostium apertum. Sed adhuc quotidie aliquid manet clausum propter peccatum originale, quod contraxit » (prout inficit personam) « vel actuale, quod committit; et propter hoc indigemus sacramentis, et clavibus Ecclesiæ. »

Ad confirmationem neganda est minor, quæ ex textu Apocalypsis allegato minime evincitur: nam illa verba: *Qui aperit, et nemo claudit, claudit, et nemo aperit*, apud Rupertum, Anselmum, Ambrosium, Hugonem, aliosque expositores, in alio satis diverso sensu ab eo, quem objectio intendit, intelliguntur. Sufficiat D. Thomæ expositionem adducere, qui in præsenti ita ait: « Ad secundum dicendum, quod hoc intelligitur de clausione, qua Limbum clausit, ne aliquis ultra in illum descendat; et de apertione, qua Paradisum aperuit, remoto impedimento naturæ per suam Passionem. » Unde licet soli Christo Domino, et non alteri, clavis excellentiæ conveniat, et aperire cœlum removendo peccatum originale, ut inficit totam naturam humanam; non tamen soli Christo competit cœlum aperire amovendo obstaculum peccati personalis, sed id etiam convenit Ecclesiæ ministris per clavium potestatem ministerialem tanquam instrumentis separatis, et non ita principalibus, ac Christi humanitas, quæ ad prædictum effectum instrumentum conjunctum ac dignissimum est; unde subdit D. Thomas: « Cum enim in sacramentis Ecclesiæ efficitur cuncta Passionis maneat, propter hoc etiam ministris Ecclesiæ, qui sunt dispensatores sacramentorum potestas aliquid qua ad prædictum obstaculum removen-

D. Th.

Satis confirmat.

D. Tho.

« dum est collata, non propria, sed vir-
« tute Divina, et Passionis Christi. »

19. Arguitur tertio : nam qui habet
3. claves cœli, habet etiam claves inferni ;
sed Ecclesiæ ministri non habent inferni :
igitur nec claves cœli. Major videtur nota :
nam claves cœli, et inferni magnam inter
se obtinent connexionem, vel potius iden-
ticitatem ; siquidem aperire cœlum, nihil
aliud est quam remittere peccatum, quo
infernus aperitur. Minor vero suadetur :
quia ideo ministri Ecclesiæ habent claves,
inquit D. Thomas, quia sunt dispensatores
Tho. sacramentorum, in quibus residet efficacia
Passionis Christi ; sed efficacia Passionis
Christi, et virtus sacramentorum non est
ad aperiendum infernum : ergo.

Ad argumentum respondetur primo ne-
gando minorem : etenim cum per id ipsum
cœlum aperiatur, per quod infernus oc-
cluditur, et e contra, consequens est ut qui
habet cœli claves, habeat etiam inferni.
Ad minoris autem probationem dicendum
est Christi Passionem, ac sacramentorum
virtutem non esse ad aperiendum infer-
num directe, et quasi influxive, concur-
rendo videlicet ad peccatum, quo inferni
aditus patefit ; esse tamen ad aperiendum
infernum indirecte, et negative. Sicut
enim, teste Augustino, Deus non obdurat
hominum corda impertiendo malitiam,
sed non conferendo gratiam ; ita efficacia
Passionis Christi, virtus sacramentorum,
ac potestas clavium non dicuntur inferni
ostium aperire, quia homines ad peccatum
inducant, sed quia peccatum non amovet
denegando absolutionem indigno, quod est
indirecte, permissive, aut pure negative se
habere ad aperiendum infernum, vel po-
tius ad hoc ut inferni ostium per culpam
apertum ita conservetur. Quocirca que-
madmodum per potestatem clavium cœ-
lum aperitur amovendo peccatum, et clau-
ditur peccatum non amovendo ; ita e con-
verso, per clavium potestatem occluditur
inferni ostium, ne ibi homo ingrediatur,
amovendo peccata ; et aperitur, peccata
non amovendo. Ita D. Thomas in præsentī,
Tho. in secunda solutione ad 3 : « Vel dicendum,
« quod eadem est clavis inferni, et cœli :
« quia ex hoc ipso quod alicui aperitur
« unum, clauditur alterum ; sed denomi-
« natur a digniori ; » id est, clavis Regni
cœlorum, quia munus aperiendi cœlum

Samant. Curs. Theolog. tom. XX

præcipuum est, ac per se directe intentum,
aliundeque cœlum est terminus ad quem
hujus potestatis, infernus autem terminus
a quo.

Secundo respondetur ex D. Thomā ibi-
dem : « Ad tertium dicendum, quod clavis D. Tho.
« inferni, qua aperitur, et clauditur, est Solutio.
« potestas gratiam conferendi, per quam
« homini aperitur infernus, ut de peccato
« educatur, quod est inferni porta, et clau-
« ditur, ne ultra homo in peccatum laba-
« tur gratia sustentatus. Potestas autem
« gratiam conferendi solius Dei est, et ideo
« clavem inferni sibi soli retinuit. » Quæ
solutio innititur dono confirmationis in
gratia ut patet ex illis verbis : « Ne ultra in
« peccatum labatur, gratia sustentatus. » Cum
igitur hujusmodi donum non ex sacerdo-
tum clavibus, sed ex sola Dei potestate, ac
benevolentia obtineri possit, ipse solus in-
ferni clavem habere dicitur. Ratio autem
cur potestas conferendi donum confirma-
tionis in gratia dicitur clavis inferni, est
vel quia, ut ait D. Thomas, per hujusmodi
donum ita janua inferni aperitur, ut homo
non solum de illo educatur, sed in illum
iterum non ingrediatur per peccatum. Vel
quia donum illud omnino inferni ingres-
sum impedit, sicut peccatum cœli aditum.
Juxta quam doctrinam distinguenda est
major argumenti, et concedenda intellecta
de eo, qui habet cœli claves autoritatis ac
excellentiæ, neganda vero de eo qui solum
habet cœli claves ministeriales ; et con-
cessa minori, neganda est consequentia.
Ad majoris autem probationem, quatenus
huic doctrinæ obesse potest, dicendum est,
clavem inferni dupliciter considerari posse,
vel prout accipitur a D. Thom. in hac so-
lutione pro potestate conferendi donum
confirmationis in gratia, vel prout accipi-
tur in prima pro potestate remittendi pec-
catum absolute ; et sub priori considera-
tione nec habet connexionem, nec identifi-
catur cum clave cœli, prout hæc solum
dicit potestatem remittendi peccatum ; sub
secunda autem cum prædicta cœli clave,
atque ideo cum potestate clavium ministe-
riali connectitur, vel identificatur.

20. Arguitur quarto : nam ex dictis so-
lutionibus inferitur, potestatem clavium, quæ in
Ecclesia invenitur, esse improprie, ac me-
taphorice talem : ergo in Ecclesia vera
clavium potestas non est, saltem prout a

Catholicis ponitur. Antecedens suadetur primo : nam aperire, et claudere cœli januas non proprie dicitur de instrumento, sed solum de agente principali : istud enim est, quod claudit, et aperit ostium ; instrumentum autem est quo hæc munera exercet. Sicut pictor est, qui proprie pingit ; penicillus autem, quo pingere dicitur. Sed ministri Ecclesiæ sunt instrumenta ad aperiendum Regnum cœlorum ; igitur improprie dumtaxat clavium potestatem sortiuntur. Secundo : quia potestas Ecclesiæ, et ministrorum solum metaphorice dicitur clavis, ut patet ex dictis in limine dubii præcedentis ; sed id quod tantum metaphorice est clavis, non est clavis cum proprietate : ergo in Ecclesia solum improprie claves reperiuntur.

Dissol-
vitur.

Respondetur negando antecedens ; ad cuius primam probationem neganda est major : nam licet instrumentum sit agens quo respectu agentis principalis, id est, quo mediante agens principale suum producit effectum ; nihilominus in suo ordine causandi vere et proprie instrumentaliter agit, sicut vere et proprie clavis materialis ferrea vel aurea ostium aperit, et claudit. Similiter sacerdos tanquam Dei minister ac instrumentum per clavium potestatem vere et proprie Regni cœlorum ostium aperit absolvendo, et claudit absolutionem indignis denegando. Ad secundam respondetur, aliud esse potestatem spiritualem Ecclesiæ remittendi et retinendi peccata dici metaphorice clavem ; aliud autem esse potestatem metaphoricam aut non veram et realem ad prædictum effectum. Primum Catholici minime negant : quippe nomen *clavis* impositum est ad significandum per se primo illud materiale instrumentum, quo januæ occluduntur, et reserantur ; unde per alienationem translatus est ad significandum potestatem absolvendi a peccatis ob similitudinem, quæ intercedit inter effectus utriusque clavis nimirum materialis et potestatis absolvendi. Secundum vero omnino hæreticum est : nam potestas remittendi ac retinendi peccata, quæ in Ecclesiæ ministris invenitur, est vera et realis potestas, qua peccata realiter dimittuntur, aut detinentur. Id quod exemplis liquet : etenim quilibet homo crudelis dicitur metaphorice *Nero*, et tamen crudelitas illius hominis, ad quam significan-

dam transfertur nomen *Nero*, non est crudelitas metaphorica, sed vera et realis. Similiter Christus metaphorice dicitur *Agnus* : et tamen mansuetudo Christi, quæ illo nomine significatur, est stricte ac rigorose mansuetudo. Quod evidentiùs patet in illo Scripturæ testimonio, quod hæretici non negant ; *Vicit Leo de tribu Juda* ; ubi nomen *Leo* per metaphoram adducitur ad significandam fortitudinem Christi vincens diabolum ; ex quo tamen non inferitur Christi fortitudinem veram non fuisse, nec quod pure metaphorice, et non realiter diabolum vicerit. Similiter igitur potestas ligandi, et solvendi dicitur metaphorice clavis : est tamen realis ac spiritualis potestas.

DUBIUM III.

Quot sint claves Ecclesiæ ?

Clavium quidditate, ac existentia firmatis, earum numerus investigandus occurrit. Quam difficultatem ad examen vocamus, tum ut D. Thomæ in præsentia quæst. 17, art 3, aliisque Theologis de ea disserentibus conformemur. Tum, quia in Scriptura nomen clavis, quo potestas ligandi et absolvendi significatur, interdum in singulari, et non semel in plurali invenitur, ut ex dicendis constabit. Tum, quia potestas remittendi, et retinendi peccata, est una, et aliunde Doctores duplicem clavem distinguunt, aliam scientiæ, aliam vero potentiae. Quod an, et quo sensu verum sit, inquirimus.

§ I.

Triplici conclusione dubium resolvitur.

21. Dicendum est primo, non unam tantum, sed plures esse Ecclesiæ claves. Ita ¹Cons. D. Thomas, cui fere omnes Theologi adhærent, quos supervacaneum est in particulari referre. Probatur conclusio : nam in rebus ad fidem spectantibus (qualis est, quam versamus) tam in substantia, quam in modo loquendi standum est Sacrae Scripturæ, Ecclesiæ, Conciliis, ac Sanctis Patribus ; sed quoties Scriptura, Ecclesia, Concilia, ac Sancti Patres loquuntur de potestate collata Petro, aliisque Ecclesiæ ministris

Prol
tur

tris, utuntur nomine clavium in plurali, non vero *clavis* in singulari : ergo sentiendum est, claves Ecclesiæ esse plures. Major est certa. Minor autem suadetur : nam Matth. 16, dicitur : *Tibi dabo claves Regni cælorum*. Similiter Ecclesia in Divinis Officiis sic ait : *Tu es Pastor ovium Princeps Apostolorum, tibi traditæ sunt claves Regni cælorum*. Insuper et in oratione inquit : *Collatis clavibus Regni cælestis*, etc. Simili loquendi modo utuntur Concilium Florentinum, Constantiense, et Tridentinum sess. 14, can. 15, ubi hæc habentur : « Si quis dixerit, claves Ecclesiæ esse datas tantum ad solvendum, « non etiam ad ligandum, et propterea « sacerdotes, dum imponunt pœnas, contentibus, agere contra finem clavium, et « contra institutionem Christi, » etc. Nec dissentiunt Sancti Patres, inter quos videri possunt D. Chrysostom. homil. 55, in Matth. D. Augustinus lib. 50, in Joannem, et de Civitate Dei lib. 20, cap. 9, Maximus homil. 5. de B. Petro et Paulo, super cap. 21 Joannis. Ergo nomine *clavium* in plurali utuntur.

Deinde suadetur conclusio alia ratione : nam Ecclesiæ claves sunt instrumenta, quibus ejusdem Ecclesiæ ministri remonent obstaculum peccati, quo cœli aditus impeditur ; sed hujusmodi instrumenta sunt saltem duo : ergo duæ saltem Ecclesiæ claves, atque ideo non unica tantum. Major ex jam dictis constat ; consequentia est legitima : minor vero suadetur : nam ablatio illius obstaculi est actus, quo ad regnum cœlorum admittuntur digni, et excluduntur indigni ; sed ad hujusmodi actum duo requiruntur instrumenta, scientia videlicet discernendi, et potentia ligandi, et solvendi ; ergo. Probatur minor ; nam ut minister non admittat nisi dignum, nec excludat nisi indignum, debet formare judicium discretivum de illo, qui admittendus est, ac de illo, qui rejiciendus ; deinde debet habere potentiam, ut judicium illud efficaciter executioni mandetur, alias si primum posset sine secundo, vel secundum sine primo, judicium sua executione caret, aut executio cæco modo, et absque discretionem fieret ; sed prædictum judicium de idoneitate alicujus, et potentia ad illud efficaciter exequendum, sunt duo instrumenta : ergo ad prædictum actum duo ins-

trumenta requiruntur, videlicet, scientia ad discernendum, et potentia ad solvendum, aut ligandum.

Confirmatur : etenim in naturalibus sive practicis, sive speculativis, licet ad aliquid absolute agendum unica sufficiat potestas ; tamen ad illud recte, aut tali modo efficiendum duplex facultas exposcitur : ergo in spirituali, et supernaturali ordine, ad quem Ecclesiæ claves attinent, ad recte, et ordinate referendum, aut claudendum ostium regni cœlorum duplex est necessaria potestas, esto ad aperiendum, et claudendum utcumque unica tantum sufficiat. Tum sic ; sed hæc duplex potestas est duplex clavis : ergo Ecclesiæ clavis est duplex saltem. Antecedens inductive suadetur : etenim quia aliud est scindere absolute, et aliud artificiose, licet ad scissionem utcumque ars non sit necessaria, requiritur tamen ars ad scissionem artificiosam. Similiter etiam, quia aliud est intelligere absolute, et aliud recte intelligere, quamvis ad primum sufficiat potentia intellectiva, ad secundum tamen ultra illam desideratur habitus, aut dispositio rectificans potentiam. Cum igitur potestas Ecclesiæ sit ad recte, et ordinate cœlorum ostium reserandum, plane evincitur duplicem facultatem fore necessariam, potentiam videlicet ad absolvendum, vel ligandum absolute, et scientiam ad ordinate vel tali modo ligandum.

22. Dicendum est secundo, Ecclesiæ clavem esse duplicem, et non amplius. Hæc assertio etiam communis est inter Theologos, eamque docet D. Thomas in præsentī, art. 3. Et suadetur ratione ejusdem S. Doctoris : etenim in exequire actum, qui requirit idoneitatem ex parte recipientis, duo tantum sunt necessaria, judicium nimirum de idoneitate recipientis, et potestas ad actus executionem ; sed actus clavium exposcit idoneitatem illius, in quo exercentur : ergo in ministro illum actum ut iudice exequire duo tantum requiruntur, facultas videlicet discernendi, et potentia exequendi, quæ sunt duæ claves ; ac proinde non plures ponendæ sunt : superflue enim fiunt per plura, quæ possunt fieri per pauciora. Consequentia liquet ; et minor etiam ex clavium definitione constat : id enim importatur in illis particulis : *Dignos recipere, et indignos excludere*. Major autem

Confirmat.

2
Conc' u-
sio.

D. Tho.

Ratio.

17.

ncil.
oroni.
nst.
ident.

D.
ryst.
D.
agust.
axim.

tatio
sser-
onis.

præterquam quod est D. Thomæ, suadetur exemplo ejusdem S. Doctoris : actus enim justitiæ fori exterioris, in quo redditur Petro id, quo dignus est, est actus exposcens idoneitatem ex parte Petri recipientis ; sed ad hujusmodi actum solum requiruntur in iudice facultas discernendi an Petrus dignus vel indignus existat, et potestas exequendi redditionem illius rei, qua Petrus dignus existit : ergo ad actum exposcentem idoneitatem ex parte recipientis hæc duo requiruntur dumtaxat.

³
Conclus.

Ratio.

23. Dicendum est tertio, hanc duplicem clavem non distingui in essentia auctoritatis, sed ex comparatione ad actus, quorum unus alterum præsupponit. Hæc conclusio est expressa D. Thomæ in fine corporis art. 3, in præsentī, quem sequuntur communiter ejus discipuli ; et suadetur ratione : nam potestas clavium in ratione auctoritatis, et facultatis est idem quoad essentiam cum sacerdotis characterē ; sed character sacerdotalis est unicus excludens in se essentialē distinctionem : ergo istæ duæ claves distinctionem quoad essentiam non admittunt in esse auctoritatis. Consequentia patet ; et major etiam ex supra dictis constat : quia hæc potestas est illa, quæ confertur in ordine sacerdotali ; potestas autem ibi collata est character sacerdotalis. Minorem vero probatam relinquinus tractit. 22, disput. 5, dub. 4, § 3, num. 70. Insuperque suadetur a D. Thoma in præsentī, quæst. 17, art. 2 ad 1, ubi ait : « Quod ad duo, quorum unum est « causa alterius, una potestas ordinatur, « sicut in igne calor ad calefaciendum, et « dissolvendum. » Sed character sacerdotalis est potestas ad consecrandum Corpus Christi, et ad absolvendum a peccatis, quorum prius est causa posterioris, « eo « quod omnis gratia, per quam remissio « fit in corpore mystico, ex capite, suo « provenit ; » id est, ex potestate supra corpus Christi verum : ergo character sacerdotalis est unicus, ac excludens a se essentialē distinctionem.

Distinguuntur autem istæ duæ claves, inquit D. Thomas, « ex comparatione ad « actus, quorum unus alium præsupponit. » Quocirca sicut potestas clavium sub munere consecrandi, et eadem potestas sub munere ligandi, et solvendi « est unum per « essentiam, sed differt ratione, » eo quod

munus ligandi, et absolvendi supponit munus consecrandi : ita proportionē servata, potestas clavium sub munere discernendi inter dignos, et indignos, et sub munere ligandi, et solvendi sola ratione differt, quatenus ordinatur ad actus, quorum unus supponit alium : semper enim discussio causæ prolationem, et executionem præcedit. Idcirco quatenus ordinatur ad primum, quo pacto clavis scientiæ dicitur, differt quodammodo a se ipsa, adhuc in esse auctoritatis, prout ordinatur ad secundum, et clavis potentiæ nuncupatur. Sed hæc amplius ex dicendis num. 26 constabunt.

§ II.

Argumenta adversariorum enodantur.

24. Adversus primam conclusionem arguitur : nam sæpe in Scriptura Ecclesiæ potestas dicitur clavis in singulari : ergo unica tantum est clavis Ecclesiæ. Antecedens suadetur : nam Isaïæ 22, vers. 22, dicitur : *Et dabo clavem Domus David super humerum ejus, et aperiet, et non erit qui claudat, et claudet, et non erit qui aperiat.* Et Apocalypsis 3, vers. 7 : *Hæc dicit Sanctus, et verus qui habet clavem David, qui aperit, et nemo claudit, claudit, et nemo aperit.* Et Lucæ 11, vers. 52 : *Væ vobis legisperitis, qui tulistis clavem scientiæ, ipsi non introistis, et eos, qui introibant, prohibuistis.* Sed in his locis fit sermo de Ecclesiæ potestate : ergo hæc nomine clavis in singulari nuncupatur.

Respondetur negando antecedens, quod adductis testimoniis non evincitur : nam duo priora non loquuntur de potestate ligandi, et solvendi, discernendique inter dignos, et indignos collata Ecclesiæ ministris ; sed de potestate, quam solus Christus obtinuit aperiendi Paradisum, et claudendi Limbum per ablationem impedimenti totius naturæ. Sic D. Thomas in præsentī, quæst. 17, art. 1 : « Ad secundum dicendum, quod hoc intelligitur de clausione, « qua Limbum clausit, ne aliquis ultra in « illum descendat, et de apertione, qua « Paradisum aperuit, remoto impedimento « natura per suam Passionem. » Sic etiam textus supra allegatos interpretantur Ambrosius, Anselmus, Rupertus, Chrysostomus

Objec-
advius
con-
sionia

Isai
v. 2

Apor.
3.
v. 7.

Lucæ
11.
v. 52

Dilu r.

D. 1.

D
Ambrs.
D
Ansc
Rupc
mus

mus, et Cardinalis Hugo. In ultimo autem testimonio solum fit sermo de una ex duabus clavibus a nobis assignatis, de clavi nimirum scientiæ (quam sacerdotes veteris legis solum habebant tanquam umbram, et similitudinem istius, quæ residet in ministris legis gratiæ) præcisive ab alia clavi potentiæ, non tamen eam positive excludendo; atque ideo ex illo testimonio minime deducitur, unicam tantum esse clavem Ecclesiæ, sed solum unam e duabus ibi fuisse recensitam; quemadmodum ex textu loquente de uno sacramento non inferitur alia non esse.

25. Adversus secundam assertionem nonnulla militant argumenta, quibus suaderi videtur Ecclesiæ claves plures vel pauciores assignatis fore. Insuperque Lutherus, qui refertur in Bulla Leonis X, contra ejusdem hæretici errores, docet sacerdotem non debere inquirere, nec pœnitentem teneri respondere, an contritus, et recte dispositus ad sacramentum accedat? Cum autem hæc inquirendi potestas ad clavem scientiæ discretivæ spectet, eo ipso quod eam Lutherus neget, unam ex Ecclesiæ clavibus aufert. Deinde cum etiam doceat, absolutionem ministri Ecclesiastici efficacem fore, non quia a ministro fit, sed ex virtute pœnitentis, etiam clavem potentiæ rejicit. Sed hi errores jam a Tridentino damnati existunt.

Arguitur ergo primo: etenim ad unicam seram clavis unica satis est; atqui sera, ad quam amovendam Ecclesiæ potestas ordinatur, est unica: unica igitur clavis sufficit in Ecclesiæ ministris. Minor suadet: nam sera, ad cujus remotionem Ecclesiæ potestas ordinatur, est peccatum, quod impedit regni cœlestis ingressum; sed peccatum, etiam si multiplex sit in esse entis, est unicum in ratione obicis, unicumque dumtaxat affert impedimentum, quippe in hac ratione omnia peccata conveniunt: ergo sera, cujus ablationem intendit Ecclesiæ potestas, unica tantum est.

Respondetur, ad remotionem seræ unius unicam clavem sufficere immediate, non vero mediate, dum clavis immediate requisita indiget alia ad sui ipsius rectum usum; clavis autem potentiæ ligandi, et solvendi, quæ immediate concurrit ad seram peccati amovendam, indiget clavi scientiæ discretivæ

væ inter dignos, et indignos, et clavis istius actus ad actum illius, et rectum usum præsupponitur, ac dirigitur. Quam solutionem adhibet objectioni D. Thomas in præsentī, D. Tho. art. 3: « Ad primum ergo dicendum, quod « ad unam seram aperiendam una clavis « immediate ordinatur, sed non est incon- « veniens quod una ad actum alterius or- « dinetur. Et sic est in proposito: secunda « enim clavis, quæ dicitur potestas ligandi, « et solvendi, est quæ immediate seram « aperit peccati; sed clavis, quæ dicitur « scientia, ostendit cui aperienda sit sera « illa. »

26. Arguitur secundo; nam scientia discernendi nequitiam valet inter Ecclesiæ claves numerari, aut clavis nomine insigniri: ergo unica tantum est clavis Ecclesiæ, nempe, potestas solvendi, et ligandi. Antecedens suadet ex supra stabilitis: nam claves Ecclesiæ in collatione ordinis sacerdotalis conferuntur; sed scientia discernendi non confertur in collatione ordinis: ergo scientia discernendi non potest inter Ecclesiæ claves recenseri. Minor, quæ sola difficultatem præsefert, ostenditur a priori, et a posteriori: a priori quidem: nam scientia discernendi, sicut et quælibet scientia, est habitus medio studio, et labore acquisitus, et licet aliquando sit infusus, non tamen ejus infusio ordini alligatur sacerdotali, sed independenter ab illo solet conferri; et hinc eadem minor a posteriori suadet: nam si daretur scientia discernendi in sacerdotali ordine, omnes sacerdotes hac scientia pollerent, cujus oppositum experientia docet: nam qui ignarus ad sacerdotium accedit, eadem ignorantia laborare cernitur post ordinis susceptionem: scientia igitur discernendi in sacerdotali ordine non confertur.

Respondetur ad argumentum negando Solvitur. antecedens, ad cujus probationem concessa majori distinguenda est minor, quæ si intelligatur de scientia discernendi, quæ est habitus, concedenda est, neganda vero intellecta de scientia discernendi prout dicit auctoritatem exercendi actum scientiæ; et similiter neganda est consequentia, si procedat de scientia discernendi prout dicit hujusmodi auctoritatem, quæ et non illa, nuncupatur clavis Ecclesiæ. Nec ad ductæ probationes oppositum evincunt: solum namque ostendunt, scientiam, prout

est habitus vel acquisitus, vel infusus, non conferri in sacerdotali ordine, non vero prout est potestas, et autoritas ad discernendum inter dignos, et indignos. Scientia etenim priori modo considerata accipitur philosophice, aut logice; posteriori autem modo sumitur juridice, et prout est potestas cogendi pœnitentem ad sua fatenda peccata, et ad vere respondendum sacerdoti de illis interroganti. Et quamvis admodum expediret ut hæc non tribueretur cuiquam illa non pollenti; non semel tamen ignoranti impenditur, et una sine alia invenitur, ut etiam videre est in Judiciis fori sæcularis, qui licet literis careant, et Assessorum juvamine indigeant, ne temere judicium ferant, judicant tamen, et gaudent autoritate cogendi reum, testes, et alios, ut juridice interrogantibus veritatem dicant; ad quod nequirent compellere alii: esto alias sapientissimi, si illa autoritate non gauderent. Quæ solutio desumitur ex

D. Tho. D. Thom. in præsentī, quæst. 18, art. 3, ad 2, ubi postquam retulit, et rejecit solutionem Magistri sententiarum, inquit: « Sed hoc non videtur verbis Evangelii concordare, quæ claves Petro dandas promittunt, et ita non solum una, sed duæ in ordine dantur. Et propter hoc alia opinio est (quam amplectitur) quod scientia, quæ est habitus, non est clavis, sed autoritas scientiæ actum exercendi, quæ quandoque sine scientia est, quandoque scientia sine ipsa, sicut patet etiam in judiciis sæcularibus: aliquis enim judex sæcularis habet auctoritatem judicandi, qui non habet juris scientiam; et aliquis e contrario habet juris scientiam, qui non habet auctoritatem judicandi. Et quia actus judicii, ad quem quis ex auctoritate suscepta obligatur, non autem ex scientia habita, sine utroque bene fieri non potest, ideo autoritas judicandi, quæ clavis est, sine scientia non potest sine peccato accipi. »

Replica. 27. Sed dices: ex hac doctrina infertur, illum, qui non habet scientiam requisitam ad convenientem usum hujus potestatis non posse sine peccato ascendere ad sacerdotium; sed oppositum convincitur praxi quamplurium Episcoporum timoratae conscientiae, ac excellentis doctrinae, qui plurimos in Theologia morali nondum instructos ad sacerdotium admittunt: ergo

tradita solutio nulla est, atque ideo autoritas ad discernendum falso dicitur clavis scientiæ collata in sacerdotali ordine. Consequentia liquet: et minor inserta probatione constat. Major autem est D. Thomæ in verbis proxime adductis.

Respondetur, illum, qui tam in re, quam in dispositione caret scientia requisita ad hujus autoritatis rectum usum, peccare si ad sacerdotium ascendat; posse tamen sine peccato sacerdotali ordine insigniri, qui in re perfectam scientiam nondum fuit adeptus, si dispositionem sufficientem habeat ad eam acquirendam pro priori ad usum illius autoritatis. Et hæc proculdubio est mens D. Thomæ, dum inquit: « Ideo autoritas judicandi, quæ clavis est, sine scientia non potest sine peccato accipi. » Ad duos namque actus confertur potestas in ordine sacerdotii, ad consecrandum nimirum, et judicandum in foro pœnitentiæ; et cum uterque debeat recte fieri, ad neutrum valet assumi sine peccato, qui ad unum et alterum est ineptus; absque peccato vero potest assumi, qui licet cum ordinatur careat scientia ad confessiones audiendas requisita gaudet tamen dispositione, ut pro priori ad usum judicii pœnitentialis valeat studio ac labore perfectam acquirere scientiam ad rectum usum illius judicii exactam.

28. Arguitur tertio: nam potestas, quam Arguitur habet sacerdos supra corpus Christi mysticum, dimanat ab ea, quam sortitur ad consecrandum, vel conficiendum corpus Christi verum; sed hæc non est duplex, sed unica tantum: ergo similiter et illa unica tantum erit atque ideo unica clavis. Consequentia ex paritate convincitur; et major est D. Thomæ in præsentī quæst. 17, art. 2 ad 1, ubi ait: « Et quia omnis remissio in corpore mystico ex capite suo provenit, ideo eadem potestas esse videtur per essentialiam, qua sacerdos conficere potest, et quæ potest solvere, et ligare, si jurisdictio adsit; nec differre nisi ratione; » quatenus munus solvendi et ligandi profluit ex munere consecrandi. Minor vero suadetur: nam potestas per ordinem ad Corpus Christi verum est character sacerdotii, et potentiæ consecrandi; sed duplicem characterem non distinguimus, unum ad consecrationem panis, et alium ad consecrationem vini: ergo potestas per ordinem ad

ad Corpus Christi verum non est duplex, sed unica tantum.

atio.

Respondetur, omissis præmissis negando consequentiam : etiam distinctio, aut indistinctio potestatis supra Corpus Christi mysticum a potestate supra Corpus Christi verum non sumitur ex dependentia unius potestatis ab alia, sed ex ordinatione ad actus, qui sunt alterius, vel ejusdem rationis. Quare tunc dicuntur potestates diversæ adhuc in ratione autoritatis, quando ad actus diversi generis diriguntur; quando vero ad actus ejusdem rationis ordinantur, non dicuntur duæ, sed unica potestas. Cum autem discernere causam, et sententiam proferre, sint actus diversæ rationis, ad quos potestas clavium ordinatur; ideo quamvis in essentia autoritatis sit una, duæ potestates, et claves dicuntur. E contra vero : quia actus consecrandi Corpus, et consecrandi sanguinem Christi sunt ejusdem rationis, potestas consecrandi est una tantum. Ita D. Thomas in præsentī :

« Ad tertium dicendum, quod potestas con-

Tho.

« ficiendi est ad unum tantum actum alterius generis, et ideo non connumeratur »

« clavibus, nec multiplicatur sicut potestas »

« clavium, quæ est ad diversos actus, »

« quamvis secundum autoritatis essentiam sit una, ut dictum est. »

argu-
ment.
3.

29. Arguitur quarto opposito tramite, quo suadentur plures claves, quam assignatæ : nam omnes facultates exactæ ad removendum obstaculum peccati debent nuncupari claves Ecclesiæ ; sed ad hujusmodi impedimentum amovendum ultra claves scientiæ, ac potentiæ ligandi et solvendi aliæ facultates requiruntur : ergo plures quam duæ sunt claves Ecclesiæ. Major constat : ideo namque dicitur clavis scientia discernendi, et etiam potentia solvendi ac ligandi, quia requiruntur ad peccatum amovendum : ergo omnes facultates exactæ ad ejusmodi obstaculi amotionem debent inter claves annumerari. Minor autem suadetur : nam sicut ad judicandum requiritur scientia, et potentia, ita et voluntas : ergo præter scientiam discretivam, et potentiam solvendi, ac ligandi, aliud exposcitur ad prædictum effectum.

Confir-
mat.

Confirmatur : quia tot claves Regni cælorum sunt traditæ Petro, et Ecclesiæ ministris, quot sunt in Deo, cujus vices

gerunt ; sed in Deo tres claves inveniuntur : ergo. Major liquet : nam quilibet minister gerens vices alterius eadem potestate utitur instrumentaliter, quæ agens principale operatur principaliter, quamvis hæc potestas in principali sit per excellentiam, et in ministro per participationem : ergo ministri Ecclesiæ, et Dei ad aperiendum ostium Regni cælorum eisdem clavibus uti debent, quibus Deus utitur. Minor autem suadetur : nam quælibet Persona Divina habet suam clavem, quippe tota Trinitas causat gratiam justificantem, et peccatum remittit : sed in Deo personæ sunt tres : ergo tres claves inveniuntur. Ut ergo sacerdotes Trinitati conformentur, tres claves saltem habere debent.

30. Respondetur ad objectionem negando majorem : non enim quælibet facultas concurrens ad reserandum Regnum cælorum est, et dicitur clavis, sed solum illa, quæ autoritate Divina est ad hoc munus ordinata ; hujusmodi autem non est voluntas humana, quæ tam sacerdotibus, quam non sacerdotibus est communis, præceditque susceptionem characteris sacerdotalis, in quo autoritas ad hunc effectum quoad substantiam confertur. Unde quamvis voluntas (idem intellige de quacumque alia facultate) requiratur ad ostium cæli reserandum, sicut, et scientia discernendi, et potentia ligandi ; non tamen eodem modo : nam scientia, et potentia dicunt peculiarem facultatem, ac autoritatem collatam a Deo saltem quoad substantiam ad prædictum effectum ; quod voluntati non convenit : nam, ut inquit D. Thomas in solut. ad 4 : « Velle unicuique est liberum, et ideo ad volendum non exigitur »

D. Tho.

« autoritas, et propter hoc voluntas non »

« ponitur clavis. »

Enodatur
argu-
ment.

Ad confirmationem respondetur omissa majori negando minorem, quæ adhibita probatione non suadetur : etenim tres Personæ Divinæ, quæ peccatum remittunt, non triplicem sortiuntur clavem autoritativæ, sed duplicem tantum, scientiæ discretivæ, et potentiæ, prout istæ communes sunt toti Trinitati ; cum enim remittere peccatum sit opus ad extra, et opera ad extra, juxta Concilium Toletanum Can. 1, sint a tota Trinitate indivisim, et per eandem virtutem communem, totæ tres Personæ in ratione principii remit-

Solvitur
confir-
matio.Conc.
Toletan.

tentis peccatum sunt quasi una persona, et quoad hoc non ponunt in numero : quemadmodum esto Personæ sint tres, non tres naturæ, aut omnipotentia in eisdem inveniuntur. Ita D. Thomas : « Ad quantum
D. Tho. « dicendum, quod tota Trinitas eodem « modo remittit peccata, sicut una persona, « et ideo non oportet quod sacerdos, qui « minister est Trinitatis, tres claves « habeat. »

31. Ultimo arguitur : nam potestas jurisdictionis est vere clavis Regni cœlestis ; sed hæc est distincta a duabus supra recensitis : ergo sunt tres claves Regni cœlorum. Minor est certa : scientia namque discernendi, et potentia judicandi cum ordine sacerdotali conferuntur ; potestas autem jurisdictionis in ordine non confertur, ut satis apparet in sacerdotibus, qui vocantur simplices, et nondum ad confessiones audiendas sunt approbati, qui carent jurisdictione, licet ordine sacerdotali sint insigniti. Major vero difficultatem præseferens suadetur. Primo ex D. Thoma illam docente infra quæst. 25, supplement. art. 2, ad 1, ubi inquit : « Dicendum, quod clavis, « sicut supra dictum est, est duplex, scilicet « cet, ordinis, et jurisdictionis. » Secundo : nam clavis Regni cœlorum est potestas ordinata ad aperiendum, et claudendum cœlorum ostium, solvendo aut ligando ; sed hujusmodi est potestas jurisdictionis : ergo debet inter claves Regni cœlorum connumerari. Tertio : nam clavis est illa potestas, qua judex Ecclesiasticus in esse judicis constituitur, ut dignos recipiat, et indignos excludat ; sed in esse judicis constituitur per potestatem jurisdictionis : ergo potestas jurisdictionis est clavis.

Ad hoc argumentum respondetur negando majorem, cujus prima probatio non urget : nam D. Thomas ibi solum intendit, jurisdictionem esse clavem improprie talem, et per modum conditionis, aut dispositionis ad clavem ; non autem esse clavem stricte talem. Quam esse mentem D. Thomæ ex eo constat, quod loco in objectione relato se remittit ad quæst. 19, supplement. ut patet ex illis verbis : « Ad primum dicendum, quod clavis, ut supra dictum est. » In quæstione autem 19, ad quam se remittit, sic ait corp. art. 3 : « Respondeo dicendum, quod clavis est duplex, una, quæ « se extendit ad ipsum cœlum immediate,

« removendo impedimenta introitus in « cœlum per remissionem peccati, et hæc « vocatur clavis ordinis ; alia clavis est, « quæ non directe se extendit ad ipsum « cœlum, sed mediante militante Ecclesiæ « per quam aliquis ad cœlum vadit, dum « per eam aliquis excluditur, vel admittitur « ad consortium Ecclesiæ militantis per « excommunicationem, et absolutionem ; « et hæc vocatur clavis jurisdictionis in « foro causarum, sed non proprie dicitur « clavis cœli, sed quædam dispositio ad « ipsam. » Idemque dicendum est de jurisdictione in ordine ad forum externum, quæ etiam proprie clavis non est.

Ad secundam respondetur, quod clavis est potestas immediate, et directe ordinata ad aperiendum cœlum, vel illud claudendum ; jurisdictio autem non est proprie potestas immediate, et formaliter ad id ordinata, sed quid ad actum clavium exactum per modum conditionis, quæ etiam dici potest facultas applicativa potestatis in ordine collatæ, quæ est proprie clavis. Ex quo patet ad tertiam : etenim nomine clavis intelligitur illa potestas, qua quis constituitur in actu primo in ratione judicis Ecclesiastici potentis formaliter et immediate aperire, et claudere cœlum. Jurisdictio autem non constituit sacerdotem judicem in actu primo, formaliter, et immediate potentem cœlum claudere, et aperire, sed mediate dumtaxat, aut indirecte, subjiendo debitam materiam, plebem nimirum, sacerdoti, quod sit per jurisdictionem. Unde jurisdictio non est clavis, sed conditio requisita ad actum clavium, uti docet D. Thomas in 4, dist. 18, quæst. 1, art. 1, D. Tho. quæstiunc. 2, ad 2 : « Dicendum, quod « omnis spiritualis potestas datur cum « aliqua consecratione, et ideo clavis cum « ordine datur ; sed executio clavis indiget « materia debita, quæ est plebs subjecta « per jurisdictionem ; et ideo antequam « jurisdictionem habeat, habet claves, sed « non habet actum clavium. » Adversus tertiam conclusionem nullum alicujus ponderis argumentum occurrit, in cujus enodatione moram facere opus sit.

DUBIUM IV.

*Qui sacerdotes habuerint, aut habeant
clavium potestatem?*

In quæst. 18 supplementi agit D. Thomas de effectu clavium tam circa remissionem culpæ, et pœnæ æternæ, quam temporalis. Ab his tamen investigandis in præsentī supersedemus, quia earum difficultatum resolutiones jam constant ex alibi dictis, præsertim in priori parte hujus tractat. disp. 3, dub. 2, ubi statuimus, effectum absolutionis, quæ fit virtute clavium, esse remissionem tam culpæ, quam pœnæ illi connexæ. Insuperque sacramentum pœnitentiæ clavium virtute remissionem pœnæ temporalis ex opere operato inducere, non semel præced. disput. explicuimus. Quocirca ad quæst. 19, in qua agit D. Thomas de his, in quibus inveniuntur claves, gradum facimus. Plures tamen sunt, de quibus dubitari potest, an clavium potestatem oblineant, aut obtinuerint? Quod in præsentī videndum est.

§ I.

*Quid de sacerdotibus legis scriptæ,
et naturalis?*

32. Ad hujus difficultatis resolutionem præmittendum est, in lege scripta veros sacerdotes extitisse, ut satis liquet ex illo Exodi cap. 31 : *Applica ad te Aaron fratrem tuum cum filiis suis, ut sacerdotio fungantur mihi.* Imo, et in lege naturæ veros extitisse sacerdotes constat ex Genes. 14, ubi de Melchisedech dicitur : *Erat enim sacerdos Dei Altissimi.* Id quod docet D. Thomas 1, 2, quæst. 103, art. 3, ubi inquit : « Sacerdotium etiam erat ante legem apud colentes Deum secundum humanam determinationem, qui hanc dignitatem primogenitis attribuebant. » Similiter etiam in lege scripta vera extitisse sacramenta, ad quorum administrationem sacerdotes deputabantur, ex professo statuimus tractat. 22, disp. 3, § 2, et dub. 4. Igitur claritatis gratia difficultatem determinate versabimur circa sacerdotes legis scriptæ, et quidquid de his dicendum fuerit, sacerdotibus legis naturæ applicandum censemus.

33. Dicendum est primo, sacerdotes veteris legis potestatem clavium proprie non habuisse. Ita D. Thomas in præsentī, art. 1, Nugnus, et Seraphinus ibidem; Sotus in 4, distinct. 20, quæst. 1, art. 3, Abulensis in cap. 16 Matthæi quæst. 81, et communiter Theologi. Et ratione suadetur : nam potestas clavium est ad removendum peccatum quoad culpam, et pœnam; atqui sacerdotes veteris legis hujusmodi potestatem non habuerunt : ergo nec potestatem clavium. Probatur minor : etenim solus ille habet potestatem auferendi peccatum quoad culpam, et pœnam, qui gratiam sanctificantem saltem instrumentaliter inducere potest ; sed sacerdotes veteris legis ex vi sui ministerii per sacramenta illius legis gratiam sanctificantem producere adhuc instrumentaliter non potuere : ergo. Minor, quæ sola difficultatem continet, ostenditur ex Concilio Florentino in decret. Eugenii IV ad Armenios, ubi hæc habentur : « Novæ legis sacramenta sunt septem, quæ multum a sacramentis differunt antiquæ legis : illa enim non causabant gratiam, sed eam per Passionem Christi esse dandam figurabant : hæc vero nostra, et continent gratiam, et ipsam digne suscipientibus conferunt. » Si igitur sacramenta gratiam non conferebant, nec sacerdotes mediis illis eandem inducere poterant.

Confirmatur : nam sacerdotes veteris legis per sacramenta ac sacrificia solum efficiebant umbram ac figuram significantem cœli januas fore aperiendas : ergo stricte potestatem clavium non habebant. Antecedens suadetur ex illo ad Hebræos 10 : *Solum umbram habens lex* (antiqua nimirum) *futurorum bonorum* ; id est, bonorum legis Evangelicæ, ac sacerdotii ministerialiter effective producentis gratiam remissivam peccati, qua cœli ostium patefit. Unde D. Chrysostomus ait : « Non habebant ipsam substantiam rerum, aut res ipsas. » Cum igitur umbra, aut figura potestatis clavium non sit ipsa potestas, hanc illi sacerdotes non obtinuerunt. Quibus accedit ex nullo Sacræ Scripturæ testimonio constare, potestatem clavium illis sacerdotibus collatam fuisse. Accedit insuper, potestatem a Deo collatam frustraneam esse non posse ; potestas autem clavium, si sacerdotibus veteris legis collata

Asser-
lio 1.D. Tho.
Nugnus,
Sotus,
Seraph.
Abul.Concil.
Florent.Confir-
mat.Ad
Hebr.
10.D.
Chrys.

fuisset, frustranea esset; quippe quæ finem intentum non obtineret: etenim cœli janua, ad quam aperiendam dirigitur, ante Christi Passionem aperiri non potuit. Quamvis autem proprie claves non habuerint; tamen: « In eis figura clavium præ-
« cessit, » inquit D. Thomas, quia illi sacerdotes habebant auctoritatem discernendi, et judicandi homines, qui ab irregularitatibus purgandi essent, ut ad tabernaculum manufactum aditus illis pateret, quod est quædam umbra potestatis removendi peccatum, ut cœli ostium reseretur.

D. Tho.

34. Objicies tamen primo: nam in lege veteri fuit vera potestas sacerdotalis: sed vera potestas sacerdotalis est vera potestas clavium: ergo in sacerdotibus legis antiquæ fuit vere, et proprie potestas clavium. Majorem supponimus ex prænotatis, ut fuisse in veteri lege veros sacerdotes vera sacramenta ministrantes supposuimus; veri autem sacerdotes debent gaudere vera potestate sacerdotali. Minor autem ostenditur; nam vera potestas sacerdotalis est potestas ordinis; sed potestas ordinis est vera potestas clavium: ergo vera potestas sacerdotalis est vera potestas clavium.

Objectio

Confir-
mat.Deute-
ronomii
17.

Confirmatur: nam potestas discernendi, et judicandi inter lepram, et lepram, est potestas clavium; sed sacerdotes veteris legis hujusmodi functi fuere potestate: ergo habuerunt claves. Major videtur certa: etenim ut dub. præced. ostendimus, discretio, et judicium sunt actus clavium. Minor vero probatur ex Deuteronomii 17, vers. 8: *Si difficile, et ambiguum apud te iudicium esse perspexeris inter sanguinem, et sanguinem, causam, et causam, lepram, et lepram.... Surge, et ascende ad locum, quem elegerit Dominus Deus tuus, veniesque ad sacerdotes levitici generis, et ad iudicem, qui fuerit illo tempore, quæresque ab eis, qui indicabunt tibi iudicii veritatem, sequerisque sententiam eorum; qui autem superbia nolit obedire sacerdotis imperio, et decreto iudicis, moriatur.*

Solvitur.

Respondetur, potestatem sacerdotalem ex suo conceptu generico non esse potestatem clavium, sed solum ex conceptu specifico determinati sacerdotii, nempe, legis gratiæ. Quocirca potestas sacerdotalis, et potestas clavium non convertuntur, nec illi, cui convenit prior, necessario convenire debet posterior, alioqui etiam sacer-

dotes legis naturæ, cum vere sacerdotes fuerint, claves habuissent. Quemadmodum igitur in lege veteri fuerunt vera sacramenta, quæ in ratione sacramenti convenientiam habuerunt cum sacramentis legis gratiæ, a quibus tamen distinguuntur in ratione specifica, in virtute, et in modo causandi: ita etiam in lege veteri fuerunt veri sacerdotes, atque ideo vera potestas sacerdotalis ad conficienda sacramenta illius legis, in qua ratione convenit cum potestate sacerdotali legis Evangelicæ, a qua tamen differt in ratione talis potestatis. Ceterum sicut sacramenta legis veteris considerata quoad speciem fuerunt ignobiliora sacramentis legis Evangelicæ, gratiamque, ut ista, causare non poterant: ita potestas sacerdotalis illius legis specificè sumpta cedit potestati sacerdotali legis gratiæ: hæc enim ex sua differentia specifica se extendit ad removendum peccatum, ad cœlique ostium pandendum, atque ideo ad vim clavium obtinendam.

Ad confirmationem dicendum est, potestatem discernendi inter lepram, et lepram esse potestatem clavium improprie, et similitudinarie: ex vi enim illius solum fiebat discretio inter dignos, qui ad sacrificia, et ad templum materiale admittendi essent, et inter indignos, qui rejiciendi extra castra, ratione immunditiæ, vel arcendi a templo, et sacrificiis. Quoad remissionem autem peccatorum per sacramenta, aut sacrificia sacerdotes illius legis nullam potestatem clavium habebant nisi solam figurativam: Deus enim erat, qui solus ad conspectum sacrificiorum infundebat gratiam, et remittebat contritis culpam.

Satisfi
confir-
mat.

35. Arguitur secundo: nam potestas remittendi, et retinendi peccata in pœnitentiæ sacramento est proprie potestas clavium; sed hujusmodi facultate pollebant sacerdotes legis Mosaicæ, imo, et naturalis: ergo habebant potestatem clavium strictè talem. Minor, quæ sola difficultatem præsefert, suadet ex D. Thoma in 4, distinct. 1, quæst. 1, art. 2, quæstiunc. 3, ad 2, ubi ait: « Ante legem scriptam erant quædam sacramenta necessitatis, sicut illud fidei sacramentum, quod ordinabatur ad deletionem originalis peccati, et similiter « pœnitentiæ » (perpende verba) « quæ ordinabatur ad deletionem actualis. »

2
Objecti

Et

Et idem docet ibidem, quæstiunc. 4, de lege Mosaica, his verbis : « Necessarium « fuit in lege Moysi determinare sacrificia, « oblationes, etc. et pœnitentiæ satisfac- « tiones distinguere. » Qua in sententia per- sistens, pœnitentiæque sacramenti assi- gnans ministrum, 3 part. quæst. 84, art. 7, ad 2, ait : « Unde pœnitentia in veteri « lege aliquam determinationem habuit, « quantum quidem ad dolorem, ut esset « magis in corde, quam in exterioribus « signis, secundum illud Joelis 2: Scindite « corda vestra, et non vestimenta vestra ; « quantum autem ad remedium doloris « querendum, ut aliquomodo ministris Dei « peccata sua confiterentur ad minus in « generali. Unde Dominus in Levit. 5, « dicit : Anima si peccaverit, offeret arie- « tem immaculatum de gregibus sacerdoti « juxta mensuram, æstimationemque pec- « cati, qui orabit pro eo, quod nesciens « fecerit, et dimittetur ei. In hoc enim « ipso, quod oblationem faciebat aliquis « pro peccato suo, quodammodo suum « peccatum sacerdoti confitebatur. » In quibus palam docet, tam in lege scripta, quam naturali sacramentum pœnitentiæ extitisse cum omnibus suis actibus, confes- sione, contritione, ac satisfactione, insuperque sacerdotem ejusdem sacramenti fuisse ministrum. Hæc autem verificari nequeant, nisi sacerdotes habuerint potestatem ligandi, et solvendi : ergo.

Confirmatur : nam sacerdotes veteris legis super populum potestatem habebant ; sed non temporalem : ergo spirituales. Atqui potestas spiritualis est potestas clavium : hanc igitur habuerunt. Minor prioris syllogismi suadetur : nam si illa potestas esset temporalis, potestas regia non esset a sacerdotali distincta ; sed certum est, unam ab alia distinguere : ergo potestas sacerdotalis temporalis non erat.

Diri-
tur.
Respondetur negando minorem ; ad cu-
jus probationem dicendum est, in lege tam naturali, quam scripta verum extitisse pœnitentiæ sacramentum a Deo institutum in medicinam peccatorum actualium, id quod docuimus tract. 22, disp. 3, dub. 3, num. 34 et dub. 4, num. 62. Inde tamen minime evincitur, sacerdotes veteris legis habuisse veram potestatem clavium, aut remittendi peccata medio illo sacramento : etenim nec sacramentum illud, nec illius

minister virtutem in se, et ex se contine- bant ad productionem activam gratiæ sanctificantis : hæc enim totaliter refunde- batur in Deum sanctificantem, atque in dispositiones recipientis. Unde cum attri- tio non sit ex se sufficiens dispositio, ne- cessaria ibi erat contritio, sine qua justifi- catio adultorum in illo sacramento non contingebat, sacerdos igitur ad illum justi- ficationis effectum solum concurrebat de- precativè, et non rigorose causaliter, ut satis constat ex illis verbis Levitici adduc- tis a D. Thoma loco in objectione relato : « Qui orabit pro eo, quod nesciens fecerit, « et dimittetur ei. » Sacramenta autem, et sacerdotes legis Evangelicæ longe aliter se habent : vim quippe effectivam in se con- tinent, qua physice instrumentaliter gra- tiam producant, peccatum amoveant, cœli- que januam reserant. Quam doctrinam tradit D. Thomas 3 part. quæst. 84, art. 7, ad 2 : « Nondum autem erat instituta « potestas clavium, quæ a Passione Christi « derivatur, et per consequens nondum « erat institutum, quod aliquis doleret de « peccato cum proposito subjiciendi se per « confessionem, et satisfactionem clavibus « Ecclesiæ sub spe consequendæ veniæ « sub virtute Passionis Christi. »

Solvitur
confirm.
D. Tho.
Ad confirmationem respondet D. Thomas in præsentī, art. 1 : « Ad tertium dicen- « dum, quod non habebant spirituales « potestatem, quia per sacramenta legalia « non a culpa, sed ab irregularitatibus ho- « mines purgabant, ut ad manufactum « tabernaculum aditus purgatis per eos « pateret. » Ubi eam distinctionem inter potestatem sacerdotalem, et regiam assi- gnat, quod ex vi sacerdotalis homines ab irregularitatibus purgabantur, non autem ex vi regię auctoritatis. Dum tamen, in- quit, potestatem sacerdotum spirituales non fuisse, sed temporales, intelligendus est D. Thom. de potestate spirituali ratione effectus. Dupliciter enim dicitur po- testas spiritualis, vel ratione effectus, vel ratione finis, ut recte vidit Soto in 4, dist. 20, q. 1, art. 3. Ratione effectus dicitur potestas spiritualis, quia est causa gratiæ ; ratione vero finis, quia ordinatur ad ve- ram Religionem, ad sacrificia, unctiones, et vestes, quæ et mystica erant, et figura rerum supernaturalium legis Evangelicæ. Igitur D. Thom. solum intendit, potesta-

tem sacerdotalem illius legis non esse spirituales effective, quia gratiam non inducebat instrumentaliter, sicut potestas sacerdotum legis Evangelicæ; non vero ex parte finis, hoc enim pacto ad spiritualia dirigebatur. Quibus consonat Abulensis ad cap. 16 Matth. q. 81, in fine, ubi inquit: « Habebant sacerdotes legales potestatem » super populum, quæ non erat pure temporalis sicut regia potestas, nec pure spiritualis sicut potestas ministrorum » novi testamenti, sed potestas erat quidem ad temporalia ordinata in cultum » Dei cæremonialem, scilicet, ad purgandos homines legaliter immundos per legales cæremonias. » Erat igitur illa potestas absolute, et simpliciter temporalis, et aliquid aut secundum quid spiritualis. Adde quod esto spiritualis esset, non inde potestas clavium dicenda erat, ut liquet in potestate Exorcistæ, quæ spiritualis est, et non clavium.

§ II.

Quid de sacerdotibus legis Evangelicæ?

36. Dicendum est secundo, sacerdotes legis gratiæ clavium potestatem habere. Hæc assertio satis constat ex dictis dub. 2, quippe si clavium potestas in Ecclesia invenitur, in sacerdotibus, qui sunt præcipui Ecclesiæ ministri, existere debet. Ideoque eam supponit D. Thomas in præsentibus, quæst. 19, dum art. 3 inquit « Utrum » soli sacerdotes habeant claves? » Ubi loquitur de sacerdotibus novæ legis, nam de Mosaicis jam art. 1, deciderat claves non habuisse. Suadet autem breviter ex D. Ambrosio lib. de pœnit. cap. 5, ubi ait: « Jus ligandi, et solvendi solis sacerdotibus » est concessum. » Quæ propositio exclusiva exponitur sic: « Jus ligandi, et solvendi concessum est sacerdotibus, et non aliis a sacerdotibus » legis Evangelicæ, de quibus ibi agit: sacerdotes igitur legis gratiæ clavium potestatem sortiuntur.

Id quod etiam ratio convincit: nam potestas clavium est potestas efficiendi instrumentaliter gratiam remissivam peccati præcludentis aditum ad cœlestia; atqui sacerdotes legis Evangelicæ hujusmodi potestatem obtinent: ergo. Minor suadet: etenim cum sacerdotes Evangelici

ordinantur, characterem sacerdotalem accipiunt, et ejusdem extensionem, dum Episcopus manus imponens inquit: *Accipite Spiritum Sanctum*, etc., sed in hoc consistit potestas ministerialis efficiendi gratiam remissivam peccati: ergo hujusmodi facultatem obtinent. Quod adeo verum est, ut etiam si sacerdotes in mortali peccato existant, eandem potestatem conservent, ut habetur ex Tridentino sess. 14, cap. 6, Conc. Trid. dicente: « Docet quoque Concilium, sacerdotes, qui peccato mortali tenentur, per virtutem Spiritus Sancti in ordine sacerdotali collatam, tanquam Christi ministros, functionem remittendi peccata non exuere, eosque prave sentire, qui in malis sacerdotibus non esse contendunt. » Quocirca

37. Dicendum est tertio, etiam sacerdotes hæreticos, schismaticos, degradatos, ac excommunicatos vitandos habere simpliciter potestatem clavium; non tamen illius usum nec licite, nec valide, nisi tantum in eventu necessitatis, uti est in articulo mortis. Ita D. Thomas in præsentibus, art. 6, ubi ait: « Respondeo dicendum, » quod in omnibus prædictis manet clavium potestas quantum ad essentiam, » sed usus impeditur ex defectu materiæ. » Quem sequuntur communiter Doctores. Prior assertionis pars suadet: nam character sacerdotalis complete sumptus est potestas clavium simpliciter talis; sed omnes sacerdotes in assertionem recensiti habent characterem complete acceptum: ergo in illis invenitur clavium potestas, quæ est talis simpliciter, quidquid sit de clave secundum quid, qualis est jurisdictio. Major constat ex dictis dub. præc. Minor autem ostenditur: quia character, cum sit participatio sacerdotii æterni Christi Domini, est indelebilis ac æternus: ergo semel acceptus ab illis sacerdotibus nusquam dimittitur. Unde ait D. Thomas 3, part. q. 64, art. 9, ad 3: « Per hoc, quod quis ab Ecclesia suspenditur, » vel excommunicatur, vel etiam degradatur, non amittit potestatem conficiendi » sacramentum. »

38. Posterior vero assertionis pars suadet: etenim usus clavium exposcit jurisdictionem, aut prælationem; sed sacerdotes, qui in assertionem recensentur, jurisdictionem non habent: ergo nequeunt licite

licite, aut valide uti potestate clavium. Major inde constat, quia usus potestatis clavium exposcit materiam, et subditos, in quos exerceatur; subditi autem per jurisdictionem ac prælaturam habentur. Minor vero ostenditur: nam jurisdictio ac prælatura provenit ex ordinatione, aut dispositione Ecclesiæ; sed Ecclesia privat jurisdictione hæreticos, schismaticos, degradatos, ac excommunicatos vitandos: ergo in illis jurisdictio non invenitur. Diximus, *excommunicatos vitandos*, aut non toleratos nec licite nec valide usum clavium habere: nam qui sunt tolerati, usum clavium habere possunt sæpe valide, interdum licite, aliquando vero illicite. Vitandi autem, quamvis alia sacramenta valide conficere possint, non tamen pœnitentiæ, ut recte probat N. Andreas tract. 10, cap. 3, punct. 3, num. 27. Ad validam quippe hujus sacramenti administrationem ordinis potestas non sufficit, sed etiam jurisdictio desideratur, qua prædicti excommunicati carent, vel quam impeditam habent, juxta text. cap. *Romana de officio Vicarii* in 6, ubi quamvis sermo fiat de jurisdictione contentiosa, etiam de voluntaria id intelligendum censent communiter Doctores, Covarruvias cap. *Alma mater*, part. 1, § 6, num. 7, concl. 7, Suarez disp. 11, sect. 2, numer. 12, N. Cornejo disp. 10, de excommunic. § 1, dub. 5, Coninchus disp. 14, dub. 5, Palaus, Bonacina, Henriquez, N. Antonius, et alii.

39. Diximus etiam in assertionem, sacerdotes hæreticos, schismaticos, degradatos, ac excommunicatos vitandos licitum ac validum usum clavium non habere, nisi in eventu necessitatis. Etenim in articulo mortis pœnitentiæ sacramentum valide ministrare posse, imo, et licite, si congrue ad Deum convertantur, dubitandum non est, maxime post Tridentinum sess. 14, cap. 7, ubi concedit omnibus sacerdotibus, ut a quibuscumque casibus, et censuris possint absolvere quoscumque pœnitentes in articulo mortis. Lex autem generaliter loquens, generaliter debet intelligi, argumento leg. 1, § *Generaliter*, ff. de *legatis præstandis*. Et qui totum dicit, nihil excludit, leg. *Julianus*, ff. de *legatis* 3. Maxime in favorabilibus, quæ non restringi, sed ampliari debent. Ita Cornejo dub. 3, Cajetanus in summa, verb. *Absolutio*. An-

gelus verb. *Confessio*, Suarez sect. 1, num. 9, Bonacina, Palaus, et alii. Adduntque Suarez, ac N. Cornejo, hæreticos, et schismaticos, etiamsi ab Ecclesia præcisos, validum conficere sacramentum, si debitam intentionem apponant: nam Concilium terminis utitur generalibus: « Omnes sacerdotes ab omnibus censuris, et peccatis, quoscumque pœnitentes. » Unde sicut ultimæ clausulæ sine restrictione intelliguntur; ita prima generaliter intelligi debet. Ita etiam N. Andreas loco proxime cit.

40. Oppones tamen adversus secundam hujus assertionis partem, quod eadem est potestas clavium supra Corpus Christi verum, ac supra Corpus Christi mysticum, siquidem eadem deservit ad consecrandum, et ad ligandum vel solvendum; sed potestas clavium quoad consecrandum nequit impediri ab Ecclesia; si enim excommunicatus vitandus consecraret, consecratio subsisteret, quantumvis Ecclesia contradiceret: ergo nec impedire potest usum ejusdem potestatis quoad actum ligandi, et solvendi in pœnitentiæ sacramento, ita ut si hoc ab excommunicato vitando ministraretur, validum non existat. Tum etiam: quia potestas ligandi, et solvendi est activa; sed potestas activa illius, qui habet usum liberi arbitrii, in actum prodit, dum vult: ergo sacerdotes hujusmodi potestate gaudentes nulla extrinseca vi Ecclesiæ impediri possunt, ne illa utantur. Tum denique: quoniam actus potestatis clavium non impeditur per culpam: ergo nec etiam per aliquam pœnam: hæc enim minus repugnat spirituali potestati, quam culpa.

Respondetur ad primum, Ecclesiam non posse directe impedire potestatem absolvendi, et ligandi, quemadmodum nec potestatem consecrandi; posse tamen indirecte removendo materiam, in quam potestas illa exercenda erat: ab illis quippe sacerdotibus aufert jurisdictionem; hac autem sublata, cum plebs subjecta in foro pœnitentiæ non relinquatur, impeditur clavium usus, qui est actus jurisdictionis. Sicut qui panem, et vinum tolleret, indirecte usum potestatis consecratiæ removeret. Ad secundum simili modo dicendum est, potestatem spiritualem activam in actum prodire non posse, dum deficit materia, circa quam actus exercendus est. Non enim usus clavium impeditur, quia potes-

Nota.

N. And.

Covarr.
Suarez,
N.
Cornejo,
Coninch.
Palaus.N. And.
Objectio.

Solutio.

N.
Cornejo,
Cajetan.
Angel.

tas ligandi, et solvendi quoad entitatem removeatur ab excommunicato vitando, sed ex defectu materiæ; quemadmodum potestas baptizandi tollitur, dum aqua removetur. Ad tertium negatur consequentia: culpa enim materiam aut subditos non subtrahit, sicut excommunicatio, degradatio, aut quid simile in pœnam inflictum: tunc quippe jurisdictio ablegatur, ac subinde deficient subditi, in quos clavium usus habendus erat. Nec Episcopi hæretici jurisditionem habent, nec hæretici sacerdotes ab hujusmodi Episcopis eam accipiunt. Omnis enim vera jurisdictio provenit ab Ecclesia, quæ nullam illis hæreticis confert. Per quod latenti replicæ fit obviam.

Quæstionunc.

41. Hactenus vidimus omnes et solos sacerdotes legis Evangelicæ clavium potestatem habuisse, nullumque alium, sive ad legem naturalem spectet, sive ad scriptam. Ceterum quum Christus Dominus vere, et proprie, sacerdos extiterit, ut ex professo ostendimus tract. 21, disp. 31, dub. 1, adhuc ad perfectam dubii intelligentiam inquirendum videbatur, an etiam claves, et quales obtinuerit? Hanc autem quæstionculam dub. 2 obiter decisam relinquimus. Ex ibi enim expensis constat in Christo Domino clavium potestatem, non ministerialem, sed excellentiæ inveniri. Quam doctrinam communiter defendunt Theologi; unde satius erit Angel. Præceptoris verba in præsent. quæst. 19, art. 2, adducere, qui in corpore ita inquit: « Dicendum, quod virtus aliquid agendi est « in Instrumento, et in per se agente, non « eodem modo; sed in per se agente perfectius. Potestas autem clavium, quam « nos habemus, et aliorum sacramentorum virtus est instrumentalis; sed in « Christo est ut in per se agente ad salutem nostram, per auctoritatem quidem, « in quantum est Deus, sed per meritum, « in quantum est homo. Clavis autem de « ratione sua exprimit potestatem aperiendi, et claudendi, sive aliquis aperiat « quasi principale agens, sive quasi minister; et ideo in Christo oportet ponere « clavem; sed altiori modo, quam sit in « ejus ministris; et ideo dicitur quod habet clavem excellentiæ. » Nota tamen, Christi claves dicendas non esse sacramentales, sicut claves aliorum sacerdotum.

Decisio remissive.

D. Tho.

Nota.

Tum, quia in Christo non identificantur cum caractere, qui quid sacramentale est, sicut in illis contingit. Tum etiam: quia in aliis sacerdotibus clavium potestas nequit effectum sacramenti sine sacramento producere; Christus autem independens est a sacramentis, atque ideo sine illis omnes sacramenti effectus inducere potest.

DUBIUM V.

An alter præter sacerdotem habeat claves, sitne minister potestatis in pœnitentiæ sacramento?

Quamvis in præcedentibus decisum sit, non omnes sacerdotes cujuscumque legis, sed solius Evangelicæ, clavium potestatem obtinuisse: inde tamen non constat, an etiam ab eo munere arceantur laici; quod in præsent. videndum superest. Addidimus autem in titulo, *sive minister potestatis*; non ut innuatur aliud esse habere claves, et aliud esse ministrum potestatis, utrumque enim idem formalissime importat; sed ut distinguamus ministrum potestatis a ministro jurisditionis; de quo in sequentibus seorsim agendum est.

§ I.

Veritas catholica duplici assertione propugnatur.

42. Dicendum est primo, nullum extra sacerdotem esse ministrum potestatis in hoc sacramento, ita ut possit confessionem ut sacramentalem audire, et a peccatis absolvere. Hæc assertio est de fide, quam ut talem omnes Catholici defendunt. Probaturque primo ex perpetua traditione Ecclesiæ, de qua certo nobis constat tum ex Conciliis, tum ex communi consensu Sanctorum Patrum. Ex Conciliis quidem, quia hujusmodi veritatem sæpe definiunt; Constantiense sess. 8, et 15, ubi oppositi errores Wicleph, et Joannis Hus condemnantur, et præcipitur Wiclepho intimari: « Utrum credat, quod Christianus ultra « contritionem cordis soli sacerdoti de « necessitate salutis confiteri teneatur? » Florentinum in litteris sanctæ unionis, Cabilonense 2, cap. 23, quod habetur in cap. *Quidam dicunt*, de pœnit. dist. 1, ubi dicitur

1 Asser

Fundamentum ex Conciliis et PE Conc. Const.

Flore Cabilo

Trident. dicitur, universam sanctam Ecclesiam docere, peccata non aliis quam sacerdotibus esse confitenda. Ac tandem Tridentinum sess. 14, cap. 6, ubi inquit: « Circa ministerium autem hujus sacramenti declarat » Sancta Synodus falsas esse, et a veritate » Evangelii penitus alienas doctrinas, quæ » ad alios quosvis homines præter Episcopos, et sacerdotes clavium ministerium » perniciose extendunt. » Unde Can. 6 ejusdem sess. sub anathemate inurit quemlibet, qui dixerit: « Modum secreto » confitendi soli sacerdoti, quem Ecclesia » Catholica ab initio semper observavit, et » observat, alienum esse ab institutione, » et mandato Christi, et inventum esse » humanum. » Id quod etiam definivit Leo X. Leo X, in damnatione articulorum Lutheri.

Ex Patribus autem, qui eandem veritatem unanimiter docuere; Chrysostomus lib. 3, de sacerdotio, coll. 4, ubi ait sacerdotibus fuisse commissam potestatem: « Quam nec Angeli, nec Archangeli, nec » terreni Principes habent, quia nemini » istorum dictum est: Quodcumque sol- » veris super terram, erit solutum et in » Cælo. » Ambrosius lib. 1, de pœnit. cap. 2, circa principium, ubi etiam disertis verbis docet, potestatem ligandi, et solvendi solis sacerdotibus fuisse concessam; et lib. 2, cap. 2, et serm. 10, in Psalm. 118, Augustinus de vera, et falsa pœnit. cap. 10, et habetur in cap. *Quem pœnit.* dist. 1, D. Cyprianus lib. de lapsis circa finem, et epist. 54, Basilii in lib. reg. brevior. 288. Cum interrogatus, an liceret cuilibet confiteri peccata, respondet: « Necessario his » peccata aperiri debent, quibus credita » est dispensatio mysteriorum. » Hieronym. in 18, Matth. Fabianus Pontifex epist. 2, decret. coll. 4, prope finem inquit, peccantem lethaliter damnationem obiturum, « nisi ei sacerdotali dignitate sub- » ventum fuerit. » Leo Papa epist. 89, alique plures, quorum testimonia prolixum esset referre. Ex quibus sequens ratio formari potest, quæ Theologica demonstrationi censetur.

Ratio ex dictis. 43. Circa rem ad fidem spectantem, et unice ex divina voluntate pendentem, qualis est de qua agimus, sentiendum est juxta intelligentiam universalis Ecclesiæ, Conciliorum, ac doctrinam SS. Patrum;

atque ex his omnibus habetur, solos sacerdotes esse ministros potestatis in sacramento pœnitentiæ, nullique alteri hujusmodi munus fuisse demandatum: ergo nullus præter sacerdotem habet esse ministrum potestatis sacramentalis confessionis, aut valet absolvere, et ligare in sacramento pœnitentiæ. Consequentia est legitima. Major est universalis regula, ut supra num. 13, vidimus ex D. Augustino. Minor autem, in qua poterat esse difficultas, etiam constat ex adductis testimoniis, præsertim ex Can. cit. Tridentini, ubi statuit, hanc doctrinam esse traditionem Apostolicam, ex institutione, et mandato Christi emanatam. Unde SS. Patres plura scripturæ loca ad id suadendum in sensu mystico, ut videre est apud Suarez disp. 24, sect. 1, num. 4.

Confirmatur: nam cum sacramentum Confirm. pœnitentiæ sit a Christo institutum ad modum judicii, in quo reus est pœnitens, ille solum habebit esse ministrum potestatis, cui commissum fuerit munus spiritualis judicis; atque solis sacerdotibus potestas judicialis spiritualis commissa est: ergo nullus, qui non est sacerdos, habet potestatem ministri sacramentalis confessionis. Consequentia liquet; et major ex eo constat, quod nemo ex natura sua habet esse judicem in causa spiritali alterius, atque ideo solus ille obtinere potest hujusmodi munus, cui a Christo Domino concessum fuerit; alias independentem a Christo Domino erit in hominibus, imo, et in fœminis, potestas absolvendi a peccatis. Minor autem suadetur: tum ex illo Joann. 20: *Accipite Spiritum Sanctum, quorum remiseritis peccata, remittuntur eis, et quorum retinueritis, retenta sunt.* Quæ verba solis Apostolis in sacerdotes jam ordinatis dicta sunt. Tum etiam: quoniam potestas judicialis spiritalis in foro interno pœnitentiæ est potestas supernaturalis, et sacra; sed soli sacerdotes consecrati sunt ex vi ordinis: ergo illis tantum, et non laicis, hujusmodi munus commissum est. Tum denique: nam potestas judiciaria in sacramento pœnitentiæ consistit formalissime in potestate clavium, quæ aliud non est quam extensio characteris sacerdotalis, ut supra ostendimus; sed laici characterem sacerdotalem non habent; ergo cum impossibilis sit extensio, ubi deficit id quod extendendum est, solis

sacerdotibus ut talibus, et non laicis potestas judiciaria in confessione sacramentali impensa fuit. Quæ proculdubio est ratio D.Tho. in I argum. *Sed contra*, art. 1, quæst. 8, supplem. et præsentī, quæst. 19, art. 3.

Ratio
congru-
entia.

44. Deinde suadetur assertio ratione congruentiæ satis efficaci, desumpta ex eodem D. Thoma in corpore art. 1, quæst. 8 cit. Nam in Regno Christi, quod est Ecclesia, cuncta debent esse recte ordinata non secus ac in quocumque alio temporali Regno; atqui in temporali Regno nimia intervenire confusio, ac inordinatio, si cuncta individua essent iudices in causis civilibus; ideoque ad id munus digniores tantum elewantur: ergo cum in Ecclesia sacerdotes sint præcellentiores consecratione, statu, doctrina, ac justitiæ zelo, congruum fuit illos tantum, et non omnes fideles, in iudices ac ministros sacramenti pœnitentiæ fuisse assignatos. Accedit, quod potestas supra Corpus Christi mysticum supponit potestatem supra Corpus Christi verum ut consecrandum; hæc autem solum invenitur in his, qui ad sacerdotium evecti sunt.

Assertio
2.

45. Dicendum est secundo, nulla Ecclesiæ dispensatione fieri posse, ut non sacerdos sit minister potestatis, aut absolvat pœnitentem adhuc in extrema necessitate. Hæc assertio nedum est etiam communis Theologorum, verum de fide, ut recte censet Suarius ubi supra: innititur quippe eisdem Scripturæ testimoniis, ac Conciliorum decisionibus, quibus præcedentem conclusionem firmavimas. Universaliter enim definiunt, solum sacerdotem esse hujus sacramenti ministrum, atque ideo nullum laicum in nulla urgenti necessitate absolutionem sacramentalem impendere posse. Id quod etiam efficaciter suadetur: nam Ecclesia dispensare non potest, ut quis efficiat actum, ad quem potentiam physicam non habet; sed laicus caret potentia physica ad absolvendum a peccatis: ergo cum eo Ecclesia dispensare non potest, ut in extrema necessitate sit minister confessionis sacramentalis. Consequentia est legitima, et major evidens. Minor autem ostenditur: nam potestas physica ad absolvendum a peccatis est virtus clavium, sive extensio characteris sacerdotalis, per quam physice influit in actum absolvendi; sed hæc in laico non invenitur; ergo est phy-

Ratio.

sice impotens ad absolvendum a peccatis in sensu composito illius status.

Confirmatur primo: etenim Ecclesia dispensare non potest, ut laicus Eucharistiam consecret in urgenti necessitate: ergo nec ut absolvat a peccatis, vel sit minister in sacramento pœnitentiæ. Antecedens constat, et consequentia suadetur: nam ideo cum laico dispensare non potest ut Eucharistiam efficiat, quia consecratio Corporis Christi est actus characteris sacerdotalis, quo deficiente in laico redditur omnino impotens ad illum actum: sed absolutio a peccatis est etiam actus characteris sacerdotalis, qui in laico non reperitur: ergo hic est etiam prorsus impotens, ita ut cum illo Ecclesia dispensare nequeat, ut in statu laico absolvat. Minor est D. Thomæ in 4, quæst. 2, art. 2, ad 3: « Dominus, *inquit*, discipulis dedit potestatem sacerdotalem quantum ad principalem actum in Cœna, quando dixit: Accipite, et manducate; hoc facite in meam commemorationem. Sed post Resurrectionem dedit eis sacerdotalem potestatem quantum ad actum secundarium, qui est ligare, et solvere, quando dixit Joan. 20: Accipite Spiritum Sanctum, quorum remisistis, » etc.

Confirmatur secundo: nam Ecclesia nunquam declaravit, Christum Dominum facultatem absolvendi, et ministrandi sacramentum pœnitentiæ tribuisse non sacerdotibus pro aliqua urgenti necessitate; nec item unquam dixit, se ipsam posse ex Christi institutione hujusmodi facultatem tribuere, nec tribuisse constat; sed id utique egisset, si posset: ergo signum evidens est, potestatem ministrandi sacramentum pœnitentiæ ita esse sacerdotibus annexam, ut nec ipsa dispensare possit cum laico, ut in urgentiori necessitate a peccatis absolvat. Minor, in qua poterat esse difficultas, constat in omnibus illis casibus, in quibus Ecclesia ut Mater piissima semper egit quod sibi ex commissione divina licuit, ut fidelibus in extrema necessitate constitutis subveniret. Quocirca qui omnibus sacerdotibus jurisdictionis potestatem impertiri potest, eam cunctis sacerdotibus etiam simplicibus concedit, ut existentem in mortis articulo absolvere possit. Ergo si cum laicis non dispensat ut id efficiant, ideo est quia non potest.

Confir-
1

D. Th

Confir-
2

46. Inquires tamen, an hæc ita intelligenda sint, ut extendantur etiam ad censuras, adeo ut nec in extrema necessitate possit laicus, aut non sacerdos ab illis absolvere? Negative respondet Henriquez, Candidus, Panormitanus, et Felin. quos citat N. Andreas tract. 10, cap. 2, punct. 4, Sylvester verbo *Absolutio* 1, n. 8, Glossa cap. *A nobis* 2, verbo *Non potuerit, de sententia excommunicationis*, et cap. *Pastoralis*, § *Præterea*, verb. *Præterquam in morte, de officio ordinarii*. Armilla, Tabiena, Joannes de la Cruz, uterque Ledesma, quos affert, et sequitur Diana tom. 2, tract. 4, resol. 133, Avila de censur. part. 7, disp. 1, dub. 3, probabileque censet N. Cornejo dub. 2, Sanchez lib. 2, summ. cap. 13. Probabilitate supposita, concludit quemlibet sæcularem in absentia sacerdotis, aut alterius insigniti aliquo ordine adstringi lege charitatis excommunicatum in articulo mortis absolvere. Quam sententiam inde probant, quia pia mater Ecclesia omnibus, quibus potest, tribuit facultatem absolviendi a cunctis peccatis in mortis articulo, ita ut eam etiam concedat sacerdotibus simplicibus: ergo cum facultatem absolviendi a censuris concedere possit non sacerdotibus, credendum est quod in extrema necessitate illam concedat. Hanc autem opinionem, uti voluntarie in scholis introductam, acriter, et non immerito, impugnat Lugo in præsentia, disp. 18, sect. 1, num. 10. Fundamentum quippe, quo illi Authores utuntur, si quibuscumque non baptizatis, imo, et fœminis, applicetur, in illis etiam potestatem absolviendi a censuris pro extrema necessitate de facto existere convincet; cum improbable non sit, Ecclesiam omnibus illis huiusmodi facultatem concedere posse.

47. Quocirca oppositum censendum est, ita ut nullus extra sacerdotem valeat a censuris absolvere etiam in mortis articulo. Hæc sententia est communis Theologorum, quos adducunt, et suppetias ferunt N. Andreas, et Lugo loc. citat. Ratio est: quoniam non sacerdotes huiusmodi potestatem ex se non obtinent, ut liquet; aliundeque ab Ecclesia nunquam illis concessa fuit; alias concessionem hanc adversarii designent: ergo asserendum non est, facultatem prædictam in non sacerdotibus inveniri. Id quod etiam evincitur ex Tridentino

Salmant. Curs. Theolog. tom. XX.

sess. 14, cap. 7, ubi inde nimiam Ecclesiæ pietatem commendat, quia in ea semper custoditum fuerit, ut in mortis articulo omnes sacerdotes quoslibet pœnitentes a quibusvis peccatis, et censuris absolvere possint. Si autem facultatem absolviendi a censuris non sacerdotibus tribuisset, id utique exprimeret, et inde amplius Ecclesiæ pietatem extolleret. Tum etiam: quia in Ecclesia nunquam visum, praxi observatum, aut consuetudine introductum est, non sacerdotes in extrema necessitate a censuris absolvere; sicut e converso, inquit Concilium, semper in Ecclesia observatum fuisse, sacerdotes a quibuscumque censuris absolvere: ergo ideo quia istis, et non illis facultas concessa, et ut talis cognita est.

48. Motivum autem oppositæ sententiæ nullius momenti est: ex eo quippe solum habetur, Ecclesiam illam facultatem non sacerdotibus concedere potuisse; non vero quod de facto, et in re concesserit. Nec exemplum allatum aliquid evincit. Pro quo nota, quod Ecclesia per se ipsam absque sacerdotis interventu moribundum a peccatis absolvere non potest; potest tamen a censuris, decernendo nimirum, quod in extrema necessitate existentes censuris non teneantur. Unde liquet, quod si Ecclesia quibuscumque tam sacerdotibus quam non sacerdotibus concedere voluisset potestatem absolviendi a censuris in extrema necessitate, aptius id per se ipsam absque alterius interventu faceret, quod tamen non fecit. Ergo ex quo facultas absolviendi a peccatis in articulo mortis collata sit omnibus sacerdotibus, non recte infertur, quibuscumque etiam non sacerdotibus concessam esse facultatem absolviendi a censuris pro mortis articulo. Tum etiam, ob latum discrimen, quod inter utramque absolutionem intercedit. Etenim absolutio a peccatis est simpliciter necessaria ad salutem homini non contrito; absolutio autem a censuris simpliciter necessaria non est: quippe si existens in extrema necessitate contritus sit, esto a censuris non absolvatur, salutem obtinebit; si vero solum fuerit attritus, et non absolutus a peccatis, quamvis a censuris absolvatur, in casum ibit, damnationemque non effugiet.

Satisfit
motivo
1
senten-
tia.

§ II.

Argumenta assertionibus opposita convelluntur.

49. Doctrinam primæ assertioni Catholice contrariam docuit Wicleph, quem refert, ac vehementer exagitat N. V. Thomas Valdensis tom. 2, de sacram. cap. 135, et

Wicleph.
Luther.
Sagarel.

145. Eundem errorem deinceps exhalavit Lutherus, asserens non plus efficere Papam, et Episcopum, quam infimum sacerdotem; ac his deficientibus, æque bene quemlibet Christianum, etiam puerum, aut fœminam insipientem, si verba proferre sciat, sacramentaliter absolvere posse. Quem etiam hæreticum profligavit N. Roffensis aureo illo Opusculo jussu Pontificis ad eum finem in lucem edito; id quod similiter effecit N. Guido contra Sagarelum de Parma, cujus infectam linguam adussit. Arguunt itaque hæretici primo: quia nullibi in Scriptura habetur, confessionem unice cum sacerdote fieri debere: textus enim ille Joann. 20: *Quorum remisistis peccata, remittuntur eis, et quorum retinueritis, retenta sunt*, non ligat sacerdotibus potestatem absolvendi a peccatis: ergo Catholici, qui in illo nituntur, nullum fundamentum habent ad id asserendum. Antecedens suadet: nam vel illa verba loquuntur cum Apostolis, eorumque successoribus, vel cum omnibus fidelibus? Si primum, soli Episcopi poterunt absolvere: quippe ipsi soli sunt Apostolorum successores. Si secundum: ergo potestas absolvendi a peccatis, et ministrandi sacramentum pœnitentiæ omnibus fidelibus etiam laicis est communis.

Confirm.
1.

Confirmatur primo: quoniam hujusmodi potestas tradita est a Domino, ab eoque tanquam ex capite derivata ad principaliora sui mystici corporis membra, ut in reliquos virtus justificandi proflueret, juxta illud: *Sicut unguentum in capite, quod descendit*; sed principaliora hujus mystici corporis membra non sunt sacerdotes, sed justi: ergo potestas absolvendi sacerdotibus non ligatur, sed etiam aliis justis conceditur. Suadetur minor: nam ratio membri mystici consistit in unione cum Christo Domino: hæc autem unio invenitur in justo etsi alias sæculari, non vero in sacerdote, si peccator sit.

Confirm. 2

Confirmatur secundo: etenim Jacobi 5,

ubi præceptum de confessione traditur, et ubi minister hujus sacramenti assignandus erat, nulla de sacerdote fit mentio, sed quilibet ex fidelibus in Christum credentibus minister præscribitur, unde solum dicitur: *Confitemini alterutrum peccata vestra*. Quæ verba universalia sunt. Ergo ultra sacerdotes sunt alii confessionis sacramentalis ministri. Tum etiam: quia ad hunc finem omnes in Christum credentes sunt sacerdotes, prout habetur Apocalyps. 5: ergo absque fundamento ad peculiare sacerdotum potestas illa restringitur.

Jacob.
5.

50. Respondetur ad argumentum negando antecedens: recte enim ex eo loco depromitur, solum sacerdotem esse pœnitentiæ ministrum, ut ex adductis pro firmanda assertionem liquet. Ad probationem autem dicendum est, Christum Dominum in illis verbis loquentum fuisse cum Apostolis, ac eorum successoribus non tantum in culmine Episcopatus, sed et in munere sacerdotii. Tum, quia ita adumbratum fuit in lege veteri, in qua solis sacerdotibus commissa erat potestas judicandi inter lepram, et lepram. Tum, quia ita constat ex traditione Apostolica, quam Ecclesia excepit, recognovit, et expressis Conciliorum decisionibus confirmavit. Tum, quia ita universi Patres docent, et ratio supra expensa convincit: quia videlicet, cum hoc sacramentum in modum judicii institutum sit, et illius ministri judicis munus exerceant, congruum non erat, omnes fideles etiam rusticos indiscriminatum eam facultatem habere, sed solos eminentiores, quales sunt sacerdotes, idque ex commissione Episcoporum, ad quos primo spectat, qui cum non possint tot confessionibus adesse, sui Vicarios Christi exemplo sacerdotes instituunt. Tum denique: nam quemadmodum ex illis verbis: *Hoc facite in meam commemorationem*, quæ Christus Dominus in Cœna dixit Apostolis, eos in sacerdotes ordinans, recte deducitur, potestatem conficiendi Corpus Christi solis sacerdotibus fuisse collatam; ita ex illis verbis: *Accipite Spiritum Sanctum; quorum remisistis*, etc., quia eisdem Apostolis dicta sunt cum illa adeo peculiari insufflationis cæremonia, qua etiam utuntur Episcopi dum sacerdotes consecrant, optime inferitur potestatem absolvendi a peccatis solis sacerdotibus fuisse concessam.

Diluit
argu
men

Ad

¹ Confirm. dispelli-
tur. Ad primam confirmationem respondetur distinguendo majorem, quæ si intelligatur de potestate derivata in principaliora membra principalitate characteris, dignitatis, et perfectionis per se exactæ rationis officii, concedenda est; neganda vero de principalitate virtutis moralis, ac particularis perfectionis absolute sumptæ. Etenim hæc potestas ligandi, et solvendi, aut ministrandi sacramentum pœnitentiæ non constituitur per sanctitatem utcumque talem, sed ordinem hierarchicum, et vim sanctificativam non præcise subjecti, sed officii, vel alterius ab habente officium; ut constat in aliis gratis gratis datis, et ordinatis non tam ad perfectionem propriam, quam ad alienam, et in artificibus laudatis propter artem perfectam cum vitiis personalibus compositam. Unde quamvis justi ratione propriæ virtutis, et gratiæ cum Christo perfectius jungantur, quam sacerdotes existentes in culpa; non tamen ratione virtutis sanctificativæ aliorum ex opere operato, quam non obtinent laici, quantumvis perfecti, aut justi sint.

² Satisf. secundæ. Ad secundam dicendum, quod dum Jacobus illam scripsit epistolam, jam Ecclesia fundata erat, sacramenta instituta, ministrique designati. Quocirca Christianis alloquebatur, quibus indubitatum supposebat confessionis sacramentum cum solis sacerdotibus perficiendum juxta Christi institutionem. Ideoque alterutrum confiteri admonet, qualiter ipsis jam notum erat cum solis sacerdotibus id fieri posse. Quæ expositio est D. Thomæ quæst. 8, supplement. art. 1, ad 1, ubi ait: « Dicendum, « quod Jacobus loquitur ex suppositione « divinæ institutionis, et quia divinitus « institutio præcesserat de confessione sacerdotibus faciendâ, per hoc quod eis « potestatem remittendi peccata in Apostolis dedit, ut patet Joân. 20. Ideo intelligendum est, quod Jacobus sacerdotibus « confessionem esse faciendam monuit. » Adde, Jacobum ad citata verba permisisse, alia nimirum: *Infirmatur quis in vobis? Inducat presbyteros Ecclesiæ.* In quibus expresse sacerdotes commemorat, ut quis eorum, cui munus incumberet, confessionem exciperet. Unde tantum abest ut alium ministrum extra sacerdotem pro sacramentali confessione admittat, quod presbyteros ad id necessarios inducat. Quam expo-

sitionem esse legitimam testatur D. Augustinus lib. 5 homil. 12. Ad textum Apocalypsis respondetur, in eo sensu ibi justos appellari sacerdotes, in quo ibi etiam reges nuncupantur. Constat autem non esse reges proprie, sed metaphorice, quatenus omnia illis quodammodo subduntur, et a Domino coronantur. Ita igitur dicuntur sacerdotes, quia in recessu cordis sæpe se Deo dedicant, et quasi in holocaustum offerunt, quod umbra quædam est actionis sacerdotalis.

51. Secundo arguitur: quoniam sacramentum pœnitentiæ institutum est in remedium peccati actualis, sicut Baptismus in expiationem originalis; sed in mortis articulo quilibet homo cujuscumque sit conditionis est minister Baptismi: ergo similiter in eadem extrema necessitate quilibet, sit vel non sit sacerdos, obtinebit potestatem ministrandi sacramentum pœnitentiæ. Patet consequentia: nam ideo in mortis articulo quilibet est minister Baptismi, quia hic est simpliciter necessarius ad salutem; sed lapsis post Baptismum non minus necessarium est sacramentum pœnitentiæ ad salutem: ergo credendum est, quemlibet fidelem esse illius ministrum.

Hoc argumentum diluit D. Thomas qu. 8, suppl. art. 1: « Ad secundum dicendum, « quod Baptismus est magis sacramentum « necessitatis, quam pœnitentiæ, quia quandoque Baptismus prætermitti non potest « sine periculo salutis æternæ, ut patet in « pueris, qui non habent usum rationis. « Sed non est ita de absolutione, et confessione, quæ tantum ad adultos pertinet, in quibus contritio cum proposito confitendi, et desiderio absolutionis sufficit ad liberandum a morte æterna; et ideo non est « simile de Baptismo, et confessione. » Unde liquet, necessitatem Baptismi universaliorē esse, quam pœnitentiæ: parvuli quippe si non baptizarentur, cum contritionem elicere nequeant, omnino perirent; quod in pœnitentiâ non contingeret: hæc enim cum solum pro adultis instituta sit, esto sacerdos per accidens deficiat, qui hujusmodi sacramentum subministret, non ita necessaria est: nam valet adultus recurrere ad contritionem, qua salutem obtinere potest. Accedit latum discrimen, quod adest inter Baptismum, et pœnitentiā. Hæc enim instituta est in modum judicii, in quo mi-

nister est iudex, qui scientia, prudentia, et auctoritate pollere debet. Baptismus autem in formam iudicii institutus non est, atque ideo in ejus ministro scientia, et aliæ dotes non exiguntur. Ex quo fit, quod licet potestas ministrandi sacramentum Baptismi concessa sit quibuscumque etiam non sacerdotibus; inde tamen non licet inferre, potestatem ministrandi pœnitentiæ sacramentum fuisse similiter collatam non sacerdotibus, ita ut quilibet quantumvis rusticus absolvere possit: desiderantur enim in ministro hujus sacramenti illæ excellentiæ, quas minister Baptismi non expossit.

Argum.
3. 52. Tertio arguitur, et tradita doctrina impugnatur. Etenim ideo hujus sacramenti minister deberet esse sacerdos, ut vultum sui pecoris agnosceret, debitam satisfactionem pro delictis imponeret, et pabulo congruæ doctrinæ pasceret; sed hoc sæpe aptius fieret per ministros sæculares, qui non semel sapientia, et aliis dotibus sacerdotibus superant: ergo absque solido fundamento ad solos sacerdotes ligatur illa potestas: nam cum Deus perfectiora eligat, vinculandum non est sacerdotibus quod a laicis opportunius exerceri potest.

Dirigitur. Respondetur, verum esse, omnia illa munia spectare ad ministrum pœnitentiæ, et verissimum, quemlibet confessorem teneri ad scientiam, et alias dotes, quæ desiderantur ad rectitudinem illarum actionum; sicut etiam adstringuntur Episcopi ad denegandos ordines illis, in quibus prædictæ qualitates non inveniuntur. Inde tamen non habetur, quod si aliquis laicorum scientia, prudentia, ac virtute polleat, eo ipso potestatem absolvendi a peccatis obtineat: quia illæ excellentiæ, esto ad potestatem ministri prærequirantur, illam non constituunt. Hæc enim unice ex divina institutione, et commissione dependet, quæ solis sacerdotibus data est ex vi ordinis. Quocirca quemadmodum si Christus Dominus pœnitentiæ sacramentum non instituisset, esto laicus illis dotibus præluceret, potestatem absolvendi sacramentaliter non haberet; ita quamvis nunc post sacramenti institutionem scientiam, et virtutem sufficientem habeat, potestate absolvendi caret; quia hæc aliunde obtinenda est, ex consecratione nimirum sacerdotali.

Argum.
1. Secundæ assertioni nullus aperto Marte

contradicit: quamvis enim posse laicum in extremo periculo confessionem audire, et absolutionem impendere ex Ecclesiæ dispensatione nonnulli antiqui docuisse videantur cum Magistro in 4, dist. 13, cap. 4, vindicantur communiter ab hoc nævo, ut recte vidit Vasquez quæst. 93, art. 1, dub. 1, et Lugo cit. sect. 1, num. 4, asserens eos Authores locutos non fuisse de confessione sacramentali, sed de illa, quæ fiebat ad pœnitentis humiliationem, et doloris excitationem. Sunt tamen nonnulla Sanctorum Patrum testimonia, quæ indigent expositione, eo quod oppositam assertioni doctrinam innuere videantur.

Argum.
1. 53. Arguitur ergo primo: nam in cap. *Sanctum est, de consecratione*, refertur, et laudatur quidam pœnitens, qui in mortis articulo cum laico confessus est. Similiter dist. 1, de pœnitentia, Canon. *Quem pœnitet*, dicitur quod *si deest sacerdos, confiteatur proximo*. Item in cap. *Fures* decernitur, quod si latrones in furto deprehensi, et graviter vulnerati presbytero vel diacono confessi fuerint, communio illis non denegetur. Ergo ex dispensatione, et usu Ecclesiæ constat, non sacerdotes posse in eventu necessitatis esse ministros sacramentalis confessionis.

Solvitur. Respondetur, nullum ex his testimoniis aliquid evincere. Non primum: nam caput *Sanctum* non loquitur de confessione sacramentali, sed solum de quadam reconciliatione, aut communicatione in levamen, et solatium morientis. Nec dicitur, quod confessus, sed reconciliatus fuerit; reconciliatio autem latius patet, quam confessio. Reconciliatur enim quis Deo, dum ad ipsum etiam extra sacramentum convertitur; et quia in illo mortis periculo laici consilio, communicatione, ac fervida exhortatione Deum quæsierit, dicitur cum laico reconciliatum fuisse, id est, laico cooperante ad Deum. Insuper, Ecclesia utriusque pium animum laudat, et reconciliati, et reconciliantis; factum tamen non approbat. Non secundum: nam ibi solum intenditur, quod si desit sacerdos proprius, qui est Parochus, confiteatur pœnitens cum proximo, id est, cum sacerdote adstanti, qui ob præsentiam proximus dicitur: vel cum eo sacerdote, qui proximius, aut citius inveniri possit: quippe in illo eventu tam extensa est virtus pœnitentiæ, ut quilibet sacerdos, etiamsi

etiāsi proprius pastor non sit, habeat facultatem, et obligationem absolvendi, si adsit. Hunc autem esse legitimum sensum ex eo constat, quod in eodem capite *Quem pœnitent* declaratur confessionem cum solis sacerdotibus esse faciendum, ut patet Can. *Agite pœnitentiam*; et Canon. *Quidam*.

Non denique tertium: etenim illud caput *Fures*, si non vitiose, ut a multis refertur, sed in sua puritate legatur, nullam mentionem de Diacono facit: solum enim inquit: « Si fures comprehensi, Deoque, et sacerdoti confessi, » ut notat appendix in causa 13, eodem tit. *Fures*. Imo Concilium Triburiense, ex quo illud caput desumptum est, cuique proinde major fides est adhibenda, diaconi non meminit. Adde, quod esto ibi de diacono mentio fiat, non est per ordinem ad confessionem audiendam, sed ad communionem non denegandam, quam ipse in sacerdotis absentia ministrare potest, et debet, si pœnitens in illo articulo apte dispositus inveniatur, licet ob defectum sacerdotis non sit confessus. Quocirca utriusque sacramenti ministros a jure exactos exponit; primo presbyterum, cui ex munere competit, et absolvere, et Eucharistiam impendere; secundo diaconum, qui in sacerdotis absentia potest ministrare Eucharistiam; atque ideo refert ea, quæ accidere possunt, et qualiter disponenda; ita ut si adsit sacerdos, utrumque sacramentum conferre teneatur; si vero solus diaconus, post explorationem dispositionum, quæ desiderantur, Viaticum in illa necessitate ministret.

argum.
2.
D. Cypri.

54. Secundo arguitur: quoniam D. Cyprianus lib. 3, epist. 17, subditos monet, quod si aliquo magnæ necessitatis eventu præoccupentur, ejus personalem assistentiam non expectent, sed apud quemlibet presbyterum, vel eo deficiente apud diaconum confessionem facere possint, « ut « manu ejus pœnitentia posita vadant ad « Dominum cum pace. » Deinde D. Augustinus toto lib. de vera, et falsa pœnitentia satis diffuse expendit historiam cujusdam Exorcistæ, qui ex defectu sacerdotis cum diacono confessus est, ne a dæmone ejus peccata revelarentur, id quod eo medio obtinuit. Et lib. ad Fortunatum similia refert de quodam naufrago cum laico confesso in ingenti procella maris. Item V. Beda ad illud Jacobi 5, quod supra exposuimus, in-

D.
August.

7. Beda.

quit: « Cœqualibus quotidiana levia, et « gravia pandamus. » Tandem D. Thomas D. Tho q. 8 suppl. art. 2, in corp. palam inquit: « In necessitate etiā laicus vicem sacerdotis supplet, ut ei confessio fieri possit. » Quæ est resolutio art. in quo inquit: « An « in aliquo casu liceat aliis quam sacerdotibus confiteri? » Ergo ex mente Sanctorum Patrum potest laicus ex commissione, vel dispensatione Ecclesiæ sacramenti pœnitentiæ esse ministrum.

Respondetur, D. Cyprianum sermonem Diluitur. facere non de confessione sacramentali, sed de reconciliatione eorum, qui juxta antiquos Canones alicui publicæ pœnitentiæ subjacebant, et ab Ecclesia erant separati adhuc post absolutionem a peccatis. Horum autem exterior reconciliatio ad Episcopum spectabat, qui ne quispiam in hujusmodi penali separatione e vita decederet, munus illius reconciliationis, ubi nulla a peccatis absolutio intercedebat, aliis presbyteris, et etiā diaconis commendabat. D. Augustinus solum narrat in communi illas historias: non persuadet authenticas, aut factum approbat. Si autem id intendat, intelligendus est de confessione non sacramentali, aut de communicatione facta ad humilitatem, et levamen pœnitentis, et ad excitationem doloris, quo Deus placeatur, et gratiam infundat. Eodem modo exponendus est V. Beda, nec ejus verba aliud sonant.

Quod vero attinet ad D. Thomam, palam est S. Doctorem de confessione sacramentali sermonem non facere, ut evidenter constat tum ex artic. præcedenti, ubi statuit quod absolutio non pertinet nisi ad sacerdotes, quibus claves Ecclesiæ commissæ sunt. Tum ex quæst. 19, art. 3, ubi jus ligandi, et solvendi esse in solis sacerdotibus decernit; et ex art. seq. ubi inquires an sancti homines non sacerdotes claves aut usum earum habeant? Respondet negative. Tum etiā ex verbis, quibus utitur loco in objectione citato in solut. ad D. Tho. 2: « Confessio, inquit, ex defectu sacerdotis laico facta sacramentalis est quodammodo, quamvis non sit sacramentum perfectum, quia deest ei id quod est ex parte sacerdotis. » Item in solut. ad 3, addit: « Et ideo quamvis ille laico confessus in articulo necessitatis consecutus « sit veniam a Deo, eo quod propositum,

« quod concepit, confitendi secundum
 « mandatum Dei, sicut potuit, implevit :
 « non tamen adhuc Ecclesiæ reconciliatus
 « est, ut ad sacramenta Ecclesiæ admitti
 « debeat, nisi prius a sacerdote absolva-
 « tur... et ideo oportet quod iterum confi-
 « teatur sacerdoti, cum copiam habere
 « potuerit : et præcipue quia (ut dictum est)
 « sacramentum pœnitentiæ perfectum non
 « fuit ; unde oportet quod perficiatur, ut ex
 « ipsa perceptione sacramenti plenior
 « effectum consequatur. » Loquitur igitur
 D. Thomas de confessione sacramentali
 secundum quid, et similitudinarie, aut de
 communicatione ad humilitatem, excita-
 tionem doloris, et manifestationem desi-
 derii confitendi sacramentaliter. Dum
 autem, inquit, pœnitentem in urgenti ne-
 cessitate constitutum debere in absentia
 sacerdotis laico confiteri, verbum *Debet*
 non est accipiendum pro præcepto, sed pro
 decentia, aut consilio : id enim efficere
 tempore D. Thomæ frequentius erat in usu,
 ut recte vidit Sotus in 4, dist. 18, q. 5, art.
 1, in fine.

Argum.
3.

55. Tandem arguitur : nam quemad-
 modum sacerdos est minister sacramenti
 pœnitentiæ, ita episcopus sacramenti con-
 firmationis ; sed ex dispensatione Ecclesiæ
 potest simplex sacerdos in urgenti neces-
 sitate esse minister sacramenti confirma-
 tionis : ergo etiam ex dispensatione Ecclesiæ
 poterit non sacerdos in necessitate urgenti
 pœnitentiæ sacramentum ministrare. Con-
 sequentia liquet tum ex paritate ; tum ex
 ratione : quia urgentioris necessitatis ad
 salutem est pœnitentiæ sacramentum, quam
 confirmationis. Major constat ex Triden-
 tino, quod sicut sess. 14, cap. 6, definit
 solum sacerdotem esse pœnitentiæ minis-
 trum. ita sess. 7, Can. 3, decernit solum
 episcopum esse ministrum confirmationis.
 Minor autem, in qua poterat esse difficul-
 tas, est communis sententia Theologorum
 cum D. Thoma 3 part. quæst. 72, art. 11,
 quos congressit, et sequutus est N. Fran-
 ciscus tract. 3, cap. 4, punct. 1. Id quod
 etiam constat ex facto D. Gregorii, qui
 hujusmodi facultatem ad confirmandum
 concessit presbyteris Sardinæ ; et Grego-
 rius XIII sacerdotibus Indiarum.

Confir-
mat.

Confirmatur : nam Episcopi electi, et
 sola prima tonsura initiati, possunt imper-
 tiri licentiam absolvendi a peccatis : ergo

et ipse, esto sacerdos non sit, eam obtinet.
 Quo argumento utuntur nonnulli ad sua-
 dendum, Summum Pontificem adhuc non
 consecratum posse simplici sacerdoti dele-
 gare facultatem ad ministrandum confirma-
 tionem.

Respondetur, omissis præmissis negando Solutio
argu-
menti.
 consequentiam ; et ratio disparitatis pen-
 det ex institutione Christi, qui ita statuit ;
 sacerdotem namque esse unicum minis-
 trum sacramenti pœnitentiæ constat ex
 Scriptura, traditione Apostolica, Concilio-
 rum decisionibus, ac Sanctorum Patrum
 doctrina ; cujus oppositum accidit in con-
 firmatione : nam posse etiam simplicem
 sacerdotem esse hujus sacramenti minis-
 trum extraordinarium habetur in Ecclesia
 pro institutione Christi, aut extraordinaria
 concessione. Cujus congruens ratio est
 strictus numerus Episcoporum, præsertim
 in insulis segregatis, ac Indiarum regio-
 nibus remotissimis, dum ad Ecclesiæ ovile
 adjugebantur. Tunc enim maxime urgebat
 necessitas neophytos in fide confirmandi,
 cui cum satis occurrere non possent epis-
 copi, Ecclesiam aliquem sacerdotem desi-
 gnare in ministrum opus erat. Pro admi-
 nistratione vero sacramenti pœnitentiæ
 plures sacerdotes ab initio creati sunt, ita
 ut nullum fundamentum adsit censendi
 Christum Dominum facultatem laicis reli-
 quisse ut absolverent. Eo vel maxime, quia
 laici characterem sacerdotalem non habent,
 nec potestatem supra Corpus Christi ve-
 rum ut consecrandum ; atque ideo potes-
 tatem absolvendi adhuc in urgenti neces-
 sitate habere nequeunt, cum hæc consistat
 in characterem, aut ejus extensionem. Sacer-
 dos autem simplex, et potestate supra Cor-
 pus Christi ut consecrandum viget, et cha-
 ractere sacerdotali insignitus est, qui an sit
 vel non distinctus a characterem episcopali,
 sublite est. Data autem, et probata sententia
 (quam viorem judicamus) negante dis-
 tinctionem, argumentum omnino cessat :
 tunc enim jurisdictio, quæ sacerdoti sim-
 plici deficit ad confirmandum, ab Ecclesia
 conferri potest.

Ad confirmationem dicendum est, epis-
 copum electum, et in sacerdotem non ordi-
 natum habere jurisdictionem, non vero
 potestatem absolvendi a peccatis : hæc
 enim fundatur in ordine, et in forma in-
 trinseca consistit ; sacerdotem autem sim-
 plicem Satisfit
confir-
mat.

plicem e converso habere potestatem, et non jurisdictionem : quia hæc sita est in consignatione subditorum, et extrinseca denominatione. Porro nec sacerdos potest absolvere sine jurisdictione, etiamsi habeat potestatem, nec episcopus sine potestate, quamvis habeat jurisdictionem. Unde fit, quod nec episcopus det quod non habet, sed jurisdictionem quam continet ; nec quod habeat potestatem absolvendi, quam non communicat. Id quod in Pontifice non consecrato contingit, quippe qui potest tribuere jurisdictionem ad absolvendum vel confirmandum, non tamen ipse absolvere aut confirmare, usque dum ordinem accipiat sacerdotaletm.

DUBIUM VI.

Utrum omnis sacerdos sit minister jurisdictionis hujus sacramenti ?

Vidimus sacramentum pœnitentiæ ita essentialiter exposcere sacerdotem in ministrum, ut nec Ecclesia usquam dispensaverit, aut dispensare valuerit ut sacerdos absolvat sacramentaliter. Quia tamen hoc sacramentum institutum est in formam judicii, de cujus essentia est jurisdictio in ministro, investigandum occurrit an cum potestate ordinis sacerdotalis communicetur simul potestas jurisdictionis, ita ut omnis sacerdos, eo ipso quod talis, sit absolute juridicus pœnitentiæ minister ? Pro cujus difficultatis resolutione, ac confusione arcenda, nonnulla præmittere opus est.

Nota 1. 56. Igitur observandum est primo : duplicem esse spirituale jurisdictionem, una quæ ad forum externum, et contentiosum spectat : alia vero quæ ad internum, et pœnitentiale. Prior est illa potestas, quam obtinent principes Ecclesiastici ad gubernandum Ecclesiam, ad imponendas leges, ad ferendas censuras, ad aliaque hujusmodi. Qua relicta, quia de ea in præsentiarum sermo non est ; posterior juxta diversa placita diversimode constituitur. Cano de pœnit. part. 5, vult sitam esse in potentia non physica, sed morali, qua sacerdos dicitur absolute potens absolvere. Alii autem eam collocant in extrinseca designatione subditorum : aut collatione alicujus muneris Ecclesiastici, quo quis pastor aut supe-

rior efficitur. Alii denique eam statuunt initiative in potestate ordinis, aut characteris, complete vero in subditis designatis. Omnes tamen, quanquam in modo loquendi differant, in re conveniunt, quatenus solum intendunt, quod nomine jurisdictionis fori pœnitentialis significetur illa facultas, qua quis constituitur in ratione habentis subditos, in quos potestatem ligandi, et solvendi sacramentaliter exercere possit.

Secundo observandum est, hujusmodi Nota 2. jurisdictionem esse simpliciter necessariam ut sacerdos valide absolvat, ita ut ea deficiente sacramentum nullum sit. Id enim definitum est in Concilio Florentino Conc. Florent. Trident. in decreto Eugenii, cap. *Omnis utriusque sexus* ; et Tridentino sess. 14, cap. 7, et sess. 23, cap. 5. Rationeque suadetur : nam absolutio sacramentalis est actus judicii ; sed omne judicium, ut validum existat, exposcit jurisdictionem in iudice : ergo ut sacramentalis absolutio sit valida, necessaria est jurisdictio in ministro. Quæ est ipsa ratio Tridentini cap. cit. ubi inquit : « Quoniam natura, et ratio judicii » exposcit ut sententia in subditos dumtaxat feratur. » Accedit, sacerdotem in pœnitentiali foro non solum absolvere, sed etiam ligare pœnitentem ; ligare autem nullus potest nisi subditum : indispensabilis igitur est jurisdictio ministri, ut sacramentum teneat.

Nota 3. 57. Tertio observandum est, hanc jurisdictionem aliam esse ordinariam, aliam vero delegatam. Prima est, quæ convenit sacerdoti ratione proprii officii habentis subditos, uti est qua præditi sunt Pontifices, episcopi, parochi, et prælati tam superiores, quam inferiores Ordinum. Secunda est, quæ non ex officio, sed ex commissione proprii judicis confertur. Utraque autem ex parte subjecti dividitur in jurisdictionem certam, probabilem, dubiam, et titulo colorato habitam. Certa est, quæ manifesto titulo possidetur. Probabilis, quæ innititur iudicio dictante adesse jurisdictionem, quamvis cum formidine circa illius carentiam. Dubia illa, de qua quis est anceps an adsit vel non, ita ut circa neutram partem determinetur, sed omnibus perpensis suspensus persistat. Titulo colorato habita, quæ nititur officio, cui annexa est jurisdictio, et alias titulus

aut officium nullum est ob impedimentum occultum illis, qui confitentur.

Nota 4.

Ex quibus notandum est quarto, jurisdictionem dubiam quatenus talem non sufficere ut quis ea uti valeat absolute, sed ad summum sub conditione in eventu urgentis necessitatis, dum aliud certum remedium haberi non potest, ut recte docent N. Cornejo 1, 2, tract. 8, disp. 4, dub. 2, Salas tract. 8, disp. unic. quæst. 9, sect. 2, et alii plures, quos congerit ac sequitur N. Franciscus tract. 6, cap. 11, punct. 5. Circa probabilem vero, quidquid dicant Nugnus, Salas, et Aversa, quibus adhæret N. Philippus a SS. Trinitate disp. 12, dub. 4, communis sententia Theologorum defendit, esse sufficientem ad licite, et valide absolvendum, eo quod tunc certo moraliter conceditur ab Ecclesia. Ita N. Gabriel disp. 9, N. Antonius a Spiritu Sancto, N. Bonæ Spei, ac N. Franciscus loco cit. num. 4, qui fere omnes Theologos pro ea referunt. Si autem jurisdictio supra titulum coloratum fundetur, et sacerdos, qui ea utitur, a populo habeatur ut minister legitimus ob ignorantiam impedimenti latentis, absolutio erit valida, quamvis respectu absolventis sit illicita, ut ex communi DD. sententia statuit N. Bonæ Spei loco cit. et suadet tum ex lege Barbarius, ff. de officio Prætoris; tum ex causa 3, quæst. 7, cap. *Infamis persona*; tum ex ratione communis boni populi Christiani, qui perturbationibus exponeretur, si ex retractatione officii ob occultum impedimentum confessionis redderentur invalidæ. Unde Ecclesia ministris eo titulo absolventibus jurisdictionem communicat.

Sensus dubii.

His igitur præmissis, videndum est, an ex sola sacerdotis ordinatione aliqua ex his jurisdictionibus ei conferatur, ita ut eo ipso quod characterem sacerdotalem, aut potestatem consecrandi, et absolvendi accipiat, simul ex vi hujus jurisdictionem obtineat? Quia tamen peccata, circa quæ absolutio versatur, quædam sunt venialia, quæ nemo confiteri tenetur; quædam vero lethalia, et hæc vel jam rite confessa, vel nondum clavis subjecta, vel quæ in articulo mortis, vel extra illum confitentur, de omnibus discutiendum venit; prius tamen de lethalibus, quæ sunt materia necessaria sacramenti.

§ I.

Duplex statuitur assertio.

58. Dicendum est primo, sacerdotem ex vi ordinis præcise nec licite nec valide posse absolvere a peccatis mortalibus nondum confessis; atque ideo non omnem sacerdotem, qua talem præcise, esse ministrum jurisdictionis. Hæc assertio est adeo certa, ut oppositum a nonnullis temerarium, aut errori proximum censeatur, eo quod contradicit sententiæ communi Doctorum, a quibus in re adeo gravi, atque ad animarum salutem spectanti, recedere non licet. Eam docent D. Thomas, quæst. 8 supplem. art. 2, D. Bonaventura in 4, D. Th. dist. 19, art. 1, q. 2, D. Antoninus 3 part. tit. 17, cap. 4, casu 5, Alensis in 4, qu. 20, memb. 8, art. 2, Sotus in 4, dist. 18, qu. 4, art. 2, Como relect. de pœnit. part. 5, Paludanus dist. 17, qu. 3, art. 3, quæstiunc. 4, ubi Scotus, Gabriel, Capreolus, et Major q. 1, Richardus art. 1, q. 3, Medina, Cod. de confess. qu. 39, Ledesma 2 part. q. 32, art. 1, Petrus Soto lect. 5, de confess. Cajetanus tom. 1 Opusc. tract. 7, Navarrus in summa, cap. 27, Angelus, Sylvester, Nugnus in 3 part. q. 8, supplem. art. 2, Suarez disp. 24, sect. 2, et alii plures. Colligiturque assertio ex cap. *Omnis utriusque sexus* et cap. *Si Episcopus* de pœnit. et remis. ubi decernitur, quod nulla consuetudine fieri potest, ut sacerdos sine superioris licentia absolvere valeat. Si ergo licentia, aut jurisdictio a superiore collata necessaria est ut sacerdos possit absolvere, hic ex vi suæ ordinationis illam non habet; atque ideo nec valida erit absolutio, quam ipse præstiterit. Insuper, si nulla consuetudine oppositum prævalere potest: ergo ideo quia hæc lex ex Christi institutione pendet: nam consuetudo legem humanam revocare potest. Id ipsum habetur cap. finali de censib. et cap. *Quorum vires*, et in Damaso Papa epist. 4 decretal. et in Concilio Hispalensi 2, cap. 7.

Verum præcipuum hujus veritatis fundamentum depromitur ex Concilio Florentino in decreto Eugenii, ubi dicitur, hujus sacramenti ministrum debere esse sacerdotem « habentem auctoritatem absolvendi, vel ordinariam, vel ex commissione superioris. » Ac item ex Tridentino

1
Concl.

D. Th.
D.
Bonav.
D.
Anton.
Alens.
Sotus.
Como.
Palud.
Scotus.
Gabrie.
Capreo.
Major.
Ricard.
Medina.
Ledesma.
Petrus.
Sotus.
Cajetan.
Navar.
Angelu.
Sylvester.
Nugnus.
Suarez.

Fundamentum
ex
Concilio
Florentino,
et Trid.

dentino, sess. 14, cap. 6, dicente : « Quo-
 « niam igitur natura, et ratio iudicii illud
 « exposcit, ut sententia in subditos dum-
 « taxat feratur, persuasum semper in
 « Ecclesia Dei fuit, et verissimum esse
 « Synodus hæc confirmat, nullius momenti
 « absolutionem eam esse debere, quam
 « sacerdos in eum proferat, in quem ordi-
 « nariam aut subdelegatam non habet
 « jurisdictionem. » Ex quibus hæc ratio
 efformatur. Ut sacerdos ex vi ordinis va-
 lide absolveret a peccatis mortalibus non-
 dum confessis, aliqua jurisdictione prædi-
 tus esse debebat ; sed ex vi ordinis sacer-
 dotalis præcise nullam jurisdictionem
 accipit : ergo ex vi ordinis præcise valide
 a peccatis lethalibus nondum confessis
 absolvere nequit. Consequentia est legiti-
 ma, et major expresse continetur in
 verbis relatis Tridentini. Minor vero sua-
 detur, tum ex eodem Concilio : nam si
 sacerdos ex vi ordinis jurisdictionem acci-
 peret, verba Concilii frustranea essent ;
 siquidem nunquam verificaretur esse nul-
 lam absolutionem sacerdotis, qui ordina-
 riam aut subdelegatam non habet jurisdic-
 tionem, cum eo ipso quod sacerdos esset,
 eam haberet. Tum etiam : quoniam omnis
 jurisdictio vel est ordinaria, vel delegata ;
 sed sacerdos ex vi ordinis nullam ex his
 accipit ; non quidem ordinariam, nam
 hæc convenit ratione alicujus officii pasto-
 ralis, quod nulli confertur sacerdoti ex
 vi ordinis ; nec item delegatam ex com-
 missione Ecclesiæ, quippe ex nulla Eccle-
 siæ ibi declaratione constat, hujusmodi
 jurisdictionem absolute absolvendum a
 lethalibus nondum confessis concedere,
 aut concessisse ; sicut e converso, quia Ec-
 clesia hanc jurisdictionem concedit ad ab-
 solvendum in articulo mortis, id sæpius
 declaravit : ergo sacerdos ex vi ordinis
 nullam accipit jurisdictionem. Cum autem
 hæc omnino necessaria sit ad valorem
 absolutionis, palam est nullum sacerdotem
 ex vi ordinis præcise posse valide absol-
 vere, et consequenter non omnem sacerdo-
 tem esse hujus sacramenti ministrum jurisdic-
 tionis.

Confirmatur : etenim absolutio est actus
 iudicii ; sed ut iudicium validum existat,
 necessaria est jurisdictio in iudice : ergo
 ut sacerdos ex vi ordinis valide absolveret
 a peccatis mortalibus nunquam confessis,

opus erat ut ex vi ordinis jurisdictionem
 haberet. Tum sic : sed ex vi ordinis juris-
 dictionem non habet : ergo. Minor hæc, in
 qua est difficultas, multipliciter suadetur.
 Primo, quia si ex vi ordinis jurisdictionem
 haberet, jurisdictio inseparabilis foret ab
 ordine : sicut quia character, vel potestas
 consecrandi, et absolvendi, et ligandi ex
 vi ordinis habetur ; inseparabilis est sa-
 cerdote ; sed jurisdictio separabilis est, et
 de facto a sacerdote separatur, ut liquet
 in eo, qui electus est in parochum, vel in
 episcopum, et nondum sacerdotali ordine
 insignitus est : ergo. Secundo : quoniam si
 ex vi ordinis jurisdictio conferretur, frustra
 Ecclesia eam deinceps tribueret ; constat
 autem Ecclesiam jurisdictionem delegare
 sacerdotibus post sacros ordines susceptos :
 ergo. Tertio : nam si ex vi ordinis habere-
 tur jurisdictio, illam Ecclesia remove-
 re non posset a sacerdote, nec facere ut abso-
 lutio a sacerdote collata invalida existat ;
 quemadmodum quia potestas consecrandi
 ex vi ordinis confertur, eam a sacerdote
 abscindere nequit, nec efficere ut consecra-
 tio facta a sacerdote, quantumvis excom-
 municato, non teneat ; sed Ecclesia de
 facto removet jurisdictionem, ut constat
 dum peccata reservat, et dum excommuni-
 catum, et hæreticum sacramentorum admi-
 nistratione privat : ergo. Quarto : quia
 alias omnes sacerdotes, eo ipso quod tales,
 ex jure divino essent iudices, et pastores
 ordinarii universorum fidelium : non enim
 major est ratio ut sint iudices respectu
 unius, quam alterius fidelis, et aliunde illa
 jurisdictio a Christo, et non ab Ecclesia
 tribueretur, atque ideo ordinaria, ac ex
 jure divino esset. Hoc autem omnem Mo-
 narchicum Ecclesiæ ordinem, quem Chris-
 tus reliquit, perverteret ; siquidem jam
 sacerdotes non essent alii superiores, alii
 inferiores iudices, sed omnes supremi, et
 principes æquales, utpote qui ex vi ordinis
 omnes christianos sibi subditos haberent :
 ergo ex vi ordinis nequit sacerdos ut mi-
 nister jurisdictionis valide absolvere a
 peccatis lethalibus antea non confessis.

59. Respondebis primo cum Armacano, ^{Evasio.}
 sacerdotes ex vi ordinis, ac divini juris
 habere jurisdictionem, esseque sufficientes
 ministros hujus sacramenti, adeo ut quam-
 vis Ecclesia prohibere valeat ut sacramen-
 tum ministrent, non tamen efficere ut

absolutio valida non existat, saltem quantum est ex parte ministri, licet alias ex indispositione pœnitentis sacramentum annullari possit.

Præcluditur.

Hæc autem responsio acriter ab omnibus impetitur, ac ut erronea habetur, utpote quæ Tridentini verbis supra expensis non cohæret. Nam Concilium nullam esse absolutionem datam a sacerdote non habente jurisdictionem ordinariam aut delegatam statuit : ergo sentit, sacerdotem nullam ex his jurisdictionibus habere posse ; atque ideo quod ex vi ordinationis præcise non accipit jurisdictionem inseparabilem a characterem, ut Author ille existimavit. Tum etiam : nam Concilium expresse asserit, absolutionem ex defectu jurisdictionis esse nullam, non autem ex defectu dispositionis pœnitentis, cujus non meminit ; id quod non solum docet, sed probat ex natura judicii, de cujus ratione est jurisdictio in ministro sententiam ferente. Ergo asserere sacerdotem taliter habere jurisdictionem, ut nec Ecclesiæ conatu absolutio invalida fieri possit, palam adversus Concilium militat. Tum deinde : nam extra dubium est, absolutionem datam a sacerdote simplici circa peccata lethalia prius nondum confessa esse invalidam, esto alias pœnitens dispositus accederet ad sacramentum : ergo ideo præcise quia sacerdos jurisdictionem non habet. Quocirca hæc responsio ulteriori impugnatione non indiget.

Aliud effluat.

60. Respondebis secundo cum Navarro, sacerdotem ex vi ordinis habere jurisdictionem habitualement, pendentem tamen ab Ecclesiæ prohibitione, ita ut si nulla adsit Ecclesiæ prohibitio, sacerdos ex vi ordinis habet jurisdictionem omnino expeditam ad ministrandam absolutionem. Si autem aliqua Ecclesiæ prohibitio intersit, redditur illa jurisdictio impedita ne in actum prodeat, adeo ut solum maneat in habitu. Ex quo fit, quod si stante Ecclesiæ prohibitione absolutio impendatur, invalida existet.

Rejicitur 1.

Verum nec ista doctrina robur propositi fundamenti infringit, sed potius Armacani principii favet, atque ideo efficaciter rejicitur. Primo : quia si sacerdos ex vi ordinis jurisdictionem obtineret, Ecclesia facere non posset ut absolutio facta a sacerdote valida non esset ; consequens est falsum, ut ex se patet, et Navarrus fatetur : ergo

sacerdos qua talis præcise jurisdictionem non habet. Sequela ostenditur : nam ideo quantumvis Ecclesia prohibeat actum consecrationis Corporis Christi, illum invalidare non potest, quia sacerdos ex vi ordinis accipit potestatem sufficientem ad actum consecrationis ; sed juxta adhibitam responsionem sacerdos ex vi ordinis accipit jurisdictionem sufficientem ad actum absolvendi, et aliunde adest in sacerdote potestas characteris, aut virtus ad absolvendum : ergo Ecclesia invalidare non posset absolutionem sacerdotis, si hic ex ordine jurisdictionem acciperet : nequit enim irritare actum sacramentalem, dum omnia ad actum desiderata concurrunt. Ea autem, quæ ad absolvendum desiderantur, sunt potestas ordinis, et jurisdictionis, et intentio ministri, quam adesse supponimus simul cum his, quæ ex parte pœnitentis requiruntur. Unde fieret, quod si pœnitens accederet bona fide ad simplicem sacerdotem ut ab eo absolveretur a lethalibus nunquam confessis, absolutio valida esset, etiamsi sacerdos scienter contra Ecclesiæ prohibitionem absolveret : nam peccatum, ac indispositio sacerdotis sacramentum non invalidat, si aliunde concurrunt, quæ ex parte pœnitentis, ac ex potestate, et jurisdictione ministri non deficiunt.

Secundo impugnatur : nam si jurisdictionem daretur sacerdoti ex vi ordinis, vel esset tanquam effectus sacramenti Ordinis, vel tanquam quid concomitanter se habens ad effectum sacramenti ; sed nullo ex his modis : ergo ex ordine jurisdictionem non accipit. Minor ostenditur quoad utramque partem : quoad primam quidem ; etenim si tanquam effectus ordinis acciperetur, Ecclesia illam jurisdictionem a sacerdote remove non posset, quemadmodum nec characterem, nec alios effectus sacramentales rite susceptos ; atque ideo nec facere posset ut absolutio virtute illius jurisdictionis collata a sacerdote pœnitenti disposito non teneret, sicut nec impedire valet ut consecratio Corporis Christi facta virtute characteris sit valida, si fiat circa aptam materiam. Sed Ecclesia, et remove potest jurisdictionem a sacerdote, et facere ut absolutio, quam præstat, non teneat : ergo illa jurisdictio non habetur ex virtute ordinis tanquam effectus sacramenti. Quoad secundam vero suadetur : nam quæ concomitanter

concomitanter fiunt ex vi sacramenti, ideo est quia connexionem habent cum effectu sacramenti, ut liquet in his, quæ in Eucharistia per concomitantiam ponuntur; sed jurisdictio connexionem non habet cum effectu sacramenti ordinis, siquidem separata videntur in episcopis, ac parochis electis, et non ordinatis: ergo.

^{tertio}
^{refel-}
^{tur.} Tertio arcetur. Quoniam illa jurisdictio quæ tribueretur ex vi ordinis, vel esset immediate a Christo Domino, vel ab Ecclesia: atqui nec a Christo, nec ab Ecclesia: ergo nulla ex vi ordinis confertur. Suadetur minor: nam in primis si Christus eam immediate tribueret, nullus inferior illam revocare posset, quemadmodum quæ datur a pontifice, ab episcopo prohiberi nequit; alias æque libenter quis dicere posset, potestatem a Christo concessam ad consecrandum posse a Pontifice vel episcopo removeri. Constat autem Ecclesiam privare sacerdotem jurisdictione, ita ut absolutio collata a sacerdote jurisdictione privato nulla sit: ergo a Christo Domino immediate non conceditur. Deinde Ecclesiam sacerdotibus ex vi ordinis jurisdictionem illam non impendere constat ex eo, quod Pontifex nunquam intentionem tribuendi talem jurisdictionem cunctis sacerdotibus habuit: alias id aliquo decreto, aut Conciliorum declaratione notum fieret. Eo vel maxime, quia si ab Ecclesia illa jurisdictionis ortum duceret, sicut Ecclesia illam concedit, ita illam denegare posset. Cum ergo nullum sit fundamentum ad asserendum Ecclesiam eam conferre, sed potius oppositum ex Tridentino supra expenso satis innotescat, dicendum non est sacerdotem ex vi ordinis esse ministrum jurisdictionis ad absolute absolvendum a lethalibus non prius confessis.

^{iclus.}
^{2.} 61. Dicendum est secundo, omnem sacerdotem posse absolvere a quibuscumque peccatis quemlibet penitentem constitutum in articulo mortis. Hæc assertio universaliter procedit, ita ut per ly *omnem sacerdotem* comprehendantur excommunicati, suspensi, irregulares, degradati, ac etiam hæretici, qui omnes sunt ministri jurisdictionis in mortis articulo. Qualiter autem mortis articulus distinguatur a periculo mortis, diximus priori parte hujus tract. disp. 5, dub. 7, num. 297, et 298, et 299. Assertionem igitur ita universaliter intel-

lectam docent communiter Theologi, quos^S referunt, et sequuntur N. Franciscus tract. N. Francis. 6, cap. 11, punct. 2, num. 19, N. Bonæ N. Bonæ Spei ubi supra, Diana 3 part. tract. 4, Spei. 4, resol. 57, Leander disp. 11, quæst. 16, Leand. Vasquez, quæst. 93, art. 1, dub. 4, Tho- Sanchez. mas Sanchez lib. 2 summ. cap. 13, num. 6, Vasquez. et alii.

Probat igitur ex Tridentino sess. 14, Probatur ex Trident. cap. 7, ubi dicitur: « Veruntamen pie « admodum ne de ipsa occasione aliquis « pereat, in eadem Ecclesia Dei custodi- « tum semper fuit, ut nulla sit reservatio « in articulo mortis; atque ideo omnes « sacerdotes quoslibet penitentes a quibus- « vis peccatis, et censuris absolvere pos- « sint. » Universalior facultas ex parte ministri excogitari non potuit: quippe cum ly *omnes* distributivum sit, extenditur ad quoscumque sacerdotes, semel quod tales sint. Ergo omnes, qui in assertione recensentur, sunt ministri jurisdictionis, qui possint valide absolvere penitentem constitutum in articulo mortis. Ubi etiam notandum est ly *in Ecclesia Dei custoditum semper fuit*: nam semper omne tempus complectitur, et ab exordio Ecclesiæ traditionem Apostolicam testatur: etenim, ut jam ex Augustino in proloquium abiit, quod semper fuit in Ecclesia, nec invenitur aliunde ejus principium, a Christo Ecclesiam fundante, et Apostolorum traditione venit.

62. Deinde suadetur ratione desumpta ex præactis Tridentini verbis, ac ex D. Thoma in quæst. 8 supplement. art. 6. Nam quilibet sacerdos, quantum est ex virtute clavium, habet potestatem indifferenter in omnes, et quoad omnia peccata; sed alias etiam habet jurisdictionem ut absolvat existentem in articulo mortis: ergo quilibet sacerdos, quicumque ille sit, etiam hæreticus, habet quidquid desideratur ad absolvendum penitentem in articulo mortis constitutum. Consequentia liquet, et major in omnium sententia est certa, ac expressa D. Thomæ. Minor autem ostenditur: etenim ideo aliquis sacerdos, hæreticus v. g. jurisdictionem ad absolvendum existentem in articulo mortis non haberet, quia ipsi ab Ecclesia denegaretur; atqui Ecclesia illi jurisdictionem non denegat, sed confert: ergo. Probat minor: nam ideo juxta Concilium aliis sacerdotibus

Ratio
inde
petita.

confertur jurisdictio pro illo eventu, *ne de ipsa occasione aliquis pereat*; sed possibilis est non tantum metaphysice, sed et practice casus, vel occasio, in qua aliquis pereat, eo quod moriatur cum sola attritione supernaturali in præsentia solius sacerdotis hæretici: ergo si ut nullus de ipsa occasione pereat, tribuitur jurisdictio aliis sacerdotibus pro articulo mortis etiam conceditur hæreticis; alias jam aliquis de ipsa occasione periret, cui Ecclesia non subveniret; quod prædictis Concilii verbis non cohæret, nec etiam illis *pie admodum*, etc. Tum etiam: quoniam credibile non est, piissimam Ecclesiam non facere id quod potest pro salute æterna existentium in articulo mortis, ut ex Concilio liquet. Constat autem quemlibet sacerdotem etiam hæreticum habere potestatem clavium ad absolvendum omnes indifferenter, et Ecclesiam posse illis impertiri jurisditionem: ergo eam communicare cuicumque sacerdoti etiam hæretico pro mortis articulo credendum est.

Conse-
clar. 1.

63. Ex quibus inferitur primo, hanc jurisditionem, quam habent sacerdotes ad absolvendum in mortis articulo non esse ordinariam a Christo Domino immediate concessam, sed ab Ecclesia delegatam. Tum, quia jurisdictio ordinaria est illa, quæ competit ratione officii, et ad determinatum dominium dirigitur; hæc autem officio non innitur; sed privilegio concesso cunctis sacerdotibus pro ubique locorum. Tum, quia jurisdictio ordinaria casui non ligatur, sed absoluta est; hæc vero ad peculiarem eventum articuli mortis restringitur. Tum, quia ita colligitur ex illis Tridentini verbis: « In eadem Ecclesia Dei custoditum » semper fuit, ut nulla sit reservatio in « articulo mortis. » In quibus satis palam indicat, hanc jurisditionem esse delegatam: etenim si Ecclesia nullam vult intervenire reservationem in articulo mortis, signum est quod aliqua intervenire poterat ex Ecclesiæ dispositione; hoc autem fieri nequit, quin jurisdictio pro illo articulo ab eadem Ecclesia pendeat, ita ut illam conferat. Colligitur similiter, et evidentiis ex aliis verbis: « Omnes sacerdotes quoslibet » pœnitentes a quibuscumque peccatis, et » censuris absolvere possint. » Ubi Ecclesia expresse ostendit, se ipsam dare jurisditionem, ut sacerdotes possint absolvere

pro illo articulo. Tum denique: nam alias simplex sacerdos ordinariam jurisditionem haberet respectu cujuscumque fidelis, quod satis absurdum est. Nec inde inferitur, ut recte adnotarunt Lugo, et N. Franciscus ubi supra, Christi Domini providentiam in necessariis defecisse, ex eo quod immediate per se ipsum hanc jurisditionem sacerdotibus non contulerit, sed illam ab Ecclesia delegandam reliquerit. Etenim quemadmodum Spiritus Sanctus assistit Ecclesiæ, ne in aliarum rerum dispositione erret; ita circa dispositionem jurisditionis pro mortis articulo Ecclesiæ assistit; unde ab Ecclesiæ exordio nunquam denegata fuit. Atque ita docent plures, quos referunt, Lugo et sequuntur Lugo disp. 28, sect. 2, num. 16, N. Franciscus tract. 6, cap. 11, punct. 2, num. 22, uterque Sotus, Nugnus, Medina, et Leander disp. 11, qu. 22.

64. Inferitur secundo, non posse sacerdotem simplicem absolvere pœnitentem in articulo mortis, si proprius sacerdos adsit: nam finis Ecclesiæ in concessione jurisditionis cuilibet sacerdoti pro mortis articulo est necessitas in illa pressurâ existentium, ut constat ex illo Concilii: « Ne de » ipsa occasione aliquis pereat; » atqui adstante proprio pœnitentis sacerdote, nulla necessitas existit; nec occasio perditionis: ergo in hoc eventu non censetur Ecclesiam jurisditionem sacerdoti simplici delegare. Tum etiam; quoniam Concilium, inquit, ita Ecclesiam cuilibet sacerdoti jurisditionem ad absolvendum concedere, sicut semper in eadem Ecclesia observatum est; sed nullus usus huc usque in Ecclesia visus est, ut simplex sacerdos morientem absolvat præsentem proprio sacerdote: ergo illi jurisdictio ad absolvendum non impertitur. Tum deinde: nam cap. *Eos qui, de sententia excommunicationis*, lib. 6, decernitur, quod si quis ob urgens mortis periculum a reservata censura absolvatur, tenetur deinceps, si periculum evadat, se præsentare superiori, cui reservatio facta erat: ergo si superior adesset pœnitenti in mortis articulo, ab eo absolutio debebat fieri, et non ab alio: ergo Ecclesia facultatem non tribuit, ut præsentem proprio sacerdote alter absolvat. Id etiam colligitur ex cap. *Presbyteri* 26, quæst. 2, ac ex extravaganti *Inter cunctas*, § *Incendarius* et ex extravaganti 1, § *Decernimus*. Atque ita declaratum

Lugo
Frai
Ulei
Soti
Nug
Med
Leand

Con-
clar.

N. ar. eis. Bonæ pei. mas chez. 13, num. 7.

65. Inferitur tertio, idem et ob easdem rationes dicendum esse de sacerdotibus hæreticis, schismaticis, et similibus ab Ecclesiæ gremio decisis, in præsentia sacerdotis catholici. Quod etiam, paritate servata, de sacerdote irregulari, excommunicato, suspenso, et degradato est dicendum, si alius adsit, qui ab his ligaminibus sit immunis. Quia sicut in mortis articulo excommunicatus, aut casum habens reservatum, tenetur petere absolutionem a potestate habente in ordine ad reservata, et excommunicationi obnoxia, si hic adesse posset; ita nullus illis censuris irritus potest absolvere pœnitentem præsentem sacerdote ab omnibus illis impedimentis immuni. Ita Sanchez lib. 2 summæ cap. 12, Aversa qu. 16, et alii.

sec- r. 3. 66. Inferitur quarto, idem sentiendum esse de quocumque sacerdote non ordinario, nec habente privilegium ad absolvendum in conspectu alterius, qui illud habeat. Nam jurisdictio ad absolvendum in mortis articulo tribuitur cuilibet sacerdoti ob necessitatem pœnitentis, qui copiam confessarii non habet; sed dum adest sacerdos cum privilegio ad absolvendum, necessitas non urget, nec copia deficit confessarii: ergo sacerdoti privilegiato facienda est confessio, et non alteri. Tum etiam: quia præsentem proprio sacerdote non potest ille, qui privilegium non habet, absolvere: ergo necdum adest sacerdos habens privilegium. Patet consequentia: nam qui habet privilegium, est delegatus a proprio pastore, ejusque substitutus, atque ideo confessio illi facta censetur emissa quasi coram proprio pastore; unde fit, quod illa confessione facta sacerdoti habenti privilegium, adimpletur præceptum confitendi singulis annis sacerdoti proprio, ut patet ex cap. *Omnis utriusque sexus* de pœnit. et remis. Id quod etiam intelligi debet de quolibet sacerdote simplici non habente facultatem ad absolvendum a mortalibus, si adsit sacerdos, qui licet non possit a reservatis, potest tamen a lethalibus. Etenim in hujusmodi eventu pœnitens jam habet proprium sacerdotem

saltem quoad absolutionem a mortalibus, quæ illi detegere tenetur. Unde Ecclesia tunc non confert jurisdictionem sacerdoti simplici, qui alienus reputatur, sed alteri, qui potest a lethalibus, ut absolvat a reservatis.

67. Nec inde evincitur, quod si pœnitenti in prædicto mortis articulo constituto adsit simplex sacerdos toleratus, non possit absolvere alter, qui sit excommunicatus non toleratus, ut placuit Sanchez; nec item quod non possit absolvere sacerdos non expositus, nec approbatus, coram alio approbato, et non hic, sed alibi jurisdictionem habente, uti Suarius asseruit disp. 26, sect. 4, num. 4. Non enim hæc inferuntur: nam omnes illi tanquam sacerdotes simplices reputantur, cum hic et nunc jurisdictionem non habeant. Quocirca cuilibet ex illis confessio fieri potest, quia omnibus Ecclesia jurisdictionem pro illo articulo confert. Quid enim interest sacerdotem alibi esse expositum, et approbatum, si hic approbatus non est? Illa jurisdictio, et approbatio, quam habet in alio loco, omnino de materiali se habet quoad absolutionem moribundo conferendam, ubi sacerdos approbatus non est. Nec item sequitur, quod si pœnitens in mortis articulo constitutus habeat peccata venialia, et mortalia, teneatur confiteri sacerdoti simplici habenti jurisdictionem ad venialia, et non possit confiteri cum sacerdote excommunicato vitando, qui nec ad venialia, nec ad mortalia habet jurisdictionem. Etenim peccata venialia non sunt materia necessaria confessionis, ad quam propagandam cogatur pœnitens; unde in illo eventu absolute verificatur, pœnitentem non habere copiam confessoris; atque ideo utrumque indifferenter eligere potest, simplicem sacerdotem, aut excommunicatum vitandum, et uterque ab Ecclesia jurisdictionem accepit.

Objectio
quædam
dicitur
Sanchez.

§ II.

Alia assertio explicans ministrum jurisdictionis circa venialia, et mortalia jam confessa.

68. Dicendum est tertio, omnem sacerdotem simplicem posse ex jure communi absolvere a venialibus, et a mortalibus

Assertio
3.

jam rite confessis. Hæc assertio prout
 jacet est adeo communis, ut opus non sit
 ejus patronos sigillatim referre. Refellere
 autem oportet quorundam rationem, qui
 inde assertionem probant, quia ad venia-
 lium absolutionem nullam jurisdictionem
 esse necessariam judicant; in quo pro ve-
 ritate inconcussa incertum principium vel
 omnino falsum assumunt. Etenim sacra-
 mentalis confessio de quibuscumque pec-
 catis sit, semper retinet essentialem con-
 ceptum judicii, sub quo a Christo fuit
 institutum, et a Conciliis præsertim Tri-
 dentino definitum; sed judicium essentia-
 liter exposcit jurisdictionem in judice :
 ergo sacerdos, qui in absolutione venialium
 judicis munus exercet, jurisdictione indi-
 get. Dispicit etiam aliud improbabilius
 motivum, quo nonnulli utuntur, nimirum,
 quod jurisdictio ad absolvendum a veniali-
 bus tribuitur sacerdoti simplici a pœnitente,
 qui illi subditur absolvendus. Etenim, ut
 lumine naturali notum est, nemo dare po-
 test quod non continet; pœnitens autem,
 qua talis, nullam, quam tribuat, habet
 jurisdictionem. Unde enim illam obtinuit?
 Vel delegata est, aut ordinaria? Non qui-
 dem delegata. Tum, quia designari non
 potest quis sibi eam delegaverit. Tum, quia
 etiam si delegatam haberet, eam subdele-
 gare non posset. Nec item ordinaria : hæc
 enim convenit ratione officii; pœnitens
 autem ut talis nullum habet officium pas-
 toris, aut superioris, ad quem attinet juris-
 dictio, sed inferioris ac subditi, in quem
 jurisdictio exercetur. Pœnitentis igitur est
 facultas eligendi judicem, non vero præ-
 standi jurisdictionem.

Nec urgentiori fundamento nituntur
 alii, qui dicunt, sacerdotem simplicem
 posse absolvere a venialibus, et mortalibus
 jam confessis, quia habet jurisdictionem
 ex jure divino sibi in ordine collatam.
 Quod suadere conantur, tum quia nemo
 tenetur ex Ecclesiæ præcepto confiteri ve-
 nialia, nec mortalia jam rite confessa; sed
 jurisdictio in subjectione activa fundatur :
 ergo si Ecclesia neminem subjecit, aut
 nulli præcipit ut venialia detegat, aut
 mortalia jam rite confessa, jurisdictio
 circa hujusmodi peccata non tribuitur sa-
 cerdoti ab Ecclesia, sed a Christo instituentem
 hoc sacramentum per modum judicii. Tum
 etiam (et huic rationi plus fidet Vasquez

quia peccatum veniale nequit ab Ecclesia
 reservari; posset autem reservari, si Eccle-
 sia ad illius absolutionem jurisdictionem
 tribueret. Ergo sacerdos simplex potest
 absolvere a venialibus jurisdictione sibi
 data non ab Ecclesia, sed a Christo.

69. Hoc etiam motivum nullius mo-
 menti est : tum quia prout jacet, non pro-
 bat sacerdotem simplicem posse absolvere
 a venialibus, quod est difficultatis scopus ;
 sed tantum suadere conatur non habere
 jurisdictionem delegatam ab Ecclesia ad
 illam absolutionem, quod tandem non con-
 vincit, ut statim videbimus. Ex eo autem
 quod non habeat jurisdictionem ab Eccle-
 sia delegatam, non inferitur habere juris-
 dictionem a Christo concessam, alias laicus
 haberet jurisdictionem a Christo conces-
 sam, quia ab Ecclesia delegatam non habet.
 Unde hoc argumento potius concluditur,
 sacerdotem simplicem nullo modo posse
 absolvere a venialibus, quam quod possit.
 Tum etiam : etenim si jurisdictio in sub-
 jectione activa ac præceptiva consistit,
 eadem ratione qua probatur sacerdotem
 simplicem posse absolvere a venialibus
 sine jurisdictione sibi ab Ecclesia delegata,
 convincitur posse absolvere ab eisdem pec-
 catis sine jurisdictione a Christo commu-
 nicata : nam sicut Ecclesia venialium
 confessionem non præcipit, ita nec Chris-
 tus præcipit. Tum deinde : quoniam
 negari non potest, Ecclesiam impertiri
 jurisdictionem ad absolvendum a lethali-
 bus; et tamen Ecclesia non præcipit
 mortaliū confessionem saltem quoad
 substantiam; hoc enim est præceptum
 divinum; sed tantum designat tempus, in
 quo confessio emittenda est : ergo juris-
 dictio non fundatur in subjectione activa
 ac præceptiva; alias in confessionibus
 mortaliū, quæ per annum libere fiunt
 extra tempus Paschale, sacerdotes non ab-
 solvent in vi jurisdictionis sibi collatæ ab
 Ecclesia, siquidem illæ confessiones ab
 Ecclesia non præcipiuntur. Tum præterea:
 quia ad omnem absolutionem requiritur
 jurisdictio in sacerdote, atque ideo etiam
 ad absolvendum a venialibus; et tamen
 sacerdos simplex, qui potest absolvere a
 venialibus, non habet authoritatem divi-
 nam, aut humanam, ut venialium confes-
 sionem præcipiat : ergo jurisdictio ad ab-
 solvendum non fundatur in activa ac præ-
 ceptiva

Quorun-
 dam
 ratio.

Impro-
 batur.

Alia
 rejici-
 tur.

Alia
 ratio.

Vasquez

Imp-
 bal

ceptiva subjectione; alioqui etiam concedere teneretur solum sacerdotem proprium aut parochum habere jurisdictionem ad absolvendum a peccatis, utpote qui solus cogere potest subditos ad confessionem tempore ab Ecclesia præscripto; atque ideo religiosi, qui ita cogere pœnitentes ad confessionem non possunt, nullam jurisdictionem ad absolvendum obtinebunt.

Deinde secunda probatio. cui magis Vasquez fident, Ecclesiam, nimirum, sacerdoti simplici jurisdictionem non tribuere, quia venialia reservare non potest, cum ejusdem Authoris doctrina cohærere non potest. Etenim tractat. de excommunicat. dub. 4, num. 3, cum communi Doctorum consensu docet, Ecclesiam privare posse, ac de facto privare excommunicatum non toleratum jurisdictione circa administrationem sacramenti pœnitentiæ; quod, inquit, « adeo verum est, ut si quis bona fide ab « hujusmodi excommunicato absolutio- « nem accipiat, illa nulla sit, quia est im- « pedimentum ex parte confessoris, quod « bona fide pœnitentis suppleri nequit. » Atqui sacerdos simplex a venialibus absolvens pœnitentiæ sacramentum conficit: ergo si excommunicatus non toleratus sit, privatur jurisdictione ad ministrandum pœnitentiæ sacramentum, ita ut Ecclesia ejus absolutionem reddat invalidam. Potest igitur Ecclesia circa peccata venialia disponere, et illa ita reservare, ut sacerdoti simplici non confiteantur; quod satis est ut illius Authoris ratio non teneat: nam eo ipso quod Ecclesia prohibere possit sacerdoti simplici ut absolvat a venialibus annullando ejus absolutionem per subtractionem jurisdictionis; jam hæc ab Ecclesia pendet, et ab ea confertur, vel negatur. Si autem respondeat Vasquez, ut tandem respondet, Ecclesiam non posse remove etiam ab excommunicatis vitandis jurisdictionem ad absolvendum a venialibus, ac proinde nec facere ut illa absolutio non teneat, adeo male audit apud Doctores catholicos, ut ab omnibus deseratur, ac impugnatione non indigeat.

70. Aliter igitur suadetur conclusio communi ac solido fundamento. Nam juxta praxim, et antiquum Ecclesiæ usum sacerdotes simplex potest absolvere a venialibus, et a mortalibus jam rite confessis; sed non ex jurisdictione ordinaria: ergo ex jure

communi, ac ex delegatione Ecclesiæ. Consequentia liquet: nam omnis jurisdictio in ordinaria ac delegata clauditur, nec quispiam huc usque aliam tertiam designavit jurisdictionem. Major autem est communis consensus Doctorum, qui omnes, ac præsertim antiqui qui ad rem aptiores sunt, illam Ecclesiæ praxim testantur, eamque potius supponunt, quam disputant. Minor vero suadetur: nam jurisdictio ordinaria est quæ convenit ratione officii pastoralis, aut superioris: atqui sacerdos simplex ut talis nullum officium habet prælati, aut superioris; alias omnes sacerdotes simplices judices ordinarii ac prælati essent cunctorum fidelium: ergo jurisdictio, quam habet sacerdos simplex ut absolvat a venialibus, ordinaria non est, sed ab Ecclesia Pontificeque delegata. Tum etiam: quoniam nemo habet ordinariam jurisdictionem in sacramento pœnitentiæ, qui alias non habeat aliquod munus, et onus gubernandi extra sacramentum, ut patet in episcopis, parochis, prælatis, et similibus, quibus onus pascendi ac dirigendi subditos incumbit. Sacerdotem autem simplicem quatenus talem nullum hujusmodi onus comprimit. Cum igitur juxta Ecclesiæ usum absolvere possit a venialibus, idque non ex ordinaria jurisdictione, opus est ut id obtineat ex Ecclesiæ delegatione.

Confirmatur: quoniam Ecclesia privat excommunicatum vitandum jurisdictione, aut facultate absolviendi, ita ut in illo statu nunquam valide absolvat etiam in confessione venialium, uti docet communis Doctorum sententia: ergo sacerdotem simplicem posse valide absolvere a venialibus pendet ex Ecclesiæ dispositione, ac subinde illa jurisdictio ab ea denegatur, vel confertur. Unde ulterius habetur, consuetudinem absolviendi a venialibus, et a lethalibus jam confessis ab Ecclesia dimanasse; alioqui Ecclesia illam absolutionem annullare non posset. Relinquitur ergo sacerdotem simplicem id posse ex jure communi.

71. Indiscriminatim loquenti fuimus de venialibus, ac mortalibus jam rite confessis: eadem enim de utrisque ratio est: quippe quæ consuetudine, ac Ecclesiæ usu innitur. Ceterum nonnulli, de quorum numero est Sotus, plus offendent in jurisdictione sacerdotibus simplicibus collata

ad absolvendum a lethalibus jam confessis, quam in ea, quæ circa venialia imperitur; id quod etiam difficilius, ac obscurius Vasquio visum est. Motivum autem unde Sotum scrupulus invasit, in eo consistit, quod jurisdictio non impertitur ad absolvendum a peccatis jam solutis, quia forma *Ego te absolvo* verificari nequit ubi nullum est vinculum solvendum; sed peccatum rite confessum jam est solutum: ergo de eo non verificatur absolutio, consequenterque nulla jurisdictio tribui potest sacerdoti ut a peccatis jam confessis absolvat. Hæc tamen objectio, si aliquid suadet, simul evincit nullam sacerdotibus datam fuisse jurisditionem ad absolvendum a lethalibus antea non confessis, dum pœnitentes ad sacramentum accedunt cum contritione perfecta: tunc enim cum pœnitens per contritionem peccatorum vincula confregerit, illa forma *Ego te absolvo* verificari non poterit; quod a nemine est concedendum. Objectio igitur ab omnibus est diluenda. Nec doctrinam, quam Lugo in præsentia, disput. 18, sect. 3, pro illius enodatione excogitavit, approbamus, sed impugnatam relinquimus priori parte hujus tractat. disput. 3, dub. 2, a num. 87, et sequentibus, ubi legitimam objectionis solutionem satis diffuse tradidimus, et ab impugnationibus vindicavimus; quem locum adeat Lector, ne eadem iterum inculcare cogamur.

Hic autem duo observanda sunt. Primum, nullum pontifici inferiorem posse sacerdotibus simplicibus directe impedire potestatem absolviendi a venialibus, et mortalibus jam rite confessis: etenim cum hujusmodi consuetudo ab Ecclesia dimanaverit, jurisdictio, quam ad ita absolvendum vendicant sacerdotes simplices, a summo Ecclesiæ pastore saltem tacite illis communicata est. Nullus autem inferior superioris concessionem derogare potest, nisi ex illius facultate: ergo nec archiepiscopi, episcopi, legati, aliive quicumque Pontifici inferiores prælati facultatem illam a sacerdotibus simplicibus directe remove-re possunt. Notanter appositum est ly *directe*, quoniam indirecte per excommunicationem id fieri posse, extra dubium est. Secundum, quod quamvis ex jure communi possint sacerdotes simplices absolvere a venialibus ac mortalibus jam

confessis, ut constat ex dictis; id tamen efficere jam non licet ob decretum SS. D. N. Innocentii XI, quo usum illius facultatis prohibet prædictis sacerdotibus. At quia difficultas est, an Pontifex eo decreto non solum venialium confessionem simplici sacerdoti faciendam prohibeat, sed etiam annulet. Ideo

§ III.

Quinam sit sensus propositionis damnatæ ab Innocentio XI circa venialium confessionem cum simplici sacerdote?

72. Subortis quibusdam difficultatibus circa quotidianam communionem, ac penes venialium confessionem simplici sacerdoti factam, ut eas decideret SS. D. N. Innocentius XI, decretum expedivit die 12 Februarii, ann. Domini 1679, quod integrum retulimus, et quo ad ea, quæ ad communionem spectant, explicuimus tract. 23, disput. 11, dub. 7. Quod vero ad rem attinet præsentem, est quod interrogatus Pontifex: « Quis confiteatur peccata venialia simplici sacerdoti non approbato ab Episcopo, aut Ordinario? » In fine ejusdem decreti respondet: « Non permittant, « ut venialium confessio fiat simplici sacerdoti non approbato ab Episcopo, aut « Ordinario. Si parochi, aut confessarii « etiam regulares, aut quicumque alii sacerdotes secus egerint, sciant Deo O. M. « rationem reddituros esse, nec defuturam Episcoporum, aut Ordinariorum « justam, et rigorosam animadversionem « in contra facientes, etiam regulares, « etiam Societatis Jesu, facultate ipsis « Episcopis, et Ordinariis per hoc decretum « per Sedem Apostolicam specialiter attributa. » In quibus, ut vides, de mortalibus jam confessis mentio non fit, quamvis nonnulli, rationem ex paritate deducentes, idem de illis ac de venialibus sentiendum in vi hujus decreti dicant, a quo præscindimus. Quæstio ergo est, an ex vi hujus decreti venialium confessio non solum illicite fiat sacerdoti simplici, verum etiam invalide?

Pro cujus decisione supponendum est primo, Pontificem eo decreto novum jus statuere, antiquum coarctans ac limitans: supponit enim sacerdotem simplicem potuisse

Solutio
remissive.

Observ.
1.

Observ.
2.

Innoc.
XI.

Observ.
1.

tuisse a venialibus absolvere non solum valide, sed licite : siquidem id fuisse prohibitum non declarat. Deinde vero prohibet, confessionem venialium fieri illi sacerdoti : quod quædam limitatio est facultatis antiquæ, quam omnes habebant ad ita confitendum. Porro hujusmodi prohibitionem esse gravem, aut sub lethali culpa, extra dubium est apud Authores. Idque ratio convincit : quoniam prohibitio rei gravis sub ingenti motivo, ac magna comminatione, aut conscientię gravamine, nequit non gravem inducere obligationem; sed his omnibus titulis insignitur assignati decreti prohibitio : ergo graviter obligat. Minor quoad omnes partes ostenditur. Nam in primis res prohibita est gravis : licet enim peccata confessa sint levia, sacramentum ex eorum confessione resultans quid gravissimum est, omnia naturalia bona suo pondere longe superans. Deinde motivum prohibendi non unicum, sed multiplex ac urgentissimum fuit ; tum, ut eliminaretur tot opinionum varietas, asserentium sacerdotem simplicem quacumque occasione posse directe absolvere a venialibus, et indirecte a mortalibus, pluraque similia sine fine adstruentium, quibus fidelium conscientię laxabantur. Tum, ut frequentes scinderentur scrupuli ex illis confessionibus suborti, quibus timoratorum animæ irretiebantur. Tum, ne inscio proprio pastore, ejus oves subjicerentur nescienti discernere inter gravia, et levia, ac inter proficua, et noxia. Ac tandem sub qua æterni judicii magna comminatione, ac gravamine conscientię apposito id Pontifex præcipiat, liquet ex illis verbis : *Sciant Deo O. M. rationem reddituros*. Hæc igitur omnia gravem obligationem satis ostendunt.

v. Secundo observa, hanc gravem servandi decretum obligationem comprimere, et sacerdotes simplices ne a venialibus absolvant pœnitentes, et ipsos pœnitentes ne illis sacerdotibus confiteantur ; quod patet ex verbis ejusdem decreti, ait enim : « Non permittant ut venialium confessio fiat a simplici sacerdote. » Cum ergo ad pœnitentes propriissime spectet facere confessionem, illis interdicitur ut eam efficiant. Deinde cum talis confessio emittenda sit coram simplici sacerdote, etiam illi præcipitur ne eam audiat; alias ei permitteretur

Salmant. Curs. Theolog. Tom. XX.

pœnitentis peccato cooperare, imo cum stante indispositione ex parte pœnitentis absolutio nulla sit, etiam ex hoc capite ad ita absolvendum prohiberetur. Nec refert, si dicas, quod prædictam decretum solum loquitur cum prælatis, quibus tantum præcipitur, ne permittant venialium confessionem fieri simplici sacerdoti ; non autem cum pœnitentibus, ac sacerdotibus : istis enim nihil præcipitur. Non, inquam, refert : tum quia correlativa, eo quod se mutuo respondent, subduntur eidem legi ; sed episcopos, aut prælatos non permittere confessionem venialium fieri simplici sacerdoti, importat ut correlativa prælatos non permittentes illam confessionem, et sacerdotem simplicem ac pœnitentem, a quibus fit confessio : ergo omnibus præcipitur, prælatis quidem ne permittant ; pœnitenti vero, et simplici sacerdoti ne ita faciant. Tum etiam, et præcipue : nam esto illud decretum solum cum episcopis absolute loquatur, tamen ut publicatum ac ut intimatum fidelibus ab episcopis nomine Pontificis, jam cum episcopis non loquitur, sed cum sacerdotibus simplicibus, ac pœnitentibus ; atqui episcopi omnibus notum fecerunt decretum illud, nomine Pontificis præcipientes ut venialium confessio sacerdoti simplici non fiat : ergo pœnitentes, et simplices sacerdotes sunt, qui illi obligationi adstringuntur.

Ex quibus patet, quod si pœnitens conscius hujus gravis obligationis, aut prohibitionis sub culpa lethali, confessionem venialium coram simplici sacerdote emittat, nullum ac invalidum conficiet sacramentum : nequit enim sacramentum validum consistere interveniente culpa lethali commissa a penitente in ipso actu confitendi. Quocirca difficultas solum devolvitur ad casum, in quo pœnitens cum ignorantia illius decreti accedit ad sacerdotem simplicem ut a venialibus absolvatur ; an nimirum tunc confessio valida existat ?

73. Affirmative igitur respondetur cum communi consensu exponentium propositiones ab Innocentio XI damnatas. Ita cultatis. Cardenas disert. 2, Corella praxi moral. num. 198, Emmanuel a Conceptione tract. de Pœnit. disp. 2, quæst. 7, num. 132, Joannes de las Elvas explicat. decret. num. 6, Lumbier tom. proposit. damnat. pag. 526, ac item 1110, num. 102. Hujus reso-

Resolutio difficultatis.
Carden.
Corell.
Emman.
a Conc.
Elvas.
Lumbier
Ratio.

lutionis fundamentum nititur in prudentissima Ecclesiæ gubernatione, quæ nunquam nisi clarissimis verbis aut abstulit facultatem, quam semel concessit, aut annullavit ea, quæ valida censuit ex traditione Apostolica, ac ipsius Ecclesiæ praxi; atqui facultas absolvendi a venialibus competit sacerdoti simplici ex jure communi, vel ipsius Ecclesiæ concessione, quæ ex Apostolica traditione ac fidelium usu venialium confessionis simplici sacerdoti factas validas reputavit; aliundeque prædictum decretum nullum continet verbum, quo prædictæ confessiones expresse annullentur, aut facultas absolvendi a venialibus simplici sacerdoti collata, ab eo removeatur: ergo prædicta confessio in vi hujus decreti valida relinquitur. Consequentia tenet, et minor quoad priorem partem constat ex dictis, § præcedenti quoad secundam vero etiam constabit cuicumque supra scriptum decretum legenti, in quo nihil invalidans reperiet. Major autem inductione ostenditur. Cum enim Tridentinum sess. 24, cap. 1, matrimonium clandestinum, quod ex Ecclesiæ traditione validum erat, annullare decerneret, ut deplorabilibus absurdis januam præcluderet, post plura remedia adhibita, effectumque non assecuta, decretum ita expresse annullativum expedit, ut nullam expositionem admittat; hæc enim sunt ejus verba: « Hujusmodi contractus irritos, et « nullos esse decernit, prout eos præsentii « decreto irritos facit, et annullat. » Similiter SS. D. N. Innocentius XI, ut urgentissimis damnis occurreret, altercationesque tumultuantes circa approbationem Ordinarii in Confessore requisitam dispelleret, penes quam Ecclesiæ indulta non pauca circumferebantur, ita omnia quoad hunc effectum de plenitudine potestatis subtraxit, ut expresse *esse nulla, irrita, et invalida* decreverit, de quo infra sermo redibit. Dum igitur ab Ecclesia aliquid annullatur, clarissimis verbis exprimitur. Quocirca cum in relato decreto nullum hujusmodi verbum extet, dicendum non est venialium confessiones simplici sacerdoti factas annullari, sed tantum illicitas fieri.

Objectio I. 74. Objicies tamen primo: quia confessio facta contra præceptum grave impositum ab eo, qui facultatem absolvendi concedit,

est nulla; sed confessio venialium cum simplici sacerdote est contra præceptum grave impositum a Pontifice, qui jurisdictionem concessit ad illam absolutionem: ergo hujusmodi confessio invalida est. Minor cum consequentia constat, et major suadet ex N. Constitutionibus 2 part. cap. 7, num. 5, ubi postquam decernitur, Religiosos Ordinis extra domum degentes non posse confiteri cum sacerdotibus simplicibus ejusdem Ordinis, a Generali vel provinciali licentiam absolvendi non habentibus, declaratur deinceps confessionem cum illis factam esse nullam: ergo confessio facta contra præceptum concedentis facultatem absolvendi nulla est.

Secundo, et urgentius: quippe non minus præsupponitur facultas a Pontifice concessa, ut Religiosi itinerantes, in absentia ministri a suo prælato approbati, possint confiteri cum sacerdote simplici propriæ Religionis, vel alienæ, aut etiam sæculari, quam ante hoc decretum supponitur jurisdictione a Pontifice communicata sacerdoti simplici pro absolutione a venialibus; et nihilominus confessio facta contra statuta Religionum, in quibus absolutio a venialibus prohibetur, est nulla, quia facultas absolvendi a venialibus, quam Pontifex concessit, censetur ablata: ergo similiter confessio emissa contra supradictum decretum erit nulla, quoniam in vi illius censetur Pontifex jurisdictionem absolvendi a venialibus abstulisse a simplici sacerdote.

Respondetur ad primam distinguendo majorem, quæ si intelligatur de confessione facta contra præceptum invalidans, concedenda est; neganda vero, si loquatur de confessione facta contra præceptum præcise prohibens; ac sub eadem distinctione minoris negatur consequentia. Plura enim leges Religionum circa subditorum confessiones decernunt, quæ tamen eas non irritant, sed tantum illicitas efficiunt, uti est Religiosos episcopis non præsentari, quin prius a propriis prælatis inveniantur idonei, studiisque juxta propria statuta vacaverint. Quo non obstante, si his omnibus contravenientes ab Ordinariis sint approbati, et jurisdictione ab eisdem pro suis ovibus insigniti, valide absolvunt, licet alias illicite juxta qualitatem legis prohibentis. Unde liquet idem non esse confessionem contra propriam legem fieri, ac esse irritam

Conc.
Trid.

Dilui
Prin

irritam, et invalidam. Nec majoris probatio urget : nam Ordinum superiores conferunt Religiosis facultatem absolvendi proprios subditos æque ac episcopi sacerdotibus sæcularibus tribuunt jurisdictionem in proprias oves. Quocirca hujusmodi facultate a superioribus negata, confessio redditur nulla, et ita in nostra Religione contingit, quæ expressis verbis illam aufert jurisdictionem; inquit enim loco cit. « De-
« claramus, sacerdotes simplices nostræ
« Religionis (illos videlicet, qui Generalis
« vel Provincialis licentiam, et approba-
« tionem non habent) nullam habere ju-
« risdictionem ad audiendas confessiones
« fratrum, etiam sacerdotum. » In decreto
autem Innocentii nullum verbum invenitur negans jurisdictionem sacerdoti simplici circa venialia, sed tantum prohibens confessionem venialium illi faciendam.

Ad secundam negatur consequentia ob manifestam disparitatem : nam Religio-
num constitutiones, utpote a Pontifice approbatae, vim habent legis Pontificiæ; unde si hæ confessionum annullativæ fuerint, præfatum indultum derogatur, et irritum quoad hunc finem redditur, ita ut sacerdotes simplices Ordinum sine jurisdictione absolventi a venialibus relinquantur. Maxime, si ultra id peculiaris Bulla derogatoria ad eorum petitionem obtineatur, sicuti Dominicani obtinuerunt a Pio V, Jesuitæ a Gregorio XIII, Religio nostra a Sixto IV, ac speciatim nostri Discalceati a Clemente VIII, quæ habetur sub clausulis expresse annullativis inter privilegia nostra novissime confirmata. Unde in omnibus Religionibus, quæ his Bullis derogatoriis gaudent, illarum vigore confessiones simplici sacerdoti factæ irritæ sunt juxta bullarum verba, et non ultra. Ceterum in decreto circa venialia, de quo in præsentiarum, clausula non legitur derogatoria jurisdictionis ex jure communi collatæ simplici sacerdoti ad absolvendum a venialibus : atque ideo quamvis hujusmodi confessio prohibeatur, invalida non est, si pœnitens prohibitionis iuscius absolutionem accipiat.

Observandum tamen est, sub hac prohibitionem non comprehendere Religiosos habentes privilegium, ut dum itinerantur, confiteri possint cum simplici sacerdote sæculari, vel alterius Ordinis, vel etiam proprii,

si aliunde statuta propriæ Religionis non obstant. Quoniam privilegia, quæ in se, vel quo ad sui esse non connectuntur, nec in ablatione aut limitatione adunantur; constat autem privilegia Ordinum, ut eorum Religiosi itinerantes confiteantur simplici sacerdoti, non connecti cum potestate absolvendi a venialibus, quam habet omnis simplex sacerdos ex jure communi : ergo in vi hujus nec fiunt invalidæ, nec illicitæ confessiones Religiosorum itinerantium, qui obtinent privilegium ut absolvantur a simplici sacerdote. Omnes autem Religiosi ad id ita faciendum habent privilegium Sixti IV, de quo passim Authores, aliud Innocentii VII, de quo videri potest N. Andreas tract. 18, cap. 4, punct. 2, § 6, num. 92. Ex quo fit, Religiosos nostri Ordinis itinerantes posse valide, et licite confiteri cum sacerdote simplici sæculari, vel alterius Ordinis : quia id nec in constitutionibus, nec in præsentis decreto prohibetur; non tamen posse cum simplici sacerdote ejusdem Ordinis ob expressam annulationem in propriis legibus contentam. Idem dicimus de Religiosis alterius Ordinis juxta eorum statuta.

§ IV.

Sententiæ oppositæ referuntur, et argumenta enervantur.

75. Contemptis hæreticis, qui sicut fateri nequeunt pœnitentiæ sacramentum esse verum spirituale judicium, ita in illo omnem execrantur jurisdictionem, sunt nonnulli Catholici, qui jurisdictionem cum potestate absolvendi confundunt. Hi sunt Abulensis in defensorio, part. 2, cap. 26. Sylvester verbo *Confessio* I quæst. 2, Abulcus
Paludanus in 4, dist. 17, quæst. 3, art. 3, Sylvest.
casu 4, Navarrus in summ. cap. 27, num. Palud.
259, et in cap. *Placuit* de pœnit. dist. 6, Navar.
num. 48, qui docet, sacerdotem ex vi ordinis habere habitualement jurisdictionem immutabilem etiam ab Ecclesia, eo quod ab ordine non distinguatur; non tamen habere jurisdictionem in actu ab Ecclesia independentem. Hæc tamen sententia, licet diversimode loquatur, in re nihil docet distinctum ab eo, quod commune Doctorum placitum supra explicatum. Alii autem ita censent, sacerdotem in ordine accipere

jurisdictionem, ut quamvis Ecclesia prohibere possit ut absolvat, non tamen facere quod absolutio non sit valida, eo quod servat necessaria ex parte absolventis; atque ideo si pœnitens bona fide accedat, absolutio respectu illius ex omni capite erit recta, et proficua. Ita Armacanus libr. 11, de quæst. Armenorum diffuse per plura capita. In id inclinat Almain in 4, dist. 18, quæst. unica; probabileque existimat Durandus in 4, dist. 19, quæst. 2.

Armac.
Almain.
Durand.

Argum.
1.

Primum igitur, et principale argumentum est, quod potestas absolvendi est inseparabilis a jurisdictione; sed ex vi ordinis sacerdotalis completi habetur potestas ad absolvendum: ergo etiam jurisdictio; atque ideo omnis sacerdos, eo ipso quod talis, erit minister jurisdictionis in foro pœnitentiæ Major, in qua stat difficultas, ostenditur. Tum quia nullus est assignabilis scripturæ locus, ubi facultates istæ separantur; de illis autem prout indistinctis adest illud Joann. 20: *Quorum remiseritis peccata*, etc. In quibus verbis utraque potestas absolvendi, et jurisdictionis indivulse Apostolis collata fuit; atque ideo eodem modo sacerdotibus confertur, et conferenda est. Tum etiam: quoniam Christus non plus dixit Apostolis, dum potestatem, et jurisdictionem absolvendi eis concessit, quam episcopus dicit sacerdoti in illius ordinatione: illa enim eadem verba, et sub eadem practica significatione pronuntiat: *Accipite Spiritum Sanctum. Quorum remiseritis peccata, remittuntur eis*, etc. Ergo eundem habent effectum. Tum denique, estque præcipua ratio, qua convictus fuit Abulensis: etenim nemo negare potest, illa verba efficere aut communicare id, quod propriissime significant, videlicet, potestatem solvendi, et ligandi intra confessionem; sed hoc imprescindibile est a jurisdictione; qui enim potest absolvere, potest jus dicere, et sententiam proferre, quod sine jurisdictione intelligi nequit: ergo utraque potestas simul confertur.

Confirmatur
ex
Trident.

Confirmatur ex Tridentino sess. 15, cap. 5, ubi dicitur, sacerdotes esse iudices a Christo Domino institutos ad absolvendum a peccatis; sed iudex constituitur, dum jurisdictio ei confertur: ergo cum non sit assignabile tempus, aut occasio, ubi Dominus sacerdotes constituerit, nisi cum ordi-

nantur, dicendum est tunc accipere jurisdictionem, qua peccata dijudicare possint.

Respondetur ad argumentum negando majorem, cujus prima probatio non premit. Ex quo enim in scriptura expressis vocibus facultates istæ separatæ non inveniuntur, non vincitur esse inseparabiles, et semper coexistentes, ita ut eo ipso quod una concedatur, alia etiam communicetur; sicut nec id etiam inferitur ex quo utraque potestas simul collata fuerit Apostolis. Nam sicut ex eo quod Christus separaverit in Apostolis per multum temporis potestatem consecrandi a potestate absolvendi, nullus inferet hoc esse de natura ordinis sacerdotalis, episcoposque ad ita faciendum teneri. Et similiter, quemadmodum ex quo Christus Apostolos simul sacerdotes ac episcopos constituerit, vel simul eis contulerit potestatem absolvendi, et episcopatum, nemo deducet munus episcopale necessario connecti cum sacerdotio, aut potestate absolvendi, adeo ut hæc sint ex se inseparabilia. Ita ex quo utraque potestas absolvendi, et jurisdictionis simul illis collata fuerit, non inferitur illarum inseparabilitas, et mutua ac indivulsa coexistentia; alioqui nec episcopus electus, nec parochus designatus jurisdictionem haberent ante illius consecrationem, et istius sacerdotium; quod quam absurdum sit, Ecclesiæ praxi vincitur. Unde patet ad secundam: quamvis enim eadem verba dicuntur sacerdoti, dum ordinatur, ac dicta fuerunt Apostolis; nihilominus plura alia charismata illis verbis contulit Christus Apostolis, quam sacerdoti conferuntur: eos namque constituit principes orbis terrarum, propriosque sacerdotes; quod non semper facit episcopus dum aliquem ad sacerdotium assumit. Non ergo inferitur, illa verba, prout ab episcopis sacerdoti dicuntur, eundem omnino effectum inducere, ac intulerunt dum Apostolis fuerunt dicta a Christo Domino; alias sicut ille ordinariam jurisdictionem, et supremam auctoritatem Apostolis contulit, ita etiam episcopus cuilibet sacerdoti communicaret.

Diluit
argu-
ment.

Ad tertiam dicendum est, verba illa propriissime solum significare potestatem physicam absolvendi, quæ cum ordinis characterem, aut ejus extensionem coincidit; non vero potestatem moralem ferendi juridicam sententiam in jam subditos. Utraque autem

autem potestas desideratur ad actualiter judicandum, quæ si separentur, nullum exercent iudicium. Itaque videmus in episcopo ac paroco nondum ordinatis, quod etsi gaudeant potestate morali jurisdictionis, nequeunt per se ipsos solvere aut ligare juridice ex defectu potestatis physicae ordinis; et eodem modo sacerdos physica ordinis potestate insignitus, incapax est absolvendi defectu potestatis moralis. Et ratio est: quia quoties duplex formalitas splendet in actu, duplex alia debet illi correspondere ex parte principii, ut universali inductione constat. Cum ergo absolutio sit actus physicus vere, et realiter media gratia culpam dissolvens, insuperque de fide sit, hanc absolutionem esse jurisdictionalem. eo quod hoc sacramentum sit institutum per modum iudicii, prout diffinitum est in Tridentino; oportet ex parte principii duplicem potestatem illi correspondere, physicam ordinis, et moralem jurisdictionis, atque qualibet deficiente nulla erit absolutio. Quod in iudiciis civilibus patet, quorum sententiæ nullæ sunt, si proferantur a non habente jurisdictionem, quacumque alias Doctoratus præeminentia fulgeat. Quocirca (ut sic probationi in minori insertæ occurramus) licet sine jurisdictione intelligi nequeat posse juridice jus dicere, et sententiam proferre; potest tamen intelligi sine jurisdictione posse physice aut materialiter jus dicere, et proferre sententiam; quod et non amplius competit sacerdoti ex vi ordinis.

Ad confirmationem respondetur, Tridentinum omnes sacerdotes appellare iudices quoad physicam potestatem, ac idoneitatem, qua in sui ordinis gradu laureati sunt, sicut illi qui Doctoratus gradum obtinuerunt. Unde sicut istis id non sufficit ut actu judicent, usquequo illis tribunal ac subditi consignentur; pariter sacerdotes ex suo ordine idoneitatis facultatem habent ad absolvendum sacramentaliter sitam in ordinis caractere, aut ejus extensione; deficiente vero tribunalis ac subditorum designatione, deficit moralis facultas ad judicandum, in qua jurisdictio sacramentalis consistit. Quod sæpissime prædictum Concilium decernit tum locis in conclusione expensis, tum sess. 23, cap. 15, ubi post idoneitatem, aut ordinis potestatem definit necessariam esse ordinarii approba-

tionem, ut jurisdictio obtineatur: « Quam-
« vis presbyteri, *inquit*, in sua ordinatione ^{Conc. Trid.}
« a peccatis absolvendi potestatem acci-
« piant; decernit tamen Sancta Synodus
« nullum etiam regularem posse confes-
« siones sæcularium etiam sacerdotum
« audire, nisi approbationem, quæ gratis
« detur, obtineant. »

76. Arguitur secundo, fundamento Ar- ^{Argum. 2.}
macani. Quoniam in ordine sacerdotali adæquato non minus datur potestas ad Corpus Christi mysticum absolvendum, quam ad ipsius verum Corpus consecrandum; sed quantumvis episcopi celebrare prohibeant, sacerdos valide celebrat, ac consecrat: ergo similiter sacerdos valide absolvit, et ligat, quantumvis id prohibeatur; ac per consequens sacerdos ex vi ordinis erit minister jurisdictionis. Minor est omnium sententia, et major videtur perspicua: quia potestas absolvendi est aliqua physica, et realis entitas, vi cuius sacerdos conficit sacramentum, inducit gratiam, et remittit peccatum; sed cum approbatur ab episcopo, nullam entitatem physicam, et realem accipit: ergo eam habet ex vi ordinis. Tum etiam: nam in approbatione solum datur licentia; hæc autem potentiam supponit, quia impotenti operari frustranee operandi licentia concederetur. Consequentia autem ostenditur: non enim alia ratione consecratio, quantumvis prohibita, est valida, nisi quia est actus virtutis supernaturalis a Christo in ordine communicatæ: atqui absolutio a peccatis est actus extensionis ejusdem virtutis, aut characteris: ergo valide fit: etiamsi prohibeatur. Eo vel maxime, quod Ecclesia nequit illam virtutem supernaturalem remove a sacerdote, et aliunde hic ea uti potest, cum sibi placuerit, non secus ac aliis supernaturalibus virtutibus.

Hoc argumentum eadem laborat æqui- ^{Diluitur.}
vocatione ac præcedens, non distinguens inter potestatem ordinis, et jurisdictionis. Unde distinguenda est major: non minus tribuitur potestas physica ad absolvendum, conceditur; potestas moralis, negatur; ac omissa minori, negatur etiam consequentia ob satis notam disparitatem. Actus enim consecrandi ita est supernaturalis virtutis, ut non sit exercitium jurisdictionis, aut potestatis moralis. Quocirca ad sui valorem solum exposcit materiam

aptam, debitam formam, et intentionem. At absolutio essentialiter est forma iudicii confessionis; hoc autem ex parte ministri exposcit jurisdictionem, quæ cum forma moralis sit, in entitate physica characteris non consistit, atque ideo inveniri potest in non sacerdotibus, uti in paroco electo, et nondum ordinato conspicitur. Unde fit, quod si sacerdos hanc moralem potestatem, aut jurisdictionem non habeat, absolutio, quam impertitur, est nulla, eo quod absolutio nequit fieri physice, quin etiam fiat moraliter, et juridice: si enim hoc modo non fiat, non distinguetur ab absolutione collata a laico; quemadmodum sententia prolata ab habente Doctoris gradum, et non jurisdictionem, nullius momenti est. Ex quo patet, quod licet Ecclesia remove non possit a sacerdote potestatem physicam absolvendi, quæ cum characterе coincidit, potest tamen moralem, sicuti eam conferre potest, et confert, dum approbat sacerdotes ad absolvendum.

Argum.
3.

77. Tertio arguitur, et tradita doctrina impugnatur: nam quod principalius concurrat, et desideratur ad absolutionem est potestas physica characteris, per quam gratia communicatur, et culpa rejicitur: ergo adhuc deficiente jurisdictione assignata, absolutio valida erit; atque ideo superflue alia jurisdictio a characterе distincta introducitur. Antecedens constat: etenim quoties physicum, et morale ad eundem effectum concurrunt, physicum præcedit morale, et hoc in illo fundatur tanquam in principaliori. Consequentia vero suadet: quoniam manente principaliori, etiamsi minus principale deficiat, res absolute persistit: ergo si potestas physica characteris est quæ præcipue concurrat ad absolutionem, et moralis jurisdictio ut quid accessorium, etiamsi hæc deficiat, absolutio substantialiter valida persistet.

Confirmat.
mat.

Confirmatur: quia potestas sacerdotis ad causandam gratiam in sacramento pœnitentiæ pendet a Christo tanquam ab institute, et principaliter operante; sed hæc potestas a solo Christo confertur: ergo cum post ordinationem nullam aliam facultatem ad illum effectum tribuat Christus sacerdoti, superflue assignatur alia distincta ab ea, quæ in ordine recipitur. Probatur minor: nam potestas causativa gra-

tiæ est quid supernaturale; sed potestas supernaturalis a solo Authore supernaturali procedere potest: ergo illa potestas absurde diceretur ab alio præter Christo communicari.

Ad argumentum respondetur, quod ad actum proprium iudicii, qualis est absolutio, utrumque essentialiter desideratur, et potestas physica ordinis, et moralis facultas jurisdictionis; atque ideo si principale opponatur non necessario simpliciter, falsum, et negandum est antecedens. Ad cujus probationem dicendum est, plura esse inter se adeo connexa, ut quocumque deficiente, effectus non sequatur; ut patet in intellectu, et specie intelligibili: hæc enim licet intellectui virtutem elicivam intellectionis non conferat, sed tantum potentiam determinet, ita desideratur ad actum intellectionis, ut specie intelligibili deficiente nequeat intellectus intellectionem adhuc quoad substantiam producere. Virtus item activa principalior est ad agendam quam existentia, aut etiam quam prædeterminatio physica, aut moralis, ut nonnulli loquuntur; cum tamen implicet, quod actus fiat a potentia non existente, ac non habente physicam, ut moralem prædeterminationem. Similiter ergo sacerdos, ut valide absolvat, ultra potestatem ordinis aut characteris eget potestate morali jurisdictionis, ita ut si hæc deficiat, nequeat absolutionem adhuc, quoad substantiam absolutionis, si ita considerari potest, proferre.

Ad confirmationem respondetur, potestatem absolvendi, et productivam gratiæ mediante sacramento, institutive, et concessive procedere a Christo non minus ac vim inductivam gratiæ, quæ in aliis sacramentis viget. Ceterum cum hoc sacramentum institutum sit in formam iudicii, exposcit essentialiter ad sui valorem jurisdictionem in ministro; hæc autem non semper conceditur a Christo immediate, ut liquet etiam in ipsa potestate ordinis, quæ quamvis procedat a Christo non excludit Episcopum, qui tanquam immediatum instrumentum illam impertitur. Sicut enim homo ut instrumentum Christi sacramentum ministrat, et gratiam confert; ita etiam communicat potentiam sive ordinis, sive jurisdictionis ad eadem sacramenta ministranda, gratiamque conferendam

Respon-
sio ar-
men

Solvi-
con-
mat

dam. Ex quo tamen non habetur; hujusmodi jurisdictionem sacerdoti in ordine communicari: quippe cum quid physicum non sit, sed morale, sacramentum ordinis ad sui productionem non exposcit.

78. Adversus secundam assertionem, quoad illam partem, qua asseruimus, etiam hæreticos, schismaticos, et alios quoscumque, dummodo sacerdotes sint, posse absolvere in articulo mortis, sentiunt nonnulli, asserentes nullum sacerdotem excommunicatum etiam Catholicum habere facultatem absolvendi in mortis articulo. Ita Marsil. in 4, quæst. 12, art. 2, Medina, Cod. de confes. quæst. *Qui debeat fieri confessio?* In quam sententiam satis inclinatur Covarruvias cap. *Alma mater*. 1 part. relect. § 6. num. 8. Alii autem solum denegant illam facultatem hæreticis. Ita Navarrus in summ. cap. 26, num. 26 et cap. 37, num. 272, Ledesma quæst. 21, art. 6 et quæst. 22, art. 1. Pro qua sententia Vasquez refert Sotum in 4, dist. 18, quæst. 4, art. 4, nec non D. Thomam 3 part. quæst. 87, art. 7, ad 2 et quæst. 64, art. 6, ad 3, et in 4, dist. 17, quæst. 3, art. 3, quæstiunc. 1, ad 2. Sotus autem, licet hanc sententiam probabilem dicat, illi tamen absolute non adhæret; palam quippe inquit: « Nihil asservere ausim; » tamen videtur mihi opinio hæc valde « probabilis. »

Quod vero ad D. Thomam spectat, nescimus qualiter tot in locis a Vasquo in patrocinium hujus sententiæ adduci possit, cum postea ab eodem Authore quæst. 93, art. 1, dub. 4, num. 8, pro contraria, et communi referatur. Nunquid ut aliquam inconsequentiam notam in Ang. Præceptore detegat? Si id forsitan intendat, potius occasionem subministrat, ut mira Angelicæ doctrinæ consonantia splendidiore appareat. Etenim in q. 8 supplem. art. 6, qui est ipsissimus, quem Vasquez pro communi, et vera sententia citat ex 4, dist. 19, qu. 1, art. 3, quæstiunc. 1, absolute, et absque aliqua limitatione, ut ipse Author fatetur, resolvit: « Quod quilibet sacerdos, quantum est ex virtute clavium, » habet potestatem iudifferenter in omnes, « et quantum ad omnia peccata. » Quo supposito, in corpore articuli asserit Ecclesiam cuilibet sacerdoti tribuere jurisdictionem ut in articulo mortis valide absolvat. An vero

licite? Nec apicem expressit. sicut nec ipsi fecimus. Quæstione vero 82, art. 7, ex. 3 part. inquit: « Utrum hæretici, » schismatici, et excommunicati possint « consecrare? » Et determinat. quod si sacerdotes veri sunt, possunt valide consecrare. sed non licite: « Non tamen hoc » recte faciunt, sed peccant facientes. » Insuper, quæst. 64, art. 5, investigat: « Utrum per malos ministros sacramenta » conferri possint? » Cui respondet, valide ministrari, sed peccare mortaliter, a qua regula excipit art. seq. in solut. ad 3, eum, qui in eventu necessitas Baptismum subministrat: hic enim, quamvis in statu peccati sit, valide, et licite sacramentum conficit ob rationem, quam in his verbis assignat: « In articulo tamen necessitatis » non peccat baptizando in casu quo posset » etiam laicus baptizare: sic enim patet » quod non exhiberet se ministrum Eccle- » siæ, sed subveniret necessitatem patienti. » Secus est autem in aliis sacramentis, quæ » non sunt tantæ necessitatis sicut Baptis- » mus. » Ac tandem in 4, dist. 17, quæstione 3, art. 3, quæstiunc. 1. ad 2, solum dicit D. Thomas, quod quia Baptismus est sacramentum urgentioris necessitatis quam poenitentia, necessarium non est ut quis confiteatur laico. Ubi ergo est oppositio, vel inconsequentia doctrinæ? Ubinam ex his locis docuit sacerdotem hæreticum non posse valide absolvere in mortis articulo contra id quod docuerat D. Ang. in 4, dist. 19, quæst. 1? Cur igitur in patrocinium Navarri adducitur? Quia docet, hæreticos, ac schismaticos non posse licite consecrare, aliudve quodcumque sacramentum, præter Baptismum, licite conficere? Plane aliud est licite, aliud valide. Licet ergo docuerit aliis locis, sacerdotem hæreticum non posse licite absolvere, non tamen negavit posse valide in mortis articulo, quod est commune assertum, cui subscripsit in 4. Quidquid tamen de his

79. Arguitur ergo contra secundam as-
sertionem. Etenim poenitens adhuc in
mortis articulo non potest illicite petere
absolutionem ab hæretico; ergo illi Eccle-
sia jurisdictionem non confert ut in illo
articulo absolvat; atque ideo non omnis
sacerdos est minister jurisdictionis in
articulo mortis. Consequentia patet: nam
credibile non est Ecclesiam tribuere juris-

Argum.

dictionem, quæ non cedat in favorem, et utilitatem pœnitentis, sed potius in ipsius detrimentum, ac periculum peccandi: non enim consuevit ad illicita impendere. Antecedens autem ostenditur: nam petere absolutionem ab hæretico fieri nequit absque scandalo, periculo infectionis in hæresi, irrisionis sacramenti ab hæretico faciendæ, ac defectus intentionis non apponendæ; his autem periculis se exponere illicitum est: ergo. Tum etiam: quia inducere alium ad peccandum illicitum est; sed petere absolutionem ab hæretico esistenti in peccato mortali, ut supponimus, est illum inducere ad sacrilegium ministrandi indigne sacramentum: ergo. Tum deinde: quoniam sacerdos hæreticus privatus est jurisdictione, et ratione fidei, quam non habet, et ratione excommunicationis, cui subest: ergo nequit pœnitens licite ab eo petere absolutionem. Tum denique id constat ex facto S. Hermenegildi regis Hispaniarum filii, qui in mortis articulo Eucharistiam e manu episcopi Ariani accipere noluit, sed potius hæreticum arcuit, ne illius moribus fœdaretur.

Obser-
vanda
pro solu-
tione.
D. Tho.
Cajetan.

Omissis aliorum solutionibus, quibus non satis ab hac difficultate se expediunt, ut veram ac legitimam assignemus, nota ex D. Thoma 2,2, quæst.78, art. 4: « Quod « inducere hominem ad peccandum, nullo « modo licet; uti tamen peccato alterius ad « bonum, licitum est. » Ubi Cajetanus subdit: « Adverte ergo diligenter in casi- « bus, ut discernas si actus petitus potest « ab eo, a quo petitur, sine peccato fieri; « quia hæc est radix liciti vel illiciti cum « de usu peccati alterius agitur. » Ut igitur aliquis licite uti possit peccato alterius ad proprium bonum, tria desiderantur. Primum, quod id quod petitur, sit ex se bonum. Secundum, quod recte, et licite concedi possit, licet alias ex malitia concedentis illicite ac inordinate concedatur. Tertium, quod necessitas, pietas, ac rationabilis causa intercedat. Quæ omnia si concurrant, nullum est peccatum alterius peccato uti; ut liquet exemplo pacis publicæ cum infidelibus initæ: ab illis quippe exposcitur fidelitas in pactis, quæ ex se bona est, et licite ac ordinate præstari potest jurando per unicum ac verum Deum, quamvis alias ob infidelium malitiam in-

ordinate præstetur jurando per falsa nomina. Deinde adest necessitas, commune videlicet pacis emolumentum. Unde fit, licitum esse Catholicis pacem inire cum infidelibus, ab illis fidelitatem in pactis exposcendo, quam alias nonnisi illicite præstant falsi numinis obtestatione. Hoc aptissimo exemplo ex Augustino accepto rem ibi explicat D. Thomas, et aliis de usura, ac de incidente in latrones, qui ut non occidatur, potest eis pecunias manifestare, quas diripiendo peccant.

Hinc ad argumentum respondetur ne-
gando antecedens, quod nulla ex inductis ^{Solutio applicatur.} probationibus evincitur. Non prima: quippe si scandalum periculum adsit, potest pœnitens illud moraliter vitare, palam protestando se hæresi illius sacerdotis non consentire, nec consensurum; sed tantum absolutionem petere ob ingentem necessitatem, ex qua æterna salus irreparabiliter pendet. Si vero periculum infectionis in hæresi intercedat, ita ut prudenter ac moraliter timeat lapsum; tunc nec licite absolutionem petere valet, nec ad eam petendam ex præcepto tenetur: præceptum enim confitendi solum obligat, dum confessio moraliter possibilis est, et licite fieri potest; ubi autem illa circumstantia non occurrit, jam confessio censetur moraliter impossibilis. Quod idem dicimus, si prudenter timeatur sacerdotem hæreticum potius sacramentum irrisurum, quam adhibiturum legitimam absolvendi intentionem; tunc enim nec pœnitens potest licite absolutionem petere, quia exponeretur ad sacrilegium patrandum, nec ad id ex præcepto cogitur sed potius ex communi Religionis lege obligatur ad omnia illa pericula præcavenda. Ceterum, quia non omnes hæretici cunctos sequuntur errores, contingere potest quod sacerdos, qui in illo eventu adest, circa sacramentum pœnitentiæ non erret; et quoties ea, quæ ad ipsum pertinent, moralem securitatem nanciscuntur, quod sæpe evenire potest; tunc confessio cum illo licite fieri valet, imo, et in utroque obligationem inducit. Et de hoc eventu conclusio loquitur, et loquuntur omnes Doctores, qui illi favent, servatis videlicet regulis generalibus necessario servandis.

Non secunda: nam pœnitens absolutio-
nis petitione sacerdotem hæreticum ad
peccandum

peccandum non inducit; quid enim ex se licitum ac sanctum exposcit, sed ob ingentem necessitatem utitur in bonum proprium peccato sacerdotis, quod alias ipse præter intentionem penitentis ac Ecclesiæ committit in collatione absolutionis, quam licite impendere poterat, si ad Deum converteretur. Id quod satis liquet præfato exemplo pacis publicæ a Catholicis cum infidelibus initæ: ex quo enim Catholici fidelitatem in pactis exposcant, quam non nisi obstationem inanum Deorum infideles præstant, non ideo eos ad peccandum inducunt. Similiter, si in mortis articulo pœnitens solum habere posset sacerdotem Catholicum, quem certo sciret in peccato lethali esse, nec de eo conterendum, sed in illo statu absolutionem præstiturum: adhuc licite ab eo peteret absolutionem, et ad id teneretur, quin inde sequatur illum ad peccandum inducere, sed solum ob urgentem necessitatem illius peccato uti: absolutio enim, quæ petitur, ex se bona est, et quantum ex se est, licite potest impendi; peccata autem, quæ sacerdos in illius collatione committit, non ex pœnitentis petitione, nec ex jurisdictione ab Ecclesia commissa ortum ducunt, sed ex depravato sacerdotis usu; quæ inordinatio absolute vitabilis est. Manente igitur solo periculo peccati mortalis absolvantis, eo quod fere certo sciatur non revocaturum hæresim, aut conatarum contritionem, ne absolvendo peccet, poterit infirmus in articulo mortis pro suæ eternæ salutis utilitate illo peccato uti.

Non item tertia: nam quod hæreticus sit excommunicatus, non convincit non accipere jurisdictionem ab Ecclesia ad absolvendum pœnitentem constitutum in articulo mortis, dum alter sacerdos idoneus haberi non potest; alias non solum hæreticus, verum nec sacerdos Catholicus excommunicatus in illo articulo absolvere posset. Quod licet concedant Ledesma ac Navarrus, omnes alii Doctores rejiciunt; satisque falsitatis convincitur ex tam amplis Tridentini verbis: « Omnes sacerdotes quoslibet pœnitentes a quibusvis peccatis, et censuris absolvere possint. » In lege autem adeo favorabili, et in qua de periculo amittendi irreparabiliter æternam felicitatem agitur, nullum adest motivum favores restringendi, ita ut ex-

communicati excludantur a facultate absolvendi in articulo mortis periclitantem. Quod autem sacerdos hæreticus fidem non habeat, nihil est: nam sicut esto fidem non habeat, potest baptizare, imo, et Eucharistiam valide conficere, eo quod potestas characteris amissione fidei non exuitur; ita valide absolvere potest in illo articulo, quia clavium potestatem habet, et aliunde jurisdictionem ab Ecclesia recipit. Nec tandem ultima: nam D. Hermenegildus communionem e manu Arianæ episcopi accipere noluit, quia in illis circumstantiis illa acceptio erat quædam professio Arianismi, quam ne faceret, sine Eucharistia mortem subire selegit, et debuit. Id quod etiam facere teneretur pœnitens, si in confessione cum hæretico similis circumstantia contingeret: prius enim confessionem omittere debuisset, quam se confitendo signum assentiendi hæresi præbere. Dum vero hæc pericula non urgent, sed adsunt omnia, quæ ad securitatem moralem valoris sacramenti desiderantur, poterit pœnitens in mortis articulo cum sacerdote hæretico confiteri.

DUBIUM VII.

Utrum licitum sit ministrare pœnitentiæ sacramentum cum jurisdictione probabili?

Quamvis in limine dubii præcedentis hanc obiter attigerimus difficultatem, eam ad trutinam reducere congruum censemus; quippe ejus resolutio admodum utilis est ad plures casus satis in praxi frequentes. Plures enim sunt opiniones hinc inde summo rationum pondere probabiliter decertantes, utrum sit valida jurisdictio mortuo concedente? Si fuit legitimum de illa privilegium? Si absque illius expressione fuit revocatum? Si episcopus possit cum limitatione approbare? Et alia hujus generis, in quibus omnibus casus quæstionis contingit tam ministris, quam pœnitentibus; istis, quia petunt absolutionem ab eo, quem sciunt solum habere jurisdictionem probabilem, illis vero, quia hujusmodi jurisdictione utuntur ad absolvendum. Loquimur autem de usu illius jurisdictionis, circa cujus existentiam adest sententia probabilis non quacumque probabilitate etiam tenui, aut vix nulla: id

Propositi-
tio dam-
nata.

enim a SS. D. N. Innocentio XI damnatum esse supponimus, dum hanc rejecit propositionem, quæ in ordine est tertia : « Generatim dum de probabilitate, sive « intrinseca, quamvis tenui, modo a probabilitatis finibus non exeatur, confisi « aliquid agimus, semper prudenter agimus. » Atque ideo ministrum utentem jurisdictione, circa quam solum adest probabilitas levissimæ innixa rationi, destituta gravissimorum Theologorum auctoritate, et solum sequuta ab aliquibus infimæ notæ, illicitè absolvere dubitandum non est.

Loquimur igitur de jurisdictione, quæ tam ab intrinseco, quam ab extrinseco sit graviter, et certo probabilis, eo quod et ratione pondere munitur, et a Doctoribus virtute ac sapientia præstantibus defenditur ; ac subinde quæ tam ex vi rationis quam auctoritatis potens sit ut dubium deponatur, ac certo moraliter judicetur talem adesse jurisdictionem. Nec ad hujus difficultatis resolutionem labyrinthis aut reflexionibus probabilioristarum egemus : independenter enim ab eorum doctrina ac contentiosa lite dubii decisio habenda est.

§ I.

Communior, veriorque sententia eligitur.

Conclusio.

80. Dicendum est, licitam esse administrationem sacramenti pœnitentiæ cum jurisdictione probabili. Hæc assertio est communis, et ultra omnes probabilistas, eum defendunt Sanchez tom. 1, in decalog. cap. 9, lib. 3, ac de Matrim. disp. 22, num. 63, Turrianus, Malder, Lessius, Granad. Lugo. Aversa, Martin. Villalob. Regin. Palaus, Basilius Legion. Legionensi, Henriquez, et aliis, Diana part. 2, tract. 13, resolut. 2, Dicastillo tract. 8, disp. 10, assert. 2, n. 214, N. Bonæ Spei disp. 9, n. 39, N. Antonius a Spiritu Sancto n. 824, N. Gabriel a S. Vincentio disp. 9, q. 2, quæsit. 9, Hoces, Elvas, Torrecilla, Corella, Lumbier, Filguera, Lastra, et alii exponentes propositiones damnatas. Addit Corella, Verricelli apud Moya tract. 1, quæst. 9, Lumb. Filguera sacerdotem absolventem ex quacunque Lastra, Verric. opinione re vera probabili intrinsece

vel extrinsece circa jurisdictionem, valide absolvere, idque moraliter ita certum esse, ut oppositum sit improbabile, et falsum : ita refert, et sequitur Emmanuel a Conceptione tract. de sacram. Pœnit. disp. 2, quæst. 7, num. 128, a qua tamen censura abstinemus, quia Authores non contemnendi oppositum docent. Item Suarez disp. 26, sect. 6, N. Franciscus cap. 11, punct. 5, num. 74, et alii plures.

Fundamentum autem principale, quo omnes innituntur, sic efformari potest. Ad licite ministrandum pœnitentiæ sacramentum sufficit jurisdictio certo moraliter habita ; sed hanc habet qui utitur jurisdictione probabili ad absolvendum : ergo icita est administratio sacramenti pœnitentiæ cum jurisdictione probabili. Consequentia est legitima ; præmissæ autem probandæ. Major igitur ostenditur : tum quia non magis desideratur jurisdictio ad licite administrandum pœnitentiæ sacramentum, quam potestas clavium ; sed sacerdos licite administrans hoc sacramentum, solum habet moralem, et non metaphysicam certitudinem potestatis clavium : non enim metaphysice verum est, hunc hominem lic, et nunc esse vere ordinatum, vel ob defectum intentionis, episcopi ordinantis, vel ob aliam latentem indispositionem, quæ in ordinatione occurrere potuit : ergo ad licitam hujus sacramenti administrationem sufficit jurisdictio certo moraliter habita. Tum etiam quoniam sicut ad licitam pœnitentiæ administrationem requiritur jurisdictio, ita ad idem sacramentum licite recipiendum desideratur attritio, aut contritio supernaturalis : atqui licite accedit pœnitens ad recipiendam absolutionem cum sola attritione, aut contritione certo moraliter habita : nemo enim citra revelationem redditur metaphysice certus de sua contritione, sed tantum moraliter quatenus adhibuit omnem diligentiam humanam modo humano sibi possibilem ad se disponendum ut eliciat contritionem : ergo similiter, qui cum jurisdictione certo moraliter habita absolvit, licite absolvit. Tum denique ; nam qui nullo periculo nullitatis exponit sacramenti valorem, licite illud ministrat : sed qui utitur jurisdictione certo moraliter habita, nullo periculo nullitatis exponit sacramenti valorem ; alias etiam pœnitens adhibens

Fundament.

Moya, Emmanuel a Conceptione, N. Franciscus.

adhibens ex parte materiæ solam contritionem certo moraliter habitam, et similiter sacerdos solam potestatem clavium, de qua solum moraliter certus est, periculo exponeret sacramentum : ergo.

Minor autem prioris syllogismi, in qua præcipua stat difficultas, ostenditur ; nam dum quis habet opinionem graviter probabilem de existentia, aut obtentione jurisdictionis, unum e duobus necessario verificandum est, vel quod illa sententia in re vera sit, vel quod sit falsa. Si primum, habemus intentum ; quippe impossibile est sententiam in re veram esse, et quod jurisdictio ab Ecclesia communicata non adsit : sententia enim est vera per conformitatem ad rem, quam affirmat ; id autem quod ab illa sententia affirmatur, est jurisdictio actu existens. Si vero secundum contingat, sententiam videlicet esse ex re falsam, etiam habetur certo moraliter jurisdictio ; ergo utens sententia probabili de obtentione jurisdictionis, certo moraliter habet jurisdictionem. Assumptum probatur ; etenim dum adest publicus, et communis error circa jurisdictionem, Ecclesia certo tribuit talem jurisdictionem, defectusque supplet, ita ut facta ex illo communi errore sint valida ; sed dum sententia falsa in re est graviter probabilis tam ab intrinseco, quam ab extrinseco, et communiter existimatur ut vera, datur publicus, et communis error circa jurisdictionem : ergo dum sententia graviter probabilis est falsa, certo moraliter habetur jurisdictio. Major, in qua dissidium esse poterat, constat *ex titulo colorato* : cum enim aliquis ob occultum impedimentum non est verus parochus, et communiter ut legitimus confessor existimetur, ob errorem publicum Ecclesia illi tribuit jurisdictionem, et sacramenta ab eo facta ut rata habentur. Ergo etiam utenti sententia satis probabili, ac communiter existimata vera, confertur certo jurisdictio. Patet consequentia, tum a fortiori : quia etiam in hoc eventu viget publicus error, quod est motivum concedendi jurisdictionem in titulo colorato : tum etiam ; nam titulus quantumvis coloratus nequit anteferrì communi opinioni urgenti ratione ac gravissimorum Doctorum autoritate innixæ. Quocirca si titulus coloratus, falsisque coloribus depictas certam facit jurisdictionem,

potiori jure opinio graviter probabilis.

Confirmatur primo ex lege *Barbarius*, ^{Confirm. 1.} ff. de officio Prætoris : ubi approbatur quidquid egerit prætor, qui communiter, et publice ut iudex legitimus existimatur, quamvis in re verus iudex non sit, nec ullum habeat titulum judicandi sibi a principe concessum : ergo idem a fortiori asserendum est de sententiis in pœnitentiæ foro latis ab eo, qui utitur sententia graviter probabili, et communiter existimata vera, licet in re falsa sit. Patet consequentia ; tum, quia sententiæ in foro pœnitentiæ latae, sacramenti irritatio, animarumque periculum præponderant sententiis a prætore illegitimo decisis ; istæ enim faciliori remedio reparari possunt. Tum etiam : nam respublica ob suam pietatem, ac rectam populi gubernationem probat ut ratas eas sententias, quæ a prætore illegitimo, communiter existimato legitimo, proferuntur ; sed respublica nec in pietate, nec in recta subditorum gubernatione Ecclesiam piissimam ac prudentissimam excedit : ergo etiam Ecclesia approbat, et ratam censet absolutionem, aut sententiam collatam a ministro communiter, et publice existimato legitimo ob sententiam urgentem, et graviter probabilem, existimatamque communiter veram, licet alias minister illegitimus sit ob falsitatem sententiæ in re. Cumque Ecclesia nequeat absolutionem ab illo ministro collatam sua probatione firmare, nisi concedendo jurisdictionem, qua absolutio valida fiat, consequens est Ecclesiam certo conferre jurisdictionem quoties absolvit cum sententia communi sensu probabili.

Confirmatur secundo, solidissimeque ^{Confirm. 2.} fulcitur ex universali Ecclesiæ consuetudine, in qua ipsa sciente, et non reluctantem prævaluit usus absolvendi cum probabili jurisdictione, uti neminem fugit, testaturque Tamburinus tom. 3, lib. 5, cap. 4, § Tambur. 8, his verbis : « Universali Ecclesiæ consuetudine omnes fere sacerdotes (excipe « paucos, et hos nimis timidos, vel indoctos « nimis) absolvunt cum jurisdictione probabili. » Parenthesim non curamus, quia non modice doctos oppositum defendere scimus. Hæc tamen consuetudo universalis certam ostendit jurisdictionem ab Ecclesia concessam : non enim tam frequentem usum permetteret, si in eo periculum

frustrationis, aut nullitatis sacramenti prævideret : quippe nunquam nisi in casu necessitatis alia sacramenta ministrari permisit frequenter sub modo exposito periculo frustrationis, aut nullitatis, ut baptizari aqua rosacea, vel quo simili. Ergo econverso nulla necessitate cogitur ad consentiendum, sed scienter, et libere consentit usum adeo communem absolvendum jurisdictione probabili, id nullum secum affert periculum frustrandi sacramentum ; quod aliunde nequit oriri, nisi quia sciens, et volens jurisdictionem sic utentibus largitur.

Evasio. 81. Respondebis primo, aliud esse Ecclesiam non impedire positive absolutionem cum jurisdictione probabili, aliud vero positive conferre jurisdictionem ad ita absolvendum. Primum igitur verum est, ex quo tamen secundum non deducitur: potest namque Ecclesia mere negative se habere ad utrumque, ita ut nec jurisdictionem conferat, nec absolutionem cum sola jurisdictione probabili impediatur, suspendendo prohibitionem, tum ne lites excitentur, et jurgia, quæ nonnunquam scandala in Ecclesia parturiunt; tum quia Ecclesiæ, ac prælatis non constat, an absolutio cum sola jurisdictione probabili sit in praxi, ut eam prohibere valeant. Eo vel maxime, quia consuetudo in hac materia certum statuere, ac introducere potest, ut liquet ex cap. 2, de pœnitentiis in 6, ubi dicitur : « Nulla quoque consuetudine potest intro-
« duci, quod aliquis præter sui superioris
« licentiam confessorem sibi eligere valeat,
« qui eum possit absolvere vel ligare. »

Præcluditur. Hæc tamen evasio, quæ præcipuum adversariorum fundamentum continet, facile præcluditur: nam in re adeo gravi, ex qua tot animarum salus pendet, Ecclesia mere negative se habere non potest, nec positive conferendo jurisdictionem, nec prohibendo usum sententiæ, aut jurisdictionis probabilis. Quod sic ostenditur: etenim omnes prælati tam superiores, quam inferiores tenentur ex justitia oves sibi creditas per rectam salutis semitam dirigere, a noxiis doctrinis, tramiteque perditionis avertere, ita ut si subditos periculosam viam, damnationique expositam, arripere permittant, cum illos de facili ab ea arcere possunt, gravissime delinquant : scriptum est enim, quod de ipsorum mani-

bus sanguis subditorum exquiretur ; atqui si Ecclesia in re, de qua agimus, mere negative se haberet, prælati oves sibi creditas incertam salutis viam, periculisque plenam capere, ac plurimis sacrilegiis se exponere permetterent : ergo vel dicendum est, Ecclesiam non se habere negative, vel quod omnes prælati ita omissive se habentes gravissime delinquant ; inferiores, quia superiores præsertim Summum Pontificem de re consciunt faciant, ut hæc ingentia damna de facili, ut potest, amoveat ; superiores, Pontifices maxime, quia eisdem periculis non occurrunt, nec positive conferendo jurisdictionem ut illa sacramenta valida existant, nec prohibendo absolutionem cum jurisdictione probabili. Cum igitur dicendum non sit, prælatos ita gravissime delinquere, necessario convincitur Ecclesiam positive conferre jurisdictionem utentibus sententia probabili jurisdictionis obtentæ : non enim hujusmodi usum huc usque prohibuit.

Deinde ; nam dicere Pontificem usum illum absolvendi cum probabili jurisdictione non prohibere, ne lites in Ecclesia excitet, vel quia rei conscius non est, nullo modo satisfacit, nec fundamenti expensi robur infringit. Tum, quia in re adeo magni ponderis, ex qua tot fidelium salus vel interitus pendet ; minime Pontifices, quascumque præviderent lites, illis detinerentur ne prohibitionem adhiberent, sicut nec eo motivo detinentur in damnatione, quæ passim fit aliarum plurium propositionum ad animarum salutem non ita conducentium. Tum, quia nullum est fundamentum existimandi lites ac jurgia futura esse ex quo Pontifex id prohibeat ; omnes enim, ut in aliarum propositionum damnatione faciunt, caput submitterent, Pontificisque decisioni starent. Tum præsertim: quia adhuc gratis admissio Pontificem ob lites futuras rem non prohibere, inde non infertur mere negative se habere, ita ut nec absolutionem cum jurisdictione probabili damnet, nec positive jurisdictionem impendat, ut absolutio teneat : nam eo ipso quod illum usum damnare non audeat, tenetur ex justitia positive, et certo jurisdictionem conferre, ne tot sacramenta irrita fiant, animæque pereant ; alias si negative omnino se haberet, ea damna ipsi in crimen imputarentur, cum ea facile amovere

amovere posset, jurisdictionem conferendo.

ontio-
uatio
pugna-
onis. Nec verum est, Pontificem rei conscium non esse, ut prohibeat, si velit. Tum, quia nihil frequentius invenitur, quam confessiones emissæ coram ministris jurisdictione probabili utentibus, vel quia habent privilegium, de cujus non revocatione, aut legitima concessione opinatur, vel quia cum limitatione sunt approbati, vel quia utantur jurisdictione, quam adhuc mortuo concedente persistere probabile est, vel ob quid simile, quod passim contingit. Tot autem ac adeo frequentes confessiones ad Summorum Pontificum notitiam non accessisse incredibile est. Tum etiam: quia nedum ad eorum aures, verum ad oculos pervenit; siquidem ex propria scientia, ac aperta librorum relatione evidenter sciunt ministros cum jurisdictione probabili valide ac licite absolvere posse: id enim et defenditur, et imprimatur non in thesibus particularibus ab uno vel altero infimæ notæ Authore propugnatis, sed in libris præ manibus omnium habitis, seduloque discussis, suffragium ferentibus cardinalibus, episcopis, ac doctoribus celebrioribus Universitatum, ita ut hoc sit eorum commune assertum. Ergo recursus ad hujusmodi notitiæ carentiam nullus est. Et quidem hæc adversariorum evasio satis Apostolicam Sedem deprimit, dum rem adeo manifestam ignorare adstruit.

erici
rsio Nec tandem satisfacit, quod in fine evasionis additur. Nam etsi nulla consuetudine introduci valeat, aliquem absque superioris licentia posse absolvere, aut confessorem eligere, prout citat. cap. decernitur; potest tamen in usum ac consuetudinem verti, quod licentia, et jurisdictio a superiori concedatur, ut inferior absolvere, vel confessorem eligere possit; atqui in Ecclesia prævaluit consuetudo conferendi jurisdictionem certam ministris utentibus sententia satis probabili jurisdictionis concessæ: ergo certo moraliter habent jurisdictionem. Major, in qua stat difficultas, jurisdictionem, videlicet, certo acquiri posse consuetudine, est expressa decisio capit. *Cum contingat* 3, de foro competenti. Unde sic interpretantur, et sequuntur Navarrus cap. *Placuit* de pœnit. dist. 6, num. 36, Sotus in 4, dist. 18, quæst. 4, art. 2, ad 2, et alii.

82. Secundo respondebis negando majorem propositi fundamenti universaliter intellectam: quippe non omnis qui habet jurisdictionem certo moraliter sibi ab Ecclesia concessam, potest licite absolvere, ut patet in absolvente titulo colorato: hic enim certo moraliter habet jurisdictionem ex concessione Ecclesiæ, ne sacramenta, quæ ministrat, irrita sint; et tamen illicite absolvit, quamvis alias sacramentum sit validum. Similiter ergo qui utitur jurisdictione probabili ad absolvendum, valide sacramentum conficiet ob jurisdictionem sibi certo concessam in favorem pœnitentium, et valoris sacramenti; non vero licite absolutionem conferre poterit.

Aliud
effugium Verum nec effugium istud aliquid evincit. Tum, quia plus quid in sui favorem habet qui absolvit cum jurisdictione probabili, quam qui absolvit titulo colorato, ut ex se patet; sed hic valide conficit sacramentum: ergo ille, et valide, et licite: non enim aliud apparet, in quo melioris conditionis se habere possit. Tum etiam et a priori: quoniam ideo qui absolvit jurisdictione titulo colorato habita, illicite absolvit, quia sacramentum ministrat contra præceptum Ecclesiæ sibi impositum ratione excommunicationis, vel remotionis ab officio, ne sacramenta ministret, sed qui absolvit cum jurisdictione probabili, nullo premitur præcepto ne absolvat: ergo et valide, et licite absolvit. Tum denique: nam qui utitur jurisdictione probabili, ex uno capite scit valide conficere sacramentum ob jurisdictionem sibi certo moraliter ab Ecclesia concessam, casu quo illa, quam habet ex vi sententiæ probabilis, certa non sit; atque ideo periculo nullitatis sacramenti non exponitur. Deinde ex alio capite habet in sui favorem sententiam probabilem, ratione cujus prudenter judicat jurisdictionem sibi concessam esse, vel ob privilegium, vel ob alium titulum: ergo non solum valide, sed etiam licite absolvit. Patet consequentia: quippe ut quis licite absolvat, sufficit scire se nullo periculo irrationis sacramentum exponere, nullam prohibitionem ministrandi habere, et aliunde prudenter judicare ratione sententiæ probabilis habere ex se jurisdictionem independentem ab eo quod Ecclesia eam sibi tunc communicet, ne sacramentum fiat nullum.

Rejici-
tur.

ar.
s.

§ II.

Sententiæ contrariæ satisfi.

Carden. 83. Oppositam sententiam docet Carde-
 Salas. nas in crisi Theolog. Salas tract. 8, disp.
 Pereg. unic. sect. 10, num. 101, et sect. 27, num.
 Nugnus. 286, Peregrinus, et alii apud Aversam
 quæst. 16, sect. 3, indicatque Nugnus quæst.
 8, art. 5, dub. 1. Potestque suaderi hoc
 Argu- unico ac satis efficaci fundamento. Nam in
 ment. his, quæ pertinent essentialiter ad valo-
 difficile. rem sacramentorum, illicitum est sequi
 opinionem probabilem tutiori relicta; sed
 jurisdictionio est de necessitate sacramenti
 pœnitentiæ, ita ut absolutio sine jurisdi-
 ctione collata sit nulla: ergo in decidendo
 an licitum sit ministrare pœnitentiæ sacra-
 mentum cum jurisdictione probabili,
 tenemur sententiam tutiorem eligere pro-
 babili relicta. Tum sic: sed sententia affir-
 mans licitum esse ministrare hoc sacra-
 mentum cum jurisdictione probabili non
 est ita tuta ac opposita, quæ docet non suf-
 ficere jurisdictionem probabilem, sed esse
 necessariam ordinariam, aut delegatam
 certo habitam, quippe nullum periculum
 frustrandi sacramentum imminet, ubi
 certa habetur jurisdictionio: imminet autem
 ubi solum est probabilis: ergo illicita est
 sacramenti administratio cum probabili
 jurisdictione. Major est definita a SS. D.
 N. Innocentio XI, qui in suo decreto hanc
 propositionem damnavit, quæ est prior in
 ordine: « Non est illicitum in sacramentis
 « conferendis sequi opinionem probabilem
 « de valore sacramenti, relicta tutiore,
 « etc. » Minor autem a Tridentino decer-
 nitur, ut ex dictis dub. præc. liquet. Utra-
 que vero consequentia est legitima. Sub-
 sumptaque minor inserta probatione con-
 stat.

Solutio 84. Huic objectioni respondit Lugo ubi
 Lugonis. supra § 1, num. 30, sacerdotem absolven-
 tem cum jurisdictione probabili extra mor-
 tis articulum, licet ac tute procedere, quia
 nullo periculo exponit pœnitentis salutem,
 eo quod si pœnitens non fuerit recte abso-
 lutus ab illo ministro jurisdictionis proba-
 bilis, potest ante mortem cum altero sacer-
 dote certæ jurisdictionis iterum confiteri,
 et ab omnibus peccatis absolvi; ab illis
 quidem, quæ tunc confitetur, directe:
 indirecte vero ab oblivioni datis, et ab aliis

a priori sacerdote forsitan non absolutis.
 In mortis autem articulo inquit per prin-
 cipia intrinseca sibi non videri ministrum
 posse licite absolvere cum probabilitate
 jurisdictionis, quamvis per principia ex-
 trinseca non esset condemnandus qui ita
 absolveret.

Verum hæc doctrina argumenti difficul-
 tatem non diruit: nam licet ea salvari
 posset, sacerdotem non exponere pœni-
 tentis salutem periculo damnationis: non
 tamen salvat sacerdotem absolventem cum
 jurisdictione probabili non exponere sacra-
 mentum periculo nullitatis; sed qui ita
 absolvit, illicite procedit: ergo licita non
 est absolutio extra mortis articulum cum
 probabilitate jurisdictionis. Minor constat,
 tum quia exponere sacramentum periculo
 irritationis, est gravis irreverentia sacra-
 mento irrogata. Tum: nam ideo SS. Inno-
 centius XI damnavit propositionem in
 argumento relata; quoniam qui in confe-
 rendis sacramentis, utitur sententia
 probabili de valore sacramenti relicta
 tutiore, illud exponit periculo nullitatis.
 Major autem ostenditur; nam si dum sa-
 cerdos absolvit extra mortis articulum cum
 jurisdictione probabili, nulla esset contin-
 gentia frustrationis sacramenti, sed certa
 securitas valoris illius, nulla etiam esset
 contingentia, aut periculum damnationis
 pœnitentis; si enim sacramentum securum
 est, eandem certitudinem, ac securitatem
 habebit, pœnitentis peccata remissa fuisse;
 atqui pro certificanda pœnitentis salute
 recurrit ille author ad aliam absolutio-
 nem, quam pœnitens accipere potest ante
 mortem ab alio ministro certæ jurisdictio-
 nis; ergo signum est, quod juxta hunc
 modum dicendi sacerdos absolvit cum
 formidine valoris sacramenti, atque ideo
 quod illud periculo frustrationis exponit.

Deinde; differentia, quam statuit inter
 principia intrinseca certificantia de pœni-
 tentis salute, ac valore absolutionis collatæ
 a ministro jurisdictionis probabilis extra
 mortis periculum, et non certificantia de
 eisdem si absolutio conferatur ab eodem
 ministro in periculo mortis subsistere non
 potest; nam Christus eandem materiam,
 formam, et jurisdictionem instituit pro
 sacramentis in articulo mortis ministratis,
 ac pro aliis, quæ in reliquo vitæ tempore
 ministrantur: ergo si in articulo mortis
 imminet

Rejici-
tur pri-
mo.

Secun-

imminet periculum damnationis pœnitentis, ac frustrandi sacramentum ministratum a sacerdote habente jurisdictionem probabilem, idem periculum aderit in eadem ministratione sacramenti facta pro alio tempore vitæ, aut econverso; atque ideo vel in utroque eventu est ab intrinseco illicita illa absolutio, vel in utroque licita; imo consequentior aptiorque doctrina videretur illam absolutionem illicitam ac incertam in vitæ processu asserere, quia incerta ac illicita adhuc in mortis articulo. Hac ratione firmavimus ex D. Thoma in priori parte hujus tract. disp. 5, dub. 7, § 7, attritionem sufficientem ad valorem confessionum, quæ decursu vitæ fiunt, sufficere etiam ad valorem illius, quæ in articulo mortis conficitur.

85. Relicta igitur hujusmodi solutione, ac aliis a diversis doctoribus excogitatis, quia eas insufficientes censemus, ut communem, ac legitimam proponamus, observandum est plura essentialiter desiderari ad cujuscumque sacramenti valorem, nimirum, materiam, formam, ac intentionem ministri, et ultra hæc ad valorem sacramenti pœnitentiæ exposcitur etiam essentialiter jurisdictio, ita ut quodcumque ex his deficiat, aut non concurrat, sacramentum irritum fiat. Ceterum licet hæc omnia essentialiter requirantur ex Christi institutione, hæc intercedit differentia inter jurisdictionem, ac alia essentialiter exacta, quod jurisdictio conceditur ministris ab Ecclesia, quæ ideo potest eam supplere, dum minister jurisdictionem non habet. Materia autem, forma, et intentio ministri longe aliter se habent; nam si non apponuntur quæ a Christo instituta sunt, sacramentum non tenet, quia Ecclesia eas supplere non potest; nequit enim formas, ac materiassacramentorum mutare, nec facere quod sit legitima materia sacramenti, quam Christus non designavit, aut non instituit. Ex quo fit, quod si quis innixus sententia probabili extra casum necessitatis baptizaret aqua rosacea, illicite sacramentum ministraret, eo quod et uteretur medio opinabili, et defectibili, relicto tuto ac certo pro salute proximi, et exponeret sacramentum periculo irritationis. Cum enim sacramenti valor sit pendens ex Christi institutione, si ab ipso essentialiter requisita non apponantur,

sacramentum illud nullum erit. Contingens autem est, aquam rosaceam non esse partem aptam sacramenti: nam id ex Scriptura, Conciliis, aut Ecclesiæ declaratione non constat; aliunde Ecclesia, ut dictum est, eam aptam facere non potest; ac tandem sententia probabilis asserens esse materiam aptam, potest esse falsa. Quocirca qui extra eventum necessitatis illa materia uteretur ad conficiendum sacramentum, ex omni principio se exponeret contingentia frustrationis sacramenti.

Hinc ad argumentum respondetur primo, ¹ Solutio distinguendo majorem, quæ si intelligatur de his, quæ pertinent essentialiter per modum materiæ, formæ, aut intentionis ad valorem sacramenti, concedenda, vel omittenda est; neganda vero intellecta de eo, quod pertinet essentialiter ad valorem sacramenti per modum jurisdictionis; et concessa minori distinguendum est consequens eodem modo. Nec oppositum evincitur propositione damnata a SS. D. N. Innoc. XI, quippe solum primum, et non secundum intendit; cujus ratio constat ex prænotatis; nam Pontifex eo collimat, ut sacramenta discrimini nullitatis non exponantur, nec animæ contingentia irreparabilis damnationis. Hæc autem damna solum imminet, dum qui conficit sacramentum, apponit materiam, formam, aut intentionem probabilem, et incertam; tunc enim si contingat, ut contingere potest ob sententiæ fallibilitatem, materiam, v. g. appositam non esse aptam, et a Christo institutam, cum Ecclesia defectum supplere nequeat, nec eam reddere aptam, discrimina, quæ imminebant, in re sequuntur, adeo ut sacramentum sit nullum, animæque salus deperdita, nisi aliunde reparatur. Dum vero quis in sacramenti pœnitentiæ administratione utitur jurisdictione satis probabili, oppositum militat: esto namque sententiam illam esse falsam contingat, cum Ecclesia, quoties adest error communis, certo moraliter jurisdictionem suppleat, et conferat, nulli periculo sacramentum est obnoxium, nec pœnitentis salus discrimini damnationis. Ex quo patet omittendam esse minorem subsumptam, et negandam consequentiam inde deductam: nemmodo enim quis utatur medio certo ac tuto, non tenetur ad

tutius ; alias cum intentio formalis sit tutior, quam virtualis, nemo licite posset sacramentum conficere cum virtuali intentione, sed ad formalem habendam cogeretur, quam semper habere moraliter impossibile est. Nec item pœnitens licite posset circumstantias non mutantes speciem omittere, aut absolutionem cum sola attritione supernaturali recipere, eo quod in plurium sententia tutior sacramenti pars sit contritio, circumstantiæque non mutantes speciem detegendæ, cujus oppositum satis constat ex communi Doctorum sententia, et ex supra statutis disp 7, dub. 1, num. 51, et sequent. Quamvis igitur permittatur, tutiorem esse absolutionem collatam cum jurisdictione ordinaria, aut delegata, quam cum jurisdictione probabili ; inde non sequitur hanc esse illicitam, quippe quæ tuta ac secuta est, nulloque discrimini frustrandi sacramentum exposita ; et qui tuta via procedit, ad amplius non premitur.

Replica Nec refert, si opponas, Pontificem in prædictæ propositionis damnatione non dixisse illicitum esse in conferendis sacramentis sequi opinionem probabilem de valore sacramenti relicta tuta, sed relicta tutiori : ergo si absolutio collata cum jurisdictione ordinaria, aut delegata quarum existentia est extra omnem opinionem, est tutior quam ea, quæ confertur cum jurisdictione probabili, hæc erit illicita, esto alias sit tuta. Non, inquam, refert : tum quoniam Pontifex intelligendus est de opinione probabili de his, quæ pertinent ad valorem sacramenti per modum materiæ, formæ, ac intentionis, quarum defectum Ecclesia supplere nequit, si quæ ad sacramenti formationem apponuntur, aptæ non sint : non vero de opinione graviter probabili circa jurisdictionem, quam modo dicto supplere valet, ac in re supplet. Tum etiam : quia triplex opinio probabilis consideranda est ; una, quæ sit conjuncta formidini de valore sacramenti ; alia, quæ connectatur morali certitudini, atque ideo tuta ac certa ; alia denique, quæ sit tutior, eo quod asserat non solum id quod est conforme legi, sed quod omnibus modis dicit majorem conformitatem. Pontifex igitur in damnata propositione loquitur de prima opinione probabili formidini conjuncta comparative ad tutam, non vero de

ista respective ad tutiorem ; licet alias verba specie tenus oppositum indicare videantur. Et ratio ex dictis patet : nam solum intendit ne sacramenta exponantur periculo nullitatis ; hoc autem locum habet, dum quis utitur opinione probabili formidolosa ; non vero cum est moraliter certa ac tuta.

86. Secundo posset quis ad argumentum ^{Alia argumenti solutio} principale haud improbabiler respondere, concedendo totum primum syllogismum, et negando minorem subsumptam ; cujus inserta probatio non urget ; nam dum minister absolvit cum sententia tam ab intrinseco quam ab extrinseco ingenter probabili jurisdictionis, non absolvit cum sola jurisdictione probabili, accontingenti, sed cum certo moraliter habita, eo quod si sententia in re falsa sit, ob communem errorem jurisdictio certo moraliter confertur ab Ecclesia. Unde fit, ita absolventem nullo discrimini exponere sacramenti valorem, et consequenter sententiam asserentem illam absolutionem esse licitam, nullo periculo esse expositam. Cum ergo ut hæc sententia esset minus tuta quam opposita, deberet esse magis obnoxia periculis, et hoc ita non fit : implicat enim, id cui nullum periculum imminet, esse magis obnoxium periculis ; sequitur quod non sit minus tuta quam contraria. Tum etiam : quoniam licet metaphysice verum sit, episcopum, qui vere episcopus est, ac parochum, qui vere est talis, habere jurisdictionem ordinariam, atque ideo absolutionem ab illis præstitam esse licitam, ac omnino securam ; tamen non est verum metaphysice hunc hominem esse vere episcopum, aut parochum, vel ob defectum Baptismi, vel ob defectum intentionis ministrantis ordines, vel ob similem occultam indispositionem ; et consequenter metaphysice verum non est, hunc hominem, qui episcopus aut parochus censetur, habere jurisdictionem ordinariam absolutionemque ab eo præstitam esse licitam, ac securam ; sed tantum est verum moraliter, quatenus nulla est ratio suspicandi de ejus ordinatione, ac jurisdictione ; sed qui absolvit cum jurisdictione probabili, habet etiam jurisdictionem certo moraliter ; ergo sententia docens non sufficere ad licite absolvendum jurisdictionem probabilem, sed esse necessariam ordinariam, non est magis

magis tuta quam opposita. Patet consequentia, tum quia jurisdictio non est magis certa in parcho, quam in absolvente cum sententia graviter probabili jurisdictionis obtentæ. Tum etiam : quia alias sequeretur, neminem posse licite absolvere præter illum, cui certo metaphysice, ac per divinam revelationem constat habere jurisdictionem ; quod satis absurdum est.

87. Dices, ministrum absolventem cum sententia probabili jurisdictionis non habere certo moraliter jurisdictionem ; nam hæc certitudo moralis nititur in eo quod Pontifex conferat jurisdictionem, dum sententia probabilis ministri in re est falsa ; sed certum non est, Pontificem in hoc eventu jurisdictionem conferre, sed tantum probabile, siquidem a pluribus negatur : ergo minister absolvens cum jurisdictione probabili non habet jurisdictionem certo moraliter, sed tantum probabiliter, ac contingenter ; atque ideo sententia docens hanc absolutionem esse licitam, non est ita tuta, ac opposita.

Respondetur, ministrum absolventem cum jurisdictione probabili habere duplicem certitudinem moralem jurisdictionis ; una, quæ oritur ex ipsa sententia : nam eo ipso quod aliquid sit graviter probabile tam ab intrinseco ratione fundamenti urgentis, quam ab extrinseco ob numerum, ac auctoritatem Doctorum id asserentium, est certum moraliter, ut patet in attritione supernaturali, quæ ob istam rationem est pars sacramenti moraliter certa, qua quisque licite uti potest, ut disp. 7, dub. 1, diffuse expendimus, præsertim a num. 53. Secunda provenit ex principio in objectione assignato, ex quo nimirum Ecclesia, aut Pontifex tribuat jurisdictionem absolventibus in vi illius sententiæ casu quo falsa sit. Quocirca si prior certitudo moralis non sufficit, adest secunda, quæ est præcipua, tollitque in praxi omnem fundamentum frustrandi absolutionem ; hæc enim nunquam datur cum sola jurisdictione probabili, sed cum certitudine morali jurisdictionis ab Ecclesia collatæ. Esse autem certum moraliter, Pontificem supplere, aut conferre in hoc eventu jurisdictionem, constat ex his, quæ pro firmanda assertionem adduximus. Nam Ecclesiæ pietas, ac recta gubernatio ex Spiritus Sancti directione deficere non potest in rebus gra-

vissimis, ac ad fidelium æternam salutem spectantibus : atqui si in casu de quo in præsentem non tribueretur certo jurisdictioni, Ecclesiæ pietas, prudensque regimen in illis deficeret : siquidem videret plura sacramenta irrita fieri, totidemque animas perire, et his damnis non occurreret, cum facile posset vel prohibendo usum absolventi cum jurisdictione probabili, vel conferendo jurisdictionem, ut illa sacramenta essent valida ac licita : ergo cum sit intollerabilis error dicere, Ecclesiæ pietatem, rectamque gubernationem in re adeo urgenti deficere. aliundeque usum illius absolutionis non prohibuerit, omnino certum moraliter erit tribuere jurisdictionem ministris absolventibus cum jurisdictione probabili ; alias necessario concedendum est, Pontificem, cui cura animarum præcipue incumbit, gravissime delinquere, remedia illis damnis non apponendo. Nec obest (ut insertæ minoris probationi occurramus) quosdam doctores oppositum docere, ut non sit certum moraliter Ecclesiam in prædicto casu conferre jurisdictionem ; sicut certitudo moralis sententiæ asserentis attritionem supernaturalem esse partem aptam sacramenti, non infringitur ex eo quod multis oppositum arrideat. Id quod aliis instantiis explicuimus in priori hujus tract. parte, disp. 5, dub. 7, num. 307. Et quidem vix est aliquid quantumvis certum non tantum moraliter, verum etiam metaphysice, cui aliqua non opponatur sententia, ut liquet in illo principio lumine naturali noto : *Omne, quod movetur, ab alio movetur* ; quod tamen a nonnullis negatur.

Ex his autem secunda principalis argumenti solutio urgentius confirmatur. Nam juxta nostram sententiam salvantur valida ac licita pene infinita sacramenta, quæ bona fide ministrantur, ac recipiuntur ; salvatur deinde Ecclesiæ pietas, ac rectum regimen, sanaque Prælatorum conscientia, præsertim pontificis, qui gravissime suo muneri deficeret, si nec usum absolventi cum jurisdictione probabili impediret, nec jurisdictionem ita absolventibus certo ac positive concederet. Hæc autem non salvat sententia contraria, sed opposita inconvenientia devorare, inque adeo terribiles scopulos se conjicere cogitur : ergo non magis tuta est, quam quæ docet absolutio-

Præcedens solutio roboratur.

nem cum jurisdictione graviter probabili collatam esse licitam:

DUBIUM VIII.

An, et pro quibus confessionibus egeat minister approbatione Ordinarii.

Disseruimus hactenus de potestate ordinis, et potestate jurisdictionis omnino requisitis in ministro sacramenti penitentiae, ut licite, et valide absolvat. Ad disputationis vero integritatem agendum superest de approbatione ab ordinario obtinenda. Porrointercedere distinctionem inter approbationem, et jurisdictionem, liquido apparet tum ex separatione utriusque: potest quippe minister approbationem obtinere, et nullam accipere jurisdictionem, idque de facto contingit in peccatorum reservatione, vi cujus removetur jurisdictionis ab inferiori sacerdote quoad peccata reservata, retinente approbationem. Tum etiam ex diversitate principiorum unde oriuntur: quippe in regularibus approbatio habetur ab ordinariis; jurisdictionis autem a Summo Pontifice illis privilegia quamplurima concedente, ut fidelibus absolutionem subministrent. Tum deinde ex diverso ordine, ad quem spectant, cum jurisdictionis referatur ad ordinem gratiae; est enim facultas libere, et gratiose a superiori concessa iudicandi, et ferendi sententiam in proprios subditos, quos committit accipienti jurisdictionem; approbatio vero ad ordinem iustitiae, contra quam delinquit qui approbationem denegat examinato, ubi idoneus invenitur. Tum denique, et a priori: nam jurisdictionis est quaedam superioritas, aut facultas, per quam quis constituitur in ratione habendi subditos, in quos potestatem ligandi, et solvendi sacramentaliter exerceat; at approbatio est iudicium, aut sententia superioris declarantis idoneitatem ministri pro confessionibus excipiendis, quam declarationem authenticam, et scripto fieri opus non est; sed sufficit si verbotenus exhibeatur, ut saepe contingere cum Suario, et Bonacina observat Palaeus disp. unic. punct. 17, § 1, num. 5. Cum ergo approbatio sit unum ex his, quae in ministro desiderantur ad absolvendum, quaerimus quo pacto; et pro quibus confessionibus sit necessaria?

Palaeus,
Suarez,
Bonae.

A qua difficultate breviter expediemur, quia non multi negotii est.

§ I.

Ordinarii approbationem esse omnino necessariam in ministro pro saecularium confessionibus declaratur.

88. Omnes sacerdotes regulares, aut saeculares, praeter beneficium curatum habentes, indigere Ordinarii approbatione, ut valide saecularium confessiones excipiant, definitum est in Concilio Tridentino sess. 23, cap. 5, de reformatione, ubi haec habet: « Quamvis Praesbyteri in sua ordinatione a peccatis absolvendi potestatem accipiant; decernit tamen Sancta Synodus, nullum, etiam Regularem, posse confessiones saecularium, etiam sacerdotum, audire, nisi aut parochiale beneficium, aut ab Episcopis per examinationem, si illis videbitur esse necessarium, aut alias idoneus iudicetur, et approbationem, quae gratis detur, obtineat, privilegiis, et consuetudine quacumque, etiam immemorabili, non obstantibus. » Quod decretum non procedit indefinite, et universaliter circa omnium fidelium confessiones, sed loquitur determinate de confessionibus saecularium, pro quibus excipiendis duplicem ministrum designat, vel approbatum ab Episcopis, vel habentem beneficium parochiale, et secludit quemcumque alium, adeo ut confessiones illi faciendae irritae sint, et inanes. Cujus ratio est, quia pro valore sacramenti ultra potestatem ordinis necessaria est in ministro potestas jurisdictionis, ut constat ex eodem Trident. sess. 14, c. 7, quarum qualibet deficiente redditur absolute impotens ad absolvendum. Concilium autem licet remove non possit a sacerdotibus potestatem ordinis, quam semel acceperunt, uti supponit dum praemittit illa verba: « Quamvis presbyteri in sua ordinatione a peccatis absolvendi potestatem accipiant; » nihilominus remove potest concessam jurisdictionem, vel non concessam denegare, de factoque denegat ministris non approbatis, decernendo eos esse incapaces illam obtinendi, ab Ecclesiisque non concedi, nec concedendam nisi obtenta approbatione, quod circumloquutum

tum est dum addit : « Decernit tamen « Sancta Synodus, nullum etiam Regula- « rem posse ; » quod verbum absolute po- tentiam ad absolvendum tollit, ut erudite demonstrat Sanchez lib. 6, de Matrim. disp. 38, num. 20. Cum ergo jurisdictione deficiente absolutio irrita existat, palam est Concilium annullasse confessiones cum ministro non approbato, vel non habente beneficium parochiale. Quæ est doctrina communi sensu fidelium, generalique consensu Doctorum firmata.

89. Ex hoc autem Concilii decreto non pauca colligere possumus, quin opus sit pro eorum decisione specialia dubia aperire. Colligitur ergo primo, nullum hisce temporibus extare privilegium, vi cuius possint Regulares sæcularium confessiones excipere sine approbatione Ordinarii. Pro cuius luce observa, Regulares plura olim privilegia obtinuisse, ut sæculares absolverent, etiamsi approbationem Ordinarii non obtinuissent. Quippe Alexander IV, Urbanus IV, et Clemens IV, Mendicantibus facultatem concesserunt excipiendi confessiones illorum fidelium, qui ad eorum conciones audiendas convenirent. Et Bonifacius VIII, in *Extravaganti super Cathedram* : § *Quod si forte jam dicti Prælati*, concessit Religiosis, ut si legitime præsentati coram episcopis, ab his sine justa causa dimitterentur, et non approbarentur, possent absque alia diligentia omnium fidelium confessiones excipere. Quod privilegium renovatum fuit a Clemente V, cum Concilio Viennensi in *Clementina Dudum de sepulturis*. Idemque concessit Leo X, in Concilio Lateranensi Minoribus, ut videre est apud Paulum Piasentium in praxi Episc. part. 2, cap. 3, num. 4. Et Joannes XXII, in *Extravag. Frequentes de judiciis* nominatim extendit ad Augustianos, et Carmelitas. Imo Benedictus XI concessit, ut religiosi etiam sine præsentatione, et licentia episcoporum id ipsum efficere possent. Ceterum hæc omnia privilegia Concilium Tridentinum præciseret, cunctaque fuisse revocata constat ex illis verbis : « Privilegiis, et consuetudine « quacumque etiam immemorabili non « obstantibus. »

Unde audiendus non est Navarrus, contendens privilegia Clementis V, et Leonis X, derogata non esse per Tridentinum, sed

in eodem statu ac antea persistere, eo quod cum in corpore juris inserta sint, et in Conciliis Generalibus Viennensi, et Lateranensi recepta, vim legis Conciliaræ obtinuerunt ; leges autem in corpore juris insertæ minime derogantur, nisi earum specialis mentio fiat, vel saltem universalis Concilii in genere, nec sufficit universalis clausula juxta principia Jurisperitorum. Quocirca Tridentinum mentionem non faciens nec eorum Conciliorum in genere, nec privilegiorum in speciali, ea revocasse credendum non est. Audiri igitur non debet : nam quidquid sit de probabilitate, quam olim hæc sententia habuerit, et quam multi, et non contemnendi Authores docuere, jam nullam habere constat ex decreto SS. D. N. Alexandri VII, die 24 Septemb. anno Domini 1665, condemnantis hanc propositionem, quæ est 13 : « Satisfacit præcepto annuæ confessionis, qui « confitetur Regulari Episcopo præsentato, « sed ab eo injuste reprobato ; » quod et non aliud intendebat ea sententia, cum ea privilegia in corpore juris inserta solum contineant posse Regulares præsentatos coram episcopis, et injuste reprobatos, vel sine rationabili causa non admissos, fidelibus absolutionem impendere. Nec motivum Navarri aliquid suadet : nam illa regula, quod privilegia juris inserta non derogantur, nisi de illis specialis mentio fiat, solum tenet ubi Pontifex, aut Concilium extra jus commune per aliquam privilegii concessionem, bullam, aut legem particularem aliquid contra jus commune indulget, aut determinat ; non vero ubi Pontifex, aut Concilium legem generalem statuit : tunc enim antiquam legem communem, cui nova contrariatur, censetur tollere etiam per clausulam generalem, cum Concilium Concilio derogare possit nova jura statuendo, per quæ antiqua corrigan- tur.

Enim vero, quia post Tridentini decretum nonnullis regularibus nova privilegia concessa sunt, ut episcopi examine non præcedente sæcularium confessiones excipere possent, tandem Urbanus VIII, in Bulla anno 1629 expedita, quæ habetur in 4 tom. Bullar. inter hujus pontificis constitutiones, num. 92 revocavit, et annullavit omnia, et quacumque privilegia quibuscumque Religionibus, et Societati-

Impro-
bal.

Alex.
VII.

Proposi-
tio dam-
nata.

bus quoad id concessa. Quocirca hisce temporibus nullum extat, quo Regulares uti possint ad absolvendum sæculares approbatione episcopi non præcedente; quod etiam constat ex propositione damnata ab Alexandro VII, quam nuper adnotavimus.

90. Colligitur secundo, prælatos regulares non posse sæcularium confessiones audire sine episcopi approbatione. Oppositum hujus consecrarii docuerunt Nugnus in addit. ad 3 p. quæst. 8, art. 5, dub. 8, ad 9 arg. Lamas 1 part. cap. 6, § 6, Henriquez lib. 6, cap. 6, num. 2, Delgadillo cap. 19, dub. 34, Gallego in Bull. Cruciat. cap. 9, dub. 84, Valerus, Ludovicus a S. Joanne, et alii. Quorum sententia suaderi potest: quoniam Concilium non exigit episcopi approbationem in habentibus beneficium parochiale, quin expresse excluduntur; atqui prælati regulares sunt quodammodo parochi suorum subditorum, siquidem illis jure ordinario doctrinam, sacramenta, et sepulturam ministrant, in quo animarum cura, et officium parochi sita sunt: ergo censendum est, Concilium eos sub nomine parochi comprehendisse, proindeque Ordinarii approbatione non indigere.

Sed nostra resolutio est communis Theologorum sententia, et omnino vera: etenim Concilium universaliter statuit neminem esse aptum, vel posse de cetero confessiones sæcularium excipere, nisi vel parochum, vel ab episcopo approbatum; sed prælatura, licet quoad munia instruendi subditos congruenti doctrina, illisque conferendi sacramenta, et sepulturam, beneficio parochiali assimiletur; nihilominus absolute loquendo non est beneficium parochiale, cum non sit jus percipiendi fructus, et redditus ob officium ministrandi sacramenta, in quo ratio beneficii consistit, ut docent tam Theologi, quam Jurisperiti ex doctrina cap. fin. *de rescriptis* in 6, atque ideo nomine beneficii non venire Regularium prælaturas tenent ex communi sententia Bonacina quæst. 7, de Simonia part. 1, punct. 1, § 2, num. 4, et Rodriguez tom. 2, quæst. 26, art. 2. Ergo cum ex vi Tridentini dumtaxat fiant immunes ab obligatione obtinendi approbationem habentes beneficium parochiale, consequens est prælatos regulares episcoporum examini subjectos reliquisse. Adde primo,

Tridentinum in præsentiarum agere de approbatione requisita pro confessionibus sæcularium; prælati autem regulares licet ex vi sui officii jurisdictionem habeant, non tamen in sæculares; unde pro istorum confessionibus non statim censendi sunt approbati, sicut parochi; qui cum in eisdem sæculares ordinaria jurisdictione fungantur, congruum fuit ut ab obtinenda approbatione excluderentur.

Adde secundo, parochos non venire nomine prælati, atque ideo licet in cap. ultim. *de pœnitentiis, et remissionibus* concedatur prælatis tam superioribus, quam inferioribus facultas eligendi sacerdotem simplicem in confessorem, id non intelligitur etiam de parochis, ut constat ex decisione Alexandri VII, die 24 septembris ann. 1665, condemnantis hanc propositionem, quæ inter alias est 16: « Qui beneficium curatum habent, possunt sibi eligere in confessorem simplicem sacerdotem non approbatum ab Ordinario. » Ergo e converso, nec prælati regulares veniunt nomine parochi, ut illis Concilium faveat quoad non obtinendam approbationem ab Ordinario. Adde tertio, quod sicut prælati regulares dicuntur quodammodo parochi suorum subditorum, ita etiam dicuntur quasi episcopi: et tamen ubi Tridentinum statuit, approbationem obtinendam esse ab episcopis, nemo asserit nomine episcoporum intelligendos esse etiam regulares prælatos; a quibus obtineri debeat approbatio pro sæcularium confessionibus: ergo nec ubi Concilium excludit parochos ab approbatione, intelligendi sunt prælati regulares nomine parochorum, esto alias utcumque parochi nuncupentur. Per quæ satis constat ad oppositæ sententiæ motivum. Atque ita docent N. Franciscus tract. 6, cap. 11, punct. 7, num. 93, N. Andreas tract. 18, cap. 4, punct. 1, num. 45, Suarez disp. 28, sect. 4, num. 21, Lugo disp. 21, sect. 1, num. 9, Rodriguez in explic. Bullæ § 9, dub. 1, n. 4, Diana tom. 1, tract. 2 Miscell. resol. 43, Dicastillo disp. 10, dubit. 9, num. 165, N. Antonius tract. 5, disp. 18, sect. 4, Ledesma cap. 13, diffi. 4, et 6, post prim. conclus. Candidus disquisit. 24, art. 64, num. 5, Bordon tom. 2, resol. 36, num. 55, Bosius tract. de Jubilæo cas. 2, § 2, num. 53, Mendo in Bull. disp. 22, cap. 2,

Consect.
2.
Senten-
tia.
Nugnus.
Lamas.
Henriq.
Delgad.
Gallego.
Valer.
Ludovic
a S.
Joanne.

Vera
senten-
tia.

Bonac.
Rodrig.

Propo-
siti-
o d.
nat

N.
Frar.
N.
Andr.
Suarc
Lugo
Rodr
Dicas
N.
Antoi
Lede
Cand
Borde
Bosiu
Diane
Mend
Hurta
Leant
et ali

n. 30, Hurtado tract. 2, cap. 1, dub. 2, Moya in select. tract. 7, disp. 7, quæst. 3, Ludovicus a Cruce in Bull. disp. 1, cap. 2, dub. 11. Quintanaduenas de Jubilæo duar. Hebdomad. cap. 1, Leander disp. 11, quæst. 62, Cespedes, Martinus a S. Joseph, et alii apud recensitos.

91. Colligitur tertio, Doctores, Magistros, Licentiatos, et alias quocumque gradu insignitos in Theologia aut jure Canonico, approbatione Ordinarii indigere ad audiendas sæcularium confessiones. Nec probabilem censum sententiam Llamas 1 part. method. cap. 7, § 7, et aliorum, quos refert Henriquez, asserentium omnes in consecratio recensitos jure ipso, et Academiæ testimonio idoneos censerì, aliamque approbationem non esse necessariam. Etenim Concilium, ut ex dictis liquet, neminem præter habentes beneficium parochiale excludit ab approbatione; Magistros autem, Doctores, et Licentiatos non venire nomine habentis beneficium parochiale extra dubium est, nec oppositum ratione aliqua vel apparenti suaderi potest. Et quamvis Tridentinum subdat eam disjunctivam: *Aut alias idoneus judicetur*; intelligenda non est de judicio Universitatis, vel Academiæ, ubi graduantur, sed de judicio episcoporum, quibus præsentantur, et quorum prudentiæ committitur, Prælatos, Magistros, Doctores, et alios viros sapientes, his titulis idoneos censendos, examini non subicere. sed isto non præmisso, illis, ut decet, approbationem impendere. Tum etiam, et præsertim, quia ita habetur expresse in Bulla SS. D. N. Pii V, edita anno 1571, die 6 Augusti, quæ refertur a Cherubino tom. 2, pag. 259, quæque, § 2, ita habet: « Nos super « his pro debito pastoralis officii, prout « tenemur, salubriter providere volentes, « tenore præsentium hac nostra constitu- « tione perpetua sancimus, decernimus, et « declaramus decretum Concilii Tridentini « de approbatione Regularium audiendis « confessionibus sæcularium præposito- « rum ab episcopis facienda, observari « debere etiam in omnibus Regularibus « quorumvis Ordinum, etiam mendican- « tium, etiam sub regulari disciplina vi- « ventibus, etiam, si sint Lectores, aut in « Theologia etiam de superiorum suorum « licentia graduati, vel promoti, vel a suis

« Magistris generalibus, vel Provinciali- « bus ministris sæcularium confessionibus « audiendis expositi. » Et post pauca: « luhibentes ne absque speciali in poste- « rum licentia, et approbatione ab Ord- « nariis obtinenda, sæcularium confes- « siones audire præsumant. Decernentes irri- « tum, et inane, si secus super his a « quoquam quavis autoritate scienter vel « ignoranter contigerit attentari. » Et tan- dem revocat omnia, et quæcumque privi- legia quoad hæc Regularibus concessa. Tenent Lugo disp. 21, sect. 1, n. 1, Dicac- tillo disp. 10, dubit. 9, num. 266, Fagun- dez 2 præcep. lib. 7, cap. 2, num. 68, Palaus disp. unic. punct. 13, § 2, num. 2, Suarez. Layman lib. 5, tract. 6, cap. 11, num. 2, Barbosa 2 part. de potest. Episcop. alleg. 25, num. 6, Suarez disp. 28, sect. 4, num. 3, Granados tract. 10, disp. 5, sect. 1, nu- 4, Mendo, Tamburinus, N. Lezana, Filli- cius, et alii, quos refert, et sequitur N. Franciscus tract. 6, cap. 11, punct. 7, num. 94.

92. Colligitur quarto, regulares, qui sine licentia, et præsentatione suorum prælatorum approbationem, et jurisdic- tionem ab episcopis obtinuerunt, posse valide sæcularium confessiones excipere. Diximus *valide*, quia an possint licite? Regulandum est penes cujuslibet Ordinis statuta, et superiorum præcepta, ita ut subditi graviter aut leviter delinquant juxta gravem, aut levem obligationem præcepti, aut legis id interdicens, uti recte observant N. Franciscus ubi supra n. 110, N. Andreas tract. 18, cap. 4, punct. 2, num. 46, Canus, et Navarrus, quos re- fert, et sequitur Leander quæst. 76, Aversa qu. 16, sect. 6, Diana cum Molosio, et Ma- gala tom. 1, tract. 11, resol. 13, et alii. Diximus item: « Si jurisdictionem ab « episcopis obtinuerunt. » Si enim Reli- giosi a suis prælatis non præsentati solum approbationem ab episcopo accipiant, non posse etiam valide sæcularibus absolutio- nem impendere, compertum est. Quoniam pro valore sacramenti necessaria est ju- risdictio; hæc autem in eo eventu non habetur ab Episcopo, ut supponimus, nec aliunde a Summo Pontifice, siquidem Pontifex jurisdictionem non concedit Re- gularibus a suis prælatis non præsentatis episcopis, et sine eorum licentia, ut cons-

secc-
rium
3.

Lugo,
Dicast.
Fagund.
Palaus,
Laym.
Suarez.
Barb.
Granad.
N.
Lezana.
N.
Francis.
Tamb.
et alii.

Consec-
tarium.
4.

N.
Francis.
N.
Andr.
Canus.
Navar.
Leand.
Aversa.
Diana,
et alii.

Limit. 2
Limit. 3.

1: v.

tat ex jure antiquo in *Clementina*: *Dudum de sepulturis, et in Extravaganti Bonifacii VIII, super Cathedram*. Ex quo ulterius fit, hujusmodi Regularem non habentem licentiam, et præsentationem sui prælati, sed solam approbationem, et jurisdictionem ab episcopo acceptam, non posse absolvere sæculares a casibus reservatis in virtute privilegiorum Ordinis, nec in eorum votis, et irregularitatibus dispensare, uti possunt alii religiosi a prælatis expositi, et designati: nam ea privilegia ita conceduntur Regularibus, ut eorum usus sit juxta prælatorum licentiam, et dependentem ab eorum voluntate, et subordinatione, ut constat ex Julio II, Pio V, Leone X, et Clemente VIII, relatis a Lezana tom. I, cap. 18, num. 26. Quocirca dumtaxat possunt absolvere sæculares eo modo, quo alii sacerdotes episcopis subjecti, et ab eo jurisdictionem obtinentes.

Julius II.
Pius V.
Leo X.
Clem.
VIII.
Lezana,

Ratio consec-
tarii.

Consecrarium igitur in hoc sensu, et sub his limitationibus acceptum, satis constat ex dictis. Nam pro sæcularium confessionibus valide excipiendis sufficiunt, et requiruntur in ministro potestas ordinis, jurisdictio, et approbatio episcopi; hæc autem omnia inveniuntur in regularibus de quibus loquimur; quippe jurisdictio, de qua poterat esse difficultas, habetur ab episcopo, qui cum eam habeat jure ordinario, potest illam cui voluerit delegare, si idoneum, et aptum comperiat. Et quidem ubi Concilium assignat in ministro regulari quæ requiruntur ad sæcularium confessiones valide audiendas, nihil aliud præter recensita exposcit, nec de prælatorum licentia, et præsentatione meminit. Poterunt igitur regulares in eo eventu valide sæcularibus absolutionem impendere, non utique per jurisdictionem in privilegiis a pontifice acceptam, sed tanquam delegati episcoporum, et ad instar sacerdotum sæcularium. Consentiant N. Francisco cap. 11, punct. 7, num. 109, N. Andreas tract. 18, cap. 4, punct. 2, n. 48, N. Valentin. trac. 1, cap. 1, § 5, num. 41, N. Lezana tom. 3, verbo *Confessor*, num. 2, Rodriguez tom. 1, quæst. 60, num. 3, N. Antonius tract. 2, disp. 3, sect. 1, num. 20, Layman lib. 5, tract. 6, cap. 10, num. 19, Pellizarius tom. 2, tract. 8, cap. 3, sect. 1, num. 17, Miranda tom. 1, qu. 46, art. 12, Zerola cap. 16, de pœnit. qu. 7,

N.
Francis.
N.
Andr.
N.
Valent.
N.
Lezana.
N.
Anton.
Rodrig.
Laym.
Pelliz.
Mirand.

Homobonus p. 2, resp. 102, § *Dixi*. *Can-* Hon
Can
Peri
Gra
Deil
Mag
Perc
Piti
Moli
Joar
a Cr
Nug
et al
didus disq. 24, art. 56, dub. 11, Perinus tom. 2, de subdit. quæst. 1, de obedient. cap. 12, concl. 2, Graffis 1 p. lib. 1, cap. 13, n. 88, Delbene tom. 2, cap. 14, dub. 18, nu. 1, Magala, Peregrinus, et Molfesius apud Aversam quæst. 16, sect. 6, Joannes de la Cruz, Salas, Villalobos, Nugnus, Angelus, et Pitigianus, quos refert, et sequitur Diana 1 p. tract. 11, resol. 13, et alii.

93. Nec refert, si cum Palao tract. 23, Obje
disp. unic. punct. 17, § 1, num. 7, Henri-
quez, Bordon, Fagundez, Stratio, Sylvestro,
et aliis, quibus opposita sententia arridet,
objicias primo nullam esse approbationem
datam religiosis, qui tacite, vel expresse
a suis prælatis præsentati non fuerint. Id
quod liquet ex jure antiquo in *Clementina*
Dudum de Sepulturis, et in Extravaganti
Bonifacii VIII super Cathedram. Tridentinum autem dum statuit approbationem
ministri esse necessariam pro confes-
sionibus sæcularium, non revocat jura
antiqua, quæ cum decreto Tridentini com-
possibilia sunt. Secundo, quia episcopus
nequit regularem approbare a suo præ-
lato non expositum, cum approbatio sit
actus jurisdictionis, quam episcopus in
regularem exemptum exercere non potest,
nisi alias ei subditus fiat per sui prælati
præsentationem. Non, inquam, refert : Dila
nam ad primum respondetur, solum con-
cludere, regularem prælati licentiam non
habentem non posse sæculares absolvere
per jurisdictionem a pontifice acceptam;
secus vero in vi jurisdictionis ab episcopo
delegatæ. Etenim ea privilegia, aut jura
antiqua, quæ quoad hanc partem revocata
non esse libenter concedimus, dumtaxat
in regularibus prælatorum licentiam, et
præsentationem exposcebant, ut a pontifice
facultatem absolvendi sæculares obtine-
rent, quæ illis concedebatur etiam si alias
ab episcopis dimitterentur, vel injuste re-
probarentur. In præsentiarum autem so-
lum asserimus, posse regulares sæcularium
confessiones excipere obtenta approbatione,
et jurisdictione ab episcopo, quam illis
delegare potest, etiam prælatis renuenti-
bus. Ad secundum dicendum est, Conci-
lium subjecisse regulares exemptos episco-
pis quoad approbationem; quocirca possunt
jurisdictionem, quam in actu examinis
habet

habent, in regulares exercere eo ipso quod approbationem exposcant, etiamsi prælatorum licentia non obtineatur.

sect. 5. 94. Colligitur quinto, parochum non posse simplicem sacerdotem exponere, vel illi suam jurisdictionem delegare pro confessionibus suorum parochianorum. Tum quia Tridentinum statuit nullum esse aptum ministrum pro confessionibus sæcularium, nisi parochum, vel approbatum ab episcopo. Tum etiam, quia licet in cap. *Placuit*, et in cap. *Omnis utriusque sexus, de Pœnitent. et remission.* concedatur parochis facultas delegandi jurisdictionem cuilibet sacerdoti prudenti iudicio idoneo, nihilominus si nomine sacerdotis idonei intelligitur etiam non approbatus, ut plures volunt, Concilium ea privilegia, esto alias juri inserta, quoad hanc partem revocasse, et potuisse, constat ex dictis n. 89, et quidem Concilium illa privilegia seu jura non revocavit, quoad facultatem concessam parochis delegandi jurisdictionem sacerdoti idoneo; declaravit tamen quis talis censendus sit, excludendo non approbatus, ut præcideret parochorum abusum committendi suas oves ineptis; post quam declarationem nequeunt simplices sacerdotes eam delegationem accipere. Tum, et præsertim, quoniam parochus non potest sibi eligere in confessorem simplicem sacerdotem, ut constat ex propositione damnata ab Alexandro VII, quam dedimus num. 92: ergo nec illum pro suis ovibus exponere. Patet consequentia: nam qui potest jurisdictionem delegare alteri, ut subditum absolvat, potest illum in sui confessorem eligere, et uti pro se eisdem licentiis, quas subditis concedit, ut omnes docent cum D. Thoma in 4, dist. 20, quæst. 1, art. 1, quæstiunc. 4, ad 1. Quocirca eo ipso, quod pontifex illam propositionem damnaverit, videtur damnasce, et alteram priori connexam. Tum denique, quia ita declaravit congregatio Concilii Tridentini, ut videre est apud Petrum Fray quæst. 8, art. 5, disp. 1. Unde hanc sententiam amplectuntur N. Andreas ubi supra num. 53, Lugo disp. 21, sect. 1, num. 6, Villalobos tom. 1, tract. 9, diff. 49, num. 9, Suarez ubi supra sect. 4, num. 12, Diana tom. 2, tract. 4, de sacramentis: resol. 46, Moya disp. 7, quæst. 2, § 2, num. 23, Fagundez de 2 præcept. Eccl. lib. 7, cap. 2, num.

43, Sanctius in select. disp. 48, num. 11, Martinus a S. Joseph tom. 1, lib. 1, tract. 24, num. 5, Granados, Ægidius, et alii.

95. Tandem colligitur, ministrum indigere approbatione ad audiendas confessiones episcoporum, cardinalium, et aliorum prælatorum sæcularium etiam jurisdictionem quasi episcopalem habentium; vel quod in diem redit, non posse hujusmodi prælatos eligere sibi in confessorem sacerdotem simplicem ab ordinario non approbatum. Diximus *Prælatorum Sæcularium*: nam de regularibus diversa ratio est, cum pro nullius regularis confessione audienda episcopi approbatio exigatur, ut ex dicendis § sequenti constabit. Veritas igitur consecrarii liquet ex eodem Tridentino necessitatem approbationis universaliter statuente pro confessionibus omnium sæcularium etiam sacerdotum, proindeque comprehendere debet etiam episcopos, et quoscunque alios sæculares prælatos: alioquin nec nomine sæcularium comprehenderet reges, et alios principes; quod nemo docuit. Itaque privilegium in cap. fin. de *Pœnit. et remission.* episcopis concessum eligendi sibi in confessorem sacerdotem providum, et idoneum, vel revocatum est a Tridentino, vel saltem explicatum apponendo ex parte confessoris approbationem tanquam conditionem necessariam, ut censeatur idoneus; ut in simili diximus num. præcedenti. Eo vel maxime, quia ita constat ex declaratione SS. D. N. Gregorii XIII. Etenim cum Romæ de re actum fuisset in congregatione decem cardinalium, eorum suffragia, et placita divisa sunt. Consultus autem summus Pontifex respondit: « In re dubia tutius est adhærere Concilio Tridentino. » Et in declaratione cardinalium 1158, relata a Suarez ubi supra sect. 4, n. 8, et sect. 6, num. 7, habetur: « SS. N. D. audita relatione Congregationis declaravit, episcopum vigore « privilegii, de quo in cap. fin. de pœnit. « et remiss. non posse sibi eligere sacerdotem sibi non subditum, qui a proprio « Ordinario non fuerit adhuc ad formam « hujus decreti admissus, seu approbatus « ad audiendas confessiones. » Ex quibus habes, episcopum in sua diœcesi existentem posse confessionem facere cum quolibet sacerdote etiam simplici, dummodo iste sit subditus episcopi sive ratione habitatio-

Consect.
6.

Gregor.
XIII.

Suarez.

Arus
ay.
N.
dr.
go.
hal.
araz.
ana.
oya.
gund.
petius
artin.
a S.
seph.
alii.

nis permanentis intra eandem diœcesim, sive transeuntis. Cujus ratio est, quia eo ipso quod episcopus illum sibi in confessorum eligat, censetur ei approbationem pro ea confessione impendere, atque adeo jam hujusmodi sacerdos non simplex, sed approbatus dicendus. Ceterum si episcopus extra suam diœcesim existat, nequit confessionem facere cum sacerdote sibi subdito, aut non subdito, nisi approbatus sit ab Ordinario illius loci, in quo fit confessio. Id quod et non aliud intendimus in consensuario. Et docent Lugo disp. 21, sect. 1, nu. 3, Palaus punct. 15, § 2, num. 4, Couinchus disp. 8, dub. 7, num. 40, Suarez ubi supra sect. 4, num. 8, Bonacina disp. 5, q. 7, punct. 4, num. 16, Fagundez de Toletus, Bonac. 2 præcep. Eccles. lib. 7, cap. 2, num. 79, et 80, Toletus lib. 3 summ. cap. 13, num. 5, Barbosa 2 p. de potest. Episc. alleg. 25, num. 9, plures referens; et cum multis Leander disp. 11, quæst. 28.

96. Circa intelligentiam vero decreti Tridentini hactenus explicati, duo occurrunt dubiola, quæ decidere opus est. Inquires ergo primo, an teneat approbatio ministri, quæ ab episcopo simoniace, vel pretio accepto confertur? Cui quæstiunculæ occasionem præbet Concilium, dum subdit: « Et approbationem, quæ gratis detur, » obtineat. » Nec quærimus an sit illicita? Id enim omnes supponunt; sed dumtaxat an teneat, vel sit valida? Et resolutio est affirmativa: nam ea verba Concilii non continent conditionem ex parte approbationis se tenentem, qua deficiente approbatio fiat irrita; sed apponuntur præceptive episcopis, ut liquet ex illo modo loquendi. Quæ gratis detur: id quippe episcoporum obligationem commendat, et præceptum designat. Quocirca si accepto pretio etiam tenuissimo conferatur, gravissime ordinarii delinquent, cum simonia materiæ parvitatem non admittat; non tamen approbatio annullatur. Accedit, pœnas extendendas non esse nisi ad casus jure expressos: in jure autem nullibi habetur approbationem simoniace acceptam esse nullam, et quoties invaliditas actus non constat, præsumitur ejus valor. Tenent N. Franciscus punct. 7, num. 92, Lugo ubi supra sect. 1, num. 26, Suarez disp. 28, sect. 5, num. 19, Reginaldus lib. 1, nu. 180, dub. 3, Palaus punct. 17, § 1, num. 6, Bonacina disp. 5,

quæst. 7, punct. 4, § 1, in fine. Leander disp. 11, quæst. 80, alios referens. Observandum tamen est cum Lugone, approbationem pretio acceptam, et ex vi Tridentini non irritam, posse aliunde talem fieri, ut si contingat aliquem simoniace approbati ad collationem beneficii; tunc quippe cum ex jure constet hanc beneficii collationem esse nullam, etiam ipsa approbatio indirecte redditur irrita. Idem censendum est, si approbatio pretio obtineatur Romæ a Vicario Pontificis: omnia enim, quæ pretio accipiuntur a Sede apostolica, invalidantur a S. S. D. N. Gregorio XIII in Bulla de datis, et acceptis.

97. Inquires secundo, an sit valida approbatio collata illi, quem episcopus interiori judicio censet inhabilem ad munus audiendi confessiones? Episcopum ita procedentem graviter delinquere, nemo negat; sed dumtaxat dissensio est, an ea approbatio teneat? Quæ difficultas oritur similiter ex verbis Tridentini dicentis: « Aut alias » idoneus judicetur, et approbationem obtineat. » Ubi utrumque exposcere videtur, et interius judicium de idoneitate ministri, et approbationem exterius collatam. Quo motivo ducuntur Barbosa ubi supra alleg. 25, num. 20, et cum Reginaldo, Bonacina disp. 4, qu. 7, punct. 4, § 1, num. 29, ad sententiam negativam. Affirmative tamen respondendum est: quoniam approbatio est quædam sententia lata ab episcopo ut giudice; sententiam autem a legitimo giudice prolatam, etiamsi alias illicite proferatur, esse validam, et illi standum omnes consentiunt. Tum etiam, quia Ecclesia de occultis non judicat, maxime circa ea, quæ spectant ad valorem sacramentorum ex ipsius Ecclesiæ instituto, et dispositione: ergo ubi Concilium dicit: « Aut alias idoneus » judicetur, » censeri non debet loquutum fuisse de interna episcopi existimatione, sed de externo judicio, quod fit in Ecclesia mediante approbationis sententia. Accedit, quod alias quam plurima sacramenta dubia redderentur, nec pœnitentes, nec sacerdotes de eorum valore certificari possent: quomodo enim illis constaret episcopum internum judicium de idoneitate ministri efformasse, præsertim circa eos sacerdotes, quos vulgus non ita peritos censet, et alias approbatos videt? Non igitur necessaria est ea interior mentis conceptio pro valore approbationis, atque

Lugo,
Suarez,
Couinch.
Palaus,
Fagund.
Toletus,
Bonac.
Barbosa,
et alii.

Quas-
tione. 1.

Resolu-
tio.

N.
Francis.
Lugo.
Suarez,
F.
Regin.
Palaus,
Leand.

Obse-
tio

Quas-
tione.

1
Senten

Secund
et
terior

atque ideo nec pro valore sacramentorum, quæ in virtute illius ministrantur. Unde hanc sententiam ut omnino veram docent Lugo ubi supra sect. 1, num. 25, N. Franciscus punct. 7, num. 91, Suarez disp. 28, sect. 5, num. 7, Leander disp. 11, quæst. 74, ubi refert Bosium. Palaus punct. 17, § 1, n. 2, Aversa quæst. 16, sect. 6, et alii.

Nec adversariorum motivum urget: nam ut constat ex dictis ea verba Concilii: *Idoneus judicetur*, referri non debent ad interius iudicium episcopi, sed ad exteriorem declarationem, aut sententiam, per quam in foro exteriori iudicat, et decernit ministrum esse idoneum, et ut talem habendum. Et juxta hunc sensum ly *idoneus judicetur*, et ly *approbationem obtineat*, non sunt distincta, sed æquipollentia, ac ad majorem explicationem addita, quatenus nomine approbationis exprimitur iudicium, de quo Concilium loquebatur. Vel dicas, Tridentinum in illis verbis: « Aut « ab episcopis per examen, si illis videbitur esse necessarium, aut alias idoneus « judicetur, et approbationem obtineat, » non tam loquutum fuisse copulative, conjungendo pro aptitudine ministri internam episcopi existimationem, et exteriorem approbationem; quam disjunctive, et quasi exclusive respectu examinis, illud non exposcendo pro valore approbationis. Adeo ut sensus sit illum sacerdotem posse sæcularium confessiones excipere, qui obtinuerit approbationem per examen, vel qui eandem obtinuerit sine illo, eo quod episcopus iudicat necessarium non esse in aliquibus, quia de eorum doctrina ratione prælaturæ, doctoratus, aut simili titulo satis constat. Et hanc esse legitimam Concilii mentem, liquet ex ipso modo loquendi. Videatur Suarez loco citato, ubi aliam expositionem non incongruam opponit.

§ II.

Quid de approbatione Ordinarii pro excipiendis Regularium confessionibus?

98. In præcedentibus dumtaxat loquuti sumus de Ordinarii approbatione in ministro requisita respective ad sæcularium confessiones, quam esse omnino necessariam pro valore eorum sacramentorum

statuimus. An autem requiratur ad absolvendum regulares, alia difficultas est: Cui negative respondet communis, et vera sententia; quam amplectuntur N. Andreas tract. 18, cap. 4, punct. 2, num. 49, et 55, N. Franciscus tract. 6, cap. 11, punct. 7, num. 87, N. Antonius tract. 5, disp. 12, num. 839, Lugo, disp. 21, sect. 1, num. 2, Discastillo disp. 10, dub. 9, num. 327, Suarez disp. 28, sect. 4, num. 4, Navarrus cap. 4, num. 2, Diana 3 part. tract. 2, resol. 3, Candidus tom. 1, disquisit. 3, art. 39, numer. 2, Layman lib. 5, tract. 6, cap. 11, num. 1, Bonacina disp. 5, quæst. 7, punct. 4, num. 25, Trullenbach in exposit. Bullæ lib. 1, § 7, cap. 1, dub. 1, num. 5, Palaus punct. 17, § 2, num. 1, Fagundez de 2 præc. Eccles. lib. 7, cap. 2, num. 68, Coninchus disp. 8, dub. 7, num. 48, Bruno tract. 5, cap. 6, prop. 1, Leander disp. 11, quæst. 45, et alii apud recensitos, nec aliquem vidimus oppositum asserentem.

Fundamentum hujus resolutionis est: Ratio. quoniam ex jure antiquo pro excipiendis regularium confessionibus necessaria non erat in ministro approbatio ab episcopo obtenta, sed quilibet regularis de licentia sui prælati poterat confessionem emitte coram sacerdote simplici etiam sæculari, ut communiter testantur Doctores; atqui nullum jus novum extat eam approbationem exposcens: ergo ut minister regularis sacramentaliter absolvat, non indiget Ordinarii approbatione. Consequentia liquet: nam ubi novum jus antiquum corrigens non adest, ab antiquo recedendum non est, *ex leg. Præcipimus, Cod. de appellat. cap. 2, de translat. Episc.* Minor etiam constat: quia Tridentinum novum jus inducens, et approbationis necessitatem statuens, eam expresse restringit, et limitat pro confessionibus sæcularium, uti adnotamus num. 88. Si quæ autem pontificum decreta illam exposcunt, omnia loquuntur juxta sensum Tridentini, quod noluit regulares suo decreto comprehendere, sed eos suis statutis relinquere. Cujus duplex congruentiæ ratio designari potest. Prima, quia regulares peculiarem vivendi modum exercent juxta uniuscujusque professionem, propriisque prælatis subduntur; proindeque congruum fuit ut ad hujusmodi prælatos spectaret idoneos ministros

Decisio
difficultatis.

N. Andr.
N.
Franc.
N.
Anton.
Lugo.
Discast.
Suarez,
Navar.
Diana.
Candid.
Laym.
Bonac.
Trullenbach
Palaus.
Fagund.
et alii.

Argo.
N.
Franc.
Palaus.
Suarez.
Discast.
Suarez.
Navar.
Diana.
Candid.
Laym.
Bonac.
Trullenbach
Palaus.
Fagund.
et alii.

ut sit
nolivo
livera
opinio
nis.

ad audiendas subditorum confessiones designare, quin episcopis quoad approbationem obtinendam subderentur. Secunda, quia cum regulares ex proprio instituto virtutum exercitio invigilent, ut in plurimum ac moraliter loquendo conscientiam aliis puriorem conservant; atque ideo decuit Concilium plus de eorum confessionibus confidisse, quin pro illis excipiendis approbationem Ordinariorum exposceret: facilius enim erat idoneos ministros invenire ad audiendas regularium confessiones, quam ad solvendum sæculares, quorum conscientia frequenter magis criminibus illaqueantur.

Observ. 99. Sane tamen hæc doctrina intelligi debet: etenim quamvis pro Regularium confessionibus approbatio episcopi in ministro necessaria non sit; nihilominus omnino desideratur licentia tacita vel expressa prælatorum, quibus penitentes regulares subduntur, quippe quæ etiam ante Concilium exposcebatur. Quocirca ea deficiente confessio nulla existet, etiamsi alias minister ab Ordinario approbationem obtineat: quoniam episcopus cum nullam in regulares exemptos jurisdictionem habeat, eam nulli ministro delegare potest. Privilegia autem regularibus concessa eligendi confessorum minime procedunt contra Religionis statuta, nec independenter quoad usum ab eorum prælatis; alioqui potius in regularis disciplinæ dispendium vergerent, quam in ejus fomentum. Unde confessionem regularis factam contra propria statuta, vel sine prælatorum licentia cum ministro etiam ab episcopo approbato esse nullam docet communis sententia, de qua videri possunt N. Lezana tom. 1, cap. 18, num. 26, N. Andreas ubi supra, plures referens, et N. Valentin tract. 1, cap. 1, § 8, num. 75. E contra vero obtenta Prælatorum licentia expressa, aut tacita, possunt regulares utriusque sexus sive intra sive extra domum cuilibet sacerdoti confiteri propriæ vel alterius Religionis, aut etiam sæculari ab episcopo non approbato juxta tenorem licentiæ, quam in nostra Religione concedere possunt Generalis, et Provincialis, et de istius expressa aut tacita commissione prælati inferiores, aut immediati.

Consect. 100. Ex quibus plura inferuntur satis utilia, et pro praxi admodum necessaria.

Primum igitur colliges, religiosos nostri Ordinis itinerantes, aut extra domum exeuntes, posse cuilibet sacerdoti simplici sæculari, vel regulari alterius Ordinis confiteri, si sui Ordinis copiam confessoris non habeant. Diximus, « si sui ordinis » copiam confessoris non habeant; » tum quia alias alteri confiteri non possunt ob plura privilegia, quæ habent omnes Religionis, ut proprii subditi nec intra nec extra Conventum cum extraneis confiteantur, si habeant ministrum propriæ Religionis a prælatis designatum. Ita constat ex Bulla 4 Clementis VIII ac ex Bulla Innocentii VIII, et ex aliis Gregorii XIII, Benedicti XI, et Sixti IV, quas refert N. Andreas ubi supra, § 6, num. 89. Tum etiam, quia ita expresse habetur in nostris constitutionibus l part. cap. 4, numer. 3: « Præcipimus, et districte prohibemus ne » quis ex fratribus tam sacerdotibus quam » aliis, habita Ordinis confessorum copia, » extraneo, et alieno sacerdoti cujuscumque » que qualitatibus, et conditionibus illi sit, » confiteatur. » Consecrarium itaque sub hac limitatione intellectum constat: quoniam ex uno capite ad audiendas regularium confessiones minister non indiget episcopi approbatione; ex alio autem in nostra Religione nullum adest statutum prohibens religiosos extra domum cum sacerdote simplici sæculari vel alterius religionis confiteri, quin potius consuetudo ita faciendi, ratione cujus prælati id videntes, et consentientes, dum subditos extra domum mittunt, licentiam ad ita confitendum tacite concedunt. Tum etiam, quia sic habetur in privilegiis Sixti IV, ac Innocentii VIII, quorum verba adducit Bordon tom. 2, resol. 34, num. 2, et resolutionem tenent N. Antonius tract. 2, disput. 2, sect. 1, num. 12, N. Andreas loco proxime citato num. 92, Rodriguez, Joannes a Cruce, Portel, Urbanus, et alii. Et quæ diximus de religiosis nostri Ordinis, proportionabiliter intelligenda sunt de regularibus cujuscumque alterius religionis juxta eorum statuta, consuetudinem, et prælatorum licentiam.

101. Secundo colligemus, religiosos nostri ordinis nec intra nec extra Conventum posse confiteri sacerdoti simplici propriæ religionis; posse tamen religiosos alterius ordinis illi confiteri, si alias eorum statutis

Limitatio.

N.
Lezan.
N. Andr.
N.
Valent.

Bordon.
N.
Anton.
N. Andr.
Rodrig.
Joanna.
Cruce.
Portel.
Urban.

Consect.
2.

tis id non repugnat. Posterior hujus con-
sectarii pars constat: quoniam pro audien-
dis regularium confessionibus approbatio
Ordinarii non exposcitur, sed possunt ex
vi suorum privilegiorum, ubi extra domum
existunt, et suæ religionis copiam confes-
soris non habent, quemlibet simplicem
sacerdotem in sui confessorem eligere;
aliunde vero in nostra religione nulla est
prohibitio, ut sacerdotes simplices non pos-
sint religiosos alterius Ordinis absolvere:
id igitur licitum erit, dummodo statutus
religiosorum pœnitentium non prohibea-
tur. Atque ita docent N. Antonius in
direct. regul. tract. 2, disp. 2, sect. 1,
num. 23, Nost. Valentin ubi supra num.
76, in fine, N. Andreas tr. 18, cap. 4, § 6,
num. 94, in fine, Bordon ubi supra resol.
23. Prior autem pars ostenditur: nam in
constitutionibus religionis nostræ 2 part.
cap. 7, num. 5, hæc habentur: « Inniten-
tes tam juri communi, nostrisque statutis
« atque antiquæ consuetudini, quam pon-
tificum privilegiis, declaramus sacerdotes
« simplices nostræ religionis (illos videli-
« cet, qui provincialis vel generalis licen-
« tiam, et approbationem non habent)
« nullam habere jurisdictionem ad audien-
« das confessiones fratrum etiam sacerdo-
« tum. Et si forte ratione consuetudinis
« esset quoad hoc aliqua tacita licentia,
« illam præsentī decreto annullamus, de-
« cernentes ut a nullo prælato, præter P.
« generalem, et provincialem, unquam
« licentia concedatur, alias sit nullius ro-
« boris, et momenti. Quod intelligi volu-
« mus sive intra sive extra conventum
« existant. »

Quæ sunt adeo manifesta, ut nullam
expositionem admittant. Nam confessio
facta ministro non habenti jurisdictionem
in pœnitentem est invalida; atqui sacer-
dotes simplices nostræ religionis nullam
jurisdictionem habent in religiosos ejus-
dem ordinis: ergo illis absolutionem
valide impendere nequeunt. Minor, in
qua poterat esse difficultas, patet tum ex
illis verbis: « Declaramus sacerdotes sim-
« plices nostræ religionis... nullam habere
« jurisdictionem ad audiendas confessiones
« fratrum etiam sacerdotum. » Tum, quia
ut constat ex dictis numer. 99, jurisdictio
haberi non potest sine expressa aut tacita
prælatorum licentia ad absolvendum; sed

simplices sacerdotes nostri ordinis nullam
habent tacitam licentiam, ut liquet ex illa
clausula omnino derogatoria: « Et si forte
« ratione consuetudinis esset quo ad hoc
« aliqua tacita licentia, illam præsentī de-
« creto annullamus. » Ergo nisi expressam
licentiam a generali vel provinciali obti-
neant, carent jurisdictione. Tum etiam,
quia ex Bulla Sixti IV, pro toto ordine
Carmelitarum concessa, ac ex Bulla Cle-
mentis VIII, pro Carmelitis Discalceatis
determinate, habetur religiosos nostri
ordinis non posse sibi eligere confessorem
contra religionis statuta, et sine prælato-
rum licentia: atqui in statutis ordinis
prohibetur fratribus eligere sibi in con-
fessorem simplicem sacerdotem ejusdem
religionis, aliundeque nullam habent præ-
latorum licentiam etiam præsumptam ad
eum eligendum, cum negatio licentiæ præ-
sumptæ constet ex legibus, in quibus con-
traria prælatorum voluntas expressa habe-
tur: ergo cum repugnantibus propriis
legibus, et deficiente prælatorum licentia,
stare non possit jurisdictio ministri, con-
sequens est simplices sacerdotes nostri
ordinis nullam obtinere jurisdictionem
pro audiendis confessionibus religiosorum
ejusdem ordinis. Atque ita docent N. Va-
lentin. ubi supra num. 76. N. Lezana, N.
Antonius, Trullench, Villalobos, Rodri-
guez, et alii apud N. Andream ubi supra
num. 56 et 94.

Hæc autem intelligi debent, sive intra
sive extra conventum, sive copia confes-
sarii ejusdem vel alterius religionis, aut
etiam sæcularis habeatur, sive non, et tam
de confessione mortalium, quam venia-
lium. Unde admittenda non est limitatio,
quam N. Andreas cit. § 6, num. 93, adhi-
bet huic doctrinæ, asserens simplicem sa-
cerdotem nostræ religionis posse valide, et
licite absolvere a venialibus religiosos
ejusdem instituti, ideo quia lex absolute
prohibens confessionem facere cum hoc
aut illo ministro, semper intelligitur de
materia necessaria confessionis, qualia
sunt lethalia nondum confessa; non vero
de venialibus, quæ est materia libera,
quæque pro libito omitti potest. Non, in-
quam, admittenda est: tum ob ea quæ
diximus dub. 6, num. 74. Tum etiam; quia
ut omnes concedunt, pro absolutione a
venialibus necessaria est aliqua jurisdictio

N.
Anton.
N. Andr.
N.
Valen.
Bordon.

N.
Lezan.
N.
Anton.
N. Andr.

N.
Valen.
Trullench.
Villalob.
Rodrig.

Observ.

in ministro, quam si haberent sacerdotes simplices nostræ religionis, esset ex jure communi, sicuti omnes alii sacerdotes; ex jure autem communi nullam habere patet ex lege dicente: *Innitentes juri communi*, etc. declaramus sacerdotes simplices nostræ religionis *nullam habere jurisdictionem*. Ly autem *nullam* omnem excludit, quæ ex jure communi haberi potest, cum de jurisdictione juris communis expresse fiat sermo. Tum denique: quoniam ita constat ex praxi religionis, quæ est optima legum interpretes: semper enim confessio sive venialium, sive lethalium fit cum sacerdotibus a provinciali approbatis, quorum magna copia est in religione; non vero cum simplicibus, nec id unquam contigisse, aut consuetudinem abisse audivimus. Per quod ad oppositum motivum satis constat.

Consect.
3.

Ratio
primæ
partis.

Clem. X.

102. Colliges tertio, episcopi approbationem aut licentiam esse omnino necessariam pro confessionibus monialium sibi subjectarum excipiendis; secus vero pro earum, quæ regularibus subduntur. Prior pars suadetur: nam ut statuimus num. 99, nullus regularis in vi privilegiorum potest sine licentia sui prælati alicui confiteri nec intra nec extra suam religionem, cum alias minister nullam jurisdictionem habeat; sed episcopus est proprius prælatus monialium sibi subjectarum; ergo sine illius licentia nequeunt earum confessiones excipi. Tum etiam: quoniam ideo pro confessionibus sæcularium est necessaria approbatio episcopi, quia, ut colligitur ex Tridentino, congruum est ut quævis ovis suo proprio pastori obtemperet, et hic in pascuis spiritualibus de ipsa diligenter curet; sed moniales episcopo subjectæ sunt propriæ illius oves, non secus ac sæculares: ergo quemadmodum ad audiendas sæcularium confessiones eget minister diocesanus episcopi approbatione, ita et ad monialium, quæ illi subduntur. Tum denique: quia ita expresse habetur in Bulla Clementis X expedita pro universali ecclesia 2 Augusti anno Domini 1670, quæ incipit: *Superna magni Patris*, ubi de monialibus episcopo subjectis sermonem faciens inquit: « Approbatos pro audiendis confessionibus monialium unius monasterii » minime posse audire confessiones monialium alterius monasterii. Itidemque

« confessores approbatos ab episcopo ad » monialium confessiones pro una vice audiendas, haud posse expleta deputatione » in vi approbationis hujusmodi illarum » confessiones audire; sed toties ab episcopo esse approbandos, quoties casus deputationis contigerit. » Ita N. Antonius tract. 5, sect. 2, num. 856, ubi ait: « Dixi, » non tamen subjectis episcopo: nam hæc » cum soli episcopo subdantur, confessores » pro eis eligendi ab episcopo debent esse » approbati. » Unde nescimus qualiter a N. Andrea ubi supra num. 59, pro opposita sententia citari possit.

N.
Anton.

Posterior consecrarii pars ostenditur: etenim moniales in toto rigore veniunt nomine regularium, ut omnes fatentur atqui pro confessionibus regularium Tridentinum non exposcit episcopi approbationem, sed eos reliquit juri antiquo, et propriis privilegiis, ex quibus habent quod de licentia suorum prælatorum possint confiteri cuilibet sacerdoti: ergo pro confessionibus monialium, quæ regularibus subduntur, non indiget minister episcopi approbatione. Nec refert si cum Bosio de Jubilæo sect. 3, casu 2, § 3, num. 75, dicas, hæc ita esse attentis jure antiquo, et Tridentini decreto; secus vero si attendamus ad constitutionem Gregorii XV, incipientem: *Inscrutabile*, etc., et ad declarationem sacræ Congregationis, quæ ad calcem prædictæ constitutionis habetur, ubi decernitur confessores tam ordinarios quam extraordinarios monialium regularibus subjectarum debere esse ab episcopo approbatos. Non, inquam, refert: quoniam ea constitutio cum sua declaratione nec quo ad hanc partem, nec quoad alia quæ continet, in Hispania recepta fuit, ut videre est apud Lezanam tom. 1, part. 1, cap. 17, num. 35. Sed jussu Urbani VIII, pro his regnis suspensa ob supplicationem Sedi Apostolicæ a Religionibus factam. Idque etiam constat ex Brevi Nuncii Apostolici illius temporis expedito 21 Aprilis anno 1625. Unde hanc consecrarii partem tuentur Lezana loco citato, et tom. 5, in Mari magn. Carmel. num. 371, Lugo disput. 21, sect. 1, num. 2, Granados tract. 10, disp. 5, sect. 1, Vasquez de Pœnitent. quæst. 93, artic. 2, dub. 4, numer. 2, N. Andreas cit. § 6, num. 59, Suarez disp. 28, sect. 4, num. 4, N. Antonius ubi supra,

Funda-
mentum
posterioris.

Bosius.

Greg.
XV.

N.

Lezan.

Lugo.

Granad.

Vasquez.

N. Andr.

Suarez.

N.

Anton.

Perez

Perez, Velas. Hurtad. et alii. Consect. 1. Perez, Velascus, Hurtado, N. Valentin tract 1, cap. 1, § 9, num. 86, et alii.

103. Colliges quarto, Fratres militares posse tam intra quam extra domum de licentia sui Prælati, et juxta sua statuta confiteri cuilibet sacerdoti ab episcopo non approbato. Fundamentum est, quoniam ut statuimus tract. 20, disput. 1, dub. 1, per totum, præsertim a num. 13, Fratres militares sunt vere, et simpliciter religiosi, tribus votis essentialibus ligati : ergo non comprehenduntur decreto Tridentini solum exposcentis episcopi approbationem pro confessionibus sæcularium. Atque ita docet communis sententia. Hanc autem resolutionem minime extendimus ad Equites Ordinum militarium, vulgo de Alcantara, Calatravæ, Sancti Jacobi, Joannis, Stephani, et alios, qui extra claustra vivunt, uxoribus irretiuntur, ac instar aliorum sæcularium dominium, et usum rerum temporalium conservant. Hi enim, ut loco citato docuimus cum Divo Thoma, statum Religiosum absolute, et simpliciter non participant, sed tantum analogice, et secundum quid ; proindeque cum sint simpliciter sæculares, sub decreto Tridentini comprehendi debent, uti docent Molina, Azor, Diana, Valen. Amicus. Navar. N. Anton. J. Andr. et alii.

Huic autem limitationi non adhærent Leander disput. 11, quæst. 47, Sanctius disput. 49, numero 10, Garcia, Bordon, Delbene, Hurtado, et alii ; quorum placitum suaderi potest. Tum quia prædicti Equites in probabili sententia sunt simpliciter religiosi, et quamvis non essent, nihilominus gaudent privilegiis religiosorum, horumque nomine veniunt in favorabilibus. Tum etiam : quoniam famuli commensales religiosorum sunt simpliciter sæculares ; et tamen quia ex Tridentino sess. 24, cap. 11, in favorabilibus veniunt nomine religiosorum, possunt confiteri sacerdoti simplici ab episcopo non approbato, ut cum pluribus docent Barbosa de jure Ecclesiastico lib. 1, cap. 43, num. 204, et Noster Andreas ubi supra num. 57 : ergo idem dicendum est de

Equitibus Ordinum militarium. Tum denique : nam Equites Sancti Joannis Hierosolimitani sunt simpliciter religiosi, ut statuimus loco citato ex tractat. 20 disput. 1, numero 13, in fine : ergo saltem pro istorum confessionibus audiendis approbatio episcopi necessaria non est, sed suorum prælatorum licentia sufficiet.

Respondetur tamen, quod sicut consuetudo, scientibus, et non contradicentibus prælatis, potest legem favorabilem statuere, et jurisdictionem inducere ; ita consuetudo non utendi favorabili privilegio, et jurisdictioni sibi utili ea dirimit, ac irritat, ut ex communi sententia cum Dicastillo, Vasquio, Perez, Bassæo, et Conincho docet Nost. Antonius tr. 5, disput. 11, sect. 10. Ex quo fit, quod quidquid sit an prædicti Equites sint vel non veri religiosi, et an veniant vel non nomine regularium in favorabilibus, nihilominus simplici sacerdoti ab episcopo non approbato confiteri non possunt : quippe nunquam hujusmodi privilegio usi sunt, nec in consuetudinem, sed potius in dissuetudinem deduxerunt. Unde jus, quod alias, vel quia simpliciter religiosi, vel quia saltem eorum privilegiis gaudent, possent habere ad eligendum in confessionem sacerdotem ab episcopo non approbatum, ob non usum abrogatum est. Per quod patet ad primam, et ultimam probationem : quamvis enim Equites Sancti Joannis Hierosolimitani inter veros religiosos computentur, tamen Authores, qui eos tales censent, illis prædictum indultum denegant ob oppositam consuetudinem, quam observant. Ita cum pluribus Diana 2 part. tract. 2, resolut. 30, Lezana tom. 2, cap. 5, num. 45, Nost. Antonius in direct. confess. tract. 5, disput. 13, sect. 2, numero 857, Noster Andreas ubi supra numero 58, referens Amicum, et Bassæum. Ad secundam autem neganda est consequentia : nam famuli religiosorum commensales, cum gaudeant eorum privilegiis præsertim quoad receptionem sacramentorum poenitentiae, eucharistiae, ac extremæ-unctionis, ut constat ex Tridentino sess. 25, cap. 11, ac ex declaratione S. Congregationis die 14 augusti 1665, et alias illis in praxi utantur, possunt vel confessionem facere cum sacerdote apto ad audiendas confessiones religiosorum, quorum

Molina, Azor, Diana, Valen. Amicus. Navar. N. Anton. J. Andr. et alii.

Opposita sententia.

Diana, Lezana, N. Anton. N. And. Amicus, Bassæus.

sunt commensales, licet alias ab episcopo approbatus non sit, vel eo privilegio non uti, et confiteri etiam sine prælatis licentia sacerdoti ab episcopo approbato ad instar aliorum sæcularium. Quod equitibus militibus non licet ob non usum privilegiorum.

Consect.
5.

104. Colligitur quinto, prælatos regulares tam superiores quam inferiores, etiam vicarios, et præsidentes conventuum, posse sibi eligere in confessorem simplicem sacerdotem propriæ vel alterius religionis, aut etiam sæcularem, idque tam intra quam extra conventum, sive habeant, sive non, confessarii approbati copiam. Ita constat ex privilegio illis concesso, et in corpore juris inserto cap. fin. de pœnit. et remiss. dicente: « Ne pro dilatione pœnitentiae periculum immineat animarum, » permittimus episcopis, et aliis superioribus, necnon minoribus prælatis exemptis etiam præter sui superioris licentiam, « providum, et discretum sibi posse eligere confessorem. » Nomine autem providi ac discreti minime innuitur debere esse ab episcopo, vel superiori approbatum, sed intelligendus est quilibet sacerdos simplex prudens, et idoneus iudicio eligentis, et qui alias suspensus, aut excommunicatus non sit, ut communiter docent authores. Porro huiusmodi privilegium, quatenus prælatis regularibus favet, per Tridentini decretum sess. 23, cap. 5, revocatum non fuisse, certum omnino est; quippe quod loquitur dumtaxat de confessionibus sæcularium, pro quibus, et non pro aliis approbationem exposcit. Possunt itaque regulares prælatis cuilibet sacerdoti simplici confiteri, et ab eo absolvi ab omnibus casibus, et censuris, a quibus ipsi proprios subditos absolvere valent. Tenent nost. Antonius in direct. regul. I part. tract. 2, disput. 1, num. 16 et in direct. confess. tom. 1, tract. 5, disput. 22, sect. 1, num. 832, nost. Valentin ubi supr. num. 83, Villalobos tom. 1, tract. 9, difficult. 49, num. 4, Diana 3 part. tract. 2, resolut. 1, Silvester, Henriquez, Corduba, Vasquez, Valentia, Navarrus, Tamburinus, Bosius apud Leandrum disput. 11, quæst. 32, Toletus lib. 3 summæ cap. 15, num. 8, noster Andreas ubi supra num. 50 et 90, Lugo disput. 19, num. 4, et disput. 20, num. 67, Suarez disput. 27, sect. 2, num.

N.
Valen.
Villalob.
Diana.
Sylves.
Henriq.
Cordub.
Vasquez
Valent.
et alii.

10, Bordon, Rodriguez, Moya, Homobonus, Graffius, et alii apud relatos. Ex quibus plerique limitant hanc sententiam, ut non teneat respectu eorum prælatorum, in quorum religionibus adest privilegium, aut statutum contrarium a Pontifice confirmatum, vi cuius prælatis inferioribus proprius ac determinatus confessor designatur, ita ut alium eligere nequeant.

105. Unde cum in nostra religione ha-^{Nota.} beat lex annullativa confessionis factæ simplici sacerdoti ejusdem Ordinis, merito dubitari potest an prælatis ei confiteri possint, et consecrarium ad eos extendatur? Respondetur tamen affirmative, et quidem si sermo fiat de prælatis superioribus, nimirum, de generali, et provinciali, id extra dubium est: hi enim cum ordinaria jurisdictione fungantur, et subditis licentiam concedere possint, ut confessorem eligant quemcumque simplicem sacerdotem etiam propriæ religionis, possunt eadem licentia pro se ipsis uti, ac eundem in proprium confessorem accipere. Si vero de prælatis inferioribus loquamur, idem dicendum est; tum quia ita constat ex praxi vidimus enim viros doctri-^{Nota.}na, et virtute præstantes id sæpe fecisse, videntibus, et non contradicentibus superioribus prælatis. Ex quo fit quod etiam si privilegium in cap. fin. de pœnitent. et remiss. contentum, in vi nostræ constitutionis illis non proficeret, adhuc tamen possent simplici sacerdoti confiteri ob licentiam præsumptam, aut tacitam, quam prælatis superiores, qui praxim vident, et tacent, censentur illis concedere. Tum etiam: quoniam dum in constitut. 2 part. capit. 7, numero 5, annullantur confessiones fratrum etiam sacerdotum cum simplici sacerdote ejusdem Ordinis, nomine fratrum non intelliguntur prælatis: etenim, ut recte vidit Diana 3 part. tract. 2 resolut. 1, per totam, et Portel in dub. regular. verbo *Abbas* numero 5, quamvis prælatis, aut abbates in favorabilibus veniant nomine fratrum, aut monachorum, non tamen in odiosis, qualis est lex citata. Id quod præsertim tenet, ubi privilegium prælatis concessum est corpori juris insertum: tunc enim ad ejus revocationem per legem particularem requiritur illius expressam mentionem in specie fieri, aut saltem in genere; quæ in lege non invenitur, cum solum excludat a sacerdote

N. And.
N. Anton.
N. Valent.

Consect.
6.

sacerdote simplici omnem jurisdictionem exercendam in fratres, non autem in praelatos. Per quod praeclauditur tacita objectio, quæ ex dictis numero 101 in fine formari posset. Atque ita sentiunt nost. Andreas tract. 18, cap. 4, § 6, numero 90, nost. Antonius, et nost. Valentinus numero 83.

106. Colligitur sexto, religiosos nostri Ordinis non habentes provincialis licentiam pro excipiendis monialium confessionibus, non posse eas valide absolvere, quamvis alias licentiam obtineant ad fratrum confessiones. Veritas hujus illationis nititur in nostris constitut. 2 part. cap. 7, numero 3, ubi dicitur : « Exponendi vero pro monialium, aut aliarum mulierum sæcularium confessionibus audiendis, trigessimum tertium annum ætatis suæ attingant. Qui quamvis ad eum pervenerint, etiam si alias generali confitendi facultate sine discriminatione gaudeant, speciale tamen a provinciali pro feminis obtineant; alioqui earum confessiones audire nullatenus valebunt. » Quæ verba sunt annullativa confessionis, quia *ly nullatenus valebunt* idem est ac *nec licite, nec valide*, qui sunt modi, quibus confessio audiri potest. Tum etiam ratione indempita: quoniam pro valore sacramenti necessaria est jurisdictio; sed sacerdos, de quo loquimur, nullam habet in moniales: ergo istarum confessiones si illi fiant, sunt nullæ. Minor, in qua poterat esse difficultas constat ex dictis numero 99, nam jurisdictio requisita pro confessionibus regularium haberi non potest sine licentia praelati, cui tanquam proprio Ordinario subduntur; sed praelatus ordinarius monialium nostri Ordinis (de quibus dumtaxat fit sermo) est provincialis, cujus licentiam non habet sacerdos; non quidem peculiarem, et expressam, ut supponimus, nec etiam tacitam aut præsumptam ratione consuetudinis, quæ in religione non invenitur; nec tandem inclusam in licentia generali audiendi confessiones indiscriminatim, ut constat ex lege, in qua expresse habetur mens praelatorum dicentium, in ea generali facultate non includi licentiam pro monialibus: ergo dum sacerdos nostri Ordinis non obtinuit specialem licentiam a provinciali pro confessionibus monialium, caret jurisdictione ad earum absolutionem. Tam denique: nam provincia-

les nostri Ordinis sunt Ordinarii fratrum, et monialium suæ provinciæ, sicut episcopus respectu sæcularium utriusque sexus in sua diœcesi; atqui sacerdos sæcularis ab episcopo approbatus ad homines tantum, nequit valide mulierum confessiones excipere, ut tenet communis sententia, de qua infra: ergo nec sacerdos nostri Ordinis potest valide moniales ejusdem familiæ absolvere, si solum habeat provincialis licentiam ad confessiones fratrum, vel ad confessiones audiendas indiscriminatim, nulla monialium peculiari mentione facta.

Dices: relatam constitutionem eodem modo exposcere provincialis licentiam ad confessiones monialium, ac ad sæcularium mulierum; sed sacerdos nostri Ordinis non attingens annum trigessimum tertium, nec habens specialem provincialis licentiam pro mulieribus sæcularibus, potest valide earum confessiones excipere, si habeat pro eisdem episcopi licentiam: ergo etiam sine peculiari provincialis facultate potest valide moniales nostri Ordinis absolvere, si episcopi approbationem obtineat, et licentiam provincialis ad audiendas confessiones fratrum in communi. Respondetur tamen omissis præmissis, negando consequentiam ob satis notam disparitatem: etenim jurisdictio necessaria pro monialibus nostri Ordinis solum haberi potest vel a Pontifice, vel a provinciali; episcopus enim cum non sit earum praelatus, nec pro earum confessionibus jurisdictionem delegare valet. Pontifex autem eam non concedit nisi juxta propria statuta, et provincialis dispositionem, ut statuimus numero 90. Quocirca sive sit a Pontifice, sive a provinciali, necessario, et unice pendet ex istius licentia; qua proinde deficiente, deficit jurisdictio, et confessio irrita evadit. Ceterum pro mulieribus sæcularibus potest regularis non solum a Pontifice obtinere jurisdictionem, sed etiam ab episcopo earum praelato, qui potest eam delegare cuicumque voluerit, etiam regulari sui provincialis licentiam non habenti. Et in vi hujus jurisdictionis ab episcopo acceptæ sunt validæ confessiones mulierum factæ sacerdoti nostri Ordinis ab episcopo approbato pro sæcularibus utriusque sexus, quamvis alias nec annum trigessimum tertium attingat, nec provincialis facultatem

habeat : hæc quippe solum desideratur ad absolvendum mulieres in vi jurisdictionis a Pontifice delegatæ, ut vidimus numero 92. Unde si contingeret prædictum regularem habere episcopi licentiam pro hominibus tantum, nec licite, nec valide mulieres absolveret ob defectum jurisdictionis, utpote quæ nec ab episcopo haberetur, nec a Pontifice, cum provincialis licentiam non obtineret. Videatur noster Andreas ubi supra numero 48, et deinceps.

Quæ-
tunc.

107. Sed quid dicendum de fratribus nostri Ordinis non sacerdotibus, choro tamen deputatis, in collegiis, aut in domibus novitiorum, vel noviter professorum degentibus? An, nimirum, possint valide alteri ex approbatis a provinciali confiteri quam duobus eorum confessionibus excipiendis communiter designatis? Respondetur affirmative: nam licet in constitutionibus 1 part. capit. 4, numero 1, hæc habeantur: « Statuimus ut novitiorum » magister una cum alio a provinciali ma-
« ture, et cum delectu designato tam ipso-
« rum quam aliorum fratrum professorum,
« dummodo choro sint deputati, confes-
« siones audiat. Et idem servetur in domi-
« bus noviter professorum. In aliis vero
« superior illius conventus, et alius ex
« sacerdotibus pro audiendis fratrum non
« sacerdotum confessionibus constituan-
« tur. » Tamen hæc lex non est annullativa confessionis, ut ex se liquet: nullum enim continet verbum, quod neget fratribus posse absolute alteri confiteri quam duobus designatis, nec quod jurisdictionem pro illorum confessionibus requisitam concedat illis duobus, et eam aliis a provinciali approbatis neget. Tum etiam: quoniam eodem modo loquitur de confessionibus novitiorum, ac de noviter professorum; constat autem novitios posse cuilibet sacerdoti a provinciali approbato valide confiteri: ergo idem dicendum est de noviter professis. Tum deinde, et præsertim, quia ibidem numero 2, ut fratres non sacerdotes possint alteri a duobus designatis confiteri, solum exposcit prioris licentiam; atqui licentia prioris non confert jurisdictionem: hanc enim solus provincialis, qui in sua provincia Ordinarii munere fungitur, conferre potest: ergo supponit lex, omnes sacerdotes a provinciali approbatos habere jurisdictionem ne-

Decidi-
tur.

cessariam ad absolvendum fratres non sacerdotes, ac subinde istorum confessiones, si illis fiant, esse validas. Tum denique: nam 2 part. cap. 7, numero 3, dicitur: « Habita facultate administrandi »
« pœnitentiæ sacramentum in una provin-
« cia, in omnibus aliis poterit quisque
« confessiones religiosorum audire, non
« vero monialium. » In quibus cum cujuslibet sacerdotis a provinciali approbati adeo extendat jurisdictionem, et monialium dumtaxat confessiones excludat, palam est nomine religiosorum etiam fratres non sacerdotes comprehendisse; alioqui eorum confessiones sicut, et monialium excluderet. Atque ita tenet in praxi communis sensus, ac intelligentia religionis.

108. In calce dubii observandum est, quæ hactenus statuimus cuncta procedere independentem a privilegio Bullæ Cruciatæ. An autem regulares virtute illius possint sine licentia sui prælati sibi in confessorem eligere sacerdotem extraneum ab episcopo approbatum, qui eos absolvat tam a reservatis, quam non reservatis, consule N. Andream tract. 15, cap. 4, § 7, ubi rem diligenter versat. Sententiam tamen negativam veriore ac probabilior censemus ob constitutionem SS. D. N. Clementis VIII, anno 1599, dicentis: « Concessionem S.
« Cruciatæ, et aliorum indultorum parti-
« cularium, quantum ad prædictum arti-
« culum eligendi confessorem, et absol-
« vendi a reservatis cum fratribus, et
« sororibus monialibus Ordinis prædicti,
« ac aliorum quorumcumque Ordinum, et
« Congregationum, et cujusvis instituti
« mendicantium, et non mendicantium,
« tam provinciæ Hispaniæ, quam extra
« eam ubilibet, locum minime habere,
« neque censi. Sed nostræ intentionis
« existere quod iidem fratres, et moniales,
« quantum ad sacramentum pœnitentiæ,
« seu concessionis administrationem, dispo-
« sitioni suorum prælatorum subjecti sint,
« apostolica autoritate tenore præsentium
« perpetuo declaramus. » Quæ constitutio, quamvis pro Carmelitarum Discalceatorum familia edita fuerit, tamen ut ex illius verbis constat, universaliter procedit circa cujuscumque Ordinis regulares, quibus asserit Bullam Cruciatæ non prodesse quoad articulum eligendi confessorem, sed quoad sacramentum pœnitentiæ suorum prælatorum

Nota.

Clemens
VIII.

prælatorum dispositioni subjectos esse debere. Quocirca sine horum licentia, sive peccata sint reservata, sive non, confessorum eligere nequeunt. Id quod etiam fere eisdem verbis declararunt alii Pontifices, præsertim Urbanus VIII, cujus constitutionem apud relatum authorem invenies, qui in patrocinium hujus sententiæ plurimos, et gravissimos congerit.

DUBIUM IX.

Cujus Ordinarii approbatio sit necessaria in ministro ?

Quamvis ex dictis dubio præced. § 1 constet, quemlibet ministrum, sive sæcularem, sive regularem, indigere episcopi approbatione pro sæcularium confessionibus excipiendis, non tamen constat a quo Ordinario obtinenda est, an nimirum pœnitentis, aut sacerdotis, vel loci, in quo fit confessio ? Quæ olim fuit adeo ingens difficultas, ut circa eam tot fuerint sententiæ, quot capita. Verum hisce temporibus jam non multi dissidii est ob Pontificum decreta, quibus rem decidunt, quæque expendere curabimus.

§ UNICUS.

Duplici assertione expeditur difficultas.

¹ ^{certis.} 109. Dicendum est primo, unius Ordinarii approbationem non sufficere ad excipiendas sæcularium confessiones ubique terrarum. Hæc assertio procedit universaliter tam de ministris sæcularibus, quam regularibus ; in quo sensu intellecta est adeo communis, et vera, ut opus non sit illius patronos sigillatim recensere, cum opposita sententia jam sit omnino improbabilis, ac reprobata Pontificum decretis, illis præsertim, quæ dabimus num. 112. Nunc autem suadetur : nam ea approbatio requiritur in ministro, quam exposcit Concilium Tridentinum ; sed Tridentinum pro audiendis confessionibus sæcularium ubique terrarum non exposcit solam unius episcopi approbationem, sed plurium : ergo unius episcopi approbatio non sufficit ad ubilibet absolvendum. Minor patet ex sæpe cit. sess. 23, cap. 15, ubi expresse habetur, ministrum non posse sæcularium

Salmant. Curs. Theol. tom. XX

confessiones audire nisi *ab episcopis* approbationem obtineat. Si autem ad absolvendum in toto orbe unius episcopi dumtaxat approbationem exposceret, frustra diceret *ab episcopis* : id enim nunquam esset necessarium. Voluit igitur eo modo loquendi significare ad absolvendum in qualibet diœcesi approbationem episcopi illius diœcesi desiderari, ut quilibet tanquam, proprius pastor sciret, qui ministri suarum ovium curam susciperent.

Respondebis cum Dicastillo disput. 10, dub. 9, numero 345, *ly ab episcopis* minime intelligendum, esse, nec posse, quasi copulative, aut collective, ita ut sensus sit, quemlibet ministrum debere esse approbatum ab omnibus episcopis : id enim impossibile est, alioqui unius episcopi approbatione deficiente minister nullibi approbatus censeretur : sed per distributionem accommodam, quatenus unus minister ab uno episcopo, et alter ab altero approbetur, ita tamen ut ab uno sufficiat. Idque instari potest ex epist. Jacobi cap. 5, ubi pro Extrema-Uctione inquit: *Inducat Presbyteros Ecclesiæ... ungentes oleo sancto.* Quamvis autem dicat *Presbyteros* in plurali, nemo negabit unius presbyteri unctionem infirmo satis esse.

Evasio
ex Dicastillo.

Jacobi
5.

110. Sed hæc evasio facile evertitur. Primo retorquendo instantiam : etenim sicut sacerdos indiget episcopi approbatione ad valide ministrandum pœnitentiæ sacramentum, ita indiget parochi, aut episcopi licentia ad licite Extremam-Uctionem conferendam ; atqui cum sola unius parochi, aut episcopi licentia non potest pro toto orbe licite Extremam-Uctionem conferre : ergo nec cum sola unius episcopi approbatione ubilibet absolutionem ministrare. Minorem docet communis sententia, quam cum multis tenet Bonacina disput. 6, quæst. unic. punct. 3, et Palao punct. 7. Quocirca licet infirmus, qui recipit Extremæ-Uctionis sacramentum, non egeat ut sibi a multis conferatur, sicut nec pœnitens ut a multis absolvatur ; tamen sacerdoti utrumque sacramentum ministranti non sufficit unius episcopi approbatio, aut licentia, ut ea sacramenta pro toto orbe ministret ; quod et non aliud evincit paritas.

Evertitur
prior.

Secundo : nam esto *ly ab episcopis* intelligi non debeat copulative, seu collective,

Secundo.

ita ut ad absolvendum in una diœcesi omnium episcoporum approbatio requiratur, sed per distributionem accommodam; hæc tamen fieri debet juxta mentem Tridentini nobis explicatam per Pontificum decreta, ac constitutiones; sed prout fit ab adversariis, nimirum, unum ministrum ab uno episcopo, et alterum ab alio approbari debere ita tamen ut unius approbatio sufficiat pro toto orbe, non cohæret Tridentino ut nobis explicato Pontificum decretis: ergo *ly ab episcopis* intelligendum non est in sensu, quem evasio intendit. Minor, quæ difficultatem præsefert, non aliter probanda est, quam Pontificias constitutiones exhibendo. Et quidem Clemens VIII in Bulla expedita anno Domini 1604, die 7 decembris, quæ refertur a Cherubino tom. 3, pag. 118, hæc habet § 9: « Præterea volumus, « ut confessarii, qui vigore privilegiorum « ipsis Ordinibus, religionibus, institutis, « erigentibus, instituendis, et communi- « cantibus, seu Archiconfraternitatibus, et « Congregationibus aggregantibus conces- « sorum, ac Confraternitatibus, et Congre- « gationibus aggregandis communicando- « rum, pro tempore eligi possunt, et pote- « runt sæculares, scilicet, in alma urbe a « prædicto nostro Vicario, extra urbem « vero a locorum Ordinariis, Regulares « autem non solum a prædicto Vicario « nostro, et a locorum Ordinariis respec- « tive, sed etiam a suis superioribus ap- « probati sint. » Si autem ad absolvendum in urbe indiget minister approbatione Vicarii Pontificis, et ad absolvendum extra urbem eget alia a locorum Ordinariis respective: ergo quæ habetur ab uno episcopo non sufficit pro toto orbe, nec id Concilio, et Pontificum constitutionibus cohæret. Patet consequentia: quia alias ad absolvendum Romæ non exposceret Pontifex sui Vicarii approbationem determinate, sed vel illius, vel alterius Ordinarii, cum quælibet satis esset. Eo præsertim, quia dum loquitur de sacerdote, qui extra urbem potest eligi in confessorem, statuit debere esse approbatum a locorum Ordinariis respective; *ly autem respective* consulto additum diversas approbationes pro diversis diœcesibus importat, nec aliter intelligi potest, quam ut quis eligatur Hispali; eget approbatione episcopi Hispalensis; ut vero eligatur Abulæ, approbatione Abulensis.

Clem.
VII.

Quibus consonat constitutio Urbani VIII^{Urban. VIII.} edita 12 septembris anno Domini 1628, Cherub^{Cherub.} apud Cherubinum tom. 4, pag. 103.

Deinde id ipsum expressius habetur in^{Confirmatio} quadam Sacræ Congregationis Cardinalium declaratione, ad petitionem Archiepiscopi Valentini facta, quæ communiter ab Authoribus sub his terminis circumfertur: « Congregatio Concilii respondet, « approbatum ab alio, quam a Valentino « episcopo, in diœcesi Valentina non cen- « seri approbatum ab Ordinario. » Cense-
retur autem, si semel approbatus, ubique approbatus existeret, ut adversarii loquuntur. Dicere autem, ut eorum nonnulli respondent, hujusmodi declarationem non esse authenticam, merum effugium est: eam quippe se vidisse, et legisse in S. Congregationis epistola, ad prædictum Archiepiscopum missa, obtestatur non parvi pendendus Author Emmanuel Rodriguez in expositione Bullæ Cruciatæ, § 5.

Uterius fulcitur ex Brevis Innocentii Decimi pro causa Angelopolitana, expedito 14 maji, anno 1648, quod integrum affert Lezana tom. 4, consult. 40, numero 110, pagina 236. Cum enim ad Sanctiss. Dom. Nostr. Innocentium plura litigiose deferrentur dubia tam circa Ordinarii approbationem pro sæcularium confessionibus, quam circa prædicationem verbi Dei, omnia Pontifex sollicite discutienda, et mature decidenda Sacræ Congregationi commisit; et ad novam difficultatem, quæ erat hujusmodi: « Utrum Regularis quicumque, « etiam Societatis Jesu, possit administrare « sacramentum pœnitentiæ sæcularibus « absque licentia episcopi diœcesani, etiam-
« si in alia diœcesi approbatus sit? Res-
« pondit, Regulares, etiam Societatis Jesu, « in una diœcesi ab episcopo approbatos « ad confessiones personarum sæcularium « audiendas, nequaquam posse in alia « diœcesi hujusmodi confessiones audire « sine approbatione episcopi diœcesani. » Quam declarationem cum aliis ad diversas materias spectantibus Pontifex suo Brevis inseruit, et concludit: « Nos igitur... præin-
serta responsa, seu resolutiones autoritate prædicta tenore præsentium confirmamus, et approbamus, illisque apostolicæ firmitatis vim, et robur adjicimus, et inviolabiliter observari mandamus. »

Confirm.
2.
Innoc.
X.
Lezana.

111. Nec defuere, qui responderent, ex<sup>Emu-
gium.</sup> hac

hac Bulla argumentum efficax pro nostra assertione desumi non posse. Primo, quia non diversorum episcoporum approbationem requirit, sed solius episcopi diocessani; hoc autem salvatur sive minister approbatus existat ab ordinario pœnitentis, sive confessoris, sive loci, in quo fit confessio. Secundo; quia præmissa declaratio non immediate a Pontifice, sed a sacra Congregatione de illius mandato emanavit; proindeque licet magni haberi debeat, vim tamen legis pontificiæ non attingit, nec oppositæ sententiæ probabilitatem diruit. Tertio, et præsertim: nam cum ea Bulla non pro universali Ecclesia, sed pro diœcesi Angelopolitana expedita fuerit, minime censendum est continere decisionem generalem omnes adstringentem, sed particularem pro sola ea diœcesi obligantem. Idque satis perspicue colligitur ex ejus titulo, qui est: « Breve SS. Dom. N. « Innocentii in causa Angelopolitanæ jurisdictionis in Indiis Occidentalibus novæ « Hispaniæ; » et ex illius præmio: « Cum sicut accepimus aliquæ fuerint ortæ differentiæ inter venerabilem fratrem Joannem, et dilectos filios Clericos « Societatis Jesu. » Et tandem ex illis verbis, quæ statim subdit: « Pro sopiendis « differentiis hujusmodi, » etc. Quæ omnia non causam communem, sed peculiarem ostendunt.

Refellitur.

Enimvero hæc effugia nihil auxilii conferunt adversariis, ut ingens propositæ declarationis pondus declinent. Non quidem primum: nam directe, et evidenter contra illius sensum procedit, ut ex sincera lectione verborum, quibus Congregatio utitur, liquet. Etenim dubium decidendum inquirebat: « Utrum regularis « quicumque, etiam Societatis Jesu, possit « administrare sacramentum pœnitentiæ « sæcularibus absque licentia episcopi diocessani, etiamsi in alia diœcesi approbatus sit? » In his autem supponitur, ministrum esse alibi approbatum, et queritur an ea approbatio sufficiat, an vero ad audiendas confessiones ulterius requiratur alia approbatio episcopi diocessani? Cui Congregatio respondet aliam esse necessariam: ergo dicere hanc declarationem non diversorum, sed unius dumtaxat episcopi approbationem exposcere, aperte, et directe illi repugnat.

Non secundum: tum, quoniam ut ex Bulla Innocentii expresse constat, Sacra Cardinalium Congregatio non nisi de speciali Pontificis commissione, et autoritate sibi ad hæc concessa illam fecit declarationem. Declarationes autem, quæ ita fiunt, habere non solum ingentem auctoritatem, sed et vim legis obligantis, tenet communis sententia, quam multis suadet Prado in ^{Prado.} Theol. Moral. tom. 1, capit. 3, quæst. 7, ^{N. And.} num. 30, et N. Andreas tract. 11, capit. 3, num. 28, et 29, et tract. 15, cap. 7, num. 104. Tum etiam: nam licet fateamur, immediatam Pontificis decisionem excedere quamlibet Congregationis declarationem, si seorsim accipiantur, et ad invicem comparentur; inquirimus tamen, an quæ de speciali Pontificis mandato fit a gravissimo Cardinalium collegio, prævio diligenti examine, sedula, ac matura rei discussione, quæque a Sede Apostolica in sua Bulla inseritur, approbatur, ac stricte observari præcipitur, uti est ea de qua loquimur, ideo robur, et pondus amittat, quia ea diligentia præcedit, vel quia non a solo Pontifice, sed simul a Sacra Congregatione prodiit? An quia Pontificis præceptis obtemperandum non est? Id utique nemo catholicorum adstruet; cum potius ex omnibus his capitibus major illi auctoritas accrescat. Quid ergo deficit ut oppositam sententiam improbabilem efficiat? Eo vel maxime, quoniam pontifex non aliter Ordinum regulas statuit, ac beatificationum decreta expedit, quam prius sacre Cardinalium Congregationi, Curiaque prælatis rem pro meritis discutiendam committendo; quibus a Sede Apostolica sedulo perpensis, suæ auctoritatis munimine fulcit, ac roborat quæ illi diligentissime stabilierunt. Videamus autem, qualiter in re, quam versamus, Pontifex se gesserit, et gravissima verba, quæ subdit: « Nos igitur.... præinserta responsa, seu « resolutiones auctoritate prædicta tenore « præsentium confirmamus, et approbamus, illisque apostolicæ firmitatis vim, « et robur adjicimus, et inviolabiliter ob«servari mandamus.» Et tandem irritum, et inane decernit quidquid secus contigerit attentari, revocans quacumque indulta, ac privilegia, etiam de verbo ad verbum nominanda. Quid igitur ex hac Bulla, ubi Pontifex adeo perspicue suam mentem ex-

Ubi, ut vides, excludit ut insufficientem approbationem episcopi tam pœnitentis, quam confessoris, et statuit necessariam esse Ordinarii diœcesis, in qua fit confessio. Et tandem irritum, et inane decernit quidquid secus fiat, revocans omnia Regularium privilegia quovis modo contraria, etiam in corpore juris clausa, et Pontificis juramento firmata, etiam ex titulo oneroso, aut alia via communicationis concessa ; « etiamsi pro illorum sufficienti derogatione de illis, eorumque totis tenoribus, « et formis specialis, specifica, expressa, « et individua, ac de verbo ad verbum, « non autem per clausulas generales idem « importantes, mentio, seu quævis alia « expressio habenda, aut aliqua alia ex- « quisita forma ad hoc servanda foret, « tenores hujusmodi ac si de verbo ad ver- « bum nihil penitus omisso, et forma in « illis tradita observata, inserti forent, « præsentibus pro plene, et sufficienter « expressis, et insertis habentes, illis quo « ad ea, quæ eisdem præsentibus adver- « santur, illis alias in suo robore per- « mansuris, harum serie specialiter, et « expresse derogamus, ceterisque contra- « riis quibuscumque. » Quam Bullam non pro Belgicis Provinciis dumtaxat, ut ad ejus vim effugiendam singulariter, et immerito conjectavit Nost. Antonius, sed pro universali Ecclesia fuisse expeditam, constat ex integro ejus contextu, præsertim ex ea clausula : « Hac generali, et per- « petuo valitura constitutione decerni- « mus » Romæ legitime publicatam, liquet ex testimonio ad ejus calcem appo- sito. Matrili id ipsum solemniter factum 2 septembris anno 1672 scimus. Supplicationem autem pro ejus suspensione Sedi Apostolicæ missam ab Hispaniarum Regina credimus, id cum formidine referente Torrecilla tract. 2, consult. 4, Bullæ tamen suspensionem assequutam non videmus, sed oppositum vincitur omnium praxi; cum etiam in Archiepiscopatu Toletano Hispaniarum Primate mos invaluerit exprimendi in licentiis, quæ Regularibus conferuntur, hujusmodi Bullam esse receptam, ac ejus observantiam commendandi. Eo vel maxime, quoniam in novissimo, ac urgentissimo Innocentii XII decreto, de quo statim, Clementis Bulla commemoratur, ejusque persisten-

tia, ac vis obligandi supponitur ; imo declarantur nullæ confessiones, quæ contra eam fiunt. Ex quo ulterius sequitur, quod etiamsi ea Bulla in suo robore non existeret, in vi hujus decreti vim denuo obligandi acciperet. Quocirca præoccupantur omnes responsiones, quas Doctorum subtilitas, opinandi libertas, aut etiam nimius propria privilegia tuendi ardor parare possent.

113. Ceterum cum annullatis Regularium privilegiis, adhuc nonnulli nec deterioris notæ Authores contenderent, ministrum in una diœcesi approbatum posse in alia, ubi approbatus non est, eligi in confessorem ab habente Bullæ Cruciatæ privilegium ; SS. D. N. Innocentius XII, ^{Innoc.} ^{XII.} ut eorum sentiendi licentiam retunderet, ac opiniones infringeret, decretum extrema severitate plenum expedit Romæ die 19 aprilis anno 1700, quod Matrili juridice publicatum, ab Illustrissimo Nuncio episcopis, ac religionum superioribus diligenter remissum est, ut subditis notum facerent, ac ipsius exactam observantiam præciperent. Hæc autem continet : « Te- « nore presentium decernimus, et decla- « ramus, Bullam Cruciatæ Sanctæ nihil « novi juris induxisse, nullumque privile- « gium continere quoad approbationem « confessoriorum contra formam ejusdem « Concilii Tridentini, et prædictarum « constitutionum Apostolicarum ; adeo ut « confessarii tam sæculares quam regu- « lares, quicumque illi sint, in vim dictæ « Bullæ Cruciatæ a pœnitentibus ad au- « diendas eorum sacramentales confessio- « nes electi, nullatenus confessiones hu- « jusmodi audire valeant sine approbatione « Ordinarii, et Episcopi Diœcesani loci, in « quo ipsi pœnitentes degunt, et confessa- « rios eligunt, vel ad excipiendas confes- « siones requirunt : nec ad hoc suffragari « approbationem semel vel pluries ab aliis « Ordinariis aliorum locorum, et diœce- « sum obtentam, etiamsi pœnitentes illo- « rum Ordinariorum, qui confessarios « electos approbassent, subditi forent. « Confessiones autem aliter, et contra ea- « rundem præsentium, aliarumque Apos- « tolicarum constitutionum formam deinceps faciendas, et excipiendas respective, « præterquam in casu necessitatis, in « mortis articulo, nullas fore, irritas, et

« invalidas ; et confessarios ipso jure sus-
 « pensos esse, et etiam rigide puniendos
 « ab ipsis Ordinariis locorum. Porro
 « quaecumque contrariam opinionem
 « tanquam falsam, temerariam, scandalo-
 « sam, et in praxi perniciosam, prætenso
 « quovis contrario usu, contrariaque
 « consuetudine etiam antiquissima mi-
 « nime obstantibus, motu, scientia,
 « deliberatione, et potestatis plenitudine,
 « paribus harum serie damnamus, et re-
 « probamus; contrariumque usum, ac
 « contrariam consuetudinem hujusmodi
 « penitus, et omnino abrogamus, et abo-
 « lemus. » Quæ licet directe de solo Bullæ
 Cruciatae privilegio procedant; tamen
 omnino declarant ejus Ordinarii appro-
 batio desideretur ad absolute absolven-
 dum, nimirum loci, in quo pœnitentes
 degunt, confessarios eligunt, vel ad exci-
 piendas confessiones requirunt, adeo ut
 quæ secus fiant præterquam in articulo
 mortis, irritæ decernantur. Et cum post-
 modum in Regularium privilegia Pontifex
 reflectatur, quæcumque illis a prædecesso-
 ribus concessa, quovis modo huic decisioni
 contraria, iterum annullat ea stricta for-
 ma, ut nulla urgentior excogitari possit.

114. Unde colliges primo, ministrum
 non habentem approbationem Ordinarii
 loci, in quo fit confessio, non posse virtute
 Jubilæi eligi in confessorem, quamvis alibi
 approbatus existat. Tum quia ita constat
 ex nonnullis Sacræ Congregationis decla-
 rationibus, quæ authenticæ circumferun-
 tur, ex ea præsertim, quæ ad petitionem
 DD. Ferdinandi Arias de Ugarte Archie-
 piscopi Limani die 9 januarii anno 1633,
 facta est. Cum enim inter alia consuleret :
 « Utrum, dum in Jubilæis datur facultas,
 « ut pœnitentes possint eligere quemlibet
 « confessorem ex approbatis ab Ordinario,
 « intelligendum sit de Ordinario confessa-
 « rii, aut pœnitentis, et quomodo ? » Con-
 « gregatio respondit ad tertium : « Intel-
 « ligi de Ordinario Diœcesis, in qua con-
 « fessarius confessiones audit. » Tum
 etiam, et a fortiori : quoniam in Jubilæis
 etiam præstantioribus facultas eligendi
 confessorem ab Ordinario approbatum,
 non alio verborum tenore, nec ampliori
 forma conceditur, quam in privilegio
 Bullæ Cruciatae : unde Authores eodem
 modo de facultate utrobique concessa lo-

quantur ; atqui in vi Cruciatae nequit eligi
 qui in loco confessionis approbatus non
 est quamquam alibi approbatus existat, ut
 in decreto nuper apposito decisum habe-
 mus : ergo nec in virtute cujuscumque Ju-
 bilæi etiam anni Sancti, et eorum, qui in
 assumptione ad Pontificatum a Pontifici-
 bus conceduntur. Sic ante Innocentii XII
 decretum docuerunt plurimi apud Lean-
 drum disput. 11, quæst. 70, et post decre-
 tum ut omnino certum tenent N. Valentin.
 tract. 1, § 3, num. 26, et Olmo in apolog.
 pag. 332.

115. Colliges secundo, sacerdotem sæ-
 cularem ab Ordinario approbatum cum
 limitatione ad homines tantum non posse
 mulierum confessiones excipere virtute
 Cruciatae, aut Jubilæi. Diximus *sæcularem*,
 quia an Regulares sic approbati id possint
 etiam independentem a Cruciatae privile-
 gio, alia difficultas est, de qua videri po-
 test Nost. Andreas. Consecrarium igitur
 constat ex eodem Innocentii decreto, ubi
 expresse habetur, Bullam Cruciatae Sanctæ
 nullum privilegium continere quoad ap-
 probationem confessoriorum contra for-
 mam Concilii Tridentini, et aliarum consti-
 tutionum Apostolicarum ; atqui in vi
 Tridentini, et aliarum constitutionum ne-
 quit sacerdos sæcularis approbatus ad ho-
 mines tantum fœminas absolvere, ut om-
 nes fatentur : ergo nec in virtute Crucia-
 tæ, aut Jubilæi. Docent Lago disput. 21,
 sect. 1, numero 16, Suarez disput. 28,
 sect. 7, numero 3, Philippus a Cruce tract.
 1, de Jubilæo, § 10, numero 1, Homobo-
 nus de casibus reserv. part. 1, cap. 5,
 Villalobos, Rodriguez, et alii. Idemque,
 et ob eandem rationem dicendum est de
 approbato pro determinato tempore, aut
 loco, aut etiam pro confessionibus puero-
 rum, vel rusticorum dumtaxat, qui ab
 aliis, pro quibus approbationem non obti-
 nuit, eligi nequit in confessorem, etiam
 virtute Bullæ Cruciatae. Quæ omnia adeo
 vera sunt, ut oppositas sententias in præ-
 dicto decreto reprobatas censeamus, et
 censet N. Valentin. ubi supra num. 26, et
 Joannes ab Ascensione in Lucerna Moral.
 tract. 21, numero 41.

116. Dices : hujusmodi decretum esse Objectio.
 revera odiosum, atque ideo non ampliand-
 um, sed restringendum ; aliundeque so-
 lum statuere ministrum debere esse ap-
 probatum

probatum ab Ordinario loci confessionis, ut in virtute Cruciatæ a pœnitentibus eligatur: ergo poterit in vi illius eligi a fœminis qui pro solis hominibus approbatus est: hic enim jam habet approbationem Ordinarii loci, in quo eligitur, ut supponimus.

viluitor. Respondetur tamen, decretum non ita fore restringendum ut restrictio in oppositum militet, directeque illi repugnet, qualis esset quam obiectio intendit. Etenim Innocentius expresse statuit, Cruciatam nihil novi juris induxisse, nullumque privilegium continere quoad approbationem ministri ab Ordinario obtinendam; ministrum autem pro solis hominibus approbatum posse in vi Cruciatæ eligi a fœminis, aliquod privilegium est; siquidem independentem a Cruciatâ, et attento solo Tridentini jure, id effici nequit. Cum ergo Cruciatam nullum privilegium continere, et continere aliquod, sint contradictoria, palam est restrictionem in objectione intentam minime cohærere decreto, sed potius illi adversari; ac subinde sententiam id asserentem esse ab Innocentio reprobam. Nec difficultatis augmentum aliquid suadet: cum enim in Tridentino, Pontificumque decretis ministri approbatio statuitur, intelligenda non sunt de approbatione disparata, et impertinenter se habente, sed de respectiva, et proportionata ad confessiones, quæ excipiuntur, quatenus sensus sit ministrum debere esse approbatum ad audiendam hanc confessionem, et hanc personam. Itaque approbatus pro hominibus habet quidem approbationem Ordinarii loci, in quo fit confessio, sed disparatam respective ad confessiones mulierum ibi existentium, pro quibus approbationem non accipit. Et simile prorsus est de approbatione pro confessionibus puerorum, rusticorum, vel pro loco determinato, quæ impertinenter se habet ad confessiones aliarum personarum, vel alibi audiendas. Observandum tamen, contingere posse, ministrum absolute, et simpliciter, nullaque apposita restrictione Ordinarii approbationem obtinuisse; jurisdictionem autem vel nullam, vel ad determinatum populum limitatam; sive id fiat pro libito, sive ob impotentiam delegantis, quia nimirum licet approbationem absolutam concedere possit, non

tamen jurisdictionem nisi pro determinato loco, aut territorio, uti in Vicariis foraneis videre est. Et hujusmodi approbatum posse in virtute Cruciatæ eligi in confessionem a pœnitentibus pro tota Diœcesi, docent Trullench in Bull. lib. 1, § 7, cap. 1, dub. 3, numero 6, Henriquez lib. 3, de pœnit. cap. 6, numero 8, quos refert, et sequitur Nost. Valentin tract. 4, cap. 6, § 5, numero 748. Idque verosimile censemus: licet enim sacerdos, de quo loquimur, nequeat independentem a Bulla extra eum locum, pro quo limitatam habet jurisdictionem, confessiones excipere; id tamen non ex defectu approbationis ortum ducit, quam absolutam, ac sine restrictione obtentam supponimus; sed ex non extensa jurisdictione. Cruciatâ autem, quamvis nullum circa approbationem privilegium contineat; continet nihilominus circa jurisdictionem, cum hæc in virtute illius a Pontifice delegetur. Itaque qui absolute, et simpliciter approbatus est a Vicario foraneo Matritensi, poterit in tota Diœcesi Toletana in vi Cruciatæ sæculares absolvere.

117. Colliges tertio, parochos, seu habentes quodcumque beneficium, cui annuarum cura, ordinariaque jurisdictio necuntur, posse in tota diœcesi sæcularium confessiones excipere virtute Cruciatæ, vel alterius privilegii facultatem eligendi confessorem concedentis. Fundamentum est: nam ut constat ex praxi, Parochus eo ipso quod talis, potest absque nova episcopi approbatione vocari, et designari ab aliis parochis, ut in suis Ecclesiis sæculares absolvant: ergo etiam eligi in confessores in tota diœcesi ex vi Cruciatæ. Patet consequentia: quia non major aptitudo, nec aliæ conditiones requiruntur in sacerdote, ut accipiat jurisdictionem delegatam a Pontifice per Cruciatæ privilegium, quam ab aliis parochis per eorum designationem. Tum etiam: quoniam parochus ex vi assumptionis ad beneficium censetur absolute approbatus ab Ordinario illius diœcesis pro confessionibus sæcularium; sed id sufficit ut quis per Cruciatam eligi possit in confessorem: ergo potest in tota diœcesi. Tum denique, et præsertim: etenim Innocentii decretum, dum necessaria statuit pro aptitudine ministri eligendi in vi Cruciatæ, solum exposcit re-

Trull.
N.
Valent.

Consecl.
3.

quisita pro confessionibus sæcularium juxta formam Tridentini; sed Tridentinum in habentibus beneficium parochiale non exposcit aliam approbationem, sed eos reliquit juri antiquo: ergo idonei censendi sunt, ut pro tota diœcesi virtute Cruciatæ eligantur. Tenent Lugo disput. 21, sect. 1, numero 12, Diana tom. 1, tract. de Bull. Cruciat. resolut. 8, Henriquez lib. 6, cap. 6, numero 7, Valerus verbo *Absolutio*, diff. 1, numero 18, Suarez ubi supra sect. 4, num. 16. Estque adeo commune placitum, ut fere nemo dissentiat.

Lugo.
Diana.
Henriq.
Suarez.
Valerus.
et alii.

Consec-
tarii ex-
tensio.

118. Major autem est difficultas, an parochus non solum intra suam diœcesim, sed etiam extra, atque ideo ubique absque nova episcopi approbatione idoneus censendus sit, ut per Cruciatam, vel simile privilegium in confessorum eligatur? Partii affirmativæ adhæret N. Valentin. etiam post Innocentii decretum, et ante decretum tenuerunt plurimi, quos statim dabimus. Suaderi autem potest eodem fundamento, quo num. præced. usi fuimus. Quoniam ex jure antiquo quilibet parochus, eo ipso quod talis, ubique putabatur idoneus, et proxime capax accipiendi jurisdictionem delegatam virtute privilegii eligendi confessorum; atqui nec Tridentinum, nec Innocentii decretum jus novum circa parochum statuerunt: ergo etiam extra suam diœcesim eligi in confessores poterunt ab habente Cruciatæ privilegium. Minor, ad quam devolvitur difficultas, ostenditur: nam Concilium solum habet, neminem posse sæcularium confessiones excipere, nisi aut *parochiale beneficium*, aut ab Episcopis approbationem obtineat; in quibus perspicuum est nihil pro parochis innovasse, nec illis onus approbationis imposuisse. Innocentius autem dumtaxat statuit, Cruciatam nullum quoad approbationem continere privilegium contra formam Tridentini, istamque proinde esse attendendam, cui non opponitur parochos nova approbatione non indigere, ut constat ex dictis. Cur ergo si expresse, et nominatim excipiuntur, et absolute idonei censentur, eorum idoneitatem restringemus, ut extra suam diœcesim virtute Bullæ eligi nequeant? Tum etiam: quoniam licet Innocentius dicat, ministrum indigere approbatione episcopi loci, in quo fit confessio, id intelligi debet de sacerdotibus, quos Tri-

dentinum, cujus verba ibi exponuntur, approbandos decernit; non vero de illis, quos ut aptos ac idoneos ab approbatione secludit; alias etiam episcopis, in quibus eadem ratio ac in parochis militat, ut extra suas diœceses in virtute Cruciatæ ad sæcularium confessiones eligerentur, ab aliis episcopis approbari deberent, et eorum examini subjici; quod absonum apparet.

Tum deinde: nam parochorum approbatio, quam ex vi assumptionis ad beneficia habere censentur, non tam dicenda est approbatio episcopi, de qua Innocentii decretum procedit, quam approbatio ecclesiæ, ac ex jure habita; hanc autem tanquam universaliorem distinguit Tridentinum ab altera, illam non restringens, sed in suo statu, ac antiqua amplitudine relinquens. Tum denique: quia ita sensisse omnes Salmatinæ Universitatis Theologos, ac Jurisperitos, imo, et nonnullos ex præstantissimis prælatis, qui Tridentini sessionibus interfuere, refert ex Henricho Suarez sententiam sustinens disput. 28, sect. 4, num. 18, et consentiunt Palaus punct. 17, § 2, num. 8, Barbosa 2 part. de potest. Episcop. alleg. 25, numero 18, Vasquez de Pœnit. quæst. 93, art. 3, dub. 4, numero 3, Nost. Valentin. tract. 4, cap. 6, § 5, numero 747, Fagundez ubi supr. numero 36, Ledesma in summ. cap. 13, conclus. 9, Mendo in Bull. disput. 21, cap. 4, num. 66, Trullench in Bull. lib. 1, § 7, cap. 1, dub. 4, numero 3, Lugo disput. 21, sect. 1, numero 8, Bosius de Jubilæo sect. 2, cas. 2, § 9, numero 135, Valerus, Bonacina, Diana locis numero præced. citat. Leander disput. 11, quæst. 68, referens Sylvium, Reginaldum, Villalobos, Joannem a Cruce, et alios. Hujus vero sententiæ probabilitatem, nec eam ab Innocentio reprobata, satis ostendunt fundamenta, quibus munitur, ac explicationes, quibus decreto occurrit, et illius legitimam intelligentiam exponit.

Suarez.
Palaus.
Barbosa
Vasquez
Valenti.
Henriq.
Fagundez
Ledesma
Mendo.
Lugo.
Bosius.
Valerus.
Bonac.
Diana.
Leand.
Sylvius.
Regui.
Villalob.
Joannes
a Cruce,
et alii.

119. Ex eisdem autem principiis ulterius fit parochum non solum in vi Cruciatæ, sed etiam independentem ab ea, posse sui subditi confessiones excipere, extra suam parochiam, imo, et diœcesim. V. g. si parochus Salmantinus cum subdito, in quem ordinariam habet jurisdictionem, Abulam adeat, potest ibi illum absolvere sine nova

Extensio
altera.

episcopi

episcopi Abulensis approbatione. Cujus ratio est : quia approbatio Ordinarii loci, in quo fit confessio, solum requiritur in ministro, quem Tridentinum approbandum decernit ; atqui in parochis novam approbationem non exposcit, et alias in suæ parochiæ subditos jurisdictionem ordinariam habent, quam per recessum a sua diœcesi non amittunt : ergo illis absolutionem impendere possunt, etiam extra suam diœcesim existentibus. Tum etiam : quippe alias, cum nomine habentis beneficium parochiale comprehendantur etiam episcopi, et archiepiscopi parochorum parochi, imo, et nonnulli abbates, archidiaconi, ac archipresbyteri, quibus cura animarum incumbit, et ratione officii ordinaria jurisdictioni nequitur, ut recte vidit Suarius ubi supra numero 21, sequeretur episcopum egredientem cum subdito extra suam diœcesim vel illum absolvere non posse, vel saltem teneri ad alterius episcopi approbationem obtinendam, ut posset. Hoc autem rationi consonum non videtur, et ab Ecclesia, omnia prudentissime decernente, ita dispositum, credibile non est : ergo cum in omnibus recensitis idem motivum urgeat, asserendum est nec parochos, nec episcopos extra suas diœceses existentes indigere Ordinarii loci confessionis approbatione, ut suis subditis pœnitentiæ sacramentum ministrent. Adde, approbationem Ordinarii loci confessionis solum desiderari in ministro, ut fiat capax accipiendi jurisdictionem delegatam ; sed parochus hæc non indiget, cum aliunde in subditos ordinariam obtineat : ergo ubicumque sint, potest eorum confessiones excipere.

objectio. 120. Sed objicies : Tridentinum eodem modo sermonem facere de habente beneficium parochiale, ac de obtinente Ordinarii approbationem, unumque alteri æquiparare ; sed regularis approbatus in una diœcesi nec censetur ubique approbatus, nec subditos illius diœcesis, in quos delegatam habet jurisdictionem, potest extra eam existentes absolvere etiam in virtute Cruciatæ, ut constat ex Innocentii decreto : ergo idem de parochio sentiendum est.

soluitur. Respondetur tamen ex dictis negando majorem : Concilium enim dum ait, neminem posse sæcularium confessiones exci-

pere nisi vel parochum, vel ab episcopis approbatum, non omnimoda æquiparatione de utroque loquitur : quippe ubi parochos excipit, novum jus pro illis non statuit, sed antiquum supponit, et retinet. Ex jure autem antiquo poterant proprios subditos absolvere etiam extra suas ecclesias, ac diœceses, et absque alia episcoporum approbatione idonei censebantur, ut ubique eligi possent in confessores ab habentibus privilegium ; circa quæ nihil denuo statutum, vel declaratum videmus. Ceterum dum in non parochis approbationem necessariam decrevit, jus novum pro illis condidit, quod postmodum Pontificum decisionibus declaratum habet hunc sensum, ministrum, videlicet, indigere approbatione Ordinarii loci, ubi confessiones excipiuntur, ita ut ea deficiente deficiat etiam jurisdictio ob subjecti incapacitatem, proindeque confessiones irritæ evadant. Ex quo fit, regularem approbatum in una diœcesi non esse ubique approbatum approbatione requisita a Trid. atque ideo non posse extra eam diœcesim sæculares absolvere ratione jurisdictionis sibi delegatæ a Pontifice per propria privilegia, aut per Cruciatam ; quippe quæ non delegatur nisi supposita approbatione Ordinarii loci, in quo absolutio confertur. Fit deinde, eundem regularem non posse extra illam diœcesim absolvere subditos illius episcopi, a quo approbationem obtinuit, et in quos habebat delegatam jurisdictionem sive a Pontifice, sive ab episcopo : hæc enim amittitur eo ipso quod extra diœcesim egrediatur : quia redditur incapax eam habendi, et conservandi defectu approbationis episcopi loci, in quo fit confessio, indispensabiliter in ministro desideratæ. Parochus autem ordinariam jurisdictionem, qua in proprios subditos fungitur, per recessum a sua diœcesi non exuit, quia expresse a Concilio excluditur, et ratione beneficii obtenti aptus, et idoneus censetur ; nec approbationem, quam cum Tridentino Pontificia decreta in aliis necessariam statuunt, in ipso exposcunt.

121. Observandum tamen, quæ hactenus diximus, intelligenda fore dumtaxat de parochis actualiter talibus. Hæc subdimus, ut excludamus sententiam Joannis a Cruce ubi supra quæst. 5, dub. 8, conclus. 4, Rodriguez, et aliorum asserentium

Limitatio quædam.

satis esse sacerdotem parochiale beneficium habuisse, ut ubique eligibilis per Cruciatam censeatur. Præsertim si sponte dimisit, aut commutavit, nec virtutis, aut scientiæ defectu illo privatus est: quia approbatio in beneficii collatione obtenta, illius dimissione non exiit. Non itaque admitti debet: quippe in his, quæ ex jure positivo pendent, standum est verbis legis. Concilium autem non quemcumque parochum, vel quomodolibet acceptum, ab onere obtinendi approbationem excepit, sed expresse inquit, nullum posse sæcularium confessiones audire, nisi vel ab episcopis approbationem, vel *parochiale beneficium obtineat*; quæ intelligi nequeunt nisi de actualiter obtinente; atque ideo sive sponte, sive invitatus reliquerit, absque nova episcoporum approbatione virtute Cruciatæ eligibilis non est. Suarez sect. 4, numero 20, Lugo sect. 1, numero 8, Palaus § 2, numero 8, in fin. Nost. Valentin ubi supra n. 747, Hurtado disp. 10, diff. 16, Diana 1 p. tract. 11, resol. 8, Bonacina disp. 5, qu. 7, punct. 4, § 1, num. 24, Trullench in Bull. lib. 1, § 7, cap. 1, dub. 1, n. 6, Reginaldus lib. 1, num. 190, Fagundez lib. 7, cap. 2, num. 38, Barbosa, Henriquez, Granados, Bosius. Vivaldus, Florus apud Leandrum q. 65 et alii.

Suarez.
Lugo.
Palaus.
N.
Valent.
Hurtad.
Diana.
Bonac.
Trull.
Reginal.
Barbosa,
et alii.

Consect.
4.

122. Colligitur quarto, privilegia a Sixto V, presbyteris Oratorii, et a Clemente VIII, Minoribus concessa, ut unius episcopi obtenta approbatione, ulterius præsentari, et approbari non cogentur, etiamsi in aliam diœcesim domicilium transtulissent, uti refert N. Andreas tract. 18, cap. 4, punct. 2, § 4, num. 76, esse hisce temporibus impracticabilia, et omnino revocata. Tum, quia in vi istorum privilegiorum nonnulli contendebant Authores, Regulares semel approbatos esse ubique approbatos, atque ideo ubique virtute Cruciatæ eligibiles, imo, et independentes ab ea posse ratione jurisdictionis sibi a Pontifice delegatæ ubique sæculares absolvere; atque hæc sententia reprobat in Clementis X, ac Innocentii XII decretis nuper apposis: ergo, et privilegia, quibus innitebatur, impracticabilia ac annullata censentur. Tum etiam: quippe utrumque decretum statuit, ministri approbationem obtineri debere ab Ordinario loci, in quo fit confessio, et revocatis qui-

buslibet privilegiis in oppositum concessis, confessiones aliter deinceps faciendas discernit nullas: sed confessiones, quæ in vi illorum privilegiorum cum regularibus fieri poterant, opponuntur his decisionibus: ergo prædicta privilegia revocasse extra dubium est. Adde, privilegium Sixti V non fuisse omnino absolutum, sed ut presbyteri illius Congregationis romanæ approbati possent ubique *de Ordinariorum consensu* audire confessiones, uti videre est apud Naldum in summ. verbo *Confessio* Naldus n. 39. Quæ conditio adeo privilegium coarctat, ut nullam aut fere nullam gratiam contineat. N. Valentin. tract. 1, cap. 1, § 5, num. 47, Joannes ab Ascens, tract. 21, num. 39, et deinceps, et alii ab ejusdem relati asserentes oppositam prorsus impracticabilem, ac reprobam.

123. Secus autem dicendum est de privilegiis Eugenii IV, et Clementis VIII, pro Minoribus, quæ habentur in compendio privilegiorum, § 3 et 16, in quibus conceditur, ut semel approbati in una diœcesi, si inde recesserint etiam mutando domicilium, et postmodum redeant, non teneantur iteratæ ejusdem episcopi approbationi. Et similiter de indulto Sixti IV, concedentis mendicantibus ut possint audire confessiones quorumlibet fidelium, qui ad diœcesim, ubi approbati sunt, solius confessionis causa accesserint. Ratio autem utriusque est: quia Bullæ Pontificiæ, contrarietatem non importantes, in suo rigore persistere debent; si enim quod una permittit, altera non prohibet, permissum in legibus censetur, cap. *Nuper* 19 et cap. *de Repudiis*, leg. *si vero*, ff. *solut. Matrim.* At Bullæ, aut privilegia, de quibus loquimur, nullam important oppositionem decretis Clemen. X et Innoc. XII, quæ inter revocatoria omnium urgentissima reputantur: ergo irrevocata persistunt. Suadetur minor: quia hujusmodi decreta dumtaxat eliminant ea privilegia, in quibus permittitur regularibus audire confessiones sine approbatione Ordinarii loci, in quo fit confessio; sed privilegia recensita id non concedunt, sed solum regularem approbatum in una diœcesi non teneri in eadem diœcesi iterum approbari, et posse ibidem existentem quorumcumque fidelium audire confessiones: ergo illis decretis non contrariantur. Alia autem

autem quamplurima privilegia ante, et post Tridentinum concessa, ut regulares semel præsentati, et injuste reprobat, vel etiam ut sine ullius episcopi approbatione possent ubique sæculares absolvere, ad examen non avocamus: cuncta quippe a Tridentino, et Urbano VIII, revocata, constat ex dictis dub. præced. num. 89.

ibim
ficile. 124. Sed quid dicendum de Regularium itinerantium privilegio, ut semel ab uno episcopo approbati possint in itinere quorumcumque fidelium excipere confessiones duplici apposita conditione, nimirum, non repugnantibus parochis, et in locis ubi Ordinarii non existunt, vel ad eosdem facilis recursus non adest. Ita concessisse Eugenium IV, Minoribus, et Gregorium
ig. IV.
regor.
III. XIII, Regularibus Societatis Jesu, referunt Peregrinus in compend. privileg. tit. *absolutio quoad sæculares*, § 5, et Palaus tract. 23, disp. unic. punct. 14, num. 13. Quæ privilegia supponimus revocata non fuisse vivæ vocis oraculo ante tempora Urbani VIII, nec constitutione ejusdem Urbani edita anno 1629, uti cum Laurentio de Perinis censuit Nost. Lezana tom. 1, cap. 19, numero 5, et nonnihil inclinant Legionensis tom. 2, tract. de offic. confes. recolect. 10, numero 56 et Diana 3 part. tract. 2, resolut. 122. Etenim in ea constitutione solum determinatur, regulares indigere Ordinarii approbatione pro confessionibus sæcularium, an autem unius Ordinarii sufficiat, vel cujus sit necessaria? Nihil ibi decernitur. Ergo cum privilegium regularium itinerantium eos saltem ab uno Ordinario approbatos supponat, constitutione Urbani VIII revocatum non est. Tum etiam, quia nec vivæ vocis oraculo, nec ea constitutione revocatum fuisse, inde solum convincitur, quia plurimi, ac nobilioris notæ Doctores usque ad tempora Clementis X in suo vigore persistisse non tam disputant, quam supponunt.

enten-
ja N.
alenti. 125. Itaque dissidium est, an Clementis X et Innocentii XII, decretis revocatum sit? Negative respondere videtur Nost. Valentin. tract. 1, cap. 1, § 5, num. 46 et 47, cum post eorum decretorum publicationem, de quibus meminit, et recepta fatetur, absolute statuat regulares semel approbatos posse itinerantes in vi dicti privilegii sæculares absolvere etiam in

locis ubi approbati non sunt, servatis conditionibus recensitis. Rationem tamen, quam desideramus, assignat nullam. Assignari autem potest primo: quia privilegium concessum ad actum exercendum solum transeunter, et cum limitationibus temporis, et loci non constituit posse simpliciter, et absolute, sed potius absolute impotens dicitur qui illis modificationibus alligatur; atqui utrumque Clementis et Innocentii decretum solum prohibet regulares in una diœcesi approbatos posse absolute, et simpliciter, ac omnino libere sæculares absolvere in aliis diœcesibus, ubi approbati non sunt: ergo cum privilegia revocat, concessum regularibus itinerantibus non annullat. Minor videtur certa, quippe ea decreta ex uno capite sunt revocatoria, proindeque odiosa, ac restringenda; ex alio autem loquuntur absolute: ergo intelligendum est solum procedere de potentia simpliciter tali, hancque dumtaxat a regularibus excludere.

Secundo: quoniam in quocumque de- Secunda.
creto irritante ea solum privilegia annullari censentur, quæ doctrinæ ibi reprobata favet; sed privilegium itinerantium minime favet doctrinæ, quæ in his decretis damnantur: ergo. Minor ostenditur: etenim in decreto Innocentii, quod præcipuum est in hac materia, duplex opinio rejicitur, quarum prior asserebat, regularem semel approbatum esse ubique simpliciter approbatum, atque ideo per Cruciatam ubique eligibilem in confessiorem; posterior vero, approbatum ab uno episcopo posse illius subditos absolvere in quacumque alia diœcesi, in qua approbatus non est, et domicilium habet: atqui privilegium itinerantium nulli ex his opinionibus suffragatur; non primæ, quia ex vi hujus privilegii nemo docet Regularem in una diœcesi semel approbatum non indigere ulteriori approbatione in aliis diœcesibus, ad quas domicilium transfert, uti ea sententia asserebat; non item secundæ ob idem motivum, licet enim ratione dicti privilegii possint regulares itinerantes, et pro solo tempore itineris absolvere subditos illius episcopi, a quo approbati sunt, in quocumque loco reperiantur, sicut possunt etiam quoscumque alios fideles; non tamen in illis locis, in quibus domicilium habent, habitualiter

permanent, et episcopi approbationem non obtinuerunt, de quo casu Innocentii decretum procedere videtur.

Adde, Innocentium dumtaxat sermonem facere de privilegio Bullæ Cruciatæ, proindeque solum amovere sententias asserentes Cruciatam aliquod privilegium continere quoad approbationem confessoriorum. Privilegium autem regularium itinerantium nullam cum Cruciatâ connexionem habet. Adde item, plurima regularium privilegia illis olim quoad approbationem concessa, et postmodum per Tridentinum, ac Pontifices revocata, privilegio itinerantium compensata fuisse. Et cum alias regularibus iter agentibus non raro urgentissimi casus contingant, in quibus absolvendi facultas necessaria sit, rationis satis consonum apparet, Sedem Apostolicam pro illis requisita providisse, ideoque hujusmodi privilegium non revocasse. Adde tandem, viros nonnullos, prudentia, ac doctrina præstantes, imo, et episcopos de re consultos, quorum fundamenta ignoramus, asseruisse tale privilegium adhuc post Innocentii decretum subsistere; quod non semel audivimus.

Objectio 1. 126. Enimvero contra hujusmodi sententiam plura, eaque satis difficilia occurrunt. Primo, Innocentium absolute declarare, ministrum pro sæcularium confessionibus eligendum debere esse approbatum ab Ordinario loci in quo fit confessio, et confessiones hac forma non observata deinceps faciendas, nullas fore ac irritas statuere, dempto solo mortis articulo, et revocatis quibuscumque privilegiis in oppositum concessis; atqui facultas, quam itinerantium privilegium concedit, non est pro solo mortis articulo: ergo revocatum censi debet. Major quoad ea, quæ continet, præter privilegiorum revocationem, constat ex verbis decreti num. 113 appositis. Quoad revocationem vero liquet etiam ex his, quæ subdit: « Non obstantibus præmissis, ac apostolicis, et universalibus, provincialibus, et synodalibus Conciliis, edictis generalibus, vel specialibus constitutionibus, et ordinationibus, necnon quorumvis ordinum, congregationum, societatum, et institutorum, aliisve quibusvis, etiam juramento, confirmatione Apostolica, vel quavis alia firmitate roboratis, statutis, et consuetudinibus,

« privilegiis quoque, indultis, et litteris Apostolicis eisdem ordinibus, congregationibus, societatibus, et institutis, illorumque superioribus, et personis, ac aliis quibusvis, sub quibuscumque verborum tenoribus, et formis, ac cum quibusvis etiam derogatoriis, aliisque efficacioribus, efficacissimis, et insolitis clausulis, irritantibusque, et aliis decretis etiam motu, scientia, et potestatis plenitudine paribus, seu ad quarumcumque personarum, etiam quavis Ecclesiastica, vel mundana dignitate fulgentium, instantiam, aut etiam contemplatione, seu alias quomodolibet in genere, vel in specie etiam consistorialiter concessis, ac pluries, et quantiscumque vicibus confirmatis, approbatis, et invocatis. » Cum ergo privilegia regularium non essent, ut in virtute Cruciatæ, sed independentes ab ea, sæculares absolverent; consequens est omnia, et quæcumque illi decisioni opposita revocata fuisse.

Secundo: quoniam in decreto Innocentii ^{Secund} (tacitam evasionem præoccupamus) non solum irritantur confessiones contra formam in eodem decreto præscriptam faciendæ, verum etiam illæ, quæ decisioni Clementis X opponuntur, ut constat ex ea clausula: « Confessiones autem aliter, et contra earundem præsentium, aliarumque Apostolicarum formam, etc. » In quibus ad Clementis decisionem, quam initio decreti expresserat, se remittit; sed confessiones, ad quas privilegium itinerantium facultatem confert, opponuntur Clementis constitutioni: ergo hujusmodi privilegium revocatum censetur. Probatur minor: quia Clementis constitutio non procedit circa Cruciatam; nec illius meminit, sed determinate circa approbationem requisitam in regularibus in vi suorum privilegiorum, ut liquet ex illis verbis: « Innotuit nobis, nonnullas dubitationes circa benedictionem, licentiam, contradictionem, examen, et approbationem, ejusmodi in aliquibus diocesis excitas fuisse, ex quibus controversiæ, et dissensiones permultæ in dies subsequi possent, occasione privilegiorum, quæ per Sedem Apostolicam religiosi ordinibus concessa fuerunt. » Atqui in eadem constitutione decernit, regularem approbatum in sua diocesi non posse sæcularium

rium confessiones audire in alia, ubi approbatus non est, et quidquid secus fiat, irritum determinat, et revocavit omnia, et quælibet privilegia quovis modo opposita regularibus concessa : ergo cum in vi privilegii itinerantium possent fieri confessiones sæcularium cum regulari non approbato in diœcesi ubi fit confessio, perspicue inferitur, hujusmodi confessiones illi decisioni adversari, subindeque tale privilegium amovisse.

ertia
urgens
tior. Tertio : quia in utroque Clementis, et Innocentii decreto annullantur omnia, et quæcumque regularium privilegia *quovis modo* opposita decisioni, etiamsi in corpore juris inserta sint, et Pontificis iuramento firmata, etiamsi pro illorum sufficienti derogatione « specialis, specifica, « expressa, et individua, ac de verbo ad « verbum, non autem per clausulas generales idem importantes, mentio, seu « quavis alia expressio habenda, aut aliqua « alia exquisita forma ad hoc servanda « foret. » Sed itinerantium privilegium est aliquomodo oppositum decisioni : ergo revocatum est. Minor constat : nam decisio absolute habet, regularem non approbatum ab Ordinario loci, in quo fit confessio, non posse in vi alicujus privilegii sæculares absolvere ; privilegium autem itinerantium continet, regularem id posse in aliquo casu, videlicet, pro tempore itineris ; quæ aliquomodo opposita sunt. Urgetur : si in his decretis Pontifices disertis verbis, et nominatim dicerent se privilegium itinerantium annullare, abrogatum utique nemo dismitteretur ; atqui dicunt in illis abrogari quæcumque privilegia etiam de verbo ad verbum recensenda, et pro quorum amotione specifica, ac individua mentio fieri deberet : ergo. Alias inquirimus, quibus verbis ad hujus privilegii derogationem utendum esset ; non aliis quidem quam appositis. Adde, itinerantium privilegium juri insertum non inveniri : atque ideo pro illius revocatione specifica mentio necessaria non est.

127. Hæc sane adeo urgent, ut animum suspensum relinquant ; credimus tamen omnibus illis responderi posse, utriusque Pontificis decretum solum procedere de approbatione requisita in regulari habente domicilium, et in hoc sensu regularium privilegia revocasse ; quo supposito facile

cunctæ objectiones enervantur, et disparent, ut consideranti constabit. Si vero instes, cur in eo sensu uterque Pontifex accipiendus, cum absolute de approbatione sermo fiat, nulla regularis domicilium habentis mentione facta ? Ea dumtaxat ratio adhiberi potest, quod eorum decreta, utpote revocatoria, quoad fieri possit, restringi debent ; et cum alias eo tendant ut amoveant opinionem asserentium regularem semel approbatum ulteriori approbatione non indigere, sed posse omnino libere sæculares ubique absolvere, intelligenda videntur de sola approbatione in regularibus domiciliis : hac enim interpretatione ea omnimoda libertas rejicitur. Sed quid probabilitatis hæc habeant, et quid tandem sentiendum, saniori aliorum crisi committenda censuimus. Id unum jam pridem monuit Lezana ubi supra, ^{Lezana.} caute in hujus privilegii usu procedendum, quod observat innixus Urbani VIII constitutioni. Quid accresceret post urgentissimas Clementis, et Innocentii ? Illi favens Alfonsus a Leone subdit, pro reæquedubia, ac ingentis ponderis, ex qua, plurium sacramentorum valor, aut nullitas pendet, declarationem a Sede Apostolica fore expectandam.

Et hæc de toto isto tractatu, ac integro Theologiæ cursu, cujus metam diu optatam, nunc Deo favente attingimus, dixisse sufficiat. Quod vero opus istud in tot volumina increverit, tot temporis moras in sua efformatione consumpserit, ordinemque in primo volumine delineatum, imo, et alium in decimo præscriptum, tandem servaverit, causæ fuerunt tum superiorum dispositiones, a quibus recedere non oportuit ; tum ipsa lectorum hæc scribentium varietas, quibus vel morte præventis, vel ad alia distractis, inceptum opus non semel sistere opus fuit. Tum denique, et præcipue, ob distincta eorundum Authorum ingenia, quæ ut in idem tenderent, doctrinamque omnino consonam traderent, non modice insudarunt, et jam scripta sæpius perlegendo, et insuper scribenda sedulo meditando, ne vel in minimis hujus operis ullus discolor appareret. In quo prolixo, difficilique progressu nonnunquam scriptores coacti sunt proprium deponere sensum, præcedentiumque arripere viam, qua ut illis consone incederent, et novum tempus dis-

pendere, et novos tractatus pro rerum dignitate efformare necessarium fuit. Utinam, et Dei obsequio, et proximorum fructui! Quidquid tamen hucusque a nobis dictum, sicubi a veritate alienum, aut minus conforme S. R. Ecclesiæ, aut Angel. Præceptoris doctrinæ, cui in omnibus adhærere studuimus, inveniatur, libentissime retractamus, delatumque nolumus. Si

quæ autem vera, orthodoxæ fidei consona, Christianis Scholis utilia tradiderimus, soli Deo adscribantur; cunctaque cedant in laudem Sanctissimæ Trinitatis, ac honorem Beatissimæ semper Virginis Mariæ de Monte Carmelo, Parentum Eliæ, Theresiæ, ac B. Joannis a Cruce, nec non S. Doctoris, ac Præceptoris nostri Divi Thomæ Aquinatis.

LAUS DEO



INDEX RERUM NOTABILIUM

QUÆ IN HOC TOMO CONTINENTUR

*In quo Q quæstionem, A articulum, C commentarium, D disputationem,
N numerum marginalem designat.*

A

ABSOLUTIO. Potest, et debet communiter conferri absolutio sacramentalis ante executam satisfactionem. In Comm. ad art. 2, q. 90, n. 4. Absolutio Sacramentalis non dirigitur principaliter ad tollendum reatum, sed magis maculam. Disp. 7, n. 15. Influit in effectum Sacramenti, sed non antecederet ad Sacramentum in re. Ibi. n. 17. Quomodo absolutionis sententia sit valida, quando non causat effectum. Disp. 7, n. 61. An possit absolvi moribundus, qui solum confitetur peccata in genere. Disp. 8, n. 221. An si edat signa doloris. Ibi. n. 230. An si nulla signa dederit. Ibi. n. 144. Quo pacto verificentur absolutionis verba in confessione valida, et informi. Disp. 8, n. 272.

ACTIO, ACTUS. Ex actibus honestis, et supernaturalibus alii efficaces, alii inefficaces. Disp. 7, n. 8. Actus præparantes ad justificationem sunt dispositiones physicæ. Disp. 7, n. 28. An omnes actus nostri debeant referri in Deum ultimum finem, et fieri ex charitate. Disp. 7, n. 40. An actus interni cadant sub Ecclesiæ præcepto. Disp. 8, n. 62. Actus externi peccaminosi explicari debent in confessione. Ibi. n. 73. Cum actus est consummatus, debet in con-

fessione explicari. Disp. 8, n. 129. In eodem actu possunt inveniri plura peccata solo numero distincta. Varia exempla. Disp. 8, n. 132. Actus interni difficilius continuantur, quam externi. Ibi. n. 166. Nullus actus supernaturalis potest esse ex ullo capite moraliter malus. Disp. 8, n. 257. Actus exterior auget bonitatem vel malitiam solum denominative. Disp. 11, n. 98. Actus secundarius an respiciat objectum formale virtutis.

AFFECTUS. Quid censendum de hoc affectu : *Mallem pati penas inferni, quam peccare.* Disp. 7, num. 75. Quid de isto. *Potius committerem adulterium, quam furtum.* Ibi. num. 77.

AMOR. Amor Dei ex charitate conjungitur infallibiliter de facto cum gratia justificante. Disp. 7, n. 13. Amor sui, aut boni proprii sistendo ibi, quando sit, aut non peccatum. Disp. 7, num. 38. Unus amor potest esse major alio intensive, vel appetitive. Disp. 7, num. 73.

ANNUS. Quomodo computandus annus pro annuali confessione. Disp. 8, a n. 46.

APOSTASIA. Continet plures species in confessione explicandas. Disp. 8, num. 146.

APPROBATIO. Ordinarii approbatio a jurisdictione distinguitur. Disp. 12, dub. 8, num. 87. Necessaria est ad valorem sacra-

menti. Ibi. num. 88. Ea indigent pro confessionibus sæcularium Prælati Regulares, etiam Magistri, et laureati. Ibi. num. 90 et 91. An teneat simoniace accepta? Ibi. num. 96. An quæ confertur ab Ordinario censente subjectum inhabile? num. 97. An semel obtenta sufficiat ad ubique absolvendum? num. 109. Requiritur Ordinarii loci, in quo fit confessio. Ibi. numero 112. Etiam ad absolvendum virtute Cruciata, aut Jubilæi; num. 113, et 114. An approbatus cum limitatione possit virtute Cruciatae absolvere ultra limitationem? num. 115. Parochi possunt sine nova approbatione ubique eligi in virtute Cruciata, num. 117 et seq. Possunt proprios subditos ubique absolvere independentem a Cruciata, et nova approbatione, num. 119. An Regulares itinerantes indigeant approbatione Episcopi loci, in quo fit confessio? num. 124. Non requiritur pro audiendis Regularium confessionibus, num. 98. An pro fratrum, et Equitum militarium? num. 103. An pro Monialium Episcopis, aut Regularibus subjectarum? num. 102. Prælati Regulares possunt cuilibet sacerdoti non approbato confiteri, num. 104. An etiam Religiosi nostri Ordinis itinerantes? n. 100. An Moniales nostri Ordinis possint valide Regulari ejusdem Ordinis, Provincialis licentiam non habenti, confiteri? n. 106. Quid de fratribus Choro deputatis? n. 107.

AQUA. Cur omissio guttæ aquæ vino consecrando immiscendæ sit grave peccatum. Disp. 11, n. 27.

ATTRITIO. Quid sit? Disp. 7, num. 3. Dantur plures species attritionis. Ibi. n. 5. Potest dari attritio mere naturalis, illa etiam, quæ concipitur ex metu æternæ damnationis. Ibi. num. 6. Quibus modis possit supernaturalis evadere. Ibi. n. 7. Attritio supernaturalis alia efficax, alia inefficax. Ibi. num. 8. Ad valorem sacramenti pœnitentiæ requiritur attritio supernaturalis. Disp. 7, num. 19. Debet esse supernaturalis in re, et non sufficit existimata. Ibi. num. 20. Sufficit esse supernaturalem vel quoad substantiam, vel quoad modum intrinsicum. Ibi. num. 22. Pro attritione, ut sit præcise pars sacramenti, non requiritur quod sit efficax, sed sufficit inefficax. Ibi. numero 23. Attritio disponens ad effectum sacramenti, et pro eo requisita debet esse efficax. Disput. 7, num.

26, et seq. Attritio disponit physice ad gratiam. Ibi. n. 28. An in eodem sacramento concurrant duæ attritiones, alia ut pars, alia ut dispositio. Ibi. numero 29. An una possit gerere utrumque munus. Ibidem. De fide est attritionem ortam ex timore gehennæ esse actum honestum. Disput. 7, n. 31. Attritio secum, aut in se affert aliquem amorem honestum. Disp. 7, num. 40. Negari salva fide non potest dari aliquam attritionem supernaturalem. Ibi. num. 43. Datur aliqua attritio efficax, quæ excludit actualem voluntatem peccandi. Ibi. n. 45, cum seq. Cum attritione de peccatis ex motivo pœnæ non compatitur complacentia erga peccatum secundum se. Ibi. num. 48. Attritio, quæ est pars, vel dispositio in sacramento pœnitentiæ importat necessario aliquem amorem Dei, et quomodo. Disp. 7, num. 50. Sententia asserens sufficere pro sacramento pœnitentiæ attritionem, est probabilior, communior, et tutior, quam opposita exigens contritionem. Ibi. num. 54. An sit omnino tutum negare speculative sufficientiam attritionis pro sacramento pœnitentiæ. Ibi. num. 56. Ratio partis sacramenti, et ratio dispositionis in attritione sunt valde diversæ. Disp. 7, num. 60. Attritio, et contritio sunt actus essentialiter distincti. Ibi. n. 62. Repugnat attritionem fieri contritionem. Ibi. Ut attritio sit pars, et dispositio non requiritur quod existimetur esse contritio. Ibi. n. 64. Pro suscipiendo sacramento etiam in articulo mortis sufficit attritio cognita. Ibi. Attritio in nullo casu justificat sine sacramento in re. Ibi. num. 65, et 66. An petat certam intensionem. Disp. 7, num. 71. Propter duos diversos attritionis conceptus fieri valet, ut sacramentum pœnitentiæ sit validum, et informe. Disp. 8, a num. 265, latissime. Qualiter conceptus partis sacramenti, et munus dispositionis ad ejus fructum conjungantur, et separentur in eodem actu attritionis. Disp. 8, num. 268. Non requiritur pro licita receptione sacramenti attritio habita certo metaphysice, sed sufficit habita non certo moraliter. Disp. 12, num. 80. Quonam modo attritio inefficax excludat vel admittat voluntatem peccandi. Disp. 8, num. 293.

AUXILIUM. Idem auxilium potest esse sufficiens, et efficax, ubi sequitur operatio. Disp. 7, n. 29.

AXIOMA. Qui potest ad magis, potest ad minus, qualiter intelligendum sit? Disp. 10, n. 59.

B.

BAPTISMUS. Ante Baptismum nonperiuntur peccata venialia sine mortali. In Comment. ad art. 4, quæstionis 90, num. 3. In baptismo adultorum non requiritur contritio, sed sufficit attritio ad fructum sacramenti. Disp. 7, num. 50. Cur in Baptismo non requiratur tantus dolor, et labor, ac in pœnitentia? Ibi. Cur Baptismi Sacramentum non possit iterari, et possit sacramentum pœnitentiæ? Disp. 7, n. 102. Baptismus flaminis quo pacto gratiam producat? Disp. 11, num. 97.

BLASPHEMIA. Peccatum blasphemiae, et circumstantiæ in ejus confessione explicandæ. Disp. 8, n. 145.

C.

CAUSA. Licet non sit de essentia causæ actu causare, est tamen quod causare possit. Disp. 7, num. 11. Causare cum sacramento in voto non est idem ac causare in virtute sacramenti. Disp. 7, num. 16. Causa efficiens nequit influere antequam existat. Ibi. num. 18. Causæ excusantes ab annua confessione facienda. Disp. 8, n. 65, cum seq. Causæ excusantes, et non excusantes ab integritate confessionis. Disp. 8, num. 212.

CENSURA. An laicus possit absolvere a censuris? Disp. 12, n. 46 et seq.

CHARITAS. Unde habeat unitatem specificam in habitu, et in actu primario. Disp. 7, n. 12. Qualiter obliget præceptum charitatis referendi omnes actiones in Deum ultimum finem. Disp. 7, num. 40. Caritas solet usurpari pro gratia. Ibi. 21.

CHRISTUS. Qualiter influxerit in gratiam veterum Patrum. Disp. 7, num. 18. Habuit potestatem remittendi pœnitentibus peccata sine illorum confessione. Disp. 8, num. 18.

D. CHRYSOSTOMUS. Nihil permisit, aut docuit contra confessionem Sacramentalem, sed eam semper asseruit. Disp. 8, num. 15.

CIRCUMSTANTIA. Quid sit circumstantia in actibus humanis? Disp. 8, num. 83.

Salmant. Curs. Theolog. Tom. XX.

Circumstantiæ mutantes speciem necessario explicari debent in confessione. Ibi. n. 84. An circumstantia mutans speciem possit a peccato dividi, et seorsim confiteri? Ibi. num. 85. Aliquando circumstantiæ aggravant notabiliter peccatum, sed non addunt, nec mutant speciem. Ibi. num. 86. Non est necessarium confiteri circumstantias notabiliter aggravantes intra eandem speciem. Disp. 8, num. 87. Scrupuli, et absurda ex contraria opinione. Ibi. n. 92. Aliquando indirecte, et per accidens debemus confiteri circumstantias non mutantes speciem. Ibi. num. 93. Sed oppositum frequentius contingit. Ibi. num. 94. Differentia notabilis inter circumstantias mutantes speciem, et circumstantias intra speciem aggravantes. Ibi. num. 98. Circumstantia ex continuatione operis peccaminosi, vel ex turpitudine objecti, non est necessario explicanda. Ibi. num. 100. Quot sint peccatorum circumstantiæ. Disp. 8, n. 108. Circumstantia *Quis*, et ad illam pertinentia. Ibi. num. 109. Non est per se loquendo explicanda dignitas peccantis. Ibi. n. 110. An in peccato incontinentiæ explicari debeat non solum votum, sed status Religiosus. Ibi. num. 111. Ligatus voto castitatis, qui alios eo voto non ligatos inducit ad actus turpes, debet circumstantiam sui voti confiteri. Ibi. num. 112. Explicandæ in delectatione morosa circumstantiæ objecti. Ibi. num. 113. An Circumstantia Novitii, aut Novitiæ mutet speciem? Ibi. num. 114. An sponsi, aut sponsæ? Ibi. num. 115. An circumstantia virginittis turpiter amissæ? Ibi. num. 116. An si confessarius peccet cum filia confessionis, sit circumstantia explicanda in confessione? Ibi. num. 122. Quid de eunucho fornicante? Ibi. n. 124. An consuetudo peccandi sit circumstantia explicanda? Ibi. num. 125. An circumstantia quod quis peccaverit scienter, vel ex ignorantia. Ibi. num. 128. Circumstantia *Quid*, et ad illam pertinentia. Disp. 8, a num. 131. Frequenter debet explicari quantitas, aut extensio delicti, quia refundit malitias numero diversas. Ibi. num. 132. In peccato contumeliæ an debeant explicari verba contumeliosa. Ibi. num. 133. Una numero contumelia potest importare plura numero peccata. Ibi. num. 134. Idem contingit in detractone, et judicio temerario. Ibi. num. 135. Circumstantia in peccato

jaçantia. Ibi. num. 136. In consiliante peccatum. Ibi. num. 137. In odio proximi. Ibi. num. 138. Plures circumstantiæ specie distinctæ in peccatis luxuriæ. Disp. 8, num. 139. Circumstantiæ specie distinctæ in peccato incestus. Ibi. num. 140. In peccato blasphemiae. Ibi. num. 145. Circumstantiæ in peccato Apostasiæ. Ibi. num. 146. Plures aliæ hujusmodi circumstantiæ. Ibi. num. 147. Circumstantia *ubi* quid designet? Disp. 8, num. 148. An ut peccata commissa in sacro loco sint sacrilegia, debeant esse notoria? Ibi. a num. 151. Quæ peccata, si committantur in loco sacro, sint sacrilegia independenter a jure Ecclesiastico. Ibi. n. 152. Circumstantiæ sacrilegii in furto sacri, aut ex loco sacro. Ibi. a num. 153. Circumstantia *Quibus auxiliis*. Ibi. num. 157. Circumstantia *Cur*. Ibi. num. 161. Vide *Finis*. Circumstantia *Quomodo*. Disp. 8, num. 166. Vide *Modus*. Varia exempla, in quibus modus operandi variat moraliter speciem operationis. Ibi. num. 168. Circumstantia *Quando*. Disp. 8, num. 172. Vide *Festum*.

CLERICUS. Cur nequeat cedere privilegio immunitatis? Disp. 9, num. 62.

COGNATIO. An detur cognatio spiritualis inter confessarium, et pœnitentem, debeatque aliquando explicari in confessione. Disp. 8, num. 122. Cognatio inter consanguineos, et affines. Ibi num. 140. Cognatio legalis, et spiritualis. Ibi num. 140.

COMMUNIO. Potest dari communio informis sacrilega, et non sacrilega. Disp. 8, num. 58. Per communionem informem non sacrilegam satis fit præcepto annuæ communionis, secus per communionem sacrilegam. Ibi num. 159, et num. 315. Communio Sanctorum quid significet? Disp. 10, num. 25, et seq. Qualiter bona unius fidelis fiant propria alterius. Ibi num. 29.

COMMUTATIO. Quo pacto distinguatur ab interpretatione. Disp. 11, num. 51. Commutatio pœnitentiæ sacramentalis nequit fieri ab ipso pœnitente. Ibi num. 52. Potest tamen ab eodem sacerdote, qui satisfactionem injunxit, sed intra confessionem, et non extra. Ibi numero 53. Potest etiam fieri ab alio sacerdote æquali illi, qui pœnitentiam imposuit. Disput. 11, numero 54. Pœnitentia injuncta a supe-

riore pro reservatis potest commutari a sacerdote inferiori intra confessionem. Ibidem, num. 55.

COMPLEX. An possit in confessione taceri aliquod peccatum, ne complex cognoscatur a confessario. Disp. 8, a num. 219.

CONCILIUM. Decretum Concilii Lateranensis circa annuam confessionem explicatur, et defenditur. Disp. 8, dub. 2, per totum.

CONFESSIO, ET CONFESSARIUS. Ut sit accusatio, et pars sacramenti, debet esse cum dolore peccatorum. Disp. 7, num. 2. Imprudentia aliquorum ministrorum in experiendo pœnitentium dolorem per comparisonem ad mala horribilia, et urgentes tentationes. Disp. 7, num. 75. Quomodo oblita includantur in confessione, et remittantur. Disp. 7, num. 97. Non solum licitum, sed utilissimum, et laudabile est iterare confessionem eorundem peccatorum. Ibi num. 98 et num. 100. Confessio in ratione accusationis, et partis sacramenti supponit necessario dolorem de peccatis. Disp. 7, num. 103. Nequit esse accusatio, nisi ex dolore procedat. Ibi num. 107 et 109. Qualiter confessio facta a principio sine dolore, ubi ponitur dolor, transeat in accusationem. Ibi numero 111. An multæ confessiones possint fieri cum eodem dolore? Disp. 7, a num. 114. Vide *Dolor*. Cur una confessio non possit deservire multis absolutionibus, et sacramentis? Ibi num. 125. Qui confitetur sola venialia sine illorum dolore, peccat mortaliter. Disput. 7, num. 133. Quid si aliqua confiteatur cum dolore, et aliqua sine dolore? Ibi a num. 135. An qui mortalia jam confessa iterum confiteatur sine dolore, peccet mortaliter? Ibi num. 139. Non peccat mortaliter, qui in confessione imponit sibi aliquod veniale, quod non fecit; secus si fingat mortale, licet dicat esse jam confessum. Ibi num. 142. Ad confessionem venialium requiritur propositum illa vitandi. Disp. 7, num. 143. Multiplex confessionis significatio, et acceptio, et quid sit confessio sacramentalis? Disp. 8, num. 1. Sacramentalis confessio habet institutionem divinam. Ibi num. 2. Cadit sub præcepto divino, num. 3, cum. seq. Figuræ confessionis in veteri lege. Ibi num. 8. Magna commoda ex confessione sacramentali. Ibi num. 11. Con-

fessio peccatorum facta soli Deo commendatur. Ibi num. 15. Græci non negarunt, nec negant confessionem sacramentalem. Ibi num. 16. Non est impossibilis peccatorum confessio. Ibi num. 19. Confessio sacramentalis non caderet sub præcepto ecclesiastico, si non caderet sub divino. Disp. 8, num. 21. Cadit de facto sub præcepto Ecclesiastico. Ibi. num. 24. An aliqui Regulares teneantur ad confessionem venialium? Ibi. num. 31. An Sanctimonialles debeant singulis mensibus confiteri? Ibi. num. 31. An iterata peccatorum confessio possit cadere sub præcepto? Ibi. num. 33. Quas personas comprehendat, et obliget confessionis annuæ præceptum? Ibi. a num. 35. Vide *Præceptum*. Confessio singulis annis facienda, et qualiter computandus annus. Disp. 8, a num. 46. Qui omisit unius anni confessionem non liberatur ab ejus onere, sed tenetur quamprimum confiteri. Ibi. num. 48. Nequit una confessione satisfieri obligationi confitendi in duobus annis. Ibi. num. 49. In recordatione peccatorum pro confessione non requiritur summa, sed gravis, et prudentialis diligentia. Disput. 8, num. 55. Præcepto annuæ confessionis satisfit per validam, et informem. Ibi. num. 56. Secus per confessionem voluntarie nullam. Ibi. num. 57 et 60. Non omnis confessio informis est sacrilega. Ibi. numero 58. Quæ causæ excusent ab annua confessione. Disp. 8, numero 65 et seq. Confessio peccatorum occultorum cadit sub præcepto Ecclesiæ. Ibi. num. 62. In confessione manifestari debent omnia peccata mortalia quantum ad species, numerum, et circumstantias mutantes speciem. Disp. 8, a num 71. Et confiteri uni, et eidem sacerdoti. Ibi. num. 72. Opus est confiteri non solum actum internum, sed etiam actionem externam. Ibi. num. 73. Quo sensu accipiendæ sunt peccatorum species, ut confiteri debeant. Ibi. num. 76. Quomodo sumendus numerus peccatorum in ordine ad confessionem. Ibi. numero 77 cum seq. Numerus peccatorum debet in confessione explicari. Ibi. numero 78. Quid agendum ubi certus numerus peccatorum assignari non valet. Ibi. num. 79. Quæ circumstantiæ sint necessario in confessione explicandæ. Disp. 8, num. 84 et 87. Vide *Circumstantia*. An, et quando possit confessarius interrogare

de quantitate furti, et aliis circumstantiis. Disput. 8, num. 102. Non licet in confessione substituere peccatum non commissum loco commissi. Ibi numero 103. Sententia docens, circumstantias notabiliter aggravantes non esse necessario explicandas in confessione, est simpliciter tuta. Ibi. num. 105. Circumstantiæ, quæ rationi notabiliter opponuntur, semper afferunt diversitatem specificam, et debent in confessione explicari. Ibi. num. 107. Vide *Circumstantia*. Peccata dubia negative, et levi fundamento, non debent necessario in confessione explicari. Disp. 8, num. 177. Certus de peccato, et dubius de confessione debet illud confiteri. Ibi. num. 178. Peccata mortalia dubia necessario sunt confitenda. Ibi. num. 184. An idem dicendum de mortalibus probabilibus? Ibi. num. 198. Peccatum mortale confessum ut dubium, si postea cognoscatur certum, debet iterum confiteri ut certum. Disput. 8, num. 203. Quid de confitente decem peccata plus minusve. Ibi. num. 206. Peccata inculpabiliter in una confessione oblita debent in alia explicari, et pro eorum absolutione non sufficit simplex sacerdos. Ibi. num. 208. Quæ integritas requiratur in confessione? Vide *Integritas*. An liceat confiteri mortalia apud unum confessarium, et venialia apud alium? Disp. 8, num. 216. Plura occurrentia in confessione moribundi. Ibi. a num. 227. Vide *Moribundus*. In confessione generali qui confitetur aliqua peccata hactenus non confessa debet explicare esse non confessa. Disp. 8, num. 247. An qui dicit se velle generaliter confiteri, peccet mortaliter si non dicat omnia mortalia? Ibi. num. 254. Quando mentiri in confessione sit peccatum mortale. Ibi. a num. 255. Confessio ex fine mortaliter malo est invalida. Disp. 8, num. 156. Et etiam quando fit ex fine venialiter malo. Ibi. num. 257. Examen conscientiæ pro confessione requisitum. Disp. 8, num. 260. Potest dari confessio informis, et valida. Disp. 8, num. 265, et seq. Non est talis, quæ fit cum sola naturali attritione. Ibi. numero 279. Nec ubi deficit supernaturalis dolor. Ibi. num. 275 et 276. Nec ubi deficient actus formales, et expliciti fidei, et spei. Ibi. num. 278. Nec ubi adest attritio efficax. Ibi. num. 277. Nec ubi dolor non extenditur ad omnia peccata. Ibi. num.

280. Nec etiam dum in ultimo absolutionis instanti committitur peccatum lethale. Ibi. num. 284. Nec ubi adest propositum virtuale emendationis vitæ, et deficit formale, et expressum. Ibi. num. 286. Est valida, et informis, quæ fit cum sola attritione inefficaci invincibiliter existimata efficaci. Ibi. num. 289. Est etiam valida, et informis, quæ dimidiatur ob negligentiam examinis pure vincibilem, et graviter culpabilem. Disp. 8, num. 306. Quæ dimidiatur ob negligentiam examinis simpliciter invincibilem, est valida, et fructuosa. Ibi. num. 304. Dimidiata ob negligentiam crassam, supinam, aut affectatam circa examen, est nulla. Ibi. num. 303. An sit de substantia sacramenti confessionem esse formaliter integram, et qualiter? Ibi num. 312. Confessio facta laico quo pacto sit sacramentalis? Disp. 12, num. 54, in fine. An per confessionem indirecte sacrilegam fiat satis præcepto confessionis? Disp. 8, num. 315. Quot sint conditiones confessionis, et quæ ad ejus substantiam spectent. Disp. 8, a num. 319, et seq. Est nulla ea confessio, in qua penitens scienter confitetur plura peccata lethalia quam commisit. Ibi num. 319. Confessor accusatus de falso crimine a pœnitente, cui absolutionem denegavit, nequit se defendere pro dendo confessionem. Disp. 9, num. 41. An possit a via declinare, dum scit per confessionem mortem in nemore sibi a latronibus præparatam? Ibi. num. 42. An vocatus teneatur adire pœnitentem, quem scit per confessionem sibi scandalum esse? Ibi. num. 44. An possit abstinere a confessione facienda illi, quem per confessionem scit non esse sacerdotem? Ibi. num. 45. Nequit manifestare penitentiam injunctam pœnitenti, dum est signum gravis culpæ confessæ. Ibi. num. 46. Nec denegare confessionis schedulam illi, quem non absolvit. Ibi. n. 47. Quo pacto possit loqui de auditis in confessione, si aliunde eorum habeat notitiam extrasacramentalem. Ibi. num. 56.

CONFIRMATIO. An sacramentum confirmationis ministrari possit a simplici sacerdote ex concessione Ecclesiæ? Disp. 12, n. 55.

CONSCIENTIA. Quibus modis contingat conscientiam esse dubiam? Disp. 8, n. 176. Consonantia inter forum conscientiæ, et forum externum. Ibi. n. 178.

CONSENSUS. Quomodo supplendus, quando deficit in celebratione Matrimonii. Disp. 7, n. 105.

CONSECRATIO. Qui inter hostias a sacerdote consecrandas apponit aliquam non triticeam, peccat mortaliter; secus qui inter venialia, de quibus dolet, confitetur aliquod sine dolore. Disp. 7, a n. 135.

CONSILIUM. Quæ sunt Consilii, nequeunt per Ecclesiam præcipi. Disp. 8, num. 24.

CONSUETUDO. Consuetudo peccandi quando debeat in confessione explicari. Disp. 8, num. 125. Defenditur consuetudo conferendi absolutionem sacramentalem ante executam satisfactionem. In Comm. ad art. 2, quæst. 90, num. 4.

CONTEMPTUS. Addit malitiam specie distinctam supra inobedientiam, et violationem præcepti. Disp. 8, n. 170. Contemptus formalis semper est peccatum mortale. Ibi. num. 171.

CONTUMELIA. An in peccato contumeliæ sint explicanda verba contumeliosa? Disp. 8, num. 133. Omnes contumeliæ sunt ejusdem speciei. Ibi. In eadem contumelia possunt concurrere plura peccata numero distincta explicanda in confessione. Ibi. num. 134.

CONVERSIO. Alia dispositiva, et vialis; alia formalis, et consummata. Disp. 7, num. 42.

COPULA. Distinguitur essentialiter ab aliis actibus luxuriæ, et debet in confessione explicari. Disp. 8, num. 129. Copula carnalis præpostera, et more bestiarum, variat speciem, et est peccatum mortale. Ibi. num. 168.

D.

DELECTATIO. In peccato delectationis morosæ explicari debet status peccantis, et circumstantia objecti, disp. 8, n. 112 et 113.

DETRACTIO. Quomodo explicari debeat detractio peccatum in confessione? Disp. 8, n. 135. Quid requiratur ad peccatum detractiois. Ibi n. 210. Quomodo possit vel in confessione committi. Ibi n. 224.

DEUS. Debemus Deum diligere super omnia appetitative, sed non tenemur ad majorem amorem intensive. Disp. 7, n. 73.

DICTAMEN. Dictamen rationis quo pacto habeat rationem legis. Disp. 9, n. 6 et 7.

DIES. Reverentia debita diebus sacris, et peccata contra illam. Disp. a n. 172.

DIMIDIATIO. In quibus casibus liceat dimidiare confessionem? Disp. 8, n. 113. Vide *Integritas*.

DISTINCTIO. Unde accipienda distinctio numerica peccatorum. Disp. 8, n. 77. Distinctio circumstantiarum in ordine ad confessionem. Ibi n. 83.

DIVISIO. Virtutis pœnitentiæ divisio in tres status. In Comm. ad art. 4, qu. 90, a n. 2.

DOLOR. In dolore concurrente ad Sacramentum Pœnitentiæ distinguere debent, et plurimum differunt conceptus partis Sacramenti, et conceptus dispositionis ad gratiam Sacramenti. Disp. 7, num. 1. Aliquis dolor essentialiter requiritur ad valorem Sacramenti Pœnitentiæ. Disp. 7, num. 2. Dividitur in dolorem perfectum contritionis, et dolorem imperfectum attritionis. Ibi num. 3. Pro dolore, qui est pars Sacramenti Pœnitentiæ, non requiritur contritio, sed sufficit attritio. Disp. 7, num. 9. Tres diversos dolores assignavit Concilium Tridentinum, et docuit eorum quemlibet sufficere ad rationem partis Sacramenti Pœnitentiæ. Ibi num. 23. Quid censendum de hoc actu: Doleo quod non doleam de peccatis. Disp. 7, numero 67. Dolor requisitus ad remissionem venialium in Sacramento Pœnitentiæ. Ibi num. 68. Dolor requisitus pro Sacramento Pœnitentiæ non exposcit summam vel determinatam intensiorem. Disp. 7, num. 71. Excessus doloris duplex, intensivus, et appetitivus. Disp. 7, num. 74. Dolor requisitus ad Sacramentum Pœnitentiæ debet terminari ad omnia peccata mortalia in particulari. Ibi num. 78. Debet procedere sub motivo universalis et aliter non sufficit ad valorem Sacramenti. Ibi num. 80 et disp. 8, num. 277. Quomodo terminetur ad peccata pœnitentem occulta. Ibi numero 82. Ad contritionem necessaria etiam est recogitatio, et dolor de omnibus peccatis in particulari. Ibi num. 83. Quæ sit materia doloris pertinentis ad sacramentum Pœnitentiæ. Disp. 7, numero 38. Dolor de peccatis præsupponitur necessario ad confessionem. Disp. 7, num. 103. Dolor interior nequit fieri sensibilis per confessionem, si illam non antecedit.

Ibi num. 105. An dolor præcedat tempore confessionem, et absolutionem? Ibi num. 112. Idem doloris actus nequit servire multis confessionibus simul concurrentibus. Disp. 7, num. 114. Idem doloris actus potest permanere vel habitualiter, vel virtualiter, vel formaliter. Ibi num. 113. Idem dolor, si formaliter perseveret, potest servire multis confessionibus. Ibi numero 116. Secus si tantum habitualiter maneat. Ibi num. 117. Sufficit tamen si perseveret virtualiter. Ibi num. 121. Quanto tempore possit idem dolor virtualiter permanere. Ibi num. 124. Dolor est pars essentialis Sacramenti Pœnitentiæ, licet confessio fiat de solis venialibus. Ibi numero 130.

E.

ECCLESIA. Non posset obligare ad confessionem sacramentalem, si non fuisset a Christo præcepta. Disp. 8, num. 21. Ecclesiæ præceptum de sacramentali confessione singulis annis. Ibi num. 24. Ecclesia nequit absolute præcipere ea, quæ sunt materia Consilii. Ibi num. 23. Potest Ecclesia dispensare in præcepto annuæ confessionis, et illud abrogare. Ibi numero 27. Quæ possit Ecclesia mutare, aut præcipere circa Sacramenta? Disp. 8, n. 29. Non repugnat Ecclesiam præcipere confessionem aliquorum venialium. Ibi n. 30. Ecclesia præcipiens annuam confessionem, præcipit confessionem validam absolute. Disp. 8, a n. 60. Quomodo Ecclesia præcipere valeat actus internos? Ibi n. 62. De peccatis in Ecclesia commissis. Vide *Templum*.

EFFECTUS. An effectus actionis peccaminosæ debeat in confessione explicari? Disp. 8, n. 73.

EPISCOPUS. An in suis peccatis debeat explicare suam dignitatem? Disp. 8, num. 110.

EUCCHARISTIA. Præceptum præmittendi confessionem sacramentalem pro sumenda Eucharistia. Disp. 8, num. 51. Qui post susceptam immediate Eucharistiam fornicaretur, committeret aliud, et specie diversum peccatum mortale. Disp. 8, num. 175. Eucharistia nec in publico, nec in secreto potest denegari indigno ob solam notitiam acquisitam intra confessionem. Disp. 9, num. 40.

EUNUCHUS. Si fornicetur, debet eam

circumstantiam explicare. Disp. 8, num. 124.

EXAMEN. Requiritur ad confessionem examen conscientiae. Disp. 8, n. 260. Sed non uniforme in omnibus. Ibi n. 261. Prudentia desiderata in confessariis ad examinandum poenitentes. Ibi num. 263. Unde obligetur poenitens ad examen conscientiae? Disp. 8, n. 302. Qualiter requiratur examen ad Sacramenti valorem? Ibi dem num. 305.

EXTENSIO. Duplex invenitur in qualitibus, subjectiva, et objectiva. Disp. 7, num. 70.

F.

FAMA. Vide *Detractio*.

FESTUM. An peccare in diebus festis addat novam speciem peccato? Disp. 8, a num. 172.

FERITAS. Est particulis species peccati superaddita homicidio. Disp. 8, num. 169.

FICTIO. Quid sit? Disp. 8, num. 307 et seq. Dividitur in formalem, et materialem, et utramque tenetur poenitens confiteri. Ibidem.

FILIUS. Filiorum peccata contra parentes quantum aggraventur? Disp. 8, num. 138. Filiorum furta. Ibi.

FIDES. Vide *Infidelitas*.

FINIS. Impossibilis conversio hominis ad duos ultimos fines. Disp. 7, num. 13. Finis effectus potest esse minus perfectus, quam bonum ad eum ordinatum. Disp. 7, num. 35. Quis sit ultimus finis operum existentis in peccato? Disp. 7, num. 38. An ubi finis est bonus, et medium, quod eligitur, malum, concurrant duae malitiae species explicandae in confessione? Disp. 8, numero 161. Si id quod posset esse finis pure concomitanter se habet, nullam malitiam inducit in operationem. Ibi numero 163. Si finis sit malus, et medium etiam malum, solent inducere duas malitias specie diversas. Ibi numero 164. Finis operantis est potior in influendo, quam finis operis. Ibi numero 165. Finis vel mortaliter, vel venialiter malus reddit invalidas confessiones ex eo factas. Disp. 8, numero 257. Confessio ex fine venialiter malo est peccatum mortale. Ibi num. 258. Ut homo dirigatur ad finem supernaturalem, necessaria est lex divina supernaturalis; secus

ut dirigatur ad finem naturalem. Disp. 9, num. 5. Quem finem respiciat sigillum Sacramentale? Ibi.

FORMA. Per quam formam expellantur peccata venialia? Disp. 7, num. 128.

FORNICATIO. Turpes actus illam praecedentes solent constituere peccatum ab ea distinctum, et necessario confitendum. Disp. 8, num. 165.

FURTUM. An in confessione furti debeat explicari quantitas rei ablatae? Disp. 8, numero 100 et seq. Filiorum furta. Ibi numero 138. Furtum sacri ex loco sacro habet malitiam sacrilegii, Disp. 8, num. 153. Et etiam furtum rei sacrae ex loco non sacro. Ibidem. Quid dicendum de furto rei non sacrae ex loco sacro? Ibi num. 154.

G.

GRATIA. Gratia ex meritis Christi non limitatur ad solam victricem delectationem. Disp. 7, num. 43.

H.

HAERESIS. Plures haereses contra confessionem Sacramentalem. Disp. 8, num. 12. Haeretici tenentur ad confessionem annum Ecclesiastico praeepto. Disp. 8, n. 35.

HOMICIDIUM. Quando ex circumstantia loci fit homicidium? Disp. 8, num. 151.

I.

JACTANTIA. Peccatum jactantiae de peccato, et quomodo multiplicetur specie. Disp. 8, num. 137.

IGNORANTIA. An debeat in confessione explicari, quod quis peccaverit ex ignorantia? Disp. 8, num. 128. Quae sit crassa, aut supina, quae affectata, quae invincibilis, et quae pure vincibilis? Disp. 8, n. 301 et seq. Quod discrimen intercedat inter peccatum commissum ex ignorantia crassa, supina, et affectata, et inter commissum ex ignorantia pure vincibili? Ibi num. 302. Ignorantiae crassae, supinae, et affectatae conditio exponitur. Ibi num. 314.

IMPERFECTIO. Qui actus in via spirituali dicantur imperfectiones, et utrum possint esse materia Sacramenti Poenitentiae. Disp. 7, num. 91 et 92.

IMPOTENTIA. Ob impotentiam physi-

cam vel moralem excusatur aliquando pœnitens ab integritate materiali confessionis. Disp. 8, a n. 213.

INCESTUS. In quo consistat, et variæ illius species. Disp. 8, a num. 140.

INCITATIO. An qui alium incitat positive ad peccandum, debeat id in confessione explicare. Disp. 8, n. 158.

INDULGENTIÆ. Qualiter excusent a Pœnitentiæ Sacramentalis adimplentione? Disp. 11, n. 78 et seq. Non excusant a pœnitentia ut medicina. Ibi n. 87. Quid importent indulgentiæ sumptæ formaliter. Ibidem.

INFAMIA. Vide *Detractio*.

INFIDELITAS. Plures infidelitatis species explicandæ in confessione. Disp. 8, n. 146.

INOBEDIENTIA. Vide *Contemptus*.

INSTRUMENTUM. Non refert communiter loquendo, quod peccatum committatur his, aut illis instrumentis. Disp. 8, num. 157.

INTEGRITAS. Integritas confessionis alia materialis, alia formalis. Disp. 8, num. 209. Integritas materialis requiritur per se loquendo ad confessionem. Ibi n. 210. Aliquando, et per accidens sufficit sola integritas formalis, licet non dicantur omnia peccata. Ibi n. 211. Conditiones ad id requisitæ. Ibidem. Quando peccatum in una confessione suppressum debeat in alia manifestari. Ibi n. 212. Plures casus, in quibus pœnitens ob impotentiam physicam, vel moralem excusatur ab integritate materiali confessionis. Ibi a num. 213. Causæ sufficientes, quæ non excusant ab integritate confessionis. Ibi n. 215. Non sufficit magnus pœnitentium concursus in aliquo Jubilæo, aut solemnitate. Ibi n. 117. Prava aliquorum circa istud praxis. Ibi. An liceat dimidiare in confessione peccata non reservata a reservatis, et e contra. Ibi n. 218. An pœnitens, ne confessario manifestet complicem, possit, et debeat tacere aliquod peccatum. Disp. 8, n. 220. Conditiones ut peccatum complicitis possit manifestari. Ibi n. 222. Pœnitens eas non observans peccat mortaliter. Ibi n. 224. An teneatur ad restituendum complicitis famam. Ibi n. 225. Quid si complex non fuerit, sed alius tertius. Ibi n. 226. Moribundus potest confiteri peccata in communi. Ibi n. 227. Vide *Moribundus*.

Tam formalis, quam materialis integritas est de jure divino. Disp. 9, num. 24. Quos fines respiciat integritas confessionis. Ibi n. 26. Non licet revelare sigillum ob integram confessionem faciendam. Ibi n. 27.

INTENTIO. Intentio suscipiendi sacramentum pœnitentiæ oritur per se loquendo ex dolore peccatorum, et non e contra, et non reddit sensibilem dolorem. Disp. 7, num. 104. Intentio formalis virtualis, et habitualis. Disp. 7, num. 115. Quæ illarum requiratur, et sufficiat ad conficiendum, et recipiendum sacramentum. Ibi. a num. 117. Quæ ad celebrandum, et applicandum Missæ sacrificium? Ibi. num. 119 et 123.

INTENSIO. Quomodo intendatur qualitas? Disp. 7, num. 70. Non requiritur summa vel certa intensio doloris pro sacramento. Ibi. num. 71. Intensio peccati non est circumstantia mutans speciem. Disp. 8, num. 166.

J.

JUDEX. An sæcularis iudex possit impunitum relinquere delinquentem, et plectere insontem sponte oblatum ad subeundam pœnam delinquentis? Disp. 10, num. 36.

JURAMENTUM. Cur graviter delinquat qui jurat rem levem facturum sine intentione adimplendi? Disp. 11, num. 27.

JURISDICTIO ECCLESIASTICA. Quid, quotuplex, et qualiter ad valorem sacramenti necessaria? Disp. 12, num. 56. Quæ sit ordinaria, quæ delegata, quæ dubia, quæ probabilis, quæ habita titulo colorato? Ibi. num. 57. Dubia non sufficit ad absolvendum absolute, sed solum conditionate in eventu necessitatis. Ibi. Sacramentum ministratum cum jurisdictione habita titulo colorato est validum. Ibidem. Sacerdos ex vi ordinis non habet jurisdictionem ad absolvendum a lethalibus. Disp. 12, num. 57, et seq. Quilibet sacerdos etiam hæreticus habet jurisdictionem ad absolvendum quemlibet pœnitentem a quibuscumque peccatis in articulo mortis. Ibi. num. 61, et seq. Nequit simplex sacerdos absolvere existentem in articulo mortis, si proprius sacerdos adsit. Ibi. num. 63. Nec sacerdos hæreticus, schismaticus, degradatus, aut excommunicatus in præsentia

sacerdotis catholici non excommunicati. Ibi. num. 64. Qui non habet jurisdictionem ordinariam aut delegatam, nequit absolvere moribundum in præsentia sacerdotis habentis privilegium ad absolvendum. Disp. 12, num. 66. Nequit simplex sacerdos absolvere moribundum in præsentia habentis jurisdictionem ad absolvendum a lethalibus. Ibidem. Sacerdos excommunicatus non toleratus potest absolvere moribundum in præsentia simplicis sacerdotis; et similiter sacerdos nunquam expositus in præsentia alterius alibi approbati, sed non ubi fit confessio. Ibi. num. 67. Omnis sacerdos simplex habet jurisdictionem ad absolvendum a venialibus, et lethalibus jam confessis. Ibi. num. 68. An hæc jurisdictio habeatur a Christo immediate, an vero ab Ecclesia? Ibi. num. 69. Nequit tamen ea uti licite post decretum Innocentii XI. Ibi. Jurisdictio est separabilis a potestate absolvendi. Disp. 12, num. 75. Distinguitur a charactere sacerdotali. Ibidem. Non est potentia physica, sed moralis. Ibi. num. 76. Qualiter absolutio pendeat a jurisdictione. Ibi. num. 77. Quæ circumstantiæ attendi debeant, ut pœnitens in articulo mortis possit a sacerdote hæretico absolvi. Ibi. num. 79. Jurisdictio probabilis tenui probabilitate insufficiens est ad ministrandum pœnitentiæ sacramentum. Disp. 12, dub. 7, num. 79. Sufficit tamen jurisdictio ingenter probabilis. Ibidem dub. 7, per totum.

JUS. Juris naturalis duplex acceptio. Disp. 9, num. 8. Actus virtutum supernaturalium qualiter obligent ex jure naturæ. Ibidem.

L.

LEX. Distinguenda in lege duplex vis, directiva, et coactiva. Disp. 8, num. 38. An legislator obligetur ad observandum legem a se latam? Ibi. Quo sensu lex humana dicatur declarativa juris divini. Ibi. num. 40.

LIBERTAS. Libertas est duplex, intrinseca, et extrinseca. Disp. 10, num. 42.

LICENTIA. Nequit superior licentiam concedere ad revelandam confessionem. Disp. 9, num. 61. An possit pœnitens? Ibi. num. 58, et seq. Non potest sacerdos sine pœnitentis licentia loqui de auditis in

confessione nec cum aliis, nec cum eodem pœnitente. Ibi. num. 36. An ut pœnitens eam concedat, debeat peccata extra sacramentum historice referre sacerdoti? Ibi. num. 58. An sufficiat licentia tacita? Disp. 9, num. 59. Sufficit sola licentia pœnitentis, ut sacerdos possit revelare peccatum complicitis. Ibi. num. 60. Ubi pœnitens licentiat sacerdotem, ut confessionem revelet, non cedit juri sacramenti. Ibi. num. 62. Nec dispensat in præcepto sigilli. Ibi. num. 63. Nemo potest alteri licentiam concedere, ut sibi mortem inferat. Ibidem.

LOCUS. Non omne peccatum commissum in loco sacro est sacrilegium, aut peccatum grave. Disp. 8, num. 148. Plura peccata gravia ex circumstantia loci. Ibidem. Homicidium, effusioque sanguinis. Ibi. num. 149. Copula carnalis, et effusio seminis. Ibi. num. 140. An debeant esse notoria, ut importent circumstantiam sacrilegii? Ibi a num. 151. De furtis in aut ex locis sacris. Ibi. num. 153, cum seq. Peccata contra immunitatem loci sacri. Ibi. num. 155. Qui dicatur locus sacer respective ad diversa peccata. Ibi. num. 156.

LUXURIA. Major oppositio in peccatis luxuriæ, quam in aliis cum sacra Eucharistia. Disp. 8, num. 175.

M.

MACULA. Sublata macula peccati nequit permanere reatus ad pœnam æternam. Disp. 7, num. 14. Macula peccati venialis est aliquid præter reatum ad pœnam. Disp. 7, num. 89.

MATERIA. An in materia sacramentorum distingui debeant diversæ partes. In Comment. ad art. 1, qu. 90, num. 3. Quæ sit materia doloris pertinentis ad sacramentum pœnitentiæ. Disp. 7, num. 88. Sola peccata sunt materia sacramenti pœnitentiæ. Disp. 7, num. 90. An imperfectiones sint materia hujus sacramenti. Ibi. num. 91. Sola pœnitentis peccata sunt materia pœnitentiæ. Ibi. num. 93. Debent esse vere commissa. Ibi. num. 95. Et præterita, non futura. Ibi. num. 96. Peccata oblita sunt materia sacramenti, et virtutis pœnitentiæ. Ibi. num. 97. Peccata etiam jam confessa, et dimissa. Ibi. num. 98.

Peccata mortalia dubia sunt materia necessaria confessionis. Disp. 8, num. 184.

MATRIMONIUM. Quando fuit nullum ob defectum consensus ex parte unius conjugis, quomodo revalidandum? Disp. 7, num. 105.

MENDACIUM. Quale peccatum sit mentiri in confessione. Disp. 8, a num. 255.

MERETRIX. Publicæ meretrices tenentur ad confessionem annuam, et incurrunt censuras non confitentibus impositas. Disp. 8, num. 37.

MERITUM. Potest homo de condigno sibi mereri vitam æternam. Disp. 10, num. 15. Cur possit justus satisfacere de condigno pro pœna alterius, et non possit de condigno mereri gratiam, et gloriam alteri dandam. Ibi. num. 33. Non potest justus transferre in alium jus ad præmium de condigno suis meritis correspondens. Ibi num. 38. Quo pacto opus meritorium vitæ æternæ sit etiam meritorium ablationis cujuscumque impedimenti ad illius assecutionem. Disp. 10, num. 59. Opera extra charitatem facta non fiunt meritoria per adventum charitatis. Ibi. num. 66.

METUS. Vide *Timor*.

MINISTER. Nemo præter sacerdotes habet potestatem ministri in sacramento pœnitentiæ. Disp. 12, num. 42. Nec habere potest ex dispensatione Ecclesiæ. Ibi. num. 45. Qualiter sacramentorum minister se conformare debeat cum principali agente. Disp. 9, num. 12 et 15.

MISSA. An possit omitti a sacerdote, qui intra confessionem novit venenatum vinum sibi esse præparatum? Disp. 9, num. 42.

MORS ET MORIBUNDUS. Mors spiritalis ex analogia ad corporalem per quid formaliter excludatur. Disp. 7, num. 41. Pro suscipiendo sacramento in articulo mortis sufficit attritio cognita, et non requiritur contritio vera, vel existimata. Disp. 7, num. 64. Plures, et difficiles casus occurrentes in absolutione moribundi. Disp. 8, num. 227. An sufficiat illi confiteri peccata in genere? Ibi. An dans aliqua doloris signa in absentia confessarii possit ab eo superveniente absolvi? Ibi. num. 234. Quid si adveniente confessario non adsint testes deponentes quid egerit moribundus? Ibi. num. 238. Quid si

moribundus reperiatur, qui nullum per se vel per alios ostendat sacerdoti signum doloris. Ibi. num. 240. Non potest, nec debet in tali casu conferri absolutio. Ibi. num. 244.

MODUS. Modus, quo operatio fit, addit aliquando novam speciem, et aliquando non. Disp. 8, num. 166. Modus intensionis. Ibi. Modus durationis, et continuationis. Ibi. Alii plures modi. Ibi. a num. 167. Modus exercendi copulam carnalem an variet speciem? Ibi. num. 168. Feritas, raptus, et rapina sumunt speciem ex modo, quo operatio fit. Disp. 8, n. 169. Modi falsi, et insufficientes ad explicandum sacramentum pœnitentiæ validum, et informe. Disp. 8, a num. 275.

N.

NEGLIGENTIA. Negligentia circa examen conscientiae multipliciter contingit. Disp. 8, num. 301, et seq.

NECTARIUS. An Nectarius Patriarcha Constantinopolitanus prohibuerit confessionem sacramentalem? Disp. 8, num. 12 et seq.

NOTITIA. Nequit sacerdos uti confessionis notitia ad vitandum excommunicatum non toleratum? Disp. 9, num. 38. Nec ad denegandam Eucharistiam indigno. Ibi. num. 39 et 40. Nec ad minus grate alloquendum pœnitenti, aut severiorem vultum ei ostendendum. Ibi. num. 35. Nec ad aliquam actionem gubernationis externæ denegandi suffragium in electione, vel removendi subditum ab officio, et similitum. Disp. 9, num. 48 et seq. Omnis usus notitiæ confessionis in detrimentum, et incommodum pœnitentis est violatio sigilli. Ibi. num. 51.

NOVATUS. Quis fuerit, et quid docuerit? Disp. 12, num. 16.

NOVITIUS. An Novitius peccans contra castitatem debeat suum statum explicare in confessione? Disp. 8, num. 114.

NUMERUS. Quid agendum ubi in confessione nequit asseverari certus numerus peccatorum. Disp. 8, num. 81 et 206.

O.

OBEDIENTIA. Vide *Contemptus*.

ODIUM. Plures circumstantiæ atten-

dendæ in odio proximi. Disp. 8, num. 138. Odium inter personas valde conjunctas frequenter affert aliam malitiam specie diversam. Ibi.

OPINIO. In usu sacramentorum non licet sequi præcise opinionem probabilem relicta tutiori. Disp. 7, num. 51 et 52. Sententia docens pro sacramento pœnitentiæ sufficere attritionem est tutior, quam opposita exigens contritionem. Ibi. num. 34. Duobus modis potest aliqua opinio dici tutior. Ibi. num. 55. An opinio probabilis excuset a confitendo peccatum mortale dubium? Disput. 8, num. 193. Quam opinionem teneamur sequi in conferendis sacramentis? Disp. 12, num. 83 et 84. Quæ differentia versetur inter opinionem probabilem circa materias, et formas sacramentorum, et inter opinionem probabilem circa jurisdictionem ministri. Ibi. num. 84. An opinio, docens absolutionem præstitam cum jurisdictione probabili esse licitam, sit minus tuta, quam opposita? Disp. 12, num. 85 et seq.

OPUS. Quo sensu egregia virtutum opera dicantur non prodesse sine charitate. Disp. 7, n. 40.

ORDO. Ordo eorum, quæ in hoc tractatu dicuntur. In præf. ad qu. 90.

P.

PAPA. Summus Pontifex tenetur ad confessionem annuam. Disp. 8, num. 38. Potest autem abrogare, et secum dispensare in talis confessionis præcepto. Ibi. num. 39.

PARS. Partes sacramenti pœnitentiæ ex parte materiæ. In Comm. ad art. 2, qu. 90, per totum. Sunt partes integrales ejusdem materiæ. In Comm. art. 3, qu. 90, n. 1.

PECCATUM, et PECCATOR. Quæ sit distinctio inter peccata cordis, oris, et operis? In Comm. art. 3, qu. 90, n. 3. Non omnia opera peccatoris sunt peccata. Disp. 7, n. 38. Omnia peccata gravia expelluntur per contritionem. Disp. 7, n. 65. Non requiritur quod dolor de peccatis sit summus intensive, sed appetiative. Disp. 7, a n. 71. Pro majori peccato debetur major dolor appetitativus. Ibi. n. 76. Dolere magis appetiative de minori peccato, quam de majori, est peccatum, et quale. Ibi. n. 72. Peccata in sacramento pœnitentiæ

non remittuntur absque eorum dolore in particulari. Ibi. n. 78. Quomodo remittuntur peccata occulta, quæ pœnitens non cognoscit. Ibi. n. 82. Recogitatio, et dolor peccatorum in particulari requiruntur per se, et in omni statu ad veram de illis contritionem. Ibi. n. 83, et 85. Omnia, et sola peccata pœnitentis sunt materia sacramenti pœnitentiæ. Disp. 7, n. 88, et 93. Pro aliorum peccatis possumus satisfacere, non autem pœnitere. Ibi. n. 94. Peccatum, quod est materia sacramenti, debet esse vere commissum. Ibi. n. 95. Peccata erronee apprehensa non sunt materia sacramenti pœnitentiæ, bene autem pœnitentiæ virtutis. Ibi. Peccata futura non sunt materia sacramenti, nec virtutis pœnitentiæ. Ibi. n. 96. Peccata oblita sunt materia pœnitentiæ tam sacramenti, quam virtutis. Ibi. n. 97. Peccata jam confessa, et dimissa sunt materia sufficiens sacramenti pœnitentiæ. Ibi. num. 98. Peccata commissa ante Baptismum possunt esse materia pœnitentiæ virtutis, non autem pœnitentiæ sacramenti. Ibi. n. 101. An debeat scribere peccata timens quod eorum postea pro confessione non recordabitur. Disp. 8, n. 55. Omnia mortalia quantum ad species, et numerum, et circumstantias mutantem speciem debent in confessione manifestari. Disp. 8, a num. 71. Et confiteri uni, et eidem sacerdoti. Ibi. num. 72. In confessione peccatorum opus est explicare actum externum. Ibi. n. 73. An etiam effectum talis actus. Ibi. Quæ sit species primaria in peccato. Ibi. num. 75. Radix distinctionis numericæ inter peccata. Ibi. num. 77, et seq. Quando discontinuatur unitas numerica peccati. Ibi. num. 78. An duratio, seu continuatio actus peccaminosi debeat in confessione explicari. Disp. 8, num. 101. Consuetudo peccandi. Ibi. num. 125. Peccatum ex ignorantia. Ibi. num. 128. Actus consummatus peccati debet in confessione explicari. Ibi. n. 129. Multiplicatio peccatorum in eodem actu furandi. Ibi. n. 131. In actu odii, vel occisionis. Ibi. n. 132. In proferendo contumeliam, in detrahendo, et temere judicando. Ibi. a n. 133. In peccato jactantiæ. Ibi. n. 136. In consulente peccatum. Ibi. n. 137. In conjunctorum odio, n. 138. Peccata contra naturam. Ibi. n. 139. Inter cognatos. Ibi. a num. 140. In non corrigente subditos.

Ibi. n. 147. Speciale peccatum incitandi positive alium ad peccandum. Disp. 8, n. 159. Peccata dubia dubio negativo, aut levi fundamento non sunt necessario confitenda. Disp. 8, n. 177. Certus de peccato, et dubius de confessione debet illud confiteri. Ibi. n. 178. Qui dubitat, an peccaverit moraliter, tenetur illud peccatum confiteri. Ibi. n. 184. Peccatum mortale confessum ut dubium debet iterum confiteri, ubi cognoscitur certum. Ibi. 203. Quid si aliquis confiteatur decem peccata plus minusve, si postea cognoscat numerum certum. Ibi. n. 206. Peccata in una confessione inculpabiliter oblita debent in alia explicari. Ibi. n. 207. Et quando debeant confiteri. Ibi. n. 212. Quale peccatum sit manifestare alicui intra vel extra confessionem absque necessitate occultum proximi peccatum. Disp. 8, n. 224. Quando opus sit in confessione explicare, quæ peccata sint jam confessa, et quæ non? Disp. 8, n. 247. Peccat mortaliter, qui confessionem facit ex fine venialiter malo. Disp. 8, n. 258. Unde agnoscenda sit gravitas, aut levitas peccati. Disp. 9, n. 98. Qualiter Deus occultet peccata clavibus subjecta. Disp. 13, n. 13. Omissio rei exiguæ, sine qua finis magni momenti obtineri non potest, est lethale peccatum. Disp. 11, n. 13. Quo pacto licitum sit uti peccato alterius in proprium bonum. Disp. 12, num. 79. Volitio indirecta objecti peccaminosi an sit peccatum? Disp. 8, n. 293, et n. 309. Quæ advertentia requiratur ad peccatum lethale. Ibi. n. 313. Peccatum Angeli ex qua inadvertentia processerit. Ibi.

PERSEVERANTIA. Unus, et idem actus potest perseverare vel formaliter, vel virtualiter, vel habitualiter. Disp. 7, n. 115. Sufficit, intentionem, consensum, dolorem, et similia perseverare virtualiter ad valorem eorum, pro quibus requiruntur. Ibi. 121, et seq.

PESTIS. Quomodo in contagio pestis possit ministrari sacramentum pœnitentiæ? Disp. 8, n. 215.

PŒNA. Pœna inferni potest terminare timorem naturalem, sed magis supernaturalem. Disp. 7, n. 43. An pœnæ Ecclesiasticæ comprehendant pueros, et impuberes. Disp. 8, n. 42. Pœna æterna damni, et sensus sequitur ad quodlibet peccatum lethale. Disp. 10, num. 6. Pœnæ tempora-

lis reatus, quo pacto sequatur ad peccatum? Ibi. n. 7. Qualiter persistat, vel deficiat? Ibi. num. 9, et seq. Pœna temporalis debita pro peccatis non est determinate pœna Purgatorii. Ibi. num. 18 et 19. Debitum subeundi pœnam qualiter dicatur personale? Ibi. n. 33.

PŒNITENTIA. In sacramento pœnitentiæ distinguenda est duplex elevatio, alia pœnitentis ad eliciendum actus; alia ipsorum actuum ad efficiendum gratiam. In Comm. ad art. 1, qu. 90, num. 2. In eodem distingui debent tres partes ex parte materiæ. In Comm. ad art. 4, qu. 90, n. 1. Divisio pœnitentiæ virtutis in pœnitentiam ante baptismum, mortalium, et venialium. Ibi. a n. 2. Aliquis dolor essentialiter requiritur ad valorem sacramenti pœnitentiæ. Disp. 7, num. 2. Non requiritur contritio, sed sufficit attritio. Ibi. n. 9. Sacramentum pœnitentiæ est sacramentum mortuorum, et non supponit per se vitam gratiæ. Ibi. n. 11. Sacramentum pœnitentiæ antequam sit, non influit per contritionem cum voto ipsius pœnitentiæ. Ibi. n. 18. Ad valorem sacramenti pœnitentiæ requiritur attritio supernaturalis. Disp. 7, n. 19. Sufficit attritio supernaturalis inefficax, ut sit sacramenti pars. Ibi. n. 23. Ad fructum hujus sacramenti, et influendum per modum dispositionis attritio efficax necessaria est. Ibi. num. 26, et seq. In eodem sacramento duæ attritiones, una per modum partis, et alia per modum dispositionis. Ibi. n. 29. Major dolor, et labor requiritur in sacramento pœnitentiæ, quam in Baptismo. Disp. 7, n. 50. An sententia docens contritionem esse necessariam pro sacramento pœnitentiæ, sit condemnata ab Ecclesia? Ibi n. 51, et 54. Vide *Attritio*. An hic actus: Doleo quod non doleam de peccatis, sufficiat in ratione doloris ad sacramentum pœnitentiæ? Disp. 7, n. 67. An pœnitentia peccatorum debeat esse summa intensive. Disp. 7, n. 74. Quæ doloris extensio ad peccata requiratur in sacramento pœnitentiæ? Ibi. n. 78 et seq. An peccet, qui confitetur cum dolore ex motivo particulari? Ibi. n. 80. Ubi sacramentum pœnitentiæ non esset, ipse peccator pœnitens deberet esse iudex, et medicus. Disp. 7, num. 86. Quæ peccata sint materia doloris pœnitentis ad pœnitentiam. Disp. 7, n. 88. Pœni-

tentia Sanctorum post peccata sibi remissa. Ibi. n. 98, et 101. An, et quomodo pœnitens debeat respondere interrogationibus confessarii? Disp. 8, num. 102 et seq. et num. 126. In peccatis odii solent addi circumstantiæ speciei distinctæ. Ibi. n. 138, et in peccatis carnis attendendo ad personam, cum qua committuntur. Ibi. n. 139. Plura peccata ex circumstantia loci sacri sunt sacrilegia independentes ab ordinatione Ecclesiæ. Ibi. n. 152. Nullum mortale post baptismum, sive certum, sive dubium remittitur absque sacramento pœnitentiæ in re, vel in voto. Disp. 8, n. 191. An pœnitens teneatur confiteri peccatum, ex quo confessarius cognoscat complicem. Disp. 8, a n. 219. Pœnitens in confessione generali debet explicare, quæ ex peccatis sint jam confessa, et quæ non sint confessa. Disp. 8, n. 247. Et si circa id inquiratur a confessario, tenetur directe respondere. Ibi. n. 250. Potest dari sacramentum pœnitentiæ validum, et informe. Disp. 8, num. 255. Vide *Confessio*.

POLLUTIO. Cur pollutio voluntaria prohibita sit in omni eventu? Disp. 9, n. 20.

M. PONCE. Immerito impugnavit doctrinam de timore servili, quam tract. de spe tradidimus. Disp. 8, n. 296, et seq.

POTESTAS CLAVIUM. Unde efficaciter probetur? Disp. 8, n. 3, et seq. et disp. 12, n. 9 et seq. Quid sit? Disp. 12, n. 1 et seq. Est vera, et realis potestas spiritualis. Ibi. n. 20. Addit modum extensionis supra characterem sacerdotis, et ab eo separabilis est. Disp. 12, n. 4. Qualiter pendeat a jurisdictione? Ibi. n. 5. Quo pacto refert, vel ocludat Cœlorum januam. Ibi. n. 6 et 18. Quid nomine potestatis clavium intelligent hæretici? Ibi. n. 14, et seq. Quæ dicatur clavis David? Ibi. num. 24. Quæ sit clavis inferni? Ibi. n. 19. Quot sint Ecclesiæ claves, et qualiter distinguantur? Ibi. num. 21 et 23. Quid sit clavis scientiæ, et quando conferatur sacerdoti. Ibi. n. 26. An quælibet divina persona habeat distinctas claves? Disp. 12, n. 30. Quo pacto potestas jurisdictionis dicatur clavis? Ibi. n. 31. An sacerdotes legis naturalis et scriptæ clavium potestatem obtinuerint? Ibi. n. 33. Potestas clavium, et sacerdotalis non convertuntur. Ibi. num. 34. Clavium potestas residet in omnibus sacerdotibus legis gratiæ, etiam hæreticis, degradatis,

schismaticis, et excommunicatis. Ibi. n. 37. Non tamen habent illius usum. Ibidem.

PRÆCEPTUM. Multa sunt ex divina institutione, quæ non cadunt sub præcepto divino. Disp. 8, n. 2. Præceptum divinum de confessione sacramentali. Ibi. num. 3. Præceptum Ecclesiasticum de eadem confessione. Ibi. num. 21 et 24. Præceptum annuæ confessionis est simpliciter humanum. Ibi. n. 24. Ecclesia potest abrogare præceptum annuæ confessionis, et in illo dispensare. Ibi. n. 27. Si non supponeretur præceptum divinum de confessione, non posset Ecclesia annuam confessionem præcipere. Disp. 8, n. 29. Ad quas personas extendatur annuæ confessionis præceptum? Ibi. n. 35. Comprehendit hæreticos, et apostatas. Ibi. Et publicas meretrices. Ibi. n. 37. An Summum Pontificem? Ibi num. 38. An pueros, et in qua ætate? Ibi num. 45. An senes octogenarios? Ibi num. 43. Præceptum annuæ confessionis solum obligat conscios peccati mortalis non confessi. Ibi n. 44. Fideles non habentes conscientiam peccati mortalis non obligantur ad comparandum coram Parocho. Ibi n. 45. Quomodo computandus annus ad satisfaciendum præcepto annuæ confessionis. Disput. 8, a num. 46. An una confessione possit satisfieri præcepto anni antecedentis, et præcepto anni sequentis? Ibi numero 49. Quid dicendum de eo, qui post confessionem incidit in novum peccatum mortale ante finem anni? Ibi n. 50. Quid de illo, qui post confessionem peractam recordatur alicujus mortalis nondum confessi. Ibi n. 51. Plures alii casus ad idem pertinentes. Ibi n. 53. An qui prævidet fore ut postea non possit adimplere confessionis annuæ præceptum, teneatur illam præmittere. Ibi n. 54. Quid de eo, qui prævidet se in articulo mortis non habiturum copiam confessarii; vel non habiturum memoriam peccatorum? Ibi n. 55. Huic præcepto satisficit per omnem confessionem validam, licet informem. Ibi n. 56. Non tamen per confessionem voluntarie nullam, sive sacrilegam. Ibi n. 57. Similitudo inter præceptum confessionis annuæ, et præceptum annuæ communionis. Ibi n. 59. Non satisficit huic præcepto per confessionem ob culpam occultam, et voluntarie nullam. Ibi n. 60. Qui sic confitetur, incurrit pœnas Ecclesiasticas positas contra

non confitentes. Ibi n. 63. Per confessionem nullam sine culpa pœnitentis, sed aliunde, non satisfit præcepto annuæ confessionis, Ibi n. 64. Causæ excusantes ab annua confessione. Disp. 8, n. 65, cum seq. Præceptum non obligat ad assecutionem finis, sed ad exhibitionem operis præcepti. Disp. 11, n. 62. Ex quibus capitibus vim obligandi amittat, vel conservet? Disp. 9, n. 20 et 26. Quæ præcepta negativa obligent semper, et pro semper. Disp. 9, n. 25.

PRÆLATI. Prælati nostri Ordinis possunt sub præcepto formali constringere ad confitendum Religiosum illum, qui per tres aut quatuor menses ad pœnitentiam non accessit. Disp. 8, n. 13 et 320.

PROPOSITIO. Aliquæ propositiones condemnatæ ab Alexandro VIII. In Comm. ad art. 2, q. 9, n. 4. An ista sit vera: *Confessio est Sacramentum Pœnitentiæ*. In Comm. ad art. 3, q. 90, n. 2. Aliæ propositiones damnatæ a Pio V. Disp. 7, n. 13. Aliæ. Ibi n. 15. Alia n. 21. Alia nu. 45. Aliæ n. 51. Aliæ n. 130. Aliæ damnatæ ab Alexandro VII. et Innocentio XI. Disp. 8, n. 55 et 56, et 59. Alia damnata ab Innocentio XI. Disp. 8, n. 105. Aliæ ab eodem damnatæ. Disp. 8, nu. 126. Alia ab Alexandro VII. Ibi n. 130. Aliæ ab Innocentio XI. Disp. 8, n. 181. Alia ab Alexandro VII. Disp. 8, nu. 207. Aliæ ab Innocentio XI. Disp. 8, n. 217. Alia ab eodem. Ibi n. 246. Aliæ n. 251. Alia disp. 10, n. 14. Aliæ disp. 8, n. 315. Alia Disp. 11, n. 32. Alia. Ibi n. 48. Alia. Disp. 12, n. 79. Alia. Ibi 83. Alia. Ibi n. 106.

PROPOSITUM. Propositum vitandi venialia pro eorum confessione requisitum, disp. 7, n. 143. An possit dari verum propositum vitandi omnia venialia? Ibi num. 144. An propositum ex unico motivo vitandi omnia peccata cesset per unius venialis commissionem? Ibi nu. 146, cum seq. An ex patratione alicujus mortalis? Ibi n. 194.

PRUDENTIA. Nequit imperare, aut dirigere actum ex aliquo capite malum. Disp. 8, n. 257.

PUERI. Obligantur præcepto annuæ confessionis, et in quo anno. Disp. 8, n. 41. An ab eo tempore obligentur ad communionem, et ad pœnas non confitentibus impositas? Ibi n. 42.

PURGATORIUM. Animæ in Purgatorio existentes non satisfaciunt, sed satisfaciuntur. Disp. 10, nu. 48. An possit pœnitens omittere satisfactionem sacramentalem in hac vita, animo solvendi pœnam debitam in Purgatorio? Disp. 21, num. 22.

Q.

QUALITAS. Quomodo fiat intensio, et extensio qualitatum. Disp. 7, num. 70.

R.

RAPINA. Est speciale peccatum, et ejus distinctio a furto. Disp. 8, num. 169.

RAPTUS. Quale peccatum speciale sit in genere luxuriæ. Disp. 8, num. 169.

REATUS. Reatus ad pœnam æternam non distinguitur realiter a macula, et illa ablata nequit non auferri. Disp. 7, n. 14 et 15.

RELIGIOSI. An religiosi possint obligari ad confitendum peccata venialia? Disp. 8, n. 31. An ad confitendum Prælato peccata jam alias aliis confessa? Ibi num. 32. An in confessione peccati incontinentiæ debeant explicare votum solemne, aut statutum? Disp. 9, num. 111. An in peccatis delectationis morosæ? Ibi n. 112. An si peccat cum persona ligata voto castitatis, debeat votum ex utraque parte explicari? Ibi numero 113. Religiosi nostri Ordinis nequeunt confiteri simplici Sacerdoti ejusdem Ordinis. Disp. 12, num. 74. Possunt tamen, dum itinerantur, confiteri sacerdoti simplici sæculari, vel alterius Ordinis. Ibidem.

RESERVATIO. An possint confiteri peccata non reservata, tacendo reservata, et e converso. Disp. 8, num. 218. Reservatio peccatorum cur fiat? Disp. 11, num. 71.

RESTITUTIO. Aliquando non obligat ob impossibilitatem per se loquendo illam faciendi. Disp. 8, n. 225.

RESTRICTIO. Restrictio, quæ non est pure mentalis, an sit prohibita? Disp. 9, num. 31.

S.

SABBATHUM. Quæ exigebantur in sanctificatione Sabbathi apud Judæos? Disp. 8, n. 173.

SACERDOS. Sacerdotes habent a Christo veram potestatem absolvendi a peccatis. Disp. 8, num. 3. Ad absolvendum a peccatis invincibiliter oblitis in aliis confessionibus non sufficit simplex sacerdos. Disp. 8, num. 208.

SACRAMENTUM. Sacramenta novæ legis constant rebus, et verbis, sicut ex materia, et forma. In Comm. ad art. 1, qu. 90. Fieri potest, quod Sacramenta mortuorum non producant primam gratiam, sed ejus augmentum, et quod Sacramenta vivorum producant non augmentum, sed primam gratiam. Disp. 7, num. 4. In usu Sacramentorum tenemur sequi tutiorem sententiam. Disp. 7, num. 52. Quæ sententia in hac parte dicatur tutior? Ibi num. 54. Eadem materia remota potest servire pluribus Sacramentis, si multiplicetur proxima. Disp. 7, numero 98 et 101. Differentia inter iudicium forense, et spirituale Sacramenti Pœnitentiæ iudicium. Ibi num. 100. Quæ præsentia, et coexistentia requiratur inter materiam, et formam Sacramentorum. Disp. 7, num. 113. In conficiendis Sacramentis nec ministris, nec suscipientibus licet sequi opinionem probabilioris, relicta tutiori. Ibi num. 131 et disp. 3, numero 258. Potest dari Sacramentum Pœnitentiæ validum, et informe. Ibi numero 265. Recta administratio Sacramentorum est de jure divino. Disp. 9, num. 12. Qui ordo servetur inter constitutionem Sacramenti, elevationem ad rationem instrumenti, et influxum in gratiam. Disp. 8, numero 268. Ministrare Sacramenta cum periculo nullitatis est grave sacrilegium. Disp. 12, num. 83. Qualiter Sacramentum suspendatur ab actuali gratiæ productione. Disp. 8, num. 304. Sacramentum Pœnitentiæ an recedente fictione causet gratiam? Ibi n. 310 et seq.

SACRILEGIUM. Circumstantia sacrilegii ex peccatis in loco sacro. Disp. 8, a n. 148 et n. 163.

SANCTI. Se exercebant in pœnitentia post peccata sibi certo remissa. Disp. 7, n. 98 et 101.

SATISFACTIO SECUNDUM SE. Quid sit? Disp. 10, num. 30. Ejus etymologia. Ibi num. 2. Multiplex illius divisio. Ibi num. 3. Qualiter Christus pro hominibus satisfecerit? Ibi numero 10. Potest purus homo gratia exornatus satisfacere de con-

digno pro pœna temporali debita proprio peccato. Ibi. num. 12, et seq. Satisfactio nostra non est ex rigorosa justitia. Disp. 10, num. 16. Justus potest de condigno satisfacere pro pœna temporali peccati alterius. Ibi. num. 24. Satisfactio unius justi pro pœna alterius infallibiliter acceptatur a Deo, etiamsi ille alter potens sit ut per se ipsum satisfaciatur. Ibi. num. 34 et 35. Nequit tamen eodem actu, et pro se, et pro alio satisfacere. Ibi. num. 37. Ut reus fiat immunis a debito, non sufficit quod alter offerat pro illo satisfacere, sed opus est ut de facto satisfaciatur. Disp. 10, num. 39. Minoris pœnæ assumptio sufficit ad satisfaciendum pro alio, quam ad satisfaciendum pro se. Ibi. num. 40. Ad satisfactionem requiritur libertas. Ibi. n. 41. Qualiter flagella, quibus a Deo punimur, sint satisfactoria pro peccatis? Ibi num. 43. Quo pacto satisfactio distingatur a satisfactione. Ibi. num. 44. Exposcit bonitatem moralem in actu satisfaciendi. Disp. 10, num. 45. Etiam statum viæ, et gratiæ. Ibi. num. 47 et 49. Requiritur intentionem satisfaciendi. Ibi. num. 54. Sufficit tamen virtualis intentio. Ibi. num. 55. Requiritur opus esse pœnale, ut sit satisfactorium. Ibi. num. 58. Opera magis pœnalia ex parte operis sunt magis satisfactoria, non autem ex parte operandis. Ibi. num. 59. Actus cadens sub præcepto est satisfactorium. Ibi. num. 60, et seq. Ex acceptance Dei sunt opera nostra satisfactoria ad æqualitatem. Disp. 10, n. 63. Quo pacto possibile sit satisfacere pro uno peccato, et non pro alio? Ibi. num. 64. Per exhibitionem pœnitentiæ in statu peccati adimpletur præceptum sacerdotis, non tamen satisfit Deo. Disp. 10, n. 65. Opus extra charitatem factum non fit satisfactorium adventu charitatis, num. 66 et seq. Ad satisfactionem requiritur pactum, vel promissio acceptandi ex parte Dei, n. 69.

SATISFACTIO SACRAMENTALIS. Quo sensu sit vera pars sacramenti pœnitentiæ. In Comm. ad art. 2, quæst. 90, num. 3. Non est necessarium exequi satisfactionem, antequam pœnitens absolvatur. Ibi. n. 4. Potest quis satisfacere pro alienis peccatis, sed non potest pœnitere. Disp. 7, num. 95. Satisfactiones majores olim imponebantur ex majore ipsorum pœnitentium fervore. Disp. 8, num. 96. Satisfactionis sacramen-

talís essentia. Disp. 11, num. 1. Potest, et debet sacerdos eam injungere pœnitenti. Ibi. num. 2 et 3. In quo casu excusetur ab ejus injunctione. Ibi. num. 5. Non excusatur ubi credit pœnitentem ante confessionem satisfecisse, nec ubi pœnitens nullam acceptare vult. Ibi. num. 6 et 7. Quid dicendum ubi scrupulosus semel absolutus iterum redit ad absolutionem? Disp. 11, num. 8. Quid tempore Jubilæi? Ibi. n. 9. Tenetur sacerdos sub gravi obligatione injungere satisfactionem pro mortalibus. Ibi. n. 10. Sub levi tamen ad illius injunctionem pro venialibus, et lethalibus jam confessis. Ibi. num. 11. Ad quæ dirigatur satisfactionis injunctio. Ibi. Non delinquit graviter pœnitens, qui omittit levem satisfactionem. Ibidem. Potest sacerdos cogere pœnitentem ad acceptandam satisfactionem, et pœnitens ad acceptationem tenetur. Disp. 11, num. 14 et seq. Unde hæc obligatio oriatur. Ibi. num. 20. Quod peccata committat, qui omittit satisfactionem sacramentalem? Ibi. num. 21. Qui non vult acceptare pœnitentiam rationabiliter injunctam, non censetur recte dispositus ad absolutionem. Ibi. num. 22. Nequit sacerdos obligare pœnitentem ad satisfactionem improporcionatam, et excessivam. Ibi. num. 23. Quonam modo sit proportionanda culpis, et fragilitati pœnitentis. Ibidem, et num. 24. Non tenetur pœnitens sub gravi obligatione ad acceptandam levem pœnitentiam pro venialibus. Ibi. num. 25 et seq. Tenetur graviter ad acceptandam gravem satisfactionem justis de causis impositam pro venialibus. Disp. 11, n. 28. Unde hæc obligatio proveniat. Ibi. n. 29 et 30. An possit pœnitens ante absolutionem declinare sacerdotem, cum quo confessionem inchoaverat, et alium audire, qui benigniorem pœnitentiam injungat? Ibi. num. 31. Quando satisfactio injungenda sit, an ante, vel post absolutionem? Ibi. num. 32. Quæ opera possint injungi ad satisfactionem? Ibi. num. 33 et seq. Potest sacerdos injungere in pœnitentiam opera debita ex præcepto. Ibidem, et disp. 10, num. 63. An injungi valeat pœnitentia publica pro peccatis publicis? Disput. 9, num. 23. Quid de usu injungendi publicas pœnitentias initio Ecclesiæ? Ibidem. An satisfactio imponi debeat præceptive, vel possit relinqui ad arbitrium pœnitentis? Disp. 11,

num. 37. An possit conditionate? Ibi. num. 28. Prudentia sacerdotis commendatur in injungendis satisfactionibus. Ibi. num. 37. Adimpletur præceptum sacerdotis exhibendo satisfactionem in statu peccati. Ibi. num. 39, disp. 10, num. 65. Differre pœnitentiam per annum est grave peccatum. Disp. 11, num. 42. Secus vero si per modicum tempus id fiat. Ibi. num. 43. An omittere pœnitentiam die a sacerdote præfixo sit peccatum? Ibi. num. 44. An elapso culpabiliter, vel inculpabiliter termino designato cesset obligatio adimplendi pœnitentiam? Ibi. num. 45 et seq. Nequit pœnitens proprio arbitrio substituere alium, qui satisfactionem sacramentalem pro se adimpleat. Ibi. num. 48. Id tamen potest ex sacerdotis arbitrio. Ibi. num. 50. Excusatur pœnitens a satisfactionis adimplerione per impotentiam physicam, vel moralem. Disp. 11, num. 72. Quando hujusmodi impotentia adsint? Ibidem. An qui obliviscitur pœnitentia, censeatur impotens ad illius adimplerionem? Ibi. num. 73, et seq. An impotens ad totam teneatur ad partem, quam potest? Ibi. num. 75. Per quam irritationem satisfactionis excusetur pœnitens ab ejus exhibitione? Ibi. n. 76. Nemo dispensare potest in satisfactione sacramentali. Disp. 11, num. 77. Per Jubilæum, aut indulgentias excusatur pœnitens a satisfactione ut punitiva delicti. Ibi. n. 78. Non tamen ut medicinali. Ibi. num. 79. Non excusatur pœnitens a satisfactione sibi injuncta exhibendo proprio arbitrio alia opera satisfactoria extra sacramentaliter. Ibi. num. 82 et seq. Satisfactio non solum obligat ut punitiva, sed etiam quatenus medicinalis. Disp. 11, num. 86. Quos effectus inducat ex opere operato? Disput. 11, dub. 5. Remittit pœnam temporalem ex opere operato. Ibi. n. 88. Importat auxilia ad præcavenda futura peccata. Ibi. n. 90. Non auget gratiam habitualement. Ibi. n. 91. In quo effectu distinguatur satisfactio sacramentalis a non sacramentali? Ibi. n. 100. Quamvis sacerdos injungat satisfactionem suo arbitrio omnino proportionatam culpis, non remittit totam pœnam debitam, si coram Deo non est omnino proportionata. Disp. 11, num. 101 et seq. An satisfactio sacramentalis consequatur effectum recedente fictione? Ibi. num. 104 et seq.

SCANDALUM. Quando circumstantia

scandali debeat in confessione explicari. Disp. 8, num. 159. Differentia hujus peccati. Ibi. num. 158.

SENES. An valde senes obligentur ad confessionem annuam? Disp. 8, num. 43.

SENTENTIA. Tenet sententia iudicis illegitimi, communiter, et publice existimati legitimi. Disput. 12, numero 80.

SIGILLUM. A quo dictum? Disput. 9, num. 1. Quid sit sigillum sacramentale? Ibi. num. 2. Quo pacto sit de essentia sacramenti? Ibi. num. 3. Qualiter oriatur ex jure naturæ. Ibi. num. 4 et seq. Non obligat ex solo jure Ecclesiastico, nec in eo valet Pontifex dispensare. Ibi. num. 9. Obligat ex jure divino. Ibi. num. 11. Quem finem respiciat? Ibi. Qualiter ejus observatio spectet ad rectam sacramenti administrationem? Disp. 9, num. 12. Qui contrahant ejus obligationem? Ibi. num. 15. Obligat ex jure divino naturali, et ex divino positivo. Ibi. num. 16. An qui revelat confessionem, mentiatur? Ibi. num. 17 et 30. Sigillum obligat in omni eventu etiam cum dispendio propriæ vitæ, et boni communis. Disp. 9, n. 19 et seq. Non licet revelare sigillum ob integritatem confessionis servandam. Ibi. num. 27. Potest sacerdos jurare se nescire, quæ audivit in confessione, et cur? Ibi. num. 31. Revelare confessionem indirecte est contrasigillum. Disp. 9, num. 33. An contrahat obligationem sigilli ille, cui de licentia pœnitentis revelatur confessio? Ibi. n. 59. Vinculum sigilli oritur ex sola, et omni confessione sacramentali, sive absolutione perficiatur, sive non. Ibi. num. 65 et seq. Non oritur ex confessione facta animo decipiendi ministrum. Ibi. num. 67. Nec ex confessione accedentis ad sacerdotem non tam animo confitendi, quam secretum aliquod commendandi. Ibi. num. 68. Oritur ex confessione facta fingenti se sacerdotem. Disp. 9, num. 69. Et ex facta laico cum ignorantia invincibili, quod in absentia sacerdotis possit absolvere. Ibi. n. 70. Pœnitens an teneatur ad sigillum? Ibi. num. 73. Quid de interprete? Ibi. n. 74. Quid de consiliario? Ibi. num. 77. Quid de Prælato, cui revelatur confessio, ut concedat facultatem absolvendi a reservatis? Disp. 9, num. 79. Sigillo ligatur quicumque vel actu, vel casu, vel ex necessitate confessionem audit. Ibi. num. 80. Sub sigillo

cadunt omnia peccata tam lethalia, quam venialia quoad numerum, species, et circumstantias. Ibi. num. 81. Non tamen venialia sumpta in genere. Ibi. n. 82. Quid de peccatis publicis? Ibi. n. 87. Quid de peccato futuro? Ibi. num. 84. Indirecte cadunt sub sigillo omnes defectus pœnitentis, qui ratione peccati manifestantur in confessione. Ibi. n. 85. Cadunt etiam omnia ea, per quæ peccatum, et peccator deprehendi possunt. Ibi. num. 86. Qualiter sacerdos respondere debeat, ubi interrogatur an talem pœnitentem absolverit? Disp. 9, num. 88. Quo pacto sacerdos loqui valeat de peccatis in tali civitate, oppido, aut Religione sibi confessis, non detegendo personam. Ibi. num. 89. An virtutes, et alia dona cadant sub sigillo? Ibi. num. 90. Quid de scrupulis? Ibi. num. 91. Quot, et quæ peccata committantur in violatione sigilli? Disp. 9, dub. 7. Materiæ parvitate non admittit. Ibi. num. 99. Quas pœnas incurrat violator sigilli? Ibi. num. 102.

SODOMIA. Commissa cum masculo est diversæ rationis ac commissæ cum fœmina, et debet in confessione explicari. Disp. 8, num. 104 et 134. Circumstantiæ explicandæ in hoc peccato. Ibi. num. 139.

SPECIES. Species peccatorum in confessione explicandæ. Disp. 8, num. 73. Quæ species sit primaria in peccato? Ibi. num. 75. Qualiter consideranda eorum distinctio? Ibi. num. 76. Circumstantiæ variantes speciem peccati, aut non variantes. Vide *Circumstantia*. Speciem peccati non variant diversarum bestiarum species. Disp. 8, num. 104. An idem dicendum de sodomia cum masculo, et cum fœmina? Ibi.

SPONSUS. An sponsus, vel sponsa, si fornicentur cum alia persona, debeant suum statum manifestare in confessione? Disp. 8, n. 115.

STUPRUM. In quo consistat malitia hujus peccati? Disp. 8, num. 116.

SUPERNATURALIA. Quibus modis contingat aliquid esse, aut dici supernaturale? Disp. 7, num. 7. Supernaturale quoad substantiam, et supernaturale quoad modum. Ibi. et num. 21. Magis cognoscibilis est operationis supernaturalitas, quam efficacia. Disp. 7, num. 25. An omnia supernaturalia cognosci possint lumine naturali? Disp. 9, num. 6 et 7.

T.

TEMPLUM. Reverentia templis debita, et contra ea sacrilegia. Disp. 8, num. 150. Vide *Locus*. Templorum immunitas, et peccata contra illam. Disp. 8, num. 155.

TEMPUS. An varietur species peccati ex tempore, in quo committitur. Disp. 8, n. 172.

TIMOR. Quid sit timor, et multiplex ejus divisio. Disp. 7, num. 32. Timor servilis est actus honestus, et multum conferens ad salutem. Ibi. num. 33. Impedit peccata non solum externa, sed etiam interna. Ibi. num. 34. Non pluris facit pœnam, quam culpam, nec retinet affectum conditionatum ad objectum peccaminosum. Ibi. num. 35 et seq. Non omnia, quæ timore fiunt, sunt involuntaria secundum se, nec terminant simplicem nolitionem. Ibi. num. 37. Differentia inter timorem carnalem, et honestum. Ibi. num. 46. Datur timor servilis efficax excludens omnem actualem voluntatem peccandi. Ibi. et a num. 47. Timor servilis an habeat servilitatem objectivam, et formalem? Disp. 8, n. 296 et seq. Duplex est servilitas objectiva. Ibi. n. 298.

V.

VENIALIA. Qualis dolor requiratur ad remissionem peccatorum venialium in sacramento pœnitentiæ? Disp. 7, num. 68. Peccata venialia sunt materia sufficiens sacramenti pœnitentiæ. Disp. 7, num. 88, et num. 130. Non consistunt in solo reatu ad pœnam, et manente reatu ad pœnam possunt remitti quantum ad culpam. Ibi. num. 89. Principales differentiæ venialium a mortalibus. Disp. 7, num. 126. Modus remissionis eorum, et forma, per quam expelluntur. Ibi. num. 127. Ad eorum remissionem præsupponitur gratia sanctificans. Ibi. num. 128. Radix ut quædam remittantur aliis non remissis. Ibi. n. 129. Pro remissione venialium in sacramento pœnitentiæ non sufficit simplex displicentia, sed requiritur verus dolor. Ibi. num. 130. Confiteri sola venialia absque dolore illorum, est peccatum mortale. Disp. 7, num. 133. Quid si alia cum dolore, et alia sine illo? Ibi. num. 135 et seq. Cur confiteri unum veniale sine dolore cum aliis, de quibus pœnitens dolet, non sit peccatum mortale; et apponere unam hostiam non triticeam inter alias consequendas, mortale sit? Ibi. num. 137. Qui

aliqua venialia confitetur sine dolore, non tenetur id exponere confessario. Ibi. num. 140. An quod pœnitens imponat sibi aliquod veniale, quod non fecit, sit peccatum mortale? Ibi. num. 141. Pro venialium confessione requiritur propositum illa vitandi. Disp. 7, a num. 143. An possimus concipere verum propositum vitandi omnia venialia, cum omnia vitare non possimus? Ibi. n. 144. Non est validum votum vitandi omnia venialia. Ibi. n. 145. An propositum vitandi omnia venialia innitens uni motivo irritetur, ubi quis venialiter peccat? Ibi. n. 148. An confessio venialium possit cadere sub Ecclesiæ præcepto? Disp. 8, n. 30. An confessio venialium cum simplici sacerdote sit nulla? Disp. 12, num. 73 et seq.

VERECUNDIA. Verecundia in confitendo peccata multis bonis compensatur. Disp. 8, num. 19. Summa verecundia in explicando peccata non excusat ab integritate materiali confessionis. Disp. 8, num. 256.

VERBUM. Verba prolata absque usu rationis non sunt formaliter verba. Disp. 7, a num. 109.

UBI. Quæ circumstantia sit in peccatis, et quando inducat speciem sacrilegii? Disp. 8, num. 148.

UNITAS. Unitas et distinctio numerica peccatorum. Disp. 8, a num. 77.


VIRGINITAS. An circumstantia amissæ virginitatis debeat in confessione explicari? Disp. 8, a n. 116. Virgo si inconsultis parentibus nubat, peccat mortaliter. Ibi. n. 119.

VIRTUS. An sit virtus divina elevans multipliciter in partibus sacramenti. In Comm. ad art. 1, quæst. 90, num. 2.


VOLUNTAS. Non omnia, quæ ex metu fiunt, sunt secundum se involuntaria. Disp. 7, num. 37. Voluntas peccandi potest excludi per aliquam attritionem. Disp. 7, n. 45.

VOTUM. An sit validum votum vitandi omnia venialia? Disp. 7, num. 145. An votum solemne castitatis differat specie a simplici, et debeat ab incontinenti in confessione explicari? Disp. 8, num. 111. Ligatus voto, qui alios inducit ad turpia, agit contra castitatem, et debet in confessione illius peccati explicare votum. Ibi. n. 112. Ligatus eo voto si agat turpiter cum persona habente simile votum, debet utrumque aperire in confessione. Ibi. num. 113. In violatione voti juramento firmati sunt duæ malitiæ specie diversæ. Ibi. num. 147.

LAUS DEO







rsus theo-
1098

THE INSTITUTE OF MEDIAEVAL STUDIES
10 ELMSELEY PLACE
TORONTO 5, CANADA.

1098.

